

ভারতবর্ষ


—সম্পাদক—শ্রীকলীন্দ্রনাথ মুখোপাধ্যায় এম্.এ
সূচীপত্র

অষ্টত্রিংশ বর্ষ—প্রথম খণ্ড ; আঘাট—অগ্রহায়ণ ১৩৫৭

লেখ-সূচী—বর্ণানুক্রমিক

স্বপ্নান (কবিতা)—শ্রীশ্রীকলীন্দ্রনাথ মুখোপাধ্যায়	...	২৮০	চণ্ডিকা (কবিতা)—শ্রীহানিরামি দেবী	...	৪০১
স্বপ্নান (কবিতা)—শ্রীশ্রীকলীন্দ্রনাথ মুখোপাধ্যায়	...	২৮	চাহিদা (গল্প)—শ্রীজ্যোতির্ষ্ম সেনগুপ্ত	...	১২১
স্বপ্নান (কবিতা)—শ্রীশ্রীকলীন্দ্রনাথ মুখোপাধ্যায়	...	১০৪	অনন্ত (গল্প)—শ্রীপৃথ্বীচন্দ্রচট্টোপাধ্যায়	...	২৭১
শ্রী এই মারা... কবিতা)—শ্রীঅমৃতোব সাত্তাল	...	৪০০	অনন্তের হৃদয় (আলোচনা)—শ্রীহৃদয়কল চট্টোপাধ্যায়	...	২২৭
শ্রীকলীন্দ্রনাথ বন্দ্যোপাধ্যায়	১১২, ২০০, ২৮১, ৪০০, ৪৮৪		অর্জ বার্গার্ড শ' (প্রবন্ধ)—শ্রীকৃষ্ণচন্দ্র গঙ্গোপাধ্যায়	...	৪২৭
শ্রীকলীন্দ্রনাথ বন্দ্যোপাধ্যায়	৪৬৪		জাতীয় সঙ্গীত (সঙ্গীতালোচনা)—শ্রীদিলীপকুমার রায়	...	২২৮
শ্রীকলীন্দ্রনাথ বন্দ্যোপাধ্যায়	১		জগৎপতির পথে (অরণ কাহিনী)—সরেন্দ্র বৈদ্য	...	১৩
শ্রীকলীন্দ্রনাথ বন্দ্যোপাধ্যায়	৩৮৬		জীব (কবিতা)—শ্রীকুমারচন্দ্র মলিক	...	৩১২
শ্রীকলীন্দ্রনাথ বন্দ্যোপাধ্যায়	১৮১		তোমারে প্রণাম (কবিতা)—বিজয়লাল চট্টোপাধ্যায়	...	৪৫২
শ্রীকলীন্দ্রনাথ বন্দ্যোপাধ্যায়	৪০৮		দেবতার পরিণাম (কবিতা)—শ্রীকালিদাস রায়	...	২১৫
শ্রীকলীন্দ্রনাথ বন্দ্যোপাধ্যায়	২১৮		দুইটি ঘটনার কথা (নন্দা)—বনমত লিখিত	...	৩৬
শ্রীকলীন্দ্রনাথ বন্দ্যোপাধ্যায়	২৪		দুনিয়ার অর্থনীতি (প্রবন্ধ)—শ্রীভানুশঙ্কর বন্দ্যোপাধ্যায়	২১৬, ৪০২	
শ্রীকলীন্দ্রনাথ বন্দ্যোপাধ্যায়	৪৭৭		দুর্ঘটনা (প্রবন্ধ)—শ্রীরবীন্দ্রনাথ রায়	...	৩৭৩
শ্রীকলীন্দ্রনাথ বন্দ্যোপাধ্যায়	৩৬২		দেবী পূজা (কবিতা)—শ্রীশ্রীকলীন্দ্রনাথ মুখোপাধ্যায়	...	৩৪৭
শ্রীকলীন্দ্রনাথ বন্দ্যোপাধ্যায়	৫০০		দেশ বিদেশ—শ্রীহেবেলপ্রসাদ ঘোষ	...	৪০৬
শ্রীকলীন্দ্রনাথ বন্দ্যোপাধ্যায়	৩২৯, ৩৬৬		দায়মণ্ডল (উপভাস)—		
শ্রীকলীন্দ্রনাথ বন্দ্যোপাধ্যায়	৩৬৫		তারাপকর বন্দ্যোপাধ্যায়	৫২, ১৪৫, ২৩৫, ৩০৭, ৩৫৭ ৫১৭	
শ্রীকলীন্দ্রনাথ বন্দ্যোপাধ্যায়	৩৮৭		বিজয়লাল রায় (আলোচনা)—		
শ্রীকলীন্দ্রনাথ বন্দ্যোপাধ্যায়	৩৭৭		শ্রীবিজয়রত্ন মজুমদার	...	২২
শ্রীকলীন্দ্রনাথ বন্দ্যোপাধ্যায়	৪০৪		অব প্রকাশিত পুস্তকাবলী—	৮৮, ১৭৬, ২৩৪, ৩৫২, ৪৫৬, ৫৪২	
শ্রীকলীন্দ্রনাথ বন্দ্যোপাধ্যায়	৫৩০		নির্জীবনের পরিচয় (প্রবন্ধ)—শ্রীশান্তীন্দ্রনাথ বিদ্যাস	...	৩৬৬
শ্রীকলীন্দ্রনাথ বন্দ্যোপাধ্যায়	৪২১		পশ্চিম বাংলার আখের চাষ (প্রবন্ধ)—		
শ্রীকলীন্দ্রনাথ বন্দ্যোপাধ্যায়	৩৭৪		শ্রীমদুল্লারতন বন্দ্যোপাধ্যায়	...	২৮২
শ্রীকলীন্দ্রনাথ বন্দ্যোপাধ্যায়	৪০৪		পালকবংশী ও মদনপাল ও গোবিন্দলাল (ঐতিহাসিক প্রবন্ধ)—		
শ্রীকলীন্দ্রনাথ বন্দ্যোপাধ্যায়	৫৩০		ডক্টর শ্রীশ্রীকলীন্দ্রনাথ সরকার	...	৪৩
শ্রীকলীন্দ্রনাথ বন্দ্যোপাধ্যায়	৪২১		পূজার চিঠি (কবিতা)—সুমারী মনমোহন দেব	...	৫২১
শ্রীকলীন্দ্রনাথ বন্দ্যোপাধ্যায়	৩৭৪		পূর্ববঙ্গের আঙ্গুর আর্ষী সমস্তা (৩) (প্রবন্ধ)—		
শ্রীকলীন্দ্রনাথ বন্দ্যোপাধ্যায়	৪০৪		শ্রীভানুশঙ্কর বন্দ্যোপাধ্যায়	...	৩২
শ্রীকলীন্দ্রনাথ বন্দ্যোপাধ্যায়	৫৩০		পূর্ব আফ্রিকার অরণ (অরণ-কাহিনী)—		
শ্রীকলীন্দ্রনাথ বন্দ্যোপাধ্যায়	৪২১		ব্রজচরী রায়চন্দ্র	...	২০৮
শ্রীকলীন্দ্রনাথ বন্দ্যোপাধ্যায়	৩৭৪		প্রবর্তনী তাম্র (কবিতা)—শ্রীশ্রীকলীন্দ্রনাথ মুখোপাধ্যায়	...	২৩৪
শ্রীকলীন্দ্রনাথ বন্দ্যোপাধ্যায়	৪০৪		প্রাচ্যে শক্তি-সংঘাত (প্রবন্ধ)—অমল কল	...	২৩১
শ্রীকলীন্দ্রনাথ বন্দ্যোপাধ্যায়	৫৩০		সুন্দরমণির গীত (অরণ-কবিতা)—শ্রীশ্রীকলীন্দ্রনাথ মুখোপাধ্যায়	...	২০৩

ভারতবর্ষ



শিল্পী—শ্রীতাপসকুমার দত্ত.

শকুন্তলার অভিশাপ

ভারতবর্ষ প্রিন্টিং ওয়ার্কস্



শিক্ষাটেকত্রে ভাইরেক্ট অ্যাকসন

শুকগতে দাঙ্গা নাগিয়া গিয়াছে । দাবীর কথা—“মারকে লেপা জ্ঞান ভাণ্ডার”—



০৫.০১
প্রাপ্ত

৩৮শ বর্ষ, ১৯১৩ আষাঢ়-১৩৫৭
১৩৫৭, ২য় ক্রমিক

Ottarampara Jaikrishna Public Library.

Accon. No. ১৬৭৬ Date ১৬.১.৭৬

প্রথম খণ্ড

অষ্টত্রিংশ বর্ষ

প্রথম সংখ্যা

আস্তিক্য-বুদ্ধি

শ্রীকেশবচন্দ্র গুপ্ত

মানব-প্রকৃতির মূলে পরিলক্ষিত হয় দারুণ অতৃপ্তি। অতি
ল বিচারেও বোঝা যায়, এ অতৃপ্ত চিত্তের বৈধ ভাবের
নির্বাচ্য পরিণাম। মানুষ বিকল-ধর্মী। অথচ আজ
দীর্ঘ-জগতে মানবের সমস্ত অপরূপ।

মানুষের কতকগুলি বৃত্তি পণ্ডর সন্দে সমান। কিন্তু সে
বৃত্তির ভোগে বা সাকল্যে তার তৃপ্তি নাই। অতি উপাদেয়
জ্ঞান তার আহারের বৃত্তিকে তৃপ্ত করে, কিন্তু পূর্ণ
মনকে সোয়াস্তি দেয় না। বরং তার ক্রমিক তৃপ্তি
গর্জন-বৃত্তির দমনে। কারণ ভোগ ও বেদনার অহুত্ব
তে। দেহের প্রভাব মনের উপর অজস্র। অথচ
নসিক ও আধ্যাত্মিক সুখের সন্ধান পাওয়া যায় প্রবৃত্তি-
নের কতিপয়ে। শাসনে বিজয়-সুখের অহুত্ব। পণ্ড-
উ চরিতার্থেও মানুষ সুখ পায়, কিন্তু তাতে পরিতৃপ্ত
না।

বাহিরের প্রবৃত্তির গোপন গহনে মানুষের প্রবৃত্তির আর
একটা ক্ষেত্র আছে। তার ভাবের প্রেরণা সে বোঝে, কিন্তু
তার পূর্ণ পরিচয় মানব পায় না। সেই পরিচয় না-
পাওয়া তার অতৃপ্তির মূল হেতু। বিশাল বিশ্ব তার সংসার, এ
অস্পষ্ট ধারণা শিশু হ'তে অতি জ্ঞানীর চেতনার পটভূমি।
মৌমাছি ফুলের রঙে আকৃষ্ট হয় তার অন্তরের মধু-পানের
আকাঙ্ক্ষায়। মধুহীন পুষ্পে সে কমণীয়তা দেখে না।
সকল ফুলের মাধুরী পতনকে আকর্ষণ করে না। ফুলের
আকর্ষণের ভূমি মানুষের চিত্ত। সে জানে না সেখায় কা
অতৃপ্তি বিচ্যমান—যার নিরাকরণের জন্ত মানব-প্রকৃতি তার
আপনাকে পরের মাঝে প্রসার করতে। কতক পদার্থ,
কতক অবস্থা তাকে টানে। আবার অনেক পদার্থ, বহু-
ভাব, নানা পরিস্থিতি তাকে ক্ষুধ করে। যা প্রেরণ মানুষ
তার সন্ধানী, অপ্রিয়ের উপর সে বিচিষ্ট। মানুষের

জীবন-যাত্রা সুরু হলেই, এই ইচ্ছা ও ঘেঘের বন্দ তাকে মোহিত করে। প্রিয় বা অপ্রিয়ের ধারণা অবশ্য প্রত্যেকের বিভিন্ন।

আজ যাকে মানুষ প্রিয় ভাবে, তাকে পেলেই কি সে ভুট্ট হয়? সে এক আকাঙ্ক্ষার সীমানায় পৌঁছে, আবার পরিখার বাহিরে মনোরম ভূমির সঙ্কেতে চঞ্চল হয়। ভাবে যে আরো আছে তার প্রিয়তর। তখন আবার তার যাত্রা হয় সুরু। ভাবে বাতাস উঠুক তুফান ছুটুক ফিরবে নাকো আর। কিন্তু অজানা দেশে যাত্রার শেষে যথা পূর্ব তথা পরম্।

মানুষের এক প্রকৃতি তাকে ক্ষুদ্র আমিষের মধ্যে ঘিরে রাখে, আর এক প্রকৃতি সে আমিষকে অতিক্রম করে। সে প্রকৃতি শাস্তি চায়, অথচ অশাস্ত। কারণ মানবের সুখ অল্প নয়, কুমায়। তাই সে অহরহ—প্রসার চায়, বাড়তে চায়, নিজের মধ্যে পূর্ণতা চায়।

মানুষ চিরদিনের যাত্রী, অনাগরিক। সে পথের মাঝে বাসা বাঁধে। ক্ষুদ্র প্রয়োজন সিদ্ধ হলে আবার আয়োজন করে পথ-চলার। মানবের প্রবৃত্তিগুলো ক্ষণে ক্ষণে লক্ষ্য হারায়। ভ্রাম্যমান পরিশ্রান্ত ক্ষণিক বিশ্রাম করে। কিন্তু ক্লান্তিকে ফিরিয়ে পাবার জন্তই যেন সে আবার ছোট্টে নতুন কুলের সন্ধানে। অদূরে জেগে ওঠে কুল—শান্তির ছায়া-শীতল। বিপুল পরিশ্রমের প্রেরণা আসে—হৃদয়ে আশা, মনে শেষের স্বপ্ন, প্রাণে আশ্রয়ের লোভ। পথে নানা ভরস্ব এসে নাচার, কোনোটি অক্ষুণ্ণ, কেহবা প্রতিকূল। ঝড় ওঠে, আবার স্রষ্ট বায়ু বয়। আকাশ-প্রাবিত হয় বিভিন্ন সঙ্গীতের সুরে। কেহ বলে—ফেরো ফেরো। কেহ গায়—এগিয়ে যাও, শীঘ্র পাবে চির-শান্তি, চির-জ্যোৎস্না-প্রাবিত দেশ যাত্রার শেষে বিরাজিত। কিন্তু কুলে পৌঁছে বোঝে—পথের কষ্ট পশুশ্রম। কোথায় শান্তি? কোথায় তৃপ্তির অমৃত-রস? ধূ ধূ করছে বালু-বেলা। অটহাস্ত করছে প্রতি বালু-কণা। শ্রান্ত পথিক আবার অদূরে দেখে মরীচিকা। আবার সেই পথে ছোট্টে।

আমরা মনের গোপনে শান্তির আহ্বান শুনি, কিন্তু চারিদিকে দেখি চিরন্তন সংগ্রাম। আমাদের এক ধর্ম চায় শান্তি, অস্ত্র বতাব চায় বৈরিতা—বিশ্ব-বিজয়ের

প্রেরণায়। জীবনের যে পথে চলি, যেদিকে তাকাই, সচল জগতের যে প্রক্রিয়া পর্যালোচনা করি, তারই মাঝে দেখি প্রতিযোগিতা—একের উচ্ছেদে, অস্ত্রের স্রষ্ট, গুটি ও তুটি। সংহারের তেরী বাঁধন ছেঁড়ে, আবার নতুন বাঁধনের হয় রচনা।

কিন্তু অবিরত আশ্বাসের মাঝে একটা সত্যের উপলব্ধি হয়—বিশ্বের কোনো অংশ, অস্ত্র বিভাগ হতে বিচ্ছিন্ন নয়। চাঁদ ওঠে, সাগরে জোয়ার আসে। বাতাস বয়—ওকনো পাতা ঝরে নতুন পল্লবকে স্থান দেবার জন্ত। পাখী গাছের ডাল ভাঙে নিজের গৃহ রচনার তাগিদে। তার পরিণামে তরু হয় শুষ্ক-শাখার আবর্জনাযুক্ত। বৃক্ষ প্রসারের সুবিধা পায়। বিশ্ব একটা প্রকাণ্ড পরিবার। পাখীর সুখ ভোজনে এবং পিয়া-মিলন-আশার সঙ্গীতে। ক্ষুদ্র মানুষও নিজের মধ্যে আবদ্ধ। কিন্তু তার মাঝে এক বৃহৎ মানুষ আছে, যার অতৃপ্তি সনাতন, বিশ্ব-বিজয়ের ছুরাকাঙ্ক্ষা ছবিসহ। এক অদম্য শক্তির সে অধিকারী। একে গীতা বলেছেন—পৌরুষং নৃষু। সেই মনুষ্য এক অজানাকে জানবার সাধনায় ব্যস্ত। অথচ, সে কথা সে স্পষ্ট বোঝেনা।

এই পৌরুষ বিশ্বের মূল-স্বত্বের সন্ধানী। তার জন্ত জানে ও অজানে, অস্ত্রের এক শক্তির তাড়নায়, মানুষ সদাই পরিশ্রম করছে। যে দুর্বল সে পদে পদে পথ-চলার শ্রান্তিতে, নিরাশার কুহেলিকায় আবৃত হ'য়ে—পথ হারায়—বিশ্রাম চায়—সংগ্রামের পরিশ্রম এড়াতে চায়। কিন্তু উচ্চমহান কর্মহীন থাকতে পারে না। বোঝে—আলসে শান্তি নাই। নিরাশার ব্যক্তির ইঞ্জিয়-গ্রাহ-তৃষার নিবৃত্তি হ'লেও তার রসের প্রতি অস্ত্রাগ লোপ পায় না। গীতার শিক্ষা, সে রসের নিবৃত্তি হ'তে পারে পরমের সাক্ষাতে। অলসও মনের মধ্যে গান শোনে—আরাম হ'তে ছিন্ন ক'রে, সেই গভীরে লওগো মোরে অশান্তির অস্তরে যেথা শান্তি স্মহান।

একই লোক কড় হয় কুয়াশা-পরিবৃত, কড় হয় কর্মরত, কড় বোঝে দিব্যজ্ঞানের রশ্মি উদ্ভাসিত করছে তার অন্তস্তল। আলোর সন্ধান, কর্মের প্রেরণা এবং মোহের আবরণ—এই ত্রিধারায় সংসারের শোভস্বতী পুট।

তাই আমাদের পথচারিতার বিশেষত্ব এই যে আমরা জোয়ার ভাঁটার বিপরীত শোভে অব্যবহ-চিত্ত কর্ণধারের

হাতের নৌকার মত। রাজে পথ-হারা পাছের মত
প্রান্তরের একই স্থলে ঘুমে কিরে পৌছাই। অর্ধ-সংগ্রহ
ক'রে দেখি, অর্ধে শাস্তি নাই। শেষ শাস্তি। পরে দেখি
যশ আহরণের চরম পরিণাম নিরাশা। তবু চাই নূতন
ধন, নিত্য নবীন যশ। বন্ধুত্বের মাঝে দেখি কুটিলতা,
দাক্ষণ স্বার্থের সংঘর্ষণ। এক বন্ধু শত্রু হয়, আবার অন্তের
মিত্রতা করি। এ রীতি চলে সর্বদিন সর্ব বিষয়ে।

কিন্তু শিশুকাল হতে চিরকাল মানুষ একটা তত্ত্ব কুটিয়ে
তোলে জীবনে। এ প্রকাণ্ড বিশ্বে বিচ্ছিন্ন হয়ে একেলা
থাকবার তার তিলার্ক স্থান নাই। • দলের মধ্যে নিজেকে
প্রসার না করার অনিবার্য পরিণাম উচ্ছেদ। ইচ্ছা ও
দেহ উভয়েরই মূলে আছে জানবার বাসনা, প্রসারের ইচ্ছা।
শত্রুর পূর্ণতাকে ঘেঁষ করি। কিন্তু তাকে জানবার বাসনা
অদম্য। সেই বাসনার ফলে হয়, শত্রু শক্তির অংশের
প্রতি প্রেম, বাকীটুকুর প্রতি ঘেঁষ ও হিংসা। বাঘকে
সহজে মানুষ ঘৃণা করেছে নৃশংসতার জন্য, কিন্তু তার
বিক্রমের প্রেমে চিত্তকে প্রফুল্ল করেছে। আদর্শ নরকে
বলেছে শাদুল-বিক্রম, নর-শাদুল।

জড়বাদী বলবে এই প্রেমের প্রসার মানুষের পক্ষে ছিল
অত্যাশঙ্কক নিজের আত্মরক্ষার তাগিদে। শাস্ত্র বলে, তার
এ প্রসারণ-প্রবৃত্তি এলো যে মূল থেকে, তারই শক্তির
প্রকাশ এই প্রেম। নিশিদিন মানুষকে টানছে পূর্ণতার
প্রেরণা। তারই ফলে সে বুঝেছে যে তার সত্তার অস্তিত্ব
থাকবে না বিশ্বের অন্য অংশের সঙ্গে মিতালী না করলে।
পরের শক্তি তার শক্তির পুরক, যদিও এ সত্য ভুললে
নিজের শক্তির বিলোপ অবধি সম্ভব। পাথর কঠিন
কঠোর। কিন্তু সে গৃহরূপে মাতৃ-স্নেহে আশ্রয় দিয়েছে
আদিম বনচারী নরনারীকে, বাঘ, ভল্লুক, সর্প ও গৃধের
অভিযান হতে। মানুষকে মানুষের সঙ্গে মিতালী করতে
হয়েছে, আততায়ীর আক্রমণ প্রতিরোধ করবার মানসে।
ব্যক্তি অতিরিক্তি, ক্ষুদ্র আমিত্বের কণিক তৃপ্তির বেড়াঙ্গল
আদিম যুগ হতে নর-জাতির নিমূলের হেতু হ'ত। আদি
কালের দীর্ঘ-দন্ত শাদুল, প্রকাণ্ড গণ্ডার বা অতিকায়
সরীসৃপের সাথে ঘোঝবার উপযোগী কোনো অস্ত্রে ভূষিত
করেননি বিধাতা আদিম মানবকে। সজ্জ্বর আশীর্বাদে
মানব-জাতি আত্মরক্ষার রণে বিজয়লাভ করেছে। দল

বাধার বাসনা তার সংস্কার। বিশ্বের মধ্যে নিজেকে প্রসার
করবার ইচ্ছা তার গহন চিত্তের সম্পদ।

একদিকে পূর্ণতা লাভের প্রেরণা, অন্যদিকে বা কণ-
ভঙ্গুর, বা নয় সনাতন, বা গতকাল ছিল না আগামী দিনেও
থাকবে না তার পিছনে দৌড়ানো—এই বৈধ-ভাব, এই
বিরোধ-ধর্ম জীবের সহজ সংস্কার। আজ মানুষ উন্নত
হ'য়েছে। সে প্রকৃতির মাঝে নিজের স্থান পেয়েছে এবং
প্রকৃতির বহু রহস্য নিজস্ব করেছে, তবু আরো জানবার,
আরো পাবার, আরো প্রসারের আহ্বান তার হৃদয়ের
উৎস মুখ হতে সদাই উদ্গত। সে আহ্বান যেমন শিশু
ও বনচারী শোনে, তেমনি মহাযোগী মহাজানী শোনে।

সে আহ্বান নির্দেশ করে এক প্রচণ্ড অনাদি অনন্ত
শক্তিকে। কী সে শক্তি—আমার সাথে যার অবিচ্ছিন্ন
সম্পর্ক বিস্তমান? আর কী সে সম্পর্ক? আদিম বনচারী
প্রকৃতির রুদ্র মূর্তিতে ভয় পায়, শান্ত মূর্তিতে শাস্তি পায়।
অঞ্চ বোঝে তারা একই বিরাট শক্তির বিভিন্ন বিকাশ।
অতি বুদ্ধিমানও বিশ্বে বিরাট শক্তির সন্ধান পায়, কিন্তু
তাকে বলে অক্ষশক্তি। তার স্বরূপ জানবার উৎসুক্য
সাধারণ। সবারই মনে প্রশ্ন ওঠে—“কে সে? জানিনা
কে। চিনি নাই তারে, শুধু এইটুকু জানি, তারি লাগি
রাত্রি অন্ধকারে চলেছে মানব যাত্রী যুগ হতে যুগান্তর পানে,
ঝড় ঝঞ্ঝা বজ্রপাতে, জ্বালায়ে ধরিয়া সাবধানে অস্তুর
প্রদাপথানি।”

অস্তুর প্রদীপ সবারই জ্বলে ওঠে। কে জ্বালায়, কেন
জ্বলে—এই সমস্তার সমাধানে দেশে দেশে, যুগে যুগে,
কালে কালে প্রচার করেছেন বাণী—সাধু সন্ত দ্রষ্টা
ও অবতার।

এ দেশের কৃষ্টি বীরের মত এ সমস্তার সম্মুখীন হয়েছে
বহুকাল। ঋষিরা বিভিন্ন উপনিষদে, এই বিরুদ্ধ স্বভাবের
বধেই কারণ নির্দেশ করেছেন। জগতের এই দ্বন্দ্ব ও
মিলন, সূখের পর দুঃখ, দুঃখের পর সূখ, বিষয়-বিষের
প্রকৃতি জেনেও সদা সেই হলাহল পানের তৃষা এবং যা
কণিক তার চাকচিক্যে মুগ্ধ হয়ে পরকণে নিরাশার
কথাঘাত সহ্য করবার প্রবৃত্তিকে আর্ধ্যশাস্ত্র নাম দিয়েছেন
—মায়্যা। এ মায়্যা প্রকৃতির উপাধি, কারণ প্রকৃতি
ত্রিগুণময়ী।

শ্রীমদ্ভাগবতগীতা সকল উপনিষদের সার। উপনিষদ গাভী, দৌদ্ধা গোপাল-নন্দন, পার্থ বৎস, স্মৃধী মহান গীতামৃত ছুন্দের ভোক্তা।

গীতায় মাহুকের প্রকৃত স্বভাব, তার আচরণ, সংস্কার, স্পৃহা এবং অন্তর বাহিরের নিত্য সংগ্রাম উপেক্ষিত বা লাহিত হয়নি। এ শাস্ত্রে জীবনের সাধারণ গতি ও সহজ সমস্তার বর্ণনা আমাদের অন্তরের তারে ঝঙ্কার দেয়। তাই গীতা পাঠে তৃপ্তি। সাধারণ পথ-প্রদর্শকের মতো শ্রীকৃষ্ণ মাত্র বীজমন্ত্র বা তপস্তার উপায় নির্ধারণ ক'রে ক্ষান্ত হননি। বৈরাগ্য-সাধন তাঁর শিক্ষা নয়। বিফলতা মাহুকে বিকল করে, বিদ্রোহী করে। গীতা তেমন সমস্তার কারণ নির্ণয় করেছেন। আশ্র-জ্ঞানই অব্যয় তত্ত্ব-জ্ঞান। আশাবাদ জীবের রহস্য। ছরস্ত নিরাশা ও ব্যর্থতার ঝঙ্কার অভিযান হ'তে কি প্রকারে আশা প্রদীপকে সদা প্রজ্জ্বলিত রাখা যায়, শ্রীকৃষ্ণের শ্রীমুখে তাঁর রহস্য অতি স্পষ্ট ভাষায় বিষদ-ভাবে বর্ণিত হয়েছে। কর্মই জীবের জীবন। কর্ম অনিবার্য। কর্মের পটভূমিতে যে উদ্দেশ্য নিহিত, সৃষ্টি-তত্ত্বে তার সন্ধান। সৃষ্টি-তত্ত্বের আলোচনায় স্রষ্টার পরিচয়। সে পরিচয় বোধগম্য হ'লে বুঝতে পারা যায়—কেন আন্তিক্য বুদ্ধি সকল মাহুকের সহজ সংস্কার। সকল স্তরের, সকল শ্রেণীর মাহুকের হৃদয়ে স্বভাবতঃ আন্তিক্য-বুদ্ধি বিদ্যমান। তার অনিবার্য পরিণতি ভাস্ক।

মাহুকে নাস্তিক হতে হয় এই সহজাত মনোবৃত্তির সঙ্গে সংগ্রাম করে, তার ভক্তির উৎস-মুখ বন্ধ করতে হয়—তর্ক এবং তথাকথিত বিচার সিদ্ধান্তের বোঝা চাপিয়ে।

এই সহজ আন্তিক্য-বুদ্ধির সংক্ষেপে হেতু নির্দেশ করেছেন শ্রীকৃষ্ণ। তিনি বলেছেন—অজুন, ঈশ্বর সর্বভূতের হৃদয়ে বাস করেন। সর্বভূত মায়ার বশে যজ্ঞাক্রমের মত পরিভ্রমণ করে।

তিনি অজ্ঞ বলেছেন—

“আমি সকলের হৃদয়ে সন্নিবিষ্ট। সৃষ্টি বিসৃষ্টি, জ্ঞা ও অজ্ঞান সবই আমা হ'তে। চারি বেদের অহুশীলনে ফলে আমিই জ্ঞাতব্য, আমিই বেদ-কর্তা এবং বেদ-বেত্তা।”

শ্রীচৈতন্য-ভাগবত বলেছেন—

পরব্রহ্ম নিত্য শুদ্ধ অখণ্ড অব্যয়
পরিপূর্ণ হই বৈসে সবার হৃদয়।

সুতরাং প্রাণের বৈধ-ভাবে ছুটি হেতুই জীবের সৃষ্টি-রহস্যে বিদ্যমান। আমরা অনিত্যের পিছনে ছুটি মায়ার বশে অখণ্ড অন্তরে স্বর শুনি নিজের মাঝে তাঁকে খুঁজে বাঃ করবার। আমাদের সম্প্রসারণের অদম্য স্পৃহার হেতু—হৃদয়ে ঈশ্বরের অস্তিত্ব।

সম্প্রসারণের বাহন প্রেম। সে প্রেম নানারূপে প্রকটিত হয়। সে প্রেম সহজেই শিশুনের প্রাণে বিদ্যমান। স্নেহের প্রতিমা দেখে সে জননীকে। তার সহজ মাতৃ-ভক্তি পরা-ভক্তির ছায়া। বহির্জগতের মাধুরী মহত্ব এবং কঠোরতা অজ্ঞ বনচারীর মাথা নত করে অজ্ঞান লুকায়িত শক্তির পাদপীটে। এ ভক্তি সহজ—সহজাত আন্তিক্য-বুদ্ধির পরিণতি।

দৈবী মায়ী ছরতিক্রম্য। শ্রীকৃষ্ণ বলেছেন—ধীর আমাকে পান, তাঁরা মায়ী অতিক্রম করেন। এই মায়ী অতিক্রম করলে পুনর্জন্ম দুঃখ হতে পরিভ্রাণ।

আমাদের অন্তরে যে আন্তিক্য-বুদ্ধি বিদ্যমান, অখণ্ড মোহে ঢাকা সেই আবরণ উন্মোচন করলে স্রষ্টার বিরূপ সৃষ্টির রহস্য উন্মোচন হয়। প্রাণে শুদ্ধরিয়্যা উঠে—

তোমার অসীমে প্রাণ-মন লয়ে ষতদূরে আমি যাই
কোথাও ছঃখ কোথাও মৃত্যু কোথা বিচ্ছেদ নাই।



বিশ্বের বিখ্যাত পত্রাবলী

অধ্যাপক ডাঃ শ্রীমাখনলাল রায় চৌধুরী শাস্ত্রী

নির্বাসনের পূর্বে ট্রুটস্কীর পত্র

পত্র পরিচয় :—

লেনিন, ট্রুটস্কী, স্টালিন রাশিয়ার ত্রয়ী; ভারতীয় বিজয়ী।
তার রূপ বিশ্ববের ইতিহাসে লিখেছেন—“বিশ্বব আমার
ক জননী, আমি বিশ্ববের সন্তান।”

১৯১৬ সাল—প্রথম বিশ্বযুদ্ধ দ্বিতীয় পর্যায়ে এসেছে। ইংলণ্ড, ফ্রান্স
এবং রাশিয়া জার্মান সাম্রাজ্য ধ্বংসের জন্য সমবেত। যুদ্ধ, স্বাধীনতা,
স্বাধীনতার নামে বিভিন্ন মত ও ঐতিহ্য সত্ত্বেও শত্রু জার্মানীর বিরুদ্ধে
গঠিত হুঙ্ককেত্রে উপস্থিত।

প্রায় অর্ধশতাব্দী ধরে রাশিয়ার লেনিন, জার্মানীর কার্লমার্ক্সের
চান্দুবর্তন করে বিশ্বব্যাপী এক সমাজতন্ত্র গঠনের দাবী জানিয়ে অগ্রসর
ছিলেন। তাঁর শিষ্য ট্রুটস্কী ও স্টালিন সমস্ত পৃথিবীব্যাপী আন্দোলন
রিচালিত করে চলেছেন। তাঁদের আধাতের প্রথম লক্ষ্য ছিল রাশিয়ার
গরতন্ত্র। বর্তমান পৃথিবীর প্রত্যেক সাম্রাজ্যের ভিত্তিই ধনিকের ধনতন্ত্র।
রাই সাম্রাজ্যের নামে জাতীয়তার নামে শ্রমিক আন্দোলনের
প্ররোধ করছিল। কারণ সমাজতন্ত্রীদের হুঙ্কের বিরোধিতা করেছেন।
যেক দেশেই বহু সমাজতান্ত্রিক নেতা দেশরক্ষার জন্য হুঙ্ক বোপ
ছিলেন, কারণ, দেশ বিপন্ন। তাঁদের মধ্যে অন্ততম ছিলেন করাসী
সমাজতন্ত্রী জুলে গুরেদা। তিনি পূর্বে লেনিনদলের করাসী শাখার
বিখ্যাত লেখক ও নেতা ট্রুটস্কীর সহকর্মী ছিলেন। হুঙ্কের সময় জুলে
গুরেদা করাসী রাষ্ট্রসভার পদ গ্রহণ করেছিলেন। তিনি রাষ্ট্রের প্রয়োজনে
হুঙ্কের প্রয়োজনে তাঁর প্রাক্তন সমাজতন্ত্রী বন্ধু ট্রুটস্কীকে করাসীদেশ
থেকে বিতাড়িত করেছেন। ট্রুটস্কী সম্পাদিত “নাশে স্লোভা”—“আমাদের
পৃথিবী” সংবাদপত্র করাসী দেশ থেকে নির্বাসিত করলেন। নির্বাসনের
কর্তৃত্বভুক্ত ট্রুটস্কী লিখলেন এই অপকল্প পত্র।

পত্রাবলী :—

রাষ্ট্রসভা জুলে গুরেদা,

আমি করাসীদেশ ত্যাগ করে যাচ্ছি, অবশ্য আমার সঙ্গে আপনার
প্রয়োজিত পুলিশবাহিনী রয়েছে। তারা আপনার অধীনে দেশের
স্বাধীনতা রক্ষা করছে, সেই স্বাধীনতা রক্ষার দায়িত্ব আপনার হস্তে
থাকছে। আমার করাসী দেশ ত্যাগের পূর্বে আপনাকে আমার
স্বাভাব জানিয়ে দাব। অবশ্য আমার কথাগুলি আপনার কোন
প্রয়োজনে আসবে না, হয়ত বা ভবিষ্যতে আপনার বিরুদ্ধে প্রয়োজিত
করা যাবে। আমাকে করাসী দেশ থেকে নির্বাসিত করা হয়েছে;
আপনার সহকর্মী হুঙ্কসত্রী আমাকে নির্বাসিত করেছেন। আমি

রাশিয়ার সংবাদপত্র “নাশে স্লোভা” (আমাদের পৃথিবী) সম্পাদক
ছিলেন; তিনি সেই পত্রিকার প্রচার করাসী দেশে বন্ধ করেছেন। অবশ্য
তার জন্য কোন কারণ প্রদর্শন করা প্রয়োজন মনে করেন নি।
এই পত্রিকাখানি বিপন্ন হুই বৎসর বাবত হুঙ্কসত্রীর হস্তে কত অত্যাচার
সহ করেছে, তা’ আপনার অজ্ঞাত নয়।

অবশ্য, আমার নির্বাসনের কারণ সবচেয়ে কোন তথ্যই আমার
অজ্ঞাত নাই, সে কথা আমি গোপন করব না। একজন আন্তর্জাতিক
সমাজতন্ত্রীর বিরুদ্ধে দমনাত্মক ব্যবস্থা করার প্রয়োজন আপনার ছিল,
কারণ আমি সাম্রাজ্যবাদী হুঙ্কের পক্ষ সমর্থন করিনি, অথবা আমি
সে হুঙ্কে খেচ্ছার কোন সহায়তা করিনি।

কিন্তু আমার ব্যাপারটি হচ্ছে এই যে, নির্বাসন হয়েছে আমার,
এবং আমাকে নিয়ে হয়েছে আলোচনা, অথচ নির্বাসনের কারণ
আমাকে না জানিয়ে মসিরে’ ত্রিয়ার রাষ্ট্রসভার সভ্য এবং সাংবাদিকদের
নিকট তথ্যটি প্রকাশ করেছেন।

গত আগষ্ট মাসে মাস্‌ই-এর অদূরে একদল বিক্রোহী রূপ সৈন্ত
তাঁদের কর্ণেলকে হত্যা করেছিল। অনুসন্ধানের ফলে জানা গেল যে,
এই হত্যাকাণ্ডে জড়িত সৈন্তদের কাছে আমার সম্পাদিত “নাশে
স্লোভা” সংবাদপত্রটি আবিষ্কৃত হয়েছে। মসিরে’ ত্রিয়ার এই আবিষ্কারের
সংবাদ কয়েকজন রাষ্ট্রসভার সভ্যের নিকট বলেছেন এবং তাঁরা এই
সুসংবাদটি রাশিয়ার ধনতান্ত্রিক সংবাদপত্রের নিকট সাংসকারে প্রেরণ
করেছেন।

একথা সত্য যে, মসিরে’ ত্রিয়ার “নাশে স্লোভা”কে এই হত্যাকাণ্ডের
জন্য দায়ী করতে সাহস করেন নি, কারণ “নাশে স্লোভা” পত্রিকার
প্রত্যেকটি সংবাদ তাঁর অনুমতি নিয়ে প্রকাশিত হয়েছে। তবে মসিরে
ত্রিয়ার মনোভাব অনেকটা এইরূপ :—রাশিয়ার সৈন্তদল করাসী দেশে
অবস্থান কালে “নাশে স্লোভা”র মতন সমাজতান্ত্রিক সংবাদপত্র
জনসাধারণকে উত্তেজিত করে তুলবে; সুতরাং ঐ পত্রের সম্পাদক-
মণ্ডলীকে গণতান্ত্রিক করাসী দেশ থেকে বিতাড়িত করা প্রয়োজন। যে
সমাজতান্ত্রিক সংবাদপত্র সাম্রাজ্যবাদের সাহায্যে কাল্পনিক এবং মিথ্যা
সংবাদ প্রচার করতে অস্বীকার করে, সে হয়ত রাশিয়ার সৈন্তদের
মনকে স্বাধীন চিন্তা করতে শেখাতে পারে। সৈন্তদের পক্ষে স্বাধীন
চিন্তা করা রাষ্ট্রের পক্ষে মঙ্গলজনক নয়।

দুর্ভাগ্যের বিষয় এই যে, মসিরে’ ত্রিয়ার ব্যাখ্যার মধ্যে বিপরীতার্থক
কথা রয়েছে; একবৎসর পূর্বেই করাসীসত্রী হার্ভে রাশিয়ার আন্দোলন-
প্রার্থীদের বিষয়ে প্রচার করেছিলেন যে, যদি তাঁদের নির্বাসিত করা
হয় তবে করাসী জনসাধারণ সেই সিদ্ধান্ত বিস্ময়ভিৎসনে স্বীকার করে

নেবে। সুতরাং কর্ণেল হত্যার সঙ্গে কি এই নির্বাসনের বিশেষ সম্বন্ধ আছে? অধ্যাপক ডুর্কহাইম বলেছিলেন যে “নাশে মোতা” ও তার সম্পাদকের নির্বাসন আসন্ন।

রাশিয়ার কর্ণেলের হত্যা এবং অধ্যাপক ডুর্কহাইমের বিবৃতির মধ্যে একটি হ্রস্বভাষি আছে। আমাদের সম্পাদকসঙলী এই ঘটনার বিবরণ অনুসন্ধান করে প্রমাণ পেয়েছেন যে, রাশিয়ার সৈন্তগণকে গুলচের এই কার্যে প্ররোচিত করেছিল। ফরাসী রাষ্ট্র সাধারণভাবে রাশিয়ান আশ্রয়প্রার্থী সৈন্তদের আতিথেয় বঞ্চিত করে দেশ থেকে তাড়িয়ে দিতে পারে না, সুতরাং তাদের বিভাঙ্কিত করতে হলে একটা বিশেষ কারণ দেখাতে হবে। যে সৈন্তদল তাদের সেনাপত্রিকে হত্যা করতে পারে, তাদের উপস্থিতি যুদ্ধনিরত ফরাসীদের পক্ষে বিপজ্জনক। রাশিয়ান আশ্রয়প্রার্থী সৈন্তদল ফরাসীদেশে অবস্থিত অতিথি। অবশ্য এই প্ররোচক গুলচের রাশিয়ার জারেরই নিযুক্ত লোক।

জুলে গুয়েদা, আপনি ফরাসী সাধারণতন্ত্রের মন্ত্রী। আপনি ইচ্ছা করলে এই বিষয়ের জন্ত একটা অনুসন্ধান সমিতি নিযুক্ত করতে পারেন। তবে আমার বিশ্বাস এবং বোধহয় আপনারও বিশ্বাস, অনুসন্ধানের ফলে কোন কাজ হবে না। কারণ রাশিয়ান জার ও ফরাসী রাষ্ট্রের মধ্যে সাম্রাজ্যবাদী মৈত্রী রয়েছে।

এই যুদ্ধের প্রথমভাগে অবশ্য আপনার বন্ধু “সেমবত” ফরাসী-মন্ত্রী রূপে রাশিয়ান বিপ্লববাদীদের সঙ্গে রাশিয়ান জারের একটা বোঝাপড়ার চেষ্টা করেছিলেন এবং সেই উদ্দেশ্যে বিপ্লবীদের অনেক প্রলোভনও দেখিয়েছিলেন।

বিগত ছাব্বিশ মাস ধরে রাশিয়া, ইংলণ্ড, ফ্রান্স যুদ্ধের সুযোগে একত্র কাজ করেছে। ইংলণ্ড, ফ্রান্স ও রাশিয়ার শাসনতন্ত্রকে একটু উদারভাবাপন্ন করতে চেষ্টা করেছিলেন কিন্তু ফল বিপরীত হয়েছে। কারণ রাশিয়ান জারতন্ত্রই ইংলণ্ড ও ফ্রান্সের শাসনতন্ত্রকে জারভাবাপন্ন করে তুলেছে। এই দুই দেশেই পুলিশ এবং সৈন্তদেরই অবাধ রাজত্ব।

লয়েড জর্জ এবং মসিয়েঁ ত্রিয়ার বর্তমান যুদ্ধ পরিচালনা করছেন। মনে পড়ে জুলে গুয়েদা, আপনি আপনার প্রথম জীবনে এই দুই জনের সম্বন্ধে কি অভিমত প্রকাশ করেছিলেন? এই দুইটা প্রাণী বর্তমান যুদ্ধ পরিচালনা করছেন। এই দুইজনই যুদ্ধের ভালমন্দ নীতি-নীতি, ব্যষ্টি ও সমষ্টির সংঘাত নির্ধারণ করছেন। রুশ-জার্মানসন্ধান ঠুরমার রাশিয়ার প্রাচীনপন্থীদের প্রতিরূপে রাষ্ট্রসভা পরিচালনা করছেন। ইংলিশ লয়েড জর্জ, ফরাসী মসিয়েঁ ত্রিয়ার এবং রাশিয়ান ঠুরমারের অপূর্ণ মিলন—ত্রিমূর্তির সমন্বয়। অবশ্য ফরাসী মন্ত্রী জুলে গুয়েদা এই তিনজনের অনুপ্রেরণার অনুপ্রাণিত। আপনি কি মনে করেন যে কোন বর্ধা সমাজতন্ত্রবাদী আপনার ও আপনার কর্ণেলের বিরোধিতা না করে থাকতে পারে? আপনি ফরাসীদেশের সমাজতন্ত্রীদের হেরদণ্ড জেদে দিয়েছেন। তারা আজ ধনতান্ত্রিকদের সঙ্গে হুঁর মিলিয়ে ধনিক সমাজের জয়ধার গান গেয়ে চলেছে। অথচ

জুলে গুয়েদা একদিন ধনতন্ত্রীদের কি ভীষণ বিরুদ্ধাচরণ করেছিলেন! মনে পড়ে অতীত দিনের অনেক কথা।

এই বিগত দুই বৎসরের যুদ্ধে মানুষকে কত দুঃখ, দুর্দশা, অন্তঃ, অত্যাচার, কত রক্তপাত সহ্য করতে হয়েছে। রাষ্ট্র প্রজ্ঞার সম্পত্তি লুণ্ঠন করেছে; প্রজ্ঞার নিকট সহস্র অপরাধ করেছে, অবশ্য আমরা ভবিষ্যৎবাণী করেছিলাম যে এই যুদ্ধ এই রকমই হবে। জুলে গুয়েদা, আপনি ফরাসী জনসাধারণকে অবশ্য একটা গর্বেবর কথা বলতে পারেন যে, ফরাসীজাতি জার্মান উইলিয়াম কাইজার এবং অস্ট্রিয়ান ফ্রান্সিস জোসেফের মতন অপরাধী নয়; জার নিকোলাস এবং মসিয়েঁ প্যরকার আন্তর্জাতিক যুদ্ধ নীতিগুলি জার্মানী অস্ট্রিয়ার মতন নির্দমনভাবে পদদলিত করেন নি।

ফরাসীদেশে একটা নূতন শ্রমিকদল গড়ে উঠেছে; যুদ্ধের উদ্ভাদনার ভিতর দিয়ে তাদের জাগরণ এসেছে; এই ‘বিষব্যাপী’ যুদ্ধের সম্বন্ধে মসিয়েঁ প্যরকার এবং ত্রিয়ার যা’ বলতে চান তার বেশী ফরাসী জনগণ জানতে পারে না। আপনি জুলে গুয়েদা, আপনি না একদিন এই দরিদ্র জনগণের নেতা ছিলেন! আর আজ আপনি ত্রিয়ার পদতলে নিজের মস্তককে বিসর্জন দিয়েছেন। আপনি শ্রেণী-সংগ্রামের অন্তরালে যা’ কিছু শিখেছিলেন, তা’ আজ সাম্রাজ্যের চরণে উৎসর্গ করেছেন।

ফরাসী সমাজতন্ত্রগঠনের গৌরবময় ইতিহাস কি আপনি বিশ্বাস করতেন? শক্তিশালী বাহিনী যুদ্ধের জন্ত বাহ রচনা করে গেছেন কত বীর এই আদর্শের জন্ত আত্মোৎসর্গ করে গেছেন, কিন্তু আজ তাদের কি অধঃপতন!

যে ফরাসীদেশ সেন্টসাইমন, ফুরিয়ে, ব্র্যাক, কমিউনে, জুরে বাবিয়ুক সমাজতন্ত্রিকে গড়ে তুলেছিলেন—তাদের মধ্যে জুলে গুয়েদাও আছেন। তাদেরই একজন আলবার্ট টমাস রাশিয়ার রোমানা সম্রাটদের সঙ্গে কনসতান্টিনোপল অধিকার করার বড়যন্ত্র করছেন তাদেরই একজন সেমবাত ফরাসী সভ্যতার ধ্বংসস্তম্ভের উপরে তাঁর তরল ধনতান্ত্রিক সভ্যতার প্রমোদকানন রচনা করেছেন! ফরাসী দেশের সমাজতন্ত্রী সম্ভান জুলে গুয়েদা আজ মসিয়েঁ ত্রিয়ার বিজয়শকটের চক্রনেমিরেখা অনুসরণ করে চলেছেন।

শাসক সম্প্রদায় এই নির্দমন যুদ্ধের অবসরে ফরাসী জনগণের পে রক্তবিন্দু শোষণ করে নিয়েছে। তারা কি আজ এই অত্যাচার বি প্রতিবাদে অবনত মস্তকে গ্রহণ করে নেবে? আপনি ভুল করছে—প্রতিবাদ আরম্ভ হয়ে গেছে। সামরিক বিধান সম্বন্ধে যুগে জাতীয়তার উচ্ছ্বাস সম্বন্ধে, সকল ফরাসী সম্ভানের মধ্যেই বিদ্রোহ বীজ অংকুরিত হয়েছে।

আপনি “নাশে মোতা” সংবাদপত্রের কর্তরোধ করেছেন, কি এই সংবাদপত্রখানি ফরাসী সমাজতন্ত্রের আবেষ্টনীর মধ্যেই পরিবর্তিত হয়েছে। ‘নাশে মোতা’ রাশিয়াতে জন্মলাভ করেছে সত্য, কিন্তু তা হুঁর মিলিয়ে ধনিক সমাজের জয়ধার গান গেয়ে চলেছে। অথচ

আপনি তার কঠোর করলেও সে করাসী আন্তর্জাতিক সমাজতন্ত্রীদের
প্রকাশ করছে অবশ্য অত্যন্ত অসম্পূর্ণ ও অসহমভাবে। আমরা
বিস্তৃত করাসী" রূপে বিপ্লববাদীদের সঙ্গে আমাদের ভাগ্য একত্রে
খিত করেছি। তবুও আমরা গর্বিত যে আমরাই করাসী রাষ্ট্রের
ঐশ্বর্যম আঘাত সহ করেছি—অবশ্য সে আঘাত জুলে গুয়েদার হাত
কেই এসেছে।

আমরা জার্মানদের প্রতি সহানুভূতিসম্পন্ন বলে অভিযুক্ত হয়েছি।
আপনিও একদিন এই অপরাধে অভিযুক্ত হয়েছিলেন। আপনার
অভিযুক্ত হয়েছিলেন প্লেথানভ। আজ আপনার কি দুর্ভাগ্য।
আপনার স্বাক্ষরিত, আপনার মুদ্রিত আদেশপত্র দেশরক্ষার অন্তরালে
সাম্রাজ্যীদের আভ্যন্তরীণ করছে, তাদের কাগারে আবদ্ধ করছে।

আমি শুনলাম, জার্মানিতে আমার বিরুদ্ধে অভিযোগ করা হয়েছে
বং আমার রচিত "যুদ্ধ ও আন্তর্জাতিকতা" নামক প্রবন্ধের জন্য আমাকে
স্বাধীন দেওয়া হয়েছে। জার্মান রাষ্ট্র বলছে, ট্রুটস্কী জার্মান-বোহী।

আপনার এ বিষয় নিঃসন্দেহ থাকতে পারেন যে আমরা সমাজতন্ত্রী
বিপ্লববাদীগণ প্রতিক্রিয়াশীল জার্মানজাতির পক্ষে ভীষণতম শত্রু।
আমরা ভাবণ যে আপনাদের সমবেত সমস্ত শক্তি অপেক্ষা আমরা
জার্মানজাতির পক্ষে অধিকতর ভয়াবহ। আপনাদের মিত্রশক্তির
ক্রম পশ্চাতে রয়েছে প্রতিযোগীর প্রতিদ্বন্দ্বী মনোবৃত্তি; আপনারা
স্বতন্ত্র স্বার্থের প্রয়োজনে বন্ধুত্বসূত্রে আবদ্ধ হতে পারেন। কিন্তু আমরা
জার্মান শাসকসম্প্রদায়কে অন্তরের সঙ্গে ঘৃণা করি। শাসকশ্রেণীর
বিরুদ্ধে আমাদের—বিপ্লবাত্মক যুগের কখনো নিবৃত্তি হবে না।

আজকের শত্রু আগামীকাল আবার সাম্রাজ্যবাদের প্রয়োজনে বন্ধু
হয়ে যেতে পারে। যদি জার্মান সাম্রাজ্য ধ্বংসের নীতি গ্রহণ করে,
তবে হয়ত দশ বৎসর পরে ইংলণ্ড, ফ্রান্স এবং রাশিয়া বন্ধুত্বসূত্রে
বন্ধ হয়ে যাবে। হয়ত একজন নূতন পরিকার জন্মাবেন যিনি কাইজার
ইলিয়ামের সঙ্গে তারবার্তা প্রেরণ করে অভিনন্দন বিনিময় করবেন।
হয়ত আর একজন লয়েড জর্জ ধর্মবাজকের ভাষায় মলখোকার মতন
সুপম আফগান করে রাশিয়াকে অভিসম্পাত করবেন; হয়ত বা
করাসী রাজপুত্র আলবার্ট টমাসের মতন জার্মান রাজ্যন্তঃপুরিকার হস্ত
থেকে বন্ধুত্বের স্মারকচিহ্নরূপে বেতপত্রগুচ্ছ গ্রহণ করবেন। এই তো
আজকার সঙ্কটময় কথার কথা।

আর আমরা যেমন আছি তেমন থাকবো। জার্মান শাসকদের
প্রতিশ্রুতি শত্রু আমরা। কারণ আমরা রাশিয়ান জারতন্ত্রকে যেমন
ঘৃণা করি, তেমনি ঘৃণা করি করাসী ধর্ষিততন্ত্রকে—তার চেয়ে বেশী
ঘৃণা করি প্রতিক্রিয়াশীল জার্মানকে। আপনি এবং আপনার
স্বাক্ষরিত সংবাদপত্রগুলি জার্মান সাম্রাজ্যবাদীদের শত্রুর প্রতি প্রসন্ন
আপনার ভাষার প্রাণস্বায় পকমুখ। আমরাও জার্মান সাম্রাজ্যবাদীদের
শত্রু। হুতরাং আমরাও তাদের সমপর্যায়ের দাঁড়িয়ে আছি। আমাদের
সঙ্গে তাদের যোগসূত্র রয়েছে। সম্ভবতঃ আপনারা ধারণা করেন
না, আমরা সংখ্যায় অত্যন্ত অল্প; আপনার পুলিশের ধারণা আমাদের

সংখ্যা সবচেয়ে বর্ধার নয়। পুলিশ তাদের ভৃত্যের দৃষ্টিভঙ্গি নিয়ে
বিশ্রোহের অন্তরাচার উৎসের সন্ধান পায় না। তারা বুঝতে পারে
না যে, হুঃপের আশ্রয় থেকে যে পুলিশ বেরিয়ে আসে তাই পরে
বিশ্রোহ-বহিরূপে বিস্তার লাভ করে। করাসী দেশের প্রত্যেক গ্রামিকের
কুটারে, প্রত্যেক কৃষকের ঘরে, প্রতি বিপ্লবীর প্রকোষ্ঠে, বুদ্ধবৈজ্ঞানিক
প্রত্যেকটি পরিধা থেকে হুঃপের অনল জ্বলে উঠছে।

জুলে গুয়েদা! আপনি করাসী নারী সমাজতন্ত্রীদের নারিকা
লুইজা হুমনোকে কারারুদ্ধ করেছেন, কারণ তিনি যুদ্ধের প্রতিবাদ
করেছেন। তার কলে করাসী নারীদের মধ্যে হতাশা হ্রাস হয়েছে
কি? করাসী পুলিশ যুদ্ধের নামে কত করাসী সন্তানকে কারারুদ্ধ
করেছে তার ইয়ত্তা আছে কি? যুদ্ধের পরে করাসী নারী তার স্বামী
কি করে পাবে কি? মাতা তার পুত্র কি করে পাবে কি? সন্তান তার
স্নেহময় পিতার কোড় কি করে পাবে কি? আজ বারা করাসী
জাতিকে প্রতারিত করেছে, প্রতারিত করাসী জাতি তাদের কখনো
বিশ্বাস করবে কি?

বন্ধু জুলে গুয়েদা—আপনি আপনার সামরিক চক্রবান পরিত্যাগ
করুন। ধনতান্ত্রিক রাষ্ট্র আপনাকে যে কারারুদ্ধ করেছে তা
পরিত্যাগ করুন। একবার আপনার চতুর্দিকে দৃষ্টিপাত করুন। হয়ত
ভাগ্য আপনার প্রতি প্রসন্ন হতে পারে। আপনার জীর্ণ কারাগৃহের
বাহিরে দাঁড়িয়ে শুনুন—অনাগত যুগের ঘটনাবলির মুক গর্জন। ঐ
সেই ধ্বনির অক্ষুট আর্দ্রনাশ, আমরা তাকে সাদর সম্ভাষণ জানাচ্ছি।
আমরা তাদের অভিনন্দনের জন্য প্রস্তুত হচ্ছি। যদি প্রমিত জনগণ
প্রতিশোধের জন্য বন্ধপরিকর হয়, আমাদের মতানুযায়ী প্রতিশোধ গ্রহণ
করে, তবে করাসী ধনতন্ত্রের অবস্থা কল্পনা করতে পারেন কি? সে
দিন করাসী দেশে জুলে গুয়েদার স্থান হবে না, আপনার কর্মক্ষেত্র সেদিন
নিশ্চিহ্ন হয়ে যাবে।

আপনার আদেশে আমি নির্বাসিত হয়ে করাসী দেশ ত্যাগ করে
যাচ্ছি। আমার বিশ্বাস আছে শেষ পর্যন্ত আমরা জয়ী হব। আপনাকে
আমি অতিক্রম করে করাসী দরিদ্র জনগণকে অভিনন্দন জানাচ্ছি।
তারা যে আজ নিজেদের ভবিষ্যৎ সম্পর্কে আগ্রহ, আপনাকে উপেক্ষা
করে, আপনার বিরোধিতা সত্ত্বেও সমাজতন্ত্রী করাসীদেশ দীর্ঘজীবী
হউক। ইতি—
লিওন ট্রুটস্কী,—

পত্র পরিণাম :—

লিওন ট্রুটস্কীর জন্ম ১৮৭৭ সালে, ২১ বৎসর বয়সে ১৮৯৮ সালে
ট্রুটস্কী বিপ্লবাত্মক কার্যের জন্য সাইবেরিয়া প্রায়েরে নির্বাসিত হন।
১৯০৫ সালে ট্রুটস্কী রাশিয়াতে প্রত্যাবর্তন করেন এবং সেন্টপিটারস'-
বার্গের সোভিয়েট দলের সভাপতি নিযুক্ত হন। তিনিই প্রথম "চিরন্তন
বিপ্লব" (Permanent Revolution) পরিচালনা করেন কারণ
তার মতে একটি মাত্র দেশে সমাজতন্ত্র প্রতিষ্ঠা হলেই সমাজতন্ত্রের
সফলতা হবে না, বিশ্বব্যাপী সমাজতন্ত্র স্থাপিত না হলে এই আদর্শের

কোন মূল্য নাই। ট্রটস্কী আবার কারারুদ্ধ হলেন। আবার পলায়ন করলেন—এবার জিরেনার। সেই সময় থেকে তিনি অবিভ্রান্ত ভাবে বিপ্লবাত্মক কর্মে নিজেকে নিয়োজিত করলেন—তিনি আদর্শ প্রচার করেছেন, পত্রিকা সম্পাদন করেছেন, ১৯১৭ সালের বিদ্রোহ পরিচালনা করেছেন, লেনিনের সহযোগিতা করেছেন, আবার নির্বাসিত হয়েছেন, তাঁর জীবনের সঙ্গে রাশিয়ান বিদ্রোহ অচ্ছেদ্যভাবে অড়িত, তিনি ব্যক্তিগত অভিজ্ঞতা দিয়ে “রুশ বিদ্রোহের ইতিহাস” রচনা করলেন। যে ঘটনা তিনি স্মৃতি করেছেন—সেই ঘটনার ইতিহাস তিনি রচনা করেছেন। হুতরাং ব্যক্তিগত স্পর্শে সেই ইতিহাস হয়ে উঠেছে জীবন্ত, এই ইতিহাসের মধ্যে পাই—“অতীতের সঙ্গে ভবিষ্যতের তীব্র সংঘাতের গভীর গর্ভন।”

১৯২৩ সালে লেনিনের মৃত্যুর পর ১৯২৭ সালে ট্রটস্কীকে স্ট্যালিন দল থেকে বহিষ্কৃত করলেন। তার পর তাঁকে তুর্কীস্থানে নির্বাসিত করা হল।

অদৃষ্টের পরিহাসে ১৯১৬ সালের করাসী বিবেধাজ্ঞা ১৯২৯ সালে পরিবর্তিত হয়ে ট্রটস্কী পুনরায় করাসীদেশে বাস করবার অধিকার পেলেন। তিনি প্যারিসের উপকণ্ঠে বাস করতে আরম্ভ করলেন। কিন্তু বুদ্ধিমান স্ট্যালিন করাসী সরকারের নিকট অভিযোগ করলেন—ট্রটস্কী কিরভের হত্যাকাণ্ডের মস্ত দারী। ট্রটস্কী স্ট্যালিনের শত্রু, ট্রটস্কী অভিযোগ করলেন, “স্ট্যালিন রাশিয়ান বিদ্রোহের বিরুদ্ধে বিরোধিতা করেছেন, স্ট্যালিন বিশ্বাসঘাতক।” এই আঘাত প্রতিঘাতের পর ট্রটস্কী পুনরায় চললেন বাবাবরের মতন। পৃথিবীর কোথাও তাঁর আশ্রয় নেই, পরে ১৯৩৬ সালে তিনি সাময়িকভাবে আশ্রয় পেলেন নরওয়ে দেশে। এক বৎসর পরে ১৯৩৭ সালে মেক্সিকোতে বিশ্রাম-আবাস স্থাপন করলেন। তিন বৎসর পরে জেকস্ মারসড্ তাঁকে হত্যা করল। ট্রটস্কীর বিশ্বাস, এই হত্যার মূলে রয়েছে স্ট্যালিনের প্রচ্ছন্ন হস্ত। ট্রটস্কীর সর্বশেষ বাণী ছিল—“আমাদের বন্ধুদের বলুন, আমি চতুর্থ আন্তর্জাতিক জয় সম্বন্ধে নিঃসন্দেহ। এগিয়ে চলুন।”

রহস্যময়ী

শ্রীসাবিত্রীপ্রসন্ন চট্টোপাধ্যায়

বল দেখি দেখা হোল কত দিন পরে ?
কত দিন ? মনে হয় যেন যুগান্তরে
ছিলে তুমি একান্ত নিকট মোর।
কখন না জানি কেন কাটিয়া বন্ধন-ডোর
চলে গেলে কোথায় না জানি ;
হুঃসহ দিনের তিস্ত জীবনের মানি
বহিয়া এলাম একা।
অনেকের সাথে মোর পথে হোল দেখা,
দেখিছ নিকটে মোর ; অশান্ত চিত্তের অন্তরালে
তুমি যেন পা বাড়ালে
অতি সস্তর্পণে ;
তাই বৃষ্টি মনের দর্পণে
পড়েছে তোমার ছায়া বারবার সচকিয়া মোরে।
তাই কি স্বপ্ন যোরে
ডেকেছি তোমাতে বারবার
খুলিয়া রেখেছি দ্বার—

আশা ছিল যদি কোনও দিন
শোভাশূন্য আরাম বিহীন
আমার এ শূন্য ঘরে ফিরে আস নিতান্ত খেয়ালে,
দাপ-নির্বাণের আগে ছায়া তব পড়িবে দেয়ালে।
সেদিকে চাহিয়া মোর পরিশ্রান্ত আঁধি
তোমা পানে উন্মীলিত থাকি
আশা ভ'রে হবে কম্পমান,
পল্লবে পলক হ'বে যেন শতবর্ষের সমান।
ছায়া যদি কায় হ'বে ফিরিয়া দাঁড়ায়
সে মুহূর্তে মন যদি আপনা হারায়
তবুও ত আমার সঙ্গুখে
পরিচিত সে সুন্দর মুখে
দীপ শিখা দিবে তার আলো
ভাল ক'রে দেখে লব কী মাধুর্য আমারে তুলালো,
তুলালো সংসার মোর তুলাইল আমার তুবন
নয়নে প্রচ্ছন্ন তব কী সে রহস্য-প্রসবণ।



নবম পরিচ্ছেদ

রাজপুরীতে

রপুরীর প্রাকার-বেষ্টনীর মধ্যে অনেকগুলি প্রাসাদ
হে; কোনটি সভাগৃহ, কোনটি কোষাগার, কোনটি
পাভবন; একথা পূর্বে বলা হইয়াছে। রাজকন্যা বে
সাদে বাস করেন তাহা অবরোধ; তাহার পাশে রাজার
পৃথক ভবন। উভয় প্রাসাদের মধ্যে অলিন্দের
স্থান; উভয় প্রাসাদ ত্রিভুজক।

রাজপ্রাসাদের নিম্নতলে এক পাশের কয়েকটি কক্ষ
সম্মিথতা হর্ষের বাসস্থান। রাজ বৈভবের তুলনায়
অপকৃষ্ট হইলেও সাধারণ মানুষের পক্ষে ঐশ্বর্ষের
সম্ভ। কক্ষী লক্ষণ চিত্রককে এইখানে আনিয়া
স্থিতি করিল।

চিত্রক আস্তে আস্তে আসন পরিগ্রহ করিতে না
রিতে কক্ষীর ইচ্ছিতে কয়েকটা অসুরাকৃতি সখাহক
সিয়া তাহাকে ধরিয়া ফেলিল এবং তাহাকে প্রায় উলক
রিয়া সর্বদে সবেগে তৈল মর্দন করিতে আরম্ভ করিয়া
ল।

অতঃপর চিত্রক শীতল জলে স্নান করিয়া নববস্ত্র পরিধান
রিল; অঙ্গে চন্দন প্রলেপ দিয়া আহারে বসিল। প্রচুর
ষ্টক পৌলিক মোদক পরমান্নের আয়োজন, তদুপরি
ক্ষীর সবিনয় নির্বন্ধ। চিত্রক আকর্ষিত হইয়া ভোজন
রিল।

তারপর শরতের মেঘশ্রবণ শস্যায় শয়ন। ছুইজন
হাপিত আসিয়া অতি আরামদায়ক ভাবে হস্তপদ টিপিয়া
হিতে লাগিল। এই আলস্যস্থ মুদিতচক্ষে উপভোগ
রিতে করিতে, পুরুষ ভাগ্যের বিচিত্র ভূজঙ্গ-পতির কথা
স্তা করিতে করিতে চিত্রক ঘুমাইয়া পড়িল।

ওদিকে সচিব চতুরানন ভট্ট মগধের লিপি পাঠ

কালের মন্দির

শ্রী শরদিন্দু বন্দ্যোপাধ্যায়

করিয়াছিলেন। তাঁহার আশঙ্কা মিথ্যা হয় নাই, রাষ্ট্র-
নৈতিক শিষ্টাচার লঙ্ঘন না করিয়া বতখানি রূঢ়তা প্রকাশ
করা বাইতে পারে ততখানি রূঢ়তার সহিত লিপিতে
বিটকরাজ্যের উপর নির্দেশ প্রেরিত হইয়াছে—বিটকরাজ
অচিরাত্ মগধের সার্বভৌমত্ব স্বীকার করিয়া বক্রী রাজত্ব
অর্পণ করুন; নচেৎ হুণহরিণকেশরী সম্রাট স্বন্দগুপ্ত স্বয়ং
সসৈন্তে গান্ধার অভিযুখে বাইতেছেন, ইত্যাদি।

পত্র পাঠ করিয়া চতুর ভট্ট দীর্ঘকাল গভীর চিন্তায়
মগ্ন রহিলেন; তারপর অন্য সচিবদের ডাকিয়া মন্ত্রণায়
বসিলেন। শ্রেনপক্ষীর সহিত চটকের প্রতিস্পর্ধিতা সম্ভব
নয়; চটকের পক্ষে হিতকরও নয়। কিন্তু রাজনীতির
ক্ষেত্রে বাহুবলই সর্বস্ব নয়, কূটনীতিও আছে। স্বন্দগুপ্ত
নুতন হুণ অভিযান প্রতিরোধ করিবার জন্য গান্ধারে
আসিতেছেন; ঘোর যুদ্ধ বাধিবে; দীর্ঘকাল ধরিয়া যুদ্ধ
চলিবে; শেষ পর্যন্ত ফলাফল কিরূপ দাঁড়াইবে কিছুই বলা
যায় না। সুতরাং অবিলম্বে মগধের বশতা স্বীকার না
করিয়া ছলছুতা দ্বারা যদি কালহরণ করা যায়, হয়তো
অস্ত্রে স্তম্ভ ফলিতে পারে। একদিকে হুণ, অন্য দিকে
স্বন্দগুপ্ত; এ অবস্থায় যথাসাধ্য নিরপেক্ষতা অবলম্বনই
যুক্তি।

সচিবগণ একমত হইয়া মনস্থ করিলেন, পত্রের উত্তর
দানে যথাসম্ভব বিলম্ব করা হোক; দূতটাকে বলা বাক,
মহারাজ কপোতকূটে বতদিন না কিরেন ততদিন পত্রের
উত্তর দান সম্ভব নয়। ইতিমধ্যে মহারাজ রোষ্টকে সব
কথা জানাইয়া বার্তা প্রেরণ করা আবশ্যিক। তিনি এখন
চন্দনহর্গেই থাকুন, রাজধানীতে কিরিবার কোনও তাড়া
নাই। কিন্তু এত বড় গুরুতর সংবাদ তাঁহার গোচর করা
সর্বাগ্রে কর্তব্য।

এইরূপ মনোনীত হইলে পর বহিঃগতি কুরঙ্গপুঠে
চন্দন হর্গে বার্তাবহ প্রেরিত হইল।

মন্ত্রগৃহে যখন এই সকল রাজকাৰ্য চলিতেছিল, কুমারী রত্না তখন নিজ ভবনে ছিলেন। আজ নানা কারণে তাঁহার মন কিছু উদ্ভ্রান্ত হইয়াছিল। প্রথমেই স্বপ্ন দেখিতে দেখিতে আগরণ; তারপর চৌর ষড়িত ব্যাপারের অকৃত পরিসমাপ্তি। মগধের দূত...মগধ...বিশ্ববিশ্রুত পাটলিপুত্র নগর...দিগ্বিজয়ী বীর স্কন্দগুপ্ত...দূত নিজের কী নাম বলিয়াছিল? চিত্রকবর্মা! চিত্রক... চিত্র ব্যাত্র...ব্যাত্রের সহিত কোথাও যেন সাদৃশ্য আছে...চোখের দৃষ্টি বড় নির্ভীক...

সর্বশেষে স্নগোপার মাতার উচ্চার। স্নগোপার মাতা প্রাক্তন রাজপুত্রের ধাত্রী ছিল, কুমারী রত্না তাহা জানিতেন। অভাগিনীর এই দুর্দশা হইয়াছিল? সকলের অজ্ঞাতে পঁচিশ বৎসর বন্দিনী ছিল! কেমন করিয়া বাঁচিয়া ছিল; কে তাহাকে আহার দিত? পৃথার ছুরদুস্তের কথা ভাবিয়া রত্নার ঘন ঘন নিশ্বাস পড়িল। উঃ, পঁচিশ বৎসর পূর্বে হুণেরা কি বর্বরতাই না করিয়াছিল। রত্না হুণ-ছবিভা, তবু—

স্নগোপা মাতাকে উচ্চার করিয়া কাঁদিতে কাঁদিতে গৃহে লইয়া গিয়াছিল। স্নগোপা বড় কান্না কাঁদিয়াছিল, শ্রবণ করিয়া রত্নার চোখেও জল আসিল। তাঁহার ইচ্ছা হইল স্নগোপার গৃহে গিয়া তাহাকে দেখিয়া আসেন। স্নগোপার গৃহে তিনি বছবার গিয়াছেন, যখন ইচ্ছা করিয়াছেন। কিন্তু আজ যাইতে তাঁহার সঙ্কোচ বোধ হইল। শ্রিয়সখি স্নগোপা মৃতকন্যা মাতাকে পাইয়া তুমুল হৃদয়াবেগের আবর্তে নিমজ্জিত হইয়াছে, এখন রত্না তাহার কাছে যাইলে সে বিভ্রান্ত হইবে, বিব্রত হইবে—

মধ্যাহ্ন অতীত হইবার পর রত্না গ্রহাচার্যকে ডাকিয়া পাঠাইলেন। গ্রহাচার্য আসিলেন; স্বপ্ন-কথা শুনিয়া তিনি প্রশ্নগণনার আঁক কবিলেন, দিক্‌নির্ঘ্ন করিলেন, লগ্ন নির্ধারণ করিলেন। তারপর ফলাদেশ করিলেন,— ‘কল্যাণি, তোমার জীবনের এক মহা সন্ধিক্ষণ উপস্থিত। কিন্তু শঙ্কিত হইও না; অস্তে ফল শুভ হইবে। এক দিগ্‌নাগ-সদৃশ মহা-তেজস্বী পুরুষের সহিত তোমার পরিচয় ঘটবে; এই পুরুষসিংহ তোমার প্রতি প্রসন্ন হইবেন। তোমার বিবাহের কালও আসন্ন। শুভমস্ত।’ গ্রহবিদ্যের

ভাব গতিক দেখিয়া মনে হইল তিনি সব কথা খুলিয়া বলিলেন না, কিছু চাপিয়া গেলেন।

তিনি বিদায় হইলে রত্না দীর্ঘকাল করলয় কপোলে বসিয়া রহিলেন; শেষে নিশ্বাস ত্যাগ করিয়া ভাবিলেন— নিয়তির বিধান যখন অখণ্ডনীয় তখন চিন্তা করিয়া লাভ কি?

ক্রমে অপরাহ্ন হইল।

ওদিকে চিত্রক দীর্ঘ দিবানিজার পর আগিয়া উঠিয়াছে শরীর বেশ স্বচ্ছন্দ; গত কয়েকদিনের নানা ক্লেশজনিত শ্রানি আর নাই। তাহার মনেরও শরীরের অল্পপায়ে প্রকল্প হওয়া উচিত ছিল; কিন্তু চিত্রক অল্পভব করিল তাহার মন প্রকল্প না হইয়া বরংক্রমশ উদ্ভিগ হইয়া উঠিতেছে

রাজপুরীর আদর আপ্যায়নে সে অভ্যস্ত নয় উপরন্তু কঙ্কী লক্ষণ যেন একটু অধিক পরিচয় করিতেছে। সে দণ্ডে দণ্ডে আসিয়া চিত্রকের স্ন স্বাচ্ছন্দ্যের সন্দেশ লইতেছে; তত্পরি তাহার কয়েকটি অল্পচর সর্বদাই চিত্রককে বেঁচন করিয়া আছে। কে ব্যজন করিতেছে, কেহ শীতল তক্র বা ফলাগ্নরস আনি সন্মুখে ধরিতেছে, কেহ বা তাষুল দিতেছে। বহুর্ভে জগুও সে একাকী থাকিতে পাইতেছে না। তাহা সন্দেহ হইল, এই সাদৃশ্যর আপ্যায়নের অন্তরালে অদ্ভূত জাল তাহাকে ঘিরিয়া রহিয়াছে। সে মনে মনে অতি হইয়া উঠিল। হঠতাবশে রাজকুমারী রত্নার নিমন্ত্রণ গ্রহ না করিলেই বোধ হয় ভাল হইত।

সন্ধ্যার প্রাক্কালে চিত্রক মনে মনে একটি সঙ্কল্প স্থি করিয়া গাত্রোথান করিল। উত্তরীয় স্বন্ধে লইতেই এ কিঙ্কর যোড়হস্তে আসিয়া সন্মুখে দাঁড়াইল—‘কি প্রয়োজন আদেশ করণ আৰ্য-আগবেতু।’

চিত্রক বলিল—‘বহির্ভাগে পরিভ্রমণ করিবার ইচ্ছা করিয়াছি। বায়ু সেবনের প্রয়োজন।’

কিঙ্কর পশ্চাৎপদ হইয়া অন্তর্হিত হইল।

চিত্রক রাজভবনের বাহিরে পদার্পণ করিয়াছে, কোথা হইতে কঙ্কী আসিয়া হাসিমুখে তাহার সহিত যোগ দিল ‘সায়ংকালে বায়ু সেবনের ইচ্ছা হইয়াছে? ভাল তা চলুন আপনাকে রাজপুরী দেখাই।’ বলিয়া লক্ষণ কঙ্কর লক্ষণ ভ্রাতার মতই তাহার সহগামী হইল।

ইজনে পুরভূমির বজ্রভয় বিচরণ করিতে লাগিল।

বুকিল পুরীর বাহিরে বাইবার চেঁচা বৃথা, সে পুর-

বাহিরে বাইবার ইচ্ছা প্রকাশ করিলে কঙ্কী
বাধা দিবে না, কিন্তু নিজে সঙ্গে থাকিবে। সুতরাং
র বাইবার আগ্রহ প্রকাশ না করাই ভাল।

বস্তৃত পুরভূমির স্থানে স্থানে বৃক্ষ-বাটিকা, লতা-মণ্ডপ।

বেশী নাই; বাহারা আছে তাহারা অধিকাংশই সশস্ত্র
গার কিছা রক্ষা, দুই চারিজন উত্থানপালও আছে।

সকলে নিজ নিজ কার্যে নিযুক্ত।

তন্তৃত ভ্রমণ করিতে করিতে চিত্রক অসুস্থব করিল,

ছাড়াও অস্ত্র কেহ তাহার উপর লক্ষ্য রাখিয়াছে,

অলক্ষ্যে থাকিয়া তাহাকে অনুসরণ করিতেছে।

চকিতে কয়েকবার ষাড় ফিরাইয়া দেখিল, কিন্তু

মন্দালোকে বিশেষ কিছু ঠাহর করিতে

না।

তারপর এক বৃক্ষ-বাটিকার নিকটে চিত্রক তাহার অদৃশ্য

গকারীকে মুখোমুখি দেখিতে পাইল। এক বৃক্ষের

ল হইতে একঘোড়া ভয়ঙ্কর চক্ষু তাহার দিকে চাহিয়া

, হিংসাবিকৃত মুখে জলস্ত দুটা চক্ষু। চিত্রক চমকিয়া

।—‘ও কে?’ সঙ্গে সঙ্গে মূর্তি ছায়ার স্তায়

গেল।

কঙ্কী বলিল—‘ও গুহ। আপনাকে নূতন মানুষ

না বোধ হয় কোতুলী হইয়াছে।

চিত্রকের গত রাত্রের কথা মনে পড়িল: হাঁ, সেই

কিন্তু গত রাত্রে গুহর চোখে এমন তীব্র দৃষ্টি ছিল

চিত্রক কঙ্কীকে প্রশ্ন করিলে কঙ্কী সংক্ষেপে

। গুহর বৃত্তান্ত বলিল। তখন চিত্রক, অন্ধকূপে পৃথার

যে কাহিনী শুনিয়াছিল তাহার সহিত মিলাইয়া প্রকৃত

অনেকটা অনুমান করিয়া লইল। গুহই পৃথাকে হরণ

। কূটরঙ্গে লুকাইয়া রাখিয়াছিল, ইচ্ছা ছিল যুদ্ধ শেষ

ফিরিয়া আসিয়া তাহাকে দখল করিবে, কিন্তু মন্তকে

ত পাইয়া তাহার স্মৃতি ভ্রংশ হয়। তবু সে সব কথা

নাই; কোন অর্ধ-বিত্রাস্ত বৃত্তির দ্বারা পরিচালিত

গোপনে পৃথাকে খাড়া দিয়া যাইত। শতাব্দীর

ধরিয়া সে এই কাজ করিয়াছে! আশ্চর্য মস্তিষ্কের

, আশ্চর্য জীবের সহজাত সংস্কার!

ক্রমে দিবালোক মুছিয়া গিয়া চাঁদের আলো হুটুয়া
উঠিল। রাজপুরীর ভবনে ভবনে দীপমালা জ্বলিল।

প্রদোষের এই সন্ধিক্ষণে চারিদিকে চাহিয়া চিত্রকের
মনে হইল সে এই নির্বাক পুরীতে একান্ত একাকী,
নিতান্ত অসহায়। কাল বন্দী হইবার পর অন্ধকার
কারাকূপের মধ্যে তাহার বে অবস্থা হইয়াছিল, আজ
রাজপুরীর দীপোদ্ভাসিত প্রাঙ্গণে সে অবস্থার কিছুমাত্র
পরিবর্তন হয় নাই।

সহসা তাহার অন্তর অসহ্য অধীরতায় ছট্‌ফট্‌ করিয়া
উঠিল; সে বেন জল হইতে তীরে নিক্ষেপ মীন। কিন্তু
সে তাহার মনের অবস্থা সঘন্থে গোপন করিয়া
কঙ্কী সমভিব্যাহারে নিজ বাসভবনের দিকে ফিরিয়া
চলিল।

* * *

রাত্রির মধ্য যামে রাজপুরীর আলোকমালা নির্বাপিত
হইয়াছিল; শুক্লা চতুর্দশীর চন্দ্র পশ্চিমদিকে চলিয়া
পড়িয়াছিল। মাঝে মাঝে লঘু মেঘখণ্ড আসিয়া বহু
আবরণে চন্দ্রকে ঢাকিয়া দিতেছিল।

রাজভবন সুপ্ত; কোথাও শব্দ নাই। চিত্রক আপন
শয়নকক্ষে শয্যাগত লক্ষমান ছিল, ধীরে ধীরে উঠিয়া বসিল।
সে ঘুমায় নাই, কেবল চক্ষু মুদিত করিয়া শয্যাগত
পড়িয়াছিল।

ঘরের এক কোণে স্তিমিত বর্তিকা অস্পষ্ট আলোক
বিকীর্ণ করিতেছিল; মুক্ত বাতায়ন পথে মৃদু বায়ুর সহিত
জ্যোৎস্নার প্রতিভাস কক্ষে প্রবেশ করিতেছে। চিত্রক
নিঃশব্দে পালক হইতে নামিয়া বাতায়নের সম্মুখে গিয়া
দাঁড়াইল। কোথাও জনমানব নাই; চন্দ্রকালিণ্ড পুরী
নিথর দাঁড়াইয়া আছে।

চন্দ্রবিষ বহু মেঘে ঢাকা পড়িল; বহির্দৃশ্য আবছায়া
হইয়া গেল। চিত্রক তখন বাতায়ন হইতে সরিয়া আসিয়া
দ্বার পথে উকি মারিল। ঘরের বাহিরে একটা কিছুর
বসিয়া বসিয়া ঘুমাইতেছে; অস্ত্র কেহ নাই। চিত্রক
নিঃশব্দে ফিরিয়া আসিল। প্রাচীর গায়ে তাহার সর্বোচ্চ
অসি ঝুলিতেছিল, সে তাহা কোমরে বাঁধিল।

তারপর লঘু পদে বাতায়ন লঙ্ঘন করিয়া সে পুর-
ভূমিতে উত্তীর্ণ হইল। দীর্ঘনিশ্বাস টানিয়া ভাবিল, একটা

বাধা উত্তীর্ণ হইয়াছি, আর একটা বাকি—পুরপ্রাকার। ইহা পার হইলেই মুক্তি।

অদূরে একটি লতা মণ্ডলের অন্তরাল হইতে ছুইটি তীক্ষ্ণ চক্ষু যে তাহাকে লক্ষ্য করিতেছে তাহা সে জানিতে পারিল না।

চক্ষের মুখে আবার মেঘের আচ্ছাদন পড়িল। এই ছুবোনে চিত্রক স্বরিত পদে প্রাকারের দিকে চলিল। প্রাকারের ভিতর দিকে স্থানে স্থানে প্রাকারশীর্ষে উঠিবার সর্কার সোপান আছে, তাহা সে সাবৎকালে লক্ষ্য করিয়াছিল।

প্রাকারশীর্ষে উঠিয়া চিত্রক বাহিরের দিকে উকি মারিল। প্রাকার বহির্ভূমি হইতে প্রায় পঞ্চদশ হস্ত উচ্চ; তাহার মন্ডল পাষাণ-গাত্র বাহিয়া নামিবার বা উঠিবার কোনও উপায় নাই। এক উপায়, বজ্রাঙ্গ-বলী পবনপুত্রকে স্বরণ করিয়া নিয়ে লাফাইয়া পড়া; কিন্তু তাহাতে যদি বা প্রাণ বাঁচে, হস্ত পদ রক্ষা পাইবে না; অস্থি ভাঙিবে। তখন পলারনের চেষ্টা হাশ্বকর গ্রহসনে পরিণত হইবে।

তবে এখন কী কর্তব্য? আবার চুপি-চুপি গিয়া শয্যায় শুইয়া থাক? না, আরও চেষ্টা করিতে হইবে। বাহির হইবার একমাত্র পথ তোরণ দ্বার। তোরণ দ্বারে প্রতীহার আছে—তাহার গোখে ধূলা দিয়া বাহির হওয়া কি সম্ভব? কে বলিতে পারে, প্রতীহার হয়তো ঘুমাইয়া পড়িয়াছে।—

চিত্রক প্রাকারের উপর দিয়া তোরণ দ্বারের অভিমুখে চলিল। সাবধানে চলিতে চলিতে তাহার মনে হইল পশ্চাতে কেহ আসিতেছে। সে চকিতে ফিরিয়া চাহিল, কিন্তু কাহাকেও দেখিতে পাইল না।

তোরণ স্তম্ভের কাছে পৌছিয়া চিত্রক সস্তর্পণে নিয়ে দৃষ্টি প্রেরণ করিল; দেখিল প্রতীহার দ্বারের লৌহ কবাটে পৃষ্ঠ রাখিয়া পদদ্বয় প্রসারণ পূর্বক ভূমিতে বসিয়া আছে, তাহার চিবুক বন্ধের উপর নত হইয়া পড়িয়াছে, তলটি জাহুর উপর স্থাপিত। প্রতীহার যে নিদ্রাস্থ উপভোগ করিতেছে তাহাতে সন্দেহ নাই।

তাহাকে দেখিতে দেখিতে চিত্রকের নাসাপুট স্ফুরিত হইতে লাগিল, ললাটের ঢীকা ধীরে ধীরে রক্তবর্ণ ধারণ

করিল। মেহের দ্বায়ুশেণী কঠিন করিয়া সে কণকাল চিন্তা করিল তারপর নিঃশব্দে কোব হইতে তরবারি বাহির করিল। ইহাই এখন একমাত্র উপায়। তোরণ দ্বারের গাত্রে যে ক্ষুদ্র কবাট আছে তাহা খুলিয়া সে বাহির হইবার চেষ্টা করিবে। প্রতীহারকে না জাগাইয়া যদি বাহির হইতে পারে ভাল, আর যদি প্রতীহার জাগিয়া ওঠে, তখন—

নিকটেই শীর্ণ সোপানশ্রেণী; চিত্রক নীচে নামিল। তোরণস্তম্ভের গা বেঁধিয়া অতি সতর্ক পদসঞ্চারে নিদ্রিত প্রতীহারের দিকে অগ্রসর হইল। এতক্ষণে সে প্রতীহারের মুখ দেখিতে পাইল; দেখিল গত রাত্রির সেই প্রতীহার।

ওষ্ঠাধর দৃঢ়বদ্ধ করিয়া চিত্রক আর এক পদ অগ্রসর হইল। কিন্তু আর তাহাকে অগ্রসর হইতে হইল না। এই সময় পশ্চাতে একটা গভীর গর্জনধ্বনি হইল; সঙ্গে সঙ্গে ভল্লকের মতো একটা জীব তাহার স্বন্ধে লাফাইয়া পড়িয়া ছুই বজ্রবাহু দিয়া তাহার কণ্ঠ চাপিয়া ধরিল।

অতর্কিত আক্রমণে চিত্রক সম্মুখ দিকে পড়িয়া গেল। আক্রামকও সঙ্গে সঙ্গে পড়িল, কিন্তু তাহার বাহুবন্ধন স্নেহ হইল না। চিত্রকের শ্বাস রোধ হইবার উপক্রম হইল। শত্রু পৃষ্ঠের উপর—চিত্রক তাহাকে দেখিতে পাইল না। অন্ধভাবে মাটিতে পড়িয়া সে অদৃশ আততায়ীর সহিত যুদ্ধ করিতে লাগিল; তাহার মুষ্টি হইতে তরবারি পড়িয়া গেল। ছুই হাতে প্রাণপণ চেষ্টা করিয়াও কিন্তু সে আততায়ীর নাগপাশ হইতে নিজ কণ্ঠ মুক্ত করিতে পারিল না।

এদিকে প্রতীহার আচম্বিতে ঘুম ভাঙিয়া দেখিল তাহার সম্মুখে গজ-কচ্ছপের যুদ্ধ বাধিয়া গিয়াছে। কিছু না বুঝিয়াই সে লাফাইয়া উঠিল এবং কটি হইতে একটা তুরী বাহির করিয়া তাহাতে কুৎকার দিতে লাগিল। তুরীর তারধ্বনিতে চারিদিক সচকিত হইয়া উঠিল।

চিত্রকের অবস্থা ততক্ষণে শোচনীয় হইয়া উঠিয়াছে; তাহার সংজ্ঞা লুপ্ত হইয়া আসিতেছে। কণ্ঠ মুক্ত করিবার চেষ্টা বৃথা। অন্ধভাবে চিত্রক মাটিতে হাত রাখিল; তরবারিটা তাহার হাতে ঠেকিল। মোহগ্রস্তভাবে তরবারি মুষ্টিতে লইয়া চিত্রক কোনও ক্রমে জাহুর উপর

উঠিল, তারপর তরবারি পিছন দিকে কিরাইল; আততায়ী
বেখানে তাহার পৃষ্ঠের উপর জড়াইয়া ধরিয়াকে সেইখানে
তরবারির অগ্রভাগ রাখিয়া ছুই হাতে আকর্ষণ করিল।
তরবারি ধীরে ধীরে আততায়ীর পঞ্জর মধ্যে প্রবেশ
করিল।

কিছুক্ষণ আততায়ী তদবস্থ রহিল; তারপর তাহার
বাহুবন্ধন সহসা শিথিল হইল। সে চিত্রকের পৃষ্ঠ হইতে
গড়াইয়া মাটিতে পড়িয়া গেল।

হুস্ফুস্ করিয়া শ্বাসগ্রহণপূর্বক চিত্রক টলিতে
টলিতে উঠিয়া দাঁড়াইল। ইতিমধ্যে তুরীধ্বনিতে আকৃষ্ট
হইয়া কয়েকজন পুরবানী ভৃত্য ছুটিয়া আসিয়াছিল এবং
দণ্ডাদির দ্বারা চিত্রককে প্রহার করিতে উত্তত হইয়াছিল;
কিন্তু চিত্রক উঠিয়া দাঁড়াইলে তাহার মুখ দেখিয়া তাহারা
নিরস্ত হইল।

তোরণ প্রতীহার ভয় অগ্রবর্তী করিয়া কাছে আসিয়া
মহা বিশ্বয়ে বলিয়া উঠিল—‘আরে এ কি! এ যে কাল
রাজির চোর—না না—মগধের দূত মহাশয়! এত রাত্রে
এখানে কি করিতেছেন? ওটা কে?’

চিত্রক ঘন ঘন নিশ্বাস ফেলিতে ফেলিতে বলিল—
‘জানি না। আমাকে পিছন হইতে আচম্বিতে আক্রমণ
করিয়াছিল—’

আততায়ীর অসিবিদ্ধ দেহটা অধোমুখ হইয়া পড়িয়া
ছিল, একজন গিয়া তাহাকে উল্টাইয়া দিল। তখন
চন্দ্রালোকে তাহার মুখ দেখিয়া সকলে স্তব্ধ হইয়া গেল—
শুহ।

শুহ মরিয়াছে; তাহার দেহটা শিথিল অকপিণ্ডে
পরিণত হইয়াছে।

প্রতীহার বিশ্বয়-সংহত কণ্ঠে বলিল—‘কি আশ্চর্য—
শুহ! শুহ আপনাকে আক্রমণ করিয়াছিল! কিন্তু সে
বড় নিরীহ—কখনও কাহাকেও আক্রমণ করে নাই।
আজ সহসা আপনাকে আক্রমণ করিল কেন?’

চিত্রক উত্তর দিল না, একদৃষ্টে শুহর বৃত-মুখের পানে
চাহিয়া রহিল। শুহর মুখ শান্ত; যেন দীর্ঘ জাগরণের পর
সে ঘুমাইয়া পড়িয়াছে। এই মাহুটাই কণেক পূর্বে হিংস্র
অক্ষের দ্বায় তাহার কণ্ঠনালী চাপিয়া মারিবার উপক্রম
করিয়াছিল তাহা বুঝিবার উপায় নাই। এই খর্ব কৃত্ত
দেহে এমন পাশবিক শক্তি ছিল তাহাও অসম্ভব করা
যায় না।

প্রতীহার ওদিকে প্রশ্ন করিয়া চলিয়াছে—‘কিন্তু শুহ
আপনার প্রতি এমন মারাত্মক আক্রমণ করিল কেন?
সে অবশ্য পাগল ছিল, কিন্তু কাহাকেও অকারণে আক্রমণ
করা—’

চিত্রক বলিল—‘অকারণ নয়। আমার প্রতি তাহার
বিদ্বেষের কারণ বুঝিয়াছি। পৃথার মুক্তি। শুহ ভাবিয়া-
ছিল, আমিই তাহার গুপ্তধন চুরি করিয়াছি।’

শুহর পাশে নতজানু হইয়া চিত্রক ধীরে ধীরে তাহার
পঞ্জর হইতে তরবারি বাহির করিয়া লইল। মৃত্যুর পরপারে
শুহ আবার তাহার লুপ্ত স্বতি কিরিয়া পাইয়াছে কিনা
কে জানে।

(ক্রমশঃ)



রাশিফল

জ্যোতি বাচস্পতি

মেঘরাশি

আপনার মেঘরাশি যদি মেঘ হয়, অর্থাৎ যে সময়ে চন্দ্র আকাশে মেঘ-নক্ষত্রপুঞ্জ ছিলেন, সেই সময়ে যদি আপনার জন্ম হ'রে থাকে, তাহলে এই রকম বল হবে—

প্রকৃতি

আপনি ভাবপ্রবণ প্রকৃতির লোক, কিন্তু আপনার ভাবের মধ্যে সজীবতা ও তীব্রতা বহুটা আছে, প্রসন্ন বা গভীরতা ততটা নেই। আপনি সকল ব্যাপারেই চান তীক্ষ্ণ অনুভূতি ও উত্তেজনা, কাজেই আপনার মধ্যে অধীরতা ও চাকল্য কম-বেশী প্রকাশ পায়। আপনার মধ্যে আশ্রয় সচেতনতা খুব বেশী এবং আপনি কম-বেশী স্পর্শকাতর। আপনার ইন্দ্রিয় অক্ষুণ্ণ ও সাধারণতঃ বেশ তীক্ষ্ণ। কাজেই অতি সামান্য কারণেই আপনি যেমন উৎফুল্ল হ'রে ওঠেন, তেমনি সামান্য কারণেই মুহূর্তমান হ'রে পড়েন। কোন ভাবই আপনার মধ্যে স্থায়ী লাভ করতে পারে না।

নিজের দিকে আপনার বেশ ধর দৃষ্টি আছে, সেইজন্য কোন কিছু আপনার বিরুদ্ধে গেলে, আপনি অধীর ও খিটখিটে হয়ে ওঠেন। অনেক সময় সহজেই রেগে যান, কিন্তু আপনাকে শান্ত করাও শক্ত নয়, অল্প চেষ্টাতেই আপনি প্রসন্ন হ'রে ওঠেন।

আপনি স্বাধীনতা-প্রিয় ও উচ্চাভিলাষী এবং আপনার সংগঠন শক্তি খুব বেশী না থাকলেও, নিজের পরিবেশের মধ্যে কর্তৃত্ব করতে চান। কিন্তু কর্তৃত্ব পেলেও অধীরতা ও চাকল্যের জন্ত তা প্রায়ই হারা হ'র না। আপনি নিজের মতে কাজ করতে ভালবাসেন, অপরের সঙ্গে পরামর্শ করলেও অধিকাংশ ক্ষেত্রে সে পরামর্শ উপেক্ষা বা অগ্রাহ্য করেন। এমন কি সে পরামর্শের বিপরীত আচরণও করতে পারেন।

আপনার উপর আপনার আবেষ্টনের অথবা বংশ ও পরিবারের প্রভাব খুব বেশী অভিব্যক্ত হওয়া সম্ভব। পারিবারিক আবেষ্টন খুব ভাল না হ'লে নৈতিক অবনতির আশঙ্কা আছে। সঙ্গ নির্বাচনেও আপনার সতর্ক থাকা উচিত। অসৎ সঙ্গ পড়লে সঙ্গীদের প্রশংসা পাবার জন্ত, অথবা তাদের উপর নেতৃত্বের লোভে দুর্নীত আচরণ করা আপনার পক্ষে অসম্ভব নয়।

অর্থভাগ্য

আর্থিক ব্যাপারে আপনার কম বেশী চিন্তা থাকিবে। অনেক সময় দায়-ব্যয়ের সামঞ্জস্য রাখা কঠিন হবে। এক সময় আপনি হঠাৎ ভাব্য ব্যয়েও বিমূগ্ধ হবেন, আবার আর এক সময় অথবা ব্যয়ে মুগ্ধ হ'রে উঠবেন। অর্থ উপার্জনের ব্যাপারেও অনেক ক্ষেত্রে আপনাকে

বাধ্য হ'রে কৌশল বা গোপনীয়তার আশ্রয় নিতে হবে। কোন আত্মীয়ের জন্ত আপনার অথবা অর্থ ব্যয় হ'তে পারে, কিন্তু মেহশীলা আত্মীয়ের কাছ থেকে আপনি সাহায্যও পেতে পারেন। টাকা খাটানোর ব্যাপারে আপনার বিশেষ সাবধান হওয়া উচিত। অনেক সময় অপাত্রে ঋণদান ক'রে অথবা বেয়াড়া ব্যাপারে টাকা লম্বী করে বিশেষ ঋণীদের আশঙ্কা আছে। আর্থিক অবস্থা শেষ পর্বন্ত মোটের উপর সচ্ছল হ'লেও, আর্থিক ব্যাপারে কম-বেশী ওঠাপড়া আপনার বরাবরই চলবে।

কর্মজীবন

আপনার সেই সকল কাজ ভাল লাগবে—যাতে কর্মের ধারা বা পরিবেশের ঘন ঘন পরিবর্তন আছে। একেবারে ধরাবীধা কাজ আপনার প্রিয় নয়। আপনি সেই সব কাজের দিকে আকৃষ্ট হবেন যার মধ্যে খানিকটা অনিশ্চয়তা আছে অথবা যাতে সাহসিকতার পরিচয় দিতে হয়। সুতরাং সৈনিকের কাজ, চিকিৎসকের বৃত্তি, রসায়ন শিল্প, পুর্তকার্য, ধাতুর ব্যবসা, রাজনৈতিক কার্যকলাপ প্রভৃতির যে কোনটাতে হোক আপনি কৃতিত্ব দেখাতে পারেন। আপনার জন্ম নক্ষত্র যদি অশ্বিনী হয়, তা'হলে রাজনৈতিক কাজ, ইঞ্জিনিয়ারিং, বৈজ্ঞানিকের কাজ ইত্যাদি আপনার ভাল লাগবে। যদি শুক্রনী নক্ষত্র হয় তা'হলে যে সব কাজে বিপদের আশঙ্কা আছে সেই সব কাজের দিকে আপনার ঝোঁক থাকবে। আপনি মাঝে মাঝে পরিবর্তন চান, কাজেই একই ভাবে, একই স্থানে, একই কাজে লেগে থাকা আপনার রুচিকর হবে না। কর্মক্ষেত্রে আপনি প্রাধান্য লাভ করতে পারেন কিন্তু কর্মের ব্যাপারে বহু শক্ততা ও প্রতিদ্বন্দ্বিতা ঠেলে আপনাকে অগ্রসর হ'তে হবে। উন্নতি হ'লেও সে উন্নতি বজায় রাখার জন্ত আপনাকে দৃঢ়মত লড়াই করতে হবে, না হলে কিরে অবনতিও হ'তে পারে। বাইরের শত্রুর দ্বারা মিথ্যা অপবাদ বা নিন্দাপ্রচার ত হবেই, অনেক সময় আপনার পারিবারিক আবেষ্টনও আপনার উন্নতির বিরূপ সৃষ্টি করবে। শত্রুর সঙ্গে বিবাদে অনেক সময় এত শক্তি ও সময়ের অপব্যয় হবে যে আপনার অনেক কর্তব্য কাজও সেজন্য অবহেলিত হ'তে পারে। সুতরাং শক্ততা আপনি যত এড়াতে পারবেন ততই আপনার পক্ষে মঙ্গল। আপনার যদি কৃত্তিকা জন্মনক্ষত্র হয় তা'হলে এ বিষয়ে বিশেষ সতর্কতা আবশ্যিক, নতুবা বর্ধে পূর্ণ উন্নতি কখনই সম্ভব হবে না।

পারিবারিক

আত্মীয়-সুহৃদের সঙ্গে আপনার মোটের উপর সৌহার্দ্য থাকাই সম্ভব। আপনার মধ্যে আত্মজাত্যের একটা গর্ভ থাকতে পারে

অন্ততঃ পারিবারিক প্রতিষ্ঠা ও বংশবর্ধনার দিকে আপনার তীক্ষ্ণ দৃষ্টি থাকলে এবং সর্বত্র আপনার ধারণা অসুন্দারে পরিবারস্থ সকলের আচরণ নিয়ন্ত্রিত করতে বা পারলে আপনি অশক্তিবোধ করবেন। মেহ ক্রীতির ব্যাপারে আপনার আবেগ খুব প্রবল হবে এবং কোন কোন ক্ষেত্রে তা সহজ জ্ঞানের সীমা অতিক্রম করে যেতে পারে। সম্ভাব্য উপরই হোক বা অপর কোন ক্রীতির পাত্রের উপরই হোক আপনার এই ক্রীতি অনেক সময় তাঁদের পক্ষে পীড়াদায়ক বা ক্ষতিকর হতে পারে। সুতরাং এ বিষয়ে আপনার সংযত হওয়া আবশ্যিক। আনন্দ-আনন্দের জন্ত ও সম্ভানাদির জন্ত আপনার অনেক সময় অপব্যয় হতে পারে ; যার জন্ত পরে অনুশোচনা করতে হবে। সম্ভানাদির বিবাহের জন্ত আপনার কোন রকম চিন্তা হতে পারে এবং কোন সম্ভানের দূরদেশে অথবা দুর্গম প্রদেশে বিবাহ হওয়াও অসম্ভব নয়।

বিবাহ

বিবাহের ব্যাপারে কিছু বাধা বিদ্য হ'লেও আপনার দাম্পত্য জীবন মোটের উপর মন্দ নয়। স্ত্রী (অথবা স্বামী) নর ও নিরীহ প্রকৃতির হওয়াই সম্ভব এবং তিনি আপনার অসুগত হবেন। আপনার ভাব-প্রবণতার জন্ত মধ্যে মধ্যে তাঁর সঙ্গে অকোশল হ'লেও গুরুতর কোন মনোমালিন্য না হওয়াই সম্ভব। আপনার স্ত্রী (অথবা স্বামী) মেহ একটু দুর্বল হতে পারে। যদি এরকম কারো সঙ্গে আপনার বিবাহ হয় যার জন্মমাস বৈশাখ, ভাদ্র, কার্তিক অথবা পৌষ কিংবা যার জন্মতিথি কৃক পক্ষের তৃতীয়া বা শুক্লপক্ষের দশমী, তাহলে আপনার সঙ্গে তাঁর বিশেষ সম্ভাব হবে।

বন্ধুত্ব

আপনার বন্ধুর সংখ্যা বে হওয়াই সম্ভব। কিন্তু বন্ধুত্বের ব্যাপারে আপনাকে কম বেশী অশান্তিতাপ করতে হবে। অনেক সময় বন্ধুর জন্ত আপনার নিজের কোনরকম বিপদ বা বিজ্ঞাট উপস্থিত হতে পারে ; অথবা বন্ধুর কোনরকম বিপদ বা ঝগাটে আপনার মানসিক শান্তি ব্যাহত হতে পারে। বন্ধুর জন্ত কোনরকম পারিবারিক ঝগাট উপস্থিত হওয়াও বিচিত্র নয়। আপনি সাধারণতঃ আকৃষ্ট হবেন সেই সব ব্যক্তির দিকে যাদের জন্মমাস বৈশাখ, ভাদ্র, অথবা পৌষ এবং যাদের জন্মতিথি কৃক পক্ষের তৃতীয়া অথবা শুক্লপক্ষের দশমী।

স্বাস্থ্য

আপনার মধ্যে বংশগত ব্যাধির প্রবণতা থাকতে পারে এবং কোন রকম আশাত্মক অথবা মনোকষ্ট আপনার স্বাস্থ্যহানির কারণ হতে পারে। আপনি খাওয়া দাওয়ার ব্যাপারে সাধারণতঃ তীব্র ও রুক্ষ জিনিষ পছন্দ করেন, সেইজন্য মাংসের দিকেও আপনার একটা আকর্ষণ আসতে পারে। কিন্তু তা সফল পরিহার করা উচিত। কেন না আপনার স্বাস্থ্যের পক্ষে যে কোন মাদক বিশেষ অনিষ্টকারী ; এমন কি চা, তামাক, কফি, প্রভৃতিরও অপরিমিত ব্যবহার আপনার স্বাস্থ্যের গুরুতর ক্ষতি করতে পারে। একেবারে গুরুভোজনও আপনার

স্বাস্থ্যের পক্ষে ভাল নয়। ধীরে ধীরে অল্প পরিমাণে খাদ্য গ্রহণ করা আপনার পক্ষে ভাল। তরল খাদ্যের চেয়ে শুষ্ক ও ভর্জিত খাদ্যই আপনার উপযোগী বেশী। আহার বিহারে সংযম এবং শান্ত পরিবেশ বাহ্য ভাল রাখার জন্ত আপনার পক্ষে একান্ত আবশ্যিক।

অজ্ঞাত ব্যাপার

আপনার মধ্যে জন্ম ও স্থান পরিবর্তনের ইচ্ছা থাকবে বটে, কিন্তু অনেক সময় যে উদ্দেশ্য নিয়ে আপনি জন্ম বা স্থান পরিবর্তন করবেন কার্যক্ষেত্রে তা সফল হবে না। প্রবাসে বা জন্মের সময় কোনরকম বিপদ আপদ সন্মুখ হতে পারে সতর্ক থাকা উচিত। বিদেশে শত্রুর দ্বারা বিপন্ন হওয়ারও আশঙ্কা আছে।

কোন গুহাবিভা অথবা আধ্যাত্মিক সাধনার দিকে আপনার ঝোঁক আসতে পারে কিন্তু তাতে বিপদের আশঙ্কা আছে। বিশেষ করে আপনার যদি জন্ম নক্ষত্র ভরণী অথবা কৃত্তিকা হয় তাহলে গুহানাথনা একেবারে বর্জনীয় এবং ভক্তিমাগে কিছু আনন্দ পেতে পারেন।

যাতে নিজের দেশের, সমাজের বা সম্প্রদায়ের স্বার্থ জড়িত আছে বলে আপনি মনে করেন, তার উপর আপনার একটা বিশেষ মমতা থাকে সম্ভব এবং তারজন্ত অনেক সময় আপনি আত্মত্যাগ এবং অর্ধব্যয় করতেও কুণ্ঠিত হবেন না। কিন্তু সে ক্ষেত্রেও আপনার কতৃৎ পাওয়া চাই, নতুবা নিরুৎসাহ হ'লে আপনি সে সফল উদ্যোগ হ'লে উঠতে পারেন।

স্মরণীয় ঘটনা

আপনার ৪, ১৬, ২৮, ৪০, ৫২ এই সকল বর্ষে নিজের স্বাস্থ্যের ব্যাপারে অথবা পরিবার মধ্যে কারো কোনরকম দুর্ঘটনা ঘটতে পারে। ১০, ১২, ২২, ৩৪, ৪৬, ৫৮ এই সকল বর্ষগুলিতে কোনরকম অভিজ্ঞতা হতে পারে।

বর্ণ

হালকা লাল রং বা হলদে আভাবুক্ত লাল রং আপনার বিশেষ উপযোগী। বিশেষ করে গেরুরা রং, টাপাকুলের রং অথবা সোনালী রং আপনার বিশেষ সৌভাগ্য বর্ধক হওয়া উচিত। যোর লাল রং ব্যবহার না করাই ভাল, কেননা তাতে উত্তেজনা বৃদ্ধি হতে পারে। অসুস্থ অবস্থার সাধারণতঃ বেশী চক্চকে বা অল অলে রং বর্জন করা উচিত। কেন না তা অনেক সময় অশক্তিকর হতে পারে এবং উপসর্গ বাড়িয়ে তুলতে পারে।

রত্ন

আপনার ধারণের উপযোগী রত্ন সোনাপাথর (Gold Stone) এ্যাংবার (Amber) হলদে পোথরাজ প্রভৃতি।

যে সকল খ্যাতনামা ব্যক্তি এই রাশিতে জন্মেছেন তাঁদের জনকরেকের নাম—হরপতি শিখাজী, টিপুজলতান, জেনারেল গর্ডন, রাজা বিনয়কৃক দেব। মহামহোপাধ্যায় মহেশচন্দ্র ভারদ্বাজ, কবিরাজ গঙ্গাধরদাস সেন, আসুটিন্দু সারদাচরণ মিত্র প্রভৃতি।

তথাগতের সাথে নবদ্রে দেব

(পূর্ব প্রকাশিতের পর)

মালদা থেকে ফিরে এসে আর আমাদের রাজগীরে থাকতে ভাল লাগছিল না। অতীত ভারতের ইতিহাস যেন ইন্ডিতে আছান করছিল—বেরিয়ে পড়ো—যদি দেখতে চাও বৌদ্ধযুগের অগণিত বিলুপ্ত ঐশ্বর্য, যদি ভগবান তথাগতের পদাঙ্ক অনুসরণ ক'রে ফিরতে চাও পরিত্রাজকের মতো—তবে চলো—সুধিনী—পাটলিপুত্র—বৌদ্ধগয়া—সারনাথ—সাঁচী, প্রাবস্তী—কুশীনগর—কপিলাবস্ত—কৌশাধী—

কিন্তু মুক্তিলাভ হলে পড়লো আমাদের রাজগীর পোষ্ট অফিস থেকে বখাসমত টাকা না পাওয়ার। কলকাতার একটি প্রসিদ্ধ ব্যাঙ্ক রেজেন্টারী ও ইনসিয়ার ক'রে আমাদের প্রয়োজনমত টাকা পাঠিয়েছেন বলে আমাদের জানিয়েছেন, কিন্তু রাজগীর পোষ্ট অফিসে কেউ না থাকার ইনসিয়ার বিলি হয় নি। ডাকঘরে গিয়ে খবর নিয়ে জানা গেল রেজেন্টারী ও ইনসিয়ার করা চিঠি একখানি আমার নামে এসেছে ঠিক, কিন্তু, সে খানি বিলি করবার মালিক যিনি সেই পোষ্টমাষ্টার মশাই গত একসপ্তাহকাল ডাকঘরে অনুপস্থিত। শোনা গেল তিনি দিন দুই তিনের ছুটি নিয়ে কি একটা বিত্তাগীর পরীক্ষা দিতে পাটনা গেছেন। কাজেই পোষ্ট অফিসে কেবল চিঠি বিলি ছাড়া আর সব কাজ বন্ধ আছে। মণিঅর্ডার করা বা নেওয়া দুইই চলছে না, টেলিগ্রামও বন্ধ, রেজিষ্ট্রেশান এবং ইনসিয়ার কিছুই হবার উপায় নেই, পাবারও উপায় নেই! বিদেশে প্রবাসে যারা গিয়ে পড়েছে তাদের পক্ষে এ একটা গুরুতর অবস্থার অভিজ্ঞতা!

পরল ডিসেম্বর আমরা “সপ্তপর্ণী” ছেড়ে চলে আসবো—বাড়ীর মালিক অর্থাৎ আমাদের বেয়ান ঠাকুরপের সঙ্গে এই রকমই কথা ছিল। কিন্তু, কথা রাখা গেল না। প্রকৃত নিরুপমা দেবীর জ্যেষ্ঠ পুত্রবধু আমাদের ভাগিনেরী কল্যাণীরা শ্রীমতী কমলকে পত্র লিখে সমস্ত অবস্থা জানিয়ে ১৫ই ডিসেম্বর পর্বস্ত সপ্তপর্ণীতে থাকার মেয়াদ বাড়িয়ে নেওয়া গেল।

রোজই একাধিকবার ডাকঘরে যাই—পোষ্টমাষ্টার কিরছেন কিনা খবর নিতে। দেখি রীতিমত শীড় জমে গেছে সেখানে। কত লোক যে মণিঅর্ডার ইনসিয়ার রেজিষ্ট্রেশান আর টেলিগ্রাকের জন্ত খর্ণা দিচ্ছে তার সংখ্যা হয় না। আগাততঃ পোষ্টকার্ড এবং ডাকটিকিটও বিশেষ হয়ে গেছে। চিঠিপত্রের আদান প্রদানও বন্ধ হবার উপক্রম। বর্তমান যুগে পৃথিবীর কোনও সত্যদেপের সরকারী ডাকঘরের যে এরকম অবস্থা দিমের পর দিন চলতে পারে এ আমাদের ধারণাই ছিল না। ভারতবর্ষ আজকাল বেশ, এখানে সবই সম্ভব। বাবীন

ভারতের কংগ্রেস সরকার এখন বিহার প্রদেশের শাসনকর্তা। এঁদের শাসন পরিচালনার জুগে একটি বিশিষ্ট তীর্থহানের ডাকঘর যে এমনভাবে ভেঙে পড়তে পারে একথা ভাবলেও লজ্জা ও কষ্ট বোধ হয়। আর একসপ্তাহকাল ধরে এই পোষ্টমাষ্টার-হীন-ডাকঘর কংগ্রেস সরকারের শাসন পরিচালনার অব্যোধ্যতা জনসাধারণের কাছে সপ্রমাণিত করে দিতে লাগলো।

ইতিমধ্যে কলকাতা থেকে লোক মারকৎ আমাদের হাতে কিছু টাকা এসে গেল। আমরা তখন শ্রীরামকৃষ্ণ সেবাপ্রদেয় স্বামী কৃপানন্দজীকে এবং তাঁর অবর্তমানে সরকারী ডাক্তার শ্রীযুক্ত ডি, এন, দাসকে, পৃথকভাবে এক একখানি ‘অধিকার পত্র’ দিয়ে পাটলিপুত্র সন্দর্শনে রওনা হয়ে গেলুম। এই ‘অধিকার পত্র’ স্বামীজীকে এবং তাঁর অবর্তমানে ডাক্তারবাবুকে আমাদের যাবতীয় চিঠিপত্র, প্যাকেট, পার্শেল, ইনসিয়ার ও রেজেন্টারী করা কতোর, বুকপোষ্ট, মণিঅর্ডার এবং টেলিগ্রাম পর্বস্ত বিলি করবার জন্ত ডাকঘরকে নির্দেশ দিয়ে এলুম।

আমাদের প্রবাসের বন্ধু মার্টিন রেলের কর্মচারী শ্রীযুক্ত বিনয় নন্দী মহাশয় আমাদের পাটনা যাত্রার সমস্ত ব্যবস্থা ক'রে দিলেন এবং নিজের আমাদের সঙ্গী হয়ে পাটনা পর্বস্ত এলেন। তিনি সঙ্গে না এলে আমরা কখনই সেদিন বক্তিমারপুর স্টেশান থেকে ‘বেনারস-এক্সপ্রেস’ ধরে পাটনা যেতে পারতুম না। কারণ মার্টিনের রেল সময় রক্ষা সম্বন্ধে মোটেই নির্ভরযোগ্য নয়। অধিকাংশ দিনই তিনি করেসপণ্ডিং ট্রেনপানি ছেড়ে যাবার পর হাঁপাতে হাঁপাতে বক্তিমারপুরে গিয়ে হাজির হন। যাত্রীদের আরই পরবর্তী গাড়ী ধরবার জন্ত স্টেশনে অপেক্ষা করতে হয়।

আমরা এই ডিসেম্বর রাজগীরের বাড়ী চাবীবন্ধ ক'রে চাবীগুলি রিজিষ্টার্ড ও ইনসিয়ার পাসেলে নিরুপমা দেবীর কাছে পাঠাবার ব্যবস্থা ক'রে পাটনা রওনা হয়েছিলুম। বক্তিমারপুর স্টেশনে নেমে দেখি করেসপণ্ডিং ট্রেন ছাড়বার ঘণ্টা পড়ে গেছে। সমস্ত মালপত্র মুটের মাধ্যম তুলে ছুটতে ছুটতে গিয়ে দেখি স্টেশনে ঢোকবার পেট বন্ধ। লোকে লোকারণ্য সেখানে! প্যাসেঞ্জার ও স্টেশন ঠাকুর সঙ্গে তখন ভীষণ মারামারি চলছে। রেল পুলিশ বে-পরোয়া লাঠি চালনা ক'রেও কীপ্ত জনতাকে শান্ত করতে পারছে না।

একটি ‘ওভারড্রীজ’ পার হয়ে স্টেশনে যেতে হয়। বিনয়বাবু সঙ্গে থাকার এবং ‘ওভারড্রীজ’ পার হবার সময় না থাকার আমরা তাড়াতাড়ি হবে বলে লাইন অভিক্রম ক'রে স্টেশনে এসেছিলুম, কিন্তু দাঁড়াহালা চলছে বলে প্রবেশ করতে পারলুম না। বিনয়বাবু পুলিশদের

সঙ্গে নিয়ে আমাদের ট্রেন কেমসিংয়ের দ্বার দিয়ে দিয়ে অগ্রসর হ'তে ব'লে সেই ভীড়ের মধ্যে অদৃষ্ট হ'রে গেলেন। অল্পক্ষণ পরেই দেখা গেল তিনি রেলওয়ে ষ্ট্রাকের একজন লোক সঙ্গে নিয়ে ছুটে আসছেন। ম্যাটকর্নের মাঝামাঝি কেমসিংয়ের গারে একটি বিশেষ 'প্রবেশ-দ্বার' ছিল। তার সম্মান রেলওয়ে কর্মচারীরাই জানতেন। বিনয়বাবুর সঙ্গে রেলকর্মচারীটি সেই দরজার চাবীটি নিয়ে এসেছিলেন। আমরা এঁদের সাহায্যে কোনও রকমে গলদ্বার হ'রে ট্রেনে উঠলুম। "বে বে গাড়ীতে বারগা পাও কিছু কিছু মাল নিয়ে উঠে পোড়ো" এই ছিল বিনয়বাবুর আদেশ, কারণ বেনারস এক্সপ্রেস প্রায়ই ভর্তি হয়ে আসে, তাছাড়া ট্রেনের সময়ও উত্তীর্ণপ্রায়। কম ভীড়ের গাড়ী খুঁজে দেখে সকলের একগাড়ীতে যাকার অবকাশ নেই তখন। কুলিরা ঝপাঝপ বে বে গাড়ীতে পারল মাল কলে দিলে। আমরাও বিনয়বাবুর উপদেশ মতে বে বে গাড়ীটা সামনে পেলুম উঠে পড়লুম। আমাদের সঙ্গে ভৃত্য ও পরিচারিকা রামচন্দ্র ও বিনোদিনীর তৃতীয় শ্রেণীর টিকিট ছিল। কিন্তু, সে কামরাঙালিতে প্রবেশ ক'রে কার সাধ্য। বিনয়বাবু তাদের যে ক্লাশে খুঁশী ভুলে দিলেন। আমি ও খুকী সেকেন্ড ক্লাশ টিকিট থাকে সফেও ইন্টার ক্লাশে উঠে পড়লুম; বিনি আমাদের কামরায় এল। মেয়েদের বিনয়বাবু কাষ্ট্র ক্লাশে ভুলে দিলেন। রামচন্দ্র কোথায় গেল তার কোনও উদ্দেশ্য পাওয়া গেল না। জিনিসগুলো সব উঠলো কিনা বিনয়বাবু তার তদারক ক'রে—কুলি মিটিয়ে যখন আমাদের গাড়ীতে এসে উঠলেন গাড়ী তখন চলতে আরম্ভ করেছে। সমস্ত ব্যাপারটা লিপিতে যতটা সময় গেল তার শতাংশের একাংশ সময়ের মধ্যে আমরা ছুটোছুটি করে ট্রেন ধরেছিলাম। এ ট্রেন ধরতে না পারলে আমাদের বড় কষ্ট পেতে হ'ত। শুধু আমাদের কেন, পাটনার আমাদের নবপরিচিত বন্ধু শশাকমোহনকে ধবর দেওয়া হ'বেছিল স্টেশনে আসবার জন্ত, কারণ, তারই সনির্বন্ধ আগ্রহে ও অনুরোধে এবং সাদর আহ্বানে আমরা পাটনার ছ'একদিনের জন্ত তারই আতিথ্য গ্রহণ করতে বাচ্ছিলাম। সুতরাং এ ট্রেনে না যেতে পারলে আমরা সেদিন আর পাটনা পৌঁছতে পারতাম না। ব্যাকের বড়সাহেব শশাকমোহনেরও স্টেশনে ছুটে আসা-যাওয়ার সময় নষ্ট হ'ত এবং শ্রীমতী মনোজ্যোৎস্না বেচারার অতিথি পরিচর্যার আয়োজনও পও হ'রে যেত।

বাইহোক, বজ্রনারপুর থেকে পাটনা যাবার পথে মাঝের একটা স্টেশনে—কি নাম মনে নেই—হ্যাঁ, 'ছাপ্রা' বোধহয়; অনেক লোক নেবে গেল। শুনলুম ছট' পরবের জন্ত তারী ধুম হয় 'নাকি এখানে। বিনয়বাবু এই স্থযোগে আমাদের ছড়িয়ে-পড়া মালপত্র ও লোকজনদের একত্র করে ফেললেন। রামচন্দ্রকে আবিষ্কার করা গেল একখানি দেড়া-মাঙলের গাড়ীতে। জলের কুঁজো ও পেলাস ছিল তারই হেপাজতে। তুর্কাত নবনীতা জলপানের জন্ত উত্থিত করে তুলছিল আমাদের। রামচন্দ্রকে কুঁজো পেলাস সবেত পাওয়া যেতে আমরা বেন হাঁক ছেড়ে বাচ্চলুম। শ্রীমতী তার ভাঙার থেকে নেবু সংবেশ বার করে দিলেন। তুর্কাত ও

পিপাসাত হরেছিলান সকলেই। খাত ও পানীয় পেয়ে অনেকটা খাতহ হওয়া গেল।

বজ্রনারপুর থেকে পাটনা মাত্র ৫০ মাইল পথ, মনে হচ্ছিল যেন এ পথের আর শেষ নেই। চলেছি ও চলেইছি। ছ'পাশে বিহারের বিভিন্ন পরিবেশ। গ্রাম, শহর, শস্তক্ষেত্র, পোচারপুকুরি, কত কি পার হ'রে চলেছি কিন্তু দৃষ্টি নেই সেদিকে। কারণ মন হ'রে উঠেছে তখন পাটলিপুত্রের জন্ত ব্যাকুল। চখের সঙ্গে যদি মনের যোগ না থাকে তবে আমাদের দৃষ্টি হয়ে বার শূন্য। (vacant) চোখ চেয়েও আমরা তখন কিছু দেখতে পাইনি, অর্থাৎ পরিদৃষ্টমান বস্তু নিচর তখন আমাদের মনের উপর কোনও ছাপ কেলতে পারে না তাই তাদের রূপও আমাদের কাছে ধরা পড়ে না।



নবনীতার কুকুর—'ছট'

বেলা পাঁচটার বেনারস এক্সপ্রেস আমাদের পাটনার নামিয়ে দিলে। 'পাটনা সিটি' নয়—নতুন শহর-পাটনার। জপাকার মালপত্র সহ আমরা ঠাকুর চাকর ও কুকুর নিয়ে পাটনা স্টেশনে নেবে এখার থেকে ওখার পর্যন্ত খুঁজে শশাক তারার কোন পাতাই পেলুম না। অগত্যা, বিনয়বাবু বললেন—চলুন পাটনার অভিট্ এসে আমি যে হোটলে থাকি সেখানে নিয়ে বাই—খুব ভাল হোটেল, বাঙালীর হোটেল—বিহার অকলে এ হোটেল "পিষ্টবাবুর হোটেল" নামে বিখ্যাত।

আমরা সকলেই এ প্রস্তাবে সম্মত হয়ে ছ'খানি কিটন ও একখানি বন্ধ গাড়ীতে মালপত্র স্বী চাকর ও নিজেরা উঠে পাটনার রাজপথে পা বাড়ালুম।

"সবুর! সবুর!" কে একজন হেঁকে উঠলেন পথ থেকে। উঁকি মেয়ে দেখি শশাক তারার বয় সাইকেল চালিয়ে গাড়ীর পিছু পিছু ছুটে আসছেন। গাড়ী থামানো হল। শশাক এসে বললেন—'আপনারা যে কোন পথ দিয়ে স্টেশন থেকে এলেন—আমি কোথাও খুঁজে

শোনুন না আপনাদের। ভাবনুব—হয়ত নির্দিষ্ট দিনে রাজপুত্র থেকে
ধরতে পারেননি, অথবা কয়েকজনডিং ট্রেণটি মিস করেছেন।' যাই
কিছু পাঁচাপাঁচি অভিযোগান্তে জানা গেল যে আমাদের সঙ্গে
সকলের বে 'গোল্ডেন ককার প্যানিয়েল' কুকুরটি ছিল—বার নাম
"বুই"—সেই 'বুই'র নিশানা থেকে একজন টিকিট চেকার মারকৎ

তিনি আমাদের আগমন সংবাদ পেয়ে—পিছ পিছ ছুটে এসে
ধরেছেন।

এইভাবে পথ থেকে পাকড়াও করে শশাঙ্ক তারা আমাদের নিয়ে
এসে তুললেন ইউনাইটেড ইন্টারন্যাশনাল ব্যাঙ্কের প্রশস্ত বাড়ীর ঘিতলের
উপর—তার নিজের কোয়ার্টারে। (করণঃ)

বিচার

শ্রীমদ্ভগবদ্ভিহারী বস্তু

গ্রামের মধ্যে কালীনাথ একজন সজ্জতিপন্ন লোক। গ্রামে
ছুইখানা দোকান, মোটা রকমের চাষ, তা ছাড়া তেজারতি
কারবারও ছিল। একদিন সকালবেলায় অনেক টাকা
সঙ্গে লইয়া কালীনাথ সওদা কিনিতে বাহিরে যাইতেছিল।
গরুর গাড়ী প্রস্তুত, এমন সময় শ্রী আসিয়া বলিল—আজ
তোমার যাওয়া হবে না। জোর রাতে আমি একটা
কুশপ দেখেছি।

কালীনাথ জিজ্ঞাসা করিল—কি কুশপ দেখেছ ?

শ্রী বলিল—বলতে নেই, বলে কুশপ কলে যায়।

কালীনাথ হাসিল—তবে আর কি। বল নি তো, কুশপ
আর কলবে না।

শ্রী প্রায় কাঁদিয়া বলিল—আমার মাথা খাও, এবার
যাওয়া বন্ধ কর।

কালীনাথ শ্রীর মাথায় হাত রাখিয়া বলিল—স্বপ্নের কি
কোন মানে আছে, ও চিরদিনই মিথ্যে। ও সব বাজে
জিনিষে মন দিলে আমাদের ব্যবসা চলে না। তা ছাড়া
ভগবানের নাম নিয়ে বেরিয়েছি। তোমাকে আমি বলছি
কোন বিপদ হবে না—নিরাপদে বাড়ী ফিরে আসবো।

শ্রীকে নানারূপ বুঝাইয়া, ছেলে ছটিকে কোলে করিয়া
তাদের গালে মুখে চুমু খাইয়া সে রওনা হইয়া গেল।
বাইবার :সময় গাড়ী হইতে মুখ বাহির করিয়া বলিল—ভয়
নেই, ফিরে আসবো, নারায়ণকে ডেকো, সাবধানে থেকে।

পথে এক বণিকের সঙ্গে দেখা হইল। সেও
সওদা কিনিতে বাহির হইয়াছিল। সন্ধ্যাকালে ছুইজনে
শান্তিডাকার এক হোটেলে আশ্রয় লইল।

শ্রীমদ্ভগবদ্ভিহারী বস্তু। প্রথমে রৌদ্রে সেদিন কালীনাথ খুব কষ্ট
পাইয়াছিল। তাই ভোরের ঠাণ্ডায় পথ চলিবে ঠিক করিয়া
অতি প্রত্যাষে হোটেল হইতে বাহির হইল। ঘরের দুয়ার
খুলিতেই নজরে পড়িল কপাট ভেজান, খিল খোলা
রহিয়াছে। প্রথমে চমকিয়া উঠিল—এ কি ? শুইবার
সময় সে নিজেই তো খিল বন্ধ করিয়া শুইয়াছিল।
জিনিসপত্র পরীক্ষা করিয়া দেখিল কাপড়-চোপড়, টাকার
খোলে সব ঠিক আছে। মনে করিল, সঙ্গী বণিক হয়তো
বাহিরে গিয়াছিলেন, খিল বন্ধ করিতে হয়তো ভুলিয়া গিয়া
থাকিবেন। বণিক তখনও মশারীর ভিতর ঘুমাইতে-
ছিলেন, তাঁহাকে জাগান বুধা মনে করিয়া "হুর্গা হুর্গা"
বলিতে বলিতে সে ঘর হইতে বাহির হইয়া গেল।

সেদিনও মধ্যাহ্নে আকাশ হইতে বেন অগ্নি বৃষ্টি
হইতেছিল। কালীনাথ ও তাহার গাড়োয়ান তৃষ্ণাতুর
হইয়া পড়িয়াছিল। গরু দুটি চলিতে পারিতেছিল না।
নাক মুখ দিয়া ফেনা গড়াইয়া পড়িতেছিল। তৃতীয় প্রহরে
পথের ধারে এক বৃক্ষ ছায়ায় তাহারা আশ্রয় লইল।

গাছের তলায় ঘাসের উপর গামছা বিছাইয়া কালীনাথ
শুইয়া পড়িয়াছিল, গরু দুটি ভিজা ছানি খাইতেছিল,
গাড়োয়ান রাঁধিবার আয়োজন করিতেছিল, এমন সময়
সদলবলে পুলিশের দারোগা আসিয়া উপস্থিত হইল।
কালীনাথের নাম, নিবাস প্রভৃতি জানিয়া লইয়া দারোগা
জিজ্ঞাসা করিল—বাড়ী হ'তে কবে বের হয়েছ ?

কালীনাথ—গতকাল, সকাল বেলায়।

দারোগা—কোথায় বাবে।

কালীনাথ—শহরে, সওদা কিনতে।

দারোগা—রাতে শান্তিভাঙ্গার ছিলে?

কালীনাথ—আজ্ঞা হাঁ।

দারোগা—আর কেউ ছিল তোমার ঘরে?

কালীনাথ—ছিল, আর এক বণিক। তাঁর সঙ্গে কালই পথে আমার দেখা হয়। কিন্তু এত কথা আমার জিজ্ঞাসা করছেন কেন?

দারোগা—সে মারা গেছে। রাতে কেউ তার গলার ছুরি বসিয়ে তাকে খুন করেছে।

চক্ষু বিস্ফারিত করিয়া কালীনাথ বলিয়া উঠিল—খুন? খুন করেছে?

দারোগা—সর্দার কাগজপত্র দেখে জানা গেছে তার কাছে অনেক টাকা ছিল। খুন করে চোর সব নিয়ে গেছে। তুমি ছাড়া সেই ঘরে আর কেউ ছিল না।

কালীনাথ—না, আর কেউ ছিল না, আমরা দুজনাই শুধু শুয়েছিলাম।

দারোগা কালীনাথের খানাতল্লাসি করিলেন। একটা খলিয়ায় অনেক টাকা পাওয়া গেল, বিছানার স্থানে স্থানে রক্তের দাগ দেখা গেল, বালিশের তলা হইতে রক্তমাখা ছোরা বাহির হইল। কালীনাথ কাঁপিতে লাগিল।

দারোগা জিজ্ঞাসা করিল—স্বীকার করছ?

কালীনাথ জানাইল, টাকাটা তাহার নিজের, আর কোন কথা বলিতে পারিল না।

দারোগা বলিতে লাগিল—দুজনাই বণিক, দুজনাই সওদা কিনিতে বাহির হইয়াছিল, দুজনার কাছেই টাকা ছিল। শোবার সময় নিশ্চয়ই ছুরার বন্ধ করে শুয়েছিলে। কেমন, ঠিক কিনা?

কালীনাথ—ঠিক। আমি নিজেই ছুরার বন্ধ করেছিলাম।

দারোগা—চারিদিকের অবস্থা দেখিয়ে দিচ্ছে তুমিই খুন করেছে।

কালীনাথ—না বাবু, এর কিছুই আমি জানি না।

দারোগা রক্তমাখা ছোরাখানা কালীনাথের চোখের সম্মুখে ধরিয়া বলিতে লাগিল—এই দেখ সেই ছোরা, এখনও রক্ত লেগে আছে। তোমার বিছানাতেই পাওয়া গেছে। এর পরও তুমি এর কিছুই জান না! তুমি ছাড়া ঘরে যে আর কেউই ছিল না!

কালীনাথ—নারায়ণ জানেন, এর কিছুই আমি জানিনে।

দারোগা—ও-কথা সবাই বলে কালীনাথ।

তাহলে আদালতেই প্রমাণ দাখিল হবে।

কালীনাথকে সিপাহিরা বাঁধিয়া লইয়া গেল। কালীনাথ সম্বন্ধে তাহার নিজ গ্রামেও অহুসস্থান করা হইল। সেখানে তাহাকে সকলেই ভাল বলিয়া জানিত। তাহার বিছানায় রক্তমাখা ছোরা পাওয়া গিয়াছে শুনিয়া প্রতিবেশীরা বিস্মিত হইল, ভাবিল—অসম্ভব কি—মাহুকের তো মন?

কালীনাথের স্ত্রী কাঁদিয়া চোখ মুখ ফুলাইল, মেজাজে মাথা কুটিয়া রক্ত বাহির করিল। ছোট ছোট ছুইটি ছেলে, একটি এখনও মাতৃদুগ্ধ খায়, তাহাদের লইয়া লজ্জা সরম ত্যাগ করিয়া সদরে আসিল এবং বহু চেষ্টা করিয়া, অনেক টাকা খরচ করিয়া কালীনাথের সঙ্গে দেখা করিবার অহুমতি পাইল।

কালীনাথ হাজতে, খুনে আসামী, হাতে হাতকড়া, পায়ে বেড়ি, একটি কুঠুরিতে একখানি কবলের উপর পড়িয়াছিল। চোখ দুটি কোটরে বসিয়া গিয়াছে, মাথার কালো চুল অনেক শাদা হইয়াছে, নিটোল কপালে দাগ বসিয়াছে, গালের মাংস ঝুলিয়া পড়িয়াছে, এই কয় দিনেই সে যেন জীবনের দশ বছরের পথ আগাইয়া গিয়াছে। দেখিয়া অভাগিনী স্ত্রী সহিতে পারিল না, আছাড় খাইয়া স্বামীর পায়ে মাথা ঝুঁজিয়া কতক্ষণ কাঁদিয়া লইল। তার পর উঠিয়া নিজের চক্ষু মুছিয়া আঁচল দিয়া স্বামীর চোখ মুছাইয়া দিল। বলিল—বেশীক্ষণ থাকতে পাব না। বতরুণ আছি দুটো কথা কও। কেঁদো না।

জড়িতস্বরে কালীনাথ বলিল—তোমার স্বপ্নই কলে গেল দেখছি

স্ত্রী বলিল—না, না, কলবে না, কখনো কলবে না। তুমিই তো বলেছ স্বপ্ন মিথ্যে, তোমার কথা তো কখনো মিছে হয় না। এ বিপদ নারায়ণের পরীক্ষা, তিনিই সব কাটিয়ে দেবেন।

কালীনাথ চোখের জল হাত দিয়া মুছিয়া কেঁদিল। স্ত্রীর হাত ধরিয়া বলিতে লাগিল—বণিক, শোন। আমি আর সে এক ঘরেই শুয়েছিলাম। শোবার সময় তুমি

হতে আমিই ছয়োর বন্ধ করেছিলাম, ঘরে আর কেউ ছিল না। সেই রাতে সে খুন হ'লো, রক্তমাখা ছোরা আমার বিছানায় পাওয়া গেল। কে বিশ্বাস করবে আমি মারি নি ?

শ্রী বলিল—বিশ্বাস ? আমি জানি তুমি করো নি, তোমাকে দিয়ে এ কাজ হয় নি, হ'তে পারে না। যে মাছব খেতে বসে ভাতের খালা তিখিরিকে ভুগে দেয়, ডাক্তারখানায় গিয়ে নিজের গা কেটে রক্ত দিয়ে অচেনা পরকে বাঁচায়, আর নিজে রক্তশূন্য হয়ে ছ মাস বিছানায় পড়ে থাকে, তাকে দিয়ে এ কাজ হয় না। নারায়ণ সব দেখছেন তোমাকে তিনি নষ্ট করবেন না। যদি নারায়ণে আমার ভক্তি থাকে, তোমার পায়ে মতি থাকে, তবে আজ জোর গলায় তোমায় বলছি, তোমায় মুক্তি হুকুম হবেই হবে। আজ ধারা তোমায় জেলে রেখেছেন তাঁরাই একদিন নির্দোষ জেনে তোমায় মুক্তি দেবেন। ভেবে ভেবে শরীর তো একেবারে মাটি করে ফেলছ, এমন করে আর দেহপাত করো না, আমি যে আর সহিতে পারি না। হে ভগবান, হে নারায়ণ—ওগো শুধু তাঁকে ডাকো, তিনিই তোমায় মুক্তি দেবেন।

কালীনাথ দীর্ঘশ্বাস ফেলিয়া বলিল—হাঁ মণিকা, এখন বাঁচাতে পারেন তিনিই। সত্যিই তিনি অসহায়ের সহায়, কিন্তু তাঁকে ডাকতে পারছি কই ! যখনই ডাকতে চাই, তিনি কেমন যেন বুক হতে খশে পড়ে যান। তাঁর আয়গায় তুমি, তোমার ঐ ছেলে ছুটি বুক আমার জুড়ে বশে। কেবল মনে হয় তোমাদের নিয়ে বিশ্বাস হ'য়ে বশে থাকি। তোমাদের কি হবে, তুমি অসহায় শ্রীলোক, ছেলে দুটিকে নিয়ে কোথায় দাঁড়াবে। কেবল এই সব কথাই-তাবি, মন এত দুর্বল, এত অস্থির—নারায়ণ ! নারায়ণ !—

সিপাহি আসিয়া বলিল—মাইজি বড়ি হো চুকা, আব্ব বানে হোগা।

মণিকা স্বামীর পায়ে হাত রাখিয়া বলিল—চলুম। আমাদের জন্ত ভেবো না। যখন আমাদের সময় ছিল, তখন আমাদের নারায়ণের পায়ে ছেড়ে দিয়ে নিশ্চিত ছিলে। এখনও তাই করো। আমাদের, তোমার ছেলে দুটিকে, তোমাকে তাঁরই পায়ে ছেড়ে দাও। তিনিই সব দেখছেন। হে নারায়ণ, হে ভগবান।

বতকণ দেখা গেল কালীনাথ জানালা দিয়া শ্রী পূজকে দেখিল। তাহার অদৃশ হইলে মাটিতে গুটাইয়া পড়িয়া কাঁদিতে কাঁদিতে বলিল—হে হরি, ওদের তুমি দেখো।

শ্রী গৃহে আসিয়া বৃকের রক্ত দিয়া গ্রামের অর্ধাঙ্গী দেবীর পূজা দিল। তিন দিন উপবাসী থাকিয়া গৃহ-দেবতা নারায়ণের পায়ে ভুলসি দিল। নিজের অলঙ্কার, জমি, ধান, পুকুর, বাগান প্রভৃতির প্রায় সমস্ত বেচিয়া স্বামীকে রক্ষা করিতে অর্থ ব্যয় করিল। ধলিয়ার টাকা তাহার যে নিজের সে কথা প্রমাণ হইল, কিন্তু কালীনাথ খালাস হইল না। তাহার প্রাণদণ্ড হইল না বটে, চৌদ্দ বছরের জন্ত কারাদণ্ডের আদেশ হইল।

২

ইহার পর দীর্ঘ পাঁচ বৎসর চলিয়া গিয়াছে। কালীনাথের চুল দাঁড়ি আর একটিও কাল নাই। তাহার দেহ সম্মুখ দিকে হুইয়া পড়িয়াছে। সে ধীরে ধীরে হাঁটে, অল্প কথা কয়, কখনও হাসে না, জেলের কাজ করিয়া অবসর পাইলেই ভগবানের নাম করে। রাত্রি প্রভাতে গলা ছাড়িয়া ভগবানের নাম গায়। বুঝা বয়সে সে হুগায়ক ছিল, দীর্ঘ কারাবাসে তাহার সব গেলেও গলার মিষ্টবটুকু তিলমাত্র নষ্ট হয় নাই। জেলখানার লোক ছন্দর শাস্ত উষার তাহার অক্ষমাখা গান শুনিয়া ভক্তিতরে মাটিতে মাথা নোয়াইত, কত পাপ-তাপ দহন হয় গলিয়া চক্ষু পথে উৎস বহিত। জেলের কর্মচারিরা তাহার ব্যবহারে তাহাকে ভালবাসিত, কয়েদিরা শ্রদ্ধা করিত, কেহ ডাকিত “দাদা ভাই”, কেহ বলিত “সন্ন্যাসী”। জেলের মধ্যে সে সন্ন্যাসী কয়েদী বলিয়া পরিচিত হইয়াছিল।

একদিন একজন নূতন কয়েদি সেই জেলে বন্দী হইয়া আসিল। রাত্রিতে নূতন পুরাতন কয়েদিদের মধ্যে গল্প গুজব চলিতেছিল। কোথায় বাড়ী, কাহার কি অপরাধ, আরও কত কিছু। একজন বলিল—তাহার ভেজারক্তি কারবার ছিল, গ্রামের একজন খালা বাসন বন্ধক রাখিয়া টাকা ধার নিয়াছিল। কয়েকদিন পরে দারোগা আসিয়া সেই বাসন ধরিল। সেই বাসন নাকি চোরা বাসন। যে বন্ধক রাখিয়াছিল সে একেবারে অস্বীকার করিল ; তার টাকাও গেল ; বাসনও গেল, উপরন্তু বিনা দোবে তাকে জেলে দিল। আর একজন বলিল—ও বন্ধক হই

তাই। এই সেবার শান্তি-ভাঙ্গার হোটেলের একজনকে খুন করে নিয়ে গেল পুরোপুরি একটা হাজার টাকা। বে খুন করলে তার পাঁচটা গেল না, আমাদের গাঁয়ের এক গোবেচারা, বিন্দু বিসর্গ কিছু জানে না—তাকে ধরে নিয়ে জেল দিয়ে দিলে চোদ্দ বছর। একেই বলে “উদোর পিণ্ডি বুদোর ঘাড়ে।”

পাশের ঘরে বসিয়া কালীনাথ সব শুনিতেছিল। শান্তি-ভাঙ্গার কথা শুনিয়া তাহার সমস্ত শরীরে কাঁটা দিয়া উঠিল। দুই ঘরের মধ্যে কাঠের ছয়, ভাল বন্ধ। কপাট ঠেলিয়া ধরিলে সামান্য একটু কঁক হয়। কালীনাথ সেই কঁক দিয়া দেখিল তাহারই গ্রামের রজনী পাল। না ভুল হয় নাই, বাহিরের বিজলী বাতির উজ্জ্বল আলো ঘরের মধ্যে আসিয়া পড়িয়াছে—রজনী পালই বটে। কি করিয়া জানিল যে, খুনের দ্বারা বাহার জেল হইয়াছে সে “নির্দোষী, গোবেচারা, বিন্দু বিসর্গ কিছু জানে না।” কি করিয়া জানিল—পুরোপুরি এক হাজার টাকা! তবে কি রজনী? কালীনাথের বুকের ভিতরে সমুদ্রের ঢেউ বেন বুকের হাড়-গুলি ভাঙিয়া ফেলিতে লাগিল।

পুরাণ কত কথা তাহার মনে পড়িল। এক পাঠশালার ছাত্রনে পড়িয়াছে, এক সঙ্গে খেলা করিয়াছে, ছাত্রনের কত বন্ধুত্ব, কত ভালবাসা! রজনীর বিবাহে সে কত আনন্দ করিয়াছে, তাহার নিজের বিবাহে রজনী নাচিয়া কুঁদিয়া হাসিয়া হাসাইয়া সকলকে পাগল করিয়া দিয়াছে। তারপর যৌবনে রজনী কুসংসর্গে পড়িল। যখন তাহার সর্ব্বত্র বিক্রি হইয়া যায়, তখন সে নিজে টাকা দিয়া তাহার বসতবাড়ী রক্ষা করিয়াছিল। রোগে পড়িয়া রজনীর জীবন বাঁচিবার আশা ছিল না, টাকার অভাবে চিকিৎসা হয় না জানিয়া সে অকাতরে টাকা খরচ করিয়া বন্ধু-পত্নীর প্রাণ রক্ষা করিয়াছিল। তাহার প্রথম খোকার অন্নপ্রাসনে রজনী খোকারে রূপার বালা দিয়া আশীর্বাদ করিয়াছিল; তাহার জীবনে যখন তাহাকে দেখিতে আসিয়াছিল, তখনও খোকার হাতে সেই বালা ছিল; সেই রজনী! তাহার সুখ দুঃখের সাথী, বাল্যবন্ধু রজনী!

পরদিন রজনীর সঙ্গে কালীনাথের দেখা হইল। রজনী চিনিতে পারিল না, কালীনাথের মুখকে চাহিয়া রহিল।

কালীনাথ বলিল—চিন্তে পারছো না? আমি কালীনাথ। শান্তিভাঙ্গার খুনের দ্বারা জেল খাটছি।

রজনী বলিল—কালীনাথ? কি বললেই গেছ তাই, সত্যিই আমি চিন্তে পারি নি?

কালীনাথ—কিন্তু তোমার এ দশা কেন?

রজনী—আর বল কেন তাই। ষোড়া চুরিতে জেল হয়েছে এক বছর। কিন্তু সত্যিই চুরি আমি করি নি। হাট হ’তে বাড়ী বাচ্ছিলাম। ষোড়াটা মাঠে চম্ছিল। কাল বৈশাখী—পশ্চিমে মেঘ উঠেছিল। তাই ষোড়াটার চড়ে বসেছিলাম তাড়াতাড়ি বাড়ী বাবার কাছে। বাড়ী গিয়েই ষোড়া আমি ছেড়ে দিতাম। বার ষোড়া পথেই সে ধরে ফেলেছিল। আমার কথা হাকিম বিশ্বাস করলেন না, এক বছরের জেল দিয়ে দিলেন।

কালীনাথ—কতদিন বাড়ী ছাড়া তুমি?

রজনী—তা প্রায় চার মাস। দুই বাড়ীরই সব ভাল দেখে এসেছি। বৌদি ভাল আছেন। ছেলে দুটি সুলে যায়—ভালই আছে।

কালীনাথের বুক কাটিয়া দীর্ঘনিশ্বাস বাহির হইল। মনে হইল কে বেন বর্শা দিয়া তাহার বুক খোঁচাইতেছে। তাহার জীবন, ছেলে দুটি!—কত দিন দেখে নাই! কি দোষে সে সব হারাইল। ভগবান তাহাকে সব দিয়াছিলেন, কেন আবার কাড়িয়া লইলেন। অমন জীবন—রূপে লক্ষী, গুণে সরস্বতী! ছেলে দুটি নন্দকান্তি, হাসিতে জ্যোৎস্না স্কুটিত, কাণায় মুক্তা ঝরিত। তাহার এখন সুলে যায়! কত বড় হইয়াছে। তাহাদের সে কতটুকু দেখিয়া আসিয়াছিল? তাহাদের বুক ধরিয়া, মুখে চুমু খাইয়া সে কি সুখ! আর কি তাহাদের দেখিতে পাইবে, আর কি সেখানে কিরিয়া বাইবে!

কালীনাথের দিন আর কাটে না। বহুদিন কারাবাসে তাহার অতি কষ্টের দিনগুলি কালের নিয়মে অনেকটা সহিয়া গিয়াছিল। কিন্তু রজনীর সহিত দেখা হইবার পর হইতে মনে একটুকুও স্বস্তি ছিল না। তাহার ঘর সংসার, তাহার জীবন পুত্র, তাহার পুরুষ-স্ত্রী মাহ, গোলা-স্ত্রী ধান, তাহার গরু বাছুর চাব, আরও কত কিছু দিবারাজি তাহার বুক জোলপাড় করিয়া বুকটাকে বেন ভাঙিয়া চুরিয়া ফেলিত, এক যুদ্ধের জন্তও সে শান্তি পাইত না। জেলের

কাজ করিতে করিতে কাজ ফেলিয়া একদিকে চাহিয়া থাকিত, পাহারাদার আসিয়া বলিত—‘কেয়া হয় সন্ন্যাসী ভাই, বোধার হয়?’ খাইতে বসিয়া খাইতে খাইতে তাতে হাত রাখিয়া চূপ করিয়া বসিয়া থাকিত, সঙ্গী করেদিয়া বলিত—‘সন্ন্যাসী দাদা, খাচ্ছনা বে?’ দিনের পর দিন, সে এমনি অস্থির হইয়াই কাটায়ে। দিনের বেলা ঐ সব চিন্তা, রাজিতে ঐ সবেল স্বপ্ন দেখা!

এক রাতে, বোধ হয় কোন স্বপ্ন দেখিয়াই সে ধড়মড় করিয়া বিছানা হইতে উঠিয়া বসিল। সমস্ত শরীর বামে একবারে ভিজিয়া গিয়াছে, মাথা চিন্ চিন্ করিতেছে। মাথা টিপিয়া ধরিয়া সে ঘরের একটা জানালার কাছে আসিয়া দাঁড়াইল। ধীর নৈশ বাতাসে দেহ মন যেন ছুড়াইয়া বাইতে লাগিল। গভীর রাত্রি, বিশ্বব্যাপী অন্ধকার, উপরে নক্ষত্ররাজির ক্ষীণ দীপ্তিতে যেন এক অপক্লপ সৌন্দর্য্য কুটিয়া উঠিয়াছিল—অচ্ছ, স্নিগ্ধ, মাধুর্য্যময়, বারবার দেখিতে ইচ্ছা করে। দেখিতে দেখিতে কালীনাথের শাস্তিভাঙ্গার কথা মনে হইল। সে দিন হোটেলের বিছানার পড়িয়া বাহিরের দিকে খোলা জানলা দিয়া সে এমনি করিয়া চাহিয়াছিল। সে রাত্রি এমনি চলল লাভণ্যে তরা, এমনি তারকাখচিত আকাশ, এমনি করিয়া জোনাকি জলিতেছিল, এমনি শাস্তিহারী বাতাস বহিতেছিল। আর সেই রাতে সেই বণিকও নিশ্চিত মনে ঘুমাইতেছিল। আহা নিরপরাধ সেট বণিক—উঃ কি নিষ্ঠুর! ঘুমন্ত মাহুবকে খুন! পুরাপুরি একটি হাজার টাকার কি লাভ হইল, রজনী! কই সেই টাকা তোমার জেল হইতে রক্ষা করিতে পারে নাই তো। আহা সেই বণিক, তারার স্ত্রী, পুত্র, কন্যা—কোথায় হয় তো আসিয়া গিয়াছে! তাহাদের কান্নার আকাশ বিদীর্ণ হইয়াছে—মাহুব কাঁদিয়াছে, পুত্রপত্নী কাঁদিয়াছে, বাতাস পানলের মত ছুটিয়া বেড়াইয়াছে!—ও কি? পাশের বে ঘরে রজনী থাকিত সেই ঘর হইতে কেমন একটা শব্দ আসিতেছিল। কে যেন সন্তর্পণে বা মারিয়া কিছু ভাঙিতেছিল। ছই ঘরের মধ্যে বে ভালাবন্ধ ছয়ান তাহা তৈলিতেই একটু কঁক হইল। ঘরের আলোতে কালীনাথ দেখিল একজন লোক অস্ত্র দিয়া ঘরের দেয়াল ভাঙিতেছে। ছয়ান তৈলার শব্দ হইয়াছে লোকটা অস্ত্র ফেলিয়া

কালীনাথের নিকট আসিয়া দাঁড়াইল। সে রজনী; কালীনাথ বলিয়া উঠিল—তুমি?

রজনী বলিল—হা ভাই, আমি।

কালীনাথের মুখ দিয়া আর কোন কথা বাহির হইল না।

রজনী বলিতে লাগিল—জেল আর আমি সইতে পারছি না কালীনাথ, তাই পালাবার চেষ্টা করছিলাম।

কালীনাথ—পালাবার? জেল হ’তে? ধরা পড়বে বে? রজনী—না ভাই, সে তব্ব আমার নেই। আমাদের পাহারার একজন সিপাহীকে বশ করেছি। এই জেলে বধন আসি সঙ্গে লুকিয়ে কিছু টাকা এনেছিলাম—এই শো টাকার একখানা নোট। সেই টাকা দিয়ে সিপাহীকে বশ করেছিলাম। প্রথম ঠিক হয়েছিল সে আমাদের ঘরের ছয়োরের তাল খুলে আমাদের বের করে দেবে। কিন্তু চাবি থাকে জমাদারের কাছে। সিপাহি কিছুতেই সেই চাবি চুরি করতে পারে নি। অগত্যা দেয়াল ভাঙা ছাড়া আর উপায় রইল না।

কালীনাথ নির্ঝাঁক। রজনীর মুখের দিকে চাহিয়া রহিল। রজনী বলিতে লাগিল—সিপাহি দেয়াল ভাঙিবার বস্ত্রপাতি আমাকে দিয়েছিল; সেই সঙ্গে একটা ওষু দিয়েছিল। সেই ওষুধ নাকে দিয়ে আমার ঘরের সজিদে অজ্ঞান করে রেখেছি। তোরের আগে তাদের ঘুম ভাঙবে না। যদি দেয়াল ভাঙতে পারতাম তবে সিপাহি গুপ্ত ছয়োর দিয়ে আমাকে জেলের বাইরে বের করে দিত। কিন্তু কিছুই হলো না। দেয়াল ভারি শক্ত, যেন ইটের নয়, লোহা দিয়ে তৈরি। পুরো ছ বটা পরিশ্রম করেও তিনখানি ইটের বেশী খসাতে পারি নি। তার উপর ভীষণ গরম, ঘেমে নেয়ে উঠেছি। হাত একেবারে অবশ হয়ে পড়েছিল; একটু জিরিয়ে নিয়ে বেই কাজ আরম্ভ করেছি অমনি তুমি জেগে উঠে দেখে ফলেছ। বাক, তুমি দেখেছ তাতে আমার বিশেষ ক্ষতি নেই, কিন্তু দেয়াল ভাঙা বৃষ্টি আর হয় না, বাইরে যেন করসা হয়ে আসছে।

কালীনাথ বলিল—তাই মনে হয়। প্রভাতী তারা যেন আমি দেখেছি। কিন্তু তোর হ’লেই তো সব দেখে ফেলবে।

রজনী—দেখুক, আমার ভয় কি। আমাদের এই
রে পাঁচ জন করেছি, কে করেছে ঠিক কি? চার জন
সপাই, এক এক জন পর পর পাহারা দেয়, কার পাহারার
সময় ঘটনা ঠিক হবে না। দেখবার মধ্যে একমাত্র তুমি।
তোমাকে দিয়ে আমার কোন অনিষ্ট হবে না। তুমি
নৈশ্বর্যই কিছু বলবে না?

কালীনাথ—কিন্তু ওরা যদি আমার জিজ্ঞাসা করে?

রজনী—বলবে কিছু জানি নে। তুমি ভিন্ন ঘরে থাক,
তোমার কি?

কালী—ছি ছি, ও যে মিছে কথা হবে তাই।

রজনী কালীনাথকে চিনিত। সে কিছুকণ কালীনাথের
দিকে চাহিয়া রহিল, তার পর কাঁদিয়া ফেলিল। বলিল—
কালীনাথ, তুমি ছয়োরের ওপারে, আমি এপারে, নইলে
তোমার পারে ধরতাম। জীবনে তুমি আমার অনেক
উপকার করেছ, অনেক বিপদে বাঁচিয়েছ। এবারও
আমায় বাঁচাও। তুমি সাক্ষী দিলে ওরা আমার আশ্রয়
রাখবে না, কোড়া মেরে গায়ের ছাল তুলে নেবে। জেল
থেকে পালাবার চেষ্টা করার যে শক্তি, তা আমি আর এক
জলে দেখেছি। সে আমি সহজে পারবো না। আমি
মরে যাব। ছেলে, মেয়ে, বউ—তাদের আর দেখতে পাব
না। তোমার পারে পড়ি আমার বাঁচাও, ছেলে-মেয়েদের
আমায় দেখতে দাও। তাদের না দেখে আমি আর
থাকতে পারছিলাম না, তাই পালাতে চেয়েছিলাম।
আমার বুক আগুন জ্বলছিল। তারা যে কি করছে,
তাদের যে কি হচ্ছে কিছুই জানি না—তাদের কিছুই
দিয়ে আসতে পারি নি। আমার এমন কিছুই নেই
কালীনাথ যে তারা খায়।

অন্ত কেহ হইলে রজনীর কথার উত্তর দিতে পারিত।
বলিতে পারিত কালীনাথের নিজের কথা, তার আপন স্ত্রী
পুত্রের কথা, কিন্তু কালীনাথের মুখ দিয়া বাহির হওয়া তো
দূরের কথা, এসব তাহার মনেও আসিল না। রজনীর
চোখে জল দেখিয়া তাহার চোখেও জল দেখা দিল।

(৩)

সকাল কোন্‌তেই ভয় আরম্ভ হইল। করোনী কিংবা
সিগাহিদের নিকট হইতে কোনই সন্ধান পাওয়া গেল না।

রজনীর ঘর হইতে মেয়াল ভাঙিবার আওয়াজ ও ক্রোরোকরনের
একটি শিশি পাওয়া গেল। ইহাতে সন্দেহ হইল ঘরের
সমস্ত করেদি বড়বন্দে লিপ্ত নাও থাকিতে পারে—কেহ কেহ
হয় তো ঔষধ প্রয়োগে অজ্ঞান হইয়াছিল। সকলেই এখন
কিছু জানে না বলিয়া প্রকাশ করিল তখন ডাক পড়িল
পাশের ঘরের কালীনাথকে। জেলের সাহেব জিজ্ঞাসা
করিলেন—তোমার পাশের ঘরের করেদিরা গত রাতে
মেয়াল ভেঙ্গে পালাবার চেষ্টা করেছিল, সে সবকিছু তুমি
কিছু জান?

কালীনাথ—জানি হজুর। আমি ছয়োরের কাঁক দিয়ে
দেখেছিলাম, মাত্র একজন মেয়াল কাটছিল, অন্য সব
নির্দোষ, তারা সুস্থ ছিল।

রজনীর মুখ সাদা হইয়া গেল।

সাহেব—এক জন? কি নাম তার?

কালী—হজুর, নাম বলতে পারবো না।

সাহেব—নাম জান না, বেশ, সনাক্ত কর।

কালী—না হজুর, নাম জানি, বলবো না।।

সাহেব—কি? বলবে না?

কালীনাথ চুপ করিয়া রহিল।

সাহেব বলিলেন—না বললে তোমার জীবন শাস্তি
দেব। কোড়ার ঘায়ে দেহের চামড়া থাকবে না।

কালীনাথ তবুও চুপ করিয়া রহিল।

সাহেব বলিতে লাগিলেন—সন্ন্যাসী, বহুদিন তুমি এই
জলে আছ। তোমার ব্যবহারে কোনদিন কোন খুঁত
ধরা যায় নি। তোমার সৎ চরিত্রের জন্য তোমার দীর্ঘ
মেয়াদ কালের মধ্যে দেড় বছর রেহাই দেওয়া হয়েছে—
তুমি এখন যদি সব জেনেও অপরাধীর নাম না কর, তবে
তোমার চৌদ্দ বছরের একটি দিনও রেহাই পাবে না।
তার উপর তোমাকে জীবন শাস্তি দেওয়া হবে।

কালীনাথ বলিল—হজুরের মরজী।

সাহেব দাঁত দিয়া নিজের ওষ্ঠ চাপিয়া ধরিলেন—কপাল
কুকিত করিয়া বলিলেন—খুন তুমি ঠিকই করেছিলে।
কাসি হওয়াই উচিত ছিল। তোমার বাইরেটা দেখে
সন্দেহ হ'তো হয়তো তুমি দোষী নও, বিচারে জুল হয়ে
থাকবে। এখন দেখছি তা নয়, আমাদেরই জুল, তুমি
ঠিকই দোষী। এতদিন তোমার চরিত্রের যে বাইরেটা

দেখেছি সেটা বাইরেরই জিনিস, তিতরে তুমি যা ছিলে হয়ে গেছ। আমি তোমায় শেষ কথা বলছি কালীনাথ— পাঁচ মিনিট তোমায় সময় দিলাম। এখনও যদি বল কোন শান্তি পাবে না। তোমার রেহাইয়ের দেড় বছরের একটি দিনও কাটা যাবে না, কোনও শান্তি হবে না”— বলিয়া সাহেব ঘড়ি দেখিতে লাগিলেন। পাঁচ মিনিট গত হইলে বলিলেন—বাস্। সময় পার হ'য়ে গেছে। গত রাতে যে ঘটনা হ'য়ে গেছে সেটা জেলখানার খুব বড় অপরাধ। তুমি সব বলে অপরাধীকে শান্তি দিতে পারভেঁম। নাম প্রকাশ না করার তার শান্তি হ'লো না। প্রকারান্তরে অপরাধীকে তুমি সাহায্যই করলে। এই অপরাধে আমি তোমাকে দশ কোড়ার হুকুম দিলাম।

কোড়া এক প্রকার বেতের চাবুক। পাঁচ গাছা লুককে পাকা বেত ঝাঁটার মত এক সঙ্গে বাঁধা থাকে। একটি আঘাতে পাঁচটি আঘাত হয়।

সেদিন সকল কয়েদির সম্মুখে কালীনাথের নম্র দেহে কোড়া মারিয়া সাহেবের আদেশ প্রতিপালিত হইল। বেজাখাতে জর্জরিত হইয়া কালীনাথ অচেতনের মত অসাড় হইয়া পড়িয়া রছিল।

কালীনাথ জেলের হাসপাতালে। পরদিন বিকালের দিকে রজনী নিঃশব্দে কালীনাথের বিছানার পাশে আসিয়া দাঁড়াইল।

কালীনাথ জিজ্ঞাসা করিল—কেন এসেছ রজনী ?

রজনী ধীরে ধীরে রোগীর শয্যা পাশে বসিল— বলিল—আজ তোমাকে একটা খবর দিতে এসেছি। শান্তিভাঙ্গায় কে খুন করেছিল জান ?

কালীনাথ—জানি। তুমি।

রজনী চমকিয়া উঠিল—আমি ? এ তো কেউ জানে না—তোমায় কে বলে ?

কালীনাথ—তুমি। একদিন রাতে তুমি আর কয়জন কয়েদীর সঙ্গে গল্প শুভব করছিলে। শান্তিভাঙ্গা খুনের কথাও উঠেছিল। আমি আমার খবর হ'তে সব শুনছিলাম। তোমার কথাতেই বুঝেছিলাম, তুমিই খুন করে তার টাকা দিয়ে পালিয়েছিলে।

রজনী—এও তুমি জানেছ। এ সব জানেও আমার

কালীনাথ—কি ভাই।

রজনী একটু চুপ করিয়া বসিয়া বলিল—সে রাতে এক অজানা কে খুন করেছিলাম, তোমাকে করি নি। বন্ধ বলে যে করি নি তা'মনে করো না।

কালীনাথ কোন কথা কহিল না।

রজনী বলিতে লাগিল—বে মাহুব মাহুবকে খুন করে তার আবার বন্ধ অবন্ধ কি ! সেই বণিককে খুন করে তোমার গলায় বসাবো বলে ছুরি উচিয়েছিলাম। সেই সময় বাইরে কার পায়ের শব্দ হ'লো, তুমিও একটু নড়ে উঠলে, ভয়ে আমার প্রাণ কেঁপে উঠলো, তোমাকে আর খুন করা হলো না। ছোরাখানা তোমার বিছানার রেখে পালিয়ে এলাম। কেন রেখে এলাম জান ? তোমাকে জড়াবার জন্ত। তোমার বিছানায় রক্তের দাগ থাকবে, রক্তমাখা ছোরা তোমার বালিশের নীচে পাওয়া যাবে, তোমাকে নিয়ে টানাটানি পড়ে যাবে, অন্য কোন দিকে কারুর নজর থাকবে না। আমি নিশ্চিত—জানি আমার উপর সন্দেহ আসতে পারে না। শুনলে কালীনাথ কেমন তোমার বন্ধ, কেমন বন্ধুর অন্ত্রে আজ তুমি হাসপাতালে মরতে বসেছ। রজনী কাঁদিয়া কেলিল।

কালীনাথ ধীরে ধীরে রজনীর গারে হাত দিল, বলিল—এ সব কথা আর কেন ভাই।

চক্ষু মুছিয়া রজনী বলিল—ভাই বলছি। শোন। আমি সব ঠিক করেছি। কাল ওরা যখন তোমায় বেত মারছিল, বেতের ঘারে গা চিরে যখন মাংস উঠে বাজিল, গা বয়ে রক্ত পড়ছিল—তখন আমি দেখেছি, তোমার মুখ একটুও বিকৃত হয় নি, কি একটা স্তম্ভিত হাসি তোমার মুখে ফুটে উঠেছিল। এমন আর কখনও দেখি নি। কি সে শান্তি ! কি ভীষণ ! কি নিষ্ঠুর !—এমন শান্তির মাঝে মুখের এমন ভাব আর কখনো দেখি নি। সেই থেকে মাথায় আমার আগুন জলছে। আমি সব ঠিক করেছি। বণিক তো শেষ হয়েই গেছে, কোথায় বাঁকী, কোথায় বন্ধ, কে তার আছে, জানি না। তবু তুমি আহ। তোমার স্তম্ভিত জীবনটা আমিই নষ্ট করে দিয়েছি। তুমি নির্দোষ, তুমি মাহুব নও, তুমি দেবতা ; তবুও তুমি জেল খাটছ। জেলে আর তোমায় আমি রাখতে দেবো না, আমি সব

দেখে। বলিয়া কালীনাথের ছুই পারে মাথা রাখিয়া
তাঁহার পারের ক্লা লইয়া চলিয়া বাইতেছিল। কালীনাথ
কীৰ্ত্তি ডাকিল—রজনী।—

রজনী কিরিয়া দাঁড়াইয়া বলিল—আর নয়। আমার
কথা শেষ হয়েছে, আমি আমার অযোগ্যতা, তাই তোমার
কাছে কথা চাই নি। শান্তিই আমাকে নিতে হবে, তাই

আমি নেবো। জেল থেকে মুক্তি পেয়ে ছুই বাঁকী বেড়
কালীনাথ। বলিয়া চলিয়া গেল।

রজনী তাঁহার সমস্ত অপরাধ স্বীকার করিয়াছিল।
কয়েকদিন পর কালীনাথের মুক্তির আদেশও আসিয়াছিল
কিন্তু তাঁহার পূর্বেই কালীনাথ এপারের সমস্ত বন্ধন হইতে
মুক্ত হইয়া ওপারে চলিয়া গিয়াছে।

• বিদেশী গল্প অবলম্বনে

১৯৪৯-৫০ সালের কলিকাতা চিত্রপ্রদর্শনী

শ্রীমদ্রূপনকুমার সেন

বিভিন্ন ভারতগারকলা প্রদর্শনীর চতুর্দশ বার্ষিক অধিকেশনের পৌরোহিত্য
করেছেন বাংলার প্রবেশপাল মাননীয় কৈলাসনাথ কাটক। পূর্ব
আভিজাত্য অনুযায়ী উদ্বোধন আরোজন সম্পূর্ণ হয়েছে নিঃসন্দেহ; কিন্তু
শিল্পী সম্মেলন ও জনসাধারণের মধ্যে সংযোগ স্থাপনা বা উত্তর পক্ষের
মনোবল্লভের চেষ্টা করলেও সত্যিকারের তৃপ্তি দিতে পারেনি এই
প্রদর্শনী।

এবারে সংগ্রহ পূর্বাপেক্ষা বেশ, কিন্তু বিভিন্ন ভারত নামের মধ্যমা
অনুন্ন রাখতে অক্ষম; প্রদর্শন পদ্ধতি পূর্বাপেক্ষা উন্নত। তবে এ

গতানুগতিক বিশেষ পরিবর্তন চোখে পড়ে না। এর পাশ্চাত্য পদ্ধতিতে
আঁকা ৩৪৬ নং প্রদর্শন “মিলন” আর একখানি জলরঙা ছবি বিজয়ীর
শ্রেষ্ঠত্বের সম্মান পেয়েছেন, মহারাজা বাহাদুর তাঁর কামেধর নিঃ-
স্বর্ণপদক পেয়ে। ২৮২ নং প্রদর্শন এই বিভাগে দ্বিতীয় সম্মান লাভ
করেছেন—শিল্পী ইন্দ্র চুপের, শ্রীযুক্ত এন. সি. ঘোষ-রৌপ্য পদক পেয়ে।
এই বিভাগে আরও কয়েকজন শিল্পীর কাজ উল্লেখযোগ্য, তাদের মধ্যে
শিল্প-কালোগরান কুবের দৃষ্টাক্ষর রমণী। শিল্পীকে ২৫০ টাকার একটি
বিশেষ পুরস্কার দিয়ে সম্মান দেওয়া হয়েছে—২০৪ নং প্রদর্শন ব্যঙ্গাঙ্গক



প্রতিমূর্ষি—১

ধরণের প্রদর্শনী চিত্র-প্রদর্শনীর অনুকূল নয়। “ছবির বাজার” এই
আখ্যায়ী বেশ। বাহির প্রাঙ্গণের সজ্জা পরিষ্করণ দেখে “কাণ্ডাল”
অনুন্ন রাখা অপরাধ নয় এবং তা চিত্র-প্রদর্শনীর পক্ষে নিষ্ফলই স্থান
বর্জন করে না।

চিত্র প্রদর্শনীতে সেরা প্রদর্শনের সম্মান প্রবেশপাল-স্বর্ণ-পদক
লাভ করেছেন শিল্পী বিক্রম দে। বিক্রমদেবের আঁকা দৃষ্টাক্ষর



প্রতিমূর্ষি—২

চিত্রে। অল্প বয়সে রঙ ব্যবহার করে কৃতিত্ব দেখিয়েছেন শিল্পী। উন্নত
শিল্পী রূপের দৃষ্টাক্ষর কাজও সমর্থ্য। শিল্পী চকল করে ওসকার-
ধরের দৃষ্টাক্ষর (landscape) খানি (প্রতিমূর্ষি ১ নং) অনুসরণ।
ছবিখানিতে শিল্পীর তুলির বলিষ্ঠতা প্রকাশমান।

শিল্পী রাখন দত্তও তৈলচিত্র বিভাগে তাঁর আঁকান ছবিতে গভীর

প্রদৰ্শন "হাট" চিত্ৰে (প্রতিলিপি নং ২)। দ্বিতীয় স্থান অধিকার
করেছেন, জে, পি, গাঙ্গুলী-রৌপ্য পদক পেয়ে শিল্পী শাহু মজুমদার—
১৯৬ নং প্রদৰ্শন "বোড়-বোড়" চিত্ৰে। এই বিভাগের প্রদৰ্শন সংখ্যা
স্বৰ্গীয়। কয়েকজন প্রখ্যাতনামা শিল্পীও এ বিভাগে যোগদান করে
প্রদৰ্শনীর মৰ্য্যাদা রক্ষা করতে চেষ্টা করেছেন, তন্মধ্যে মাননীয় শিল্পী
জে, পি, গাঙ্গুলী মহাশয়, শিল্পী রমেশনাথ চক্রবর্তী, শিল্পী এল, এম,
সেন। এঁর কাজের বৈশিষ্ট্য সহজেই পরিলক্ষিত হয়, অসমান ভিত্তিতে
তৈলচিত্ৰ অঙ্কন পদ্ধতি এঁরই সাধনাপ্রসূত; অপরাপর চিত্ৰ থেকে
খাত্তায় বজাব রেখেছে। শিল্পী রমেশ চক্রবর্তীর তৈল চিত্ৰ হৃদয়গ্রাহী
হয়নি। ৩৯২ নং প্রদৰ্শন, শিল্পী বসন্তকুমার গাঙ্গুলী মহাশয়ের "তিনটি



প্রতিলিপি—৩

কুল" ছবিখানি তিন ভয়ীৰ প্রতিকৃতি। তৈল চিত্ৰের বর্ণবিজ্ঞানের
আভিভূত পৰিস্ফুট, এঁর সম পৰ্য্যায় আসে এমন চিত্ৰ একখানিও
প্রদৰ্শিত হয়নি এ বৎসর। স্থানাভাবে বিশেষ আলোচনা সম্ভব হলোনা।
শিল্পী সতীশ সিংহ মহাশয়ের তৈলচিত্ৰে রামায়ণের ছ'একখানি চিত্ৰ ও
কুলকেন্দ্ৰের চিত্ৰখানি মনোরম। শিল্পী পাণিকরের "তকণী মাতা"
৩৬৮ নং প্রদৰ্শন তৈলচিত্ৰখানি অপূৰ্ণ। শিল্পী এ, এ, আলমিল করের
"চায় বোন" ২৮৫ নং প্রদৰ্শন ছবিখানির বিবর-বস্ত ও বর্ণ বিজ্ঞান
প্রশংসনীয়। ক্যালকাটা এ পুস্-এর কাজগুলির মধ্যে শিল্পী বৃথান মৈত্ৰের
"প্রাতভোজন" ২৮৬ নং প্রদৰ্শন, ছবিখানিও প্রশংসনীয়। শিল্পী টেলা
গ্রীটসের কাজগুলি খুব আকর্ষণীয় হয়নি। বিবরবস্ত নিতুল হয়নি।

২৩১ নং চিত্ৰের শিল্পী গোপাল ঘোষের আঁকা চিত্ৰগুলির মধ্যে তাঁর
মিজব ধারা পরিস্ফুট। চিত্ৰের মধ্যে তুলির ব্যবহীলগতি ও বর্ণবিজ্ঞানের
বলিষ্ঠ ইঙ্গিত অনস্বীকার্য। এঁর আঁকা ২১৩ নং প্রদৰ্শন "কালিঙ্গওএর
ভুট্টির রমণী" (প্রতিলিপি নং ৩) চিত্ৰখানি সত্যই দর্শককে আনন্দদান



প্রতিলিপি—৪

করার ক্ষমতা রাখে। শিল্পী দময়ন্তী চৌলার আঁকা ৩৯৭ নং প্রদৰ্শন
"প্রসাধন" (প্রতিলিপি নং ৪) চিত্ৰখানির আলোছায়ার সমন্বয় অতি
সহজে আমাদের চোখে ধরা দেয়। শিল্পী ডরেন্থা মেরীর আঁকা ৪৫নং
প্রদৰ্শন 'গ্রামের মেয়ে' (প্রতিলিপি নং ৫) চিত্ৰখানি মহিলা বিভাগে



প্রতিলিপি—৫

বিশেষ সম্মান পেয়েছে ও ঈতেজেশ বড়াল রৌপ্যপদক লাভ করেছেন।
শিল্পী কিশোরী রায়ের ১৪৩ নং প্রদৰ্শন শিল্পাচার্য দেবী প্রসাদের প্রতিমূর্তি
তৈল চিত্ৰখানি আকারে ছোট হলেও কৃতিত্বের দিকে নগণ্য নয়।

প্রাত্য বিভাগে প্রদৰ্শন সংখ্যা খুব বেশী নয় এবং কিশোরীও প্রকাশ

পায়নি কোনও খানাজেই। চিত্রগুলি আরই মামুলী ধরণের। শিল্পী এস. বি. গালিনসকরকে তাঁর ৩৬৯ নং প্রদর্শন "আমার প্রতিবেশী" চিত্রে ফুয়ার প্রত্যাশার কারণে ঠাকুর বর্ণপদক দিয়ে শ্রেষ্ঠ সম্মান দেওয়া হয়েছে। দ্বিতীয় সম্মান শ্রীবরদা উকিল রৌপ্যপদক পেয়েছেন শিল্পী অজিতকুমার



প্রতিলিপি—৬

শুভ তাঁর ১৫৪ নং প্রদর্শনে। শিল্পী পূর্ণচন্দ্র চক্রবর্তীর খান কয়েক চিত্র প্রদর্শিত হয়েছে কিন্তু সজীবতা প্রকাশ পায়নি একটিতেও। শিল্পী কমলারঞ্জন ঠাকুরের প্রদর্শনগুলি মনোরম। এই বিভাগে এ'র ৪৪৯নং



প্রতিলিপি—৯

প্রদর্শন "অগমান বুদ্ধ ও স্মৃতি" চিত্রখানি ২৫০ টাকার লোটাস ট্রাষ্ট বিশেষ পুরস্কার পেয়েছে; এ ছাড়া এই বিভাগে আর কোনও উল্লেখযোগ্য প্রদর্শন দেখে পড়ে না।

ভারত বিভাগ আরও নিকটে সংগ্রহ—ভারতীয় শিল্পীদের পূর্বগৌরব

বিস্তৃত হতে হয় এই বিভাগের প্রদর্শন দেখে। মাত্র দু-একজন শিল্পী এই বিভাগের সম্মান রক্ষা করেছেন। গত কয়েক বৎসর বয়ে দেখা যাচ্ছে, এই বিভাগ ক্রমশই দুর্বল হয়ে পড়ছে। গত বৎসর ঢাকার থেকে একটি প্রদর্শন পাঠিয়ে প্রদর্শনীকে সাকল্যমণ্ডিত করতে চেষ্টা করেছিলেন। কয়েকজন শিল্পী, এ বৎসর তাঁরা যে কোনও কারণেই হোক সহযোগিতা করেনি। প্রদর্শনীর বিশেষ ভরসা কলকাতার আর্ট স্কুলের উপর; কিন্তু দুঃখের বিষয় কলকাতা আর্ট স্কুলের এই বিভাগটি বহুদিন যাবৎ দুর্বল হয়ে আছে, সেখান থেকে আর বিশেষ কিছু করা আমাদের পক্ষে বাতুলতা। শিল্পী সুনীল পালের প্রদর্শিত ৫নং প্রদর্শন



প্রতিলিপি—৭

"শিল্পীগুরু অবনীন্দ্রনাথের প্রতিমূর্তি" (প্রতিলিপি ৬) একমাত্র প্রদর্শন—বার মধ্যে নূতনত্ব আছে, যে কাজখানিকে কেবল করে অনেক কিছুই বলা যায়। কাজখানি রসিকদের মধ্যে আনন্দদান করবে সন্দেহ নাই। এটিকে শ্রীকানাইলাল জেঠিয়া বর্ণপদক দিয়ে এই বিভাগের শ্রেষ্ঠ সম্মান দেওয়া হয়েছে। এই বিভাগের আর একখানি প্রাণবন্ত প্রদর্শন ২নং "চুখন" (প্রতিলিপি নং ৭) একখানি কাঠকলক থেকে শিল্পী এটিকে খুঁজে বার করেছেন। শিল্পী ধনরাজ ভগবৎ এ'রই ১নং প্রদর্শনখানিকে রায়বাহাদুর, আর, এন, মুখার্জী রৌপ্যপদক দিয়ে সম্মানিত করা

য়েছে। এই বিভাগের দ্বিতীয় পুরস্কার রাজা বিবেকর সিংহ নাটক-
হাস্তুর রৌপ্যপদক পেয়েছেন শিল্পী বিপ্রচরণ মহাশি তাঁর "শ্রেণ" ৮নং



প্রতিলিপি—৮

প্রদর্শনে। অপর বিভাগের বিজয়ী কল্যাণ কল্যাণক : অবশ্য ৮নং
৩০০, "হুই বোন" (প্রতিলিপি নং ৮) রচিত, কাঠ খোদাই চিত্রে বিশেষ
পুরস্কার নরেশবাথ মুখার্জী বর্ণনাক পেয়েছেন শিল্পী হরেন দাস। কাঠ
খোদাই চিত্র হিসাবে ছবিটি অপূর্ণ, এর মৌলিকত্ব অবশীকার্য। শিল্পী
অনিলা মুখার্জীর ৫৭ নং প্রদর্শন "সত্যরতা কুমারী দল" (প্রতিলিপি
নং ৯) রচিত কাঠ খোদাই ছাপা, এটিও কুমার অপরীশ সিংহ বর্ণনাক
পেয়ে সম্মানিত হয়েছে।

শিল্পী অনিলকুক ভট্টাচার্য তাঁর ১৭২ নং প্রদর্শন "আলোর তলে"
প্যাষ্টাল চিত্রে ২৫০ টাকার ইউনিয়ন বৃত্তি পেয়ে সম্মানিত হয়েছেন।

শিল্পী গিরীশ মণ্ডলকে তাঁর ২৬৩ নং প্রদর্শনে "সুর্গী পূজা" চিত্রে
১২৫ টাকা লোটাস ট্রাষ্ট পুরস্কার দিয়ে সম্মানিত করা হয়েছে।

পরিশেষে মন্তব্য হিসাবে শিল্পী ও শিল্প-রসপিগাহীদের তরফ থেকে
হু' একটি বক্তব্য হরত প্রদর্শনী কর্তৃপক্ষের অধির সাগরে তবু বলতে
বাধ্য হচ্ছি, শ্রেষ্ঠ প্রদর্শন হিসাবে সর্বশ্রেষ্ঠ সম্মান যে চিত্রখানিকে দেওয়া
হয়েছে, কর্তৃপক্ষের বিচারক গোষ্ঠী কি তার চেয়ে ভাল প্রদর্শন এবারের
চিত্র প্রদর্শনীতে খুঁজে পাননি? না দেখেও চোখ বন্ধ করে কেলেঙ্কিলেন,
বিশেষ শিল্পীর প্রতি দরদ দেখানর অসুপ্রেরণায়? শিল্পী চঞ্চল কর,
শিল্পী কালোয়ালকুক, তরুণ শিল্পী রণেনজারান দত্ত, শিল্পী গোপাল ঘোষ,
এঁদের চিত্রগুলি কি তখনও টাঙান হরনি। তৈল চিত্রের শ্রেষ্ঠ পুরস্কার
প্রদর্শনী কর্তৃপক্ষের তরফে লজ্জাই প্রকাশ পায়। এখন জনসাধারণের
বিচার চক্ষু উন্মীলিত হয়েছে, ছবি দেখতে তারা শিখেছে। সর্বশেষ বক্তব্য
প্রদর্শনী থেকে বেরিয়ে আসার পর আর একখানি প্রদর্শনও মনে রেখা-
পাত করে থাকে না।

অভিনন্দন

শ্রীশৈলেন্দ্রকৃষ্ণ লাহা

নাই পেলে তাহাদের সুখ্যাতি, সম্মান,
বীরত্বের আফালন কথা মাজে শেষ,
চক্ষে আলো লেগে আছে বপ্নের আবেশ,
স্বাধীনতা মনে তাবে ঔদার্যের দান।

স্বাধিকার-গ্রন্থের নাহি হেথা স্থান,
উচ্চে বসি দেয় তারা সবারে নির্দেশ,
আমরা মরিজ, রিক্ত, আমরাই দেশ,

হৃদ্বিনে নেহুয়ে করি তোমাতে আহ্বান।

যে পারে করিতে ত্যাগ সে-ই শুধু পায়।
জীবনে আচ্ছন্ন করে দারুণ বিবাদ,
বহুর আকাশ কালো অন্ধ তমসার,
কে জাগাবে? কে বুচাবে এই অবসার?
নির্ভীক, তোমার পানে সারা দেশ চায়,
তামা জননীর কৃষি লভিলে প্রসার।



(পূর্বাধিকারিতের পর)

তমলুক মহকুমা ও তৎপার্শ্ববর্তী অঞ্চলের নেতৃবৃন্দ ২৭শে সেপ্টেম্বর তারিখে এক গুপ্ত বৈঠকে সমবেত হইলেন এবং সিদ্ধান্ত করিলেন যে থানা, আদালত-গৃহ প্রভৃতি সরকারী ভবনসমূহ দখল করিয়া তাহার উপর জাতীয় পতাকা উড্ডীন করিতে হইবে। হাজার হাজার যোদ্ধাসৈনিক লইয়া গঠিত বিদ্রোহবাহিনী ইহার পরদিনই কর্ণতৎপর হইয়া উঠিল। বড় বড় গাছ কাটিয়া রাস্তার উপর কেলিয়া, সেতু ধ্বংস করিয়া এবং টেলিগ্রাফ-টেলিফোনের তার কাটিয়া দিয়া পোস্টগুলি উগড়াইয়া কেলিয়া তমলুকের সহিত বহির্ভাগের যোগাযোগ রহিত করা হইল। লাঠি চার্জ ও গুলিবর্ষণ অগ্রাহ করিয়া দিন দু'য়েকের মধ্যেই তিন-চারিটি থানা অধিকার করিয়া সেগুলির উপর উত্তোলিত করা হইল জাতীয় পতাকা। পাঁচটি বড় বড় শোভাযাত্রা ২৯শে তারিখে পরিকল্পনা অনুযায়ী বিভিন্ন দিক হইতে মহকুমাসহর তমলুকের দিকে অগ্রসর হইল। জনতা থানার নিকটবর্তী হইলে পুলিশ তাহাদের উপর নির্দয়ভাবে লাঠি চালাইতে থাকিলেও সঙ্কল্পবদ্ধ জনতা তাহাতেও নিবৃত্ত না হইয়া অগ্রসর হইতে লাগিল। তখন শোভাযাত্রীদের উপর পুলিশ ও মিলিটারি হুক করিল গুলিবর্ষণ। ইহাতে কিছু লোক চলিয়া গেল বটে, কিন্তু বাহারা শোভাযাত্রা পরিচালনা করিতেছিলেন, তাহারা পিছু না হট্টয়া অগ্রসর হইতেই লাগিলেন। গুলিতে বহুলোক হতাহত হইল। রাস্তায় বেরাকে সাংঘাতিকভাবে আহত অবস্থায় প্রেস্তার করিয়া থানার লইয়া বাওয়া হইল। সংজাহীন অবস্থায় তিনি থানার পড়িয়া রহিলেন। বহুকণ পরে যখন তাহার সামান্য জ্ঞান ফিরিয়া আসিল, তখন তিনি টলিতে টলিতে রক্তাক্ত কলেবরে কোনও মতে থানার বাহিরের দিকের দরজার নিকট পর্যন্ত অগ্রসর হইয়া গেলেন। সেখান হইতেই তিনি তাহার অপর সঙ্গীদিককে ডাকিয়া ভদ্রীতে চীৎকার করিয়া বলিলেন,— “এই যে আমি থানার এসেছি—থানা দখল হয়েছে।” কথাগুলি বলিবার সঙ্গে সঙ্গেই তিনি পড়িয়া যান এবং অবিলম্বে মৃত্যুমুখে পতিত হন।

এই সকল শোভাযাত্রার একটিতে ছিলেন ৭৩ বৎসর বয়স্ক মাতঙ্গিনী হাজরা। ভারতের স্বাধীনতা-সংগ্রামের ইতিহাসে তাহার অভিনব নায়কবিশিষ্ট এক অপূর্ণ মহিমার সমুদ্র। তমলুক মহকুমাসহরের বাঁদার দিকে উত্তর দিক হইতে যে শোভাযাত্রাটি অগ্রসর হইতেছিল— তিনি ছিলেন তাহারই মধ্যে। সৈন্তগণের প্রবল গুলিবর্ষণের মুখে শোভাযাত্রীগণ সাময়িকভাবে পশ্চাদপসরণে বাধ্য হন। সেই সময় লক্ষ্মীনারায়ণ দাস নামক জনৈক বালক অগ্রসর হইয়া একজন সৈন্তের নিকট হইতে তাহার রাইফেল কাড়িয়া লইলে নির্দয়ভাবে তাহাকে হার করা হয়। মাতঙ্গিনী হাজরা তখন ত্রিবর্ণ-রঞ্জিত পতাকা হাতে লইয়া সৈন্তবলের অভ্যন্তরে প্রবেশ করেন এবং তাহাদিককে নিবৃত্ত

করিবার প্রয়াস পান। তাহার অটুট দৃঢ়তা ও সাহস দর্শনে সৈন্তগণ কিছুকণের জন্ত যেন হতবুদ্ধি হইয়া পড়ে এবং পিছু হট্টিয়া যান, কিন্তু পরক্ষণেই তাহার প্রতি তাহারা গুলিবর্ষণ করে। যে হস্তে মাতঙ্গিনী জাতীয় পতাকাটি ধারণ করিয়াছিলেন, তাহা গুলির দ্বারা সাংঘাতিকভাবে আহত হয়। মাতঙ্গিনী তথাপি পতাকাটি দৃঢ়ভাবে ধরিয়া থাকিয়া সৈন্তগণকে অমুরোধ করিতে লাগিলেন বাহাতে ভারতীয় হইয়া তাহারা ভারতীয়গণের উপর গুলিবর্ষণ না করে এবং চাকুরী ত্যাগ করিয়া তাহারাও স্বাধীনতার সংগ্রামে যোগদান করে। ইতিমধ্যে নিকিণ্ড আর একটি গুলি আসিয়া তাহার ললাট ভেদ করিয়া যান এবং তুণ্ডিত হইয়া তিনি তৎক্ষণাৎ মৃত্যুমুখে পতিত হন। তাহার মৃত্যুর পরেই দেখা যায় যে পতাকাটি তিনি দৃঢ় হস্তে পূর্বেই মৃত ধারণ করিয়া আছেন। তাহার রক্তে চারিদিক প্রাবিত হইতে লাগিল। একজন সৈন্ত ছুটিয়া গিয়া লাধি মারিয়া পতাকাটি কেলিয়া দিল। দেখা গেল যে মাতঙ্গিনীর আশে-পাশে লক্ষ্মীনারায়ণ দাস প্রভৃতি আরও কয়েকজনের মৃতদেহও পড়িয়া আছে। ইহার পর সৈন্তগণ সমগ্র হাটটি পাহারা দিয়া রাখে এবং আহতগণের মধ্যে বাহারা যতদূর আর্ন্তন্যক করিতেছিল, তাহাদেরও শুশ্রূষা করিতে কাহাকেও নিকটে বাইতে দেয় না।

দুর্দৈব জনসাধারণ কিন্তু কিছুতেই শায়েস্তা হইল না। সকল বাধাবিঘ্ন অতিক্রম করিয়া তাহারা কার্য চালাইতে লাগিল। মেদিনীপুরে আন্দোলনটা প্রবল হইল কাঁধি এবং তমলুক মহকুমাত্তেই। থানা, পুলিশ-কাঁড়ি, ডাকঘর, ইউনিয়ন বোর্ড অফিস, মদের দোকান প্রভৃতি জনসাধারণ আঙুন দিয়া পুড়াইয়া দিল, টেলিগ্রাফ-টেলিফোন লাইন ধ্বংস করিয়া দেওয়া হইল, কোন কোন সরকারী কর্মচারীকে লোকে প্রেস্তারও করিল। এই সময় ১৩ই অক্টোবর মেদিনীপুরের উপর দিয়া যে প্রচণ্ড ঝড় প্রবাহিত হইয়া যান এবং তাহার সহিত যে ঝড়ার প্রাবল ঘটে, তাহাতেও—প্রাকৃতিক দুর্ভোগ এবং সরকারী অভ্যাচারের মধ্যেও মেদিনীপুরবাসীদের মনোবল ভাঙ্গিয়া পড়ে নাই। অবস্থা শেষ পর্যন্ত এমন স্তরে গিয়া পৌঁছাইল যে কোন কোন অঞ্চলে ব্রিটিশ-শাসন-কর্তৃক একেবারেই ভাঙ্গিয়া পড়িল। ১৯৪২ সালের ১৭ই ডিসেম্বর প্রতিষ্ঠিত হইল তাম্রলিপ্ত জাতীয় সরকার। উক্ত সরকারের জন্ত একজন সর্কাধিনায়ক নিযুক্ত হইলেন এবং তাহাকে বিভিন্ন দিবসে সাহায্য করিবার জন্ত কয়েকজন মন্ত্রীও নিযুক্ত হইলেন। এই সরকারের অধীনে বিভিন্ন থানা-এলাকার আরও কতকগুলি অধীন শাসন-কেন্দ্র গঠিত হয়। পূর্বে গঠিত বিদ্রোহবাহিনী এই সরকারের নিয়মিত সেনাবাহিনীতে পরিণত হয়। বিচারকার্য, শান্তি-শৃঙ্খলা রক্ষা ইত্যাদি সমুদয় দিবসই হৃদয়খলার সহিত পরিচালিত হইতে থাকে। আর্ন্ত ও হুংহু ব্যক্তিদিককে

কাজ, বস্ত্র ও ঔষধপত্র বিতরণ করিয়া জাতীয় সরকার জনগণের প্রভুত্ব দেখা করেন।

এই আন্দোলন দমনকল্পে বৃটিশ গভর্নমেন্টও ব্যাপকভাবে দমননীতি চালাইতে থাকেন। নানা স্থানে সৈন্তগণের ছাউনি পড়ে। পুলিশ ও মিলিটারির রাজস্ব হ্রাস হইয়া যায়। গুলি চালনা যেন সাধারণ ব্যাপার হইয়া দাঁড়ায় এবং বিভিন্ন স্থানে যে কত লোক হতাহত হয়, তাহার ইয়ত্তা নাই। গুণাগণকে উৎসাহ দিয়া সৈন্তগণ তাহাদের সহিত এক-যোগে লুটপাট চালায়, লোকের ঘর-বাড়ীতে আগুন দিয়া পুড়াইয়া দেয়। এইভাবে লক্ষ লক্ষ টাকার সম্পত্তি নষ্ট করিয়া দেওয়া হয়। পাইকারী জরিমানা আদায় করা হয় বহু স্থানে। প্রয়োজন হইলে বিমান হইতেও পর্যবেক্ষণ কার্য চালায় হয়। আবাল-বৃদ্ধ-বনিতা কেহই এই পীড়ন হইতে রেহাই পায় নাই। সৈন্তগণ বহু স্থানে বহু নারীকে ধর্ষণ করে। খেদিমীপুরে অনুষ্ঠিত নারীকীর অত্যাচার বৃটিশ গভর্নমেন্টের মুখে চূর্ণকালি স্ফেপিয়া দিল।

আগষ্ট-বিপ্লব ভারতের সকল প্রদেশেই সুরু হয় এবং উহার ঢেউ গিয়া আসামেও পৌঁছায়। আসামের সকল কংগ্রেস নেতাকেই গ্রেপ্তার করা হয়। শোভাবাত্রী প্রভৃতির উপর পুলিশ বেপরোয়া লাঠি চালাইতে থাকে। দারং জেলার অন্তর্গত গোপুর থানা-ভবনে জাতীয় পতাকা উত্তোলিত করিবার উদ্দেশ্যে ২০শে সেপ্টেম্বর একদল লোক অগ্রসর হইলে পুলিশ তাহাদের উপর গুলি চালায়। ইহার ফলে বহু লোক আহত এবং কনকলতা নারী জনৈকা মহিলা নিহত হন। কনকলতার হত হইতে জাতীয় পতাকাটি লইয়া অপর একজন থানার দিকে অগ্রসর হইলে পুলিশ তাঁহাকেও গুলি করে। প্রবল গুলি বর্ষণকে অগ্রাহ্য করিয়া শেষ পর্যন্ত কয়েকজন গিয়া থানার উপর জাতীয় পতাকা উড্ডীন করিতে সমর্থ হন।

উক্ত দিবসেই ঢেকাইজুলি থানা অভিমুখেও একদল শোভাবাত্রী অগ্রসর হন। কুলেশ্বরী নারী একটি অল্প বয়স্কা বালিকা ও আরও জন কুড়ি লোক সেখানে গুলিতে প্রাণ হারায়। একজন যুবক সকল বিপদ অগ্রাহ্য করিয়া অগ্রসর হইয়া থানার উপর জাতীয় পতাকা উড়াইয়া দেন—কিন্তু পুলিশের গুলিতে তিনিও সেখানেই প্রাণ হারান।

আসাম প্রদেশের চতুর্দিকেই পুলিশের ও মিলিটারির অত্যাচার ছড়িতে থাকে—বহু নর-নারী গুলিবিক্ত হইয়া নিহত হয়। এই সকল অত্যাচারের বিরুদ্ধে প্রতিবাদ জ্ঞাপনের জন্য তেজপুত্র সহরের মরদানে এক জনসভা অনুষ্ঠানের ব্যবস্থা হয়। পুলিশ ও সৈন্তগণ উক্ত সভা আক্রমণ করিয়া যথেষ্টভাবে লাঠি ও গুলি চালায়। ইহার ফলে বহু লোক আহত হয়। শত অত্যাচার সহ্য করিয়াও আসাম প্রদেশের অধিবাসিগণ আগষ্ট-বিপ্লবে উল্লেখযোগ্য অংশ গ্রহণ করেন। আসামেও রেলের লাইন তুলিয়া কেলা হয়, সরকারী ভবনসমূহ আক্রমণ ও ধ্বংস করা হয় এবং সৈন্ত-নিবাস ও বিমান ঘাঁটি প্রভৃতি নষ্ট করিয়া বৃটিশ গভর্নমেন্টের সূত্র প্রচেষ্টার বিঘ্ন হ্রাসের চেষ্টা করা হয়।

খেয়াই প্রদেশের সাতারা জেলার আন্দোলন বেশ ব্যাপক আকার

গ্রহণ করে। উক্ত অঞ্চলে গ্রাম্য এলাকাগুলিতে কাছারি হইতে শাসন-কর্তৃত্ব পরিচালিত হয়। তথাকার জনসাধারণ অহিংস থাকিয়া শান্তিপূর্ণ উপায়ে কাছারিগুলিতে সত্যগ্রহ পরিচালিত করিতে সক্ষম করেন। তদনুযায়ী ২৪শে আগষ্ট তারিখে বহু লোক কয়লাগ্রামের কাছারিতে গিয়া সত্যগ্রহ আরম্ভ করিলে উহা বন্ধ হইয়া যায় এবং সত্যগ্রহীরা তথায় জাতীয় পতাকা উড্ডীন করে। সরকারী কর্মচারিগণকে অনুরোধ করা হয় যে তাঁহারা যেন আপনাদিগকে জনগণের সেবক বলিয়া মনে করেন। নেতৃস্থানীয় একজন সত্যগ্রহীকে সেখানে গ্রেপ্তার করা হয়। যাহা হউক, এইভাবে আরও কয়েকটি কাছারিতেও সত্যগ্রহের কাজ নির্বিঘ্নেই সম্পন্ন হয়।

কিন্তু ভাহুজ নামক গ্রামের কাছারিতে একদল লোক সত্যগ্রহ করিতে বাইলে কর্তৃপক্ষ চরম ব্যবস্থা অবলম্বন করিলেন। সহস্রাধিক লোক লইয়া গঠিত শোভাবাত্রী যখন কাছারির অভিমুখে অগ্রসর হইতেছিল, তখন পুলিশ তাহাদের উপর গুলি চালাইতে লাগিল। উপর্যুপরি কয়েকটি গুলির আঘাত পাইয়া সত্যগ্রহীদের নেতা পতাকা হস্তে শেব শয্যা গ্রহণ করিলেন এবং আরও কয়েকজন হতাহত হইল। নিহতদের মধ্যে দুইটি বালকও ছিল। পুলিশ যতদেহগুলিতে পদাঘাত করে।

ইহার পর পুলিশ ব্যাপকভাবে উক্ত অঞ্চলে তল্লাশী চালায়, বহু লোককে গ্রেপ্তার করে এবং লোকের উপর অত্যাচার চালাইতে থাকে; কিন্তু তথাপি ইসলামপুর গ্রামের কাছারিতে পুনরায় সত্যগ্রহ করিবার পরিকল্পনা করা হয়। সেখানে সত্যগ্রহ করিতে গেলেও পুলিশ গুলি চালায় এবং বহু লোক হতাহত হয়। দলের কয়েকজনকে গ্রেপ্তার করা হয়।

কয়েকজন নেতা আত্মগোপন করিয়া থাকিয়া সাতারার আন্দোলন পরিচালনা করিতেছিলেন। ১৯৪২ সালের শেষ দিক হইতে সাতারার আন্দোলন অস্ত পথ ধরিল। গ্রাম্য কাছারি, রেল স্টেশন, ডাক-বাংলো ইত্যাদিতে আগুন ধরাইয়া সেগুলি পোড়ান হইতে লাগিল এবং সমগ্র সাতারা জেলার যোগাযোগ ব্যবস্থা ধ্বংস করা হইল। কয়েক স্থানে মালগাড়ীকে লাইনচ্যুত করা হইল। এইরূপ কার্যকলাপ সাতারা জেলার ১৯৪৩ সালের মাঝামাঝি সময় পর্যন্ত চলে।

পুলিশ ও মিলিটারির অত্যাচার হইতে আত্মরক্ষা করিয়া আন্দোলন পরিচালিত করিবার জন্য শত শত কর্মীকে তথঃ আত্মগোপন করিয়া থাকিতে হইয়াছিল। পুলিশ বহু চেষ্টা করিয়াও তাঁহাদিগকে খুঁজিয়া বাহির করিতে পারে নাই। এই সকল আত্মগোপনকারী কর্মীকে খুঁজিয়া বাহির করিবার জন্য গভর্নমেন্ট গুণ্ডা এবং ছুঁইপ্রকৃতির বহু লোককে চর নিযুক্ত করেন। বাবুয়া দেশমুখ নামক কুখ্যাত একজন গুণ্ডা এই সকল চরের অন্ততম ছিল একদিন একজন কংগ্রেস কর্মীর অধেষণে একদল পুলিশসহ সে তাঁহা বাগিতে যায় এবং উক্ত কংগ্রেস কর্মীর পত্নীকে কয়েকটি অস্ত্রের

ফিল্ম অংশীভুক্ত করে। এইভাবে শুভ উৎসবের উৎপাতে সেখানকার ভক্ত অধিবাসীদের বসবাস দুঃসাধ্য হইয়া উঠে। কর্মিগণ তখন এই শুভা-উৎপাত দমনের জন্ত বহুপরিচর হন। উপরোক্ত ঘটনার দিনকয়েক পরেই একদিন বাবুরাও দেশবুধ-এর স্তম্ভেহ গাধের ধারে পড়িয়া থাকিতে দেখা যায়। তাহার হাত ও পা দেহ হইতে বিচ্ছিন্ন করিয়া কেলা হইয়াছিল।

সাতারা জেলার নানা স্থানে বহু টাকা পাইকারী জরিমানা ধাৰ্য করা হয় এবং তাহা আদায় করা হইতে থাকে পাশ্চাতিক গীড়নের দ্বারা। শ্রীলোকগণকে কেজাঘাত, জনগণকে গুলি করিয়া বদ্বহু হত্যা সাতারা জেলার নিত্যনৈমিত্তিক ব্যাপার হইয়া দাঁড়ায়। এই অত্যাচার-উৎপীড়নের মধ্যেও সাতারার অধিবাসিগণ অটুট সঙ্ঘ লইয়া জাতীয় সরকার প্রতিষ্ঠিত করে। এই সরকার পরম যোগ্যতার সহিত কিছুদিন সাতারার শাসন-ব্যবস্থা পরিচালিত করেন।

বিহারেও আগষ্ট-আন্দোলন পূর্ণ মাত্রায় চলিতে থাকে। ১১ই আগষ্ট সরকারী ভবনসমূহে জাতীয় পতাকা উত্তোলিত করিবার জন্ত পাটনার ছাত্রগণ স্কুল-কলেজ ত্যাগ করিয়া রাত্তার সমবেত হয় এবং পাটনা হাইকোর্টের দিকে অগ্রসর হইতে থাকে। সেখানে উপস্থিত হইয়া তাহার হাইকোর্টের উপর হইতে ব্রিটিশ পতাকা নামাইয়া জাতীয় পতাকা উড্ডীন করিবার দাবী জানায়। প্রধান বিচারপতি অশ্রীতিকর অবস্থা এড়াইবার জন্ত তাহার এক কর্মচারীকে দিয়া ছাত্রদের অসুরোধ রক্ষা করেন। অতঃপর ছাত্রগণ বিহার প্রদেশের আইন-পরিষদ ভবনে পতাকা উড়াইবার জন্ত সেখানে গিয়া উপস্থিত হয়। একদল ছাত্র যখন জাতীয় পতাকা লইয়া পরিষদ-ভবনের উপর উঠিতে আরম্ভ করে, তখন পুলিশ গুলি চালায় এবং তাহার ফলে দাত জন নিহত হয়।

ইহার পর জনগণ ক্ষিপ্ত হইয়া উঠে এবং নানাস্থানে অবস্থা আরও ভয়ঙ্কর হইয়া উঠে। ১২ই আগষ্ট হাজার হাজার লোকের এক বিরাট বিক্ষুব্ধ জনতা পাটনার বিভিন্ন স্থানের টেলিগ্রাফ-টেলিফোন সংযোগ ধ্বংস করিয়া ফেলে। বাকিপুর জেলার সম্মুখে উপস্থিত হইয়া এই জনতা ব্রিটিশ-বিরোধী নানাপ্রকার ধ্বনি দিতে থাকে এবং পুলিশের সহিত তাহাদের কয়েকঘণ্টাব্যাপী এক খণ্ডযুদ্ধ হয়। নানাস্থানে ভাঙ্কর প্রভৃতি সরকারী ভবন আগুন ধরাইয়া পোড়াইয়া দেওয়া হয়। পুলিশ ও মিলিটারির গুলিবর্ষণে বিহার প্রদেশে বহুলোকের মৃত্যু ঘটে। আন্দোলন তথাপি চলিতেই থাকে। বহু স্থানে ব্রিটিশ-শাসন ভাঙিয়া পড়ায় জনগণই আপনাদের গণরাজ প্রতিষ্ঠিত করে।

পাটনা সহরের কর্তৃক সৈন্তগণের হস্তেই তুলিয়া দেওয়া হয়। পরিচর-পত্র ব্যতিরেকে সাক্ষ্য-আইন বলবৎ থাকার প্রাকালে লোক চলাচল নিষিদ্ধ হয়। সহরের বহু সম্মানার্থ ব্যক্তিকেও বন্দীশিবিরে আটক করিয়া শাস্তি দেওয়া হয়, অথবা প্রয়োজনমত তাহাদিগকে বধ করা হয়। রাত্তার জল পরিষ্কার করিতে। ঘটনার কোমল

প্রকৃত বিবরণ একশি না করিয়া রাজ সরকারী বিবৃতি মুদ্রিত করিবার নির্দেশ দেওয়ার ফলে সংবাদ-পত্রগুলি সরকারী বিবরণ ছাপিতেও অস্বীকার করে।

বিহার প্রদেশের অত্র অঞ্চলেও উৎপীড়নের দ্বারা বহু টাকা পাইকারী জরিমানা আদায় করা হয়। বহুলোককে অত্যাচারের ভয়ে স্থানে স্থানে ঘর-বাড়ী ছাড়িয়া পলাইয়া বাইতেও হয়। নারীগণও সৈন্তদের হস্তে নিগৃহীতা ও লাহিতা হন। আগষ্ট-আন্দোলন উপলক্ষে বিহার প্রদেশে ছয় শতাধিক লোক গুলিতে প্রাণ হারায়। জনসাধারণ তৎসময়েও সরকারের নিকট নতি স্বীকার করে নাই।

যুক্তপ্রদেশে এই আন্দোলন দমনকল্পে ঘরবাড়ী আলাইয়া মুদ্রা চালায় হয়, মহিলাদিগকে পথে ছাড়িয়া দেওয়া হয় বিবস্ত্র করিয়া। বালিয়া ও বাইরিয়ার গুলি চালাইয়া পুলিশ যথাক্রমে ৪০ ও ২৭ জনকে নিহত করে।

আগষ্ট-বিদ্রোহ ভারতের অত্র অঞ্চলেও তীব্র আকার ধারণ করে এবং ব্রিটিশ গভর্নমেন্ট অসামুখিক অত্যাচার-উৎপীড়নের দ্বারা তাহা দমন করিতে চেষ্টা করেন। বিদ্রোহীদের বিদ্রোহ সম্যক দমন-কর্তির ইতিহাস আজিও রচিত হয় নাই। সংবাদ প্রকাশের পথে বিঘ্ন সৃষ্টি করিয়া কর্তৃপক্ষ ইহার বিঘ্নিত ও প্রচণ্ডতা রোধের জন্ত আশ্রয় চেষ্টা করিয়াছিলেন। এমন অপূর্ব গণ-অভ্যুত্থান পৃথিবীর ইতিহাসে বিরল।

ব্রিটনের বুদ্ধকামী প্রধান মন্ত্রী মিঃ চার্লিস ইংলণ্ডের পার্লামেন্ট মহাসভাকে আশ্বাস দিয়া সদন্তে স্মরণ করাইয়া দিয়াছিলেন যে, বুদ্ধ-উপলক্ষে বহুসংখ্যক ইংরাজ সৈন্ত ভারতে অবস্থান করিতেছে, সুতরাং কংগ্রেস-নেতৃবৃন্দের প্রেরণা এবং আগষ্ট-আন্দোলনের জন্ত ইংরাজজাতির চিন্তিত হইবার কোনও কারণ নাই, অর্থাৎ কিনা প্রয়োজন হইলে ঐ বহুসংখ্যক সৈন্ত অশান্ত ভারতবাসীদিগকে শাস্তি করিতে পারিবে। যাহা হউক, বিশ্বব্যাপী দ্বিতীয় মহাযুদ্ধ চলিতেই লাগিল—আর ভারতে চলিতে লাগিল শাসনতান্ত্রিক অচল অবস্থা। এদিকে স্বাধীনতা-সংগ্রামের অত্রাণ্ড বোঝা হত্যাভঙ্গ গোপনে ভারত ত্যাগ করিয়া গিয়া দক্ষিণ-পূর্ব এশিয়ার আক্রমণ-হিন্দু কোর্সের নেতৃত্ব গ্রহণ করেন এবং তাহার সর্বাধিনারকয়ে আক্রমণ-হিন্দু-কোর্স ভারতের পূর্ব সীমান্তে আঘাত হানিতে থাকে। যাহা হউক, শেষ পর্যন্ত আমেরিকার সাহায্যে বিদ্রোহী জয়লাভ করিলেন এবং অক্ষ-শক্তির অন্তর্ভুক্ত দেশগুলি একে একে পরাজয় বরণ করিতে লাগিলেন। ১৯৪৫ সালে মহাযুদ্ধের সমাপ্তি ঘটিল।

ইংলণ্ডের জয় হইল—কিন্তু শক্তি, আন্তর্জাতিক মর্যাদা এবং অর্থনৈতিক দিক দিয়া তাহার অবস্থা পরাজিত দেশগুলি অপেক্ষা বিশেষ উৎকৃষ্ট হইল না। মহাযুদ্ধবিধ্বস্ত পৃথিবীতে তাহার পূর্বকমতা বজায় রাখা আর সম্ভব হইল না। চতুর্দিকে অশান্তি সৃষ্টি হইতে লাগিল—পৃথিবীর হৃদয়প্রান্তে অবস্থিত দুই দুই দেশগুলিতে পর্যন্ত দেখা দিল গণজাগরণ। সুদূর সাম্রাজ্যবাদ তাহার শেষ নিঃশ্বাস ত্যাগ করিবার

উপক্রম করিতে লাগিল। বুদ্ধকালে মিঃ চার্লিস ব্রিটিশস্বত্বকে আত্মসাৎ করিয়াছিলেন যে, ব্রিটিশ-সাম্রাজ্যকে দেউলিয়া করিয়া দিবার জন্য তিনি লন্ডনের প্রধান মন্ত্রি গ্রহণ করেন নাই। বুদ্ধশেষে কিন্তু তাঁহাদের অনিচ্ছাসত্ত্বেও ব্রিটিশ-সাম্রাজ্য দেউলিয়া হইয়া গেল।

ইতিমধ্যে ১২৪৪ সালে কালাগারে থাকা অবস্থাতেই যে মাসে মহাত্মা গান্ধী অনশন শুরু করেন এবং তখন তাঁহাকে মুক্তি দেওয়া হয়। জেল হইতে মুক্তিলাভের পর তিনি মুশলিম লীগের সভাপতি জম্মাৎ মহম্মদ আলি জিন্নার সহিত সাম্প্রদায়িক সমস্যার সমাধান উদ্দেশ্যে কয়েকদিনব্যাপী আলোচনা চালাইলেন, কিন্তু তাহা সফল হইল না।

১২৪৫ সালের নির্বাচনে ইংলণ্ডের পার্লামেন্টে শ্রমিকদের বিপুল সংখ্যার একক সংখ্যাগরিষ্ঠতা অর্জন করেন এবং ভারতীয় সমস্যার সমাধানকল্পে তাঁহাদের মধ্যে খানিকটা আন্তরিকতা দেখা দেয়। ঐ সংসদের ১৫ই জুন কংগ্রেস নেতৃত্বকে মুক্তি দেওয়া হয় এবং বড়লাট লর্ড ওয়াভেল ব্রিটিশ গভর্নমেন্টের অনুমোদনক্রমে ভারতীয় সমস্যার সমাধান সম্বন্ধে আলোচনার জন্য ঐ সময় সিমলার এক নেতৃ-সম্মেলন আহ্বান করেন। কংগ্রেস ওয়ার্কিং কমিটি সম্মেলনে যোগদান করিতে সিদ্ধান্ত করেন।

কংগ্রেস ও লীগ নেতৃত্ব এবং অন্যান্য আরও কয়েকজন নেতা লইয়া বড়লাটের সভাপতিত্বে ২৫শে জুন হইতে সিমলার বৈঠক শুরু হইল; কিন্তু বৈঠক শেষ পর্যন্ত ফলপ্রসূ হইল না—কতকগুলি মৌলিক বিষয়ে লীগ ও কংগ্রেস-নেতৃত্বের মতানৈক্যের ফলে ১৪ই জুলাই বৈঠক ভাঙ্গিয়া গেল। এক কথার বলিতে গেলে, সিমলা-সম্মেলনে ভেটো প্রয়োগের ক্ষমতা রহিল সংখ্যাগুরু সম্প্রদায়ের প্রতিনিধি-প্রতিষ্ঠান মুশলিম লীগের হাতে।

কিন্তু বৈঠক ভাঙ্গিয়া বাওরাতই সমস্যার সমাধান হইল না। সমগ্র ভারতে এমন এক পরিহিতির উদ্ভব হইতেছিল, বাহাতে স্পষ্টই বুঝা যাইতেছিল যে অবস্থা আরও বাহিরে চলিয়া যাইবার উপক্রম করিতেছে। রাজনৈতিক চেতনাসম্পন্ন কোটি কোটি লোকের অসহযোগিতা ও বিরুদ্ধ মনোভাব লাভ করিয়া একটা বিরাট দেশকে কেবলমাত্র সৈন্ত সাহায্যে শাসন করিতে গেলে যে বিপুল ব্যয় বহন করিতে হয়, তাহা লক্ষ্যমান করিবার শক্তি মহাবুদ্ধিবিধ্বস্ত বৃটেনের ছিল না। সমগ্র আন্তর্জাতিক পরিস্থিতিই, চিরদিনের মত সাম্রাজ্যবাদের মৃত্যু-সময় নির্দেশ করিতেছিল। অধীন ভারত অপেক্ষা অরণ্য-শাসিত বঙ্গভাবাপন্ন স্বাধীন ভারত যে পরোক্ষে বৃটেনের শক্তি জোগাইতে পারে, তাহা ইংলণ্ডের বিচক্ষণ শ্রমিক নেতৃত্ব ক্রমশঃ উপলব্ধি করিলেন। খেজার চুক্তির দ্বারা ক্ষমতা হস্তান্তর করিলে ভারতে বৃটেনের বার্ষিক ও ব্যবসার

খার্বও বজার থাকার সম্ভাবনা, হুতরাং ভারতীয় সমস্ত লইয়া তাঁহারা যথেষ্ট মাথা ঘামাইতে লাগিলেন।

ইতিমধ্যে সাম্রাজ্যবাদ তাহার মরা কামড় দিতে কহুর করিল না। আজাদ-হিন্দ-কৌজের যে সকল সৈন্ত ও সেনাধ্যক্ষ দক্ষিণ-পূর্ব এশিয়ার আত্মসমর্পণে বাধ্য হইয়াছিলেন অথবা ধৃত হইয়াছিলেন, তাঁহাদের কয়েকজনকে কয়েক দফার দিল্লীর লাল কেল্লার সামরিক আদালতে অভিযুক্ত করিয়া ১২৪৫ সালের শেষ দিক হইতে দুছাপরাধী হিসাবে তাঁহাদের বিচার শুরু হইল। আজাদ-হিন্দ-কৌজের গৌরবজনক কার্যকলাপের বিবরণ ভারতবাসীগণ বুদ্ধের সমাপ্তির পর বিশেষভাবে জানিতে পারেন এবং তাহার ফলে তাঁহারা এই সময় যথেষ্ট অনুপ্রাণিতও হন। নেতাজীর জিন্ন সহকর্মীগণের এই ভাবে বিচার-ব্যবস্থা হওয়ার ভারতের জনমত অতিশয় ক্ষুব্ধ হইয়া উঠে এবং চতুর্দিক হইতে ইহার বিরুদ্ধে তীব্র প্রতিবাদ জাগন করা হয়। ব্রিটিশ গভর্নমেন্ট এবং উচ্চপদস্থ সামরিক কর্মীরা কিন্তু তাঁহাদের জিদ ত্যাগ করিলেন না—নীতির মোহাই দিয়া বিচার-কার্য চালাইয়া বাইতে লাগিলেন। কংগ্রেসের পক্ষ হইতে আজাদ-হিন্দ-কৌজের অভিযুক্ত সেনাধ্যক্ষগণের পক্ষ সমর্থনের জন্য একটা কমিটি গঠিত হয় এবং পণ্ডিত জওহরলাল নেহেরু, তুলাভাই দেশাই, সার ভেজবাহাদুর মঞ্জ, জনাব আসফ আলি ও ডাঃ কৈলাসনাথ কাটকু অভিযুক্ত ব্যক্তিগণের পক্ষ সমর্থন করিতে থাকেন।

দিল্লীর লাল কেল্লার সামরিক আদালতে বিচার-প্রহসন চলিতে লাগিল। কাহারও কাহারও গুরুতর দণ্ডবিধান করিয়া পরে আবার সেই দণ্ড মুকুব করা হইল—কাহারও কাহারও দণ্ড বজায় রাখা হইল। সমগ্র ভারতে নানা স্থানে এই ভাবে আজাদ হিন্দ-কৌজের সেনানীযুক্তের বিচার এবং তাঁহাদের প্রতি প্রদত্ত দণ্ডের বিরুদ্ধে প্রতিবাদ জাগন করিয়া বিক্ষোভ প্রদর্শন করা হয়। এই উপলক্ষে কোথাও কোথাও জলিও চলিল এবং কেহ কেহ আহত ও নিহত হইলেন। সমগ্র ভারত আবার যেন চঞ্চল হইয়া উঠিল।

কিন্তু আঘাত দিতে গিয়া ব্রিটিশ গভর্নমেন্টও এক প্রচণ্ড আঘাত পাইলেন। সেই আঘাত হইল ১২৪৬ সালের কেরোরার মাসে সংঘটিত নৌ-বিদ্রোহ। (আগামীবারে সমাপ্য)

বার্জ-হত্যা প্রসঙ্গে গত চৈত্র সংখ্যা ভারতবর্ষ-এ অনবধানতা বশতঃ একটু ভুল বিবরণ প্রকাশিত হইয়াছে। আমরা জানিতে পারিয়াছি যে বামিনীজীবন ঘোষ মহাশয়ের কোনও পুত্রই পুলিশের নিকট স্বীকারোক্তি প্রদান করেন নাই বা রাজসাক্ষীও হন নাই। রাজসাক্ষী হইয়াছিলেন অপর এক ব্যক্তি। উক্ত বিবরণ অনবধানতাবশতঃ প্রকাশিত হওয়ার আমরা দুঃখিত।—লেখক



সুইজারল্যান্ড

শ্রীচিত্রিতা দেবী

(পূর্ব-প্রকাশিতের পর)

সুইজারল্যান্ডের সুন্দর এলাকা। এখন চলছে ইন্টারন্যাশনাল সপ্তাহ থেকে 'সুইজারল্যান্ড'র বিশাল ভ্রমণকে আরোহণ করব—আর তারপর? —কি হবে—সহাদেশ থেকে লগনে, আর লগন থেকে রক্তাক্তর? রাজ্য উঠেছে খোঁপার কাঁটার মত বেঁকে। পাশ দিয়ে হুহু করে ছুটে যায় গাড়ী, আর বেসব গাড়ীতে G. B. মার্কা তাদের ভিতর থেকে একটা উল্লাসধ্বনির সঙ্গে রুমাল উড়তে দেখা যায়। সর্বপথযাত্রীদের পরস্পরের প্রতি এই সৌন্দর্য-স্বীকৃতি বেশ লাগে। 'জুলিয়ান,' 'ওবরন' আর 'সাস' তিনটা পাস পার হতে হবে। আহা কেন যে এগুলোকে পাস বলা হয়। চমৎকার চওড়া রাস্তার পাশে কলকের পরে নাম আছে লেখা। হরত কোনকালে দুই দুর্ভাগিন্য শিখরচূড়ার মাঝে ছোট একটা সরুপথের চিহ্ন ছিল। আজও সেই পথ সেই দূরকালের নামের স্মৃতি বহন করে আসছে। আজকের এই শ্রেণী সাত হাজার কুটের বেশী উঁচু নয়—তবু বরফ-ঝরা ঘাসের রঙে কেমন একটা মৃত পাণ্ডুরতা। গাছগুলিতে কিত্ত বসন্তের ছোঁয়া লেগেছে। এর উপরের স্তরের আজস বৃক্ষহীন চিরতুহিনাবৃত। অদ্ভুত এই ছোট বেশটা—যেন পুরোপুরি একটা ছোট ইরোরোপ। ইরোরোপের প্রধান তিনটা ভাষাই এখানে চলে—ফ্রেন্স, জার্মান, ইটালীয়ান। ইরোরোপে যতরকম আবহাওয়া সম্ভব, সব এখানে আছে। এদেশের 'লাগো' প্রকৃতি আরগার মধ্যসাগরতীরসম্মত চিরবসন্তকাল। সেখানে ভূটা আর গমের ক্ষেত, পান গাছের সারি আর চেটনাটেব ছারা, আর আঙুরলতার কুঞ্জ। আবার ম' দশ হাজার কুট উপরে, জলহীন, বৃক্ষহীন, অসন্ত ভ্রমণের মরু। আর এই তিন হাজার থেকে ৩৭ হাজার কুটের মধ্যে, মৃত পাইনগাছের বেলা, গ্রীষ্ম ও বসন্তকালে সবুজ ঘাসের সনায়োহ। এইখানেই বেশিরভাগ গ্রাম ও শহর,—মৃত চাষীদের বাস। আত্মবল ও পোরালের উপরতলার তাদের মোটা মোটা কাঠের কুটির লতাকুঞ্জ দিয়ে ঢাকা। কাঠের খুঁটিগুলোতে ঝুলছে অর্কিড, কিবা জিরেখিরাদের গুল্ম। এখানকার মেয়েরা ছোট ছোট ভাঁতে কত গণদের কবল, মেয়েদের নস্রাকাটা চাবর, খন্দরের মত মোটাখুঁতোর বেতকটার তৈরী করে। আর তার ওপরে করে অসংখ্যরকম ছুঁচের কাজ। সে কাজগুলির সঙ্গে আমাদের দিল্লী হাতের কাজের আশ্চর্য মিল, যেমন ককা অথবা পদ্মলতার মত লতা। লুনার্ণে একটা বোকানের কাঁচের আনসার, ঝুলছিল একটা চাবর। তাড়াতাড়ি ছুটে যেমনি সে বোকানে, কী আশ্চর্য ভারতের সুইস শির এতদূরে রঙানি হয়?—উত্তর এস—না'না' সুইসদের হাতের তৈরী এই চাবর।

ইন্টারন্যাশনাল সপ্তাহ আরোহণ ইংল্যান্ডের পোবা আরগা। কোন


ছোটলে তিলধারণের হান নেই—ভাগ্যে আমাদের আগে থেকে আরগা ঠিক করা ছিল। ছোটলে চুকে দাম শুনে যদিও মুখ শুকিয়ে আসে, তবু এ একেবারে বুজ্জারা ব্যাপার, যাকে বলে। ট্যুরিষ্টদের আড্ডা তাই, আরগাটা অসংখ্য ছোট ছোট দোকানে ভর্তি। আর কি হৃদয় সব খেলনা, কাঠের কত ছোট খাট জিনিস, কাশীরের মত নস্রাকাটা, আর তার সঙ্গে বিলিভী মিত্রীর বাস্তবিক বৃদ্ধি মিলেছে। ছোট একটা চাববাড়ী, আননা আঁকা, কাগজের রঙীন ফুল ঝুলছে।



সুইজারল্যান্ডের ছেলে-মেয়ে

পাশেই একটা বোতাম টিপলে বাড়ীর ছাদটা খুলে গেল, ওমা! একটা বাস—তাতে চকোলেট ভর্তি—আর ভেতর থেকে মিষ্টি একটা ছুর জলভরদের মত বাজছে। আর সব বাড়ীতেই একটা করে 'কুকু' বড়ি আছে—খুকুকে সবাই ডেকে নিয়ে যায় তাদের ঘরে, দেখ আমাদের বড়ি তোমার নাম ধরে ডাকে। কত অজস্ররকম বড়ি, আর তাতে কত বিচিত্র কলকৌশল। কোম বড়িতে কোকিল এসে কুহুধ্বনি করে মটা বাজিয়ে যায়, কোনটার টুপিমাথায় হাঁস এসে ড্রাব বাজিয়ে যায়। খুকু ভেঁা বড়ির কেরামতি দেখে একেবারে 'খ'! খুকু

স্বাভাবিক সেই দৃশ্য এদের বৈজ্ঞানিক কেরামতি দেখে। সমস্ত দেশ থেকে কয়লার ট্রেন তুলে দিয়েছে,—সর্বত্র ইলেকট্রিক। পাহাড়ের পা বেয়ে একেবারে সোজা এরা ট্রেনটাকে তুলে দেয় অনেক সময়। গ্রাশাপাশি ছোটো লাইন পাতা থাকে—লিকটের নিয়মে ছোটো ট্রেন পরস্পরের ভারে ওঠানামা করে। বৈজ্ঞানিক বুদ্ধিতে এরা ইরোরোপের কোন জাতের চেয়ে কম নয়। হাসপাতালগুলির ব্যবস্থা আধুনিকতম। অর্থাৎ লক্ষীর সঙ্গে সরস্বতীর মিলনসাধনের উপস্থান এরা রত। জ্ঞানসঞ্চয়ের দ্বারা ধনসঞ্চয় করে। সাম্রাজ্যবিস্তারের বন্ধ এরা কখনো দেখেনি, তাই এতকাল ধরে শান্তিতে আছে। শোনা গেল সপ্তদশ শতাব্দীতে এদের শেষ গৃহযুদ্ধ হয়।—ওই যে যুদ্ধের ঝড় ইরোরোপের বুকের উপর ছবার প্রলম্বতাওবে বয়ে গেল, এদেশের গারে আঁচড়টা



হুড়ঙ্গ পথে

লাগল না। এরা ছিল রেডক্রসের ভার নিয়ে। হুপঙ্কের আহতদেরই সেবা করেছে। লীগ অবনেশনের সম্মিলন বসত এখানেই জেনিভার। যুদ্ধে শক্তিকর না করে সবটা শক্তি প্রয়োগ করেছে দেশটাকে গড়ে তুলতে। সেইজন্তে দেশের প্রভূত অংশ ফসলধারণের অনুপযুক্ত হলেও এরা নানাদিকে নিজেদের বিকশিত করে, দেশের ঐর্ষ্য আহরণ করে। বিদ্যুৎ এদের বাঁধা চাকর। আবার তা সবেও ছোটোখাটো মিত্রিত ফুটায়, মেয়ের হাতে চলছে তাঁত, কাঠের টুকরোর ফুলপাতা একে শিল্পী গড়ছে খেলনা। এখানে লোকানে বাজারে সর্বত্র ইংলণ্ডের মত চড়া রঙের গ্যাটিকের সমারোহ দেখলাম না। সাবেক কালের কাঠের

খেলনার উজ্জ্বল পরিচয় আছে। বিদ্যুৎকে খাটানো অসংখ্য কাজে। এ জন্তে যে শক্তির প্রয়োজন, মহাদেব তাঁর জটা থেকে অজস্র স্বর্ণাধারার অবিজ্ঞান সে শক্তি এদের প্রতি বর্ষণ করছেন। প্রকৃতির অলরাশিকে বাঁধ বেঁধে এরা সঞ্চয় করে রেখেছে শক্তির ভাণ্ডার। বেশীর ভাগ কারখানাই জলের ধারে তৈরী। কিন্তু এমন পরিষ্কার পরিপাটী ধোঁয়া বর্জিত স্থান হাঁচের তৈরী যে, প্রকৃতির পরে মানুষের হাতের ছাপ পড়েছে বোঝা গেলেও সৌন্দর্যের হানি হয় না। লম্বা বারান্দার এককোণে বেতের কোঁচে হেলান দিয়ে ভাবছি এই অদ্ভুত স্থানের দেশটার কথা, ইরোরোপের জুর্ভর্ন বাকে ফলে, হঠাৎ চমকে উঠি গলার ধরে—“ক্ষমা কর সাহাব, প্রসারিত হাতে মাথা নত করে বাউ করেন, হোটেল কর্তৃপক্ষের কেউ একজন,—“কাল ভোর সাতটার ট্রেন তোমাদের যাত্রাটুকু নিয়ে যাবে। ৩০টার সময়ে তোমাদের ব্রেকফাস্ট, আর প্যাকেটে করে কিছু লাঞ্চ পাঠিয়ে দেওয়া হবে। তাহলে এখন ঘুমতে যাওয়াই সমস্ত—কাল উঠতে হবে ভোরে।

দু তিনবার ক্ষুত্রের ট্রেন বদল করে করে তুমার চূড়ার পাদমূলে যখন পৌঁছলাম, বেলা দশটা বেজে গেছে। বরফের উপর দিয়ে লাইন নিতে পারেনা, তাই নীচে হুড়ঙ্গ খুঁড়েছে। সাড়ে চার মাইল দীর্ঘ এই হুড়ঙ্গ পথে ট্রেন চলেছে বিদ্যুতে। মাঝে মাঝে মোটা কাঁচের কেবিন হোলের মতন গোল জানলা। কাঁচের ভিতর দিয়ে বাইরের আলো এসে পড়েছে একটু আধটু।” একটা যারগার ট্রেন খামালে আমাদের দেখবার জন্তে। অবাক কাণ্ড। অক্ষকারের হুটোর মধ্যে দিয়ে আলাদীনের ঐর্ষ্য ষিক্‌মিক্‌ করে উঠল। রোদ পড়ে অলছে রূপোর পাহাড়। বাইরে অলস্ত সাদা, ভিতরে অক্ষকার কালো। টানেল এসে শেষ হয় ছোট একটা পাতাল স্টেশনে। পাতালের ওপরে আছে বরফের স্বর্গ, আর তারো উপরে আছে ইরোরোপের ধ্যানমন্দির ছোট একটা রেষ্টোঁরা।

আশ্চর্য—রূপ,—এমন যে দেখা যায় ভাবতে পারি মি। হিমালয়ের তুমার চূড়া দেখা হয়ত ভাগ্যে ঘটে উঠবে না—তার অশ্রুকে তো দেখে নিলাম। যেদিকে তাকাও ধু ধু করছে সাদা—স্বর্ণা নেই, হুদ নেই, সবুজের লেশমাত্র নেই—যতদূর তাকাও কোথাও জন বসতির চিহ্নমাত্র নেই।—ওধু তরঙ্গায়িত বরফের মরুভূমি। পাহাড়ের মাথাগুলি ঢেকে ঢেকে গা বেয়ে নেমে নদীর আকারে দূরে মিলিয়েছে। শুভ্র কঠিন স্বভূত মত এই ৫৬৭ ফিট গভীর জমাট নদীকেই বলে মেশিয়ার। বরফের উপরে কাঠের টুল গর্ভ করে চুকিয়ে বসে পিকনিক চললো—কুকুরের গাড়ী চড়ে বেড়াশোও চলছে। অদ্ভুত এই ইরোরোপীর জাত—কখনো চূপ করে থাকতে জানে না।

মহামৌনের মাঝখানে দাঁড়িয়েও সমানে চলছে হোঁ হোঁ। হোটেলের আরামকক্ষে যেমন ব্যবহার চলে এখানেও কি তার একটু ব্যতিক্রম হবে না। ওই যে শুভ্র তুমার চূড়ার বিরাতের নিরবাক ইতিহাস—একি এতই অর্ধহীন এদের কাছে—এত ব্যর্থ? আমার সমস্ত শরীর এদের কাছে থেকে দূরে রাখার জন্তে উন্মুখ হয়ে উঠল। গাইডকে ইসারা করে এগিয়ে চলি—একটু দূরে নিয়ে চল আর একটু—ওই নিবেধের দড়ির গতি

পেরিয়ে আর একটু দূরে—যেখান থেকে ওদের কলকোলাহল কানে আসবে না—তরতার গভীর ব্যঞ্জনা: আমার সর্বদা যিরে ধরবে—ঐ শুধানে। “বেওলা বেওলা না” শুকু টেচিয়ে ওঠে—উলসিত কলরবে সবাই এল এগিয়ে।—উপদেশ দেবার এমন সুযোগ ছাড়ে কে। সকলের লম্বকত পরামর্শ আমার কানের মধ্যে স্লেটের উপর ছুরির আঁচড়ের মত কর্কশ হয়ে বাজতে থাকে। এই উন্টেটা বিপত্তি দেখে খমকে দাঁড়ানাম। আমার অসহায় বিপন্ন মুখ দেখে গাইডের মনে দয়া হোল। সে অনেক লোককে নিয়ে এসেছে—দৈবাৎ তার মধ্যে ভাবপ্রবণ লোকও ছিল—সে বললে,—“তার চেয়ে চল তুমি অবজারভেটরীর উপরে গিয়ে বসবে—সেখান থেকে আরো ভাল দেখতে পাবে। এখানে আর এগোনো, যাকে বলে বিপজ্জনক। কারণ একে তো আগে থেকে পথ ঠিক করা হয়নি, তার আবার বিকল হয়ে আসছে। শুধানে বাবার সময় হচ্ছে সকাল ৯টা ১০টার মধ্যে। আর তোমার পোষাকও উপযুক্ত নয়। এখানে মাঝে মাঝে কাটল ধরে, হঠাৎ তার মধ্যে পড়ে গেলে অনন্ত কবর।” “আচ্ছা এই প্লেসিয়ার নাকি সরে সরে যায়—এ চলে?”—“হী চলে বই কী। অতি ধীর-অবোধ একটা চলা, দেখে বোঝা যায় না, তবু এ যাত্রার বিরাম নেই। একটু একটু করে চিরকাল ধরে চলে।—একটা অভূত গল্প শোন, গাইড বলে,—“গত শতাব্দীর প্রথম দিকে একদল লোক আন্স্ এন্সপীডিশনে আসে।” সবাই ঘনীভূত হয়ে দাঁড়ায় গাইডের চারপাশে।—চীনে সাদার উপরে ভুবো কালির আঁচড়ের মত, ভূতনাথের পাশে তাঁর প্রেতসঙ্গীদের মত আমরা দাঁড়িয়ে গল্প শুনি। “সেই দলে একই গায়ের পথপ্রদর্শক ছিল জন কয়েক,” গাইড বলে, “পাইক পুঁতে পুঁতে, দড়ি দিয়ে নিজেদের বেঁধে বেঁধে তারা এগোচ্ছিল—হঠাৎ ভীষণ, শব্দন করে ছুঁকাক হয়ে গেল পায়ের নীচের হিমরাশি—উর্ধ্বে উৎক্লিষ্ট হোল তার ভিতর থেকে বড় বড় বরফের খণ্ড, নিমেষের মধ্যে তিনটা গাইড তলিয়ে গেল। তাঁদের অস্ত-বস্তুটা প্লেসিয়ারের এই শীর্ণ ঠাট্টার উত্তর দিতে নেমে গেল সেই কাটল পথে কোমরে দড়ি ও মুখে গ্যাসের খলি বেঁধে, কাটল এঁকে বেকে চিড় খেয়ে খেয়ে নেমে গেছে কোন গভীর পাতালপুরীতে। ৩০০ ফুট গিয়েও যখন কিছু পাওয়া গেল না, সে কিরে এল পরাজিত হয়ে। বৈজ্ঞানিক তখন বিচার করে বলেন, প্লেসিয়ারের চলা যদি সত্য হয় তবে ৪০ বছর পরে পাহাড়ের নীচে এ কিরিঞ্জ দেখে চোরাই যাল। ঠিক একচল্লিশ বছর পরে হঠাৎ একদিন দেখা গেল, সেখানে পড়ে আছে তিনটা নরকপাল, কয়েকগুচ্ছ কাল ও সোনালী চুল, কয়েক টুকুরো জামা কাপড় ও একটা নিটোল গুল হাত। বন্ধু এল সন্ধান করতে, ছোটবেলার বন্ধু ঐশিত্তি করে যে হাতে কতবার করমর্দন করেছে হঠাৎ সেই একটা পরিপুষ্ট বিচ্ছিন্ন হাত দেখে কথা সরল না মুখে। পৃথিবী যাকে ভুলে গেছে, বরফ তার হিমশীতল বুকে তাকে ভেমনি নবীন করে রেখেছে। বৃদ্ধ বন্ধু একবার তার লোলচর্ম সূক্ষিত হাতের দিকে আর একবার বৃত্তাঙ্গর সেই বৌবন হঠাৎ হাতের দিকে তাকিয়ে দীর্ঘশ্বাস কেল চলে এল।” অজ্ঞাত লোকদের গল্পে ভারী হয়ে এল হাওয়া। সবাই চুপ করে এগিয়ে চলেছে। খুকুর চিত্ত ওদের

চেয়েও হালকা—সে বলে আইস প্যালেন দেখব আগে—আমি তাহলে অবজারভেটরীর উপরে যাই।” আরে নানা—আইসপ্যালেনটা চট্ট করে একবার দেখে নিরে, শুধানে গিয়ে বতকণ খুঁসী বোস, “খুকুর বাবা ছুজনকে সামলান। বরফের পাহাড় কেটে ওহার মধ্যে প্রকাণ্ড প্রাসাদ তৈরী করেছে। বিশাল নাচঘর, খাম দিয়ে ঘেরা, কোণে কোণে ভুবারের বেদীতে ভুবারের ফুলদানী। তাতে একগুচ্ছ তাজা ফুল। বরফের আলোদানে ইলেকট্রিক বাতী। তাতে কোথাও লাল, কোথাও বা নীল আলো স্বপ্নজাল মেলেছে—এ কোন বাতুকরের দেশ।

অবজারভেটরীর ছাতের উপরে বসে আছি—নীচে, উপরে চারিপাশে বতদূর চাও, ধু ধু করছে বরফ, অলছে সূর্যের আলোর, একএকদিকে তাকানো যায় না। তীক্ষ্ণ সাদার ধার ছুরির কলার মত বিঁধছে চোখে।



একটি বাড়ির নক্সা দেওয়াল

বসে থাকতে থাকতে কেমন যেন লাগে। মন কেমন করা অভূত এক অভূ-ভূতির আধাঘে আচ্ছন্ন হয়েছে সন্ধ্যা। আমি যে আমি, সে কথা একেবারে ভুলে গেছি। এই যে আমি এখন নীচে গিয়ে বাতীরের সঙ্গে কলরব করতে করতে ট্রেণে চড়ব, কিরে গিরে ডিনার খাব, এ আমি কোথায় দূরে সরে গেছে।—আর এই রৌজকরোচ্ছল ভুবারাশির দিকে তাকিয়ে আছে আমার এক অপরিচিত সন্ধ্যা। শুধু তাকিয়ে থাকা—কিছু ভাবা নয়, হাসি নয়, শুধু চোখ দিয়ে অনুভব করা। একেই কি বলে ভুবারের যাত্রা। আন্সের মোহমত্ত সমস্ত চেতনা ঢেকে ছাড়া কেল। ধীরে ধীরে বদলে আসে সব। ছুরির কলার মত তীক্ষ্ণ সাদা নরম হয়ে আসে নানা রঙের বর্ণিকাভঙ্গে। আরে দেখতে দেখতে একী! এ যে সোনা, একেবারে সোনা। কঠিন বর্ণের রূপে আগুন লেগেছে যেন। আর তারি বাঁজে বাঁজে চূড়ার চূড়ার, রামধনুর বিচ্ছিন্ন লীলা।—এ কি এ—? এ কি এই পৃথিবীর? এই যে পৃথিবীতে আমরা সকাল থেকে রাত অর্থি

কপিলের দিই।—দেখি, বেতে হবে ? এত শীত ? আর দেবী সেই, বেতের
 পক্ষ হইবে।—হ্যাঁ বেতে হবেই। এমনি সর্বদাই বেতে হয়, ভাল জিনিষ
 বেশীকণ থাকে না। হুই কপিক, হুঃখ অনন্ত। বার বার চোখ বুজে
 মনের মধ্যে গভীরভাবে একে নিতে চাই ছবি, চোখ খুললেই অপরাধের
 ক্ষণের মধ্যে মিলিয়ে যায়। খ্যানের দৃষ্টি আমার নেই, যাকে চোখে
 হুইলাম, তাকে মনের মধ্যে তেমনি করে বরণ করে নিতে পারি

কই। হুইকে দেখতে হয় শুধু চোখ দিয়ে নয়, মন দিয়ে। সেই
 মনুভবের মন কি আশাসের আছে ? কুমাণী চাকা মনের আকাশে তেমনি
 করে কুটে ওঠে না সেই ছবি—অব্যক্ত বেদনার মুক হয়ে বার মন—বারে
 উঠে আসি—কিরে বেতে হয় প্রত্যহের পৃথিবীতে। কপিকের বয় হুই
 যায়। কোন মত বলে মেমে এসেছিল পাহাড় চূড়ার বর্ণ এই মনদৃষ্টির
 সীমানার আবার গেল মিলিয়ে।

দুইটি বটগাছের কথা

যমদন্ত লিখিত

ইংরাজী ১৭৫৭ সালে পলাশীর যুদ্ধের পর লর্ড ক্লাইব
 (তখন অবশ্য তিনি লর্ড উপাধি পায়েন নাই; সর্ব
 সাধারণে কর্ণেল রবার্ট ক্লাইব বলিয়া পরিচিত ছিলেন)
 বঙ্গ, বিহার ও উজ্জ্বায় নূতন সুবেদার নবাব বাহাদুর
 মীরজাকর আলি খানের নিকট হইতে যে চব্বিশটি পরগণার
 জমিদারী সনদ লাভ করেন তাহা হইতেই বর্তমান ২৪
 পরগণা জেলার উৎপত্তি। রবার্ট ক্লাইব যে ২৪টি পরগণা
 পাইয়াছিলেন, তাহার কতকাংশ অল্প জেলায় চলিয়া
 গিয়াছে এবং অল্প অল্প জেলায়ও কতক কতক অংশ
 বর্তমানের ২৪ পরগণা জেলার অন্তর্ভুক্ত হইয়াছে। ভারত
 বিভাগের কলে বশোহর জেলার দুইটি থানা, যথা :—
 বনগাঁ ও গাইঘাটা, ২৪ পরগণা জেলার সহিত যুক্ত
 হইয়াছে।

লর্ড ক্লাইব যে ২৪ পরগণার সনদ পাইয়াছিলেন তাহার
 ১নং হইতে ৭নং পর্যন্ত ভৌজীর জমিদার ছিলেন সাবর্ণি
 কায় চৌধুরীরা। কাল ক্রমে ইহাদের বহু জমিদারী
 বেহার ও অনিচ্ছায় অল্প লোকের হাতে চলিয়া যায়।
 কলিকাতার সুবিখ্যাত এ্যাটর্নী নিমাইচন্দ্র বসুর (পত
 একশত দেড়শত বৎসরের মধ্যে কলিকাতার একমাত্র ইনিই
 সাক্ষ্যে “দম্পতী-বরণ” করিতে পারিয়াছিলেন) ও
 কলিকাতা হাইকোর্টের সর্ব শ্রেণ “স্রীডার” রাজেন্দ্রনাথ
 বসুর (ইহাকে একবার হাইকোর্টের জজ করিবার প্রস্তাব
 কখনকার প্রধান বিচারপতি Sir William Comer
 Petheram করিয়াছিলেন) পূর্বপুরুষ মনন বসু বখন
 বর্তমান হইতে আসিয়া গঙ্গাতীরে পানিহাটী সমাজগ্রাম

বলিয়া ঐ গ্রামে ভিটা পত্তন করেন; তখন অপরের
 জমিদারীতে বসবাস করিবে না বলিয়া বহুশণ গোমে ৬নং
 ভৌজী ধরিদ করেন।

পানিহাটী পূর্বে কিরূপ সমাজগ্রাম ছিল সে সম্বন্ধে
 দুই একটা কথা বলিলে আশা করি পাঠকগণ ধৈর্যচ্যুত
 হইবেন না। দক্ষিণ রাঢ়ী কায়স্থ সমাজে কর বংশের স্থান
 উচ্চে—ইহাদের দুই সমাজ, পানিহাটীর কর ও বন্দীপুরের
 কর। ঐচ্ছিকভাবে বখন পানিহাটীতে আসিয়াছিলেন,
 তখন মকরন্দ কর তাঁহাকে আহ্বান করিয়া নিজ বাটীতে
 লইয়া গিয়াছিলেন। তাঁহার ভিটা “হুই কালিবাড়ীর”
 উত্তর পশ্চিম কোণায় ডাঃ রাধিকাপ্রসাদ চট্টোপাধ্যায়ের
 ভিটার সামিল জায়গায় ছিল। অবিনাশচন্দ্র দত্তের পূর্ব-
 পুরুষ শ্রীকর্ষ দত্ত বাংলা সন ১২০৭ কি ১২০৮ সালে
 পানিহাটীর শেষ করের নিকট হইতে তাঁহার ভিটা কর
 করিয়া বসবাস করিতে আরম্ভ করেন। কোবালার
 লিখিত থাকে যে ঠাকুর দালান কখনও ভগ্ন করিবে না।
 তাঁহার বংশধরেরা এই প্রতিশ্রুতি পত সন ১৩৪০ সাল
 অবধি রক্ষা করিয়া আসিয়াছেন। একপকার অন্য
 বলিতে পারি না। পানিহাটীতে গত একশত বৎসরের
 মধ্যে কোনও কর বংশীরের সন্ধান পাই নাই।

পানিহাটীর কায়স্থ ঘোষাবুরা কিরূপ কুলীন ও প্রতিষ্ঠা-
 সম্পন্ন ছিলেন তাহা দুইটি ঘটনা হইতেই বুঝা যাইবে।
 শোভাবাজারের রাজা রাজকৃষ্ণ দেব বাহাদুর তাঁহার
 একমাত্র কস্তা কৃষ্ণভাবিনীর বিবাহ পানিহাটীর হরকালি
 ঘোষের সহিত দেন। আর কলিকাতার বিখ্যাত কবি

নারায়ণ দেব তাঁহার ছোট পুত্র আন্তোব দেবের (যিনি ছাছু বাবু নামে বিখ্যাত) বিবাহ পানিহাটী নিবাসী শঙ্কুচন্দ্র ঘোষের কন্যা নবীনমণির সহিত দেন। হরকালি ঘোষের বিবাহ হয় আশ্বাজ ইংরাজী ১৮০১ সালে; আর নবীনমণির বিবাহ হয় আশ্বাজ ইংরাজী ১৮২০ সালে।

পানিহাটীর মিত্রেরা সুবিখ্যাত ও বহু শাখায় বিভক্ত। স্বামী বিবেকানন্দর পিতা পানিহাটীর মিত্র বাটীতে কন্যা সন্তান করিয়া গর্ভ অল্পতব করিয়াছিলেন। কবি গিরীন্দ্রমোহিনী পানিহাটীর হারাণচন্দ্র মিত্রের কন্যা। বিখ্যাত সরদ ও সেতার বাদক ও সুকীতজ্ঞ ঐউপেন্দ্রনাথ মিত্র মহাশয় একবার আসামে বেড়াইতে যান। সেখানকার বঙ্গদেশীয় কায়স্থগণ বেই শুনিলেন তিনি পানিহাটীর মিত্র বংশীয় অমনি তাঁহার গলায় মাণ্য ও চন্দন দিয়া তাঁহার সর্দনার ব্যবস্থা করিলেন।

এইরূপে আজ মদনবাবু ৬নং ভৌজী লইলেন; কাল মণ্ডলরা অন্যান্য ভৌজী অর্জন করিলেন; রায় চৌধুরীদের বহু ভৌজী অস্ত্রের হস্তে চলিয়া যায়। বাংলার গবর্নর জেনারেল Warren Hastingsএর রাজস্ব ব্যবস্থার ফলেও বহু ভৌজী তাঁহাদের হস্তচ্যুত হয়। Warren Hastingsএর দেওয়ান শোভাবাজার রাজবংশের প্রতিষ্ঠাতা মহারাজা নবকৃষ্ণ দেব বাহাদুর এইরূপে ১৫৫।১৫৬নং প্রভৃতি বহু ভৌজীর মালিক হইলেন ও মহারাজা উপাধি পায়েন। এই উপাধি দিল্লীর বাহসাহ হইতে লাট সাহেব আনাইয়া দিয়াছিলেন। তাঁহার পুত্র রাজা রাজকৃষ্ণ দেব বাহাদুর। ইনি টালিগঞ্জের টিপু সুলতানের বংশধরদের গৌরারার সহিত বুক চাপড়াইতে চাপড়াইতে “হাসান, হোসেন” শব্দ করিতে করিতে পদব্রজে যান। ইহাতে গোঁড়া হিন্দুরা আপত্তি করিতে তিনি চৌদ্দ মাদলের কীর্তনসহ শোভাবাজার রাজবাটী হইতে বহির্গত হইয়া খড়মহের ঠান্ডনকরের মন্দিরে যান ও ঠান্ডনকরের পলায় নীলার দাগ পরাইয়া দেন।

দেওয়ান গৌরীচরণ রায় চৌধুরী পূর্বে নির্মকির অর্থাৎ নির্মক মহালের দেওয়ান ছিলেন। তিনি নিজেও সাধারণ রায় চৌধুরী বংশসম্বৃত। তিনি জাতিগণের নিকট হইতে ১৭২নং হইতে ১৯৪নং প্রভৃতি বহু ভৌজী ধরিয়া করেন ও টালিগঞ্জ করেন এবং কালক্রমে বিশাল হুর্গাপুর জমীদারীর

মালিক হইলেন। লর্ড অকল্যান্ডের সময় একমাত্র বর্ধমানের মহারাজাধিরাজ বাহাদুর ব্যতীত সুবে বাংলার মধ্যে অন্য কোনও জমীদার এত বেশী রাজস্ব সরকারকে আদায় দিতেন না। তিনি নিজ জমীদারীভুক্ত পানিহাটী গ্রামে বিশাল অট্টালিকা নির্মাণ পূর্বেক জাতিগোষ্ঠীদের আনাইয়া ব্রহ্মোত্তর ও জমীদারী দান করিয়া কসবাসু আরম্ভ করেন। ইহাদের নির্মিত ৭ কোঁকর বিশিষ্ট ঠাকুর দালান আজও বর্তমান। সম্মুখের নাটমন্দির তিনতলা সমান উচু করা হয়—বাহাতে দোতলায় বা তে-তলায় বসিয়া মেয়েরা পর্দার আড়াল হইতে যাত্রা, নাচ, গান, তামাসা প্রভৃতি দেখিতে পায়। বাড়ীর দেওয়াল সব ৬ ফুট করিয়া চওড়া—চোরে বা ডাকাতে সারা রাত্রি ধরিয়া নির্মিত ফুট করিতে পারিবে না।

দেওয়ান গৌরীচরণের দত্তক পুত্র জয়গোপাল রায় চৌধুরী বড় সৌধীন, তেজী ও ক্রিয়াবান পুরুষ ছিলেন। দেওয়ান গৌরীচরণের নিজের কোনও পুত্র সন্তান ছিল না। তিনি যেইদিন হুর্গাপুর তালুক অর্জন করেন সেই দিনই জয়গোপালবাবু জন্মগ্রহণ করেন। তিনি তাঁহার মাতার অষ্টম গর্ভের পুত্র সন্তান। তাঁহার জন্মের অষ্টম দিন ‘আট-কোড়ের’ আয়োজন করিতেছেন তাঁহার জেঠাইমা, অর্থাৎ দেওয়ান গৌরীচরণের স্ত্রী। একত সময়ে হঠাৎ তাঁহার গর্ভধারিণী মা বলিলেন যে “দিক্কা! আমার এই ছেলেকে ধর, তোমাকে দিলাম, তুমিই ইহাকে মানুষ করিও; আমার শরীর অত্যন্ত ধারাপ বোধ করিতেছি; আমার ডাক আসিয়াছে—আর তোমার দেওয়ানকে ধর দাও, যদি শেষ দেখা করিতে পারি।” বলিতে বলিতে তিনি অজ্ঞান হইয়া গেলেন ও অল্পকাল পরেই মারা গেলেন। বাড়ীতে কান্নার রোল উঠিল। দেওয়ান গৌরীচরণ বাড়ী ফিরিয়া সবই শুনিলেন; তাইকে বলিলেন যে বৌ-মাতা ছেলেটিকে আমাদের দিয়াছেন, তুমি যদি মত কর ত শুভ দিন কণ দেখিয়া ইহাকে দত্তক গ্রহণ করি। তাই প্রথমে শুক্র-বিক্রম করিতে রাতি হইলেন নাই; পরে রাজী হইলেন কিন্তু কথা থাকে যে আবশ্যক হইলে জয়গোপাল তাঁহারও প্রাণাদি করিবেন। দেওয়ান গৌরীচরণ ইংরাজী ১৮০১ সালে দেহরক্ষা করেন। জয়গোপাল বাবুর সখের কথা একটা বলি; তিনি যে

সঙ্গে বসিতেন সেই ঘরের দেওয়ালে পঙ্কের কারুকার্যের ভিত্তর কাশী, লক্ষ্মী, প্রভৃতি স্থান হইতে আনীত হাতির দাঁতের উপর অঙ্কিত নানাবিধ রঙ্গীণ ছবি পাতলা অস্ত্রের চকনি দিয়া গাঁথা ছিল। সমগ্র রামায়ণ ছবিতে দেখান ছিল। আর কাছারী বাড়ীর দেওয়ালে শখানেক হাতির দাঁতের বাঁট দেওয়া তরবারী, অসি ও সোনালী গুল্ দেওয়া গণ্ডারের চামড়ার ঢাল ঝুলিত। বসিবার আসনের পিছনে কয়েকটা কারুকার্য খচিত বন্দুক ও একটি বড় “কড়া-বীন্” (carabine) ছিল। বাড়ীর ছাদের ওপর ‘হুজুম-গান’ ছিল। গঙ্গার এপার হইতে ছুঁড়িলে ওপারে গিয়া গুলি বা ছটরা পড়িত।

একবার সেকালের বিখ্যাত ডাকাত ভজ্জহরি সর্দার গুরফে ভজ্জয়া সর্দার কোন্‌নগরের মিত্রবাবুদের বাটীতে চিঠি দিয়া ডাকাতি করিতে আসিলে খুব লাঠালাঠি সোর-গোল হয়। অন্নগোপালবাবু তাহা শুনিতে পাইয়া নিজ হাতে তাগ্ করিয়া “কড়া-বীন্” বা “হুজুম-গান” ছুঁড়েন। অন্নগোপালবাবুর গুলির আঘাতে ভজ্জহরির বাঁ হাত ভাঙ্গিয়া যায়—ভজ্জহরি নিজের দলবল লইয়া পলায়ন করেন। ভজ্জহরি ছুঁধ করিয়া বলিয়াছিল যে সালধিয়াতে (হাবড়ার সন্নিকট—কলিকাতা হাটখোলার আড়পার) ডাকাতি করিতে গিয়া হাটখোলার দস্তবাবুদের কড়াবীনের “পেরেক-লাল” দেখে-ছিলাম; আর আমার ডান হাত (তাহার একমাত্র পুত্র নরহরি—নরহরি তরবারির এক কোপে মহিষের মাথা উড়াইতে পারিত; নিত্য ২৥ সের চাউলের ভাত খাইত) হারাইয়াছিলাম;—আর আজকে বাঁ হাত গেল। ইহা ইংরাজী আন্দাজ ১৭২০ খৃষ্টাব্দের কথা। মিত্রবাবুরা তাঁহাদের কৃতজ্ঞতার চিহ্নরূপ অন্নগোপালবাবুকে একটি স্নিগ্ধপাৰ্শ্ব পানি-শয্য উপহার দেন। বহুদিন ইহা তাঁহার সংশ্লে ছিল—পরে কোন জামাই ইহা চুরি করিয়া লইয়া যান।

অন্নগোপালবাবু পানিহাটীর বাজার স্থাপন করেন ও আশ্রয়াল আনিবার সুবিধার জন্ত বাঁধাঘাট করিয়া দেন। ঘাট করিয়া দিলে কিরূপ সুবিধা হয় লোকের রায় চৌধুরী বাবুরা তাহা জানিতেন। পূর্বে জমীদাররা নিজ নিজ এলাকায় সহজে জন্ত কাছাকেও বাঁধা ঘাট করিতে দিতেন না; কিন্তু রায় চৌধুরীবাবুদের ব্যবস্থা অন্তরূপ। কোন

প্রজা বা জন্ত কেহ বাঁধা ঘাট স্থাপন করিতে ইচ্ছুক হইলেই তাঁহারা লিখিত অমুমতি দিতেন এবং এই জমীর খাজন লইতেন না। এই জন্ত পানিহাটী গ্রামে ও রায়চৌধুরী বাবুদের এলাকায় যত বাঁধা ঘাট তত বাঁধা ঘাট—জন্ত কোনও জায়গায় নাই।

তিনি বাজার ঘাটের দুই পার্শ্বে নহবৎ-খানা করিতে পার্শ্ববর্তী গ্রাম সুখচরের জমীদার “রাজারা” (শোভা-বাজারের মহারাজা নবকৃষ্ণ দেব বাহাদুরের পুত্র রাজ-রাজকৃষ্ণ দেব বাহাদুর) আপত্তি তুলেন যে পানিহাটীর “বাবুরা” যখন রাজা নহেন বা বাহাদুরী পাজা পান নাই তখন তাঁহাদের নহবৎ-খানা গাঁথা বে-আইনী। সুখচরের “রাজারা” বহু হাব্‌সী গুণ্ডা আনিয়া একদিন নহবৎ-খানা ভাঙ্গিয়া দেন।

“রাজাদের” সুখচরে সুন্দর বাগান বাটী আছে। গঙ্গার জল বারান্দার নীচের ঘরে আপনা আপনি প্রবেশ করে—এইরূপ ঘরে বসিয়া সন্ধ্যা-আহ্নিক করিবার সুবিধার জন্ত চারিদিক মার্বেল পাথর দিয়া বাঁধান ও গঙ্গা নানের সুবিধার জন্ত লাগাও ছোট সিঁড়ি আছে। রাজা সুর রাধাকান্ত দেব বাহাদুর এই ঘরে বসিয়া সন্ধ্যা-আহ্নিক করিতেন; একদিন সন্ধ্যায় এক বাহুরের কাতর হাছা রব শুনিয়া তাঁহার মনে নির্বেদ উপস্থিত হয়; তিনি বৃন্দাবন-বাসী হয়েন। মৃত্যুকাল পর্যন্ত তিনি বৃন্দাবন ছাড়িয়া বাহিরে কোথাও যান নাই। ভারতের তদানন্তীন বড়লাট লর্ড লরেন্স তাঁহাকে K. C. S. I. উপাধি দেন; দরবারে তাঁহাকে দেখিতে না পাইয়া অসুস্থমান করেন যে রাজা রাধাকান্ত দেব কেম উপস্থিত নাই। যখন জানিতে পারিলেন যে রাজা বৃন্দাবন-বাসী হইয়াছেন এবং বৃন্দাবনের চতুঃ-সীমার বাহিরে কোথাও যাইবেন না সন্মত করিয়াছেন; তখন তিনি বৃন্দাবনের অগ্রবনে (আগ্রায়) Special durbar করিয়া তাঁহাকে K. C. S. I.র সনদ দেন। রাজার অসুস্থরোধে ব্রহ্মমণ্ডলে জীব হিংসা ও গো-হত্যা লিট-সাহেব বন্ধ করিয়া দেন। এই হুকুম গোবিন্দবল্লভ পহ্ল মহীশ্বের পূর্বে পর্যন্ত বহাল ছিল।

যাক্ এই সব কথা। সুখচরের “রাজারা” নহবৎ-খানা ভাঙ্গিয়া দিলে অন্নগোপালবাবু রাজাদের সুখচরের বাগান-বাটী লুণ্ঠ করেন ও ভাঙ্গিয়া দেন। এই বাগানে গোবিন্দ

ফকের উপর প্রতিষ্ঠিত এক খালগ্রাম ছিল—তাহাও লুটিয়া গইয়া আইসেন।

বিবাদ ক্রমশঃই পাকিয়া উঠিল। উভয় পক্ষই বলবান—পুনরায় বল পরীক্ষার আয়োজন চলিতে লাগিল। এক-দিন সূৰ্যচর গ্রামের সীমানার রাজারা প্রায় পাঁচ-শতাধিক লাঠিয়াল, সড়্‌কিওয়াল, বন্দুকওয়াল, হাব্‌সী কিরিচওয়াল জমারোত্ত করিলেন। জয়গোপালবাবুও জাহাজী গোরা, শান্তিপুরের গোড়ো গোয়াল, তুর্কা সওয়ার ও সাঁওতালী “এক কাঁড় বিধাই” (অর্থাৎ তীরন্দাজ) প্রভৃতি সংগ্রহ করিলেন। সীমানা পাহারা দিবার জন্য গোড়ো গোয়ালাদের রাখিলেন। শেষ রাত্রি হইতে রাজারা তাহাদের উপর চড়াও হইলেন; লাঠির চোটে গোয়ালারা রাজাদের হটাইতে লাগিল—এমন সময়ে ভোর হইলে বন্দুকওয়ালারা নিসানা করিয়া গোয়ালাদের দলপতিদের মারিতে লাগিল। সামসুদ্দীন বন্দুকওয়াল এক ত্রিশুলের উপর বন্দুক রাখিয়া অব্যর্থ টীপে গোয়ালাদের মারিতেছে। তাহার ক্রমে ক্রমে হটিয়া এখন যেখানে হরিশচন্দ্র দত্তের দেবালয়ের দক্ষিণ-পশ্চিম কোণে বটগাছ আছে ঐ অবধি হটিয়া আসিল। ইতিমধ্যে খবর জয়গোপালবাবুর কাছে গিয়াছে—তিনি ও “নীলা-সবজি” ঘোড়ায় চড়িয়া রণাঙ্গনে উপস্থিত হইলেন। তাঁহার উপস্থিতিতে উৎসাহিত হইয়া তাঁহার দল এগাইয়া চলিল। হুকুম দিলেন ৫০০ টাকা নগদ দিবেন যে সামসুদ্দীনের মাথা আনিতে পারিবে। সামসুদ্দীন বাদসাহী ফোজে কাজ করিয়াছিল; পানিপথের যুদ্ধে লড়াই করিয়াছিল বলিয়া গর্ব করিত। শ্রামা তুলী ঢোল ফেলিয়া দিয়া গুস্তিতে টিপ করিয়া সামসুদ্দীনের চোখ উপড়াইয়া ফেলিল। এইরূপে একের পর এক করিয়া বন্দুকওয়ালাদের চক্ষু নষ্ট করিতে লাগিল। রাজাদের দল পলাইতে লাগিল। এই সময় রায়চৌধুরীদের রণপিঞ্জন বাজিয়া উঠিল—তাঁহাদের দল ডান-কানি আক্রমণ করিয়া রাজাদের নদীর দিকে ঠেলিয়া লইয়া যাইতে লাগিল। তুলীরা ঢোল বাজাইতে লাগিল!—

চড়াক্‌ হুম্! চড়াক্‌ হুম্—হুমমনের আকেল গডুম্।

চড়ান্‌ হুম্! চড়াক্‌ হুম্—ধুম্মারির বড় ধুম্-বড় ধুম্ ॥

রাজাদের দল হটিতে লাগিল। সামসুদ্দীনকে লইয়া

হটিতে লাগিল—এমন সময়ে ছিদাম চাৰ্‌লি তলওয়ারের এক কোণে তাহার মাথাটা কাটিয়া ফেলিল। তাঁহার ঠাকুরদাস বাবাজীর আখড়ার দক্ষিণ অবধি হটিয়া গেলেন। এই আখড়ার জায়গায় এখন মহেশ্ববাবুর ঠাকুর-বাড়ী হইয়াছে। “সাহেব-বাগানের” উত্তর-পশ্চিম কোণে যে বটগাছ আছে ঐখানে সামসুদ্দীনকে কবরস্থ করা হল। তাহার মাথাটা ছিদাম চাৰ্‌লি পুরস্কার পাইবার পর গদায় ফেলিয়া দেয়। জয়গোপালবাবু শ্রামা তুলী ও ছিদাম চাৰ্‌লি দুই জনকেই ৫০০ টাকা করিয়া হাজার টাকা পুরস্কার দেন।

এই সময়ে বারাকপুর ছাউনীতে যাইবার জন্য কলিকাতার গড়ের মাঠের কেলা হইতে এক রেজিমেন্ট গোরা সৈন্ত বড় রাস্তা (Barrackpore Trunk Road) তখন হয় নাই—খুব সম্ভব নীলগঞ্জের রাস্তা) ধরিয়া কুচ্‌ করিতেছিল। সঙ্গে দুইটা কামান টানিয়া লইয়া যাইতেছিল। বরাহনগর সিঁতির কাছে আসিয়া তাহার “তহু” দত্তের বোম-কাটা পুফরিণীর স্বাস্থ্যপ্রদ কাব-চক্ষু জল খাইবার জন্য বিশ্রাম করিতেছিল। “তহু” বাবুর বাগানে খবর আসিল যে রাজাদের সঙ্গে পানিহাটীর বাবুদের যোরতর দাঙ্গা বাধিয়াছে—২০।২৫ জন ব্যয়ল হইয়াছে। “তহু” বাবুর সঙ্গে কর্ণেল সাহেবের আলাপ পরিচয় ছিল—তিনি তাঁহাকে এই লড়াই থামাইয়া দিতে অনুরোধ করেন। কর্ণেলও রাজি হইলেন। এক প্রহর বেলার সময় দাঙ্গার স্থলে উপস্থিত হইয়া দুই পক্ষকে ধামিতে ইসারা করিলেন এবং বিবদমান দুই দলের মধ্যে দুই সারি গোরা-সৈন্ত সাজাইয়া দিলেন।

পরে বিবাদ মিটাইয়া দিলেন এই সৰ্ত্তে—রাজারা যতদূর পর্যন্ত অগ্রসর হইয়াছিলেন পানিহাটী গ্রামে সেই-খানে একটা বটবৃক্ষ পোতা হইবে। কন্ধিনকালে কেহ এই বটবৃক্ষ কাটিতে পারিবে না। আর রায়-চৌধুরীদের লোক সূৰ্যচর গ্রামের ভিতর যতদূর অগ্রসর হইয়াছিলেন সেইখানে আর একটা বটবৃক্ষ পোতা হইবে—এই গাছও কেহ কখনও কাটিতে পারিবে না। এখনও এই বটবৃক্ষ দুইটা খোষমেজাজে বহাল ভবিয়াতে বর্তমান থাকিয়া স্মৃদ্র অতীতের ঘটনাবলীর সাক্ষ্য দিতেছে।

আর এই দুই বটবৃক্ষের ঠিক মাঝখানে দড়ি ফেলিয়া

সুখচর ও পানিহাটি গ্রামের সীমা নির্ধারিত হইল।
অবিভক্ত গোলবোগ নিবারণের জন্য পূর্ব-পশ্চিমে লম্বা একটি
খাদ কাটিয়া কাঠ-কয়লা ও কড়ি দিয়া তাহা ভর্তি করা
হইল এবং সীমানা রক্ষার ভার “খাটনার” অন্তরচরণ
চট্টোপাধ্যায়ের মাতামহ ৮— গাঙ্গুলির হাতে
দেওয়া হইল। সন ১২৭৫ সালেও রাজা স্তর রাধাকান্ত
দেব বাহাদুরের দৌহিত্র আনন্দকৃষ্ণ বহু সীমানা বজায়
আছে কিনা দোঁধবার জন্য এই স্থান খনন করেন ও কাটা
খাদ কাঠ-কয়লা পরিপূর্ণ দেখেন।

রাজার কখনও অস্ত্রশস্ত্র লইয়া সুখচরের এই বটবৃক্ষের
দক্ষিণে আসিবেন না; আর পানিহাটির বাবুরাও তদ্রূপ
পানিহাটির বটবৃক্ষের উত্তরে আসিবেন না। উভয় পক্ষই
এইরূপ প্রতিজ্ঞা করিলেন। বিবাদ প্রায় মিটিয়া গেল,
এমন সময়ে গোল বাধাইল গোমতীচক্র ও শালগ্রাম শিলা।
রাজার ইহা ফেরৎ চাহিলেন; রায়চৌধুরীরা ব্রাহ্মণ বলিয়া
অয়ং পূজার দাবি করিলেন ও বলিলেন যে তাঁহারা ঠাকুরকে
অন্নভোগ দিতেছেন, ফেরৎ দিলে কায়স্থ বাটীতে তাহা
হইবে না—সুতরাং ঠাকুরের কষ্ট হইবে। সুতরাং ঠাকুর
তাঁহাদের কাছেই থাকুক। রাজারা ইহাতে রাজি হইলেন
না, বলিলেন জয়গোপালবাবু যদি রাজাদের এলাকার
ব্রহ্মোত্তর দান গ্রহণ করেন তাহা হইলে তাঁহারা ঠাকুর
ছাড়িয়া দিতে সম্মত আছেন। জয়গোপালবাবু ইহাতে
রাজি হইলেন না।

কর্ণের সাহেবের বাস কুলীঙ্গী মিশির এই বিবাদের
এক সমাধান করিয়া দিলেন। তাঁহার জানা এক নিষ্ঠাবান
ব্রাহ্মণ এই গোমতীচক্র ও শালগ্রাম পূজার ভার পাইলেন।
জয়গোপালবাবু পাটনা গ্রামে দশ বিধা দেবোত্তর করিয়া
দিলেন; রাজারা পূজার জন্য মুড়াগাছা পরগণার মধ্যে পঞ্চাশ
বিধা দেবোত্তর করিয়া দিলেন। সকল বিবাদ মিটিয়া গেল।

পানিহাটির শেব জমিদার জয়গোপাল রায়চৌধুরীর
পৌত্র শিবচন্দ্র রায়চৌধুরী মহাশয়কেও (শেব জমিদার
বলিতেছি এই জন্য যে পানিহাটির বর্তমান জমিদাররা আর
পানিহাটি গ্রামে দেওয়ান গৌরীচরণের ভিটায় বসবাস
করেন না) এই প্রতিশ্রুতি রক্ষা করিতে দেখিয়াছি।
যখনই তিনি বাড়ীর বাহির হইতেন দুই জন চাপরাসী সঙ্গে
তরবারি লইয়া বাইত। কিন্তু এই বটগাছের উত্তরে
আসিলে হয় একলা, না হয় নিরস্ত্র চাপরাসী সঙ্গে লইয়া
আসিতেন। আমরা একবার তর্ক করিয়া তাঁহাকে
বলিয়াছিলাম—যে যে কারণে ও যে যে অবস্থায় এই
প্রতিশ্রুতি দেওয়া হইয়াছিল বর্তমানে সেই সেই কারণ বা
অবস্থা নাই, তিনি কেন এই dry formality বজায়
রাখিতেছেন। ইহাতে তিনি বলেন যে পূর্বপুরুষের
প্রতিশ্রুতি রক্ষা করা ত পরম ধর্ম বটেই, আর তাঁহাদের
বিষয় ভোগ করিব; কিন্তু তাঁহাদের প্রদত্ত প্রতিশ্রুতি বা
দেবোত্তর ব্রহ্মোত্তর রক্ষা করিব না এইরূপ বে-ইমানী করা
কি উচিত? আমরা হিন্দু—বিশেষ ব্রাহ্মণ।

চাওয়া

শ্রীহাসিরাশি দেবী

তোমার চরণ-ধ্বনি নিত্য যেন আমার অন্তরে
বাজে ক্ষণে ক্ষণে
ছায়া ঢাকা বনপথে, রৌদ্রভরা বিজন প্রান্তরে—
মৌন আবাহনে।
বসন্তের বেলা শেবে—মুঞ্জরিত পিয়াল শাখায়,
উদাসী চৈতালী হাওয়া যেন এসে ডাক দিয়ে যায়—
তোমার কণ্ঠের গানে; বরষার বেণুবনে যেন এর সুর—
আমারে উদ্মনা করে;—হে সুরুর! আমার সুরুর!

তোমার নয়নপাতে নিত্যকার মুহূর্ত্ত আমার
পরিপূর্ণ হোক—
প্রহর শেষের আলো প্রফুট করুক বারবার
কিংকর অশোক।
আমার পৃথিবী তরা আলো আর আকাশের নীল,
তোমারই মাঝারে যেন খুঁজে পায় অনন্ত নির্খিল
রূপে, রসে, গন্ধে তরা;—বেদনায়—মিলনে—উচ্ছ্বাসে,
তোমার ইঙ্গিত যেন কাছে আসে—আরো কাছে আসে

প্রাণী



মীরাবাই

কোন যতন প্রভু পায়ে মীরা কোন যতন প্রভু পায়ে ।
 মৈ তো প্রীতম চুঁচনে আঁই, অপনা আপ গবায়ো ॥
 কীকে পড়্ গয়ে বন্ধন সারে জিন য়হ হম ভরমায়ো ।
 হুক উঠী ঐসী জীবনমে জীবন ফির নহি ভায়ো ॥
 ছোড়ী আস নিরাশা ছুটী ছুটো অপনো পরায়ো ।
 “জগ রুঠে—অব তু না রুঠে—রো রো মীরা গায়ো ॥
 জনম জনমকী প্রীত পুরানী—মোহন! না বিসরায়ো ।
 জুঁ ভাবে অব রাখো স্বামী! ছুধমে ভী সুখ পায়ে ॥

তোমারে কেমনে পাবে মীরাহায়, তোমারে পাবে কেমনে ?
 আপনারে যবে হারালো সে এসে তোমারি অধেষণে ?
 মমতারি হল শিখিল—যাহারা বেঁধেছিল বন্ধনে,
 তারি বেদনায় সাধ আর নাথ রহিল না এ-জীবনে !
 আশা ও নিরাশা মিলালে—আপন-পর কি রহে স্বরণে ?
 সব যায় যাক—ফিরায়ো না মুখ তুমি এ-আধার কণে ।
 জন্ম জন্ম চেয়েছি তোমারে রেখো প্রভু রেখো মনে,
 সুখে রাখো কি বা দুখে রাখো, যেন দুখে মীরা সুখগণে ।

হিন্দিকথা—শ্রীমতী ইন্দিরি মালহোত্র, বাংলা অনুবাদ ও সুর—শ্রীদিলীপকুমার রায়, তাল—চতুর্মা ত্রিব

II	+	সা	পা	পা	দা		পমা	পা	মজা	জা	I	+	পা	সাঁ	সাঁ	-		রাঁ	পা	পা	-	I
		কৌ	-	ন	য		ত	ন	প্র	ভু			পা	-	য়ো	-		মী	-	রা	-	
		তো	মা	-	রে		কে	-	ম	নে			পা	-	বে	মী		রা	-	না	থ	

		পা	রাঁ	রাঁ	জাঁ		রঁ	সাঁ	রাঁ	পা	রাঁ	I	রাঁ	সাঁ	সাঁ	-		-	-	-	-	II
		কৌ	-	ন	য		ত	ন	প্র	ভু			পা		য়ো			-	-	-	-	
		তো	-	মা	রে		পা	-	বে	কে			ম		নে			-	-	-	-	

পা রা রজ্জা সর্বা | রা -১ জ্জা মা | মজ্জমা রজ্জা রা জ্জা | সর্বা -১ সর্বা -১ |
 মে - জো - প্রী - ত ম চু - চ নে আ - ঙ্গ -
 আ প - না রে য বে হা - রা লো সে - এ সে

সা রা জ্জা মা | পা দা গা সর্বা | রসর্বা গসর্বা গধা গা | দপা দা পমা পা ||
 অ প না - আ - প গ বা - য়ো - - - - -
 তো মা - র অ ন - নে য - গে - - - - -

সা ঋ সা রা | জ্জা মা মা মা | পা দা পা ধা | গা সর্বা সর্বা -১ |
 ফী - কে - প ড় গ য়ে ব ন্ ধ, ন সা - রে -
 ম ম তা - রা গো লো শি থি ল - যা - হা রা

সর্বা ঋ সর্বা রা | জ্জা মা জ্জা রা জ্জা | সজ্জা ঋ সর্বা -১ | -১ -১ -১ -১ |
 গি ন য ঙ্গ হ ম ভ র মা - য়ো - - - - -
 বে - ধে - ছি ল বন্ - ধ - নে - - - - -

সর্বা জ্জমা জ্জা ঋ | সর্বা -১ সর্বা -১ | পদা গসর্বা গা -১ | পগা দা পা -১ |
 হু - ক উ ঠী - ঙ্গ - সী - জী - ব ন মে -
 তা - রি বে - দ না য সা - ধ আ , র না থ

সঝা জ্জমা জ্জা ঋ | সা দা গা সা | ঋ ঋ সর্বা গসর্বা | গা ধগা দা পা ||
 জী - র ন ফি র ন ছি ভা - য়ো - - - - -
 র - ছি লো - না এ জী ব নে - - - -

পা -১ পা -১ | মজ্জা মজ্জা জ্জা মা | পা গা গা সর্বা | সর্বা -১ সর্বা -১ |
 ছো - ডী - আ - শ নি রা - শা - ছু - টা -
 আ - শা ও নি - রা শা মি - লা লে আ - প ন

পা দা পা গা | পাসর্বা পার্বা | পা জ্জা রা সর্বা | -১ -১ -১ -১ |
 ছু - টো - আপ নো প রা - য়ো - - - - -
 প - র কি র হে - স্ব র - গে - - - - -

পা মা জ্জা -১ | ঋ -১ সর্বা সর্বা | মা ঋ সর্বা -১ | গা -১ দা -১ |
 জ গ রু ঠে - অ ব তু - না - রু - ঠে -
 স ব যা য যা ক্ ফি রা য়ো - না - মু ধ

জ্ঞা গা দা -৭ | সা পা মা -৭ I জ্ঞা -৭ সা -৭ | -৭ -৭ -৭ -৭ II
 রো - রো - মী - রা - গা - য়ো - - - -
 তু - মি এ ঠা - ধা র ফ - গে - - - -

সা ঞ্জা জ্ঞা মা | পা দা মা -৭ I জ্ঞা মা পা দা | গা সী দা -৭ I
 জ ন ম জ ন ম কী - প্রী - ত পু রা - নী -
 জ ন্ ম - জ ন্ ম - চে য়ে ছি - হো মা রে -

পা দা গা সী | ঞ্জা জ্ঞা গা মী I জ্ঞা -৭ সী -৭ | -৭ -৭ -৭ -৭ I
 মো - হ ন না - বি স রা - য়ো
 রে - খো প্র - তু রে খো ম - নে

পা -৭ ঞ্জা -৭ | পসী -৭ সী সী I পনা -৭ গা -৭ | পদা -৭ দা -৭ I
 জু - ভা রে - অ ব রা - খো - স্বা - মী -
 সু খে - রা খো - কি বা ছু খে - রা খো - য়ে ন

মপা পা পু -৭ | জমা -৭ রজ্ঞা জ্ঞা I সন্ধ্যা -৭ সা -৭ | -৭ -৭ -৭ -৭ II
 ছু খ মে - ভী - সু খ পা - য়ো - - - -
 ছু খে - মী রা - সু খ গ - গে - - - -

পালবংশীয় মদনপাল ও গোবিন্দপাল

ডক্টর শ্রীদীনেশচন্দ্র সরকার

যাঁহারা বাংলাদেশের ইতিহাসের চর্চা করেন, তাঁহারা সকলেই অবগত আছেন যে, পালবংশীয় রাজগণের লিপিতে বিভিন্ন নরপতির রাজত্বের বর্ধক মাত্র উল্লিখিত হইত, উহার তারিখে কোন অক্ষ বা সাল ব্যবহারের প্রথা প্রচলিত ছিল না। এই কারণে কোন পালরাজ্যই সিংহাসন আরোহণের কাল নিরূপণ করা সম্ভব হয় নাই।

পালরাজগণের সময়কালীন মাত্র দুইখানি লিপিতে বিক্রমসংবতের ব্যবহার দেখা যায়। ইহার মধ্যে প্রথম মহীপালের সারনাথ শিলালিপি প্রথমে উল্লেখ করা প্রয়োজন। এই লিপির তারিখ ১০৮৩ বিক্রমাব্দ অর্থাৎ ১০২৬ খ্রীষ্টাব্দ। লিপিখানি কানৌর নিকটবর্তী বৌদ্ধ তীর্থ সারনাথে পাওয়া গিয়াছে। লিপিতে উল্লিখিত হইয়াছে যে, রাজা তীর্থ অরণ করিতে গিয়া তাঁহার ছই জাতার সাহায্যে ঐ অঞ্চলে কতকগুলি

মন্দিরের নির্মাণ ও সংস্কার কার্য সমাধা করিয়াছিলেন। মৌখিক, গুর্জর-প্রতীহার প্রভৃতি বংশের রাজগণের চেষ্টায় ইতিপূর্বেই বর্তমান উত্তরপ্রদেশ অঞ্চলে বিক্রমসংবতের ব্যবহার সুপ্রচলিত হইয়াছিল। এই স্থানীয় প্রথার প্রভাবই মহীপালের সারনাথ লিপিতে বিক্রমাব্দ ব্যবহারের একমাত্র কারণ। দুঃখের বিষয়, লিপিখানিতে ১০৮৩ বিক্রমাব্দের সঙ্গে সঙ্গে প্রথম মহীপালের রাজ্য সংবৎসরের উল্লেখ করা হয় নাই। তাহা হইলে অন্ততঃ এই পাল নরপতির সিংহাসন লাভের কাল হিসাব করিয়া বাহির করা যাইত।

বিক্রমাব্দের তারিখসংবলিত পাল যুগের যে দ্বিতীয় লিপিখানি পাওয়া গিয়াছে, উহা গোবিন্দপালের গরা শিলালিপি। গোবিন্দপাল যে জনৈক উত্তরকালীন পালবংশীয় নরপতি, তাহাতে কাহারও সন্দেহ হয় নাই;

কিন্তু তাঁহার সহিত এই রাজবংশের পরিচিত নরপতিগণের কোন সম্পর্ক অস্তিত্ব নিরূপিত হয় নাই। গোবিন্দপালের গয়ালিপির তারিখ ১২৩২ বিক্রমাব্দে আশ্বিন মাসের শুক্লা পঞ্চমী। উত্তর ভারতে প্রচলিত বর্ষপ্ৰত্যচক্রানুযায়ী বৎসরটির নাম দেওয়া হইয়াছে বিকারী। পণ্ডিতগণ হিসাব করিয়া সিদ্ধান্ত করিয়াছেন যে, গয়া লিপির প্রকৃত তারিখ ১১৭৫ খ্রীষ্টাব্দের ২২শে সেপ্টেম্বর। লিপিটির তারিখে আরও বলা হইয়াছে যে, ১২৩২ বিক্রমাব্দ ছিল রাজা গোবিন্দপালের “গত রাজ্যের” ১৪শ বর্ষ। সাধারণতঃ নরপতিগণের রাজ্যসংবৎসর উল্লেখ হলে “প্রবর্তমান বিজয় রাজ্য” প্রভৃতি কথা ব্যবহার দেখা যায় ; কিন্তু সে স্থলে গয়া-লিপিতে গোবিন্দপালের বিগত রাজ্যের উল্লেখ করা হইয়াছে। ইহা হইতে পণ্ডিতগণ স্থির করিয়াছিলেন যে, গোবিন্দপাল রাজ্য হারাইবার পর চতুর্দশ বৎসরে উল্লিখিত গয়া লিপি উৎকীর্ণ হইয়াছিল। এই হিসাব অনুসারে ১২১৯ বিক্রমাব্দে অর্থাৎ ১১৬২-৬৩ খ্রীষ্টাব্দে গোবিন্দপালের রাজ্য শত্রুহস্তগত হইয়াছিল। কেম্ব্রিজ বিশ্ববিদ্যালয়ে রক্ষিত একখানি বৌদ্ধগ্রন্থের পুথিতে গোবিন্দপালের ৪র্থ “বিজয়রাজ্য সংবৎসরে” উহা সমাপ্ত হইবার উল্লেখ আছে। সুতরাং পণ্ডিতগণ সিদ্ধান্ত করিয়াছিলেন যে, গোবিন্দপাল অন্ততঃ চারি বৎসরকাল রাজত্ব করেন, অর্থাৎ অন্ততঃপক্ষে তিনি আনুমানিক ১২১৬ বিক্রমাব্দ (১১৫৯-৬০ খ্রীষ্টাব্দ) হইতে ১২১৯ বিক্রমাব্দ (১১৬২-৬৩ খ্রীষ্টাব্দ) পর্যন্ত রাজত্ব করিয়াছিলেন। গোবিন্দপালের রাজ্য শত্রুকর্তৃক অধিকৃত হইবার পর কেন তাঁহার ভূতপূর্ব প্রজাগণ নূতন রাজার রাজ্যসংবৎসরের পরিবর্তে গোবিন্দপালের রাজ্যকে উল্লেখ করিত, ইহার কারণ স্বরূপ পণ্ডিতেরা বলিয়াছেন যে, রাজ্যশ্রষ্ট বৌদ্ধ রাজা গোবিন্দপালের প্রতি দক্ষিণ বিহারের বৌদ্ধ অধিবাসিগণের পক্ষপাতিত্বই ইহার কারণ। সম্ভবতঃ বাঁহারা গোবিন্দপালকে উচ্ছেদ করিয়া দক্ষিণ বিহার অধিকার করেন, তাঁহার বৌদ্ধ ছিলেন না। বাহা হউক, গোবিন্দপালের রাজত্বকাল সম্বন্ধে পণ্ডিতগণের উপরিলিখিত সিদ্ধান্ত নিতান্তই অসার বলিয়া বোধ হয়। রাজার রাজ্যলাভের সময় হইতেই রাজ্যের গণনা আরম্ভ হওয়া স্বাভাবিক ; রাজা রাজ্য হারাইবার সময় হইতে কালগণনার কল্পনা অত্যন্ত অস্বাভাবিক। গোবিন্দপালের গয়া লিপির এবং পূর্বোক্ত পুঁথিখানির তারিখ হইতে স্পষ্টতঃই বোধ হয় যে, তিনি ১২১৯ বিক্রমাব্দে (১১৬২-৬৩ খ্রীষ্টাব্দে) সিংহাসন আরোহণ করিয়াছিলেন ; অতঃপর তিনি অন্ততঃ তাঁহার চতুর্থ রাজ্যসংবৎসর অর্থাৎ ১২২২ বিক্রমাব্দ (১১৬৫-৬৬ খ্রীষ্টাব্দ) পর্যন্ত সিংহাসনে অধিষ্ঠিত ছিলেন ; কিন্তু তাঁহার রাজ্যলাভের পরবর্তী চতুর্দশ বৎসরের অর্থাৎ ১২৩২ বিক্রমাব্দ বা ১১৭৫ খ্রীষ্টাব্দের আশ্বিন মাসের পূর্বেই তদীয় রাজ্য শত্রুহস্তগত হইয়াছিল। অবশ্য রাজ্য হারাইবার পরেও কিছুকাল পর্যন্ত দক্ষিণ বিহারের প্রজাগণ দলিলে তারিখ দিতে বা পুঁথি সমাপ্তির কাল বুঝাইতে গোবিন্দপালের রাজ্য সংবৎসরের গণনাই ব্যবহার করিয়া থাকিতেছিল। এই সিদ্ধান্তের সমর্থক একটি অকাট্য প্রমাণ আমি সম্প্রতি আবিষ্কার করিতে সমর্থ হইয়াছি।


পালরাজগণের বংশলতার সর্বনিম্নস্থানবর্তী নরপতির নাম মদনপাল। অজ্ঞাত পালরাজার স্থায় ইহার রাজত্বকাল সম্পর্কেও পণ্ডিতদিগের মধ্যে ঐকমত্য নাই। মদনপালের জয়নগর লিপির তারিখ তদীয় রাজত্বের চতুর্দশ বৎসর। সুতরাং তিনি অন্ততঃ চৌদ্দ বৎসরকাল রাজত্ব করিয়াছিলেন, এইরূপ মনে করা হইত। গত জানুয়ারী মাসের প্রথম ভাগে আমি মুন্সের জেলার পশ্চিমাঞ্চলস্থিত কতিপয় গ্রামে শিলালিপি প্রভৃতির খোঁজ করিতে গিয়াছিলাম। এই সময়ে আমি ইষ্ট ইণ্ডিয়ান রেলপথের লক্ষ্মীসরাই স্টেশনের নিকটবর্তী এক গ্রামে মদনপালের একখানি শিলালিপি আবিষ্কার করি। এই লিপিটি রাজা মদনপালের ১৮শ রাজ্যসংবৎসরের ১১ই জ্যৈষ্ঠ তারিখে উৎকীর্ণ হইয়াছিল। কিন্তু লিপিটির একটি মূল্যবান বৈশিষ্ট্য এই যে, ইহার তারিখে মদনপালের ১৮শ রাজ্যাব্দের সহিত ১০৮৩ শকাব্দের অর্থাৎ ১২১৮ বিক্রমাব্দ বা ১১৬১-৬২ খ্রীষ্টাব্দের উল্লেখ আছে। ইহা হইতে নিঃসংশয়ে জানা গেল যে মদনপাল ১০৬৬ শকাব্দ অর্থাৎ ১২০১ বিক্রমাব্দ বা ১১৪৪-৪৫ খ্রীষ্টাব্দে সিংহাসন আরোহণ করিয়াছিলেন এবং অন্ততঃ ১১৬১-৬২ খ্রীষ্টাব্দ পর্যন্ত রাজত্ব করিয়াছিলেন। আমরা ইতিপূর্বে দেখিয়াছি যে, গোবিন্দপাল ঠিক ইহার পর বৎসর রাজ্যলাভ করেন। সুতরাং গোবিন্দপাল যে মদনপালের উত্তরাধিকারী অর্থাৎ অব্যবহিত পরবর্তী রাজা ছিলেন, তাহাতে কোন সন্দেহের অবকাশ নাই। সম্ভবতঃ গোবিন্দপাল মদনপালের পুত্র ছিলেন। বাহা হউক, বর্তমান লিপি হইতে ইহাও নিশ্চিত জানা গেল যে, গোবিন্দপাল ১১৬১-৬২ খ্রীষ্টাব্দের পূর্বে চারি বৎসর বা তদধিককাল রাজত্ব করিয়া ঐ সময়ে রাজ্যচ্যুত হন, পণ্ডিতগণের এই ধারণা ভ্রান্ত। নবাবিকৃত লিপিখানি উত্তর-কালীন পালরাজগণের ইতিহাসের উপর অনেকখানি নূতন আলোকপাত করিয়াছে। প্রথমতঃ, ইহাতে মদনপালের সিংহাসন লাভের সময় স্থিররূপে নির্ধারণ করা সম্ভব হইল। দ্বিতীয়তঃ ইহা হইতে মদনপালের রাজত্বের সমাপ্তির কাল অনুমান করা সম্ভব হইল। তৃতীয়তঃ, এই লিপির উপর ভিত্তি করিয়া মদনপাল ও গোবিন্দপালের পারস্পরিক সম্পর্ক নিরূপণের একটি নূতন পাওয়া গেল। চতুর্থতঃ, ইহার সাহায্যে গোবিন্দপালের রাজত্বকাল সম্পর্কিত প্রচলিত ভ্রান্ত ধারণার অসারতা স্পষ্টরূপে প্রমাণিত হইল।

পালবংশীয় নরপতিগণ বাংলা ও বিহারের অধীশ্বর ছিলেন। কিন্তু ষাটশ শতাব্দীতে মদনপাল ও গোবিন্দপালের সময়ে এই বিশাল সাম্রাজ্যের নানা বিঘ্নিত অঞ্চল হইতে পাল অধিকার বিলুপ্ত হইয়াছিল। বাংলাদেশের প্রায় সমুদয় অংশ এই সময়ে সেনবংশীয় রাজগণের হস্তগত হইয়াছিল। এই বংশের প্রথম স্বাধীন নরপতি বিজয় সেন ১০৯৫ হইতে ১১৫৮ খ্রীষ্টাব্দ কিংবা ১১২৫ হইতে ১১৫৮ খ্রীষ্টাব্দ পর্যন্ত রাজত্ব করিয়াছিলেন। তিনি প্রথম জীবনে পাল সাম্রাজ্যের অধীন সামন্তমাত্র ছিলেন ; কিন্তু জীবনের শেষ দিকে পালবংশীয় নরপতিকে পরাজিত করিয়া তিনি বাংলাদেশে স্বাধীন রাজ্য প্রতিষ্ঠা করেন। বিজয় সেন কর্তৃক পরাজিত পালনৃপতি মদন পাল হওয়া অসম্ভব

নহে। সেন বংশীরেরা মূলতঃ দাক্ষিণাত্যের কর্ণাট অঞ্চলের অধিবাসী ছিলেন। একাদশ শতাব্দীর শেষ দিকে তাঁহারা বাংলাদেশে আগমন করেন। এই সময়ে আরও একটি কর্ণাটীয় রাজবংশ পূর্বভারতে স্বাধীন রাজ্য স্থাপন করিয়াছিল। ১০৯৭ খ্রীষ্টাব্দে নাঞ্চদেব নামক জনৈক কর্ণাটবাসী বীরপুরুষ মিথিলা অর্থাৎ উত্তর বিহারে রাজ্য প্রতিষ্ঠা করেন। তাঁহার উত্তরাধিকারিগণ দীর্ঘকাল পর্যন্ত স্বাধীনভাবে উত্তর বিহার শাসন করিয়াছিলেন। সুতরাং দেখা যায় যে, দ্বাদশ শতাব্দীর মধ্যভাগে মদনপাল এবং গোবিন্দপালের সময়ে কেবলমাত্র দক্ষিণ বিহারে পাল বংশীয় রাজগণের অধিকার স্বীকৃত হইত। কিন্তু প্রাচীন পাল সাম্রাজ্যের এই অতি ক্ষুদ্র অংশেও পাল অধিকার অক্ষুণ্ণ ও অব্যাহত ছিল না। মদনপালের সিংহাসন লাভের পূর্বে হইতেই দক্ষিণ বিহারের অধিকার লইয়া পাল এবং উত্তর প্রদেশের গাহডবালবংশীয় রাজগণের মধ্যে বিবাদ উপস্থিত হইয়াছিল। গাহডবালবংশীয় পরাক্রান্ত নরপতি গোবিন্দচন্দ্রের ১১১৪-৫৫ খ্রীষ্টাব্দ মানের তাম্রশাসন হইতে জানা যায় যে, ১১২৪ খ্রীষ্টাব্দে তিনি আধুনিক পাটনা অঞ্চলে ভূমিদান করিয়াছিলেন। আবার ১১৪৬ খ্রীষ্টাব্দে প্রদত্ত লার তাম্রশাসন হইতে জানা যায় যে, ঐ সময়ে গোবিন্দচন্দ্র স্বয়ং মুদগগিরি অর্থাৎ মুঙ্গেরে অবস্থান করিতেছিলেন। অবশ্য পালবংশীয় মদনপালের কতিপয় লিপিও দক্ষিণ বিহারে পাওয়া গিয়াছে। উপরে আমরা যে নবাবিকৃত শিলালিপির উল্লেখ করিয়াছি, তদনুসারে ১১৬১-৬২ খ্রীষ্টাব্দে পাটনা ও মুঙ্গেরের মধ্যবর্তী অঞ্চলে মদনপালের অধিকার স্বীকৃত হইত। ইহা গাহডবালদিগের সহিত সজর্বে মদনপালের সাক্ষ্য সূচিত করে। কিন্তু পরিণামে এই গাহডবালরাই যে দক্ষিণ বিহার হইতে পালবংশীয়দিগের শাসন উচ্ছেদ করিয়াছিলেন, তাহাতে সন্দেহ নাই। কারণ ১১৭৫ খ্রীষ্টাব্দের সীহবর তাম্রশাসন অনুসারে গোবিন্দচন্দ্রের পৌত্র জয়চন্দ্র (১১৭০-৯৩ খ্রীঃ) পাটনা জেলার অন্তর্গত একটি গ্রাম দান করিয়াছিলেন। এই জয়চন্দ্রের একখানি শিলালিপি বোধগম্যতাতে পাওয়া গিয়াছে। ইহার তারিখ ১২৪০ বিক্রমাব্দ (১১৮৩-৮৪ খ্রীঃ) কিংবা উহার কিঞ্চিৎ পরবর্তী। পরা অঞ্চলে ১১৭৫ খ্রীষ্টাব্দে গোবিন্দপালের বিগতরাজ্যের উল্লেখ এবং উহার মাত্র কয়েকবৎসর পরবর্তী জয়চন্দ্রের এই লিপিখানির আবিষ্কারে মনে হয়, জয়চন্দ্রই গোবিন্দপালকে উচ্ছেদ করিয়াছিলেন। এই ধারণা সত্য হইলে, গোবিন্দপাল অন্ততঃ দশ বৎসর রাজত্ব করিয়াছিলেন বলিয়া ধরা যাইতে পারে।

গোবিন্দপালের গয়া লিপিতে বিক্রমসংবতের উল্লেখের কারণ এই যে, এই সময়ে ঐ অঞ্চলে গাহডবাল বংশের অধিকার প্রতিষ্ঠিত

হইয়াছিল এবং এই বংশের রাজগণ রাজকীয় দলিলপত্রে ঐ সংবতের ব্যবহার করিতেন। উত্তরপ্রদেশবাসী বৌদ্ধগণও বিহারের বৌদ্ধ তীর্থগুলিতে বিক্রমসংবতের ব্যবহার প্রচলনের জন্য আংশিকভাবে দায়ী ছিলেন বলিয়া মনে করা যাইতে পারে। কিন্তু মুঙ্গের জেলার পশ্চিমাঞ্চলে আবিষ্কৃত মদনপালের পূর্বেল্লিখিত লিপিখানিতে শকাব্দ ব্যবহারের কারণ নির্ধারণ করা সত্যই কঠিন। পূর্বভারতের যে সকল লিপি ও গ্রন্থে শকাব্দের ব্যবহার দেখা যায়, তন্মধ্যে এই নবাবিকৃত লিপিটাই সর্বাপেক্ষা প্রাচীন। খ্রীষ্টীয় দশমশতাব্দীতে গঙ্গবংশীয় নরপতিগণ উড়িষ্যানগ্নে শকাব্দের ব্যবহার প্রচলিত করেন। দ্বাদশশতাব্দীর প্রথমভাগে গঙ্গবংশীয় রাজগণের অধিকার উত্তর-পূর্ব দিকে ভাগীরথী নদীর তীরবর্তী প্রদেশ পর্যন্ত বিস্তৃত হয়। এই রূপে বাংলাদেশের দক্ষিণ-পশ্চিমাংশের সহিত শকাব্দের পরিচয় হইয়াছিল। কিন্তু বাংলাদেশে শকাব্দের ব্যবহার জনপ্রিয় হইবার প্রধান কারণ, ঐ দেশে দাক্ষিণাত্য হইতে আগত সেনবংশের প্রতিষ্ঠা। সেনগণ স্বদেশ কর্ণাট হইতে বাংলাদেশে এই অঞ্চলের ব্যবহার আমদানী করিয়াছিলেন বলিয়া বোধ হয়। সেনবংশীয় নরপতিগণ রাজকীয় দলিলপত্রে পূর্ববর্তী পালরাজগণের স্থায় রাজ্যিক ব্যবহার করিতেন; কিন্তু সেন আমলেই শকাব্দের ব্যবহার বাংলাদেশে সুপ্রতিষ্ঠিত হইয়াছিল। বল্লালসেনের অভূতসাগর ও দানসাগর গ্রন্থে শকাব্দের ব্যবহার দেখা যায়। শ্রীধরদাসকৃত সঙ্কল্পকর্ণামৃত গ্রন্থেও শকাব্দের তারিখ রহিয়াছে। আবার ডোম্বণপালের স্কন্দরবন তাম্রশাসন (১১১৮ শকাব্দ), হরিকালদেব রণবন্ধমল্লের ত্রিপুরা তাম্রশাসন (১১৪১ শকাব্দ), দামোদরের চট্টগ্রাম তাম্রশাসন (১১৬৫ শকাব্দ) প্রভৃতি লিপিও এই প্রসঙ্গে উল্লেখনীয়। এই যুগে বাংলাদেশ হইতে আসামে শকাব্দের ব্যবহার প্রচলিত হয়। ১১০৭ শকাব্দে প্রদত্ত বল্লভদেবের তাম্রশাসন এবং ১১২৭ শকাব্দের কানাই বড়শী শিলালিপি এই সম্পর্কে প্রমাণস্বরূপ উপস্থিত করা যাইতে পারে। মিথিলার কর্ণাটবংশের প্রতিষ্ঠা সম্ভবতঃ উত্তর-বিহারে আংশিকভাবে শকাব্দ প্রচলিত হইবার প্রধান কারণ। কিন্তু বাংলা, আসাম ও উত্তরবিহারে শকাব্দের প্রচলন যে-যে কারণেই ঘটয়া থাকুন, মুঙ্গের জেলার আবিষ্কৃত মদনপালের লিপিটিতে উহার ব্যবহার সত্যই কিছু অস্বাভাবিক। এই লিপির বিষয়বস্তু দুইজন পরম বৈষ্ণব ব্রাহ্মণ-কর্তৃক একটি নারায়ণ মূর্তি প্রতিষ্ঠা; ইহা মদনপালের কোন রাজকীয় দলিল নহে। সম্ভবতঃ ঐ দুইজন ব্রাহ্মণ মূলতঃ ভিন্ন কোন দেশের অধিবাসী ছিলেন এবং তাঁহাদের স্বদেশে শকাব্দের ব্যবহার জনপ্রিয় ছিল।



রুসো

শ্রীতারকচন্দ্র রায়

অষ্টাদশ শতাব্দীতে যে সকল মনীষী ফরাসীদেশে নূতন ভাবের প্রচার করিয়া ফরাসী বিপ্লবের ক্ষেত্র প্রস্তুত করিয়াছিলেন, রুসো তাঁহাদের অন্যতম। বৈজ্ঞানিক জ্ঞানের বহুল প্রচারের উদ্দেশ্যে ডিডেরো ও ড্যালমবার্ট (Diderot and D'Alembert) যে বিশ্বকোষ (Encyclopedia) প্রকাশ করিতে আরম্ভ করেন, রুসো প্রথমে তাহার সহিত সংশ্লিষ্ট ছিলেন। Diderot ও Voltaire তাঁহার বন্ধু ছিলেন, পরে মতভেদের ফলে বন্ধুত্ব-বন্ধন ছিন্ন হইয়া যায়। Encyclopedist গণ—প্রজ্ঞাবাদী (Rationalist) ছিলেন, যুক্তিকেই তাঁহারা সর্ববিষয়ে বিচারের মানদণ্ড বলিয়া গ্রহণ করিয়াছিলেন। কিন্তু রুসো যুক্তি অপেক্ষা হৃদয়বৃত্তিকে (feeling) প্রাধান্য দিতেন। রুসো প্রকৃতপক্ষে দার্শনিক ছিলেন না; কিন্তু সাহিত্য, রাজনীতি ও প্রচলিত রুচি ও আচার ব্যবহারের সহিত দর্শনের উপরও যথেষ্ট প্রভাব বিস্তার করিয়াছিলেন।

১৭১২ খৃষ্টাব্দে সুইজারল্যান্ডে জেনিভা নগরে রুসো জন্মগ্রহণ করেন। তাঁহার পিতামাতা ফরাসী বংশীয় এবং ক্যালভিনিস্ট (Calvinist) সম্প্রদায়ভুক্ত ছিলেন। বাল্যকালে রুসো নিষ্ঠাবান ক্যালভিনিস্টের উপযোগী শিক্ষাই প্রাপ্ত হইয়াছিলেন। তাঁহার পিতার অবস্থা ভাল ছিল না। ঘড়ী নির্মাণ



রুসো

করিয়া ও নৃত্যশিক্ষা দিয়া তিনি জীবিকা অর্জন করিতেন। শৈশবেই রুসোর মাতার মৃত্যু হওয়ার এক আত্মীয়া তাঁহার লালন-পালনের ভার গ্রহণ করেন। ষাট বছর বয়সে বিজ্ঞান-শিক্ষা ত্যাগ করিয়া তিনি একটর পরে একটি করিয়া নানা ব্যবসায় শিক্ষানবিসী করেন, কিন্তু কোন ব্যবসায়ই তাঁহার মনঃপূত না হওয়ার, ষোড়শ বৎসর বয়সে গৃহ হইতে পলায়ন করিয়া কপর্দকহীন অবস্থায় ইটালী দেশের স্ত্রান্তর প্রদেশে উপস্থিত হন। তথায় জীবিকা উপার্জনের কোনও উপায় দেখিতে না পাইয়া, তিনি এক Catholic পাদ্রীর নিকট গিয়া Catholic ধর্মে দীক্ষা-গ্রহণের ইচ্ছা ব্যক্ত করেন, এবং Turin নগরে ক্যাথলিক-ধর্মগ্রহণেচ্ছুদিগের শিক্ষাপ্রদেয় প্রেরিত হন। সেই আশ্রমে বাসকালে আশ্রমবাসী এক পাষণ্ড কড়ুক তাঁহার উপর পাশবিক বলপ্রয়োগের এক কাহিনী রুসো তাঁহার জীবন-চরিতে বর্ণনা করিয়াছেন। আশ্রমের কড়ুকের নিকট অভিযোগ করিলে, তাহার হৃদয়ের শান্তিবিধান তো করিলেনই না, পরন্তু

ঘটনাটি প্রকাশ না করিতে তাঁহাকে উপদেশ দিলেন। শিক্ষা-শেষে রুসো Catholic ধর্মে দীক্ষিত হইলেন। কিন্তু যে আশ্রয় পৈতৃক ধর্মত্যাগ, তাহা পূর্ণ হইল না। প্রভূত উপদেশও সামান্য অর্থ (২০ ফ্রাঙ্কের কিছু বেশী) দিয়া আশ্রমের অধ্যক্ষ তাঁহাকে বিদায় দিলেন।

কয়েক দিন ঘোরাবুরির পরে এক পোষাকের দোকানে রুসো সহকারীর পদে নিযুক্ত হইলেন। দোকানের মালিক বিদেশে ছিলেন। তাঁহার যুবতী স্ত্রী—Madame Basle—রুসোর প্রতি যথেষ্ট মনন ব্যবহার করিতে লাগিলেন। উভয়ের মধ্যে ভালবাসার সঞ্চারও হইয়াছিল। কিন্তু ব্যাপার অধিক দূর অগ্রসর হইবার পূর্বেই দোকানের মালিক দেশে ফিরিয়া আসিলেন। রুসো কর্তৃপক্ষ হইলেন।

ইহার পরে Madame de Vercele নামে এক মহিলা রুসোকে ভৃত্যের কাজে নিযুক্ত করেন। তিন মাস পরে মহিলার মৃত্যু হয়। তখন তাঁহার একগাছি ফিতা রুসোর নিকট পাওয়া যায়। রুসো ফিতা চুরী করিয়াছিলেন, কিন্তু ধরা পড়িয়া Marion নামী এক যুবতী পরিচারিকার নিকট উহা পাইয়াছেন, বলিলেন। ফলে যুবতী কর্তৃপক্ষ হইল। এই মিথ্যা অভিযোগের কারণ বর্ণনা করিতে গিয়া রুসো লিখিয়াছেন, যুবতীকে তিনি ভালবাসিতেন এবং তাহার কথা সর্বদাই তাঁহার মনে হইত। আপনার দোষক্ষালনের উপায় যখন চিন্তা করিতেছিলেন, তখন যুবতীর কথা মনে হইল, এবং বিবেচনা না করিয়াই তিনি তাহার নাম করিলেন। অদ্ভুত ব্যাখ্যা!! অভিযোগ শুনিয়া যুবতী কাতর দৃষ্টিতে রুসোর দিকে চাহিয়াছিল, একটি নির্দোষ বালিকার সর্বনাশ না করিতে তাহাকে অনুন্নয় করিয়া বলিয়াছিল; কিন্তু রুসোর ভালবাসা তাহাতে কর্তৃপাত করে নাই। এই হীন কার্যের জন্য রুসো চিরকাল অনুতপ্ত ছিলেন।

ইহার পরে Turin ত্যাগ করিয়া রুসো Annecy নগরে গমন করিলেন। সেখানে madame de Warrens তাহাকে আশ্রয় দান করেন। সম্ভ্রান্ত-বংশোদ্ভবা এই মহিলা স্বামীর আশ্রয় ত্যাগ করিয়া Annecy নগরে বাস করিতেছিলেন, পৈতৃক ধর্ম ত্যাগ করিয়া Catholic ধর্ম গ্রহণ করিয়াছিলেন এবং Savoy এর রাজার নিকট হইতে বাৎসরিক ১৫০০ লিভার বৃত্তি পাইতেছিলেন। নয় বৎসর রুসো এই মহিলার সহিত বাস করিয়াছিলেন। তাঁহাকে তিনি “মা” বলিয়া ডাকিতেন, কিন্তু তাহার সহিত তাহার যে অবৈধ সংসর্গ ছিল, তাহা তিনি লিখিয়াছেন। Grossi নামে মহিলার এক কর্তৃপক্ষী ছিলেন। মহিলা Grossi ও রুসো উভয়েরই শয়ানভিনী ছিলেন। Grossi মৃত্যু হইলে তিনি আর একজনকে তাহার স্থলাভিষিক্ত করেন। সর্বাঙ্গত হইয়া রুসো তখন অজ্ঞান চলিয়া যান। (১৭৪১)

রুসোকে জীবনে সুপ্রতিষ্ঠিত করিবার জন্ত, তিনি যাহাতে স্বাধীন-ভাবে জীবনযাপন করিতে পারেন তাহার জন্ত, Madame de Warrens অনেক চেষ্টা করিয়াছিলেন, কিন্তু রুসোর ইচ্ছাশক্তির দুর্বলতার জন্ত কোনও চেষ্টাই কলত্র হইয়া যায় নাই। কেহই তাহাকে কোনও কর্ণের উপযুক্ত মনে করে নাই। অস্থিরচিত্ত, অলস ও স্বপ্নাতুর প্রকৃতির জন্ত কোন কার্যেই রুসো সফলতা লাভে সমর্থ হন নাই। ভবিষ্যতের জন্ত তাহার কোনও চিন্তাই ছিল না; উচ্চাকাঙ্ক্ষার প্রেরণা তিনি কখনও অনুভব করিতেন না; বেশী কিছু তিনি চাহিতেন না, কোনও প্রকারে শাস্তিতে থাকিতে পারিলেই সন্তুষ্ট হইতেন। অভাবের তাড়না না থাকিলেও যৌন-লিপ্সা প্রবল ছিল এবং জীবনে একাধিক স্ত্রীলোকের সহিত অবৈধ সংসর্গ তাহার সংঘটিত হইয়াছিল।

Madame de Warrensএর আশ্রয় ত্যাগ করিয়া যাইবার পূর্বে তিন বৎসর রুসো তাহার সহিত চারমের (Charmettes) নামক পল্লীগ্রামে এক মনোরম গৃহে বাস করিয়াছিলেন। এই তিন বৎসর তাহার নিরতিশয় সুখে অতিবাহিত হইয়াছিল। এই সময়ে নানা বিষয়ে গ্রন্থপাঠ করিয়া তিনি জ্ঞানার্জনের চেষ্টা করিয়াছিলেন, কিন্তু অধ্যয়নের কোনও হৃদয়িত প্রণালী না থাকায় ইচ্ছানুরূপ সফলতা লাভ করিতে পারেন নাই। Voltaireএর Letters Philosophique তিনি আগ্রহের সহিত পাঠ করিয়াছিলেন। Montaigne, La Bruyere, Boyle, Bossuetএর গ্রন্থও যত্নের সহিত পড়িয়াছিলেন। দর্শনশাস্ত্রে Locke's Essay, Malebranche, Leibnitz, Descartes, Logic of Port Royal প্রভৃতি পড়িয়াছিলেন। দর্শনের পরে শারীর বিজ্ঞা (anatomy), জ্যামিতি, বীজগণিত, জ্যোতিষ ও লাতিন ভাষার চর্চাও করিয়াছিলেন। অধ্যয়ন প্রণালী স্বল্পে তিনি তাহার জীবনচরিতে লিখিয়াছেন: “এই সময়ে আমার জ্ঞান ধারণা ছিল, যে কোনও গ্রন্থ পড়িয়া লাভবান হইতে হইলে, তাহা বুঝিবার জন্ত যে যে বিষয়ের জ্ঞান আবশ্যিক, সেই সেই বিষয়ের সম্পূর্ণ জ্ঞান থাকার প্রয়োজন। তখন জানিতাম না, যে এই প্রকার জ্ঞান অনেক সময় গ্রন্থকারদিগেরও থাকে না। তাহার প্রয়োজনমত অল্প গ্রন্থকারের গ্রন্থের সাহায্য গ্রহণ করেন। আমার জ্ঞান ধারণার ফলে পাঠে অগ্রগতি বিলম্বিত হইত। প্রত্যেক গ্রন্থেই পদে পদে পাঠ স্থগিত করিয়া গ্রন্থান্তর হইতে প্রয়োজনীয় জ্ঞান সংগ্রহ করিয়া স্থগিত পাঠ আরম্ভ করিতে হইত। এমনও ঘটিয়াছে, যে আরম্ভ গ্রন্থের দশ পৃষ্ঠা মাত্র শেষ করিবার পূর্বেই গ্রন্থ বন্ধ করিয়া অল্প বহু গ্রন্থ পড়িয়া লইতে হইয়াছে।” ভুল বুঝিতে পারিয়া রুসো পঠনপ্রণালীর পরিবর্তন করেন। Encyclopedeার বিভিন্ন বিষয়ের প্রবন্ধ পাঠ করিয়া তিনি নানা বিষয়ে জ্ঞানলাভ করিয়াছিলেন। তিনি লিখিয়াছেন—“২৫ বৎসর বয়সে যে বুক কিছুই জানিত না, অথচ বাস্তবিক বিষয়ে জ্ঞানলাভে ইচ্ছুক হইয়াছিল, সময়ের যথোচিত ব্যবহার করা তাহার পক্ষে অপরিহার্য হইয়াছিল। সুতরাং অথবা হ্রস্বপুষ্ট বশত: যে কোনও সময়ে আমার চেষ্টা ব্যাহত হইতে

পারে জানিয়া, আমার ক্ষমতার স্বাভাবিক প্রবণতা কোন্ দিকে, এবং কোন্ কোন্ বিজ্ঞা চর্চা করিবার আমি উপযুক্ত, তাহা জানিবার জন্ত সকল বিষয়েই কিছু কিছু জ্ঞান সঞ্চয়ের জন্ত আমি চেষ্টা করিতে লাগিলাম। * * * অধ্যয়নের জন্ত নিশ্চয়ই আমি জন্মগ্রহণ করি নাই। কোনও বিষয়েই আমি অর্ধ যত্নের অধিককাল মনঃসংযোগ করিতে পারিতাম না। অশ্রের চিন্তা অনুসরণ করিতে চেষ্টা করিয়া অল্পেই ক্লান্ত হইয়া পড়িতাম। কিন্তু নিজের চিন্তার অনেক সময় অধিকক্ষণ কাটাইতে সক্ষম হইতাম। * * * এমনো হইয়াছে যে কোনও গ্রন্থের কয়েক পৃষ্ঠা পড়িবার পরেই আমার মন অস্ত্রে চলিয়া গিয়াছে। তখন মনঃসংযোগের চেষ্টা করিয়া দেখিয়াছি, মন স্তম্ভিত হইয়া পড়িয়াছে, কিছুই ধারণা করিতে পারে না। কিন্তু বিভিন্ন বিষয়ের গ্রন্থ একটির পর একটি অবিচ্ছেদ্যে পড়িতে গিয়া দেখিয়াছি, মনোযোগ অক্ষুণ্ণ থাকে। এক বিষয়ে অধ্যয়নের ক্লাস্তি বিষয়ান্তরে মনোনিয়োগের ফলে বিদূরিত হয়। * * * এই ভাবে পাঠপদ্ধতির পরিবর্তন করিয়া সমস্ত দিনই বিনা ক্লাস্তিতে পড়িতে পারিয়াছি।”

দর্শনশাস্ত্র পাঠকালে রুসো বিভিন্ন দার্শনিকদিগের পন্থার বিরোধী মতের সমন্বয় সাধনের চেষ্টা করিয়া বিফলপ্রসন্ন হন। অবশেষে সমন্বয়ের চেষ্টা ত্যাগ করিয়া তিনি প্রত্যেক দার্শনিকের মত বিনা প্রতিবাদে গ্রহণ করিয়া, তাহার বিকাশ ও পরিণতি বুঝিবার চেষ্টা করেন। সেই মতের বিরুদ্ধ কোনও বুদ্ধি মনে উঠিলেও তাহা গ্রাহ্য করিতেন না। এই প্রসঙ্গে তিনি লিখিয়াছেন “আমি ভাবিলাম, প্রথমে আমার মনের ভাঙারে কতকগুলি ভাব (idea) সঞ্চয় করিয়া লইব। সে সকল ভাব যদি বিশদ হয়, তাহা হইলে তাহারা সত্য কি মিথ্যা, তাহা সঞ্চয়কালে দেখিব না; পরে যখন যথেষ্ট পরিমাণে ভাব সঞ্চিত হইবে, তখন তুলনা করিয়া কোনটি গ্রহণ করিব, কোনটি বর্জন করিব, তাহা ভাবা যাইবে। কয়েক বৎসর অশ্রের চিন্তার দ্বারা চালিত হইয়া দেখিতে পাইলাম, যথেষ্ট বিজ্ঞা অর্জন করিতে সক্ষম হইয়াছি। তখন অপরের চিন্তার সাহায্য বর্জন করিয়াও চিন্তা করিবার শক্তি অর্জন করিয়াছি, এবং স্বকীয় বুদ্ধি দ্বারা অধীত বিষয়ের বিচার করিবার সামর্থ্যও লাভ করিয়াছি।” যথেষ্ট চেষ্টা সত্ত্বেও রুসোর শিক্ষা কখনও পূর্ণতা লাভ করিতে পারে নাই। Encyclopedist দিগের সর্বতোমুখী বিজ্ঞার সহিত তাহার অর্জিত বিজ্ঞার তুলনা হইত না। Plutarch, Tacitus, Seneca, এবং Plato ও Virgil তিনি অধ্যয়ন করিয়াছিলেন সত্য, কিন্তু গ্রীক ও লাতিন ভাষার অন্যান্য লেখকদিগের সহিত তাহার পরিচয় ছিল না।

চারমেরে বাস করিবার সময় রুসো প্রতিদিন সূর্যোদয়ের পূর্বেই শয্যা ত্যাগ করিয়া ভ্রমণে বহির্গত হইতেন এবং ভ্রমণের সময় প্রকৃতির সৃষ্টিকর্তার উপাসনা করিতেন। তিনি লিখিয়াছেন “আমার উপাসনা কেবল কতকগুলি শব্দের উচ্চারণেই শেষ হইত না। আনন্দ-দায়িনী প্রকৃতির স্রষ্টার নিকে আমার হৃদয় তুলিয়া ধরিয়া রাখিতাম। বয়সের মধ্যে উপাসনা করিতে আমার ভাল লাগিত না, বয়সের দেহের ও

বরের মধ্যে যাবতীয় ত্রয্য ভগবান ও আমার মধ্যে ব্যবধান সৃষ্টি করিত। ভগবানের সৃষ্টির মধ্যে তাঁহার ধ্যান করিতে আসার ভাল লাগে। * * * বাঁহার জীবন আমার জীবনের সহিত অচ্ছেদ্য বন্ধনে বাঁধা ছিল, তাঁহার ও আমার নিজের অল্প পাপ-বন্ত্রণা-ও-অভাবমুক্ত নির্দোষ শান্তিপূর্ণ জীবন, ধার্মিকোচিত মৃত্যু এবং পরলোকে ধার্মিকোচিত গতি ভিন্ন অল্প কিছুই আমার প্রার্থনীয় ছিল না। প্রার্থনার সঙ্গে ভগবানের ধ্যান করিতাম। আমি জানিতাম সর্বমঙ্গল-দাতা ভগবানের অনুগ্রহের উপযুক্ত হওয়াই তাঁহার অনুগ্রহ পাইবার শ্রেষ্ঠ উপায়—প্রার্থনা নয়।”

১৭৪১ সালে Madame de Warrens এর আশ্রয় ত্যাগ করিয়া রুসো প্যারিস নগরে গমন করিলেন। তখন তাঁহার সম্বল ছিল ১৫ লুই (রৌপ্য), একখানা নাটকের হস্তলিপি, এবং সঙ্গীতের স্বরলিপির এক নূতন পদ্ধতি, যাহা হইতে তিনি অর্থ ও যশঃ, উভয়ই আশা করিয়াছিলেন। প্যারিসে কিছুদিন ইতস্ততঃ গমনাগমনে অতিবাহিত হইল। Fontenelle, Marivaux, Condillac ও Diderot ও কয়েকজন সম্ভ্রান্ত মহিলার সহিত এই সময় পরিচয় হইয়াছিল। Diderot সহিত পরিচয় বন্ধুত্বে পরিণত হইয়াছিল। একজন মহিলার অনুরোধে রুসো তিনিসম্বন্ধ করাসী রাষ্ট্রদূতের সেক্রেটারী নিযুক্ত হইলেন। (১৭৪৩) কিন্তু রাষ্ট্রদূতের সহিত কলহ করিয়া সে পদ ত্যাগ করিলেন। এই কলহে রুসোর দোষ ছিল না। রাষ্ট্রদূত তাঁহার বেতন না দেওয়ার তিনি প্যারিসে আসিয়া গবর্নেন্টের নিকট বিচার-প্রার্থী হন। বহুদিন পরে তিনি প্রাপ্য বেতন পাইয়াছিলেন। প্যারিসে কিরিয়া আসিবার পরে রুসোর কয়েকখানা নাটক রঙ্গমঞ্চে অভিনীত হয়, কিন্তু তাহা হইতে অর্থাগম হয় নাই। ১৭৫৪ সালে তিনি Therese le Vasseur নামী এক হোটেল পরিচারিকার প্রণয়ে আবদ্ধ হন এবং তাহার সহিত স্বামী স্ত্রীর মত বাস করিতে থাকেন। Therese অশিক্ষিতা ও দেখিতে কুৎসিত ছিলেন। লিখিতে অথবা পড়িতে জানিতেন না, বৎসরের মাসগুলির নাম কখনও একাদিক্রমে বলিতে পারিতেন না, সংখ্যা গণনা করিতেও শেখেন নাই। Therese মাতা তাহার সহিত বাস করিত এবং মাতা ও কন্যা উভয়েই রুসো এবং তাঁহার বন্ধুদিগকে অর্থোপার্জনের উপায়স্বরূপ ব্যবহার করিত। Therese এর প্রতি রুসোর যে বিন্দুমাত্রও ভালবাসা ছিল না, তাহা তিনিই লিখিয়াছেন। তবুও ২৫-বৎসর তাহার সহিত বাস করিয়া অবশেষে তাহাকে বিবাহ করিয়াছিলেন। Therese এর গর্ভে রুসোর পাঁচটি সন্তান হইয়াছিল। সকলগুলিকেই তিনি মাতৃহীন শিশুদিগের হাসপাতালে দান করেন। (Foundling Hospital) এই জঘন্য কাজের জন্য রুসো তাহার “Confessions গ্রন্থে অনুতাপ প্রকাশ করিয়াছেন। স্বীয় সন্তানের প্রতিপালনের দায়িত্ব নিজে গ্রহণ না করিয়া রাষ্ট্রের উপর অর্পণ করিয়া তিনি যে গুরুতর অজ্ঞান করিয়াছিলেন, তাহা তিনি বুঝিতে পারিয়াছিলেন। অন্ততঃ ধর্মবুদ্ধিকে সাধনা দিবার জন্য তিনি লিখিয়াছেন “স্বীয়

সন্তানদিগকে উপযুক্তভাবে লালনপালন করিবার আর্থিক সামর্থ্য আমার ছিল না। তাহাদিগকে সুশিক্ষিত করিয়া তোলা আমার সাধ্যাতীত ছিল। ভবিষ্যৎকালের উপযুক্ত শিক্ষার অভাবে আমার সন্তানেরা সাধু উপায়ে ভ্রমজীবনযাপন করিতে পারিবে না। Therese এর মাতা ও তাহার ভ্রাতা ভগিনীদিগের সংসর্গও কাহারও পক্ষে মঙ্গলকর হইতে পারে না। অথচ আমার সন্তানগণ গৃহে প্রতিপালিত হইলে, তাহাদের সংসর্গ অপরিহার্য হইবে। এরূপ অবস্থায় সরকারী শিশু-আশ্রমে প্রতিপালিত হইয়া তাহারা যদি কুবক অথবা শিল্পীর ব্যবসায় সাধুভাবে জীবিকা উপার্জনে সক্ষম হয়, তাহাই প্রায়ঃ বলিয়া মনে করিয়াছিলাম। Plat এর কল্পিত Republic এ জন্মের পরেই শিশুদিগকে পিতামাতার নিকট হইতে স্থানান্তরিত করিয়া রাষ্ট্রের তত্ত্বাবধানে তাহাদের শিক্ষার ব্যবস্থা আছে। কোনও শিশুরই সেখানে স্বীয় পিতামাতার সন্ধান পাইবার সম্ভাবনা নাই। প্লেটোর আদর্শে রাষ্ট্রের নাগরিকের কর্তব্য আমি পালন করিয়াছি।” তাঁহার বন্ধুবান্ধবদিগের মধ্যে কেহ কেহ তাঁহার সন্তানদিগের প্রতিপালনের ভার গ্রহণ করিতে সম্মত ছিলেন, কিন্তু তাহাদের প্রস্তাব রুসো স্বীকার করিলে, তাঁহার সন্তানদিগের জীবন অধিকতর সুখী হইত বলিয়া তিনি বিশ্বাস করিতে পারেন নাই। অল্প কর্তৃক প্রতিপালিত হইয়া তাহারা আপনাদের পিতামাতাকে ঘৃণা করিতে শিখিত, তাহাতে সন্দেহ নাই।

৩৭ বৎসর বয়সেও রুসোর জীবনে তাঁহার উজ্জ্বল ভবিষ্যতের কোনও চিহ্নই লক্ষিত হয় নাই। তখনও তিনি তাঁহার জীবনের লক্ষ্যের সন্ধান পান নাই। উদ্বেগহীন ভাবে ঘুরিয়া বেড়াইতেছিলেন। তার পরে হঠাৎ একদিন অচিন্তিত ভাবে তাঁহার জীবনের গতি কিরিয়া গেল, তিনি তাঁহার অন্তর্নিহিত শক্তির সন্ধান পাইলেন। ১৭৪২ সালে একদিন রুসো তাঁহার বন্ধু Diderot র সঙ্গে দেখা করিতে বাইতেছিলেন। Diderot তখন প্যারিস হইতে ছয় মাইল দূরে এক কারাগারে আবদ্ধ ছিলেন। পদব্রজে পথ চলিবার স্বয়ং রুসো একখানা সাহিত্যিক পত্রিকার পাতা উন্টাইতেছিলেন। হঠাৎ তাঁহার দৃষ্টি পড়িল সেই পত্রিকায় মুদ্রিত একটি বিজ্ঞাপনের উপর। Academy of Dijon “বিজ্ঞান ও কলার উন্নতি দ্বারা মানুষের নৈতিক উন্নতি অথবা অবনতি হইয়াছে” এই সম্বন্ধে প্রবন্ধের জন্য একটা পুরস্কার ঘোষণা করিয়াছিলেন। এই ঘোষণা পাঠমাত্র রুসোর মনে প্রবল আন্দোলন আরম্ভ হইল। শত শত ভাব তাঁহার মনের মধ্যে কলরব করিয়া উঠিল। ভাবের উত্তেজনায় তাঁহার স্বাস্থ্যের উপক্রম হইল। এক বৃহত্তলে উপবেশন করিয়া তিনি অর্ধঘণ্টা প্রমোদ চিন্তায় অতিবাহিত করিলেন। মনে হইল তিনি অল্প অল্পের অধিবাসী, অল্প মানুষ হইয়া গিয়াছেন। Academyর প্রবন্ধের উত্তরই যে কেবল তাঁহার মনে উদ্ভিত হইয়াছিল, তাহা নহে। অল্প বহু সত্যও তাঁহার মনে প্রকাশিত হইয়াছিল। সেই মুহূর্তে রুসো আপনার স্বল্পের পরিচয় প্রাপ্ত হইলেন। তখন যে সত্যের

১ম তিনি পাইয়াছিলেন, তাঁহার ভবিষ্যতের সমস্ত রচনা তাহার লোকে উদ্ভাসিত হইয়াছিল।

করাসী সমাজে তখন অশান্তির অগ্নি অগ্নে অগ্নে ধূমায়িত হইতেছিল। আমেরিকার রাজশক্তির অধীনে নৈতিক শিথিলতা ক্রমশঃ বিস্তার লাভ করিতেছিল। মানব-জীবনের মহত্ব সম্প্রদায়ের মধ্যে প্রসারিত হইতেছিল। সাইক্রিফ বৎসর যাবত রুসো ভবঘুরের জীবন যাপন করিয়াছিলেন। সমাজের বিধি ও নিষেধ গ্রাহ্য করেন নাই। রাজশক্তির যথেষ্টাচার ও সামাজিক দুর্নীতি দেখিয়া তাঁহার মন মাঝে মাঝে বিচলিত হইত, বিরক্তি দমন করিয়া রাখিতেন। কিন্তু দমিত বিরক্তি ও বিদ্রোহী ভাব মনে সঞ্চিত হইতেছিল। আজি তাহা বিক্ষুব্ধ হইয়া পড়িল। সমাজের ক্রমবর্ধমান দুর্নীতি ও অনাচার তাঁহার লেখনী-মুখে লোহিত বর্ণে রঞ্জিত হইয়া উদ্ভাসিত হইল।

রুসো Academy of Dijonএর প্রস্তাবিত বিষয়ে প্রবন্ধ লিখিয়া পাঠাইলেন। তাঁহার এই প্রথম রচনা পুরস্কারের যোগ্য বলিয়া বিবেচিত হইবে, ইহা তিনি আশা করেন নাই। কিন্তু যাহা অপ্ৰত্যাশিত ছিল, তাহাই সংঘটিত হইল। তাঁহার প্রবন্ধই পরীক্ষকগণকর্তৃক পুরস্কারের জন্ত নির্বাচিত হইল। হঠাৎ তাঁহার যশঃ বিস্তীর্ণ হইয়া পড়িল। বিপ্লবের কোনও উদ্দেশ্য তাঁহার না থাকিলেও, পাঠকেরা তাঁহার প্রবন্ধের মধ্যে বিপ্লবের ইঙ্গিত দেখিতে পাইল। প্রবন্ধে তিনি প্রশংসা করিতে চেষ্টা করিয়াছিলেন, যে সাহিত্য কলাও বিজ্ঞান স্নানিতর প্রধান শক্তি। অনাবশ্যক ব্যবহারের অভাব-বোধের সৃষ্টি করিয়া তাহার মানবের স্বাধীনতা অপহরণ করে এবং তাহাকে দাসে পরিণত করে। সভ্যতা হইতে পরিচ্ছদের প্রয়োজন অনুভূত হইয়াছে; আমেরিকায় অসভ্যদিগের মত বাহারা উলঙ্গ থাকে, তাহাদিগকে দাসত্বশৃঙ্খলে আবদ্ধ করা সভ্যতায় হয় না। বিজ্ঞান ও স্নানিতর পরস্পর-বিরোধী। নীচ ও ধূনিত মূল হইতে যাবতীয় বিজ্ঞান উদ্ভূত হইয়াছে। কুসংস্কার-প্রসূত কলিত জ্যোতিষ হইতে জ্যোতিষশাস্ত্রের (astronomy) জন্ম; অর্থলোভ হইতে জ্যানিতির উৎপত্তি; বৃথা কৌতুহল প্রাকৃতিক বিজ্ঞানের জনক; মানুষের অভিমান হইতে চরিত্র-নীতির উদ্ভব; উচ্চাকাঙ্ক্ষা বাগ্মিতার স্রুতি। শিক্ষা ও মুদ্রাবন্ধ দ্বারা মানুষের কোনও উপকারই হয় নাই। অসভ্য মানুষ হইতে সভ্য মানুষের ব্যবর্তক সমস্ত গুণ ও আচারই ব্রহ্মলোকের আকর। শৈশবে পঠিত Plutarch's Lives রুসোর উপর বিশেষ প্রভাব বিস্তার করিয়াছিল। এথেন্স অপেক্ষা স্পার্টার জীবনযাপন প্রণালী তাঁহার অধিকতর মনোমত ছিল। Lycurgus তাঁহার বিশেষ প্রচার পাত্র ছিলেন। যুদ্ধে জয়লাভ রুসো গৌরবের বস্ত্র বলিয়া মনে করিতেন। কিন্তু ইয়োরোপীয়দিগের সহিত যুদ্ধে পরাজিত অসভ্যদিগের প্রতি তাঁহার প্রচার অভাব ছিল না। মানবের সুখ-ও-শান্তিবিধানে সভ্যতার কোনও কৃতিত্বই তিনি দেখিতে পান নাই। সভ্যতার উন্নতিতে তিনি মানবজাতির অবনতিই দেখিতে পাইয়াছিলেন, এবং তাহার সর্বস্বংসী সংস্পর্শ হইতে যদিও তাঁহার জন্মভূমি জেনিভা ও

আপনাকে রক্ষা করিতে চাহিয়াছিলেন, তথাপি তাঁহার প্রবন্ধ হইতে কোনও সুফলের প্রত্যাশা তিনি করেন নাই।

হস্তে লেখনী ধারণ করিয়া রুসো ধামিতে পারিলেন না। প্রথম প্রবন্ধের সফলতায় তাঁহার চিন্তার স্রোত প্রবলতর বেগে প্রবাহিত হইতে লাগিল এবং যে সমস্ত চিন্তা মনে উদ্ভিত হইতে লাগিল, বিস্তারিত করিয়া তাহা বর্ণনা করিবার জন্ত তিনি ব্যাকুল হইয়া পড়িলেন। এই সময়ে তাঁহার মুদ্রাশয়ের পীড়া প্রবল হইয়া উঠিল। চিকিৎসকেরা বলিলেন, ছয় মাসের অধিক তাঁহার বাঁচিবার সম্ভাবনা নাই। এই জন্তই যাহা বলিবার আছে, তাহা বলিয়া শেষ করিবার জন্ত তিনি চঞ্চল হইয়া উঠিলেন। যে সমস্ত দার্শনিকের মত তিনি প্রচার সহিত পাঠ করিয়াছিলেন, তাহাদিগের শিক্ষণ লাভ ও নির্মুক্তিতা ভিন্ন আর কিছুই এখন দেখিতে পাইলেন না। সমাজের সর্বদিকে বর্তমান অত্যাচার ও দুর্গতি তাঁহাকে পীড়া দিতে লাগিল। তাঁহার মনে হইল নিজের বিশ্বাসের সহিত যদি তাঁহার জীবনের সামঞ্জস্য না থাকে, তাহা হইলে কেহই তাঁহার কথায় কর্ণপাত করিবে না। এই বিশ্বাসে তিনি স্বকীয় জীবনযাপন-প্রণালী পরিবর্তিত করিয়া ফেলিলেন। সাদা সোজা ও সুন্দর বস্ত্র বর্জন করিলেন, ঘড়ি বিক্রয় করিলেন, মোটা কাপড়ের সাধারণ সূত ব্যবহার করিতে আরম্ভ করিলেন। ইহার পূর্বে তিনি এক আফিসে ধনরক্ষকের পদে নিযুক্ত হইয়াছিলেন। সে কাজ ছাড়িয়া দিয়া স্বরলিপি নকল করিয়া জীবিকা উপার্জন করিতে আরম্ভ করিলেন। তাহার অন্তরে যে বিপ্লব সংঘটিত হইয়াছিল, এ সকল তাহার বাহ্যিক প্রকাশ। শতবর্ষ পরে তাঁহারই শিক্ষা ও দৃষ্টান্তে অনুপ্রাণিত হইয়া কাউন্ট টলষ্টয় সর্ববিধ বিলাস বর্জন করিয়াছিলেন। রুসোর স্বভাবেও সম্পূর্ণ পরিবর্তন লক্ষিত হইল। ভয় ও লজ্জার সঙ্কোচ তিরোহিত হইয়া গেল। প্রচলিত আচার ও সংস্কারের বশীভূত লোকের স্নেহ ও বাস্তব অবজ্ঞায় অগ্রাহ্য করিয়া তিনি অসম সাহসে সমাজের দুর্নীতি ও কুসংস্কারের প্রতি কশাঘাত করিতে উদ্ভূত হইলেন। দুই বৎসর পূর্বে ও দশ বৎসর পরেও যিনি মনের ভাবপ্রকাশের উপযুক্ত ভাষা খুঁজিয়া পাইতেন না, তাঁহার স্নেহোক্তি সমগ্র পারিসের মুখে মুখে ধ্বনিত হইতে লাগিল। কলে অনেকের মনে তাঁহার প্রতি দারুণ বিদ্বেষের সৃষ্টি হইল।

১৭৫৩ সালে রুসোর "Discourse on the origin of Inequality" প্রকাশিত হয়। এই গ্রন্থে তিনি পূর্বে প্রকাশিত মত বিস্তৃতভাবে ব্যাখ্যা করিয়াছিলেন এবং "ব্যক্তিগত সম্পত্তি" (Property) কে সামাজিক বৈষম্যের কারণ বলিয়া নির্দেশ করিয়া, রাষ্ট্রকর্তৃক এই অসাম্য—নিয়ন্ত্রণের প্রয়োজনীয়তা প্রদর্শন করিয়াছিলেন। ধনী সম্প্রদায় কর্তৃক রাষ্ট্র-কমতা অস্তায়পূর্বক অধিকৃত হইলে যে রাষ্ট্রের অবনতি হয় ও প্রজাসাধারণ দাসে পরিণত হয়, তিনি তাহা ও প্রশংসা করিতে চেষ্টা করিয়াছিলেন। অষ্টাদশ শতকের অনেক পূর্বে এই দার্শনিক মত প্রকাশ করিয়াছিলেন, কিন্তু তাঁহাদের কেহই স্বকীয় মতকে সাধারণ-বুদ্ধিগ্রাহ্য রূপ দান করিয়া রুসোর মত দৃঢ়ভাবে ব্যক্ত করেন নাই। এই সময়ে কোনো কাঁধ্যই রুসো অর্জনমাণ করিয়া ফেলিয়া রাখিতেন

না। চিন্তা তাঁহার নিকট ক্রীড়া অথবা বিলাসের উপকরণ মাত্র ছিল না। যাহা ভাল বলিয়া বুঝিতেন, ঐকান্তিক আগ্রহের সহিত তাহা গ্রহণ করিতেন। তিনি লিখিয়াছিলেন, মানুষ স্বভাবতঃ নিষ্পাপ; তাহার সৃষ্ট প্রতিষ্ঠানই তাহাকে কলুষিত করে। এই মত খৃষ্টধর্মের “আদি পাপ” (Original Sin) ও “চার্চের মাধ্যমে মুক্তি”বাদের (Salvation Through the Church) বিরোধী। তৎকালীন অনেক দার্শনিক “প্রাকৃতিক অবস্থা”র কথা বলিয়াছিলেন। রুসো এই অবস্থার বিস্তারিত বর্ণনা করিয়াছিলেন। এই অবস্থা যে কোথাও বর্তমান নাই, কখনও বর্তমান ছিল না, এবং ভবিষ্যতেও কখনো ইহার উদ্ভব হইবে না, তাহা তিনি স্বীকার করিয়াছেন। কিন্তু মানুষের বর্তমান অবস্থার সম্যক জ্ঞানের জন্য এইরূপ এক অবস্থার কল্পনা করা আবশ্যিক। “প্রাকৃতিক ব্যবহারের” (Natural Law) ধারণা “প্রাকৃতিক অবস্থার সম্যক ধারণা ব্যতীত উৎপন্ন হইতে পারে না। মানুষের কতটুকু প্রকৃতি হইতে প্রাপ্ত, যতদূর সে সম্বন্ধে সুস্পষ্ট ধারণা না জন্মে, ততদূর তাহার জ্ঞান আদিত্তে বিহিত, অথবা তাহার সেই অবস্থার সম্পূর্ণ উপযোগী নিয়ম কি, তাহা নির্ণয় করা অসম্ভব। এই নিয়মের যাহারা অধীন, এই অধীনতা সম্বন্ধে তাহাদের সচেতন হওয়া অতীব প্রয়োজনীয়। এই চেতনা চেষ্টাশূন্য না হইয়া স্বাভাবিক হওয়া আবশ্যিক। মানুষে মানুষে যে স্বাভাবিক ভেদ আছে, তাহাতে রুসোর আপত্তি নাই। বয়স, স্বাস্থ্য, বুদ্ধি প্রভৃতি বিষয়ে ভেদ অপরিহার্য। কিন্তু সমাজকর্তৃক অনুমোদিত বিশেষ অধিকার সমর্থনযোগ্য নহে।

“ব্যক্তিগত সম্পত্তি”ই সামাজিক বৈষম্যের মূল। প্রথমে যে লোক একখণ্ড জমিতে বেড়া দিয়া বলিয়াছিল “এই জমি আমার,” এবং তাহার কথা সরলভাবে বিশ্বাস করিয়া তাহার প্রতিবাসীদিগকে তাহার স্বামি স্বীকার করিতে দেখিয়াছিল—সেই লোকই সমাজের (Civil Society) প্রতিষ্ঠাতা। তাহার পরে ধাতুর ব্যবহার ও কৃষিকার্যের উদ্ভাবন দ্বারা এক অনিষ্টকর বিপ্লবের সৃষ্টি হইয়াছিল। শস্য মানুষের দুর্ভাগ্যের প্রতীক, ইয়োরোপে সর্বাপেক্ষা অধিক শস্য ও লৌহ উৎপন্ন হয়। এই জন্ত ইয়োরোপের দুঃখকষ্ট অধিক। এই অনিষ্টের প্রতিকার করিতে হইলে সভ্যতা বর্জন করিতে হইবে। কেননা সভ্যতাবর্জিত স্বাভাবিক মানুষ দোবহীন; অসভ্য মানুষের যখন উন্নত পূর্ণ থাকে, তখন সমগ্র প্রকৃতি ও তাহার মধ্যে শান্তি বিরাজ করে; তখন সে স্বজাতীয় সকলেরই বন্ধু।

নূতন গ্রন্থের একখণ্ড রুসো ভলটেরারকে পাঠাইয়া দিয়াছিলেন। গ্রন্থ পাঠ করিয়া ভলটেরার লিখিয়াছিলেন, “মানবজাতির বিরুদ্ধে লিখিত আপনার গ্রন্থ প্রাপ্ত হইয়াছি। তৎকাল ধর্মবাদ দিতেছি। আমাদের সকলকে মূর্খ পরিণত করিবার উদ্দেশ্যে এরূপ চতুরতা পূর্বে কখনও দেখা যায় নাই। আপনার গ্রন্থ পড়িয়া চারি হাত পারে হাট্টিবার ইচ্ছা হয়। কিন্তু ৬০ বৎসরের অধিককাল পূর্বে যে অস্ত্যাস ত্যাগ করিয়াছি, দুর্ভাগ্যক্রমে এখন তাহাতে কিরিতা যাওয়া অসম্ভব। Canadaর অসভ্যদিগের অনুসন্ধানে যাত্রা করাও

আমার পক্ষে সম্ভব নয়। কেননা যে সমস্ত পীড়ার আমি ভুগিতেছি, তাহার জন্ত একজন ইয়োরোপীয় চিকিৎসক আমার আবশ্যিক। দ্বিতীয় কারণ এই যে ক্যানাডায় এখন যুদ্ধ চলিতেছে, এবং আমাদের দুষ্টান্তে সেখানকার অসভ্যগণও আমাদের মতই দুর্নীতি-পরায়ণ হইয়া পড়িয়াছে।” ইহা হইতেই ভলটেরার ও রুসোর কলহের সূত্রপাত।

“Discourse on Inequality” রুসো জেনিভার নগরপিত সিগের (City Fathers) নামে উৎসর্গ করিয়াছিলেন। কিন্তু এই গ্রন্থপাঠে তাঁহার সন্তুষ্ট হন নাই। সাধারণ নাগরিকদিগের সম্মত বলিয়া গণিত হওয়া তাঁহাদের বাঞ্ছনীয় মনে হয় নাই। কিন্তু রুসোর বশঃ নিম্নত হইতে দেখিয়া তাঁহার তাহাকে জেনিভার নিমন্ত্রণ করিলেন। রুসো নিমন্ত্রণ গ্রহণ করিলেন এবং ক্যালভিনীয় সম্প্রদায়ের লোক ভিন্ন কেহ জেনিভার নাগরিক হইতে পারিত না বলিয়া তিনি রোমান ক্যাথলিক ধর্ম বর্জন করিয়া প্রোটেষ্ট্যান্ট ধর্মে পুনরায় দীক্ষিত হইলেন। ইহার পূর্বে হইতেই তিনি আপনাকে জেনিভার নাগরিক বলিয়া অভিহিত করিয়া আসিতেছিলেন। জেনিভার বাস করিবার ইচ্ছাও তাঁহার মনে উথিত হইয়াছিল। কিন্তু জেনিভার শাসনকর্তাদের তাঁহাম গ্রন্থের প্রতি বিরাগ দেখিয়া ইচ্ছা ত্যাগ করিলেন। জেনিভার বাস না করিবার আরও একটি কারণ ছিল। ভলটেরার তখন জেনিভার নিকটবর্তী এক পল্লীতে বাস করিতেছিলেন। জেনিভার কোনও নাটক অভিনীত হইতে পারিত না। ভলটেরার এই বাধা দূর করিবার চেষ্টা করিতেছিলেন। তাঁহার ইচ্ছা ছিল জেনিভায় তাঁহার নাটকের অভিনয় হয়। রুসো নাট্যাভিনয়ের বিরুদ্ধে লেখনী চালনা করিলেন। অসভ্যের নাটকে অভিনয় করে না। প্লেটো নাট্যাভিনয়ের অনুমোদন করেন নাই। যাহারা অভিনয় করে ক্যাথলিক পুরোহিতগণ তাহাদের বিবাহে অথবা অন্ত্যেষ্টিক্রিয়ায় পৌরহিত্য করেন না। Bossuet নাটককে ইঞ্জির লালসার পাঠশালা (School of Concupiscence) বলিয়াছেন ইত্যাদি যুক্তির প্রয়োগ করিয়া রুসো বিলাসবর্জিত কঠোর জীবনে পক্ষে তর্কযুক্ত অবতীর্ণ হইলেন।

১৭৫৫ সালে ভীষণ ভূমিকম্পে লিসবনে বহুসংখ্যক লোক মৃত্যুমুখে পতিত হয়। এই সংবাদে বিচলিত হইয়া ভলটেরার এক কবিতা করুণাময় সৃষ্টিকর্তার অস্তিত্বে সন্দেহ প্রকাশ করেন। এই কবিতা পাঠ করিয়া রুসো বিরক্ত হইয়া লিখিলেন—“বশঃ, পৌরুষ ও সম্পদের গর্বে অভিভূত ব্যক্তিকে মানবজীবনের দুঃখকষ্টের বিরুদ্ধে সৃষ্টিকর্তার বচন প্রয়োগ করিতে এবং জাগতিক যাবতীয় পদার্থকে অমূল্য বলিয়া ঘোষণা করিতে দেখিয়া, তাহাকে স্বহানে পুনঃপ্রতিষ্ঠিত, ও জগতের প্রত্যেক পদার্থই যে উৎকৃষ্ট, তাহা প্রমাণ করিবার অর্থহীন ইচ্ছা আমার মনে উদ্ভিত হইল। ভলটেরার দৃষ্টান্তঃ ইন্দ্রে বিশ্বাস করিলেও, প্রকৃতপক্ষে সভ্যতার ভিন্ন কাহারও অস্তিত্বে বিশ্বাস করেন না। যে ইন্দ্রে তিনি বিশ্বাসের ভাণ করেন, তিনি এক ইন্দ্রাবিশ্ব পুরুষ মাত্র, অনিষ্টকর কার্য ভিন্ন অন্য কিছুতেই তাঁহার মত হয় না।

হার এই মত স্পষ্টতঃই যুক্তিহীন। সর্ববিধ সৌভাগ্যের অধিকারী হুখের জোড়ে শারিত ব্যক্তির পক্ষে তিনি নিজে যে দুঃখকষ্টের বাত ভোগ করেন নাই, তাহার ভয়াবহ নিষ্করণ চিত্র অঙ্কিত রয়া, অপরকে নিরাশার গহ্বরে নিষ্কেপ করিবার চেষ্টা নিতান্তই অসঙ্গত। মানবজীবনের দুঃখকষ্টের বিরুদ্ধে অভিযোগের অধিকার হার অপেক্ষা আমার অধিক থাকিলেও, আমি নিরপেক্ষ বিচারী। প্রমাণ করিয়া দিলাম যে মানুষের দুঃখ কষ্টের জন্ত ইশ্বর স্মাত্রও দায়ী নহেন। মানবীয় বৃত্তি নিচয়ের (Faculties) ব্যবহারই তাহার জন্ত দায়ী। পদার্থের স্বরূপের স্বেচ্ছা কোনও দায়িত্বই নাই।” রুসো ভলটেয়ারের কবিতায় কঠোর সমালোচনা করিয়া তাঁহাকে এক পত্র লিখিয়াছিলেন। তাহাতে লিখিয়াছিলেন “ভূমিকম্প লইয়া এত হৈ চৈ করিবার কোনও সঙ্গত কারণ নাই। মধ্যে মধ্যে কতকগুলি লোক যে স্তূভামুখে পতিত হইবে, ইহাতে অমঙ্গলের কিছুই নাই। লিসবনের লোকেরা যদি সপ্ততল গৃহ নির্মাণ না করিয়া বিচ্ছিন্ন ভাবে অরণ্যের মধ্যে বাস করিত, তাহা হইলে তাহাদের বিপদ ঘটিত না। প্রকৃতির বিরোধী আচরণ দ্বারাই তাহারা বিপদ আহ্বান করিয়াছিল।” ভলটেয়ার রুসোর পত্রের উত্তরে কোনও পত্র তাহাকে লেখেন নাই। উত্তর দিয়াছিলেন তাঁহার Candide নামক গ্রন্থে। এই গ্রন্থে তাহার ভীষণতম অঙ্গ—“ভলটেয়ারের প্লেগ” (The mockery of Voltairs)—রুসোর বিরুদ্ধে প্রয়োগ করিয়া-ছিলেন।

এইরূপে ভলটেয়ার ও রুসোর মধ্যে যে কলহের সূত্রপাত হইল, তৎকালের সমস্ত দার্শনিকই তাহাতে একতর পক্ষ গ্রহণ করিয়াছিলেন। ভলটেয়ার রুসোকে “অনিষ্টকারী উদ্ভাদ” বলিতেন। রুসো ভলটেয়ারকে “অধর্মের ভেরী, উৎকৃষ্ট প্রতিভার অধিকারী, কিন্তু নীচ আত্মা” প্রভৃতি

অভিধানে ভূষিত করিয়াছিলেন। ১৭৬০ সালে তিনি ভলটেয়ারকে লিখিয়াছিলেন “আমি বস্তুতঃ আপনাকে ঘৃণা করি, কেননা আমার ঘৃণাই আপনি চাহিয়াছিলেন। যদি আপনি চাহিতেন, আপনাকে ভালবাসিতেও পারিতাম। এক সময়ে আপনার সম্বন্ধে যে সমস্ত ভাবে আমার অন্তর পূর্ণ ছিল, তাহাদের মধ্যে কেবল আপনার প্রতিভার প্রতি শ্রদ্ধা এবং আপনার রচনার প্রতি আকর্ষণই অবশিষ্ট আছে। আপনার প্রতিভা ব্যতীত অস্ত্র কিছুই যদি আমার শ্রদ্ধা না থাকে, তাহা হইলে তাহাতে আমার দোষ নাই।”

Discourse on Inequality গ্রন্থে রুসো ক্রমবর্ধমান বখেচ্ছাচারের প্রতিরোধের উদ্দেশ্যে উত্থাপিত বিজ্ঞোহকে “বিধিসঙ্গত কার্য” (Judicial action) বলিয়া ঘোষণা করিয়াছিলেন। এতাদৃশ মত-প্রচারে বিপদ তো ছিলই। অধিকন্তু রুসো সাধারণের উপর প্রকৃত প্রভাব-বিস্তারে সমর্থ বাক্যপটুতার অধিকারী ছিলেন। তিনি যুক্ত বাতাসে বক্তৃতার উপযোগী এই রচনা-শৈলী সৃষ্টি করিয়াছিলেন। তাহা পাঠে জনসাধারণ উত্তেজিত হইয়া উঠিত। ১৭৫৮ সালে তিনি D' Alembertকে যে ২৮৩ পৃষ্ঠাব্যাপী পত্র লেখেন, তাহাতে এই রচনা-শৈলীর পরিচয় প্রাপ্ত হওয়া যায়। এই পত্রে উদ্ভাদিনী বাগ্মিতার শ্রোত প্রবাহিত ছিল। পাঠ করিয়া সাধারণে বিশেষ ভাবে উত্তেজিত হইয়া উঠিয়াছিল। বিখ্যাত পণ্ডিত, বহু বিদ্বৎপরিষদের সভ্য, D' Alembert তাঁহার সহিষ্ঠ তর্কযুদ্ধে অগ্রসর হইতে সাহসী হন নাই, তিনি তাঁহাকে লিখিয়াছিলেন “আপনার লেখনীর মত লেখনীর বিরুদ্ধে যুদ্ধ করা বিপজ্জনক। যে অবজ্ঞা আপনি সাধারণের প্রতি প্রদর্শন করেন, তাহা দ্বারাই কিরূপে তাহাদিগকে সন্তুষ্ট করিতে হয়, তাহা আপনিই জানেন।” এই পত্রে তিনি পুথারের সঙ্গে রুসোর তুলনা করিয়াছিলেন।

(ক্রমশঃ)

বর্ষার উৎসবে

শ্রীপ্রভাতকিরণ বসু

কাঁঠাল পাকাবে ব'লে জ্যৈষ্ঠ যবে আনিল গরম,
মনে হ'ল স'য়ে থাকি, কোয়াগুলি মিঠে ও নরম
চেখে চেখে খাওয়া যাবে, গরম হোক সে ভালো ক'রে !
'দেখিনি এহেন গ্রীষ্ম' মনে হয় প্রত্যেক বছরে,
এ আর এমন কিবা ? তারপরে 'পরিত্রাহি' ডাক !
থাক থাক, ভগবান্ কাঁঠাল হবে না পরিপাক,
পাগলের নেশা বটে ! কাঁঠালের ছুটি মুদ্রা দাম !
টাকায় তিনটি আম ! দু আনায় কুড়ি কালো জাম !
প্রাণ যায় প্রাণ যায়, ঘেমে ঘেমে হুয়ে পড়ে ষাড় !
মেঘের পুঁটলী নিয়ে অকস্মাৎ নামিল আবাড় ।
তবলাপটিতে জল, জল জমে ঠনঠনে ভ'রে ;
বন্ধ ট্রামে ব'সে ব'সে বর্ষার কবিতা লিখি জোরে ।
পকেটে ফাউন্টেন পেন, আর ছিল লাইব্রেরীর বই
তাতেই কবিতা লিখি, তারা আর দেখে নেয় কই ?

ছাতা ছিলনাকো কাছে, ঘরে কবে ফিরিব কে জানে !
ফুটপাত থেকে জল ঢোকে গিয়ে দোকানে দোকানে ।
আমি ত কবিতা লিখি—ভালোবাসি প্রবল বর্ষণ,
মাঝ পথে নয় বন্ধ, অধিকার ক'রে গৃহ কোণ ।
সমস্ত দুপুর ধ'রে, আর ধ'রে সমস্ত রাত
ঝর ঝর ঝর ধারে আকাশের বন্ধক প্রপাত ।
কবে ভালো লেগেছিল, আজো যে তেমনি ভালো লাগে,
মুড়ি তেলেভাজা আর খিচুড়িতে ভালোবাসা জাগে ।
বরষারে ভালোবাসি, এঁকে যেতে পারি তার ছবি,
এ গোড়া বাংলা দেশে তাই লোকে বলেছিল 'কবি' ।
নগণ্য কবির মাঝে পেয়েছিছ একটু ঠাই !
পথের কাদার ভয় কুকুরের ভয় যায় নাই ।
আমার এ কাব্যখানি অস্ত্র কবি পড়ে দিক্ তবে,
বর্ষণের আশঙ্কার গেলাম না বর্ষার উৎসবে ॥



গারাম্ভর বন্দ্যোপাধ্যায়

(পূর্বাত্ত্বিত্তি)

দেবু চায়ের কাপ হাতে লইয়া বার দুই চুমুক দিয়াই অন্তমনস্ক হইয়া গেল।

সে গিরীশদের কথা ভাবিতেছিল।—ইতিহাসের চক্রান্তের চড়কে পিঠে বাণ ফুঁড়িয়া পুরুষাত্মকমে মহানন্দে ঘুরপাক খাইতেছে—আর ভাবিতেছে পাকে পাকে উঠিয়া স্বর্গে চলিয়াছে। হিন্দুর শিবঠাকুরের সিংহাসন গিয়াছে সেই কবে, মুসলমানের পীরের মসনদও গিয়াছে, সিংহাসন বল মনসদ বল—দখল করিয়া বসিয়াছে ইংরাজ, তবুও হিন্দু মুসলমানের আক্রোশ আর মিটিল না। দুই বিড়ালের ঝগড়ার রুটির গোছা লইয়া বাদর গাছে উঠিয়া পরমানন্দে রসাশ্বাদন করিতেছে—বিড়াল দুইটার সেদিকে দৃকপাত নাই—তাহারা লেজ এবং রোঁয়া ফুলাইয়া নখ বাহির করিয়া পরস্পরের বুক চিরিয়া ছৎপিও বাহির করিবার জন্ত যুদ্ধে মাতিয়া রহিয়াছে।

সে বুঝিতে পারে না—কেন এই সহজ সত্যটা তাহাদের বোধগম্য হয় না। অবশু সে নিজেও একদিন বুঝিতে পারিত না। একদিন বিত্তভাইয়ের সঙ্গে এই লইয়া তাহার বিরোধও হইয়াছিল। সে কথা মনে পড়িলে আজও তাহার হৃৎক হয়। লজ্জাও হয়। মনে মনে তাহার জেলবাসটাকে সে ভাগ্য বলিয়া মানে। ভাগ্যে তাহার জেল যাওয়ার সুযোগ হইয়াছিল!

স্বর্ণ মান সারিয়া বাহির হইয়া আসিল। তোরালে দিয়া মাথার চুল মুছিতে মুছিতে জিজ্ঞাসা করিল—কি হ'ল ?

দেবু ব্যঙ্গ করিয়া বলিল—সনাতন জৌতিক কাণ্ড। ভূতে সব উন্টে দিলে।

—মানে ?

—মানে আবার কি ? এ দেশে সর্ষের মধ্যে ভূত বাসা বেঁধে থাকে। হাটের ব্যাপারেও হিন্দু মুসলমানের দালা বাসা বেঁধে রয়েছে।

স্বর্ণ যত বিস্মিত হইল তাহার চেয়ে অনেক বেশী উত্তপ্ত হইয়া উঠিল। স্থির দৃষ্টিতে দেবুর মুখের দিকে চাহিয়া—দেবুকেই কঠোর স্বরে বলিল—হেঁয়ালী রাখ বাপু। কি হয়েছে বল!

—মুসলমানেরা দাবী করেছে—হাটে জয়তারার আশ্রমের জন্তে যে তোলা ওঠে—তার ভাগ পীরের দরগার জন্তে দিতে হবে।

—তারপর ?

—তারপর আর কি ? হিন্দুরা বলছে—তার চেয়ে আমাদের জমিদারের সঙ্গে মিটমাট করাই ভাল।

—মিটমাট করাই ভাল ! এই কথা বললে ? কে ?

—গিরীশ।

স্বর্ণ শুক হইয়া গেল। কোণ্ডে শুক হইয়া গেল। দেবু একটু হাসিল—বলিল—কথা বল না যে !

স্বর্ণ বলিল—ওদের—

—ওদের কি ?

কথা বোধ হয় খুঁজিয়া না পাইয়াই স্বর্ণ বলিল—ওদের ম'রে যাওয়া উচিত। ম'রে থাক, সব ম'রে থাক।

তাহার মুখচোখ কোণ্ডে লাল হইয়া উঠিয়াছে। দেবুর চেয়ে উত্তেজনা তাহার অনেকগুণে বেশী। স্বাভাবিক ভাবেই বেশী। ধর্মই হোক—রাজনীতিই হোক—সংসারই হোক—মেয়েরা যত আবেগের সঙ্গে আঁকড়াইয়া ধরিতে পারে, নিজেদের কঠিন পাকে আঁকড়াইয়া দিতে পারে—পুরুষে ততখানি গাঢ় আবেগের সঙ্গে আঁকড়াইয়া ধরিতে পারে না। তাহার উপর স্বর্ণ স্বামী পাইয়াছে—সংসার পাইয়াছে ; কিন্তু আজও সম্মান কোলে পায় নাই। রাজনীতির পথে পা দিয়া সে দেবুর অপেক্ষাও প্রবল বেগে ছুটিতে চায়। সে দিক দিয়া—পঞ্চগ্রামের মাছবের সঙ্গে অনেকগুণে বেশী পৃথক—বেশী স্বতন্ত্র হইয়া উঠিয়াছে। নারীপ্রকৃতির স্বভাবধর্মই বোধ করি এমনি, জীবনে যাহা আঁকড়াইয়া

বরে—তাহাকে পরিত্যাগ করা তাহার পক্ষে জীবন পরিত্যাগ করা অপেক্ষাও কঠিন, কিন্তু কোনক্রমে পরিত্যাগ করিলে আর সে সেদিকে ফিরিয়াও তাকাই না, যে নূতন খাতে সে প্রবেশ করে—সেই পথেই ছুটিয়া চলে সবলতর গতিতে, যে নূতন আশ্রয়কে পায়—তাহাকেই বড়াইয়া ধরে সবলতর আবেগে। দেখুড়িয়ার তিনকড়ি গুল—জাতিতে সদগোপ—নিজে হাতে সে চাষ করিত, তাহার কন্ডা সে। দশ বৎসর বয়সে বিধবা হইয়াছিল, তারবেলা হইতে উঠিয়া হিন্দুসমাজের আচার-আচরণ পালন করিয়া চলিত, হিন্দু সমাজের অন্ধবিশ্বাস ঝাঁকড়াইয়া ধরিয়া বাপের সংসারে খান কাপড় পরিয়া, গাধার চুল ছোট করিয়া ছাঁটিয়া, নানা ব্রতবারে উপবাস করিয়া—ভাইয়ের আমলে তাহার সঙ্গে কলহ করিয়া হিন্দু বালবিধবার জীবনের বাধা ছকে ছকে—ঘুরিয়া একদা গোলকধামের ঘুঁটির মত বৈকুণ্ঠে যাওয়ার কথা। কিন্তু তিনকড়ি মেয়েকে লেখাপড়া শিখাইতে শুরু করিল। স্বর্ণ তাহার দাদা গৌরের বই লইয়া পড়াশুনা আরম্ভ করিল। তারপর ঘটিল বিপর্যয়। ডাকাতির মামলায় তিনকড়ির জেল হইয়া গেল। ছেলেটি ও মেয়েটি দেবুর উপর নির্ভর করিয়া বসিল। দেবু স্বর্ণের ভবিষ্যৎ চিন্তা করিয়া তাহাকে লেখাপড়া শেখানোই সর্বোত্তম পন্থা বলিয়া মনে করিল। তিনকড়ির ছেলে গৌরের লেখাপড়া হইল না, সে দেবুর ন্যায় আসিয়া কংগ্রেসের ভুলেটিয়ায়ী শুরু করিল। তারপর একদা হইল নিরুদ্ধেশ। স্বর্ণ প্রাণপণে লেখাপড়াকেই ঝাঁকড়াইয়া ধরিল। মাইনর পরীক্ষায় বৃত্তি পাইল। দেবুর ইচ্ছা ছিল—স্বর্ণকে মাইনর পাস করাইয়া গ্রামেই ছোট ছেলে-মেয়েদের পাঠশালা খুলিয়া বসাইয়া দিবে। হয়তো—তাইই হইত। কিন্তু তিরিশ সালে দেবু গেল জেলে। জেল হইতে ডিটেনশনে। স্বর্ণ তখন নূতন পথে ছুটিতে শুরু করিয়াছে। জংসনের বালিকা বিদ্যালয়ে ছোট দ্বিদিমণির চাকরী লইয়া—ম্যাট্রিক পরীক্ষা দিবার জন্য উঠিয়া পড়িয়া লাগিয়া গেল। জংসন তার জীবনে আনিল নূতন ধারা। সে ম্যাট্রিক পাস করিল, দেবু জেল হইতে ফিরিল। তারপর একদিন কি জানি কেমন করিয়া কি হইয়া গেল—দেবু অসুস্থ করিল—স্বর্ণকে তাহার জীবনে চাই। আশ্চর্য—স্বর্ণ শিহরিয়া উঠিল না, বলিয়া

উঠিল না, পুলকিত লজ্জার মাথাটি হেঁট করিয়া বলিল—এত বড় ভাগ্য যে আমি ভাবতেও পারি না দেবু। আমাকে তুমি—? দেবু বলিল—আমরা রেজেন্সী ক'রে বিয়ে করব স্বর্ণ—যদি চাও তা হ'লে পুরুতও ডাকব।

বিবাহ হইয়া গেল। কিন্তু শিবকালীপুর দেখুড়িয়া; তাই বা কেন—পঞ্চগ্রামের সমাজ অসহ হইয়া উঠিল। স্বর্ণের কৃতিত্বে একদা সকলে মুগ্ধ হইয়াছিল, দেবুর আত্মত্যাগে সেবার গোটা পঞ্চগ্রাম তাহাকে নেতৃত্বের আসন দিয়াছিল, কিন্তু এই বিবাহের পর গোটা পঞ্চগ্রামের সমাজ তাহাদের দিকে গ্রিহন ফিরিয়া বসিল। পূর্বের কাল হইলে হয়তো অনেক নির্যাতন সহ করিতে হইত। বিংশ শতাব্দীর চতুর্থ দশকে সেটা সম্ভবপর ছিল না। শুধু সকলে যেন সরিয়া গেল।

স্বর্ণ এবং দেবু একদা আসিয়া জংসনে বাসা করিল। দেবুর রাজনৈতিক জীবন ক্ষেত্র খুঁজিয়া পাইল। স্বর্ণ দেবুর কাছে সেই শিক্ষা গ্রহণ করিল। তারপর আসিল অক্ষণা। দেবুই যোগাযোগ করিয়া তাহাকে এখানে আনিল। সদগোপ গৃহস্থের শান্তশিষ্ট বালবিধবা কন্ডাটি কোথায় যে হারাইয়া গেল এই নূতন স্বর্ণের মধ্যে, সে কথা বোধ করি স্বর্ণ নিজেও জানে না। জানা দূরের কথা, কোনদিন কোন মুহূর্তের জন্ত সে-দিনের কথা তাহার মনেও পড়ে না। পড়িলে বোধ হয় নারী হইয়া এমন ভাবে গিরাশ-কাকাদের বলিতে পারিত না—ওদের ম'রে যাওয়া উচিত। ম'রে থাক সব, ম'রে থাক।

দেবু চায়ের কাপটি শেষ করিয়া আরও খানিকটা চা ঢালিয়া লইয়া বলিল—তুমি বেশী উত্তেজিত হয়ে কাউকে কিছু ব'লো না যেন।

—কলব না? কেন? তোমার ভয় হচ্ছে না কি?

—তুমি ইন্সুলে চাকরী কর স্বর্ণ। ওরা সব আগে থেকেই চেষ্টা করছে তোমাকে সরাবার।

—চাকরী ছেড়ে দেব।

—না। সে ঠিক হবে না।

—আমার কিন্তু এই ভাবে লুকোচুরি খেলে চাকরী করতে ভাল লাগছে না। চাকরী ছেড়ে আমি পার্টির কাজই করব।

—না। যখন প্রয়োজন হবে তখন দিতেই হবে।

সে প্রয়োজন এখনও আসে নি। তার চেয়ে স্কুলের চাকরীতে অনেক বেশী কাজ হচ্ছে।

—কিন্তু এবার অবস্থাটা কি হ'ল ভেবে দেখছ ? অরুণাদি চ'লে গেলেন। এবার যে কে আসবেন—কেমন লোক—তার সঙ্গে বনিয়ে চলতে পারব কি না—সে সব ভেবে আমার একদম ভাল লাগছে না।

হঠাৎ উনানে ফটু-ফটু শব্দে কয়লা কাটিয়া তাহাদের চকিত করিয়া তুলিল। স্বর্ণ বলিল—দাঁড়াও।

লোহার শিক দিয়া নিচে খুঁচাইয়া আঁচ খানিকটা নামাইয়া দিল, তারপর ভাতের হাঁড়ি চাপাইয়া দিয়া বলিল—এক একবার মনে হয় কি জান ? মানে, ইচ্ছে হয়। ইচ্ছের কথা বলছি। ইচ্ছে হয়—চাকরী ছেড়ে শিবকালীপুরে গিয়ে থাকি। আগের আমলের মত ওখানে কাজ করি।

ঘাড় নাড়িয়া দেবু বলিল—সে আর হয় না।

—হবে না কেন ? হবে না—মনে ভাবলেই হবে না। হবে, বিশ্বাস রাখলে হতেই হবে। কথাতেই রয়েছে—‘নেই বললে সাপের বিষ থাকে না।’

—কথাটা মিথ্যে স্বর্ণ। বিষধর সাপ যদি হয়—তবে পৃথিবীজ লোক ‘নেই’ বলে সমস্বরে চীৎকার ক’রে উঠলেও—বিষ না-থাকা হবে না, বিষ থাকবেই। আর যদি হেলে বা জল-চোঁড়া হয় তবে ‘নেই’ বলে না-চোঁচালেও বিষ থাকবে না। শিবকালীপুরে ফিরে যাওয়া—বাস করতে যাওয়া—আর হবে না।

সে বারবার ঘাড় নাড়িয়া অস্বীকার করিয়া কথাটার উপর জোর দিতে চেষ্টা করিল।

—পণ্ডিত ! পণ্ডিত মশায় !

দয়জার কড়াটা নড়িয়া উঠিল। সঙ্গে সঙ্গে বাহির হইতে কে ডাকিল—পণ্ডিত মশায় ! কঠোর বত শান্ত তত কুণ্ডিত। দেবু মুহূর্তে চিনিল—নলিন ডাকিতেছে। এ কঠোর আর কাহারও হইতে পারে না। বি-এ পাস করার পর জংসনে সে দেবু মাষ্টার—মাষ্টার মশাই নামে পরিচিত, তাহার জীবনের সকল পরিবর্তনকে স্বীকার করিয়া লইয়া—পঞ্চগ্রাম সমাজও ওই নামেই তাহাকে ডাকে। শিবকালীপুরের জগন ডাক্তারও তাহাকে মাষ্টার বলে, শুধু নেলো বা নলিন তাহাকে বলে, পণ্ডিত মশায় !

স্বর্ণ দয়জা খুলিয়া দিল। নেলো আসিয়া নীরবে দাঁড়ায় বসিল। দেবু প্রশ্ন করিল—কি সংবাদ নলিনচন্দ্র, বল।

নেলো খুঁট খুলিয়া টাকায় পয়সায় রেজকিতে প্রায় মুঠাখানেক নামাইয়া দিয়া বলিল—শুনে নেন। মহিলা সমিতির টাকা।

স্বর্ণ বলিল—টাকা তো মাসের শেষে নেওয়া হয়। এখন কেন ? ষ্টক মিলিয়ে হিসেব ক’রে নিতে সময় লাগবে তো !

দেবু বুঝিয়াছে। সে ভ্রু কুঞ্চিত করিয়া বলিল—হয়েছে কি ? হঠাৎ টাকা পয়সা মিটিয়ে দিতে এসেছিস ?

নলিন স্নায়ুরোগগ্রস্তের মত ব্যাকস্বয়ক কাঁধ ঝাঁকি দিয়া—নড়িয়া চড়িয়া সংকোচ কাটাইয়া বলিল—আপনারা আলাদা লোক দেখুন। ও—আমি—

সে নথ দিয়া মাটি খুঁটিতে আরম্ভ করিল।

দেবু বলিল—তুই পারবি না ?

শাস্ত নিরাসক্ত ভাবে নলিন বলিল—না।

—কেন ? কি হ'ল ?

—হয় নাই কিছু। হবে আর কি ? মানে—। ঘাড় হেঁট করিয়া সে নথ দিয়া মাটির উপর ছবি আঁকিতে শুরু করিল।

—মানেটা কি রে ? সেই তো জিজ্ঞেস করছি।

—মানে—। ঘাড় তুলিল নেলো, কিন্তু দেবুর দিকে তাকাইল না—অন্ত দিকে দৃষ্টি রাখিয়া বলিল—মানে, আমি পারব না। মানে—। আবার ঘাড় হেঁট করিয়া নখে আঁকা ছবির দিকে চাহিয়া বলিল—মানে, মনটা আমার খচ-খচ করছে।

—মন খচখচ করছে ? কেন, সেই ছেলেটার হাত থেকে পুতুল কেড়ে নেওয়ার জন্তে ?

—হ্যাঁ। তা ছাড়া—। নলিনের হেঁট-করা মাথাটা নানা অশ্চর্য ভঙ্গিতে নড়িতে লাগিল।

—তা ছাড়া আবার কি ?

কিছু না। টাকা নিয়ে ওকে যেতে দাও। স্বর্ণ ভীত-স্বরে বলিয়া উঠিল।—ও যখন পারবে না, তখন জোর ক’রে লাভ কি ? জেনেই বা হবে কি ?

হাসিয়া দেবু বলিল—না—না—না। জানতে হবে বৈ

কি। নলিনের সঙ্গে আমার তো সাধারণ সম্পর্ক নয়!

স্বর্ণ বলিল—না। সব মিথ্যে। যেখানে স্বার্থ নেই সেখানে সম্পর্কের কোন দাম নেই। যখন নলিনের রঙ-তুলি কেনার পরস্য ছিল না, যখন গাঁয়ের লোকে ওকে ব্রহ্মা করত, যা-তা বলত, তখন তুমি ভালবেসেছিলে, আপনার জনের মত মেহ করেছিলে, সাহায্য করেছিলে—তখন সম্পর্কের দাম ছিল। আজ নলিনের হাতের পুতুল দেখে কলকাতার ব্যারিষ্টারের ছেলে—ককনার জমিদার-বাড়ীর বংশধর কাঁদে, হাতে নলিনের ডালা-ডালা পুতুল বিক্রী হয়—আজ আর তোমার সঙ্গে সম্পর্কের দাম কি বলতে পার? সাধারণ সম্পর্ক নয়—মানে—অসাধারণ সম্পর্ক! হাসিও পায়—দুঃখও ধরে। ছি! তোমার লজ্জা হয় না, কিন্তু আমি লজ্জা পাই।

টাকা পরস্যাগুলি মুঠায় তুলিয়া স্বর্ণ ঘরের মধ্যে চলিয়া গেল। বলিল—মহিলা-সমিতির সঙ্গে তোমার সম্পর্কও কিছু নাই, আমি এ্যাসিষ্ট্যান্ট সেক্রেটারী, আমি নিলাম টাকা। ঠিক মিলিয়ে হিসেব ক’রে দেখে নেব। নলিন, তোমাকে আমি খালাস দিলাম। আমাদের ব্যবস্থা আমরা যা হয় করব।

নলিন ঘাড় হেঁট করিয়া বসিয়াই রহিল। কোন উত্তর সে দিল না।

দেবু বলিল—চা খাবি?

নলিন ঘাড় নাড়িল—না। ঘাড় তুলিয়া বলিল—চা খেয়েছি একবার। তারপর একটা দীর্ঘনিশ্বাস ফেলিয়া উঠিয়া দাঁড়াইয়া বলিল—তা হ’লে আমি যাই।

—আচ্ছা।

যাইতে গিয়া নলিন কিন্তু ঘুরিয়া দাঁড়াইল। বলিল—ছেলের হাত থেকে পুতুলটা নেওয়া কিন্তু আমার মনে ভারী লেগেছে পণ্ডিত। আমি একদিন বাবুদের বাড়ীতে গিয়ে একটি বুড়ো পুতুল ওদের দাওয়ার ওপর রেখে পালিয়ে এসেছি। শুনলাম বাবু সেটাকে লাধি মেয়ে ভেঙে দিয়েছে। তা দেখ। তার ধর্ম তার ঠাই—আমার ধর্ম আমার কাছে।

আবার একটু চুপ করিয়া থাকিয়া বলিল—স্বর্ণদিদি কললে আমাকে কথাগুলো—তা—কথাগুলো সত্যি।

একটুকুও বাড়িয়ে বলে নাই। সেই নজরবন্দীবাবু আর তুমি না থাকলে পণ্ডিত আমার ভাগ্যে—। বোধ হয় খানিকটা ভাবিয়া লইয়া বলিল—মুটে মজুরের কাজ ক’রেই জীবন কাটত আর কি! আমার জাতজন্ম নিয়ে পাঁচজনে পাঁচ কথা বলে—বাড়ীতে চাকরও কেউ বোধ হয় রাখত না। তা ছাড়া তুমিই আমাকে টেনে নিয়ে এলে জংসনে। আমার খুব ভয় ছিল। জংসনকে দেখে এখনও আমার ভয় লাগে। জংসনে টেনে এনেছ, তাই পুতুল বিক্রী হচ্ছে। লোকে জানতে পেরেছে—তারিফ করছে। তা—। তা যতদিন বাঁচব—আমি বলব সবাইকে, আজও বলি—এর পরও বলব—পণ্ডিত ছিল তাই আমার সব। তা আমি বলব।

দেবু এতক্ষণে রাগ করিল। বাহার কাছে কৃতজ্ঞতা পাওনা থাকে—সে অকৃতজ্ঞ হইলে দুঃখ অবশ্যই হয়, কিন্তু কৃতজ্ঞতা স্বীকার করিবার ভান করিয়া শ্রাকামি করিলে সর্বদা জলিয়া যায়। দেবুর মনে হইল, নেলো এইবার শ্রাকামি শুরু করিয়াছে। ক্র কুঞ্চিত করিয়া সে বলিল—সে না বললেও চলবে রে। সে আশা ক’রে তোকে আমি সাহায্য করি নি। বুঝলি!

—সে আমি জানি পণ্ডিত। আমার গুণ আছে দেখে তুমি সাহায্য করেছিলে। আমিও এতদিন তুমি যা বলেছ—না করি নাই। তুমিই বল পণ্ডিত। তখন আমি ছেলেমানুষ, তুমি—সেই নজরবন্দীবাবু কত চিঠি আমাকে দিয়েছে... আমি জংসনে—সদরে দিয়ে এসেছি—ভেবে দেখ! তার পরে—কত ছবি তুমি বরাত করেছ—আমি এঁকেছি, তুমি ভেবে দেখ। সেই একটা শেকল বাঁধা মানুষ—টেনে শেকল ছিঁড়ছে ছবি তুমি আঁকালে—আমি আঁকলাম। তুমি বললে না কিছু, তবু আমি তো বুঝতে পেরেছিলাম ওর মানে কি? ‘না’ তো আমি করি নি। দারোগা ডেকে নিয়ে বললে—তুই এঁকেছিস। তোমার বিপদ হবে বুঝে আমি বলেছিলাম—না। মার দিয়েছিল—তবু হ্যাঁ বলি নাই। মনে কর তুমি। তারপরে কত ছবি আঁকালে। কিন্তু—ও-সব আমার ভাল লাগে না পণ্ডিত, তাতেই পণ্ডিত—। তাবছিলাম অনেক দিন থেকেই। এবারে এই ব্যাপারে মনে আমার ভারী ঘা লেগেছে। তাই সব বলে ক’রেই আমি স’রে যাচ্ছি।

এই ধরণের কথা দেবু নলিনের কাছে প্রত্যাশা করে নাই। সে তাহাকে দিয়া দলের মত-অস্থায়ী কতকগুলি পোষ্টারের ছবি আঁকাইয়াছিল। উদ্দেশ্যটা কেবল যে দলের কার্যোদ্ধার একথা ঠিক নয়, চিত্রশিল্পের কল্পনায় অঙ্কন-পদ্ধতিতে তাহার চোখের সামনে একটা নূতন পথের ইঙ্গিত দিতেও চেষ্টা করিয়াছিল। সেই চেষ্টাকে এমন বিকৃতভাবে নেলো গ্রহণ করিবে—তাহা সে ভাবে নাই। দেবুর মাথার মধ্যে রক্ত যেন চনুচনু করিয়া উঠিল। নেলো পয়সাকড়ির ব্যাপারে অত্যন্ত হিসাবী এবং কৃপণ সে তাহা জানে। সেই কারণে পোষ্টারের ছবি আঁকাইয়া সে তাহাকে মজুরী দিতেও চাহিয়াছিল। নলিনই নয় নাই। হাতজোড় করিয়া বলিয়াছিল—পণ্ডিত, তোমার কাছে আমি ছবির দাম নিতে পারব না। এখন আমার পয়সা আছে। কিছু টাকা আমি জমিয়েছি। যদি অভাব কখনও হয়—এমনি চেয়ে নোব। তুমি যা করেছ—আমার বাপ-দাদাতে তা করত না পণ্ডিত। তারা আমাকে ছবি আঁকতে রঙ তুলি কিনে দিত না। বোর্ডমের ছেলে—কাঁধে ঝোলা দিয়ে বলত—ছবি আঁকতে হবে না পোটোর মত—ভিক্রে ক'রে আনু গিয়ে। নয় তো ভদ্রলোকের বাড়ীতে চাকর-খানসামার কাজে ভর্তি ক'রে দিত।

কথাগুলি শুনিয়া দেবুর বড় ভাল লাগিয়াছিল, শুধু তাই নয়—নেলোর উপর তাহার যে রেহ সেই রেহের সঙ্গে একটা প্রজ্ঞাবোধ যুক্ত হইয়াছিল। মনে হইয়াছিল—ছেলেটা শুধু জন্মগত শিল্পবোধ লইয়াই সংসারে আসে নাই—শিল্পবোধের সঙ্গে শুদ্ধ মনুষ্যত্ব-তৃষ্ণাও লইয়া আসিয়াছে!

আজ দেবুর সমস্ত ধারণা এক মুহূর্তে ধূলিসাৎ হইয়া গেল। রাগ তাহার হইয়াছিল—সে-রাগ সংযত করিয়াও দেবুর কণ্ঠস্বর মাত্রাতিরিক্ত গভীর হইয়া উঠিল। গভীর কণ্ঠে দেবু বলিল—তার জন্মে তো আমি মজুরী দিতে চেয়েছিলাম নলিন। তুমিই নাও নি। ভাল ক'রে স্বরণ ক'রে দেখ তুমি।

নলিন একটু চমকিয়া উঠিল—বলিল—তা কি আমি বলেছি পণ্ডিত?

—তবে? তবে তুমি বলছ কি?

—বলছি—। নলিন মাথা চুলকাইতে লাগিল। মনের কথা সে যেন ঠিক প্রকাশ করিতে পারিতেছে না।

—কি বলছ—বল?

—মানে—। ও সব আঁকতে আমার ভাল লাগে না। ও-সব—। এবার সে একবার বাঁ কাঁধ—একবার ডান কাঁধ ঝাঁকি দিয়া নিজের মনের অস্বাচ্ছন্দ্য এবং অক্ষমতা অসহায়ভাবে প্রকাশ করিল। তারপর বলিল—আমি যাই পণ্ডিত মশায়। নতুন দোকান করছি—তার উদ্যোগ আছে। আমি যাই।

—যাও।

নলিন আবার যাইতে যাইতে ঘুরিল—বলিল—আমি নিজেও আর হাতে দোকান করব না পণ্ডিত মশায়। তাতেই আরও মিটিয়ে দিলাম আপনাদের সমিতির টাকা। বাবুদের ছেলের হাত থেকে পুতুলটা ছোঁ মেরে তুলে নিলে বড় দিদিমণি, সেটাও আমার যেমন মনে লেগেছে, বাবুদের ছেলের জন্তে পুতুল দিয়ে এলাম—সেই পুতুল বাবু লাধি মেরে ভেঙে দিয়েছে—তাও তেমনি আমার মনে লেগেছে। ওদের হাতে আর আমি দোকান করব না। সে যদি না-খেতে পেয়ে ম'রেও যাই, তবুও না। আমি ইন্টিশানের ফটকের ধারে বড় অশুভ গাছটার নিচে—দোকান পাতব। ওই যে—কবরেজ স্তান মশায় আছেন—উনি নিয়ে গিয়েছিলেন সুরপতিবাবুর কাছে;—উনি ডিষ্ট্রিক্ট বোর্ডের ভাইস-চেয়ারম্যান তো, শুঁকে বলে ক'রে দিলেন। রাস্তা বোর্ডের, জায়গাটাও বোর্ডের। গাছতলায় একটি তক্তাপোষ পাতব, তার ওপরে কাঠের খুপরী ধর ক'রে নোব—পানের দোকানের মত। তা ছাড়া খানিকটা—

একসঙ্গে এতগুলো কথা বলিয়া ফেলিয়া নলিন হঠাৎ চূপ করিয়া গেল। অত্যন্ত অস্বচ্ছন্দ হইয়া উঠিল। যে কথাটা বলিতে গিয়া থাকিয়া গিয়াছে—সে কথাটা সংকোচে আটকাইয়া গিয়াছে। ওই গাছতলায় দোকান বন্দোবস্ত লওয়া ছাড়াও সে খানিকটা ভিটা বন্দোবস্ত লইয়াছে। জংসনে দক্ষিণ দিকে একটা দেহব্যবসায়িনীদের পল্লী আছে। সেই পল্লীর মুখেই একটি ভিটে সে কিনিয়াছে। গিরীশ ছুতার মধ্যে থাকিয়া সত্যর ভিটাটা করিয়া দিয়াছে। ওইখানেই সে ঘর তুলিবে। একখানা

—একটা বড় চালা, আরও একটা ছোট চালা।
ধানার সে বাস করিবে, ছোট চালাটার রান্না হইবে,
চালাটা হইবে তাহার পুতুল গড়িবার ঠাই।

দেহব্যবসায়িনীদের সম্পর্কে তাহার নিজের কোন
স্বকোচ নাই। কিন্তু দেবু পণ্ডিত, স্বর্ণ—ইহাদের আছে,
কথা জানে বলিয়াই কথাটা বলিতে গিয়া সে হঠাৎ
গিয়া গেল।

দেবু বেশ একটু বিশ্বয় বোধ করিল। সমস্ত গুনিয়া
পূর্বের মনও অনেকটা প্রসন্ন হইয়া আসিয়াছিল। বিশেষ
গিয়া জমিদারের হাট পরিত্যাগ করিয়াছে এই সংবাদে
ইহাদের ছুইজনেই খুসী হইয়াছে।

স্বর্ণ বলিল—এতক্ষণ এ কথা বলিস নি কেন ?

দেবু হাসিল—বলিল—শ্রীমান নলিনচন্দ্রের কথাবার্তার
শ্রবণই এই। ফ্ল্যাস ব্যাকটা খুব পছন্দ ওর।

নলিন বার ছুই কাঁধ ঝাঁকি দিয়া বাহির হইয়া গেল।
ঠাৎ যেন পলাইয়া গেল। দেবু একটু ব্যস্ত হইয়া
গেল—নলিন !

দরজার ওপার হইতে উত্তর আসিল—কাল আসব।
স্বর্ণ—

আজ সকালেই সতীশ বাউরীর আসিবার কথা আছে।
স্বর্ণ ঠিক লইবে। সতীশ বাউরী পঞ্চগ্রামের মধ্যে পাকা
দেওয়াল-বাঁকুই, তাহার হাতের কাঁচা মাটির ঘরের আজও
স্বর্ণ বৎসর পরমায়ু।

সতীশ বলে—চার শতায়ু—পাঁচ শতায়ু ঘর সে আমরা
পারি না। তবে—হ্যাঁ, শতায়ু ঘর—মানে যদি ঠিক মতন
হান টান দিবে স্বর্ণ করেন তবে একশো বছর যাবে।
তিন চার বছর অন্তর পোতা বেঁধে যাবেন—মেঝেতে ইঁহর
গায়ে—খুঁড়ে জল ঢেলে—নতুন মেঝে করবেন—বাসু।

সতীশও আজকাল পঞ্চগ্রামের জীবনগতী অতিক্রম
করিয়া জংসনে আসিয়াছে। অবশ্য পুরাপুরি নয়,
প্রাথমিক ভাবে। চাষের সময় পঞ্চগ্রামের মাঠে চাষ করে,
সন্ধ্যা উঠিয়া গেলে—মাস চারেক সে জংসনে আসিয়া
কাঁচা মাটির বাড়ী ঠিক লইয়া কাজ করে। গিরীশ ছুতার
সকল কাঠামো তৈরী করে, সে সতীশকে কাজ জুটাইয়া
দেয়, সতীশ দেওয়াল তৈরী করিয়া গিরীশকে কাঠামোর
কাজ আনিয়া দেয়।

গিরীশ বলে—এটা আমাদের গিরীশ সতীশ এ্যাণ্ড
কোম্পানী লিমিটেড। কন্ট্রাকটর বিল্ডার এ্যাণ্ড
কারপেন্টার।

সতীশ হাসে।

গিরীশ বলে—তুই যদি হোলটাইম হ'তে পারতিস
সতীশ, হাকটাইম হলেও হ'ত একরকম। এ যে কোয়ার্টার
টাইম। মোটে তিন চার মাস !

গিরীশ নলিনের তক্তাপোষ দোকানটা ঠিক লইয়াছে।
বলিয়াছে—এস্তা বানিয়ে দোব, দেখবি। পিছনের কাঠের
দেওয়ালে—থাক লাগিয়ে দোব। দুই পাশে কজা দিবে
ছপালা—তাতেও থাকবে আলমারী। বন্ধ ক'রে তালা
দিবে দাও, একটি বন্ধ আলমারী। খুলে দাও, থাকে-থাকে
পুতুল সাজানো সারি-সারি। সবুজ রঙ লাগিয়ে দোব।
সাদা হরকে লিখে দোব—“গিরিন কেবিন—পুতুলের
দোকান।” অর্থাৎ গ্রীণ কেবিন—

* * *

স্বর্ণ বলিল—মিথ্যে ওর ওপর রাগ করছিলাম আমরা।
সেকালের মন ওদের, ওরা সব বুঝতে পারে না। তুমি
যে সব আইডিয়া দাও, সে সব ওর ঠিক মাথার ঢোকে না।

দেবু একটা দীর্ঘনিশ্বাস ফেলিল।

নদীর ধারে মুখার্জীবাবুর মিলে—ঢং ঢং করিয়া আটটা
বাজিল। সে উঠিল। প্রাইভেট টিউশনির সময় হইয়াছে।
ঠিক প্রাইভেট টিউশনি নয়, কোচিং ক্লাস। টেশন-
মাষ্টারদের ছেলেমেয়েদের লইয়া সকাল সন্ধ্যা কোচিং ক্লাস
করে সে। দশ বারোটি ছেলে, ছেলে পিছ তিন টাকা
মাইনা। পয়ত্রিশ চল্লিশ টাকা ওখানেই হয়। এ ছাড়া
ধবরের কাগজ আছে, গৌর কাগজ বেচে, কমিশনের
অর্ধেক সে পায়, অর্ধেক দেবুর, তাহাতেও দশ পনের
টাকা পায়। স্বর্ণ মাইনে পায় তিরিশ টাকা। আশী
টাকার বেশ চলিয়া যায় ছুজনের। চাষের ধান চালাটা
ইহার পরে।

—হালো কমরেড ডেবেনোভস্কি !

দেবু দেখিল—উকীল সুরপতিবাবু বাইসিক্লে চড়িয়া
পিছন হইতে আসিতেছেন। আগে সুরপতি দেবুকে
অত্যন্ত অবজার চোখে দেখিতেন, বলিতেন—চাষা !

আজকাল দুটি ধানিকটা পাঁটাইয়াছে। এখন যাক

করিয়া বলেন—কমরেড। কখনও কমরেড গোস্বা, কখনও কমরেড ডেবেনোভস্কি, কখনও বলেন—এই যে ভ্রাদার—এলোমেলো ক'রে দে-মা লুটেপুটে খাই!

কাজ সুরপতির নাই—সে দেবু জানে; শুধু ওই কমরেড ডেবেনোভস্কি বলিয়া ব্যঙ্গ করিবার জন্তই ডাকিয়াছে। দেবু কিরিয়া হাত ভুলিয়া নমস্কার করিয়া হাসিল।

সুরপতি সাইক্ল হইতে নামিয়া বলিল—কি ব্যাপার ভাই দেবনাথ? তোমার সেই কারিগর ছোকরা দেবকী সেনের হাতে গিয়ে পড়ল কেমন ক'রে বল তো? আমার কাছে গিয়েছিল সেনকে নিয়ে—ষ্টেশনের ধারে ডিষ্ট্রিক্ট-বোর্ডের গাছতলায় দোকান করবে। আমি অবিশ্বি তাকে জিজ্ঞাসা করলাম না কিছু, তবে একটু আশ্চর্য্য হয়ে গেলাম। তোমার বাদ দিয়ে দেবকীকে নিয়ে এসেছে—ব্যাপার কি? হাতে টুল করছিল—তোমাদের মহিলা-সমিতির ঙ্গলের সঙ্গে—হঠাৎ শুড়ির মত গৌত্তা খেয়ে লাইনের ওপার থেকে—এপারে এসে পড়ল ছোকরা!

দেবু হাসিয়া বলিল—কি জানি কি হ'ল! শুধু বললে—ছেলের হাত থেকে পুতুল কেড়ে নিলে পণ্ডিত—! সেটিমেটে লেগেছে আর কি!

সুরপতি বলিলেন—ঠিক করেছিলেন অরুণা ভট্টাচার্য! ওতে আমি তোমাদের সঙ্গে আছি। কখনার জমিদার-নন্দন প্রজার বুকের রক্ত-চোষা টাকার বিলেত থেকে ব্যারিষ্টার হয়ে এসে একেবারে লীডার সেজে বসবার মতলব—ওদের আমিও একেবারে দেখতে পারি নে। আরে বাবা, পাড়ারগায়ের মহালে প্রজাদের সঙ্গে যা করিস তা' করিস, অংসন হারমণ্ডলের মত একটা এতবড় জায়গা—এখানে পর্যন্ত জমিদারী চাল চালতে যায়! জমিদার—বলে কি জান?—জমিদার বোঝ তো? জমিদার কাম্ ব্যারিষ্টার—জমিদার! জমিদার সাহেব—সেদিন বলে—অরুণা ভট্টাচার্যের চাকরী খেতে হবে—স্বর্ণের চাকরীও। শেষ বলে—জায়রত্ন অরুণা দেবীকে নাত-বউ স্বীকার ক'রে ওর বাড়ীতে যখন নিমন্ত্রণ নিলেন—তখন ঠুকে পড়িত করা হোক! আমি তো হাসব—না—কান্দব ভেবে পাই নে!

দেবু বলিল—জানি। শুনেছি সব।

—শুনবে বই কি। তোমাদের স্পাইয়িং সিষ্টেম— পুলিশের চেয়ে খারাপ নয়। সুরপতি হো-হো করিয়া হাসিয়া উঠিলেন। হঠাৎ হাসি থামাইয়া বলিলেন—অরুণা দেবীর রেজিগ্‌মেন্ট আমি এ্যাকসেন্ট করতে চাই নে। শুকে আমি লিখেছি—আপনি একবার অন্তত আসুন: চার্জ বুঝিয়ে দিতেও তো আসতে হবে। তখন আসুন—এলে সাক্ষাতে সমস্ত কথাবার্তা হবে। তারপর যা হয় করবেন। আজ চিঠি পেলাম—আসছেন তিনি। শীগ্‌গির আসবেন।

—আসছেন? লিখেছেন? দেবু চকিত হইয়া উঠিল।

—আজই সকালে চিঠি পেয়েছি। আজ্ঞা, চলি। হ্যাঁ, কথায় কথায় আসল কথাটা ভুলে গিয়েছি। হাটের তোলা নিয়ে আন্দোলনটা বন্ধ করছ কেন? ধান চালের চলতা ঈশ্বরবৃত্তি—ও ছুটো নিয়েও যা আরম্ভ করেছ, ওতে আমার সিম্প্যাথি আছে। ফুল সিম্প্যাথি।

সুরপতি চলিয়া গেল। বড় ভাল সাইক্ল চালান উদ্ভ-লোক। ধীর গতিতে চলেন—বনিয়াদী চাল সাইক্লের গতির মধ্যেও ফুটিয়া উঠে।

ষ্টেশনের কাছাকাছি আসিয়া সে থমকিয়া দাঁড়াইল। সামনেই রেলওয়ে কম্পাউণ্ড, ডিষ্ট্রিক্ট-বোর্ডের রাস্তাটা আসিয়া রেলের ফটকের মুখে শেষ হইয়াছে। চারিপাশে অনেকটা খোলা জায়গায় ধান মশেক মোটর বাস দাঁড়াইয়া আছে। খোলা জায়গাটার চারিপাশে বড় বড় গাছের শ্রেণী একটি ছায়ামণ্ডলের সৃষ্টি করিয়াছে। আগে গরুর গাড়ী ষ্টেশনে যাত্রী আনিয়া এই ছায়ায় বিশ্রাম করিত। মোটর-বাসের চলন হওয়ার পর গরুর গাড়ীর সংখ্যা কমিয়া গিয়াছে। এখন এই সব গাছের তলায়—ছোট-খাটো দোকান বসিতেছে। পান-সিগারেট, চানাচুর, তেলে-তাজা, গোটা কয়েক ছোট চায়ের দোকান—ভাঁড়ে-চা-বিক্রেতা, একটা গাছতলায় মাড়োয়ারী ব্যবসায়ীদের জলসত্র—এই সব লইয়া বেশ একটা ছোট বাজার বসিয়াছে, এইখানেই সম্ভবত এই অশখ গাছটার তলায় নেতার দোকান বসিবে।

বাসের ভিড়ের মধ্য হইতে একটা ছোকরা ছুটিয়া আসিল।—মাষ্টারজী!

ছেলেটা উচ্চিৎড়ে।

শিবকালীপুরের সঙ্গোপদের একটি অনাথ ছেলে।
আর সে অনাথ নয়, নিজের ভার সে নিজেই
হাছে। ছেলেবেলার অনাথ ছিল। বছর আঠেক
দ—মা-বাপ ছুইই মারা গিয়াছিল, ছেলেটা পথে
খেলিয়া বেড়াইত—প্রতিবেশীর দাওয়ান বা চণ্ডী-
প—ঘুমাইত, লোকের বাড়ীতে মাগিয়া খাইত।
রুচ কর্মকারের সন্তানহীনা স্ত্রী—ছেলেটাকে কুড়াইয়া
। মাহুব করিয়াছিল। কামার-বউ একদিন চলিয়া

দেবু দীর্ঘনিশ্বাস কেলিল।

উচ্চিঙে আসিয়া জংসনে আপনার স্থান করিয়া
লইয়াছে। প্রথমে করিত ভিক্ষা। তারপর সে নিজের
কাজ বাছিয়া লইয়াছে। বাসে আসিয়া কাজ লইয়াছে।

উচ্চিঙে একখানা চিঠি দেবুর হাতে গুঁজিয়া দিয়া
চলিয়া গেল।

উচ্চিঙে দেবুর চেলা। দেবুর একটি চেলার দল আছে।
দল নছিলে—পৃথিবীতে বাঁচিবার উপায় নাই। বিশেষ
জংসনে। (ক্রমশঃ)



আলী বুঝকদের পক্ষে জাতীয় বাহিনীতে যোগ দিবার সুবর্ণ
যোগ উপস্থিত। ১৮ হইতে ৩০ বৎসরের স্বাস্থ্যবান বুঝক মহকুমা-
সকের নিকট সত্বর আবেদন করুন। আশ্রয় তিন সপ্তাহ শিক্ষা
ওলা হইবে; যাহারা উত্তীর্ণ হইবে, বিভিন্ন কার্যে নিযুক্ত হইতে
পরিবে। বাঙ্গালী যুদ্ধ করিতে সুযোগ পায় না বলিয়া যাহারা
তদিন অসুযোগ করিতেন, আশা করি, সত্বর এই জাতীয় বাহিনীতে
যোগ দিবার প্রেরণা দিবেন। দেশের ছেলেদের দেশরক্ষা কার্যে
সকালান্তর এ মহাসুযোগ কখনই ত্যাগ করা উচিত নয়। —পন্নীবাণী

* * *

বর্ধমান জেলার সবপ্রতিষ্ঠিত বিরাট নগরী চিত্তরঞ্জে বাঙ্গালীর স্থান
হই। অখচ বাঙ্গালীদের মধ্যে সহস্র সহস্র বেকার পথে ঘাটে ঘুরিয়া
বড়াইতেছে। প্রাদেশিকতার চিত্তরঞ্জন বিবাক্ত হইয়া আছে। অবশ্য
প্রথমে প্রাদেশিকতা করিতেছে মাত্রাজীরা। মাত্রাজী কেরাগী, মাত্রাজী
গাইপিট, এমন কি মাত্রাজী খুল শিককও চিত্তরঞ্জে সমস্ত দিক দখল
করিয়া আছে। উপরের কথা তো বলিতেই নাই। কেমিষ্ট নারায়ণ,
এম. ই, শাস্ত্রী-চার্জমেন সীতারমন, কুকখারী ও উত্তরপ্রান্তা নারায়ণ
গাঙ্গীর, বীর রাঘবনের দুষ্টান্ত এবং তাহাদের সম্বন্ধে অনুসন্ধান
করিলেই সব বুঝা যাইবে। স্বজনপ্রীতি আত্মীয়পোষণ চিত্তরঞ্জনেরও
অতিক্রম্য জীবনকে কলুষিত করিয়াছে। —দামোদর

* * *

মাংসাদিক সম্মেলনে পশ্চিমবঙ্গের সম্পাদকগণের মুখপাত্র হিসাবে
সংকলনের পশ্চিমবঙ্গ সম্পাদকগণের মুখপাত্র হিসাবে

উভয় রাষ্ট্রের মধ্যে মিলনের অন্তরায় কোথায় তাহা খোঁজাখুঁজিভাবে
বিবেচনা করিতে গিয়া বলেন, “পাকিস্তানের বিরুদ্ধে আমাদের প্রধান
অভিযোগ এই যে উহার ভিত্তি ধর্মের উপরে। আমাদের শাসনতন্ত্র
অনুযায়ী, আমাদের রাষ্ট্র ধর্মনিরপেক্ষ এবং শাসনতন্ত্রে সংখ্যালঘুদের
অধিকার রক্ষার ব্যবস্থা রহিয়াছে। ভারতের প্রধান মন্ত্রী বিনিই হউন
না কেন, তাহার হাত শাসনতন্ত্র দ্বারা বাঁধা, কিন্তু ছুঃখের বিষয়
পাকিস্তানে সেসকল কোনও ব্যবস্থা নাই। পাকিস্তানের প্রধান মন্ত্রী
পাকিস্তানে হিন্দুদের রক্ষা করিবার আশ্বাস দিয়াছেন, কিন্তু এই
প্রতিশ্রুতি মৌখিক! কাল হয়ত জনাব লিয়াকত খান পাকিস্তানের
প্রধান মন্ত্রী বা জনাব মুহম্মদ আমিন পূর্ববঙ্গের মুখ্য মন্ত্রী না থাকিতে
পারেন। তাহাদের স্থলাভিষিক্তগণ শাসনতন্ত্রগত কোন বাধ্যবাধকতা
না থাকায় এই প্রতিশ্রুতি নাও মানিতে পারেন।” সম্পাদক সম্মেলনে
ক্রীত যোগ পরিষ্কারভাবে ভারতের দাবী পেশ করিয়াছেন। আমরাও
স্বাভাবিক পাকিস্তানের রাষ্ট্রীয় আদর্শকে ধর্মনিরপেক্ষ বলিয়া ঘোষণা
করিতে দাবী জানাইয়া আসিতেছি। পাকিস্তান গণপরিষদ এখনও
শেষ হয় নাই। পাকিস্তান ইচ্ছা করিলে আজই তাহা করিতে পারেন।

—দামোদর

* * *

বাঙ্গালী ধনী জমিদার আজ সর্বস্বাধারা হইয়া পশ্চিমবঙ্গে অবস্থান
করে। এক বৃঠা নামজাদা ডাক্তার ও ব্যারিষ্টার, উকিল লইয়া
বাঙ্গালী জাতি নহে। যে দেশে শতকরা ৮৮ জন নিরক্ষর গ্রন্থিক ও
নারী, সেই দেশকে বাঁচাইতে হইলে, এই বুক যুগে যে তাহা দিতে

হইবে শুধু তাঁহা অক্ষর পরিচয় নহে। আমাদের ঘরে ঘরে ঈশ্বর বিশ্বাসের উপাসনা-মন্ত্র উচ্চারণ করিতে হইবে। ব্রাহ্ম মুহূর্ত্তে শব্য-ত্যাগের ব্যবস্থা যাহাতে হয়, সেই দিকে মন দিতে হইবে। সমষ্টিচৈতন্যকে জাগাইবার জন্য আমাদের সমাজে সুনীতি প্রবর্তন করিতে হইবে। আমাদের ব্যক্তিগত সমষ্টিগঠনে চিরদিন অশুভ, তাই আমাদের দেশের ৫০টি ব্যক্ত অকৃতকার্য হইয়া মাথা গুঁজিল। যৌথ কারবার গড়িয়া উঠার প্রদীপশিখা জ্বালাইতে গিয়াও বাঙ্গালী জাতি অকৃতার্থ হইল। ধন-সম্পদে, সমাজে, রাষ্ট্রে সমষ্টিগত বিনিয়োগ করার জন্যই আমরা জাতির প্রাণশক্তির মূলে ঈশ্বরবিশ্বাসের দীপশিখাই উজ্জ্বল করিতে বলি। ব্যক্তির ধনদৌলত, বাড়ী-ঘর কিছুই ছাড়া হইবে না, সমষ্টিগত প্রাণ চাই। সেই সমষ্টির মূলে ঈশ্বরচৈতন্য যদি জাগ্রত না হয়, আমরা যে দল গড়িব—সে দল স্বার্থ-কল্পিত হইয়া ছিন্নমস্তার স্তায় আপনার কর্তনালী ছিন্ন করিয়া আপনারই রক্ত পান করিবে।

—নবসংঘ

* * *

পূর্ববঙ্গ হইতে আগত উদ্বাস্তরা মজা পাইয়া বসিয়াছে। যাহার যেখানে খুশী খালি বাড়ী দেখিলেই ঢুকিয়া পড়িতেছিল এবং খালি জমি পাইলেই খুঁটি গাড়িতেছিল। সরকারী কর্মচারীরা এতদিন শুধু ইহাদের দৌড় কতদূর তাহাই দেখিতেছিলেন। ইহারা ভাবিয়াছিল এমনি করিয়াই বোধ হয় দিন চলিয়া যাইবে। কিন্তু পরে পিঠে যখন লাঠি পড়িল এবং নাকে চোখে টিয়ার-গ্যাস ঢুকিল তখন নাকের জলে চোখের জলে এক হইয়া আইনের মর্যাদা কি উপলব্ধি করিতে পারিল। এই সামান্য কথাটা তাহারা বুঝিতে পারে নাই যে তাহাদের অদৃষ্টে যদি সুখশান্তি থাকিবে তাহা হইলে সাতপুরুষের ভিটা পরিত্যাগ করিতে হইবে কেন? আবার শুনিলাম ইহারা দল বাঁধিয়া বাংলার মুখ্যমন্ত্রী রায় মহাশয়ের নিকট কৈফিয়ৎ তলব করিতে গিয়াছিলেন। আশ্চর্য্য ন্দ্রী! অন্তরও করিব চোখও রাঙাইব? পুলিশ ইহাদের ছত্রভঙ্গ করিয়া একটা কাজের মত কাজ করিয়াছে।

—যুগবাণী

* * *

উচ্চপদস্থ সরকারী কর্মচারী পাবলিক সার্ভিস কমিশন কর্তৃক নিযুক্ত করা নিয়ম। কিন্তু অনেক ক্ষেত্রে এই নিয়ম পালন করা হইতেছে না। মন্ত্রীদের প্রিয় এবং অনুগৃহীত ব্যক্তিদের সরাসরি নিয়োগ করা হইয়া থাকে। সম্প্রতি শোনা বাইতেছে যে সেলস ট্যান্স কমিশনার এবং আরও কোন কোন উচ্চপদস্থ কর্মচারী পাবলিক সার্ভিস কমিশনকে না জানাইয়া সেল ট্যান্স কমিশনারকে খাঁর পদে পাকা করা হইয়াছে। এই নিয়মের ব্যতিক্রম কেন হইল পাবলিক সার্ভিস কমিশন গবর্নমেন্টের নিকট তাহা জানিতে চাহিয়া কোন জবাব পাম নাই। ইহা সত্য কি না গবর্নমেন্ট তাহা জানাইবেন কি?

—যুগবাণী

* * *

ভারতের প্রধান মন্ত্রী পণ্ডিত জওহরলাল নেহেরু প্রাক্তন মার্কিন প্রেসিডেন্ট হুভারের প্রস্তাবের প্রতিবাদ করিয়া বাহা বলিয়াছেন তাহা আজকের দিনে ভারতের মনোভাবকেই বিবেচনা করিয়াছে। তিনি বলিয়াছেন, রাশিয়া ও অন্যান্য কমিউনিষ্ট দেশকে বাদ দিয়া জাতি-সংঘকে নুতন করিয়া গঠন করার প্রস্তাব অবিজ্ঞোচিত ও অনিষ্টকর। যে উচ্চাকাঙ্ক্ষা লইয়া জাতিসংঘ গঠিত হইয়াছিল, তাহা অবশ্য পূর্ণ হয় নাই। কিন্তু একথাও সত্য যে, জাতি সংঘের শুধু অস্তিত্বের দরুণই আমরা বহু বিপদ হইতে রক্ষা পাইয়াছি।

জাতিসংঘ স্বিধা-বিত্তত হইলে পর বহু রাষ্ট্র এই স্বিধা-বিত্তত সংহার অঙ্গীভূত হইতে রাজী নাও হইতে পারে। ঘটনাবলীর চাপে অথবা নিজেদের স্বার্থে এই সকল রাষ্ট্র কোন জোটের সহিত মিলিত হইতে সম্মত হইবে না। তাহারা তখন স্বতন্ত্র অস্তিত্ব রক্ষা করিয়া আদর্শের সেবা করিয়া যাইবে। জাতিসংঘের রূপ পরিবর্তনের চেষ্টা করা হইলে, তাহা দ্বারা আরও শক্তিশালী সংস্থা গড়িয়া উঠিবে না।

—সৈনিক

* * *

বিহার প্রাদেশিক কংগ্রেস কমিটির সম্প্রতি অনুষ্ঠিত এক অধিবেশনে একটি প্রস্তাব গৃহীত হইতে দেখিয়া অত্যন্ত বিস্ময় বোধ করিতেছি। তাহারা মুকৌশলে বিহারের অন্তর্গত বাঙ্গলাভাষাভাষী অঞ্চলসমূহের পশ্চিমবঙ্গে অন্তর্ভুক্তির যে বহুদিনের দাবী, তাহা চাপিয়া দিবার চেষ্টা করিয়াছেন। প্রস্তাবটির মর্ম এই : পূর্ববঙ্গাগত শরণার্থীদের পুনর্বাসনে সাধ্যমত চেষ্টা করার জন্য কমিটি কংগ্রেস কর্মীগণের নিকট আবেদন করেন। কিন্তু এক শ্রেণীর দায়িত্বহীন লোক যে এই অবস্থার সুযোগ লইয়া বিহারের অংশবিশেষ বাঙ্গলার অঙ্গীভূত করার দাবী করিতেছে তাহার নিন্দা করিয়া বলা হয় যে, ইহাতে বিহারবাসীদের মনে তীব্র অসন্তোষ সৃষ্টি হইবে এবং শরণার্থীদের স্বার্থহানি হইবে।

পশ্চিমবঙ্গের অনুরূপে তাহার প্রাপ্য ভূমি ছাড়িয়া দিতে বিহারের অনিচ্ছার সংবাদ জানি। কিন্তু একটি প্রাদেশিক কংগ্রেস কমিটি পশ্চিমবঙ্গের বহুকালের দাবীকে কিরূপে এই বলিয়া বর্ণনা করিতে পারেন যে, এক শ্রেণীর দায়িত্বহীন লোক এই অবস্থার সুযোগ লইতেছে, তাহা বুঝিতে পারি না। বিহার রাজ্যের কংগ্রেস তথা সরকারের এই কুটকৌশল মনোভাব সম্বন্ধে প্রত্যেক বাঙ্গালীরই ওয়াকিবখাল থাকা কর্তব্য।

—জনসেবক

* * *

পশ্চিমবঙ্গ সরকারের সদর দপ্তর রাইটাস বিল্ডিংএ সম্প্রতি ট্যাপিওকা হইতে প্রস্তুত নানাপ্রকারের খাদ্যদ্রব্য পরীক্ষার পরিবেশন করা হইয়াছে। ট্যাপিওকা জিবাঙ্কুরের অধিবাসীদের একটি অন্ততম প্রধান খাদ্য। পশ্চিমবঙ্গ সরকারের কৃষিবিদ্যক পক্ষেবক মিঃ প্রোগরী কথা প্রসঙ্গে ১৯৫০ সালে বাংলাদেশের মুক্তিফের কথা উল্লেখ করিয়া

লেন যে, সেই সময়ে জিবাঙ্কুরেও ছুঁড়িক ঘটে, কিন্তু জিবাঙ্কুরের
প্রকার হাজার লোক এই ট্যাপিওকা আহার করিয়া প্রাণরক্ষা
করেন। খাভ হিসাবে দেখা গিয়াছে ট্যাপিওকা আলুর অপেক্ষাও
বেশি খাভপ্রাণসম্বিত। বাংলাদেশে ইহার প্রচলন আজও না
হইলেও খাভমন্ত্রী শ্রীযুত সেন এই বলিয়া আশা প্রকাশ করেন যে
একদিন না একদিন ইহা বাঙালীর প্রিয়খাভ হইয়া উঠিবে। খাভ
সবকে বাঙালীর অভ্যাস বেরূপ অদ্ভুত, তাহাতে এই আশা কোনদিন
পূর্ণ হইবে কিনা বলিতে পারি না। অবশ্য উপারাস্তর না দেখিয়া
খাভের ব্যাপারে অনেক কিছু অনুবিধাই বাঙালীকে সহ্য করিতে
হইতেছে; কিন্তু তথাপি রন্ধনের প্রণালী পরিবর্তনের কোন লক্ষণ দেখা
যায় নাই। বিশেষতঃ পশ্চিমবঙ্গ অধিবাসীদের এই জন্ত অনেক ক্রটি
হইতেছে। বহু রন্ধনীয় উপকরণের মধ্যে ভেজাল আছে জানা সবেও
মুখরোচক আখাদের লোভে আমরা পুরাতন রন্ধনের প্রণালী ত্যাগ
করিতে প্রস্তুত নহি। এই রন্ধনের প্রণালী এবং বিশেষ বিশেষ
অগ্রয়োজনীয় রন্ধন দ্রব্যের আসক্তি ধীরে ধীরে ত্যাগ করিতে না
পারিলে আরো কতো দুর্ভোগ ভোগ্যে আছে তাহা বলা শক্ত। —নির্ণয়

* * *

বিভিন্ন প্রদেশের প্রধান মন্ত্রী ও কংগ্রেস প্রেসিডেন্টগণের দিল্লীতে
অনুষ্ঠিত সাম্প্রতিক সম্মেলনে একটা স্বল্প-মেয়াদী অর্ধ-নৈতিক কর্মসূচী
গ্রহণ করে জনসাধারণের কর্ত্তে উৎসাহ বর্ধনের প্রস্তাব গৃহীত হয়।
...কিন্তু এই প্রচেষ্টা আজও অকুরিত হয় নাই।...সকলেই স্বীকার
করছেন যে স্বাধীন ভারতের সরকার যে মানসিকতা পরিবর্তনের
ফলে অর্ধ-নৈতিক ও অশাস্ত্র বিষয়ে প্রগতি অনিবার্য হ'রে ওঠে, সে
সম্পর্কে ব্যবস্থা করতে পারেননি।...কারণ জনসাধারণের মধ্যে উত্তমের
সকার সরকার করতে পারেননি।...সমাজবিরোধী কার্যকলাপ যথা
চোরাবাজার, অস্ত্র মুনাফা, ট্যাক্স কাঁকী, ভেজাল প্রভৃতি অপরাধ
আইনের চক্রে ধরা পড়ে না। উপরন্তু এই দুর্ভুক্তকারীরা সরকারী
উর্ধ্বতন কর্ত্তাদের প্রভাবিত কোরে শাসন পরিচালনা বিঘ্নিত করে
ভুলেছেন।...সাধারণ লোক মনে করে যে কতকগুলি ধনী ব্যক্তিরাই
কার্যমী স্বার্থের প্রয়োজনে শাসন ক্ষমতা নিয়ন্ত্রণ করছে এবং প্রকৃত
পক্ষে এটাকে জনসাধারণের সরকার বলা যায় না।...এজন্য প্রয়োজন
ছিল এই সবের বিরুদ্ধে কঠিন শাস্তিমূলক ব্যবস্থা অবলম্বন করা, যাতে
সাধারণের সঙ্গে সরকারের ঘনিষ্ঠতা বৃদ্ধি পেতো। তারই অভাবের
জন্যই জনসাধারণের মধ্যে সরকারী প্রচেষ্টার উত্তমের সাড়া পাওয়া
যায় না।...আমাদের বিশ্বাস এই সমাজ-বিরোধী দুর্ভুক্তকারীদের বিরুদ্ধে
অতিরিক্ত চালালে...অবিলম্বে জনসাধারণের উত্তমের বন্ধন ধুলে যাবে।

—হিন্দুস্থান ট্যাগার্ড

* * *

বর্তমান জেলার পাঁচটি টেলিকোন একচেঞ্জ হইয়াছে বটে, কিন্তু
একটি একচেঞ্জ হইতে অন্য একচেঞ্জে কথা বলিতে গেলে ট্রান্সকল

চার্জ করা হয় প্রতি তিন মিনিটে এক টাকা আট আনা। এখন
হইতে কলিকাতা ও মহরতলীতে টেলিকোন করিতে গেলেও তিন
মিনিটে ঐ দেড় টাকাই চার্জ দিতে হয়। কিন্তু বর্তমান হইতে মেয়াদী
টেলিকোন করিতে গেলে প্রতিদিন মিনিটে লোক্যাল চার্জ হিসাবে
লাগে হয় আনা মাত্র। এক জেলার বাস করিয়া জেলাস্থিত বিভিন্ন
একচেঞ্জে যদি কলিকাতার স্থান সম হারে কোন-সেলারী দিতে হয়,
তাহা একান্ত পরিতাপের বিষয়। আমরা বর্তমান জেলাস্থিত সমস্ত
একচেঞ্জগুলিতে পরস্পর কথা আদান প্রদানের সুযোগের জন্য একটা
স্থায়ী পরিমাণ লোক্যাল চার্জ ধার্য করিয়া ট্রান্সকলের দায় হইতে
অব্যাহতি দিবার জন্য অনুরোধ করি। —দামোদর

* * *

অনেকেরই ধারণা আছে যে ভারতের আদর্শবাদী কংগ্রেসী প্রধান-
মন্ত্রী পণ্ডিত নেহরু ব্র্যাকমার্কেটের উপর নিত্যস্তুই খড়গহস্ত। তাহাদের
অবগতির জন্য জানাইতেছি যে পণ্ডিতজী বার বার এই প্রস্নে মিত্রিত
হইয়া নিজেই ইহার তীব্র প্রতিবাদ করিয়াছেন। ধানবাদে তিনি
বলিয়াছেন যে ব্র্যাকমার্কেটগণের কাঁসি দিবেন একথা তিনি কোনদিন
বলেন নাই, তবে ১৯৪৩ সালের বাঙ্গলার দুর্ভিক্ষের সময় বাহারা
চাউলের ম্যাকমার্কেট করিয়াছিল তাহাদের কাঁসি হওয়া উচিত ইহাই
তিনি বলিয়াছিলেন। বড়লোকের নামে দুটলোকে বা তা রটার, ইহা
সকলেই জানে। কিন্তু এরূপ ভাবে মিথ্যা কথা রটাইয়া বাহারা
কংগ্রেসের বিশিষ্ট মুরব্বীদের সঙ্গে পণ্ডিতজীর বিরোধ ঘটাইবার চেষ্টা
করিতেছেন তাহারা নিতান্ত পাবও এবং দেশত্রোহী সন্দেহ নাই।

—মুগবাণী

* * *

দামোদর পরিকল্পনার স্থায়ী ময়ুরাক্ষী পরিকল্পনা আর একটি
গুরুত্বপূর্ণ পরিকল্পনা। এই পরিকল্পনা সম্পূর্ণভাবে কার্যকরী হইলে
পশ্চিমবঙ্গের বীরভূম, মুর্শিদাবাদ এবং বর্তমান জেলার ১৮ লক্ষ বিঘা
জমিতে জল সেচের সুব্যবস্থা হইবে এবং ৮১ লক্ষ মণ ধান ও ৫৩ লক্ষ
৫০ হাজার মণ রবিশস্ত উৎপন্ন হইবে। অনুমান, এতদঞ্চলের কৃষি
সম্পদ শতকরা একশত ৩৭ বৃদ্ধি পাইবে। ময়ুরাক্ষীর বাধ নির্দ্বাণ
কার্য ক্ষতগতিতে অগ্রসর হইতেছে। বীরভূমের সিউড়ী শহরের
দুই মাইল দূরে ১০১৩ ফুট দীর্ঘ ভিলপাড়া বাধ প্রায় সম্পূর্ণ
হইয়া আসিল। আশা করা যায়, ১৯৫১ সালে বর্ষা সমাগনের পূর্বেই
উহা সমাপ্ত হইবে এবং ৩ লক্ষ বিঘা জরি জল সেচের আওতার
আনা সম্ভব হইবে। এ পর্যন্ত আনুমানিক দুই কোটি টাকা
ব্যয়িত হইয়াছে। —জনসেবক

* * *

ভারতসরকারের আইন সচিব ডাঃ বি. আর. আবেদকর ও তাঁহার
পত্নী মরাদিনী বৌদ্ধবিহারে অনাড়ম্বর অনুষ্ঠানের মধ্যে বৌদ্ধধর্ম গ্রহণ
করিয়াছেন। ডাঃ আবেদকর তপস্বীল শ্রেণীভুক্ত হিন্দু নেতা। তিনি

হুই বৎসর পূর্বে এক জাৰ্মান মহিলাকে বিবাহ করেন। তৎপৰীষিদের সামাজিক ও রাজসৈনিক অধিকার লাভের জন্ত তাঁহার বিভিন্ন সময়ে বিভিন্ন প্রচেষ্টার জন্ত তাঁহার খ্যাতি ও শাসনতান্ত্রিক আইনে তাঁহার গভীর পাণ্ডিত্যের জন্ত তিনি ভারতে এক বিশেষ স্থান অধিকার করিয়া আছেন। বিশেষতঃ তিনি ভারতের বর্তমান শাসনতন্ত্রের অন্ততম প্রধান রচয়িতারূপে চিরস্মরণীয় হইয়া থাকিবেন। বর্তমানে তিনি মনে করেন যে একমাত্র বুদ্ধের শিক্ষাই পৃথিবীর শান্তি আনিতে সমর্থ।

—অজয়

* * *

দ্বিতীয় মহাবুদ্ধ শেষ হইয়া গেলেও আরও একটি বে বুদ্ধ পৃথিবীর অন্তরালে আত্মগোপন করিয়া আছে ইহা আমরা সকলেই জানি। আর জানি, সেই মহাবুদ্ধে জগতের যে-সকলও ভাঙিয়া গিয়াছে তাহা জোড়া না-লাগা পৰ্ব্বন্তু সেই ভয়াবহ বুদ্ধ কোনদিনই সম্ভব হইবে না। কিন্তু সবিস্ময়ে লক্ষ্য করিতেছি, পূর্বের ভাঙা-হাড় জোড়া না লাগিতেই বুদ্ধের জন্ত প্রায় সকলেই গোপনে প্রস্তুত হইয়া রহিয়াছে। এই গোপন-প্রস্তুতির অন্তরালে আর বাহাই থাকুক, শান্তি যে কেহই চাহিতেছে না ইহা স্পষ্ট। অথবা শান্তির জন্তই আর একটি দারুণ অশান্তিকে আহ্বান করিয়া আনিতেছে। কিন্তু সেই ক্ষণে শান্তি আনিয়া জগতের কি কল্যাণ সাধিত হইবে আমরা বলিতে পারি না।

দ্বিতীয় মহাবুদ্ধে ক্যাসিট শক্তিবর্গ—জার্মানী, ইতালী ও জাপান, ইংরেজ, ক্রাসী, রুশ ও মার্কিন শক্তিপুঞ্জের উপর যে আঘাত হানিয়াছিল, তাহাতে এই চতুর্ভুজ এক সঙ্গে মিলিত হইয়াছিলেন ক্যাসিট শক্তি ধ্বংস করিবার জন্ত। কিন্তু ধ্বংস-কার্য শেষ হইলে দেখা গেলো, তাহারা আর এক লক্ষ্যে হাত ধরাধরি করিয়া অগ্রসর হইতে পারিলেন না। এ অবস্থায় পশ্চিম শক্তিবর্গ নিহক আত্ম স্বার্থ রক্ষার তাগিদেই মোট বাধিলেন এবং উত্তর অতলাস্তিক চুক্তি হইতে হুক করিয়া কলম্বো ও সিডনী কমনওয়েলথ সম্মেলন পৰ্ব্বন্তু যতকিছু উত্তোলন আয়োজন হইয়াছে, তাহার মাধ্যমে নিজ নিজ অধিকার রক্ষার জন্ত কোষের বাধিলেন—এইভাবেই বুদ্ধোত্তর পৃথিবী অনিবার্য আদর্শ-

বিরোধে বিধাবিভক্ত হইয়া পড়িল। শুধু তাই নয়, দেখা গেলো, আড়ালে আড়ালে হুই তরকই ব্যাপক রণ-প্রস্তুতির উত্তোলন আয়োজন প্রায় শেষ করিয়া কেলিয়াছে। আরো লক্ষ্য করা যাইতেছে, যে জিয়ার “বিপন্ন ইসলাম” ধুরার মতো এই সকল অঞ্চলে পাশ্চাত্য গণতন্ত্রগুলিও একটা “বিপন্ন-ইউরোপীয় উদার নীতি”র ধুরা তুলিতেছেন। শুধু ধুরা তুলিয়াই তাঁহারা চুপ করিয়া রহিলেন না, বল ভারী করিবার বিবিধ চেষ্টা ঐ সঙ্গে করিতে লাগিলেন।

অনুমান করা যাইতেছে, এই প্রাথমিক উত্তোলন পর্বের আড়ালে একটা বৃহৎ সম্ভাবনা আসন্ন।

—সৈনিক

* * *

ভারতবর্ষ হইতে বৎসর বৎসর যে কোটি টাকা মূল্যের চা বিদেশে রপ্তানী হয় তাহার কারবার বেতাদেশের একচেটিয়া। এই অনভিজ্ঞেত অবস্থার পরিবর্তনের অন্ততম উদ্দেশ্য লইয়া ভারত সরকার কিছুদিন পূর্বে ইণ্ডিয়ান টি মার্কেট এক্সপেনসন বোর্ডের স্থলে কেন্দ্রীয় চা বোর্ড নামে একটি প্রতিষ্ঠান গঠন করেন এবং মিঃ এম কে সিংহ উহার সভাপতি নির্বাচিত হন। সম্প্রতি মিঃ সিংহ দুটি লওয়াকে তাঁহার স্থলে জেমস কিমলে এও কোম্পানীর মিঃ বেলকে উক্ত পদে নিযুক্ত করা হইয়াছে। এই পদে নিযুক্ত করিবার মত একাধিক বোধ্য ভারতবাসী থাকা সত্ত্বেও একজন বেতাদেশকে কেন এই পদে নিযুক্ত করা হইল তাহাতে অনেকেই বিস্মিত হইয়াছেন। আলোচ্য বোর্ড প্রতিষ্ঠিত হইবার পর হইতে ভারতবাসী বাহাতে চায়ের রপ্তানী ব্যবসারে প্রবেশ করিতে না পারে তৎপ্রতি ইউরোপীয় চা ব্যবসায়ীগণ উঠিয়া পড়িয়া লাগিয়াছেন। এরূপ অবস্থার বোর্ডের সভাপতির স্তায় দায়িত্বপূর্ণ পদে উক্ত ইউরোপীয় চা ব্যবসায়ীদেরই একজন প্রতিনিধিকে নিয়োগ করার কলে ভারতীয় চা ব্যবসায়ীদের স্বার্থের সমূহ ক্ষতি হইবে বলিয়াই আশঙ্কা হইতেছে। এই কারণে উক্ত নিয়োগ সম্বন্ধে পুনর্বিবেচনা করিবার জন্ত ভারত সরকারকে আমরা অনুরোধ জ্ঞাপন করিতেছি।

—আর্থিক জগৎ

* * *



সেই হাড্ডি

নারায়ণ গাঙ্গোপাধ্যায়



—এগারো—

রশ্মির কুটির শ্রীহীন কম্পাউণ্ডটার মাঝখানে দার্শনিকের
তো নিরাসক্ত হয়ে দাঁড়িয়ে ছিল জু সাহেব।

দুটিটা আকাশের দিকে। একটা বিশাল কালো
ফলের কয়েকটা ছিন্নবিচ্ছিন্ন খণ্ডের মতো ভেসে বেড়াচ্ছে
চালো মেঘের টুকরো। রক্তমাখানো ছোটো চৌচৌর ফাঁকে
ফাঁকে যেন এক ঝলক তীক্ষ্ণ হাসির আভাস জাগিয়ে
লাসে যাচ্ছে বিছাৎ। আজ হোক কাল হোক—সাল-
টিয় রাঙা ধুলোয় তাওব তুলে ছুটে আসবে ঝড়, ভেঙে
ড়বে রূপোর তীরের মতো খরখার বৃষ্টি।

উগ্র সূর্যকিরণের আলায় কঠিন পোড়া মাটি এলিয়ে
মাছে একখানা বিশাল পাথরের মতো—যেন বলির রক্তের
ভা মাথা। বর্ষার জল পড়লে একরাশ ঘন রক্তচন্দনের
তো কোমল হয়ে যাবে—তৃণাকুর মাথা তুলবে এখানে
এখানে। শুকিয়ে আসা কিলগুলো ভরে যাবে ঘোলা জলে
তার গাঢ় সবুজ উজ্জল পদ্মপাতায়।

এখনো যেন পোড়া মাটি থেকে কী একটা উঠছে
নিমিক তপ্ত দীর্ঘশ্বাসের মতো। শুকনো কলাপাতার মতো
রা শ্বাসের রঙ। জলহীন খানা ডোবার কাটলে কাটলে
করাশ শুটুকি মাছের মতো কুণ্ডলি পাকিয়ে ঘুমিয়ে
মাছে কীওল মাছের ঝাঁক। তিন হাত মাটির নিচে শক্ত
খালার ভেতরে পা-মুখ গুটিয়ে নিয়ে যোগমগ্ন আছে
হুঁসুঁর দল—সাঁওতালেরা এখনো ওদের সন্ধান পাবে না।

কিন্তু ক'বে আসবে বৃষ্টি ?

একটা অদ্ভুত চোখ মেলে তাকিয়ে রইল জু সাহেব।
ইগু-দিগন্তব্যাপী মাঠজুড়ে ছুটে আসবে মহানন্দা—পুনর্ভবা
মাত্রাইয়ের জল, দাম শ্বাসের শীরকে বারো হাত লম্বা করে
দিয়ে সমুদ্রের ঢেউ খেলবে সীমাহীন 'চাকালে চাকালে' ?
তার চাকাল থেকে সেই জল বরে আসবে এই শুকনো
মাছের সংকীর্ণ খাত দিয়ে—বয়ে নিয়ে যাবে, তাসিরে

নিয়ে যাবে মাটির তলায় সস্তর্পণে পুঁতে রাখা বাদামী রঙের
সেই হাড্ডি ?

খুন। সে খুন করেছে।

নিজের হাত ছোটো চোখের সামনে বাড়িয়ে ধরল জু
সাহেব। যেন মণিবন্ধের হাড্ডিটা তার ভেঙে ভেঙে
গুঁড়ো গুঁড়ো হয়ে গেছে, তাই আঙুলগুলো অসহায় ভাবে
কাঁপছে ধর ধর করে। তাদের ওপর কোনো কর্তৃত্ব
নেই তার। দিনের পর দিন—বছরের পর বছরগুলি
মনের বে অন্ধকার সংকীর্ণতার স্তরে স্তরে মাকড়শার জাল
বুনেছিল—জটাধর সিংয়ের খুন সেই জালটাকে ছিঁড়ে
টুকরো টুকরো করে দিয়েছে।

তখনো মার্খী আসেনি জীবনে। তখনো আরম্ভ হয়নি
এমন একটা শাস্ত-নিরীহ অহিংস অধ্যায়। পার্শ্বভ্যাল
ক্যাকুর উদ্দাম রক্ত ধমনীতে ধমনীতে মাতলাপি করে
কিরছে। কালো মায়ের তপ্ত কামনার সঙ্গে বাপের মস্ত
লালসার প্রেরণায় সেদিন—

একটার পর একটা উল্কা ঝরে পড়া সেপ্টেম্বরের
রাতে—চামড়ার মতো পুরু নীরেট অন্ধকারে—হাওয়ার
শিরশিরানি লাগা ঘন বেনাবনের মধ্যে। বায় কয়েক দশ
দশ করে অস্বাভাবিক দ্রুত গতিতে বেজে উঠেই—হঠাৎ
একটা ফুটবল-ব্লাডারের মতো চূপসে নেমে গিয়েছিল
দুপপিগটা। হাতের তলায় সেটা স্পষ্ট টের পেয়েছিল
স্বাইদ ক্যাক। টের পেয়েছিল কেমন করে শরীরের
উত্তাপ নিবে গিয়ে তা ক্রমশ শীতল আর আড়ষ্ট হয়ে
আসতে থাকে।

—হালো স্বাইদ !

কোথার যেন বিস্ফোরণ ঘটল ডিনামাইটে। ছেঁড়া
ছেঁড়া মেঘের কোলে বিছাতের রক্তমাখা চৌচৌ থেকে যেন
বেরিয়ে এল বজ্রের জ্বল গর্জন। অস্তলবাহী কোনো
লাভান্বিতের উৎক্ষেপে যেন ঘোলা খেয়ে উঠল পায়ের
তলায় মাটিটা।

—হ্যালো শাইদ!

ভগবানের কুল হতে পারে, শয়তানের কুল হওয়াও সম্ভব, কিন্তু অ্যালবার্টের নয়। তিব্বতের কোনো পাহাড়ী গুহার গিয়ে লুকিয়ে থাকলেও সে ঠিক আবিষ্কার করে ফেলত। প্রশান্ত মহাসাগরে ডুব দিয়ে থাকলেও ডুবুরী হয়ে ঠিক ধরে ফেলত অ্যালবার্ট।

কোড়ার মধ্যে ছুরি বসিয়ে ডাক্তার রুগীকে হাসতে বললে কেমন দেখায়, সেটা অভিব্যক্ত হল জু সাহেবের মুখে। একটা প্রাণান্তিক মোহিনী হাসি হেসে বললে, হ্যালো অ্যালবার্ট।

—অনেক খুঁজে আসতে হল—পিঠের ওপর একজোড়া বন্দুকের ভারে কঁকো হয়ে হাঁপাতে হাঁপাতে অ্যালবার্ট বললে, সে স্নীতিমতো অ্যাডভেঞ্চার—একেবারে মনোপার্কের মতো।

—মনোপার্কের পরিণামটা তোমারও ঘটলে আমি বেঁচে যেতাম—মনে মনে দাঁত খিঁচিয়ে বললেও বাইরে দৈত্যে হাসিটা বজ্র রাখতেই হল ক্যারকে : কিন্তু আজকে তো তোমার—

—না, আমার আসবার প্ল্যান ছিল আগামী কাল সকালে। কিন্তু শিকারের লোভে মনটা এমন ছটকট করছিল যে একটা দিনও আর দেয়ী করতে ইচ্ছে করল না। তা ছাড়া ভাবলাম, তোমাকে একটা সারপ্রাইজও দেব, তাই—

—কিন্তু তোমার তো খুব কষ্ট হল। যদি কাল সকালের ট্রেনে আসতে তা হলে এসব ট্রাবল হত না—এতকণে একটা আশ্চর্য আশ্চর্যত্বের স্বপ্ন ফুটল ক্যারর গলার। সত্যিই তো, কালকের ট্রেনে যদি অ্যালবার্ট আসত, তা হলে কী হত কে বলতে পারে? কে বলতে পারে একখানা গাড়ি নিয়ে সে স্টেশনে যেত না, একটা রাজকীয় আয়োজনের মধ্য দিয়ে অভ্যর্থনা করে আনত না অ্যালবার্টকে। একটা রাজি—একটা সম্পূর্ণ রাজি ছিল তার হাতে। সে রাজিটিতে কী হতে পারত আর কী যে হতে পারত না—তা তো অ্যালবার্টের জানার কথা নয়।

—একটা বন্দ অ্যাডভেঞ্চার তো হল না!—কাঁধের ওপর ছোটো বন্দুকের ভার বয়ে হাঁপাতে হাঁপাতে অ্যালবার্ট তাকালো নিজের ট্রাবলারের দিকে। পা থেকে শুরু করে

কোমর পর্যন্ত লাল-কালো কাটার একাকার। চকচকে ছুতো জোড়ার আভিজাত্য একরাশ কাটার প্রলেপে চাপা পড়ে গেছে। নিম্নাঙ্গটা করুণ চোখে লক্ষ্য করে অ্যালবার্ট বললে, ট্রাবলও অবশ্য দিয়েছে কিছু কিছু।

—তাই তো, ছিঃ ছিঃ—সখেন্দে জানালো জু সাহেব কিন্তু মনের মধ্যে যেন একটা হিংস্র উল্লাস সাড়া দিয়ে বললে, বেশ হয়েছে, বেশ হয়েছে। যেমন অকারণে ছুতের মতো পরের ঘাড়ে এসে চেপে বসতে চাও, উপযুক্ত একটা শিক্ষা হয়েছে তার। শুধু কাদা কেন, কাঁদড়ের ভেতর তুমি ঠ্যাং ভেঙে পড়ে থাকলেই আমি সত্যিকারের খুশি হতাম।

পাকা বারো মাইল পথ ঠেঁজিয়ে এখন অ্যালবার্টের প্রায় নাতিখাস। শুধু কাঁধের ওপর ছোটো বন্দুক ঝুলছে তাই নয়—হাতে একটা আধমণী স্মট্‌কেস। ক্যারর প্র্যাটেশনের স্বপ্ন স্বর্গে আসবার খেসারত ইতিমধ্যেই অনেকখানি দিতে হয়েছে অ্যালবার্টকে। মাঠে গোরু ছেড়ে দিয়ে যুসুবার আশায় গল্পের যে লোকটি খাটিয়া সঙ্গে করে নিয়ে গিয়েছিল এবং তারপর সারা ছপুর থাকে সেই খাটিয়া পিঠে বেঁধে মাঠঘাট বন-বাদাড় ছুটতে হয়েছিল গোরুর পিছে পিছে—অ্যালবার্টের এখন সেই দশা।

নিরুপায় হয়ে শেষ পর্যন্ত বলেই ফেলল।

—কি হে শাইদ, এখন কি এখানে ঠায় দাঁড় করিয়ে রেখে রসলাপ করবে, না তোমার বাড়িতে নিয়ে গিয়ে একটু বসতে দেবে?

—ওহো—সো সরি!—চোখ কান বুঁজে হেডিস্ কিংবা লিখোতে ঝাঁপ দিয়ে পড়বার মতো জু সাহেব বললে, এসো, এসো। ওই আমার কুঠি।

কুঠি নয়—আফ্রিকার জঙ্গল। কালো জানোয়ারের মতো খাবা পেতে বসে আছে মার্শা কার। ও ক্রাইস্ট—ও হোলি শেকার্ড, এই মহা-সংকটে নিরীহ মেঘশাবক জু সাহেবকে রক্ষা করো প্রভু! ইহদীনের অমন জুসের ধারণা সহিতে পেরেছ, আর মার্শার দাঁতের ধার একটু সহ্য করতে পারবে না? হে মানবপুত্র, ইচ্ছে করলে তুমি সব পারো।

ধরা ইঁহুরকে নিয়ে বেড়াল যেমন কিছুকণ নিরুপায় চিত্তে খেলা করতে থাকে, তেমনি নিরুপায় ভিত্তিতে, সহ্য

সাময়িকতার অ্যালবার্টকে আহ্বান এবং স্বাগত জানালো মার্খা।

পাছে অ্যালবার্ট আসবার সঙ্গে সঙ্গেই মার্খা তার নানাবিক গলা-বাজানো শুরু করে, এই ভয়ে আগে থেকেই সিয়ান হতে চাইল জু সাহেব। বেশ শক্ত করে, মাটখাট বেধে।

—খুব বড় ঘরের ছেলে অ্যালবার্ট।

মার্খা সংক্ষেপে বললে, হুঁ।

—ওর এক পিসেমশাই লর্ড। লর্ড অফ—লর্ড অফ—সাহায্যের আশায় আইদু এবার কাতর দৃষ্টিতে তাকালো অ্যালবার্টের দিকে।

অ্যালবার্ট তখন হুঁকে পড়ে গভীর মনোযোগের সঙ্গে হৃদয়ান্তর জুতোটার ফিতে খুলছিল। মাথা না তুলেই জু সাহেবের অসমাপ্ত কথাটা শেষ করে দিলে: লর্ড অফ ব্রেটনক্রকশায়ার, নর্থ এক্সিটার।

ব্রেটনক্রকশায়ার—নর্থ এক্সিটার! গালভারী শব্দ দুটো বোমার আওয়াজের মতো জু সাহেবের নিজের গানেই শোনালো। এই দুটো প্রচণ্ড ভয়ঙ্কর নামের কী প্রতিক্রিয়া মার্খার ওপরে ঘটে, সেটা লক্ষ্য করবার জন্য জু সাহেব তাঁর চোখে তাকিয়ে রইল স্তব্ধ দিকে।

না, লক্ষ্য একেবারে ব্যর্থ হয়নি। বেশ কিছুক্ষণ ধরে কটা সশ্রদ্ধ বিশ্বয়ের চমক লেগে রইল মার্খার মুখে চোখে। গান্ডার্স গ্রীনে কোনো এক ‘ক্যাকজ’-এর অবাস্তর একটা মূর্তি নয়; অ্যালবার্টের মধ্যে সার আছে, তার আছে। সার টাই-পিন, জামা আর হাতের বোতাম খাঁটি সোনার। হাতের কড়ে আঙুলের আংটিটায় সবুজাভ একটুকরো ধীর ঝলমল করছে—হীরে হওয়াই সম্ভব। ধুলো-কাদায় খা বেশ-বাসে স্পষ্ট স্বচ্ছলতার ছাপ। আপাতত পুরু কটা কাদার প্রলেপের নিচে ঢাকা পড়লেও জুতোজোড়া খাঁটি পেটেন্ট লেদারের তাতে সন্দেহ নেই।

মেয়েদের জন্মগত তীক্ষ্ণ পর্যবেক্ষণশক্তির সাহায্যে নিট তিনেকের মধ্যে এতগুলো জিনিস আবিষ্কার করল মার্খা। আরো আবিষ্কার করল—অ্যালবার্টের চুলের রঙ সোনালি, গায়ের বর্ণ তুঘার শুভ্র, মার্খার হাতের ‘ক্যাটস্‌ ই’ পাখরটার মতো কপিল চোখের তারা।

আর পাশাপাশি ক্যাকজ? কালো মায়ের কালো

ছেলে; পার্সিভ্যালের এতটুকু চিহ্ন কোনোখানে হুঁকে পাওয়ার জো নেই।

একচোখে বিরাগ আর একচোখে বিমুগ্ধ বিশ্বয় ফুটিয়ে মার্খা বললে, হাতযুধ ধুয়ে তাজা হয়ে নিন মিস্টার ফিলিপসন—আমার চা এখনি তৈরী হয়ে যাবে।

জুতোটার তত্ত্বাবধান করতে করতে মাথা না তুলেই অ্যালবার্ট বললে, অনেক ধন্যবাদ।

লর্ড অফ ব্রেটনক্রকশায়ার, নর্থ এক্সিটার—শব্দ দুটোকে কানের মধ্যে ভরে নিয়ে চায়ের সন্ধানে চলে গেল মার্খা।

শুধু জু সাহেব দাঁড়িয়ে রইল নিস্তরূ হয়ে। এখনো সামলে নেয়নি অ্যালবার্ট, এখনো ঠিক ধাতু হু হুয়ে ওঠেনি। কিন্তু একটু পরে? মিথ্যার বালির বাঁধটা ধ্বংসে একাকার হয়ে গেছে। কোন্ অলৌকিক উপায়ে এখন অ্যালবার্টকে দেখানো যাবে সারি সারি ফলস্ক আখরোটের বন, টলটলে নীল জলের নদীতে কার্পের ঝাঁক, ছবির মতো পামগাছের সারি! কোন্ ইঞ্জাজাল দিয়ে সৃষ্টি করা যাবে পার্সিভ্যালের সেই জন্মমাট রেশমের কুঠি—একখানা নয়, দু-দুখানা মোটর গাড়ি?

জু সাহেবের কপালে ঘামের ফোঁটা জমতে লাগল।

জুতোটাকে ছুঁড়ে ফেলে অ্যালবার্ট ক্লান্তভাবে শরীরটা মেলে দিলে।

—আঃ!

জু সাহেব অপেক্ষা করতে লাগল বলির পশুর মতো।

—কী বিলী কাদা এদিককার। উঠতে চায় না কিছুতেই।

—হাঁ, এঁটেল মাটি।—সভয়ে জবাব দিলে জু সাহেব। যেন মাটিটা তারই হাতে তৈরী—সেই অপরাধে কৈফিয়ৎ দিচ্ছে একটা।

—পথে খানা-ধন্দলও খুব।

—বর্ষায় জল আসে।—ফিস্‌ফিসে গলায় জু সাহেব জানাল।

—বোসো না, দাঁড়িয়ে আছো কেন?—সহজ অন্তরঙ্গতার অ্যালবার্ট বললে।

বসতে ভয় করে। কেমন শক্তিহীন হয়ে পড়বে, ইচ্ছে করলেই উঠে পালাতে পারবে না। শুধু বসতেই হল।

ারে কোথাও একবিন্দু জোর নেই। বেন সাতদিন
লোরিয়ান ভূপে এই মাত্র উঠে দাঁড়িয়েছে।

বে ঘরটার ছজনে বসেছে—এটাই জু সাহেবের ড্রয়িং
।। পার্সিভ্যালের আমলে ঝলমল করত শ্রী-সমৃদ্ধিতে ;
জেতে ছিল দু ইঞ্চি পুরু রং-বেরঙের ছবি আঁকা কাশ্মীরী
কার্পেট ; ছিল সোফা সেটি, গদী মোড়া চওড়া চওড়া
ভের চেয়ার। এখন সে কাশ্মীরী কার্পেট কুঠিবাড়ির
গানো ছাত ফাটা অঙ্ককার ঘরে একরাশ ধুলোয় লজ্জায়
গীন হয়ে গেছে ; সোফা সেটি কোন্ মস্তবলে ডানা মেলে
কু গেল কার সাহেবের নিজেরই তা ভালো করে জানা
ই। ভাঙা বেতের চেয়ারগুলিতে ছারপোকায় রাশি
য়েদেয়ে আরসোলার আকার ধারণ করছিল—মার্শা
ই সেগুলোকে বাড়ির পেছনের আস্তাকুঁড়ে বিদায়
য়েছে।

সিমেন্টের চটা ওঠা মেজেতে এখন খানকয়েক কাঁটাল
ঠের চেয়ার। শুধু সেদিনের স্মৃতিচিহ্ন হয়ে ঘরে টিকে
াছে—বার্মা সেগনের একখানা বাণিশ ওঠ ভারী টেবিল ;
ওয়ালে ফাটা কাচের ক্রেমে বিবর্ণ কয়েকখানা ছবি—
পনিবেশিক ইংরেজের ক্রটিমাকিক খানকতক শিকারের
ত্র, ক্যান্ডালরিচার্জের একটা রোমহর্ষক ব্যাপার, রঙ
লে যাওয়া সোনালি ক্রেমে একখানা পঞ্চম জর্জের ছবি,
গর তলায় ল্যাটিন হরকে গড়্ সেভ ছ কিং। আর আছে
বুজ ক্রেমে ওভ্যালশেপের বড় একখানা ব্রেজিলিয়ান
ায়না—পারা উঠে গিয়ে তার ভেতরে ফুটেছে বসন্তের
তাকের মতো একরাশ বিন্দুচিহ্ন—কাচের ওপর কুয়াশার
তো একটা ঝাপসা আবরণ।

গৃহসজ্জা থেকে শুরু করে টানা-পাখার শুল্ক হকে
কড়শার জাল পর্যন্ত কিছুই দৃষ্টি এড়াল না অ্যালবার্টের।
হু হেসে পকেট থেকে সিগারেট কেস বার করল।
একটা সিগারেট দিলে জু সাহেবকে। একটা নিজে
য়ালো।

স্বকতা। কী বলা যাবে কেউ খুঁজে পেল না খানিকক্ষণ।
তবু অ্যালবার্টই স্বকতা ভাঙল।

—এখানে তোমরা কতদিন আছো ?

—প্রায় চল্লিশ বৎসর।—বলতে গিয়ে জু সাহেব

নিগোয়ারটার গোফাটা চিবিয়ে কেলল।

কিন্তু আর বাই হোক, নিষ্ঠুর নয় অ্যালবার্ট। বন্দুক
দেখেই যে পাখি মাটিতে লুটিয়ে পড়েছে, তার ওপর
অকারণে আরো দুটো একটা টোটা খরচ করবার প্রবৃত্তি
নেই তার। আর তা ছাড়া—তা ছাড়া মদের নেশা। সেই
নেশার ঝোঁকে নিজের অতৃপ্ত কামনাগুলোর ওপর কল্পনার
রঙ কলিয়ে ছিল আইদু। তার দোষ নেই।

সুতরাং অ্যালবার্ট সমস্ত জিনিসটাকে বেন পাশ
কাটিয়ে গেল।

—তোমাদের বাড়িটা একটু পুরোনো হলেও নেহাৎ
ধারণ নয়।

—হঁ।

—বেশ খোলা মেলা। চারদিকে চমৎকার মুক্ত-
প্রকৃতি ?

ঠাট্টা করছে নাকি ? জু সাহেব বুঝতে পারল
না। একবারের অন্তে মাথা তুলেই চোখ নামিয়ে
দিলে।

—শহর থেকে এখানে এসে বেন স্বস্তির নিঃশ্বাস
কেলতে পারছি। আঃ—কী চমৎকার মাঠের হাওয়া।
দূরের গাছপালাগুলোকেও কি সুন্দর দেখাচ্ছে।

ঠাট্টা ? জু সাহেব একটা ঢৌক গিলল। যদি ঠাট্টাও
হয়—তবু কি অদ্ভুত কৃতিত্ব অ্যালবার্টের ! ছুরি যদি
চালিয়েও থাকে, তার আগে ব্যবহার করেছে মর্কিয়া—
বেদনা বিন্দুমাত্র টের পাবার উপায় নেই !

—হঁ।

—আমার এই সব কুঠিবাড়ির ওপরে একটা অদ্ভুত
মোহ আছে। ইংল্যান্ডের প্রাচীন ক্যান্সলগুলোতে গেলে
এইরকম একটা অদ্ভুত অহুভূতি আগে আমার। পুরোনো
বাড়ি আর বিচিত্র প্রকৃতি মিলে বেন একটা আশ্চর্য
অভীতকে জাগিয়ে তোলে। বর্তমানটাকেই কেমন অবাস্তব
বলে বোধ হতে থাকে।

কব্য করছে নাকি অ্যালবার্ট ? না ব্যঙ্গব্যঙ্গ ?

এবার সাহসে তর করে জু সাহেব সোজা তাকিয়ে
দেখল। না—ব্যঙ্গের চিহ্নও কোথাও নেই। নিজের
মধ্যে বেন মগ্ন হয়ে গেছে অ্যালবার্ট, হারিয়ে গেছে নিজের
ভাবনার গভীরে। চোখ দুটোতে একটা মুগ্ধ তন্দ্রা।
সে কি এই বাড়ির প্রভাবেই ? না—ইংল্যান্ডের সেই

অতীতের বনহারার মায়ার আচ্ছন্ন অতিকার ক্যান্সলগুলির
স্বপ্ন-স্মৃতিতে ?

দ্বিগন্তের সবুজ গাছগুলি ছাড়িয়ে আরো দূরে সঞ্চার
করে কিরল অ্যালবার্টের দৃষ্টি।

—আচ্ছা, আকাশের কোলে ওই যে নীল মেঘের মতো
রেখা—ওটাই কি হিমালয়ান রেঞ্জ ?

—ওর নাম—তি—ভিন পাহাড়।—বাংলাদেশের
ভূগোল সম্পর্কে অ্যালবার্টের জ্ঞানটা খুব মারাত্মক নয়,
এমনি প্রত্যাশা করে জু সাহেব বললে, তা হিমালয়ান রেঞ্জই
বলতে পারো বই কি !

—ভারী সুন্দর দেখাচ্ছে তো। ঠিক যেন একটা
মোঘের পিঠের মতো মনে হচ্ছে।

—হঁ !

—আচ্ছা, মাউন্ট এভারেস্ট দেখা যায়না এখান
থেকে ? আর কান্সনজুয়া ?

এতবড় মিথ্যে কথা আর কী করে বলা যায় ? জবাব
দিতে হল, না।

—তবু এও মন্দ নয়।—হাতের সিগারেটটার কথা
ভুলে গিয়ে অ্যালবার্ট পাহাড়টার দিকে তাকিয়ে রইল।

—চা এসেছে।

বীণার বক্তারের মতো শোনালো মার্খার গলা। চমকে
হুজনেই কিরে তাকালো। মার্খার এ গলা ক্যার সাহেব
সর্বশেষ শুনেছিল জীবনের পূর্বরাগ পর্বে। তারপর এতকাল
ধরে কাটা-কাসরের পালাই চলে এসেছে।

শুধু তাই নয়। মাত্র পনেরো মিনিটের মধ্যেই
আশ্চর্যভাবে নিজের ভোল বদলে ফেলেছে মার্খা। কোন্
কাকে একটা ভালো পোষাক ভুলে রেখেছিল, সেইটে
পরে এসেছে, গালে মুখে পড়েছে প্রসাধনের একটা লঘু
প্রলেপ। হঠাৎ যেন দশ বছর আগেকার কিশোরী মার্খা
নবজন্ম লাভ করেছে।

শুধু তাই নয়। পুরোনো কাঠের বাস্রটা থেকে কী
করে খুঁজে এনেছে সে আমলের একটা আর্দালীর
পোষাক। চাপিয়েছে রাজবংশী চাকরটার গারে। হু
একটা জায়গার পোকায় কেটেছে বটে, তবু তো মন্দ
দেখাচ্ছে না একেবারে !

চাকরটা সামনের টেবিলের ওপর একটা কাঠের

ট্রেতে করে চা আর খাবার রাখল। কোথায় পেল মা
চিনির চা—কেমন করে এল শাদা রুটি, একটুখানি মাখ
ছোটো ডিম ? বিহ্বল হয়ে ক্যার সাহেব বসে রইল।

কুখার্ড অ্যালবার্ট গোত্রাসে রুটি ডিম গিলতে লাগল
আর মাঝে মাঝে কুতজ দৃষ্টি ফেলতে লাগল মার্খার ওপরে

কিছু শুধুই কি কুতজ দৃষ্টি, না আরো কিছু ? অ
ক্যারুর মনে হল, দশবছর আগে কিশোরী মার্খা সত্যি
সুন্দরী ছিল তা হলে ! হোক নেটিভ ক্রীশানের মে
তবু ফর্সার দিকেই তার গায়ের রঙ, চোখের তা
ছোটো আশ্চর্য গভীর—মুখে একটা স্নিগ্ধ কমবীরত
আরো আশ্চর্য, মার্খার বা গালে একটা ছোট তিল
আছে—সেটাও কেন এতদিন তার চোখে পড়েনি ?

—তুমি চুপ করে বসে আছ কেন ? চা খাবে না ?

সস্তাষণটা ক্যারুর প্রতি। এবার আর বীণা বা
না, কাটা কাসরের রেশটা অস্পষ্ট ভাবে শুনেতে পা
গেল।

—হ্যাঁ, এই যে নিই—খতমত খেয়ে একটা চা
কাপ কোলের দিকে টেনে নিলে জু সাহেব।

খাবার শেষ করে রুমালে মুখটা মুছে নিলে অ্যালবার্ট
মার্খাকে পরিতৃপ্ত স্বরে জানালো, অশেষ ধন্যবাদ।

মার্খা হাসল। জু সাহেবের আবার মনে হল ক
শাদা দাঁতগুলি।

মার্খা বললে, এই পাড়ারগারে যখন এসে পড়ে
তখন এ কষ্টটুকু করতেই হবে। এখানে এ হাড়া
কিছুই পাওয়া যায় না।

বেশ ভালো ইংরেজি বলে তো মার্খা। সহজ, হু
চমৎকার নির্ভুল উচ্চারণ। হ্যাঁ—হ্যাঁ, মনে পড়ে
মিশনারী বাপের মেয়ে—হার্জিলিংয়ের কী একটা সুল
জুনিয়ার কেঁচু পাশ করেছিল বটে। আর এই মার্খা
এতকাল ভুলে ছিল আইন্ ক্যার—ভুলে ছিল দীর্ঘ দশ
ধরে। গোল্ডার্স গ্রীপে ক্যার কোম্পানির জাগ্রত
এতদিন এই বাস্তব জগৎটা কোন্‌খানে হারিয়ে গিয়েছি

ক্যারুর কালো হাতের পাশে ধবধবে শাদা এক
হাত অ্যালবার্টের। সে হাতের কড়ে আঙুলে ঝকঝক ক
ঈষৎ হরিৎ একধণ্ড পাথর—হীরেই নিশ্চয়। সো
রঙের চুলে ঝকঝক করছে বিকেলের সোনালি আ

এই-ই পার্সিভ্যালের সৃষ্টিকারের স্বভাব, তার সগোত্র। আপাদমস্তক এমন একটা অনন্ততা নিয়ে সামনে এসে দাঁড়িয়েছে যে এর পাশাপাশি কালো মায়ের কালো ছেলে এক মুহূর্তে মিথ্যে হয়ে গেছে। যেন অবচেতন মনে হঠাৎ উপলব্ধি করতে পেরেছে, অমন করে তাকে পথের ধুলোয় কেলে দিয়ে কেন চলে গিয়েছিল পার্সিভ্যাল কার!

—আপনি কখনো যান নি ইয়োরোপে?—মার্থার প্রতি অ্যালবার্টের একটা উজ্জ্বল প্রশ্ন প্রশ্ন।

—নাঃ—মার্থার দীর্ঘশ্বাস।

—যাবেন একবার। দেখে আসবেন।—মার্থাকে অ্যালবার্ট বলে চলল, যদি আগে থেকেই খবর দেন, আমিও না হয় সহযাত্রী হবো। তারপর আমাদের ওখানে ছ চারদিন আতিথ্য নিয়ে আসবেন।

ক্যার সাহেব চুপ করে বসে রইল। এ আলাপের মধ্যে তার যেন কোথাও স্থান নেই। সে যেন একান্তই অনাহৃত, অবাঞ্ছিত আগন্তুক। এখানে অ্যালবার্ট পার্সিভ্যালের সগোত্র—আর মার্থা? মার্থা যেন হঠাৎ দশ বছর আগে তার কুমারী জীবনে ফিরে গেছে,—পরিচ্ছন্ন, কমনীয় একটি বিদুষী মেয়ে। গোল্ডাস গ্রীণের স্বপ্ন না দেখালে যে মার্থাকে কোনোদিন জয় করা যেত না।

ক্যার শুনে যেতে লাগল।

—যাবেন এক্সিটারে। দেখে খুশি হবেন।

—কী আছে দেখবার?—মার্থার সাগ্রহ প্রশ্ন।

—সেন্ট পিটার্স ক্যাথিড্রাল। আটশো বছর আগেকার।

—আর?

—আর অয়ত্ত। উইলিয়াম দি কঙ্কারার তৈরী করিয়েছিলেন।

এক্সিটার। চোখ বুজে মার্থা দেখতে লাগল।

—ওখান থেকে কিছু দূরেই ব্রেটনক্রকশায়ার। সেইখানে আমাদের বাড়ি ক্রকশায়ার হল। ছবির মতো একেবারে। বড় বড় পপলার গাছের ছায়া। হনিসাকলে ঢাকা বাড়িগুলি। পপিতে আলো করা বাগান, আর রাশি রাশি পাকা আপেল।

ক্যু সাহেব যেমন করে তার প্যাটেশনের গল্প বলেছিল, এ কি তাই? ঠিক বুঝতে পারল না। কিন্তু এটা বুঝতে পারল এই মুহূর্তে মার্থা আর অ্যালবার্টের মধ্যে সে যেন কোথাও নেই। একটা অনধিকারীর মতো সসম্মানে অনেকখানি দূরে সরে দাঁড়িয়ে আছে।

মাঠের ওপারে সূর্য অস্ত গেল। অন্ধকার নেমে আসবার আগেই উঠল ঝিঁঝিঁর ডাক। কুঠিবাড়ির কজা-ভাঙা জানলা বাতাসে আর্তনাদ তুলতে লাগল পেদ্রার কান্নার মতো।

মার্থা উঠে দাঁড়িয়ে বললে, আলো জ্বলে আনি।

আশ্চর্য চঞ্চল পায়ে বেরিয়ে গেল সে। আটশো বছর আগেকার সেন্ট পিটার্স ক্যাথিড্রাল তাকে হাতছানি দিচ্ছে, ডাক পাঠিয়েছে উইলিয়াম দি কঙ্কারারের সিটাডেল। হনিসাকলের আবরণে ঢাকা বাড়িগুলির চার-পাশ থেকে তার রক্তে সাজা দিয়েছে হয়তো দীর্ঘকায় পপলার-বীধির মর্মর স্বর।

অ্যালবার্ট একটা সিগারেট ধরালো।

আর আইদু ক্যার শুনেতে পেলো মাঠের ওপারে ডেকে উঠছে শেয়াল।

ক্রমশঃ



পূর্ববঙ্গের আশ্রয়প্রার্থী সমস্যা (৩)

অধ্যাপক শ্রীশ্যামসুন্দর বন্দ্যোপাধ্যায়

পূর্ববঙ্গের আশ্রয়প্রার্থী সমস্যার সর্বপ্রাণী চাপে পশ্চিমবঙ্গের নিজস্ব হাজার সমস্যা যে আজ চাপা পড়িয়া গিয়াছে, একথা বর্তমান প্রবন্ধে আগেই বলা হইয়াছে। এই অস্বাভাবিক পরিস্থিতির প্রতিক্রিয়া সুদূরপ্রসারী। পশ্চিমবঙ্গের শিল্প বাণিজ্যগত আয় যতই হটক এবং শিল্প বাণিজ্যে যত লোকেরই কর্মসংস্থান হইয়া থাকুক, স্মরণ রাখিতে হইবে যে, এই সব শিল্পবাণিজ্যের মূলধন বা শ্রমিক সংস্থানের ব্যাপারে অবাকালী প্রভাপই বেশী, বাস্তবিক নিজেস্ব লাভ এক্ষেত্রে খুবই সীমাবদ্ধ। কাজেই মোটের উপর পশ্চিমবঙ্গের পুরাতন অধিবাসীদের আর্থিক অবস্থা কোনকালেই স্বচ্ছল নহে। এই প্রদেশে যন্ত্রশিল্পে নিযুক্ত শ্রমিকের সংখ্যা সাড়ে ছয় লক্ষের কিছু বেশী, ইহাদের মধ্যে অবাকালী শ্রমিকদের কথা বাদ দিলেও পশ্চিমবঙ্গের প্রায় আড়াই কোটি অধিবাসীর হিসাবে যন্ত্রশিল্পের শ্রমিক সংখ্যা সমগ্র প্রদেশের সার্বজনীন কর্মসংস্থান সমস্যার পরিপ্রেক্ষিতে যথেষ্ট নয় এবং সহজেই অনুমান করা যাইতে পারে যে, ভারতের স্তায় সমগ্রভাবে পশ্চিমবঙ্গের অর্থনীতিও কৃষিকেন্দ্রিক। অত্যধিক লোক কৃষির উপর নির্ভরশীল বলিয়া পশ্চিমবঙ্গে আবাদযোগ্য পতিত কৃষি জমির পরিমাণ প্রচুর হইতে পারে না। অনুমিত হয় এইরূপ জমি পরিমাণে ২০ লক্ষ একরের মত। এই জমি কিন্তু টুকরো টুকরো ভাবে প্রদেশের নানা স্থানে ছড়াইয়া আছে এবং সাধারণভাবে ইহাদের চাব লাভজনক বা সহজ হয় নাই বলিয়াই দুঃস্থ কৃষিজীবী পশ্চিমবঙ্গবাসী এগুলি অনাবাদী থাকিতে দিয়াছে। ১৯৪১ খ্রীষ্টাব্দের আদমশুমারী অনুযায়ী বাংলার গত ৪০ বৎসরে শতকরা ৪৩.১ ভাগ জনসংখ্যা বাড়িয়াছে। কৃষিজমির পরিমাণ বাড়ে নাই বলিয়া এবং ফসল উৎপাদন বাড়িবার পরিঘর্ষে নিয়ম নীতি অনুযায়ী কষের ঘিকে গিয়াছে বলিয়া এই প্রদেশে আর্থিক তথা বেকার সমস্যা ক্রমশঃই তীব্র আকার ধারণ করিয়াছে। পূর্ববঙ্গের তুলনায় অপেক্ষাকৃত অধিক পশ্চিমবঙ্গেই যে কৃষিজীবির পক্ষে এই সমস্যার চাপ অধিকতর ভয়াবহ হইয়াছে, তাহা বলা বাহুল্য। স্বাধীনতালাভের পর সরকারী প্রয়াসে পশ্চিম বাস্তবিক হারী অধিবাসীর নিজেদের দীর্ঘকালীন দুঃখমোচনের অনেক আশা করিয়াছিল। কিন্তু দেশবিভাগের পর পাকিস্তানে বসবাস অসম্ভব হস্তায় পূর্ববঙ্গ হইতে যেভাবে লক্ষ লক্ষ লোক পশ্চিমবঙ্গে আসিয়া উপস্থিত হইল এবং যেভাবে তাহারা সরকারের আর্থিক সঙ্গতি বিপন্ন করিল, তাহাতে পশ্চিমবঙ্গের আর্থিক পুনর্গঠনের প্রায় আজ পশ্চিমবঙ্গের নিছক অস্তিত্ব রক্ষার প্রথমে অন্তরালে আশ্রয়প্রার্থী করিতে বাধ্য হইয়াছে। ভারতীয় সুস্বাস্থ্যের, বিশেষ করিয়া পশ্চিমবঙ্গের উপর গভীর ভরসায় যেসব

সর্বহারা সীমান্ত অতিক্রম করিয়াছে, তাহাদের উপস্থিত বাচাইবার সমস্যা এত জরুরী যে, এখন আশ্রয়প্রার্থী সমস্যা ছাড়া পশ্চিমবঙ্গে অন্য কোন সমস্যা আলোচিত হইবারই সুযোগ পাইতেছে না। কিন্তু মানবতার আবেদন যত মহানই হউক, এইভাবে সবকিছু আর দীর্ঘকাল উপেক্ষা করা উচিত নয়। আশ্রয়প্রার্থী সমস্যা এমনই বিচিত্র এবং প্রসারণশীল যে, পরিমিত সম্পদ লইয়া এ সমস্যার সমাধানের পর অন্য কিছুতে হাত দিবার কল্পনা করাই বাতুলতা মাত্র। এক্ষেত্রে দেখিতে শুনিতে ধারণা হইলেও দীর্ঘ উপেক্ষিত পশ্চিমবঙ্গের নিজস্ব সমস্যাগুলি এইবার আপন গুরুত্রে বিবেচিত হওয়া দরকার। পশ্চিমবঙ্গের ভৌগোলিক অবস্থিতি, আর্থিক অবস্থা ইত্যাদি স্মরণ করিয়া সারা ভারত যদি পূর্ববঙ্গের আশ্রয়প্রার্থী সমস্যাকে সত্যকার সর্বভারতীয় সমস্যা হিসাবে গ্রহণ করিত, তাহা হইলেও পশ্চিমবঙ্গও অবশ্যই বেচ্ছার যতটা সম্ভব দুঃখবরণে অগ্রসর হইত, কিন্তু কার্যতঃ সর্বভারতীয় সক্রিয় সহযোগিতা যথেষ্ট না হওয়ার পশ্চিমবঙ্গের উপরই চাপ পড়িতেছে অসম্ভব রকম বেশী এবং ফলে পশ্চিমবঙ্গের অর্থনীতি ও সমাজব্যবস্থা স্ফাঙ্কিত পড়িবার উপক্রম হইয়াছে। এই শোচনীয় পরিস্থিতির পরিপ্রেক্ষিতেই অনেকে সাম্প্রতিক দিল্লী-চুক্তির পর বিধ্বস্তনে শরণার্থীদের পূর্ববঙ্গে প্রত্যাগমনের প্রয়োজন লইয়া আলোচনা করিতেছেন।

দিল্লীচুক্তি যতটা কার্যকরী হয় এবং ভারতসরকার ও ভারতের বিভিন্ন রাজ্যের কর্তৃপক্ষ সহানুভূতিশূচক ননোভাব লইয়া যতটা আগাইয়া আসেন, ততই মঙ্গল। অবশ্য পরিস্থিতির প্রভূত উন্নতি হইলেও পূর্ববঙ্গ হইতে আগত সমস্ত আশ্রয়প্রার্থীর পুনরায় পূর্ববঙ্গে প্রত্যাগমন আশা করা যায় না। অবস্থার উন্নতি না হইলে আশ্রয়প্রার্থী সমস্যাই হয়তো পশ্চিমবঙ্গের সর্বনাশ ঘটাইবে। তাহা হউক, পরিকল্পনাদি রচনার সময় আশাবাদী মনোভাব লইয়া অগ্রসর হওয়া ছাড়া উপায়ও নাই। পূর্ববঙ্গের বহু শরণার্থী শেষ পর্যন্ত ভারতে থাকিয়া যাইবে, অন্য প্রদেশে যতই স্থান হউক, পশ্চিমবঙ্গে থাকিবে ইহাদের একটি বড় অংশ। এই সব আশ্রয়প্রার্থীর কর্মসংস্থান ছাড়া পশ্চিমবঙ্গের নিজস্ব বেকার সমস্যা বিদূরণেও অনেক কর্মসংস্থানের প্রয়োজন। এইভাবে বহুসংখ্যক মৃতন কর্মের সংস্থান ত্বরান্বিত না হইলে অর্থনৈতিক ও আভ্যন্তরীণ বিশ্বস্থলার চাপে পশ্চিমবঙ্গের ভবিষ্যত অন্ধকার হইয়া যাইবে বলিয়া আশঙ্কা হয়। পশ্চিমবঙ্গের নিজের ক্ষমতা বেরপ, তাহাতে এই কুসংস্কার প্রদেশ এ বিষয়ে লক্ষণীয় সাক্ষ্যলাভ করিতে পারিবে কিনা সন্দেহ। আগেই

বলা হইয়াছে পশ্চিমবঙ্গের আবাদযোগ্য পতিত জমির পরিমাণ ২০ লক্ষ একরের মত হইতে পারে, তবে এই জমি অত্যন্ত বিচ্ছিন্নভাবে প্রদেশের নানা স্থানে ছড়াইয়া আছে। এই জমি যতদূর সম্ভব ব্যবহার করিতেই হইবে। এখানে উল্লেখযোগ্য যে, পশ্চিমবঙ্গের প্রতিবেশী রাজ্য আসাম, বিহার ও উড়িষ্যার সমগ্রভাবে আবাদযোগ্য পতিত জমির পরিমাণ যথাক্রমে ১ কোটি ৭৪ লক্ষ একর, ৬৪ লক্ষ ৫০ হাজার একর ও ৩১ লক্ষ ৪৪ হাজার একর, বিশেষভাবে ২০।২৫ লক্ষ শরণার্থী কৃষিজীবীকে এই সব জমিতে পুনর্বাসন করা চলিতে পারে। পশ্চিমবাংলার কৃষিব্যবস্থা বর্তমানে যুগান্তরের প্রতীক্ষার রহিয়াছে, দামোদর পরিকল্পনা কার্যকরী হইলে ৯ লক্ষ একর ও ময়ূরাক্ষী প্রভৃতি অস্তান্ত সেচ পরিকল্পনা কার্যকরী হইলে আরও ১৩ লক্ষ একর, একুনে পশ্চিমবঙ্গের এই ২২ লক্ষ একর জমিতে জলসেচের সম্ভাবনা আছে। কাজেই শরণার্থী পুনর্বাসতি এবং প্রাদেশিক আর্থিক পুনর্গঠনের প্রথের নিরিখে এই কৃষিসম্পর্কিত উন্নয়ন পরিকল্পনাগুলির কার্যকারিতা দ্রুততর হওয়া দরকার তবে ইহা সত্ত্বেও বলা যাইতে পারে যে, পূর্ববঙ্গের শরণার্থীদের মধ্যে অধিকাংশ কৃষক শ্রেণীর লোক হওয়ার ইহাদিগের সামান্য অংশকেই নিজ বৃত্তিতে পশ্চিমবঙ্গে পুনঃ সংস্থাপন সম্ভব হইবে।

দিল্লীর বিখ্যাত অর্থনৈতিক সাপ্তাহিক 'ইন্টার ইকনমিস্ট' গত ২১শে এপ্রিলের সংখ্যায় পশ্চিমবঙ্গের নিয়োগসমস্যার সমাধানসূচক একটি পরিকল্পনা প্রকাশ করিয়াছেন। এই পরিকল্পনার ভাঁহার অনুমান করিয়াছেন যে, এই প্রদেশের কৃষিশিল্পের উন্নতিসাধন করিয়া এখানে আগামী তিন বৎসরের মধ্যে ৫ লক্ষ নূতন কর্মসংস্থান সম্ভব হইতে পারে। একান্ত ভাঁহার নূতন মূলধনের প্রয়োজন অনুমান করিয়াছেন ১২৫ কোটি টাকা। পশ্চিমবঙ্গের বর্তমান জাতীয় আয়ের পরিমাণে ৭০০ কোটি টাকার মত। উপরোক্ত মূলধন খাটিবার কলে জাতীয় আয় শতকরা ২০ ভাগ বাড়িলে ৫ লক্ষ বাড়তি কর্মসংস্থানের সম্ভাবনা। তবে শতকরা ২০ ভাগ বা ১৪০ কোটি টাকার মধ্যে ভাঁহার কৃষির উপর বেশী ভরসা না করিয়া কৃষির হিসাবে ৩৫ কোটি টাকা লয়ী করিয়া বৎসরে ১০ কোটি টাকা আর বাড়াইবার কথা বলিয়াছেন এবং আশা করিয়াছেন যে সম্প্রসারিত কৃষিতে নূতন এক লক্ষ লোকের কর্মসংস্থান হইবে। পশ্চিমবঙ্গ যদিও শিল্পের হিসাবে কিছুটা সমৃদ্ধ, তবু আপেক্ষিক সুবিধা থাকায় পশ্চিমবঙ্গে আরও শিল্পসম্প্রসারণ সহজ ও সম্ভব বলিয়া ইন্টার ইকনমিস্টের ধারণা। ভাঁহাদের মতে শিল্পবাণিজ্যধাতে ৮৫ কোটি টাকা বিনিয়ুক্ত হইলে আগামী তিন বৎসরের মধ্যে বার্ষিক ১৩০ কোটি টাকা আয় বৃদ্ধি হইতে পারে এবং কর্মসংস্থান হইতে পারে মোট ৪ লক্ষ লোকের। এই মূলে উল্লেখযোগ্য যে পশ্চিমবঙ্গে বর্তমানে শিল্প সংগঠন হইতে এই প্রদেশের জাতীয় আয়ের শতকরা ৩৪ ভাগ বা ২৪০ কোটি টাকা আয় হয় এবং এই সব শিল্পে সাড়ে ছয় লক্ষের কিছু বেশী লোকের কর্মসংস্থান

হইয়াছে। এই শিল্পগুলিতে নিয়োজিত মূলধনের পরিমাণ ১০০ কোটি ৫৫ লক্ষ টাকা।

ইন্টার ইকনমিস্ট পত্রিকার উপরোক্ত পরিকল্পনার গুরুত্ব অবশ্যই স্বীকার্য, কিন্তু সমস্তার ব্যাপকতার তুলনায় ইহা যে বখেট নয়, তাহা লইয়া আলোচনা না করিলেও চলিবে। তবু ইন্টার ইকনমিস্ট বাহা বলিয়াছেন, কার্যক্ষেত্রে তাহাও কতখানি সম্ভব হইবে কে জানে? কয়লাখনি এলাকার নিকটবর্তী হওয়ার এবং কলিকাতা বন্দর থাকায় পশ্চিমবঙ্গের শিল্প সংগঠনের সুবিধা অবশ্যই আছে, কিন্তু সারা ভারতের হিসাবে পশ্চিমবঙ্গ ইতিমধ্যেই বেতাবে শিল্পসমৃদ্ধ হইয়াছে, তাহাতে এই প্রদেশে আরও অনেক বেশী শিল্পপ্রসারের চেষ্টার সুঁকি আছে। পৃথিবীর সর্বত্র যুদ্ধোত্তর অর্থনৈতিক মন্দা দেখা দিতে আরম্ভ করিয়াছে, এসময় মূলধন বিনিয়োগে লোকের ইতস্ততঃ করাও বেমন স্বাভাবিক, মূলধন বিনিয়োগে লাভের ভরসাও তেমনি কম। সীমান্তবর্তী প্রদেশ হিসাবে পশ্চিমবঙ্গে বিশৃঙ্খলা যখন তখন আশঙ্কা করা যায়, কাজেই ধীরে ধীরে পরিকল্পনা অনুযায়ী শিল্পসম্প্রসারণ ও সম্প্রসারিত শিল্পে বাড়তি কর্মসংস্থান ইচ্ছা থাকিলেই হয়তো নিশ্চিত হইবে না। পশ্চিমবঙ্গ ইতিমধ্যেই বিশালায়তন ভারতের আরকর ও কর্পোরেশন টায়ের এক পঞ্চমাংশ জোগাইয়া থাকে। ইহা হইতেই পশ্চিমবঙ্গের শিল্প সংস্থান অনুমান করা যায়। ইহার উপর প্রচুর পরিমাণে নূতন শিল্প এই প্রদেশে বাড়াইবার আগে অল্প প্রদেশের শিল্পপ্রসারের প্রয়াসও লক্ষ্য করা দরকার। কলিকাতার বন্দর দিয়া এখনই বৎসরে ৩০০ কোটি টাকার মত পণ্য চলাচল হয়। পশ্চিমবাংলার উৎপন্ন শিল্পপণ্যের মূল্য ২৪০ কোটি টাকার মত এবং ইহার মধ্যে একমাত্র কলিকাতার কেন্দ্রে ১৬০ কোটি টাকা মূল্যের পণ্য উৎপন্ন হয়। আশ্রয়প্রার্থী সমস্তার চাপে এবং রাজনৈতিক কাটকাবাজীর পীঠস্থান হওয়ার কলিকাতার বর্তমানে যে हाल হইতেছে, তাহাতে কলিকাতা-কেন্দ্রিক পশ্চিমবাংলার আরও প্রভূত শিল্পসম্প্রসারণ সত্যই অনিশ্চিত। হুগলী নদী মজিয়া যাইতেছে বলিয়া বন্দর হিসাবে কলিকাতার ভবিষ্যত সকলেরই মাথাব্যথার কারণ হইয়া উঠিতেছে। শিল্প বাণিজ্যসম্প্রসারণ করিয়া পশ্চিমবঙ্গে অসংখ্য নূতন লোকের কর্মসংস্থানের শুভেচ্ছা প্রকাশের সময় হুগলী নদীর ক্রমাবনতির কথাও অবশ্যই স্মরণ রাখিতে হইবে। সমগ্রভাবে পশ্চিমবঙ্গের সরকারী অর্থনীতির কাঠামো ভাঙ্গিয়া পড়িবার উপক্রম হইয়াছে, বেসরকারী অর্থনীতিও যে শোচনীয় স্তরে আসিয়া পড়িয়াছে তাহা টাকা ও পেমার বাজারের মন্দা অবস্থা হইতে অনুমান করা যায়। এসময় শিল্পসম্প্রসারণ হইবে কাহার দায়িত্বে? অথচ একথাও ঠিক যে, কৃষির প্রসার-সম্ভাবনা একান্ত সীমাবদ্ধ বলিয়া কর্মসংস্থানের জন্য শিল্পবাণিজ্যের সুখাপেক্ষী না হইয়া উপায় নাই। পশ্চিমবঙ্গ সীমান্তের রাজ্য বলিয়াই হউক, অথবা এই প্রদেশে আগের মত সর্ববিধ সুবিধার আশা না থাকিবার জন্যই হউক, অব্যাহত শিল্পপতির ইতিমধ্যেই বাংলা হইতে ভাঁহাদের কারবার বতটা সম্ভব হইবার কথা চিন্তা করিতেছেন। কোম কোম বড় প্রতিষ্ঠান ইতিমধ্যেই কলিকাতা হইতে ভাঁহাদের

এখান অকিসের কাজকর্ম ভারতের অন্ত কোন বড় সহরে স্থানান্তরিত করিতে আরম্ভ করিয়াছেন। ভারত সরকারের শিল্পনীতিও বিকেন্দ্রীকরণের দিকে। সরকারী প্রমাণে ভারতে যে দুইটি লৌহ ও ইস্পাতের বড় কারখানা বসিতেছে, আপেক্ষিক স্থবিধা থাকা সত্ত্বেও তাহাদের একটিও পশ্চিমবঙ্গে প্রতিষ্ঠিত হইতেছে না। সুতরাং এক্ষেত্রে সরকার যদি নীতি পরিবর্তন করিয়া ইনডাস্ট্রিয়াল কিনাল করপোরেশনের স্থবিধা দিতে বা অন্ততাবে অর্থ সাহায্য করিতে রাজী থাকেন, তবেই পশ্চিমবঙ্গে নূতন করিয়া শিল্পসম্প্রদায় আশা করা যায়। বেসরকারী মূত্র হইতে মূলধন সংগ্রহ এখন কিরণ কঠিন ও অনিশ্চিত হইয়া উঠিয়াছে, ভারতসরকার ও সিম্বিয়া টীম নেভিগেশন কোম্পানীর মূত্র প্রমাণে পণ্যবাহী জাহাজ প্রতিষ্ঠান স্থাপনের চেষ্টাতেই তাহার প্রমাণ মিটিবে। এই প্রতিষ্ঠান ইষ্টার্ন সিপিং কর্পোরেশনে জনসাধারণের নিকট হইতে শতকরা ২৬ ভাগ মূলধন সংগ্রহের কথা ছিল, কিন্তু শেষপর্যন্ত বাজারের অবস্থা দেখিয়া সরকার জনসাধারণের আশা ছাড়িয়া দিয়া নিজেদের পূর্বসিদ্ধান্তমত শতকরা ৫১ ভাগ শেয়ার ছাড়াও উপরোক্ত ২৩ ভাগ শেয়ারও নিজেরাই গ্রহণ করিবার সংকল্প করিয়াছেন।

পশ্চিমবঙ্গের আর্থিক অবস্থা ভাল নয়, কেন্দ্র হইতে আশ্রয়প্রার্থী খাতে যে ৫ কোটি টাকা পাওয়া গিয়াছে, সাময়িক সাহায্যদান ব্যবস্থা পরিচালনারও তাহা যথেষ্ট মনে হয় না; এখন পূর্ববঙ্গ হইতে আগত বহু লক্ষ লোকের পুনর্বাসতির সমস্যা সমাধান কিরূপে হইবে? আগেই বলা হইয়াছে, পূর্ববঙ্গ হইতে যাহারা আসিয়াছে তাহারা অধিকাংশই কৃষিজীবী এবং তাহাদের অনেকেই নিঃস্বল। ইহাদের ঘরের ব্যবস্থা করিতে হইবে, কাজের ঠিক করিয়া দিতে হইবে, যতদিন না নিজের পায়ে দাঁড়ায় ততদিন ইহাদের নিয়মিত অর্থসাহায্য করিতে হইবে। খাস পশ্চিমবঙ্গে এসব হওয়া কেমন করিয়া সম্ভব? আলোচ্য প্রবন্ধের পূর্ব-প্রকাশিত অংশে দেখানো হইয়াছে ১৯৪১ খ্রীষ্টাব্দের আদমশুমারী অনুযায়ী ২ কোটি ১২ লক্ষ লোকের উপর দেশবিভাগের প্রথম ধাক্কা আশ্রয়প্রার্থী ও মৃত্যু অপেক্ষা জন্মহারের আধিক্যের দরুন বাড়তি জনসংখ্যা ধরিয়া যে লোক বাড়িয়াছে, তাহাতে এখানে প্রতি বর্গ-মাইলে জনবসতির ঘনত্ব গড়ে ৮৬ জন দাঁড়াইয়াছে। ইংলও, জাপান ও জার্মানীকে জনবহুল দেশ বলা হল, এইগুলির মাইল পিছু জন-

সংখ্যার ঘনত্ব যথাক্রমে ৭০৩, ৪৮২ ও ৩৭৩। কাজেই সহানুভূতি আছে বলিয়াই পূর্ববঙ্গের অসংখ্য শরণার্থীকে পশ্চিমবঙ্গ যদি স্থান দিবার চুঃসাহস করে, তাহা তাহার আত্মহত্যারই কারণ হইবে। কোন রাষ্ট্রের একজন সাধারণ নাগরিক সম্পর্কে রাষ্ট্রের যতখানি দায়িত্ব, একজন সর্বহারা শরণার্থীকে আশ্রয় দিবার দায়িত্ব তাহার চেয়ে অনেক বেশী। পশ্চিমবঙ্গ তাহার বহু দুর্ভাগ্য পীড়িত পুরাতন বাসিন্দাদের কিছু করিতে পারে না, শরণার্থীদের সব প্রয়োজন মিটাইবার দায়িত্ব লইবে কোন সাহসে? দেশ বিভাগের সময় ভারতীয় নেতৃবর্গ যে প্রতিশ্রুতি দিয়াছিলেন, শরণার্থীদের সেই প্রতিশ্রুতিই সবচেয়ে বড় মূলধন। এই প্রতিশ্রুতি পালন করিয়া তাহাদিগকে বাঁচাইবার দায়িত্ব ভারতসরকারের তথা ভারতের সমস্ত রাজ্যের। পশ্চিমবঙ্গে ভিড়ের প্রথম চাপ পড়িবেই, কিন্তু তাই বলিয়া পশ্চিমবঙ্গকে বর্তমানে পুনর্বাসতির যে বিপুল সমস্যার সম্মুখীন হইতে হইতেছে, তাহা পশ্চিমবঙ্গের সাধ্যাতীত। কেন্দ্রীয় সরকারের অর্থসাহায্যে শরণার্থীদের ঘর বাঁধিয়া দিলেই বা তাহাদের সাময়িক সাহায্য করিলেই সমস্যার শেষ হইবে না, এই জনতার চাপ হইতে পশ্চিমবঙ্গের সাধারণ অর্থ-ব্যবস্থাকে রক্ষা করিবার কি হইবে?

হৃদয়বেগের দিক হইতে শরণার্থীদের পশ্চিমবঙ্গে আশ্রয়লাভই বাঞ্ছনীয়, অন্তপ্রদেশে তাহাদের বাসালী হইলে হইবে, কিন্তু পরিস্থিতি বর্তমানে যে রূপ তাহাতে এই হৃদয়বেগের কথাই সমস্যা সমাধানের শেষ কথা ধরিয়া লওয়া উচিত নয়। পূর্ববঙ্গে বসবাস যদি শেষপর্যন্ত অসম্ভবই হয়, একেবারে নিঃস্বদের যতটা সম্ভব পশ্চিমবঙ্গ হইতে অন্তপ্রদেশে পাঠাইবার ব্যবস্থা হওয়াই দরকার। পুনর্বাসতির সময় অবশ্য লক্ষ্য রাখিতে হইবে যাহাতে যাহারা একসঙ্গে বসবাস করিবে তাহাদের মধ্যে কুটি বা সংস্কৃতিগত একটা যোগাযোগ যেন রক্ষিত হয়। পূর্ববঙ্গ হইতে আশ্রয়প্রার্থী হিসাবে যাহারা আসিতেছে, তাহারা সকলেই পশ্চিমবঙ্গে সব কিছু স্থবিধা পাইয়া পুনর্বাসতির সুযোগ লাভ করিবে, শুভেচ্ছা হিসাবে এই দাবীর যে মূল্যই থাক, বাস্তবক্ষেত্রে ইহা অসম্ভব। পশ্চিমবঙ্গ বর্তমানে আশ্রয়-প্রার্থীদের সকলকে আশ্রয় দিতে ও বাঁচিবার পূর্ণ সুযোগ দিতে যদি না পারে, ধরিয়া লইতে হইবে তাহা তাহার অনিচ্ছার নহে, অক্ষমতারই পরিচায়ক।





বাস্তহারা পুনর্ভসতি—

পূর্ববঙ্গ হইতে প্রায় ৫০ লক্ষ বাস্তহারা পশ্চিমবঙ্গে আগমন করায় তাহাদের পুনর্ভসতি সমস্যা এখন সকল দেশকর্মীকে বিব্রত করিয়াছে। পশ্চিমবঙ্গ পল্লী মঙ্গল সমিতির পক্ষ হইতে তাহাদের পুনর্ভসতির এক পরিকল্পনা প্রস্তুত করিয়া গত ৩১শে মে এক সাংবাদিক সম্মিলনে উপস্থিত করা হইয়াছিল। পশ্চিমবঙ্গে প্রায় ২ হাজার ইউনিয়ন বোর্ডের অন্তর্গত ৩৫ হাজার গ্রাম আছে। প্রত্যেক গ্রামেই এখন রজক, নাপিত, ছুতার, কামার, রাজমিস্ত্রী, তাঁতি কৃষক প্রভৃতির অভাব হইয়াছে। ঐ সকল গ্রামের অধিবাসীরা যদি ২।৪ ঘর করিয়া প্রয়োজন মত বাস্তহারা গ্রহণে অগ্রসর হন ও তাহাদের বাসের জন্ত জমি, বাসগৃহের ব্যবস্থা প্রভৃতি করিয়া দেন, তাহা হইলে কয়েক লক্ষ বাস্তহারাকে বাংলার গ্রামগুলিতে স্থান দান করা বাইতে পারে। এ বিষয়ে সকল ইউনিয়ন বোর্ডের সভাপতি ও গ্রাম-সেবক কর্মীদের অসুরোধ করা হইয়াছে। কলিকাতা শ্রামবাজার ১৭৫-এ রাজা দীনেন্দ্র ষ্ট্রীটে সমিতির সম্পাদক শ্রীদেবেন্দ্রনাথ মিত্র মহাশয়কে পত্র লিখিলে এ বিষয়ে বিস্তৃত বিবরণ জানা যাইবে। পল্লী মঙ্গল সমিতির এই নূতন পরিকল্পনা সাফল্য মণ্ডিত করিবার জন্ত সকলেরই চেষ্টা করা কর্তব্য।

পশ্চিম বাংলায় পথ সমস্যা—

গত প্রায় ১০ বৎসর যাবৎ সকল জিনিষের মূল্য বৃদ্ধির ফলে পশ্চিম বাংলার সকল পথের অবস্থাই অত্যন্ত খারাপ হইয়াছে। মিউনিসিপালিটি, জেলা বোর্ড, ইউনিয়ন বোর্ড প্রভৃতির আয়-ভ্রাস ও ব্যয় বৃদ্ধির ফলে তাহারা রাস্তাগুলির মেরামত করিতে সমর্থ হয় নাই—নূতন পথও নির্মিত হয় নাই। সেই জন্ত আজ দেশবাসীর অসুবিধা ও কষ্টের শেষ নাই। সেজন্ত জনগণের পক্ষ হইতে একটি পথ ও যানবাহন উন্নতি সমিতি গঠিত হইয়াছে। সমিতির পক্ষ হইতে দেশের পথ সমূহের প্রয়োজনীয়তা স্থিরীকৃত হইতেছে ও কোথায় অবিলম্বে নূতন পথ নির্মাণ করা

প্রয়োজন, সে বিষয়েও তদন্ত করা হইতেছে। সর্ব জেলা ও মহকুমা সহরে ও থানার গ্রামে ঘাইবার উপকূল পথ না থাকায় সকল সময়ে জনগণকে কষ্ট ভোগ করিতে হয়। এ বিষয়ে পশ্চিমবঙ্গ সরকার কাজ আরম্ভ করিয়াছে বটে, কিন্তু শুধু সরকারী চেষ্টায় এ কাজ শেষ করা সম্ভব হইবে না। পূর্বে বহু ধনী লোক ব্যক্তিগত অর্থ নূতন পথ প্রস্তুত করিয়া দিতেন—এখন আবার জনগণকে সে কার্যে অবহিত করা বিশেষ প্রয়োজন। জেলাবোর্ড, ইউনিয়ন বোর্ড প্রভৃতি দ্বারাও নূতনভাবে অর্থ সংগ্রহ করিয়া গ্রাম্য পথগুলির সংস্কার বা পুনর্নির্মাণ করা অবিলম্বে প্রয়োজন। পথ ও যানবাহনের ব্যবস্থা না হইলে লোকের পক্ষে গ্রামে যাতায়াত করা বা বাস করা কিছুতেই সম্ভবপর হইবে না।

ধান উৎপাদনের জন্ত পুরস্কার—

গত বৎসর পশ্চিমবঙ্গের কৃষকগণকে অধিকতর ধান উৎপাদনের জন্ত পুরস্কার দিবার ব্যবস্থা করা হইয়াছিল। সাধারণতঃ প্রতি বিঘা জমীতে সাড়ে ৫ মণ ধান জন্মে—যে সকল কৃষক অধিক পরিমাণে ধান উৎপাদন করিয়াছেন, তাহাদের মধ্যে শ্রেষ্ঠ বলিয়া বিবেচিত ২২০জন কৃষকের প্রত্যেককে ১০০ টাকা হিসাবে মোট ২২ হাজার টাকা পুরস্কার দেওয়া হইয়াছে। মোট ২৩৭টি থানার মধ্যে ২২০টি থানার কৃষক পুরস্কার পাইয়াছে। এইভাবে উৎসাহ দানের ফলে এবার পশ্চিমবঙ্গে ৮৭ হাজার বিঘা অধিক জমীতে ধানচাষের ব্যবস্থা হইয়াছিল। যে সকল কৃষক পুরস্কার পাইয়াছে, তাহাদের প্রত্যেককে অন্ততঃ ৯ বিঘা জমী চাষ করিতে হইয়াছে। মেদিনীপুর জেলায় একজন তিন বিঘায় ৭৩ মণ ৩০ সের, হুগলী জেলায় ৫৮ মণ ২৭ সের ও নদীয়া জেলায় ৫৮ মণ ১৩ সের ধান উৎপাদন করিয়াছেন। এইভাবে সকল প্রকার কৃষির জন্ত পুরস্কার দানের ব্যবস্থা করিলে দেশে ধান উৎপাদন বৃদ্ধি পাইবে, ফলে খাদ্যাত্মক দূর হইবে ও বিদেশ হইতে খাদ্য আমদানী করার প্রয়োজনও থাকিবে না।

মিউনিসিপ্যাল-শাসন—

হুগলী জেলার আরামবাগ মিউনিসিপ্যালিটির কমিশনার-
গকে নির্দিষ্ট কর্তব্য পালনে অযোগ্য স্থির করিয়া
পশ্চিমবঙ্গ সরকার মিউনিসিপ্যালিটি বাতিল করিয়া
দেয়াছেন ও একজন সরকারী কর্মচারীর উপর কার্য
পরিচালনার ভার দিয়াছেন। এ ব্যবস্থা নূতন নহে,
কলিকাতা কর্পোরেশন হইতে আরম্ভ করিয়া বাংলার বহু
মিউনিসিপ্যালিটাই এইভাবে বাতিল হইয়াছে। প্রকাশ—
পৌর সভার পরিচালনায় কয়েকটি কুকার্য, অনিয়ম ও
দলাদলি ঘটিয়াছিল এবং একজন কমিশনারকে অপর এক
ব্যক্তির বেনামিতে মিউনিসিপ্যাল ঠিকাদারী দেওয়া
হইয়াছিল। অনাস্থা প্রস্তাব গৃহীত হওয়া সত্ত্বেও চেয়ার-
ম্যান বা ভাইস-চেয়ারম্যান পদত্যাগ করেন নাই। এইরূপ
অবস্থা বর্তমানে পশ্চিমবঙ্গের অনেকগুলি মিউনিসিপ্যালিটির
মধ্যে বর্তমান থাকা সত্ত্বেও সরকার পক্ষ কঠোরতার
সহিত কার্য করেন না। যে কারণেই হউক, স্বায়ত্তশাসন
ব্যবস্থায় গলদ হইয়াছে। ইহার দূরীকরণে সরকার পক্ষ
উত্তোঙ্গী না হইলে মিউনিসিপ্যাল শাসনের নামে দেশে
কুশাসন চলিয়া দেশবাসীকে ক্ষতিগ্রস্ত করিবে। আমরা
এ বিষয়ে সরকারী স্বায়ত্তশাসন বিভাগকে উৎসাহের
সহিত কর্তব্যপালনে অবহিত হইতে অনুরোধ করি।

মন্ত্রী ও গভর্নর—

শ্রীযুত শ্রীপ্রকাশ আসামের গভর্নর ছিলেন, তাঁহাকে
সম্প্রতি কেন্দ্রীয় সরকারের মন্ত্রী নিযুক্ত করিয়া দিল্লীতে
লইয়া যাওয়া হইয়াছে। শ্রীযুত জয়রামদাস দৌলতরামও
পূর্বে বিহারে গভর্নর ছিলেন, তাঁহাকে কেন্দ্রীয় সরকারের
মন্ত্রী নিযুক্ত করা হইয়াছিল—এখন আবার তাঁহাকে
আসামের গভর্নর করা হইল। উভয় ব্যক্তিকে আজীবন
কংগ্রেস কর্মী—যোগ্য ব্যক্তি। কিন্তু এই একই লোককে
বার বার বিভিন্ন পদে নিযুক্ত করা অত্যন্ত অশোভন
ব্যাপার। বিশেষ করিয়া গভর্নরের পদ যেরূপ সম্মানজনক
—তাঁহাতে প্রাদেশিক গভর্নরের পদে নিযুক্ত লোককে
মন্ত্রীপদে নিযুক্ত করা আদৌ ভাল দেখায় না। ইহাতে
শাসন ব্যবস্থার ক্ষতিই পরিলক্ষিত হয়। তাহা ছাড়া,
সকলেই মনে করে, ভারতে পণ্ডিত নেহরুর সহকর্মী
কয়েকজন লোক ছাড়া উচ্চপদে কাজ করিবার যোগ্যতা

আর কাহারও নাই। এই প্রসঙ্গে শ্রীচক্রবর্তী রাজা-
গোপালাচারীকে পুনরায় মন্ত্রী নিয়োগ করার কথা
আসে—গভর্নর জেনারেলের পদ হইতে অবসর গ্রহণ করার
পর আর তাঁহাকে নিম্নপদে নিযুক্ত না করাই শোভন
হইত। তিনি যোগ্য ব্যক্তি হইতে পারেন, কিন্তু
অপেক্ষাকৃত কম বয়সের কাহারও উপর ঐ কার্যভার
দিলে হয় ত তিনি অধিকতর যোগ্যতার পরিচয় দিতে
পারিতেন।



হুন্দরবন প্রজামঙ্গল সমিতির যুগ্ম সম্পাদক ব্রহ্মচারী ভোলানাথ
ও হুন্দরবনবাসী শ্রীপ্রফুল্ল মিটার হুন্দরবন গ্রামাঞ্চলের চোরাই চালান
দমন মানসে ২৪ পরগণা জেলার কাকদ্বীপ, সাগর আনা প্রভৃতি
এলাকায় নোকাযোগে পরিভ্রমণ
ফটো—শ্রীঅনুকূল পাত্র

সাহিত্যপরিষদ ষ্ট্রীট—

কলিকাতায় সাহিত্যপরিষদ ষ্ট্রীটে বহুসংখ্যক খাটালে
গো-মহিষ রাখার ব্যবস্থা থাকায় ঐ অঞ্চলটি দিয়া জনগণের
ঘাতাত্যাত অত্যন্ত কষ্টকর ছিল। সম্প্রতি কলিকাতা
ইমপ্রভমেন্ট ট্রাষ্ট ঐ অঞ্চলের খাটালগুলি তুলিয়া দিয়া ৯
বিঘা জমা দখল করিবেন ও ৫০ লক্ষ টাকা ব্যয়ে তথায়
পার্ক ও বাসগৃহাদি নির্মাণ করিয়া দিবেন। এত দিনে
যে এ বিষয়ে কর্তৃপক্ষের দৃষ্টি আকৃষ্ট হইয়াছে, ইহা সত্যই
আনন্দের বিষয়। উহার অনতিদূরে হরিনাথ দে রোডেও
পশ্চিমবঙ্গ সরকার খালি জমীতে দরিদ্র জনগণের বাসের
অল্প গৃহ নির্মাণ করিয়া দিবার পরিকল্পনা গ্রহণ করিয়াছেন।

কলিকাতার বস্তীগুলি ক্রমে ক্রমে উঠাইয়া দিয়া তথায় কম ভাড়ার বাড়ী নির্মিত হইলে সহরের নোংরাও দূর হইবে, দরিদ্র জনগণও বাসের অধিক সুবিধা লাভ করিয়া যত্ন হইবে। এখন কলিকাতা কর্পোরেশন, কলিকাতা ইমপ্রুভমেন্ট ট্রাষ্ট ও পশ্চিমবঙ্গ সরকার—সকলের এক যোগে এ বিষয়ে কার্য করা উচিত। প্রধান মন্ত্রী ডাক্তার রায়েচর এ বিষয়ে বহু অভিনব পরিকল্পনা আছে বলিয়া আমরা অনিরাহিতাম—সেগুলি সত্বর কার্যে পরিণত হইলে সহরবাসী সত্যই উপকৃত হইবে।

রায়েচর আদিবাসীর সংখ্যা অধিক। সত্য সত্যি লোকেরা অপেক্ষাকৃত কম সত্য আদিবাসীদের উন্নতি জন্য প্রয়োজনীয় চেষ্টা করে না। তাহাই শ্রীজয়প সিংএর অভিযোগ। আগামী নির্বাচনে বাহাতে আদিবাসী ছাড়া অন্য কোন সম্প্রদায়ের সদস্য ব্যবস্থা পরিষদে প্রবেশ করিতে না পারে, সেজন্যও এখন হইতে প্রচার কা চলিতেছে। অথও ভারতকে বিচ্ছিন্ন করিয়া ক্রমে প্রদেশে বিভক্ত করার চেষ্টা সর্বত্র চলিতেছে। ইহার ফল কি হইবে বলা কঠিন। মাদ্রাজ ও বোম্বাই বিভাগে



বিগত ২০শে বৈশাখ জোড়াসাঁও
ঠাকুরবাড়িতে রবীন্দ্রনাথের
দিবসে শ্রীমতী গুলি—সত্য
শ্রীমতী মুখোপাধ্যায় পৌরো
করেন শ্রীহাজারীপ্রসাদ ঘো
মঙ্গলাচরণ করেন।

ফটো—শ্রীপার ৫

ঝাড়খণ্ড প্রদেশ—

শ্রীযুক্ত জয়পাল সিং ছোটনাগপুরে আদিবাসীদের নেতা। তিনি ঐ অঞ্চলে ঝাড়খণ্ড প্রদেশ গঠনের জন্য তীব্র আন্দোলন আরম্ভ করিয়াছেন। আদিবাসীদের বাংলা, বিহার ও উড়িষ্যা—তিনটি প্রদেশের মধ্যে পৃথক ভাবে বাস করিতে না দিয়া—সকল আদিবাসী-অধ্যুষিত অঞ্চল একত্র করিয়া একটি স্বতন্ত্র প্রদেশ গঠন করাই শ্রীজয়পাল সিংএর উদ্দেশ্য। ছোটনাগপুরের সকল জেলাতেই আদিবাসীর সংখ্যা অধিক। সেরাই-কোলা ও ধরমোরান রাজ্য এখন বিহারের মধ্যে। ময়ূরভঞ্জ উড়িষ্যার মধ্যে। ঐ সকল রাজ্য ছাড়া ও কিওনঝড়, বোনাই, বাসরা, গাংপুর, বশপুর, সারগুজা, উদয়পুর, কোরিয়া ও চাংরেকার

আন্দোলন প্রবলতর হইয়াছে। বাংলা, বিহার, উড়িষ্যা পূর্বে একটি প্রদেশ ছিল—এখন তিনটি হইয়াছে—আ বিভক্ত হইলে শাসন-ব্যয় ক্রমেই বাড়িয়া যাইবে।

শ্রীচন্দ্রচন্দ্র বিশ্বাস—

ডক্টর শ্রীমতীপ্রসাদ মুখোপাধ্যায় ও শ্রীযুক্ত কিশোর নিয়োগী কেন্দ্রীয় মন্ত্রিসভা হইতে পদত্যাগ করার কলিকাতা হাইকোর্টের তৃতপূর্ব বিচারপতি ও কলিকাতা বিশ্ববিদ্যালয়ের তৃতপূর্ব ভাইস-চ্যান্সেলর শ্রীচন্দ্রচন্দ্র বিশ্বাস কেন্দ্রীয় মন্ত্রিসভার সহকারী মন্ত্রী নিযুক্ত হওয়ার বাং দেশে কেহই তাঁহার এই কার্যে সম্মতি হইতে পারেন ন এবং এই নিয়োগের জন্য কেহ প্রধান মন্ত্রী পণ্ডিত নেক কার্যও সমর্থন করেন নাই।

হইয়া কোন প্রকারে বাংলার মান বজায় রাখা হইয়াছে। ভারতের মধ্যে আজ পশ্চিম বাংলার সমস্তাই সর্বাধিক—সে সকল সমস্তার কথা কেন্দ্রীয় মন্ত্রিসভাকে ঠিক ভাবে জানাইবার জন্য পশ্চিম বাংলা হইতে একজন শক্তিশালী সদস্যকে যদি কেন্দ্রীয় সরকারে মন্ত্রী নিযুক্ত করা হইত, তবে লোক কতকটা সন্তুষ্ট হইতে পারিত। বাংলার জ্ঞান অতিযোগ গুনিবারও লোক নাই—ইহা অপেক্ষা বাংলার দুর্ভাগ্য আর কি হইতে পারে? বাঙালী কি সত্যই ধ্বংসের পথে অগ্রসর হইতেছে? ডাক্তার বিধানচন্দ্র রায় মহাশয়ের মত লোক প্রধান মন্ত্রী থাকিতেও পশ্চিম বাংলার প্রতি এইরূপ অবিচার কি তিনি সহ্য করিয়া যাইবেন?

কলিকাতার দুগ্ধ সরবরাহ—

কলিকাতা সহরে প্রতিদিন ২০ হাজার মণ দুগ্ধের প্রয়োজন। কিন্তু তাহার জন্য কোন ব্যবস্থা নাই। সম্প্রতি পশ্চিমবঙ্গ সরকার দক্ষিণ কলিকাতার ৪০টি ডিপো খুলিয়া ১০০ মণ দুগ্ধ ১২ আনা সের দরে সরবরাহের ব্যবস্থা করিয়াছেন। ক্রমে এই ব্যবস্থা প্রসার করিয়া সমগ্র সহরে দুগ্ধ সরবরাহ করা হইবে। খাত্ত মন্ত্রী আশা করেন, এক বৎসরের মধ্যে সহরে দুগ্ধ জোগান দেওয়ার ব্যবস্থা হইবে। কাঁচরাপাড়ার নিকট হরিণঘাটায় একটি সরকারী গো-শালা প্রতিষ্ঠিত হইয়াছে—ইহাও সম্প্রসারণের ব্যবস্থা চলিতেছে, আমরা খাত্তমন্ত্রীর পরিকল্পনার সাফল্য কামনা করি। সঙ্গে সঙ্গে বলা প্রয়োজন, সরকারী অর্থ যেন এ জন্য অপব্যয়িত না হয়। অনেক সময় দেখা যায়, জনগণের সামান্য উপকার করিতে গিয়া সরকারী কর্মচারীরা অনাবশ্যক অধিক অর্থ ব্যয় করিয়া থাকেন। হরিণঘাটার সরকারী গোশালা দেখিলে সেই অপব্যয়ের আশঙ্কাই মনে হয়। তথায় যে ভাবে অর্থ ব্যয়িত হইতেছে, ব্যবসা হিসাবে দুগ্ধ বিক্রয় করিয়া লাভ করা অসম্ভব হইবে বলিয়া মনে হয়। খাত্তমন্ত্রী মহাশয়কে আমরা এ বিষয়ে বিশেষ সতর্কতার সহিত কার্যে অগ্রসর হইতে অহরোধ করি।

স্বদেশীয় উৎসবের সজ্জা—

কর্মান জেলার আড়াপুর ইউনিয়নের অন্তর্গত দেউলিয়া গ্রামের বিখ্যাত প্রাচীন সপ্তদেউলের মন্দির আছে—উহা

মসাগ্রাম রেল স্টেশন হইতে এক মাইল উত্তর পশ্চিমে অবস্থিত। মেয়ামত ও রক্ষার অভাবে মন্দির গাভের কারুকার্য ধ্বংস হইতেছে। ইটগুলি খুঁড়িয়া বাহির করিয়া লোকে লইয়া যাইতেছে। ঐ স্থান হইতে বহু মূর্তিও স্থানান্তরিত হইয়াছে। গ্রামটির সর্বত্র ও পাশের মাঠ-গুলিতে প্রচুর ইট পাওয়া যায়। আমরা সরকারী প্রকৃত্ত-বিভাগকে মন্দির রক্ষার জন্য অবহিত হইতে অহরোধ করি। স্বাধীন দেশে পুরাকীর্তিগুলির রক্ষার জন্য অবিলম্বে উপযুক্ত ব্যবস্থা হওয়া উচিত।

কবি অনুরোধ দেব ও শ্রীধারানী দেবী—

বাংলা দেশের এই সুপ্রসিদ্ধ কবি-দম্পতী এই কুন তারিখে 'পি এণ্ড ও' কোম্পানীর জাহাজ 'এস, এস, চিত্রলে' বোম্বাই হইতে পৃথিবী ভ্রমণে বাহির হইয়াছেন।



কতা নবনীতা সহ কবি দম্পতী—শ্রীঅনুরোধ দেব ও শ্রীধারানী দেবী তাঁহাদের একমাত্র কতা কুমারী নবনীতাও সঙ্গে গিয়াছেন। তাঁহারা ইলচাও, স্বটল্যাও, আরারল্যাও, নরওয়ে, সুইডেন, ডেনমার্ক, হল্যাও, বেলজিয়ম, আলসেস-লোরেন, রাইনল্যাও, কাল, সুইজারল্যাও, ইটালি, রমানিয়া

ফুগোপ্লাত্তিয়া, চেকোস্লোভাকিয়া, আলবেনিয়া, স্পেন, পোর্টুগাল ও মিশর ঘুরিয়া ভারতে প্রত্যাভর্জন করিবেন। সাত সাগর পারে তাঁহাদের এই প্রবাসযাত্রা শুভ হউক এবং তাঁহারা নিশ্চিত নিরাপদে ভ্রমণ শেষ করিয়া সুস্থ দেহে ঘরে প্রত্যাভর্জন করুন ইহাই আমরা সর্বান্তঃকরণে কামনা করি।

পত্রলোকের স্বামী অমৃতানন্দ -

গত ১৮ই মে বৃহস্পতিবার প্রাতে ৯ ঘটিকায় সিওরানে শ্রীরামকৃষ্ণ বিবেকানন্দ মঠের প্রতিষ্ঠাতা স্বামী অমৃতানন্দ মহারাজ দেহত্যাগ করিয়াছেন। ঠাকুর পরমহংসদেবের শ্রায় তিনিও কঠিনাণীতে ছরস্তু ক্যান্সার রোগে আক্রান্ত হইয়াছিলেন। মুক্তিব্রতে দীক্ষাদাতা ও অগ্নিমন্ত্রের উপাসক



স্বামী অমৃতানন্দ

অনুশীলন সমিতি ও ষোড়শে ঠাকুরের পরিচালিত অল্পবলে স্বাধীনতা লাভে দৃঢ়সংকল্প বিদ্রোহী যুবকগণের সংসর্গ হইতে ঠাকুর পরমহংসদেবের মন্ত্রশিষ্য স্বামী ব্রহ্মানন্দ মহারাজ তাঁহাকে পরম মোক্ষলাভের পথে স্বামী বিবেকানন্দের আদর্শে উদ্ভূত করিয়া সম্যাস ধর্মে দীক্ষা দেন। পূর্বাশ্রমে তাঁহার নাম ছিল নরেন্দ্র দেব। ঠন্থনিয়া

ছিলেন। তিনি পরলোকগত দেশকর্মী রাজেন্দ্র দেব এবং বিশিষ্ট কবি ও সাহিত্যিক শ্রীনরেন্দ্র দেবের কনিষ্ঠ ভ্রাতা ছিলেন। আমরা তাঁহার আত্মার মুক্তি ও শান্তি কামনা করি।

প্রজ্ঞাপে বাঙ্গালী কবি সম্মেলন—

গত ১৬ই বৈশাখ এলাহাবাদ প্রয়াগে বিচিত্রা কৃষ্টি সংঘের উদ্যোগে স্থানীয় বাঙ্গালী কবিদের এক সম্মেলন হইয়া গিয়াছে। এলাহাবাদস্থ অমৃতবাজার পত্রিকার বার্তা সম্পাদক শ্রীপ্রমোদকুমার সেন সম্মেলনে সভাপতিত্ব করেন। ১৪ জন কবি মিলিত হইয়া স্বরচিত কবিতা পাঠ করেন—তাঁহাদের নাম—শ্রীমতী প্রতিভা মুখোপাধ্যায়, শ্রীঅমর মুখোপাধ্যায়, শ্রীনিশিকান্ত বন্দ্যোপাধ্যায়, শ্রীপ্রণব মুখোপাধ্যায়, শ্রীঅহর রায়, শ্রীসুনীল বসু, শ্রীসমরেন্দ্র দে, শ্রীহরিপদ চট্টোপাধ্যায়, শ্রীসমর ঘোষ, ডাঃ আশামুঞ্জল দাস, শ্রীমতী জাহ্নবী চট্টোপাধ্যায়, শ্রীমতী উমা মুখোপাধ্যায়, কুমারী সাধনা চট্টোপাধ্যায় ও কুমারী অর্চনা মুখোপাধ্যায়। স্থানীয় বাঙ্গালী সাহিত্যিকগণের উপস্থিতি ও সহযোগিতায় সম্মেলন সাফল্যমণ্ডিত হইয়াছিল।

ডাক্তার মাথাই ও শ্রীসাকসেনা—

কেন্দ্রীয় গভর্নমেন্টের অর্থ-সচিব ডাঃ জন মাথাই ও পুনর্বসতি-সচিব শ্রীমোহনলাল সাকসেনা গত ৩১শে মে পদত্যাগ করিয়াছেন। তাঁহাদের স্থানে যথাক্রমে শ্রীচিন্তামণি দেশমুখ ও শ্রীঅজিতপ্রসাদ জৈন নূতন মন্ত্রী নিযুক্ত হইয়া কার্যভার গ্রহণ করিয়াছেন। পদত্যাগ কালে ডাঃ মাথাই বলিয়াছেন যে রাষ্ট্র পরিচালন ব্যাপারে মূলনীতি সম্পর্কে প্রধান মন্ত্রীর সহিত মতভেদ হওয়ায় তিনি পদত্যাগ করিতে বাধ্য হইয়াছেন। তাঁহার বিশ্বাস পণ্ডিত নেহরু যে পথে ভারতকে পরিচালিত করিতেছেন তাহাতে নীত্বই দেশে অর্থ-নৈতিক সঙ্কট উপস্থিত হইবে শ্রীসাকসেনাও পদত্যাগ কালে বলিয়াছেন—মন্ত্রী নিযুক্ত হইয়া তিনি যে প্রতিশ্রুতি দিয়াছিলেন, নানা কারণে তিনি তাহা পালন করিতে সমর্থ হন নাই। কাজেই তাঁহার পক্ষে পদত্যাগ করা ভিন্ন অন্য উপায় ছিল না। ডক্টর শ্যামাপ্রসাদ ও ক্রীতীশবাবুর উক্তির পর ডাক্তার মাথাই ও শ্রীসাকসেনার বিবৃতি কি প্রধান মন্ত্রী পণ্ডিত নেহরুর মর্মে

মতামুসারে কাজ করিতে সমর্থ হন নাই। ইহার পর কি হয়, তাহাই আমাদের চিন্তার বিষয় হইয়াছে।

শ্রীযুক্ত হরেকৃষ্ণ মহাতাব—

উড়িষ্যার প্রধানমন্ত্রী থাকাকালীন শ্রীযুক্ত হরেকৃষ্ণ মহাতাব উড়িষ্যা-দেশবাসীর নানা প্রকার সুখ সুবিধার ব্যবস্থা করিয়া দেশবাসীর ধন্বাদভাজন হইয়াছিলেন। উড়িষ্যায় বাঙ্গালী বাস্তুহারাাদের পুনর্বাসন ব্যবস্থাতেও তিনি বিশেষ সাহায্য করিয়াছেন। তাঁহার চেষ্টায় কয়েক সহস্র বাঙ্গালী উড়িষ্যায় বসবাসের সুবিধা লাভ করিতে সমর্থ হইয়াছেন। তিনি কেন্দ্রীয় সরকারের শিল্প ও সরবরাহ বিভাগের কার্যভার গ্রহণ করিয়াই কতকগুলি বিষয়ে নূতন নীতি প্রবর্তনে অবহিত হইয়াছেন। তিনি বলিয়াছেন, তিনি বক্তৃতা অপেক্ষা কাজ বেশী করিবেন। শিল্প ও সরবরাহ বিভাগে তিন পক্ষকে একত্র হইয়া কাজ করিতে হয়—তিন পক্ষের কার্যই পরস্পর বিরোধী—(১) শিল্পপতি ধনী পক্ষ (২) সরকার পক্ষ ও (৩) দরিদ্র শ্রমিক পক্ষ। তিনি সকল পক্ষকেই বিবেচনার সহিত কাজ করিতে অহরোধ করিয়াছেন। শ্রমিক মালিক বিরোধ লাগিয়াই আছে—তৃতীয় সরকার পক্ষকে সর্বদা তাহা মিটাইবার ব্যবস্থা করিতে হয়। সরকার পক্ষের সহিত ধনীদেরও বিবাদের অন্ত নাই—শ্রীযুক্ত মহাতাব কি সে বিষয়ে কিছু করিতে পারিবেন? যাহা হউক, কার্যভার গ্রহণ করিয়াই গত ২৮শে মে তিনি দিল্লীতে যাহা বলিয়াছেন, তাহা অন্তত সকলের মনে আশার সঞ্চার করিবে।


বাস্তুত্যাগী ছাত্রদের জন্য ব্যবস্থা—

২৪ পরগণা মসনন্দপুরের নিকটস্থ দক্ষিণ চাতরা উচ্চ ইংরাজি বিদ্যালয়ের কর্তৃপক্ষ এক শত বাস্তুত্যাগী ছাত্রকে তাঁহাদের বিদ্যালয়ে বিনা বেতনে শিক্ষা দানের ব্যবস্থা করিয়াছেন জানিয়া আমরা আনন্দিত হইলাম। ঐ সকল বাস্তুত্যাগী ছাত্র যদি ছাত্রাবাসে থাকে, তবে মাসিক মাত্র ১০ টাকায় তাহাদের আহার ও বাসস্থানের ব্যবস্থা করা হইবে। বিদ্যালয়টি ফাঁকা মাঠের উপর, নদীর ধারে, গ্রামের বাহিরে অবস্থিত—সেখানকার স্বাস্থ্য ভাল—কাজেই তথায় এইভাবে একটি বৃহৎ আবাসিক বিদ্যালয় গঠিত হইতে পারে। আমরা এই চেষ্টার জন্য বিদ্যালয়ের সম্পাদক দেশকর্ষী শ্রীহরেন্দ্রনাথ রায়কে অভিনন্দন জ্ঞাপন

করি এবং আশা করি, তাঁহার এই আদর্শ সর্বত্র অহমত হইবে। দক্ষিণ চাতরা বসিরহাট মহকুমার অন্তর্গত একটি গণগ্রাম।

বোম্বায়ে বাঙ্গালীর সম্মান—

ডাক্তার বীরেন্দ্রকুমার নন্দী সম্প্রতি পার্লে-আনধেরী এলাকা হইতে বোম্বাই মিউনিসিপ্যাল কর্পোরেশনের সদস্য নির্বাচিত হইয়াছেন জানিয়া আমরা আনন্দিত হইলাম। তিনি ১৯৪৭ ও ১৯৪৮ সালে সংক্রামিক ব্যাধির সময়



ডাক্তার বীরেন্দ্রকুমার নন্দী

সাহায্য কার্য পরিচালনা করেন ও সে সময়ে মিউনিসিপ্যাল শাসনের সহিত সংযুক্ত হইবার তাঁহার ইচ্ছা হয়। ইহার পূর্বে কোন বাঙ্গালী বোম্বায়ে মিউনিসিপ্যাল সদস্য নির্বাচিত হন নাই। তাঁহার কেন্দ্র হইতে যে ৩ জন সদস্য নির্বাচনে সাফল্য লাভ করিয়াছেন তন্মধ্যে ডাক্তার নন্দাই সর্বাধিক ভোট পাইয়াছেন। তিনি কলিকাতার এম-এস-সি, ম্যাগেস্ত্রারের পিএচ-ডি ও লণ্ডনের এ-আই-সি। টেডিংটন কেমিকেল কারখানার তিনি প্রধান কেমিষ্ট, ম্যানেজার ও ডিরেক্টর। আমরা তাঁহার সাফল্য কামনা করি।

শ্রীযুক্ত শঙ্কর কুমার হালদার—

পশ্চিমবঙ্গ সরকারের শ্রম-মহাধ্যক্ষ (লেবার কমিশনার) শ্রীযুক্ত শঙ্কর কুমার হালদার আই-সি-এস সম্প্রতি ভারত

সরকারের প্রতিনিধি-উপদেষ্টারূপে জেনিভায় আন্তর্জাতিক শ্রম প্রতিষ্ঠানে যোগদান করিতে গিয়াছেন জানিয়া আমরা আনন্দিত হইলাম। তিনি ১৯৪৯ সালের এপ্রিল মাস হইতে শ্রম-মহাধাকের পদে কাজ করিয়া সকলের প্রশংসা অর্জন করিয়াছেন। তিনি সুপণ্ডিত ও সুলেখক—ভাঁহার বহু প্রবন্ধ 'ভারতবর্ষ' পত্রিকায় প্রকাশিত হইয়াছে।



শ্রীশম্ভুশঙ্কর হালদার আই-সি-এস

জেলা-জজ ও ট্রাইবিউনালে জজ হিসাবেও তিনি বহুদিন দক্ষতার সহিত কাজ করিয়াছেন। আমাদের বিশ্বাস, ভাঁহার উপস্থিতি ও কার্যের দ্বারা জেনিভায় বাঙ্গালীর গৌরব বৃদ্ধি পাইবে ও শ্রমিক সমস্যা সমাধানের নূতন উপায় উদ্ভাবিত হইয়া জগৎবাসীর কল্যাণ সাধন করিবে।

বন্দীরা জেলার উদ্ভাস্ত্র সহর—

নদীয়া জেলার শান্তিপুর ও রাণাঘাটের মধ্যবর্তী ফুলিয়া ষ্টেশনের নিকট সরকার সাড়ে ৩৭ লক্ষ টাকা ব্যয় করিয়া একটি নূতন উদ্ভাস্ত্র সহর নির্মাণ করিতেছেন। তথায় প্রায় ৩০ হাজার লোক বাস করিতে পারিবে। অধিবাসীদিগকে কাজ দিবার জন্য তথায় আড়াই লক্ষ টাকা ব্যয়ে একটি কারিগরী বিদ্যালয়ও প্রতিষ্ঠা করা হইবে। ঐ কেন্দ্রে কাহাকেও খয়রাতী দান দেওয়া হইবে না। ইহা একটি আশার সংবাদ বটে; কিন্তু ২৪ পরগণা জেলার বসিরহাট মহকুমায় ৩ শত বিঘা জমী দখল করিয়া সরকার তথায় যে ৫ শত উদ্ভাস্ত্র গৃহ নির্মাণ করিয়াছেন, তাহার সংবাদে আমরা চিন্তিত হইয়াছি। ঐ সকল গৃহ নাকি বর্ষায় টিকিবে না—২।১ পসলা বৃষ্টির পরই পড়িয়া বাইতেছে—

অথচ প্রত্যেকটি গৃহ নির্মাণে ৫ শত টাকা ব্যয় হইয়াছে। নদীয়ার নূতন সহর নির্মাণের পূর্বে সে জন্য আমরা কর্তৃপক্ষকে সতর্কতার সহিত কার্যে অগ্রসর হইতে অহরোধ করি। 'সংগঠনী' পত্রের বসিরহাটের 'জাতীয় অর্থের ছিনিমিনি' শীর্ষক যে সংবাদ প্রকাশিত হইয়াছে, সে জন্য উপযুক্ত তদন্ত হওয়া ও অপরাধীদের শাস্তিবিধান হওয়া বাঞ্ছনীয়।

শ্রীক্ষিতীশচন্দ্র নিয়োগী—

শ্রীক্ষিতীশচন্দ্র নিয়োগী কেন্দ্রে মস্তিষ্ক ত্যাগ করিয়া আসিয়া বর্তমানে কলিম্পংয়ে বিখ্যাত গ্রহণ করিতেছেন। তিনি তথায় যুগান্তরের প্রতিনিধির নিকট বলিয়াছেন— "আমি নিজে পূর্ববঙ্গের লোক ও পূর্ববঙ্গের বর্তমান অবস্থায় আমি নিজে তথায় বাইয়া নির্ভয়ে বসবাস করিতে পারি না। কাজেই মন্ত্রী হিসাবে আমি অন্য লোককে কিরূপে তাহা করিতে বলিব? কাজেই মন্ত্রীর ত্যাগ করা ছাড়া চুক্তির পর আমার অন্য উপায় ছিল না।" ক্ষিতীশবাবুর এই স্পষ্ট উক্তির পর আর কিছু বলিবার নাই। পণ্ডিত নেহরু ডক্টর শ্রামাশ্রাসাদ ও ক্ষিতীশবাবুর মত সহকর্মীদের এই মনোভাব জানার পরও কেন যে চুক্তি করিয়াছেন, তাহা আমরা বুঝিতে পারি না। ডক্টর শ্রামাশ্রাসাদের মত ক্ষিতীশবাবুরও ভাঁহার মনের কথা ব্যক্ত করিয়া বর্তমান সমস্যায় দেশবাসী সকলকে কর্তব্য নির্দেশ করা উচিত। ভাঁহার পদত্যাগে দেশবাসী যেমন আনন্দিত, ভাঁহার মত অসাধারণ ধীশক্তিসম্পন্ন ব্যক্তির উপদেশ ও পরামর্শ লাভ করিলে তেমনই তাহার উপকৃত হইবে।

হরিনগর-আত্মীয় বন্দী-বিত্ততাম্ম অক্ষিক্ষ—

গত ২১শে মে রবিবার সকালে প্রধান মন্ত্রী ডাঃ বিধানচন্দ্র রায় কলিকাতা হইতে ৩২ মাইল দূরে হরিনগর-আত্মীয় পশ্চিম বাংলার নদীর গতি প্রকৃতি সম্বন্ধে গবেষণায় জন্য নদী-বিজ্ঞান মন্দিরের ভিত্তি স্থাপন করিয়াছেন। ১৯৪৩ সাল হইতে নদী-বিজ্ঞান সম্বন্ধে গবেষণা চলিতেছে। এতদিন গলসিতে একটি রিভার মডেল ষ্টেশন ও বেলঘরিরায় একটি টাইডেল মডেল ষ্টেশন ছিল। পরে (১) পরিসংখ্যান বিভাগ (২) পদার্থ বিজ্ঞান বিভাগ (৩) রসায়ন বিজ্ঞান ও (৪) হাইড্রোলজিক্যাল বিভাগ খোলা হইয়াছিল। যুক্তিকার গবেষণাধারক পরে প্রসিদ্ধি

হইয়াছে। বর্তমানে সকল বিভাগ নূতন মন্দিরে স্থানান্তরিত হইবে। বাংলা দেশের সকল বাণিজ্য ও ঐশ্বর্য নদীর প্রতিপ্রকৃতির সহিত জড়িত। কাজেই নদী-বিজ্ঞানের আলোচনা এদেশে বিশেষ প্রয়োজন। এই মন্দির সম্বন্ধে দেশের প্রকৃত মঙ্গল সাধন করিতে পারিলেই—ইহার প্রতিষ্ঠা সার্থক হইবে।

পূর্ববঙ্গে হিন্দুদের লাঞ্ছনা—

নেহরু-লিয়ারকৎ চুক্তি লিপিবদ্ধ হওয়ার পর লোকে মনে করিয়াছিল যে পূর্ববঙ্গে হিন্দুদের উপর মুসলমানদের অত্যাচার বন্ধ হইবে। চুক্তির পর হিন্দুদের পশ্চিমবঙ্গে বা আসামে গমনে ও অস্থাবর সম্পত্তি আনয়নের কিছু সুবিধা হইয়াছে বটে, কিন্তু পূর্ববঙ্গে মুসলমান কর্তৃক হিন্দুদের লাঞ্ছনা প্রায় সমতাবেই চলিয়া আসিতেছে। উক্তর শ্রামাশ্রমাদ মুখোপাধ্যায় এ বিষয়ে বহু তথ্য সংগ্রহ করিয়াছেন এবং সেগুলি অবশ্যই তিনি উপযুক্ত কর্তৃপক্ষকে জানাইয়াছেন। কর্তৃপক্ষ মুখে বাহাই বলুন না কেন, তাঁহারাও সকল সংবাদ জানেন। ২৮শে মে দিল্লী হইতে জানা গিয়াছে যে এই সকল অত্যাচারের কাহিনী দিল্লী কর্তৃপক্ষ পাকিস্তান কর্তৃপক্ষকেও জানাইয়াছেন। কিন্তু তাহার কোন ফল হইবে বলিয়া আমরা মনে করি না। কারণ পূর্বের ভ্রাতৃ এখনও পাকিস্তান কর্তৃপক্ষ বলিতেছেন যে ঐ সকল অত্যাচার সরকারী লোক করে না, বেসরকারী গুণ্ডা বা আনসার দল তাহা করিয়া থাকে—কিন্তু সে কথা সত্য নহে। সত্য হইলেও সরকারী কর্মচারীরা সে সকল অত্যাচার বন্ধ করার কোন ব্যবস্থা করেন না। এ অবস্থায় চুক্তির সর্ব ভারতরাষ্ট্র কতদিন আর মানিয়া চলিবেন? যাহাদের অস্ত্র চুক্তি তাহারা যদি কোন সুবিধা না পায়, তবে ত এই বুক্তি বিফল হইয়াছে। তাহার পর দেশবাসীর কর্তব্য কি?

অধ্যাপক ডাঃ রামকৃষ্ণ—

কলিকাতা বিশ্ববিদ্যালয়ের খ্যাতনামা অধ্যাপক, ভারতীয় সংস্কৃতিতে সুপণ্ডিত ডাক্তার দেবদত্ত রামকৃষ্ণ ডাঃ রামকৃষ্ণ ৭৫ বৎসর বয়সে গত ৩০শে মে কলিকাতায় পরলোক গমন করিয়াছেন। তিনি পূনার খ্যাতনামা পণ্ডিত, ডাঃ রামকৃষ্ণ ইনিস্টিটিউটের প্রতিষ্ঠাতা স্বর্গত সার রামকৃষ্ণ মুখোপাধ্যায়ের পুত্র। তিনি ১৯১৭ সাল হইতে

দীর্ঘ ২০ বৎসর কাল কলিকাতা বিশ্ববিদ্যালয়ে প্রাচীন ভারতীয় সংস্কৃতির অধ্যাপক ছিলেন। তিনি ভারতের প্রাচীন সংস্কৃতি সম্বন্ধেও বহু গ্রন্থ রচনা করিয়াছিলেন। তাঁহার মৃত্যুতে একজন শিক্ষাব্রতী পণ্ডিতের অভাব হইল।



শ্রীশ্রীযোগেশ্বরী রামকৃষ্ণ মঠে পশ্চিমবঙ্গের প্রদেশপাল ডাঃ কৈলাসনাথ কাটজু। সমবেত সভ্যবৃন্দ ও প্রদেশপালের সমক্ষে মঠের বাৎসরিক আয় ব্যয়ের হিসাব দাখিল রত মঠ-সম্পাদক শ্রীরাঞ্জেন্দ্রলাল বন্দ্যোপাধ্যায়। বামে মঠের অস্ত্রতম কর্মী শ্রীশৈলেন মুখোপাধ্যায়
ফটো—দিলীপ সেন


কাশ্মীর সমস্যা ও তাহার সমাধান—

ভারতরাষ্ট্র ও পাকিস্তান উভয় দেশই কাশ্মীর দাবী করায় যে অচল অবস্থার উদ্ভব হইয়াছে, তাহার সমাধানের জন্য রাষ্ট্রসংঘের পক্ষ হইতে সার ওয়েন ডিক্সন ভারতে আসিয়া সকল অবস্থা পর্যবেক্ষণ করিতেছেন ও উভয় পক্ষের সহিত কথা বলিয়া সমস্যা সমাধানের চেষ্টা করিতেছেন। তিনি কয়েকদিন সকলের কথা শুনার পর মন্তব্য প্রকাশ করিয়াছেন যে, সমস্যা এরূপ জটিল যে উহার সমাধান সহজসাধ্য হইবে না। অথচ কাশ্মীর সমস্যা সমাধানের উপর শুধু ভারত-পাকিস্তানের শান্তি নহে, সমগ্র জগতের শান্তি নির্ভর করিতেছে। উভয় পক্ষকে সন্তুষ্ট করিয়া তিনি সমাধানের ব্যবস্থা করিবেন বলিয়া আশা করেন। কিন্তু শেষ পর্যন্ত কি তাহা সম্ভব হইবে? প্রথমেই ঐ দেশ দখল না করিয়া পণ্ডিত জহরলাল নেহরু যে ভুল করিয়াছেন, তাহার অস্ত্র ভারতকে হয় ত শেষ পর্যন্ত দারুণ ক্ষতিগ্রস্ত হইতে হইবে। সে সময়ে জাতি সংঘের দ্বারস্থ না হইলেই পণ্ডিতজী ভাল কাজ করিতেন। এখন

বোধ হয় কাশ্মীর ভাগ অথবা যুদ্ধ—এ ছাড়া সমস্তা সমাধানের অন্য উপায় নাই। পণ্ডিতজী যুদ্ধ-বিরোধী, কাজেই কাশ্মীর ভাগ করা ছাড়া অন্য উপায় দেখা বাইতেছে না।

নগেন্দ্রনাথ মুখোপাধ্যায়—

নদীয়া জেলার রাণাঘাট নিবাসী খ্যাতনামা উকীল, নদীয়া জেলা বোর্ডের ভূতপূর্ব চেয়ারম্যান নগেন্দ্রনাথ মুখোপাধ্যায় মহাশয় গত ২১শে মে ৭৮ বৎসর বয়সে তাঁহার রাণাঘাটের বাসগৃহে পরলোক গমন করিয়াছেন।



নগেন্দ্রনাথ মুখোপাধ্যায়

তিনি সামান্ত অবস্থা হইতে নিজ পরিশ্রম ও কর্মদক্ষতায় উন্নতিলাভ করেন। তিনি এক সঙ্গে ২০ বৎসর নদীয়া জেলাবোর্ডের চেয়ারম্যানের কাজ করেন—সে সময়ে নদীয়া জেলায় মুসলমান প্রাধান্ত ছিল। তিনি সমবায় আন্দোলনের প্রথম হইতে উহার সহিত সংশ্লিষ্ট ছিলেন। তাঁহাকে ১৯২৮ সালে রায় বাহাদুর ও ১৯৩৭ সালে ও-বি-ই উপাধি দেওয়া হইয়াছিল। রাণাঘাটের সকল সদস্যদের সহিত তিনি সংশ্লিষ্ট ছিলেন ও সর্বদা রাণাঘাটের উন্নতির জন্য চেষ্টা করিতেন। তিনি ১২ বৎসর কাল রাণাঘাট লোকাল বোর্ডের সভাপতি ও ১২ বৎসর রাণাঘাট মিউনিসিপালিটির ভাইস চেয়ারম্যান ছিলেন। তাঁহার মৃত্যুর পর সপ্তম দিনে তাঁহার পত্নীও পরলোকগমন করিয়াছেন।

কম্যুনিষ্ট চীন বহিষ্কার—

ক্রোয়েলে রাষ্ট্রসংঘের শিক্ষাবিজ্ঞান-সংস্কৃতি প্রতিষ্ঠানে

কৃষ্ণনের প্রস্তাবে জাতীয়তাবাদী চীনের প্রতিনিধিকে অপসারিত করিয়া কম্যুনিষ্ট চীনের প্রতিনিধিকে গ্রহণ করার প্রস্তাবের বিপক্ষে ৩০ জন ও পক্ষে মাত্র ৪ জন ভোট দেওয়ায় ঐ প্রস্তাব অগ্রাহ হইয়াছে। ১৪ জন প্রতিনিধি নিরপেক্ষ ছিলেন। এই ঘটনা হইতে সাম্রাজ্যবাদের অবস্থা স্পষ্ট বুঝা যায়। পৃথিবী গণতন্ত্রের যতই জয় ঘোষণা করুক না কেন, সাম্রাজ্যবাদীদের প্রভুত্ব প্রতিষ্ঠা এখনও পৃথিবীতে পূর্ণভাবেই রহিয়া গিয়াছে। সে অন্য কম্যুনিষ্ট চীন চৈনিক সংস্কৃতির প্রকৃত প্রতিনিধি হইয়াও রাষ্ট্রসংঘে স্থান লাভ করিতে পারিল না।

কম্যুনিষ্ট দলের পন্দ—

ভারতে এক সময় কম্যুনিষ্ট ভীতি সকলকে সন্ত্রস্ত করিয়াছিল এবং নানা প্রদেশে কম্যুনিষ্ট অনাচার হইয়া হওয়ায় দেশবাসী শঙ্কিত হইয়াছিল। কিন্তু ঐ দলের যুদ্ধ কালীন নেতা শ্রীপুরাণচাঁদ যোশী দল হইতে বহিষ্কৃত হওয়ার পর দলে ভাঙ্গন ধরিয়াছে ও দল ক্রমশঃ হীনব হইয়া পড়িতেছে। শ্রীবোশী ৬৪ পৃষ্ঠার একখানি পুস্তিক প্রকাশ করিয়া দলের গল্প প্রকাশ করিয়াছেন ও তাহা ফলে দল হইতে বহু ভাল নেতা সরিয়া পড়িয়াছেন শুধু দেশের সকল কাজ পণ্ড করিয়া নিজ নিজ স্বার্থ সিদ্ধির জন্য যে কম্যুনিষ্ট দল এ দেশে গঠিত হইয়াছে তাহা যে স্থায়িত্ব লাভ করিতে পারে না, তাহা প্রমাণ হইতেই বুঝা গিয়াছিল। একদল অসম্ভব রাজনীতি কর্মী ভুল করিয়া ঐ দলে প্রবেশ করে ও পরে স্বার্থ নিজেদের ভুল বুঝিতে পারে, তখন দল ছাড়িয়া চলি আসে। শুধু স্বার্থসিদ্ধির উপায়রূপে কোন রাজনীতি দল দেশে টিকিয়া থাকিতে পারে না। যত অধিক কম্যুনিষ্ট এই সত্য বুঝিতে পারিবে, ততই দেশের পক্ষে মঙ্গল।

ভারতবর্ষের পণ্ডিতগণ—

ভারতবর্ষের ভোগ বিলি লইয়া গওগোলের কতীর্থগুরু মোহান্ত মহারাজের উপর যে আক্রমণ হইয়াছে সে সংবাদে দেশবাসী সকলেই ব্যথিত হইয়াছে। যাহারা ঐ আক্রমণের জন্য দায়ী, তাহারা মোহান্ত মহারাজের নিকট ক্ষমা প্রার্থনা না করায় তথায় এ অচল অবস্থা সৃষ্ট হইয়াছে। সম্প্রতি পশ্চিমবঙ্গ


প্রজামঞ্জল সমিতির ব্রহ্মচারী ভোলানাথ প্রভৃতি তথায় বাইরা ঐ সম্বন্ধে তদন্তের পর যে বিবৃতি প্রকাশ করিয়াছেন, তাহাতে সত্য ঘটনা জানা যায়। ভোগ-বিতরণ ব্যাপারে যেমন ক্রটি দেখা যায়, তেমনই আক্রমণকারীদের কার্যও কিছুতেই সমর্থন করা যায় না। বহু দিন হইতে তারকেশ্বর পরিচালনা-কমিটির সহিতও মোহান্ত মহারাজের বনিবনাও হইতেছিল না। বর্তমানে এ সমস্যার সমাধান হওয়া প্রয়োজন। আমরা পল্লী-মঙ্গল সমিতিকে অগ্রণী হইয়া অব্যবস্থা দূর করিবার জন্ত চেষ্টা করিতে অহুরোধ করি। তারকেশ্বরের বর্তমান মোহান্ত বাঙ্গালী ও অসাধারণ পণ্ডিত ব্যক্তি—সাধক। তাঁহার সময়ে তারকেশ্বরে গণ্ডগোল থাকাও আদৌ বাহ্যিক নহে। স্বাধীন দেশে ধর্মস্থান সংস্কারেও শাসক-মণ্ডলীর চেষ্টা থাকা প্রয়োজন।

দিল্লীতে ডাঃ বিধানচন্দ্র রায়—

প্রধান মন্ত্রী পণ্ডিত জহরলাল নেহরুর আহ্বান পাইয়া পশ্চিমবঙ্গের মুখ্যমন্ত্রী ডাক্তার বিধানচন্দ্র রায় দিল্লী গিয়াছিলেন এবং গত ২৭শে ও ২৮শে মে দিল্লীতে ছিলেন। লিয়াকৎ-নেহরু চুক্তি সম্পর্কে ডক্টর শ্রীমাশ্রমাদ ও ডক্টর প্রফুল্লচন্দ্র ঘোষ যে সকল বিবৃতি দান করিয়াছেন, তাহাতে বিচলিত হইয়া ও সে বিষয়ে পশ্চিমবঙ্গ সরকারকে কর্তব্য নির্দেশ করিবার জন্ত পণ্ডিত ডাঃ রায়কে দিল্লীতে আহ্বান করিয়াছিলেন। পূর্ববঙ্গ সরকারের সদিচ্ছা সম্বন্ধে পশ্চিম বাংলায় কেহই বিশ্বাস স্থাপন করিতে পারিতেছেন না—সে কথা বার বার ডক্টর শ্রীমাশ্রমাদ ও ডক্টর প্রফুল্ল ঘোষ প্রকাশ করিয়াছেন। পশ্চিমবঙ্গ গভর্নমেন্টের পক্ষে দেশবাসীর সে মনোভাবের পরিবর্তন সাধন কি সম্ভব? পণ্ডিত নেহরু ইন্কোনেশিয়া হইতে ফিরিবার পথে ২৪শে জুন কলিকাতায় আসিবেন ও ২ দিন থাকিয়া পশ্চিমবঙ্গের অবস্থা দেখিয়া যাইবেন। তিনি কি সে সময়ে মত পরিবর্তন করিতে সমর্থ হইবেন? পূর্ববঙ্গে উৎপীড়ন ও অত্যাচার বন্ধ হইবার কোন আশাই দেখা যায় না—কাজেই চুক্তি হয় ত শেষ পর্যন্ত ছেঁড়া কাগজে পরিণত হইবে।

মণীন্দ্রচন্দ্র সমাদ্দার—

‘বিহার হেরাল্ড’ সম্পাদক ও ‘প্রভাতী’ মাসিক পত্রের প্রতিষ্ঠাতা মণীন্দ্রচন্দ্র সমাদ্দার গত ২৩শে মে মাত্র ৩৬ বৎসর বয়সে পাটনায় পরলোক গমন করিয়াছেন জানিয়া আমরা মর্ষাহত হইলাম। তিনি পাটনার খ্যাতনামা ঐতিহাসিক অধ্যাপক যোগীন্দ্রনাথ সমাদ্দারের কনিষ্ঠ পুত্র। ‘বিহার হেরাল্ড’ নামক ইংরাজি সাপ্তাহিক ১৮৭৪ সালে স্বর্গত গুরুপ্রসাদ সেন প্রতিষ্ঠা করেন—১৯৩৮ সালে মণীন্দ্র ঐ পত্রের সম্পাদক হন। কৃতিত্বের সহিত এম-এ পাশ



মণীন্দ্রচন্দ্র সমাদ্দার

করিয়া তিনি সরকারী চাকরী বা অধ্যাপনার জীবন গ্রহণ না করিয়া সাংবাদিক হন ও গত ১৩ বৎসর ধরিয়া স্বাধীনভাবে দক্ষতা ও সাহসের সহিত সে কাজ করিয়া গিয়াছেন। ১৯৪০ সালে তিনি পাটনার বাঙ্গালী সমাজের মুখপত্ররূপে ‘প্রভাতী’ প্রকাশ করেন। এক বৎসর পূর্বে তিনি প্রভাতীর সম্পাদনতার শ্রীবুদ্ধদেব ভট্টাচার্যের উপর অর্পণ করিয়াছিলেন। মণীন্দ্রের এই অকাল মৃত্যুতে পাটনার সাংবাদিক সমাজের ও বাঙ্গালী অধিবাসীদের যে ক্ষতি হইল তাহা সহজে পূর্ণ হইবে না। আমরা তাঁহার শোকসন্তপ্ত পরিবারবর্গকে সমবেদনা জ্ঞাপন করি।


স্বাস্থ্যসংস্কারী ও ডক্টর শ্যামাপ্রসাদ—

ডক্টর শ্যামাপ্রসাদ মুখোপাধ্যায় মহাশয় কেন্দ্রীয় সরকারের মন্ত্রী কাজ ছাড়িয়া দিয়া কলিকাতায় কিরিয়া আসিয়া নিশ্চিত হইয়া বসিয়া থাকেন নাই। তিনি পূর্ববঙ্গ হইতে আগত লক্ষ লক্ষ বাস্ত-হারার দুঃখ দুর্দশা সঘনো তদন্ত করিয়া ঘুরিয়া বেড়াই-তেছেন ও সে বিষয়ে কর্তব্য নির্দেশ করিতেছেন। তিনি পর পর কয়দিন কাঁচরা-পাড়া, রাধাঘাট, বেনাপোল, বনগাঁ প্রভৃতি স্থানে গমন করিয়াছিলেন। কয়দিন ধরিয়া নদীয়া ও মুর্শিদাবাদ জেলার সীমান্তস্থিত গ্রাম-গুলির অবস্থা দেখিয়া আসিয়াছেন। সাহায্য ও পুনর্বাসতি কার্যে যে সকল গলদ দেখা যাইতেছে, তিনি সেগুলি সঘনো কর্তৃপক্ষকে অবহিত করিতেছেন। সে ক্ষমতায় তিনি পশ্চিম বঙ্গের প্রধান মন্ত্রী ডাক্তার রায়ের সহিতও সাক্ষাৎ করিয়াছেন। মোটের উপর কি ভাবে দুর্গত বাস্ত-হারাদের পুনরায় উপযুক্তভাবে বাসস্থান ও কার্য দেওয়া যায়, ডক্টর শ্যামাপ্রসাদের সে বিষয়ে যত্ন ও চেষ্টার অভাব নাই। মোটা বেতনের চাকরী ছাড়িয়া দিয়া আসিয়া তিনি যে দেশসেবার কার্য গ্রহণ করিয়াছেন, উল্লেখ্য তিনি পূর্ব ও পশ্চিম বঙ্গ উভয় রাষ্ট্রের অধিবাসীদেরই যত্নবান্ধব হইয়াছেন, তাঁহার এই চেষ্টা সাফল্যমণ্ডিত হউক, সকলেই উহা প্রার্থনা করিতেছে। বর্তমান দুর্গত বাংলার তাঁহার এই সেবাকার্য তাঁহাকে অমরত্ব দান করিবে।

সুন্দরবন অঞ্চলে দুর্গত বাস্ত-হারাদের—

পশ্চিম বাংলার দক্ষিণপূর্ব সীমান্তে ২৪ পরগণা জেলার

অধিবাসীরা নানারূপ দুঃখকষ্ট ভোগ করিতেছে। এ বৎসর যোগেশগঞ্জ ইউনিয়নে ও পার্শ্ববর্তী ইউনিয়নে পানীয় জলের অভাবে বহু লোক কলেরায় মারা গিয়াছে। এই অঞ্চলে জেলাবোর্ডের যে সকল হেল্প এজিষ্টাণ্ট



কাঁচরাপাড়া চাঁদনারী আশ্রমপ্রার্থী শিবিরে জনসভায় বক্তৃতা-রত ডক্টর শ্যামাপ্রসাদ মুখোপাধ্যায়। দক্ষিণে শ্রীমাখনলাল সেন, বামে শ্রীকলীপ্রনাথ মুখোপাধ্যায়, মেজর প্রভাত বর্দন, ডাঃ ডি-এন, ভাটুড়ী প্রভৃতি। ছবির নিম্নে উপবিষ্ট পশ্চিমবঙ্গ পরী-মঙ্গল সমিতির সদস্যগণ—(বাম দিক হইতে) শ্রীরজনীকান্ত পাল, শ্রীদেবেন্দ্রনাথ মিত্র (সম্পাদক), শ্রীঅক্ষয়কুমার বহু, শ্রীহেমচন্দ্র রায়, শ্রীধীরেন্দ্রনাথ ধর, শ্রীশীলচন্দ্র চট্টোপাধ্যায় ও শ্রীপ্রকাশচন্দ্র চট্টোপাধ্যায়।

কটো—গাঙ্গা সেন আছে তাহারা মাত্র ২০ টাকা মাসিক বেতন পান ও সঙ্গে ২০ টাকা ভাতা, ঘোরার অল্প ৫ টাকা ও বাড়ীভাড়া ২ টাকা মোট ৪৭ টাকা পান। অথচ এই অঞ্চলে সরকারী হেল্প এজিষ্টাণ্টগণ বেতন ৪৫ টাকা লইয়া মোট ১০৫ টাকা পাইয়া থাকেন। কারোঁ তাহাদের দ্বারা কতটুকু কাজ হয় তাহা সহজেই বুঝ যায়। অথচ এই অঞ্চল হইতে ব্যবস্থা পরিবর্তে ৪ জন সদস্য নির্বাচিত হইয়াছে—উল্লেখ্য শ্রীবিমলচন্দ্র সিংহ ও শ্রীহেমচন্দ্র নন্দর মন্ত্রী, শ্রীঅর্জুনশেখর নন্দর পার্লামেন্টারী সেক্রেটারী, শ্রীচাক্রজ্যোতি ভারগী তৃতপূর্ব মন্ত্রী। অন্ততম মন্ত্রী শ্রীহরেন্দ্রনাথ চৌধুরীও এই অঞ্চলের অধিবাসী। তাঁহার বা সুন্দরবনের দরিদ্র অধিবাসীদের সঘনো একটু অবহিত হন, তবে তাহারা বহু প্রকারে উপকৃত হইতে পারেন।

বহু ও অতি সামান্য। ২৪ পরগণা জেলা বোর্ড
ভূপক ও এ সম্পর্কে কিছু করেন বলিয়া মনে হয় না।

সংস্করণের ব্যবস্থা—

স্বাধীনতা লাভের পর দেশরক্ষা ব্যবস্থা সম্বন্ধে নতুন
সামরিক মণ্ডলীকে অবহিত হইতে হইয়াছে। কেন্দ্রে যে
সামরিক বিভাগ ছিল, তাহা সম্প্রসারিত হইয়াছে।
পদাতিক ও অর্ধারোহী সৈন্য ছাড়া এখন নৌ-সেনা ও
বিমান-সেনার বিশেষ ব্যবস্থা করিতে হইয়াছে। প্রদেশ
গুলিতেও দেশরক্ষা বিভাগ স্থাপন করিয়া বিশেষ
প্রয়োজনের জন্য সৈন্য সংগ্রহ বা স্বেচ্ছা-সৈনিক সংগ্রহ করা
হইতেছে। পশ্চিম-বঙ্গ আজ বিশেষ বিপন্ন। পাকিস্তান
হইতে অত্যাচারী আফগান বাহিনী প্রায়ই ২ হাজার মাইল
সীমান্তের যে কোন স্থান দিয়া পশ্চিম বঙ্গ আক্রমণ
করিতেছে—লিয়াকৎ-নেহরু চুক্তির পরও সে আক্রমণ বা
অত্যাচার বন্ধ হয় নাই। আক্রমণে বাধা দিবার কোন
উপযুক্ত ব্যবস্থা পশ্চিম বঙ্গের পক্ষ হইতে করা হইয়াছে
বলিয়া মনে হয় না। আমরা নদীয়া ও মুর্শিদাবাদের
সীমান্ত পরিভ্রমণের সময় যে অব্যবস্থা দেখিয়াছি, তাহাতে
চিন্তিত না হইয়া থাকা যায় না। ৪ মাইল অন্তর একটি
করিয়া সীমান্ত পুলিশ স্টেশন—তথায় মাত্র ৫১৬ জন প্রহরী
বাস করে—তাহার পর ৪ মাইলের মধ্যে কোন পাহারা
নাই। সীমান্তে প্রাচীর, নদী বা কোন বাধা দিবার কিছুই
নাই। তাহার সুযোগ লইয়া পাকিস্তানী আন্সারগণ
আমাদের রাজ্যে আসিয়া প্রয়োজন মত সকল জিনিস লুণ্ঠ
করিয়া বা ক্রয় করিয়া লইয়া যাইত। সে ব্যবস্থা এখনও
বন্ধ হইয়াছে বলিয়া মনে হয় না। পাকিস্তান হইতে আগত
হিন্দুরা ঐ সকল সীমান্তে গৃহ নির্মাণ করিয়া বাস করে।
তাহাদের উপর আনুসারদের ক্রোধ অধিক—কাজেই ঐ
সকল হিন্দু প্রায়ই অত্যাচারিত ও লুণ্ঠিত হয়। পাকিস্তানী
আনসার বাহিনী ওদেশে সীমান্ত রক্ষার কাজ করে।
আমাদের রাজ্যে ঐরূপ কোন রক্ষীদের ব্যবস্থা নাই।
একদল লোককে জাতীয় রক্ষী বাহিনীর অন্তর্ভুক্ত করিয়া
সামরিক শিক্ষা দান করা হইয়াছে বটে, কিন্তু এখন
পর্যন্ত তাহাদের সীমান্ত রক্ষার কার্যে নিযুক্ত করা হয়
নাই। ২৪ পরগণার সীমান্তগুলিও এখন পর্যন্ত অরক্ষিত
অবস্থায় আছে। যে সকল স্থান দিয়া চোরাই মাল


আমদানী রপ্তানী হইয়া থাকে—পাহারার ব্যবস্থা না থাকায়
চোরাই কারবারের ব্যবসায়ীরা তথায় কালোবাজার তৈয়ারী
সুবিধা পাইয়া থাকে। ঐ ভাবে কত মাল যে ভারত রাষ্ট্র
হইতে পাকিস্তানে চলিয়া গিয়াছে, তাহার কোন হিসাব
পাওয়া যায় না। আমাদের শাসকবর্গ কেন যে এখনও
দেশরক্ষা ব্যাপারে উপযুক্ত সতর্কতা অবলম্বন করেন নাই,
তাহা জানি না। এ জন্য যে পরিমাণে রক্ষী বাহিনী গঠন
করা প্রয়োজন ছিল তাহাও করা হয় নাই। সে জন্য
পাকিস্তানী আক্রমণ চলিলেও এ পক্ষ হইতে তাহাতে বাধা
দেওয়া সম্ভব হয় না। কতদিন এই ভাবে আমরা আক্রান্ত
ও অত্যাচারিত হইব, তাহা কে জানে?

বৃক্ষ-রোপণ উৎসব—

গত কয় বৎসর ধরিয়া পশ্চিম বঙ্গ গভর্নমেন্টের কৃষি
বিভাগ হইতে বর্ষাকালে বৃক্ষ রোপণ উৎসবের আয়োজন
করা হইতেছে। কিন্তু দুঃখের বিষয় এই যে, এক দিকে
জনগণের উৎসাহের অভাব, অন্য দিকে সরকার পক্ষের
মামুলী বিজ্ঞাপন—উভয়ের জন্য অধিকসংখ্যক বৃক্ষ
রোপণের ব্যবস্থা দেখা যায় না। বাংলা দেশে গাছের
সংখ্যা কমিয়া যাওয়ায় উপযুক্ত বর্ষারও অভাব দেখা
দিয়াছে, সে জন্য বন বিভাগ হইতে পশ্চিম বাংলার কোন
কোন জেলায় নতুন করিয়া বন স্থষ্টিরও আয়োজন
চলিতেছে। এ দেশে সাধারণ গৃহস্থগণ গ্রামে আম, জাম,
কাঁঠাল, পেয়ারা, জামরুল, লিচু প্রভৃতি ফলের বাগান নিজ
নিজ গৃহের চতুর্দিকে তৈয়ার করিত। মাহুঘ গ্রামের বাস
ছাড়িয়াছে, সকলে সহরের প্রতি আকৃষ্ট হইয়াছে, কাজেই
কেহ আর ফলের বাগান তৈয়ার করে না। পিতামহ বা
প্রপিতামহ যে ফলের বাগান তৈয়ার করিয়া গিয়াছিলেন,
গত মহাযুদ্ধের সময় একটা গাছের দাম এক শত টাকা
হওয়ায় (কয়লার অভাবে কাঠের চাহিদা বাড়ায়) লোক
সে সকল গাছ অর্থের লোভে বিক্রয় করিয়া দিয়াছে, ফলে
সকল ফলের গাছের স্থানে নতুন বাগান তৈয়ারী হয় নাই
সে জন্য আজ বাংলায় ফলের দামও অত্যধিক হইয়াছে
এ অবস্থায় সরকারী কৃষি-বিভাগ হইতে বৃক্ষ রোপণ সম্বন্ধে
বিশেষ চেষ্টা প্রয়োজন হইয়াছে। বাহাতে প্রত্যেক গৃহ
নিজ নিজ জমীতে ফলের গাছ রোপণ করেন, সে জ

সকলকে অবহিত করা প্রয়োজন। সরকারী বাগানে ফলের গাছের চারা তৈয়ার করিয়া তাহা সকলের মধ্যে সুলভে সরবরাহ করা কর্তব্য। এবার বাংলায় প্রচুর আম হইলেও আমের দর কমে নাই—কারণ মালুমের সংখ্যার তুলনায় আম গাছের সংখ্যা খুবই কমিয়া গিয়াছে। ধনীরা বাহাতে ফলের বাগান করিতে উৎসাহিত হয়, কৃষি-বিভাগ সে জন্ত কোন চেষ্টা করেন না। বৃক্ষ রোপণের নানা দিক আছে। নিম্ন বঙ্গে প্রচুর নারিকেল উৎপন্ন হয়—অথচ নারিকেলের চাষ বৃদ্ধিতেও সরকার কোন প্রকার উৎসাহ দান করেন না। যে ভাবে ধান-চাষীদের অধিক পরিমাণ ফসল উৎপাদনের জন্ত পুরস্কার প্রদান করা হইয়াছে, সেই ভাবে ফলের বাগান তৈয়ারীর জন্ত, অধিক পরিমাণ ত্রি-তরকারী উৎপাদনের জন্তও পুরস্কার প্রদানের ব্যবস্থা করা উচিত ছিল। অনেক বড় বড় প্রশস্ত নূতন পথ তৈয়ার হইতেছে—সেই সকল পথের ধারে ফলবান বৃক্ষ রোপণ করিলে পথের সৌন্দর্য বৃদ্ধি পায়, পথচারীরা রৌদ্রের তাপ হইতে রক্ষা পায় ও সঙ্গে সঙ্গে ফল উৎপন্ন হইয়া দেশে ফলের অভাব দূর করে। সে বিষয়ে কাহারও কোন চেষ্টা দেখা যায় না। পুরাতন পথগুলির ধারে যে বৃক্ষরাজি ছিল, সেগুলি নষ্ট হইয়া যাইতেছে, তাহার স্থানে নূতন বৃক্ষ লাগাইবারও কোন চেষ্টা দেখা যায় না। ৩০ বৎসর পূর্বে আমরা দেখিয়াছি, বারাকপুর ট্রাঙ্ক রোডের ধারে কেহ একটি নূতন গাছ তৈয়ার করিয়া দিলে তাহাকে ৫ টাকা পুরস্কার দেওয়া হইত। এখন কি আবার সে প্রথা প্রবর্তন করা যায় না? অবশ্য এখন পুরস্কারের পরিমাণ ৪।৫ গুণ করা প্রয়োজন হইবে। তাহা করিলে শুধু ঐ একটি পথের ধারেই কয়েক সহস্র গাছ তৈয়ার হইতে পারে। আমাদের এক বন্ধু কয়েক বৎসর পূর্বে বড় বড় রাস্তার ধারে নারিকেল গাছ রোপণের প্রস্তাব করিয়াছিলেন। প্রচুর পরিমাণ নারিকেল উৎপন্ন হইলে তাহারা দেশের খাদ্যভাব কতক পরিমাণে কমিয়া যাইবে। বর্তমানে দেশে আলানি

কাঠের খুবই অভাব। অথচ এক শ্রেণীর আলানী কাঠের গাছ পথের ধারে রোপণ করিলেই বড় বড় গাছে পরিণত হয়—সে গাছগুলি অতি শীঘ্র বর্ধিত হইয়া থাকে। সে দিকেও কৃষি বিভাগের কর্তৃপক্ষদের যত্নবান হওয়া প্রয়োজন। মিউনিসিপালিটি, ইউনিয়ন বোর্ড, জেলা বোর্ড প্রভৃতি বাহাতে এ কার্যে অগ্রসর হয়, সরকারী স্বায়ত্তশাসন বিভাগ ও কৃষি-বিভাগ সে বিষয়েও কেন অবহিত হন না জানি না। স্থল কলেজের ছাত্রদিগকে অতি সহজে এই কার্যে নিযুক্ত করা যায়। তাহারা ঘোঁষনে এ কার্যে উৎসাহ পাইলে সারা জীবন সে অভ্যাস রক্ষা করিয়া চলিতে পারিবে। বাঙ্গালা দেশের বহু স্থানে রথের উৎসব হয়, রথের বাজারে পূর্বে বহু গাছের চারা বিক্রীত হইত—এখনও কোন কোন স্থানে সে ব্যবস্থা দেখা যায়। বর্ষার প্রথমেই রথ হয়—কাজেই লোক রথের বাজারে চারা কিনিয়া বর্ষার প্রথমে তাহা বাগানে রোপণ করিলে বর্ষার জলে সে সকল গাছ বাঁচিয়া যাইত। সে ব্যবস্থায় উপযুক্ত ব্যক্তিদেরও অহুপ্রাণিত ও উৎসাহিত করা প্রয়োজন। কৃষি-বিভাগের কর্মচারীরা বাহাতে এ সকল কাজে মন দেন, তাহার ব্যবস্থা প্রয়োজন। খাদ্য-বিভাগ হইতেও এ বিষয়ে কাজ করা উচিত। ফলের গাছই হউক, আলানী কাঠের গাছই হউক—আমাদের খাদ্য ব্যবস্থা সম্পর্কে সেগুলির বিশেষ প্রয়োজনীয়তা আছে। পূর্বে পথের ধারের তেঁতুল গাছগুলি হইতে এত অধিক তেঁতুল পাওয়া যাইত যে তেঁতুলের সের ছিল ১ পয়সা। আর এখন তাহা ৮ আনা। পথের ধারে কাহাকেও আর নূতন তেঁতুল গাছ বসাইতেও দেখা যায় না। প্রাণে হয় ত সরকার পক্ষ হইতে বৃক্ষ রোপণ সপ্তাহ অহুষ্ঠিত হইবে, সে জন্ত আমরা এখন হইতে সকলকে উৎসাহের সহিত সে বিষয়ে কার্য করিতে অহুরোধ করি। দেশের প্রত্যেক নরনারী যদি এ বিষয়ে মনোবোর্ধ হন, তাহা হইলে সমস্তার সমাধান করা আদৌ কষ্টকর হইবে না।





শ্রীক্ষেত্রনাথ রায়

স্বধাংশুশেখর চট্টোপাধ্যায়

ফুটবল লীগ ৪

কলকাতার গড়ের মাঠে ক্যালকাটা ফুটবল লীগের বিভিন্ন বিভাগের খেলা যথারীতি আরম্ভ হয়ে গেছে। গত বছরের থেকে খেলার মাঠের দর্শক সংখ্যা বহুগুণ বৃদ্ধি পেয়েছে। মোহনবাগান কিংবা ইস্টবেঙ্গল দলের সঙ্গে যখন কোন দুর্বল দলের খেলায় মাঠে বেশ দর্শক সমাগম হচ্ছে। এর কারণ, খেলার ভাল স্ট্যাণ্ডার্ড নয়, প্রধান কারণ হল কলকাতায় লোক সংখ্যা অনেক বেড়ে গেছে। এই পর্যন্ত প্রথম বিভাগের লীগে যতগুলি খেলা হয়েছে তার ফলাফলের উপর লীগের উপরের দিকে আছে গত বছরের লীগ ও শীল্ড বিজয়ী ইস্টবেঙ্গল ক্লাব, মোহনবাগান এবং রাজস্থান। ইস্টবেঙ্গল ৯টা খেলায় ১৭ পয়েন্ট করেছে। জর্জ টেলিগ্রাফের সঙ্গে তাদের খেলার ফলাফল এর সঙ্গে ধরা হয়নি। সেদিন খেলা শেষ হবার নির্ধারিত সময়ের তিন মিনিট আগে পর্যন্ত খেলাটা ড্র থাকছিল এমন সময় ইস্টবেঙ্গল এক গোল দেয়। এই গোল হবার আগেই রেফারী অফ সাইডের ছইসেল দেন। কিন্তু মাঠে একদল উচ্ছ্বল দর্শক ঢুকে পড়ায় খেলাটা শেষ পর্যন্ত আর হয়নি, অসমাপ্ত অবস্থায় থেকে যায়। এ খেলার পয়েন্ট সম্পর্কে আই এফ এ-র কাছ থেকে এখনও কোন স্পষ্ট মত পাওয়া যায়নি। ইস্টবেঙ্গল ক্লাব ১০টা খেলার মধ্যে ৩টে খেলায় দলের সুনাম অস্থায়ী খেলতে পারেনি। তাদের খারাপ খেলা হয়েছে কালীঘাট, জর্জ টেলিগ্রাফ এবং ক্যালঃ গ্যারিসন দলের সঙ্গে। কালীঘাট ক্লাবের সঙ্গে খেলায় ইস্টবেঙ্গল ক্লাব শেষ পর্যন্ত ১-০ গোলে জয়ী হয়ে কোন রকমে মান রক্ষা করেছে। খেলার আগে কেউ ভাবতে পারেনি

অখ্যাতনামা একেবারে তরুণ বাঙ্গালী খেলোয়াড় নিয়ে কালীঘাট ক্লাব গত বছরের লীগ-শীল্ড-রোভাস' বিজয়ী ইস্টবেঙ্গল ক্লাবকে একেবারে নাজেহাল করবে। নিরপেক্ষভাবে সেদিনের খেলা বিচার করলে ঐ দিনের খেলার কালীঘাট ক্লাবের জয়লাভই সম্ভব হ'ত। কালীঘাট ক্লাব দুর্ভাগ্যক্রমে হেরে গেলেও দর্শকদের একথা বুঝিয়ে দিয়েছে বাঙ্গলার যুব শক্তি উৎসাহিত হলেও এখনও মরেনি; অভিজ্ঞতা এবং খ্যাতির দিক থেকে কালীঘাট ক্লাব ইস্টবেঙ্গল দলের খেলোয়াড়দের সামনে দাঁড়াতে পারে না কিন্তু এ সমস্তই সম্ভব স্বাভাবিকভাবে কাছাকাছি থাকলে কিভাবে চুরমার হতে পারে সেদিনের খেলার তারা দেখিয়ে দিয়েছে। আমরা কালীঘাট ক্লাবের বাঙ্গালী খেলোয়াড়দের আন্তরিক অভিনন্দন জানিয়ে বলি 'সাবাস! সাবাস! এই সঙ্গে যে সব ক্লাব উৎকট দলীয় স্বার্থে বাইরের খেলোয়াড় আমদানী করে লীগ-শীল্ড পাওয়ারটাই একমাত্র কাম্য হিসাবে গ্রহণ করেছে, তাদের সেদিনের খেলার অবস্থা অস্বাভাবিক করতে অস্বরোধ করি। জর্জটেলিগ্রাফের সঙ্গে খেলায় ইস্টবেঙ্গল দলের আক্রমণ ভাগের খেলোয়াড়রা দর্শকদের হতাশ করেছে। খেলোয়াড়দের বহু ক্ষতির অস্ত্র সমর্থকেরা শেষ পর্যন্ত বিরক্ত হয়ে উঠেছিলেন। ক্যালকাটা গ্যারিসনের বিপক্ষে ইস্টবেঙ্গলের তিনজন নিয়মিত খেলোয়াড় নামেনি। ভিল্ডে মাঠের সুরবিধা পেয়ে সৈনিকদল ইস্টবেঙ্গল দলের থেকে অধিক অব্যর্থ গোলের সুযোগ পায় কিন্তু দুর্ভাগ্যক্রমে তার একটীকও সফল ব্যবহার করতে পারেনি। ইস্টবেঙ্গল দলের খেলোয়াড় আবিদ এবছর মহমেডান স্পোর্টিং দলে যোগদান করার দলের বিশেষ ক্ষতি হয় নি। তাদের 'ফরওয়ার্ড লাইন' এখনও অস্ত্র দলের থেকে

সর্বাপেক্ষা ক্ষুণ্ণতম এবং শ্রেষ্ঠ। সেই ভুলনার হাক লাইন সুবিধার নয়। রক্ষণভাগে একমাত্র ব্যোমকেশ বোসই নির্ভরশীল। তাজ মহম্মদের মত একজন শক্তিশালী ব্যাকের অভাব বেশ বুঝতে পারা যাচ্ছে। আক্রমণভাগে শক্তিশালী খেলোয়াড় থাকার জন্য রক্ষণভাগে এখনও তেমন চাপ পড়েনি। দলের কৃতিত্ব এ পর্যন্ত একটা খেলাতেও হারেনি এবং মাত্র একটা গোল খেয়েছে। গোল দিয়েছে ই-আই রেলদলের মেওয়ালাল। খেলা ড্র গেছে একটা, ডালকোসির সঙ্গে। ১০টা খেলায় ২১টা গোল দিয়েছে। ১০টা খেলায় ১৬ পয়েন্ট করে দ্বিতীয় স্থানে আছে গত বছরের আই এক এ শীল্ডের রানাস-আপ মোহনবাগান ক্লাব। মোহনবাগান এখনও পর্যন্ত হারেনি। ২০টা গোল দিয়ে ৩টে গোল খেয়েছে। দলের নতুন খেলোয়াড়দের মধ্যে উল্লেখযোগ্য ফরওয়ার্ডে স্তার (মহঃস্পোর্টিং), এস গড়গড়ি, অনিল মুখার্জি (রাজস্থান); হাকব্যাকে ডি পাইন (এরিয়াল) এবং রতন সেন (রাজস্থান)। মূল্যবান এক পয়েন্ট নষ্ট করেছে স্পোর্টিং ইউনিয়নের সঙ্গে খেলা ড্র করে। রাজস্থান ক্লাব ১০টা খেলে ১৫টা পয়েন্ট পেয়েছে। রাজস্থান লীগের খেলায় প্রথম হেরেছে ১-০ গোলে ইস্টবেঙ্গল দলের কাছে। রাজস্থানে একাধিক নামকরা খেলোয়াড় এ বছর যোগ দিয়েছে। ভারতীয় অলিম্পিক গোলরক্ষক সঞ্জীব, হাকব্যাকে অরোকিয়া স্বামী ও মহাবীর, ফরওয়ার্ডে বজ্র ভেলু, শ্রাম্পাদী, রমন, এন্টনি এবং ডি ক্রুজ। দলের রক্ষণ এবং আক্রমণভাগ সমান শক্তিশালী। খেলোয়াড় সংগ্রহের দিক থেকে রাজস্থান ক্লাব ফুটবল ক্রীড়ামহলে যে চাকল্য সৃষ্টি করেছিল খেলায় তেমন কিছু দেখাতে পাচ্ছে না। এ পর্যন্ত বেশী গোল দেওয়ার কৃতিত্ব লাভ করেছে আর দাশগুপ্ত (কালীঘাট) ৭; মেওয়ালাল (ই-আই-আর) ৭; এই সঙ্গে উল্লেখযোগ্য, ভেকটোস ও ধনরাজ (ইস্টবেঙ্গল) ৬; কে সিংহ, (কালীঘাট) ৬; এ ব্যানার্জি (জর্জটেলিঃ)—৫; ইউরোপীয় সমাজের ধর্মপ্রাণী বিখ্যাত ক্যালকাটা ক্লাব লীগের শেষ ধাপে আছে। ১২টা খেলায় ২ পয়েন্ট করেছে। পর পর দশটা খেলায় হেরে ক্যালকাটা ক্লাব ভবানীপুর দলের সঙ্গে ২-২ গোলে খেলা ড্র করে এক পয়েন্ট পায়। এবছর কোন দল লীগ পাবে এবং কোন দল দ্বিতীয়

বিভাগে নামবে এ জানবার আগ্রহ দর্শকমহলের সমান। শেষ পর্যন্ত যদি ক্যালকাটা ক্লাবই লীগের সর্বশেষ স্থান অধিকার করে তাহলে এই দলের সম্মান কি উপায়ে বজায় রাখা যায় এই নিয়ে নিশ্চয় ক্রীড়ামহলে নানা ভ্রমণা করনা চলবে। এটা কম উপভোগ্য বিষয় হবে না।

মহমেদান স্পোর্টিং লীগের তালিকায় বর্তমান অবস্থায় ১০টা খেলায় ১৩ পয়েন্ট করে চতুর্থ স্থানে আছে। হার হয়েছে ১টা, রাজস্থান দলের কাছে ১-০ গোলে। জর্জটেলিগ্রাফ আছে পঞ্চম স্থানে এদের হার ২টা।

ভবানীপুর ১০টা খেলায় ৮টা ম্যাচ ড্র করেছে, হেরেছে ১টা, ইস্টবেঙ্গলদলের কাছে এবং জিতেছে ক্যালকাটা গ্যারিসনের সঙ্গে ৮ গোলে। কালীঘাট ৮-১ গোলে বি এন আরকে হারিয়েছে। এ বছর এ পর্যন্ত এত বেশী গোলে এই ছ'দল ছাড়া কোন দল জিততে পারেনি।

ইলিংস ফুটবল মরসুম ৪

১৯৫০ সালের ইলিংস ফুটবল মরসুমের পরিসমাপ্তি ঘটেছে। নিচে ফলাফল দেওয়া হল।

এক এ কাপ :

বিজয়ী	রানাস-আপ
আসেনাল—২	সিতারগুল—০
প্রথম বিভাগ লাগ	
চ্যাম্পিয়ানস	রানাস-আপ
পোর্টসমাউথ—(৫৩)	উলতার হামটন ওয়াওয়ার্স (৫৩)
দ্বিতীয় বিভাগ লীগ :	
টোটেনহাম হটসপার (৬১)	শেফিল্ড ওয়েডনেসডে (৫২)
তৃতীয় বিভাগ (সাউথ)	
নটস কাউন্টি (৫৮)	নর্থহামটন টাউন (৫১)
তৃতীয় বিভাগ (নর্থ)	
ডনকার্টাস রোভার্স (৫৫)	গেটসহেড (৬৩)

৪২টা খেলায় কোন দল কত পয়েন্ট করেছে তা দলের নামের পর বন্ধনীর মধ্যে দেওয়া হয়েছে।

ফুটস লীগ 'এ' রেজার্স (৫০) হিবারনিয়ান (৪৯)
ডিভিসন 'বি' মর্টোন (৪৭) এয়ারফ্রিওনিয়ান (৪৪)

জাতীয় জীবনে ফুটবল খেলা ৪

বাংলা দেশের সব থেকে জনপ্রিয় খেলাগুলো ফুটবল খেলার মরসুম কলকাতার গড়ের মাঠে গত মে মাসের

প্রথম থেকে শুরু হয়ে গেছে। কলকাতার গড়ের মাঠকে সারা ভারতের ফুটবল এবং হকি খেলার মহা-তীর্থক্ষেত্র বলা অসম্ভব হবে না। ফুটবল খেলার সঙ্গে বাঙ্গালী জাতির কৃষ্টি-সত্যতার বেন এক অচ্ছেদ্য সম্বন্ধ, যেমন জীবনধারণের ক্ষেত্রে ভাত ও মাছের। কলকাতা সহর ছাড়িয়ে বাংলার মফঃস্বল সহর, সহরতলী এবং পল্লী গ্রামাঞ্চলগুলিতে ফুটবল খেলার জনপ্রিয়তার তুলনা ভারতবর্ষের অন্য কোন প্রদেশে মিলবে না। অর্থনৈতিক ক্ষেত্রে বাঙ্গালী জাতি ইংরেজ রাজত্বের সময় থেকেই নিঃস্ব হয়ে কল্যাণ পাত্র হাতে নিয়ে দাঁড়িয়েছে। বৈদেশিক শাসক-কূলের স্বার্থের প্রয়োজনে বাঙ্গালী জাতিকে আত্মত্যাগ এবং নানা প্রলোভনের বিনিময়ে চাকুরীবৃত্তির পথ বেছে নিতে বাধ্য করা হয়েছিলো। এর কুফল সমগ্র জাতির স্বাধীন সত্তার স্বাভাবিক বিকাশের পথে বধেট বাধাব কারণ হয়ে দাঁড়ালেও বাঙ্গালী জাতির মধ্যে একাধিক প্রতিভাবান মনীষি জন্মগ্রহণ করে সারা ভারতের দাসত্ব শৃঙ্খলমোচনের সংগ্রামে নেতৃত্বের সম্মান লাভ এবং সেই সঙ্গে চরম হুঃখ দুর্দশা এবং মৃত্যু পর্যন্ত বরণ করেছিলেন। বাঙ্গালী জাতির জীবনসত্তার মধ্যে রাজনীতিক চেতনার উন্মেষ বৈদেশিক শাসকমণ্ডলীর চোখে কিন্তু অপরাধের কারণ হয়ে দাঁড়িয়েছিল। এই অপরাধের শাস্তিরূপ শাসক সম্প্রদায় সমগ্র বাঙ্গালী জাতির ধন-প্রাণ, মান-সম্মানকে কি তাবে লুপ্তিত এবং লাহিত করেছে তার ইতিহাস দীর্ঘদিনের এবং আজকের ক্ষয়িষ্ণু বাঙ্গালী জাতিই বৈদেশিক কূটনীতি এবং নিপীড়নের যুগকাঠে আত্মবলি দিয়ে আজ নিজ দেশে পরবাসী হয়েছে। অর্থনৈতিক চাপে নিষ্পিষ্ট হয়ে সমগ্র বাঙ্গালী জাতির মুখ থেকে অনেক দিন আগেই হাসি মিলিয়ে গেছে। বাঙ্গালী হাসতে জানে না, এ রকম মন্তব্য বাঙ্গালী জাতি সম্পর্কে দীর্ঘকাল চাণু আছে। একথাটা যেমন ঠাট সত্য, তেমনি এর ব্যতিক্রম আছে মাত্র দুটি ক্ষেত্রে। একদিকে, দেশপ্রেমের গুরুতর অপরাধে অভিযুক্ত হয়ে ফাঁসির দড়ি গলায় পরতে গিয়ে বাঙ্গালী যুবকদের মুখে হাসি ঝরেছে অপরদিকে বাঙ্গালীর মুখে হাসি দেখা গেছে ফুটবল খেলার মাঠে। চাকুরীজীবী মধ্যবিত্ত কেরানী, স্কুল কলেজের ছাত্র, বেশীর ভাগ এদের নিয়েই ফুটবল খেলোয়াড় আর

এরাই হ'ল ফুটবল খেলার দর্শক এবং বড় সমর্থক। বছরের মধ্যে মে মাস থেকে শুরু করে তিনচার মাস কলকাতার বাঙ্গালী জাতির মধ্যে একটা আনন্দ-উদ্দীপনার সাড়া পাওয়া যায়। বাঙ্গালী জাতি যে হাসতে পারে, তাদের প্রাণে যে আনন্দের প্রাচুর্য আছে সেই সঙ্গে ধৈর্য এবং কষ্ট-সহিষ্ণু গুণও যে আছে, বোশেখ এবং জষ্টি মাসের কাঠফাটা রোদে আবার আবাচ-প্রাবণ মাসের অবিরাম বারিপাতের মধ্যে খেলার মাঠে আট দশ ঘণ্টা অপেক্ষামান বাঙ্গালী দর্শকদের দেখলে তা স্বীকার না করে পারা যায় না।

বৃটিশ আমলে পুলিশের গুলো এবং ঘোড়ার লাথির বেড়াঝাল পার হবে মাঠের মধ্যে ঢুকে সে কি আরামের নিশ্বাস আর একমুখ হাসি। আব যেদিন খেলার গোর কিংবা ইউরোপীয় দলকে বাঙ্গালী দল হারিয়ে দিত সেদিন মনের আনন্দে বাঙ্গালী দর্শকদের মুখে হাসি উপস্থ পড়তো। আগের দিনে বাঙ্গালী ফুটবল খেলোয়াড়দের খেলায় নিষ্ঠা এবং আন্তরিকতার বিশেষ প্রশংসা শোন যায়। এর পিছনে নিছক খেলাটাই বড় ছিল না, ছি বহুদিনের উৎপীড়নের ফলে প্রতিশোধের আক্রোশ, জাতীয়তাবোধ এবং রাজনৈতিক চেতনা। ভারতীয় রাজনৈতিক এবং অর্থনৈতিক ক্ষেত্রে প্রতুষ নিয়ে বৈদেশিক সরকারের সঙ্গে আমাদের যে বিরোধ ছি খেলার মাঠে তাদেরই জাতীয় ফুটবল খেলার হারিয়ে আমরা জাতীয় জয়লাভের সমান আনন্দ এবং আত্মপ্রসাদ লাভ করতুম। শিক্ষা, সত্যতা এবং কৃষ্টির ক্ষেত্রে যেমন পশ্চাত্য পদ্ধতি এবং ভাবধারাকে আমরা অন্ধের মত অহু করছি তেমনি ফুটবল বিদেশী খেলা হওয়া সত্ত্বেও আমরা জাতীয় খেলার সমান পদমর্যাদা দিয়েছি ভারতীয় ফুটবল খেলার যে একটা নিজস্ব পদ্ধতি এবং স্বাতন্ত্র্য ধারা রয়েছে তার পথ প্রশর্ষক হ'ল বাঙ্গালী ফুটবল খেলোয়াড়রা। আজ যেমন ঘটনাচক্রে জীবনের বিভিন্ন ক্ষেত্রে আমরা পিছু হটেছি, তেমনি পিছনে পড়ে আছি খেলাধুলা এমন কি ফুটবল খেলাতেও। কলকাতার অর্থবান ফুটবল প্রতিষ্ঠানগুলির উগ্র দলীয় মনোভাব এবং তাদের অবলম্বিত নীতিই ফুটবল খেলার বাঙ্গালী খেলোয়াড়দের জীবনে চরম ব্যর্থতা ডেকে এনেছে। শিক্ষাক্ষেত্রে

যেমন সট-কাট নোট মুদ্রা করে ছাত্র-ছাত্রীরা পরীক্ষার সাফল্য লাভের সোজা পথ বেছে নিয়েছে, আমাদের দেশের নামকরা একাধিক ফুটবল টিমের কর্তৃপক্ষ মহলকে লীগ-শীল্ড জয়লাভের অক্ষমোহে জাতীয় সম্মান এবং খেলাধুলার মূলনীতি বিসর্জন দিয়ে কেবল দলগত স্বার্থের উদ্দেশ্যে বাঙ্গলার বাইরে ভারতবর্ষের বিস্তৃত অঞ্চল থেকে এমন কি বর্ষা মূল্যকেও খেলোয়াড় সংগ্রহের আড়কাঠি পাতে দেখা গেছে। এসব কাজে তাঁদের কি উৎসাহ, উদ্যোগ এবং আইনের ছিদ্র পথ আবিষ্কারের কুটবুদ্ধি! আজ তাঁদের কাছে বড় কথা, লীগ-শীল্ড নিয়ে দলের নাম প্রতিষ্ঠা করে বেশী সংখ্যক সমর্থক যোগাড় করা। এর

মধ্যে নীতি বা কোন আদর্শের বালাই নেই, একমাত্র দলীয় এবং ব্যক্তিগত স্বার্থ ছাড়া। মনের মধ্যে এবং আচার ব্যবহারে প্রাদেশিকতা এবং সঙ্কীর্ণতা পোষণ করা মহত্বের যেমন পরিচয় নয় তেমনি এর দোহাই দিয়ে এমন উদারতার পথ নিশ্চয় অবলম্বন করা উচিত হবে না যার ফলে সমগ্র জাতিকে আত্মপ্রতিষ্ঠা লাভের অধিকার থেকে বঞ্চিত হ'তে হবে। আজ কলকাতায় যে অবাদালী ফুটবল খেলোয়াড়দের উপর দলের সম্মান রক্ষার ভার ছেড়ে দেওয়া হয়েছে এবং যে সব কৌশলে তাদের দলভুক্ত করা হয় তা আত্মপ্রবঞ্চনার সমান এবং তাতে সখের খেলোয়াড়দের মর্যাদা রক্ষা হয় না।

১১. ৬. ৫০.

নব-প্রকাশিত পুস্তকাবলী

মরেন্দ্র দেব প্রণীত ভ্রমণ-কাহিনী "রাজপুত্রের দেশে"—৩।
 মনমথ রায় প্রণীত নাট্যোপস্থাপনা "কুমাণ"—২।
 শ্রীমলীপকুমার রায় প্রণীত স্বরলিপি "স্বরবিহার"—৪। গানের বই
 "ভাগবতী গীতি"—৪।
 শ্রীবিধনাথ মজুমদার প্রণীত উপস্থাপনা "মানস-প্রতিমা"—২।
 যজ্ঞেশ্বর রায়-সম্পাদিত গল্প-গ্রন্থ "ধূসর পদচিহ্ন"—২।
 শ্রীযশস্কুমার চট্টোপাধ্যায় প্রণীত "উপনিষদ" (৩য় খণ্ড)—২।
 শ্রীশশধর বসু প্রণীত ডিটেকটিভ উপস্থাপনা "হৃদয়ান্ত ঘপন"—২।
 "হীরক-বীণে ঘপন"—২।, "অপরাজেয় মোহন"—২।
 শ্রীমুসলিম নাথ বোম্ব-অনুদিত "আইভ্যানহো"—১।
 শ্রীকৃষ্ণকুমার চট্টোপাধ্যায় প্রণীত জীবনী "কানাইলাল"—১।
 "সত্যেন বহু"—১।

শ্রীসৌরীন্দ্রমোহন মুখোপাধ্যায়-সম্পাদিত রহস্যোপস্থাপনা
 "গ্রীণ হাউস"—১।
 শ্রীঅজয়চন্দ্র সরকার প্রণীত "বঙ্কিমচন্দ্রের ভাষা"—২।
 শ্রীমতী বিজয়লতা দেবী প্রণীত উপস্থাপনা "ধূলার ধরণীতে"—২।
 প্রবোধ সরকার প্রণীত শিশুপাঠ্য উপস্থাপনা "লক্ষ বর্ষ পরে"—১।
 শ্রীঅনাথ রায় প্রণীত "অদৃশ্য কালো গোয়েন্দা"—১।
 শ্রীশ্রীমদুস্কর সাধন সজ্ব প্রকাশিত "পারের কড়ি"
 (ব্রহ্মচারী গজানন্দজীর পত্রাবলী)—২।
 শ্রীললিতমোহন ভট্টাচার্য প্রণীত কাব্যগ্রন্থ "বনলতা"—১।
 শ্রীশচীন্দ্রনাথ মিত্র প্রণীত "ভারতীয় সঙ্গীত পরিচিতি" (১ম খণ্ড)—৭।
 শ্রীকালিদাস রায় প্রণীত "বঙ্গ সাহিত্য পরিচয়" ২য় খণ্ড—৬।
 মিহিরলাল গঙ্গোপাধ্যায় প্রণীত নাটক "পাটলিপুত্র"—২।

বিজ্ঞপ্তি

আমাদের পাকিস্তানস্থ গ্রাহকগণের মধ্যে যাহারা আমাদের কার্যালয়ে "ভারতবর্ষ"-এর চান্দা পাঠাইতে বা জমা দিতে অস্ববিধা ভোগ করিয়া থাকেন, তাহারা অতঃপর ইচ্ছা করিলে গ্রাহকনামের উল্লেখপূর্বক The Asutosh Library, 78/6, Lyall Street, Dacca, East Pakistan—নিকট চান্দা পাঠাইতে বা জমা দিতে পারেন। নূতন গ্রাহকগণ চান্দা জমা দিবার সময় "নূতন গ্রাহক" কথাটি উল্লেখ করিবেন। ইতি—

বিনীত


কার্যালয়ক—ভারতবর্ষ

সম্পাদক—শ্রীকণীন্দ্রনাথ মুখোপাধ্যায় এম-এ.

২০০১/১১, কর্ণওয়ালিস স্ট্রীট, কলিকাতা ভারতবর্ষ প্রিণ্টিং ওয়ার্কস্ হইতে শ্রীগোবিন্দপদ ভট্টাচার্য কর্তৃক মুদ্রিত ও প্রকাশিত

ভারতবর্ষ





১৯৫৫
 (১৯৫৫) ১৯৫৫

ঘাটের দেখতে নাহি তার চলন বাঁকা

শিল্পী :— (প্রত্যাখ্যাত ছবিগুলি সংগ্রহ করিয়া) ক্রটি জানতে পারলে সংশোধন করতে পারতাম ।
 সম্পাদক :— অসম্ভব । ঐ চেহারা আর কতো শোধরাবেন ! তা ছাড়া আপনার গুপ্তি-চাহনিটাও সুবিধার নয় ।



শ্রাবণ-১৩৫৭

প্রথম খণ্ড

অষ্টত্রিংশ বর্ষ

| দ্বিতীয় সংখ্যা

গীতায় সন্ন্যাসের আদর্শ

শ্রীধীরেন্দ্রনাথ বন্দ্যোপাধ্যায় এম-এ

কুরুক্ষেত্রের যুদ্ধ আরম্ভ হইতে আর বিলম্ব নাই। শর-বর্ষণের অন্ত ধর্মবাণ তুলিয়া অর্জুন সহসা থামিয়া গেলেন, সারথিকে বলিলেন—রথ ফিরাও, যুদ্ধ আমি করিব না, বিজয় রাজ্য সুখ আমি চাহি না, ‘কৃধির-প্রদীপ্তান’ ভোগে আর কাজ নাই। কর্মত্যাগ সংসারত্যাগ করিয়া আমি সন্ন্যাসী হইব, ভিক্ষায় জীবন ধারণ করিব। কিন্তু ফিরিবার পথ নাই—‘সেনয়োকৃতসোর্মধ্যে’ রথ স্থাপিত। পাণ্ডবপক্ষের সর্বময় অধিনায়ক রথীন্দ্র অর্জুনকে যুদ্ধ করিতে বিমুখ দেখিয়া শ্রীকৃষ্ণ কঠোর ভাষায় বলিলেন—কৈব্যাং মান্ব গমঃ পার্থ। অর্জুন, ক্লীব হইও না, অধর্মের গ্লানিতে ক্লিষ্ট বিশাল ভারতকে ভাঙিয়া চুরিয়া নূতন মহাভারত সৃষ্টি কর। বুর্জোয়া মনোবৃত্তি, আভিজাত্যের চিন্তাপ্রণালী ছাড়িয়া দাও। একতরফা ভীষ্ম-দ্রোণের অন্ত ‘কুপন্ন্যাসিষ্ট-যশপূর্ণাকুলেক্ষণম্’ হইলে জনসাধারণ—যেহুপি স্যুঃ পাপ-

যোনয়ঃ—স্ত্রী বৈশ্ব শূদ্র পতিত চণ্ডাল বাদ পড়িয়া যায়। গণশক্তিই রাষ্ট্র-শক্তি।

যাঁহারা বলেন—রূপক ছলে অন্তর্জগতের রহস্যসমূহ সমাধান করাই গীতার উদ্দেশ্য, গীতার কুরুক্ষেত্র ঐতিহাসিক কুরুক্ষেত্র নহে, উহা মাহুষের হৃদয়ক্ষেত্র, মাহুষের সহিত মাহুষের যুদ্ধ গীতার বর্ণিত হয় নাই, উহা সাধন-সমর, তাঁহাদের সহিত আমরা একমত হইতে পারি নাই। মাহুষের অন্তর্জগতে যেমন পাপ-পুণ্যের বন্দ চলিতেছে, বহির্জগতে মাহুষের বাস্তব কর্মজীবনেও সেইরূপ ঘাত-প্রতিঘাত নিরন্তর চলিতেছে। ভারতের নবযুগে আজ এই কথাটি সর্বাগ্রে মনে রাখিতে হইবে যে, এক ঐতিহাসিক মহাযুদ্ধই গীতার পটভূমি, রক্ত-প্রাণিত ইতিহাসের ক্ষেত্রেই গীতার বাণী উচ্চারিত। ধর্মক্ষেত্র আজ আর নৈমিষারণ্যের শান্ত পরিবেশের মধ্যে নহে,

ভারতের শেষ বেদান্ত সকল শেষ প্রবন্ধের চরম মীমাংসা দিতে রণভূমির কেন্দ্রস্থলেই আবির্ভূত, কলকোলাহলময় যুদ্ধক্ষেত্রেই শ্রীকৃষ্ণার্জুন সংবাদরূপে প্রকট হইয়াছে। ছর্ষোগময় কুরুক্ষেত্রেই শ্রীকৃষ্ণ 'ব্রহ্মবিচার্যো যোগশাস্ত্রে'র উপদেশ দিয়াছেন, ধূলিমলিন ধরার কর্মের মধ্যেই নৈকর্ম্যের আদর্শ প্রচার করিয়াছেন। গীতা ঝড়ের শাস্ত্র—ঝড়কে বুকে লইয়া কেমন করিয়া পরম শান্তি নামিয়া আসে সেই সংবাদ গীতা দিয়াছেন। শ্মশানের শান্তি গীতা প্রচার করেন নাই।

সংসার যুদ্ধক্ষেত্র—ইহাই সংসারের স্বরূপ, এখানে সকলে যুযুৎসু হইয়াই সমবেত। বিশ্বপ্রকৃতি এখানে চ্যালেঞ্জ দিয়া বসিয়া আছেন—যো মাং জয়তি সংগ্রামে * * * স মে ভর্তা ভবিষ্যতি। এই যুদ্ধ-আহ্বান গ্রহণ করিয়া তাহাকে জয় করিতে হইবে। এই জয় করার সাধনা গীতাতে বর্ণিত। অন্তর্জগতে বহির্জগতে ষত প্রকার শত্রু আছে সব জয় করিয়া সমৃদ্ধ রাজ্য ভোগ করিতে হইবে। ভিতরের কামক্রোধাদিই কেবল শত্রু নয় বাহিরের আততায়ী ছর্ষোধনাদিও পরম শত্রু। এ বিশ্বে পরাজিতের স্থান নাই।

জটিল সমস্তাপূর্ণ সংসারকে পায়ে ঠেলিয়া জগতের ওপারে মুক্তির সন্ধান দিবার জন্য সকল উপনিষদের সার লইয়া গীতার সৃষ্টি হয় নাই। গীতার মুক্তি এই জগতের মাটির বুকে—ইহেব তৈর্জিতঃ সর্গো যেযাং সাম্যে স্থিতং মনঃ—মৃত্যুর পূর্বে এই মানব দেহে—প্রাক্ শরীর-বিমোক্ষণাৎ। সংসার ত্যাগ করিলেই শান্তি আসে না, রস-লালসা অতৃপ্ত-বাসনা অবচেতনায় বাসা বাঁধিয়া স্মরণের অপেক্ষায় শুক থাকে। অস্বীকার করিলেই বিশ্বপ্রকৃতি অস্বীকৃত হয় না। ইহার অনেক দৃষ্টান্ত পুরাণকার দিয়াছেন—রাজা সুরথ, বৈশ্র সমাধি, সৌভরি পরাশর ঋষিশ্রু বিশ্বামিত্র রাজা ভরত। নিগৃহীত হইলেই কামনা মরে না, মায়ুমণ্ডলকে শুকাইলে বাসনা শুকায় না—ইহা রোগীকে শেষ করিয়া রোগ উপশমের নিফল প্রয়াস। গীতার আদর্শ জনকাদয়ঃ। রাজর্ষি জনক প্রকৃতির সঙ্গে সংগ্রামে জয়ী হইয়া সংসারে থাকিয়াই সন্ন্যাসী। কর্ম-ক্ষেত্রের মস্ততার মধ্যে তিনি স্থিতপ্রজ্ঞা সমতা নৈকর্ম্যের অবিচল শান্তি আনিয়াছিলেন। ভোগ ও ত্যাগ, সংসার

ও সন্ন্যাস—উভয়ের সত্য সখ্য স্থাপন, তাহাদের সমন্বয় গীতার মহাদান।

কিছুদিন পূর্বে ভারতের তদানীন্তন মহামন্ত্র রাষ্ট্রপতি শ্রীরাজাগোপালচাঁদী এক বক্তৃতায় বলিয়াছিলেন—ভারতের বৈদান্তিক সভ্যতা, তাহার অজড়বাদী সংস্কৃতি ভারতকে সকল বিপদ হইতে রক্ষা করিয়া আসিয়াছে। আত্মসভ্যতার মূল প্রকৃতি, তাহার অধ্যাত্মবাদ একভাবে চলিয়া আসিয়াছে, তাহা আজও অগ্নান। সত্য বটে অতি প্রাচীন সাংস্কৃতিক ঐতিহ্য বহন করিয়া ভারত আজও বাঁচিয়া আছে, কিন্তু কিভাবে সে জীবিত তাহা আর বিশেষভাবে প্রণিধান করিতে হইবে। কোনমতে টিকিয়া থাকাই পরম পুরুষার্থ নহে। একটা জাতি জীবনমুহুর্ত অবস্থায় বহুকাল টিকিয়া থাকিতে পারে, ক্ষয়রোগীও দীর্ঘজীবী হয়। বহুকাল বাঁচিয়া আছি অতএব ভবিষ্যতেও থাকিব, এযুক্তি বালকেই করে। অজড়বাদের যদি এতই মহিমা, তবে সহস্র বৎসর ধরিয়৷ ভারতবর্ষ পরাধীন কেন মুসলিম আক্রমণ, ব্রিটিশ-বণিকের রাজ্য প্রতিষ্ঠা সে প্রতিরোধ করিতে পারে নাই কেন? পশ্চিম পঞ্জাবে মুসলমান সংখ্যাধিক্যের একটা কারণ থাকিতে পারে, কিন্তু পূর্ববঙ্গ হিন্দুর দেশ, আফগানিস্থান বেলুচিস্থান হইতে তাহা অনেক দূরে, সেখানে মুসলমান সংখ্যাগরিষ্ঠ সম্প্রদায় হইল কেন চোখের উপর অথও ভারতবর্ষ ছিন্নভিন্ন হইল, তাহা দুইটি অঙ্গ খসিয়া গেল। অজড়বাদী সংস্কৃতি, তাহা নেতিবাদ সকল বিপদ হইতে ভারতকে রক্ষা করিতে পারে নাই—একথা আজ অকুণ্ঠভাবে স্বীকার করিতে হইবে ভারতীয় সংস্কৃতির যে ক্রটির জন্য এই সুদূরপ্রসারিত পরাধীনতার জ্বালা, তাহার কোলের কোটা কোটা সন্তা ইসলামধর্ম গ্রহণ করিয়াছে, লক্ষ লক্ষ ক্রীতদাস হইয়াছে সেই গলদ দূর করিতে হইবে, যাহাতে আর ইহা পুনরাবৃত্তি না ঘটে। হিন্দুকে বাঁচিতে হইলে, নবল স্বাধীনতা স্থায়ী করিতে হইলে, স্বাধীনতা রক্ষার যোগ্যতা লাভ করিতে হইবে, সনাতন ধর্মকে অচলায়তন সমাজকে আর্জুনামুক্ত করিয়া প্রকৃত হিন্দুধর্মের আদর্শে নবরূপে রূপায়িত করিতে হইবে।

প্রশ্ন উঠে, ভারতীয় সংস্কৃতির ক্রটি কোথায় এবং তা কেমন করিয়া আসিল? কেমন করিয়া এই মহাদেশ ধীরে

রে নৈকর্মের প্রেরণার অভিভূত হইল, গীতার প্রাণবান সম্বয়মূলক শিক্ষা কেমন করিয়া চাপা পড়িল? মানুষের জীবনে যেমন কৌমার যৌবন জরা—জাতির জীবনেও এইরূপ উত্থান সমৃদ্ধি ও পতন আসে। বহু কাল ধরিয়া জীবনের সকল ক্ষেত্রে অপূর্ব সৃষ্টি-শক্তি, কর্মদক্ষতার পরিচয় দিয়া কালধর্মে ভারতের জীবনীশক্তি কর্মপটুতা চিন্তা-শক্তি অবসন্ন হইল। ভগবান বুদ্ধ আবির্ভূত হইলেন। একজন রাজার ছেলে বিশ্বমানবের হৃৎখনিরক্তির সন্ধানে যৌবনেই সকল পার্থিব ঐশ্বর্য ত্যাগ করিয়া সম্যাসী হইলেন। পণ্ডিত-গণ বলেন, গৌতম বুদ্ধই ভারতের প্রথম ঐতিহাসিক সম্যাসী। বৌদ্ধধর্ম প্রচার করিল—শূন্যবাদ, পরলোকে নির্বাণ ও ইহলোকে নৈকর্মের মাহাত্ম্য, অহিংসার মহিমা। সংসার অনিত্য হৃৎখময়। হৃৎখ জয় করিতে হইলে কর্মবন্ধন ছিন্ন করিয়া সম্যাসধর্ম অবলম্বন করিতে হইবে, তবেই নির্বাণলাভ সম্ভব। দলে দলে লোক সংসার ত্যাগ করিয়া ভিক্ষুর জীবন গ্রহণ করিতে লাগিল। একটা প্রদেশে ভিক্ষু ভিক্ষুণীর বিহারে পরিণত হইল। মহারাজ অশোক অসাধারণ কর্মশক্তির পরিচয় দিলেন বটে, কিন্তু তিনিও শেষে রাজকার্যে উদাসীন হইয়া সম্যাসের দিকে আকৃষ্ট হইলেন। ঐতিহাসিক ডক্টর রমেশচন্দ্র মজুমদার লিখিতেছেন—But the policy of blood and iron was not suitable to Asoke who embraced Buddhism and spent his energy in an organised missionary propaganda. * * * The political disintegration and foreign domination were perhaps the price India had to pay for the religious propaganda of Asoke. বুদ্ধের জীবনাদর্শ, অশোকের দৃষ্টান্ত জাতির মনে ধীরে ধীরে প্রভাব বিস্তার করিতে লাগিল। গৌতম বুদ্ধ সনাতন ধর্মের ভিত্তি বেদকে অস্বীকার করিয়াছিলেন। আচার্য শঙ্কর আবির্ভূত হইলেন। বৌদ্ধমত খণ্ডন করিয়া বৈদিক ধর্ম প্রতিষ্ঠা করিলেও আচার্য বুদ্ধের প্রভাব অতিক্রম করিতে পারেন নাই, তিনিও বৌদ্ধসম্যাসবাদ স্বীকার করিলেন। আচার্যের মায়াবাদ, নিঃসর্গব্রহ্মের প্রতিষ্ঠা এবং বৌদ্ধদের শূন্যবাদ ও নির্বাণে পার্থক্য অতি সূক্ষ্ম। এই অন্তর্ভুক্ত বলে শঙ্কর 'প্রচ্ছন্ন বৌদ্ধ'।

আচার্যের মতে সম্যাস, পূর্ণভাবে কর্মত্যাগ করাই চরম লক্ষ্য, গীতা যে বাসনা ত্যাগ করিয়া নিকামভাবে কর্ম করিতে বলিয়াছেন, তাহা কেবল প্রথম অবস্থায় চিন্তাশক্তির জন্মই উপযোগী। জীব ও ব্রহ্ম অভিন্ন, কেবল অজ্ঞানের জন্ম জীব নিজেকে ব্রহ্ম হইতে পৃথক বলিয়া মনে করে, এই অজ্ঞান দূর হইলেই সে নিজেকে ব্রহ্ম বলিয়া জানিতে পারে এবং তাহাই মোক্ষ বা মুক্তি। জ্ঞানেই মুক্তিলাভ হয়। নিকাম কর্ম চিন্তাশক্তি করিয়া জ্ঞানলাভে পরোক্ষভাবে সহায়তা করে মাত্র। অজ্ঞান অজ্ঞান অবিদ্যান, তাই শ্রীভগবান পাণ্ডবকে 'নিকাম কর্মের উপদেশ' দিয়াছিলেন। গীতার শঙ্কর-ব্যাখ্যা সম্যাসমূলক এবং গীতার সকল প্রাচীন ব্যাখ্যা মূলতঃ শঙ্কর ভাষ্যের অনুসরণে রচিত। পরিদৃশ্যমান জগৎ প্রপঞ্চ মায়ার ছিলা, জীবের কর্তৃত্ব অংশত্ব মিথ্যা, এই মিথ্যার অবসান করিয়া সর্বত্র লীন হওয়াই জীবের পরমা গতি—এই বাণী অগণিত শাস্ত্রব্যাখ্যার মাধ্যমে, যত্রতত্র বিচরণশীল। সহস্র সহস্র সম্যাসীর মুখে, শত শত মঠ-মন্দির-আশ্রম হইতে ব্যাপকভাবে প্রচারিত হইল। গীতার সম্বয়মূলক শিক্ষা এইভাবে চাপা পড়িয়া গেল।

যে দিব্যদৃষ্টি লাভ করিয়া মহাযোগী শঙ্কর জগৎকে মিথ্যা বলিয়াছিলেন সে উচ্চভূমিতে উঠিবার যোগ্যতা অতি অল্প মানবের ষটিয়া থাকে। কালধর্মে জাতির জীবনে বার্কক্য আসিয়াছিল, তাহার চিন্তাশক্তি নিস্তেজ হইয়াছিল। কর্মের নিজস্ব পারমার্থিক মূল্য অস্বীকার, জগৎ মিথ্যা সঙ্গীত অবসন্ন জাতির কর্ণে মধুবর্ষণ করিল। মায়াবাদী সম্যাসীর জীবন্ত দৃষ্টান্ত কেহ দেখিল না। অল্পপরিসর জীবনে যানবাহনহীন সেই প্রাচীন যুগের অদ্বৈতবেদান্তের প্রাণপ্রতিষ্ঠাতা আচার্যের বিরাট কর্মের পরিচয় কেহ লইল না। পণ্ডিত নেহরু লিখিয়াছেন—And yet Shankar was a man of amazing energy and vast activity. He was no escapist retiring into his shell or into a corner of the forest, seeking his own individual perfection and oblivious of what happens to others.

ব্যাপকভাবে মায়াবাদ প্রচারের ফলে জনসাধারণ নির্বিচারে জগৎ মিথ্যা বলিয়া মানিয়া লইল। শঙ্কর-দর্শনে

‘মিথ্যা’ শব্দের প্রকৃত অর্থ না বুঝিয়া সহস্র সহস্র অযোগ্য লোক সংসার ত্যাগ করিয়া সন্ন্যাসী হইল। এতগুলি লোকের কর্মশক্তি হইতে জাতি বঞ্চিত হইল। যাহারা সংসার ত্যাগ করিতে পারিল না তাহারা চোখ কান বুজিয়া কোন রকমে সংসার করিতে লাগিল। সংসারে তাহাদের ঘোর অবিশ্বাস, সন্দেহ। মায়া পিশাচী এখানকার প্রতি ধূলিকণায় লুকাইয়া চক্রান্তের জাল বুনিয়া জীবকে বিভ্রান্ত করিতেছে। সমুদ্র-সৈকতের তপ্ত বালুচরে বৃষ্টিবিন্দু যেমন ক্ষণিকে মিলাইয়া যায়, এ সংসার, ‘স্মৃতমিত-রমণীসমাজ’ তেমনি অনিত্য ক্ষণবিধ্বংসী। যে সংসার ক্ষুধার অন্ন, তৃষ্ণার জল, লজ্জানিবারণের আবরণ যোগায় তাহাকে অবহেলা করিয়া ইহলোকের পরপারে নিত্য বস্তুর সন্ধানে এদেশের ছোট বড় সকলেই ব্যাকুল—কবে তৃপ্তিত এ মক্ক ছাড়িয়া যাইব তোমার রসাল নন্দনে। যে জাতির অস্থিমজ্জায় রক্তে রক্তে চিন্তার প্রতি স্পন্দনে এই শিক্ষা বহুমূল, তাহারা পার্থিব জীবনে কতটুকু উন্নতি করিবে? সংসার পাছ-শালা, সংঘবদ্ধ হইয়া দুখটার পাছশালার উন্নতি কে করিতে চায়? দেশভুক্ত লোক যে সংসার ছাড়িয়া সন্ন্যাসী হইয়াছে তাহা নয়, সংসারে থাকিয়া তাহারা জীবনে উৎসাহ হারাইয়াছে; এইরূপে একটা জাতি নির্জীব কর্মবিমুখ লৌকিক ব্যাপারে উদাসীন। এ সংসার যদি প্রবাসভূমি তবে প্রবাসের উন্নতির জন্ত কে চেষ্টা করে? চল মন নিজ নিকেতনে, সংসার বিদেশে বিদেশীর বেশে ভ্রম কেন অকারণে?

শূন্যবাদ, মায়াবাদের মধ্যে যাহা কিছু উচ্চ আদর্শ জনসাধারণ তাহা বুঝিতে পারিল না, তাহারা বুঝিল যে সংসার অনিত্য দুঃখময়, অতএব তুচ্ছ ব্যাপারে মন না দিয়া পরলোকে মুক্তির জন্ত প্রস্তুত হওয়াই মাহুবের কর্তব্য। এই মনোভাব জনসাধারণের মধ্যে কর্মবিমুখতা এবং ইহজীবনের প্রতি একটা বৈরাগ্যময় অবসাদ আনিয়া দিল। সর্ববিশেষের ক্ষেত্রে এই সংসার হইতে মুখ ফিরাইয়া একান্ত নির্বিশেষের ভাবনাই ভারতীয় সংস্কৃতির ক্রটি। ইহাই পলায়নপরতা-রূপ ক্রৈব্যা, যাহার জন্ত শ্রীকৃষ্ণ অর্জুনকে ‘ক্ৰৈব্যাং মাস্থ গমঃ’ বলিয়া স্নেহ-মধুর তিরস্কার করিলেন।

গীতার স্পষ্টবাণী—ন বুদ্ধিতেহং জনয়েদজানাং কর্ম-

সদ্দিনাম্। যোজয়েৎ সর্বকর্মানি বিদ্বান্ বুদ্ধঃ সমাচরঃ অজ্ঞজনকে বড় বড় কথা বলিয়া কর্মব্রষ্ট করিয়া বিচলিত করিও না, তাহাদের বুদ্ধি ভেদ জন্মাইও না যাহারা বিদ্বান্ বুদ্ধিমান তাঁহারা সকল কর্ম করি সাধারণকে কর্মে নিযুক্ত রাখিবেন, কারণ নির্বিচারে জনসাধারণের মধ্যে ত্যাগ বৈরাগ্যের আদর্শ প্রচার করি তাহাদের বুদ্ধির মধ্যে ঘন উপস্থিত হয়। কর্মের দ্বা সিজি হয় না, জ্ঞানের দ্বারাই হয়—এই মত খণ্ডন করিবা! জন্ত গীতা বলিতেছেন—কর্ম করিয়াই জনকাদি পূর্ণত মুক্তিলাভ করিয়াছিলেন। শ্রেষ্ঠ ব্যক্তি যেরূপ আচরণ করেন সাধারণে না বুঝিয়াও তাহাই করে। তিনি আদর্শের সৃষ্টি করেন সাধারণ লোক তাহাই করে ৩২০-২১। শ্রেষ্ঠ ব্যক্তি কিরূপ আচরণ করেন অবতাররূপে ভগবান নিজের দৃষ্টান্ত দিয়া তাহা বুঝাইতেছেন। দেহ অর্জুন, কর্মের দ্বারা লাভ করিবার আমার কিছুই নাই; ত্রিতুবনে কোন কিছুর জন্ত কাহারও নিকট আমি কিছু প্রত্যাশা করি না, তথাপি আমি কর্ম করি। আদি যদি আলম্ব্যবেশে কর্ম না করি, তবে লোকে আমারই পথে চলিবে ও উৎসর্গে যাইবে। ৩২২-২৪। সাধারণ লোকে সংসারে যে সব কর্ম করে জানীরাও সেই সকল কর্ম করিবেন, তবে জানী কর্ম করিবেন ব্যক্তিগত স্বার্থসিদ্ধির জন্ত নয়, আসক্তিশূন্য হইয়া সর্বভূতহিতের জন্ত, লোক-সকলকে ভগবানের দিকে অগ্রসর হইতে সাহায্য করিবার জন্ত। ৩২৫। সন্ন্যাসীরা মনে করেন তাহারা কর্মত্যাগ করিতে বাধ্য, কিন্তু ভগবান কর্মত্যাগ করেন না—বর্ত এবে চ কর্মণি।

গীতার পঞ্চম অধ্যায়ে অর্জুনের প্রশ্নের উত্তরেই শ্রীকৃষ্ণ সন্ন্যাসের এক অভিনব আদর্শ স্থাপন করিয়াছেন। সন্ন্যাসী বলিলে সাধারণত বুঝায় যিনি সংসারের সকল কর্তব্য পরিহার করিয়া পরিত্রজ্যা অবলম্বন করিয়াছেন। শরীর ধারণের জন্ত যেটুকু কর্ম করিলে নয় তিনি কেবল তাহাই করেন। কর্ম সাক্ষাৎভাবে মুক্তি দিতে পারে না, জ্ঞানের দ্বারাই মুক্তি হয়—এই ধারণার বশেই সাধক সন্ন্যাসমার্গ অবলম্বন করেন। তৎকালপ্রচলিত জ্ঞান-কর্মের এই বিরোধের কথা অর্জুন জানিতেন। অর্জুন প্রশ্ন তুলিলেন—তোমার কথার ভাবে বোধ হইতেছে তুমি

কর্মত্যাগ ও কর্মত্যাগ ছই-ই করিতে বলিতেছ ; এই দুয়ের মধ্যে কোনটি শ্রেয় ঠিক করিয়া আমাকে বল। ৫।১। আমি সংসারে থাকিয়া কর্তব্যকর্মাদি করিব, না সর্বকর্ম বর্জন করিয়া সকল লৌকিক সম্পর্ক ছিন্ন করিয়া সন্ন্যাসী হইব ? ভাল মন্দ সকল কর্মই যখন বন্ধন, তখন কর্মের হাদ্যমার মধ্যে না গিয়া সর্বকর্ম ত্যাগ করিয়া সন্ন্যাসী হই না কেন ? উত্তরে শ্রীকৃষ্ণ বলিলেন—সন্ন্যাস ও কর্মযোগ উভয়ই মোক্ষপ্রদ (উভৌ নিঃশ্রেয়সকরৌ) কিন্তু ছইয়ের মধ্যে কর্মযোগের একটু বৈশিষ্ট্য আছে—কর্মসন্ন্যাসাং কর্মযোগো বিশিষ্টতে। সংসার ত্যাগ কখনই আচরণীয় নহে এমন কথা শ্রীকৃষ্ণ বলেন নাই। প্রবৃত্তিতেদে দুর্বীর প্রেরণা আসিলে সর্বদ্বৈত ত্যাগ করিতে হয়। হৃদিস্থিত ভগবানের আহ্বানে সিদ্ধার্থ সর্বত্যাগী, শঙ্কর আত্মসন্ন্যাসী, সন্ন্যাসী নিমাই পথে পথে কলিযুগের নবগায়ত্রী হরিনাম প্রচারে পাগল। সংসারে থাকিলেই বন্ধন হইবে একথাও ঠিক নহে। নিয়ত কর্মে রত গৃহীও সন্ন্যাসী হইতে পারে। কর্মত্যাগ করিলেই সন্ন্যাসী হয় না, সন্ন্যাসী হইলেই কর্মত্যাগ হয় না। দেহধারী মানুষের পক্ষে কর্মত্যাগে বহু বাধা অনেক ক্রেশ। কর্ম না করিয়া কেহ কখনও ঋণমাত্রও থাকিতে পারে না। জোর করিয়া কর্ম বন্ধ করিলে মন বিষয় চিন্তা করে—শরীরে মনে নানা ব্যাপার চলিতে থাকে—সে সবই কর্ম। কর্তার অন্তর্গত ভাবই বাহ্যরূপে কর্মরূপে প্রকাশিত হয়। বাহ্য প্রকাশ না থাকিলেই যে অন্তর্গত ভাব থাকিবে না, তাহা নহে। এ অবস্থায় কর্ম বন্ধ করা মিথ্যাচার। কর্ম না করিলেই যে সিদ্ধি হয় তাহাও নহে—ন চ সন্ন্যাসনাদেব সিদ্ধিং সমধি-গচ্ছতি। কর্মত্যাগ যখন অসম্ভব তখন কর্মমার্গে থাকিয়াও কি করিয়া নৈর্দর্শ্যের পরম শান্তি লাভ করা যায় শ্রীকৃষ্ণ তাহা বলিতেছেন। কর্ম করিয়াও সন্ন্যাসীর লভ্যস্থানে পৌছান যায় এবং কর্মযোগের দ্বারা বৈশিষ্ট্য, সাংসারিক অভ্যুদয়, তাহাও ক্ষুণ্ণ হয় না। কর্মযোগ বিনা সন্ন্যাসও কষ্টকর—সন্ন্যাসস্ত মহাবাহো দুঃখমাপ্তুমযোগতঃ। কিন্তু যে দেহেন্দ্রিয়াদির জন্ত সন্ন্যাস কষ্টকর, তাহাতে কর্মেরও বিঘ্ন নিহিত—ইন্দ্রিয়শ্চেন্দ্রিয়স্তার্থে রাগদ্বेषৌ ব্যবস্থিতৌ। প্রতি ইন্দ্রিয়েরই নিজ নিজ ভোগ্য বিষয়ে রাগ-দ্বেষ রহিয়াছে। অহুকুল বিষয়ে আসক্তি ও প্রতিকূল বিষয়ে বিদ্বেষের ফলেই মানুষের কর্ম দোষযুক্ত হয়। গীতার মতে তিনিই চির-সন্ন্যাসী যাহার কোন বস্তু বা বিষয়ে রাগও নাই দ্বেষও নাই।

জ্ঞেয়ঃ স নিত্যসন্ন্যাসী যো ন ঘোষ্টি ন কাজ্জক্তি ।
নির্দ্বন্দ্বো হি মহাবাহো সুখং বন্ধাৎ প্রমুচ্যতে ॥

রাগদ্বেষ-দ্বন্দ্ব হইতে মুক্ত গৃহীও সন্ন্যাসীপদবাচ্য ; তিনি অন্যায়সে সংসার-বন্ধন ছিন্ন করেন।

অনাপ্রিতঃ কর্মফলং কার্যং কর্ম করোতি যঃ ।

স সন্ন্যাসী চ যোগী চ ন নিরগ্নির্নচাক্রিয়ঃ ॥

কর্মফলে আসক্তিশূন্য হইয়া সংসারের সমাজের সকল কর্তব্য যিনি করিয়া যান তিনিই একাধারে সন্ন্যাসী ও যোগী। সংসারত্যাগ (নিরগ্নি), কর্মত্যাগ (অক্রিয়) সন্ন্যাসীর প্রকৃত লক্ষণ নয়, সন্ন্যাসের লক্ষণ ফলকামনাত্যাগ। কর্ম-যোগের পরিণতিও সন্ন্যাস, কিন্তু তাহা বাহ্য সন্ন্যাস নয় আভ্যন্তরীণ সন্ন্যাস। সন্ন্যাস অন্তরের বস্তু, ভিতরের ত্যাগ—রাগদ্বেষের দ্বন্দ্ব হইতে মুক্ত হইয়া নিষ্কাম সমতা লাভ। আত্ম-কেন্দ্রিক ভোগ-লালসার প্রেরণায় কর্ম না করিয়া সর্বভূত-সেবা হিসাবে যিনি কর্ম করেন, তিনি সন্ন্যাসী। বিশ্বেশ্বরের বিশ্ব-সেবার কাম্যকর্মের অর্পণকেই (ত্যাস) গীতা সন্ন্যাস বলিয়াছেন—কাম্যানাং কর্মণাং ত্যাসং সন্ন্যাসং কবয়ো বিদুঃ। শ্রীকৃষ্ণে কর্মার্পণই গীতার নৈর্দর্শ্য—যৎ করোষি * * * তৎ কুরুষ মদর্পণম্। এই অর্পণ, শরণাগতি সাধনা গীতার পরম ও চরম রহস্য।

শৃঙ্খলিত ভারতবর্ষ আজ বন্ধন-মুক্ত। বাহির হইতে ঘটনাস্রোত আসিয়া মায়াবাদের দৃঢ়মূল শিথিল করিয়াছে। কিন্তু পাশ্চাত্য সভ্যতার স্পর্শে, তাহার জ্ঞান বিজ্ঞানের তীব্র আলোকে ভারত আর এক বিপজ্জনক প্রতিক্রিয়ার সম্মুখীন। পাশ্চাত্যের ভোগবাদ ও জড়বাদের আদর্শে ভারতবাসী আকৃষ্ট হইয়াছে। দেশজোড়া অভাবের তাড়নায়, সমস্তার উপর সমস্তায় দিশেহারা মানুষ বলিতেছে—জগৎ সত্য ব্রহ্ম মিথ্যা। অন্নই সত্য, ব্রহ্ম নাই। পঞ্চভূতের চক্রান্তে পড়িয়া ব্রহ্ম আজ কাঁদিতে বসিয়াছেন। প্রকৃতির নিষ্ঠুর পরিহাস। এই ছই বিপরীত প্রান্তের (সংসার-সন্ন্যাস, ভোগ-ত্যাগ) মধ্যবর্তী পথের সন্ধান গীতা নির্দেশ করিয়াছেন, তাই আজ সমস্তমূলক গীতাদর্শ প্রচারের এত প্রয়োজন। ভোগের ক্ষেত্রে ত্যাগের অবতরণই গীতার প্রাণ। গীতা যুগপৎ যুদ্ধশাস্ত্র ও যোগশাস্ত্র। কুটিল সংসারে চলিবার প্রকৃত কৌশল গীতা শিখাইয়াছেন—যোগঃ কর্মসু কৌশলম্।

একটি কাহিনী

শ্রীসন্তোষকুমার অধিকারী

ভালো খাইয়ে ব'লে নাম ছিলো শৈলেশের। বন্ধু সিত্তিকঠের বৌভাতের নেমন্ত্নে কাল ওরা সদলে উপস্থিত থেকে শৈলেশকে খাইয়েছে। যদিও কেউই বাদ যায়নি, তবু প্রচুর আয়োজনের সদ্যব্যবহার শুধু বুঝি শৈলেশের ঠারাই সম্ভব হ'য়েছিলো। সকলের সমবেত অহরোধকে এমনভাবে এক সঙ্গে রক্ষা করা আর কারও পক্ষে সহজ হ'তো না।

সে রাতে শৈলেশের থাকার কথা ছিলো। কারণ সেই একমাত্র ঘনিষ্ঠ বন্ধু সিত্তিকঠের। আর থাকেও অনেক দূরে—হাওড়া ময়দানের সামনে। খাওয়া-দাওয়ার পরে একটা ফাঁকা ঘরে ফরাসের ওপরে তাকিয়ায় ভর দিয়ে শৈলেশ বিশ্রামের চেষ্টা করছিলো। গোলমালের বাড়ীতে শোয়ার জন্তে এর চেয়ে ভালো জায়গা হয়ত আর পাওয়া যাবে না। আর একটু পরে ঘুমোনার চেষ্টা করা চলবে। আপাততঃ শৈলেশ একটি সিগারেট ধরিয়ে আরাম ক'রে বসলো।

অজ্ঞানের মাঝামাঝি চলছে। কাজেই রাতের দিকে একটু শীতের আমেজ পাওয়া যায়। খোলা জান্না দিয়ে বেশ খানিকটা ঠাণ্ডা হাওয়া এসে ছুঁয়ে যাচ্ছিলো শৈলেশকে। এতক্ষণে শৈলেশের মনে হ'লো খাওয়াটা একটু বেশীই হ'য়ে গেছে। সিগারেটে ছু' একটা টান দিয়ে সে শরীরটাকে গরম ক'রে নেওয়ার চেষ্টা করলো।

সিত্তিকঠ এসে ঢুকলো ঘরে—কিরে, ব'সে ব'সেই ঘুমোচ্ছিস নাকি? এক মুখ ধোঁয়া ছেড়ে শৈলেশ বললো—আর, বোস। খাওয়াটা বেশ ভালোই হ'য়েছে। একে তোর বিয়ে, তার প্রত্যেকটা জিনিসই ভালো হয়েছে। নেমন্ত্ন খাওয়ার মত সুখ আর কিছুতে আছে কিনা ভাবছি।

সিত্তিকঠ তৃপ্তির হাসি হাসলো। কিন্তু শৈলেশ পরক্ষণেই বলে উঠলো—তবু খেতে বসে খাওয়াটাকেও বে কত বিক্রী লাগতে পারে, শুধু অবহার ভেদ বিশেষ ঘটলে—তাই, মনে হচ্ছে আমার।

—কেন, কেউ নিমপাতা খাইয়েছিলো বুঝি?

শৈলেশ গভীর মুখে উত্তর দিলো—না।

—তবে? কেউ অপমান—

সিগারেটের ধোঁয়ায় সমস্ত ঘরের বর্ণ বদলাতে শুরু করেছে। অলস্ত টুকরোটুকু ঘরের এক কোণে ছুঁড়ে ফেলে দিয়ে শৈলেশ যেন অনেক দূর থেকে উত্তর দিলো—এমন ঘটনা কি ঘটতে পারে না? মনে কর, প্রত্যেকটা জিনিসই সুস্বাদু, আদর আপ্যায়নে কোন ক্রটি নেই, সমস্ত পৃথিবীর খিদে জমেছে পেটে—অথচ এক মুহূর্তে মনে হ'লো, খাওয়াটাই বুঝি সবচেয়ে কুৎসিত ও জঘন্য রকম দুঃসহ...

শৈলেশ বলে চলেছে—মনে কর, এমনি এক প্রথম শীতের দিন। অপরাহ্নের স্নান ছায়ায় তখনও আকাশ উদ্ভাসিত। সূর্যের প্রথর ও চোখ-ঝলসানো অগ্নি-গোলকে লালচে আভা ধরতে শুরু ক'রেছে। আর তুই চলেছিস মোটরবাসে এক অরণ্য-ভরা বিজন গ্রাম্য পথ ধরে। মনে কর সে জায়গাটা মুর্শিদাবাদ জেলার অন্তর্গত। আর বাসে যে পথ ধ'রে তুই এগিয়ে চলেছিস সে পথটা আটাশ মাইল দীর্ঘ। এই আটাশ মাইল বনপথ অতিক্রম ক'রে বাস যেখানে এ যাত্রার মত থামবে তুই সেইখানটার নেমে পড়লি। কলকাতাবাসী শহরে যুবকের পক্ষে এই সন্ধ্যার অন্ধকারে আচ্ছন্ন একান্ত বিজন একটি গ্রামের রাস্তা আতঙ্কজনক বইকি, কিন্তু তোর যথেষ্ট সাহস রয়েছে। তাই ভয় না পেয়ে সেখানে নেমেই প্রথমে খোঁজ করবি সেখানে চায়ের কোন দোকান আছে কি না। নেই শুনে আবার প্রশ্ন করবি—‘শ্রামলগাছি এখান থেকে আরও কত দূর তাই?’ বাসের আর একটি যাত্রী তোকে বলবে—‘এই ত' মাইল চারেক মাত্র রাস্তা। কাদের বাড়ী যাবেন আপনি? ও চৌধুরীদের বাড়ী? নরেন চৌধুরী আপনার বন্ধু? তা তেনাদের ত' বাড়ীর গাড়ী আছে। আপনি বুঝি খবর না দিয়েই আসছেন? তা' এই পথ ধরে সোজা চলে যান; সেই

বেখানে কাতলামারীর বিলের পাশ দিয়ে রাতটা ঝাঁক খেয়ে পূবে ঘুরে গেছে সেইখানে জিজ্ঞাসা করবেন, সবাই দেখিয়ে দেবে। গাঁয়ে পৌঁছলে আপনিও চিনে নিতে পারবেন। এ তলাটে অত বড় বাড়ী ত' আর নেই। অত বড় লোকও—'

তার কথা শেষ হওয়ার আগেই তুই চলতে শুরু করেছিলি? সেই নিঃশব্দ গ্রাম্য পথে তখন জ্যোৎস্না নুটোপুটি খেতে আরম্ভ করেছে। হাঁটু অবধি ভরে উঠেছে সাদা ধুলোয়, পথের দুধারে ছোট ছোট ঝোপ জ্বল। মাঝে মাঝে আতাকুলের একটু মিষ্টি গন্ধ। কোনখানে আবার দু-পাশে মাঠ দূর পর্যন্ত বিস্তৃত হ'য়ে পড়েছে। তার মাঝে মাঝে চালা ঘর। কিন্তু কোথাও মাল্লবের সাড়া নেই। অজস্র চক্কালোকে উদ্ভাসিত আকাশ আর নতুন এ্যাডভেঞ্চারের রসে ভরা সেই অরণ্যপথ... কিন্তু তোর মনে তখন কবিত্ব নেই। তুই ভাবছিলি অল্প কথা।

—হ্যাঁ বেণুর কথাই। বেণু নরেনের ছোট বোন। বিয়ে হয়নি তখনও। তোর সঙ্গে আলাপ হয়েছে কলকাতায়। এম-এ পড়ার সময় নরেন ছিলো সহপাঠী। অনেক দিন সে টেনে নিয়ে গেছে তোকে তাদের বাড়ীতে। হাজার রোড বেখানে ল্যান্ডডাউনকে খণ্ডিত ক'রে বাণীগঞ্জী আভিজাত্যের ছোঁওয়ায় প্রবেশ করেছে, সেই-খানেই ওদের বাড়ী। তুই অনেক দিন গিয়েছিলি ওদের বাড়ী—কিন্তু নরেন ছাড়া আর কারুর সঙ্গেই আলাপ হয়নি। আর হবেইবা কি করে? তুই ত মেয়েদেরকে চিরকাল অবজ্ঞা করিস। তাদের সঙ্গে মেশার মত চেষ্টাও তাই কখনও ছিলো না।

তবু একদিন আচমকা আলাপ হ'য়ে গেলো। নরেনকে খুঁজতে তাদের বাড়ীতে প্রবেশ ক'রে তার একতলার স্টাডিতে সোজা ঢুকে পড়েছিলি। কিন্তু ঘরে ঢুকেই অপ্রস্তুত হয়ে গেলি। নরেন নেই—তার চেয়ারে একটি তরুণী ব'সে ব'সে বোধ হয় কিছু নকল করছিলো। তোকে দেখেই সে উঠে দাঁড়ালো—“আমুন, দাদা নেই, একটু বাইরে গেছেন। আপনাকে বসতে বলে গেছেন দাদা।”

একটি অপরিচিতা তরুণীর সামনে দাঁড়িয়ে তুই বিব্রত

বোধ করছিলি বইকি। সঙ্কোচের সঙ্গে হয়ত বলছিলি—“আচ্ছা, আমি না হয় পরে ঘুরে আসছি।”

খিলখিল করে হেসে উঠলো তরুণীটি। অত্যন্ত সপ্রতিভ-কণ্ঠে সে বললো—“কেন, দাদা না থাকলে বসতে পারেন না? আমাদের সঙ্গে কথা বলতে লজ্জা করে নাকি?”

জোর করে লজ্জা ঝেড়ে তুই বলে উঠলি—“না লজ্জা নয়, ইচ্ছে হয় না।”

—“ইচ্ছে হয় না!” একটু ঝাঁঝালো কণ্ঠে তরুণী প্রশ্ন করলো—“কারণ?”

“কারণ?”...তুই হঠাৎ বলে ফেললি—“আধুনিক মেয়েরা কথা বলতে জানে না বলে।”

তুই যদি সঙ্কোচ ঝেড়ে মেয়েটির চোখে চোখে চাইতে পারতিস, তাহ'লে দেখা যেতো, প্রথমে রাগে লাল হ'য়ে উঠলো তার মুখ, তারপর তার কপালে আগলো ভ্রুকুঞ্জন। চোখের কোণে নামলো তীক্ষ্ণতা। সেই মেয়েটি বলে উঠলো—“সত্যি কথা, আপনাদের মত লোকের সামনে দাঁড়িয়ে কথা বলতে জানার দরকার হয় না। পুরুষ যদি পুরুষ না হয়ে মেয়েমুখো হয়, তবে আমাদেরও ঘৃণা আসে।”

অপমানে তুই ততক্ষণে বিবর্ণ হ'য়ে গেছিলি। খুব শক্ত মত একটা প্রত্যুত্তর তৈরী ক'রে বলতে গিয়ে দেখবি, মেয়েটি সেখানে নেই। তোর কথার উত্তর দিয়েই সে ভেতরে পালিয়েছে।

অনেকক্ষণ শক্ত হ'য়ে দাঁড়িয়ে রইলি তুই। তারপর অনিচ্ছার সঙ্গেই এগিয়ে যাবি চেয়ারটার দিকে। লক্ষ্য পড়লে দেখবি, টেবিলের ওপর একটি ছোট খাতা খোলা পড়ে আছে। তাতে মেয়েলি অক্ষরের ছোট ছোট সুন্দর হরফ যেন যত্ন ক'রে সাজানো। একটু কৌতূহলি হ'য়ে তুই ঝুঁকে পড়বি খাতাটির ওপর। একি? অবাক হ'য়ে তুই দেখবি সেই খাতাটির বুকে লেখা ছোট ছোট অনেকগুলি গান। আর সে গানগুলোর সবই তোর লেখা। এবারে চোখে পড়বে ওপরে আর একটি খাতা খোলা পড়ে আছে। তোর লেখা গানগুলো পড়বার জন্তে নরেন যে খাতাটি নিয়ে এসেছিলো সেই খাতাটি। এতক্ষণে কেমন যেন একটু আনন্দ আসবে তোর মনে। অপরিচিতা এক তরুণীর হাতে নিজের কবিতাকে সমাদৃত হ'তে দেখলে কার না আনন্দ হয়! মনে হ'লো এত গান লেখা সেই

একমুহূর্তেই বৃষ্টি সার্থক হ'য়ে উঠেছে। মেয়েটির ওপর এতক্ষণ ধরে যে রাগ সঞ্চিত হ'য়েছিলো তোর, তার সবটুকু ঝরে পড়বে। একটু অল্পতপ্ত বোধ করবি। আর একবার দেখা পেতে ইচ্ছে হ'বে তার। খাতার পাতাগুলি ওলটাতে ওলটাতে একজারগার এসে থমকে দাঁড়াবি। স্নানর অক্ষরে লেখা একটি নাম—শ্রীমতী বেণু চৌধুরী।

ইতিমধ্যে শ্রীমতী বেণু ফিরে এসেছে। খাতাটিকে তোর হাতে বিপর্যস্ত হ'তে দেখে প্রায় চিংকারের সুরে সে প্রশ্ন করলো—“আমার খাতা আমার না ব'লে আপনি খুলে দেখছেন?”

তার ক্রোধরক্ত চোখের দিকে তুই বেন চেয়ে রইলি। সূর্য্যক তার তখনও কাঁপছে রাগে। সেই অবস্থায় তার মধ্যে এক অদ্ভুত সৌন্দর্যের সন্ধান পেলো তোর চোখ। মিনিটখানেক চোখে চোখে চেয়ে থেকে হঠাৎ এক শুভ মুহূর্তে দুজনেই একসাথে হেসে উঠলি; আর সঙ্গে সঙ্গে সেই হাসির মধ্যে দিয়ে তাদের সন্ধি হ'য়ে গেলো।

এরপর বেণুর একটু বর্ণনা দেওয়া থাক। বড়লোকের মেয়ে; বাড়ী মুর্শিদাবাদের অন্তর্গত এক অতি অধ্যাত পল্লীগ্রামে। বেণু ও নরেন কলকাতায় থেকে পড়াশোনো করে। তারা মামারবাড়ী থেকে পড়ে এবং তাদের মামা কলেজের প্রোফেসর ও আধুনিক মনোভাবাপন্ন।

আপাততঃ ধ'রে নেওয়া থাক বেণুর বয়স প্রায় কুড়ি। শরীরের গঠনে পাঞ্জাবী মেয়ের দৃঢ়তা। তার দীর্ঘ ও বলিষ্ঠ দেহে কমনীয়তার অভাব ছিলোনা কিন্তু তবুও সে রূপসী নয়। বর্ণ শ্যাম। চোখের দৃষ্টি গভীর কিন্তু চঞ্চল। সে চোখে স্বপ্ন দেখা চলে এবং অভিজাত ঘরের ছালাদের কেউ কেউ সে চোখের মায়াঅঙ্গনে মুগ্ধ হয়েছে বলে শোনা যেত।

অন্তঃপর নরেনের সঙ্গে তোর বন্ধু আরও গভীর হ'য়ে উঠলো ও সে বাড়ীতে তোর যাতায়াত নিয়মিত হ'লো। অবশ্য এর মধ্যে মনোজগতের কোন দেবতার হাতের স্পর্শ আছে কিনা সে ধরন তুই রাখতিস না। কারণ প্রেমে পড়ার স্বভাব তোর মোটেই ছিলোনা। তুই ভালো-বাসতিস শুধু পর্য্যাপ্ত পরিমাণে চা ও বিস্কুট ধ্বংস করতে, আর সে বাড়ীতে ইদানীং প্রবেশ করলেই চা ও বিস্কুট

প্রচুর পরিমাণেই এসে হাজির হ'তো। চা-সরবরাহের ভার গ্রহণ করেছিলো আওতোবের আই-এ ক্লাসের ছাত্রী শ্রীমতী বেণু চৌধুরী।

দিনের পর দিন তুই ওদের সঙ্গে মিলিত হ'য়ে উঠতে লাগলি। তোর মেলামেশায় কোন উদ্দেশ্য ছিলোনা। শুধু নরেনের অহরোধেই তুই ওখানে যেতিস। আর ওখানে গেলেই বেণুর সাহচর্য্য অপরিহার্য্য হ'য়ে উঠতো। অবশ্য বেণুর সাহচর্য্য পরিহার করবার চেষ্টাও তুই কোন দিনই করিস নি। কারণ তোর মধ্যে কোন অসচ্ছন্দে ছিলোনা। আর মেয়েদের চোখে চোখে তুই চাইতে পারতিসনা। কাজেই বেণুর চোখে অহুরাগের আশ্রয় সঞ্চিত হ'য়ে উঠছে কিনা লক্ষ্য করবার মত সুযোগও তোর আসেনি।

তবু হঠাৎ একদিন সে ধরা পড়লো তোর কাছে। কিন্তু ধরা পড়লি তুই। তাই অনেক অমূল্য মুহূর্ত বৃথাই অতিবাহিত হলো। অনেক সূর্য্য আকাশে জলে জলে ক্ষয়ে গেলো। তবুও চেতনা এলোনা তোর। আচ্ছা, ধরে নে একটি সন্ধ্যা—যে সন্ধ্যায় তুই নিয়মমত হাজির হলি নরেনের খোঁজে। বাড়ী গিয়ে যখন শুনলি নরেন বায়োস্কোপে গেছে, তখন তোর মনে পড়ে গেলো যে তোরও যাওয়ার কথা ছিলো। কিন্তু তখন প্রায় সাতটা। কাজেই আর যাওয়া চলেনা। অগত্যা বসে পড়ে তুই বললি—আমি চলি তাহ'লে?

তুই কালোচোখে বিহ্বল ঝলসে উঠলো। মেঘের গরজনে শোনা গেলো—ইস্ আমি চা খাবোনা বৃষ্টি? তুই বোকার মত বলে ফেললি—তা খাও না? কিন্তু আমি থেকে কি করবো?

সেই কালোচপল চোখ তখন বলে উঠলো—“বহু চূপ করে। একা চা খেতে আমার ভালো লাগেনা।”

কিন্তু তুই যে চিরকালের হাঁদা। এততেও তুই উঠবার চেষ্টা করলি। বললি—“একা কেন, তোমার মামা ও মামীমাও ত' চা খান?”

তবু সমান উৎসাহে বললো বেণু—“ওঃ তাহ'লেই হয়েছে। তাঁরা গেছেন শ্রামবাজারে নেমস্তন্ন রাখতে। ফিরবেন রাত দশটার।”

কাজেই তাকে বসতে হলো। বোধহয় তিন মিনিটের

খেই বিছাতের মত চকিতে চা নিয়ে ফিরে এলো বেণু।
ললো—“একা একা চা খেতে হ’বে ভেবে এতক্ষণ যা
ধী লাগছিলো।”

কথায় কথায় তোরা অনেক কথার অবতারণা করলি।
নেক আলোচনা হলো। রাতের ঘোর নামলো ঘরের
খে। বেণু তোর একান্ত পাশে বসেই গানের খাতাটা
লে রাখলো। বললো—“এ কথাগুলোর মানে বুঝতে
পারিনা যে ?.....”

এক সময়ে তুই হঠাৎ উঠে পড়লি। বললি—“রাত
য়ে যাচ্ছে, আমি চলি।”

নিমেষে সোজা হ’য়ে বসলো সে, বললো—“না।”

—“বাঃ, রাত হচ্ছে না ?”

কেমন যেন গভীর অশ্রু কণ্ঠে বেণু বললো—“না।”

হঠাৎ সে তোর মণিবন্ধটা তার কোমল একটি হাতের
পর্শে চেপে ধরে বললো—“যান্ দেখি, কেমন জোর গায়ো !”

কজিটা খুরিয়ে নিমেষের মধ্যে ছাড়িয়ে নিয়ে দরজার
দিকে এগিয়ে গেলি তুই। কিন্তু পেছন থেকে ডাকলো
বণু—“শৈলেশবাবু...”

হঠাৎ চমকে উঠলো শৈলেশ। আচমকা নিজের নাম
চারণ করে ফেলেছে সে। অপ্রস্তুতভাবে সিতিকণ্ঠের
দিকে চাইতে গিয়ে খেয়াল হলো সিতিকণ্ঠ নেই। তার
স্মরণতার স্মরণ নিয়ে সে কখন উঠে গেছে। আপন
নে হাসলো শৈলেশ। বললো—ভাগ্যিস সিতি উঠে গেছে,
ইলে ধরা প’ড়ে যেতুম যে !

কিছুক্ষণ স্তব্ধ হ’য়ে থেকে এবার নিশ্চিত হ’য়ে সে
মাখন মনেই বলতে শুরু করলো...

—“শৈলেশবাবু...”

তুই ফিরে তাকালি। সোফার ওপর ব্যাকুল দৃষ্টি নিয়ে
প্রতীক্ষা করছে বেণু। তার উদগ্রকণ্ঠে অক্ষুট ধ্বনি জেগে
ঠলো—“দাদা এলে যাবেন ; এখন না।”

কিছুক্ষণ নিঃশব্দে দাঁড়িয়ে রইলি তুই, কিন্তু তোর
খেয়াল বড় অস্থির। তুই বললি—“না, কাজ আছে।
যা আমি এখনই যাবো।”

পা বাড়াবার আগেই বিছাৎগতিতে বেণু এসে পথরোধ
করে দাঁড়ালো।—“না, আপনি যাবেন না।”

সেই রাত্রির রহস্ত-আচ্ছন্ন বেণুকে যে-কোন লোকেরই
বিস্ময়কর ব’লে বোধ হ’তে পারতো। কিন্তু কবিতা
লিখেও তুই কোনদিন মনে প্রাণে কবি হ’তে পারিস নি।
ঘরের মধ্যে ফিরে এসে বললি—“তারপর ?”

বেণু তোর বিরক্তিকুঞ্চিত চোখের দিকে চেয়ে মিষ্টি
করে একটু হাসবার চেষ্টা করলো—“আমায় খুব বিরক্তি-
কর মনে হচ্ছে ?”

তার হৃদয়ের দুর্বলতা গলার করুণ সুরে যেন বেজে
উঠলো। কিন্তু তুই অবিচল। তোর মুখের দিকে চেয়ে
অবশেষে হতাশ ভাবে সে বললো—“না, আপনাকে জোর
ক’রে ধ’রে রাখবো না। আপনি যান...”

তুই আর বিলম্ব না করে একতলায় নামবার সিঁড়িতে
পা দিলি। কয়েকটা সিঁড়ি মাত্র নেমেছিস—হঠাৎ বেণু
ঝড়ের মত লাফিয়ে এসে দাঁড়ালো তোর গা ঘেঁষে।
হাত চেপে ধরে বললো—“না, যাবেন না।”

কিন্তু সেই মুহূর্তে তোর চোখে জান্নাঘর ফাঁক দিয়ে
আলো এসে পড়েছিলো। সেই চোখের দিকে চেয়ে
ওর মুষ্টি শিথিল হ’য়ে এলো। হাত ছাড়িয়ে নিয়ে
তুই নেমে এলি রাস্তায়। তারপর সোজা তোর মেসে
ফিরে গেলি।

মনে কর, মেসে গিয়ে দেখলি একটা টেলিগ্রাম এসে
পড়ে আছে। টেলিগ্রাম প’ড়ে তুই জানলি—বাড়ীতে
মার টাইফয়েড। আর দেরী না ক’রে সেই রাত্রেই
বাড়ী ফিরে এলি। মাকে নিয়ে মাসখানেক ব্যস্ত থাকা
গেলো ; তোর পরীক্ষা ত’ আগেই চুকে গেছে। কাজেই
বাড়ী ব’সে চাকরীর দরখাস্ত ছাড়তে লাগলি। ইতিমধ্যে
আরও কিছুদিন কেটে গেলো।

এমনি একদিন রাত্রে হঠাৎ একটা দরকারে কলকাতায়
এলি। তারপর ভবানীপুরের দিকে কাজ সারতে গিয়ে
ইচ্ছে হ’লো হাজরা রোড অবধি এগিয়ে যাওয়ার। কিন্তু
বেণুরা কেউ ছিলো না ; কাজেই তোকে ফিরতে
হ’লো। ধবর পাওয়া গেলো, ওরা দেশের বাড়ীতে
ফিরে গেছে।

এই প্রথম একটা অস্থিতাপ এলো তোর মনে। আত্ম-
মানিকে প্রশ্রয় দেওয়ার মত লোক তুই নোস, তবু কেমন
যেন ফাঁকা ফাঁকা লাগলো কলকাতা। একদিনের বেশী

থাকতে ইচ্ছে হ'লোনা। পোটলা বেধে রওনা দিলি বাড়ীর দিকে।

বাড়ীতে এসেই দেখা গেলো একখানা ছোট চিঠি এসে পড়ে আছে। লিখছে শ্রামলাগাছি থেকে বেণু চৌধুরী। ধরে নেওয়া থাক চিঠিটা এই রকম—

শৈলেশবাবু, নববর্ষের প্রীতি ও শ্রদ্ধা গ্রহণ করুন। নতুন বছরের সুরুতে আপনার শুভেচ্ছা কামনা করছি। মনে আমার জন্মে যদি কোন ঘণা সঞ্চিত থাকে তবে তা ভুলে যাবেন আশা করি।—বেণু—

সেদিন রাতে তুই স্বপ্ন দেখবি। দেখবি দিগন্তের একটা রক্তরাঙা মেঘ আন্তে আন্তে মাহুঘের মূর্তিতে রূপ নিলো। দেখবি, সেই মাহুঘের মূর্তিতে ফুটে উঠেছে বেণুর সুস্পষ্ট মুখখানি। স্বপ্নের ঘোরে মনে হ'বে এই মেয়েকে চেয়েই তুই জন্ম জন্ম সাধনা ক'রে আসছিস। কিন্তু যুম ভাঙতেই স্বপ্নের মায়াও মিলিয়ে যাবে। তখন নিজের ওপরেই হয়ত অকারণ রাগ হবে।

তবু সারাদিন ধ'রে একটা ইচ্ছে হবে মনে—একবার শ্রামলাগাছি যেতে। পল্লীগ্রামের অফুরন্ত সৌন্দর্যের ছবি ভেসে উঠবে চোখে। কিন্তু যাওয়া হবে না। পরের দিন সকালেই একটা চাকরীর উমেদারীতে তোকে বর্ধমান ছুটতে হবে।

চাকরী নিয়ে বসেছিস আসানসোলে। কাজের চাপে অন্ত কোন কথা হয়ত মনে নেই। কিন্তু আষাঢ়ের প্রথম দিনে একটুকরো একটা চিঠি এসেছে। লেখকের নাম নেই, তবু লেখককে চিনতে দেবী হবে না। চিঠিটা হয়ত এমনিও হ'তে পারে—“এই সজল আষাঢ়ের প্রথম দিনটিতে তোমার জন্মে প্রার্থনা জানাচ্ছি। তোমার পথযাত্রা নির্বিঘ্ন হোক। আমায় কি একেবারেই ভুলে গেলে?” —সে—

হঠাৎ মনে হবে—না, ভুলিনি। ভুল সেদিন হ'য়েছিলো। কিন্তু সে ভুলের সংশোধন করবো। নিজের সঙ্গে প্রতারণা করবোনা আর। বেণু, তোমায় আমি খুঁজে পেয়েছি আজকে।

অপেক্ষায় দিনগুলি দীর্ঘ হ'য়ে উঠলো। অবশেষে আশ্বিনের ছুটিতে বাড়ী আসার সুযোগ ঘটলো। পুজোটা কাটিয়েই রওনা দিলি মুর্শিদাবাদের দিকে।

তারপর.....

আমার সেই প্রথম বর্ষনার স্থানে এসে দাঁড়িয়েছি তুই। সেই জ্যোৎস্না-জড়ানো কাঁচা রাস্তা ব'য়ে এক একটা ক'রে গ্রামগুলোকে ছাড়িয়ে এগিয়ে গেলি। বাঁদিকে বিলের মুখে প্রাগৈতিহাসিক যুগের এ বটগাছকে ছেড়ে এগিয়ে গেলি। সেই নিঃশব্দ পথে চলতে চলতে বারবার দাঁড়িয়ে পড়েছিস। পেছন দিচ্ছে আবার এগিয়ে গেছিস। তারপর একটা গ্রাম এসে থমকে দাঁড়ালি। পথের ওপরেই একটা প্রাসাদে মত বাড়ী। সেই অরণ্যের দেশে একটা অদ্ভুত অভিনব

উৎসব শেষের বাতিটির মত একটি ঝাড়লগ্নে ঝুলছিলো তার বৈঠকখানায়। গোটানো সতরঞ্চিটি এপাশে ওপাশে জড়ো করা আসন আর পাতা। ব্যাভাবে এদিক ওদিক ছুটছিলো দু'একটি চাকর। তাদের একজন এসে হয়ত প্রশ্ন করে বসবে—“কাকে চান?”

“নরেন নেই?”

চাকরের ডাকে নরেন বেরিয়ে এলো। অত্যন্ত বিষণ্ণ ও ক্লান্ত মনে হলো তাকে। হয়ত সারাদিনের পরিশ্রমে অবসন্ন হ'য়ে পড়েছে সে। তাকে দেখেই চমকে উঠে যেন। তার মুখ থেকে বেরিয়ে আসবে কটি কথা—“শৈলেশ?” এমনিভাবে বিস্মিত হ'য়ে দাঁড়িয়ে থাকবে সে, তুই কিছুটা লজ্জিত হ'য়ে পড়বি। মনে হবে এ উৎসব বাড়ীতে হয়ত তার আসাটা উচিত হয়নি। কিন্তু নরেন বলবে—“আয় ভেতরে।”

ভেতরের ঘরে তাকে বসিয়েই নরেন অদৃশ্য হ'য়ে যাবে। তুই বসে বসে দেখছিস বাড়ীতে একটু ব্যস্ততা ভাব। চাকর এসে তোকে মুখ হাত ধোয়ার জল এনে দেবে। চাকরেই এনে দেবে চা। চা খেতে গিয়ে তোর একটা অভিমান আসবে মনে। কলকাতার বাড়ীতে বেণু বরাবর নিজের হাতেই তাকে চা এনে দিতো এখানে তার দেখাও পাওয়া গেলো না এখন পর্যন্ত। অর্ধেকটা খেয়ে জুড়োনো চাটা সরিয়ে রেখে দিবি।

অবশেষে নরেন ফিরে আসবে। বলবে—“একটু দেরী হ'য়ে গেছে। কিন্তু সত্যি বলছি, তুমি যে আসবে এ আমি কল্পনাও করিনি।”

অভিমানে শুক হ'য়ে তুই দাঁড়িয়ে রইলি। হঠাৎ এক সময়ে মাথা তুলতেই চোখে পড়লো নরেনের

দলভরা চোখ ছুটো। তুই বিন্মিতভাবে তার হাত চেপে
রবি.....“নরেন ?”

হাত ছাড়িয়ে নিয়ে সে ডাকবে—“আয়,” নরেনের
দেখ খাওয়ার ঘরে এসে ঢুকবি। নরেন হাত ধরে এনে
গাতার সামনে বসিয়ে নিজের পাশে বসে পড়বে।
হবে হয়ত—“আমিও খেয়ে নিই।”

আয়োজনের ক্রটি নেই। লুচি তরকারি সন্দেশ।
প্রত্যেকটি জিনিষ সুপাচ্য ও পর্যাপ্ত। কিন্তু তুই তখনও
চ্যাকুল হয়ে রয়েছিস—কই বেণু ত’ এলো না একবার!
দবশেবে মুখ ফুটে বলে ফেলবি—“বেণুকে দেখছিনা ত ?”

এক মুহূর্তে সকলের বিন্মিত দৃষ্টি সমবেত হ’লো তোর
ওপরে। খাওয়া বন্ধ করে নরেন বললো—“সেকি ? তুমি
কি জানো না তবে...?...”

সামনে সাজানো লুচি তরকারি ও সন্দেশের স্তুপ
নিমেষে নিমপাতার মত বিন্মাদ হ’য়ে উঠলো। হাত গুটিয়ে
নিয়ে বুকের সমস্ত রক্তশ্রোতকে শুক করে স্বাগুর মত বসে
বসে তুই শুনে গেলি—বেণু মারা গেছে আজ দশ দিন—
পুরো দশ দিন। তিন দিনের জরে হঠাৎ সে.....
আজই তার শ্রাদ্ধ ; এ খাওয়া দাওয়ার সামান্ত আয়োজনও
সেই জগেই।

দ্বিজেন্দ্রলাল রায়

শ্রীবিজয়রত্ন মজুমদার

দ্বিজেন্দ্রলাল রায়ের একটি তেসরা জ্যৈষ্ঠের কথা
তার বার মনে পড়িতেছে। কলিকাতার মাঠে ফুটবলের
রসুম। আমরা খেলা দেখিতেছি : প্রতিদ্বন্দ্বিতা জোর,
ঠাঠ গম্ গম, খেলা খুব জমিয়া উঠিয়াছে। অকস্মাৎ একজন
লাক আসিয়া আমাদের এক বন্ধু-সহদর্শককে ডাকিয়া
ইয়া চলিয়া গেল। বন্ধু নিঃশেষে স্থান ত্যাগ করিলেন।
ফণেকের তরে আমরা বিমনা হইয়া পড়িয়াছিলাম।
চ্যেচের মাদকতা অসাধারণ ; প্রিয় স্নহদের অস্থপস্থিতি
বিন্মিত হইতে বেশী সময় লাগিল না। কিন্তু সেদিনের
দম্মমনস্কতার মনস্তাপ আজও অব্যাহত রহিয়াছে।

এই বন্ধু—দিলীপকুমার রায়। পরদিন প্রাতঃকালে
বিনা মেঘে বজ্রাঘাতের মত দিলীপের পিতা কবির
দ্বিজেন্দ্রলাল রায়ের বিয়োগবার্তা সহরে ছড়াইয়া পড়িল।
নূতন নূতন নাটক সৃষ্টি করিয়া আর তিনি বঙ্গীয় নাট্যশালার
পুষ্টি সাধন করিবেন না ; নূতন নূতন গানে নিত্য নূতন সুর
সংযোগ করিয়া বাঙ্গলার আকাশে বাতাসে আর তিনি নব
নব উদ্গাদনার সঞ্চার করিবেন না ; বঁড়ৈখ্যশালিনী জননী
দম্মভূমিকে নিতুই নব, অতিনব সাজে সজ্জিত করিয়া,
বিচিত্র রূপে, বিচিত্র বর্ণে, বিচিত্র কুসুম, বিচিত্র রত্নালকারে
বিভূষিত করিয়া, জগজ্জননী, জগদ্ধাত্রীরূপিণী জননীকে

নিত্য নূতন রত্ন-বেদীতে অধিষ্ঠিত করিয়া সাতকোটি
সন্তানের অন্তরে প্রেরণার বিদ্যুৎ প্রবাহ প্রবাহিত
করিবেন না ; সুরের সপ্তস্বর আর বাজাইবেন না ;
সঙ্গীতের মধ্য দিয়া ভারতের আকাশে উজ্জ্বল ইন্দ্রধনু আর
আঁকিবেন না ; পূর্ণিমা সন্মিলনে আর প্রাণের স্পন্দন
জাগিবে না ; বঙ্গসাহিত্যে রসের মন্দাকিনী ফুলকুলনাদে
আর বহিবে না ; হাশু—রঙ্গ—রহস্যের গঙ্গা-যমুনা-সরস্বতীর
ত্রিধারায় বঙ্গভূমি আর প্রাবিত হইবে না। কাল সকালেও
ধাঁহার হাসি সন্তোগ করিয়াছি, গান শুনিয়া মুগ্ধ মোহিত
হইয়াছি, অপরিমিত অনাবিল স্নেহলাভে ধন হইয়াছি,
আজ আর তাঁহাকে দেখিব না। পিকবর নীরব ; মধুচক্র
অদৃশ ; কুঞ্জবন ভঙ্গ। দ্বিজেন্দ্রলালের মৃত্যু অত্যন্ত
আকস্মিক। স্নহ পিতাকে “বঙ্গনারী” নাটকের পরিশোধন
কার্যে ব্যাপ্ত দেখিয়া দিলীপ খেলা দেখিতে গিয়াছিল ;
বাড়ী ফিরিয়া, স্নেহস্বরে আর সে “মণ্টু” ডাক শুনিতে
পাইল না। তার পর কত কাল কাটিয়া গিয়াছে ! কত
কাল ! কাল না কহিয়া, তার পর কত কাল বিগত
হইয়াছে বলিলেই বোধহয় ঠিক বলা হয়। কিন্তু কি উবর,
শুক, বিরস, মরুভূমি সদৃশ কর আমরা অতিক্রম করিয়াছি।
দ্বিজেন্দ্রের যোগ্য বন্দনা আমরা করি নাই। তাঁহার

প্রাপ্য পূজার্তনা বঙ্গদেশে হয় নাই। এই হত্যার তাঁহাকে স্পর্শ না করিলেও, জাতির চিত্তপটে অল্পপনের কলঙ্কের পশরা হইয়া রহিয়াছে এবং আজ, অতীব বীভৎস আকারেই প্রকটিত হইতে চলিয়াছে। কৃষ্ণনগর হইতে ধবর আসিয়াছে, যে-গৃহে দ্বিজেন্দ্রলাল জন্মগ্রহণ করিয়াছিলেন, সেই গৃহ পরহস্তগতপ্রায়। শুনি, বেশী নয়, পাঁচ সাত হাজার টাকার দায়েই সেই মৃত্তিকাখণ্ড নিলামে উঠিয়াছে। আমাদের জাতীয়তা বোধ যে কত অন্তঃসারশূন্য অসার, ইহার আগেও বহুবার—বারবার তাহা বিজ্ঞাপিত হইয়াছিল। কিন্তু ইত্যবসরে, দেশ স্বাধীন হইয়াছে— আমরা জগৎ সভায় আসন পাইয়াছি; হইলে কি হয়, অপযশের পশরা আজও তেমনই পরিপূর্ণ, তেমনই ভারি। ঈশ্বরচন্দ্র বিদ্যাসাগরের বাস-ভবনের কথা আমরা ভুলি নাই। বঙ্কিমচন্দ্রের কাঁঠালপাড়ার বাড়ীর কথা কি ভুলিবার? কিন্তু কেন এমন হয়? দাঁওয়ানজী কার্তিকেশ্বর রায়ের সহধর্মিণী সেদিনের বঙ্গ সমাজ মধ্যে রত্নপ্রসবিনীরূপে সমাদৃত ছিলেন। তাঁহার সকল সম্মানই দিকপাল—কৃতী ও প্রতিষ্ঠা প্রাপ্ত হইয়াছিলেন। সত্যই কি তাঁহাদের বংশধরগণ ঐ পবিত্র মৃত্তিকাখণ্ডটিকে রায় বংশের স্বাধিকারে রাখিতে অক্ষম? বঙ্গভারতীর প্রিয়তম পুত্র, স্বাধীনতার অন্ততম সাধক, মাতৃমন্দিরের বরণ্য পুরোহিত দ্বিজেন্দ্রলালের বংশোদ্ভূত বলিয়া, বঙ্গদেশ ও বাঙ্গালীজাতি অনন্তকাল তাঁহাদের গলে যশোমালা উপহার দিবে; বঙ্গদেশ যতদিন বঙ্গদেশ, বঙ্গভাষা যতদিন বঙ্গভাষা, দেশপ্রেম যতদিন দেশপ্রেম, ততদিন তাঁহাদের পানে চাহিয়া নীরব শ্রদ্ধাঞ্জলি অর্পণ করিবে। আর এইটুকু—সমুদ্রের তুলনায় গোপদসম—ত্যাগ স্বীকারও অকটিকর হইল? যে মানুষ গজাজলে অবগাহন করিয়া দেহ মন ধস্ত, পবিত্র বোধ করে, গজোত্রির কোন মর্যাদাই সে দেয় না; এ কি আশ্চর্য! বঙ্গদেশীয় নাট্যশালাই বা নিষ্ক্রিয় নিশ্চেষ্ট থাকিতে পারেন কি রূপে তাহাও ত ভাবিয়া পাই না। ডি, এল, রায়ের নাটকের জাবর কাটিয়া ও তাহার অপচার ঘাঁটিয়াই তাঁহারা লক্ষ্মীর বরলাভ করিয়াছেন। এ কথা কি মনে পড়ে না? সদাচারনিষ্ঠ এই দেশ হইতে পিতৃ ভর্ষণ কি তবে উঠিয়া গেল? অতঃপর অন্যদেশে মহালয়া নিছক ছুটির দিন বলিয়াই পরিগণিত হইবে কি?

তারপর, আমাদের এই বঙ্গভূমি? সত্যকথা বলিতে হইলে নিরতিশয় লজ্জায়, নতশিরে, স্তানমুখে ইহাই বলিব যে; দ্বিজেন্দ্রলাল রায়ের অপরিশোধনীয় ঋণ স্বীকার করিয়াই কর্তব্য সম্পাদন করা হইয়াছে। পৃথিবীতে একটি ঋণ কোন মতেই শোধ হয় না। সে মাতৃঋণ! দেবতার দয়ার মত, প্রার্থুটের বারি ধারার মত, ভাগীরথীর পুণ্য প্রবাহের মত, অপার্থিব মাতৃঋণ অবাচিত, অপরিমেয় ও অবাধে বর্ষিত হয়। সম্মানের সাধ্য কি সে অনন্ত ঋণভার শোধ করে? আমাদের দেশের স্বাধীনতার ইতিহাস যতপি কোনদিন কোন নিরপেক্ষ ঐতিহাসিকের দ্বারা রচিত হয়, রাজনৈতিক ঝঞ্জাবর্ত মুক্ত, প্রাদেশিকতার কলহ কলঙ্ক-বিবর্জিত নিখুঁত ও সর্বদীন ইতিহাস প্রস্তুত হয়, তাহাতে দেখা যাইবে, ডি, এল, রায় নামধারী বাঙ্গালী নাট্যকার ও কবির ঋণ মাতৃঋণের মত অসীম, অনন্ত ও অপরিশোধ্য। মায়ের মত এই কবিও মুক্ত হস্তে কেবল দিয়া গিয়াছেন। প্রত্যাশা ছিল না; প্রতিদান চাহেন নাই; বিনিময়ের চিন্তাও করেন নাই। সেই ইতিহাসে আরও দেখা যাইবে, স্বাধীনতার ভাঙ্গা আসর তিনিই জাগাইয়া রাখিয়াছিলেন; সে ভাঙ্গা কুঞ্জবন পিককুঞ্জে তিনিই সজীব রাখিয়াছিলেন; কথায় আছে, মাহুকের দেহের মধ্যে রাবণের চিতা নাকি অনন্তকাল ধরিয়াই জ্বলিতেছে—এ কথার অর্থ কি তাহা আমার জানা নাই বটে; তবে পরাধীন জাতির প্রাণের প্রাণে, অন্তরের অন্তরতম প্রদেশে স্বাধীনতা বন্ধের হোমান্নি সুদীর্ঘকাল ধরিয়া জ্বলিয়া রাখিতে পারা যে যায়, তাহা এই আমি, আমার এই দুটি চন্দ্রচন্দ্র দিয়াই দেখিয়াছি। এই আমরাই দেখিয়াছি, বাঙ্গলার অন্ধকার ঋশানে দীর্ঘকাল দ্বিজেন্দ্রলালই চিত্তাগ্নি প্রধুমিত রাখিয়াছিলেন; স্বাধীনতার বর্ষিকাটি তিনিই নিবিত্তে দেন নাই। পরাধীন জাতির নরনারী স্বাধীনতার গানখানি পাছে ভুলিয়া যায়, মাতৃমন্ত্রে দীক্ষিত বাউল তাঁহার একতারাটি বারেকের তরেও ধামিতে দেন নাই। সেই দ্বিজেন্দ্রলালের কোন মর্যাদাই আমরা দিই নাই। যে জাতি জীবনের কুষ্টি, সংস্কৃতি ও অতীতের গৌরব করে, তাহার পক্ষে ইহা শোভন, সঙ্গত ও সমীচীন হইয়াছে কিনা, আমি যদি আজ সে কথা বঙ্গবাসীজনকে বিবেচনা করিতে বলি, আশা করি, তাহা অজ্ঞায় হইবে না।

বাজলার আজ চরম দুর্দিন। অতিকায় হস্তী কর্দমে প্রোথিত। রক্ত দেখিয়া পচা পুকুর পরিত্যাগ করিয়া কাদরীও তাহাকে ব্যক্ত করিয়া বাইতেছে। দিল্লীর মন্ত্রী-সভায় আসন লাভ করিয়া গোপালশ্যামী আয়েজারও বক্তৃতা, বক্তিম কটাক্ষ নিক্ষেপ করে। বুকু-ত্র্যাণ্ড দীর্ঘজটা হঠাৎ-যোগী মিনিষ্টাররাও বাজলায় আসিয়া বাজালী বিধান-চক্র রায় ডাক্তারকে হিতোপদেশের পাঠ দেয়। আজ বাজলার মান মর্যাদা, বাজালীর প্রাণ, বঙ্গরমণীর সতীত্ব দিল্লীর দাবা ব'ড়ের ঘুঁটি হইয়া পড়িয়াছে। সবচেয়ে বড় চুঃখ এই যে, তাহাদের মধ্যে কেহ কেহ ইতিহাসের দোহাই পাড়িতেও ছাড়ে না। সে ইতিহাস বোধ হয় তাহাদের মন-গড়া ইতিহাস। কান্তবের সহিত তাহার কোন সম্পর্ক নাই; সত্য তাহার ছায়াও মাড়ায় নাই। তাহারা ত জানে না, শতধা বিচ্ছিন্ন, সুষুপ্ত ও আত্মবিস্মৃত জাতির অন্তরে জাতীয়তা বোধ এই বঙ্গদেশই জাগাইয়াছিল। তাহারা হয়ত ভুলিয়া গিয়াছে, পরাধীন দেশের মর্মে স্বাধীনতার আকাঙ্ক্ষা এই বঙ্গদেশই সৃষ্টিত করিয়াছিল। স্বাধীনতা শক্তি তাহাদের খুব হাতধরা, তাহাতে ভিলমাত্র সন্দেহ নাই। তাই তাহারা ভুলিয়া গিয়াছে স্বাধীনতার রাজস্বয় যজ্ঞ, এই বঙ্গদেশই অমুষ্টিত হইয়াছিল। সমিধ সংগ্রহ এই বঙ্গদেশই করিয়াছিল এবং যজ্ঞানলে পূর্ণাহতি এই বাজলাই দিয়াছিল। তখন কোথায় ছিল, ভারতবর্ষ? সেদিন কোথায় ছিল আয়েজার সাকসেনার দল? জননী জন্মভূমির পূজা মণ্ডপে সন্ধি পূজার বাগুভাণ্ড যখন উদ্দাম ও উদ্দান্ত হইয়া উঠিত, নিদাঘের ক্ষুধিত, ছিন্নভিন্ন ও বিদীর্ণ-বন্ধ: ধরিত্রীর মত মণ্ডপের হাঁড়ি-কাঠ যখন 'বলি চাই' আরও 'বলি চাই' রবে ব্যাকুলতা নিনাদিত করিত; কামারের রক্তাক্ত খড়্গ মুহুর্হু: যখন রবিকর বলকে উঠিত ও নামিত এবং ঋষির প্রাবনে এই বঙ্গের মৃত্তিকা উর্ধ্বর করিয়া, বঙ্গীয় তরুণকে বীর নির্ভীক নিষ্কম্প করিয়া দুর্গিরীক্ষ্য লক্ষ্যকের, স্পষ্ট ও নিকটতর করিয়া; সাধনার সিদ্ধিকে করতলগত করিতেছিল, তখন কোথায় ছিল ভারতের অন্তান্ত প্রদেশ ও তাহাদের বাক্যবীরবৃন্দ? সে দুর্ন্দর রণরঙ্গে কে মাতিয়াছিল? দলে দলে আত্মবলি কাহার দিয়াছিল? মা'কে মা বলিয়া সকলের আগে কে ডাকিয়াছিল? "বন্দেমাতরম্" সর্বপ্রথম কোথায় ধ্বনিত হইয়াছিল?

জননী জন্মভূমির চরণাবিন্দে শুক্তিচন্দনচর্চিত প্রাণপুষ্পাঞ্জলি বাজালী ভিন্ন আর কে দিয়াছিল? দিল্লী? দিল্লী বে অনিষ্ট করিয়াছে তাহার তুলনা মেলা ভার। আজ সিকিউলারের মামদো এমন পিকিউলাররূপে ভারতবর্ষের ঘাড়ে চাপিয়া বসিয়াছে যে, "বন্দেমাতরম্" ও পরিত্যক্ত হইয়াছে; মা'কে মা বলিয়া ডাকা নিষিদ্ধ ও মাতৃপদে শুক্তি নিবেদনও সেকেলে কুসংস্কার বোধে বর্জনীয় হইয়াছে। ভরসা আছে, অদূর ভবিষ্যতে আমাদের স্বর্গাদপি গরিয়সী জননী জন্মভূমি জ্যাকেট স্কাট ধারণ করিয়া ত্রিশ কোটি সন্তানের নয়মানন্দ বর্ধন করিবেন। আমরাও "ও মাই ডিয়ার ফেয়ারিলাণ্ড" মজ্রোচ্চারণে তাঁহার বন্দনা করিব। হা রে হতভাগ্য জাত! যাত্রারন্তে, নবজীবনের প্রাকালে পবিত্র মাতৃনামও পরিত্যাগ করিলি।

বাজলার স্বাধীনতা সংগ্রামের প্রথম পর্কে, স্বাদেশিকতার প্রস্তাবনা অধ্যায়ে দ্বিজেন্দ্রলালের যে দানই থাকুক, বর্তমান প্রবন্ধে তাহার আলোচনা আমি নিস্প্রয়োজন মনে করি। বঙ্গসাহিত্যের সমৃদ্ধি করে তাঁহার অনন্ত, অবিনশ্বর দানও আমার আলোচ্য নহে। সাহিত্য কি আমার আফিসের লেডী টাইপিষ্ট যে, তাহার ভাল মন্দ সার্টিফিকেটের উপর তাহার চাকরীর উন্নতি অবনতি, স্থায়িত্ব নির্ভর করিবে? সাহিত্যের রত্নভাণ্ডারে তাঁহার যে দান, তাহা ত জাতীয় সম্পদ হইয়া রহিয়াছে; কালের তুল্যদণ্ড তাহার বিচার করিবে। আমি বলিতেছি দ্বিজেন্দ্র-সাহিত্যের কথা, যাহা জাতির, দেশের প্রভূত হিত সাধন করিয়া সাহিত্য শব্দের সম্পূর্ণ সার্থকতা প্রতিপন্ন করিয়াছে। এ হিত কালনিক হিত নহে; প্রবন্ধ লিখিয়া সে হিত-কথা বুঝাইতে হয় না; হিতের পরিমাপ করিতে অথবা তাহার ঔৎকর্ষ যাচাই করিতে দেশীয় বা বিদেশীয়দিগের সুপারিশ বাচিয়া বেড়াইবার দরকার হয় না। দ্বিজেন্দ্রলাল রায় বাসুদেববাবু কবি; তাঁহার দানও বাস্তব এবং আমাদের বঙ্গভূমি তাহা প্রত্যক্ষ করিয়াছে। প্রস্তরোৎকীর্ণ লিপির মত দ্বিজেন্দ্রের দান জাতির চিত্তকলকে খোদিত আছে; অনন্তকাল ধরিয়া অনন্ত মহুয় জাতি তাহা পাঠ করিবে।

তখন দামোদরের ঢল্ নামিয়া গিয়াছিল। বঙ্গের অদ্বৈত উপলক্ষ্য করিয়া বঙ্গোপসাগরে যে আলোড়ন হইয়াছিল, তৎকালে বঙ্গ দেশে যে প্রভঞ্জন বহিয়াছিল,

বঙ্গীয় সমাজ হইতে আশ্চর্যগিরির যে লাভাপ্রবাহ ছুটিয়াছিল, ভাঙ্গা বাঙ্গলা জোড়া লাগায়, বৃটিশের সেটেলড্ ক্যাক্ট্ আনসেটেলড্ হওয়ায়, সে সকলই প্রশমিত হইয়াছিল। বঙ্গীয় তরুণের হাতে গীতা, বৃকে বীৰ্য্য ও অধরে “বন্দে মাতরম্” মন্ত্র দিয়া শ্রীঅরবিন্দ বঙ্গে যে অগ্নি যুগের উদ্বোধন করিয়াছিলেন, সে দিগদাহী অগ্নির তেজও মন্দীভূত হইয়াছিল। সে একটা সময় আসিয়াছিল। যেন কাল-বৈশাখীর প্রলয়ে মাতামাতি করিয়া বারি বক্ষ শাস্ত হইয়াছে। যেন গ্রীষ্মের কাঠকাটা মধ্যাহ্নে ছুরস্ত শিশু সারাক্ষণ দাপাদাপি করিয়া অবশেষে নিদ্রিতা জননীর আঁচল ধরিয়া ঘুমাইয়া পড়িয়াছে। যেন কুরুক্ষেত্র মহাসমরের পর প্রায়-নির্মল্লস্থ ধরিত্রী মাটিতে লুটাইয়া পড়িয়াছে। সংগ্রামে ইচ্ছা আছে কিন্তু শক্তি নাই; বাসনা উদ্ধাম অথচ সাধ্য নাই; দ্বিতীয় বিশ্বযুদ্ধশেষে জার্মেনীর যেমন উরু-ভঙ্গ, নিঃশেষিত বক্ষঃরক্ত, ১৯১২ সালের পর হইতে আমাদের এই বাঙ্গলা দেশেরও সেই দশা ঘটয়াছিল। একটা মহারণে রত সারমেয় যুগল যুদ্ধান্তে দূরান্তে এলাইয়া ক্ষতস্থান লেহন করিতেছিল। ঠিক এই সময়েই দ্বিজেন্দ্রলাল রায় তাঁহার নাট্যকাব্যে সঞ্জীবনী সূধা বিলাইয়া বাঙ্গলাকে বাঁচাইয়া, বাঙ্গালীর স্বাধীনতার সাধনাকে সজীব রাখিয়া, তাহার আশা-আকাঙ্ক্ষার তরু-মূলে বারি সিঞ্চিত করিয়াছিলেন। মহাভারতের শেষের দিকে স্বর্গারোহণ পর্কের মত স্বাধীনতারও স্বর্গ যাত্রার পালা শুরু হইয়া গিয়াছিল। এই ডি-এল-রায়ই সে অস্তিম যাত্রা নিবারণিত করিয়াছিলেন। দেশের তখন মহাবুদ্ধের পরে মহানিদ্রা নামিয়া আসিয়াছে। বিরাত উত্তেজনার পরে নিরতিশয় অবসাদ আসে; উগ্র কৰ্ম্ম-চাক্ষুণ্যের অবসানে সীমাহীন জাভ্য দেখা দেয়; প্রবল আশা ভঙ্গে নিরাশার হিম প্রবাহ প্রবাহিত হয়। বঙ্গদেশেও হইয়াছিল। উদ্দীপনা একদা আকাশ স্পর্শ করিয়াছিল; আবার হতাশাও বাঙ্গালীকে রসাতলে প্রোথিত করিয়াছিল। তখন এই ডি-এল-রায়ই দৈত্যশুর শুক্রাচার্যের মত মুমূর্ষু মৃতকল্প বাঙ্গালীকে পুনরুজ্জীবিত রাখিয়াছিলেন। দ্বিজেন্দ্র-রচিত একখানি নাটকের নাট্যিকাকে যুদ্ধক্ষেত্রের “তুপীকৃত মৃত্যুর” মাঝখানে দাঁড়াইয়া মৃতের সংকার ও আহতের সেবা করিতে দেখিয়াছিলাম। নাট্যকার ডি-

এল-রায়কেও আমরা ঘনাক্ষকারাকৃত, নৈরাশ্রনীড়িত বাঙ্গলার শ্মশানভূমিতে দাঁড়াইয়া আশার বাণী শুনাইতে দেখিয়াছি। কি শাস্ত সুন্দর উদার গম্ভীর সে মূর্তি! কি মিশ্র মধুর আশাপূর্ণ ললিত সে দৈববাণী! আমরা অত্যন্ত অকৃতজ্ঞ ও কৃত্রিম জাতি; তাই তাঁহাকে ভুলিতে বসিয়াছি।

ডি-এল-রায় রাজপুতানা—রাজস্থানের ইতিবৃত্ত হইতে হিন্দু মুসলমান—মুঘল রাজপুতের কাহিনী লইয়া নাটক রচনায় প্রবৃত্ত হইলেন। নাটকের ভাষা করিলেন, অভিনব; ঘটনা সংস্থাপন অভিনব; গীতাবলী অভিনব; গানে সুর সংযোগ করিলেন, তাহাও অপূর্ণ ও অভিনব। তাঁহার উদ্দেশ্য অভিনব; লক্ষ্য অভিনব; কাজেই অভিনবও উদ্ভাবন করিতে হইয়াছিল। যুদ্ধ নাই বটে; কিন্তু যুদ্ধার্থ জাতিকে প্রস্তুত করিতে হইবে; আশা নাই বটে, কিন্তু নিরাশামগ্ন দেশবাসীর উচ্চাশার তন্ত্রীগুলিতে ঝঙ্কার জাগাইতে হইবে। সে ত নিদ্রা নয়, অবসাদের পাতালপুরী হইতে স্বাধীনতাকামী নরনারীকে উদ্ধৃত করিতে হইবে, অভিনবত্বের মহাসমারোহ ব্যতিরেকে তাহার সম্ভাবনা কোথায়? ডি-এল-রায়ের ঐতিহাসিক নাটকের অভিনয় দেখিতে বসিয়া দর্শক বিজয়ী মুঘল সম্রাটকে দেখিত না; বিজিত রাজপুত অথবা হিন্দুকেও দেখিতে পাইত না;—দেখিত, বিজয়ীর বেশে বৃটিশের পদতলে বিজিত ভারতবর্ষ। নাটকের পাত্রপাত্রীগুলিকে সে মধ্য ভারতের—রাজপুতানা বা দিল্লীর অধিবাসী বলিয়া ভাবিতে পারিত না; বরং তাহারা যেন বড় পরিচিত; যেন বড় চেনা; যেন রক্তমণ্ডলের বাহিরে বাস্তবেও তাহাদিগকে নিত্যনিয়ত দেখিতে পাইতেছে। নাটকীয় সংলাপ, সে যেন সেই পাঁচ শত বর্ষের পূর্বের অদেখা, অজানা মহুয়গোষ্ঠীর উক্ত নহে; পরাধীন ভারতবর্ষের প্রত্যেকটি নরনারীর অন্তরে সেগুলো সত্তত ধ্বনিত ও প্রতিধ্বনিত হইতে শুনিত। ডি-এল-রায়ের নাটকে নাটকীয় রঙ্গ রস—হাস্য কৌতুক, গীত বাস্ত, প্রেম, ভালবাসা, অহুয়গ, পূর্বরাগ, কামক্রোধ যুদ্ধবিগ্রহ চক্রান্ত বড়বন্দ সব ছিল, কিছুই অভাব ছিল না; কিন্তু অভিনয়ান্তে ভারাক্রান্ত অন্তরে দর্শক যখন গৃহ প্রত্যাগত হইতেন, তখন নৈশাকাশে শুকতারাটির মত একটি উজ্জল নক্ষত্রই অগ্নান জ্যোতিঃতে তাঁহার হৃদয়াকাশ প্রভাসিত রাখিত—দেশ-প্রেম। একটিমাত্র আকাঙ্ক্ষাই জাগরক থাকিত—স্বাধীনতার

কামনা। হৃৎকণ্ঠ অক্ষকারের মধ্যেও সুবিমল ছাতি একটি গক্ষ্যই নির্দেশ করিত—স্বাধীন ভারতবর্ষ।

একদিন, এক মাস বা এক বৎসর নহে; বছ বর্ষ বছ কাল ধরিয়াই দ্বিজেন্দ্রলাল রায় ঐকান্তিক নিষ্ঠাতরে, এক-তানমানলয়ে, ব্রতধারিণী হিন্দু বিধবার মত এই ব্রত উদ্ঘাপন করিয়াছিলেন। দেশে, তখন কোন আন্দোলন ছিল না; নিদাঘের নিস্তরঙ্গ নদীর মত দেশ নীরব, নিথর, শাস্ত। আঘাতের পর আঘাত, নিশ্চয় নিষ্ঠুর আঘাতে সাত কোটি বাঙ্গালী অধ্যুষিত বঙ্গদেশ ভূশয্যাশায়িত; চলচ্ছক্তিহীন, অক্ষম, অশক্ত। সে বেদনা কোনদিন যে শমিত হইবে, পক্ষাঘাতে অবসন্ন দেহ কোন কালে যে উজ্জীবিত হইবে, বলহীন, দুর্বল এই জাতি নব বলে বলীয়ান হইয়া আবার যুদ্ধোত্তম করিবে, কোন আশাই ছিল না; নিশ্চিন্দ্র অক্ষকারে একটি ক্ষীণ আলোক রশ্মিও রেখাপাত করিত না; বরং আশঙ্কা হইত শরবিদ্ধ শার্দূলের মত এই বাঙ্গালীজাতিও শেষ শয্যায় শুইয়া শেষ নিঃশ্বাস পরিত্যাগের প্রতীক্ষা করিতেছে। মুমূর্ষুর কর্ণে হরিনামের মত এই কবি মৃত্যুপথ যাত্রার কাণে জীবনের গান, নয়নে নব জন্মের ছবি জ্বরে মৃতসঞ্জীবনীসুরা—ব্রাণ্ডি মকর-ধ্বজ ঢালিয়াছিলেন। অবসাদে আচ্ছন্ন জাতি আত্মহত্যা জীবনাবসান না করে, হতাশার ঘূর্ণ্যাবর্তে ভাসিয়া না যায়, প্রদোষের অক্ষকারে দিকভ্রাস্ত পথিক অপঘাতে না আত্ম-বিলয় প্রাপ্ত হয়, নাট্যকার, গীতিকার, সুরকার দ্বিজেন্দ্রলাল রায়ের তাহাই ব্রত ছিল। ভবিষ্যদ্রষ্টা কবি জানিতেন, দিব্যজ্ঞানে, দিব্যদৃষ্টিতেই দেখিয়াছিলেন, উর্ধ্বর ক্ষেত্র চিরদিন উষর প্রান্তর রহিবে না। একদিন কৃষক আসিবে; ক্ষেত্রে বীজবপন করিবে; অবশ্যই বৃক্ষ রোপন করিবে; সোনার ফসল ফলিবে। তাই তিনি সঘতনে ভূমি প্রস্তুত রাখিয়াছিলেন; আগাছামুক্ত ক্ষেত্র কষিত করিয়া, জমির পাট করিয়া গিয়াছিলেন। প্রতিভার বরপুত্র কবি জানিতেন, আবার রথী আসিবেন; আবার রথ চলিবে; বিজয়শব্দ নির্ঘোষে আবার ভারতবর্ষ প্রকম্পিত হইবে, স্বাধীনতা সংগ্রামে জাতির জীবন মৃত্যু আবার পায়ের

ভৃত্য হইবে; তাই কবি পথ পরিষ্কার রাখিয়াছিলেন। মনে আছে, তাঁহার এক একখানি ঐতিহাসিক নাটক একাদিক্রমে এক, দেড়, দুই বৎসর পর্য্যন্ত “ক্ষেত্র” উত্তম রাখিত এবং উত্তাপ মন্দীভূত হইবার পূর্বেই আর একখানি নাটক আবির্ভূত হইয়া ব্যারমিটারের পারদ পুনরায় মার্ভও স্পর্শ করিত। ষাঙ্কিকের ধরদৃষ্টি, যজ্ঞায়ি না নির্বাচিত হয়। শিল্পাধ্যক্ষ সদা সতর্ক, বয়লারের আগুন যেন না নিবে। বঙ্কিমের মত দ্বিজেন্দ্রলালও পৌরুষ ও পুরুষকারেরই হোতা। স্মাকামী, ভণ্ডামী ও বহুতর “মীর” মর্শাস্তিক শত্রু দ্বিজেন্দ্রলাল জাতিকে গৌরবের প্রেরণাই দিয়াছেন। তাঁহার শেষ দান, “ভারতবর্ষ” বন্ধে জলদ-মস্ত্রে পুরুষের গান, পৌরুষের সঙ্গীত—“ভারতবর্ষ।” অথচ, স্বাধীনতা-সংগ্রামের ইতিহাস লিখিতে, বলিতে, বুঝাইতে যেন অনেকের নাম আমরাও করি, অনেকেই করেন, কিন্তু কেন জানি না, দ্বিজেন্দ্রলাল রায় নামটি বাদ পড়িয়া যায়। তাঁহার নামটি বাদ পড়িয়া যায়। তাঁহার নামটা কেহ করে না। রামায়ণ হইতে রামলক্ষ্মণকে বাদ দিবার ধৃষ্টতাও হয়ত একদিন দেখিতে ও সহ্য করিতে হইবে। এও তাহারই পূর্বাভাষ। একদা বঙ্কিমচন্দ্র সুপ্ত জাতিকে জাগাইয়াছিলেন; আর একদিন আঘাতে আঘাতে মৃতকল্প জড় ও অচৈতন্য জাতিকে অতুচ্ছন্ন ভবিষ্যতের জন্ত উদ্বুদ্ধ করিতে দ্বিজেন্দ্রলাল রায় তাঁহার বিজয়িনী লেখনী ধারণ করিয়াছিলেন। বঙ্কিমকে আমরা ভুলিতে বসিয়াছি এবং দ্বিজেন্দ্রলালের ঋণ আদৌ অস্বীকার করিয়াছি বলিলেও ভুল হইবে না। বঙ্কিমচন্দ্র জাতীয়ত্ব বোধের জন্মদাতা জনক হইলেও জাতির পিতৃত্বে তাঁহার অধিকার নাই যে কারণে, নিরাশা-নিপীড়িত জাভ্যক্লিষ্ট মৃতপ্রায় জাতিকে সঞ্জীবনী মস্ত্রে সঞ্জীবিত রাখিলেও ঠিক সেই কারণেই দ্বিজেন্দ্রলাল রায়ও অনাদৃত। বিলাত—ইংরাজ তাঁহাদের লগাটে অলকা তিলক আঁকিয়া দেয় নাই। তাই স্বাধীন ভারতবর্ষেও বঙ্কিমচন্দ্র বঙ্গভাষার লেখকমাত্র! হা রে বরাত’ আর দ্বিজেন্দ্রলাল, শুদ্ধ একজন নাটককার!!! বন্ধে মাতরম। জয়হিন্দ ॥



অসুর

শ্রীগোপালদাস চৌধুরী

আমরকোষে অসুরদিগের দশটি নাম দেখা যায়—

“অসুরা ‘দৈত্যা’ দৈতেয় ‘দমুজেন্দ্রারি-দানবাঃ’ ।

শুক্ৰশিখা ‘দিতিসুতাঃ’ পূৰ্বদেবাঃ ‘সুরধিবঃ’” স্বৰ্গবং । ১২ ।

অসুর, দৈত্যা, দৈতেয়, দমুজ, ইন্দ্রারি, দানব, শুক্ৰশিখা, দিতিসুত, পূৰ্বদেব ও সুরধিব্ । অসুর শব্দের ব্যুৎপত্তি—অসৃষ্টি ক্রিপ্যন্তি দেবান্ ‘দেবতাদিগকে বাহারা ক্ৰেপণ করে অর্থাৎ নিজের অধিকার হইতে বিতাড়িত করে, তাহারা অসুর’। অসুক্ৰেপণে অসৃধাতু উগাদি “উরণ” প্রত্যয় যোগে সিদ্ধ। অথবা বিরুদ্ধার্থ নঞ-যোগে তৎপুরুষ সমাসে অসুরপদ সিদ্ধ। অর্থ সুরদিগের বিরোধী। এই ব্যুৎপত্তি ভামুজী সম্মত। রামায়ণে সুরা-সম্বন্ধ-রহিত বলিয়া অসুর হইয়াছে, এই বিবরণ জানা যায়। সমুদ্রমন্থনে সুরা উখিত হইয়া প্রথম অসুর সমীপে গমন করিয়াছিল, কিন্তু অসুরেরা শাপভয়ে গ্রহণ না করায় তাহারা অসুর নামে অভিহিত হইল। (১) কশ্যপ পত্নী দিতির অপত্যত্ব নিবন্ধন অপত্যার্থে (দিত্যা দিতা পাং । ৪।১।৮৫) “সু” প্রত্যয় যোগে দৈত্যা এবং চ্যক্ প্রত্যয় যোগে (৪।১।১২০) দৈতেয়। কশ্যপ পত্নী দমুজ অপত্য দানব। হিরণ্যকশিপু প্রভৃতি দৈত্যা, এবং শযর প্রভৃতি দানব—কিন্তু দৈত্যা দানব উভয়ই অসুর।* দমু হইতে জাত অতএব দমুজ (জন+ড প্রত্যয়) ইন্দ্রের শক্র ইন্দ্রারি, শুক্ৰের শিখা, দিতির সুত ইহারা পূৰ্বদেবতাই ছিল পরে অশ্রাচারেণ ভ্রষ্ট হইয়া অসুর নামে পরিচিত হইয়াছে। পূৰ্বদেবতায় দেবাস্থিতি “পূৰ্বদেবাঃ”। সুরদিগকে ঘেব করে অতএব সুরধিব্ (সুর-ধিব-ক্রিপ্, ৩২।৬১)। ভামুজী অভিমত প্রকাশ করিয়াছেন যে, যদিও ইহারা পাতালবাসিন্দ নিবন্ধনে পাতাল বর্গে কথিত হইবার উপযুক্ত, তথাপি দেব-বিরোধিত্ব নিবন্ধন স্বর্গবর্গে পঠিত হইয়াছে। “যতপি পাতালবাসিন্দেন পাতালবর্গে বক্তব্যুস্তঃ-তথাপি বুদ্ধাপারোহাদিহৈবোক্তাঃ”, এই প্রসঙ্গে বক্তব্য যে সাধারণতঃ পাতালই অসুরদিগের নিবাসস্থল বলিয়া পরিচিত। মার্কণ্ডেয় পুরাণীয় চণ্ডীতে (উত্তরচরিত ৮অ) শিবদূতীর উক্তি হইতে বুঝা যায় যে, পাতালই অসুরদিগের স্থান বধা—

“ত্রৈলোক্যমিল্লোলভতাং দেবাঃ সন্ত হবিভূজঃ ।

যুয়ং প্রয়াত পাতালং যদি জীবিতুমিচ্ছথ ।”

(১) বরুণস্ত ততঃ কশ্য বারুণী রঘুনন্দন। উৎপপাত মহাভাগা
মার্গমানাঃ পরিগ্রহং । দিতেঃ পুত্রা গতাং রাম অগৃহ্বরুণাঙ্গজাং ।
অদিতেন্তু সূতা বীর অগৃহ স্তা-মনিন্দিতাম। অসুরা স্তেন দৈতেয়াঃ
সুরা স্তেনা দিতেঃ সূতাঃ । হৃষ্টাঃ প্রমুদিতাশাসন্ বারুণীগ্রহণাং সুরাঃ ।
(বালকাণ্ড) ব সং । ৩৮ । ৪

ইন্দ্র ত্রৈলোক্যাধিপত্যলাভ করুন, দেবগণ বজ্রীয় হবি ভোজন করুন।
তোমরা যদি বাঁচিতে চাও, তবে পাতালে চলিয়া যাও। ১২ অধ্যায়ে
আরও স্পষ্ট জানা যায় যে, শুভ নিশ্চল বধের পর অবশিষ্ট দৈত্যগণ
পাতালে গমন করিয়াছিল।

“দৈত্যাশ্চ দেব্যা নিহতে শুভে দেবরিপৌ যুধি ।

অগধিধ্বংসিনী তন্নিম্নহোত্রৈতুলবিক্রমে । ৩৪

নিশ্চলৈ চ মহাবীৰ্য্যে শেবাঃ পাতালমাযযুঃ । ৩৫

এখানে বিশেষ বক্তব্য এই যে যদিও সাধারণতঃ পাতালই অসুরের
নিবাস বলিয়া বর্ণিত হইয়াছে, তথাপি অশ্রুতও ইহাদের বাসস্থানের
প্রভূত প্রমাণ পাওয়া যায়।

খিলহরিবংশের বিষ্ণুপর্বাস্তর্গত ষট্পুরবধবৃত্তান্ত এই প্রসঙ্গে
উল্লেখযোগ্য। “পারিপাত্র নামক পর্বতের সানুদেশে ষট্পুর নামক
অসুর নগর অবস্থিত। শিব বিষ্ণুকে বলিয়াছেন,

“ষট্পুরং নামনগরং দানবানাং জনার্দন !

অত্রাস্তর্ধরগীদেশে পরাক্রম্য মহাবলাঃ ।

এতে দৈত্যা ছুরাক্সানো জগতো দেবকণ্ঠকাঃ ।

ছুরা বসন্তি গোবিন্দ সানাবশ্চ মহাগিরেঃ ।

অবধ্যা দেবদেবানাং বরেণ ব্রহ্মণোহনঘ ।

মানুষাস্তরিতাস্তস্মাৎসমেতান্ জহি কেশব !

বিষ্ণুপর্ব ৭৪ অ ৪৩।৪৫

এই পারিপাত্র পর্বতের সানুতে ভূবিবর প্রদেশে দানবদিগের ষট্পুর
নামক নগর অবস্থিত। ছুরাক্সা, জগতের কণ্ঠকবরুণ দেবজ্যোহী
অসুরগণ প্রচ্ছন্নভাবে ইহাতে বাস করে। ইহারা ব্রহ্মার বরে দেবতা-
দিগের অবধ্য। অতএব তুমি মানুষশরীরে ইহাদিগকে বধ করিবে।
৮২ অধ্যায়ের পিণ্ডিতার্থ হইতে জানা যায় যে, ত্রিপুরাসুর বধের
পর যে সকল অসুর জীবিত ছিল, তাহারা কঠোর তপস্যার দ্বারা
ব্রহ্মাকে তুষ্ট করিয়া বর প্রার্থনা করিয়াছিল যে,

“ত উচুঃ সর্বদেবানামবধ্যাঃ স্তাম হে বিত্তো ।

পুরাণি ষট্ চ নো দেব ভবন্তবস্তর্মহীতলে । ১৭ ।

আমরা সকল দেবতার অবধ্য হইব এবং ভূমিতলে আমাদের ষট্পুর
হটুক ইহাতে আমরা স্থখে বাস করিব।

মহাভারতের যৌগপর্বের ২১ অধ্যায়ে দ্বালোকে অসুরদিগের
তিনটি পুরীর বর্ণনা দেখা যায়। যথা,

“অসুরাণাং পুরাভাসং স্ত্রীণি বীৰ্য্যবতাংদ্বিবি ।

আয়সং রাজতকৈব সৌবর্ণং পরমং মহৎ । ৬৪

সৌবর্ণং কমলাকান্ত তারকাকান্ত রাজতং ।

তৃতীয়স্ত পুরস্তেবাং বিদ্যাম্মালিন আয়সং । ৬৫

বীর্ঘ্যবান্ অশ্বরদিগের তিনটি পুর ছিল। একটি লৌহময়
রজতময় এবং অষ্টটি স্বর্ণময়। স্বর্ণময় পুরের অধীশ্বর
রাজতপুরের স্বামী তারকাক এবং আয়সপুরের স্বামী
।। প্রসঙ্গতঃ বক্তব্য যে উক্ত ত্রিপুরনিবাসী অশ্বরগণই ত্রিপুরাশ্বর
ভূক্ত এবং শিব কর্তৃক নিহত। ত্রিপুরাশ্বর একটি নহে।
। ৩৩ অধ্যায়ে কথিত হইয়াছে যে,

নির্জ্বীতেষু চ দৈত্যেষু তারকশ্চ সূতাস্তয়ঃ ।

তারাকঃ কমলাকান্ত বিদ্যাম্মালীচ পার্শ্বিব ।

তপ উগ্রং সমাহ্বায় পরমে নিয়মে স্থিতাঃ ॥ ৪।৫ ।

ই রাজন্! দেবগণ কর্তৃক অশ্বরেরা পরাজিত হইলে তারকাস্বরের
ক্রোধে তারাক কমলাক ও বিদ্যাম্মালী বিশেষ নিয়ম পূর্বক উগ্রতপস্বা
করিয়াছিল, তাহাদের তপস্বার ফলে ময় তিনটি পুর নির্মাণ করিয়াছিল।

“ততোময়ঃ স্বতপসা চক্রেধীমান্ পুরাণিচ ।

ত্রীণি কাঞ্চনমেকং বৈ রৌপ্যং কাঞ্চায়সংতথা । ১৫ ।

কাঞ্চনং দিবিত্রাসীদস্তরীক্ষেচ রাজতং ।

আয়সকান্তবদ্ ভৌমং চক্রস্থং পৃথিবীপতে ॥ ১৬ ।

একটি পুর কাঞ্চনময় অপরটি রৌপ্যময় অষ্টটি কঙ্কলৌহময়। কাঞ্চনময়
পুর দুলাকে, রাজত অস্তরীক্ষে এবং লৌহময় ভুলোকে নির্মিত
হইয়াছিল। পুর চক্রের উপর রচিত হইয়াছিল।

বিশ্বপর্কের ৮৩ অধ্যায়ের বৃত্তান্ত হইতে অবগত হওয়া যায় যে,
ত্রিপুরেরও অবস্থা-বিশেষে অশ্বরের পক্ষভুক্ত হইয়া দেবতাদিগের
সহায়তায় যুদ্ধ করিত। ইহাও বুঝা যায় যে, অশ্বর নিবাসে ব্রাহ্মণদিগের
বহুস্থান হইত। যথা—

“বৈশম্পায়ন উবাচ—

এতন্নিম্নেব কালে তু চতুর্বেদ-বড়াঙ্গবিৎ ।

ব্রাহ্মণো যাজ্ঞবল্ক্যস্ত শিষ্যো ধর্মগুণাঘ্নিতঃ ॥ ১

ব্রহ্মদত্তেতিবিখ্যাতো বিপ্রোবাজসনেরিবান্ ।

অশ্বমেধঃ কৃতস্তেন বহুদেবশ্চ ধীমতঃ ॥ ২ ।

স সংবৎসরদীক্ষয়াং দীক্ষিতঃ ষট্পুরালয়ে ।

আবর্তীয়াঃ শুভে তীরে স্থনজ্ঞা মূনিজুষ্টয়া ॥ ৩ ।

সখা চ বহুদেবশ্চ সহাধ্যায়ী দ্বিজোত্তমঃ ।

উপাধ্যায়শ্চ কৌবব্য কীরহোতা মহাস্বনঃ ॥ ৪ ।

বৈশম্পায়ন জননেজয়কে প্রবলিতেন—ঐ সময়ে ষড়ঙ্গের সহিত
তুর্বেদবিৎ ব্রাহ্মণ যাজ্ঞবল্ক্যের শিষ্য ধর্মগুণাঘ্নিতঃ
ব্রহ্মদত্তেতিবিখ্যাতো বিপ্রোবাজসনেরিবান্।
অশ্বমেধঃ কৃতস্তেন বহুদেবশ্চ ধীমতঃ ॥ ২ ।
স সংবৎসরদীক্ষয়াং দীক্ষিতঃ ষট্পুরালয়ে ।
আবর্তীয়াঃ শুভে তীরে স্থনজ্ঞা মূনিজুষ্টয়া ॥ ৩ ।
সখা চ বহুদেবশ্চ সহাধ্যায়ী দ্বিজোত্তমঃ ।
উপাধ্যায়শ্চ কৌবব্য কীরহোতা মহাস্বনঃ ॥ ৪ ।
বৈশম্পায়ন জননেজয়কে প্রবলিতেন—ঐ সময়ে ষড়ঙ্গের সহিত
তুর্বেদবিৎ ব্রাহ্মণ যাজ্ঞবল্ক্যের শিষ্য ধর্মগুণাঘ্নিতঃ
ব্রহ্মদত্তেতিবিখ্যাতো বিপ্রোবাজসনেরিবান্।
অশ্বমেধঃ কৃতস্তেন বহুদেবশ্চ ধীমতঃ ॥ ২ ।
স সংবৎসরদীক্ষয়াং দীক্ষিতঃ ষট্পুরালয়ে ।
আবর্তীয়াঃ শুভে তীরে স্থনজ্ঞা মূনিজুষ্টয়া ॥ ৩ ।
সখা চ বহুদেবশ্চ সহাধ্যায়ী দ্বিজোত্তমঃ ।
উপাধ্যায়শ্চ কৌবব্য কীরহোতা মহাস্বনঃ ॥ ৪ ।

অধ্বয়ু্যছিলেন। (২) ইনি একজন উপাধ্যায় ছিলেন। অথবা সহাধ্যায়ের
পর বহুদেবেরই উপাধ্যায় হইয়াছিলেন। এখানে উপাধ্যায় শব্দের
অর্থ সম্বন্ধে কিঞ্চিৎ আলোচনা আবশ্যিক। অমর সিংহ বলিয়াছেন,
“উপাধ্যায়োহধ্যাপকঃ,” উপাধ্যায় শব্দের অর্থ অধ্যাপক। ইহা হইতে
প্রকৃত অর্থ প্রকাশ পাইল না। “উপেত্য অধীরতে অন্মাৎ” ছাত্র
আসিয়া ইহার নিকট হইতে অধ্যয়ন করে এই অর্থে (ইউশ্চ। পাং।
৩। ৩। ২১) এই পাণিনি সূত্রানুসারে ইও, ধাতুর পর অপাদানে ষঞ্
প্রত্যয় যোগে উপাধ্যায় শব্দ নিস্পন্ন হইয়াছে। সুতরাং বর্তমান যুগের
স্কুল কলেজের শিক্ষক অধ্যাপক নহেন। কারণ ইহারা ক্রাসে ক্রাসে
ঘুরিয়া ঘুরিয়া পড়ান। মনু বলিয়াছেন। ২। ১৪১

“একদেশস্ত বেদশ্চ বেদান্তাপি বা পুনঃ ।

যোহধ্যাপয়তি বৃত্তার্থঃ উপাধ্যায়ঃ স উচ্যতে ॥”

বেদের একদেশ অথবা বেদের অল্প যিনি বৃত্তির জন্ত অধ্যাপনা করেন,
তিনি অধ্যাপক। বৃত্তি শব্দের অর্থ গুরুদক্ষিণা অথবা রাজ-প্রদত্ত
সাহায্য। বেতন নহে।

“বহুদেবস্তত্র যাতো দেবক্যা সহিতঃ প্রভো ।

যজমানং ষট্পুরস্থং যথাশক্ৰো বৃহস্পতিম্ ॥ ৫

তৎ সত্রং ব্রহ্মদত্তশ্চ বহুদেবঃ বহুদক্ষিণম্ ।

উপাসন্তি মূনিশ্রেষ্ঠা মহাস্বানো মহাব্রতাঃ ॥ ৬ ।

ব্যাসোহহং যাজ্ঞবল্ক্যশ্চ স্মমন্ত জৈমিনিমিত্রথা ।

ধৃতিমান্ জাজলিশ্চৈব দেবলাভাশ্চ ভারত ॥ ৭

যজ্ঞানুরূপায়ুক্তঃ বহুদেবশ্চ ধীমতঃ ।

যত্রৈষিতান্ দদৌ কামান্ দেবকী ধর্মচারিণী ॥ ৮

বাহুদেব প্রভাবেণ জগৎ শ্রষ্টুর্দ্রহীতলে ।

তন্মিন্ সত্রে বর্তমানে দৈত্যাঃ ষট্পুরবাসিনঃ ॥ ৯

নিকৃন্তাতাঃ সমাগম্য তমুচুস্বরদর্পিতাঃ ।

কার্যতাং যজ্ঞভাগো নঃ সোমং যান্তামহেবরং ॥

কস্তাশ্চ ব্রহ্মদত্তো নো যজমানঃ প্রযচ্ছতু ॥ ১০ ॥

হে প্রভো! দেবকীর সহিত বহুদেব ষট্পুরে অস্থিত সেই যজ্ঞে
যজমান ব্রহ্মদত্তের সমীপে বৃহস্পতি যজ্ঞে ইন্দের স্মরণ গমন করিয়া-
ছিলেন। বহু অশ্বযুক্ত এবং প্রচুর দক্ষিণাযুক্ত ব্রহ্মদত্তের সেই সত্রে
মহাব্রত মহাস্বানো মূনিশ্রেষ্ঠগণ গমন করিয়াছিলেন। ইহাদের মধ্যে ব্যাস
আমি (বৈশম্পায়ন) যাজ্ঞবল্ক্য স্মমন্ত জৈমিনি ধৃতিমান্ জাজলি এবং
দেবলাভ প্রভৃতি। সেই সত্রে বুদ্ধিমান্ বহুদেবের সম্পত্তির অনুরূপ
হইয়াছিল। ইহাতে ধর্মচারিণী দেবকী প্রার্থীর অভিলাবিত বস্ত্র দান
করিয়াছিলেন। জগৎশ্রষ্টা বাহুদেবের প্রভাবানুসারে জুতলে সেই সত্রে
আরও হইলে ষট্পুরবাসী নিকৃষ্ট প্রভৃতি অশ্বরগণ উপস্থিত হইয়া
বলিয়াছিল যে, আমাদের জন্ত যজ্ঞের ভাগ নির্দিষ্ট হউক, আমরা

(২) অধ্বয়ু্যদগাচ্ছ হোতারো যজুঃ সামগ্ণ্যবিদঃ ক্রমাৎ । যজ্ঞব্যাপ্ত
বহুর্বেদবিদ্ ব্রাহ্মণ অধ্বয়ু্য। অমর ব্রহ্মবর্গ।

যজ্ঞীয় সোমলভারি নিকট যাইব। বজ্রাঘাতাতা ব্রহ্মদত্ত আমাদিগকে
কস্তা দান করুক, অস্ত্রান্ত বস্ত্রও প্রার্থনা করিয়া জানাইয়াছিল যে,—

“অস্ত্রাথা তু ন যষ্টব্যং বরমাজ্ঞাপরামহে” ১১২

“আমরা আদেশ করিতেছি যে, আমাদের আজ্ঞা লঙ্ঘন করিলে যাগ
করিতে দিব না।” এদিকে ব্রহ্মদত্তের নিমন্ত্রণে জরাসন্ধ প্রভৃতি ভারতীয়
নৃপতিবৃন্দ সমাগত হইয়াছিলেন। অশ্বরের সহিত বিবাদ করিবার
জন্ত বহুদেবের অভিপ্রায়ানুসারে কৃষ্ণ প্রদ্যুম্ন প্রকৃতির সহিত ষট্পুরে
উপস্থিত হইয়াছিলেন। যুদ্ধের উপক্রমে নারদ মুনি চিন্তা করিয়া অশ্বর
সমীপে উপস্থিত হইলেন এবং বলিলেন—

“কথং বিরোধং যদ্বিভিঃকৃৎস্বা স্বস্থে’রিহাশ্রতে।

যো ব্রহ্মদত্তঃ স হরিঃ সহি তস্ত পিতৃঃ সখা।”

তুমি ষাদবদিগের সহিত বিরোধ বাধাইয়া এখানে নিশ্চিন্ত ভাবে বসিয়া
আছ কেন? যে ব্রহ্মদত্ত সেই হরি। কারণ সে তাহার পিতা বহুদেবের
সখা। কৃষ্ণের জন্ত ব্রহ্মদত্ত বহু ভাল ভাল কস্তা রাখিয়াছে। তুমি
যে একশত কস্তা হরণ করিয়া আনিয়াছ তাহা উপযুক্ত রূপে কত্রিয়
রাজাদিগকে ভাগ করিয়া দিয়া তাহাদিগকে সহায় কর। নারদের
পরামর্শে নিকুন্ত তাহাই করিল।

“নিকুন্তো২খাত্রবীকৃষ্টঃ ক্ষত্রং হুররিপুস্তদা।

অমুর্বর্ণরিভা ক্ষত্রশ্চ মাহাস্বাং সত্যমেব চ ১১৩

তখন দেবশত্রু নিকুন্ত হুষ্টি হইয়া কত্রিয়ের মাহাস্ব্য বর্ণনা করিয়া
বলিল—

“যুদ্ধং নো রিপুভি সার্কং ভবিষ্যতি নৃপোত্তমাঃ।

সাহায্যং দাতুমিচ্ছামো ভবন্তিস্তত্র সর্বথা ১১০

এবমস্থিতিতানুচুঃ কত্রিয়াঃ ক্ষীণ কিষিধাঃ।

পাণ্ডবেয়ানৃতে বীরান্ ক্রতার্থান্নারদাঘিভো ১১১

শত্রুর সহিত আমাদের যুদ্ধ উপস্থিত। হে নৃপতিশ্রেষ্ঠগণ! ইহাতে
আপনাদের সর্বথা সাহায্য পাইতে ইচ্ছা করি। ইহাতে কেবল
পাণ্ডবগণ ব্যতীত সকল কত্রিয়ই সম্মত হইলেন।

অতঃপর যুদ্ধ এবং তাহার ফলাফল। আমরা এইমাত্র প্রতিপাদন
করার অভিপ্রায়ে এই বৃত্তান্তটি উদ্ধৃত করিলাম যে,—সেকালে কত্রিয়গণ
শ্মায় এবং ধর্মের পক্ষপাতী ছিলেন না। স্বার্থ সিদ্ধির জন্ত দেবদ্বিজের
বিরুদ্ধেও অস্ত্রধারণে বিরত হইতেন না।

কিরাত-প্রসঙ্গ

বিষ্ণুপুরাণের ২ অংশ। ২৮ অধ্যায়ে উক্ত হইয়াছে যে, “পূর্বে
কিরাতাযশ্রহ্মাঃ পশ্চিমে যবনাঃ স্থিতাঃ।” যে ভারতবর্ষের পূর্বে দিকে
কিরাত নিবাস এবং পশ্চিমে যবন স্থান। পূর্বে উল্লেখ করা হইয়াছে
যে, কিরাত একশ্রেণীর স্নেহ। ইহাদের নিবাস যে কেবল ভারতের
বাহিরে পূর্বেদিকেই নিয়ত ছিল, তেমন বুঝা যায় না। মহাদেব
আরাধনার্থ অর্জুন হিমালয় পর্বতে তপস্তা করিতে গিয়াছিলেন। উহা
উত্তর দিকে অবস্থিত।

“দিশং হৃদীচীং কৌরব্য হিমবচ্ছিধরং প্রতি।” (বনপর্ব ৩৮ অ-
৩।১) উত্তর দিকে হিমালয় পর্বতের শিখরের উদ্দেশে অর্জুন গম
করিয়াছিলেন। এখানেই অর্জুনের ছলমার জন্ত মহাদেব কিরাতবে
গমন করিয়াছিলেন। উমা দেবীও কিরাতবেশধারিণী হইয়াছিলেন।

“কৈরাতং বেশমাস্থায় কাঞ্চনক্রম-সন্নিভম্।

বিভ্রাজমানো বিপুলো গিরির্শ্বেরুবিবাচলঃ ৷ (বনপর্ব ৩৯ অ ২)

সেই মহাদেব কাঞ্চনবৃক্ষের শ্মায় কৈরাতবেশ ধারণ করিয়াছিলেন
ইহাতে বিপুলকায় মহাদেব শ্বমের পর্বতের শ্মায় শোভা পাইয়াছিলেন।

“দেব্যা সহোময়া শ্রীমান্ সমানব্রতবেশয়া।

নানা বেশধরে হুষ্টি ভূতেমমুগত স্তদা ১১৪

কিরাত বেশ-সংছন্ন শ্রীভিষ্টিচাপি সহস্রশঃ।

অশোভত তদা রাজন্ স—দেশো২তীব ভারত ১১৫

মহাদেব কিরাতবেশ ধারণ করাতে উমা দেবীও ঐ বেশ ধারণ
করিয়াছিলেন। মহাদেবের অনুচর ভূতবর্গও নানাপ্রকার বেশ ধারণ
করিয়াছিল। কিরাতবেশধারী শ্রীগণ কর্তৃক সনাচ্ছন্ন সেই দেশ অতীব
শোভা পাইয়াছিল।

এই বর্ণনা হইতে বুঝা যায় যে, হিমালয়ের অন্তর্গত ও কিরাত—
নিবাস ছিল। কিরাতদিগের বেশভূষা কিরূপ ছিল, তাহা কত্রিতা
দেবীর ধ্যানগম্য রূপের বর্ণনা হইতে বুঝা যায়।

যথা,—“শ্রামাং বর্হিকলাপশেখর-যুতা সাবঙ্গপর্মাং শুকাং

গুঞ্জাহার-লসৎ পরোধরভরা মট্টাহিকাল্ বিভ্রতীম্।

তাড়ক্কাঙ্গত মেখলা-গুণরণম্গীরতাং বিভ্রতীং

কৈরাতীং বরদাভয়োত্তকরাং দেবীং ত্রিনেত্রাং ভজে ৷”

শ্রামবর্ণা, ময়ূরপুচ্ছনির্মিত-মস্তকভূষণালঙ্কৃত পত্রময়-বসন-পরিধানা,
গুঞ্জাময়হারের দ্বারা ঘাঁহার স্তনদ্বয় শোভমান, যিনি অষ্ট সর্প ধারণ
করিতেছেন, তাড়ক বলয়-কটিসূত্র ভূষিতা এবং শকায়মান নুপুরধারিণী
কিরাত বেশধারিণী বরদ মূর্ত্তা ও অভয় মূর্ত্তার দ্বারা ঘাঁহার হস্ত উজ্জত
ত্রিনয়না দেবীকে ভজন করি। ইহা হইতে বুঝা যায় যে, কিরাতেরা
মস্তকে ময়ূরপুচ্ছ ধারণ করিত, লতাপাতার আবরণ বস্ত্ররূপে ব্যবহার
করিত, এবং বুকে গুঞ্জার মালা পরিত।

কিরাতদিগের কিরূপ ধর্ম ছিল, তাহারও পরিচয় পাওয়া যায়।
তিথিতত্ত্ব ধৃত স্বন্দ-পুরাণীয় এবং ভবিষ্য-পুরাণীয় বচনে কথিত
হইয়াছে যে,—

“স্বরামাংসাত্যপহারৈর্কপষট্টৈজীবনা তু যা।

বিনা মস্ত্রেস্তামসী শ্রাৎ কিরাতানাস্ত সন্নতা ৷”

তপ যজ্ঞ মন্ত্র রহিত যে পূজা বাহাতে স্বরা ও মাংস প্রভৃতি উপহার
দেওয়া হয় সেই পূজা তামসী বলিয়া অভিহিত হইয়াছে। ভবিষ্যোক্তরে
বলা হইয়াছে যে,—

“ব্রহ্মণৈঃ কত্রিয়ে কৈবৈশ্বেঃ শূদ্রৈরশ্বেচ্চ সেবকৈঃ।

এবং নানা স্নেহগণৈঃ পূজ্যতে সর্বদম্ব্যতি ৷”

৭ কত্রিয় বৈশ্ব শূত্র এবং অন্তান্ত সেবকগণ দুর্গা দেবীর পূজা করিয়া । দহ্যতা ব্যবসায়ী নানাপ্রকার স্নেহগণও পূজা করিয়া থাকে । বতা বুঝা যায় যে, দহ্যতাই কিরাতদিগের ব্যবসায় ছিল । দশকুমার চরিত কাব্যের অন্তর্গত উপহার বর্ণিত পাঠে জানা যায় বদেহ দেশ ও মগধের মধ্যস্থানে অরণ্য মধ্যে কিরাত নিবাস ছিল । কার সমীপে কিরাতেরা নরহত্যা করিত ।

ভারতবর্ষ

বিষ্ণু পুরাণ ২য় অংশ ২য় অধ্যায়ে মৈত্রেয় কর্তৃক ভূমণ্ডল বিষয়ক স্নেহের উত্তরে পরাশর বলিয়াছেন;

“জম্বু দ্বীপস্বায়ো দ্বীপো শাল্মলিষ্ঠাপরো দ্বিজ ।

কুশঃক্রৌঞ্চস্তথা শাকঃ পুষ্করশ্চৈব সপ্তম ॥ ৫

এতে দ্বীপাঃ সমুদ্রেস্ত সপ্ত সপ্তভিরাবৃশাঃ ।

লবণেশ্বরাসর্পির্দধিহুঙ্কজলৈঃ সমম্ ॥ ৬

পৃথিবী মধ্যে সাতটি দ্বীপ অবস্থিত । তাহাদের নাম জম্বুদ্বীপ, দ্বীপ, শাল্মলিষ্ঠাপ, কুশদ্বীপ, ক্রৌঞ্চদ্বীপ, শাকদ্বীপ ও পুষ্করদ্বীপ । এই সাতটি দ্বীপ, লবণ, ইক্ষু, সূরা, ঘৃত, দধি, দুগ্ধ ও জল এই সপ্ত পদার্থময় সাতটি সমুদ্রের দ্বারা সমভাবে আবৃত অর্থাৎ বেষ্টিত । এই সকল দ্বীপের মধ্যে লবণেশ্বরে জম্বুদ্বীপ অবস্থিত । এই জম্বুদ্বীপের মধ্যস্থানে স্বর্ণময় স্নেহের পর্বত অবস্থিত ।

হিমবান হেমকূটশ্চ নিমদশ্চাস্ত দক্ষিণে ।

নীলঃ শ্বেতশ্চ শৃঙ্গী চ উত্তরে বর্ষ পর্বতাঃ ॥ ১০

হিমালয় প্রভৃতি ছয়টি পর্বত বর্ষসংক্রমক অংশকে বিচ্ছিন্ন করিয়া অবস্থান করিয়াছে, অতএব ইহাদের নাম বর্ষ পর্বত । বর্ষ পর্বতের মধ্যে হিমালয়, হেমকূট ও নিমদ এই তিনটি মেকর দক্ষিণে নীল, শ্বেত ও শৃঙ্গী এই তিনটি পর্বত স্নেহের উত্তরে ।

“ভারতং প্রথমং বর্ষং ততঃ কিম্পুষ্করং শ্রুতম্ ।

হরিতকমং তথৈবাস্তান্ মেরোর্দক্ষিণতো দ্বিজ ॥ ১২

রম্যাক্ষেপান্তরে বর্ষং তশ্চৈবানুহিরমমম্ ।

উত্তরাঃ কুরবশ্চৈব যথা বেভারতস্তথা ॥ ১৪

১ দ্বিজ মৈত্রেয় ! মেকর দক্ষিণদিকে প্রথমতঃ ভারতবর্ষ, তৎপর কাম্পুকবর্ষ, তৎপর হারবর্ষ । মেকর উত্তরদিকে রম্যাক্ষবর্ষ ৩৭সমীপে হরণ্যবর্ষ তৎপর উত্তর কুরবর্ষ । এই বর্ষ ভারতের মত অর্থাৎ সুরাকার ।

“নবসহস্রমৈকৈকমেতেবাং দ্বিজ সপ্তম ।

ইলাবৃতঞ্চ তন্মধ্যে সৌবর্ণোমেককচ্ছিতঃ ॥ ১৪

ই সকল বর্ষের পরিমাণ নবসহস্র যোজন । ইলাবৃত বর্ষেরও প্রমাণ নবসহস্র যোজন তাহার মধ্যভাগে স্বর্ণ মেক উন্নতভাবে অবস্থিত ।

“মেরোশ্চতুর্দিশং তত্র নবসহস্রবিস্তৃতং ।

ইলাবৃতং মহাভাগ চদ্বারশ্চাত্ত পর্বতাঃ ॥ ১৫

নবসহস্র যোজন বিস্তৃত ইলাবৃত বর্ষে মেকর চারিদিকে বিধস্ত স্বরূপে উন্নত যোজন সমুন্নত চারিটি পর্বত আছে ।

“পূর্বেণ মন্দরো নাম দক্ষিণে গন্ধমাদনঃ ।

বিপুলঃ পশ্চিমে পার্শ্বে স্থপার্শ্বেশ্চাত্তরে শ্রুতঃ ॥ ১৭

পূর্বদিকে মন্দর পর্বত, দক্ষিণে গন্ধমাদন, পশ্চিমে বিপুল, উত্তরে স্থপার্শ্ব ।

“ভদ্রাধং পূর্বতো মেরোঃ কেতুমালঞ্চ পশ্চিমে ।

বর্ষে শ্বেতু মুনিস্রেষ্ট তয়োর্মধ্যে ইলাবৃতম্ ॥ ২৩

মেকর পূর্বদিকে ভদ্রাধবর্ষ এবং পশ্চিমদিকে কেতুমালবর্ষ, এই দুইটির মধ্যে ইলাবৃতবর্ষ ।

ভারতের সীমা—বিষ্ণু পুরাণ ২য় অংশ ৩ অধ্যায় পরাশর উবাচ

“উত্তরং যৎ সমুদ্রশ্চ হিমাদ্রেশ্চৈব দক্ষিণং ।

বর্ষং তৎ ভারতং নাম ভারতী যত্র সন্ততিঃ ॥

নবযোজন সাংশ্রোবিস্তারস্ত মহামুনে । ২

হে মুনি প্রবর । সমুদ্রের উত্তরে এবং হিমালয়ের দক্ষিণে নব হাজার যোজন বিস্তৃত যে স্থান তাহার নাম ভারতবর্ষ । এই ভারতবর্ষে মহেন্দ্র মলয় সন্ধ্যা শুক্টিমান্ ঋক্ষ বিদ্যা ও পরিপাত্র এই সাতটি কুল পর্বত আছে ।

মহেন্দ্রো মলয়ঃ সন্ধ্যাঃ শুক্টিমান্ ঋক্ষ পর্বতঃ ।

বিদ্যাশ্চ পরিপাত্রশ্চ সপ্তাত্ত কুল পর্বতাঃ ॥ ৩

এই ভারতবর্ষ নবভাগে বিভক্ত ।

“ভারতশ্চাত্ত বংশস্ত নবভেদান্ নিশাময় ।

ইন্দ্রদ্বীপঃ কশেকমান্ তাম্রবর্ণা গভস্তিমান্ ॥

নাগদ্বীপস্তথা সৌম্যো গন্ধর্কশ্বথবাকণঃ ॥ ৬

অয়ন্ত নবমস্তেবাং দ্বীপাঃ সাগর সংবৃতঃ ।

যোজনানাং সহস্রস্ত দ্বীপোঃ দক্ষিণোত্তরাং ॥

পূর্বেকিরাতা যশ্চাত্তাঃ পশ্চিমে যবনাঃ স্থিতাঃ ।

ত্রাক্ষণী কত্রিয়াবৈশ্বা মধ্যে শদাশ্চত্রাগশঃ ॥ ৮

ইজ্যা যুদ্ধবণিজ্যাত্তৈর্কর্কযন্তোব্যবস্থিতাঃ ।

ইহাতে ইন্দ্রদ্বীপ কশেকমান্ তাম্রবর্ণ গভস্তিমান্—নাগদ্বীপ, সৌম্যদ্বীপ, গান্ধারদ্বীপ, বাকণদ্বীপ নবম । এই দ্বীপ দক্ষিণোত্তরে সহস্র যোজন বিস্তৃত—উহা সাগর দ্বারা সংবৃত । ইহার পূর্বদিকে কিরাত নিবাস এবং পশ্চিমে যবন নিবাস । ইহার মধ্যে ত্রাক্ষণ, কত্রিয়, বৈশ্ব ও শূত্রগণ স্ব স্ব ভাগক্রমে বাস করে । ইহারা যজ্ঞ, যুদ্ধ, বাণিজ্য প্রভৃতির দ্বারা জীবনধারণ করে । এই বর্ণনা হতে বুঝা যায় যে, ভারতের পূর্বদিকে কিরাত নিবাস এবং পশ্চিমে যবন অবস্থিত । পূর্বে উল্লেখ করা হইয়াছে কিরাত এক শ্রেণীর স্নেহ । মহাদেবের আরাধনার্থ অর্জুন হিমালয়ে উপস্থিত কারতে গিয়াছিলেন । উহা উত্তরদিকে অবস্থিত । “দিশং সূদীচীং কোরব্যো হিমবচ্ছপরং প্রতি ।” (বনপর্ব ৩৮ অ ১৩) উত্তরদিকে হিমালয়ের শিখরের উদ্দেশে অর্জুন গমন করিয়াছিলেন । এখানেই অর্জুনের চলনার জন্ত মহাদেব কিরাত বেশে গমন করিয়াছিলেন, এবং উমা দেবীও কিরাত বেশধারিণী হইয়াছিলেন,

কৈরাতং বেশমাস্তায় কাঞ্চন ক্রমসন্নিভম্ ।

বিভ্রাজমানো বিপুলো গিরিস্রেকরিবাচলঃ ॥”

সেই মহাদেব কাঞ্চন বুদ্ধের স্থায় কৈরাত রূপ (কিরাত বেশ) ধারণ করিয়াছিলেন । ইহাতে বিপুলকার মহাদেব স্নেহ পর্বতের স্থায় শোভা পাইয়াছিলেন ।

“দেব্যা সহো ময়া স্ত্রীমান্ সমানত্রত বেশরা ।

নানা বেশ ধরে স্রষ্টেভুভেবসুগতস্তদা ॥ ৪ ।

কিরাত বেশ সংচ্ছন্নঃ স্ত্রীশ্চিষ্ঠার্চাপ সহস্রশঃ ॥

অশোভত তদারাজন্ স দেশোত্তীব ভারত ॥ ৫ ।

মহাদেব কিরাত বেশ ধারণ করিতে উমা দেবীও ঐ বেশ ধারণ করিয়াছিলেন, মহাদেবের অনুচর ভূতবর্গও নানা প্রকার বেশ ধারণ করিয়াছিল । কিরাত বেশধারী স্ত্রীগণ কর্তৃক সমাচ্ছন্ন সেই দেশ অতীব শোভা ধারণ করিয়াছিল ।



দশম পরিচ্ছেদ

তিলক বর্মা

কালের মন্দির।

শ্রী শরদিন্দু বন্দ্যোপাধ্যায়

পরদিন প্রাতঃকালে সচিব চতুর ভট্ট রাজসভানে চিত্রকের সহিত সাক্ষাৎ করিতে আসিলেন। স্বস্তিবাচন করিয়া বলিলেন—‘কাল রাতে আপনি পুরভূমিতে আক্রান্ত হইয়াছিলেন শুনিয়া অত্যন্ত দুঃখিত হইয়াছি। আপনার দেখিতেছি মন্দ দশা চলিয়াছে; পদে পদে বিপন্ন হইতেছেন। গভীর রাতে অরক্ষিত অবস্থায় বাহির হওয়া নিরাপদ নয়; রাজপুরীর মধ্যেও বিপদ ঘটিতে পারে।’

কঞ্চুকী উপস্থিত ছিল; সে বলিল,—সেই কথাই তো আমিও বলিতেছি। কিন্তু দূত প্রবরের বয়স অল্প, মন চঞ্চল—’ বলিয়া মুখ টিপিয়া হাসিল।

চতুর ভট্ট জিজ্ঞাসা করিলেন—‘রাতে কি নিদ্রার ব্যাঘাত ঘটিয়াছিল?’ প্রশ্নের অন্তর্নিহিত প্রকৃত প্রশ্নটি চিত্রক বুঝিতে পারিল; সচিব জানিতে চান কী জন্ত রাজ্যের মধ্যস্থানে সে একাকী বাহিরে গিয়াছিল। এই প্রশ্নের জন্ত চিত্রক প্রস্তুত ছিল, সে মনে মনে একটি কাহিনী রচনা করিয়া রাখিয়াছিল, এখন তাহাই সচিবকে শুনাইল।

—গভীর রাতে চিত্রকের ঘুম ভাঙ্গিয়া যায়। ঘুম ভাঙ্গিয়া সে দেখে, একটা লোক বাতায়ন পথে তাহার কক্ষে প্রবেশ করিবার চেষ্টা করিতেছে। তখন চিত্রক তরবারি লইয়া দুরভীষ্ট ব্যক্তির দিকে অগ্রসর হয়। চোর তাহাকে আগ্রত দেখিয়া পলায়ন করে; চিত্রকও বাতায়ন উল্লঙ্ঘন করিয়া তাহার পশ্চাৎগমন করে। কিছুদূর পশ্চাৎগমন করিবার পর সে আর চোরকে দেখিতে পায়না। তখন ইতস্তত অন্বেষণ করিতে করিতে তোরণ সন্নিকটে উপস্থিত হইলে ওহ তাহাকে অর্জকিতে আক্রমণ করে— ইত্যাদি।

কাহিনী অবিস্বাস্য নয়। চতুর ভট্ট মন দিয়া শুনিলেন মনে মনে ভাবিলেন, ইহা যদি মিথ্যা গল্প হয় তবে দূত মহাশয়ের উদ্ভাবনী শক্তি আছে বটে। মুখে বলিলেন—‘যা হোক, আপনি যে উন্মাদের আক্রমণ হইতে রক্ষা পাইয়াছেন ইহাই ভাগ্য। আপনি মগধের মহামাত্র দূত আপনার কোনও অনিষ্ট হইলে আমাদের আর সাহস থাকিত না। কঞ্চুকীকে লক্ষ্য করিয়া বলিলেন—‘লক্ষ্য দিবারাত্র দূত মহাশয়ের রক্ষার ব্যবস্থা কর। তিনি এখন কিছুদিন রাজ-অতিথিরূপে থাকিবেন; তাঁহার অনিষ্ট হইলে দায়িত্ব তোমার, স্মরণ রাখিও।’

চিত্রক উদ্বিগ্ন হইয়া বলিল,—‘কিন্তু আমি শীঘ্র চলিয়া যাইতে চাই। আতিথ্য রক্ষা তো হইয়াছে, এটা আমাকে বিদায় দিন।’

সচিব দৃঢ়ভাবে বলিলেন,—‘এত শীঘ্র যাওয়া অসম্ভব চণ্ডন দুর্গে মহারাজের নিকট মগধের লিপি প্রেরিত হইয়াছে, মহারাজ সম্ভবত আপনার সহিত সাক্ষাৎ করিতে চাহিবেন। তাঁহার সহিত সাক্ষাৎকার না করিয়া আপনি চলিয়া যাইতে পারেন না।’—গাত্রোচ্ছ্বাস করিয়া চতুর ভট্ট নরম স্বরে বলিলেন—‘আপনি ব্যস্ত হইতেছেন কেন? রাজকাৰ্য একদিনে হয়না। কিছুদিন বিশ্রাম করুন, আরাম উপভোগ করুন; তারপর বিট্ট রাজ্যের দূত যখন পত্রের উত্তর লইয়া পাটলিপুত্রে যাইতে তখন আপনিও সঙ্গে ফিরিতে পারিবেন। সকল দিয়া সুবিধা হইবে।’

সচিব প্রস্থান করিলেন। চিত্রক হতাশা-পূর্ণ হৃদয়ে বসিয়া রহিল। তাহার মনচক্ষে কেবলই শিশিশেখরে সঙ্ক্ষম মুখ ভাসিয়া উঠিতে লাগিল।

দিনটা প্রায় নিষ্ক্রিয় ভাবেই কাটিল। কঞ্চুকী লক্ষ্য যদি বা এ পর্যন্ত চিত্রককে কদাচিৎ চক্ষের অন্তরায় করিতেছিল, এখন একেবারে অলৌকিক ভায়ে তাহার

মুখে ছুড়িয়া গেল ; নানে আহারে নিদ্রায় পলকের তরে তাহার সঙ্গ ছাড়িল না।

অপরাত্নের দিকে উভয়ে অন্ধক্রীড়ায় কাল হরণ করিতেছিল। বিনা পণের খেলা, তাই চিত্রকের বিশেষ মন লাগিতেছিল না; এমন সময় অবরোধ হইতে রাজকুমারীর স্বকীয়া এক দাসী আসিল। দাসী কৃতাজলী-পুটে দাঁড়াইতেই কঞ্চুকী ঈষৎ বিস্ময়ে বলিল—‘বিপাশা, তুমি এখানে কি চাও?’

বিপাশা বলিল—‘আর্য, দেবদুহিতার আদেশে আসিয়াছি।’

কঞ্চুকী স্বরিতে উঠিয়া দাঁড়াইয়া বলিল—‘দেবদুহিতার কী আদেশ?’

বিপাশা বলিল—‘দেবদুহিতা উশীর-গৃহে অবস্থান করিতেছেন, সঙ্গে সখী স্নগোপা আছেন। দেবদুহিতা ইচ্ছা করিয়াছেন মগধের দূত মহোদয়ের সহিত কিছু বাক্যালাপ করিবেন। অহুমতি হইলে তাঁহাকে পথ দেখাইয়া লইয়া যাইতে পারি।’

কঞ্চুকী বিপদে পড়িল। কোনও রাজদূতের সহিত অবরোধের মধ্যে সাক্ষাৎ করা রাজকন্টার পক্ষে শোভন নয়, নিয়মাহুগও নয়। কিন্তু রাজকুমারী একে স্ত্রীজাতি, তায় হুণকন্টা; অবরোধের শাসন তিনি কোন কালেই মানেন না। উপরন্তু, গণ্ডের উপর পিণ্ড, ঐ স্নগোপা সখীটা আছে। স্নগোপাকে কঞ্চুকী স্নেহের চক্ষে দেখে না। স্নগোপার সহিত মিশিয়াই রাজকন্টার মর্যাদাজ্ঞান শিথিল হইয়াছে। কিন্তু উপায় কি? এদিকে অবরোধের শালীনতা রক্ষা করিতে হইবে; নহিলে কঞ্চুকীর কর্তব্যে ক্রটি হয়। আবার দূত-প্রবরকেও একাকী ছাড়িয়া দেওয়া যায় না—

লক্ষণ কঞ্চুকী চট্ করিয়া কর্তব্য স্থির করিয়া ফেলিল; বিপাশাকে বলিল—‘তুমি অগ্রবর্তিনী হও, আমি দূত মহাশয়কে লইয়া স্বয়ং যাইতেছি।’

কঞ্চুকী সঙ্গে থাকিলে অবরোধে পুরুষ প্রবেশের দোষ অনেকটা কালন হইবে, অধিকন্তু দূত মহাশয়ও চোখে চোখে থাকিবেন।

অবরোধের পশ্চিম প্রান্তে উশীর গৃহ। সারি সারি কয়েকটি কক্ষ; দ্বারে গবাক্ষে সিদ্ধ উশীরের জাল।

গ্রীষ্মের তাপ বর্ধিত হইলে পুরজীরা এই সকল শীতল কক্ষে আশ্রয় লইয়া থাকেন।

একটি কক্ষে শুভ্র মর্মর পট্টের উপর কুমারী রট্টা উপবিষ্টা ছিলেন; স্নগোপা তাঁহার কাছে কুটুমের উপর তালবৃন্ত হাতে লইয়া বসিয়াছিল। কঞ্চুকী ও চিত্রক দ্বারের কাছে আসিয়া দাঁড়াইলে স্নগোপা ভাড়াভাড়া উঠিয়া একটি গৌড়দেশীয় মসৃণ পট্টিকা পাতিয়া দিল।

উভয়ে উপবিষ্ট হইলে রট্টা মুখ টিপিয়া একটু হাসিলেন। কঞ্চুকীকে চিত্রকের সঙ্গে দেখিয়া তিনি ব্যাপার বুঝিয়াছিলেন, কৌতুক-তরল কণ্ঠে বলিলেন—‘এই অবরোধের প্রতি আর্য লক্ষণের যেমন সতর্ক স্নেহ-মমতা, শিশু সন্তানের প্রতি মাতারও এমন দেখা যায় না।’

লক্ষণ অতিশয় অপ্রতিভ হইয়া পড়িল। চিত্রক রাজকুমারীর বাক্যে স্ফোটন দিয়া বলিল—‘কঞ্চুকী মহাশয় আমার প্রতিও বড় স্নেহশীল, তিলার্থের জন্তও চোখের আড়াল করেন না।’

বিড়ম্বিত কঞ্চুকী নতমুখে হেঁ হেঁ করিয়া হাসিবার চেষ্টা করিল। তাহার উভয় সঙ্গট; কর্তব্য করিলে বাক্য যন্ত্রণা, না করিলে মৃগু লইয়া টানাটানি।

যাহোক, অতঃপর কুমারী রট্টা চিত্রককে বলিলেন—‘দূত মহাশয়, আমার সখী আপনাকে কিছু কথা বলিতে চায়, তাই আপনাকে কষ্ট দিয়াছি। স্নগোপা, এবার তোর কথা তুই বল।’

স্নগোপা কোলের উপর দুই মুক্ত হস্ত রাখিয়া নতচক্ষে বসিয়া ছিল, এখন ধীরে ধীরে বলিল—‘আর্য, আমি আপনার অনিষ্ট করিবার চেষ্টা করিয়াছিলাম, প্রতিদানে আপনি আমার ইষ্ট করিয়াছেন। আপনার প্রসাদে আমার মাতাকে ফিরিয়া পাইয়াছি।’

চিত্রক অবহেলা ভরে হস্ত সঞ্চালন করিয়া এমন ভাব প্রকাশ করিল যে মনে হয় এই সব ইষ্টানিষ্ট চেষ্টা তাহার কাছে অকিঞ্চিৎকর। স্নগোপা তখন বলিল—‘আপনি উদার চরিত্র। তাই সাহস করিয়া আপনার নিকট একটি অমুগ্রহ ভিক্ষা করিতেছি। আমার অভাগিনী জননী—’ স্নগোপার চক্ষু ছলছল করিয়া উঠিল—‘উদার পাইবার পর শয্যা লইয়াছেন। তাঁহার শরীর অতি দুর্বল, যে-কোনও মুহূর্তে প্রাণবায়ু বাহির হইতে পারে। কিন্তু

তাঁহার সংজ্ঞা সম্পূর্ণ সূহ আছে। তাঁহার বড় সাধ আপনাকে একবার দেখিবেন, নিজমুখে কৃতজ্ঞতা জানাইবেন—’

চিত্রক বলিল—‘কৃতজ্ঞতা জানাইবার কোনই প্রয়োজন নাই। কিন্তু তিনি যদি আমাকে দেখিলে সূখী হন আমি নিশ্চয় দেখা করিব। কোথায় আছেন তিনি?’

সুগোপা বলিল—‘আমার গৃহে। আমার কুটীর রাজপুরীর বাহিরে কিছু দূরে। যদি অনুগ্রহ করেন, এখনি লইয়া যাইতে পারি।’

চিত্রক উঠিয়া দাঁড়াইল—‘চলুন। আমি প্রস্তুত।’

কঞ্চুকী ত্রস্তভাবে লাফাইয়া উঠিল—‘আ—রাজপুরীর বাহিরে! তা—তা—আমি সঙ্গে দুইজন রক্ষী দিতেছি—’

চিত্রক বলিল—‘নিশ্চয় প্রয়োজন। আমি আত্মরক্ষা করিতে সমর্থ।’

বিত্রত কঞ্চুকী বলিল—‘কিন্তু তাহা কি করিয়া হইতে পারে! আর্ষ চতুর ভট্ট—অর্থাৎ—আপনার রক্ষণাবেক্ষণের দায়িত্ব আমার উপর—’

চিত্রক রট্টার দিকে চাহিয়া কক্ষণ হাসিল—‘আমার উপর কঞ্চুকী মহাশয়ের বিশ্বাস নাই। তিনি বোধহয় এখনও আমাকে চোর বলিয়াই মনে করেন। তাঁহার সন্দেহ, ছাড়া পাইলেই আমি আবার ঘোড়া চুরি করিব।’

রট্টা ঈষৎ ক্রুদ্ধন করিলেন—‘আর্ষ লক্ষণ, রক্ষীর প্রয়োজন নাই। সুগোপা দূত মহাশয়কে লইয়া যাইবে, পৌছাইয়া দিবে।’

পিণ্ড গলাধঃকরণ করিয়া কঞ্চুকী বলিল—‘তা—তা—দেবচুহিতার যদি তাহাই অভিক্রটি—’

চিত্রক মনে মনে ভাবিল—এই সুযোগ! সে আর রাজকুমারীর সঙ্গে দৃষ্টি বিনিময় করিল না; রট্টার চোখে কি জানি কী সম্মোহন আছে, চোখোচোখি হইলে আবার হয়তো তাহার মনের গতি পরিবর্তিত হইবে। সে সুগোপার অনুসরণ করিয়া উশীর-গৃহ হইতে বাহির হইল।

রাজপুরীর তোরণ দ্বারের সম্মুখ দিয়া যে পথ গিয়াছে তাহা দক্ষিণ দিকে কিছুদূর গিয়া নিম্নাভিমুখে অবতরণ করিয়াছে, তারপর আরও খানিকদূর গিয়া একটি বাঁকের মুখে আসিয়া আবার নীচে নামিয়াছে। এই বাঁকের উপর

সুগোপার কুটীর; ইহার পর হইতে রাজপুরুষ ও নাগরিক সাধারণের গৃহাদি আরম্ভ হইয়াছে।

সুগোপার কুটীর ক্ষুদ্র হইলেও সুদৃশ্য, পরিষ্কার পরিচ্ছন্ন; চারিদিকে ফুলের বাগান। সুগোপার মালাকর স্বামী গৃহেই ছিল; সুগোপাকে আসিতে দেখিয়া সে ফুল-মালাদি লইয়া বাহির হইল। বাজারে ফুল-মালা বিক্রয় করিয়া যাহা পাইবে তাহা লইয়া সে মন্দিরালয়ে প্রবেশ করিবে। লোকটি অতিশয় নীরব প্রকৃতির; আপন মনে উত্তানের পরিচর্যা করে, মালা গাঁথে বিক্রয় করে, আর মন্দিরা সেবা করে। কাহারও সাতে পাঁচে নাই।

সুগোপা চিত্রককে মাতার নিকট লইয়া গেল। একটি ঈষদক্ষকার কক্ষে খট্টার উপর সমস্তবিচিত্র শয্যায় পৃথা শুইয়া আছে। তাহার দেহ যথাসম্ভব পরিস্কৃত হইয়াছে; নখ কাটিয়া মাথায় তৈল সেক করা হইয়াছে। কিন্তু কেশের গ্রন্থিযুক্ত ভ্রাত্রাভ বর্ণ দূর হয় নাই। মুখের ও দেহের ত্বক দীর্ঘকাল আলোকের স্পর্শভাবে হরিদাভ বর্ণ ধারণ করিয়াছে।

পৃথা শয্যার সহিত যেন মিশিয়া গিয়াছিল; কোটরগত চক্ষু উন্মেষ নিবদ্ধ ছিল; চিত্রক নিঃশব্দে তাহার শয্যা-পার্শ্বে গিয়া দাঁড়াইলে সে ধীরে ধীরে চক্ষু নামাইল। অনেকক্ষণ চিত্রকের মুখের পানে চাহিয়া থাকিয়া ক্ষীণকণ্ঠে বলিল—‘তুমিই সেই?’

সুগোপা শয্যাপার্শ্বে নতজাহ্নু হইয়া মাতার কপালে হস্ত রাখিল, স্নিগ্ধকণ্ঠে বলিল—‘হাঁ মা, ইনিই সেই।’

আরও কিছুক্ষণ চিত্রককে দেখিয়া পৃথা বলিল—‘তুমি হুণ নও—আর্ষ।’

চিত্রক হাসিয়া বলিল—‘হাঁ আমি আর্ষ। যে হুণ তোমাকে বন্দী করিয়া রাখিয়াছিল সে মরিয়াছে।’ বলিয়া সংক্ষেপে গুহের মৃত্যু বিবরণ বলিল।

শুনিয়া পৃথা বলিল—‘এখন আর কী আসে যায়। আমার জীবন শেষ হইয়াছে।’

চিত্রক শয্যাপার্শ্বে বসিয়া সান্ত্বনার কণ্ঠে বলিল,—‘এরূপ কেন মনে করিতেছ? তোমার শরীর আবার সুস্থ হইবে। তোমার কন্ঠা আছে; তাহাকে লইয়া আবার তুমি সূখী হইবে। যাহা অতীত তাহা তুলিয়া যাও।’

পৃথার মুখে আশা বা আনন্দের রেখাপাত হইল না। সে অনেকক্ষণ চুপ করিয়া থাকিয়া বলিল—‘আমার কথা থাক। তোমার কথা বল। তুমি আমাকে উদ্ধার করিয়াছ, তোমার কথা শুনিতে চাই।—তোমাকে দেখিয়া মনে হইতেছে তুমি অপরিচিত নও—পূর্বে যেন দেখিয়াছি।’

চিত্রক লঘু হাস্তে বলিল—‘তুমি তো অন্ধকারে দেখিতে পাও। সে-রাত্রে কুট-কক্ষে দেখিয়াছিলে—হয়তো সেই ভিত্তি মনে জাগিতেছে।’

‘তাহাই হইবে। তোমার নাম কি?’

‘চিত্রক বর্মা।’

পৃথা নীরবে তাহার ক্ষতরেখা চিহ্নিত অঙ্গে চক্ষু বুলাইল।

‘মাতা পিতা জীবিত আছেন?’

মাতা পিতা! চিত্রক মনে মনে হাসিল; তাহার মাতা পিতা থাকিতে পারে ইহাই যেন অসম্ভব মনে হয়। বলিল—‘না, জীবিত নাই।’

‘তোমার বয়স অল্প মনে হয়—’

‘নিতান্ত অল্প নয়, পঁচিশ ছাব্বিশ বছর।’

পৃথা কিয়ৎকাল চক্ষু মুদিত করিয়া রহিল; শেষে ধীরে ধীরে বলিল—‘আমার তিলক বাঁচিয়া থাকিলে তোমার সমবয়স্ক হইত।’

‘তিলক কে?’

‘কুমার তিলক বর্মা। আমি তাহার ধাত্রী ছিলাম। সে আর স্নগোপা এক দিনে জন্মিয়াছিল; আমায় দুধ দু’জনকে ভাগ করিয়া দিতাম।’

স্নগোপা নিম্নস্বরে বলিল—‘মা, ও কথা আর মনে আনিও না।’

পৃথা চক্ষু নিমৌলিত করিয়া বলিল—‘তাহার কথা ভুলিতে পারি না। নবনীতের ঞ্চায় স্নকুমার শিশু—সেই শিশুকে হুণেরা আমার বুক হইতে ছিঁড়িয়া লইল—তারপর—তারপর—’

অকালবুদ্ধা পৃথার পাণ্ডুর গণ্ড বহিয়া বিন্দু বিন্দু অশ্রু ক্ষরিত হইতে লাগিল। স্নগোপা চিত্রকের সহিত বিষণ্ণ দৃষ্টি বিনিময় করিল।

চিত্রক বলিল—‘কত্মিয় শিশু যদি তরবারির আঘাতে

মরিয়া থাকে তাহাতে আক্ষেপ করিবার কী আছে? ক্রীতদাস হইয়া বাঁচিয়া থাকার অপেক্ষা সে ভাল।’

পৃথা নিশ্চেষ্ট স্বরে বলিল—‘রাজার পুত্র ক্রীতদাস হয় নাই সে ভাল। কিন্তু রাজজ্যোতিষী বলিয়াছিলেন, এ শিশু রাজটীকা লইয়া জন্মিয়াছে, রাজচক্রবর্তী হইবে। কই, তাহা তো হইল না! রাজজ্যোতিষীর কথা মিথ্যা হইল—’

চিত্রক মৃদু হাস্তে বলিল,—‘রাজজ্যোতিষীর কথা অমন মিথ্যা হয়। কিন্তু রাজটীকা লইয়া জন্মিয়াছে ইহার অর্থ কি?’

পৃথা ধীরে ধীরে বলিল—‘আমি যেন চোখের উপর দেখিতে পাইতেছি। তাহার ক্রম মধ্যস্থলে জটুল ছিল; অল্প সময় দেখা যাইত না, কিন্তু সে কাঁদিলে বা জুঁক হইলে ঐ জটুল রক্তবর্ণ হইয়া ফুটিয়া উঠিত। মনে হইত যেন রক্ত-চন্দনের তিলক। তাই তাহার নামকরণ হইয়াছিল— তিলকবর্মা।’

বাতাসের ফুৎকারে ভস্মাবৃত অঙ্গার যেন স্মৃতি হইয়া উঠে, চিত্রকের ক্রনধো তেমনি রক্তটীকা জলিয়া উঠিল। সে ব্যায়ত চক্ষে চাওয়া অর্ধাবুদ্ধ কণ্ঠে বলিল— ‘কী বলিলে?’

পৃথা চক্ষু মেলিল। সম্মুখেই চিত্রকের মুখ তাহার মুখের উপর ঝুঁকিয়া আছে; সেই মুখে ক্রয়ুগলের মধ্যে প্রবালের ঞ্চায় তিলক জলিতেছে। পৃথার চক্ষু ক্রমে বিস্ফারিত হইতে লাগিল; তারপর সে চীৎকার করিয়া উঠিল,—‘তিলক! আমার তিলক বর্মা! পুত্র! পুত্র!’

পৃথা দুই কক্ষালসার হস্তে চিত্রককে টানিয়া বৃকের উপর চাপিয়া ধরিতে চাহিল; কিন্তু এই প্রবল উত্তেজনায় তাহার দেহের সমস্ত শক্তি নিঃশেষ হইয়া গিয়াছিল; সহসা তাহার হস্ত শিথিল হইয়া চিত্রকের স্বন্ধ হইতে খসিয়া পড়িল। সে চক্ষু মুদিত করিয়া মৃতবৎ স্থির হইয়া রহিল।

স্নগোপা কাঁদিয়া উঠিল। চিত্রক পৃথার বৃকের উপর করতল রাখিয়া দেখিল অতি ক্ষীণ হৃৎপিণ্ডের স্পন্দন অল্পভূত হইতেছে। সে স্নগোপাকে বলিল—‘এখনও বাঁচিয়া আছেন। যদি সম্ভব হয় শীঘ্র চিকিৎসক ডাকো।’

স্নগোপা ছুটিয়া বাহির হইয়া গেল। রাজবৈজ্ঞ রট্টার আদেশে পৃথার চিকিৎসার ভার লইয়াছিলেন। রাজ-

বৈষ্ণব বাসভবন নিকটেই ; অল্পক্ষণের মধ্যে স্নগোপা বৈষ্ণবে লইয়া ফিরিয়া আসিল ।

নাড়ী পরীক্ষা করিয়া বৈষ্ণবরাজ ঈষৎ মুখ বিকৃত করিলেন, তারপর সূচিকাতরণ প্রয়োগ করিলেন ।

সে রাত্রে চিত্রক রাজপুরীতে ফিরিয়া গেল না ।

সন্ধিগ্ন কক্ষুণী অন্ধকারে দুইটি গুপ্ত-রক্ষী পাঠাইয়াছিল, তাহারা সারা রাত্রি স্নগোপার কুটারের বাহিরে পাহারা দিল ।

গভীর রাত্রে পৃথা মোহাচ্ছন্ন ভাবে পড়িয়া ছিল । চিত্রক তাহার শয্যাপাশে দাঁড়াইয়া স্নগোপার স্বক্দের উপর হাত রাখিল—‘স্নগোপা, তুমি আমার ভগিনী ; আমরা একই গুণদুগ্ধ পান করিয়াছি ।’

স্নগোপা গুপ্ত সজল নেত্রে চাহিয়া রহিল ।

চিত্রক বলিল—‘যে কথা আজ শুনিয়াছ তাহা কাহাকেও বলিও না । বলিলে আমার জীবন সংশয় হইতে পারে ।’

স্নগোপা ভয়বরে জিজ্ঞাসা করিল—‘এখন তুমি কী করিবে ?’

চিত্রকের অধরে ত্রিঘমান হাসি দেখা দিল—‘ভাবিয়া-ছিলাম পলায়ন করিব । কিন্তু এখন—কি করিব জানি না । তুমি একথা কাহাকেও বলিও না । হয়তো তোমার মাতা ভুল করিয়াছেন ; রুগ্ন দেহে এরূপ ভ্রান্তি অসম্ভব নয়—।’

স্নগোপা বলিল—‘ভ্রান্তি নয় । আমার অন্তর্ধামী বলিতেছেন, তুমি তিলক বর্মা ।’

‘তিলক বর্মা । গুনিতে বড় অদ্ভুত লাগে । কিন্তু সত্য হোক মিথ্যা হোক, তুমি শপথ কর এ কথা গোপন রাখিবে ।’

‘ভাল, গোপন রাখিব ।’

‘কাহাকেও বলিবে না ?’

‘না ।’

পৃথার আর জ্ঞান হইল না । রাত্রি শেষে তাহার প্রাণবায়ু নির্গত হইল । (ক্রমশঃ)

আন্দামান ও নিকোবর দ্বীপপুঞ্জ

অধ্যাপক শ্রীমণীন্দ্রনাথ বন্দ্যোপাধ্যায় এম-এ, বি-এল

পাঁচ

২০-এ সেপ্টেম্বর ১৯৪৯ মঙ্গলবার দুপুরে এস্ এস্ মহারাজা জাহাজ পোর্ট-ব্লেরারে পৌঁছিল । মঙ্গলবার সকাল হইতেই অল্প অল্প বৃষ্টি হইতেছিল, পোর্টব্লেরার জেঠীতে জাহাজ ভিড়বার সঙ্গে সঙ্গেই প্রবলভাবে বৃষ্টি পড়িতে লাগিল ।

এবার জাহাজে যাত্রীসংখ্যা ছিল সাড়ে তিনশতের কিছু বেশী । জাহাজের প্রথম শ্রেণীতে ছিলেন কংগ্রেসকর্মী শ্রীজীবানন্দ ভট্টাচার্য মহাশয়, তবে জাহাজে তাঁহার সহিত আলাপ হয় নাই, পোর্টব্লেরারে পৌঁছাইয়া তাঁহার সহিত প্রথম পরিচয় হইয়াছিল । তিনি পুনর্কাসন বোর্ডের সভ্য, অতএব সরকারী খরচে আন্দামানে পুনর্বাসিত তত্ত্বাবধান করিতে বাইতেছিলেন । আন্দামানে এক সপ্তাহ থাকার পর তিনি আমাদের সহিত ঐ জাহাজেই মাজাজে আসেন । আন্দামানে তিনি ছিলেন ডেপুটি কমিশনারের বাংলোতে, মাজাজে আসিয়া তিনি Woodlands Hotel-এ উঠিয়াছিলেন । আমরা সামান্ত লোক তাঁহার সহিত একত্রে থাকিতে পারি নাই । উপরন্তু মাজাজ হইতে তিনি বিমানযোগে কলিকাতায় ফিরিয়াছিলেন । কাজেই তাঁহার সহিত আমাদের শেষ

দেখা মাজাজেই হইয়াছিল । সরকারী অর্থে প্রথম শ্রেণীর সেলুন ও বিমানে করিয়া যে সমস্ত দেশ-সেবক যোরাফেরা করেন, তাঁহাদের সহিত আমরা সামান্ত শিক্ষক—পকেটের পরস্যা খরচ করিয়া একত্র যোরাগুরি করার সামর্থ্য কিরূপে লাভ করিতে পারি ! জীবানন্দবাবু ছাড়া আরও কয়েকজন জাহাজের প্রথম শ্রেণীতে আসিতেছিলেন, তাঁহাদের মধ্যে মিঃ চিত্রাঙ্গা নামক আন্দামানের বনপাল (Conservator of Forests) ছিলেন । তিনি ফাষ্ট ক্লাসের ডেকের উপর সবেগে পায়চারী করিতেন এবং সূযোগ ও সূবিধা পাইলেই সকলকে গুনাইয়া দিতেন যে, তিনি ভারতের প্রধান সেনাধ্যক্ষ (Commander-in-Chief) মিঃ ক্যারিগাম্বার নিকট আশ্রয় । এ ছাড়া কয়েকজন খেতাজ ও অল্প কয়েকজন কৃষ্ণাঙ্গ যাত্রী ও জাহাজের প্রথম শ্রেণীতে দিলেন, তাহাদের পরিচয় পাই নাই । দ্বিতীয় শ্রেণীতে কতকগুলি ছাত্র পূজাবকাশে কলিকাতা হইতে পোর্টব্লেরারে নিজেদের আশ্রয়ের নিকট ফিরিতেছিল । ইহাদের মধ্যে কতকগুলি local born, অর্থাৎ পূর্বে তাহাদের দেশ ছিল ভারতের কোন না কোন প্রদেশে, তবে পিতা বা পিতামহ কয়েকরূপে আন্দামানে গিয়া সেইখানেই বসবাস করিয়া তাহারা এখন আন্দামানেরই

লাক হইয়া গিয়াছেন। শিক্ষা, আচার ও ব্যবহারে তাহারা এখন ন কোন উচ্চস্তরের নাগরিকের সহিত সমান পর্যায়ে উন্নীত হইয়াছে এবং নৈতিকতার মান কোন অংশেই কম নাই। অপর কতকগুলি স্তরের পিতা বা আত্মীয় চাকুরী ক্ষেত্রে আন্দামানে আছেন, ঐ সমস্ত স্তরের ছুটিতে বেড়াইবার উদ্দেশ্যে বাইতেছিল। এ ছাড়া কতকগুলি আন্দামানের কর্মচারী কোন না কোন কাজে কলিকাতার আসিয়াছিলেন, তখনকার কর্মস্থলে ফিরিতেছিলেন। ইহারা নিজেদের চাকুরী অনুযায়ী ক্রমশঃ দ্বিতীয়, তৃতীয় বা ডেক শ্রেণীর টিকিট পাইয়াছিলেন। সরকারী কর্মচারীদের টিকিট বা T.A. দেওয়ার ব্যাপারে একটি অদ্ভুত ব্যবস্থা আছে শুনিলাম। আন্দামানের সরকারী কর্মচারীগণ নিজেদের পদমর্যাদা অনুযায়ী দ্বিতীয়, তৃতীয় বা ডেক শ্রেণীর ভাতা কিম্বা পাস্ পাইয়া থাকেন, কিন্তু তাঁহাদের পত্নীরা সর্বদাই ডেকের ভাড়া বা পাস্ পাইয়া থাকেন। এই নিয়মের মূলে কি আছে জানি না। অথচ যে সমস্ত কর্মচারী প্রথম শ্রেণীর ভ্রমণ-ভাতা পাইয়া থাকেন তাঁহাদের পত্নীরাও প্রথম শ্রেণীর ভাড়া পাইয়া থাকেন। সাহেবী যুগের কোন এক অব্যক্ত কারণে এই নিয়ম বোধ হয় চালু হইয়াছিল। অজ্ঞাবধি সেই নিয়মই চলিতেছে। অল্পপক্ষে এখানকার চাকুরীতে নিযুক্ত কর্মচারীদের ছুটির নিয়মও একটু বিশেষ ধরণের। ভারতের অন্তর্ভুক্ত সকল স্থানেই যে কয়দিন অফিসে না যাওয়া যায় সেই কয়দিনই ছুটি বলিয়া ধরা হইয়া থাকে, কিন্তু আন্দামানের কর্মচারীগণ আন্দামান হইতে কলিকাতা বা মাদ্রাজে আসিয়া যে কয়দিন ভারতে অবস্থান করেন, মাত্র সেই কয়দিনই ছুটি লইয়াছেন বলিয়া পরি-গণিত হয়, অর্থাৎ জাহাজে আসা-যাওয়ার আট দিন সময় ছুটি বলিয়া গণ্য হয় না।

জাহাজে চারিদিন একত্র অবস্থানের ফলে সহযাত্রী অনেকেরই সহিত আলাপ হইয়াছিল। আন্দামানে গিয়া কোথায় উঠিব সেই বিষয় ইহাদের সহিত আলাপ করিয়া শেষ পর্যন্ত ঠিক করিয়াছিলাম, যা হোক, একটা ব্যবস্থা হইয়াই যাইবে। আমরা যে তিনজন একসঙ্গে ছিলাম, সেই তিন বন্ধুর মধ্যে একজন নাকি কমিউনিষ্ট, একজন ছিলেন মহাসভাপন্থী, অপর-জন কংগ্রেসভক্ত। কমিউনিষ্ট বন্ধুটি জাহাজের মুসলমান যাত্রীদের সহিত রীতিমত আলাপ জমাইয়া তুলিলেন, কঙ্গরসী বন্ধুটি খন্দরধারীদের সহিত ঘনিষ্ঠ হইয়া পড়িলেন, আর মহাসভাপন্থীটি কোন্ মুসলমান হিন্দু নারী-ছরণ করিয়া পলাইতেছে সেই গবেষণার প্রাণ উত্সুক করিতে লাগিলেন। শেষ পর্যন্ত নিজেদের মধ্যে রকম করা গেল যে, তিন মুক্তি তিন দিক হইতে চেষ্টা করিব এবং যে কোনো দিক দিয়াই ব্যবস্থা হউক না কেন, কমিউনিষ্টরীতি অনুযায়ী তিনজনেই সমানভাবে উহা ভাগ করিয়া লইব।

২০-এ সেপ্টেম্বর ছুপুরে জাহাজ পোর্টব্লোয়ারে অর্থাৎ 'চাখামের' জেটিতে লাগিল বটে, কিন্তু বন্দবন্দ করিয়া বৃষ্টি পড়িতেছিল। নিজেদের মালপত্র বাঁধিয়া লইয়া বহু কষ্টে এক কুলির ব্যবস্থা করিয়া ওয়াটারশ্রম-গারে ছাড়া ছাড়ে জাহাজ হইতে নামিতে বাইব, শুনিলাম পোর্টব্লোয়ারের ডাক্তার সাহেব জাহাজে আসিয়া বসিয়াছেন, তাঁহার নিকট কলেরা ও

বসন্তের প্রতিবেদক টাকা যে দেওয়া হইয়াছে, সেই সার্টিফিকেট দেখাইতে হইবে। ভাবি যাত্রীদের অবগতির জন্ত চলিয়া রাখি যে ইহা বিশেষ প্রয়োজন। যাহা হউক, ডাক্তার বি চক্রবর্তীর নিকট সার্টিফিকেট দেখাইয়া উহাতে সহি করাইয়া আমরা ঘাটে নামিয়া পড়িলাম। এই ডাক্তার চক্রবর্তীর নিকট আমার একখানি পরিচয়পত্র ছিল, কিন্তু তখন ত আর উহাকে চিনিতাম না, কাজেই তখন কোন পরিচয় হয় নাই। অকিসী কায়দার তাঁহার নিকট হইতে বিদায় লইয়া জেটির উপর অবতরণ করিলাম।

পরবর্তী বিপদ, পোর্টব্লোয়ারে সচরাচর কোনরূপ ভাড়াটে গাড়ী পাওয়া যায় না। পূর্বাঙ্কে টেলিফোন করিলে ট্যাক্সি পাওয়া যায়। কিন্তু এ সমস্ত সংবাদ সে সময়ে জানতাম না। এ ছাড়া আমাদের জানা ছিল যে, থাকিবার মত কোন হোটেলও নাই, আছে এক সরকারী Guest house। এই সরকারী অতিথিশালাটি পোর্টব্লোয়ারের জাহাজঘাট 'চাখাম' হইতে প্রায় দেড় মাইল দূরে একটি অতিশূন্য কাঠের বৃহৎ বাংলো বাটীতে অবস্থিত। এখানে সাতদিন পর্যন্ত থাকা যায়, তবে আন্দামানের চিকিৎসা কমিশনার বা এক্সিকিউটিভ ইঞ্জিনিয়ারের অনুমতি লইয়া সাতদিনের বেশীও থাকা যায়। এই সরকারী অতিথিশালার সর্বসময়ের জন্ত একজন care-taker এবং অনেকগুলি বেয়ারা-চাপরানী থাকে। এখানকার দক্ষিণাও বড় কম নয়। এই অতিথিশালার পাঁচখানি ঘর আছে। ১নং ও ২নং কামরায় থাকিতে হইলে জনপ্রতি দৈনিক ৫ টাকা ভাড়া লাগে, ৩নং ও ৪নং এ-টাইপ কামরার জন্ত দৈনিক মাথা পিছু ৪ টাকা এবং ৪নং বি টাইপ ও ৫নং কামরার জন্ত দৈনিক প্রতিজনের ২ টাকা ভাড়া লাগে। এ ছাড়া আহারের জন্ত দৈনিক ১০ হইতে ৫ টাকা পর্যন্ত তিন শ্রেণীর তিন রূপ খানা আছে; প্রাতরাশ ও অপরাহ্নের চা পান বতন্ত্র। অতএব ঠিক করিয়াছিলাম, এখানে না উঠিয়া সম্ভাব্য অল্প কোন ব্যবস্থা করিতে হইবে। শুনিয়াছিলাম, পোর্টব্লোয়ার সহরের মধ্যস্থলে অবস্থিত এবং জেটা হইতে তিনমাইল দূরে Bachelor's Mess নামক একটি প্রতিষ্ঠান আছে, সেখানে পোর্টব্লোয়ারের বাঙালী কর্মচারীগণ বাস করেন। ইচ্ছা ছিল সেইখানেই যাইয়া থাকার ব্যবস্থা করিব। কিন্তু যাই কি করিয়া। এদিকে বৃষ্টি আরও জোরে পড়িতে লাগিল। কুলিরা রাগারাগি করিয়া রাস্তার মাঝখানে মাল নামাইয়া দিয়া চলিয়া গেল। স্থানীয়বাবু কোমরগণ অস্থবিধা হইলেই বলিয়া উঠিতেম 'মহা বিপদ'; তিনি আর একবার তাঁহার সেই প্রিয় কথাটি উচ্চারণ করিলেন।

বৃষ্টির মধ্যেই খোঁজ করিয়া দেখা গেল, অনেকগুলি মালবাহী লরী দাঁড়াইয়া আছে এবং সেগুলিতে মাল ও মানুষ উভয়ই উঠিতেছে। এইরূপ কোন লরী পাওয়া যায় কি না তাহার সন্ধান করিতে গিয়া দেখি আমাদেরই সহযাত্রী এক মুসলমান ছাত্রের দাদা তাঁহার ভাইকে লইবার জন্ত একখানি লরী আনিয়াছিলেন। তিনি সেই লরীতে আমাদের তুলিয়া লইলেন এবং বলিলেন যে Bachelor's Mess-ই বাঙালী আগন্তকের প্রথম বাওয়ার পক্ষে শ্রেষ্ঠ-স্থান এবং লরীতে

স্বল্পকণ স্বাকুনি খাওয়ার পর বেলা প্রায় তিনটা নাগাদ আমরা গাটিলার মেসে উপস্থিত হইলাম।

ব্যাটিলার মেসটি সহরের মধ্যস্থলে অবস্থিত একখানি সুন্দর কাঠের বাতলা বাড়ী। উহার একতোলায় গভর্ণমেন্টের ছাপাখানা। দোতলায় স্ট্রিয়া যে ঘরে প্রথম বসিলাম উহা বাঙ্গালীদের ক্লাবঘর। ঐ ঘরে রক্ষণী পূজা হইতে বাঙ্গালীদের নাট্যাভিনয়ের রিহাসার্ল ও গল্পগুচ্ছ প্রভৃতি হয়, এবং এখানেই তিনটি আলমারিতে বাংলা বই আছে, যথার্থ উহাই স্থানীয় বাঙ্গালীদের লাইব্রেরী। মেসের দরওয়ান বলিল য, এখানে থাকিবার মত কোন খালি জায়গা নাই, অতএব—

মালপত্র ফেলিয়া, ওয়াটারপ্রফ খুলিয়া বেকির উপর স্থির হইয়া সিতে না বসিতে মূলধারে বৃষ্টি নামিল। শুভিলাম এইরূপ বৃষ্টি নামে নয়মাস যাবৎ হইয়া থাকে, বাকী তিনমাস অপেক্ষাকৃত শুষ্ক থাকে। সহযাত্রী বন্ধু নির্মলবাবু তাহার ছাত্রের দাদা ঠাকুরদাস বন্দ্যোপাধ্যায় মহাশয়ের নামে একখানি চিঠি লইয়া গিয়াছিলেন। তিনি যমের বেয়ারাকে সেই চিঠি দিয়া ঠাকুরদাসবাবুর সন্ধান লইতে বলিলেন। বেয়ারা চলিয়া গেল। আধঘণ্টার মধ্যেই ঠাকুরদাসবাবু সিয়া উপস্থিত হইলেন।

ঠাকুরদাসবাবু CPWD র ওভারসিয়ার, স্বাস্থ্যবান প্রিয়দর্শন রসিক বন্ধু, এককথায় মাই-ডিমার-জাতীয় লোক। কোনরূপ বিধাবোধ করিয়াই এক বেয়ারার সাহায্যে আমাদের মালপত্র উঠাইয়া নিজের গাটিতে আনিয়া হাজির করিলেন। তাহার বাটী বিদী লাইন নামক ক রাস্তার উপর, মেস হইতে খুব নিকটেই বটে। স্ত্রী, শিশুকন্যা ও কটি ভৃত্য লইয়া তিনি প্রবাসে সুখী জীবন যাপন করেন। এই ঠাকুরদাসবাবুর সহায়তার আমরা আন্দামানের বহু বাঙ্গালীর সহিত স্মিত হইয়াছিলাম। অবশ্য তিনি মুখে বলিয়াছিলেন যে, তিনি আমাদের লইয়া বেশী বেড়াইতে বা দেখাইতে পারিবেন না, কারণ হাজি যে কয়দিন বন্দরে থাকে, সে কয়দিন তাহাদের বড়ই ব্যস্ত থাকিতে হয়, ইত্যাদি। কিন্তু বাস্তবে দেখা গেল, তিনি আমাদের লইয়া ইভাবে ঘুরাইলেন, তাহার অধিক কোন মানুষের দ্বারা সম্ভব নয়। ব্রহ্মপক্ষে আন্দামানের ঘাটে জাহাজ যাওয়া এবং থাকা একটা বন্দব বিশেষ। দেশের বাবতীয় চিঠি, খবরের কাগজ, দোকানের প্রয়োজনীয় মাল সমস্তই এই জাহাজ বোঙ্গে যায়। জাহাজের যাওয়া দেশের 'জীবনকাঠি', চলিয়া আসা 'মরণকাঠি'। সারা বছরে ১৮ বার জাহাজ যাইয়া থাকে, ১২ বার কলিকাতা হইতে এবং ৬বার জাহাজ হইতে। ঐ একখানি জাহাজ 'এস্‌এস্‌ মহারাজাই' এইভাবে পরিচালিত করে। এ ছাড়া ছই একখানি চাটার-করা জাহাজও মধ্যে মধ্যে যায় এবং বর্ষা হইতে পেট্রলবাহী জাহাজও আসে।

কিন্তু এদেশের আসল প্রাণশক্তি-সঞ্চারকারী জাহাজ ঐ 'এস্‌এস্‌ মহারাজাই'।

বিকাল আন্দাজ ৪টার সময় বিদী লাইনে ঠাকুরদাসবাবুর বাটীতে আসিয়া হাত পা ধুইয়া কাপড় ছাড়িয়া চা এবং পীপর ভাজা খাইতে সন্ধ্যা হইয়া আসিল। বৃষ্টি সমানেই পড়িতেছিল। তিনি বলিলেন, বৃষ্টি এইরূপেই পড়ে এবং পড়িতেই থাকিবে, অতএব বৃষ্টির জন্ত চিন্তা করিলে চলিবে না। চাপানের পর তিনি আমাদের 'ভিন্নজনকে লইয়া চিক্, কমিশনারের সেক্রেটারী শ্রী কে সি বন্দ্যোপাধ্যায় মহাশয়ের বাংলোর লইয়া চলিলেন।

প্রৌঢ়বয়স্ক বন্দ্যোপাধ্যায় মহাশয় পাকা সাহেবী কায়দার প্রবাসী বাঙ্গালী। বাড়ী ঘরের বন্দোবস্ত নিখুঁত সাহেবী ধরণে, নিজের পরিচ্ছদ এবং ব্যবহার অত্যন্ত শুদ্ধ এবং মার্জিত ইংরাজের মত। চুলচেরা হিসাব এবং গুণন করিয়া কথা বলেন। নবাগন্তকের সহিত ভদ্রতা রক্ষার জন্ত যতটুকু আবহাওয়ার সংবাদ এবং রাষ্ট্রনীতি চর্চার প্রয়োজন মাত্র ততটুকুই করিলেন এবং আন্দামানের বাস্তহারী উপনিবেশগুলি ঘুরিবার জন্ত আমাদের পরিপূর্ণভাবে সাহায্য করিলেন। তাহার সহায়তা না পাইলে আমরা হয়ত সমস্ত দক্ষিণ আন্দামান ঘুরিতে পারিতাম না। তাহার সাহায্যেই আমরা 'রস' দ্বীপে যাইবার জন্ত মোটর লঞ্চ পাইয়াছিলাম। তিনি নানাভাবে আমাদের নিকট প্রার্থ করিয়া শেষে এই বলিয়া স্বীকার করিলেন যে, বিনা প্রয়োজনে, কোনরূপ আত্মীয় বন্ধু না থাকা সত্ত্বেও কেবলমাত্র বেড়াইবার উদ্দেশ্যে এ পর্য্যন্ত কেহ কখনও পোর্ট ব্লোরে আসেন নাই এবং বলিলেন যে যদি কখনও কেহ আন্দামানের উদ্দেশ্যহীন দর্শকের তালিকা প্রস্তুত করে, তাহা হইলে আমরাই সেই তালিকায় প্রথম স্থান অধিকার করিব। প্রায় ঘণ্টাখানেক কথাবার্তার পর আমরা সেখান হইতে বাহির হইয়া পড়িলাম।

পরদিন সকাল 'হইতেই আমাদের আন্দামান ভ্রমণ শুরু হইল। দ্বীপে, লঞ্চে এবং পদব্রজে সাতদিন ধরিয়া সর্বত্র ঘুরিয়াছি, কতকগুলি পুরাতন বন্ধু এবং সহপাঠীর সাক্ষাৎ পাইয়াছি, কতকগুলি নূতন বন্ধু লাভ করিয়াছি, অনেকের বাটীতেই সাদরে অভ্যর্থিত বা মিমিত্রিত হইয়াছি এবং সাতদিন পরে যখন জাহাজে চড়িয়াছি তখন বহু প্রবাসী বাঙ্গালী স্ত্রীপুরুষে জেঠিতে আসিয়া আমাদের বিদায় সম্ভাষণ জানাইয়াছেন। জাহাজ যখন জেঠি ছাড়িয়া বহুদূর পর্য্যন্ত চলিয়া গিয়াছে, তখনও তাহাদের মূর্তিগুলি ছবির দ্বারা জেঠির উপর স্থির নিশ্চলভাবে দাঁড়াইয়াছিল, অবসর সময়ে এখনও সেই এক সপ্তাহের বন্ধু ও বান্ধবীদের চাখাম জেঠির উপর দণ্ডায়মান নিশ্চল মূর্তিগুলি চিত্রাঙ্গিতবৎ মানসচক্ষে ভাসিয়া উঠে। (ক্রমশঃ)



রসো

শ্রীতারকচন্দ্র রায়

(পূর্বপ্রকাশিতের অনুবৃত্তি)

সকলের কিছুতেই রসোর তৃপ্তি হইতেছিল না। সংসার হইতে তাইয়া প্যারিস হইতে দূরবর্তী কোনও স্থানে নির্জনে বাস করিবার নি ব্যাকুল হইলেন। তাহার এই ইচ্ছার বিষয় অবগত হইয়া বার্লী Madame d'epincy মন্ট মরেন্সির অরণ্যের মধ্যে নিজের গৃহের সন্নিকটে তাহার জন্ম একটি গৃহ নির্মাণ করিয়া। গৃহের নাম হইল Hermitage (নিভৃত কুটার)। ১৭৫৬ রসো প্যারিস ত্যাগ করিয়া এই কুটরে আসিয়া বাস করিতে গেল। তাহার বন্ধুগণ তাহার এই নির্জন-প্রিয়তার অর্থ বুঝিতে পারেন না। কেহ তাহাকে মানব-বিদ্বেষী (misanthrope) বলায়; কেহ বলিলেন, প্রশংসা-লোভী। ১৭৬২ সালে Malesherbesকে এক পত্রে রসো তাহার নির্জনবাসের কারণ বর্ণনা করিয়াছিলেন। লিখিয়াছিলেন “লোকালয়-ত্যাগের প্রকৃত কারণ আমার অদম্য প্রকৃতি। এই প্রকৃতির নিকট সম্মান, ধনসম্পদ, বশ: কিছুই মূল্য নাই। এই প্রকৃতি আমার অহঙ্কার হইতে উদ্ভূত নহে; তাহা আলস্য হইতে ইহার উদ্ভব। আমার এই আলস্যের পরিমাণ যেন, যে তাহা বিশ্বাস করিতে পারিবেন না। ইহার জন্ম সকল কার্যই আমার ভয় পায়। নাগরিক জীবনের সামান্ততম কর্তব্যও আমার হইয়া পড়ে। বসন প্রয়োজন উপস্থিত হয়, তখন একটা কথা একখানা পত্র লেখা, অথবা কোথায়ও গিয়া কাহারও নহিত কথা কহা, আমার ভাষণ পীড়াদায়ক হইয়া উঠে।” রসোর যৌবনের প্রচেষ্টার মূলে ছিল এক আকাঙ্ক্ষা—অবসর ও শান্তি। অবসর হইবার সুযোগ উপস্থিত হইবামাত্র তিনি তাহা গ্রহণ করিলেন। ১৭৫৩ ও তাহার মাতাও রসোর সহিত Hermitageএ বাস করিতে লাগিলেন।

রসো চিরকাল ভালবাসার কাঙাল ছিলেন। নিজের স্নেহের পরিচয় উন্মাদ করিয়া তিনি বন্ধুবান্ধবদিগকে দান করিতেন; স্বার্থ-হীন লেশ তাহার ছিল না। কিন্তু সে ভালবাসার উপযুক্ত প্রতিদান ও প্রাপ্ত হন নাই। অন্তরের সমস্ত স্নেহ তিনি Thereseকে দিয়াছিলেন, কিন্তু তাহার নিকট যে স্নেহ প্রাপ্ত হইয়াছিল, তাহাতে তাহার অন্তর তৃপ্ত হয় নাই। Montmorencyর অরণ্যের ভ্রমণের মধ্যে তাহার স্মৃতির দ্বার উন্মুক্ত হইয়া যাইত এবং অন্তর কান্না করিয়া উঠিত। তিনি লিখিয়াছেন—“বাঁচা ও ভালবাসার কাহা অভিন্ন। তবুও কেন আমাতে সম্পূর্ণ অহুরক্ত একজন পাইলাম না? * * * কেন আমার অন্তর স্নেহে পূর্ণ ও সহজেই সন্তোষে বিভাজিত হইলেও কোনও ব্যক্তিবিশেষকে আমি ভাল-

বাসিতে পারিলাম না? ভালবাসিবার ইচ্ছার আশুনে দক্ষ হইতে হইতে বার্লীকোর নিকটবর্তী হইয়াও আমার ইচ্ছা পূর্ণ হইল না। মৃত্যুর পূর্বে প্রকৃতপক্ষে বাঁচা আমার ঘটিয়া উঠিল না। * * * যদি আমার সুকোমল বৃত্তিনিচয়ের ব্যবহারই করিতে পারিবা না, তবে কেন তাহা লইয়া জন্মগ্রহণ করিয়াছিলাম? নিরতি আমার স্বপ্ন সম্পূর্ণ পরিশোধ করে নাই; তাহার নিকট এখনও আমার কিছু প্রাপ্য আছে।”

জুন মাসে একদিন বৃষ্ণের সুশীতল ছায়ায় উপবিষ্ট হইয়া রসো চিন্তা করিতেছিলেন। নাইটিংগেল তখন মধুরস্বরে গান করিতেছিল; অদূরে শ্রোতবৃত্তী কুলকুলনাদে বহিয়া যাইতেছিল। রসোর দেহ আলস্যে অবশ ও মন স্বপ্নাবিষ্ট হইয়া আসিল। অকস্মাৎ স্মৃতির দ্বার খুলিয়া গেল। তাহার প্রেমাতুর মনের সম্মুখে পূর্ব-পরিচিতা সুন্দরীগণের জীবন্ত চিত্র ভাসিয়া আসিল। সুন্দরীগণ-পরিবেষ্টিত রসোর প্রেমতৃষ্ণা প্রবল হইয়া উঠিল, চিত্ত অস্থির হইল। অস্থিরতার মধ্যে মনে হইল তাহার প্রেমলীলার বয়স উত্তীর্ণ হইয়াছে। বাস্তব জগতে প্রেম-পিপাসার পরিতৃপ্তি অসম্ভব জানিয়া কল্পনার জগতে মন ধাবিত হইল, স্বকীয় সৃষ্টির মধ্যে পরিতৃপ্তির সন্ধানে ছুটিল। তাহার অমর উপজ্ঞাস La Nouvelle Heloiseএর নায়িকা জুলি ও ক্লেয়ার তখন যুঁজি পরিগ্রহ করিয়া তাহার মানস চক্ষুর সমীপে আবির্ভূত হইল। রসো গ্রন্থ রচনা আরম্ভ করিলেন। ১৭৬০ সালে এই গ্রন্থ প্রকাশিত হয়। সমসাময়িক সাহিত্যিকগণ ঈর্ষাবশে গ্রন্থের কঠোর সমালোচনা করিয়াছিলেন। ভলটেরার অতি নীচ ও জঘন্য ভাষায় রসোকে আক্রমণ করিয়াছিলেন। কিন্তু জনসাধারণ ঐ সমস্ত সমালোচনা অগ্রাহ করিয়া বিপুল সমাদরে গ্রন্থের অভ্যর্থনা করিয়াছিল।

Hermitageএ রসো বহুদিন বাস করিতে পারেন নাই, Madame d'epincyর সহিত কলহ করিয়া তিনি ১৭৫৭ সালের ডিসেম্বর মাসে Montmorencyতে উঠিয়া যান, এবং সেখানে Duke of Luxemburghএর আশ্রয়ে বাস করিতে থাকেন। চারি পাঁচ বৎসর তিনি এই স্থানে বাস করিয়াছিলেন। এই সময়েই তাহার La Nouvelle Heloise সম্পূর্ণ হইয়া প্রকাশিত হয়। Letter to D'Alembert on the theatre, Emile ও Social Contractও এই সময়ে রচিত ও প্রকাশিত হয়।

Emile শিক্ষা সম্বন্ধীয় গ্রন্থ। প্রকৃতির সঙ্গে সংযোগ রক্ষা করিয়া কিরূপে শিক্ষা দেওয়া যায়, গ্রন্থে তাহারই আলোচনা আছে; এই শিক্ষা-প্রণালীতে আপত্তিজনক কিছু না থাকিলেও “The confession of a Savoyard Vicior” নামক অধ্যায়ে “প্রাকৃতিক ধর্মের (natural

ligion) যে ব্যাখ্যা আছে, তাহা পাঠ করিয়া রোমান ক্যাথলিক ও প্রটেস্ট্যান্ট উভয় সম্প্রদায়ই ক্রুদ্ধ হইয়াছিল।

সত্যতা তাহার মতে যাবতীয় অনর্থের মূল। সত্যতার অনিষ্টকর ভাব হইতে মুক্ত পরিবেশের মধ্যে শিশুর শিক্ষা হওয়া উচিত। সত্য মানুষ জন্ম হইতে মৃত্যু পর্যন্ত পরাধীন। জন্মমাত্র তাহাকে কাপড় বাইরা দেওয়া হয়, মৃত্যু হইলে কঙ্কিন বন্দী করা হয়। প্রকৃতি তাহার সম্মানদের শিক্ষার জন্ত যে পথ অনুসরণ করে, তাহাই শিশুদিগের কায় অবলম্বিত হওয়া উচিত। নানাবিধ অহুবিধাজনক অবস্থায় লিয়া প্রকৃতি শিশুদিগের শরীর কষ্টসহ করিয়া তোলে—দুঃখ ও কষ্ট করিতে শিক্ষা দেয়। শিশুদিগকে আঘাত হইতে রক্ষা করিবার চেষ্টা করা উচিত নয়। কষ্ট সহ করাই তাহাদিগের প্রথম ও প্রধান শিক্ষা হওয়া উচিত।

অভাব অপেক্ষা তাহা পূরণ করিবার শক্তি যাহার কম, তাহাকেই মন্দ বলে। এই দুর্বলতা দূর করিতে হইলে, অভাবপূরণের শক্তি বৃদ্ধি করিতে শিক্ষা দিতে হইবে।

যে ব্যক্তি যাহা সম্পন্ন করিতে সক্ষম, তাহাই ইচ্ছা করে এবং যাহা চায় তাহাই করে, সেই প্রকৃতপক্ষে স্বাধীন। পরনির্ভরতা বিধ-ক্রমের উপর নির্ভর ও মানুষের উপর নির্ভর। প্রথমটির মানেও নৈতিক ফল নাই, কিন্তু দ্বিতীয়টি যাবতীয় দোষের আকর। শিশুদিগকে মানুষের উপর নির্ভর হইতে রক্ষা করা কর্তব্য। শিশু তাহা চায় তাহাই তাহাকে দিওনা; যাহা তাহার প্রয়োজন, কেবল তাহাই দেওয়া উচিত। প্রকৃতির প্রথম তাড়নায় কোনও দোষ নাই। "মুদিম পাপ" (original sin) বলিয়া মানুষের অন্তরে কোনও পাপ-প্রবৃত্তি নাই। কিন্তু পাপ মানুষের অন্তরে প্রবেশ করে, তাহা লক্ষ্য করা যায়। শিশুদিগকে তাহাদিগের কর্তব্য কি, তাহা শিক্ষা না দিয়া, তাহাদের অন্তরকে পাপের স্পর্শ হইতে রক্ষা করাই উচিত। শিশুর উপযুক্ত একমাত্র নৈতিক শিক্ষা এই—"কাহাকেও আঘাত করিও না।"

জ্ঞানের অভাব হইতে কাহারও কোনও অনিষ্ট হয় না। কিন্তু মূলের ফল মারাত্মক। শিশুদের শিক্ষার জন্ত পুস্তকের প্রয়োজন নাই। তাহাদের ইঞ্জিনিয়ার ব্যবহার করিয়া তাহারা শিখুক। সমগ্র পৃথিবীই তাহাদের পুস্তক, যাহা প্রত্যেক তাহাই তাহাদের শিক্ষার বিষয়। প্রাকৃতিক ব্যাপার সকল তাহাদিগকে পর্যবেক্ষণ করিতে দাও; তাহাদের কৌতূহল উদ্দীপ্ত হইতে দাও, শীঘ্র শীঘ্র সে কৌতূহল পরিতৃপ্ত করিবার জন্ত ব্যস্ত হইও না। আপনার চোখোতেই তাহাকে কৌতূহল পরিতৃপ্ত করিতে দিও। অনেক বিষয় তাহাকে শিখাইও না। কিন্তু কোনও বিষয়েই ভুল শিখিতে দিও না। স্মৃতি ও বিচারশক্তি ধীরে ধীরে আসে, কিন্তু মিথ্যা সংস্কার আসে দলে দলে। তাহা হইতে শিশুদিগকে রক্ষা করা চাই। যদি কোনও পুস্তক শিশুদিগকে দিতেই হয়, তবে সে পুস্তক Robinson Crusoe.

জ্ঞান বৃদ্ধির চেষ্টা করিও না। কিন্তু জ্ঞানবৃদ্ধির সঙ্গে মানুষ যে পরস্পরের উপর নির্ভরশীল, তাহা বুঝাইবার জন্ত শিশুর দিকে তাহার মনোযোগ আকৃষ্ট কর। কৃষিই সর্বাপেক্ষা প্রাচীন ও সম্মানজনক শিল্প; তাহার পরেই ধাতু-শিল্প, তাহার পরে সূত্রধরের কর্ম। এইরূপে মানুষের পারস্পরিক সম্বন্ধের জ্ঞান হইবে।

যদি এমন অবস্থা পৃথিবীতে আবির্ভূত হয়, যে কাহারও পক্ষে অস্ত্রের কর্ম না করিয়া জীবনধারণ অসম্ভব হয়, এবং লোকে অস্ত্রের কর্ম করিতে বাধ্য হয়, তাহা হইলে অস্ত্রকারীর কাঁসী না দিয়া বাহারা তাহাকে অস্ত্র করিতে বাধ্য করেছে তাহাদেরই কাঁসী দেওয়া উচিত। বর্তমান সামাজিক শৃঙ্খলার উপর নির্ভর করিয়া থাকিও না। এ শৃঙ্খলা চিরস্থায়ী নহে। ভবিষ্যতে সমাজে কি বিপ্লব আসিতে পারে, তাহা বলা যায় না। সে বিপ্লবে ধনী দরিদ্র হইয়া বাইতে পারে, দরিদ্র ধনী হইতে পারে; রাজা সাধারণ লোকের একজন হইতে পারেন। অদৃষ্টের আঘাত কি এতই বিরল, যে তাহার আঘাত তোমার সম্মানদিগের উপর পড়িবে না বলিয়া নিশ্চিন্ত থাকিবে? সে সঙ্কটকাল অদূরবর্তী। বিপ্লবের ধারে আমরা দাঁড়াইয়া আছি। সমাজের বাহিরে নির্জনে যে বাস করে, সে যে রূপ ইচ্ছা সেই ভাবেই বাস করিতে পারে। কাহারও নিকট তাহার কোনও ঋণ নাই। কিন্তু সমাজে যে বাস করে, হয় তাহাকে অস্ত্রের ব্যয়ে জীবিকা নির্বাহ করিতে হইবে, অথবা তাহার জীবিকার জন্ত যাহা ব্যয় হয়, তাহা নিজের পরিশ্রম দ্বারা পরিশোধ করিতে হইবে। ধনী, নির্ধন, সবল অথবা দুর্বল—সমাজের প্রত্যেককেই খাটিতে হইবে। যে পরিশ্রম করে না, সে তফর। বিভিন্ন উপায়ে জীবিকা নির্বাহ করিলেও, সকল মানুষই সমান। যে শ্রেণীতে অধিকসংখ্যক লোক, সেই শ্রেণীই অধিক সম্মান পাইবার উপযুক্ত।

শিশুদিগের সঙ্গীনির্ব্বাচন এমন ভাবে করিতে হইবে, যে তাহারা সঙ্গীদিগকে ভাল বলিয়া মনে করিতে পারে। কিন্তু সংসারের সহিত তাহার পরিচয় এমন ভাবে করিয়া দিতে হইবে যে, সংসারে যাহা ঘটে, তাহার সকলই সে মন্দ মনে করে। মানুষ যে স্বভাবতঃ ভাল, তাহা শিশুকে বুঝিতে দিতে হইবে, কিন্তু সমাজ কিরূপে মানুষকে দূষিত করে তাহাও দেখাইতে হইবে। সাবধানে চলিতে, বয়োজ্যেষ্ঠদিগকে সম্মান করিতে, মিতভাবী হইতে, সত্য বলিতে সাহসী হইতে শিশুদিগকে শিক্ষা দিবে।

শিশুদিগকে বিবাদ-বিসম্বাদ ঘৃণা করিতে শিক্ষা দিতে হইবে। পরের উপর প্রভুত্ব করিয়া অথবা অস্ত্রের কষ্ট দেখিয়া বেন তাহারা আনন্দ না পায়। কষ্ট দেখিয়া স্বভাবতঃ বেন তাহাদের কষ্ট হয়।

মানুষকে অসত্যে পরিণত করা, অথবা পুনরায় জন্মলে পাঠাইয়া দেওয়া আমার ইচ্ছা নহে। সংসার অথবা অদম্য প্রবৃত্তি দ্বারা চালিত না হইয়া তাহারা বুদ্ধিসম্মত জীবনযাপন করে ইহাই আমার লক্ষ্য। চক্ষু দ্বারা যেমন দেখা যায়, তেমনি হৃদয় দ্বারা অনুভব করা চাই।

ভুল শিক্ষা পাইবার বিপদ আছে। “মুক্তির জন্য ঈশ্বরে প্রয়োজন”...ইহা ঠিক ভাবে বুঝিতে না পারার জন্যই হিকুতার উদ্ভব হয়। ঈশ্বরে বিশ্বাস না থাকিলেও মুক্তি শেষে সম্ভবপর। শিশু ও উন্মাদদিগের ঈশ্বর সম্বন্ধে জ্ঞান লাভের নাই। কেহ যদি ইচ্ছাপূর্বক অবিবাস পোষণ না করে, তাহা হইলে অবস্থার অবিবাসী হইলেও পরলোকে ঈশ্বরের সান্নিধ্য হইতে বঞ্চিত হইবার কারণ নাই। বাহারা বুঝিতে পারে না, পরে নিকট সত্য-প্রচারের ফলে ভুল প্রচার হইবে। ঈশ্বর দ্রাস্ত ধারণা থাকা অপেক্ষা কোন ধারণা না থাকাই ভাল। অপমান করা অপেক্ষা তাহাকে দেখিতে না পাওয়াই ভাল।

Emile ও Social Contract—উভয় গ্রন্থই ১৭৬৭ সালে প্রকাশিত হয়। উভয় গ্রন্থ হইতে ৮০০০ ক্রান্ত লাভ হইবে বলিয়া প্রত্যাশা করিয়াছিলেন। এই অর্থ হস্তগত হইলে তিনি সাহিত্যক্ষেত্রে যবসর গ্রহণ করিয়া নিজের একখানা সত্য জীবনচরিত লিখিবার চেষ্টা করিয়াছিলেন। কিন্তু তাহার চতুর্দিকে বিপদের মেঘ সঞ্চিত হইল। বহুসংখ্যক শত্রু তাহার সর্বনাশের চেষ্টা করিতেছিল। “Julie” গ্রন্থের এক স্থানে তিনি লিখিয়াছিলেন “রাজপুত্রের স্ত্রী (Mistress of a Prince) অপেক্ষা করলা-খনির “শ্রমিক ও সন্মানের উপযুক্ত।” ইহা পড়িয়া রাজার উপপত্নী Madame de Mompagour তাহার উপর ভীষণ রুষ্ট হন। প্রধান মন্ত্রী Malesherbes তাহার উপর ভয়ানক অসন্তুষ্ট হইয়াছিলেন। Encyclopedist গণ তাহাকে দলভ্যাগী বলিয়া ঘৃণা করিতেন। দেশবাসী খ্যাতি ভুলটোরারের অসহ্য হইয়াছিল। পার্লামেন্টের সভ্যগণ তাহার প্রচারিত মত দেশের অনিষ্টকর বলিয়া মনে করিতেন। প্যাট ও রোমান ক্যাথলিক উভয় সম্প্রদায়ের পুরোহিতগণই “প্রাকৃতিক ধর্মের” প্রচারে স্ব স্ব ধর্মের বিপদ দেখিতে পাইয়া-
। এই সময়ে Encyclopedist ও খৃষ্টধর্মের বিবাসীদিগের ভীষণ কলহ চলিতেছিল। রুসো লিখিয়াছেন “উন্মত্ত ব্যক্তির মত পত্রপত্রকে আক্রমণ করিয়া যুদ্ধে লিপ্ত হইয়াছিল। উপযুক্ত কোনও দলের ছিল না তাই রুসো, নতুবা দেশে অস্ত্রবিদ্রোহ হইত। নিষ্করণ পরমঅসহিষ্ণুতাজাত ধর্মসংক্রান্ত যুদ্ধের ফলে হইত, তাহা ঈশ্বরই জানেন।” এই বিরোধ শাস্তির জন্যই রুসো Mlle Heuice এবং Emile গ্রন্থে পরমত সহ্য করিবার প্রয়োজনীয়তা ব্যাখ্যা করিয়াছিলেন। কিন্তু তাহার কল হইয়াছিল না। উভয় দল মিলিত হইয়া তাহার সর্বনাশে উদ্ভূত হইল। চতুর্দিকে যে বিপদের মেঘ ঘনীভূত হইয়া উঠিতেছিল, রুসো কিছুই জানিতে পারেন নাই। নির্জন পল্লী-নিবাসে নিজের সঙ্কটের আনন্দে তাহার দিন অতিবাহিত হইতেছিল। মেঘ-তাহার প্রতিগোচর হয় নাই। যখন বিপদের কথা জানিতে লাগিলেন—অপরিসীম ভয়ে বিমূঢ় হইয়া পড়িলেন এবং যেখানে বিপদ লাগিল, সেখানেও বিপদ দেখিতে লাগিলেন। এই সময়ে তাহার

মস্তক-বিকৃতি আরম্ভ হইল। সকলেই তাহার শত্রু, সকলেই তাহাকে বিপন্ন করিবার চেষ্টা করিতেছে, এই বিশ্বাসে তাহার মনের সমতা হারাইয়া ফেলিলেন—উৎপীড়নের ভীতি তাহাকে উন্মাদ করিয়া তুলিল। তাহার মৃত্যুশয়ের পীড়া এই উত্তেজনার অসম্ভব রূপে বাড়িয়া উঠিল। যন্ত্রণায় অনেক সময় আত্মহত্যার ইচ্ছা তাহার মনে উদ্ভিত হইতে লাগিল। Emile গ্রন্থ মুদ্রিত হইয়াছিল হল্যাণ্ডে। হল্যাণ্ডে গ্রন্থ মুদ্রিত হইতে বাহির হইবার পরে কুড়িদিন গত না হইতেই প্যারিসের পার্লামেন্ট রুসোর নিকট হইতে কোনও কৈফিয়ত না লইয়াই উক্ত গ্রন্থ পোড়াইয়া ফেলিবার এবং রুসোকে বন্দী করিবার আদেশ প্রচার করিলেন। এই জুন আদেশ প্রদত্ত হয়, ১০ই তারিখে Palais de Justice-এর সম্মুখে প্রকাশ্যভাবে গ্রন্থ প্রথমে ছিড়িয়া ফেলা হইল, তারপরে আগুনে পোড়ানো হইল। অনেকে প্রকাশ্য ভাবেই বলিতে লাগিল, গ্রন্থের সঙ্গে গ্রন্থকারকে পোড়াইয়া মারা উচিত। রুসোর সম্ভ্রান্ত বন্ধুগণ তাহাকে পলায়ন করিবার পরামর্শ দিলেন। ১১ই জুনই রুসো পলায়ন করিয়া সুইজারল্যান্ডে উপস্থিত হইলেন। কিন্তু সেখানেও তিনি নিরাপদ হইতে পারিলেন না। তাহার শত্রুগণ সেখানেও তাহাকে অনুসরণ করিল। ৯ দিন পরে জেনিভাতেও তাহার গ্রন্থ আগুনে পোড়াইয়া ফেলা হয়। বার্ন ও নিউস্টাটল ও জেনিভার অনুসরণ করিল। সমস্ত ইউরোপে তাহার বিরুদ্ধে অভিসম্পাত উচ্চারিত হইতে লাগিল। এরূপ প্রচণ্ড রোষ পূর্বে কখনও দেখা যায় নাই। সর্বত্রই রুসোকে অবিবাসী নাস্তিক, উন্মাদ, হিংস্রপণ্ড, ব্যাঘ্র প্রভৃতি অভিধানে অভিহিত করিতে লাগিল। রুসোর মনে হইল, সমগ্র পৃথিবী তাহার বিরুদ্ধে বড়যন্ত্রে লিপ্ত হইয়াছে। রুসোর অন্তর ছিল অতি দুর্বল ও কোমল। ভীষণ যন্ত্রণাদায়ক ব্যাধিতে তিনি ভুগিতেছিলেন। এরূপ অবস্থায় যে ভীষণ বিষেবের বজ্র তাহার উপর আসিয়া পড়িল, তাহার চাপে তিনি যে বুদ্ধিবৈবেচনা হারাইয়া ফেলিবেন, তাহাতে আশ্চর্য্যান্বিত হইবার কিছুই নাই। জীবনের শেষ দিন পর্যন্ত উৎপীড়ন-ভীতি তাহাকে ব্যাকুল করিয়া তুলিত।

সুইজারল্যান্ড হইতে পলায়ন করিয়া রুসো প্রাসিয়ার রাজা Frederick the great-এর রাজ্যে Motiers গ্রামে আশ্রয় লইলেন। আড়াই বৎসর তিনি তথায় বাস করিয়াছিলেন। কিন্তু সেখানে অবস্থান কালে জেনিভার রাষ্ট্র ও চার্চকে আক্রমণ করিয়া প্রবন্ধ লেখার জন্য পুরোহিতেরা ভীষণ উত্তেজিত হইয়া উঠিল। Motier এর গীর্জার তাহার প্রবেশ নিষিদ্ধ হইল এবং গীর্জার পুলপিট হইতে ধর্মোপদেশে তাহাকে anti-Christ (খৃষ্টশত্রু) বলিয়া অভিহিত করিলেন। সাধারণ লোক উত্তেজিত হইয়া পথে দাটে তাহাকে আক্রমণ করিতে আরম্ভ করিল। একদিন রাত্রিকালে বহুসংখ্যক লোক মিলিত হইয়া তাহার গৃহ আক্রমণ করিলে তিনি পলায়ন করিয়া জীবন রক্ষা করিলেন। Bienne হ্রদের তীরে একমাস বাস করিবার পরে Berne নগরের শাসনকর্তাগণের আদেশে তাহাকে সে স্থানও ত্যাগ করিতে হইল। রুসো ইংলণ্ডে আশ্রয় গ্রহণ করিলেন।

দার্শনিক পণ্ডিত ডেভিড হিউম রুসোকে ইংলেণ্ডে নিমন্ত্রণ করিয়াছিলেন। এই বিপদের সময় তিনি তাঁহাকে আশ্রয় দিলেন। ইংলেণ্ডে সকলেই রুসোকে সাদরে গ্রহণ করিল। ইংলেণ্ডের তৃতীয় জর্জ তাঁহাকে বৃত্তি দান করিলেন। প্রসিদ্ধ বঙ্গা বার্কের সহিত তাহার বন্ধুত্ব হইল, কিন্তু সে বন্ধুত্ব স্থায়ী হয় নাই। বার্ক লিখিয়াছেন “একমাত্র আত্মাভিমান ভিন্ন, তাঁহার হৃদয়কে প্রভাবিত অথবা বুদ্ধিকে চালিত করিবার উপযোগী কোনও নীতি (Principle) তাঁহার ছিল না।” হিউম বহুদিন পর্যন্ত বন্ধুত্ব রক্ষা করিয়াছিলেন। তিনি তাঁহাকে ভালবাসিতেন, এবং শ্রদ্ধা করিতেন। কিন্তু রুসোর উৎপীড়নভীতি তাঁহাকে সকলকেই অবিশ্বাস করিতে শিক্ষা দিয়াছিল। তাঁহার বিশ্বাস হইল, হিউমও তাঁহার শত্রুদিগের সহিত মিলিত হইয়াছেন। মাঝে মাঝে এই অশুলক ধারণার লঙ্ঘিত হইয়া তিনি হিউমকে আলিঙ্গন করিয়া বলিতেন “না না। হিউম বিশ্বাসঘাতক নয়।” কিন্তু অবশেষে অবিশ্বাসেরই জয় হইল, রুসো পলায়ন করিলেন। হিউম তাঁহার সম্বন্ধে লিখিয়াছেন “তাঁহার সমস্ত জীবনই বেদনার (feeling) জীবন। তাঁহার বেদনাবোধ এত তীব্র হইতে দেখিয়াছি, যে অন্য কোথাও তাহার তুলনা মিলে না। কিন্তু এই বেদনাবোধ তাঁহাকে সুখ অপেক্ষা দুঃখের তীব্রতর অনুভূতিই দিয়াছে। যদি কোনও লোকের পরিচ্ছদের সহিত তাহার শরীর হইতে ত্বক ও খুলিয়া লওয়া হয় এবং সেই অবস্থায় সে প্রাকৃতিক দুর্যোগের সম্মুখীন হয় তাহা হইলে তাহার যে অবস্থা হয়, রুসোর অবস্থাও তদ্রূপ।”

ইংলেণ্ড হইতে পলায়নের পরে নাম পরিবর্তন করিয়া রুসো স্থান হইতে স্থানান্তরে ঘুরিয়া বেড়াইতে লাগিলেন। অবশেষে তাহাকে ফ্রান্সে প্রত্যাবর্তনের অনুমতি প্রদত্ত হইল। প্যারিসে একটি সামান্ত গৃহে স্বরলিপি নকল করিয়া তিনি দরিদ্রভাবে জীবন যাপন করিতে লাগিলেন। ইহার পূর্বেই তিনি তাহার জীবনচরিত লিখিয়া শেষ করিয়াছিলেন। এই জীবনচরিতের নাম দিয়াছিলেন Confessions (স্বীকারোক্তি)। এই গ্রন্থ তিনি কয়েকজন বন্ধুকে পড়িয়া শুনাইয়াছিলেন। কিন্তু Madame d'Epincy ও অন্যান্য বন্ধুগণ তাঁহাদের গুপ্তকথা প্রকাশিত হইবার ভয়ে পুলিশের সাহায্যে ইহার পাঠ নিষিদ্ধ করিয়া দিলেন। তাঁহার চিঠিপত্রও গবর্ণমেন্টের আদেশে খুলিয়া পড়া হইতে লাগিল। ফলে রুসোর মানসিক ব্যাধি বাড়িয়া চলিল। তিনি “নির্জন ঘাঁপে রবিনসনক্রুসো” অপেক্ষা প্যারিসে আপনাকে অধিকতর নিঃসঙ্গ মনে করিতে লাগিলেন। সমস্ত পৃথিবী তাঁহাকে শত্রু বলিয়া গণ্য করে, এই বিশ্বাসে রুসো “Dialogues de Bousseau Jean Jacks” লিখিলেন। এই প্রবন্ধে তাঁহার বিরুদ্ধে ষড়যন্ত্রের তিনি যে ভীষণ বর্ণনা করিয়াছেন, তাহা উদ্ভাদের প্রলাপ মাত্র। তাহার হতাশার আর্তনাদ কোনও মানুষের কর্ণে প্রবেশ করিবে না, এই বিশ্বাসে তিনি প্যারিসের Notre Dame গীর্জার বেদীর উপর তাহার গ্রন্থ ঈশ্বরকে সমর্পণ করিবার ইচ্ছা করিলেন। কিন্তু বেদীর পথ রুদ্ধ দেখিয়া কিরিয়া

আসিলেন। এই আঘাতে তাহার হৃদয় একেবারে ভাঙিয়া পড়িল। মনে হইল ঈশ্বরও তাঁহার প্রতি বিরূপ। গভীর ধর্মবিশ্বাসের ফলে তখন তাঁহার মনে হইল, ঈশ্বর যখন তাহার উপর উৎপীড়ন হইতে দিতেছেন, তখন ইহা নিশ্চয়ই তাঁহার “সমাতন আদেশের” (eternal decrees) অন্তর্ভুক্ত। সুতরাং সেই আদেশের নিকট দুঃখার্ভ হৃদয়ে বিশ্বাসের সহিত নত হওয়া ভিন্ন তাহার করণীয় কিছু নাই। এই বিশ্বাসে তিনি কথঞ্চিৎ শান্তি প্রাপ্ত হইলেন। কিন্তু মানসিক বাহ্য কিরিয়া পাইলেন না। এই সময়ে Les Reveries du promeneur solitaire গ্রন্থ লিখিতে আরম্ভ করিলেন। (১৭৭৬ সালে এই গ্রন্থ আরম্ভ হয়, কিন্তু শেষ হয় নাই) এই গ্রন্থে তাঁহার মস্তিষ্ক বিকৃতির পরিচয় পাওয়া যায়। তিনি লিখিয়াছেন “পৃথিবীতে আমি একা। ভাই নাই, প্রতিবাসী নাই, বন্ধু নাই, সখা নাই, আমি ভিন্ন আমার কেহই নাই। মানবের মধ্যে যে ছিল সর্ব্বাপেক্ষা স্নেহশীল ও মিশ্রক, সকলেই তাহাকে বর্জন করিয়াছে।.....কিন্তু গহ্বরের তলদেশে হতভাগ্য মরণশীল মানুষ আমি শান্তই আছি—শান্ত কিন্তু ঈশ্বরের মতই সুখ দুঃখের অতীত।” তাঁহার Reveries সম্বন্ধে Roman Rolland লিখিয়াছেন “এই গ্রন্থে তাহার কলা-কৌশলের কোনও অপকর্ষের পরিচয় নাই। বরং তাহার বিস্তৃতিই দৃষ্ট হয়। অরণ্যের নিস্তরঙ্গতার মধ্যে বিবাদমগ্ন বৃদ্ধ নাইটিংগালের মধুর সঙ্গীতের মতই রুসোর এই শব্দ গ্রন্থ। এই গ্রন্থে তিনি তাঁহার জীবনের অল্পসংখ্যক সুখের দিনগুলি আলোচনা করিয়াছেন—যখন তিনি প্রকৃতির সঙ্গে মিলিয়া গিয়াছিলেন, বিশ্বের সঙ্গে একীভূত হইয়াছিলেন। অল্প সমস্ত অনুভূতিবর্জিত হইয়া, সত্তার গভীরে (depths of Being) মনঃনির্মজ্জিত করিয়া আপনার স্বরূপের আলিঙ্গনে বদ্ধ (Entwined with himself) হইয়া তিনি যে বিপুল উল্লাস অনুভব করিয়াছিলেন, সেই প্রাচ্য উল্লাস (ecstasy) পাশ্চাত্যদেশের কেহই তাহার মত অনুভব করে নাই। জীবনের শেষের দিকে তিনি উদ্ভিদ-বিজ্ঞান আলোচনা করিতেন। বৈজ্ঞানিক জ্ঞান অপেক্ষা পৃথিবীর প্রাণের সংস্পর্শ এবং মাঠ, জলাশয়, বন, নির্জনতা, সর্ব্বোপরি শান্তি ও বিশ্বাসের যে স্মৃতি এই আলোচনা হইতে উদ্ভূত হইত, তাহাই তাহার কাম্য ছিল।” সঙ্গীতেও তিনি আনন্দ পাইতেন।

১৭৭৮ সালের ২০শে তারিখে M.de Gerardin নামে একজন ধনী ভ্রাতৃলোক রুসোকে তাহার দরিদ্র আবাস হইতে লইয়া গিয়া প্যারিস হইতে নয় মাইল দূরে Ermenville নামক গৃহে প্রতিষ্ঠিত করেন। এই স্বর্গতুল্য উদ্ভান গৃহে রুসো পরম শান্তি প্রাপ্ত হইয়াছিলেন। তাহার বাহ্যের ও কিঞ্চিৎ উন্নতি লক্ষিত হইয়াছিল। কিন্তু ২রা জুন তারিখে হঠাৎ তাঁহার মৃত্যু হয়।

মৃত্যুর পূর্বে রুসো যখন তাঁহার কেহই নাই বলিয়া বিলাপ করিয়া ছিলেন, তখন তিনি জানিতেন না যে, বর্তমান ও ভবিষ্যৎ তিনি জয় করিয়াছেন। তাঁহার মৃত্যুর পূর্বেই তাঁহার প্রহাবলীর ছন্দ সংকরণ এবং La nouvelle Heloise এর দশ সংকরণ প্রকাশিত হইয়াছিল।

এবং তাহার বাণী বহুলপ্রচারিত হইয়া পড়িয়াছিল। ১৭৮২ সালে তাঁহার Confessionsএর প্রথম ভাগ এবং Reveries প্রকাশিত হয়, এবং তাহার দ্বারা পাঠকের মন বহুল পরিমাণে প্রভাবিত হয়। ১৭৮০ সালে ফ্রান্সের রাণী ও রাজপুত্রগণ সহ অর্ধ ফ্রান্স Peupliers দ্বীপে যেখানে তাঁহার দেহ সমাহিত হইয়াছিল, তথায় গিয়া আপনাদের শ্রদ্ধা-ভক্তি নিবেদন করিয়াছিল এবং তদবধি এই উদ্ভাদ পণ্ডিতের সমাধিক্ষেত্র ফ্রান্সের তীর্থক্ষেত্রে পরিণত হইয়াছে। “দার্শনিক”গণের বিবিধদৃষ্টি সমালোচনায় তাঁহার মনঃ বিন্দুমাত্রও ক্ষুণ্ণ হয় নাই। ফ্রান্সের যুবকগণ দেখিয়াছিল ভার্গীর অধিবাসী ভলটেয়ার রুসোর মৃত্যুর একমাস পূর্বে বিপুল ঐশ্বর্যের মধ্যে পরলোকে গমন করিয়াছিলেন, কিন্তু বহু দুঃখকষ্টের মধ্যেও স্বীয় মত হইতে বিচ্যুত না হইয়া রুসো মৃত্যু পর্যন্ত সাধারণের একজন থাকিয়াই চলিয়া গিয়াছেন। ভাবী ফরাসী বিপ্লবের নায়কগণ—যাঁহারা পরে পরস্পরের বিলাপসাধন করিয়াছিলেন—বার্ণেস, ডাণ্টন, কার্ণট, বিলড, ভ্যারেন, কুজন, ম্যানন রোলাও—সকলেই মিলিত হইয়া

রুসোর প্রতি শ্রদ্ধা প্রদর্শন করিয়াছিলেন। রুসোর Discourse on Inequalityর ব্যাখ্যা করিয়া Brissot কাগাদও ভোগ করিয়াছিলেন। Robespierre রাজনৈতিক জীবনে প্রবেশ করিবার পূর্বে রুসোর মত অনুসরণ করিবেন বলিয়া প্রতিজ্ঞা করিয়াছিলেন, এবং ১৭৯৪ সালে যখন তিনি অপ্রতিদ্বন্দ্বী ক্ষমতালভ করিয়াছিলেন, তখন এই মে তারিখের প্রসিদ্ধ বক্তৃতায় তিনি রুসোর প্রতি Encyclopedistগণের শত্রুতার প্রতিশোধ গ্রহণ করিয়াছিলেন। বিপ্লবের পক্ষ হইতে তিনি রুসোর প্রতি শ্রদ্ধা নিবেদন করিয়া তাহাকে বিপ্লবের অগ্রদূত এবং মানব জাতির শিক্ষাগুরু বলিয়া অভিনন্দিত করিয়াছিলেন। কৃতজ্ঞ বৈপ্লবিকগণ বিপুল সম্মানের সহিত তাঁহার দেহ নির্জন Peupliers দ্বীপ হইতে আনিয়া প্যারিসের Pantheonএ সমাহিত করিয়াছিল। Constituent Assembly গৃহে তাঁহার মর্ম্মর মূর্ত্তি ফ্রান্সলিন ও ওয়াসিংটনের মূর্ত্তির সম্মুখে প্রতিষ্ঠিত হইয়াছিল।

(ক্রমঃ)

রাশি ফল

জ্যোতি বাচস্পতি

মিথুন রাশি

আপনার জন্মরাশি যদি মিথুন হয়, অর্থাৎ চন্দ্র যে সময় আকাশে মিথুন নক্ষত্রপুঞ্জ ছিলেন, সেই সময় যদি আপনার জন্ম হ'য়ে থাকে, তাহলে এই রকম ফল হবে।

প্রকৃতি

আপনি ইঞ্জিতজ্ঞ ও মেধাবী। যে কোন বিষয় চর্চা করে বোঝবার ও শেখবার শক্তি আপনার মধ্যে আছে। কিন্তু আপনার মধ্যে বুদ্ধির তীক্ষ্ণতা যতটা আছে, গভীরতা ঠিক ততটা নেই। কাজেই বহুতর বিষয়ে জ্ঞান অর্জন করলেও সে জ্ঞান কতকটা ভাসা ভাসা ধরণের হবে।

শিল্প, বিজ্ঞান ও সাহিত্যের দিকে আপনার একটা সহজ আকর্ষণ থাকবে এবং বহুবিষয় জ্ঞানবার ও শেখবার একটা প্রবল আকাঙ্ক্ষা আপনার মধ্যে লক্ষিত হবে। আপনার প্রকৃতির বিকাশ হবে হৃদয়ের মধ্য দিয়ে ততটা নয়, যতটা বুদ্ধির মধ্য দিয়ে।

অনেক কিছু জানার ইচ্ছা আছে ব'লে, আপনার মধ্যে কম-বেশী অস্থিরতা ও চাকল্য লক্ষিত হবে এবং ঠিক একই বিষয় নিয়ে লেগে থাকা আপনার পোষাবে না। কাজেই লোকে আপনাকে একটু অব্যবস্থিত-চিত্ত ভাবতে পারে।

প্রত্যেক ব্যাপারে বাইরের খুঁটিনাটি আপনি যতটা লক্ষ্য করবেন, তার ভিতরকার তত্ত্বের দিকে আপনার ততটা লক্ষ্য থাকবে না।

আপনি যদি শিল্পী বা সাহিত্যিক হন, তাহ'লে আপনার রচনা বা শিল্প মনোজ্ঞ হলেও, তার মধ্যে খুব বেশী গভীরতা পাওয়া যাবে না।

আপনি পরিবর্তনপ্রিয়। একই জায়গায় একই ভাবে বেশীদিন থাকা, অথবা দীর্ঘদিন ধরে একই কাজে আত্মনিয়োগ করা আপনার প্রকৃতির বিরোধী; কি লেখাপড়ার ব্যাপারে, কি বিষয়কর্মে, কি পারিবারিক বা সামাজিক ব্যাপারে সর্বত্রই আপনি চাইবেন পরিবর্তন। একই সঙ্গে একাধিক ব্যাপার নিয়ে থাকতে না পারলে, আপনার মন যেন স্থিতি পায় না এবং আপনার এ শক্তিও আছে যাতে আপনি মনকে চর্চা করে এক বিষয় থেকে বিষয়ান্তরে চালনা করতে পারেন।

আপনার এই প্রকৃতির জন্ত আপনার মধ্যে বহুমুখীনতা দেখা যেতে পারে, কিন্তু এই জন্তই অনেক সময় আপনার মধ্যে অধ্যবসায়ের অভাব ও অধীরতা দেখা যাবে, যাতে ক'রে কোন ব্যাপার সম্বন্ধে সর্বাঙ্গীণ জ্ঞান লাভ করা আপনার পক্ষে সম্ভব হবে না।

আপনি সাধারণতঃ ঘোরাকেরা করতে ভালবাসেন এবং আপনার একাধিক স্বতন্ত্র বাসস্থান একাধিক স্বতন্ত্র পারিবারিক বন্ধন থাকা খুবই সম্ভব এবং সম্পূর্ণ স্বতন্ত্র ভাবে একাধিক কাজে আত্মনিয়োগ করাও আপনার পক্ষে অসম্ভব নয়।

আপনি সাধারণতঃ আনন্দপ্রিয় হবেন, সেইজন্ত আপনার সামাজিক ব্যবহার প্রায়ই মধুর হবে এবং বিবাদ বা বিতণ্ডা উপস্থিত হ'লে হয় সে স্থান ত্যাগ করবেন, না হয় বুদ্ধি কৌশলের দ্বারা বিসম্বাদের কারণ হুর

করার চেষ্টা করবেন। প্রত্যক্ষভাবে বিরোধ করা আপনার প্রকৃতির বিরোধী।

আপনার মধ্যে সমালোচনা ও বিশ্লেষণ করার শক্তি যথেষ্ট আছে এবং তর্ক বিতর্কেও আপনার কম বেশী পটুত্ব দেখা যাবে। আপনি অধিকাংশ ব্যাপারেই যুক্তিতর্কের সাহায্যে বোঝবার চেষ্টা করবেন এবং যা যুক্তিতর্কের বিষয় নয়; যা প্রত্যক্ষ অনুভূতির উপর নির্ভর করে তাকেও যুক্তিতর্কের গভীর মধ্যে নিয়ে আসতে চাইবেন।

পরের প্রশংসার উপর আপনার একটা লোভ আছে এবং অনুচর-সহচরের স্তুতির চেয়ে তাদের প্রশংসা অর্জন করাই আপনার কাম্য হবে বেশী। অনেকক্ষেত্রে অনুচর সহচরের মনোভাব হিসেবে আপনার নিজের আচরণ নিয়ন্ত্রিত করবেন। সেই জন্ত সঙ্গ নির্বাচনে আপনার যথেষ্ট সতর্ক ঠাকা উচিত। সংসঙ্গে পড়লে অনেক সময় যেমন আপনি আপনার বাসনা সংযত করতে পারবেন; অসৎ সংসর্গে পড়লে তেমনি আপনার নীতি জ্ঞানের বিরুদ্ধে কাজ করতেও আটকাবে না।

আপনার মধ্যে যৌন আকর্ষণ প্রবল হওয়াই সম্ভব। তবে তাকে যদি উচ্ছ্বপথে চালনা করতে পারেন, তাহলে আপনার বিশেষ আধ্যাত্মিক উন্নতি হ'তে পারে। সাধারণতঃ কিন্তু তা আপনাকে যৌন ব্যাপারে প্রায়ই একনিষ্ঠ থাকতে দেবে না।

অর্থ-ভাগ্য

আর্থিক ব্যাপারে আপনার অনেক উত্থান পতন ঘটবে। কোষ্ঠীতে যদি বিশেষ ভাল যোগ না থাকে তাহলে আর্থিক ব্যাপারে একটা অনিশ্চয়তার ভাব প্রায়ই লক্ষিত হবে। ঐর্ষ্য ও দারিদ্র্য দুইই আপনাকে ভোগ করতে হবে এবং অনেক সময় আপনার নিজের ইচ্ছাতেই ঐর্ষ্য ঠাকা সত্ত্বেও দারিদ্র্য বরণ করতে পারেন। নিজের বুদ্ধি-কৌশলে আপনি অর্থ উপার্জন করতে পারবেন, কিন্তু অর্থ আপনি যতই উপার্জন করুন, অর্থ সম্বন্ধে কখনই ঠিক নিশ্চিত হ'তে পারবেন না। আপনার পারিবারিক ব্যাপারে এবং স্ত্রী-পুত্র বা দাতার জন্ত অর্থনাশ বা সম্পত্তিহানি হ'তে পারে। অর্থ উপার্জনের ব্যাপারে অনেক সময় আপনাকে কৌশল বা কূটবুদ্ধির আশ্রয় নিতে হবে।

কর্ম-জীবন

কর্ম-জীবনে আপনার বিচিত্র অভিজ্ঞতা হবে। কর্মের ব্যাপারে অনেক সময় ওঠাপড়া বা পরিবর্তন চলতে পারে। আপনার উচ্চাভিলাষ নেই তা নয়, কিন্তু সে উচ্চাভিলাষ অনেক সময় ঠিক নির্দিষ্ট পথে চলতে পারবে না। আপনার নিজের মানসিক অবস্থার জন্তই হোক, অথবা দৈহিক অস্বাস্থ্যের জন্তই হোক, আপনার কর্ম-বিপর্যয় ঘটতে পারে। তা ছাড়া কর্মস্থানে আপনার অনেক শত্রুও থাকবে। আপনার সহকর্মী এবং অধীনস্থ ব্যক্তিদের দ্বারা অনেক সময় প্রকাশ্যে শত্রুতা হবে এবং আপনার শত্রুরা আপনার ব্যক্তিগত বা পারিবারিক জীবন নিয়ে মিত্যা কুৎসা বা অপবাদ রটনা করতে পারে, যাতে করে

আপনার কর্মস্থলে কর্ম-বিপর্যয় এবং সমাজে সন্ত্রমহানি হ'তে পারে। আপনার মধ্যে নানা রকম কর্মের যোগ্যতা আছে। আইনজ্ঞ চিকিৎসক, লেখক, সাহিত্যিক, শিল্পী, বক্তা সাংবাদিক প্রভৃতির কাজ আপনি যেমন যোগ্যতার সঙ্গে করতে পারেন, তেমনি দালালী দৌত্য কার্য, কেরাণীর কাজ, কারিগরি, ইঞ্জিনিয়ারিং প্রভৃতি কাজের যোগ্যতাও আপনার মধ্যে আছে। মোট কথা যে সকল কাজে হাতের কৌশল ও নৈপুণ্য অথবা মস্তিষ্ক চালনা দরকার সে সব কাজে আপনার বিশেষ যোগ্যতা প্রকাশ পাবে। আপনার প্রধান সমস্যা হবে আপনার মন স্থির করা নিয়ে। আপনি মন স্থির ক'রে যদি এর যে কোনটাতে আত্মনিয়োগ করতে পারেন তাহলে শিক্ষা ও আবেষ্টনের অনুপাতে আপনার যথেষ্ট প্রতিষ্ঠা অবশ্যস্বাবী।

পারিবারিক

যদিও আপনার অনেক আত্মীয় কুটুম্ব থাকতে পারে, তাহলেও তাঁদের সঙ্গে ঠিক স্তুতির বন্ধন ঠাকা সম্ভব হবে না। অনেকক্ষেত্রেই তাঁদের সঙ্গে সম্বন্ধ মৌখিক শিষ্টাচারের মধ্যেই আবদ্ধ থাকবে।

পারিবারিক ব্যাপারে আপনি বিশেষ ভাগ্যশালী হবেন না। অনেক সময় ইচ্ছা করেই হোক বা বাধ্য হ'য়েই হোক, আপনাকে পরিবার হ'তে বিচ্ছিন্ন হ'য়ে থাকতে হবে। আপনার পরিবার মধ্যে কোম জন্ত রহস্ত থাকতে পারে। পরিবারে অথবা গৃহস্থালির ব্যাপারে কোম রকম বৈচিত্র্য বা অসাধারণত্ব ঠাকাও অসম্ভব নয়। পারিবারিক আবেষ্টন আপনার উন্নতি বা সাফল্যে বাধা সৃষ্টি করতে পারে। কিন্তু আপনি আপনার সম্ভানদের উপর খুব স্নেহশীল হবেন এবং তাদের উন্নতির জন্ত ত্যাগ স্বীকার করতেও পরামুখ হবেন না। সম্ভানের মধ্যে কেউ কেউ বিশেষ উন্নতিশীল হবেন।

স্নেহ স্তুতির ব্যাপারে আপনার মধ্যে দৃঢ় নিষ্ঠা ঠাকা কঠিন হবে। আপনি সে সম্বন্ধে হয় একেবারে উদাসীন হ'য়ে উঠবেন, না হয় ঘন ঘন পরিবর্তন কামনা করবেন। মোটকথা স্নেহ স্তুতির ব্যাপারে আপনাকে কম-বেশী দুঃখ ভোগ করতে হবে।

বিবাহ

বিবাহ ও দাম্পত্য জীবন সম্বন্ধে আপনার বিচিত্র অভিজ্ঞতা হ'বে বিবাহে বাধাবিঘ্ন বা বিলম্ব হ'তে পারে। বিবাহের পর স্ত্রীর (অথবা স্বামীর) সঙ্গে আপনার সম্বন্ধ একেবারে উদাসীন হ'য়ে উঠতে পারে। মোট কথা আপনার এই রাশি স্থিরতর দাম্পত্য জীবনের অনুকূল নয়। আপনার স্ত্রীর (অথবা স্বামীর) মতামতের সঙ্গে অমেক সময় আপনি নিজেকে খাপ খাওয়াতে পারবেন না এবং তা নিয়ে কম বেশি খিটখিট বা অশান্তিও চলতে পারে। যদি আপনার স্ত্রীর (অথবা স্বামীর) সঙ্গে মধ্যে মধ্যে বিচ্ছিন্ন হ'য়ে থাকতে পারেন, তাহলেই দাম্পত্য জীবনে কিছু শান্তি পাবেন, নতুবা অশান্তি কম-বেশী হবেই। ধীর জন্ম-বাস আবার, কার্তিক, পৌষ অথবা কাঙ্কন, কিংবা ধীর জন্মতিথি

কুকপক্ষের প্রতিপদ বা গুরুপক্ষের অষ্টমী এরকম কারো সঙ্গে বিবাহ হ'লে আপনার দাম্পত্য জীবনের অশান্তি অনেক কমতে পারে।

বন্ধুত্ব

আপনার অনুচর-পরিচরের সংখ্যা বহু হবে এবং কোন বন্ধুর সঙ্গে আপনার গভীর স্নেহের বন্ধন থাকবে। সহকর্মীদের মধ্যেও আপনার দু'চারজন বিশ্বস্ত বন্ধু থাকবে কিন্তু বন্ধুদের মধ্যে কেউ কেউ হঠাৎ আপনার যোরতর শত্রু হ'লে দাঁড়াবে এবং নানারকমে আপনাকে বিব্রত ও অপদস্থ করবার চেষ্টা করবে। এই ভয় বন্ধুত্বের ব্যাপারে আপনি যেমন আনন্দও পাবেন তেমনি দুঃখ ও মনস্তাপও ভোগ করবেন। আপনার প্রগাঢ় বন্ধুত্ব হওয়া সম্ভব তাঁদের সঙ্গে যাদের জন্ম মাস আঘাট, কার্তিক, অথবা ফাল্গুন এবং যাদের জন্মতিথি কুকপক্ষের প্রতিপদ কিম্বা গুরুপক্ষের অষ্টমী।

স্বাস্থ্য

স্বাস্থ্যের ব্যাপারে আপনার একটা উদাসীনতা থাকা সম্ভব। অনেক সময় পীড়ার সূত্রপাতে আপনি তা অগ্রাহ্য করে চলার দরুণ পীড়া গুরুতর হ'তে পারে, সে বিষয়ে সতর্ক থাকা উচিত। আপনার চর্মরোগ, রক্ত-সংক্রান্ত পীড়া ও স্নায়বিক ব্যাধির প্রবণতা আছে। অতিরিক্ত উত্তেজনা অথবা মানসিক পরিষ্কারের জন্ত স্নায়ুবৈকল্য বা মস্তিষ্কের পীড়া হ'তে পারে। সে সম্বন্ধেও সতর্কতা আবশ্যিক। নিজের অবিবেচনা; অবহেলা ও কুচিকিৎসা আপনার স্বাস্থ্যহানির কারণ হ'তে পারে।

অশান্তি ব্যাপার

আপনার ভ্রমণের অনেক সুযোগ উপস্থিত হবে এবং অনেক সময় ধর্মোপলক্ষে তীর্থভ্রমণও হ'তে পারে। তা ছাড়া ক্ষুদ্র ক্ষুদ্র ভ্রমণ বা স্থান

পরিবর্তন প্রায়ই হবে। আপনার দূরদেশে যাত্রাও হ'তে পারে, এমন কি দূর প্রবাসে মধ্যে মধ্যে দীর্ঘকাল বাসও করতে পারেন। বিদেশে বা ভ্রমণের সময় অনেক অসাধারণ বা বিচিত্র ঘটনা ঘটতে পারে, যার কোনটা শ্রীতিকর কোনটা বা অশ্রীতিকর।

স্মরণীয় ঘটনা

আপনার ১২, ২৪, ৩৬, ৪৮ এই সকল বর্ষে আপনার নিজের অথবা পরিবার মধ্যে কারো কোন দুর্ঘটনা ঘটতে পারে। ৩, ৬, ১৫, ১৮, ২৭, ৩০, ৩৯, ৪২ এই সকল বর্ষগুলিতে আনন্দজনক কোন অভিজ্ঞতা হ'তে পারে।

বর্ণ

আপনার শ্রীতিশ্রদ্ধ ও সৌভাগ্যবর্ধক বর্ণ হচ্ছে গাঢ় সবুজ এবং সবুজ রঙের সব রকম প্রকারভেদ। ছাই রঙ, অথবা স্লেট রঙও আপনার উপযোগী।

রত্ন

আপনার ধারণের উপযোগী রত্ন পাশা, সবুজ Asct হরিৎকেশর বৈভূষণ (Oat's eye)।

যে সকল খ্যাতনামা ব্যক্তি এই রাশিতে জন্মেছেন তাঁদের জন্ম কল্পকের নাম—শ্রীশঙ্করাচার্য, এনি বেসান্ত, কবি বারংগ, কবি অক্ষর বড়াল, প্রসিদ্ধ গায়ক লালচাঁদ বড়াল, মসিঁয়ে লাকারের, ডাক্তার মহেন্দ্র লাল সরকার, ডাক্তার বামনদাস মুখার্জি, জাস্টিস্ রমেশচন্দ্র মিত্র, মহারাজা জ্যোতিষ্মোহন ঠাকুর, স্বামী শিবানন্দ, কালীপ্রসন্ন কাব্য বিশারদ প্রভৃতি।

হরিদ্বারে কুম্ভমেলা

ব্রহ্মচারী রাজকৃষ্ণ

ভারতের তথা সমগ্র বিশ্বের সর্ববৃহৎ ধার্মিক মেলা—কুম্ভমেলা এইবার হরিদ্বারে বিশেষ জাঁকজমকভাবে অনুষ্ঠিত হইয়া গেল। স্বাধীন ভারতে এইটাই ইহার প্রথম অধিবেশন। কুম্ভমেলা ভারতের জাতীয় মহামেলা। লক্ষ লক্ষ নরনারী প্রাণের আবেগে সমবেত হয়—এই মহামেলা উপলক্ষে ভারতের চারিটি প্রান্তে প্রয়াগ, হরিদ্বার, উজ্জয়িনী এবং নাসিকে। কে জানে কোল হুপু অতীতের বন্ধ বিদীর্ণ করিয়া এই মহানু প্রেরণা ও উদ্দীপনাময়ী শুভ তিথির আবির্ভাবে আসন্ন-হিমালয়বাসী হিন্দু নরনারীর প্রাণে এই প্রবল ধর্মোন্মাদনার সৃষ্টি হইয়াছিল। ইতিহাসও তাহার পরিচয় দিতে অপারগ।

কুম্ভমেলার উৎপত্তি সম্পর্কে পুরাণোক্ত ঘটনার পাই—কীর সমুদ্র যখন অমৃতকুম্ভ হস্তে ধরতরি আবির্ভূত হইয়া দেবরাজ ইন্দ্রের দিকট

অমৃতকুম্ভ সমর্পণ করার দেবায়ুরে সংগ্রাম বাধে। দেবরাজ ইন্দ্র তদীয় পুত্র জরস্তুকে সেই অমৃত কুম্ভ প্রদান করিলে—জরস্তু তাহা মর্তের চারিটি স্থানে একদিন করিয়া লুকাইয়া রাখেন। দেবতাগণের একদিনে মানুষের দ্বাদশ বৎসর, তাই প্রতি বার বৎসরে উক্ত চারিটি স্থানে অমৃত কুম্ভযোগ উপলক্ষে মহামেলার অধিবেশন হইয়া আসিতেছে।

এই কুম্ভমেলা উপলক্ষে বিশেষ করিয়া হরিদ্বার এবং প্রয়াগে সহস্র সহস্র সাধু সন্ন্যাসীর সমাগম হয়। এইবারও গিরি-বন-কান্তার অতিক্রম করিয়া হিমালয়ের তুষারমণ্ডিত শৃঙ্গরাঙ্গি উল্লঙ্ঘন করিয়া দূর দূরান্তর হইতে সন্ন্যাসীগণ আসিয়াছিলেন দলে দলে—এই মহামেলার সম্মিলিত হইতে। কী গভীর উৎকর্ষা আবেগ প্রাণে লইয়া—এই সাধু সমাজ মেলার সমাগম হয়—তাহা যিনি না দেখিয়াছেন—তাঁহার কল্পমাতীত।

উত্তরাধিকার পথের চূর্ণমতা, শৈত্যের প্রচণ্ডতা উপেক্ষা করিয়া
 দক্ষিণাঞ্চল হইতে সম্রাসীর দল আসেন এই মহাপুণ্য তিথিতে ভুবার-
 শীতল গঙ্গাধারার অবগাহন করিতে। স্নানের যে কী উদগ্র আকাঙ্ক্ষা

পৃষ্ঠে সমাগীন হইয়া অথবা শিবিকারোহণে ভাব গদগদকণ্ঠে বেদমন্ত্র
 জ্বলিত করিতে করিতে স্নানার্থে বৃগবৃগান্তরের আধ্যাত্মিক বিকৃতি-
 মণ্ডিত ব্রহ্মকুণ্ডে অতিমুখে যাইতেছিলেন—যিনি সে দৃশ্য দর্শন না



একদল স্নানার্থী সম্রাসীর ব্রহ্মকুণ্ডে গমন



ভারত সেবাশ্রমসংঘে কেন্দ্রীয় সরকারের প্রমমন্ত্রী শ্রীজগজীবনরাম কটো—ব্রহ্মচারী যুত্মজয়

তাহা প্রত্যক্ষ না করিলে হৃদয়ঙ্গম করা অসম্ভব। স্নানাভিযানের দৃশ্যও
 বড় মধুর ও ভাবাবেগপূর্ণ। অটোজুটশোভিত, উষ্মবিমণ্ডিত সম্রাসীগণ
 বখন সজ্বলভাবে “হর হর মহাদেব” জ্বলিত করিতে করিতে হস্তী-অধ-

বৃদ্ধ-বৃদ্ধা আসেন—সারা জনমের পাপ-তাপ ক্রান্তি-কালিমা বিসর্জন দিয়া
 নির্মল নিষ্পাপ নিকলন হইতে; জীবনতরলীর হারিষ্যের পরিমাপে অক্ষয়
 —মধ্যম বয়সের সরনারী আসেন, অসমাপ্ত চলতি পথের পাথর সকল

করিয়াছেন—তাহাকে কি ভাবে
 বুঝাইব—যে সেই দৃশ্য কত মাধুর্য-
 ময় বা ভাবপ্রদ। সর্ব্বাঙ্গে উষ্ম
 অবলোপিত হইয়াছে,—শিরোপরি
 কেশদাম অযত্নে জটীর আকার
 ধারণ করিয়াছে। সামান্ত পরিধেয়-
 টুকুও বিলাস-সৌধীনতার আশঙ্কায়
 ধাহাদের অঙ্গে স্থানপায় নাই,
 এমনতর সহস্র সহস্র সর্ব্বত্যাগী
 সম্রাসী চিত্তিরাছেন সামমন্ত্রে আকাশ-
 বাতাস মুখরিত করিয়া স্নানাভিলাষে
 —এ দৃশ্য তো বিশ্বত হইবার
 নহে। হে পাশ্চাত্য শিক্ষাগর্ব্বী
 ভারতের নব্যসমাজ, একবার
 শ্রদ্ধালুচিত্তে দর্শন করতোকুস্তমেলার
 ভাবোচ্ছলিত সম্রাসীসমাজের
 স্নানাভিযান,—বুঝিতে পারিবে
 ভোগোন্মুখ পাশ্চাত্য এবং তপসৈক-
 সঞ্চল প্রাচ্যের পার্থক্য কোথায়!

সাধুদর্শন, সংপ্রসঙ্গ এবং মহা-
 পুণ্যিত এই শুভ লগ্নে স্নানাভিলাষে
 লক্ষ লক্ষ গৃহী নরনারীরও সমাগম
 হয় এই কুস্তমেলা উপলক্ষে। সহস্র
 সহস্র মাইল দূর দূরান্তর, এমন
 কি হৃদূর আফ্রিকা ব্রহ্মদেশ হইতে
 হিন্দুগণ আসিয়াছিলেন—এই সাধু-
 দর্শন তথা সন্তপাতক সংহন্ত্রী
 জাহবীর পুত্র পবিত্র বারিরাশিতে
 সাংসারিক আলামালা ধুইয়া মুছিয়া
 নিঃশেষ করিয়া দিতে। আগামী
 মেলার আগমনের পূর্বেই স্বীয়
 জীবন-দীপ নির্বাণনের আশঙ্কা
 করিয়া যেন সকলেই সমবেত হয়—
 এই মহাপুণ্যিত উৎসবের মাধুর্যের
 আবাদ করিতে। তাই অশীতিপর

করিতে। আবার কেহ বা আসেন যুগযুগান্তরের আধ্যাত্মিক শক্তি-
পূত এই উৎসবের আনন্দ উপভোগ করিতে।

গৃহীর সহিত সন্ন্যাসীর মহামিলনের মহাতিথি এই কুম্ভমেলা।
প্রাচীন ভারতে সর্বত্রই সাধুসমাজের সহিত গৃহীকুলের সম্বন্ধ ছিল
এক অচ্ছেদ্যপুত্রে গাঁথা। কিন্তু কালক্রমে সে আদর্শ পরিত্যক্ত
হইয়াছিল। তাই আধুনিক ভারতে গৃহী তথা সাধুসমাজের এই
দূরবস্থা। আচার্য শংকর এই কুম্ভমেলার সংস্কার সাধন করিয়া
সন্ন্যাসী-সমাজের সহিত গৃহস্থ-সমাজের এক সংযোগ স্থাপন করিয়া
ভারতের সন্ন্যাসী-সমাজকে আবার সমাজ সেবার উদ্ভূত করিয়াছিলেন।

আচার্যশংকর গিরি, সাগর, পর্বত, বন, অরণ্য, পুরী প্রভৃতি দশনামী
সন্ন্যাসী সম্প্রদায়ের সৃষ্টি করিয়া
এক একটি সম্প্রদায়ের উপর
জাতিগঠন, ধর্মপ্রচার প্রভৃতির
দায়িত্ব অর্পণ করিয়াছিলেন।
পার্বত্য প্রদেশে একদল
সন্ন্যাসী থাকিয়া ধর্মপ্রচার
করিবে—তাহাদের নাম—গিরি
অথবা পর্বত সম্প্রদায়।
সমুদ্রের উপকূলবর্তী জনপদে
অবস্থান করিয়া একদল সন্ন্যাসী
জাতি সংগঠন, সমাজ সংস্কার
ইত্যাদি কাজে আত্মনিয়োগ
করিবে—তা হা রা হ ই বে ন
সাগর সম্প্রদায়ভুক্ত। এইরূপে
ন গ রে থাকি বে ন—পুরী
সম্প্রদায়, অরণ্য-বনে থাকিবেন
বন এবং অরণ্য সম্প্রদায়।

পর্যায়ীন ভারতে বিদেনী তথা
বিধর্মীর শাসনকালে ভারতের
সন্ন্যাসী সমাজ আচার্য শংকরের
অর্পিত সেই দায়িত্ব বিন্মৃত হইয়াছে। আজ ভারতের সহস্র সহস্র
সন্ন্যাসী স্বীয় দায়িত্ব ছাড়িয়া সমাজের গলগ্রহ হইয়া দাঁড়াইয়াছে।

সাধুসমাজের উপর স্তম্ভ দায়িত্ব তথা কর্তব্যের কথা স্মরণ করাইয়া
দেওয়ার উদ্দেশ্যেই ১৯২৭ সালে ভারত সেবাশ্রম সংঘের অধিষ্ঠাতা
আচার্য স্বামী প্রণবানন্দজী মহারাজ কুম্ভমেলার সেবার্থ্য তথা ধর্ম-
প্রচারের ব্যাপক আয়োজন করেন। সেই সময় হইতে প্রতি কুম্ভমেলায়
সম্মত হইতে সেবার্থ্য এবং ধর্ম প্রচারের ব্যবস্থা হইয়া থাকে। এইবার
হরিদ্বারেও সন্ন্যাসীগণের মধ্যে বিশেষভাবে প্রচারার্থ্য তথা যাত্রীদের
সর্বপ্রকারে সহায়তাদানের ব্যবস্থা হইয়াছিল।

এই মহামেলার সম্মত হইতে একটি সর্বভারতীয় সাংস্কৃতিক সম্মেলনের
আয়োজন করা হইয়াছিল। ভারতের বিভিন্ন প্রান্ত হইতে প্রতিনিধিগণ

যোগদান করিয়াছিলেন এই সম্মেলনে। ভারতীয় জাতীয় কংগ্রেসের
সাধারণ সম্পাদক শ্রীযুত শংকররাও দেও, ওরাকিং কমিটির জরুরী
বৈঠকের জন্ত উপস্থিত থাকিতে না পারায় ভারতের প্রথমন্ত্রী শ্রীযুত
জগজীবন রাম এবং অখিল ভারত আচার্যধর্ম সেবাসঙ্ঘের সভাপতি
গোস্বামী গণেশদত্তজী উক্ত সম্মেলনে সভাপতিত্ব করেন।

সম্মেলনে বক্তৃতা প্রসঙ্গে শ্রীযুত জগজীবন রাম বলেন—“বর্তমানে
ধর্ম ও লোকাচারের নামে ভারতীয় সংস্কৃতির মধ্যে বহু কুসংস্কার আসিয়া
পড়িয়াছে, যাহার স্থান প্রাচীন সংস্কৃতির মধ্যে ছিল না। সেই কুসংস্কার
রাজি অপসারিত করিয়া ভারতীয় সংস্কৃতিকে কলঙ্ক মুক্ত করিতে পারিলে
তাহা পুনরায় সমস্তাঙ্গুল ভারত তথা সমগ্র জগতের পক্ষে বিশেষ



ভারত সেবাশ্রম সংঘ কর্তৃক অনুষ্ঠিত হরিদ্বার সাংস্কৃতিক সম্মেলনে শ্রীজগজীবন রাম। দক্ষিণে এবং বামে
উত্তর প্রদেশের আবগারী বিভাগের মন্ত্রী চৌধুরী গিরিধারী লাল ও শ্রীসি-এম-নিগম—হরিদ্বার
কুম্ভমেলায় নিয়োজিত অফিসর

কল্যাণকর হইবে।” অস্পৃশ্যতা ও অনাচারনীতির উল্লেখ করিয়া
সভাপতি মহাশয় বলেন—“হিন্দুধর্ম যদি বিশ্বের সকলের মধ্যে
একই আত্মার অস্তিত্বের দাবী করে তবে তাহার সমাজ-জীবনে
স্পৃশ্যস্পৃশ্যের উন্নত অনুভূতের প্রদর্শন আসে কেমন করিয়া। যে হিন্দু-
ধর্মের শ্রীরামচন্দ্র চণ্ডাল গৃহকে কোল দিয়াছিলেন—সেই ধর্মের
মধ্যে যোর অস্পৃশ্যতা কিরূপে আসিল ?

ধর্ম ও বিজ্ঞানের মতবৈধতার কথা উল্লেখ করিয়া শ্রীযুত জগজীবন
রাম বলেন—“ধর্ম ও বিজ্ঞানের মধ্যে যে বিরোধ তাহা একান্ত
কাল্পনিক। আমি বিজ্ঞানের ছাত্র, কিন্তু বিজ্ঞান আমাকে নাস্তিক করে
নাই। বিজ্ঞান কতকগুলি সিদ্ধান্ত প্রথমে মানিয়া লয়—পরে প্রমাণ বা
প্রয়োগের দ্বারা উহার সত্যতা নির্ণয় করে। ধর্মও সেইরূপ কতকগুলি

সত্যকে মানিয়া লইয়া প্রমাণ বা প্রমাণের দ্বারা তাহার সত্যতা নির্দ্ধারিত করে। ভারতীয় সংস্কৃতি বিজ্ঞানবাদের উপর প্রতিষ্ঠিত। বিজ্ঞানকে উপেক্ষা করিয়া ধর্ম এবং ধর্মকে বাদ দিয়া বিজ্ঞান টিকিতে পারে না। ইহাই আমার পরিপূর্ণ বিশ্বাস।”

‘সিকিউলার স্টেট’—কথাটির তাৎপর্য ব্যাখ্যা করিয়া মন্ত্রীমহোদয় বলেন—আমাদের সরকার ধর্মনিরপেক্ষ রাষ্ট্র বটে, কিন্তু সে রাষ্ট্র যদি ধর্মহীন হইত তবে আমার স্তায় আন্তিকের স্থান সেখানে হইত না। ধর্মনিরপেক্ষ রাষ্ট্র বলিতে ইহাই বুঝায় সে রাষ্ট্র কোন সাম্প্রদায়িক ধর্মের প্রচার দিবে না।”

সভ্যের সাংস্কৃতিক মিশনের নেতা শ্রী অম্বতানন্দী বলেন— জাতি গঠনের সমস্যা আজ জগতের সমক্ষে প্রধান সমস্যা। এই



হরিদ্বারে ভারত সেবাশ্রম সংঘের সাংস্কৃতিক সম্মেলনে শ্রী অম্বতানন্দীর বক্তৃতা

সমস্যার সমাধানের জন্তই ভারতের স্বাধীনতা। ভারতীয় সংস্কৃতিই একদিন বিশ্বকে শান্তির বাণী শুনাইয়া জগতের প্রকৃত কল্যাণ করিয়াছিল। সে দায়িত্ব আজ স্বাধীন ভারতের নাগরিকগণকে গ্রহণ করিতে হইবে।”

বহির্ভাৱতে ভারতীয় সংস্কৃতির প্রচার, পূর্ববঙ্গের উদ্বাস্তুদের প্রতি সক্রিয় সহায়ত্ব প্রদর্শন, বিশ্ববিদ্যালয়ে বাধ্যতামূলক ভারতীয় সংস্কৃতির প্রচারের উপযুক্ত শিক্ষা প্রবর্তনের দাবী জানাইয়া সম্মেলনে কয়েকটি প্রস্তাব গৃহীত হয়।

সম্মেলনের সাফল্য কামনা করিয়া বাহারা তাহাদের শুভেচ্ছা প্রেরণ করেন তন্মধ্যে—ভারতীয় গণতন্ত্রের সভাপতি ডাঃ রাজেন্দ্র প্রসাদ, প্রধান মন্ত্রী পণ্ডিত জওহরলাল নেহরু, উপপ্রধান মন্ত্রী সূর্য্যার বসন্তলাই

প্যাটেল, পার্লামেন্টের স্পীকার শ্রী জি-ভি মবলংকার, কেন্দ্রীয় সরকারের মন্ত্রী শ্রী কে-শান্তনম, ডাঃ শ্রীমা প্রসাদ মুখোপাধ্যায়, পাঞ্জাব, বৃহৎপ্রদেশ, আশাম প্রভৃতি প্রদেশের গভর্নর এবং প্রধানমন্ত্রীগণ, ভারতীয় জাতীয় কংগ্রেসের সাধারণ সম্পাদক শ্রীশঙ্কর রাও দেও, বোম্বাইয়ের মেয়র শ্রী এস্-কে-পাতিল অন্ততম।

সন্ন্যাসী সমাজকে সমাজ সেবার উৎসাহ করিবার উদ্দেশ্যে সভ্যের পক্ষ হইতে একটি অখিল ভারতীয় সন্ন্যাসী সম্মেলন অনুষ্ঠিত হয়। এই সম্মেলনে সভাপতিত্ব করেন—শ্রবণনাথ মঠের মঠাধ্যক্ষ মণ্ডলেশ্বর শ্রীমোহনানন্দী। সভাপতির অভিভাষণে শ্রীমোহনানন্দী বলেন—“হিন্দু শাস্ত্র ‘আত্মনোমোকর্মাৎ জগদ্ধিতায় চ’—অর্থাৎ নিজের মুক্তি এবং জগৎ কল্যাণের আদর্শ সিদ্ধির জন্ত নিরন্তর কর্ম করিবার জন্ত আদেশ দিয়াছেন। দুঃখের বিষয় সাধু-সমাজ আজ জগৎ-কল্যাণের আদর্শ বিস্মৃত হইয়া মার্ক্সবাদের নামে এক ভ্রান্ত আত্মকেন্দ্রিক অধ্যাত্ম সাধনার ব্যাপ্ত হইয়া পড়িয়াছেন। তাহারা ভুলিয়া গিয়াছেন যে ব্যাস, বশিষ্ঠাদি আচার্যগণ, শ্রীরাম শ্রীকৃষ্ণ আদি অবতার পুরুষগণ লোক সংগ্রহের জন্ত প্রাণ-পাতী পদ্মিভ্রম করিয়া তিলে তিলে আত্মদান করিয়া গিয়াছেন। বর্তমান যুগেও শ্রী রাম কৃষ্ণ বিবেকানন্দ, মহর্ষি দয়ানন্দ, শ্রীমোহনানন্দ প্রভৃতি মহাপুরুষগণ এই সমাজ সেবার আদর্শ বরণ করিয়াই নিজেদের জীবনের কর্ম পন্থা নির্দ্ধারণ করিয়াছেন।”

ফটো—ব্রহ্মচারী যুত্মজয়

বলেন—“ভারত বিভাগের সঙ্গে সঙ্গে আজ যখন লক্ষ লক্ষ জাতি-ভগিনী স্বজন তথা সহায়স্বলহীন হইয়া নিদারুণ দুঃখ বিপদের সম্মুখীন হইয়াছে,—যখন সমাজের নৈতিক অধোগতি চরমসীমার উপনীত হইয়া ভারতের অতীত ঐতিহ্যকে কলঙ্কিত করিতে বসিয়াছে,—যখন সাধুসমাজের চিরন্তন সেবক গৃহস্থকুল নানা সমস্যাজালে বিভ্রান্ত, সেই দুর্ভোগ মুহূর্ত্তে ভারতের সাধুসমাজ কিরূপে দীর্ঘশীঘর হইয়া খেল বে জানে? এই মহা দুর্দিনেও কী সন্ন্যাসী সমাজের নোহনিজার অবসান ঘটবে না? পরিশেষে সভাপতি মহাশয় সন্ন্যাসী সমাজকে ভারত সেবাশ্রম সভ্য এবং রামকৃষ্ণ মিশনের সমাজ-সেবার আদর্শে অনুপ্রাণিত হইতে আবেদন জানান।

নেতার প্রথম দিকে ডাঃ রাজেন্দ্রপ্রসাদ হরিদ্বারে আসিয়া তিনি

গল্পাঙ্গন, গল্পাপুত্রা, মন্দির প্রদক্ষিণ ইত্যাদি অনুষ্ঠান করিলে জন-সাধারণের মধ্যে বেশ একটা ভাবের সৃষ্টি হয়।

অখিল ভারত সাধুসম্মেলনের প্রস্তাবাবলী

১। সাধুসন্ন্যাসী, ত্যাগী-তপস্বী মহাত্মাগণই ভারতীয় শিক্ষা সংস্কৃতি, ধর্ম ও সাধনার প্রকৃত ধারক ও বাহক। সমগ্র জীবনব্যাপী কঠোর তপস্চর্যার দ্বারা তাঁহারা ভারতের ধর্ম ও সংস্কৃতিকে জাগ্রত জীবন্ত রাখিয়া মানুষকে প্রকৃত শান্তি ও কল্যাণ দান করিয়াছেন। আজ ধর্মের গ্লানি, নৈতিক অধঃপতন এবং দুর্নীতি ও অনাচারের প্রসারের ফলে সমগ্র দেশে যে দুঃখদৈন্ত-অশান্তি দেখা দিয়াছে; সাধুসমাজের অকুণ্ঠ সেবা ও অক্লান্ত পরিশ্রমের দ্বারা কেবল তাহা দূরীভূত হইতে পারে। এতৎ সম্পর্কে তাঁহাদের এক মহান কর্তব্য দায়িত্ব আছে। সুতরাং অখিল ভারতীয় সাধু সম্মেলনের এই অধিবেশন মত, পথ ও সম্প্রদায় নির্বিশেষে প্রত্যেক সাধু, সন্ত, মোহান্ত, আখড়া ও মঠাধীশকে এই কর্তব্য উদ্ঘাপনে অগ্রসর হইতে আবেদন জানাইতেছে।

২। সাধুসমাজের অমনোযোগ ও অনবহিত থাকার সুযোগে বিজাতীয় রাষ্ট্রকর্তৃপক্ষ ভারতীয় জনসাধারণের প্রকার পাত্র সাধু-সমাজকে 'অনুৎপাদক' (unproductive) আখ্যায় আখ্যায়িত করিয়া সমাজবহিষ্ঠ গণিকা শ্রেণীভুক্ত করিয়াছে। সাধুসমাজকে সংঘবদ্ধভাবে ইহার প্রতিকারের উপায় উদ্ভাবন করিতে এই অখিল ভারতীয় সাধু সম্মেলন অনুরোধ জানাইতেছে এবং আগামী আদম সমারীতে সাধুসমাজকে উৎপাদক শ্রেণীর মধ্যে গণ্য করিতে এই সম্মেলন সরকারকে অনুরোধ করিতেছে।

ইহা ছাড়া সাধুসমাজকে উপযুক্ত শিক্ষাদীক্ষা প্রদান করিয়া সমাজ-সেবার উৎসাহ করিতে অনুরোধ করিয়া আর একটি প্রস্তাবসম্মেলনে গৃহীত হয়। সম্মেলনের সাক্ষ্য কামনা করিয়া সারদাপীঠাধীশ জগদগুরু শ্রীশঙ্করাচার্য বাণী প্রেরণ করেন।

এইবার মেলায় প্রায় ১২ লক্ষ নরনারীর সমাগম

মেলায় স্ফূর্তরূপে এবং সাক্ষ্য সহকারে উদ্ঘাপনের উদ্দেশ্যে সরকার হইতে এইবার বিশেষ পরিপাটির সহিত স্বর্কপ্রকার ব্যবস্থা করা হয়। কলেরা প্রতিবেদক ব্যবস্থায় সরকার এই বৎসর বিশেষ কৃতিত্ব প্রদান করিয়াছেন।

সেবা বিভাগের কার্যাদি হিন্দুস্থান স্টাউট, ভারতীয় গার্ল গাইড, ভারত সেবাশ্রম সঙ্ঘ এবং মহাবীর দলের স্বেচ্ছাসেবক তথা কর্তৃপক্ষগণের দ্বিবারাত্র কঠোর পরিশ্রমের ফলে বেশ ভালভাবেই সম্পন্ন হইয়াছে।

মেলায় প্রধান স্থানের দিনের একটি মাত্র ঘটনার সমস্ত স্বেচ্ছাসেবক তথা যাত্রীগণের অন্তরে এক গভীর শোকের ছায়াপাত করিয়াছিল। পুলিশ কর্তৃপক্ষের দূরদর্শিতার জন্তই যে উক্ত ঘটনাটি ঘটয়াছিল—প্রত্যক্ষদর্শীর ইহাই অভিমত।

৩০শে চৈত্র, মহাবিধ্ব সংক্রান্তি প্রকৃত কুস্তযোগের তিথি। ২৯শে চৈত্র রাত্রি ১২টার পর হইতেই স্নান আরম্ভ হইয়াছে। সহস্র সহস্র নরনারী "হর হর মহাদেব"—"গঙ্গা মায়িকী জয়" ধ্বনি করিতে করিতে ব্রহ্মকুণ্ডে ঘাট অভিমুখে চলিয়াছে। কী প্রাণের আবেগ, কী গভীর উৎকর্ষা হৃদয়ের। হাজার মাইল দূর হইতে যাত্রী আসিয়াছে—এই রাত্রি নিশীথে পুণ্যধারায় একটি ডুব দিতে। পর্বে শ্রান্তি-ক্লান্তি; সাংসারিক দুঃখকষ্ট, গ্লানিমানি সব ধুইয়া মুছিয়া নিঃশেষ হইয়া যাইবে—ঐ একটিমাত্র ডুব—একবার মাত্র মস্তক নিমজ্জনের পরমুহুর্তে—। এই শ্রদ্ধা বিশ্বাস লইয়া অগণিত যাত্রীর দল চলিয়াছে ব্রহ্মকুণ্ডে। স্রবাক হইতে হয়—স্নানের পরে তাহাদের প্রফুল্লতা দেখিয়া। নির্মল নিম্পাণ চরিত্রের প্রসন্নতা ফুটিয়া ওঠে—সিতবসম ভক্তের মুখমণ্ডলে।

বেলা তখন প্রায় ৭টা। ঘাটে ভিড়ের চাপ ভ্রমণ: বাড়িয়া উঠিল, যাত্রীদের নানা প্রকারে সহায়তা দানে আমরা এবং স্বেচ্ছাসেবকগণ সকলে ব্যস্ত। ব্রহ্মকুণ্ডে আগমনের রাত্তার একটি দরজার পুলিশ যাত্রীদের ভিড় নিয়ন্ত্রণ করিতেছিল। অকস্মাৎ জানিবা কী কারণে সেই দরজার কিছু অংশ বন্ধ করা হইল। মাত্র ৫মিনিটের মধ্যে দরজার উভয় পার্শ্বে যাতায়াতের উপযুক্ত রাস্তা না পাওয়ার ভীষণ ভিড় জমিয়া গেল। এই সময়েই জনতার পায়ের নীচে যাওয়া ৩২জন প্রাণ হারাইল এবং বহু যাত্রী আহত হইল।

কুস্তমেলা দর্শনের সৌভাগ্য বাঁহার হইয়াছে, তিনি বুঝিয়াছেন যে হিন্দুধর্মের মধ্যে প্রাদেশিকতার লেশ নাই, মতবৈধতার স্থান নেই এতটুকু। একই উদ্দেশ্যে মহামিলনের পূর্ণ সুযোগ রহিয়াছে হিন্দুর তীর্থস্থানে। তাই হিন্দুর তীর্থস্থানগুলিই হিন্দু সংস্কৃতির তথা জাতির মহাপীঠস্থান এবং এই তীর্থস্থানগুলিকেই কেন্দ্র করিয়াই হিন্দুধর্ম আবার জাগ্রত হইবে।



নিজ্ঞান মনের পরিচয়

শ্রীশান্তীল বিশ্বাস

মানুষের মন বলতে সাধারণের কাছে শুধু সজ্ঞান (চেতন) মনের কথাই মনে হয়, কিন্তু এই সজ্ঞান মনই ত আর মানুষের সমস্ত মন নয়; মনের বিভিন্ন স্তর আছে;—সজ্ঞান, আসজ্ঞান ও নিজ্ঞান মন—এই সব করণী মিলিয়ে সত্যিকারের মানুষের মন। এখন মনের শেষোক্ত দুই স্তরের পরিচয় দেবার চেষ্টা করা যাক।

‘আসজ্ঞান মন’ ঠিক সজ্ঞান মনের পরেই থাকে, যেখানে চিন্তারূপে এত তৎপর হয়ে থাকে যে একটু হুযোগ পেলেই তা সজ্ঞান মনে চলে আসতে পারে। যেমন ধরুন, ঘরে বসে পড়াশুনা করছেন আর আপনার পাশের টেবিলে রয়েছে ঘড়ি, টিক্‌টিক্‌ শব্দে চলেছে, আপনার সজ্ঞান মনে সে শব্দবোধ আসছে না কিন্তু আসবার জন্ত সর্বদাই তৎপর; হঠাৎ ঘড়িটা বন্ধ হয়ে গেল—অমনি আপনার খেয়ালে এলো যে ঘড়িটা বন্ধ হয়ে গেছে। আর নিজ্ঞান মন বলতে বোঝায় যেখানকার চিন্তারূপে সোজা-সুজি আপনার চেতনাত্তে আসবার চেষ্টা করেও সহজে আসতে পারে না, অথবা এলে আপনি তাঁকে চিন্তে পারেন না যে এ আপনার মনেরই কথা।

সাধারণ মানুষ মনের এই সজ্ঞান ও নিজ্ঞান স্তরের মধ্যে সামঞ্জস্য বিধান চেতন বা অচেতন ভাবে করেই চলে। এই দুই স্তরের মধ্যে যেদিন আর সামঞ্জস্য রাখতে পারে না তখনই হয় সে অস্বাভাবিক। তাই অনেক অস্বাভাবিকতা বা সাধারণ মানুষের মধ্যে বা পাগলের মধ্যে দেখা যায় তার কার্যকারণের সন্ধান মেলে ঐ নিজ্ঞান মনেই। এই ভাবে মনকে স্তরে স্তরে ভাগ করে নিয়ে কোনও মানসিক ঘটনার কারণ উদ্ঘাটন করার নামই মনঃসমীক্ষণ (Psycho-analysis)—যার প্রথম সৃষ্টিকর্তা ডাঃ সিগ্‌মুন্ড ফ্রয়েড।

এই নিজ্ঞান মনের গঠন সজ্ঞান মনকে সর্বদাই প্রভাবান্বিত করে বা করবার চেষ্টা করে। আমরা কখনও তা বুঝতে পারি, কখনও তা পারি না। যেমন একজনের হরত দেশ-দেশান্তর বেড়াতে খুব ভাল লাগে। তিনি হুযোগ পেলেই তার ভ্রমণের কথা বলতে চান। তাঁকে যদি জিজ্ঞাসা করা যায় ‘ভ্রমণ’ আপনার এত ভাল লাগে কেন; তিনি পরিষ্কার বলবেন যে তাঁর ওটাই খুব ভাল লাগে অর্থাৎ তিনি সচেতন যে তাঁর এই অনুপ্রেরণার উৎস তাঁর নিজ্ঞানের ভেতরেই আছে—আছে তাঁর নিজ্ঞান মনে এই ধরনের প্রেরণাপূর্ণ বিশেষ মানসিক গঠনকে মনস্তত্ত্বের ভাষায় ‘গুঁড়ো’ (complex) বলে। আবার আর এক ধরনের ‘গুঁড়ো’ নিজ্ঞান মনে গড়ে ওঠে বা থেকে যায়, সজ্ঞান মনে যার কোনও সহজ পরিচয় থাকে না। এই সকল মানসিক জটিলতা গড়ে ওঠে মানসিক সংঘর্ষ (conflict) বলে। যেমন ধরুন আপনার কোনও ব্যক্তিবিশেষের উপরে অত্যন্ত ঘৃণা আছে। সেই ব্যক্তিটি এমন এক কাজে পেলেন যাকে আপনিও খুব ভাল বাসেন, অথচ হরত কিছুদিন বাবে

দেখা গেল যে আপনার ঐ কাজটার ওপরে আর প্রজ্ঞা নেই। আপনি হুঁক করেছেন ঐ কাজটাকে ঘৃণা করতে। আপনাকে জিজ্ঞাসা করলে আপনি বলবেন “আমার কাছে ও কাজটা ভাল লাগে না তার কারণ এই সব দিক থেকে কাজটা খুব খারাপ ইত্যাদি”। এই রকমভাবে জুরো যুক্তি দিয়ে ঐ কাজটার প্রতি আপনার ঘৃণার কারণ দেখাবার চেষ্টা করবেন। অথচ ঘৃণার আসল কারণ রইল আপনার নিজ্ঞানের কাছেও অজানা—“আপনার ঐ ঘৃণিত লোকটি যে ঐ কাজ করে।”

এই রকম মানসিক ‘জটিলতা’ আবিষ্কারের মধ্যে দিয়ে আমরা জানা মানুষের অজানা মনের গঠন জানতে পারি। এই মানসিক গঠন আবিষ্কারের কতকগুলি প্রণালী ফ্রিড-মনস্তত্ত্ব আজ আমাদের বলে দিয়েছে, যেমন Word Association Test, Free Association Test, Thematic apperception Test, Rorschach Test. এর মধ্যে এক “Free Association Test” ছাড়া সব করণীই সাধারণতঃ মনস্তাত্ত্বিক পৰ্যবেক্ষণগারে বসে সহজে করা সম্ভব। Word Association Test-এর সৃষ্টিকর্তা ডাঃ ইয়ুঙ্গ (Jung) একবার নাকি এক হাসপাতালে এক চুরির ব্যাপারে আসল চোরকে বার করতে সক্ষম হয়েছিলেন।

অনেক প্রকার মানসিক ব্যাধির কারণ এই নিজ্ঞান মনেই থাকে। এর একটা উদাহরণ দেওয়া যাক। এক রকম মানসিক ব্যাধি আছে যাকে বলে কিউগ (Fugue)। এ রকম মানসিক ব্যাধিগ্রস্ত রোগীকে দেখা যায় হরত হঠাৎ বাড়ী থেকে উধাও হয়ে দূর ভিন্দ দেশে গিয়ে অস্ত-এক উপায়ে কিছুদিন কাটিয়ে বাড়ী ফিরে এসে আর সেই অবস্থার কথা মনে করতে পারে না। দুটো অবস্থার—হুঁহু ও অহুঁহু চিন্তাধারার মধ্যে সামঞ্জস্য বিধান করা আর সম্ভব হয় না। একে বলে বিসঙ্গ (Dissociation)। আবার এমনও অনেক সময় দেখা যায় যাকে বলে ‘দ্বৈত অঙ্গিতা’ (Double Personality)। একই মানুষ কিছুদিন একরকম অঙ্গিতা থেকে আর একরকম অঙ্গিতা অবলম্বন করলেন, অথচ একের সঙ্গে অপরের সামঞ্জস্য নেই—তারা সম্পূর্ণ পৃথক।

এ সবার নিজ্ঞান মনের অবদমিত বাসনার খেলাই একমাত্র কারণ। একটা বাস্তবিক ঘটনা দেখলে এটা পরিষ্কার হবে। রেভাঃ এনসেল বোর্ণ নামে একজন পাদুরি সাহেব হঠাৎ বাড়ী থেকে উধাও হয়ে গিয়ে পেনসিলভানিয়ার অন্তর্গত মরিস টাউনে এ, জে, ব্রাউন নাম নিয়ে এক দোকান খুলে বসেন; অথচ এই অবস্থার থাকবার সময়ে তাঁর পূর্বের পাদুরি জীবনের কিছু মনে ছিল না, শুধু মনে ছিল যে তিনি অস্ত কোথাও থেকে চলে এসেছেন। তারপরে এইভাবে কয়েক সপ্তাহ কাটিয়ে হঠাৎ আবার পূর্ব জীবনের কথা মনে আসে, তিনি তারপরে বাড়ী ফিরে আসেন। কিন্তু

তখন পলাতক জীবনের দিনগুলি কি করে কাটিয়ে ছিলেন তাও আর মনে পড়ে না তাঁর। (Psychology of Insanity—Burnard Hurt)।

রেভাঃ বোর্ণ পাদ্রি হলেও তাঁর নিজস্ব মনে ব্যবসা করে বড়লোক হবার এক উগ্রবাসনা অবদমিত হয়ে ছিল, যা এত অদ্ভুতভাবেই পরিতৃপ্ত হয়েছিল। এ ধরনের মানসিক ব্যাধি খুব কমই দেখা যায়। সাধারণতঃ যে সব মানসিক বিকার যেমন প্যারানোইয়া, হিষ্টিরিয়া, মেনিকডিপ্রেশিভ সাইকোসিস, অবসেশন, কম্পালসান নিউরোসিস, একজাইটাল নিউরোসিস ইত্যাদি খুব বেশী সংখ্যাতঃ দেখা যায়। তাদেরও সমস্ত মানসিক বৈলক্ষণ্যের কারণ পাওয়া যায় ঐ নিজস্ব মনেই। এই সব রকম মানসিক ব্যাধি নিয়ে আলোচনা এখানে স্থানাভাবে সম্ভব নয়। তাও হু' একটা মানসিক ব্যাধির লক্ষণ নিয়ে বিশ্লেষণ করে দেখা যাক। অনেক মানসিক রোগী আছে যাদের ধারণা তারা মস্ত বড়লোক, কেউ হয়ত বলবে যে সে নিজে গাফিলী, কি সুভাষ বোস, কি আরও কত কি। একে মনস্তত্ত্বের ভাষায় বলে 'মেগালোম্যানিয়া'। এর কারণ দেখা যায় নিজস্ব মনে রয়েছে 'আত্মপ্রেম' ও বড় হবার উগ্রবাসনা—যা সফল হয়নি তাই এইভাবে বাস্তব বিফলতা করতে চায় পূরণ।

আবার এক রকম রোগী আছে যাদেরকে বলতে শোনা যায় যে তারা মাতৃগর্ভে চলে যেতে চায়, অথবা এমন ভাবে সর্বদা বসে থাকতে চায় যেমন ভাবে শিশু ভূমিষ্ঠ হবার আগে মাতৃগর্ভে থাকে। এর কারণ মানুষ যখন মাতৃগর্ভে থাকে তখন তার থাকে না আত্ম অনাক্রম্য বোধ। যার ফলে সে থাকে চরম সুখে। তাই ভূমিষ্ঠ হবার সাথে সাথে পায় এক মানসিক আঘাত যাকে বলা যায় জন্মাত (Birth Trauma)। তখনই তার পুনরায় প্রাক্জন্ম অবস্থায় ফিরে যাবার বাসনা জন্মায় সেটা থাকে অবদমিত হয়ে নিজস্ব মনের অন্তরালে। সেই অবদমিত বাসনা পরিতৃপ্ত করতে চায় মাতৃগর্ভে ফেরে যে অবস্থায় থাকে সেই ধরনে বসে থেকে। এই ধরনের অবদমিত বাসনার পরিতৃপ্তির চেষ্টার অভিব্যক্তি হু' সাধারণ মানুষের মধ্যে দেখা যায় তার কুকুর কুণ্ডলি হয়ে শোবার চেষ্টাতে—তা ছাড়া কুকুর কুণ্ডলি হয়ে শুয়ে কি আর মানুষ সব চাইতে আরাম পায় ?

এবার সাধারণ ভুলের কথা ধরা যাক, যার কারণ থাকে ঐ নিজস্ব মনেই। যেমন একজন তাঁর সহকর্মীকে জিজ্ঞাসা করছেন "কাল অফিস ছুটি না বন্ধ ?" তার কারণ তাঁর নিজস্ব মনে রয়েছে কাল যেন অফিস বন্ধই থাকে। একজন ফ্রয়েডের ওপরে অত্যন্ত চটা ছিলেন তাই তিনি তাঁর বিরুদ্ধে লিখতে গিয়ে 'Freud'এর বানান 'Fraud' লিখেছিলেন ভুলে। এই কারণেই অনেক সময়ে অনেককে প্রক্স করতে দেখা যায় Leading question এ "তা আপনি খাবেন না ত ?"

এই নিজস্ব মনের প্রভাব যে কত বেশী আমাদের জীবনে তা মনোবিজ্ঞানীর চোখে দেখলে পরিষ্কার হয়ে ওঠে। যেমন ধরা যাক—হিন্দুর ছেলে মস্ত বড় সাহেব হয়েও অনেক কুখ্যাত খেয়েছেন এমন লোককেও শোনা গেছে নিবিন্দ গোমাংস খুব বড়াই করে খেতে গিলে

আর পারেননি অথবা খেতে পেরেও অস্থু হয়েছেন—অবশ্য শুধু মানসিক কারণে। তারপর তাঁর মুখে শোনা গেছে "এই মাংসটা অস্থু কিছুই জন্তু খেতে আপত্তি নেই ; আপত্তি শুধু অস্বাস্থ্যকর বলেই," অথচ যে কারণে সত্যিকারের গোমাংস অস্বাস্থ্যকর সে কারণ আরও অনেক প্রকার মাংসেই ত বর্তমান ; সে সব ত অনেকেই খেতে পারেন অন্নান বদনে। এই রকম নিজের মনের আসল দুর্বলতাকে চাক্কার জন্তু ভুরোয়ুক্তি খাড়া করার নাম 'যুক্ত্যাভাস' (Rationalisation)। এই 'যুক্ত্যাভাস' দিয়ে আমরা আমাদের মনের অনেক সংস্কার ও দুর্বলতার ঢিলা যুক্তির বাধনকে করি শক্ত এতে কোনও সন্দেহ মাত্র নেই। এমনি করে নিজেকে দিই কঁকি। এই যুক্ত্যাভাসের জোরে আজও বেঁচে আছে অনেক সামাজিক কুসংস্কার যাদেরকে জানি আমরা অন্তায় কিন্তু আসল কাজের সময় পারি না করতে কিছুই। মন দুর্বল হয়ে পড়ে বলেই নিয়ে আসি ভুরোয়ুক্তির বোঝা। একটু চিন্তা করলেই পরিষ্কার হয়ে যায় যে আমরা অনেক সময়েই যুক্তির চেয়ে মানসিক অবস্থা ও গঠন দ্বারাই বেশী চালিত হই।

আবার এই নিজস্ব মনের অন্তর্নিহিত বর্তমান সংস্কারই করেছে সমাজ জীবনকে সম্ভব, আমাদের মনে সর্বমুহুর্তেই আসছে নানা বাসনা যাদেরকে দমন না করলে আমাদের সমাজ, সমাজত্ব বলে থাকে না কিছুই। এই সমাজতার ভাঙ্গন থেকে আমাদেরকে সর্বদা নিবৃত্ত করে আমাদের নিজস্ব মনেরই নিষেধবাণী যাকে ডাঃ ফ্রয়েড বলেছেন 'অধিশান্তা' (Super Ego), যা গড়ে ওঠে আমাদের মধ্যে শৈশব থেকে পিতা মাতার অনুশাসনে, অনুকরণে, একীকরণে ও পরিবারের ও পারিপার্শ্বিকের প্রভাবে ও সেই প্রভাবের বিস্তৃতিকরণে।

কিন্তু এই অধিশান্তার শাসনও নিরঙ্কুশ নয় ? তাকে বিপর্যস্ত করে দিতে চায় প্রতি মুহুর্তে নানা ধরনের আদিম বাসনা (Primitive Instincts)—যারা এসেছে আমাদের মধ্যে আদিম পিতৃপুরুষের কাছ থেকে। তাই মানুষের নিজস্ব মনের অন্তরালে চলে দ্বন্দ্ব (Conflict)। এই দ্বন্দ্ব কোন কোন সময়ে অধিশান্তা হয় পরাজিত, আমাদের বাসনা হয় পরিতৃপ্ত, কিন্তু অধিকাংশ সময়ে অধিশান্তা মানে না হার, তাকে বজায় রাখতে হয় নিজের প্রতিপত্তি—সকল দ্বন্দ্বকারী বাসনাকে মনের আরও নিভৃতকোণে নির্বাসন দিয়ে। এই বাসনা নির্বাসনের নামই মনস্তত্ত্বের ভাষায় অবদমন, (Repression)। কিন্তু এই নির্বাসিত বাসনা বন্দীদশাতেও হয়ে থাকে চিরবিত্রোহী—প্রতিক্রমেই করে চলে দ্বন্দ্ব, তাই যখনই আর পারি না আমরা ছই শক্তির ভারসাম্য রাখতে তখনই আমরা ছই—অস্বাস্থ্যকর—এমন কি পাগল।

সাধারণতঃ এই সব অবদমিত বাসনা পরিতৃপ্ত হয় দিবা স্বপ্নে ও স্বপ্নে। স্বপ্নেই মানুষের নিজস্ব বাসনার পরিচয় থাকে সব চাইতে স্পষ্ট। ডাঃ ফ্রয়েড তাই স্বপ্নকে বলেছেন "মনের অচেতনে যাবার প্রথম রাজপথ"। অবশ্য এই স্বপ্নেই অনেক সময় আমাদের দ্বন্দ্ব বিস্তৃত মনের মিত্রাকে রাখে অটুট, কিন্তু স্বপ্নেও এই বাসনার পরিতৃপ্তি একেবারে সোজাসৃজি সম্ভব হয় না, কারণ সজ্ঞান মন নিবৃত্ত হলেও নিজস্ব

মনের রাজত্বের শাসক প্রহরীরা (Censor) হয় না সম্পূর্ণ অলস, তারা বাধা দেয় বাসনাকে নগ্নরূপে এসে হানা দিতে। তাই এই বাধাকে অতিক্রম করে আসতে হয় বাসনাকে নানা প্রক্রিয়া করে—যেমন কৃত্রিমকরণ, সাঙ্কেতিকতা, অবস্থান্তর, নাটন, অভিক্ষেপ ইত্যাদি। আমরা যথেষ্ট প্রকাশিতরূপকে প্রায়ই সব সময় পাই “রূপক রূপে”। তাই কোনও যথেষ্ট বিভিন্ন বিষয় বস্তুকে ভাগ করে তাদের অনুবন্ধ নিয়ে যখন এসে পড়ি যথেষ্ট অন্তর্নিহিতরূপে, তখন দেখতে পাই এ শুধু বাসনারই খেলা। যথেষ্ট এই সব রকম প্রক্রিয়া নিয়ে আলোচনা করা স্থানাভাবে এখানে সম্ভব নয়, শুধু একটা উদাহরণ নিয়ে এটা বোঝবার চেষ্টা করা যাক।

যখন একজন যথেষ্ট দেখলেম যে তাঁকে বাবে তাড়া করেছে। এই যথেষ্ট বিবেচনা করলে দেখা যাবে যে বাস্তবে তাঁর পিতা বা অন্য কোনও শাসকের ভীতিই হচ্ছে এর কারণ। শাসক (authority) নিয়েছে যথেষ্ট বাবের প্রতীক। শিশুদের যথেষ্ট অনেকটা সোজাছবি প্রকাশিত হয়, কিন্তু বয়স্কদের যথেষ্ট প্রায় সময়েই আসে জটীলাকারে।

এই নিজর্মান মনের খেলা আরো নানা দিক থেকে বিস্তার করা যেতে পারে। যেমন দেখি জনের যতাব জনতাতে (crowd) বিশেষ হয়ে যায় অনেক, সময়ে আর এক। সাধারণ জনতার যতাব লক্ষ্য করলে দেখা যায় তার অনেক বৈশিষ্ট্য—যেমন এক বিশেষ কারণ বা লক্ষ্যবস্তুকে নিয়ে গড়ে ওঠা জনতার থাকে প্রবল ভাবাবেগ, আর সাথে সাথে হয়ে যায় অনেক পরিমাণে বুদ্ধিহীন। তাই জনতার মনে মন মিলিয়ে অনেক বিচক্ষণ লোকও করে কেলে দেয় অনেক দারিদ্রহীন কাণ্ড। এরকম কেন হয়? তার কারণ বিবেচনা জিন্দাবার্গ, মাকডুগাল প্রমুখ অনেকে অনেক দিয়েছেন, তার বিশদ বর্ণনা এখানে দরকার নেই। শুধু দেখা যাক নিজর্মান মনও এখানে কতখানি দায়ী। পূর্বেই উল্লেখ করেছি যে আমাদের মনের অচেতনে রয়েছে ‘আদিম যতাব’ বা জনতার মাঝে অন্তর্কে অনুকরণে, একীকরণে ও অন্তের ভাবাবেগের প্রভাবে (Sympathetic Induction) জনতার মাঝে নিজের দারিদ্র এড়াবার সুযোগ নিয়ে হয়ে পড়ে অভিযুক্ত।

আজকে ‘মনস্তত্ত্ব’ নানা ক্ষেত্রেই এগিয়ে গিয়েছে। ‘শিল্প’ ক্ষেত্রেও এগিয়ে আসতে পিছপাও হয় নি। যদিও এই ‘শিল্প’ ক্ষেত্রে ‘মনস্তত্ত্বের’ প্রয়োগ মাত্র বিশ কি পঁচিশ বছর, তবুও এ দিয়েছে উজ্জ্বল ভবিষ্যতের

ইঙ্গিত। আজকের দিনে শিল্পক্ষেত্রে সব চাইতে বড় সমস্যা দেখা দিয়েছে ‘শ্রমিক সমস্যা’ নামাদিক।—শ্রমিক বিক্ষোভ, ধর্মঘট, অনুপস্থিতি, শ্রমিক পরিবর্তন ইত্যাদি, এ সব কারণে ‘শিল্প-বাণিজ্য’ জগতে যে কি বিরাট ক্ষতিসাধন হচ্ছে তার একটা উদাহরণ উল্লেখ করছি তাতে পরিষ্কার বোঝা যাবে। আমেরিকাতে কিমশার ও হান্না এ দু’জনে ১৯৩৪ সালে একটা হিসাব নিয়ে দেখেছেন একমাত্র শ্রমিক পরিবর্তনের ফলে এক বছরে ৯০০০০,০০০ ডলার পরিমাণ অর্থের ক্ষতি হয়েছে। আরো কত ক্ষতিসাধন যে হতে পারে এই ‘শ্রমিক বিক্ষোভের’ ফলে তা বুঝতে আর বেশী চিন্তার প্রয়োজন হয় না। আজকের ‘কলিত মনস্তত্ত্ব’ মনোভাব-পরিমাপক প্রশ্নমালায় প্রয়োগ ও আরও অস্ত্রাস্ত্র পদ্ধতিতে গবেষণা করে দেখেছেন এবং এখানে কলিকাতা বিশ্ববিদ্যালয়ের ‘কলিত মনস্তত্ত্ব’ শাখাও এখানে গবেষণা করে যা পেয়েছেন তাতে দেখা যায় এই শ্রমিকবিক্ষোভের সব চাইতে বড় কারণের সূত্র মেলে ঐ নিজর্মান মনেই, শ্রমিক সাধারণের মনের নিজর্জানে যে হীনতাভাব (Inferiority Complex) জন্মে ওঠে নানা ভাবে তারা অবহেলিত ও অপমানিত হয়ে তারই ফলে দেখা দেয় সংঘাত। “মাহিমা বাড়াও” এই জেহাদ প্রায় সব ধর্মঘটের কারণ বলে প্রতীয়মান হলেও মনস্তাত্ত্বিক কারণ বেশীর ভাগ ক্ষেত্রে ওটা নয়।

আবার রাজনীতি ক্ষেত্রেও এই নিজর্মান মনের প্রভাবকে আবিষ্কার করা কঠিন নয়। সাধারণ যুক্তিবাদের ওপরে অনেক সময়েই হান পায় মানুষের মনের অন্তর্নিহিতে বর্তমান পুঞ্জীভূত সংস্কার (Prejudice)। এই কৌশলকে অবলম্বন করে রাজনীতি ক্ষেত্রেও অনেক কিছুই সম্ভব হচ্ছে আজও, তাই রাজনীতির সব চাইতে বড় অস্ত্র হল “প্রচার”। এই প্রচার সব চাইতে সাকল্য লাভ করে যখন সামান্য যুক্তির আবরণে গা ঢাকা দিয়ে চলে যেতে পারে মানুষের নিজর্মান মনের ভিত্তিতে। উদাহরণ স্বরূপ বলা যেতে পারে যে নাৎসী জার্মানীতে ৯৫% জন শিক্ষিত হয়েও হিটলারকে তারা নিজেদের ত্রাণকর্তা বলে মনে করত, নাৎসীদের প্রচারকার্যের ফলে। এই ভাবে আমরা সর্বদিক থেকেই দেখতে পাই নিজর্মান মনের গুরুত্ব ও প্রভাব।

পদার্থবিজ্ঞান যেমন ‘ইথারের’ অস্তিত্ব স্বীকার করে মিতে হয়েছে তার প্রত্যক্ষ জ্ঞান ছাড়াই তা না হলে অনেক সমস্যা হয় না সমাধান, তেমনি নিজর্মান মনকে স্বীকার ছাড়া বহু প্রশ্ন থাকে অসীমাসিত।



শ্রীগীতগোবিন্দে পাঠভেদ

শ্রীহরেকৃষ্ণ মুখোপাধ্যায় সাহিত্যরত্ন

শ্রীগীতগোবিন্দের মত একখানি বহুল-প্রচারিত গ্রন্থে পাঠভেদ থাকা স্বাভাবিক। বিভিন্ন দেশে প্রচলিত একই গ্রন্থের ভিন্ন ভিন্ন পাঠ প্রায়ই দেখিতে পাওয়া যায়। কিন্তু শ্রীগীতগোবিন্দে পাঠভেদ অত্যন্ত অল্প। অথচ আটশত বৎসর পূর্বে রচিত এই গ্রন্থখানি সারা ভারতবর্ষে আজিও সমান সমাদৃত।

শ্রীগীতগোবিন্দের সঙ্গীতগুলির রূপান্তর ঘটয়াছে বলিয়া মনে হয় না। পাঠান্তর পাওয়া যায়—শ্লোকের মধ্যে, শ্লোকের সংখ্যারও ন্যূনাধিক্য ঘটয়াছে। বঙ্গীয় সংস্করণ অপেক্ষা বোম্বাই নির্ণয়সাগরযন্ত্রে মুদ্রিত সংস্করণে কয়েকটি শ্লোক অধিক আছে। আবার বাঙ্গালায় প্রচলিত গ্রন্থের বাঙ্গালী টীকাকারগণও কেহ কেহ কোন কোন শ্লোক ব্যাখ্যা করেন নাই। উদাহরণস্বরূপ সর্গান্ত শ্লোকগুলির উল্লেখ করিতে পারি।

বাঙ্গালী টীকাকারগণের মধ্যে বোধ হয় ধৃতিদাস বৈষ্ণব যোজ্যেষ্ঠ। নিত্যধামগত রসিকমোহন বিদ্যাভূষণ মহাশয় তৎসম্পাদিত শ্রীগীতগোবিন্দের ভূমিকায় নারায়ণ দাসের সময় নিরূপণ করিয়াছেন। “বহুবাহু ভুবন গণিতে শাকে” ৮৫১৪ = ১৪৫৮ শকাব্দায় রমানাথ শর্মা “মনোরমা” নামে ‘কাতন্ত্র ধাতুবৃত্তি’ রচনা করেন। রমানাথ ‘ৎসর’ ধাতু ব্যুৎপন্ন পদ প্রয়োগ বিচারে শ্রীগীতগোবিন্দের ‘ছলয়সি বিক্রমণে বলিমন্তুতবামন’ পদ উদ্ধার ও তৎপ্রসঙ্গে নারায়ণ দাসের টীকার উল্লেখ করিয়াছেন। রমানাথ শ্রীমন্ মহাপ্রভুর সম-সাময়িক। নারায়ণ দাস ঠাঁহার পূর্ববর্তী। নারায়ণ দাস শকাব্দার চতুর্দশ শতকে বর্তমান ছিলেন বলিয়া অনুমিত হয়। নারায়ণ দাস স্বপ্রণীত ‘সর্কাদ সুন্দরী’ টীকায় পদ্মাবতী শব্দের ব্যাখ্যায় ধৃতিদাসের টীকা হইতে উদাহরণ উদ্ধৃত করিয়াছেন—“শৃঙ্গারিষকেত্যাহ ধৃতিদাসস্তদ সমীক্ষিতা বিধানম্”। সূত্রাং শকাব্দার ত্রয়োদশ শতকে ধৃতিদাসের জীবৎকাল অনুমান করা চলে। ধৃতিদাসের টীকার নাম ‘সন্দর্ভ-দীপিকা’। প্রতি সর্গের শেষে—“ইত্যাহান চতুরানন বিশ্বাস বৈষ্ণু শ্রীধৃতিদাস

বিরচিতায়াঃ সন্দর্ভদীপিকায়াঃ শ্রীগীতগোবিন্দ টীকায়াঃ” এইরূপ লেখা আছে। বঙ্গবর পণ্ডিত শ্রীযুক্ত দীনেশচন্দ্র ভট্টাচার্য মহাশয় “ইত্যাহান চতুরানন”—কথা কয়েকটি হইতে অনুমান করেন ধৃতিদাস কোন রাজসভাসদ ছিলেন।

ধৃতিদাস এবং নারায়ণদাসের টীকায় সর্গান্ত শ্লোকের ব্যাখ্যা নাই। এশিয়াটিক সোসাইটির (নারায়ণ দাসের টীকায়ুক্ত) পুঁথিতে সর্গান্ত শ্লোকের ব্যাখ্যা আছে, কবির পরিচয়-শ্লোকের ব্যাখ্যা নাই। রসিকমোহন বিদ্যাভূষণ সংগৃহীত টীকায় এবং বাঁকুড়া জেলার ভাটুল গ্রাম-নিবাসী শ্রীযুক্ত মহেন্দ্রনাথ পালিত মহাশয়ের সংগৃহীত ১৫৬৫ শকাব্দায় অমূল্যলিখিত পুঁথিতে নারায়ণদাসের টীকায় সর্গান্ত শ্লোক ও কবির পরিচয়-শ্লোক ব্যাখ্যাভূত হয় নাই। ডক্টর শ্রীযুক্ত সুনীলকুমার দে মহাশয় বলেন, সর্গান্ত শ্লোকগুলি সন্দেহজনক। কারণ মৈথিল পণ্ডিত শঙ্কর মিশ্রও স্বপ্রণীত রসমঞ্জরী টীকায় শ্লোকগুলির ব্যাখ্যা করেন নাই এবং রাণা কুন্ত রসিকপ্রিয়া টীকায় চতুর্থ সর্গের অন্ত-শ্লোকের ব্যাখ্যায় বলিয়াছেন—“প্রবন্ধ পৃথিবী তত্র প্রবন্ধ প্রীতয়ে হরেঃ”।

আমার মনে হয় রাণা কুন্ত বোধ হয় একটি প্রবাদের ভিত্তিতে এইরূপ মন্তব্য করিয়াছেন। প্রবাদটি এই (সংস্কৃত ভক্তমাল)—পুরীর রাজা একখানি গীতগোবিন্দ প্রণয়ন করেন। কোন গ্রন্থ অগম্য দেবের প্রিয়, পরীক্ষার জন্য জয়দেব রচিত ও স্বরচিত গ্রন্থ দুইখানি জগন্নাথ মন্দিরে রাখিয়া ছয়ার বন্ধ করিয়া দেন। ছয়ার খুলিলে দেখা যায়—জয়দেবের গ্রন্থ উপরে ও রাজার গ্রন্থ নীচে রহিয়াছে। ইহাতে রাজা দুঃখিত হইলে দৈববাণী হয়—

জয়দেবকৃত গ্রন্থ ছাদশ যে সর্গে।

তবকৃত বার শ্লোক থাকিবেক অগ্রে ॥

উড়িষ্যার অধীশ্বর গঙ্গপতিরাজ পুরুষোত্তমদেবের রচিত একখানি গীতগোবিন্দের পরিচয় পাওয়া যায়—“অতিনব

গীতগোবিন্দ”। হয়তো এই গ্রন্থ লইয়াই প্রবাদের উৎপত্তি এবং রাণা কুস্তের টীকায় এই প্রবাদের ইঙ্গিত রহিয়াছে।

বদেখর দহুজমর্দনদেব ও তৎপুত্র যছ বা জলালউদ্দীনের সভাপণ্ডিত রাচের রায়মুকুট বৃহস্পতি মিশ্র একজন খ্যাতনামা পণ্ডিত। তিনি গীতগোবিন্দের টীকায় সর্গাস্ত শ্লোকের ব্যাখ্যা করিয়াছেন, কিন্তু কবির পরিচয়-শ্লোকের ব্যাখ্যা করেন নাই। শ্রীমহাপ্রভুর অনতিপরবর্তী বিখ্যাত টীকাকার পূজারী গোস্বামী সর্গাস্ত শ্লোক তথা কবির পরিচয় শ্লোকেরও ব্যাখ্যা করিয়াছেন। বৃহস্পতি মিশ্র পাঁচশত বৎসরেরও পূর্বে বর্তমান ছিলেন। পূজারী গোস্বামীর বয়স চারিশত বৎসরের বেশী নহে।

আমাদের মতে শ্রীগীতগোবিন্দের সঙ্গীত ও অপরাপর শ্লোকগুলির মত সর্গাস্ত শ্লোকগুলিও কবি জয়দেবের রচিত। জয়দেবের প্রায় সম-সময়েই ১১২৭ শকাব্দায় সত্রাট লক্ষণ সেনের মহাসামন্ত বহুদাসের পুত্র শ্রীধরদাসের “সঙ্কলিত সঙ্কটিকর্ণামৃতে” জয়দেব রচিত একত্রিশটি শ্লোকের মধ্যে শ্রীগীতগোবিন্দের পাঁচটি শ্লোক উদ্ধৃত আছে। তন্মধ্যে—

“জয়শ্রী বিভ্রমৈর্মহিত ইব মন্দারকুসুমৈঃ ॥

(সঙ্কটিকর্ণামৃত ॥ ১।৫৯।৪ ॥ কৃষ্ণভুজঃ ॥)

শ্লোকটি শ্রীগীতগোবিন্দের একাদশ সর্গের অন্তিমশ্লোক। আমাদের নিশ্চয়তার আরো একটি কারণ, সর্গাস্ত শ্লোক-গুলি গুঢ়ার্থ ব্যঞ্জক। প্রতি সর্গের বিষয়বস্তুর সঙ্গে— এমন কি সর্গের নামের সঙ্গেও এই সমস্ত শ্লোকের ঘনিষ্ঠ সম্বন্ধ রহিয়াছে। উদাহরণস্বরূপ উদ্ধৃত শ্লোকটিই গ্রহণ করিতেছি। একাদশ সর্গের নাম “সানন্দ গোবিন্দ”। সর্গের বর্ণনীয় বিষয় শ্রীরাধার অভিসার। শ্রীরাধাকে কুঞ্জে অভিসার করিতে দেখিয়া গোবিন্দ আনন্দিত হইয়াছেন। উদ্ধৃত শ্লোকে কৃষ্ণভুজের বর্ণনা আছে। যে বাহুগল শ্রীরাধাকে আলিঙ্গনের জন্ত লালায়িত, সেই ভুজস্বয় সাক্ষাৎ অস্তকসদৃশ কুবলয়াপীড় হস্তীর মূর্ত্য-পূর্ব-বসিত রক্তবিন্দুতে মণ্ডিত হইয়াছে। অর্থাৎ এ হেন চঞ্চলভুজস্বয়গালা শ্রীকৃষ্ণ শ্রীরাধাকে আলিঙ্গনের জন্ত সানন্দে প্রতীক্ষা করিতেছেন। প্রত্যেক সর্গাস্ত শ্লোকেরই এইরূপ ব্যঞ্জনা রহিয়াছে। শ্রীমহাগর্ভের মধ্যেও এই জাতীয় শ্লোক পাওয়া যাইতেছে। দশম স্কন্ধের ষড়বিংশ অধ্যায়ের শেষ শ্লোকটি এইরূপ—

দেবে বর্ষতি বজ্র বিপ্রবক্রবা বজ্রাশ্ব পরুধানিলৈঃ

সীদৎ পালপশু দ্বিযাত্ম শরণং দৃষ্টাশু কম্পাৎ শ্বয়ন্।

উৎপাটোক করেণ শৈলমবলো লীলোচ্ছ্রীলীক্লং বধা

বিভ্রৎ গোষ্ঠমপাং মহেজ্জমদভিদু শ্রীয়ায় ইল্লো গবাং ॥

সর্গের নাম সকল পুঁথিতে একরূপ নহে। বঙ্গীয় সংস্করণের প্রথম সর্গের নাম ‘সামোদ দামোদর’। বোম্বাই নির্ণয়সাগর সংস্করণেও এই নাম গৃহীত হইয়াছে। কিন্তু বৃহস্পতি মিশ্রের টীকাসংযুক্ত পুঁথিতে এই সর্গের নাম ‘মুগ্ধমনোহর’। নারায়ণ দাসের ও বৃহস্পতি মিশ্রের টীকা সংযুক্ত পুঁথি, ছইখানিতে চতুর্থ সর্গের নাম ‘শিখ-মাধব’, অন্তান্ত পুঁথিতে নাম ‘শিখ-মধুসূদন’। বোম্বাই নির্ণয়সাগর সংস্করণে, বৃহস্পতি মিশ্র ও নারায়ণদাসের টীকা সংযুক্ত পুঁথিতে দশম সর্গের নাম চতুর ‘চতুর্ভুজ’। অন্তান্ত পুঁথিতে নাম ‘মুগ্ধ মাধব’।

প্রচলিত বঙ্গীয় সংস্করণের সঙ্গে অনেক প্রাচীন পুঁথির শ্লোক বিভ্রাসের ঐক্য নাই। প্রচলিত সংস্করণে প্রথম সর্গে “দরবিদলিত মল্লী” শ্লোকের পর “আত্মোৎসঙ্গ” শ্লোক, তাহার পরে “উন্মীলন মধু গন্ধ” শ্লোক আছে। বৃহস্পতি মিশ্রের টীকাসংযুক্ত পুঁথিতে “দরবিদলিত মল্লী”র পর “উন্মীলনমধুগন্ধ” শ্লোক এবং তাহার পর “আত্মোৎসঙ্গ” শ্লোক আছে। এইরূপ অপর দুই একটি সর্গেও দেখিয়াছি। চতুর্থ সর্গে “গণয়তি বিহিত” শ্লোকে বৃহস্পতি মিশ্র পাঠ ধরিয়াছেন—“কলয়তি বিহিত” “কন্দর্প জর সংজরাতুর” স্থলে পাঠ “সংজরাকুল” ষাদশ সর্গে “প্রত্যাহঃ পুলকাকুরেণ” স্থলে সঙ্কটিকর্ণামৃতে পাঠ “উন্মীলৎ পুলকাকুরেণ” “তস্তাঃ পাট স্থলে সঙ্কটিকর্ণামৃতে পাঠ অস্তাঃ”।

ষাদশ সর্গের প্রচলিত

ইতি মনসা নিগদন্তঃ সুরতাশ্চে সা নিতান্তধিমানী।

রাধা জগাদ সাদরমিদমানন্দেন গোবিন্দম্ ॥

এই শ্লোকের পরিবর্তে বৃহস্পতি মিশ্র নীচের শ্লোকটি গ্রহণ করিয়াছেন—

অথ কাস্তং রতিক্রান্তমপি মণ্ডন বাহুয়ন্।

নিজগাদ নিরাবাধা রাধা স্বাধানভর্ষকা ॥

বৃহস্পতি মিশ্র ও নারায়ণ দাস ষাদশ সর্গের “মীলদৃষ্টি

মিলং” এবং “ব্যালোগ: কেশপাশ” শ্লোক ব্যাখ্যা করেন নাই।

বঙ্গীয় সংস্করণের একাদশ সর্গের “ভঙ্গস্যান্তান্তঃ” শ্লোকের পর নির্ণয়সাগর প্রকাশিত পুস্তকে এই শ্লোকটি আছে—

সানন্দং নন্দসুহৃদিশতুমিতিপরং সংমদং মন্দমন্দং
রাধামাধায় রাহোবিসবরমহুদৃঢ়ং পীড়য়ন্ প্রীতিযোগাৎ ।
ভুক্তৌ তস্তা উরোজাবতহু বরতনোনিগতো মাস্বভূতাং
পৃষ্ঠং নির্ভিণ্ড তস্মাদ্বহিরিতি বলিত গ্রাবমালোকয়ন্ বঃ ॥

বঙ্গীয় সংস্করণের একাদশ সর্গোক্ত “জয়শ্রীবিভূতৈঃ” এই শ্লোকের পর নির্ণয় সাগর পুস্তকে এই শ্লোকটি আছে—

সৌন্দর্যৈকনিধেরনঙ্ ললনা লাবণ্য লীলা পুষো
রাধায়া হৃদিপঙ্খলে মনসিজ ক্রীড়ৈক রঙ্গস্থলে ।
রম্যোরোজ সরোজ খেলন রসিতাদাত্মানঃ ক্যাপয়ন্
ধ্যাতুর্মানসরাজহংস নিভতাং দেয়াশুকুন্দো মুদং ॥

বঙ্গীয় সংস্করণের দ্বাদশ সর্গে কবির পরিচয়েই গ্রন্থ শেষ হইয়াছে। নির্ণয়সাগর পুস্তকে তাহার পর এই শ্লোকটি আছে—

ইথং কেলিততীর্বিহৃত্য যমুনা কূলে সমং রাধয়া
তদ্রোমাবলি মৌক্তিকাবলি যুগে বেণীভ্রমং বিভ্রতি ।
তত্রাহ্লাদি কুচপ্রয়াস ফলয়ো লিপ্সাবতো হস্তয়ো
ব্যাপারাঃ পুরুষোত্তমশ্চ দদতু স্বীতাঃ মুদাং সম্পদম্ ॥
বঙ্গীয় সকল সংস্করণে নীচের শ্লোকটি পাওয়া যায় না।
কোন কোন টীকাকারও শ্লোকটির ব্যাখ্যা করেন নাই।
স্বামপ্রাপ্য ময়ি স্বয়ম্বরপরাং স্বীরোদ তীরোদরে
শক্রে সুন্দরি কালকুটমপিবশুচো মৃড়ানী পতিঃ ।
ইথং পূর্ষকথাভিরন্ত মনসো নিক্শিপ্য বন্ধেৎ ঋলং
রাধায়া স্তন কোরকোপরি মিল মেত্রো হরিঃ পাতুবঃ ॥
বৃহস্পতি মিশ্রের টীকা সংযুক্ত পুঁথিতে কয়েকটি নূতন শ্লোক আছে। দুইটি শ্লোক একেবারে অস্পষ্ট। অপর শ্লোক উদ্ধার করিয়া দিলাম। “যদ্ গান্ধর্ব কলাসু” শ্লোকের পরই নিম্নের শ্লোকটি রহিয়াছে।

জয়শ্রী কান্তশ্চ প্রসরতর সারস্বত বত
সুরস্বন্দে গোবর্ধনচরণরেণু প্রণয়িনঃ ।
ইয়ং মে বৈদগ্ধী স্বরতরল বালাধর সুধা
রসস্বন্দ স্বাহু জয়তি জয়দেবশ্চ কবিতা ॥

ভারত-আমেরিকার কাব্য-বন্ধন

শ্রীসন্তোষকুমার চট্টোপাধ্যায়

উনবিংশ শতাব্দীর আমেরিকার সর্বাগ্রগণ্য কবি, সাহিত্যিক ও দার্শনিকের উপর প্রাচীন ভারতীয় কৃষ্টি, সাহিত্য ও দর্শনের যে প্রভাব পড়েছিল সে কথা আজ মনে করতে কেবল যে আনন্দই হয় তা নয়, বেশ একটা গৌরবও সেই সঙ্গে মনকে ভরিয়ে তোলে। আজ ভারত স্বাধীন, কিন্তু সেকালে এদেশে ইংরেজের আধিপত্য বেশ কায়েমি হয়ে গিয়েছে। এক পরাধীন জাতির সাহিত্য-দর্শন, কলা-কৃষ্টি যে এক পশ্চিমী দেশের বাস্তবপন্থী মনের উপর কোন আচড় কাটতে পারে তা আমরাই সেকালে, বুঝতে পারা দূরে থাকুক, ভাবতেও পারিনি। দার্শনিক এমার্শন উপনিষদের অতীন্দ্রিয়তা উপলব্ধি করতে পেরেছিলেন। চিন্তাসেবী খোরো ভারতীয় ভাবধারায় এক অন্তঃস্পর্শী সৌন্দর্য লক্ষ্য করেছিলেন। কবি হুইটম্যান ভারতীয় সাহিত্য-দর্শনের আদর্শ সমস্ত মন দিয়ে গ্রহণ করেছিলেন। জগতের সত্যতার ঐ আদর্শ যে এক অমূল্য সম্পত্তি তা হুইটম্যানই প্রচার করেন সদর্পে। ১৮৭১ খৃষ্টাব্দে একটা ছোট কবিতার বই প্রকাশিত হয়। এ বইয়ে থাকে মাত্র একটা

কবিতা, তার নাম “প্যাসেজ টু ইণ্ডিয়া” (ভারত-যাত্রা)। যে ঘটনা সমাবেশকে অবলম্বন করে কবিতাটি লেখা হয় তা হচ্ছে এক কথায় পশ্চিমের সঙ্গে পূর্বের যোগাযোগ। ইয়ুরোপে সুরেন্দ্র খাল কাটা, আর আমেরিকার “প্রশান্ত মহাসাগর” রেলপথ স্থাপনা ঐ দুই ব্যবস্থাই পূর্ব আর পশ্চিমের সম্পর্ক ঘনিষ্ঠতর করে তোলার পথ উন্মুক্ত করে দেয়। পূর্ব-পশ্চিমের মেলামেশায় পৃথিবীতে যে এক বিরাট একক সত্যতার জন্ম হ’তে পারে সে-স্বপ্ন দেখেন হুইটম্যান। ঐ মবজাত সত্যতার প্রতীচ্যের বাস্তবতা আর প্রাচ্যের আত্মজ্ঞান এই দুয়ের হ’বে সম্মেলন। প্রতীচ্য ও প্রাচ্যের ঐ সম্মেলন পরমপিতার ইচ্ছানুসারেই হ’বে, আর সেই উদ্দেশ্যেই প্রতীচ্যের বিজ্ঞানী সুরেন্দ্র খাল কেটেছেন, আর যুক্তরাষ্ট্রে “প্রশান্ত-মহাসাগর” রেলপথ উন্মোচন করেছেন। প্রাচ্য-প্রতীচ্যের সংযোগ, তাদের মধ্যে আত্মবোধ ভগবানের নির্দেশ অনুযায়ী বিজ্ঞানীর প্রচেষ্টায় ঘটতে চলেছে। সে-অবস্থায় প্রতীচ্যের উপলব্ধি হওয়া প্রয়োজন যে প্রাচ্যে এবং বিশেষ করে ভারতবর্ষে, কি এক

বিশেষ কৃষ্টি, কি এক স্বয়ংসম্পূর্ণ আত্মজ্ঞানী সভ্যতার বিকাশ হয়েছে। ঐ কৃষ্টি-সভ্যতা ভবিষ্যৎ জগতের কৃষ্টি-সভ্যতাকে এক বিশেষ রূপে, এক বিশেষ আদর্শে গড়ে তুলতে সমর্থ। হইটম্যান তাঁর “ভারত-যাত্রা” কবিতায় ঐ কথাই বলেছেন এক চরম উপলক্ষের পর। ভারতে আসার পথ আবিষ্কার হওয়ার মূল সার্থকতা হলো এমন এক পুরাতনী আদর্শকে আবিষ্কার করা, যা’র মাঝে এক নতুন যুগের বীজ আছে সুপ্ত হ’য়ে। ভারতযাত্রার উদ্দেশ্যই হ’লো বিশ্বৃত জ্ঞানের উদ্ধার। এ যাত্রার প্রতীচ্য প্রাচ্যের কোলে, যেমন ছোট ভাই বড় ভাইয়ের সঙ্গে আশ্রয় লাভ করবে।

উনবিংশ শতাব্দীর শেষভাগে প্রতীচ্য প্রাচ্যের সন্ধানে নতুন নতুন সহস্র পথ আবিষ্কার করে। সেই পথে প্রাচ্যে গিয়ে ভারতীয় দর্শন-সাহিত্য, শিল্পকৃষ্টির নানা অভিব্যক্তি সংগ্রহ করে এক নতুন আন্তর্জাতিক সভ্যতা-কৃষ্টির সৃষ্টি করার জন্য এক উদাত্ত আহ্বান প্রতীচ্যের দেশে দেশে ছড়িয়ে দেন আমেরিকার কবি ওয়াস্ট হইটম্যান। সে আহ্বানে সক্রিয় সাড়া পাওয়া যায়নি সত্য, কিন্তু প্রতীচ্যের বুদ্ধিজীবীরা ভারত সম্বন্ধে অসুসন্ধানী ও অন্ধাঙ্গীল হ’য়ে পড়েন। তাই বিংশ শতাব্দীর প্রথম দিকেই ভারতীয় কবি রবীন্দ্রনাথ ইংরেজী ভাষায় অনুদিত যে “গীতাঞ্জলী” উপহার প্রতীচ্যকে প্রদান করেন, তা’ প্রতীচ্য সাদরেই গ্রহণ করে। লণ্ডনের “ইণ্ডিয়া সোসাইটি” ১৯১২ খৃষ্টাব্দের নভেম্বর মাসের পহেলা তারিখে “গীতাঞ্জলী” নামে ৭৫০ খানা বইয়ের এক বিশেষ সংস্করণ প্রকাশিত হয়। এ বইয়ে কবির “নৈবেদ্য,” “খেয়া” আর “গীতাঞ্জলী” থেকে গৃহীত ১৮৮টি বাংলা কবিতার ইংরেজী অনুবাদ সন্নিবেশিত হয়। বইয়ের পরিচিতি লেখেন আয়র্লণ্ডের প্রসিদ্ধ কবি ইয়েটস্। আর বইয়ের গোড়াতেই কবির যে প্রতিকৃতি দেওয়া হয় তা’ আঁকেন লণ্ডন রয়েল কলেজ অফ আর্টসের অধ্যক্ষ রথেন্টিন্। লণ্ডনে “গীতাঞ্জলী” প্রকাশিত হওয়ার চারদিন আগে কবি আমেরিকার নিউ ইয়র্ক সহরে পৌঁচেছেন। নিউ ইয়র্ক থেকে কবি সোজা চলে যান ইলিনইস্ রাষ্ট্রের উরবানা সহরে। ঐ রাষ্ট্রে কবি নভেম্বর—ডিসেম্বর মাস এবং জানুয়ারীর কয়েকদিন নানা গীর্জায় অতীন্দ্রিয় বিষয়ে বক্তৃতা দান করেন। চিকাগো সহর থেকে প্রকাশিত “পোয়েট্রি” (কবিতা) নামক এক মাসিক পত্রিকার ডিসেম্বর সংখ্যায় ইংরেজীতে অনুদিত হ’টি “গীতাঞ্জলী” কবিতা প্রকাশিত হয়। “পোয়েট্রি” পত্রিকার সম্পাদক ছিলেন এজরা পাউণ্ড। পাশ্চাত্য দেশে কবি রবীন্দ্রনাথের কবিতা প্রথম সাময়িক পত্রে প্রকাশিত হয় “পোয়েট্রি”তে। ইলিনইস রাষ্ট্রে ভ্রমণ পূর্ব শেষ করে কবি যান চিকাগো সহরে; সেখানে বিশ্ববিদ্যালয়ে “প্রাচীন ভারতীয় সভ্যতা” সম্বন্ধে বক্তৃতা দেন, তারপর সহরের ইউনিটারিয়ান হলে “অজ্ঞানের সমস্তা”র উপর আলোচনা পাঠ করেন। এরপর কবি যান রচেস্টার সহরে, সেখানে আন্তর্জাতিক মহাসম্মেলনের অধিবেশন হয়। এখানে আত্মাণ দার্শনিক রুডল্ফ হুকের সহিত কবির পরিচয় ঘটে। ১৯১৩ খৃষ্টাব্দের ৩০শে জানুয়ারী তারিখে ভারতীয় কবি “আন্তর্জাতিক বিরোধ”এর উপর এক সারগর্ভ বক্তৃতা দেন। এরপর

কবি যান বোষ্টন সহরে, সেখানে বিশ্বসমাজের সঙ্গে কবি আলাপ-আলোচনা করেন। এরপর কবির আমেরিকা ভ্রমণের এক বিশেষ অধ্যায় রচিত হলো হারভার্ড বিশ্ববিদ্যালয়ে পর পর গোটা কয়েক বক্তৃতা দেওয়ায়। পরে এসব বক্তৃতা প্রকাশিত হয় “সাধনা” নামক পুস্তকে।

কবির আমেরিকা ভ্রমণের প্রথম পর্যায় শেষ হয় হারভার্ড বিশ্ববিদ্যালয়ে বক্তৃতা দেওয়ার পর। এরপর রবীন্দ্রনাথ দ্বিতীয় বারের জন্য আমেরিকায় যান ১৯১৬ খৃষ্টাব্দের সেপ্টেম্বর মাসে। এবারে “পণ্ড লাইসিয়াব” নামক বিশিষ্ট বক্তৃতা-ব্যবস্থা প্রতিষ্ঠানের সঙ্গে চুক্তিবদ্ধ হয়ে কবি আমেরিকার নানা স্থানে বক্তৃতা দেওয়ার উদ্দেশ্যে ওয়াশিংটন সহরে প্রথম পদার্পণ করলেন। প্রথম বক্তৃতা দেন আমেরিকার নারীদের এক সম্মেলনে; তাঁর বক্তৃতার বিষয়বস্তু ছিল “জাতীয়তাবাদ।” ঐ বক্তৃতায় তিনি ভারতে বৃটিশ শাসনের বিরুদ্ধে নানা যুক্তির অবতারণা করেন, পাশ্চাত্য দেশগুলোর সাম্রাজ্যলিপ্সুর প্রতি কটাক্ষপাত করেন।

তারপর কবি পোর্টল্যান্ড, সানফ্রান্সিস্কো, লস এঞ্জেলিস ও নিউইয়র্ক সহরে পর পর বক্তৃতা দেন। সানফ্রান্সিস্কোতে কবির বক্তৃতার বিষয়বস্তু ছিল “আন্তর্জাতিক ভ্রাতৃত্ববোধ।” নিউইয়র্ক সহরের কলম্বিয়া থিয়েটার হলে তাঁর এক ছোট গল্পের অনুবাদ পাঠ করেন। এরপর ভ্রমণ তালিকা তৈরী হয় পাসাডেনা, সেন্ট লেক সিটি, চিকাগো, আইওয়া, মিলওয়াক্কি, লুসেভিল এবং ডেট্রয়েট সহর নিয়ে। ডেট্রয়েট সহরে “জাতীয়তাবাদ” সম্বন্ধে কবি যে আলোচনা করেন আমেরিকার পত্রিকা মহল সে আলোচনার তীব্র সমালোচনা করেন। সে সমালোচনার প্রধান বক্তব্য ছিল যে ‘কবি “মিষ্টি কথার অবসাদগ্রস্ত মনের বিষ” উল্লেখ করেছেন মাত্র। কবি কিন্তু ঐ সমালোচনার বিশেষ বিব্রত হলেন না। তাই ক্রিভল্যাণ্ডে যে বক্তৃতা দেন তা’তে আমেরিকার “স্বর্ণলোভের” প্রতি কটাক্ষপাত করেন। নিউইয়র্ক সহরের কার্পাগি হলে কবি এসিয়াবাসীর প্রতি আমেরিকার বিষে ও বিক্রপকে শ্রোতাদের সামনে ধরে দিতে চেষ্টা করেন। ফিলাডেলফিয়ায় “ব্যক্তিভবাদের” উপর বক্তৃতা করেন। এ ভাবে বক্তৃতা দেওয়ার তালিকার শেষ সহরের নাম এসে পড়লো, নিউইয়র্ক। তারপর ১৯১৬ খৃষ্টাব্দের ডিসেম্বর মাসে। কবি দেশে ফিরে এলেন।

প্রায় চার বছর পর ১৯২০ খৃষ্টাব্দের অক্টোবর মাসে কবি গিয়ারসনকে সঙ্গে নিয়ে আমেরিকায় যান। ইয়োরোপেই গিরেছিলেন বেড়াবার জন্তে; পরে লণ্ডন থেকে কবি যান নিউইয়র্ক সহরে। কবির ঐ তৃতীয়বারের আমেরিকা ভ্রমণ। ফ্রঙ্কলিন সঙ্গীত শিক্ষায়তনে কবি “প্রাচ্য-প্রতীচ্যের মিলন” সম্বন্ধে সারগর্ভ আলোচনা করেন। ফিলাডেলফিয়ার নারী বিশ্ববিদ্যালয়ে “বাংলার দার্শনিক (মিস্টিক) কবি” ও নিউইয়র্ক সহরে “কবির ধর্ম” সম্বন্ধে কবি বক্তৃতা দেন। কবি চেষ্টা করেন বিশ্বভারতীয় জন্ত টাকা তুলতে, কিন্তু চরম বিফলতা এসে দাঁড়ায় তাঁর সামনে। এর পর কবি যান চিকাগো সহরে; পরে টেক্সাস্ রাষ্ট্রে বক্তৃতা দেওয়ার উদ্দেশ্যে কিছুকাল ভ্রমণ করে বেড়ান। ১৯২১ খৃষ্টাব্দের মার্চ মাসের তৃতীয় সপ্তাহে ইয়োরোপে ফিরে আসেন।

কবি চতুর্থবার আমেরিকা যাত্রা করেন ১৯২৪ খৃষ্টাব্দের সেপ্টেম্বর মাসের মাঝামাঝি সময়ে। সঙ্গে নেন এলমহাষ্ট্র'সাহেবকে। এবার কবি যান দক্ষিণ আমেরিকায়। পেরু রাষ্ট্রের শতবার্ষিকী উৎসব এ'বৎসর হয়। কবি পূর্বাভেই নিমন্ত্রণ পান, সেই নিমন্ত্রণ রক্ষা করবার জন্ত যান কিন্তু অস্থস্থ হয়ে পড়ার জন্তে তিনি কোন বক্তৃতাই করতে পারেন না।

১৯২৬ খৃষ্টাব্দের ফেব্রুয়ারী মাসের শেষাংশে সময়ে কবি কানাডা যাত্রা করেন কলকাতা থেকে। কানাডার জাতীয় শিক্ষা পরিষদ কবিকে আমন্ত্রণ পাঠান তৃতীয় বার্ষিক আলোচনা সভায় বক্তৃতা দেবার জন্তে। কবি দু'দিন দু'টি বক্তৃতা দেন। প্রথমটি “অবসরের সার্থকতা”; আর দ্বিতীয়টি “সাহিত্যের ধর্ম”। কবি “অবসর”-এর এক অপূর্ব দার্শনিক ব্যাখ্যা করেন।

“সাহিত্য-ধর্মের” উপর বক্তৃতাও খুবই মনোজ্ঞ হয়। এপ্রিলের মাঝামাঝি পর্যন্ত সময় কবি কানাডায় অবস্থান করেন। আরও কয়েকটি স্থানে বক্তৃতা দেন। পরে আমেরিকার হারভার্ড, কলম্বিয়া, ক্যালিফোর্নিয়া ও ডেট্রয়েট বিশ্ববিদ্যালয়গুলোর নিমন্ত্রণ পেয়ে লস এঞ্জেলিস সহরে যান। ইতিমধ্যে কবির পাসপোর্ট হারিয়ে যাওয়ার এমন এক অদ্ভুত অবস্থার সৃষ্টি হয় যে কবি এবারের আমেরিকা ভ্রমণ বন্ধ করে দিয়ে দেশে ফিরে আসেন। আমেরিকার সরকার কবিকে যে নতুন পাসপোর্ট দেন তাতে লেখা থাকে—যে এই অনুমতি-পত্র এশিয়াবাসী অশ্বেতকায় (কাল আদমি) জনসাধারণের এক

বিশিষ্ট ঐতিহাসিকে বিশেষ ব্যবহার দান করা গেল। কবি ঐ বিশেষ ব্যবস্থা গ্রহণ করতে রাজী হলেন না, কারণ ঐ ব্যবহার সঙ্গে আচ্যের প্রতি আমেরিকার চরম বিক্রম প্রকট হয়েছিলো। কবি ফিরে এলেন জাপানে। এরপর কবির আর আমেরিকা যাওয়া ঘটেনি।

আজ ভারত স্বাধীন রাষ্ট্র। রাজনৈতিক ক্ষেত্রে আমেরিকার সঙ্গে এদেশের যোগাযোগ খুবই দৃঢ়। আজ কবিকে পাসপোর্ট নিয়ে কোন অপমান সহ্য করতে হতো না। কিন্তু যে-দেশের দার্শনিক এমাস'ন, কবি হইটম্যান ভারতবর্ষের দর্শন, ইতিহাস, সভ্যতা সম্বন্ধে এককালে শ্রদ্ধাবান সেই দেশই কিনা ভারতের আন্তর্জাতিক কবি রবীন্দ্রনাথকেও 'কাল আদমি' ছাড়া আর কোন জাবে দেখতে চায়নি। এ' পরিতাপের বিষয় সন্দেহ নেই। যাই হোক, এ' অদ্ভুত ব্যবহার ক্ষতিপূরণ হিসেবেই এশিয়াবাসীদের মধ্যে নির্দিষ্ট সংখ্যককে আমেরিকার নাগরিক অধিকার দেওয়া হবে প্রতি বছরে—আমেরিকার আইনসভা এ' সিদ্ধান্ত করেছেন। ভারত-আমেরিকার কাব্য-দর্শনের বন্ধন এমাস'ন-হইটম্যান, বিবেকানন্দ-রবীন্দ্রনাথ করে গেলেও ভারত স্বাধীন রাষ্ট্র না হওয়ার দরুণ ওদেশের কাছে উচিত সম্মান পায়নি। বাস্তব-পন্থী আমেরিকার মন কেবলমাত্র বাস্তব বিচারই গ্রহণ করতে পারে সহজ ভাবে, অথ বিচার নয়। তবে ব্যক্তিগতভাবে আমেরিকায় কাব্য-সাহিত্য, দর্শন-কৃষ্টি, কলা-শিল্প সব কিছুই বিশেষ বিচার, সব কিছুই প্রতি বিশেষ শ্রদ্ধা, আগেও ছিল আজও আছে।

বসন্ত-শেষ

আশা দেবী

হঠাৎ কখন অল্পমনে কাজের ফাঁকে
জানলাটুকু খুলে,
একটি ঝলক হাসির মতো
এলো দখিন হাওয়া।
নাম-না-জানা ফুলের গন্ধ বয়ে
হাজার হাজার মৌমাছির
গুনগুনিয়ে গেল
পাগল-করা ফাগুন দিনের গান;
মৌ-ঝরা ফুল একটি ছুটি পড়লো এসে
শিথিল কবরীতে
হারিয়ে গেল মন।
হারিয়ে যাওয়া মন
হঠাৎ যেন উঠলো কেঁদে
অঝোর ঝরে

অকারণে পড়লো মনে যেন :
ফাগুন যে আজ বন্ধ আমার ঘরে
আমার মনের গোপন কোণার
রিক্ত কোঠাগুলো
দেয় নি তো কেউ ভরে
এমনিতরো ফাগুন দিনের মতো ;
মনের কন্ধ উজাড় করে নেয় নি কেউ লুটে
ভাঁড়ার ঘরের আনন্দময় ধন।
আরশিখানা তুলে
পড়েছি তো মহাকালের লেখা
ফাগুন যে ষায় আবার আসে ঘারে ;
আসে না তো ফিরে
মনের ফাগুন দেহের আগল খুলি
সেই যে গেছে সোনার রঙিণ রথে ॥



গত কিছুকাল হইতে শিয়ালদহ ষ্টেশনে একশ্রেণীর নারীপুরুষের নানাপ্রকার অসভ্যক্রিয়া-কর্মের সংবাদ প্রকাশ পাইতেছে। সুখের বিবরণ, কলিকাতা পুলিশ উদ্বাস্ত নারী এবং বালিকাদের বিপদ হইতে রক্ষা করিবার জন্ত উপযুক্ত ব্যবস্থা অবলম্বন করিয়াছেন। গত কয়েকদিনে পুলিশ ৫০ জন নারী এবং ৪০ জন পুরুষকে সম্মেহজনকভাবে ঘোরাফেরার দ্বারা প্রেষণা করিয়া চালান দিয়াছেন। ইহারা নাকি প্রলোভন দেখাইয়া উদ্বাস্ত নারী এবং বালিকাদের সরাইয়া ফেলিবার ফিকিরে ছিল। শিয়ালদহ ষ্টেশনে উদ্বাস্ত নারীদের 'কিশেষ প্রকার' সামাজিক বিপদ হইতে রক্ষা করিতে হইলে পুলিশের একক চেষ্টায় খুব বেশী ফল হইবে না। এ-বিষয়ে, সাধারণ দায়িত্বশীল ব্যক্তির কর্তব্য স্থনির্ধারিত। নারীকে পণ্য হিসাবে ব্যবহার করার প্রথা নূতন নহে। সমাজ-বুকে এই পাপ বহুকাল হইতেই ক্ষতের মতো বিরাজ করিতেছে। কিন্তু এই পাপের প্রকাশ এমন ব্যাপকভাবে কলিকাতা সহরে ইতিপূর্বে আর কখনো দেখা যায় নাই। মানুষের চরম বিপদে এবং অসহায় অবস্থার সুযোগে যাহারা মানুষকে গভীরতম পক্ষে নিমজ্জিত করিতে চায় সামান্য অর্থলাভের আশায়, তাহাদের ক্ষমা নাই। প্রয়োজন হইলে, প্রমাণিত অপরাধীর প্রতি চরম দণ্ডের ব্যবস্থাও বিশেষ আইনবলে করা দরকার। গভীর পরিতাপের বিষয়, একদল বাঙ্গালী-নারীই আজ দুর্গত নারীর ভীষণতম অকল্যাণের সহায়করূপে কার্য করিতেছে। এই সকল নারীর পশ্চাতে গোপনে যে বিতর্কশীলী সজ্ব আছে, তাহাদের আবিষ্কার করা পুলিশের এবং জন-সাধারণের প্রধানতম কর্তব্য। মনে রাখা প্রয়োজন, সামান্য সূত্র হইতেই বৃহত্তম ষড়যন্ত্রের সংবাদ পাওয়া সম্ভব।

—দৈনিক বহুমতী

* * * *

ময়মনসিংহ পূর্ববঙ্গের সংখ্যালঘু সম্মেলনে অভ্যর্থনা সমিতির সভাপতি শ্রীযুক্ত যোগেশচন্দ্র চক্রবর্তী বলিয়াছেন—“বর্তমানে সংখ্যালঘুরা কতকগুলি অবাঞ্ছন্যের সম্মুখীন রহিয়াছেন। গুরুতর সাংসারিক প্রয়োজনেও সংখ্যালঘুরা তাহাদের ছাবর-অস্থাবর সম্পত্তি ইচ্ছামত বিক্রয় করিতে পারিতেছেন না। সংখ্যালঘুদের ঘরবাড়ী নানা অজুহাতে দখল করা হইতেছে। সংখ্যালঘুদের বাড়ীর ফল, গাছ, বাঁশ, পুকুরের মাছ যে কেহ ইচ্ছামত ব্যবহার করিতেছে দেখিয়াও আপত্তি করিবার মত বল তাহারা পান না।” পাক-ভারত চুক্তির ফলে পূর্ববঙ্গের সংখ্যালঘুদের সমস্তা একেবারে জলবৎ তরল হইয়া গিয়াছে বলিয়া যাহারা ভারতীয় ইউনিয়নে বসিয়া দিবারাত্রি প্রচার চালাইতেছেন, তাহারা একথা শুনিয়া কি বলিবেন? সংখ্যালঘু সম্প্রদায়ের যাহারা এখনো পূর্ববঙ্গে রহিয়াছেন, পাকিস্তানী শাসনের মহিমা হাড়ে হাড়ে মাগুম পাইতেছেন—লোকে তাহাদের কথা বিশ্বাস করিবে, না বিশ্বাস করিবে দিল্লীর প্রাসাদকূটে বসিয়া, অপরের মুখে ঝাল খাইয়া যাহারা বিবৃতি ছাড়িতেছেন তাহাদের

কথা? সংখ্যালঘু সম্মেলনে শ্রীযুক্তা নেলা সেনগুপ্তাও বলিয়াছেন, “গত হান্সামার সময় হইতে অসংখ্য লোক পূর্ববঙ্গ ত্যাগ করিয়া চলিয়া বাইতে আরম্ভ করিয়াছেন। আজও পূর্ব বাঙ্গালা হইতে উদ্বাস্তদের স্থানান্তর গমন বন্ধ হয় নাই। অল্পসংখ্যক উদ্বাস্ত পূর্ব বাঙ্গালার প্রত্যাভর্তন করিয়াছেন—কিন্তু তাহাদের মধ্যে অনেকেই নিজ নিজ সম্পত্তির বিলি-ব্যবস্থা করার জন্তই পূর্ববঙ্গে ফিরিয়া আনিয়াছেন।” অধিকাংশ উদ্বাস্তই সম্পত্তির বিলি-ব্যবস্থা করার জন্ত পূর্ববঙ্গে ফিরিতেছেন—একথা মিথ্যা প্রমাণ করিবার জন্ত কিছুদিন আগে পণ্ডিত জগদ্বল্লভ এক দীর্ঘ বিবৃতি দিয়াছিলেন। এবার তিনি ও তাহার দলবল কি বলিবেন!

—দৈনিক বহুমতী

* * * *

করিমগঞ্জ হইতে আমাদের নিজস্ব সংবাদদাতা এই মর্মে একটি সংবাদ প্রেরণ করিয়াছেন যে, গত ২৮শে মার্চ পূর্ববঙ্গ মুসলিম লীগের সভাপতি মৌলানা আক্রাম খাঁ মোটর লঞ্চযোগে কুশিয়ারা নদীর অপর পারে জকিগঞ্জে উপস্থিত হইয়া তথাকার ফৌজদারী আদালতের প্রাঙ্গণে আহুত এক সভায় ভাষণ দেন। মৌলানা সাহেব বক্তৃতা প্রসঙ্গে শত্রুর বিরুদ্ধে জেহাদ ঘোষণার প্রস্তাব করেন এবং তজ্জন্ত আপাততঃ বিনা বেতনে পাঁচ লক্ষ সৈন্য সংগ্রহের আবেদন জানান। সংবাদটি এই পর্যন্ত পাঠ করিয়াই আমরা কল্পনার চক্ষে সভার অবস্থা প্রত্যক্ষ করিতে গিয়া দেখিলাম, সভাটা হয়তো বা এতক্ষণ সামরিক আবহাওয়ায় সরগরম হইয়া উঠিয়াছে এবং উপস্থিত ‘জনগণের’ মধ্যে জেহাদী সৈন্য তালিকার নাম লিখাইবার জন্ত একটা তাড়া-হুড়া পড়িয়া গিয়াছে। কিন্তু সংবাদের পরবর্তী অংশটি আমাদের অত্যন্ত হতাশ করিয়াছে : সভাস্থলে কে বা কাহারো বেই-না বলিল যে, ভারতীয় সৈন্যবাহিনী সীমান্ত আশ্রমে অগ্রসর হইতেছে, অমনি সভাস্থ ‘জনগণ’ জানের ভয়ে দিগবিদিক জ্ঞানশূন্য হইয়া মিরাপদ আশ্রয়ের আশায় হিন্দু বাড়ীর সন্ধানে বাহির হইয়া পড়িল। মৌলানা আক্রাম খাঁ সাহেব এই ডামা-ডোলের মধ্যে পড়িয়া কি করিলেন ও কোথায় গেলেন ভাবিয়া আমরা অত্যন্ত উদ্বেগ হইতেছি : ছুটাছুটি করিতে গিয়া যদি হাত-পা ভাঙ্গিয়া গিয়া থাকে, তাহা হইলে বুড়ো-ছাড় কি আর জোড়া লাগিবে!

—আনন্দবাজার পত্রিকা

* * * *

এদেশে শেঠ রামকৃষ্ণ ডালমিয়া দিল্লীর হাটে কয়েক দিন আগে কংগ্রেসী হাঁড়ি ভাঙ্গিয়া দস্তর মত ‘চাকল্যকর পরিস্থিতি’ সৃষ্টি করিয়াছিলেন। আর বার্লিনে ‘রয়টারের’ হাঁড়ি কাঁসাইয়া মত সোরগোল ডুলিয়াছেন মিঃ জন পিট। ভ্রমলোক ছিলেন বার্লিনে রয়টারের প্রধান সংবাদদাতা। অকস্মাৎ একদিন পূর্ব-জার্মানীতে গিয়া এক সাংবাদিক সম্মেলনে তিনি ঘোষণা করিয়া বসিলেন—আর তিনি পশ্চিম জার্মানীতে

করিয়া গিয়া ইঙ্গ-মার্কিন সমরলিপীদের হাতে পুতুল হিসাবে কাজ করিবেন না। শুধু এই সঙ্কল্প ঘোষণা করিয়াই মিঃ পিট ক্ষান্ত হন নাই। ভ্রমসমাজে 'রয়টারের' নিরপেক্ষ সাংবাদিকতার মুখোশ খুলিয়া দিয়া বলিয়াছেন, "পূর্ব ইউরোপ এবং পূর্ব জার্মানীর জনসাধারণের উন্নতির চেষ্টা সম্বন্ধে যে সব খবর আমি দিতাম, ইচ্ছা করিয়াই তাহা গপিয়া রাখা হইত। এতদিনে আমি বুঝিয়াছি, পশ্চিম ইউরোপের রাষ্ট্রগুলিতে সংবাদপত্রের স্বাধীনতা আছে বটে, কিন্তু সে শুধু বুদ্ধাতঙ্ক ব্রচার করিবার স্বাধীনতা। আমরা সাংবাদিকরা এই প্রচেষ্টার কাজে সাহায্য করার জন্তই পরমা পাইয়া থাকি।" বলির ভিতর হইতে এই-ভাবে বিড়াল বাহির হইয়া পড়িতে দেখিয়া স্বভাবতঃই বার্নিনের রয়টারের কর্তারা মাথায় হাত দিয়া বসিয়া পড়িয়াছেন। তাঁহারা অক্ষুট স্বরে যেন বলিতেছেন—“হেড অফিসের বড়বাবু লোকটি বড় শাস্ত, তাঁর যে এমন ঝাঝার ব্যামো কেউ কখনো জ্বুনতো?” কিন্তু মাথার 'ব্যামো' প্রমাণ করিবার চেষ্টা করিয়াও এই কলেঙ্কারী চাপা দেওয়া যে সহজ হইবে, ব্যাপার দেখিয়া তাহা মনে হয় না।

—দৈনিক বহুমতী

* * * *

বর্তমানে কলিকাতার বাজারে অনেকেরই এরূপ লক্ষ্য করিয়াছেন যে, দোকান হইতে ১০ গজ মাপের কাপড় ক্রয় করিয়া তাহা ধোয়াইবার পর দেখা যায় যে, উহার দৈর্ঘ্য ৯ গজের বেশী নহে। এই ভাবে ছোট মাপের কাপড়ের উপর বড় মাপ ছাপ দিয়া জনসাধারণকে প্রতারণা করিবার ব্যাপার 'সম্প্রতি আদালত পর্যন্ত গড়াইয়াছে। সম্প্রতি সিঙ্গাপুরস্থ ভারতীয় বণিক সভার সভাপতি সর্দার হরদয়াল সিং এরূপ অভিযোগ করিয়াছেন যে, ঐ স্থানের বাজারেও অনুরূপ ধরণের কাপড় রপ্তানী করা হইতেছে। কেবল তাহাই মহে। রপ্তানীকৃত কাপড়ের বুনন সকল স্থানে সমান নহে এবং ভারতীয় রপ্তানীকারকগণ অর্ডার মাসিক মাল সরবরাহ করেন না বলিয়াও সিঙ্গাপুরের বাজারে অভিযোগ রহিয়াছে। মোটের উপর কাপড়ের কলওয়ারা ও কাপড় রপ্তানীকারকদের দুর্নীতিমূলক কাজের জন্ত বিদেশের বাজারেও ভারতীয় কাপড়ের দুর্নাম রটিয়াছে। উহার শেষ পরিণতিতে বিদেশের বাজারে ভারতের কাপড়ের কাটতি যে বন্ধ হইবে এবং ভারতের বাজারে উহার কাটতি যে সঙ্কুচিত হইবে তাহাতে সন্দেহ নাই। অথচ বর্তমানে বিদেশে কাপড় রপ্তানীর দ্বারা ভারত সরকার ১০০ কোটি টাকার সমন্বয়ের বিদেশী মুদ্রা অর্জন করিবার প্রয়াস করিতেছেন। মুষ্টিমেয় কাপড়ের কলওয়ারার দুর্নীতিমূলক স্বার্থপরতার জন্ত সমষ্টিগতভাবে ভারতের এই ভাবে স্বার্থহানি ভারত সরকার আর কতদিন নিরপেক্ষ দর্শক হিসাবে প্রত্যক্ষ করিবে?

—আর্থিক জগৎ

* * * *

আজ মানুষের চিন্তার মধ্যে যে আবিলতা প্রবেশ করিয়াছে তাহা দূর করাই হইবে আজকের দিনের প্রথম কাজ। দেশ স্বাধীন হওয়ার

পরেও আমরা অশ্রুভাবে চিন্তা করিতে পারিলাম না—এই পরামর্শ, আজ আমাদের স্বীকার করিয়া লইতে হইল। দেশকে সত্যই আমরা ভালবাসি কিনা—দেশের জন্ত এতকাল দুঃখ বরণ করিয়াও আজো আমরা প্রমাণ করিতে পারিলাম না। ফাঁকি ক্রমশই আমাদের ধরা পড়িতেছে। ফাঁকি ছিলো ঐ ভালবাসার মধ্যেই। ভালো দেশকে বাসি নাই—ভাল বাসিয়াছিলাম নেতৃত্বের লোভকে, আমার “অহং” কে। তাই সকল দিকের অনাগর আজ এমন কুৎসিৎরূপে আত্মপ্রকাশ করিল। দেশ-প্রেমিকতার এমন নাটকীয় অভিনয় আর কোন দেশের ইতিহাসে দেখা যায় নাই। শ্রীযুক্ত ক্ষিতীশ নিয়োগী মহাশয় পদত্যাগকালে যাহা বলিয়াছেন, তাহাতে আমরা বিশ্বাসে হতবাক হইয়া গিয়াছি। বাণিজ্য-সচিব নিয়োগী মহাশয়ের অজ্ঞাতসারেই পাকিস্তানের সহিত এই যে গোপন চুক্তি এতকাল ধরিয়া চলিতেছিল—ইহার কোনো সহস্তর গবর্ণমেন্ট দিতে পারেন নাই। রাষ্ট্রকে গণতান্ত্রিক বলিয়া ঘোষণা করার পরেও সরকারের এই মনোভাব অপরিবর্তিতই রহিয়া গেলো—ঠিক এই কারণেই জনসাধারণ তাহার রাষ্ট্রকে আপন-রাষ্ট্র বলিয়া আজো মনে করিতে পারিল না।

—দৈনিক

* * * *

সিমলন অঞ্চলে চাষীরা সরকারী বীজাগার হইতে আলুর বীজ কিনিয়াছিলেন, কিন্তু পশ্চিমধ্যে এই আলুর-বীজ জল পাইয়া পচিয়া গিয়াছিল। ফলে গাছ ঠিকমত বাহির হয় নাই বা তাহাতে চাষীদের ক্ষতি হইয়াছিল। এই ক্ষতি পূরণের জন্ত সরকারের নিকট আবেদন করা হইয়াছিল। সরকার এই আবেদনে যৌক্তিকতা উপলব্ধি করিয়া চাষীদের নিকট হইতে বাজারের আলুর দর যখন ৫।০—৫।৫ মণ, সেই সময় সরকার ১।১০ দরে আলু কিনিয়া ক্ষতিগ্রস্ত চাষীদের ক্ষতিপূরণের ব্যবস্থা করিয়াছেন। সরকারের এই প্রচেষ্টা নিশ্চয়ই প্রশংসনীয়।

—বর্তমানের কথা

* * * *

পাকিস্তানী গুপ্তচর বা পক্ষমবাহিনীকে সমূলে উৎপাটন না করিতে পারিলে আমরা ধ্বংস হইব। একথা কোন সময়েই বিশ্বস্ত হইলে চলিবে না যে জনসাধারণের সাহায্য ও সহযোগিতা ব্যতীত কোন সরকার বা পুলিশ বিভাগই এই বিষবৃক্ষের মূলোৎপাটন করিতে সমর্থ হইবে না। মুর্শিদাবাদ জেলার রাষ্ট্রাশুগত প্রত্যেকটি হিন্দু-মুসলমান জনসাধারণকে এবিষয়ে অগ্রণী হইতে হইবে। আজ যাহারা আমাদের রাষ্ট্রকে নিজের রাষ্ট্র বলিয়া গ্রহণ করিতে কুণ্ঠিত,—আমাদের নদ, নদী, আমাদের ডাকঘর, আমাদের কলকারখানা, আমাদের অফিস, আমাদের আদালত, আমাদের ক্ষেতের ফসল, আমাদের যান-বাহন নিজের বলিয়া গ্রহণ করিতে পারে নাই, তাহাদিগকে আজ খুঁজিয়া বাহির করিতে হইবে। তাহারা হিন্দুই হউন, মুসলমানই হউন, খৃষ্টানই হউন, অথবা বৌদ্ধই হউন কোন মতেই যেন তাহাদের ক্ষমা করা না হয়। প্রতিদিন যাহারা আমাদের মুখের আহাৰ, আমাদের পরণের কাপড়, আমাদের রোগের ঔষধ ও রোগীর পথ্য হরহ পথে চালান দিতেছে,

প্রতিদিন যাহারা আমাদের আলো নিতাইয়া দিতেছে, আমাদের বাতাস বিবাক্ত করিতেছে, তাহাকে ক্ষমা করিও না। একজন লায়েক আলী পলাইয়াছে পলাইতে দাও, যের কোণে প্রতিবেশী লায়েক আলির সৃষ্টি যেন আর ভবিষ্যতে না হয়। —গণরাজ

* * *

যাঁরা জগতে শাস্তির পূজারী, যাঁরা মানবের কল্যাণ প্রতিষ্ঠার আশ্র-সমাহিত, যাঁরা নিজের জীবনের উপলক্ষ সাধনা দ্বারা সর্বসাধারণের মনে প্রেরণা সঞ্চার করছেন তাঁরা মমন্ত, পূজ্য। সেই মহাপুরুষের মধ্যে যাঁদের নোবেল পুরস্কার দেওয়ার কথা উঠেছে তাঁদের মধ্যে ভারতীয় আছেন শ্রীঅরবিন্দ, সর্বপল্লী রাধাকৃষ্ণ আর পণ্ডিত জওহরলাল। তাঁদেরই সঙ্গে একই পর্বায়ে পাশ্চাত্য দেশের যাঁদের নাম চোখে পড়েছে তাঁদের মধ্যে আছেন বুটেনের ভূতপূর্ব যুদ্ধকালীন প্রধান মন্ত্রী চার্লিস আর আমেরিকার বর্তমান প্রেসিডেন্ট ট্রুম্যান। শেবেস্ত্রুই ব্যস্তির মধ্যে একজনের যুদ্ধের আশা আজও মেটেনি; অপরজন আগাসাকি ও হিরোসীমার মরমেধ যজ্ঞে শাস্তির বীজ বপন করে খ্যাতি অর্জন করেছেন ও অহমিকার তুঙ্গ শিখরে বসে সমাগরা ধরিত্রীর অধীশ্বর হওয়ার স্বপ্ন দেখছেন। পুরস্কারের ফসলের ক্ষেত্র পশ্চিমে। সেখানে শাস্তির ধারণা কতখানি স্পষ্ট তা এই শাস্তি-পূজারীদের নাম-মালায় প্রকাশ পেয়েছে। —পদাতিক

* * *

এবার দীর্ঘদিন অনাবৃষ্টির ফলে বর্ধমানের মধ্যস্থিত বাঁকা নদীটা একেবারে শুকাইয়া গিয়াছিল ১৩০৭ সালের অনাবৃষ্টির পর বাঁকার এমন ছুরবহা আর দেখা যায় নাই। স্থানে স্থানে যেটুকু জল থাকিত, এবংসর তাহাও নাই। যেখানে একটু জল আছে, সেখানকার জলে এমন দুর্গন্ধ যে, পার্শ্ববর্তী অধিবাসীরা তিষ্ঠিতে পারে না। বাধ্য হইয়াই অনেকে ঐ জলই পানীয় ও ব্যবহার্যরূপে ব্যবহার করিতেছে। ফলে বসন্ত ও কলেরা রোগ সংক্রমিত হইতেছে। উল্লেখযোগ্য যে, বাঁকার জল বর্ধমানের কয়েকটা অঞ্চলের লোকদের পক্ষে অপরিহার্য। নদী নালা সংস্কারের জন্ত যে পঞ্চবার্ষিক পরিকল্পনা হইয়াছিল, বাঁকা সংস্কারে সেই পরিকল্পনা কার্যকরী হইলে সহরের জলাভাব প্রভূতরূপে লাঘব হইবে এবং চাষ আবাদেও উন্নতি হইবে। —আর্ধ্য

* * *

পশ্চিমবঙ্গ শিক্ষা-অধিকার কর্তৃক প্রকাশিত তৃতীয় শ্রেণীর পাঠ্য-পুস্তক “কিশলয়ের” একখণ্ড সম্প্রতি আমাদের হস্তগত হইয়াছে। সরকারী দপ্তরখানা ভিন্ন অন্তত ইহার দুপ্রাপ্যতাই অবশ্য আমাদের বিলাষে প্রাপ্তির প্রধান হেতু।

প্রাথমিক স্তরে পুস্তকহীন-শিক্ষা-ব্যবস্থা চালু করিয়া তাহারই সহিত সম্মতি রক্ষাকল্পে তৃতীয় শ্রেণীর জন্ত একটি পুস্তক শিক্ষা-অধিকার নিজে প্রকাশ করিবেন এবং প্রাথমিক শিক্ষার ক্ষেত্রে অস্ত্র কোন প্রহকারকে প্রবেশ করিতে দিবেন না—এই বিজ্ঞপ্তি যে সময় সংবাদ পত্রাধিতে প্রথম প্রকাশিত হইয়াছিল—তখন দেশের বহু

বিশিষ্ট শিক্ষাত্রুটি এবং শিক্ষা-প্রতিষ্ঠান উহার প্রতিবাদ করিয়াছিলেন। আমরাও তখন ইহার অনুমোদন করিতে পারি নাই।.....

কিন্তু সরকার অস্বাভাবিক জেদের সহিত সে সকল প্রতিবাদ তখন সম্পূর্ণ অগ্রাহ্য করিয়াছিলেন এবং তাহারই ফলে আমরা সে সময় স্বভাবতঃই এ কথা মনে করিয়াছিলাম যে প্রস্তাবিত গ্রন্থখানি নিশ্চয়ই অভিনব সম্পদসমৃদ্ধ একটা অপূর্ব পুস্তকই হইবে। ভাবিয়াছিলাম, প্রাথমিক শিক্ষার ক্ষেত্রে একটি বুধাস্তকারী গ্রন্থই হয়ত বা পশ্চিমবঙ্গ শিক্ষা-অধিকার এবার আমদানী করিতে যাইতেছেন মতুবা এতটা দৃঢ়তা তাঁহারা দেখাইতেন না; কিন্তু পুস্তকখানি হাতে পাইয়া আমরা একেবারেই নিরাশ হইয়াছি। —বাঙলার শিক্ষক

* * *

প্রাথমিক শিক্ষার উন্নতি অনেকাংশে স্কুল সব ইনস্পেক্টর বা অপর পরিদর্শকগণের কার্যের উপর, নির্ভর করে। প্রাথমিক শিক্ষকগণের এক হিসাবে তাহারাই বন্ধু, উপদেষ্টা এবং পথ প্রদর্শক। অথচ এই অতি প্রয়োজনীয় কর্মচারীবৃন্দের দুর্দশার প্রতি প্রাথমিক শিক্ষকগণেরই মত সরকার এবং জন সাধারণ তুল্যরূপে উদাসীন। আমরা বহু বৎসর ধরিয়া সংবাদপত্রে এবং বক্তৃতা মঞ্চ হইতে সরকার ও জন সাধারণের নিকট ইহাদের এই দুঃস্বভাব কথা জানাইয়া আসিতেছি। কিন্তু এখনও পর্যন্ত ইহার কোন প্রতিকার হইল না। ইহাপেক্ষা দুঃখের বিষয় আর কি হইতে পারে। ইহার সকলেই উচ্চ শিক্ষিত। ছুরদৃষ্টবশতঃই শিক্ষা বিভাগের নিম্ন বিভাগে চাকুরী লইতে বাধ্য হইয়াছেন। হাড়ভাঙ্গা খাটুনি ইহাদের খাটিতে হয়। কিন্তু বেশীর ভাগ সময়েই সেই খাটুনির কিছু মাত্র পুরস্কার লাভ ইহাদের ভাগ্যে জুটে না। আমরা শিক্ষা সচিবকে আবার বলিতেছি ইহাদের সক্রিয় সাহায্য এবং পরিপূর্ণ সহযোগিতা ভিন্ন প্রাথমিক শিক্ষোন্নতির কোনও পরিকল্পনাই সাফল্যমণ্ডিত হইবে না। —শিক্ষক

* * *

এক সংবাদে প্রকাশ যে দিল্লীর এক উদাস্ত কেন্দ্রে উদাস্তদের কুটীরশিল্প ও অগ্নাশ্রু সূত্র সূত্র শিল্প শিক্ষাদানের জন্ত এক ব্যবস্থা অবলম্বন করা হইয়াছে। এই ব্যবস্থানুযায়ী জাপান হইতে কিছু জাপানী যন্ত্রপাতি এবং কারিগর আনা হইয়াছে। তাহাদের শিক্ষাধীনে দুই শতাধিক উদাস্ত কারিগরী শিক্ষালাভ করিতেছে। দেশের বিভিন্ন উদাস্ত কেন্দ্রেও অনুরূপভাবে উদাস্তদের কারিগরী শিক্ষাদানের জন্ত ভারত সরকার নাকি আরো কারিগর এবং জাপানী যন্ত্রপাতির অর্ডার দিয়াছেন। পরিকল্পনাটি নিঃসন্দেহে সকলে সমর্থন করিবেন। সাধারণ-ভাবে বাঙালী উদাস্তদের কর্ম বিমুখতা এবং ছুরবহা সম্বন্ধে নানা কথা শোনা যায়। এই ব্যবস্থা বাহাতে শীঘ্র পশ্চিমবঙ্গে উদাস্তদের মধ্যে অবলম্বন করা যায় সেদিকে পশ্চিমবঙ্গ সরকারের দৃষ্টি আকর্ষণ করিতেছি। এই দৃষ্টান্ত হইতে শরণার্থীদেরও কি শিক্ষণীয় কিছু নাই? —নির্ণয়

—নির্ণয়

—ভারত মুদ্রামূল্য হ্রাসের পূর্বে পাকিস্থানে যে পাট ক্রয় করে তাহা এবং আসাম হইতে পাকিস্থানের মধ্য দিয়া আমদানীর পথে অনেক পাট পাকিস্থান আটক করে। এক্ষণে ভারত পাকিস্থানকে করলা দেওয়া বন্ধ করে। সম্প্রতি ভারতীয় পার্লামেন্টে একটি প্রস্তাব উত্থরে জানা গিয়াছে যে, উক্ত পাটের মধ্যে ৫ লক্ষ ৯৬ হাজার ২০১ মণ পাকিস্থানী পাট এবং ৬ লক্ষ ৮৭ হাজার ৩১৭ মণ আসামী পাট পাকিস্থান এই পর্যন্ত ছাড়িয়া দিয়াছে এবং উহার মধ্যে ৪ লক্ষ ৭৫ হাজার ৬২১ মণ আসামী পাট ও ৫ লক্ষ ১ হাজার ৮২৩ মণ পাকিস্থানী পাট ভারতে পৌঁছিয়াছে। একমাত্র পাকিস্থানেই ২৫ লক্ষ মণের উপর ভারতীয় পাট আটক পড়িয়াছিল। কাঁজই মোট পাটের এখনও কিছুই আসে নাই। —আর্থিক জগৎ

* * *

দিল্লীর অসামরিক সরবরাহ বিভাগের ডিরেক্টর তথাকার সংবাদিক সম্মেলনে প্রকাশ করেন যে, রাজধানীতে চোরাবাজারে ১ মণ ময়দার মূল্য ১০০ টাকা। উহার নিয়ন্ত্রিত মূল্য প্রতি মণ ১১ টাকা। পক্ষকাল পূর্বে ব্যক্তিগতভাবে তদন্ত করিয়া তিনি অবগত হইয়াছিলেন যে, চোরাবাজারে প্রতি মণ চিনি ৭০ টাকা দরে বিক্রয় হয়। চোরাবাজারের সংবাদ ডিরেক্টর মহাশয় পাইয়াছেন—সাংবাদিকদের সেই সংবাদ পরিবেশন করিয়াছেন—দিল্লীর সংবাদে কেবল ইহাই জানিলাম। কিন্তু জনসাধারণের জানিবার বিষয় চোরাবাজার দমনকল্পে দিল্লী কর্তৃপক্ষ কক্ষ হইতেছেন কেন? ১১ টাকা যাহার নিয়ন্ত্রিত মূল্য তাহা ১০০ টাকায় ক্রয় করে কাহার, কেন এবং কোন্ উদ্দেশ্যে। দেশে চোরাবাজার আছে—রাজধানীতে (রাজধানী মাত্রেই ধনপতিদের আগম ও সমারোহ ঘটে) হয়তো বেশী আছে ইহা জনসাধারণ জানে ও বিশ্বাস করে। কিন্তু “চোরাবাজার” নিমূল করিবার জন্ত রাজধানীর মত্রে ভঙ্গ হইয়াছে কিনা—তাহাই আমরা জানিতে চাই। চোরাবাজার মনের জন্ত সরকার ও সরকারী কর্মচারিগণ উঠিয়া পড়িয়া লাগিয়াছেন জনসাধারণের মধ্যে এই বিশ্বাস আনিয়া দেওয়া কিন্তু খুব শক্ত নহে; কবল বড় বড় কতকগুলি চোরাকারবাবরীকে আদর্শ সাজা দান করিয়াই চালা করা যায়। —আনন্দবাজার পত্রিকা

* * *

পূর্ববঙ্গের উদ্বাস্তুদের পশ্চিমবঙ্গে পুনর্বাসনের ব্যবস্থার জন্ত ডাঃ গামাশ্রমাদ মুখোপাধ্যায়ের সভাপতিত্বে যে বোর্ড গঠিত হইয়াছে, তাহার একটি পরিকল্পনা সম্প্রতি সংবাদপত্রে প্রকাশিত হইয়াছে। এই পরিকল্পনাটি প্রণয়ন করিয়াছেন ডাঃ রাখাকমল মুখোপাধ্যায়। এই পরিকল্পনার তেরো দফা কর্তৃপক্ষী পাঠ করিয়া আমাদের ইহাই মনে হইতেছে যে, যেখানে ইচ্ছা আছে, সেখানে উপায়ের অভাব হয় না। কিন্তু পুনর্বাসিত দপ্তরের শোভা হিসাবে যাহারা উচ্চপদে বরাজ করিতেছেন, এই ধরণের পরিকল্পনা বহু পূর্বেই তাঁহাদের মনে হইতে আসা উচিত ছিল। একটা ডামাডোল, হেট-এর মধ্যে তেরের কখনও সফল হইতে পারে না। যাহারা প্রকৃত সাহায্য হইবার উপযুক্ত পাত্র, তাহারা পিছনের অন্ধকারে পড়িয়া থাকে,

আর স্বার্থ ও সুযোগসন্ধানী দল সম্মুখে আগাইয়া সাহায্য লাভ করে। এই দৃশ্যই আমরা গত তিন বৎসর ধরিয়া দেখিয়া আসিতেছি। ভারত গভর্নমেন্ট উদ্বাস্তু আশ্রয়ার্থীদের জন্ত এযাবৎ কম অর্থ ব্যয় করেন নাই, কিন্তু লক্ষ লক্ষ টাকা কোথায় কাহার নিকট গিয়াছে, কিরূপে উহা ব্যয় হইয়াছে তাহার সন্ধান বা হিসাব লইলে তাহা খুব স্ত্রীতিকর হইবে না। সে যাহাই হউক, অতীতের তিক্ত অভিজ্ঞতার পুনরালোচনা করিয়া লাভ নাই। বর্তমানে এবং ভবিষ্যতে লক্ষ লক্ষ উদ্বাস্তুর কিভাবে পুনর্বাসনের ব্যবস্থা হইতে পারে, তাহাদের আশ্রয় ও কর্তব্য সমস্তার কিরূপে সমাধান করা সম্ভব তাহাই প্রশ্ন। এই প্রশ্নের উত্তর ডাঃ গামাশ্রমাদ মুখোপাধ্যায় তথা ডাঃ রাখাকমল মুখোপাধ্যায় দিয়াছেন এবং আমরা বিশ্বাস করি, গভর্নমেন্ট যদি তাঁহাদের সহযোগিতায় পুনর্বাসনের কাজ আন্তরিকতার সহিত গ্রহণ করেন, তাহা হইলে অবিলম্বে না হইলেও অনতিবিলম্বে উহার সামঞ্জস্যপূর্ণ সমাধান সম্ভব হইবে। —যুগান্তর

* * *

জন মাথাইয়ের পদত্যাগ, আচার্য্য কৃপালনীর বক্তৃতা এবং শেঠ ডালমিয়ার পত্র দেশের বর্তমান আর এক উদ্বেগজনক ঘোষণা। জন মাথাই যে বিবৃতি দিয়াছেন তাহাতে গণতন্ত্রের পঙ্কতা একটু, আর শেঠ রামকৃষ্ণ নরনারী ও পাপশক্তি সম্বন্ধে যে ইঙ্গিত করিয়াছেন, তাহাতেও ছূনীতির কদর্য্য নারকীয় রূপ দেখা গিয়াছে। আর শ্রীকৃপালনীর পার্লামেন্টের বক্তৃতা সকলের ত্রাসের কারণ হইয়াছে। তিনি মন্ত্রীপদে সমাসীন ব্যক্তির উৎকোচ গ্রহণের কথাও বলিয়াছেন। ইতিপূর্বে গুড় কেলেকারী, জমিদারী কেলেকারীর কথা তো প্রচারিতই হইয়া গিয়াছে। মন্ত্রীর ঘুস লওয়া উল্লেখ করিবার পর কৃপালনী আর যাহা বলিয়াছেন তাহাও অত্যন্ত আতঙ্কজনক। তিনি বলিয়াছেন :—“জনসাধারণ বলিতে আরম্ভ করিয়াছে যে, পুরাতন শাসনেই তাহারা অপেক্ষাকৃত ভাল ছিল।” সে কি,—স্বাধীনতা অপেক্ষা পরাধীনতা সুখের? কেন দেশবাসীর মনে এ ভাব জাগিল? কাহার দোষ? কাহাদের ত্রুটি বিচ্যুতিতে? এদিকে নয় দিল্লীতে ১লা জুনের পার্লামেন্টের বিতর্কে প্রকাশ, শ্রীগিরিজাশঙ্কর বাজপেয়ী লর্ড মাউন্টব্যাটেনের লোক হওয়ার পণ্ডিত নেহরু তাঁহাকে সমর্থন করেন এবং বাজপেয়ীর জন্তই কাশ্মীর ব্যাপার নাকি ভারতের প্রতিকূল হইতেছে। লর্ড মাউন্টব্যাটেন একদিন গান্ধীজী-কথিত সন্নতানী শাসনের প্রতিনিধি ছিলেন এবং তিনি বিদেশী। পণ্ডিত জওহরলালের উপর এমন অনতিক্রম্য প্রভাব কিসের জন্ত? —আর্য্য

* * *

আমেরিকার মুক্তরাষ্ট্রে বহুল পরিমাণ আগু উদ্ভূত হইয়া পড়াতে উক্ত দেশ ২২ লক্ষ ৩৬ হাজার ৫৫৫ ব্যাগ আগু স্পেন, পর্তুগাল, ইসরায়েল, সিংহল, বেলজিয়াম, ইটালী প্রভৃতি দেশে সস্তা দরে বিক্রয় করিবার জন্ত দিয়াছে। প্রতি ব্যাগে ১০০ পাউণ্ড আগু ছিল এবং প্রত্যেক ব্যাগের মূল্য পড়ে ১ সেন্ট—আমাদের দেশের হিসাবে তিন পরনার সামান্য কিছু বেশী। —আর্থিক জগৎ

* * *

স্বাধীনতার বক্তব্য সংগ্রাম

শ্রীমান কুমারের উদ্দেশ্যে

(পূর্বপ্রকাশিতের পর)

সিপাহী বিদ্রোহের সময় ইংরাজগণ ইহা বিলক্ষণরূপে উপলব্ধি করিয়া-
ছিলেন যে বাঙ্গালীরা বিশেষভাবে দেশপ্রেমিক ও চিন্তাশীল এবং
সেনাবাহিনীতে তাহাদিগকে রাখা মোটেই নিরাপদ নহে। ইহার ফলে
“বেঙ্গল আর্মি” জাঙ্গিয়া দেওয়া হয় এবং হীনবল করিবার জন্ত
বাঙ্গালীদিগকে অসামরিক জাতিতে পরিণত করা হয়। বিদ্রোহের পর
ব্রিটিশ গভর্নমেন্ট অতঃপর মূলতঃ সাম্প্রদায়িক ভিত্তিতে অঞ্চলবিশেষ
হইতে স্বতন্ত্র স্বতন্ত্র ভাবে সৈন্তসংগ্রহ করিয়া সৈন্তবাহিনীর পুনর্গঠন
সম্পন্ন করেন এবং তাহাদের মধ্যে যাহাতে ঐক্যবোধ জাগ্রত না হয় ও
একদল আর এক দলকে ঘৃণার দৃষ্টিতে দেখে, সে সম্বন্ধে বিশেষভাবে
সচেতন থাকেন। ভারতবর্ষ হইতে সংগৃহীত সৈন্তবলের সাহায্যেই
প্রকৃতপক্ষে ইংরাজগণ ভারতবর্ষ শাসন করিতেন—সামান্য গৌরা সৈন্ত
বাহা থাকিত; তাহা দ্বারা সমগ্র ভারতবর্ষ মাত্র সামরিক শক্তির জোরে



সৈন্তগণ টেনগান লইয়া বোম্বাই নগরীর রাজপথে পাহারা দিতেছে
শাসন করা যাইত না। ইংরাজের এই দুর্বলতার বিষয় যাহাতে
ভারতবাসীদের নিকট স্বতন্ত্র সম্ভব গোপন থাকে, সে সম্বন্ধেও ব্রিটিশ
গভর্নমেন্ট যথেষ্ট চেষ্টা করিতেন।

অতএব দেখা যায়, যে, ভারতীয় সৈন্তগণের পূর্ণ আত্মগত্যের উপরই
ভারতে ব্রিটিশ গভর্নমেন্টের স্থায়িত্ব ছিল প্রধানতঃ নির্ভরশীল এবং
ইহাকেই মূলধন করিয়া ইংরাজগণ নিরীক্যবাদের ভারতবর্ষ শাসন
করিতেন; কিন্তু দ্বিতীয় মহাযুদ্ধের সময় প্রয়োজনের তাড়নায় ব্যাপক-
ভাবে সৈন্তবাহিনীতে লোক-সংগ্রহ করার ফলে সৈন্তবাহিনীতে বহুদিনের
সম্বন্ধ-রক্ষিত শৃঙ্খলা অনেকখানি বিপর্যস্ত হয় এবং যুদ্ধের প্রথম দিকটার
দক্ষিণ-পূর্ব এশিয়ার ব্রিটিশের ভাগ্যবিপর্যয়ের ফলে এই শৃঙ্খলা
একেবারেই নষ্ট হইয়া যায়। দক্ষিণ-পূর্ব এশিয়ার রণক্ষেত্রে হইতে
পশ্চাদপসরণের সময় ইংরাজ সৈন্তগণের অপসরণই অগ্রাধিকার লাভ

করে এবং ভারতীয় সৈন্তগণের একটা বৃহৎ অংশকে পশ্চাতে রাখি
আপ্লাইবার জন্ত রাখিয়া অধিকাংশ ইংরাজ সৈন্তই নিরাপদে স্থানত্যাগ
করে। ভারতীয় বাহিনী বিপদ ও অসহায়তার মধ্যে পরিত্যক্ত হয়।
পরবর্তীকালে মূলতঃ এই সকল ভারতীয় সৈন্ত ও অফিসারদের লইয়াই
আজাদ-হিন্দ-ফৌজ সংগঠিত হয় এবং এতদিনের সামান্য বেতনভুক্ত
পেশাদার সৈন্তগণ আপনাদের জাতীয় স্বাধীনতা প্রতিষ্ঠার উদ্দেশ্যে
যোগ্য নায়কের নেতৃত্বাধীনে জাতীয় বাহিনীতে রূপান্তরিত হয়।

হাজার হাজার সৈন্তের এইভাবে পরিত্যক্ত হওয়া এবং তাহাদের
দ্বারা আজাদ-হিন্দ ফৌজ সংগঠিত হওয়ার ফলে যুদ্ধোত্তর কালে ভারতীয়
সৈন্তবাহিনীতে এক গুরুতর প্রতিক্রিয়ার সৃষ্টি হয়। ভারতীয় সৈন্তগণ
ইহা উপলব্ধি করিতে সুরু করে, যে, রণক্ষেত্রে কমান্ডের গোলায় ধোঁয়া
হিসাবেই কেবলমাত্র তাহাদের প্রয়োজন—তাহাদিগকে দরকার কেবল
ইংরাজ সৈন্তগণের স্থানত্যাগ নিরাপদ করিবার জন্ত পশ্চাতের ঘাঁটি

আপ্লাইতে। তাহাদের সুখ-সুবিধা এবং মজলের জন্ত
ইংরাজ-সরকারের কোনও দায়িত্ব নাই। এতদ্ব্যতীত সৈন্ত ও
অফিসার হিসাবে ইংরাজ ও ভারতীয়দের মধ্যে বেতনের
ভারতম্য ছিল গভীর। ইংরাজগণের তুলনায় অতি নিকৃষ্ট
শ্রেণীর খাজ ভারতীয়গণকে দেওয়া হইত। ইংরাজ
অফিসারদের নিকট হইতে অত্যন্ত আপত্তিকর ও অসম্মানজনক
আচরণ লাভ করা ছাড়া ভারতীয় সৈন্তদের আর কিছুই লাভ
হইত না। এইরূপ অভিযোগও শুনা যায় যে কমান্ডার কিং
“তলোয়ার” নামক জাহাজের নৌ-শিকারীদের নাকি “কুলী
বাচ্ছা” ইত্যাদি সম্ভাব্যে আপ্যায়িত করিতেন। যুদ্ধ শেষ
প্রয়োজন না থাকায় সেনা-বিভাগে ব্যাপকভাবে ছাঁটাইয়ের
উদ্যোগ চলিতেছিল। তাহার ফলেও অমেকের সহসা বেকার

হইবার সম্ভাবনা দেখা দেওয়ার অসন্তোষ পুঞ্জীভূত হইতে থাকে
আজাদ-হিন্দ ফৌজের সেনানীবৃন্দের বিচারকার্য সুরু করার ফলেও
সেনা-বিভাগের ভারতীয়গণের মধ্যে প্রবল অসন্তোষের সঞ্চার হয়।

নৌ-শিকারীরা তাহাদের বিবিধ অভাব-অভিযোগের বিষয় প্রথমে
কর্ভূপকের গোচর করে, কিন্তু তাহাতে কোনই ফল হয় না। কোনও
ব্যবস্থাবলম্বনের চেষ্টানাত্র না করিয়া কর্তৃপক্ষ উহা সম্পূর্ণরূপে উপেক্ষা
করেন। ১৯৪৬ সালের ফেব্রুয়ারি মাসের গোড়ার দিকে ভারতীয়
নৌ-বহরের প্রধান সেনাপতি ভাইস-এ্যাডমিরাল গডফ্রে বখন বোম্বাই
পোতাশ্রমে “তলোয়ার” নামক জাহাজটি পরিদর্শন করিতে যান, তখন
পি. সি. দত্ত নামক জনৈক টেলিগ্রাফিষ্ট জাহাজের দেওয়ালে “ভারত
ছাড়” “জয় হিন্দ” প্রভৃতি লিখিয়া দেন। এই অপরাধের জন্ত পি. সি.
দত্তকে গ্রেপ্তার করা হয়।

কর্তৃপক্ষ চেষ্টা করিলে সি. সি. দলের আচরণের মধ্যেই নৌ-শিক্ষার্থীদের মনোভাবের পরিবর্তন অনুধাবন করিতে পারিতেন। ব্রিটিশ-সাম্রাজ্যের পাকা বনিয়াদে যে যুগ ধরিয়াছে—ভারতবাসীদের 'ভারত ছাড়' দাবী যে সময়-বিশাগের ভারতীয়গণেরও দাবীতে উড়াইয়াছে—তাহা হৃদয়ঙ্গম করিতে তাঁহারা চেষ্টা করিলেন না। চরিত্রিত সাম্রাজ্যবাদীমূলক মনোভাব লইয়াই তাঁহারা ঘটনাকে আরও পরিবার চেষ্টা করিলেন। কল যাহা হইবার তাহাই হইল—রুদ্ধ রোষ প্রকাবে ধর্মঘটের আকারে, পরে প্রচণ্ড বিদ্রোহে আত্মপ্রকাশ করিল। তলোয়ার" জাহাজের নৌ-শিক্ষার্থীদের মধ্যে ধর্মঘট প্রথম শুরু হইল এই ক্ষেত্রগারি হইতে। প্রায় ১১০০ নৌ-শিক্ষার্থী এই ধর্মঘটে অংশ গ্রহণ করিল।

অসন্তোষ ক্রমত বিস্তারলাভ করিতে লাগিল। "কলাবতী," "আউথ," "নাসিক" ও "নিলাস" জাহাজও পরের দিনই যোগদান করিল এই ধর্মঘটে। ইহাতে ধর্মঘটী নৌ-সৈন্য ও নৌ-শিক্ষার্থীগণের সংখ্যা উড়াইল প্রায় ২০,০০০। ইহার পর ক্রমশঃ "আকবর," "মাচলিমার," "ফিরোজ" প্রভৃতি জাহাজের নৌ-শিক্ষার্থীরা এবং বিভিন্ন ক্ষেত্রের অধিকারীও ধর্মঘটে যোগদান করার কলে ধর্মঘটীদের ক্রমশঃ প্রভূত পরিমাণে বৃদ্ধিপ্রাপ্ত হইল। বোম্বাই শহরের জিপথে ধর্মঘটীদের এক বিরাট শোভাযাত্রা বাহির হইল। সকল লরী তাহাদের দখলে ছিল, সেগুলির উপরে কংগ্রেস ও লীগের পতাকা এবং লালঝাণ্ডা উড়াইয়া শোভাযাত্রা বাহির করা হইল। বিক্ষুব্ধ ধর্মঘটীরা যে ক্রমসময়ই শান্তিপূর্ণ রহিল, তাহা নহে। কোথাও কোথাও তাহারা ইংরাজ-সৈনিক অথবা পুলিশ অফিসারদিগকে হার করিতেও দ্বিধা করিল না। কতকগুলি ইউরোপীয় অভিযানও তাহাদের দ্বারা আক্রান্ত হইল। ধর্মঘটীদের মধ্যে কোনও শৃঙ্খলাই বজায় রহিল না। ২১শে তারিখের মধ্যে বোম্বাই পোতাশ্রয়ের প্রায় কুড়িখানি জাহাজ বিদ্রোহীদের দখলে চলিয়া গেল—এমন কি, প্রধান সেনাপতি স্বয়ং যে জাহাজখানিতে বসিয়াছিলেন, সেই ক্লাগসিপ "নর্দানা" পর্যন্ত বাদ পড়িল না। সবগুলি জাহাজের উপরই ব্রিটিশ পতাকার পরিবর্তে কংগ্রেস ও লীগের পতাকা উড়াইতে লাগিল।

নৌ-বিদ্রোহ শুরু হওয়ার সঙ্গে সঙ্গেই বোম্বাই শহরের অধিবাসীরাও উত্তেজিত হইয়া উঠিল। ধর্মঘটীদের প্রতি সহানুভূতিসম্পন্ন নাগরিকগণের সমর্থন হইয়া বোম্বাইয়ের গিরগাঁও ও কলবাদেরী অঞ্চলে ট্রাম-বাস সিস্টেম আশ্রয় ধরাইয়া দিতে লাগিল, সরকারী অফিস প্রভৃতি বন্ধ করিয়া ও লুণ্ঠ করিতে লাগিল, ব্রিটিশ সৈন্য ও পুলিশের সহিত লড়াই করার জন্য হানে হানে ব্যারিকেড রচনা করিল। সমগ্র বোম্বাই শহরে সা-হাঙ্গামা আরম্ভ হওয়ার পূর্ণমাত্রার অস্বাভাবিকতা ও বিশৃঙ্খলা বিরাজ করিতে লাগিল। পুলিশ ও সৈন্যগণ বিভিন্ন স্থানে বহবার গুলি চালাইল।

নৌ-ধর্মঘটীদের প্রতি সহানুভূতি প্রদর্শনের জন্য বোম্বাইয়ের মেরিন-

ড্রাইভ ও আন্ডারী এলাকার ভারতীয় বৈমানিকগণও ধর্মঘট শুরু করিল। বাংলার কলিকাতার উপকর্তৃত্বিত বেহালার নৌ-শিক্ষার্থীরা, মাঝেরহাটের নৌসৈন্যগণ এবং "হুগলী" জাহাজের নৌ-শিক্ষার্থীরাও ধর্মঘট আরম্ভ করিল। মাত্রাজে "আদিয়ার" রণপোতের নৌসৈন্যেরাও কাজ বন্ধ করিয়া দিল। বিদ্রোহ কিন্তু প্রবল আকারে দেখা দিল করাচীর বন্দরে। সেখানকার "হিমালয়", "বাহাহু", "চমক" এবং "হিন্দুস্থান" প্রভৃতি বিদ্রোহে যোগদান করিল এবং তাহাদের নেতৃত্ব করিতে লাগিল "হিন্দুস্থান"। "হিন্দুস্থান" জাহাজের নৌসৈন্যেরা একেবারে চরম-পত্র দিয়া বসিল। তাহারা সোজা হুজি-জানাইয়া দিল, যে, সন্ধ্যা ছয় ঘটিকার মধ্যে তাহাদের দাবী স্বীকার করিয়া না লইলে তাহারা সৈন্যদের উপর গুলি চালাইবে। ইহার পর সামরিক পুলিশ "হিন্দুস্থান"-এর উপর গুলিবর্ষণ করিল—"হিন্দুস্থান" তাহার প্রত্যুত্তর দিল দুইটি কামান হইতে গোলাবর্ষণ করিয়া। সিংগালের দ্বারা ইজিত করিয়া "হিন্দুস্থান" করাচীর অন্তিম বিদ্রোহী জাহাজগুলিকে আবশ্যিক নির্দেশাদি দান করিতে লাগিল।



নৌ-বিদ্রোহীদের সমর্থনে বোম্বাই-এ গণ-বিক্ষোভ। মিলিটারির গুলিতে নিহত কয়েকজন

আজাদ-হিন্দ কৌজ ভারতীয় সৈন্য-বিশাগে যে ভাঙ্গন ধরাইয়াছিল, নৌ-বিদ্রোহে তাহা আরও গুরুতর আকার ধারণ করিল। সামরিক সংগঠনের বিভিন্ন বিভাগে ভারতীয়গণের যে ঐকান্তিক আনুগত্যের উপর ব্রিটিশ-সাম্রাজ্যের প্রতিষ্ঠা সুদৃঢ় ছিল, ইংরাজ কূটনীতি ও সময়নীতিবিদগণ বৃষ্টিতে পরিণত হইল যে তাহা আর বিন্দুমাত্র নির্ভরযোগ্য নহে। যে বিদ্রোহ নৌ-বিশাগে শুরু হইয়াছে, যে কোন মুহূর্তে অন্তিম বিভাগেও তাহার সংক্রমণ সংঘটিত হইতে পারে। অসন্তুষ্ট জনসমষ্টি, বিরুদ্ধ আন্তর্জাতিক পরিস্থিতি এবং বিদ্রোহী সৈন্যদল লইয়া তাহারা বারুদের স্তুপে বসিয়া আছেন—যে কোনও মুহূর্তে বিস্ফোরণ ভয়াবহরূপে আরও প্রচণ্ড হইতে পারে। অতএব সত্য সত্যই ভারত হইতে ব্রিটিশ সিংহের সমস্তাৎ প্রস্থানের সময় সমাগত হইয়াছে। ক্ষমতা হস্তান্তর সম্বন্ধে তখনও কর্তৃপক্ষের মনে বেটুকু ইতস্ততঃ ভাব ছিল, নৌ-বিদ্রোহ শুরু হওয়ার সঙ্গে সঙ্গে তাহা দূরীভূত করিয়া বাস্তব সিদ্ধান্ত গ্রহণ করিতে হইল।

নৌ-বিদ্রোহ শুরু হওয়ার একদিন পরেই ১৯৪৬ সালের ১৯শে

ফেব্রুয়ারি বিলাতে প্রমিত গভর্নমেন্ট ভারত সম্পর্কে এক সিদ্ধান্ত ঘোষণা করিলেন। তাহাতে বলা হইল যে, ভারতে শীঘ্রই এক মন্ত্রি-মিশন প্রেরিত হইবে এবং ভারত যাহাতে দ্রুত স্বাধীনতা লাভ করিতে পারে, তাহা সাহায্য করিবার জন্য তাহার ভারতের নুতন শাসন-তন্ত্র সম্বন্ধে ভারতীয় নেতৃবৃন্দের সহিত আলোচনা করিবেন।

কয়েকদিন যাবৎ নৌ-সৈন্তগণ ক্যান্সল ব্যারাকের মধ্যে ঘাঁটি করিয়া বৃটিশ সৈন্তগণের সহিত তুমুল সংগ্রামে রত রহিল। ব্যারাকের অভ্যন্তরস্থ অস্ত্রাগারটি রহিল তাহাদেরই দখলে। ২১শে তারিখে রাতে ইংলণ্ডের প্রধান মন্ত্রী মিঃ এ্যাটলি কমন্স সভায় এক বিবৃতি দিয়া জানাইলেন, যে, ঘটনাকে আরও আনিবার জন্য বৃটিশ নৌ-বহরের একটা বড় দল বোম্বাই বন্দর অভিমুখে ইতিমধ্যেই যাত্রা করিয়াছে। নয়াদিল্লীর প্রধান কেন্দ্র হইতেও ঘোষণা করা হইল, শক্তিশালী নৌ, স্থল ও বিমানবাহিনী বোম্বাই, পুণা ও করাচীতে প্রেরিত হইয়াছে। ভারতীয় নৌ-বহরের প্রধান সেনাপতি ভাইস এ্যাডমিরাল গডফ্রে এ ২১শে তারিখেই বোম্বাই বেতার-কেন্দ্র হইতে নৌ-বিজ্ঞানীদের উদ্দেশে এক ভাষণে জানাইলেন, বিজ্ঞানীদের অভাব-অভিযোগ সম্পর্কে তদন্ত করা হইবে এবং জায়সমস্ত দাবীগুলি পূরণ করারও চেষ্টা করা হইবে—কিন্তু বিজ্ঞানীদের সহিত হইবে বিনা সর্ত্তে আত্মসমর্পণ। তিনি স্মরণ করাইয়া দিলেন, গভর্নমেন্টের শক্তি অল্প নহে এবং প্রয়োজন হইলে সমগ্র শক্তি বিজ্ঞান-দমনে নিয়োজিত হইবে; এমন কি, সেজন্য প্রয়োজন হইলে তাহাদের গোরবের নৌ-বহরকে ধ্বংস করিয়া ফেলিতেও তাহারা দ্বিধা করিবেন না।

২১শে ফেব্রুয়ারি রাতেই ভারতীয় নৌ-বহরের একটা দল গিয়া বোম্বাই বন্দরে প্রহরায় নিযুক্ত হইল এবং কয়েকখানি জাহাজ ও বোম্বার বিমান উপর হইতে পর্যবেক্ষণ কার্য চালাইতে লাগিল। উভয় পক্ষ হইতেই সারা রাত্রি গুলি ও গোলা বাধিত হইতে লাগিল।

বোম্বাই শহরের অবস্থা আরও চরমে উঠিল। ২২শে তারিখে জনসাধারণ কতকগুলি অঞ্চলে এতই বিক্ষুব্ধ হইয়া উঠিল যে, পুলিশ ও মিলিটারি নানা স্থানে বহরায় গুলি চালনা করিল। সেদিনের গুলি বর্ষণে নিহত হইল প্রায় ৬০ জন এবং আহত হইল প্রায় ৬০০ ব্যক্তি। জনসাধারণ সেদিন আন্দাজ ৪০খানি সামরিক লরি আগুন লাগাইয়া পুড়াইয়া দিল, ১২টি ডাকঘর ও ৩০টি গ্যাসন দোকান লুণ্ঠ করিল এবং ইম্পিরিয়াল ব্যাঙ্কের ৩টি শাখা আক্রমণ করিয়া জিনিস-পত্র জালিয়া গুড়াইয়া লুণ্ঠও করিয়া দিল। দাঙ্গা-হাঙ্গামা এতই প্রচণ্ড আকার ধারণ করিল যে, কয়েক স্থলে মিলিটারি ও পুলিশের সহিত জনতার রীতিমত লড়াই হইয়া গেল। সরকারী পক্ষে নিহত হইল একজন কনষ্টেবল এবং আহত হইল ২০ জন কনষ্টেবল এবং ৩৭ জন অফিসার।

বেতার মারকত নৌ-সেনাপতির ভীতি প্রদর্শনে কোনও কল ফলিল না। ইতিকর্তব্য নির্ধারণের জন্য কেন্দ্রীয় ধর্মঘট কমিটির প্রতিনিধিবৃন্দ

জাতীয় নেতৃবৃন্দের সহিত সাক্ষাৎ করিলেন এবং তাহাদের নির্দেশ প্রার্থনা করিলেন। শ্রীপুরবোস্তমদাস ত্রিকমদাস, সর্দার বরভটাই প্যাটেল, জনাব মহম্মদ আলি জিন্না প্রভৃতি নেতাগণ বিজ্ঞানীদেরকে আত্মসমর্পণ করিতে বলিয়া শাস্তির জন্য আবেদন জানাইলেন। সর্দার প্যাটেল আরও জানাইলেন যে, নৌ-সৈন্তগণের অভাব-অভিযোগ পূরণের ব্যাপারে এবং তাহারা যাহাতে শান্তি না পায় সে বিষয়ে কংগ্রেস যথাসাধ্য চেষ্টা করিবে।

ইহার পর ২২শে ফেব্রুয়ারি রাতে “তলোয়ার” জাহাজে কেন্দ্রীয় ধর্মঘট কমিটির যে অধিবেশন হইল, তাহাতে জাতীয় নেতৃবৃন্দের উপদেশ ও আবেদন অনুযায়ী বিনা সর্ত্তে আত্মসমর্পণ করারই সিদ্ধান্ত গৃহীত হইল। পরদিন ভোর ৬টা ১৩ মিনিটের সময় আত্মসমর্পণের নির্দেশমূলক সাক্ষাতিক বার্তা বিজ্ঞানীদের ঘাঁটিগুলিতে প্রেরণ করা হইল। বিভিন্ন ঘাঁটির বিজ্ঞানী নৌ-সৈন্তগণ এবং জাহাজগুলি ইহার পর একে একে আত্মসমর্পণ করিল। করাচীতে ইহার একদিন পূর্বেই বিজ্ঞানীদের পরিসমাপ্তি ঘটে। ২২শে তারিখে উভয়পক্ষে প্রবলভাবে গোলাগুলি বিনিময়ের পর বৃটিশ ছত্রীবাহিনীর আক্রমণে নিরুপায় হইয়া সকাল ১১টা ১৫ মিনিট সময়ে “হিন্দুস্থান” এবং অন্যান্য জাহাজ আত্মসমর্পণ করে।

১৮৫৭ সালের সিপাহী বিজ্ঞানীদের পর নৌ বিজ্ঞানীদের মত এতবড় বিজ্ঞান সমরবিভাগে আর ঘটে নাই। পতনশীল বৃটিশ-সাম্রাজ্যের ভিত্তি ইহার দ্বারা যেন কম্পিত হইয়া উঠিল।

১৯৪৬ সালের ১৫ই মার্চ ইংলণ্ডের প্রমিতদলীয় প্রধান মন্ত্রী মিঃ এ্যাটলি আর একটি ঘোষণায় জানাইলেন, সংখ্যালঘু সম্প্রদায়সমূহকে আর সংখ্যাগুরু সম্প্রদায়গুলির অগ্রগতি ব্যাহত করিতে দেওয়া হইবে না। মন্ত্রি-মিশন প্রেরণ সম্পর্কে তিনি বলিলেন, ভারতবর্ষ যাহাতে দ্রুত স্বাধীনতা লাভ করিতে পারে, সে বিষয়ে সাহায্য করিবার জন্য তাহার সহকর্মীগণ ভারতে গমন করিতেছেন। ভারতের ভবিষ্যৎ শাসন-ব্যবস্থা কিরূপ হইবে, ভারতবাসীদের দ্বারা তাহা স্থিরীকৃত হইবে। তাহারা ইচ্ছা করেন যে, ভারতের জনগণ স্বয়ং এ সম্বন্ধে সিদ্ধান্ত গ্রহণ করেন। ভারতের পূর্ণ স্বাধীনতা দাবী করিবার অধিকার তিনি স্বীকার করিলেন এবং যথাসম্ভব দ্রুত ও সহজভাবে ক্ষমতা হস্তান্তর করিতে অভিলাষ প্রকাশ করিলেন।

ইহার পর মন্ত্রি-মিশনের তিনজন সদস্য—ভারত-সচিব লর্ড পেথিক লরেন্স, বাণিজ্য-সচিব স্যার ট্যাফোর্ড ক্রীপ্স এবং নৌ-সচিব মিঃ এ. ভি. আলেকজান্ডার—২৩শে মার্চ করাচীতে আসিয়া পৌঁছাইলেন। মিশনের নেতা ছিলেন লর্ড পেথিক লরেন্স। ভারতে আসিয়াই মিশনকে সংখ্যালঘু-সংখ্যাগুরু সম্পর্কার মিঃ এ্যাটলির ঘোষণার ব্যাখ্যামূলক প্রশ্নের সম্মুখীন হইতে হইল। উহা ব্যাখ্যা প্রসঙ্গে তাহারা বলিলেন যে, উক্ত ঘোষণার মুসলমান সম্প্রদায়কে সংখ্যালঘু সম্প্রদায় হিসাবে গণ্য করা হয় নাই; অর্থাৎ তাহার নির্গলিতার্থ এইরূপ পাড়াইল যে ভারতকে আঞ্চলিক ভিত্তিতে বিভাগ করিলে যে সব এলাকায় মুসলমানগণ

সংখ্যাগরিষ্ঠ, সে সকল স্থানে তাঁহারা সংখ্যাগরিষ্ঠ হিসাবেই পরিগণিত হইবেন। এইভাবে ভারতকে অখণ্ডভাবে বিচার না করিয়া মুসলমান-গণকে সমগ্র ভারতে সংখ্যাগণ সম্প্রদায় হিসাবে বিবেচিত হওয়ার আশঙ্কা হইতে মুক্ত করা হইল। ইহার পূর্বে বড়লাট লর্ড ওয়াভেল একবার ঘোষণা করিয়াছিলেন যে, ভৌগোলিক, সামরিক এবং অর্থ-নৈতিক দিক দিয়া ভারত অখণ্ড—ইহার উপর পাকিস্তানী-অস্ত্রোপচার চলিবে না। মন্ত্রি-মিশনের ব্যাখ্যায় কিন্তু পাকিস্তানের আশঙ্কাই যেন উঁকিঝুঁকি মারিতে লাগিল।

ভারতে উপস্থিত হইয়া বিভিন্ন সম্প্রদায় এবং দলকে তাঁহাদের বক্তব্য এবং প্রস্তাবসমূহ মন্ত্রি-মিশনের নিকট উপস্থাপিত করিবার জন্ত মিশন আমন্ত্রণ জানাইলেন এবং বিভিন্ন দলের নেতৃবৃন্দের সহিত আলাপ-আলোচনা চালাইতে লাগিলেন। আলোচনার প্রথম পর্যায় শেষ করিয়া মন্ত্রীত্ব বিক্রম গ্রহণের উদ্দেশ্যে কয়েক দিনের জন্ত ১৯শে এপ্রিল তারিখে কাশ্মীরে গমন করিলেন। তাঁহাদের কাশ্মীর হইতে প্রত্যাবর্তনের পর এই মে হইতে মন্ত্রি-মিশনের সদস্তগণ, বড়লাট এবং কংগ্রেস ও লীগনেতৃবৃন্দের ত্রিদলীয় বৈঠক সিমলায় শুরু হইল; কিন্তু মুসলিম লীগের পাকিস্তান দাবী এবং কংগ্রেসের অখণ্ড ভারত দাবীর টানা-হেঁচড়ায় ১২ই মে সন্ধ্যায় বৈঠক ভাঙিয়া গেল।

মন্ত্রি-মিশনের সহিত আলাপ-আলোচনায় প্রবৃত্ত হইবার পূর্বে কংগ্রেসের পক্ষ হইতে এই প্রতিশ্রুতি আদায় করিয়া লওয়া হইয়াছিল যে, কংগ্রেস ও লীগের মধ্যে কোনও নীমাংসা সম্ভব না হইলেও ভারতবর্ষ সম্বন্ধে শ্রমিক গভর্নমেন্টের ঘোষণাকে কাঁধে পরিণত করিতে হইবে; সুতরাং বৈঠক ভাঙিয়া গেলেও মন্ত্রি-মিশনের কার্য শেষ হইল না। উভয় দলের মধ্যে কোনও নীমাংসা সম্ভব না হওয়ার এক বিবৃতি মারফত বড়লাট এবং মন্ত্রীত্ব দুঃখ প্রকাশ করিলেন এবং ইহাও জানাইলেন যে, আলোচনা ব্যর্থ হওয়ার সকল উদ্যোগ শেষ হইল না; পরবর্তী কর্তব্য সম্বন্ধে নীত্বই এক ঘোষণা করা হইবে।

সেই ঘোষণা প্রকাশিত হইল ১৬ই মে। উহাতে গণ-পরিষদ গঠন এবং ভারতের ভবিষ্যৎ রাষ্ট্রীয় রূপ সম্বন্ধে সুপারিশের আকারে এক পরিকল্পনা প্রচারিত হইল। পরিকল্পনার দুইটি অংশ—একটি দীর্ঘ-মেয়াদী ও অপরটি স্বল্পমেয়াদী। দীর্ঘমেয়াদী পরিকল্পনায় পররাষ্ট্র, দেশরক্ষা এবং যানবাহন ব্যতীত অপর সমুদয় ক্ষমতা প্রাদেশিক ও দেশীয়রাজ্য গভর্নমেন্টসমূহের হস্তে স্থান্ত করিয়া ব্রিটিশ ভারত ও দেশীয় রাজ্যের সমবায় এক ভারতীয় যুক্তরাষ্ট্র গঠনের কথা বলা হইল। পররাষ্ট্র, দেশরক্ষা ও যানবাহনের পুরাপুরি কর্তৃত্ব কেবল যুক্তরাষ্ট্রীয় সরকারের হস্তে থাকিবে। প্রাদেশিক ব্যবস্থা-পরিষদের সদস্তগণ কর্তৃক সাম্প্রদায়িক অনুপাতে একক হস্তান্তর-যোগ্য ভোটের দ্বারা নির্বাচিত প্রাপ্তবয়স্কের ভোটের ভিত্তিতে প্রতি দশ লক্ষে একজন হিসাবে মোট ৩৮৫ জন সদস্ত লইয়া ভারতীয় যুক্তরাষ্ট্রের জন্ত এক শাসনতন্ত্র-রচনাকারী গণ-পরিষদ গঠিত হইবে। ৩৮৫ জন সদস্তের মধ্যে ব্রিটিশ ভারত হইতে থাকিবেন ২৯২ জন এবং দেশীয় রাজ্য হইতে

৯৩ জন। মুসলিম লীগের পাকিস্তান দাবী আংশিকভাবে পূরণের জন্ত ব্রিটিশ ভারতের প্রদেশগুলিকে এভাবে তিনটি মণ্ডলীতে ভাগ করার ব্যবস্থা হইল, যাহাতে মুসলমানগণ যে যে অঞ্চল লইয়া পাকিস্তান গঠন করিতে চাহেন, সেই সেই অঞ্চলের প্রাদেশিক শাসন-তন্ত্র প্রণয়নে তাঁহাদের সংখ্যাগরিষ্ঠতা অনুগ্রহ থাকে। এইরূপ ব্যবস্থা হইল যে, গণ-পরিষদের প্রথম অধিবেশনেই ক, খ ও গ প্রদেশ-মণ্ডলীর অন্তর্ভুক্ত প্রতিনিধিবর্গ পরিকল্পনায় উদ্ভিখিতমত তিনটি বিভিন্ন ভাগে বিভক্ত হইয়া তাঁহাদের স্ব স্ব মণ্ডলীর অন্তর্গত প্রদেশসমূহের জন্ত শাসনতন্ত্র রচনা করিবেন এবং ঐ সমুদয় প্রদেশ লইয়া মণ্ডলী গঠিত হইবে কি না এবং হইলে কোন্ কোন্ বিষয়ের ভার ঐ মণ্ডলী গ্রহণ করিবে, তাহা স্থির করিবেন। নূতন শাসনতন্ত্র চালু হওয়ার পর কোনও প্রদেশ ইচ্ছা করিলে উহা যে মণ্ডলীর অন্তর্ভুক্ত আছে, তাহা হইতে বাহির হইয়া আসিতে পারিবে। আলোচনা কমিটির মাধ্যমে দেশীয় রাজ্যগুলির ভারতীয় যুক্তরাষ্ট্রে যোগদান সম্বন্ধে আলোচনা করিতে এবং যোগদানের জন্ত সর্ব স্থির করিতে নির্দেশ দেওয়া হইল।

স্বল্পমেয়াদী পরিকল্পনায় বলা হইল, যে সকল প্রধান প্রধান দল উপরোক্ত দীর্ঘমেয়াদী পরিকল্পনা মানিয়া লইবেন, তাঁহাদের মধ্য হইতে সদস্ত লইয়া অন্তর্কর্ত্তী কালের জন্ত ভারতগভর্নমেন্ট পুনর্গঠিত হইবে।

২৯শে জুন তারিখে মন্ত্রি-মিশনের সদস্তগণ ভারত ত্যাগ করিলেন।

মন্ত্রি-মিশনের সনির্বন্ধ অনুরোধে কংগ্রেস সর্বসাধারণভাবে দীর্ঘ-মেয়াদী প্রস্তাবটি গ্রহণ করিলেন—কিন্তু স্বল্পমেয়াদী প্রস্তাব স্বীকার করিয়া অন্তর্কর্ত্তী সরকার গঠনে রাজি হইলেন না। মুসলিম লীগ প্রথমে উভয় প্রস্তাবই গ্রহণ করিলেন, কিন্তু ব্রিটিশ গভর্নমেন্ট একমাত্র তাঁহাদের লইয়া অন্তর্কর্ত্তী সরকার গঠনে উদ্যোগী না হওয়ার এবং দীর্ঘ মেয়াদী পরিকল্পনায় মণ্ডলী-গঠন প্রভৃতির ব্যাখ্যা লইয়া মতান্তরের ফলে তাঁহারা পরে আবার বাকিয়া বসিলেন। ১৯৪৬ সালের জুলাই মাসে প্রদেশসমূহ হইতে গণ-পরিষদের সদস্ত-নির্বাচন সমাপ্ত হইলে দেখা গেল যে, উহাতে কংগ্রেস দলের ২১১ জন এবং লীগের মাত্র ৭৩ জন সদস্ত স্থান পাইয়াছেন; সুতরাং বিপুল সংখ্যাগরিষ্ঠতা (মিঃ জিন্নার ভাবায় Brute Majority) থাকার ফলে গণ-পরিষদে কংগ্রেসের প্রস্তাব বিন্দুমাত্রও ক্ষুণ্ণ হওয়ার সম্ভাবনা ছিল না। তখন ২৯শে জুলাই তারিখের এক অধিবেশনে লীগ কাউন্সিল মন্ত্রি-মিশনের পরিকল্পনা সম্পূর্ণভাবে পরিত্যাগ করিয়া স্বাধীন, সার্বভৌম পাকিস্তানের জন্ত প্রত্যক্ষ সংগ্রাম শুরু করার সিদ্ধান্ত গ্রহণ করিলেন। ১৬ই আগষ্ট প্রত্যক্ষ-সংগ্রাম-দিবস হিসাবে পালন করা স্থির হইল।

পণ্ডিত নেহেরু ইতিমধ্যে অন্তর্কর্ত্তী সরকার গঠনের জন্ত আমন্ত্রিত হইলেন। লীগও যাহাতে অন্তর্কর্ত্তী সরকারে যোগদান করেন, পণ্ডিত নেহেরু তজ্জন্ত জনাব মহম্মদ আলি জিন্নার সহিত বোম্বাই নগরীতে গিয়া সাক্ষাৎ করিয়া আলাপ-আলোচনা চালাইলেন—কিন্তু লীগের মনোভাবের কোনই পরিবর্তন হইল না। এদিকে ১৬ই আগষ্ট প্রত্যক্ষ-সংগ্রাম-দিবসে নানা স্থানে ভীষণ দাঙ্গা-হাঙ্গামা শুরু

হইল—তদ্ব্যপ্তে কলিকাতার দাঙ্গাই হইল ভয়াবহ। উহার পর হইতেই
অত্যাধিক নানাভাবে দাঙ্গা-হাঙ্গামা চলিয়া আসিতেছে।

পণ্ডিত নেহেরুর নেতৃত্বে ২রা সেপ্টেম্বর অন্তর্কর্ত্তী সরকার গঠিত
হইল। ইহার পর বড়লাট লর্ড ওয়াভেলের সহিত লীগ-সভাপতি মিঃ
জিয়ার গোপন আলোচনার ফলে দীর্ঘ-মেয়াদী পরিকল্পনা মানিয়া
লাইলেও লীগের পাঁচ জন সদস্যকে ২৬শে অক্টোবর অন্তর্কর্ত্তী
সরকারে গ্রহণ করা হইল; কিন্তু ইহার ফল শুভ হইল না। দুইটি
প্রতিদ্বন্দ্বী দলের আদর্শগত পার্থক্যের জন্য সদস্যগণের মধ্যে মত-বিরোধ
এবং অসহযোগিতা তীব্র আকার ধারণ করিল।

২ই ডিসেম্বর হইতে গণ-পরিষদের অধিবেশন শুরু হইবে বলিয়া
স্থির হইয়াছিল; কিন্তু অন্তর্কর্ত্তী সরকারে থাকিয়াও লীগের উক্ত
গণ-পরিষদ বর্জন করার সিদ্ধান্তে উত্তর হইল এক জটিল পরিস্থিতির।
তখন লর্ড ওয়াভেল কংগ্রেস, লীগ ও শিখ নেতৃত্বকে লইয়া মিঃ
এ্যাটলির আমন্ত্রণে আলোচনার জন্য লণ্ডনে গমন করিলেন।
কংগ্রেসের তরফে গেলেন পণ্ডিত জওহরলাল নেহেরু এবং লীগের
তরফে মিঃ জিয়ার। আলোচনার কিছুই সীমাসী হইল না। দীর্ঘ-
মেয়াদী পরিকল্পনা সম্পর্কে লীগের ব্যাখ্যা সমর্থন করিয়া মিঃ এ্যাটলি
৬ই ডিসেম্বর এক বিবৃতি দিলেও এবং কংগ্রেস সেই ব্যাখ্যাই মানিয়া
লইতে সম্মত হইলেও লীগ গণ-পরিষদে যোগদান করিতে রাজি হইল
না। লীগ সদস্যগণের অনুপস্থিতি সত্ত্বেও ৯ই ডিসেম্বর কিন্তু গণ-
পরিষদের প্রথম অধিবেশন বসিল।

১৯৪৭ সালের ২০শে ফেব্রুয়ারি মিঃ এ্যাটলি ভারত সম্পর্কে
কমন্স সভার এক চূড়ান্ত ঘোষণা দিলেন। উহাতে বড়লাট হিসাবে
লর্ড ওয়াভেলের স্থলে লর্ড লুই মাউন্টবাটেনের নিয়োগ ঘোষণা করা
হইল এবং বলা হইল যে, বৃটিশ গভর্নমেন্ট ১৯৪৮ সালের জুন মাসের
মধ্যে ভারত শাসনের সকল দায়িত্ব ও ক্ষমতা পরিত্যাগ করিবেন।
ক্ষমতা হস্তান্তরের কাজ অবিলম্বেই আরম্ভ করা হইবে এবং কেন্দ্রীয়
ও প্রাদেশিক গভর্নমেন্টসমূহ যাহাতে ঐ সময়ের মধ্যে ক্ষমতা গ্রহণের
উপযুক্ত হয়, তৎসমস্ত বিশেষ বিশেষ ক্ষমতা প্রদান করা হইতে থাকিবে।
সমগ্র বৃটিশ ভারত উক্ত নির্দিষ্ট সময়ের মধ্যে ঐক্যমত হইয়া ক্ষমতা
গ্রহণে ইচ্ছুক না হইলে, কাহার নিকট ক্ষমতা হস্তান্তর করা হইবে,
সে বিষয়ে বৃটিশ গভর্নমেন্ট চিন্তা করিয়া দেখিবেন। তখন বিবেচনা
করিয়া দেখা হইবে যে, কেন্দ্রীয় সরকার বা অঞ্চল বিশেষে প্রাদেশিক

সরকার অথবা ভারতের ষাৰ্ধ ও ভারপারাপত্তার দিক হইতে অপর
কাহার হস্তে ক্ষমতা হস্তান্তর করা যার। বস্তুতঃ এই ঘোষণার দ্বারা
মন্ত্রি-মিশনের পরিকল্পনা কার্যতঃ পরিত্যাগ করা হইল।

ক্ষমতা হস্তান্তরের দায়িত্ব লইয়া মার্চ মাসের শেষ দিকে বড়লাট
হইয়া আসিলেন লর্ড লুই মাউন্টবাটেন। কংগ্রেস, লীগ ও শিখ
নেতৃত্বকে সহিত আলোচনার পর তাঁহাদের সম্মতিতে তিনি ৩রা জুন
তারিখে ভারত-বিভাগের প্রস্তাব উত্থাপন করিলেন। ইহার ফলে
বাঙ্গালা ও পাঞ্জাব বিভক্ত হইল—আমাদের শীঘ্রই জেলায় গণভোট
গ্রহণের পর উহা পূর্ববঙ্গের সহিত যুক্ত হইল। উত্তর-পশ্চিম-সীমান্ত
প্রদেশেও গণ-ভোট লইয়া উহার পাকিস্তানে যোগদান সাব্যস্ত হইল।

১৯৪৭ সালের ৪ঠা জুলাই ইংলণ্ডের পার্লামেন্ট মহাসভার হাউস
অফ কমন্স এ ভারতীয় স্বাধীনতা-আইন উত্থাপন করা হয় এবং
আলোচনাস্থলে অতি দ্রুত ১৪ই জুলাই তাহা চূড়ান্তরূপে গৃহীত হয়।
বিলাট লর্ড সভার অনুমোদিত হয় ১৬ই জুলাই তারিখে। রাজা যষ্ট জর্জ
১৮ই জুলাই বিলে সম্মতি দান করিলে উহা আইনে পরিণত হয়।

উক্ত আইন অনুযায়ী ১৯৪৭ সালের ১৫ই আগস্ট ভারতীয় যুক্তরাষ্ট্র
ও পাকিস্তান নামে দুইটি নূতন ডোমিনিয়ন গঠিত হয় এবং উক্ত দুইটি
ডোমিনিয়নের উপর বৃটিশ মন্ত্রি-সভার সর্ববিধ কর্তৃত্ব লোপ পায়। দেশীয়
রাজ্যগুলির উপরও ইংলণ্ডের সার্বভৌমত্বের অবসান ঘটে এবং
অস্তিত্ব, সংস্কৃতি ও নৈকট্য অনুযায়ী ঐগুলিকে দুইটি ডোমিনিয়নের
যে কোন একটিতে যোগদানের অধিকার ও পরামর্শ দেওয়া হয়।

ভারতীয় গণ-পরিষদ শাসন-তন্ত্র প্রণয়নের কার্য চালাইয়া যাইতে
থাকেন। ইতিমধ্যে ভারত-রাষ্ট্রের সংলগ্ন দেশীয় রাজ্যগুলিও একে
একে ভারতীয় যুক্তরাষ্ট্রে যোগদান করেন। ১৯৪৯ সালের ২৬শে
ডিসেম্বর গণ-পরিষদের শাসনতন্ত্র প্রণয়ন কার্য সমাপ্ত হইয়া ঐদিন
উহা চূড়ান্তরূপে গৃহীত হয়। তাহার ফলে ১৯৫০ সালের ২৬শে জানুয়ারি
মহান ভারতীয় গণতান্ত্রিক প্রজাতন্ত্র স্থাপিত হইয়াছে এবং ভারত
বেচ্ছার উপনিবেশ-গোষ্ঠীর মধ্যে থাকিলেও ইংলণ্ডের রাজ্যের প্রতি
তাহার আনুগত্যের সমাপ্তি ঘটিয়াছে।

আমাদের স্বাধীনতা-লাভের ইহাই ইতিহাস। স্বাধীনতার বিপুল
স্বার্থত্যাগ এবং আত্মবিসর্জনের উপর এই স্বাধীনতার প্রতিষ্ঠা—তাঁহার
চিরদিন পুঞ্জিত হউন।

সমাপ্ত



বিশ্বের বিখ্যাত পত্রাবলী

ডাঃ শ্রীমাখনলাল রায়চৌধুরী শাস্ত্রী

ভিক্টর হুগোর প্রথম যৌবনের পত্র

পত্র পরিচয়—

ফরাসী ভিক্টর হুগো বাঙ্গালী পাঠকের নিকট অপরিচিত নন, তাঁর রচনা “লে মিজায়েবলস,” “হক্, বেক অব্, নতীর দামের” ইংরেজী অনুবাদ শিক্ষিত বাঙ্গালী সাগ্রহে পাঠ করে।

ফরাসী বিপ্লবের সমকালে ১৮০২ সালে বিখ্যাত হুগো পরিবারে তাঁর জন্ম। ১৫ বৎসর বয়সে তাঁর প্রথম কবিতা প্রকাশিত হয়েছিল; ১৯ বৎসর বয়সে তাঁর শৈশব খেলার সাথী এডিলির প্রতি তিনি আকৃষ্ট হন। তিন বৎসর অসংখ্য কবিতা, উচ্ছ্বাস, পত্র বিনিময়, মান অভিমান। ২২ বৎসর বয়সে এডিলিকে বিবাহ করেন। তারপর ভিক্টর হুগোর দুঃস্থ চিত্ত শান্ত হয়। Le Dernier Jour d'em Condemne, নামক রচনার মানব-হৃদয়ের প্রেমাকাঙ্ক্ষার অপূর্ণ বিশ্লেষণ করেন। প্রেমের আবেদনই ভিক্টর হুগোর শ্রেষ্ঠ গীতি কবিতার উৎস। এই কবিতাগুলি ক্রমশঃ ভিক্টর হুগোকে পৃথিবীর সর্বশ্রেষ্ঠ গীতি কবির আসন দান করেছে।

পরবর্তী জীবনে ভিক্টর হুগো নানা বিষয়ে রচনা আরম্ভ করেন এবং রাজনীতির আবেগে জড়িয়ে পড়েন। তৃতীয় নেপোলিয়নকে তিনি প্রথম নেপোলিয়ানের ‘সীর্ণ সংস্করণ’ বলে আখ্যায়িত করেন। Napoleonic Legend, Napoleon le Petit এই দুইটি কথা ইউরোপের ইতিহাসে অবিনশ্বর। কলে ভিক্টর হুগোকে প্রায় ২০ বৎসর নির্বাসন জ্ঞাপন করতে হয়েছিল।

এই আলোচ্য পত্রখানি বিবাহের পূর্বে ২১ বৎসর বয়সে লেখা।

সন্ধ্যা—সুক্রবার, মার্চ ১৫

১৮২২ খৃঃ

এডিলি!

আজ রাত্রিতে আর আমি বাইরে যাব না, কাল এবং পরশু দুইটি সন্ধ্যা আমার বেশ কেটেছে, আজ সন্ধ্যায় আমি আমার ঘরে বসে থাকব এবং তোমার নিকট পত্র লিখব। এডিলি, আমার কল্পনার এডিলি, তোমাকে বলবার মতন আমার কত কথা আছে জান? গত দুই দিন আমি কেবল আমাকেই প্রশ্ন করেছি প্রতি মুহূর্তে—এই আনন্দ কি যন্ত্রের বিলাস নাত! আমার মনে হচ্ছে আমি যাহা অনুভব করি, তার সঙ্গে পৃথিবীর কোন সন্ধর্ষ নেই। আজও আমি মেঘমুক্ত আকাশ পরিকল্পনা করে উঠতে পারি নি।

এডিলি, তুমি ধারণা করতে পারবে না, আমি কত নিঃশব্দে আমাকে নিবেদন করে দিয়েছি। হাই, আমি কি তাই আমি! আমি দুর্বল; তাই আমি ভেবেছিলাম, আমি শান্ত। আমি এক উদ্ভ্রাণ নিরাশায় আচ্ছন্ন হয়েছিলাম, তাই আমি ভেবেছিলাম, আমি নির্ভীক, আমি প্রশান্ত। আজকে আমাকে তোমার চরণ প্রান্তে নিবেদন করবার অধিকার দাও—তুমি কত বিরাট, কোমল, শক্তিময়ী! আমার কেবল মনে হচ্ছে তোমার নিকট আমার আত্মনিবেদনের চরম পরিণতি হবে—তোমার জন্ত আমার আত্ম-বিসর্জন। কিন্তু এডিলি, তোমার প্রেমের আতিশয্যে আমার জন্ত তোমার সমস্ত শাস্তি উৎসর্গ করার আরোজ্ঞা করেছ!

এডিলি, গত আট দিন তোমার ভিক্টর কি অদ্ভুত চিন্তা করে গেছে জান? কল্পনায় তোমার অপূর্ণ প্রেমের অর্থ গ্রহণ করেছি যদি আমার পিতা আমার অনুরোধ উপেক্ষা করে অর্থ প্রদানে অসম্মত হন, তবে হয়ত যে কোন উপায়ে কিছু অর্থ সংগ্রহ করে তোমাকে নিয়ে যাব। কারণ, তুমি আমার সঙ্গিনী, বাক্‌দণ্ডা, আমার ভবিষ্যৎ পরিণীতা। তোমার আমার মিলনে যারা বিদ্ব—তাদের স্পর্শ থেকে বহু দূরে তোমাকে নিয়ে যাব। আমরা ফরাসী দেশ অতিক্রম করে যাব। আমরা এমন দূরদেশে যাব যেখানে আমাদের অধিকা নিঃসন্দেহ। দিনের বেলায় আমরা একই যানবাহনে পথ চলব, রাত্রিতে আমরা একই গৃহতলে স্থপ্তি লাভ করব।

মহিমময়ী এডিলি! তুমি ভেবো না, আমি তোমার বিশ্বাসে অস্তায় হুযোগ নেবো, তুমি নিশ্চয় একথা ভেবে আমার উপর অবিচা করবে না আশা করি। তোমার ভিক্টর হুগোর নিকট তুমি অত্যন্ত শ্রদ্ধার পাত্রী। আমাদের যাত্রাপথে তুমি নির্ভয়ে নিজা যাবে আমার সঙ্গে একই গৃহতলে; কিন্তু তোমার ভিক্টরের স্পর্শে তুমি আতঙ্কিত হো উঠবে না, তোমার ভিক্টর তোমার প্রতি দৃষ্টিকোণও করবে না। আর্ তোমার পার্শ্বে একটি আসনে বসে থাকবো, অথবা তোমার শয্যার নিচে গৃহতলে বসে তোমার বিপ্রামের প্রহরী হয়ে থাকব। তোমার এই ক্রীতদাস প্রত্যাশা করে যে, সে স্বামী অধিকারেই তোমার রক্ষাকর্তা আসন গ্রহণ করবে। তার পর যেদিন ধর্মযাজক তাকে অধিকার দেবে.....

এডিলি! তুমি আমাকে ঘৃণা করো না, আমার দুর্বলতাকে ক্ষমা করো; তোমার শক্তির আচুর্ঘ্যে তুমি মহীয়সী। আমার নিঃসঙ্গত আমার আত্মীয় বিচ্যুতি, আমার পিতার অধীকৃতির কথা একমুখে বিবেচনা করে দেখো। একটি সপ্তাহ কেটেছে যখন তোমাকে প্রশ্ন হারিয়েছিলাম, আমার নিরাশায় তীব্রতার তুমি আশ্চর্য হনো না

আমার ছোট আদরের বস্তুটা, তুমি যে কত স্নান্য বস্তু ! তোমাকে স্বর্গের অপ্সরার সঙ্গে তুলনা করলে অপ্সরাকে গৌরবান্বিত করা হবে। বিধাতা তোমাকে তাঁর সমস্ত সম্পদ অকুণ্ঠ দান করেছেন—তুমি পেয়েছ বৈধব্য, তুমি পেয়েছ অক্ষুরস্ত আশ্রয়।

এডিলি ! তুমি ভুল করে না—আমি এক উচ্ছ্বাসের আবেগে এই কথাগুলি বলে যাচ্ছি—তোমার জন্ম আমার উচ্ছ্বাস আমার জীবনের শেষ মুহূর্ত পর্যন্ত নিঃশেষ হবে না—প্রতিদিন আমার উচ্ছ্বাস বেড়ে চলেছে। আমার সমস্ত স্নান্য তোমাতে রূপান্তরিত হয়েছে। আমার সমস্ত জীবন যদি তোমাতে বিলীন না হত, তবে আমার জীবনের স্বর শুধু হয়ে যেত ; আমার মৃত্যু হত, নিরুপায় হয়ে আমাকে মৃত্যু বরণ করতে হত।

এডিলি, এইগুলি অবশ্য আমার কল্পনা। তোমার লিপি আমার নিকট কখনো আশা, কখনো বা হতাশা বহন করে আনত। তুমি যদি বলতে—আমাকে ভালবাস, তুমি জান আমার কি আনন্দ হত ? তুমি যে কি অপূর্ব অনুভূতি উপভোগ করেছ তা' আর কল্পনা করব না।

এই অনুভূতির প্রতীক 'আনন্দ' ভিন্ন আর কোন শব্দ রচিত হয় নি কেন বলত ? মানুষের ভাবের শক্তি নেই যে তার ভাবের মধ্য দিয়ে সে এই অনুভূতিকে কোন রূপ দেয়। শোকাবহ আত্মবিশ্মৃতি থেকে অকস্মাৎ এক অপূর্ব আনন্দানুভূতি আজ আমাকে বিহ্বল করেছে। এই মুহূর্তে আমি আমারই পার্শ্বে বসে আছি ; তবু আমি মাঝে মাঝে আতঙ্কিত হয়ে উঠি এই বৃষ্টি আমার দিব্য স্বপ্নানুভূতি থেকে বিচ্যুত হয়ে পড়ব।

আজ তুমি আমার এডিলি ! এতদিন পরে তোমাকে আপনার ভাবতে পারছি। কয়েক মাসের মধ্যেই, আশা করি, আমার অপ্সরা আমার বাহুপাশে ঘুমিয়ে পড়বে, আমার বাহুপাশে জেগে উঠবে, আমার বাহুর আধরণে জড়িয়ে থাকবে, সর্বকণ তোমার সকল চিন্তা সর্বকণে তোমার সকল দৃষ্টি আমাকে কেন্দ্র করে নিবিড় হয়ে থাকবে, আমার দৃষ্টি আমার চিন্তা তোমারই হবে, আমার এডিলি !

এবার তুমি আমার হবে, একান্ত আমার, একমাত্র আমার। আজকে আমার মর্ত্যলোকে স্বর্গের আনন্দ উপভোগের দিন। আজকে তুমি আমার মনপরিণীতা স্ত্রী, তারপর তুমি মা হবে—আমার সন্তানের জননী। কিন্তু তুমি আমার চিরস্তনী প্রথম দিনের মতমই কমণীয়।

বিবাহিত জীবনের পরিণতিতেও তুমি কুমারী জীবনের মত সুকুমারী থাকবে। প্রেম কার্যে, বল, বল তুমি, তুমি কি চিরস্তন বিবাহ বন্ধনের মধ্যে অবিবাহিত প্রেমের আনন্দের পরিকল্পনা করতে পার ? অবশ্য সেদিন আমাদের আসবে...এসেছে।

এডিলি, কোন বাধাই আজ আমাকে নিরুৎসাহ করতে পারছে না। তুমি মনে করে না যে, আমি তোমাকে মিনতি জানাচ্ছি। আমি কেবল লিখছি, লিখেই চলেছি, আমার গৌরবে তুমি গরবিনী হবে। এই বিশ্রামহীন পরিশ্রম কত আনন্দ বহন করে আনে জান ত। আমি সহস্রবার ভগবানকে মিনতি জানিয়েছি—আমার সমস্ত জীবনের বিনিময়েও যদি তোমাকে একটু আনন্দ দিতে পারি ! আজ আমি কত সুখী, আমি কত সুখী হতে চলেছি !

এডিলি, আমার স্বর্গের দেবী, আমার প্রিয়তমা এডিলি ! বিদায়। তোমার সুকোমল কেশদাম চূষন করে আমি আমার শয্যার কিন্নরে যাব। আমি তোমার কাছ থেকে বহুদূরে, কিন্তু তোমার স্বপ্ন যে আমার কত কাছে। এই ত কয়েকদিন পরেই তুমি আমার পার্শ্বে এসে দাঁড়াবে। বিদায়। তোমার স্বামীর এই বিহ্বলতাকে ক্ষমা করো। তার আলিঙ্গন গ্রহণ করো, আমার শ্রদ্ধা গ্রহণ করো। ইহলোকে আর পরলোকে। তোমার আলেখ্য ?


পত্র পরিণাম :—

ভিক্টর হুগো অভিজাত পরিবারের সন্তান। তার পিতা নেপোলিয়ানের যুগের সৈন্যধ্যক্ষ। এই বিবাহে ভীষণ আপত্তি। কিন্তু ভিক্টর গোপনে এডিলির সঙ্গে বিবাহ স্থির করলেন। শেষে বাধ্য হয়ে ছুই পরিবারই বিবাহে মত দিয়েছিলেন। এই বিবাহের পরে ভিক্টর হুগোর ভ্রাতা ইয়ুজেন হুগো হঠাৎ বিকৃতমস্তিষ্ক হয়ে পড়ল। তাকে বাতুল আশ্রমে প্রেরণ করা হল। এই উন্মত্ততার কারণ এডিলির প্রতি নিষ্ফল আকর্ষণ।

এডিলি বহু স্থানান্তরের জননী ; বহু সন্তান মৃত। স্বামীর গর্বে এডিলি গর্বিতা। কিন্তু ভিক্টর হুগো সেই প্রেমের মর্যাদা রক্ষা করেন নি। তরল ফরাসী সমাজ জীবনের আধর্ত থেকে ভিক্টর হুগো মুক্তি পান নি, সমাজের পক্ষিল স্পর্শ তাঁকে নানাভাবে কলুষিত করেছিল।



দ্বারমণ্ডল



গরামক্ষর বন্দ্যোপাধ্যায়

(পূর্বপ্রকাশিতের পর)

ঠিথানা আসিয়াছে জেলার সদর হইতে। এ জেলায় বুদের যে দলটি আছে সেই দলের সেক্রেটারী থিয়্যাছেন। লিখিয়াছেন—“কোন . রকমে সরকারী াপন খবর পেলাম যে, আগামী হাটবারে আই-বি াপার্টমেন্টের একটা দল ওখানে যাবে। এস-পি যাবে গির দিন। দরবারী শেখ আজ রওনা হবে। বিশেষ ছু একটা ঘটবে তাতে সন্দেহ নেই। পত্র পাওয়া মাত্র দুর সম্ভব সাবধানতা অবলম্বন করবেন। সম্ভবত পুলিশ ারও কাছ থেকে খবর পাচ্ছে।”

দেবু জু কুঞ্চিত করিয়া দাঁড়াইয়া রছিল। অনেকক্ষণ ঠা করিল, ঠিক করিয়া লইল কি কি করিতে হইবে।

কংগ্রেসের মধ্যে দেবুদের যে উপদলটি এখানে আছে হারা নিজেদের মত ও পথ অস্থায়ী হাটের দিন অভ্যস্ত ক্রিয় হইয়া ওঠে। হাটের দিন এখানকার চারিদিক তে যে বিপুল জনসমাগম হয় তাহার সুবিধা তাহারা হণ করে। পল্লীতে পল্লীতে যে সব গ্রাম্যকর্মীরা আছে হারা নিজেদের কাজেই হাটে আসে, তাহাদের সঙ্গে থা হয়, তাহাদের হাত দিয়া প্যান্ফলেট পাঠায় গ্রামে- ামে। এই সব লোকেদের মধ্যে যাহারা বিশেষভাবে হাদের প্রতি আকৃষ্ট হইয়াছে তাহাদের লইয়া বৈঠক স। তাহাদের নিকট হইতে গ্রাম্যসংবাদ সংগ্রহ রে। বিশেষ করিয়া গ্রাম্য-বিরোধের সংবাদ। জমিদার- া, মহাজন-খাতক, জোতদার-কৃষাণ, ধনী-দরিদ্রের ধ্য বিরোধ বাধিলে সেই সব বিরোধের ক্ষেত্রে তাহারা া-খাতক-কৃষাণ-দরিদ্রদের প্রতি সহায়ত্ব জানায়— ম্যকর্মীদের সক্রিয়ভাবে সাহায্য করিতে নির্দেশ দেয়। রও নানা আলোচনা গল্প হয়। দেবুদের দলের াদগত দৃঢ় বিশ্বাস এই যে, স্বাধীনতা আন্দোলনে যে

সংগ্রাম আসিতেছে সে সংগ্রাম সামগ্রিকভাবে বিপ্লবাত্মক না হইলে কোন ক্রমেই সার্থক হইবে না। এক সঙ্গে তাহারা রাষ্ট্র এবং সমাজ দুই ব্যবস্থাকেই প্রচণ্ড আঘাত হানিয়া ভাঙিয়া দুই ব্যবস্থাকেই নূতন করিয়া গড়িবে। বিশ্বনাথের কাছে একদিন এই সব কথা শুনিয়া সে শিহরিয়া উঠিয়াছিল, কিন্তু ধীরে ধীরে দলগত মতবাদ সংক্রান্ত বই পড়িয়া, অর্থনীতিশাস্ত্রে বি-এ পাশ করিয়া এবং দলের বিভিন্ন নেতার কাছে শিক্ষালাভ করিয়া আজ এমনই দাঁড়াইয়াছে যে এই ছাড়া আর কোন পথ তাহার দৃষ্টির সম্মুখে নাই। তাহার দৃষ্টির সম্মুখে প্রসারিত এই দুর্গম পথের শেষ প্রান্তে তাহার কল্পজগত সে স্পষ্ট দেখিতে পায়। সেখানে সে দেখিতে পায় অপরূপ এক রাজ্য— অপূর্ব এক মাহুষের সমাজ। মাহুষে মাহুষে ভেদ নাই, ব্রাহ্মণ নাই—শূদ্র নাই—চণ্ডাল নাই, হিন্দু নাই— মুসলমান নাই—খৃষ্টান নাই; ধনী নাই—দরিদ্র নাই, রাজা নাই—প্রজা নাই, শোষক নাই—শোষিত নাই, আছে শুধু মাহুষ, ভেদ নাই তাই বিরোধ নাই, বিরোধ নাই তাই মিথ্যা নাই; আছে শুধু মাহুষ আর পৃথিবীর কর্মক্ষেত্র ও কর্ম। মাহুষ আপন আপন সাধ্য অস্থায়ী কাজ করিয়া যায়, প্রত্যেকে কাজ করে সকলের জন্ত, সকলে কাজ করে প্রত্যেকের জন্ত। শুধু তাহারা ভারতবর্ষকেই দেখে না, তাহারা দেখে সমগ্র পৃথিবীকে। ভারতীয় কম্যুনিষ্ট পার্টির একটি শাখা, দেবু এই শাখার সেক্রেটারী। ইহারা চরমতম উগ্রপন্থী বলিয়া ইংরাজ সরকার কঠিন দৃষ্টি রাখিয়াছেন। আরও কয়েকটি বামপন্থী দল কংগ্রেসের মধ্যেই আছে—কংগ্রেসী সমাজতন্ত্রী দল। কিন্তু কংগ্রেসী সমাজতন্ত্রী দলের কোন শাখা এখানে নাই। দেবুদের দলের একটা বিশেষ সুবিধা আছে, বিগত যুগের বিশিষ্ট বৈপ্লবিক কর্মীদের অনেকে এই মত—সেই সঙ্গে এই দলকে গ্রহণ করিয়াছেন; আরও

সুবিধা—আছে—সেইটাই খুব বড় সুবিধা—এই দলের ভাণ্ডারে অর্থ আছে।

দেবু মনে মনে স্থির করিয়া লইল কি কি করিতে হইবে। হাটবার আগামী শুক্রবার, আজ সোমবার। দরবারী শেখ নামক পুলিশ কর্মচারীটি কাল সকালে আসিয়া পৌঁছবে। লোকটি আকৃতিতে প্রকৃতিতে একেবারে সয়তান। উপরের ঠোঁটটা জন্মকাল হইতেই কাটা—এদেশে বলে—গন্না কাটা—ইংরাজীতে যাহাকে বলে হেয়ার-লিপস। কাটা ঠোঁটের ফাঁক দিয়া উপরের মাড়ির দুইটা দাঁত বাহির হইয়া থাকে। এ জেলার পুলিশ সাহেব সমশের সাহেবের ডান হাত—উপযুক্ত অক্ষুচর। সমশের খান অল্পবয়সী—আই-পি। কিন্তু ইহারই মধ্যে ইংরাজ পুলিশ-কর্মচারীদের নেক নজরে পড়িয়াছে। উনিশ শো তিরিশ সালে মেদিনীপুরে সত্যগ্রহীদের উপর চরমতম অত্যাচার করিয়াছিল এই খান সাহেব। এ জেলায় আসিয়া বিরাট ষড়যন্ত্র আবিষ্কার করিয়া এক ষড়যন্ত্র মামলা করিয়া উপরে নাম কিনিয়াছে। ষড়যন্ত্র মামলার কথা স্মরণ করিলে দেবুর হাসি পায়। দেবু তখন অন্তরীণ অবস্থায় জেলের মধ্যে ছিল বলিয়াই রক্ষা পাইয়া গিয়াছে। আসামীদের মধ্যে একজনের স্বীকৃতি অমুযায়ী একটা বড় দীঘি হইতে একটা ট্রাক উদ্ধার করা হয়। সে নাকি বলিয়াছিল যে, ডাকাতি করিয়া ছয় মাস আগে এই দীঘিতে ট্রাকটা ডুবাইয়া রাখা হইয়াছে, ট্রাকের ভিতর নগদ টাকা—একটা রিভলভার কিছু গহনা লুকানো ছিল। গহনার মধ্যে ছিল একছড়া সোনার চেন ও সোনার ঘড়ি। মহা সমারোহ করিয়া মাসখানেক ধরিয়া দিবারাত্রি চৌকীদার-পাহারার মধ্যে প্রচুর খরচ করিয়া দিঘীর জল মারিয়া সেই ট্রাক বাহির করা হইয়াছিল। এখানকার জেলা ম্যাজিস্ট্রেট তরুণ বাঙালী আই-সি-এস আগাগোড়াই এই মামলাটিকে সন্দেহের চক্ষে দেখিয়াছিলেন বলিয়া খান সাহেব ওই ট্রাক উদ্ধারের সময় উপস্থিত থাকিতে অমুরোধ করিয়াছিলেন। ম্যাজিস্ট্রেট সাহেব কৌতূহলবশত গিয়াছিলেনও। সত্যই ট্রাক উঠিয়াছিল, ট্রাকের মধ্যে স্বীকারোক্তি অমুযায়ী প্রত্যেকটি জিনিসও মিলিয়াছিল। কিন্তু একটা অঘটন ঘটিয়াছিল—ছয় মাস পূর্বে জলে ডুবানো ট্রাকটার মধ্যে রাখা ঘড়িটার সেকেন্ডের

কাঁটাটাকে টিক্ টিক্ শব্দে চলিতে দেখা গিয়াছিল। ম্যাজিস্ট্রেট সাহেব ঘড়িটা হাতে লইয়া খান সাহেবকে বলিয়াছিলেন—কি মেকারের ঘড়ি খানসাহেব? এক দশ ছ মাস চলছে? অদ্ভুত!

সামসের সাহেব দেখি—দেখি বলিয়া ঘড়িটা হাতে লইয়াছিলেন—সবিস্ময়ে বলিয়াছিলেন—কই? চলছে কই? না তো! বলিতে বলিতেই ঘড়িটা তাহার হাত হইতে বাঁধানো ঘাটের উপর পড়িয়া চূরমার হইয়া গিয়াছে

তাহার পরই সামসের সাহেব গেলেন কলিকাতায় দিন দুয়েক পরে ফিরিয়া আসিলেন। তখন ম্যাজিস্ট্রেট সাহেবের কাছে তার আসিয়াছে—অবিলম্বে জেলার সদরে গিয়া জেলার ভার গ্রহণ কর। তোমাকে বদলী করা হইল।

কিছুদিন আগে—বৎসর দুয়েক আগে—আরও একট বিচিত্র রাজনৈতিক মামলা হইয়া গিয়াছে। জেলার সদরে শহর হইতে ষ্টেশনে যাইবার পথে একটা নির্জন বসতি হীন স্থানে ডাক-লুট হইয়াছিল। ইনসিওর এবং পোষ্টাপিসের টাকা লইয়া প্রায় হাজার কয়েক টাকা ছিল। ওই অপরাধে জেলার কংগ্রেস প্রেসিডেন্টের এবং ছেলের এবং আরও দুইটি ছেলেকে দীর্ঘকাল জেলে রাখিয় অবশেষে ছাড়িয়া দেওয়া হইয়াছে। ডাকলুটের কোন কিনারা হয় নাই। প্রকাশ্য কিনারা হয় নাই। কি এই দরবারী শেখ যে খানায় এস-আই ছিলেন সেই খানার এক কনেষ্টবল স্থানীয় পোষ্টাপিসে মনিঅর্ডা করিতে গিয়া পোষ্টমাষ্টারের হাতে ধরা পড়িয়াছিল তাহার নোটের নম্বরে এবং আরও কতকগুলি চিহ্নে সঙ্গে পোষ্টাপিসের সেই লুট-হওয়া নোটের নম্বর ৭ চিহ্নের সঙ্গে মিলিয়া গিয়াছিল। কনেষ্টবল বলিয়াছিল—সে নোট পাইয়াছে দরোগাবাবুর কাছে! অর্থাৎ দরবারী শেখ সাহেবের কাছে। বিচিত্র ব্যবস্থা। দরবারী শেখের উন্নতি হইয়া গিয়াছে এই ঘটনার পর। তিনি সদর সহরে একেবারে খোদ সমরেশ খান সাহেবের রীডার হইয়া গিয়াছেন। ওনা যাইতেছে, দরবারী শেখ সাহেব অতঃপর আই-বি বিভাগে বিশেষ পদে উন্নীত হইবেন।

দরবারী শেখ আসিতেছে আগামী কাল। আশা

সাবধান হইতে হইবে। সর্বপ্রথমে সাবধান করিতে হইবে গাঁরকে। সে দিনরাত্রি ঘুরিয়া বেড়াইতেছে। অজুহাত বশ আছে, সে খবরের কাগজ বিক্রী করে। এখানে বাড়ী বাড়ী কাগজ বিলি করে অপরাহ্নে। পরদিন সকালেই সাইকেল ঠেঙাইয়া বাহির হইয়া যায় গ্রামের দিকে।

ভয় স্বর্ণ সম্পর্কেও আছে। সে যে রকম উগ্রমতবাদী হইয়া উঠিয়াছে তাহাতে ভয় অহেতুক নয়। পড়াশুনার মধ্যে ইস্কুলের মেয়েদের যে কি বলিয়াছে তাহা সেই জানে। তবে বলিয়াছে তাহাতে সন্দেহ নাই। মেয়েদের কাছে জিজ্ঞাসাবাদ করিলে অপ্রকাশ থাকিবে না। কিছুদিন হইতেই এই লইয়া অক্ষণা বারবার তাহাকে বলিয়াছে—ঠিক এ রকম করে কথা-বার্তা মেয়েদের বলো না স্বর্ণ।

স্বর্ণ শ্লেষ মিশাইয়া হাসিয়া উত্তর দিয়াছিল—কেন? ভয় করে আপনার? তারপর বলিয়াছিল—কি করবে? চাকরী থেকে ছাড়িয়ে দেবে? দিক না! কিখা পুলিশে ধরবে? ধরুক। জুজুর ভয়ে ঘরের কোণে লুকিয়ে তা বলে আর থাকতে পারব না।

উচ্চিৎড়ে ছেলেটা আবার আসিয়া কাছে দাঁড়াইল।
—মাষ্টারজী!

দেবু বলিল—বল্।

—চিঠি উঠি—কুছ দিঞ্জীয়ে গা?

দেবু জুঁকুকাইয়া বলিল—ফের তুই যদি হিন্দী বলবি, তোর মাথায় ডাঙা লাগাব আমি।

উচ্চিৎড়ে খিল খিল করিয়া হাসিয়া উঠিল।

দেবু বলিল—হাসিস না। হিন্দী কেন বলিস তুই?

উচ্চিৎড়ে বলিল—ঘো সাদী কো ঘো মস্তর মাষ্টারজী!

তারপর বলিল—মোটর চালায়েছেজী। চলছে—ইধর—উধর—কেতনা দেশ—দিল্লী লাহোর—বিনা হিন্দীসে ক্যায়সে চলে গা, বলিয়ে তো?

—ওদিকে মটরের হর্ণ বাজিতেছে ঘন-ঘন। ড্রাইভারটা হাঁকিতেছে—আরে—এ! এ উচ্চিৎড়োয়া!

—আভি আয়া জী! বলুন, বলুন, চিঠি দেবেন?

—না। তুই শুধু বলিস—যে—ঠিক আছে সব।
আর—

—আর প্রত্যেক বাসের দিকে নজর রাখবি। দরবারী শেখ দারোগার এখানে আসবার কথা আছে। সে যদি—

—কে? সেই গমা-কাটা?

—হ্যাঁ। সে যদি বাসে আসে তবে আমি যেন সঙ্গে সঙ্গে খবর পাই।

—ঠিক হয়। ঠিক মিলেগা। গোবরা আপনাকে ঠিক জানিয়ে আসবে। আমি শদরে গেলেই ও ছুটি পাবে। পরের বাসেই ও ফিরবে। ওকে আমি বলে দোব। ও এখানে থাকবে। নামলেই খবর পাবেন আপনি। ও রেল এলেও খবর পাবেন। ষ্টেশনেই থাকবে আজ গোবরা। চায়ের দামটা দেবেন।

বলিয়াই ছুটিয়া গিয়া লাফ দিয়া বাসে উঠিয়া পড়িল উচ্চিৎড়ে। হাঁকিতে লাগিল—আব চলে গা—তুফান মেল! চললো—চললো—চললো। এই ছেড়ে চল-লো!

বাসের গায়ে দুই তিনটা চাপড় মারিয়া শব্দ তুলিয়া বলিল—অ-ব ঠিক হয়!

দেবু একটু হাসিল। সেই উচ্চিৎড়ে—ও গোবরা। শিবকালীপুরে লোকের ঘরে ভিক্ষা মাগিয়া থাইয়া ফিরিত। নিঃসন্তান কর্মকার-বধু পদ্ম অন্তরের ক্ষুধায় উচ্চিৎড়েকে কাছে টানিয়া আপন করিতে চাহিয়াছিল। কর্মকার-বধু একদা নিরুদ্দেশ হইল—ছেলে দুইটা আসিয়া আশ্রয় লইল জংসনে। দেবু ভাবিয়াছিল—দুইটা ভিক্ষুক বাড়িল, দুইটা জুয়াচোর কি চোর বাড়িল। কিন্তু বিচিত্র এই বিংশ শতাব্দীর যন্ত্রসভ্যতা-প্রধান নগরসৃষ্টি। কর্ম-প্রবাহ যেমন বিপুল গতি, তেমনি বিশাল পরিধি, শুধু তাই নয়—তেমনি তাহার বহু বিচিত্র শ্রোতধারা। এখানকার মোটর যন্ত্র ছেলে দুইটাকে আকর্ষণ করিল। প্রথম প্রথম মোটর বাসের পাশে বসিয়া থাকিত, বিস্মিত দৃষ্টিতে এই যন্ত্রযানগুলিকে দেখিত। যাত্রীদের কাছে ভিক্ষা চাহিত। ক্রমে বাস-ড্রাইভারদের সঙ্গে ভাব জমাইয়া মোটর বাসের কাছে আসিল। তারপর বিনা বেতনে বেগার খাটিতে শুরু করিল। তারপর জংসন শহরের বিপুল বিশাল কর্মপ্রবাহের এই বিচিত্র শ্রোতে ঝাঁপ দিয়া পড়িয়াছে। সংসারে যে কোন কাজ হইলেই তো মানুষের চলে না,

কাজ করিয়ে তৃপ্তি হয় না, প্রয়োজন হয় কাজের সঙ্গে অন্তরের রুচির যোগাযোগের।

দেবু জানে—এই ভাঙা ভগ্ন সমাজের নিঃশব্দ রক্ত দেশটার মানুষের পক্ষু জীবন এই জংসনের মত নূতন ক্ষেত্রে সার্থক সচল হইয়া উঠিবে। কংগ্রেসের চরকা-খন্দরে তাহাদের বিশ্বাস নাই; যন্ত্রশিল্পের বিকেন্দ্রীকরণের কথায় একটু বাঁকা হাসি তাহাদের ঠোঁটের কোণে ফুটিয়া ওঠে।

তাহার প্রমাণ চাই ?

দেবু তাহাকে বলিবে—একবার সকালে কি সন্ধ্যায় ট্রেনের ওভারব্রিজের উপর দাঁড়াইয়া দেখিযো। সার্থকতা কোথায় একথা মানুষকে বলিয়া দিতে হয় না, জীব-জীবনের ঘ্রাণ ও স্পর্শ শক্তির মত একটা শক্তি আছে তাহার, সেই শক্তিবলে তৃষ্ণার্ত জীবের বাতাসের সজল স্পর্শ হইতে জল কোন দিকে আছে বুঝিতে পারার মত সে বুঝিতে পারে—কোথায় আছে জীবনের সার্থকতা। গ্রামে গ্রামে গ্রামোপযোগী করিয়া এই জাবনধারা ও সভ্যতাকে লইয়া যাও—দেখিবে" সেখানেও মানুষের জীবন সার্থক হইয়া উঠিবে। ঠিক এই কারণেই এই জংসনকে সে তাহার কর্মক্ষেত্র হিসাবে বাছিয়া লইয়াছে। পৌছাইয়া দিবে সে নবজীবনের ধারা।

—মাষ্টার মশায় !

দেবু ফিরিয়া দেখিল—ট্রেন কম্পাউণ্ডে কোয়াটার্স এলাকায় ছোটবাবুর বাসার বারান্দায় তাহার ছাত্রদের একজন দাঁড়াইয়া তাহাকে ডাকিতেছে। মাষ্টারদের ছেলেপিলেরা একটু বিচিত্র ধরণের। একটা যেন স্বতন্ত্র জাতি বা সম্প্রদায় হইয়া দাঁড়াইতেছে। জীবন স্বপ্ন—রেলের চাকরী। পড়াশুনা—পাশ করিবার জন্ত। সে প্রাণপণে চেষ্টা করিতেছে উহাদের স্বভাব বদলাইবার জন্ত—কিন্তু সমস্ত ব্যাপারটা যেন উহাদের রক্তগত হইয়া দাঁড়াইয়াছে। ফুটবল খেলা—থিয়েটার এই দুইটা হইল—সংস্কৃতির সর্বোত্তম শিখর। যাক—সে তাহার কর্তব্য করিয়া যাইবে। পাশ করাইয়া দিতে হইবে। সে অগ্রসর হইল। তাহার আগে চিঠিখানা ছিঁড়িয়া ফেলিয়া দিল। খবরটা না আসিলে বিপদ হইত। কয়েকদিন আগেই প্রচুর প্যাম্ফলেট আসিয়াছে। সেগুলোকে নষ্ট করিলে চলিবে না। লুকাইয়া রাখিবার খুব ভাল জায়গা

তাহার আছে। রামবিলাস তাহার ব্যবস্থা করিবে। প্রয়োজন হইলে—রেলের কোন গুদামের মালের মধ্যে মিশাইয়া রাখিয়া দিবে। ওদিকেও একটা সুবিধা হইয়াছে। এ জেলায় পুলিশের মধ্যেও দেখা দিয়াছে একটা বিরোধ। সামসের খাঁ আসিয়া অবধি এটার সৃষ্টি। লীগ-শাসনের জন্ত—সমসের খাঁর মধ্যে ইংরেজ-ভক্তির সঙ্গে মুসলীমপ্রীতিও অত্যন্ত উগ্রভাবে দেখা দিয়াছে। বিশেষ করিয়া দরবারী শেখকে অত্যধিক অসুগ্রহ করার জন্ত হিন্দু কর্মচারীরা অত্যন্ত চটিয়া গিয়াছে। তার উপর জংসনের এই হিন্দু-মুসলীম বিরোধের ফলে সে বিরোধ ভিতরে ভিতরে প্রবল হইয়া উঠিয়াছে। হিন্দু পুলিশ-কর্মচারীরা অত্যন্ত গোঁড়া হিন্দু। অথাৎ কুখ্যাত বিচার না-করিলেও—তাহাদের দৃঢ় বিশ্বাস—চোর-ডাকাতি-খুনে-সম্রাসবাদীর হাত হইতে তাহাদিগকে বাঁচাইয়া রাখিয়াছেন—দেব-দেবীরা। বিশেষ করিয়া—মা কালী ! দেবু আবার একটু হাসিল।

* * * *

দেবু গোপনে সংবাদটা কয়েকজনকেই জানাইয়া দিল। কংগ্রেস আপিসে জানাইল; গ্রামের কর্মীদের মধ্যে যাহারা দলের সভ্য তাহাদেরও জানাইল—যাহারা সভ্য নয় তাহাদের জানাইল যে, এখন দুই তিন হাটবার দেবু বা অন্য প্রধানেরা জংসনে থাকিবে না, সুতরাং তাহারা যেন দেবুর বাসায় বা কংগ্রেস আপিসে, কি রেলওয়ে ইয়ার্ডের মধ্যে মহাবীর-তলায় না যায়। রাজনৈতিক দলের মধ্যে জানাইল না শুধু হিন্দুমহাসভাকে। ওই দলটিকে দেবু দলের মধ্যেই গণ্য করে না। বলে—এ যুগে ওটা হ'ল নিতান্তই সখের যাত্রা থিয়েটারের দল—এবং নাটকে কেবল একটা পার্টই আছে—ভীমের পার্ট। পালার নাম—হিড়িয়ার স্বয়ম্বর; হিড়িয়ার মালা পাবার জন্ত যত বর—সবাই ভাম সেজে—তুলোর গদা হাতে নিয়ে—সিংহাসন জুড়ে বসে—স্পিরিটগাম দিয়ে আটা—হেপি চুলের গোঁফে তা' দিচ্ছে। কথাটা অল্প বিস্তর সত্য, কারণ ককনার জমিদার বাড়ীর ছেলে—যাকে সুরপতি বলে—'জমিষ্টার'—সে, কি শ্রীহরি ঘোষ, কি শেঠ সুরমল রাজরোষে ইহাদের কোন ভয় থাকিতেই পারে না।

কিন্তু দেবকী সেনকেও সে সংবাদ দিল না। দলের
প্রধানদেরও সরাইয়া দিল।

স্বৰ্ণ বলিল—তুমিও কয়েক দিন সরে যাও।

—না। এখান থেকে সরব না। তবে বাড়ী থেকে
সরে থাকব।

—কেন? এখানে থাকবারই বা এখন প্রয়োজন কি?

—আছে। তোমার জন্তে।

—আমার জন্তে? মানে?

—তুমি জল একটু বেনী ঘোলা করেছ স্বৰ্ণ। যদি
বাড়ী সার্চ করে, কি—তোমাকে ডাকে—। দেবু শিহরিয়া
উঠিল। দরবারী না-পারে এমন কাজ নাই। দরবারী
একটা পশু।

স্বৰ্ণ তীক্ষ্ণ হাসিয়া বলিল—ধরেই যদি নিয়ে যায়
করবে কি?

—করব আর কি? তবু উৎকর্ষা থেকে বাঁচব।

—কোথায় থাকবে?

—থাকব রামবিলাসের আড্ডায়।

—রামবিলাস—এখানকার রেলকর্মীদের একজন
মাতব্বর। জংসনের ইয়ার্ডের একজন পয়েন্টস্ম্যান।
ট্রেড ইউনিয়নের একজন সভ্যও বটে। লিলুয়া অঞ্চল
হইতে বৎসরখানেক আগে এখানে বদলী হইয়া আসিয়াছে।

বেলা আড়াইটার সময় কলিকাতা হইতে ফাৰ্ট
পাসেঞ্জারে খবরের কাগজ আসে। গৌর ষ্টেশনে গিয়া
কাগজ ডেলিভারি লইয়া থাকে।

হালদার দারোগা—ষ্টেশনে দাঁড়াইয়াছিল। গৌর
ষ্টেশনে আসিতেই তাহাকে বলিল—কি খবর?
ওখানে কি?

গৌর হাসিয়া বলিল—কাগজ ডেলিভারী নেব।

—খবরের কাগজ?

—হ্যাঁ।

—বোনাই কোথায়? দেবু ঘোষ?

—কাল রাত্রে কলকাতা গিয়েছে।

—হ্যাঁ! কলকাতা গিয়েছে?

—তারপর—আর সব খবর কি? কি রকম চালাচ্ছ
রাজকাল?

—কি?

—দলের কাজকর্ম?

—দলবল আর নাই। খেতে পাই না—দল করব!

—হ্যাঁ। তাই বলছিল বটে সব। তা গাঁয়ে গিয়ে
চাষবাস কর না কেন? খবরের কাগজ বিক্রী ক'রে আর
কি হবে? না—লাঙল ধরতে লজ্জা করে?

গৌর একটু হাসিয়া বলিল—তা করে একটু আধটু।
ওই ট্রেন আসছে আমি যাই।

সে ভিড়ের মধ্যে মিশিয়া গেল।

ব্রেক-ভ্যানের দরজায় গিয়া কাগজের বাগিল বগলে
করিয়া সে আর ষ্টেশন প্লাটফর্মের গেট দিয়া ফিরিল না,
প্লাটফর্মের প্রান্তভাগ দিয়া বাহির হইয়া গেল। কিন্তু
গেটের কাছে ফিরিতে হইল তাহাকে। তাহার সাইকেল
খানা গেটের কাছে পানওয়ালার দোকানে রাখিয়া
আসিয়াছে।

গেটের কাছে আসিয়া সে আশঙ্কায় হতবাক হইয়া
গেল।

—ও কে? সাদা থান কাপড় পরিয়া বিধবার বেশে
ও কে—অরুণা-দিদি? হ্যাঁ অরুণা-দিদি তো! একেবারে
চেনা যায় না। চিনিবার উপায় নাই। এ অরুণা-দিদি
যেন সে অরুণা-দিদিই না।

সে অরুণা-দিদিকে দেখিয়া মনে হইত—কুমারী মেয়ে।
অরুণা-দিদি বিধবা, সেকথা সে জানিত। কিন্তু অরুণা-দিদি
পেড়ে কাপড়-ব্লাউজ পরিত। হাতে দুইগাছি চুড়ি ছিল।
তাহার সঙ্গে বাঁহাতে থাকিত রিষ্টওয়াচ, মাথার চুল
বাঁধিবার ধরণেও কুমারী বা বিধবা চিনিবার উপায় ছিল না।

এ অরুণা-দিদির পরনে সাদা থান কাপড়, সাদা ব্লাউজ,
খালি হাত, বেশ-প্রসাধনের ধরণের মধ্যেও বৈধব্যের ইঙ্গিত
রহিয়াছে।

সে ছুটিয়া কাছে আসিয়া দাঁড়াইল।—অরুণা-দি!

মুখ ফিরাইয়া অরুণা গৌরকে দেখিয়া বলিল—গৌর!

—হ্যাঁ। কিন্তু—

মধ্যপথেই তাহার কথার উপরে—কথা বলিল অরুণা।
বলিল—তোদের কাউকেই খুঁজিলাম।—তালই হয়েছে।
তারপর মুখ ফিরাইয়া অল্প কাহাকেও বলিল—আমার ব্যাগ
বিছানা খানায় নিয়ে যাবার কি দরকার আছে? ষ্টেশনে

তো দেখেছেন সব? এ ছোটো বাসায় পাঠিয়ে দিতে আপত্তি আছে আপনার?

দরবারী শেখ পানের দোকানটার ওপাশে ছিল, গৌর দেখিতে পায় নাই। দরবারী শেখ বলিল—না। ও ছোটো আপনি পাঠিয়ে দিতে পারেন।

অরুণা বলিল—এ ছোটো ভুই বাসায় পাঠাবার ব্যবস্থা কর গৌর। আমায় একটু খানায় যেতে হবে।

—খানায় কেন?

রুশ ভাষায় শেখ বলিল—দরকার আছে!

গৌর ছুটিল বাসার দিকে, স্বর্ণকে খবরটা দিয়া সে ছুটিল ইয়ার্ডের কোয়ার্টারের দিকে—দেবদাকে সংবাদ

দিতে হইবে। গৌরের সঙ্গে সঙ্গে আরও একজন রওনা হইল। আপনার নূতন গিরীণ, কেবিন পুতুলের দোকান বন্ধ করিয়া সেও ছুটিল। সম্পূর্ণ শেখ না হইলেও, গিরীণ তাহার দোকানটা গাছের গায়ে বসাইয়া দিয়াছে। নেলো ছুটিল—শ্রান মহাশয়—অর্থাৎ দেবকী সেনের কবিরাজ-খানার দিকে। সেন ছিল না। সে গিয়াছে জয়তারা আশ্রমে শ্রায়রত্নের কাছে। নেলো আবার ছুটিল। ঘণ্টা-খানেক পরে—বৃদ্ধ শ্রায়রত্ন দেবকী সেনকে সঙ্গে করিয়া খানায় আসিয়া উঠিলেন। তখন স্বর্ণ সেখানে আসিয়া পৌঁছিয়াছে। স্বরপতিবাবুও আসিয়াছেন, তিনি বসিয়া আছেন খানার ভিতরে। (ক্রমশঃ)

সাহিত্যিকের কর্মসাধনা

শ্রীচপলাকান্ত ভট্টাচার্য্য

সংবাদপত্রের সীমাবদ্ধ ক্ষেত্রে সাহিত্য সাধনার যতটুকু সুযোগ পাওয়া যায় তাহা অতিক্রম করিয়া সাহিত্য সম্মেলনের বিস্তৃততর ক্ষেত্রে যোগ দিবার অবসর সাংবাদিকের কর্মজীবনে সহজে ঘটিয়া ওঠে না। সাহিত্যের ধারক ও বাহক হইলেও উহার নিয়মিত সাধক হইবার সুযোগ সাংবাদিকের জীবনে স্ফুরিত হইবার অবকাশ পায় না। সাহিত্য নিত্য, কিন্তু সাংবাদিকের অবদান সাময়িক ও নৈমিত্তিক। যে ফুল প্রভাতে ফুটিয়া সন্ধ্যা না হইতে হইতেই ঝরিয়া যায় সাহিত্যের দিক দিয়া সেই ফুল ফুটাইয়া যাওয়াই আমাদের কর্ম ও সাধনা। তথাপি উহারই মধ্য দিয়া সাহিত্যের যজ্ঞস্থলে কিছু দান যে ঘটে, রূপ-রস-গন্ধে কিছু প্রকাশ যে দেখা যায়, তাহা উপলব্ধি করি তখনই, যখন মনীষীর সম্মেলন সাহিত্যের অর্থ রচনার জন্ত সাংবাদিককে আহ্বান করেন।

মেদিনীপুর জেলায় বঙ্গ সাহিত্য সম্মেলনে ঠাহার নাম শ্রদ্ধা ও কৃতজ্ঞতার সহিত সর্বপ্রথমে উল্লেখযোগ্য, বাঙলা ভাষা ও বাঙলা সাহিত্য গঠনে অগ্রগণ্যের পূর্বগুরু সেই ঈশ্বরচন্দ্র বিদ্যাসাগর মহাশয় এই মেদিনীপুরেই আবির্ভূত হইয়াছিলেন। তাঁহার কথা এবং বাঙলা ভাষা ও সাহিত্যের সহিত তাঁহার সম্বন্ধের কথা যখন চিন্তা করি—তখন রামায়ণের একটি চিত্র মনশ্চকুতে ভাসিয়া ওঠে। রামচন্দ্রের অশ্বমেধ-যজ্ঞসভায় বাম্পীকির সহিত সীতা যখন প্রবেশ করিতেছেন তাহার বর্ণনার রামায়ণকার বলিয়াছেন :

“তাং দৃষ্ট্বা শ্রুতিমায়ান্তীং ব্রহ্মাণমহুগামিনীম্।”

বিদ্যাসাগর মহাশয়ের অনুগামিনী হইয়া বাঙলা ভাষা ও সাহিত্য বেতাবে বিশ্বসভায় প্রবেশ করিয়াছে রামায়ণের উল্লিখিত বর্ণনাটি তাহার

উপযুক্ত উপমা। পরবর্তীকালে যে গজ রীতি অবলম্বন করিয়া বাঙলা সাহিত্যের বিকাশ ঘটয়াছিল বিদ্যাসাগর হইতেই তাহার সৃষ্টি। শ্রদ্ধাবন-চ-চিন্তে লক্ষ কোটির প্রণাম করিয়াও তাঁহার প্রতি আমাদের শ্রদ্ধা প্রকাশ অসম্পূর্ণ রহিয়া যায়। তাঁহার নামে স্মৃতিস্মিরের নামকরণ করিয়া এবং তথায় বার্ষিক সাহিত্য সম্মেলন আহ্বানের ব্যবস্থা করিয়া মেদিনীপুরের অধিবাসীরা উপযুক্ত কার্যই করিয়াছেন।

সাহিত্যের পক্ষে সম্পূর্ণ প্রাসঙ্গিক না হইলেও আর একটি অবশ্য-পালনীয় কর্তব্য আমাকে করিতে হইবে। মেদিনীপুরে আসিয়া পরলোক-গত কুমার দেবেন্দ্রলাল খানের স্মৃতির উদ্দেশে নিবেদন না করিলে কর্তব্যের ক্রটি হইবে। তাঁহার সামাজিকতা, বদান্ততা প্রভৃতির কথা তুলিবার প্রয়োজন নাই। তাহা সুপরিচিত। যাহা বিশেষভাবে স্মরণীয় তাহা হইল দেশ-হিতার্থে তাঁহার ত্যাগ ও দুঃখবরণ। এই ত্যাগ ও দুঃখবরণের সম্পূর্ণ কাহিনী লোক সমক্ষে কখনও হয়ত প্রকাশিত হইবে না; ইতিহাসে তাহার কতখানি পরিচয় থাকিবে ভবিষ্যতের কথা।

সাহিত্য অবসরের সৃষ্টি। যথেষ্ট অবসর এবং যথেষ্ট বিরাম না মিলিলে উন্নতস্তরের সাহিত্য বা স্থায়ী সাহিত্যের সৃষ্টি হয় না। সুখের অবস্থাতেই হোক বা দুঃখের অবস্থাতেই হোক, সাহিত্য সৃষ্টির জন্ত অবসর অত্যাশুচক। বাহিরের দিক হইতে ইহা স্পষ্ট বা প্রত্যক্ষ না হইলেও মনের দিক হইতে ইহা অবিসংবাদিত সত্য। বাহিরের লোকেরা ইহা হয়তো বুঝিতে পারে না; কিন্তু সাহিত্য রচনা যে করে সে আপনার মধ্যে ইহার সত্যতা প্রত্যক্ষভাবেই উপলব্ধি করে। সাংবাদিকের

অতিব্যস্ত জীবনে বাহিরের ও অন্তরের দিক হইতে এই অবসরের একান্ত অভাব বলিয়াই উল্লিখিত মন্তব্যের সত্যতা আমরা যেমন উপলব্ধি করিতে পারি এমন বোধ হয় আর কেহ পারে না। একই ক্ষেত্রে সাহিত্যিক ও সাংবাদিকের সংমিশ্রণ বাঙলা সাহিত্যে একাধিকবার ঘটয়াছে। কিন্তু সেক্ষেত্রেও দেখা গিয়াছে সাহিত্যেই যাহার মূলপ্রবৃত্তি শেষ পর্যন্ত সাহিত্যই তাহার একান্ত উপজীব্য হইয়া উঠিয়াছে।

সাহিত্যের যাহা উপজীব্য, ইতিহাসের যাহা উপাদান তাহা মেদিনীপুরের দিকে দিকে পরিকীর্ণ হইয়া আছে; গঙ্গারনাদী সমুদ্র-সলিলে বিধৌত এই ভূমির প্রাকৃতিক পরিবেশের মধ্যে মহাশয় ও বিশালত্বের রূপ যেন আপনা হইতেই মিশিয়া রহিয়াছে। উচ্চতম মহিমা, গভীরতম বেদনা এবং নিবিড়তম অনুভূতি—এইগুলিকে আশ্রয় করিয়াই সর্বজন-সমানৃত স্থায়ী সাহিত্যের উদ্ভব হইয়া থাকে। মেদিনীপুরের পূর্ব-প্রান্তস্থ সমুদ্রতটের দাঁড়াইয়া বসিয়াছে যে ‘কপালকুণ্ডলার’ উপলব্ধি করিয়াছিলেন তাহা অকারণ নহে। বহু পুরাতন কথার উত্থাপন করিব না, ১৯২০ সালে ‘অসহযোগ আন্দোলনের’ প্রারম্ভ হইতে রাজনৈতিক কর্মজীবনে মেদিনীপুরের যে সকল বন্ধুদের সহিত পরিচয় হইয়াছে, যে সকল ঘটনার সহিত অঙ্গবিস্তার ঘনিষ্ঠভাবে পরিচয় লাভের সুযোগ হইয়াছে এবং যে বিপর্যয় ও উত্থান-পতনের ঘাত-প্রতিঘাত লক্ষ্য করিয়াছি ও অনুভব করিয়াছি তাহা হইতে উপলব্ধি করিতে পারিয়াছি যে, সাহিত্য-সৃষ্টির মূলগত পূর্বোক্ত উপাদানসমূহ এখানে প্রচুর পরিমাণে বর্তমান।

সাহিত্যের কথা অপেক্ষা বাঙ্গালীর নিজ জীবন-সমস্যার কথাই আজ আমাদের কাছে অত্যন্ত বড় হইয়া উঠিয়াছে। বাঙ্গালীর জীবনাকাশ আজ নিবিড় ঘনঘটায় সমাচ্ছন্ন আর তাহারই নিকবক্ষণ ছায়া পড়িয়াছে বাঙ্গালীর সমাজ ও সাহিত্যের উপর। ইহা আমল বরষায় নবসম্ভাবনাপূর্ণ মেঘসঞ্চার নহে—যে মেঘের জন্ত তৃষিত, আকুল ও আশাপূর্ণ চিত্তে লোকে চাহিয়া থাকে, যাহা নবসৃষ্টির সূচনা করে, ফলভার-পরিমাণ সাকল্যের প্রেরণায় যাহা নূতন জীবনীশক্তি বহন করিয়া আনে। আমাদের জীবনাকাশে এখন যে ঘনঘটা দেখা দিয়াছে ইহা সেই মেঘ যাহার মধ্য দিয়া প্রলয়ের ইঙ্গিত ও সূচনা প্রকট হইয়া ওঠে, কাল-বৈশাখার ক্ষণিক প্রকাশে যাহার ধ্বংসকারী শক্তির পরিচয় মাঝে মাঝে অকস্মাৎ আমরা পাই—যাহার ঘর্ষণে ঘর্ষণে বিদ্যুদগ্নি লোকত্রাস উৎপাদন করে—যাহা ঝড়ঝঞ্ঝা, উৎপাত, মহামারীর বার্তা বহন করিয়া আনে। জীবনের এই সঙ্কট আমাদের মনুষ্যত্বের চরম পরীক্ষায় আহ্বান করিতেছে। সেই পরীক্ষায় কিভাবে আমরা উত্তীর্ণ হই তাহার উপরেই আমাদের সমাজ ও সাহিত্যের স্থিতি ও ভবিষ্যৎ নির্ভর করিতেছে। ইতিহাসের যুগ-পরিবর্তনে ও রাষ্ট্রবিপ্লবের পূর্বেও যে বাঙ্গালীসমাজকে এমনতর সঙ্কট ও সমস্যার সম্মুখীন হইতে হইয়াছে তাহার প্রমাণ ও পরিচয় আমাদের সাহিত্যের মধ্যে রহিয়াছে, সাময়িক সাহিত্যের উপর তাহা আপনার ছাপ রাখিয়া গিয়াছে। যে সঙ্কটের প্রকাশ ও ক্রিয়া আমরা সম্মুখে দেখিতেছি, ইহার ঘাত-প্রতিঘাত সাহিত্যের উপর কি আকারে দেখা দিবে তাহা সূচীজনের চিন্তনীর বিষয়।

ডাঃ শ্যামাশ্রমাদ মুখোপাধ্যায় আমার উপরে এক বিশেষ ভার স্তম্ভ করিয়াছিলেন। বর্তমানে কি কর্মসাধনা অবলম্বনীয় তৎসম্বন্ধে স্বীয় অভিমত দিতে হইবে। সাধারণ লৌকিক ক্ষেত্রে ইহার যে উত্তর দেওয়া যায়—সাহিত্যের ও সাহিত্যসাধনার মাধ্যম অবলম্বন করিয়াই সেই উত্তর উপস্থাপিত করিতেছি। সাহিত্য সম্বন্ধে যে আলোচনা করিলাম তাহাতেই ইহা বুঝাইবার চেষ্টা করিয়াছি যে, ইহা বঙ্গচালিত রচনার ধারা বা সমষ্টি নহে। ইহা শক্তির সমন্বয় ও প্রকাশের কেল্লখরুপ। ইহা শক্তিকে কেন্দ্রীভূত করে এবং ব্যক্তির মধ্যে ও সমষ্টির মধ্যে নবশক্তি উদ্বোধনের প্রেরণা দেয়—নবশক্তি জাগাইয়া তোলে। ভাবের রাজ্যে, চিন্তার রাজ্যে, অনুভূতির রাজ্যে প্রেরণা ও আলোড়ন জাগাইয়া তাহাকেই কর্মজগতের মধ্যে নূতন রূপ দেয়। আমরা সেই প্রত্যক্ষরূপ দেখিয়া মুগ্ধ হই, অভিভূত হই। কিন্তু সন্ধান ও বিশ্লেষণ করিলে দেখিতে পাই যে, মূল শক্তির ক্রিয়া হইতে উহার উদ্ভব, সাহিত্যের শক্তির আধারেই তাহা প্রথমে সঞ্চিত ও সঞ্চারিত হইয়াছে। সবিশেষ পরিচয় দিবার সময় ও অবসর এখানে নাই। কিন্তু বিশ্ব-সাহিত্য ও বিশ্ব-ইতিহাস একত্রে পাশাপাশি রাখিয়া অনুধাবন করিলে আমার বক্তব্যে উহার অর্থ ও উদ্দেশ্য পরিষ্কৃত হইবে। দুইটা দৃষ্টান্ত দিতেছি। ফরাসী বিপ্লবের মূল শক্তির সন্ধান রহিয়াছে ‘রুশোর রচনায়। বাঙলার ও ভারতের নব জাতীয়তার মূল প্রেরণা রহিয়াছে বাল্মিকের আনন্দমঠে।

ইংরাজ রাজত্বের প্রথম দিকে বাঙ্গালী সমাজ ভারতের সর্বত্র ছড়াইয়া পড়িয়াছিল—ইংরাজ রাজত্বের অবসানে পুনরায় ছড়াইয়া পড়িতেছে বা ছড়াইয়া পড়িতে হইতেছে। কিন্তু উভয় অবস্থার মধ্যে কি মর্মভেদী পার্থক্য! তখন বাঙ্গালী ভারতবর্ষে আপনাকে প্রসারিত করিয়া দিয়াছিল সুসুপ্ত ভারতকে জাগাইবার জন্ত জ্ঞানের বর্তিকা হাতে লইয়া, মুক্তিযুদ্ধের প্রেরণা সর্বত্র সঞ্চারিত করিয়া; তাহাতে ভারত জাগিয়াছিল, বাঙ্গালীর নিকট হইতে জ্ঞান-সাধনার ও মুক্তি-সাধনার দীক্ষা লইয়াছিল; বাঙ্গালীকে গুরুতর আসনে প্রতিষ্ঠিত করিয়াছিল; বাঙ্গলার প্রতিভা ও দেশাত্মবোধ সেদিন অজস্র ধারায় আপনার দানে ভারতবর্ষকে পরিপুষ্ট করিয়াছে; উহাকে নূতন রূপ দিয়াছে; আপনাদের ধ্যানের ভারতকে অধ্যাক্ষলোক হইতে আনিয়া চক্ষের সম্মুখে নবরূপে প্রতিষ্ঠিত করিয়াছে। সেদিন, আর এদিন! আজ আমরা ছড়াইয়া পড়িতেছি, সংসার ও সমাজ হইতে বিচ্ছিন্ন বাস্তবহারা হইয়া, আশ্রয়হারা হইয়া, সর্বহারা হইয়া; হয়তো বা অনুগ্রহের প্রার্থী এবং কৃপার প্রার্থী হইয়া। বিশ্বসমাজের নিকট ভারতীয় সংস্কৃতির যাহারা বার্তাবহ এবং অগ্রদূত,—রাজা রামমোহন হইতে আরম্ভ করিয়া রবীন্দ্রনাথ পর্যন্ত,—এই বাঙলা দেশ হইতেই তাহারা উদ্ভূত হইয়াছেন। আজ ভিক্ষাপাত্র হাতে লইয়া দাঁড়াইতে হইবে ইহাই কি আমাদের বিধিলিপি? বুঝিতে পারি না, ভবিষ্যৎ দেখিতে পাই বা উপলব্ধি করিতে পারি এমন অভিমানও পোষণ করি না; তথাপি সপ্রম দৃষ্টিতে বর্তমানকে পরীক্ষা করি এবং ভবিষ্যতের

দিকে চাহিয়া থাকি—পরিণাম কি এবং পরিণতি কোথায় ? ভারতে ইংরাজ শাসনের প্রারম্ভকালে আসন্ন দুর্গতির সম্ভাবনা উপলব্ধি করিয়া ভবিষ্যতের দিকে প্রসারিতদৃষ্টিতে রবীন্দ্রনাথ তাঁহার 'শেখ জম্মদিনের' অভিভাষণে বলিয়াছিলেন :

“ভাগ্যচক্রের পরিবর্তনের দ্বারা একদিন না একদিন ইংরেজকে এই ভারত সাম্রাজ্য ত্যাগ করে যেতে হবে। কিন্তু কোন্ ভারতবর্ষকে সে পিছনে ত্যাগ করে যাবে ? কী লক্ষ্মীছাড়া দীনতার আবর্জনা কে। একাধিক শতাব্দীর শাসনধারা যখন শুষ্ক হয়ে যাবে, তখন এ কী বিস্তীর্ণ পঞ্চাশা দুর্বিসহ নিষ্ফলতাকে বহন করতে থাকবে।” আজ দেখিতেছি কবির এই ভবিষ্যৎ উপলব্ধি তাঁহার স্বদেশ সন্দেহই সত্য হইয়া উঠিয়াছে। যে সংঘর্ষের পরিণামে ইংরাজ শাসনের অবসান ঘটিয়াছে এবং ইংরাজ শাসনের অবসানের সহিত যে সংঘর্ষ উদ্ভূত হইয়াছে সেই উভয় সংঘর্ষসম্মত হলাহল পান করিবার ভার বিধাতাপুরুষ বাঙলা দেশের উপর স্তম্ভ করিয়াছেন।

সাহিত্য সমাজের উপর নির্ভর করে। সমাজ যদি ভাঙ্গে, সাহিত্য কিসের উপর দাঁড়াইবে ? সাহিত্যিকের পক্ষে এবং সাহিত্য-সেবীর পক্ষে ইহাই গুরুতর সমস্যা। সাহিত্য কৃত্রিম বস্তু নহে, কৃত্রিমভাবে উহা সৃষ্টি হয় না বা উহার সৃষ্টি করা যায় না। সমাজের মধ্য হইতে রস ও জীবনীশক্তি আহরণ করিয়া উহা আপনিই গড়িয়া ওঠে এবং পরিপুষ্ট হয়। অবশ্য ইহা সত্য যে, যে সাহিত্য দেশ, কাল ও পরিবেশকে যতখানি অতিক্রম করিয়া উঠতে পারে, তাহা ততখানি স্থায়ী সাহিত্যের পর্যায়ের উন্নীত হয়। তথাপি উহার মূল সামাজিক স্থিতির অবশ্য প্রয়োজন। এই স্থিতি হইতে স্রষ্ট হইলে সাহিত্যের ধারা অবলুপ্ত ও শুষ্ক হইয়া যায়। যাহারা দৃষ্টান্ত চাহিবেন তাঁহাদের দৃষ্টি সংস্কৃত সাহিত্য ও পালি সাহিত্যের প্রতি আকর্ষণ করিব। এই উভয় সাহিত্যেরই সম্পদ প্রচুর। কিন্তু কোনটিরই ধারাবাহিকতা রক্ষিত হয় নাই। যে সমাজে এবং সমাজের যে অবস্থায় এই দুই সাহিত্য উদ্ভূত এবং পরিপুষ্ট হইয়াছিল ধীরে ধীরে তাহার অবসানের সহিত সাহিত্যের সজীব ধারাও অবলুপ্ত হইতে চলিয়াছে। মধ্যে মধ্যে সামাজিক পুনরভ্যুদয়ের সহিত সংস্কৃত সাহিত্যের ধারা জাগিয়া উঠিয়াছে বটে, কিন্তু পালি সাহিত্যের ধারা আর জাগে নাই। কারণ, সেই সমাজ ও সেই সামাজিক পরিবেশের পুনরভ্যুদয় ভারতবর্ষে আর ঘটে নাই। বাঙ্গালীর জীবনে বর্তমানে যে সঙ্কট দেখা দিয়াছে এবং সমাজ যেভাবে ধ্বংস বিধ্বং হইয়া পড়িতেছে তৎপ্রতি লক্ষ্য করিয়া বাঙলা সাহিত্যের এই সম্ভাবিত বিপদের কথা আপনিই মনে আসে।

রাজনীতির সাধনায় বহু বিপদের সম্মুখীন আমরা হইয়াছি, বহু বিপদ বরণ করিয়াছি এবং বহু বিপদ আমরা অতিক্রমও করিয়াছি। বাঙ্গালী সমাজ তাহাতে বিন্দুমাত্র বিচলিত হয় নাই। তাহার ক্ষমকতি আমরা হাসিমুখেই গ্রহণ করিয়াছি এবং জীবনীশক্তির প্রাচুর্যে তাহা

এইজন্য যে, সে আঘাত নিতান্ত বাহিরের আঘাত, অন্তর্নিহিত শক্তিতে তাহার প্রতিরোধ করা আমাদের পক্ষে সহজ হইয়াছে। কিন্তু বাঙলা সাহিত্যের উপর কোন আঘাত বা উহার কোন ক্ষতির সম্ভাবনা দেখা দিলে তাহা আমাদের পক্ষে বিচলিত করে। কারণ, সে আঘাত লাগে একেবারে আমাদের মর্ম্মমূলে। রাজনীতির ক্ষতি বাহিরের, কিন্তু সাহিত্যের ক্ষতি আমাদের পরমৈশ্বর্যের হানি। বাঙ্গালী অর্থনৈতিক-ক্ষেত্রে দরিদ্র হইলেও, সাহিত্যের ক্ষেত্রে তাহার বৈশ্ব অতুলনীয়। এই বৈশ্বের প্রাচুর্যে কেবল ভারতে নহে, সমগ্র বিশ্বে তাহার একটা প্রাধান্য আছে। সাহিত্যই আমাদের সম্বন্ধ ও গৌরবের চিহ্নরূপে সকলের সম্মুখে প্রধান দর্শনীয় বস্তু। কেবল আমাদের নহে, ভারতবর্ষ আপনার পক্ষ হইতে গৌরবের নিদর্শন স্বরূপে বিশ্বের সম্মুখে যাহা উপস্থাপিত করিতে পারে, বাঙলা সাহিত্য তাহার মধ্যে অশ্রুতম প্রধান। বর্তমান যুগে ভারতের যদি কিছু গৌরব থাকে সে, গৌরব বাঙলা সাহিত্যই আহরণ করিয়াছে। কেবল সাহিত্যও নহে, সঙ্গীত, চিত্র, নৃত্য, চারুশিল্প, ভাস্কর্য প্রভৃতি ললিতকলায় সকল অংশেই ভারতবর্ষ তথা বিশ্বসভ্যতা বাঙ্গালীর প্রতিভার দানে সমৃদ্ধ। ভারতের রাজস্বয় যজ্ঞশালা হইতে আজ শ্রীর অশ্রুদান ঘটবে, যদি তাহা বাঙ্গালীর করম্পর্শ হইতে বঞ্চিত হয়।

যে অবস্থার মধ্যে আজ আমরা সহসা উপনীত হইয়াছি এবং যে ব্যবস্থার মধ্য দিয়া চলিয়াছি ইহার মধ্যে সাহিত্যিকের স্থান ও কর্তব্য কি এবং সাহিত্যের উপযোগিতা কোথায় সে কথা আলোচনা করিব। পূর্বেই বলিয়াছি মনুষ্য জীবনের গভীরতম বেদনাই সাহিত্যের প্রধানতম উপকরণ। কেবল এ দেশ নহে, সর্বদেশে ও সর্বকালেই ইহা সত্য। জগতের শ্রেষ্ঠ সাহিত্য, যাহা স্থায়ী সাহিত্যরূপে সমাজের প্রামাণ্য বলিয়া স্বীকৃত হইয়াছে তাহার মধ্যে মানুষের গভীরতম বেদনার অনুরূপিত পুঞ্জীভূত ও কেল্লীভূত হইয়া আছে। রামায়ণ মহাভারত, শকুন্তলা বা ইলিয়াডের যুগ হইতে এ কাল পর্যন্ত ইহা সত্য। করাসী সাহিত্যে 'লা মিজারেব্ল', রুশীয় সাহিত্যে 'মাদার' জোয়ান বোয়ারের 'পিলগ্রিমের' প্রভৃতিও আমার কথার দৃষ্টান্তস্বল।

রামায়ণ রচনার সার্থকতা সীতার বেদনা প্রকাশের মধ্য দিয়াই ফুটিয়া উঠিয়াছে। লক্ষা যুদ্ধের সমাপ্তি ঘটিয়াছে ; সীতা বিজয়ী রানের সম্মুখে আনীতা হইয়াছেন ; দীর্ঘ বিচ্ছেদের পর সীতাবিরহিত রাম ও রামবিরহিতা সীতার সাক্ষাৎ। সীতার তখন মনের অবস্থা কল্পনা করিবার। সেই অবস্থায় রামচন্দ্র সীতাকে কি সম্ভাষণ করিলেন। প্রেমের সম্ভাষণ নয়। তিনি বলিলেন—‘তুমি আমার সম্মুখে উপস্থিত হইয়াছ বটে, কিন্তু তোমার চরিত্র সম্বন্ধে সন্দেহ আসিয়াছে। চক্ষু-রোগীর সম্মুখে প্রচ্ছলিত দীপ যে পীড়া দেয় আমার সম্মুখে তোমার উপস্থিতি আমাকে পীড়া দিতেছে। দশদিক উন্মুক্ত আছে যে দিকে ইচ্ছা চলিয়া যাও।’ তৎকালীন সীতার যে বেদনা সে বেদনাকে রূপ দিতে পারে একমাত্র সাহিত্য। রামায়ণে সে বেদনা প্রতিকলিত হইয়াছে। সেইজন্য রামায়ণ আমাদের এত প্রিয়।

রামায়ণ হইতে আর একটা উদাহরণ দিতেছি। অগ্নিপরীক্ষায় উত্তীর্ণ হইয়া সীতা অযোধ্যায় ফিরিয়াছেন। তারপর মিথ্যা অপবাদে পুনরায় তাঁহার বনবাসের আদেশ হয়। দীর্ঘ বনবাসের পর অশ্বমেধ যজ্ঞসভায় বাঙ্গালী যখন রামচন্দ্রের নিকট আবেদন করেন সীতাকে গ্রহণ করিবার জন্ত, তখন রামচন্দ্র গ্রহণ করিবার প্রস্তাব অনুমোদন করেন নাই। যজ্ঞসভায় সর্বসমক্ষে পুনরায় পরীক্ষা দিবার প্রস্তাব হয়। যে স্বামী তাঁহাকে অগ্নিপরীক্ষা উত্তীর্ণ হইতে দেখিয়াছেন তিনিই পুনরায় পাতিব্রত্যের পরীক্ষা দিতে বলিতেছেন। সীতার হৃদয়ের তৎকালীন বেদনার কি কোনো পরিমাপ আছে? এই পরীক্ষাই সীতার জীবনের চরম পরীক্ষা। তিনি রামচন্দ্রের মুখের দিকে চাহিলেন না। ইষ্টদেবতা সূর্যের দিকেও তাকাইলেন না। তিনি বৃষ্টিতে পারিলেন তৎকালীন তাঁহার যে বেদনা—সে বেদনা সহ্য করিবার শক্তি সর্বসংস্থা বহুমতী ছাড়া আর কাহারও নাই। সেইজন্ত সীতা তখন পৃথিবীর দিকে চাহিয়া বলিলেন—রাম ছাড়া আর কাহাকেও আমি জানি না— একথা যদি সত্য হয়, কামনোবাক্যে আমি রামের অর্চনা করিয়াছি—একথা যদি সত্য হয়, তাহা হইলে মা পৃথিবী আমাকে তাঁর বুক স্থান দিন। সীতার মুখ হইতে তিনবার একথা উচ্চারিত হইবার পর যাহা ঘটয়াছে তাহা আপনারা জানেন। এই অনন্তকালব্যাপী রূপ দিতে পারিয়াছেন বলিয়াই বাঙ্গালী আদি কবিগুরু। মহাভারতের আখ্যায়িকার ভিত্তি দ্রৌপদীর বেদনার উপর প্রতিষ্ঠিত। কৌরব রাজসভায় দ্রৌপদীর অবমান মহাভারত রচনার মূল প্রেরণা। দ্রৌপদী যখন লাক্ষিতা হন—তখন তাঁহার দুইদিকে কুরুকুলের দুই শাখা। দ্রৌপদী একবার দক্ষিণে একবার বামে তাকাইলেন না। কিন্তু তাঁহাকে অবমান হইতে রক্ষা করিবার জন্ত কাহাকেও তিনি উজ্জত দেখিতে পাইলেন না। মানুষ যখন সেই অবমাননার প্রতিকার করিতে পারিল না তখন দ্রৌপদী আকুল আবেদনে অতীন্দ্রিয়শক্তির নিকট আপনার বেদনা নিবেদন করিলেন। তৎক্ষণাৎ সেই শক্তির ক্রিয়া প্রকাশ পাইল। অবমানিতা দ্রৌপদীর বেদনা মহাভারতকারের রচনার মধ্যে অমরতা লাভ করিল। ইহাই সাহিত্য—সাহিত্যের মূল ভিত্তি মানুষের বেদনাকে রূপ দিবার ক্ষমতা। পরবর্তীকালে শকুন্তলার মধ্যে, সেক্স-পীয়রের রচনায় ও বঙ্কিমচন্দ্রের রচনার মধ্যে মানুষের বেদনা রূপ লাভ করিয়া অমর ও সর্বকালস্থায়ী সাহিত্য সৃষ্টি করিয়াছে।

জীবনের অগ্রগতির পথে, রাজনীতি ও সমাজের বিবর্তনের পথে মধ্যে মধ্যে বিপর্যয় আসে। সেই বিপর্যয়ের রথক্ষেত্রে কত মানুষ নিষ্পিষ্ট হইয়া যায়। মানুষের জীবনধারা এবং মানুষে মানুষে সম্পর্ক ছিন্ন বিচ্ছিন্ন হইয়া যায়। সমাজ, সংস্কার ও ঐতিহ্য সহসা ভাঙিয়া

পড়ে। ইতিহাস এইগুলিকে মাত্র ঘটনা হিসাবে এবং ঘটনার অগ্রগতির চিহ্ন হিসাবে উল্লেখ করিয়া যায়। কিন্তু ইহার প্রকৃত রূপ এবং অন্তর্নিহিত সত্য রক্ষিত ও পরিষ্কৃত হয় সাহিত্যে। সাহিত্যিক আপনার অনুভূতিকে প্রসারিত করিয়া মনুষ্যজীবনের ও মনুষ্যসমাজের ব্যক্তিগত ও সমষ্টিগত অনুভূতিকে গ্রহণ করেন এবং তাহাই পুনরায় আপন করণের বর্ণবিজ্ঞাসে ভাষার মধ্যে রূপ দিয়া সমাজের নিকট ফিরাইয়া দেন। ইতিহাসের যুগসন্ধিক্ষণ এইরূপ সাহিত্যিকের উদ্ভবের অপেক্ষা রাখে এবং যুগসন্ধিক্ষণে এইরূপ সাহিত্যিক দেখা দেয়। তাঁহারাই লাভ করেন যুগসাহিত্যিকের পদবী। বাঙলার ইংরাজ-শাসনের প্রথম যুগে 'ছিয়াত্তরের মন্বন্তর' দেখা দিয়াছিল; দেশে ও সমাজে বিপর্যয় আনিয়াছিল। মানুষের সেই পুঞ্জীভূত বেদনা রূপ ও ভাষা পাইবার জন্ত যুগসাহিত্যিকের উদ্ভবের অপেক্ষা করিতেছিল। প্রায় এক শতাব্দীকাল পরে ইহাই রূপ লইল বঙ্কিমচন্দ্রের 'আনন্দমঠ'। মানুষের গভীরতম অনুভূতির আবেদন কখন ব্যর্থ হয় না। স্কুল সন্তান উর্দ্ধতন কোন্ স্তরে উহার ক্রিয়া থাকিয়া যায়। সংবেদনশীল মনের ও অধ্যাত্ম-চেতনার স্পর্শ পাইলেই উহা পরিপূর্ণরূপে রূপায়িত হইয়া ওঠে। বঙ্কিমের মধ্য দিয়া উহা আমরা প্রত্যক্ষ করিয়াছি।

বাঙ্গালীর জীবনসমুদ্রের উপর দিয়া আজ যে মন্থন চলিয়াছে সেই মন্থনের মধ্যে আমাদের চক্ষের সম্মুখে মনুষ্যজীবনের গভীরতম বেদনার ঘটনা ও প্রকাশ অহরহঃ ঘটিতেছে। ইহার বিস্তার ও গভীরতা এতখানি যে, সাধারণ চিন্তা ও কল্পনায় সাধ্য নাই যে, ইহাকে ধারণ করে। বাঙ্গালীর জীবনে যে এতবড় দুর্দিন আসিয়াছিল ইহার নিদর্শন রক্ষিত হওয়া প্রয়োজন। কিন্তু ইহাকে ভাষা ও রূপ কে দিবে? বাঙ্গালী সাহিত্যের পূর্বগুরুগণ আজ বর্তমান থাকিলে তাঁহাদের চিন্তা ও রচনার ধারা কিরূপ হইত বলিতে পারি না। কিন্তু যাহা দেখিয়াছি ও যাহা দেখিতেছি ইহাকে রূপ দিবার জন্ত বর্তমানে বা ভবিষ্যতে যুগসাহিত্যিকের প্রয়োজন অপরিহার্য। উৎপীড়িত মানবাত্মার অনুভূতি অধ্যাত্মচেতনার স্তরে যে আঘাত ও যে তরঙ্গের সৃষ্টি করে, তাহা সংবেদনশীল মনে সঞ্চারিত হইয়া আপনাই যুগসাহিত্যিককে জাগাইয়া তোলে একথা সত্য। তথাপি মানব বেদনার এই প্রকাশকে রূপ ও ভাষা দিবার জন্ত সাহিত্যিকের যে দায়িত্ব আছে, বর্তমান সাহিত্যিকগণকে তাহাই বিশেষভাবে স্মরণ করাইয়া দিতেছি।*

* ৪ঠা জুন মেদিনীপুর বিভাগাগর হলে বঙ্গীয় সাহিত্য পরিষদের মেদিনীপুর শাখার বার্ষিক উৎসবের সপ্তত্রিংশ সাহিত্য সম্মেলনের সভাপতির অভিভাষণের মর্ম।



স্বপ্নসমুদ্র

নারায়ণ গঙ্গাপাধ্যায়



—বারো—

—একবার জয়গড়ে আসুন, খুব জরুরি দরকার।
নগেন ডাক্তার খবর পাঠিয়েছেন।

ছপুরে সাধারণত চাকরী থাকে না। এই সময়ে গীতোক্ত কৌন্তেয়—অর্থাৎ কুমার ভৈরবনারায়ণ বিশ্রাম শয্যার গা এলিয়ে দেন। এই বিশ্রাম পর্বটা দেখবার সুযোগ একবার ঘটেছে রঞ্জনের। ব্যাপারটা শুধু রোমাঞ্চকর নয়—রীতিমতো ভয়াবহ। জাহাজের মতো একখানা সুবিশাল খাটে বপুস্মান কুমার বাহাজুর পড়ে থাকেন একটি ব্রহ্মদেবী শিশু-হস্তীর মতো। দুবেলা কুস্তি-করা দুজন ছাপরাই চাকর তখন সশব্দে তাঁর অঙ্গসেবা করতে থাকে। মহিষ ধান করানার দৃশ্য তার চোখে পড়েছে—ডলন-মলনের আওয়াজ শুনে পাওয়া যায় আধ মাইল দূর থেকে। কিন্তু কুমার বাহাজুরের অঙ্গ-মর্দনের ধকল একদিন সহ করতে হলে বুনো মোষও জেলী মাছ হয়ে যেত। বগু জোয়ান দু দুটি পালোয়ানেরও মুখ দিয়ে ফেনা ছুটতে থাকে; মাথার ওপর বায়ান্ন ইঞ্চি পাথার প্রচণ্ড ঘূর্ণন সঙ্গেও তাদের গা দিয়ে দরদর করে নামতে থাকে কাল-ঘাম।

রাজা ভগবানের সাক্ষাৎ প্রতিনিধি—সন্দেহ কী! সকালে-বিকালে অস্ত্রত কয়েক হাজার লোক হাত বুলিয়ে আসে কানীর বিশ্বনাথের মাথায়। অবশ্য হাত বুলিয়ে কিছু তারা হাতাতে পারে কিনা কে জানে, কিন্তু বিশ্বনাথকে বসে বসে দিতে হয় ধৈর্যের পরীক্ষা। সে-হিসেবে ভৈরব-নারায়ণ নিশ্চয় দেবাংশসম্মত। বিশ্বনাথের কাছে কিছু নগদ শিলায় মেলে না, এখানে অস্ত্রত রাজসেবায় দুটি প্রবল-মল্ল প্রতিপালিত হচ্ছে।

বারোটা থেকে পাঁচটা—এইটুকুই সব চেয়ে মূল্যবান সময়। সাময়িকভাবে ঘটোৎকচের পতন। তারপর পাঁচটায় চা—তার মধ্যেই ফিরে এলেই চলবে। তখন কুমার বাহাজুরের চার পাশ ঘিরে বসবে স্তাবকের দল—ডাক্তার, পোষ্ট-মাষ্টার, সদর-নায়েব, সুমীরনবীশ। ঘোড়ায়

চড়ার গল্প, ভৌতিক কাহিনী, কাস্তনগরের বুদ্ধের ইতিহাস, লাট-সাহেবের একখানা আস্তো খাসির রাং খাওয়ার জ্বালাময়ী বর্ণনা। সেই সময় তাকে হাসতে হবে, হেঁ হেঁ করতে হবে—বিমুগ্ধ বিশ্বয়ে তাকিয়ে থাকতে হবে বিস্ফারিত দৃষ্টিতে। তার আগে পর্যন্ত আপাতত ছুটির পালা।

কুমার বাহাজুরের অঙ্গ-মর্দন চলতে থাকুক, এই ফাঁকে তার জয়গড় ঘুরে আসা দরকার।

ঘরটায় একটা তালা দিলে, তারপর বারান্দা থেকে সাইকেলটা নামিয়ে বেরিয়ে পড়ল রঞ্জন।

আবার সেই ধান-ক্ষেতের মধ্যে দিয়ে কুমারীর সিঁথির মতো পথের রেখা। অগণিত পদ্মকোরকের মতো তুঁষের হিরণ্ময় পাত্রে ঘন ক্ষীরের মতো জমে-আসা ধান। দূর-দূরান্তব্যাপী হরিতের ওপর হিরণের দ্যুতি পড়েছে—আর কদিন পরেই পাকতে আরম্ভ করবে। কিন্তু এবার কিছু পোকের উপদ্রব আছে, কিছু নষ্ট হবার সম্ভাবনা। তা ছাড়া আকাশে কালো মেঘেরও আনাগোনা চলছে—যদি জল আসে তাহলে এদের অর্ধেক ডুবে যাবে এমন আশঙ্কাও জেগেছে লোকের মনে।

দু ধারের ধান ক্ষেতের চড়াই-উৎরাই ভেঙে সে চলল। হালকা ধুলোর ওপর সাপের রেখা, আর মাগুষের পদচিহ্নের ওপর চাকার দাগ টেনে চলল সাইকেল।

এই ক্ষেতটা পার হলে তিন চারটে শিমূল গাছ এক জায়গায় জটলা পাকিয়ে গোল হয়ে দাঁড়িয়ে—; ওইখান দিয়ে ত্রিভুজের একটা কোণের মতো ভৈরবনারায়ণের এলাকার মধ্যে খানিক দূর ঢুকে গেছে ফতেশা পাঠানের জমি। দুজনের মধ্যে ওটা নিয়েই লাঠালাঠি আর ঝামেলা। এই সীমান্ত-রেখার ওপরে পর পর সাঁওতালদের কয়েকখানা ছোট ছোট গ্রাম—ফতে শাহর অবাধ্য প্রজার দল। টুল্কু আর ধীরগা সাঁওতালের অশ্মভূমি।

মাঠ পার হয়ে শন-বাসের বন ঠেলে চলতে চলতে মনে

পড়ছিল দিন কয়েক আগে এখানেই সাঁওতালদের বুনো-শুয়ার মারতে দেখেছিল সে। আরো মনে পড়ল সাঁওতালদের ওখানে নাচ দেখবার এবং মাংস-ভাত খাওয়ার একটা নিমন্ত্রণও ছিল তার। সেদিন সেটা রক্ষা করবার সুযোগ হয়নি—একদিন এসে চুকিয়ে যেতে হবে তাকে।

—আদাব বাবু।

তাকিয়ে দেখল পাশের আল্ দিয়ে একদল মুসলমান চাষী এগিয়ে আসছে। সম্ভাষণটা তাদেরই।

—হাজী সাহেব যে। খবর কী?—প্রসন্ন মুখে সাইকেল থেকে নেমে পড়ল রজন : জিয়াকৎ আছে নাকি কোথাও ?

দলটি তখন রাস্তার সামনে এসে পড়েছে। সকলের আগে আগে পিয়ার হাজী—এ তল্লাটের তিনিই সামাজিক নেতা। সম্পন্ন চাষী। প্রায় একশো বিঘে জমি রাখেন, খান চারেক গরুর গাড়ি আছে। অল্প-সল্প ইংরেজী জানেন—হজ্ব ঘুরে এসেছেন।

মধ্যবয়সী লোক—মুখে একটি প্রসন্ন হাসি লেগেই থাকে। হেসেই বললেন, না, জিয়াকৎ নয়।

—তবে এত সেজে গুজে চলেছেন কোথায়? আজ তো কোনো পরব নয়।

সাজ গোছের ঘট। সকলেরই একটু আছে, সন্দেহ নেই। কারো মাথায় শাদা ধব্ ধবে গোল টুপি, কারো রাঙা টকটকে ফেজ। শাদা পায়জামার ওপর হাজী সাহেব কালো রঙের একটা লম্বা কোট পরেছেন, পায়ে চকচকে জুতো। বাকী সকলের কারো ফর্সা পাঞ্জাবী, কারো আপানী-আর্দির জামা, পাট-ভাঙা লুঙ্গি আর পায়জামা। বেশ সমারোহ করেই বেরিয়েছে দলটা।

হাজী সাহেব বললেন, একটা মিটিং আছে আমাদের।

—মিটিং? কিসের মিটিং?

—লীগের।

—লীগের কাজকর্ম এ তল্লাটেও আছে নাকি?—
রজন বিস্মিত হয়ে জিজ্ঞাসা করল।

—এতদিন ছিল না—এইবারে হচ্ছে।—হাজী সাহেবের হাসিটা এবারে আর একটু বিস্তৃত হয়ে পড়ল। ফুটে বেরল একটা আন্তরিক প্রসন্নতা।

—সে তো বেশ কথা। কিন্তু মিটিংটা হচ্ছে কোথায়?

—শাহর কাছারীতে। কাল ঢোল দিয়ে গেছে গ্রামে গ্রামে।

—শাহর কাছারীতে!—রজনের স্বভাব আবার সজাগ হয়ে উঠল : আলিমুদ্দিন মাস্টারও আছেন নিশ্চয়?

—তিনিই তো গোড়া। তাঁর চেষ্ঠাতেই সব হচ্ছে।
—কৃতজ্ঞতার রেশ লাগল হাজী সাহেবের গলায় : খুব এলেমদার লোক।

—হাঁ, আমার আলাপ হয়েছে তাঁর সঙ্গে—রজন বললে, আচ্ছা, আপনারা যান। ওদিকে আবার আপনাদের দেরী হয়ে যাবে।—রজন সাইকেলে উঠল।

—আপনি কোথায় চললেন?

—বাব একটু জয়গড় মহলে।

—আদাব—

—নমস্কার—

শন ঘাসের বনের মধ্য দিয়ে আবার এগিয়ে চলল রজন।

আলিমুদ্দিন মাস্টার! হাঁ—বার তিনেক নানা উপলক্ষে দেখা হয়েছে তাঁর সঙ্গে। কথাবার্তার সুবোগও ঘটেছে কিছু কিছু। তীক্ষ্ণদী, বিচক্ষণ লোক। চাপা ঠোঁট—মুখের ওপর একটা শাস্ত কাঠি। বজ্রগর্ত মেঘের মতো চেহারা। দেখলেই বোঝা যায়, অনেকগুলি মানুষকে নিয়ন্ত্রিত করবার শক্তি তাঁর আয়ত্ত।

তিনিই লীগের সংগঠন কাজে মন দিয়েছেন! খুব চমৎকার কথা। দেশের প্রতিটি সম্প্রদায় আত্ম-সচেতন হোক, নিজের মর্মান্দাকে ফিরে পাক; মুক্তি লাভ করুক সবরকমের হীনমন্ত্রতার পীড়ন থেকে। এর চেয়ে বড় জিনিস আর কী হতে পারে! জাতির এক একটি অঙ্গ যদি শক্তিশাল্য করতে পারে, তা হলে তার সমগ্র দেহের পূর্ণ জাগরণে আর কতখানি দেরী হবে!

পৃথক্ জাতীয়তা—পৃথক্ সংস্কৃতিবোধ! হোক—
কোনো ক্ষতি নেই। অন্তত বাঙালি মুসলমান যে প্রধানত দীক্ষিতের সম্ভান—এ ঐতিহাসিক সত্যকেও ভুলে যাওয়া চলে! আর সংস্কৃতি! অন্ধের মতো চোখ বুজে না থাকলে মানতেই হবে সত্যপীরের পাঁচালী আর মানিক পীরের গানের মধ্য দিয়েও তার ব্যবধানের সীমাটাকে কোনোদিন একেবারে মুছে ফেলা যায়নি।

এমন কি, “দীন-ইলাহী”র ঐক্য মন্ত্র যিনি দিয়েছিলেন, সেই সত্রাট আকবরের সময়েও আগ্রা শহরে মসজিদের সামনে বাজনা বাজানো নিয়ে সাংপ্রদায়িক দাঙ্গা হয়েছিল—এমন কথা ইতিহাস বলে।

সুতরাং পৃথক্ জাতিতন্বে আপত্তি নেই। ইসলাম জাণ্ডক। শুধু আসন্ন বস্তার ওই মেঘগুলোর মতো একটি প্রশ্ন মনের মধ্যে ঘুরছে। এই হঠাৎ ঘুম-ভাঙা দুর্দান্ত মানবতা যখন খাণ্ড-বস্ত্র-মুক্তি—সংস্কৃতির আকুলতায় ক্ষুধার্ত গরুড়ের মতো প্রশ্ন তুলবে :—কংখাম,—তখন নিষেদের অযোগ্যতা ঢাকবার জন্তে তাকে প্রতিবেশী কিরাত-পল্লী দেখিয়ে দেবেনা তো এর উল্গাতারা? তার ক্ষুণ্ণিবৃত্তি পূরণ করবার মতো পর্যাপ্ত সংস্থান তাদের আছে তো?

সেইখানেই ভয়। আর সে ভয় যে একেবারে অমূলক নয়—তারও আভাস দেখা গেছে নানাভাবে। অন্তকে অবিখাস করা নয়—নিজেকে বিখাস করতে পারাই সব চেয়ে বড় কাজ।

হয়তো আলিমুদ্দিন মাস্টার তা পারবেন।

জয়কালী মন্দিরের বট গাছটা সাইকেলের ক্ষতগতির সঙ্গে সঙ্গে ক্রমশ দিগন্ত থেকে সামনে এগিয়ে এল।

এই জয়কালীর মন্দির থেকেই সম্ভবত জয়গড়। গড় হয়তো কোনোদিন ছিল—হয়তো ‘পাল-বুরুজে’র গড়খাই এরই সীমান্ত রেখা। কিন্তু গড়ের চিহ্নমাত্র নেই কোথাও। গ্রামের পূব-দক্ষিণ জুড়ে ইংরেজী ‘এল্’ হরফের মতো অজগর জঙ্গলে ছাওয়া একটা জাঙ্গাল আছে বটে—হয়তো গড়ের প্রাচীরের ধ্বংসশেষ। জয়কালীর পুরোনো মন্দির এখন একটা মাটি ঢাকা ইঁটের পাজা—গ্রামের লোক কিছু খরচপত্র করে একটি ছোট মন্দির তুলে দিয়েছে এখন।

পেছনে একটা বড় বট গাছ—তার তলায় একখানা পঞ্চমুণ্ডী আসন। বাংলা দেশে ‘ডায়াকির’ যুগে যখন সারা উত্তর-বাংলা জুড়ে ভয়াবহ অরাজকতার স্রোত বয়ে গিয়েছিল—সেই সময়ে কোনো দস্যুপতি ওই আসনে বসে সিদ্ধিলাভ করেছিলেন। তার পাশে একটা মজা-দীঘি—ওর ভেতরে সন্ধান করলে নাকি এখনো

একশো আটটি নরবলির কঙ্কাল-করোটি খুঁজে পাওয়া যাবে। দুর্বল নায়ুর মাহুষ আজো নাকি রাত-বিরেতে বিভীষিকা দেখে এই পঞ্চমুণ্ডী আসনের পাশে।

নির্জন মন্দিরের পাশ দিয়ে যেতে যেতে রঞ্জনের মনে হল, আজ আবার নতুন করে এক তন্ত্রসাধনার সূত্রপাত হয়েছে এই জয়গড়ে। এও কত নরবলি দাবী করবে কে জানে। কিন্তু এই সাধনার শুধু একটিমাত্র মাহুষ সিদ্ধিলাভ করবে না—লক্ষ লক্ষ মাহুষকে মুক্তি দেবে।

গ্রামে ঢুকতে গোরুর গাড়ির লিক-আঁকা একটা মেটে রাস্তা পাওয়া গেল। সেই রাস্তা দিয়ে আর একটা বাঁক ঘুরতেই খানিকটা উঁচু ডাঙার ওপর ছোট একটা মহুয়া বন। আর এই মহুয়া বনটির পরেই নগেন ডাক্তারের বাড়ি।

বাড়ির বাইরের ঘরে ডিস্‌পেন্সারী। ছোট ডিস্‌পেন্সারী—যৎসামান্ত আয়োজন। একটা বার্ণিশ-বিহীন চেয়ারে বসে এবং সামনে কাগজ-পত্র আর ডাক্তারী ব্যাগরাখা টেবিলটার ওপরে পা রেখে কী যেন পড়ছিল নগেন ডাক্তার।

বারান্দায় সাইকেল তোলার সঙ্গে বই সরাল নগেন, পা নামালো। সাদরে ডাকল, রঞ্জনদা? এসো—এসো—

রঞ্জন ঘরে ঢুকে নগেনের মুখোমুখি একটা চেয়ার নিয়ে সশব্দে বসে পড়ল।

সামনে ঝুঁকে পড়ল নগেন। অন্তরঙ্গ গলায় বললে, আমার চিঠিটা পেয়েছিলে তা হলে?

—পেয়েছি।—রঞ্জন হাসল : কিন্তু যত তাড়া আমার দিয়েছিলে, তোমার মধ্যে সে তাড়া তো দেখছি না। দিবি নিশ্চিত মনে পড়াগুনো হচ্ছিল। কী পড়ছিলে?

নগেন হাসল লজ্জিতভাবে—গাল দুটো রাঙা হয়ে উঠল। এত ভালো কর্মী, এমন দৃঢ়ব্রত, তবু একটা অপূর্ব শাস্ত কমণীয়তা আছে ওর ভেতরে। বয়েস চব্বিশ-পঁচিশ—তবু এখনো ছেলেমাহুষি চেহারা। দেখলে মনে হয় আঠারো উনিশের বেশি বয়েস হবে না।

সলজ্জ গলায় নগেন বললে, একটা লিটারেচার পড়ছিলাম।

—কী লিটারেচার?

—আমাদের ডাক্তারী। বিলিতি ওষুধের কোম্পানি পাঠিয়েছে।—নগেনের চোখ দুটো বিষণ্ণ হয়ে উঠল : কিন্তু দিয়ে আমরা কী করব ? এ সব পেটেন্ট ওষুধ প্রেসক্রিপশন করবে শহরের ডাক্তারেরা—মোটামুটি দাম দিয়ে মনে থাকবে শহরের লোক। তা ছাড়া এদের অধিকাংশই ডাক্তারদের সর্বনাশ করছে।

রজন বললে, তোমার প্রথম কথাটা বুঝলাম, কিন্তু তীয়টা ধোঁয়াটে রয়ে গেল। ডাক্তারদের সর্বনাশ করছে মন ?

নগেন বললে, মেডিসিন তৈরী করতে ভুলে যাচ্ছে ডাক্তাররা—এদের ওপরেই বরাত দিয়ে নিশ্চিন্ত হচ্ছে। আর ফল কী দাঁড়াচ্ছে জানো ? কম্পাউন্ডিং করে দিলে যার ম পড়ত বারো আনা, পাঁচ টাকা দিয়ে তার পেটেন্ট ওষুধ কিনে খেতে হচ্ছে লোককে।

রজন হাসল : পৃথিবীতে দেখছি সমস্তার আর অন্তই। কিন্তু ও কথা যাক—ওসব আমার পক্ষে একেবারে অধিকার চর্চা। এখন বলো দেখি, এমনভাবে হঠাৎ ডা কেন ?

নগেন বললে, বলছি সর। কিন্তু এখানে নয়। চলো তরে। অনেকগুলো দরকারী পরামর্শ আছে তোমার জ্ঞান।

হাতের ঘড়ির দিকে তাকিয়ে রজন বললে, এখন ডুটা। চারটের মধ্যে আমায় ছেড়ে দিতে হবে—মুহুর্তে বললে, নইলে আমার চাকরী যাবে, জানো ?

—যাওয়াই ভালো—নগেনও হাসল : নাও, ভেতরে যা।

বাড়িতে মাটির দেওয়াল, টিনের চাল। তবু পাড়ায়ের নিছুল পরিচ্ছন্নতা ঝক ঝক করছে সব জায়গায়। ঠানে ঢেঁকি আছে, তার পাশে লাউ মাচা। পেছনের চৌর ঘিরে বড় একটা বাতাবী গাছ—অরুণ ফলের ঝরোহ সেখানে।

নিজের শোবার ঘরে নগেন নিয়ে এল রজনকে।

আড়ম্বরহীন ঘর। একধারে ছোট একটি শেল্ফে বসন্তক বই। শীতলপাটি বিছানো তক্তপোষের মাথার কাছে জড়ানো সতরঞ্জির বিছানা।

নগেন বললে, বোসো।

রজন বিছানায় বসল। সামনে একটা টুল টেনে নিলে নগেন।

—তারপর ?

—দাঁড়াও। অনেক দূর থেকে এসেছ—একটু জল খাও আগে।

—পাগল নাকি ! এই তো খেয়ে-দেয়ে বেরিয়েছি।

—ছ' মাইল সাইকেলের থাকায় সে হজম হয়ে গেছে—নগেন চীৎকার করে ডাকল : উত্তমা, উত্তমা ?

—আসছি দাদা—বাড়ির কোনো এক দূরপ্রান্ত থেকে সাড়া এল।

—উত্তমা কে ? তোমার বোন বুঝি ?

—হাঁ।—নগেন বললে, তুমি ওকে দেখোনি আগে। মামাবাড়ি গিয়েছিল মাস তিনেক আগে—মামীমার খুব অসুখ চলছিল।—একটা প্রসন্ন মেহ ফুটে উঠল নগেনের মুখে : ও আমার ডান হাত। সব কাজ-কর্ম করে দেয়। মোটামুটি খানিক কম্পাউণ্ডারী শিখিয়ে নিয়েছি, দরকার হলে ওষুধ-পত্র করে দেয়। ও না থাকায় খুব অসুবিধে হচ্ছিল।

—বিনা পরসায় বেশ কম্পাউণ্ডার পেয়েছ তো।

—তা পেয়েছি।—নগেন হাসল : কিন্তু ওই কম্পাউণ্ডারটির আলায় আমার ডাক্তারখানা চ্যারিটেবল ডিস্‌পেন্সারী হয়ে উঠেছে।

—কেন ডাকছিলে দাদা ?

দোরগোড়ায় উত্তমাকে দেখতে পাওয়া গেল।

—কে এসেছে, চিনিস একে ?

—বুঝেছি, রজনদা।—উত্তমা হাসল, এগিয়ে এসে প্রণাম করল রজনকে।

—আরে ছিঃ ছিঃ—থাক থাক—সসঙ্কোচে পা সরিয়ে নিলে রজন।

—অত বাবড়াচ্ছ কেন ? প্রণামটা পাওনা জিনিস—আদায় করে নিতে লজ্জা নেই।

উত্তমা খিল খিল করে হেসে উঠল। প্রচুর স্বাস্থ্য আর অপরিমিত প্রাণ থাকলে যে হাসি আলোর মতো নিরব্রিত হয়ে পড়ে—সেই হাসি। রজন ভালো করে তাকিয়ে দেখল উত্তমাকে।

শ্রামবর্ণের ছোট-খাটো একটি মেয়ে। রূপের

ব্যাকরণে স্ত্রী বলতে বাধে। পরণে আধ-ময়লা ডুরে-শাড়ী। মেধাবী পুরুষের মতো চওড়া কপাল—গ্রাম-বৃদ্ধারা হয়তো সংজ্ঞা দেবেন 'উচ কপালী' বলে। সেই কপালের ওপর এক গুচ্ছ অলঙ্কার নিচে স্বৈদবিন্দু চিকমিক করছে। অটুট স্বাস্থ্যে গড়া শরীর। আর সব চাইতে আগেই চোখে পড়ল পরিপুষ্ট নিটোল দুখানি হাত। আঙুলগুলি কঠিন—মেয়েদের তুলনায় একটু বেশি লম্বা। চম্পক-কলির ব্যঞ্জনা কোথাও নেই—পরিশ্রমের নিতুল চিহ্ন। হাতে চারগাছা করে কাঁচের চুড়ি—তাদের ওপর মাটির একটা হাল্কা আস্তরণ পড়েছে।

—কী করছিলি রে ?

—বাগানে মাটি কোপাচ্ছিলাম।

—বেশ করছিলি। তা মাটি কোপানো এখন থাক। রজনদার জন্তে কিছু খাবার নিয়ে আয়।

—না—না, কিছু দরকার নেই—সন্তুষ্টভাবে রজন জবাব দিলে।

—গুরুপাক কিছু নয়, সামান্য কিছু গাছের ফল।—নগেন হাসল, তা ছাড়া আমি ডাক্তার—আমার ওপর তুমি নির্ভর করতে পারো। যা—যা—দাঁড়িয়ে রইলি কেন ? উত্তমা বেরিয়ে গেল।

কথা আরম্ভ করার আগে চিন্তাটাকে যেন গুছিয়ে নেবার জন্তে একবার জানালা দিয়ে বাইরে তাকালো নগেন। জানালার ওপারে মহড়া বন—তার পেছনে টাঙ্গন নদীর খাড়া পাড়ি। অস্তমুখী চোখটাকে সেদিকে রেখে নগেন বললে, তুরী-পাড়ার পঞ্চায়েতে আমি থাকতে পারিনি। তুমি যখন গিয়েছিলে, তখন ওতেই কাজ হয়েছে। কেমন মনে হল ?

—চমৎকার। একেবারে বাকদের মতো তৈরী। আঙুন ধরিয়ে দিলেই হয়।

—হ্যাঁ—ওরা বেশ গড়ে উঠেছে। ভালো লড়াই করতে পারবে—কচি কচি মহড়া পাতাগুলোর দিকে চোখ রেখে নগেন বললে, এত বয়েস হয়েছে, তবু সোনাই মণ্ডলের কী রকম জোর দেখেছ ?

—তাই দেখলাম।—উৎসাহিত হয়ে উঠল রজনদার : ওরা তো চাষী। ওদের কাছ থেকে এতখানি আশা আমাদের ছিল না।

—চাষী আর কোথায় দেখছ!—নগেন এবার চো ক্রিয়ের এনে সোজা রজনদের দিকে তাকালো : ওদের দেনার অবস্থা জামো ? বেশির ভাগেরই এখন ক্ষেত মজুরের দশা—লাভের মোটা টাকাটা সোজা চলে যা মহাজনের হাঙর-পেটে। যাও সামান্য কিছু হত—ডাঁড়া বানে একেবারে পথে বসিয়ে দিচ্ছে। এবার ডাঁড়া বাঁধ না দিলে ওদের আর বাঁচবার জো নেই।

—কিন্তু ডাঁড়ায় বাঁধ দিলে কী হবে বাড়তি জলটার ওদিকে বান ডাকবে না তো ?

—না, না, সে সব ভয় কিছু নেই। ডাঁড়ার মুখ ব করলে দক্ষিণের ঢালু মাঠটা দিয়ে জল চলে যাবে। তো মরা মাঠ—এমনিতেই বর্ষায় সায়র হয়ে যার...হাত খানেক করে জল বাড়বে এই যা। আসলে ক্ষতি ও তৈরবনারায়ণের, জলকর দুটোয় একটু অসুবিধে হবে কিন্তু কয়েকশো টাকার জলকর বাড়তে গিয়ে দু হাজ বিঘে জমির ধান এমনভাবে বরবাদ হবে নাকি ?

—না, এবার আর তা ওরা হতে দেবে না। কা পুখুরিতে আঙুন জলবে, আমি স্পষ্ট বুঝতে পেরেছি নগেন বললে, রজনদা তোমার কাছ থেকে আ পরামর্শটাই বাকী। যত দূর মনে হচ্ছে—শুধু তুরী একার লড়াইতেই হবে না। এ অঞ্চলের সমস্ত মাঠ গুলোকে নিয়ে একটা 'কমন কন্স' তৈরী করতে হবে।

—আহীররা ?

—নিশ্চয়। ওরা তো আঙুনের মতো গরম হ আছে। হাতের লাঠি ওদের তৈরী ! তা ছাড়া জটা সিংয়ের খুনের পর পুলিশ এসে ওদের জন-পাঁচেককে ধ নিয়ে গেছে। শোননি বুঝি ?

—না তো !

উদীপ্ত মুখে নগেন বললে, কাল আমি ওদের ওখা গিয়েছিলাম। এতদিন আমাদের কৃষাণ-সমিতির ক বলেছি—কিন্তু আমল পাইনি। এবার দেখলাম—অ জাবনা নেই। একদম তৈরী। এ লড়াইয়ে ওরাই হ জ্যানগার্ড। তুরীদের লড়াইয়ের কথা ওদের বলেছি।

—তার পর ?

—বা কেপে আছে, একটা সুযোগ পেলেই হল।

—বাক, এটা একটা সুখবর।

নগেনের চোখ জলতে লাগল : টিলার সাঁওতালদেরও
খাওয়া যাবে।

—ওরা তো কতে শা পাঠানের প্রজা।

—তাতে আটকাবে না। সব জমিদারই ওদের পক্ষে
মান। যদি আমরা ভালো করে অর্গানাইজ করতে
পারি, তা হলে সমস্ত এরিয়ার মানুষগুলোকে এই লড়াইয়ে
টেনে আনতে পারব—নগেনের গলার স্বর একটা আগামী
ব্যত্যাশায় উচু পর্দায় চড়তে লাগল আন্তে আন্তে : ওই
সাঁওতালদের ওপর তোমার হাত আছে—ওদের টেনে
আমাতে হবে তোমাকে।

—দেখি চেষ্টা করে—রঞ্জন হাসল : কিন্তু তোমাদের
গলায় কুমার বাহাদুরের ওখানে আমার অমন ভালো
করীটা চলে যাবে দেখছি। কোনো ঝামেলা ছিলনা—
ধু নির্বিঘ্ন গীতাপাঠ। ভবিষ্যতেরও আশা ছিল—হয়তো
একটা ব্রহ্মোত্তরও মিলে যেত এক সময়ে।

নগেনও হাসল : আখেরের ভাবনা ভাবতে হবে না।
তোমার নাম আমাদের বইতে টোকা আছে। ছুনিয়া
খন পাল্টাবে—যখন নতুন করে মাটির বিলি-ব্যবস্থা
বে, সেদিন তুমিও ফাঁক পড়বে না। তবে তার আগে
অসুবিধেটুকু ভোগ করতেই হবে।

—তার মানে এটা ইন্ডেস্টমেন্ট ?

—তাই—নগেন হেসে উঠল সশব্দে।

উত্তমা প্রবেশ করল। শাড়ীটা বদলে পরিষ্কার পরিচ্ছন্ন
এসেছে—ধুয়ে মুছে এসেছে শরীর থেকে মাটি
ফাপানোর চিহ্ন। গাছ-কোমর বাঁধা আঁচলটিকে বিজ্ঞপ্ত
রে নিয়েছে শোভন কমনীয়তায়। একহাতে ঝকঝকে
পতলের থালায় সবুজে কাটা বাতাবী লেবু, কয়েক
করো পেঁপে, দুটি কলা আর কিছু নারকেলের নাড়ু,
তার এক হাতে কাচের গ্লাসে জল। সব মিলিয়ে যেন
পূর্ব একটি রূপান্তর হয়েছে উত্তমার। একটু আগেকার
ঠিনবাহু সেই কর্মী মেয়েটি নয়—চির-পরিচিত একটি
গলার নন্দিনী সামনে এসে দাঁড়িয়েছে।

নগেন উঠে আর একটা টুল টেনে দিলে। তার
পর থালা গ্লাস নামিয়ে রাখল উত্তমা।

—এত কী হবে ?

—থাবেন।—উত্তমা হাসল।

—সব ?

—সব।

—কিন্তু আমি তো একটু আগেই খেয়ে এসেছি।

নগেন বললে, রঞ্জনদা, বিনয় বন্ধ করো। খাওয়াটা
শেষ করে নাও—অনেক দরকারী কাজ আছে।

রঞ্জন বললে, আচ্ছা লোক তো দেখছি। এমনি ভাষায়
বুঝি অতিথিকে অভ্যর্থনা করে ?

—অতিথি হলে তো অভ্যর্থনা করব।—নগেন বললে,
নাও, নাও। রাজবাড়ির রাজভোগের ব্যবস্থা অবশ্য
এখানে নেই। কিন্তু টাটকা গাছের ফল, আর ঘরের
নাড়ু—সম্পূর্ণ হাইজিনিক।

অগত্যা আহারে মন দিতেই হল।

—মা কইরে উত্তমা ?

জ্যাঠামশাইয়ের ওখানে গেছেন। ফিরতে দেবী
হবে।

—আমি পছন্দ করি না—মেঘের মতো মুখ করে
নগেন বললে।

উত্তমা বললে, মা বলেন, সামাজিকতা রাখতে
হবে।

—না রাখাটাই নিরাপদ—নগেনের মুখ আরো
কালো হয়ে উঠল।

উত্তমা জবাব দিল না, দাঁড়িয়ে রইল নিঃশব্দে।

—নীরবে খাওয়া শেষ করল রঞ্জন। জ্রুকৃষ্ণিত করে
বসে রইল নগেন, আর জানালা দিয়ে বাইরের মহুয়া বন
আর টাঙ্গন নদীর উচু পাড়ির দিকে তাকিয়ে রইল
উত্তমা।

—আর দেব ?—খানিক পরে মুহু গলার উত্তমা
জিজ্ঞাসা করল।

—সর্বনাশ—এই ম্যানেজ করতে প্রাণান্ত ! নিতান্তই
নগেনের ভয়ে এতগুলো খেতে হল।

থালা আর গ্লাসটা হাতে তুলে নিলে উত্তমা।

বেরিষে খাওয়ার মুখে নগেন পিছু ডাকল।

—হাঁ রে, পোস্টারগুলো লেখা হয়ে গেছে ?

—সামান্য কিছু বাকী।

—ছপুরেই শেব করে দিবি—সন্ধ্যের আগে আমার
চাই।

—আচ্ছা—উত্তমা বেরিয়ে গেল।

—কিসের পোস্টার?—রুমালে মুখ মুছতে মুছতে
জিজ্ঞাসা করল রজন।

—আমাদের কৃষক সমিতির ঘোষণা। আগামী
লড়াইয়ের প্রস্তুতি।—নগেন একটু হাসলঃ আর এ
গ্রামে আমাদের সবচেয়ে বড় শত্রু, কে জানে? আমার
অ্যাঠামশাই।

—ও?—রজন তাকিয়ে রইল জিজ্ঞাসু চোখে।
খানিকটা বোধগম্য হচ্ছে—উত্তমা আর নগেনের ব্যক্তিগত
আলোচনার তাৎপর্যটা।

—বড় জোতদার। অনেক হাল আর বিস্তর কৃষাণ।
তিনি আমাদের সমিতিতে ভাঙবার জন্তে তলে তলে
মতলব ঝুঁটছেন। এখনো সুবিধে করতে পারেননি—
তবে সময় হলেই যা দেবেন। যাক, সে কথা। এবার
তোমায় একটু উঠতে হবে রজনদা।

—আবার কোথায়?

—যেতে হবে আমাদের কৃষাণ সমিতিতে। যে
প্র্যান প্রোগ্রাম হচ্ছে, সে সম্বন্ধে ওরা তোমার সঙ্গে
আলাপ করবে একটু।

—আচ্ছা চলো—হাতের ষড়িটার দিকে তাকিয়ে
রজন বললে, ষটখানেক সময় আছে এখনো।

আগেই খবর পেয়ে কুড়ি পঁচিশজন এসে অপেক্ষা
করছিল কৃষাণ সমিতিতে।

বড় একখানা ঘর। ওপরে খড়ের চালা—নিচে
চাটাই। মাটির দেওয়ালে কিছু পোস্টার—কিছু ছবি।
কান্তে হাতুড়ীর ওপর জলজলে একটা লাল তারা—ওদের
পথের নির্দেশ।

অফিস-সেক্রেটারী মনোহর জানাল, এদিকে ব্যবস্থা
আমরা করে এনেছি। অন্তত দুশো লোক নিয়ে
যেতে পারব।

—আহীররা আসবে, সাঁওতালদের ভারও নিয়েছেন
রজনদা।—নগেন বললে, এই আমাদের প্রথম লড়াই।
মনে রাখবেন এই আমার শক্তি পরীক্ষা। এখনে
যদি আমরা জিততে পারি—তাহলে আমাদের পথ কেউ
রুখতে পারবে না।

বিপ্লবের জয়ধ্বনিতে ঘরখানা কেঁপে উঠল।

ফেরবার পথে বিকেলের আলোয় বহুদূর থেকে ভৈরব-
নারায়ণের প্রাসাদটা যেন আজ আবার নতুন করে
চোখে পড়ল। চোখে পড়ল, বাড়িটার মাথার ওপর
একপাল শকুন উড়ছে—যেন আসন্ন অপমৃত্যুর আভ্রাণ
পেয়েছে ওরা। (ক্রমশঃ)

। অরবিন্দ

শ্রীধীরেন্দ্রনারায়ণ রায়

আমি

তোমারেই ভালবেসে যাই—

হাসির মতন বাঁশীর মতন

তিমির অন্ধ নাশীর মতন,

শিখার মতন জ্যোতির মতন

প্রেমের মতন ভেসে যাই।

আসে

প্রাণের সাগরে আলোর উৎস নামি’

মোর

মুখ হিয়ায় অলকনন্দা কামী—।

ওনি’

তুম্মার মত আধো-জাগরণে

চেতনার শত কনক-কিরণে

শরণ-শাস্ত দেশে যাই ॥

তুমি

শুভ দীপ্ত বিশ্ব বহি তরা,

আমি

যুগে যুগে চাই, তোমারে যায়না ধরা—

এলে

শরনে স্বপনে অসীমের নীলে,

হে চিরবন্ধ, মরমে-নিধিলে,—

স্বপ্নি-ছন্দ হ’তে যেন ভেসে



স্বাক্ষরোপণ সপ্তাহ—

কেন্দ্রীয় গভর্নমেন্টের কৃষিমন্ত্রী শ্রীযুত কানাইলাল মুন্সীর আবেদন মত গত ১লা জুলাই হইতে ৭ই জুলাই ভারতের সর্বত্র বন-মহোৎসব ও স্বাক্ষরোপণ সপ্তাহ পালন করা হইয়াছে। নানা কারণ এদেশে গাছের সংখ্যা কমিয়া গিয়াছে—কেহ স্বাক্ষরোপণ করে না। তাহার ফলে অনাবৃষ্টি, জমির উর্বরতা ক্ষয় প্রভৃতি নানা বিপদ উপস্থিত হইয়াছে। আমেরিকাতে এই অবস্থা উপস্থিত হওয়ায় ১৮৭২ সাল হইতে বৎসরে একদিন সর্বত্র আনুষ্ঠানিক ভাবে স্বাক্ষরোপণ উৎসব করা হইতেছে। স্বাক্ষরোপণের প্রয়োজনীয়তার কথা ঐ দিন সকলকে স্মরণ করাইয়া দেওয়া হইয়া থাকে। এই উপলক্ষে বাঙ্গালা দেশের রাষ্ট্রপাল ডাঃ কাটজু কলিকাতা দেশবন্ধু পার্কে, মুখ্যমন্ত্রী ডাঃ বিধানচন্দ্র রায় বারাকপুর গান্ধীঘাটে, মন্ত্রী হেমচন্দ্র নন্দর হিডেন গার্ডেনে স্বাক্ষরোপণ করিয়াছেন। অন্যান্য সকল মন্ত্রীও নানাস্থানে স্বাক্ষরোপণ করিয়া বেড়াইয়াছেন। তাঁহারা স্বাক্ষরোপণ করিয়া বেড়াইবেন—ইহার কোন মূল্য না থাকিতে পারে—কিন্তু প্রত্যেক মানুষেরই যে নিজ নিজ এলাকায় এ সময়ে স্বাক্ষরোপণ করা উচিত—এই উৎসবের দ্বারা তাহাই স্মরণ করাইয়া দেওয়া হইয়াছে। সরকারী কৃষি বিভাগ ও বন বিভাগ হইতে এ জন্ত কয়েক লক্ষ গাছ বিতরণ করা হইয়াছে—সে সকল গাছ হইতে জালানি কাঠ ও ব্যবহারযোগ্য কাঠ পাওয়া যাইবে। তাহা ছাড়া অল্পমূল্যে আম ও লিচুর গাছও সরকারী কৃষি বিভাগ হইতে বিতরণ করা হইয়াছে। ফলের গাছের সংখ্যা দেশে এই কমিয়া গিয়াছে—সে জন্ত খাড়াভাব উপস্থিত। আমরা বার বার বলিয়াছি, আম, লিচু, কাঁঠাল, নারিকেল, কমরুল, জাম, পেয়ারা, কলা, পেঁপে প্রভৃতির গাছ যদি প্রচুর পরিমাণে করা হয়, তবে ঐ সকল গাছের ফল খাইয়াও মানুষ জীবন ধারণ করিতে পারে। আজ স্বাক্ষরোপণ

উৎসব সেই কথাই সকলকে বলিয়া দিতেছে। এ বিষয় এই উৎসব উপলক্ষে বহু বক্তৃতাদান, প্রবন্ধ রচনা, পুস্তিকা প্রকাশ প্রভৃতি হইয়াছে—জনগণের মধ্যে সেগুলি প্রচারিত হওয়ায় লোকে কর্তব্যে অবহিত হইবে বলিয়া মনে হয়। জালানি কাঠের জন্ত গাছের চাষ করিলে কয়লার অভাব কমিয়া যাইবে—এমন কি কয়লার মূল্যও হ্রাস পাইবে। আমরা জালানি হিসাবে গোময় ব্যবহার করি; কিন্তু গোময় একটি সর্বাপেক্ষা শ্রেষ্ঠ সার—জমীতে গোময়-সার প্রদান করিলে তাহার উর্বরা শক্তি বহু গুণ বর্দ্ধিত হয়। গোময় জালানি রূপে যাহাতে ব্যবহৃত না হয়, সে জন্ত জনগণের পক্ষ হইতে চেষ্টা হওয়া উচিত। গোময়ের পরিবর্তে কাঠ ব্যবহার করাই যুক্তিযুক্ত। অনেক দেশে মানুষের বিষ্ঠাও জমীর সাররূপে ব্যবহৃত হয়—সে সকল স্থানে বিষ্ঠা সংগ্রহ ও তাহা কাজে লাগাইবার উপযুক্ত ব্যবস্থা আছে। আমাদের দেশেও তাহার চেষ্টা হওয়া উচিত। পশ্চিম বঙ্গের কৃষিবিভাগ এই উৎসব মাত্র ৭ দিনে শেষ না করিয়া ১৫ই আগষ্ট পর্য্যন্ত অর্থাৎ দেড়মাস কাল যাহাতে চলে, সে জন্ত জনগণকে অনুরোধ জানাইয়াছেন। ফলবান বৃক্ষ সংগ্রহ করা সকল সময়ে সহজ নহে—সে জন্ত সময় বৃদ্ধির ফলে লোক বৃক্ষ সংগ্রহের সময় ও সুবিধা পাইবে। জালানি কাঠের গাছ বেশী সংখ্যায় পাওয়া যায় বলিয়া সরকার হইতে তাহার কয়েক লক্ষ চারা বিতরণ করা হইয়াছে—কিন্তু ফলবান বৃক্ষ রোপণ করিলে কাঠ ও ফল দুইই পাওয়া যাইবে। সে জন্ত সে বিষয়ই লোকের অধিক উৎসাহ থাকা প্রয়োজন। দেশবাসী জনগণ খাড়া উৎপাদন বিষয়ে বিমুখ হওয়ার ফলেই আজ দেশে খাড়াভাব এত অধিক দেখা দিয়াছে। এই উৎসব যদি দেশবাসীকে অন্ততঃ তাহাদের কর্তব্যে উৎসাহ করে তবেই ইহা সার্থক হইয়াছে বুলিতে হইবে। আমরা প্রত্যেক দেশবাসীকে বিষয়টি গভীর ভাবে চিন্তা করিয়া কর্তব্যে প্রবৃত্ত হইতে আহ্বান জানাইতেছি।



সিঙ্গাপুরের গভর্ণরের আহ্বানে এক ভোক্তাসভায় ভারতের প্রধান মন্ত্রী পণ্ডিত জহরলাল নেহরু

‘স্বদেশী’ প্রচার—

উড়িষ্যার প্রধান মন্ত্রী শ্রীযুত হরেকৃষ্ণ মহাতাব কেন্দ্রীয় গভর্ণমেন্টের শিল্প ও সরবরাহ মন্ত্রী নিযুক্ত হইয়া দেশীয় শিল্পসমূহের উন্নতি বিধানের জন্ত বহুবিধ চেষ্টায় অবহিত হইয়াছেন। তিনি উৎসাহী কর্মী—তাহার পরিচয় উড়িষ্যায় তিনি দিয়াছিলেন। সম্প্রতি কলিকাতায় আসিয়া বণিক সভাসমূহের এক সম্মিলনে তিনি সকলকে আবার স্বদেশী দ্রব্য ব্যবহার করিতে অহুরোধ করিয়া গিয়াছেন। বিদেশী শাসনের আমলে স্বদেশী দ্রব্য ব্যবহারের কথা প্রচার নিষিদ্ধ ছিল। এখন আর সে অবস্থা নাই। অথচ বাজারে আমরা দেখিতে পাই—বিদেশীর সহিত প্রতিযোগিতার ফলে বহু প্রকারে স্বদেশী শিল্প নষ্ট প্রায় হইতেছে। এ অবস্থায় দেশে স্বদেশী দ্রব্য ব্যবহারের জন্ত প্রচারের বিশেষ প্রয়োজন আছে। শুধু লোককে স্বদেশী ব্যবহার করিতে বলিলেই সরবরাহ সচিবের কর্তব্য শেষ হইবে না—উপযুক্ত রক্ষা-শুদ্ধের ব্যবস্থা করিয়া স্বদেশী শিল্পগুলিকে বাঁচাইয়া রাখার ব্যবস্থা করিতে হইবে এবং বিদেশী দ্রব্য আমদানীর স্লবিধা বন্ধ করিতে হইবে। দেশে বহু শিল্প-কারখানা নির্মিত হইয়াছিল, কিন্তু বিদেশী লোকের

সহিত প্রতিযোগিতায় দেশী মাল বিক্রয় কম হওয়ায় ঐ সকল কারখানা বন্ধ হইবার উপক্রম হইয়াছে। এনামেল, কাঁচ, পোর্সিলেন বা মাটির বাসন প্রভৃতির কথা সহজেই বলা যাইতে পারে। ঐ সকল জিনিষের বহু কারখানা প্রায় অচল হইয়াছে। শ্রীযুত মহাতাব যদি এ সকল বিষয়ে উপযুক্ত অহুরোধের ব্যবস্থা করেন, তবে শুধু কারখানার মালিকগণ লাভবান হইবেন না, হাজার হাজার বেকার কর্মীরও কর্মসংস্থানের ব্যবস্থা হইবে। তিনি যে স্বাধীন দেশের লোককে আবার ‘স্বদেশী’র কথা স্মরণ করাইয়া দিয়াছেন, সে জন্ত আমরা তাঁহাকে অভিনন্দন জ্ঞাপন করিতেছি ও আশা করি, তিনি এ বিষয়ে যথা আবশ্যিক ব্যবস্থা করিয়া দেশবাসীর মঙ্গলসাধন করিবেন।

খাণ্ড সমস্যা—

গত ২৪শে জুন এক বেতার বক্তৃতায় পশ্চিমবঙ্গের খাণ্ড মন্ত্রী শ্রীপ্রফুল্লচন্দ্র সেন খাণ্ড-সমস্যার কথা বিশেষভাবে বিবৃত করিয়াছেন। এদেশে যে চাল উৎপন্ন হয়, তাহাতে মাথা পিছু রোজ মাত্র দেড় পোয়া চাল বরাদ্দ করা যায় আর যে গম উৎপন্ন হয়, তাহাতে বছরে মাথা পিছু মাত্র এক সের গম পড়ে; সেজন্য বিদেশ হইতে প্রচুর চাল

ও গম আমদানী করা প্রয়োজন হয়। ডাল, সরিষা, মাখ ও আলুর চাষ এদেশে বৃদ্ধি না করিলে ঐ সকল জিনিষের মূল্য কোন দিন কমিবে না—বিদেশ হইতে আমদানীর ফলে ঐ সকল জিনিষের দাম অত্যন্ত বেশী দিতে হয়—অথচ এদেশের লোক একটু চেষ্টা করিলে বেশী পরিমাণ মাখ, আলু, ডাল ও সরিষা উৎপন্ন করিতে পারে। মাছ, মাংস ও ডিমের অভাব পশ্চিম বাংলায় বিপাক্য বেশী—অথচ ঐ সকল জিনিষ উৎপাদনে তাহারও কোন চেষ্টা দেখা যায় না। দুধ, ঘৃত ও মাখনের কথা না বলিলেই হয়। এদেশে গো-পালন প্রায় বন্ধ হইয়াছে। কাজেই দুধ, ঘি বা মাখন পাইবার কোন উপায় নাই। পশ্চিমবঙ্গ সরকার এ বিষয়ে উদ্যোগী হইয়াছেন বটে, কিন্তু ব্যবসা হিসাবে তাঁহাদের গো-পালন ব্যবস্থা কতটা সাফল্যমণ্ডিত হইবে, তাহা এখনও বলা চলে না। খাত্ত মন্ত্রী মহাশয় খাত্ত-উৎপাদন বাড়াইবার জন্ত সকল দেশবাসীকে উৎসাহিত করিতেছেন, ইহাই দেশের পক্ষে মঙ্গলের কথা। অখাত্ত ব্যবসায়ের মত বিকার্যকেও যাহাতে ধনীরা ব্যবসা হিসাবে গ্রহণ করেন, তজন্ত ধনীদের বাধ্য করার ব্যবস্থা করা প্রয়োজন। কারখানার মালিকগণ যদি কারখানার শ্রমিকদের জন্ত রিতরকারী, মাছ, মাংস, ডিম, দুধ, ঘি প্রভৃতি উৎপন্ন করিতে বাধ্য হন, সেজন্ত তাঁহাদের উপর চাপ দেওয়া প্রয়োজন। দরিদ্র কৃষকদিগকে অর্থাত্বে কৃষিকার্যে না অসুবিধা ভোগ করিতে হয়, ধনীরা কৃষিকার্য ব্যবসা হিসাবে গ্রহণ করিলে আর সে অসুবিধা থাকিবে না। আর প্রত্যেক প্রমাণ আমরা সুন্দরবন অঞ্চলে গো-সাবায় রলোকগত সার ডমিয়েনল হ্যামিলটনের চেষ্টায় দেখিয়াছি। প্রত্যেক শিল্প প্রতিষ্ঠানের ঐ ভাবে ঘি ও খাত্ত উৎপাদনে আজ অবহিত হওয়ার প্রয়োজন হইয়াছে।

বাংলার দৈবছবিবিপাক—

গত জুন মাসের প্রথম ভাগে ১১ই হইতে কয়েকদিন পশ্চিম বাংলার অতিবৃষ্টির ফলে যে ক্ষতি হইয়াছে, তাহা নীতীত। দার্জিলিং জেলায় যে ক্ষতি সাধিত হইয়াছে, তাহার পরিমাণ কয়েক কোটি টাকা। দার্জিলিং সহরে ও জেলায় নানান স্থানে শত শত বাসগৃহ ধ্বংসপ্রাপ্ত

হওয়ার কত লোক যে মারা গিয়াছে, এখনও তাহার সংখ্যা জানা যায় নাই। দার্জিলিং বাইবার রেলপথও এমন ভাবে ক্ষতিগ্রস্ত হইয়াছে যে তাহা মেরামতে কোটিরও অধিক টাকা ব্যয়িত হইবে এবং তাহা সবেও পথগুলি পূর্বের মত কাজের হইবে না। ঐ অঞ্চলের সকল খাত্তশস্ত্রও নষ্ট হইয়া গিয়াছে। দার্জিলিং অঞ্চল হইতে প্রত্যহ কয়েক শত মন কাঁচা তরকারী কলিকাতায় আসিত, তাহাও বন্ধ হইয়া গিয়াছে। সেখানে উড়োজাহাজ ছাড়া অন্য কোন উপায়ে খাত্তপ্রেরণের সুবিধা নাই—কাজেই স্থানীয় অধিবাসীরা দারুণ খাত্তাতাব ভোগ করিতেছে। বাসস্থানের অভাবে লোক দলে দলে পদব্রজে দার্জিলিং ত্যাগ করিয়া চলিয়া আসিতেছে। নূতন যে আসাম-লিঙ্ক রেল তৈয়ারী হইয়াছিল বহু ও অতিবৃষ্টির ফলে সে পথেরও বহু অংশ নষ্ট হইয়া গিয়াছে, উহা মেরামত করিতে কয়েক মাস সময় লাগিবে। জলপাইগুড়ী জেলার বহু অংশ, বিশেষ করিয়া জলপাইগুড়ী সহর বস্তার জলে ক্ষতিগ্রস্ত হওয়ার সেখানেও বহু লোক মারা গিয়াছে ও বহু দরিদ্র ব্যক্তির বাড়ী নষ্ট হইয়া গিয়াছে। সেখানকার ক্ষতির পরিমাণও কয়েক লক্ষ টাকা হইবে। জলপাইগুড়ীতেও সেজন্ত দারুণ খাত্তাতাব উপস্থিত হইয়াছে। ১৪ মাইল পদব্রজে আসিয়া হলদীবাড়ী ষ্টেশনে রেল ধরিয়া লোক দলে দলে পাকিস্তানের মধ্য দিয়া কলিকাতায় চলিয়া আসিতেছে। গৃহ সমস্তা ও খাত্তসমস্তা জলপাইগুড়ী কর্তৃপক্ষকে বিশেষভাবে বিক্রত করিয়াছে। ঠিক ঐ সময়ে নিম্নবঙ্গেও অতিবৃষ্টির ফলে বর্ধমান, বীরভূম ও মেদিনীপুর জেলার বহু স্থান বিপন্ন হইয়াছে। বর্ধমানে দামোদরের বাঁধ ভাঙ্গিয়া কয়েকটি স্থান জলমগ্ন হইয়াছে। বীরভূমে ময়ূরাক্ষীতে প্রাবনের ফলে নূতন যে সেচব্যবস্থা নির্মিত হইতেছিল, তাহা ক্ষতিগ্রস্ত হইয়াছে। মেদিনীপুর জেলার কাঁধি মহকুমাতেও জলপ্রাবনে কয়েক শত গ্রাম ডুবিয়া গিয়াছে। পশ্চিম বাংলা শুধু রাজনৈতিক কারণে বিপন্ন নহে, দৈবছবিবিপাকেও আজ তাহার দুঃখ দুর্দশা চরমে উপস্থিত হইয়াছে। এ সকল বিপদের উপর কাহারও হাত নাই—তথাপি বিপন্ন ব্যক্তিগণের দুর্দশার কথা চিন্তা করিয়া আমরাও আজ নিজেদের বিপন্ন বোধ করিতেছি।

ডক্টর শামাপ্রসাদের সফর—

বাস্তহারীদের প্রকৃত অবস্থা জানিবার জন্য ও তাঁহাদের দুঃস্বপ্নের প্রতীকারের উপায় নির্ধারণের জন্য ডক্টর

বেড়াইয়াছেন। নদীয়া ও মুর্শিদাবাদ সীমান্তে পাকিস্তান হইতে বহু হিন্দু আসিয়া বসবাস করিতেছেন। উত্তর জেলায় সীমান্তেই বহু মুসলমান বাস করিত—তাঁহাদের মধ্যে অনেকে



শিলংএ:ডাঃ শামাপ্রসাদ মুখোপাধ্যায়—বামে, আসামের ভূতপূর্ব মন্ত্রী শ্রীমোহিনী চৌধুরী
কটো—শ্রীপারমা সেন



গৌহাটী স্মারকিট হাউসে ডাঃ শামাপ্রসাদ মুখোপাধ্যায় ও আসামের প্রধান মন্ত্রী গোপীনাথ বরদলৈ
কটো—শ্রীপারমা সেন

শ্রীশামাপ্রসাদ মুখোপাধ্যায় গত ১ মাসেরও অধিক কাল সীমান্তে ভ্রমণ করিতেছেন। তিনি কয়দিন ধরিয়া নদীয়া জেলা ও মুর্শিদাবাদ জেলার পাকিস্তানী সীমান্তগুলি দেখিয়া

পাকিস্তানে চলিয়া গিয়াছে ও এক অংশ উত্তর রাষ্ট্রেই গৃহ রক্ষা করিতেছে। ঐ সকল মুসলমান উত্তর রাষ্ট্রের মধ্যে যাতায়াত করার ফলে ঐ সকল অঞ্চলে কালোবাজার জোর চলিতেছে—তাঁহারা পাকিস্তানের মাল আনিয়া হিন্দুস্থানে বিক্রয় করে ও হিন্দুস্থানের মাল লইয়া গিয়া পাকিস্তানে বিক্রয় করে। হিন্দুস্থান রাষ্ট্র সে জন্ত কোন গুণ চায় না। তাহা ছাড়া ঐ সকল লোকের সাহায্যে পাকিস্তানের আন্দারগণ মধ্যে মধ্যে হিন্দুস্থানের গ্রাম আক্রমণ ও লুণ্ঠন করিয়া থাকে। ঐ সকল সামান্ত রক্ষার উপযুক্ত ব্যবস্থা নাই। কয়েক মাইল অন্তর সীমান্তে একটি করিয়া পুলিশ থানা আছে—সেখানেও অতি অল্প সংখ্যক লোক বাস করে। শামাপ্রসাদ বাবু নিজে ঐ সকল দুর্গম স্থানে বাইয়া প্রকৃত অবস্থা দেখিয়া আসিয়াছেন—আমরা আশা করি ইহার ফলে ঐ অঞ্চলের হিন্দু অধিবাসীদের দুঃখ হ্রাসের অবসান হইবে। শামাপ্রসাদ বাবু আসামেও বহু স্থান ঘোঁরা আসিয়াছেন। অত্যন্ত দুঃখ ও

পরিতাপের বিষয় এই যে কতিপয় আসামবাসী হিন্দু আসাম হইতে বাঙালী বিভাগের অন্ত মুসলমানগণের সহিত একযোগে কাজ করিতেছেন। পাকিস্তান হইতে বহু হিন্দু ও মুসলমান

আসামে গমন করিয়াছে—তথায় মুসলমানগণকে যে ভাবে বসবাসের সুযোগ সুবিধা করিয়া দেওয়া হইয়াছে, হিন্দুদের তাহা করা হয় নাই। আসামে এখনও বাঙ্গালী হিন্দুদের তাড়াইবার জন্য অসমিয়া হিন্দুরা ও আসাম রাজ্যের কর্তৃপক্ষ সর্বপ্রকার চেষ্টা করিতেছেন। অথচ আসামে

চেষ্টা করা হইয়াছে। আসাম কর্তৃপক্ষ যে ভাবে চলিতেছেন, তাহাতে আসামে শীঘ্রই মুসলমান অধিবাসীর সংখ্যাধিক সম্প্রদায় হইবে ও তাহার ফলে আসাম পাকিস্তান বলিয়া গণ্য হইবে। কর্তৃপক্ষের এ কথা বুঝিবার বুদ্ধি বা শিক্ষা নাই দেখিয়া আমরা স্তম্ভিত হইয়াছি। বাহা

ভারত ও পাকিস্তান সীমান্তে
মাগরপাড়া গ্রামে ডাঃ শ্যামা-
প্রসাদ—এখানে তিনি বাস্ত-
হারাদের একটি শিবির উদ্বোধন
করেন
ফটো—শ্রীপারমা সেন



বহরমপুর হইতে পকাশ মাইল
দূরে এক গ্রামে কতিপয়
নমঃশূত্রের সহিত কথোপকথন-
রত ডাঃ শ্যামা প্রসাদ
মুখোপাধ্যায়
ফটো—শ্রীপারমা সেন

অধিবাসীর সংখ্যা কম নহে। আসামের একদল
ডক্টর শ্যামাপ্রসাদের সহিত চুক্তিব্যবহার করিতেও
হয় নাই। তিনি যে সকল সভায় বক্তৃতা
করিয়াছেন, সেখানে গোলামালা বারিয়ার সভ্য পণ্ডের

হটক, ডক্টর শ্যামাপ্রসাদ দেশের এই দারুণ দুর্দিনে বিপন্ন
বাঙ্গালী হিন্দুদের রক্ষা করার ব্যবহার জন্য যে চেষ্টা
করিতেছেন, তদ্ব্যতীত তিনি চিরদিন বাঙ্গালী হিন্দু সনাতনের
ন্যায়সম্মত আচরণ করিয়া গিয়াছেন।



লালবাগ—মুর্শিদাবাদের অধিবাসীগণ কর্তৃক ডক্টর শ্রীশ্যামাশ্রমাদ মুখোপাধ্যায়কে সম্বর্দনা জ্ঞাপন—মাইকের সম্মুখে বহুতারত ডাঃ শ্রীশ্যামাশ্রমাদ
কটো—শ্রীপার্মা সেন

বিশ্বশান্তির উপায়—

গত ১৯শে জুন লেকসেসম্বিত সম্মিলিত জাতিপুঞ্জের রেডিও হইতে বিশ্ববিখ্যাত বিজ্ঞানী পণ্ডিত ডক্টর আইন-ষ্টাইন ঘোষণা করিয়াছেন—“মহাত্মা গান্ধীর পথই হইল শান্তির পথ—যাহাকে অশ্রয় ও পাপ বলিয়া জানি, তাহার সহিত অসহযোগই হইল সেই পথ। বিভিন্ন জাতির মধ্যে অজ্ঞশব্দ বৃদ্ধির প্রতিযোগিতা চলাইলে যুদ্ধ বাড়িবে—যুদ্ধ বন্ধ করার পথ তাহা নহে। সম-সাময়িক রাজনীতিজ্ঞদের মধ্যে মহাত্মা গান্ধীর চিন্তা ও মতই হইল সর্বাপেক্ষা মহৎ ও শ্রেষ্ঠ। আমাদের সকল প্রচেষ্টা তাঁহার ভাবে ভাবিত হইয়া করিতে হইবে।” বর্তমান যুগের সর্বশ্রেষ্ঠ বৈজ্ঞানিক এই মত প্রকাশ করিয়াছেন। কিন্তু তাঁহার কথা শুনিবে কে? মানুষ নিজেই তাহার ধ্বংস চাহে—তাই সকলেই ধ্বংসের পথে দ্রুত অগ্রসর হইতেছে।

প্রথম সাধারণ নির্বাচন—

আগামী প্রথম নির্বাচনে পশ্চিমবঙ্গ হইতে কেন্দ্রীয় লোক পরিষদের কতজন সদস্য নির্বাচন করা হইবে সম্প্রতি তাহা স্থির হইয়াছে। মোট ৩৪জন সদস্য নির্বাচিত হইবেন—তাহারা এইভাবে স্থান পাইবেন—কলিকাতা ও মহরতলী—৪, মেদিনীপুর—৫, ২৪পরগণা—৫, বর্ধমান—৩, নদীয়া, হুগলী, হাওড়া, বাঁকুড়া, বীরভূম ও মুর্শিদাবাদ

প্রতি জেলায়—২, দার্জিলিং, জলপাইগুড়ি, কুচবিহার, পশ্চিম দিনাজপুর ও মালদহ—প্রতি জেলায়—১জন। পশ্চিমবঙ্গ রাজ্যের পরিষদের সদস্য সংখ্যা হইবে উহার ৭ গুণ অর্থাৎ ২৩৮ জন। পশ্চিমবঙ্গের জনসংখ্যা ১ কোটি ২১ লক্ষ ও কলিকাতা মিউনিসিপ্যাল এলাকার জনসংখ্যা ২৬ লক্ষ—এই হিসাব ধরিয়া ঐ প্রকার প্রতিনিধি নির্বাচন স্থির হইয়াছে। এ বিষয়ে দেশে আলোচনা হওয়া প্রয়োজন এবং কোন স্থান যাহাতে প্রতিনিধি প্রেরণে বঞ্চিত না থাকে, তাহার জন্ত চেষ্টা প্রয়োজন। নির্বাচন-কেন্দ্রের উপর প্রতিনিধিদের গুরুত্ব নির্ভর করে।

রেশম শিল্প রক্ষা—

গত ২৮শে জুন কলিকাতায় কেন্দ্রীয় রেশম বোর্ডের বাবিক সাধারণ সভায় সভাপতিত্ব করিতে আসিয়া শ্রীযুত হরেকৃষ্ণ মহাতাব বলিয়াছেন, “অদূর ভবিষ্যতে ভারতীয় রেশম শিল্প অশ্রান্ত দেশের রেশম শিল্পের সহিত তীব্র প্রতিযোগিতার সম্মুখীন হইবে। এই বৈদেশিক প্রতিযোগিতা হইতে আত্মরক্ষা করিবার একমাত্র উপায় আমাদের দেশে কাঁচা রেশম উৎপন্ন করা।” গত বৎসর ৩৬ লক্ষ টাকার কাঁচা রেশম বিদেশ হইতে ভারতে আমদানী করা হইয়াছে। এ বৎসর আরও অধিক টাকার রেশম বিদেশ লইতে আসিতেছে। সেজন্য শ্রীযুত মহাতাব দেশের সর্বত্র ঘুরিয়া কাঁচা রেশম বাহাতে বেশী

উৎপন্ন হয়, সেজন্য চাষীদিগকে উৎসাহ দানের ব্যবস্থা করিতেছেন। ঐ উদ্দেশ্যে তিনি মুর্শিদাবাদের রেশম উৎপাদন কেন্দ্রগুলিও দেখিয়া আসিয়াছেন। আমাদের বিশ্বাস কেন্দ্রীয় সরকারের সাহায্যের ফলে দেশের লোক কাঁচা রেশম অধিক পরিমাণে উৎপাদন করিয়া বিদেশীর প্রতিযোগিতার হাত হইতে রেশম শিল্পকে রক্ষার ব্যবস্থা করিবেন।



আচার্য্যপ্রফুল্লচন্দ্র রায়ের ষষ্ঠ যুত্ব্যাবধিকী উপলক্ষে নিমতলা স্থানখাতে 'ভারতবর্ষ' সম্পাদক কর্তৃক আচার্য্যের সমাধিক্ষেত্রে মালাদান
কটো—শ্রীপান্না সেন

কলিকাতায় পণ্ডিত নেহরু—

দক্ষিণ পূর্ব এশিয়া ও ব্রহ্মদেশ ভ্রমণ শেষ করিয়া ভারতের প্রধানমন্ত্রী পণ্ডিত জহরলাল নেহরু গত ২৫শে জুন ২ দিনের জন্য কলিকাতায় আসিয়াছিলেন। তিনি বাংলার সকল শ্রেণীর নেতাদের সহিত দেখাসাক্ষাৎ করিয়া বাঙ্গালার প্রকৃত অবস্থা বুঝিবার চেষ্টা করিয়া গিয়াছেন। পশ্চিম বঙ্গের বর্তমান দুর্দশার কথা তিনি বুঝিয়াও কিছু বুঝেন না—বাস্তবতার কথা তিনি বুঝিয়াও শুনে ন। এখনও কেন যে পূর্ববঙ্গ হইতে প্রত্যহ হইতে হাজার করিয়া হিন্দু দেশত্যাগ করিয়া পশ্চিমবঙ্গে আসিতেছে, পণ্ডিতজী তাহার কারণ অনুসন্ধান করিয়া তাহার প্রতীকারের কি কোন ব্যবস্থা করিয়া গিয়াছেন? লিয়াকৎ-নেহরু চুক্তি কি ভাবে পূর্ব-পাকিস্তানে পালিত হইতেছে, তাহা বাঙ্গালা দেশের সংবাদপত্র সমূহে নিত্য প্রকাশিত হইতেছে। তাহা

সঙ্গেও যদি পণ্ডিতজী চক্ষু বুজিয়া বলেন—পাকিস্তানে চুক্তি ঠিক ভাবেই পালিত হইতেছে, তবে এ বিষয়ে আমাদের আর কি বলিবার থাকিতে পারে? শ্রীব্রত চাকচন্দ্র বিশ্বাস নূতন মন্ত্রিসভা লাভ করিবার পর চাকরীর মোহে কি সত্য যাহা দেখিতেছেন, তাহা প্রকাশ করার সাহস করেন না? ডাক্তার বিধানচন্দ্র রায়ের মন্ত্রিসভাও কি এসকল বিষয় পণ্ডিত নেহরুকে স্পষ্ট করিয়া জানাইয়া দেন নাই? বাঙ্গালার এই দুর্গতির দিনে কে বাঙ্গালীকে রক্ষা করিবে কে জানে?

কংগ্রেস পঞ্চায়েৎ নির্বাচন—

গত দুই মাসে ভারতের সর্বত্র স্বায়ত্তশাসন প্রতিষ্ঠানের প্রাথমিক কেন্দ্র হিসাবে গ্রাম্য-পঞ্চায়েৎ সমূহের সদস্য নির্বাচন হইয়া গিয়াছে। কংগ্রেস সদস্যগণ শুধু এই নির্বাচনে ভোট দিয়াছেন। এবার কংগ্রেস-সদস্য সংগ্রহের সময়বহুলোক কংগ্রেসের প্রতি বিরক্তি বশতঃ কংগ্রেসের সদস্য হন নাই। কাজেই এই প্রতিনিধি নির্বাচন ব্যাপারটিতে প্রকৃত প্রতিনিধিগণ নির্বাচিত হওয়ার সুযোগ লাভ করেন নাই। একদল ক্ষমতা-লোভী লোক নিজেদের গভীর মধ্যে কংগ্রেস-সদস্য সংগ্রহ করিয়াছিল এবং তাহারাই পঞ্চায়েৎ দ্বারা নির্বাচনে নিজের দলের লোকদিগকে নির্বাচিত করিয়াছে। পাছে ভোট-যুদ্ধ হইলে দলীয় স্বার্থ ব্যাহত হয়। সে জন্য অধিকাংশ ক্ষেত্রে বিনা যুদ্ধে নির্বাচন শেষ করা হইয়াছে। গ্রাম-পঞ্চায়েৎসমূহের উপর ভবিষ্যতে বহু দায়িত্বপূর্ণ কার্যভার প্রদান করা হইবে—কাজেই তাহাদের নির্বাচন ব্যাপারটি এইভাবে উপেক্ষা ও অবহেলা করার ফলে দেশ ক্ষতিগ্রস্ত হইয়াছে বলিতে হইবে। অনেক স্থানে বহু অযোগ্য ও স্বার্থান্ধ লোক নির্বাচিত হওয়ার দেশের জনগণের মধ্যে ক্ষোভ উপস্থিত হইয়াছে। নির্বাচন ব্যাপারে যেখানে দলীয় স্বার্থ রক্ষায় বাধা পড়িয়াছে, সেখানে স্বার্থান্ধ ব্যক্তির আদালতের আশ্রয় গ্রহণ করার বহু অপ্রিয় সত্য কথা প্রকাশ পাইয়াছে। একদল নেতা স্বার্থ কায়েমী রাখার জন্য যে সকল দুর্নীতির আশ্রয় গ্রহণ করিয়াছিলেন, তাহা প্রকাশিত হওয়ার দেশবাসী জনগণ কংগ্রেসের প্রতি আস্থা ও বিশ্বাস হারাইতে বাধ্য হইয়াছেন। ইহার ফলে দেশের দুঃখ দুর্দশা যে আরও বাড়িয়া যাইবে, সে বিষয়ে সন্দেহ নাই। যে কংগ্রেস এক সম্রাজ্য

ত্যাগ ও সেবার প্রতীক ছিল, আজ যদি তাহা স্বার্থাঘেবীর
 ছনীতি পরায়ণের সুবিধা লাভের ক্ষেত্রে পরিণত হয়,
 তবে তাহা অপেক্ষা পরিতাপের বিষয় আর কি হইতে
 পারে? কংগ্রেস নির্বাচনের পর উর্ধ্বতন প্রতিষ্ঠানগুলির
 নির্বাচনের সময় বাহাতে এই ছনীতি পুনরায় অহুসৃত না
 হয়, সেজন্য সকলের অবহিত হওয়া কর্তব্য।

সদস্য। জাতীয়তাবাদী মুসলমান হিসাবেও তিনি সর্বজন
 পরিচিত। পূর্ববঙ্গে ঐ ভাবে শ্রীবৃত্ত বারকানা
 বারোরীকেও মন্ত্রীপদে নিযুক্ত করা হইয়াছে। কিং
 তাঁহার নিয়োগের পর পূর্ব পাকিস্তান ব্যবস্থা পরিষদের
 বিরোধী দলের নেতা শ্রীবৃত্ত শ্রীশচন্দ্র চট্টোপাধ্যায় মহাশয়
 বলিয়াছেন যে শ্রীবৃত্ত বারোরী কংগ্রেস বা তপনীলভুক্ত কো



জাৰ্জ্ৱাৰ ভাৰতের প্রধান মন্ত্রী পণ্ডিত জহরলাল নেহৰু—বামে ইন্দোনেশিয়ার প্ৰেসিডেন্ট ডাঃ সোৰ্কৰ্ণ এবং দক্ষিণে প্রধান মন্ত্রী ডাঃ মোহাম্মদ হাঃ

পশ্চিমবঙ্গে নূতন মন্ত্রী—

ডাঃ আর আমেদ নামক কলিকাতার একজন প্রসিদ্ধ
 দস্ত-চিকিৎসক গত ৪ঠা জুলাই পশ্চিমবঙ্গে নূতন মন্ত্রী নিযুক্ত
 হইয়া কার্যভার গ্রহণ করিয়াছেন। দিল্লী চুক্তি অনুসারে
 পশ্চিমবঙ্গে এই প্রথম একজন মুসলমানকে মন্ত্রীপদে নিযুক্ত
 করা হইল। ডাঃ আমেদের বয়স ৬০ বৎসর—১৯১৫ সালে
 আমেরিকা হইতে দস্ত চিকিৎসা শিক্কা করিয়া আসিয়া তিনি
 ১৯১৯ সাল হইতে কলিকাতায় চিকিৎসা ব্যবসা করিতে
 ছেন। ১৯২০ সালে তিনি যে প্রথম দস্ত-চিকিৎসা হাস-
 পাতাল প্রতিষ্ঠা করিয়াছিলেন, সম্প্রতি তাহার পরিচালন
 ভার গভৰ্ণমেন্ট গ্রহণ করিয়াছেন। তিনি কয়েক বৎসর
 কলিকাতা কর্পোরেশনের কাউন্সিলার ও অলভারম্যান
 ছিলেন এবং পশ্চিম বঙ্গের ষ্টেট মেডিকেল ক্যাকালটীর

সম্প্রদায়েরই প্রতিনিধি নহেন—কাজেই তাঁহার নিয়োগে
 পূর্ব পাকিস্তানবাসী হিন্দুরা আদৌ সন্তুষ্ট হন নাই। পূর্ব
 পাকিস্তান ও পশ্চিম বঙ্গের শাসন ব্যবস্থার রীতি এ
 নিয়োগ হইতে সুপ্রকাশ। আমাদের বিশ্বাস ডাঃ আমেদে
 নিয়োগে পশ্চিম বাঙ্গালার কোন অসন্তোষের কারণ
 হইবে না।

শিৱালয়স্থ ট্ৰেনিং স্কুলে বাস্তবহারা—

গত কয় মাস ধরিয়া শিৱালয়স্থ ট্ৰেনিং স্কুলের
 সকল সময়েই কয়েক সহস্র বাস্তবহারাকে বাস করিতে
 বাইতেছে। গত ১লা জুলাই হইতে তাহাদের সংখ্যা নাতি
 ১০ হাজারেরও অধিক হইয়াছে। তাহাদের অসহনীয়
 হুঃখ বৃষ্ট দেখিলে প্রত্যেক মাহুযই চঞ্চল হইয়া উঠেন
 হানগুলি এমন দুর্গন্ধময় যে ট্ৰেনিং বাস্তবহারাদের

মধ্য দিয়া যাতায়াত করাই কষ্টকর—সময়ে সময়ে বাস্তব-
হারাদের ভিড়ের জন্ত লোক যাতায়াত করিতে পারে না ও
সে জন্ত ট্রেন ফেল হয়। এই হাজার হাজার লোকের
জ্ঞানের জল নাই, পায়খানার ব্যবস্থা নাই—আহার ত দূরের
কথা। পূর্বে কয়েকটি সেবা প্রতিষ্ঠান খাণ্ড রক্ষন করিয়া
আনিয়া তাহাদের খাওয়াইত—মধ্যে সরকারী আদেশে সে
ব্যবস্থা বন্ধ করা হইয়াছিল—তখন তাহাদের জন্ত চিড়া,
পাউরুটি প্রভৃতি বরাদ্দ হইত—আবার নাকি রক্ষন-করা-খাণ্ড
দানের ব্যবস্থা হইয়াছে। এই সকল লোককে গভর্নমেন্ট
কেন কোন ভাল জায়গায় লইয়া না গিয়া স্টেশন প্ল্যাটফরমে
ফেলিয়া রাখিয়াছেন তাহা আমাদের বুদ্ধির অগম্য।
কলিকাতার যে কোন স্থানে বড় বড় খালি বাড়ী সংগ্রহ
করিয়া গভর্নমেন্ট ইহাদের তথায় লইয়া যাইতে পারেন।
তাহাতে তাহারা অন্ততঃ ভাল বাসস্থান লাভ করিতে
পারিবে। সরকারী সকল ব্যবস্থাতেই আমরা ক্ষিপ্ততার
অভাব দেখিয়া বিস্মিত হই। সাহায্য ও পুনর্বাসতি বিভাগে
কর্মচারীরও অভাব নাই—অর্থেরও অভাব নাই। তথাপি
এত অধিকসংখ্যক লোক একরূপ প্রকাশ্য স্থানে এইভাবে
পশুর মত বাস করিতে বাধ্য হয় কেন? কেহ কি তাহাদের
অবস্থাটা দেখাও প্রয়োজন মনে করেন না?

আসাম রেল লিটেলের ক্ষতি—

দার্জিলিংয়ের বস্তার ফলে আসাম যাইবার নূতন রেল
পথ কিরূপ বিপন্ন হইয়াছে তাহার বিস্তৃত বিবরণ প্রকাশিত
হইয়াছে। (১) মনিহারীঘাট হইতে ফকিরগাম
পর্যন্ত ২০০ মাইল রেলপথের মধ্যে শিলিগুড়ী হইতে বাগরা-
কোট পর্যন্ত ২০ মাইল পথ মেরামত হয় নাই—বাকী পথ
মেরামত হইয়াছে। (২) তিস্তা ভ্যালী লাইট রেলে
শিবক হইতে গেলেখোলা পর্যন্ত ১৬ মাইল রেলপথ নষ্ট
হইয়া গিয়াছে। ঐ পথ দিয়া শিলিগুড়ী হইতে কালিম্পং,
গ্যাংটক ও অজান্ত স্থানে যাওয়া হইত। ঐ পথ এখন
মেরামত করা যাইবে না (৩) কার্শিয়ং হইতে দার্জিলিং
পর্যন্ত ২০ মাইল রেলে এত অধিক স্থান নষ্ট হইয়াছে যে
সব্বর উহার মেরামত হইবে না। (৪) শিলিগুড়ী হইতে
বাগরা-কোট পর্যন্ত ২০ মাইলের মধ্যে নূতন তিস্তা রেল
পুলের পূর্বাংশে ৭৬০ ফিট নষ্ট হইয়াছে—উহা মেরামত

করিয়া আগামী ১৫ই আগষ্ট ঐ পথে রেল চলিবে
বলিয়া মনে হয়।

এই বিবরণ প্রকাশিত হওয়ার পরও ১লা জুলাই হইতে
দার্জিলিং জেলায় আবার অতিবৃষ্টি হইয়াছে। তাহার
ফলাফল এখনও জানা যায় নাই। তবে ভবিষ্যতে দীর্ঘকাল
যে দার্জিলিং যাতায়াত বন্ধ থাকিবে, সে বিষয়ে
সন্দেহ নাই।

যুদ্ধ ১০ বৎসর চলিবে—

খ্যাতনামা বৃটিশ দার্শনিক বারট্রাও রাসেল গত ৩০শে
জুন প্রকাশ করিয়াছেন যে রাসিয়া বর্তমান কোরিয়া-
যুদ্ধে ধোগদান করিবে ও এই যুদ্ধ ১০ বৎসর কাল স্থায়ী
হইবে। ইহাই পৃথিবীর তৃতীয় মহাযুদ্ধ। রাসেলের বয়স
৭৮ বৎসর, তিনি লর্ড উপাধি পাইয়াছেন, কিন্তু সে উপাধি
কখনও ব্যবহার করেন না। গণিতজ্ঞ বলিয়া পৃথিবীর
সর্বত্র তিনি সম্মানিত। তাঁহার এই ভবিষ্যদ্বাণী পৃথিবীর
সকলকে শঙ্কিত করিয়া তুলিবে, সন্দেহ নাই।

বাংলায় দুর্ভিক্ষ—

গত ৬ই জুলাই মৌলানা আবুল কালাম আজাদ দিল্লীতে
বসিয়া পশ্চিম বাংলার দুর্ভিক্ষা সম্বন্ধে এক বিবৃতি প্রচার
করিয়াছেন, তাহাতে তিনি সকল রাজ্যকে প্রাদেশিকতার
মনোভাব ত্যাগ করিতে অহরোধ করিয়াছেন। আসাম,
বিহার ও উড়িষ্যায় বাঙ্গালী-বিতাড়ন চেষ্টা ও ব্যবস্থা
তাঁহাকে ব্যথিত করিয়াছে। ভারত-বিতাড়নের পর পাঞ্জাব
ও বাংলাই সর্বাপেক্ষা অধিক ক্ষতিগ্রস্ত হইয়াছে। এ
অবস্থায় পাশের তিনটি রাজ্য যদি বাংলার অধিবাসীদের
সহিত ভাল ব্যবহার না করে, তবে শুধু বাংলা নহে, ভারত
রাষ্ট্রই ভবিষ্যতে বিপন্ন হইবে। মৌলানা আজাদের এই
অহরোধে কেহ কর্ণপাত করিবে কি?

শ্রীমাধনলাল সেন—

খ্যাতনামা প্রবীণ সাংবাদিক শ্রীমাধনলাল সেন
কলিকাতা বিশ্ববিদ্যালয় কর্তৃক ১৯৪৯ সালের ‘রামানন্দ
বক্তৃতা’ দানের জন্ত নির্বাচিত হইয়াছেন। তিনি স্বাধীন
ভারতে সাংবাদিকতা সম্বন্ধে বক্তৃতা করিবেন। মাধনবাবু
সুদীর্ঘ ৩০ বৎসর সাংবাদিকতার সহিত সংশ্লিষ্ট আছেন।
তিনি প্রথম জীবনে বিপ্লববাদী ছিলেন ও সমগ্র জীবন
কংগ্রেসের সেবা করিয়া দেশকে মুক্তির পথে আগাইয়া


দিয়াছেন। তাঁহার এই সম্মান প্রাপ্তিতে দেশবাসী সকলেই আনন্দিত হইবেন।

মেদিনীপুর বন্যা—

মেদিনীপুর জেলার তমলুক মহকুমায় কাঁসাই নদীর শাখা খেরাই নদীর জল পর পর বর্ধিত হওয়ায় ময়না ধানার ৮৪ খানি গ্রামের মধ্যে ৫৫ খানি গ্রাম গত ১৪ই জুন হইতে জলমগ্ন হইয়াছে—তাঁহার ফলে প্রায় ৮০ হাজার একর জমী চাষের অহুপযুক্ত হইয়া গিয়াছে। ঐ অঞ্চলের ৫০ হাজার অধিবাসী বিপন্ন হইয়াছে। নানা স্থানে এইরূপ দৈব-ছবিপাক আজ পশ্চিম বাংলাকে ধ্বংস করিতেছে। কি ভাবে ঐ অঞ্চলের অধিবাসীদের রক্ষা করা যাইবে, তাহা চিন্তার অতীত।

ডাক্তার শ্রীপরিমল রায়—

খ্যাতনামা শিক্ষাব্রতী ও কোবিদ ডাক্তার শ্রীপরিমল রায় সম্প্রতি পশ্চিম বঙ্গের ডিরেক্টর অব পাবলিক



ডাঃ পরিমল রায়

ইনস্ট্রাকসন (শিক্ষা অধিকর্তা) নিযুক্ত হইয়াছেন আনিয়া আমরা আনন্দিত হইলাম। মৈমনসিংহ সহরে জন্মগ্রহণ করিয়া তিনি ১৯১৭ সালে ম্যাট্রিক ও ১৯২৩ সালে অর্থ-

নীতিতে এম-এ পাশ করেন। ঢাকা বিশ্ববিদ্যালয়ে ৬ বৎসর অধ্যাপনার পর তিনি ১৯২৯ হইতে ১৯৩২ পর্যন্ত লণ্ডনে অর্থ-নীতি শিক্ষা করেন ও তথায় পি-এচ্-ডি উপাধি পান। ১৯৩৬ সালে তিনি কলিকাতার গভর্নমেন্ট কমার্শিয়াল ইনস্টিটিউটের অধ্যক্ষ ও পরে ঢাকা ইন্টারমিডিয়েট কলেজ, কৃষ্ণনগর কলেজ ও হুগলী কলেজের অধ্যক্ষ হইয়াছিলেন। ১৯৪৪-৪৫ সালে তিনি ভারত সরকারের প্রচার বিভাগে কাজ করিয়াছিলেন। ঢাকায় তিনি বিশ্ববিদ্যালয়ের সমাজ সেবা ও পল্লীমঙ্গল সমিতির প্রাণস্বরূপ ছিলেন। ১৯৪৯ সালে তিনি সম্মিলিত জাতিপুঞ্জের দপ্তরে অর্ধ বিভাগের অর্থ-নীতিক উপদেষ্টা নিযুক্ত হইয়া তথায় গমন করেন ও সেখানে কাজ শেষ হইবার পূর্বেই নূতন পদ পাইয়া সম্প্রতি কলিকাতায় ফিরিয়া আসিয়াছেন। আমরা তাঁহার কর্মময় সুদীর্ঘজীবন ও উত্তরোত্তর উন্নতি কামনা করি।

স্বামী সহজানন্দ সরস্বতী—

বিহারের খ্যাতনামা কংগ্রেসনেতা স্বামী সহজানন্দ সরস্বতী গত ২৬শে জুন মঙ্গলপুরে পরিণত বয়সে পরলোকগমন করিয়াছেন। তিনি যৌবনে সম্যাস গ্রহণ করিয়া তপস্বী করিতে যান নাই—তিনি দেশের জনগণের দুঃখহৃদশা দেখিয়া গত প্রায় ৫০ বৎসর কাল সেই দুঃখহৃদশা দূর করিবার আন্দোলন পরিচালিত করিয়াছিলেন। কৃষক সম্প্রদায়ের মধ্যে স্বাস্থ্য, শিক্ষা ও সুনীতি প্রচারেই তিনি জীবনের অধিক সময় অতিবাহিত করিয়া গিয়াছেন। প্রয়োজনের সময় তিনি রাজনীতির আশ্রয় গ্রহণ করিয়াছেন বটে, কিন্তু সমাজ-সংস্কার ও অর্থনীতিক আন্দোলনেই তাঁহার অধিক আগ্রহ দেখা গিয়াছে। তাঁহার মত নিঃস্বার্থ দেশপ্রেমিকের সংখ্যা খুবই কম।

পরলোকে ডাঃ পঞ্চানন বিজ্ঞানী—

খ্যাতনামা বৈজ্ঞানিক ও শিক্ষাব্রতী কলিকাতা শ্রীম-বাজারস্থ মহারাজা মনীন্দ্রচন্দ্র কলেজের অধ্যক্ষ ডাক্তার পঞ্চানন বিজ্ঞানী গত ২২শে জ্যৈষ্ঠ ৬৭ বৎসর বয়সে পরলোকগমন করিয়াছেন। তিনি রাজসাহী কলেজে ১৪ বৎসর ও কলিকাতা প্রেসিডেন্সি কলেজে ১৭ বৎসর রসায়ন বিভাগের অধ্যাপক ছিলেন। হুগলী জেলার হোঁরা গ্রামে তাঁহার

জন্ম হয়। তিনি সুবক্তা ও লেখক ছিলেন। ১৯৪৩ সালে পাটনায় ভারতীয় বিজ্ঞান কংগ্রেসে তিনি রসায়ন বিভাগের সভাপতি হইয়াছিলেন। কৃষিবিজ্ঞান প্রতিষ্ঠানের বিশেষ আকর্ষণ ছিল। শ্রামবাজারে গৃহ নির্মাণ করিয়া বাস করার সময় তিনি সহরতলীতে বাগান করিয়া প্রত্যহ তাহার দেখা-ওনা করিতেন।


কোরিয়া-যুদ্ধ ও ভারতবর্ষ—

এতদিন ধরিয়া ভারতবর্ষের প্রধান মন্ত্রী পণ্ডিত জহরলাল নেহরু বলিয়া আসিয়াছেন যে, পৃথিবীর যুদ্ধমান জাতিদের কোন দলে তিনি যোগদান করিবেন না, নিরপেক্ষ থাকিবেন। কিন্তু কোরিয়ার যুদ্ধ গত ২৫শে জুন আরম্ভ হইলেই দেখা গেল যে পণ্ডিতজী আমেরিকার দলে যোগদান করিলেন। ইহার তাৎপর্য ভারতবাসী বুঝিল না। পৃথিবীতে একচ্ছত্র প্রভু লাভের আশায় আমেরিকা যুদ্ধে নামিয়াছে। কম্যুনিষ্ট ভয়ে ভীত বৃটেন, ফ্রান্স, ডাচ প্রভৃতিও আমেরিকার দলে যোগ দিয়াছে। কিন্তু ভারতবর্ষের সহিত এই যুদ্ধের সম্পর্ক কোথায় এবং কি জন্য ভারত এই যুদ্ধে আমেরিকার পক্ষ সমর্থন করিল তাহা কোন ভারতবাসীই বুঝিতে পারে নাই। যুদ্ধ করিবেন না বলিয়া যে পণ্ডিতজী পাকিস্তানের সহিত আপোষের জন্য এত লালায়িত, সেই পণ্ডিতজী আজ দক্ষিণ কোরিয়াবাসীর দুঃখে বিগলিত হইয়া আদর্শচ্যুত কেন হইলেন, তিনি তাঁহার বিবৃতিতে তাহা আমাদের কাছে বুঝাইতে পারেন নাই। আজ যদি পৃথিবীর উত্তীয় যুদ্ধ আরম্ভ হয় ও সে জন্য ভারতে যুদ্ধের কেন্দ্র স্থাপিত হয়, তবে সে জন্য ভারতবাসী সকলের হৃদশার দামা থাকিবে না। পণ্ডিতজী মন্ত্রীর আসনে বসিয়া বোধ হয় সে কথা ভুলিয়া গিয়াছেন।

গ্রাম-সংগঠন কার্যের আদর্শ—

শ্রীপঞ্চানন চোংদার কলিকাতার খ্যাতনামা ধনী ব্যবসায়ী। তাঁহার বাড়ী হাওড়া জেলার আমতা থানার অন্তর্গত বড়দা গ্রামে। তিনি তাঁহার নিজ গ্রাম ও পার্শ্ববর্তী গ্রামে অনেকগুলি জনহিতকর প্রতিষ্ঠান গঠন করিয়া গ্রামীয় অধিবাসীদের বিশেষভাবে উপকৃত করিয়াছেন। তাঁহার অর্থসাহায্যে ঐ অঞ্চলে কয়েকটি বনিয়াদি বিদ্যালয়, মেডিকেল বিদ্যালয় ও মধ্য ইংরাজি বিদ্যালয় স্থাপিত হইয়াছে।

ঐ সকল বিদ্যালয়ে বহু ছাত্র-ছাত্রী বিনা বেতনে শিক্ষা লাভ করে। তাহা ছাড়া তিনি ঐ অঞ্চলের কয়েকটি উচ্চ ইংরাজি বিদ্যালয়ের পরিচালক সমিতিরও সদস্য থাকিয়া সেই সকল বিদ্যালয়ের উন্নতির ব্যবস্থা করিতেছেন। তিনি তাঁহার নিজ গ্রাম বড়দায় এবং বড়দার কয়েক মাইল দূরে অবস্থিত রসপুর গ্রামে দাতব্য চিকিৎসালয় প্রতিষ্ঠা



শ্রীপঞ্চানন চোংদার

করিয়াছেন। আমতায় 'রামসদয় কলেজ' তাঁহার সর্বশ্রেষ্ঠ কীর্তি। গ্রামের মধ্যে দামোদর নদের তীরে কলেজ স্থাপন করিয়া তিনি ঐ অঞ্চলে উচ্চ শিক্ষা বিস্তারের যে সাহায্য করিয়াছেন, তাহা অসাধারণ। ঐ কলেজের সংলগ্ন ছাত্রাবাসে থাকিয়া বহু ছাত্র অতি অল্প ব্যয়ে শিক্ষা লাভ করিবার সুযোগ পাইয়াছে। পঞ্চাননবাবুর এই গ্রাম-সেবার আদর্শ দেশের সর্বত্র অনুকরণ হওয়ার যোগ্য।

দেবেন্দ্রমোহন ভট্টাচার্য—

মেদিনীপুর ঝাড়গ্রামের দেবেন্দ্রমোহন ভট্টাচার্য মহাশয় সম্প্রতি ৬২ বৎসর বয়সে সহসা পরলোক গমন করিয়াছেন। তিনি ঝাড়গ্রামের রাজার ম্যানেজার ছিলেন। গত ২১ বৎসর কাল তিনি ঐ পদে নিযুক্ত

পাকিস্তান রাজ্যের সর্ববিধ উন্নতি বিধান করেন। রাজার কাজের সহিত তিনি বহু বৎসর মেদিনীপুর জেলা-বোর্ডের চেয়ারম্যান ও ৪ বৎসর মেদিনীপুর মিউনিসিপালি-টির চেয়ারম্যানের কাজ করিয়াছিলেন। তাঁহার চেষ্টায় ও রাজার অর্থে মেদিনীপুরে বিজ্ঞানাগর হল ও বীরসিংহে বিজ্ঞানাগর স্থিতি মন্দির নির্মিত হইয়াছে এবং বঙ্গীয় সাহিত্য পরিষদে 'ঝাড়গ্রাম-রাজগ্রহমালা তহবিল' প্রতিষ্ঠিত হইয়া বহু গ্রন্থ প্রকাশের ব্যবস্থা হইয়াছে। ঝাড়গ্রাম রাজ্যের অর্থে মেদিনীপুরে ট্রেডিয়াম, মেটানিটি হোম, হোমিওপ্যাথিক কলেজ প্রতিষ্ঠায়ও তাঁহারই কৃতিত্ব ছিল। ঝাড়গ্রামে দ্রাব্য চিকিৎসালয়, বালকদের উচ্চ বিদ্যালয়, বালিকাদের উচ্চ বিদ্যালয়, বাগী ভবন, কৃষি কলেজ, হিন্দুমিশন, গোড়ীয় 'মঠ, সারদা বিদ্যালয় প্রভৃতি প্রতিষ্ঠা করিয়া ঝাড়গ্রামকে তিনি নবজীবন দান করিয়াছেন।



পশ্চিমবঙ্গের মুখ্যমন্ত্রী ডাঃ বিধানচন্দ্র রায়—বারাকপুর পাকীঘাটে
বৃক্ষরোপণ করিতেছেন বচো—শ্রীপ্রভাতকুমার দেব
(পশ্চিমবঙ্গ পরীক্ষক সমিতির সৌজন্যে)

শ্রীহেমসুন্দর কুমার বসু—

উত্তর কলিকাতার খ্যাতনামা কংগ্রেস কর্মী ও পশ্চিমবঙ্গ ব্যবস্থা পরিষদের কংগ্রেস দলের সম্পাদক শ্রীহেমসুন্দর

বসু সম্প্রতি কংগ্রেসের সহিত সকল সম্পর্ক ত্যাগ করিয়াছেন। তিনি এক বিরুদ্ধ প্রকাশ করিয়া জানাইয়াছেন যে কংগ্রেস এখন আর জনগণের প্রতিষ্ঠান নাই—কংগ্রেস তাঁহার আদর্শ—কৃষক-মজদুর-প্রজা-রাজ প্রতিষ্ঠা চাহে না। কাজেই এখন আর কংগ্রেসের সহিত একযোগে কাজ করা যায় না। মানুষ যখন অন্ন ও বস্ত্রের অভাবে বিপন্ন, তখন দেশের প্রধানমন্ত্রী জাঁকজমক রক্ষা করিতে তৎপর—এই বিসদৃশ ব্যাপার সমর্থন করিতে না পারিয়াই তিনি কংগ্রেস ত্যাগ করিতে বাধ্য হইয়াছেন। হেমসুন্দর গত ৩০ বৎসর কাল একান্ত ভাবে নির্ভর সহিত দেশসেবা করিয়াছেন। তাঁহার পদত্যাগে দেশবাসী মাত্রই চিন্তিত হইবেন। আশা করি, ইহার পর কংগ্রেস—নেতাদের চোখ খুলিবে ও তাঁহারা নিজেদের ঠিকপথে লইয়া যাইবার চেষ্টা করিবেন।

পাকিস্তান আন্দোলন—

ভারতের উত্তর পশ্চিম সীমান্তের নেতা খ্যাতনামা ইপিও ফকিরের নেতৃত্বে ওয়াজিরিস্তানে পাকিস্তান প্রতিষ্ঠার আন্দোলন ক্রমেই বর্ধিত হইতেছে। ওয়াজিরী, মাসুদ, বিঠানী ও ডাওয়ার প্রভৃতি পার্শ্ব জাতিদের নেতারা এই আন্দোলন পরিচালনা করিতেছেন। সীমান্ত নেতারা এ বিষয়ে আলোচনার জন্ত কাবুলে যাইয়া আফগান গভর্ন-মেণ্টের সাহায্য লাভ করিয়াছেন। সীমান্তে পাকিস্তান স্থাপিত হইলে পশ্চিম-পাকিস্তান-রাজ্য রক্ষা করা কঠিন হইবে বলিয়া পশ্চিম পাকিস্তান সরকার এ বিষয়ে বৃটেন ও আমেরিকার শরণ লইয়াছিলেন। বৃটেন ও আমেরিকা একযোগে আফগানিস্তানকে পাকিস্তান আন্দোলন সমর্থন করিতে নিবেদন করিয়াছিলেন—কিন্তু আফগানিস্তান তাহাতে সন্মত হন নাই। পাঠানদের দাবী সমর্থিত না হওয়া পর্যন্ত আফগানিস্তান পাকিস্তান প্রতিষ্ঠার আন্দোলন সমর্থন করিবেন। সীমান্ত-সমস্যা সে জন্ত বর্তমানে ইজ-মার্কিন দলকে চিন্তিত করিয়া তুলিয়াছে।





শ্রীক্ষেত্রনাথ রায়

হৃদাংশুশেখর চট্টোপাধ্যায়

টেস্ট ক্রিকেট ৪

ওয়েস্ট ইন্ডিজ : ৩২৬ ও ৪২৫ (৬ উই: ডিক্লেয়ার্ড)

ইংলণ্ড : ১৫১ ও ২৭৪

ইংলণ্ডের বিখ্যাত লর্ডসমাঠে অনুষ্ঠিত ইংলণ্ড বনাম ওয়েস্ট ইন্ডিজের দ্বিতীয় টেস্টম্যাচে ওয়েস্ট ইন্ডিজ ৩২৬ রানে ইংলণ্ডকে পরাজিত করেছে। ইংলণ্ডের মাটিতে ওয়েস্ট ইন্ডিজ এই প্রথম টেস্ট ম্যাচে জয়ী হ'ল। ১৯২৮ সাল থেকে ইংলণ্ড বনাম ওয়েস্ট ইন্ডিজ দলের মধ্যে টেস্ট ম্যাচ খেলা শুরু হয়েছে। এ টেস্ট সিরিজের আগে পর্যন্ত ৬টি টেস্ট সিরিজে উভয় দল যোগদান করেছে। ইংলণ্ড 'রাবার' পেয়েছে ৩ বার, ওয়েস্ট ইন্ডিজ ১ বার। ২টি টেস্ট সিরিজ অমীমাংসিতভাবে শেষ হয়েছে, উভয় দল সমান সংখ্যক টেস্ট ম্যাচ জয়ী হওয়ার ক্ষেত্রে। এই ৬টি টেস্ট সিরিজে মোট ২১টা টেস্ট ম্যাচ হয়। ইংলণ্ড ৮টা টেস্ট ম্যাচে জয়ী হয়; অপর দিকে ওয়েস্ট ইন্ডিজ পাঁচটায়।

আলোচ্য বৎসরের টেস্ট সিরিজের প্রথম টেস্ট খেলার ইংলণ্ড ২০২ রানে ওয়েস্ট ইন্ডিজ দলকে হারিয়ে দেয়। লর্ডসের দ্বিতীয় টেস্টে প্রথম ব্যাটিং ক'রে ওয়েস্ট ইন্ডিজ প্রথম দিনের খেলায় ৭ উইকেটে ৩২০ রান তুলে। উল্লেখযোগ্য রান, এ রে ১০৬, উইকস ৬৩, ওরেল ৫২।

দ্বিতীয় দিনে ৩২৬ রানে ওয়েস্ট ইন্ডিজ দলের প্রথম ইনিংস শেষ হয়। ইংলণ্ডের জেঙ্কিনস ১১৬ রানে ওয়েস্ট ইন্ডিজের ৫টা উইকেট পান; বেভসার পান ৩টে ৬০ রানে। খেলার দ্বিতীয় দিনে ইংলণ্ডের প্রথম ইনিংস মাত্র ১৫১ রানে শেষ হয়। রামাধীন ৪৩ ওভার বলে ২৭টা মেডেন নিয়ে ৬৬ রানে ৫টা উইকেট পান। ভ্যালেনটাইন পান ৪টে; ৪৫ ওভার বলে ২৮টা মেডেন নিয়ে ৪৮ রান

দিয়ে। ওয়েস্ট ইন্ডিজ ইংলণ্ডকে 'কলোঅন' না করিয়ে দ্বিতীয় ইনিংসের খেলা শুরু করে।

খেলার তৃতীয় দিনে খেলার নির্ধারিত সময়ের মধ্যে ওয়েস্ট ইন্ডিজের ২য় ইনিংসে ৫ উইকেটে ৩৮৬ রান উঠে। উইকস ৬৩ রান করে রান আউট হ'ন। ওয়ালকট এবং গোমেজ যথাক্রমে ১১৪ এবং ৫৭ রান ক'রে নট আউট থাকেন। ওয়েস্ট ইন্ডিজ ৫৬১ রানে অগ্রগামী থাকে। জেঙ্কিনস ৪টা উইকেট পান।

চতুর্থ দিনে ৬ উইকেটে ৪২৫ রান উঠলে ওয়েস্ট ইন্ডিজ ইনিংস ডিক্লেয়ার্ড করে। ওয়ালকট ১৬৮ রান ক'রে নট আউট থাকেন। গোমেজ ৭০ রানে আউট হ'ন। ওয়েস্ট ইন্ডিজের থেকে ৬০০ রান পিছনে থেকে ইংলণ্ড ২য় ইনিংসের খেলা আরম্ভ করে এবং চতুর্থ দিনের নির্ধারিত সময় পর্যন্ত খেলে ইংলণ্ড ৪ উইকেটে ২১৮ রান করে। ওয়াসক্রক ১১৪ রান ক'রে নট আউট থাকেন। খেলা ড্র করতে ইংলণ্ডের তখন ৩৮২ রান দরকার। হাতে ৬টা উইকেট।

খেলার পঞ্চম দিনে লাঙ্কের সময় ইংলণ্ডের ৯টা উইকেট পড়ে যায়। ২৭৪ রানে ইংলণ্ডের দ্বিতীয় ইনিংস শেষ হ'লে ওয়েস্ট ইন্ডিজ ৩২৬ রানে জয়ী হয়। এখানে লক্ষ্য করার বিষয়, ওয়েস্ট ইন্ডিজ প্রথম ইনিংসে যে রান তুলেছিল সেই রানের ব্যবধানে খেলায় জয়ী হয়েছে। ইংলণ্ডের ছোটো ইনিংসের রান যোগ করলে দেখা যায় ওয়েস্ট ইন্ডিজের দ্বিতীয় ইনিংসে ৬ উইকেটের ৪২৫ রানের সমান হয়েছে। এবারও ওয়েস্ট ইন্ডিজের রামাধীন বোলিংয়ে সাকল্যালাভ করেন ৬টা উইকেট পেয়ে ৮৬ রান দিয়ে। ছোটো ইনিংস অড়িয়ে রামাধীন ১১৫ ওভার বলে

দিয়ে ৭০টা মেডেন পান আর ১৫২ রান দিয়ে ১১ জন খেলোয়াড়কে আউট করেন। অপরদিকে ওয়েস্ট ইন্ডিজের জ্যাকেনটাইন উইকেট পান ৭টা, ১১৬ ওভার বল দিয়ে ৭৫টা মেডেন নিয়ে এবং বিপক্ষ দলকে ১২৭ রান করতে দিয়ে।

উইল্ডন টেনিস ৪

উইল্ডন লন্ টেনিস প্রতিযোগিতার ৬৪তম বাৎসরিক অর্ন্তান সম্প্রতি প্রবল প্রতিদ্বন্দিতার মধ্যে শেষ হয়ে গেল। পূর্বাপর বৎসরের মত এ বছরের প্রতিযোগিতার আমেরিকান টেনিস খেলোয়াড়রা আমেরিকার প্রাধান্য অক্ষুণ্ন রেখেছেন। গত বছর প্রতিযোগিতার ৫টি অর্ন্তানের মধ্যে আমেরিকা যথাক্রমে পুরুষ এবং মেয়েদের সিঙ্গেলস এবং ডবলস—এই চারটিতে জয়ী হয়। একমাত্র মিক্সড ডবলসে জয়ী হয় দক্ষিণ আফ্রিকা। এর মধ্যে মেয়েদের সিঙ্গেলস, পুরুষদের ডবলস এবং মেয়েদের ডবলসের ফাইনালে আমেরিকান খেলোয়াড়রা নিজ দেশের খেলোয়াড়দের সঙ্গে প্রতিদ্বন্দিতা করে। অর্থাৎ ফাইনাল খেলাগুলো দাঁড়িয়েছিলো 'All American Affairs.'

আলোচ্য বৎসরের প্রতিযোগিতার ৫টি অর্ন্তানের মধ্যে আমেরিকা মেয়ে ও পুরুষদের সিঙ্গেলস এবং মেয়েদের ডবলস অর্থাৎ ৩টিতে জয়ী হয়েছে। পুরুষদের ডবলসে অস্ট্রেলিয়া জয়লাভ করেছে। মিক্সড ডবলস পেয়েছে আমেরিকা এবং দক্ষিণ আফ্রিকা।

ফাইনাল খেলার ফলাফল ৪

পুরুষদের সিঙ্গেলসে বাজ পেট্রি ৬-১, ৮-১০, ৬-২, ৬-৩ সেটে ফ্রাঙ্ক সেরমানকে (অস্ট্রেলিয়া) পরাজিত করেন।

পেট্রি গত বছর ক্রেক চ্যাম্পিয়ানসীপ লাভ করেন। ইতিপূর্বে তিনি কখনও উইল্ডন বিজয়ী হ'ন নি। ১৯৪৭ সালের সেমি-ফাইনালে এবং ১৯৪৮ সালের কোয়ার্টার ফাইনালে উঠেছিলেন। এবার ফাইনাল খেলার শেষে বাজ পেট্রিকে দৈহিক অবসাদে একেবারে ভেঙ্গে পড়তে দেখা যায়।

মহিলাদের সিঙ্গেলসে মিস লুই ব্রাউ (আমেরিকা)

সিঙ্গেলস বিজয়িনী হয়েছেন। ইতিপূর্বে মিসেস হেলেন উইল্ডন মুডী পর্যায়ক্রমে তিনবার (১৯২৭-৩০ সাল)— উইল্ডন সিঙ্গেলস বিজয়িনী হয়েছিলেন।

মহিলাদের সিঙ্গেলসে পর্যায়ক্রমে ৫ বার (১৯৭৯-১৯২৩) জয়লাভ ক'রে উপযুপরি বেশী বার জয়লাভের রেকর্ড করেছেন সুজানী লেংলেন।

পুরুষদের ডবলসে জন ব্রম্ উইচ এবং এড্রিয়ান কুইট (অস্ট্রেলিয়া) ৭-৫, ৩-৬, ৬-৩, ৬-২, ৩-৬ সেটে জিওফ ব্রাউন এবং বিল সিড্‌ওয়েগকে (অস্ট্রেলিয়া) পরাজিত করেন।

মহিলাদের ডবলসে মিস লুই ব্রাউ এবং মিসেস মার্গারেট ডিউপন্ট (আমেরিকা) ৬-৪, ৫-৭, ৬-১ সেটে মিস শার্লি ক্রাই এবং মিস ডোরিস হার্ডকে (আমেরিকা) পরাজিত করেন।

মিক্সড ডবলসে এরিক ষ্টারগেস (দ: আফ্রিকা) এবং মিস লুইস ব্রাউ (আমেরিকা) ১১-৯, ১-৬, ৬-৪ সেটে জিওফ ব্রাউন (অস্ট্রেলিয়া) এবং মিসেস প্যাট্রিকিয়া টডকে (আমেরিকা) পরাজিত করেন।

আমেরিকার মিস লুই ব্রাউ মহিলাদের সিঙ্গেলস, ডবলস এবং মিক্সড ডবলস এই তিনটি বিষয়ে জয়লাভ ক'রে বিশেষ কৃতিত্বের পরিচয় দেন। ১৯৪৮ সালেও মিস ব্রাউ তিনটি বিষয়ে জয়লাভ করেন। গত বছর করেন সিঙ্গেলস এবং ডবলসে, ডিউপন্টের সঙ্গে।

এই প্রতিযোগিতায় ভারতীয় টেনিস খেলোয়াড়গণ যোগদান করেছিলেন। ভারতীয় এক নম্বর টেনিস খেলোয়াড় এবং এশিয়ান লন্ টেনিস সিঙ্গেলস বিজয়ী দিলীপ বহু প্রতিযোগিতায় 'সিডেড' খেলোয়াড়দের নামের ক্রম-পর্যায় তালিকার পুরুষদের সিঙ্গেলসে পঞ্চদশ স্থান লাভ করেছিলেন। এর অর্ধ, এ বছরের পৃথিবীর শ্রেষ্ঠ ২০ জন টেনিস খেলোয়াড়দের মধ্যে তাঁর স্থান পঞ্চদশ। ভারতীয় এবং বিদেশী টেনিস মহল আশা করেছিলেন দিলীপ বহু প্রতিযোগিতায় বিশেষ সাফল্যলাভ করতে পারবেন। আমাদের হৃর্তাগ্য যে, তিনি প্রতিযোগিতার মাত্র কয়েকদিন আগে ম্যালেরিয়া করে আক্রান্ত হয়ে

করেই। এ অবস্থায় তিনি যে বিশেষ কিছু করতে সক্ষম হবেন না তা আগে থেকে সকলেই অনুমান করতে পেরেছিলেন। প্রথম রাউণ্ডে দ্বিতীয় বস্তু ৬-১, ১১-২, ৬-১ সেটে অক্সফোর্ড বিশ্ববিদ্যালয়ের ক্যাপটেন ক্রাফ মসট্রীলিকে (জামারিকা) পরাজিত করেন। দ্বিতীয় রাউণ্ডের খেলায় সাওলকে (নেদারল্যান্ড) প্রথম সেটে ৬-৪ গেমের পরাজিত করেন কিন্তু দ্বিতীয় সেটের খেলায় যখন তাঁর প্রতিদ্বন্দ্বী ৫-৪ গেমের অগ্রগামী হ'ন তখন শারীরিক দুর্বলতার জন্তে খেলা থেকে অবসর নেন। অত্যন্ত ভারতীয় খেলোয়াড়দের মধ্যে নরেন্দ্রনাথ তৃতীয় রাউণ্ডে ৬-৪, ৮-৬, ৬-৩ সেটে ফ্রেড কোভালেকির (আমেরিকা) কাছে পরাজিত হ'ন। জোর প্রতিযোগিতা ক'রে নরেশকুমার তৃতীয় রাউণ্ডে পরাজিত হ'ন আমেরিকান 'সিডেড' খেলোয়াড় গার্ডনার মুলয়ের কাছে ৬-২, ৬-৪ এবং ১২-১০ সেটে। ডবলসে দ্বিতীয় বস্তু শেষ পর্যন্ত দৈহিক দুর্বলতার জন্তে যোগদান করেন নি। একমাত্র সৌজন্যের খাতিরে তাঁর সহযোগিনী মহিলা খেলোয়াড়ের নিরাশার কথা স্মরণ ক'রে তিনি মিক্সড ডবলসে যোগদান ক'রে পরাজয় বরণ করেন।

পুরুষদের ডবলসের দ্বিতীয় রাউণ্ডে নরেশকুমার এবং নরেন্দ্রনাথ অভিজ্ঞ এবং দক্ষ খেলোয়াড় ব্রাউন এবং বিল সিড ওয়লের (অস্ট্রেলিয়ান) কাছে পরাজিত হ'ন। মিক্সড ডবলসের চতুর্থ রাউণ্ড পর্যন্ত খেলবার যোগ্যতা লাভ করেছিলেন ভারতীয় খেলোয়াড় সুমন্ত মিশ্র এবং মিসেস হারগিন। শেষ পর্যন্ত পরাজয় বরণ করলেও প্রতিদ্বন্দ্বী খেলোয়াড়দের সঙ্গে তাঁরা যে মনোবল নিয়ে খেলেছিলেন তা খুবই প্রশংসনীয়।

১. ডবলস লীগ

ক্যালকাটা ফুটবল লীগের বিভিন্ন বিভাগের খেলা যথারীতি গেছে। প্রথম বিভাগের খেলায় এক সময় লীগ চ্যাম্পিয়ানশিপ নিয়ে জোর প্রতিযোগিতা চলেছিল ইস্টবেঙ্গল, মোহনবাগান এবং রাজহান এই তিন দলের মধ্যে। গত বছরের লীগ চ্যাম্পিয়ান ইস্টবেঙ্গল ক্লাব এখনও লীগের খেলায় পবাক্ষের অবস্থায় প্রথম স্থান অধিকার ক'রে আছে। ইস্টবেঙ্গল ক্লাবের থেকে ১ পয়েন্ট কম পেয়ে দ্বিতীয় স্থানে ছে মোহনবাগান। রাজহান আছে তৃতীয় স্থানে, মোহনবাগানের থেকে ৪ পয়েন্টের ব্যবধানে। এরিয়ান্সের খেলা ড্র ক'রে এবং বি এন রেলদলের কাছে ২-০ গোলে হেরে গিয়ে রাজহান লীগ চ্যাম্পিয়ানশিপের পালাকে অনেক নীচে নেমে গেছে। এখন মোহনবাগান ইস্টবেঙ্গল দলের মধ্যে লীগ চ্যাম্পিয়ানশিপের শেষ প্রতিদ্বন্দ্বী হবে। প্রথম বিভাগের লীগের কিরতি খেলায় ইস্টবেঙ্গলদল একটা মূল্যবান পয়েন্ট হারিয়েছে ক্যালকাটা

ক্যালকাটার বিপক্ষে ধারা করোয়ার্ডদলে খেলেছিলেন তাঁদের নিয়েই বি এন আর দলের বিপক্ষে কিরতি খেলায় ইস্টবেঙ্গল দল ৪-০ গোলে জিতেছিলো। লেফট ব্যাক, সেন্টার হাফ এবং লেফট হাফ ব্যাকে যে সব খেলোয়াড় নেমেছিলেন ক্যালকাটার মত দুর্বল দলের বিপক্ষে খেলবার যোগ্যতা তাঁদের মধ্যেই ছিল। এখানে উল্লেখযোগ্য, সে সময় বি এন আর দলের থেকে ক্যালকাটা অনেক পয়েন্টের নীচে ছিল। ঐ দিন খেলার শেষে ইস্টবেঙ্গল দলের একদল সমর্থক ঐ দিনের খেলোয়াড় নির্বাচন সম্পর্কে ক্লাবের কর্তৃপক্ষের বিরুদ্ধে জোর বিক্ষোভ প্রদর্শন করেন। স্পোর্টিং ইউনিয়নের সঙ্গে খেলার মোহনবাগান দলেরও কয়েকজন নামকরা খেলোয়াড় যোগ দেয়নি। খেলা ড্র হয়েছিলো। ঐ দু' দিনের খেলোয়াড় নির্বাচন ব্যাপারে আমরা দুই দলের ক্লাব কর্তৃপক্ষের কোন অবিবেচক জ্ঞানের পরিচয় পাই না। খেলোয়াড়রা মাছুষ; যত্নপাতি এবং কলকজার যেখানে নিয়মিত পূর্ণ বিশ্রাম দরকার সেখানে মাছুষ খেলোয়াড়দেরও যে বিশ্রাম প্রয়োজন একথা বলা বাহুল্য মাত্র। এর উপর খেলোয়াড়দের সুখ-অসুখ, খেলায় শারীরিক আঘাতের সম্ভাবনা আছে এবং একটানা খেলায় দ্রুপ দৈহিক অবসাদ আসা খুবই স্বাভাবিক। খেলোয়াড় এবং দলের স্বার্থের খাতিরে সেখানে তাদের বিশ্রাম প্রয়োজন এবং তার একমাত্র সুযোগ পাওয়া যায় দুর্বল দলের সঙ্গে খেলার দিনে। দুর্বল দলের সঙ্গে খেলায় দলের নিয়মিত খেলোয়াড়দের ৩৪ জনকে বিশ্রাম দিয়ে তাদের স্থানে নতুন খেলোয়াড়দের খেলবার সুযোগ দেওয়ার একটা গঠনমূলক সাধু উদ্দেশ্য আছে। শক্তিশালী দলের বিপক্ষে এবং নামকরা খেলোয়াড়দের সঙ্গে খেলতে খেলতে নতুন খেলোয়াড়রা খেলায় অভিজ্ঞতা সঞ্চয় করে; তাদের খেলায় জড়তা এবং মায়বিক দুর্বলতা দূর হয়ে সাহস বৃদ্ধি পায়। বাংলা দেশের ফুটবল খেলায় স্ট্যাণ্ডার্ড নানা কারণে নেমে গেছে। কিন্তু অধ্যাতনামা বাঙ্গালী খেলোয়াড় দ্বারা গঠিত কোন কোন ফুটবল দল যে অল ইণ্ডিয়া অথবা অলিম্পিক প্রত্যাগত ফুটবল খেলোয়াড়দ্বারা গঠিত ফুটবলটীমকে যথেষ্ট বেগ দিয়ে খেলা ড্র বা জয়লাভ করতে পারে তার প্রমাণ এবারের লীগের খেলাতেও পাওয়া গেছে। লীগের কিরতি খেলায় স্পোর্টিং ইউনিয়ন ক্লাব ১-০ গোলে মহমেডান স্পোর্টিংকে হারিয়েছে। এ অপ্রত্যাশিতভাবে গোল দিয়ে জয়লাভ নয়, স্পোর্টিং ইউনিয়নকে রীতিমত জোর দিয়ে খেলে দু' পয়েন্ট নিতে হয়েছে। স্পোর্টিং ইউনিয়ন ২-০ গোলে ই আই রেলদলকেও পরাজিত করে। এরপর এরিয়ান্স ক্লাব লীগের তৃতীয় স্থান অধিকারী রাজহানকে লীগের কিরতি

আর ২-০ গোলে রাজহানকে হারিয়েছে। রাজহানের খেলোয়াড়দের নামের ভারত জোড়া খ্যাতির সঙ্গে এরিয়ালের খেলোয়াড়দের কি তুলনা চলে! রাজহানের এগারটা খেলোয়াড়ের মধ্যে কয়েকজন অলিম্পিক প্রত্যাগত ভারতীয় ফুটবল দলের নির্বাচিত খেলোয়াড় এবং বাকি সকলই ভারতবর্ষের বিভিন্ন স্থান থেকে আগত নামকরা খেলোয়াড়। কিন্তু অনেক সময় ছুর্কল দলের টিমওয়ার্কের কাছে নামকরা খেলোয়াড়রাও যে শেষ পর্যন্ত দলের জয়লাভে সাহায্য করতে পারে না এরিয়াল যেমন গতবার লীগচ্যাম্পিয়ান ইস্টবেঙ্গলের খেলায় প্রমাণ করেছে এবার তেমনি করেছে রাজহানকে হারিয়ে। পূর্বে কালীঘাট ক্লাবকে ভারতবর্ষের বিভিন্নস্থান এমন কি বার্মা যুদ্ধ থেকে খেলোয়াড় বোগাড় করতে দেখা যেত। এ কয়েক বছর কালীঘাট ক্লাব স্থানীয় বাঙ্গালী খেলোয়াড় নিয়ে ফুটবল খেলেছে। একেবারে বাঙ্গালী খেলোয়াড় নিয়ে

টিম ক'রে জর্জটেলিগ্রাক, স্পোর্টিং ইউনিয়ন, এরিয়াল এবং কালীঘাট শক্তিশালী দলের বিপক্ষে বেশ খেলেছে। লীগ চ্যাম্পিয়ানসীপ না পেলেও সেই সব দলের প্রতি আমাদের অকুণ্ঠ সমর্থন থাকবে, যারা লীগ-শীর্ষ পাওয়ার উগ্র নেশায় বাইর থেকে খেলোয়াড় আমদানী ক'রে জাতীয় স্বার্থ বলি না দিবে। বাংলা দেশের তরুণ ফুটবল খেলোয়াড়রা আজ রাজনৈতিক এবং সামাজিক অব্যবহার চাপে পড়ে ক্ষয়িষ্ণু এবং বিপর্যস্ত হলেও জাতীয় সম্মানের পরীক্ষাক্ষেত্রে তাদের উপর যে আমরা নির্ভর করতে পারি তার অনেক শুভ লক্ষণই এখনও নির্ভীক অবস্থায় স্থায়ী রয়েছে। আমরা যদি তাদের উপেক্ষা ক'রে চলি, সমগ্র জাতীয় মেরুদণ্ড ভেঙ্গে পড়তে আর বেশী দেরী থাকবে না। ঈশ্বরের কাছে আমাদের প্রার্থনা, এবং জনসাধারণের কাছে আবেদন যে, আমাদের মধ্যে শুভখুঁচি এবং জাতীয়তাবোধ জাগ্রত হউক।

১৪. ৭. ৫০

নব-প্রকাশিত পুস্তকাবলী

শ্রীশ্রীশচন্দ্র ভট্টাচার্য্য প্রণীত উপন্যাস "পতঙ্গ"—২।
শিশিরকুমার আচার্য্যচৌধুরী-সম্পাদিত "বাংলা বর্ষলিপি" (১৩৫৭)—২।
শ্রীহৃৎকান্ত আচার্য্য প্রণীত শিকার-কাহিনী "আসামের জঙ্গলে"—৪।
শ্রীশশধর দত্ত প্রণীত রহস্তোপন্যাস "অশোক-ঘোপে স্বপন"—২।
"মহাতেজা স্বপন"—২। "মৃত্যু-রহস্তে মোহন"—২।
শ্রীহৃৎকৃষ্ণ ভট্টাচার্য্য-অনুদিত "ভারতের জাতি পরিচয়"—৫।
অমরেন্দ্রনাথ চক্রবর্তী প্রণীত নাট্য-কাব্য "রবীন্দ্র-প্রতিভা"—১।
শ্রীভোলানাথ সাহা প্রণীত কাব্য-গ্রন্থ "বেহলা কাব্য"—২।

বিখনাথ চট্টোপাধ্যায় প্রণীত উপন্যাস "কথা কও"—৩।
শ্রীঅক্ষয়কুমার গুপ্ত প্রণীত "বোগিরাজাধিরাজ শ্রীশ্রীবিদ্যুৎসাহস
পরমহংস"—৫।
শ্রীশিবেন্দ্রনাথ গুপ্ত প্রণীত উপন্যাস "আজিও যার তার"—৩।
শ্রীঅধিনীকুমার পাল প্রণীত উপন্যাস "অশান ও কবর"—২।
"খটিকার গেল বরে"—২৫।
বিমল কর প্রণীত রহস্তোপন্যাস "গ্যাসবার্গার"—২।
শ্রীমদনমোহন চক্রবর্তী প্রণীত উপন্যাস "কলির অর্জুন"—২।

হিজ্ মাষ্টার্স' ভয়েস রেকর্ড—জুন-জুলাই ১৯৫০

বৈক্য কবি গোবিন্দ দাসের পদাবলীর ছ'খানি মধুর কীর্তন গীতি দিয়ে N 31211 রেকর্ডে অক্ষয়গারক কৃষ্ণচন্দ্র তাঁর 'খণ্ডিতা' পালা কীর্তনটি এবার সমাপ্ত ক'রেছেন। পাঁচখানি রেকর্ডে পালাটি সম্পূর্ণ হ'লেও প্রত্যেক গানখানি স্বরসম্পূর্ণ—শিল্পীর ভাবমধুর-কণ্ঠে গানগুলি প্রাণবন্ত হ'রে উঠেছে। "তুমি কত দূরে কোন গহন আধারে" ও "কেন আঁধি ছ'টি ডাকে বারে বারে" N 31212 রেকর্ডে ছ'খানি আধুনিক গান পরিবেশন ক'রেছেন বাংলার জনপ্রিয় গায়ক হৃদীরলাল চক্রবর্তী। শিল্পী তরুণ বন্দ্যোপাধ্যায় N 31213 রেকর্ডে যে ছ'খানি আধুনিক গান পরিবেশন ক'রেছেন—তা ভাব, ভাবা ও প্রকাশ ভংগীয়ার নতুনধর দাবী করে। শ্রীমতী রমা দেবীর কণ্ঠে ছ'খানি আধুনিক গান N 31214 রেকর্ডে বেশ উপভোগ্য হয়েছে। ছ'খানি পল্লী গীতি N 31216 রেকর্ডে গেয়েছেন শিল্পী চিত্ত রায়। দেড় কোটি বর ভাঙা বাঙালির মর্মভঙ্গ মর্মকথা মূর্ত হ'রে উঠেছে গান ছটিতে। দিলীপ রায়ের ছ'খানি ভক্তিমূলক গান N 31197 রেকর্ডে ও বিরজা সেনের ছ'খানি ভাওরাইয়া গান N 31208 রেকর্ডে এবার প্রচারিত হ'রেছে। ভারতখ্যাত ক্লারিওনেটবাদক রাজেন সরকার N 31219 রেকর্ডে ছ'খানি জনপ্রিয় হিন্দী গানের স্বরকে মূর্ত ক'রে তুলেছেন।

N 31229 শিল্পী বেহু দত্ত "যুগে যুগে যারা চির বকিত" একটি গানে তাণ্ডের অভিমান ও বেদনাকে সুচিরে তুলেছেন। অল্প গানটিতেও বাঁধিত ছন্দরের প্রতি সববেদনার শিল্পীর কণ্ঠে ত'রে উঠেছে। N 31230 কুমারী বাণী ঘোষালের একক গানটি, অল্প দিকে এসিদ্ধ শিল্পী তরুণ বন্দ্যোপাধ্যায়ের সহকণ্ঠে "বোর গানে জাগে স্বর" ছন্দর উপভোগ্য। N 31232 শিল্পী কমল মিত্র—হিন্দী বাণীচিহ্ন "বরসাত"এর ছ'খানি সুনির্বাচিত ও জনপ্রিয় গানকে বাঁধিত স্বরে রূপ দিয়েছেন—গান ছ'খানির মত তার স্বরের প্রকাশ অবশ্য হয়েছে। N 31233 নবীলা গায়িকার কণ্ঠে ছ'খানি মনোরম আধুনিক গান মূর্ত হ'রে উঠেছে—রচনা সত্যরে গান মূর্তি সমৃদ্ধ। N 31234 প্রভোত মিত্র—গায়ক অপেক্ষাকৃত নবীন। সুপ্রসিদ্ধ গায়ক ও সঙ্গীত পরিচালক জনময় মিত্রের স্বর সংযোগে সমৃদ্ধ ছ'খানি গান শিল্পী এই রেকর্ডে পরিবেশন করেছেন—গান মূর্তি রচনা ক'রেছেন প্রণব রায়।

সম্পাদক—শ্রীকণীন্দ্রনাথ মুখোপাধ্যায় এম-এ



শিল্পী—শ্রী পূর্ণচন্দ্র চক্রবর্তী

চরিত্রশিল্প ও নৃত্যশিল্পের অক্ষরমালা

ভারতবর্ষ ক্রিষ্টি: ৩৪৩৩



বিলানে সামঞ্জস্য

শ্রীমতী :—বলনুম তো, চুড়ি গড়তে দিয়েছি। তবু বিশ্বাস কর না। তুমি কি ভাব আমি একজন সাধারণ প্রবঞ্চক ?

স্ত্রী (তৃতীয় পক্ষ) :—সাধারণ।—এমন কথা আমার ভুলেও মনে আসে না।

শিল্পী—শ্রীদেবীপ্রসাদ রায়চৌধুরী



ভাদ্র-১৩৫৭

প্রথম খণ্ড

অষ্টত্রিংশ বর্ষ

তৃতীয় সংখ্যা

সাহিত্যে রূপক ও প্রতীক

অধ্যাপক শ্রীঅমূল্যধন মুখোপাধ্যায় এম-এ, পি-আর-এস

সাহিত্য সমালোচনা প্রসঙ্গে আজকাল রূপক ও প্রতীক এই দুই কথা প্রায়ই ব্যবহার করা হয়ে থাকে। কাব্য, নাটক, উপন্যাসেও এমন কি গল্প-উপন্যাসেও রূপক ও প্রতীকের যোগ দেখতে পাওয়া যায়। এমন কি রূপক ও প্রতীকের প্রতি প্রবণতা সাহিত্যের অন্যতম প্রধান প্রবৃত্তি বলে মনে করা যেতে পারে। এ সম্বন্ধে আমাদের ধারণাটা একটু পরিষ্কার করে নেওয়ার জন্তেই এই প্রবন্ধের অবতারণা।

রূপকের আলোচনাই প্রথমে ধরা যাচ্ছে। এ ক্ষেত্রে প্রথমে রাখা দরকার যে সংস্কৃতে নাট্য-সাহিত্যের আলোচনায় প্রথমে যাকে রূপক বলা হয়েছে, আজকাল রূপক বলতে আমরা তা' মনে করি না। সে ক্ষেত্রে রূপক মানে উচ্চতর শ্রেণীর নাটক, তার আবার গোটা দশক উপশ্রেণী আছে। লিদাসের 'অভিজ্ঞান শকুন্তলম্'ও রূপক, মুচ্ছকটিকও রূপক। বোধকরি রঙ্গমঞ্চে আখ্যানিকাকে নট-নটীর

সাহায্যে রূপায়িত করা হ'ত বলেই রাজা-রাজড়ার পৃষ্ঠ-পোষিত, নাট্যশালায় অভিনীত এবং ভরতাদি আচার্য-গণের দ্বারা উপদ্রষ্ট এই সমস্ত উচ্চ শ্রেণীর নাটককে রূপক বলা হ'ত।

সে অর্থে আজকাল রূপক কথাটা ব্যবহার করা হয়না। অলঙ্কার শাস্ত্রে যে রূপক অলঙ্কারের কথা বলা হয়েছে, যাকে ইংরেজিতে বলা হয় metaphor, তার সঙ্গেই সাহিত্যের এই প্রয়োগটির বিশেষ সম্পর্ক আছে। রূপকের আসল তাৎপর্য হ'ল বিজাতীয় দুটি বস্তু মধ্য একটা সাদৃশ্য লক্ষ্য করে তাদের মধ্যে অভেদের আরোপ। যখন কবি বলেন "তুমি যে সুরের আগুন লাগিয়ে দিলে মোর প্রাণে" তখন তিনি সুর ও আগুন এই দুই বিভিন্ন বস্তু মধ্য একটা সাধারণ ধর্ম লক্ষ্য করেন; আগুনের ছোঁয়া লেগে যেমন তুল পদার্থ উজ্জল হয়ে ওঠে এবং তার জড় সত্তা দখল হ'য়ে

স্বরের প্রভাবেও কবির অন্তরের জড়তা তেমন করেই নষ্ট হ'য়ে যায় এবং একটা মহনীয় ভাব ও অনুভূতি অন্তরাঙ্গাকে অধিকার করে। সাময়িক ভাবে এই শ্রু কবির কাছে একটা ঘনিষ্ঠ ঐক্যের লক্ষণ বলেই গীত হয়েছে, তিনি সুর আর আঙুনকে ভিন্ন করে দেখতে চেন না। তিনি এই দুটি বস্তুর মধ্যে অভেদের আরোপ চেন, সুর আর আঙুন সমধর্মী হ'য়ে গেছে, আঙুনের সুরও "লাগিয়ে" দেওয়া যায়, আঙুনের মত সুরও এখানে ছড়িয়ে যায়।

বাক্যালঙ্কার হিসেবে রূপকের ব্যবহার বহু প্রচলিত। কেবল সাহিত্যে আমরা রূপকের ব্যবহার দেখি তা' নয়। আমাদের সাধারণ কথাবার্তায় পর্যন্ত রূপকের অজস্র প্রয়োগ দেখতে পাওয়া যায়, আমরা না জেনেই রূপক লঙ্কার সর্বদা ব্যবহার করি। বড়লোকের টাকার গরম হ'লে যখন আমাদের রাগের জ্বালা ধরে, কিংবা বাক্যাংশে যখন আমরা প্রতিপক্ষকে জর্জরিত করি, তখন আমরা অলঙ্কার শাস্ত্র বা ব্যাকরণ না পড়েই রূপকের প্রয়োগ করি। মানুষের ভাষা—এমন কি অশিক্ষিত বর্ষেরের ভাষাও যে রূপক-বহুল, তা' ভাষাবিৎ মাত্রেরই স্বীকার করেন।

তবে বাক্যালঙ্কার রূপকের কথা এখানে আমাদের মুখ্য আলোচ্য নয়। রূপক বলে বিশিষ্ট এক প্রকারের রচনা আছে, তার লক্ষণাদিই এখানে আমাদের আলোচ্য বিষয়। বস্তুতঃ রূপক সাহিত্যের অন্ততম একটি পদ্ধতি। এই পদ্ধতিতে রচনা অনেক দেশেই হয়েছে, সেকালেও হয়েছে এবং একালেও হয়েছে। সাহিত্যের এই ধারাকে একটা সনাতন ধারা বলা যেতে পারে।

এই পদ্ধতিকে রূপক বলা হয়, কারণ বাক্যালঙ্কার রূপকের যা তাৎপর্য এরও তাই। অর্থাৎ এর আসল কথা হ'চ্ছে এক বস্তুতে আর এক বস্তুর অভেদ আরোপ। এবং এই আরোপের মূলে আছে সেই একই মনোভাব অর্থাৎ উভয় বস্তুর মধ্যে সাদৃশ্যের উপলব্ধি। রূপক রচনায় এই উপলব্ধি কেবলমাত্র একটা বাক্যে বা বাক্যাংশে সীমাবদ্ধ নয়। এই উপলব্ধিতেই সমগ্র রচনাটি বিবৃত। বাক্যালঙ্কার রূপকের পরিধি যদি ক্রমশঃ বিস্তৃত হয়, তা হলেই

যে এই জাতীয় রচনায় অনুভূতি ও কল্পনার ব্যাপকতা বিশেষভাবে আবশ্যিক, শুধু কণিক একটা সাদৃশ্যের বোধ যথেষ্ট নয়। বস্তুতঃ এখানে শুধু একটি বস্তুতে অপর একটি বস্তুর অভেদ সাময়িক ভাবে আরোপ করা হয় না। এখানে একটি বস্তু-জগতে অপর একটি বস্তু-জগতের অভেদ আরোপ করা হয়। এই প্রকারের রচনায় যেমন একটা সৃষ্টির ক্ষমতা আবশ্যিক, তেমনই একটা গভীর অন্তর্দৃষ্টিরও প্রয়োজন। একটা ভাবের জগৎকে একটা নূতন বস্তুজগৎ সৃষ্টি করে তার সঙ্গে মিলিয়ে দিতে হবে, এই দুটো জগৎ এমন ভাবে খাপ খেয়ে যাবে যে তাদের মধ্যে আর ভেদ থাকবে না, বস্তুজগতের দিকে দৃষ্টিপাত করলেই ভাবজগৎ তার ভেতর থেকে ফুটে উঠবে। 'যেমন মাপসই আবরণের ভেতর থেকে অবয়বের সংস্থান আপনিই ফুটে ওঠে। ইংরেজিতে এরকম রচনাকে বলা হয় allegory. ভারতীয় অলঙ্কারশাস্ত্রে সাদৃশ্যরূপক বলে একটা অলঙ্কারের নাম পাওয়া যায়; সাদৃশ্যরূপক হচ্ছে রূপক অলঙ্কারের সম্প্রসারিত সংস্করণ। Allegory কথাটার প্রতিশব্দ হিসেবে সাদৃশ্যরূপক কথাটা কবি হেমচন্দ্র 'আশাকানন' কাব্যের ভূমিকার ব্যবহার করে গেছেন, সে কথাটা আমরাও ব্যবহার কর্তে পারি। তবে সংক্ষিপ্ত ও প্রচলিত বলে allegory বা allegorical অর্থে রূপক কথাটাই আমরা প্রয়োগ করি, তাতে বাক্যালঙ্কার রূপকের সঙ্গে গোলমাল হ'য়ে কোন মারাত্মক ভুল হ'বার আশঙ্কা নেই।

রূপকের সৃষ্টি কি ক'রে হ'ল? কেন লোকে রূপকের প্রয়োগ করে? কেবল কি চটক দেবার জন্তেই রূপকের ব্যবহার করা হয়? এসব প্রশ্নের উত্তর দিতে হ'লে বাগর্থ বিজ্ঞানের ইতিহাসের আশ্রয় নিতে হয়। সংক্ষেপে এটুকু বলা যেতে পারে যে, শব্দমাত্রেরই অর্থ একটা সীমাবদ্ধ অভিজ্ঞতার জগতের অংশ। এই সীমাবদ্ধ অভিজ্ঞতার জগৎ হ'ল আমাদের সকলের সাধারণ জগৎ। দশজনে 'গরু' বলতে যে সব জীবকে নির্দেশ (denote) করে, বা যে সব লক্ষণ (connote) বোঝে, তারই মধ্যে 'গরু' শব্দের অর্থ সীমাবদ্ধ। সুতরাং মানুষের ভাষা হ'ল লৌকিক ও লোকসামান্য অভিজ্ঞতার ভাষা। কিন্তু যা' অলৌকিক, যা অলোকসামান্য, যা বিশিষ্ট বা নিতান্ত ব্যক্তিগত তাকে

(suggestion)। নেত্রবিকার যেমন ইঙ্গিত, তেমনি ভাষার বিকার বা বৈকান ভাষা বা “বক্রোক্তি”, অর্থাৎ অলঙ্কৃত ভাষাও একপ্রকার ইঙ্গিত। অঙ্ককে বক দেখাতে হ’লে আমাদের কোন রকম ইঙ্গিতের সাহায্য নেওয়া ছাড়া উপায় নেই। একমাত্র যে ইঙ্গিত তার কাছে ধাটবে, সে হ’চ্ছে কথঞ্চিৎ সাদৃশ্যের ইঙ্গিত অর্থাৎ ‘কতকটা এই রকম’, এই বলে তাকে খানিকটা বুঝ দেওয়া যেতে পারে।

বাহকে ভূমির সমান্তরাল করে কল্পি ও মণিবন্ধ পরস্পরের বিপরীত দিকে বৈকিয়ে আমরা অঙ্কের কাছে হাত নিয়ে আসি ও তাকে স্পর্শ করতে বলি। সেই স্পর্শ থেকে দৃশ্য-বকের মূর্ত্তি সম্বন্ধে একটা অসম্পূর্ণ ধারণা অঙ্ক করে নেয়। অলোকসামান্য অভিজ্ঞতা সম্বন্ধেও আমাদের ভাব প্রকাশ কর্তে হ’লে অমুরূপ একটা প্রক্রিয়ার সাহায্য নেওয়া ছাড়া উপায় নেই। সে অভিজ্ঞতা অপরের উপলব্ধির বাইরের জিনিষ। কাজে কাজেই আমরা পরিচিত শব্দকেই নানাভাবে ছুন্ডে বৈকিয়ে এটার ঘাড়ে ওটাকে চাপিয়ে বা “আরোপ” করে আমাদের অভিজ্ঞতার সদৃশ একটা বোধ শ্রোতার মনে আনবার চেষ্টা করি। এইজন্য সাদৃশ্যালঙ্কারের উৎপত্তি—উপমা ইত্যাদি অলঙ্কার এই পর্যায়েই পড়ে। বিজাতীয় দুটি বস্তুর সাদৃশ্যবোধের তীব্রতার ফলে যখন অভেদ বোধ জন্মায়, তখন সৃষ্টি হয় রূপকের। এই বোধ যদি সাময়িক ও সন্ধীর্ণ হয় তবে বাক্যালঙ্কার রূপকের উৎপত্তি হয়, আর এই বোধ যদি ব্যাপক ও একটা স্থায়ীভাবে সঙ্গ বিজড়িত হয়, তবে রূপক রচনার সৃষ্টি হয়।

কেবল অলোকসামান্য অভিজ্ঞতা নয়, সূক্ষ্ম (abstract) যে কোন ভাবের প্রকাশ কর্তে গেলেই আমরা রূপকের আশ্রয় নিয়ে থাকি। ‘টাকার গরম’ বা ‘বাক্যবাণ’ প্রভৃতি রূপক যখন আমরা ব্যবহার করি, তখন আমরা একটা সুপরিচিত অথচ সূক্ষ্ম (abstract) একটা অমুভূতির কথা বলি। প্রথম প্রথম শব্দ মাত্রেরই কোন না কোন মূল বস্তুকেই নির্দেশ কর্ত। সুতরাং কোন সূক্ষ্ম অমুভূতি প্রকাশ কর্তে হ’লে সদৃশ বস্তুর সঙ্গে তুলনা ক’রে ইঙ্গিতে রূপকের সাহায্যে তা’ প্রকাশ করা হ’ত। তবে অনেক অমুভূতিই সাধারণ বলে’ ইঙ্গিতের তাৎপর্য এখন সুবিদিত

গুণবাচক শব্দের উৎপত্তি হ’য়েছে। যেমন ‘রাগ’ কথাটা আমরা এখন একটা মানসিক ভাব নির্দেশ করার অল্প ব্যবহার করি, কিন্তু গোড়ায় একথাটার মানে ছিল ‘রঙ’। রূপক হিসেবে ব্যবহার হ’তে হ’তে এখন একথাটার তাৎপর্য মূল বস্তু ছেড়ে সূক্ষ্ম ভাবে পর্যাবসিত হ’য়েছে।

এই ভাবে মূলবস্তুর গুণ অথবা কোন প্রকার সূক্ষ্ম অমুভূতি বা মনোভাব নির্দেশ করার জন্তে বাক্যালঙ্কার হিসেবে রূপকের উৎপত্তি হ’য়েছে, আর রূপক-রচনার উৎপত্তি হ’য়েছে অলৌকিক অভিজ্ঞতা প্রকাশ করার জন্তে। অলৌকিক অভিজ্ঞতা সোজামুজি প্রকাশ করার ক্ষমতা মানুষের ভাষায় নেই। পার্থিব জীবনের প্রয়োজনে লোক-সামান্য পার্থিব অভিজ্ঞতা নির্দেশ করার জন্তে ভাষার সৃষ্টি হ’য়েছে। কবির কথায়—

মানুষের ভাষাটুকু অর্থ দিয়ে বদ্ধ চারিদিকে,

ঘুরে মানুষের চতুর্দিকে। অবিরত রাত্রি দিন

মানবের প্রয়োজনে প্রাণ তার হয়ে আসে কীর্ণ।

এই জন্তে অলৌকিক অভিজ্ঞতা প্রকাশের উদ্দেশ্যে

সদৃশ সাধারণ অভিজ্ঞতার নানা কথাকেই এমন ভাবে ঘুরিয়ে বৈকিয়ে পরস্পরের সঙ্গে সংযোগ বা আরোপ করে রূপকে বলা হয় যে লৌকিক থেকে অলৌকিকের দিকে একটা ইঙ্গিত তার মধ্যে ফুটে ওঠে। রূপক রচনার মূলে আছে একটা সাদৃশ্য-বোধ। অলৌকিক জগতের পদার্থ-নিচয়ের মধ্যে যে ধর্ম, গুণ বা পারস্পরিক সম্পর্ক আমরা উপলব্ধি করি, তারই সদৃশ গুণ বা ধর্ম আমাদের লৌকিক জগতের যে যে পদার্থে বর্তমান, তাই দিয়ে আমরা একটা রূপকের সৃষ্টি করি, সদৃশ ও সমধর্মী বলে এই নূতন সৃষ্টি অলৌকিক জগতের প্রতিভূ হ’য়ে দাঁড়ায় এবং তার অন্তর্নিহিত ইঙ্গিতের প্রভাবে আমাদের মন—

“যায় চলি মর্ত্যসীমা অবাধে করিয়া সস্তরণ।”

রূপকের রচনা মানব-সাহিত্যের আদি কাল থেকেই চলে আসছে। উপনিষদের ঋষি জীবাশ্মার সহিত পরমাত্মার সম্পর্ক বুঝাবার জন্তে বলেছেন—

বা সুপর্ণা সবুজা সখায়া সমানং বৃক্ষং পরিষম্বজাতো।

তয়োরন্তঃ পিঙ্গলং স্বাস্ত্যনন্তমন্তোংভিচাকশীতি।

‘ছুই সুন্দর পক্ষী একত্র সংযুক্ত হইয়া এক বৃক্ষে বাস করিতেছে। তাহার মধ্যে একটি স্বাস্থ্য পিপ্পল আহার করিতেছে, অপরটি অনশনে থাকিয়া তাহা দেখিতেছে।’ রূপকের এটা সুন্দর উদাহরণ।

খৃষ্টান ধর্মশাস্ত্রেও রূপকের ব্যবহার যথেষ্ট আছে। Song of songs রূপক হিসেবে গৃহীত ও ব্যাখ্যা করা হয়েছে। সেখানে ভগবানের সঙ্গে ভক্তের সম্পর্ক, তথা যীশুখৃষ্টের সঙ্গে মানবাত্মার সম্পর্ক বোঝান হয়েছে রূপক সৃষ্টি করে। এই রূপকে ভগবান বা যীশুকে বলা হয়েছে প্রেমাস্পদ পুরুষ, আর ভক্ত বা মানবাত্মাকে বলা হয়েছে প্রেমাকাজিনী নারী। Song of songs ছাড়াও New testamentএ অনেক জায়গাতেই ভগবান ও ভক্তের সম্বন্ধ বর ও বধুর রূপের দ্বারা প্রকাশ করা হ’য়েছে। বোধহয় এই রূপক রচনার প্রেরণা Bibleএ থাকার জন্তেই আগেকার দিনে সমগ্র ইউরোপেই রূপক সাহিত্য যথেষ্ট পরিমাণে রচিত হ’য়েছিল। Everyman প্রভৃতির শ্রায় রূপক নাট্য, F’acrie queener শ্রায় রূপক কাব্য, Pilgrim’s Progressর শ্রায় রূপক কাহিনী বহু প্রচলিত হয়েছিল।

আমাদের দেশেও রূপক রচনার অসম্ভাব ছিল না। ভারতীয় সাধনার তত্ত্ব রূপকের সাহায্যেই ব্যাখ্যা করা হ’ত। বাঙলা ভাষার প্রাচীনতম কবিতা—

“কায়ী তরুর পঞ্চ বি ডাল

বঞ্চল চীএ পইঠো কাল—”

“কার্য গাবড়ি ঘাণ্ট মন কেড়ুবাল

সদ্ গুরু বঅনে ধর পতবাল।”

“ভবনই গহন গন্তীর বেগে বহি

ছ আশ্বে চিখিল, মাঝে ন থাহী।

ধামার্থে চাটিল সাধম গরই।

পারগামি লো অ নিত্তর তরই ॥”—ইত্যাদি

রূপক রচনা।

সুপরিচিত বাউল সঙ্গীত—

খাঁচার মাঝে অচিন পাখী কমনে আসে যায়।

ইচ্ছা করে মনোবেড়ি দিতাম তাহার পায় ॥

রূপক সঙ্গীতের একটা চমৎকার দৃষ্টান্ত। রামপ্রসাদের

“মনরে কৃষি কাজ জান না, এমন মানব-জমিন রইল পতিত

আবাদ কলে ফলতো সোনা ॥” “আয় মন, বেড়াতে যাবি। কালীকল্পতরু-তলে গিয়া চারি ফল, কুড়ারে খাবি” ইত্যাদি সঙ্গীতও রূপকের উদাহরণ। রবীন্দ্রনাথের “ছুই পাখী”ও রূপক। গীতাঞ্জলির “ঐরে তরী দিল খুলে” রূপক সঙ্গীত। আধুনিক কালে রচিত “আত্মদর্শন” একটি উল্লেখযোগ্য রূপক নাট্য।

রূপক রচনার কয়েকটি লক্ষণ মনে রাখা দরকার। রূপকের মধ্যে দুটো জগতের সন্ধান থাকে। একটা লৌকিক, সেটা প্রত্যক্ষ, আর একটা অলৌকিক, সেটা পরোক্ষ। প্রত্যক্ষ লৌকিক জগৎটা অপ্রত্যক্ষ অলৌকিক জগতের—আরও শুদ্ধভাবে বলতে গেলে, অলৌকিক ভাব ও প্রত্যয়ের একটা সমাবেশের প্রতিবিম্ব। পদ্বিনীর প্রত্যক্ষ ছায়াটা আর অপ্রত্যক্ষ কায়াটার মধ্যে একটা রূপের ও সংস্থানের সাদৃশ্য আছে। কাজেই পদ্বিনীর ছায়া দেখে তার কায়াটার সম্বন্ধে একটা ধারণা করা যায়। অন্ততঃ ছায়াটার দিকে তাকালে কায়া সম্বন্ধে আমাদের জিজ্ঞাসা ও কল্পনা উদ্বুদ্ধ হ’য়ে ওঠে। কিন্তু ছায়াটা সুপরিচিত বাস্তব জগতেরই উপাদান দিয়ে তৈরী মনে হ’লেও ঠিক তারই একটা অংশ নয়, এরকম একটা বোধ আমাদের আছে। এটা যে কৃত্রিম, একটা পরিকল্পিত রচনা, খাঁটি বাস্তব জগতের একটা ভাঙা টুকরো নয়, এরকম বোধ সহজেই হয় এবং সঙ্গে সঙ্গেই এর অলৌকিক তাৎপর্যের দিকে মন আকৃষ্ট হয়। কখনও কখনও স্পষ্ট করেই রচনার এই রূপক স্ব গুণ উল্লেখ করা হয়; আবার কখনও এই রূপকত্বের কথা মোটেই উল্লেখ করা থাকে না। অথচ রচনার ভিতর থেকে একটা সমান্তরাল অলৌকিক জগতের অবয়ব-সংস্থান সূটে ওঠে।

(২)

এইবার প্রতীকের কথা। রূপক আর প্রতীক একই বলে অনেকে মনে করেন। “বার নাম চাল-ভাজা, তার নাম মুড়ি”—বার নাম রূপক সাহিত্য, তারই নাম প্রতীক সাহিত্য—এই রকম একটা ধারণা অনেকের আছে। কিন্তু প্রণিধান করে দেখলে স্পষ্টই বোঝা যাবে যে রূপক আর প্রতীক বস্তুতঃ এক নয়।

রূপকের মূলে আছে সাদৃশ্যবোধ, আর প্রতীকের মূলে

আছে সংস্পর্শবোধ। রূপকের কারবার হচ্ছে দুটি বিভিন্ন চিন্তাক্ষেত্রের অন্তর্গত দুটি বস্তু নিয়ে, প্রতীকের কারবার হচ্ছে একই চিন্তাক্ষেত্রের অন্তর্গত দুটি বস্তু নিয়ে। রূপকে লক্ষ্য করা হচ্ছে দুটি বস্তুর সমগুণতা, আর প্রতীকে লক্ষ্য করা হচ্ছে দুটি বস্তুর সহচারিতা।

উদাহরণ দিলে বস্তুব্যাটা স্পষ্ট হবে।

শ্রীরামচন্দ্র বনে গেছেন, সিংহাসনে তাঁর স্থানে তাঁর পাছকা অধিষ্ঠিত। এ ক্ষেত্রে শ্রীরামচন্দ্র ও পাছকার মধ্যে কোন সাদৃশ্য কল্পনা করা হচ্ছে না, ঘনিষ্ঠ সংস্পর্শের জন্তু পাছকা রামচন্দ্রের প্রতীক। আমাদের চিন্তাক্ষেত্রে রামচন্দ্র ও 'তাঁহার' পাছকার প্রত্যয় আনুসঙ্গিক। এই ভাবে চিন্তা জগতে ক্রুশ খৃষ্টের প্রতীক, রূপক নয়; রাজমুকুট রাজার প্রতীক, রূপক নয়। ত্রিবর্ণরঞ্জিত জাতীয় পতাকা ভারতের প্রতীক—রূপক নয়। ত্রিশূল ও শালগ্রাম শিলা, মহাদেবের ও নারায়ণের প্রতীক—রূপক নয়। এইভাবে আমাদের মনে বস্তুর সঙ্গে তার প্রতীক ঘনিষ্ঠভাবে বিজড়িত। সুতরাং প্রতীক সহজেই আমাদের মনে প্রতিপাত্ত বস্তুর প্রত্যয় আনতে পারে। বাক্যালঙ্কারের

(metonymy synecdoche) সঙ্গে প্রতীকের ভাবগত ঐক্য আছে। প্রতীক বস্তুর প্রতিনিধি; রূপক বস্তুর প্রতিবিম্ব। রূপকের সঙ্গে বস্তুর সম্পর্ক আরোপিত; প্রতীকের সঙ্গে স্বাভাবিক। বস্তুর সঙ্গে রূপকের যোগসূত্র দড়ির বাঁধ, প্রতীকের যোগসূত্র নাড়ীর টান।

প্রতীকের ব্যবহার মানুষের জীবনে বহু বিস্তৃত। হিন্দুদের পূজা-অর্চনা প্রতীকের সাহায্যেই করা হয়ে থাকে। শিলা, ঘট ইত্যাদির মধ্যে আমরা ভগবানের সাদৃশ্য নয়, তার সংস্পর্শই কল্পনা করে থাকি। অবশ্য পট বা মূর্তি ব্যবহারের মধ্যে রূপকের প্রভাবও দেখতে পাওয়া যায়। রোমান ক্যাথলিক খৃষ্টানদের Eucharist or mass. প্রভৃতি অনুষ্ঠানের মধ্যে প্রতীকের ব্যবহার স্পষ্ট। সেই অনুষ্ঠানের সুরা, রুটি প্রভৃতি নৈবেদ্য যীশুখৃষ্টের জীবনের একটা প্রধান ঘটনার স্মৃতির সঙ্গে বিজড়িত; তাই আনুসঙ্গিক ভাব ভক্তের মনে জাগিয়ে দেবার জন্তে এই সব উপকরণের ব্যবহার করা হয়েছে থাকে। প্রিয়জনের একগাছি কেশ বা একতাড়া চিঠি আমরা সযত্নে রক্ষা করি প্রতীক হিসেবেই। (ক্রমশঃ)

ইতিহাস

শ্রীশান্তশীল দাশ

যুগে যুগে এল কত মহাজন জীবনের বাণী কঠে বহি'
 বিশ্বাসীরা শোনালো জীবন গান ;
 সাধনা তাদের সফল হয়েছে শত ছুঃসহ বেদনা সহি'
 দিয়ে গেল তারা অমৃতের সন্ধান।
 উচ্চ কঠে জানালো সবারে : মাটির মানুষ,
 তোমরা শোনো,
 ছুঃখের মাঝে নহে জীবনের শেষ,
 মৃত্যুবিহীন আছে সে রাজ্য, যেথায় নাহিক ছুঃখ কোনো,
 চির সুন্দর, চির শান্তির দেশ।
 তাদের বারতা দিগ্ দিগন্তে প্রচারিত হ'লো অগৌরবে,
 মুখরিত হ'লো মাটির এ ধরাতল ;
 জেনে গেল তারা পরমানন্দে, মানুষের মাঝে সফল হ'বে
 দীর্ঘদিনের তাদের সাধন ফল।
 মহামানবের দুর্লভ দান আজিও মানুষ স্মরণ করে,
 তাহাদের কথা হয়নি বিস্মরণ ;
 তাদের স্মরণ চিহ্ন বহিছে মঠ মন্দির সাদৃশ্যে
 দেশে দেশে আর দিকে দিকে অগণন।

ক্রমের প্রতীক, পাদনধকণা, অস্থি-ভস্ম, কত না আর
 মানুষ দিয়েছে সুযোগ্য সম্মান ;
 তাদের স্মরণে প্রতিবৎসর কলরব ওঠে বন্দনার
 সাজায় যতনে অমৃত মূল্যবান।
 কোনো ক্রটি নাই, শুধু এইটুকু : দীর্ঘ তপস্চর্চা করি'
 দিয়ে গেল তারা যে পথের সন্ধান,
 কত শতাব্দী কেটে গেল হায়, মানুষ চলেনি সেপথ ধরি'
 গ্রহণ করেনি অন্তরে সেই দান।
 মরণের পাছে আজও তাই ছোটে, মরণের মাঝে বেঁধেছে বাসা
 যুরে মরে তাই আধারের কাণ্ডারে ;
 ব্যর্থ হয়েছে সকল সাধনা, বৃথা হেথা মহামানবের আসা
 ধরণী ভরেছে বেদনার হাহাকারে।
 মন্দিরে জলে শতদীপালোক, নানা উপচারে
 পূর্ণ ডালা
 শংখ, ঘণ্টা—সুবিপুল আয়োজন ;
 শুধু নাই সেথা দেবতা, পূজারী ; বৃথা ধূপ দীপ কুসুমমালা
 কে করিবে পূজা, করিবে কেবা গ্রহণ ?



একাদশ পরিচ্ছেদ

নূতন পথে

সত্য যখন অপ্রত্যাশিত ভাবে মানুষের সম্মুখে আসিয়া আবির্ভূত হয়, তখন তাহার রূপ যতই অদ্ভুত ও অচিন্তনীয় হোক, তাহাকে সত্য বলিয়া চিনিয়া লইতে বিলম্ব হয় না। পারিপার্শ্বিক পরিবেশের মধ্যে নিজেকে সহজে স্বাভাবিক রূপে প্রতিষ্ঠিত করিবার এমন একটি অসন্ধিভঙ্গ ভঙ্গী সত্যের আছে যে তাহাকে অস্বীকার করা একেবারেই অসম্ভব।

পৃথার মুখে চিত্রক যখন নিজের পরিচয় শুনিল তখন ক্রণেকের তরেও তাহার মনে সন্দেহ বা অবিশ্বাস জন্মিল না। বরং তাহার অতীত জীবনের সমস্ত পূর্বসংযোগ, তাহার সর্বাঙ্গে অসি-রেখাক, সমস্তই যেন এই নূতন পরিচয়ের সমর্থন করিল। কিন্তু তথাপি, চিরাভ্যস্ত দর্পণে নিজের মুখ দেখিতে গিয়া কেহ যদি একটা সম্পূর্ণ অপরিচিত মুখ দেখিতে পায় তাহা হইলে সে যেমন চমকিয়া উঠে, চিত্রকও আদৌ নিজের প্রকৃত পরিচয় জানিতে পারিয়া বিশ্বাসে বিমূঢ় হইয়া পড়িয়াছিল। কিন্তু তাহা ক্রণেকের জন্ত; পরক্রমেই সে দৃঢ়বলে নিজেকে সম্বরণ করিয়া লইয়াছিল। তাহার মস্তিষ্ক রক্তে অব্যুত উন্নত চিন্তা ঝাঁক ঝাঁকিয়া প্রবেশ করিবার চেষ্টা করিয়াছিল, কিন্তু প্রত্যাৎপন্ন-মতি যোদ্ধার সবল সতর্কতার দ্বারা সে তাহার প্রতিরোধ করিয়াছিল। সঙ্কটকালে বুদ্ধিব্রংশ হইলে সর্বনাশ।

উপরন্তু এই বাহু সংঘর্ষের তলে তলে তাহার মনের মধ্যে এক অদ্ভুত ব্যাপার ঘটিতে আরম্ভ করিয়াছিল। শৈশব হইতে যে বিচিত্র বাতাবরণের মধ্যে সে বর্ধিত হইয়াছে, বাঁচিয়া থাকার জৈব চেষ্টায় যে নিষ্ঠুর ষাট-প্রতিষাৎয়ের সম্মুখীন হইয়াছে, তাহা তাহাকে একটি বিশিষ্ট ব্যক্তিত্ব বা চরিত্র দান করিয়াছিল; এই চরিত্র কঠিন, স্বার্থপরায়ণ, নীতি-বিমুখ ও সুযোগসন্ধানী—ইহা আমরা

কালের মন্দির

শ্রী শরদিন্দু বন্দ্যোপাধ্যায়

পূর্বে দেখিয়াছি। এখন নিজের প্রকৃত পরিচয় জানিবার পর তাহার নিগূঢ় অন্তরলোকে ধীরে ধীরে একটি পরিবর্তনের সূত্রপাত হইল; সে নিজেও জানিল না যে তাহার রক্তের প্রভাব—যাহা এতদিন আত্মপরিচয়ের অভাবে সুপ্ত ছিল— তাহা তাহার অর্জিত চরিত্রকে অলঙ্কিতে নূতন করিয়া গড়িয়া তুলিতে আরম্ভ করিয়াছে।

পৃথার মৃত্যুর পরদিন প্রাতঃকালে চিত্রক যখন রাজপুরীতে ফিরিয়া আসিল তখন তাহার মুখের ভাব ক্লান্ত, ঈষৎ গম্ভীর; তাহার অন্তরে যে শীততন্দ্ৰাচ্ছন্ন বুড়ুফু নাগ জাগিয়া উঠিয়াছে তাহা কেহ জানিতে পারিল না। চারিদিকে সূর্যকরোজ্জ্বল পুরভূমি, চূর্ণবিলোপিত ভবনগুলি ইতস্তত শুভ্র বৃদ্ধ-বিশ্বের স্তায় শোভা পাইতেছে। ইহাদের প্রতি দৃষ্টিপাত করিয়া চিত্রক ভাবিতে লাগিল—আমার! আমার! এ সকলই আমার!

কিন্তু—একথা কাহাকেও বলিবার নয়। বলিলে লোকে হাসিবে, উদ্ভাদ বলিয়া ব্যঙ্গ করিবে। একজন সাক্ষী ছিল, সে মরিয়া গিয়াছে। সে যদি বাঁচিয়া থাকিত তাহাতেই বা কী হইত? তাহার কথাও কেহ বিশ্বাস করিত না, অসম্বদ্ধ প্রলাপ বলিয়া হাসিয়া উড়াইয়া দিত। কিন্ত যদি বিশ্বাস করিত, তাহা হইলে পরিস্থিতি আরও সঙ্কটাপন্ন হইয়া উঠিত; চিত্রককে বেশী দিন বাঁচিয়া থাকিতে হইত না। বরং এই ভাল। শুধু সুগোপা জানিল। তাহাতে ক্ষতি নাই; সুগোপা-ভগিনী শপথ করিয়াছে কাহাকেও বলিবে না। কিছুদিন নিভূতে চিন্তা করিবার অবসর পাওয়া যাইবে। তারপর—

এদিকে লক্ষণ কঙ্কী গত রাত্রে ছুশ্চিন্তায় নিজা যায় নাই। কিন্তু আজ প্রভাতে চিত্রক যখন পলায়নের কোনও চেষ্টা না করিয়া স্বেচ্ছায় রাজপুরীতে ফিরিয়া আসিল তখন তাহার মন অনেকটা নিশ্চিন্ত হইল; তাহার মনে হইল চতুরভট্ট বৃথাই চিত্রককে সন্দেহ করিয়াছিলেন।

সে বিপুল সমাদরের সহিত চিত্রকের সেবা করিতে লাগিল।

দ্বিপ্রহরে আহারাদির পর চিত্রক বিশ্রামের জন্ত শয্যাশ্রয় করিলে কঞ্চুকী লক্ষণ বলিল—‘আজ আপনাকে কিছু অধিক বিমনা দেখিতেছি। চিত্তার কোনও কারণ ঘটয়াছে কি?’

চিত্রক বলিল—‘জীবন-মৃত্যুর অচিস্তনীয় সম্ভাব্যতার কথা ভাবিতেছি। পৃথা পঁচিশ বৎসর অন্ধকূপে বন্দিনী থাকিয়াও মরিল না; যেমনি মুক্তি পাইল, সেবা-যত্ন পাইল, অমনি মরিয়া গেল। বিচিত্র নয়?’

লক্ষণ বলিল—‘সত্যই বিচিত্র। মানুষের ভাগ্যে কখন কী আছে কেহই বলিতে পারে না; আজ যে রাজা, কাল সে ভিক্ষুক। এই পঞ্চাশ বছর বয়সের মধ্যে কতই যে দেখিলাম!’ বলিয়া সে দীর্ঘশ্বাস মোচন করিল।

চিত্রক কঞ্চুকীকে কিয়ৎকাল নিরীক্ষণ করিয়া বলিল—‘কঞ্চুকী মহাশয়, আপনি কতকাল এই কার্য করিতেছেন?’

‘কঞ্চুকীর কার্য? তা প্রায় বিশ বছর হইল। আমার পিতা আমার পূর্বে কঞ্চুকী ছিলেন—’ লক্ষণের স্বর নিম্ন হইল—‘রাষ্ট্রবিপ্লবে তিনি হত হন। তারপর নূতন রাজবংশ প্রতিষ্ঠা লাভ করিতে কয়েক বছর গেল; ক্রমে বর্তমান মহারাজ আর্ধ্যভাবাপন্ন হইলেন। তদবধি আমি আছি।’

‘পূর্বতন রাজার কী হইল?’

‘তিনিয়াছি বর্তমান মহারাজ তাঁহাকে বধ করিয়াছিলেন।’

‘আর রাণী?’

‘রাণী বিষ ভক্ষণে দেহত্যাগ করেন। তাঁহাকে কেহ স্পর্শ করিতে পারে নাই।’

উদ্বিগ্ন নিশ্বাস চাপিয়া চিত্রক অবহেলাভরে প্রশ্ন করিল—‘রাজপুত্রটাও নিশ্চয় মরিয়াছিল?’

‘সম্ভবত মরিয়াছিল। কিন্তু তাহার মৃতদেহ পাওয়া যায় নাই।’

চিত্রক আর অধিক প্রশ্ন করিতে সাহস করিল না, তজ্জ্বার ছলে জ্বন্তন ত্যাগ করিয়া চক্ষু মুদিত করিল।

দিনটা বিরস শূন্যতার মধ্য দিয়া কাটিয়া গেল।

সন্ধ্যার প্রাক্কালে চিত্রক উত্তরীয় স্বন্ধে ফেলিয়া ভবন হইতে বাহির হইল। কঞ্চুকী আজ আর তাহার সম

লইবার চেষ্টা করিল না, শুধু জিজ্ঞাসা করিল—‘পুরার বাহিরে যাইবেন নাকি?’

চিত্রক বলিল—‘না, ভিতরেই একটু ঘুরিয়া বেড়াইব।’

স্বর্ঘ অস্ত গিয়াছে। প্রাসাদের বলভিতে কপোতগণ কলহ-কূজন করিয়া রাত্রির জন্ত নিজ নিজ বিশ্রামস্থল সংগ্রহ করিতেছে। ক্রমে পূর্বদিগন্ত জ্যোতির্মণ্ডিত করিয়া চন্দ্রোদয় হইল।

পুরভূমি প্রায় জনশূন্য, কদাচিৎ ছুই একজন কিঙ্কর-কিঙ্করী এক ভবন হইতে অন্য ভবনে যাতায়াত করিতেছে। চিত্রক অনায়াস-পদে ইতস্তত ভ্রমণ করিতে করিতে অবশেষে একটি শীর্ণ সোপান অতিবাহিত করিয়া প্রাকারে উঠিল।

জ্যোৎস্নাপ্লাবিত প্রাকারচক্র রৌপ্য নির্মিত অংশুলির * শ্রায় শোভা পাইতেছে। তাহার উপর উদ্ভাস্ত চিত্তে পরিভ্রমণ করিতে করিতে এক স্থানে আসিয়া চিত্রক সহসা ধামিয়া গেল।

অদূরে প্রাকার কুড়োর উপর একটি নারী বসিয়া আছে। জ্যোৎস্না-কুহেলির মধ্যে শুভবসনা রমণীকে তুষারীভূত জ্যোৎস্নার মতই দেখাইতেছে। চিত্রকের চিন্তিতে বিলম্ব হইল না—কুমারী রট্টা যশোধরা।

রট্টা অল্প মনে চন্দ্রের পানে চাহিয়া আছেন। কোন্ বহিমুখী বৃত্তির আকর্ষণে তিনি আজ প্রাসাদ-শীর্ষের ছাদে না গিয়া একাকিনী এই প্রাকারে আসিয়া বসিয়াছেন তাহা তিনিই জানেন, কিম্বা হয়তো তিনিও জানেন না। তাঁদের পানে চাহিয়া চাহিয়া তিনি কী ভাবিতেছেন তাহাও বোধকরি তাঁহার সচেতন মনের অগোচর।

নিশ্বাস রোধ করিয়া চিত্রক ক্ষণেক দাঁড়াইয়া রহিল। তাহার ললাটে ধীরে ধীরে তিলক ফুটিয়া উঠিল; তপ্ত সৃষ্টির শ্রায় জ্বালাময় অস্থয়া হৃদয় বিদ্ধ করিল। ইনি রাজনন্দিনী রট্টা—এই বিস্তীর্ণ রাজ্যের অধিষ্ঠারী! আর আমি—? এক ভাগ্যাশেষী অসি-জীবী সৈনিক—

অধর দংশন করিয়া চিত্রক নিঃশব্দে ফিরিয়া যাইতেছিল, পিছন হইতে মৃদু কণ্ঠের আহ্বান আসিল—‘আর্ধ্য চিত্রক-বর্মা!’

* হাঁহদি।

চিত্রক ফিরিল। রাজকুমারীর কাছে গিয়া যুক্ত করে অভিবাদন করিল, গভীর মুখে বলিল—‘দেবদুহিতা এখানে আছেন আমি জানিতাম না। জানিলে আসিতাম না।’

রট্টা দ্বিধা হাসিলেন; বলিলেন—‘কোনও হানি হয় নাই, বরং ভালই হইয়াছে। অবরোধে একাকিনী অতিষ্ঠ হইয়াছিলাম, তাই এখানে আসিয়া বসিয়াছি। আপনিও বসুন।’

চিত্রক বসিল না; কুড়ো বসিলে রাজকুমারীর সহিত সমান আসনে বসি হইল; ভূমিতে বসিলে অত্যধিক দীনতা প্রকাশ করা হয়। সে কুড়োর উপর বাহু রাখিয়া দাঁড়াইল; বলিল—‘আপনার স্নগোপা সখী বোধ করি আজ আসিতে পারেন নাই।’

‘স্নগোপা আমাকে না দেখিয়া থাকিতে পারে না—প্রত্যাহতে একবার মুহূর্তের * জন্ত আসিয়াছিল। আপনার কত কথা বলিল। সারারাত্রি জাগিয়া আপনি তাহার পাশে তাহাকে সাহায্য ও সাহচর্য দান করিয়াছিলেন। এমন কেহ করে না।’

‘স্নগোপা আর কিছু বলে নাই?’

রট্টা দ্বিধা বিষয়ে চক্ষু ফিরাইলেন—‘আর কী বলিবে?’

‘না, কিছু না—’ প্রসঙ্গান্তর উত্থাপনের জন্ত চিত্রক চক্ষের পানে চাহিয়া বলিল—‘আজ বোধ হয় পৌর্ণমাসী।’

‘হাঁ।’ রট্টাও কিয়ৎকাল চাঁদের পানে চক্ষু তুলিয়া রাখিলেন—‘শুনিয়াছি আর্ষ্যবর্তের অন্তত আজিকার দিনে উৎসব হয়—বসন্ত ঋতুর পূজা হয়। এখানে কিছু হয় না।’

‘হয় না কেন?’

‘ঠিক জানিনা। পূর্বে বোধহয় হইত, এখন হুণ অধিকারের পর বন্ধ হইয়াছে। হুণদের মধ্যে বসন্ত উৎসবের প্রথা নাই। তবে বুদ্ধ-পূর্ণিমার দিন উৎসবের প্রথা মহারাজ পুনঃপ্রবর্তিত করিয়াছেন।’

এই সকল অলস কথাবার্তার মধ্যে চিত্রক দেখিল, রট্টা প্রাকার কুড়োর উপর এমন ভাবে বসিয়া আছেন যে তাঁহাকে একটু ঠেলিয়া দিলে কিছা আপনা হইতে ভারকেন্দ্র বিচলিত হইলে তিনি প্রাকারের বাহিরে বিশ হাত নীচে পড়িবেন; মৃত্যু অনিবার্য। চিত্রকের বুকের ভিতর চুই

বাপের মতো একটা অশান্ত উদ্বেগ পাক খাইতে লাগিল। তৃতীয় ব্যক্তি এখানে নাই; রট্টা যদি পড়িয়া যান কেহ কিছু সন্দেহ করিতে পারিবে না। যে বর্বর হুণ তাহার সর্বস্ব অপহরণ করিয়াছে, যাহার হস্তে তাহার পিতা নৃশংসভাবে হত হইয়াছিলেন, এই যুবতী তাহারই কন্যা—

চিত্রকের চোখে জ্যোৎস্নার শুভ্রতা লোহিতা হইয়া উঠিল।

রট্টার কিন্তু নিজের সঙ্কটময় অবস্থিতির প্রতি লক্ষ্য নাই; তিনি স্বচ্ছন্দে নির্ভয়ে কুড়োর উপর বসিয়া আছেন। চিত্রক সহসা যেন নিজেকে ব্যঙ্গ করিয়াই হাসিয়া উঠিল; বলিল,—‘রাজকুমারি, আপনি কুড়ো হইতে নামিয়া বসুন। ওখান হইতে নিম্নে পড়িলে প্রাণহানির সম্ভাবনা।’

রট্টা একবার অবহেলা ভরে নীচের দিকে দৃষ্টি নিক্ষেপ করিলেন, বলিলেন—‘ভয় নাই, আমি পড়িব না। কিন্তু আপনি হাসিলেন কেন?’

ক্ষোভে অধর দংশন করিয়া চিত্রক বলিল—‘ক্ষমা করুন, আমি কৌতুকবশে হাসি নাই। আপনার নির্ভীক অপরিণামদর্শিতা—কিন্তু যাক। রাজনন্দিনি, যদি ধৃষ্টতা না হয়, একটি প্রশ্ন করিতে পারি?’

‘কি প্রশ্ন?’

‘আপনি হুণ-দুহিতা। আর্ষ্য জাতি অপেক্ষা হুণ জাতির প্রতি আপনার মনে নিশ্চয় পক্ষপাত আছে?’

কিছুক্ষণ নীরবে মনন করিয়া রট্টা ধীরে ধীরে বলিলেন,—‘আর্ষ্য—! হুণ—! আমার মাতা আর্ষ্য ছিলেন, পিতা হুণ। আমি তবে কোন্ জাতি? জানিনা। সম্ভবত মনুষ্য জাতি।’ রট্টা একটু হাসিলেন—‘আর পক্ষপাত? দূত মহাশয়, এই আর্ষ্যভূমিতে যাহারা বাস করে তাহাদের সকলের প্রতি আমার পক্ষপাত আছে। কারণ তাহাদের ছাড়া অন্য মানুষ আমি দেখি নাই।’

‘সকলকে আপনি সমান বিশ্বাস করিতে পারেন?’

‘পারি। যে বিশ্বাসের যোগ্য সে আর্ষ্যই হোক আর হুণই হোক, বিশ্বাস করিতে পারি।’ রট্টা লঘুপদে কুড়ো হইতে অবতরণ করিলেন—‘এবার আমি অন্তঃপুরে ফিরিব; নহিলে আর্ষ্য লক্ষণ রুপ্ত হইবেন।’

চিত্রক বলিল—‘চলুন আমি আপনার রক্ষী হইয়া যাইতেছি।’

* মুহূর্ত—হই ১৩—১৮ মিনিট।

‘আম্বন—’ বলিয়া রট্টা যেন কোন্ গোপন কোতুকে
সুন্দর মুখ উদ্ভাসিত করিয়া হাসিলেন ; চন্দ্রালোকে সেই
হাসি তরঙ্গের মতো চারিদিকে ছড়াইয়া পড়িল।

চিত্রক ঈষৎ সন্দ্বিগ্নভাবে বলিল—‘হাসিলেন কেন ?’

রট্টা এবার বঙ্গিম দৃষ্টিতে চটুলতা ভরিয়া তাহার পানে
চাহিলেন ; মুখ টিপিয়া বলিলেন—‘ও কিছু নয়।
স্ত্রীলোকের হাসি-কান্নার কি কোনও অর্থ আছে ?—
চলুন।’

* * *

গভীর রাত্রে রট্টা শয্যা হইতে উঠিলেন। তাঁহার
শয্যার শিরেরে প্রাচীরগাত্রে একটি কুটঙ্গক* ছিল,
তন্মধ্যে একটি মণিময় ক্ষুদ্র বুদ্ধমূর্তি থাকিত। সিংহল দ্বীপে
রচিত নীলকান্তমণির অসুষ্ঠপ্রমাণ এই বুদ্ধমূর্তি মহারাজ
রোষ্ট ধর্মান্দিত্য কন্যাকে উপহার দিয়াছিলেন।

শয্যা হইতে উঠিয়া রট্টা একটি দীপ জ্বালিলেন।
ধ্যানাসীন বুদ্ধমূর্তির সম্মুখে দীপ রাখিয়া তিনি যুক্তকরে
তদগতচিত্তে দীর্ঘকাল ঐ দিব্যমূর্তির পানে চাহিয়া রহিলেন ;
তাঁহার বাঙ্গুলি-পুষ্পভূগ্য অধর অল্প অল্প নড়িতে লাগিল।
তাঁহার কুমারী হৃদয়ের কোন নিভৃত প্রার্থনা তথাগতের
চরণে নিবেদিত হইল তাহা কেবল তথাগত জানিলেন।

তারপর দীপ নিভাইয়া রট্টা আবার শয়ন করিলেন।

* * *

পরদিন অপরাহ্নে চণ্টন দুর্গ হইতে বার্তাবহ ফিরিয়া
আসিল। মহারাজ রোষ্ট ধর্মান্দিত্য পত্র দিয়াছেন। পত্র
পাঠ করিয়া মন্ত্রী চতুরানন ভট্ট চিন্তিত মনে রট্টার
কাছে গেলেন।

‘মহারাজের শরীর ভাল নয়, তিনি আরও কিছুকাল
চণ্টন দুর্গে থাকিবেন। কিন্তু কন্যাকে দেখিবার জন্ত
তাঁহার মন বড় উত্তলা হইয়াছে।’

রট্টা বলিলেন—‘আমি পিতার কাছে যাইব।’

চতুরানন বলিলেন—‘কিন্তু—যাওয়া উচিত কিনা ঠিক
বুঝিতে পারিতেছি না।’

‘যাওয়া অসুচিত কেন ?’

ইতস্তত করিয়া চতুরানন বলিলেন—‘কিরাত লোক

ভাল নয়। সে চণ্টন দুর্গের সর্বময় বর্তা ; তাহার মনে
যদি কোনও কুবুদ্ধি থাকে—’

রট্টার মুখ রক্তবর্ণ হইল—‘কিরূপ কুবুদ্ধি ? আপনি
কি সন্দেহ করেন, কিরাত পিতাকে নিজের কবলে পাইয়া
এখন ছলনা দ্বারা আমাকেও কবলে আনিতে চায় ?’

‘কে বলিতে পারে ? সাবধানের নাশ নাই।’

রট্টা সদর্পে বলিলেন—‘আমি বিশ্বাস করি না।
মহারাজের সহিত এরূপ ধৃষ্টতা করিবে কিরাতের এত
সাহস নাই। আপনি ব্যবস্থা করুন, কাল প্রাতেই আমি
চণ্টন দুর্গে যাইব। পিতৃদেবকে দেখিবার জন্ত আমারও
মন অস্থির হইয়াছে।’

‘উত্তম।—মহারাজ যগধের দূতকেও চণ্টন দুর্গে
আহ্বান করিয়াছেন।’

রট্টার চোখের উপর অদৃশ্য আবরণ নামিয়া আসিল।
তিনি ক্ষণেক নীরব থাকিয়া বলিলেন—‘ভাল। তিনিও
আমার সঙ্গে যাইবেন। তাঁহাকে সংবাদ দিন।’

চতুর ভট্ট বলিলেন—‘সঙ্গে একদল শরীর-রক্ষীও
থাকিবে।—ভাল কথা, চণ্টন দুর্গের পথ দীর্ঘ ও ক্লেশ-
দায়ক ; পৌছিতে দুই দিন লাগিবে। মধ্যে এক রাত্রি
পাহাশালায় কাটাইতে হইবে। দেবছহিতার জন্ত দোদার
ব্যবস্থা করি ?’

‘না, আমি অশ্বপৃষ্ঠে যাইব।’

‘দাসী কিন্নরী কেহ সঙ্গে যাইবে না ?’

‘না।’

রট্টার নিকট হইতে চতুরানন চিত্রকের কাছে গেলেন।
চিত্রক সমস্ত কথা শুনিয়া কিছুক্ষণ অধোমুখে বসিয়া রহিল।
তাঁহার বক্ষে যে অদৃশ্য তুষানল জ্বলিতেছিল তাহা সহসা
লেলিহ শিখায় আলোড়িত হইয়া উঠিল ; কিন্তু সে মনের
ভাব গোপন করিয়া উদাস নিস্পৃহ স্বরে বলিল—‘আমি
এখন আপনাদের অধীন ; যাহাই বলিবেন তাহাই করিব।’

পর দিবস প্রভাতে সূর্যোদয়ের সঙ্গে সঙ্গে রট্টা এবং
চিত্রক অশ্বারোহণে রাজপুরী হইতে বাহির হইল। এক
সেনানী পাঁচজন সশস্ত্র আরোহী লইয়া সঙ্গে চলিল।

কপোতকূট নগর তখন জাগিয়া উঠিয়াছে। পথে পথে
গৃহ ও বিপনীর দ্বার খুলিয়াছে, নাগরিকগণ ইতস্তত

* কুলনী।

যাতায়াত করিতেছে; নাগরিকারা কলসী কক্ষে জল ভরিতে যাইতেছে; কেহবা পূজার অর্ঘ্য লইয়া দেবারতন অভিযুখে চলিয়াছে। পথের উপর বালকবৃন্দ দল বাঁধিয়া ক্রীড়া করিতেছে। বৈদেহক স্বক্ষে পণ্য লইয়া হাঁকিতেছে—
—অয়ে লাজা—!

পুরুষবেশা রত্না যখন অশ্বক্ষুর ধ্বনিতে চারিদিক সচকিত করিয়া রক্ষীসহ রাজপথ দিয়া চলিলেন, তখন জনগণ সকলে পথপার্শ্বে দাঁড়াইয়া সর্গর্বে উৎফুল্ল নেত্রে দেখিল।

পণ্য পাটকের ভিতর দিয়া যাইবার সময় রত্না দেখিলেন, চতুপথের উপর একটা কিস্তুত-কিমাকার মানুষকে ঘিরিয়া ভিড় জমিয়াছে। লোকটা রোমশ কক্ষকেশ স্তলকায়; অঙ্গে বস্ত্রাদি আছে কিনা ভিড়ের মধ্যে বুঝা যায় না। সে উচ্চকণ্ঠে সকলকে কী একটা কথা বলিতেছে; শুনিয়া সকলে হাসিতেছে ও রঙ্গ তামাসা করিতেছে।

রত্না অশ্বের রশ্মি সংযত করিয়া একজন পথচারীকে জিজ্ঞাসা করিলেন, ‘ও কে? কী বলিতেছে?’

পথচারী রাজকন্টার সম্বোধনে কৃতার্থ হইয়া হাস্তমুখে বলিল—‘ও একটা গড্ডল—বলিতেছে নাকি ও কোথাকার রাজদূত!’

চিত্রক একবার দৃষ্টিপাত করিয়াই চিনিয়াছিল—
শিশু! সে আর সেদিকে মুখ ফিরাইল না।

রত্না আবার অশ্বচালনা করিলেন। ক্রমে তাঁহার আগরের উত্তর দ্বারে উপস্থিত হইলেন।

এইখানে শশিশেখরের কথা শেষ করা যাক। সেইদিন সন্ধ্যাকালে নগরের কোটপাল মন্ত্রী চতুর ভট্টের সহিত সাক্ষাৎ করিলেন; বলিলেন—‘একটা বিকৃতবুদ্ধি বিদেশী নগরে প্রবেশ করিয়াছে। সে বলে সে মগধের রাজদূত; কোনও এক তস্কর নাকি তাহার সর্বস্ব কাড়িয়া তাহাকে দিগম্বর করিয়া মৃগয়া কাননে ছাড়িয়া দিয়াছিল।—লোকটা লতাপাতা দিয়া কোনও ক্রমে লজ্জা নিবারণ করিয়াছে।’

চতুরানন ক্র কুঞ্চিত করিয়া শুনিলেন।

‘তারপর?’

‘নগররক্ষীরা তাহাকে আমার কাছে ধরিয়া আনিয়াছিল। দেখিলাম, লোকটার বুদ্ধিব্রংশ হইয়াছে। কখনও এক কথা বলে, কখনও অন্য কথা বলে, কখনও বুদ্ধিদাক হইয়া ক্রন্দন করে। তাহাকে লইয়া কি করিব বুঝিতে না পারিয়া কোর্ত ঘরে বন্ধ করিয়া রাখিয়াছি।’

চতুর ভট্ট বলিলেন,—‘বেশ করিয়াছ। গর্তদাসটা একদিন আগে আসিতে পারিল না! এখন আর উপায় নাই। আপাতত কিছুদিন লক্ষিকা ভরণ করুক, তারপর দেখা যাইবে।’

অতঃপর এ কাহিনীর সহিত শশিশেখরের আর কোনও সম্বন্ধ নাই। শুধু এইটুকু বলিলেই যথেষ্ট হইবে যে এই আখ্যায়িকা শেষ হইবার পূর্বেই সে মুক্তি পাইয়াছিল এবং ভবিষ্যতে আর কখনও দেশ পর্যটনে বাহির হইবে না প্রতিজ্ঞা করিয়া স্বদেশে ফিরিয়া গিয়াছিল। (ক্রমশঃ)

সিংহলে কলিঙ্গ উপনিবেশ

শ্রীজনরঞ্জন রায়

পাটন পালিগ্রন্থ মহাবংশ হইতে জানা যায় ব্রহ্মধিপের ঔরসে কলিঙ্গ রাজকন্টার গর্ভে সূর্য দেবীর জন্ম হয়। তিনি যৌবনকালে উচ্ছ্বল ইয়া পড়েন এবং ছদ্মবেশে একটি বণিকদলে মিশিয়া মগধের দিকে লায়ন করেন। লালের (রাঢ়ের?) জঙ্গলে একটা সিংহ (বিহারের সিংহ উপাধিক বস্ত্রদহ্য?) তাঁহাদের আক্রমণ করে। সঙ্গীরা সর্বস্ব ফলিয়া পলাইয়া যায়, সূর্য পলাইতে পারেন না। সিংহ তাঁহাকে নিজ হায় লইয়া যায়। সিংহের ঔরসে তাঁহার পুত্র সিংহবাহর ও কস্তা সিংহীবলীর জন্ম হয়। এই সিংহবাহ রাঢ়ের অধিপতি হন। সিংহবাহর জ্যেষ্ঠপুত্র বিজয়-সিংহ ও মধ্যম পুত্র স্মিত্র। বিজয় তাঁহার

পিতার অবাধ্য ও প্রজাপীড়ক হইয়া উঠেন। তাঁহার সঙ্গীগণও মন প্রকৃতির লোক ছিল। সেজন্য প্রজারা তৃতীয়বার অভিযোগ করিলে সিংহবাহ আদেশ দেন যে, বিজয় ও তাঁহার সঙ্গীদের অর্ধেক মাথা মুড়াইয়া সাগরে ফেলিয়া দেওয়া হোক। এই ভাবে বিজয় ও তাঁহার অনুচরদের সাগর যাত্রা আরম্ভ হইল। তাঁহাদের সঙ্গে অন্ত দুইখানি নৌকার তাঁহাদের স্ত্রী-পুত্রগণও দেশছাড়া হইলেন। নাগরীপে আসিয়া পুত্রগণের নৌকা লাগিল, মহেন্দ্র নামক স্থানে আসিয়া স্ত্রীগণের নৌকা লাগিল এবং সূর্যারকপত্তনে সপারিষদ বিজয়ের নৌকা লাগিল। বিজয়কে কিন্তু সূর্যারকপত্তনে টিকিতে দিল না। সেখান হইতে

বিতাড়িত হইয়া তিনি তাম্রপর্ণীতে আসিয়া নামিলেন। সেখানে আসিয়া বিজয় দেখিলেন কুবেরী নামক যক্ষিণী সেখানকার রাণী। এই যক্ষিণীকে বশীভূত করিয়া তিনি তাম্রপর্ণীর অধীশ্বর হন। সিংহবাহুর বংশ বলিয়া বিজয়কে সীহল (সিংহল) বলা হইত। বিজয় যেদিন তাম্রপর্ণীতে নামেন সেই দিনই (৫৩৩ খ্রীঃ পূর্বাব্দে) বুদ্ধদেবের নির্বাণ লাভ হয়। বিজয় পাণ্ড্য দেশের রাজার নিকট তাঁহার কন্যাকে বিবাহ করিবার প্রস্তাব জানান। পাণ্ড্যরাজ সম্মত হইয়া তাঁহার কন্যার সহিত বহু নরনারীকে তাম্রপর্ণীতে পাঠাইয়া দেন। কিন্তু বুদ্ধ বয়সেও বিজয় কোন সম্মতান লাভ করিতে পারেন না। সেজন্ত তিনি নিজের ভ্রাতা সুমিত্রকে আসিয়া রাজ্যভার লইতে বলেন। সুমিত্র তখন রাঢ়ের রাজা। এজন্ত সুমিত্র নিজ পুত্র পাণ্ডুবাসদেবকে সিংহলে পাঠান। কিন্তু পাণ্ডুবাসদেব সিংহলে পৌঁছিবাম পূর্বে ৬৮ বৎসর রাজ্য করিয়া (৫০৫ খ্রীঃ পূর্বাব্দে) বিজয় সিংহ তখন মারা গিয়াছিলেন। পাণ্ডুবাসদেব সিংহলে গিয়া জ্যেষ্ঠতাতের সিংহাসনে অভিষিক্ত হইলেন।

এখানে আমরা দেখিতে পাইলাম, সেই আড়াই হাজার বৎসর পূর্বে তাম্রপর্ণীতে কি করিয়া বিজয় সিংহ আসিলেন। আর দেখিলাম, কি করিয়া ভারতের প্রথম উপনিবেশকারীর বংশপরিচয়ে দেশের নাম বদলাইয়া সিংহল হইল। তখন যক্ষগণের বাসভূমি ছিল সে দেশে। যক্ষরা সম্ভব মুঘল (Mongolian) জাতির লোক। তাহাদের বংশধররা ভারতেরও আদিবাসী। বঙ্গোপসাগরের দ্বীপপুঞ্জ তাঁহারা ছড়াইয়া পড়েন। বাঙলা দেশের পূর্বাংশে বর্ষা পর্য্যন্ত সর্বত্র দ্বী-প্রাধান্য ছিল, এখনও কিছুটা আছে। চিত্রাঙ্গদার বিবরণে তাহা জানা যায়। কাজেই সিংহলে তখন মেয়ে-রাজা ছিল শুনিয়া বিচিত্র জ্ঞান করার কিছুই নাই। কিন্তু বিজয়সিংহ ভারতীয় রমণীকেই বিবাহ করেন। তিনি সিংহলের পরপারে পাণ্ড্য দেশের রাজকুমারীর পাণি-গ্রহণ করেন। পাণ্ড্য দেশকেই ক্ষত্রিয়নাসী উপনিবেশ স্থান বলা হয়। স্থানটি দক্ষিণ ভারতের উপকূলে। ইহার পূর্বসীমা সমুদ্র। কিন্তু মহাভারতে সিংহলের নাম আছে। মহাবংশ অপেক্ষা মহাভারত প্রাচীন। মহাভারতকে বিশ্বাস করিলে বৌদ্ধ বিবরণ মতো সিংহলের নামকরণের কাহিনী প্রভৃতি সবই মিথ্যা প্রতিপন্ন হয়। এখন যে মহাভারত আমরা পাই তাহাতে 'সিংহল' নামটি প্রকৃষ্ট হইয়াছে মনে করা যাইতে পারে। গুপ্তযুগে পুরাণ সকল পুনর্লিখিত হওয়ার সময়, বহু পুরাণে বহু কথা প্রকৃষ্ট হইয়াছে ইহা বিশেষজ্ঞগণ বলিতে আরম্ভ করিয়াছেন। মহাভারতে সিংহল নামটি আসা ইহার অন্ততম নিদর্শন বলা যাইতে পারে। মহাভারত অতিমাত্রায় বৌদ্ধ-বিরোধী। এই বৌদ্ধ বিবরণটি নশ্তাৎ করিয়া দিবার জন্ত এল্প করা হইয়াছে মনে করার হেতু আছে। ভারতের বৌদ্ধ ধারার অভিভাবক করিয়াছে এক সময় সিংহল। সেই সিংহলকে হুনজরে দেখিতেন না নিশ্চয় ব্রাহ্মণ্য ধারার বাহক মহাভারতের গৌরববর্ধনকারী-গণ। বর্ণাশ্রমলোপকারী বৌদ্ধ নিধনে দেবতারাও আসেন, কাব্যগ্রন্থও আসে। মহাভারত ঐরূপ একখানি মহাকাব্য। তাহাতে বৌদ্ধ-বিষয়ের কথা দেখিয়া ইহাও মনে করিবার হেতু আছে যে, তাহার

রচনাকাল ভারতে বৌদ্ধ প্রাধান্যের পরে। বিজয়সিংহ যে সময়ে তাম্রপর্ণী দ্বীপে গেলেন, তখন সবেমাত্র বুদ্ধদেব দেহত্যাগ করিয়াছেন। সুতরাং বৌদ্ধযুগের শুরুতেই তিনি যান। তখন মোটেই বৌদ্ধ প্রাবল্য আরম্ভ হয় নাই। মহাভারতে প্রবল বৌদ্ধ নিন্দা থাকায় তাহা প্রমাণ করে যে, বিজয়সিংহের পূর্বে তাহা নিশ্চয় লেখা হয় নাই। অব্যবহিত পরেও নয়, বরং অনেক পরে।

সাম্প্রতিক উড়িষ্কার ইতিহাসে বিজয় সিংহকে উৎকলবাসী বলিয়া দাবী করা হইতেছে (Glimpses of Kalinga History by Prof. Manmothnath Daso of Balasore College)। পূর্বে বাঙালী ঐতিহাসিকগণ বিজয় সিংহকে বাঙালী বলিয়াছেন।

উড়িষ্কার এই ঐতিহাসিক বলিতেছেন—এই লাল (বালাড) নামক স্থান, যেখানে বিজয় সিংহের পিতামহী সিংহ কর্তৃক অপহৃত হন, তাহা বঙ্গ ও মগধের মধ্যে। সুতরাং তাহা উৎকলের কোন স্থান। কারণ বঙ্গ ও বিহারের মধ্যপথেই উৎকল প্রদেশ। কিন্তু উক্ত ঐতিহাসিক ঐ সিংহকে উৎকলবাসী বলিতেছেন না! বলিতেছেন—তিনি বিহার প্রদেশবাসী সিংহ-উপাধিধারী কোন লোক। আমরা এই ঐতিহাসিকের দেশপ্রিয়তার প্রশংসা করিলেও ঐতিহাসিকের সত্যপ্রিয়তার অভাব দেখিয়া দুঃখিত হইতেছি। সুতরাং দিক দিয়া দেখিতে গেলে লাল—রাঢ় না হইয়া উৎকলের কোন স্থান হইলে, সেখানকার জঙ্গলে উৎকলবাসীই থাকিবে, সেখানে কোন বিহারী আসিবে কেন? আমরা বেশ বুঝিতেছি উক্ত ঐতিহাসিক বিজ্ঞানে পড়িয়াছেন এই সিংহকে দেখিয়া। এই সিংহ যে পশুরাজ নয়, মানুষ সিংহ, অর্থাৎ সিংহ উপাধিধারী কোন লোক, তাহা তাঁহার মতো আমরাও স্বীকার করিতেছি। তবে এই উড়িষ্কার ঐতিহাসিক এই সিংহ মহাশয়কে বিহারী বলিলেন কেন? তাহার প্রধান কারণ উড়িষ্কার লোকের সিংহ উপাধি ছিল না, এখনও নাই। সিংহ উপাধিটি বিহারীদের প্রায় একচেটিয়া। এই বিহারী সিংহের ঔরসে যে সিংহবাহু হইলেন, তাঁহাকে বরং বাঙালী, উড়িয়া ও বিহারী মিশ্রণজাত বলা উচিত। তাঁহার পুত্রের দেহেও এই তিন দেশের রক্ত ছিল। সুতরাং উড়িষ্কার ঐতিহাসিক কোন মতেই সিংহবাহুকে উৎকলবাসী বলিতে পারেন না। এইরূপ সিদ্ধান্ত করিতে তিনি বহু ঐতিহাসিক তথ্য দুমড়াইয়াছেন, বহু কথা চোক গিলিয়া বলিয়াছেন। সিংহবাহু দ্বারা সিংহপুর নামক শহরটি স্থাপিত হওয়ার কথা ইতিহাসে পাওয়া যায়। শহরটি কোথায় ছিল তাহা জানা গিয়াছে, উক্ত ঐতিহাসিক বলিতেছেন। তাঁহার মতে গঙ্গাবংশের তাম্রশাসনে লিখিত সিংহপুর ও সিংহপথ (হাঠীগুফায় উৎকীর্ণ স্থান) অভিন্ন। এই অনুমান কতদূর ভ্রমাবহ বলা যায় না।

এতকাল বাঙালী ঐতিহাসিক ও কবিগণ বিজয় সিংহকে বাঙালী বলিয়া গৌরব অক্ষুব করিয়াছেন। তাহারাও সিংহপুর কোথায় তাহা অজ্ঞাতভাবে প্রমাণ করিতে পারিয়াছেন মনে হয় না। অন্ততঃ এখন তাঁহাদের দাবী সমর্থনের জন্ত তাহা করা প্রয়োজন। কারণ

উড়িষ্যা সিংহবাহকে তাঁহাদের দেশের লোক বলিয়া টানাটানি শুরু করিয়াছেন।

বাঙালীরা সিঙ্গুরকে প্রাচীন সিংহপুর বলিয়া থাকেন। হুগলী জেলার তারকেশ্বরের রেলপথে শেওড়াফুলীর পরে তৃতীয় স্টেশন এই সিঙ্গুর। ধর্মমঙ্গল গ্রন্থে (অজ্ঞেয় ঢেকুর কাহিনীতে) লাউসেন প্রসঙ্গে ইহার উল্লেখ আছে। পালরাজত্বে লাউসেন একজন বড় সেনাপতি। তিনিই কামরূপ জয় করেন।

গঙ্গাবংশের পূর্ব পরিচয় আমাদের আলোচ্য বিষয়ে সাহায্য করে না। অনন্তকৃষ্ণ-চোর-গঙ্গা উৎকলের প্রথম গঙ্গাবংশীয় রাজা (১১৩২ খ্রীঃ)। কেশরী বংশের অবসানে তাঁহার শক্তি বিস্তারের বিবরণ পাওয়া যায়। ১৫৩৪ খ্রীঃ গঙ্গাবংশের অবসান হয়। কিছুদিন পূর্বে উড়িষ্যার ইতিহাস নামক আর একখানি পুস্তক হইতে জানিতে পারা গিয়াছে চোরগঙ্গার আদিপুরুষ দক্ষিণ রাঢ়ের লোক ছিলেন। (History of Orissa by B. C. Muzumdar)।

দক্ষিণ রাঢ় বলিতে হুগলী ও হাওড়া জেলাকে বুঝায়। উত্তর রাঢ় বলিতে (দামোদর, অজয় ও গঙ্গার মধ্যবর্তী অঞ্চলে) বর্ধমান, মুর্শিদাবাদ ও বীরভূম জেলার কতটাকে বুঝায়। গঙ্গাবংশীয়েরা উৎকল দখল করিলে দক্ষিণ রাঢ় পর্যন্ত উৎকলের অন্তর্ভুক্ত হয়। অন্ততঃ চোরগঙ্গার সময় তাহাই ছিল, তা' তিনি দক্ষিণ রাঢ়ের লোক হউন বা না-হউন। এইরূপে উৎকলের ও রাঢ়ের সংস্কৃতি ১২শ শতাব্দীর মধ্যভাগ হইতে চৈতন্যদেবের তথায় অবস্থানকাল (১৬শ শতাব্দীর মধ্যভাগ) পর্যন্ত প্রায় অব্যাহতভাবে নিঃশব্দে সুবিধা পাইয়াছিল। প্রায় বলিলাম এইজন্য যে মুসলমান-ভীতি আরম্ভ হইয়াছিল বখতিয়ার খিলজির নবদ্বীপ বিজয়ের (১১৯৯ খ্রীঃ) পর হইতে। বখতিয়ার মগধ জয়ের পর নবদ্বীপে আসেন ১ জন অঝারোহী লইয়া ইহা অবশ্য মিথ্যা ইতিহাস। এখানে তাহা লইয়া বিশদ আলোচনা অপ্ৰাসঙ্গিক হইবে। সামান্তভাবে কিছু বলিব। মুসলমান ঐতিহাসিকের এই বিবরণ বিলাতী ঐতিহাসিকরা সেদিনও কিস্ত সমর্থন করিয়াছেন। এখন প্রমাণিত হইয়াছে অন্ধকূপ-হত্যার মতো ইহা অসত্য কথা। মুসলমান ঐতিহাসিকের রায় লছমনিয়া, রাজা লক্ষণ সেন নহেন। রাজা লক্ষণ সেন নবদ্বীপের পত্তনের হয়তো পঞ্চাশ বছর পূর্বেই দেহত্যাগ করেন। রায় লছমনিয়া সেন বংশের একজন সামন্ত রাজা ছিলেন অসুমান করা হইতেছে। সেন রাজাদের আসল রাজধানী তখন লক্ষণাবতী (গোড়ে) অথবা বিক্রমপুরে ছিল। যাহা হোক দক্ষিণ রাঢ় অঞ্চল পাঠানরা খ্রীঃ ১৪শ শতাব্দী পর্যন্ত জয় করিতে পারে নাই। রাজনৈতিক দিক দিয়া রাঢ় উড়িষ্যার অধীন ছিল। কতলু খাঁ উড়িষ্যা বিজয় করিলে (খ্রীঃ ১৬শ শতাব্দীতে) তথায় পাঠান রাজত্ব স্থাপিত হয়।—প্রসঙ্গ হইতে দূরে চলিয়া আসিয়াছি জানিয়াও এইটুকু বলা প্রয়োজন মনে করিতেছি যে, পাঠান আসার মূলে সেন রাজাদের ব্রাহ্মণ্য প্রচারের নব আন্দোলন (Neo Brahminical revival) সম্পূর্ণ দায়ী। তাহাতে পাল আমলের ধনিক (বণিক)

শ্রেণীকে সমাজে অধঃপতিত করা হইল। সমুদ্রযাত্রা প্রভৃতি বন্ধ করিয়া জাতিকে অর্থশূণ্য করা হইল। অর্থহীনতায় জাতির মেরুদণ্ড ভাঙিল। পাঠানরা তাই বাধা পায় নাই, বিদ্রোহী সমাজ বরং তাহাকে বরণ করিয়াই আনিল।

আমরা বলিয়াছি যে, বাঙলাদেশে পাঠান রাজত্বকালেও উড়িষ্যার সীমারেখা হাওড়া জেলার ভাগীরথী তীর এবং হুগলী জেলার কিয়দংশ (আরামবাগ) পর্যন্ত বিস্তৃত ছিল। সুতরাং উড়িষ্যার সঙ্গে বাঙালীর যোগাযোগ, মায় ভাষার সমতা অতি দীর্ঘ দিন পর্যন্ত ছিল। মৈথিলি সমাজের ভাষার সঙ্গেও বাঙালার সমতা খ্রীঃ ১৫শ শতাব্দী পর্যন্ত ভাল-ভাবে ছিল। রঘুনাথ শিরোমণির মিথিলা গমনও মৈথিলি ভাষা এবং ভাবধারার সহিত বাঙালার নিকট সম্পর্ক ছিল প্রমাণ করে।

এইভাবে বিহার, উড়িষ্যা ও বাঙালার ভাষা ও কৃষ্টির সমতা থাকিলেও বিজয়সিংহকে লইয়া এই তিন প্রদেশ সমানভাবে টানাটানি করে নাই। তাঁহার বাঙালিদের বিরুদ্ধে প্রথম আঘাত আসিল উড়িষ্যা হইতে। কোমর বন্ধের-নিচে-আঘাত ভাবিয়া ইহা যেন বাঙালী ঐতিহাসিকগণ উপেক্ষা না করেন। প্রাদেশিকতা ঐতিহাসিকদের মধ্যেও সংক্রামিত হইয়াছে।

বিজয়সিংহের প্রায় ৩০০ বৎসর পরে বৌদ্ধ কলিঙ্গ প্রদেশের সঙ্গে বৌদ্ধ সিংহলের যোগাযোগ হয়।

উড়িষ্যা ও তাহার দক্ষিণ দিকের অনেকটা অংশকে তখন কলিঙ্গ বলা হইত।

অশোক (বিন্দুসারের পুত্র অশোক ২য় অশোক) ২৫৮ খ্রীষ্টপূর্বাব্দে হিন্দুধর্ম পরিত্যাগ করিয়া বৌদ্ধধর্ম গ্রহণ করেন। ইহা তাঁহার উৎকল জয়ের পরের ঘটনা। তিনি নিজের পুত্র মহেন্দ্র ও কন্যা সংঘ-মিতাকে বৌদ্ধ ধর্ম প্রচার করিতে সিংহলে পাঠান। অশোকের সময়ে ভারত ও সিংহলে বিশেষ সঙ্ঘ স্থাপিত হয়। বৌদ্ধ ধর্মের সহিত পালি ভাষায় লিখিত বৌদ্ধ ধর্মগ্রন্থও সিংহলে যায়। সুতরাং পালিভাষার পঠন-পাঠনও সিংহলে আরম্ভ হয়।

কলিঙ্গ দেশের পরপারেই সিংহল।

অশোকের প্রেরিত ধর্মপ্রচারকগণ সিংহলে গেলে, সিংহলরাজ তাহার বিনিময়ে অশোকের নিকট বহুপ্রকার উপঢৌকনাদি সহ নিজ অমাত্যদের পাঠান। এই সিংহলবাসীরা ফিরিবার সময় অশোক, তাঁহাদের বোধিবৃক্ষের একটি শাখা প্রদান করেন। ঐ শাখাটি সিংহলরাজ অতি প্রকার সহিত নিজের অনুরাধাপুরের উজ্জানে রোপণ করেন। সিংহলে যাতায়াতকালে কোন্ বন্দর ব্যবহৃত হইয়াছে তাহা জানা যায় না। তবে তাহা বাঙালার কোন বন্দর এরূপ কেহই দাবী করেন নাই। এজন্য তাহা কলিঙ্গের কোন বন্দর এরূপ মনে করিবার যথেষ্ট কারণ আছে। মেদিনীপুরের তাম্রলিপ্ত বন্দরের খ্যাতি ছিল উত্তর ভারতে। অশোকের সময় তাম্রলিপ্ত বন্দর ছিল কি-না ঠিক বলা যায় না। তবে সেখানে একটি বিরাট অশোকস্তম্ভ ছিল। ৫ম খ্রীষ্টাব্দের প্রথম ভাগে অশোক বৌদ্ধ পরিব্রাজক কাহিয়ান, তাম্রলিপ্ত বন্দর হইতে জলবানে

সিংহলে যান। ৬৩৫ খ্রীঃ অপর একজন এশিঙ্গ বৌদ্ধ পরিত্রাজক হয়েছিল। এই বন্দরে একটি বৌদ্ধ মঠ ও ২০০ হাত উচ্চ একটি অশোক স্তম্ভ দেখেন। এই বন্দর হইতে বড় বড় অর্ণবপোতে রেশমী কাপড় ও রেশম সমুদ্রপারে রপ্তানি হইত তিনি তাহারও বিবরণ দিয়াছেন। এই বন্দর হইতেই সিংহলের রাজা মেঘবর্ষের সময় (৩৫২—৩৭৯ খ্রীঃ) বৌদ্ধ-ভারতের শ্রেষ্ঠ নিদর্শন বুদ্ধদন্ত ভারত হইতে সিংহলে স্থানান্তরিত হয়। কলিঙ্গের রাজা বৌদ্ধ গুহাশিব যখন হিন্দুরাজা সমুদ্রগুপ্তের নিকট পরাজয় ভয়ে ভীত, তখন নিজ কন্যা হেমলতা ও জামাতা দত্তকুমারের দ্বারা তাম্রলিপ্ত বন্দর হইতেই বুদ্ধদন্ত সিংহল-রাজ্যের নিকট পাঠান, এইরূপ জানা যায়। কলিঙ্গরাজকন্যার সহিত নিশ্চয় একদল দেহরক্ষী ও পরিচারক সিংহল যাত্রা করে। তাঁহারা সকলেই সিংহলে বসতি স্থাপন করেন। কারণ তাঁহাদের প্রত্যাবর্তনের কথা কোন বৌদ্ধ গ্রন্থে নাই। সিংহলের অগ্ৰতম প্রধান নগর কান্ধিতে একটি মন্দির মধ্যে এই বুদ্ধ দন্তটি রক্ষিত হইতেছে। প্রতিবৎসর আগষ্ট মাসে কান্ধির দস্তোৎসব আবার-মাসে পুরীর রথযাত্রা উৎসবের অনুরূপ। কান্ধির উৎসব ১৪ দিন ব্যাপী চলে। ইউরোপীয়রা বলিতেছেন, কান্ধির এই বুদ্ধ দন্তটি মনুষ্যদন্ত নয়, তাহা কুণ্ডীর দন্ত। সিংহল ও ভারতের বিশেষজ্ঞদের এই কথা খণ্ডন করা প্রয়োজন।

এখন সমুদ্রের গতি বদলাইয়া গিয়াছে। তাম্রলিপ্তকে (তমলুক) আমরা রূপনারায়ণ নদের তীরে দেখিতে পাইতেছি।

যযাতি কেশরীর-তাম্রশাসনে (৫ম খ্রীঃ) 'লাল' জয়ের কথা আছে, উড়িষ্কার উক্ত সাম্প্রতিক ঐতিহাসিক বলেন।

একজন উৎকল দেশের রাজা শত্রু ভয়ে সিংহলে গিয়া বৌদ্ধ ভিক্ষু-জীবন যাপন করেন জানা যায়। হয়তো উত্তর হইতে রাজা হনবর্দ্ধন অথবা দক্ষিণ হইতে চালুক্যরাজ ২য় পুলকেশীর আক্রমণ ভয়ে তিনি পলায়ন করিয়াছিলেন (৬০৯ খ্রীঃ)।

সিংহলের রাজা ৭ম মহেন্দ্র একজন উৎকল কন্যার পানি গ্রহণ করেন (১০ম খ্রীঃ)। সিংহলরাজ বিজয়বাহু কলিঙ্গরাজকন্যা তিলকসুন্দরীকে বিবাহ করেন (১১শ খ্রীঃ)। এই সব বৈবাহিক আদানপ্রদানে সিংহলের সঙ্গে কলিঙ্গের সম্পর্ক ঘনিষ্ঠতর হইয়াছিল।

উৎকলের বিক্রমবাহু সিংহলের সেনানায়ক ছিলেন (১২শ খ্রীঃ প্রথম পাদে)। তিনি রাজকারী বলিয়া বর্ণিত হইয়াছেন। তাঁহার ইঙ্গিতেই তখন রাজকারী চলিত।

সিংহলরাজ মহান পরাক্রমবাহু (১১৫৩ খ্রীঃ) ভারতের দক্ষিণে কাবেরী নদীর উত্তরাংশেস্থিত প্রাচীন চোলরাজ্য আক্রমণ করেন। সিংহলের প্রজাদের হিতার্থে তিনি কিছু করিয়াছিলেন। রাজ্যের শ্রীবৃদ্ধি করিতে উত্তান ও প্রাসাদ সকল নির্মাণ করান। তিনি নিজ কন্যাকে উৎকল রাজপুত্র নিঃশঙ্কমলের সহিত বিবাহ দেন। উৎকলের সাম্প্রতিক ঐতিহাসিক বলেন—সিংহলের ইতিহাসে আছে যে, এই নিঃশঙ্কমল উৎকলের সিংহপুত্র (১১৫০ খ্রীঃ) জন্মগ্রহণ করেন।

সিংহলের কোন্ ইতিহাসে তিনি ইহা পাইয়াছেন তাহা উক্ত ঐতিহাসিক বলেন নাই। সিংহপুর উৎকল মধ্যে অবস্থিত ছিল ইহা বলিবার তিনি যে বহুপ্রকার উল্লেখ করিয়াছেন, ইহা তাহার অগ্ৰতম।

পরাক্রমবাহুর মৃত্যুর পর তাঁহার ভাগিনেয় বিজয়বাহু এক বৎসর (১১৮৭ খ্রীঃ) সিংহলের রাজা ছিলেন। তাঁহার হত্যাকারীকে বধ করিয়া নিঃশঙ্কমল সিংহলের রাজমুকুট ধারণ করেন। তাঁহার সময়ে (১১৮৭-১১৯৬ খ্রীঃ) সিংহলের গৌরব রবি মধ্যাহ্ন গগনে উঠে। নিঃশঙ্কমলের বহু অনুশাসন সিংহলের পোরনারায় নামক স্থানে পাওয়া যায়। তাহাতে তিনি সিংহলের প্রথম রাজা বিজয়সিংহের বংশধর বলিয়া নিজের পরিচয় দিয়াছেন। আত্মগৌরবচ্ছলে তিনি ইহা বলিলেও ইতিহাস তাহা স্বীকার করিতে পারে না। নিঃশঙ্ক তিনবার পাণ্ড্যদেশ আক্রমণ করেন। নিঃশঙ্কের মৃত্যুর পর তাঁহার পুত্র বীরবাহু এক রাত্রের জন্ত সিংহলের রাজা হন। সেনানায়কদের চক্রান্তে তিনি রাজদণ্ড ধারণে অক্ষম হন। কিন্তু নিঃশঙ্কের বৈমাত্রেয় ভ্রাতা রাজা সাহসমল সাহস করিয়া এই সময়েও কিছুদিন মাথা তুলিয়া দাঁড়াইতে পারিয়াছিলেন। কিছুদিন পরে সিংহলের আদিবাসী প্রকর্ষপাণ্ড্য তিনবৎসর কাল সিংহলের রাজদণ্ড হস্তগত করিয়া রাখেন। ১২১৫ খ্রীঃ কলিঙ্গ দেশ হইতে মঘ নামক কোন ব্যক্তি কেরল ও মালবসৈন্ত নিয়া সিংহল আক্রমণ করেন। তিনি প্রকর্ষপাণ্ড্যকে বধ করিয়া দিয়া সিংহলের সিংহাসন হস্তগত করেন। মঘ, গোড়া বর্ণাশ্রমী হিন্দু ছিলেন। তিনি সিংহলের বৌদ্ধাচার প্রায় উৎসাদিত করিয়া দেন। বৌদ্ধ সিংহলীরা তখন দেশ ছাড়িয়া পলায়ন করিতে থাকে। তিনি ঐ সব বৌদ্ধদের পরিত্যক্ত বাসভবন, কুবিষ্কোত্রাদি নিজ অনুগামী হিন্দুদের মধ্যে বণ্টন করিয়া দেন। এই ভাবে তাঁহার আনীত শতসহস্র কেরল ও মালববাসী সিংহলের পাকা বাসিন্দাতে পরিণত হয়। তিনি দীর্ঘ একুশ বৎসরকাল সিংহলের একছত্র রাজা ছিলেন। তারপর দীর্ঘকাল সিংহলের সঙ্গে কলিঙ্গ-সম্পর্ক ছিল ছিল। বৌদ্ধগণ বলেন, বিজয়বাহুকে না'কি চীনারা অপহরণ করে। তাঁহার রাণী দুইটি নাবালক পুত্রদের নিয়া আত্মগোপন করেন। বড়কুমার পরাক্রমবাহু সাবালক হইয়া বুদ্ধদন্তের মন্দির নির্মাণ করান। মাতা সুমিত্রা দেবীর স্মরণার্থে তিনি কলম্বোর নিকট একটি বিরাট বিহার নির্মাণ করান। তাঁহার পালিতপুত্র সিংহলের নিকটবর্তী জাকলা দ্বীপটি দখল করেন। তখন জাকলার অধীশ্বর নিজেকে আর্ধ্যচক্রবর্তী ও কলিঙ্গের গঙ্গাবংশের লোক বলিতেন।

তারপর সিংহলে আসিল পর্তুগীজরা (১৫০৫-১৫ই নভেম্বর)। কলিঙ্গ তথা ভারতের সঙ্গে সিংহলের প্রত্যক্ষ সম্পর্ক নষ্ট হইল।

আমরা কিন্তু দেখিলাম খ্রীষ্টপূর্ব ৬ষ্ঠ শতক হইতে খ্রীঃ ১৫শ শতক পর্যন্ত—দীর্ঘ দুই হাজার বৎসর সিংহলে কলিঙ্গবাসীরাই প্রধানভাবে উপনিবেশ স্থাপন করিয়াছেন। যদিও নিঃসন্দেহে বলা যায় বাঙালী বিজয় সিংহ ও তাঁহার ভ্রাতৃপুত্র সদলে আসিয়া সেখানে আদি

উপনিবেশ স্থাপন করেন। কিন্তু তারপর এখানে বহুদিন দলে-দলে কলিঙ্গবাসীরাই আসিয়াছেন।

বাঙালী এইভাবে তাহার ভাবধারা নিয়া গিয়াছেন বহু স্থানে, শুধু সিংহলেই নয়। ভারতের ত্রিবাঙ্কুরে একদল লোক এখনও নিজেদের বাঙালী বলিয়া পরিচয় দেন। তাঁহাদের মহিলারা কপালে সিন্দুর ব্যবহার করেন। বাঙালীর মতো হুঁধুনি দেন মঙ্গলিক কাজে, যাহা বাঙালী মহিলার বৈশিষ্ট্য। গুজরাটের নাগর ব্রাহ্মণরা এখনও নিজেদের বাঙালী বলিয়া থাকেন। হিমাচল রাজ্যে, অর্থাৎ মিমলা ও পাঞ্জাবে এখনও বাঙালী সেন-রাজবংশের শাখা রাজত্ব করিতেছেন। যবদ্বীপ, ইন্দোনেশিয়া, শ্রামদেশে ও ইন্দোচীনে বাঙালী সভ্যতার ভূরি ভূরি নিদর্শন পাওয়া গিয়াছে। জাপানে (১০ম শ্রীঃ) বাঙলা অঙ্করে লেখা পুঁথি হরিউজী বৌদ্ধ মন্দিরে পাওয়া গিয়াছে। হুদূর মধ্য এমেরিকার মেকসিকো প্রদেশে 'বাঙলো' ধরণের বাড়ি পাওয়া

গিয়াছে। চড়কগাছ, শিবলিঙ্গ প্রভৃতি পাওয়া গিয়াছে। সেখানেও মেয়েদের কপালে সিন্দুরবিন্দু দিতে দেখা গিয়াছে।—এ সমস্তই বাঙালীদের সেই সব দেশে উপনিবেশের নিদর্শন। বাঙালী ঐতিহাসিককে বিশেষভাবে এই সমস্ত আদি উপনিবেশিকের তথ্য অনুসন্ধান তৎপর হইবার অনুরোধ জানাইতেছি।

পরিশেষে উড়িষ্কার সাম্প্রতিক ঐতিহাসিক (অধ্যাপক শ্রীমম্বনাথ দাস) মহাশয়ের নিকট উপকরণ ভাগের কতকাংশের জন্ত আমি কৃতজ্ঞতা জানাইতেছি। তিনি ভারতের এই প্রদেশের অন্ধকারাচ্ছন্ন ইতিহাসে বহু স্থানে আলোকপাত করিয়াছেন। সিংহলে গিয়া তিনি তাঁহার ইতিহাসের উপকরণ সংগ্রহ করিয়াছেন। বিলাতে বিশেষজ্ঞগণের নিকট তিনি তাঁহার সম্পাদিত ইতিহাস (Glimpses of Kalinga History) পাঠাইয়াছেন শুনিয়াছি। তাঁহার সঙ্গে কয়েক স্থানে আনাদের ভিন্ন মত হইলেও তাঁহার পরিশ্রমের বিশেষ প্রশংসা করিতেছি।

কোরিয়ার যুদ্ধ

ভাস্কর গুপ্ত

মাত্র অল্পকাল পূর্বে দক্ষিণ কোরিয়ার পার্লামেন্টে মার্কিন সেক্রেটারী অব স্টেট, মিঃ একসনের স্পেচিয়াল এ্যামিটিটি জন ফষ্টার ডিউলস বক্তৃতা প্রসঙ্গে বলেছিলেন : আপনারা নিঃসঙ্গ নন। আপনারা কোনদিনই নিঃসঙ্গ থাকবেন না, যতদিন আপনারা মানবের স্বাধীনতার প্রকৃষ্ট রূপ নির্ধারণে সাকল্যের সঙ্গে এগিয়ে যাবেন।

কিন্তু হায় ! তিনি বোধহয় সেদিন ভাবতে পারেন নি তাঁর কথাগুলি এত তাড়াতাড়ি কোথাও প্রতিক্রিয়ার রূপ নেবে। তিনি বোধহয় আজ শুধু মাত্র বিন্মিত হ'য়েছেন। কিন্তু বড় আঘাত লেগেছে মার্কিন সাম্রাজ্যবাদে। সমগ্র হুদূর প্রাচ্যে এই আঘাতের প্রতিক্রিয়ার মার্কিন আধিপত্য আতঙ্কিত হতে পারে। মার্কিন স্টেট ডিপার্টমেন্টের কথা : It's almost as if they were invading a bit of America. হুদূর-প্রাচ্যে কোরিয়া আন্তর্জাতিক বৃহৎ শক্তিবর্গের কূটনৈতিক ক্ষমতা রক্ষার ক্ষেত্র বিশেষ।

কোরিয়াকে জাপানের কবল-বৃত্ত করার পর যদি সেদিন রাশিয়া ও আমেরিকা তাদের নিজেদের ভবিষ্যৎ নির্ধারণের ভার তাদের হাতেই ছেড়ে দিতো তাহ'লে দুই কোটি কোরিয়া-অধিবাসী দেশ বিভাগের দুঃসহ বিষমের হাত থেকে রক্ষা পেতো। রাশিয়া ও আমেরিকা সেদিন তাদের অধিকার ত্যাগ করে নি। তারা কোরিয়া দুইভাগে ভাগ করে উত্তর ও দক্ষিণে দুটি রাষ্ট্রের প্রবর্তন করে। প্রত্যেক ভারতবাসী এই 'বিভাগ'-এর ব্যথা সহজেই অনুমান করতে পারে।—

যেন একটি মানুষকে কেটে দু'ভাগ করা হোলো—উত্তরে থাকলো শিল্প, দক্ষিণে কৃষি। দুই অংশে যে দুটি রাষ্ট্র গঠিত হোলো, তার একটি (উত্তরে) রাশিয়া প্রবর্তিত সমাজতন্ত্র, অপরটি (দক্ষিণে) মার্কিন প্রবর্তিত গণতন্ত্র। দুটি সম্পূর্ণ বিপরীত নীতির আশ্রয়-সীমার ভাগ হ'য়ে গেল একটি অঞ্চল দেশ, নির্বিরোধ একটি জাতি। আজ দুটি রাষ্ট্রে যে বিরোধের তীব্রতা প্রকাশিত হ'য়েছে তার আসল কারণ রয়ে গেছে এই খণ্ডিত স্বার্থের অন্তরালে। দৃশ্যত এটা দক্ষিণ ও উত্তর-কোরিয়ার যুদ্ধ হ'লেও বস্তৃত যুদ্ধের উজ্জ্বল একদিকে রাশিয়া, অপরদিকে আমেরিকা।

এর পূর্বে কোথাও কখনো রাশিয়া ও আমেরিকা প্রত্যক্ষভাবে পরস্পরের সঙ্গে বুলেট বিনিময় করে নি। একেজ্ঞে এটা অনিবার্ণ হ'য়ে উঠেছে। শুধু তাই নয়, কোরিয়া যুদ্ধক্ষেত্রের প্রতিক্রিয়া জাপানকে বাতে স্পর্শ করতে না পারে তার জন্তও প্রস্তুতি চলেছে। জাপানের তটরেখায় আত্মরক্ষাব্যাহ রচনা করতে হয়েছে আমেরিকাকে। এই প্রয়োজন প্রতিধ্বনিত হ'য়েছিলো গত বছর ১২ই সেপ্টেম্বর নিউ ইয়র্ক হেরল্ড ট্রিবিউন পত্রিকার : The strategic aim of United States is to turn Japan into a great Anti-Communist bastion in the pacific. বহুদিনের ঠাণ্ডা যুদ্ধ আজ উত্তপ্ত আকার ধারণ করেছে—বিন্ময়ের কিছু নাই। কিন্তু প্রশ্ন এই—এই যুদ্ধের পরিণতি কি বিশ্বযুদ্ধে রূপান্তরিত হবে ?

বুটিন দার্শনিক বারট্রাও রাশেল বলেন—“এসিয়ার রাশিয়া তার

অধিকার ত্যাগ করবে মনে হয় না। আমার বিশ্বাস, আমরা তৃতীয় বিশ্বযুদ্ধের প্রাথমিক পর্যায়ে এসেই পড়েছি।”

লেকসাকসেসে নিরাপত্তা পরিষদের সভায় সকলেই একবাক্যে একটি লক্ষ্যের কথা উচ্চারণ করে। তারা বলে : to get the measure of the conflict and devise means to end it. ওরা নিশ্চয়ই ঠাণ্ডা যুদ্ধ জিইয়ে রাখবার কথা বলে নি। উপরন্তু তারা পরোক্ষভাবে স্বীকার ক’রে নিয়েছে সুদূর প্রাচ্যে আমেরিকার স্বার্থকে। সেই অনুযায়ী স্বস্তি-পরিষদে গৃহীত প্রস্তাবে সম্প্রতি ও আমেরিকার নেতৃত্বে পরিকল্পিত আক্রমণ প্রতিহত করার প্রচেষ্টায় তারা তাদের সামরিক সাহায্য-দানের সদিচ্ছা প্রকাশ করেছে। আজ কোরিয়ার আক্রমণ প্রতিহত কোরে কোরিয়াকে যদি কম্যুনিষ্টদের কবলমুক্ত করা যায়, তাহ’লে আমেরিকা পরবর্তী পর্যায়ে এশিয়া বাদ দিলেও অল্পত কম্যুনিষ্টদের অধিকার সহ্য করতে পারবে কি না, এই প্রশ্নের যথাযথ উত্তরের উপরই নির্ভর করছে—কোরিয়ার যুদ্ধ বিশ্বযুদ্ধে পরিণতি লাভ করবে কি না! কিন্তু আমেরিকার মনোভাব পরবর্তী পর্যায়ে কিভাবে স্থিতি লাভ করবে, কে জানে? আমেরিকার হাউস অফ্ ফরেন এ্যাফেয়ার্স কমিটির বৈঠকে কথা উঠেছিলো : We got a rattlesnake... The sooner we pound his head off the better. অনেকের আশঙ্কা, কোরিয়া যুদ্ধের প্রতিক্রিয়া সহজেই ইউরোপে জার্মানিতে প্রতিফলিত হ’তে পারে। একটা ঘটনার খুব মিল দেখতে পাওয়া যাচ্ছে জার্মানিতে ও কোরিয়াতে। কোরিয়ার কম্যুনিষ্টরা দেশের স্বাধীন সরকার প্রতিষ্ঠার ঞ্জুহাতে প্রচার চালাচ্ছিলো যে You Americans, leave us in peace to hold our own elections and have a freely elected Government.

অনুরূপ জার্মানিতেও সম্প্রতি এই রকম ইলেকশনের প্রচার চলছে। তারা বলে : Tommy go home. Take Adenauer and Schumacher with you, Tommy go home. Leave us Germans in peace to hold our own elections and have a freely elected Government. জানিনা এর পরের অবস্থা কি! কোরিয়ার দেখা গেছে এই উদ্দেশ্যে তিনজন কম্যুনিষ্ট দক্ষিণ

কোরিয়ায় প্রবেশ করে এবং দক্ষিণ কোরিয়া সরকার তাদের গ্রেপ্তার করলে সেখানকার কম্যুনিষ্টরা আন্দোলন শুরু করে, সঙ্গে সঙ্গে শুরু হয় সীমারেখার সংঘর্ষ। যদি জার্মানিতেও অনুরূপ ঘটনার অবতারণা হয় তাহ’লে আমেরিকা ও তার সহযোগী অগ্ন্যাগ্ন জাতিসমূহ নিঃসন্দেহে কোরিয়াতেই যুদ্ধের পূর্ণচ্ছেদ টানতে পারবে না। ভুল থেকে গেছে দ্বিতীয় মহাযুদ্ধের অন্তিম ভঙ্গুপে। তাই আজ আগুন ঠেলে বাইরে প্রকাশিত হ’য়ে পড়েছে। তখন যুদ্ধক্রান্ত বিজয়ী শক্তিবর্গ বিধে শান্তি প্রতিষ্ঠার নামে নিজেদের অধিকার প্রতিষ্ঠায় সচেতন হ’য়েই উঠেছিলো বেশী। একটা অঞ্চল দেশকে সেই প্রয়োজনেই বিভক্ত করতে হ’য়েছে। বিশ্বায়ের কথা, সকলের সমবেত মিলিত প্রচেষ্টা এই অকৃত্রিম প্রয়োজনে সহযোগিতা করেছে। ইউ. এন. ও তারই প্রতীক হিসেবে কাজ করে এসেছে কোরিয়ায় যুদ্ধ ঘোষিত হবার পূর্বদিন পর্যন্ত। ইউ. এন. ও-র বিরুদ্ধে এ অভিযোগ মিথ্যা নয়। ইউ. এন. ও তাই অস্ত্র-শস্ত্র সৈন্য সজ্জারে ছুটে গেছে কোরিয়ায়, অদূর ভবিষ্যতে হয়তো তাকে ছুটে বেড়াতে হবে সমগ্র বিশ্বে।

ভারতও এযুদ্ধের প্রভাব এড়িয়ে যেতে পারবে না। অবশ্য ভারত সরকার তাঁর নীতি ঘোষণা করেছেন—নিরপেক্ষ। আমার বিশ্বাস এটা অর্থহীন। কারণ যে নীতি যুদ্ধের প্রয়োজনের নীতি-সমপেক্ষতায়, তার নিরপেক্ষতা শুধু ঘোষণার সীমারেখাই টিকে থাকে। আজ যে যুদ্ধের প্রয়োজন হ’য়েছে সেটা কম্যুনিজম প্রতিরোধের জন্ত। ভারত বরাবরই এই কম্যুনিজম প্রতিরোধের দৃঢ়তা প্রকাশ ক’রে এসেছে। কে জানে ভারতেও সিভিল-ওয়ার বাধিবে কি না। যুদ্ধ তো এই নীতি প্রতিষ্ঠারই ভয়াবহ অভিব্যক্তি। বারট্রাও রাসেলের কথা : On religious grounds alone, India would strongly oppose communism. মিঃ রাসেল ভারতের অন্তরের কথাই বলেছেন। এক্ষেত্রে ভারতের ঘোষিত নীতি ভারতের অন্তরকে বাদ দিয়ে চলতে পারে এ ধারণা করবার কোন যুক্তিসঙ্গত কারণ নাই। ঠিক ঐ কারণে ভারতের নিরপেক্ষতা ভারতীয়রা মেনে নেবে বিশ্বাস হয় না। অবশ্য ইতিহাসের গতি ইতিহাসেই তার প্রবাহ-শক্তি আহরণ করে। ভারত যাই ভাবুক, তার প্রভাবের বাইরে সে কিছুতেই যেতে পারবে না।

চাহিদা

শ্রীজ্যোতির্ময় সেনগুপ্ত

(১)

কলেজ-জীবনে বোড়শী ও সুন্দরী স্বপ্নার সাহিত্য পরিচয় হইবার সুযোগ হইয়াছিল। সে ছিল আর্টসের ছাত্রী, আমি বিজ্ঞানের। পরিচয়টা হইয়াছিল পার্কে।

পার্কে বসিয়া তাহার সহিত অনেক বিষয় আলোচনা

করিয়াছি। দেখিয়াছি, সে জগতের দুঃখে ভীষণ বিচলিত। সে বলিত, জগতের সব দুঃখ সহ্য করা যায়, কিন্তু শরীরের দুঃখ দেখাই বড় কষ্টকর। খাবার নাই তাই ক্লশদেহ, বস্ত্র নাই তাই নগ্নদেহ এবং দেহের যত্নের সামর্থ্য নাই তাই রুগ্নদেহ—এগুলি চোখে পড়িলে স্বপ্নার মুখ বেদনায় মলিন

হইয়া যাইত। হঠাৎ আলোচনা করিতে করিতে এক সময়ে মূহ হাসি হাসিয়া বলিত—“আমার অনেক টাকা থাকলে এদের খাওয়া, পরা ও চিকিৎসার একটা ব্যবস্থা করে যেতাম!”

স্বপ্নার হৃদয়ের এই বেদনা-কাতর ভাবটি আমার বড় ভাল লাগিত।

(২)

চাকরি-জীবনে স্বপ্নাকে বিবাহ করিবার সুযোগ হইয়াছিল। আমার চাকরি পাওয়ার জন্ত স্বপ্নাকে পঁচিশ বছর বয়স পর্যন্ত অপেক্ষা করিতে হইলেও বিবাহে আমরা সুখী হইয়াছি। আমার আয় বেশী নয়, কাজেই স্বপ্না অনেক টাকা পায় নাই। তবুও প্রথম পরিচয়ের পর দীর্ঘ নয় বৎসর কাটিয়া গেলেও আমাদের প্রেম ফিকা হয় নাই।

বিবাহের পরদিন অনেক রাতে চৈত্রের পূর্ণ চাঁদের আলোকে দুইজনে ছোট্ট বাগানে বেড়াইতেছি। অক্ষুটে প্রণয়কুঞ্জন চলিতেছে। সে যেন এক স্বপ্নাচ্ছন্ন মোগাবস্থা! কথা বলিতে বলিতে হঠাৎ সলজ্জ মূহকণ্ঠে স্বপ্না বলিল—“টাকা থাকলে আজ কি করতাম জানো?”

—“কি?”

—“একটা প্রকাণ্ড ফুলের বাগান—ফুলে ফুলে ভরা। কৃষ্ণচূড়ার ডালে ছোটো পাশাপাশি ফুলে-টাকা-দোলনা।—তোমার দোলনা ছলে যাচ্ছে উত্তরে, আমার যাচ্ছে দক্ষিণে, —মাঝখানে শুধু এক মুহুর্তের জন্ত তুমি আমি একত্র হচ্ছি। চৈত্রের হাওয়ায় উড়ে উড়ে আমার খোলা চুলের রাশি লাগছে তোমার গালে—তোমার স্তন্য স্তগন্ধি উত্তরীয় উড়ে পড়ছে আমার চোখে-মুখে।—ঝর ঝর করে ঝরে যাচ্ছে কৃষ্ণচূড়ার লাল পাপড়ি সেই দোলায় দোলায় —নির্বাক হাসিতে জ্যোৎস্নালোকে দু’জনে শুধু ছলে চলেছি নিস্তরক রাত্রিতে!”...

(৩)

ভালোবাসার জোয়ার কাটিয়া যাইবার পরে স্বপ্নাকে গৃহিণীরূপে পাওয়ার আমার সুযোগ হইয়াছিল। (মানে, তার আগে আমরা কেউ মরিনি!) ছোট্ট আমার ঘর; সে তাই নিম্নাই আনন্দ করিয়া ফিরিত। এককোণে একটু লাউয়ের মাচান তোলা—বাগানটায় রকমারি ফুল লাগানো। চারদিক পরিষ্কার পরিচ্ছন্ন। ঘরের মেঝে ঝকঝকে—দেয়ালে দাগ নেই।

রবিবার ছপুরে খাওয়া-দাওয়ার পরে ধবরের কাগজ নিয়া ইঞ্জিচেয়ারে আরাম করিতেছি। স্বপ্না—মানে প্রৌঢ়া স্বপ্না—পান সাজিয়া নিজে খাইল ও আমাকে দিল। তারপর বেড়কভারে ফুল তুলিতে তুলিতে বলিল, —“টাকা থাকলে একটা ছোট্ট দোতলা বাড়ী করতাম। খাই বলো, একতলা বাড়ী কোনো কাজের নয়। গরমের দিনে দোতলার বারান্দা আর ছাদ—সত্যি চমৎকার!” তারপর একটু থামিয়া সলজ্জ হাসিয়া বলিল—“একটা রেডিও না হ’লে—খাই বলো, গ্রামোফোন আজকাল অচল।”

(৪)

বৃদ্ধা স্বপ্নার সঙ্গেও বাঁচিয়া থাকার সুযোগ হইয়াছিল। ভগবানের অসীম দয়া। দু’জনে গাঁয়ের শিব-মন্দিরে যাই। শিবরাত্রিতে সেখানে শিবপূজা করিয়া ইংরাজী-পড়া স্বপ্নার দুই চক্ষু সত্যিকার প্রশান্তিতে ভরিয়া যায়। রাস্তায় আসিতে আসিতে বলে—“টাকা থাকলে, সত্যি, সমস্ত তীর্থগুলো দু’জনে ঘুরে আসতুম।—এমন শান্তি আসে মনে!”

(৫)

জরাতুরা, গলিত-কেশ-চর্ম-দশনা স্বপ্নার সাথে আমি আজিও বাঁচিয়া আছি। স্বপ্নার গাঁটে গাঁটে বাতের প্রকোপ, বাম অঙ্গে সাময়িক অসাড়তা এবং মাঝে মাঝে স্মৃতিভ্রংশ হইতেছে। স্থানীয় ডাক্তার কবিরাজ দেখাইতে ক্রটি করি নাই। বিশেষ কিছু হয় না। তারিণী কবিরাজ বাহিরে আসিয়া বলিয়াই দিয়াছেন—“ব্যাধিটা বৃদ্ধ বয়সের —কাজেই কতটা আর হইবেক!”

ফিরিয়া স্বপ্নার শয্যা-পার্শ্বে আসিয়া বসি। বলি—“কেমন লাগছে আজ?”

পাশ ফিরিয়া বেদনা-বিকৃত মুখে স্বপ্না উত্তর দেয়—“আর কেমন!—এখন গেলে বাঁচি!...এসব হাতুড়ে ডাক্তার কবিরাজের কারবার!” তারপর থানিকক্ষণ থামিয়া বলে—“টাকা থাকলে কলকাতায় একবার বড় ডাক্তার দেখাতাম।”

টাকার অভাবে কলিকাতায় যাওয়া হয় নাই।

(৬)

দুই দিন পরে স্বপ্না পরলোকে যাত্রা করিয়া গিয়াছে। সেখানে টাকা আছে কিনা এবং অনেক টাকা থাকিলে কেহ কিছু করিতে চায় কিনা জানিবার সুযোগ নাই।

রাশিফল

জ্যোতি বাচস্পতি

কর্কট রাশি

যদি কর্কট আপনার জন্ম-রাশি হয় অর্থাৎ চল্লিশে সময়ে আকাশে কর্কট নক্ষত্রপুঞ্জ ছিলেন সেই সময়ে যদি আপনার জন্ম হ'য়ে থাকে, তাহ'লে এই রকম ফল হবে—

প্রকৃতি

আপনি ভাবপ্রবণ প্রকৃতির লোক। আপনার মধ্যে মনোবেগ খুব প্রবল। অধিকাংশ ক্ষেত্রে আপনি বুদ্ধি বিবেচনার চেয়ে আবেগের দ্বারাই পরিচালিত হবেন বেশী।

আপনার মধ্যে সহানুভূতি প্রবল ব'লে, আপনি যেখানেই যান নিজেকে মানিয়ে নিতে পারবেন এবং সামাজিক ও সদালাপী ব'লে প্রশংসা পাবেন।

পারিবারিক আবেষ্টন ও পারিপার্শ্বিকের প্রভাব আপনার উপর খুব বেশী এবং অনেক সময় এই প্রভাব দিয়েই আপনার জীবনের গতি নিয়ন্ত্রিত হবে।

আপনার স্মরণশক্তি খুব প্রখর এবং অনুকরণ-স্পৃহাও আপনার মধ্যে যথেষ্ট আছে। অপরের ভাবধারা গ্রহণ ক'রে তাকে নিজের মত ক'রে নেওয়ার শক্তি আছে ব'লে অনেক সময় আপনি অপরের ভাব গ্রহণ ক'রে তা নিজের বলে প্রচার করতে পারেন। এক্ষেত্রে আপনার মধ্যে একটা আত্মপ্রত্যাহার ভাব লক্ষিত হওয়া সম্ভব।

অধিকাংশ ব্যাপারে আপনি যুক্তিতর্কের চেয়ে নিজের আবেগের দ্বারাই পরিচালিত হবেন বেশী এবং প্রত্যেক বস্তুকে আপনার মনোভাবের অনুকূল যুক্তিতর্ক দিয়ে গ্রহণ বা বর্জন করতে চাইবেন। বাস্তব ক্ষেত্রে তার অসঙ্গতি আপনি দেখেও দেখতে চাইবেন না।

রোম্যান্টিক ব্যাপারের দিকে আপনার একটা আকর্ষণ আছে এবং সাধারণতঃ আপনি কল্পনাপ্রিয় হবেন। অনেক সময় বাস্তব কার্যক্ষেত্রেও আপনি আপনার কাঙ্ক্ষিত ধারণা নিয়ে কাজ করতে অগ্রসর হবেন, যাতে করে অনেক ক্ষেত্রেই আপনার কাজ সূত্রযুক্ত হবে না।

আপনার মধ্যে সহানুভূতি প্রবল ব'লে অপরের সুখ-দুঃখ আপনি হৃদয় দিয়ে অনুভব করতে পারেন এবং সেইজন্য কারো উপর বিদ্বেষ প্রায়ই স্থায়ী হয় না; এমন কি ঘোর শত্রুকেও মার্জনা করতে আপনার আটকায় না।

আপনার মধ্যে পরিবর্তনপ্রিয়তা যেমন আছে, পরিবার ও গৃহস্থালির দিকে তেমনি আকর্ষণও আছে। সেইজন্য আপনি যেমন ভ্রমণ বা

প্রবাস ভালবাসেন, তেমনি প্রবাসেও গৃহস্থ চান। এর আসল অর্থ হচ্ছে এই যে, আপনি সর্বত্র চান আপনার মনোভাবের অনুকূল পরিবেশ। প্রতিকূল ও সহানুভূতিশূণ্য পারিপার্শ্বিক আপনার পক্ষে নিতান্ত গীড়াকর হ'য়ে ওঠে এবং সেখানে আপনি কোনমতেই স্থির থাকতে পারেন না।

একেবারে নিঃসঙ্গ অবস্থা আপনি মোটেই পছন্দ করেন না। সেইজন্য গৃহ হ'তে দূরে গেলেও আপনি নিজের চারপাশে একটা আত্মীয়তার গণ্ডী গ'ড়ে তুলতে চান। অপরের সঙ্গে ভাবের আদান প্রদান না হ'লে আপনার কোনমতেই স্বস্তি আসে না। আপনার এই প্রকৃতির জন্ম আপনি প্রায়ই লোকপ্রিয় হ'য়ে থাকেন এবং জনসাধারণ প্রায়ই আপনার দিকে আকৃষ্ট হয়। আপনার এই সঙ্গপ্রিয়তার জন্ম, এমন কি আধ্যাত্মিক সাধনার ব্যাপারেও আপনি নির্জন সাধনের চেয়ে স্বজনসাধনের পক্ষপাতী হবেন এবং অনেকে একসঙ্গে মিলে উপাসনা, নামকীর্তন ইত্যাদি আপনার ভাল লাগবে বেশী।

কাব্য, কলা, সঙ্গীত, চিত্র, অভিনয় ইত্যাদির দিকে আপনার একটা সহজ আকর্ষণ আছে, কিন্তু সে ক্ষেত্রেও আপনি রোম্যান্টিক ব্যাপারের দিকে আকৃষ্ট হবেন। এসব বিষয়ে আপনি আর্টের চেয়ে আপনার বৈচিত্র্য ও ভাবের প্রাবল্যই কামনা করবেন বেশী।

মোট কথা আপনার প্রকৃতির মূলসূত্র হচ্ছে ভাবপ্রবণতা। এই ভাবপ্রবণতা আপনার মধ্যে এত বেশী যে তার জন্ম আপনি যে কোন ত্যাগস্বীকার করতে পারবেন। যদি তা ঠিক পথে চালিত হয়, তাহ'লে একদিকে তা যেমন আপনাকে সুউচ্চ প্রতিষ্ঠা ও সম্মান দিতে পারে তেমনি বিপক্ষে গেলে আপনাকে দুর্নীতির নিম্নতম স্তরে নামিয়ে নিয়ে যেতে পারে। পারিবারিক ও সামাজিক আবেষ্টনের উপর আপনার ভবিষ্যৎ নির্ভর করবে খুব বেশী।

অর্থভাগ্য

আর্থিক ব্যাপারে আপনি সাধারণতঃ হিসাবী ও সাবধানী লোক হবেন। অপব্যয় মোটে পছন্দ করবেন না এবং অধিকাংশ ক্ষেত্রে আয় ব্যয়ের খুঁটিনাটি হিসাবও রাখবেন। আপনার কাছে অর্থের বেশ একটা মূল্য আছে; তবুও এক এক সময় আবেগের দ্বারা পরিচালিত হয়ে সহসা এমন বহু ব্যয় করতে পারেন যার জন্ম পরে অনুতাপ করতে হবে। আর্থিক ব্যাপারে ও অর্থ উপার্জন সম্বন্ধে আপনার মাধুর্য নানারূপে কল্পনা উপস্থিত হবে, কিন্তু অনেক ক্ষেত্রেই তা ঠিক কাজে পরিণত করা সম্ভব হবে না। প্রথম জীবনে আর্থিক ব্যাপারে

একটা বিঘ্নসঙ্কল অবস্থার মধ্য দিয়ে অগ্রসর হ'তে হবে। কোন কোন সময় বেহিসাবীভাবে অর্থনিয়োগ করে ক্ষতিগ্রস্তও হ'তে পারেন। চুরি কি প্রতারণার দ্বারা অর্থহানির আশঙ্কাও আছে।

কর্মজীবন

কর্মজীবনে আপনাকে অনেক বাধাবিঘ্ন ও প্রতিদ্বন্দ্বিতার সম্মুখীন হ'তে হবে, কিন্তু ধীরভাবে অগ্রসর হ'তে পারলে আপনি তা অতিক্রম করে সাফল্য অর্জন করতে পারবেন। প্রথম বয়সে পারিবারিক বিপর্যয়ে আপনার উন্নতির কোন বিঘ্ন হ'তে পারে অথবা পারিবারিক স্বার্থের জন্ত আপনার প্রকৃতির প্রতিকূল কাজে আত্মনিয়োগ করা প্রয়োজন হ'তে পারে। জীবনের শেষার্ধ্বে আপনার খ্যাতি ও সাফল্যের সম্ভাবনা আছে। কৃষিকর্ম, গৃহভূমি, পথ প্রভৃতি সংক্রান্ত কাজ এবং জলজ বা তরল পদার্থের কোন ব্যবসা আপনার প্রকৃতির অনুকূল। শিল্প, কলা, সাহিত্য ইত্যাদির সঙ্গে সংশ্লিষ্ট এবং জনসাধারণ সংশ্লিষ্ট সবরকম কাজে আপনি বেশ পটুত্বের পরিচয় দিতে পারবেন। জীবনের একেবারে শেষের দিকে সকল বিষয়-কর্ম পরিত্যাগ করে জনহিতকর কাজে অথবা আধ্যাত্মিকতার অনুশীলনে আত্মনিয়োগ করতে পারেন।

পারিবারিক

আত্মীয়স্বজনের সঙ্গে আপনার বিশেষ অসন্তোষ থাকবে না বটে এবং কর্মক্ষেত্রে তাঁদের কাছ থেকে আপনি সাহায্যও পেতে পারেন, কিন্তু আত্মীয়স্বজনের জন্ত আপনাকে অনেক ব্যয় করতে হবে এবং পারিবারিক কারণে নিজের মনোমত কর্ম নির্বাচনে বিঘ্নও উপস্থিত হ'তে পারে। কোন কোন সময় পারিবারিক ব্যাপারের জন্ত আপনার কর্মহানি বা কর্মস্থানে কোনরূপ বিভ্রাট হওয়াও অসম্ভব নয়। আপনাকে মধ্যে মধ্যে পরিবার থেকে বিচ্ছিন্ন হ'য়ে থাকতে হবে এবং কোন সময়ে গৃহের থেকে বহু দূরে বা কোন দুর্গম স্থানে বাস করতে পারেন। কিন্তু দূরে থাকলেও পারিবারিক দায়িত্ব আপনাকে অহুসরণ করবে এবং আপনাকে পরিবার সম্বন্ধে কম-বেশী চিন্তাও করতে হবে।

স্নেহ শ্রীতির ব্যাপারে আপনার বিচিত্র অভিজ্ঞতা হবে। অনেক সময় অবস্থাগতিকে আপনাকে বাধ্য হয়ে শ্রীতির পাত্র থেকে দূরে থাকতে হবে। আপনি স্বভাবতঃ স্নেহপরায়ণ হ'লেও, বিবেচনার অভাবে অনেক সময় এমন কাজ করতে পারেন যা শ্রীতির পাত্রের দুঃখ কষ্টের কারণ হ'য়ে দাঁড়াবে। সন্তানাদির ব্যাপারেও আপনার বিচিত্র অভিজ্ঞতা হবে। অকস্মাৎ সন্তানের সঙ্গে বিরোধ অথবা বিচ্ছেদ হওয়াও অসম্ভব নয়। শেষ বয়সে আপনি ইচ্ছা করে সন্তানাদির সংশ্রব থেকে দূরে থাকতে পারেন।

বিবাহ

বিবাহ ও দাম্পত্য জীবন আপনার কর্মের উপর কম-বেশী প্রভাব স্থাপন করবে। আপনার বিবাহ ও দাম্পত্যজীবন সাধারণের

আলোচনার বিষয় হ'তে পারে, তা সে ভালর জন্তই হোক, আর মন্দ্রের জন্তই হোক। সাধারণতঃ আপনি স্ত্রীর প্রতি স্নেহশীল হবেন কিন্তু আপনার কর্মের জন্ত অনেক সময় তাঁর কাছ থেকে বিচ্ছিন্ন হ'য়ে থাকতে হবে। মোটের উপর আপনার স্ত্রী আপনার অনুগতই হবেন কিন্তু আপনার নিজের দোষে দাম্পত্যজীবনে অশান্তি সৃষ্টি হ'তে পারে। যাঁর জন্মমাস শ্রাবণ অগ্রহায়ণ মাঘ অথবা চৈত্র, কিম্বা যাঁর জন্মতিথি কৃষ্ণপক্ষের বশী বা ত্রয়োদশী অথবা শুক্লপক্ষের চতুর্দশী বা পূর্ণিমা, এমন কারো সঙ্গে বিবাহ হ'লে আপনার দাম্পত্যজীবন বেশ সুখকর হবে।

বন্ধুত্ব

আপনার পরিচিত গুব বিস্তৃত হবে এবং আপনার বহু বিশ্বস্ত অমুচর পরিচর থাকবে। আপনার অধীনস্থ ব্যক্তিদের মধ্যে আপনি অনেক ঘনিষ্ঠ বন্ধু পারেন যাঁরা আপনার উন্নতির জন্ত যথেষ্ট চেষ্টা করবেন। বন্ধুর জন্ত কিন্তু আপনাকে কম-বেশী ঝগড়াও ভোগ করতে হবে। বিশেষতঃ অধীনস্থ ব্যক্তির কোন রকম বিপদের জন্ত আপনার অনেক সময় অশান্তি বা দুঃখ উপস্থিত হবে। আপনার ঘনিষ্ঠ বন্ধুত্ব হবে তাঁদের সঙ্গে যাঁদের জন্মমাস শ্রাবণ অগ্রহায়ণ অথবা চৈত্র এবং যাঁদের জন্মতিথি কৃষ্ণপক্ষের মঠী কি ত্রয়োদশী অথবা শুক্লপক্ষের চতুর্দশী বা পূর্ণিমা।

স্বাস্থ্য

আপনার মধ্যে সংরক্ষণী শক্তি প্রবল, সুতরাং আপনি চেষ্টা করলে আপনার স্বাস্থ্য ভাল রাখতে পারবেন। মধ্যে মধ্যে স্নেহাজনিত পীড়া বা উদর রোগের সম্ভাবনা হ'লেও আপনি নিজের ইচ্ছাশক্তি প্রয়োগে রোগ দূর করতে পারবেন। আহার-বিহারে যত মিতাচার অবলম্বন করবেন আপনার স্বাস্থ্য তত ভাল থাকবে। মধ্যে মধ্যে উপবাস ও খাওয়ার মধ্যে তরল পদার্থের আধিক্য আপনার স্বাস্থ্যের পক্ষে অনুকূল। জলাশয়ের নিকটে বাস, নিয়মিত স্নান প্রভৃতিও আপনার স্বাস্থ্য-বৃদ্ধিতে সাহায্য করবে। অনেক সময় জল-চিকিৎসায়—আপনার নষ্ট স্বাস্থ্য কিরিয়ে আনতে পারে। আপনাকে মনে রাখতে হবে যে জলই আপনার প্রাণ।

অন্তান্ত ব্যাপার

আপনার বহু ভ্রমণ হবে। অনেক সময় কোন গোপনীয় ব্যাপারের সংশ্রবে আপনার ভ্রমণ হ'তে পারে। ভ্রমণের মধ্যে কোন দুর্গম প্রদেশে বা দূর বিদেশে আপনার জীবনও বিপন্ন হ'তে পারে, কিন্তু একটা অদৃশ্য দৈবশক্তি আপনাকে রক্ষা ক'রে যাবে। দূর ভ্রমণে বা বিদেশে অকস্মাৎ কিছু প্রাপ্তি হওয়াও অসম্ভব নয়।

স্মরণীয় ঘটনা

আপনার ৮, ২০, ৩২, ৪৪ এই সকল বর্ষে আপনার নিজের অথবা

পরিবারের মধ্যে কোন ছুঁটনা ঘটতে পারে। ২, ৪, ১৪, ১৬, ২৬, ২৮, ৩৮, ৪০, ৫০ এই সকল বর্ষগুলিতে কোন আনন্দজনক অভিজ্ঞতা হ'তে পারে।

বর্ণ

আপনার শ্রীতি-প্রদ ও ভাগ্যবর্ধক বর্ণ হচ্ছে নীল। বিশেষতঃ ফিকে নীল, কিরোজা প্রভৃতি আপনার বিশেষ উপযোগী। দেহ-মনের অস্থস্থ অবস্থায় কিন্তু সবুজরঙের ব্যবহারে বেশী উপকার পাবেন। ঘোর লাল রঙ ব্যবহার না করাই ভাল।

রত্ন

আপনার ধারণের উপযোগী রত্ন নীলা, পাশা, কিরোজা পাথর (Turkuyge) প্রভৃতি।

যে সকল খ্যাতনামা ব্যক্তি এই রাশিতে জন্মেছেন তাঁদের জন-কয়েকের নাম—শ্রীশ্রীরামচন্দ্র, মহাত্মা গান্ধী, লেনিন, বন্ হিওনবার্গ, পণ্ডিত জওহরলাল নেহেরু, এমারসন, জন্ রাশ্বিন, শরৎচন্দ্র চট্টোপাধ্যায়, অমৃতলাল বহু, ডক্টর ভাণ্ডারকর, শশধর তর্কচূড়ামণি প্রভৃতি।

বঙ্গীয় সংস্কৃত শিক্ষা পরিষৎ

ডক্টর, শ্রীযতীন্দ্রবিমল চৌধুরী

বঙ্গীয় সরকার সংস্কৃত শিক্ষা সম্প্রসারণের নিমিত্ত যে পরিকল্পনা গ্রহণ করেছেন, তা' অল্প-বিস্তর সকলের সুবিদিত। কয়েক মাসের মধ্যে কলিকাতা রাজকীয় সংস্কৃত মহাবিদ্যালয়ে কয়েকজন নূতন অধ্যাপক নিযুক্ত এবং নবদ্বীপে একটি নূতন সংস্কৃত টোল সংস্থাপিত হয়েছে। ১০টি বড় টোলে মাসিক ৭৫, পঁচাত্তর টাকা এবং ২০টি অছাট টোলে মাসিক ৫০, পঞ্চাশ টাকা হারে বৃত্তি প্রদান করা হয়েছে। এতদ্বিধা বাৎসরিক দশ হাজার টাকা যা' পূর্বে Imperial grant নামে চলতো—তাও এবার বৃত্তি হিসাবে ১২৫জন পণ্ডিতকে দেওয়া হয়েছে। পূর্বে পণ্ডিতমণ্ডলীকে যা' মাগ্গি-ভাতা দেওয়া হতো তার থেকে অনেক অধিকসংখ্যক পণ্ডিতমহাশয়দের মাগ্গি ভাতা দেওয়া হয়েছে। আশা করা যায় করপোরেশন এবং ডিস্ট্রিক্ট বোর্ড-সমূহও উত্তরোত্তর অধিকসংখ্যক পণ্ডিতকে সাহায্য প্রদান করবেন। সরকারের পরিকল্পনামুসারে কাঁথিতে সরকারী সংস্কৃত কলেজ স্থাপিত হলে এবং আজীবন সংস্কৃতসেবী পণ্ডিতধরদেবদের নিমিত্ত আজীবন-বৃত্তি গন্ডার্মেন্ট কর্তৃক প্রদত্ত হলে পণ্ডিতমণ্ডলীর ফ্রেশের আরো লাভ হ'বে সন্দেহ নাই। পশ্চিমবঙ্গীয় সরকারের আরো অভিমত এই যে, যদি অর্থের সংকুলান হয় প্রতি বৎসর আরো ১০টি অধিকসংখ্যক ছোট টোল এবং ২টি অধিকসংখ্যক বড় টোলে মাসিক যথাক্রমে ৫০, পঞ্চাশ টাকা ও ৭৫, পঁচাত্তর টাকা বৃত্তি প্রদান করবেন, সর্বসমেত ১৪০টি ছোট এবং ৩০টি বড় টোল বৃত্তি পেতে পারে। এই পরিকল্পনার সার্থকতা প্রার্থনা করি।

আজ্ঞা পরীক্ষায় ভূগোল, ইতিহাস ও অক্ষ এই বিষয়ত্রয়কে পাঠ্যতালিকার অন্তর্ভুক্ত করা হয়েছে। আজ্ঞা আর এই বিষয়ে কারো মতদ্বৈধ নাই যে, পাঠ্যতালিকায় এই বিষয়সমূহের অগ্রভুক্তি পণ্ডিতসমাজের প্রভূত কল্যাণপ্রসূ হবে। এই সমস্ত বিষয়ব্যাপদেশে সংস্কৃতের সঙ্গে আধুনিক শিক্ষাপদ্ধতি এবং বর্তমান জগতের নিকটতর সম্পর্ক সুসংস্থাপিত হবে এবং উত্তর জীবনে আমাদের ছাত্রসমাজ এতে বিশেষ উপকৃত হবেন।

১৯৪৭ সালে বঙ্গীয় সংস্কৃত সমিতির সমাবর্তন অভিশ্রাষণে আমি বলেছিলাম—'আমাদের মূল লক্ষ্য বঙ্গীয় সংস্কৃত সমিতি ও সংস্কৃত কলেজের সমন্বয়ে একটি পূর্ণাঙ্গ সংস্কৃত বিশ্ববিদ্যালয় স্থাপন। বর্তমানে আমরা পরীক্ষা-গ্রহণ-সমিতিই মাত্র। কিন্তু আমরা চাই সংস্কৃত সাহিত্য, বিজ্ঞান, শিল্প প্রভৃতি বিষয়ে শিক্ষা বিভাগ শ্রীচ্য ও পাশ্চাত্য পদ্ধতি অনুযায়ী ও তুলনামূলক প্রাচ্য গবেষণাদির সর্বস্বযোগসম্মিলিত অপূর্ণ গবেষণা বিভাগ, গ্রন্থ প্রকাশক বিভাগ প্রভৃতি সম্মিলিত একটি পূর্ণাঙ্গতন বিশ্ববিদ্যালয়।'

সুখের বিষয় ১৯৪৮ সালের এপ্রিল মাসে বিচারপতি ডক্টর শ্রীবিজয়-কুমার মুখোপাধ্যায়ের সভাপতিত্বে নিম্নলিখিত সুধীবৃন্দসহ—

(১) শ্রীঅতুলচন্দ্র গুপ্ত, (২) ডক্টর শ্রীসুনীতিকুমার চট্টোপাধ্যায়, (৩) মহামহোপাধ্যায় শ্রীযোগেন্দ্রনাথ তর্কসাংখ্য-বেদান্ততীর্থ, (৪) মহামহোপাধ্যায় শ্রীসীতারাম শাস্ত্রী, (৫) মহামহোপাধ্যায় শ্রীকালীপদ তর্কচর্চার্য, (৬) ডক্টর শ্রীনৃপেন্দ্রকুমার দত্ত, (৭) ডক্টর শ্রীশুশীলকুমার দে, (৮) কবিরাজ শ্রীরামচন্দ্র মল্লিক, (৯) ডক্টর শ্রীনরেন্দ্রনাথ লাহা, (১০) পণ্ডিত শ্রীনারায়ণচন্দ্র স্মৃতিতীর্থ, (১১) ডক্টর শ্রীসাতকড়ি মুখোপাধ্যায়, (১২) ডক্টর শ্রীস্নেহময় দত্ত, পশ্চিমবঙ্গের ডিরেক্টর অব পাবলিক ইন্সট্রাকশন্, (১৩) শ্রীঅবিনাশচন্দ্র মজুমদার, (১৪) অধ্যক্ষ ডক্টর শ্রীযতীন্দ্রবিমল চৌধুরী, সম্পাদক—

যে সংস্কৃত বিজ্ঞানসমন্বিত সমিতি গঠিত করেন, সে সমিতিও পাঁচ বৎসরের মধ্যে বঙ্গদেশে সংস্কৃত বিশ্ববিদ্যালয় স্থাপনই মৌলিক লক্ষ্য বলে ঘোষণা করেন।

এই সমিতির সদস্যবৃন্দের সর্বসম্মতিক্রমে গৃহীত প্রস্তাবামুসারে ১৯৪৯ সালে পশ্চিমবঙ্গীয় সরকার বঙ্গীয়-সংস্কৃত-সমিতিতে বঙ্গীয় সংস্কৃত শিক্ষাপরিষৎ এই নূতন নামে অভিহিত করে বহুল সংস্কৃতোন্নয়ন কর্ম প্রচেষ্টায় ত্রুতী হন। যদিও বঙ্গদেশের সমগ্র পণ্ডিতমণ্ডলী ও সংস্কৃতানুরাগিবৃন্দের লক্ষ্যভূত এই সংস্কৃত বিশ্ববিদ্যালয় সংস্থাপনের দিক থেকে এটি যে অবশ্য শুভ সূচনা তদ্বিবরণ সন্দেহের অবকাশ নাই,

তথাপি অতীহি আমরা পূর্বে মত পরীক্ষা গ্রহণ সমিতি এবং বর্তমান সরকারের নির্দেশ অনুসারে বৃত্তি বিতরণ সমিতি মাত্র। অবশ্য আমরা সর্বথা এ আশা পোষণ করি যে, যে শিক্ষামন্ত্রী ও সভাপতি ডক্টর বিজনকুমার মুখোপাধ্যায় মহাশয়ের প্রোৎসাহে অল্পদিনের মধ্যে বিশ্ববিজ্ঞান সংস্থাপনের স্থচনা সম্ভবপর হয়েছে, তাদেরই সাহায্যবলে আমরা আমাদের অভীষ্টলাভে সমর্থ হব। এই উদ্দেশ্য সংসাধনের নিমিত্ত আমাদের মুখ্য প্রয়োজনাবলী এই—

১। একটি স্থায়ী নিজস্ব বাসভবন। বর্তমান কার্যালয়ের ভাড়াটে গৃহটি প্রথমতঃ এত ক্ষুদ্রাকার যে তাতে আমাদের অভিলষিত কোন কাজই চলিতে পারে না। দ্বিতীয়তঃ এই গৃহটি বিপজ্জনক একাকার অবস্থিত। বিশেষতঃ পণ্ডিতমণ্ডলীর যাতায়াতের পক্ষে এ অকস বিশেষভাবে অসুবিধাজনক। সেজন্য অতি শীঘ্রই এ বাসভবন পরিবর্তন আবশ্যক।

২। একটি গবেষণা-বিভাগ সংস্থাপন।

৩। একটি গ্রন্থাগার সংস্থাপন। পূর্ববঙ্গাগত উদ্ভাস্ত পণ্ডিত-মণ্ডলী যে সমস্ত অমূল্য পুঁথি ও গ্রন্থ নিয়ে এসেছেন, সেই সমুদয়ের সংরক্ষণ অত্যাশ্বক। বিশেষতঃ সরকারী বৃত্তি প্রদানপূর্বক যে ২২৫টি টোল পরিচালনা করা হচ্ছে এবং ডিস্ট্রিক্ট বোর্ড প্রভৃতি যে সমস্ত টোলের অর্থসাহায্যবিধানপূর্বক সহায়তা করছেন, বঙ্গীয় সরকারও মাগুগী ভাতা প্রদানপূর্বক যে পাঁচশতাধিক টোলের সংরক্ষণে তৎপর হয়েছেন এই সমস্ত টোলের দরিদ্র পণ্ডিতমণ্ডলীর সর্ববিধ পঠন পাঠনের সুযোগ-সুবিধা নিয়ন্ত্রণের নিমিত্ত সমিতির একটি কেন্দ্রীয় গ্রন্থালয় স্থাপন অচিরে প্রয়োজন। পণ্ডিতমণ্ডলী অশেষ দুঃখদারিত্য সত্ত্বেও যেসব গ্রন্থ বিরচিত করেছেন তৎসমূহের সংরক্ষণও এ গ্রন্থালয়ের অবশ্য লক্ষ্যভূত হবে।

৪। গ্রন্থ-প্রকাশ বিভাগ স্থাপন। ১৯৪৮ সালে উদ্ভাস্ত পণ্ডিতগণ কর্তৃক রচিত, অনূদিত ও সম্পাদিত বহু মূল্যবান গ্রন্থ অপ্রকাশিত অবস্থায় আছে। তদুত্তর আমাদের পরিষদের পরীক্ষার জন্ত নির্দিষ্ট পাঠ্যপুস্তকবলীর অধিকাংশই ছাপা নাই। এই জন্ত গ্রন্থপ্রকাশ বিভাগ স্থাপন অবিলম্বে অত্যাশ্বক। বলা বাহুল্য, এতে যে কেবল ছাত্র ও সংস্কৃতানুরাগিবৃন্দের উপকার সাধিত হইবে তা নয়, পরন্তু পরিষদের ভবিষ্যৎ আয়েরও একটি প্রকৃষ্ট পন্থা অবলম্বিত হবে নিঃসন্দেহ।

৫। পরিষদের মুখপত্ররূপে সংস্কৃত, হিন্দি, বাঙ্গালা ও ইংরাজী রচনাসংবলিত একটি গবেষণা পত্রিকা পরিচালনা। এই পত্রিকাই সমগ্র ভারতের সর্বত্র বহু চতুষ্পাঠী ও কেন্দ্র আছে সেইসব কেন্দ্রের ছাত্র অধ্যাপক ও হিতৈষিবৃন্দের মধ্যে একটি বিশিষ্ট সংযোগসূত্র সংস্থাপনের অস্বতম উপায়। তদ্ব্যতীত, সমগ্র বিশ্বে সংস্কৃত জ্ঞান সম্প্রসারণের নিমিত্ত এ পত্রিকা পরিচালনা অত্যাশ্বক।

৬। বৃদ্ধ, অসমর্থ, অতিদুঃস্থ পণ্ডিতমণ্ডলীর নিমিত্ত একটি স্থায়ী সাহায্যভাণ্ডার সংস্থাপন। বিশেষতঃ যারা সংস্কৃত বিজ্ঞানুশীলনের নিমিত্ত প্রথিতযশাঃ, অথচ বর্তমানে জীবিকাার্জনের উপায়বিহীন, তারা যাতে পরমুখাপেক্ষী না হয়ে সমস্মানে বাকী জীবন অতিবাহিত করতে পারেন তজ্জন্ত তাদের নিয়মিত মাসিক বৃত্তি প্রদান অত্যাশ্বক।

৭। বিশিষ্ট বিশিষ্ট স্থানে সরকারী টোল স্থাপন। কাঁথিতে অচিরে সরকারের পরিচালিত টোল স্থাপন একান্ত বাঞ্ছনীয়।

৮। আয়ুর্বেদ, অর্থনীতি প্রভৃতি নূতন বিষয়সমূহের পরীক্ষা প্রচলন ব্যবস্থা, এবং ভূগোল, ইতিহাস, অঙ্ক, সংস্কৃত সাহিত্য ও সভ্যতার ইতিহাস বিরচনের ব্যবস্থা।

আকস্মিক বিপদে অভিজুত পূর্ববঙ্গ হইতে বিতাড়িত উদ্ভাস্ত পণ্ডিতমণ্ডলীর দুঃখে আমরা গভীর সমবেদনা জ্ঞাপন করছি। তাদের এই বিপৎপাতে পরিষৎ কিছুতেই উদাসীন থাকতে পারে না। ১৯৪৮ সালের আগষ্ট মাসে তৎকালীন বঙ্গীয় সংস্কৃত সমিতির সম্পাদকের পরিকল্পনানুসারে পশ্চিমবঙ্গীয় সরকার উদ্ভাস্ত পণ্ডিতগণের সাহায্যার্থ ত্রিশ হাজার টাকা তৎকালীন বঙ্গীয় সংস্কৃত এসোসিয়েশনের হস্তে প্রদানপূর্বক আমাদের সকলের কৃতজ্ঞতাপাত্র হয়েছেন। এই পরিকল্পনার একটি বিশেষ বৈশিষ্ট্য ছিল—পণ্ডিত মহাশয়দের সমস্মানে অর্থার্জনের ব্যবস্থা। অনুবাদ, পুঁথি নকল, প্রবন্ধ বিরচন, অভিধান সঙ্কলন প্রভৃতি শ্রেয়ঃ কার্যের বিনিময়ে অর্থার্জন তারা করেছিলেন। এই ব্যবস্থানুসারে ১৬৫জন পণ্ডিত মাসিক ২০০ নব্বই টাকা পর্যন্ত আগষ্ট থেকে ডিসেম্বর অবধি সাহায্যলাভ করেছিলেন। দেশ বিদেশের পণ্ডিতমণ্ডলীও এই ব্যবস্থার প্রভূত প্রশংসা করেছিলেন। বর্তমানেও এরূপ ব্যবস্থার পুনঃপ্রবর্তন একান্ত আবশ্যক।

ভারতবর্ষের সর্বশ্রেষ্ঠ গৌরব সম্পদ সংস্কৃত। এই সংস্কৃতই ভারতবর্ষীয় সমস্ত ভাষার জননীরূপে সর্বজনবন্দ্য। এই সংস্কৃতেই ভারত-জননীর পূর্ণ রূপ প্রতিফলিত হয়েছে। সংস্কৃতানুশীলনে তাই যারা দহপ্রাণ, তাদের আমি স্তুতি নিবেদন করি। সংস্কৃতির অশেষ দীপ্তি মনীষীবৃন্দের চিত্র অমুরঞ্জনপূর্বক অত্যাচ হিমাচল-গলে কিরীটদ্বারীরূপে শোভা পাবে। শত শত শ্রাজ্ঞ ও মনীষিগণের পদপ্রান্তে আজ আমি আমাদের পরম আশা ও আনন্দস্থল নবজাত এই সংস্কৃত শিক্ষাপরিষদের জন্ত তাদের অশেষ আশীর্বাদ ও শুভেচ্ছা প্রার্থনা করি।

হিংসায় উন্মত্ত পৃথিবীতে ভারতবর্ষই দেখাবে মুক্তির পথ। ভারতবর্ষের শান্ত শান্তি, শ্রেম ও বিশ্বমৈত্রীর অমৃতময়ী বাণী সমগ্র বিশ্বে আজ প্রচারিত হোক এবং তারি ধারক ও বাহক গীর্বাণবাণীর অশেষ মহিমা দিগ্দিগন্তে উদ্ভাসিত হোক।

“গায়ন্তি দেবাঃ কিল গীতকানি
ধন্যস্ত তে ভারতভূমিভাগে।
স্বর্গাপবর্গাস্পদমার্গভূতে
ভবন্তি ভূয়ঃ পুরুষাঃ সুরভাৎ ॥”

বিষ্ণুপুরাণ, ২।৩।২২।২৪

অর্থাৎ “অস্ত সব দেশ ভোগভূমি, ভারতবর্ষ কর্মভূমি ; তাই দেবতাদের মধ্যেও ভারতবর্ষের সম্পর্কে এই পৌরগীতি প্রচলিত আছে যে ভারতভূমি হচ্ছে স্বর্গ ও ধর্মাদি অপবর্গলাভের মার্গরূপ। সেই ভারতভূমিতে যারা জন্মগ্রহণ করেন তারা দেবতার চেয়েও ধন্য।”

রুসো

শ্রীতারকচন্দ্র রায়

(পূর্বপ্রকাশিতের অনুবৃত্তি)

রুসোর রাজনৈতিক মত তাঁহার Social Contractএ বিবৃত আছে। এই গ্রন্থে ভাবুকতা বেশী নাই, যুক্তিতর্ক প্রচুর আছে। গ্রন্থের আরম্ভেই আছে “মানুষ জন্মিয়াছে স্বাধীন, কিন্তু সর্বত্রই সে অধীনতার শৃঙ্খলে আবদ্ধ। একজন আপনাকে অস্তুর প্রভু বলিয়া মনে করে, কিন্তু বস্তুতঃ সে তাহাদিগের অপেক্ষাও অধিকতর পরাধীন।” স্বাধীনতাই দৃষ্টান্তঃ রুসোর চিন্তার লক্ষ্য হইলেও, সাম্যই তাঁহার নিকট অধিকতর মূল্যবান ছিল এবং স্বাধীনতার বিনিময়েও তিনি সাম্য-প্রতিষ্ঠার পক্ষপাতী ছিলেন।

গ্রন্থে প্রজাতন্ত্রের প্রশংসা আছে। কিন্তু প্রজাতন্ত্র বলিতে রুসো প্রাচীন গ্রাসের নগর রাষ্ট্রের মত (City State) ক্ষুদ্র রাষ্ট্রই বুঝিয়াছিলেন। এই সমস্ত ক্ষুদ্র রাষ্ট্রের প্রত্যেক নাগরিকের পক্ষেই রাষ্ট্রশাসনের সহিত সংযুক্ত থাকি সম্ভবপর, কিন্তু বড় বড় রাষ্ট্রের অসংখ্য লোকের পক্ষে তাহা সম্ভবপর নহে। এই জন্ত বড় বড় রাষ্ট্রের পক্ষে প্রজাতন্ত্র তাঁহার মতে উপযোগী নহে। বর্তমানে যাহাকে প্রজাতন্ত্র বলা হয়, রুসো সেই প্রতিনিধিমূলক শাসনকে (Representative Government) নির্বাচনমূলক অভিজাত তন্ত্র (Elective aristocracy) বলিয়াছেন। তাঁহার মতে ছোট ছোট রাষ্ট্রের পক্ষে “প্রজাতন্ত্র”ই ভাল; মধ্যম আকারের রাষ্ট্রের পক্ষে “অভিজাত তন্ত্র” এবং বৃহৎ রাষ্ট্রের পক্ষে রাজতন্ত্র উৎকৃষ্ট।

“নির্বাচনমূলক অভিজাত তন্ত্র”ই রুসোর মতে সর্বোৎকৃষ্ট। কিন্তু ইহা সকল দেশের উপযোগী নহে। যে দেশের জল বায়ু নাতিশীতোষ্ণ, যে দেশে প্রয়োজনের অতিরিক্ত জ্রব্য উৎপন্ন হয় না, এই শাসন কেবল সেই দেশেরই উপযোগী। কোন দেশের উৎপন্ন জ্রব্যের পরিমাণ যদি প্রয়োজনের অতিরিক্ত হয়, তাহা হইলে তাহাদিগের অধিবাসিগণ বিলাসী হইয়া পড়ে। সমগ্র সমাজের মধ্যে বিলাসের প্রমার অপেক্ষা দেশের রাজাও তাঁহার সভাসদগণের মধ্যে তাহা সীমাবদ্ধ থাকাই মঙ্গলকর। এই মত অনুসারে পৃথিবীর বহু দেশই প্রজাতন্ত্র শাসনের উপযুক্ত নহে, যথেষ্টাচারী রাজ্যশাসনই তাহাদের উপযোগী। ইহা সত্ত্বেও ফরাসী গণতন্ত্রের যে এই গ্রন্থের প্রতি ভীষণ বিদ্রোহ পোষণ করিতেন, তাহার কারণ ইহাতে প্রজাতন্ত্রের প্রশংসা ছিল এবং রাজাদিগের “ঈশ্বর দত্ত অধিকার” (Divine Right of Kings) ইহাতে স্পষ্টতঃ অস্বীকার করা না হইলেও, “চুক্তি” হইতে রাষ্ট্রশাসনের উৎপত্তি হইয়াছে, এই মত দ্বারা তাহা অস্বীকৃত হইয়াছে।

মানুষের যখন সৃষ্টি হইয়াছিল, তখন তাহারা সমাজবদ্ধ হইয়া বাস

করিত না। প্রত্যেকেই স্বাধীন ছিল ও নিজের ইচ্ছানুসারে চলিত। কিন্তু কালক্রমে এইরূপে বিচ্ছিন্ন থাকি সম্ভব হইল না। পরস্পরে মারামারি কাটাকাটি না করিয়া পরস্পরের রক্ষার জন্ত সন্মিলিত প্রচেষ্টার প্রয়োজন অনুভূত হইল। সকলের সন্মিলিত শক্তি দ্বারা প্রত্যেকের জীবন ও সম্পত্তি রক্ষা করিয়া কিরূপে প্রত্যেকের স্বাধীনতা রক্ষা করা যায়, ইহাই হইল তখনকার সমস্যা। “সামাজিক চুক্তি” দ্বারা এই সমস্যার সমাধান হইয়াছিল। এই চুক্তি অনুসারে প্রত্যেকের যাবতীয় অধিকারসহ আপনাকে সম্পূর্ণরূপে সমাজের নিকট সমর্পণ করিতে হয়; কোনও অধিকারই নিজের জন্ত রাগিয়া দেওয়া চলে না। কিন্তু ইহাতে ব্যক্তির স্বাধীনতা রক্ষিত হইল কোথায়? ইহার উত্তরে রুসো বলিয়াছেন—“প্রত্যেকেই যদি সম্পূর্ণভাবে আপনাকে দান করে, তাহা হইলে সমাজের সকলের অবস্থাই সমান হইয়া যায়, সুতরাং এই অবস্থা কাহারও পক্ষে কষ্টকর করিয়া তুলিবার ইচ্ছা কাহারও মনে উদ্ভিত হয় না। যদি সম্পূর্ণরূপে আপনাকে দান না করিয়া প্রত্যেকে কতকগুলি অধিকার রাখিয়া দিত, তাহা হইলে ফল হইত এই যে রক্ষিত অধিকারসমূহ সম্বন্ধে বিবাদ উপস্থিত হইলে তাহার মীমাংসা করিবার কেহই থাকিত না। ইহার ফলে প্রত্যেকেই আপন ইচ্ছামত আপনার অধিকারের ব্যাখ্যা করিত; সমাজ-সংহতি বিনষ্ট হইয়া যাইত, নতুবা সমাজই যথেষ্টাচারী হইয়া পড়িত।” এই মতে প্রকৃত-পক্ষে ব্যক্তির কোনও অধিকারই থাকে না। সমস্ত অধিকারই রাষ্ট্রে সমর্পিত। অতএব রুসো বলিয়াছেন “যদিও সামাজিক চুক্তি দ্বারা প্রত্যেক ব্যক্তির উপর রাষ্ট্রকে পূর্ণ ক্ষমতাই প্রদত্ত হইয়াছে, তথাপি মানুষের স্বাভাবিক অধিকারও আছে। সার্বভৌম শক্তি অধীনস্থ লোকদিগকে রাষ্ট্রের পক্ষে অনাবশ্যক কোনও শৃঙ্খল দ্বারা বদ্ধ করিতে পারেন না। এরূপ করিবার ইচ্ছাই তাহার হইতে পারে না।” কিন্তু সার্বভৌম শক্তিই যখন সমাজের প্রয়োজনের বিচারকর্তা, তখন রাষ্ট্রের অত্যাচার ইহা দ্বারা প্রতিরুদ্ধ হইবার সম্ভাবনা কম।

Bertrand Russel এইভাবে সামাজিক চুক্তির ব্যাখ্যা করিয়াছেন : আমাদের প্রত্যেকে তাহার দেহ ও সমস্ত ক্ষমতা সর্বনিয়ন্তা (General Will) সাধারণ ইচ্ছার নিয়ন্ত্রণের অধীনে স্থাপিত করি; এবং আমাদের সন্মিলিত অবস্থার প্রত্যেককে সমগ্রের অচ্ছেদ্য অংশ বলিয়া গ্রহণ করি।” এই সমঝার দ্বারা একটি নৈতিক সমঝারী অঙ্গীকার সৃষ্টি হয়। নিজের অবস্থায় এই অঙ্গীকারকে ‘রাষ্ট্র’ বলে; ক্রিয়মান অবস্থায় ইহার নাম Sovereign (সর্বশক্তিমান) এবং সদৃশ অঙ্গ সমঝারীর সম্পর্কে ইহার নাম শক্তি (Power)। ‘সাধারণ ইচ্ছা’ বলিতে রুসো সমাজের

অন্তর্গত সকল ব্যক্তির স্বতন্ত্র স্বতন্ত্র ইচ্ছার সমষ্টি বোঝেন নাই, অথবা তাহাদের অধিকাংশের ইচ্ছা বোঝেন নাই, সকলের সমবায়ে যে অঙ্গীর উদ্ভব হয়, তাহার ইচ্ছাই বুঝিয়াছেন। হব্‌সের (Hobbs) মতে বহুর সমবায়ে গঠিত সমাজ একটি পুরুষ (Person)। এই মত গ্রহণ করিলে পুরুষের সমস্ত বৈশিষ্ট্য এই অঙ্গীর আছে। সুতরাং ইচ্ছাও আছে। কিন্তু সমবায়ী পুরুষের এই ইচ্ছার নিদর্শন কি? সাধারণ ইচ্ছা সকল সময়েই জায়সত্ত্ব এবং সাধারণের মঙ্গলদায়ক বলা হইয়াছে। কিন্তু “সাধারণ ইচ্ছা” ও “সকলের ইচ্ছা” এক পদার্থ নহে। প্রত্যেক ব্যক্তির রাজনৈতিক মত তাহার ব্যক্তিগত স্বার্থ দ্বারাই নিয়ন্ত্রিত। কিন্তু প্রত্যেক “স্বার্থের”ই দুইটি অংশ আছে। একটি ব্যক্তিগত, দ্বিতীয়টি সকল ক্ষেত্রেই অভিন্ন। যদি ব্যক্তিগত স্বার্থসিদ্ধির জন্ত পরস্পরের মধ্যে কোনও চুক্তি না হয়, তাহা হইলে পরস্পর বিরুদ্ধ স্বার্থের কাটাকাটি হইয়া যাইবে, তাহাদের কিছুই অবশিষ্ট থাকিবে না; সকল ক্ষেত্রে অভিন্ন অংশই অবশিষ্ট থাকিবে, সেই অভিন্নাংশই “সাধারণ ইচ্ছা”। পৃথিবীর প্রত্যেক পরমাণু বিশ্বের প্রত্যেক পরমাণুকে আকর্ষণ করে। আমাদের উপরস্থিত বায়ু আমাদের দিকে উর্দ্ধ দিকে আকর্ষণ করে, পদতলস্থ মৃত্তিকা নিম্নদিকে আকর্ষণ করে। কিন্তু সেই সমস্ত বিভিন্ন “স্বার্থপর” আকর্ষণ কাটাকাটি হইয়া অকাম্যকর হইয়া পড়ে; অবশিষ্ট যাহা থাকে, তাহা হইতে পৃথিবীর কেন্দ্রাভিমুখী আকর্ষণ উৎপন্ন হয়। পৃথিবীকে সমাজ বলিয়া গণ্য করিলে, তাহার কেন্দ্রাভিমুখী আকর্ষণকে তাহার সাধারণ ইচ্ছা বলা যায়। “সাধারণ ইচ্ছা সর্বদাই জায়সত্ত্ব”—ইহার অর্থ এই যে—এই ইচ্ছা সকল ব্যক্তিগত স্বার্থের মধ্যে সামান্যের প্রতীক বলিয়া, ইহা দ্বারাই সর্বাপেক্ষা অধিক পরিমাণে সমবেত স্বার্থসিদ্ধি সম্ভবপর হয়।

Sovereign-এর ইচ্ছাই “সাধারণ ইচ্ছা”। তাহা সকল সময়ই জায়সত্ত্ব। প্রত্যেক নাগরিকের ইচ্ছা ইহার অন্তর্গত। কিন্তু সাধারণ ইচ্ছার বিরোধী তাহার ব্যক্তিগত ইচ্ছাও তাহার আছে। কেহ এই ব্যক্তিগত ইচ্ছার বশে যদি সাধারণ ইচ্ছার আদেশ পালন না করে, তাহা হইলে তাহাকে তাহা পালন করিতে বাধ্য করা প্রয়োজন। রুসো বলিয়াছেন এই বাধ্য করার অর্থ—তাহাকে “স্বাধীন” হইতে বাধ্য করা।

Bertrand Russel বলেন—“এই স্বাধীন হইতে বাধ্য করার অর্থ অত্যধিক পরিমাণে দার্শনিকতাজড়িত (very metaphysical)। গ্যালিলিওর সময় কোপারনিকাসের মত সাধারণে গ্রহণ করে নাই। পৃথিবী যে সূর্যের চতুর্দিকে ভ্রমণ করে তাহা কেহ বিশ্বাস করিল না। তখন “সাধারণ ইচ্ছা” নিশ্চয়ই কোপারনিকাসের বিরোধী ছিল। Inquisition যখন গ্যালিলিওকে সেই মত প্রত্যাহার করিতে বলিল, তখন কি গ্যালিলিওকে স্বাধীন হইতে বাধ্য করা হইল? ছুরাচার ব্যক্তিকে অপরাধের জন্ত যখন কারাগারে আবদ্ধ করা হয়, তখন কি তাহাকে স্বাধীন হইতে বাধ্য করা হয়? রুসোর Romanticism দ্বারা অনুপ্রাণিত বায়রণের রচিত Corsair গ্রন্থে যে নৌ-দস্যু অতল নীল সমুদ্রের বক্ষে সমুদ্রেরই মত অসীম চিন্তা ও স্বাধীন জয় লইয়া বিচরণ

করিত, তাহাকে কারাগারে বন্দী করিয়া রাখিলে কি সে অধিকতর ‘স্বাধীন’ হইত? হেগেলও রুসোর মতই “স্বাধীনতা” শব্দের অপব্যবহার করিয়া রাষ্ট্রের আদেশ পালন করিবার অধিকারকেই স্বাধীনতা বলিয়াছেন। এই সমালোচনা সঙ্গত বলিয়া মনে হয় না। ব্যক্তিগত স্বার্থের সংকীর্ণ গভী হইতে, স্বার্থপর ইচ্ছার আবিলতা হইতে মুক্ত হওয়াকেই রুসো স্বাধীনতা বলিয়াছেন। মতপ যখন পানাসক্তির দাস হইয়া পড়ে, তখন বলপ্রয়োগ দ্বারাও তাহাকে সেই অভ্যাস হইতে মুক্ত করিলে, তাহাকে যে স্বাধীনতা লাভে সাহায্য করা হয়, তাহাতে সন্দেহ নাই।

ব্যক্তিগত সম্পত্তির উপর রুসোর আস্থা ছিল না। তিনি বলিয়াছেন, রাষ্ট্রের অন্তর্গত সকলের সম্পত্তির রাষ্ট্রই মালিক।

কিন্তু রাষ্ট্রীয় শাসনে এই “সাধারণ ইচ্ছা” বাধাপ্রাপ্ত হয় কেন, ইহার উত্তরে রুসো রাষ্ট্রের স্বাধীনত্ব বহু সমন্বিত মণ্ডলীর অস্তিত্বের উল্লেখ করিয়াছেন। এই সমস্ত মণ্ডলীরও স্বতন্ত্র স্বতন্ত্র “সাধারণ ইচ্ছা” আছে, সেই ইচ্ছার সহিত সমগ্র সমাজের “সাধারণ ইচ্ছার” সংঘাত সম্ভবপর। এই সমস্ত নিম্নস্থ সাধারণ ইচ্ছার অস্তিত্ববশতঃ, যত লোক তত ভোট থাকে না, যত নগরী তত ভোট হইয়া দাঁড়ায়। সাধারণ ইচ্ছাকে রাষ্ট্রের শাসনে ব্যক্ত করিতে হইলে, রাষ্ট্রের মধ্যে স্বাধীনত্ব মণ্ডলী গঠন নিষিদ্ধ করিতে হয় এবং প্রত্যেক নাগরিককে তাহার নিজের চিন্তা দ্বারাই চালিত হইতে হয়। লাইকারগাম প্রতিষ্ঠিত শাসনতন্ত্রে তাহারই ব্যবস্থা ছিল। Machiavel এই মত পোষণ করিতেন বলিয়া রুসো লিপিয়াছেন।

এই মতের পরিণতি কোথায় বিবেচনা করিলে দেখা যাইবে, ইহাতে চার্ক, রাজনীতি, ট্রেড ইউনিয়ন, অথবা আর্থিক স্বার্থসমতাশ্রুত কোনও দলেরই স্থান নাই। “সামগ্রিক রাষ্ট্রে” (Totalitarian State) স্পষ্টতঃই ইহার পরিণতি। সে রাষ্ট্রে ব্যক্তির কোনও ক্ষমতাই নাই। সর্ববিধ মণ্ডলী নিষিদ্ধ করা যে দুঃস্বপ্ন, তাহা স্বেচ্ছায় করিয়া রুসো লিখিয়াছেন, যে নিম্নস্থ মণ্ডলীগঠন নিষিদ্ধ করা যদি সম্ভব না হয়, তাহা হইলে তাহাদের সংখ্যা যত অধিক হয়, ততই ভাল; বহুসংখ্যক মণ্ডলীর মধ্যে পরস্পরের বিরোধ বশতঃ তাহাদের কার্যকারিতার নাশ হইয়া যাইবে।

শাসনের বিষয় আলোচনা করিবার সময়, দেশের শাসন বিভাগ যে একটি স্বতন্ত্র স্বার্থ ও সাধারণ ইচ্ছাবিশিষ্ট মণ্ডলী, তাহা রুসো স্বীকার করিয়াছেন। বড় বড় রাষ্ট্রের শাসন বিভাগের ক্ষুদ্র রাষ্ট্রের শাসন বিভাগ অপেক্ষা অধিকতর ক্ষমতামণ্ডলী হওয়া প্রয়োজন; কিন্তু এই বিভাগকে Sovereign দ্বারা সংযত করিবার প্রয়োজনও অধিক। শাসন বিভাগের প্রত্যেক কর্মচারীর তিনটি ইচ্ছা—নিজের ব্যক্তিগত, তাহার দলগত ও “সাধারণ” ইচ্ছা। ইহাদের মধ্যে বিরোধে রাষ্ট্রের সাধারণ ইচ্ছা সম্পূর্ণ কার্যকরী হইতে পারে না। যখন কোনও লোক শাসকের পদে প্রতিষ্ঠিত হয়, তখন তাহার সমস্ত পারিপার্শ্বিক অবস্থাই তাহার প্রজ্ঞা ও ধর্মজ্ঞান অপহরণের সহায়তা করে।” সুতরাং দেখা যাইতেছে

“সাধারণ ইচ্ছা সর্বসময়েই বিস্তৃত ও অপরিবর্তনীয় হইলেও, তাহা দ্বারা অত্যাচারের প্রতিবিধান হয় না, সে সমস্তা অসীমসিতই রহিয়া যায়। বিশেষ বিশেষ ক্ষেত্রে পরীক্ষা করিলে দেখা যায়, যে রাজনৈতিক সমস্তার সমাধানে রুসোর Social Contract বিশেষ কিছুই সাহায্য করে নাই।

রুসোর ধর্মমত তাহার Emile প্রবন্ধ Confession of a Savoyard Vicar শীর্ষক অধ্যায়ে বর্ণিত আছে। ঈশ্বরে তাহার দৃঢ় বিশ্বাস ছিল, কিন্তু এই বিশ্বাস বুদ্ধিগ্রাহ্য কোনও যুক্তির উপর প্রতিষ্ঠিত ছিল না; হৃদয়ের অনুভূতি ছিল তাহার ভিত্তি। একবার কোনও মহিলাকে তিনি লিখিয়াছিলেন “কখনও কখনও নির্জন অধ্যয়ন কক্ষে অন্ধকারের মধ্যে, অথবা দিবালোকে হস্তদ্বারা চক্ষু আবৃত করিয়া আমার মনে হইয়াছে ঈশ্বর নাই; কিন্তু প্রভাতে যখন উদীয়মান সূর্য্য নয়নগোচর হইয়াছে, যখন তাহার আলোকে কুড়াটিকার আবরণ উন্মোচিত হইয়া প্রকৃতির দীপ্যমান বিচিত্র সৃষ্টি দৃষ্টিসমীপে আবির্ভূত হইয়াছে, তখনই আমার অন্তরের সমস্ত সন্দেহ নিরাকৃত হইয়াছে; আমার বিশ্বাস ফিরিয়া আসিয়াছে, আমার ভগবানকে পুনঃপ্রাপ্ত হইয়াছি। আমি তাহাকে শ্রদ্ধা করি, ভক্তি করি, তাহার সম্মুখে সাষ্টাঙ্গে প্রণিপাত করি।” অল্প একজনকে লিখিয়াছিলেন “অল্প সত্যে যেমন, ঈশ্বরেও তেমনি আমার প্রবল বিশ্বাস আছে। কেননা আমার বিশ্বাস অথবা অশিষ্টা আমার নিজের উপর নির্ভর করে না।” এক সময়ে এক ভোজে নিমন্ত্রিত ভ্রাতৃলোকদিগের মধ্যে কেহ ঈশ্বরের অস্তিত্বে সন্দেহ প্রকাশ করায় রুসো বিরক্ত হইয়া ভোজগৃহ ত্যাগ করিতে উদ্বৃত্ত হইয়াছিলেন।

দার্শনিকদিগের যুক্তিতর্কে সন্দেহ অপগত না হইয়া বরং বুদ্ধিপ্রাপ্ত হয় দেখিয়া রুসো দার্শনিক আলোচনা বর্জন করিয়া অন্তরের আলোকের অনুসরণ করিয়াছিলেন। তিনি লিখিয়াছেন “আমি বুঝিতে পারিলাম আমি আছি। আমার ইন্দ্রিয়গণও আছে, যাহা দ্বারা আমি জ্ঞানলাভ করি। বাহিরের যাহা কিছু আমার ইন্দ্রিয়ে আঘাত করে, তাহাকে আমি জড় বলি। দার্শনিকদিগের পরমার্থ ও প্রত্যক্ষ (Reality or appearance) সম্বন্ধীয় তর্ক-বিতর্কের কোনও মূল্য আমার নিকট নাই। আমি বিশ্বাস করি জ্ঞানবান শক্তিশালী কোনও ইচ্ছাশক্তি কর্তৃক জগৎ শাসিত হয়। সেই শক্তিকে আমি দেখিতে পাই—“আমি অনুভব করি” বলিলেই ঠিক হয়। এই জগৎ কেহ সৃষ্টি করিয়াছে, অথবা চিরকাল বর্তমান আছে, একই অথবা বহু উৎস হইতে যাবতীয় কিছু জব্য উৎপন্ন হইয়াছে, তাহা আমি জানি না, জানিবার কোনও প্রয়োজনও আমার নাই। জড় সনাতনই হউক অথবা সৃষ্ট পদার্থ হউক, আদৌ ইহা সক্রিয় অথবা নিষ্ক্রিয় থাকিয়া থাকুক, সমগ্র জগৎ যে এক এবং একই বুদ্ধিমান পুরুষের অস্তিত্ব ঘোষণা করে, তাহা নিঃসন্দেহ। এই পুরুষকেই আমি ঈশ্বর বলি। তাহার ইচ্ছা আছে, তিনি সেই ইচ্ছা পূর্ণ করেন। তাহাতে করুণা আছে বলিয়াও আমি বিশ্বাস করি, করুণা তাহার বুদ্ধি-শক্তিও ইচ্ছার অবশ্যস্বার্থী বল। ইহা ভিন্ন তাহার সম্বন্ধে আমি কিছুই

জানি না। আমার ইন্দ্রিয় ও বুদ্ধি উভয়ের নিকটই তিনি আপনাকে লুকায়িত রাখিয়াছেন। আমি বেশ জানি তিনি আছেন, তিনি স্বয়ং তাহাও জানি। আমার অস্তিত্ব তাহার উপর নির্ভর করে, আমার পরিজ্ঞাত প্রত্যেক জব্যই তাহার উপর নির্ভরশীল। সর্বত্র তাহার কার্যের মধ্যে আমি ঈশ্বরকে প্রত্যক্ষ করি, আমার অন্তরের মধ্যে তাহাকে অনুভব করি, আমার চতুর্দিকে তাহাকে দেখিতে পাই। কিন্তু যদি তাহার বিষয় চিন্তা করি, তিনি কোথায় আছেন অথবা তাহার স্বরূপ কি, যদি জানিতে চেষ্টা করি, তিনি অন্তর্হিত হন। আমার অশাস্ত চিত্ত তখন কিছুই দেখিতে পায় না।”

“প্রকৃতির মধ্যে সর্বত্র শৃঙ্খলা ও সামঞ্জস্য; কিন্তু মানব জাতির মধ্যে সর্বত্র বিশৃঙ্খলা। পৃথিবীর দিকে যখন দৃষ্টিপাত করি, তখনই “পাপ” (End) দৃষ্টিগোচর হয়।

“মানুষ স্বাধীন ইচ্ছামত কার্য্য করিতে সক্ষম। নিজের ইচ্ছানুসারে মানুষ কর্ম্ম করে; স্বাধীন ইচ্ছার বশে যাগ করে, তাহা ঈশ্বরের নিয়ন্ত্রণের বহির্ভূত এবং তাহা ঈশ্বরে আরোপ করা যায় না। স্বাধীনতার অপব্যবহার করিয়া মানুষ অমঙ্গল সৃষ্টি করে, তাহা ঈশ্বরের ইচ্ছা-প্রসূত নহে। ঈশ্বর মানুষকে পাপ করিতে বাধাও দেন না। ইহার কারণ এই হইতে পারে যে মানুষের মত ক্ষুদ্র জীব যে অমঙ্গলের সৃষ্টি করিতে সক্ষম, তাহার দৃষ্টিতে তাহা অতি সামান্য। ইহাও অসম্ভব নয় যে—এই অমঙ্গল রোধ করিতে হইলে ইহা অপেক্ষাও গুরুতর অমঙ্গল সৃষ্টি এবং মানুষের প্রকৃতি হীনতর করিতে হয়। পুণ্য ও পাপ, ভাল ও মন্দ্রের মধ্যে মানুষ পুণ্যই বাছিয়া লইবে, পাপ বর্জন করিবে, এই অভিশ্র-প্রায়ে ঈশ্বর তাহাকে স্বাধীনতা দিয়াছেন। মানুষ যদি তাহার বৃত্তি সকলের উপযুক্ত ব্যবহার করে, তাহা হইলেই এই অভিশ্রায় সিদ্ধ হয়। কিন্তু ঈশ্বর মানুষের ক্ষমতা এতই সঙ্কীর্ণভাবে আবদ্ধ রাখিয়াছেন, যে স্বাধীনতার অপব্যবহার করিয়াও মানুষ প্রাকৃতিক শৃঙ্খলা বিপর্য্যস্ত করিতে পারে না। মানুষ যে পাপ করে, তাহার নিজের উপরই তাহার ফল উৎপন্ন হয়। জাগতিক শৃঙ্খলার উপর তাহার কোনও ক্রিয়া নাই।

আমাদের ক্ষমতার অপব্যবহারই আমাদের দুঃখের হেতু। প্রকৃতি হইতে যে সমস্ত অমঙ্গলের উদ্ভব হয়, আমাদের দোমেই আমাদেরিগকে তাহা ভোগ করিতে হয়। স্বকর্ম্মের ফল দুঃখকষ্ট হইতে মুক্ত হইবার উপায় যুত। প্রকৃতি কাহাকেও চিরকাল কষ্ট দিতে ইচ্ছা করে না।

অমঙ্গল-শ্রষ্টা অল্প কাহারও আমি অনুসন্ধান করি না, মানুষ নিজেই অমঙ্গলের শ্রষ্টা। জগতে সকলই মঙ্গলকর। অবিচার সেখানে নাই। সুবিচার ও মঙ্গল অবিচ্ছেদ্য সংসর্গে বদ্ধ। অসীম ক্ষমতা এবং যাবতীয় চেতন পদার্থের আত্মপ্রীতির অব্যভিচারী ফল “কল্যাণ”। সর্বশক্তিমান তাহার সৃষ্ট পদার্থে অনুপ্রবিষ্ট। সৃষ্টি এবং পালন, শক্তির চিরন্তন কার্য্য। তাহার অস্তিত্ব নাই তাহার উপর শক্তির কোনও ক্রিয়া নাই। * * * আপনার ক্ষতি না করিয়া তিনি ধ্বংস অথবা ক্ষতি করিতে পারেন না। যাহা মঙ্গল, কেবল তাহা ইচ্ছা করাই তাহার পক্ষে সম্ভব। সর্বশক্তি মান বলিয়াই তিনি সর্বমঙ্গলময় ও জ্ঞানবান।

তাহা না হইলে তাহার মধ্যে স্ব-বিরোধ উৎপন্ন হইত। যে শৃঙ্খলা-শ্রীতি হইতে শৃঙ্খলার সৃষ্টি হয় তাহাই মঙ্গল, যে শৃঙ্খলা-শ্রীতি দ্বারা শৃঙ্খলা রক্ষিত হয়—তাহাই শ্রায় বিচার।

আত্মা যদি জড়পদার্থ না হয়, তাহা হইলে দেহের বিনাশের পরেও তাহার অস্তিত্ব থাকিবে অসম্ভব নয়। অস্তিত্ব যে থাকে, তাহার প্রমাণ এই যে পৃথিবীতে অধার্মিকের জয় ও ধার্মিকের প্রতি পীড়ন দৃষ্ট হয়। বিশ্বব্যাপী সামঞ্জস্যের মধ্যে এই বৈসাদৃশ্যের ব্যাখ্যা কোথায়? আমি বলিব জীবনের সমাপ্তিতেই সকল শেষ হয় না, মৃত্যুতে যাহার যাহা প্রাণা, তাহা সে প্রাপ্ত হয়।” তনুও প্রকৃত থাকিয়া যায়, ইন্দ্রিয়-প্রাণ দেহের যখন বিনাশ হয়, তখন আত্মার কি হয়? যখন দেহ ও

আত্মার সংযোগ বিনষ্ট হয়, তখন একটির ধ্বংস হইলেও অস্তিত্ব অস্তিত্ব থাকিবে। দেহ ও আত্মা স্বরূপে এতই বিভিন্ন, যে তাহাদের সংযোগ স্বভাবতঃই অস্থির। সংযোগ বিচ্ছিন্ন হইবার পরে আত্মার যে শক্তি নিষ্ক্রিয় দেহকে চালনা করিতে ব্যয়িত হইত, আত্মা তাহা পুনঃ প্রাপ্ত হয়। মৃত্যুর পরে আত্মার প্রকৃত জীবন আরম্ভ হয়। কিন্তু সেই জীবন কি অবিদ্যমান? তাহা আমি জানি না। সীমাবদ্ধ অসীমের ধারণা করিতে আমি অক্ষম।...কিন্তু ইহা জানি যে দেহের বিভিন্ন অংশ ব্যবহারে ক্ষয়-প্রাপ্ত হয় বলিয়াই দেহের বিনাশ হয়। কিন্তু চৈতন্যের এতাদৃশ বিনাশ সম্ভবপর নহে। এই অমুমান শাস্তিদায়ক। যখন ইহা অসম্ভব নহে। তখন ইহা স্বীকার করায় ভয় কি। (ক্রমশঃ)

আন্দামান ও নিকোবর দ্বীপপুঞ্জ

অধ্যাপক শ্রীগণীন্দ্রনাথ বন্দ্যোপাধ্যায় এম-এ, বি-এল

(পূর্বপ্রকাশিতের পর)

পোর্টব্লেয়ার সহরটি কিরূপ, এই প্রশ্নের সংক্ষিপ্ত উত্তর দেওয়া যায় এই বলিয়া যে ইহা সমুদ্র মধ্যস্থ অপেক্ষাকৃত উচ্চ কালিম্পং সহর। ইহার গাছপালা, ঘরবাড়ী, রাস্তাঘাট অধিকাংশই কালিম্পং সহরের স্থায়। কালিম্পং-এর প্রশস্ত ডাকবাংলোর স্থায় ইহার গেট হাউস, কালিম্পং সহরের বাজারের স্থায় ইহার বাজার, কালিম্পং-এর স্থায় ইহার অসংখ্য কাঠের বাড়ী। অধিকাংশ বাড়ীর ছাতই কাঠের, কতকগুলি সরকারী বাড়ীর ছাত করোগেট টিনের প্রস্তুত, উপরে জাল রঙ দেওয়া। এখানকার গাছপালা কালিম্পং-এরই মত, কালিম্পং-এর অসংখ্য পাইন গাছের পরিবর্তে এখানে অসংখ্য মারিকেল গাছ দেখা যায়। এখানকার পথ ও মাঠের উচ্চ-নীচতা কালিম্পং সহরের মতই। এখানকার চাষ-আবাদের জন্ত অধিকাংশ ক্ষেত্রেই সোপানকৃষির (Terrace cultivation) যে ব্যবস্থা আছে, তাহা কালিম্পং-এর কৃষিক্ষেত্রের কথাই স্মরণ করাইয়া দেয়।

এই পোর্টব্লেয়ারই আন্দামানের একমাত্র সহর। পূর্বেই উল্লিখিত হইয়াছে যে, ১৭৯৩ খৃষ্টাব্দে Blair সাহেব এইখানেই জাহাজ হইতে অবতরণ করিয়াছিলেন। এইখানেই কুপ্যাত সেলুলার জেল গঠন করিয়া ইংরাজরাজ তাহাদের কয়েদী উপনিবেশ স্থাপন করেন। ১৯৪২ পর্যন্ত এই দ্বীপ ইংরাজের অধীনেই ছিল। ১৯৪২-এ দেখা যায় যে, এই পোর্টব্লেয়ারকে কেন্দ্র করিয়া ১০০ বর্গ মাইল পরিমিত স্থানে লোকবসতি গড়িয়া উঠিয়াছিল। এই ১০০ বর্গমাইলের মধ্যে ৬০ খানি গ্রাম এবং পোর্টব্লেয়ার হইতে দক্ষিণ আন্দামানের নানা স্থানে ৭৫ মাইল পাকা রাস্তা তৈয়ারী হইয়াছিল। ১৯৪২ হইতে সাড়ে তিন বৎসরকাল জাপানী অধিকারের সময় এবং পরেও বহু লোক উচ্চ

হইয়া পলায়ন করে বা মারা যায়। ফলে পুরাতন ৬০ খানি গ্রামের মধ্যে ২৫ খানি গ্রাম জনশূণ্য হইয়া পড়ে। এদিকে জাপানীরা যুদ্ধের জন্ত পোর্টব্লেয়ার সহর ও গ্রামগুলির উন্নতি সাধন করে। সহরের পাহাড়গুলিতে গভীর গর্ত করিয়া নিম্নে নানারূপ গুদাম এবং অস্ত্রাশ্রয় স্থল প্রস্তুত করে। বর্তমানে সেগুলি সম্পূর্ণরূপে অগম্য হইয়া পড়িয়াছে। সমুদ্রের তীরে তীরে বড় বড় কংক্রীটের গিরাপদ আস্তানা করিয়া জাপানীরা তাহার মধ্যে প্রকাণ্ড কামান স্থাপন করে। সমুদ্রের তীরবর্তী রাস্তার প্রত্যেক মোড়ে কংক্রীটের পিলবক্স ইত্যাদি জাপানী কীর্তিগুলি এখনও সকলেই দেখিয়া থাকে। শুনিলাম একজন বড় মার্কিনী জেনারেল যুদ্ধের পর আন্দামান দেখিয়া বলিয়াছিলেন যে, ‘যুদ্ধ করিয়া এই দ্বীপ জয় করা অসম্ভব’ এত সন্দেহভাবে ইহা সুরক্ষিত হইয়াছিল। জাপানী আনোলে দক্ষিণ আন্দামানে আরও ৩০ মাইল পাকা রাস্তাও নির্মিত হয়। কাজেই পোর্টব্লেয়ার যে দেশের সহর, সেই দেশটির ২,১০০ বর্গমাইল এখনও বনজঙ্গল, কেবল ১০০ বর্গমাইল মাত্র লোকালয়, উহার মধ্যে ৪৮ খানি গ্রামে লোকবসতি আছে, ২৫ খানি লোকহীন পরিত্যক্ত গ্রাম, এবং ১০৫ মাইল ট্রাক রোড জাতীয় পাকারাস্তা, একটি বন্দর ও জাপানীদের দ্বারা প্রস্তুত ও বর্তমানে পরিত্যক্ত একটি এরোড্রাম আছে। স্থপতিদের মতে এই বিমানক্ষেত্রকে কার্যোপযোগী করিতে হইলে অন্ততঃ দুইগন্ড টাকা ইহার জন্ত মেরামতি খরচ করিতে হইবে। ১৯৪৭ সালে স্বাধীন হইবার সময় ভারত সরকার এইরূপ আন্দামানকেই পাইয়াছিলেন।

পোর্টব্লেয়ার সহরে একটি হাই ইংলিশ স্কুল আছে, ইহা কলিকাতা বিশ্ববিদ্যালয়ের দ্বারা অনুমোদিত। এখানে বর্তমানে ম্যাট্রিকুলেশন পর্যন্ত পড়া হয়, ইন্টারমিডিয়েট পড়িবার আরোজন সম্প্রতি করা হইতেছে। গত বৎসর ১৪ জন ছাত্র ম্যাট্রিক পরীক্ষা দিয়াছিল

তন্মধ্যে ৭ জন মাত্র উত্তীর্ণ হইয়াছে। এ ছাড়া আন্দামানের গ্রামগুলিতে সর্বসমেত ১৪টি নিম্ন ও উচ্চ প্রাইমারী স্কুল আছে। হাইস্কুলের পরিচালন করেন High School Managing Committee এবং প্রাইমারী স্কুলগুলি পরিচালিত হয় The Education Advisory Committee র দ্বারা। প্রাইমারী স্কুলগুলিতে সর্বসমেত প্রায় বারশত ছাত্র শিক্ষালাভ করিতেছে। পোর্টব্লেয়ার সহরে একটি ভালো টকী সিনেমা আছে। সিনেমায় মধ্যে মধ্যে বাংলা ও ইংরাজী ছবিও দেখান হইয়া থাকে, তবে হিন্দী ছবিই অধিক হইয়া থাকে। এখানকার হাসপাতালটি সুসজ্জিত এবং হাসপাতালে উপযুক্ত চিকিৎসকও আছেন অনেক। এখানে কোন ডাক্তারকেই প্রাইভেট প্র্যাকটিস করিতে দেওয়া হয় না। যে কোন অস্থলের জন্মই পোর্টব্লেয়ারবাসীকে হাসপাতালে খাইতেই হইবে এবং হাসপাতালই বিনাব্যয়ে ঔষধ দিবে, কাজেই এখানকার বাজারে ঔষধ বিক্রয় হয় না। সহরে টেলিফোন এবং ইলেকট্রিকের সুবন্দোবস্ত আছে। কংক্রীট ও পাঁচের চওড়া রাস্তা, রাস্তায় ইলেকট্রিক আলো, জলের কল, ম্যানিটোরী পায়খানা, ঘরে ঘরে রেডিও, গ্রামোফোন ইত্যাদি যন্ত্রের এবং ভারতের নানা প্রদেশের নানাভাষার কণ্ঠ সঙ্গীত, স্বাস্থ্যবান সুবেশ নরনারী, সাইকেল-আরোহী তরুণ বালকবৃন্দ সমস্ত মিলিয়া এখানকার আবহাওয়া বড় মনোরম। পোর্টব্লেয়ারবাসীর সাক্ষ্য-বিনোদনের জন্ত officer, local born, বাঙালী ইত্যাদি বিভিন্ন শ্রেণীর জন্ত বিভিন্ন ক্লাব, বৃদ্ধের ভ্রমণের জন্ত সমুদ্রতীরের নির্জন রাস্তা, খেলোয়াড়দের জন্ত বিখ্যাত জমিখানা ক্লাব, শিকারীদের ছুটির দিনে শিকার করিবার জন্ত সহর হইতে পাঁচ-সাত-দশ মাইল দূরে হরিণের প্রাচুর্য এ সমস্তই আছে। জঙ্গলে সুবিধা এই যে, হিংস্র জন্ত একেবারেই নাই। সহরে আরও একটি প্রকাণ্ড সুবিধা, এখানে কোন সংবাদপত্র বা কোন রাজনৈতিক পার্টির অফিস নাই। মাইকোফোন সংযোগে কোন নেতা অথবা চিৎকার করিয়া এখানকার আবহাওয়াকে বিঘ্নিত করিয়া তুলেন না, বা খবরের কাগজ পড়িয়া লোকে উত্তেজিত হইবার সুবিধাও পায় না। এখানে সরকারী ছাপাখানা হইতে এখানকার মাত্র সিকি ফুলফ্যাপ সাইজের দৈনিক সরকারী সংবাদপত্র প্রকাশিত হয়। উহাতে পি-টি-আই ও ইউ পির টেলিগ্রামগুলি এবং স্থানীয় সরকারী কোন সংবাদ থাকিলে মাত্র সেইটুকুই ছাপা হইয়া থাকে।

পোর্টব্লেয়ারের সমস্তই হিসাব করিয়া সরকারী পয়সায় গঠিত বলিয়া এখানকার ধর্ম ব্যবস্থাও সেইরূপ নিষ্কি মাপিয়া করা হইয়াছিল। পূর্ব-বর্ণিত 'রস' দ্বীপের গির্জা ছিল বড় সাহেবদের নিজেদের জন্ত। সেই গির্জাটির কথা বাদ দিলে এখানকার অর্থাৎ পোর্টব্লেয়ারের গির্জা ছোট এবং সামান্য। সেইরূপেই এখানে একটি কালীমন্দির, একটি মসজিদ, একটি শিখ-মন্দির, একটি প্যাগোডা সরকারী অর্থে নির্মিত আছে। ইহার উপর মুসলমানদের অর্থে আরও দুইটি মসজিদ নির্মিত হইয়াছে, হিন্দুরা একটি গোবিন্দজীর মন্দির করিয়াছেন। এখানে হিন্দু মুসলমানের সম্পর্ক

আপাতঃ দৃষ্টিতে বন্ধুত্বপূর্ণ হইলেও যতটা দেখায় ততটা নয়। পূর্ববর্তী চীফ কমিশনার মিঃ মজিদ এখানে সাম্প্রদায়িকতার বৃক্ষে ভালোভাবেই জগসেচন করিয়াছিলেন এবং ভারত বিভক্ত হইবার পর হইতে যে দেড়-বৎসরকাল তিনি ভারত সরকারের অধীনে আন্দামানের চীফ কমিশনার রূপে প্রতিষ্ঠিত ছিলেন, সেই সময়ের মধ্যেই তিনি ভারতসরকারের নিযুক্ত ও কলিকাতার অবস্থিত মুসলমান Liason officer 'রিজ্‌তি' সাহেবের সাহায্যে আন্দামানে বহু মুসলমান আমদানী করিয়া তলে তলে এরূপ অবস্থার সৃষ্টি করিয়াছিলেন যে, আরও কিছুদিন এইরূপে চলিলে আন্দামান মুসলমান-প্রধান দ্বীপে পরিণত হইত এবং একবার মুসলমান প্রধান হইয়া পড়িলে তখন এই স্থানের শত্রুশালন এবং নৌ ও বিমান বাঁটা গঠনের পক্ষে বিশেষ উপযুক্ত দ্বীপটি যে কাশ্মীরের অবস্থা প্রাপ্ত হইত বা গোলাখুলি পাকিস্তানের অন্তর্ভুক্ত হইতে পারিত, এই আশঙ্কা অনেকেরই করেন। যাগ হটক বর্তমানে হিন্দু মুসলমানের বাহ্যিক মিলন দেখা যায়। আমরা দেখিলাম হিন্দুর দুর্গোৎসব ব্যাপারে মুসলমানগণ আনন্দ উৎসবে যোগদান করিবার জন্ত ব্যবস্থা করিতেছে। এখানকার ইঞ্জিনিয়ার ও সরকারী Harbour Master শ্রীমিহির সাম্রাণ্যের বাংলা সংলগ্ন ভূমিতে এখানকার সর্বজনীন দুর্গোৎসবের অনুষ্ঠান হয়। শুনিলাম যে, মুসলমানগণও এই উৎসবের আনন্দপর্বে হিন্দুর সহিত একত্রেই যোগদান করে।

পোর্টব্লেয়ারের বাজার অঞ্চলটি সহরের মধ্যস্থলে অবস্থিত। বাজারে অনেকগুলি দোকান আছে। কাপড়ের ও দর্জির দোকান, জুতার দোকান, বাটা কোম্পানী, মনোহারী দোকান, রুটী, বিস্কুট, লেজেন্সের দোকান, মুদিখানা, সোডা লেমনেডের ছোট কারখানা, বরফ কল, নানা-বিধ মাদ্রাজী খাবারের দোকান, ভাতের হোটেল, পান সিগারেটের ছোট ছোট দোকান, নারিকেল, কলা, পেঁপে ইত্যাদি স্থানীয় ফল এবং আঙ্গুর, কিম্বিস, আপেল ইত্যাদি আমদানী-করা ফলের দোকান, ঘড়ি, ফাউন্টেন পেন, রেডিও, গ্রামোফোন প্রভৃতির দোকান ও মেরামতের কারবার অনেক গুলি আছে। যুদ্ধের সময় হইতে আটা, চাউস ও চিনির বরাদ্দ ব্যবস্থা বা রেশন কার্ডের বন্দোবস্ত চলিতেছে। রাস্তার উপর এই সমস্ত দোকান এবং এই দোকানগুলির পিছনে কাঁচা বাজারের দোকান। বাজার সকাল বিকাল সব সময়েই হয়। শাক, আলু, কপি, কুমড়া ইত্যাদি সমস্তই পাওয়া যায়, তবে আলু এখানে তেমন উৎপন্ন হয় না, অধিকাংশই কলিকাতা এবং মাদ্রাজ হইতে চালান আসিয়া থাকে। ডিম, কাকড়া এবং মাংস সর্বদাই পাওয়া যায়, এ ছাড়া সমুদ্রের নানাজাতীয় মাছও আছে। ভোজনবিলাসিরা সকালে সমুদ্রের ধারে আসিয়া জেলেদের নিকট হইতে মাছ সংগ্রহ করেন, বাজারেও টাটকা এবং শুটকী মাছ বিক্রয় হয়। পোর্টব্লেয়ারে মাত্র ৭২ জন রেজেক্ট্রীকৃত ধীবর আছে, তবে এ ছাড়াও বহু লোকেই মাছ ধরে। পোর্টব্লেয়ারে আর একটি জিনিষ দেখিলাম, উহার ইংরাজী নাম "edible bird's nest", অর্থাৎ ভোজন-যোগ্য পাখীর বাসা। উহার সম্বন্ধে বিশদ বিবরণ এই যে, একজাতীয় সামুদ্রিক পাখী আছে যাহারা সমুদ্রের জলের ধারে পাখরের মধ্যে কোন

গভীর গর্ত পাইলে উহার ভিতর নিজেদের বাসা বাঁধে। অশ্রু পাখীর শ্রায় উহারা খড় কুট দিয়া বাসা বাঁধে না, পরন্তু উহাদের মুখ দিয়া এক প্রকার লাল নিসৃত হয়, সেই লাল দিয়া উহারা বাসা নির্মাণ করে। সেই বাসার সন্ধান পাওয়া শক্ত, তবে ঐ পাখী কোথায় উড়িয়া যাইতেছে, সমুদ্রের জেলেডিজি হইতে জেলেরা তাহা লক্ষ্য করিয়া সেইখানে গিয়া পাখরের গর্ত হইতে ঐ বাসা ভাঙ্গিয়া লইয়া আসে। প্রথমতঃ ঐ প্রকার পাখীর বাসা সংখ্যায় নিতান্ত কম হয় বলিয়া এবং বিপজ্জনক স্থান হইতে আনিতে হয় বলিয়াও ইহার মূল্য খুবই বেশী। ঐরূপ একটি গোটা বাসার মূল্য ৩০০, হইতে ৪০০, টাকার মত। ইহা রবারের শ্রায় জমাট ও নরম, ইহাকে খণ্ড খণ্ড করিয়া কাটিয়া ভরি' দরে বিক্রী করা হয়। এক তোলা ওজনের পাখীর বাসার দাম ৬, হইতে ১০, টাকা পর্যন্ত হইয়া থাকে। ইহা গরম মসলার শ্রায় অতি সামান্য পরিমাণে তরকারীর সহিত দেওয়া হয়। ইহা মৃগনাতির শ্রায় স্নগন্ধী ও তেজস্কর এবং যুরোপীয়দের ইহা অত্যন্ত প্রিয় খাদ্য।

পোর্টব্লেয়ারে অনেকগুলি বিখ্যাত ব্যবসায়ী আছেন। ইহাদের নাম না করিলে এখানকার বাজারের কথা শেষ হয় না। তাহাদের মধ্যে সর্বাপেক্ষা ধনী B. Akooji & Sons। এই কারবারের ইতিহাস পূর্বেই বলা হইয়াছে। বর্তমানে ইহার নিজস্ব জাহাজ এবং সমগ্র কার-নিকোবরের নারিকেলের একচেটিয়া ব্যবসা আছে। দ্বিতীয় ব্যবসায়ী Krishnaswamis & Sons। এই কারবার পোর্টব্লেয়ারগামী সমস্ত জাহাজে জাহাজের প্রয়োজনীয় মাল সরবরাহ করিয়া থাকেন। এ ছাড়া Govinda Rajula & Co, Sukram & Co, Arungar & Co, Kesholal & Co ইত্যাদি কতকগুলি বড় বড় বাণিজ্য প্রতিষ্ঠান আছে। ইহারাই এখানকার আমদানী রপ্তানির বাণিজ্য করিয়া থাকেন। বর্তমানে ইহার কাপড়, চাউল, আটা, আলু, পিঁয়াজ ইত্যাদি আমদানী করেন এবং কাঠ, নারিকেল, কচ্ছপের খোলা, আহ্নারযোগ্য পাখীর বাসা ইত্যাদি রপ্তানি করেন। (এখানে ১৯৪৯এর হিসাব অনুমিত হয় যে, ঐ বৎসর প্রায় ১০০০ টন চাউল এখানে উৎপন্ন হইয়াছিল এবং ১,৪৪০ টন চাউল ও ৯০০ টন গম আমদানী হইয়াছিল।) পোর্টব্লেয়ারের এই আমদানী রপ্তানী বাণিজ্য কলিকাতা ও মাদ্রাজের সহিত হইয়া থাকে। এখানকার শতকরা ৭৫ ভাগ আমদানী ও শতকরা ৯০ ভাগ রপ্তানী বাণিজ্য কলিকাতার সহিত এবং অবশিষ্ট বাণিজ্য মাদ্রাজের সহিত হইয়া থাকে। তবে এই সংখ্যাগুলি সমস্তই আনুমানিক, কারণ এই প্রসঙ্গে কোন নির্ভরযোগ্য হিসাব আন্দামানের সরকারী দপ্তরে পাওয়া যায় না। National Chamber of Commerce এর পক্ষ হইতে শ্রীমদীশ্বরজন বিশ্বাস মহাশয় আন্দামানের সংবাদ লইয়া ভারত সরকারকে যে রিপোর্ট দেন তাহার মধ্যে তিনি লিখিয়াছেন, "There is in particular no record showing the total value of exports and imports, from and to the islands, and the one fact that struck me

was the absence of any statistical literature maintained by the Administration"।

পোর্টব্লেয়ারের এয়ার্ডিনের বাজারের কিছু দূরে সেলুলার জেলের পথের ধারে এখানকার 'পাওয়ার হাউস'। পাওয়ার হাউসটি ছোট, এখানে তিনটি ডিজেল-চালিত এবং একটি পেট্রল-চালিত বিদ্যুৎ উৎপাদক জেনারেটর আছে। তিনটি ডিজলে যথাক্রমে ১০০, ৫০ এবং ৩৬ কিলোওয়াট এবং পেট্রলে ২৪ কিলোওয়াট বৈদ্যুতিক শক্তি উৎপাদন করা হয়। সহরে ২৪ ঘণ্টার মধ্যে মাত্র দুই ঘণ্টা অর্থাৎ সকাল ৮ হইতে ১০টা পর্যন্ত আলো জ্বলে না। শুধু আলো জ্বালিবার জন্ত ইলেকট্রিক লাইলে বাড়ীতে মিটার থাকে না, প্রতি আলোর জন্ত মাসিক দু'টাকা করিয়া বিল দিতে হয়; কাজেই দিনে রাতে কেহই আলো নিভাইবার জন্ত তেমন ব্যস্ত হয় না। পোর্টব্লেয়ারে বৈদ্যুতিক শক্তি বৃদ্ধির জন্ত একটি পরিকল্পনা চলিতেছে। ঐ পরিকল্পনায় ৫৫০ কিলোওয়াট শক্তি উৎপাদন করিবার কথা আছে; ইহার জন্ত একটি বয়লারও বসান হইয়াছে। ঐ বয়লারের অভিনব ব্যবস্থা করা হইয়াছে যে, ইহাতে কয়লার পরিবর্তে করাত-গুঁড়া (Saw Dust) দিয়া কাজ চালানো হইবে। এখানকার করাত কল হইতে যে প্রচুর করাত গুঁড়া এতদিন নষ্ট হইত, সেই করাত-গুঁড়াগুলি এই ভাবে কাজে লাগাইবার ব্যবস্থা হইতেছে।

পোর্টব্লেয়ার সহরে তিনটি ছোট কারখানা আছে। একটি সরকারী বনবিভাগের অধীনে Saw mill বা করাত কল। ইহা 'চাখাম' দ্বীপে জাহাজ ঘাটের পার্শ্বেই অবস্থিত। এই কারখানায় মাসিক ২,৪০০ টন পর্যন্ত কাট চেরাই হইতে পারে। আন্দামানের বনবিভাগ হইতে বর্তমানে মাসিক ৪,০০০ টন কাঠ কাটা হয়, তন্মধ্যে ২,৪০০ টন কাঠ 'চাখামে' চেরাই হইয়া রপ্তানী হয়, বাকী ১৩০০।১৪০০ টন কাঠ দেশলাই তৈরীর জন্ত Wimco Match Factory ক্রয় করে এবং ২০০।৩০০ টন শিমূল জাতীয় কাঠ ভ্যানেস্তা (Plywood) করিবার জন্ত চালান হইয়া যায়। কাঠের ব্যবসাই আন্দামানের প্রধান কাজ এবং সেই জন্ত সমগ্র আন্দামানই সরকারী বনবিভাগের অধীনস্থ করিয়া এখনও পর্যন্ত রাখা আছে।

দ্বিতীয় কারখানা, Wimco Match Factory। ইহা Aberdeen-এ অবস্থিত। এই প্রতিষ্ঠানটি ভারতে অবস্থিত হইলেও মূলধন এবং পরিচালনায় ইহা একরূপ বিদেশী। এই West India Match Company সরকারী বনবিভাগ হইতে পূর্বেই লিখিত ১৩০০, ১৪০০ টন নরম কাঠ কিনিয়া দেশলাইয়ের কাঠি ও বাস্তু তৈরী করিয়া ভারতবর্ষে চালান দেয়। বর্তমানে পাকিস্তান ভাগ হইয়া যাওয়ার পর ভ্যানেস্তা ও দেশলাইয়ের উপযুক্ত নরম কাঠের (soft wood) বিশেষ অভাব হইয়া পড়িতেছে। এইরূপ কাঠ পূর্বে প্রচুর পরিমাণে পাওয়া যাইত চট্টগ্রাম, সিরাজগঞ্জ, আসাম ও আন্দামান হইতে। বর্তমানে প্রথম দুইটি স্থান হইতে কাঠ পাওয়ার উপায় নাই, সেইজন্য আসাম ও আন্দামানের উপরই বিশেষ করিয়া নির্ভর করিতে হইতেছে।

তৃতীয় কারখানা, সরকারী ডক্‌ইয়ার্ড ও মোটর মেরামতির প্রতিষ্ঠান। ইহা পোর্টব্লেরের Phoenix Bay নামক সমুদ্রকূলে অবস্থিত। এখানে নৌকা তৈয়ারী হয় এবং জাহাজের অল্প স্বল্প মেরামত এবং মোটর গাড়ী ইত্যাদির যাবতীয় মেরামত কার্য হইয়া থাকে। জাপানী অধিকারের সময় এই স্থানে ১০০ ফিট লম্বা ৮০ হইতে ১০০ টনের নৌকা ও ছোট ছোট ষ্টীমলাঞ্চ পর্য্যন্ত প্রস্তুত হইত। এখানে দুইটি ছোট ড্রাই ডকও আছে।

জেলখানা, হাসপাতাল, পুলিশ স্টেশন, সরকারী অফিস, কাছারী (কিছুদিন পূর্বে এখানে জজকোর্ট পর্য্যন্ত স্থাপিত হইয়াছে এবং ডহাকে কলিকাতা হাইকোর্টের অধীনস্থ করা হইয়াছে) জাহাজী অফিস, বনবিভাগ ও পূর্বিভাগের অফিস, পোষ্ট অফিস ও টেলিগ্রাম (পোর্টব্লেরের টেলিগ্রামগুলি সমস্তই কিনাতারে পাঠানো হয়, মাদ্রাজ উহা গ্রহণ করিয়া টেলিগ্রাম রূপে যথাস্থানে প্রেরণ করে।) ছাড়া উপরোক্ত কয়েকটি মাত্র উল্লেখযোগ্য কর্ম প্রতিষ্ঠান বর্তমানে পোর্টব্লেরে আছে। পোর্টব্লেরে কুলি হইতে আরম্ভ করিয়া সর্বোচ্চ-পদস্থ কর্মচারী পর্য্যন্ত লইয়া মোট প্রায় সাড়ে নয় হাজার ব্যক্তি নিযুক্ত আছেন। ভারতের সর্বপ্রদেশ হইতেই কর্মচারীবৃন্দ আসিয়াছেন, তবে কুলি মজুর অধিকাংশই ছোটনাগপুর হইতে আনীত। ইহার রাঁচীর অফিস হইতে সংগৃহীত হয় বলিয়া 'রাঁচী-কুলি' নামে অভিহিত। এই সমস্ত কুলিদের একবছরের চুক্তিতে চাকুরীতে বহাল করা হয়। যেদিন রাঁচীতে চাকুরীতে লওয়া হয় সেই দিন হইতে পুনরায় রাঁচীতে ফিরিয়া যাওয়ার দিন পর্য্যন্ত ইহার নিয়মিত বেতন পাইয়া থাকে। জাহাজে আসিবার ভাড়া এবং জাহাজের খাওয়ার ব্যয় সমস্তই সরকার বহন করিয়া থাকেন। আন্দামানে শ্রমিকের অভাবের জন্ত এই ভাবে overseas চাকুরীর সুবিধা দিয়া ভারত হইতে শ্রমিক আমদানী করিতে হয়।

এখানে বর্তমানে শ্রমিকের মজুরীর হার এইরূপ :—

সাধারণ শ্রমিক মাসিক বেতন ১৬ + ২৫ টাকা মাগ্‌গীভাতা।
জাহাজে মাল তোলা-নামানোর কার্যে নিযুক্ত শ্রমিক দৈনিক ২ টাকা + মধ্যাহ্নের আহার।

ঐ কাজে নিযুক্ত সর্দার (mate) দৈনিক ৩৭/০ + মধ্যাহ্নের আহার।
জাহাজের ডেকে নিযুক্ত শ্রমিকের সর্বনিম্ন দৈনিক বেতন ১১ + ২৫ টাকা মাসিক হিসাবে মাগ্‌গীভাতা।

ঐ সর্বোচ্চ দৈনিক বেতন ৮ + ২৫ টাকা মাসিক হিসাবে মাগ্‌গীভাতা।

বনবিভাগের শ্রমিকদের মাসিক বেতন ১৭ টাকা হইতে ৩০ টাকা + ২৫ টাকা মাসিক মাগ্‌গীভাতা + ৫ টাকা বনবাস ভাতা।

আন্দামানের শ্রমিকদের মধ্যে অধিকাংশই ভারতীয় শ্রমিক, কেবল ডকের কাজে নিযুক্ত শ্রমিকের প্রায় শতকরা ৯০ জন আন্দামানের Local Born হইতে সংগৃহীত। আন্দামানে একজনও বেকার নাই, উপরন্তু এখনও পর্য্যন্ত সেখানে বহু লোকের উপজীবিকার উপযুক্ত স্থান আছে।

এই সূত্রে উল্লেখ করা বোধ হয় অপ্রাসঙ্গিক হইবে না যে, প্রতিমাসে এই দ্বীপ হইতে এখানকার কর্মচারী ও শ্রমিকগণ সরকারী ট্রেজারীর মারফৎ আড়াই লক্ষ টাকা ভারতে নিজেদের আত্মীয়বর্গের নিকট প্রেরণ করিয়া থাকেন।

এখানকার বাণিজ্য ও শিল্প সম্বন্ধে উল্লেখ করিবার সময় একটি বিখ্যাত বিশেষ ভাবে স্মরণ করাইয়া দেওয়া প্রয়োজন যে, এখানে কোনও ব্যাঙ্কের শাখা বা কোন বীমা কোম্পানী আদৌ নাই। একমাত্র পোষ্ট অফিস সেভিংস ব্যাঙ্ক ছাড়া লোকের টাকা রাখিবার জন্ত কোন স্থানই নাই। বীমা ও ব্যাঙ্ক ব্যবসায়ীরা যদি এখানে কোন শাখা প্রতিষ্ঠান খোলেন, তাহা হইলে এখানকার অধিবাসী এবং যে-কোম্পানী এইরূপ শাখা খুলিবেন, তাহার উভয়েই লাভবান হইবেন সন্দেহ নাই।

(ক্রমশঃ)

বাল্য-লীলা

শ্রীবিষ্ণু সরস্বতী

ইন্দিরাসম স্নানরী সাজে নবীনা মাতার মুরতি ধরি
ক্রন্দনরোল তুলিছে পুতনা আজো শত শিশু শোণিত হরি'।
আজিও ভারতে তৃণাবর্তের দেখি প্রতিদিন ঘূর্ণীপাক
উড়াইয়া দেয় সকল শান্তি রচিয়া দারুণ দুর্বিপাক।
বৎসের রূপে কংশের দূত আজিও কৃষ্ণে হানিতে চায়,
পাপ অঘাসুর পল্লী-বালকে আপন কবলে টানিতে ধায়।

বকের কপট ছলনার জালে জড়াইয়া পড়ে আজিও লোক,
বাড়াইয়া তোলে প্রতিটি দিবস মাহুষের যত দুঃখশোক।
ভাবি তাই মনে শুনিতে পাইব আবার মধুর মুরলী গান,
বৃন্দাবনের ধ্বংস সাধনে নিষ্ফল হবে এ অভিযান।
ছল-খল-দল-দমন-কঠোর কুটিল মারণ মুরতি ধরি।
জানি আমি জানি শুনিতেছি ধ্বনি আসিছে দর্পহরণ হরি।

বিশ্বের বিখ্যাত পত্রাবলী

অধ্যাপক শ্রীমাখনলাল রায় চৌধুরী

দার্শনিক নিট্শের পত্র সঙ্গীত-শাস্ত্রী ওয়াগনারের নিকট

পত্রপরিচয় :

নবীন নিট্শে, প্রবীণ ওয়াগনার, দার্শনিক নিট্শে, সুরশ্রষ্টা ওয়াগনার। নিট্শের খ্যাতি তখনও জার্মান দেশে প্রথম প্রভাত রাগ রেখা। ওয়াগনারের প্রতিভায় তখন জার্মান সংস্কৃতি অমুপ্রাণিত। ওয়াগনারকে জার্মান জাতির প্রতীক বলে সমস্ত দেশ তাঁকে শ্রদ্ধা নিবেদন করে কৃতার্থমগ্ন। ত্রিশ বৎসর বয়সের পার্থক্য সত্ত্বেও নিট্শে ওয়াগনারের সঙ্গে স্নেহিত বন্ধনে অমুরঞ্জিত। ওয়াগনারের সঙ্গীতের জগৎ নিট্শে শব্দ যোজনা করে ধন্য। একদা নিট্শে নিবেদন করলেন, “সঙ্গীত বিয়োগ দিলে মানুষের জীবন নিরর্থক। জার্মান জাতির জীবন ওয়াগনারের সঙ্গীত মুখরিত।” নবীন দার্শনিকের স্তুতি প্রবীণ ওয়াগনারের অহঙ্কারকে অত্যাঙ্গ করে তুলছে।

১৮৬৯ সাল। জার্মানজাতি অস্ট্রিয়ার সাম্রাজ্যকে বিধ্বস্ত করেছে। ফরাসী সম্রাট তৃতীয় নেপোলিয়ানের সঙ্গে আসন্ন যুদ্ধের জগৎ জার্মান জাতি প্রস্তুত, জাতির প্রতি অঙ্গে অঙ্গে জীবনের অমুভূতি। নিট্শে বাসল বিশ্ববিদ্যালয়ে শব্দশাস্ত্রের অধ্যাপক। ওয়াগনার বাসলে সুর-শ্রুতিতে ধ্যানমগ্ন। ওয়াগনারের গৃহে নিট্শে ষ্ট্রুটমাসের অতিথি। ওয়াগনার গুরু, নিট্শে শিষ্য।

ওয়াগনারের অমুপ্রেরণায় নিট্শে “সঙ্গীতের প্রচ্ছদপটে বিয়োগান্ত কাব্যের জন্ম” (Birth of Tragedy Out of Music) নামক গ্রন্থ রচনা আরম্ভ করলেন। এই রচনার আবেগে নিট্শে তাঁর সর্বোত্তম দার্শনিক তথ্য আবিষ্কার করলেন। সে তথ্যের মূলবস্তু হল “আমি অনুভব করি যে, মানব জীবনের সর্বশ্রেষ্ঠ সাধনা ও সর্বোত্তম প্রেরণা কৃচ্ছ্রতম জীবন যাত্রার মধ্য দিয়ে বিকশিত হতে পারে না। সংগ্রামের অভিলাস, শাস্তিলাভের অভিলাস, বিজয়ের অভিলাসের মধ্য দিয়েই মানুষের জীবনী শক্তি চরম প্রকাশ হবে।”

শিষ্য নিট্শে ওয়াগনারকে অভিনন্দন জানালেন, “আপনি দ্বিতীয় গ্রীক সঙ্গীত-বিশারদ এসকাইলাসের প্রতীক; আমি আপনাকে তুলনা করি ডায়োনিসাসের সঙ্গে।” ওয়াগনার এই স্তুতিকে ব্যক্তিগত উচ্ছ্বাস বলে গ্রহণ করেন নি বরং সমগ্রজাতির শ্রদ্ধাবলে গ্রহণ করলেন। নিট্শে ছিলেন জার্মান জাতির মনোমন্দিরের প্রদীপ-বাহক, ওয়াগনার ছিলেন সেই মন্দিরের দেবতা।

হঠাৎ একদিন ওয়াগনারের সঙ্গীত আলোচনার অবকাশে নিট্শে সমালোচনার পর্যায়ে উপনীত হলেন। শিষ্যের সমালোচনার ওয়াগনার স্নান হলেন; তিনি চকিত হলেন। তিনি নিট্শেকে করলেন পত্রাঘাত,

স্বকল্পিত ভাস্তি দিলেন দেখিয়ে। বিচক্ষণ নিট্শে দিলেন প্রত্যুত্তর। উত্তর প্রত্যুত্তরের পরিণতি হল দুই বছর বিচ্ছেদে।

নিট্শে প্রচার করলেন, “প্রতি মানবসত্তার দুইটি রূপ আছে— পুং-রূপ ও স্ত্রী-রূপ। সঙ্গীত স্ত্রী রূপেরই বিকাশ। সঙ্গীতের মধ্যে রয়েছে মানব মনের ঔপগাসিক স্তরে অসংগত বাক্‌বিজ্ঞান, আদর্শগত মিথ্যার রূপান্তর, মানুষের বিবেকের লঘু প্রকাশ। আমি দেখেছি সঙ্গীত একটি বিরাট মানব মনকে আচ্ছন্ন করে রেখেছে।”

রচনা, আলোচনা এবং সমালোচনা দুই বছর মধ্যে এমন বিচ্ছেদ সৃষ্টি করল, নিট্শে ওয়াগনারের সঙ্গে পথে সাক্ষাৎ হলে বাক্যালাপ পর্যন্ত করেন নি। কিন্তু রচনার মধ্য দিয়ে দুইজন মণীষীই পরস্পরকে আঘাত করে চলেছেন। ওয়াগনার লিখলেন Parsifal দিলেন একখণ্ড নিট্শেকে উপহার। নিট্শে লিখলেন Human All-too-Human, পুস্তকের মধ্যে ছিল সঙ্গীত ও শিক্ষা সম্পর্কে তাঁর তীব্র শ্লেষ; এবং পরোক্ষে ছিল ওয়াগনারের প্রতি আঘাত। নিট্শে পুস্তকখানি ছদ্মনামে প্রকাশ করবেন বলে স্থির করলেন, কারণ হয়ত ওয়াগনার-পন্থীগণ আঘাত পাবেন। নিট্শের মন্তব্যে লিখিতদের অনেকেই ছিলেন নিট্শের বন্ধু। নিট্শে তাঁদের সঙ্গে বিরোধ ইচ্ছা করেন নি। কিন্তু ওয়াগনারের নিকট পুস্তকের পিতৃত্ব স্বীকার করে লিখলেন পত্র :—

পত্রাভিবাদ :—

আপনার নিকট আমি Human, All-too-Human, পুস্তকখানি পাঠিয়েছি। এর মধ্য দিয়ে আপনার ও আপনার সহধর্মিণীর নিকট এই পুস্তকের রচনার দায়িত্ব স্বীকার করছি, আমার মনের গোপন কথাগুলি প্রকাশ করলাম। আমার বিশ্বাস আছে যে আপনারা দু'জনই আমার বিশ্বাসের পূর্ণ মর্যাদা প্রকাশ করবেন। এই পুস্তক আমারই রচনা। এই পুস্তকের মধ্য দিয়ে আমি মানুষ ও বস্তুর বিষয়ে আমার গোপনতম ধারণাগুলি সর্বপ্রথম প্রকাশ করেছি, এর মধ্য দিয়ে আমি আমার চিন্তা রাজ্যের পরিধি পূর্ণ পরিভ্রমণ করেছি। এই রচনা আমার প্রায় দুঃখের দিনে আমাকে প্রচুর সাহায্য দিয়েছে; যখন পৃথিবীর সকল বস্তু আমার নিকট রসহীন, তখন এই রচনা আমার মধ্য রসসঞ্চার করেছে। আমি! যে এই রকম একখানি পুস্তক রচনা করতে পেরেছি, তাতে মনে হয় আমি এখনো জীবন্ত।

আমি করেকটা কারণে এই পুস্তক রচনার ছদ্মনাম গ্রহণ করেছি। প্রথমতঃ আমার পুরাতন রচনার প্রভাবকে আমি স্মরণ করতে ইচ্ছা করি না; দ্বিতীয়তঃ, আমি প্রত্যেকে বা পরোক্ষে আমার ব্যক্তিগত

মর্ধ্যাদাকে দূর করতে প্রত্যাশী নই ; সর্বশেষে আমি ইচ্ছা করি যে, বৈজ্ঞানিক আলোচনার আমার বন্ধুবান্ধব সকলেই অংশ গ্রহণ করবেন। আমার নামে পুস্তক প্রকাশিত হলে অনেকেই অপ্রিয় আলোচনা করতে সংকোচ বোধ করবেন। আমার নামে পুস্তক প্রকাশিত হলে অনেকে এই পুস্তকের আলোচনা থেকে দূরে সরে যাবেন।

আমি জানি, অস্তুতঃ একজন মনীষী আছেন যিনি আমার প্রকাশিত ধারণাগুলি স্বার্থ বলে বিবেচনা করবেন, কিন্তু তিনি প্রকাশ্যভাবে এই ধারণাগুলির বিরুদ্ধতা করবেন।

আমি একজন আহত সৈনিক। বহু আঘাত সহ করেও আমি জীবনের পথে অগ্রসর হয়েছি। আমি পর্বতের শিখরে আরোহণ করেছি, নিশান উড়িয়েছি। আমার চতুর্পার্শ্বে নানা বীভৎস দৃশ্য নিরীক্ষণ করছি, দুঃখের অভিজ্ঞতাই আমার অধিক। আনন্দ আমার জীবনে পরোক্ষ অভিজ্ঞতা।

আপনি জানেন যে, আমি কখনো ব্যক্তিগতভাবে চিন্তা করিনি, সমষ্টিগত চিন্তাই আমার প্রধান মূলধন। আবার সমাজ ও ব্যক্তি দুইই আমাকে সমভাবে আকর্ষণ করে। আমি হৃদয় পথ অতিক্রম করেছি—যে আমি নিতান্ত নিঃসঙ্গ, আমি পশ্চাতে লক্ষ্য করে দেখিনি আমার অনুগামী সহযাত্রী কত দূরে ; তাঁরা মৃত কি জীবিত তাও দেখবার অবসর আমার ছিল না।

পত্র পরিণাম :—

এই পত্র ওয়াগনারের হস্ত স্পর্শ করেছিল কিনা সন্দেহ। পুস্তক-প্রকাশক বলেছিলেন যে নিটশের নাম উল্লেখ না থাকলে পুস্তক বিক্রয় হবে না, নিটশে পুস্তকের বহু অংশ পরিবর্তন করেছিলেন কারণ ওয়াগনার হয়ত আহত হবেন। পুস্তকখানি নিটশে বিনা ভূমিকাতাই ওয়াগনারের নিকট পাঠিয়েছিলেন। শুধু উপরে লিখেছিলেন :—

“আমাদের মধ্যে আর কোন বন্ধনই অবশিষ্ট নেই। আমরা সাগ্রহে পরস্পরের ভাবধারার পরিপুষ্ট হয়েছি, যদিও অনেক সময় আমাদের চিন্তা সম্পূর্ণ বিরুদ্ধপথচারী ছিল।”

কিন্তু অভিমাত্রী ওয়াগনার নিজের ধারণাকে কখনো নৈর্ব্যক্তিক বলে বিবেচনা করেন নি। তিনি দাবী করতেন অকুণ্ঠ অর্থ, নিরক্ষণ প্রশংসা এবং স্বাধীন আনুগত্য। কিন্তু ওয়াগনার পুস্তক পাঠ করে দেখলেন—তাঁর মধ্যে রয়েছে প্রাক্তন শিশুর গুরুজ্যোহ ; না, না, আরো বেশী, প্রিয় শিশুর প্রতিভার আঘাত। এই পুস্তক পাঠের পরে ওয়াগনার এমন আঘাত পেলেন যে নিটশের সঙ্গে আর পুনর্মিলনের কোন অবসর রইল না।

মৃত্যুর পূর্বেদিনে (১৯০০ খৃঃ) নিটশে তার গৃহ প্রাচীরে বিলম্বিত ওয়াগনারের তৈলচিত্র নিরীক্ষণ করে মুচ্ছার আবেগে বলেছিলেন, “ঐ ঐ, আমি তাঁকে যে অত্যন্ত প্রীতি করতাম, অত্যন্ত ভালোবাসতাম।”

ব্যাসের সর্বস্ব

শ্রীঅক্ষয়কুমার দত্তগুপ্ত এম-এ

ছাত্রাবস্থায় “শকুন্তলা” পাঠকালে অধ্যাপক মহাশয়ের মুখে প্রায়ই এই শ্লোকটি শুনিতো পাইতাম—

কালিদাসস্ত সর্বস্বমভিজ্ঞান শকুন্তলম্ ।

তত্রাপি চ চতুর্থোহঙ্ক স্তত্র শ্লোকচতুষ্টয়ম্ ॥

কালিদাসের সর্বস্ব (অর্থ বোধ করি সর্বশ্রেষ্ঠ রচনা) হইতেছে “অভিজ্ঞান শকুন্তল” (অর্থাৎ শকুন্তলা নাটক), তার মধ্যে চতুর্থ অঙ্ক, তার মধ্যে চারিটি শ্লোক ।

শকুন্তলার ঠিক কোন চারিটি শ্লোক কালিদাসের “সর্বস্ব” বলিয়া গণ্য হইবার যোগ্য এ প্রশ্ন অধ্যাপক মহাশয়কে যতবার জিজ্ঞাসা করিয়াছি ততবারই এক উত্তর পাইয়াছি, “ভাল, তোমরাই বল না কোন কোন চারিটি শ্লোক এবং বার বার মতের সমর্থনে একটি ছোট খাটো রচনা লিখিয়া আমাকে দেখাও ।”

বহু বৎসর পরে আজ সেই কথাটা মনে পড়াতে ভাবিতেছি,

আচ্ছা, কালিদাস হইতে বহু গুণে বড় ও বরণ্য ব্যাসদেব-সম্পর্কে যদি ঐ রকম একটা প্রশ্ন করা যায়, তাহা হইলে তার কি উত্তর হইতে পারে ? যদি জনশ্রুতি নিতান্ত অমূলক না হয় তাহা হইলে ব্যাসদেব—বেদব্যাস শুধু বেদবিভাগ করেন নাই, জগতের বিপুলতম গ্রন্থ “মহাভারত”, একখানি দুইখানি নয়, আঠারখানি পুরাণ, কয়েকখানি উপপুরাণ, ধর্মশাস্ত্র, বেদান্তদর্শন (ব্রহ্মসূত্র) ইত্যাদিও রচনা করিয়াছেন। এমন কি পতঞ্জলির যোগসূত্রের ভাষ্যও তাঁহারই রচিত বলিয়া প্রসিদ্ধ। এই গ্রন্থগুলির প্রত্যেকেরই মর্ধ্যাদা বিপুল হইলেও ইহাদের মধ্যে অবশ্যই ইতর-বিশেষ আছে। সেইজন্য কোনখানি তাঁহার শ্রেষ্ঠ রচনা এরূপ প্রশ্ন বোধ করি নিরর্থক নয়। প্রশ্নটি আমি সমুচিত বিনয়সহকারে পাঠকবর্গকে করিতেছি।

আমার জ্ঞান অতি সামান্ত ; আমি সেই জ্ঞান হইতে কেবল পাঠকবর্গের কৌতূহল উদ্দীপিত করিবার জন্য কয়েক প্রকার উত্তর নিয়ে দিতেছি। প্রশ্নের সুপরিচিত ও জ্ঞানপ্রদীপ্ত উত্তরের জন্য আমি

(এবং সম্ভবতঃ এই প্রবন্ধের অনেক পাঠকও) স্থধী ও স্থপণ্ডিত ব্যক্তিদিগের মুখের দিকে চাহিয়া থাকিব।

প্রশ্নটির প্রথম অঙ্গের অতি সহজ উত্তর এই যে, অধিকার-বিশেষে ও রুচিভেদে অর্থাৎ যে যেমন অধিকারী—ও, যার যেমন রুচি তদুপযোগী ও তদনুরূপ গ্রন্থই শ্রেষ্ঠ। এই মতের বিপক্ষে বক্তব্য এই, এরূপ উত্তরে প্রশ্নটিকে এড়াইয়া যাওয়া হয় মাত্র, উহার সীমাংসা কিছুই হয় না। অধিকার ও রুচিভেদে মতভেদ অনিবার্য এবং কোনও মতই নিতান্ত নিঃসার নয় ইহা চিরকাল স্বীকৃত হইয়া থাকিলেও যে দর্শনশাস্ত্রসমূহের পরস্পরের মধ্যে, এমন কি এক বেদান্ত দর্শনেরই দ্বৈত, অদ্বৈত, বিশিষ্টাদ্বৈত, দ্বৈতাদ্বৈত ইত্যাদি ভিন্ন ভিন্ন বাদের মধ্যে এবং শৈব, শাক্ত, বৈষ্ণবাদি বিভিন্ন সাধক-সম্প্রদায়ের পরস্পরের মধ্যে স্বমতের শ্রেষ্ঠতা ও অল্প মতের হীনতা স্থাপনের চেষ্টাও চিরকালই হইয়া আসিতেছে এবং হইতে থাকিবে। ভিন্ন ভিন্ন বাদিগণ ব্যাসদেবের গ্রন্থাবলী সম্বন্ধীয় আমার প্রশ্নটির উত্তর দিন, এই আমার প্রার্থনা। উত্তর ভিন্ন ভিন্ন হইবে ইহা খুবই সম্ভব। প্রামাণিক ব্যক্তিবর্গের ভিন্ন ভিন্ন সীমাংসা দ্বারাও আমাদের মত সাধারণ জিজ্ঞাসাগণ উপকৃত হইবেন সন্দেহ নাই।

প্রশ্নের অষ্টবিধ উত্তর মধ্যে গোড়ীয় বৈষ্ণব সম্প্রদায়ের মনীষীগণ বলিতে পারেন এবং ফলতঃ বলিয়াছেনও—ব্যাসের কোন গ্রন্থ তাঁহার সর্ব্বথ তাহা তিনি নিজেই সেই গ্রন্থমধ্যে অতি স্পষ্টরূপেই বলিয়া দিয়াছেন। বেদবিভাগ ও নানা পুরাণ ধর্মশাস্ত্র প্রবন্ধাদি রচনার পরও চিত্তপ্রসাদ লাভ করিতে না পারিয়াই না দেবর্ষি নারদের উপদেশে ব্যাসদেব শ্রীমদ্ভাগবত রচনায় প্রবৃত্ত হইয়াছিলেন? সুতরাং শ্রীমদ্ভাগবতই যে ব্যাসকৃত সকল গ্রন্থের চূড়ামণিরূপ সে বিষয়ে আর কি সন্দেহ থাকিতে পারে? ভাগবতকে বলা হইয়াছে নিগম কল্পতরুর ফল—বাহ্য শুকমুখ হইতে অনন্তজববৃক্ষ হইয়া পতিত হইয়াছে। যে শ্লোকে এই কথা বলা হইয়াছে তাহার ব্যাখ্যায় শ্রীধরস্বামী বলিয়াছেন, ন কেবলং সর্ব্বশাস্ত্রেভ্যঃ শ্রেষ্ঠত্বাৎ অল্পশ্রবণং বিধীয়তে, অপিতু সর্ব্বশাস্ত্রকলরূপমিদম্ অতঃ পরমাদরেণ সেবিতব্যম্। কেবল সর্ব্বশাস্ত্র হইতে শ্রেষ্ঠ বলিয়া যে ভাগবত-শ্রবণ বিহিত তাহাই নহে, ভাগবত হইতেছে সর্ব্বশাস্ত্রের কলস্বরূপ, অতএব পরমাদরে ইহা সেব্য। ভাগবতের শেষ স্কন্ধের শেষ অধ্যায়েও “সর্ব্ববেদান্তসারং হি শ্রীভাগবত-মিহতে” ইত্যাদি নিজের শ্রেষ্ঠতা প্রতিপাদক কয়েকটি শ্লোক আছে। সেই অল্প এককালে গোড়ীয় সম্প্রদায়ের মুখ্য আচার্য্যগণ ভাগবত ভিন্ন অল্প শাস্ত্রের চর্চা আবশ্যক মনে করিতেন না। শ্রীমদ্ জীবগোষারীর “বট-সম্বর্ড”-নামক পরম পাণ্ডিত্যপূর্ণ গ্রন্থ ভাগবত অবলম্বনেই রচিত, ভাগবতে প্রতিপাদিত তত্ত্বাবলীর বিশ্লেষণে ও আবশ্যক হলে অধ্যয়সাধনে নিযুক্ত। ইহারই এক সম্বর্ডে তিনি প্রমাণ করিতে চেষ্টা করিয়াছেন, পুরাণের স্থান বেদের উপরে এবং পুরাণসমূহের মধ্যে ভাগবতের স্থান সকলের উপরে। গোড়ীয় বৈষ্ণব সম্প্রদায়ের উদ্ভবের পূর্বে অদ্বৈতবাদী, বিশিষ্টাদ্বৈতবাদী, দ্বৈতবাদী ও অদ্বৈতবাদী সম্প্রদায়গণ স্ব স্ব মত-

স্থাপন অল্প গ্রন্থানুক্রমের ব্যাখ্যা করিতেন অর্থাৎ স্মৃতিগ্রন্থানুক্রমে দশ উপনিষদের, স্মরণগ্রন্থানুক্রমে ব্রহ্মসূত্রের এবং স্মৃতিগ্রন্থানুক্রমে গীতার ভাষ্য করিয়াছিলেন। আদি গোড়ীয় আচার্য্যগণ অচিন্ত্যভেদাভেদবাদ নামে একটি বাদের প্রতিষ্ঠা করিলেও তদনুসারে গ্রন্থানুক্রমের ব্যাখ্যা অর্থাৎ ভাষ্য প্রণয়ন আবশ্যক মনে করেন নাই। ভাগবতই তাহাদের ছিল প্রথম ও শেষ সম্বল। ফলে উত্তরকালে জয়পুরে রামানুজী সম্প্রদায়ের সহিত বাদে আহুত হইয়া তদানীন্তন শ্রেষ্ঠ গোড়ীয় মনীষী (অতি বৃদ্ধ বলিয়া জয়পুর গমনে স্বয়ং অশক্ত) বিঘ্ননাথ চক্রবর্তীর প্রতিভাবানু শিষ্য বলদেব বিজ্ঞানস্বৰ্ণকে কিঞ্চিৎ অপ্রতিভ হইতে হইয়াছিল। পরে তিনিই গোড়ীয় বৈষ্ণব সম্প্রদায়ের ঐ অপূর্ণতা দূর করেন।

ভাল, যদি ভাগবত ব্যাসের সর্ব্বথ হয়, তাহা হইলে পরের গ্রন্থ হইতেছে উহার কোন অংশ শ্রেষ্ঠ। এ প্রশ্নের উত্তর বোধ করি গোড়ীয় বৈষ্ণব সম্প্রদায়ের পক্ষ হইতে হইবে—দশম স্কন্ধের রাস-পঞ্চাধ্যায়। কেননা উহাই তাঁহাদের পরম প্রিয় বলিয়া—পাঠ, কথকতা ইত্যাদিতে অধিক প্রচলিত। মহাপ্রভু রায় রামানন্দকে প্রশ্ন করিলেন—

শ্রবণ মধ্যে জীবের কোন শ্রেষ্ঠ শ্রবণ ?

রামানন্দ উত্তর দিলেন—

রাধা কৃষ্ণ প্রেম কেলি কর্ণ রসায়ন।

অবশ্য ভাগবতে রাধার উল্লেখ নাই; কিন্তু গোড়ীয় বৈষ্ণবগণ মনে করেন, ভাগবতের রাসলীলার বর্ণনায় তিনি অনতিপ্রচ্ছন্নভাবেই আছেন।

রাস-পঞ্চাধ্যায়ের মধ্যে কোন কয়টি শ্লোক শ্রেষ্ঠ এ বিষয়ে আর আমি অনুমানের স্পর্শ করিলাম না। বৈষ্ণবগণ বলুন।

আবার ভাগবতের সাররূপে তথাকথিত চতুঃশ্লোকী ভাগবতের মর্যাদা ও বৈষ্ণবগণের চক্ষে বড় কম নয়। স্বয়ং মহাপ্রভু প্রকাশানন্দের সহিত বিচারকালে উহার উল্লেখ করিয়াছিলেন বলিয়া অনেক বৈষ্ণব প্রত্যহ উহা পাঠ করেন। শ্লোক চারিটি এই :

অহমেবাসমেবাঞ্চে নান্তদ্বৎ সদসৎপরম্।

পশ্চাদহং য দেতচ্চ যোহবশিষ্টেত সোহস্ম্যাহম্।

ঋতেহর্থাৎ যৎ প্রতীয়েত ন প্রতীয়েত চান্মনি।

তদ্বিশ্বাদান্মনৌ মারাং যথাতাসৌ যথা তমঃ।

যথা মহাস্তি ভূতানি ভূতেষুচাবচেযনু।

প্রবিশ্বান্তপ্রবিশ্বানি তথা তেবু নতেষহম্।

এতাবদেব জিজ্ঞাস্তাং তৎ জিজ্ঞাস্তানান্ননঃ।

অধ্যয় ব্যতিরেকাত্যাং যৎ স্তাৎ সর্ব্বত্র সর্ব্বদা। (২।১।৩২-৩৫)

সৃষ্টির পূর্বে আমিই ছিলাম, স্থূল, সূক্ষ্ম ও তাহাদের কারণ যে প্রধান সে সমস্ত কিছুই ছিল না। আমিও তখন কেবল ছিলামই (কোনও ক্রিয়া ছিল না)। সৃষ্টির পরে আমিই আছি, এই যে বিশ্ব তাহাও আমি,

প্রলয়ে যাহা অবশিষ্ট থাকিবে তাহাও আমিই। বাস্তব বস্তু না থাকিলেও যা কিছু অধিষ্ঠান আশ্রয় প্রতীত হয়, আবার সত্য হইয়াও যাহা প্রতীত হয় না, তাহাই আমার মায়া বলিয়া জানিবে। দৃষ্টান্ত বধা দ্বিচ্ছ, যথা রাহ। যেমন মহাকৃতসকল ভৌতিক বস্তুসকলের মধ্যে সৃষ্টির পরে প্রবিষ্টও বটে, অপ্রবিষ্টও বটে, সেইরূপ ভূত ভৌতিক সকলের মধ্যে আমি আছি, আবার নাইও। আত্মতত্ত্বজিজ্ঞাসু ব্যক্তির ইহাই বিচার্য কার্য সকলের মধ্যে কারণরূপে অনুবৃত্ত হইয়া এবং কারণবস্থায় যে সকল হইতে ব্যতিরিক্তরূপে সর্ব্বদা সর্ব্বত্র বা আছে তাহাই আত্মা।

এই চারিটি শ্লোক কিন্তু দশম স্কন্ধের অন্তর্গত নয়; দ্বিতীয় স্কন্ধের নবম অধ্যায়ের অন্তর্গত। আর ইহাও লক্ষ্য করিবার যোগ্য যে ইহাতে রাসলীলার বা রাগানুগা ভক্তির নাম গন্ধও নাই।

বস্তুতঃ রাস-পঞ্চাধ্যায় আদিরসপ্রধান বলিয়া কাবাংশে অত্যন্তম হইলেও সাধারণের দিক দিয়া উহার উৎকর্ষ সর্ব্ববাদিসম্মত নহে (অবশ্য গোড়ীয় বৈষ্ণব সম্প্রদায় ভিন্ন)। এই মতে আদিরসের পিচ্ছিলতা ধর্ম্ম-সাধকের পতনেই আনুকূল্য করে; শাস্ত্ররস নিরাপদ বলিয়া সর্বাধিক বরণ্য। এই দিক দিয়া দেখিলে জ্ঞান ও ভক্তি উভয় প্রধান বলিয়া তৃতীয় স্কন্ধের অন্তর্গত কপিল-দেবহুতি সংবাদ অনেকের অধিক প্রিয়। আবার ভাগবতের সমস্ত শিক্ষা নয়টি প্রসঙ্গে বিভক্ত করিয়া—একত্র পুনর্বিবৃত্ত করায় একাদশ স্কন্ধের অন্তর্গত নিম্নি ও নবযোগীন্দ্র সংবাদও ভাগবতের সারাংশের মর্যাদা পাইবার যোগ্য বিবেচিত হইতে পারে।

ব্যাসের রচনাসমূহের মধ্যে শ্রীমদ্ভাগবতের শ্রেষ্ঠতা সন্দেহে দুইটি আপত্তি কল্পনা করা যাইতে পারে। প্রথমটি এই যে, শ্রীমদ্ভাগবত ব্যাসের রচনাই নয়। আধুনিক গবেষকগণের মতে উহা বিষ্ণু, বায়ু প্রভৃতি পুরাণের বহু পরে দাক্ষিণাত্যবাসী কোনও পণ্ডিতের রচিত। ইহার ভাষা অশ্রু পুরাণের ভাষা হইতে অত্যন্ত জটিল এবং অনেকাংশে কৃত্রিম। এই আধুনিক মত এ প্রবন্ধে উপেক্ষা করিয়াও ইহা বলিতেই হইবে যে, শ্রীমদ্ভাগবত ও মহাভাগবত (দেবীপুরাণ) এই দুই গ্রন্থের মধ্যে কোনটি ব্যাসকৃত ভাগবত মহাপুরাণ, সে বিষয়ে প্রবল বিতর্ক বহু প্রাচীনকাল হইতেই চলিয়া আসিতেছে। বৈষ্ণবগণ প্রথমটির এবং শৈব ও শাক্তগণ দ্বিতীয়টির সমর্থক।

দ্বিতীয় আপত্তি এই যে, শ্রীমদ্ভাগবতকে গোড়ীয় বৈষ্ণব সম্প্রদায় যে মর্যাদা দিয়াছেন, অশ্রু বৈষ্ণব সম্প্রদায় তাহা দেন নাই। বিশেষতঃ রামানুজ ও মধ্বাচার্য্য বিষ্ণুপুরাণকেই সমধিক প্রামাণিকরূপে মর্যাদা দান করিয়াছেন, উহা তাহাদের প্রণীত বেদান্তভাষ্য হইতে অতি-স্পষ্টরূপেই অনুমান করা যায়।

আরও একটি মত আছে—তদনুসারে পুরাণসমূহের মধ্যে অগ্নি-পুরাণের বৈশিষ্ট্য সর্বাতিরিক্ত। ইহাতে একদিকে যেমন পরাবিচার সমুচিত বিশ্লেষণ করা হইয়াছে সেইরূপ অশ্রুদিকে অপরাবিচারও বহু শ্রেষ্ঠ শাখার—বধা ছন্দঃশাস্ত্র, অলঙ্কারশাস্ত্র, ব্যাকরণ, অভিধান, জ্যোতিষাদিরও সম্যক সমালোচনা করা হইয়াছে—যাহা হইতে ঐ সকল শাস্ত্রের পরবর্ত্তী বিশেষকরণ বহু সাহায্য পাইয়াছেন। এইরূপে স্বতন্ত্র

স্বতন্ত্র কারণে পদ্মপুরাণ, মার্কণ্ডেয় পুরাণাদিরও বহু পক্ষপাতী পণ্ডিত আছেন।

এই স্থানে এরূপ অনুমানও করা যাইতে পারে যে এই প্রবন্ধের অনেক পাঠকই হয়ত বলিবেন, ব্যাসের সর্ব্বশ অনুসন্ধানের চেষ্টায় পুরাণ অরণ্যের মধ্যে গিয়া দিগ্ভ্রাস্ত হওয়া নিতান্তই একটা শোচনীয় বাপার। ব্যাস কি জগতে পুরাণকার বলিয়া প্রসিদ্ধ, না মহাভারত-কার বলিয়া প্রসিদ্ধ? কোন পুরাণের মর্যাদা মহাভারতের তুল্য? সূর্যের কাছে যেমন দীপ, তেমনই মহাভারতের কাছে এক একটি পুরাণ। মহাভারত সর্ব্ববিচার খনি। “যাহা নাই—‘ভারতে’ তাহা নাই ভারতে” এ কথা ত এদেশে বহুকাল হইতে স্বীকৃত। ইহা একাধারে ইতিহাস, পুরাণ, ধর্ম্মশাস্ত্র, দর্শনশাস্ত্র, অর্থশাস্ত্র, রাজনীতি ও ব্যবহারশাস্ত্র। সবদিকেই ইহার অগাধতা যুগে যুগে দেশে বিদেশে সকলের বিস্ময় উৎপাদন করিতেছে। মহাভারতই ব্যাসের সর্ব্বশ এ বিষয়ে কি আর কোনও সন্দেহ হইতে পারে? মহাভারত লিপিয়া চিত্তের প্রসন্নতালাভ করিতে না পারিয়া ব্যাস নিজস্ব রচনারীতি ত্যাগ করিয়া উৎকট জটিল ভাষায় ভাগবত-পুরাণ লিপিতে বসিয়াছিলেন—এ কথা সাম্প্রদায়িক গোড়ামি ভিন্ন আর কি হইতে পারে? উহা কেবল অন্ধ বিশ্বাসীরাই মানিবে।

ভাল, মহাভারতই যদি ব্যাসের সর্ব্বশ হয়, তাহা হইলে উহার শ্রেষ্ঠ অংশ কোনটি? ইহার উত্তর কিন্তু সহজ নয়। কেহ হয়ত বলিবেন, শাস্তি পর্ব্ব; কেহ বনপর্ব্ব, কেহ স্বর্গারোহণ পর্ব্ব; অধিকাংশ লোকে বলিতে পারেন শীঘ্র পর্ব্ব, গীতা যাহার অন্তর্গত। এইস্থানে প্রশ্ন উঠিতে পারে, গীতা কি সত্যই মহাভারতের অংশ? বিদেশীয় পণ্ডিতগণের মধ্যে অনেকেই গীতার মর্যাদা সম্যকরূপে মানিয়া লইয়াও উহা মূল মহাভারতের অন্তর্গত কিনা এ বিষয়ে সংশয় প্রকাশ করিয়াছেন এবং সঙ্গে সঙ্গে ঐ মতের প্রতিধ্বনিরূপে অনেক ভারতীয় পণ্ডিতও বলিয়াছেন ওটা প্রক্ষিপ্ত। বিচারপতি তেলাং এই বিষয়টি বিচার করিয়া রায় দিয়াছেন, গীতাকে মূল মহাভারতের অঙ্গ (integral part) বলিয়া মানিয়া লওয়ার পক্ষে স্তায়সঙ্গত কোনও বাধা নাই। আর একথাও এখানে বলা যাইতে পারে, পাশ্চাত্য পণ্ডিতগণের মধ্যেও একজন যিনি গীতাখানি সমধিক প্রবন্ধের সঙ্গে পড়িয়াছেন, সেই জার্মান পণ্ডিত Dr. Rudolf Otto গীতার মধ্যে আটটি স্বতন্ত্র স্তর আছে, এইরূপ দিচ্ছাস্ত্র করিয়াও বলিয়াছেন, কালক্রমে এইসকল সাম্প্রদায়িক স্তর গীতার মধ্যে জমাট বাঁধিলেও মূল গীতা মহাভারতেরই অঙ্গ এবং উহার সহিত সম্পূর্ণ সামঞ্জস্যযুক্ত। আমরা আধুনিক মত সকল এ প্রবন্ধে উপেক্ষা করিয়াই চলিয়াছি। সুতরাং গীতার বোল আনাই মহাভারতের অন্তর্গত ইহা আমাদের স্বীকার্য্য।

আচ্ছা, গীতা যদি মহাভারতের সর্ব্বশ বা শ্রেষ্ঠ অংশ হয়, তাহা হইলে পরের প্রশ্ন করা যাইতে পারে গীতার শ্রেষ্ঠ অংশ কি? অনুমান হইতে বলি, অনেকে হয়ত বলিবেন, কেন? একাদশ সর্গ...বেধানে

অর্জুনের বিষ্ণুরূপদর্শন ও তৎসম্পৃক্ত উক্তি অতি মনোরম ভাবের বর্ণিত হইয়াছে। অন্তর্বাদিগণ বলিতে পারেন, কাব্যংশে একাদশ সর্গ শ্রেষ্ঠ হইলেও কাব্য গীতার সর্ব্বথ নয়—গীতার সর্ব্বথ তৎ। “কাব্যেন হস্তস্তে শাস্ত্রম্।” তৎবাদিগণের মধ্যেও ঐকমত্য আশা করা যায় না। তাঁহাদের কেহ হয়ত বলিবেন, দ্বাদশ সর্গ শ্রেষ্ঠ, কেহ ত্রয়োদশ, কেহ পঞ্চদশ। ভক্তগণ বলিতে পারেন এবং অনেকে বলিয়াও থাকেন জানি, গীতার সর্ব্বমনোরম অংশ নবম সর্গ এবং তাহার মধ্যেও বিশেষ করিয়া— এই পাঁচটি শ্লোক—

অপি চেৎ সূহৃতাচারো ভজতে মামনন্তভাক্ ।
সাধুরেব স মন্তব্যঃ সম্যস্ ব্যবসিতো হি সঃ ।
ক্ষিপ্রং ভবতি ধর্ম্মীন্না শখচ্ছাস্তিঃ নিগচ্ছতি ।
কৌন্তেয় প্রতিজানীহি ন মে ভক্তঃ প্রণশ্চতি ॥
মাংহি পার্শ্ব ব্যাপাশ্রিত্য যেহপি স্থাঃ পাপবোনয়ঃ ।
শ্রিয়ো বৈশ্চা স্তথা শূদ্রা স্তেপি যাস্তি পরাংগতিম্ ॥
কিং পুন ব্রাহ্মণাঃ পুণ্যা ভক্তা রাজর্ষয়স্তথা ।
অনিত্যমহুংখং লোকমিমং প্রাপ্য ভজস্ব মাম্ ॥
মহ্যনা ভব মদুভক্তো মদ্বাজী মাং নমস্কুর ।
মামেবৈশ্চাসি যুক্তৈবমাজ্জানং মৎপরায়ণঃ ॥

স্বভাবতঃ দুহৃতপ্রবণ মানবের পক্ষে ইহার অধিক আশার কথা, ইহার অধিক জানিবার ও মনে রাখিবার বিষয় আর কি হইতে পারে ? আর ব্যাসদেবও কি এই অধ্যায়ের নাম রাজবিজ্ঞারাজগুহুযোগ দেন নাই ?

ভক্তগণ ভাবের দিক ধরিয়া চলেন, যোগীদিগের (এবং জানী-দিগেরও) তাহা তাদৃশ মনঃপুত নয়। যোগিগণের নিকট ষষ্ঠ অধ্যায় অধিক আদরলীল বলিয়া মনে করা যাইতে পারে।

আবার, চতুঃশ্লোকী ভাগবতের স্থায় সপ্তশ্লোকী গীতাও আছে।

উহাও বহু যুগ যাবৎ অনেকের নিত্য পাঠ্য। সেইজন্য ঐরাপও অনুমান করা যায়, অনেকে বলিবেন সমগ্র গীতার সার উহাতে সংগৃহীত আছে বলিয়াই উহার ঐরাপ মর্যাদা। এই সাতটি শ্লোক আর এখানে উদ্ধৃত করা আবশ্যিক মনে করিলাম না।*

মহাভারত সম্বন্ধে এই পর্য্যন্ত। পুরাণের স্থায় মহাভারতকেও ব্যাসের গৌরবের চূড়া বলিয়া স্বীকার না করিতে পারেন ঐরাপ বাদীও অনুমানযোগ্য। এ পক্ষ বলিতে পারেন, প্রাচীন ভারতের এই শ্রেষ্ঠ কোবিদের প্রকৃত নাম কুকঠৈপায়ন যে তাঁহার বেদব্যাস এই উপাধি দ্বারা প্রায় ঢাকা পড়িয়া গিয়াছে তাহার কারণ বেদবিভাগই তাঁহার শ্রেষ্ঠ কীর্ত্তি। বেদ অবশ্য তাঁহার রচনা নয়, কিন্তু বেদের জ্ঞানকাণ্ডের শিক্ষার সার প্রদর্শন করিবার জন্ত তিনি যে বেদান্তদর্শন ব্রহ্মসূত্র নাম দিয়া প্রণয়ন করিয়াছেন, তাহাই কি এত শতাব্দী পরেও ভারতের নাম যুরোপ ও আমেরিকার শ্রেষ্ঠ মনীষি-গণের কাছে চির আদরলীল করিয়া রাখে নাই ? অর্থাৎ, বিশিষ্টাঙ্গিত ও ষ্ঠৈতান্বিত—ব্রহ্মসূত্রের যে ব্যাপ্যাই বল (এবং প্রকৃতপক্ষে এই বাদগুলির মধ্যে ভেদ অতি অল্পই), বেদান্ত দর্শন বিশ্ব দর্শনের মুকুটমণি ইহা প্রায় অবিসংবাদিত সত্য। শ্রীকৃষ্ণ পর্য্যন্ত গীতার প্রমাণরূপে (১৩৮) ব্রহ্মসূত্রের উল্লেখ করিয়াছেন, অশ্রু পরে কা কথা ? অতএব যদি ব্যাসের সর্ব্বথ বলিয়া তাঁহার গৌরবময়ী কৃতিসকলের মধ্যে কোনওটিকে নির্দেশ করিতে হয়, তবে ব্রহ্মসূত্রই সেই কৃতি। আর ব্রহ্মসূত্রের সার হইতেছে প্রথম চারি সূত্র—“চতুঃসূত্রী” যাহার শ্রীশঙ্করাচার্য্যকৃতভাষ্য দার্শনিক মণীষার উচ্চতম সীমা বলিয়া—দেশে বিদেশে খ্যাত হইয়াছে।

* শ্লোক সাতটির ঠিকানা যথাক্রমে এই : ৮।১৩, ১১।৩৬, ১৩।১৩, ৮।৯, ১৫।১ ১৫।১৫, ও ১৮।৬৫

পূর্ব আফ্রিকায় ভ্রমণ

ব্রহ্মচারী রাজকৃষ্ণ

(পূর্বপ্রকাশিতের পর)

বুকেনীতে আমরা (ভারত সেবাশ্রম সংঘের প্রতিনিধি, হিন্দুধর্ম্ম প্রচারের সম্মানসূচক মাত্র তিন দিন থাকবার মনস্থ কোরেছি। আটাশে সেপ্টেম্বর বিকালে স্থানীয় হিন্দু মহিলাদের একটা সভায় সর্ব্বসম্মতিক্রমে একটা মহিলা মণ্ডল স্থাপিত হোল—যার কর্ত্ত্বপক্ষিত্ব হির হোলো।—এই দুই বিদেশে ঘর সংসারে হিন্দু রীতি-নীতি আচার অনুষ্ঠান পালন কোরে চলার জন্ত সর্ব্বপ্রকার প্রযত্ন ও নির্দেশ দান করা। সাপ্তাহিক অধিবেশনে রামায়ণ, মহাভারত, গীতা প্রভৃতি ধর্ম্মগ্রন্থ পাঠ, পূজা, আরতি, ভজন কীর্ত্তনের মধ্য দিগে সহরে হিন্দুদের ভাব জাগিয়ে রাখা। সন্ধ্যায় আমাদের শেষ বক্তৃতার আরোজন হোয়েছে। সভার বহির্ভায়ে হিন্দুদের

কী ভাবে থাকা দরকার, স্বাধীন ভারতের নাগরিকের দায়িত্ব কি—এই সব বিষয়ে বক্তৃতা কোরলেন—মিশনের সহকারী নেতা স্বামী পরমানন্দজী। বক্তৃতার পর স্থানীয় অবস্থা, আফ্রিকানদের মধ্যে কী ভাবে হিন্দুধর্ম্ম প্রচার করা যায়—সেই সব বিষয়ে বহু প্রকার আলোচনা হোল। রাত্রি প্রায় ১২টার লোকজন বিদায় নেওয়ার পর আমরা শোওয়ার ঘরে গেলাম। শেঠ অমৃতলালের সঙ্গে অনেকক্ষণ পর্য্যন্ত বর্ত্তমান পরিস্থিতি সম্পর্কে আলোচনা চললো। বাংলা ও পাঞ্জাবের দাস্তা সেবা কার্যের জন্ত তাঁর ব্যক্তিগতভাবে ২৪ হাজার শিলিং পাঠানোর রসিদ পত্র সব দেখালেন। অমৃতলালের বরস নিতান্তই অল্প। ২৮।২৯ বছর হবে। কিন্তু ব্যবসারে প্রবীণ। তিনটি মিলের মালিক। অত্যন্ত অমায়িক, নিরহঙ্কারী এবং আত্মপ্রসন্ন।

রাত্রি অবসানের সঙ্গে সঙ্গে আমাদের বুকেই ত্যাগ কোরতে হবে। এ নির্দেশ আজ সন্ধ্যার পরে জটিল শ্রোতার নিকট হাতে পেয়েছি। তবে সেই নির্দেশ বাধ্যতামূলক নয়। “আপনারা ভোরেই প্রস্তুত থাকবেন—আমার মোটর এসে আপনাদের নিয়ে যাবে”—এই ছিলো স্থানীয় একজন ধনী ব্যবসায়ী শ্রীযুত কুরজী ভীমজীর নির্দেশ। বুকেই থেকে ২৪ মাইল দূরে জেগা নামে একটি গ্রাম্য সহরে তাঁর আরও একটি ব্যবসায় কেন্দ্র আছে; সেখানেও প্রায় ৩৭ টি হিন্দু পরিবারের বাস। তাই তাঁর বিশেষ ইচ্ছা সেই গ্রামেও আমাদের নিয়ে যান। অমৃতলালকে তাঁর ঘরে পাঠিয়ে দিয়ে আমরা প্রার্থনা সেরে সবে মাত্র শুয়েছি,—এমন সময় বাইরের দরজায় টক্ টক্ কোরে যা পড়লো। বাড়ীর মালিক অমৃতলাল শশব্যস্তে গিয়ে দরজা খুললেন “May I come in Sir” প্রশ্ন এলো; Of course বলে একটি ইংরেজ মহিলাকে অমৃতলাল ঘরের মধ্যে ডেকে নিলেন। এতরাত্রে একাকিনী একটি ইংরাজ মহিলা কোথা থেকে এলো—কেন এসেছে সেটা জানার ইচ্ছা মনে জাগলেও—সে রাত্রে আর সে ইচ্ছা পূরণ না কোরে শুয়ে পড়লাম। ভোরে পাঁচটায় স্বান-আফ্রিক সেরে নিয়ে তৈরী হয়ে মোটরের অপেক্ষায় রইলাম। বাইরের বারান্দায় বসে আছি—এমন সময় সেই ইংরাজ মহিলাটি ঘর থেকে এসে আমার হাত ধরে বললেন—“Already I have heard from Mr. Amritlal about your mission. I am also a woman of that type. We are also preaching the ideals of Universal Brotherhood. I wish all success of your Mission. Now that India is free and it is hoped that now she will depute the Preachers of Her glorious Culture to the corners of the world.”—বলে বেশ একটা আনন্দ-প্রকাশ করলেন। প্রত্যুত্তরে আমিও তাঁর প্রচারের সাকল্য কামনা করলাম। দুঃখ কোরে জানালেন “সমস্যাভাবে আমি আপনার সঙ্গে বেশীক্ষণ আলাপ আলোচনা করতে পারছি না—কারণ আমাকে ৬-৪৫ মিনিটের ট্রেনে অন্তত যেতে হবে। এই বলেই পুনরায় ধস্তবাস্ত জানিয়ে মোটরে রেল-স্টেশনের দিকে রওনা হোয়ে গেলেন। তখন বেলা প্রায় ৭টা। প্রাতরাশের পর সেই বারান্দায় বসে আছি, হঠাৎ দেখি সেই ইংরাজ মহিলাটি কিরে এলো। একেবারে আমার সামনে এসে বলেন—Fortunately the train is coming a few minutes late, so I have got sometime to talk with you—এই বলে আলাপ শুরু করলেন। পূর্ব আফ্রিকার কোথায় কোথায় গিয়েছি, কোথায় কোথায় যাবো, আমাদের প্রচারা বিবরণ কি—ইত্যাদি জেনে নিয়ে প্রায় ২০-২৫ মিনিটের মধ্যে চলে গেলেন। যাওয়ার সময় মস্তব্য কোরে গেলেন—It has been proved that the Western Culture has already failed to establish peace in the world. To solve the present problems of the world the Universal ideals of India are essentially needed.” ভাবলাম—স্বাধীন ভারতের নাগরিকের স্বাধীন-স্বাধীনতা কী আনন্দজনক সংকল্পিত প্রকৃতি বর্ণনামূলক সন্দান

দিতে ইংরেজেরাও আজ শিখেছে। এতদিন “কাল-আদমী” বলতে যাদের বুক খানা অহংকারে ফুলে উঠতো,—প্রভুহুলত ব্যবহারে যারা এতদিন অত্যন্ত হোয়ে গিয়েছিলো, তারাই আজ এত গভীর প্রেম ও শ্রদ্ধার সঙ্গে ভারতীয়দের সহিত আলাপ আলোচনা কোরছে। স্বাধীনতার মর্ম কতকটা অনুভব করলাম।

এখনই আমাদের জেগায় বাওয়ার কথা। মোটর আসতে একটু দেরী হোল। এদিকে স্কুলের ছেলেমেয়ে এবং ছোট সহরের হিন্দুরা প্রায় সকলেই এসে হাজির হোলো—আমাদের বিদায় দিতে। সমবেত স্বরে মঙ্গলমন্ত্র উচ্চারণ কোরে আমাদের পথের সমগ্র বাধা বিপত্তি সরিয়ে দিলো। মোটর আসতেই উঠে বোসলাম। ড্রাইভার একজন আফ্রিকান। সহর ছেড়ে মোটর কিছুদূর আসলে ড্রাইভার তার নিজস্ব কিসোয়েলী (Kisweli) ভাষায় আমাদের সম্বন্ধে গাড়ীর মালিক শ্রীকুরজী ভীমজীর সহিত আলাপ শুরু কোরলো। শ্রীযুত কুরজী আমার সঙ্গে আলাপ করার জন্ত ড্রাইভারকে বললেন। কিন্তু ড্রাইভার জানালো—এই সমস্ত মহৎ ব্যক্তির সহিত তার কথা বলা সাজে না। এ কথা শুনে যখন আশ্বাস দিয়ে উপযাচক হোয়েই আমি তার সঙ্গে কথা বোলতে শুরু কোরলাম—তখন সে হঠাৎকি ভাষালাপ শুরু কোরলো। দেখলাম অশিক্ষিত হোলেও কত শিষ্টতা তার আলাপের মধ্যে—এবং ভারতের উন্নতি ও সমৃদ্ধি সম্বন্ধে কত উচ্চ আশা সে রাখে। বললো—“এখন ভারত স্বাধীন হোয়েছে, এ দেশে এসে আমাদের দুঃখ কষ্ট দেখে তা থেকে মুক্ত করার চেষ্টা করবে নিশ্চয়ই। অতি শীঘ্রই জাহাজের ভাড়া কমিয়ে দেওয়া হবে তখন বহু ভারতীয় আমাদের দেশে আসতে পারবে এবং আমরাও ওদেশে যেতে পারবো।” তারপর আমাকে বললে—“আমাদের দুঃখ কষ্টের কথা অনুগ্রহ কোরে আপনি ভারতে প্রচার কোরবেন।” তাদের সম্পর্কে ভারতীয় নেতাদের জানাবো বোলে যখন আশ্বাস দিলাম—তখন তার ক্ষুদ্র অন্তরটা যেন বিরাট, ও উদার হোয়ে গেলো বলে মনে হোল। যাহাদের মধ্যে ক্রুরতা বাসা বাঁধে নাই—সম্মততা যাদের হৃদয়খানা জুড়ে রয়েছে তারা রাজনৈতিক চালবাজীর কথা কী বুঝবে? যে দেশের অধিবাসী স্বভাবতঃই ভারতের প্রতি এতখানি শ্রদ্ধাবান ও বিশ্বাসী হোয়ে উঠেছে, পাছে সেই ভারতবাসী কতক এই শ্রদ্ধালু জনগণের অন্তরে দেশপ্রেম জাগিয়ে দেওয়া হয় সেই আশঙ্কার সরকারের নূতন আইনে স্বাধীন ভারতের নাগরিকের পক্ষে এদেশে আসা বা বসবাস করা একপ্রকার নিষিদ্ধ হোয়েছে—এবং পরাধীন ভারতে দুঃখ দুর্দশার জর্জরিত হোয়ে যারা ভারত বন্ধ ত্যাগ কোরে এদেশে এসে অপেক্ষাকৃত স্বখে শান্তিতে বসবাস কোরছে তাদেরও এদেশ থেকে বিতাড়নের বড়বন্দ চলছে। কোনো ভারতীয় প্রতিষ্ঠানের পক্ষ থেকে এসে এ দেশবাসীর (native's) কল্যাণ কামনার কোনো কর্মপদ্ধতি নিয়ে কাজ কোরতে পারবে না তাও প্রকারান্তরে সরকার সিদ্ধান্ত কোরে নিরেছে। এরূপ কোরলে এ দেশবাসী ভারতের জনগণ তথা রাষ্ট্রের প্রতি অনুগত হোয়ে উঠতে পারে সেই জন্ত এই আফ্রিকানগণকে সরকার থেকে বেশী জানাশোনা

সঙ্গে 'রিজার্ভ' কোরে রাখা হয়েছে। শিক্ষার ব্যবস্থা সরকার থেকে যা করা হবে—উন্নতির প্রচেষ্টা সরকার যা করবে তাতেই সমস্ত থাকতে হবে। ভারতীয়গণের কোনো বে-সরকারী প্রতিষ্ঠান এ দেশবাসীর জন্ত কিছু কোরতে পারবে না—মোটামুটি এই হোল আইন।

কথা এসঙ্গে সেই ড্রাইভার রাস্তার পাশের ছোট ছোট কুঁড়ে ঘর (গরীব আফ্রিকানদের বাড়ী) গুলি দেখিয়ে জিজ্ঞেস কোরতে লাগলো— এইরূপ ঘর ভারতে আছে কি না ? নিজেই মন্তব্য করে বললো— নিশ্চয়ই এত গরীব লোকের বাস ভারতে নেই। নিজেই প্রমাণ দেখায়—কেন—এই দেশে ষারিজ্যা থাকবে না। সরকার থেকে কত রকমে তাদের শোষণ করা হচ্ছে তার ইতিহাস আমাদের কাছে বলতে লাগলো—জম প্রতি ১২ শিলিং কর, গোরু প্রতি ২ শিলিং খাজনা, আরও কত রকমের কর যা তাদের সরকারকে দিতে হয় সে সব জানালো। ঐ প্রকার নানা সুখ-দুঃখের কথা শুনে শুনে আমরা আমাদের গন্তব্যস্থল জেগায় পৌঁছলাম। মোটরে আমাদের দেখেই তো লোকজন অবাক। কোথা থেকে এলো এই অদ্ভুত মানুষগুলো, মাথার পাগড়ী থেকে পায়ের জুতো পর্যন্ত গৈরিক রংএ রঞ্জিত। জেগার ইতিহাসে সন্ন্যাসী পদার্পণ এই প্রথম এবং অধিবাসীর জীবনেও সাধু দর্শন এই প্রথম। শ্রীকুরজী ভীমজীর বাড়ীতেই আমাদের থাকা খাওয়ার ব্যবস্থা হয়েছে। আমাদের জন্ত নির্দিষ্ট ঘরে শ্রীশ্রীসজ্জদেবতার আসন প্রতিষ্ঠা কোরে কাপড় জামা বদলাতেই খাওয়ার ডাক পড়লো। শ্রীকুরজীর পরিবার বুকেনীতেই ছিলো—তাই একজন আফ্রিকান পাচক পাকক্রিয়াদি সম্পন্ন কোরেছে। শ্রীকুরজী অভ্যস্ত সঙ্কোচের সহিত অনুন্নয় কোরে জানালো—অতিথি সংকারের ক্রটিই হবে খাওয়ার অস্বাদুতায়। কিন্তু আশ্চর্য হ'লাম—খাওয়ার স্বাদ ও সৌন্দর্যের পরিপাটিতায়। যারা নিজেরা কোনো দিন এত সুন্দরভাবে পাক করে খায় না ; যারা আজও কাঁচা মাংস ফলমূলাদি খেয়ে জীবন ধারণ করে, তারা যে এত সুন্দর সুস্বাদু খাদ্য প্রস্তুত করতে পারবে তা আমাদের কেন—বোধ হয় শ্রীকুরজীরও ধারণার বাইরে ছিলো। যাই হোক খাওয়া তো বেশ তৃপ্তি সহকারেই শেষ কোরলাম। নানা রকম সংবাদ জানা বা আলাপ আলোচনার জন্ত লোকজন বাইরে এসে অপেক্ষা কোরছিলো—তাই খাওয়ার পরই বাইরে এলাম। নানা রকম কথাবার্তার সঙ্গে সঙ্গে ভারতের দাঙ্গা, স্বাধীনতা সংগ্রাম, সজ্জের কর্তৃপক্ষের ইতিহাস, সজ্জ-প্রতিষ্ঠাতা আচার্য্য স্বামী প্রণবানন্দজীর জীবনী আলোচনাও হোল। প্রত্যেক স্থানেই আমাদের পেয়ে প্রথমেই আমাদের এদেশে প্রেরক ভারত-সেবাশ্রম-সজ্জের কর্তৃপক্ষ ও প্রতিষ্ঠাতার বিষয়ে বিশেষ আগ্রহের সঙ্গে সকলে জানতে চায়। ষটা খানেকের মধ্যে একে একে সকলেই বিদায় নিলো। তখন ভিতরের ঘরে গিয়ে কী যেন কাজে মনোনিবেশ করেছি এমন সময় শ্রীকুরজী একজন আফ্রিকান রাজার সঙ্গে আমাদের ঘরে প্রবেশ কোরলেন। রাজার পরিচয় দিয়ে শ্রীকুরজী বলেন—“ইনি এই জেলার রাজা, নাম মিঃ হাম্বি” (Humby)। আমাদের পরিচয় তিনি মিঃ হাম্বিকে পূর্বে

নিশ্চয়ই দিয়েছিলেন—তবু রীতি অনুযায়ী পুনরায় আমাদের সাক্ষাতে পরিচয় দিয়ে দিলেন। মিঃ হাম্বি বেশ শিক্ষিত লোক, তাই ইংরাজীতেই বার্তালাপ শুরু হোলো। কয়েক মাস পূর্বে যখন আমরা জাঞ্জিবার স্বীপের স্থলতানের সহিত সাক্ষাৎ কোরে তাঁর রাজ্যের অধিবাসীদের বিষয় দোভাষীর সাহায্যে আলোচনা কোরেছিলাম তখন এত বেশী আনন্দ পাইনি। কারণ তিনি ইংরাজী জানতেন না। মিঃ হাম্বি প্রথমেই তাঁদের দেশে ভারতীয় সংস্কৃতি ও সভ্যতা প্রচারের জন্ত যে আমরা এসেছি তার জন্ত বিশেষ ধন্যবাদ জানিয়ে বললেন—“এতদিনে যে ভারতবর্ষ আমাদের অজ্ঞানতার অন্ধকার হাতে উদ্ধার কোরে উন্নতির পথ প্রদর্শনের জন্ত তার মহান সভ্যতার আলোকবর্তিকা আলিয়ে দিতে আপনাদের এদেশে প্রেরণ কোরেছেন সেজন্ত আমরা আজ আনন্দিত। ভারত সরকার যে আমাদের দুঃখ দুর্দশা অনুভব কোরে তা' লাঘবের জন্ত চেষ্টা কোরতে আপনাদের পাঠিয়েছেন এবং আপনাদের আন্তরিক প্রচেষ্টার কথা গত কয়েক মাস ধরে যা শুনে আসছি তা আমার প্রজাদের জানাবো। সেই ঐকান্তিক প্রচেষ্টার জন্ত আমার দুঃখী প্রজাদের পক্ষ থেকে ধন্যবাদ জানাচ্ছি আপনাদের মিশনকে।”

তার পর একে একে তাদের সমস্ত দুঃখ কষ্ট জানাতে জানাতে বললেন—“কী যে দুঃখকষ্টের মধ্যে আমাদের রাখা হয়েছে তা' আপনাদিগকে জানাবার ক্ষমতাও আমাদের নেই। অজ্ঞানতার আড়াল দিয়ে আমাদের সত্যতার আলোক থেকে সরিয়ে রাখা হয়েছে। কত রকম কর চাপানো হয়েছে—আমাদের উপরে—” বলে একটা দীর্ঘনিঃশ্বাস ছাড়লো। হঠাৎ জিজ্ঞেস করলেন—স্বামীজি! সভ্যতা কী এমনই জিনিষ,—স্বাধীনতা কী এতই দুর্লভ যা আমাদের ভাগ্যে সেগুলো লাভকরা সম্ভবপর হবে না। সেগুলো কী জগতের কতকগুলো লোকেরই করারই থাকবে? আমাদের দেশের লোক কি তার আশ্বাদ পাবে না? মিঃ হাম্বির চোখ থেকে অশ্রু গড়িয়ে পড়লো। বিস্মিত হ'লাম—প্রশ্ন শুনে। আশ্বাস দিয়ে বললাম—“তাই, তা কখনই হোতে পারে না। আমরা যে দেশের বৃকে জন্মেছি—যে মহান সভ্যতার আলোকরশ্মি আমাদের অন্তরকে আলোকিত কোরেছে—আমরা চাই সেই দেশের সংস্কৃতি ও সভ্যতার আদর্শ ও আলোক—বিশ্বের সকলকে সূর্য্যকিরণের মতো সমান ভাগে ভাগ কোরে দিতে। ভারত চায় জগতের উচ্চ-নীচ সকলকেই তার মহান সভ্যতার উদার বৃকে তুলে নিতে ;—চায় তার অন্তরের অফুরন্ত প্রেমরাজি বিশ্বকল্যাণে বিলিয়ে দিতে। সেই আদর্শ নিয়েই আজ আমরা দেশের বাইরে এসেছি। সেই মহান সভ্যতার চিরন্তন সত্য ও উদার নীতির প্রচারই আমাদের মিশনের কার্যপদ্ধতি।”

তার পর মিঃ হাম্বি ভারতীয় সভ্যতার বিশ্বভ্রাতৃত্বের আদর্শ যে সমগ্র জগতে প্রচারিত হওয়া দরকার তার উপর জোর দিয়ে বলেন—“ভারতের আদর্শই একমাত্র জগতকে ধ্বংসের কবল থেকে উদ্ধার কোরতে সমর্থ। সেই আদর্শ নিয়েই যে আপনারা এই আফ্রিকা মহাদেশে এসেছেন তাতে আফ্রিকাবাসী ভারতের নিকট চিরকৃতজ্ঞ

থাকবে। আপনাদের প্রচার স্থায়ীভাবে এদেশে প্রয়োজন। এদেশের কুসংস্কারাচ্ছন্ন জনসাধারণকে উন্নত, সুসভ্য কোরে প্রকৃত মানুষ কোরে তুলতে হোলে স্থায়ীভাবে আপনাদের এই নিঃস্বার্থ সেবার প্রয়োজন। যারা আজ আমাদের পরম হিতৈষী সেজে আমাদের তথাকথিত উন্নতির পথ প্রদর্শনের চেষ্টা কোরছে তারা যে প্রকৃতই আমাদের কল্যাণ চায় না তা' আজ সুস্পষ্ট হোয়ে উঠেছে। তাদের এই কুটক্রমজালে আজ আমরা আবদ্ধ হোয়ে পড়েছি।" এইভাবে নানাপ্রকার আলোচনার প্রায় একঘণ্টা অতিবাহিত হোয়ে গেলো।

মিঃ হুই গভ মহাযুদ্ধের সময় আফ্রিকান সরকারের পক্ষ থেকে ভারতে অবস্থানকারী নিগ্রো সৈনিকদের তত্ত্বাবধানের দোম ক্রটি অনুসন্ধানের জন্ত ভারতবর্ষে গিয়ে একটা বছর পরাধীন ভারতের বৃক কাটান। পরাধীন ভারতে মাত্র একটা বছর কাটিয়ে ভারতের সভ্যতা ও আদর্শের যে সামান্য পরিচয় পেয়েছেন তাতেই ভারতীয় সভ্যতা ও সংস্কৃতির প্রতি কী গভীর প্রেম ও আন্তরিক শ্রদ্ধা এই ভ্রমলোকের। শুধু এই একজনেরই নয়, লক্ষ লক্ষ আফ্রিকান যারা জীবনে ভারতবর্ষের মাটি স্পর্শও করেনি তাদের অন্তরধানিও আজ ভারতীয় আদর্শের প্রেরণা লাভের জন্ত উৎসুক হোয়ে রোয়েছে।

রাত্রে সভায় হাজিরার সংখ্যা বেশ ভালই হোল। শুণে দেখলাম পর্যটকজন। যে সহরের জনসংখ্যা (হিন্দুর) চল্লিশ জন সেখানের সভায় পর্যটকজনের উপস্থিতি ভালই বৈকি। সভায় "হিন্দুধর্মের বৈশিষ্ট্য" বিষয়ে আলোচনা হোল। বক্তৃতার পরে কয়েকটি প্রশ্ন করা হোল। এদেশে কোনরকম বক্তৃতার পর বক্তাকে বক্তব্য বিষয়ে কিছু কিছু প্রশ্ন কোরে অবোধ্য বিষয়সমূহ জেনে নেওয়ার নিয়ম। এ নিয়ম ইউরোপের নিকট থেকে শেখা।

পরদিন বিকালে একটা সভার পর আমাদের কাহামা নামে একটা গ্রামে যাওয়ার ঠিক হোলো। রাত্রি অবসানের সঙ্গে সঙ্গে টেলিগ্রাম কোরে ট্রেনের "বার্থ রিজার্ভ" করা হোল। বিকালে সভার পর রওনা হোয়ে আমরা বৃকেনী পৌঁছলাম। শ্রীযুত অন্তলালের বাড়ীতে নৈশ ভোজনের পর আমরা ষ্টেশনে গেলাম। বৃকেনীর ষ্টেশনমাষ্টার একজন বাঙ্গালী। তাই আতিথেয়তার আতিশয্যটুকু সহ্য কোরতেই হোল। খাওয়ার জন্ত বিশেষভাবে অনুরোধ কোরলেন—কিন্তু না খাওয়ার তাড়াতাড়ি বিছানাপত্র ঠিকঠাক কোরে দিয়ে শোওয়ার

ব্যবস্থা কোরে দিলেন। ট্রেন আসবে রাত বারটায়। আমাদের গন্তব্যস্থল কাহামা যেতে হোলে যে ষ্টেশনে নামতে হবে সেখানের ষ্টেশনমাষ্টারকে টেলিফোন কোরে রাত্রে আমাদের থাকবার ব্যবস্থা করার জন্ত এখানের ষ্টেশনমাষ্টার শ্রীযুত বাগ্‌চী বলে দিলেন। শুলাম বটে, কিন্তু ঘুম আর হোল না। ট্রেন আসার ঘণ্টা বাজলো। ডার-এস-সালাম হোতে আগত মাউন্টা-গাম্বী মেল এসে ঠিক রাত বারটায় বৃকেনী ষ্টেশনে দাঁড়ালো। পূর্ব নির্দিষ্ট কামরার উঠে বোসলাম। ট্রেন ছাড়লো। ভীষণ অন্ধকারের বৃক চিরে আমাদের গাড়ী ছুটছে। শুধু কতকগুলো আগুনের ফুলিঙ্গ ছাড়া এই গহন অন্ধকারে আর কিছু দেখা যাচ্ছে না, তাই বাইরের দৃশ্য দেখার আশা ছেড়ে দিয়ে শুয়ে পড়লাম। রাত আড়াইটায় আমরা ইসাকা ষ্টেশনে নামলাম। ষ্টেশনমাষ্টার শিখ। নিজে এসে আমাদের কামরা থেকে নামিয়ে তাঁর বাসায় নিয়ে গেলেন। রাত্রি যাপনের ব্যবস্থা পূর্বেই কোরে রেখেছিলেন—কিন্তু অল্প সময়ের মধ্যেই কাহামা থেকে আমাদের নেওয়ার জন্ত মোটর এলো। তাই সঙ্গে সঙ্গে আমরা কাহামা অভিমুখে রওনা হলাম। ঘন জঙ্গলের মধ্য দিয়ে রাস্তা। তার উপর দারুণ অন্ধকার। শুধু মোটরের সামনের আলোয় দু'একটা নাম-না-জানা জন্তকে রাস্তার এপাশ থেকে ওপাশে চলে যেতে দেখলাম— তাছাড়া আর কিছুই দেখা গেল না। প্রায় দু'ঘণ্টা চলার পর কাহামায় পৌঁছলাম। মোটরে যাওয়ার জন্ত দীর্ঘতও বেশ কোরছে। যখন আমরা কাহামায় পৌঁছলাম—তখন শুকতারটা চোপের সামনে জ্বলজ্বল কোরে জ্বলে; গাছে গাছে পাখীরা গাঝাড়া দিতে শুরু কোরেছে। মোটরের আওয়াজে গ্রামের কুকুরগুলো চীৎকার কোরে ডেকে উঠলো। মোটরের হর্ণ শুনেই গ্রামের লোকজন এলো। হাত পা ধোয়ারও জল দিয়ে আলো ও বিছানাপত্র ঠিকঠাক কোরে দিয়ে আমাদের ঘুমোতে বলে চলে গেলো। আমরা আর না শুয়ে স্নান আফ্রিক সেরে নিলাম। ক্রমে গাঢ় অন্ধকার, ধূসর হোতে হোতে একেবারে ফর্সা হোয়ে গেলো। বিহগকুল আহারের সন্ধানে নীড় ছেড়ে বেরিয়ে পড়লো। পূর্বের আকাশ ক্রমশঃ রক্তিম হোয়ে উঠলো। সূর্য্যদেবের আবির্ভাবের সঙ্গে সঙ্গে আমাদের সঙ্গে দেখা সাক্ষাত করার জন্ত অনেক লোকজনেরও আবির্ভাব ঘটলো।

(ক্রমশঃ)



বাদশার প্রেম

শ্রীসৌরীন্দ্রমোহন মুখোপাধ্যায়

আড়াই হাজার বছর আগেকার কথা। বাদশা কাছিসেশ-সাইরাশ বাদশার সন্তান—তখন ইরাণের সিংহাসনে মিশরের ফারাও-আমেশিসের কন্যা পরমাসুন্দরী শুনে সেই কন্যাকে বিবাহ করবেন, স্থির করলেন। কন্যাকে তিনি চক্ষে কখনো দেখেন নি...তখনকার দিনে দেশ বিদেশে বেড়ানো সহজ ছিল না। তার উপর ইরাণ থেকে মিশরে যাওয়া...পাঁচ-ছমাসের কমে যাওয়া চলে না।

মাহুঘের পক্ষে এতদূর যাওয়া-আসা শক্ত হলেও মাহুঘের মুখে মুখে খবরাখবর আসতো সহজেই...সে খবর শুনে বিশ্বের লোক জেনে ফেলেছিল, ফারাও আমেশিসের কন্যার মতো সুন্দরী ছুনিয়ায় দুর্লভ।

ইরাণের বাদশা কাছিসেশ...প্রবল তাঁর প্রতাপ, প্রচুর তাঁর রাজস্বার্থ্য...ছুনিয়ায় অর্ধেকটা তিনি জয় করেছেন...তিনি পাঠালেন ফারাওর কাছে দূত...প্রস্তাব জানিয়ে...তোমার কন্যাকে আমি বিবাহ করবো!

ফারাওর এক সন্তান ঐ কন্যা...কন্যা তাঁর নয়নের মণি...তাকে সূদূর বিদেশে পাঠিয়ে তিনি কি করে বাঁচবেন...অতদূরে কন্যাকে পাঠানো চলে না...না-না এ বিবাহ অসম্ভব। কিন্তু আবার ভয় হয়...বাদশার যে রকম প্রতাপ, বিবাহে অমত করলে সর্বশেষে বাদশা করবেন মিশর আক্রমণ...বিপদের সীমা থাকবে না তখন। উপায়?

ভেবে উপায় স্থির করলেন। সন্ধান করে এক কিশোরী বাদী পেলেন...সেরা রূপসী...সেই বাদীকে কন্যা-পরিচয়ে তিনি পাঠালেন ইরাণে...তাকে ফারাও-কন্যার মতো শিক্ষাদীক্ষা দিয়ে যোগ্য রত্নভূষণে সাজিয়ে।...

ইতিহাসে লেখা আছে, এই বাদীকে দেখে ইরাণের বাদশা প্রমত্ত হয়ে উঠলেন...বাদীকে প্রেমসী করে বাদশার আনন্দের আর সীমা নেই...এই বাদীর প্রেমে তিনি মশগুল!...কিন্তু এ সুখ দীর্ঘ হলো না...কি করে' রহস্য প্রকাশ হয়ে গেল...বাদশা জানতে পারলেন, এ ফারাওর কন্যা নয়...এ হলো মিশরী বাদী।

বাদশা রাগে জলে উঠলেন...এমন স্পর্ধা এই বাদীর!

বাদী হয়ে বাদশাকে বাহুবন্ধনে আবদ্ধ করেছে...বাদশা বাদীকে...এক তুচ্ছ বাদীকে বুকে নিয়ে সেই বাদীর অধরে অধর মিশিয়ে সুখা বলে বিষ পান করেছেন! বাদশা ডাকলেন ষাতককে...হুকুম দিলেন...বাদীর গর্দানা!...বাদশার হুকুমে বাদীকে গর্দানা দিতে হলো...যে বাদীর হাশ্বেলাস্তে বাদশা অমন বিভোর বিহ্বল—

নিখাস ফেলে বাদশা বললে—বাদীর স্পর্ধার শাস্তি হলো! এবারে ঐ দুর্বৃত্ত ফারাও।

বাদশা এলেন দরবারে...মলিন মুখ! দরবারে উজীর, ওমরাওদের দল বসে...বড় টেবিলের উপর সরবৎ, সিরাজি, মিঠাই, ফল—

বাদশা বললেন—তোমরা শুনেছো মিশরের ফারাওয়ের স্পর্ধার কথা? এমন ভয়ঙ্কর অপমান করে আমায়! আমি ইরাণের বাদশা...একটা হীন বাদীকে করেছি আমার শয্যা-সঙ্গিনী...আদরে ভালোবাসায় উপহারে অলঙ্কারে এক নীচ বাদীর মনস্তৃষ্টি সাধন করেছি:...

রোষে আক্রোশে বাদশার কণ্ঠ হলো স্থলিত রুদ্ধ! নিখাস ফেলে বাদশা ডাকলেন—উজীর...

উজীর সেলাম করে উঠে দাঁড়ালো।

বাদশা বললেন—আমি মিশর আক্রমণ করবো।

বিনীত ভঙ্গীতে উজীর বললে—কিন্তু জাঁহাপনা...মিশরে ফৌজ নিয়ে যেতে হলে বহু উটের প্রয়োজন...প্রথমে চাই বিশ হাজার উট সংগ্রহ...তাতে কত দীর্ঘ সময় লাগবে...বহু ব্যয়...

বাদশা তুললেন হুকুম—তাহলে এ অপমান আমাকে সয়ে থাকবে হবে? বলো—

উজীর বললে—না, জাঁহাপনা...তা নয়...আপনার হুকুম অচিরে তামিল করা হবে।

—হাঁ...লক্ষ কোটি তোয়ের করো...অধিনায়ক...

তোমরা জানোনা, আমার সর্কশরীর ঘৃণার বিষে অর্জরিত

...একটা হীন বাদীকে আমি বুকে নিয়েছি...তার মুখে মুখ মিলিয়ে...অসহ! অসহ!

উজীর বললে—যথার্থ জাঁহাপনা...এ কলঙ্কের কথা ইতিহাসের পাতায় লেখা থাকবে অনন্তকালের মতো। ...তাই আমি চাই এ কথাটা মোচনের কাহিনী মিশরের ফারাওয়ার রক্তে ধুয়ে মুছে দিতে...

লক্ষ ফৌজ নিয়ে বাদশা কাছিশেস্ বেরুলেন মিশর অভিযানে...খবর শুনে বৃদ্ধ ফারাও আমেশিস্ কঁাদতে কঁাদতে মারা গেলেন—তার ভাইপো নামেখিক ভয়ে মিশর

ছেড়ে পালিয়ে গেল, আর ফারাওর সেই রূপসী কন্যা— তার কোনো সন্ধান পাওয়া গেল না।

বাদশা কাছিশেসের মিশর অভিযান সফল হলো!

কিন্তু যারা ইতিহাসের চর্চা করেন, তাঁরা বলেন, মিশরী বাদীর গর্দানা নেননি বাদশা কাছিশেস—হারেমের এক মিনিষ্টারের হাতে দান করেছিলেন। বাই হোক, বাদশার অমন বিহ্বলতা, অত প্রেম—বাদীর পরিচয় জানবামাত্র যে ধোঁয়ার মতো উবে গিয়েছিল যে, সে সম্বন্ধে কারো মনে এতটুকু সংশয় নেই! এই জন্তাই লোকে বলে—বাদশার প্রেম, তার কোনো দাম নেই!

(রূপ-লেখক মাইকেল জোশেকোর লেখা গল্পের মর্মানুবাদ)

পুরীতে বিশিষ্টাষ্টমত

শ্রীবসন্তকুমার চট্টোপাধ্যায়

পুরীতে জগন্নাথদেবের মন্দিরে বিশিষ্টাষ্টমত মতের যথেষ্ট প্রভাব দেখা যায়। জগন্নাথদেবের মূর্তির তিলক শ্রীবৈকব (অর্থাৎ বিশিষ্টাষ্টমত মতে) রচিত হয়। মন্দিরে সিংহ দ্বার দিয়া প্রবেশ করিয়া ভিতরে প্রথমে যে লাল পাথরের দ্বার দেখা যায়, তাহার উপর শ্রীবৈকব তিলক এবং শঙ্খ, সূদর্শন চক্র ও গরুড়ের মূর্তি দেখা যায়—এ সকলই শ্রীবৈকব নিদর্শন। শ্রীবৈকব প্রভাব সর্বাপেক্ষা বেশী দেখা যায় জগন্নাথ মন্দিরের অন্তর্গত লক্ষ্মী মন্দিরে। আমি প্রথমে ইহা লক্ষ্য করি নাই। লক্ষ্মী মন্দিরে কিছুকণ বসিতে হয়, তাই বসিয়াছিলাম। একটি প্রোটা বিধবা পাণ্ডা রমণী আমাকে চরণামৃত দিল এবং শ্রীবৈকব চিত্র সকল দেখাইয়া দিল। জগন্নাথদেবের মন্দিরের স্তায় লক্ষ্মীদেবীর মন্দিরও কয়েকটি বিভিন্ন অংশে বিভক্ত। যে অংশকে মোহন বা জগমোহন বলা যায়, তাহার চারিদিকে দেয়ালের উর্দ্ধাংশে কতকগুলি শ্রীবৈকব তিলক, সূদর্শন চক্র, শঙ্খ প্রভৃতি চিত্রিত আছে। শ্রীবৈকব সম্প্রদায়ের ছত্রিশটি আচার্য্যের জুজাকার মূর্তি চিত্রিত আছে এবং অধিকাংশ স্থলে মূর্তির নীচে নাম লেখা আছে। প্রথম আচার্য্য শ্রীমহালক্ষ্মী—তিনিই শ্রীবৈকব মত প্রথম প্রচার করিয়াছিলেন—এজন্ত লক্ষ্মীদেবীর মন্দিরে শ্রীবৈকব চিত্রের সার্থকতা।

লক্ষ্মীনাথ সমারভান্ নাথহামুনমধ্যমাং ।

অন্দ্রদাচার্য্যপর্য্যস্তাং বন্দেগুরুপরম্পরাং ।

“আমি আমাদের (শ্রীবৈকবসম্প্রদায়ের) গুরু পরম্পরাকে প্রণাম করি,— বাঁহাদের সর্বপ্রথম হইতেছেন শ্রীবিকু, বাঁহাদের মধ্যস্থলে নাথ মুনি এবং যামুনাচার্য্য, এবং বাঁহাদের শেষে আমাদের আচার্য্য।” আচার্য্যদের যে

সকল ছোট চিত্র রহিয়াছে তাঁহাদের মধ্যে এই সকল নাম সমধিক পরিচিত :—অঙন স্বামী, ভোতাজি, যামুনাচার্য্য, গোষ্ঠীপূর্ণ, শঠকোপ, গোদা অম্মা (ইনি রাজকন্যা ছিলেন, শ্রীরঙ্গমের বিকুর বিগ্রহের সহিত ইহার বিবাহ হইয়াছিল), বরবর মুনি, মহাপূর্ণ, শৈলপূর্ণ, পরাশর, ব্যাস, নাথমুনি, মধুর কবি। এইরূপ ৩৬টি চিত্র আছে। রামানুজের চিত্রটি দ্বারের পার্শ্বেই, ইহা প্রায় মনুষ্য আকৃতির সমান। তাহার ক্রোড়ে সম্পৎকুমার নামক বিকু বিগ্রহের চিত্র। এই বিগ্রহটি সম্বন্ধে একটি সুন্দর কাহিনী আছে। ইনি রামানুজকে স্বপ্নে দর্শন দিয়াছিলেন এবং বলিয়াছিলেন দিল্লীর বাদশাহকন্টার নিকট তিনি আছেন। বাদশাহ হিন্দু মন্দির লুণ্ঠন করিয়া সেই বিগ্রহটি লইয়া গিয়াছিলেন, বাদশাহের কন্যা বিগ্রহটি লইয়া খেলা করিতেন। রামানুজ দিল্লী গিয়া যখন বিগ্রহটি প্রার্থনা করেন তখন বিগ্রহটি স্বয়ং চলিয়া আসিয়া রামানুজের ক্রোড়ে উঠিলেন। সম্পৎকুমারের বিরহ সহ্য করিতে না পারিয়া বাদশাহকন্যা বিগ্রহের সহিত দিল্লী ত্যাগ করেন, বিগ্রহটি পাকীতে আসিতে- ছিলেন, বাদশাহকন্যাকে পাকীতে তোলা হয়, পাকীর দরজা বন্ধ থাকে, পরে যখন খোলা হয় তখন বাদশাহকন্যাকে দেখিতে পাওয়া যায় না। ঐ কন্যার ভ্রাতাও সঙ্গে আসিয়াছিল, সে আর কিরিয়া যায় নাই, বৈকব হয়, রামানুজ বলেন “তুমি পুরী যাও, সেখানে পতিতপাবনকে দর্শন করিয়া তোমার মুক্তি হইবে।” পুরীতে জগন্নাথদেবের সিংহ দরজার চুকিয়াই জগন্নাথদেবের একটি মূর্তি আছে, তাহাকে পতিতপাবন মূর্তি বলা হয়, কারণ জগন্নাথদেবের মন্দিরে প্রবেশ করা পতিতদের শাস্তিবিহীন,

তাহারা মন্দিরের বাহিরে দাঁড়াইয়া জগন্নাথদেবের পতিতপাবন মূর্তি দর্শন করিয়া পুণ্য সঞ্চয় করিতে পারে। বাদশাহের পুত্রের সমাধি পুরীতে দেখিতে পাওয়া যায়।

চারিদিকে দেওয়ালের উপর অনেকগুলি সংস্কৃত শ্লোক লেখা আছে। কতকগুলি শ্লোকে বিশিষ্টাশৈতবাদের সিদ্ধান্ত স্থলরভাবে দেওয়া হইয়াছে। নিম্নে কয়েকটি শ্লোক দেওয়া হইল।

দূরে গুণান্তব তু সঙ্ঘরজস্বমাংসি
তেন জয়ী প্রথয়তি ত্বয়ি নিগুণত্বম্ ।
নিত্যং হরে নিখিল সঙ্গুণসাগরং হি
ত্বামামনস্তি পরমেশ্বরমীশ্বরগাং ॥

শ্লোকটি রামানুজের প্রিয় শিষ্য কুরেশ স্বামিকৃত ইহাও শ্লোকের নীচে লেখা আছে। ইহার অনুবাদ,—“হে হরি, সঙ্ঘ, রজঃ ও তমোগুণ তোমার অনেক দূরে (তুমি এই সকল গুণের বহু উর্দ্ধে)। এজন্ত বেদ তোমাকে নিগুণ বলিয়া বর্ণনা করিয়াছেন। তুমি নিখিল সঙ্গুণের সমুদ্র, এজন্ত বেদ তোমাকে সকল ঈশ্বরের পরমেশ্বর বলিয়াছেন।” বেদে ব্রহ্মকে নিগুণ ও সঙ্গুণ উভয়ভাবে বলিয়াছেন। এই শ্লোকে তাহার সামঞ্জস্য বিধান করা হইয়াছে।

“বাসবাক্য” বলিয়া নিম্নলিখিত শ্লোক উদ্ধৃত হইয়াছে—

সত্যং সত্যং পুনঃ সত্যং ভুজমুখাপ্য চোচ্যতে ।
ন বেদাচ্চ পরং শাস্ত্রং ন দেবঃ কেশবাং পরঃ ॥

“সত্য, সত্য, পুনঃ সত্য,—ভুজ উত্তোলন করত বলিতেছি। বেদ অপেক্ষা শ্রেষ্ঠ শাস্ত্র নাই, কেশব অপেক্ষা শ্রেষ্ঠ দেবতা নাই।”

ব্রহ্মসংহিতা হইতে নিম্নলিখিত শ্লোক উদ্ধৃত করা হইয়াছে—

প্রথমোহনস্তরপশ্চ দ্বিতীয়ো লক্ষ্মণস্তথা ।
তৃতীয়ো বলরামশ্চ কলৌ রামানুজো মুনিঃ ॥
দ্বাপরাস্তে কলেরাদৌ পাবণপ্রচুরে জনে
রামানুজেতি ভবিতা বিষ্ণুধর্মপ্রবর্তকঃ ॥

এখানে অনন্তের বিভিন্ন অবতারের উল্লেখ আছে—“প্রথম অবতার অনন্ত, দ্বিতীয় লক্ষ্মণ, তৃতীয় বলরাম, এবং কলিতে রামানুজ মুনি। দ্বাপরের শেষে এবং কলির আদিতে, যখন নাস্তিকের সংখ্যা বৃদ্ধি পাইবে তখন বিষ্ণুধর্মপ্রবর্তক রামানুজের আবির্ভাব হইবে।”

আর একটি শ্লোক (কাহার রচনা তাহার উল্লেখ নাই) এইরূপ—

নচেৎ রামানুজেত্যেবা চতুরা চতুরাক্ষরী ।
কামবহ্নাং প্রপত্তস্তে জন্তবো হস্ত মাদৃশাঃ ॥

“যদি চারি অক্ষরযুক্ত “রামানুজ” এই কথা না হইত, তাহা হইলে আমার জ্ঞান জীবনের কি অবস্থা হইত ?”

ঈরামানুজ প্রণীত বেদার্থসংগ্রহ হইতে নিম্নলিখিত স্তবটি উদ্ধৃত হইয়াছে :—

অশেষচিদচিদস্ত শেখিণে শেখণায়িনে ।
নির্মলানন্তকল্যাণনিধয়ে বিকবে নমঃ ॥

“বিষের যাবতীয় চেতন ও অচেতন বস্তু বাহার অংশ যিনি শেষ শম্যাশায়ী, যিনি অনন্ত নির্মল কল্যাণ গুণের আধার সেই বিষ্ণুকে প্রণাম করি।”

নিম্নলিখিত শ্লোকগুলিও উদ্ধৃত আছে—

যচ্চ কিঞ্চিজ্জগত্যস্মিন্দৃশ্যতে ক্ষরতেহপি বা ।
অস্তর্বহিষ্চ তৎ সর্বং ব্যাপ্য নারায়ণঃ স্থিতঃ ॥

“তৈত্তিরীয় ১১ অনুবাক্য”

“এই জগতে যাহা কিছু দেখা যায় বা শোনা যায় সকলের অন্তঃ ও বহিঃপ্রদেশ ব্যাপ্ত করিয়া নারায়ণ অবস্থিতি করিতেছেন।”

শঙ্খচক্রধরো বিদ্বান্ মালাং তুলসীজাং দধৎ স জীবম্মুঃ (যজুর্বেদ)
“যে বিদ্বান্ দেহে শঙ্খ ও চক্রের চিহ্ন ধারণ করেন, এবং তুলসীমালা ধারণ করেন, তিনি জীবম্মুক্ত।”

(ইহা যজুর্বেদে আছে বলা হইয়াছে, কোথায় আছে তাহা বলা হয় নাই।)

তং হ দেবমান্নবুদ্ধিপ্রকাশং মুমুকুর্বেশ্বরগমহং প্রপত্তে

(খেতাখতর অঃ ৯ মঃ ৮ ?)

“আমি মোক্ষলাভের ইচ্ছায় সেই দেবতার শরণ গ্রহণ করিতেছি, যিনি আন্নবুদ্ধির দ্বারা প্রকাশিত।”

বিষ্ণুপত্নীং ক্রমাং দেবীং সাধবীং মাধবপ্রিয়াং ।

বিষ্ণুপ্রিয়াং সখাং দেবীং নমাম্যচ্যুতবল্লভাং ॥

“বিষ্ণুর পত্নী মাধবের প্রিয়া বিষ্ণুর প্রিয়া ও সখী অচ্যুতের বল্লভা মাধবী দেবীকে প্রণাম করি।” ইহা বোধহয় ভূদেবীর প্রণাম মন্ত্র।

রামানুজ বহু বৈষ্ণবের সহিত পুরী আসিয়াছিলেন। তিনি বলিয়াছিলেন এখানে নারদ পঞ্চরাত্র অনুসারে পূজা করিতে হইবে। পাণ্ডাগণ তাহাতে রাজি হয় নাই। তর্কে পাণ্ডাগণ হারিয়া যায়। এজন্ত রাজা রামানুজকে সমর্থন করেন। পাণ্ডারা অনশন করে। রামানুজ রাতে স্বপ্ন দেখেন যে জগন্নাথদেব তাঁহাকে বলিতেছেন—পাণ্ডাদিগকে পূর্বের প্রথায় পূজা করিতে দাও। সকালে উঠিয়া রামানুজ দেখেন যে তাঁহাকে রাত্রির মধ্যে পুরী হইতে কূর্মক্ষেত্রে লইয়া আসিয়াছে। কূর্মক্ষেত্র পুরী হইতে বহুদূরে, ওয়ালটেনারের পথে আধুনিক চিকাকোল স্টেশন হইতে যাইতে হয়। রামানুজের সহিত একটি গোপাল বিগ্রহ ছিল, সেটি পুরীতে থাকিয়া যায়। জগন্নাথদেবের মন্দির হইতে স্বর্গদ্বারঘাট (সমুদ্র) যাইবার পথে বেণু গোপাল মঠে সেই গোপাল মূর্তি এখনও পূজিত হন। পুরীতে আর কুড়িটি শ্রীবৈষ্ণব মঠ আছে। তন্মধ্যে এমার মঠ সর্বাপেক্ষা ধনী।

জগন্নাথ মন্দিরে শঙ্করাচার্যের প্রভাব বিশেষ দেখা যায় না। মন্দিরের বাহিরে অবশ্য গোবর্দ্ধন মঠ আছে। তাহার মধ্যে একটি শিবালয়, একটা গোপাল মন্দির ও একটি শঙ্করাচার্যের মন্দির আছে। এই মঠের মধ্যে দেয়ালের উপর নিম্নলিখিত শ্লোক দুইটি দেখিলাম।

মুক্তিমিচ্ছসি চেত্তাত বিদ্বান্ বিববৎ ত্যজ ।

ক্ষমার্জব দয়াতোবাং সত্যং পীযুষবৎ ভজ ॥

“বৎস, মুক্তি ইচ্ছা কর তাহা হইলে বিষয়সকল বিষয়স্তায় ত্যাগ করিবে এবং ক্রমা, সরলতা, সন্তোষ ও সত্যকে অমৃতের স্থায় ভজন কর।”

নিম্নস্ত নীতিনিপুণাঃ যদি বা স্তবস্ত
লক্ষ্মীঃ সমাবিশতু গচ্ছতু বা যথেষ্টং ।
অস্তৈব মে মরণমস্ত যুগান্তরে বা
স্তারাং পথঃ প্রবিচলন্তি পদং ন ধীরাঃ ॥

“যাহারা নীতিকুশল তাহারা নিম্নাই করুন, বা স্তব করুন, লক্ষ্মী অবস্থান করুন বা অন্ত্র চলিয়া যান, আমার অতাই মরণ হউক বা যুগান্তরে হউক,—কিছুতেই ধীর ব্যক্তিগণ স্থায় পথ হইতে একপদও বিচলিত হন না।”

শ্রীজগন্নাথ মন্দিরে বিভিন্ন মহাপুরুষদের প্রভাবের আলোচনা করিতে-

ছিলাম। সুতরাং এই প্রসঙ্গে শ্রীচৈতন্যদেবের প্রভাব ও উল্লেখ করা যায়।

শ্রীচৈতন্যদেব যে গরুড় স্তম্ভের নিকট দাঁড়াইয়া জগন্নাথদেবের মূর্তি-দর্শন করিতেন, সেই স্তম্ভের উপর তাহার শ্রীকরের অঙ্গুলির চিত্র এখনও দেখা যায়, তিনি বাহুদেব সার্বভৌমকে যে বড়ভুক্ত মূর্তি দেখাইয়াছিলেন তাহাও মন্দির গাত্রে অঙ্কিত আছে। মন্দির প্রাঙ্গণে তাহার পদচিহ্নের উপর একটি ক্ষুদ্র মন্দির-নির্মিত হইয়াছে। মন্দিরের দক্ষিণ দরজার পার্শ্বে একটি মন্দিরে শ্রীচৈতন্যদেবের মূর্তি প্রতিষ্ঠিত আছে এবং নিত্য পূজার ব্যবস্থা আছে। ইহা ব্যতীত রাধাকান্ত মঠে যে গঙ্গীরা গৃহে চৈতন্যদেব বাস করিতেন সেই গঙ্গীরা গৃহে তাহার ব্যবহৃত কল্যাণ ও খড়ম রক্ষিত হইয়াছে। সুতরাং শ্রীজগন্নাথদেবের মন্দিরে অন্ত সাকল মহা-পুরুষের যত প্রভাব পড়িয়াছে তদপেক্ষা শ্রীচৈতন্যদেবের প্রভাবই অধিক।

দশের পরিণাম


কবিশেখর শ্রীকালিদাস রায়

রূপের দস্ত করেছে যে বারে বারে
রোগে শোকে আর শিথিল চর্মে অকাল জরার ভারে
বিকৃতাক্রমে সে দুই দিন পরে চেনা নাহি যায় তারে ।
কুলের দস্ত করেছে যে-জন সভাজন সাক্ষাতে,
কন্তা তাহার একদা গভীর রাতে,
তুনেছি গিয়েছে ঘর ছেড়ে চলে এক চাঁড়ালের সাথে ।
মস্ত যে ছিল জাত্যতিমান নিয়ে
পুত্র তাহার এক পাদ্রির কন্তাকে ক’রে বিয়ে
বাস করিতেছে খুঁটানদের পক্ষীর মাঝে গিয়ে ।
ধনের দস্ত করেছে যে বার বার,
ছয় মাস পরে দেখেছি সহসা তিথারীর দশা তার,
ব্যাঙ্গ ফেল হ’য়ে ফেল হ’য়ে কারবার ।
গর্বে যে-জন করিত আপন সুপুত্র জামাতার,
দেখেছি তাহার স্বন্ধে চেপেছে বিধবা কন্তাভার,
পুত্র তাহার যক্ষ্মা ব্যাধিতে অস্থিচর্মসার ।
যানের দস্তে পথচারীদের চলিত যে চাপা দিয়ে,
তার সে সাধের মোটরটি উলটিয়ে
পুড়াল একদা তার দেহটাই পেট্রোল জ’লে গিয়ে ।
মানের দস্তী ভোটের জোরে যে হয়েছিল জাঁহাজ,
বার বার হেরে ভোটের সমরে পেয়ে অপমান লাজ,

মানের সঙ্গে ধনও হারায়ে হয়েছে ফকির আজ ।
হায় মহাকাল সবার কপাল চূর্ণিছে অবিরাম,
দেখিয়াছি নিতি দশের পরিণাম,
দুই দণ্ডই কুন্তকর্ণ জেগে করে সংগ্রাম ।
উত্ততচূড়া উদ্ধতশির গুঁড়ায় বজ্রপানি,
সকলেই দেখে কেউত না শেখে ; মনে মনে লয় মানি’
রজমঞ্চে অভিনয় বুঝি, নয় সতর্কবাণী ।
হায় মায়া মৃত নর,
তুমি যে শুধুই খেলার পুতুল নিয়তির কিংকর,
গর্ব করিতে কাঁপে না ও অন্তর ?

দস্ত যখন কর’

আপনারে ভাবো সকলের চেয়ে বড়,
বিধাতা তখন হাসে অলক্ষ্যে অসি করে ধরতর ।
দস্ত কি চলে উত্তত ঐ ধর খড়্গের তলে
বিষপত্র চর্কিয়া কুতূহলে ?
বলির পশুর দস্ত ত নাহি চলে ।
ক্ষটিক স্তম্ভে বসিয়া তোমার দস্ত কি তাই সাজে ?
ঐ স্তম্ভের মাঝে
বক্ষোবিদারী নরসিংহ যে রাজে ।



ভারতীয় চা ও ভারতের অর্থনীতি

ভারতবর্ষ হইতে বিদেশে যত জিনিষ রপ্তানী হয়, তন্মধ্যে পাটের পরই চায়ের স্থান। এই চা রপ্তানীর দ্বারা ভারত বিদেশ হইতে প্রতি বৎসর প্রভূত পরিমাণ অর্থোপার্জন করে। ভারতীয় চায়ের আন্তর্জাতিক চাহিদা বৃদ্ধির ফলে ভারতের চা-শিল্প সম্প্রসারিতও হইয়াছে যথেষ্ট এবং এখনও এই শিল্পের বহু উন্নতিসাধন সম্ভব। ১৯৪৬-৪৭ খ্রীষ্টাব্দে ভারত হইতে যে চা বিদেশে রপ্তানী হয় তাহার মূল্য ছিল ৩৪ কোটি ৫০ লক্ষ টাকা। ভারত বিভাগের পর শ্রীহট্টের কিছু চা বাগান ছাড়া অথবা ভারতের অধিকাংশ চা বাগান ভারতের ভাগে থাকিয়া যাওয়ার চা রপ্তানীর হিসাবে ভারতের ক্ষতি হয় নাই। গত বৎসর বা ১৯৪৯ খ্রীষ্টাব্দেও ভারত হইতে বিদেশে ৭২ কোটি টাকা মূল্যের ৪৩ কোটি ৫০ লক্ষ পাউণ্ডের মত চা রপ্তানী হইয়াছে। ভারতীয় চা ডলার এলাকাতেও প্রচুর চলে। গত বৎসর চা রপ্তানী বাবদ ডলার এলাকা হইতে ভারতের ১১ কোটি টাকা আয় হইয়াছে। বলা বাহুল্য, এদেশে চা শিল্পের উন্নতি করিয়া মার্কিন যুক্তরাষ্ট্র আদি ডলার এলাকার চায়ের রপ্তানী বাড়াইতে পারিলে বর্তমান ডলার সঙ্কটের তীব্রতা হইতে ভারত অনেকটা মুক্তি পাইতে পারে। চা নেপার সামগ্রী, কাজেই ইহার দর সহজেই সঙ্কোচন ও প্রসারণ করা যায়। সাম্প্রতিক ডলার সঙ্কটের চাপ কমান্বিত হইলে ডলার এলাকার অধিকতর ভারতীয় পণ্য রপ্তানী ও ডলার এলাকা-জাত পণ্য আমদানী বতদূর সম্ভব নিয়ন্ত্রণ,—এই দুই পথ অবলম্বন করিতেই হইবে।

তবে বিদেশে রপ্তানীর কথা আলোচনা প্রসঙ্গে একটি বিষয়ের প্রতি দৃষ্টি দেওয়া দরকার। বিদেশে এখন যেমন চায়ের সমৃদ্ধ বাজার সৃষ্টি হইয়াছে, ভারতেও ক্রমে ভারতীয় চায়ের চাহিদা সেই পর্যায়েই বাড়িয়া গিয়াছে। এক্ষেত্রে ভারতীয় চা বাহাতে ভারতবাসী ও বিদেশী উভয়ের চাহিদা সমান হারে মিটাইতে পারে, তাহারই ব্যবস্থা কাম্য। ভারতের চা শিল্প এখনও প্রধানতঃ অভ্যন্তরীণদের নিয়ন্ত্রণাধীন। শোনা যায় উচ্চশ্রেণীর চা সরবরাহের ব্যাপারে ভারতীয় ক্রেতাগণ বৈবচনমূলক ব্যবহার পাইয়া থাকেন। ভাল ভারতীয় চা চাহিদা থাকা সত্ত্বেও ভারতের বাজারে বিক্রয়ের জন্ত উপস্থাপিত না হইলে তাহা নিশ্চয়ই ছঃখের কথা।

ভাছাড়া ভারতীয় চা বিদেশে যে দরে বিক্রয় হয় ভারতে (পাঠাইবার খরচ বাচিয়া বাইবার জন্ত) তাহার দর অপেক্ষাকৃত সস্তা হওয়া উচিত। কিন্তু যে কারণেই হউক, ভারতীয় চা ভারতের বাজারে বেশী দরে বিক্রীত হয়। এখন এদেশে ব্যবহারযোগ্য এক পাউণ্ড চায়ের দর কম

পক্ষে দু টাকা, অষ্ট্রেলিয়ায় কিন্তু সমশ্রেণীর ভারতীয় চায়ের খুচরা মূল্য ১৮০ পাই। এই দর আবার সম্প্রতি অষ্ট্রেলিয়ায় চায়ের রেশন উঠিয়া যাওয়ার হইয়াছে। রেশন ব্যবস্থা বলবৎ থাকা কালে অষ্ট্রেলিয়া সরকার আমদানী চায়ের মূল্য হারে সমতা রক্ষার জন্ত যে সাবসিডি বা সরকারী সাহায্য দিতেন, এখন রেশন উঠিয়া যাওয়ার তাহারই সেই সাহায্য প্রদান বন্ধ করিয়া দিয়াছেন বলিয়াই চায়ের দাম একটু বাড়িয়াছে। বলা নিস্প্রয়োজন, স্বদেশীয় চা ব্যবহার করিতে গিয়া ভারতবাসীর এইভাবে ক্ষতি স্বীকারে বাধ্য হওয়া অত্যন্ত অবাঞ্ছনীয় ব্যাপার। এই অস্থায় ব্যবস্থার জন্ত বটনকারী বা যে কেহই দায়ী হউক, ভারতসরকারের উচিত অবিলম্বে হস্তক্ষেপ করিয়া বিদেশের ও ভারতের চায়ের বাজারের মধ্যে একটা সামঞ্জস্য সাধনের চেষ্টা করা। অবশ্য ভারতীয় চায়ের রপ্তানী বাজার যাহাতে কোনক্রমেই ক্ষতিগ্রস্ত না হয়, সর্বদাই তৎপ্রতি দৃষ্টি রাখিতে হইবে।

জাতীয়-করণের পর ব্রিটেনের কয়লা শিল্প

জাতীয় স্বার্থের পক্ষে গুরুত্বপূর্ণ শিল্পসমূহ রাষ্ট্রায়ত্ত্ব করা ব্রিটিশ সরকার নীতি হিসাবে গ্রহণ করিয়াছেন। এই নীতি অনুসারেই ১৯৪৭ খ্রীষ্টাব্দে কয়লা শিল্পের জাতীয়করণ হয়। জাতীয়করণের ফলে ব্রিটেনের কয়লা শিল্পের লক্ষণীয় সমৃদ্ধি ঘটয়াছে। শিল্পে ব্যক্তিগত মালিকানা শিল্পপ্রসারের অনুকূল, ব্যক্তিগতভাবে মুনাফা অর্জনের সম্ভাবনা থাকিলে শিল্পপতি তাহার অর্থ ও অভিজ্ঞতা অধিকতর ফলপ্রসূরূপে কাজে লাগাইবে,—এই ধরণের একটি বন্ধ ধারণা অনেকের আছে এবং এইরূপ ধারণা রাষ্ট্রের জাতীয়করণ নীতির বিরোধিতা করিয়া থাকে। বলা বাহুল্য, রাষ্ট্রায়ত্ত্ব ব্রিটিশ কয়লাশিল্পের উন্নতি এই ধারণার পরিবর্তনে সাহায্য করিবে। ভারতে রাষ্ট্রায়-করণের নীতি যথাসম্ভব কার্যকরী হইবে বলিয়াই সকলে আশা করিয়া-ছিলেন, উপরোক্ত ধারণার বশেই এবং দেশের পণ্যাভাবের বিবেচনায় কর্তৃপক্ষ এই পরিকল্পনা দশ বৎসরের জন্ত স্থগিত হইয়াছে।

সম্প্রতি ব্রিটেনের স্থাপনাল কোল বোর্ড বা জাতীয়-কয়লা পরিষদের ১৯৪৯ খ্রীষ্টাব্দের রিপোর্ট প্রকাশিত হইয়াছে। এই তৃতীয় বার্ষিক রিপোর্টে ব্রিটিশ কয়লা শিল্পের সর্বাঙ্গীণ উন্নতির স্পষ্ট পরিচয় আছে। খনি হইতে কয়লার উৎপাদন বৃদ্ধি, উৎপাদন ব্যয় হ্রাস, রপ্তানী বৃদ্ধি ইত্যাদি নানা দিক হইতে সাক্ষ্যলাভ করিয়া ব্রিটেনের কয়লাশিল্পে আলোচ্য বৎসরে ৯৫ লক্ষ পাউণ্ড মুনাফা হইয়াছে। রিপোর্টে আরও বলা হইয়াছে যে, আলোচ্য বৎসর সরকারী পরিচালনাধীনে ব্রিটিশ

কয়লাশিল্পে মারাত্মক দুর্ঘটনার সংখ্যা পূর্বে পূর্বে বৎসরের তুলনায় নিম্নতম হইয়াছে।

১৯৪৭ খৃষ্টাব্দে ব্রিটেনের খনি হইতে উত্তোলিত কয়লার পরিমাণ ছিল ১৮,৭২,০০,০০০ টন। ১৯৪৮ খৃষ্টাব্দে এই পরিমাণ ১০ লক্ষ টন এবং ১৯৪৯ খৃষ্টাব্দে বা আলোচ্য বৎসরে ১৫ লক্ষ টন বৃদ্ধি পাইয়াছে। সর্বসম্মত ব্রিটেনে এবৎসর বিক্রয়যোগ্য কয়লার পরিমাণ দাঁড়াইয়াছে ২১,৫০,০০,০০০ টন। প্রসঙ্গক্রমে উল্লেখ করা যাইতে পারে যে, ব্রিটেনের আর্থিক উন্নয়ন পরিকল্পনার লক্ষ্য (Economic survey target) ২১,৫০,০০,০০০ টন হইতে ২২,০০,০০,০০০ টন। ব্রিটেনের কয়লা শিল্পের ১৯৪৯ খৃষ্টাব্দে উন্নতি পর্যালোচনা করিলে দেখা যায় যে, ব্রিটেনের কয়লাশিল্পের সহিত সংশ্লিষ্ট প্রত্যেক ব্যক্তির হিসাবে এ বৎসর ১৯৪৮ খৃষ্টাব্দের তুলনায় ২ হাজার করিয়া বেশী কয়লা পাওয়া গিয়াছে। ১৯৩৮ খৃষ্টাব্দে, অর্থাৎ যুদ্ধ শুরু হইবার আগের বৎসরে ব্রিটেনের প্রতিটি কয়লাখনি-শ্রমিক পিছু যে পরিমাণ কয়লা উত্তোলিত হইয়াছিল, আলোচ্য ১৯৪৯ খৃষ্টাব্দের মাথাপিছু উত্তোলন (২৩ হাজার) তাহার চেয়েও বেশী।

১৯৪৮ খৃষ্টাব্দের তুলনায় ৩০ লক্ষ টন বাড়িয়া ১৯৪৯ খৃষ্টাব্দে ব্রিটেনের কয়লা রপ্তানীর পরিমাণ দাঁড়াইয়াছে ১ কোটি ৯০ লক্ষ টন। এই কয়লা রপ্তানী দ্বারা ব্রিটেন ৫ কোটি পাউণ্ডের সমপরিমাণ বিদেশী মুদ্রা অর্জন করিয়াছে। এছাড়া ব্রিটিশ বন্দরসমূহে বিদেশী জাহাজে কয়লা তুলিয়া দিবার হিসাবে এবং জাহাজী বীমা প্রভৃতিতে ব্রিটেনের আরও ৩৭ লক্ষ ৫০ হাজার পাউণ্ড লাভ হইয়াছে।*

ভারতীয় বাণিজ্যিক নৌবহর

ভারতীয় যুক্তরাষ্ট্রের নিজস্ব উপকূল ভাগের পরিমাণ ৩২০০ মাইলের মত। এই উপকূলভাগের বাণিজ্য ছাড়া পৃথিবীর বিভিন্ন দেশের সহিত ভারতের বাণিজ্যের ব্যাপারে প্রচুর জাহাজের দরকার হয়। পণ্যবাহী নৌবহরের হিসাবে ভারতের অবস্থা এখনও শোচনীয়। যুদ্ধের পূর্বে এদিক হইতে ভারতের মর্যাদা আলোচনারই উপযুক্ত ছিল না, সম্প্রতি ভারতসরকার যথেষ্ট আগ্রহাধিত হওয়ার এবং সিন্ধিয়া ষ্টীম নেভিগেশন, ইণ্ডিয়ান ষ্টীমসিপ কোম্পানী, ভারত লাইন ইত্যাদি ভারতীয় প্রতিষ্ঠানগুলি দায়িত্বগ্রহণে অগ্রসর হওয়ার অবস্থার তবু কিছুটা উন্নতি হইয়াছে। ১৯৪৫ খৃষ্টাব্দে ভারতীয় সমুদ্রপানী জাহাজের পরিমাণ ছিল ১ লক্ষ ৫০ হাজার টনের মত, ইহা এখন পৌনে চার লক্ষ টনে পৌঁছিয়াছে। এই পৌনে চার লক্ষ টন জাহাজের মধ্যে ভারতের উপকূলভাগে নিযুক্ত আছে ১ লক্ষ ৯০ হাজার টন এবং বাকীটা ভারতের সহিত ইয়োরোপ, অস্ট্রেলিয়া ও মার্কিন যুক্তরাষ্ট্রের বাণিজ্যে নিয়োজিত রহিয়াছে। এই

বহির্বাণিজ্যে নিযুক্ত ভারতীয় জাহাজের সংখ্যা বর্তমানে ২৪ খানি। ভারতে জাহাজ তৈয়ারীর উপযুক্ত ব্যবস্থা নাই, সিন্ধিয়া ষ্টীম নেভিগেশন কোম্পানীর তত্ত্বাবধানে ভিজাগাপত্তনে যে জাহাজ কারখানাটি রহিয়াছে তাহার উন্নয়নের জন্য প্রভূত চেষ্টা চলিতেছে, কিন্তু এখনও বড় বাণিজ্যপোত নির্মাণে এ কারখানা সাকল্যলাভ করে নাই। ভারত সাধারণতঃ বিদেশ হইতে জাহাজ কেনে, অনেক সময় কেনে পুরানো জাহাজ, এই সব জাহাজের কর্ম-ক্ষমতা অপেক্ষাকৃত কম। এই জন্যই দেখা যায় ভারতের উপকূল বাণিজ্যে ১ লক্ষ ৯০ হাজার টন ভারতীয় জাহাজ যে পরিমাণ মাল ও বাত্রীবহন করে, তাহা ১ লক্ষ ৪৫ হাজার টন বিদেশী জাহাজের সমানও হয় না।

ভারতসরকার অংশীদার হিসাবে সাহায্য করিতে অগ্রসর হওয়ার সম্প্রতি ভারতীয় বাণিজ্যিক নৌবহরের ইতিহাসে নূতন অধ্যায়ের সূচনা হইয়াছে। এই নৌবহরের পরিমাণ আগামী পাঁচ বৎসরের মধ্যে ২০ লক্ষ টনে তোলা ভারতসরকারের ইচ্ছা। বলা নিস্প্রয়োজন, সরকার প্রত্যক্ষভাবে সাহায্য না করিলে যুদ্ধোত্তর মন্দাবাজারে বেসরকারী প্রচেষ্টায় এই অগ্রগতি সম্ভব নয়। সরকারী কর্তৃপক্ষ অবস্থা উপলব্ধি করিয়াই যৌথভাবে এ বিষয়ে অভিজ্ঞ ব্যক্তি বা প্রতিষ্ঠানের সহযোগিতায় এই ব্যবসা পরিচালনায় অগ্রসর হইয়াছেন।

উপস্থিত সিন্ধিয়া ষ্টীম নেভিগেশন কোম্পানীর সহিত ভারতসরকার সম্মিলিত ভাবে ইষ্টার্ন সিপিং কর্পোরেশন নামে একটি যৌথ প্রতিষ্ঠান গঠন করিয়াছেন। এইরূপ আরও কয়েকটি প্রতিষ্ঠান গঠনের পরিকল্পনা আছে। তবে ১৯৪৭ খৃষ্টাব্দে এই পরিকল্পনা অনুমোদিত হইলেও ইহা কার্যকরী হইতে সওয়া দুই বৎসর লাগিয়াছে এবং ঠিক যতটা সচ্ছলতার সহিত কোম্পানী প্রতিষ্ঠার প্রস্তাব হইয়াছিল, তাহা বাস্তবায়িত হয় নাই। প্রস্তাব হয় যে, ইষ্টার্ন সিপিং কর্পোরেশনের মোট মূলধন হইবে দশ কোটি টাকা এবং ভারতসরকার ইহার শতকরা ৫১ ভাগ শেয়ার বা অংশ গ্রহণ করিবেন। এই প্রস্তাবে সিন্ধিয়া কোম্পানীকে শতকরা ২৬ ভাগ ছাড়া সাধারণ ভারতবাসীর মধ্যে শতকরা ২৩ ভাগ শেয়ার বণ্টন করিবার কথা ছিল। বর্তমান মন্দাবাজারে দেশবাসীর নিকট শেয়ার বিক্রয়ে অহুর্বিধা বিবেচনা করিয়া এখন ভারতসরকার কোম্পানীর শতকরা ৭৪ ভাগ শেয়ার গ্রহণ করিতেছেন এবং সিন্ধিয়া কোম্পানী গ্রহণ করিতেছেন শতকরা ২৬ ভাগ। মূলধন ১০ কোটি টাকা থাকিলেও মাত্র ২ কোটি লইয়া কোম্পানী কাজ আরম্ভ করিবে বলিয়া স্থির হইয়াছে। এবারের ভারতসরকারের বাজেটে এই উপলক্ষে ১ কোটি ৪৫ লক্ষ টাকা বরাদ্দ করা হইয়াছে। সিন্ধিয়া ষ্টীম নেভিগেশন কোম্পানীকেই ম্যানেজিং এজেন্ট হিসাবে ইষ্টার্ন সিপিং কর্পোরেশনের পরিচালনার ভার দেওয়া হইয়াছে এবং ভারতসরকারের সূতপূর্বক বাণিজ্য-সচিব শ্রীযুক্ত সি এইচ ভাবা হইয়াছেন কর্পোরেশনের চেয়ারম্যান। এই কর্পোরেশনের পরিচালকসমূহীতে ৬ জন সরকারের প্রতিনিধি ও ৩ জন সিন্ধিয়া কোম্পানীর প্রতিনিধি থাকিবেন। এই কোম্পানীর জন্য সম্প্রতি ভারতসরকার প্রত্যেকটি ১০ হাজার টনের

* ব্রিটেনের কয়লা শিল্প সম্পর্কিত তথ্যাদি সংগ্রহে ব্রিটিশ ইনকরপোরেশন সার্ভিসের প্রচারপত্র হইতে সাহায্য লওয়া হইয়াছে।

দুইখানি ক্যানাডীয় জাহাজ ক্রয় করিয়াছেন। প্রস্তাব আছে, আগামী তিন বৎসরের মধ্যে এই কোম্পানীর জাহাজের পরিমাণ ১ লক্ষ টন করা হইবে। ইষ্টার্ন সিপিং কর্পোরেশনের জাহাজগুলি বহির্বাণিজ্যে চলাচল করিবে বলিয়া স্থির হইয়াছে। উপস্থিত ইহার ভারতের সহিত সিন্ধাপুর, আলম, ইন্দোনেশিয়া, অস্ট্রেলিয়া, পূর্ব আফ্রিকা প্রভৃতির বাণিজ্যে অংশগ্রহণ করিবে।

দেশবাসীর নিকট উক্ত কোম্পানীর অংশ বিক্রীত হইলে পরিচালনার ব্যাপারে দেশবাসীর কিছুটা হাত থাকিত বলিয়া এই পরিকল্পনা বাতিল হওয়ার সকলেই দুঃখিত হইবেন। সিঙ্ঘিয়া কোম্পানীর জাহাজ ব্যবসার

অভিজ্ঞতা প্রচুর, তাহাদের ম্যানেজিং এজেন্সিতে সুর হইবার কিছু নাই, কিন্তু ম্যানেজিং এজেন্সি প্রথাটিই ক্রটিবহুল বলিয়া সরকারের অংশ সম্বন্ধিত কোম্পানীর কার্যপরিচালনার ব্যাপারে সরকারী প্রতিনিধিদের সহিত স্মাধারণ দেশবাসীর প্রতিনিধিদের স্থান থাকিলেই ভাল হইত। আমাদের মনে হয়, জনসাধারণের নিকট শেয়ার বিক্রয়ের পরিকল্পনা বাতিল করিবার পূর্বে সরকারের আর একটু ধৈর্যসহ অগ্রসর হওয়া উচিত ছিল। যাহা হউক, উপরোক্ত কর্পোরেশন প্রতিষ্ঠিত হওয়ার ভারতীয় বাণিজ্যিক নৌবহরের শ্রীবৃদ্ধির সম্ভাবনায় সকলেই আনন্দিত হইবেন।

ঋষি টলষ্টয়

শ্রীপ্রভাত হালদার

১৮২৮ খৃষ্টাব্দে কাউন্ট লি'য়ন নিকোলভিচ্ টলষ্টয় রাশিয়ার এক ধনী গৃহে জন্মগ্রহণ করেন। তাঁহার জন্ম হয় তাঁহাদেরই জমিদারীর অন্তর্গত "ইয়ান্নায়া পোলিয়ানা" নামক স্থানে। তাঁহার মাতা রাশিয়ার জারের নিকট-আত্মীয়া ছিলেন।

এই মনীষী ধনীর ঘরে জন্মগ্রহণ করিয়াও 'দরিদ্রের মহামানব' রূপে বিশ্বমানবের বেদনা আপনার অন্তরে গ্রহণ করিয়াছিলেন। আপনার হৃদয়ে দারিদ্র্য এবং নিপীড়িত মানবের মর্ষবেদনার অংশ গ্রহণ করিয়া জগতের মাঝে তাহাদের দুঃখ বেদনা প্রচার করিলেন।

কিশোর বয়সেই তিনি 'কাজান' বিশ্ববিদ্যালয়ের একজন প্রতিভাবান ছাত্র ছিলেন, কিন্তু যৌবনের প্রারম্ভেই বিশ্ববিদ্যালয়ের পাঠ অসমাপ্ত রাখিয়াই বিলাসীর জীবন যাপন করিতে আরম্ভ করিলেন।

অকস্মাৎ তাঁহার জীবনের গতি পরিবর্তিত হইয়া যায়, বিলাসের জীবন তাঁহার অন্তরকে তিস্ত করিয়া তোলে। সেই কারণে তিনি সরল অনাড়ম্বর জীবন যাপনের উদ্দেশ্যে ককেশাস পর্বতের এক নির্জন স্থানে গিয়া বাস করিতে থাকেন। এই নির্জন বাসের পূর্বে অজস্র ভোগের মধ্যে শান্তি খুঁজিয়া পান নাই বলিয়াই তিনি নির্জনে বাস করেন।

এই ককেশাস পর্বতের নির্জন প্রান্তে তাঁহারই এক

ব্রাতা তাঁহাকে সৈনিক হইবার জ্ঞাপন প্রেরণিত করেন। অতঃপর সৈনিক বিভাগে তিনি একটি দায়িত্বপূর্ণ পদ গ্রহণ করেন। এই সৈনিক বিভাগেই তাঁহার হৃদয়ের সাহিত্যের বৃত্তিগুলি পরিপূর্ণ ভাবে প্রকাশ পায়।

এই স্থানে কার্যের অবসরে তিনি প্রথম প্রথম গল্প লিখিতে আরম্ভ করেন ও সেই গল্পগুলি তথাকথিত সাহিত্য-সমাজে বিশেষ ভাবে আদৃত হয় এবং অল্পদিনের মধ্যেই সাহিত্যিক হিসাবে তাঁহার খ্যাতি দেশময় ছড়াইয়া পড়ে।

সৈনিক জীবন আর ভাল না লাগায় তিনি কার্য পরিত্যাগ করিয়া সেন্ট পিটসবার্গে ফিরিয়া আসেন। এই স্থানেই তাঁহার সাহিত্যজীবনের সূত্র হয়। সেন্ট পিটসবার্গের সাহিত্যিকরা সমাদরে তাঁহাকে তাঁহাদের সাহিত্য গোষ্ঠীর মধ্যে টানিয়া লন। এই স্থানেই টুর্গেনিভের সহিত তাঁহার প্রথম পরিচয় লাভ ঘটে। War and Peace এই সময়ে রচিত হয়।

কোন কোন সমালোচকের মতে War and Peace (1862-69) তাঁহার শ্রেষ্ঠ রচনা। তৎকালীন রাশিয়া অথবা ইহার সাহিত্যকে জানিতে হইলে সর্বপ্রথম War and Peace পড়া আবশ্যিক। কারণ এই পুস্তকে রাশিয়ার প্রকৃত রূপ-ই ফুটিয়া উঠিয়াছে।

Maurice Baring বলিয়াছেন—"For the first time is an historical novel instead of saying.

This is very likely true, or what a wonderful work of historical reconstruction ! We feel that we were ourselves there, that we know those people ; that they are a part of our very own past."

সৈনিক বিভাগের কার্য ত্যাগ করিবার পর তিনি সেন্ট পিট্‌সবার্গ হইতে জার্মানী, ইটালী ও অন্যান্য দেশ ভ্রমণ করিয়া আবার সেন্ট পিট্‌সবার্গে ফিরিয়া আসেন ও বিবাহ করিয়া আপন জমিদারির উপর দৃষ্টি রাখেন ।

এই জমিদারির মধ্যে যখন তিনি বাস করিতেছিলেন তখন দরিদ্র কৃষকদের দুঃখ-দুর্দশা তাঁহার অন্তরকে আকর্ষণ করে । এই দরিদ্র কৃষকদের দুঃখ দৈন্ত্য তাঁহার অন্তরকে এতদূর বিচলিত করে যে তিনি তাহাদের দুঃখ মোচনের জন্য দৃঢ়সঙ্কল্প হইয়া তাহাদের উন্নতির জন্য প্রাণপণ চেষ্টা করেন এবং ইউরোপের বিভিন্ন দেশ পরিভ্রমণ করিয়া কৃষকদের জীবনযাত্রা প্রণালী লক্ষ্য করিয়া আসেন । এই সময়ে তাঁহার অগ্রতম শ্রেষ্ঠ উপন্যাস "Anna Karenina" রচনা করেন (1875-77.) ।

১৮৭৫ খৃষ্টাব্দে সেন্ট পিট্‌সবার্গের ঘটনাকে কেন্দ্র করিয়া এই "Anna Karenina"র জন্ম হয় । পুস্তকখানির মধ্যে রাশিয়ার প্রকৃত রূপ ফুটিয়া উঠিয়াছে ।

টলষ্টয় শেষ জীবনে একখানি বিরাট উপন্যাস রচনা করেন । এই পুস্তকখানির নাম "Resurrection." এই পুস্তক রচনা কালে লেখকের বয়স ছিল ৭০ বৎসর (1898) । কেহ কেহ ইহাকেই টলষ্টয়ের শ্রেষ্ঠ রচনা বলেন । টলষ্টয় আর একখানি উৎকৃষ্ট উপন্যাস রচনা করেন ১৮৮১ খৃষ্টাব্দে—এই পুস্তকখানির নাম "Kreutzar Sonata."

তাঁহার অন্যান্য পুস্তকগুলি এই—"Boyhood, Childhood and Youth." "The Two Hussars." "Family Happiness." "The Cosacks." (সৈনিক জীবনের ইতিহাস লইয়া এই পুস্তক রচিত হয়) "Polikuska." "The Death of Ivan Ilych." "Holstomer." "The Story of a Horse." "Master and Men." এবং তাঁহার মৃত্যুর পর "Hadji Murad," (ইহাও কথাক সৈনিকদের লইয়া লিখিত)

প্রকাশিত হয় । তাঁহার রচিত গল্পগুলিও অতি সুন্দর ; "Sevastopal." নামক পুস্তকখানির মধ্যে তাঁহার সৈনিক বৃত্তির চমৎকার রূপ ফুটিয়া উঠিয়াছে । তাঁহার ছোট গল্পের যে সংকলন আছে তাহাও অতি সুন্দর । "Twenty Three Tales." নামক গল্প সংকলনখানি তাঁহার মৃত্যুর পর পৃথিবীর অন্ততম শ্রেষ্ঠ গল্প-সংকলন হিসাবেই প্রকাশিত হয় ।

টলষ্টয়ের রচনার মধ্যে "সৌন্দর্য কি ?" তাহাই বুঝাইবার চেষ্টা করিয়াছেন । তাঁহার রচনার মধ্যে সৌন্দর্য, সরলতা এবং সত্যতার রূপ পরিষ্কার পাওয়া যায় । এই সকল ছোট গল্পের মধ্যে "বর্তমান সাহিত্যের রূপ"ই লেখক দিয়াছিলেন । সাহিত্যের প্রাথমিক পাঠ হিসাবে যদি এই গল্পগুলিকে লওয়া হয়, তাহাতেও কোনও রূপ ভুল হয় না । একথা প্রাচ্যের সকল সমালোচকই স্বীকার করেন ।

১৮৮৯ খৃষ্টাব্দে টলষ্টয় "Kreutzar Sonata." নামক স্মরণীয় পুস্তকখানি রচনা করেন । তাহাতে খৃষ্টধর্ম মতে বিবাহ, কোমর্ধ্য, সতীত্ব প্রভৃতি বিষয়গুলি অতি নিপুণতার সহিত সুন্দর ভাবে আলোচনা করেন । এই পুস্তকখানি যে কেবল মাত্র রাশিয়ার জন্য লিখিত হইয়াছিল তাহা নহে । নানা দেশের সামাজিক সমস্যা, ধর্ম প্রভৃতি বিষয় একটি ট্রেনের কয়েকজন যাত্রীর আলোচনার মধ্য দিয়া বুঝাইতে চাহিয়াছেন ।

সমাজের প্রতি তাঁহার ভবিষ্যৎ বাণী এবং যাহা তিনি সমাজের নিকট দাবী করিয়াছেন তাহা অতি সুন্দর রূপ গ্রহণ করিয়া ফুটিয়া উঠিয়াছে ।

টলষ্টয় চিরকালই ঋষি প্রকৃতির ছিলেন । পূর্বেই বলিয়াছি তিনি নিজের দেশের নিপীড়িত মানবের মধ্য দিয়া বিশ্ব-মানবের দুঃখ, দৈন্ত্য ও বেদনার সন্ধান পাইয়াছিলেন । তাই তিনি সমস্ত ধন ঐশ্বর্য পরিত্যাগ করিয়া মানবের দুঃখ দুর্দশা মোচনের ব্রতে লেখনি ধরিয়াছিলেন । সেই কারণে আমরা দেখিতে পাই যে তাঁহার লেখনিতে দুঃখ-দৈন্ত্য ও অভাব অনটনের চিত্রই অতি সুন্দর ভাবে ফুটিয়া উঠিয়াছে । তাঁহার অসংখ্য উপন্যাসের মধ্যে "Child hood" (1852). "Cosacks" (1862). "War and Peace" (1862-69). "Anna Karenina" (1875-77). "The Kreutzar

Sonata". "Darkness" (1886). "Resurrection" (1898) এই উপন্যাসগুলি বিশ্ব-সাহিত্যের দরবারে অতি উচ্চ আসন লাভ করিয়াছে।

১৯০৮ খৃষ্টাব্দের এক ভীষণ দুর্ঘটনায় শীতের রাতে সমস্ত ধন ঐশ্বর্য্য পরিত্যাগ করিয়া অতি দীন বেশে নিরুদ্দেশ

যাত্রা করেন। তাহার পর হইতে দুই বৎসর কোনও সংবাদ পাওয়া যায় নাই। অতঃপর ১৯১০ খৃষ্টাব্দে রাশিয়ার একটি সাধারণ রেলওয়ে স্টেশনে নিউমোনিয়া আক্রান্ত এক ভিখারীকে পাওয়া যায়। ইনিই ঋষি টলষ্টয়। এই রেলওয়ে স্টেশনেই তিনি মৃত্যুমুখে পতিত হন।

জয়দেবের ছন্দ

শ্রীমুখীভূষণ ভট্টাচার্য্য এম্-এ

জয়দেবের গীতগোবিন্দ সংস্কৃতে লেখা দ্বাদশ সর্গে বিভক্ত একটি গীত-কাব্য। ইহাতে ৮০টি শ্লোক ও ২৪টি গীত আছে। ইহাদের মধ্যে ৭৭টি শ্লোক বিভিন্ন বৃত্তছন্দ। একটি শ্লোক জাতিছন্দে ও অবশিষ্ট ২টি শ্লোক ও ২৪টি গীত অপভ্রংশ ছন্দে রচিত। আমরা প্রথমে জয়দেবের সংস্কৃত ছন্দ ও পরে তাহার অপভ্রংশ ছন্দ সম্বন্ধে আলোচনা করিব।

জয়দেব সংস্কৃত ছন্দ রচনায় বিশেষ নৈপুণ্যের পরিচয় দিয়াছেন। গীতগোবিন্দের কয়েকটি শ্লোকে শিখরিণী, শার্দূলবিক্রীড়িত, পুষ্পিতাগ্রা, উপেক্ষবজ্রা ও শ্রদ্ধা—এই কয়টি সংস্কৃত ছন্দের উল্লেখ পাওয়া যায়। শ্লোকগুলি যে ঐ সকল ছন্দে রচিত ইহা বুঝাইবার জন্য কবি ছন্দের নাম কৌশলে শ্লোকগুলিতে ব্যবহার করিয়াছেন। ইহা হইতে বুঝা যায়, সংস্কৃত ছন্দ-শাস্ত্র তিনি যে ভালভাবে আয়ত্ত করিয়াছিলেন শুধু তাহাই নহে, ছন্দ সম্বন্ধে তিনি নিজেও যেমন সচেতন থাকিতেন, সেইরূপ ছন্দের প্রতি পাঠক ও শ্রোতাদেরও মনোযোগ আকর্ষণ করিতে চাহিতেন। নিম্নলিখিত শ্লোকটিতে ছন্দের নামটি (শিখরিণী) কবি কিরূপ কৌশলে ব্যবহার করিয়াছেন, তাহা লক্ষ্য করিবার বিষয় :

ছুরালোকঃ স্তোকস্তবক-নবকাশোক লতিকা
বিকাশঃ, কাসারোপবন-পবনোহপি ব্যধরতি ।
অপি জাম্যদ্ভূঙ্গী রণিত রমণীয়া ন মুকুল
প্রসূতিশ্চুতানাং সখি শিখরিণীয়াং স্তধরতি ॥ (২, ২০)

শার্দূলবিক্রীড়িত ছন্দ-ভবভূতির জ্ঞান জয়দেবেরও বিশেষ প্রিয় ছিল বলিয়া মনে হয়। তিনি ৭৮টি শ্লোকের মধ্যে ৩৭টিই এই ছন্দে লিখিয়াছিলেন। গীতগোবিন্দে কোন ছন্দ কতবার ব্যবহৃত হইয়াছে, তাহার তালিকা দেওয়া হইল :

বৃত্তছন্দ	
শার্দূলবিক্রীড়িত	৩৭
বসন্ততিলক	৮

ক্রতবিলম্বিত	১
শিখরিণী	৮
মালিনী	৩
বংশনু	৩
হরিণী	৮
অমুট্টুপ	৩
উপেক্ষবজ্রা	২
পুষ্পিতাগ্রা	৩
শ্রদ্ধা	১
জাতিছন্দ	
আর্ঘ্যা	১

আশ্চর্যের বিষয় মন্দাক্রান্তা ছন্দে একটি শ্লোকও নাই। অবশ্য কালিদাস মন্দাক্রান্তা ছন্দে যে রূপ উৎকর্ষের পরিচয় দিয়াছেন, তাহার পর অন্য কবির পক্ষে মন্দাক্রান্তা ব্যবহারে কুঠা হওয়া স্বাভাবিক।

জয়দেবের কয়েকটি বৃত্তছন্দের উপর অপভ্রংশ পদ্ধতির প্রভাব পড়িয়াছে। শার্দূলবিক্রীড়িত ছন্দে লেখা নিম্নলিখিত শ্লোকটি পড়িলেই ইহা বুঝা যাইবে :

বেদানুস্মরতে । জগন্তিবহতে । ভূগোলমুখিততে
দৈত্যং দারয়তে বলিং ছলয়তে ক্রতকরং কুর্ষতে ।
পৌলস্ত্যং জয়তে হং কলয়তে কারণ্যমাতমতে
স্নেহান্ মূচ্ছয়তে দশাকৃতিকৃতে কৃকারতুভ্যং নমঃ ॥

(১, ১৬)

এখানে যতি ও মধ্যানুপ্রাসের সাহায্যে এক একটি পংক্তিকে স্পষ্টতঃ তিন ভাগে ভাগ করিয়া শার্দূলবিক্রীড়িত ছন্দে এক প্রকার তরঙ্গ বৈচিত্র্য সৃষ্টি করা হইয়াছে। এই মিত্রাকরতা ও যতি-প্রাধান্য অপভ্রংশ এবং পরবর্তী প্রাদেশিক ভাবের বৈশিষ্ট্য। উক্ত শার্দূল-বিক্রীড়িত চরণগুলিতে বাংলা দীর্ঘ ত্রিপদীর আভাব পাওয়া যাইতেছে।

অপভ্রংশ ছন্দ

অবশ্য এই সকল শ্লোক অপেক্ষা গীতগোবিন্দের ২৪টি গীতই অধিক প্রসিদ্ধ। এই গীতগুলি অপভ্রংশ মাত্রাছন্দে রচিত। ইহাদিগকে চারিটি শ্রেণীতে বিভক্ত করা যাইতে পারে।

প্রথম শ্রেণী

এই শ্রেণীর ছন্দগুলি প্রাচীন জাতিছন্দের আদর্শ-অনুসারে রচিত। ২৪টি গীতের মধ্যে ১৯টিই এই জাতীয় ছন্দে লেখা হইয়াছিল। জাতিছন্দের অপর নাম মাত্রা ছন্দ। একটি পঙ্ক্তিতে ব্যবহৃত মাত্রা-সমষ্টির উপর এই ছন্দের গঠন নির্ভর করে। কিন্তু ইহার আর একটি বৈশিষ্ট্য আছে। জাতিছন্দের এক একটি চরণ চার মাত্রার 'গণ' দ্বারা বিভক্ত করা যাইতে পারে। আখ্যা ছন্দেই চার মাত্রার গণের সূত্রপাত হইয়াছিল, বৈতালীয় ও ঔপছন্দসিক ছন্দে এই নূতন গণবিভাগ আরও স্পষ্ট। কিন্তু তখনও উচ্চারণে স্বরাঘাত-পদ্ধতি প্রতিষ্ঠা লাভ করে নাই ও কবিতা তখন সুর করিয়া পড়া হইত বলিয়াই বোধ হয় প্রাচীন জাতিছন্দের চার মাত্রার চলন ছন্দের গঠনকে প্রভাবিত করিতে পারে নাই। অপভ্রংশ যুগের উচ্চারণে স্বরাঘাত প্রাধান্য লাভ করায় কবিতা আবৃত্তির সময় এক প্রকার ঝাঁক উৎপন্ন হইয়া পঙ্ক্ত-পঙ্ক্তিকে কয়েকটি ছোট ছোট অংশে বিভক্ত করিত। মিত্রাকরতা প্রবর্তিত হওয়ায় এই ঝাঁক বিভাগগুলি আরও স্পষ্টতা লাভ করে। পূর্বে শার্দূলবিক্রীড়িত ছন্দের একটি উদাহরণে তাহা দেখান হইয়াছে। একপ্রকার জাতিছন্দে এই ঝাঁক, মিল ও চার মাত্রার 'গণ' বিশেষ প্রাধান্য লাভ করিয়াছিল। সংস্কৃত ছন্দ-শাস্ত্রে এই ছন্দ-গোষ্ঠীর নাম মাত্রাসমক ছন্দ। আমাদের আলোচ্য প্রথম শ্রেণীর অন্তর্ভুক্ত গীতগুলি এই মাত্রাসমকের আদর্শে রচিত। এই শ্রেণীর মধ্যে নানাপ্রকার ছন্দের প্যাটার্ন পাওয়া যাইতেছে। ইহাদের আবার কয়েকটি উপবিভাগ আছে :—

(ক) একপ্রকার মাত্রাসমক ছন্দের নাম পাদাকুলক। ইহাও চার মাত্রার চারিটি অংশে বিভক্ত ১৬ মাত্রার ছন্দ; তবে অষ্টাঙ্গ মাত্রাসমকের সহিত ইহার পার্থক্য এই যে, পাদাকুলকে লঘু গুরু অক্ষরের ব্যবহার সম্বন্ধে কোন বিধি-নিষেধ নাই। ইহাই ঝাঁক অপভ্রংশ ছন্দ। প্রসিদ্ধ মোহমুদগরের শ্লোকগুলি এই ছন্দে রচিত। অনেকে ইহাকে পঞ্জাটিকা ছন্দও বলেন। পাদাকুলকের সহিত জয়দেবের এই ছন্দের সামান্ত পার্থক্য এই যে, পাদাকুলক 'চতুস্পদী' ছন্দ বলিয়া গণ্য হয়, কিন্তু জয়দেবের ঐ জাতীয় ছন্দে দুই চরণের এক একটি স্তবক (stanza)। এই ছন্দ-রীতি পরবর্তী বাংলা ছন্দে অনুসৃত হইয়াছিল। গীতগোবিন্দের ৪টি গীত (গীত সং ৯, ১২, ১৪, ১৮) এই রূপে ৪+৪+৪+৪=১৬শ মাত্রার দ্বিপাদ পাদাকুলক ছন্দে রচিত। একটি দৃষ্টান্ত :—

স্তনবিনি। হিতমপি ॥ হারমু। দারমু।

সা মনুতে কুশ তনুরিব ভারমু।

সরস মণ্ডপি মলয়জ পঙ্কম্।

পশুতি বিমিব বপুবি সশঙ্কম্। (গীত, ৯)

(ক১) জয়দেব এইখানেই প্রাচীন শাস্ত্র-সম্মত ছন্দ পদ্ধতির নিকট হইতে বিদায় লইলেন। কারণ অবশিষ্ট সমস্ত ছন্দই কতকটা নূতন ধরণের। আমরা প্রথমে পাদাকুলক হইতে উৎপন্ন এক নূতন ছন্দের উল্লেখ করিতে পারি। প্রচলিত পাদাকুলক পঙ্ক্তির শেষে একটি মাত্রা কমাইয়া এই নূতন ছন্দ সৃষ্টি করা হইয়াছে। ইহার মাত্রা-বিভাগ—
৪+৪+৪+৩=১৫ | ১৬ সংখ্যার গীতিটি এই ছন্দে রচিত।—

অনিল ত-। রল কুব-। লয়-নয়। নেন।

তপতি ন সা কিশলয় শয়নেন ॥

শ্রীজয়দেব ভণিত বচনেন।

প্রবিশতু হরিরাপি হৃদয় মনেন ॥

(খ) এবার আমরা যে ছন্দের কথা বলিব, তাহাকে জয়দেবের বিশেষ প্রিয় ছন্দ বলা যায়, কেননা প্রথম শ্রেণীর অন্তর্ভুক্ত ১৯টি গীতের মধ্যে নয়টিই (গীত সং—৩, ৪, ৫, ৬, ৮, ১৭, ২০, ২২, ২৩) এই ছন্দে রচিত। ইহাও পাদাকুলকের স্থায় চার মাত্রার গণ-বিভক্ত ছন্দ। কিন্তু ইহার উভয় চরণেই ১৬ মাত্রার পরিবর্তে ৪+৪+৪+৪+৪+৪+৪=২৮ মাত্রা পাওয়া যায়। এই ছন্দের উদাহরণ :—

(১) কেলিক। লাকুতু। কেন চ। কাচিদ। মুং যমু। না জল কুলে।
মঞ্জল বঞ্জল কুঞ্জগতং বিচকর্ষ করণে ছকুলে ॥

(গীত, ৪)

(২) উন্নদ মদনমনোরথপথিক বধু জন জনিত বিলাপে।

অলিকুল সঙ্কুল কুহুম সমুহ নিরাকুল বকুল কলাপে ॥

(গীত, ৩)

(খ ১) এই ছন্দে ১৬ মাত্রার পর প্রধান যতি-পতন হয়। কিন্তু ১১ সংখ্যক গীতের প্রতি পঙ্ক্তির দুই স্থানে (৮ ও ১৬ মাত্রার পরে) প্রধান ঝাঁক পড়ায় এবং ঐ দুই স্থানে মিল ব্যবহৃত হওয়ার এই ছন্দের এক একটি পঙ্ক্তি স্পষ্টতঃ তিনভাগে বিভক্ত হইয়া পড়িতেছে। এই জাতীয় ছন্দকে বাংলা ত্রিপদীর পূর্বাভাব চলা যাইতে পারে, পূর্বেই তাহার উল্লেখ করিয়াছি। দৃষ্টান্ত :—

পততি প। তত্রৈ ॥ বিচলিত। পত্রৈ ॥ শঙ্কিত। ভবদুপ। বানমু।

রচরতি শয়নং সচকিত নয়নং পশুতি তব পহানমু ॥

মুখরমধীরং ত্যজ মঞ্জীরং ত্রিপুসিব কেলিষু লোলমু।

চল সখি কুঞ্জং সতিমির পুঞ্জং শীলয় নীল মিচোলমু ॥

(খ ২) ঝ-শাখা বর্ণিত ছন্দের আরও দুইটি নূতন রূপ গীত-গোবিন্দের দুইটি গীতে পাওয়া যায়। ইহার একটিতে উক্ত ১৮ মাত্রার ছন্দ-পঙ্ক্তি হইতে এক মাত্রা কমাইয়া ও পূর্ব-বর্ণিত উপারে প্রথম যতি-পতন ও মিলের সাহায্যে এক একটি পঙ্ক্তিকে তিনভাগে বিভক্ত করিয়া (৪+৪। ৪+৪। ৪+৪+৩=২৭) ছন্দ বৈচিত্র্য উৎপন্ন করা হইয়াছে। যেমন :—

যনচর । স্কচিরে । রচয়তি । চিকুরে । তরলিত । তরণা । মনে ।

কুলবক কুলমং চপলা সুষমং রতিপতি যুগকাননে ॥ (গীত, ১৫)

(৭৩) দ্বিতীয়টিতে ঐ ছন্দে শেষে এক মাত্রা যোগ করিয়া
(৪ + ৪ + ৪ + ৪ । ৪ + ৪ + ৫ = ২৯) মাত্রা নূতন স্বষ্টি করা হইয়াছে ।

নয়ন কু-। রজ ত-। রঙ্গ বি-। কাশ নি-। বাস ক-। রে শ্রুতি । মণ্ডলে ।

মনসিজ পাশবিলাস ধরে শুভবেশ নিবেশয় কুণ্ডলে ॥ (গীত, ২৪)

(৭) এ পর্য্যন্ত চার মাত্রার 'গণ'-গঠিত সম-পাদ (অর্থাৎ যে-ছন্দে চরণগুলি মাত্রা দৈর্ঘ্যে সমান) ছন্দে কথা বলা হইল । কিন্তু পংক্তিগুলির মাত্রা-দৈর্ঘ্য ছোট-বড় করিয়াও ছন্দে বৈচিত্র্য সৃষ্টি করা যাইতে পারে । গীত-গোবিন্দে একটি গীতে স্তবকের প্রথম চরণে পাঁচটি 'গণ' অর্থাৎ $৪ \times ৫ = ২০$ মাত্রা এবং দ্বিতীয় চরণে চারটি 'গণ' অর্থাৎ $৪ \times ৪ = ১৬$ মাত্রা পাওয়া যাইতেছে । প্রসিদ্ধ দশাবতার স্তোত্রটি এই ছন্দে রচিত :—

প্রলয় প-। রোধি জ-। লে ধৃত । বানসি । বেদম্ ।

বিহিক বহিত্র চরিত্রমখেদম্ ॥ (গীত, ১)

(৮) গীতগোবিন্দে দ্বিতীয় গীতটিতে অসম-পাদ ছন্দে বৈচিত্র্য আরও অধিক । আমরা ইহাকে অমিল অসম ত্রিপাদ ছন্দ বলিতে চাই । ইহার প্রথম চরণে তিন 'গণ' ও ১২ মাত্রা ($৪ + ৪ + ৪$), দ্বিতীয় চরণে ছয় মাত্রা ($২ + ৪$) এবং তৃতীয় চরণে ১১ মাত্রা ($৪ + ৪ + ৩$) । যেমন :—

শ্রিত কম-। লা কুচ । মণ্ডল ।

ধৃত । কুণ্ডল ।

ফলিত ল-। লিত বন-। মাল ।

দিনমণি মণ্ডল মণ্ডন ।

ভব খণ্ডন ।

মুনিজন মানস হংস ।

রবীন্দ্রনাথের

কোকলি নৃপতির । তুলনা নাই । জগৎ জুড়ি যশোগাথা ।

এই ছন্দে সহিত উক্ত জয়দেবী ছন্দে পাঠনিক সাদৃশ্য সামান্য হইলেও তাহা লক্ষ্য করিবার বিষয় ।

দ্বিতীয় শ্রেণী

এ পর্য্যন্ত ৪ মাত্রার 'গণ' দ্বারা গঠিত ছন্দে কথা বলা হইল । কিন্তু গীতগোবিন্দে আর এক শ্রেণীর ছন্দ পাওয়া যায়, ইহা পাঁচ মাত্রার 'গণ' দ্বারা গঠিত । দুইটি গীতে এইরূপ পাঁচ মাত্রার চলন পাওয়া যাইতেছে ।

(১) ইহার উভয় চরণেই $৫ \times ৪ = ২০$ মাত্রা । যেমন,

অহহ কল-। রামি বল-। রাদি মণি । ভুবনম্ ।

হরিবিরহ মহন বহনেন বহ দুষণম্ ॥

কুহুম স্কুমার ভুমুভুমু পরলীলায় ।

অগণি হৃদি হস্তি মামতি বিবম শীলয় ॥ (গীত, ১৩)

(২) ইহা দীর্ঘ-ছন্দ, প্রতি চরণে ৩৪ মাত্রা ; মাত্রা সমাবেশ—
 $৫ + ৫ + ৫ + ৫ + ৫ + ৪$ যথা—

বদসি যদি । কিঞ্চিদপি ॥ দস্তকচি । কৌমুদী ॥

হরতি দর-। তিমিরমতি । যোরম্ ।

শু-রদধরসীধবে ভব বদম চন্দ্রমা

রোচয়তি লোচন চকোরম্ ॥

(গীত, ১২)

ইহার সহিত তুলনীয় রবীন্দ্রনাথের—

পঞ্চশরে দক্ষ ক'রে ক'রেছ একি সন্ন্যাসী

বিধময় দিরেছ তারে ছড়ায়ে ।

অথবা—

একদা তুমি । অঙ্গ ধরি । ফিরিতে নব । ভুবনে

মরি মরি অ-। নঙ্গ দেব । তা,

কুহুম রথে মকরকেতু উড়িত মধু-পাবনে

পাখিক বধু চরণে প্রণতা ।

তৃতীয় শ্রেণী

এই গোষ্ঠীর ছন্দ সাত মাত্রার 'গণ' দ্বারা গঠিত । একটি মাত্র গীত এই ছন্দে রচিত হইয়াছিল । এই দ্বিপাদ ছন্দে প্রতি চরণে $৭ + ৭ + ৭ + ৩ = ২৪$ মাত্রা থাকিবে । উদাহরণ :—

মামিষং চলি-। তা বিলোক্য বৃ-। তং বধু নিচ-। যেন ।

সাপরবিতরা ময়্যপি ন বারিতাতিভয়েন ॥

কিং করিষ্কতি কিং বদিষ্কতি সা চিরং বিষহেণ ।

কিং ধনেন জনেন কিং মম জীবিতেন গৃহেণ ॥

(গীত ৭)

এই ছন্দে সপ্তমাত্রিক 'গণ' গুলির প্রথম ও চতুর্থ মাত্রার এক একটি গুরু অক্ষর ব্যবহৃত হইয়াছে । ইহার কলে কবিতাটিতে বৃহৎছন্দে স্থায় একটি বিশেষ প্যাটার্ন-স্বষ্টি হইয়াছে । অক্ষর গণিয়াও এই ছন্দে বিশ্লেষণ করা সম্ভব । বৃহৎছন্দে গণ-পদ্ধতি অনুসারে বিশ্লেষণ করিলে এই সপ্তদশাক্ষর ছন্দে গণ-বিস্তার হইবে র-স-জ-জ-ভ-গ-ল ।

চতুর্থ শ্রেণী

চতুর্থ শ্রেণীর অপভ্রংশ ছন্দগুলিকে মিশ্র-ছন্দ বলা যাইতে পারে । বিভিন্ন মাত্রা-দৈর্ঘ্যের 'গণ' দ্বারা এই ছন্দ গঠিত । গীতগোবিন্দে দুইটি গীতে দুই প্রকার মিশ্র ছন্দ পাওয়া যাইতেছে ।

(১) ১ম চরণ— $৫ + ৫ + ৫ + ২ = ১৭$ মাত্রা

২য় চরণ— $৮ + ৫ + ২ = ১৫$ "

বা

$৩ + ৫ + ৫ + ২ =$ " "

বা

$৪ + ৪ + ২ + ২ =$ " "

উদাহরণ :-

মধুমুদিত । মধুপকুল । কলিত রা-। বে ।

বিলস মদন রস-। সরস ভা-। বে ॥

মধুরতর পিক নিকর-নিনদ মুখরে ॥

বিলস দশনরুচি রুচির শিখরে ॥

(গীত, ২১)

(২) এবার যে মিশ্র ছন্দটির কথা বলিব তাহাতে জয়দেব অপূর্ব নৈপুণ্যের পরিচয় দিয়াছেন। ইহাকে 'চতুষ্পাদ' ছন্দ বলিয়া গণ্য করিতে চাহি, ক-খ—ক-খ—এইভাবে মিত্রাকর-বিজ্ঞাস করা হইয়াছে।

১ম চরণে—৩+৩+৫=১১ মাত্রা, মিল ক

২য় চরণে—৩+৩+৩= ৯ " " খ

৩য় চরণে—৩+৫+২=১০ " " ক

৪র্থ চরণে—৪+৪+৫=১৩ " " খ

উদাহরণ :-

দহতি । শিশির । ময়ুখে ।

মরণ । মনুক । রোতি ।

পততি । মদন বিশি । খে ।

বিলপতি । বিকল ত । রোতি ॥ •

ধ্বনতি মধুপ সমূহে ।

শ্রবণমপিদবীতি ।

মনসি বলিত বিরহে ।

নিশিনিশি রুজ্জমুপযাতি ॥

(গীত, ১০)

এই ছন্দটির আর একটি বৈশিষ্ট্য এই যে, ইহার প্রতি চরণের প্রথম ছয়টি অক্ষর লঘু এবং অবশিষ্টাংশ (১) গুরু+লঘু, (২) লঘু+গুরু+গুরু, (৩) লঘু+লঘু+গুরু এবং (৪) লঘু+লঘু+গুরু+লঘু অক্ষর দ্বারা রচিত। সুতরাং ইহাকেও অক্ষর ছন্দ বলা যাইতে পারে। বৃত্তছন্দ অনুসারে ইহার গণ-বিজ্ঞাস হইবে—ন-ন-গ, ন-ন-গ-ল, ন-ন-স, ন-ন-স-ল।

জয়দেবের অপভ্রংশ ছন্দে গুরু অক্ষরের প্রয়োগ সম্বন্ধে সাধারণ ভাবে দুই একটি কথা বলিব। ফুম-মাত্রিক ছন্দে (অর্থাৎ চার মাত্রার 'গণ-গঠিত ছন্দে) গুরু অক্ষর সাধারণতঃ অকুম মাত্রায় ব্যবহৃত হইয়াছে। ইহাদের মধ্যে ৪, ৭, ১১, ১৫ প্রভৃতি মাত্রা অপেক্ষা ১, ৫, ৯, ১৩ প্রভৃতি মাত্রার গুরু অক্ষরের প্রয়োগই বেশী। ইহার ফলে ঐ সকল অক্ষর উচ্চারণকালে এক প্রকার তরঙ্গ-ভঙ্গের সৃষ্টি হইয়া থাকে। জয়দেবের সমস্ত অপভ্রংশ ছন্দেই শেষ 'গণে' অন্ততঃ একটি গুরু অক্ষরের প্রয়োগ দেখিতে পাওয়া যায়। সেজন্য পংক্তির শেষ অংশে একটি ঝাঁক অনুভূত হয়। অধিকাংশ বাংলা ছন্দেও এই বৈশিষ্ট্যটুকু পাওয়া যাইবে।

জয়দেবের ছন্দ বিশ্লেষণ করিবার সময় কোন কোন গণের মাত্রা-দৈর্ঘ্য সম্বন্ধে পাঠকগণের মধ্যে মতভেদ হইতে পারে। আমরা

বাহাকে ৪+৪ এইরূপ দুইটি 'গণ' বলিয়াছি, অনেকে হয়ত কোন কোন ক্ষেত্রে উহা ৮ মাত্রার একটি ঝাঁকে পড়িবেন, অথবা ঐরূপ কোন কোন গণকে ২+৬ বা অষ্ট কোন ভাবে গ্রহণ করিবেন। অনেক সময় ফুম মাত্রার গুরু অক্ষর ব্যবহার করিয়া আটমাত্রার এক একটি যুক্ত গণ সৃষ্টি হইয়াছে। যেমন, 'ধুমকেতুমিব', 'কনকদন্ত-রুচি', 'বজ্জীবমধু'। সুতরাং এক একটি গীতের গণবিভাগ ও গণ-দৈর্ঘ্য সম্বন্ধে আমরা যেরূপ বিধি নির্দেশ করিয়াছি, সমগ্র গীতের মধ্যে কাহারও কাহারও মতে দুই এক ক্ষেত্রে তাহার ব্যতিক্রম হইতে পারে। কিন্তু তাহাতে কিছু আসে যায় না। জয়দেবের ছন্দের প্রধান তিন শ্রেণীর চলন, অর্থাৎ চার, পাঁচ ও সাত মাত্রা সম্বন্ধে নিশ্চয়ই কোন মতভেদ হইবে না।

'গণ' বিভাগ সম্বন্ধে আর একটি কথা মনে রাখিতে হইবে। জয়দেবের সময়েও ছন্দ সংস্কৃত ছন্দের স্থায় পংক্তি-নির্ভর ছিল, বাংলা ছন্দের মত পর্ব-নির্ভর হয় নাই অর্থাৎ একটি চরণে মোট কত মাত্রা ব্যবহৃত হইল তাহার উপরেই ছন্দের গঠন নির্ভর করিত। 'গণ' বিজ্ঞাস তখন ছন্দের গঠন-নির্গমে সহায়তা করিত না। কিন্তু বিভিন্ন পর্বের বা পদের মাত্রা-দৈর্ঘ্যের উপরেও বাংলার ছন্দ-প্রকৃতি নির্ভর করে। প্রকৃত ও অপভ্রংশ ছন্দেই যে এই প্রকার যতি বিজ্ঞাস ক্ষুদ্র ক্ষুদ্র 'গণ' বা পর্বের সূত্রপাত হইয়াছিল, ইহা দেখাইবার জন্যই চার, পাঁচ সাত মাত্রার গণের কথা বলা হইল।

গীতগোবিন্দে গীতগুলির রাগ ও তালের উল্লেখ দেখা যায়। ঠিক এই সকল রাগ ও তাল জয়দেবের সময় হইতেই প্রচলিত ছিল কিনা জানিনা এবং সমস্ত সংস্করণই এক একটি গীতের রাগ ও তাল সম্বন্ধে একমত বলিয়াও মনে হয় না। তথাপি মিথিলা হইতে প্রকাশিত লোচন কবি কৃত 'রাগ তরঙ্গিনী'তে এই সকল রাগ রাগিণীকেই ছন্দের নাম বলিয়া গণ্য করার চেষ্টা হইয়াছে। রাগ ও তাল অনুযায়ী গীতগুলির শ্রেণী বিভাগের সহিত ছন্দ বিশ্লেষণ করিয়া আমরা যেরূপ শ্রেণী বিভাগ করিয়াছি, তাহার কোন মিল নাই। যেমন, ১০টি গীত ৪×৭=২৮ মাত্রার ছন্দে রচিত। কিন্তু এই গীতগুলি বসন্ত ও যতি, রামকিরী ও যতি, গুর্জরী ও যতি, মালব ও একতালি, কর্ণাট ও যতি গুর্জরী ও একতালি, ভৈরবী ও যতি, বসন্ত ও যতি, দেশ বরাড়ী ও রূপক এবং রামকিরী ও যতি— এই সকল রাগ ও তালে গীত হইবার কথা। সুতরাং রাগ-রাগিণীর এমন কি তালের নাম অনুসারেও জয়দেবের ছন্দের শ্রেণীবিভাগ সমর্থন করা যায় না।

জয়দেব সংস্কৃত যুগের শিক্ষা এবং অপভ্রংশ যুগের রুচি গ্রহণ করিয়াছিলেন, কিন্তু তাহার দৃষ্টি ছিল অনাগত নব-যুগের দিকে। সেজন্য তাহার সাহিত্যে একাধারে প্রাচীন কাব্যের প্রভাব ও অপভ্রংশোত্তর প্রাদেশিক সাহিত্যের সূচনা দেখিতে পাওয়া যায়। জয়দেবের ছন্দ আলোচনা করিয়া আমরা কবির প্রতিভার এই দিকটি দেখাইতে চেষ্টা করিলাম।



মহাপুরুষদের আবির্ভাব ও তিরোভাব দিবস প্রত্যেক বিদ্যালয়ে পালন করা উচিত। ঐ দিবসগুলিতে মহাপুরুষদের জীবনের বিভিন্ন দিক সম্বন্ধে আলোচনা করিয়া প্রবন্ধ ও কবিতা লিখিতে ছেলেদের উৎসাহিত করা উচিত। মহাপুরুষদের জন্মস্থান, কর্মক্ষেত্র প্রভৃতি ম্যাপের সাহায্যে শিশুদের দেখাইলে তাহারা আনন্দ পাইবে এবং দেশের ভৌগোলিক অবস্থান সম্বন্ধে জ্ঞানলাভও করিতে পারিবে। মহাপুরুষদের বাণী হইতে সার্বজনীন বিশ্বেদহীন অংশগুলি বাছিয়া শিশুদের মধ্যে বাহাদের হাতের লেখা ভাল তাহাদের দ্বারা লিখাইয়া দেওয়ালে টাঙ্গান উচিত। মহাপুরুষদের প্রতিকৃতি তাহাদের বিশিষ্ট কর্মক্ষেত্রের ছবি, শিক্ষক মহাশয় শিশুদের সাহায্যে আঁকিবার চেষ্টা করিবেন। মহাপুরুষদের জন্ম, কর্ম ও বাণী দেশের রাজনৈতিক ও সামাজিক সমস্যার সহিত ঘনিষ্ঠভাবে যুক্ত। শিশুদের বয়স ও বোধশক্তির অনুযায়ী করিয়া তাহাদের কাছে সাময়িক রাজনৈতিক ও সামাজিক অবস্থা বর্ণনা করা যাইতে পারে। —বাঙলার শিক্ষক

* * * *

কলিকাতা বিশ্ববিদ্যালয়ের আই-এ ও আই, এস-সি পরীক্ষার ফল প্রকাশিত হইয়াছে। এই পরীক্ষায় গতবারের তুলনায় অনেক কম ছাত্রছাত্রী পাশ করিয়াছে। প্রায় ১৭ হাজার পরীক্ষার্থীর মধ্যে আই-এ পরীক্ষায় শতকরা ২৯ জন এবং আই, এস-সি পরীক্ষায় মাত্র শতকরা ৩১ জন ছাত্র ও ছাত্রী উত্তীর্ণ হইতে পারিয়াছে। অপর দিক হইতে হিসাব করিলে আই-এ পরীক্ষায় শতকরা ৭১ জন ও আই, এস-সি পরীক্ষায় শতকরা ৬৯ জন ছাত্রছাত্রী ফেল করিয়াছে। এই অত্যধিক ফেলের সংখ্যা যেমন উদ্বেগজনক, তেমনি হতাশাব্যাঞ্জক। যদিও এক বিষয়ে অকৃতকার্য হইবার জন্ত ২১ শত পরীক্ষার্থী পুনরায় সেই বিষয়ে পরীক্ষা দিবার দ্বিতীয় সুযোগ পাইবে, তথাপি সে পরীক্ষায় পাশ হইলেও তাহাদের কার্যতঃ একটি বৎসর নষ্ট হইবে। যে বিশ্ববিদ্যালয়ের পরীক্ষায় শতকরা মাত্র ২৯ জন বা ৩১ জন ছাত্র পাশ হয়, সেই বিশ্ববিদ্যালয়ের এবং বিশ্ববিদ্যালয়ের অধীনস্থ কলেজগুলির পক্ষে ইহা অগৌরবের বিষয়। ছাত্রগণ যথাযথভাবে পড়া-শুনা করে না বলিয়াই পরীক্ষার ফল এত খারাপ হয়—ইহাও যেমন আংশিক সত্য, অন্তদিকে কলেজ কর্তৃপক্ষ যথাযথভাবে ছাত্রদিগকে পরীক্ষার জন্ত প্রস্তুত করিয়া পরীক্ষা দিতে পাঠান না, ইহাও তেমনি সত্য। —যুগান্তর

* * *

ভারতের বাইরে পৃথিবীর অসংখ্য দেশগুলিতে কোথায় কতজন ভারতবাসী আছেন এ বিষয়ে আজ সকলেই জানিতে বেশ উৎসুক। বিশেষ ভারতরাষ্ট্রের নাগরিক বলিয়া এই সব প্রবাসী ভারতীয়দের

বর্তমান দাবী ও তার নানা প্রতিক্রিয়া ইত্যাদির সহিত সকলেই কিছু কিছু পরিচিত আছে। একটি রাষ্ট্রের অধিবাসীদের প্রবাসে থাকাকালীন এই ভাবে আনুগত্য রক্ষার বিষয়ে পশ্চিম দ্বীপপুঞ্জ (west Indies) থেকে জর্নৈক ভারতীয় ভারত থেকে রাষ্ট্রভাষার কিছু কিছু শিক্ষক প্রেরণের অনুরোধ জানিয়েছেন। ভারত থেকে পৃথিবীর নানা দেশে ভারতীয়দের এইভাবে ছড়িয়ে পড়া গত দেড়শ' বছর ধরে যে ভাবে চলেছিল, যার ফলে কোন কোন দেশে ভারতীয়রাই এখনও কৃষি, বাণিজ্য, শিল্প ও অসংখ্য জীবিকায় শ্রেষ্ঠ স্থান দখল করিয়া আছে। এক্ষেত্রে স্বাধীন ভারতের নাগরিক হিসাবে যোগসূত্র রক্ষায় তারা ভারতের রাষ্ট্র ভাষায় তাদের সম্ভান সমৃদ্ধিদের শিক্ষিত করে দুগুণে চায়। প্রবাসী ভারতীয়দের পক্ষে অপর একটি দেশকে জন্মস্থান, কর্মস্থান ও বর্তমানে বাসস্থান বলে মুখ্যত গ্রহণ করে নিয়েও কেবল আদিবাসন ভারতরাষ্ট্রের প্রতি আনুগত্য স্বীকার ও ভাষার চর্চায় ভারতীয় পরিচয়টুকু কতখানি সুফলদায়ক হইবে একথা রাষ্ট্রনীতিবিদদের প্রণিধান যোগ্য।

—সত্যাপ্রহ পত্রিকা

* * *

পশ্চিমবঙ্গের বর্তমান খাজ পরিষ্কৃতি লইয়া পণ্ডিত লক্ষ্মীকান্ত মৈত্র যে ভাবে প্রাদেশিক তথা ভারত সরকারের সহিত আলোচনা চালাইতেছেন তাহা আমরা লক্ষ্য করিতেছি। তিনি কেন্দ্রীয় সরকারকে অবিলম্বে পশ্চিম বাংলার জম্ম ৫ লাখ টন খাজশুল্য সরবরাহ করিবার জম্ম অনুরোধ জানাইয়াছেন এবং কেন্দ্রীয় খাজশুল্য কমিটির চেয়ারম্যান হিসাবে কোথা হইতে বা কি ভাবে এই পরিমাণ খাজশুল্য সংগ্রহ করা যাইতে পারে, তাহাও তিনি জানাইয়াছেন। আলোচনা প্রসঙ্গে পণ্ডিত মৈত্র বিশেষভাবে নদীয়া জেলার খাজ পরিষ্কৃতির সংবাদ দিয়া জানাইয়াছেন যে নদীয়া জেলাতে চাউলের দর মণ করা ৪০ টাকা উঠিয়াছে। মুর্শিদাবাদ জেলা সম্বন্ধে অবহিত হইলে তিনি বলিতে পারিতেন যে এই জেলার কোনও কোনও স্থানে ৪২ টাকা মণ দরেও চাউল বিক্রয় হইয়াছে এবং ৩৫ হইতে ৪০ দরে বহু ইউনিয়নে বিক্রয় হওয়ার সংবাদও আমরা পাইয়াছি। কাজেই খাজ-সমস্যা যে কেবল নদীয়া জেলাতেই জটিল হইয়া উঠিয়াছে তাহা নহে, মুর্শিদাবাদ জেলাতেও খাজ সমস্যা ক্রমেই জটিলতর হইয়া উঠিয়াছে। —মুর্শিদাবাদ সমাচার

* * *

বাকুড়া জেলার অধিবাসীদিগকে দুইটি গুরুতর শঙ্কার মধ্যে অবস্থান করিয়া জীবন যাপন করিতে হয়—একটি শঙ্কা ম্যালেরিয়া, অপরটি কুষ্ঠ। অর্থাৎ জেলাবাসীকে জলে কুমীর ও ডাঙ্গার বাঘ লইয়া প্রাণ রাখিতে প্রাণান্ত হইতে হইতেছে। বিকুপুর মহকুমা ম্যালেরিয়ার ধ্বংস হইতে চলিয়াছে, গ্রামের পর গ্রাম উদ্ধার হইয়া যাইতেছে, ম্যালেরিয়ার ভূগিরা

ভূগিয়া গ্রামের লোক মরিয়া ভূত হইয়া স্বর্গে (!) ছন্দুভি বাজাইতেছে। সদর মহকুমার কয়েকটি থানাতেও, এমন কি বাঁকুড়া সহরেও ম্যালেরিয়ার প্রভাব যথেষ্ট বৃদ্ধি পাইয়াছে—তাহার উপর কুষ্ঠরোগ ব্যাপকভাবে প্রসার লাভ করিয়া বাইতেছে—বিশেষজ্ঞদের মতে জেলার প্রায় একলক্ষ কুষ্ঠরোগী আছে। জেলার ম্যালেরিয়া দমনের কার্য পশ্চিমবঙ্গ সরকার আরম্ভ করিয়াছেন—কিন্তু কুষ্ঠ রোগ দমনের জন্ত কোন কার্যকরী পন্থা অবলম্বিত হইয়াছে বলিয়া আমরা জ্ঞাত নহি।

—প্রচার

* * *

...“যাহারা ভাবিয়াছিলেন, দেশ বিভাগ হইলে সাম্প্রদায়িক সমস্তার সমাধান হইয়া যাইবে, তাহারা ভুল করিয়াছেন। দেশ বিভাগের সঙ্গে সঙ্গে শরণার্থী-সমস্যা ও কাশ্মীর-সমস্যার সৃষ্টি হইল। কাশ্মীরের ব্যাপারে যুদ্ধের সিদ্ধান্ত হইল। কিন্তু আন্তর্জাতিক জটিলতার অঙ্কুরে ভারত সরকার পূর্ববঙ্গ সম্পর্কে চূপ করিয়া গেলেন। আড়াই কোটি হিন্দুর জীবন ও মর্যাদার প্রস্নে কেন যে অনুরূপ সিদ্ধান্ত গৃহীত হইল না, তাহা আমি বুঝিতে পারি না। পণ্ডিত নেহেরু যেভাবে চলিতেছেন, তাহাতে জাতির কোনই সাহায্য হইবে না। তিনি যেন চুক্তির বিষয় পুনর্বিবেচনা করেন এবং পূর্ববঙ্গের সাজানোগোজানো সফর করিয়া আসিয়া যাহারা রিপোর্ট পেশ করেন, দিল্লীতে বসিয়া সেই রিপোর্ট পড়িয়া যেন তিনি মতামত নির্ধারণ না করেন।” শিলচরে নাগরিকদের সম্বন্ধনীর উত্তরে শ্রীমা প্রসাদ মুখার্জি উপরি উক্ত ভাষণ দেন।

—সমাধান

* * *

টিকিট পাওয়ার অসুবিধা, টিকিটের দুর্ন্যূন্যতা ও দুস্ত্রাপ্যতা, রিক্সাওয়ালা ও কুলির জুলুম প্রভৃতি এড়াইবার জন্ত অনেক কলিকাতা-যাত্রী এখন বড় বড় নৌকাযোগে যাইতেছেন। ইহাতে সীমার কোম্পানীর উপর চাপ কমিতেছে। অস্তথা যে হারে লোক বাইতেছে, তাহাতে ২৩ মাসেও ভিড় কমিত না—বানরীপাড়া, গৈলা, বহুরকাঠী, ভোলা, চরচন্দ্রমোহন, লালমোহন ইত্যাদি হইতে হাজারে হাজারে লোক নৌকা আশ্রয় করিতেছে! ইহাতে অধিকসংখ্যক জালিয়া, বাড়ে, কুমার, তাঁতি প্রভৃতি যাইতেছে—আবার বয়সীরকাঠিনিবাসী বরিশালের কবিরাজ শ্রীযুক্ত উমাচরণ দাশগুপ্ত শ্রেণীর লোকও এই নৌকায় যাইতেছে।

—বরিশাল হিতৈষী

* * *

বিগত বিশ্বব্যাপী মহাযুদ্ধে ব্যবসা বাণিজ্য ক্ষেত্রে ইংলণ্ডের সবচেয়ে বড় দুইটি প্রতিদ্বন্দী দেশ—জার্মানী ও জাপানের একসঙ্গে পতনের ফলে ইংলণ্ডের খুব সুবিধা হইয়াছিল। কিন্তু জাপান এবং পশ্চিম জার্মানীর একাংশের শাসক হিসাবে আমেরিকার যুক্তরাষ্ট্র এক্ষণে আর এই দুইটি দেশকে শিল্প ব্যবসার ক্ষেত্রে হইতে দূরে রাখা সমীচীন মনে করিতেছেন না। কারণ শিল্প ব্যবসা না থাকার

দরশন উত্তর দেশেরই জনসাধারণের মধ্যে দুঃখদুর্দশা ও বেকার-সমস্যা প্রবল হইয়াছে এবং উহার ফলে উহার কমিউনিষ্ট মতবাদের প্রতি ঝুঁকিয়া পড়িবে এরূপ আশঙ্কা হইয়াছে। ফলে সম্প্রতি যুক্তরাষ্ট্রের শাসকগণ জাপানকে অধিকতর পরিমাণে সাইকেল ও বস্ত্র প্রস্তুত করিয়া তাহা বিদেশে রপ্তানীর সুযোগ দিয়াছেন। পশ্চিম জার্মানীর আমেরিকান অধিকৃত অঞ্চলেও কলকজা অধিকতর পরিমাণে প্রস্তুত করিয়া তাহা বিদেশে রপ্তানী করিবার সুযোগ দেওয়া হইয়াছে। উহার ফলে ইংলণ্ডের সুযোগ সুবিধা বিনষ্ট হইবার উপক্রম হইয়াছে। কারণ বস্ত্র, সাইকেল ইত্যাদির ব্যাপারে জাপানের সহিত এবং কলকজার ব্যাপারে জার্মানীর সহিত প্রতিযোগিতায় দণ্ডায়মান থাকা ইংলণ্ডের সাধ্যায়ত্ত নহে। কাজেই এই ব্যাপার লইয়া ইংলণ্ডের সহিত আমেরিকার যুক্তরাষ্ট্রের একটা মনোমালিন্যের সৃষ্টি হইবার উপক্রম হইয়াছে।

—আর্থিক জগৎ

* * *

সম্প্রতি যে সকল ভ্রমণকারী শরণার্থী এবং ব্যবসায়ী চীন পরিত্যাগ করিয়া আসিয়াছে তাহাদের নিকট হইতে প্রাপ্ত বিবরণে জানা যায় যে চীনের ক্রমবর্ধমান ছরবস্থা রোধ করিবার জন্ত চীনা কমিউনিষ্টগণ যে ‘পরীক্ষা’ আরম্ভ করে তাহা ব্যর্থ হইয়াছেই, বরং অনেক ক্ষেত্রে ছরবস্থাকে আরও বাড়াইয়া তুলিয়াছে।

হংকং-এর জনৈক দলত্যাগী বিশিষ্ট চীনা কমিউনিষ্টের কথায় প্রকাশ যে লেনিনের ‘গ্রাম সংগঠনের’ মতবাদ অনুসরণ করিবার প্রতিশ্রুতি দিয়া মাও-সে-তুং চীনের অধিবাসীদের সমর্থন লাভ করিয়াছেন। ঐ মতবাদ কৃষকদের দুঃখদুর্দশা ক্রমশঃ দূর করিবার উপর জোর দিয়া থাকে। প্রকাশ ষ্ট্যালিনের কথায় মাও সে প্রতিশ্রুতি উড়াইয়া দিয়া উহার পরিবর্তে লেনিনের অপরাধ মতবাদ ‘সহর সংগঠনের’ নীতি গ্রহণ করেন। উহাতে মাতৃভূমি রক্ষার জন্ত শিল্পসমৃদ্ধ সহরগুলিকে সাময়িক উদ্দেশ্যে হসংহত করিবার উপর জোর দেওয়া হইয়া থাকে।

* * *

বর্ধমান জেলার জঙ্গলমহল সার্কেল পঞ্চাশটি গ্রাম লইয়া গঠিত। জেলার মধ্যে ইহা অল্পতম বৃহৎ সার্কেল। কিন্তু এ অঞ্চলে কোন ইউনিয়ন বোর্ড না থাকায় গ্রামবাসীরা সকল প্রকার সুযোগ সুবিধা হইতে বঞ্চিত হইতেছে। জেলার মধ্যে একমাত্র এই সার্কেলেই কোন ইউনিয়ন বোর্ড নাই। বৃটিশ শাসনের আমল হইতে এই ব্যবস্থা চলিয়া আসিতেছে। সংবাদে জানা যায়, উক্ত অঞ্চলের অধিবাসীরা এ সম্পর্কে উচ্চতম সরকারী কর্তৃপক্ষের দৃষ্টি আকর্ষণ করিয়াও এখন পর্যন্ত কোন কল পান নাই। উক্ত অঞ্চলে ইউনিয়ন বোর্ড না থাকায় রাত্তা জনস্বাস্থ্য প্রভৃতি অবহেলিত হইতেছে।

—আর্থ

* * *

ভারত গবর্ণমেন্ট দক্ষিণ আফ্রিকার ব্যাপারে আর একটি গুরুত্বপূর্ণ সিদ্ধান্ত গ্রহণ করিয়াছেন। সিদ্ধান্তটির মূল কথা এই যে, ভারত গবর্ণমেন্ট আর দক্ষিণ আফ্রিকা সংক্রান্ত গোলটেবিল বৈঠকে যোগ দিতে ইচ্ছা করেন না। দৃশ্যতঃ ইহা ভারত গবর্ণমেন্টের অনিচ্ছা মাত্র; কিন্তু কার্যতঃ ইহা তীব্র প্রতিবাদ। ভারতের বর্তমান গবর্ণমেন্ট একান্তভাবেই শান্তিপ্রিয় এবং উদার পররাষ্ট্রনীতির সমর্থক। পৃথিবীর সমস্ত পর-রাষ্ট্রের সহিত সতত মৈত্রীপূর্বে আবদ্ধ থাকিতে পারিলেই তাঁহারা সন্তুষ্ট হন। তথাপি দক্ষিণ আফ্রিকার ব্যাপারে মালান গবর্ণমেন্টের সঙ্গে ভারতের কোন বোঝাপড়া কেন সম্ভব হয় নাই এবং হইতেছে না, তাহা যেমন নিরপেক্ষ বিচার-বিবেচনা তেমনি গভীর উপলব্ধির বিষয়।

—আনন্দবাজার পত্রিকা

* * * *

পশ্চিমবঙ্গে শিক্ষিত ও বুদ্ধিজীবী বেকার কর্মপ্রার্থীর সংখ্যা ভারতের সব প্রদেশ ও রাজ্যের তুলনায় সবচেয়ে বেশী। বিরাটসংখ্যক বেকার বুদ্ধিজীবীর বেকারসমস্যাই পশ্চিমবঙ্গের বিশেষ সমস্যা। পশ্চিমবঙ্গের দৈন্ত-পীড়িত শিক্ষিত অধচ বিভবহীন সমাজ জীবিকার অভাবে যে সমস্যায় পড়িয়াছে, তাহা বস্তুতঃ বাঙালীর সমগ্র সংস্কৃতির অগ্রগতির বিরুদ্ধে প্রতিবন্ধক হইয়া উঠিয়াছে। পশ্চিমবঙ্গের কর্মসংস্থান পরিষদ শিক্ষিতের বেকার সমস্যা সমাধানে কি প্রয়াস করিয়াছেন, তাহা আমরা জানি না। তবে সমূহভাবে যে ব্যর্থ হইয়াছেন, তাহা আঞ্চলিক কর্মসংস্থান পরিচালকের একটি মন্তব্যের দ্বারা প্রমাণিত হয়। “একমাত্র এপ্রিল মাসে ১২৪৫৬ জন কেরাণিগিরির কাজের জন্ত আবেদনকারীর মধ্যে মাত্র ত্রিশজনকে কাজ দিতে পারা গিয়াছে।” —আনন্দবাজার পত্রিকা

* * * *

পূর্ববঙ্গ সফর হইতে কলিকাতায় প্রত্যাগত ভারতের মাইনরিটি মন্ত্রী শ্রীযুক্ত চারুচন্দ্র বিশ্বাসের বিবৃতি পশ্চিমবঙ্গের সকলেই বিশেষ আগ্রহের সহিত পাঠ করিবেন। এই আগ্রহ প্রধানতঃ পূর্ববঙ্গের বর্তমান অবস্থা জানিবার আগ্রহ ছাড়া আর কিছুই নহে। নেহরু-লিয়াকৎ চুক্তির পর দুই মাস অতীত হইয়াছে। এই দুই মাস চুক্তির ফলাফল পশ্চিমবঙ্গে কি দাঁড়াইয়াছে, তাহা এই রাজ্যে অবস্থানকারী মাত্রই প্রত্যক্ষ করিয়াছেন। কিন্তু পূর্ববঙ্গে কি হইয়াছে এবং হইতেছে, তাহার সংবাদ পূর্বের জ্ঞায় বিস্তৃতভাবে প্রকাশিত হইতেছে না বলিয়াই তথাকার প্রকৃত অবস্থা জানিবার ও উপলব্ধি করিবার আগ্রহ এবং কৌতূহল এখন প্রবল হইয়াছে। মাইনরিটি মন্ত্রী শ্রীযুক্ত বিশ্বাস সেই কৌতূহল চরিতার্থ করার চেষ্টা করিয়াছেন বটে; তবে বিবৃতির আর প্রথম হইতে শেষ পর্যন্ত তিনি পূর্ববঙ্গ ও পশ্চিমবঙ্গে তালগোল পাকাইয়া এমনভাবে কথা বলিয়াছেন, যাহাতে তাঁহার মতামত উত্তর বঙ্গ সম্বন্ধে বলিয়া ভ্রম হয়। পূর্ববঙ্গ সম্পর্কে পৃথক্ ও পরিষ্কার করিয়া কোন অভিমত ভারতের মাইনরিটি মন্ত্রী এই বিবৃতিতে বেন প্রকাশ করিতে চাহেন নাই।

—আনন্দবাজার পত্রিকা

* * * *

তুলা-ব্যবসায়ী এবং মিল-মালিকদের প্রবল আন্দোলন এবং টেক্সটাইল উপদেষ্টা কমিটির সুপারিশে, তুলার মূল্য প্রতি ‘কাস্তি’ (৭৮৪ পাউণ্ড) দেড় শত টাকা বৃদ্ধি করিতে কেন্দ্রীয় সরকার সম্মতি দান করিয়াছেন। কেন্দ্রীয় সরকারের মুখপাত্র বলিতেছেন, তুলার মূল্যবৃদ্ধির ফলে আগামী ৬ মাসকাল কাপড়ের মূল্য কোনোপ্রকার বৃদ্ধি পাইবে না। তাহার পরে শতকরা ১০.১১ টা মাত্র বৃদ্ধি পাইবে। তুলার মূল্য বৃদ্ধির অর্থ-নৈতিক এবং অশান্ত গৃহ কারণের আলোচনা করিয়া লাভ নাই। কারণ সংবাদপত্রে এই সকল আলোচনার মূল্য সরকারী মহলে প্রায় শূন্য বলিলেও চলে। কিন্তু এই প্রসঙ্গে সরকারকে একটা কথা পরম প্রজ্ঞা এবং বিনয়ের সহিত স্মরণ করাইয়া দেওয়া কর্তব্য বলিয়া মনে করি। যুদ্ধ-উত্তর কালে, গত তিন বৎসর কংগ্রেস সরকার শাসন ক্ষমতা হাতে লইয়াছেন, এই দীর্ঘকালে তাঁহারা আজ পর্যন্ত অত্যাবশ্যকীয় খাত এবং পরিধেয় কোনো প্রকার মূল্য কমাইতে পারেন নাই। বস্ত্রের মূল্য গত দুই মাস বেশ কিছু বৃদ্ধি পাইয়াছে, তুলার মূল্য বৃদ্ধির কারণে আরো বৃদ্ধি পাইবে। বস্ত্র যে ক্রমশঃ জনগণের সাধারণ বাহিরে যাইতেছে, এ-সংবাদ রাখার দায়িত্ব বা কর্তব্য বোধ হয় কাহারো নাই। ব্যবসায়ী এবং মিল-মালিকদের অতি-লাভের পরিমাণ কমাইবার সাহস কাহারো নাই। সর্বপ্রকার চাপ এবং মূল্যবৃদ্ধির গুরুভার জনগণের দুর্বল স্বন্ধে আর কতকাল সহ হইবে বলা শক্ত। বস্ত্র-ব্যবসাতে বর্তমানে লাভের পরিমাণ যেমন, তাহাতে বস্ত্র-মূল্য আরো বৃদ্ধি করিবার কোনো যুক্তিযুক্ত কারণ নাই। কিন্তু উপায় কি, শিশুরাষ্ট্রের কল্যাণে যুনো ব্যবসায়ী এবং মিল-মালিকদের দাবী অবশ্যই স্বীকার করিতে হইবে।

—দৈনিক বহুমতী

* * * *

উত্তরে হিমালয়ের পাদদেশ এবং পূর্বে ব্রহ্ম সীমান্ত যেমন সামরিক প্রক্ষে গুরুত্বের, তেমনই যোগাযোগ, রাস্তাঘাট, সংবাদ আদান-প্রদান ইত্যাদির দিক হইতে পশ্চিমবঙ্গের সহিত ইহা অচ্ছেদ্য। ইহার মাঝখানে রছিল পূর্ব পাকিস্তান, রণ-নীতির ভাষায় যাহাকে একটি কীলক বলা যাইতে পারে। আসামবাসীদের নিশ্চয়ই স্মরণ আছে যে, মিঃ জিন্না ও মুসলিম লীগ দীর্ঘকাল যাবৎ আসামের এই অভিনব ভৌগোলিক অবস্থানের জন্ত উহাকে পাকিস্তানের কুক্ষীগত করিবার জন্ত প্রবল আন্দোলন চালাইয়াছিলেন এবং সেই আন্দোলন ব্যর্থ হইবার মূল কারণ বাঙ্গালী হিন্দুর বিরোধিতা। মুসলিম লীগের মন হইতে আসামের বিরুদ্ধে দূরভিসন্ধির অবসান হইয়াছে একথা মনে করিবার কোন যুক্তি-সঙ্গত কারণ নাই। কেবল পাকিস্তান হইতেই আসামের বিপদ সম্ভাবনা নয়, দক্ষিণ-পূর্ব এশিয়ার কমিউনিষ্ট আন্দোলনের সঙ্গেও আসামের ভাগ্য জড়িত। ব্রহ্মদেশ, আসাম ও পূর্ববঙ্গ সম্বন্ধে: কোনও কমিউনিষ্ট পরিকল্পনার অন্তর্গত এবং ইহার সামরিক দিকটা স্পষ্ট হইয়া উঠিয়াছিল ১৯৪২-৪৩এর জাপানী যুদ্ধের সময়—যখন পশ্চিমবঙ্গ ও কলিকাতা ছিল আসামকে রক্ষা করিবার মূল সরবরাহ কেন্দ্র ও সামরিক ঘাঁটি। এই

সমস্ত তথ্য আমরা উল্লেখ করিলাম এজন্য যে, পশ্চিমবঙ্গ ও আসামকে পরস্পরের হাত ধরাধরি করিয়া চলিতে হইবে—বিরোধের পথ উভয়ের পক্ষে আত্মহত্যার পথ মাত্র। ডাঃ শ্যামাপ্রসাদের আসাম পরিভ্রমণ, আশা করি আমাদের প্রতিবেশী রাজ্যকে অধিকতর বন্ধুতা ও সহযোগিতার পথে আনয়ন করিবে।

—যুগান্তর

* * *

পানাগড় মিলিটারী বেসের সন্নিকট কুষ্করামপুর বা কুলুপুকুর গ্রামে দুবৃত্তগণ কর্তৃক অগ্নি সংযোগের ফলে প্রায় দুই শত গৃহ ভস্মীভূত হইয়াছে। কয়েক সহস্র মণ ধান ও বহু কাহন খড়ও পুড়িয়াছে। আটজনের প্রাণহানি ঘটিয়াছে, ইহাদের মধ্যে পাঁচজন নারীও আছে। কিছুদিন পূর্বে মাড়ো গ্রামে অশুরূপ ঘটনা ঘটিয়াছে। গ্রামবাসীগণের ধারণা মিলিটারী বেসের সংশ্লিষ্ট ব্যক্তিগণ ইহার সহিত জড়িত আছে। কয়েক বৎসর পূর্বে মিলিটারী বেসের লোকগণ কুলুপুকুর আক্রমণ করিয়া অগ্নি সংযোগ করিয়াছিল এবং দুবৃত্তগণ দল বা আদালত কর্তৃক দণ্ডিত হইয়াছিল। মিলিটারী বেসটি ঐ অঞ্চলের আতঙ্কের কারণ হইয়াছে। এই অঞ্চলে নিরাপত্তা রক্ষার জন্ত বিশেষ ব্যবস্থা অবলম্বন করা আবশ্যিক। আমরা কর্তৃপক্ষের দৃষ্টি আকর্ষণ করিতেছি।

—বর্তমানের কথা

* * *

বিহার প্রাদেশিক সরকার শিক্ষা প্রশাসনের জন্ত নূতন নূতন পরিকল্পনা গ্রহণ করিতেছেন। শিক্ষা প্রশাসনের জন্ত, বিশেষ করিয়া বিহারের মাতৃভাষা সকলের ক্রমে জুড়িয়া দিবার জন্ত প্রচার কার্য চালাইতেছেন। জানা গেছে ১৯৫৭ সাল হইতে পাটনা বিশ্ববিদ্যালয়ে পরীক্ষার মাধ্যম হইবে বিহারের মাতৃভাষা।

সম্প্রতি মানভূম জেলা বঙ্গ সাহিত্য সম্মেলনের ত্রয়োদশ বার্ষিক অধিবেশনে এই মর্মে প্রতিবাদ করিয়া একটি প্রস্তাব গৃহীত হয়। প্রস্তাবে বলা হয় যে মানভূম জেলাবাসীর মাতৃভাষা বাংলা ভাষাকে হীন প্রচেষ্টার দ্বারা উচ্ছেদ ও বাংলা সাহিত্য ও সংস্কৃতি বিনষ্টের যে প্রচেষ্টা অস্তায়ভাবে গত কয়েক বৎসর যাবৎ এই জিলায় চলিতেছে, অবিলম্বে প্রজাতন্ত্রী ভারতের প্রথম প্রেসিডেন্ট ও ভারত সরকারের নিকট ইহাই প্রতিবিধান ও প্রতিকার করার দাবী জানাইতেছি।

—সৈনিক

বোম্বাই গভর্নমেন্ট প্রদেশের কৃষি শিক্ষা ব্যবস্থার আবুল পরিবর্তনের ব্যবস্থা করিতেছেন। প্রত্যেক জেলার জন্ত একটি করিয়া কৃষি বিদ্যালয় স্থাপন করিয়া যাহাতে প্রতি বৎসর অন্ততঃ ১ হাজার ছাত্র নূতন বিজ্ঞানসম্মত প্রণালীতে কৃষি শিক্ষা পাইয়া বাহির হইতে পারে ইহাই তাঁহাদের লক্ষ্য। বর্তমানে এই প্রদেশে মাত্র ৩টি কৃষি কলেজ ও ১৪টি কৃষি স্কুল আছে। নূতন শিক্ষা ব্যবস্থার শিক্ষাকাল দুই বৎসর হইবে এবং যাহাতে ছাত্রেরা নিজেরা স্বাধীনভাবে নিজদের কৃষি প্রতিষ্ঠান স্থাপন করিতে পারে সেইভাবে তাহাদের শিক্ষা দেওয়া হইবে।

—শিক্ষক

* * *

সকলকে স্থিরচিত্তে ও ধৈর্য সহকারে ভাবিয়া দেখিতে বলি, স্বাধীনতা লাভের পর সকল প্রকার হুখ শান্তি পাইতে হইলে সত্যি কি আমাদের জনসাধারণের কিছুমাত্র দায়িত্ব বা কর্তব্য নাই? কেহ যদি এক বিঘা জমি লাভ করেন, বা একটা গাভী লাভ করেন, তবে সেইদিন হইতেই সেই জমিখানি আবাদ করিবার, তাহাতে সার দিয়া ভাল বীজ বপন করিবার, ফসল উৎপন্ন করিবার ও সেই জমির কর আদায় দিবার দায়িত্ব ও কর্তব্য তাঁহার ঘাড়ে আসিয়া পড়ে এবং সেই গাভীকে প্রতিদিন ভালভাবে খাওয়াইবার, ভালভাবে রাখিবার, স্নান করাইবার, তাহার গোয়াল প্রস্তুত করিবার ও তাহা প্রত্যহ পরিষ্কার করিবার দায়িত্ব ও কর্তব্য তাঁহার ঘাড়ে আসিয়া পড়ে। এই কর্তব্য ও দায়িত্বগুলি যদি তিনি পালন না করেন তবে তিনি সেই জমির ফসল পাইবার বা গাভীর দুগ্ধ পাইবার আশা করিতে পারেন না, বরং অল্পদিনেই সেই জমি বাকী করের দায়ে নীলাম হইবার এবং গাভীটি খাড়াভাবে মারা যাওয়ার যথেষ্ট সম্ভাবনা হয়। কিন্তু এতবড় মহামূল্যবান ভারতবর্ষের স্বাধীনতা লাভ করিয়া আমরা সকলে যদি মনে করি যে আমাদের কিছুমাত্র দায়িত্ব বা কর্তব্য নাই, কেবলমাত্র কংগ্রেস গভর্নমেন্টের উপরই দায়িত্ব আসিয়াছে, অতএব আমরা সকলে নিশ্চিন্তভাবেই নাকে সরিষার তেল দিয়া ঘুমাই, তাহা হইলে আমাদের হুখ শান্তি ত কোনও দিন আসিবে না, বা হুঃখ দায়িত্ব ও অশ্রাব কোনও দিন ঘুচিবে না, বরং এই স্বাধীনতা রক্ষা করাই সম্ভব হইবে না।

—সত্যগ্রহ পত্রিকা



রেয়ন

(নকল রেশম)

শ্রীসন্তোষকুমার রায়চৌধুরী

ভারতবর্ষে রেয়ন বা নকল রেশম শিল্প সম্বন্ধে সামান্য কিছু গবেষণা চলিলেও প্রকৃত প্রস্তাবে নকল রেশম তৈয়ারীর ব্যবস্থা আজ পর্যন্ত এদেশে হয় নাই একথা নিঃসন্দেহে বলা চলে, অথচ দ্বিতীয় মহাযুদ্ধের পূর্বে ও প্রথমদিকে বিশ্বের রেয়ন উৎপাদনকারী দেশগুলি ছাড়া অসংখ্য দেশগুলির মধ্যে ভারতবর্ষ সব চাইতে বেশী রেয়ন ব্যবহারকারী দেশ বলিয়া পরিগণিত হইত। ১৯৪০ সালে ভারতে রেয়ন আমদানী হয় সব চাইতে বেশী। ঐ বৎসর এদেশে রেয়ন আমদানী হয় ৩ কোটি ৪০ লক্ষ পাউণ্ড। “ইণ্ডাস্ট্রিয়াল ফাইবার” নামক মাসিকী ১৯৪৮ সালের সংস্করণে দেখা যায় যে, ১৯৪১ সাল পর্যন্ত ভারতে রেয়নের আমদানী ছিল অব্যাহত কিন্তু ১৯৪২ সালে ঐ আমদানীর পরিমাণ হঠাৎ কমিয়া যায় চারিদিককার ব্যবসা বাণিজ্যের বিশৃঙ্খলার জন্ত। ১৯৩৮ সাল হইতে ১৯৪৬ সালের মধ্যে প্রথম চারি বৎসর অর্থাৎ ১৯৩৮, ১৯৩৯, ১৯৪০ ও ১৯৪১ সালে যথাক্রমে এদেশে রেয়নের আমদানী হয় যথাক্রমে ১৫৩ লক্ষ, ২৬৩ লক্ষ, ৩৪০ লক্ষ ও ২৩৮ লক্ষ পাউণ্ড। ১৯৪২ সালে ঐ আমদানীর পরিমাণ কমিয়া দাঁড়ায় মাত্র ৯ লক্ষ পাউণ্ড, অর্থাৎ পূর্বের চারিটি বৎসরের তুলনায় মাত্র শতকরা ৩ হইতে ৫ ভাগ। ১৯৪২ সালের তুলনায় ১৯৪৩ সালে রেয়ন আমদানীর পরিমাণ আরো কমিয়া দাঁড়ায় মাত্র ১ লক্ষ পাউণ্ড। তাহার পর হইতে অবশ্য ঐ আমদানীর পরিমাণ বাড়িতে আরম্ভ করিয়াছে। ১৯৪৪, ১৯৪৫ ও ১৯৪৬ সালে রেয়ন আমদানীর পরিমাণ হয় যথাক্রমে ৮ লক্ষ, ১৬ লক্ষ ও ৩১ লক্ষ পাউণ্ড। (১) ১৯৪৮-৪৯ সালে এই আমদানীর পরিমাণ বাড়িয়া দাঁড়াইয়াছে তিন কোটি নিরানব্বই লক্ষ পাউণ্ড, যাহার মূল্য হইতেছে ১২ কোটি ৮২ লক্ষ টাকা।

শেষোক্ত বৎসরের আমদানীর হিসাব হইতে একথা নিঃসন্দেহে বলা যায় যে, যুদ্ধ পূর্বকালের চাইতেও আপাততঃ এদেশে রেয়নের ব্যবহার বৃদ্ধি পাইয়াছে এবং তুলা বা রেশম-জাত বস্ত্রের মূল্য না কমিলে রেয়নের ব্যবহার আরও বহুগুণ বৃদ্ধি পাইবে। কারণ তুলা বা রেশম হইতেছে প্রকৃতির সৃষ্টি। আবহাওয়া, ভূমি, পারিপার্শ্বিকতা ও অন্যান্য পরিবেষ্টনী ব্যতিরেকে উহাদের উৎপাদন সম্ভব নয়। তাছাড়া উহাদের উৎপাদনও কতকটা সীমাবদ্ধ বলা চলিতে পারে। কিন্তু রেয়নের ক্ষেত্রে ঐ কথা প্রযোজ্য নহে। কারণ উহা সম্পূর্ণভাবে মানুষের সৃষ্টি—মানুষের বৈজ্ঞানিক কৌতূহলের উহা একটি চরম অভিব্যক্তি, হুতরাং প্রয়োজনের অক্ষুপাতে উহার উৎপাদন বৃদ্ধি,

মূল্যের সমতা রক্ষা করা মানুষের নিজের সৃষ্টির মধ্যেই আবিস্কৃত হইবে। ফলে হৃদয় ভবিষ্যতে হয়তো এমন একদিন আসিতে পারে যখন এই রেয়ন বা নকল রেশমের মূল্য, গুণাগুণ বা প্রচারের দিক হইতেই বর্তমান তত্ত্বশিল্পকে অনেক পশ্চাতে ফেলিয়া যাইবে।

১৯৪১ সালে সমগ্র পৃথিবীতে রেয়নের উৎপাদন সব চাইতে বৃদ্ধি পাইয়াছিল। ঐ বৎসর উৎপন্ন রেয়নের মোট পরিমাণ ছিল ১২৫ কোটি ৯ লক্ষ পাউণ্ড। কিন্তু ঐ সালের পর হইতেই রেয়নের উৎপাদন কমিতে থাকে এবং ১৯৪৫ সালে উৎপন্ন হয় মাত্র ৯০ কোটি পাউণ্ডের মত। অবশ্য ঐ কম উৎপাদনের মূলে ছিল জার্মান, জাপান ও ইটালির রেয়ন উৎপাদনে ঘাটতি। কারণ ১৯৩৮ সাল বা তৎপূর্ব ও পরবর্তী কয়েকটি বৎসরে উপরোক্ত তিনটি দেশে মোট উৎপন্ন রেয়নের পরিমাণ ছিল সমগ্র পৃথিবীর উৎপাদনের শতকরা ৬৭ ভাগ। ১৯৩৯ সালে জাপানে রেয়ন উৎপাদনের পরিমাণ বেধানে ছিল বৎসরে ২৩ কোটি ৮৫ লক্ষ পাউণ্ড। যুদ্ধ শেষ হওয়ার সঙ্গে সঙ্গে ১৯৪৫ সালে ঐ উৎপাদন কমিয়া হয় মাত্র ৩৮ লক্ষ পাউণ্ড। তাহার পর ১৯৪৬ সালে ঐ উৎপাদন পূর্ব বৎসরের তুলনায় ৫২ লক্ষ পাউণ্ড বৃদ্ধি পাইলেও যুদ্ধ-পূর্ব সময়ের তুলনায় যে অপ্রত্যাশিতভাবে কম একথা অবশ্য স্বীকার্য। জার্মান ও ইটালীর ক্ষেত্রে সেই একই কথা বলা চলে। ১৯৩৯ সালে যথাক্রমে জার্মান ও ইটালীতে রেয়ন উৎপন্ন হইয়াছিল ১৬ কোটি ৯৯ লক্ষ ও ১১ কোটি ৬৩ লক্ষ পাউণ্ড। আর ১৯৪৬ সালে সেইখানে উৎপন্ন হয় যথাক্রমে ১ কোটি ৮৩ লক্ষ ও সাড়ে ছয় কোটি পাউণ্ড। উপরোক্ত তিনটি দেশের শিল্পসমূহে যুদ্ধ-পরবর্তী যুগে যে কি ভাবে ভাঙ্গন ধরিয়াছে ইহা তাহারই একটা অন্ততম প্রধান দৃষ্টান্ত মাত্র।

পূর্বেই বলিয়াছি ১৯৪১ সালে পৃথিবীতে রেয়নের উৎপাদন বৃদ্ধি পাইয়াছিল সব চাইতে বেশী। নিম্নে দশ বৎসরের যে ছকটি দেওয়া হইল তাহা হইতেই প্রত্যেকেই ইহার সত্যতা উপলব্ধি করিতে পারিবেন।

পৃথিবীর রেয়ন উৎপাদন। (২)

(কোটি পাউণ্ড)

বৎসর	উৎপন্ন রেয়ন	বৎসর	উৎপন্ন রেয়ন
১৯৩৭	১২০.০	১৯৪২	১১২.১
১৯৩৮	১০০.১	১৯৪৩	১১৪.৭
১৯৩৯	১১৫.১	১৯৪৪	১০৫.৭
১৯৪০	১১৮.২	১৯৪৫	৮৯.৫
১৯৪১	১২৫.৯	১৯৪৬	১১০.০

(১) Industrial Fibre 1948.

(২) Industrial Fibre 1948.

উপরোক্ত হকটিতে দেখা যায় যে, ১৯৪৫ সালে উৎপাদন অত্যন্ত ব্যাহত হইলেও ১৯৪৬ সালে রেশন উৎপাদনকারী দেশসমূহ উৎপাদন বৃদ্ধির জন্য কিছুটা প্রয়াস পাইয়াছিল। অবশ্য এই উৎপাদনের মূলে আছে আমেরিকা যুক্তসাম্রাজ্য ও গ্রেট-ব্রিটেনের শিল্প প্রচেষ্টা। যুদ্ধ-পূর্বকালে অল্পতম প্রধান রেশন-উৎপাদনকারী দেশ বলিলে বুঝাইত জার্মান, জাপান ও ইটালি; কিন্তু বর্তমানে যোঝায়—আমেরিকা যুক্ত-সাম্রাজ্য ও গ্রেট-ব্রিটেনকে। তাহাদের এই প্রচেষ্টা সত্যই প্রশংসনীয়। ১৯৪৬ সালে পৃথিবীতে যে মোট ১১০ কোটি পাউণ্ড রেশন উৎপন্ন হইয়াছিল তাহার মধ্যে ৬৭ কোটি ৭৫ পাউণ্ড উৎপন্ন হইয়াছিল আমেরিকা যুক্তসাম্রাজ্যে। ঐ বৎসর রেশন উৎপাদনে দ্বিতীয় স্থান অধিকার করিয়াছিল গ্রেট ব্রিটেন। তাহাদের উৎপাদনের পরিমাণ ছিল ১১ কোটি পাউণ্ড। ইহাদের পরই উৎপাদনের দিক হইতে নাম করা চলে ফ্রান্স ও ইটালীর। ঐ বৎসর ইহাদের রেশন উৎপাদনের পরিমাণ ছিল যথাক্রমে ৬ কোটি ৮১ লক্ষ ও ৬ কোটি ৫০ লক্ষ পাউণ্ড। ব্রিজিল, ক্যানাডা, জার্মানী, নেদারল্যান্ড, বেলজিয়ম ও স্পেনের উৎপাদন ছিল যথাক্রমে ২৩২ লক্ষ, ২১০ লক্ষ, ১৮৩ লক্ষ, ১৮০ লক্ষ, ১৭৫ লক্ষ ও ১৬৩ লক্ষ পাউণ্ড। আর কিছু কম বেশী এক কোটি পাউণ্ড রেশন উৎপন্ন হইয়াছিল সুইজারল্যান্ড, আর্জেন্টিনা ও জাপানে এবং বাকী ৭ কোটি পাউণ্ডের মত রেশন উৎপন্ন হইয়াছিল অন্যান্য দেশে। ভারতবর্ষে রেশন একেবারেই উৎপন্ন হয় নাই, অথচ ঐ বৎসর রেশন আমদানী হইয়াছিল ৩১ লক্ষ পাউণ্ড।

বর্তমানে এই রেশন বা নকল রেশম শিল্পের ক্ষুদ্র বিস্তার ঘটিতেছে পৃথিবীর বিভিন্ন দেশে। অধুনাতম বৈজ্ঞানিক প্রক্রিয়ার ইহার উৎপাদন বৃদ্ধি করার চেষ্টা হইতেছে এবং সেই সঙ্গে চেষ্টা হইতেছে ইহাকে অধিকতর প্রয়োজনীয় করিয়া তোলার ও সহজ লভ্য করার। বৈজ্ঞানিকগণ অনেকাংশে সফলও হইয়াছেন এবং আশা করা যায় যে তাহার আরও সফলকাম হইবেন। দামে সস্তা হইলে এবং স্থায়িত্বে ও মন্থণতার রেশমের সমতুল্য বা অধিকতর উপযোগী হইলে রেশমের প্রচার বৃদ্ধি পাইবে সত্য। কিন্তু ভারতে এই শিল্পের প্রচলন ও প্রসার না হইলে আমাদের কোন স্বার্থই লাগিবে না, বরঞ্চ আমদানীকৃত রেশমের প্রাচুর্যে জাতীয় স্বার্থই বিপর হইবে।

রেশন উৎপাদনের প্রধান উপকরণ হইতেছে 'সেলুলোজ' (Cellulose)। আর 'সেলুলোজ' পাওয়া যায় তুলা ও কাঠ হইতে। ঐ দুইটি উপকরণেরই এদেশে অভাব নাই, অভাব আছে শুধু চেষ্টার। কাজেই আজিকার দিনে একথা মনে করা অসঙ্গত হইবে না যে, অদূর ভবিষ্যতে ভারতবর্ষও অল্পতম প্রধান রেশন উৎপাদনকারী অঞ্চল বলিয়া পরিগণিত হইতে পারে।

'সেলুলোজ' তৈয়ারীর জন্য সাধারণতঃ পরিভ্যস্ত সূতা ও ছোট আঁশের অপেক্ষাকৃত অব্যবহার্য তুলা ব্যবহার করা হয়। তবে কাঠ হইতে সংগৃহীত 'সেলুলোজ' অপেক্ষাকৃত সস্তা দরের হয়, সেইজন্য কাঁচ মাল হিসাবে ইহার প্রয়োজনীয়তা অনেকখানি বেশী। "এই কার্যে ব্যবহৃত

তুলাকে প্রথমেই তেল, চর্কি, মোম ও অন্যান্য রঙ সৃষ্টিকারী পদার্থ হইতে মুক্ত করা হয়। পরে পরিশোধিত জ্বালানীকে শুক করিয়া গ্রহণযোগ্য হইলে রসায়নের সাহায্যে 'লেই' বা 'মণ্ড'এ (Pulp) পরিণত করা হয় ও পরে পিচবোর্ডের মত পাত তৈয়ার করা হয় পরবর্তী কাজের সুবিধার জন্য (৪)। কাঠ হইতে 'সেলুলোজ' গ্রহণ করিবার পদ্ধতি একটু অল্প ধরণের। "বাছাই করা কাঠ (সাধারণতঃ ফার, হেমলক্ প্রভৃতি কাঠ) লইয়া বিভিন্ন প্রক্রিয়ার ও রসায়নের সাহায্যে সেলুলোজ পৃথকীকরণ করা হয় ও পরে একপ্রকার 'লেই' (Bleached Sulphite wood pulp) বাজারে ছাড়া হয়।" (৫) ইহার পরও বহুবিধ বৈজ্ঞানিক প্রক্রিয়ার ও রসায়নের সাহায্যে ঐ লেইকে পরিণত করা হয় একপ্রকার সূত্র তত্ত্বতে। ঐ তত্ত্ব হইতে হয় সূতা।

বর্তমানে প্রধানতঃ চারিটি প্রক্রিয়ায় রেশন উৎপাদিত হইয়া থাকে, চারিটি প্রক্রিয়ার মধ্যে প্রথমে আবিষ্কৃত হয় 'নাইট্রো সেলুলোজ' (Nitro cellulose) পদ্ধতি। তাহার পর আবিষ্কৃত হয় যথাক্রমে 'ক্যাম্প্রামনিয়াম' (Cuprammonium), 'ভিসকোস' (Viscose) ও 'এ্যাসেটেট' (acetate) পদ্ধতি, এই সমস্ত পদ্ধতি আবিষ্কৃত হওয়ার মূলে আছে যে ইতিহাস, তাহা যেমনই চমকপ্রদ, তেমনি ঘটনাবহুল। এই ক্ষুদ্র প্রবন্ধে সেই ইতিহাস আলোচনা করা সম্ভব নয় তাই মিঃ ই. হইলার প্রণীত 'মানুষ্যাকচার অব আর্টিকিসিয়াল সিল্ক' নামক পুস্তক হইতে সংগৃহীত সামান্য ইতিহাস নিম্নের ছত্র কয়টিতে দিলাম।

একথা অবশ্য প্রত্যেকেই জানেন যে অকৃত্রিম রেশম বলিতে বাহা বুঝায় তাহা হইতেছে গুটীপোকাকার শুক লাল মাত্র। কীট বিশেষের মুখনিহত লাল শুক হইয়া সৃষ্টি করে তত্ত্ব; সেই তত্ত্ব হইতে সৃষ্টি হয় রেশমের। মানুষের মনে প্রকৃতির এই সৃষ্টি-বৈচিত্র্যই এনে দেয় নকল রেশম বা রেশমের সন্ধান। বলে প্রকৃতির সৃষ্টি বৈচিত্র্যের মতই বিচিত্র ও রোমাঞ্চকর হয়ে উঠে মানুষের সৃষ্টি রেশম বর্ণ—উজ্জল ও স্থায়িত্বে। ১৬৬৫ সালে হুক্‌স্ (Hookes) তাহার 'মাইক্রোগ্রাফিয়া' (Micrographia) নামক গ্রন্থে এই রেশম প্রকৃতির আভাব দেন। তারপর মিঃ রেয়ার (Mr. Reaumar) গুটি পোকা সন্ধানীর আলোচনা প্রসঙ্গে নকল রেশম প্রকৃতির সম্ভাবনার কথা উল্লেখ করেন। এমন কি ১৭৭০ সালে ফরাসী দেশের মিঃ ডুবে (Dubet) কয়েকটি মৃত গুটীপোকাকার দেহ হইতে সংগৃহীত আঁঠাল পদার্থ হইতে তত্ত্ব প্রস্তুত করিতে সমর্থ হন। অবশেষে ১৮৫৫ সালে বিলাতের অন্দেমার (Andemars) নামক এক ব্যক্তি নাইট্রোসেলুলোজ তৈয়ারীর পদ্ধতি পেটেন্ট করিয়া লন। ১৮৮৩ সাল বা ঐ কাছাকাছি সময়ে অনেকেই নাইট্রো সেলুলোজ লইয়া কাজ আরম্ভ করেন।

(৪) ও (৫) The Manufacture of artificial silk by E. Wheeler

এবং কাউন্ট এইচ. ডি কাড্রানেট (Count H. De Chadranet) ১৮৮২ সালে প্যারিসের প্রদর্শনীতে নকল রেশম ও নকল রেশমের বোনা বস্ত্র প্রদর্শন করেন। সেই হইতে 'নাইট্রো সেলুলোজ' পদ্ধতি কাড্রানেট পদ্ধতি নামেও প্রচলিত আছে। এই পদ্ধতিতে সাধারণতঃ সুইজারল্যান্ড, ফ্রান্স ও জার্মানীতে নকল রেশম তৈরারী হয়।

১৮২০ সালে এই পদ্ধতি কিছুটা পরিবর্তিত হইয়া 'কাথ্রামোনিয়াম' পদ্ধতি নামে প্রচলিত হয় এবং তখন হইতেই প্রকৃত প্রস্তাবে ব্যবসায়ের জন্ত নকল রেশম বা রেয়ন তৈরারী হইতে থাকে। ১৮২১ সালে কিন্তু এই নবাবিদ্ধ পদ্ধতিও পরিবর্তিত হইয়া যায়। কতিপয় ব্যক্তি সেলুলোজ লইয়া কাজ করিতে করিতে 'কার্বন বাই সালফেট' (Carbon bishalphite) সহযোগে সহসা এক অদ্ভুত পস্থা আবিষ্কার করেন এবং প্রমাণ করেন যে এই পদ্ধতিই নাকি সব চাইতে সহজ পদ্ধতি। ফলে ১৯০০ সাল হইতে 'ভিস্কোস' (Viscose) নামে পরিচিত এই পদ্ধতিই ব্যাপকভাবে চালু লইয়া যায়। 'এ্যাসেটেট' পদ্ধতি অবশ্য প্রচলিত হইয়াছিল ১৮৬৯ সালে। কিন্তু ঐ পদ্ধতি প্রচলিত ছিল অত্যন্ত সীমাবদ্ধ স্থানে, আর বিশেষ করিয়া জার্মানীতে।

যদিও কাউন্ট কাড্রানেট ১৮৮৪ সালে প্রথম এই ধরণের সংশ্লেষিত তন্তু সৃষ্টি করেন তবুও ব্যবসায়ের কাজে এই তন্তু লাগে অনেক পরে। "সস্তা কাঁচামাল হিসাবে মালবেরী (Mulberry) গাছের শাখা ও গুঁড়ি হইতে সংগৃহীত লেই হইতে মিঃ কাড্রানেট প্রথম সংশ্লেষিত তন্তু সৃষ্টি করেন।" (৬) তাহার পর ১৯২৪ সালের একটি হিসাবে (৭) দেখা যায় যে ঐ সময় সমগ্র পৃথিবীতে রেয়নের মধ্যে

শতকরা ৭৬ ভাগ উৎপন্ন হইত 'ভিস্কোস' পদ্ধতিতে, বাকী ২৪ ভাগের মধ্যে ১৮ ভাগ 'নাইট্রো সেলুলোজ', ৫ ভাগ 'কাথ্রামোনিয়াম' আর ১ ভাগ 'এ্যাসেটেট' পদ্ধতিতে উৎপন্ন হয়। ১৯৪৬ সালের অন্ত একটা হিসাবে (ইণ্ডাস্ট্রিয়াল ফাইবার ১৯৪৮) দেখা যায় যে ঐ সালে 'এ্যাসেটেট' পদ্ধতিতে রেয়ন উৎপন্ন হইয়াছে মোট উৎপন্ন রেয়নের শতকরা ২০ ভাগ, বাকী ৭৭ ভাগ উৎপন্ন হইয়াছে অপার তিনটি প্রকার।

এই স্থলে উল্লেখযোগ্য এই যে এই নবাবিদ্ধ সংশ্লেষিত তন্তু (Synthetic fibre) বা নকল রেশমের নাম কিন্তু রেয়ন ছিল না। "১৯২৪ সালে আমেরিকার ব্যবসায়ীদের এক সম্মেলনে এই বস্তুর নামকরণ করা হয় রেয়ন" (৮) সেই হইতে উহার চালু আছে। বর্তমানে রেয়ন ব্যবহারকারী দেশসমূহের মধ্যে আমেরিকা যুক্তরাজ্যে মাথাপিছু রেয়ন ব্যবহারের গড় পরিমাণ হইতেছে ৫.৯ পাউণ্ড বৎসরে। সুইজারল্যান্ড, ক্যানাডা ও বেলজিয়মে রেয়ন ব্যবহৃত হয় বৎসরে গড়ে মাথাপিছু যথাক্রমে ৪.২ পাউণ্ড, ৩.৩ পাউণ্ড ও ৩.৩ পাউণ্ড। গ্রেট-ব্রিটেন ও ফ্রান্সে ব্যবহৃত হয় মাথাপিছু ২.৪ পাউণ্ড করিয়া। ভারতবর্ষের রেয়ন ব্যবহারের পরিমাণ আপাততঃ মোটেই উল্লেখযোগ্য নহে। কিন্তু যে পরিমাণে রেয়নের আমদানী প্রতি বৎসর বৃদ্ধি পাইতেছে— তাহাতে অদূর ভবিষ্যতে রেয়ন ব্যবহারের পরিমাণের দিক হইতে উপরোক্ত দেশগুলির কোন কোন দেশকে ছাড়াইয়া গেলেও তাহাতে বিন্মিত হইবার কিছুই নাই। কারণ রেয়নের ব্যাপক প্রচারের মূলে আছে ইহার সস্তা দাম ও গুণগুণ এবং সবার উপরে ইহা বেশ টেকসই। এই গুণগুলিই রেয়নের প্রচলনের পক্ষে যথেষ্ট।

(৬) ও (৭) The Rayon Industry by Mois H. Avran.

(৮) The Rayon Industry by Mois H. Avran.

বিগত দিনের ভুলের ফসল আজ হোক কাটা শেষ

শ্রীশচীন্দ্রনাথ চট্টোপাধ্যায়

আমাদের যত অজ্ঞায় আজ দানা বাঁধি উঠিয়াছে,
আমাদের ত্যাগ আনিয়াছে বহি শুধুই অকল্যাণ।
প্রশ্রম পেয়ে ঘৃণ্য স্বাপদ হিংসার মাতিয়াছে ;
মান মুখ কেন, এতো আমাদের পিতামহদের দান !
ক্রম-ক্রতি-লাভ যত কিছু সাথে লভেছো অত্যাচার ;
তিলে তিলে ধারে স্পর্ধা দিয়েছে আপোষ-বিলাসী মন।
প্রতিকার খোঁজ কার কাছে গিয়ে ব্যর্থ ও চিংকার ;—
উত্তাপহীন কীর্ণ শোণিতে কি জাগিল না কম্পন।

দূষিত রক্ত সজীব হয়েছে, করিয়াছে বিদ্রোহ,
লোল চর্মের প্রাচীর ভেদিয়া চাহিছে নিঃক্রমণ ;
কৃষিয়া রাধিতে চাহ তার পথ, বুথাই মোহ,
গলিত মাংস গন্ধে জাগিছে কীটের আমন্ত্রণ।
বিগত দিনের ভুলের ফসল আজ হোক কাটা শেষ,
বন্ধ্য মাটির অঙ্গে জাগুক স্বজনের শিহরণ।
মেদ ও মজ্জার অপচয়টুকু হোক আজ নিঃশেষ ;
মাটির কৃতির কত ঢেকে দিক শম্প-আন্তরণ।

প্রাচ্যে শক্তি-সজ্বাত

অতুল দত্ত

দ্বিতীয় মহাযুদ্ধ চলিবার সময়ে সাম্রাজ্যবাদী জাতিগুলি ইহা উপলব্ধি করিয়াছিল যে, অতঃপর প্রাচীন সাম্রাজ্যনীতি আর চলিবে না; ঔপনিবেশিক দেশগুলিতে যে মুক্তির আকাঙ্ক্ষা প্রবল হইয়া উঠিয়াছে, তাহাকে বলপূর্বক দমন করা অসম্ভব। পূর্বানুসৃত সাম্রাজ্যনীতির অস্তিত্বহীন দৌর্বল্য এই সময় স্পষ্ট হইয়া ওঠে। দক্ষিণ-পূর্ব এশিয়ায় একমাত্র ফিলিপাইন্স দ্বীপপুঞ্জ ব্যতীত সর্বত্র জাপানীরা প্রথমে মুক্তিদাতা বলিয়াই অভিনন্দিত হইয়াছিল। ফিলিপাইন্সের বাটানে জেনারেল ম্যাক-অর্থারের প্রতিরোধ-প্রচেষ্টা গণসমর্থন লাভ করে এই কারণে যে, ১৯৪৬ সালে রাজনৈতিক স্বাধীনতা-প্রাপ্তির প্রতিশ্রুতি ফিলিপিনোরা পূর্বেই পাইয়াছিল। দক্ষিণ-পূর্ব-এশিয়ার অসংখ্য দেশে “মুক্তিদাতা” জাপানীদের আচরণে জনসাধারণের ভুল ভাবনার সঙ্গে সঙ্গে প্রবল প্রতিরোধ আন্দোলন গড়িয়া ওঠে। এই গণ-আন্দোলন পীত সাম্রাজ্যবাদকে সূত্রহীন হইতে দেয় নাই; ইহাকে দমন করিয়া প্রাচীন পদ্ধতিতে যে সাম্রাজ্যবাদের পুনঃ প্রতিষ্ঠা যে অসম্ভব, ইহা চতুর সাম্রাজ্যবাদীরা বুঝিয়াছিল।

যুদ্ধোত্তর প্রাচ্য—

এই কারণে যুদ্ধের পর দক্ষিণ-পূর্ব এশিয়ার বিভিন্ন দেশের রাজনীতি হইতে সাম্রাজ্যবাদীদের কার্যিক অপসারণের এক পরিকল্পনা স্থির হয়। স্থানীয় পুঁজিপতি স্বার্থের সহিত ও দক্ষিণপন্থী রাজনীতিকদের সহিত আপোষ করিয়া যবনিকার অন্তরালে সরিয়া যাওয়া এই পরিকল্পনার মূল কথা। পরিকল্পনা-রচয়িতারা আশা করিয়াছিলেন—ইহাতে সাম্রাজ্যবাদী স্বার্থ অক্ষুণ্ণ থাকিবে, অথচ জনসাধারণের মনে এই ধারণার সঞ্চার হইবে যে, বৈদেশিক শক্তির প্রভু হইতে তাহারা মুক্ত; সর্বোপরি, যে সাম্যবাদী আদর্শ প্রাচ্য অঞ্চলে প্রসার লাভ করিতেছে, তাহার বিরুদ্ধে স্থানীয় পুঁজিপতি স্বার্থের ও দক্ষিণপন্থী নেতৃত্বের সকল শক্তি নিয়োজিত হইতে পারিবে। বিভিন্ন সাম্রাজ্যবাদী শক্তির দূরদৃষ্টির কম-বেশী অনুযায়ী এই পরিকল্পনা অনুসৃত হয় বিভিন্নভাবে। আমেরিকা তাহার প্রতিশ্রুতি অনুযায়ী ফিলিপাইন্সকে নিজের অর্থনীতির নাগপাশে আট্টে পৃষ্ঠে রাখিয়া নির্দিষ্ট সময়ে সেখানকার রাজনীতিকের হইতে সরিয়া দাঁড়ায়। বৃটেনের প্রমিক-গবর্নমেন্ট ভারতকে দুইভাগে ভাগ করিয়া দিয়া এদেশের রাজনৈতিক অধিকার প্রত্যাহার করে; ব্রহ্মদেশ হইতে সরিবার পূর্বে সে অর্থনৈতিক ও সামরিক অধিকার প্রতিষ্ঠিত রাখিবার প্রতিশ্রুতি আদায় করে; সিংহলে তাহার নজর থাকে আরও কিছু কড়া। মালয়েও সে একটা রাজনৈতিক গোঁজামিল দিবার চেষ্টা করিয়াছিল; কিন্তু সে চেষ্টা

ব্যর্থ হইয়াছে। অনুরদর্শী ওলন্দাজ সাম্রাজ্যবাদীরা ঔপনিবেশিক অধিকার শিথিল করিবার পূর্বে অত্যধিক গোয়ারতমি করিয়া তিক্ততা বৃদ্ধি করিয়াছে। ফরাসী সাম্রাজ্যবাদ একবার ইন্দোচীনের জাতীয়তা-বাদীদের সহিত আপোষ করিয়াছিল; কিন্তু সে আপোষকে ঔপনিবেশ শোষণের যৌথ কারবারে পরিণত করা অসম্ভব বুঝিবামাত্র পুনরায় সশস্ত্র আক্রমণ আরম্ভ করে। ইহাই মোটামুটি যুদ্ধোত্তর প্রাচ্যে যে প্রভুত্বাধীন ঔপনিবেশগুলির চিত্র। প্রাচ্য সাম্রাজ্যবাদী জাপান যুদ্ধের পর মার্কিন ঔপনিবেশে পরিণত হয়; জাপানের অধিকৃত কোরিয়া দুইভাগে বিভক্ত হয়, ফরমোজা চলিয়া যায় চীনের অধিকারে। আর প্রাচ্যের আধা ঔপনিবেশিক দেশ—বিশাল চীন গৃহ-যুদ্ধে আলোড়িত হইতে থাকে।

যুদ্ধোত্তর প্রাচ্যে দুইটি রাজনৈতিক শক্তির প্রচণ্ড সজ্বাত দেখা দিয়াছে। এই শক্তি-সজ্বাত বিশেষভাবে মূর্ত হইয়া ওঠে চীনের গৃহ-যুদ্ধে। ইহাকে কম্যুনিষ্ট শক্তির সহিত জাতীয়তাবাদী শক্তির সজ্বাব বলিয়া অভিহিত করা হইয়া থাকে। কিন্তু একটু লক্ষ্য করিলেই দেখা যাইবে যে, চীনের গৃহ-যুদ্ধে এক পক্ষে ছিল যুদ্ধোত্তর সাম্রাজ্যবাদী নীতির সহযোগী শক্তি এবং অপর পক্ষে ছিল সাম্রাজ্যবাদ-বিরোধী প্রকৃত জাতীয়তাবাদী শক্তি। শেষোক্ত শক্তির নেতৃত্ব কম্যুনিষ্টরা করিয়াছে। কিন্তু সে নেতৃত্ব সম্ভব হইয়াছিল তাহাদের কর্মসূচীতে আধা-ঔপনিবেশিক জাতির সমস্ত আশা-আকাঙ্ক্ষা প্রতিফলিত হইয়াছিল বলিয়াই। কৃষিপ্রাণ প্রাচ্যে সামন্ততান্ত্রিক ভূমি-ব্যবস্থার সংস্কার জনগণের সর্বপ্রধান দাবী। চীনের কম্যুনিষ্ট নেতৃত্ব এই দাবী পূরণে প্রতিশ্রুত হইয়াছিল এবং অবস্থা অনুকূল হইবামাত্র সে প্রতিশ্রুত পালন করিয়াছিল অক্ষরে অক্ষরে। শতাব্দীর পর শতাব্দী ধরিয়া প্রাচ্যের মানুষ পাশ্চাত্য সাম্রাজ্যবাদীর বোঝা বহিয়াছে; তাহার মনুষ্যত্ব অবমানিত ও লাঞ্চিত হইয়াছে পদে পদে। আজ আত্মসম্বিত করিয়া পাইবার পর রাজনৈতিক ও অর্থনৈতিক বন্ধন হইতে পরিপূর্ণ মুক্তি তাহার অমোঘ দাবী। স্থানীয় অনুচরদের সাহায্যে সাম্রাজ্যবাদী স্বার্থসিদ্ধির যুদ্ধোত্তর নীতি তাহাকে প্রতারিত করিতে পারে নাই। চীনের কম্যুনিষ্ট নেতৃত্বে এই মুক্তির নিশ্চিত আশাস ছিল। এমন কি, চীনের কম্যুনিষ্ট নেতৃত্বাধীন মুক্তি-সংগ্রামের প্রতি সোভিয়েট রুশিয়ার নৈতিক সমর্থন যতই থাকুক, তাহার প্রত্যক্ষ সংস্রব এই সংগ্রামের সহিত কোথাও ছিল না। চীনের মুক্তি-সংগ্রাম যে সম্পূর্ণরূপে বৈদেশিক প্রভাবমুক্ত, এই বিষয়ে জনগণের মনে বিন্দুমাত্র সন্দেহের উদ্রেক হয় নাই। পক্ষান্তরে, তৎকালীন জাতীয় শক্তির নেতা কুয়োমিটাং দল ছিল সামন্ততান্ত্রিক প্রতিপক্ষের সমর্থনপুষ্ট, সাম্রাজ্যবাদী স্বার্থের রক্ষক ও বৈদেশিক সামরিক শক্তির সাহায্যপ্রার্থী।

সাম্রাজ্যবাদীর সহযোগী—

চীনে যে শক্তি আজ বিজয়া, প্রাচ্যের প্রায় প্রত্যেকটি দেশে সেই শক্তি দেশীয় ও বিদেশীয় প্রতিক্রিয়ার অশুভ মিলনের বিরুদ্ধে মাথা তুলিতে চেষ্টা করিতেছে। এই শক্তিকে কম্যুনিষ্ট বলিষ্ঠ অভিহিত করিলে উহা নিন্দিত হয় না; বরং কম্যুনিষ্টরাই উহাতে সম্মানিত হয়—প্রাচ্যের জনগণের অথও নেতৃত্ব যে তাহাদের, এই অধীতিকর সত্য ইহাতে মানিয়া লওয়া হয়। প্রাচ্যের জাগ্রত গণশক্তির বিরোধিতার জন্ত “গণতন্ত্র” রক্ষার নামে যাহারা পাশ্চাত্য সাম্রাজ্যবাদীর সহযোগী হইয়াছে, তাহাদিগের প্রতি দৃষ্টি পাত্ত করিলে তথাকথিত কম্যুনিষ্ট-বিরোধী অভিযানের নৈতিক দৌর্বল্য হুস্বে প্রতীয়মান হইবে। চীনে গণতন্ত্রের ধ্বংসবাহী হন চিয়াং কাই-শেক, কোরিয়ায় সিগ্‌ম্যান্ রী, ইন্দোচীনে বাও-দাই, ফিলিপাইন্সে কুইরিণো, শ্রামে বিপুল সংগ্রাম। চিয়াং কাই-শেক ও তাহার নৈতিক মেরুদণ্ডহীন সহকর্মীরা চীনের জনসাধারণকে রাজনীতি-ক্ষেত্রে দিয়াছিল দলীয় এক-নায়কত্ব, দুর্নীতিহ্রষ্ট আমলাতন্ত্র, অর্থনীতি-ক্ষেত্রে দিয়াছিলেন বৈদেশিক স্বার্থের অসঙ্গত অধিকার; ভূম্যধিকারীর উৎপীড়ন, সাধারণ মানুষের জন্ত দারিদ্র্য, অনশন, মহামারী ও অচিকিৎসা। আমেরিকার ৫ শত কোটি ডলার চিয়াং গোষ্ঠীর দুর্নীতির অতল গর্ভে বিলীন হইয়াছে। কোরিয়ায় যিনি তথাকথিত পাশ্চাত্য গণতন্ত্রের ধ্বংসবাহী, সেই সিগ্‌ম্যান্ রীকে মার্কিন গণতন্ত্রীরাই “দ্বিতীয় চিয়াং” বলিয়া বর্ণনা করিতে আরম্ভ করিয়াছেন। ইনি কোরিয়াবাসীকে দিয়াছেন মাতৃভূমির দ্বিধা-বিভাগ, জাপানী জমিদার ও শিল্পপতিকে দিয়াছেন নিরাপত্তার প্রতিশ্রুতি, আর দিয়াছেন ক্যাসিনো শাসনপদ্ধতি, জনসাধারণের অবর্ণনীয় হুর্দশা। আমেরিকার ৭ কোটি ডলার মূল্যের সমরোপকরণ এবং ৫ শত সমরবিশেষজ্ঞের দ্বারা দক্ষিণ কোরিয়ার সমর বিভাগকে ইনি কি ভাবে গঠন করিয়াছেন, তাহার নিদারুণ পরিচয় কোরিয়ার রণাঙ্গনে পাওয়া গিয়াছে। ইন্দোচীনের বাও-দাই দ্বিতীয় মহাযুদ্ধের পূর্বে আনামের রাজধানী হিউয় রাজপ্রাসাদে প্রাচীন রাজতন্ত্রের ঐতিহাসিক সাক্ষীরূপে অবস্থান করিতেন। যুদ্ধের সময় জাপানী তাঁবেদাররূপে ইনি প্রতিষ্ঠা লাভ করিয়াছিলেন। যুদ্ধের পর হংকং-এ আশ্রয় লইয়া সেখানকার এক হোটেলে বিলাসিতার পক্ষে ডুবিয়া যান। পশ্চিমের গণতন্ত্রনিষ্ঠ ধুরন্ধররা এ ছেন বাও-দাইকে উদ্ধার করিয়া আনিয়াছেন এবং তাঁহাকে সম্মুখে রাখিয়া লক্ষাধিক সঙ্গীণ মুক্তিকামী ইন্দোচীনাগের উদ্দেশ্যে তুলিয়া ধরিয়াছেন। ফিলিপাইন্সে কুইরিণো বৈদেশিক স্বার্থের বিষণ্ণ অনুচর। ইনি কতকগুলি অসঙ্গত চুক্তিতে দেশকে বৈদেশিক স্বার্থের সহিত আবদ্ধ করিয়াছেন, বৈদেশিক বিলাসোপকরণে স্বদেশের বাজার ভরিয়া দিয়াছেন; ভূমি ব্যবহার সংস্কার হয় নাই, শ্রমশিল্প প্রতিষ্ঠার ব্যবস্থা হয় নাই। ফিলিপাইন্সের শাসন ব্যবহার ব্যাপক দুর্নীতি, সাধারণ মানুষের দুঃখ হুর্দশা সীমাহীন। শ্রামে পাশ্চাত্য “গণতন্ত্রের সহযোগী” হইতেছেন

কোরিয়ার গৃহ-যুদ্ধের পটভূমি—

প্রাচ্যের জাগ্রত গণ-শক্তি চীনের রণাঙ্গনে দেশীয় ও বিদেশীয় প্রতিক্রিয়ার অশুভ মিলনকে পরাভূত করিয়াছে। বর্তমানে দুইটি শক্তির সামরিক সঙ্ঘর্ষ চলিতেছে কোরিয়ায়। চীনের সামরিক সঙ্ঘর্ষে প্রতিক্রিয়াশীল পক্ষের বৈদেশিক সহযোগী ছিল যবনিকার অন্তরালে; কোরিয়ায় সে-নিজে রাইফেল কাঁধে লইয়া রণক্ষেত্রে নামিয়াছে। কিন্তু গত এক মাসের যুদ্ধের গতিতে চীনের সাম্প্রতিক ইতিহাসের পুনরুত্থানই এখানে সৃচিত।

কোরিয়ার বর্তমান যুদ্ধের পটভূমি এইরূপ। এই রাজ্যটি আয়তনে বৃটেনের সমান; ইহার মোট লোকসংখ্যা ৩ কোটি। প্রায় অর্ধ শতাব্দী কাল জাপানী সাম্রাজ্যবাদের চাকায় এই দেশটি নিষ্পিষ্ট হইয়াছে। দ্বিতীয় মহাযুদ্ধের শেষের দিকে সোভিয়েট রুশিয়া জাপানের বিরুদ্ধে যুদ্ধ ঘোষণা করিবার পর তাহার সেনাবাহিনী মাঝুরিয়া ভেদ করিয়া কোরিয়ায় পৌঁছায় এবং জাপ-বাহিনীকে বিপর্যস্ত করে। ইহার পর জাপগভর্নমেন্ট আত্মসমর্পণ করিলে মার্কিন সেনাবাহিনী কোরিয়ায় গমন করে। তখন মিত্র শক্তির মধ্যে সামরিকভাবে এই ব্যবস্থা হয় যে, ৩৮তম অক্ষরেখার উত্তরে সোভিয়েট বাহিনী অবস্থান করিবে এবং দক্ষিণে থাকিবে মার্কিন সেনাবাহিনী। ১৯৪৫ সালে সেপ্টেম্বর মাসে কোরিয়া এই ভাবে দ্বিধাবিভক্ত হইয়াছিল। ইহার পর ঐ বৎসর ডিসেম্বর মাসে মস্কোর ত্রিশক্তির সম্মেলনে স্থির হয় যে, জাপানী শাসনের কলঙ্কচিহ্নগুলি মুছিয়া ফেলিয়া অতি সত্বর কোরিয়াকে স্বাধীন সার্বভৌম রাষ্ট্রে পরিণত করিতে হইবে। উত্তর কোরিয়ার জাপানী সাম্রাজ্যবাদের কলঙ্কচিহ্ন অপনোদনের ভার গ্রহণ করে সোভিয়েট রুশিয়া, দক্ষিণ কোরিয়ায় দায়িত্ব লয় মার্কিন যুক্তরাষ্ট্র। উত্তর কোরিয়ায় সোভিয়েট কর্তৃপক্ষের উৎসাহে বিভিন্ন রাজনৈতিক দলের মিলনে “পিপ্লস্ কমিটি” গড়িয়া ওঠে। জমিদারী প্রথার উচ্ছেদ করিয়া কৃষকদের মধ্যে বিনা মূল্যে ভূমি বণ্টন করা হয়, বৃহৎ বৃহৎ শ্রমশিল্প-প্রতিষ্ঠান, ব্যাঙ্ক, যোগাযোগ ব্যবস্থা প্রভৃতি রাষ্ট্রায়ত্ত্ব হয়। পশ্চিমের, দক্ষিণ কোরিয়ায় রাজনৈতিক ও অর্থনৈতিক রূপ অপরিবর্তিত থাকে। জাপানী শাসক ও শোষকের দল মার্কিন প্রভুদের মনস্তি করিয়া সেখানে নিরাপদ হয়। ভূমি ব্যবহার সংস্কার হয় না; শ্রমশিল্পের ক্ষেত্রে পূর্বের ব্যবস্থা বলবৎ থাকে, জাপানী ও মার্কিন পুঁজিপতিদের মিলনে উহার মালিকগোষ্ঠী নূতন রূপ পরিগ্রহ করে মাত্র। জাপানীদের পরিবর্তে কোরিয়ান্ ও মার্কিন প্রতিক্রিয়াপন্থীদের এই যৌথ প্রভুত্বের বিরুদ্ধে দক্ষিণ কোরিয়ার প্রবল বিক্ষোভ আরম্ভ হয়। ১৯৪৬ সালে অক্টোবর মাসে সমগ্র কোরিয়াব্যাপী ধর্মঘট ও শশস্ত্র বিদ্রোহ দেখা দেয়। উহা দমন করিবার জন্ত যে হিংস্র আক্রমণ চলে, তাহাতে ৯ হাজার কোরিয়ান্ নিহত অথবা নিখোঁজ হইয়াছিল; আহত হইয়াছিল ৩ হাজার, কারাগারে নিক্ষিপ্ত হয় ২৫ হাজার।

সোভিয়েট ও মার্কিন কর্তৃপক্ষের অনুহত নীতির বৈপরীত্যের জন্ত সোভিয়েট-মার্কিন মিলিত কমিশনের কাজ অচল হইয়া ওঠে। সোভিয়েট

রুশিয়া তখন কোরিয়া হইতে উত্তরপক্ষের সৈন্য অপসারণের দাবী তোলে। ১৯৪৬ সালের হিংস্র অত্যাচার সত্ত্বেও ১৯৪৭ সালে মার্চ মাসে মার্কিন সৈন্যের অপসারণের দাবীতে আবার দেশব্যাপী অভ্যুত্থান ঘটয়াছিল। সৈন্য অপসারণের প্রথমটা মার্কিন কর্তৃপক্ষের নিকট বড়ই অসুবিধাজনক। তাই, তখন তাঁহারা জাতিসঙ্ঘের মারফৎ কোরিয়ায় একটি বিশেষ কমিশন পাঠাইবার ব্যবস্থা করেন।

জাতিসঙ্ঘের কমিশন অবস্থা পধ্যবেক্ষণ করিয়া অভিমত প্রকাশ করেন যে, বর্তমানে সমগ্র কোরিয়ায় নির্বাচন সম্ভব না হইলে যতদূরব্যাপী অঞ্চলে উহা সম্ভব, তত দূরে নির্বাচনের ব্যবস্থা করিয়া উপযুক্ত শাসনব্যবস্থা প্রতিষ্ঠিত করিবার পর বৈদেশিক সৈন্য অপসারিত হইবে। কোরিয়াকে স্থায়ীভাবে বিভক্ত করিবার এই সুস্পষ্ট ইচ্ছিতে দেশব্যাপী প্রবল প্রতিবাদের ঝড় ওঠে। এই প্রতিবাদ অগ্রাহ্য করিয়া এবং বহু সংখ্যক লোককে কারারুদ্ধ করিয়া ১৯৪৮ সালের মে মাসে দক্ষিণ কোরিয়ায় নির্বাচনের ব্যবস্থা হয়। এই নির্বাচনে নানাবিধ দুর্নীতির কথা শুনা যায়। যাহা হউক, ইহার পরই উত্তর ও দক্ষিণ কোরিয়ার নেতারা এক সম্মেলন আহ্বান করেন। এই সম্মেলনে সমগ্র কোরিয়াব্যাপী নির্বাচনের সিদ্ধান্ত গৃহীত হয়। সিগ্‌ম্যান্ রী-গভর্নমেন্টের হিংস্রতা উপেক্ষা করিয়া দক্ষিণ অঞ্চল সহ সমগ্র কোরিয়ায় নির্বাচনের আয়োজন হইয়াছিল। এই সম্মিলিত নির্বাচনের সময় রী-গভর্নমেন্টের অত্যাচারে ৩ শত লোক নিহত এবং প্রায় ১০ হাজার লোক গ্রেপ্তার হয়। ১৯৪৮ সালের আগষ্ট মাসে সম্মিলিত নির্বাচনে উত্তর কোরিয়ার ৭ প্রায় সমস্ত নির্বাচক এবং দক্ষিণ কোরিয়ার শতকরা ৭৭ জন নির্বাচক যোগ দিয়াছিল। এই নির্বাচনের পর ৩২টি বিভিন্ন রাজনৈতিক দল ও প্রতিষ্ঠানের প্রতিনিধি লইয়া 'সুপ্রীম পিপল্‌স্ এসেম্বলী' গঠিত হয়। এই এসেম্বলীতে নূতন শাসনতন্ত্র গৃহীত হইয়া "কোরিয়ান পিপল্‌স্ ডিমোক্রেটিক রিপাবলিক্" প্রতিষ্ঠা লাভ করে। এই ডিমোক্রেটিক রিপাবলিকই এখন উত্তর কোরিয়ায় প্রতিষ্ঠিত; সমগ্র কোরিয়ায় কর্তৃত্ব বিস্তার ইহার সঙ্গত দাবী। এই দাবী উত্তর ও দক্ষিণ কোরিয়ার জনসাধারণ কর্তৃক সমর্থিত। দেশীয় ও বিদেশীয় প্রতিক্রিয়ার প্রভাব হইতে মুক্তির জ্ঞপ্তি—মাতৃভূমির দ্বিধা-বিভাগ অপনোদনের জ্ঞপ্তি জাগ্রত কোরিয়াবাসীর বর্তমান সংগ্রামে উত্তর-দক্ষিণের ভেদাভেদ নাই। বর্তমানে উত্তর কোরিয়ানরা কেবল সামরিক শক্তিতেই জয়লাভ করিতেছে না, তাহাদের একটানা বিজয় সম্ভব হইতেছে মুক্তিকামী দক্ষিণ কোরিয়ানদের ঐকান্তিক সহযোগিতায়। প্রতীচীর প্রচার ঢাকগুলি অতি সযত্নে এই অস্বীতিকর সত্যকে চাপা দিতেছে।

পুঁজিতান্ত্রিক অর্থনীতির সঙ্কট—

প্রাচ্যের এই মুক্তি-সংগ্রামে প্রাধান্য কমানিষ্টদের এবং ইহার নৈতিক সংযোগ সোভিয়েট রুশিয়ার নেতৃত্বাধীন রাষ্ট্রসঙ্ঘের সহিত। প্রথম মহাযুদ্ধের শেষের দিকে রুশিয়ার সমাজতান্ত্রিক বিপ্লব সকল

হওয়ায় বাস্টিক হইতে বেরিং সাগর পর্যন্ত বিশাল অঞ্চলের অর্থনীতি পুঁজিতান্ত্রিক বিধ-অর্থনীতির আওতার বাহিরে চলিয়া গিয়াছিল। দ্বিতীয় মহাযুদ্ধের পর পূর্বে ইউরোপ পুঁজিতান্ত্রিক অর্থনীতির প্রভাবমুক্ত হয়। সম্প্রতি এশিয়ার বিশালতম দেশ—৪০ কোটি নরনারী অধ্যুষিত চীনও সমাজতান্ত্রিক পক্ষে চলিয়া গেল। ইহার পর, প্রাচ্যের অন্যান্য দেশের মুক্তি-সংগ্রাম যদি সফল হয়, তাহা হইলে বিশ্বের পুঁজিতান্ত্রিক এলেকা আরও সঙ্কুচিত হইবে। পুঁজিতান্ত্রিক অর্থনীতি তাহার উন্নত অবস্থায় নিজ নিজ দেশের নির্দিষ্ট সীমার মধ্যে আবদ্ধ থাকিতে পারে না; বিদেশের অর্থনীতিক্ষেত্রে প্রভাব বিস্তৃতি উন্নত পুঁজিতান্ত্রিকের স্বভাবধর্ম। তাই, পুঁজিতান্ত্রিক এলেকার ক্রমবর্ধমান সঙ্কোচনে পাশ্চাত্যের স্বার্থ-সংশ্লিষ্ট মহল প্রমাদ গণিয়াছে। চীনের পর প্রাচ্যের আর কোথাও গণশক্তি যাহাতে ক্ষমতা হস্তগত করিতে না পারে, তাহার জ্ঞপ্তি এই মহলের এখন দৃঢ়পন। কমানিষ্টম বিরোধিতার মুখোমুখি পশ্চাত্যের সমরযন্ত্র যে ক্রমে ব্যাপকতর ও হিংস্রতররূপে প্রাচ্যে নিয়োজিত হইতেছে, তাহার মূলে রহিয়াছে পুঁজিতান্ত্রিক অর্থনীতির আত্মরক্ষার এই একান্ত প্রয়োজনীয়তা। উত্তর কোরিয়াকে আক্রমণকারী আখ্যা দিয়া জাতিসঙ্ঘে প্রস্তাব পাণ করানো, সেখানকার গৃহ-যুদ্ধে মার্কিন নেতৃত্বে পুঁজিতান্ত্রিক শক্তির সশস্ত্র হস্তক্ষেপ, ফরমোজার কুয়োমিটাং চক্রকে প্রতিষ্ঠিত রাখার আশ্রয়, ইন্ডোচীনে মার্কিন সাহায্য প্রেরণের ব্যবস্থা, জাম-মার্কিন সামরিক চুক্তির আয়োজন প্রভৃতি সর্বের পশ্চাতেই পুঁজিতান্ত্রিক অর্থনীতির স্বার্থ রক্ষার—তাহার বাঁচিয়া থাকার প্রবল তাগিদ।

ক্রমলিনে উৎসব (!)—

কোরিয়ায় গৃহ-যুদ্ধ আরম্ভ হইবার পর ভারতের প্রধান মন্ত্রী পণ্ডিত জওহরলাল নেহরু যে আপোষ মীমাংসার প্রস্তাব করিয়াছিলেন, তাহা অগ্রাহ্য করিয়া পশ্চিমের পুঁজিতান্ত্রিক দেশগুলি অধিকতর সমরায়োজনে মাতিয়াছে; স্বভাবতঃ মার্কিন যুক্তরাষ্ট্র এই বিষয়ে অগ্রণী। রণ-বিক্ষত ইউরোপের জনসাধারণ যুদ্ধের ঘোর বিরোধী; এমন কি মার্কিন যুক্ত রাষ্ট্রেও সাধারণ মানুষ যুদ্ধ চাহে না। তাহাদিগকে উপেক্ষা করিয়াই এই বিপুল সমরপ্রস্তুতি। যুদ্ধায়োজনের জ্ঞপ্তি, অর্থাৎ জনসাধারণের অব্যবহার্য পণ্য উৎপাদনের জ্ঞপ্তি ব্যয় করিবার মত শক্তি ইউরোপের কোনও দেশেরই আর অবশিষ্ট নাই। ইহার এখন স্বভাবতঃ অধিক পরিমাণে মার্কিন যুক্তরাষ্ট্রের প্রতি নির্ভরশীল হইবে এবং স্বদেশে জনকল্যাণমূলক কাজে অমনোযোগী হইবে। ইহার ফলে বর্তমান শাসকগোষ্ঠীর এবং সমরকামী মার্কিন যুক্ত-রাষ্ট্রের বিরুদ্ধে ইউরোপে প্রবল গণবিক্ষোভ অবশ্যজ্ঞাবী। প্রাচ্যের মুক্তি-আন্দোলন দমনের জ্ঞপ্তি পাশ্চাত্য সাম্রাজ্যবাদী শক্তির দৃঢ়তা এইভাবে তাহাদের নিজেদের শিবিরের মধ্যে অন্তর্দ্বন্দ্ব বৃদ্ধি করিবে। আর প্রাচ্যে পাশ্চাত্য সাম্রাজ্যবাদীর বিরুদ্ধে জনসাধারণ অধিকতর সংহত ও অধিকতর নির্ভর হইয়া উঠিবে। প্রাচ্যে বিভিন্ন দেশের মুক্তি-

সংগ্রাম একটি নৈতিক যোগসূত্রে গ্রথিত হইলেও বিভিন্ন ভৌগোলিক অঞ্চলে ইহা আত্মপ্রকাশ করিতেছে বিচ্ছিন্নভাবে। এই সংগ্রামের জাতীয় রূপ অবিকৃত। এই জাতীয় যুক্তি-সংগ্রামের বিরুদ্ধে পাশ্চাত্য সাম্রাজ্যবাদীদের সমরপ্রচেষ্টা যে নৈতিক সমর্থন-বিবর্জিত, তাহার জীবন্ত প্রমাণ সাম্রাজ্যবাদীদের সহচর চিয়াং, রী, বাও-দাই, কুইরিণো প্রভৃতি জীবন্তলি। এই সব নৈতিক মেরুদণ্ডহীন জাতিজ্যোতীদিগকে আশ্রয় করিয়া পাশ্চাত্য সাম্রাজ্যবাদীর সামরিক শক্তি নিয়োজিত হইতেছে। কম্যুনিজম-বিরোধিতার ক্ষীণ মুখোসের অন্তরালে এই শক্তির প্রকৃত রূপ প্রাচ্যের জনসাধারণের দৃষ্টিগোচর হইতেছে। পাশ্চাত্য “গণতন্ত্রীদের” এই নৈতিক ক্রতির গুরুত্ব বিশাল; সামরিক ক্ষেত্রে ইহার প্রভাব সুদূরপ্রসারী। জনপ্রিয় ও সর্বতোভাবে জনসমর্থিত সেনাবাহিনীর শক্তি কিরূপ দুর্জয়, তাহার পরিচয় বর্তমানে কোরিয়ার পাওয়া যাইতেছে। ইহা অপেক্ষাও উজ্জ্বলতর দৃষ্টান্ত মালয়। এখানে তিন হাজার গোরিলাকে দমনের অস্ত্র ৬০ হাজার

সৈন্য দুই বৎসর বাবৎ ব্যর্থকাম হইতেছে; বৃটেনের কোটি কোটি পাউণ্ড এখানে জলের মত ব্যয় হইতেছে। কয়েকটি দেশজ্যোতী অপদার্থকে সম্মুখে রাখিয়া পাশ্চাত্য সাম্রাজ্যবাদীর সমরশক্তি যত অধিক পরিমাণে প্রাচ্যে নিয়োজিত হইবে, এখানে যুক্তিকামী জনগণের যত্নপূর্ণ দৃঢ়তা ততই বেশী প্রবল হইবে; তাহাদের ঐকান্তিক সমর্থনে নিরমিত সেনাবাহিনী ও গেরিলার জল অজের হইয়া উঠিবে। এইভাবে কোরিয়ায়, কম্বোডিয়ায়, ইন্দোচীনে, মালয়ে, ব্রহ্মদেশে এবং পরে ফিলিপাইনসে ও শ্রীলঙ্কে যদি পাশ্চাত্য শক্তিবৃন্দের সমররথের চাকা আটকাইয়া যায়, তাহা হইলে ফ্রেম্‌লিনের ঐ ব্যক্তিত্ব পাইপ মুখে শুভ্রিয়া বিক্রপের হাসি হাসিবেন; তাহার নাগাল কোরিয়ায় যেমন পাওয়া যাইতেছে না, প্রাচ্যের অস্ত্র কোনও অঞ্চলেও তেমনি পাওয়া যাইবে না। ঐ সময়ে পশ্চিম ইউরোপের কোনও কোনও দেশে গণ-বিক্ষোভ যদি সশস্ত্র অভ্যুত্থানে পরিণত হয়, তাহা হইলে ফ্রেম্‌লিনে সেদিন হয়ত উৎসবের আয়োজন হইবে।

প্রভাতী তারা

শ্রীসাবিত্রী প্রসন্ন চট্টোপাধ্যায়

বল দেখি, ফিরে এলে কতদিন পরে ?
আমার এ ঘরে
তোমারে ধরিয়া রাখি ছিলনাক হেন আয়োজন
ছিল না বাসর-সজ্জা, করিনিক কুসুম চয়ন ;
গন্ধদীপ ছিল নাক ; মাটির প্রদীপ ছিল জ্বালা ;
আর ছিল হৃদয়ের ডালা
পরিপূর্ণ কামনার কূলে ।
তুমি এসেছিলে ভুলে,

ভুলে যদি গিয়ে থাক চলে
সন্ধ্যাদীপ আজিও ত জ্বলিছে বিরলে
আলোকিয়া শূন্য মোর ঘর ;
বিরহ দুর্ভর
সেও ভালো ; বেঁচে থাক শুধু মোর আশা
মিলনের অশান্ত তিয়াসা
তীব্র হ’তে হোক তীব্রতর,
বিচ্ছেদ কামনা স্রোত হোক ধরতর ।

জাগ্রত আঁখির আগে শূন্য পথ ধরি
আবার যেদিন তুমি আসিবে সুন্দরী,
সাজিয়া নূতন সাজে নব অভিসারে—
সেদিন সে অঙ্ককারে
কঙ্কণে ধবনিয়া তুলি নবতন সুর
একান্ত নিকট করি’ দূরান্ত সুদূর
ডাক দিবে পরিচিত স্বরে,—
মনে হবে,—এলে যেন নব স্বয়ংঘরে ।

সেদিন আমার ঘরে ফুলের উৎসবে
গন্ধদীপ জ্বালি দিবে উৎসর্গের আনন্দ-গৌরবে ।
তবু জানি সে মিলন-রাত্রি অবশেষে
মলিন আননে ক্লেমে মূহু হাসি হেসে
নতনেত্রে চাহিবে বিদায় ।
কতক্ষণ ধ’রে রাখা যায়
প্রভাতী তারার দীপ্তি, কণহায়ী আয়ুর সমান
এই আছে, এই নাই, পলক মেলিতে অন্তর্ধান ।

দ্বারমণ্ডল



গরামশর বন্দ্যোপাধ্যায়

(পূর্বাত্মবৃত্তি)

অরুণার খুব বেশী দুর্ভোগ পোহাইতে হইল না। আই-বি ইনস্পেক্টর রণদাপ্রসাদ তাহাকে অল্পেই ছাড়িয়া দিল। রণদাপ্রসাদ এই জেলাতেই সাধারণ সাব-ইনস্পেক্টর হিসাবে কাজ শুরু করিয়া আপন কৃতিত্বে এখানকার আই-বি ইনস্পেক্টর হইয়াছে। সেদিক দিয়া কৰ্ম-জীবনের গোড়ার দিকে তাঁহার খ্যাতি এবং কৃতিত্ব এস-পি-সমশের খান এবং দারোগা দরবারী শেখের খ্যাতি ও কৃতিত্ব এক খাতের জল-স্রোতের মত স্বাদে বর্ণে পলির পরিমাণে একরকমই ছিল। কিন্তু সমশের খানের মুসলীম প্রীতি এবং হিন্দু বিদ্বেষ রণদাপ্রসাদকে সংপথে বা সত্যের পথের দিকে ঠেলিয়া দিয়াছে।

প্রথমেই দরবারী রণদাকে চটাইয়া দিল—সে খানার ইনস্পেকসন রুমে অরুণাকে হাজির করিয়া বলিল—দেখুন স্মার কি রকম ভোল পালটেছে দেখুন!

সপ্রশ্ন ভঙ্গিতে রণদা দরবারীর মুখের দিকে চাহিল। দরবারীর কথাটা ঠিক তাহার মাথায় ঢোকে নাই। দরবারী অরুণাকে বলিল—এখনও তো বুড়ী হও নি তুমি—এরই মধ্যে তপস্বিনী সাজলে যে?

অরুণার মুখ লাল হইয়া উঠিল। বক্যটা কোঁশলে ব্যবহার করিলেও—মূল প্রবাদ বাক্যে ব্যবহৃত ‘বেশ্যা’ শব্দটা তাহার মনে পড়িয়া গেল। তবু সে কঠিন হইয়া বসিয়া রহিল। রণদাবাবুও চকিত হইয়া দরবারীর দিকে চাহিল। রণদা নিজেও কথাটা ব্যবহার করিতে পারিত, ইহার পূর্বে এ অপেক্ষাও কুৎসিত কথা সে স্বচ্ছন্দে অনর্গল ব্যবহার করিয়া আসিয়াছে। কিন্তু আজ তাহার মুখ-চোখ লাল হইয়া উঠিল। সে বলিয়া উঠিল—আঃ দরবারী! তবে জোরে ধমক দিতে সাহস হইল না। কিছুক্ষণ পরেই সমশের খাঁ আসিতেছে। মনে পড়িয়া গেল—বৎসর দুয়েক আগে যখন জেলার ষড়যন্ত্র মামলা আবিষ্কারে

খাঁ মাতিয়া উঠিয়াছিল—সেই সময় একটা ছিঁচকে চুরিকেও সমশের সুকৌশলে ষড়যন্ত্র মামলার সঙ্গে গাঁথিয়া দিয়াছিল—সেই সময় রণদা বলিয়াছিল—এটা বাদ দিন—লোকে বলবে কি? না—না! সমশের তাঁহার মুখের দিকে চাহিয়া সোজা সহজ সুরে বলিয়াছিল—‘আমি দেখছি রণদাবাবু তোমাকে আবার সেই সাবইনস্পেক্টর-শিপেই রিভার্ট করতে হবে।’ এখন রণদাবাবু পাকা ইনস্পেক্টর—তবুও সমশের খানের মুখ মনে পড়িলে খানিকটা দমিয়া যাইতে হয়।

ওদিকে দরবারী ওইটুকু ধমকে দমিল না। সে বলিল—না স্মার চও আমি বরদাস্ত করতে পারি না। দেখুন না—খান কাপড় পরে—হাত শুধু ক’রে—রুখু চুলে এলোকেশী হয়ে একেবারে গোসাই ঠাকরণ সেজেছেন। মুসলমান হয়ে কলমা পড়ে বিয়ে করে—ফের হিঁচু হয়ে—

এবার রণদা দৃঢ় হইয়া ধমক দিল—দরবারী সাহেব ওগুলো আমাদের জিজ্ঞাসার বিষয় নয়। আপনি বাইরে যান, শুঁকে যা জিজ্ঞাসা করবার আমি করছি। যান—

এ-আদেশ লঙ্ঘন করিতে দরবারীর সাহস হইল না। দরবারী এখনও ঠিক আই-বি বিভাগের লোকও নয়। রণদার ব্যক্তিত্বও আছে।

দরবারী বাহিরে যাইতেই রণদা বলিল—কিছু মনে করবেন না। ওদের আসল রাগটা হ’ল আপনি মুসলমান ধর্ম অবলম্বন করে বিয়ে করে ফের হিন্দু হলেন কেন? এরা—। পুলিশ বিভাগের লোক না-হইলে রণদা হয় তো আরও অনেক কথা বলিয়া ফেলিত। সমশের খাঁ এখানকার এস-পি না হইলেও বলিত। নিজেদের দলের লোক এস-পি হইলেও বলিত। প্রাণ ভরিয়া—পেট খোলসা করিয়া বলিত। আত্মদমন করিয়া কয়েক মুহূর্ত চুপ করিয়া রহিল—তারপর বলিল—কি বলব বলুন? এর

জন্মে দায়ী হচ্ছেন আপনারা। কংগ্রেস, রেভলিউসনারী পার্টি। স্বাধীনতা—স্বাধীনতা রব তুলে হুক করে—আন্দোলন করে আর বোমা পিস্তল ফুটিয়ে দেশটাকে এদের হাতে তুলে দিতেন না। আপনারাই এর জন্মে দায়ী!

অরুণা বসিয়া ছিল পাথরের মত। প্রথম বয়সে—অর্থাৎ সে যখন কুমারী অবস্থায় তাহার দাদার সঙ্গে এই দলে যোগ দিয়াছিল—তখন—দুইবার তাহাকে কলিকাতার আই-বি আপিসে ঘাইতে হইয়াছিল। তখন সে মুখে তুবড়ী ফুটাইয়াছিল। দু-মাস পূর্বে হইলেও সে কাটা কাটা জবাবই দিত। কিন্তু এই দু-মাসে সে একেবারে পান্টাইয়া গিয়াছে; দেখিলে মনে হয় যে—একটা কঠিন জীবন-সঙ্কট রোগে ভুগিয়া—তাহার ধাতুটাই পান্টাইয়া গিয়াছে। রণদার কথার জবাবে সে এতক্রমে কথা বলিল—আমি কংগ্রেসের মেম্বর পর্যন্ত নই; বোমা-পিস্তল ছুঁড়ে যারা স্বাধীনতা আনবেন—তাদের সঙ্গেও আমার কোন সংশ্রব নেই!

আজ না হইয়া অন্তদিন হইলে রণদা টেবিলে একটা কিল মারিয়া হকার ছাড়িয়া উঠিত। স্ত্রীকামি, প্যাচ কথিয়া উত্তর সে আদৌ সহ্য করিতে পারে না। আজ কিন্তু তাহার মেজাজ আলাদা। সে এই হিন্দুকণ্ঠটিকে কোন রকমে ছাড়িয়া দিতে পারিলে বাঁচে। অরুণার উত্তরে মুখ একটু বিকৃত করিয়া সে বলিল—তা জানি, আপনারা আবার কমিউনিষ্ট! বলিতে বলিতে সে ফেপিয়া উঠিল—বলিল—আপনারা আবার জাত মানেন না, ঈশ্বর মানেন না। হুঁ—তাইতেই এমন ভাবে মুসলমান হ'তে বাধে নি। কিন্তু—সত্যিই তো দরবারী মিথ্যে বলে নি—আবার মরতে হিন্দু হলেন কেন?

অরুণা বলিল—এ কথার উত্তর আমি দেব না।

—দেব—না? ছয় ফুট লম্বা জোয়ান রণদা চেয়ারে দেহখানাকে শিথিল করিয়া বসিয়াছিল। সে সহসা চল্লিশ ইঞ্চি ছাতি খানাকে ফুলাইয়া—সোজা হইয়া বসিল।

হাঁকটা বাহির পর্যন্ত গিয়াছিল। দরবারী দরজার গোড়ায় আগাইয়া আসিল। পদশব্দে রণদা ঘুরিয়া তাকাইতেই বলিল—দেখছেন স্মার—ত্যাঁদডামী!

রণদা ঘুরিয়া অরুণাকে বলিল—আপনি তা হ'লে

অরুণা সেন? বিশ্বনাথ ভট্টাচার্যকে মুসলমান হয়ে বিয়ে করেছিলেন। ফের হিন্দু হয়ে এখন অরুণা ভট্টাচার্য হয়েছেন?

—হ্যাঁ। এ তো গোপন করি নি আমি।

—করেছেন। এখানে যখন গার্লস ইন্সকুলে কাজ নেন—তখন এ পরিচয় দেন নি। স্বামীর নাম লিখেছেন—বিশু ভট্টাচার্য।

—আমার স্বামী ওই নামই ব্যবহার করতেন। বিশ্বনাথ বলতেন না নিজেকে। আর এখানকার কেউ আমাকে কোন প্রশ্নও করেন নি। এ দেশে শুধু 'বিশু' বলে কেউ নাম লেখে না, তবুও কেউ প্রশ্ন করেন নি, 'বিশু' লিখেছেন কিন্তু পুরো নাম কি?

—হুঁ। আপনি কমিউনিষ্ট?

—এ যুগে সাধারণ শিক্ষিত লোকে সবাই চায় কমিউনিজম সম্মত ব্যবস্থা।

—তা—না। আপনি কমিউনিষ্ট পার্টির মেম্বর?

—না। একটা দীর্ঘনিশ্বাস ফেলিল অরুণা। মিথ্যা তাহাকে বলিতে হইল।

—আপনার স্বামী? বিশ্বনাথ তো মেম্বর ছিলেন?

—আপনারা আমার চেয়ে অনেক বেশী জানেন দেখছি—

—তার মানে?

—তার মানে—আপনারা যা বলেছেন, যা জেনেছেন—সে সব কথা আমি তো জানি না। তা ছাড়া, আমি তো নিজেকে কোন রাজনৈতিক দলে কখনও যোগ দিই নি। আমার দাদা অবশ্য জেল খেটেছেন, ডেটিয়া ছিলেন; তাঁর বন্ধু ছিলেন আমার স্বামী সেই হিসেবেই তাঁর সঙ্গে আমার পরিচয় হয়—সেই পরিচয় ক্রমে—

খামল অরুণা। মুখে বোধ হয় বাধল। একটু থেমেই বললে—শেষ বিয়ে করি ছুজনে।

—হুঁ। মুসলমান হয়েছিলেন কেন? হিন্দু থেকেও তো বিয়ে করতে পারতেন। দশ বিশটাতেও তো বাধা নেই।

—ও কথার জবাব দেব না। একবার তো বলেছি।

—না দেন দরকার নেই জেনে। এখন যেতে পারেন আপনি।—না—আর একটা কথা। এখানকার দেব

ঘোষই আপনাকে এখানে এনেছিল এ কথা কি ঠিক ?
এবং তার সঙ্গে আপনার এত হুতাশই বা কিসের ?

—উনি আমার স্বামীর বন্ধু. আমার স্কুলের সেক্রেটারি
মিস্ট্রিস স্বর্ণের স্বামী, পাশাপাশি বাসায় থাকি। সজ্জন
ব্যক্তি। এই পর্যন্ত। উনি আমাকে চাকরীর খবরটা
দিয়েছিলেন। আমি ঠুকে লিখেছিলাম—আমার স্বামীর
দেশে থাকতে চাই।

—আচ্ছা যান আপনি। বলিয়াই গলা নামাইয়া
মুহুরে তাড়াতাড়ি কি বলিতে গেল, তাও না বলিয়া একটা
কাগজে খসখস করিয়া কি লিখিয়া—কাগজটার দিকে
অরুণার দৃষ্টি আকর্ষণ করিল। অরুণা দেখিল—রগদা
লিখিয়াছে—“এখান থেকে পত্রপাঠ চলে যান, সমশের
খানের হাত থেকে বাঁচা বোধ হয় অসম্ভব।” কাগজখানা
সঙ্গে সঙ্গে হাতের মুঠায় তালগোল পাকাইয়া ছোট্ট একটা
গোল পিণ্ডে পরিণত করিয়াও ক্ষান্ত হইল না রগদা শেষে
সেটাকে মুখে পুরিয়া চিবাইতে শুরু করিল।

অরুণা উঠিয়া দাঁড়াইল।

—দাঁড়ান। আর একটা কথা।

অরুণা জবাব দিল না, প্রশ্নের প্রতীক্ষা করিয়া
দাঁড়াইল।

রগদা বলিলেন—থাকবেন কোথায় ? নিজের বাসাতেই
থাকবেন তো ?

অরুণা বলিল—হ্যাঁ।

—থাকবেন ক’ দিন ?

অরুণা সবিস্ময়ে রগদার দিকে অসঙ্কোচে তাকাইয়া
রহিল—তারপর বলিল—আমি তো এখানে চাকরী করি—

—আপনি তো রেজিগনেশন দিয়েছেন। চার্জ
বুঝিয়ে দিতে এসেছেন। রগদার দৃষ্টিতে ইঙ্গিত ফুটিয়া
উঠিল—‘এখান থেকে পত্রপাঠ চলে যান’।

অরুণা শূন্য দৃষ্টিতে চাহিয়া কি যেন ভাবিয়া লইল—
যেন নিজের মনের সঙ্গে একটা বুঝাপড়া করিয়া লইল ;
তারপর সেই শূন্য দৃষ্টি রগদাবাবুর মুখের উপর তুলিয়া
ধীরে ধীরে একটা একটা করিয়া কয়েক শব্দ বলিয়া গেল,
অসংলগ্ন হইল—কিন্তু সুস্পষ্ট অর্থ এবং দৃঢ়তায় তাহার সে
উত্তর রগদাকে বিস্মিত এবং নিরুত্তর করিয়া দিল। অরুণা
বলিল—আমি—রেজিগনেশন—উইদড় করব।

নিরুত্তর রগদার বিস্মিত দৃষ্টিতে প্রশ্ন ফুটিয়া উঠিল—
আমি যে কথা তোমাকে লিখে জানালাম—তার পরেও
থাকতে চাও এখানে ?

নারী না হইয়া পুরুষ হইলে—রগদা মুহুর্তে উঠিয়া
দাঁড়াইয়া গালে অন্তত প্রচণ্ড একটা চপেটাঘাত কবাইয়া
দিত। নারী—আবার অরুণা না হইয়া—অল্প কেহ
হইলে সমশের দরবারীর সঙ্গে বিরোধটা—সুস্পষ্টরূপে হিন্দু
মুসলমান বিরোধের ভিত্তির উপর গজাইয়া না উঠিলে রগদা
ছাড়িত না। দাঁতে দাঁতে ঘষিয়া গালাগালি করিয়া টেবিল
চাপড়াইয়া কাণ্ড বাধাইয়া তুলিত। উনিশশো সাতাশ
আঠাশ হইতে বিপ্লবীদের দলে মেয়েরা ঢুকিতে শুরু
করিয়াছে—আই বি বিভাগের কর্মচারী রগদাকে মেয়েদেরও
শায়েস্তা করার অভ্যাস আয়ত্ত করিতে হইয়াছে, সে—
অভ্যাস তাহার আছে। কিন্তু অরুণা মেয়েটি আজ অভিনব
মুষ্টি লইয়া তাহার সম্মুখে দাঁড়াইয়াছে। নিরুচ্ছ্বসিত
অথচ অনমনীয়—একটি মেয়ে। সে অবাধ হইয়া অরুণার
মুখের দিকে চাহিয়া রহিল।

দরবারী একখানা হুকুম নামা আনিয়া রগদার সম্মুখে
ধরিল। পুলিশ সাহেবের সই করা—হুকুম নামা ; নিয়মিত
ভাবে সপ্তাহে দুইদিন খানায় হাজিরা দিতে হইবে ;
কোথাও যাইতে হইলে জানাইতে হইবে—ইত্যাদি। হুকুম-
নামাটায় অরুণার নাম বসাইয়া লইয়া আনিয়াছে দরবারী।

রগদা সেখানা নিজের হাতেই রাখিয়া দিল, বলিল—
আচ্ছা যান আপনি। বলিয়াই আবার বলিল—চলুন—
বাইরে আমি পৌছে দিচ্ছি।

অরুণা অগ্রসর হইল। দরজার কাছে গিয়া কিন্তু
থমকিয়া দাঁড়াইল। দরজার একটা বাজু ধরিয়া যেন
আত্মসম্বরণ করিতেছিল। . রগদা প্রশ্ন করিল—কি হল ?

—কিছু না। কেমন একটু—

—অসুস্থ বোধ করছেন ?

—না। ঠিক আছে। সে আবার পা বাড়াইল।

—জল খাবেন ?

—না। সে অগ্রসর হইল।

* * *
বাহিরে সুরপতি চেয়ারে বসিয়াছিল। ঠুকে
বসিয়াছিলেন—শায়রুল্লাহ তাঁহার পাশে দেবকী সেন।

তাঁহাদের কাছেই বসিয়াছিল স্বর্ণ। গৌর দাঁড়াইয়া আছে রাস্তার উপরে। নেলো বসিয়া কাঠি দিয়া মাটির উপর একটা ছবি আঁকিতেছে।

ওদিকে বেলা গড়াইয়া আসিয়াছে। শেষ অপরাহ্নের সূর্যের আলোয় লালচে রেশ ফুটিয়া উঠিয়াছে, সেই আলো পরিপূর্ণ ভাবে পড়িল অরুণার সর্বাঙ্গে। পশ্চিমমুখী খানাটার বারান্দাটি যেমন দাওয়া উচু—তেমনি প্রশস্ত।

সুরপতি চকিত হইয়া উঠিয়া দাঁড়াইল, বলিল—কি ? মিসেস ভটচাজ্জি—?

দেবকা সেনও উঠিয়া দাঁড়াইয়াছিল—সেও বলিল—কি হয়েছে ? অরুণা দেবী ?

স্বর্ণের দৃষ্টি যেন জ্বলিতেছিল। এ কি মুখ হইয়াছে অরুণা দিদির ? সে যেন এখনি এই মুহূর্তে ভাঙিয়া মাটির উপর লুটাইয়া পড়িয়া যাইবে।

শ্রায়রত্ন ধীরে ধীরে উঠিয়া দাঁড়াইলেন। শাস্ত বার্কক্য দুর্বল কর্তে ডাকিলেন—দিদি !

অক্ষুটস্বরে অরুণা সবিস্ময়ে যেন প্রশ্ন করিয়া উঠিল—আপনি ? অর্থাৎ আপনিও আসিয়াছেন ? আমার জ্ঞান ?

স্বর্ণ আসিয়া তাহার হাত ধরিল—বলিল—অরুণাদি ? ওইটুকুর মধ্যে অনেক প্রশ্ন নিহিত ছিল—এবং সেগুলি সুস্পষ্ট।

অরুণা পূর্বের মতই ক্রান্ত কর্তস্বরে বলিল—ছাড়।

—কি হয়েছে বলুন ? স্বর্ণের কর্তস্বর প্রদীপ্ত, রি-এনফোর্সড কংক্রিটের ছাদের গায়ে প্রতিধ্বনিত হইয়া রণ রণ করিয়া বাজিয়া উঠিল।

রণদাবাবু বলিলেন—উনি বোধ হয় অসুস্থ হয়ে পড়েছেন। গোড়া থেকেই কেমন যেন দেখাচ্ছিল। হঠাৎ—এই বেরিয়ে আসবার মুখে—এ রকম হয়ে গেলেন।

স্বর্ণ বলিল—বলুন—আপনি—বলুন।

—না, ছাড়, দাতুকে প্রণাম করব।

অরুণা গিয়া নতজানু হইয়া বসিয়া শ্রায়রত্নকে প্রণাম করিল।

শ্রায়রত্ন তাহার মাথায় হাত দিয়া বলিলেন—ওঠ। নিজেই তিনি হাত বাড়াইয়া দিলেন, বোধহয় অরুণাকে হাত ধরিয়া তুলিবার জ্ঞান ! অরুণা বলিল—আমি নিজেই উঠতে পারব।

হাসিয়া শ্রায়রত্ন বলিলেন—না। এ ব্যসে কাউকে ধরে তুলবার সামর্থ্য আমার নাই ভাই। আমি—। বলিয়াই অরুণার ললাট স্পর্শ করিয়া বলিলেন—তুমি অসুস্থ ?

অরুণা ক্রান্ত ভাবেই উঠিয়া দাঁড়াইল। বলিল—না—দাতু !

সুরপতি একটু অগ্রসর হইয়া আসিল—বলিল—আপনার মুখ দেখেই বুঝা যায় মিসেস ভটচাজ্জি।

দেবকী বলিল—আপনি বরং একটু বিশ্রাম করুন। বসুন।

স্বর্ণ বলিল—গৌর, দেখ তো, ষ্টেশনে গরুর গাড়ী আছে কিনা ?

শ্রায়রত্ন অরুণার মুখের দিকে তাকাইয়া ছিলেন, বার্কক্য স্তিমিত দৃষ্টিতে অরুণাকে দেখিয়া বুঝিতে চাহিতে ছিলেন। তিনি বলিলেন—সত্যই তো। তোমার মুখে যে—কোন ছরস্তু ক্রেশের ছাপ ফুটে উঠেছে !

—না—দাতু—না। অরুণা যেন হাঁপাইয়া উঠিয়াছে।

সে সিঁড়ি দিয়া নামিতে সুরু করিল। এখন হইতে পালাইতে পারিলে সে যেন বাঁচে।

—দাঁড়ান অরুণাদি, এমন ক'রে ছুটবেন না। পড়ে যাবেন।

—না। পড়ব না।

—দিদি !

অরুণা সিঁড়ির শেষ ধাপে ফিরিয়া দাঁড়াইল।

দেবকীর হাত ধরিয়া শ্রায়রত্ন ধীরপদক্ষেপে সিঁড়ি নামিয়া কাছে আসিয়া বলিলেন—একটু ধীরে চল ভাই। যতক্ষণ এক সঙ্গে চলা যায়—এক সঙ্গেই যাই চল।

স্বর্ণ বলিল—বলুন অরুণাদি কি হয়েছে বলুন। সকলের সামনে এখনি বলুন। বলতে হবে আপনাকে। ওঁদের অসাধ্য তো কিছু নাই। বলুন !

অরুণা এবার বিচিত্র দৃষ্টিতে স্বর্ণের দিকে চাহিয়া বলিল—আজ একাদশী স্বর্ণ।

অন্ধকার রাতে অতুল্য আলোয় ভরিয়া দিয়া একটি উদ্ধাপাত হইয়া গেল যেন। চমকিয়া উঠিল সকলেই—সঙ্গে সঙ্গে মুগ্ধ বিস্ময় ফুটিয়া উঠিল সকলের দৃষ্টিতে। শুধু স্বর্ণ বলিল—প্রশ্ন করিল—একাদশী ?

—হ্যাঁ!

—নির্জলা?

—না। তা পারব না। প্রয়োজনও নেই।

—ধান কাপড়ও পরেছেন দেখছি।

এ কথার উত্তর দিল না অরুণা। নতমুখে ক্রান্ত-
পদক্ষেপে স্তায়রত্ন ও দেবকী সেনের সঙ্গে অগ্রসর হইল।

স্বরপতি রণদার মুখের দিকে চাহিয়া মুচকি হাসিয়া
বলিল—মাই গড!

রণদা ললাটের কুঞ্চন রেখায় প্রশ্ন উত্থাপিত করিয়া
স্থির দৃষ্টিতে অরুণাকে দেখিতেছিল। উত্তর আবিষ্কার
করিতে চাহিতেছিল। স্বরপতির প্রশ্নে তাহার দিকে
ফিরিয়া সেও মুচকি হাসিল। সঙ্গে সঙ্গে দুই কাঁধে আগ

করিয়া হাত দুইটা উন্টাইয়া দিয়া বলিতে চাহিল—কে
জানে বাবা!

ধানার দাওয়ার উপর হইতেই দাওয়ায় ঠেসানো
সাইকেলখানায় চাপিয়া বসিয়া প্যাডেলে চাপ দিয়া চালাইয়া
দিয়া স্বরপতি রণদাকে বলিল—আচ্ছা। চলি এখন।
হবে দেখা পরে।

সেও চলিল—অরুণা স্তায়রত্ন দেবকী সেন বে পথে
গিয়াছে—সেই পথে। প্রশ্ন তার মনেও জাগিয়াছে।
একাদশী করিয়াছে অরুণা? আবার সে আপন মনে
মুচকি হাসিল।

ধান কাপড় পড়িয়াছে—একাদশী করিয়াছে। অরুণা
ভটচাজ? (ক্রমশঃ)

বৌদ্ধযুগে দাসত্ব

শ্রীসন্তোষকুমার বন্দ্যোপাধ্যায়

পুরাকালে পৃথিবীর সকল দেশে দাস প্রথার প্রচলন ছিল। শুধু যে
ভারতবর্ষেই এই প্রথা সীমাবদ্ধ ছিল তাহা নহে, তুরস্ক, মিশর, পারস্য,
গ্রীস, রোম, চীন প্রভৃতি দেশেও ইহা আরও কঠোরভাবে ছিল।
নরনারীকে পশুর স্থায় বাজারে বিক্রয় করা হইত। ধনী, শিক্ষিত
এবং গণ্যমান্ত ব্যক্তির ইহাদিগকে হীন চক্ষে দেখিত। আবার
উদারচেতা ব্যক্তির ইহাদের ভালবাসিত।

গ্রীক রাজদূত মেগাস্থিনিস যখন ভারতবর্ষে আসেন তখন এই দেশে
দাসদাসীর ব্যবস্থা অনেকটা নিয়মাবদ্ধ ছিল। তখন অস্ট্রাছ দেশে
ইহার অত্যন্ত নির্ধাতিত হইত। প্রাচ্য এবং পাশ্চাত্য দেশের অনেক
মহাপুরুষ এই প্রথার অশেষ নিন্দা করিয়াছেন। কোটিল্যের অর্থশাস্ত্রে
আমরা দেখিতে পাই আর্থোর দাসত্বের বিরোধী ছিলেন। কিন্তু
য়েচ্ছরা তাহাদের পুত্রকন্যাদের এই কাজে নিযুক্ত করিবার জন্ত
গৃহে প্রতিপালন করিয়া বাজারে বিক্রয় করিত। অত্যাচারী লোকদের
হাত হইতে ইহাদিগকে রক্ষা করিবার জন্ত কতকগুলি নিয়ম ও
শাস্তির বিধান ছিল। ইহাদিগকে মৃতদেহ বহন, মলমুত্রাদি পরিষ্কার
প্রভৃতি নীচ কাজে নিযুক্ত করিলে, ইহাদিগকে উলঙ্গ অবস্থায় রাখিলে,
মিথ্যা গালাগালি করিলে, প্রহার করিলে, কোন দাসীর জোরপূর্বক
সতীত্বনাশ করিলে, পাশবিক অত্যাচারীকে সাহায্য করিলে বিশেষ
শাস্তির ব্যবস্থা ছিল। দাসদাসী যদি তাহার ক্রীতমূল্য প্রভূকে ফিরাইয়া
দিত তাহা হইলে সে এই বন্ধন হইতে মুক্তি পাইত। যদি কোন প্রভূ
তাহা সবেও তাহাকে মুক্তিদান না করিত তাহা হইলে ঐ প্রভূকে শাস্তি
পাইতে হইত। কোন প্রভূ যদি তাহার গর্ভবতী দাসীর কোন

ব্যবস্থা না করিয়া তাহাকে অন্তের নিকট বিক্রয় বা বন্ধক দিত, এই
অস্ট্রাছ কার্যের জন্ত উভয়কেই শাস্তি পাইতে হইত। মুক্ত দাসদাসীকে
যদি কেহ আবার বিক্রয় করিত বা বন্ধক দিত তাহাকেও শাস্তি
পাইতে হইত। শাস্তির নিয়মানুসারে দাসদাসীকে ক্রীতমূল্যের সহিত
আরও কিছু অর্থ দিতে হইত এবং রাজসরকারে দ্বিগুণ অর্থ-
দও দিতে হইত।

যবন, কাষোজ, গাঙ্কার, সীমান্ত প্রদেশ ও উত্তর পশ্চিম প্রদেশের
সমাজে প্রভু ও ভূত্যের মধ্যে বিশেষ ব্যবধান ছিল : ইহার উল্লেখ
নিকায় ও মহাভারতে পাওয়া যায়। বিদুরপণ্ডিত জ্ঞাতক হইতে জানা
যায় দাসদাসীর চারি শ্রেণীতে বিভক্ত ছিল—(১) যাহারা দাস ও
দাসীর গর্ভজাত, (২) অর্থের বিনিময়ে যাহারা বিক্রীত হইত,
(৩) আইন অমান্তকারীকে দাসত্ব কল্পিতে হইত, (৪) যাহারা
স্বইচ্ছায় দাসত্ব গ্রহণ করিত। মনুসংহিতার মতে ইহাদিগকে সাত
ভাগে বিভক্ত করা হইয়াছে—(১) যুদ্ধে পরাজিত ও ধৃত বন্দীগণ,
(২) যাহারা নিজেদের জীবিকা নির্বাহের জন্ত দাসত্ব করিত,
(৩) যাহারা গৃহে জন্মগ্রহণ করিত, (৪) যাহারা বিক্রীত হইত,
(৫) যাহাদিগকে অপরের নিকট দান করা হইত, (৬) পুরুষানুক্রমে
যাহারা দাসত্ব করিত, (৭) আইনানুসারে যাহারা দাসত্ব করিতে
বাধ্য হইত।

অর্থশাস্ত্রে দশ প্রকার দাসদাসীর কথা আছে এবং নারদস্মৃতিতে
ইহারও বেশী সংখ্যার উল্লেখ দেখিতে পাওয়া যায়। বৌদ্ধ জাতকে
দাসদাসীর বিক্রয়ের উল্লেখ পাওয়া যায়। পালি অপদান গ্রন্থ হইতে

ইহাদের বিয়য় অনেক কিছু জানা যায়। সাধারণতঃ পুরুষানুক্রমে ইহাদের পুত্রকন্যারা দাসদাসীর কাজ করিত। বাড়ীতে ইহারা রন্ধন কার্য করিত, বাজার করিত, জল আনিত, ধান ভানিত, চাউল তৈয়ার করিত, তিকা দিত, খাবার সময় প্রভুকে বাতাস করিত, গোমাল পরিষ্কার করিত, চাষের কাজ করিত, প্রভৃতি যাবতীয় গৃহস্থালী কাজ করিতে হইত। রোমের ক্রীতদাস ও ক্রীতদাসীর স্থায় ইহাদের উপর প্রভুদের সম্পূর্ণ অধিকার ছিল এবং ইহারা গৃহস্থামীর সম্পত্তির মধ্যে গণ্য হইত। বৌদ্ধ গ্রন্থে আরও দেখিতে পাই ইহাদিগকে অপরের নিকট দান করা হইত। ইহাদের নিজস্ব স্বধা এবং স্বাধীনতা বলিয়া কিছুই ছিল না। এমন কি বিবাহ করিতে হইলে প্রভুদের মত লইতে হইত।

যেমন একদিকে এইরূপ নিষ্ঠুর প্রকৃতির প্রভু ছিল, আবার স্নেহান্বিত পিতার স্থায় কতকগুলি প্রভু এই সব অসুখ, নিপীড়িত ক্রীতদাস ও ক্রীতদাসীকে ভালবাসিতেন, স্নেহ করিতেন, ইহাদের দুঃখ বুঝিতেন এবং সেই দুঃখ মোচন করিবার চেষ্টা করিতেন। বিবেকবুদ্ধি সম্পন্ন প্রভুরা এই সকল দাসদাসীকে নিজেদের সংসারের স্ত্রী, পুত্র কন্যা ও আত্মীয়দের মধ্যে স্থান দিতেন। ইহাদের সুখ দুঃখের কথা শুনিতেন প্রয়োজন হইলে ইহাদের সুপারামর্শ গ্রহণ করিতেন। ইহাদিগকে উন্নত করিবার জন্ত নিজেদের পুত্রকন্যাদের স্থায় লেখাপড়া ও শিক্ষাকার্য্য শিখাইতেন। প্রভুর সুখ দুঃখে ইহারা জড়িত ছিল। প্রভুদের রন্ধনাদি করিয়া দিত, বেশ পরিধান কাজে সাহায্য করিত, গৃহ পরিষ্কার এবং নানাপ্রকার গৃহকাজ করিত। তথাপি প্রভুরা ইহাদের অপবিত্র বলিয়া ঘৃণা করিতেন না। এই অশিক্ষিত অসুন্নত, নিম্নশ্রেণীর দাস দাসীর সাহায্যে সমাজে স্থান পায় সেজন্ত চেষ্টা করিতেন। মহাপ্রাণ প্রভুরা ইচ্ছা করিলে ইহাদের এই দাসত্ব বন্ধন হইতে মুক্তি দিতে পারিতেন। দানবীর শ্রেষ্ঠী অনাথপিশুকের কোন এক ক্রীতদাসীর কন্যা তর্কে ব্রাহ্মণকে পরাস্ত করিয়া মুক্তি পাইয়াছিল। অসুন্নত সমাজের এই সকল মেয়েদের সহিত উচ্চতর সমাজের পুরুষদের বিবাহের উল্লেখ বৌদ্ধ সাহিত্যে পাওয়া যায়। কোশলের রাজা প্রসেনজিৎ মল্লিকা নামে এক ক্রীতদাসীর কন্যাকে বিবাহ করিবার পূর্বে তাহার প্রভুর অনুমতি লইয়াছিলেন।

যাহারা যুদ্ধে পরাজিত বা ধৃত হইত, বিচারে যাহাদের প্রতি মৃত্যুদণ্ডের আদেশ হইত, কিংবা যাহারা ঋণগ্রস্ত হইয়া পড়িত, তাহারা দাসত্ব করিতে বাধ্য হইত। আবার অনেকে স্বতঃ প্রবৃত্ত হইয়া দাসত্ব করিত। একটি পরমাসুন্দরী যুবতী রণক্ষেত্রে বন্দিনী হইয়া দাসত্ব অবলম্বন করিতে বাধ্য হইয়াছিল। দাস দাসীর দুঃখ কষ্টের পরিসীমা ছিল না। অতি সামান্ত দোষে ইহাদিগকে কঠিন শাস্তি পাইতে হইত। কোন এক গৃহস্থের স্ত্রীর কাছে কালী নামে একটা ক্রীতদাসী ছিল। সে সমস্ত কাজ অতি সুচারুরূপে করিত। একদিন বুম হইতে উঠিতে তাহার দেহী হয়, সে জন্ত গৃহকর্তা তাহার উপর বড়ই বিরক্ত হন। পরদিন সে আবার দেহী করিয়া উঠিলে তিরস্কৃত হয়। তৃতীয় দিন আরও দেহী করিয়া উঠিলে গৃহকর্তা রাগান্বিত হইয়া কালীকে এরূপ প্রহার করে যে তাহার মাথাটি একেবারে ভাঙ্গিয়া যায়। ক্রীতদাসের অপেক্ষা ক্রীতদাসীর অবস্থা আরও শোচনীয় ছিল। গৃহজাত দাস-

দাসীর মধ্যে বিরনীর নাম পাওয়া যায়। দাসী সুলক্ষী হইলে অপরকে উপহার স্বরূপ দান করা হইত। সুবিধা পাইলে দাস দাসীরা মনিবের অর্থ ও জিনিষ পত্র চুরি করিত। অনেকে এই অত্যাচার সহ্য করিতে না পারিয়া সুযোগের প্রতীক্ষায় থাকিত। মুক্ত ও স্বাধীন জীবন যাপনের জন্ত, অত্যাচারী ও নিষ্ঠুর প্রভুদের হাত হইতে নিষ্কৃতি পাইবার জন্ত, দাসত্ব বন্ধন ছিন্ন করিবার জন্ত, নিজেদের প্রাণ বাঁচাইবার জন্ত, ইহারা প্রভুর বাটি হইতে পলায়ন করিত।

কেবল যে রাজা ও ধনীরা ক্রীতদাস ও ক্রীতদাসী রাখিত তাহা নহে—ব্রাহ্মণেরা, শ্রমণেরা, গ্রামবাসীরা, কৃষকেরা সকলেই তাহাদের কাজের জন্ত ইহাদিগকে নিযুক্ত করিত। বৌদ্ধগ্রন্থে দেখিতে পাই অত্যাচারী লোকদিগকে রাজার আদেশে দাসত্ব করিতে হইয়াছিল। কোনও এক গ্রামের মোড়ল রাজার সম্মুখে গ্রামের লোকজনের বিরুদ্ধে মিথ্যা নিন্দা করার ফলে দাসত্ব গ্রহণ করিতে বাধ্য হইয়াছিল। এমন কি রাজমন্ত্রীরাও হিংসাবশতঃ যদি অশ্রয় করিতেন কিংবা অশ্রয় কাজের সাহায্য করিতেন তাহা হইলে তাহাদের শাস্তি স্বরূপ দাসত্ব করিতে হইত। ইহা হইতে বেশ বুঝা যায় যে সমাজে দাসত্ব অতি ঘৃণ্য ও নীচ কাজ বলিয়া পরিগণিত হইত।

অহিংস ধর্মের প্রবর্তক মহামানব বুদ্ধদেবের বাণী জনগণের হৃদয়ে এক নূতন আলোকের সন্ধান দিয়াছিল। এই হৃদয়হীন দাস প্রথা সমাজ হইতে দূরীভূত করিতে তিনি বহু চেষ্টা করিয়াছিলেন, কারণ তাঁহার ধর্মের মূলমন্ত্র ছিল বিশ্বপ্রেম ও বিশ্বভ্রাতৃত্ব। মানবের মুক্তিকামী বুদ্ধদেব দাসত্বকে কারা-যন্ত্রণা-ভোগ, ঋণ, রোগ, এবং কণ্টকাকীর্ণ পথের সহিত তুলনা করিয়া বলিয়াছেন, ইহা অতীব কষ্টকর এবং দুঃখপ্রদ কার্য্য। তাঁহার অমৃত বাণী বহু অসুন্নত দাস দাসীর চরিত্র গঠনে সহায়তা করিয়াছিল। বৌদ্ধ সংঘে ক্রীত দাস দাসীর ও ঋণগ্রহ ব্যক্তির স্থান ছিল না। তিনি উপাসকদের দাস দাসী ক্রয় ও বিক্রয় করিতে নিষেধ করিয়াছিলেন। হতভাগ্য দাস দাসীদের অবস্থার উন্নতির জন্ত বুদ্ধদেব সৎ গৃহস্থকে অতি প্রয়োজনীয় পাঁচটি কর্তব্য প্রতিপালন করিতে উপদেশ দিয়াছিলেন—(১) শক্তি এবং সামর্থ্যানুযায়ী ইহাদিগকে কার্য্যে নিযুক্ত করিবে, (২) ইহাদিগকে উপযুক্ত খাদ্য এবং বেতন দিবে, (৩) পীড়িত হইলে ইহাদিগের শুশ্রূষার ব্যবস্থা করিবে। (৪) নিজেদের মুখরোচক ও ভাল খাদ্য হইতে ইহাদিগকে ভাগ দিবে, (৫) মধ্যে মধ্যে ইহাদিগকে ছুটি উপভোগ করিতে দিবে।

প্রাচীন ভারতে সমাজে দাসত্ব ছিল এবং দাস দাসীর সংখ্যা ক্রমশই বর্ধিত হইয়াছিল, কিন্তু তাহাদের অবস্থার বিশেষ কোন উন্নতি দেখা যায় না। বহু কষ্টকর কার্য্য হইলেও বৌদ্ধযুগে দাসত্বের অস্তিত্ব বিলুপ্ত হয় নাই।^১

১। এই প্রবন্ধ প্রণয়ন কালে যে সমস্ত পুস্তক হইতে আমি বিশেষ সাহায্য পাইয়াছি তাহার তালিকা প্রদত্ত হইল :—বুদ্ধিষ্ট, ইণ্ডিয়া (রিভিউ ডেভিডস্), অর্থশাস্ত্র (শ্রাম শাস্ত্রী), এনসিয়েন্ট ইণ্ডিয়া (ম্যাক্ ক্রিঙ্গল), মহিম নিকায়, পপঞ্চসুদানি, বিনয় পিটক, মনুসংহিতা, অঙ্গুত্তর নিকায়, অপদান, আচারঙ্গসূত্র, ধর্ম্মপদ ভাষ্য বিনয়বত্তু ভাষ্য, দীঘ নিকায়, মহাবংশ ইত্যাদি।

সেইসেই

নারায়ণ গঙ্গাপাধ্যায়



—তেরো—

প্রায় দুহাজার লোক জড়ো হয়েছে শাহুর কাছারীর সামনে।

একদল লোক যথাসাধ্য সেজে গুজে এসেছে—যেন ইদের নামাজের জমায়েৎ। আর একদল উঠে এসেছে সোজা ক্ষেত থেকে, তাদের গায়ে লাল মাটির স্বাক্ষর। খড়ি-ওড়া রুক্ষ শরীর—তেলের অভাবে জমাট বাঁধা লাল চুল; হাতে হাঁসুয়া আছে, লাঠিও আছে। ময়লা গামছায় বেঁধে চিঁড়ে মুড়ির নাস্তাও নিয়ে এসেছে কেউ কেউ—সঙ্গে আছে টিনের চৌকো দেশী লঠন। অনেক দূবে যেতে হবে—কত রাত হবে ফিরতে, কে জানে। আর বলা যায় না—জমায়েতের পরে হয়তো গানের ব্যবস্থাও থাকতে পারে—এমন আশাও কারো কারো মনে স্থান পেয়েছে। রাতটা মন্দ কাটবেনা তা হলে।

আর আছে জনকয়েক চৌকিদার। নিজেদের ভাগিনেই তারা এসে জুটেছে। রং-জলে-বাওয়া উর্দির ওপর চকচক করছে পেতলের চাপরাশ—এই বিশেষ উপলক্ষ্যটির জন্তেই মেজে ঘষে তাদের পরিষ্কার করা হয়েছে। অনাহুতভাবেই সভার শাস্তিরক্ষা করছে তারা।

—কী হচ্ছে উদিকে? গোলমাল করিবেন না?

—এই মিঞা, চুপ করি বৈসো ক্যানে। খামোকা ওইঠে ফিরি কিবা ঝামেলা লাগাইলে হে?

—চিন্গা বা হয় তো এইঠি নাকি উঠি যাও। ইটা তামাসা নহো, ওয়াজ হবি।

রোদে ঝকঝকে চাপরাশ আর গম্ভীর মুখেও তারা যথোচিত পদমর্যাদা রাখতে পারছে না। নানারকম টীকা-টিপ্পনি আসছে তাদের লক্ষ্য করে।

—ইস্, ত্যালথানা ছাধো হে! য্যান্ দারোগা হচ্ছেন!

আর একজন চিম্টি কাটল: আইতের (রাতের) ব্যালা চোর দেখিলে বাপ বাপ করি পালাবা পথ পায় না; এইঠে আসি মেজাজ ছাধাছে।

—সিটাই কহো ঞ। কামের ব্যালায় কিছু নাই—

আইতে আসি খামোকা চিন্গাই চিন্গাই যুমের দফা রফা করি দেয়। ফের চৌকিদারী ট্যাকেসা না দিবা পারিলে ষটি বাটি ফোক করিবা চাহে!

—এই চুপ চুপ—আট দশ জন ধমক দিয়ে উঠল। সঙ্গে সঙ্গে দু হাজার লোকের দৃষ্টি ধাবিত হল একই দিকে।

একখানা পুরোনো টেবিলের আশেপাশে খানকতক চেয়ার। তার পেছনে একটা উচু বাঁশের মাথায় অর্ধ-চক্রাকৃতি হরিৎ পতাকা। পৃথিবীর সর্বদেশে, সর্বকালে ঐসলামিক ভ্রাতৃত্বের প্রতীক; ইদের তাঁদের চির প্রত্যাশা—একটি ধ্রুব-নক্ষত্রে সত্যধর্মের চির-ইঙ্গিত, গাঢ় সবুজের বর্ণলেখায় চির-তারণের প্রদীপ্ত প্রতিশ্রুতি। মোহাম্মদ রসুলের (দঃ) কদমে কদমে অনুসরণ করে দুঃস্বপ্ন অভিযানের দিগ্বিজয়ী ঝাণ্ডা।

হাওয়ায় উড়ছে সবুজ পতাকা। শাহুর কাছারী থেকে নেমে সেই পতাকার তলার এসে আস্তে আস্তে দাঁড়ালেন পাঁচ সাত জন—আজকের অমুঠানের ধারা কর্ণধার। তাঁদের মধ্যে সর্বাগ্রে এসেছেন ফতেশা পাঠান—পরগে কালো আলপাকার লংকোট, আদ্রির পাজামা, মাথায় জরির কাঅ-করা টুপি; বুকে সোনার চেনে বাঁধা একটা ষড়িও সের্টে নিয়েছেন। প্রশান্ত গাম্ভীর্যে এসে তিনি মাঝখানের চেয়ারটা দখল করলেন—আজকের সভায় অনির্বাচিত হলেও অনিবার্য সভাপতি তিনি। পেছনে পেছনে এলেন আলিমুদ্দিন মাস্টার, এস্তাজ আলী ব্যাপারী, জন দুই স্কুল-মাস্টার, ধানার জমাদার শাহেব, পালনগর মসজিদের ইমাম এবং ইসমাইল। শাহ আসন নেবার সঙ্গে সঙ্গে তাঁরা হাততালি দিলেন—সমবেত জনতাও আনন্দে কর-তালি দিয়ে উঠল।

বাকী সকলে কেউ কেউ চেয়ারে, কেউ কেউ সামনে পাতা ছুখানি বেঞ্চিত্তে বসতে যাচ্ছেন, এমন সময় আকাশে মুঠি তুলে ইসমাইল চীৎকার করে উঠল: মুসলিম লীগ জিন্দাবাদ—

সহস্র সহস্র গলার শোনা গেল আন্তরিক প্রতিধ্বনি :
মুসলিম লীগ জিন্দাবাদ—

—পাকিস্তান—

—জিন্দাবাদ !

—কায়দে আজম—

—জিন্দাবাদ !

—এইবার বসুন সব, এখনি সভার কাজ আরম্ভ হবে—
ইসমাইল আদেশ করল। বছর বাইশ বয়েস হবে ইস-
মাইলের। একটু কুঁজো—একটু ঢ্যাঙ। অথহে এলো-
মেলো মাথার চুল ; মুখে খোঁচা খোঁচা গোঁফ দাড়ি।
শার্টের আঙ্গিন কহুইয়ের ওপর আরো খানিকটা গোটানো
সংকল্পে মুঠো-করা হাত। চোখের দৃষ্টিতে একটা উগ্র
চাকল্য—যেন যে কোনো মুহূর্তে একটা ভয়ঙ্কর কিছু করার
জন্ত প্রস্তুত হয়ে আছে সে।

—গোড়াতেই আমাদের উদ্দেশ্যটা একটু স্পষ্ট করে
আপনাদের খুলে বলা যাক। ইসমাইল আরম্ভ করল :
অবিশ্বাস হলেও এটা সত্যি যে আমাদের অনেকেই
পাকিস্তান কথাটার মানে পর্যন্ত জানেন না। এমন কি
আমাদের মহান নেতা কায়দে আজম জিন্নার নাম পর্যন্ত
শোনেন নি, এমন লোকও এ সভায় আছেন।
সুতরাং—

সুতরাং জলন্ত ভাষায় পাকিস্তানের কথা বলতে আরম্ভ
করল ইসমাইল। আরম্ভ করল আরবের মরুভূমি থেকে
কোরাণ আর জুলফিকারের দুর্নিবারের অগ্রগমনের
ইতিহাস ; আঙুন-ঝরা ভাষায় বলে গেল, কেমন করে
কাফেরদের রক্তে তরবারি আর বর্শা ফলককে নান করিয়ে,
সিদ্ধ সোমনাথ-গুর্জর জয়ের ধারা বয়ে গোড়-বন্ধের প্রত্যন্তে
প্রত্যন্তে এল শেষ-ধর্মের প্রাণবত্তা। বর্ণনা করে গেল
কেমন করে বাদশাহ আলমগীর সারা হিন্দুস্থানের কোরেশ-
দের ভাঙা বিগ্রহের শিলা দিয়ে রচনা করলেন মসজিদের
সিঁড়ি ; তারপরে এল ইংরেজ—এল হিন্দুর চক্রান্ত। সে
চক্রান্তের আঙ্গো শেষ নাই।

এই পর্যন্ত এসে ইসমাইল একবার থামল। সমস্ত সভা
গাঙ্গীর্ষে গম গম করছে। বলবার শক্তি আছে ইসমাইলের।
সভা কেমন করে জমিয়ে নিতে হয় সে তা জানে।

ইসমাইল মাথার ওপর হরিৎ পতাকাটার দিকে

তাকিয়ে নিলে একবার। উড়ছে সূর্যের আলোর—উড়ছে
একটা সর্গোরব প্রসন্নতায়। আজাদী কি ঝাঙা।

—বন্ধুগণ, মন দিয়ে আমার কথাগুলো একটু বুঝতে
চেষ্টা করুন। মনে রাখবেন, উনিশশো ছয় সালে
আমাদের লীগ জন্ম নেবার পরে তাকেও অনেকখানি পথ
কেটে এগোতে হয়েছে। আমরাও একদিন হিন্দু কংগ্রেসের
হাতে হাত মিলিয়েছিলাম। ১৯১৬ সালে লক্ষ্মী
চুক্তিতে এক সঙ্গে আজাদীর লড়াইয়ে দাঁড়িয়েছি আমরা,
লড়েছি খেলাফতের দিনে। সেদিন আমাদের জিন্না
সাহেবও নিজেকে কংগ্রেসের স্বেচ্ছাসেবক বলতেন।
তারপর স্বাধীনতার লড়াইয়ে একথাপ এগিয়ে গিয়ে যেদিন
আমরা পুরো স্বাধীনতা চাইলাম—সেদিন—সেই ১৯২২
সালে হিন্দু কংগ্রেসই “স্বরাজের” ভাঁওতা তুলে লড়াই
খামিয়ে দিলে। শুধু লড়াই থামাল না—এল হিন্দু
মহাসভা। দেখা গেল কংগ্রেসের পথ হিন্দুর পথ—আর
মুসলমানের যদি কোনো রাস্তা থাকে তা হলে তা এই
মুসলিম লীগ—

একটা তিক্ত হাসি ইসমাইলের ঠোঁটের আগায় দেখা
দিলে : কিন্তু দেশের মুসলমান তখনো জাগেনি। ১৯৩৭
সালে যেদিন কংগ্রেসের সঙ্গে আমাদের প্রথম বোঝাপড়া,
সেদিন আমাদের ভাইয়েরা কংগ্রেসকেই ভোট দিয়েছিল।
নিজেদের দলাদলিতে আমরা হেরে গেলাম। কিন্তু হারতে
পারেনা আমাদের লীগ—আলী ভাইদের আদর্শ—
মুসলমানের সত্য। এগিয়ে এলেন কায়দে আজম জিন্না
ভাঁওর সমস্ত শক্তি দিয়ে। গড়ে তুললেন সারা ভারতের
মুসলমানকে। আমরা বুঝলাম—হিন্দুর সঙ্গে পাশাপাশি
থাকা আমাদের চলবে না। নতুন দেশ চাই, নতুন রাস্তা
চাই—নতুন পথ চাই ইসলামী তমকুন বিকাশের জন্তে।
সেই আমাদের “পাকিস্তান”। সেই পাকিস্তানের জন্তেই
আপনাদের এক হতে বলছি ! আঙ্গুন—দলে দলে লীগের
মেঘার হোন—সকলে এক সঙ্গে গলা মিলিয়ে বলুন :
পাকিস্তান জিন্দাবাদ।

—পাকিস্তান জিন্দাবাদ !—সভার মধ্যে ঝোড়ে
হাওয়া গর্জন করল। রুমালে ঘর্মান্ত মুখখানা মুছে নিয়ে
বসতে বসতে ইসমাইল বললে, এখার মসজিদের ইমাম
সাহেব আপনাদের ছুচার কথা বলবেন।

সভায় আবার প্রচণ্ড করতালি পড়ল।

ইমাম সাহেব একবার হাসলেন। চুম্বরে নিলেন ধূসর রঙ-ধরা শাদা দাড়ির গোছা। তারপর উচ্চকণ্ঠে কোরাণের একটা ‘সূরা’ আউড়ে বললেন, এর অর্থ হ’ল, বিধর্মী কাফেরের সঙ্গে পাশাপাশি কখনো মুসলমানের বাস করা চলবে না, তাকে লড়াইয়ের জন্তে সব সময় তৈরী থাকতে হবে—দরকার হলে প্রাণ দিতে হবে—

উত্তেজনার যে বারুদ ইতিমধ্যেই সঞ্চিত করে রেখেছিল ইসমাইল, তাতে আগুনের উত্তাপ সঞ্চার করে আসন নিলেন ইমাম সাহেব।

সভায় তখন মধুচক্রের মতো গুঞ্জন উঠেছে। ইসমাইলের শহুরে বক্তৃতা সকলের কাছে স্পষ্ট হয়নি, কিন্তু ইমাম সাহেবের কথাগুলো নির্মম এবং তীক্ষ্ণ। কোথাও কোনো আড়াল নেই—নেই বিন্দুমাত্র অস্পষ্টতার আভাস।

—হাঁ, পাকিস্তান নিবা হবে হামাদের।

—কাফেরের সাথে হামরা আর নি থাকিমু।

—পাকিস্তান জান মান দিই কায়ম করিবা হেবে।

—মোক্ খালি একটা কথা কহেন। পাকিস্তান হই যায় তো খুব ভালই। ফের প্যাট ভরি খাবা পামু তো হামরা? সাত্তিকিফেট, উচ্ছেদ. তো উঠি যাবে? শাহ তো ব্যাগার ধরিবে না? বকেয়া খাজনা তো মাক করি দিবে?

কথাগুলোর কোনো স্পষ্ট জবাব কেউ দেবার আগেই আবার সাড়া উঠল: এই চুপ, চুপ! মাস্টার সাহেব কহোছেন।

এবার প্রচণ্ডতম করতালি। সব চাইতে জনপ্রিয়, সর্বজনশ্রদ্ধেয় আলিমুদ্দিন মাস্টার এইবার দাঁড়িয়েছেন তাঁর বক্তব্য বলবার জন্তে। সকলের দুঃখে কণ্ঠে অকৃত্রিম বন্ধু। প্রয়োজনের বাক্যব। দুর্দিনের একনিষ্ঠ আশ্বাস।

পড়ন্ত সূর্যের আলো পড়েছে সবুজ পতাকায়—যেন একটা অপূর্ব দীপ্তি ছড়াচ্ছে তার থেকে। ‘নূর—এ—পাকিস্তান’! সে দীপ্তি পড়েছে আলিমুদ্দিনেরও প্রশস্ত মুখে। কঠিন ভাস্কর্যে গড়া একটা তাত্র পিত্তল মূর্তির মতো তাঁর দেহের রেখাগুলো অত্যন্ত স্পষ্ট আর প্রকট হয়ে উঠেছে। দাক্ষিণাত্যের মন্দিরের কোনো ছায়া-ঘন গর্ভ

গৃহে দীপ-দীপিত দেবমুখের মতোই দেখাচ্ছে তাঁর মুখখানা।

তারপর কয়েকবার নিঃশব্দে নড়ে উঠল তাঁর ঠোঁট দুটি। বলবার আগে কিছু একটা যেন আউড়ে নিলেন নিজের ভেতর। একবার তাকালেন মাথার ওপরকার পতাকার দিকে। পতাকা ছাড়িয়ে আকাশের দিকে। ওই সবুজ পতাকার ওপর যে কিরণ-লেখা বিদ্যিত হয়ে পড়েছে তাকি পাকিস্তানের পূর্বাভাস না, কোনো আগামী শূন্যতার প্রতিভাস?

তারও পরে জনতার মধ্যে নামল তাঁর দৃষ্টি। একদল মাছ। তাঁর কাছ থেকে শোনবার জন্তে অপেক্ষা করে আছে, প্রতীক্ষা করে আছে। কিন্তু একদল মাছ? না—এক হয়ে গেছে। একটা শক্তি—একটা বিশ্বজয়ী শক্তি। যা অপ্রতিহত প্রভাবে এগিয়ে গিয়েছিল মক্কা থেকে মরোক্কা, মরোক্কা থেকে মস্কোভী। শক্তি। সহস্র ছাড়িয়ে লক্ষ—লক্ষ ছাড়িয়ে কোটি। শিখায়িত রক্তধারায়, বজ্রবাহী পেশীতে পেশীতে। The great human dynamo! Liberator of oppressed and exploited earth!

কিন্তু!

কোন্ লক্ষ্যে? সব সত্য কি বলতে পেরেছে ইসমাইল? তথ্য দিয়েছে, আবেগ দিয়েছে তার চাইতেও বেশি। কিন্তু তারপর? কোন্ পথে এগিয়ে নিয়ে যাবে এই শক্তির বন্তাকে—এই চল-বিদ্যুতের ধারাকে? কারা নিয়ন্ত্রণ করতে পারবে এই বিপুল human dynamo?

একবার নিজের আশেপাশে তাকালেন আলিমুদ্দিন। একটা উগ্র চঞ্চলতা ইসমাইলের চোখে মুখে—কোনো নিশ্চিত লক্ষ্য নেই যেন। জ্বলতে চায়—জ্বালাতে চায়। ফতেমা পাঠান? চমৎকার সেজেগুজে এসেছেন, গা থেকে আতরের গন্ধ বেরুচ্ছে—নির্বোধ আনন্দে ঘন ঘন পাক দিচ্ছেন কাঁকড়া বিছের লেজের মতো গৌফ জোড়ায়। ধানার জমাদার সাহেব অল্প অল্প হাসছেন, নীচু গলায় কথা কইছেন পাশের একজন স্কুল মাষ্টারের সঙ্গে: হিন্দু ইন্সপেক্টারটা থাকতেই ডিগ্রেড হয়ে গেলাম, বুঝলেন। যদি কোনো মুসলমান থাকত—

ঘুবের দায়ে লোকটা ডিগ্রেডেড হয়েছিল—দোষ দিচ্ছে হিন্দু কর্মচারীর। এরা—এই এরা হবে রাষ্ট্রের কর্ণধার। আলিমুদ্দিনের রক্ত তেতে উঠল, জালা ধরল মাথার ভেতর। কতেমা পাঠান—খোদাবক্স খন্দকার—

ইসমাইল অর্ধৈর্ষ্যভাবে তাঁকে স্পর্শ করল।

—বলুন, বলুন মাস্টার সাহেব। প্রায় তিন মিনিট ধরে যে চুপ করে দাঁড়িয়ে আছেন।

হাঁ—বলতে উঠে বড় বেশিক্ষণ ধীরে ভাবছেন তিনি। চমকে উঠলেন আলিমুদ্দিন। তড়িৎ তরঙ্গের স্পর্শে উচ্চকিত একটা শব্দেহের মতো নড়ে উঠলেন। তারপর :

ভাইসব, আমার বন্ধু ইসমাইল সাহেব আপনাদের সব মোটামুটি খুলে বলেছেন। কাজেই আমার আর নতুন কিছু বলবার নেই। পাকিস্তান এবং মুসলিম লীগের সার্থকতা সম্বন্ধে আপনাদের যে কোনো সন্দেহ নেই, আশা করি, সে কথাও আমাকে নতুন করে বলতে হবে না। শুধু একটা প্রশ্ন আমার আছে। আমরা, যারা আজ এমন করে পাকিস্তানের কথা আপনাদের বলতে এসেছি—বুকে হাত দিয়ে আমাদের বলতে হবে—সে ভার নেবার যোগ্যতা আমাদের আছে তো ?

জনতা নির্বাক হয়ে তাকিয়ে রইল। ঠিক ধরতে পারছে না। আর চেয়ারে বেঞ্চিতে ধীরে বসেছিলেন, তাঁরা পরস্পরের দিকে জিজ্ঞাসু দৃষ্টিতে বুলিয়ে নিলেন—কোন্ পথে—কোন্ দিকে এগোতে চাইছেন মাস্টার ?

আলিমুদ্দিন বললেন, আমি জানতে চাই—কার জন্তে পাকিস্তান ?

অস্বস্তিতে নড়ে চড়ে উঠল ইসমাইল : কেন মুসলমানের ?

—বেশ কথা। কিন্তু মনে রাখবেন, ১৯০৬ সালে লীগের জন্মদিনে সব চেয়ে বেশি খুশি হয়েছিল ইংরেজ। সেদিন সে আশা করেছিল, এই লীগের আশ্রয় নিয়েই দেশের আজাদীর লড়াইকে সে ডুবিয়ে দেবে।

ইসমাইল আর বসতে পারল না, ছটফট করে উঠে দাঁড়াল।

—মাস্টার সাহেব এতদিন পরে কেন তুলছেন ওসব পুরোনো কথা ? ১৯০৬ সালে যা হয়েছিল, তারপরে

অনেক বছর পার হয়ে গেছে। আজ তো মুসলমান সত্যিকারের লড়াইয়ে নেমেছে।

আলিমুদ্দিন বললেন, মানি সব মানি। কিন্তু একটা কথা আমার বলবার আছে। লর্ড মিণ্টোর আমলে যে স্বার্থপরের দল নিজেদের পেট-মোটা করবার জন্তে লীগের খাতায় নাম লিখিয়েছিল, তারা কি আজো আমাদের মধ্যে নেই ?

ইসমাইল তিক্তকরে বললে, নেই।

—আমি আপনাকে জবাব দিতে বলছি না ইসমাইল সাহেব, আপনি বসুন।—তীব্র চোখে আলিমুদ্দিন ইসমাইলের দিকে তাকালেন।

মুঠো-করা হাতটাকে আরো শক্ত মুঠোয় ধরে ইসমাইল বললে, আপনিই অনাবশ্যক কথা বলছেন মাস্টার সাহেব, আপনারই বসে পড়া উচিত।

সভায় একটা কলরব উঠল।

আলিমুদ্দিন সোজা শাহর দিকে তাকালেন : প্রেসিডেন্ট সাহেব, আমি কি বসে পড়ব, না আমায় বলতে দেওয়া হবে ?

সামনে যারা ছিল, তারা সমস্তরে চোঁচিয়ে উঠল : বলুন, বলুন, বলে যান আপনি।

ফতেশা বিব্রতভাবে তাকালেন এদিকে। গৌফে পাক না দিয়ে টেনে টেনে লম্বা করতে লাগলেন সেটাকে। বললেন, না, না, আপনি বলুন। বোসো হে ইসমাইল, এখন শুঁকে বাধা দিয়োনা।

অসহ্য মুখে বিড় বিড় করতে করতে ইসমাইল বসে পড়ল। অর্ধৈর্ষ্যভাবে তাকালো হাতের ঘড়িটার দিকে।

শরীরটাকে আরো ঝুঁক করে দাঁড়ালেন আলিমুদ্দিন। মাথার ওপর রাঙা আলোয় পতাকা বলমল করছে—মহিমাময় হয়ে উঠছে 'নূর-এ-পাকিস্তান।' এই পতাকার নিচে দাঁড়িয়ে মিথ্যে বলা যাবে না, কোনো কপটতাকে প্রশ্রয় দেওয়া যাবে না। সত্য চাই, আত্মদর্শন চাই। এখন থেকেই পরিষ্কার করে নিতে হবে সব হিসেব নিকেশ। জেনে নিতে হবে কে দোস্ত, কে ছশমন। কে চলেছে সম্মুখের পথ কেটে, কারা পায়ের তলায় গড়ে তুলেছে নিঃশব্দ চোরাবালি।

সেই 'নূরী ঝাণ্ডা' ? নিচে তাঁকে মনে হতে লাগল

তাত্র-পিত্তলের নিভুল, স্পষ্টরেখ দীপ্ত মূর্তি। তাঁকে বলতে হবে—সত্য ঘোষণাই তাঁকে করতে হবে।

আলিমুদ্দিন বললেন, আরো সোজা কথায় আমি আসব। ধরুন, এই সভাতেই এমন লোক উপস্থিত আছেন, যাদের মতো মুসলমানের শত্রু আর কেউ নেই। তাঁদেরই আগে আমাদের চেনা দরকার।

—কারা তারা ?

চেষ্টা করেও একটা কটু প্রশ্ন এড়াতে পারলনা ইসমাইল।

—কারা তারা ?—মূর্তির চোখদুটো জলজল করে উঠল—দক্ষিণী মন্দিরের নটরাজের হীরক নেত্রের মতো। যেন দেখা দিল, অগ্নি-বর্ষণের পূর্ব-সংকেত।

আলিমুদ্দিন বললেন, যদি বলি, আমাদের এই ইমাম সাহেব—যিনি একজন হাজী এবং বিখ্যাত আলেম, তিনি আমাদেরই সমাজের অংশ—আমাদের ভাই ধাওয়াদের মসজিদে ঢুকতে দেন না ? তা হলে কি বলতে হবে তিনি ইসলামের বন্ধু ?

—মাস্টার সাহেব !—যেন আর্তনাদ করে উঠলেন শাহ।

—হাঁ, আপনার কথাও আমি বলব।—আলিমুদ্দিনের চোখ দিয়ে এবার সত্যিই আগুন ঝরতে লাগল : প্রজ্ঞাদের আপনি বেগার খাটান। গরীবের মুখের গ্রাস কেড়ে খান। অনবরত অত্যাচার করে দেশের লোককে আপনি শেষ-দফায় এনে ফেলেছেন। যে মেয়ে আপনাকে ধর্মবাপ বলে—বিহবল শুরু সভাটার ওপর রক্তচক্ষু মেলে আলিমুদ্দিন বললেন, আপনি তার সর্বাঙ্গে পারার ঘা ছড়িয়ে দিয়ে বিশ্বাসের মর্যাদা রাখেন। বলুন—আপনারাই কি নেতা ? আপনাদের হাতেই কি পাকিস্তানের ভবিষ্যৎ ?

—চুপ করুন—বসে পড়ুন—পাগলের মতো চেষ্টা দিয়ে উঠল ইসমাইল।

—লোকটা কেপে গেছে—চীৎকার করলেন ইমাম সাহেব।

ফতেশার মুখ দিয়ে শুধু একটা অব্যক্ত ধ্বনি বেরল। এত জোরে সক্র গৌফটাকে আকর্ষণ করলেন যে ছিঁড়ে যাবার উপক্রম করল সেটা।

—না, আমি বসবনা, আমি বলবই—আলিমুদ্দিনও চীৎকার করলেন এইবারে।

সভায় বিশৃঙ্খলার ঝড় বইছে। নানা কণ্ঠে নানা রকম

কোলাহল উঠছে। যেন কেপে গেল ইসমাইল। জামাটা ধরে সজোরে টান দিলে আলিমুদ্দিনের।

আলিমুদ্দিন তিন পা পেছনে হটে এলেন।

—আমি বলবই—আমি বলবই—

—না—না—

—বেশ !—স্বরগ্রামকে সমুচ্চতর পর্দায় তুলে শেষবার বললেন আলিমুদ্দিন : তা হলে আমি জানিয়ে যাচ্ছি, পাকিস্তানের লড়াইয়ে আজ থেকে দুশমন মুসলমানও আমার শত্রু। তাদের বিরুদ্ধেও আজ থেকে আমার লড়াই—

প্রচণ্ড ঝড়ের মধ্যে সভা থেকে একটা জলন্ত চাঁউইয়ের মতো ছুটে চলে গেলেন আলিমুদ্দিন মাস্টার।

* * *

বাতাস নেই। একটা গমগমে গুমোট সন্ধ্যা ঘনিয়েছে ঘরের মধ্যে। দিগ্‌বিস্তৃত বরেন্দ্রভূমির মাঠের ওপরে হাওয়া যেখানে চব্বিশ ঘণ্টা দামাল ছেলের মতো খেলে বেড়ায়, বয়ে নিয়ে যায় মাটির গন্ধ, ঘাসের গন্ধ ; গোখরো সাপের নিখাসের সঙ্গে সঙ্গে কেয়াফুলের সৌরভ বয়ে নিয়ে যায় তালগাছের মর্মর থেকে, শুরু করে শঙ্খচিল আর গিন্নী শকুনের কান্না,—সেখানে হঠাৎ সব থমকে দাঁড়িয়েছে যেন কোন্ অদ্ভুত ভাঙ্গমতীর মল্লোচ্চারণে। যেন আকাশ থেকে বনাচ্ছে কোনো দিগ্‌দিগন্তব্যাপী অশরীরীর অপছায়া—আসন্ন মৃত্যু, আসন্ন ঝড়, আসন্ন দুর্বিপাক। আলোয়া-জলা বরিন্দের মাঠে ঘর-পালানো রাত-চরা গোকুর দল যেন আচমকা ভয় পেয়ে বসে পড়েছে কোনো ঝুরি-নামা ডাইনির মতো অন্ধকার বটের ছায়ায়—তাদের সবুজ পিঙ্গল চোখে কিসের আতঙ্কিত জিজ্ঞাসা।

শাহর বৈঠকখানা ঘরেও সেই স্তব্ধতা, সেই গুমোট।

ফরাসের সামনে দুটো জোরালো লঠন। ঘরটা অতিরিক্ত আলো হয়ে আছে। সেই আলোর সঙ্গে কুয়াশার মতো জমছে বন-গন্ধী তামাকের ধোঁয়া। রাশীকৃত শুকতার মধ্যে শুধু অছরনিত হচ্ছে মশার প্রাস্তিহীন গুঞ্জন।

মুখোমুখি দুজন। শাহ আর ইসমাইল।

ইসমাইল ভিক্তভাবে হাসল। তির্যক চোখে তাকালো শাহর দিকে।

১ টাকা ১৪ আনা পর্যন্ত করার অসুবিধা দেওয়া আছে। কিন্তু কোন কোন স্থানে সর্কার্থসাধক সমবায় সমিতিগুলি ১ টাকা ১০ আনা মণ দরে কয়লা বিক্রয় করিতেছেন। তাঁহারা যে একেবারে কোন লাভ করেন না, এ কথা বলা যায় না। কাজেই যাহারা ১ টাকা ১৪ আনা মণ দরে কয়লা বিক্রয় করে, তাহারা যে অত্যধিক মুনাফা করিয়া থাকে, সে কথা বলাই বাহুল্য মাত্র। যদি কয়লার নিয়ন্ত্রণ ব্যবস্থা প্রত্যাহার করা হয়, তাহা হইলে হয় ত কয়লার দাম সকল স্থানেই দেড় টাকা পর্যন্ত মণে বিক্রীত হইতে পারে। সাধারণ মানুষ আজ সকল প্রয়োজনীয় দ্রব্য অত্যধিক মূল্যে ক্রয় করিতে যাইয়া বিব্রত হইয়াছে। এ অবস্থায় একটি স্কিনিয়ও যদি কম মূল্যে পাওয়া যায়, তাহা কম আশা ও সুবিধার বিষয় নহে। আমরা এ বিষয়ে পশ্চিম বাংলার সরবরাহ বিভাগের দৃষ্টি আকর্ষণ করি ও বিশ্বাস করি, তাঁহারা দরিদ্র জনগণের দুঃখ দূর করিবার জন্ত এ বিষয়ে অবহিত হইবেন।

পল্লী স্বাস্থ্য কেন্দ্র ও বুনিসাদী

বিভাগলয়—

ডাক্তার বিধানচন্দ্র রায় পশ্চিম বাংলার প্রধান মন্ত্রী হইয়াই বাংলার প্রতি ইউনিয়নে একটি করিয়া সরকারী পল্লী-স্বাস্থ্য-কেন্দ্র প্রতিষ্ঠার ব্যবস্থা করিয়াছেন। যে সকল ইউনিয়নের অধিবাসীরা প্রথমেই এ জন্ত জমী ও অর্থ দান করিয়াছেন, সে সকল ইউনিয়নে বাকী টাকা সরকারী তহবিল হইতে দিয়া কেন্দ্র স্থাপিত হইয়াছে। অবশ্য যদি ঐ সকল কেন্দ্র উপযুক্তভাবে পরিচালিত হয়, তাহা হইলে স্থানীয় জনগণের একটি অভাব দূরীভূত হইবে। কেন্দ্রে ঔষধ বিতরণ কেন্দ্র ছাড়াও আকস্মিক বিপদে চিকিৎসার জন্ত ২টি শয্যা ও প্রসূতিদের জন্ত ২টি শয্যা রাখা হইবে। তাহা ছাড়া কেন্দ্রের কর্মীরা গ্রামে গ্রামে যাইয়া স্বাস্থ্য সংক্রমে প্রচার কার্য চালাইবেন ও রোগের প্রথম হইতেই রোগীর যাহাতে চিকিৎসা-ব্যবস্থা হয়, সেজন্ত চেষ্টা করিবেন। অতি দুঃখের সহিত প্রকাশ করিতে হইতেছে যে আমাদের মধ্যে দুর্নীতির অত্যধিক প্রচারের ফলে সর্বত্র সরকারী অর্থ ব্যয়িত হইলেও কেন্দ্রের গৃহগুলি তাল করিয়া নির্মিত হয় নাই। যাহাদের উপর নূতন গৃহ-

নির্মাণের ভার দেওয়া হইয়াছিল, তাঁহারা যে কোন প্রকারে কাজ শেষ করিয়াছেন—বাড়ীগুলির ৬ মাস পরেই মেরামতের প্রয়োজন হইয়া পড়িয়াছে। সরকারী স্বাস্থ্য-বিভাগ-কর্তৃপক্ষের যত্নের অভাবে কেন্দ্রগুলিতে কর্মী যাইতে বা ঔষধাদি যাইতে বিলম্ব হওয়ার সরকারী অর্থ কি ভাবে অপব্যয়িত হইতেছে, তাহা চিন্তা করিলেও বিস্মিত হইতে হয়। অথচ সরকারী দপ্তরে পরিদর্শনকারী কর্মচারীর অভাব নাই। কেন যে এরূপ অব্যবস্থা স্থায়ী হইতেছে, তাহা আমরা ভাবিয়া পাই না। এই দুর্দিনে জনহিতকর কার্যের জন্ত লোক জমী দান করিয়াছে, টাকা করিয়া অর্থ-সংগ্রহ করিয়া দিয়াছে, কিন্তু তাহার যদি অপব্যয় হইতে দেখা যায়, তাহা অপেক্ষা দুঃখের বিষয় আর কি হইতে পারে? ঐ ভাবে নানা স্থানে নূতন বুনিসাদী বিভাগ স্থাপিত হইতেছে। সে জন্তও উৎসাহী ব্যক্তির জমী দিয়াছেন—জেলা বোর্ড ও সরকারী শিক্ষা বিভাগ হইতে অর্থ দিয়া বিভাগগৃহ নির্মাণ করা হইতেছে—কিন্তু গুনা যাইতেছে, পল্লী স্বাস্থ্য-কেন্দ্রের গৃহের ঞায় বুনিসাদী বিভাগের গৃহ-নির্মাণেও গলদ থাকিয়া যাইতেছে। এই সকল কার্য সম্পাদনের সময় কর্তৃপক্ষ কেন যে জনগণের সহযোগিতা ও সাহায্য গ্রহণ করেন না, তাহাও আমরা বুঝি না। বে-সরকারী কমিটিকে গৃহ-নির্মাণ কার্যে তত্ত্বাবধান করিতে দিলে এইভাবে অর্থের অপব্যয় হইত না। আমরা এ বিষয়ে স্বাস্থ্য, স্বায়ত্তশাসন ও শিক্ষা বিভাগের কর্তাদের দৃষ্টি আকর্ষণ করি ও আশা করি, ভবিষ্যতে এই সকল অনাচার বন্ধের ব্যবস্থা অবলম্বিত হইবে।

ডাক্তার শ্রীমতী রমা চৌধুরী—

ধ্যাতনামা পাণ্ডিত, অধ্যাপক ডাক্তার শ্রীমতী রমা চৌধুরী সম্প্রতি কলিকাতাস্থ লেডী ব্রোয়ার্স কলেজের স্থায়ী প্রিন্সিপাল নিযুক্ত হইয়াছেন। তিনি কলিকাতা বিশ্ব-বিদ্যালয়ের এম-এ পরীক্ষায় দর্শন শাস্ত্রে প্রথম শ্রেণীতে প্রথম স্থান অধিকার করার পর বাঙ্গালী মহিলাদের মধ্যে সর্বপ্রথম অক্সফোর্ড বিশ্ববিদ্যালয়ের ডাক্তার অফ্ ফিলসপি ডিগ্রী লাভ করেন। তিনি ও তাঁহার স্বামী ডাক্তার শ্রীযতীন্দ্র বিমল চৌধুরী সংস্কৃত সাহিত্যের প্রচারের জন্ত ‘প্রাচ্যবাণী-মন্দির’ প্রতিষ্ঠা করিয়া বহু বিষয়ে গবেষণা ও গ্রন্থ প্রচার

করিতেছেন। বেঙ্গল রয়াল এশিয়াটিক সোসাইটিরও তিনি সর্বপ্রথম মহিলা ফেলো। তিনি দেশনেতা স্বর্গত আনন্দ মোহন বসু মহাশয়ের পৌত্রী।

কাশ্মীর মীমাংসার সর্ভ—

গত ২১শে জুন শ্রীনগরে কাশ্মীরের প্রধানমন্ত্রী সেখ আবদুল্লাহ কাশ্মীর বিরোধ মীমাংসার দুটি প্রধান সর্ভের কথা উল্লেখ করিয়াছেন (১) সুপ্রতিষ্ঠিত গভর্নমেন্টকে রাজ্যের সমগ্র এলাকা প্রত্যর্পণ ও তথাকথিত আজাদ কাশ্মীর গভর্নমেন্টের ও তাহার সৈন্যদলের বিলোপ সাধন (২) হানাদারগণের আক্রমণের ফলে দাঙ্গাহাঙ্গামা হওয়ায় যাহারা বাস্তুত্যাগ করিয়াছে তাহাদের পুনর্বাসন। এই দুইটি বিষয় সকল মীমাংসার মূল সূত্র। সর্ভ দুইটি পূরণে কেহ অসম্মত হইলে কাশ্মীরবাসীদিগকে মূলনীতি হইতে বিচ্যুত হইতে হইবে।—সেখ আবদুল্লাহ এই উক্তি পর কাশ্মীর মীমাংসার পথ সম্বন্ধে সকলের নিঃসন্দেহ হওয়া উচিত। এই কথা শুনার পরও রাষ্ট্রসংঘ-প্রতিনিধি মীমাংসার পথে কেন যে বাধা সৃষ্টি করিতেছেন, তাহা তিনিই জানেন। আমাদের বিশ্বাস কাশ্মীর সমস্যার সমাধান কাশ্মীরবাসীদিগকে শেষ পর্যন্ত সন্তোষ দান করিবে।

রাষ্ট্রগুরু সুরেন্দ্রনাথ—

গত ৬ই আগষ্ট বহু স্থানে রাষ্ট্রগুরু সুরেন্দ্রনাথ বন্দ্যোপাধ্যায় মহাশয়ের বার্ষিক স্মৃতি-সভা হইয়া গিয়াছে। ২৫ বৎসর পূর্বে সুরেন্দ্রনাথ পরলোকগমন করিয়াছেন— তিনি ভারতের জাতীয় আন্দোলনের জন্মদাতা, এ কথা বলিলে আদৌ অত্যাক্তি করা হয় না। কিন্তু দেশ আজ তাঁহার কথা ভুলিয়া গিয়াছে। কলিকাতা সহরে তাঁহার স্মৃতি-রক্ষার ব্যবস্থা হইয়াছে বটে, কিন্তু যে বারাকপুর সহরের গঙ্গাতীরে তিনি প্রায় ৫০ বৎসর কাল বাস করিয়াছিলেন, তথায় এখনও তাঁহার স্মৃতি-রক্ষার কোন ব্যবস্থা হয় নাই। যে স্থানে তাঁহার নখর দেহ ভস্মীভূত করা হইয়াছিল, সে স্থানে একটি স্মৃতিস্তম্ভ নির্মাণের চেষ্টাও এখন পর্যন্ত কার্যে পরিণত হয় নাই। যে গৃহে তিনি বাস করিতেন, সে গৃহ এখন ভাড়া দেওয়া আছে। ঐ গৃহটি যাহাতে সরকার কর্তৃক গৃহীত হইয়া তথায় একটি জাতীয় যাদুঘর প্রতিষ্ঠা করা হয়, সে অশুভ স্বাধীন বাংলার নেতৃবৃন্দের

সচেষ্ট হওয়া উচিত। সুরেন্দ্রনাথের প্রতিষ্ঠিত ভারত-সভার কর্তৃপক্ষের এ বিষয়ে অগ্রণী হওয়া কর্তব্য। তাঁহার পরলোকগমনের পর ২৫ বৎসর অতীত হইলেও তাঁহার কোন জীবনী এখনও প্রণীত হয় নাই। তিনি তাঁহার বে আত্মজীবন রচনা করিয়া গিয়াছেন, তাহা বহু তথ্যপূর্ণ হইলেও তাঁহাকে পূর্ণাঙ্গ জীবনী বলা যায় না। স্বর্গত জ্ঞানেন্দ্রনাথ কুমার তাঁহার জীবনী ইংরাজিতে ২ খণ্ড প্রকাশ করিয়াছিলেন—তাহাতে শুধু প্রথম জীবনের ঘটনা ও রচনাবলী প্রদত্ত হইয়াছে। ঐ অসম্পূর্ণ গ্রন্থ সম্পূর্ণ করিবার জন্য ভারত-সভা কর্তৃপক্ষের উদ্যোগী হওয়া উচিত। আমরা তাঁহার স্মৃতি দিবসে তাঁহার উদ্দেশে প্রজ্ঞা জানাই ও সঙ্গে সঙ্গে দেশবাসীর নিকট প্রার্থনা জানাই, বর্তমান সময়ে যেন তাঁহার আদর্শ প্রচারের উপযুক্ত চেষ্টার অভাব না হয়।

মহারাজ নন্দকুমার—

১৭৭৫ খৃষ্টাব্দে এই আগষ্ট কলিকাতা গড়ের মাঠে ফাঁসিতলা নামক স্থানে জাল করার অপরাধে মহারাজ নন্দকুমারের ফাঁসি হইয়াছিল। সে সময়ে নন্দকুমারের বয়স ৭০ বৎসর। তিনি দরিদ্রের সন্তান ছিলেন এবং নিজ বুদ্ধি ও শক্তি দ্বারা শুধু অর্থার্জন করেন নাই, দেশের মধ্যে একজন অসাধারণ প্রভাবশালী ব্যক্তি হইয়াছিলেন। সে যুগেও তিনি বৃষ্টিতে পারিয়াছিলেন, মুসলমান শাসকদিগকে তাড়াইবার জন্য বৃষ্টিশকে প্ররোচনা দেওয়া বা সাহায্য করা দেশের পক্ষে মঙ্গলজনক হইবে না। তৎকালীন ইংরাজ-প্রধান ওয়ারেন হেস্টিংস নন্দকুমারকে কোন প্রকারে বশীভূত করিতে না পারিয়া শেষ পর্যন্ত এক বড়যন্ত্র করেন ও জাল করার অভিযোগে তাঁহার বিচার হয়; বিচারপতি ইলাইজা ইম্পে ঐ সামান্য অপরাধে তাঁহার ফাঁসির আদেশ দেন। নন্দকুমার হাসি মুখে ফাঁসির মধ্যে আরোহণ করেন। যখন তাঁহার গলায় ফাঁসির দড়ি দেওয়া হয়, তখনও তিনি মালা হাতে করিয়া জপ করিতেছিলেন। মৃত্যুকালে তিনি সামান্য ভূসম্পত্তি ও নগদ ৫২ লক্ষ টাকা রাখিয়া গিয়াছিলেন। মুর্শিদাবাদ জেলায় বহরমপুর সহরের উত্তর প্রান্তে কুঞ্জবাটা নামক স্থানে তিনি প্রকাণ্ড অট্টালিকা নির্মাণ করিয়া তথায় বাস করিতেন। সে গৃহ আজও বর্তমান। গত ৫ই আগষ্ট শনিবার ঐ গৃহে মহারাজা নন্দকুমারের এক স্মৃতি উৎসব হইয়াছিল। স্থানীয় নেতা শ্রীহরপ্রসাদ রায়

উৎসবে পৌরোহিত্য করেন এবং কলিকাতা হইতে শ্রীযুত হেমেন্দ্রপ্রসাদ ঘোষ ও শ্রীযুত কণীন্দ্রনাথ মুখোপাধ্যায় তথায় বাইরা অভিধিক্রমে সভায় যোগদান করিয়াছিলেন। মহারাজ নন্দকুমার সঘন্বে তথ্য ইংরাজ ঐতিহাসিকদিগের লিখিত বিবরণের মধ্যেই অধিক পাওয়া যায়। তাঁহার মৃত্যুর ১০৭ বৎসর পরে বঙ্গদর্শন পত্রিকার নবম খণ্ডে আবার সংখ্যায় তাঁহার সঘন্বে তথ্যপূর্ণ এক প্রবন্ধ প্রকাশিত হইয়াছিল। তখনকার দিনে লেখকের নাম ছাপা হইত না কাজেই ঐ প্রবন্ধ কাহার লেখা ৬৮ বৎসর পরে আজ আর জানিবার উপায় নাই। পণ্ডিত সত্যচরণ শাস্ত্রী লিখিত মহারাজা নন্দকুমারের একখানি জীবনী গ্রন্থ আছে। বর্তমান সময়ে তাঁহার জীবনী রচনার উপযুক্ত দিন আসিয়াছে। নূতন অবস্থায় তাঁহার জীবনী রচিত হইলে দেশবাসী নন্দকুমার সঘন্বে সত্য কথা জানিতে পারিবে। সে দিন সভায় স্থির হইয়াছে—নন্দকুমারের বংশধর কেহ নাই—আর অর্থও তাঁহাদের নাই। কাজেই সরকার হইতে কুঞ্জঘাটার রাজবাড়ীটি দখল করিয়া লইয়া ঐ স্থানে কোন জনহিতকর প্রতিষ্ঠান গঠন করা উচিত। তাহা হইলে নন্দকুমারের স্মৃতিচিহ্ন স্বরূপ গৃহটি রক্ষিত হইবে—নচেৎ উহা সত্বর ধ্বংসপ্রাপ্ত হইবে। যে স্থানে কলিকাতায় বিডন স্কোয়ার অবস্থিত, তথায় নন্দকুমারের কলিকাতার বাসগৃহ ছিল। সেখানে ও গড়ের মাঠে ফাঁসিতলায় নন্দকুমারের দুইটি স্মৃতিস্তম্ভও নির্মিত হওয়া উচিত। এ বিষয়ে আমরা দেশবাসী সকলের দৃষ্টি আকর্ষণ করি। যাহারা স্বাধীন বাংলার নন্দকুমারের স্মৃতি উৎসবে উত্তোগী হইয়া সেই মহাপুরুষের আদর্শ আবার দেশবাসীকে অরণ করাইয়া দিবার ব্যবস্থা করিয়াছিলেন, তাঁহারা সকলের প্রশংসার পাত্র সন্দেহ নাই।

গোপীনাথ বড়দলই—

আসামের প্রধান মন্ত্রী গোপীনাথ বড়দলই গত ৬ই আগষ্ট শনিবার রাত্রি ২টা ৪০ মিনিটের সময় সহসা ৬০ বৎসর বয়সে পরলোক গমন করিয়াছেন। তিনি শনিবারই শিলং হইতে ফিরিয়া আসেন ও রাত্রি ৯টা পর্যন্ত স্ত্রী ও দুই কন্যার সহিত অভিনয় দেখিয়া আসেন। রাত্রি ১২টার দ্বন্দ্বন্ধে যন্ত্রণা উপস্থিত হয় ও কোন চিকিৎসায় কোন ফল হয় নাই। তাঁহার স্থানে অস্থায়ীভাবে অর্থ ও রাজস্ব মন্ত্রী

শ্রীযুত বিজয়রাম মেধী প্রধান-মন্ত্রী নিযুক্ত হইয়াছেন। গোপীনাথ ১৯১৫ সালে কলিকাতায় এম-এ ও বি-এল পাশ করিয়া গৌহাটীতে আইন ব্যবসা আরম্ভ করেন। অসহযোগ আন্দোলনে এক বৎসর কারাদণ্ড ভোগ করিয়া তিনি ১৯৩৭ সালে ব্যবস্থা পরিষদের সদস্য নির্বাচিত হন ও ১৯৩৮ সালে প্রধান মন্ত্রী হন। ১৯৪০ সালে ১ বৎসরের জন্ত ও ১৯৪২ সালে ২ বৎসর তাঁহাকে কারাদণ্ড ভোগ করিতে হইয়াছিল। ১৯৪৬ সালে পরিষদ সদস্য হইয়া তিনি প্রধান মন্ত্রী হন। তিনি গণপরিষদেরও সদস্য হইয়াছিলেন। আসামী ভাষায় তিনি বহু পুস্তক রচনা করিয়াছিলেন।

অখিলচন্দ্র দত্ত—

বাংলার খ্যাতনামা কংগ্রেস-নেতা, কেন্দ্রীয় ব্যবস্থা পরিষদের ভূতপূর্ব ডেপুটী-সভাপতি অখিলচন্দ্র দত্ত মহাশয় গত ৫ই আগষ্ট শনিবার বিকালে ৮১ বৎসর বয়সে পরলোকগমন করিয়াছেন। ১৮৬৯ সালে ত্রিপুরা জেলার ভরগাছ গ্রামে তাহার জন্ম হয় ও ১৮৯৭ সাল হইতে তিনি কুমিল্লায় ওকালতী আরম্ভ করেন। অল্প দিনের মধ্যে তিনি খ্যাতিলাভ করিয়া প্রচুর অর্থার্জনে সমর্থ হন। ১৯১৬ সালে তিনি ব্যবস্থা পরিষদের সদস্য ও ১৯১৮ সালে বঙ্গীয় প্রাদেশিক রাষ্ট্রীয় সম্মিলনের চুঁচড়া অধিবেশনের সভাপতি হন। তিনি ১৯২৩ সালে আবার ব্যবস্থা পরিষদের সদস্য হন ও ১৯২৮ সালে বঙ্গীয় প্রাদেশিক রাষ্ট্রীয় সমিতির সভাপতি হন। ১৯৩২ সালে কেন্দ্রীয় ব্যবস্থা পরিষদের সদস্য ও ডেপুটী সভাপতি হন। ১৯৩৭ সালে সপরিবারে তিনি ইউরোপ ভ্রমণ করিয়াছিলেন। ১৯৪৫ সাল পর্যন্ত তিনি ডেপুটী সভাপতির কাজ করেন। তিনি বহু ব্যবসা, বীমা ও ব্যাঙ্ক প্রতিষ্ঠানের পরিচালক ছিলেন। ২ বৎসর পূর্বেই তাহার স্ত্রী-বিয়োগ হইয়াছিল।

শরৎচন্দ্র জ্যোতির্বিদ—

বাংলার খ্যাতনামা জ্যোতির্বিদ ও দার্শনিক পণ্ডিত শ্রীশচন্দ্র জ্যোতির্বিদ মহাশয় গত ১৫ই আষাঢ় ৬৯ বৎসর বয়সে পরলোকগমন করিয়াছেন। তিনি নবদ্বীপের ভারত-বিখ্যাত জ্যোতির্বিদ স্বর্গত বিশ্বস্তর জ্যোতির্বিদ্যের জ্যেষ্ঠপুত্র ছিলেন ও নবদ্বীপ বিশ্ববিদ্যালয়ের জ্যোতির্বিদ শাস্ত্রের প্রধান অধ্যাপক ছিলেন। তিনি বঙ্গীয় সংস্কৃত প্রোগ্রেসিভদের

সংস্কৃত সাহিত্যের সেবা করিয়া গিয়াছেন।

পূর্ববঙ্গবাসীদিগকে হারান্নপ্রাপ্তকরণ

প্রস্তাব—

পূর্ববঙ্গ হইতে আগত ৫০ হাজার বাস্তুহারা কে হায়দ্রাবাদ রাজ্যে লইয়া বাইয়া পুনর্বাসন ব্যবস্থা করা হইবে। তন্মধ্যে ৩২ হাজার লোক ঔরঙ্গাবাদ জেলার বোকারদান তালুকে স্থান লাভ করিবে। ইহার পূর্বে কোন হিন্দু বাস্তুহারা কে হায়দ্রাবাদ রাজ্যে লইয়া যাওয়া হয় নাই। যুদ্ধের পূর্বে ৭ লক্ষ মুসলমান বাস্তুহারা নিজাম রাজ্যে গমন করিয়াছিল—তাহারা এখন অল্পত্র চলিয়া গিয়াছে; পশ্চিমবঙ্গের বাস্তুহারাদের এই সুযোগ ত্যাগ করা উচিত নহে। বাঙ্গালী বিহার, উড়িষ্যা, উত্তর প্রদেশ প্রভৃতি স্থানে স্বীয় প্রাধান্য প্রতিষ্ঠা করিয়াছে। হায়দ্রাবাদে বাইলেও তাহারা বাঙ্গালীই থাকিবে—অথচ তথায় অন্ন বস্ত্রের সমস্তা থাকিবে না। তথায় বহু জমী পত্তিত আছে, শিল্প প্রতিষ্ঠার সুযোগও কম নাই—বাঙ্গালী সে সকল সুযোগ গ্রহণ করিয়া তথায় সুখে বাস করিতে পারিবে।

বাস্তুহারাদের শিক্ষার জন্ত দান—

পশ্চিমবঙ্গে পূর্বপাকিস্তান হইতে যে সকল বাস্তুহারা আসিয়াছে, তাহাদের শিক্ষার ব্যবস্থার জন্ত কেন্দ্রীয় সরকার পশ্চিমবঙ্গ রাষ্ট্রকে ৩৭ লক্ষ টাকা প্রদান করিবেন স্থির হইয়াছে। ঋণ হিসাবে ৫০ লক্ষ টাকা দেওয়া হইবে ও ১৭ লক্ষ টাকা পশ্চিমবঙ্গ দান হিসাবে পাইবে। গত ১৯৪৯-৫০ সালেও কেন্দ্রীয় গভর্নমেন্ট ঐ জন্ত পশ্চিমবঙ্গ রাষ্ট্রকে ২৪ লক্ষ টাকা দিয়াছিলেন—তন্মধ্যে মাত্র ১৬ লক্ষ টাকা ব্যয় করা হইয়াছে। শিক্ষা-বিস্তারের জন্ত এই অর্থ বাহাতে ভালভাবে ব্যয়িত হয়, সে জন্ত সরকার ও জনসাধারণ উভয় পক্ষেরই সাবধানতার সহিত কাজ করা উচিত। অতি দুঃখের বিষয় এই যে, বাস্তুহারা ছাত্রদের জন্ত প্রদত্ত বহু অর্থ জনগণ কর্তৃক অপব্যয়ের কথা শুনা গিয়াছে। সে জন্ত সরকার পক্ষেরও বিশেষ সতর্কতা অবলম্বন প্রয়োজন।

দেশের পথ সংস্কার ও যান-ব্যবস্থা—

কলিকাতার সম্প্রতি যে নিখিল ভারত পেট্রোল বিক্রয় মিলন হইয়া গিয়াছে তাহার সভাপতিরূপে হাওড়া

মোটরের শ্রীবৃদ্ধ হুশীলকুমার দে তাঁহার অতিভাষণে দেশের একটি বড় সমস্যার বিষয়ে দেশবাসীর ও সরকারের মনোযোগ আকর্ষণ করিয়াছিলেন। দেশের পথ সংস্কার ও নূতন পথ নির্মাণ সমস্তা আজ সকলকে বিব্রত করিয়াছে। তাহা না হইলে গ্রামে লোকের বসতি, কৃষি ও বাণিজ্য—কোন বিষয়ই সম্ভব হইবে না। সে জন্ত পেট্রোল ও মোটর গাড়ী হইতে প্রাপ্ত সকল রাজস্ব পথ নির্মাণ



শ্রী হুশীলকুমার দে

ও সংস্কার কার্যে ব্যয় করিবার জন্ত সরকারকে বিশেষ ভাবে অহরোধ জানাইয়া সম্মিলনে প্রস্তাবও গৃহীত হইয়াছে। দেশের মোটর যান চলাচল ব্যবস্থা সরকারের নিয়ন্ত্রণাধীন করার সম্পর্কেও সভাপতি মহাশয় তাঁহার অভিমত প্রকাশ করিয়াছেন। পেট্রোল-বিক্রেতারা আজ দেশের এই প্রয়োজনীয় সমস্যার সমাধানে সচেষ্ট হইয়াছেন দেখিয়া আমরা আনন্দিত হইলাম।

আশ্রয়প্রার্থীদের জমি দখল—

বাংলা সরকারের জমি-দখল বিভাগ হইতে কলিকাতার মহরুল্লীর বহু জমি তথাকথিত আশ্রয়প্রার্থীদের জন্ত দখল-ব্যবস্থা করা হইয়াছে। কিন্তু আশ্রয়ার্থীদের বিষয় এই যে, বাহাদের জমি দখল করা হইতেছে, তাহারা আদৌ আশ্রয়প্রার্থী বা গৃহহারা নহেন। তাহাদের মধ্যে

অধিকাংশ লোক গত ১০।১৫ বৎসর ধরিয়া কলিকাতা সহরে বা সহরতলীতে বাস করিতেছেন—এখন সুযোগ বুঝিয়া তাহারা বহু পণ্ডিত জমি জোর করিয়া দখল করিয়া বসিয়াছেন। তাহার পর সে সকল স্থানে গৃহ-নির্মিত হইতে দেখিয়া সরকার ঐ সকল জমি-সরকারী আইনে দখল করিয়া দিবার চেষ্টা করিতেছেন। আমরা পূর্বেই বলিয়াছিলাম—সহরতলীতে যে সকল বাসযোগ্য জমি গত ২০ বৎসর কাল ধরিয়া ব্যবহৃত হয় নাই, সরকার যদি সে সকল জমি দখল করিয়া আশ্রয়প্রার্থীদের বিক্রয়ের ব্যবস্থা করেন, তবে তাহাতে কাহারও আপত্তি করা উচিত হইবে না। কিন্তু কার্যতঃ সরকার তাহা না করিয়া, যে সকল জমি তথাকথিত বাস্তুহারা জোর করিয়া দখল করিয়াছেন, সে জমি দখলের ব্যবস্থা করিয়াছেন। এই নূতন ব্যবস্থার কোন যৌক্তিকতা দেখা যায় না। পূর্বে হইতে ঐ সকল জমির মূল্য নির্দ্ধারিত হইলে, তাহাদের ক্রয়ের শক্তি আছে শুধু তাহারা ঐ সকল জমিতে বাইত। তাহারা জমি জোর করিয়া দখল করিয়াছে, তাহাদের জমির দাম দিবার শক্তি আছে কি না জানা নাই। জমীর মূল্য এখনও নির্দ্ধারিত হয় নাই। যে সকল জমী জোর করিয়া দখল করা হইয়াছে, তাহার অধিকাংশই অধিক মূল্যে বিক্রীত হইবার যোগ্য। অথচ তাহার অনতিদূরে অল্প মূল্যের জমী পাওয়া বাইত—সে সকল জমীর মূল্য দেওয়াও সাধারণের পক্ষে সম্ভব হইত। সরকারী নিয়ামক ও কর্মচারীরা যদি শুধু ভাবপ্রবণ হইয়া এ বিষয়ে কর্তব্য স্থির না করেন—অবস্থা বুঝিয়া যদি তাহারা উপযুক্ত ব্যবস্থা করেন, তাহা হইলে কোন পক্ষেরই অভিযোগের কারণ থাকিবে না। তাহারা জোর করিয়া জমী দখল করিয়াছে, তাহাদের যদি কোনরূপ দণ্ডের ব্যবস্থা না করা হয়, তবে দেশে ঐ ভাবে আইন-অমান্য কার্য দিন দিন বাড়িয়া যাইবে ও কোন সরকারের পক্ষেই শাসন কার্য পরিচালন করা সম্ভব হইবে না।

দক্ষিণ পূর্ব এসিয়ায় সফর—

ডাঃ বা ম এক সময়ে ব্রহ্মদেশের প্রধান মন্ত্রী ছিলেন। তিনি একজন চিন্তাশীল ব্যক্তি বলিয়া পরিচিত। পণ্ডিত জহরলাল নেহরু সম্প্রতি দক্ষিণ পূর্ব এসিয়ায় সফর করার

পর ডাঃ বা ম একটি বিবৃতিতে সে বিষয়ে তাহার অভিমত প্রকাশ করিয়াছেন। তিনি বলিয়াছেন—(১) নেহরু চিয়াং-কাইসেকের স্থানে এসিয়ার নেতা হইবার চেষ্টা করিতেছেন (২) দক্ষিণ পূর্ব এসিয়াবাসী ২০ লক্ষ ভারতীয় নেতাজী সুভাষ বসুর অহুগত, পণ্ডিতজী তাহাদের আহুগত লাভ করিতে গিয়াছিলেন (৩) ইন্দ-মার্কিন শক্তির হাতের পুতুল হইয়া পণ্ডিতজী সাম্যবাদের বিরুদ্ধে আক্রমণ চালাইতেছেন (৪) দক্ষিণ পূর্ব এসিয়ার আদিম অধিবাসীদের প্রতি পণ্ডিতজীর নজর নাই; তিনি ঐ অঞ্চলের ভারতীয়দের জন্তই দরদ প্রকাশ করিয়াছেন।—কথাগুলি বিবেচনার বিষয়। 'কোরিয়ার যুদ্ধে ভারত যোগদান করায় ডাঃ বা ম মহাশয়ের উক্তি সমর্থিত হইয়াছে। সত্যই পণ্ডিতজী ভারতকে কোন পথে লইয়া চলিয়াছেন সে চিন্তা আজ সকলকে বিব্রত করিয়াছে।

মাদ্রাজে খাণ্ডাভাব—

শুধু পশ্চিম বাংলার নয়, মাদ্রাজ প্রদেশেও দারুণ খাণ্ডাভাব দেখা দিয়াছে। ত্রিচিনপল্লী, কইম্বাটোর, উত্তর আর্কট ও মালাবার জেলায় খাণ্ডাভাব এত ধারাপ যে লোক গাছের পাতা, লতাগাছ প্রভৃতি খাইতে বাধ্য হইতেছে। ঐ সকল জেলায় খাণ্ডাভাবে বহু লোক মারা যাইতেছে। এরোদ জেলাতেও খাণ্ডাভাবে বহু লোক মারা গিয়াছে। কোন প্রদেশেই চাল অধিক নাই—মাদ্রাজের লোক বেশী পরিমাণে চাল খায়—তাহাদের অন্ত কোন খাণ্ড নাই। কি ভাবে দুর্ভিক্ষের কবল হইতে জনগণকে রক্ষা করা যায়, তাহার পরিকল্পনাই চলিতেছে—আর ও দিকে মৃত্যুর হার ক্রমশঃ বাড়িয়া চলিয়াছে।

সেনাবাহিনী ও বাঙ্গালী—

স্বাধীনতা লাভের পর দলে দলে বাঙ্গালী ছেলেদের সেনাবাহিনীতে যোগদান করার আহ্বান জানানো হলেও দেশে তেমন সাড়া দেখা যায় নাই। ইহার বহু কারণ বর্তমান। সত্যই যাহাতে ছেলেরা সেনাবাহিনীতে যোগদান করে, সে চেষ্টা এখনও হয় নাই। ভাল করিয়া ঐ বিষয়ে প্রচার কার্য করা হইলে সেনাবাহিনীতে যোগদানের জন্ত বাঙ্গালী যুবকের অভাব হইবে না। সে জন্ত বাংলার প্রতি সহরে সৈনিক মেলা আয়োজন করা, গ্রামাঞ্চলে ছাত্রবাহিনীর সম্মিলিত কুচ-কাওয়াজ দেখানো,

কাঁচরাপাড়ার শিকাপ্রাপ্ত চাষী ছেলেদের দল বাঁধিয়া বিভিন্ন অঞ্চলে রুট-মার্চ করা প্রভৃতি বিশেষ প্রয়োজন। নানাভাবে ছবি দেখাইলে লোক সেনাবাহিনীর প্রতি আকৃষ্ট হইবে। আমরা এ সকল বিষয়ে কর্তৃপক্ষের মনোযোগ আকর্ষণ করি।

জন্ম গ্রামে ও গ্রামের লোক ঐ একই কারণে সহরে আসিতেছে। শনিবার ৫ই আগষ্ট বহরমপুর সহরে কালো বাজারে ৬৪ টাকা মণ দরে বিক্রয় হইতেছে। ফলে বহু লোক অনাহারে দিন কাটাইতেছে। ঐ দিন সহরের লোক মিছিল করিয়া জেলা ম্যাজিষ্ট্রেটের বাড়ী যাইয়া চাল



নয়া দিল্লীর হেলী রোডে পশ্চিম
বাংলার শ্রম-মন্ত্রী শ্রীকালীপদ
মুখোপাধ্যায় কর্তৃক বৃক্ষরোপণ

মুর্শিদাবাদের খাদ্য পরিস্থিতি—

মুর্শিদাবাদ জেলা ধান উৎপাদন সম্পর্কে বাড়তি জেলা বলিয়াই প্রসিদ্ধ ছিল অর্থাৎ ঐ জেলায় জেলাবাসীর প্রয়োজনের অতিরিক্ত ধান উৎপন্ন হইত। কিন্তু গত ১ বৎসরের মধ্যে কয়েক লক্ষ আশ্রয়প্রার্থী পূর্ববঙ্গ হইতে আসিয়া ঐ জেলায় বাস করায় এখন ঐ জেলাতেও দারুণ খাদ্যভাব উপস্থিত হইয়াছে। স্থানীয় ছাত্র-কংগ্রেস হইতে ঘোষণা করা হইয়াছে—ঐ দেশকে ঘাটতি অঞ্চল বলিয়া ঘোষণা করিয়া খাদ্য সরবরাহ ব্যবস্থা সরকারী নিয়ন্ত্রণাধীন না করিলে লোক খাদ্যভাবে মারা যাইবে; এখনও মুর্শিদাবাদ জেলায় ১ লক্ষ ২৬ হাজার বিঘা জমী পতিত আছে। বঙ্গ বিভাগের পর সকল জেলায় অর্থ-নীতিক অবস্থাই পরিবর্তিত হইয়াছে—নদীয়ায় খাদ্যভাব বৃদ্ধি পাওয়ার আজ মুর্শিদাবাদ জেলাও বিপন্ন। গত ৩রা আগষ্ট বৃহস্পতিবার হইতে মুর্শিদাবাদ জেলার কোন স্থানে ধান বা চাল নাই। সহরের লোক চালের

চাহিয়াছিল—সেখানে নাকি পুলিশ জনতার উপর লাঠি চালাইয়াছে ও কাঁচুনে গ্যাস ব্যবহার করিয়াছে। অবিলম্বে জেলার সর্বত্র চাল সরবরাহের ব্যবস্থা না হইলে বহু লোক মারা যাইবে। ১৩৫০-এর দুর্ভিক্ষের সময় মুর্শিদাবাদ জেলায় চাউলের মণ ২৪ টাকার অধিক হয় নাই—এবার সরকারী বণ্টন ব্যবস্থার ক্রটির জন্মই এই দুর্ভাব হইয়াছে। ক্রটির জন্ম যাহারা দায়ী তাহাদেরও শাস্তি বিধান করা প্রয়োজন।

বাকুড়া জেলায় খাদ্য-সমস্যা—

বাকুড়া জেলায় প্রতি ৫ বৎসরে একবার করিয়া দুর্ভিক্ষ হইয়া থাকে। ঐ জেলায় এখনও প্রায় ৬ লক্ষ বিঘা জমী পতিত অবস্থায় আছে। এ বৎসর বাকুড়ায় দারুণ খাদ্যভাব দেখা দিয়াছে। ঐ জেলায় অধিক পরিমাণে খাদ্য উৎপাদনের চেষ্টা খুব কমই দেখা যায়। মহুসংহিতায় আছে—যে ব্যক্তি যে ভূমিকে বনাদি কর্তন-পূর্বক কর্ষণাদি দ্বারা উদ্ধার করে সে ভূমি তাহারই হইয়া থাকে। ঐ প্রথা বিলুপ্ত হওয়ার কৃষক আর কৃষির

প্রতি উৎসাহী হয় না। বাঁকুড়া জেলার চাষের জমির উন্নতি সাধন না করিলে বাঁকুড়ার এই দুর্ভিক্ষ বন্ধ করা সম্ভব হইবে না। বর্তমান বৎসরে আগামী ২৩ মাসে কি অবস্থা উপস্থিত হইবে, তাহা চিন্তা করিয়া লোক শঙ্কিত হইতেছে।

প্রাচ্য-ব্যাক প্রতিষ্ঠা—

ভারতের গ্রামে ব্যাক প্রতিষ্ঠা সম্বন্ধে কেন্দ্রীয় গভর্নমেন্ট কর্তৃক যে তদন্ত কমিটি গঠিত হইয়াছিল, সম্প্রতি তাহার রিপোর্ট প্রকাশিত হইয়াছে। গ্রামে ব্যাক না থাকায় লোক নানারূপ অসুবিধা ও কষ্ট ভোগ করে। এক সময়ে ইম্পিরিয়াল ব্যাককে বহু জেলা ও মহকুমা সহরে সরকারী ব্যাকিং কার্য্য করিবার ভার দেওয়া হইয়াছিল। সে ব্যবস্থা অধিক বিস্তৃতি লাভ করে নাই। অনেক স্থানে এখনও ট্রেজারি বা সরকারী তোষাখানা হইতে টাকা আদান প্রদানের ব্যবস্থা আছে। তাহার অসুবিধা অনেক। তাহা পরিবর্তন করিয়া ব্যাকের উপর সে কাজের ভার দেওয়া হইলে লোক চেকের সাহায্যে আদান প্রদান কার্য্য চালাইতে পারে। পোষ্টাফিসে যে সেভিংস্ ব্যাক আছে, তাহার কার্য্যও প্রসারিত হওয়া প্রয়োজন। গ্রামে গ্রামে সরকারী ব্যাক খোলা হইলে সে দিক দিয়াও সঞ্চয়কারীরা লাভবান হইবে। এ বিষয়ে দেশের সর্বত্র প্রচার ও আলোচনা প্রয়োজন। বহু বেসরকারী ছোট ছোট ব্যবসায়ী-ব্যাক ফেল করায় লোক আজ আতঙ্কগ্রস্ত ও ক্ষতিগ্রস্ত। ভবিষ্যতে সঞ্চয় করিয়া লোক বাহাতে এই ভাবে বিপন্ন না হয়, সে জন্তই নূতন ব্যবস্থার প্রয়োজন।

কলিকাতার মাছ সরবরাহ—

একটি সংবাদে প্রকাশ যে, সরকারী কর্তৃপক্ষের চেষ্টায় বৃহৎপ্রদেশের এলাহাবাদ, আগ্রা, আলিগড়, কানপুর, কানপুর, লক্ষৌ, মোরাদাবাদ ও মীরট জেলা হইতে, উড়িষ্যার বালেশ্বর, কটক, বালুগাঁ, ছত্রপুর, কুহুরী, খালিকোটী ও কালুপাড়া ষাট (চিলকা) হইতে এবং বিহারের সামাই, বারুণি জংসন, মোকামা জংসন, পাটনা সিটি ও সিমরী-বক্তিরপুর হইতে পশ্চিমবঙ্গে মাছ আমদানী করার ব্যবস্থা হইয়াছে। গত ডিসেম্বর মাস হইতে মাজা ও বোম্বাই হইতেও কলিকাতার মাছ আসিতেছে। সংবাদটি শুনিয়া সকলের আশ্বস্ত হইবার

কথা। কিন্তু কলিকাতার বাজারে এখনও মাছের দর সাড়ে ৩ টাকা, ৪ টাকা। দর স্থলভ না হইলে আমদানীর কল বুঝা যায় না। দর স্থলভ করার কি কোন ব্যবস্থা হইতে পারে না। শুনা যায়, একদল ব্যবসায়ী মাছের দর কমাইতে দেন না। এ কথা কি সত্য?

শাল-আলুর চাষ—

পশ্চিম বাংলার খাজমন্ত্রী মাননীয় শ্রীপ্রফুল্লচন্দ্র সেন 'শাল আলুর চাষ' সম্বন্ধে এক প্রবন্ধ প্রকাশ করিয়া ঐ বিষয়ে দেশবাসীর দৃষ্টি আকর্ষণ করিয়াছেন। তিনি লিখিয়াছেন—“মিষ্টি আলুর তুলনায় আলুর দাম সব সময়েই বেশী ও সেই দামেই আলু কিনে সকলেই মিষ্টি আলুর চেয়ে অনেক বেশী পরিমাণে ব্যবহার করে থাকেন। অথচ আলুর চেয়ে মিষ্টি আলু অনেক বেশী পুষ্টিকর। এতে অবশ্য আলুর তুলনায় প্রোটিন কিছু কম থাকে, কিন্তু আলুর তুলনায় প্রায় ৬ গুণ ন্নেহজাতীয় পদার্থ, দেড়গুণ খেতসার জাতীয় পদার্থ, ৪ গুণ ক্যালসিয়াম বা চূণ, ৯ গুণ খাদ্যপ্রাণ (ক) ও আড়াই গুণ খাদ্য প্রাণ (খ) আছে। কাজেই মিষ্টি আলু যে একটি পুষ্টিকর খাদ্য সে বিষয়ে সন্দেহের কিছু নেই।” আমরা দেশের সকলকে মিষ্টি আলুর চাষ করিয়া খাড়াভাবে দূর করিতে অজরোধ করি। এক বিঘা জমিতে ৫০৬০ মণ মিষ্টি আলু হয়—সার দিয়া চাষ করিলে উহা ১০০ মণও হইতে পারে। প্রফুল্ল সেন মহাশয়ের প্রবন্ধটি বাহাতে অধিক প্রচারিত হয়, তাহারও ব্যবস্থা হওয়া প্রয়োজন।

কর্ট্রোল ব্যবস্থা সমস্যা—

কেন্দ্রীয় সরকার ভারতে কর্ট্রোল ব্যবস্থা রাখা উচিত কিনা, সে বিষয়ে পরামর্শ দানের জন্ত যে কমিটি নিযুক্ত করিয়াছিলেন সেই কমিটি কর্ট্রোল-ব্যবস্থা রাখার বিরুদ্ধে মত প্রকাশ করিয়াছেন। কিন্তু সে নির্দেশ প্রকাশিত হওয়ার সঙ্গে সঙ্গে জুন মাসে কাগজের উপর কর্ট্রোল ও জুলাই মাসে পেট্রলের উপর কর্ট্রোল প্রত্যাহার করা হইয়াছে। একদল অর্থনীতিকের বিশ্বাস, ধনী ব্যবসায়ীদের চাপে তাহাদের অসুবিধা বিধানের জন্ত কেন্দ্রীয় সরকার এই দুইটি জিনিষের উপর কর্ট্রোল ছাড়িয়া দিয়াছেন। এই ব্যবস্থার ফলে দেশবাসী উপকৃত না হইয়া বরং অপকৃত হইবে। কাগজের বাজার স্থিরতা লাভ

আমরা মূলতঃ কাগজের ওপর কট্টোল চালাই গেল—
ফলে কাগজ আবার ছুঁল্য ও ছুঁপা হইবে বলিয়াই মনে
হয়। পেইলের দামও বৃদ্ধি পাওয়ার সম্ভাবনাই অধিক।
আমরা এ বিষয়ে বিশেষজ্ঞদের অভিমত প্রকাশ করিতে
অগ্ররোধ করি।

পাকিস্তানে মাইকেল স্মৃতিসভা—

পূর্বপাকিস্তানে এখনও যে সকল লোক বাস
করিতেছেন, তাঁহাদের যে বদভাষা ও সাহিত্যের প্রতি
নিষ্ঠা কমে নাই, তাহা সম্প্রতি বশোহর সহরে, রামকৃষ্ণ



বশোহরে মাইকেল উৎসবে সমবেত স্মৃতিবন্দ

হুগলী জেলা সাহিত্য সম্মিলন—

গত ৩১শে আষাঢ় চন্দ্রনগর অধিকাচরণ স্মৃতি মন্দিরে
শ্রীযুত হেমেন্দ্রনাথ দাশগুপ্তের সভাপতিত্বে হুগলী জেলা
সাহিত্য সম্মিলন হইয়াছিল। তথায় 'হুগলী জেলার
ইতিহাস' রচনা করার জন্য শ্রীযুত স্মৃতিবন্দ মিত্র
মহাশয়কে সর্জন্য জ্ঞাপন করা হইয়াছে। স্মৃতিববাবু
অসাধারণ অধ্যবসায় ও পরিশ্রম করিয়া ঐ ইতিহাস
রচনা করায় বহু বক্তা তাঁহার কার্যের প্রশংসা করেন।
সভায় প্রবর্তক সংঘের শ্রীমতিলাল রায়, শ্রীযোগেন্দ্রকুমার
চট্টোপাধ্যায়, শ্রীহরিহর শেঠ, শ্রীযোগেন্দ্রনাথ গুপ্ত,
শ্রীনরেন্দ্রনাথ বসু প্রভৃতি বক্তৃতা করেন।

আশ্রম বিদ্যালয়ে অনুষ্ঠিত মাইকেল মধুসূদন দত্তের স্মৃতি
উৎসব হইতে বৃষ্টি ঝায়। বশোহর সাহিত্য সংঘের
উদ্যোগে উক্ত সভা হয় এবং সুসাহিত্যিক শ্রীসুধাংশুকুমার
রায়চৌধুরী তথায় সভাপতিত্ব ও শ্রীঅবলাকান্ত মজুমদার
উহার উদ্বোধন করেন। জনাব মোসারফ হোসেন,
আবদুল শোভান প্রভৃতি সভায় মাইকেলের প্রতিভা সধকে
বক্তৃতা করেন।

জলপাইগুড়ির হৃদিশাক সাহায্য—

গত অতিবৃষ্টির কালে জলপাইগুড়ি সহর ও জেলার ৩টি
ধানার ১৪টি ইউনিয়নের লক্ষাধিক লোক দারুণ হৃদিশাক
হইয়াছে—যেলে বাতায়ত বন্ধ—সে জন্য দারুণ খাড়াখাব

ক্ষতির পরিমাণ এক কোটি টাকারও অধিক। জলপাই-পশ্চিমবঙ্গের একটি জেলা—বঙ্গাপীড়িত হুর্গতগণকে সাহায্য করা সকলেরই কর্তব্য; সে জন্য তথায় প্রতিনিধি স্থানীয় লোকদিগকে লইয়া একটি সাহায্য কমিটি গঠিত হইয়াছে—সাহায্য জলপাইগুড়িতে সেন্ট্রাল ব্যাঙ্ক অব ইণ্ডিয়াতে প্রেরণ করিলে কমিটি তাহা বিতরণের উপযুক্ত ব্যবস্থা করিবেন। জলপাইগুড়ি হইতে যাহারা আসিতেছেন, তাঁহাদের নিকট দুঃখদর্শনার কাহিনী শুনিলে স্তম্ভিত হইতে হয়। আমাদের বিশ্বাস—বাংলার চা-শিল্পের কেন্দ্র জলপাইগুড়িকে রক্ষা করার জন্য বাঙ্গালীর উৎসাহের অভাব হইবে না।




দক্ষিণ-পূর্ব এশিয়ার পণ্ডিত জহরলাল নেহেরু
(অভিনবনের উত্তরে বঙ্গ-ভারত)

শ্রীহরেন্দ্রনাথ মজুমদার—

কলিকাতার খ্যাতনামা এডভোকেট, বসিরহাট-নিবাসী শ্রীহরেন্দ্রনাথ মজুমদার গত ১৫ই জুলাই ২৪ পরগণা জেলা স্কুল বোর্ডের সভাপতি নির্বাচিত হইয়াছেন। ১৯২৮ সালে ছাত্র-জীবনে তিনি স্ত্রীভাষ্যক্রম বহুর সংগ্রহে

আসেন ও তদবধি দেশে নানাবিধ জনহিতকর প্রতিষ্ঠানে মধ্য দিয়া সমাজ-সেবা করিতেছেন। ১৯৪৩ সালে দুর্ভিক্ষের সময় ও ১৯৪৬ সালে সাম্প্রদায়িক দাঙ্গার সময় তিনি নানাভাবে হুর্গতদের রক্ষা করিবার ব্যবস্থা



শ্রীহরেন্দ্রনাথ মজুমদার

করিয়াছিলেন। গত তিন বৎসর কাল তিনি কলিকাতা ইণ্ডিয়ান এসোসিয়েশনের সম্পাদকরূপেও সাফল্য সহিত কাজ করিয়াছেন। তাঁহার চেষ্টায় ২৪ পরগণা জেলায় প্রাথমিক ও বুনিয়াদি শিক্ষার প্রসার হউক—আমরা সর্বাস্তুরূপে ইহাই প্রার্থনা করি।

ভারতে খাদ্যাভাব—

গত প্রায় ১০ বৎসর ধরিয়া ভারতে দারুণ খাদ্যাভাব চলিতেছে এবং এখন পর্যন্ত তাহার প্রতিকারের কোনো উপায় নির্ণীত হয় নাই। অথচ আমেরিকায় বর্তমানে এ অধিক খাদ্য উৎপন্ন হয় যে তাহা মনে করিলে বিশ্ব হইতে হয়। আমেরিকায় প্রচুর গম ও অল্পাংশ খাদ্য শস্য সংকুল আছে—তাহা মাল গাড়ীতে ভর্তি করিলে ১৭৬৭ মাইল দীর্ঘ মালগাড়ীর সারিতে পরিণত হইবে। তথা

এত অধিক শুক ডিম জমিয়া গিয়াছে যে কটিওয়ালারা আগামী ৮ বৎসরেও তাহা খরচ করিতে পারিবে না। মাখন, ছুঁচুর্ণ, পনির, সয়াবিন, শুকনা ফল প্রভৃতিও ঐরূপ পরিমাণেই তথায় জমা হইয়াছে। আমেরিকা হইতে ঐ সকল জিনিস কিনিয়া আনিবার উপযুক্ত অর্থ ভারতের নাই—কাজেই ভারতবাসীকে ঐ সংবাদ পাঠ করিয়া অনাহারে প্রাণ ত্যাগ করিতে হইবে। কিন্তু ভারত-সরকার কি এদেশে ঐভাবে খাণ্ড প্রস্তুত করার ব্যবস্থা অবলম্বন করিতে পারেন না? কবে এ বিষয়ে ভারতবাসী জন-সাধারণের তথা ভারত সরকারের চৈতন্য উদয় হইবে, তাহা কে জানে?



দিল্লী প্রত্যগত নূতন কেন্দ্রীয় সচিব—শ্রীচক্রবর্তী রাজাগোপালাচারী

শ্রীবিধুভূষণ সেনগুপ্ত—

ইউনাইটেড প্রেস অফ ইণ্ডিয়া পরিচালক ও প্রধান সম্পাদক শ্রীবিধুভূষণ সেনগুপ্ত সম্প্রতি কলিকাতা বিশ্ব-বিদ্যালয়ের ফেলো মনোনীত হওয়ার আশ্রয় তাঁহাকে আন্তরিক অভিনন্দন জ্ঞাপন করিতেছি। ১৮৮৯ সালে ত্রিপুরা জেলার চুটা গ্রামে তাঁহার জন্ম। তিনি ১৯১৮ সালে রাষ্ট্রপুত্র হুরেশনাথ বন্দ্যোপাধ্যায়ের 'বেঙ্গলী' মৈনিক পত্র প্রথম সাংবাদিকের কাজ আরম্ভ করেন ও

পরে কিছুদিন 'ইণ্ডিয়ান ডেলি নিউজ' ও 'সার্ভান্ট' পত্রে কাজ করিয়াছিলেন। 'ক্রি প্রেস' নামক সংবাদ সরবরাহ প্রতিষ্ঠান গঠিত হইলে তিনি তাহার কলিকাতা শাখার ভার-গ্রহণ করেন ও পরে ১৯৩৩ সালে 'ইউনাইটেড প্রেস' প্রতিষ্ঠা করিয়া তাহাকে সর্বপ্রকারে জনপ্রিয় করিয়া তুলিয়াছেন। ভারতীয় সংবাদপত্র-সেবী-সংঘের সভাপতি ও নিখিল ভারত সংবাদপত্র সম্পাদক সম্মেলনের স্ট্যান্ডিং কমিটির সদস্য হিসাবে তিনি এ দেশের সাংবাদিকতার উন্নতি বিধানের জন্য সকল প্রকার চেষ্টা করিয়াছেন। তাঁহার এই সম্মান প্রাপ্তিতে যোগ্যের সমাদর দেখিয়া দেশবাসী সকলেই আনন্দিত হইবেন।



সাংবাদিক সম্মিলনে ডক্টর শ্রীজামাশ্রয় মুখোপাধ্যায়

বাস্তত্যাগীর সংখ্যা—

৬ই জুলাই তারিখের সংবাদপত্রসমূহে প্রকাশ, গত ১লা জাহুয়ারী হইতে এ পর্যন্ত ২৫ লক্ষ বাস্তত্যাগী পূর্ব-পাকিস্তান হইতে ভারতীয় রাষ্ট্রে আগমন করিয়াছে। তন্মধ্যে ১৭ লক্ষ পশ্চিম বাংলায়, ৬ লক্ষ আসামে ও ২ লক্ষ ত্রিপুরায় গিয়াছে। পশ্চিমবঙ্গ সরকার তাহাদের জন্য প্রত্যহ ৩ লক্ষ টাকা ব্যয় করিতেছেন। ১৯৫০ সালে এই বাবদ পশ্চিমবঙ্গ গভর্নমেন্টের মোট ১২ কোটি টাকা ব্যয় হইবে বলিয়া মনে হয়। কিন্তু এই টাকা যে ঠিকভাবে ব্যয়িত হয় না, তাহা ৫ই জুলাই প্রকাশিত নেতৃত্বের এক বিবৃতি হইতে বুঝা যায়। শ্রীঅক্ষয়চন্দ্র গুহ, ডাঃ প্রতাপচন্দ্র গুহ রায়, শ্রীহরেশচন্দ্র দাস, শ্রীঅমরকৃষ্ণ ঘোষ ও শ্রীসতীশ চন্দ্র চক্রবর্তীর স্বাক্ষরিত এক বিবৃতিতে সাহায্য ও পুনর্কসতি

ব্যবস্থা সম্বন্ধে সরকারের দৃষ্টি আকৃষ্ট হইয়াছে। ঐ কার্যের জন্ত বহু লোক নিযুক্ত করা হইয়াছে ও বহু টাকা ব্যয়িত হইয়াছে। কিন্তু এ বিষয়ে সরকারের কোন পরিকল্পনা না থাকায় প্রকৃত কাজ হইতেছে না। আমরা এ বিষয়ে বহুবার বহু অভিযোগ প্রকাশিত করিয়াছি, কিন্তু তাহাতে কোন ফল হয় নাই। দেশে এখনও নিঃস্বার্থ দেশ-সেবকের অভাব নাই—তাহাদের যে কোন এই কার্যে সাহায্য ও সহযোগিতার জন্ত আহ্বান করা হয় না, তাহা বুঝা যায় না।



দেশবন্ধু স্মৃতি তর্পণ—কলিকাতা

ভারতের ৫০ কোটি টাকা ক্ষতি—

শেঠ রামকৃষ্ণ ডালমিয়া খাতনামা ব্যবসায়ী ও অর্থনীতিজ্ঞ পণ্ডিত। তিনি সম্প্রতি এক বিবৃতিতে প্রকাশ করিয়াছেন—পাটজাত দ্রব্য রপ্তানী সম্পর্কে ভারত সরকারের কর্তব্য-ক্রটির ফলে সম্প্রতি ভারতের ৫০ কোটি টাকা ক্ষতি হইতেছে। নির্ধারিত রপ্তানী মূল্য অপেক্ষা অধিক মূল্যে গোপনে ও বেসরকারীভাবে পাটজাত দ্রব্যাদি বিক্রয় হইয়াছে, ফলে গভর্নমেন্টের রাজস্ব খাতে ২০ কোটি টাকা ক্ষতি হইয়াছে এবং পাটজাত দ্রব্য উৎপাদনকারী কোম্পানী সমূহের অংশীদারদিগের ৩০ কোটি টাকা ক্ষতি হইয়াছে। এই ক্ষতির জন্ত যাহারা দায়ী, তাহাদের কি শাস্তি বিধানের ব্যবস্থা হইতে পারে না। দেশে এইরূপ মুনাফা-খোরদের রাজস্ব আর কতদিন চলিবে?

সমবায় অর্থনীতি—

কলিকাতায় সমবায় অর্থনীতি আলোচনার একটি প্রতিষ্ঠান আছে। ঐ প্রতিষ্ঠানের পক্ষ হইতে গত ৩রা আগষ্ট কলিকাতায় গ্রেট ইষ্টার্ন হোটেলে পশ্চিম বাঙ্গালার

নূতন সমবায় মন্ত্রী ডাঃ আর, আমেদকে এক ভোক্তা সভায় সম্বন্ধনা করা হইয়াছিল। ভোক্তা সভায় সমবায় মন্ত্রী বলিয়াছেন—“সমবায় নীতি সমাজকল্যাণমূলক একটি মহান ও সার্বভৌম আর্থিক ব্যবস্থা। সমবায় নীতিকে তিস্তি করে পাশ্চাত্য দেশে আজ এক দিকে অর্থ শক্তি, অন্য দিকে ব্যক্তি-প্রাধান্যহীন লোক-করায়ত্ত আর্থিক ব্যবস্থা গড়ে উঠেছে। কৃষি-শিল্প, ব্যবসা-বাণিজ্য সকল ক্ষেত্রে সমবায় অর্থনীতি বিশেষ প্রয়োজন।” আজ বাংলা দেশে সর্বত্র এই কথা সকলকে বুঝাইয়া দেওয়া প্রয়োজন। আমরা আশা করি, নূতন মন্ত্রী এ বিষয়ে প্রকৃত চেষ্টা করিয়া দেশের কল্যাণ বিধান করিবেন।

বৈষ্ণব ধর্মের নিষ্পত্তি—

সম্প্রতি কলিকাতা কলেজ-স্কোয়ারস্থ ধর্মসম্মেলন সোসাইটি হলে অধ্যাপক শ্রীধরেন্দ্রনাথ মিত্র মহাশয়ের সভাপতিত্বে রূপ সনাতন স্মৃতি সমিতির বার্ষিক অধিবেশনে এই মর্মে এক প্রস্তাব গৃহীত হইয়াছে—“পুরোধানে রথযাত্রা উপলক্ষে এ বৎসর উড়িষ্যা সরকার কর্তৃক প্রচারিত পুস্তিকার মহাপ্রভু গৌরানন্দেব প্রবর্তিত বৈষ্ণব ধর্মের প্রভাবে উড়িষ্যার অবনতি হইয়াছে—এইরূপ অনৈতিহাসিক ও বৈষ্ণব ধর্মের মানিকর উক্তি প্রকাশিত হওয়ায় এই সভা তাহার তীব্র প্রতিবাদ করিতেছে। ঐতিহাসিক প্রমাণে উড়িষ্যার ধর্ম, সংস্কৃতি, সাহিত্য ও শিল্পকলা শ্রীমন্ মহাপ্রভুর প্রেরণায় সংশোধিত বৈষ্ণবতা প্রসারের সহিত অবিচ্ছেদ্য। সমগ্র বৈষ্ণব সম্প্রদায় ঐ মন্তব্যের প্রত্যাহার দাবী করিতেছে।”—এই প্রস্তাব সম্বন্ধে মন্তব্য নিম্নরোজন। আমাদের বিশ্বাস, উড়িষ্যা সরকার নিজেদের তুল বুঝিয়া কর্তব্য পালনে বিলম্ব করিবেন না।

পাকিস্তানী আক্রমণ—

গত ৪ঠা আগষ্ট নয়া দিল্লীতে ভারতীয় পার্লামেন্টে পররাষ্ট্র দপ্তরের সহকারী মন্ত্রী শ্রীধর কেশকর বলিয়াছেন—গত ১লা এপ্রিলের পর হইতে এ পর্যন্ত পাকিস্তানীরা ভারতীয় সীমান্তের গ্রাম গুলিতে ৫৭ বার হানা দিয়াছে। ঐ সকল হানা সম্পর্কে পাকিস্তান সরকারের নিকট প্রতিবাদ করিয়া কোন উত্তর পাওয়া যায় নাই। খবরটি চমৎকার—এক পক্ষ এইভাবে ক্রমাগত হানা দিতেছে আর এক পক্ষ দিল্লী-চুক্তি (নেহরু-লিয়ারকৎ) রক্ষা করার জন্ত আগ্রহশীল। কতদিন এই অবস্থা চলিবে? ইহার ফল হই বা কিরূপ হইবে? সাধারণ মানুষ ইহা বুঝিতে অসমর্থ।



শ্রীকেশবনাথ রায়

স্থানঃশশধর চট্টোপাধ্যায়

ফুটবল লীগ ৪

১৯৫০ সালের ক্যালকাটা ফুটবল লীগ প্রতিযোগিতার প্রথম বিভাগে ইস্টবেঙ্গল ক্লাব লীগ বিজয়ী হয়ে পর্যায়ক্রমে দু'বছর লীগ চ্যাম্পিয়ানসীপ লাভের গৌরব অর্জন করেছে। ইতিপূর্বে ১৯৪৫-৪৬ সালেও ইস্টবেঙ্গল ক্লাব পর্যায়ক্রমে দু'বার লীগ পায়। এ বছরের লীগ পাওয়ার বিশেষত্ব, তারা শেষ পর্যন্ত লীগের কোন খেলাতেই হার স্বীকার করেনি। খেলোয়াড় সংগ্রহ এবং দল গঠন ব্যাপারে ক্লাবের প্রচেষ্টা এবং দলগত সার্থক হয়েছে। ভারতীয় ক্লাবের মধ্যে ১৯৪৮ সালে লীগে প্রথম অপরাধেয় রেকর্ড স্থাপন করে মহমেডান স্পোর্টিং ক্লাব। যে সময় মহমেডান স্পোর্টিং ক্লাব পর্যায়ক্রমে পাঁচবার লীগ চ্যাম্পিয়ান হয়ে লীগে নতুন রেকর্ড করেছে সে সময়ে তারা অপরাধেয় রেকর্ড স্থাপন করতে পারেনি। মহমেডান স্পোর্টিং ক্লাব এ পর্যন্ত ৮ বার লীগ পেয়েছে, গত দশ বছরের মধ্যে পেয়েছে তিনবার। এর মধ্যে ২ বার (১৯৩৬ এবং ১৯৪০) একটা ক'রে খেলায় তাদের হার হয়েছে। মহমেডান স্পোর্টিং লীগ বিজয়ী হয়ে সব থেকে বেশী হেরেছে পাঁচবার ১৯৩৮ সালে, যে বছর লীগে কাষ্টমস এবং মহমেডান স্পোর্টিংয়ের খেলায় সমান পয়েন্ট উঠে।

ইস্টবেঙ্গল ক্লাব এ পর্যন্ত লীগ পেয়েছে ৫ বার, গত দশ বছরের মধ্যে। প্রথম লীগ পায় ১৯৪২ সালে। মাত্র ১টা খেলায় হার হওয়ার জন্যে তারা তিনবার অপরাধেয় রেকর্ড করা থেকে বঞ্চিত হয়েছে। লীগ বিজয়ী হয়ে সব থেকে বেশী হেরেছে তিনবার ১৯৪৯ সালে।

মোহনবাগান এ পর্যন্ত লীগ পেয়েছে ৩ বার, গত দশ বছরের মধ্যে ২ বার। প্রথম পায় ১৯৩৯ সালে।

উপরূপরি ২ বার লীগ পেয়েছে ১৯৪৩-৪৪ সালে। মাত্র ১টা খেলায় হার হয়েছে ২ বার ১৯৩৯ এবং ১৯৪৩ সালে। ১৯৩৯ সালে মোহনবাগান হেরেছে ১-২ গোলে ভবানীপুরের কাছে এবং ১৯৪৩ সালে ০-১ গোলে ইস্টবেঙ্গলের কাছে।

আলোচ্য বছরের লীগের মোট খেলায় ইস্টবেঙ্গল ক্লাবের শ্রেষ্ঠত্ব সম্পর্কে কোন প্রশ্ন উঠে না যদিও কোন কোন খেলায় তারা দলের সুনাম অক্ষয়ী না খেলতে পেরে খেলা ড্র করেছে অথবা জয়লাভ করেছে। লীগের ফিরতি খেলায় মোহনবাগান, মহমেডান স্পোর্টিং এবং রাজহান এই তিনটি বড় দলের সঙ্গে খেলে ইস্টবেঙ্গল ক্লাব খেলা ড্র করেছে। লীগের ফিরতি খেলায় তাদের মূল্যবান ১ পয়েন্ট নষ্ট হয়েছে ক্যালকাটার সঙ্গে।

এ বছরের লীগ চ্যাম্পিয়ানসীপ প্রতিযোগিতায় ইস্টবেঙ্গল ক্লাবের সঙ্গে মোহনবাগান ক্লাবের খুব জোর প্রতিদ্বন্দ্বিতা চলেছিল। ১৫ই জুলাই মোহনবাগান-ইস্টবেঙ্গল দলের ফিরতি খেলায় আগে পর্যন্ত ইস্টবেঙ্গল দলের ২১টা খেলায় ৩৭ পয়েন্ট ছিল অপর দিকে মোহনবাগানের ছিল ১৯টা খেলায় ৩২ পয়েন্ট। মোহনবাগান-ইস্টবেঙ্গল দলের ফিরতি খেলা ড্র যাওয়ার ফলে উভয়দলের খেলা এবং পয়েন্টের সঙ্গে এক ক'রে যোগ হয়। মোহনবাগান-ইস্টবেঙ্গলদলের ফিরতি খেলায় ফলাফলের উপর উভয় দলের লীগ চ্যাম্পিয়ানসীপের যে ভাগ্য নির্ভর করছিল খেলাটি ড্র যাওয়ার ফলে ইস্টবেঙ্গল দলের কিছুটা সুবিধা হয়। তবে মোহনবাগানের সমস্ত আশা একেবারে নষ্ট হয় নি। কারণ উভয় দলের অনেকগুলি গুরুত্বপূর্ণ খেলা তখনও বাকি ছিল। স্পোর্টিং ইউনিয়ন

দলের সঙ্গে খেলা ড্র করে লীগ চ্যাম্পিয়ানসীপের পাল্লা থেকে মোহনবাগান পিছিয়ে পড়ে, ইস্টবেঙ্গল ক্লাব কিছুটা নিরাপদ স্থানে উঠে যায়। এরপর মোহনবাগান অকস্মাৎ এরিয়ামের কাছে ১-০ গোলে হেরে যায়। প্রথম খেলায় মোহনবাগান ৪-০ গোলে এরিয়ামকে হারিয়েছিল। এই পরাজয়ের ফলে ইস্টবেঙ্গল ক্লাব নাগালের বাইরে চলে যায়। লীগ চ্যাম্পিয়ানসীপের প্রসঙ্গ বাদ দিয়ে তখন মোহনবাগান ও রাজস্থানের মধ্যে কে লীগে রাণাস আপ হবে এ গবেষণা মাঠে চলতে লাগলো। উভয়ের তখন ২৪টা খেলায় সমান ৩৬ পয়েন্ট। অপর দিকে বেশী খেলে ইস্টবেঙ্গলের ৪২। রাজস্থানকে ২-০ গোলে হারিয়ে মোহনবাগান যে ২ পয়েন্টে এগিয়ে গেল পরবর্তী খেলায় ই আই রেলদলের কাছে ০-২ গোলে হেরে আবার রাজস্থানের সমান পয়েন্টে নেমে এলো। ২০শে জুলাই বৃহস্পতিবার মোহনবাগান-স্পোর্টিং ইউনিয়নের খেলা ড্র হয় এবং সেই সময় থেকেই মোহনবাগানের ভাগ্য বিড়ম্বনা আরম্ভ হয়েছে। দলের খেলোয়াড়দের অসুস্থতা এবং আঘাত শেষের দিকে লেগেই আছে। ২টো হার এরিয়াম এবং ই আই আর রেল দলের কাছে সত্যই ক্রৌড়া মহলে বিশ্বয়ের সৃষ্টি করেছে।

বাঙ্গালী খেলোয়াড় নিয়ে তৈরী স্পোর্টিং ইউনিয়ন, এরিয়াম, কালীঘাট এবং জর্জটেলিগ্রাফের খেলার কথা গতবার বলেছি। ফিরতি খেলায় উল্লেখযোগ্য ঘটনা স্পোর্টিং ইউনিয়ন ড্র করেছে মোহনবাগানের সঙ্গে এবং হারিয়েছে রাজস্থানকে। লীগে তারা ৪র্থ স্থানে আছে। এরিয়াম হারিয়েছে মোহনবাগানকে। কালীঘাট ১-০ গোলে হারিয়ে দেয় মহম্মেডান স্পোর্টিংকে।

বি এন রেল দলের কাছে রাজস্থানের পরাজয় এবারের খেলার মাঠে আর এক বিশ্বয়। ক্যালকাটা গ্যারিসন ৪-১ গোলে ই আই রেল দলকে হারায় এবং ২-০ গোলে এরিয়ামকে ক্যালকাটা ক্লাব হারিয়ে শেষ পর্যন্ত লীগের শেষ ধাপেই রইলো। ক্যালকাটা গ্যারিসন লীগের শেষের দিকে ভাঙ্গা টিম জোড়া লাগিয়ে বেশ খেলেছে। এবার লীগের ফিরতি খেলায় ক্যালকাটাকে ৭-২ গোলে হারিয়ে সব থেকে বেশী গোল দিয়ে জয়লাভের কৃতিত্ব অর্জন করেছে ভবানীপুর ক্লাব। ভবানীপুরের রঞ্জিৎ সিং একাই

৫টি গোল করেন। একটি খেলায় ব্যক্তিগতভাবে কোন খেলোয়াড় এত বেশী গোল এ বছর প্রথম বিভাগের লীগে করতে পারে নি।

টেস্ট ক্রিকেট :

ইংলণ্ড : ওয়েস্ট ইন্ডিজ

ইংলণ্ড : ২২৩ ও ৪২৬

ওয়েস্ট ইন্ডিজ : ৫৫৮ ও ১০৩ (কোন উইকেট না হারিয়ে)

ইংলণ্ড-ওয়েস্ট ইন্ডিজদলের তৃতীয় টেস্ট ম্যাচ খেলায় ওয়েস্ট ইন্ডিজ ১০ রাণে ইংলণ্ডকে পরাজিত করেছে। প্রথম টেস্ট ম্যাচে ইংলণ্ড জয়ী হয়। দ্বিতীয় এবং তৃতীয় টেস্ট ম্যাচে ওয়েস্ট ইন্ডিজ জয়লাভ করার তারা ২-১ ম্যাচে এগিয়ে রইলো। চতুর্থ টেস্ট ম্যাচ খেলার ফলাফলের উপরই উভয়দলের 'রাবার' করছে। চতুর্থ ম্যাচটি অন্ততঃ ড্র গেলেও ওয়েস্ট ইন্ডিজ 'রাবার' পাবে।

ইংলণ্ড টেসে জিতে প্রথমে ব্যাট করে। এক ঘণ্টার খেলায় মাত্র ২৫ রাণে ৪টা উইকেট পড়ে যায়। অসুস্থতার জন্তে হাটন এবং গিমর্রেট দলে যোগদান করতে পারেন নি। ওয়েস্ট ইন্ডিজের জোন্সের যারগায় জনসন খেলতে নামেন। ২২৩ রাণে ইংলণ্ডের ১ম ইনিংস শেষ হয়। ডি স্ত্রাকলটন দলের সর্বোচ্চ ৪২ রাণ করেন। ইয়ার্ডলে করেন ৪১। জনসন এবং ওরেল ৩টে করে উইকেট পান। রামাধীন এবং জ্যালেনটাইন পান ২টো করে। প্রথম দিনের খেলার নির্ধারিত সময়ের মধ্যে ওয়েস্ট ইন্ডিজ দল ১ উইকেটে ৭৭ রাণ করে।

খেলার দ্বিতীয় দিনের নির্ধারিত সময়ের মধ্যে ওয়েস্ট-ইন্ডিজ সারাদিন পিটিয়ে খেলে মাত্র ৩ উইকেটে ৪৭৯ রাণ তুলে। ওরেল ২৩৯ রাণ এবং উইকস ১০৮ রাণ করে নট আউট থাকেন। রে এবং ষ্টলমেরারের বধাক্রমে ৬৮ এবং ৪৬ রাণ উল্লেখযোগ্য। ওরেল নট আউট ২৩৯ রাণ করায় ১৯৩৮ সালে ট্রেস্ট ব্রীজ গ্রাউণ্ডে প্রতিষ্ঠিত এস ম্যাককেবের ২৩২ রাণের রেকর্ড ভেঙ্গে যায়। ইতিপূর্বে ট্রেস্ট ব্রীজ গ্রাউণ্ডে কোন দেশের খেলোয়াড়ই ওরেলের সমান রাণ তুলতে পারে নি। ১৯১৯ সালে প্রতিষ্ঠিত হাটনের ১৯৬ রাণ এতদিন ইংলণ্ডে অস্বীকৃত ইংলণ্ড-ওয়েস্ট ইন্ডিজ টেস্ট সিরিজের সর্বোচ্চ ব্যক্তিগত রাণ ছিল। ওরেল সে রাণের

রেকর্ডও ভেঙ্গে কেলেন। ঐ দিন ওরেল এবং উইকসের জুটিতে যে রাণ উঠলো ওয়েস্টইন্ডিজ দলের পক্ষে যে কোন উইকেটের যে সর্বোচ্চ ২২৮ রাণের (১৯২৯ সালের এম হেডলে এবং আর মুলেন্স কর্তৃক প্রতিষ্ঠিত) রেকর্ড ছিল তাও ভেঙ্গে গেল। ওরেলের খেলা দর্শকদের মুগ্ধ করে। তিনি ১টা ওভার বাউণ্ডারী করেন এবং 'চার' ১৪টা। খেলার তৃতীয় দিনে ওয়েস্টইন্ডিজ দলের পূর্ব দিনের রাণের সঙ্গে ৭৯ রাণ যোগ হ'লে পর তাদের ১ম ইনিংসের খেলা শেষ হয়ে যায়। ওরেল ২৬১ রাণ করেন। ওরেলের এই ২৬১ রাণ হ'ল ইংলণ্ডে অস্থিত ইংলণ্ড—ওয়েস্ট ইন্ডিজ টেস্ট সিরিজের উভয় দলের মধ্যে ব্যক্তিগত সর্বোচ্চ রাণ। এই রাণ তুলতে ৫ ঘণ্টা ৩৫ মিনিট সময় লাগে। রাণে ৩৫টা বাউণ্ডারী এবং ২টা ওভার বাউণ্ডারী ছিল। ৩০,০০০ হাজার দর্শক (সভ্যরাও) দাঁড়িয়ে উঠে ওরেলকে সম্ভাষণ জানায় এবং মাঠ থেকে প্যাভিলন পর্যন্ত ওরেলকে হাততালি এবং জয়ধ্বনি দিয়ে সম্বর্ধনা জ্ঞাপন করেন। ওরেল তাঁর ২৬১ রাণের মাথার বেডসারের ইনসুইং বল লেগে জোর পিটিয়ে মারেন। বলটা সজোরে গিয়ে ইংলণ্ডের ক্যাপটেন ইয়ার্ডলের হাতে পড়ে; ইয়ার্ডলে দ্বিতীয়বারের চেষ্টায় তবে ওরেলের বলটা হাতে ঝগাতে পারেন। ওরেল এবং উইকসের চতুর্থ উইকেটের জুটিতে ২৮৩ রাণ উঠে। এই ২৮৩ রাণ ওয়েস্ট ইন্ডিজ দলের পক্ষে যে কোন উইকেটের সর্বোচ্চ রাণ হিসাবে রেকর্ড হয়েছে। উইকস ৩ ঘণ্টা ৪০ মিনিটে ১২৯ রাণ তুলে আউট হন। মোট ১৮টা বাউণ্ডারী করেন। ওয়েস্ট ইন্ডিজদের প্রথম ইনিংসের এই ৫৫৮ রাণ ইংলণ্ডের বিপক্ষে তাদের দলের সর্বোচ্চ রাণ হিসাবে রেকর্ড হয়েছে। খেলার তৃতীয় দিনে ওয়েস্ট ইন্ডিজের সাতটা উইকেট ৮০ মিনিটের মধ্যে ৭৯ রাণে পড়ে যায়। ইংলণ্ডের বেডসার একাই ঐদিন ৩৬ রাণে ৫টা উইকেট পান।

ওয়েস্ট ইন্ডিজের থেকে ৩৩৫ রাণ পিছনে পড়ে থেকে ইংলণ্ড খেলার তৃতীয় দিনের বেলা ১টার পর দ্বিতীয় ইনিংসের খেলা আরম্ভ করে। লাঙ্কের সময় খুব জোর বৃষ্টি পড়তে থাকে এবং খেলা পুনরারম্ভ হ'লে ১৫ মিনিট দেরী হয়। লাঙ্কের সময় ইংলণ্ডের কোন উইকেট না পড়ে ৮ রাণ উঠে। চা-পানের আগে বৃষ্টির জন্তে খেলা বেশ কিছুক্ষণ

বন্ধ রেখে খেলোয়াড়রা প্যাভিলনে আশ্রয় নিতে বাধ্য হন। চা-পানের সময় কোন উইকেট না পড়ে ইংলণ্ডের ৪৯ রাণ উঠে। বৃষ্টির জলে খেলার পীচের অবস্থা খুবই শোচনীয় হয়ে পড়ে; জনসন একবার বল দিতে গিয়ে একেবারে কুপোকাৎ হয়ে পড়েন এবং বাঁ কাঁধে আঘাত পান। তৃতীয় দিনের নির্দিষ্ট সময়ের মধ্যে ইংলণ্ডের কোন উইকেট না পড়ে স্কোর বোর্ডে ৮৭ রাণ উঠতে দেখা যায়।

চতুর্থ দিনের খেলায় ইংলণ্ডের ওপনিং ব্যাটসমেন সিম্পসন এবং ওয়াসক্রফ যথাক্রমে ৯৪ এবং ১০২ রাণ করে প্রথম উইকেটের জুটিতে ২১২ রাণ করেন। ইংলণ্ড—ওয়েস্ট ইন্ডিজের টেস্ট ম্যাচে এই ২১২ রাণ (ওয়াসক্রফ ১০২ এবং সিম্পসন ৯৪) প্রথম উইকেটের রেকর্ড হয়েছে। লাঙ্কের সময় ইংলণ্ডের কোন উইকেট না পড়ে ১৬৮ রাণ উঠে। চতুর্থ দিনের নির্দিষ্ট সময়ে ইংলণ্ডের ৫ উইকেট পড়ে গিয়ে ৩৫০ রাণ উঠে। পার্কহাউস ৬৯ রাণ এবং ডিউজের নট আউট ৫৫ রাণ উল্লেখযোগ্য।

টেস্ট খেলার পঞ্চম দিনে অর্থাৎ শেষ দিনে ইংলণ্ড সময় এবং ওয়েস্ট ইন্ডিজের স্পিন বোলার রামাধীন এবং জ্যালেনটাইনের বিপক্ষে প্রচণ্ড মনোবল নিয়ে খেলতে নামলো, হাতে পাঁচটা উইকেট। তিন হাজার দর্শক অধীর আগ্রহে ক্রিকেট খেলায় ইংলণ্ডের মান ইজ্জত রাখার খেলা দেখতে লাগলো। ৮৬ রাণে ইংলণ্ডের বাকি পাঁচটা উইকেট পড়ে গেলে ২য় ইনিংস ৪৩৬ রাণে শেষ হয়ে যায়। ডিউজ এবং ইভেন্স যথাক্রমে ৬৭ এবং ৬৩ রাণ করেন। রামাধীন খেলার শেষ দিনে ৩টে উইকেট পান; মোট ৫টা উইকেট পান ১৩৫ রাণে। এরপর জ্যালেনটাইনের ৩টে ১৪০ রাণে। লাঙ্কের পর ওয়েস্ট ইন্ডিজের রে (৪৬) এবং টল-মেরার (৫২) ২য় ইনিংসের খেলা আরম্ভ করে জয়লাভের প্রয়োজনীয় ১০২ রাণ তুলেন। কোন উইকেট না হারিয়ে ওয়েস্ট ইন্ডিজের ২য় ইনিংসে ১০৩ রাণ উঠলে ওয়েস্ট ইন্ডিজ ১০ উইকেটে জয়ী হয়।

জুলেস রিমেট কাপ ৪

রিও ডি জেনিরায় (ব্রেজিল) অস্থিত 'জুলেস রিমেট ওয়ার্ল্ড সোকার কাপ' প্রতিযোগিতার ফাইনালে উরুগোয়া ২-১ গোলে শক্তিশালী ব্রেজিল একাদশ দলকে হারিয়ে সারা পৃথিবীর ফুটবল ক্রীড়াঙ্গণতে বিশ্বের সাদা

এনে দিয়েছে। খেলার এই ফলাফলে মাঠে উপস্থিত ২০০,০০০ লক্ষ ব্রেজিলবাসী (দর্শক সংখ্যায় হিসাবে পৃথিবীর রেকর্ড) হতবাক হয়ে পড়ে। খেলার বিবরণ যিনি রেডিও যোগে বিতরণ করছিলেন তিনিও শেষ পর্যন্ত স্পেন-সুইডেনের অপর খেলার খবরটির ফলাফল ঘোষণা করতে ভুলে গিয়েছিলেন। ব্রেজিলদলের খেলোয়াড়রা পরাজয়ে মুহূর্তমান হয়ে অবনত মস্তকে ধীরপদে মাঠ পরি-
 ত্যাগ করেন। ফ্রান্সের এম জুলেস রিমেট (যিনি এই কাপটি দান করেছেন) বিজয়ীদলকে নিজ হাতে কাপটি প্রদান করেন। জয়লাভের ক্ষেত্রে বিজয়ী দলের খেলোয়াড়রা স্বর্ণপদক ছাড়া এক হাজার পাউণ্ড বোনাস পায়।

ফুটবল খেলার সমস্যা ৪

খেলাধুলায় অভিজ্ঞতা সঞ্চয় করা কোন দল বা ব্যক্তিগত খেলোয়াড়ের পক্ষে মস্ত বড় লাভ। খেলায় মোট ক্রটি আবিষ্কার করা বা অপর কোন শক্তিশালী খেলোয়াড়ের ক্রীড়ানৈপুণ্য এবং খেলার বৈশিষ্ট্যগুলি আয়ত্ত্ব করার পক্ষে একমাত্র শ্রেষ্ঠ উপায় হ'ল খেলার জয়-পরাজয়ের চিন্তা মন থেকে দূর ক'রে প্রতিযোগিতায় যোগদান করা। জীবনে যারা অসফল্য এবং পরাজয়ের সু'কি নিতে সাহসী হ'ন তাঁরাই পরে সাফল্য এবং প্রতিষ্ঠা লাভ করতে পারেন। জীবনে সাফল্যলাভ যাদের লক্ষ্যবস্তু তাঁরা অসফল্য এবং পরাজয়ে হতাশ হ'ন না। পরাজয় যাদের জীবনে বিভীষিকা এবং পরাজয়কে যারা জীবনে অত্যন্ত হীনতা মনে করেন তাঁরা স্বভাবতই নিজস্ব পরমুখাপেক্ষী অথবা আত্মপ্রবঞ্চক হ'ন। বাংলা দেশের বর্তমান ফুটবল খেলার অবস্থাটা ঠিক এই পর্যায়ে দাঁড়িয়েছে। ক'লকাতার কোন কোন নামকরা ক্লাব খেলায় জয়লাভ ক'রে লীগ-শীল্ড পাওয়াটা বড় মনে করে। ফলে খেলায় পরাজয় দলের পক্ষে তথা সমর্থকদের পক্ষে মস্ত বড় অক্ষমতা এবং হীনতা মনে করা হয়। কোন কোন নামকরা ফুটবল ক্লাবের কর্তৃপক্ষ স্থানীয় খেলোয়াড়দের উপর আস্থা না রেখে ভারতবর্ষের বিভিন্ন অঞ্চল থেকে আমদানী করা খেলোয়াড়দের উপর বেশী আস্থা রাখেন। তার কারণ, স্থানীয় খেলোয়াড়দের উপর নির্ভর করতে গেলে লীগ-শীল্ড খেলায় অনেক বেশী সু'কি নিতে হয় এবং দলের পক্ষে সাফল্যলাভ সমরসাপেক্ষ

ব্যাপার হয়ে দাঁড়ায়। এদিকে স্থানীয় সমর্থকদের পরিচালনার দলগত এবং ব্যক্তিগত প্রভাব বলার রাখতে হলে ক্লাবের সমর্থকদের হাতে রাখা দরকার। ক্লাবের সমর্থকদল চায় লীগ-শীল্ড এবং খেলার বিবিধ রেকর্ড; দলগত নামের উগ্রতা এবং ব্যক্তিগত স্বার্থবোধ সত্য এবং সমর্থকদের মধ্যে এতখানি বেশী যে, তাঁদের মধ্যে জাতীয়তাবোধের একান্ত অভাব দেখা যায়। ফলে যে বছরের পরিচালক মণ্ডলীর ব্যবস্থাপনায় দল লীগ বা শীল্ড পায়, পরবর্তী বাৎসরিক নির্বাচনের সময় সেই দলই সত্যগণের বিপুলভাবে সমর্থন লাভ করে। দল গঠনের এই নীতি দ্বারা ব্যক্তিগত এবং দলগত স্বার্থ অক্ষুণ্ণ রেখে দলের সত্য এবং সমর্থকদের উপর বেশী দিন প্রভাব বিস্তার করা যায় বটে কিন্তু এ নীতি জাতীয় স্বার্থের পরিপন্থী এবং আত্মপ্রবঞ্চনার সমতুল্য।

বাইরের খেলোয়াড়রা নিছক ফুটবল খেলার আকর্ষণেই কি স্বদেশ, আত্মীয় স্বজন ছেড়ে ক'লকাতার খেলতে আসেন? বর্তমান বাস্তব জগতের অর্ধ-নৈতিক পটভূমিকায় ক্রীড়ারোজগারের চিন্তা উপেক্ষা ক'রে একমাত্র খেলার প্রেরণায় এমনভাবে যে কেউ নিজেকে উৎসর্গ করতে পারে তা ধারণার অতীত। এমন কিছু একটা বড় আকর্ষণ আছে যার জন্তে তাঁরা নিজ দেশের ফুটবল খেলায় যোগদান করার মত পবিত্র কর্তব্যবোধ থেকেও নিজেকে দূরে সরিয়ে রেখে কর্তব্যচ্যুত হ'তে সঙ্কোচ বোধ করেন না। সে আকর্ষণ গোপনীয় হলেও ক্রীড়া-মহলে অজ্ঞাত নয়। ফুটবল খেলার সমস্ত শেখ হওয়ার সঙ্গে সঙ্গে অথবা প্রতিযোগিতায় দলের পরাজয় ঘটলেই এঁদের প্রয়োজন কুরিয়ে যায়। এঁদের বেশীর ভাগ স্বদেশে ফিরে যায়। এইভাবে এঁদের জাড়াটে খেলোয়াড়দের মত না খেলিয়ে বাঙ্গালী খেলোয়াড়দের ফুটবল খেলা শিক্ষাদানের উদ্দেশ্যে যদি এঁদের দলভুক্ত করা হ'ত তাহলে কোন অভিযোগ থাকে না। আজ পনের বছর ধরে অবাদালী ফুটবল খেলোয়াড়দের ক'লকাতার আমদানী অব্যাহত গতিতে চলেছে কিন্তু তাঁদের খেলিয়ে দলের লীগ ও শীল্ড পাওয়া ছাড়া বাঙ্গালী জাতির কোন গঠনমূলক উদ্দেশ্য সার্থক হয়েছে কি? বাঙ্গালী খেলোয়াড়দের উপর ক্লাব কর্তৃপক্ষ আস্থা রাখতে পারেন

না কারণ অনেকগুলি ক্লাবের পক্ষে বাছা বাছা নামকরা বাঙ্গালী খেলোয়াড় পাওয়া মুশকিল সুতরাং তাঁরা যে সহজ পথটা আবিষ্কার করেছেন সেটা বাইর থেকে খেলোয়াড় আমদানী করে দলগঠন করা। লীগ-লীড পাওয়ার আকাঙ্ক্ষা মোটেই দোষণীয় নয় কিন্তু উৎকট নেশায় জাতীয় স্বার্থবলি দিয়ে বখনই জয়লীভের বাহাদুরী দেখানো হয় তখনই দোষণীয়। বাঙ্গালী খেলোয়াড়দের উপযুক্ত ফুটবল খেলা শিক্ষা দিয়ে দলে খেলানোই দেশের প্রকৃত গঠনমূলক কাজ। কোন কোন নামকরা সঙ্গত সম্পন্ন ক্লাবের প্রধান কাজ হ'ল বাহির থেকে বাছাই করা খেলোয়াড় ফাঁদ পেতে ধরে আনা, খেলোয়াড় তৈরী করা নয়। খেলোয়াড় সংগ্রহের সঙ্গে যদি খেলোয়াড়দের খেলা শিক্ষা দেওয়ার উপযুক্ত ব্যবস্থা থাকে তাহলে সমালোচনার মুখ অনেকটা বন্ধ হয়।

ইংলণ্ডে বিদেশ থেকে খেলোয়াড় আমদানী করার প্রথা চালু আছে এবং এদেশের থেকে বরং অনেক বেশী। এইতো আমাদের দেশের লালু আমর নাথ, ভিন্নু মানকড়, উমরী গড় প্রভৃতি নামকরা ক্রিকেট খেলোয়াড়রা উপযুক্ত অর্থের বিনিময়ে সেখানের বিভিন্ন দলে ক্রিকেট খেলছেন। এখানকার সঙ্গে তফাৎ এই, সেখানে এই খেলোয়াড় আমদানী নীতির ফলে স্থানীয় খেলোয়াড়দের খেলার যোগদানের সুবিধা থেকে বঞ্চিত করেনা এবং খেলার স্ট্যাণ্ডার্ড নিয়গামীও হয় না। কারণ ইংরেজ চরিত্রে অপরদিকে একটি গঠনমূলক শক্তি সঙ্গী জাগ্রত রয়েছে। বিদেশী খেলোয়াড়দের ক্রীড়ানৈপুণ্যে দর্শকেরা কেবল মুগ্ধ হয়ে চিত্ত বিনোদন করে না, এই শক্তিই স্থানীয় দর্শকদের বিদেশী খেলোয়াড়দের কাছ থেকে যা কিছু শিকণীয় এবং অভিনব তা আয়ত্ত্ব করতে অহুপ্রেরিত করে। নিছক খেলার সাফল্যলাভ অথবা খেলা দেখে

চিত্ত-বিনোদনের উদ্দেশ্যে সেদেশে খেলোয়াড় আমদানী করা হয় না। এখানে খেলার মধ্যে আমরা খেলোয়াড় এবং দর্শকদের অখেলোয়াড়োচিত কাজে যে উৎসাহ এবং নির্নিপুণতাব লক্ষ্য করি তার মূলে আছে বহুদিনের পুঞ্জিত্ত অবিচার এবং অসন্তোষ। এমন কি প্রধান প্রধান কুটবল প্রতিষ্ঠানগুলি এবং আই এফ এ নিজেও দারিদ্র সম্পর্ক সচেতন নয় বলেই দর্শকদের মধ্যে বিকোভ দিন দিন বেড়ে চলেছে। কেবল খবরের কাগজে বিবৃতি দিয়ে অথবা কঠোর সমালোচনা এবং পুলিশের পাহারা দিয়ে খেলার মাঠের স্বাভাবিক আবহাওয়া রাখা যায় না। দর্শকদের মনে শুভবুদ্ধি উদ্ভেকের জন্মে আমাদেরও যথেষ্ট কর্তব্য আছে। ক্লাব কর্তৃপক্ষ এবং আই এফ এ-র কর্তৃকগুলি গঠনমূলক কাজের উপরই দর্শক এবং খেলোয়াড়দের যে শুভবুদ্ধি নির্ভর করছে, দুঃখের বিষয় এটা তাঁরা কেউ চিন্তা ক'রে সেইমত গঠনমূলক কাজে উৎসাহ দেখান না। আই এফ এ, বিভিন্ন ক্লাব কর্তৃপক্ষ, খেলোয়াড়, দর্শক, সংবাদ ও সাময়িক পত্রিকার সমবেত চেষ্টায় এবং পারস্পরিক সহযোগিতা ভিন্ন খেলাধুলার উদ্দেশ্য সার্থক হতে পারে না। বাঙ্গালী জাতি আজ এক চরম জাতীয় সঙ্কটের সম্মুখীন হয়েছে। আজ আমাদের একান্ত মরকার ধৈর্য, সাহস, একতা এবং শুভবুদ্ধি। খেলার মাঠে যে উচ্ছ্বলতার তাণ্ডব নৃত্য সুরু হয়েছে তার প্রভাব আমাদের জাতীয় নৈতিক চরিত্রকে কলুষিত করে সর্বনাশের মুখে এগিয়ে নিয়ে যাচ্ছে; এখনও যদি আমরা কর্তব্য সঙ্কে অবহিত না হই তাহলে আমাদের কপালে আরও অনেক দুর্ভোগ আছে। জাতীয় যদি এভাবে মরণের মুখে এগিয়ে যায় তাহলে সাহিত্য, শিল্প, সঙ্গীত, ভাষা ভাষা তত্ত্বকথা এবং লীগ-লীড পাওয়ার গৌরব কাদের জন্মে?



নব-প্রকাশিত পুস্তকাবলী

- শ্রীপৃথ্বীশঙ্কর ভট্টাচার্য্য প্রণীত উপন্যাস "বৌবনের অভিশাপ"—২৬।
 শ্রীশৈলেন্দ্রনাথ গুহরায় প্রণীত নাটক "ভানুম কুল"—২।
 শ্রীনেপালশঙ্কর সরকার-সম্পাদিত "বর্ষ-দীপিকা" (১৩৫৭)—৩।
 শ্রীকিরণচন্দ্র বন্দ্যোপাধ্যায় প্রণীত কাব্য "Voice of Silence"—৪।
 কল্যাণকুমার মুখোপাধ্যায় প্রণীত কাব্য "বুগের কাব্য"—১।
 নরেশচন্দ্র সেনগুপ্ত প্রণীত "প্রহ্ন বিধান"—৫।
 শ্রীহরপ্রসন্ন ভট্টাচার্য্য প্রণীত "চতুঃস্রোতী ভাগবত"—২৪।
 শ্রীহুধাংশুকাঙ্ক আচার্য্য প্রণীত শিকার-কাহিনী "আসামের জঙ্গলে"—৪।
 বরেন বহু প্রণীত "জঙ্গী ভিয়েৎনাম"—১।
- শ্রীসৌরীন্দ্রমোহন মুখোপাধ্যায় প্রণীত উপন্যাস "ফুটন্ত কুল"—২।
 শরৎ-সাহিত্য ভবন প্রকাশিত "পুরুষ ও প্রকৃতি বা রতি শাস্ত্র"—১।
 "নতুন-পাওয়া প্রিয়া বা প্রেমপত্র"—১।
 শ্রীহুধীন্দ্রনাথ রাহা প্রণীত শিশুপাঠ্য উপন্যাস "বিভাগরে বাঘল"—১।
 "এ টেল অব্ ট্যু সিটিজ"—১।
 শ্রীনৃপেন্দ্রকৃষ্ণ চট্টোপাধ্যায়-সম্পাদিত সংক্ষিপ্ত "সীতারাম"—১।
 শ্রীযোগেশচন্দ্র বন্দ্যোপাধ্যায় প্রণীত জীবনীগ্রন্থ "বিপ্লবী শরৎচন্দ্র বহু"—১।
 কৃষ্ণগোপাল ভট্টাচার্য্য প্রণীত উপন্যাস "ভ্রমরী"—৩।
 স্বামী তৈরবানন্দ প্রণীত দর্শন-আলোচনা "বহুরূপে সম্মুখে তোমার"—২।

এইচ-এম্-ভি বাংলা রেকর্ড—আগষ্ট ১৯৫০

N 31240—অগ্নিবুগের গুরু, সাধকশ্রেষ্ঠ শ্রীঅরবিন্দের চরণে অন্তরের গুঞ্জির উচ্চাস এই শ্রীঅরবিন্দ প্রণতি। লালগোলারাজ এটি রচনা ক'রেছেন, আবৃত্তিও নিজেই ক'রেছেন—গীতাংশে যোগ দিয়েছেন লক্ষ্যপ্রতিষ্ঠ শিল্পী জগদ্বর। N 31241—যে কঠিন সংগ্রামের পর ভারতবর্ষ স্বাধীনতা লাভ ক'রেছে, তার চেয়েও কঠিন বেদনাদায়ক সংগ্রামের পথে তাকে আত্মগুঞ্জি করতে হবে। শতাব্দীর সঞ্চিত আবর্জনারকে পুড়িয়ে ফেলতে বাইরের কেউ তাকে সাহায্য ক'রবে না। হু-সাহিত্যিক নৃপেন্দ্রকৃষ্ণ চট্টোপাধ্যায় রচিত "স্বাধীনতার স্মরণে" তারই ইংগিত রয়েছে। N 31242—শিল্পী সত্য চৌধুরীর দরদী কণ্ঠে হুখানি ভজন গীতি বিশেষ সময় উপযোগী হ'য়েছে। গান দুটি রচনা করেছেন বিদ্রোহী কবি নজরুল। N 31243—অশোক বন্দ্যোপাধ্যায় হুখানি আধুনিক গান পরিবেশন করেছেন, যার স্বর সংযোগ করেছেন জমশ্শির শিল্পী হেমন্ত মুখোপাধ্যায়। N 31244—শ্রীমতী কল্যাণী মজুমদারের "একি বেদনার হায়" ও "আবেশে পরাণ কাঁপে" আধুনিক গান হুখানি শিল্পীর ভাবপ্রকাশ কণ্ঠের অনুভূতি। N 31245—কুমারী মাধবী ঘোষের কণ্ঠের আধুনিক গান। N 31246—শৈলেশ রায় ও অমর দত্তের বাঁশী ও ম্যাগোলিনের ধ্রু-গীতি জনপ্রিয় হিন্দী বাগী চিত্র 'প্যার কি জিৎ'এর হুখানি গানকে মূর্ত ক'রে তুলেছে। N 31230—রেকর্ডে রঞ্জিত রায় ও তাঁর সম্প্রদায়ের পাওয়া হুখানি গান বিশেষ উপভোগ্য।

বিশেষ দ্রষ্টব্য

পূজার ভারতবর্ষ—শা র দী রা পূজা উপলক্ষে আগামী আশ্বিন সংখ্যা "ভারতবর্ষ" ভাদ্রের ৩য় সংখ্যাহে এবং কাঙ্ক্ষিত সংখ্যা আশ্বিনের দ্বিতীয় সংখ্যাহে প্রকাশিত হইবে। বিজ্ঞাপনদাতাগণ অনুগ্রহপূর্বক এই ভাদ্রের মধ্যে আশ্বিনের এবং ২৫শে ভাদ্রের মধ্যে কাঙ্ক্ষিত বিজ্ঞাপনের কপি পাঠাইবেন। নির্দিষ্ট তারিখের মধ্যে পাঞ্জুলিপি না পাঠিলে বিজ্ঞাপন ছাপা না হইবার সম্ভাবনা।


কার্যাদক্ষ—ভারতবর্ষ

পাকিস্তানস্থ গ্রাহকদের জন্য বিজ্ঞপ্তি

আমাদের পাকিস্তানস্থ গ্রাহকগণের মধ্যে যাহারা আমাদের কার্যালয়ে "ভারতবর্ষ"-এর টাকা পাঠাইতে বা জমা দিতে অসুবিধা জোগ করিয়া থাকেন, তাহারা অতঃপর ইচ্ছা করিলে ঠিকানা ও গ্রাহকনম্বর উল্লেখপূর্বক The Asutosh Library, 78-6, Lyall Street, Dacca, East Pakistan—নিকট টাকা পাঠাইতে বা জমা দিতে পারেন। নূতন গ্রাহকগণ টাকা জমা দিবার সময় "নূতন গ্রাহক" কথাটি উল্লেখ করিবেন। ইতি— বিনীত

কার্যাদক্ষ—ভারতবর্ষ

সম্পাদক—শ্রীকীর্ত্তনাথ মুখোপাধ্যায় এম-এ



শিল্পী—ঈশ্বরীপ্রসাদ রায়চৌধুরী

স্বামীজী গোস্বামী

ভারতবর্ষ প্রিন্টিং ওয়ার্কস্



সেখা
একেবারে তুলি দিয়া আঁকা

শিল্পী— শ্রীদেবীশমাদ রামচৌধুরী



আশ্বিন-১৩৫৭

প্রথম খণ্ড

অষ্টত্রিংশ বর্ষ

চতুর্থ সংখ্যা

বুদ্ধের শরণে

শ্রীসুধাংশুমোহন বন্দ্যোপাধ্যায়

উত্তমদেন বন্দেহং পাদপংসু বরুত্তমং
বুদ্ধো যো খলিত্তো দোসো বুদ্ধো ধমতু তং মম ।
নমো বুদ্ধায় গুরুবে
ধর্মায় তারণে
সজ্জায় মহত্তমায় চ ।

জন্মমৃত্যুর চাকায় ঘুরতে ঘুরতে মানুষ পৃথিবীতে আসে, ছক্-কাটা পরিধির ধারে ধারে জীবনের গোনা দিনগুলি কাটিয়ে দেয়। হাসি কান্না, সুখ দুঃখ, ওঠা পড়া, ভাঙা-গড়ার মধ্য দিয়ে চিরন্তনীর রথ চলে। তারই ভিতর অতকিতে একদিন নিত্যকালের সত্যমানুষ জেগে ওঠে, যে মানুষকে মাথা বায় না, যে মানুষ অপরিমেয়, যে মানুষ অপরাহ্নের, যে মানুষের উপর বিশ্বাস হারানো পাপ, যে মানুষ জাতবিদ্রোহী, অনবনমিতশির, নিঃশঙ্কবিজয়ীবীর, যরণকে যে মানেনা, পরাতবকে যে ডরে না—ঐখাগীন,

ক্রান্তিহীন, পরিপূর্ণপ্রাণ, বীর্যবান, যে মানুষ নিজেরই নিজেকে সৃষ্টি করেনেয়, স তহোপতপ্যৎ, যে মানুষ রাজির তপস্যায় বসে উদয় দিগন্তের সন্ধানে। চলোন্নি ইতিহাসের ত্রিশোতা যখনই অবরুদ্ধ হয়, পঙ্কিল হয়, জটিল জটাজালে জড়িত হয়, আবার বিচার বাহ্যাহুষ্ঠানের অচলায়তনে নির্বিষ নিবীৰ্য হয়ে ওঠে, তখনই যুগে যুগে ধর্মজীবীর শত পতিত অবজ্ঞাত অধ্যাতকে প্রাণের পাবন শিখায় জলন্ত করে তোলবার জন্ত আবির্ভূত হন দেবতার দীপ হাতে মহামানবরা—‘সম্ভবামি যুগে যুগে’—দিকে দিকে রোমাঞ্চ লাগে মর্ত্যধূলির ঘাসে ঘাসে—ঐ মহামানব আসে’। তাঁরা নিয়ে আসেন মুক্ত দীপ্ত দৃষ্ট জীবনের সন্ধান, মহতী আশার বাণী—কানে দেন অস্তয় অশোক মন্ত্র। পৃথিবীতে দেবদত্তের মত লোকের অভাব নেই। সামান্ত পাখীও তাদের তুণীরের তীর থেকে রক্ষা পায় না। পথে ঘাটে

আছে জরাগ্রস্ত ও জরতীরা, কত আতুর ধঞ্জ রুগ্ন, তপ্ত, আর্ন্ত, ক্লান্ত—দিনে দিনে মানুষ চলেছে মৃত্যুর গহ্বরে। কেউ সন্ন্যাসী হয়, কেউ মরে, কেউ পালায়—কোথায় থাকে তার মান অভিমান ঐশ্বর্য রূপ যৌবন গর্ভ, মানুষ পালাবে কোথায়, মার ছুটেছে পিছনে, ছুটেছে তৃষ্ণা রাক্ষসী তার লেলিহান জিহ্বা বিস্তার করে।

মহামানবের মন আর্ন্ত হয়ে বলে—হুঃখই কি পৃথিবীর চিরন্তন সত্য, এই সমুদয়ের কি নিরোধ নেই। রাজ্য সাম্রাজ্য, অর্থ বৈভব, তৃষ্ণা তরুণী, পুত্র কলত্র, সংসার সমাজ, মান সম্মান, সবে মনে হয় বাহ্য। পিতা শুদ্ধোধন, পত্নী যশোধরা, পুত্র রাহুল কেহই তার মনকে বাঁধতে পারে না। চৈত্রক পৃষ্ঠে এক জিহামারাত্রির গভীরে তিনি বেরিয়ে পড়েন সত্য সন্ধানের জন্ত—বিশ্বের আর্ন্তি তাঁকে ব্যাকুল করে। এ তপস্যা নিজের জন্ত নয়—মুক্তির জন্ত নয়, ঐশ্বর্য কি জানবার জন্ত নয়, আত্মার স্বরূপ কি উপলব্ধি করার জন্ত নয়, ঐশ্বর্যের জন্ত, সিদ্ধির জন্ত নয়। জন্মজন্মান্তরের চক্র বেয়ে কালাগ্নিপরিবেশের মধ্যে কর্ষের যে জলন্ত শিখা জ্বলছে তার নির্কারণপ্রাপ্তি চাই। বাসনার, তনুহার, মোহের নির্কারণ। এ মুক্তি রবীন্দ্রনাথের ভাষায় নক্ষর্যক নয়, সন্দর্ভক—এ নির্কারণ নেতিবাচক নয়, ইতিবাচক—এ মুক্তি কর্ষত্যাগ নয়, সাধুকর্ষের মধ্যে আত্মত্যাগে, শুধু রাগদ্বেষবর্জনে নয়, অপরিমেয় মৈত্রী সাধনায়। এ তপস্যা শুধু ‘ইহাসনে শুশুতুমে শরীরং’ বলে ত্বক অস্থি মাংস মেদের উৎসর্গে নয়, এ তপস্যা সঙ্ঘোধির জন্ত—ঘনাকারের মাঝে আলোর জন্ত—কোথায় আলো, কোথায় আলো—দীপ জ্বালো, দীপ জ্বালো—আত্মদীপোত্তব। জ্ঞানের প্রদীপ অন্ধ তমিস্রাকে দূর করে দীপাঘিতা করুক সমস্ত সত্তা। অন্তরের পূর্ণিমা বলমল করে বাইরের আকাশভরা পৌর্ণ-মাসীর সঙ্গে মিলে মিশে অপরূপ হবে, তাইতো পূর্ণিমাই বোধির দিন। ফুটে উঠবে অন্তরে বাহিরে আলোর শতদল। তখনই সবাইকে ডেকে বলবার দিন—শরণ লও সেই বোধির, সেই জীবন-বেদের, সেই সজ্ব শক্তির—আমি জেনেছি, আমি অরিহস্তা, মারকে জয় করেছি—ভয় নেই, পথ আছে—আর্য্য অষ্টমার্গ ধর্মচক্রের প্রবর্তন, শীলের অহুশীলন—শুধু চাই সম্যগ্, দৃষ্টি, সম্যগ্, সংকল্প, সম্যগ্, বাক্, সম্যগ্, কর্মান্ত, সম্যগ্, জীব, সম্যগ্, ব্যায়াম, সম্যগ্,

স্বতি, সম্যগ্, সমাধি। তবেই ব্রহ্ম বিহারে ফুটে উঠবে মৈত্রী করুণা মুদিতা উপেক্ষা। আসবে অপ্রমাদ অনাসক্তি।

পরিনির্কারণ শব্যায় শাস্তিতাবস্থায় শেষ মুহূর্তে ভগবান তথাগতের শেষ অহুশাসন হলো—অথ খো ভগবা ভিক্শু আমন্তেসি “হন্দদানি ভিক্খবে আমন্তয়ামি বো বচোধর্ম্মা সজ্জারা অপ্রমাদেন সম্পাদেয়্যাথি”—অয়ং তথাগতসস্ পচ্চিমাবাচা—এই তাঁর শেষ বাণী অর্থাৎ সংস্কারসমূহ সব ক্ষয়শীল, অপ্রমাদের (জ্ঞান সমগ্রযুক্ত সম্যক্ স্বতির) সহিত সর্ককার্য্য সম্পাদন করিবে। তার পূর্বে আনন্দকে সঙ্ঘোধন করিয়া ভগবান বলেছিলেন যে ধর্ম্ম ও বিনয়ই তাঁর অবর্ত্তমানে শাস্তার কার্য্য করিবে।

সারিপুত্র ভগবান বুদ্ধের প্রিয় শিষ্য। দিনের পর দিন, মাসের পর মাস, শীত বর্ষা গ্রীষ্ম সহ্য করেন, ঘুরে বেড়ান গুরুর সঙ্গে, বনে জঙ্গলে, পথে, কাষ্ঠারে, লোকালয়ে, রাজসভায়। একদিন তাঁর মনে সংশয় উপস্থিত হলো—কি পেলাম, কি জানলাম গৃহত্যাগ করে, প্রব্রজ্যা নিয়ে গৌতম ত কোন সমস্যারই সমাধান করিলেন না, আমার বনবাস বৃষ্টি বৃথা হলো। সারিপুত্রের মুখে বর্ষাগমের মেঘছায়া পড়িয়াছে দেখিয়া পরমকারুণিক জিজ্ঞাসা করিলেন—কি হইয়াছে সারিপুত্র। তিনি উত্তর দিলেন—প্রভু আপনি ত শুধু বলিলেন, অষ্টমার্গ অহুসরণ করো, সেগুলি ত কয়েকটি নীতিসূত্র মাত্র, অধ্যাত্ম জগতের কোন তথ্য তাতে পরিস্ফুট নয়, আত্মা কি, তাহার সহিত দেহের কি সম্বন্ধ, দেহ বিনষ্ট হইলে আত্মার কি গতি হয়, অহুপরমাণু কিসে লীন হয়, বিদেহী আত্মার অবস্থান কোথায়, ঐশ্বরের স্বরূপ কি, তিনি আছেন কি নেই, এসব কোন প্রশ্নেরই ত আপনি মীমাংসা করিলেন না—

ভগবান হেসে উত্তর দিলেন—দেখো একজনকে কেহ শরাস্ত করিয়া ভূপাতিত করিয়াছে, অপর একব্যক্তি তাহার হৃদয় হইতে সেইটি তুলিয়া ফেলিবার জন্ত অগ্রসর হইতেছে, তখন যদি শরবিদ্ধ লোকটি বলে যে—আগে উত্তর দাও এই বাণটি উত্তর পূর্ব পশ্চিম বা দক্ষিণ কোন দিক হইতে আসিয়াছে, কোন ব্যাধ বা ক্রিয় বা বৈশ্ব উহা সন্ধান করিয়াছে তবে তোমাকে উহা তুলিতে দিব। তোমার প্রশ্নও সেই অবোধ ব্যক্তির মত। তোমার চিত্ত

একান্ত অশান্ত হইয়া শান্তি খুঁজিতেছিল, আমি তোমাকে শান্তিলাভের উপায়স্বরূপ এই অষ্টমার্গ দেখাইয়া দিয়াছি। এই পন্থা অনুসরণ করিলে তুমি নিজেই সত্য দর্শন করিবে, আত্মদীপ হইবে, তোমার সব প্রশ্নের মীমাংসা হইবে। তপোনির্মল চিত্ত না হইলে কোন প্রশ্নেরই সত্য উত্তর পাওয়া যায় না এবং নিজের মনেই নিজের প্রশ্নের উত্তর খুঁজিতে হয়, তা না হইলে কোন উপদেশই কার্যকরী হয় না।

ঐতিহাসিকের দৃষ্টিতে আজকের যুগের পরিভাষায় দেখিলে তখনকার সামাজিক পরিবেশে বুদ্ধদেব যে কত বড় বিপ্লব আনিয়াছিলেন তা পরিমাপ করা যায়। বাস্তবনিষ্ঠ মনের পরিচয় পাওয়া যায় বৈশেষিক দর্শন, কনাদ, সাংখ্য ও বৌদ্ধবাদে। এদের বলা হতো হেতুবাদী।

জৈমিনিঃ স্মৃগতশ্চৈব নাস্তিকো নন্থ এবচ

কপিলশ্চাক্রুপাদশ্চ ষড়্ভেতে হেতুবাদিনঃ।

একজন সুপরিচিত লেখক বলিয়াছেন ‘সমাজ জীবনে যাহা পাথের, বৌদ্ধ ধর্ম তাহাই পথ—ক্ষমা, মৈত্রী, করুণা, আর্ধ্য অষ্টমার্গ, ইন্দ্রিয় লালসারও নয়, ইন্দ্রিয় সংহারেরও নয়, ভোগ ও ত্যাগের জীবননিষ্ঠ মধ্যপথই সাধারণ মানুষের সাধ্য। তাই গড়ে উঠেছিল যাহাকে বলা হইয়াছে সমন্বয়-সঙ্কানী সমাজ চেতনা এবং তার প্রকাশ হইয়াছিল তিনদিকে (১) এক কেন্দ্রাভিমুখী সংঘটন a centralised organisation (২) এক জনসমন্বয়ী ব্যবস্থা a socialised synthesis (৩) এক জীবন নীতির নির্দেশ a code of Ethics.’

এই জীবন-বেদকে স্বীকার করিয়া লইলে ভগবান আছেন কি নেই, এই প্রশ্ন হয় অবাস্তব। তিনি আরণ্যিকের ভ্রান্ত হৃৎস্বপন না মহান্ প্রভু বৈ পুরুষ অনাদি, অব্যয় ক্ষর, অক্ষর হিরণ্যগর্ত, প্রেমের ঠাকুর—একে বিচার বুদ্ধিতে বিশ্লেষণ করবার দরকার হয় না। সত্যপথের সঙ্কান পাইলে, সম্যক অনুভব হইলে সমস্ত প্রশ্নেরই আপনি মীমাংসা হইয়া যায়।

শান্তার পরিনির্বাণের সঙ্গে সঙ্গে তাঁর শিষ্যদের মধ্যে যতভেদ হয়। একদল ষাঁদের বলা হইত “খেরাবাদিন্” তাঁরা বুদ্ধের অনুশাসনগুলি কায়মনোবাক্যে পালন করিবার

চেষ্টা করিতেন। আর এক দল হলেন ‘মহাসজ্জিকা’—যাঁরা নিজেদের টীকাটিপনি যারা বুদ্ধদেবকে করে তুললেন লোকোত্তর। দিগ্‌নিকায়ের ব্রহ্মজালমূত্রে বলা আছে যে বুদ্ধের জীবনান্তে ‘কায়শ্চভেদে’র পর, দেবতা ও মানুষ কেহই তাঁর দর্শন পাবেন না—তার তখন ‘অপ্রমত্তিকা’ ভাবঃ non-comprehensible state, তিনি শুধু লোকোত্তর নন, অরূপাতীত, অরূপ ব্রহ্মাতীত। এদিকে গড়িয়া উঠিল জিপিটক, বিনয়, সূত্র, অভিধর্ম। এমন সময় ভারতের আকাশে এক পরম উজ্জল জ্যোতিষ্কের উদয় হইল—তিনি মহারাজাধিরাজ রাজচক্রবর্তী অশোক—রুদ্ররৌদ্ররসিক চণ্ডাশোক নন, কলিঙ্গবিজয়ের পর ধর্মাশোক, রাজ্যজবে বিগতস্পৃহ। গিরিগাত্রে উৎকীর্ণ রাজা প্রিয়দর্শীর অনুশাসনগুলি আজও কালের সীমানা পার হ’য়ে সাক্ষ্য দিচ্ছে মহামানবের শিক্ষার ধারা। ‘সবা মুনিষে পজ্জা মম’ অদন্তেন অসথেন বিজয়েৎ’ ‘পোরণ পোকিত্তি’র শিক্ষা দিলেন তিনি—ভারতের এক প্রান্ত থেকে আর এক প্রান্তেরে গিরিদরীশৈলমালার ওপর থেকে এপারে। বলেন—ধর্মচক্রের প্রবর্তন করতে হবে, শিক্ষার, সেবার, ধর্মের শরণ লও—যে ধর্ম মানুষকে বাঁচিয়ে রাখে, দৃষ্টি দেয়, সৃষ্টি করে, যা মানুষকে দেয় শক্তি, প্রাণ, তেজ, বীর্ঘ্য, সন্ত্রম, মনুষ্যত্ব, যার জন্ত চাই সেবা, সংযম, বচগুপ্তি। ব্রাহ্মণরা গালাগালি দিলে যে তিনি মোহাশ্রা, বুদ্ধদেবকে বলা হলো ‘বৃষল’, কিন্তু সত্যের জয়রথ তাতে থামলো না। কবির ভাষায় বলতে গেলে বলা যায়—‘চলে গেছ আজ তুমি মহারাজ, রাজ্য তব স্বপ্নসম গেছে টুটে’ কিন্তু আমাদের হৃদয় সিংহাসনে আজও তিনি মহারাজ। H. G. Wellsএর কথা মনে পড়ে “Amidst the tens and thousands of name of monarchs that crowd the columns of History, their majestics, graciousnesses and Serenities royal highnesses and the like, the name of Asoka shines almost alone like a Star”

এই প্রেমাভিযান শুধু চণ্ডাশোককেই ধর্মাশোক করেনি, কত উপালি উদ্ধার করলে, কতো স্ত্রীমতীকে, কত আনন্দকে পথ দেখালে কত চণ্ডালিনীকে, কত ব্রাহ্মণ

কত শূদ্র, কত পাপী তাপী উদ্ধার পেয়ে গেলো
ত্রিশরণের মন্ত্র নিয়ে। ডাইনে বামে ছন্দ নামলো
নবজনমের মাঝে, বন্দনা গিয়ে মিশলো সঙ্গীতে ভঙ্গীতে,
রূপে অরূপে, মন্দিরে মূর্তিতে ‘ক্রোতশ্চক্রোতম’।

অশোক বৈভাজ্যবাদীদের অর্থাৎ যারা সূত্রগুলিকে
বিচার বিতর্ক করে গ্রহণ করতেন তাদেরই বেশী আদর
করতেন। কিন্তু মূল বুদ্ধবাণীকে অবলম্বন করে নানা
মতবাদের সৃষ্টি হতে থাকে। এলেন অখণ্ডোষ শূণ্যবাদী,
নাগার্জুন লিখলেন বিভাস, ‘সিদ্ধনাগার্জুন কক্ষপুটে’ হলো
তান্ত্রিক বৌদ্ধের সাধনার ইতিহাসের সূত্র, এলেন
আর্যদেব, সত্রাট কনিষ্ক, মিলিন্দ, স্ববির মৈত্রেয় নাথ,
বিজ্ঞান বাদ, যোগাচারবাদ, সর্কাস্ত্রিবাদ, মহাসুখবাদ,
বজ্রযান, মহাযান, বোধিসত্ত্বযান, হীনযান, পরিমিত স্মার,
মন্ত্রস্মার প্রভৃতি।

আর্যদেব বলেন :

“নাহি সূর্য, নাহি চন্দ্র নাহি গ্রহ নক্ষত্র নিকর
নাহি ভূগ তরুসত্য নদনদী পর্বত প্রান্তর
শূণ্য শূণ্য মহাশূণ্য.....
নাহি জন্ম নাহি মৃত্যু ইহলোক নাহি পরলোক
স্বপ্ন সম শূণ্য সব মরীচিকা সম কার তরে করিতেছ
শোক

কে তোমার প্রিয়জন ? কার তরে কর অশ্রুপাত
কে মারিল ? কে মরিল ? কে করিল কারে অজ্ঞাধাত
ছিন্ন হোক মোহবন্ধ সব মিথ্যা দৃষ্টি হোক তিরোহিত
মহাব্যোম সমান শূণ্যতা, শঙ্কেশিব প্রপঞ্চ অতীত

(প্রবাসী জ্যৈষ্ঠ ১৩৪২)

মিলিন্দ প্রশ্নেও এই সমস্যা—ভদ্রস্ত নাগসেন তিনিই—
তিনি ? না অস্ত্র কেউ ? স্ববিরের উত্তর হইল—নচ সো,
নচ অস্ত্র ক্রোতি তিনিও নহেন, অস্ত্রও নহেন। প্রথম
প্রহরে যে দীপ জালানো হয় শেষ প্রহরে তার যে
শিখা সে শিখা কি প্রথম প্রহরের প্রদীপের অষ্ট-
সাহস্রিকা প্রজ্ঞাপারমিতা শূণ্যবাদীদের বেদ বিশেষ—
তাঁরা নির্বাণকে করিলেন অনির্বাচনীয়—এমন একটা
কিছু থাকে ব্যক্ত করা যায় না—এ শুধু নেতি নয়,
সম্পূর্ণ ইতি বাচক। এই সব মতবাদের মহাসাগরে

হাবুডুবু খেতে লাগলেন সঙ্করীরা—তর্ক হতে লাগলো
নির্বাণ কার জন্ত, নিজের জন্ত না সবার জন্ত। মুক্তি-
লাভের আশায় দেবতাদের ও শক্তির আশ্রয় গ্রহণ
করা সমীচীন বলিয়া অনেকে মনে করিতে লাগিলেন।
শক্তি মানেই বিভূতি, বিভূতি মানেই ক্ষমতা। কেউ
বলেন—‘রসবন্ধং দদশ্ব মে’ রসকে বাঁধবো—রস মানে
পারদ না উপনিষদের রস—না শক্তির সাধনা জানিনা—
এই শক্তি লাভের চেষ্টাতেই তান্ত্রিকতার জন্ম। এলেন
তারা, প্রজ্ঞাপারমিতা, হেবজ্জ। আচার্য্য পদ্মসম্ভব
গেলেন তিব্বতে। তন্ত্রের নাম হ’লো সেখায় ঋগবুগ।
গুরু সম্প্রদায় জেগে উঠলো, প্রহ্লাদানন্দ নাথ প্রভৃতি,
দ্বীতীরাগ, যোগিনীসাধন চারিচক্রসাধন প্রভৃতি।
কিন্তু তখনও প্রাচীন আদর্শের প্রতি ভক্তি লুপ্ত হয়
নাই। কারহুব্বাহ নামক মহাযানসূত্রে দেখি বোধিসত্ত্ব
অবলোকিতেশ্বর করুণামহার্ণব রূপে চিত্রিত হইয়াছেন।
বলা হইতেছে এবম্ ময়া শ্রুতম এই রকম শুনিয়াছি
যে, একদিন ভগবান জেতবনে বিহার করিতেছিলেন
এমন সময় এক অপূর্ব আলোকে সারা বিশ্ব উদ্ভাসিত
হয়ে উঠল, শিষ্যেরা সবাই জিজ্ঞাসা করিলেন—প্রভু
এই আলো কোথা হইতে আসিতেছে—ভগবান উত্তর
দিলেন যে বোধিসত্ত্ব অবলোকিতেশ্বর অধীচি নরকে
অধোমুখস্ব পাপীতাপীদের উদ্ধারের জন্ত গমন করিতে-
ছেন। ঐ কারহুব্বাহের দ্বিতীয় অংশে দেখি, বোধিসত্ত্ব
মহাদেব ও উমাকে সদাকরী বিজ্ঞাদান করিতেছেন
এবং মন্ত্র দিচ্ছেন ‘ওম্ মণিপদ্মে হুম্—ওম্ শূলে শূলে
শূণ্যে স্বাহা। তাদের মতে (The Indian Historical
quarterly vol XXIV no 4) আদি বুদ্ধ ছিলেন স্বয়ম্ভু,
তারপর এলেন অবলোকিতেশ্বর। অবলোকিতেশ্বর
হচ্ছেন জ্ঞানের ও ধ্যানের চরম বিকাশ (Highest
point of meditation) এবং তাই থেকে এলেন
সূর্য চন্দ্র ব্রহ্মা নারায়ণ, সরস্বতী, তারা, প্রজ্ঞা
প্রভৃতি। এই হতে দেখা যায় যে বুদ্ধ ক্রমশঃ
স্বয়ম্ভু ভগবানে পরিণত হয়ে গিয়েছেন—যে দেবতাকে
তিনি নিজে স্বীকারও করেনি, অস্বীকারও করেন নি
—সেই পরম দেবত্বে সৃষ্টিস্থিতির তত্ত্বরূপে তিনি
প্রতিষ্ঠিত। নির্বাণের জন্ত লোকে ততটা কাতর নয়,

ভক্তেরা চায় সিদ্ধি, তারা চায় শক্তি। তিব্বতে, নেপালে, কাম্বোজে, পূর্ববঙ্গে প্রচলিত মহাধার্মিক বুদ্ধধর্মী বৌদ্ধতান্ত্রিকতাবাদ নিয়ে এসেছিল আচার অভিচার! ভারতবর্ষে বৌদ্ধধর্মের প্রায় শেষ ইতিহাস কিছুটা তান্ত্রিকতার মধ্যেই, কিছুটা বৈষ্ণব আগমে, কিছুটা সহজিয়া, আউলবাউল নাথদের মধ্যেই লুপ্ত হয়ে গেল।

ভগবান তথাগতের বাণী কিন্তু সেইখানেই আত্ম-গোপন করে নাই। তাঁর পুণ্য আবির্ভাবের সময় হতেই এই অমৃত মন্ত্র ভারতের ভ্রমণ, ভারতের নাবিক, ভারতের পথিক, ভিক্ষু ভিক্ষুণী পথে পথে দেশদেশান্তরে বহন করে নিয়ে গেছে—তারা গেছে মরুকাঙ্ক্ষার গিরিদরীসমুদ্রে লঙ্ঘন করে গাঙ্গার হতে জলধিশেষ। এই বৃহত্তর মহাভারতে অমের প্রেমের রাজ্য প্রতিষ্ঠিত হয়েছিল :

“পদ্মাসন রয়েছে স্থির, ভগবান বুদ্ধ সেখা সমাচীন চিরদিন
মৌন যায় শান্তি অস্ত হারা, বাণী যার সক্রম সাঙ্ঘনার ধারা”
ভারতবর্ষ বর্ষে বর্ষে সজ্জিত হইয়া শূলভাষ্যভঙ্গ লইয়া
রণতরী সাজাইয়া দিগ্বিজয়ে যায় নাই, সে গিয়াছিল
কৌপীনবস্ত্র হইয়া দণ্ডকমণ্ডলু হাতে। তিব্বত, চীন,
জাপান, ছাপময় ভারত, শ্রাম, সিংহল, চম্পা, কাছোডিয়া
খোটান সর্বত্র আজও সেই পুণ্য শরণ আকাশে বাতাসে
ওতোপ্রোতোভাবে বিজড়িত। এ যাত্রা প্রেমের, এ
যাত্রা মৈত্রীর, এ যাত্রা জপমালাধৃত গৈরিক কাষায়বস্ত্র-
পরিহিত মাছুষের, যার শেষ প্রকাশ মহাত্মাজী—এ যে
কতো বড় অভিধান, কতো মধুর, কতো উদার, কতো
বিরাট, কতো মর্মস্পর্শী, তার একটি পাথুরে প্রমাণ উপস্থিত
করিতেছি।

প্রায় আটশো বছর পূর্বে ব্রহ্মদেশে এক রাজা ছিলেন।
তাঁর নাম ছিল রাজা অলংসিধু। তিনি পাগানে আনন্দ-
মন্দিরে প্রস্তরফলকে পালিতাযায় যে প্রার্থনাগীতি উৎকীর্ণ
করিয়াছিলেন তাহা আন্তরিকতায় ও ভাবসম্পদে অপূর্ব।
চার হাজার বছর পূর্বে প্রাচীন ইজিপ্টের সম্রাট
ইখ্নাটোনের স্মৃতিস্তোত্র আমরা পড়িয়াছি Breasleadএর
Dawn of Conscience নামক পুস্তকে। রাজার
প্রার্থনা বা King's prayer বলিয়া তাহা অভিহিত।
পৃথিবীর আর এক প্রান্তে হাজার হাজার বৎসরের

ইতিহাসকে পিছনে ফেলে এসে মধ্যযুগীয় সামন্ততান্ত্রিক
আর এক নরপতির আকুল প্রার্থনা আজও আমাদের কর্ণে
বাজিতেছে। বর্ম্মা রিসার্চ সোসাইটির ১৯২০ সালের
পত্রিকায় অধ্যাপক পে মংটিন্ ও অধ্যাপক লুস্ এই
Shwegngyi Pagoda Inscriptionটি স্মৃতি ও
ঐতিহাসিকদের দৃষ্টিতে আনেন। বঙ্গীয় সাহিত্য পরিষদের
রেঙ্গুন শাখার তৎকালীন সহসম্পাদক শ্রীযুক্ত পরেশপ্রসাদ
মজুমদার মহাশয় “সুবর্ণভূমি” পত্রিকার মারফৎ এই
প্রশস্তিটি আমাদের গোচরে আনেন। রাজা মন্দিরটি
সঙ্কল্পীদের দান করিয়া বলিতেছেন—

“এ দানের পুণ্যফল চাহি শুধু আমি
সর্বজীবহিত ; অস্তরে কামনা যত
সবারি অন্তরতম এ মোর কামনা !
যেই মহাপুণ্য আজি করিহু অর্জন
বিনিময়ে তার, এ জন্ম কি জন্মান্তরে
নাহি চাহি কভু ব্রহ্মলোক, সুরলোক
কিন্বা মারলোক, যত অমর বৈভব
হীরামুক্তামণিময় রাজার মুকুট
একচ্ছত্র ধরণীর রত্ন সিংহাসন—
নহে নহে কাম্য মোর ; বুদ্ধ শিষ্যপদে
যে গৌরব তাও নাহি চাহি। আমি চাই
সংসার নদীর বক্ষে বাধিবারে সেতু
যে পথে অনন্তকাল যাবে পরপারে
আনন্দধামের যাত্রী ! সেই সেতু বেয়ে
যাব আমি লয়ে বিশ্ববাসা জনে
সংসার সমুদ্রে শোতে ডুবিছে অতলে
তুলে নেব সবাচারে—আমি চাই
আপনি সংযত হয়ে, অসংযত জনে
শিখাই সংযম ; সাঙ্ঘনার বাণী লভি
আপন অস্তরে শোনাই তা জনে জনে
সাঙ্ঘনা পায়নি যারা ! অভয় বিতরি
ভীতজনে—আপনি জাগিয়া
সুপ্ত জনে করি আগরিত—শান্ত করি অস্তরের
দাবাধি দাহন, নিভাই পরের আলা
হিংসার ঝটিকা যত দিই ধামাইয়া।
সৃষ্টির আদিম পাপ লোভ হিংসা মোহ

মোর চিত্ত মাঝে হোক তারা অঙ্কুরে বিনাশিত ।
 রূপে রসে শব্দে আর গন্ধে পরশনে
 ইন্দ্রিয়ের স্পৃহা—দূর হোক আজি ।
 নরলোকে শ্রেষ্ঠ যিনি, যে মহামানব
 ত্যজিলেন রাজৈশ্বর্য যশের গৌরব
 তুচ্ছ ধূলিকণাসম, ঠিক সেই মত হায়
 আমাদের বাসনা ত্যজি যাই বহু দূরে
 ধর্মের আশ্রয় আশে ত্রিরত্ন শরণে ।
 আজি হতে আমি চাই ধর্মের বিধান
 মানব মঙ্গল তরে—ছোট বড় সব
 যেন সম শ্রদ্ধাভরে করিগো পালন ।
 দীক্ষিত ত্যাগের মন্ত্রে বোধিতস্বস্থা
 নিত্য করি পান । মুক্ত হোক মোর কাছে
 সূত্র অভিশর্ষ আর বিনয়ের দ্বার ।
 মানুষ্যের ব্যথা হেরি সর্বশক্তি দিয়ে যেন

করি প্রতিকার

অন্তহীন কালসিন্ধু আবর্তন মাঝে
 যুরিতেছে গ্রহ তারা দেব নর যত
 মুক্ত করি সবাকারে হেন শক্তি চাই ।

যে প্রার্থনা সেদিনকার এই নগণ্য নরপতি করেছিলেন,
 তার তথাঃশও কি আমরা আজ এই বিংশশতাব্দীর আণবিক
 বিজয়রথদৃষ্ট বিজ্ঞানের যুগে বলতে পারি। আমরা কি
 বলতে পারি

সর্ব পাপস্ম অকরণং কুশলস্ম উপসম্পদা
 সচিত্ত পরিশোধনং এতং বুদ্ধাশাসনং

সকল প্রকার পাপবর্জন, কুশল কর্মের অনুষ্ঠান, চিত্তের
 নির্মলতা সাধন ইহাই বুদ্ধের অশাসন ।

অভিখরোধ কল্যাণে পাপা চিত্তং নিবারয়ে

দম্বং হি করাতো পুত্র এতং পাপস্মিং রমতী মনো

কল্যাণলাভের জন্ত তোমরা অতি অরায় ধাবমান হও, পাপ
 হইতে মনকে নিবৃত্ত করো, আলস্যের সহিত পুণ্য কর্ম
 করিলে মন পাপে নিরত হইয়া থাকে

যথাগারং সূচ্ছন্নং বুটী ন সমতি বিজ্জ্বতি

এবং সূভাবিতং চিত্তং রাগো ন সমতি বিজ্জ্বতি

যে গৃহ উত্তমরূপে আচ্ছাদিত তাহাকে ভেদ করিয়া যেমন
 বৃষ্টি প্রবেশ করিতে পারে না—যে চিত্ত সূভাবনাযুক্ত
 তাহাতেও সেইরূপ আসক্তি প্রবেশ করিতে পারে না ।

যথাপি রুচিরং পুপফং বরবস্তং আগন্ধকং

এবং সূভাবিতা বাচা অফলা হোতি কুরবতো

যেমন সুন্দর বর্ণযুক্ত পুষ্প গন্ধহীন হইলে নিফলা হয় তদ্রূপ
 সূভাবিত বাচ্য কার্যে পরিণত না হইলে নিফল হয় ।

অক্কেধেন জিনে কোধং

অসাধুং সাধুনা জিনে

জিনে কদরিয়ং দানেন

সচ্চেন অলিক বাদিনং

ক্রোধকে অক্রোধের দ্বারা জয় করিতে হয়, অসাধুকে
 সাধুতার দ্বারা, কৃপণকে দানের দ্বারা, মিথ্যাবাদীকে
 সত্যের দ্বারা ।

আজ এই শরণেরই কামনা করি যা আমাদের কর্ম-
 বিমুখ করিবে না, রাজসিকতায় মত্ত করিবে না,
 তামসিকতায় লিপ্ত করিবে না, সাত্তিকতায় অহঙ্কৃত করিবে
 না । শরণ লবো সেই বাণীর—যে বাণী সকলের, যে বাণী
 পৃথিবীর, যে বাণী কাহাকেও দূরে রাখে না, বর্জন করে
 না, যে বাণীর মহাসাগরে যুক্ত হয়েছেন সব দেশের সব
 মণীষীরা, সমস্ত তুচ্ছতা ক্ষুদ্রতা নীচতার উর্ধ্বে যে বাণী,
 যেখানে কোন বিরোধ নেই, বিবাদ নেই, বিতণ্ডা নেই—
 মা মা হিংসা বলে যে মন্ত্র ভারতের গভীর সত্তার যুগে যুগে
 জাগ্রত ভগবানকে ডেকেছে সেই বুদ্ধেরই শরণ লইলাম,
 মাথা নত করি সেই ধর্মের কাছে, আশ্রয় চাই সেই সজ্ব-
 শক্তির কাছে, সেই শরণই জয়যুক্ত হোক । রবীন্দ্রনাথের
 ভাষায় “সনাতন সত্য ভারতবর্ষের মুক্তিমন্ত্র ত শুধু ক্রীডন্
 নয়, এ মুক্তি কর্মের বাসনা, জনসংঘের আঘাত ও জিগীবার
 উত্তেজনা হইতে মুক্তি”—

এ ধরায় জন্ম নিয়ে যে মহামানব সব মানুষ্যের জগ
 সার্থক করেছিলেন আজ—

নূতন তব জন্ম লাগি

কর জ্ঞাপ মহাপ্রাণ

শাস্ত হে মুক্ত হে

করণাধন ধরণীতল

কাতির যত প্রাণী

আন অমৃত বাণী

হে অনন্ত পুণ্য

কর কলঙ্ক শূন্য ।

জনমত

শ্রী পৃথ্বীশচন্দ্র ভট্টাচার্য

(১)

মোড়ের মাথায় কেঁটঠাকুরের দোকান—

জি-টি-রোড হইতে যে রাস্তাটা এই শিল্পাঞ্চলের গ্রামে চুকিয়াছে তাহারই মোড়ে ছোট্ট দোকান। দোকানের কোন খ্যাতি নাই কিন্তু প্রাধান্য আছে। বালক বৃদ্ধ, ধনী নির্ধন সকলেই এই দোকানে বসিয়া আড্ডা দেয় এবং গলির মোড়ে বলিয়া এইস্থানে গ্রামের বা কলিকাতার শেষ সংবাদ পাওয়া যায়—এটি গ্রামের রয়টার অফিস বলিলেও অত্যাুক্তি হয় না।

কেঁটঠাকুরটি ক্ষুদ্রকায়, অপ্রিয় সত্যবাদী, কিন্তু ব্যবহারে ভদ্র ও রসিক। তাঁহার সবচেয়ে বড় ক্ষমতা যে, সব রকম লোকের সহিত তিনি একই রকম নৈকট্যের সঙ্গে সর্ব বিষয়ে আলোচনা করিতে পারেন।

গ্রামের অধিবাসীদের বেশীর ভাগ চট্টকলের চাকুরিগণ, না হয় কলিকাতার ডেলি-প্যাসেঞ্জার। তাঁহারা বৈকালে বা সন্ধ্যার পর আসেন এবং গ্রামস্থ নিষ্কর্মা যুবকগণ বাকী সময়ে ঠাকুরের দোকানে আড্ডা দেয়।

ঠাকুর দোকানযুক্ত পানে গাল ফুলাইয়া তর্জনীর মাথায় চুণ লইয়া বসিয়া থাকেন এবং মাঝে মাঝে মিষ্ট তিক্ত কথায় নানারূপ টিপ্পনী দ্বারা হান্তরস পরিবেশন করেন।

সুতরাং ঠাকুরের দোকানটি কেবলমাত্র রয়টার অফিস নয়, তা গ্রামের ক্লাবও বটে।

যাঁহারা এই ক্লাবের নিয়মিত সভ্য তাঁদের মধ্যে নিষ্কর্মা যুবক—বটু, বাদলা, ল্যাটা, মনি এবং গ্রামস্থ জমিদার বাবুদের বাড়ীর—ভূতো, পটলা, শচীনবাবু, সতীশবাবু ও পাঁচুবাবু প্রধান। বলা বাহুল্য ইহাদের সকলেই একবয়সী নয়, বালক হইতে প্রৌঢ় সবই আছেন।

সেদিন সকালে বটু বাদলা মনি পটলা ও শচীনবাবু বসিয়া নূতনতম সিনেমা ছবির আধ্যাত্মিক, সঙ্গীত অভিনয় প্রভৃতি সম্বন্ধে গভীর ও গূঢ় গবেষণা করিতেছিল। পটলার হাতে নট-নটীগণের ছবিযুক্ত একখানি মাসিক পত্রিকা—সে

তাহা হইতে কি একটা পড়িয়া শুনাইলে ঠাকুর বিশেষ সুরে—
হ্যাঁ-হ্যাঁ—বলিয়া উঠিলেন। কথাটা অর্থবোধক, তাই সকলে হাসিল। এই হ্যাঁ হ্যাঁ—টিপ্পনীটি ঠাকুরের অন্ততম বৈশিষ্ট্য—
তাহা নানা অর্থে নানা ভাবে প্রায়শঃই পরিবেশিত হয়।

একটি ভদ্রলোক গেঞ্জি গায় দিয়া রাস্তার অপর পারের দোকান হইতে তেল ডাল প্রভৃতি কিনিয়া লইয়া যাইতেছিল। শচীনবাবু প্রশ্ন করিলেন—লোকটা কে হে ? নতুন দেখছি—
পটলা বলিল—ঐ ত নবীনবাবুদের ভাড়াটে—রেফুজি বাঙ্গাল।

—কোন বাড়ীটা ?

—ওই ত ভিয়েন বাড়ীটা, সেইটে ৩০ টাকায় ভাড়া নিয়েছে—

—তা হ'লে শাঁসালো আছে—কি করে ?

বটু বলিল—তা জানি না, তবে ২টা-১৫রয় রোজ ক'লকাতা যায়, আর বোধ হয় ৬টা ১৩'য় আসে—

মনি বলিল—লোকটা নাকি এম-এ শুনেছি।

শচীনবাবু কহিলেন—খ্যোৎ, এম-এ পাশ লোকের চেহারা অমনি হয়—গেঞ্জিগায় দোকানে আসে—

ঠাকুর প্রশ্ন করিলেন—তবে চেহারা কি রকম হয়—

পটলা বলিল—সেবার হরিদাস যখন ম্যাট্রিক পাশ ক'রলে, তখন সে গ্রামে কা'রো সঙ্গে কথাই ব'লতো না—
পাম্পসু আর পাঞ্জাবী ছাড়া ঘর থেকেই বেরুত না—

মনি কহিল—তবে ত ওর মটকার জামা পরে বাজার করা উচিত—

শচীনবাবু মন্তব্য করিলেন—যতই বল ও চেহারায় এম-এ পাশ করা যায় না—বড় জোর ম্যাট্রিক—

পটলা কহিল—কিন্তু বাঙ্গাল যে !

ঠাকুর বাঙ্গাল, তিনি কহিলেন—তবে হ'তেও পারে বা—হ্যাঁ হ্যাঁ।

অর্থব্যঞ্জক হ্যাঁ হ্যাঁ শুনিয়া সকলে হাসিল—

আড্ডা চলিতে লাগিল—

ন'টার সময় দেখা গেল ঐ ভদ্রলোকই হস্ত-বস্ত হইয়া

ষ্ট্রেন পানে ছুটিতেছেন। সাধারণ ধৃতি পাঞ্জাবী, কিন্তু পরিষ্কার, চোখে চশমা। শচীনবাবু তাহার গমন লক্ষ্য করিয়া কহিলেন—এখন ত চেহারাটা মন্দ দেখাচ্ছে না—

ঠাকুর কহিলেন—মাহুকের মতই ত দেখাচ্ছে—

পটলা প্রতিধ্বনি করিল—হ্যা—হ্যা—

ভদ্রলোক প্রসঙ্গেই নানা আলাপ আলোচনা চলিতেছিল, এমন সময় পাঁচুবাবু আসিয়া জলচৌকী দখল করিয়া বসিলেন—কহিলেন—কার কথা বলছ হে ?

পটলা বুঝাইয়া বলিল। পাঁচুবাবু কহিলেন—লোকটার সঙ্গে আলাপ হ'য়েছে টেণে। উচ্চশিক্ষিত এম-এ, রেফুজি—টালিগঞ্জ যায় রোজ।

পটলার সিনেমার কোঁক আছে, টালিগঞ্জ গুনিয়াই সে কহিল—ফিলিমে কাজ করে নাকি ?

পাঁচুবাবু বলিলেন—হ্যাঁ হ্যাঁ—পথে আর এক ভদ্রলোকের সঙ্গে যে রকম আলাপ হ'ল তাতে সেই রকমই মনে হয়—

—তবে ত ভদ্রলোকের সঙ্গে আলাপ ক'রতে হয়—

বাদলা বলিল—কি ক'রে ? বিদ্যান লোক, তার পরে হয়ত বড়লোকও—যখন ফিলিমে কাজ করে—আলাপ ক'রতে ভয় ক'রবে না ?

পটলা চিন্তিত হইয়া কহিল—তাই ত—কি করা যায়—ধোপ-ছুরণ কাপড় জামা পরে যাবো—

কিছুদিন পরের কথা—

উক্ত ভদ্রলোক স্থানীয় একটা সভায় পৌরোহিত্য করিতে নিমন্ত্রিত হইলেন—এবং জ্ঞানগর্ভ বক্তৃতা দিয়া ফেলিলেন।

ঠাকুরের দোকানে সমবেত সকলে সেইদিন সেই প্রসঙ্গের আলাপ করিতেছিলেন। পাঁচুবাবু জলচৌকীতে উপবেশন করিয়াছিলেন, অন্তের প্রশংসা গুনিয়া মন্তব্য করিলেন—বাজারদের ঐ গুণটা আছে, ভিটে মাটি বিক্রি করেও তারা পড়ে। আমাদের মত কেরাগী হয়ে ডেলি-পাও হ'য়ে ধরাকে সরা জ্ঞান করে না—

ঠাকুর বাজালের প্রশংসায় স্তব্ব করিয়া কহিলেন—

হ্যাঁ—হ্যাঁ—

উপস্থিত অনেকে ঠাকুরকে বাজাল বলিয়া ঠাঠা

করিলেন, কেহ কেহ বলিলেন—ওদের আলাপ মাহু খাব যো নেই, ইলিশমাছ চারটাকা হ'য়ে গেছে—

মণি বলিল—ঠিক, ওই ভদ্রলোক রোজ ক'লকা থেকে মাহু নিয়ে আসে—

তাহার পর কথাটা অল্প প্রসঙ্গে চলিয়া গেল।

আরও কিছুদিন পরে ভদ্রলোকের সঙ্গে অনেকে পরিচিত হইলেন এবং লোকটিকে সকলে মিশুক নিরহঙ্কার বলিয়া ধরিয়া লইল এবং আরও কিছুদিন পাঁচুবাবুর দোকানেও তিনি মাঝে মাঝে বসিতে আর করিলেন। তখন আর কাহারও সংশয় রহিল না যে লোকটি শিক্ষিত এবং সত্যই নিরহঙ্কার ভদ্রলোক—না তাহার বীরেনবাবু।

বীরেনবাবু মাঝে মাঝে বসিলে পাকিস্থানের কথা উঠে তিনি পাকিস্থান ত্যাগের ইতিহাস ও কারণ বর্ণনা করেন অনেকে শোনে। কেহবা প্রশ্ন করে—পাকিস্থানে এখন ত গোলমাল নেই, আপনারা থাম্কা এলেন কেন ?

বীরেনবাবু হাসিয়া বলেন—সে আপনারা বুঝবেন না অর্থের চেয়ে আদর্শকে যারা বেশী ভালবাসে, তারা এমন ভুল করে।

কেহ বোঝে কেহ বোঝে না—কেহ না বুঝিয়াই হেঁ হেঁ করিয়া হাসে। বীরেনবাবু তাহার কথা বুঝাইবার চেষ্টা করেন এবং সেটা আন্তরিকভাবেই।

আর একদিনের কথা—

শচীনবাবু শীকার করিতে গিয়া একটি ঘুঘু মারিয়াছেন সেই কথা হইতেছিল—এমনি সময় বীরেনবাবু আসিয়া বসিলেন। শীকারের গল্প চলিতে লাগিল, পাখী হইতে শৃগাল নেউল, পরিশেষে ব্যাঙ্গ শীকার।

ল্যাটা স্থানীয় একটা ব্যাঙ্গ শীকারের কাহিনী ও শীকারীর মৃত্যু প্রসঙ্গে গল্প বলিয়া যখন শেষ করিল, তখন বীরেনবাবু কহিলেন—মাটিতে দাঁড়িয়ে শীকারীর গুলি করা ত ঠিক নয়, কোন অভিজ্ঞ লোকই তা করে না। ভদ্রলোক বোধহয় নতুন শীকারী—

—না না, তিনি বহু বাঘ মেরেছেন।

—তা হ'লে দুর্ভাগ্য হ'য়েছিল—নেহাত মরণ বুদ্ধি। আমি ধীর সঙ্গে প্রথম শীকার করি তিনি দু'টি উপদেশ দিয়েছিলেন—একটা মাটিতে দাঁড়িয়ে গুলি না করতে

এবং আর একটি আহত বাঘের সামনে না যেতে। মাটিতে দাঁড়িয়ে গুলি করলে বিটারদের গায়ে লাগতে পারে, আর বাঘের প্রায়ই দুর্বল অঙ্গ পাওয়া যায় না।

বীরেনবাবু একটি ব্যাঘ্র শীকারের কাহিনী বলিলেন, সকলে অত্যন্ত কৌতূহলী হইয়া শুনিল। শচীনবাবু কহিলেন, —খেলাধুলোও ক'রতেন?

—হ্যাঁ, কিছু কিছু করেছি সব খেলাই, তবে ফুটবল ও ভলিটাই পারতাম ভাল।

পটলা কহিল—চলুন না, কাল ভাল খেলবেন।

—এখন বয়স হ'য়েছে, তোমাদের সঙ্গে ভাল রেখে খেলা ত হবে না। আচ্ছা উঠি, রাত্রি হল। বীরেনবাবু উঠিয়া গেলেন।

পটলা বিস্মিত হইয়া বলিল—লোকটার ত সবদিকেই বেশ আছে—লেখাপড়া, খেলাধুলো।

ল্যাটা কহিল—হ্যাঁ—গুল্ মেরে গেল কিনা তা কি করে জানবে?

পাঁচুবাবু কহিলেন—ভদ্রলোক, তার কথা অবিশ্বাস করে গুল বলাটা ঠিক নয়—

ল্যাটা প্রতিবাদ করিল—দেখুন না, যদি ভাল খেলতে পারে, তবে কুকুরের নামে নাম দেবেন।

পটলা কহিল—হ্যাঁ, দেখে শুনে বল—আগেই এ রকম বলা ঠিক নয়।

শচীনবাবু মন্তব্য করিলেন—গ্রামে এ রকম ছ'চার জন শিক্ষিত উৎসাহী লোক থাকলে হয়ত ছেলেপুলেগুলি মানুষ হবে—

ল্যাটা বলিল—কি করে?

—শিক্ষিত লোক, তাদের দেখে উৎসাহ পাবে—উচ্চাকাঙ্ক্ষা হবে—

পটলা কহিল—শিক্ষা, দীক্ষা পেয়ে লাভ কি—বাড়ী গাড়ী ত শিক্ষিত কারও নেই—বরং কালোবাজার-টাজার ক'রতে শিখলে কাজ হ'তো—

ঠাকুর অমুনাসিক সুরে সুর করিয়া কহিলেন—হ্যাঁ, হ্যাঁ—লেখাপড়া শিখে আর মানুষ হ'ল কে?

(২)

প্রায় বৎসরাধিক পরের কথা—

বীরেনবাবু নিকটস্থ একটি স্থলে মাষ্টারী আরম্ভ

করিয়াছেন। পাকিস্তান হইতে যাহা আনিয়াছিলেন তাহা নিঃশেষিত হইয়া গিয়াছে এবং উষাস্তদের সাহায্যকারী আফিসে ঘুরিয়া ঘুরিয়া বিফল-মনোরথ হইয়াছেন। উপায়ান্তর না পাইয়া উদরার্নের জন্য মাষ্টারী লইতে হইয়াছে—টিউসনিও করিতে হয়—

ঠাকুরের দোকানে বসিবার সময় আজকাল প্রায়ই তাঁহার হয় না। রবিবার বা বন্ধের দিনে সন্ধ্যার সময় হয়ত একটু বসেন। পূর্বে তিনি আসিলে পাড়ার যুবকদল আসন ছাড়িয়া বসিতে দিত, আজকাল তাহারা উঠেও না, বসিতেও বলে না। কেহ কেহ তাহাকে দাঁড়াইয়া থাকিতে দেখিয়া ককুণা করিয়া বলে—ব'সবেন নাকি বীরেনবাবু?

—না, না, তোমরা ব'সো।

তাহারা দ্বিতীয়বার বসিতে বলে না, বীরেনবাবুও বসেন না।

সেদিন ঠাকুরের দোকান সরগরম। বিণুবাবুর রাঁধুণী বামুনটি একটু ছিটগ্রস্ত, নিষ্কর্মা যুবকগণ তাহাকে রাগাইয়া খুব আমোদ উপভোগ করিতেছে এবং হোঃ হোঃ করিয়া দোকান ও রাস্তার মোড় মুখরিত করিয়া তুলিয়াছে; ঠিক ভ্রমনি সময়ে বীরেনবাবু উপস্থিত হইলেন।

বিণুবাবুর বামুনটি তিরস্কার করিতে করিতে চলিয়া গেল, কিন্তু যুবকগণের উৎসাহ তবুও কমে নাই। বীরেনবাবু একটু ক্ষীণ প্রতিবাদ করিলেন—লোকটি হয়ত মনে ব্যথা পায়—দরকার কি?

যুবকগণের মাঝে একটা ইঙ্গিত খেলিয়া গেল—অর্থ সুপরিষ্কার—এখন বীরেনবাবুর পিছনেই লাগা যাক।

পটলা বলিল—আচ্ছা বীরেনবাবু, আপনার সে সিনেমার বই কি হ'ল?

বীরেনবাবু কহিলেন—কি জানি, মামলা মোকদ্দমা হ'য়ে কি হয়েছে—

—খোঁজই রাখেন না?

—না, প্রয়োজনও নেই, সময়ও নেই—

ল্যাটা কহিল—আচ্ছা গত বছর রোজই আপনি সেজেগুজে কলকাতা যেতেন কি ঠুঁড়িতে?

—না, না—চাকুরীর চেঁচায় ঘুরতাম, তা জুটল না।

ভূতো প্রশ্ন করিল—আপনার ছাত্রেরা কি পাশ ক'রবে?

—কেউ ক'রবে, কেউ ক'রবে না—

—ছাত্র—ঐ শেতলা আপনার কাছে পড়ে বুঝি ?

—হ্যাঁ—

পটলা কহিল—সে ত কলেজে পড়ে, সে আবার ঔর কাছে পড়বে কি ? তাকে বাগালেন কি ক'রে ?

বীরেনবাবু অবাক হইলেন। ল্যাটা কহিল—ফেল ক'রবে বলেই ত পড়ছে !

ভয়ানক একটা রসিকতা হইয়াছে এমনি ভাবে সকলে হাসিয়া উঠিয়া চলিয়া গেল। বীরেনবাবু ব্যথিত দৃষ্টিতে চাহিয়া রহিলেন। বুঝিলেন সবই, কিন্তু কিছুই বলিলেন না—

ঠাকুর পান তৈয়ারী করিতেছিলেন, তিনি বীরেনবাবুর অসহায় মুখের দিকে চাহিয়া কহিলেন—এই যে পান খান বীরেনবাবু !

বীরেনবাবু পানটা মুখে দিতে ঠাকুর বলিলেন—আপনি আশ্চর্য্য হ'চ্ছেন ?

—একটু আশ্চর্য্য হ'য়েছি—

—আমি কিন্তু হইনা। আমি জানি কিনা ?

—কি ?

ঠাকুর হাত ঘুরাইয়া কহিলেন—ওসব কিছু না— কিছু না—

আর এক দিনের কথা—

পাড়ার নির্মলের সঙ্গে বীরেনবাবু আলোচনা করিতে ছিলেন। নির্মল একটা কিছু করিতে ইচ্ছুক, বীরেনবাবু তাই বলিতেছিলেন—এখানে যখন ইলেকট্রিসিটি আছে তখন একজোড়া ঘানিতে মাসে ২০০ টাকা, এমনি কি একটা খড়-কাটা কলে মাসিক ১৫০ টাকা হ'তে পারে—

বীরেনবাবু হিসাব করিয়া জিনিষটা প্রমাণ করিতে ছিলেন, এমন সময় শচীনবাবু অফিস-ফেরৎ আসিয়া দাঁড়াইলেন। কহিলেন—ট্রেন লেট—কি হ'চ্ছে আজ বীরেনবাবু ?

ঠাকুর কহিল—খানি—খড়ের কল—

শচীনবাবু হাসিয়া কহিলেন—বেশ আছেন, অঘাচিত উপদেশে বীরেনবাবুর জুড়ি নেই।

বীরেনবাবু কহিলেন—তা একটু অঘাচিতই দিচ্ছি— যদি এরা কিছু করে—

—আপনি কি ক'রলেন—এত থাকতে ৫০০ টাকায় মাষ্টারী কেন করেন ?

বীরেনবাবু হাসিয়া বলিলেন—মূলধনের মধ্যে দেহ ছাড়া যে কিছু নেই আর !

শচীনবাবু এক টিপ নস্ত্র লইয়া চলিয়া গেলেন।

কিছুক্ষণ বাদে পাঁচুবাবু, পটলা প্রভৃতি আসিয়া উপস্থিত। গল্প চলিতে চলিতে শীকারের কথা উঠিল— পাঁচুবাবু কহিলেন—এক ফায়ারে ৬টার বেশী পাখী আমি কখনও মারিনি—তাই মেলে না—

ভূতো কহিল—কাকা সেবার এক ফায়ারে ২১টা পাখী মেরেছিল।

নানারূপ তর্ক চলিতে লাগিল—এক ফায়ারে কতপাখী মারা সম্ভব। পাঁচুবাবুর কথা ৮১০টার বেশী মরিতেই পারে না। ভূতো বলে, সে চাক্ষুষ দেখিয়াছে ২১টা মরিতে। তর্ক যখন অনেকটা জমিয়া উঠিয়াছে তখন ঠাকুর কহিল— কেন বীরেনবাবু ত বাঘ-টাঘ মেরেছেন, ঔর কাছে শোনো না—

ভূতো প্রশ্ন করিল—আপনার জীবনে কত বেশী মেরেছেন বলুন—

বীরেনবাবু নির্বিকারভাবে বলিলেন—৪৮টা—অবশ্য চ্যাগা অর্থাৎ স্নাইফ্—১০নং ছররায় মেরেছিলাম—

পাঁচুবাবু কহিলেন—ঐ রকমই বাঘ মেরেছেন বুঝি— একগুলিতে দশটা—

পটলা কহিল—সব গুল্—কামারের কাছে সূচ চুরি ? বন্দুক ছুড়েছেন ত ?

কথাটা লইয়া হাসি ব্যঙ্গ চলিয়া যখন আসর একটু ঠাণ্ডা হইল তখন বীরেনবাবু কহিলেন—আপনারা আপনাদের জ্ঞান বুদ্ধি অভিজ্ঞতা দ্বারা অন্তকে বিচার করেন—তার বাইরে সব মিথ্যা। কিন্তু সেটা এ দেশ নয়—আমাদের সে সব বড়বিগে কখনও কখনও এত পাখী পড়ে যে জল দেখা যায় না—তাতে চোখ বুজে গুলি করলেও ৫০টা পাখী পড়তে পারে !

—সে দেশটা কোথায় ?

—পূর্ববঙ্গে—

সকলে হো হো করিয়া হাসিয়া উঠিল। ভূতো কহিল—
—আমাদের এখানে বিল কোথায় যে পাখী পড়বে—
হাসলেই ত হয় না—

পাঁচুবাবু কহিলেন—ঐ জন্মেই ত ছেলেরা আপনার
পিছনে লাগে—

বীরেনবাবু হাসিয়া বলিলেন—কেন? বলুন ত?

—আপনি বড় ছাবলা, ওদের সামনে এসব গুল
কি বলতে হয়! পাঁচুবাবু বিজয় কর্কে হাসিয়া
উঠিলেন।

বীরেনবাবু বিস্মিত হইয়া কহিলেন—ছাবলা?

—হ্যাঁ, সকলের সঙ্গেই আপনি মেশেন—বসে গল্প
করেন, তাতে ওরা মান্বে কেন আপনাকে—
আপনার বয়স ও শিক্ষাদীক্ষার কথা ভেবে সংযত হয়ে
থাকবেন—

—সকলের সঙ্গে মিশবো না কেন? প্রতিবেশী, পাড়ার
ছেলে—না মিশলেই সেটা অগ্নায় ও অহঙ্কারের হবে—
মিশতে হবে, তাদের উন্নতির চেষ্টা করতে হবে, উৎসাহ
দিতে হবে—তাইত উচিত জানি—

—তাই ত ফলটা দেখছেন—

বীরেনবাবু একটু উত্তেজিত হইয়া কহিলেন—সেজন্য
নয় পাঁচুবাবু, কারণ জানি আমি।

বীরেনবাবু উঠিয়া চটি পায় দিতেছিলেন—পাঁচু
বলিলেন—কারণটা কি?

—ওরা—মানে যারা আমাদের অসম্মান করে, তারা
শেখেনি কি ক'রে চলতে হয়। অর্থাৎ যতটুকু শিক্ষাপেলে
বুঝ বা মানীর সম্মান রাখা যায় ততটুকু শিক্ষা এরা
পায় নি—যে অন্তর থাকলে অতের বেদনা বোঝা যায় সে
অন্তর তাদের নেই—

বীরেনবাবু চলিয়া গেলেন। পটলা কহিল—বাপরে
অহঙ্কার! তবুও যদি মাষ্টার না হ'ত!

কেষ্টঠাকুর হাত নাড়িয়া কহিল—কিছু না!

—কি?

—লোকটা কিছু না! বাড়ী নেই, গাড়ী নেই, নগদ
টাকা নেই—কিছু না—

কি বুঝিয়া জানি না সকলে হাসিয়া উঠিল—ঠাকুর
কহিলেন—হ্যাঁ—হ্যাঁ—

(৩)

বছর খানেক পরে—

বীরেনবাবুর ভাগ্যের পরিবর্তন হইয়াছে—তিনি
কলিকাতার এক কলেজে বর্তমানে অধ্যাপক হইয়াছেন এবং
মামলা-বিড়ম্বিত সিনেমার ছবিখানা এতদিনে কলিকাতায়
মুক্তিলাভ করিয়া বেশ নাম করিয়াছে এবং সঙ্গে সঙ্গে
আর একটা কাহিনীও বিক্রয় হইয়াছে। তিনি একটু
জায়গা কিনিয়া বাড়ী করিতে আরম্ভ করিয়াছেন।
ঠাকুরের দোকানে তাই বড় আসা হয় না—

ঠাকুরের দোকানে তেমনি আড্ডা চলিতেছে—পটলা-
ভূতোর আছে, তাহার সঙ্গে পাঁচুবাবু ও তাঁহার শ্যালক
দোকানে আসীন। কি একটা বিষয়ে আলোচনা
চলিতেছিল। হঠাৎ একখানা মোটর মোড়ের উপর
থামিল এবং বীরেনবাবু নামিয়া আসিলেন।

দোকানের নিকটবর্তী হইয়া বীরেনবাবু কহিলেন—
কী ঠাকুর ভাল?

—আছি একরকম। খোঁজত নেন না—

—সত্যিই সময় পাই না ভাই, পেটের দ্বায়ে ঘুরতে হয়
—তবুও প্রডিউসারের গাড়ীতে এসে পৌছেছি আটটার।
পটলা সমস্মানে জলচৌকাটা ছাড়িয়া দিয়া কহিল—বসুন,
বীরেনবাবু—

পাঁচুবাবু প্রতিধ্বনি করিলেন। বীরেনবাবু বসিয়া
কহিলেন—দিন ঠাকুর, অনেকদিন আপনার হাতের পান
খাই নি—

ঠাকুর পান দিলেন। অবাস্তর একটু কথাবার্তার
পরে বীরেনবাবু চলিয়া গেলেন।

পাঁচুবাবু শ্যালককে উদ্দেশ করিয়া কহিলেন—
লোকটাকে চেন?

—না। কে?

—‘পঞ্চশান্ত’ দেখেছ লাইট-হাউসে?

—হ্যাঁ।

—তারই কাহিনী-কার।

শ্যালকটি বিস্মিত হইয়া বলিলেন—সত্যি?

পটলা কহিল—ওধু তাই নয়, কলেজের প্রফেসর—
কলিকাতায়—

পাঁচুবাবু কহিলেন—বিদ্বান—জ্ঞানী—বিখ্যাত পুরুষ—
শ্রীলকটি কহিল—অথচ এমনি দোকানে বসে গল্প
ক'রে গেলেন—
—হ্যাঁ।

পাঁচুবাবু কহিলেন—তাই আখো। ছোকরারা কেরাণী
হ'য়ে ধরাকে সরি জ্ঞান করে, অথচ অত বড়লোক, কিন্তু
যেমন নিরহকার তেমনি অমায়িক—

পটলা কহিল—সকলের সঙ্গে সমান ব্যবহার—
আমাদের সঙ্গে পর্য্যন্ত—

কেষ্টঠাকুর হাত ঘুরাইলা কহিল—কিছু না—যা ছিল
তাই আছে—

পাঁচুবাবু কহিলেন—তার মানে—এ রকম অমায়িক
লোক পাওয়া যায় না—

ঠাকুর কহিল—যখন মাষ্টারী ক'রত তখন ছ্যাবলা ছিল,
সম্প্রতি সিনেমার টাকা পেয়ে অমায়িক হ'য়ে গেছে—

পটলা প্রতিবাদ করিল—না—না—

কেষ্টঠাকুর রমণীসুলভ ভঙ্গিতে ও সুরে, মেয়েলী কণ্ঠে
কহিল—হ্যাঁ—হ্যাঁ—

রাশি ফল

জ্যোতি বাচস্পতি

সিংহ রাশি

যদি সিংহ আপনার জন্ম রাশি হয় অর্থাৎ যে সময় চন্দ্র আকাশে সিংহ
নক্ষত্রপুঞ্জে ছিলেন সেই সময় যদি আপনার জন্ম হ'য়ে থাকে, তাহ'লে
এই রকম বল হবে—

প্রকৃতি

আপনার মধ্যে অনুভূতি অত্যন্ত গভীর এবং আপনার সকল কাজ
নিয়ন্ত্রিত হয় আপনার হৃদয় দিয়ে। সব রকম স্নেহশ্রীতির ব্যাপারে
আপনার মধ্যে যথেষ্ট আন্তরিকতা প্রকাশ পায় এবং শ্রীতির পাত্রের জন্য
আপনি ত্যাগ স্বীকার করতেও পরাঙ্ঘু হন না।

আপনার মধ্যে বিশ্বাস ও আত্মশ্রত্যয় বেশ সুপরিণত, সেইজন্য ছোট
বড় যে কোন জায়গাতেই হোক কর্তা, পরিচালক, নেতা অথবা দলপতি
হ'য়ে থাকে আপনার পক্ষে অসম্ভব নয়। আপনার মধ্যে যেমন উচ্চাভি-
লাষ বা প্রভুত্বপ্রিয়তা আছে তেমনি উদারতা ও বদাঙ্গতারও অভাব
নেই।

সৌন্দর্যের দিকে আপনার একটা সহজ আকর্ষণ আছে, কাজেই চিত্র
সঙ্গীত কাব্য অভিনয় প্রভৃতি কলাবিজ্ঞার দিকে আপনার কম-বেশী ঝোঁক
প্রকাশ পেতে পারে। কিন্তু এই সৌন্দর্যপ্রিয়তা বিপথে চালিত হ'লে,
আপনি অতিমাত্রায় ভোগী ও বিলাসী হ'য়ে উঠতে পারেন, সে সম্বন্ধে
সতর্ক থাকা উচিত। আহার-বিহারে, পোষাক-পরিচ্ছদে সর্বত্রই আপনার
সৌন্দর্যপ্রিয়তা লক্ষিত হবে। সুন্দর পোষাক, আসবাব, অলঙ্কার, গন্ধ-
দ্রব্যাদি ব্যবহার করতে আপনি ভালবাসেন।

আপনার মধ্যে কল্পনা খুব প্রবল এবং আদর্শের দিকে কম বেশী
ঝোঁক আপনার মধ্যে দেখা যাবে। আদর্শকে অনেক সময় আপনি

কাজে পরিণত করতে চাইবেন। একটা আদর্শ খাড়া ক'রে, তা দিয়ে
আপনার সকল কর্ম-নিয়ন্ত্রিত করতেও পারেন। এর জন্য অনেক সময়
আপনাকে নিন্দা-অপবাদের সম্মুখীন হ'তে হবে, কিন্তু তা সত্ত্বেও আপনি
আপনার আদর্শ অনুসরণ করতে বিব্রত হবেন না।

আপনার যে মত বা ধারণা একবার আপনার হৃদয়ে দৃঢ়ভাবে অঙ্কিত
হবে, সহস্র বাধা, বিঘ্ন, যুক্তি তর্ক কিছুতেই তা বদলাবে না। যদি
আপনি আধ্যাত্মিকতার দিকে যান তাহ'লে আপনার ভক্তি ও বিশ্বাস
আপনাকে সাধনার উচ্চস্তরে নিয়ে যেতে পারে।

ভাল মন্দ যাই করুন আপনি তা একাগ্রভাবে এবং দৃঢ় নিষ্ঠার সঙ্গে
করে যাবেন; কাজেই আপনার হৃদয় যদি সুপথে চালিত হয়, তাহ'লে তা
যেমন উচ্চপ্রতিষ্ঠা ও সাফল্য দেবে, অপরদিকে বিপথে চালিত হ'লে
আপনাকে তা পশুত্বের নিয়ন্ত্রণে নামিয়ে নিয়ে যেতে পারে। তবে
সাধারণতঃ খোলাখুলি ব্যবহার ভালবাসেন ব'লে, গোড়াতে একটু চেষ্টা
করলেই আপনি সহজেই নিজের ভুল বুঝতে পারবেন এবং তখন নিজের
চরিত্র সংশোধন করা আপনার পক্ষে অসম্ভব হবে না।

অর্থভাগ্য

আর্থিক ব্যাপারে আপনাকে সৌভাগ্যশালী বলা চলে। দানস্বত্রে
অথবা অপ্রত্যাশিতভাবে আপনি বহু অর্থ বা সম্পত্তি পেতে পারেন। কিন্তু
অর্থের উপর আপনার খুব বেশী মারি-মমতা কখনই থাকবে না। অনেক
সময় আপনার সঞ্চিত অর্থ কোন আকস্মিক বিপদে নষ্ট হ'তে পারে,
কিন্তু কোন আদর্শের জন্য আপনি অর্থ বা সম্পত্তি ত্যাগ করতে পারেন।
তাহ'লেও অর্থের বিশেষ অভাব আপনার না হওয়াই সম্ভব। অভাব
হ'লেই অনেক সময় তা সঙ্গে সঙ্গেই পূর্ণ হ'য়ে যাবে।

কর্মজীবন

কর্মক্ষেত্রে অনেক সময় দায়িত্বপূর্ণ কাজের ভার আপনার উপর এসে পড়বে এবং আপনি যদি সুযোগ অবহেলা না করেন তাহলে গুরু দায়িত্বপূর্ণ কোন কাজ থেকে যথেষ্ট খ্যাতি ও প্রতিষ্ঠা অর্জন করতে পারবেন। কিন্তু নিজের অবিবেচনা বা হঠকারিতার জন্তু অনেক সময় সুযোগ পেয়েও তা কাজে লাগাতে পারবেন না। যদিও আপনি আপনার ব্যক্তিগত গুণপণ্যের জোরে কম-বেশী খ্যাতি ও প্রতিষ্ঠা অর্জন করবেন—অপরের সাহায্য না নিয়েও, তবু সাবধান থাকা উচিত, যাতে কোন ভ্রান্ত ধারণা অনুসরণ করে নিজের সকল প্রতিষ্ঠা না নষ্ট করে ফেলেন। সকল কাজে আপনার সংযম ও মন্ত্রগুপ্তি একান্ত আবশ্যিক। ভাবপ্রবণতার জন্তু ও বাড়াবাড়ি করার জন্তু অনেক সময় নিশ্চিত সাফল্যেও বিঘ্ন এসে উপস্থিত হবে।

আপনার সেই সকল কাজ ভাল লাগে যাতে অপরকে আনন্দ দেওয়া যায়, যার সঙ্গে কম বেশী গোপনীয়তা জড়িত থাকে বা যাতে কোন রকম বৈচিত্র্য বা অসাধারণত্ব থাকে। সঙ্গীত, চিত্র-অভিনয়, বস্তুতা প্রভৃতিতে কৃতিত্ব প্রকাশ পেতে পারে। যে সকল কাজের সঙ্গে স্থষ্টির আনন্দ জড়িত থাকে, তা সে স্থূল স্তরেই হোক বা সূক্ষ্ম স্তরেই হোক সেই সকল কাজের দিকে আপনার একটা সহজ আকর্ষণ থাকা সম্ভব। কাজেই কৃষি, বাগ-বাগিচার কাজ, উৎপাদন শিল্প প্রভৃতি, খাদ্য দ্রব্যের ব্যবসায়, হোটেল, রেস্টোরাঁ, দোকানি প্রভৃতির যে কোন কাজে আপনার যোগ্যতা প্রকাশ পেতে পারে। তেমনি আবার সূক্ষ্ম স্তরে গ্রন্থ-কর্তৃত্ব উদ্ভাবনা প্রভৃতিতে আপনি কৃতিত্বের পরিচয় দিতে পারেন। স্পেকুলেশান, লগ্নী কারবার, ব্যাঙ্কিং প্রভৃতিতেও আপনার দক্ষতা থাকা সম্ভব। মোট কথা যে সকল কাজে পরিশ্রমের সঙ্গে কিছু আনন্দ ও পরিশ্রমের পর দীর্ঘ অবসর থাকে এবং যাতে নিজের গুণপণ্যের জন্তু বিশিষ্ট ব্যক্তিদের কাছে খ্যাতি বা প্রশংসা পাওয়া যায় সেই সব কাজ করতে পারলে আপনি বিশেষ সাফল্য লাভ করবেন সে বিষয়ে সন্দেহ নেই। আপনি খ্যাতি চান বটে, কিন্তু সস্তা জনপ্রিয়তা আপনাকে ভূষিত দিতে পারে না।

পারিবারিক

আত্মীয়-স্বজনের ব্যাপারে আপনার নানা বিচিত্র অভিজ্ঞতা হবে। সাধারণতঃ তাঁদের সঙ্গে আপনার স্নেহের বন্ধন দৃঢ় হবে, কিন্তু তা সত্ত্বেও অনেক সময় তাঁদের কাছ থেকে বিচ্ছিন্ন হ'য়ে আপনাকে দূরে থাকতে হবে। তা ছাড়া আত্মীয়-স্বজনের সংশ্রবে এমন সব অদ্ভুত ঘটনা ঘটবে যার জন্তু আপনাকে মধ্যে মধ্যে অশান্তি বা মনোকষ্ট ভোগ করতে হবে।

পারিবারিক ব্যাপারে ও গৃহস্থালীর সংশ্রবে আপনার বহু ব্যয় হবে। আপনার পৈতৃক সম্পত্তি বিভক্ত হওয়া সম্ভব এবং তা নিয়ে কম-বেশী ঝগড়া হ'তে পারে। ঝগড়া এড়ানোর জন্তু বা অস্ত্র কারণে আপনি সম্পত্তি বিক্রয়ও করতে পারেন।

পিতা-মাতার জন্তু আপনার কম-বেশী চিন্তা উপস্থিত হ'তে পারে, তাঁদের জন্তু আপনার কিছু আর্থিক ক্ষতি অথবা উন্নতিতে বিঘ্ন হওয়াও অসম্ভব নয়। পিতার ভ্রমণকালে কোন রকম দুর্ঘটনা অথবা জীবন-সংশয় হওয়ার আশঙ্কা আছে।

সন্তানাদির জন্তুও আপনার কম-বেশী অশান্তি ভোগ করতে হবে। সন্তান লাভে বিঘ্ন হ'তে পারে, সন্তান হ'লেও তাঁদের ব্যাপার নিয়ে কম-বেশী চিন্তা থাকবে। সন্তানের মধ্যে কারো কোন রকম দৈহিক অথবা মানসিক অসাধারণত্ব থাকতে পারে—তা ভালই হোক আর মন্দই হোক।

বিবাহ

আপনার দাম্পত্য-জীবন সাধারণতঃ ভাল হ'লেও সে সম্বন্ধে কম-বেশী চিন্তা উপস্থিত হ'তে পারে। আপনার স্ত্রী (অথবা স্বামী) আপনার অনুগত হবেন কিন্তু আপনাকে অনেক সময় তাঁর কাছ থেকে বিচ্ছিন্ন হ'য়ে থাকতে হবে তা ছাড়া অনেক সময় বন্ধু বান্ধবের জন্তু অথবা বিবয়-কর্মের জন্তু আপনার দাম্পত্য জীবনে বিঘ্ন উপস্থিত হ'তে পারে। আপনি যদিও আপনার স্ত্রীর (অথবা স্বামীর) প্রতি স্নেহশীল হবেন তথাপি অবস্থা গतिकে অনেক সময় তাঁর উপর আপনার কর্তব্য ঠিকভাবে পালন করতে পারবেন না এবং তাঁর জন্তু-মধ্যে মধ্যে দাম্পত্য জীবনে কিছু অশান্তি উপস্থিত হবে অথবা তা খুব বেশী গুরুতর না হওয়াই সম্ভব। যার জন্ম-মাস বৈশাখ, ভাদ্র, পৌষ অথবা ফাল্গুন, কিংবা যার জন্ম-তিথি শুক্রপক্ষের ষষ্ঠী বা ত্রয়োদশী অথবা কৃষ্ণপক্ষের সপ্তমী, চতুর্দশী বা অমাবস্তা এ রকম কারো সঙ্গে বিবাহ হ'লে আপনার দাম্পত্য জীবন বিশেষ সুখকর হবে।

বন্ধুত্ব

বন্ধুর সংশ্রবে আপনার বিচিত্র অভিজ্ঞতা হবে। অনেক বিচিত্র ধরণের লোকের সঙ্গে বন্ধুত্ব হওয়া সম্ভব। বন্ধু সংসর্গ অনেক সময় আপনার বিবাদ বিসম্বাদ, সম্মানহানি বা অপযশের কারণ হ'তে পারে, সে সম্বন্ধে সতর্ক থাকা উচিত। আপনি সাধারণতঃ জনপ্রিয় হবেন এবং আপনার অনেক অনুচর পরিচরও থাকবে, কিন্তু তাদের সাহায্য আপনার বিশেষ কোন কাজে লাগবে না। অনেকক্ষেত্রে তাদের দ্বারা গুপ্ত-শত্রুতা হ'তে পারে এবং কোন কোন ক্ষেত্রে তাদের জন্তু আপনার গুরুতর ক্ষতি হ'তে পারে। আপনি নিজে বন্ধু-বৎসল হবেন কিন্তু বন্ধুর কাছ থেকে মৌখিক সহানুভূতি ছাড়া অস্ত্র কোন সাহায্য কমই পাবেন। যার জন্ম মাস বৈশাখ, ভাদ্র, অথবা পৌষ কিংবা যার জন্ম-তিথি শুক্রপক্ষের ষষ্ঠী কি ত্রয়োদশী অথবা কৃষ্ণপক্ষের সপ্তমী, চতুর্দশী কি অমাবস্তা এমন কোন ব্যক্তির সঙ্গে সঙ্গে বন্ধুত্ব আপনার পক্ষে কিছু আনন্দদায়ক হবে।

স্বাস্থ্য

আপনার জীবনীশক্তি বেশ প্রবল হবে বটে, কিন্তু কোন দীর্ঘস্থায়ী জটিল ব্যাধি সম্বন্ধে আপনার সতর্ক থাকা উচিত। আপনার এমন কোন বিচিত্র ব্যাধি হ'তে পারে যা সাধারণ চিকিৎসা দ্বারা দূর হওয়া সম্ভব নয় এবং যার জন্তু দৈব কর্ম অথবা মানসিক চিকিৎসা প্রয়োজন হবে। রক্ত

সকালনের ব্যাঘাত এবং স্নায়ুর ও অস্ত্রের বৈকল্য সম্বন্ধে আপনার সতর্ক ঠাকা উচিত। আপনার দেহ ভাল রাখতে হ'লে আনন্দ একান্ত আবশ্যিক। স্নায়ুর ও স্নায়ু খণ্ড গ্রহণ, স্নায়ুর দৃশ্য দর্শন, স্নামিষ্ট সঙ্গীত-শ্রবণ প্রভৃতি আপনার নষ্ট স্বাস্থ্য ফিরিয়ে আনতে সাহায্য করবে। অস্থ্য অবস্থায় লাল, গোলাপী, গেরুয়া প্রভৃতি রঙের জব্যাদির ব্যবহার আপনার রোগ নিরাময়ে সাহায্য করবে। খাণ্ডে জলীয় পদার্থের বেশী ব্যবহার আপনার না করাই ভাল। উপবাস ও একটানা অতিরিক্ত পরিশ্রমও আপনার স্বাস্থ্যের পক্ষে ক্ষতিকর।

অন্তান্ত ব্যাপার

আপনার বহু ভ্রমণ হবে। অনেক তীর্থ ভ্রমণও হ'তে পারে। কর্মোপলক্ষে ভ্রমণ বা দীর্ঘ প্রবাসও অসম্ভব নয়। কিন্তু তীর্থযাত্রা আপনার পক্ষে খুব সুবিধাজনক নয়। কেন-না সমুদ্রে বা তীর্থস্থানে বিপদ-আপদের সম্ভাবনা আছে। এমন কি জীবনের আশঙ্কা পর্যন্ত উপস্থিত হ'তে পারে, কিন্তু স্থলপথে ভ্রমণে আপনার লাভ ও প্রতিষ্ঠা বৃদ্ধি হওয়া সম্ভব। তা ছাড়া কর্মোপলক্ষে আপনাকে অনেক সময় বিদেশ বাস করতে হবে।

যৌন প্রেমের ব্যাপারে আপনার মধ্যে একনিষ্ঠতার একটা আদর্শ ধারণা থাকবে। কিন্তু সে সম্বন্ধে আপনার কোনরকম বিচিত্র অভিজ্ঞতাও হওয়া সম্ভব, যাতে করে সে আদর্শে স্থির ঠাকা আপনার পক্ষে কঠিন হবে। যৌন স্ত্রীতির ব্যাপারে আপনাকে কম-বেশী দুঃখ পেতেই হবে। প্রণয় পাত্রীর (বা পাত্রের) সঙ্গে বিচ্ছেদ তাঁর মৃত্যু অথবা কোন দুর্ঘটনা আপনার মনোকষ্টের কারণ হ'তে পারে। প্রণয় ব্যাপারে কোনরকম কলঙ্ক বা অপবাদ হওয়াও বিচিত্র নয়।

স্মরণীয় ঘটনা

আপনার ৭, ১৯, ৩১, ৪৩, এই সকল বর্ষগুলিতে নিজের অথবা কোন আত্মীয়ের সংশ্রবে কোনরকম দুঃখজনক অভিজ্ঞতা হওয়া সম্ভব এবং ১৩, ২৫, ৩৭, ৪৯, প্রভৃতি বর্ষে কোন সুখকর ঘটনা ঘটতে পারে।

বর্ণ

আপনার স্ত্রীতিপ্রদ ও আনন্দবর্ধক বর্ণ হচ্ছে সব রকমের মিশ্র ও বিচিত্র রঙ। রামধনুর মত রঙ। ময়ূরকণ্ঠি রঙ, সমুদ্রের বা আকাশের মত নীল রঙও আপনার পক্ষে উপযোগী—যে সব রঙের মধ্য থেকে অল্প রঙের আভা পাওয়া যায় বা ভিন্ন ভিন্ন রঙের সমবায় বিচিত্র যে সকল রঙ, হয় তাও আপনার পক্ষে ভাল। দেহ মনের অস্থ্য অবস্থায় কিন্তু লাল রঙ ব্যবহার করলে উপকার পাবেন। সবুজ রঙ বর্জন করাই ভাল।

রত্ন

আপনার উপযোগী রত্ন বৈদ্যুর্ষ (Cats eye) বিশেষতঃ স্বর্ণক্ষেত্রে বৈদ্যুর্ষ। ওপ্যাল (Opal), চল্লকাস্ত মণি (Moon stone) প্রভৃতিও আপনার ধারণের উপযোগী।

যে সকল খ্যাতনামা ব্যক্তি এই রাশিতে জন্মেছেন তাঁদের জন-কয়েকের নাম—শ্রীশ্রীচৈতন্য দেব, বঙ্কিমচন্দ্র চট্টোপাধ্যায়, অক্ষয়চন্দ্র সরকার, ডবলিউ সি ব্যানার্জি, অর্ধেন্দু শেখর মুস্তফি, প্রসিদ্ধ সঙ্গীত রচয়িতা রবার্ট গুম্যান, শ্রীযুত দিলীপকুমার রায়, প্রসিদ্ধ ব্যবসায়ী কেশোরাম পোদ্দার, ডক্টর দীনেশচন্দ্র সেন, প্রভৃতি।

রুমো

শ্রীতারকচন্দ্র রায়

(পূর্বানুভূতি)

পাপিগণের অনন্তকালস্থায়ী শাস্তিতে আমার বিশ্বাস নাই। ঈশ্বরই একমাত্র নির্বিকল্প পদার্থ (absolute), তিনিই একমাত্র চিন্তা-বেদনা-ইচ্ছাশক্তি-বিশিষ্ট সক্রিয় পুরুষ ; আমাদের চিন্তা, বেদনা ও ইচ্ছা তাঁহার নিকট হইতেই আমরা প্রাপ্ত হই। যতই তাহার অসীমত্ব চিন্তা করি, ততই তাহাকে বুঝিবার অসামর্থ্য বোধ করি। যতই কম বুঝি, ততই বেশী ভক্তি করি। নতজানু হইয়া বলি, “হে সমস্ত সত্তার সত্তা, তুমি আছ, তাই আমি আছি। তোমাতে চিত্ত স্থির রাখিয়া আমার সত্তার উৎসে আমি উপনীত হই। তোমাতে বুদ্ধি সমর্পণ করিতেই বুদ্ধির সার্থকতা। তোমার অসীম সত্তার নিমজ্জিত হইয়া আমার মন আনন্দে পূর্ণ হয়, আমার অপূর্ণতা স্থখ প্রাপ্ত হয়।”

আমাদের হৃদয়ের তলদেশে একটা বৃত্তি আছে, তাহাটারই কর্মের দোষগুণ আমরা বিচার করি। এই বৃত্তির নাম—ধর্মবিবেক (Conscience)। এই বিবেক প্রত্যেকের অন্তরেই বর্তমান। কিন্তু অল্পসংখ্যক লোকেই তাহার আদেশ পালন করে। প্রকৃতির ভাষায় তাহার আদেশ প্রদত্ত হয়, সংসারের মধ্যে সে ভাষা আমরা ক্রমশঃই ভুলিয়া যাই।

ঈশ্বরকে আমি ভক্তি করি, তাঁহার দয়ার আমি অভিব্যক্ত, কিন্তু তাঁহার নিকট কিছু প্রার্থনা করি না। তাঁহার নিকট কি চাহিব? আমার জন্ত তিনি জগতের নিয়ম ভঙ্গ করিবেন? আমার জন্ত অপ্রাকৃতিক ব্যাপার সংঘটিত করিবেন? যে জগৎ-শৃঙ্খলার জন্ত আমি তাঁহাকে ভক্তি করি, আমার জন্ত সেই শৃঙ্খলা ভঙ্গ করিবার জন্ত অসুযোগ

করিব? মেরুপ আর্থনার জন্ত শান্তি হওয়া উচিত। আমি চাই তিনি আমার ভুল সংশোধন করিয়া দিন, যদি সে ভুলে আমার বিপদ হইবার সম্ভাবনা থাকে।

ধর্মের বাহ্যিক রূপ ও ধর্ম এক পদার্থ নহে। ঈশ্বর চাহেন অস্তরের সেবা। অকপট অস্তরের সেবা সর্বত্রই একরূপ।

বুদ্ধিধারা বিশ্বাস দৃঢ়ীকৃত হয়। সর্বাপেক্ষা সরল ধর্মই সর্বোৎকৃষ্ট ধর্ম। অবোধ্য ও স্ববিরোধী অনুষ্ঠানের দ্বারা ধর্মকে আচ্ছাদিত করিয়া প্রচার করিলে সন্দেহ উপস্থিত হয়। ঈশ্বর অন্ধকার ভালবাসেন না; তিনি আমাকে যে বুদ্ধি দিয়াছেন, তাহা ব্যবহার করিব না, ইহা তাহার ইচ্ছা নহে। আমার বুদ্ধি অশ্রুকে সমর্পণ করিতে বলার অর্থ যিনি বুদ্ধি দিয়াছেন, তাহাকে অপমান করা।

আমি প্রত্যেক ধর্মকেই মঙ্গলদায়ক বলিয়া মনে করি। মানব-জাতির দুই তৃতীয়াংশ যিহুদা, খৃষ্টান ও মুসলমান ধর্মের বাহিরে। কোটি কোটি লোক মুসা, যিশু ও মহম্মদের নামও কখনও শোনে নাই। ঈশ্বরকে যখন অস্তরের সঙ্গে পূজা করা হয়, তখন সকল পূজাই সমান। হৃদয়ের পূজাই পূজা, যদি আন্তরিক হয়, তাহা হইলে কাহারও পূজা ঈশ্বর অগ্রাহ করেন না। পুণ্যবান হৃদয়ই ঈশ্বরের মন্দির। নৈতিক কর্তব্য পালন হইতে কোনো ধর্মেই অব্যাহতি দেয় না। প্রত্যেক দেশে প্রত্যেক ধর্মেই সকলের উপরে ঈশ্বরকে ভালবাসা, এবং প্রতিবাসীদিগকেও আপনার মত ভালবাসাই সকল কর্তব্যের সার।

যাহারা প্রকৃতির ব্যাখ্যাব্যপদেশে মানুষের অস্তরে ধর্মের বীজ বপন করে, তাহাদিগের নিকট হইতে দূরে থাকিও। দস্তভরে তাহারা মনে করে যে একমাত্র তাহারাই জ্ঞানী, এবং তাহাদের কল্পনাসৃষ্ট দুর্দ্বৈধ্য তন্ত্রকে সত্য বলিয়া গ্রহণ করিতে বলে। মানুষ যাহা যাহা শ্রদ্ধা করে, সকলই তাহারা উৎপাটিত করিয়া পদদলিত ও ধ্বংস করে; দুঃখার্হ জনগণের শেখ সাহুনা তাহারা অপহরণ করিয়া লয়; ধন-ও-কমতাশালী লোকদিগের রিপূর চরিতার্থতার পথে একমাত্র বাধা তাহারা অপসারিত করিয়া ফেলে; মানুষের হৃদয়ের গভীরতম প্রদেশ হইতে পাপের জন্ত অনুতাপ ও সাধুজীবনপ্রাপ্ত সমস্ত আশা উন্মূলিত করে এবং মানবজাতির উপকারী বন্ধু বলিয়া গর্ব করে। তাহারা বলে সত্য কখনও অনিষ্ট করেনা। সে কথা আমিও বিশ্বাস করি। আমি ইহাও বিশ্বাস করি, তাহারা যাহা বলে, তাহা সত্য নহে।

উচ্চ দর্শনের (Philosophy) পরিণাম নাস্তিকতা, অন্ধ ভক্তির পরিণাম ধর্মোন্মত্ততা। এই উভয়ই বর্জন কর। ধর্মের পথে দৃঢ় হইয়া থাক, দার্শনিকদিগের নিকট নির্ভয়ে বল যে তুমি ঈশ্বরে বিশ্বাস কর, যাহারা পরমতাসহিষ্ণু তাহাদিগকে সদয় ব্যবহার করিতে শিক্ষা দেও। হয়তো তোমাকে একাই পথ চলিতে হইবে; কিন্তু তোমার অন্তর্ধামী তোমার সাক্ষী থাকিবেন, তাহার নিকটে বাহিরের সাক্ষীর মূল্য কি?

Bayle প্রমাণ করিয়াছেন ধর্মান্ধতা নাস্তিকতা হইতেও অনিষ্টকর। তাহা অস্বীকার করা যায় না। কিন্তু একথাও সত্য, যে নিষ্ঠুর ও রক্তপিপাসু হইলেও, ধর্মান্ধতা হৃদয়-আলোড়নকারী একটি প্রবল

বৃত্তি, যাহা মৃত্যুকে অবজ্ঞা করিতে শিক্ষা দেয় এবং মানুষকে বিপুল কর্মশক্তি দান করে। ইহাকে যদি যথোচিত ভাবে চালনা করা যায়, তাহা হইলে মহত্তমগুণ ইহা হইতে উৎপন্ন হইতে পারে। কিন্তু ধর্মহীনতা কি করে? ধর্মহীনতা ও তार्কিক দার্শনিক প্রবৃত্তি জীবনের শক্তি ক্ষয় করে, হীনতম স্বার্থবোধের মধ্যে হৃদয়ের প্রবল বৃত্তিদিগকে কেন্দ্রীভূত করিয়া, হীনতার পক্ষে মানবাত্মাকে নিমজ্জিত করে এবং অলঙ্কিতে সমাজের ভিত্তি দুর্বল করিয়া ফেলে। কেননা ব্যক্তিগত স্বার্থের মধ্যে সাধারণ অংশ এতই কম, যে তাহা বিরোধী স্বার্থাংশ দমন করিয়া রাখিতে পারে না। নাস্তিকতা হইতে যে রক্তপাত হয় না, তাহার কারণ নাস্তিকদিগের শাস্তি-প্রিয়তা নহে; যাহা মঙ্গলকর, তাহার প্রতি উদাসীন্ধ্য এই কারণ। অধ্যয়নক্ষেত্রে নিজে নিরাপদে থাকিতে পারিলে, অশ্রু কি হইল না হইল, তাহা গ্রাহ্য করিবার তাহাদের প্রয়োজন নাই। তাহাদের মতদ্বারা নরহত্যা হয় না সত্য, কিন্তু জঘ্ন প্রতিরুদ্ধ হয়, কেন না যে নীতি দ্বারা মানুষের বংশবৃদ্ধি হয়, তাহার ধ্বংস হয়। মানুষ হইতে মানুষকে তাহার পৃথক করে, তাহাদের সমস্ত ভালবাসা গুচ স্বার্থপরতায় পরিণত হয়।

দার্শনিকদিগের উদাসীন্ধ্য যথেষ্টাচারী রাষ্ট্রের শাস্তির সমতুল্য। এই শাস্তি মৃত্যুর শাস্তি। যুদ্ধ ইহা অপেক্ষা অধিক ধ্বংসকারী নহে।

যদিও ধর্মান্ধতার অব্যবহিত ফল তথাকথিত “দার্শনিকতার” ফল অপেক্ষা অধিকতর অনিষ্টকর, ইহার পরবর্তী ফলের অনিষ্টকারিতা তাহা অপেক্ষা অনেক কম।

Profession de foi গ্রন্থের দ্বিতীয় খণ্ডে রুসো ঈশ্বরিক প্রত্যাদেশের (Divine Revelation) যৌক্তিকতা প্রমাণ করিতে চেষ্টা করিয়াছেন। মানুষের বুদ্ধি প্রত্যাদেশের সত্যতা সম্বন্ধে কোনও মীমাংসায় উপনীত হইতে অক্ষম। বাইবেলের সরলতা ও মহত্ত্বই প্রত্যাদেশের প্রকৃষ্টতম প্রমাণ। খৃষ্ট যে কেবল মানুষমাত্র ছিলেন না, তিনি যে ধর্মান্ধ ও ইতর সাম্প্রদায়িকতা-দ্রষ্ট ছিলেন না, তাহার বিনয়নম্র আচরণ ও চরিত্রের বিশুদ্ধি, তাহার জ্ঞান-গম্ভীর বচনের মাধুর্য, তাহার ব্যক্তিত্বের মহিমা এবং তাহার উপদেশের মহত্ত্ব দ্বারা তাহা প্রমাণিত হয়। সফ্রেতিশ দার্শনিকের জীবন যাপন করিয়াছিলেন, দার্শনিকের মতই মৃত্যু বরণ করিয়াছিলেন। যিশুর জীবন ও মৃত্যু, উভয়ই ঈশ্বরিক-ভাবাপন্ন। যিশুর চরিত্রের মত মহৎ চরিত্র বাইবেল-লেখকগণ কোথায় পাইয়াছিলেন? এমন মহৎ চরিত্রনীতির উৎস কোথায় বর্তমান ছিল? এতাদৃশ চরিত্রের সৃষ্টি ও এতাদৃশ সত্যের আবিষ্কার যিশুর বাস্তব জীবন অপেক্ষাও অলৌকিক ব্যাপার। তাহার সম্বন্ধে যুক্তিতে যে সন্দেহের উদয় হয়, হৃদয়ের নিশ্চিন্তি দ্বারা তাহা বিদূরিত হয়।

• রুসোর মত দুর্বল-চরিত্রও যৌন বিষয়ে শিথিল-নীতি ব্যক্তির মুখে এই সকল উক্তি বিন্ময়কর বলিয়া মনে হয়। কিন্তু রুসোর সমগ্র চরিত্রই তাহার ভাবপ্রবণতা দ্বারা সম্পূর্ণরূপে প্রভাবিত এবং তাহার বুদ্ধি ও ইচ্ছা তাহার বেদনার (feelings) বশীভূত। এই বেদনা কত প্রবল ছিল, তাহা পূর্বোক্ত হিউমের উক্তি হইতে বুঝিতে পারা যায়। তাহার

ঈশ্বরানুরাগ, বন্ধুপ্রীতি, দরিদ্রের প্রতি অনুকম্পা, প্রাকৃতিক সৌন্দর্যের মধ্যে আত্মবিশ্মৃত নিমজ্জন প্রভৃতি যেমন তাঁহার ভাবালুতার ফল, আসঙ্গ-লিপসা প্রভৃতিও সেই উৎস হইতেই উদ্ভূত। তিনি বেদনার উপাসক-ছিলেন এবং ভাবাবেগের আনন্দে মগ্ন হইয়া থাকিতে ভালবাসিতেন। বেদনার উত্তেজিত কল্পনা তাঁহার যৌন লিপ্সার উদ্বোধন করিলেও, হৃদয়ের মহত্তম প্রবৃত্তিসমূহও তাহা দ্বারা উদ্ভূত হইত। তাঁহার ধর্ম-মত ও রাজনৈতিক মত ও এই বেদনাদ্বারা প্রভাবিত এবং তাহার সৃষ্ট সাহিত্যও বেদনার রাগে রঞ্জিত। ইয়োরোপের Romantic movement এর তিনিই সৃষ্টিকর্তা। প্রজ্ঞাবাদিগণ (Rationalist) সর্ব-বিষয়ে যুক্তিকেই বিচারের মানদণ্ডরূপে গ্রহণ করেন। কিন্তু রুসো যুক্তি অপেক্ষা হৃদয় বৃত্তিকে (feeling) প্রাধান্য দিতেন। Pascalএর মত তিনিও বলিতেন “হৃদয়ের ও যুক্তি আছে, যাহা মস্তকে বুঝিতে পারে না।” (The heart has reasons, which the head cannot understand)। ঈশ্বরের অস্তিত্ব প্রমাণ করিতে পূর্ববর্তী দার্শনিকগণের সমস্ত যুক্তি প্রয়োগ করিতেন, সে সকলই বুঝির যুক্তি (intellectual arguments)। কিন্তু রুসো বুঝির উপর নির্ভর না করিয়া মানুষের হৃদয়ের মধ্যে ঈশ্বরের অস্তিত্বের নিদর্শন অন্বেষণ করিয়াছিলেন, এবং তথায় ধর্ম্মাধর্ম্ম-জ্ঞান, ভক্তি, শ্রদ্ধা-মিশ্র ভয়, উন্নত জীবনের আকাঙ্ক্ষা প্রভৃতির মধ্যে ঈশ্বরের অস্তিত্বের নিশ্চিত প্রমাণ প্রাপ্ত হইয়াছিলেন। ধর্ম্ম, সাহিত্য, রাজনীতি ও সামাজিক ব্যাপারে বেদনাদ্বারা প্রভাবিত হওয়াই Romanticism। ভাবে বিগলিত হওয়া, দরিদ্রের দুঃখে অশ্রু-বিসর্জন, বিলাস-বহুল কোলাহলপূর্ণ নাগরিক জীবনে বিতৃষ্ণা, পল্লীর শান্ত, সন্তুষ্ট, সরল জীবনে শ্রীতি, সম্পদে বিরাগ, দারিদ্র্যের স্তুতি প্রভৃতি Romanticism এর বিশেষত্ব। রুসোর পূর্ববর্তী লেখকদিগের মধ্যে কাহারও কাহারও রচনায় এই সকল লক্ষণ অজ্ঞাধিক পরিমাণে লক্ষিত হইলেও তাঁহার হস্তেই এই ভাব পরিণতি লাভ করিয়াছিল।

রুসোর প্রভাব রাজনীতিতেই সীমাবদ্ধ ছিল না। জার্মান দর্শন ইহা দ্বারা বিশেষভাবে প্রভাবিত হইয়াছিল। Romain Roland লিখিয়াছেন Emile পাঠ করিয়া Kant মুগ্ধ হইয়াছিলেন। তিনি লিখিয়াছেন, “এক সময় ছিল, যখন মনে করিতাম জ্ঞানই সর্বাপেক্ষা গৌরবের বস্তু। এই জগৎ গর্ব্বভরে অজ্ঞ লোকদিগকে অবজ্ঞা করিতাম। রুসো আমার চক্ষু খুলিয়া দিয়া মিথ্যা শ্রেষ্ঠত্বাভিমান ভাঙিয়া দিয়াছিলেন। তাঁহার নিকটই মানুষকে সম্মান করিতে শিখিয়াছিলাম।” Social Contract এর প্রভাবও Kant এর উপর কম ছিল না। “যে স্বাধীনতা মানুষের বিশেষত্ব” তাহার ধারণা তিনি এই গ্রন্থ হইতেই পাইয়াছিলেন। * * * জার্মানির Sturm and Drang আন্দোলনের নায়কগণ—Lessing ও Herder হইতে আরম্ভ করিয়া Goethe ও Schiller পর্যন্ত সকলেই—রুসোর মত গ্রহণ করিয়াছিলেন। Schiller রুসোর বন্দনা সূচক একটি গীতি কবিতাও লিখিয়াছিলেন।

রুসোর মধ্যে বিভিন্নমুখী প্রতিভার একত্র সমাবেশ হইয়াছিল। তাঁহার চিন্তাই যে কেবল বিপ্লবমুখী ছিল, তাহা নহে। তাঁহার রচনার

রীতি দ্বারা বেদনার প্রকৃতি ও বেদনা প্রকাশের ভঙ্গীতেও বিপ্লবের সৃষ্টি হইয়াছিল। ভবিষ্যতের কলারীতি (Art) তিনি রূপান্তরিত করিয়া-ছিলেন। তাঁহার বাক্যপটুতা অসাধারণ ছিল। এক Bossuet ব্যতীত ফ্রান্সে এ ক্ষেত্রে তাঁহার প্রতিদ্বন্দ্বী কেহ ছিল না। প্রাচীন গ্রীক ও রোমান বাগ্মিতা তিনি পুনরুজ্জীবিত করিয়াছিলেন। তাঁহার কতিপয় রচনার বাক্যপটুতায় একান্তই অভিভূত হইয়া পড়িতে হয়। Demosthenes এর রচনার সুষমা, উচ্ছ্বাস এবং জ্বালাময় প্রবাহে তাঁহার রচনা সমৃদ্ধ। মনের নিভৃত চিন্তার রূপায়নেও তিনি সূক্ষ্ম ছিলেন। তাঁহার রচনা-কৌশলে তাঁহার চিন্তা বাহুশুগ হইয়া পাঠকের সম্মুখে আবির্ভূত হয়। তাঁহার Confessions পাঠকের মর্ম্ম স্পর্শ করে। তাঁহার সমস্ত দোষ-গুণের মূল, তাঁহার মানসিক ও দেহাত্মস্বরূপ বৈশিষ্ট্য, তাঁহার আত্মমগ্নতার (Egotism) অবশ্যস্বাভাবী ফল। সামাজিক প্রথা ও সাহিত্যিক রীতি অগ্রাহ্য করিয়া, তিনি কেবল নিজের কথাই বলিয়াছেন। তিনি সত্য “আমির” সন্ধান পাইয়াছিলেন। মনের অন্ধকার কক্ষে তিনি যে যে রেপা অঙ্কিত দেখিতে পাইয়াছিলেন, তাহারই অনুসরণ করিয়া-ছিলেন।.....“সহস্র সহস্রলোক যাহা দমন করিয়া রাখে, তিনি নির্লজ্জ-ভাবে আপনাকে নগ্ন করিয়া তাহা প্রকাশিত করিয়াছেন। আধুনিক মানুষের মনকে তিনি মুক্তি দিয়াছেন, এবং শৃঙ্খলভঙ্গ করিয়া আপনাকে জানিতে ও প্রকাশ করিতে শিখাইয়াছেন।

“এই নূতন জগৎকে প্রকাশিত করিবার জগৎ তাহাকে নূতন বন্ধনযুক্ত ও অধিকতর নমনীয় ভাবার সৃষ্টি করিতে হইয়াছিল। তিনি লিখিয়াছেন “আমার শৈলী আমি বাছিয়া লইয়াছিলাম। তাহার একরূপতা রক্ষা করিবার চেষ্টা করি নাই। যাহা আসিয়া পড়িয়াছে, তাহাই গ্রহণ করিয়াছি এবং অসংকোচে তাহার যথেষ্ট ব্যবহার করিয়াছি। যাহা অনুভব করিয়াছি, তাহা যেমন দেখিয়াছি বিনা দ্বিধায় প্রকাশ করিয়াছি, ফলের কথা ভাবি নাই। বিগত ঘটনার এবং তজ্জাত বেদনার স্মৃতির মধ্যে অবগাহন করিয়া আমি আমার মনের অবস্থার দ্বিবিধ চিত্র অঙ্কিত করিব, একটি ঘটনার সমকালীন অবস্থা, দ্বিতীয়টি বর্ণনাকালের অবস্থা।”

ছন্দ ও ভাবাবেগের এই প্রাচুর্য্য বিশৃঙ্খলায় পর্য্যবসিত হইতে পারিত। কিন্তু রুসোর সহজাত সুষমাবোধ তাহা হইতে দেয় নাই। ১৭৬০ সালে তাহার মুদ্রাকরকে তিনি লিখিয়াছিলেন “আমি প্রথমতঃ গায়ক, রচনামূল্যে সুষমার মূল্য আমার নিকট এত অধিক, যে সুষমতার অব্যবহিত পরেই, এমন কি সত্যানুগতির পূর্বেও তাহার স্থান।” প্রয়োজন হইলে এই সুষমার জগৎ আখ্যানের সত্যানুগতি বিসর্জন দিতেও তাহার কুষ্ঠা ছিল না। সুষমারক্ষার জগৎ ইচ্ছাপূর্ব্বক ব্যাকরণের নিয়ম লঙ্ঘন করিয়াছেন। তাঁহার কাছে ছন্দের স্থান ভাবের পূর্বে। তিনি বাক্য ও বাক্যাংশগুলি প্রথমে মনের মধ্যে গাহিয়া লইতেন, জ্ঞান পর তাহাদিগকে শব্দে গ্রথিত করিতেন। তিনি যে একজন বড় গদ্য কবি ও কবিতা Romanticism এর অগ্রদূত ছিলেন, তাঁহার ছন্দ ও ছন্দরীতি, তাঁহার ভাবালুতা এবং তাঁহার প্রত্যয় সকলের (idea) বিষয় বিবেচনা করিলে তাহাতে সন্দেহ থাকে না। Chateaw briand এবং La-

Martine রুসো হইতেই উদ্ভূত হইয়াছিলেন। Michelet ও George sandএর মধ্যে তিনি অনুপ্রবিষ্ট।

“শিকাসম্বন্ধীয় আধুনিক সকল মতই রুসোর শিশু সম্বন্ধীয় জ্ঞান ও তাঁহার Emile দ্বারা প্রভাবিত। জেনিভার প্রসিদ্ধতম নবশিক্ষা-প্রতিষ্ঠান রুসোর নামে প্রতিষ্ঠিত। নিজের সম্বন্ধে দুর্বল হইয়াও তিনি ধর্মবিবেক-সম্বন্ধে দৃঢ় অথচ কঠোরতাবর্জিত, স্থম্পষ্ট, স্নাত্য চালক বলিয়া পরিগণিত হইয়াছিলেন। সত্য চরিত্রোৎকর্ষ আবিষ্কারে তাহার একটি উদার সহজাত পটুতা ছিল। তাঁহার অসুস্থ চরিত্র-নীতিতে উগ্রতা অথবা অসহিষ্ণু দাঢ়্য ছিল না। তাহা পরিবেশ-নিরপেক্ষ ছিল না এবং কোনও বিশেষ তত্ত্ব অথবা বিশ্বাসের উপর প্রতিষ্ঠিতও ছিল না। তাহার মূলে ছিল গভীর সহানুভূতি এবং মানুষের দুর্বলতার প্রতি অনুকম্পা। তাহা মানুষের স্মার্যনুগত প্রয়োজনের উপযোগী ও জীবন্ত ছিল।

“অবচেতন মনের দ্বার উদ্ঘাটিত করিয়া তিনি তাহার অবজ্ঞাত ও দমিত সম্পদ এবং libidoর রহস্য সাহিত্যে প্রকাশিত করিয়াছিলেন। Freud তাঁহার নিকট অংশতঃ স্বামী।

“Tolstoi তাঁহার নিকট হইতেই যৌবনে “বজ্রাঘাত” প্রাপ্ত হইয়াছিলেন। যুবক Tolstoi রুসোর চিত্র সমন্বিত একটি পদক পবিত্র

মূর্তির মত শ্রদ্ধাভরে গলদেশে ধারণ করিতেন। তাঁহার নৈতিক পুন-জন্ম এবং তাঁহার Iasnaia Polianar বিভাগের রুসোর উপদেশ ও দৃষ্টান্তের উপর প্রতিষ্ঠিত ছিল। জীবনের শেষ দিন পর্যন্ত তিনি তাঁহাকে স্মরণ করিতেন। ধর্ম ও কলা, উভয়ত্রই তুল্যরূপে উভয়ের মধ্যে সাদৃশ্য ছিল। Tolstoi লিখিয়াছেন “রুসোর রচনা আমার হৃদয় এতই স্পর্শ করে, যে আমার বিশ্বাস আমিও ঐরূপ লিখিতে পারিতাম।” সত্যই তিনি রুসোর লেখাই পুনরায় লিখিয়াছেন। তিনি বর্তমান যুগের Jean Jacques। বর্তমান যুগের চিন্তার উপর রুসোর প্রভাবের এখনও শেষ হয় নাই। যুবক জাপান এবং নব চীন তাঁহার শিক্ষা গ্রহণ করিয়াছে।”

ইহার পরে Romain Rolland তাঁহার ব্যক্তিগত কৃতজ্ঞতা স্বীকার করিয়া লিখিয়াছেন “যে লেমান হৃদয়ের চতুর্দিকে তাঁহার অন্তর অনবরত ঘুরিয়া বেড়াইত বলিয়া রুসো লিখিয়াছেন, তাহার তীরে ভ্রমণ কালে আমি অনেকবার তাঁহার ছায়ার (shade) সাক্ষাৎ পাইয়াছি। Ville neuveএর গৃহে বসিয়া যখন আমি এই পংক্তিগুলি লিখিতেছি, তখন বাতায়নের ভিতর দিয়া Clarensএর উপসাগর ও সামুদ্রিক আমার দৃষ্টিগোচর হইতেছে। তাহার শীর্ষদেশে বৃক্ষরাজির মধ্যে জুলির গোপালরাগরঞ্জিত স্বপ্নাতুর গৃহ দাঁড়াইয়া আছে।”

আন্দামান ও নিকোবর দ্বীপপুঞ্জ

অধ্যাপক শ্রীমণীন্দ্রনাথ বন্দ্যোপাধ্যায় এম-এ, বি-এল

নয়

আন্দামানে জাপানী-রাজ

প্রায় তিন বৎসর পূর্বে মনিপুর রাজ্যের রাজধানী ইম্ফল, নাগা পর্বতের প্রধান সহর কোহিমা এবং বর্মা সীমান্তের কাবো উপত্যকা অঞ্চলে ভ্রমণ করিবার সুযোগ ঘটয়াছিল। ঐ সমস্ত স্থানে যুদ্ধের মধ্যভাগে কিছুদিনের জন্য জাপানী সৈন্য আসিয়াছিল এবং সেই সময়ে যে সমস্ত লোক তথায় বাস করিয়াছে তাহাদের অনেকেই নিকট-হইতে একবাক্যে জাপানীদের সুখ্যাতি শুনিয়াছিলেন। জাপানীরা নিরতিশয় ভদ্র, পরিশ্রমী, নিয়মানুবর্তী এমন কি খাড়াভাবে মরিয়া গেলেও অপরের নিকট হইতে জোর করিয়া কিছু গ্রহণ করেন না, এইরূপ উচ্ছৃঙ্খলিত প্রশংসা শুনিয়াছিলেন। আরও মজার কথা শুনিয়াছিলেন যে, ইম্ফলের কোন লোকই বুঝিতে পারে নাই যে, নেতাজী সুভাষ বা কোন ভারতীয় এই অভিযানে ছিলেন। তাঁহারা বলেন যে, যুদ্ধের অবসানের পর তাঁহারা এই সমস্ত সংবাদ শুনিয়াছিলেন, কিন্তু যুদ্ধের সময় কেবলমাত্র হাক্-প্যাণ্ট ও গেঞ্জী পরা, টেন গান বা ছোট রাইফেল শোভিত জাপানী সৈনিকই তাঁহারা দেখিয়াছিলেন, কোন ভারতীয়কে আদৌ দেখিতে পান নাই।

জাপানী সম্বন্ধে মনিপুরের এই কাহিনীর সম্পূর্ণ বিপরীত বিবরণ শুনিলাম পোর্টব্লেরে। পোর্টব্লেরে ৪৩ মাস জাপানী রাজত্ব ছিল। তাহা নিদারুণ অত্যাচার, দুঃখ এবং বিভীষিকার পরিপূর্ণ। অথচ মজা এই যে, পোর্টব্লেরের অধিবাসীরা জানিতে পারিয়াছিলেন যে, ‘চন্দ্র বোস’ (কণ্ঠিনেটাল কারদার সুভাষ চন্দ্র বোসকে S. Chandra Basu বলা হইত) এই অভিযানের নায়ক এবং ১৯৪৩-এর নভেম্বর মাসে পোর্টব্লেরের জিমখানা প্রাউণ্ডে তাহারা নেতাজীর বন্ধুতাও শুনিয়াছিলেন। জাপানী-আন্দামানে বাস করিয়াছেন, এইরূপ হিন্দু বা মুসলমান বাহাকেই জাপানীদের সম্বন্ধে জিজ্ঞাসা করিয়াছি, তাহারা এই পূর্ব কথা স্মরণ করিয়া আর একবার ভয়ে শিহরিয়া উঠিয়াছিলেন।

আন্দামানে জাপানীদের রাজত্বকাল সম্বন্ধে ওখানকার স্থানীয় লোকদের নিকট যে কাহিনী সংগ্রহ করিয়াছি, তাহাই সংক্ষেপে লিপিবদ্ধ করিতেছি। ইহার সন, তারিখ এবং সমস্তই ওখানকার লোকের স্মৃতি হইতে গৃহীত, কোন কাগজে বা পাথুরে প্রমাণ কিছুই দেখি নাই। মিঃ রাহা, মিঃ রউক প্রমুখ অনেকের নিকট হইতে অল্পে অল্পে নিয়মিত ইতিহাস সংগৃহীত হইয়াছে।

১৯৪১ সালের ডিসেম্বরে জাপানীদের হাতে সিঙ্গাপুরের পতন হওয়ার মাস ধানেক পর হইতেই আন্দামানে বিতীষিকা দেখা দেয় এবং ভদ্রানীন্তন ইংরাজ রাজ তিনপানি জাহাজ ভাড়া করিয়া আন্দামানে লইয়া বাইবার চেষ্টা করেন। কিন্তু দুইখানি জাহাজ পশ্চিমধ্যে জাপানীদের দ্বারা আক্রান্ত হইয়া জলমগ্ন হয় এবং একখানি মাত্র জাহাজ পোর্টব্লেরারে আসে। ঐ শেষ জাহাজ 'S. S. Neurolia' পোর্টব্লেরারের বন্দর হইতে ১২ই মার্চ ১৯৪২ সালে ভারত অভিমুখে যাত্রা করে। ঐ জাহাজে আন্দামানের সমস্ত অস্থায়ী ভারতীয় অধিবাসীদের ভারতে প্রেরণ করা হয়, যেতান্ধরাও অনেকেই চলিয়া যান, কেবল আন্দামানের Local Born-রা আন্দামানেই থাকিয়া যান। উচ্চপদস্থ সাহেবদের মধ্যে ভদ্রানীন্তন চিফ কমিশনার মিঃ ওয়াটারফল্‌স্, তাহার সেক্রেটারী মিঃ বার্ড, এন্জিনিকিউটিভ ইঞ্জিনিয়ার মিঃ লিওসে, আন্দামানের বেতারকেন্দ্রের অধ্যক্ষ মিঃ লেণ্ডি, জেলপানার অধ্যক্ষ মিঃ ম্যাকমিলন্ এবং আরও কয়েকজন পোর্টব্লেরারেই থাকিয়া যান। আন্দামানের সামরিক রক্ষা ব্যবস্থা কিছুই ছিল না, প্রকৃতপক্ষে উহা খোলা সহর (open town) হিসাবে অরক্ষিতভাবেই পড়িয়া ছিল।

১৯৪২-এর ২১শে মার্চ তারিখে সকাল বেলা হইতে পোর্টব্লেরার সহরে সরকারীভাবে জানাইয়া দেওয়া হয় যে, জাপানীরা এই স্থানে অবতরণ করিলেই তোপ দাগিয়া সকলকে জানাইয়া দেওয়া হইবে। প্রকৃতপক্ষে এই তোপের কারণ ছিল এই যে, পোর্টব্লেরারের বেতার কেন্দ্রের (Wireless Station) নীচে ডিনামাইট বসান হইয়াছিল, এবং ঠিক ছিল যে, জাপানীরা দ্বীপে অবতরণ করিলেই ঐ ডিনামাইটের দ্বারা বেতার কেন্দ্র উড়াইয়া দেওয়া হইবে এবং তাহারই শব্দে স্থানীয় অধিবাসীবর্গ জাপানীদের অবতরণ বুঝিতে পারিবে। পরদিন রাত্রে অর্থাৎ ২২ ও ২৩ তারিখের সংযোগ স্থলে ২০।২৫ খানি জাপানী জাহাজ হইতে জাপানীরা আন্দামানে অবতরণ করিতে আরম্ভ করে। তাহার রস্ব দ্বীপ, করবাইনোস্কোপ, ব্রুক্সাবাদ এবং মেমিওর দিক হইতে আন্দামানে অবতরণ করে এবং পূর্ব পরিকল্পনা অনুসারে সেই মধ্য রাত্রেই ইংরাজগণ ডিনামাইট দিয়া বেতার কেন্দ্র ধ্বংস করেন।

পরদিন, অর্থাৎ ২৩-এ মার্চ সকালে সূর্যোদয়ের পর হইতেই পোর্টব্লেরারের পথে ঘাটে জাপানীদের গমনাগমন শুরু হয়। তাহাদের আকৃতি দেখিয়া স্থানীয় লোকেরা অনেকেই গুর্থা সৈন্য আসিয়াছে বলিয়া প্রথমে ভুল করে কিন্তু পরে বুঝিতে পারে যে গুর্থা নয়, জাপানী। প্রথমতঃ ইহাদের সহিত কাহারও কোন বিবাদ হয় নাই, উপরন্তু স্থানীয় লোকেরা ইংরাজ রাজত্বের অবসান বুঝিয়া আনন্দিত হইয়া জাপানীদের অভিনন্দনও জানাইয়া ছিল। কিন্তু জাপানীরা খাণ্ডাভাবেই হটক বা অস্ত্র যে কোন কারণেই হটক, স্থানীয় লোকের বাড়ীতে প্রবেশ করিয়া খাণ্ড-সামগ্রী চাহিতে আরম্ভ করে, এমন কি জোর করিয়া জিনিষপত্র লুটপাট করিতেও শুরু করে। ইহার ফলে দুই তিন দিনের মধ্যেই জাপানীদের বিরুদ্ধে স্থানীয় লোকেরা বিরূপ হইয়া পড়ে।

জাপানী অধিকারের তৃতীয় দিবসে এয়ার্ডিনের বর্কমান লোক্যাল

বর্কমান ক্রাবের সন্নিকটে বেলা বারোটোর সময় কয়েকজন জাপানী আকবর আলি নামক এক মুসলমান লোক্যাল-বর্কমানের বাড়ীতে প্রবেশ করিয়া লুটতরাজ শুরু করে এবং এই কারণে উত্তেজিত হইয়া আকবর আলির যুবক পুত্র জুলফিকর আলি তাহার নিজের বন্দুক লইয়া ইহাদের তাড়া করে। ফলে একজন জাপানী সামান্য আহত হয় এবং সকলেই লুট করার মতলব ছাড়িয়া দিয়া পলায়ন করে। বেলা আন্দাজ তিনটার সময় একদল জাপানী সৈনিক অফিসার সহ ঐ পাড়ায় আসিয়া আততায়ীকে ধরিবার চেষ্টা করে, কিন্তু জুলফিকর আত্মগোপন করিয়া পলায়ন করে। তখন জাপানীরা আকবর আলির বাড়ীতে আগুন লাগাইয়া দেয়। কাঠের বাড়ীতে আগুন দেওয়ার ফলে সেই অঞ্চলের সমস্ত বাড়ীতেই আগুন লাগে এবং কয়েক ঘণ্টার মধ্যেই নিকটবর্তী সমস্ত বাড়ী ভস্মীভূত হয়। এই সমস্ত গৃহের প্রায় ২৫০।৩০০ অধিবাসীকে জাপানীরা সৈন্য দ্বারা পরিরেষ্টিত করিয়া বলে যে, আততায়ীকে বাহির করিয়া না দিলে উহাদের সকলের উপর মেশিনগান্ চলাইয়া সকলকেই হত্যা করা হইবে। ইহাতে জুলফিকর নিজেই আসিয়া ধরা দেয়। রাত্রে জাপানীরা জুলফিকরকে বন্দী করিয়া রাখে।

পরদিন সকালে Local-Born Club-এর খেলার মাঠে (এই ক্রাবের অপর নাম ছিল Browning Club এবং অধুনা ইহার নামকরণ হইয়াছে Netaji Club) জুলফিকরের বিচার আরম্ভ হয়। এই বিচার দেখিবার জন্য স্থানীয় সমস্ত লোককে সৈনিকদের দ্বারা জোর করিয়া ধরিয়া আনা হয় এবং মাঠের মাঝখানে সর্বসমক্ষে জুলফিকরকে একটি মাত্র ছোট আঙুরওয়ার পরাইয়া মারপিট শুরু হয়। দশজন জাপানী সৈনিক এই প্রহার আরম্ভ করে। এইরূপ প্রহারের উদ্দেশ্য অপরাধীকে দিয়া অপরাধ স্বীকার করানো। সত্য হটক, মিথ্যা হটক, প্রহারের তাড়ায় অপরাধী নিরুপায় হইয়া অপরাধ স্বীকার করিলেই তাহার প্রাণদণ্ড সাব্যস্ত হইত এবং সঙ্গে সঙ্গেই জুজুংস্ব প্রণালীতে তাহাকে বধ করা হইত। অবশ্য জুলফিকরের অপরাধ সর্বজনবিদিত, সুতরাং তাহার আর স্বীকারোক্তির প্রয়োজন ছিল না, একেবারেই তাহার উপর জুজুংস্ব শুরু হইয়া গেল। মাঠের চারিদিকে তিন চারিশত স্থানীয় অধিবাসী নিরস্ত্র ভাবে দাঁড়াইয়া এই শাস্তি দেখিতেছে ও দুইশত আন্দাজ জাপানী সশস্ত্র সৈনিক এই লোকগুলিকে পাহারা দিতেছে,—দর্শকদের মধ্যে জুলফিকরের পিতা, মাতা এবং স্থানীয় অসংখ্য নারী ও শিশু সকলেই ছিলেন। কাহারও মাঠ ছাড়িয়া বাইবার হুকুম ছিল না। "Zulficar Khan was jujutsued and killed" অর্থাৎ জুলফিকরের উপর জুজুংস্ব প্রয়োগ করিয়া হত্যা করা হইয়াছিল। এই জুজুংস্ব যে কি ভয়ানক ব্যাপার তাহা যাহারা দেখিয়াছে তাহারাই বর্ণিত হইয়াছে এবং বহু লোক মাঠেই মূর্চ্ছিত হইয়াছিল। মূর্চ্ছিত ব্যক্তিদের লাধি মারিয়া জাপানী সৈনিকরা মূর্চ্ছী ভাঙ্গাইয়া দিত।

জুজুংস্বের প্রথম পতন হইল একজন সৈনিক অপরাধীকে কাঁধে তুলিয়া মাঠে আছড়াইয়া ফেলিল। সঙ্গে সঙ্গে আর একজন তাহার একটি হাত ধরিয়া মুচড়াইয়া কাঁধের হাড় ভাঙ্গিয়া ফেলিল, অপর একজন

এইরূপে অপরাধীর অপরাহ হাত ভাঙ্গিয়া দিল। অপরাধী মাটিতে পড়িয়া ষানিকক্ষণ ছটকট করিল, অতঃপর পায়ের টিবিয়া নামক হাড়ের উপর বন্দুকের কুঁদা মারিয়া সৈনিকরা অপরাধীর দুইটি পায়ের হাড়ই ভাঙ্গিয়া দিল। এই পর্যন্ত করিয়া সৈনিক-জল্লাদগণ কিছুকক্ষণ বিশ্রাম করিল, পরে তাহাদের 'তেইজু' অর্থাৎ অফিসার সমবেত দর্শকদের বুঝাইয়া দিল যে, জাপানীদের বিরুদ্ধাচরণ করিলে এইরূপ অবস্থাই হইবে। অপরাধী ব্যক্তি মুমূর্ষু অবস্থায় জল প্রার্থনা করিতে থাকিলে একজন সৈনিক মাঠ হইতে কিছু ধূলা লইয়া তাহার মুখে চোখে ছড়াইয়া দিল। হাত পা ভাঙ্গা অবস্থায় অপরাধী চোখ মুখ হইতে ধূলা সরাইয়া ফেলিতেও অক্ষম। তাহার পিতা, মাতা, স্ত্রী, পুত্র, আত্মীয় প্রতিবেশী সকলেই কাঠের পুতুল হইয়া দাঁড়াইয়া থাকিতে বাধ্য। মুখে কোন শব্দ করিলে জাপানী রক্ষী সৈনিক বন্দুকের কুঁদা দিয়া বা লাঠি মারিয়া আঘাত করিবে। নিরুপায় দর্শকগণ এ অবস্থায় অপরাধীর দ্রুত হুই কামনা করে।

অতঃপর জাপানী জল্লাদেরা অপরাধীকে পড়িয়া দিয়া চলিয়া গেল, কেবল কতকগুলি সৈনিক প্রহরী রহিল। এই সময় রৌদ্র উঠিতে লাগিল। ক্রমে রৌদ্রের তেজ বাড়িয়া গেল। ধূলায়, রৌদ্রে, অসংখ্য মাছির তাড়নায় হস্তপদ ভগ্ন অবস্থায় হতভাগ্য মাটিতে পড়িয়া ছটকট করিতে থাকিল, অথচ দর্শকগণের কাহারও মাঠ ছাড়িয়া যাইবার উপায় নাই বা হতভাগ্যের নিকটেও আসিবার উপায় নাই। সকাল হইতে এইরূপে বেলা বারোটা বাজিয়া গেল। জুলফিকারের চোখ দুইটি জবা ফুলের মত লাল হইয়া গিয়াছে ও গলা দিয়া কেমন একটা গোয়ানির

শব্দ ছাড়া আর কোন শব্দ নাই, হাত ও পায়ের যে স্থানে হাড়গুলি ভাঙা হইয়াছে, সেই স্থান গুলি ভীষণভাবে ফুলিয়া উঠিয়াছে, শরীরের অন্যান্য নানাস্থানে রক্ত জমিয়া কালো হইয়া আছে, প্রস্রাব, বাহ্যে এবং মুখের লাল ও চোখের জলে মাটি ভিজিয়া গিয়াছে, গায়ের ঘাম আর নাই শুকাইয়া গিয়াছে, এই অবস্থায় একজন সৈনিক কতকগুলি আলপিন লইয়া হতভাগ্যের নিকটে আসিয়া এক একটি আলপিন তাহার পেটে, পিঠে ও অঙ্গত্রয় আমূল বিধিয়া দিতে লাগিল। এক একটি আলপিন বেঁধে, আর অসহায় অপরাধী চিৎকার করিয়া নড়িয়া চড়িয়া উঠে, অনাহারে, প্রচণ্ড রৌদ্রে দাঁড়াইয়া শিশু ও নারী দর্শকেরা এই পৈশাচিক বিচার ব্যবস্থা দেখিতে বাধ্য হয়। এই শাস্তির নাম বিচার, ইহা শাস্তি বলিয়া ওদেশী ভাষায় অভিহিত হয় না। এইরূপে আরও একঘণ্টা চলার পর বেলা একটার সময় যখন জুলফিকার মরিয়া গেল, তখন ইহার উপর সেই দশজন সৈনিক একত্রে বন্দুক লইয়া গুলি ফেলিয়া করিল। সেইদিন অপরাহে ঐ হতভাগ্যকে ঐ মাঠেই কবর দেওয়া হয়। জাপানী অধিকারে এই জুলফিকার পানই এইরূপে প্রাণ নিহত হয়। নেতাজী ক্লাব এটিও এক সন্ধ্যায় জুলফিকারের কবর আমরা দেখিয়াছি। তাহার ভ্রাতা এই কবরটি আমাদের দেখাইয়াছিল। জুলফিকারের পিতা আকবর আলি তদবধি বিকৃত মস্তিষ্ক হইয়া গিয়াছেন। বৃদ্ধ এখনও জীবিত আছেন। আমরা তাহাকে দেখিয়াছি, তবে তাহার সহিত কোন ব্যক্যলাপ করিবার চেষ্টা করি নাই, শুনিলাম তিনিও কাহারও সহিত কোন কথাই বড় একটা বলেন না। (ক্রমশঃ)

অগ্নিস্নান

শ্রীশৌরীন্দ্রনাথ ভট্টাচার্য

হুঃখীরা সব ধৈর্য্যে দাঁড়াও শৌর্য্যে আজি শির তোলা,
আত্মতেজের দীপ্তিতে ভাই জগন্নাথের দ্বার খোলা।
বহুং তোদের পাপ হয়েছে অগ্নিতে চল্ করি স্নান,
ধৈর্য্যেরি এই সিদ্ধিতে আজ করতে হবে সর্বদান।
ময়ূবিনা কেউ পাপ পুড়ে যাক দগ্ধ হয়ে হও খাঁটি,
নিষ্পাপ হলে তার তেজেতে ফাটবে ওরে এই মাটি।
হাজার হাজার বর্ষেরি পাপ তাহার প্রায়শ্চিত্ত কর,
জাতির পাপের অগ্নিনানে পূর্ণাছতির মঙ্গলপড়।
শুধু হয়ে শুদ্ধোদন আজ উদ্ধোধনের গান গাহ,
সর্বনাশের অগ্নিনাশে বইতে হবে সব দাহ।
বাস্তনাশ আর মৃত্যুবরণ আজকে তোদের পুরস্কার,
ভয় কি নারী, হুঃখোধন আজ দেখায় যদি উরসু তার।
যাজ্ঞসেনীর তেজ দিয়ে তুই ফাটিয়ে পাপের রাজ সভা,

নিঃশ্বাসে তোর ফুটিয়ে আজি তোলা দেখি মা লালজবা।
সেই জবারি পাপদী ফেটে উঠবে হঠাৎ হুম্কারি,
শক্তিমাঝের মুক্তি তনয় ঐ নিকটে দিন তা'রি।
নির্দোষী আর নিষ্পাপীরা ধৈর্য্য ধরে' আজ দাঁড়া,
জাতির পাপের অগ্নিদাহে বীরের মতন রও খাড়া।
হুঃগতদের হিসাবনিকাশ আসছে করাল রক্তচোখ।
রুদ্রধাতার বজ্রবাত এ অশীর্ষাদের পদ্ম হোক।
আত্মতেজে শৌর্য্যে দাঁড়া সর্বনাশের বন্দনাতে,
রুদ্র আবাত জীবন তোদের বাজাক নবীন ঝঙ্কনাতে।
সর্বনাশের মুকুট পরি' বর্ষরতায় চরণদানি'
চল্ দাঁড়াবি বজ্রপায় লক্ষকোটি বজ্রপানি।
অগ্নিহ্নুক প্রলয় শিখায় জগন্নাথের গাওরে গান,
শুধুভাই আজ মগ্ন ধ্যানে শুদ্ধিতে কর্ অগ্নিস্নান।

সেইসেই

নারায়ণ গাম্বাপাধ্যায়



—চৌদ্দ—

দারোগা তারণ তলাপাত্র সগৌরবে আহীর পাড়ায় গিয়ে পৌঁছলেন।

বেশ সমারোহ করেই এসেছেন। বিশ্বাস নেই লোক-গুলোকে। ফাঁকা আকাশের রৌদ্র আছে ওদের রক্তের মধ্যে, কেন্দ্রিত হয়েছে অতসী কাচের আলোর মতো তীব্র-তীক্ষ্ণতায়। আছে তালগাছ বিদীর্ণ করা বজ্রের গর্জন—মূল শুক গাছ উপড়ে নেওয়া বৃষ্টির অমাতৃষী উল্লাস। বিশ্বাস নেই—বিশ্বাস নেই!

রিস্তলভার নিয়েছেন, সঙ্গে ত্রিশ রাউণ্ড গুলি। এ-এস্-আই বদরুদ্দিনের সঙ্গে বন্দুক। তা ছাড়া বন্দুকধারী ছ'জন কনেস্টবল, জন আষ্টেক চৌকিদারও।

কনেস্টবল আর চৌকিদারদের আগেই রওনা করে দিয়েছিলেন, তারা যখন গ্রামের কাছাকাছি এসেছে, তখন সাইকেল নিয়ে তিনি আর বদরুদ্দিন এসে ধরেছেন তাদের। তারপর সম্ভবতাবে এদিকে ওদিকে তাকিয়ে এসে চুকেছেন আহীর পাড়ায়।

নিমগাছের ছায়ার নিচে বড় একখানা আটচালা ঘর। আট দশটা মহিষ চরছে আশে পাশে। বরেন্দ্রভূমির দ্বীপের মহিষ। নিরীহ দুর্বল জীব নয়; বন-মহিষের মতো বিশাল বগু—মাথার ওপর ধরশূক্রে আতঙ্কজনক সম্ভাবনা।

দারোগা বললেন, ওগুলো কী?
বদরুদ্দিন বললেন, মোষ স্তার।
তারণ চটে উঠলেন।

—মোষ যে তা আমিও জানি। আমি কি গোরু যে আমার মোষ চেনাতে এসেছেন? সে কথা বলছি না। মানে, ওগুলো শুঁতোয় কিনা?

বদরুদ্দিন সন্দ্বিষ্ট চোখে অতিকায় প্রাণীগুলোর দিকে তাকাতে তাকাতে বললেন—কী করে বলব স্তার, আমার সঙ্গে তো ওদের আলাপ নেই।

তারণ একবার কটমট করে তাকালেন বদরুদ্দিনের দিকে।

বললেন, আলাপ থাকলে কি আর খানার এ-এস্-আই হতেন? ওইখানেই বাঁধা থাকতেন।

—কী বলছেন স্তার?—বদরুদ্দিনের চোখে বিদ্রোহ দেখা দিলে।

—না, কিছু না।—তারণ সামলে নিলেন। লীগের মন্ত্রী—কাউকে চটানো ঠিক নয়। সব ভাই-বেরাদারের দল। কখন পেছন থেকে চুকলি খেয়ে দেবে—তারপরেই ভবিষ্যতের পথটি একেবারে বন্ধ। আর কিছু না হোক, ট্রান্সফার তো নির্ধারিত। দুর্ঘটনা হিসেবে সেটাও কম মর্মান্তিক নয়। এটা জেলার একটা বিখ্যাত ক্রিমিনাল খানা—একদল অত্যাচারী জোতদারও আছে। সুতরাং প্রাপ্তিযোগের ব্যাপারে খানাটা অনেকের কাছেই লোভনীয়। পট করে যদি সদরের কাছাকাছি কোথাও বদলি করে দেয়, তা হলে বসে বসে বেলপাতা শুঁকতে হবে।

সুতরাং তারণ মুহূ হাসলেন, একটু রসিকতা করছিলাম আপনার সঙ্গে।

—ওসব রসিকতা আমার সঙ্গে করবেন না স্তার, আমার ভালো লাগেনা।—হাঁড়ির মতো মুখ করে জবাব দিলেন বদরুদ্দিন।

কথা বলতে বলতে এগোচ্ছেন ছ'জনে। একটু পেছনে পেছনে আসছে চৌকিদার আর কনেস্টবলেরা। দিন দুইয়েক আগে কী করে একটা খাসি বাগিয়েছিলেন দারোগা, সেই সম্পর্কে সরস আলোচনা চলছে তাদের মধ্যে। সুতরাং একটু দূরে থাকাই নিরাপদ।

একজন চৌকিদার বলছিল, তুমি বুঝি ভাগ পাও নাই চৌবেজী?

চৌবে জুগাভরে জবাব দিলে, আমি গোস্-উস্ খাইনা—ব্রাহ্মণ ছাছি।

—সব ব্রাহ্মণকেই চিনা আছে হে—দ্বিতীয় চৌকিদার মিটি মিটি হাসল।

চৌবে কানে আঙুল দিলে, ছিঃ ছিঃ—উ সব মত্‌ বোলো।

দ্বিতীয় কনেস্টবল বামাচরণ বাঙালি। ক্লাশ এইট্‌ পর্যন্ত বিজ্ঞ। একটা সুপিরিয়রিটি কম্প্লেক্স আছে তার—। খানায় যতক্ষণ থাকে, ততক্ষণ সে এল-সি—লোকে তাকে সম্মান করে মুহুরীবাবু বলে—চৌবের মতো পাহারাওলা সাহেব বলেন। কিন্তু এই সমস্ত জরুরি ব্যাপারে তার পদমর্যাদা ধুলিস্রাং হয়ে যায়—পটি পাগড়ী এঁটে তাকেও বেরিয়ে পড়তে হয় বন্দুক কাঁধে করে। নিতান্ত অতৃপ্ত বিরক্তির সঙ্গে বেরোয় বামাচরণ—পোষাকে না হোক, অন্তত মুখের চেহারায় টেনে রাখতে চেষ্টা করে একটা গাভীরের মুখোঁস। বিছিয়ে রাখতে চায় আভিজাত্যের আবরণ।

সূতরাং বামাচরণ কিছু বলল না, শুনে যেতে লাগল।

তৃতীয় চৌকিদার বললে, মিছাই খালি দারোগার দোষ দেছেন। উ জমাদারটাই কি কম ঘুঘু হে! হামার দুই দুইটা রাওয়া মোয়ুগা বেমালুম প্যাটত্‌ সাক্কাই দিলে!

—এই চুপ চুপ। শুনিবা পাবে। খামি গেইছে।

সত্যিই খেমে গেছেন তারণ। মোষগুলোর কাছাকাছি এসে পড়েছেন।

—বদরুদ্দিন মিঞা ?

—বলুন স্মার।

—সামনে মোষ।

বদরুদ্দিন বললেন, দেখতেই তো পাচ্ছি স্মার। আমার চোখ আছে, একজোড়া চশমাও আছে।

—হঁ!—দারোগা গভীর হলেন : শুঁতোবে নাকি ?

—কিছুই বলা যায়না স্মার!—বদরুদ্দিন পরম তৃপ্তিতে হাই তুললেন একটা।

ক্রুদ্ধিত করে লক্ষ্য করতে লাগলেন তারণ। এই শূদ্রী প্রাণীগুলো সম্পর্কে তিনি কিঞ্চিৎ বিধাগ্রস্ত—এমন কি প্রবল পরাক্রান্ত দারোগা হয়েও এদের সম্পর্কে তাঁর একটা ভয়াবহ বিভীষিকা। কারণ আছে। ছেলেবেলায় একবার একটা এঁড়ে গোক তাঁকে শুঁড়িয়ে নর্দামায় ফেলে দিয়েছিল—সেই থেকে তিনি জীবলোকে আদৌ পছন্দ করেন না।

—তা হলে দাঁড়ান, পেছনের ওদের আসতে দিন— দারোগা বললেন।

—ওরা কা ভাবে স্মার ? মোষের ডয়ে এগোতে পারছেন না আপনি ?—একটা চিম্টি কাটলেন বদরুদ্দিন।

—তা বটে।—দারোগা উত্তেজনা বোধ করলেন। কাপুরুষতার এই রকম অপবাদ সহ করা অসম্ভব। কোমর থেকে খুলে নিলেন রিভলভার।

—ওকি স্মার, রিভলভার আবার কেন ?

—তেড়ে এলে গুলি করব।

—আপনি যে হিন্দু স্মার—বদরুদ্দিন আবার হাসলেন : ধর্মে বাধবে যে।

—না, বাধবে না। গোক মারলে পাপ হয়, কিন্তু মোর মারলে কা হয়, তা শাস্ত্রে লেখা নেই—সস্তর্পণে অগ্রসর হলেন তারণ।

কিন্তু মোষগুলো লক্ষ্যই করলনা তাঁদের। যেন লক্ষ্য করবার যোগ্য বলেই মনে করলনা। প্রথম পরিতৃপ্তিতে মাটি থেকে কী একরাশ চিবিয়ে চলল তারা।

—বাক—বিপদের সীমানা পার হয়ে একটা স্বস্তির নিশ্বাস ফেললেন দারোগা : একটা সমস্তা মিটল। কিন্তু যা বলছিলাম। সামনের ওই আটচালাটি কার বলুন তো ?

বদরুদ্দিন জবাব দিলেন, যমুনা আশীরের।

—যমুনা আশীর!—দারোগা কপাল কৌচকালেন : যেন চেনা-চেনা ঠেকেছে নামটা।

—হাঁ স্মার। দাগীর খাতায় নাম আছে।

—হঁ, বুঝেছি। কিন্তু কী আতের ?

—ডেঞ্জারাস্‌। পাঁচ সাতটা হাল্‌মায় জড়িয়েছে এ পর্যন্ত। একবার একটা খুনের দায়েও পড়েছিল—কিন্তু জ্বালে পড়েনি, ছিটকে বেরিয়ে গেছে।

—এবার আর বেরোবেনা, গলা টিপে ধরব—ভয়াবহ একটা মুখ করলেন তারণ তলাপাত্র : জটাধর মার্ভারের ব্যাপারে ওর হাত থাকতে পারে, কী বলেন ?

—কিছুই অসম্ভব নয় স্মার। চেহারা দেখলেই বুঝতে পারবেন।

তারণ আবার ধামলেন। চিন্তিত মুখে বললেন, জোয়ান বুঝি খুব ?

—বিরটি!—এককণে বদরুদ্দিনের মুখেও চিত্তার

ছাপ পড়েছে : আকারে প্রকারে ওই মোষগুলোর মতোই হবে। আর মেজাজও প্রায় ওই রকম।

—তা হলে দাঁড়ান। ওদের আসতে দিন। বে রকম লোক বললেন, হঠাৎ যদি ঝাঁপিয়ে টাঁপিয়ে পড়ে, গোলমাল হতে পারে একটা। কী বলেন ?

—নিশ্চয়—এবার বদরুদ্দিনও সমর্থন জানালেন। বাগানের মোষ সম্পর্কে তারণের মতো তাঁর অহেতুক ঝায়বিক চূর্বলতা নেই বটে, কিন্তু ষমুনা সম্পর্কে কোনো বিশ্বাস নেই তাঁরও। বিশেষ করে কিছুদিন থেকে ডিস্‌পেপ্‌সিয়ায় ভুগছেন—একটু শান্তিপূর্ণ ভাবেই ঝামেলা মিটিয়ে ফেলাই পছন্দ করেন তিনি। বন্দুক একটা সঙ্গে এনেছেন বটে, কিন্তু সেটা ব্যবহার করতে না হলেই আন্তরিক সুখী হবেন।

তারণ একটা সিগারেট ধরালেন।

—বুঝলেন বদরুদ্দিন মিঞা, এরিয়াটা এমনিতে মন্দ নয়। কিন্তু এইসব লোকের জন্মেই বা কিছু গোলমাল। বদরুদ্দিন ‘সাদী’র একটা বয়েৎ আওড়ালেন।

—সে তো ঠিক কথা স্তার। কিন্তু ব্যাপার কী, জানেন ? গোটা কয়েক কাঁটা না থাকলে কি আর গোলাপ তোলা যায় ?

গোলাপ না হোক, গোলগাল পাকা ফল তো বটেই। কিন্তু কাঁটা বড় বেশি। মাঝে মাঝে তারণ তলাপাত্রেরও জ্বিতেন্দ্রিয় হয়ে যেতে ইচ্ছে করে। আজ পনেরো বছর দারোগাগিরি করে অনেক পোড় খেয়েছেন—কিন্তু বুকের ধুকপুকুনি থামেনি।

চৌকিদার আর কনেস্টবলের দলটা এসে পড়ল।

তারণ এদিক ওদিক তাকালেন।

—লোকজন কাউকে তো দেখছি না। সব গেল কোথায় ?

—কাজে-কর্মে গৈছে হয়তো। মোষ চরাতেও যেতে পারে।

—হঁ ! ডাকো তো দেখি কেউ —

চৌকিদারেরা মুখিয়েই ছিল। তিন চারজন এক সঙ্গে টেঁচিয়ে উঠল : ষমুনা—ষমুনা হে—

ষমুনা এলনা—দোর গোড়ায় দেখা দিলে একটি মেয়ে।

ঝুম্‌রি। রূপের সঙ্গে কঠিন একটা নিষ্ঠুরতা মেশানো।

রূপের কাঁকন-পরা শক্ত বাহ। আলাধরা চোখ। নাগিনী।

দোরগোড়ায় পুলিশ দেখে একটা ভয়ের চমক খেলে গেল তার মুখের ওপর দিয়ে।

দারোগা মেয়েটার দিকে তাকালেন—কিন্তু চোখের ওপর চোখ রেখেই নামিয়ে নিলেন মাটিতে। দৃষ্টিটা যেন সহ করা যাচ্ছে না। অতসী কাচ। প্রতিকলিত—কেন্দ্রিত সূর্যের আলো।

—কে মেয়েটা ?—মুখ ঘুরিয়ে বদরুদ্দিনকে প্রশ্ন করলেন তারণ।

জবাব দিলে বামাচরণ। অভিজ্ঞ গভীর গলায় বললে, ওর মেয়ে—ঝুম্‌রি। বছর খানেক আগে একটা মারামারির ব্যাপারে একেও থানায় আনতে হয়েছিল স্তার। রেকর্ড আছে।

—হঁ। বাবের বাচ্চা বাঘ—নিজের অজ্ঞাতেই যেন স্বীকারোক্তি করলেন দারোগা।

নির্নিমেষ জলন্ত চোখে তাকিয়ে আছে মেয়েটা—কেমন অস্বস্তি লাগতে লাগল। দারোগার হয়ে বদরুদ্দিনই প্রশ্ন করলেন—তোমার বাপ কোথায় রে ?

—শো গেয়া !

—শো গেয়া ! বামাচরণ ঝাঁকিয়ে উঠল : আমরা এতগুলো লোক এই ঠাটা-পড়া রোদ্দুরে দাঁড়িয়ে ঠায় পুড়ছি আর তিনি শো গেয়া। ডাক, ডাক—

—ব্যাটা য়ান্‌ লাটসায়েব হচ্ছে !—একজন চৌকিদার ফোড়ন কাটল। এই মহল্লায় রাতে তার চৌকি দিতে হয় না—তা ছাড়া সঙ্গে সশস্ত্র বাহিনীও আছে। সেই ভরসায় আরো জোরের সঙ্গে সে তার বক্তব্য পেশ করল : ডাকি উঠাও জলদি !

মেয়েটা ঘরের ভেতর চলে গেল।

প্রথর ধারালো চেহারা। রূপের সঙ্গে নিষ্ঠুর কঠিনতা একটা। চোখ দুটো অদ্ভুত জলন্ত। দারোগা অজ্ঞমনস্ক হয়ে গেলেন মুহূর্তের জন্মে। ইম্পাত। নাগিনী।

শশব্যস্তে ষমুনা আহার প্রবেশ করল।

—দারোগাবাবু, জমাদারবাবু ! গোড় লাগি। তা রোদে কাঁহে দাঁড়াইয়ে আছেন ? আইয়ে বৈঠিয়ে—

বারান্দায় রাখা খাটিকা আর চৌপাইল্লোর দিকে

দৃষ্টি আকর্ষণ করে সে আহ্বান জানাল দলটাকে। সাইকেল নামিয়ে রেখে দারোগা সাহোপাঙ্গ নিয়ে বারান্দায় গিয়ে উঠলেন। তাঁদের দেহের ভারে ক্যাচ ক্যাচ করে একটা আর্তনাদ জাগল খাটিয়ায়।

কিন্তু উদ্দেশ্য আতিথ্য নয়, কর্তব্য। যমুনার বিশাল দেহটার দিকে ভালো করে তাকিয়ে নিয়ে একবার রিভলভারের বাঁটটা স্পর্শ করলেন দারোগা—যেন আত্ম-বিশ্বাস সঞ্চয় করে নিলেন। তারপর বার করলেন পকেট থেকে তাঁর নোটবই আর কপিয়ার পেন্সিলটা।

—তোমার নাম ?

—যমুনা আহীর হজুর।

—পেশা ?

—হামরা আহীর হজুর। দহি, ক্ষীর, ঘী তৈয়ার করি, বেচি।

—আর কিছু করো ?—দারোগা নোট বই থেকে মুখ তুললেন। সন্তর্পণে এগোতে হবে এইবার, আস্তে আস্তে ঢুকতে হবে কাজের কথায়। টোকা দিয়ে দেখা দরকার।

—আর কী করব হজুর ? মহিষ-টহিষ চরাই—সরল উত্তর দিলে যমুনা আহীর।

—কিছু করো না—না ?—রিভলভারের বাঁটের ওপর আলগোছে বাঁ হাতটা ফেলে রেখে দারোগা বললেন, এই মারামারি, খুন জখম ?

আধহাত জিভ কেটে যমুনা বললে, না।

—না ? থানার খাতা কিন্তু অল্প রকম বলে।—দারোগা আর একটা সিগারেট ধরালেন : তা ছাড়া চেহারাও তো তেমন সুবিধে নয় বাবু। ভালোমানুষ বলে তো মনে হয় না।

—দেখছেন না, ব্যাটার চোখ কী রকম লাল ? বদরুদ্দিন দারোগাকে আর একটু আলোকদানের প্রয়াস করলেন।

—চোখের আর দোষ কী হজুর ?—যমুনা আপ্যায়নের হাসি হাসল : হামি খোড়া খোড়া গাঁজা পী।

—গাঁজা পী ?—দারোগা ভ্রুকুটি করলেন : সে গুণটাও আছে তা হলে। আর দাঁক ?

—মিলুনেসে খোড়া খোড়া পী।

—কোনোটাই বাকী নেই স্মার। একেবারে সর্ব-গুণাঘিত—বদরুদ্দিন আবার সংশোধনী জুড়ে দিলেন। দারোগা অত্যন্ত বিশ্লেষণী দৃষ্টিতে পর্যবেক্ষণ করতে লাগলেন যমুনা কে। না—সন্দেহ নেই। এ লোকটা জটাধরকে খুন যদি নাও করে থাকে, খুন করার যোগ্যতা রাখে নিশ্চয়ই।

—জটাধর সিংকে চিনতে তুমি ?

একটা চকিত সতর্কতার আভা খেলে গেল যমুনার মুখের ওপর। আস্তে টোক গিলল একবার।

—কে জটাধর সিং ?

বদরুদ্দিন খিঁচিয়ে উঠলেন : ত্রাকামি হচ্ছে—না ? জটাধরকে চেনো না ? কুমার ভৈরবনারায়ণের বরকন্দাজ ?

—কুমার সাহেবের বরকন্দাজ তো ঢের আছে হজুর। কে জটাধর সিং ?

—আহা, ভাজা মাছটা উল্টে খেতে জানো না ?—তারণ ভেংচি কাটলেন : একেবারে কেঁটের জীব ! যে লোকটা বিলের মধ্যে খুন হয়েছে, জানো তাকে ?

—না।

—এখন তো জানবেই না।—দারোগা ক্রুর হাসি হাসলেন, আর একবার ছুঁয়ে নিলেন রিভলভারটা, ভালো করে দেখে নিলেন নিজের দলটাকে : আমিও তারণ তলাপাত্র, জানিয়ে ছাড়ব। যাক—তোমার ঘর থানাভাঙ্গা করব।

—করুন হজুর।

—চুকুন বদরুদ্দিন সাহেব—ভালো করে খোঁজ খাঁজ করুন।

বদরুদ্দিন বিব্রত বোধ করলেন। এ দারোগার অগ্রায়। নিজে স্বার্থপরের মতো নিরাপদে বসে থেকে তাঁকে ঠেলে দিচ্ছেন বাঘের গর্তের ভেতর। বিশ্বাস নেই—এ লোকগুলোকে বিন্দুমাত্র বিশ্বাস নেই। হাতের নাগালে পেলে যে কোনো সময় ঘাড়ের ওপর একখানা দা বসিয়ে দিতে পারে।

—আপনিও চলুন না স্মার—

—আপনি গেলেই যথেষ্ট হবে—সিগারেটটার টুক দিয়ে নিশ্চিতভাবে বললেন দারোগা।

বদরুদ্দিন বিপন্ন মুখে তাকালেন এদিক ওদিক।

—বামাচরণ এসো, চৌবে, তুম্ভি আও।

কিন্তু সার্চ করে বিশেষ কিছু পাওয়া গেল না। মিলল শুধু লোহার তার দিয়ে গাঁটে গাঁটে জড়ানো দুখানা অতিকায় লাঠি।

দারোগা বললেন, লাঠি ছুটো নিয়ে চলুন! রক্ত টুকু ধুয়ে ফেলেছে হয়তো। কিন্তু কেমিক্যাল অ্যানালিসিস করলে কিছু না কিছু ট্রেস পাওয়া যাবেই।

—আর লোকটা? ছেড়ে যাবেন?

—পাগল!—দারোগা এবার খাপ থেকে রিভলভারটা বের করলেন, যমুনা, তোমাকে গ্রেপ্তার করা গেল।

—গ্রেপ্তার!—যমুনা কিন্তু ভয় পেল না। অল্প একটু হাসল: কেন হজুর?

—জটাধর সিংয়ের খনের দায়ে। চৌবে, পাকড়ো ইস্কো।

একটা সম্ভব প্রস্তুতি পড়ে গেল। কিছু বেন আসন্ন হয়ে আসছে। কোনো ছুঁটনা, কোনো ছুঁটনা। একুনি ভয়ংকর কিছু একটা হয়ে যাবে।

কিন্তু কিছুই হল না। যমুনা আবার হাসল। নিরুত্তরে হাত ছুটো বাড়িয়ে দিলে চৌবের দিকে।

হাতকড়া পরালেন বদরুদ্দিন। একটা স্বস্তির নিশ্বাস ফেলে উঠে দাঁড়ালেন। মনে হল, যেন বুকের ওপর থেকে একতাল পাথর নেমে গেছে—কেটে গেছে একটা ভয়ানক কাঁড়া। এত সহজে এমন প্রকাণ্ড মানুষটাকে গ্রেপ্তার করা যাবে—এ যেন কল্পনাও ছিল না।

দারোগা বললেন, চলুন বদরুদ্দিন সিঞা। এবার আর ছু চারটাকে একটু বাজিয়ে দেখা যাক। এ রকম সাসপেন্ডেড্ আর কে কে আছে বলুন তো?

প্রজ্ঞাবানের গম্ভীর গলায় বামাচরণ বললে, ছুখীরাম আহীর, চুণ্ডি আহীর, গণ্শা আহীর—

—চলুন, দেখা যাক একে একে।

দারোগা উঠে দাঁড়ালেন। যমুনাকে নিয়ে নেমে এলেন দাওয়ার বাইরে।

আর ঠিক সেই মুহূর্তেই দোরগোড়ায় এসে দাঁড়ালো কুমরি। রূপের সঙ্গে নিষ্ঠুরতা। চন্দ্রবোড়া সাপের মতো

সৌন্দর্যের সঙ্গে বিষাক্ততা; শানানো ইস্পাতের মতো দীপ্তির সঙ্গে বাতকের ইঙ্গিত।

মেয়ের দিকে তাকিয়ে যমুনা একটু হাসল।

—হাজতে চললাম বেটি। কবে আসব ঠিক নেই। ভেঁসাগুলোকে দেখিস।

কুমরি কথা বলল না। শুধু অতনী কাচের মতো চোখের অগ্নিদৃষ্টি ছড়িয়ে তাকিয়ে রইল খানিকক্ষণ। তারপর—

তারপর দারোগা যেই কয়েক পা এগিয়েছেন, অমনি তীব্র তীক্ষ্ণ প্রচণ্ড গলায় একটা শিসের আওয়াজ করল সে। রোদে পোড়া মাঠের ওপর দিয়ে সেটা সাইরেনের মতো দূর দূরান্তে ভেসে গেল।

আর সভয়ে দারোগা দেখলেন এক মুহূর্তে মাথা তুলেছে শান্ত নিরীহ মহিষের পাল। তাদের চোখগুলোতে আদিম অরণ্যের অমার্জিত বস্ত্র হিংসা। লেজ আকাশে তুলে জুড় নিশ্বাস ফেলতে ফেলতে সাত আটটা ছুটে আসছে তাঁদের দিকে।

গুলি করবার স্বযোগ পেলেন না কেউ—হয়তো সাহসও হল না। ছুই লাফে বদরুদ্দিন নিমগাছটার উঠে পড়লেন—তাঁর তৎপরতা দেখলে বানরও লজ্জা পেত। চৌকিদারদের একজন সিংয়ের গুতোয় ছিটকে পড়ল—বাকী সব যে যেদিকে পারে, উর্ধ্ব্বাঙ্গে ছুটতে শুরু করল। তারগণ হাতের সাইকেলটা ছুঁড়ে ফেলে গোটা কয়েক লাফ মারলেন, তারপর আবিষ্কার করলেন, একটা পাঁকে ভরা দুর্গন্ধ ডোবার মাঝখানে গলা পর্যন্ত তলিয়ে আছেন তিনি।

আর সেই অবস্থায়, বিস্ফারিত চোখ মেলে তারগণ দেখতে পেলেন—বহু দূরে বিলাঘাসের বন ভেঙে তীব্রগামী তীরের মতো একটা লোক ছুটে পালাচ্ছে। দেখতে দেখতে দৃষ্টির বাইরে সে নিঃশেষে মিলিয়ে গেল।

সে যমুনা আহীর!

কিন্তু ভোঁস্ ভোঁস্ করে চলন্ত পাহাড়ের মতো ওটা কি এগিয়ে আসছে এদিকে? মোষ? চক্কের পলকে পচা ডোবার ভেতরে ডুব মারলেন তারগণ ভলাপিত।

(ক্রমশঃ)




পশ্চিম বাংলায় আখের চাষ

শ্রীঅমূল্যরতন বন্দ্যোপাধ্যায় এম্-এস্-সি, ডিপ-এগ্রি (ক্যাণ্টাব)

পশ্চিম বাংলার আখ চাষ হয় প্রায় ২ লক্ষ বিঘা জমিতে অর্থাৎ মোট চাষের জমির শতকরা মাত্র ০.৫৮ ভাগে ও যে পরিমাণ চিনি উৎপন্ন হয় তাহাতে বছরের ৪ মাসও চলে না। এই তুলনার বিহারে ইহার চাষ প্রায় ১২ লক্ষ বিঘা ও উত্তর প্রদেশে ৫৫ লক্ষ বিঘা এবং ইহা তাহাদের মোট চাষের জমির শতকরা যথাক্রমে ২.১৮ ভাগ ও ৪.৮৬ ভাগ। পাঞ্জাবের অবস্থা মোটামুটি বিহারের মত।

আমাদের আখ-চাষ কম হওয়ার দরুন অনেকের ভুল ধারণা আছে যে, পশ্চিম বাংলার আবহাওয়া আখ চাষের উপযুক্ত নয়। বস্তুতঃ এখানকার আবহাওয়া আখ চাষের পক্ষে বিহার ও উত্তর

ভূবারপাত ও অতিরিক্ত শীতে আখের ফেরণ ক্ষতি হয়, পশ্চিম বাংলার সে আশঙ্কা নাই। এইসব কারণে এখানকার আখের বিঘাপ্রতি ফলন যেখানে ১৫০-২০০ মণ, সেখানে পূর্ব-পাঞ্জাবের গড় ফলন মোটামুটি ১০০ মণ এবং বিহার ও উত্তরপ্রদেশে ১০০-১৫০ মণ। এখানকার আবহাওয়ার আখের মধ্যে চিনির অনুপাতও বেশী হয়। বিহার ও উত্তর প্রদেশে চিনির কলে সাধারণতঃ আখের ওজনের শতকরা ১০ ভাগের কম চিনি পাওয়া যায়; সেই তুলনায় পশ্চিম বাংলার ১০.৮ ভাগ পাওয়া যায়। কাজেই পশ্চিম বাংলার আখের ফলন ও গুণ দুই-ই ভাল হয়, অথচ এখানে বিহার বা উত্তর প্রদেশের মত আখ চাষের উন্নতির চেষ্টা ততটা হয় নাই।



পশ্চিম বাংলার আখের চাষ

প্রদেশের তুলনায় অনেক ভাল। এখানে বৃষ্টি হয় বেশী ও সেইজন্য জমসেচ ছাড়াও আখ-চাষ করা সম্ভবপর হয়। এখানে আখের জমির শতকরা ১০ ভাগেও জল-সেচের ব্যবস্থা নাই। এই তুলনায় জল সেচের সুবিধাবূদ্ধ আখের জমির পরিমাণ উত্তর প্রদেশে শতকরা ৬০.৭০ ভাগ, বিহারে ৩০.৪০ ভাগ, পাঞ্জাবে প্রায় ৮০ ভাগ, মাজাজে ২০.২৫ ভাগ এবং মহীশূর, বোম্বাই ও হায়দ্রাবাদে প্রায় ২০-১০০ ভাগ। দ্বিতীয়তঃ, পাঞ্জাব বা উত্তর প্রদেশের কোন কোন জায়গায়



কাটিং বাছাই


এককালে বাংলাদেশে বখেট আখ-চাষ ছিল। অনেকের মতে বাংলার পুরাতন নাম নৌড় শব্দটি 'গুড়' ও তাহার রাজধানী পৌণ্ড-বর্ধন শব্দটি এখানকার 'পুরি' আখের নাম হইতে উদ্ভূত। চিনি-শিল্প সংরক্ষিত হওয়ার পূর্বে ভারতবর্ষ বধন চিনির জন্ম যব্বীণের উপর নির্ভর করিত, তখনও এখান হইতে বিদেশে চিনি রপ্তানী হইত। ইহার পর সংরক্ষণের সুবিধার বধন এদেশে চিনির কল স্থাপিত হইতে লাগিল তখন হইতে অবস্থার পরিবর্তন ঘটে। বিহার বা উত্তরপ্রদেশে রেলপথের খুব সুবিধা থাকায় ও সেখানে আখ একটি বিশেষ লাভজনক অর্থকরী কসল হওয়ার সেখানে চিনির কল স্থাপনের যতটা সুবিধা হইয়াছে বাংলাদেশে ততটা সুবিধা হয় নাই। বাংলার পাটের মত

একটি পণ্য শস্যের ব্যাপক চাষের সুবিধা থাকার এখানকার চাষীরা আখ চাষের প্রতি অনেকটা উদাসীন ছিল। ফলে উত্তর প্রদেশে চিনির কলের সংখ্যা যেখানে ৭০ টিরও বেশী ও বিহারে ৩০টির বেশী' সেখানে পশ্চিম বাংলার মাত্র ২টি ও তাহার মধ্যে আবার একটি অনেক দিন হইতেই বন্ধ।

এই অবস্থায় এখানকার আবহাওয়া আখ চাষের খুব অনুকূল থাকা সত্ত্বেও এখানে চিনি ও গুড়ের বাটতি রহিয়া গিয়াছে। বর্তমানে প্রধান প্রধান খাদ্য-শস্য, পাট ইত্যাদির অভাব থাকায়, আখের চাষ বাড়ানোর উপায় নাই। বস্তুতঃ এই সব কারণে গত কয়েক বছরে আখ-চাষ প্রায় ১০ হাজার বিঘা কমিয়া গিয়াছে। এই অবস্থায় অন্ততঃ আখ-চাষ প্রণালীর উন্নতি বিধান করিয়া বিঘাপ্রতি ফলন বাড়ানোর চেষ্টা করা যাইতে পারে। এখানে অনুকূল আবহাওয়ার দরুণ যদিও গড় ফলন বিহার বা উত্তর প্রদেশের তুলনায়

ক্রমাগতঃ হইতেছে। এই সব উন্নত জাতের ফলন বেশী, ফলে চিনির অনুপাত বেশী, রোগপ্রবণতা কম ও শক্ত হওয়ার দরুণ শিল্পে প্রভৃতি বস্ত্র উৎপাদনে ও ষড়-বাতাসে ক্ষতিগ্রহ হয় না। ১৯৪০ সালে দেখা যায় যে, তাহার ১০ বৎসর পূর্বের তুলনায় এদেশে গড় ফলন শতকরা প্রায় ২০ ভাগ বাড়িয়া গিয়াছে। উন্নত জাতের ব্যবহারই ইহার সর্বপ্রধান কারণ। এইজন্য দিন দিন উন্নত হইতে উন্নততর যে সব জাত উদ্ভাবিত হইতেছে তাহার চাষ বাড়ানর প্রতি দৃষ্টি রাখা দরকার। বর্তমানে কোয়েম্বাটোর ৪২১, ৫২৭, ৪১৯, ৩১৩ প্রভৃতি জাতগুলি পশ্চিমবাংলার পক্ষে উপযোগী।


সার প্রয়োগে আখের ফলন অস্বাভাবিকরূপে বৃদ্ধি পায়। পরীক্ষা দ্বারা জানা যায়, আখের পক্ষে সর্বাধিক নাইট্রোজেন যুক্ত সারের প্রয়োজন বেশী। প্রতি 'পাউন্ড নাইট্রোজেন প্রয়োগে' সার অনুযায়ী বিঘা প্রতি ১মণ হইতে ৩মণ পর্যন্ত আখের ফলন বাড়ে। বিঘা



কোর্টিং লাগানো

কিঞ্চিৎ বেশী, পৃথিবীর প্রধান প্রধান আখ-উৎপাদনকারী দেশের তুলনায় অনেক কম। যবদ্বীপ বা হাওয়াই দ্বীপে আখের বিঘাপ্রতি গড় ফলন প্রায় ৫০০ মণ। পেরু, পোটা, রিকো ও অক্সাল্ড প্রায় দেশেই আখের ফলন আমাদের তুলনায় বেশী। ভারতবর্ষের মধ্যেও বোম্বাই, মহীশূর, হায়দ্রাবাদ প্রভৃতি অঞ্চলের অনেক স্থানেই বিঘাপ্রতি ৪০০-৪৫০ মণ আখ পাওয়া যায়। পশ্চিম বাংলার সরকারী কৃষিক্ষেত্রে সাধারণতঃ বিঘাপ্রতি ৩০০-৩৫০ মণ আখ ফলে যেখানে আমাদের গড় ফলন মাত্র ১৫০-২০০ মণ। চেষ্টা করিলে যে ফলন বাড়ান যায়, ইহাই তাহার নিদর্শন। ফলন বৃদ্ধির উপায় সম্বন্ধে এইবার আলোচনা করিব।

ফলন বৃদ্ধির জন্য ভাল জাতের সীল ব্যবহার করা প্রয়োজন। গবেষণার ফলে অসংখ্য উন্নত জাতের আখ উদ্ভাবিত হইয়াছে ও



সার প্রয়োগ

প্রতি মোটামুটি ৪০ পাউন্ড নাইট্রোজেন দিলে ফলন বেশ ভাল হয়। এই জন্য বিঘা প্রতি ৪৫-৫০ মণ গোবর বা কম্পোস্ট, ২মণ খৈল ও ১মণ এ্যামোনিয়াম সালফেট দরকার। গোবর বা দিগা সবুজ সার দেওয়ারই ভাল। ইহা ব্যবহারেই বিঘা প্রতি প্রায় ৫০মণ আখ বেশী ফলে।

মাটিতে কস্কেটের অভাব হইলে, বিঘা প্রতি ১মণ হাড়ের গুঁড়া দিতে হয়। লাল মাটিতে প্রতি বিঘায় ১মণ চূণ দেওয়া দরকার। পটাস সার দেওয়ার প্রয়োজন হয় না; কারণ মাটিতে সাধারণতঃ যাহা থাকে তাহাই যথেষ্ট।

সার প্রয়োগের সময়েরও বিশেষ গুরুত্ব আছে। গবেষণার ফলে জানা যায়, ডগা ফসাইবার ২মাস আগে গোবর, কম্পোস্ট ও হাড়ের গুঁড়া, ডগা ফসাইবার সময়ে এবং বিমান (tillers) বাহির হইবার

কালে এ্যামোনিয়াম সালফেট ও খইল প্রয়োগ করিলে সর্বাঙ্গের ভাল ফল পাওয়া যায়।

সেচ

ফলন বৃদ্ধির জন্য সেচের ব্যবস্থা বিশেষ দরকার। উপযুক্ত সেচ ছাড়া সার প্রয়োগে সম্পূর্ণ ফল পাওয়া যায় না। বর্ষার আগে জলের অভাবে আখের চারার বাড় ব্যাহত হইলে ফলনও কম হয়।

চাষ পদ্ধতি

চাষ-পদ্ধতির ক্রটির জন্য ফলন কম হয়। ডগা বসাইবার সময় ও প্রণালী, ডগার গুণাগুণ, কসলের অন্ত্যন্ত পরিচর্যা প্রভৃতির উপর ফলন খুবই নির্ভর করে।

যে মাটিতে শীতকালে বেশ রস থাকে বা যেখানে জল-সেচের সুবিধা আছে সেখানে মাঘ কাণ্ডগুনে ডগা বসান উচিত। পরীক্ষার জানা যায়, কাণ্ডগুনের পরে ডগা বসাইতে যত দেরী হয়, ফলনও তত কম হয়। চৈত্রের শেষের দিকে প্রতিদিনের বিলম্বে প্রায় ১০মণ হারে ফলন কমিতে থাকে।

ডগার 'চোখ' সতেজ না হইলে প্রথম হইতেই চারা দুর্বল হইয়া পড়ে ও অন্ত্যন্ত অবস্থা অনুকূল থাকা সত্ত্বেও ফলন যথেষ্ট কম হয়।

পরীক্ষার দেখা যায় যে, অগভীর নালীতে আখ লাগাইলে বা আখের সারি ঘন হইলে বিয়ান কম হয় ও ইহার জন্য ফলনও যথেষ্ট কমিয়া যায়।

গাঁইট হওয়া আরম্ভ করিলেই চারার গোড়ায় মাটি দেওয়া দরকার। তাহাতে বিয়ান ছাড়িবার সুবিধা হয়। পরীক্ষার জানা যায় যে, এই সময় সার দিলে বিয়ান খুব শীঘ্র বাহির হয়। বিয়ান অনেক দিন ধরিত্তা বাহির হইতে থাকিলে গুচ্ছের এক একটি আখ এক এক সময়ে পরিণত (matured) হয়।

আখের পাতা ছাড়াইয়া পরিষ্কার রাখা ও গাছ বড় হইলে তাহার ছোট ছোট বিয়ান কাটরা কেলা দরকার। গাছ যাহাতে মাটিতে পড়িয়া না যায় সেদিকে লক্ষ্য রাখা দরকার। কারণ গাছ মাটিতে পড়িয়া শাখা প্রশাখা বাহির হইলে রসের মিষ্টতা কমিয়া যায়।

আখ সমরমত কাটার উপরে গুড় বা চিনির ফলন ও গুণ দুইই নির্ভর করে। অপরিণত বা অধিক পরিণত আখে চিনির ভাগ কম থাকে।

মুড়ি আখের (Ratoon) চাষ করিতে হইলে ভালরূপে সার দেওয়া ও অন্ত্যন্ত পরিচর্যার ব্যবস্থা করিতে হয়। তাহাতে ইহার

ফলন পূর্ব-কসলের তুলনার কম হয় না। তবে ১ বৎসরের বেশী বৃদ্ধি আখ না রাখিয়া শস্ত-পর্যায় (Rotation) করা ভাল।

রোগ ও কীট শত্রু

রোগ ও কীট শত্রুর আক্রমণে সচরাচর শতকরা অন্তত ১০ ভাগ ফলন কমিয়া যায়। ধলা রোগেই (Red-rot) সর্বাঙ্গের বেশী ক্ষতি করে। ইহাতে আখের ভিতর লাল হইয়া যায়। ইহা দমনের জন্য উন্নত জাতের ব্যবহার, বাছাই-ডগা লাগান, ক্ষেতের জল নিকাশের ব্যবস্থা, ক্ষেত পরিষ্কার রাখা ও শস্ত পর্যায় করা আবশ্যিক।

মাজরা পোকায় (Stem-borer) আক্রমণেও ভয়ানক ক্ষতি হয়। এই পোকায় শত্রু আর এক পোকা আছে। অনেক জায়গায় তাহাদের সংখ্যা বৃদ্ধি করিয়া ইহা দমনের ব্যবস্থা করা হইয়াছে। ইহা দমনের জন্য



আখ কাটা

উন্নত জাতের ব্যবহার, আক্রমণের আরম্ভেই পোকা ধ্বংস করা ও ক্ষেত পরিষ্কার রাখা দরকার।

ডগা ছিটকারীও এক রকম পোকা আছে। তবে তাহাতে ক্ষতির পরিমাণ বেশী নয়। প্রথম-হইতেই ব্যবস্থা করিলে, ইহার বিস্তার হইতে পারে না।

উই পোকায় উপজব কমাইবার জন্য নালীর মধ্যে অধিক পরিমাণে নিম বা রেড়ির খইল দেওয়া, ২৪ ঘণ্টা কাল ডগা কিনাইল জলে (২%) ভিজাইয়া রাখা, ডগার কাটা প্রান্তে সাবধানে আলকাতরা বা কেরোসিন লাগান, সেচের জলে আলকাতরা মিশান ইত্যাদি ব্যবস্থা করা যাইতে পারে। প্রতি বিঘায় ১২—১৩ সের হারে গ্যামেলিন ডগা বসাইবার আগে নালীর মধ্যে ছিটাইয়া দিলে উপকার পাওয়া যায়।



ভারতীয় শিল্পসমূহে গবেষণার স্থান

শ্রীমোহিনীমোহন বিশ্বাস এম-এস-সি

মার্কিনযুক্তরাষ্ট্রে একদিন কবিপ্রধান, অল্পমত জাতিসমূহের মধ্যে পরিগণিত ছিল। ক্রমশঃ শিল্পোন্নয়নে মন দিয়ে, বিশেষ করে সমগ্র দেশের শিল্পক্ষেত্রে গবেষণার আবহাওয়া সৃষ্টি করে এই মহাজাতি স্বল্পকালের মধ্যেই শিল্পজগতে বিরূপ প্রতিষ্ঠা লাভ করতে পারল এবং তার জাতীয় সম্পদ ও সমৃদ্ধি বহুগুণ বৃদ্ধিপ্রাপ্ত হল। ১৮৮০ সালের পূর্বে মার্কিনে শিল্পসম্বন্ধীয় ল্যাবরেটরি বা গবেষণাগার বলে কিছুই ছিল না। উনবিংশ শতাব্দীর শেষভাগে বিদ্যাত্ প্রভৃতি শিল্পে নূতন নূতন গবেষণা দ্বারা প্রভূত উন্নতি দেখা গেল। বেল, এডিসন, টমসন প্রভৃতি মনীষিগণ স্ব স্ব প্রতিভাবলে দেশীয় শিল্পসমূহে যুগান্তর আনয়ন করলেন এবং ঐ সকল আবিষ্কারের দ্বারা সমগ্র শিল্পজগত বেশ লাভবান হল।

বিগত প্রথম মহাসমরের সময় জার্মানীর শিল্পসমৃদ্ধির পরিচয় পেয়ে সমগ্র পৃথিবী বুঝতে পারল শিল্পগবেষণার অস্তাব এবং তখন বিবিধ শিল্পের কারখানাসমূহের মধ্যে সুসজ্জিত গবেষণাগার নির্মাণের পরিকল্পনাসমূহ সর্বত্র গৃহীত হল। তখন উৎসাহ পড়ে গেল, জার্মান শিল্পসমূহের পেটেন্ট সংগ্রহ করে আমেরিকার রসায়ন প্রভৃতি বিবিধ শিল্পের উন্নতি সাধনে মন দেওয়ার। বেল টেলিকোন ল্যাবরেটরিসমূহের গবেষণাগার এত সুসজ্জিত ও বৃহৎ যে শিল্পোন্নয়নের জ্ঞান গবেষণার প্রয়োজন সম্বন্ধে আর কোন সন্দেহই থাকতে পারে না। সেখানে প্রায় ৪,৬০০ বিজ্ঞানী গবেষণা ও পরীক্ষা কার্যে সর্বদা ব্যস্ত আছে। আলেকজান্ডার গ্রাহাম বেল যখন প্রথম টেলিকোনের আবিষ্কার করেন তখন থেকে আজ পর্যন্ত ঐ সকল গবেষণাগার দ্বারা কত মূল্যবান আবিষ্কারসমূহ সম্ভব হয়েছে তা সত্যই বিস্ময়কর।

আমেরিকার আদর্শ ভারতীয় শিল্পপতিগণের উপর যে প্রভাব বিস্তার করেছে তার কোন সন্দেহ নেই। তবে একথা বলা অসম্ভব হবে না—যে পরিমাণ অর্থ ও উৎসাহ মার্কিনযুক্তরাষ্ট্রে শিল্পোন্নয়নে প্রয়োগ করেছে

তার একাংশও এখন পর্যন্ত ভারতবর্ষ পায় নি। গ্রেট-ব্রিটেনও মার্কিনযুক্তরাষ্ট্রের মত শিল্পবিস্তার গবেষণার উপযোগিতার বিষয় সম্যক উপলব্ধি করেছে এবং প্রথম মহাসমরের পর ব্রিটিশ শিল্পসমূহ প্রভূত উন্নতিসাধন করেছিল। আমেরিকা ও ইংলণ্ডের মত জাপানের শিল্প-বিস্তার বিশেষভাবে উল্লেখযোগ্য। দুইটি পৃথিবীব্যাপী মহাসমরের মাঝখানে জাপান যে পরিমাণ শিল্পোন্নয়ন করতে সক্ষম হয়েছিল তা সত্যই বিস্ময়কর। ১৯১৭ সালে জাপান সরকারের সৌজস্বে জাপানিজ ইনস্টিটিউট অফ ফিজিক্যাল এণ্ড কেমিক্যাল রিসার্চ স্থাপিত হয়। ১৯৩৪ সালে ঐ ইনস্টিটিউটে ৪০০ বিশেষজ্ঞ বিজ্ঞান সম্বন্ধীয় গবেষণায় নিযুক্ত ছিলেন। এখান হতে প্রায় ৫০০ পেটেন্ট স্বত্ব গৃহীত হয়, যার প্রত্যেকটিই বেশ গুরুত্বপূর্ণ। মুক্তার চাষ একটি বিশিষ্ট শিল্প (Stimulated pearl Industry)। মিঃ মিকিমোটো এবং টোকিও বিশ্ববিদ্যালয়ের প্রফেসর কিমিকি মিংসিকুরি প্রভৃতি বিশিষ্ট বৈজ্ঞানিকগণ এই বিশ্ববিখ্যাত শিল্পের প্রতিষ্ঠা করেন। এই শিল্পের প্রথম পেটেন্ট স্বত্ব গৃহীত হয় ১৪৯৬ সালে। তখন মুক্তার আকৃতি অর্ধবর্তুল অবস্থায় ছিল। সুদীর্ঘ ৪৮ বৎসরব্যাপী গবেষণা দ্বারা পূর্ণবর্তুল আকারের মুক্তাসমূহ তৈরী করা সম্ভব হল। এই বিরূপ শিল্প সমুদ্রজলে নির্মিত ৯টি বৃহৎ কারখানায় বিস্তৃত আছে এবং প্রায় ৪০,০০০ একর পরিমিত স্থান এই সকল কারখানা নির্মাণ করতে প্রয়োজন হয়েছে। গবেষণা দ্বারা শিল্প কি পরিমাণ বিস্তৃতি লাভ করতে পারে ইহা তার একটি সুন্দর দৃষ্টান্ত।

ভারতীয় শিল্পসমূহের মধ্যে গবেষণার আবহাওয়া অত্যন্ত বিরল। বিভিন্ন শিল্পপ্রতিষ্ঠানের রিসার্চ ল্যাবরেটরিসমূহ মাত্র কাঁচামাল ও তৈরীমালের বিত্তমতা পরীক্ষা করেই খালাস। অনেকে এমন কি অতি পুরাতন শিল্প-প্রক্রিয়াগুলিকে দেশবিদেশের গবেষণাগার নূতন প্রক্রিয়াসমূহের দ্বারা কিছুমাত্র উন্নত করতেও অনিচ্ছুক। হয়ত

একথা ঠিক যে সামান্য সংস্কার করতে পারলে অনেক ক্ষেত্রে উৎপন্ন মালের গুণ ও দাম বহুলাংশে বেড়ে যাবে। কাজারে একটি ঔষধ বা পণ্যদ্রব্য বেশ কাঁচিতি দেখা যায় এবং দেশী কারখানায় প্রস্তুত বলে জনসাধারণের কাছে বেশ আদর পেয়েছে। ক্রমে ভাল ভাল বিলাতী মালের আমদানী বেড়ে গেল এবং দামও সস্তা হল। তখন পূর্বোক্ত ঔষধ বা পণ্যের কিঞ্চিৎ পরিবর্তন আবশ্যিক। আধুনিক গবেষণা দ্বারা ঐ ঔষধ বা পণ্যের গুণ বাড়ান দরকার হবে, অবশ্য দামের দিকে নজর দিয়ে। জনসাধারণ যদি দেখে আগের থেকে কিছু ভাল জিনিস পাওয়া যাচ্ছে তখন বিলাতী-প্রীতি কিছু কমেতে বাধ্য। কেবল স্বদেশীয়ানার দোহাই দিলেই চলবে না, দেখতে হবে সমন্বয়পযোগী সংস্কারসমূহ মেনে নেওয়া হচ্ছে কিনা। পৃথিবীর সকল জাতির মধ্যে গবেষণার মনোভাব বেড়ে যাচ্ছে এবং ভারতবর্ষও তার সঙ্গে তাল রেখে চলবে।

ভারতীয় শিল্পসমূহের বর্তমান অবস্থা বর্ণনা করতে মিঃ মোরারজি দেশাইএর উক্তিটি উদ্ধৃত করা হল :—

“We in this country have not yet taken to research and experimentation to the required extent. We are only getting here in plant and machinery, what we see elsewhere, and after importing these we only learn to run them. But if we are to develop our industry, production of machinery has to go hand in hand with industrial research. Only then we will be able to work our industries successfully.”

অর্থাৎ—“আমাদের দেশে এখনও পর্যাপ্ত প্রয়োজনীয় গবেষণা ও পরীক্ষাকার্য আরম্ভ হয়নি। মাত্র বিদেশের অন্তর্গত শিল্পের আয়তন-বৃদ্ধির জন্য বিভিন্ন যন্ত্রপাতি আমদানী করতে সক্ষম হয়েছি এবং ঐসকল যন্ত্রের ব্যৱহার শিক্ষায় আমরা বিশেষ মনোযোগী হয়েছি। কিন্তু যদি শিল্পের যথার্থ উন্নতি সাধন করতে হয় ত শিল্পসম্বন্ধীয় গবেষণার সঙ্গে আত্মসম্বন্ধিক যন্ত্রপাতি নির্মাণেও মন দিতে হবে। কেবলমাত্র তখনই আমরা সাফল্যের সহিত শিল্পোন্নয়ন করতে সক্ষম হব।”

আমেরিকার ইতিহাসে দেখা যায় ঔপনিবেশিক অবস্থাকালে গ্রেট ব্রিটেন যখন শিল্প বিস্তারের জন্য আমেরিকাকে

যন্ত্রপাতি সরবরাহ করতে শৈথিল্য প্রদর্শন করে এবং ইংলণ্ডের আবিষ্কার সমূহ তার নিকট হতে গোপন করতে সক্ষম করে তখনই আমেরিকা বুঝতে পারে যে প্রকৃত শিল্পোন্নয়ন করতে হলে—গবেষণা ও যন্ত্র নির্মাণ উভয়-কার্যেই খাবলম্বী হতে হবে—পরমুখাপেক্ষী হলে চলবে না। তখন থেকে নিজ আবিষ্কার বাড়াবার চেষ্টা হল এবং তাহার শিল্পক্ষেত্রে ক্রমশঃ প্রচুর উন্নতি দেখা দিতে আরম্ভ করল।

যে কোন দেশের শিল্পগবেষণার উন্নতির পরিচয় পাওয়া যাবে তার গৃহীত পেটেন্ট সমূহের সংখ্যা গণনা করে। ১৯৩০ হতে ১৯৩৭ পর্যন্ত বিভিন্ন দেশে প্রতিবৎসর গড়ে যে সংখ্যায় পেটেন্ট মঞ্জুর করা হয়েছিল, নিয়ে তার তালিকা দেওয়া হল :—

দেশ	বাৎসরিক গৃহীত পেটেন্টের সংখ্যা।
আমেরিকা	৪৮,৬৯৭
জার্মানি	২০,৬২১
ফ্রান্স	২০,০২৫
গ্রেট ব্রিটেন (১৯৩০-৩৫)	১৮,৪১৭
ইটালি	১০,৬৩৪
বেলজিয়াম	৭,৩১৫
সুইজারল্যান্ড (১৯৩০-৩৬)	৭,৩০৭
জাপান	৪,৮৪৫
চেকোস্লোভাকিয়া	৩,৬১৩
ভারতবর্ষ	৮৯৮

উক্ত পেটেন্ট তালিকায় দেখা যায় যে ভারতবর্ষ পৃথিবীর মধ্যে কেবল যে আমেরিকা জার্মানি প্রভৃতি উন্নত রাষ্ট্র-সমূহের অপেক্ষা নিয়ে স্থান পেয়েছে তা নয়—বেলজিয়াম, সুইজারল্যান্ড এবং চেকোস্লোভাকিয়া প্রভৃতি ক্ষুদ্র রাষ্ট্র-সমূহ অপেক্ষাও অনেক কম সংখ্যক পেটেন্ট গ্রহণ করতে সক্ষম হয়েছে। সুতরাং শিল্পক্ষেত্রে পৃথিবীর বিভিন্ন রাষ্ট্রগণ যে পরিমাণ ত্রীবৃদ্ধি করেছে ভারতবর্ষ বর্তমানে তাহা আশা করতে পারে না। যখন দেখা যায় যে প্রত্যেক রাষ্ট্রই পেটেন্ট-প্রথাকে বেশ আদরের চক্ষেই দেখেছে, তখন ভারতবর্ষ তাহা অবহেলা করতে পারে না। সকল রাষ্ট্রের পক্ষেই শিল্পোন্নয়নের একই পথ এবং স্বাধীন রাষ্ট্র হিসাবে ভারতবর্ষকেও ঐ পথই অহুসরণ করতে

হবে। আবার দেখা যায় যে ভারতবর্ষে গৃহীত পেটেন্ট-সমূহের মধ্যে বিদেশী শিল্পপতিগণেরই কৃতিত্ব বেশী। সুতরাং শিল্প জাতীয়করণ করবার সময় স্মরণ রাখতে হবে, যেন স্বদেশের বৈজ্ঞানিক ও শিল্পপতিগণ সর্বত্র নিজ দেশের পেটেন্টসমূহ সংগ্রহ করতে পারে। পেটেন্ট প্রথা সম্বন্ধে দেশীয় বিশেষজ্ঞগণের আস্থার অভাব দেখা যায়, অথচ আবার অনেককে বিদেশে পেটেন্ট সংগ্রহের জন্য আবেদন করতে দেখা যায়। ইহা কেবল যে আত্ম-প্রচার ছাড়া আর কিছু নয়, তাহা বলা বাহুল্য। ইহা জনসাধারণের উপরও খানিকটা নির্ভর করে। যেমন একই যন্ত্র যদি কোন বিলাতী কোম্পানী পেটেন্ট সংগ্রহ করে তৈরী করে ত তাহা স্বদেশে প্রস্তুত অপেক্ষা বেশী সমাদৃত হবে সন্দেহ নেই। দেশের জনসাধারণকে তাই স্বদেশের আবিষ্কারসমূহকে সর্বত্র পৃথিবীর সমক্ষে বড় করে তুলতে হবে এবং ইহাতে যদি নিজ নিজ বিলাসিতা ও রুচির খানিকটা ত্যাগ করতেও হয় ত তাহা বাঞ্ছনীয়। পেটেন্ট সম্বন্ধে দেশের বৈজ্ঞানিকগণের দৃষ্টিভঙ্গি সর্বত্র বদলাতে হবে। ভারতবর্ষের পেটেন্ট প্রথা সম্বন্ধে দেওয়ান বাহাদুর কে, রামাপাই যে নিম্নোক্ত মন্তব্য করিয়াছেন তাহা বেশ সমরোপযোগী। "The role of the Patent system in India may be compared to the role of a hundred horse-power engine turning out one horse-power work, ninety percent of which is for the benefit of aliens."

অর্থাৎ—“ভারতীয় পেটেন্ট-প্রথার কার্যকারিতার সহিত একটি শতঅশ্বশক্তিবিশিষ্ট এঞ্জিনের তুলনা করা চলে—যে এঞ্জিন মাত্র এক অশ্বশক্তির কাজ করে এবং তার মধ্যেও আবার শত করা নব্বই অংশ বিদেশীর হিতার্থে ব্যয়িত হয়।”

ইহা ভারতীয় বৈজ্ঞানিক এবং বিশেষজ্ঞগণের পক্ষে কলঙ্কের কথা। বর্তমানে কাউন্সিল অব সার্বভৌমিক এণ্ড ইণ্ডাস্ট্রিয়াল রিসার্চ পেটেন্ট প্রথার উপর মনোযোগ দিয়েছে এবং ভারতীয় শিল্পপতি, বৈজ্ঞানিক ও বিশেষজ্ঞগণ সমবেত-ভাবে চেষ্টা করলে ভারতীয় শিল্পে ভারতীয় পেটেন্টসমূহের স্থান ক্রমেই উন্নত হবে।

সরকার-নিয়ন্ত্রিত এবং বেসরকারী শিল্প প্রতিষ্ঠান-সমূহে গবেষণার আবহাওয়া ইহানীং অনেকটা বদলে

গেছে। বর্তমানে অনেক কারখানার স্বতন্ত্র গবেষণা বিভাগ খুলতে দেখা দিয়াছে। অনেকক্ষেত্রে এই সকল গবেষণা-প্রতিষ্ঠান কেন্দ্রীয় গবেষণাগারের সহিত ঘনিষ্ঠ-ভাবে যোগাযোগ রক্ষা করতে দেখা যায়। তবে একথা স্বীকার্য যে কেন্দ্রীয় গবেষণা সমিতিতে যে মুষ্টিমেয় বৈজ্ঞানিক বা বিশেষজ্ঞ উপস্থিত আছেন, তাঁদের পক্ষে সর্বভারতীয় সরকারী এবং বেসরকারী শিল্পপ্রতিষ্ঠানসমূহের এবং সর্ববিধ বৈজ্ঞানিক গবেষণা নিয়ন্ত্রিত করা অসম্ভব বলে মনে হয়। শেখোক্ত বৈজ্ঞানিক গবেষণার মধ্যে কৃষি কার্যের জন্য উপযুক্ত জমি সংস্থার, জমির উর্বরতা বৃদ্ধি, গবাদি পশুর লালনপালন, বন বিভাগ, খনিজ, ভেষজ প্রভৃতি শিল্পের উন্নতি সাধন, বিজলী-শিল্পের সরঞ্জাম সমূহ, আলানি বিষয়ক গবেষণা প্রভৃতি পরিগণিত হয়। কেন্দ্রীয় সমিতির পক্ষে সকল বিষয় দেখা শক্ত, সুতরাং প্রত্যেকটি শিল্পপ্রতিষ্ঠানে এবং গবেষণাগারে গবেষণা বিষয়ের স্বাধীনতা দেওয়া দরকার। তবে একই বিষয় সকল প্রতিষ্ঠানে গবেষণা করা অবাঞ্ছনীয় এবং এই জন্য কেন্দ্রীয় সমিতির সাহায্য দরকার। আর একটি কথা—শিল্পপ্রতিষ্ঠান এবং শিক্ষা-প্রতিষ্ঠানসমূহের মধ্যে আমাদের দেশে আদৌ কোন যোগাযোগ নেই। শিক্ষা-প্রতিষ্ঠান-সমূহে গবেষণারত বৈজ্ঞানিক বা বিশেষজ্ঞগণ শিল্পপ্রতিষ্ঠান-সমূহের সমপর্যায়ভুক্ত বিশেষজ্ঞগণকেও অনেক সময় স্থগার চক্ষে দেখে। কেবল যে—গবেষণা বিষয়ে সহযোগিতার অভাব তা নয়—অনেক সময় অতি উচ্চশ্রেণীর গবেষণা কার্য শিল্পপ্রতিষ্ঠান হতে সম্পন্ন বলে চাপা দেবার চেষ্টা হয়। অবশ্য বর্তমানে এরূপ আবহাওয়ার অনেক উন্নতি দেখা যায়।

শিল্পপ্রতিষ্ঠানসমূহের গবেষণাগারে উৎপন্ন দ্রব্যের মান নির্ধারণ, বিভিন্ন শিল্পপ্রক্রিয়ার শিল্পজাত দ্রব্যের উন্নতি সাধন প্রভৃতি বিষয়ে আত্ম মনোযোগ দেওয়া কর্তব্য। এই সকল গবেষণা প্রতিষ্ঠানে কিছু সুদূরপ্রসারী পরিকল্পনাও গৃহীত হতে পারে এবং পৃথিবীর কোন একটি নূতন সমস্যার সমাধান কার্যে এখানকার বিজ্ঞানীরাও ব্রতী হতে পারেন। এরূপ দৃষ্টান্ত পাশ্চাত্যের শিল্পপ্রতিষ্ঠান-সমূহে বিরল নয়। এই সকল গবেষণা প্রতিষ্ঠানের ত্রীভুঙ্গির জন্য বহুলাংশে সরকারের সুধাপেক্ষী হতে হয় এবং

জাতীয় উন্নতির পরিকল্পনার মধ্যে শিল্প সমূহের বিস্তার-সাধন যখন একটি উল্লেখযোগ্য অংশ হিসাবে পরিগণিত করা হয়, তখন স্বতাবতঃই আশা করা যেতে পারে যে জাতীয় সরকার বিনা দ্বিধায় এই সকল গবেষণা-প্রতিষ্ঠানের প্রতি আন্তরিক সহায়ভূতি ও সহযোগিতা প্রদর্শন করবেন। এই সকল গবেষণা প্রতিষ্ঠানে সুদক্ষ বৈজ্ঞানিক ও শিল্পীগণের বাতে সমাবেশ হয় এবং দুই একজন আন্তর্জাতিক মর্যাদাসম্পন্ন বিশেষজ্ঞ আমদানী করে বা দেশের মধ্য হতে দুই একজন খ্যাতনামা বিজ্ঞানীকে গবেষণার জন্য উচ্চ বেতনে নিযুক্ত করে প্রতিষ্ঠানের সুনাম বৃদ্ধির চেষ্টা করা একান্ত প্রয়োজনীয়। সরকার এই সকল বিষয়ে শিল্প প্রতিষ্ঠানসমূহকে প্রয়োজনীয় সাহায্য করতে পারেন। অবশ্য শিল্প প্রতিষ্ঠানের বিশেষজ্ঞগণকে সরকারী চাকুরীভুক্ত বিজ্ঞানীদের সমপর্যায়ভুক্ত করে উপযুক্ত বেতন, সম্মান ও সুযোগসুবিধা দিতে হবে, কারণ বিজ্ঞান-সাধনায় তাঁরাও জীবন উৎসর্গ করতে পারেন। তাঁদের মাহুষের মত বাঁচতে শিখে বুঝতে হবে। গবেষণার পক্ষপাতিত্বের কোন স্থান নেই এবং শিল্পসম্বন্ধীয় গবেষণার যারা আত্মনিয়োগ

করেছেন তাঁরা জনহিতকর কাজই যে করছেন তাতে সন্দেহ নেই। স্বর্গীয় ডাঃ উপেন্দ্রনাথ ব্রহ্মচারী মহাশয়ের বক্তৃতা থেকে নিম্নোক্ত মূল্যবান উক্তিটি বিশেষভাবে উল্লেখযোগ্য :—

“In dealing with research workers there should be no jealousy, no distinction of caste or creed, no differential treatment on the part of those who have the privileged position of recommending sanction of money for research.”

অর্থাৎ—“গবেষণার জন্য অর্থ মঞ্জুর করবার বিশেষ ক্ষমতা যাদের আছে তাঁদের দেখতে হবে যেন গবেষণার জন্য বিজ্ঞানীদের সহিত ব্যবহার করবার সময় কোনরূপ বিদ্বেষভাব, জাতিধর্ম বিচার কিংবা বৈষম্যমূলক আচরণ-এর প্রশ্রয় না দেওয়া হয়।

ভারতসরকারের শিল্পগবেষণা বিভাগ বিভিন্ন পরিকল্পনা-সমূহ গ্রহণ করেছে সুখের বিষয়, কিন্তু সরকারী ও বেসরকারী শিল্প প্রতিষ্ঠানগুলিকে এবং সেখানকার বিজ্ঞানীদের এই সব পরিকল্পনায় যোগ্য অংশ গ্রহণ করবার সুবিধা দেওয়াও সরকারের অবশ্য কর্তব্য।

সাহিত্যে রূপক ও প্রতীক

অধ্যাপক শ্রীঅমূল্যধন মুখোপাধ্যায়

(পূর্বাভূতি)

এইভাবে যে অল্পভূতিকে বা সত্তাকে মাহুষ ভাবার নাগালের মধ্যে পার না, তাকে প্রকাশের জন্যে সাহিত্যে প্রতীকের ব্যবহার বহুকাল ধরেই চলে আসছে। এই উদ্দেশ্যে রূপকের ব্যবহারও যে চলে আসছে, সে কথা আগেই বলা হয়েছে। কিন্তু রূপকের দ্বারা বস্তুর ধর্ম ও গুণ ইত্যাদিই আমরা উপলব্ধি করতে পারি, বস্তুর স্বরূপ যেন নাগালের বাইরে থেকে যায়। প্রতীকের দ্বারা কিন্তু বস্তুর বিশেষ বিশেষ গুণ নয়, তার সত্তারই স্পর্শ যেন আমরা উপলব্ধি করি। রূপক সাহিত্য এক রকমের বক্তব্য, প্রতীক সাহিত্য এক ধরনের স্বভাবোক্তি। কবি বলেছেন—

“গুধু তোমার বাণী নয় গো, হে বন্ধু, হে প্রিয়,

মাঝে মাঝে প্রাণে তোমার পরশখানি দিও।”

রূপক আমাদের কাছে নিয়ে আসে অলৌকিকের “বাণী,” তার নানা গুণ ও ধর্মের খবর; প্রতীক আমাদের প্রাণে অলৌকিকের “পরশ” এনে দেয়। এই জন্যে প্রতীক মাহুষের প্রাণে যে সাড়া আনতে পারে, রূপক তা পারে না। প্রতীকের সাহায্যে ভগবানের স্বরূপের পরিচয় দিলে, আমাদের মনে যে রকম স্পন্দন উৎপন্ন হয়, রূপকের সাহায্যে পরিচয় দিলে সে রকম স্পন্দন হয় না।

কিন্তু মাহুষের জীবনে এবং সবেসবে সাহিত্যে প্রতীকের প্রভাব ও ব্যবহার ক্রমশঃ কমে আসছে বলেই মনে হয়।

মানুষ ক্রমে ক্রমে হ'য়ে উঠেছে বুদ্ধিভীষী। বুদ্ধির বিশ্লেষণী ক্রমতাই বেড়ে উঠেছে। বস্তু থেকে গুণকে বিশ্লেষণ করতে মানুষ এখন অত্যন্ত হয়ে গেছে। সত্য এখন তার কাছে স্থূল নয়, সূক্ষ্ম; দ্রব্য নয়—দ্রব্যগুণের সমুচ্চয়। যা অলৌকিক বা অপ্রত্যক্ষ তাকে কোন প্রতীক দিয়ে সে বুঝতে চায় না; সে চায় অপ্রত্যক্ষের সত্যার বুদ্ধিগ্রাহ্য একটা বিশ্লেষণ। সুতরাং সে প্রতীকে সঙ্কট নয়, সে চায় রূপক। যা' অপ্রত্যক্ষ, তার সম্বন্ধে আমাদের অল্পভবের বা সংস্কারের ইতিহাসের সঙ্গে বিজড়িত কোন স্থূল বস্তু বধন আমাদের ভাবাবেগে তার প্রতিনিধি হ'য়ে ওঠে, তখন তাকে আমরা বলি প্রতীক। এই ভাবাবেগের ফলে নাম-ই ভগবানের প্রতিনিধি হ'য়ে ওঠে, "জপিতে জপিতে নাম" হৃদয় ভাবাবেগে "অবশ" হয়ে পড়ে, সাক্ষাৎ উপলব্ধির অল্পকল্প লক্ষণাদি—যেমন রোমাঞ্চ, পুলক, সমাধি ইত্যাদির আবেশ হয়। কিন্তু মানুষের বিশ্লেষণী মনোবৃত্তি এ পথে এখন আর যেতে চায় না। ভাবাবেগ নয়, বৈজ্ঞানিক প্রত্যয়ের দিকে তার রুচি। বৈজ্ঞানিকের প্রত্যয় মানে নানা গুণ, ধর্ম ও লক্ষণের সমুচ্চয়; তাই দিয়ে বৈজ্ঞানিকের বুদ্ধি-জগৎ রচিত। সুতরাং আধুনিক মন অপ্রত্যক্ষের পরিচয় দেয় রূপকের সাহায্যে, কারণ রূপকের ভিত্তি হ'ল সাদৃশ্যে, আর সাদৃশ্যনির্ভর মানেই হ'ল গুণের বিশ্লেষণ। এই জন্মে সাহিত্যে প্রাচীন যুগের পর ক্রমশঃ প্রতীকের প্রভাব কমে এসেছে, লেখকদের রচনায় রূপকের ব্যবহারই বেড়ে উঠেছে। বাক্যালঙ্কার হিসেবে রূপকের ব্যবহার ত বখেটেই, তা ছাড়া নূতন শব্দ রচনান্তেও রূপকের প্রকৃত প্রভাব দেখতে পাওয়া যায়। অপ্রত্যক্ষ ও অলৌকিক পদার্থের কথা বলতে গিয়ে লেখকেরা যদি গুণ গাণিতিক ও দার্শনিক পরিভাষা ত্যাগ করে সরস ও প্রাণবন্ত সাহিত্য রচনা করতে যান, তবে তাঁরা রূপকেরই ব্যবহার প্রায়শঃ করে থাকেন।

তা ছাড়া এ কথাও সঙ্গে সঙ্গে স্মরণ করতে হবে যে প্রতীকের ব্যবহার জীবনে যতটা চলে, ভাষা ও সাহিত্যে ততটা চলে না। কারণ হচ্ছে যে সাহিত্য জিনিষটাই হ'ল বাস্তবের একটা অল্পকরণ, ঠিক বাস্তব নয়। সাহিত্যে জীবনের ছায়াই থাকে, তাই রূপকের ব্যবহার সেখানে বেশী। কিন্তু জীবনটা কবি-কল্পনা নয়, সাদৃশ্যের ছায়া

নিষে জীবন চলে না, সেখানে বাস্তবের দাবী বস্তু দিয়েই মেটাতে হয়, সুতরাং কোন প্রতীক বস্তু দিয়ে অপ্রত্যক্ষের কাঁকটা বুঝিয়ে দিতে হয়।

যাই হোক, অনেক কাল থেকেই সাহিত্যে প্রতীক স্থান পেয়েছে। ঋগ্বেদের পুরুষ-সূক্তে

সহস্রশীর্ষা পুরুষঃ

সহস্রাক্ষঃ সহস্রপাৎ।

স ভূমিঃ বিশ্বতো বৃহা-

ত্যতিষ্ঠদশাকুলম্ ॥

ব'লে পরম পুরুষের যে বর্ণনা আছে, তাকে আমরা প্রতীক কাব্য বলেই বিবেচনা করব; কারণ এখানে একটা অপ্রত্যক্ষ জগতের উপর একটা প্রত্যক্ষ জগতের আরোপ করা হয় নাই, সাদৃশ্যের উপর ভিত্তি ক'রে প্রত্যক্ষের ধর্ম দিয়ে অপ্রত্যক্ষের প্রকৃতির পরিচয় দেওয়া হয় নাই। অথচ প্রত্যক্ষ অভিজ্ঞতার জগতের কয়েকটি বস্তুর সঙ্গে বিজড়িত ভাবধারার সাহায্যে একটা অপ্রত্যক্ষ বিরাট ধারণার উদ্বোধন করা হয়েছে। যে কল্পনা এখানে আমাদের মনে জেগে উঠেছে তাকে আমরা পরম সত্যার একটা উপমান বলে মনে করিনা, তাকে সেই সত্যার প্রকাশ বলেই মনে করি। সুতরাং এখানে আমরা প্রতীকই পাচ্ছি, রূপক নয়।

ইহুদীদের শাস্ত্র Old Testamentএও আমরা প্রতীক রচনা পাই। Book of Ecclesiastesএ যেখানে বলা হয়েছে "Cast thy bread upon the waters : for thou shalt find it after many days" (Chap. VI) কিংবা যেখানে যৌবনের গৌরবের বর্ণনা দিতে গিয়ে বলা হয়েছে—While the sun or the light or the moon, or the stars be not darkened, nor the clouds return after the rain" (Chap. XII) সেখানে আমরা প্রতীকের ব্যবহার দেখতে পাই। Book of Isaiahতে যেখানে বলা হয়েছে—Every valley shall be exalted, and every mountain and hill shall be made low" (Chap. XI) কিংবা Instead of the thorn shall come up the fir tree, and instead of the briar shall come up the myrtle tree" (Chap. LV), সে সব জায়গাতেও প্রতীকের ব্যবহার করা

হয়েছে। খৃষ্টানদের ধর্মগ্রন্থ Revelationএ প্রতীকের অজস্র ব্যবহার করা হয়েছে। সেখানে (Chap. IV) ভগবানের সিংহাসনের যে রকম বর্ণনা আছে—And round about the throne were four and twenty seats : and upon the seats I saw four and twenty elders sitting, clothed in white raiment and they had on their heads crowns of gold. And out of the throne proceeded lightnings and thunderings and voices : and there were seven lamps of fire burning before the throne, which are the seven spirits of God”—তাতে আমরা প্রচুর প্রতীকের ব্যবহার দেখতে পাই। লক্ষ্য কর্তে হবে seven lampsর সঙ্গে seven spiritsর উপমা দেওয়া হয় নাই, seven lampsকেই seven spiritর সঙ্গে একাকীভূত করা হয়েছে। অর্থাৎ এটা রূপক নয়, প্রতীক। আবার যেখানে (Chap. XXII) A new heaven and a new earth ও The holy city, new Jerusalemর বিবরণ দেওয়া হ’য়েছে, সেখানে অলৌকিক ও অপ্রত্যক্ষের পরিচয় দেওয়া হয়েছে নানা প্রতীকেরই সাহায্যে, উপমা বা রূপকের দ্বারা নয়।

বোধ হয় Bibleএর প্রভাবের জন্মেই মধ্যযুগে ইউরোপে প্রতীক সাহিত্য যথেষ্ট রচিত হয়েছিল। কবিকুল-চূড়ামণি Danteর মহাকাব্য—The Divine Comedy প্রতীক কাব্যের উৎকৃষ্ট উদাহরণ। নানা প্রতীকের ভিতর দিয়েই Danteর লোক-লোকান্তরব্যাপী দৃষ্টি ও অহুভূতি প্রকাশিত হয়েছিল, এবং Danteর পরিকল্পিত দেবর্ষি-সঙ্গীত-মুখর অমৃত-নিশ্চন্দী রিয়াদীচি-হাস্তোদ্ভাসিত Paradiso বা স্বর্গ প্রতীক দিয়েই তৈরি। তারই প্রভাব নানা দেশে নানা ভাবে ছড়িয়ে পড়েছিল, যেমন পড়েছিল D. G. Rossettiর রচনায়।

We two will lie, the shadow of
That living mystic Tree
Within whose secret growth the Dove
Is sometimes felt to be,
While every leaf that His plumes touch
Saith his name audibly.

মধ্যযুগের অবসানের পর সমগ্র ইউরোপে যখন Renaissance বা নবজীবন আন্দোলনের বজ্রা ছড়িয়ে পড়ল, তখন পারত্রিক ছেড়ে ঐহিকের দিকে, প্রতীক

ছেড়ে প্রত্যক্ষের দিকেই মানবের মন আকৃষ্ট হ’ল, সাহিত্য বাস্তব জীবন ও ইন্দ্রিয়ের জগৎ নিয়ে ব্যাপৃত হ’ল। সুতরাং প্রতীক সাহিত্যের রচনা প্রায় উঠেই গেল। তবে মাঝে মাঝে ছ’একজন গূঢ়বাদী লেখকের রচনায় প্রতীকের ব্যবহার দেখা যেত। ইংল্যান্ডের প্রতীকপন্থীদের মধ্যে প্রধান হ’ছেন Blake. নানা জটিল প্রতীক তাঁর কাব্যের অঙ্গে অঙ্গে খচিত, তাদের তাৎপর্য অহুধাবন কর্তে না পারলে Blakeর কাব্যের মর্ম গ্রহণ করা সম্ভব নয়। ছোট্ট একটা মাত্র অপেক্ষাকৃত সরল উদাহরণ এখানে দেওয়া চলতে পারে।

Does the Eaele know, what is in the pit ;
Or wilt thou go ask the Mole ?
Can wisdom be put in a silver rod,
Or Love in a golden bowl ?

(Motto to the Book of Thel)

এখানে silver rod ও golden bowl রূপক অলঙ্কার নয়, প্রতীক।

The eternal gates’ terrific porter lifted the
northern bar !
Thel enter’d in and saw the secrets of the
land unknown.
She saw the couches of the dead, and where
the fibrous roots
Of every heart on earth infixes deep its
restless twists :
A land of sorrows and of tears where never
smile was seen.

(From the Book of Thel)

এ কোন দেশের কথা? এখানে রূপকের কোন আভাস নেই। প্রত্যক্ষের উপর অপ্রত্যক্ষের আরোপের কোনই প্রশ্ন উঠে না। “হৃদর্শং গূঢ়ং অহুপ্রবিষ্টং গুহাহিতং গহ্বরেষ্ঠং” লোকের কথা; প্রতীক দিয়েই তার বর্ণনা করা হ’য়েছে। (আধুনিক কালেও ইংল্যান্ডে Francis Thompson প্রতীক-কাব্য লিখেছেন; তাঁর The Hound of Heaven প্রথমটা রূপক বলে মনে হলেও আসলে যে প্রতীক-কাব্য তা’ একটু প্রশিধান ক’রে দেখলেই বোঝা যায়। যেখানে তিনি তাঁর আধ্যাত্মিক অভিজ্ঞতার বিবরণ দিয়েছেন, সেখানে দেখা যায় যে, জিনিষটা রূপক নয়, প্রতীকের সাহায্যে একটা সাক্ষাৎ অভিজ্ঞতার বর্ণনা দেওয়া হয়েছে। (আগামী সংখ্যায় সমাপ্য)

জাতীয় সঙ্গীত

শ্রীদিলীপকুমার রায়

বঙ্কবর বিজয়রত্ন মজুমদার দ্বিজেন্দ্রলালকে বাংলাদেশে উপেক্ষিত কবি ব'লে আক্ষেপ করেছেন একাধিক পত্রিকায়। কথাটা ভাববার। তর্ক উঠতে পারে—যুগে যুগে রুচি মাহুষের বদলায় ইত্যাদি। কিন্তু শ্রীঅরবিন্দ আমাকে একটি পত্রে লিখেছিলেন: “Lesser reputations may fluctuate, but finally whatever has real value in its own kind settles itself and finds its just place in the durable judgment of the world... finally the world returns to its established verdict.” একথায় আমিও বিশ্বাস করি। তাই সম-সাময়িক রুচিগত মতামতের তাপমান যন্ত্রের ওঠা পড়াতে বিচলিত হওয়া অসঙ্গত মনে করি, যদিও মনে দুঃখ হয়ই যে সম্প্রতি কাগজপত্রে এ নিতান্ত অবিসংবাদিত সত্যটিও স্বীকৃত হয় নি যে জাতীয় সঙ্গীতের (national song) রচয়িতা হিসেবে দ্বিজেন্দ্রলালের স্থান বাংলাদেশে কারুর চেয়েই কম নয়। তবে এও জানি—পুনরুক্তি মার্জনীয়—বে কালের পরম সত্যায় তিনি ভারতের শুধু একজন শ্রেষ্ঠ নাট্যকার নন, একজন শ্রেষ্ঠ কবি সুরকার ও গীতিকার ব'লেও অস্বীকৃত হবেন। আমার সুরবিহার প্রথম খণ্ডে আমি তাঁর বঙ্গ আমার জননী আমার ও আমার জন্মভূমি

গান দুইটি সংস্কৃত অনুবাদ ও স্বরলিপি প্রকাশ করেছি। দ্বিতীয় খণ্ডে প্রকাশিত হবে তাঁর ভারত আমার ও যেদিন সুনীল জলধি হইতে গান দুইটির সংস্কৃত অনুবাদ ও স্বরলিপি। এখানে এই দুটি গান প্রকাশিত হ'ল ভারতবর্ষে—যার প্রতিষ্ঠা তিনিই করেছিলেন প্রায় চল্লিশ বৎসর আগে। আমার মনে হয় কালের দরবারে এই দুটি গান অতি আদরনীয় হ'য়ে থাকবে। সংস্কৃতে এ গানগুলি তাঁর অপূর্ব ওজস্বী সুরে যে কী অপরূপ শোনায় তা এ গানগুলি ধারাই সংস্কৃতে শুনেছেন তাঁরাই সানন্দে স্বীকার করবেন:। ইচ্ছা আছে গ্রামোফোন ও রেডিওয় এ গান দুটিও গাইব এবং আশা করি রেডিও কর্তৃপক্ষ এ-গান দুটির (তথা ধন্য ধাত্ত ও বঙ্গ আমার গান দুটির) সংস্কৃত অনুবাদ যাতে যথোচিত প্রচারিত হয় সে-শুভব্রতে ব্রতী হবেন—আরো এই জন্তে যে সংস্কৃতে এ-শ্রেণীর জাতীয় সঙ্গীতে শুধু যে এক নব উদ্দীপনা জাগে তা-ই নয়, সংস্কৃতে গীত হ'লে সব প্রদেশের অধিবাসীরাই গাইতে পারবেন—যেজন্তে মনে হয় যে ভারতের জাতীয় সঙ্গীত সংস্কৃতেই গীত হওয়া বাঞ্ছনীয়, কোনো প্রাদেশিক ভাষায় নয়। ধারা সংস্কৃতকে মৃত ভাষা মনে করেন তাঁদের মতামত সহজেই খণ্ডন করা যায়। কিন্তু সেটা এ-ভূমিকার উদ্দেশ্যের বহির্ভূত।

দ্বিজেন্দ্রলালের জাতীয় সঙ্গীত

“ভারত আমার, ভারত আমার”এবং ঐ সংস্কৃত অনুবাদ

ভারত আমার, ভারত আমার, যেখানে মানব মেলিল নেত্র ;
মহিমার তুমি জন্মভূমি মা, এসিয়ার তুমি তীর্থক্ষেত্র ।
দ্বিরাছ মানবে জগজ্জননী, দর্শন উপনিষদে দীক্ষা ;
দ্বিরাছ মানবে জ্ঞান ও শিল্প, কর্ম-ভক্তি ধর্ম-শিক্ষা ।
ভারত আমার, ভারত আমার, কে বলে মা তুমি কুপার পাত্রী ?
কর্ম-জ্ঞানের তুমি মা জননী, ধর্ম-ধ্যানের তুমি মা ধাত্রী ।
ভগবদীতা গাহিল স্বয়ং ভগবান যেই জাতির সঙ্গে ;
ভগবৎপ্রেমে নাচিল গৌর যে দেশের ধূলি মাথিয়া সঙ্গে ।

ভারতভূমে ! ভারতভূমে ! যত্রোন্নীলন্ মানবনেত্রম্
উৎসস্বমেব মহামহিমাং বসুন্ধরারাং তীর্থক্ষেত্রম্ ॥
অবনীজননি ! স্বয়ৈব নীতা শিল্প বেদদর্শনেষু দীক্ষা ।
স্বয়ৈব কীর্ণা ভুবনে প্রজ্ঞাভক্তিতপশ্চাক্রমাতিতিক্ষা ॥
ভারতভূমে ! ভারতভূমে ! কুপার্বিনী স্বং নৈব ধরণ্যাম্ ।
জ্ঞানকর্মধীধ্যানধর্মদাং প্রণমেম স্বাং চিরমবিষণ্যাম্ ॥
একদা বত্রাগায়দ্ গীতাং স্বয়ং হি ভগবান্ ত্রিদিবশরণ্যঃ ।
বদীয় ধূলিপরিধূসরাভো ননর্ত প্রেম্ণা শ্রীচৈতন্যঃ ॥

সন্ন্যাসী সেই রাজার পুত্র প্রচার করিল নীতির মর্ষ ;
 যাদের মধ্যে তরুণ তাপস প্রচার করিল ‘সোহং’ ধর্ম ।
 ভারত আমার, ভারত আমার...ধর্ম-ধ্যানের তুমি মা ধাত্রী ॥
 আর্ধ্য ঋষির অনাদি গভীর, উঠিল যেখানে বেদের স্তোত্র ;
 নহ কি মা তুমি সে ভারত ভূমি, নহি কি আমরা তাঁদের গোত্র !
 তাদের গরিমা-স্মৃতির বর্ষে, চলে বাব শির করিয়া উচ্চ,—
 যাদের গরিমাময় এ অতীত, তারা কখনই নহে মা তুচ্ছ ।
 ভারত আমার, ভারত আমার... ধর্ম-ধ্যানের তুমি মা ধাত্রী ॥
 ভারত আমার, ভারত আমার, সকল মহিমা হোক খর্ব ;
 হুঃখ কি যদি পাই মা তোমার পুত্র বলিয়া করিতে গর্ব ।
 যদি বা বিলয় পায় এ জগৎ, লুপ্ত হয় এ মানব বংশ ।
 যাদের মহিমাময় এ অতীত, তাদের কখনও হবে না ধ্বংস !
 ভারত আমার, ভারত আমার...ধর্ম-ধ্যানের তুমি মা ধাত্রী ॥
 চোখের সামনে ধরিয়া রাখিয়া অতীতের সেই মহা আদর্শ,
 জাগিব নূতন ভাবের রাজ্যে, রচিব প্রেমের ভারতবর্ষ !
 এ দেবভূমির প্রতি তৃণ 'পরে আছে বিধাতার করুণাদৃষ্টি,
 এ মহাজাতির মাথার উপর করে দেবগণ পুষ্পবৃষ্টি !
 ভারত আমার, ভারত আমার...ধর্ম-ধ্যানের তুমি মা ধাত্রী ॥

সর্বত্যাগী রাজসুতো বিততান নিরস্তং করুণাতন্ত্রম্ ।
 তরুণ যতির্যত্র প্রচচার মহাস্তং গহনং সোহং-মন্ত্রম্ ॥
 ভারতভূমে ! ভারতভূমে.....চিরমবিষণ্ণাম্ ।
 যত্রাশ্রয়ত মুর্ষিগীতমনাদি গভীরং সামস্তোত্রম্ ।
 ন কিং ত্বমসি সা ভূর্ন বয়ং কিং নেহ পুরা জুহুবিম তে হোত্রম্ ॥
 তৎস্মৃতিবর্মাযুতা চিরং বিচরেমোক্তুললাটা ধষ্ঠাঃ ।
 প্রদীপ্তমিখমতীতং যেবাং ক্লীবা ন তে কদাপি নগণ্যাঃ ॥
 ভারতভূমে ! ভারতভূমে !.....চিরমবিষণ্ণাম্ ॥
 ভারতভূমে ! যদি মহিমাসৌ সনাতন স্তব ম্লান ইদানীম্ ॥
 হুঃখং কুতো হু মা তৃগৌরবাজ্জয়েম বয়ং হি মায়ামানিম্ ॥
 ভবেদ্বিনষ্টা যদি বসুধেয়ং লুপ্পেদ যতপি মহুস্ববংশঃ ।
 পুরাণমেবং চরিতং যেবাং তেবাং নাস্তি কদাপি ধ্বংসঃ ॥
 ভারতভূমে ! ভারতভূমে !.....চিরমবিষণ্ণাম্ ॥
 নয়নানামস্মাকং পুরতোহলক্ষ্যাদর্শো দীব্যতু নিত্যম্ ।
 পুনঃ স্জামো নবভাবোজ্জলরাজ্যং সাস্ত্রং প্রেমনিধম্ ॥
 তবেহ দেবভুবো বহতি প্রতিতৃণং বিধাতুঃ করুণাদৃষ্টিম্ ।
 তব পুত্রাণাং শিরঃসু দেবগণাঃ কুর্বন্তি প্রশ্ননবৃষ্টিম্ ॥
 ভারতভূমে ! ভারতভূমে !.....চিরমবিষণ্ণাম্ ॥

শ্রীভক্তকল্যাণেশ্বরের জাতীয় সঙ্গীত

“যেদিন সুনীল জলধি হইতে”.....এবং ঐ সংস্কৃত অনুবাদ

যে দিন সুনীল জলধি হইতে উঠিলে জননী, ভারতবর্ষ !
 উঠিল বিশ্বে সে কি কলরব, সে কি মা ভক্তি, সে কি মা হর্ষ !
 সেদিন তোমার প্রভায় ধরার প্রভাত হইল গভীর রাত্রি ;
 বন্দিল সবে, “জয় মা জননি ! জগত্তারিণি ! জগদ্ধাত্রি !”
 ধন্ত হইল ধরণী তোমার চরণ-কমল করিয়া স্পর্শ ;
 গাইল, “জয় মা জগন্মোহিনি ! জগজ্জননি ! ভারতবর্ষ !”
 সতঃ স্নান-সিক্তবসনা চিকুর সিদ্ধশীকরলিপ্ত !
 ললাটে গরিমা, বিমল হাস্তে অমল কমল-আনন দীপ্ত ;
 উপরে গগন ঘেরিয়া নৃত্য করিছে তপন তারকা চন্দ্র ;
 মন্ত্র মুক্ত, চরণে ফেনিল জলধি গরজে জলদমন্দ্র ।
 ধন্ত হইল ধরণী তোমার.....জগজ্জননি ! ভারতবর্ষ !”
 শীর্ষে শুভ্র তুষার কিরীট, সাগর-উর্মি ঘেরিয়া জঙ্ঘা,
 বকে ছলিছে মুক্তার হার—পঙ্কসিদ্ধ যমুনা গঙ্গা ।
 কখন মা তুমি ভীষণ দীপ্ত তপ্ত মরুর উষর দৃশ্যে ;
 হাসিয়া কখন শ্রাবণ শশ্যে ছড়ায় পড়িছ নিখিল বিশ্বে ।

ভারতমাত ভূবনশরণো ! যদা স্মৃদিতা সুনীলসিন্ধোঃ ।
 কলধ্বনিঃ কোহশ্রয়ত সাস্ত্রো ভক্তিকম্পিতঃ পুলকোহনিন্দ্যাঃ ॥
 তব কৃপয়া নবরবিকরনিকটৈঃ রূপান্তরিতা গহনা রাত্রী ।
 প্রণতাঃ সর্বেহগায়ন্ : “জয়তু জগজ্জননী চিরজীবনধাত্রী ॥
 ধন্তাভবন্তদা বসুধা তে চরণসরোজং বৃহাহক্লিষ্টা ।
 বিশ্বরমা জয়তু বিশ্বধাত্রী ভারতভূমিঃ স্বর্গগরিষ্ঠা ॥
 সতঃ স্নানান্নিসিক্তবসনে ! চিকুরস্তে নিধিশীকরলিপ্তঃ ।
 নির্মলহাস্তৈঃ কমলাননং প্রদীপ্তং তালো গরিমসমৃদ্ধঃ ॥
 পর্যাবর্তস্তে নৃত্যস্তে ব্যোম তবারুণতারাকন্দ্রাঃ ।
 মন্ত্রবিমুক্তো নিম্নে ফেনিলজলধিঃ স্তনতীব মেঘমন্দ্রাঃ ॥
 ধন্তাভবন্তদা.....স্বর্গগরিষ্ঠা ॥
 মৌলৌ শুভ্রং তুষারমুকুটং তাস্তি জঙ্ঘয়োঃ পারাবারাঃ ।
 গঙ্গাশতক্রয়মুনা বকসি লসন্তীব তে মুক্তাহারাঃ ॥
 কাসি ক্রুদা তপ্তসৈকতা ঋদ্ধাবাটৈরুগ্রা লোলা ।
 স্মিতাধরা বা কাসি পানসং স্মারামলদরশা ললকসিন্দরশা ॥

ধন্য হইল ধরনী তোমার.....জগজ্জননি ! ভারতবর্ষ !
 উপরে, পবন প্রবল স্বননে শূন্যে গরজি' অবিশ্রান্ত,
 লুটায় পড়িছে পিক কলরবে, চুষ্টি' তোমার চরণ—প্রান্ত,
 উপরে, জলদ হানিয়া বজ্র, করিয়া প্রণয়-সলিল-বৃষ্টি—
 চরণে তোমার কুঞ্জ কানন কুসুমগন্ধ করিছে সৃষ্টি !
 ধন্য হইল ধরনী তোমার.....জগজ্জননি ! ভারতবর্ষ !
 জননি, তোমার বক্ষে শান্তি, কণ্ঠে তোমার অভয়-উক্তি,
 হস্তে তোমার বিতর অন্ন, চরণে তোমার বিতর মুক্তি ;
 জননি ! তোমার সন্তান তরে কত না বেদনা কত না হর্ষ ;
 জগৎ পালিনি ! জগত্তারিনি ! জগজ্জননি ! ভারতবর্ষ !
 ধন্য হইল ধরনী তোমার.....জগজ্জননি ! ভারতবর্ষ !

ধন্যভবত্তদা.....স্বর্গগরিষ্ঠা ॥
 উর্ধ্বে শূন্যে পবনঃ প্রবলস্বনিতো বিগর্জ্য ভূশমক্ৰান্তম্ ।
 পিককলকটৈশ্চুষ্টিস্বত্যন্তে পুণ্যং তে শ্রীচরণপ্রান্তম্ ॥
 কৃতান্তকুলিশো জলদঃ প্রবর্ষ্য ঘোরাঃ প্রণয়ভয়ঙ্করধারাঃ ।
 পাদান্তে তব রচয়তি কাননমালা গন্ধপ্রসূনহারাঃ ॥
 ধন্যভবত্তদা.....স্বর্গগরিষ্ঠা ॥
 হৃদয়ে মাতস্তব সুখশান্তী কণ্ঠে বহসি বরাভয়তন্ত্রম্ ।
 বিতরসি পাণিত্যামন্নং চরণাভ্যাগয়ি মধুমুক্তৈর্মন্ত্রম্ ।
 অক্ষোঃ পুত্রস্নেহানন্দো ব্যথা চ তে ক্ষরতো মহনীরয়ে !
 ধরনীপালিনি ! ধরনীমোহিনি ! ধরনীজননি ! শুভে ! বরনীয়ে !
 ধন্যভবত্তদা.....স্বর্গগরিষ্ঠা ॥

মূল বাংলা ও সুর...দ্বিজেন্দ্রলাল

সংস্কৃত অনুবাদ...দিলীপকুমার

ত্রিতাল

+	সা	-১	ধা	ধা		সা	রা	সরা	গা	I	গা	-১	গা	গা		গা	-১	গা	-১	I
	ভা	-	র	ত		ভু	-	মে	-		ভা	-	র	ত		ভু	-	মে	-	
	ভা	-	র	ত		মা	-	ত	ম্		তু	ব	ন	শ		র	-	ণ্যে	-	
	রগা	-১	রগা	ক্ষা		ক্ষা	-১	ক্ষা	পা	I	গক্ষা	পা	পা	পা		পা	-১	পা	পা	I
	য	-	ত্রো	ন্		মী	-	ল	ন্		মা	-	ন	ব		নে	-	ত্র	ম্	
	য	দা	-	ত্ব		মু	দি	তা	-		স্ব	নী	-	ল		সি	ন্	ধো	:	
	পা	-১	ক্ষপা	ধা		ধা	ধা	-১	ধা	I	ধা	পধা	না	ধা		পা	-১	গা	রা	I
	উ	ৎ	স	স্		ত্ব	মে	-	ব		ম	হা	-	ম		হি	ম্	না	ং	
	না	না	-১	না		না	-১	না	সর্গা	I	ধনা	র্গা	সর্গা	-১		সর্গা	-১	সর্গা	-১	I
	ব	স্ব	ন	ধ		রা	-	য়া	ং		তী	ম্	ধ	-		ক্ষে	-	ত্র	ম্	
	পা	ধা	পা	-১		সর্গা	সর্গা	সর্গা	-১	I	সর্গা	সর্গা	-১	সর্গা		সর্গা	-১	সর্গা	-১	I
	অ	ব	নী	-		জ	ন	নি	-		ত্ব	য়ৈ	-	ব		নী	-	তা	-	
	সর্গা	র্গা	র্গা	র্গা		-১	র্গা	র্গা	র্গা	I	সর্গা	সর্গা	র্গা	র্গা		র্গা	-১	র্গা	-১	I
	শি	ল্	প	বে		-	দ	দ	ম্		শ	নে	-	ম্		দী	-	ক্ষা	-১	
	র্গা	র্গা	র্গা	র্গা		র্গা	-১	র্গা	-১	I	সর্গা	সর্গা	সর্গা	-১		ধা	-১	ধা	পা	I
	ক	কৈ	-	ব		কী	ক	পা	-		ক	ব	নে	-		প্র	-	জা	-	

পা : ধা না না | না -৭ না সী I ধা না রী সী | সী -৭ সী -৭ I
 ভ ক্ তি প প - স্মা - ক্ষ মা - তি তি - ক্ষা -

সী -৭ সী সী | সী -৭ সী না I না -৭ না না | ধা -৭ ধা পা I
 ভা র ত ভূ - মে - ভা - র ত ভূ - মে -

পা পা ক্ষা পা | না -৭ ধা -৭ I পা ক্ষা পা ধা | গা -৭ গা -৭ I
 ক্ পা স্ম ধি গী - ত্ব ং নৈ - ব ধ র - গ্যা স্ম

গী -৭ গী রী | -৭ রী রী -৭ I সী -৭ ধা রী | -৭ সী সী -৭ I
 জ্ঞা - ন ক স্ম ম ধী - ধ্যা - ন ধ স্ম ম দা ং

গা গা রা -৭ | গা -৭ পমা -৭ I গা গা স্মগা রা | স্মরা -৭ সা -৭ I
 প্র গ মে - ম - ত্বা ং চি র ম বি ষ গ্ণ গা স্ম

প্রতি স্তবক একই সুরে গায়

গ্যোটে'র জীবনের এক অধ্যায়

আশা দেবী

জোহান উলফ্‌গ্যাং গ্যোটে'কে বাদ দিয়ে জার্মান জাতির কোন পরিচয় নেই। তিরানী বছরের দীর্ঘ জীবন-চর্চার মধ্য দিয়ে গ্যোটে' অকুণ্ঠভাবে সাহিত্যের সেবা করে গেছেন। তাঁর পরিচয়ের ক্ষেত্র শুধু জার্মান সাহিত্যেই সীমাবদ্ধ নয়। সমস্ত পৃথিবী তাঁকে কবি বলে সম্রাজ্ঞ প্রণাম জানিয়েছে—তাঁর ফাউস্ট জগতের অশ্রুতম মহাকাব্য। তাঁর সম্পর্কে বলা হয়েছে “He lived in poems” এবং তাঁর কবিতা হলো a great confession—জীবন সঙ্ক্ষেপীকারোক্তি। গ্যোটে'র মহাকাব্য তাই মহাজীবনের বাণী।

ব্যক্তি মানুষ হিসেবে দীর্ঘকাল ধরে বিশ্বজনের বহু নিন্দা ও প্রশংসা গ্যোটে'কে কুড়োতে হয়েছে। উন্নাসিক ও রুচিবাগীশ সমালোচকেরা তাঁকে তীব্র ভাষায় ধিক্কার দিয়েছেন, ইতর জনের জিহ্বা কুৎসায় হয়েছে মুখর। গ্যোটে'র বহু বিচিত্র প্রেম কীর্ত্তিই এর কারণ। বহু নায়িকার হাসি-অশ্রু মেঘ-রৌদ্রে গ্যোটে'র জীবন রসায়িত।

পৃথিবীর প্রায় সমস্ত শ্রেষ্ঠ কবিশিল্পীর সাধনার মূলে

রয়েছে তাঁদের মানসীপ্রিয়ার দান। কখনো এই মানসী একটি মাত্র নারীতে রূপ পেয়েছে—মর্ত্তের মানবীকে রূপায়িত করেছে কল্পনার স্বর্গদূতিকায়ে—তার প্রমাণ দাস্তের চিরঅধরা বিয়াজ্রিচে, তার প্রমাণ পেত্রাকার লরা। এই অনশ্রা নারীতেই তাঁরা পেয়েছেন—তাঁদের কাব্যলক্ষ্মীকে, তাঁদের স্বপ্ন সঙ্গিনীকে।

কিন্তু এমন একদল শিল্পী আছেন—যারা চিরঅতৃপ্ত; কল্পরী মৃগের মতো, তাঁরা নিজের অনন্ত তৃষ্ণা নিয়ে পৃথিবীময় ঘুরে বেড়ান। সুধাপাত্র হাতে যে এগিয়ে আসে, ক্ষণিকের জন্ত হয়তো তাকে ভাল লাগতে পারে কিন্তু পরক্ষণে ক্লাস্তিতে ভরে ওঠে মন। বার বার প্রশ্ন করে “এই কি চেয়েছিলাম আমি” ? তার মন বলে “এখানে নয়, এখানে নয়—তুমি যাকে চাও সে অনেকদূরে।” রবীন্দ্রনাথের ভাষায় তার অন্তর আকুলি-বিকুলি করে জানায়—

“যাহা চাই তাহা ভুল করে চাই

কালী পাঠে লক্ষ্মী পাঠে নাও

মহাকবি গ্যোটেও এই এদেরই একজন। সমস্ত জীবন ধরে এই খোঁসার পালাই চলেছে তাঁর। একজনের পর আর একজন এসেছে—অসীম আগ্রহে গ্যোটে হাত বাড়িয়ে দিয়েছেন, ছুটে গেছেন তার দিকে ; কিন্তু যে মুহূর্তে সে ধরা দিয়েছে সেই মুহূর্তেই গ্যোটের মনে হয়েছে সে সাধারণ, বড় বেশী সাধারণ। তার সব রহস্য জানা হয়ে গেছে। যে ছিল কল্পনার বর্ণলেখা, বাস্তবে সে সীমায়িত হয়ে গেছে একটি মাত্র নারীর দেহাধারে। সেই মুহূর্তেই আবার তিনি শুরু করেছেন নূতনের অভিযান—পুরোনো প্রেম পথে অড়িয়ে-ধরা ধুলোর মতো আবার সেই পথেই হারিয়ে গেছে।

কৈশোরের প্রথম পর্বে, মাত্র পনেরো বছর বয়সে তাঁর জীবনে সর্বপ্রথম প্রেমের আবির্ভাব ঘটেছিল। তখন তিনি তাঁর জন্মভূমি ফ্রাঙ্কফোর্টের নানা হোটেলে এবং দরিদ্র অঞ্চলে ঘুরে বেড়াচ্ছেন মাতৃষের সম্পর্কে জানবার জন্তে। এইখানেই তাঁর সঙ্গে পরিচয় হয় গ্রেটচেনের (Gretchen)—যাঁর নাম তিনি তাঁর ফাউস্ট কাব্যে অমর করে রেখেছেন। সেই প্রথম প্রেমে গ্যোটে গ্রেটচেনের কাছ থেকে প্রেমের পরিবর্তে পেয়েছিলেন নেহ—পূজোর পরিবর্তে অহুকম্পা। সে অপমান তিনি ভুলতে পারেন নি। পরবর্তী জীবনে তাঁর বহুচারণার পেছনে এর কোনো অদৃশ্য প্রভাব লুকিয়ে ছিল কিনা কে জানে।

তারপর লাইপজীঙ্গে তাঁর ছাত্র জীবনে এল দ্বিতীয় নারিকা ক্যেট্চেন (Ketchen)। তরুণ প্রাণের সমস্ত মাদকতা সেদিন উন্মত্ত হয়ে উঠেছিল এই মেয়েটিকে ঘিরে। কিন্তু সেও জোয়ারের জল—মাত্র কয়টিদিন তার কালবৃত্ত। যে প্রচণ্ডতা নিয়ে তা এসেছিল, চলে গেলোও তেমনি প্রচণ্ডবেগেই ; শুধু যাবার বেলায় কবি স্মৃতির মণি-মঞ্জুষায় রেখে গেল তার বিদায়-অর্থ।

এর পরে একে একে এলো অনেকেই। লুসিন্দা, ফ্রেডরিকা, লোটি বুক, লিলি, শারলোট ফনস্টাইন। কবির জীবন পাত্র উচ্ছলিত করে মাধুরী দান করলো এরা—সুধায় ভরে দিলে। একটি মালঞ্চ থেকে আর একটি নূতন মালঞ্চে, একটি প্রেম থেকে আর একটি প্রেমে পরিক্রমা চললো কবির জীবনের শেষ দিনটি পর্যন্ত।

এদের মধ্যে শারলোট বুক বা লোটির স্থান একটু স্বতন্ত্র।

গ্যোটের জীবনে তিনি মহিমায়ুগীকরণে প্রতিষ্ঠিতা—তাঁর প্রেমের রাজ্যে তিনি রবীন্দ্রনাথের ‘বিজয়িনী’। নানা নারী তাঁকে নানা ভাবে প্রার্থনা জানিয়েছে। কেউ তাঁকে পূজা করেছে, কেউ আবার তাঁকে গ্রাস করতে চেয়েছে কামনার অগ্নিজ্বালায়। মিথ্যা সন্দেহে অন্ধ হয়ে তাই অশ্রুতমা প্রণয়িনী লুসিন্দা গ্যোটেকে অভিশাপ দিয়ে বলেছিলেন : ‘আমার পরে যে তোমাকে চুষন করবে চিরকাল তাকে দুঃখের দাবানলে পুড়তে হবে’ এই অভিশাপই বুঝি গ্যোটের সমস্ত জীবনকে নিয়ন্ত্রিত করেছে। কিন্তু এদের সকলের মাঝে লোটি বুক দাঁড়িয়ে আছেন মহিমায়ুগীকরণে—একটা উত্তাল সমুদ্রে দীপস্তম্ভের মতো।

পূর্ববর্তিনী নারিকা ফ্রেডরিকার সম্পর্ক ছিন্ন হওয়ার পরে তখন গ্যোটে গভীর মানসিক বেদনায় জর্জরিত হচ্ছেন—দুর্যোগের রাতে ছন্নছাড়ার মত। Wanderer’s storm song গাইতে গাইতে পথ চলেছেন। এমন সময় তাঁর হৃদয় আকাশে লোটি বুকের আবির্ভাব।

তরুণ কবি তখন ওয়েৎস্কারে এসেছেন আইন-ব্যবসা সংক্রান্ত কাজ শেখবার জন্তে। Holy Roman Empireএর উচ্চ আদালত তখন এখানেই অবস্থিত ছিল। এখানে প্রায় কিছুদিন নিঃসঙ্গ কাটাবার পরে স্থানীয় একটি সাহিত্য-রসিক গোষ্ঠীর সঙ্গে তাঁর পরিচয় ঘটলো। তারও পরে এক গ্রাম্য নাচের মজলিসে তিনি দেখলেন শারলোট বুককে, সংক্ষেপে যার নাম লোটি বুক। এঁর সম্বন্ধে গ্যোটে বলেছেন “ইনি সেই জাতের নারী—যিনি পুরুষের প্রাণে কামনার শিখা জালান না—তার দৃষ্টিকে তৃপ্তির মাধুর্য দিয়ে ভরে দেন।”

লোটি ছিলেন গ্যোটের স্থানীয় বন্ধু কেস্টনারের বাগদত্তা পত্নী। সাধারণ গৃহস্থ ঘরের শাস্ত্র দীপশিখার মত মেয়ে তিনি। মাতৃহীন সংসারের দশ বারোটি ভাই বোনের সেবাযত্নেই তাঁর দিন কাটতো। শিশুপ্রিয় গ্যোটে এই শিশুদের আশ্রয় করেই লোটির মনের দরজায় এসে পৌঁছলেন। কিন্তু লোটিকে তিনি চিনতে পারেন নি।

গ্যোটে আর লোটির ঘনিষ্ঠতা বাড়তে লাগলো দিনের পর দিন। ওয়েৎস্কারের উপকণ্ঠে বিস্তৃত প্রান্তরে তাঁরা ঘুরে বেড়াতেন। বিকেলের শান্ত আলোয়, পরিপূর্ণ জ্যোৎস্নার উল্লাসে তাঁদের সেই আনন্দ-বিহার মধুময় হয়ে

উঠতো। প্রতিদিন তাঁরা পরস্পরের কাছে এত অনুরক্ত হয়ে উঠছিলেন যে মনে হতো একজনকে ছাড়া বৃষ্টি আর একজনের আর চলবে না।

কেসত্নার ছিলেন কাজের মানুষ। চাকরী করতেন। চরিত্রের দিক থেকে ছিলেন অসামাজিক। তাঁর বাগদত্তা প্রিয়তার সঙ্গে গ্যোটে'র মেলা মেশাতে তিনি কোন দিনও বিন্দুমাত্র লক্ষ্য দেননি। বরং সময় সুযোগ পেলে এদের সঙ্গে যোগও দিতেন কখনও কখনও।

লোটির চরিত্র মাধুর্য, তাঁর দৈনন্দিন সান্নিধ্য, আর গ্যোটে'র ভাবপ্রবণ মন—যথা নিয়মে এই ত্রিধারা মিশল এক সঙ্গে। তারপর গ্যোটে'র একদিন আবিষ্কার করলেন, তাঁর স্মৃতির পাণ্ডুলিপি থেকে কবে মুছে গেছে ক্রেডারিকার নাম। সেখানে আবার নূতনের পদ সঞ্চারণ হয়েছে—সে লোটিবুক্‌।

সহরের লোকে কানা-ধুসাস্কর করলে। আলোচনা আরম্ভ হলো লোকের মুখে মুখে। কিন্তু কেসত্নারের আচারে ব্যবহারে বিন্দু মাত্রও পরিবর্তন দেখা দিল না বা কিছু মাত্র বৈলক্ষণ্য দেখা গেল না কোথাও। ধীর প্রশান্ত মুখে তিনি শুনে যেতে লাগলেন সমস্ত কুৎসা-কাহিনী, নানা লোকের মুখে কুশ্রী অপপ্রচার।

আর একজন তেমনি নীরব হয়ে রইলেন। তিনি লোটিবুক্‌। গ্যোটে'র সমস্ত প্রাণ তখন উদ্বেল হয়ে উঠেছে। বহু নিঃসঙ্গ নিরালা মুহূর্তে তিনি আত্মপ্রকাশ করতে চেয়েছেন, লোটিকে জানাতে চেয়েছেন অন্তরের আকুলতা। কিন্তু পারেন নি—কোথায় যেন বেধেছে তার। কোথা থেকে কি এসে যেন কর্তরোধ করে দিয়েছে তাঁর।

হয়তো কোনো একদিন যখন দিগন্ত-প্রসারি মাঠের ওপরে সূর্য্য তার রক্তিম আভা বিকীর্ণ করে অন্ত যাচ্ছে; যখন কমলালেবুর বনে রাঙা ফলগুলো আরো রাঙা হয়ে উঠেছে সেই দিনাস্তিক আলোর; আর অলিভের ঘনশ্যামল পত্রমণ্ডলে ধ্বনিত হয়েছে কোনো দীর্ঘশ্বাস, সেই সময়ে লোটির পদপ্রান্তে বসে গ্যোটে'র তাঁর মনের কথা বলতে চেয়েছেন। কিন্তু কী আশ্চর্য্য—পৃথিবীর অন্ততম শ্রেষ্ঠ কবির কণ্ঠে তখন ভাষা যোগায় নি। তাকিয়ে দেখেছেন লোটির ছুটি চোখে যেন ফুটে উঠেছে সন্ধ্যার নক্ষত্রের মতো স্নিগ্ধ দীপ্তি। তার প্রত্যয় মনের সমস্ত

উদ্দামতা শান্ত হয়ে আসে—কামনা হঠাৎ নতশির ভূজঙ্গের মতো নিবে যায়।

আসলে গ্যোটে'র লোটিকে যে চোখে দেখেছিলেন, লোটি সে দৃষ্টি দিয়ে তাঁকে দেখেন নি। গ্যোটে'র আকাঙ্ক্ষার কাছে আত্মসমর্পণ করে তিনি মহাকবিকে ছোট করতে চাননি। তিনি চেয়েছেন তাঁকে উদ্ভূত করতে—তাঁকে প্রেরণা দিতে। তিনি গ্যোটে'র প্রেম-প্রার্থিনী ছিলেন না—ছিলেন তাঁর “Inspiration of better creation”

তা ছাড়া মনের দিক থেকে লোটি ছিলেন প্রধানত ‘মা’ জাতের মেয়ে—প্রিয়া জাতের নয়। নাবালক ভাই-বোনদের মানুষ করতে গিয়ে একটা মাতৃ স্নানত মেহ স্নিগ্ধতা সঞ্চারিত হয়েছিল তাঁর মধ্যে। গ্যোটে'কে তিনি সেই উদার মেহের মধ্যেই গ্রহণ করেছিলেন। তাই তাঁদের সান্নিধ্য যতই ঘনিষ্ঠ হোক—পবিত্রতার এই অদৃশ্য শাসন প্রতি মুহূর্তে অমুভব করতেন গ্যোটে; এই অদৃশ্য প্রহরী আছে বলেই হাজার লোকাপবাদ সবেও নিশ্চিন্ত নিরুদ্বেগ ছিলেন কেসত্নার।

আত্মপ্রকাশের জন্ত গ্যোটে'র মন যতই আকুলি বিকুলি করুক—কেসত্নারের প্রতি লোটির প্রেম বিন্দু মাত্রও কেশ্চ্যুত হয়নি। তাঁদের অন্তরের সম্পর্ক রইল অত্যাহত—তাঁদের বিয়ের দিন একটু একটু করে এগিয়ে আসতে লাগলো।

গ্যোটে'র ধৈর্য্য যখন চরমসীমায় পৌঁচেছে, তখন একদিন তিনি জানলেন এই নির্ধূর সত্যকে। তিনি জানলেন, শার্লট সাধারণ মেয়ের মতো ভাবের স্রোতে ভেসে বেড়ায় না—ক্ষণিকের উদ্দামনার ভ্রষ্ট হয় না নিজের কর্তব্যবোধ থেকে। তিনি আরো জানলেন: শিল্পী হিসেবে তাঁর প্রতি লোটির সীমাহীন শ্রদ্ধা থাকলেও প্রেমের জগতে কেসত্নারের পাশে তাঁর বিন্দুমাত্র জায়গা নেই। প্রেমের অমরাবতীতে কেসত্নার যেখানে সত্রাট—সেখানে নিজের সমস্ত প্রতিভা, সমস্ত লোকরঞ্জনী-শক্তি তাঁর ব্যর্থ চেষ্টাতেই পরিণত হবে।

নারী হৃদয়কে যিনি এতকাল সহজলভ্য বলে জেনে এসেছেন—সেই গ্যোটে'র এবার যেন এক জীবতার দেবায়তনে এসে দাঁড়ালেন।

এমন একটি জ্যোতির্বিদ্য বিগ্রহকে—কাকে স্পর্শ করবার কোনো অধিকার নেই তাঁর ; সমস্ত পৌরুষের অভিমান তাঁর আর্ন্তনাদ করে উঠলো, অন্তর যেন দীর্ঘ বিদীর্ণ হয়ে গেল।

পরাজিত গ্যেটের কাছে ওয়েৎস্কার যেন শ্মশান হয়ে উঠলো। কমলালেবুর রক্তিম সৌন্দর্যোভরা অলিভপত্র-মর্ম্মরিত দিক-প্রান্তর মনে হলো যেন মরুভূমি। তিনি অশ্রুভব করলেন হতভাগিনী লুসিন্দার সেই মর্ম্মস্পর্শী অভিশাপ যেন তাঁকে তাড়া করে আসছে।

ওয়েৎস্কারে তিনি আর থাকতে পারলেন না। তারপর একদিন তিনি কেস্তনারকে একটুকরো চিঠি লিখে সকলের অজ্ঞাতে ওয়েৎস্কার থেকে বিদায় নিলেন। জানিয়ে গেলেন : “আর মুহূর্ত্তমাত্র এখানে থাকলে তিনি আর আত্মগোপন করতে পারতেন না। তাই বিদায়—অনিবার্য বিদায়—এরই কিছুদিন পরে তাঁর বেকুল অন্ততম বিখ্যাত রচনা “Werthus Leiden”—(Sorrows of weather) এই বইটি আর কিছুই নয়—লোটির প্রতি তাঁর যে মনোভাব ও মর্ম্ম যন্ত্রণা এই গ্রন্থে তাকেই ফুটিয়ে তুলেছেন গ্যেটে। এর নায়ক “ওয়ারষ্টার”, কিন্তু নার্সিকা বিবাহিতা শার্লোটে। ওয়ারষ্টার তাকে ভালবেসেছে—কিন্তু সে ভালবাসা বাসনা কামনা বর্জিত। যেমন নিষ্কলঙ্ক তেমনি পবিত্র।

লোটির পরেও জীবনে আরো নারী আবির্ভূত হয়েছে গ্যেটের! এসেছে লিলি, এসেছে ফনস্টাইন। কিন্তু তাঁরা প্রেমই পেয়েছে। পৃথিবীর অন্ততম শ্রেষ্ঠ কবির কাছ থেকে পূজা মাত্র একজনই আদায় করতে পেরেছেন—মাত্র একটি নারীই স্বমহিমায় নিজেকে অনন্ত করে রেখেছেন। লোটিবুফ্ তাই পৃথিবীর শিল্পী সাহিত্যিকদের কাছে সশ্রদ্ধ বিশ্বয়ের বস্তু—নারীত্বের একটা উজ্জল প্রকাশরূপে আমাদের সমাদরের সামগ্রী।

লোটি গ্যেটের জীবনে যে নূতন অশ্রুভূতির দ্বার মুক্ত করে দিয়েছিলেন মহাকাব্যে, তাঁর সাহিত্যে তা স্থায়ী করে রেখেছেন তিনি। নারী প্রেমের মহত্তমরূপ সম্পর্কে গ্যেটের উক্তি আমরা বাংলা দেশের একজন শ্রেষ্ঠ কাব্য-সমালোচকের অশ্রুবাদ থেকে উদ্ধৃত করছি ;

“বৃথা গর্জন করে প্রবৃত্তির বন্যা
কঠিনা অজিত উপকূলের সামনে
বেলাভূমে ছড়ায় তা কবিত্বের মুক্তা
লাভ হয় জীবনের কাঙ্ক্ষিত ধন”

লোটির “অজিত বেলাভূমিতে গ্যেটের প্রবৃত্তির বন্যা সত্যি সত্যিই কবিত্বের অমর মুক্তা ছড়িয়ে গেছে।”

শিল্প-প্রদর্শনী

শ্রীসত্যচরণ দাস

শিল্পীরাই দেশের ও জাতির সংস্কৃতির উত্তরসাধক। এ কথাই সত্যতা প্রত্যেক সভ্যদেশের নাগরিকরাই স্বীকার করে আসছেন। সুতরাং দেশের ভবিষ্যত গঠনে শিল্পীর দানও নগণ্য নয়। এ বিষয়ে কলকাতার ইন্ডিয়ান আর্ট স্কুল যে দায়িত্ব গ্রহণ করেছেন তা স্বধীসমাজের দৃষ্টি আকর্ষণ করবে।

সম্প্রতি ইন্ডিয়ান আর্ট স্কুলে বাণিজ্য বিভাগের ছাত্রদের যে প্রদর্শনীর উদ্বোধন হ'ল তা দেখে শিল্পানুরাগী মাত্রেই আশাবিত্ত হবেন, এতে সন্দেহের অবকাশ নেই। এ বিষয়ে প্রথমেই বাণিজ্য বিভাগের শিক্ষকের কথাই মনে স্থান পায়। বিভাগীয় শিক্ষক শ্রীকাশীনাথ দাসের শিক্ষাধীনে যে কয়জন তরুণ শিল্পীর অঙ্কিত চিত্রের প্রদর্শনী দেখলাম তাতে মনে হয়, শিক্ষাগুরু সাধনা ও প্রচেষ্টা নিষ্ফল হয় নি। একশত আমরা শিক্ষক মহাশয়কে আমাদের আন্তরিক অভিনন্দন জানাই। এই প্রদর্শনীর উদ্বোধন করেন ভারতের অধিতীয় শিল্পী শ্রীঅতুল বসু। এটা ছাত্রদের মনন ও সংসাহসের পরিচায়ক।

প্রদর্শনীতে বলিষ্ঠ অঙ্কনের উদাহরণ, বিশেষ করে Nature study আকৃষ্ট করে। “Nature is the Master of all Arts” এই বাণী



শিল্পীর দায়

যে এখানকার প্রত্যেক শিকারীদের অন্তরে দৃঢ় বিশ্বাস আগিয়ে তুলেছে—
তা প্রতিকলিত হয় তাদের অঙ্কিত প্রতি চিত্রেই। তৈল চিত্র, জলরং,
কালি কলম, পেন্সিল প্রভৃতি নানা মাধ্যমে আঁকা প্রায় ৩০০ ছবি
প্রদর্শনীতে স্থান পেয়েছে।

উন্নত দৃষ্টিভঙ্গির কার্যের মধ্যে প্রথমেই উল্লেখ করতে হয় দাশরথি
পালের নাম। তাঁর আঁকা ছবিতে যে নুতনত্বের ও সংসাহসের ইঙ্গিত
আমরা পেরেছি, তাতে অদূর ভবিষ্যতে তিনি যে বাংলার শিল্পীসমাজের
মুখ উজ্জ্বল করবেন সে বিষয়ে কোন সন্দেহ নেই। তাঁর বলিষ্ঠ তুলি
আমাদের মনে দাগ কেটেছে। তাঁর ছবিগুলির মধ্যে “মালাকর
রমনী” (২২) “বারান্দার মধ্যে দিয়ে (২) “অধ্যয়ন (৮২)” ও “আমার



বারান্দার মধ্য দিয়ে


বান” (৭১) উল্লেখযোগ্য। স্থানীয় বৈজ্ঞানিক কয়েকখানি চিত্রেও সমধিক
প্রশংসনীয়। তাঁর আঁকা “আমার গ্রাম (৫০) চিত্রে শিল্পীর তৈল চিত্র
ধরনের দক্ষতা প্রকাশ পেয়েছে। জলরং এ “উচ্ছ্বাস” (৯৯) তে শিল্পীর
নিপুণতা প্রকাশ পেলেও রসস্থিতির দিক দিয়ে ছবিটি অসম্পূর্ণ বলে মনে
হয়। সত্য মুখার্জির কাছে বিদ্যার শিক্ষাচরনের বাহুল্য আছে। তাঁর
কয়েকখানি কাজে নিখুঁত সৌন্দর্যের পরিচয় আছে। তৈলচিত্রে “পুরানো
টপাছ” (৩৫) ও “বৃক্ষতলে” (৫৫) তাঁর সৃষ্টির নিপুণতা প্রশংসনীয়।
“মালবাজী” (১০৮) line and washএ ও “গ্রাম্য ঘাট” (১) জলরং এ
তাঁর পরিচয়। কিন্তু তাঁর শিক্ষাচরনের বাহুল্য বিচার “বিশেষ
কো” (৫৮) শিল্প সৃষ্টির বিদ্যে ঘটবে।

হওয়া যায়। তাঁর অক্ষয়-পদ্ধতিতে বলিষ্ঠতার নিদর্শন আছে।
Landscape ও Portrait এ দুয়েতেই তাঁর প্রতিভার পরিচয় দেখা
যায়। এর আঁকা ছবিগুলির মধ্যে প্রথমেই “পঞ্চবটের” (৬১) কথা মনে
হয়। ছবির শান্ত পরিবেশ ভগবান রামকৃষ্ণের কথা মনে করিয়ে দেয়,
কিন্তু এত আলো-ছায়ার খেলা মনোমুগ্ধকর হলেও কিঞ্চিৎ



মা ও ছেলে

অতিরিক্ততার আভাষ আছে—। তাঁর অস্তিত্ব ছবিগুলির মধ্যে “ইরা”
(৬৯), “এসমানেডের মোড়” (১০৬), “প্রদর্শনীতে” (১০০) ও
“ছায়াবনতল” (১৪৫) বিশেষভাবে উল্লেখ্য। তাঁর “লাইক ড্রইং”
গুলি (২৫৮) প্রদর্শনীর সৌন্দর্য্য কুর করেছে।



আলো-ছায়া

শিল্পক শিকারীনাথ দাশের কাজের মধ্যে “আলো ও ছায়া” (৫১)
ও “চিড়িয়াখানার দৃশ্য” (৩৬) ছবি দুটি উচ্চতর অক্ষয় পদ্ধতির

পূর্ণ প্রকাশ নেই। তাঁর অঙ্কন পদ্ধতি অনেক ছাত্রই গ্রহণ করেছে বলে মনে হয়। স্থলীল দাসের কাজগুলিও মনোমুগ্ধকর। তাঁর কাঠগোলা (৭৯) নির্মাণ (৫) ও অন্নপূর্ণা ঘাট (৫২) উৎকৃষ্ট শিল্পের নিদর্শন। তাঁর কর্মসিঁরালা কাজগুলি অতুলনীয়। এছাড়াও পাশ্চাত্যভঙ্গিতে অঙ্কিত চিত্রগুলির মধ্যে গৌতম মজুমদারের “তিনটি গাছ” (১৪৮), সরিৎ নন্দীর “বিভাগালের একাংশ” (১৫৯), অমরেশ গাঙ্গুলীর দম্পতি (১২২), তুষার সেনের “মধ্যাহ্নের নীরবতা” (৭৮), ও দেবদাস ভট্টাচার্যের খোয়াঘাট (১১১) যথেষ্ট প্রশংসার দাবী রাখে। গণেশ নাথকের “কুলি

অমরেশ গাঙ্গুলীর “ভারতীয় সৌন্দর্য” (২৫) ছন্দের দোলায় সৌন্দর্য-মণ্ডিত।

মেওয়ালপঞ্জী চিত্রণ একটাও ভাল লাগেনি। “টেলিটাইল ডিজাইনে” দীপ্তিমৈখা বিশ্বাসের নামই উল্লেখযোগ্য। পরেশ চৌধুরীর স্টেট খোদাই এক অপূর্ণ শিল্প সৃষ্টি করেছে—এর পূর্বে এ ধরনের কাজ কোথাও দেখেছি বলে মনে হয় না। প্রাচীর পত্রে মনোহর দে, স্থলীল বৈষ্ণ, স্থধীর মৈত্র ও স্থলীল দাশ কৃতিত্বের পরিচয় দিয়েছেন। কর্মসিঁরালা ডিজাইনে—স্থলীল দাস, স্থলীল বৈষ্ণ, শৈলেন দে, কমল সরকার ও গৌতম মজুমদার উল্লেখযোগ্য।



প্রাচীরপত্রের নক্সা

ক্যান্টিন” (৩৩) শিল্পীর দরদী মনের পরিচায়ক। স্থধীর রায়, নির্মল দত্ত, অরুণ বোষ ও দীনেশ সাহার উত্তম প্রশংসনীয়। তারা পদ বোসের মা ও ছেলে প্রভৃতি কাজগুলিতে নতুনত্বের আভাষ আছে। কিন্তু ড্রইং ও composition সম্বন্ধে আরও সচেতন হওয়া দরকার।

প্রাচ্য অঙ্কন পদ্ধতিতে ভারতীয় কলার তেমন আশাধিত উৎকর্ষতা প্রদর্শনীতে লাভ করেনি—এর মধ্যে গৌতমমজুমদারের “জলকে চল” (১৬) সত্য মুখার্জির “কালো মেয়ে” (১৫) সরিৎ নন্দীর “স্বামের পর” (১৩) ও



জলকে চল

এই প্রদর্শনী দেখে আমরা ইণ্ডিয়ান আর্ট স্কুলের ছাত্রদের যে উদ্দীপনার পরিচয় পেয়েছি তা আমাদের মনে বহু দিন জাগরুক থাকবে। আগামীবারে আরও উন্নততর শিল্প নিদর্শন দেখবার আশা রাখি। তবে সরকার যদি এই বিস্তারতনের দিকে কিকিৎ মনযোগী হন তবে এই তরুণ উদীয়মান শিল্পীরা ভবিষ্যতে ভারতের সংস্কৃতির গৌরব অক্ষুণ্ণ রাখবে।

দ্বারমণ্ডল



জায়গার বন্দোপাধ্যায়

(পূর্বাত্মবৃত্তি)

জায়রত্ন কোন কথা বলিলেন না অরুণাকে। নীরবে দেবকী সেনের সঙ্গে জয়তারার আশ্রমে চলিয়া গেলেন। অরুণাই কয়েকটি কথা বলিল। বলিল—কানী আমি যেতে পারি নি দাদু। মোগলসরাইয়ে নেমে আমি—

অরুণা দেবকী সেন স্বর্ণ ও গৌরের দিকে চাহিয়াই বোধ হয় চূপ করিয়া গেল। নীরবে খানিকটা পথ হাঁটিয়া আবার বলিল—এক বেলা মনের সঙ্গে দ্বন্দ্ব ক'রে শেষ ফিরে গেলাম কলকাতা।

জায়রত্নের শীর্ণ মুখে ক্রীণ একটুকরা হাসি ফুটিয়া উঠিল। প্রসন্নও নয়, বিষন্নও নয়, সে হাসি বিচিত্র; কি যে সে হাসির অর্থ, সে শুধু তিনিই জানেন।

গৌর বলিল—সে কথা আমি লিখেছিলাম দেবদাকে।

কথাবার্তা হইতেছিল একটি অস্বাভাবিক অবস্থার মধ্যে। সন্ধ্যার মুখে পথ চলিতে চলিতে টুকরা টুকরা কথা যেন কোন বায়ুপ্রবাহে হিম শীতের রাজ্যে শিশির বিন্দু ঝরিয়া পড়ার মত জমিয়া জমিয়া শিশির কণা বিন্দুতে পরিণত হইয়া আপনার ভারে যেন আপনি ঝরিয়া পড়িতেছিল। একটা সংকোচ যেন সমস্ত মানুষ-গুলির মন প্রাণকে নিস্তরঙ্গ করিয়া তুলিয়াছে। স্বর্ণ একটি কথাও বলে নাই। অন্ধকারে দেখিবার উপায় ছিল না—তাহার উপর সে মাটির দিকে মুখ নামাইয়া পথ চলিতেছিল, তাহার ভুরু দুটি কুচকাইয়া উঠিয়াছে, মৌন-মহন সলাটেও গোটা ছয়েক রেখা ফুটিয়া উঠিয়াছে। তাহারা চলিয়াছিল ময়ূরাক্ষীর তীরভূমির উপর দিয়া একটা নির্জন পথ ধরিয়া। বালির উপর এতগুলি লোকের পা-ফেলার শব্দ উঠিতেছে শুধু।

আবার অরুণাই বলিল—ভেবেছি আপনাকে চিঠি লিখি, কিন্তু—

কিন্তু বলিয়াই থামিয়া গেল, বাকী কথাটুকু আপনি বাহির হইয়া আসার মত ভাব যেন হারাইয়া ফেলিয়াছে। একটি শিশির বিন্দুর খানিকটা ধসিয়া পড়িল—বাকীটা যেন পাতার প্রান্তে লাগিয়া রহিয়াছে—তুলিতেছে।

হঠাৎ স্বর্ণ এক জায়গায় দাঁড়াইয়া গেল। ডাকিল—অরুণা দি।

—এ্যা।

—আপনি কি?—আপনি কি ঠাকুর মশায়ের সঙ্গে জয়তারা আশ্রমে যাবেন?

এতক্ষণে অরুণার—শুধু অরুণাই নয় দেবকী সেন জায়রত্ন এমন কি গৌরেরও খেয়াল হইল—তাহারা শিক্ষয়িত্রীদের বাসার কাছে আসিয়া পড়িয়াছে। জয়তারা আশ্রমের পথিক এবং বাসার লোকের পথ এইখান হইতেই ভিন্ন হইয়া গিয়াছে। পথ ভাঙিতে হইবে। অরুণা বলিল—জায়রত্নকেই বলিল—আমি যাই।

এতক্ষণে জায়রত্ন বলিলেন—এস। তারপর ডাকিলেন—সেন।

দেবকী আগাইয়া আসিয়া বলিল—চলুন।

সন্ধ্যার প্রারম্ভ, কিন্তু অন্ধকার ঘন গাঢ় হয় নাই। পশ্চিমের আকাশে খানিকটা মেঘ ছিন্ন বিচ্ছিন্ন হইয়া ছোট বড় টুকরা হইয়া ছড়াইয়াছিল—সেগুলিতে অন্তর্গত সূর্যের ছটার রেশ তখনও জাগিয়া রহিয়াছে, ধ্বনির শেষে প্রতিধ্বনির মত—আলো খানিকটা ধরিয়া রাখিয়াছে। দুটি মানুষ পূর্বমুখে চলিয়াছে;—অরুণা দাঁড়াইয়াই রহিল। অকস্মাৎ মেঘের আলো মুছিয়া গেল, অন্ধকারটা সঙ্গে সঙ্গে গাঢ় হইয়া উঠিল;—মানুষ দুটিকে আর দেখা গেল না।

গৌর বলিল—চলুন এইবার।

স্বর্ণ খানিকটা আগাইয়া দাঁড়াইয়া আছে, তাহার মধ্যে

একটা অধীরতা স্পষ্ট হইয়া উঠিয়াছে। অরুণা গৌরের ডাকে সচেতন হইয়া বলিল—চল। স্বর্ণ কই ?

—এই যে।

—ও।

—আপনি ঠুর সঙ্গে গেলেই বোধ হয় ভাল করতেন।

—ঠুর সঙ্গে ? আশ্রমে ?

—হ্যাঁ। এখানে আপনার অনেক অসুবিধে হবে।

—অসুবিধে হবে ? বিশ্বয়ের আর অবধি রহিল না অরুণার। এ কি বলিতেছে স্বর্ণ ? দীর্ঘ তিন বৎসরের উপর সে এখানে চাকরী করিতেছে, এই বাসাই তাহার ঘর হইয়া উঠিয়াছে—এখানে তাহার হঠাৎ আজ অসুবিধা হইবে কেন ? তাই ‘অসুবিধে হবে’ কথাটা সবিশ্বয়ে সপ্রশ্ন ভঙ্গিতে উচ্চারণ করিয়াও তাহার তৃপ্তি হইল না। কয়েক মুহূর্ত পরে আবার প্রশ্ন করিল—

অসুবিধে হবে কেন ? আমার বাসায় কি কেউ রয়েছে ?

অর্থাৎ দলের কোন কর্মী কি রহিয়াছে সেখানে ?

স্বর্ণ বলিল—না। এখানকার ষারা, তারাই রাম-সেবকের ওখানে। ঘর আপনার কেউ নাড়েনি।—
তবে—

—তবে কি ?—

—দেখবেন। ঘরের তালায় হাত দিয়া স্বর্ণ বলিল—
হেঁয়ালীর মতই বলিল—দেখবেন।

* * *

চাপা কথাটা চাপিয়া রাখার জন্তই বিবাক্ত হইয়া উঠিয়াছিল। সেটা অকস্মাৎ প্রকাশিত হইয়া পড়িতেই তাহার স্বাভাবিক তীব্রতার অরুণা যেন আর্জনাৎ করিয়া উঠিল—অন্তরে অন্তরে আর্জনাৎ করিয়া উঠিল। সেটা ঘটিল এইভাবে। বাড়ীতে আসিয়া সহজ সুরেই অরুণা বলিল—দাঁড়াও ভাই, আগে গা হাত মুখ ধুয়ে কেলি।
বাবা—ট্রেনে যা কয়লার গুঁড়ো খেয়েছি।

সুটকেস খুলিয়া কাপড় গামছা সাবান লইয়া কুয়া-তলার পাশে স্নান ঘরের দিকে বাইতে বাইতেই অরুণা বলিল—ট্রোভটা ধরিয়ে একটু চা কর ভাই স্বর্ণ।

—আপনি চা-খাবেন ? ট্রোভ ধরাব ?

—এলায় বলে আমি। দেয়ী হবে না আমার। তুমি তৈরী কর।

—কিন্তু এই সব বাসনে—আমার হাতে আপনি খাবেন তো ?

—কি বলছ তুমি স্বর্ণ ? অরুণা প্রচণ্ড বিশ্বয়ে অভিভূত হইয়া উচ্চ কণ্ঠেই প্রশ্ন করিয়া উঠিল।

—আপনি যে কেঁচে গণ্ডু ব করে বসেছেন অরুণা দি। ঠাকুর মশায়ের বিধবা নাতি-বউ সেজেছেন নতুন ক’রে। খান কাপড় পরেছেন, হাত খালি করেছেন, একাদশী করেছেন—এর পরও আপনি—

অরুণার কাছে এমনি অকল্পিত, এমনি অপ্রত্যাশিত এই প্রশ্নগুলি,—একং এই প্রশ্নগুলির প্রত্যেকটি এমনিই তীক্ষ্ণ সূচ্যগ্র ও জ্বালাকর কোন রসায়ন-মাধান যে অরুণা মুহূর্তে যেন হতচেতন হইয়া গেল। অন্তরে অন্তরে আর্জনাৎ করিয়া উঠিল সে, কিন্তু মুখে একটি শব্দও বাহির হইল না।

স্বর্ণ বলিল—মাথার চুলগুলি কেটে ফেললেই আর অস্বহীন থাকত না—ঘোল আনা পুরো হয়ে যেত। তাহার মুখে তীব্র হাসি খেলিয়া গেল—সে বলিল—আসলে আপনারা ব্রাহ্মণ—বৈষ্ণব ব্রাহ্মণ এরা হলেন ধর্ম্মজগতের অভিজাত—মাথার মণি, আপনাদের পক্ষে এগুলো ছাড়া শক্ত। কিন্তু ছি—ছি—অরুণা দি—আপনি শেষে এমনি উন্টোবাজী খাবেন এ কেউ ভাবে নি। আমি তো ভাবতেও পারি নি।

অরুণা নিজেকে সামলাইয়া লইয়া বলিল—আমি আসছি স্বর্ণ। স্নান ক’রে আসছি। গৌর ততক্ষণে তুই ট্রোভটা ধরিয়ে জল চড়িয়ে রাখ না ভাই।

ইহার আগে দরবারী শেখ কথাটা কদম্ব্য অস্বীকৃত্যর সঙ্গে প্রকাশ করিয়াছিল। অরুণা দরবারীকে জানে—একং ইংরাজের পুলিশ বিভাগের এ দিক দিয়া শিকার কথাও তাহার কাছে অবিদিত নয়—তাই ও কথাটা সে ধরে নাই। ইহার জন্ত মনের সকল কোতুটুকু ইংরাজের উপর ও ইংরাজের পুলিশের উপর পড়িয়াছে। বাহির হইয়া আসিয়া সে জায়গারকে দেখিয়া তাহার কাছেই আগাইয়া গিয়াছিল—সুরপতির মুচকি হাসি, রণদাবার মুচকি হাসি ; দেবকী সেনের বিশ্বাস, স্বর্ণের বিচিত্র বহু-প্রশ্নরেখাঙ্কিত মুখ ও দৃষ্টি কোন দিকেই লক্ষ্য করে নাই। এমন কি আসিবার পথে সকলেই যে নীরব হইয়া পথ চলিতেছিল, তাও সে খেয়াল করে নাই।

এতকণে স্বর্ণ কথাটা অতি তীব্রভাবে প্রকাশ করিয়া ফেলিল। মান সারিয়া অরুণা আসিয়া বসিয়াই বলিল—
চা করিস নি গৌর ? স্বর্ণ বারণ করেছে বুঝি ?

—করেছি।

অরুণা চায়ের জল নামাইয়া—তাহাতে চা কেলিয়া দিল।
তারপর বলিল—চায়ের চেয়ে জলই বোধ হয় বেশী ভাল লাগবে। একগ্লাস জল ঢালিয়া লইয়া সে জলটুকু নিঃশেষে পান করিয়া বলিল—আঃ।

স্বর্ণ কেন কিছু হইয়া বসিয়া আছে—সে বলিল—এ সব কি আমাকে দেখিয়ে করেছেন অরুণা-দি ?

—তুমি এমন রুন্ন—তপ্ত আঙুন হয়ে উঠলে কেন বল তো স্বর্ণ ? বলিয়াই বলিল—ও। তোমার রাগের কারণ হ'ল আমি খান কাপড় পরেছি, হাতের চুড়ি খুলেছি—একাদশী করেছি—

স্বর্ণ মাঝপথেই বাধা দিয়া বলিল—সে আপনি ছুনিয়াকে দেখিয়ে করেছেন। লোকে তার জন্তে মুচকে মুচকে হেসেছে। দরবারী শেখের কথাও আমার কানে এসেছে। সে নিয়ে এরই মধ্যে লোকে কথা বলছে। সে নিয়ে ভিজাসা তো আপনাকে আগেই করেছি আমি। যা নিয়ে জীবন হুকু করলেন, যার জন্তে শপথ নিলেন, যার জন্তে বিশ্বনাথবাবুর সঙ্গে আপনি বিয়ের প্রয়োজন অহুতব করলেন, সে সব আপনি হঠাৎ তাসিরে দিয়ে—এ কি করলেন ? তারপর আবার একাদশী করেও আমাকে দেখিয়ে জল খেলেন—চা খাবেন ; এ কি ?

অনেকক্ষণ স্তব্ধ হইয়া বসিয়া রহিল অরুণা। তারপর ধীর শাস্ত কণ্ঠে বলিল—আমি একটা খুব বড় আঘাত পেয়েছি স্বর্ণ।

—জানি—

—না—জান না।

—জানি না ? স্বর্ণ হাসিল।—আঘাত যে খেলেন অরুণা দি বিশ্বগুড় লোকের সামনে। জায়রত্নমশায়কে আঘাত করতে গিয়ে—নিজে আছাড় খেয়ে পড়লেন তাঁর পারে।

—স্বর্ণ ! সে নয়। সমর ঘোষ আজ বছরখানেক ধরে আমাকে অস্থির করে তুলেছে। তার দাবীর কাছে আমি ক্রমশ দুর্বল হয়ে পড়ছিলাম। কিন্তু—

—কিন্তু কি আছে এর মধ্যে অরুণা দি ? বক্র স্বর্ণ বলিল—কিন্তু তো—সেই আপনি বৈষ্ণব ব্রাহ্মণের মেয়ে—জায়রত্ন মহাশয়ের মত পুণ্যবান ব্রাহ্মণের পৌত্রক আপনি, বিধবা হয়ে আপনি কি করে সমর ঘোষকে বিয়ে করবেন ?

অরুণা স্থির দৃষ্টিতে স্বর্ণের মুখের দিকে চাহিয়া বলিল—
তুমি আমাকে বারবার আঘাত করতে চাচ্ছ স্বর্ণ।

স্বর্ণ বলিল—সত্য কঠোরই হয় অরুণা-দি, আর কঠোর যা—তার সঙ্গে সংঘর্ষ হলেই আঘাত পেতে হয় অনিবার্যভাবে। আঘাত তো আমি আপনাকে দিই নি অরুণা-দি, সমর ঘোষের ভালবাসাকে এইভাবে অন্ধ-সংস্কারের বশে অপমান করেছেন—তাতে আপনি নিজেই নিজেবে আঘাত করেছেন—অপমান করেছেন। আমি না।

—সমর আমাকে ভালবাসে, কিন্তু আমি যেভাবে ভালবাসি না স্বর্ণ। তার দাবী আমি মানব কি করে ?

—কি বলছেন আপনি ? স্বর্ণ সোজা হইয়া বলিল।—
শেষে আপনি মিথ্যে বলতে আরম্ভ করলেন অরুণা-দি ?

—স্বর্ণ ! অরুণার কণ্ঠস্বরে এবার তিরস্কার বাজির উঠিল।

—ধমক দিয়ে তো আমার মুখ বন্ধ করতে পারবেন না অরুণা-দি ! হাসিয়া বলিল—কারই বা পারবেন ! এ কে বিশ্বাস করবে বলুন ?

—বিশ্বাস আমি কাউকে করতে বলব না স্বর্ণ। আমার বিশ্বাস—আমার অন্তরের সত্যকে আমি এতদিনে আবিষ্কার করেছি। আমি তাকে ভালবাসি না।

—আবিষ্কারটা অতিনব অরুণা-দি। আজ ছু বৎসর মাসে চারখানা করে অন্তত ছিয়ানকরুইখানা পত্র আপনি তাকে লিখেছেন—সেও আপনাকে লিখেছে ; তার কতক আমি দেখেছি—আপনিই দেখিয়েছেন। এরপর—আবিষ্কার অতিনব।

—অতিনব বল—আপত্তি করব না, কিন্তু এ সত্য। একটু শান্ত হয়ে যদি আমার কথা শোন স্বর্ণ, তবে হয় তো বুঝতে পারবে। যে খাভ খেতে সারা মেহটা পান দিয়ে গুঠে স্বর্ণ, উপবাসে থেকে মাতুষ সেই খাভের জ্বালায়িত হয়ে তারই দিকে হাত বাড়ায়—তবে সেটা স্বর্ণ

হুঁত্বপীড়িত মানুষের ক্ষুধার তাড়নার পরিচয়। সেটা তার রুটির পরিচয় নয়।

—তার মানে ?

—আরও ভেঙে বলতে হবে স্বর্ণ ? আমার বয়স তো তোমার চেয়ে বেশী নয় ভাই। আমার দেহের ক্ষুধা আছে, এ কথা বলতে লজ্জা আমার নাই। দেহের ক্ষুধায় মন আমার দুর্বল হয়ে পড়ছিল—আমি সময়ের চিঠির উত্তরে চিঠি লিখে যাচ্ছিলাম। কিন্তু তাঁকেও ভুলতে পারছিলাম না। নইলে অনেক দিন আগেই সময়ের হাতে নিজেকে ফুলে দিতাম। তুমি জান না স্বর্ণ—তুমি জান না, মনের মধ্যে সে কি বুক ! সময়কে চিঠির উত্তর লিখেছি সম্মতি দিয়ে—চিঠি লিখে উঠে মনে হয়েছে—সমস্ত বুকের ভেতরটা—আমার চরম সর্বনাশ হয়ে গেছে—এমনি দুঃখে ভরে উঠেছে। অকারণে কেঁদেছি। কেঁদে তৃপ্তি পাই নি। রাত্রে তাকে স্বপ্ন দেখেছি। সকালে উঠে সময়কে চিঠি লিখেছি—না। চিঠি লিখে উঠে মনে হয়েছে এ ছুনিয়ার সব তেতো—সব বিশ্বাস, ইচ্ছে হয়েছে সমস্ত কিছুতে আশ্রয় ধরিয়ে দি। ইস্কুলে মেয়েদের অকারণে বকেছি, মেয়েছি। তোমার সঙ্গে—দেবুবাবুর সঙ্গেও কথাবার্তা হয়ে গেছে। এ সবে ভেতরের কথা জানতে না—কিন্তু আমার এই অবস্থার কথা তো তোমার জানা। কতদিন বলেছি—আপনার ঘাড়ে একটা ভূত চাপে অরুণা দি—সেটা কখনও কাঁদায়, কখনও রাগায়। স্বর্ণ ভূত ওটা বটে—কিন্তু তাকে কি কোনদিন হাসাতে দেখেছ আমাকে ?

স্বর্ণ স্থিরদৃষ্টিতে অরুণার মুখের দিকে চাহিয়া রহিল। সে দৃষ্টিতে বিশ্বয় কোমল হয়তো বা ক্রোধও ফুটিয়া বাহির হইতেছিল, কিন্তু অরুণার কথার প্রতিবাদ করিবার কিছু খুঁজিয়া পাইল না। অরুণা বাহা বলিয়াছে—তাহা অকরে অকরে সত্য। আজ দুই বৎসর অরুণা এখানে আসিয়াছে, দুই বৎসরের মধ্যে অরুণা কোন উল্লাসে হাসিয়া উঠে নাই। কখনও ছড়াইয়াছে আশ্রয়—যে কোন উপলক্ষ লইয়া হোক না কেন—সে যখন প্রতিবাদ করিয়াছে তখন তাহার কণ্ঠস্বরের তীব্রতায় অগ্নিশিখার প্রান্তস্পর্শ ফুটিয়া উঠিয়াছে, তাহার আলা ধরাইয়া দিয়াছে, তাহার মুখের কপালের স্তম্ভে আশ্রয়ের আভা ফুটিয়া উঠিয়াছে, খাস-প্রাথাসে উদ্ভাপ ছড়াইয়া দিয়াছে। পৃথিবীর সমস্ত কিছুর উপর ঘৃণা ও

বিরক্তিতে পৃথিবীর কাছেই সে অসহনীয় বলিয়া মনে হইয়াছে। তাহাকে ভয় করিয়াছে। কখনও বা অরুণা এমন উদাসীন হইয়া পড়িয়াছে যে, অরুণা না কাঁদিলেও তাহাকে দেখিয়া স্বর্ণের কাঁদিতে ইচ্ছা হইয়াছে। কিন্তু এমন ঘটনা একটিও স্বর্ণ স্মরণ করিতে পারিল না যে ঘটনাটিকে উপলক্ষ করিয়া অরুণা উল্লাসে অধীর হইয়া উঠিয়াছে। এমন কি যে সময়ের কথা স্বর্ণ বলিল—সেই সময়ের উপস্থিতি উপলক্ষেও নয়। সময় এখানে কয়েকবারই আসিয়াছে। দলের কাজ লইয়া আসিয়াছে বটে, কিন্তু সেটাই মুখ্য—না—অরুণার সঙ্গে দেখা করার উদ্দেশ্যটাই মুখ্য—সেটা কেউই হালপ করিয়া বলিতে পারে না। অরুণা সময়ের সঙ্গে নদীর ধারে গভীর রাত্রি পর্যন্ত কাটাইয়া আসিয়াছে, ঘরে বসিয়া ঘটনার পর ঘটনা রাজনীতির চর্চা করিতে গিয়া তর্ক করিয়াছে, কতদিন রাত্রে স্বর্ণের পাশের বিছানায় শুইয়া জাগিয়া রাত্রি কাটাইয়া দিয়াছে। সময় আসিলে সময় এবং দেবু একটা বাসায় শুইত, স্বর্ণ ও অরুণা থাকিত একটা বাসায়। গভীর রাত্রে স্বর্ণের ঘুম ভাঙিয়া কোনদিন দেখিয়াছে অরুণা আলো জালিয়া বই লইয়া বসিয়া আছে অথবা কিছু লিখিতেছে, কোনদিন অকস্মাতে গভীর দীর্ঘ নিশ্বাস শুনিয়াছে, নিদ্রাহীনতার 'অধীরতায় অশান্তভাবে পাশ ফিরিয়া শুইতে দেখিয়াছে। একদিনের কথা মনে পড়িতেছে। স্বর্ণ সেদিন প্রসন্ন করিয়াছিল, ঘুম আসছে না অরুণা-দি ?

—নাঃ। পাশ ফিরিয়া শুইয়া হঠাৎ আবার পাশ ফিরিয়া অরুণা বলিয়াছিল—আমি আর পারছি না স্বর্ণ !

এই কিছুদিন আগেও—মাস চারেক আগে সময়কে বিদায় সম্ভাষণ জানাইবার সময় স্বর্ণ অরুণাকে বলিতে শুনিয়াছিল—মন আমি স্থির করেছি। তুমি শুধু চাকরী দেখ—তোমার আমার দুজনের চাকরী কলকাতাতে।

তখন গভীর রাত্রি। কর্মীরা সাধারণত বাঙরা আসা করে রাত্রে ঘুমে। এখান হইতে যে ব্রাঞ্চলাইনটা মাইল পঞ্চাশেক আপে চলিয়া গিয়া আবার মেন লাইনের সঙ্গে যুক্ত হইয়াছে সেই ব্রাঞ্চলাইন হইয়া খানিকটা ঘুরিয়া বাতায়ত করে। তাহাতে নজর খানিকটা কম পড়ে। সেদিন দেবু ও গৌর দুজনে রাতের উপর দাঁড়াইয়া সময়ের

জন্ম প্রতীক্ষা করিতেছিল—সময় ও অক্ষয়—অক্ষয় বাসার দরজার মুখে দাঁড়াইয়া কথা বলিতেছিল। স্বর্ণ এবং অক্ষয় বাসার মাঝখানের পাটীলের এপাশে দাঁড়াইয়াছিল স্বর্ণ, কথাগুলো সে স্পষ্ট শুনিয়াছিল। সময় বাড়ী হইতে বাহির হইবার মুখে অক্ষয় তাহাকে আবার ডাকিয়াছিল—শোন।

সময় কিরিতেই আবার বলিয়াছিল—কিন্তু জাহ্নবীর আগে না।

—কেন? আবার জাহ্নবীর খোঁচা উঠল কেন?

—কারণ আছে বই কি! ডিসেম্বরে স্কুলের পরীক্ষা, জাহ্নবীরিতে নতুন সেসন। এ সময়ে চাকরী ছেড়ে যাওয়াটা ঠিক হবে না।

—বেশ ত' ছাড়বে না। ততদিন থাকবে।

—হ্যাঁ। এখানে থাকতে আমি—

—কি?

—ততদিন অপেক্ষা কর সময়। করতেই হবে।

স্বর্ণ এ পাশে দাঁড়াইয়া নিশ্বাস বন্ধ করিয়া শুনিতেছিল; এই কথার পরই সে দরজা বন্ধ করিবার শব্দ শুনিয়াছিল। পরদিন সকালে স্বর্ণ হাসিমুখে রসিকতা করিবার ইচ্ছা লইয়া মনে মনে অনেক কথা তৈয়ারী করিয়া লইয়া অক্ষয় বাসায় গিয়া অক্ষয়কে দেখিয়া অবাক হইয়া গিয়াছিল। ঘরের মেঝের উপর অক্ষয় শুইয়াছিল, শুইয়াছিল নয়—পড়িয়াছিল। সবিস্ময়ে প্রশ্ন করিয়াছিল—কি হল অক্ষয়াদি?

—মাথা ধরেছে।

—এ্যাসপ্রো খান নি কেন? পরণ্ড তো আনিয়েছেন। ওই তো টেবিলের উপর রয়েছে—

—না।

—না—নয়, উঠে খেয়ে ফেলুন। মেঝেতে শুয়েই বা কেন?

—ঠাণ্ডা ভাল লাগছে।

—কর হয় নি তো?

—না। আমার একটু ঘুমুতে দাও স্বর্ণ, ঘুম হলেই সব সেরে যাবে। সে পাশ কিরিয়া শুইয়াছিল। বাহার স্পষ্ট অর্থ—তুমি যাও স্বর্ণ—তুমি যাও।

লইয়া স্বর্ণই ইস্কুল চালাইতেছিল, হঠাৎ বেলা সাড়ে বারোটো একটার সময় অক্ষয় গিয়া হাজির হইয়াছিল। বাকী দিনটা সামান্য ছুতায় নাভায় বকিয়া-ঝকিয়া আশুন ছড়াইয়া গোটা ইস্কুলটাকে উত্তপ্ত করিয়া তুলিয়াছিল। একটা ছোট মেয়ে বুড়া পণ্ডিতের চটের খলি হইতে ওল চুরি করিয়া তাহাতে কামড় মারিয়া এক কাণ্ড বাধাইয়া তুলিয়াছিল, সে এক কাণ্ড, সকলে হাসিয়া সারা; প্রবালের মত রঙের এমন একটি নরম সরস সামগ্রী যে আশ্বাদনে এমন মারাত্মক হইতে পারে সে কথা বেচারী ভাবিতেও পারে নাই। তাহার ফলে—কিছুক্ষণের মধ্যেই মেয়েটির ঠোট জিভ ফুলিয়া সকলকে সন্ত্রস্ত করিয়া তুলিয়াছিল। ব্যাপারটা অর্থাৎ ওল চুরির সত্য ও তথ্যটা প্রকাশিত হইতেই পড়িয়াছিল হাসির পালা। মেয়েটাকে তেঁতুল চুষিতে দিয়া স্বর্ণ হাসিতে হাসিতে অপিসে অক্ষয়কে সংবাদটা দিতে গিয়াছিল। অক্ষয় কিন্তু হাসে নাই। কঠিন দৃষ্টিতে অন্ধদিকে চাহিয়া গভীর কণ্ঠে বলিয়াছিল—পণ্ডিতমশাইকে মুখে বলে সাবধান করা গেল না। ঠিক আমি written warning দিতে চাই স্বর্ণ। কোনদিন খলির ভিতর তামাক নিয়ে আসবেন। কোনদিন মেয়েদের বলবেন—বাড়ী থেকে শাক আনতে—কোনদিন কিছু; এ আমি সহ্য করব না।

স্বর্ণ বলিয়াছিল—না—না—না। বুড়োর ওপর রাগ করবেন না। ভারী ভাল লোক।

—হয়তো ভাল লোক। কিন্তু কি ব্যাপারটা হল বলতো?

—কি হল? হাসির ব্যাপার। ‘ওল খেয়ো না ধরবে গলা’—মেয়েরা পড়েছিল—চোখে দেখলে।

অক্ষয় চুপ করিয়া ভাবিতে শুরু করিয়াছিল।

স্বর্ণ বলিয়াছিল—আপনি একটু হাসুন অক্ষয়াদি।

অক্ষয় স্বর্ণের মুখের দিকে চাহিয়াছিল স্থিরদৃষ্টিতে। বিচিত্র স্থির দৃষ্টি, মনে হয় যেন অর্থহীন, অথবা এত গভীরে সে অর্থ নিহিত যে—সে অর্থ অস্ত্রের বোধের অগম্য।

কথাগুলো আজ মনে পড়িয়া গেল স্বর্ণের। অক্ষয় মিথ্যা কথা বলিতেছে না। সে কখনও হাসে নাই।

গভীর রাতে সে দেওয়ালের এ পাশে থাকিয়া কান্নার শব্দ শুনিয়াছে, সকালে উঠিয়া অরুণার চোখের কোলে কালী দেখিয়াছে—ক্ষীতি দেখিয়াছে; মুখ ধুইলেও ও ছুইটা চিহ্ন ধুইয়া বাইত না।

অরুণা বলিল—যেদিন দাঁছ এলেন—সেদিন কঠিন আক্রোশে—তঁার অপমান করতে গেলাম। সংকল্প ক’রে রেখেছিলাম আগে থেকেই। তোমায় বা দেবুবাবুকেও বলিনি। যখন তঁার সঙ্গে এখানে প্রথম এসেছিলাম ব্রাহ্মপীড়িতদের সেবা করতে—এখানকার অবস্থা দেখতে—তখন দাঁছ যে মর্মান্তিক দুঃখ পেয়েছিলেন—তঁার নাতির গলায় পৈতে না দেখে, আমার হাত ধরে স্নেহে সপ্রেমে টানতে দেখে—তারই ফলে তিনি তাঁকে পরিত্যাগ করে সম্পর্ক ছিঁড়ে ফেলে চলে গেলেন কাশী! আমার মনে হয়েছিল—এত বড় অপমান আমাকে আর কেউ করে নি। উনিও কম বেদনা কম দুঃখ পান নি—সেও আমি যোল আনা টেনে নিয়েছিলাম। একবারও বিবেচনা করি নি—ওঁরাও ছুঁজনে—একজন পিতামহ অশ্রুজন পৌত্র। থাকগে। মাহুঘের অহংকারটা তো আর কিছু নয়—নিজের অহংকেই সর্বস্ব ক’রে দেখা। তাই দেখেছিলাম আর কি।

একটু চুপ করিয়া বলিল—গৌর, তুই ভাই দুটো মিষ্টি কিনে আনবি। আর কিছু ফল। ফল মানে কলা—আর ঠাণ্ডা যদি কিছু পাস, শাঁখআলু—যাকে তোরা সববতি বলিস—পাবিনে?

গৌর চলিয়া গেলে অরুণা আবার বলিল—প্রাটফর্মে আমার সঙ্গে সম্পর্কের কথা আর কেমন ক’রে সে সম্পর্ক হয়েছিল—মানে মুসলমান হয়ে বিয়ে করেছিলাম আমরা—কথাটা যখন বলতে গেলাম স্বর্ণ, তখন হঠাৎ আমার মনে হ’ল কি জান? মনে হল—তিনি যেন দাঁড়িয়ে রয়েছেন তঁার দাঁছর পাশে, চোখে তঁার আঙনের মত দৃষ্টি। আমার ভ্রম হয়েছিল ভাই—দাঁছর পাশে দাঁড়িয়েছিলেন—তিনি—না, দাঁড়িয়েছিল অজয়! স্বর্ণ প্রথম যখন ম্যাট্রিক পাশ করে কলকাতায় পড়তে গিয়েছিলেন তিনি, ক্লাসে—পাশাপাশি বসতেন আমার দাদার সঙ্গে। ছুঁজনের বন্ধু হল—দাদা নিয়ে গিয়েছিলেন তাঁকে আমাদের বাড়ী। তখন আমি ছোট—খুব ছোট, সাত আট বছর। তবু

তঁার সে চেহারা আমার মনে আছে। অজয়কে দেখলাম—অবিকল সেই তিনি। আমার সব গোলমাল হয়ে গেল। মনের সত্য দেহের ক্ষুধাকে উপেক্ষা করে—নিজেকে জানিয়ে দিলে। বলে দিলে—মা যদি হতে পার—ওই অজয়ের, তবে তোমার মনের সত্য সার্থক হবে—ওতেই মিটে যাবে দেহের ক্ষুধা, শোণিত হবে অমৃত—

স্বর্ণ বাধা দিল এইবার—থাক অরুণাদি। আমায় এত সব কথা বলে লাভ কি বলুন।

—লাভ আর কি? এতদিন মনের কথা মনে চেপে রেখে তৃপ্তি পাই নি—শান্তি পাই নি, বলবার মত প্রবৃত্তিও ছিল না—হয়তো সাহসও ছিল না স্বর্ণ। কিন্তু আজ—

—আজ আপনার সাহস হয়েছে, প্রবৃত্তি হয়েছে, বলে আপনি তৃপ্তি পাচ্ছেন—শান্তিও পাবেন। আরও অনেক কিছু পাবেন অরুণা-দি। কিন্তু তবুও—বলব—ছি—ছি—ছি! আপনি হেরে গেছেন। শুধু হেরে গেছেনই নয় অরুণা-দি—আপনি—কি বলছেন তা পর্যন্ত আপনি বুঝতে পারছেন না। অরুণা-দি আপনি বললেন—অজয়ের মা হ’লে আপনার মনের সত্য সার্থক হবে—তার সঙ্গে সঙ্গে আপনার দেহের ক্ষুধা মিটবে, শোণিত হবে অমৃত, আরও হয়তো অনেক কিছু হবে—সে বলবার আগেই আমি বাধা দিয়েছি। অরুণা-দি সন্তান নিজে প্রসব না করলে—শোণিত অমৃত হয় না; হলেও কিছুদিন পরেই আবার সে অমৃত—সেই শোণিতেই পরিণত হয়। আবার ক্ষুধা জাগে। আপনার মনের সত্য আপনার মন-গড়া; মন-গড়া সত্যকে সার্থক করতে আপনি জীবন-সত্যকে মিথ্যে করে দিয়েছেন। বলিয়াই সে আর দাঁড়াইল না, চলিয়া গেল।

অরুণা ডাকিল—স্বর্ণ। স্বর্ণ! তাহার অধরে ক্লাস্ত হাসি ফুটিয়া উঠিল।

বাহির হইতে—স্বর্ণের কণ্ঠস্বর শোনা গেল—কে? কে এখানে দাঁড়িয়ে? কে? নেলো?

নেলোর মূহূষর শোনা গেল—হ্যাঁ।

—কি? কি দরকার?—অ—পুতুল! পুতুল দিতে এসেছিস?

—না। ও একজন্যর বরাতি জিনিব। বড়দিদি-

মণিকে একটা কথা বলতে এসেছি। শ্রান মশাই বলে দিলেন।

—কে ?

—শ্রান মশাই। দেবকী শ্রান! কাল সকালে—নদীর ঘাটে ঠাকুর মশাই চানে আসবেন—দিদিমণিকে বলে দিলেন—পারেন যদি তো ঠাকুর মশায়ের সঙ্গে যেন দেখা করেন।

স্বর্ণ হাসিল। হাসির শব্দ অরুণা স্পষ্ট শুনিল। ইহার পর দরজা বন্ধ করার শব্দ হইল। স্বর্ণ নিজের বাড়ীতে ঢুকিয়া দরজা বন্ধ করিল। নেলো ঘরে ঢুকিয়া দাঁড়াইল। অরুণা বলিল—আমি সব শুনেছি নলিন।

নলিন—নীরবে পুতুলটি নামাইয়া দিয়া—সর্বদা একটা অস্বস্তিকর ভঙ্গি ফুটাইয়া বাহির হইয়া গেল। যাইতে যাইতেও দাঁড়াইল। সে বোধহয় আরও কিছু বলিবে।

অরুণা বলিল—আর কিছু বলছ ?

নলিন বলিল—আপনার—

—কি বল ?

—আপনি স্বর্ণদিদির কথা শুনবেন না। ও এত রেগেছে কেন জানেন ? ও নিজে—

বাধা দিয়া অরুণা বলিল—নলিন ! ছি !

নলিন যাহা বলিতে চায় তাহা সে বুঝিয়াছে। স্বর্ণ নিজে বিধবা হইয়া বিবাহ করিয়াছে বলিয়া এমন ধারা ক্রুদ্ধ হইয়া উঠিয়াছে !

—তুমি যাও নলিন !

নলিন চলিয়া গেল।

অরুণা আকাশের দিকে চাহিয়া বসিয়া রহিল।

হয়তো খানিকটা সত্য নলিনের কথার মধ্যে আছে।

কিন্তু অরুণা তো জানে—যে সত্যকে আঁকড়াইয়া ধরিয়া স্বর্ণ এমন জোর করিয়া কথাগুলি বলিয়া গেল—সে সত্যকে বিশ্বাসের ভিত্তি কত দৃঢ় ! দেবু বলিলেও স্বর্ণ শুনবে না।

(ক্রমশঃ)

শরতের অভিশাপ

শ্রীস্বরেশ বিশ্বাস এম-এ, ব্যারিস্টার-এট্-ল

এখনও পাষণ গলে শরতের সোনালী আভায়,
পূর্ণতার প্রতিচ্ছবি আনন্দের মাধুর্য্য শোভায়
পরম প্রশান্তি আনে প্রাণে। মনে হয় মিথ্যা সব
ধ্বিধা স্বন্দ কোলাহল জগতের নিত্য কলরব।
এই লঘু মেঘখণ্ড স্বচ্ছ ছুটি ক্ষুদ্র ডানা মেলি'
স্বচ্ছন্দে চলিল উড়ি, সেথা লক্ষ্মী পরি' স্বর্ণচেলি
বদান্ত প্রসন্ন নিত্য, শাস্ত সে ওদার্য্যের মাঝে—
সর্ব গ্লানি ডুবে যায়, পরিপূর্ণ মাধুর্য্য বিরাজে।
সেই পরিত্যক্ত দেশ, জনভরা সুপ্তীর স্নেহ
শ্বেত-রক্ত-শতদলে আমোদিত বিলপ্রান্ত গেহ,
স্বতি পথে ওঠে জাগি। অয়ি মোর মুগ্ধ মাতৃভূমি,
অচ্ছিন্ন এ যোগসূত্র সে কথা কি ভুলিয়াছ তুমি ?
ধমনীতে ধমনীতে মোর প্রতি শিরায় শিরায়
প্রচ্ছন্ন প্রগাঢ় উষ্ণ তব রক্তধারা বয়ে যায়।
আমি যত দূরে দূরে রছি, অদৃশ্য বন্ধনডোর—
দূরান্ত প্রবাসী পাশ্বে তত কাছে টানিতেছে তোর !
সেই ফল্গু আকর্ষণ শরতের উদার আকাশে,
মেঘ-শুভ্র লঘু মেঘে অনন্তের সীমান্তে আভাসে।
মুক্ত করি' সর্ব তুচ্ছ অব্যক্ত অন্তর ব্যথাখানি
অসহ তিরণ্য-গর্ভ-নিহিত দলিত মর্ষবাণী—

দাবদাহে সর্বদেহে অন্তরের গূঢ়তম দেশ
আলায়ে উন্নত করি দহিতেছে করি ভস্মশেষ।
জল বিল নদীখাল অকস্মাৎ সঘন বর্ষণ,
ফুল পাখী লতাপাতা নিত্য কেন করে আকর্ষণ ?
যুথভ্রষ্ট আশাহত আছে সেথা কটি নরনারা,
তবু তার এত মায়া, তবু তারে ভুলিতে না পারি !
বর্ষে শুধু একবার আমি তব স্নেহাঞ্চলতলে
ছ'দণ্ড বিশ্রাম লভি, আমারে কি সেই স্নেহবলে,
না ফুরাতে শ্রাবণের কদম্ব কানন শিহরণ
না ভরিতে ফুলে ফুলে শ্রামায়িত শেফালিকামন
পাঠাইলে লিপিখানি কাশশুভ্র লঘু মেঘভারে,
তোমার অবোধ শিশু সে লিপিকা পড়ি' বারে বারে
শ্রাবণ-বর্ষণ সাথে মিশাইছে আখিবারি তার
রাজেন্দ্রাণী তিথারিণী তবু তুই জননী আমার !
হলে হলে ওঠে বুক, ফুলে ফুলে কাঁদি অভিমানে ;
আমারে স্বপনে হেরি দশমী-রজনী অবসানে
আবার নূতন করি আশায় বাঁধিয়া বুকখানি
হেমন্তে, ছরন্ত শীতে, ফাল্গুনে ও-বন্ধে কর হানি'
পাগলিনী যুগে যুগে জাগিও শরৎ পানে চেয়ে
তোমার হারানো ছেলে হয়ত' কিরবে তরী বেয়ে।



বানরের অনিষ্টকর ক্ষমতা অশেষ। উহাদের উৎপাতে প্রতি বৎসর প্রভূত পরিমাণ খাদ্যশস্য বিনষ্ট হয়। হিসাব করিয়া দেখা গিয়াছে যে, উত্তর প্রদেশ ও পাঞ্জাবে বানরের দ্বারা প্রতি বৎসর যথাক্রমে প্রায় ২৫ কোটি টাকা ও ১০ কোটি টাকার খাদ্যশস্য বিনষ্ট হইয়াছে।

ভারতে প্রায় ৫ কোটি বানর আছে। অর্ধেকসংখ্যক বানর বনে বাস করে খরিয়া লইলেও বাকী আড়াই কোটি বানর প্রতি বৎসর সহর ও নগরীর অধিবাসীদের কোটি কোটি টাকার খাদ্য খাইয়া কেলে অথবা বিনষ্ট করে। প্রতিটি বানর দৈনিক গড়ে ২ আউন্স পরিমাণ খাদ্যশস্য গ্রহণ করে। এই হিসাবে তাহারা প্রতি বৎসর মোট ৪ লক্ষ টন খাদ্যশস্য অর্থাৎ বর্তমান বরাদ্দ ব্যবস্থা অনুযায়ী এলাহাবাদ, কানপুর, ও দিল্লীর অধিবাসীদের সর্বসংসরের খোরাকের সম-পরিমাণ খাদ্যশস্যের অপচয় করে। এদিক হইতে দেখিতে গেলে বানরদের সম্পর্কে প্রয়োজনীয় ব্যবস্থা অবলম্বনকালে কোনও নীতিবোধ, ধর্ম-বিশ্বাস ও জীবে দয়ার প্রশ্ন খাটে না।

—গণরাজ

* * *

গত ২১শে ও ২২শে জুলাই ইতালীর মিলান সহরে ইতালীর থিওসফিক্যাল সোসাইটির বিংশ বার্ষিক অধিবেশনে পঁচিশ বৎসর বয়স্ক তরুণ ভারতীয় দার্শনিক শ্রীঅশোককুমার দত্ত যে অভিশ্রুতি প্রদান করেন তাহাতে সমস্ত ইউরোপের দার্শনিক মহলে সাদা পড়িয়া গিয়াছে। ইতালীর দৈনিকপত্রিকাসমূহ শ্রীযুক্ত দত্তকে ভূয়সী প্রশংসা করিয়া লিখিয়াছেন যে, স্বামী বিবেকানন্দের পর আবার এই তরুণ দার্শনিকের নিকট হইতে বিশ্বাসী শাস্ত ভারতের বাণী শুনিবার সৌভাগ্য লাভ করিয়াছে।

—বিশ্ববার্তা

* * *

নদীরাবাসীকে আজ অরণ রাধিতে হইবে যে পশ্চিমবঙ্গ তথা ভারত-রাষ্ট্রকে শক্তিমান করিয়া তুলিতে হইলে নদীরা সীমান্তের সর্বপ্রকার দেশদ্রোহিতামূলক কার্যকলাপ পরিত্যক্ত করা চাই। নদীরা সীমান্তের বিপদ সীমান্তের অপর পার হইতে আসিতে পারে ইহা ধাহারা মনে করেন তাহারা ভ্রান্ত। নদীরা সীমান্তের বিপদ নদীরা জেলার সীমান্তেই বর্তমান, উহা হইতেছে চোরাকারবার, পরখাপহরণ, আইন ও শৃঙ্খলা লঙ্ঘন এবং ভারত রাষ্ট্রের সহিত প্রতারণা। ভারত রাষ্ট্রের ধাহারা প্রকৃত হিতাকাঙ্ক্ষী ও নাগরিক ঠাহাদিগকে আজ অবস্থার প্রতিকারের জন্ত ত্রুতী হইতে হইবে। আজ নিঃসহায়ভাবে বসিয়া বসিয়া ঘটনার তরঙ্গ-খালা লক্ষ্য করিবার সময় নাই। সীমান্তবাসীর কঠোর চরিত্রকে আয়ত্ত করিয়া আজ হুবিধাবাদীদের চক্রান্ত ও সর্বপ্রকার কলুষ হইতে সীমান্তকে বিমুক্ত করার সময় আসিয়াছে। আজ শাপমুক্তির বে আহ্বান আসিয়াছে

তাহা মনুষ্যত্বের আহ্বান, গণতন্ত্রের আহ্বান, স্বাধীন রাষ্ট্রের আহ্বান, ইহা যেন আমরা বিশ্বস্ত না হই।

—সীমান্ত

* * *

বিশ্ববিদ্যালয় প্রত্যেক বিষয়ের প্রশ্নপত্র কঠিন করিতেছেন। কর্তৃ-পক্ষের বক্তব্য, ছেলেরা নাকি বড়ই অমনোযোগী হইতেছে। অমনোযোগী হওয়া আশ্চর্য্য কিছু নহে, এতো সিনেমা, এতো তারকার উদয় হইলে ছেলে কেন, ছেলের বাপ পিতামহ চৌদ্দপুরুষ পর্যন্ত অমনোযোগী হইয়া পড়িবে। যাই হউক, ছেলেদের মস্তিষ্ক ক্ষীণ হওয়া আশ্চর্য্য নহে। দুখ ঘির কথা দূরে থাকুক, দুইবেলা পেট ভরিয়া মাছ ভাত: যে দেশের ছেলেরা থাইতে পায় না, তাহাদের এখনও যে কিছু বুদ্ধি-শুদ্ধি আছে ইহাই আশ্চর্য্য। ছাত্রদের উপর দোষারোপ না করিয়া তাহাদের পুষ্টির আহ্বান, স্বাস্থ্যপ্রদ পরিবেশ, উন্নততর চিন্তার ব্যবস্থা করিলেই আবার আশুতোষ হরিনাথের আবির্ভাব হইবে।

—আর্ধ্য

* * *

সম্প্রতি চলচ্চিত্র-প্রদর্শকদের নিয়ে একটা বৈঠকী-সম্মেলন হ'য়ে গেলো। সেই সম্মেলনের উদ্বোধন করতে গিয়ে পশ্চিম বাংলার মাননীয় প্রধানমন্ত্রী ডাঃ বিধানচন্দ্র রায় বলেছেন, চলচ্চিত্র শিক্ষা-বিস্তারের অস্বতম মাধ্যম। আজকের দিনে জনমত-স্রষ্টা সংবাদপত্রের চাইতেও চলচ্চিত্রের প্রভাব জনসাধারণের ওপর বেশী। সমাজ-জীবনে চলচ্চিত্রের প্রভাব অস্বাভাবিক। সমাজের পুনর্গঠনে এর আবশ্যিকতা রয়েছে। তিনি আরো বলেছেন, ব্যক্তিগতভাবে সেন্সরের পক্ষপাতি আমি নই।

কিন্তু তিনি একটা কথা বলেন নি, কি ক'রে বাংলা-ছবিকে সর্বত্র চালু করা যায়। দেশ-বিভাগের ফলে আজ অনেক জায়গাতেই বাংলা ছবির প্রদর্শন নিষিদ্ধ হয়েছে। বাংলা ছবি তৈরী করার মূলে যেসব বাধা, সেইসব বাধা অতিক্রম ক'রে ছবির মালিক বাংলা ছবি তুলতে চাইবেন না। ফলে বাংলা ছবির এই ক্রম-বিলুপ্তি অনিবার্য।

আমরা আশা করেছিলাম, মাননীয় মন্ত্রী মহাশয় সেইসব সমস্যা সমাধানের উপায় ব'লে দিয়ে, বাংলা ছবির ভবিষ্যৎ সম্বন্ধে নির্দেশ দেবেন!

—দৈনিক

* * *

অবস্থার গতিকে আজ কৃষিশ্রমিক প্রকারান্তরে অভুক্ত থাকিয়া দিন কাটাইতেছে। শ্রম করিয়া তাহার যে শক্তি ক্ষয় হয় তাহা পূরণের যোগ্য পুষ্টিটুকুও সে পায় কি না সন্দেহ। দেশের সর্বত্র স্থানে স্থানে তাহাদের বর্তমান অবস্থা দাসত্বের সমান। জমিহীন কৃষিমজুর তাহার জমিদারের কাছে হয়ত পঞ্চাশ বা একশত টাকা কর্ক লইয়াছে। ফলে ঐ টাকা শোধ না দেওয়া পর্যন্ত সে জমিদারের কাছে বীধা পড়িয়া আছে অর্থাৎ এই ঋণের দ্বারা তাহাকে দাসত্বের শৃঙ্খল

চিরজীবন বহিতে হইতে পারে। হয়ত দিনে একবারমাত্র তাহাকে কেনভাত দেওয়া হইবে, আর দীপালির (৮পূজার) সময় তাহাকে কিছু দেওয়া হইবে। তাহার স্ত্রী ও ছেলেমেয়েদের তাহার মনিব বা অপর মনিবের কাছে অশুরূপ ভাবে খাটিয়া ভাত কাপড় যোগাড় করিতে হইবে। যে খাজ তাহারা পায় তাহাতে পুষ্টি না থাকারই মত। তাই রোগে যুঝিবার ক্ষমতা তাহাদের শরীরে থাকে না, আর তাহাদের ছেলেমেয়েরা কঙ্কালসার হইয়া বড় হয়। এমন কৃষি মজুরেরা খাটিয়া খুটিয়া সমগ্র জাতির জন্ত যথেষ্ট খাজ উৎপন্ন করিতে পারিবে কি ? এই সকল মজুরের অবস্থা উন্নয়নের চেষ্টা কেহ করিতে গেলে গবর্ণমেন্ট আতঙ্কগ্রস্ত হইয়া পড়েন। তাহাদের ভয়, মজুরেরা তাহাদের মৌলিক প্রয়োজন সম্পর্কে সচেতন হইলে সরকারের খাজ সংগ্রহের প্ল্যান ব্যাহত হইবে। সরকারের খাজসংগ্রহের প্ল্যানটি তবে কি উৎপাদককে বঞ্চিত করিয়া স্বচ্ছল ব্যক্তিদের খাওয়ানোর ব্যবস্থা মাত্র ? এইরূপ কর্মক্রম অদূরদর্শিতা-দোষদ্রষ্ট। ইহাতে শেখাবিধি উদ্দেশ্য সিদ্ধ করা যাইবে না।

—হরিজন পত্রিকা

* * *

গত ১৯৪৭-৪৮, ১৯৪৮-৪৯ ও ১৯৪৯-৫০ সনে ভারতে যথাক্রমে মোট ৪৯ হাজার ৯৭৩ একর, ৬৪ হাজার ৫৪০ একর ও ৫ লক্ষ ৭৪ হাজার ১৯ একর পতিত জমিতে চাষাবাদ করা হইয়াছে। উহা ছাড়া ট্রাক্টর প্রভৃতি যন্ত্রের সাহায্যে যথাক্রমে আরও ৩৫ হাজার ৩৯৫ একর, ১ লক্ষ ৩২ হাজার ৬৬৫ একর এবং ৩ লক্ষ ৪৪ হাজার ৮৩০ একর পতিত জমি চাষ করা হইয়াছে। কেন্দ্রীয় ট্রাক্টর সংস্থা কর্তৃক যে ৩৪ হাজার একর জমিতে চাষাবাদ করা হইয়াছে তাহা উক্ত হিসাবে ধরা হয় নাই। ঐ সকল জমিতে আলোচ্য বৎসরে প্রায় ১২ হাজার টন খাজশস্য উৎপন্ন হইয়াছে।

পূর্ববর্তী বৎসরের তুলনায় ১৯৪৯-৫০ সনে ভারতের সকল রাজ্যেই অধিক পরিমাণ পতিত জমিতে চাষাবাদ হইয়াছে। উহাদের মধ্যে আবার উত্তর প্রদেশ, বোম্বাই, বিহার, হায়দারাবাদ, ত্রিবাঙ্কুর ও কোচিনেই সর্বাধিক পরিমাণ পতিত জমিতে চাষাবাদের সংবাদ পাওয়া গিয়াছে। তাহা ছাড়া, আইনের সাহায্যে আরও ৩ লক্ষ ৭২ হাজার একর পতিত জমিতে কৃষিকার্য সুক হইয়াছে।

* * *

বোম্বাই গবর্ণমেন্ট মাত্র ৬ মাস পূর্বে উক্ত প্রদেশের রাজপথসমূহে পরিচালিত বাস সার্ভিসের পরিচালনভার স্বহস্তে গ্রহণ করিয়াছিলেন। ইতিমধ্যেই এই কাজে উহার ৪ কোটি টাকা মূলধন বিনিয়োগ করিয়াছেন। উহার ফলে বর্তমানে গবর্ণমেন্টের পরিচালিত বাসের সংখ্যা দাঁড়াইয়াছে ১১৯১ এবং বর্তমানে এইসব বাসে প্রত্যহ ১ লক্ষ ৫৬ হাজার করিয়া যাত্রী চলাচল করিতেছে। বর্তমানে প্রদেশের মোটমোট ১২৮৪৭ মাইল রাস্তায় সরকারী বাসসমূহ চলাচল করিতেছে। এই কাজে তদারক করিবার জন্ত বোম্বাই গবর্ণমেন্ট বোম্বাে স্টেট রোড ট্রান্সপোর্ট কর্পোরেশন নামক যে প্রতিষ্ঠান গঠন করিয়াছেন তাহারাই রাস্তাঘাটের সংস্কারের

জন্ত এক কোটি টাকা ব্যয় করিতে সিদ্ধান্ত করিয়াছেন। পশ্চিমবঙ্গের গবর্ণমেন্টও এই প্রদেশে বাস পরিচালনার কাজে হাত দিয়াছেন এবং উহার বোম্বাইয়ের অনেক পূর্বে এই কাজে অবতীর্ণ হইয়াছেন। কিন্তু মাত্র ৬ মাসে বোম্বাইয়ে এই কাজ যে ভাবে অগ্রসর হইয়াছে সেই তুলনায় পশ্চিমবঙ্গের সাফল্য নগণ্য।

—আর্থিক জগৎ

* * *

আমরা ২৪ পরগণার শিক্ষকগণের একটি প্রধান অস্থবিধার কথা শিক্ষাবিভাগীয় কর্তৃপক্ষকে জানাইয়া ইহার প্রতিকারের জন্ত অনুরোধ জানাইতেছি। ২৪ পরগণার জেলা পরিদর্শক মহাশয়ের অফিস আলীপুরে বোর্ডের অফিস হইতে বহুদূরে অবস্থিত—তাঁহাকে অধিকাংশ সময়ে ঐ অফিসেই থাকিতে হয়। ফলে, প্রাথমিক শিক্ষকগণ নানাপ্রকার অভাব অভিযোগের কথা জানাইতে আসিয়া তাঁহার সহিত সাক্ষাৎ করিতে না পারিয়া ফিরিয়া যান। দরিদ্র শিক্ষকগণ বহুদূর হইতে প্রচুর অর্থ ব্যয় করিয়া এবং অনেক আশা লইয়া তাঁহার সহিত সাক্ষাৎ করিতে আসিয়া দেখা না পাইলে বড়ই হতাশ হন। পরিদর্শক মহাশয়ের অফিসটি আলীপুরেই কোন স্থানে অবস্থিত হইলে শিক্ষকমহাশয়গণেরও এ অস্থবিধা হয় না, পরিদর্শক মহাশয়ও অনর্থক দুই অফিসে ছুটাছুটি করার হাত হইতে অব্যাহতি লাভ করিয়া কাজে অধিকতর মনোনিবেশ করিতে পারেন। এগারসন হাউসে স্থান সংকুলান না হইলে আলীপুরের অন্তর্গত বাড়ীভাড়া লইয়া অফিসটি অবিলম্বে স্থানান্তরিত করা একান্ত প্রয়োজন।

—শিক্ষক

* * *

বর্তমান ভারতের রাষ্ট্রকর্তৃগণ বৃক্ষরোপণের জন্ত একটা অমুঠান করিলেন। ভারতের সভ্যতা—তপোবন-নিষ্ঠ। বেদ ও উপনিষদের নাম—আরণ্যক। ব্রহ্মের কথা বলিতে গিয়া প্রাচীন বৈদিক ঋষিগণ বলিয়াছেন—এষ অশ্বথ সনাতনঃ। আরও বলিয়াছেন—ইনি বৃক্ষের মত স্তব্ধ হইয়া আকাশে অবস্থান করিতেছেন—বৃক্ষ ইব দিবি তিষ্ঠত্যেক। পঞ্চবটী রচনা করা এই দেশের ধর্ম। অশ্বথ প্রভৃতি বৃক্ষ প্রতিষ্ঠা করা—এদেশের পুণ্য কর্ম। তুলসী বৃক্ষ যে স্থানে থাকেনা, তাহা শ্মশান তুল্য চৈত্য-বৃক্ষ প্রদক্ষিণ করা নিত্য কর্তব্য, অতএব উঠানে আঙিনার বিষ, নারিকেল, আম্র প্রভৃতি বৃক্ষ রোপণ করা প্রতি গৃহস্থের কর্তব্য ছিল। জল শীতল হইবে বলিয়া পুষ্করিণীর পাড়ে ভালগাছ রোপিত হইত। ইংরেজ আসিল। তাহাদের সভ্যতাও আসিল। তুলসী উপড়াইয়া দিলাম, বিষ বৃক্ষ কাটিয়া ফেলিলাম, অশ্বথকে পুড়াইয়া, এমন কি মল্লিকা যুঁই, টগর শেফালি চম্পক নির্মূল করিয়া যুরোপের লিলি, আর্কিড ক্রিসেনথিমাস্, সিজিনফ্রাওয়ার দিয়া উঠান, অলিন্দ, বাগান সাজাইলাম। আজ আবার বনস্পতির প্রতি আকর্ষণ আসিয়াছে। কিন্তু গাছ হইতে অরণ্য হয়। অরণ্যে থাকে হিংস্র ঝাপদ। বন রচনার সহিত আরণ্যক জীবনকে অঙ্গীকার না করিলে সমাজ সংসার অরণ্য সদৃশ হইয়া

উঠিবে। তাই বলিতেছি :—বৃক্ষ রোপণের সহিত বেদ মন্ত্র পাঠ
কর—যঃ বনস্পতিষু তস্মৈ দেবায় নমো নমঃ। —‘ঐ’

* * *

পূর্ববঙ্গে হিন্দুজাতি আত্মসংস্কৃতি-রক্ষায় অসমর্থ, ইহার কারণ—হিন্দু
সংস্কৃতি হিন্দু-জাতির শ্রাণের সহিত আর সংযুক্ত নহে। হিন্দু-সংস্কৃতি-
রক্ষায় শ্রাণ অনুষ্ঠিত বলিয়াই আমরা আতঙ্কিত হইয়া পূর্ববঙ্গ হইতে
অপস্থিত হইতেছি। ইহাই আমাদের অবস্থা। যে কারণে জগতের
অষ্টাংশ ইসলাম রাজ্য হইতে হিন্দুজাতির চিহ্ন বিলুপ্ত হইয়াছে, সেই একই
কারণে ভারতের পশ্চিম পাকিস্তান হইতে হিন্দু নিশ্চিহ্ন হইয়াছে।
পূর্ব পাকিস্তানেও তাহার অস্তিত্ব হইবে না। জাতি-বিচ্ছেদ বশতঃ এই
কথা আমরা বলিতেছি না, কেন না পূর্বপাকিস্তানে প্রবর্তক সজ্জের দুই
প্রধান কেন্দ্র সংস্থাপিত। প্রবর্তক সজ্জ কোথাও শ্রাণভয়ে কেন্দ্র ত্যাগ
করে নাই। যখন ভারতের রাষ্ট্রপুরুষেরা ইসলাম সংস্কৃতির স্থান পশ্চিম
ও পূর্বপাকিস্তান নির্ণয় করিয়া দিয়াছেন, তখন ইসলাম ধর্মই এই দুই
স্থানে প্রবল মূর্ত্তি পরিগ্রহ করিবে, ইহা অতিশয় স্মায়সঙ্গত কথা। হিন্দু
জাতি আত্মসংস্কৃতি লইয়া এই স্থানে থাকিতে চাহিলে, ইসলাম-রাজ্যে
প্রজার অধিকারটুকু লইয়াই তাহাকে আত্মসংস্কৃতি রক্ষা করিতে হইবে,
ইহাতে অসমর্থ হইলে স্থানত্যাগ অবশ্যস্বাভাবিক। বর্তমান অবস্থায় তাহাই
হইতেছে। নিরাপদ জীবনযাত্রার জন্তই পাকিস্তান হিন্দুশূন্য হইতে
বাধ্য। তারপর হিন্দু-সংস্কৃতি-রক্ষায় ক্ষেত্র এই ভারতবর্ষ। কিন্তু
ভারত-রাষ্ট্র ধর্ম-নিরপেক্ষ। শুধু হিন্দু-সংস্কৃতি রক্ষায় স্বেচ্ছায় যে
এখানে পাওয়া যাইবে, তাহাই নহে। পরন্তু ইসলাম-ধর্মীদের শিক্ষা
সভ্যতা ও কৃষ্টিরক্ষায় স্বেচ্ছায় ধর্ম-নিরপেক্ষ ভারতরাষ্ট্রে থাকিবে। হিন্দু-
ভারত ধর্মহীন যদি হয়, ভারত ইসলামের ক্ষেত্র হইবে, ইহা কিছু
বিচিত্র কথা নহে। পূর্ব ও পশ্চিম পাকিস্তান হইতে মুসলমানদের দলে
দলে ভারতে প্রত্যাগমন এই সঙ্কেতই প্রদান করে। পাকিস্তান
ইসলামের। ভারত সর্বধর্মীর। অতএব যে ধর্ম প্রবল মূর্ত্তি পরিগ্রহ
করিবে, সেই ধর্মের আধিপত্য এই ক্ষেত্রে অসম্ভব হইবে না।

—নব সংঘ

* * *

“বনস্পতিতে হাজারে একভাগ রেড-অক্সাইড মিশ্রিত করিলে উহা
আর ঘূতে ভেজাল দেওয়া চলিবে না। এই বিষয়ে বিবেচনা করিয়া
দেখিবেন। বনস্পতিতে ভেজালের কথা আমিও শুনিয়াছি। সস্তা প্যারাকিন
তৈল উহাতে ভেজাল দেওয়া সম্ভব। নারিকেল তৈলে এবং অপর
তৈলের সহিত ইহা ভেজাল দেওয়া হয়। উচ্চ বা নিম্নতাপে গলিবে
এরূপ বনস্পতি ইচ্ছামত তৈয়ারী করা যায়। উচ্চ তাপে গলে এইরূপ
বনস্পতি তৈয়ারী করিয়া উহা গলাইয়া উহাতে হোয়াইট অয়েল ভেজাল
দেওয়া যায়। ব্যবসায়ীদের পক্ষে ইহা সহজসাধ্য। বনস্পতিতে
রাসায়নিক গন্ধ দিয়া উহাকে সুগন্ধ করার আপনি আপত্তি করিয়া
ঠিক করিয়াছেন। উহার ফলে ঘৃত উৎপাদন বিনষ্ট হইবে।
“বনস্পতির পক্ষে জোর প্রচার চলিতেছে। ‘ঘূতের চেয়ে বনস্পতি

সস্তা, তাই উহার রদ করা ঠিক নয়’—এইরূপ মন্তব্যলিখিত কাগজে
এজেন্টরা লোকের স্বাক্ষর সংগ্রহ করিতেছে। একটি বিজ্ঞপ্তিতে বলা
হইয়াছে, বনস্পতি রদ হইলে ঘিয়ের দাম তিনগুণ হইয়া যাইবে।
এইরূপ মিথ্যা বিজ্ঞাপন প্রচার খাণ্ড-মন্ত্রীর দপ্তর কেমন করিয়া সহ্য
করেন বুঝি না।

—হরিজন পত্রিকা

* * *

কংগ্রেসের হাতে দেশের শাসন ভার আসিবার পর অনেকেই
অভিযোগ করিয়া থাকেন যে পুলিশের কর্তৃত্ব ও মর্যাল অনেক
খারাপ হইয়া গিয়াছে। ইহার কারণ লইয়া অনেকেই অনেক প্রকার
গবেষণা করিয়াছেন। কিন্তু সম্প্রতি কলিকাতা পুলিশ জর্জাল এই
সমস্তার মীমাংসা করিয়া দিয়াছেন। তাহার বলিয়াছেন, কম খাইয়া ও
খারাপ খাইয়া পুলিশের স্বাস্থ্য ও মর্যাল নষ্ট হইয়া গিয়াছে। পুলিশের
রেশনের “চাউল ও আটা নিকৃষ্ট শ্রেণীর” না হয় হইতে পারে, কিন্তু “ঘী
এবং তেল স্বভাবতঃই ভেজাল” হয় কিরূপে? বাঘের ঘরে যদি ঘোণের
বাসা হয় তাহা হইলে সাধারণের অদৃষ্টের কথা ভাবিয়া আর কি হইবে?
—যুগবাণী

* * *

জুলাই হইতে ডিসেম্বর পর্য্যন্ত ভারত সরকার বিদেশে ১৫৯ কোটি
গজ মোটা ও মাঝারি ধরণের কাপড় রপ্তানী করিতে দিবেন বলিয়া
সিদ্ধান্ত করিয়াছেন তাহার যুক্তিসঙ্গততা বুঝা যাইতেছে না। ভারতের
কলসমূহে গত ১৯৪৮ সালে ৪৬২ কোটি গজ কাপড় উৎপন্ন হইয়াছিল।
১৯৪৯ সালে উহা হ্রাস পাইয়া ৩৯০ কোটি ৪২ লক্ষ গজে পরিণত হয়।
চলতি বৎসরের এপ্রিল পর্য্যন্ত ৪ মাসে কলগুলিতে ১২০ কোটি গজের
কিছু বেশী কাপড় উৎপন্ন হইয়াছে। এই হিসাবে কাপড় উৎপন্ন হইলে
চলতি বৎসরের শেষ পর্য্যন্ত দেশে ৩৬০ গজের বেশী কাপড় উৎপন্ন হইবে
বলিয়া মনে হয় না। উহার মধ্যে মিহি ও অতি-মিহি ধরণের কাপড়ের
পরিমাণ হইবে ১৬০ কোটি গজ এবং উহা সাধারণতঃ সহরসমূহের চাহিদা
মিটাইতেই নিয়োজিত হইবে বলিয়া পল্লী অঞ্চলে এই ধরণের কাপড়
হইতে কিছুই সরবরাহ হইবে না। বাকী ২০০ কোটি গজ কাপড়
মোটা ও মাঝারি ধরণের। উহা হইতে গবর্ণমেন্ট পূর্বেই ১০০ কোটি
গজের মত কাপড় বিদেশে রপ্তানী হইতে দিবেন বলিয়া ঘোষণা
করিয়াছিলেন। এক্ষণে পুনরায় উহা আরও ১২৯ কোটি গজ কাপড়
রপ্তানীর অনুমতি দিলেন। উহার ফলে ভারতে জনসাধারণের
ব্যবহারোপযোগী কাপড়ের যোগান প্রয়োজনের তুলনায় অনেক কম হইয়া
দাঁড়াইয়াছে এবং সঙ্গে সঙ্গে কাপড়ের একটা গোরাবাজার নূতনভাবে
গড়িয়া উঠিয়াছে। গবর্ণমেন্ট অবশ্য মিলস্থিত কাপড় আটক করিয়া এবং
কাপড় বিক্রয়ের বিবিধ বিধিনিষেধবলে এই সমস্তার একটা প্রতিকার
করিতে চেষ্টা করিতেছেন। কিন্তু ইতিপূর্বে কাপড় সম্পর্কে গবর্ণমেন্টের
অবলম্বিত সমস্ত প্রকার কর্তৃত্ব ব্যর্থ বলিয়া প্রতিপন্ন হইয়াছে।
বর্তমানেও যে অধিকতর সুফল পাওয়া যাইবে তাহার ভরসা কম।
এরূপ অবস্থায় গবর্ণমেন্টের পক্ষে নূতন করিয়া বিদেশে মোটা ও মাঝারি

ধরণের কাপড় রপ্তানী করিতে দেওয়া সমীচীন হয় নাই বলিয়াই আমরা মনে করি।

—আর্থিক জগৎ

* * *

প্রাকৃতিক দুর্ঘোণ, দাঙ্গাহাঙ্গামা, অনাহার, অনশন প্রভৃতি ছাড়াও প্রতি বছর (অথবা) ভারতবর্ষে অস্থখে ভুগিয়া মারা যায় প্রায় ৬২ লক্ষ লোক। তার মধ্যে অধিক ভুগিয়া মরে ৩৬ লক্ষ, যক্ষ্মায় ৫ লক্ষ, পেটের অস্থখে ৩ লক্ষ, বসন্ত রোগে ৭৫ হাজার, কলেরায় ৫০ হাজার, মলেগে ২০ হাজার। এ দেশের সর্বাপেক্ষা মারাত্মক ব্যাধি ম্যালেরিয়ার মৃত্যুর হার প্রায় সাড়ে বারো লক্ষ। ভারতের অধিবাসীর প্রায় শতকরা ৯০ জন থাকে গ্রামাঞ্চলে, অধিক সেইখানেই চিকিৎসার দারুণ অব্যবস্থা। শতকরা ১০ জন ডাক্তার মাত্র থাকে গ্রামে। এই ভয়াবহ মৃত্যু-সংখ্যার প্রতি গবর্ণমেন্টের অবহিত হওয়া কর্তব্য। —প্রবর্তক

* * *

গত ৩রা আগষ্ট কলিকাতা বিশ্ববিদ্যালয়ের ১৯৫০ খৃষ্টাব্দের ম্যাট্রিকুলেশন পরীক্ষার ফল সাধারণ্যে বাহির হইয়াছে। ৩৮৩৩৫ জন

ছাত্র-ছাত্রী এই বৎসর পরীক্ষা দিয়াছিল। তাহাদিগের মধ্যে ১২৯৩৮ জন মাত্র পরীক্ষার উত্তীর্ণ হইয়াছে বলিয়া ঘোষণা করা হইয়াছে অর্থাৎ পরীক্ষার্থীদিগের মধ্যে শতকরা মাত্র ৩৪.৩ জন এই পরীক্ষায় উত্তীর্ণ হইয়াছে। সার আশুতোষের যুগের কথা ছাড়িয়া দিলেও গত বৎসরও এই পরীক্ষায় শতকরা ৫০ জন ছাত্র-ছাত্রী উত্তীর্ণ হইয়াছিল। ৫০ জনের স্থানে হঠাৎ একেবারে ৩৪ জন হওয়ায় শুধু ছাত্রসমাজ নহে—শিক্ষক, ছাত্র, অভিভাবক, স্কুল ও কলেজ কর্তৃপক্ষ—এমন কি বিদ্যোৎসাহী সাধারণ লোকের মধ্যেও একটা বিষম চাঞ্চল্য আত্মপ্রকাশ করিয়াছে। সেই চাঞ্চল্যের পরিণতি দেশের শিক্ষা বিস্তারের পরিপন্থী—কি সহায়ক হইবে তাহা এখনই বলা যতই শক্ত হউক না কেন, ইহাতে যে একটা ভীষণ মন-ভাঙ্গা নৈরাশ্যের ভাব এক সম্প্রদায় লোকের (এবং তাহাদিগের সংখ্যাই খুব বেশী) আশা, আকাঙ্ক্ষা, উৎসাহ, উত্তম একেবারে পক্ষু করিয়া দিয়াছে তাহা একেবারে দ্রব সত্য এবং ইহার প্রতিক্রিয়াও যে অতি অল্পদিনের মধ্যেই সমগ্র দেশ ও সমাজের উপরে পরিব্যাপ্ত হইবে সে বিষয়ও কোন সন্দেহ নাই। —বিষবাক্তা

মুর্শিদাবাদের খাদ্যপরিস্থিতি

শ্রীশোভেন্দ্রমোহন সেন

গত ৫ই আগষ্ট মুর্শিদাবাদ জেলার প্রধান সহর বহরমপুরে প্রায় পাঁচ হাজার বুভুকু নর-নারীর এক ভুখা মিছিলের সমাবেশ জেলা ম্যাজিস্ট্রেটের কুর্টীর সম্মুখে সমবেত হয় ও জেলা ম্যাজিস্ট্রেটের নিকট খাদ্যের দাবী জানাইতে গিয়া কাঁদুনে গ্যাস ও লাঠির দ্বারা পুলিশ কর্তৃক নিগৃহীত হয়। বহরমপুরে বুভুকু নর-নারীর প্রতি পুলিশের এই দুর্ব্যবহার সমগ্র পশ্চিমবঙ্গে বিশেষ অসন্তোষ সৃষ্টি করিয়াছে এবং কলিকাতায় ইহার প্রতিবাদে সভা অনুষ্ঠিত হইয়াছে। ইহার সহিত বেশের লোকে অবগত হইয়াছে যে সমগ্র মুর্শিদাবাদ জেলার ভীষণ খাদ্যসঙ্কট দেখা দিয়াছে।

মুর্শিদাবাদ জেলার খাদ্যসঙ্কট কেন দেখা দিয়াছে সেই সম্বন্ধে আলোচনা করিতে হইলে সর্বপ্রথম বলিতে হয় যে, জেলার খাদ্যশস্য বিষয়ে পশ্চিমবঙ্গ সরকার ভুল তথ্য বা পরিসংখ্যানের উপর নির্ভর করিয়া চলিয়াছেন বলিয়াই এই সঙ্কট দেখা দিয়াছে। রাজ্য সরকার প্রথমেই এই ভুল সিদ্ধান্তে উপনীত হইয়াছেন যে, মুর্শিদাবাদ জেলা খাদ্যশস্য বিষয়ে উৎকৃষ্ট অঞ্চল। পশ্চিম বঙ্গের পশ্চিম সদর ও মুর্শিদাবাদ জেলা কংগ্রেস কমিটির সভাপতি শ্রীশ্রীমানদ ভট্টাচার্য্য বহরমপুর হইতে প্রকাশিত জেলা কংগ্রেস কমিটির মুখপত্র সাপ্তাহিক 'গণরাজ' পত্রিকায় মুর্শিদাবাদের বর্তমান খাদ্য পরিস্থিতি সম্বন্ধে বিস্তারিত আলোচনা করিয়া যে বিবৃতি গত ১৫ই শ্রাবণ তারিখের পত্রিকায় দিয়াছেন তাহা পাঠ করিলে মুর্শিদাবাদ জেলার বর্তমান খাদ্য-পরিস্থিতি ও খাদ্য সঙ্কটের বিষয়ে সকল ঘটনা জানিতে পারা যাইবে। তিনি বলিতেছেন—“বঙ্গ বিভাগের পর হইতেই খাদ্য বিভাগের অধস্তন কর্মচারীদের রিপোর্ট অনুযায়ী উচ্চতর

কর্তৃপক্ষ একটি ভ্রমাত্মক ধারণা করিলেন যে মুর্শিদাবাদ জেলা বাড়তি অঞ্চল এবং সেই সঙ্গে সঙ্গে স্থির করিলেন যে অশুভ: ৩।৪ লক্ষ মণ ধান ও চাল অনায়াসেই মুর্শিদাবাদ হইতে সংগ্রহ করা সহজসাধ্য। তাহারাই সব সময়েই এই কথাটা প্রচার করিয়া থাকেন। কিন্তু তাহারাই এই সামান্য কথাটা তলাইয়া দেখেন না যে মুর্শিদাবাদ জেলার ৪টি মহকুমার মধ্যে ৩টি মহকুমাই ঘাটতি অঞ্চল। একমাত্র কান্দী মহকুমাতেই ধান চাউল উৎকৃষ্ট থাকে। মুর্শিদাবাদ জেলার প্রায় অর্ধাংশ, যাহা বাড়তি অঞ্চল বলিয়া ধ্যাত তাহাতে যে ফসল উৎপন্ন হয় তাহার মধ্যে রবিশস্য, পাট, নানা প্রকার শাক-সজী এবং সামান্য পরিমাণ ভাদুই ধান হয়। যে পরিমাণ ভাদুই বা আউষ ধান উৎপন্ন হয় তাহা তাহাদের প্রয়োজনের তুলনায় অক্ষিৎকর, মাত্র তিন মাসের খোরাক জোগায়, বাকী নয় মাস তাহারাই রাঢ় অঞ্চলের ধান চাউলের উপর নির্ভর করে। ১৯৪১ সালের আদমশুমারিতে মুর্শিদাবাদের লোক সংখ্যা ১৬,৪০,৫৩০ জন, তন্মধ্যে ভাগীরথীর পশ্চিম কুলের লোক সংখ্যা ৮,২৭,৭৯১ হইবে। ভাগীরথীর পশ্চিম তীরে জঙ্গীপুর মহকুমার সাগরদিঘী থানা এবং লালবাগ মহকুমার নবগ্রাম থানা ব্যতীত অন্যান্য সমস্ত থানাই ঘাটতি অঞ্চল অর্থাৎ আবশ্যিক মত ধান বা চাউল জন্মে না। সদর মহকুমার প্রায় সমস্ত অংশই ঘাটতি। যদিও এই অঞ্চলে প্রচুর ধান উৎপন্ন হয় না, তথাপি রবিশস্য পাট ও অন্যান্য ফসলে তাহারাই যে আয় করে তাহা উপরোক্ত বাড়তি অঞ্চলের তুলনায় অধিক। স্বাভাবিক অবস্থায় পূর্ব-অঞ্চল পশ্চিম অংশের উপর তাহার প্রয়োজনীয় খাদ্যশস্যের লক্ষ নির্ভরশীল এবং পশ্চিম

অংশ তাহার উৎপন্ন ধাতু চাউলের বিনিময়ে পূর্বাংশ হইতে আবশ্যকীয় ডাল, তরীতরকারী প্রভৃতি পাইয়া থাকে। মুর্শিদাবাদের অর্থনৈতিক কাঠামো এইভাবে বঙ্গ বিভাগের পূর্ব পর্য্যন্ত ছিল, অধিকতর কয়েকটি সীমান্তবর্তী থানা, যথা সমসেরগঞ্জ, স্ত্রী, লালগোলা, ভগবানগোলা, জলঙ্গী প্রভৃতি রাজসাহী জেলার বরিন্দা অঞ্চল এবং বীরভূম জেলার নলহাটা, মুরারই প্রভৃতি থানার নিকট হইতে ধান ও চাউল ক্রয় করিত। কিন্তু বঙ্গ ব্যবচ্ছেদের পর এবং বর্তমান কনট্রোলপ্রথা চালু থাকায় উক্ত অর্থনৈতিক অবস্থার বিপর্যয় ঘটিয়াছে এবং সঙ্কট দেখা দিয়াছে। খাদ্যশস্য অভাবের প্রধান কারণ, এই সমস্ত অঞ্চল হইতে খাদ্যশস্য আনয়ন বন্ধ এবং খাটতি অঞ্চলকে বাড়তি অঞ্চল বলিয়া প্রচার করিয়া তাহা হইতে খাদ্যশস্য সংগ্রহ করিয়া জেলার বাহিরে পাঠান। মুর্শিদাবাদ জেলার মোট জমির পরিমাণ ১৩০৭০০০ একর এবং এক্ষণে ৯৪৬৮০২ একর আবাদী বা আবাদযোগ্য। ইহার মধ্যে কিকিঞ্চিৎ ৩০৯০০০ দোকসলি এবং ১২৬০০০ একর আবাদযোগ্য পতিত নলা যাইতে পারে। আমন ধাতু মোট ৪১৯৯৪৯ একর জমিতে হয় এবং আউস ২০৫০০০ একর। Flood Commission এর মতে একর প্রতি গড়পড়তা আমন ১৭ মণ এবং আউস ১৫ মণ হইয়া থাকে। এইরূপে ভাগি ধান সমেত মুর্শিদাবাদ জেলায় ১৮৮৭০০০ মণ ধাতু উৎপন্ন হয়। ১৯৪১ সালের আদমশুমারীর গণনা ধরিলে লোকসংখ্যা ১৬৪০০০০, বর্তমানে প্রাকৃতিক নিয়মে বৃদ্ধি হইয়া আরও ১৬০০০০ হইবে। বঙ্গ বিভাগের পর পূর্ববঙ্গের উদ্বাস্তু কম বেশী প্রায় ৫০০০০ লোক আসিয়াছে এবং গত কয়েকবারের হাজারার পর হইতে আরও ৫০০০০ লোক আসিয়াছে। এই সমস্ত কারণে ১৯ লক্ষ লোকের অন্নসংস্থান এই জেলা হইতে করা সম্ভব কিনা প্রথমতঃ তাহাই বিবেচনা করিতে হইবে, পরে উদ্বাস্তুের কথা। সরকার তরফ হইতে এমন প্রচার করা হয় যে গড়পড়তা ৭/০ মণ ধান বৎসরে একজন লোকের পক্ষে যথেষ্ট, কিন্তু Flood Commission এর report এ অনেক গবেষণার পর স্থির হইয়াছে যে প্রত্যেক ব্যক্তির বৎসরে ৯/০ মণ ধানের কম চলে না। এক্ষণে ১৯০০০০ লক্ষ লোকের জন্ত ৯/০ মণ হিসাবে ধরিলে ১৭১০০০০ মণ ধাতুর প্রয়োজন। যদি আমরা ৭/০ মণ হিসাবেও ধরি তাহা হইলেও ১৩৬০০০০ মণ ধাতুর প্রয়োজন। উপরোক্ত হিসাব হইতেই দেখা যাইবে যে আমাদের এখনও ৫২১৩০০ অথবা ৪৭১৩০০ মণ ধান কমপক্ষে প্রয়োজন এবং উহা বাহির হইতে আনা প্রয়োজন।” ঐশ্বামাপদ ভট্টাচার্য যে বিবৃতি দিয়াছেন তাহা পাঠ করিলেই মুর্শিদাবাদের খাদ্যপরিস্থতির পূর্ণ বিবরণ পাওয়া যাইবে। আমি ইচ্ছা করিয়াই এই বিবৃতি উদ্ধৃত করিলাম এই কারণে—যে সরকার এই বিবৃতিতে উল্লিখিত বিবরণ অস্বীকার করিতে পারিবেন না। ইহা কোনো রাজনৈতিক নেতার প্রোপাগান্ডা নহে—ইহা পশ্চিমবঙ্গ সরকারের কংগ্রেসী দলের একজন প্রভাবশালী পরিষদ-সদস্যের সুচিন্তিত অভিমত। ইহা ছাড়াও উত্তর বঙ্গে যে সাম্প্রদায়িক হান্দাঘাট ঘটিয়া গেল তাহার জন্ত দেশের সকল সাম্প্রদায়িকের মধ্যে যে একটি অনিশ্চিততার ভাব দেখা

দিয়াছিল তাহারই ফলে মুর্শিদাবাদের মুসলমান অধ্যুষিত এলাকাসমূহে চাবের কার্য এবারে আদৌ হয় নাই বলা যায়। তদুপরি ভারত সরকারের উৎসাহে জেলায় এবারে পাটের চাষ বেশি হইয়াছে। এই সকল কারণ ছাড়াও জেলার বহুস্থানে অতিরিক্ত বর্ষার ফলে বহু জমি কসল সমেত জলমগ্ন হইয়া গিয়াছে। ফলে জেলার স্বাভাবিক অবস্থায় যে পরিমাণ ধাতু উৎপন্ন হয় তাহা হইতে পায় নাই।

অঞ্চল জেলায় খাদ্যসংগ্রহ অভিযান (Procurement drive) পুরাদমেই চলিয়াছে। খাদ্যসংগ্রহ ব্যাপারে জেলার অধিবাসীরা সরকারের সহিত প্রথম হইতেই একমত নহেন। সরকার হইতে বলা হয় যে খাদ্যসংগ্রহ করা হয় এই কারণে যে জেলার প্রয়োজনের সময় সংগৃহীত ধাতু বা চাউল বাজারে ছাড়া হইবে। কিন্তু এবারে দেখা গেল যে জেলায় যখন খাদ্যভাব চরমে উঠিয়াছে, চাউলের দর যখন স্থানে স্থানে ৫০/১৬০/ পর্য্যন্ত উঠিয়াছে, তখন সরকারের স্তুদামে আদৌ ধাতু বা চাউল নাই। ভুল পরিসংখ্যানের উপর নির্ভর করিয়া সরকার যে খাদ্যনীতি গ্রহণ করিয়াছিলেন বর্তমানের খাদ্যশঙ্কট তাহারই অবশ্যস্বাভাবী ফল।

বিগত দুই মাসকাল হইতে মুর্শিদাবাদের খাদ্য পরিস্থিতি এক ভয়াবহ আকার ধারণ করিয়াছে। অধিকাংশ লোকেই চাউলের বর্তমান বাজার দরে চাউল ক্রয় করিতে পারিতেছে না। কিছুদিন হইতে রেশনের মাধ্যমে কিছু চাউল লোকে পাইতেছিল, কিন্তু তাহার পরিমাণও প্রয়োজনের তুলনায় অল্প। সম্প্রতি রাজ্য-সরকারের খাদ্যমন্ত্রী যে বিবৃতি দিয়াছেন তাহাতে জানা যায় যে মুর্শিদাবাদে বর্তমানে ১৮৭০০০ লোক আংশিক রেশনভুক্ত হইয়াছে। ১৯ লক্ষ লোকের মধ্যে মাত্র ১৮৭০০০ লোকের রেশন লাভ খুবই অকিঞ্চিৎকর। জেলার সর্বত্রই আজ দুর্ভিক্ষের করাল ছায়া দেখা যাইতেছে। অনাহারজনিত মৃত্যুর সংবাদও পাওয়া যাইতেছে। সরকার অবশ্য এই সকল মৃত্যু স্বীকার করিবেন না।

বর্তমানে বহরমপুরের বাজারে চাউল যাহা বিক্রয় হইতেছে তাহার দর ৪০/ টাকার উপরে। সদর মহকুমার অন্তর্গত গ্রামাঞ্চলে চাউলের দর আরও বেশি। অধিকাংশ লোকই চাউল ক্রয় করিতে অসমর্থ হইয়া ছোলা, মটর ইত্যাদি অথবা শাকসব্জী খাইয়া জীবনীশক্তি বজায় রাখিবার চেষ্টা করিতেছে। গত এই আগষ্ট বহরমপুর সহরে যে ভুখা মিছিল বাহির হইয়াছিল তাহা স্বতন্ত্রভাবেই হইয়াছিল। দীর্ঘদিন ধরিয়া অর্ধাহারে থাকিয়া জনচিত্ত বিক্ষুব্ধ হইয়া উঠিয়াছিল। সমগ্র জেলার নরনারী খাদ্যভাবের জন্ত যে অবর্ণনীয় দুর্দশাভোগ করিতেছে ও তাহার জন্ত যে বেদনা তাহাদের হৃদয়ে পুঞ্জীভূত হইয়া উঠিয়াছে—এই আগষ্ট তারিখের ভুখা মিছিল তাহারই প্রকাশ মাত্র। ইহাকে রাজনৈতিক প্রোপাগান্ডা বলিয়া ইহার গুরুত্ব হ্রাস করিবার চেষ্টা করিলে মূল খাদ্যসমস্যার সমাধান তাহাতে আদৌ হইবে না।

ইহা স্বীকার না করিয়া উপায় নাই যে বর্তমানে মুর্শিদাবাদে দুর্ভিক্ষের অবস্থা বিরাজ করিতেছে। ইহার আশু প্রতিবিধানের ব্যবস্থা প্রয়োজন। রাজ্য সরকার প্রেসনোট বাহির করিয়া যাহা প্রচার করেন তাহাতে জানা

যায় যে তাঁহার মুর্শিদাবাদের খাজাভাব সম্বন্ধে সজাগ ও সচেতন হইয়াছেন। রাজ্যের অপরাপর স্থান হইতে খাজা, চাউল, গম ও আটা মুর্শিদাবাদে আনয়ন করিয়া খাজাভাব মিটাইবার চেষ্টা করা হইতেছে। ইহাতে অবশ্য অভাব কিয়ৎ পরিমাণে মিটিবে। ইহা ছাড়া সরকার হইতে আরও কয়েকটি ব্যবস্থা গ্রহণ করা প্রয়োজন। জনসাধারণ মনে করে যে মুর্শিদাবাদে হঠাৎ যে চাউলের অভাব দেখা দিল তাহার পশ্চাতে চাউল ব্যবসায়ীদের যথেষ্ট হাত রহিয়াছে। সরকার হইতে যদি তাহাদের সম্বন্ধে কঠোর ব্যবস্থা অবলম্বিত হয়, তাহা হইলে আমরা মনে করি এখনও বেশ কিছু পরিমাণ চাউল জেলার বড় বড় চাউল-ব্যবসায়ীর নিকট হইতে পাওয়া যাইতে পারে। ইহা ছাড়া, জেলার অনেক বড় বড় জমিদার বা জোতদার আছেন যাহাদের মজুত খাজা ও চাউল যে কোনো কারণেই হউক, সরকারী খাজা সংগ্রহ বিভাগ গ্রহণ করিতে পারেন

নাই। ইহাদের নিকট হইতে যে চাউল ও খাজা পাওয়া যাইবে তাহাও পরিমাণে কম হইবে না। ইহা হইল স্বল্প-মেয়াদী ব্যবস্থা। মুর্শিদাবাদের খাজা সমস্যার সমাধানের দীর্ঘমেয়াদী ব্যবস্থা হইল একমাত্র এই যে, এই জেলাকে ঘাটতি অঞ্চল বলিয়া সরকারকে স্বীকার করিয়া লইতে হইবে ও ভবিষ্যতে তদনুযায়ী নীতি নির্ধারণ করিতে হইবে। জেলায় যে খাজা বা চাউল সংগৃহীত হইবে, তাহা যেন কোনো কারণেই জেলার বাহিরে চালান না যায় তাহার ব্যবস্থা করিতে হইবে। আবাদযোগ্য যে সকল জমি পতিত রহিয়াছে তাহাতে চাষের ব্যবস্থাও অবিলম্বে করিতে হইবে। ইহা যদি কার্যকরী হয়, তাহা হইলে মুর্শিদাবাদের খাজা পরিস্থিত স্থায়ীভাবে উন্নতির পথে যাইবে নতুবা চিরকাল এই ভাবে দুর্ভিক্ষের আবহাওয়া বিরাজ করিবে এবং জেলার নর-নারীবৃন্দকে শিক্ষাভাণ্ড হাতে লইয়া অপরের করুণার উপর নির্ভর করিতে হইবে।

তীর্থ

শ্রীকুমুদরঞ্জন মল্লিক

১

তীর্থ জাতির ধর্মকেন্দ্র—
প্রাণকেন্দ্রই বটে,
সেই এনে দেয় সুধার উৎস
অধর সন্নিকটে।
দেহে মনে দেয় শক্তি অলৌকিক,
করে তেজোময় নিষ্পাপ নির্ভীক,
ধূলি রজ হয়, একই জন্মে
নূতন জন্ম ঘটে।

২

করে সে অসাড় লুপ্ত স্থপ্তে
বিদ্যুৎ সঞ্চার,
দেয় লাক্ষিত সর্বহারারে
অমৃতের অধিকার।
তীর্থ করায় স্বর্গের সাথে যোগ,
এক পংক্তিতে করুণামৃত ভোগ,
জুড়ায় অন্ধ আনি তরঙ্গ
হতে প্রেম পারাবার।

৩

ছুট অরাতি প্রথমেই করে,
তীর্থ কলঙ্কিত,
সবল সরল জাতিরে করিতে
ভীত ও জীবন্ত।
রোধিতে জীবনী শক্তি প্রস্রবণ,
হরণ করিতে সর্বশ্রেষ্ঠ ধন,
তীর্থ হারালে জানে জাতি হবে
মত্য সর্বস্বত।

৪

রাষ্ট্রের কাজ সর্বপ্রথমে
তীর্থ রক্ষা করা।
দেশ রক্ষার প্রথম সোপান
নষ্ট-তীর্থ গড়া।
সেনা, রণতরী, বিমান, অস্ত্রাগার,
সব চেয়ে জয়ে বেশী প্রয়োজন তার,
সেই কোষাগার, সর্বশ্রেষ্ঠ—
পরমার্থেতে ভরা।

৫

তীর্থ জাতির পরমাশ্রয়
মহালক্ষ্মীর দান,
সকল প্রেরণা, সকল সাধনা,
সব সিদ্ধির স্থান।
তেজের খনি, সে স্পর্শমণির ভূমি,
সতী অঙ্গেতে গঠিত তা জানো তুমি,
সকল পতন দুর্গতি হতে—
সে করে পরিত্রাণ।

৬

মধুস্তরে ছুখে বিপ্লেবে
জেনো জাতি জীয়ে রবে,
তীর্থ ধ্বংসে শক্তিহারী সে
নিতি অধোগতি লভে।
হারায় মনুষ্যত্ব ও স্বাধীনতা
ইতিহাস হতে মুছে যায় তার কথা
অপাংক্তেয় সে জীবন এবং
জগতের উৎসবে।

নাই। দূর হইতে দেখিয়াছি, অতি সুন্দর পুরুষ। আর শুনিয়াছি, তিনি ভাবুক—অদৃষ্টবাদী—’

রট্টা রমণীমূলত প্রশ্ন করিলেন—‘তাঁহার কয়টি মহিষী?’

চিত্রক বলিল—‘স্বন্দ কুমারব্রতধারী, বিবাহ করেন নাই।’

রট্টা বিস্ফারিত নেত্রে বলিলেন—‘আশ্চর্য!’

চিত্রক নিজের কথা ভাবিতে ভাবিতে বলিল—‘আশ্চর্য বটে! কিন্তু একরূপ আশ্চর্য ঘটনা পৃথিবীতে অনেক ঘটয়া থাকে। আমার যোদ্ধাজীবনে আমি অনেক দেখিয়াছি।’

‘তবে সেই সব কাহিনী বলুন। আমি শুনিব।’

রট্টার আগ্রহ দেখিয়া চিত্রক একটু হাসিল। অজানিত ভাবে তাঁহার মনের তিক্ততা দূর হইতেছিল। মনের মধ্যে অনেক বিরুদ্ধ ভাবনা জমা হইলে মানুষ হৃদয়-ভার লাঘব করিতে চাহে, আত্মকথা বলিবার সুযোগ পাইলে সুখী হয়। চিত্রক ধীরে ধীরে নিজ জীবনের অনেক কাহিনী বলিতে লাগিল। কেবল আত্ম-পরিচয়টি গোপন করিয়া আর সব সত্য কথা বলিল। যুদ্ধের বিচিত্র অভিজ্ঞতা, নানা দেশের নানা মানুষের অদ্ভুত আচার ব্যবহার, তাহাদের বেশবাস কথাবার্তা—

এদিকে ঘোড়া দুইটি চলিয়াছে; পথেরও বিরাম নাই। উপত্যকায় ছায়াশীতল হইয়া, অধিত্যকায় রবিতপ্ত হইয়া কদাচিৎ গিরি নির্ঝরিণীর জলে অঙ্গ ডুবাইয়া পথ চলিয়াছে। কিন্তু পথের দিকে কাহারও লক্ষ্য নাই। রট্টা তন্দ্রায় হইয়া গল্প শুনিতেছেন।

যে গল্প বলে এবং যে গল্প শোনে তাহাদের মধ্যে ক্রমশ মনোগত ঐক্য স্থাপিত হয়, দুইটি মন এক সুরে বাঁধা হইয়া যায়। চিত্রক গল্প বলিতে বলিতে কদাচিৎ সচেতন হইয়া ভাবিতেছিল—কী আশ্চর্য, মনে হইতেছে আমি একান্ত আপনার জনকে আমার জীবন কথা শুনাইতেছি! আর রট্টা—তিনি বোধহয় কিছুই ভাবিতেছিলেন না, শুধু এই জলপকের সত্তার মধ্যে নিমগ্ন হইয়া গিয়াছিলেন।

দীর্ঘকাল নানা কাহিনী বলিবার পর চিত্রক যেন চমকিয়া সজাগ হইয়া উঠিল; অপ্রতিভ ভাবে বলিল—‘আর না, নিজের কথা অনেক বলিয়াছি।’

রট্টা বলিলেন—‘আরও বলুন।’

চিত্রক হাসিল; একটু পরিহাস করিয়া বলিল—‘রাজকন্যাদের কি ক্ষুধা তুম্বার বালাই নাই? ওদিকে বেলা কত হইয়াছে তাহার সংবাদ রাখেন কি?’

রট্টা চকিতে উর্ধ্ব চাহিলেন। সূর্য মধ্য গগনে কখন কোন দিক দিয়া সময় কাটিয়া গিয়াছে তিনি জানিতে পারেন নাই।

রট্টা বলিলেন—‘ছি ছি, এত গল্প বলিয়া নিশ্চ আপনাদের ক্ষুধার উদ্রেক হইয়াছে।’

চিত্রক বলিল—‘তা হইয়াছে। আপনার?’

রট্টা সলজ্জ হাসিলেন—‘আমারও। এতক্ষণ জানিতে পারি নাই। কিন্তু উপায় কি? সঙ্গে তো খাদ্যদ্রব্য নাই।’

‘উপায় আছে। ঐ দেখুন—’ বলিয়া চিত্রক পার্শ্ব দিকে অঙ্গুলি তুলিয়া দেখাইল।

পাশাপাশি দুই শ্রেণী পাহাড়ের মাঝখানে অপরিস উপত্যকা, পথটি তাহার উপর দিয়া গিয়াছে। বাম পার্শ্ব পাহাড়ে কিছু উচ্চ পাষণগাত্রে সারি সারি কয়েক চতুষ্কোণ রঙ্গ দেখা যায়; পাথর কাটিয়া মানুষের বাসস্থান রচিত হইয়াছে। চিত্রকের অঙ্গুলি নির্দেশ অনুসরণ করি রট্টা দেখিলেন—একটি দেবায়তন; সম্ভবতঃ যুদ্ধের সংঘ এখানে যে মনুষ্য বাস করে তাহার প্রমাণ, একটি গবা হইতে পীতবর্ণ বস্ত্র লব্ধিত হইয়া অলস বাতাসে ছলিতেছে।

চিত্রক বলিল—‘যখন বস্ত্র আছে তখন মানুষ অব আছে; মানুষ থাকিলেই খাদ্য থাকিবে। সুতরাং আ বিলম্ব না করিয়া ঐ দিকে যাওয়াই কর্তব্য।’

রট্টা হাসিয়া সম্মতি দিলেন। কিন্তু ঘোড়ার পি ওখানে ওঠা যাইবে না। ঘোড়া দুটিকে একটি শপ্পাক স্থানে ছাড়িয়া দিয়া উভয়ে পাহাড়ের চড়াই ধরিলেন।

স্থানটি উচ্চ হইলেও দূরধিগম্য নয়; উপরন্তু মনুষ্যপ চিহ্নিত একটি ক্ষীণ পথরেখা আছে। শিলাবন্ধুর অসমত পর্বতগাত্র বাহিয়া চিত্রক অগ্রে চলিল; রট্টা তাহ পশ্চাতে রহিলেন।

অর্ধদণ্ড পরে উপরে উঠিয়া রট্টা দেখিলেন, সংঘই বটে পাষণে উৎকীর্ণ কয়েকটি কক্ষ, সম্মুখে সমতল চত্বর চত্বরের মধ্যস্থলে তথাগতের শিলামূর্তি। উপত্যকা হই যে গবাকগুলি দেখা গিয়াছিল তাহা সংঘের পশ্চাত্তাগ।

রট্টা প্রথমে বুদ্ধের ধ্যানাসীন মূর্তির সম্মুখে গিয়া দাঁড়াইলেন। চিত্রকও পাশে দাঁড়াইল।

রট্টা যোড়হস্তে ভক্তিনম্র কণ্ঠে বলিলেন—‘নমো তস্ম ভগবতো অরহতো সম্মো সম্বুদ্ধস্ম।’ বুদ্ধকর লগাটে স্পর্শ করিয়া রট্টা চিত্রককে বলিলেন—‘আপনিও ভগবানকে প্রণাম করুন। বলুন, নমো তস্ম ভগবতো অরহতো সম্মো সম্বুদ্ধস্ম—।’

রট্টার অমুসরণ করিয়া চিত্রক ভগবান তথাগতকে প্রণতি জানাইল; তারপর ঈষৎ বিস্ময়ে রট্টার দিকে ফিরিয়া প্রশ্ন করিল—‘আপনি এ মন্ত্র কোথায় শিখিলেন?’

রট্টা বলিলেন—‘আমার পিতার কাছে।’

প্রাক্ষণে এতক্ষণ অল্প কেহ ছিল না; এখন প্রকোষ্ঠের ভিতর হইতে একটি পীতবেশধারী শ্রমণ বাহির হইয়া আসিলেন। মুণ্ডিত মস্তক, শীর্ণ কলেবর, মুখে প্রসন্ন বৈরাগ্য। সহাস্তে দুই হস্ত তুলিয়া বলিলেন—‘আরোগ্য।’

রট্টা বন্ধাজলি হইয়া বলিলেন—‘আর্য, আমরা দুইজন ক্ষুধার্ত পাশ্চ; বুদ্ধের প্রসাদ ভিক্ষা করি।’

ভিক্ষু বলিলেন—‘রট্টা যশোধরা, বুদ্ধ তোমার প্রতি প্রসন্ন। এস, তোমরা ভিতরে এস।’

ভিক্ষু তাহাকে চিনিয়াছেন দেখিয়া রট্টার মুখ আনন্দে উদ্দীপ্ত হইয়া উঠিল। তিনি বলিলেন—‘আর্য আমাদের চিনিলেন কি করিয়া? পূর্বে কি দেখিয়াছেন?’

ভিক্ষু বলিলেন—‘দেখি নাই, তোমার বেশভূষা হইতে অনুমান করিয়াছি। মহারাজ ধর্মান্ধিত্যের কাছে যাইতেছ?’

‘আজ্ঞা। ইনি আমার সহচর, মগধের রাজদূত।’

ভিক্ষু একবার চিত্রকের প্রতি স্মিতদৃষ্টি নিক্ষেপ করিলেন; কিছু বলিলেন না।

অন্তঃপুর সংঘচ্ছায় প্রবেশ করিয়া হস্তমুখ প্রক্ষালন পূর্বক পশ্চিম দুইজন একটি প্রকোষ্ঠে বসিলেন। ভিক্ষু তাহাদের জল খাওয়া আনিয়া দিলেন; কিছু দ্বিদল সিদ্ধ, কিছু সিদ্ধ চিপটক, কয়েকটি শুক দ্রাক্ষাফল ও খজুর। ক্ষুধার সময়; উভয়ে পরম তৃপ্তির সহিত তাহাই অমৃতজ্ঞানে আহার করিতে লাগিলেন।

আহারের সঙ্গে সঙ্গে কিছু কথোপকথন হইতে লাগিল।

রট্টা জিজ্ঞাসা করিলেন—‘দেব, এখানে আপনারা কয়জন আছেন? আর কাহাকেও দেখিতেছি না।’

ভিক্ষু বলিলেন—‘আমরা চারিজন আছি। দুইজন রজ্জু জল ভরিতে গিয়াছেন। একজন পীড়িত।’

রট্টা মুখ তুলিলেন—‘পীড়িত? কী পীড়া?’

ভিক্ষু ঈষৎ হাসিলেন—‘সংসার—পীড়া। সংঘে থাকিলেও মারের হস্ত হইতে নিস্তার নাই।’

চিত্রক প্রশ্ন করিল—‘আপনারা এখানে নিঃসঙ্গ থাকেন? দিবারাত্র কি করেন?’

ভিক্ষু বলিলেন—‘সংসার তুলিবার চেষ্টা করি।’

আগরাস্তে আচমন করিয়া রট্টা আবার আসিয়া বসিলেন, বলিলেন—‘আর্য, কিছু উপদেশ দিন।’

ভিক্ষু হাসিলেন—‘আমি আর কী উপদেশ দিব?’ সহস্র বৎসর পূর্বে শাক্যমুণির শ্রীমুখ হইতে যে বাণী নিঃসৃত হইয়াছিল তাহাই শুন।—‘মন হইতে প্রবৃত্তির উৎপত্তি; মন যদি প্রসন্ন নিক্ষেপ থাকে, সুখ ছায়ার মতো তোমার পিছনে থাকিবে।’ *

রট্টা প্রণাম করিয়া বলিলেন—‘আমি ধন্য।’—ভিক্ষুর পদপ্রান্তে একটি স্বর্ণ দীনার রাখিয়া বলিলেন—‘সংঘের অর্ঘ্য।’

ভিক্ষু বলিলেন—‘স্বর্ণে প্রয়োজন নাই। কল্যাণি, যদি সংঘকে দান করিতে ইচ্ছা কর, এক আঢ়ক গোধূম দিও। দীর্ঘকাল আমরা গোধূম দেখি নাই। যে শ্রমণটি অনুস্থ তিনি গোধূমের জল কিছু কাতর হইয়াছেন।’ বলিয়া মুহু হাসিলেন।

‘সত্তর পাঠাইব’—বলিয়া রট্টা গাত্রোথান করিলেন।

চিত্রক দণ্ডায়মান ছিল; সে শুকস্বরে বলিল—‘মহাশয় আমাদেরও কিছু উপদেশ করুন।’

ভিক্ষু প্রশান্ত চক্ষু তাহার পানে তুলিয়া গম্ভীরকণ্ঠে বলিলেন—‘শাক্যমুণির উপদেশ শ্রবণ কর: “সে আমাদের গালি দিয়াছে, আমাদের প্রহার করিয়াছে, নিঃস্ব করিয়াছে”—এই কথা যে চিন্তা করে তাহার ক্রোধ কখনও শান্ত হয় না। বৈরভাব কেবল অবৈরভাব দ্বারা শান্ত হয়, ইহাই চিরন্তন ধর্ম।’ *

* * * *

হুই অখারোহী আবার চলিয়াছেন। সূর্য তাঁহাদের বামে চলিয়া পড়িয়াছে। তীর্থক অংশ তেমন তীক্ষ্ণ নয়।

উভয়ে নিজ নিজ অন্তরে নিমগ্ন ; বাক্যালাপ অধিক হইতেছে না। চিত্রক গল্প বলিবার কালে রট্টার প্রতি যে ঘনিষ্ঠ অন্তরঙ্গতা অনুভব করিয়াছিল, তাহা আবার সংশয়ের কুজ্ঝটিকায় আচ্ছন্ন হইয়া গিয়াছে।

ভিক্ষু যে-কথা বলিলেন তাহার অর্থ কি ? বৈরভাবের পরিবর্তে অবৈরভাব পোষণ করাই স্বাভাবিক, অবৈরভাব কি করিয়া পোষণ করা যায় ? ইহা ভিক্ষুর ধর্ম হইতে পারে, ক্ষত্রিয়ের ধর্ম কদাচ নয়। প্রতিহিংসা ক্ষত্রিয়ের ধর্ম। শুধু তাহাই নয়, ইহা চিত্রকের প্রকৃতিগত স্বধর্ম। ইহা তাহার ধাতু।

অথচ—এত সুর্যোগ পাইয়াও সে রট্টার উপর প্রতিহিংসা সাধন করিতে পারিতেছে না কেন ? রট্টা সুন্দরী যৌবনবতী নারী—এই জ্ঞাত ? সুন্দরী নারীর মোহে সে ক্ষত্রিয়ের ধর্ম বিস্মৃত হইবে ? পিতৃহত্যার প্রতিশোধ লইবে না ?

সহসা মেঘাচ্ছন্ন আকাশে বিদ্যুচ্চমকের স্তায় একটি চিন্তা চিত্রকের মনে খেলিয়া গেল। সে উচ্চকিত হইয়া বিস্ফারিত নেত্রে আকাশের চানে চাহিল। কোন্ মুহূর্তের

জালে তাহার মন এতক্ষণ জড়াইয়া ছিল ? এ কথা তাহার মনে উদয় হয় নাই কেন ?

সে মনে মনে বলিল—আমি ক্ষত্রিয়, বৈরতা আমার স্বধর্ম ; কিন্তু রট্টার সহিত বৈরতা করিব কেন ? সে আমার অনিষ্ট করে নাই। তাহার পিতার অপরাধে তাহাকে দণ্ড দেওয়া ক্ষত্রিয়ধর্ম নয় ! যদি প্রতিশোধ লইতে হয় তাহার পিতার উপর লইব।

দারুণ সমস্যার সমাধান হইলে হৃদয় লঘু হয়। মুহূর্তে চিত্রকের অন্তরের কুজ্ঝটিকা কাটিয়া গিয়া আনন্দের দিব্য জ্যোতি ফুটিয়া উঠিল। সে উৎফুল্ল নেত্রে রট্টার পানে চাহিয়া উচ্চকণ্ঠে হাসিয়া উঠিল।

চকিতে স্মিত নেত্র তুলিয়া রট্টা বলিলেন—‘কি হইল ?’

চিত্রক বলিল—‘ভিক্ষু বলিয়াছিলেন, সুখ ছায়ার মতো আপনার সঙ্গে সঙ্গে থাকিবে। ঐ দেখুন সেই ছায়া !’

রট্টা ঘাড় ফিরাইয়া দেখিলেন, সঞ্চরমান অখারুট ছায়া নাচিতে নাচিতে তাঁহার সঙ্গে চলিয়াছে।

উভয়ে একসঙ্গে হাসিয়া উঠিলেন।

চারিদিকে বিস্তীর্ণ তরঙ্গায়িত উপত্যকা। পাহাড় দূরে সরিয়া গিয়াছে। দূর হইতে তাঁহাদের হাসির গদগদ প্রতিধ্বনি ফিরিয়া আসিল। যেন মিলন মুহূর্তের সলজ্জ চুপিচুপি হাসি। কানে কানে হাসি। (ক্রমশঃ)

বিষ্ণুপুরে শিক্ষক সম্মেলন

শ্রীপরিমল মুখোপাধ্যায়

আয়োজন চলতে লাগল—কলকাতা থেকে বিষ্ণুপুর, বিষ্ণুপুর থেকে কলকাতা। ১৯৪৭ সালে বর্ধমান সম্মেলনের পর দেশবিভাগ ও নিখিল বঙ্গ শিক্ষক সমিতিতে বিভক্ত করার আয়োজনের জন্তে গত দু'বছর সাধারণ সম্মেলন হতে পারে নি। দীর্ঘ ২১৩ বছর পরে বহু-আকাঙ্ক্ষিত এই সম্মেলনের জন্তে সমগ্র শিক্ষক-সমাজ যে উদ্গ্রীব হয়ে থাকবেন, তা ত স্বাভাবিক। সেজন্তেই এবারকার আয়োজন অধিকতর উৎসাহ ও উদ্দীপনার সংগে হ্রস্ব হল। স্থানীয় আহ্বায়কমণ্ডলীর সংগে নিখিল বঙ্গ শিক্ষক সমিতির কতৃপক্ষ অশান্ত বারের তুলনায় ঘনিষ্ঠতর হলেন।

সূত্রপাত হয় ২৩শে এপ্রিল, যেদিন আমরা বাঁকুড়ায় যাই সমিতির ভরক থেকে আঞ্চলিক সভা করতে। সভা শেষে জেলা শিক্ষক সমিতির (নি. ব. শিক্ষক সমিতির জেলা শাখা) সভাপতি মহাশয় ও

আমরা আগামী সম্মেলনের কথা উপস্থিত সকলকে জানাই। বিষ্ণুপুর উচ্চ বিদ্যালয় থেকে যে তিনজন শিক্ষক প্রতিনিধি আঞ্চলিক সভায় এসেছিলেন, তাঁদের অনুরোধ করা হয় ফিরে গিয়ে প্রধান শিক্ষক মশায়কে জানাতে। কিছুদিন পরেই প্রধান শিক্ষক শ্রীগোকুলচন্দ্র ঘোষ জানালেন, রাজী। প্রথমে একটু আশ্চর্যই হয়েছিলাম—এত সহজেই এমন একটা বিরাট সম্মেলনের দায়িত্ব গ্রহণ করতে রাজী হলেন কী করে ? সংগে অবশ্য এ কথাও লিখেছেন, আমাদের সক্রিয় সহযোগিতা পেলে তিনি কৃতকার্য হবেন বলে আশা করেন। সহযোগিতার প্রতিশ্রুতি জানালাম। তবু সংশয় রইল—মকঃবল সহর, প্রতিনিধির সংখ্যা পাঁচ শ'ও হতে পারে, হাজারও হতে পারে, এতজন লোকের থাকা-খাওয়ার বন্দোবস্ত, এতজন লোকের

সংকুলান হতে পারে এমন একটি সম্মেলন-মণ্ডপ বা সম্মেলনের স্থান চাই ত ?

সংশয় রইল না, ২রা জুন আমি ও সমিতির ভূতপূর্ব সম্পাদক শ্রীবিনয়ভূষণ সেন গেলাম বিষ্ণুপুর পরিদর্শনে সম্মেলনের প্রাথমিক আয়োজনের জন্তে। সকালে গোকুলবাবু আমাদের নিয়ে ঘুরে ঘুরে দেখালেন সম্মেলনের স্থান। চমৎকার কাব্যিক পরিবেশ—শহরের একান্তে প্রশস্ত সিনেমা হল, বালিকা বিদ্যালয়, মধ্য ইংরেজী বিদ্যালয়, কে. জি. ইঞ্জিনিয়ারিং স্কুল, তারপর উচ্চ বিদ্যালয়ের বোর্ডিং ও উচ্চ বিদ্যালয়—বোর্ডিং ও বিদ্যালয়ের মাঝে উন্মুক্ত উদার প্রান্তরের রাখী-বন্ধন; আরও এগিয়ে চলুন—বিশাল কাকচক্ষু লালবাধ, তীরে রামানন্দ কলেজ, এ পাশে কলেজ হোস্টেল। লালবাধের ওপারে শাল-পিয়াল-মঞ্জার নিবিড় ঘনিষ্ঠতা, লাল কঁকর আর পাথরের সমতল ও উঁচু-নীচু টিবি। খুশি হলাম, উৎফুল্ল হলাম। ছ' সাত শ' প্রতিনিধির থাকবার মত জায়গা যথেষ্ট হবে। তা ছাড়া উচ্চ বিদ্যালয়ের হল-ঘরে ক্রাশের পার্টিশানগুলো সরিয়ে ছ' সাত শ' লোকের সভাও চলবে। রূপকথা সিনেমায় অস্তিত্ব বারো শ' লোকের স্থান হতে পারবে—সুতরাং প্রকাশ্য উদ্বোধন অধিবেশন সেখানেই হবে স্থির হল, কারণ প্রতিনিধি ছাড়া শহরের অধিবাসীরাও ত এই অধিবেশনে যোগদান করবেন। ফিরবার পথে খ্যাতনামা ব্যবসায়ী শ্রীরামনলিনী চক্রবর্তী মহাশয়ের বাড়িতে আমরা গেলাম। আলাপ-পরিচয়ে এবং সম্মেলন সম্বন্ধে আলোচনা করে বুঝলাম, গোকুলবাবু একটি চীনের প্রাচীরকেই পাকড়াও করেছেন।...বিকেলে উচ্চ বিদ্যালয় গৃহে শহরবাসীদের সভায় স্থানীয় অভ্যর্থনা সমিতি ও বিভিন্ন উপসমিতি গঠিত হল। অভ্যর্থনা সমিতির সভাপতি হলেন রামানন্দ কলেজের অধ্যক্ষ শ্রীরাধাগোবিন্দ রায়।

কলকাতায় সমিতির কেন্দ্রীয় কার্যালয়ে সম্মেলন উপসমিতির ঘন ঘন সভা, সমিতির কতৃপক্ষের উদ্বেগ ও কর্মতৎপরতা, বিষ্ণুপুরের সংগে কলকাতার আঙ্গিক সংযোগ ও উপযুক্ত পত্রাঘাত, গার্ডেনরিচ বি. এন. আর অফিসে বগি রিজার্ভ করার জন্তে ছোট্টাছুটি, ডাঃ শ্যামাপ্রসাদ মুখোপাধ্যায় ও অধ্যাপক দেবপ্রসাদ ঘোষ মহাশয়দের বাড়িতে যাতায়াত চলতে লাগল। প্রসাদপ্রাপ্ত (!) ঋত্বিক দু'জনেরই সম্মতি আমরা পেলাম—সবল দীর্ঘকায় সাগ্নিক শ্যামাপ্রসাদ উদ্বোধন করবেন, আর ক্ষুদ্রকায় কিন্তু রসিকতা ও পাণ্ডিত্যের অর্ণব দেবপ্রসাদ করবেন সভাপতিত্ব।

১৫ই জুলাই শনিবার ও ১৬ই জুলাই রবিবার সম্মেলন। ১৩ই রাত্রে চার মণ পটল নিয়ে রওনা হলাম। ভারত যখন গোকুলবাবু আমার ওপর চাপান তখন তাঁকে বলেছিলাম, 'পটল না তুলিয়ে আর ছাড়বেন না দেখছি!' হেসে জবাব দিয়েছিলেন, 'তুলি ত দু'জনেই এক সংগে এখানে তুলব!' ১৪ই সকালে গিয়েই বিদ্যালয় গৃহের পূর্বপ্রান্তে পার্টিশান দেওয়া দুটি ঘর দখল করে বসলাম। কার্ভত এই দুটি ঘর নিখিল বঙ্গ শিক্ষক সমিতির কার্যালয় হয়ে দাঁড়াল।

যার যা কিছু দরকার, এই ঘরে এলেই পাবেন বা জানতে পারবেন! সারাদিন ধরে শিক্ষক ও ছাত্র স্বেচ্ছাসেবকদের সংগে ঘুরে ঘুরে প্রত্যেক জেলার প্রতিনিধিদের বাসস্থানের জন্তে পৃথক পৃথক ঘর ঠিক করা, প্রত্যেকটি প্রতিনিধি শিবিরে সম্মেলন সম্বন্ধে যাবতীয় জ্ঞাতব্য বিষয় নির্দেশক প্রাচীরপত্র লাগানো, প্রতিনিধিদের প্রবেশ-পত্র ও ব্যাজ প্রভৃতির বন্দোবস্ত দেখলাম। পরে আর সময় হবে না ভেবে বিকেলে এক ফাঁকে শহরের দ্রষ্টব্য স্থানগুলি দেখে নিলাম। একটি হিন্দু ও একটি মুসলমান কিশোর ছাত্র হ'ল আমাদের গাইড। দেখলাম দলমাদল, মদনমোহন মদনগোপালের ও ৬মুদ্রায় দেবীর মন্দির, শনি ঠাকুর প্রভৃতি। এই সত্যপীর ও শনি ঠাকুরের কাছে আজও হিন্দু-মুসলমানে পূজো দেয়! আর দেখলাম, দুটি হিন্দু-মুসলমান কিশোর হাত ধরাধরি করে আমাদের পথ দেখিয়ে নিয়ে চলেছে! প্রাচীন ভারতীয় সভ্যতা ও শৌর্ধবীরের ঐতিহ্যবাহী ইতিহাস-মুখর বিষ্ণুপুরকে দেখলাম।...সন্ধ্যায় ফিরে দেখলাম, প্রতিনিধিরা আসতে আরম্ভ করেছেন। আমাদের ধারণা ছিল, শনিবারের আগে প্রতিনিধিরা বড় একটা আসবেন না। যাই হোক, শনিবারের মধ্যে অধিকাংশ প্রতিনিধিই এসে গেলেন। অবশ্য রবিবারও কয়েকজন এসেছিলেন। শেষ পর্যন্ত প্রতিনিধির সংখ্যা দাঁড়িয়েছিল ছয় শতেরও উপর এবং তার মধ্যে ছিলেন পূর্ববঙ্গের প্রতিনিধি পঞ্চাশ জন ও মহিলা প্রতিনিধি পঁয়ত্রিশ জন।

১৫ই শনিবার সকাল সাড়ে সাতটা পর্যন্ত বিভিন্ন কাউন্টারে প্রতিনিধিদের পরিচয়পত্র ও সম্মেলনের চাঁদা গ্রহণ করে প্রবেশপত্র, ব্যাজ, মুদ্রিত ভাষণাবলি, সম্পাদকীয় কার্ভবিবরণী প্রভৃতি বিতরণ করা হল। জলযোগের পর সকাল ৮টায় কে. জি. ইঞ্জিনিয়ারিং স্কুলে হল শিল্প-প্রদর্শনীর উদ্বোধন। প্রশস্ত হলঘরের মধ্যে প্রবেশপথের দিকটা ছাড়া তিন দিকে পঁচিশ-ত্রিশটি টুল বসেছে। কলিকাতা থেকে সরকারি কর্মচারীরাও এসেছেন প্রদর্শনীর ব্যবস্থাপনা করতে। বিষ্ণুপুরের নিজস্ব শিল্প—কুটীরজাত রেশম, তসর, গরদ, শাঁখারী শাঁখ, পিতল-কাঁসার বাসন, মালাকারের শোলার কাজ, পট ও পুতুল, প্রাচীন পুঁথি, অম্বরী তামাক, মতিচূর প্রভৃতি সব কিছুই এমন একটি চমৎকার সমন্বয় হয়েছে যে, কল্পনা-প্রবণ মন যেন থেকে থেকে 'কালিদাসের কালে' ফিরে যেতে চাইছিল। অধ্যক্ষ দেবপ্রসাদ প্রদর্শনীর উদ্বোধন করে প্রাচীন ভারতীয় শিল্পকলা, ভারতের জাতীয় শিল্প তথা কুটীর-শিল্প, ভারতীয় শিল্পকলার সংগে ভারতীয় সভ্যতার সংযোগ প্রভৃতি বিষয়ে একটি মনোজ্ঞ সংক্ষিপ্ত ভাষণ দেন।

...অতিথি-অভ্যাগত, প্রতিনিধি, স্বেচ্ছাসেবক, দাস-দাসী, পাচক-পাচিকা সমেত প্রায় এক হাজার জনকে দু'দিনে চারবার জলযোগ চারবার আহ্বারের জন্তে আটখানা করে কুপন পূর্বেই বিতরণ করা হয়েছিল। কুপন দেখিয়ে মাধ্যাহ্নিক আহ্বার সমাপ্ত করলাম। বেলা তিনটের শিক্ষা সাহিত্য ও সংস্কৃতি শাখার অধিবেশন আরম্ভ হল। বিদ্যালয়-গৃহে তিলধারণের স্থান নেই। উত্তর ভোরণের অনেকখানি

পথ লতা-পাতা দিয়ে আচ্ছাদিত করে এক মনোরম পরিবেশের সৃষ্টি করা হয়েছে। উপরে প্রকাণ্ড লাল শালুতে ঝলমল করছে, 'নিখিল বঙ্গ শিক্ষক সম্মেলন।' দক্ষিণায়নেও তাই। উপরত্ব সেখানে বিজয়গর্বে শূন্য উড়ছে বিষ্ণুপুরী রেশমের জাতীয় পতাকা। সভাপতির আসন গ্রহণ করেছেন দেবপ্রসাদ। প্রবন্ধ ও কবিতা পাঠ, আবৃত্তি, বক্তৃতা, হস্ত-কৌতুক প্রভৃতি চলল। একজন শিক্ষক 'My Familiar' কবিতার অনুবাদ ও আর একজন 'B. T. র মদগর' নামে একটি সংস্কৃত-বাংলা খিচুড়ী কবিতা পাঠ করলেন। দুটিই স্বরচিত, অনাবিল হাস্তরসের মধ্যে শিক্ষক-জীবনের ব্যথা লুকায়িত। তবু তাঁরা পরিচয় দিলেন, এগনো হাসতে জানেন শিক্ষক সমাজ, এগনো সাহিত্য-সংস্কৃতির পালিশ আছে তাঁদের মধ্যে। পরিশেষে সভাপতি তাঁর উদাত্ত কণ্ঠে সংস্কৃতির সংকট সম্বন্ধে ভাষণ দিয়ে ভারতের লুপ্ত গৌরব ফিরিয়ে আনার জন্তে দেশমাতৃকাকে যে ভাব ও ভাষায় আহ্বান করলেন, তা বহুকাল মনে থাকিবে।

অপরারে জলযোগ সারা হল। 'সন্ধ্যা সাতটায় সংগীত ও বিচিত্রানুষ্ঠান। বিষ্ণুপুরী সংগীতের ঐতিহ্য আছে। ধারাটি প্রাচীনপন্থী হলেও তার মধ্যে বনেদীয়ানা ও ঘরোয়ানার নিজস্ব বৈশিষ্ট্য আছে। ঝাংপাং সংগীতগাণ্য শ্রীগোপেশ্বর বন্দ্যোপাধ্যায় মহাশয়কে ছেঁচারে করে নিয়ে আসা হল। মঞ্চের ওপর জনতরঙ্গ, তবলা, পাখোয়াজ, হারমোনিয়াম, এস্রাজ, সেতার, তানপুরা প্রভৃতির সমাবেশ। অশক্ত গোপেশ্বরবাবু চেয়ারে বসেই ধ্রুপদ আরম্ভ করলেন, এগনো স্থললিত গুরুগম্ভীর কণ্ঠস্বর, আওয়াজটি উদাত্ত, স্বর চিড় খায় নি, রাগশুদ্ধ সংগীতের মুহূর্তায় সমস্ত হৃদয়টি গম্গম্ করতে লাগল, বিশেষ করে তাঁর হৃদয় রাগের বন্দোজাট ভালো লাগল। বিভিন্ন শিল্পীর কণ্ঠ ও যন্ত্রসংগীতে বেহাগ, ভীমপলশ্রী, আড়ানা, মালকোব, কাকি-সিন্ধু প্রভৃতি সমরোপযোগী রাগের পরিবেশন মধুর হয়েছিল শিল্পীদের মধ্যে। শ্রীহরেন্দ্রনাথ বন্দ্যোপাধ্যায় ও রমেশচন্দ্র বন্দ্যোপাধ্যায়ের নাম উল্লেখযোগ্য।

...১৬ই রবিবার সকাল ৮টায় মূল সম্মেলনের উদ্বোধন। শ্রীমাপ্রসাদবাবুর আগের দিনের কার্যসূচী ছিল বাঁকুড়া শহরে। সুতরাং আমাদের উদ্বোধন রবিবারেই করতে হয়। রূপকথা চিত্রগৃহ লোকে লোকারণ্য। সমস্ত প্রতীক্ষা সমস্ত উৎকণ্ঠার নিরসন করে এলেন শ্রীমাপ্রসাদ—সঙ্গে সাংবাদিক মাখনগাল সেন, মেজর পি, বর্ধন ও অধ্যাপক রাধাকৃষ্ণ মুখোপাধ্যায়। সিনেমা-মঞ্চ বিশিষ্ট অতিথিদের পদার্পণে ধস্ত হল। উদ্বোধন সংগীতের পর দেবপ্রসাদ সভাপতির আসন গ্রহণ করলেন। তারপর বিপুল জয়ধ্বনির মধ্যে শ্রীমাপ্রসাদ উঠলেন উদ্বোধনী বক্তৃতা করতে। উদাত্ত কণ্ঠে তেজোদৃপ্ত ভাষায় প্রায় পঁয়তাল্লিশ মিনিট বক্তৃতা দিলেন শ্রীমাপ্রসাদ। বাংলা ও বাঙালীর দুর্দিন, দেশের শিক্ষা-সমস্যা, বাস্তবশিক্ষক ও ছাত্রের সমস্যা তথা অর্থসংকট এবং সব কিছুর সংগেই ওতপ্রোত রাজনীতিক গলদ সম্বন্ধে স্পষ্ট নির্ভীক দ্ব্যর্থহীন মতবাদ প্রকাশ করলেন। সবশেষে তিনি বললেন, শিক্ষা ও শিক্ষকের এই দুর্ধোগের দিনে সর্বপ্রথমে প্রয়োজন ঐক্যবদ্ধতার। কিন্তু তিনি জানেন, শিক্ষক-সমাজের

অভ্যন্তরীণ ঐক্যের মধ্যেও ফাটল দেখা দিয়েছে। যদি প্রয়োজন হয়, তাহলে তিনি তাঁর যথাসাধ্য সাহায্য ও মধ্যস্থতা করতে রাজী আছেন। বিপুল উল্লাসধ্বনি ও করতালি হ'ল। সকলের মন থেকেই যেন একটা বোঝা নেমে গেল। অভ্যর্থনা সমিতির সভাপতি ও মূল সভাপতির সারগর্ভ অভিভাষণ এবং সম্পাদকীয় কার্যবিবরণী পাঠের পর অধিবেশন শেষ হ'ল।

আহারের পর ভিন্নমতবাদী নেতৃবর্গ রামনলিনীবাবুর বাড়িতে সমবেত হলেন। শ্রীমাপ্রসাদ ও দেবপ্রসাদ আমাদের মনের যত ক্লেশ যত গ্লানি দূর করে দিলেন। ফিরে এলাম হৃষ্ট চিত্তে। চারদিকে যেন আনন্দের বান বইতে লাগল। সে এক মহামিলনের পবিত্র ক্ষণ! তিনটির সময় বিষয়-নির্বাচনী সভা আরম্ভ হল। চেংলার প্রধান শিক্ষক শৈলেনবাবু প্রস্তাব উত্থাপন করতে লাগলেন, আর হরিদাস গোস্বামী, মনোরঞ্জনবাবু, ধীরেনবাবু প্রভৃতি সমর্থন করতে লাগলেন। সমস্ত প্রস্তাব নির্বিঘ্নে পাশ হয়ে গেল। তার মধ্যে সমিতির কার্যক্ষেত্র পশ্চিমবঙ্গে সীমাবদ্ধ করা, বাস্তবশিক্ষক-শিক্ষিকাদের নির্বাচন ও কলোনী, আগামী রাষ্ট্রীয় নির্বাচনে শিক্ষক-সমাজের অংশগ্রহণ উল্লেখযোগ্য। সন্ধ্যার পর কার্যনির্বাহক সভাপতি ও তিনজন সহ-সভাপতি নির্বাচনের পর সম্মেলন-পর্ব শেষ হ'ল। নিখিল বঙ্গ শিক্ষক সমিতির ইতিহাসে এমন একটি হৃৎখল সূব্যবস্থাপূর্ণ সম্মেলন স্মরণীয় হয়ে রইল। দেখলাম মূল সভাপতির সূযোগ্য পরিচালনা, দেখলাম স্থানীয় কর্মকর্তা এবং শিক্ষক-ছাত্র স্বেচ্ছাসেবকদের উত্তম ও স্থানীয় জনসাধারণের সহযোগিতা। কিন্তু মনের কোণে রেদনা রয়ে গেল একটু। এই ধরণের বিরাট সম্মেলনে যা হয়, দূরকে ও পরকে নিকট বন্ধু করে নেবার সূযোগ মিলল না, প্রত্যেকের সংগে ব্যক্তিগত আলাপ-পরিচয়ের সামাজিক দিকটা অপূর্ণই হয়ে গেল।

পরদিন সকালে বিষ্ণুপুরের মাটি ও মানুষের কাছ থেকে বিদায় নিলাম।

ফিরবার পথের একটু বিবরণ না দিলে এ প্রবন্ধ অসম্পূর্ণ থেকে যাবে। প্রত্যেক কামরায় শিক্ষক-শিক্ষয়িত্রীর সমাবেশ, এ যেন শিক্ষকের ট্রেন! খড়্গপুরে চা খেতে নেমেছি, এমন সময় একটি কামরায় ধরে নিয়ে গেল। অল্প কামরা থেকে আরও দু'চারজনকে সংগ্রহ করে আনা হ'ল। গিয়ে দেখি, পাঁচজন শিক্ষয়িত্রী ও ৮১০ জন শিক্ষক আগে থেকেই সেখানে আসার জমিয়েছেন। হেমবাবু ও ধীরেনবাবুর মত ভারি প্রধান শিক্ষকও শিশুর মত সরল ও আনন্দ-চঞ্চল হয়ে উঠেছেন। কবি-গান হস্ত-কৌতুক আবৃত্তি, সংগীত চলতে লাগল, কোন কুণ্ডা, কোন জড়তা নেই। উপস্থিত প্রত্যেককে কিছু-না-কিছু অংশ গ্রহণ করতে হবেই। মনোরঞ্জনবাবু পরবর্তী স্টেশনে নেমে অল্প কামরায় চলে গেলেন। সবচেয়ে উল্লেখযোগ্য হ'ল ঢাকার দু'টি অবিবাহিতা তরুণী শিক্ষয়িত্রীর 'কনে দেখা' হাস্তরস পরিবেশন। একজন কনের অংশ, আর একজন বরপক্ষের অংশ গ্রহণ করলেন। কনের অংশটিই প্রধান। বিশেষ অভ্যস্ত না হলে এমন অনাবিল উচ্চাংগের হাস্তরস বিতরণ করা সম্ভব নয়। বহুকালের মধ্যে এত হাসি আর হাসি নি।

বিশ্বের বিখ্যাত পত্রাবলী

অধ্যাপক শ্রীমাখনলাল রায়চৌধুরী শাস্ত্রী

আওরঙ্গজেবের পত্র

পত্রাহুবাদ :—

পত্র পরিচয় :—

মৌলানা সালেহ্,

১৬৬৪ সাল ; আওরঙ্গজেব দিল্লীর সিংহাসনে। দারার ছিন্নমুণ্ড মাতা তাজবিবির সমাধি পার্শ্বে প্রোথিত করা হয়েছে। মুরাদকে গোয়ালিয়র দুর্গে মিথ্যা হত্যার অপরাধে হত্যা করা হয়েছে। সুজা আরাকানের জংগলে নিরুদ্দেশ অথবা মৃত। ভ্রাতৃপুত্রদের “পপীর” (আফিঙএর) বিষপান করান হয়েছে—কেহ বা মৃত, কেহ বা উল্লাদ—অর্ধপক্ষু পিতা আগ্রার দুর্গে বন্দী। দিল্লীর সিংহাসন নিকটক। পৃথিবীর বিভিন্ন মুসলিম রাজ্য থেকে স্বীকৃতি ও অভিনন্দন জ্ঞাপনের জন্তু রাজদূত এসেছেন। দিল্লীর উৎসব শেষ হয়ে গেছে। ইরানের রাজদূত কাবুলের পথে ইস্পাহান প্রত্যাবর্তন করেছেন। সেই সময় আওরঙ্গজেবের শৈশব-শিক্ষক মোল্লা সালেহ্‌র সঙ্গে ইরান রাজদূতের সাক্ষাৎ হল।

মোল্লা সালেহ্‌কে শাহজাহান পুরস্কার স্বরূপ কাবুলের প্রান্তদেশে কিছু জায়গীর দিয়েছিলেন। বৃদ্ধ মোল্লা সুদূর পথ অতিক্রম করে দিল্লীতে উপস্থিত ; তাঁর ছাত্র রাজ-সিংহাসনে—মোল্লার উদ্দেশ্য রাজদরবারে ওমরাহপদ লাভ। আওরঙ্গজেব তাঁর পুরাতন ওস্তাদকে জানুতেন। তিনমাস পর্যন্ত সত্রাট আওরঙ্গজেব মোল্লা সালেহ্‌কে সাক্ষাতের অহুমতি দেন নি। তিনি দরবারের বহু ওমরাহকে দিয়ে সংবাদ দিলেন—মোল্লা সালেহ্‌ সত্রাটের শৈশবের শিক্ষক, সত্রাটের দর্শনপ্রার্থী। প্রিয় সত্রাট-ভগ্নী রোশন্-আরার নিকট ব্যক্ত করলেন নিজের উদ্দেশ্য। আওরঙ্গজেব বিরক্ত। আওরঙ্গজেব তখন মোল্লার নিকট লিখলেন এই অপরূপ পত্র।

এই পত্র ফরাসী পর্যটক বার্গিয়ার তাঁর ভ্রমণ কাহিনীতে লিপিবদ্ধ করেছেন।

আপনি আমার দরবারে ওমরাহের পদ আকাঙ্ক্ষা করেছেন ; আপনি কি সূহৃ মনে এই কথা বিশ্বাস কর্তে পারেন যে আপনাকে আমি এই ওমরাহের পদে প্রতিষ্ঠিত করে পুরস্কৃত কর্তে পারি ? আপনি আমার জন্তে কি করেছেন ? আমাকে কি শিক্ষা দিয়েছেন ? আপনি যদি আমাকে রাজপুত্রের উপযোগী শিক্ষা দিতেন, তবে— আপনাকে ওমরাহের পদে বরণ করে আমি কৃতার্থ হতাম। আমি বিশ্বাস করি যে শিশু যদি তার শিক্ষক দ্বারা শৈশবে সুশিক্ষিত হয় তবে ভবিষ্যতে তার পিতা আর শিক্ষকের মধ্যে সে কোন পার্থক্য বিচার করে না।

চিন্তা করে দেখুন ত’ আপনি আমাকে কি শিক্ষা দিয়েছেন ? আপনি বলেছেন যে ফিরিজীস্তান (ইউরোপ) অত্যন্ত হীনস্তরের দেশ। সেখানে সর্বশ্রেষ্ঠ রাজা পর্তুগালের সেই ক্ষুদ্র দ্বীপাধিপ, তারপর ওলন্দাজরাজ— তাঁদের সম্বন্ধে আপনি কি বলেছেন ? ফরাসী ও স্পেনের রাজার সম্বন্ধে বলেছেন—তারা হিন্দুস্তানের এক একটা সামন্ত রাজার মতন। আর বলেছেন যে হিন্দুস্তানের সত্রাট বিশ্ববিজয়ী, পৃথিবীর সর্বশ্রেষ্ঠ, সর্বোত্তম নরপতি, সর্বশেষে বলেছেন যে হিন্দুস্তানের সত্রাটের নামে ইরান, উজবেগ, কাসগর, তুরান, পেণ্ড (ব্রহ্মদেশ), চীন, মহাচীন রাজ্য আতঙ্কিত হয়ে উঠে। আপনার ভূগোলের সঙ্গে পরিচয় ছিল কি ? আমাকে এই রাজ্যগুলির সম্বন্ধে নিভূল সংবাদ দেওয়া আপনার কর্তব্য ছিল—তাদের সামরিক শক্তি, যুদ্ধ বিদ্যা, তাদের ধর্ম, নীতি, সংস্কার, রাষ্ট্র-ব্যবস্থা জানলে আপনার ছাত্রের অনেক উপকার হত। এই রাজ্যগুলির নিভূল ইতিহাস, উত্থান-পতনের কাহিনী আপনার রাজকুমার ছাত্রের অবহিত হওয়ার প্রয়োজন ছিল। কোন সাম্রাজ্য কেন, কবে, কি ভুল করেছিল, কি

বিপর্যয়ের মধ্য দিয়ে, কি বিপ্লবের সম্মুখীন হয়েছিল তা' যে রাজপুত্রের অবশ্য জ্ঞাতব্য।

আমার বিশ্ববিশ্রুত পূর্বপুরুষগণ এই বিরাট হিন্দুস্তান জয় করেছিলেন, আপনি কি তাঁদের জীবন কাহিনী, তাঁদের রাজ্যজয়ের নীতি আমাকে শিক্ষা দিয়েছিলেন ?

আপনার শিক্ষার উদ্দেশ্য ছিল আমাকে আরবী অক্ষর, ভাষা, পঠন, লিখন ব্যাপারে নিপুণ করবেন। বাস্তবিক যে ভাষা আয়ত্ত কর্তে প্রায় দশ বৎসর প্রয়োজন হয়, তার জ্ঞান আমার জীবনের কত মূল্যবান সময় নষ্ট করেছেন। আপনার ধারণা ছিল যে মুসলিম শাহজাদার পক্ষে আরবী ব্যাকরণ শিক্ষা করা বা মুসলিম আইন পাঠ করাই জীবনের চরম চরিতার্থতা; অথচ সেই রাজপুত্রের পক্ষে তাঁর প্রতিবেশীর ভাষা শিক্ষার পরম প্রয়োজন আপনার ধারণার বর্হিত্ব ছিল, এই সুদীর্ঘ দশ বৎসরের মধ্যে আপনার ছাত্র কত মূল্যবান গ্রন্থ অধ্যয়ন কর্তে পারতো—তা জানেন ? একটি দানবের প্ররোচনায় এই গুফ, নীরস, সময়-সাপেক্ষ বিরক্তিকর কাজে আমাকে নিয়োজিত করেছিলেন।

আপনি শিশু মনের সঙ্গে পরিচিত নন। যৌবনে, বার্ককে মানুষ শৈশবের সুখ স্মৃতি বহন ক'রে কৃতার্থ হয়। শৈশবে যে উপদেশ ও শিক্ষার বীজ শিশুর মনে বপন করা হয়, তা পরবর্তীকালে তার মনকে বৃহৎ কাজের উপযুক্ত করে দেয়।

আমাদের ধর্মশাস্ত্র, সমাজ-বিজ্ঞান কি আমাদের মাতৃভাষায় শেখা সম্ভব নয় (১) ? আরবী ভাষার মধ্য দিয়েই যে শিখতে হবে তার কি সার্থকতা আছে ? মৌলানা সালেহ্, আপনি আমার পিতা সম্রাট শাহজাহানকে প্রতিশ্রুতি দিয়েছিলেন যে আপনি আমাকে দর্শন শিক্ষা দিবেন। আমার বেশ মনে পড়ে আপনি বহু বৎসর আমার সঙ্গে অন্তঃসারহীন তথ্য আলোচনা করেছেন—সে সব তথ্য মানব সমাজের কোন প্রয়োজন সাধন করে না, মানবচিন্তের তৃপ্তি সাধন করে না; সেগুলি গুধু কল্পনা, চিন্তার বিলাস। সেই তথ্যগুলির মধ্যে একটা বস্তুর সন্ধান পেয়েছি—দর্শনের শব্দগুলি অতিশয় কষ্টবোধ্য কিন্তু অতি সহজেই বিশ্বরণীয়। আপনার আলোচনার রেশ এখনো আমার মনে পড়ে এবং আমি মনে মনে

আপনাকে কল্পনা করি। তবে সেই গুরুগম্ভীর আলোচনার মধ্যে আমার মনে আছে কতকগুলি ভীষণ-শ্রবণ শব্দ—সেইগুলি মানুষকে বিভ্রান্ত করে, সন্দিগ্ধ করে, মানুষের চিন্তাকে পরিভ্রান্ত করে; কিন্তু আপনার মত পাণ্ডিত্যভিমাত্রীদের অহঙ্কারকে প্রশস্ত করে। এই বিকট ও দ্ব্যর্থবোধক শব্দাঙ্কুরের অন্তরালে বিশ্বের সমস্ত রহস্য আবৃত রয়েছে ভেবে আপনারা আত্ম-প্রসাদ লাভ করেন এবং আপনারা সেই শব্দগুলির অর্থ-সম্পদের অধিকারী ব'লে মানুষের নিকট প্রশংসার দাবী করেন।

আলেকজান্ডার যেমন তাঁর শিক্ষক এরিষ্টটলের নিকট কৃতজ্ঞ ছিলেন তেমনি আমি আপনার নিকট কৃতজ্ঞ থাকতাম যদি আপনি আমাকে যথার্থ দর্শনের শিক্ষার দ্বারা অনুপ্রাণিত কর্তেন, যদি আপনার দর্শন আমার মনকে যুক্তিবাদী করে তুলত; যদি সংস্কারবিহীন যুক্তি আমার চিন্তাকে বিভ্রান্ত না করত, তবে সে শিক্ষা আমার চিন্তাকে ভাগ্য বিপর্যয়ে বিক্ষুব্ধ করত না; সর্বকালে সর্ব অবস্থায় আমার মনের সমতা রক্ষা করত, সুখে আমাকে বিগতস্পৃহ করত, দুঃখে আমাকে অনুদ্বিগ্নমনা করত। আপনি আমাকে আমার আত্মদর্শনের শিক্ষা দিতে পারতেন, বস্তুর মূল সত্যের সন্ধান বলে দিতে পারতেন; এই বিরাট বিশ্বের অসীমতা এবং তার মধ্যে যে নিয়ম শৃঙ্খলা ও অহুনিহিত ঐক্য রয়েছে তা'ও বলেন নি। এই শিক্ষা যদি আমাকে দিতেন তবে আজ আপনার কোন আকাঙ্ক্ষাই অপূর্ণ থাকত না।

স্বব-স্মৃতি ও খোসামোদ না করে যদি আপনার রাজকুমার ছাত্রকে আপনি প্রজার প্রতি রাজার কর্তব্য সম্বন্ধে উপদেশ দিতেন! আপনি কি কখনো ধারণা করেন নি যে একদিন আমাকে আমার প্রাণ-রক্ষার জ্ঞান এবং সিংহাসনের জ্ঞান ভ্রাতার বিরুদ্ধে অস্ত্র চালনা কর্তে হবে? আপনি কি আমাকে কখনো কোন দুর্গ অবরোধ কর্তে, অথবা সৈন্তবাহ রচনা কর্তে শিক্ষা দিয়েছেন? এই সকল শিক্ষার জ্ঞান আমি অন্তের নিকট কৃতজ্ঞ—আপনার নিকট নয়। আমার বাদশাহী লাভের জ্ঞান আমি আপনার নিকট ঋণী নই। আপনি বাদশাহের নিকট কিছু আকাঙ্ক্ষা করবেন না।

আপনি আপনার দেশে প্রত্যাভর্তন করুন। আপনি

কে এবং আপনার পরিণাম জানবার জন্য পৃথিবীর কোন মানবের প্রয়োজন নাই।

* * * *

পত্র পরিণাম :—

এই পত্রখানির মধ্যে আওরঙ্গজেবের মনের একটা নূতন পরিচয় পাওয়া যায়। আওরঙ্গজেবের মনে দুই বিপরীত চিন্তাধারা বয়ে যেত—একটি মুসলিম আওরঙ্গজেব, অল্পটি সম্রাট আওরঙ্গজেব। মুসলমানমাত্রই আরবী ভাষায় নমাজ পড়ে, পৃথিবীতে বহু মুসলমান আছে যাদের ভাষা আরবী নয় এবং যারা আরবী বুঝে না। সহজ-বোধ্য মাতৃভাষায় নমাজ পড়ার বিষয়ে ইমাম আবু হানিফা ও সুবী ওমর খৈয়াম ইঙ্গিত করেছিলেন। আওরঙ্গজেবও তাই করেছেন। কিন্তু মোল্লাদের বিরোধিতার ভয়ে সে বিষয়ে হস্তক্ষেপ করেন নি।

দর্শন সম্বন্ধে আওরঙ্গজেবের তীব্র কটাক্ষ বেশ

উপভোগ্য। এটা স্বাভাবিক, কারণ তাঁর রাজ্যে সঙ্গীত নিষিদ্ধ করে দেওয়া হয়েছিলো, সুতরাং দিল্লীর বহু সঙ্গীত-বিলাসী সঙ্গীতের মূহ্য ঘোষণা করল। সঙ্গীতের কল্পিত মৃতদেহকে বহন করে আওরঙ্গজেবের মসজিদের পথ অতিক্রম করে চলল, আওরঙ্গজেব জিজ্ঞাসা করলেন—“আমার সাম্রাজ্যে কে এই বিরাট পুরুষ যার শব যাত্রায় অত লোক সমাগম?” উত্তরপেলেন—“জাঁহাপনা—আপনি সাম্রাজ্যে সঙ্গীত নিষিদ্ধ করেছেন, তাই দেশের লোক সঙ্গীতের মূহ্য ঘোষণা করে সঙ্গীতকে কবর দিতে চলেছে”। আওরঙ্গজেব গম্ভীরভাবে বললেন—“বলে দেও যে কবর যেন খুব গভীর ভাবে খনন করা হয়।”

আওরঙ্গজেব মাহুষের মূল্য বুঝতেন, প্রয়োজন মত সে মূল্য দিতে কাৰ্পণ্য করতেন না। অল্প দিকে প্রয়োজন হলে নিৰ্ম্মমহস্তে মাহুষের কর্তরোধ করতে পারতেন এবং করেছেন। আওরঙ্গজেবের শিক্ষার দোষ সম্বন্ধে তিনি অচেতন ছিলেন না। মোল্লা সালেহ্-এর পত্র তার অন্ততম প্রমাণ।

কলিঙ্গ-কুমারী

শ্রীহেমেন্দ্রপ্রসাদ ঘোষ

১

আজ হইতে চারিশত বৎসর পূর্বের কথা। তখন উড়িষ্যার স্বাধীন নৃপতিরা রাজ্য শাসন করিতেছেন। তাঁহারা শিল্পের পৃষ্ঠপোষক। যে রাজবংশ শৈব তাঁহাদিগের কীর্তি যখন ভুবনেখনে দ্বিতীয় কালী রচনার চেষ্টায় আত্ম-প্রকাশ করিতেছিল, তখনও উড়িষ্যায় বৈষ্ণব ধর্মমত লুপ্ত হয় নাই এবং কণার্ককেন্দ্রে সূর্যমন্দিরে তাহার প্রভাব-পরিচয় প্রকাশ পাইয়াছিল। কেশরী রাজবংশকে পরাভূত করিয়া গঙ্গাবংশ উড়িষ্যায় প্রাধান্য লাভ করিয়াছিলেন। প্রায় শতবর্ষ পরে সূর্যবংশীয় কপিলেন্দ্রদেব গঙ্গাবংশীয়-দিগকে পরাভূত করিয়া সিংহাসন অধিকার করিয়াছিলেন। তখন রাজধানী সমুদ্রতীরবর্তী পুরীতে স্থানান্তরিত হইয়াছে এবং স্থানটি জগন্নাথের মন্দিরের জন্য শ্রীক্ষেত্র নামে অভিহিত হইয়াছে।

কপিলেন্দ্রদেবের পুত্র পুরুষোত্তমদেব পিতার রাজ্য পাইয়া তাহার বিস্তার-সাধনে মনোযোগী হইয়াছেন। তিনি বীর—যোদ্ধা।

তিনি নিকটবর্তী কয়টি রাজ্য অধিকার করিয়া তখন আর কোন্ রাজ্য অধিকার করিবেন, তাহাই বিবেচনা করিতে-ছিলেন। সেদিন তিনি সেই বিষয়ে পরামর্শের জন্য বৃদ্ধ মন্ত্রী, ওরুণ সেনাপতি প্রভৃতিকে সভায় আহ্বান করিয়াছিলেন।

নির্দিষ্ট সময়ে রাজা মন্দিরে দেব-প্রণাম করিয়া আসিলে সভারম্ভ হইল। সভার প্রথামুসারে ঘোষণাস্ত্রে রাজা আসিয়া সিংহাসনে উপবিষ্ট হইলে বৈতালিক স্তুতি পাঠ করিল—তাহাতে রাজ্যের বর্ণনা ও রাজ্যের ভিন্ন ভিন্ন অংশে প্রজাবৃন্দের অবস্থা কীর্তিত হইল। রাজা মনোযোগ সহকারে সে বর্ণনা শুনিলেন—কোথায় কি করা প্রয়োজন বিবেচনা করিবেন।

রাজ্যের কার্য শেষ করিয়া রাজা বলিলেন, এখন সুশাসিত রাজ্যে তিনি প্রজাদিগের অবস্থার উন্নতি-সাধনে মনোযোগী হইবেন।

সেনাপতি বিনীতভাবে নিবেদন করিলেন—রাজা প্রথমে যে সকল রাজ্য জয় করিবেন মনে করিয়াছিলেন, সে সকলের মধ্যে কলিঙ্গ বিজয় করা হয় নাই; তিনি কি কলিঙ্গ-বিজয়ের বাসনা ত্যাগ করিয়াছেন?

পুরুষোত্তমদেব চিন্তা করিতে লাগিলেন।

পার্শ্বচরদিগের মধ্য হইতে নীলকান্ত দণ্ডায়মান হইয়া কলিঙ্গের সৌন্দর্য ও ঐশ্বর্য বর্ণনা করিয়া উপবিষ্ট হইবার পূর্বে বলিলেন, কলিঙ্গরাজের পুত্র নাই, কন্যা পদ্মাবতীর অসাধারণ দেহ-লাবণ্য-খ্যাতিতে বহু রাজা আকৃষ্ট হইয়াছেন—কিন্তু রাজকন্যার বিমাতা—নিঃসন্তান বিশাখা দেবীর পরামর্শে রাজা কোন সম্বন্ধই তাঁহার বংশমর্যাদার উপযুক্ত মনে করিতেছেন না।

মন্ত্রী শুনিয়া বলিলেন, ব্রাহ্মণের গৌরব যেমন শাস্ত্রজ্ঞানে রাজার গৌরব তেমনই বীরত্বে—যে বংশে তিনি জন্মগ্রহণ করেন, তাহার জন্ম নহে।

রাজা কি ভাবিতেছিলেন।

সভাস্থ একজন বলিলেন, মহারাজা যদি কলিঙ্গ বিজয় করেন, তবে কলিঙ্গরাজের বংশ-মর্যাদাগর্ব কোথায় থাকিবে?

নীলকান্ত বলিলেন, কলিঙ্গরাজ যদি মহারাজা পুরুষোত্তমদেবকে কন্যাদান করেন, তবে যেমন যোগ্য জামাতা লাভ করেন—তেমনই মহারাজারও বিনারক্তপাতে কলিঙ্গ বিজয় হয়। সেনাপতি ত এখনই মহারাজাকে কলিঙ্গ-বিজয়ের কথা বলিতেছিলেন।

তিনি এ বিষয়ে মন্ত্রীর মত জানিতে चाहিলেন। মন্ত্রী বলিলেন, বিষয়টি বিবেচনা করিয়া দেখা প্রয়োজন। কন্যা চাহিলে কলিঙ্গরাজ যদি সে প্রস্তাব প্রত্যাখ্যান করেন, তবে যুদ্ধ অনিবার্য হইবে; কারণ সে প্রত্যাখ্যান অপমানই হইবে। সুতরাং যুদ্ধের আয়োজন সম্পূর্ণ করিয়া তবে সে প্রস্তাব করা সঙ্গত।

সেনাপতি নিবেদন করিলেন, প্রস্তাব করা হউক বা না হউক—উড়িষ্যার সেনাবল্য সর্বদাই কলিঙ্গ বিজয় করিতে সমর্থ।

সেনাপতি রাজার দিকে চাহিলেন—রাজা তখনও কি ভাবিতেছিলেন।

সভার কার্য শেষ হইলে সভাভঙ্গের পূর্বে দশাবতার-বন্দনা গান রীতি। গায়িকারা ও বাদকরা পার্শ্ববর্তী কক্ষে প্রস্তুত ছিল; আহূত হইয়া সভাগৃহে নির্দিষ্ট স্থানে আসিয়া জয়দেবকৃত মধুর গান গাহিল—

“প্রলয়পর্যধিজলে ধৃতবানসি বেদং

বিহিতবহিষ্ত্রচরিত্রমথৈদম্ ;

কেশব ধৃত মীনশরীর

জয় জগদীশ হরে ॥”...

ইত্যাদি

সঙ্গীতান্তে সভাভঙ্গ হইল।

২

কলিঙ্গের রাজ-সভায় সংবাদবাহী সংবাদ দিল, উৎকল হইতে রাজদূত আসিয়াছেন। তিনি পূর্বদিন সন্ধ্যায় উপনীত হইলে রাজ্যের প্রথানুসারে তাঁগকে সসন্মানে অতিথিশালায় লইয়া যাওয়া হইয়াছিল; তিনি এখন সাক্ষাৎপ্রার্থী।

কলিঙ্গরাজ তাঁগকে আনিতে বলিলে নীলকান্ত সভাগৃহে প্রবেশ করিয়া রাজাকে শ্রদ্ধা নিবেদন করিয়া বলিলেন, তিনি যে কার্যের জন্ম প্রেরিত হইয়াছেন, তাহা প্রকাশ্য রাজসভায় প্রকাশ করা তাঁহার অভিপ্রেত নহে।

রাজা তাঁগকে উপবিষ্ট হইতে বলিয়া রাজ্যের কার্য শেষ করিয়া সভাভঙ্গ ঘোষণা করিয়া কক্ষান্তরে গমন করিয়া উৎকল-রাজের দূতকে তথায় আহ্বান করিলেন। মন্ত্রী ও তাঁহার সহকারী পূর্বেই তথায় আহূত হইয়াছিলেন।

তথায় উপস্থিত হইয়া নীলকান্ত বলিলেন, অঙ্গে, বঙ্গে, কলিঙ্গে, সৌরাষ্ট্রে, মগধে উৎকল-রাজ পুরুষোত্তমদেবের নাম অবগত নহেন, এমন কেহই নাই। তাঁহার কীর্তিকিরণে উৎকল উদয়ান্ত-ভাস্কর-করসমুজ্জল গিরিশৃঙ্গের মত আলোকিত। তাঁহার রাজত্ব তালীবনশ্যাম উড়িষ্যার সমুদ্রকূল হইতে দিকে দিকে প্রসারিত। তাঁহার বাহুবলে বহু রাজা তাঁহার চক্রবর্তিত্ব স্বীকার করিয়াছেন। তিনি কলিঙ্গরাজ্য আক্রমণ না করিয়া রাজার সহিত সম্প্রীতিকামী—উৎকল রাজ্যের সহিত কলিঙ্গ রাজ্যের শ্রীতিবন্ধন বাহাডে

কখন ছিন্ন না হয়, সেই জন্ত তিনি কলিঙ্গরাজ-কন্ডার পাণি সাদরে গ্রহণের প্রস্তাব প্রেরণ করিয়াছেন।

কলিঙ্গরাজ কোন উত্তর প্রদানের পূর্বেই মন্ত্রী বলিলেন, “সাধু! নীলাচলবাসী মহারাজা পুরুষোত্তমদেব তাঁহার রাজ্যে ‘চলন্তীবিক্ষু’ বলিয়া সম্পূজিত। তিনি তাঁহার পিতার রাজ্য বিস্তৃত করিয়াছেন। তাঁহার কীর্তিকথা কলিঙ্গে অবিদিত নাই। তাঁহার প্রেরিত প্রস্তাব যে শ্রদ্ধাসহকারে বিবেচ্য তাহাতে সন্দেহ নাই। কলিঙ্গরাজ যে তাহাই করিবেন, দূতকে তাহা বলা বাহুল্য।”

তিনি তাঁহার প্রভুর আদেশের অপেক্ষা না রাখিয়াই যে এইরূপ মত প্রকাশ করিয়াছিলেন, তাহা সাধারণ রীতিবিরুদ্ধ। সেই জন্ত তিনি কথা শেষ করিয়া রাজার দিকে চাহিলেন।

রাজা তখন দোলাচলচিহ্ন। তিনি মন্ত্রীর উক্তির যথার্থ্য বর্ণে বর্ণে অনুভব করিতেছিলেন—কিন্তু মন্ত্রীর মতে মত প্রকাশ করিতে পারিতেছিলেন না।

প্রভুকে নির্বাক দেখিয়া মন্ত্রীর মন অপ্রসন্ন হইল।

নিশ্চর গৃহের স্তব্ধতা যেন পীড়াদায়ক হইয়া উঠিতেছিল। এই সময় কলিঙ্গরাজ বলিলেন, “মন্ত্রী যথার্থ-ই বলিয়াছেন, এই প্রস্তাব শ্রদ্ধাসহকারে বিবেচ্য। উৎকল-রাজদূত রাজ্যের সম্মানিত অতিথিরূপে আজ আতিথ্য স্বীকার করুন—কন্ডার বিবাহ সম্বন্ধে নানা বিষয় বিচার করিতে হয়; আগামী কল্য আমি তাঁহার প্রস্তাবের উত্তর দিব।”

কলিঙ্গরাজ কক্ষের পশ্চাতের দ্বারের আবরণবস্ত্র সরাইয়া চলিয়া যাইলেন। এদিকে মন্ত্রীর আস্থানে উপনীত এক জন রাজকর্মচারী আসিয়া উৎকলরাজদূতকে সম্মানে লইয়া যাইলেন।

মন্ত্রীর অপ্রসন্নতাব লক্ষ্য করিয়া তাঁহার সহকারী তাঁহাকে বলিলেন, তিনি রাজা কিছু বলিবার পূর্বেই যে প্রস্তাব সম্বন্ধে মত প্রকাশ করিয়াছেন, তাহাতে তিনি বিস্মিত হইয়াছেন।

মন্ত্রী বলিলেন, “তাহাতেও কোন সুরিধা হইল না; আমার মত জানিয়াও রাজা সম্মতি দিতে পারিলেন না।”

“আপনি এ কথা কেন বলিতেছেন?”

“যে পট্টমহারাজী রাজ্যের লক্ষ্য ছিলেন—তিনি ঐ কন্ডাকে রাখিয়া প্রজাদিগকেও মাতৃহীন করিয়া গিয়াছেন।

তদবধি আমি কেবল অমঙ্গলের আশঙ্কাই করিতেছি। বর্তমান মহারাজী রাজ্যের উপর প্রস্তাব বিস্তার করিয়া ক্রমে সব ক্ষমতা হস্তগত করিতেই ব্যস্ত। পাছে রাজকন্ডার বিবাহ সুপাত্রে সন্ধে হইলে জামাতা ক্ষমতা লাভ করে, সেই ভয়ে তিনি সকল বিবাহ-প্রস্তাব প্রত্যাখ্যান করাইতে-ছেন। আর বৃদ্ধ পুরোহিতের পুত্র তাঁহার হস্তে খেলিবার পুতুল মাত্র হইয়াছেন।”

“মহারাজীর অভিপ্রায় কি?”

“তিনি বুদ্ধিবিবেচনায় ধর্ম কাহারও সহিত রাজকন্ডার বিবাহ দিয়া আপনি প্রভুত্ব করিতে চাহেন। কিন্তু মাতৃহীনা পদ্মাবতীকে আমরা কত স্নেহেই পালন করিয়া আসিয়াছি!”

মন্ত্রী দীর্ঘশ্বাস ত্যাগ করিলেন।

সহকারী বলিলেন, “তবে কি সেই জন্তই মহারাজী তাঁহার অমাহুয ভ্রাতৃপুত্রকে—”

“যে কথা মনে আছে, তাহা মুখে প্রকাশ করিও না; জানিও—হস্তের তীর আর মুখের কথা বাহির হইলে আর ফিরান যায় না; মহারাজীর বুদ্ধি অসাধারণ—তাঁহার চর সর্বত্র আছে—কোন কথা কিরূপে কখন হয়ত বা অতিরঞ্জিত হইয়া তাঁহার কর্ণগোচর হয়, তাহা কেহ বলিতে পারে না।”

৩

কলিঙ্গের মহারাজা অন্তঃপুরে প্রবেশ করিলেন। তিনি বিশ্রাম-কক্ষে উপনীত হইতে না হইতে পট্টমহারাজী আসিয়া উপস্থিত হইলেন এবং অত্যন্ত ব্যস্তভাবে তাঁহার কুশল প্রশ্ন করিলেন।

রাজা বলিলেন, “মহারাজী, আজ সুসংবাদ আনিয়াছি।”

মহারাজী হাস্তপ্রফুল্ল ভাবে বলিলেন, “আপনি কবে সুসংবাদ ব্যতীত অন্য কিছু আনিয়া থাকেন? আপনার শাসনে রাজ্যের প্রজারা যে কত সুখে আছে, তাহা আমি প্রতিদিন লোকমুখে সুসংবাদ পাইয়া অবগত হই। আজ কি নূতন সুসংবাদ, রাজন্?”

“উৎকলের রাজা পুরুষোত্তমদেব সংবাদ পাঠাইয়াছেন; তিনি পদ্মাবতীর পাণি প্রার্থনা করেন।”

মহারাজীর মুখ গম্ভীর হইল—যেন অকাল-জলদে মধ্যাহ্ন-রবিকরোজ্জ্বল আকাশ অন্ধকার হইল। তিনি যেন এ

সংবাদ পূর্বে শুনে নাই, এমনই ভাব দেখাইয়া বলিলেন, “এই সুসংবাদ! পুরীরাজের কুলগৌরব-পরিচয় বিবেচনা করিতে হইবে; কারণ, কস্তাকে যেমন অপাত্রে অর্পণ করা যায় না—কুলগৌরব তেমনই ক্ষুণ্ণ করা যায় না। আমি কলিঙ্গের মহারাজার পত্নী—দেবতা আমাকে সন্তান দেন নাই, কিন্তু আমি পদ্মাবতীকে অপত্যবোধেই পালন করিতেছি, তাহাকে সৎপাত্রে সমর্পণ করিয়া নিকটে রাখিতে আমার বাসনা যেমন স্বাভাবিক, যাহাতে তাহার বিবাহে কলিঙ্গরাজ-বংশের কুলগৌরব কোনরূপে ক্ষুণ্ণ না হয় সে দিকে দৃষ্টি রাখা আমার তেমনই কর্তব্য।”

“পুরীরাজের বীরত্ব-খ্যাতি অসাধারণ। তিনি বহু রাজ্য জয় করিয়াছেন, বলিয়া পাঠাইয়াছেন—কলিঙ্গ আক্রমণ না করিয়া কলিঙ্গের সহিত সম্প্রীতি রক্ষা করিতে চাহেন—কলিঙ্গ রাজকন্টার পাণি প্রার্থনা করেন।”

মহারানী যেন সহসা—ঘৃতাছতিপুষ্ঠ অগ্নির মত প্রদীপ্ত হইয়া উঠিলেন; বলিলেন, “তাঁহার প্রস্তাব চতুরের প্রস্তাব—তিনি বলে কলিঙ্গ আক্রমণ না করিয়া—কৌশলে কলিঙ্গ-রাজ্য অধিকার করিতে চাহিতেছেন—বিবাহ-প্রস্তাব ছল ব্যতীত আর কিছুই নহে।”

মহারাজা মৌন বিস্ময়ে মহারানীর দিকে চাহিয়া রহিলেন—তিনি যেন রঙ্গমঞ্চে অভিনয় দেখিতেছিলেন।

মহারানী বলিলেন, “পুরীরাজ কলিঙ্গের বল অবগত আছেন; কলিঙ্গ-বিজয় সাধ্যাতীত বুঝিয়া কলিঙ্গরাজ্য লাভ করিবার জন্ত এই কৌশল করিতেছেন। তিনি যদি যুদ্ধ চাহেন—আমাদিগকে যুদ্ধই দিতে হইবে—তাঁহার প্রস্তাবের মীমাংসা যুদ্ধক্ষেত্রেই হইবে।”

যেন অগ্নিশিখা ঘৃতাভাবে নত হইয়া কেবল আলোক ও তাপ বিকীর্ণ করিতে লাগিল এমনই ভাবে মহারানী বলিলেন, “পুরীরাজকে কস্তাদান কুলগৌরবসম্বত কি না, সে বিষয়ে সর্বাগ্রে কুলপুরোহিতের মত গ্রহণ প্রয়োজন।”

মহারাজা বলিলেন, “পুরোহিত মহাশয় বৃদ্ধ ও অসুস্থ—চলচ্ছত্রিহিত; তাঁহার নিকট উপযুক্ত লোক পাঠাইবার ব্যবস্থা করিতেছি।”

তিনি গমনের উত্তোগ করিলে মহারানী বলিলেন, “রাজকাৰ্য্যে আপনি শ্রান্ত—বিশ্রাম ও সেবাগ্রহণ করুন; আগামীকাল সে ব্যবস্থা হইবে।”

“আগামীকালই উৎকল দূতকে উত্তর দিব প্রতিশ্রুতি দিয়াছি।”

“তবে আমি পুরোহিত মহাশয়ের পুত্রকে সংবাদ দিতেছি। তিনি বিদ্বান, বিচক্ষণ এবং পিতার শাস্ত্রজ্ঞানের অধিকারী। তিনি বোধ হয় প্রাসাদেই আছেন—পদ্মাবতীকে প্রফুল্লতাহীন দেখিয়া আপনি সে দিন উৎকর্গা প্রকাশ করিয়াছিলেন। সেইজন্য আমি তাহার শুভ-কামনায় শাস্ত্রিস্বস্ত্যয়নের ব্যবস্থা করিয়াছি—সেই উপলক্ষে পুরোহিত-পুত্র আজ তাহা করিতে আসিয়াছেন। পদ্মাবতীই আমাদিগের স্নেহের একমাত্র অবলম্বন।”

রাজার মুখ প্রফুল্লভাব ধারণ করিল।

রাজার মতের অপেক্ষা না রাখিয়াই মহারানী দাসীকে পুরোহিত-পুত্রকে মহারাজের নিকট আসিবার জন্ত আহ্বান জানাইতে বলিলেন এবং দাসীর হস্ত হইতে ময়ূরপুচ্ছের ব্যজন লইয়া স্বয়ং মহারাজকে ব্যজন করিতে লাগিলেন।

কলিঙ্গরাজ জিজ্ঞাসা করিলেন, “পদ্মাবতী কোথায়?”

মহারানী বলিলেন, “আজ তাহার কল্যাণকামনায় শাস্ত্রিস্বস্ত্যয়নের ব্যবস্থা করিয়াছি; সেই জন্ত তাহাকে দেবতার গৃহে রাখিয়া আসিয়াছি।”

“তাহা হইলে পুরোহিত-পুত্র এখন কিরূপে আসিবেন?”

মহারানী বিব্রত হইলেন, কিন্তু তখনই বলিলেন, “তিনি স্বয়ং কার্য করিতেছেন না—পাছে কোন ত্রুটি হয়, সেইজন্য তাঁহাকে তথায় থাকিতে বলিয়া আসিয়াছি।”

অলক্ষণ পরেই দাসী আসিয়া সংবাদ দিল, পুরোহিতপুত্র আসিতেছেন এবং প্রায় সন্ধ্যে সন্ধ্যে সুদর্শন তরুণ ব্রাহ্মণ কক্ষে প্রবেশ করিয়া মহারাজার জয়োচ্চারণ করিলেন।

মহারাজা তাঁহাকে প্রণাম জানাইলেন এবং তিনি আশীর্বচন জ্ঞাপন করিলেন।

এদিকে মহারানী ব্যজন রাখিয়া আগন্তকের জন্ত আসন পাতিয়া দিয়া তাঁহাকে প্রণাম করিলেন। তিনি উপবিষ্ট হইয়া মহারাজা কেন তাঁহাকে স্মরণ করিয়াছেন জিজ্ঞাসা করিলে মহারাজা বলিলেন, “পুরী রাজা পুরুষোত্তমদেব পদ্মাবতীর পাণি প্রার্থনা করিয়া দূত প্রেরণ করিয়াছেন। সেই বিষয়ে আমরা আপনার মত জানিতে ইচ্ছা করি—পুরীরাজকে কস্তাদান আমার বংশের কুলপ্রথা-সম্বত কি না?”

মহারানী মহারাজাকে ব্যজন করিতে ভুলিয়া যাইয়া কেবল পুরোহিতের উত্তর প্রতীক্ষা করিতে লাগিলেন। তাঁহার দৃষ্টিতে যেন বজ্রছোতক দাহিকাশক্তিপূর্ণ বিদ্যাতের দীপ্তি।

পুরোহিত-পুত্র যেন চিন্তামগ্ন হইলেন ; তাঁহার ক্র কুঞ্চিত হইল। তিনি বলিলেন, “রাজন, আমার জ্ঞান সীমাবদ্ধ—কিন্তু শিক্ষারফলে তাগ যতদূর অধিগত করিতে পারিয়াছি তাহাকে বলিতে পারি, এ প্রস্তাব প্রত্যাখ্যানযোগ্য। কবির উক্তি ‘স্ত্রীরঙ্গ দুহুলাদপি’, কিন্তু কলিঙ্গরাজবংশ কুলমর্যাদা সম্বন্ধে এতই সতর্ক যে, একাল পর্য্যন্ত উড়িষ্যারাজ পরিবারের কোন কন্ডা কলিঙ্গ রাজ-প্রাসাদে স্থান লাভ করেন নাই। সেই জন্তই লোকপরম্পরায় কথিত আছে, চক্রে কলঙ্ক আছে, তবুও কলিঙ্গরাজবংশে কোন দোষ নাই। গঙ্গাবংশীয়গণ দার্ষকাল উড়িষ্যা শাসন করিয়াছেন ; তাঁহারা বঙ্গদেশ হইতে আসিয়াছিলেন—রাঢ়দেশ তাঁহাদিগের পিতৃভূমি ; তাঁহাদিগের পূর্বপুরুষগণ নদীমাতৃক দেশের অধিবাসী ছিলেন ; তাঁহাদিগের নৌসাধনতৎপরতা অসাধারণ ছিল এবং তাঁহারা সাগরপারবর্তী স্থানে যেমন উপনিবেশ স্থাপন করিয়াছিলেন, তেমনই হিমগিরির পরপারেও দিগ্বিজয়ী পণ্ডিত পাঠাইয়াছিলেন। কিন্তু তাঁহারা মৎস্যভোজী ছিলেন কি না সে বিষয়ে সন্দেহের অবকাশ আছে। সেই এক গুণরাশিনাশী দোষে তাঁহাদিগের সহিত কলিঙ্গরাজ পরিবারের কোনরূপ বৈবাহিক সম্বন্ধ সম্ভব হয় নাই। কিন্তু উড়িষ্যার সূর্যবংশীয়গণের সহিত বঙ্গগত সেই গঙ্গাবংশের রক্তের সম্মিলন হইয়াছে—তখনও সূর্যবংশীয় রাজগণ সিংহাসন অধিকার করেন নাই। এই অবস্থায় কলিঙ্গের রাজপরিবারের সহিত উড়িষ্যার সূর্যবংশীয় রাজার বৈবাহিক সম্বন্ধ কলিঙ্গকুলগৌরবহানিকর হইবে।”

পুরোহিত উক্তি শেষ করিয়া রাজার দিকে চাহিলেন। রাজার মুখে নৈরাশ ব্যাপ্ত হইয়াছে। কিন্তু রাজার পশ্চাতে দণ্ডায়মানা মহারানীর দৃষ্টিতে আনন্দদীপ্তি—উৎকর্ষার পরিচয়ের স্থান অধিকার করিয়াছে। তিনি পুরোহিত-পুত্রের দিকে চাহিয়া প্রসন্ন হাসি হাসিলেন এবং আবার রাজাকে ব্যজন করিতে লাগিলেন।

পুরোহিত রাজসভায় আসিলেন। গায়কদল বন্দনা গান করিল—

“রাজন, তব বশ-কৌমুদী ব্যাপ্ত জনসমাজে,
প্রথর-প্রভাকর-কিরণ গৌরব তব লাজে।

সিন্ধু তোমার বন্দনা গাহে ;

সসাগরাধরা শাসন চাহে ;

গগনে গগনে পবনে তোমার জয়-দুন্দুভি বাজে।

পতাকা তোমার উড়ে গিরিশিরে ;

জয়ের স্তম্ভ সাগরের তীরে ;

দৃষ্ট দমনে শিষ্ট পালনে অন্সরাগ তব রাজে।

প্রণতি তোমার দেবতা-চরণে

রত তুমি সদা তাঁহার স্মরণে

লক্ষী তোমায় আশীষ করেন—চিরসুন্দর সাজে।”

গান শেষ হইলে প্রণীত মন্ত্রী দণ্ডায়মান হইয়া নিবেদন করিলেন, কলিঙ্গ হইতে রাজদূত প্রত্যাবর্তন করিয়াছেন।

রাজা হইতে দৌবারিক পর্য্যন্ত সকলেই তাঁহার আনীত সংবাদের অন্ত উদগ্রীব। কিন্তু মন্ত্রীর মুখ চিন্তায় অন্ধকার।

নীলকান্ত আসিয়া রাজাকে অভিবাদন করিবামাত্র মন্ত্রী বলিলেন তাঁহার নিবেদন—দৌত্যকার্যের সংবাদ রাজাজ্ঞা ব্যতীত প্রচার করা নিষিদ্ধ ; সে সংবাদ প্রথমে মহারাজা, মন্ত্রী ও সেনাপতি শুনিয়া পরে সে সম্বন্ধে কর্তব্য স্থির করিবেন।

সেনাপতি বলিলেন, “সাদু।”

মন্ত্রী যে সেনাপতিরও প্রথমে সংবাদ শুনিবার কথা বলিলেন, তাহাতে এ উহার মুখে চাহিলেন।

মহারাজা পার্শ্ববর্তী মন্ত্রণাকক্ষে গমন করিলেন এবং মন্ত্রী ও সেনাপতি তাঁহার অহুসরণ করিলেন। তাঁহারা সেই কক্ষে প্রবেশ করিয়া দ্বার রুদ্ধ করিলেন। রাজসভায় সকলে উদগ্রীব আগ্রহে তাঁহাদিগের প্রত্যাবর্তন প্রতীক্ষা করিতে লাগিলেন—অপেক্ষার সময় যেন অতি দীর্ঘ মনে হইতে লাগিল।

মন্ত্রণাক্ষের দ্বার মুক্ত করিয়া পুরুষোত্তমদেব বধন সভাগৃহে প্রবেশ করিবেন, তখন তাঁহার গৌরবর্ণ মুখ

ক্রোধে রক্তাভ, তাঁহার অহুসরণকারী মন্ত্রীর মুখ অন্ধকার, সেনাপতির মুখ হর্ষপ্রদীপ্ত। রাজা যখন সিংহাসনের পীঠে আরোহণ করিলেন, তখন তাঁহাকে অরুণকিরণোজ্জ্বল গিরিশৃঙ্গের মত দেখাইতে লাগিল। তিনি আসনে উপবিষ্ট না হইয়া দণ্ডায়মান অবস্থায় ঘোষণা করিলেন—কলিঙ্গরাজ পুরীরাজকে অপমানিত করিয়াছেন; তাঁহার সেই উদ্ধত অবিমূঢ়কারিতার ফল তাঁহাকে ভোগ করিতে হইবে; উৎকল কলিঙ্গের বিরুদ্ধে যুদ্ধ ঘোষণা করিল—উৎকল বাহিনী কলিঙ্গরাজ্য আক্রমণ করিবে—সমগ্র রাজ্যে ঘোষণা করা হইবে।

তাঁহার পরে তিনি ক্রোধকম্পিতকণ্ঠে বলিলেন, “আমি জগবন্ধুর রত্নবেদী স্পর্শ করিয়া প্রতিজ্ঞা করিতে যাইতেছি—”

তাঁহার কথা শেষ না হইতেই মন্ত্রী বলিলেন, “মহারাজ,

ক্রোধ চণ্ডাল—তাঁহার বশবর্তী হইয়া দেবতাকে সাক্ষী রাখিয়া কোন প্রতিজ্ঞা করিতে নাই। তাহাতে—”

কিন্তু রাজা সে কথায় কর্ণপাত না করিয়া তাঁহার উক্তি শেষ করিলেন—“কলিঙ্গরাজ্য জয় করিয়া তাহা উৎকল রাজ্যের অন্তর্ভুক্ত করিব এবং কলিঙ্গ-রাজকন্যাকে বন্দী করিতে পারিলে—তাঁহার পিতার কুলমর্যাদাজনিত ঔদ্ধত্যের প্রতিশোধে তাঁহাকে চণ্ডালে অর্পণ করিব।”

সুস্তিত সভার বিষয় অপনীত হইবার পূর্বেই রাজা অভ্যস্ত শৈথিল্য ত্যাগ করিয়া সিংহাসনপীঠ হইতে অবতরণ করিয়া মন্দিরের অভিমুখে যাত্রা করিলেন।

মন্ত্রীর মুখে বেদনার চিহ্ন স্পষ্ট হইয়া উঠিল।

রাজপ্রাসাদের সম্মুখস্থিত বাগমঞ্চ হইতে দামামার বাজে যুদ্ধঘোষণার সংবাদ ঘোষিত হইল।

(আগামীবারে সমাপ্য)

কোরিয়া-প্রসঙ্গ

শ্রী প্রফুল্লরঞ্জন সেনগুপ্ত এম-এ

কোরিয়া আয়তনে শ্রায় ব্রিটেনরই মতো। দেখানে তিরিশ মিলিয়ন লোকের বসবাস। কোরিয়া উপদ্বীপটি মালুরিয়া ও জাপানের মধ্যে অবস্থিত এবং সামরিক দিক থেকে বিচার করলে এর গুরুত্বও আছে যথেষ্ট। ভারতবর্ষের মতো কোরিয়াও কৃষিপ্রধান দেশ—শতকরা ৯০ জন লোকই কৃষক। এদের জীবনধারণের মানদণ্ড ভারতেরই দুর্দশাগ্রস্ত কৃষিজীবীর মতো। শস্ত ও খনিজ সম্পদের জন্ত উত্তর কোরিয়া দক্ষিণ কোরিয়ার কাছে নির্ভরশীল। এদের কতগুলো সামাজিক আচার-ব্যবহারের সঙ্গে ভারতবর্ষের যথেষ্ট ঐক্য আছে। বিয়ের ব্যাপারে ভারতবর্ষের অনুরূপই মা বাপের ইচ্ছানুযায়ী পাত্র-পাত্রীর বিয়ের ব্যবস্থা করা হয়। বিয়ের পূর্বে স্বামী-দর্শন তাদের সৌভাগ্যে ঘটে না। মেয়েদের বিয়ের পর একা একা পথ চলার স্বাধীনতা প্রায়ই থাকে না। আত্মীয়স্বজন পরিবেষ্টিত হ'য়েই তাদের পথ চলতে হয়। কলম্বাস যখন আমেরিকা আবিষ্কার করেছিলেন—তারও শতবর্ষ পূর্বে কোরিয়ার ছাপাখানার প্রচলন ছিল। কোরিয়ার জ্যোতির্বিদ পণ্ডিতগণ আকাশে তারার গতিবিধি সম্বন্ধে অবিদিত ছিলেন—তাও যিশুখ্রীষ্টের আবির্ভাবের শতবর্ষ পূর্বে। বৌদ্ধ ও চৈনিক সংস্কৃতি দ্বারা কোরিয়ার সংস্কৃতি ও সভ্যতা প্রভাবান্বিত। বর্তমানে অধিকাংশ কোরিয়াবাসী খৃষ্টধর্ম অবলম্বন করেছে।

১৯১০ সালে জাপান কোরিয়া দখল করে। কলে জাপানের শোষণ নীতির অত্যাচার থেকে কোরিয়াও অব্যাহতি পায় নি। বিগত যুদ্ধের সময় নির্বাসিত কোরিয়ানরা চীনে একটি ‘প্রতিসনাল গভর্নমেন্ট’ স্থাপিত করে। ১৯৪৩ সালে কায়রো কনফারেন্সে—ব্রিটেন, চীন এবং আমেরিকা এই সিদ্ধান্তে উপনীত হয় যে জাপান পরাজিত হ'লে—কোরিয়াকে স্বাধীনতা দেওয়া হ'বে। ১৯৪৫ সালে মস্কো কনফারেন্সে ঠিক করা হয় যে কোরিয়া চতুর্শক্তির তত্ত্বাবধানে থাকবে। কিন্তু জাপান পরাজিত হ'লে, রাশিয়া উত্তর কোরিয়ার ভার গ্রহণ করে এবং আমেরিকা দক্ষিণ কোরিয়ার ভার গ্রহণ করে। ৩৮ প্যারালালের উত্তরাংশ রাশিয়ার তত্ত্বাবধানে চলে যায়। যদিও এ ব্যবস্থা সামরিক ভাবেই গ্রহণ করা হয়েছিল—কিন্তু রাশিয়া ও আমেরিকার মধ্যে একটু বিষেবের ভাব পরিস্ফুট হওয়ায়—এ সামরিক ব্যবস্থা পাকাপাকি ভাবে আরও সুদৃঢ় হ'য়ে উঠলো। ৩৮ প্যারালাল সম্পূর্ণ কোরিয়া উপদ্বীপটিকে বিভক্ত করে—দু'টি দলে পরিণত করে কোরিয়ানদের মধ্যে একটি বিষেবের ভাব সৃষ্টি করে তুলতে। কিন্তু আন্তর্জাতিক পরিস্থিতির জন্ত রাশিয়ার অন্তর্ভুক্ত উত্তর কোরিয়ার সঙ্গে আমেরিকার করতলগত দক্ষিণ কোরিয়ার সংযোগ ও ঐক্য স্থাপনার বিঘ্ন ঘটে।

ইউ, এন্ কমিশনের তত্ত্বাবধানে ১৯৪৭ সালের মে মাসে দক্ষিণ

কোরিয়ার নির্বাচনের কাজ শেষ হয়। এ নির্বাচনের কিছুদিন পূর্বে Pyongyongএ সোভিয়েট রাশিয়ার প্রচেষ্টায় 'অল কোরিয়া জয়েন্ট পলিটিক্যাল কনফারেন্স' আহূত হয়। এখানে সিদ্ধান্ত করা হয় যে কোনো ক্রমেই দক্ষিণ কোরিয়ার এ নির্বাচন সমগ্র কোরিয়ার জনগণ মেনে নিতে রাজী নয়। পৃথক ভাবে দক্ষিণ কোরিয়ার এ নির্বাচনের প্রচেষ্টা ব্যর্থ করতে হবে। সোভিয়েট রাশিয়া প্রচারিত সংবাদে জানা যায় যে এ কনফারেন্সে মোট ৫৪৫ জন কোরিয়ান উত্তর ও দক্ষিণ কোরিয়া থেকে উপস্থিত ছিলেন। চীনে প্রতিষ্ঠিত কোরিয়ান প্রভিন্সনাল গভর্নমেন্টের কর্ণধার ডাঃ কিম কুও এ কনফারেন্সে উপস্থিত ছিলেন। ১৯৪৯ সালে জুন মাসে ডাঃ কিম কু Seoulএ জর্নৈক লেফটেন্যান্ট দ্বারা নিহত হ'ন।

নানা গোলযোগের মধ্যেও নির্বাচন বন্ধ রইল না। দু'জন দক্ষিণপন্থী নেতাক ডাঃ সীমান রী ও কিম বিপুল ভোটাধিক্যে জয়লাভ করেন এবং "ডেমোক্রেটিক রিপাবলিক অব কোরিয়া" নামে রাষ্ট্র গঠন করেন। ১৫ই আগস্ট কোরিয়া সাধারণতন্ত্র রাজ্য বলে ঘোষিত হয় এবং কোরিয়ায় মার্কিন সামরিক শাসনের অবসান ঘটে।

দক্ষিণ কোরিয়ার নির্বাচনের পূর্বে "কোরিয়ান পিপলস কমিটি" (the interim Communist-controlled Govt. in the Soviet Zone) ইতিমধ্যে সমগ্র কোরিয়ার জন্ত একটি সাধারণ শাসনতন্ত্র গ্রহণের দাবী জানায়। ১১ই সেপ্টেম্বর Pyongyongএ "ডেমোক্রেটিক পিপলস রিপাবলিক অব কোরিয়া" ঘোষিত হয়। এ নোতুন গভর্নমেন্টও কোরিয়া থেকে আমেরিকান ও সোভিয়েট সৈন্যবাহিনীর অপসারণ দাবী করে।

সোভিয়েট রাশিয়া ১৯৪৮ সালের শেষার্শ্বে তাঁদের সৈন্য অপসারণ করেন। ১৯৪৯ সালের জুন মাসে কোরিয়া থেকে আমেরিকা তাঁদের সৈন্য হাট্টিয়ে দেন বটে, কিন্তু দক্ষিণ কোরিয়ান সৈন্যবাহিনীকে উপদেশ দেবার জন্ত কেবল মাত্র ৫০০ শত ইউ, এন্স সামরিক অফিসার রেখে যান।

সোভিয়েট রাশিয়া এবং আমেরিকা তাদের সৈন্য অপসারণের পালা শেষ করে দেওয়া সত্ত্বেও উত্তর ও দক্ষিণ কোরিয়ার মধ্যে একেবারে কোনোই আশাস পাওয়া গেল না। বরং বিভক্ত কোরিয়ার মধ্যে ব্যবধানই গড়ে উঠতে লাগলো। দিন দিনই গৃহযুদ্ধের ইঙ্গিত সুস্পষ্ট হয়ে উঠতে লাগলো উত্তর ও দক্ষিণ কোরিয়ার মধ্যে। উত্তর কোরিয়া মিঃ কিম ইন্ সেনএর নেতৃত্বে রাশিয়া দ্বারা পরিপুষ্ট হ'য়ে এবং দক্ষিণ কোরিয়া ডাঃ সীমান রীর নেতৃত্বে আমেরিকান দ্বারা পরিপুষ্ট হয়ে, সংঘর্ষের সূচনায় সজীব হয়ে উঠলো। মিঃ কিম ইন্ মেন ৩৬ বছর বয়সে নোতুন প্রেরণায় উৎসাহিত হয়ে উত্তর কোরিয়াকে এগিয়ে নিয়ে চলছেন। মিঃ কিম গরিলা যুদ্ধে সিদ্ধহস্ত এবং দেশের জনগণের কাছে যথেষ্ট শ্রদ্ধা অর্জন করেছেন। এমন কি দক্ষিণ কোরিয়ার জনগণও তাঁর শক্তির ও বীরত্বের প্রশংসা করে থাকে। সহসা মুখাকৃতি পরিবর্তনের কৌশলে তিনি হুগট্ট। কিন্তু তাঁর প্রতিদ্বন্দী ডাঃ সীমান রী

৭৮ বছরের বৃদ্ধ। এ বার্কক্যোর মধ্যেও তিনি দক্ষিণ কোরিয়ার অনিশ্চিততা অর্জন করেছেন।

১৯৪৫ সালে জাপানের কবল থেকে মুক্তি পেয়ে কোরিয়ার অবস্থা কি দাঁড়িয়েছে সে সম্বন্ধে "ডেইলি ওয়ার্কার" কাগজে মিঃ কিম স্বয়ং যা' মন্তব্য করেছেন তা নিম্নলিখিত কথাগুলো থেকে সংক্ষেপে বোঝা যাবে।

কোরিয়াকে জাপানী কবল থেকে মুক্ত করার পর ৩৮ প্যারালাল ব্যাপী কোরিয়া দু'ভাগে বিভক্ত হয়। উত্তর কোরিয়ার অধিবাসীরা নিজের দেশকে শক্তিশালী কোরে গড়ে তোলায় মনোযোগী হ'লেন। প্রজাতন্ত্র শাসনের সুব্যবস্থায় তাঁরা শিক্ষা, কৃষি ও ভূ-সংস্কারের দিকে দৃষ্টি দিলেন। কারণ জাপানের অধীনে তাঁদের স্বীয় জাতীয় বৈশিষ্ট্য সবই লোপ পেয়েছিল। তা' ছাড়া দেশ শাসনের জন্ত উপযুক্ত কোরে তোলবার অভিজ্ঞতায় বড় বড় নেতাদের ভালো কোরে শিক্ষা দিয়ে গড়ে তোলা হ'লো। যাতে কোরে কোরিয়ার জন সাধারণের দুর্দশা না থেকে সেদিকে লক্ষ্য বেপে উত্তর কোরিয়া দেশ গঠনে মনোযোগী হলেন। এমন কি যুদ্ধের পরে শিল্প প্রতিষ্ঠানগুলিও যথেষ্ট উন্নত হ'য়ে দাঁড়ালো। খাদ্য-সমস্যা সমাধানের দিক থেকে উত্তর কোরিয়াকে দক্ষিণ কোরিয়ার মুখাপেক্ষী হ'য়েই থাকতে হ'তো—সেদিক দিয়েও উত্তর কোরিয়া অনেকটা নির্ভরশীল হ'য়ে উঠেছে। মিঃ কিম বলেন "আমরা গভর্নমেন্ট ও কৃষকদের সহযোগিতায় উত্তর কোরিয়ার খাদ্য-সমস্যা সমাধান করতে পেরেছি।" উত্তর কোরিয়া যে শ্রম শিল্পে, স্কুল, ক্লাব, রিডিং রুমে—সবদিক দিয়েই পূর্বের চেয়ে অনেক পরিমাণে এগিয়ে গেছে—সে কথা মিঃ কিম মুক্তকণ্ঠে স্বীকার করেছেন। দক্ষিণ কোরিয়া সম্বন্ধে বলতে গিয়ে তিনি প্রকাশ করেছেন : "Of course the artificial division of the country hampers the development of the economy of Korea, South Korea is steadily falling into decay as a result of being enslaved and plundered by American Capital."

যাই হোক উত্তর ও দক্ষিণ কোরিয়ার মধ্যে ঐক্যবন্ধ হ'বার পরিকল্পনা ব্যর্থ হ'য়ে দাঁড়ালো। গৃহ যুদ্ধের সূচনা হ'লো উত্তর কোরিয়ার মধ্যে। রাষ্ট্র-সভ্য এ বিবাদ মেটাবার জন্ত তৎপর হ'লেন বটে, কিন্তু সোভিয়েট রাশিয়া ইউ, এন্স কমিশনের সঙ্গে কোনো শ্রীতিকর সম্পর্ক রাখতে নারাজ হ'লেন। ৩৮ প্যারালাল ব্যাপী উত্তর ও দক্ষিণ কোরিয়ার সংঘর্ষ আরম্ভ হ'লো। ইতিমধ্যে রাশিয়ার সাহায্যে উত্তর কোরিয়া সামরিক শিক্ষায় দ্রুত এগিয়ে গেল। তার ফলে, উত্তর-কোরিয়া দক্ষিণ-কোরিয়াকে আক্রমণ করবার ভয় দেখাতে লাগলো। এদিকে আমেরিকা দক্ষিণ-কোরিয়াকে প্রজাতান্ত্রিক শাসন, আর্থিক উন্নতি ও স্বাবলম্বী হ'বার ব্যাপারে শিক্ষা দানে ব্যাপৃত ছিলেন। দক্ষিণ-কোরিয়াকে রাষ্ট্রনীতি ও সামরিক শিক্ষায় হুদুচ কোরে গড়ে তোলবার দিকে আমেরিকার বিশেষ দৃষ্টি ছিল না। শুধু ১০০,০০০ কোরিয়ানকে সমর বিদ্যায় পারদর্শী কোরে তোলার ব্যবস্থা করা হ'য়েছিল মাত্র। কিন্তু যুদ্ধ করার মত মতল বা সামর্থ্য তাদের ছিল না। আকাশ বাহিনী বা কোনো প্রকার আধুনিক অস্ত্রশস্ত্র তাদের আদৌ ছিল না। গৃহ যুদ্ধ বন্ধম প্রকাশ্য যুদ্ধে

পরিণত হ'লো আমেরিকা তখন দক্ষিণ কোরিয়াকে সামরিক অস্ত্রশস্ত্র ও সৈন্য শক্তি দিয়ে সাহায্য করতে তৎপর হ'লেন। ২৫-এ-জুন উত্তর কোরিয়ার সৈন্যবাহিনী দক্ষিণ কোরিয়ার প্রবেশ করলো—কোরিয়ার গৃহযুদ্ধ সংগ্রামে পরিণতি লাভ করলো।

উত্তর কোরিয়ার সামরিক শক্তি দক্ষিণ কোরিয়া থেকে অনেক উন্নত। উত্তর কোরিয়ার বহু যুদ্ধ পারদর্শী সৈন্যের সমাবেশ হয়েছে। রাশিয়ান ট্যাঙ্ক, নৌবহর, বন্যার ও আকাশ বাহিনীর সাহায্যে উত্তর কোরিয়ানরা আরও শক্তিশালী হ'য়ে গড়ে উঠেছে। রাষ্ট্রসভ্য উত্তর কোরিয়াকে দক্ষিণ কোরিয়া আক্রমণের অভিযোগে অভিযুক্ত করেছে। রাষ্ট্র সভ্যের এ অভিযোগ সত্ত্বেও উত্তর কোরিয়ার মনোবৃত্তির পরিবর্তন হয়নি। উত্তর কোরিয়া তার অভিযান সমানভাবেই অক্ষুণ্ণ রেখেছে। মার্কিনী পদাতিক সৈন্য ও আকাশ বাহিনী দক্ষিণ কোরিয়ার সাহায্যে অগ্রণী হ'য়েছে। ব্রিটেনের নৌবহরও দক্ষিণ কোরিয়ার সাহায্যে তৎপর হ'য়েছে। দক্ষিণ কোরিয়ার সৈন্য এবং মার্কিনী সৈন্য বাহিনী পাশাপাশি দাঁড়িয়ে উত্তর কোরিয়ার বিরুদ্ধে যুদ্ধ রত রয়েছে। উত্তর কোরিয়ার সৈন্য সামরিক অস্ত্রশস্ত্র ব্যবহারে এবং রণকৌশলে বিশেষ পারদর্শী। যুদ্ধ বিজ্ঞায় তারা কি ক'রে এতটা দক্ষতা অর্জন করেছে—তা' একটু বিস্ময়ের কারণ হ'য়েই দাঁড়িয়েছে। মার্কিনী সৈন্যবাহিনীর মতো সম্মুখ সমরে উত্তর কোরিয়ার সাহায্যে রাশিয়াকে এখনো পর্যন্ত দেখা যায় নি বটে, কিন্তু উত্তর কোরিয়ার পশ্চাতে শক্তি যোগাবার ব্যবস্থায় যে রাশিয়া লিপ্ত তা' কারো অজ্ঞাত নয়।

কোরিয়ার রাষ্ট্র সভ্যের মর্যাদা হ্রাসাপন্ন হ'য়ে দাঁড়িয়েছে। গত এপ্রিল মাসে রাষ্ট্র সভ্য স্থির করেছিলেন যে ৮জন বিশেষজ্ঞ দ্বারা গঠিত একটি দলকে কোরিয়ার যুদ্ধ সম্পর্কে সমস্ত তথ্য সংগ্রহ করতে পাঠানো হ'বে। ভারতবর্ষ, চীন এবং অস্ট্রেলিয়াকে নিয়ে একটি সাব কমিটিও গঠিত হ'য়েছিল—যা'তে ক'রে বিভক্ত কোরিয়াকে ঐক্যবদ্ধ করার প্রচেষ্টা করা যেতে পারে। কিন্তু এ দ্বারা কোনো সমস্যাই সমাধান হ'লো না। এ কমিটি উত্তর কোরিয়ার সঙ্গে দক্ষিণ কোরিয়াকে একত্রিত করার প্রস্তাব নিয়ে উত্তর কোরিয়াকে অনুরোধ জানাবে—এ সিদ্ধান্তই করা হ'য়েছিল। কিন্তু এ প্রস্তাবে দক্ষিণ কোরিয়া কোনো ক্রমেই রাজী হ'লো না—তারা এর বিপক্ষে দাঁড়ালো। কারণ রাষ্ট্রসভ্য কোরিয়ার দক্ষিণ কোরিয়াকেই একমাত্র অনুমোদিত গভর্নমেন্ট বলে স্বীকার করে নিয়ে-ছিলেন। এখন উত্তর কোরিয়াকে ঐক্যের বার্তা শোনাতে গেলে—তাদের মর্যাদাই দেওয়া হ'বে।

রাষ্ট্রসভ্য ও ২৮টি রাষ্ট্র দক্ষিণ কোরিয়ার গভর্নমেন্টকে স্বীকার করে নিয়েছে। ২১টি রাষ্ট্র দক্ষিণ কোরিয়াকে সাহায্য দানের প্রস্তাব সমর্থন করেছে। ভারতবর্ষ খণ্ডিত কোরিয়ার পক্ষপাতী নয়, তাই দক্ষিণ কোরিয়ার গভর্নমেন্টকে একমাত্র কোরিয়ার গভর্নমেন্ট বলে স্বীকার করে নিতে পারে নি। অবশ্য সামরিক পারদর্শী নিয়োগের পক্ষে ভারতবর্ষ ভোট দিয়েছিল, কিন্তু ভারতবর্ষ তার লোক দেওয়া আয়াসক্রম মনে করেনি। কারণ, এতে রাশিয়ার সঙ্গে ভারতবর্ষের সম্পর্ক কটু হ'য়েই উঠবে—বিশেষ ক'রে যখন ভারতবর্ষ বর্তমানে কোনো—সংগ্রামে লিপ্ত হ'তে চায় না। অবশ্য পরে ভারতবর্ষ কোরিয়া সম্বন্ধে রাষ্ট্রসভ্যের দ্বিতীয় প্রস্তাবটি সমর্থন করেছে। কোরিয়ায় যাতে শান্তি প্রতিষ্ঠা হয় সে বিষয়ে ভারতবর্ষ বিশেষভাবে চেষ্টা করছে। ভারতবর্ষের এ প্রচেষ্টা কতটা সার্থক হ'বে বলা কঠিন। রাষ্ট্রসভ্য আজ দক্ষিণ কোরিয়ার সাহায্যে তৎপর হ'য়েছেন। রাষ্ট্রসভ্যের অভিমত পাওয়ার পূর্বেই—আমেরিকা যেচ্ছায় দক্ষিণ কোরিয়ায় মার্কিনী সৈন্যের সমাবেশ ক'রে যুদ্ধ পরিচালনার অগ্রবর্তী হ'য়েছে। আমেরিকার এ সাহায্য ও দক্ষিণ কোরিয়ার সঙ্গে

সহযোগিতা করাটা হয়তো রাষ্ট্রসভ্যের কাছে গর্হিত হওয়াই উচিত ছিল। কিন্তু সে সম্বন্ধে রাষ্ট্রসভ্য নীরব।

সাম্যবাদী ও ধনতান্ত্রিকত্বের চাপে প'ড়ে কোরিয়ার যে সূচনা হ'লো—তার পরিসমাপ্তি কোথায় কে জানে। যদি উত্তর কোরিয়া এ যুদ্ধে জয়ী হ'য়ে দাঁড়ায় তবে রাষ্ট্রসভ্যের গুরুত্ব কোনো ক্রমেই থাকবে না। রাষ্ট্রসভ্য অসহায় হ'য়ে দাঁড়াবে আর তৃতীয় মহাযুদ্ধের সূচনা ক'রে দেবে। ব্রিটিশ দার্শনিক Bertrand Russel বলেছেন: রাশিয়া যুদ্ধে লিপ্ত হ'বে আর এ তৃতীয় মহাযুদ্ধ ১০ বছর ব্যাপী চলবে। কিন্তু ব্রিটিশ সমরমন্ত্রী Ms. S. Trachey প্রকাশ করেছেন, "The knowledge that the western world will not sit by while the Communists attack Korea will greatly help to prevent the outbreak of a third world war." চার্লিস বলেছেন: "If the Communists won in Korea a third world war would be hurled upon the world." কোরিয়ার সংঘর্ষের কথা উল্লেখ করে "নিউ ইয়র্ক টাইমস" পত্রিকা বলেছেন—যদি উত্তর কোরিয়া দক্ষিণ কোরিয়ার জয়লাভ করে তবে আমেরিকার ভবিষ্যৎ ও আমেরিকার সম্মান দু'টোই বিপদাপন্ন হ'য়ে দাঁড়াবে। তৃতীয় মহাযুদ্ধের ছায়া যে পৃথিবীর বুকে ঘনীভূত হ'য়ে উঠেছে তারও আভাস যথেষ্ট পরিমাণে দেয়া যাচ্ছে। এদিকে, রাশিয়া ও অস্ট্রা-কম্যুনিষ্টরা—Western imperialistsরাই সংগ্রামের আয়োজনে ব্যস্ত। শ্রীযুক্ত এম, এন, রায় বলেছেন, "Communism has been gaining popularity. It is not an enemy which can be combatted with arms, particularly when it can also be armed. The loss of Korea will threaten Japan and the entire line of U. S. Pacific Defence. Therefore the battle of Korea is pregnant with the most ominous possibilities. It would be a grim tragedy if the dreaded third world war broke out on the issue of what appears to be the popular case."

আজ পৃথিবীর সমস্ত দেশের দৃষ্টি কোরিয়ার সঙ্গে আবদ্ধ। ঐ উপদ্বীপটি ঘিরে যে আগুন জ্বলে উঠেছে—তা পৃথিবীর সাম্যবাদী ও ধনতান্ত্রিক দু'টি দলের মধ্যে ভবিষ্যৎ সংঘর্ষের আরও পথ নির্দেশ করে দিল। রাষ্ট্রসভ্য উত্তর কোরিয়ার আক্রমণ প্রতিরোধ করতে আজ বদ্ধপরিকর। উত্তর কোরিয়ার সৈন্যবাহিনী দক্ষিণ কোরিয়ার ভেতরে বহুদূর প্রবেশ করেছে। গ্লেনারেল ডগলাস্ ম্যাক আর্থার আমেরিকান ও দক্ষিণ কোরিয়ার সৈন্যবাহিনী পরিচালনার ভার গ্রহণ করেই ক্ষান্ত রইলেন না। ম্যাক আর্থারকে কোরিয়ার যুদ্ধ পরিচালনা করার জন্য রাষ্ট্রসভ্যের পক্ষ থেকে জয়েন্ট কম্যান্ডারের পদে নিয়োগ করা হ'য়েছে। রাষ্ট্রসভ্যের এ ব্যবস্থায় রাশিয়া বিশেষ ক্ষুণ্ণ হয়েছে। তারা এ ব্যবস্থাকে বে-আইনি বলে ঘোষণা করেছে। আমেরিকান ও দক্ষিণ কোরিয়া সৈন্যরা আজ পদে পদে পরাজয় ও গ্লানির ভার বহন ক'রে চলেছে। উত্তর কোরিয়া প্রবল প্রত্যাপে সমস্ত বাধা বিঘ্ন উত্তীর্ণ হ'য়ে দক্ষিণ কোরিয়া গ্রাস করতে অগ্রসর হয়েছে। রাষ্ট্রসভ্যের সাহায্যে আজ ব্যর্থতার পর্যাবসিৎ হ'তে চলেছে। দক্ষিণ কোরিয়ার পতনের ইঙ্গিত ক্রমশই যেন স্পষ্ট হ'য়ে উঠেছে। শ্রীঅরবিন্দ বলেছেন: If the Communists succeed in Korea, the whole of the Asian continent will come under the Red grip which will extend by stages all over the world till Russia comes face to face with America. দক্ষিণ কোরিয়ার পতনের সঙ্গে কম্যুনিষ্টদের প্রভাব যে আরও বিস্তৃত হ'য়ে পড়বে তা' নিঃসন্দেহই বলা চলে।



দেশে খাণ্ডাভাব—

বর্তমানে দেশে যে খাণ্ডাভাব দেখা দিয়াছে, তাহাকে সরকার পক্ষ বাহাই বলুন না কেন, আমরা দুর্ভিক্ষ ছাড়া আর কিছুই বলিতে পারি না। তাহার কারণ অধিক পরিমাণেই দৈবদুর্ভিক্ষ। গত কয় মাস ধরিয়া নানাস্থানে অতিবৃষ্টি হইয়াছে। দার্জিলিং জেলা বিপন্ন হইয়াছে, ফলে জলপাইগুড়ী জেলাও ভীষণ ক্ষতিগ্রস্ত। মেদিনীপুর, মুর্শিদাবাদ, বর্ধমান, হুগলী, হাওড়া ও বীরভূম জেলার স্থানে স্থানে বন্যা হওয়ার ফলে বহু খাণ্ডাশস্ত্র নষ্ট হইয়া গিয়াছে। মাদ্রাজ প্রদেশে গত কয় মাস ধরিয়া কয়েকটি জেলায় দারুণ অন্নভাব দেখা দিয়াছে। বিহার প্রদেশে ও বাংলার সম্বন্ধিত কয়েকটি জেলায় গত বৎসর ভাল খাণ্ডাশস্ত্র উৎপন্ন হয় নাই—ফলে কয়েকটি জেলায় গত ৩৪ মাস ধাবৎ অন্নভাব চলিতেছে ও সে সকল জেলা হইতে বহুলোক পশ্চিম বাংলায় চলিয়া আসিয়াছে। তাহার পর সম্প্রতি বঙ্গার ফুলে উত্তর বিহারে কয়টি জেলার শস্ত্র নষ্ট হইয়া গিয়াছে। উত্তর প্রদেশেও ভীষণ বন্যায় কয়েকটি জেলার শস্ত্র নষ্ট হইয়া গিয়াছে। সর্বোপরি আশামে ভীষণ ভূমিকম্পের ফলে প্রায় সমগ্র আশাম আজ বিপন্ন—১৫ই আগষ্ট ভূমিকম্প আরম্ভ হইলেও ২৮শে আগষ্ট সংবাদ পাওয়া যায় যে হিমালয় পর্বত ধ্বসিয়া ক্রমে সমগ্র সমস্তল প্রদেশ গ্রাস করিতেছে। ঐ ১৪ দিন প্রত্যহই কয়েকবার করিয়া ভূকম্পন হইয়াছে ও বিভিন্ন দিনে বিভিন্ন সহর, গ্রাম, চা-বাগান, কৃষিক্ষেত্র প্রভৃতি ধ্বংসপ্রাপ্ত হইয়াছে। তথায় দারুণ খাণ্ডাভাব উপস্থিত—সমগ্র রেলপথ নষ্ট হওয়ার, নদী সরিয়া যাওয়ার এবং পথ ভাঙিয়া যাওয়ার এক স্থান হইতে অন্য স্থানে যাইবার উপায় নাই। কোন কোন স্থানে হয়ত খাণ্ডাশস্ত্র মজুত আছে, কিন্তু সেই মজুত খাণ্ড এক স্থান হইতে অন্য স্থানে প্রেরণ প্রায় অসম্ভব। বিমান যোগে খাণ্ডহীন স্থানে খাণ্ড প্রেরণ করা হইতেছে—কিন্তু সে ব্যবস্থা আদৌ সম্ভাবজনক হইতে পারে না। আমরা পশ্চিম বাংলার সমস্ত লইয়া

এত বিব্রত যে সে কথা চিন্তাই করিতে পারি না। পশ্চিমবঙ্গ সরকার রেশন অঞ্চলে চাউলের বরাদ্দের পরিমাণ কমাইয়া দিয়াছেন—হয়ত চাউল আরও কমাইয়া দিবেন। চাউলের পরিবর্তে গম দেওয়া হইতেছে—অষ্ট্রেলিয়া হইতে সে জন্ত প্রচুর গম আনয়ন করা হইয়াছে। রেশন এলাকার বাহিরে সর্বত্র ৪০।৫০ টাকা মণ দরে চাউল বিক্রীত হইতেছে—এত অধিক দাম দিয়া চাউল ক্রয় করা কাহারও পক্ষে সম্ভব নহে। কাজেই লোক অখাণ্ড খাইয়া মরিতে বসিয়াছে। অখাণ্ড খাইয়া লোক উদরাময়ে প্রাণত্যাগ করিলে সরকারী কর্তৃপক্ষ তাহা দুর্ভিক্ষজনিত মৃত্যু বলিয়া স্বীকার করেন না—অথচ—দীরভাবে চিন্তা করিলে দেখা যায়, সে মৃত্যুর কারণ অন্নভাব ছাড়া আর কিছুই নহে। পশ্চিমবাংলা ছাড়াও আজ ভারতে বহু প্রদেশে অন্নভাব, কাজেই বাহির হইতে চাউল আমদানী হইলেও পশ্চিমবঙ্গ তাহার মাত্র সামান্য অংশ পাইতে পারে। এ অবস্থায় সরকারের পক্ষেও চাউল সরবরাহের ব্যবস্থা করা সম্ভবপর নহে। এই সকল কথা চিন্তা করিয়া আমাদের অনাহারে মৃত্যুবরণ করা ছাড়া গত্যন্তর নাই। যে সকল স্থানে গম পাওয়া যাইবে, সে সকল স্থানের লোক দুই বেলা আটা খাইয়া কোন রকমে বাঁচিয়া থাকিবে—কিন্তু যেখানে গমও মিলিবে না, সেখানে লোক গাছের পাতা ছাড়া আর কিছুই পাইবে না। গত বৎসর আলুও ভাল হয় নাই—এ বৎসর আউল খানের ফসলও আশাপ্রদ নহে। চাষীর অভাবে তরিতরকারীও অধিক পরিমাণে উৎপন্ন হয় না—আখিন, কার্তিক—দুই মাসে খাণ্ডের অভাবে অখাণ্ড খাইয়া বহুলোক মারা যাইবে। এখন আর তাহাদের বাঁচাইবার কোন উপায় করা সম্ভব নহে। পশ্চিমবাংলার প্রতি জেলাতেই লোকসংখ্যা বাড়িয়াছে। বিশেষ করিয়া কলিকাতা, ২৪ পরগণা, নদীয়া ও মুর্শিদাবাদের অবস্থা শোচনীয়। কলিকাতা সহরের অবস্থা বর্ণনাশীত হইয়াছে। এখন পর্যন্ত প্রত্যহ কয়েক হাজার করিয়া হিন্দু পূর্ববঙ্গ হইতে কলিকাতায় আগমন

করিতেছে। ২৪ পরগণার কারখানা-বহু অঞ্চলমুহে অধিবাসীর সংখ্যা সর্বত্র হ্রাস হইয়াছে। অস্তিত্ব স্থানেও বহু আশ্রয়ার্থী শিবির বা নূতন গ্রাম প্রতিষ্ঠার ফলে সর্বত্র ভীষণ খাণ্ডাতাব। নদীয়ায় পাকিস্তানীদের আগমনে তথায় চালের মূল্য ৫০ টাকা—তাহাও সর্বত্র পাওয়া যায় না—মুর্শিদাবাদের বিবরণ আমরা বিস্তৃত ভাবে অত্র প্রকাশ করিয়াছি। এ অবস্থায় আমাদের কি কর্তব্য, তাহা ভাবিয়া পাই না। পশ্চিমবাংলার খাণ্ডাতাব মহাশয় এ বিষয়ে যথাসাধ্য চেষ্টা করিয়াও বিশেষ কিছুই করিয়া উঠিতে পারেন নাই—তাহা তিনি বহুবার স্বীকার করিয়াছেন। দেশের লোক এত অধিক দুর্নীতি-পরায়ণ যে সামান্য মাত্র সুযোগ লাভ করিলেই তাহারা দুর্নীতির আশ্রয় গ্রহণ করিয়া দেশবাসীর দুঃখ বাড়াইয়া দিয়া থাকেন। এ বিষয়ে সরকারী চেষ্টা এখনও অধিক ব্যাপক হয় নাই। দুর্নীতি-নিবারণ বিভাগও হয়ত দুর্নীতিপরায়ণ—সুতরাং কে আমাদের এই দুঃখ হইতে রক্ষা করিবে? স্বাধীনতা দিবস—

১৯৪৭ সালের ১৫ই আগষ্ট ভারত স্বাধীনতা লাভ করিয়াছে। তাহা তিন বৎসর পূর্ণ হওয়ার গত ১৫ই আগষ্ট রাষ্ট্র পরিচালকগণ দেশের সর্বত্র স্বাধীনতা দিবস উৎসব পালন করিয়াছেন। কিন্তু এই উৎসবের সহিত দেশের জনগণের কোন সম্পর্ক ছিল না। আমরা তিন বৎসর পূর্বে স্বাধীন হইলেও বর্তমান রাষ্ট্র পরিচালকগণ নানা কারণে আমাদের কোন সুখসুবিধার ব্যবস্থা করিতে পারেন নাই, বরং আমাদের দুঃখ দুর্দশা তাহাদের অব্যবহার ফলে দিন দিন বাড়িয়া চলিয়াছে। যে মহাত্মা গান্ধীকে তাহারা জাতির জনক বলিয়া স্বীকার করেন, তাহার চিত্র রাষ্ট্রপরিচালকদের প্রতি গৃহে রক্ষিত হইয়াছে, তাহার আদর্শ কোথাও রক্ষিত হয় না। তিনি দেশকে যে ত্যাগ, সেবা ও প্রেমের আদর্শশিক্ষা দিয়া গিয়াছেন, সে আদর্শ আজ কি কেহ, কি প্রদেশে কোথাও সম্মানিত হয় না। শাসন ব্যবস্থার ব্যয় দিন দিন বাড়িয়া যাইতেছে ও তাহার পরিবর্তে দেশবাসী জনগণের কষ্টও সমানে বাড়িয়া চলিয়াছে। জনগণ আজ পেট ভরিয়া খাইতে পার না—পরিবার কাপড় পায় না। খাণ্ড ও বস্ত্রের দাম এত অধিক যে জনগণের পক্ষে তাহা ক্রয় করা অসম্ভব। গান্ধীজি সে সাম্যবাদের

বাণী প্রচার করিয়াছিলেন, সে সাম্যবাদ প্রতিষ্ঠার চেষ্টা কোথাও নাই। এখনও বৃটীশ রাজত্বের সময়ের মত ধনিক সম্প্রদায়কে তুষ্ট করিবার জন্য শ্রমিকের উপর নির্যাতন সমভাবেই চলিতেছে। ধনিকের অর্থ দরিদ্রের কল্যাণের জন্য ব্যয়ের ব্যবস্থা করিলে তবেই দেশে সাম্যবাদ প্রতিষ্ঠা সম্ভব—তাহার কোন চেষ্টা দেখা যায় না। এই অবস্থায় দেশের জনগণ স্বাধীনতা দিবস উৎসবে যোগদান করে নাই। কলিকাতা সহরের লোক পর্যন্ত সে দিন উৎসবে যোগদান করে নাই—সহরতলী বা গ্রামের কথা ত বলাই বাহুল্য মাত্র। বারাকপুরে গান্ধী ঘাটে সে দিন যে উৎসব হইয়াছিল তাহাতে গভর্নর ডাঃ কাটক, প্রধান মন্ত্রী ডাক্তার বিধানচন্দ্র রায়, মন্ত্রী প্রফুল্লচন্দ্র সেন, মন্ত্রী নিকুঞ্জ বিহারী মাইতি ও মন্ত্রী হেমচন্দ্র নন্দর যোগদান করিলেও তথায় অধিক লোক সমাগম হয় নাই। অস্তিত্ব বহু স্থানে সরকারী ব্যয়ে খানাপিনা হইয়াছিল—কিন্তু দরিদ্র জনগণের তাগতে কোন লাভ হয় নাই। যতদিন না দেশের জনগণের অন্ন বস্ত্রের সংস্থান হয়, যতদিন না তাহাদের শিক্ষা ও স্বাস্থ্যরক্ষা ব্যবস্থা হয়, যতদিন না লক্ষ লক্ষ গৃহহীন বেকার লোকের গৃহ ও কর্মসংস্থান হয়, ততদিন দরিদ্র জনগণ স্বাধীনতার মর্ম উপলব্ধি করিতে পারিবে না—কোন উৎসব করা ত তাহাদের নিকট বাতুলতা মাত্র।

শ্রী অরবিন্দ জন্মদিন উৎসব—

১৫ই আগষ্ট স্বাধীনতা উৎসবের দিনে ভারতের সর্বত্র ঋষি শ্রী অরবিন্দ ঘোষ মহাশয়ের ৭৯তম জন্মদিবস উৎসব অনুষ্ঠিত হইয়াছে। শ্রী অরবিন্দ গত প্রায় ৪০ বৎসর ধরিয়া তাহার পণ্ডিত্য আশ্রমে থাকিয়া যে সাধনা করিতেছেন, তাহা মানবকল্যাণ সাধন করিবে বলিয়া লোক বিশ্বাস করে। সেজন্য ঐ দিন লোক শ্রদ্ধার সহিত শ্রী অরবিন্দের জন্মদিন কাৰ্য্যাবলী আলোচনা করিয়া তাহার জন্মদিবস পালন করিয়াছে। কলিকাতা নিধিল ভারত শ্রী অরবিন্দ আর্জিভ মহোৎসব কমিটির পক্ষ হইতে ঐ দিন ডক্টর শ্রীশ্যামা প্রসাদ মুখোপাধ্যায়ের পৌরোহিত্যে এক অনুষ্ঠান হইয়াছিল ও সকালে কলিকাতা ৯২ ল্যান্ডাউন রোডে শ্রী অরবিন্দ স্মৃতি কেন্দ্র প্রতিষ্ঠা করা হইয়াছে। বিকালে ২৩৭ লোয়ার সাহুলার রোডে 'রজনী' গৃহে শ্রী অরবিন্দ পাঠ মন্দিরের উদ্বোধন

সভা হইয়াছিল। শ্রীঅরবিন্দের সাধনা এই দুর্গত দেশকে রক্ষা করুক ও দেশবাসীর মনকে কলুষ মুক্ত করুক, সেদিন সকলেই এই প্রার্থনা করিয়া উৎসব সম্পন্ন করিয়াছেন।

ডাক্তার নীলরতন সরকার—

ডাক্তার নীলরতন সরকার কলিকাতায় শুধু একজন বিশিষ্ট চিকিৎসক ছিলেন না, তিনি দেশপ্রেমিক নেতা ও খ্যাতনামা ব্যবসায়ী ছিলেন। তিনি তাহার স্বোপার্জিত বহু অর্থ নানাতাবে দেশের কল্যাণের জন্য ব্যয় করিয়া-ছিলেন। সম্প্রতি স্বাধীন বাংলা সরকার কলিকাতা ক্যাথলিক কলেজের নাম পরিবর্তন করিয়া 'নীলরতন সরকার মেডিকেল কলেজ' নামকরণ করিয়াছেন। নীলরতন ঐ স্কুলের ছাত্র ছিলেন ও তাহার উন্নতির জন্য আজীবন চেষ্টা করিয়া গিয়াছেন। কাজেই তাঁহার নামের সহিত ঐ প্রতিষ্ঠানের নাম যুক্ত করায় উপযুক্ত কাজই করা হইয়াছে। ঐ ভাবে বাংলার বহু মনীষীর কথা আমরা স্মরণ করিবার ব্যবস্থা করিতে পারি। নীলরতনের দান দেশবাসীর পক্ষে বিশ্বস্ত হইবার কথা নহে। আমরা সরকারের এই কার্যে তাঁহাদিগকে অভিনন্দিত করিতেছি।

উড়িষ্যার ভীষণ শস্য—

আমরা মাদ্রাজ, পশ্চিমবঙ্গ, বিহার ও আসামে দৈবদুর্বিপাকের ফলে অন্নভাবের কথা অল্পতর প্রকাশ করিলাম। গত আগষ্ট মাসের দ্বিতীয় ও তৃতীয় সপ্তাহে উড়িষ্যার মহানদী, ব্রাহ্মণী, বৈতরণী, ভার্গবী, সুর্বর্ণরেখা প্রভৃতি নদীর বস্তার ফলে বালেশ্বর, কটক ও পুরী জেলার বহু স্থানে ধান একেবারে নষ্ট হইয়া গিয়াছে। বালেশ্বর জেলার যে সকল স্থানে খুব বেশী পরিমাণ ধান হইত, সে সকল স্থান ভাসিয়া গিয়াছে। উড়িষ্যার মন্ত্রী শ্রীরাজকৃষ্ণ কান্ত ঐ সকল অঞ্চল দেখিয়া আসিয়া যে বিবৃতি প্রকাশ করিয়াছেন, তাহা মর্শ্বভদ্র। এ বিষয়ে কোন মন্তব্য প্রয়োজন।

শিক্ষিত ও কারিগরী শিক্ষা—

পশ্চিমবঙ্গে টালীগঞ্জ, গড়িয়াহাট, যাদবপুর, সুরেন্দ্র বাগীচী রোড, কৃষ্ণনগর, হাওড়া হোম ও কার্দিয়াংয়ে বৃত্তিমূলক শিক্ষা কেন্দ্রে মোট ২০২৮ জন শিক্ষার্থীকে কারিগরী ও বৃত্তিমূলক শিক্ষা দিবার ব্যবস্থা করা হইয়াছে। শিল্পোন্নয়ন,

উৎপাদন বৃদ্ধি ও বেকার সমস্যার সমাধান এই শিক্ষাকেন্দ্রে প্রতিষ্ঠার কারণ। মোট ২৫ হাজার প্রার্থীর মধ্যে ৭টি কেন্দ্রে ২০২৮ জন শিক্ষার্থী গ্রহণ করা হয়। প্রার্থী নির্বাচনের জন্য একটি বোর্ড গঠিত হইয়াছে। ভারত-সরকার ও পশ্চিমবঙ্গ-সরকারের যুক্ত চেষ্টায় এই ব্যবস্থা প্রশংসনীয়—ইহা দ্বারা প্রার্থীরা মোটর-মেকানিক, ড্রাফটসম্যান, সার্ভেয়ার, জেনারেল মেকানিক, কার্পেন্টারী প্রভৃতি কাজ শিক্ষা করিয়া জীবিকার্জন করিতে সমর্থ হইবে।

শিল্পের উৎপাদন বৃদ্ধি—

১৯৫০ সালের জানুয়ারী হইতে জুন এই ৬ মাসে ভারতে কয়লা, ইস্পাত, লবণ, সিমেন্ট, কাগজ, ডিজেল এঞ্জিন, বাইসাইকেল, বিদ্যুৎচালিত মোটর, ইলেকট্রিক ট্রান্সফরমার প্রভৃতি অত্যাবশ্যক ২৫টি শিল্পের উৎপাদন বৃদ্ধির লক্ষণ দেখা গিয়াছে। ঐ সময়ে বৈদ্যুতিক পাখা, হারিকেন লম্বন, সালফিউরিক এসিড, কষ্টিক সোডা, সোডা এ্যাস, ব্লিচিং পাউডার, সিগারেট, প্লাইউড, লিকুইড ক্লোরিং প্রভৃতির উৎপাদনও বৃদ্ধি পাইয়াছে। ইহা আশার কথা সন্দেহ নাই। হিসাবে লবণ উৎপাদন বৃদ্ধির সংবাদ থাকিলেও দেশে লবণ দুপ্রাপ্য ও দুমূল্য হইয়াছে। বস্ত্র উৎপাদন বৃদ্ধির সংবাদ প্রকাশিত হইলেও, বস্ত্রের মূল্য দিন দিন বাড়িয়াই চলিয়াছে। বোম্বায়ে বস্ত্র শিল্প শ্রমিক ধর্মঘটে হয়ত বস্ত্র আরও দুপ্রাপ্য হইবে। দেশলাই, সাবান, পশমজাত দ্রব্য, এনামেলওয়ার প্রভৃতির উৎপাদন হ্রাস দেশের পক্ষে মঙ্গলজনক হইবে না।

দামোদর পরিকল্পনা—

দামোদর পরিকল্পনা সমিতির অন্ততম সদস্য শ্রীকুলন-প্রসাদ বর্মা সম্প্রতি প্রকাশ করিয়াছেন যে গত মে মাসে পর্যন্ত ঐ পরিকল্পনায় মোট ৯ কোটি টাকা ব্যয়িত হইয়াছে। পরিকল্পনায় নিযুক্ত কর্মীদের প্রাদেশিকতা অহুযায়ী নিয়োগ করা হয় বলিয়া যে সংবাদ প্রচারিত হইয়াছে তাহাও ঠিক নহে। তথায় ৮১৭ বাঙ্গালী, ৩১৭ বিহারী ও ১৯৮ অন্ত দেশের কর্মচারী কাজ করিতেছে। পরিকল্পনায় অর্থব্যয়ের তুলনায় দেশবাসী কিরূপ উপকৃত হইতেছে বা হইবে, সঙ্গে সঙ্গে তাহার বিবরণ প্রকাশিত হইলে দেশবাসী আশ্বস্ত হইতে পারে।

মুর্শিদাবাদে ছুর্ভিক্ৰ এতিৰোধ দিবস—
 মুর্শিদাবাদ জেলা ম্যাঞ্জিষ্ট্ৰেটৰ বাটীৰ
 সন্মুখে খাৰু দাবীৰ সভাৰ সমবেত
 বুড়ুসু জনতাৰ এক অংশ



মুর্শিদাবাদ ছুর্ভিক্ৰ এতিৰোধ দিবসেৰ
 অপর এক মর্মভঙ্গ দৃশ্য—
 বুড়ুসু জনতাৰ নেতা দিলীপ
 সিংহকে এবং আরো অনেককে
 পুলিচ কর্তৃক গ্রেপ্তার

সংস্কৃত সাহিত্য পৰিষদ—

কলিকাতাৰ সংস্কৃত সাহিত্য পৰিষদ গত ৩৪ বৎসৰ
 ধৰিয়া সমগ্র ভারতে সংস্কৃত ভাষা ও সাহিত্যেৰ এচাৰেৰ
 জন্ত আন্দোলন চালাইয়া কাৰ্য্য কৰিতেছেন। গত
 মহাঘুৰেৰ পূৰ্বে কলিকাতা কৰ্পোৰেশন পৰিষদকে
 কলিকাতা শ্ৰামবাজার ১৬৮।১ ৱাজা দীনেজ্ৰ ষ্টীটে ৫ কাঠা
 জমী দান কৰিলে তথাই গৃহ-নিৰ্মাণেৰ আয়োজন হয়।

সে সময় শ্ৰীযুত স্ত্ৰতাৰচন্দ্ৰ বসু গৃহ-নিৰ্মাণেৰ অৰ্থ সংগ্ৰহেৰ
 জন্ত আবেদন কৰিয়াছিলে। তাহাৰ পর মহাঘুৰেৰ ফলে
 সে কাজ অগ্রসৰ হয় নাই। সম্প্ৰতি আবার সে কাজ
 আৰম্ভ হইয়াছে—গৃহ সম্পূৰ্ণ কৰিতে ৫০ হাজাৰ টাকা
 এয়োজন। আমরা দেশবাসী সকল মহাপ্ৰাণ ব্যক্তিকে
 এই কাৰ্য্যে সাহায্য দান কৰিতে অহুৰোধ কৰি। ভারতীয়
 সংস্কৃতি ৱক্ষাৰ জন্ত সংস্কৃত সাহিত্য পৰিষদকে পুঠি কৰা

প্রয়োজন। কলিকাতা—৭, ১নং বর্ধন ষ্ট্রীটে আনন্দবাজার পত্রিকার সম্পাদক শ্রীচন্দ্রনাথ ভট্টাচার্যের নিকট সাহায্য পাঠাইতে হইবে—তিনি সংকৃত সাহিত্য পরিষদের সম্পাদক।

উত্তর প্রদেশে ভীষণ বন্যা—

উত্তর প্রদেশে গঙ্গা, সরযু প্রভৃতি ৮টি নদীতে বন্যার ফলে প্রদেশের পূর্বাঞ্চলে ২৩ শত গ্রাম জলপ্রাণিত হইয়াছে। বন্যায় প্রায় ৫ কোটি টাকা ক্ষতি হইয়াছে বলিয়া মনে হয়। বহু খাজশস্ত্র নষ্ট হইয়াছে। বিপদ কখনও একা আসে না—আজ ভারতবর্ষের সর্বত্র তাই একই রকম ছুরবহা দেখা যাইতেছে।

আসাম গভর্নরের আবেদন—

আসামে ভূমিকম্প ও তজ্জনিত বন্যা প্রভৃতির ফলে লক্ষ লক্ষ লোক দারুণ দুর্দশাগ্রস্ত হইয়াছে। ক্ষতির পরিমাণ এখনও স্থির করা সম্ভব নহে—১৫ই আগষ্ট হইতে ভূমিকম্প আরম্ভ হইয়াছে, এখনও বন্ধ হয় নাই। বহু উচ্চস্থান নিম্ন হইয়া জলপ্রাণিত হইয়াছে, বহু নদীগর্ত উচ্চ হইয়া ডাঙ্গা জমীতে পরিণত হইয়াছে। হিমালয় পর্বতের বহু উচ্চ চূড়া ধ্বংস সমতল ভূমিতে পতিত হওয়ার সহর ও গ্রাম চাপা পড়িয়াছে। ভূনিম্ন হইতে খনিজ ধাতু নির্গত হইয়া বহু স্থান ধ্বংস করিয়াছে। এ অবস্থায় আসামের গভর্নর শ্রীজয়রামদাস দৌলতরাম এক আবেদন প্রচার করিয়া সাহায্য তহবিল খুলিয়াছেন এবং সকল সমর্থ ব্যক্তিকে ঐ তহবিলে দান করিয়া দুর্গতদের সাহায্য করিতে আহ্বান জানাইয়াছেন। এ আবেদনে সকলেই সাড়া দিবেন বলিয়া আমরা বিশ্বাস করি।

প্রেসিডেন্সী জেলের উৎসব—

শ্রীমরবিন্দ বোব ১৯০৮-৯ সালে এক বৎসরকাল কলিকাতা প্রেসিডেন্সি জেলের যে ঘরে বিচারাধীন আসামী-রূপে বাস করিয়াছিলেন, গত ২২শে আগষ্ট সেই ঘরের সম্মুখে একটি মার্বেল প্রস্তরে ঐ ঘটনার কথা লিখিয়া রাখা হইয়াছে। সে দিন উৎসবে গভর্নর শ্রীকৈলাসনাথ কাটকু ও মন্ত্রী শ্রীনীহারেন্দ্র দত্ত মজুমদার উদ্যোগী ছিলেন এবং মন্ত্রী শ্রীশ্যামপ্রসাদ মুখোপাধ্যায় প্রস্তরের আবরণ উন্মোচন করেন। এইভাবে জেলের ঐ ঘরটি পবিত্র করা হইয়াছে এবং উহা বর্তমানে এক তীর্থক্ষেত্রে পরিণত হইয়াছে। জেলের

করেদীদের কাছেও উহা স্মরণীয় হইবে বলিয়া আশা করা যায়।

শ্রীঅরবিন্দের ভবিষ্যদ্বাণী—

গত ১৫ই আগষ্ট পণ্ডিতেরী আশ্রমে শ্রীঅরবিন্দ তাঁহার ৭৯তম জন্ম দিবসে সংবাদপত্র প্রতিনিধিদের নিকট বোষণা করিয়াছেন যে—বর্তমানে জগতের অবস্থা অত্যন্ত শঙ্কাজনক। কোরিয়ার যুদ্ধের ফলে সমগ্র দক্ষিণ-পূর্ব-এশিয়া ও পরে ভারতবর্ষ কম্যুনিষ্টদের অধীন হইবে। ক্রমে সমগ্র জগৎ কম্যুনিষ্টদের হস্তগত হইবে। শ্রীঅরবিন্দের এই ভবিষ্যদ্বাণী সকলকে চিন্তাশ্রিত করিবে সন্দেহ নাই।

বোম্বাইয়ে বিপুল ধর্মঘট—

বোম্বায়ে ৬২টি কাপড়ের কলের মধ্যে প্রায় সকল গুলিতেই শ্রমিক ধর্মঘট চলিতেছে। মোট শ্রমিক সংখ্যা ১ লক্ষ ১৫ হাজার—কয়েক হাজার ছাড়া সকলেই ধর্মঘটে যোগদান করিয়াছে। ৬২টি কলে প্রত্যহ ৪২ লক্ষ গজ কাপড় উৎপন্ন হইত—সমাজতন্ত্রী দল এই ধর্মঘট চালাইতেছে। ১৪ই আগষ্ট হইতে উহা চলিতেছে। বোম্বাই সরকার ঐ ধর্মঘটকে উদ্দেশ্যবিহীন ও অবৈধ বলিয়া ঘোষণা করিয়াছে। ইহার ফল যে কিরূপ সাংঘাতিক, তাহা ভাবিয়া পাওয়া যায় না। আদালত হইতে ২ মাসের বেতন বোনাস দিতে বলা হইয়াছিল—শ্রমিকগণ ৩ মাসের বেতন বোনাস দাবী করার ফলেই এই ধর্মঘট হইয়াছে।

ধুবুলিয়া বাস্তহাঙ্গা কেন্দ্র—

কলিকাতা হইতে ৭০ মাইল দূরে নদীয়া জেলার ধুবুলিয়ার সরকারী চেষ্টায় ৫৩ হাজার বাস্তহাঙ্গার বাসস্থানের ব্যবস্থা করা হইয়াছে। তাহারা পূর্ববঙ্গের বিভিন্ন জেলার অধিবাসী ছিল। উদ্দেশ্যে ২১ হাজার জীলোক ও ১০ হাজার শিশু। শুধায় ৩৩৮টি কৃষক পরিবার, ১৬৬টি ছোট-ব্যবসায়ী পরিবার, ৮৫০টি বান্ধুজীবী পরিবার, ৮২৬টি মৎস্যজীবী পরিবার ও ৫৩৬টি চাকরীজীবী পরিবার স্থান পাইয়াছে। ৮৫টি পুরোহিত পরিবার, ১ শত প্রাথমিক-স্কুল-শিক্ষক পরিবার, ১৩টি মধ্য ইংরাজি স্কুল-শিক্ষক পরিবার, ৩টি উচ্চ ইংরাজি বিদ্যালয়-শিক্ষক পরিবার ও ১৯টি মলি-লেখক পরিবার ও শুধায় আছেন। ১৫৫ জন ছুতার, ১৬০ জন কুস্তকার, ২৩৫ জন তাঁতী, ৫৬ জন গোয়ালী, ৪৪ জন দরজী, ৭ জন মুচি, ১১ জন মোটর চালক, ৪ জন

খোপা, ৭৭ জন নাপিত, ২০ জন মোদক, ১৬ জন শাঁধারী, ১০ জন মেকানিক ও ২৫ জন বিড়িওয়ালার আছেন। ঐ স্থান হইতে মালদহে ২১৩ পরিবার, আন্দামানে ৩৮ পরিবার, মেদিনীপুর পিয়ারাডোবায় ৪৩ পরিবার, নদীয়া করিমপুরে ৩২৭ পরিবার, নদীয়া তেহটে ১৪৪ পরিবার, কুচবিহারে ১৩, মুর্শিদাবাদ নেহালিপাড়ায় ৬টি পরিবার, প্রেরিত হইয়াছে। সেদিন প্রধান মন্ত্রী ডাক্তার বিধানচন্দ্র রায় ও বলিয়াছেন মহীশূর রাজ্যে ৪০ হাজার বাস্তুহারা ও হায়দ্রাবাদ রাজ্যে ৫০ হাজার বাস্তুহারা প্রেরণের ব্যবস্থা করিয়াছেন। বিহার ও উড়িষ্যায় ইতিমধ্যে ৩৬ হাজার বাস্তুহারা প্রেরণ করা করা হইয়াছে। এইভাবে বাস্তুহারা সমস্যা সমাধানের চেষ্টা হইলেও সমস্যা এত বিরাট যে ইহার সমাধান এখনও পর্যন্ত সম্ভবপর বলিয়া মনে হয় না।

পশ্চিমবঙ্গে কুটির শিল্প ব্যবস্থা—

পশ্চিমবঙ্গ সরকার কুটির শিল্প ও ছোটখাট শিল্প সম্পর্কে যে নীতি প্রকাশ করিয়াছেন, তাহা এইরূপ—(১) উৎপাদনের উন্নততর পদ্ধতি প্রয়োগ দ্বারা নির্মাণ কৌশলের উন্নতি বিধান (২) বিভিন্ন ছোটখাট শিল্পে উপযুক্ত শিক্ষা প্রদানের জন্য শিল্প ও বৃত্তিমূলক প্রতিষ্ঠান গঠন (৩) আর্থিক সাহায্যের ব্যবস্থা (৪) কুটির শিল্পজাত দ্রব্য বাজারে আনয়ন ও প্রচার সম্পর্কে সুবিধার ব্যবস্থা (৫) উৎপাদন কেন্দ্রে স্থলভ মূল্যে কাঁচামাল সরবরাহ (৬) বৃহৎ বাস্তবিক শিল্পের তুলনায় প্রতিযোগিতা করিবার জন্য উৎপাদনের ব্যয় হ্রাসের ব্যবস্থা (৭) ভারত সরকারের নীতি ও কার্য সূচী অনুযায়ী প্রতিযোগিতার ক্ষেত্র সঙ্কুচিত করিবার উদ্দেশ্যে কুটির ও বৃহৎ শিল্পের মধ্যে উৎপাদনের ক্ষেত্র নির্ধারণের চেষ্টা। এ বিষয়ে কয়েকটি উপদেষ্টা কমিটিও গঠিত হইয়াছে—যথা—(১) পশ্চিমবঙ্গ কুটির শিল্প বোর্ড (২) পশ্চিমবঙ্গ হস্তচালিত তাঁত শিল্প বোর্ড (৩) পশ্চিমবঙ্গ খাদি বোর্ড ও (৪) পশ্চিমবঙ্গ রেশম শিল্প বোর্ড। শিল্প বিভাগের অধীন ৪৫টি শিক্ষা প্রতিষ্ঠান আছে ও তাঁহারা ৭৫টি শিক্ষা প্রতিষ্ঠানকে উপযুক্ত আর্থিক সাহায্য প্রদান করেন। সরকারী শিল্প বিভাগের প্রচার-কার্য ভাল ভাবে সম্পাদিত হইলে লোক ঐ সকল শিল্পে সাহায্য লাভ করিয়া উৎসাহের সহিত কাজ আরম্ভ করিতে পারে।

খাদ্যবস্তুর উন্নতি পল্লিকল্পনা—

প্রধান মন্ত্রী পণ্ডিত নেহরু দিল্লীতে সকল প্রদেশের মুখ্যমন্ত্রী ও খাদ্যমন্ত্রীকে এক সন্মিলনে মিলিত করিয়া দেশের খাদ্যবস্তুর উন্নতি সম্বন্ধে পরিকল্পনা স্থির করিয়াছেন। গত ২০শে আগষ্ট ঐ বৈঠক শেষ হইয়াছে। সর্বত্র যাহাতে একইরূপ খাদ্যনীতি গৃহীত হয়, তদন্ত বৈঠকে প্রস্তাব গৃহীত হইয়াছে। প্রধানত যুদ্ধকালীন খাদ্যোৎপাদন ও খাদ্য সংগ্রহ ব্যবস্থা প্রবর্তন, কেন্দ্রীয় সরকারের নির্দেশে একরূপ খাদ্যনীতি অনুসরণ, তৎপরতার সহিত আত্মনির্ভরশীল হইবার পরিকল্পনা অনুসরণ, ঘাটতি ও উৎকৃষ্ট অঞ্চল নির্বিশেষে বিভিন্ন প্রদেশে ও রাজ্যে নিয়ন্ত্রণাধীন সর্ববিধ শস্ত ব্যাপকভাবে সংগ্রহ, বিভিন্ন রাজ্যে মজুতকারীদের বিরুদ্ধে কঠোর ও অস্বাভাবিক ব্যবস্থা অবলম্বন, খাদ্য সম্পর্কিত নীতি ষথায়থভাবে কার্যে পরিণত করার ব্যবস্থা গ্রহণ, বিভিন্ন রাজ্যে খাদ্যশস্ত্রের মূল্যের সমন্বয় সাধন ও আঞ্চলিক ভিত্তিতে চিনির কলগুলিতে ইন্ধু সরবরাহের ব্যবস্থা প্রবর্তন সম্পর্কে বৈঠকে সিদ্ধান্ত গৃহীত হইয়াছে। এই বৈঠকের ফলে যদি ভারতবাসী উপযুক্ত পরিমাণে ভাল খাদ্য পায়, তবেই বৈঠক সার্থক হইয়াছে মনে করা হইবে।

পার্লামেন্টে খাদ্য সম্পর্কে বিল—

গত ১৪ই আগষ্ট দিল্লীতে ভারতীয় পার্লামেন্টের বর্তমান অধিবেশন শেষ হইবার পূর্বে খাদ্যমন্ত্রী শ্রীকানাইয়াল মুল্লীর খাদ্য বস্তুর সম্পর্কিত বিল পাশ হইয়াছে। ঐ বিলে খাদ্যশস্ত্র মজুতকারী ও খাদ্য বিক্রয়ে মুনাফাখোরদের এবং বস্তুর প্রভৃতি প্রয়োজনীয় দ্রব্যের ব্যবসায়ীদের অপরাধের জন্য কঠোর শাস্তির বিধান করা হইয়াছে। কেহ খাদ্যের অস্বাভাবিক প্রয়োজনীয় জিনিস অস্তায় ভাবে মজুত করিলে তাহার মজুত মালের মূল্যের ২০ গুণ অর্থদণ্ড করা হইবে। আইন যদি কার্যে পরিণত করিয়া দেশের দুর্নীতিপরায়ণ ব্যক্তিদের শাস্তির ব্যবস্থা হয়, তবে লোক অনাচার হইতে মুক্তিলাভ করিবে।

লেডী ব্রাউনার্ণ কলেজের প্রতিষ্ঠা

উৎসব—

গত ৮ই তারিখ শুক্রবার কলিকাতা লেডী ব্রাউনার্ণ কলেজের প্রতিষ্ঠা উৎসব হইয়াছিল। গভর্নর ডাক্তার

কাটজ্ সতাপতি করেন। বর্তমানে ঐ কলেজের ছাত্রী সংখ্যা ৫৪০ জন। ডক্টর শ্রীমতা চৌধুরী কলেজের প্রিন্সিপাল। কলেজের আই-এসসি বিভাগ সম্প্রসারণ ও বি-এসসি বিভাগের উদ্বোধন অবিলম্বে প্রয়োজন। কলেজের ছাত্রাবাসটি বড় করিলে আরও বহু ছাত্রীর স্থান হইতে পারে। গভর্নর তাঁহার বক্তৃতায় ছাত্রীদিগকে সীতার আদর্শ অমূল্যরূপে করিতে উপদেশ দিয়াছেন।

বঙ্গীয় হুগলী জেলার ক্ষতি—

দামোদর, হারকেশ্বর ও শিলাবতী নদীতে বস্তুর ফলে হুগলী জেলার শতাধিক বর্গমাইল পরিমিত স্থানের ধান ও পাট নষ্ট হইয়া গিয়াছে। বহু বাসগৃহ ও গবাদি পশু নষ্ট হইয়াছে। আরামবাগ মহকুমাত্তেও ৩০ হাজার বিঘা জমী প্রাবিত হওয়ায় আমন ধান ও পাট নষ্ট হইয়াছে। এ বৎসর দেশের সর্বত্র দৈবদুর্ভিক্ষাপাক—কে দেশবাসীকে রক্ষা করিবে?

পশ্চিমবঙ্গের খাদ্যবস্থা—

পশ্চিমবঙ্গে খাদ্যমন্ত্রী শ্রীপ্রফুল্লচন্দ্র সেন গত ৩০শে আগষ্ট বেতাবে এক বক্তৃতায় পশ্চিমবঙ্গের খাদ্যবস্থার আলোচনা করিয়াছেন। তিনি বলেন—এই বৎসরের (১৯৫০) কয়েক মাস ও আগামী বৎসরের পুরা ১২ মাস পশ্চিমবঙ্গের খাদ্যবস্থা দারুণ সঙ্কটজনক থাকিবে। তবে সে জন্ত কেহ যেন খাদ্য মজুত না করে। ব্যবসায়ী ও কৃষকদের সাবধানতার সহিত কাজ করিতে হইবে। গত ১লা জানুয়ারী হইতে ৮ মাসে ৩০ লক্ষ বাস্তহারী পূর্ববঙ্গ হইতে পশ্চিমবঙ্গে আসিয়াছেন। তাহার উপর দৈবদুর্ভিক্ষাপাকে বাংলার বহু খাদ্য নষ্ট হইয়াছে। তৃতীয়তঃ পাটের চাষ জাড়াইবার জন্ত বহু জমিতে আউস ধানের চাষ হয় নাই। এ অবস্থায় দেশবাসীকে বিশেষ দৃঢ়তার সহিত সকল দিক বিবেচনা করিয়া কাজ করিতে হইবে। অথবা খাদ্যের জন্ত আন্দোলন করিলে তাহা কুফল ছাড়া স্কফল উৎপাদন করিবে না।

লোক হাসপাতাল ও কলেজ বন্ধ -

সরকার পক্ষ হইতে ঘোষণা করা হইয়াছে আগামী ১৯৫২ সালের জুলাই মাস হইতে কলিকাতা লোক মেডিকেল কলেজ ও তাহার হাসপাতাল বন্ধ করিয়া দেওয়া হইবে।

উহাতে পশ্চিমবঙ্গ সরকার বার্ষিক সাড়ে ১২ লক্ষ টাকা প্রকৌমুদীয় সরকার বার্ষিক সাড়ে ১২ লক্ষ টাকা সাহায্য দান করিতেন। লোক হাসপাতালে ৬০৭টি বেড আছে। কলেজ ও হাসপাতাল দক্ষিণ কলিকাতার অধিবাসীদের বহু উপকার সাধন করিয়া থাকে। বাংলা দেশে চিকিৎসা-ব্যবস্থা এখনও প্রয়োজনানুরূপ সম্পূর্ণতা লাভ করে নাই। কাজেই একটি চলতি হাসপাতাল বন্ধ করার সার্থকতা আমরা বুঝি না। কলিকাতায় লোকসংখ্যা বৃদ্ধির অমূল্যভাবে আরও বহু হাসপাতাল প্রতিষ্ঠার প্রয়োজন আছে। আমরা আশা করি, কর্তৃপক্ষ এ বিষয়ে পুনর্বিবেচনা করিয়া দেশবাসীর কল্যাণ সাধন করিবেন।

কলিকাতার টেলিফোন ব্যবস্থা—

গত ৩১শে আগষ্ট এক সাংবাদিক সম্মিলনে কলিকাতায় টেলিফোনের অব্যবস্থার কারণের বিষয় আলোচিত হইয়াছিল। জানা গিয়াছে—সহরে নূতন ৩টি একস্কেঞ্জ লাইন খোলা হইবে—তাহাতে নূতন ৮ হাজার লাইনে কাজ হইবে—‘জোড়া-সাঁকো’তে ৩৩০ লাইন, ‘ব্যাঙ্ক’ ৪ হাজার লাইন ও রসায় এক হাজার নূতন লাইন হইবে। ‘পানিহাটা’ ও ‘চন্দননগরে’ ২টি নূতন একস্কেঞ্জ খোলা হইবে ও ‘বজবজ’ একস্কেঞ্জ স্থানান্তরিত করিয়া এখানে অধিক কাজের ব্যবস্থা হইবে। হাওড়া, বড়বাজার, সাউথ ও পার্ক একস্কেঞ্জের কাজও যাহাতে ভাল হয়, তাহার ব্যবস্থা করা হইবে। বর্তমানে টেলিফোনে কথা-বলা এক ঝকঝকির কাজ হইয়াছে—টাকা দিয়া ঐরূপ দুর্গতি ভোগ করা সত্যই নকারজনক। সম্বর ব্যবস্থার উন্নতি হইলে লোক উপকৃত হইবে।

নূতন সঙ্গীত শিক্ষালয়—

গত ১৯শে আগষ্ট কালী হিন্দু বিশ্ববিদ্যালয় ভবনে ‘শ্রীকলা সঙ্গীত ভারতী’ নামে একটি উচ্চ সঙ্গীত শিক্ষালয় প্রতিষ্ঠা করা হইয়াছে। হিন্দু বিশ্ববিদ্যালয়ের ভাইস-চ্যান্সেলার পণ্ডিত গোবিন্দ মালব্য উহার উদ্বোধন করেন। কালীর মহারাজা ঐ সঙ্গীত বিদ্যালয়ের জন্ত দুই লক্ষ টাকা দান করিয়াছেন। সঙ্গীত-মার্ভও পণ্ডিত ওকারনাথ ঠাকুর নূতন শিক্ষালয়ের প্রিন্সিপালের কার্যভার গ্রহণ করিয়াছেন। স্বর্গত পণ্ডিত মদনমোহন মালব্যের এই ইচ্ছা এতদিনে পূর্ণ করা হইল।

মধ্যবিত্ত সমাজের বেকার সমস্যা—

ক্রমবর্ধমান বেকার সমস্যা মধ্যবিত্ত বাঙ্গালীর জীবনকে অতিশয় করিয়া তুলিতেছে। শিল্পপ্রধান সহর অঞ্চলে প্রায় দুই লক্ষ বেকার তালিকাভুক্ত আছে। তাহা ছাড়া তালিকাভুক্ত বেকারের সংখ্যা উহার প্রায় ৪ গুণ হইবে। মধ্যবিত্ত ভঙ্গলোকদের মধ্যেই বেকারের সংখ্যা অধিক। ১৮ হইতে ২২ বৎসরের কলিকাতাবাসী ৩০ হাজার যুবক বেকার হইয়া আছে। এই সমস্যা সমাধানের কোন উপায় দেখা যায় না। মানুষকে কৃষিমুখী করিয়া গ্রামে পাঠাইবার ব্যবস্থা করিলে ইহাদের মধ্যে একদল বেকারের কর্ম সংস্থান হইতে পারে। ৬ শত ভদ্র যুবক দামোদর পরিকল্পনার মাটি কাটার কাজ গ্রহণ করিয়াছে। এই বেকার সমস্যার সমাধান না হইলে দেশের অর্থনৈতিক জীবন কখনই উন্নত হইবে না।

অসুখ্য রোগ ও তাহার প্রতিকার—

ডাক্তার কুমুদশঙ্কর রায় যক্ষ্মারোগ চিকিৎসায় বিশেষজ্ঞ ও যাদবপুরে যক্ষ্মা হাসপাতাল প্রতিষ্ঠা করিয়া যক্ষ্মা রোগীর চিকিৎসায় ব্যবস্থা করিয়া থাকেন। তিনি সম্প্রতি এক বিবরণে জানাইয়াছেন—যক্ষ্মারোগে প্রতি বৎসর ৫ লক্ষ লোক মারা যায়। জনাকীর্ণ সহরে আলো-বাতাসহীন ঘরে বসবাস স্বাস্থ্যহানির অন্ততম কারণ। ভারতে যক্ষ্মারোগীর সংখ্যা ৫০ লক্ষ, কিন্তু মাত্র ৭৮ হাজার রোগীকে হাসপাতালে রাখিয়া চিকিৎসা করার ব্যবস্থা হইয়াছে। এই প্রসঙ্গে ডাক্তার রায় প্রস্তাব করিয়াছেন—সহর ও সহর-তলীতে স্কুগৃহগুলি রাত্রিতে খালি পড়িয়া থাকে—জনবহুল বাড়ী হইতে লোকজনকে ঐ সকল স্কুনে লইয়া রাত্রিতে বাস করিতে দেওয়া উচিত। আমরা এ বিষয়ে জনসাধারণের ও বিশেষ করিয়া সমাজ-সেবী কর্মীদের দৃষ্টি আকর্ষণ করি।

স্বটেনকে এশিয়া ত্যাগের অনুরোধ—

খ্যাতনামা ইংরাজ দার্শনিক বার্ট্রাও রাসেল অষ্ট্রেলিয়া ভ্রমণ শেষ করিয়া ২৫শে আগষ্ট সিঙ্গাপুর গমন করেন। তথায় তিনি বলিয়াছেন—স্বটেন যেমন ভারত ত্যাগ করিয়াছে, তেমনই সমগ্র এশিয়া ত্যাগ করিয়া তাহার চলিয়া আসা উচিত। যুদ্ধ হইলে তাহার বিতাড়িত হইবে—ততদিন পর্যন্ত তাহাদের অপেক্ষা করা উচিত নহে। স্বটেন এশিয়া ত্যাগ করিয়া আসিলে তাহার শুভেচ্ছা

অর্জন করা সম্ভব হইবে ও পণ্ডিত নেহরুর নেতৃত্বে এশিয়া-রাষ্ট্র-গোষ্ঠী গড়িয়া উঠিবে।—রাসেলের এই উক্তি সকলের অমুখাবন করা প্রয়োজন। এশিয়ায় যদি নেহরুর নেতৃত্ব প্রতিষ্ঠিত হয়, তাহা হইলে হয়ত বিশ্বশান্তি প্রতিষ্ঠার সম্ভাবনা হইবে।

পশ্চিম বাঙ্গলায় দাবী—

পশ্চিমবঙ্গের খাজমন্ত্রী শ্রীপ্রফুল্লচন্দ্র সেন গত ২০শে আগষ্ট দিল্লীতে যাইয়া বলিয়াছেন—আউস ফসলের জমি পাট চাষে নিয়োগ করার পশ্চিমবঙ্গের খাজ কসলের যে পরিমাণ ড্রাস পাইয়াছে, তাহা পূরণের জন্য কেন্দ্রীয় সরকারকে অবিলম্বে ৬১ হাজার টন চাউল পশ্চিমবঙ্গের জন্য বরাদ্দ করিতে হইবে! ঐ দিন পশ্চিমবঙ্গের সচিব শ্রীহুপতি মজুমদার মহাশয় দিল্লীতে কেন্দ্রীয় গভর্নমেন্টকে জানাইয়াছেন—১৯৪৭ সালে ভারত বিভাগের ফলে সীমান্তবর্তী জেলা সমূহে যে সমস্ত রাস্তা বা পথ নষ্ট হইয়াছে বা ক্ষতিগ্রস্ত হইয়াছে, সে সকল স্থলে নূতন পথ নির্মাণের জন্য ৫ কোটি টাকা পশ্চিমবঙ্গের প্রয়োজন। উহার কতক সাহায্য হিসাবে ও কতক ঋণ হিসাবে দিতে হইবে। নানা কারণে সীমান্তের পথগুলি এখনই নির্মিত হওয়া প্রয়োজন। খাজ সম্বন্ধে আজ কোন কথা না বলাই ভাল। পশ্চিমবঙ্গ উপযুক্ত চাউল না পাইলে এ দেশে বহু লোক অন্নাতাবে মারা যাইবে।

ভারতের ডেপুটী হাই কমিশনার—

ঢাকাস্থ ভারতীয় ডেপুটী হাই কমিশনার শ্রীমন্তোষকুমার বসুর কার্যকাল শেষ হওয়ার আসামের ভূতপূর্ব অর্থসচিব এবং পরে সরবরাহ ও উন্নয়ন সচিব শ্রীবৈষ্ণনাথ মুখোপাধ্যায় সেই স্থানে নিযুক্ত হইয়াছেন। ১৯০০ সালে নদীয়া জেলায় বৈষ্ণনাথবাবুর জন্ম হয়। ১৯২৪ সালে আসামের রায়বাহাদুর খগেন্দ্রনাথ চৌধুরীর কন্যাকে বিবাহ করিয়া তদবধি তিনি আসামে বাস করিতেছেন।

কাচ ও মৃৎশিল্প গবেষণাগার—

গত ২৬শে আগষ্ট কলিকাতা যাদবপুরে কেন্দ্রীয় কাচ ও মৃৎশিল্প গবেষণাগারের দ্বার উদ্ঘাটন উৎসব হইয়াছে। গভর্নর ডক্টর কাটজ্জ উৎসবে সভাপতিত্ব করেন ও প্রধান মন্ত্রী ডাক্তার বিধানচন্দ্র রায় উদ্বোধন করেন। বাঙ্গলায় কাচ ও মৃৎশিল্পের প্রধান কেন্দ্র—কাজেই কেন্দ্রীয় সরকার

বাংলার এই গবেষণাগার প্রতিষ্ঠা করিয়া উপযুক্ত কাজই করিয়াছেন। ভারতে আর কোথাও এই ধরনের গবেষণাগার নাই—কাজেই ইহা দেশের একত উপকার সাধনে সমর্থ হইবে বলিয়া সকলে মনে করেন।

পশ্চিমবঙ্গের ভূতপূর্ব চিফ সেক্রেটারী শ্রীযুত সুকুমার সেন সর্বভারতীয় নির্বাচন কমিশনার নিযুক্ত হইয়া কাজ করিতেছেন ও সম্বর বাহাতে নির্বাচন হয় সে অস্ত্র ব্যবস্থা করিতেছেন। পশ্চিমবাংলা হইতে প্রাদেশিক ব্যবস্থা

বাধীন ভারতের আসাম রাজ্যের সর্ব
প্রথম প্রধান মন্ত্রী গোপীনাথ বরদলৈ
চির নিজস্ব মগ্ন—সরকারী ট্রাকে অস্ত্রাট
শোকযাত্রার দৃশ্য

ফটো—শ্রীকামাক্যাপ্রসাদ ভট্টাচার্য



কাশ্মীর সমস্যা—

কাশ্মীরে ভারত রাষ্ট্রের সহিত পাকিস্তানের বিবাদ মিটাইবার জন্য রাষ্ট্রসভ্য হইতে যে প্রতিনিধি আসিয়াছিলেন, তিনি আপোষের কোন ব্যবস্থা করিতে না পারিয়া শেষ পর্যন্ত ফিরিয়া গিয়াছেন। এখন যুদ্ধ ব্যতীত অন্য কোন উপায়ে যে এই সমস্যার সমাধান হইতে পারে, এ কথা কেহ মনে করেন না। কাজেই ভবিষ্যতের কথা চিন্তা করিয়া ভারত ও পাকিস্তান উভয় রাষ্ট্রের অধিবাসীরাই শঙ্কিত হইয়াছেন। এই সম্পর্কে পণ্ডিত অহরলাল নেহরু যে বিবৃতি প্রকাশ করিয়াছেন, তাহাতে তিনিও শঙ্কা প্রকাশই করিয়াছেন। দেশের বর্তমান অবস্থায় কোন রাষ্ট্রের পক্ষেই যুদ্ধ ঘোষণা করা যুক্তিযুক্ত বলিয়া বিবেচিত হইবে না। অথচ পাকিস্তানী বর্তপক্ষের জিন্দেব কলে কাশ্মীর সমস্যার সমাধান হইল না। ভারত কুফল ভোগ করা ছাড়া পাকিস্তানের অন্য পথ নাই।

আগামী সাধারণ নির্বাচন—

প্রাদেশিক ব্যবস্থা পরিষদ ও কেন্দ্রীয় পার্লামেন্টের সমস্ত নির্বাচন কবে হইবে তাহা এখনও স্থির হয় নাই।

পরিষদে ২৩৮ জন ও কেন্দ্রীয় পার্লামেন্টে ৩৪ জন সদস্য নির্বাচিত হইবেন। প্রাদেশিক পরিষদের আসন আরও ৫টি বৃদ্ধি করার কথা চলিতেছে। এদিকে ভোটদাতার তালিকা এখনও প্রস্তুত হয় নাই। এখন যে ভাবে কাজ চলিতেছে, তাহাতে মনে হয় ১৯৫১ সালের বর্ষার পর অক্টোবর মাসে নির্বাচন হইবে। যে ভাবে কাজ চলিতেছে, তাহাতে মনে হয় বর্তমান শাসকবর্গ তাড়াতাড়ি নির্বাচন করার পক্ষপাতী নহেন। যে কয়দিন নির্বাচন না হয়, সেই কয়দিনই তাঁহারা কাজ করার সুবিধা পাইবেন। এ বিষয়ে সর্বত্র আন্দোলন হওয়া প্রয়োজন।

কলিকাতা কর্পোরেশনের নির্বাচন—

গত কয়েক বৎসর কাল কলিকাতা কর্পোরেশনের নির্বাচন বন্ধ আছে এবং সরকারী কর্মচারীদের দ্বারা কর্পোরেশনের কার্য পরিচালিত হইয়া আসিতেছে। আগামী ৩১শে ডিসেম্বর পর্যন্ত কর্পোরেশন সরকারের নিয়ন্ত্রণাধীন থাকিবে কথা আছে। কিন্তু যে ভাবে আগামী সাধারণ নির্বাচনের কাজ চলিতেছে, তাহাতে পূজার ছুটির

সময়ে কাজ চালাইলেও আগামী ডিসেম্বর মাসে নির্বাচন করা সম্ভব হইবে না। কাজেই নির্বাচন মার্চ মাস পর্যন্ত পিছাইয়া যাইবে ও কর্পোরেশন আরও ৩ মাস সরকারী নিয়ন্ত্রণে রাখা প্রয়োজন হইবে। এইভাবে নির্বাচন ক্রমেই পিছাইয়া যাইতেছে। যখন আগামী ৩১শে ডিসেম্বর পর্যন্ত কর্পোরেশন সরকারী নিয়ন্ত্রণে রাখা স্থির হয়, তখনই কর্তৃপক্ষের এরূপ ব্যবস্থা করা উচিত ছিল, যেন ডিসেম্বরের মধ্যে নির্বাচন কার্য শেষ হয়। যে সকল বড় বড় সরকারী কর্মচারী বর্তমানে কর্পোরেশনের কার্য পরিচালনা করিতেছেন, ইহাই কি তাঁহাদের কর্মদক্ষতার পরিচয়?

কংগ্রেসের নূতন সভাপতি—

যুক্তপ্রদেশের খ্যাতনামা কংগ্রেস নেতা শ্রী পুরুষোত্তমদাস ট্যাগুন সম্প্রতি সর্বাপেক্ষা অধিক ভোট পাইয়া নাসিক কংগ্রেসের সভাপতি নির্বাচিত হইয়াছেন। মোট তিনজন প্রার্থী নিম্নলিখিতরূপ ভোট পাইয়াছেন—

শ্রী ট্যাগুন—১৩০৬ ভোট

আচার্য্য কৃপালনী—১০৯২ ভোট

শ্রী শঙ্কররাও দেও—২০২ ভোট

শ্রীযুত ট্যাগুন বাস্তহারাদের দরদী বন্ধু—তাঁহার নির্বাচনে বাস্তহারী সমস্ত সম্পর্কে কংগ্রেসের কার্য পদ্ধতি পরিবর্তনের আশা করা যায়। পণ্ডিত নেহরু আচার্য্য কৃপালনীকে সমর্থন করিয়াছিলেন—তাঁহার পরাজয়ে পণ্ডিত নেহরুর মন্ত্রিসভার কার্যপদ্ধতি পরিবর্তিত হইবে বলিয়া মনে হইতেছে। নাসিক কংগ্রেসের পর শ্রীযুত ট্যাগুন কংগ্রেস তথা দেশ পরিচালনের নূতন কার্যভার গ্রহণ করিবেন। বিদ্যায়ী সভাপতি ডাঃ পট্টভী সীতারামিয়ার কার্যকালে দেশবাসী কংগ্রেস সভাপতির কোনরূপ প্রভাবের বিষয় বুঝিতে পারে নাই। শ্রী ট্যাগুন শক্তিমান লোক—আমাদের বিশ্বাস তাঁহার কার্যকালে কংগ্রেস নূতন ধারায় কার্যারম্ভ করিতে সমর্থ হইবে।

ভারতের নূতন লর্ড বিশপ—

রোমেরেও অরবিন্দনাথ মুখোপাধ্যায় গত ২রা সেপ্টেম্বর কলিকাতার সেন্ট পল গির্জায় ভারত, পাকিস্তান, সিংহল ও ব্রহ্মের নূতন মেট্রপলিটান বা লাট পাদরী নির্বাচিত হইয়াছেন। তাঁহার বয়স বর্তমানে ৫৭ বৎসর, তিনি উক্ত ৪টি দেশবাসী ৪ লক্ষ খৃষ্টানের ধর্মগুরু হইলেন। তিনি

কলিকাতার চতুর্দশ লর্ড বিশপ—তাঁহার পূর্বে আর কোন ভারতীয় এই উচ্চপদ লাভ করেন নাই। শনিবার তাঁহার কার্যভার গ্রহণের অনুষ্ঠানের পর তিনি বলিয়াছেন—নূতন ধর্মগুরু যদি সেবার দ্বারা জনগণের শ্রদ্ধা আকর্ষণ করে তবেই তাঁহার নির্বাচন সার্থক হইবে। তিনি সকল ধর্মগুরুকে সেই আদর্শে কাজ করিতে উপদেশ দিয়াছেন।

আবার রেল দুর্ঘটনা—

জসিদির নিকট ই-আই-রেলের যে ভীষণ দুর্ঘটনা হইয়াছিল, সে সম্বন্ধে পাকিস্তানী গুপ্তচরদের ষড়যন্ত্রের সংবাদ আমরা অগ্রজ প্রদান করিয়াছি। গত ৩রা সেপ্টেম্বর পূর্বপাঞ্জাব রেলপথে দীননগর ও গুরুদাসপুর রেল স্টেশনের মধ্যে কাশ্মীর মেল লাইনচ্যুত হওয়ায় একটি পুলের উপর হইতে তিনখানা কামরা নীচে এক নালায় পতিত হয়—ফলে ২০ জন নিহত ও ৪৫ জন আহত হইয়াছে। ১৯৪৯—৫০ সালে এক বৎসরে ভারতে ১৬টি রেল দুর্ঘটনা হইয়াছে। রেলদুর্ঘটনার সংখ্যা দিন দিন বাড়িয়া চলিয়াছে। রেল পরিচালনের ব্যয় বৃদ্ধির সহিত উহার কার্যকারিতা বৃদ্ধি প্রাপ্ত হয় নাই। বরং দিন দিন রেলের পরিচালনার ক্রটিই বাড়িয়া যাইতেছে। ইহার প্রতিকারের কোন ব্যবস্থার কথা শুনা যায় না। দেশ যে ক্রমে ধ্বংসের দিকে অগ্রসর হইতেছে, সে বিষয়ে সকল সন্দেহ দূর হইতেছে।

পশ্চিম জাপানে ঝড় ও বন্যা—

পশ্চিম জাপানে ভীষণ টাইফুন অর্থাৎ ঝড় ও বন্যার ফলে ২৫০ জন লোক নিহত এবং আড়াই লক্ষ লোক গৃহহীন হইয়াছে। গত ১৬ বৎসরের মধ্যে জাপানে এরূপ প্রভূত ক্ষতি আর হয় নাই। ১ লক্ষ ৭০ হাজার গৃহ জলে ভাসিয়া গিয়াছে—৭ শত জাহাজ ক্ষতিগ্রস্ত হইয়াছে। ওসাকা কোরে ও কিয়োটোর জনবহুল স্থানগুলিই বেশী ক্ষতিগ্রস্ত হইয়াছে। পৃথিবীর সর্বত্র ধ্বংসলীলা আরম্ভ হইয়াছে দেখা যাইতেছে।

শ্রী আনন্দমোহন সহায়—

খ্যাতনামা দেশ সেবক শ্রী আনন্দমোহন সহায় বৃষ্টি পশ্চিম ভারতীয় দ্বীপপুঞ্জে ভারত গভর্নমেন্টের কমিশনার নিযুক্ত হইয়াছেন। তিনি ভাগলপুরের অধিবাসী, ১৯০৫ সালের বিপ্লববাদ আন্দোলনে কাজ করিয়া পলাতক হিসাবে তিনি ৩০ বৎসর জাপানে বাস করিয়াছিলেন। নেতাজী

সুভাষচন্দ্রের আজাদ হিন্দ সরকারেরও তিনি অগ্রতম মন্ত্রী ছিলেন। তিনি দেশবন্ধু চিত্তরঞ্জন দাশের পরিবারে বিবাহ করিয়াছেন। তাঁহার নিয়োগে সকলেই আনন্দিত হইবেন।

কাশ্মীর ও পূর্ববঙ্গ সমস্যা—

গত ৩রা সেপ্টেম্বর পশ্চিম বাংলায় বাস্তবহার্য্য দিবস পালন উপলক্ষে কলিকাতা দেশবন্ধু পার্কে এক বিরাট জনসভায় ডক্টর শ্রীশ্যামাপ্রসাদ মুখোপাধ্যায় বক্তৃতা করেন। তিনি বলিয়াছেন—“কাশ্মীর সম্পর্কে পাকিস্তানের সঙ্গে শত্রুতা ও পূর্ববাংলা সম্পর্কে বন্ধুত্বের নীতি যদি পণ্ডিত নেহরু অবলম্বন করেন, তাহা হইলে তিনি ভারতবর্ষকে ধ্বংসের দিকে আগাইয়া লইয়া যাইবেন। পূর্ববঙ্গে হিন্দু বিতাড়ন নীতি গ্রহণ করিয়া পাকিস্তান যুদ্ধ ঘোষণা না করিয়াই ভারতের বিরুদ্ধে যুদ্ধের পন্থা গ্রহণ করিয়াছেন। কাশ্মীরে তাহারা আক্রমণাত্মক নীতি গ্রহণ করিয়াছে। সুতরাং পাকিস্তানের বিরুদ্ধে অর্থ নীতিক প্রতিরোধই হউক কিম্বা সামরিক ব্যবস্থাই হউক, কাশ্মীর ও পূর্ববঙ্গ উভয়ক্ষেত্রেই পাকিস্তানের সঙ্গে ব্যবহারে একই কুটনীতি দ্বারা পরিচালিত হওয়া পণ্ডিত নেহরুর কর্তব্য।” ডক্টর শ্যামাপ্রসাদের এই উক্তির উপর মন্তব্য নিম্নয়োজন। কাশ্মীর ও পূর্ববঙ্গ সমস্যা আমাদের ক্রমে হতাশ করিতেছে।

বাস্তবতার অবস্থা আলোচনা—

গত ৭ই আগষ্ট দিল্লীতে ভারতীয় গবর্নমেন্টের সভায় ডক্টর শ্রীশ্যামাপ্রসাদ মুখোপাধ্যায় ৭৫ মিনিট কাল বক্তৃতা করিয়া যে ভাবে বাস্তবতার প্রকৃত অবস্থার কথা প্রকাশ করিয়াছেন, তজ্জন্ম তিনি বঙ্গবাসী মাঝেরই ধন্যবাদের পাত্র। তাঁহার বক্তৃতায় যে ভাবে বাস্তবতার বর্তমান দুর্বস্থার কথা ফুটিয়া উঠিয়াছে তাহাতে পাষণ্ড গলিয়া

যায়। কিন্তু প্রধান মন্ত্রী পণ্ডিত জহরলাল নেহরু ডক্টর শ্যামাপ্রসাদের এই বক্তৃতার পরও মনোভাব পরিবর্তন করা প্রয়োজন মনে করেন নাই। অধিকন্তু এমনভাবে শ্যামাপ্রসাদবাবুর বক্তৃতার সমালোচনা করিয়াছেন যে তাহাতে হাশ্র সঘরণ করা যায় না। একটি প্রদেশে যে সময়ে বহু লক্ষ লোক নানা দুঃখ কষ্টের মধ্যে পড়িয়া ঘৃণ্য জীবন যাপন করিতে বাধ্য হইতেছে, সে সময়ে ভারতের প্রধান মন্ত্রীর পক্ষে এইরূপ উক্তি শুধু অশোভন নহে, বাঙ্গালীজাতির পক্ষে অসম্মানজনক বলিয়া আমরা মনে করি। পূর্ববঙ্গ হইতে আজ পশ্চিম বাংলায় ৫০ লক্ষেরও অধিক অধিবাসী চলিয়া আসিয়াছে, তাহাদের অভিযোগের অন্ত নাই। পণ্ডিতজী সামান্ত মাত্র সাহায্যের ব্যবস্থা ব্যতীত তাহাদের কোন দুঃখেরই লাভ করিতে সমর্থ হন নাই। তথাপি তিনি এই সমস্যার স্থায়ী প্রতীকার সম্বন্ধে কিছু করিবেন না। অপর পক্ষ যখন তাঁহার সহিত চুক্তি করিয়া সেই চুক্তির সর্ব নানাক্রমে ভঙ্গ করিতেছে, তখনও পণ্ডিতজী সেই চুক্তি কার্য্যকরী করার কথা চিন্তা করেন। তিনি পার্লামেন্টে যখন বলিয়াছেন—“লোক বিনিময়, সীমান্তের রদবদল বা দেশ বিভাগ রদ করার আলোচনা স্বপ্নবিলাসিতা ও অবাস্তব”—তখন তাহা শুনিয়া আমরা স্তম্ভিত হইয়াছি। ভারত সরকার বর্তমান অবস্থায় কি করিবেন, তাহা পণ্ডিতজী বলেন না, সম্ভবতঃ কোন সুনিশ্চিত পথও স্থির হয় নাই। পাকিস্তানীদের চুক্তি মান্ত করিতে তিনি বাধ্য করিবার কোন উপায় চিন্তা করেন না। তাঁহার উক্তরূপ উক্তির পর এবং মনোভাব দেখিয়া বাঙ্গালী নিরাশ হইয়াছে। এই নৈরাশ ও মনোবেদনা হইতে কে বাঙ্গালীকে রক্ষা করিবে জানি না।

দেবী-পূজা

শ্রীশৈলেন্দ্রকৃষ্ণ লাহা

১

জ্যোৎস্না-উতল নীলাধরের গুল-স্বপ্নময়
আকুল-জীবন-দুকুল-ভাগানো আলোর প্রাবন নয়।
উর্ধ্ব-নিধর-কিরণ-সাগরে করেছি অতীতে নান
শরৎ-প্রভাতে সোণার আলোর গেয়েছি অনেক গান।

দেবী, ফুটেছে মানস-হৃদে

শেত-শতদল, দিয়াছি আনিয়া পুষ্পাঞ্জলি পদে।

২

আজি চারিদিকে কল-কল্লোল, প্রলয়-বত্না আগে,
কাঁপে ধর ধর ভূমি অরণ্য, ভূধরে কাঁপন লাগে।
যা-কিছু অচল হ'ল চঞ্চল, আকাশ, জীবন, জড়,
শুনি রুদ্রের রথ-চক্রের উদ্দাম ঘর্ঘর।

দেবী, পৃথিবী উঠিছে তুলি,

হৃদয় ছিন্ন করিয়া এনেছি রক্ত-কমল তুলি।



শ্রীক্ষেত্রনাথ রায়

স্থানান্তরিত চট্টোপাধ্যায়

টেস্ট ক্রিকেট ৪

ওয়েস্ট ইন্ডিজ : ৫০০

ইংলণ্ড : ৩৪৪ ও ১০৩

ওভালে অনুষ্ঠিত চতুর্থ টেস্ট ম্যাচে, ওয়েস্ট ইন্ডিজ ১ ইনিংস এবং ৫৬ রানে ইংলণ্ডকে হারিয়ে এ বছরের ইংলণ্ড সফরে টেস্ট সিরিজের বেশী টেস্ট ম্যাচে জয়লাভের দরুন 'রাবার' লাভ করেছে। ইংলণ্ডে অনুষ্ঠিত টেস্ট খেলায় ওয়েস্ট ইন্ডিজ দল এই প্রথম 'রাবার' পেল। ইংলণ্ড বনাম ওয়েস্ট ইন্ডিজের প্রথম টেস্ট ম্যাচ খেলা আরম্ভ হয় ১৯২৮ সালে লর্ডসে। এ পর্যন্ত উভয় দেশের মধ্যে মোট ৭টি টেস্ট সিরিজ খেলা হয়েছে। ইংলণ্ড ৩বার (১৯২৮, ১৯৩৩, ১৯৩৯) 'রাবার' পেয়েছে। ওয়েস্ট ইন্ডিজও পেয়েছে ৩ বার, ১৯৩৪-৩৫, ১৯৪৮ ও ১৯৫০। মাত্র একবার ১৯২৯-৩০ সালের টেস্ট সিরিজ অসমীমাংসিত থেকে যায়। ঐ বছর ১ম ও ৪র্থ টেস্ট ড্র যায়। ২য় টেস্টে ইংলণ্ড এবং ৩য় টেস্টে ওয়েস্ট ইন্ডিজ জয়ী হয়। এ পর্যন্ত ইংলণ্ড-ওয়েস্ট ইন্ডিজের মধ্যে ৭টি টেস্ট সিরিজ খেলা হয়েছে। একমাত্র ১৯৪৮ সালে ওয়েস্ট ইন্ডিজ অনুষ্ঠিত ৪টি টেস্ট খেলার মধ্যে ইংলণ্ড একটি টেস্ট খেলাতেও জয়লাভ করতে পারে নি। বাকি টেস্ট সিরিজের কোন না কোন খেলায় ইংলণ্ড জয়ী হয়েছে।

আলোচ্য বছরের টেস্ট সিরিজে (১৯৫০ সাল) ইংলণ্ড ১ম টেস্ট খেলায় জয়লাভ করে। বাকি ৩টি টেস্ট খেলায় ওয়েস্ট ইন্ডিজ দল পর্যায়ক্রমে জয়লাভ করে 'রাবার' পেয়েছে। ইংলণ্ডের আজ বড় দুর্দিন! আন্তর্জাতিক রাজনৈতিক ক্ষেত্রে বৃটিশ সিংহের দুর্দান্ত প্রতাপ লোপ পেয়েছে, বিরাত সাম্রাজ্য হাত ছাড়া হয়েছে, পৃথিবীর

বিরাত অঞ্চল জুড়ে বৃটিশ জাতির ব্যবসায়-বাণিজ্যের যে সুদূর বেড়া জাল বিস্তারিত ছিল তা আজ সংকীর্ণ হয়ে গেছে। যুদ্ধ এবং অর্থনৈতিক বিপর্যয়ের দরুন খেলা-ধূলাতেও বৃটিশ জাতি তার পূর্ব প্রভু হারিয়ে ফেলেছে। ক্রিকেট ইংলণ্ডের জাতীয় খেলা। এই ক্রিকেটের টেস্ট খেলায় ওয়েস্ট ইন্ডিজের কাছে ইংলণ্ডের শোচনীয় পরাজয় কেবল ইংলণ্ডে নয় সমগ্র ক্রিকেট খেলার জগতে একটি উল্লেখযোগ্য ঘটনা।

১২ই আগস্ট ওভালে ওয়েস্ট ইন্ডিজ দলের অধিনায়ক গডার্ড টসে দিতে প্রথম ব্যাট করার সুযোগ নিলেন। প্রথম দিনের খেলার নির্দিষ্ট সময়ে ওয়েস্ট ইন্ডিজ দলের ১ম ইনিংসের ৩ উইকেটে ২৯৫ রান উঠে। এ রে ১০৯ এবং ওরেল ১১০ রান করে নট আউট থাকেন।

টেস্ট খেলার দ্বিতীয় দিন ১৪ই আগস্ট ওয়েস্ট ইন্ডিজ দলের ১ম ইনিংস ৫০৩ রানে শেষ হয়। উল্লেখযোগ্য রান ওরেল ১৩৮, রে ১০৯, গোমেজ ৭৪ এবং গডার্ড ৫৮ রান। ইংলণ্ডের রাইট ১৪১ রানে ৫টা উইকেট পান। নির্দিষ্ট সময়ে কোন উইকেট না হারিয়ে ইংলণ্ডের প্রথম ইনিংসে ২৯ রান উঠে।

১৫ই আগস্ট, তৃতীয় দিনে ইংলণ্ডের ৩ উইকেটে ২৩৮ রান উঠে। ইংলণ্ডের ওপনিং ব্যাটসম্যান হাটন ১০৭ রান করে নট আউট থাকেন। বৃটিশ জাতি খেলায় বাধা পড়ে।

১৬ই আগস্ট, চতুর্থ দিনে ইংলণ্ডের ১ম ইনিংস ৩৪৪ রানে শেষ হয়। ওপনিং ব্যাটসম্যান এল হাটন ২০২ রান করে শেষ পর্যন্ত নট আউট থেকে যান। ইংলণ্ডের মাঠে ওয়েস্ট ইন্ডিজের বিপক্ষে ১৯৩৯ সালে এল হাটন ১৯৬ রান

ক'রে ইংলণ্ডের পক্ষে ব্যক্তিগত সর্বোচ্চ রাণের রেকর্ড স্থাপন করেন। ওয়েস্ট ইন্ডিজের বিপক্ষে এস হাটনের ২০২ রাণ আজ ইংলণ্ডের মাটিতে ইংলণ্ডের পক্ষে ব্যক্তিগত সর্বোচ্চ রাণ হিসাবে রেকর্ড হয়েছে। ছুর্ভাগ্যবশত: ডেনিস কম্পটন ৪৪ রাণে রাণ আউট হন। গডার্ড এবং ভ্যালেনটাইন যথাক্রমে ৪টে ক'রে উইকেট পান। ইংলণ্ডের শেষ ৬টা উইকেট ৬২ রাণে পড়ে যায়। গডার্ড ২৫ রাণে ৪টে উইকেট পান। ফলো-অন ক'রে ইংলণ্ড দ্বিতীয় ইনিংসে মাত্র ১০৩ রাণ তুলেছিলো। ভ্যালেনটাইন ৬টা উইকেট পান; রামাধীন পান ৩টে। ওয়েস্ট ইন্ডিজ ১ ইনিংস এবং ৫৬ রাণে ওয়েস্ট ইন্ডিজকে পরাজিত করে।

ইংলণ্ড ও ওয়েস্ট ইন্ডিজ

	টেস্ট সিরিজ	ইংলণ্ড জয়ী	ওয়েস্ট ই: জয়ী	ড্র
ইংলণ্ড	৪	৩	১	০
ওয়েস্ট ইন্ডিজ	৩	০	২	১
মোট	৭	৩	৩	১

	টেস্ট ম্যাচ	ইংলণ্ড জয়ী	ওয়েস্ট ই: জয়ী	ড্র
ইংলণ্ড	১৩	৭	৩	৩
ওয়েস্ট ইন্ডিজ	১২	২	৫	৫
মোট	২৫	৯	৮	৮

এক ইনিংসে সর্বোচ্চ রাণ: ইংলণ্ড—৮৪৯ (১ম ইনিংস, ৪র্থ টেস্ট; কিংসটোন, ১৯২৯-৩০)

ওয়েস্ট ইন্ডিজ—৫৫৮ (১ম ইনিংস, ৩য় টেস্ট; ট্রেণ্ট ব্রিজ, ১৯৫০)

ইংলণ্ডে ১ ইনিংসে সর্বোচ্চ রাণ (উত্তর দলের মধ্যে): ৫৫৮ (ওয়েস্ট ইন্ডিজ; ৩য় টেস্ট, ১৯৫০)

ওয়েস্ট ইন্ডিজ ১ ইনিংসে সর্বোচ্চ রাণ: ৮৪৯ (ইংলণ্ড, ১র্থ টেস্ট, ১৯২৯-৩০)

ব্যক্তিগত সর্বোচ্চ রাণ (ইংলণ্ড): ৩২৫ (এ স্মাণ্ড-হাম; ৪র্থ টেস্ট, ১৯২৯-৩০)

ব্যক্তিগত সর্বোচ্চ রাণ (ও: ই:): ২৭০ (অর্ডার; ৪র্থ টেস্ট ১৯৩৪-৩৫)

সর্ব নিম্ন রাণ (ইংলণ্ড): ১০৩ (২য় ইনিংস; ৪র্থ টেস্ট, ১৯৩৪-৩৫)

সর্বনিম্ন রাণ (ও: ইন্ডিজ): ৯৭ (প্রথম ইনিংস; ১ম টেস্ট ১৯৩৩)

একশত 'সেঞ্চুরী':

প্রথম শ্রেণীর ক্রিকেট খেলায় এ পর্যন্ত ১২ জন ক্রিকেট খেলোয়াড় একশত সংখ্যক 'সেঞ্চুরী' করার সম্মানলাভ করেছেন। ১৯৪৮ সালে সুর ডন ব্র্যাডম্যানের একশত সংখ্যক 'সেঞ্চুরী' করার পর ১৯৫০ সালের ৫ই আগস্ট ইংলণ্ডের ভূতপূর্ব উইকেট কিপার লেসলী এম্‌স প্রথম শ্রেণীর ক্রিকেট খেলায় একশত 'সেঞ্চুরী' করেন। বারা এই সম্মান লাভ ক'রেছেন তাঁদের নাম যথাক্রমে: (১) জ্যাক হব্‌স্ (২) প্যাটসী হেগ্‌গেন, (৩) ওয়ালী হামণ্ড (৪) ফিলিপ মীড (৫) হার্বার্ট সার্ভিক্‌স (৬) জ্যাক উলী (৭) ডব্লু জি গ্রেস (৮) এ্যাণ্ডি স্মাণ্ডহাম (৯) টম হেগওয়ার্ড (১০) আর্নেস্ট টিগ্‌সলি (১১) সুর ডন ব্র্যাডম্যান (১২) লেসলী এম্‌স।

রঞ্জি ট্রেডিস্থান:

বিখ্যাত ইডেন উদ্যানে 'স্মাশনাল ক্রিকেট ক্লাব'র উদ্যোগে গত ১৫ই আগস্ট ভারতীয় স্বাধীনতা দিবসে 'রঞ্জি ট্রেডিস্থান' স্থাপন করেছেন মুখ্য মন্ত্রী মাননীয় শ্রীযুক্ত বিধানচন্দ্র রায়। ক্যালকাটা ক্রিকেট ক্লাবের কর্তৃপক্ষ বিগত ১২৫ বছর এই জমিটির মালিকানা স্বয়ং উপভোগ ক'রে স্মাশনাল ক্রিকেট ক্লাবের কাছে প্যাভিলিয়ন সহ জমিটি বিক্রী করায় খেলোয়াড় সুলভ মনোভাবের পরিচয় দিয়েছেন। কিন্তু ক্রিকেট ট্রেডিস্থান নির্মাণের সংবাদে ক'লকাতার ফুটবল মাঠের দর্শকদের মনে সেই কথাই মনে পড়ছে 'তৃষ্ণায় কাতর হয়ে চাহিলাম জল, এনে দিল আধখানা পাকা বেল।' ক'লকাতার ক্রিকেট খেলার থেকে ফুটবল খেলা অনেক বেশী জনপ্রিয় এবং খেলার মাঠে স্থানাতাব সমস্তা আজ ক'লকাতা সহরের অন্ততম জাতীয় সমস্তার অন্তর্গত বলা ভুল হবে না। দর্শকেরা যে অপরিমিত কষ্ট সহিষ্ণুতার মধ্যে ফুটবল খেলার মাঠে নির্দোষ আনন্দ উপভোগ করতে যায় তা জাতীয় উচ্চম অপচয়ের সঙ্গে তুলনা করা চলে। ধৈর্যেরও একটা সীমা আছে। সে সীমা অতিক্রম করতে দর্শকদের বাধ্য করলে খেলার মাঠে আজ যে স্থানাতাব নিয়ে দাড়াহাদা চলেছে তা কেবল পুলিশ দিয়ে রোধ করা সহজ হবে না। খেলার

মাঠের সমাজ-বিরোধী কাজ স্বতাবতই সমাজদেহের অত্যন্ত অংশে সংক্রামক ব্যাধির স্তায় বিস্তারলাভ করবে। ট্রেডিংম্যান নির্মাণই হ'ল খেলার মাঠে সমাজ-বিরোধী কাজের অন্ততম প্রতিরোধক ব্যবস্থা।

ইন্ডিয়ান লাইফ সেভিং সোসাইটি :

আমাদের এই নদীমাতৃক বাংলা দেশে নৌকাডুবি অথবা জলাশয়ে আকস্মিক দুর্ঘটনায় পড়ে বহুলোক অসহায় প্রাণত্যাগ করে। জলমগ্ন ব্যক্তিকে জল থেকে উদ্ধার করা এক পরম পুণ্য কাজ। দেখা গেছে, জলমগ্ন ব্যক্তির অসহায় অবস্থা এবং আকুল আবেদন মানুষকে উদ্ধার কার্যে আকর্ষণ না করে পারে না। ফলে বেশীর ভাগ লোকই জীবন উদ্ধারের প্রেরণায় নিজ জীবনের বিপদের কথা ভুলে গিয়ে প্রস্তুত না হয়েই জলে ঝাঁপিয়ে পড়ে। এ ধরনের উদ্ধার কার্যে উভয়ের পক্ষে যথেষ্ট বিপদ আছে। জলমগ্ন ব্যক্তির নিজ জীবন রক্ষার চেষ্টা ছাড়া অপর কোন দিকে জ্ঞান থাকে না। ফলে দেখা গেছে অনেকক্ষেত্রে জলমগ্ন ব্যক্তি উদ্ধার কর্তাকেই হাতের লাগালে পেয়ে জড়িয়ে ধরে এক সঙ্গে জলে ডুবে প্রাণ ত্যাগ করেছে। অপরের প্রাণ রক্ষার জন্য নিজ প্রাণ উৎসর্গের মধ্যে যথেষ্ট বীরত্ব এবং মহত্ব আছে সত্য। কিন্তু যেখানে কিছুটা প্রস্তুত হয়ে গেলে নিজের জীবনকে বিপন্ন না করে অপরের জীবন রক্ষা সহজ হয় সেখানে অপ্রস্তুত হয়ে জলে ঝাঁপিয়ে পড়াটা নিবুদ্ভিতারই পরিচয়।

জলমগ্ন ব্যক্তিকে জল থেকে সহজে উদ্ধারের কতকগুলি কৌশল আছে। এ কৌশল জানা থাকলে কখনও জলাশয়ের পাড়ে দাঁড়িয়ে অসহায় দর্শক হিসাবে জলমগ্ন ব্যক্তির অসহায় মৃত্যু দেখতে হয় না। এই কৌশলগুলি কঠিন নয়, সহজই। কেবল শিক্ষা এবং অভ্যাসের প্রয়োজন। আমাদের সকলেরই যেমন কিছু কিছু সাঁতার জেনে রাখা দরকার তেমনি সেই সঙ্গে জলমগ্ন ব্যক্তির উদ্ধারের কৌশলগুলি জানা থাকলে আমরা এই আকস্মিক দুর্ঘটনা থেকে বহু জীবন রক্ষা করতে পারি। সাঁতার শিক্ষার প্রয়োজন কেবল দুর্ঘটনার হাত থেকে রক্ষার জন্যই নয়, স্বস্থ এবং সুঠাম দেহ গঠনের পক্ষে সাঁতার বিশেষ কার্যকরী ব্যায়াম।

এইদিক থেকে দক্ষিণ ক'লকাতা অঞ্চলের ঢাকুরিয়া লোকে অবস্থিত 'ইন্ডিয়ান লাইফ সেভিং সোসাইটি' যথেষ্ট গঠনমূলক কাজের পরিচয় দিয়েছেন। এইরূপ প্রতিষ্ঠানের সংখ্যা আরও বৃদ্ধি হওয়া উচিত। ক'লকাতার লোক-সংখ্যার এক বিরাট অংশ প্রতিদিন গঙ্গায় স্নান করে। এবং প্রতি বছরই গঙ্গায় নৌকাডুবি এবং জলমগ্নের বহু দুর্ঘটনা সংবাদপত্রে আমরা দেখতে পাই। এ থেকেই 'লাইফ সেভিং' শিক্ষার প্রয়োজনীয়তা আমরা উপলব্ধি করতে পারি।

সম্প্রতি পশ্চিমবঙ্গের প্রদেশপাল ডাঃ কৈলাসনাথ কাটজুর সভাপতিত্বে 'ইন্ডিয়ান লাইফ সেভিং সোসাইটির' ২৮তম বাৎসরিক প্রতিষ্ঠা-দিবস সাক্ষ্যের সঙ্গে উদ্‌ঘোষিত হয়ে গেল। এই জনহিতকর প্রতিষ্ঠানের সঙ্গে ক'লকাতার বহু শিক্ষিত বিশিষ্ট নাগরিকের যোগাযোগ আছে। এই প্রতিষ্ঠানের একটি বৃহৎ গঠনমূলক পরিকল্পনার কথা আমরা শুনেছি। এর জন্য প্রচুর জমির প্রয়োজন।

জনসাধারণ এবং সরকারের সহযোগিতার উপর এই পরিকল্পনার সাফল্য এবং প্রতিষ্ঠানের ভবিষ্যৎ নির্ভর করছে। আমরা আশা করি আমাদের জাতীয় সরকার এই প্রতিষ্ঠানের জমি সংগ্রহ ব্যাপারে সহযোগিতা করে প্রতিষ্ঠানের উদ্দেশ্য সার্থক করবেন।

সন্তোষ ট্রফি :

ক'লকাতায় অনুষ্ঠিত জাতীয় ফুটবল প্রতিযোগিতায় এ বছরের ফাইনালে গত বছরের ফাইনাল বিজয়ী বাঙ্গলা প্রদেশ ১-০ গোলে গতবারের বিজিত হায়দ্রাবাদদলকে পুনরায় হারিয়ে উপস্থাপরি দু'বার 'সন্তোষ ট্রফি' বিজয়ী হয়েছে। জাতীয় ফুটবল প্রতিযোগিতায় 'সন্তোষ ট্রফি' বিজয়ের যথেষ্ট গুরুত্ব থাকা সত্ত্বেও বাঙ্গলা দেশের এ জয়লাভে গৌরববোধ এবং খেলায় আনন্দলাভ করেছেন এমন দর্শক অথবা ক্রীড়ামোদীর সংখ্যা খুবই কম পাওয়া যাবে এ কথা বলা অসঙ্গত হবে না। খেলাধুলার একমাত্র জয়লাভই যাদের কাছে বড় কথা অর্থাৎ জয়লাভ যে কোন ভাবেই হোক—কীক তালে গোল করে অথবা জাতীয় স্বার্থ বলি দিয়ে বাইরের খেলোয়াড় দিয়ে খেলিয়ে, তাঁরা অবিশ্রি এ ধরনের জয়লাভে গর্ববোধ এবং আনন্দ উপভোগ ছুই করতে

পারেন ; মনের এ পরিচয় নিতান্তই ব্যক্তিগত এবং স্বার্থের সঙ্গে জড়িত, জাতীয় অভ্যুদয়ের পক্ষে ঘোর অনিষ্টকর। বাঙ্গলা প্রদেশের ফুটবল দল গঠন ব্যাপারে খেলোয়াড় মনোনয়ন কমিটি বরং জাতীয় স্বার্থ উপেক্ষা করেছেন, তবু প্রাদেশিকতার পরিচয় দেন নি। জাতীয় স্বার্থ বলি দিয়েও তাঁরা কিন্তু সমালোচনার হাত থেকে রেহাই পান নি। এই উদার মনোভাবের ফাঁকি তালে বাঙ্গলা প্রদেশের যে ফুটবল খেলায় নিজ নাম সুপ্রতিষ্ঠার উদ্দেশ্য ছিল, বিভিন্ন প্রদেশে এ অভিযোগ উঠা খুব স্বাভাবিক। প্রতিযোগিতার বিভিন্নস্তরে বাঙ্গলা দলে এমন কয়েকজন বহিরাগত বাছাই ফুটবল খেলোয়াড় যোগদান ক'রেছিলেন যারা একমাত্র ফুটবল খেলার উদ্দেশ্যে ফুটবল মরসুমের ক'লকাতায় বিভিন্ন ক্লাবের পক্ষে যোগদান করেন এবং মরসুম শেষে স্বদেশে ফিরে যান বা যেতেন। অন্যান্য প্রদেশের বাছাই করা খেলোয়াড়দের সহযোগিতা ভিন্ন বাঙ্গলা প্রদেশ জাতীয় ফুটবল প্রতিযোগিতায় কতখানি সাফল্য লাভ করতে পারতো তার অধি পরীক্ষা হয় নি। 'সন্তোষ ট্রফি' প্রতিযোগিতায় যোগদানকারী কোন কোন প্রাদেশিক দলে দু'চার জন বাঙ্গালী ফুটবল খেলোয়াড়কে খেলতে দেখা গেছে কিন্তু এই নিয়ে আত্মপক্ষ সমর্থনে আমরা অপর কোন দলকে কটাক্ষপাত করতে পারি না। কারণ ঐ সব বাঙ্গালী খেলোয়াড় স্থানীয় বাসিন্দা হিসাবেই প্রাদেশিক দলে মনোনীত হয়েছিলেন, বাঙ্গলা দেশ থেকে ফুটবল খেলানোর উদ্দেশ্যে তাঁদের নিয়ে গিয়ে দলভুক্ত করা হয় নি। আমাদের সঙ্গে বড় প্রভেদ এইখানেই। জাতীয় ফুটবল প্রতিযোগিতায় বাঙ্গলা দেশ আজ যে সাফল্য লাভ করেছে তার মূলে বিভিন্ন প্রদেশের বাছাই করা ফুটবল খেলোয়াড়দের সহযোগিতা রয়েছে—যে সহযোগিতা লাভ ক'রে বাঙ্গলা দেশ ঐ সব বাঙ্গালীর খেলোয়াড়দের নিজ নিজ প্রাদেশিক দলে যোগদান করে থেকে বঞ্চিত করেছে।

নিজ প্রদেশের ফুটবল দলকে জাতীয় ফুটবল প্রতিযোগিতায় সহযোগিতা করা খেলোয়াড়দের পক্ষে কতখানি গর্ব এবং মহত্বের পরিচয় এ কথা লিখে বলার প্রয়োজন হয়

না। কিন্তু ক'লকাতায় বিভিন্ন ক্লাবে যোগদান করার ফলে অলিম্পিক প্রত্যাগতসহ অনেক নামকরা বাইরের খেলোয়াড় নিজ নিজ প্রদেশকে তাঁদের সহযোগিতা থেকে বঞ্চিত করেছেন। ফলে ভারতীয় ফুটবল মহলে বাঙ্গলা আজ তার নাম প্রতিষ্ঠা করতে যে যথেষ্ট সুবিধা পেয়েছে একথা দুই লোকের নয়। বাইরের খেলোয়াড়দের মধ্যে এই যে নৈতিক অবনতি এবং আদর্শ চ্যুতি দেখা দিয়েছে এর জন্য বাঙ্গলা দেশের ফুটবল খেলার নিয়ন্ত্রণ কর্তৃপক্ষের কাছে প্রশ্ন করা অসম্ভব হবে না ; কারণ বাঙ্গলা দেশ নিজ আত্ম-মর্যাদা অক্ষুণ্ণ রাখতে এঁদের অনেকের সহযোগিতা গ্রহণ করেছে এবং বাইরের অনেক নামকরা খেলোয়াড়দের নিজ নিজ প্রাদেশিক দলের খেলায় যোগদান থেকে বঞ্চিত করেছে। বাইরের খেলোয়াড়রা কিসের আকর্ষণে স্বদেশ, আত্মীয়-স্বজন ত্যাগ ক'রতে এবং নিজ প্রাদেশিক ফুটবল দলে সহযোগিতা না করতে উৎসাহবোধ করেন এ প্রশ্নের উত্তর লিখে বলার প্রয়োজন হয় না, খেলার মাঠে এ বছর 'Open Secrete-এ' দাঁড়িয়েছে।

বাঙ্গালীর বহু অতীত গৌরব-গাথা আছে। বর্তমানের ভ্রান্ত নীতির ফলে শীঘ্রই বাঙ্গালীর জাতীয় ষাট্‌ঘরে আর একটি গৌরব স্তম্ভের স্থান সঙ্কুলানের ব্যবস্থা হতে চলেছে। মহা সমারোহে স্তম্ভের গায়ে গৌরব গাথার ফলকটি উৎকীর্ণ ক'রে কর্তব্য সম্পাদন করা হবে। নিকট ভবিষ্যতে আমাদের বংশধরেরা তার তলায় অবাধ বিশ্বাসে দাঁড়িয়ে দেখবে—বাঙ্গালী এককালে ফুটবল খেলার পথপ্রদর্শক ছিল। এবং ভারতীয় ফুটবল খেলার ইতিহাসে বাঙ্গালীর শ্রেষ্ঠত্ব একদিন প্রমাণিত হয়েছিল। কিন্তু এ সমস্তই হবে তখন তাদের কাছে অতীতের নিদর্শন। বাস্তবজীবনে এর কোন নিদর্শনই খুঁজে পাবে না। ব্যক্তিগত এবং দলগত স্বার্থবুদ্ধি এবং অবিমূঢ়কারীতার ফলে বাঙ্গলা দেশের ফুটবল খেলা যে সঙ্কটজনক অবস্থার দিকে ক্রমশঃ এগিয়ে চলেছে সেই কঠোর বাস্তব ঘটনা ঘটতে বেশী দেরী নেই যদি শুভবুদ্ধি এখনও জাগ্রত না হয়। ইহা আমাদের পক্ষে আজ গৌরব এবং আত্মপ্রদানের কথা নয়।



নব-প্রকাশিত পুস্তকাবলী

শ্রীঅনিলকুমার বিশ্বাস-সম্পাদিত কাব্যগ্রন্থ মহাকবি কালিদাসের “মলোদয়”—৩।	বিখনাথ চট্টোপাধ্যায় এগীত উপভাস “শেব কোথা”—২।০, “ছোটদের রাজপুত জীবন-সন্ধ্যা”—১।০
ভরুণ রায় এগীত উপভাস “জিজ্ঞাসা”—২।০	শ্রীনীলমণি দাশ এগীত “ব্যাস ও বাহ্য”—২।
সুবোধ বহু এগীত উপভাস “ইন্দির”—২।০	শ্রীদেবদাস বোব এগীত উপভাস “গল্প”—৪।
শ্রীশান্তি চৌধুরী এগীত জীবনী-গ্রন্থ “বীরসেনা ঐতিহ্য”—১।	কিতীশ দাগ এগীত কাব্যগ্রন্থ “পূজার কুল”—১।
শ্রীশশধর দত্ত এগীত রহস্যোপভাস “ভাগ্যাবেশে বোহন”—২।, “বোহনের দীক্ষাভাষা”—২।, “অজের বোহন”—২।	শ্রীনির্মলকুমার রায় এগীত অমণ-কাহিনী “আগান”—৪।০
শ্রীহীরামলাল দাশগুপ্ত এগীত শিকার-কাহিনী “বাঘের জঙ্গলে”—৫।০	রমাগদ চৌধুরী এগীত গল্প-গ্রন্থ “বর্ণহারীচ”—১।০
	শ্রীরেখাদেবী বন্দ্যোপাধ্যায় এগীত “বরন শিল্প”—৩।

বিশেষ দ্রষ্টব্য

পূজার ভারতবর্ষ—শান্তি দীপ্ত পূজা উপলক্ষে আগামী কাঙ্ক্ষিত সংখ্যা “ভারতবর্ষ” আশ্বিনের দ্বিতীয় সপ্তাহে প্রকাশিত হইবে। বিজ্ঞাপন-দাতাগণ অনুগ্রহপূর্বক আশ্বিনের প্রথম সপ্তাহের মধ্যেই কাঙ্ক্ষিতের বিজ্ঞাপনের কপি পাঠাইবেন। নির্দিষ্ট তারিখের মধ্যে বিজ্ঞাপনের পাণ্ডুলিপি না পাঠিলে বিজ্ঞাপন ছাপা না হইবার সম্ভাবনা।

কার্যাব্যয়ক—ভারতবর্ষ

পাকিস্তানস্থ গ্রাহকদের জন্য বিজ্ঞপ্তি

আমাদের পাকিস্তানস্থ গ্রাহকগণের মধ্যে যাহারা আমাদের কার্যালয়ে “ভারতবর্ষ”-এর টাকা পাঠাইতে বা জমা দিতে অসুবিধা ভোগ করিয়া থাকেন, তাহারা অতঃপর ইচ্ছা করিলে ঠিকানা ও গ্রাহকনম্বর উল্লেখপূর্বক The Asutosh Library, 78-6, Lyall Street, Dacca, East Pakistan—নিকট টাকা পাঠাইতে বা জমা দিতে পারেন। নূতন গ্রাহকগণ টাকা জমা দিবার সময় “নূতন গ্রাহক” কথাটি উল্লেখ করিবেন। ইতি— বিনীত

কার্যাব্যয়ক—ভারতবর্ষ

সম্পাদক—শ্রীকণীন্দ্রনাথ বুদ্ধোপাধ্যায় এম-এ





सुधा

श्री. सुधा. लक्ष्मी. लक्ष्मी. लक्ष्मी. लक्ष्मी.



কাঙ্ক্ষিক-১৩৫৭

প্রথম খণ্ড

অষ্টত্রিংশ বর্ষ

পঞ্চম সংখ্যা

যুগান্তর

শ্রীকেশবচন্দ্র গুপ্ত

আজ ধীরভাবে বাহিরের বা অন্তরের জগতে দৃষ্টিপাত করলে যুগান্তরের অহুভূতি অস্বীকার করবার উপায় নাই। এ নতুন যুগ প্রবর্তনের জন্মতিথি নির্ধারণ অসম্ভব। কারণ মানব-সমাজের বহুদিনের পুঞ্জীভূত পাপ বা সাধু প্রবৃত্তির কোনো নির্দিষ্ট অশুভ বা শুভ মুহূর্তে আমূল পরিবর্তন ঘটে না। যা ধীরে ধীরে জ্ঞানতঃ বা অজ্ঞাতসারে গড়ে ওঠে, তার আংশিক ভাঙন মুহূর্তে ঘটতে পারে। সে ভগ্নস্তূপের আমূল অপসারণ সময়-সাপেক্ষ। পুরাতন ভিত্তিতে নতুন সৌধ গড়ে উঠতে পারে না—বহুদিনের অক্লান্ত পরিশ্রম ব্যতিরেকে। ভাঙনের কারণ লুকানো থাকে সঞ্চিত ভাব-ধারায় এবং নতুন যুগ-সৌধও গঠিত হয় বহুদিনের রাশী-কৃত কল্পনা এবং আদর্শের মাল-মশলায়।

নটরাজের বাঁধন-ছেঁড়া ও বাঁধন-পরা নাচের ছন্দ চিরদিন অহুভূত হয় অন্তর ও বহির্জগতে। নৃত্যের তালে তালে

পাহাড় খসে, নদী শুকায়, রাজ্যোখর ভিখারী হয়, অজ্ঞাত-কুল-শীল কোটি কোটি নরনারীর দণ্ড-মুণ্ডের বিধাতা হয়। নর-সমাজে ভাবের অভিব্যক্তি ও বিপ্লব ঐতিহাসিক সত্য, মানবের চির-অশান্ত প্রকৃতির বিকাশ; স্বেচ্ছাচারিতা ও বিচার-শক্তির অনিবার্য পরিণাম।

চিত্ত সহজে স্বীকার করতে চায় না যে মনন ও বিচার অতিমাত্রায় অস্ত্রের চিন্তা-ফল ও প্রেরণার পরিণাম পরিগ্রহ মাত্র। আদিম যুগ হতে স্বাধীন সিদ্ধান্তের গর্ব-মুখর নবীন যুগ মহা-মানব বা প্রবল অধিনায়কের ভাব-ধারায় শাসিত। আদিম যুগেই কোনো মহাপুরুষ বুঝেছিলেন বস্ত্র-জীব বা উদ্ভাদ প্রকৃতির ধ্বংস-লীলার অভিযান হ'তে আত্ম-রক্ষার একমাত্র উপায় দল-বাঁধা। সমাজের বাঁধন ও সজ্ব-রক্ষার নতুন নতুন পরিস্থিতির সঙ্গুখীন হয়ে মানুষ বিধিনিয়ম প্রবর্তন করেছে চিরদিন। কিন্তু সে সব বিধি অতীতকে

একেবারে মুছে ফেলতে পারেনি। মেহান্তরিত পথ-প্রদর্শকদের প্রদর্শিত পথ হতে পাথের সংগ্রহ ক'রে তবে অজানা পথে শুভ যাত্রা আরম্ভ করেছে প্রত্যেক নবীন যুগের প্রবর্তক।

তাই নিজের মনে মৌলিকতার গর্ব অমুত্ত্ব করলেও যুগ-যুগান্তর মানুষ অধিনায়কের সহযোগী বা আজ্ঞাহুবর্তী। রাষ্ট্রে, সমাজে, ধর্ম-সভ্বে, বাণিজ্য জগতে, শিল্পে ও সাহিত্যে এই সত্যের ক্রিয়া প্রতীয়মান। পূর্ণব্রহ্ম শ্রীকৃষ্ণ তাঁর ভাগবত-ধর্মের সারাংশ বর্ণনায় শ্রীমদ্ভাগবদ্গীতায় বলেছেন— তাঁর উপদেশ ছন্দে শ্রুত এবং বহু ঋষি গীত। যাকে নায়ক ব'লে মানি, আমরা তার আবিষ্কৃত মার্গে অন্ধ হয়ে ছুটি। যাকে লোক-নায়ক শত্রু ব'লে নির্দেশ করে, উন্মাদ হ'য়ে তার জীবন-পথ কণ্টকাকীর্ণ করি। অথচ নায়কের পরিণত সিদ্ধান্তের হেতু বোঝবার প্রয়াস করি না। মানুষ সর্পযজ্ঞ করে, অথচ নরেরই সর্প-কুটিল দংশনে মানব-জাতি জর্জরিত। ধর্ম-দেবীর নিন্দায় ভূ-ভারত মুখরিত। কিন্তু সে নিন্দনীয় আচরণের অল্প-বিস্তর বিকাশ অমুত্ত্ব হয় প্রায় প্রত্যেক সামাজিক নরের জীবনে। শান্তির আদর্শ নিয়ে মানুষ যুদ্ধ বন্ধ করবার জন্ত সমর-সজ্জা করে, প্রতিদ্বন্দীর ভণ্ডামীর মুখোস ছেঁড়বার জন্ত নিজেই ভূয়ো পবিত্রতার মুখোস পরে।

প্রকাণ্ড মানব-বিশ্বের প্রচণ্ড-ভাব ও কর্ম-প্রবাহের প্লাবন আজ সকল জাতি-সভ্বেকে বিস্তৃত করেছে। রাজ-নীতি ক্ষেত্রে দুটি ভিন্ন-মুখ স্রোতের সংঘাতের পরিণামে জগত-ব্যাপী অশান্তি। মূল-স্রোতকে আশ্রয় ক'রে বহু ছোটো বড় ঘূর্ণীচক্রে সাধারণ মানুষ নিঃসহায় ভাবে জাহি জাহি শব্দ করেছে। কিন্তু আশ্চর্যের বিষয় এই যে, প্রত্যেক নর-সভ্বে সখর সখর ব'লে আর্তনাদ করেছে, অথচ নিজের ক্ষুদ্র বা প্রবল শক্তি সেই ভাঙন-শক্তির একটি বা অপরটির সাথে মিলিয়ে দিচ্ছে। আমাদের দেশে একদল অল্প-দলকে ইঙ্গ-মার্কিনী শক্তির কৃতদাস ব'লে খিকার দেয়, অথচ সে দল নিছক অন্ধ উপাসক সোভিয়েট শক্তির। কেউ বুঝে না, এই উন্মাদ তরঙ্গের মুখে বুক দিয়ে দাঁড়ালে, তার নিজেরই উচ্ছেদ অনিবার্য।

মানুষের অস্তিত্বের সীমা বিশাল। কারণ কল্পনা মানব চিত্তের বিশেষ সম্পদ। কল্পনা-কাননের বনিন্দা অসংখ্য

অভিজ্ঞতা ও উপলক্ষিমূলক। বাদ-বিসম্বাদ ও অপবাদে ভ্রমের উৎপত্তি। সাধারণ ব্যক্তি-অভিষ্কৃতি ও আশা কল্পনার প্রচ্ছদ পট। সূত্রাং কল্পনা-প্রসূত যে সিদ্ধান্তকে আমরা যুক্তির ভিত্তিতে প্রতিষ্ঠিত ভাবি, তার মধ্যে ঘেঘ, হিংসা, প্রেম ও আশা বহুল পরিমাণে অযুক্তি মিশিয়ে দেয়। আমাদের ভাবের কাননে সূর্য্যের বীজের সাথে মিশিয়ে থাকে আগাছা ও বিষ-বৃক্ষের বীজ। তার ফল অনিবার্য। আশা-কানন নিরাশার জঙ্কলে পরিণত হয়। কর্মের অবকাশে আশেপাশে তাকিয়ে দেখি অপকর্মের ফসল, ঝোঁপে ঝোঁপে কাল কীট ও অজগর! হতাশ হয়ে বলি—

আমি নিশার স্বপন করেছি বপন বাতাসে

তাই আকাশ কুমুম করেছি চয়ন হতাশে।

ব্যক্তি-জীবনের এই নীতিসম্মত জীবনে সত্য। ব্যষ্টি-জীবনের বিফলতা মুখ্যরূপে মাত্র একটি জীবন ব্যর্থ করে। কিন্তু সম্মত-জীবনের ব্যর্থতার পরিণাম মাত্র সম-যুগের সমাজ জীবনকে বিষাক্ত করে না। সে বিফলতা ভাবীকালকেও দূষিত করে। তাই সম্মতপতি, রাষ্ট্র-নিয়ন্ত্রণ ও সমাজ-গুরু দায়িত্ব অসামান্য। অথচ নেতৃত্বের লোভ সাধারণ। মিথ্যা ভণ্ডামী ও আপাতঃমধুর বচনের বেড়াঁজালে জনগণের চিত্ত আহরণ ক'রে বহু লোক সংসারে অহিতের বীজ বপন করেছে, আজিও করেছে। প্রাচীন ও আধুনিক ইতিহাস পুনঃ পুনঃ একথা প্রমাণ করেছে।

কিন্তু প্রকৃতপক্ষে মানুষ কি এতই দুর্বল যে আজ জগতের এই বিপ্লবী দুষ্ট স্রোত এড়িয়ে সে আত্ম-রক্ষা করতে পারে না? ধীর, শাস্ত্র অধিনায়ক স্তূঁ ভাবে নিশ্চয়ই সে স্রোতের বাহিরে রাখতে পারে নিজের সমাজকে। দেশের লোকের পরিভূক্তি এবং ধ্বংস স্রোতের অপরিহার্য পরিণাম হ'তে পরিভ্রাণের উপায়ের নিশ্চয়ই সন্ধান পাওয়া যায় সূশান্ত ধীরতার। সে অহিংসার নীতি হিন্দুর নিজস্ব সম্পত্তি। মাত্র আবশ্যিক—কাল-স্রোতের হিংসার খাদের মধ্যে ঝাঁপ না দেওয়া। যুগান্তর স্বীকার্য, কিন্তু কোন্ যুগকে বরণ করবে, তার নির্বাচন-শক্তিকে শিথিল করা না করার দায়িত্ব প্রত্যেক মানব-সভ্বে।

আজ সারা বিশ্বের অশুভ তরঙ্গের আঘাতে আমাদের জীবন-স্রোত উন্মার্গগামী, অশোভন বা বিমল, এ আশ্বাস করবার জায়া-প্রবণতা। পল্লীর লাল লোচন পালী সূত্রাং

আমার পক্ষে নিষ্পাপ থাকি অসম্ভব, এ ধারণা মারাত্মক। হিংসার উন্মাদনায় বিশ্ব আলোড়নের দোহাই দিয়ে হিংস্রক বৃত্তিকে অবলম্বন করা সমাজের পক্ষে তেমনি দুর্বলতা। মহুশ্বের বিচারের মান আত্ম-বোধের বিশিষ্টতা সংরক্ষণে। জ্ঞানের পথে, জ্ঞানের রাজ্যে বা জনহিতকর শুভ কর্মের ক্ষেত্রে, অহুকরণ শুভ। কিন্তু বিবেক বা অন্তরাত্মা যে পথকে কুমার্গ বলে নির্দেশ করে, যে কর্মকে আত্মঘাতী কুর্কর্ম ভাবে, সে পথ ও সে কর্ম পরিবর্তনীয়। যুগ-সন্ধি এই প্রতিরোধ শক্তিকে যে জাতির প্রাণে উদ্ভূত করে, সেই জাতি বিশ্ব-বিজয়ের অধিকারী।

আজ বিজ্ঞান শ্রম-শিল্পে নতুন প্রাণ সঞ্চার করেছে। পরিশ্রম ও অধ্যবসায় ভূ-খণ্ডকে সঙ্কুচিত করেছে। পৃথিবীর কোনো অংশ অস্পষ্ট ভূভাগ হ'তে দূর নয়। প্রাচীন যুগতে সভ্য মানবের সজ্জ্বর মধ্যে পণা ও ভাবের কথঞ্চিত আদান প্রদান ছিল। ভারত, মিশর, গ্রীস, পারস্য ও চীনের মধ্যে ভাবের বিনিময় হ'য়েছিল। গ্রীক-যবন রোমকে ও যুরোপকে স্পষ্ট ভাব বিতরণ করেছিল, ভারতবর্ষ বৃহত্তর ভারতে বৌদ্ধ নীতি-সুধা পৌঁছে দিয়েছিল। কিন্তু সে বিনিময়ের মাত্রা ছিল স্বল্প। সে কর্ম সম্পাদিত হ'ত দীর্ঘকালে। আজ চক্ষুর পলকে মার্কিনের সমাচার পৌঁছয় বাঙালার পল্লীগ্রামে। সুতরাং সৃষ্টির রাংতায় মোড়া কুসৃষ্টির কুফল প্রতিরোধ করা শক্ত। আমার নিবেদন এই যে, যদি নিউ-ইয়র্কের বা ক্রেমলীনের বাণী আপনাকে বিশ্ব-বাণীর আসনে উন্নীত করতে সক্ষম হয়, দিল্লী বা কলিকাতার কথা আপনাকে যুগান্তরের উপদেশের পর্যায়ে তুলতে পারবে না কেন? আমার দেশের অহিংসার বাণী শাস্বত সত্যে প্রতিষ্ঠিত। এদেশ মানুষকে দেখর বলেছে, জীবকে বলেছে শিব—যিনি শাস্ত ও সুন্দর।

প্রাচীন যুগে শিক্ষা সর্বজনীন ছিল না। আজ সভ্য যুগতে সকল শ্রেণীর অধিবাসীর ভূ-মণ্ডলের বিভিন্ন ভূ-খণ্ড সম্বন্ধে জ্ঞানের মাত্রা বৃদ্ধি পেয়েছে। পুরাকালে আন্তর্জাতিক সম্বন্ধ ছিল সীমাবদ্ধ। একজন অধিনায়ক বিশ্ব-বিজয়ের উচ্চাশায় দলবল নিয়ে অন্য দেশে অভিযান করত। সে অভিযানে দস্যুতার বিভীষিকা আতঙ্কের সৃষ্টি করত। এ যুগের আন্তর্জাতিক যুদ্ধের প্রণালী বিজিতের পক্ষে নৃশংস, নিষ্ঠুর এবং অতি পাশবিক। চরদশার চরম যুদ্ধের

অবসানে নয়। বৈরিতা ও হিংসা বিজয়ী ও পরাজিতের সর্বাঙ্গে হলাহল সঞ্চার করে—রণাবশেষ মাত্র নূতন সময়ের জন্ম নূতন আয়োজনের অবকাশ। যদি এ পরিণাম ভারত-বাসীকে শাস্তিপ্রিয় হ'তে শিক্ষা না দেয়, তাহ'লে বুদ্ধ ভগবান হ'তে মহাত্মা গান্ধী অবধি সবার শিক্ষা বিফল ও নিরর্থক প্রতিপন্ন হবে।

রাজনীতি ক্ষেত্রে ভারতবর্ষ শিশুরাষ্ট্র। তাই তার অধিবাসী প্রজাতন্ত্রের সকল নীতি হৃদয়ঙ্গম করতে পারেনি। ভারতবাসীর কিন্তু একটা সুবিধা আছে। সে সুযোগে আত্মোন্নতি না করলে যুগান্তরের শ্রোতে ধ্বংসের গহ্বরে তার সমাধি সূনিশ্চিত। সে বড় বংশের লোক, পৃথিবীর সর্বপ্রাচীন নীতির উত্তরাধিকারী। গত কয়েক শতক সে ঠেকে শিখেছে। সুতরাং আজ এই যুগান্তরের দিনে সে অন্ততঃ নিজের দেশে সত্যযুগের প্রতিষ্ঠা না করলে, মানব-জাতির ইতিহাস ভীষণ কলঙ্কিত হবে।

প্রথম শিক্ষা একতা। আজ প্রত্যেক ভারতবাসী অস্ব হ'তে পৃথক। রাষ্ট্র, সমাজ, সংস্কার ও ব্যক্তি-জীবন পরিচালনায় প্রত্যেকের গর্ব যে তার আদর্শ চরম ও পরম। কিন্তু এ কথা অবহেলা করবার অবকাশ নাই যে, একতা ভিন্ন কোন মানব-সজ্জ্ব কণকাল তিষ্ঠতে পারে না। আজ যাদের হাতে শাসন-শক্তি হয়তো তারা অদক্ষ। কর্মচারীদের মধ্যে অনেকে ইংরাজ রাজ-কর্মচারীর ঔদ্ধত্য, হীন-স্পর্ধা বা অভদ্রতার উত্তরাধিকারী। অথচ তাদের দক্ষতা-বর্জিত। কিন্তু এ কথা তুললে চলবে না যে তারা আমাদের স্বদেশবাসী এবং প্রজা-শক্তি প্রবল হ'লে তাদের কর্তব্য-বিমুখতা লোপ পাবে। আজ দুর্নীতি, উৎকোচ-গ্রহণ, গোপনে সাধারণের ক্ষতি ক'রে উচ্চপদস্থ বহু শক্তিমানের অর্থ সঞ্চয়ের কথা শুনি এবং প্রমাণ পাই। কিন্তু তাদের উপর অভিমান করে রাষ্ট্রের বিধি নিয়ম উপেক্ষা ও লঙ্ঘনে অর্নৈক্য বাড়ে। সমাজ-বিরোধী ক্রিয়-কলাপ শত্রু-জাতির হিংসানলে ইন্ধন আছতি। সকল ক্ষেত্রে একতার প্রয়োজন। সাধু-প্রকৃতি উচ্চ আদর্শের লোক একত্র হ'লে রাজ্য তার অতি অল্পদিনে অস্ত হতে সমর্পণ করা বেতে পারে। উৎকোচ গ্রহণ যে করে আর যে উৎকোচ দান করে... উৎকোচ গ্রহণ... উৎকোচ দান করে...

কালোবাজারীর খরিদার তো আমরা। সুতরাং সাধু উদ্দেশ্য নিয়ে যদি সবাই এক মন হই, সজ্ববদ্ধ হই, দেশের দশা উন্নত হবে। কিন্তু গঠনের মন্ত্র উপেক্ষা করে বিচ্ছিন্নতা, ভাঙ্গন এবং হিংসা মন্ত্রের সাধনায় এ যুগসন্ধিতে আমাদের যাত্রা-পথ কোন দিকে হ'বে, তা কল্পনা করা সহজ। যদি বেঁচেও থাকি—দাসত্ব অনিবার্য।

আমরা আজ এ-দেশের মূল-মন্ত্র ভুলেছি, এ-কথা অস্বীকার করবার উপায় নাই। সর্বভূতে-সমজ্ঞান, সর্বভূতে-নির্ভর, 'সবার উপরে মানুষ সত্য তাহার উপরে নাই, আজ এ-সব সত্য জীবনের কোনো কর্ম নিয়ন্ত্রণ করে, একথা মনে হয় না। যে সব অমূল্য গ্রন্থে জীবন-রহস্য সমাধানের শাস্ত্র নীতি বর্ণিত; আজ তাদের উপর আমরা বিশ্বাস হারিয়েছি। নবীন সভ্যতার ভিত্তি—প্রত্যেকের মান, সম্পত্তি এবং দেহ সংরক্ষণের অধিকার আজ আমরা নাগরিকের দৃষ্টি ভঙ্গিতেও দেখি না। জগত আমি ভিন্ন দ্বিতীয় ব্যক্তির বাসস্থান এ-কথা আমরা বিশ্বাস করি। তাই নর-হত্যা, নারী-নিগ্রহ, তন্দুরতা এবং পরের অপমান সমাজকে কলুষিত করেছে। ১৯৪৬ সালের ১৫ই আগষ্ট হতে পাপ বন্ধ করবার জ্ঞান আমরা যে পাপ অহুষ্ঠান করেছি এবং যে কু-কর্মে আজও ব্যাপৃত, ধীর-ভাবে হিসাব করলে প্রাণ শিউরে ওঠে।

সজ্জের দিক হ'তে এ-সব কু-কর্ম যেমন ব্যক্তিকে দুর্বল করে তেমনি সজ্জকে নষ্ট করে। মানুষের প্রতি শ্রদ্ধা হ্রাস হ'লে মানুষের সমষ্টি তিষ্ঠতে পারে না। এক মন্ত্রের সাধনা, প্রত্যেকের সাধারণ ইষ্টকে আপনার ইষ্ট ভাবা, দেশ-মাতৃকাকে জননী ভেবে দেশের নর-নারীকে ভাই-বোন ভাবা—সামাজিক প্রতিষ্ঠানের প্রাণ। স্বার্থ-পর নর নিজেরও হিত সাধন করতে পারে না—পরের হিত-সাধন না

করলে। যাকে জড়-প্রকৃতি বলি তার প্রাণ-শক্তির ঐ নিয়ম। বসন্তের হিলোলে শুকনো পাতা ঝরে, তবে তরু পল্লবিত হয়।

আমি মনে করি আজ এই কালের যুগসন্ধিতে আমরা যে উচ্ছেদের পথকে গন্তব্য-পথ ভাবছি, এ-ঋণিক বিকারের ভ্রম। কেটে যাবে মেঘ, নবীন অরুণ দেখিয়ে দেবে সত্যযুগের পথ। আমাদের জাতীয় যজ্ঞ-শালায় আজ ছুঃখের রক্ত-শিখা প্রজ্বলিত। প্রাণে আশা রাখতে হবে—বৃথা আশা নয়, নিরাশার বিফলতায় বিকল মনের জল্পনা নয়। জাগ্রত ভগবানকে আন্তরিক ছুঃখ জানিয়ে, পরিজ্ঞান যাচিঞা করতে হ'বে।

আত্ম-অবিশ্বাস তার নাশ কঠিন-ঘাতে,
পুঞ্জিত অবসাদ-ভার হান অশনি-পাতে
ছায়া-ভয়-চকিত-মূঢ় করহ পরিত্রাণ হে
জাগ্রত ভগবান হে।

একতা নষ্ট হয় এমন কোনো সমাজদ্রোহী আত্মঘাতী কু-কর্মে নবীনযুগ আমাদের সত্য-যুগে পৌঁছে দেবে না। অতি-প্রাচীন বৈদিক মন্ত্রের সাধনায় শক্তি উদ্ধার করতে হবে।

সংগচ্ছধ্বং সং বদধ্বং সং বো মনাংসি জানতাম—
তোমরা সম্মিলিত হও; এক কথা বল, একমত হও।
সমানো মন্ত্রঃ সমিতিঃ সমানী সমানং মনঃ সহ চিন্তমেধাম্।
মন্ত্র সমান, সমিতি সমান, চিন্তা ও মন সমান।
সমানী ব আকুতিঃ সমানা হৃদয়ানি বঃ।
সমানমস্ত বো মনো যথা বঃ সূসহাসতি!

তোমাদের সকল সমান হক, হৃদয় সমান হক, মন সমান হক, যাতে তোমাদের সুন্দর সাহিত্য (মিল) হ'তে পারে।





দ্বারমণ্ডল

তারাক্ষর বন্দ্যোপাধ্যায়

(পূর্বাত্মবৃত্তি)

মানুষের জীবনে এক এক সময় অকস্মাৎ একটা আবেগ আসে—ভূমিকম্পের মত পাহাড়ীয়া নদীতে ধ্বসিয়া-পড়া ভূয়ার-স্তূপ-বিগলিত জলোচ্ছ্বাসের মত; সব ভাঙিয়া চুরিয়া জীবনকে একটা নূতন রূপ দিয়া যায়। তেমন আবেগ যখন আসে তখন সে যেমন উন্মত্ত অধীর—কোন কিছু বাধা মানে না—কিছুতে লজ্জা থাকে না, ঘৃণা থাকে না, তেমনি আবার বিপরীত শাস্ত স্থির প্রসন্ন মূর্তিতে আত্ম-প্রকাশ করে রূপান্তরিত নবজীবনে। সে তাহার জন্ত কাহাকেও দোষী করে না—নিজেকেও দোষ দেয় না। অরুণার অবস্থা সেই রূপান্তরিত অবস্থা। জীবনে তাহার প্রচণ্ড কম্পন বহিয়া গেছে। সে কম্পন কেমন করিয়া আসিল সে কথা সে জানে, কিন্তু কোথায় ছিল এত আবেগ তাহা সে কল্পনা করিতে পারে না।

স্বর্ণ বলিয়াছে, অরুণাও অস্বীকার করে না—বিখনাথের মৃত্যুর পর তাহার জন্ত বেদনা বহন করিয়াও বাহিরে সে কোন দিন এ বেদনার বহিঃপ্রকাশকে বড় হইতে দেয় নাই। বৈধব্যকে জীবনের আচরণে ব্যবহারে ফুটাইয়া তুলিতে চায় নাই—দেয়ও নাই। সে বৈধব্যের প্রচলিত বিধিকে অশ্রায় অহেতুক বলিয়া মনে করিয়াছে। ভাবিয়াছিল—সে নিজেও ভাবিয়াছিল, তাহার অন্তরঙ্গ জনেরাও ভাবিয়াছিল—সময়ের ব্যবধানে মন স্বাভাবিকভাবে বিখনাথকে বিশ্বস্তির আদরণে আবর্তিত করিয়া বিলুপ্ত করিয়া দিবে। নিঃশেষিত পুষ্পফল রিক্ত গাছের জীবনে বৎসরান্তে আবার আসে যেমন নব বসন্ত—তেমনি তাহার জীবনেও আসিবে নূতন বসন্ত। তাহার জীবনে সেই নিয়মের গতিরও কোন ব্যতিক্রম ছিল না। ধীরে ধীরে আর একজনের সঙ্গে তাহার অন্তরঙ্গতাও গাঢ় হইয়া উঠিতেছিল। কয়েক মাস আগেও সে তাহাকে বলিয়াছিল—“আর না, এর শেষ করে ফেলব এইবার। তুমি ব্যবস্থা কর।” সবই স্থির ছিল।

কল্পনাও সে অনেক করিয়াছিল। এই সামান্ত শহর ছাড়িয়া চলিয়া যাইবে, মহানগরীর প্রাসাদ-শিখরের এক কোণে খানিকটা স্থান অধিকার করিয়া নীড় বাঁধিবে—জীবনব্রতের বিপুল বিস্তৃত কর্মক্ষেত্রে নূতন আবেগে ঝাঁপাইয়া পড়িবে। শুধু সে বুঝিতে পারে নাই বিখনাথকে সে কতখানি ভালবাসিত, সে তাহার জীবন কতখানি জুড়িয়া আছে।

সে দিন প্লাটফর্মের উপর প্রচণ্ড একটা আকোশ লইয়া স্মায়রত্নের প্রতীক্ষা করিতেছিল। তাহার হাত ধরিয়া থাকিতে দেখিয়া যে দৃষ্টিতে তিনি বিখনাথের দিকে তাকাইয়াছিলেন—সে দৃষ্টি তাহার বুকে বিষাক্ত শলাকার মত বিঁধিয়াছিল। তাহার জালা সে কোন দিন তুলিতে পারে নাই। মানুষ তুলিতে পারে না, সচেতন ভাবে পুষ্টি না রাখিলেও তাহার অজ্ঞাতসারে মূলজ উদ্ভিদের মত অন্তরে অন্তরে বাঁচিয়া থাকে; সুষোগ মিলিলে সে-দিন সে পাথর ফাটাইয়া আত্মপ্রকাশ করে। স্মায়রত্নের সঙ্গে প্লাটফর্মের উপর সাক্ষাতের ক্ষণটি ছিল সেই ক্ষণ। কিন্তু কি করিতে গিয়া কি করিয়া বসিল সে! কথা বলিতে বলিতে তাহার দৃষ্টি পড়িল অজয়ের মুখের উপর। সে কি হইয়া গেল! যোল সতের বৎসর বয়সের কিশোর অজয়! সে কি অজয়! বহুদিন পূর্বে অরুণার দাদা সেবার ম্যাট্রিক পাশ করিয়া কলেজে ভর্তি হইয়াছে—অরুণার বয়স তখন দশ কি এগার, একদিন অরুণার দাদা এমনি—অবিকল এমনি এক কিশোরকে তাহাদের বাসায় লইয়া আসিয়াছিল। সে-দিনটি তাহার জীবনে অক্ষয় হইয়া আছে। তাহার দাদা তাহাকে বলিয়াছিল—বিশ্বকে তুই গান শুনিবে দে।

সে বলিয়াছিল—না। দাদার উপর বিরক্ত হইয়াছিল—তাহার বন্ধু হইলেই আর কি তাহাকে গান শুনাইতে হইবে।

দাদা বলিয়াছিল—বিশ্বও শোনাবে তা হ'লে।

—উনি গান গাইতে পারেন ?

—গান না, সংস্কৃত কাব্য আবৃত্তি করে শোনাবে।
সে তোর গানের চেয়ে অনেক ভাল।

সংস্কৃত কাব্য আবৃত্তি করিবে—এইটুকু ছেলে! তাহার দাদা ফাষ্ট ক্লাস অবধি সংস্কৃত লইয়া হিমসিম খাইয়াছে, অল্পস্বার বিসর্গযুক্ত ভাষাটাকে একখানা এবড়ো-খেবড়ো পাথরের মত শক্ত মনে হইত, দাদা ক্রমাগত মুখস্ত করিত—কস্মিচ্চিত কস্মিচ্চিত কস্মিচ্চিত বনোদ্দেশে বনোদ্দেশে এঁ্যা—এঁ্যা কস্মিচ্চিত কস্মিচ্চিত। সেই ভাষায় কাব্য আবৃত্তি করিবে এবং সেই আবৃত্তি তাহার গানের চেয়েও ভাল লাগিবে। হঠাৎ মনে হইয়াছিল, তাহার দাদা নিশ্চয়ই এই পাড়াগোঁয়ে ছেলেটিকে দিয়া হাস্যকর কিছু শুনাইবার জন্ত এমন ভণিতা করিতেছে। দাদার গভীরভাবে রসিকতা করার স্বভাব তো তাহার চেয়ে কেহ বেশী জানে না। ছোট্ট পকেট আয়না কিনিয়া আনিয়া দাদা বলে—এই অরুণা—আজ একটা বাদর পেয়েছি রে।

—বাদর! কই? কোথায়?

—আছে। আছে।

—মিথ্যে কথা!

—তোর মাথায় হাত দিয়ে বলতে পারি সত্যি কথা।

—কোথেকে কিনলে? টাকা কোথায় পেলে?

—কিনতে হয় নি, ভগবান দিয়েছেন।

—কই? দেখাও।

—চোখ বোজ। আমি নিয়ে আসি।

অরুণা চোখ বন্ধ করিবার পরই দাদা বলিত—দেখ এইবার।

চোখ খুলিয়া অরুণা দেখিত—তাহার মুখের সামনে ছোট্ট আয়নাখানি। দাদা বলিত, বাদর নয় বাদরী। আয়নার মধ্যে দেখ। দেখ দেখ কেমন দাঁত বের করেছে।

অরুণার সর্দি হইলে দাদা হঠাৎ বলিত—ছোটো নাম বের করেছে অরুণা। তোর একটা আমার একটা। বুঝলি। এ নাম পালটে ফেলব ঠিক করেছে।

—নাম? কি নাম?

—একটা হ'ল 'খাস কি?' আর একটা হ'ল

—খাস। ওই নাম কি হবে?

—হবে। তোকে যখন—সকলকে না জানিয়ে ডাক:

—তুই যখন আমাকে কাউকে না জানিয়ে ডাকবি—তখন কি মজা হবে বল তো। কেউ বুঝবে না—অথচ আমার বুঝবে!

—সে ভাল হবে।

—তা হ'লে কোন্ নামটা তুই নিবি বল? 'সিকনি'

—ও। আমার সর্দি হয়েছে বলে ঠাট্টা হচ্ছে!

—বেশ তো—তা হ'লে—আমার নামই 'সিকনি'।

—হাঁ। হাঁ। সিকনি—সিক-নি তুমি সিক-নি।

—তা হ'লে অভ্যেস করে নে। আগে আমি ডাকি তারপর তুই সাড়া দিবি। আমি তোর নাম ধরে ডাকব তুই আমার নাম ধরে সাড়া দিবি। আচ্ছা—এঁ খাস কি?

—সিকনি! না বুঝিয়াই উত্তর দিত অরুণা।

—খাস কি?

—সিকনি!

—কি বলি? কি খাস?

অরুণা এবার বুঝিয়া হাউমাউ করিয়া উঠিত।

সেই দাদা তো! অরুণা উৎসাহিত হইয়া গান গাহিয়া শুনাইয়া বলিয়াছিল—কই এইবার শুকে বল—সংস্কৃত কাব্য আবৃত্তি করতে! হাসিবার জন্ত প্রস্তুত হইতেছিল সে—মনে মনে পুরোহিত মহাশয়ের—বিড় বিড় বজ্রবজ্র মন্ত্রোচ্চার করার স্বৃতি জাগিয়া উঠিতেছিল। মুখ গুঁজিয়া হাসিবার জন্ত উপুড় হইয়া শুইয়া পড়িয়াছিল। কিন্তু সে অবার হইয়া গেল।

বিশ্ব বলিল—রঘুবংশ থেকে আবৃত্তি করছি।

রঘুবংশ? মহাকবি কালিদাসের রঘুবংশ। এইটুকু ছেলে—। তাহার সবিস্ময় চিন্তা শুভিত হইয়া গেল পরের মুহূর্তে। এইটুকু ছেলেটি বলিল—রঘুপতি ভগবান রামচন্দ্র জনকতনয়া সীতাকে—লঙ্কার যুদ্ধ শেষে উদ্ধার ক'রে নিলে পুষ্পক-রথে আরোহণ করে ফিরছেন। বনবাসের কাল উত্তীর্ণ হয়েছে। ফিরছেন অধোধ্যতিমুখে। রথ-পুষ্পক-রথ আকাশমার্গে উঠেছে সশব্দে। নীচে দেখা যাচ্ছে সসাগরা ধরিত্রী। এখন দেখা যাচ্ছে শুধু সমুদ্র!

বিস্মৃতির উচ্ছ্বাসিত হয়ে তিনি প্রিয়তমা জানকীকে ডেকে বললেন—বৈদেহি! দেখ—

বলিয়া কথার শেষে ছেদ টানিয়া দিল এবং সঙ্গে সঙ্গেই আশ্রয় করিল গানের মত সুর করিয়া—প্রায় গান গাহিয়া আৰুতি—

“বৈদেহি! পশ্চামলয়াদ বিভক্তং মৎসেতুনা ফেনিলমধুরাশিম ।
ছায়া পথে নৈব শরৎ প্রসন্নমাকশমাবিস্কৃত চারুতাম ।”

বিশ্বনাথ গান শিখিতে চেষ্টা করে নাই, কিন্তু তার কণ্ঠস্বর ছিল বড় মধুর। যেমন গম্ভীর তেমনি মধুর স্বরময়। আর এই পিতামহটির শিক্ষায় হয়তো—বংশ-রক্তের স্বভাব গুণেও বটে—সংস্কৃত কবিতা এমন অপরূপ আৰুতি করিত যে—শ্রোতার মনেই শুধু নয়—তানপুরার গম্ভীর সঙ্গীত ধ্বনির মত সমগ্র স্থানটিতে একটা মোহের সঞ্চার হইত। শ্লোকের পর শ্লোক আৰুতি করিয়া গেল। একটানা দীর্ঘায়িত সুরধ্বনি যেন বাজিয়া বাজিয়া চলিয়াছিল। মধ্যে মধ্যে থামিয়া সহজ সুরে, কিন্তু ওই সঙ্গীতের সঙ্গে ভাষায় ভক্তিভাবে আশ্চর্যভাবে সমতা এবং সঙ্গতি রাখিয়া শ্লোকের ব্যাখ্যা করিতেছিল। অরুণার মুখের দিকে চাহিয়াই সে বলিতেছিল—“ঐ দেখ—সমুদ্রের বালুবেলাতে বিশালকায় অজগরেরা পড়ে আছে দেখ।”

“বেলা নিলায় প্রসূতা ভুজঙ্গা মহোন্নিবিস্ফুজ্জ্ব নিবিশেবাঃ ।
স্বর্ঘ্যাংশু-সম্পর্ক-সমৃদ্ধ রাগৈর্ব্যজ্ঞপ্ত এতে মণিভিঃ ফনৈঃ ॥

অবাক হইয়া গিয়াছিল অরুণা সেদিন। হয় তো বা যুক্ত হইয়া তাকে সেইদিনই প্রথম ভালবাসিয়াছিল। নহিলে সেই প্রথম দর্শনের স্মৃতি তাহার মনে এমন—‘স্বর্ঘ্যাংশু-সম্পর্ক-সমৃদ্ধ’ সাপের মাথার মণির মত এমন উজ্জ্বল ভাস্বর হইয়া রহিয়াছে কেন? সে তো আজ বছরদিনের কথা, দূরত্ব মাপিতে গেলে পুষ্পকরথাক্রম রাম সীতা আর অধোলোকের সমুদ্র বালুবেলার দূরত্বের চেয়েও বেশী। বিশ্বনাথের সঙ্গে তাহার পরিচয়ের স্মৃতি অন্তরঙ্গতার স্মৃতি ওই বিচিত্রবর্ণ অজগর দেহের মত বিস্তীর্ণ হইয়া পড়িয়া আছে—দূর হইতে ওই মণি-দীপ্তির মত ওই প্রথম পরিচয়টুকু না থাকিলে—সে পরিচয়ের আদিমন্ত খুঁজিয়াই পাওয়া যাইত না। সে দিনের স্মৃতির সঙ্গে সে দিনের বিশালকায়

কিশোর রূপও মণিময় বিগ্রহের মত অন্তরলোকে অক্ষয় দীপ্তিতে দীপ্তিমান হইয়া রহিয়াছে!

সে দিন প্রাটফর্মের উপর সে স্তম্ভিত হইয়া গেল। সেই মণিময় বিগ্রহ যেন তাহার অন্তর হইতে বাহির হইয়া আসিয়া ছুটিয়া দূর হইতে দূরান্তরে চলিয়া যাইতে চাহিতেছে! বলিতেছে—না—না—না! ঠাকুর না!

প্রাটফর্মের উপর হইতে লাইনের উপর ঝাঁপ দিয়া পড়িয়া সে ছুটিয়া চলিয়া গেল।

ভূমিকম্প হইয়া গেল। প্রবল—প্রচণ্ড—সর্বধ্বংসী। বর্তমানে সকল কিছুকে ভাঙিয়া চুরিয়া ফাটাইয়া—পাহাড় মিলাইয়া গেল—সেখানে জাগিয়া উঠিল বিশাল সমুদ্র, সমুদ্রের জলে আকাশস্পর্শী জলোচ্ছ্বাস উঠিল—প্রাবল্য করিয়াছিল পৃথিবী, সমুদ্রে জাগিয়া উঠিল মহাদেশ—সমতলে জাগিয়া উঠিল গিরিশৃঙ্গ; ধ্বংস করিয়া নূতন রচনা করিয়া এক অভিনয়ের আবির্ভাবের সূচনা করিয়া দিল।

তাহার অন্তরাখ্যা চীৎকার করিয়া উঠিল—সব মিথ্যা—সব ভ্রম। সে জীবনে আর কাহাকেও কখনও চাহে নাই, চায় না, চাহিতে পারে না। শুধু এই ইহাকেই চাহিয়াছিল সে। ইহাকেই সে চায়।

তাই সকল মর্যাদা সকল শিক্ষার উদ্ধৃত অহঙ্কার, এক মুহূর্তে প্রবল মাদকের আচ্ছন্নতার মত মিলাইয়া গিয়া জাগিয়া উঠিল নিদারুণ তৃষ্ণা। মনে হইল জীবন মিথ্যা—জন্ম মিথ্যা—যদি সে অজয়কে না পায়। বিশ্বনাথকে সে কত ভালবাসিত—সে সেইদিন সেই পরম মুহূর্তটিতে অনুভব করিল। ওই ছেলেটিকে সে চায়—তাহাকে তাহার—পাইতেই হইবে। অপ্রথায় ব্রত মিথ্যা—বুদ্ধি মিথ্যা—বিজ্ঞা মিথ্যা—এই পৃথিবীটাই মিথ্যা। সে অনুভব করিল—জীবনে এমন ভালবাসা আছে—যে ভালবাসাকে কাল কয় করিতে পারে না, দেহের ক্ষুধায় তাহাকে বিসর্জন দেওয়া যায় না, বুদ্ধি জগতের সকল বিচার, সকল সিদ্ধান্তকে তুচ্ছ করিয়া দেয়—সে ভ্রান্তি নয়—সে সত্য।

এত কথা সে সেদিন বিচার করে নাই। সেদিন সে-শুধু উদ্ভ্রমের মত—অহুরে অহুরে দুই হাত বাড়াইয়া জড়াইয়া ধরিয়াছিল অন্তরের সেই মণিময় বিগ্রহকে; যে

মণিময় বিগ্রহ দেহের মত স্তম্ভিত হইয়া গেল।

পড়িয়াছিল—আজিকার বিপর্যয়ে-কম্পনে-ঝড়ে—সে যেন সর্বোচ্চ গিরিশৃঙ্গে—সর্বমালিন্য মুক্ত হইয়া—দীপ্তিমান হইয়া হাসিতেছে ।

স্বায়ত্ত্বকে সে নিজেই বলিয়াছিল—সে কাশী যাইবে । অজয় কাশীর ট্রেনে উঠিয়া চড়িয়াছে, গৌর সঙ্গে গিয়াছে, সেও যাইবে । সে তাহাকে ধরিয়৷ আনিবে—একান্ত আপনার করিয়া তাহাকে জড়াইয়া ধরিবে ।

স্বায়ত্ত্ব আপত্তি করেন নাই । তিনি কোন কিছুতেই আপত্তি করেন না । প্রশ্ন করিলে উত্তর দেন না । কখনও কখনও বলেন—মৃত যা—অতীত যা—তা শুধু সাক্ষ্যই দেয় নীরবে, আপত্তি তো সে করে না । আমি তাই ।

মোগলসরাইয়ের কাছাকাছি আসিয়া অরুণা অধীর অস্থির হইয়া উঠিল । তাহার হাত-পা ঘামিতে লাগিল । প্রাণ যেন হাঁপাইয়া উঠিল !

কি বলিবে সে ?—

বলিবে—অকপটে বলিবে—সব কথা । বলিবে—অজয় আমি তোমার মা ! কোন ধর্মে কোন নীতিতে তুমি ‘না’ বলতে পার বল ?

হঠাৎ তাহার মনে প্রশ্ন জাগিয়া উঠিল । অজয়ের প্রশ্ন—সে নিজেই আবিষ্কার করিল।—গর্ভে ধরার অধিকার তো তোমার নাই । তবে বল, কোন দাবী তোমার ?

—তিনি যে আমাকে বিবাহ করেছিলেন । তিনিই যে আমার সব—! তাঁর অভাবে সব যে আমার শূন্য হইয়া গেছে । তুমি তাঁর পুত্র—আমার সকল শূন্যতাকে পূর্ণ করার দায়িত্ব যে তোমার ।

—সে পরিচয় তো তুমি বহন করছ না ! পৃথিবী তোমার শূন্য কেমন করে বিশ্বাস করব আমি ? তোমার এই বেশ—ভূষা—তোমার—এই—।

আর সে ভাবিতে পারে নাই, পাগলের মত—চলন্ত ট্রেনের মধ্যেই উঠিয়া দাঁড়াইয়াছিল । না—সে অজয়ের সামনে গিয়া এই মূর্তিতে দাঁড়াইতে পারিবে না ! দরজা খুলিবারও চেষ্টা করিয়াছিল, কিন্তু পারে নাই । ট্রেনের দরজায় চাবী দেওয়া ছিল । সে নিজেই দিয়াছিল । সে মুহূর্তে চাবীটার কথা মনে পড়ে নাই । নহিলে হয়তো—সাময়িক উন্নততার মধ্যে—সেদিন সে জীবনান্তই করিয়া বসিত ।

মোগলসরাইয়ে নামিয়া—সে একটাবেলা নিজেই সঙ্গে যুক্ত করিয়া—শেষে কলিকাতার টিকিট করিয়া—কলিকাতার বাসায় গিয়া উঠিয়াছিল ।

অরুণার দিদিমা তাহার মুখ দেখিয়া শিহরিয়া বলিয়াছিলেন—এ কি ?

অরুণা বলিয়াছিল—আমাকে তোমার একখানা ধান কাপড় দাও দেখি আগে । (ক্রমশঃ)

ভগবান্ মহাবীরের পারণ

শ্রীপূরণচাঁদ শ্যামসুখা

১

সে-কাল ও সে-সময়ের কথা ।

সেই অতি পুরাতন কালে—আড়াই হাজার বৎসর পূর্বে উত্তর ভারতে কৌশাধী নামী এক মহানগরী ছিল ।

মহানগরী কৌশাধীর রাজমার্গ দিয়া এক উন্নতবপু, গৌরবর্ণ, বিশালবক্ষ, নগ্ন সন্ন্যাসী ধীর-পদ-বিক্ষেপে আহাৰ্য ভিক্ষার জন্ত পথ-পার্শ্বস্থিত প্রত্যেক গৃহে গমন করিতেছেন এবং ভিক্ষা গ্রহণ না করিয়া রিক্তহস্তে প্রত্যাবৃত্ত হইতেছেন । তাহার বদন মণ্ডল হইতে অসীম শান্তি ও অপরিমিত করুণার জ্যোতি বিকীর্ণ হইতেছে, তপঃক্লিষ্ট শরীর হইতে তপন্তোজ উদ্ভাসিত হইতেছে । ভিক্ষা না পাওয়ার সামান্ত মাত্রও

দিনের পর দিন এই মহান্ তপস্বী কৌশাধীর পথে পথে ভিক্ষার্থ পরিভ্রমণ করেন ও কোথাও ভিক্ষা গ্রহণ না করিয়া নগরীর বহির্ভাগে স্থিত উপবনে গমন করিয়া শান্তচিত্তে ধ্যান করিতে থাকেন ।

কে এই মহান্ তপস্বী ? কেনই বা তিনি প্রতিদিন ভিক্ষার্থ আগমন করিয়া ভিক্ষা গ্রহণ না করিয়াই প্রত্যাবৃত্ত হইতেছেন ?

ইনি শ্রমণ মহাবীর । তখনও মহাবীরের সাধক জীবন অতিবাহিত হয় নাই—কেবল জ্ঞানপ্রাপ্ত হইয়া ধর্মপ্রচার করিতে আরম্ভ করেন নাই । আত্মার পূর্ণ বিকাশ করিতে কৃতসংকল্প হইয়া ঘোর তপস্যার দ্বারা কর্মকর করিতে তিনি গ্রামে গ্রামে, নগরে নগরে, দেশে দেশে গণ্টন করিতেছেন ।

হইল। নগরীর সমস্ত অধিবাসী আতঙ্কিত ও চিন্তিত হইয়া উঠিল। মহারাজ শতাব্দীর পটমহিষী, অমুপম রূপবতী পদ্মগন্ধা যুগাবতীও এই বৃত্তান্ত অবগত হইয়া ঐশ্বর্য ও শক্তি হইয়া উঠিলেন। তিনি নগরীতে ঘোষণা করাইলেন যে প্রত্যেক গৃহে যেন নানাপ্রকার আহাৰ্য প্রস্তুত করিয়া গৃহকর্তা তপস্বীকে ভিক্ষা প্রদান করিতে প্রস্তুত থাকে, এবং তিনি স্বয়ং রাজ্যোপযোগী বহু প্রকার চৰ্বা, চোস্ত, লেহু, পেয় আহাৰ্য প্রস্তুত করাইয়া তপস্বীকে যথেষ্ট পারণ করাইতে অপেক্ষা করিতে লাগিলেন। কিন্তু সমস্তই বৃথা হইল। তপস্বী কোথাও আহাৰ্য গ্রহণ না করিয়াই দিনের পর দিন প্রতিনিবৃত্ত হইতে লাগিলেন।

২

অঙ্গদেশের রাজধানী চম্পা মহানগরী অতি প্রাচীন ও সমৃদ্ধিশালী। এই নগরীর সুপ্রশস্ত রাজপথসমূহ নানা প্রকার নয়ন-লোভন পণ্য-সম্ভারে পরিপূর্ণ বিপনীশ্রেণীর দ্বারা সুশোভিত হইয়া দূর-দূরান্তর হইতে ক্রেতাগণকে আকর্ষণ করিতেছে। দেশ বিদেশ হইতে আগত সার্থবাহগণের কলরবে চতুর্দিক মুখরিত হইয়া উঠিতেছে। এখানকার সামুদ্র-বণিকগণ নানা প্রকার পণ্যদ্রব্যপূর্ণ বৃহৎ বৃহৎ বাণিজ্যতরী লইয়া গঙ্গা মহানদীর মধ্য দিয়া সমুদ্রের অপর পারে স্থিত নানা দেশে বাণিজ্য করিতে যাতায়াত করিতেছে। মহারাজ দধিবাহনের সূশামনে প্রজাগণ সুখে ও নিরুদ্ধেগে স্ব স্ব কার্যে রত থাকিয়া জীবন যাত্রা নির্বাহ করিতেছে।

হঠাৎ চম্পা নগরীতে সংবাদ আসিল যে কৌশাধীর অধিপতি মহারাজ শতাব্দীক অগণিত সৈন্য লইয়া চম্পা আক্রমণ করিতে আসিতেছেন। নগরীর প্রবেশ দ্বার রুদ্ধ করা হইল। মহারাজ দধিবাহন যত সৈন্য সংগ্রহ করিতে পারিলেন তাহা লইয়া এই অতর্কিত আক্রমণ প্রতিহত করিতে বহির্গত হইলেন। কিন্তু যুদ্ধে পরাজিত ও নিহত হইলেন। শতাব্দীর আদেশে চম্পার রাজাস্তঃপুর লুণ্ঠিত হইল। মহারাজী ধারিণী ও রাজকন্যা বহুমতীকে কৌশাধীর এক সৈনিক ধরিয়া লইয়া যাইতে উদ্ভত হইলে ধারিণী আত্মহত্যা করিয়া অপমান হইতে নিচ্ছতি প্রাপ্ত হইলেন, কিন্তু সৈনিক বহুমতীকে ধরিয়া কৌশাধীতে আনয়ন করিল।

৩

সৈনিক কৌশাধীর চতুর্পাশে বহুমতীকে বিক্রয় করিলে ধনাবহ শ্রেষ্ঠ তাহাকে ক্রয় করিয়া দাসীরূপে গৃহে আনয়ন করিল। কিন্তু বহুমতীর বিনয়-নম্র ব্যবহার ও রূপ মাধুর্যে মুগ্ধ হইয়া শ্রেষ্ঠ তাহাকে কপালরূপে পালন করিতে লাগিল ও চন্দনা নামে অভিহিত করিল। চন্দনার রূপ লাভ্য ও শ্রেষ্ঠীর স্নেহ ক্রমে বৃদ্ধি পাইতে থাকিল। শ্রেষ্ঠীর স্ত্রী ইহাতে ঈর্ষায় দগ্ধ হইয়া চন্দনাকে বিনাশ করিবার সংকল্প করিল।

একদা কোন কার্যোপলক্ষে শ্রেষ্ঠী তিন দিনের জন্ত অস্ত্র স্থানে গমন করিলে শ্রেষ্ঠীপত্নী এই সুযোগে চন্দনার মস্তক মুণ্ডন ও পদদ্বয় শৃঙ্খলাবদ্ধ করিয়া গৃহের সর্বনিম্নতলে পথপার্শ্বস্থিত একটা অন্ধকার ছোট কুঠরীতে আবদ্ধ করিয়া স্বয়ং পিতৃালয়ে গমন করিল।

শ্রেষ্ঠী চতুর্থ দিবসে গৃহে আগমন করিয়া স্ত্রী ও চন্দনা উভয়কে দেখিতে না পাইয়া দাসীগণকে জিজ্ঞাসা করিলে স্ত্রীর পিতৃালয়ে গমন সংবাদ জানিতে পারিল, কিন্তু চন্দনার সংবাদ দিতে কোন দাসীর সাহস হইল না। বহু অনুসন্ধান করিতে করিতে এক বৃদ্ধা দাসীর নিকট অবগত হইল যে চন্দনা সর্বনিম্নতলের অন্ধকার কুঠরীতে আবদ্ধ। শ্রেষ্ঠী চন্দনার দুঃবস্থা দেখিয়া অত্যন্ত দুঃখিত হইল। তিন দিনের অনাহার-ক্লিষ্টা চন্দনাকে আহাৰ্য দিবার ইচ্ছায় অনুসন্ধান করিয়া কেবলমাত্র দাসীগণের জন্ত প্রস্তুত মাষকলাই সিদ্ধ প্রাপ্ত হইল এবং তাহাই এক সূর্পে করিয়া চন্দনাকে আহাৰ্য করিতে প্রদান করিয়া তাহার শৃঙ্খল উন্মোচন করাইতে লৌহকারকে আনিতে গমন করিল।

৪

ভগবান্ মহাবীর আহাৰ্য ভিক্ষা করিবার জন্ত সেই দিন সেই পথ দিয়াই যাইতেছিলেন। পথপার্শ্বস্থ কুঠরী হইতে চন্দনা তাহা দেখিতে পাইয়া আনন্দে উৎফুল্ল হইয়া উঠিল এবং তাহাকে পারণ করাইয়া স্বয়ং আহাৰ্য করিবে মনে করিয়া তাহাকে মাষকলাই সিদ্ধ গ্রহণ করিতে অনুরণ করিল। মহাবীর তাহাকে দেখিয়া আহাৰ্য গ্রহণ করিতে হস্ত প্রসারিত করিলেন, কিন্তু পরক্ষণেই আবার হস্ত সংকুচিত করিয়া প্রত্যাগমন করিতে আরম্ভ করিলেন। তপস্বী আহাৰ্য গ্রহণ করিলেন না দেখিয়া চন্দনা বিচলিত হইয়া উঠিল। এতদিনের নিৰ্বাতন, অপমান, দুঃখ, কষ্ট আজ তাহার হৃদয় বিদীর্ণ করিয়া বহির্গত হইতে লাগিল। সে চিৎকার করিয়া উঠিল—হে প্রভু, তুমিও কি এই অভাগীর প্রতি বিমুখ। দরবিগলিত ধারায় তাহার গণ্ডস্থল বহিয়া অশ্রুধারা পতিত হইতে লাগিল। তাহার চিৎকারে আকৃষ্ট হইয়া ভগবান্ মহাবীর তাহার প্রতি আবার দৃষ্টিপাত করিলেন এবং ধীর পদ-বিক্ষেপে তাহার নিকট উপস্থিত হইয়া তাহার হস্ত হইতে মাষকলাই সিদ্ধ গ্রহণ করিয়া দীর্ঘদিনের উপবাসের পারণ করিলেন। (১) আকাশে দেবছন্দুভি নিনাদিত হইল ও দেবগণ কতৃক রত্ন বর্ষিত হইল।

চকিতে এই সংবাদ চতুর্দিকে ব্যাপ্ত হইয়া পড়িল। মহারাজী যুগাবতী এই ভাগ্যবতী দাসীকে দর্শন করিবার জন্ত শ্রেষ্ঠীর গৃহে আগমন করিলেন ও চন্দনার প্রকৃত পরিচয় জামিয়া তাহাকে স্বগৃহে লইয়া গেলেন।

এই ঘটনার কিছু পরে ভগবান্ মহাবীর কেবল-জ্ঞান প্রাপ্ত হইলে চন্দনা তাহার নিকট দীক্ষা গ্রহণ করেন ও সাধনী সংঘের অধিনায়িকা পদে অধিষ্ঠিত হন। কয়েক বৎসর শুদ্ধ সংযম পালন করিয়া সাধনী-শ্রেষ্ঠী মুক্তি প্রাপ্ত হন।

১। মহাবীর প্রতিজ্ঞা করিয়াছিলেন যে—কোন রাজপুত্রী তিন দিনের অনাহারে থাকিয়া শৃঙ্খলাবদ্ধ ও রোরুণমান অবস্থায় সূর্পের কোণে রক্ষিত মাষকলাই সিদ্ধ যতদিন পর্যন্ত প্রদান না করিবে ততদিন তিনি পারণ করিবেন না। চন্দনা প্রথমে কাঁদিতেন না বলিয়া তিনি আহাৰ্য গ্রহণে উদ্ভত হইয়াও প্রত্যাখ্যান করেন কিন্তু পরে তাহাকে ক্রন্দন করিতে দেখিয়া ভিক্ষা গ্রহণ করেন। এইরূপ প্রতিজ্ঞাকে জৈন পরিভাষায় 'কালিকপট' নামে অভিহিত করা হয়।

কবি ভারতচন্দ্র রায়-গুণাকরের জন্মস্থান

শ্রীগোপালচন্দ্র রায়

শাসন কাজের সুবিধার জন্ত এক একটা প্রদেশকে যেমন আজকাল জেলা, মহকুমা প্রভৃতি ভাগে বিভক্ত দেখা যায়, আগে মুসলমান রাজত্বের আমলে এক একটা প্রদেশ বা সুবাও তেমনি সরকার, পরগণা প্রভৃতি ভাগে বিভক্ত ছিল। তখনকার দিনে আমাদের এই বাঙ্গলা দেশে ভূরিশ্রেষ্ঠী বা ভুরহুট নামে একটি সমৃদ্ধিশালী পরগণা ছিল। ভূরি ভূরি শ্রেষ্ঠী অর্থাৎ বহু ব্যবসায়ীর এই অঞ্চলে বাস ছিল বলেই নাকি জায়গাটার নাম হয়েছিল ভূরিশ্রেষ্ঠী। এই ভূরিশ্রেষ্ঠী বা ভুরহুট পরগণার অধিকাংশটাই এখন হাওড়া জেলার আমতা থানার উত্তরাংশের অন্তর্ভুক্ত, বাকি অংশটা আমতা থানার সংলগ্ন হুগলী জেলার অন্তর্গত।

ভারতে ইংরেজ রাজত্ব আরম্ভ হওয়ার পূর্বে প্রায় চার শ বছর ধরে এক ব্রাহ্মণ রাজবংশ এই ভুরহুটে প্রবল প্রতাপের সহিত রাজত্ব করেছিলেন। মোগল সম্রাট আকবরের সময় এই বংশের একজন রাণী—রাণী ভবশঙ্করী উড়িষ্যার পাঠানদের সঙ্গে যুদ্ধ করে রাঢ় দেশ রক্ষা করেন। এইজন্য সম্রাট আকবর রাণী ভবশঙ্করীকে “রায় বাণিনী” উপাধিতে ভূষিত করেছিলেন। ভুরহুটের এই ব্রাহ্মণ রাজবংশের যিনি প্রতিষ্ঠাতা তাঁর নাম—চতুরানন। চতুর্দশ শতাব্দীর প্রথমদিকে তিনি এই রাজ বংশের প্রতিষ্ঠা করেন। তাঁর রাজধানী ছিল দামোদর নদের তীরে ভবানীপুর গ্রামে। রাজা চতুরাননের কোন পুত্র-সন্তান ছিল না। তার নামে মাত্র এক কন্যা ছিল। রাজা চতুরানন ফুলিয়া নিবাসী সদানন্দ মুখোপাধ্যায়ের (কবি কৃতিবাসের বংশের) সঙ্গে কন্যার বিয়ে দিয়েছিলেন। চতুরাননের মৃত্যুর পর তাঁর জামাতা সদানন্দের দুই পুত্র জন্মায়। তাঁদের নাম—কৃষ্ণচন্দ্র ও শ্রীমন্ত। সদানন্দের মৃত্যুর পর তাঁর রাজ্য দুই পুত্রের মধ্যে ভাগ হয়েছিল। তার ফলে জ্যেষ্ঠ কৃষ্ণচন্দ্রের রাজধানী ভবানীপুরেই থাকে, আর কনিষ্ঠ শ্রীমন্ত ভবানীপুরের ৩ মাইল দূরে দামোদরের অপর পারে “পার রাধানগর” বা পের্ডো গ্রামে এসে রাজধানী স্থাপন করেন।

বাইরের শত্রুদের হাত থেকে রাজধানীকে রক্ষা করবার জন্ত ভবানীপুর ও পের্ডো উভয় রাজধানীর চারিদিকেই গড় বা খাল কাটা হয়েছিল। ভবানীপুর ও পের্ডো গ্রামের সেই গড় অনেকটা মজা অবস্থায় আজও বর্তমান রয়েছে। এমন কি রাজা কৃষ্ণচন্দ্রের মৃত্যুর পর তাঁর পুত্র দেবনারায়ণ রাজা হয়ে ভবানীপুরে যে মণিনাথ মন্দির স্থাপন করেছিলেন, সেই মন্দির এবং মন্দিরের উপরিভাগে রাজা দেবনারায়ণের নাম ও মন্দির নির্মাণের তারিখ ১৩০৬ শকাব্দ (১৩৮৪ খৃঃ) ২১শে শ্রাবণ এখনও লেখা রয়েছে। পের্ডো গ্রামেও এই রাজাদের স্থাপিত কীর্তিকলাপ এখনও কিছু কিছু

রয়েছে। ভবানীপুরে রাজাদের স্থাপিত একটি বিরাট মন্দিরও ধ্বংসাবস্থায় আজও দাঁড়িয়ে রয়েছে। এইসব মন্দিরের শক্ত গাঁথুনি ও নিখুঁত কারুকার্য দেখলে স্তম্ভিত হতে হয়। এ ছাড়া ভবানীপুরের রাজধানীর সিংহদ্বার, রাজাদের আমোদ উৎসবের জন্ত যে সব নর্তকী ছিল তাদের আস্তানা—“নর্তকীখানা”, রাজারা নদীতে যেখানে স্নান করতেন সেই “রাজার ঘাট”, এঁদের প্রতিষ্ঠিত পুকুর “ফুলপুকুর” ও “জলহরি”—এ সবেরও অস্তিত্ব আজও ভবানীপুর গ্রামে কিছু কিছু রয়েছে। ভবানীপুর ও পের্ডো ছাড়া এই ব্রাহ্মণ রাজারা রাজ্যের অন্যান্য স্থানে যে সব নগর, গ্রাম, দুর্গ, দেবমন্দির প্রভৃতি স্থাপন করেছিলেন, সেগুলো প্রায় সমস্তই কালের শ্রোতে নিশ্চিহ্ন না হয়ে, আজও বর্তমান থেকে তাঁদের কীর্তিকাহিনী ঘোষণা করছে।

ভুরহুটের এই ব্রাহ্মণ রাজাদের সম্বন্ধে এসিয়াটিক সোসাইটির সম্পাদক, বিখ্যাত প্রত্নতত্ত্ববিদ মহামহোপাধ্যায় হরপ্রসাদ শাস্ত্রী মশায় একস্থানে লিখেছেন—“এই রাজবংশ প্রায় চারিশত বৎসর অপ্রতিহত প্রভাবে দক্ষিণ-রাঢ়ে রাজত্ব করিয়াছিলেন এবং অনেক কীর্তিকলাপও রাখিয়া গিয়াছেন। অষ্টাদশ শতাব্দীর মধ্যভাগে এই বংশ ধ্বংস হইয়া যায় ও এই বংশের একজন বাঙ্গালার প্রধান কবি হইয়া উঠেন। ইনিই আমাদের রায়-গুণাকর ভারতচন্দ্র রায়।”

রাজা শ্রীমন্তের বংশে অর্থাৎ পের্ডোর রাজবংশে কবি ভারতচন্দ্রের জন্ম হয়েছিল। আনুমানিক ১৭১১ খ্রীষ্টাব্দে ভারতচন্দ্র এই পের্ডো গ্রামে জন্মগ্রহণ করেছিলেন। ভারতচন্দ্রের জন্মস্থান এই পের্ডো আজও বর্তমান রয়েছে এবং তাঁর জাতি বংশধরেরা রাজ্য ও জমিদারী হারালেও তাঁদের পূর্ব বংশ-মর্যাদা অনেকাংশে রক্ষা করে আজও এই গ্রামে বাস করছেন। শ্রীযুক্ত বিধুভূষণ রায় বর্তমানে এই বংশের একজন খ্যাতনামা ব্যক্তি। ভুরহুটের ব্রাহ্মণ রাজাদের একটা শাখা পের্ডো গ্রামে আজও বাস করলেও, মূল রাজধানী ভবানীপুরে কিছু আজ এঁদের কেউই নেই। অষ্টাদশ শতাব্দীতে রাজা লক্ষ্মী নারায়ণের আমলে ভবানীপুরের রাজ্য এঁদের হস্তচ্যুত হলে, এঁরা ভবানীপুর ত্যাগ করে পের্ডোর ঠিক পূর্বদিকে অবস্থিত বসন্তপুর গ্রামে চলে আসেন। এই বসন্তপুরে এঁদের বংশধরেরা আজও বাস করছেন।

কলকাতা থেকে মাত্র ২০ মাইল দূরে হাওড়া জেলার আমতা থানার মধ্যে কবি ভারতচন্দ্রের জন্মস্থান পের্ডো গ্রামটি অবস্থিত। হাওড়া-আমতা লাইট রেলওয়ের মুন্সিরহাট স্টেশনে নেমে মাত্র চার মাইল পশ্চিমে গেলেই এই গ্রাম। যে কোনও সাহিত্যানুরাগী, বিশেষ করে যারা ভারতচন্দ্র সম্বন্ধে কিছু লিখতে বান, তাঁরা ঘণ্টাকরের

সময় ও যাতায়াতে সামান্য মাত্র ১৮০ আনা রেলভাড়া খরচ করলেই কবির এই জন্মস্থানটি দেখে আসতে পারেন।

কিন্তু অত্যন্ত দুঃখের বিষয় এই যে, আমাদের দেশের সাহিত্যিকরা এমন কি কলকাতা বিশ্ববিদ্যালয় ও বঙ্গীয় সাহিত্য পরিষদও এই পরিশ্রমটুকু করতে নারাজ। অথচ তাঁরা ভারতচন্দ্রের জন্মস্থান সম্বন্ধে বলতে গিয়ে ভুল সংবাদ দিনের পর দিন পরিবেশন করছেন। এমন কি এঁরাও আবার এক এক জনে এক এক রকম কথা বলছেন। কেউ বলছেন—হুগলী জেলার পেঁড়ো বসন্তপুর গ্রামে ভারতচন্দ্র জন্মেছিলেন। কেউ বলছেন—বর্ধমান জেলার পেঁড়ো গ্রামে। আবার কেউ বলছেন—“দক্ষিণ রাঢ়ে ভূরসিট পরগণায় পেঁড়ো বসন্তপুর গ্রামে।” নিয়ে এ সবার কিছু কিছু উদ্ধৃত করা গেল। প্রথমে কলকাতা বিশ্ববিদ্যালয়ের কথাই ধরা যাক। কেননা শিক্ষাক্ষেত্রে এর প্রভাবই সব চেয়ে বেশী।

কলকাতা বিশ্ববিদ্যালয়ের প্রকাশিত প্রবেশিকা পরীক্ষার্থীদের জন্ম বাঙ্গলা পাঠ্যপুস্তকে প্রতি বছরই ভারতচন্দ্রের কবিতা সংকলিত হয়। সেই উদ্ধৃত কবিতার মাধ্যমে সংক্ষেপে কবির পরিচয় আছে। সেখানে লেখা আছে—“রায় গুণাকর ভারতচন্দ্র রায় হুগলী জেলার পেঁড়ো বসন্তপুর গ্রামে ১৭১১ খৃষ্টাব্দে জন্মগ্রহণ করেন।”

পেঁড়ো বসন্তপুর নামে কোনও গ্রাম যে হুগলী জেলার মধ্যে নাই এবং এই পেঁড়ো বসন্তপুর যে হাওড়া জেলার মধ্যে অবস্থিত বিশ্ববিদ্যালয়ের কর্তৃপক্ষ তা জানেন না। ফলে না জেনে একটা ভুল সংবাদ তাঁরা ছাত্রদের শিখিয়ে যাচ্ছেন। এখানে আর একটা কথা এই যে, পেঁড়ো বসন্তপুর একটা গ্রাম নয়। পেঁড়োর ঠিক পূর্ব দিকে অবস্থিত বসন্তপুর নামক অল্প একটি গ্রাম পেঁড়োর সঙ্গে যুক্ত করা হয়েছে। সাধারণত একই জেলার বা কাছাকাছি এক নামের একাধিক গ্রাম থাকলে, যাতে বুঝতে কষ্ট না হয়, সেগুলি বসন্তব্য গ্রামটাকে বোঝাতে গিয়ে অনেক সময় সেই গ্রামের সঙ্গে আশপাশের আর একটা গ্রামের নামও যোগ করা হয়ে থাকে। পেঁড়ো নামে কোথাও যখন আর গ্রাম নেই, তখন বসন্তপুরের উল্লেখ নিস্প্রয়োজন। বরং পেঁড়োর সঙ্গে বসন্তপুর যোগ করার ছাত্ররা ভাবতে পারে যে “পেঁড়ো বসন্তপুর” একটাই গ্রাম।

ডাঃ দীনেশচন্দ্র সেন মশায় তাঁর “বঙ্গ-ভাষা ও সাহিত্য” গ্রন্থে ভারতচন্দ্র সম্বন্ধে লিখেছেন—“ভারতচন্দ্র রায়-গুণাকর অনুমান ১৭১২ খৃঃ অব্দে ভূরসিট পরগণায় হুগলীর অন্তর্গত পেঁড়ো বসন্তপুর গ্রামে জন্মগ্রহণ করেন।”

পরগণা হচ্ছে জেলার অংশ। যেমন জেলার অংশ মহকুমা। অতএব ভূরসিট পরগণায় হুগলী বা হুগলী জেলা সঙ্গতিহীন। এখানে দীনেশবাবুর প্রসঙ্গে ১৯২৯ খ্রীষ্টাব্দে হাওড়া জেলার মাজু গ্রামে অনুষ্ঠিত বঙ্গীয় সাহিত্য সম্মিলনের ১৮শ অধিবেশনের কথা বিশেষভাবে উল্লেখযোগ্য। মাজু সম্মিলনের উদ্বোধনদের অন্ততম উদ্দেশ্য ছিল, হাওড়ার শ্রেষ্ঠ কবি ভারতচন্দ্র রায়গুণাকরের স্মৃতি জাগরিত

করা। এই সম্মিলনের মূল সভাপতি বিশ্বকবি রবীন্দ্রনাথ ঠাকুর অনিবার্হ কারণবশত শেষ পর্যন্ত সম্মিলনে যোগদিতে না পারায় দীনেশবাবু সভাপতিত্ব করেছিলেন।

মাজুর এই সাহিত্যিক সম্মিলনে অভ্যর্থনা সমিতির সভাপতি ছিলেন মাজুগ্রাম নিবাসী ডাঃ সুবোধচন্দ্র মুখোপাধ্যায় এম, এ, দক্টের-এস্-লেতর (প্যারি) বেদাস্ততীর্থ, শাস্ত্রী। তিনি তাঁর লিখিত অভিভাষণের প্রথমেই বলেছিলেন—“সর্ব প্রথমেই হাওড়া জেলার গৌরবরবি রায়গুণাকর ভারতচন্দ্র রায়ের নাম মনে আসে। এই মণ্ডপের পশ্চিমের বিশাল প্রান্তর দূর দিগন্তে যেখানে অস্পষ্ট নারিকেল তালীবনের নীল রেখায় মিলাইয়া গিয়াছে এখানে পেঁড়ো গ্রামে ভারতচন্দ্র রায়ের পিতা নরেন্দ্রনারায়ণ রায়ের প্রাসাদ ও গড় ছিল। কবির শৈশবকাল এখানেই কাটিয়াছিল।” (বঙ্গীয় সাহিত্য সম্মিলন, ১৮শ অধিবেশন, কার্যবিবরণী : পৃ: ৩)

সেদিন দীনেশবাবুও সভায় বক্তৃতা দিতে উঠে সর্ব প্রথমেই বলেছিলেন—“মাজু হইতে বঙ্গের কবি-সম্রাট ভারতচন্দ্র রায় গুণাকরের জন্মভূমি বেশী দূরবর্তী নহে। এই স্থানে উপস্থিত হইয়া স্বতঃই তাঁহার উদ্দেশ্যে মস্তক অবনত হইতেছে।” (বঃ সাঃ সঃ ১৮শ অধিবেশন, কার্যবিবরণী পৃ: ২৯)। এই কথার পর আরও প্রায় ৫০টি বাক্যে দীনেশবাবু সেদিন সভায় ভারতচন্দ্রের প্রশস্তি করেছিলেন।

মহামহোপাধ্যায় হরপ্রসাদ শাস্ত্রী মশায় অস্বস্থতাবশতঃ সম্মিলনে উপস্থিত হতে না পারায় সম্মিলনের সাফল্যকামনা করে যে পত্র পাঠিয়েছিলেন তাতে তিনি লিখেছিলেন—“বাঙ্গলার একজন লেখকের স্মৃতি জাগরিত করিবার জন্ম বাঙ্গলার হৃদয় পল্লীগ্রামে আপনারা সম্মিলিত হইয়াছেন। বাঙ্গলার যত নামী লেখক আছেন, সকলেই এখানে আসিয়াছেন...আপনাদের আগমন সার্থক হউক।” (বঃ সাঃ সঃ ১৮শ অধিবেশন, কার্যবিবরণী, পরিশিষ্ট পৃ: ৫)

প্রাচ্যবিজ্ঞানমহার্হব নগেন্দ্রনাথ বসু মশায়ও শারীরিক অস্বস্থতাবশত সম্মিলনে যোগ দিতে পারেন নি। তাই তিনি এক পত্রে জানিয়েছিলেন—“রায়গুণাকর ভারতচন্দ্রের জন্মভূমির নিকট নিভৃত পল্লীগ্রামে আপনারা সম্মিলনের যে আয়োজন করিয়াছেন, তাহাতে বঙ্গভাষানুরাগী সাহিত্যিক মাত্রেই যোগদান বাঞ্ছনীয়।.....আমার নিতান্ত ইচ্ছা থাকিলেও এই ১৮শ সম্মিলনে যোগদান করিতে না পারিয়া এই পত্র দ্বারা আমার শুভেচ্ছা, সম্মিলনের সাফল্য ও পল্লীবাসী কর্তৃক এই সদস্মৃষ্ঠানের জন্ম আমার আন্তরিক কৃতজ্ঞতা জ্ঞাপন করিতেছি।” (কার্যবিবরণী, পরিশিষ্ট পৃ: ৭)

এ ছাড়া মাজু সম্মিলনের প্রথম দিনের অধিবেশনে নাট্যাচার্য রসরাজ অমৃতলাল বসু, কবিশেখর কালিদাস রায়, কবি প্যারিমোহন সেনগুপ্ত, নগেন্দ্রনাথ সোম কবিসুধন প্রভৃতি তাঁদের স্ব স্ব রচিত “ভারতচন্দ্র” সম্বন্ধীয় কবিতাও পাঠ করেছিলেন।

অধিবেশনের দ্বিতীয় দিনের সকালে ২৪ জন সাহিত্যিক ও সাহিত্যানুরাগী মাজু থেকে ৬ মাইল দূরে অবস্থিত পেঁড়ো গ্রামে কবির

জন্মস্থান দেখতে যান। এঁরা গেলে কবির বংশধররা এঁদের যথাযোগ্য সমাদর করে জলযোগে পরিতুষ্ট করেন।

সম্মিলনের দ্বিতীয় দিনে বিষয়-নির্বাচনী সমিতির অধিবেশনে ভারতচন্দ্র সম্বন্ধে যে প্রস্তাব গৃহীত হয়েছিল, তাতে বলা হয়েছিল— “যথাসম্ভব ক্রিপ্রতার সহিত ভারতচন্দ্র রায় গুণাকরের একখানি পূর্ণাঙ্গ জীবনী এবং তাঁহার সম্পূর্ণ গ্রন্থাবলীর একটি উৎকৃষ্ট সংস্করণ প্রকাশের ব্যবস্থা করা হউক।” এজন্য ঐদিন সঙ্গে সঙ্গে একটি সমিতিও গঠিত হয়েছিল এবং তার সম্পাদক-সংঘে ডাঃ দীনেশচন্দ্র সেন, ডাঃ সুনীতিকুমার চট্টোপাধ্যায়, ডাঃ রমেশচন্দ্র মজুমদার প্রভৃতি থাকেন।

বিষয়-নির্বাচন সমিতির অধিবেশনে ভারতচন্দ্র সম্বন্ধীয় এই গৃহীত প্রস্তাব পঠিত হ'লে সঙ্গে সঙ্গেই অনেকে এই কাজের জন্ত অর্থ সাহায্য করতে প্রতিশ্রুতি দেন। স্বয়ং দীনেশবাবু সেদিন সভায় ১০০ টাকা দেবেন ব'লে ঘোষণা করেন। এ ছাড়া দীনেশবাবু সেদিন মাজু সম্মিলনের উত্তোস্তাদের আরও বলেছিলেন—আপনারা ভারতচন্দ্রের জন্মস্থানে একটি স্মৃতি-মন্দির তৈরী করবার চেষ্টা করুন, আমি সেজন্ত আরও ৫০০ টাকা দোব।

অবশ্য দীনেশবাবু সব সময়েই তাঁর এই প্রতিশ্রুতি টাকা দিতে প্রস্তুত ছিলেন। কিন্তু প্রকৃত চেষ্টার অভাবে ভারতচন্দ্রের পূর্ণাঙ্গ জীবনী, তাঁর সম্পূর্ণ গ্রন্থাবলীর উৎকৃষ্ট সংস্করণ প্রকাশ ও স্মৃতি-মন্দির কোনটাই হয়ে উঠেনি।

এখন আমাদের যুক্তব্য এই যে, দীনেশবাবু সমস্ত জেনে এবং দেখেই এসেছিলেন যে, হাওড়া জেলার আমতা থানার মধ্যে এই “পেঁড়ো” গ্রামটি অবস্থিত। অথচ তিনি তখন বিশ্ববিদ্যালয়ের বাঙ্গলা বিভাগের সর্বময় কর্তা হয়েও প্রবেশিকা বাঙ্গলা পুস্তকের উল্লিখিত ভুল সংশোধন করলেন না। তা ছাড়া মাজু সম্মিলনের পর তাঁর জীবিতাবস্থায় প্রকাশিত “বঙ্গভাষা ও সাহিত্যের” পরবর্তী সংস্করণগুলিতেও ঐ ভুল সংশোধন করলেন না। যা ছিল তাই রেখে দিলেন।

দীনেশবাবুর পর আর একজন খ্যাতনামা পণ্ডিত ও লেখকের কথা ধরা যাক। তিনি ডাঃ স্কুমার সেন। স্কুমারবাবু “বাঙ্গলা সাহিত্যের ইতিহাস” নামে যে বইখানি লিখেছেন, তাতে ভারতচন্দ্রের জন্মস্থানের কথা লিখিতে গিয়ে তিনি আর কোন জেলারই উল্লেখ করেন নি। তিনি লিখেছেন—“কবির পৈতৃক নিবাস ছিল দক্ষিণরাঢ়ে ভূরশিট পরগণায় পেঁড়ো বসন্তপুর গ্রামে।”

আজকের দিনে জেলার কথা না ব'লে শুধু পরগণার উল্লেখ দুর্বোধ্য। বর্তমানে পরগণার প্রচলন না থাকায়, কেবল পরগণার কথা বললে কেউই বুঝতে পারবে না যে জায়গাটি কোথায়। অতএব বাঙ্গলার একজন শ্রেষ্ঠ কবির কথা লিখতে গিয়ে তাঁর জন্মস্থান সম্বন্ধে এরূপ উল্লেখ সমীচীন হয়েছে বলে মনে হয় না।

বঙ্গীয় সাহিত্য-পরিষদ থেকে একখানি ভারতচন্দ্র-গ্রন্থাবলী প্রকাশিত হয়েছে। এই পুস্তকের ভূমিকায় ভারতচন্দ্রের জীবনীতে আবার

পেঁড়ো বসন্তপুর গ্রামে — বর্তমান জেলার আমতা থানার মধ্যে অবস্থিত।

মধ্যে। অবশ্য এই ভারতচন্দ্র-গ্রন্থাবলীর সম্পাদকগণ তাঁদের ভূমিকায় ভারতচন্দ্রের এই জীবনী উদ্ধৃত করেছেন, সংবাদ-প্রভাকর সম্পাদক কবি ঈশ্বরচন্দ্র গুপ্তের লেখা “কবির ৬ভারতচন্দ্র রায় গুণাকরের জীবন বৃত্তান্ত” নামক গ্রন্থ থেকে।

কবি ঈশ্বর গুপ্তের লেখা এই বইটি প্রথম পুস্তকাকারে বেরিয়েছিল ১২৬২ বঙ্গাব্দের ১লা আষাঢ় (১৮৫৫ খ্রীঃ) তারিখে। অর্থাৎ ভারতচন্দ্রের মৃত্যুর প্রায় একশ বছর পরে (মৃত্যু ১৭৫৯ খ্রীঃ)। সেই সময়েই ভারতচন্দ্র সম্বন্ধে তথ্য সংগ্রহ করতে নাকি ঈশ্বর গুপ্তকে দশটি বছর অক্লান্ত পরিশ্রম করতে হয়েছিল। ঈশ্বর গুপ্ত তাঁর “কবির ৬ভারতচন্দ্র রায় গুণাকরের জীবন-বৃত্তান্ত” গ্রন্থে লিখেছেন—

“৬নরেন্দ্রনারায়ণ রায় মহাশয় জিলা বর্ধমানের অন্তঃপাতি “ভূরশুট” পরগণার মধ্যস্থিত “পেঁড়ো” নামক স্থানে বাস করিতেন!...ইহার বাটার চতুর্দিকে গড়বন্দি ছিল, এ কারণ সেই স্থান “পেঁড়োর গড়” নামে আখ্যাত হইয়াছিল।

নরেন্দ্রনারায়ণ রায়ের চারি পুত্র, জ্যেষ্ঠ চতুর্ভূজ রায়, মধ্যম অর্জুন রায়, তৃতীয় দয়ারাম রায়, সর্ব কনিষ্ঠ ভারতচন্দ্র রায়।.....

এমত জনরব যে, অধিকারভুক্ত ভূমি সংক্রান্ত সীমা সম্বন্ধীয় কোন এক বিবাদ সূত্রে নরেন্দ্রনারায়ণ রায় বর্ধমানাধিপতি মহারাজ কীর্তিচন্দ্র রায় বাহাদুরের জননী শ্রীমতী মহারাণী বিষ্ণুকুমারীকে কটুবাক্য প্রয়োগ করেন.....মহারাণী সেই ছুঁর্বাক্য শ্রবণে অত্যন্ত কোপান্বিতা হইয়া “আলমচন্দ্র” ও “ক্ষেমচন্দ্র” নামক আপনার দুইজন রাজপুত্র সেনাপতিকে কহিলেন—ভূরশুট অধিকার করিয়া আমার হস্তে প্রদান কর, ইহা না হইলে আমি কোন মতেই জলগ্রহণ করিব না, প্রাণ পরিত্যাগ করিব।’ এই আজ্ঞা শিরোধার্য্য করত উক্ত সেনাপতিদ্বয় দশ সহস্র সৈন্য লইয়া সেই রজনীতেই “ভবানীপুরের গড়” এবং “পেঁড়োর গড়” বল ঘাটা অধিকার করিয়া লইল।.....

এতদ্যটনায় নরেন্দ্র রায় এককালেই নিঃশ্ব হইলেন, সর্বস্বই গেল, কোনরূপে কার্যক্রেতে দিনপাত করিতে লাগিলেন। এই সময় ভারতচন্দ্র পলায়ন করত মণ্ডলঘাট পরগণার অধীন গাজীপুরের সান্নিধ্য “নওরাপাড়া” গ্রামে আপনার মাতুলালয়ে বাস করত তাজপুর গ্রামে সংস্কৃতিসার এবং অভিধান পাঠ করিতে লাগিলেন। চতুর্দশ বৎসর বয়ঃক্রম সময়ে এই উভয় গ্রন্থে বিলক্ষণ নৈপুণ্য লাভ করিয়া নিজালয়ে প্রত্যাগত হইয়া ঐ মণ্ডলঘাট পরগণার তাজপুরের সান্নিধ্য সারদা নামক গ্রামের কেশরকুলি আচার্য্যদিগের একটি কস্তাকে বিবাহ করিলেন,....”

ঈশ্বর গুপ্তের লেখা থেকে এই উদ্ধৃত অংশে যে সকল গ্রামের নাম আছে—পেঁড়ো, ভবানীপুর, গাজীপুর, নওরাপাড়া, তাজপুর, সারদা—সব কটি গ্রামই আজও বর্তমান এবং এগুলি সবই হাওড়া জেলার অবস্থিত। এমন কি একই থানা—আমতা থানার মধ্যে গ্রামগুলি বর্তমান।

এখন প্রশ্ন হচ্ছে—পেঁড়ো গ্রাম হাওড়া জেলার মধ্যে অবস্থিত হওয়া সত্ত্বেও এই সব সাহিত্যিকাবলী বর্ধমান জা জগন্নাথ জেলায় লিখিত

ন? এর প্রধান কারণ হচ্ছে এই যে, ভারতচন্দ্রের জন্মের সময় এই পের্ডো গ্রাম বর্ধমানেরই অন্তর্গত ছিল। তখন হাওড়া নামে কোন জেলা ছিল না। পরে পের্ডো আবার বর্ধমান থেকে পৃথক হয়ে হুগলী জেলার অন্তর্গত হয়। তারপর শেষে হাওড়া জেলার মধ্যে আসে। এই প্রসঙ্গে প্রথম হাওড়া জেলা কিভাবে গঠিত হয় “Bengal District Gazetteers, Howrah” নামক গ্রন্থ থেকে নিম্নে সে সম্বন্ধে কিছু উদ্ধৃত করা গেল।—

“After the decennial Settlement in 1795, Hooghly, with the greater part of Howrah, was detached from Burdwan, and created a separate Magisterial charge; but no change was made in the collectorate. At that time thanas Bagnan and Amta were placed in the Hooghly jurisdiction, but Howrah city formed a part of Calcutta, its criminal cases being tried by the Magistrate and Judge of the 24 Parganas, who used to come over once a week. In 1814 thana Rajapur (now Domjur), and in 1819 thanas Kotra (now Shyampur) and Uluberia were transferred from the 24 Parganas to Hooghly. On the 1st May 1822 the Hooghly and Howrah Collectorate was entirely separated from Burdwan. In the meantime the city of Howrah had been growing steadily, and its increasing importance led to another change, the Magisterial Jurisdiction of Howrah being separated from that of Hooghly in 1843, when Mr. William Taylor was appointed Magistrate of Howrah with Jurisdiction over Howrah, Salkia, Amta, Rajapur, Uluberia, Kotra and Bagnan.”

উপরের উদ্ধৃত অংশ থেকে বেশ বোঝা গেল যে, আমরা ধানার স্থাপিত পের্ডো গ্রাম হাওড়া জেলার অন্তর্গত হওয়ার পূর্বে যথাক্রমে মিন ও হুগলীর অন্তর্ভুক্ত ছিল। কিন্তু এখন আমাদের কথা হচ্ছে যে, হাওড়া পৃথক জেলা হওয়ার এবং পের্ডো হাওড়ার মধ্যে আসা সংক্রান্ত কেউ যদি এখনও পের্ডো গ্রাম বর্ধমান বা হুগলীর অন্তর্গত বলেন তা হ'লে আজকে তা একেবারে অর্থহীন হবে। বর্ধমানের উল্লেখ না করে শুধু পুরাতনের উল্লেখ করায় একটা বড় ভুলের সৃষ্টি হবে। পের্ডো গ্রামকে বর্তমানে হাওড়া জেলার অন্তর্গত বলে যদি শুধু হুগলী বা বর্ধমানের মধ্যে বলা হয়, তা হ'লে মনিরুজ্জামান কবির জন্মস্থান খুঁজতে গিয়ে প্রাণান্ত করলেও উক্ত জেলার কোথাও এই গ্রামের সন্ধান পাবেন না।

হাওড়া পূর্বে কি ছিল বর্তমানে তার প্রয়োজনই বা কি? জেলার প্রায় সমস্ত জেলাই ত নানা সীমাপরিবর্তনের মধ্য দিয়ে আজকের রূপগুলো লাভ করেছে। আজ যদি শুধু আগের দিনের কথাই ধরা যায় তাহলে ত বাঙ্গলার অনেক খ্যাতনামা ব্যক্তিরই

জন্মস্থান নিয়ে একটা জটিলতার সৃষ্টি হবে। এখানে একটা উদাহরণ দিলেই আশা করি ব্যাপারটা বোঝা সহজ হবে। যেমন—ঈশ্বরচন্দ্র বিজ্ঞানাগর ম'শায়ের জন্মের সময় তাঁর জন্মভূমি বীরসিংহ গ্রাম ছিল হুগলী জেলার মধ্যে। তখন ঘাটাল মহকুমাটাই ছিল হুগলীর অন্তর্গত। তাই বলে কি আমরা আজও লিখব যে, হুগলী জেলার ঘাটাল মহকুমার অন্তর্গত বীরসিংহ গ্রামে বিজ্ঞানাগর ম'শায় জন্মেছিলেন। এরূপ লেখার অর্থ ত ভুলের সৃষ্টি করা। কেননা হুগলী জেলায় আজ আর বীরসিংহ গ্রাম নেই। তাই বিজ্ঞানাগরের সময় আমরা সকলেই যেমন লিখি মেদিনীপুরের বীরসিংহ গ্রামে বিজ্ঞানাগর ম'শায় জন্মেছিলেন, তেমনি ভারতচন্দ্রের সময়ও দেখা উচিত—হাওড়া জেলার পের্ডো গ্রামে ভারতচন্দ্র জন্মেছিলেন।

ভারতচন্দ্র যে বাঙ্গলার অশ্রুতম শ্রেষ্ঠ কবি মহাকালের বিচারে তা নির্ধারিত হয়ে গেছে। ভারতচন্দ্র তাঁর অসাধারণ কাব্য প্রতিভার স্তূপে বাঙ্গলা সাহিত্য ক্ষেত্রে আজও তাঁর আসন অটুট রাখতে সক্ষম হয়েছেন। বাঙ্গলা কাব্য সাহিত্যের এক চরম দুর্দিনে তিনি আবির্ভূত হয়ে বাঙ্গলা কাব্যকে নানা আবির্ভাবের হাত থেকে রক্ষা করেছিলেন। বঙ্গীয় সাহিত্য-পরিষদ হতে প্রকাশিত ভারতচন্দ্র-গ্রন্থাবলীর ভূমিকায় এই গ্রন্থাবলীর সম্পাদকগণ তাই লিখেছেন—

“১৬৭৪ শকে (খৃষ্টাব্দ ১৭৫২) ভারতচন্দ্র তাঁহার—“অন্নদা মঙ্গল” কাব্য রচনা করেন। বাংলা কাব্য-সাহিত্যের তখন অতিশয় দুর্দিন চলিতেছে। মহাজন-পদাবলী ও নানাবিধ মঙ্গল-কাব্যের অতিশয় ব্যর্থ অনুকৃতিতে এবং অল্প নানাবিধ বিকৃতিতে বঙ্গ-ভারতীর তলাকার পাক ঘুলাইয়া উঠিয়াছিল। ভারতচন্দ্র সরস বুলি এবং নিখুঁত ছন্দের সাহায্যে এই বিকারের প্রতিকার করিতে চাহিয়াছিলেন। তিনিই সর্বপ্রথম গ্রাম্যতা-দোষদূষ্ট সাহিত্যের উপর নাগরিক সম্মততার প্রলেপ বুলাইয়াছিলেন। এই কারণে অনেকে তাঁহাকে পুরাতন যুগের শেষ কবি এবং আধুনিক যুগের প্রথম কবি বলিয়া থাকেন।” নিখুঁত এবং বিপুল শব্দজ্ঞানের সাহায্যে ভারতচন্দ্র বাংলা কাব্যকে অপূর্ব শিল্পশ্রমের মণ্ডিত করিতে পারিয়াছিলেন; রূপহীন কাদার তাল পাকাইয়া তিনি মনোহর মূর্তি গড়িয়াছিলেন।.....আসলে ভারতচন্দ্র শুধু “ভাবার তাজমহল”ই গড়েন নাই, যুগের উপযোগী কাব্য সৃষ্টিও করিয়াছিলেন।”

রবীন্দ্রনাথ ভারতচন্দ্রের কাব্য সম্বন্ধে বলেছেন—“রাজসভাকবি রায়গুণাকরের অন্নদামঙ্গল গান, রাজকণ্ঠে মণিমালায় মত, যেমন তাহার উজ্জলতা, তেমনি তাহার কারুকার্য।”

বাঙ্গলা সাহিত্যের এহেন একজন শ্রেষ্ঠ কবির জন্মস্থানের সঠিক পরিচয় আজও না জানা আমাদের জাতীয় জীবনে একটা লজ্জার কথা। আশা করি, কলকাতা বিশ্ববিদ্যালয়, বঙ্গীয় সাহিত্য-পরিষদ, বাঙ্গলা সাহিত্যের ইতিহাস লেখকরা এবং অন্যান্য ব্যক্তিরা ভারতচন্দ্র সম্বন্ধে কিছু লিখতে চান, তাঁরা এখন থেকে বাঙ্গলার অশ্রুতম শ্রেষ্ঠ কবি ভারতচন্দ্র রায় গুণাকরের জন্মস্থানের যথাযথ বিবরণ দেবেন।

কলিঙ্গ-কুমারী

শ্রীহেমেন্দ্রপ্রসাদ ঘোষ

কলিঙ্গ রাজ্যের বৃদ্ধ মন্ত্রী তীর্থ-ভ্রমণে যাইবেন। তাঁহার যাত্রার সকল আয়োজন সম্পূর্ণ হইয়াছে। ওঙ্কারনাথ বর্তমান মহারাজার পিতার সময় হইতে মন্ত্রিত্ব করিয়া আসিতেছেন। তিনি বিশেষ সম্মানিত। তিনি বয়ো-বৃদ্ধির সঙ্গে সঙ্গে তাঁহার সহকারীকে সুশিক্ষিত করিতে প্রবৃত্ত হইয়াছিলেন। তাঁহার তীর্থ-যাত্রার পূর্বেদিন মহারাজা স্বয়ং তাঁহার গৃহে আসিয়াছিলেন—কতদিনে তিনি ফিরিবেন, জিজ্ঞাসা করিয়া গিয়াছেন। রাজধানীর বহু সম্ভ্রান্ত ব্যক্তি তাঁহার সহিত সাক্ষাৎ করিতে আসিয়াছিলেন।

মধ্যাহ্নে তাঁহার গৃহিণী তাঁহাকে বলিলেন, তিনি যে সহকারীকে উৎকল রাজ্যের বৃদ্ধ-যাত্রার বিষয় জিজ্ঞাসা করিতেছিলেন, তাহার কারণ কি? মন্ত্রী বলিলেন, “আমি সংবাদ পাইয়াছি, পুরীরাজ কলিঙ্গ আক্রমণ করিবেন।”

“রাজকুমারীর পাণি-প্রার্থনার প্রস্তাব প্রত্যাখ্যান কি তাঁহার কারণ?”

“তাহাই।”

“যুদ্ধের ফল কি হইবে?”

“কলিঙ্গরাজ্যের পরাজয়।”

“সে কথা কি মহারাজাকে বলা হইয়াছে?”

“আমার যাহা কর্তব্য তাহা আমি করিয়াছি। কিন্তু মোহাবিষ্ট মহারাজার বিপরীত বুদ্ধি প্রবল হইয়াছে—আর উপায় নাই।”

“কেন?”

“সে কথার আভাস তোমাকে দিয়াছি। মহারাণী ক্ষমতাপ্রিয়তাহেতু উপযুক্ত পাত্রের রাজকুমারীকে অর্পণ করিতে চাহেন না। আমার বিশ্বাস, যদি তাঁহার সম্মত থাকিত, তবে তিনি রাজকুমারীকে বিষ প্রয়োগ করিলেও আমি বিস্মিত হইতাম না। রাজা তাঁহার দ্বারা মোহাবিষ্ট।”

“পুরীরাজকে কতাদানে কি তবে সত্য সত্যই কলিঙ্গ রাজবংশের মর্যাদাহানি হইত না?”

“ব্রাহ্মণের মর্যাদা ধর্ম্মাচরণে; রাজার বংশ-মর্যাদা বীৰ্য্য-পরিচয়ে। মহারাণীর যুদ্ধের অঙ্গ—পুরোহিতপুত্র বলিয়াছেন যে, গঙ্গাবংশীয়দিগের সহিত উৎকলের সূর্য্য-বংশীয়দিগের বৈবাহিক সম্বন্ধ ঘটিয়াছে, তাঁহারা বহু হইতে আসিয়াছিলেন এবং বঙ্গের অধিবাসীরা মৎস্ত-ভোজী। কিন্তু আজ কোন্ অর্থাৎ বলিতে পারেন, বহু শতাব্দীর সম্মিলনফলে তাঁহার দেহে অনাৰ্য্য রক্ত প্রবেশ করে নাই?”

“রাজ্যের আসন্ন বিপদের সময় কি এতদিন মন্ত্রিত্ব করিবার পর রাজ্যত্যাগ সম্ভব হইবে?”

“যে রাজ্য গঠনে না হইলেও রক্ষায় দীর্ঘকাল আত্ম-নিয়োগ করিয়াছি, সেই রাজ্যের ও যে রাজপরিবারের সেবা এতদিন করিয়াছি সেই রাজপরিবারের পতন যখন নিবারণ করিতে পারিলাম না, তখন তাহা দেখিবার বেদনা ভোগ করিতে চাহি না।”

“কতদিনে রাজ্য আক্রান্ত হইবার সম্ভাবনা?”

“উৎকলবাহিনীর যাত্রার আর বিলম্ব নাই।”

“কলিঙ্গবাহিনী কি শক্তিশালী নহে?”

“কলিঙ্গবাহিনী যে একদিন রাজ্যজয় করিয়াছিল, তাহার কারণ, রাজা হইতে সৈনিক সকলের সমবেত ও সম্মিলিত কার্য্য—রাজ্যের গৌরব রক্ষায় ত্যাগের আগ্রহ। সে ভাব আর নাই। আজ মহারাণীর জন্ম পুরোহিত-পুত্রও সেনাপতির কার্য্যে ত্রুটির উল্লেখ করিতে সাহস করে। সেনাপতির কর্তব্যতৎপরতা কি তাহাতে ক্ষুণ্ণ হয় না?”

“এই অবস্থার প্রতীকার করা কি সম্ভব হয় নাই?”

“সম্ভব হইলে আমি তাহা করিতাম, এ বিশ্বাস কি—এতদিন স্বামীকে জানিয়াও—তোমার নাই?”

মন্ত্রীর পত্নী স্বামীকে জানিতেন। তিনি আর কোন কথা বলিলেন না।

পরিজনগণকে সঙ্গে লইয়া কলিঙ্গরাজমন্ত্রী সেই দিন তীর্থ যাত্রায় রাজধানী ত্যাগ করিয়া গমন করিলেন।

৬

উৎকলবাহিনী প্রবল ঝটিকার মত কলিঙ্গে প্রবেশ করিল। সে বাহিনী কালিদাসের বর্ণিত রঘুর দিগ্বিজয়-কালীন বাহিনীর মতই অগ্রসর হইল—

প্রথমে প্রতাপ তা'র, শব্দ তা'র পরে—

তা'র পরে ধূলিজাল ছাইল অধরে—

তা'র পরে চতুরঙ্গ সেনাদল চলে

গর্জিত বিজয় গর্জে দীপ্ত নিজ বলে।

কলিঙ্গসেনা রাজ্যসীমায় সমাবিষ্ট হইয়াছিল—উৎকল-বলকে বাধা দিল। সেই সময় সেনাপতি সংবাদ পাইলেন, রাজা ধন-রত্নসহ পরিজনগণকে লইয়া রাত্রির অন্ধকারে মীণাক্ষী-মন্দিরে আশ্রয় গ্রহণ জন্ত মাতুরার অভিমুখে ষাড়া করিয়াছেন। সংবাদ সেনাদলে ব্যাপ্ত হইল—তাহাদিগের উৎসাহ-বহিতে যেন জল নিক্সিত হইল। কলিঙ্গবাহিনী পরাভূত হইয়া পশ্চাতে আসিয়া বাধা দিবার আয়োজন করিল। প্রথম জয়ের আনন্দে উৎফুল্ল উৎকল-সেনার আক্রমণ তাহারা সহ্য করিতে পারিল না—ছত্রভঙ্গ হইয়া পলায়ন করিল। দীর্ঘপথ অতিক্রম করিয়া উৎকলবাহিনী কলিঙ্গের রাজধানীর উপকণ্ঠে আসিয়া শিবির স্থাপন করিল। তখন দিগন্ত-তপন মেঘের উপরে রক্তপ্রলেপ দিয়া অন্ধকার-রাজ্যে প্রবেশাশুধ। রাজধানী সুরক্ষিত করিবার ব্যবস্থা আছে মনে করিয়া সেনাপতি সে রাত্রিতে আর রাজধানীতে প্রবেশ-চেষ্টা করিলেন না।

রাত্রিকালেই তাঁহার চর সংবাদ আনিল, রাজধানী বিনাযুদ্ধে আত্মসমর্পণ করিয়াছে—রাজা সপরিবারে পলায়িত—প্রাসাদ শূন্য। তথাপি সেনাপতি রাজপ্রাসাদে গমনকালে আবশ্যিক সতর্কতাবলম্বনে ক্রটি করিলেন না—তিনি সশস্ত্র অশ্বারোহীদের পুরোভাগে—রাজধানীর জন-শুভ্রাশ্রয় পথে অগ্রসর হইলেন—যে সকল অধিবাসী নগর ত্যাগ করে নাই তাহারা সেনাদলের আগমন সময় দ্বার রুদ্ধ করিতে লাগিল। তাহারা দরিদ্র—দরিদ্রের ভয় কোথায়? অশ্বারোহীদের বর্ষার ফলকে ও উন্মুক্ত উরবারের ফলকে রবিবর জ্বলিতে লাগিল। সেনাদল যখন প্রাসাদের পূর্বসিংহদ্বারে উপনীত হইল, তখন দ্বার মুক্ত—প্রাঙ্গণ-মধ্যবর্তী পথ অতিক্রম করিয়া এক অনিন্দ্য স্নানরী তরুণী—একজনমাত্র যুবা পরিচারিকাসহ অগ্রসর হইয়া

আসিয়া মুক্ত দ্বারের সম্মুখে দণ্ডায়মান হইলেন। প্রভাত-রবির আলোক যেন তাঁহাকে সৌন্দর্য্যম্বিত করিল—তাঁহার বস্ত্রের ও অলঙ্কারের হীরকে আলোক-সৃষ্টির উদ্ভব করিতে লাগিল।

সেনাপতি অশ্ব হইতে অবতরণ করিয়া তরুণীর সম্মুখীন হইয়া বলিলেন, “আপনি কি কলিঙ্গরাজ-লক্ষ্মী? আমি বিষম সমরবিজয়ী পুরীরাজের আদেশে কলিঙ্গ বিজয়ে আসিয়াছি।”

তরুণী নতদৃষ্টি। তিনি বলিলেন, “না। আমি কলিঙ্গ-রাজের কন্যা।”

“আপনি কি মহারাজার সহিত পুরত্যাগ করেন নাই?”

“না। পুরীরাজের কলিঙ্গ আক্রমণ আমারই জন্ত। প্রজার দুঃখ—অশ্বক্ষুরে ও সেনাপদে শস্ত্রক্ষেত্রনাশে দুর্ভিক্ষের সম্ভাবনা—ধরণীর রক্তে রঞ্জন—এ সকল হইতে কলিঙ্গরাজ্যকে অব্যাহতি দিবার জন্ত আমি পিতার অশ্রু উপেক্ষা ও পুরবাসীদের অহুরোধ অগ্রাহ্য করিয়া—পিতার সহিত পলায়নের অর্গোরব-প্রস্তাব প্রত্যাখ্যান করিয়া বিজয়ীর নিকট বন্দী হইবার জন্ত একাকী প্রাসাদে অপেক্ষা করিতেছি। আমাকে বন্দী করুন।”

সেনাপতি প্রশংসমান দৃষ্টিতে তরুণীর দিকে চাহিয়া রহিলেন—কয় মুহূর্ত্ত তাঁহার বাক্যক্ষুর্ভি হইল না। তাহার পরে তিনি সমস্তম্বে বলিলেন, “আপনি কলিঙ্গরাজ কন্যা। আমি আমার প্রভুর আদেশে আপনাকে বন্দী করিতেছি—ভৃত্যের অপরাধ ক্ষমা করিবেন।”

পদ্মাবতী তাঁহার দুই কর সেনাপতির দিকে প্রসারিত করিয়া দিলেন।

সেনাপতি সমস্তম্বে নিবেদন করিলেন, “কলিঙ্গ-কুমারী, আপনার অঙ্গ স্পর্শ করি এমন ধৃষ্টতা আমাদিগের নাই—আপনাকে বন্ধন করা ত পরের কথা। আপনি প্রাসাদেই অবস্থান করুন। আমি যানবাহন সংগ্রহ করিয়া আপনাকে ও আপনার নির্দেশানুসারে পরিচারিকাদিগকে সমস্তম্বে নীলাচলে লইয়া যাইবার ব্যবস্থা করিব। আমাকে প্রাসাদ ও পুররক্ষার সকল ব্যবস্থাও করিয়া যাইতে হইবে। কারণ, প্রাসাদ শূন্য—পুর পরিত্যক্ত।”

“আপনার শিষ্টাচারের জন্ত আমি কৃতজ্ঞ”—বলিয়া কলিঙ্গকুমারী প্রাসাদান্তিমুখে গমন করিলেন।

সেনাদল মুগ্ধভাবে তাঁহাকে লক্ষ্য করিতে লাগিল। সেনাপতি সহকারীকে বলিলেন—পুরীর রাজা পুরুষসিংহ ; কলিঙ্গ-কুমারী সেই সিংহের উপযুক্ত সিংহী।

৭

পুরীর প্রাসাদে রাজসভায় পুরুষোত্তমদেব সিংহাসনে উপবিষ্ট। তিনি অন্তমনস্ক—যেন কিছু প্রতীক্ষা করিতেছেন। কলিঙ্গজয়ের সংবাদমাত্র অগ্রদূতমুখে আসিয়াছে—সেনাপতি তখনও প্রত্যাঘর্ষন করেন নাই। সভার কাষ শেষ হইল—সভাভঙ্গের পূর্বে নর্তকীরা গান করিতেছিল—

“ললিতলবঙ্গলতাপরিশীলনকোমলমলয়সমীরে
মধুকরনিকর করস্থিতকোকিলকুঞ্জিতকুঞ্জকুটীরে
বিরহতি হরিরিহ সরস বসন্তে ॥”

সহসা দূরে মহারাজার জয়ধ্বনি ধ্বনিত হইল এবং সেনাদলের বাণধ্বনি শ্রুত হইল।

গান বন্ধ হইল। সকলেই দ্বারের দিকে দৃষ্টি নিবদ্ধ করিলেন। মন্ত্রী স্থান ত্যাগ করিয়া সভাগৃহ ত্যাগ করিয়া যে দিক হইতে সেনাদল আসিতেছিল, সেই দিকে অগ্রসর হইলেন।

সেনাপতি সভায় আসিয়া রাজার জয়োচ্চারণ করিলেন।

রাজা ব্যস্ত হইয়া সংবাদ জিজ্ঞাসা করিলে, সেনাপতি বলিলেন, কলিঙ্গবিজয় সম্পূর্ণ হইয়াছে—কলিঙ্গরাজ রাজ্য ত্যাগ করিয়া পলায়ন করিয়াছেন ; রাজার নির্দেশানুসারে তিনি পরাভূত ও পলায়িত শত্রুর অনুসরণ করেন নাই।

রাজা জিজ্ঞাসা করিলেন, কলিঙ্গ-কুমারী ?

সেনাপতি নিবেদন করিলেন, “তিনি একাকিনী প্রাসাদে আমাদিগের আগমন প্রতীক্ষা করিতেছিলেন।”

রাজা সবিস্ময়ে জিজ্ঞাসা করিলেন, “কেন ?”

তিনি বলিলেন, এ বৃদ্ধ তাঁহারই জন্ত—শস্ত্র-নাশ, রক্তপাত, প্রজার ক্রন্দন এ সকল হইতে রাজ্যকে নিষ্কৃতিদান। জন্ত তিনি বন্দী হইতে অপেক্ষা করিতেছিলেন।

সভায় প্রশংসাপুঞ্জ শ্রুত হইল। রাজা যেন আশ্চর্য-বিস্মৃত হইয়া বলিলেন, “আশ্চর্য্য নারী।”—তাহার পরেই তিনি জিজ্ঞাসা করিলেন, “কলিঙ্গ-কুমারী কোথায় ?”

সেনাপতি বলিলেন, “তাঁহাকে সসন্মানে আনা হইয়াছে। মন্ত্রী মহাশয় তাঁহাকে শিবিকা হইতে নামাইয়া মন্ত্রণাকক্ষে অপেক্ষা করিতেছেন।”

এই সময় মন্ত্রণাকক্ষের দ্বারাবরণ সরাইয়া মন্ত্রী সভাগৃহে প্রবেশ করিলেন—পশ্চাতে কলিঙ্গ-কুমারী দৃঢ়পদে আসিলেন—দৃষ্টি নত। তিনি রাজাকে যুক্তকরে প্রণাম করিলেই মন্ত্রী বলিলেন, “রাজন, কলিঙ্গ-কুমারী মানসিক উদ্বেগে ও দীর্ঘপথাতিবাহনে শ্রান্ত, অসুস্থ হইলে আমি তাঁহাকে আমার গৃহে পাঠাইয়া দিতে চাহি।”

রাজার দৃষ্টি তরুণীর মুখে নিবদ্ধ হইল। তিনি অন্তমনস্কভাবে বলিলেন, “তথাস্তু।”

কলিঙ্গ-কুমারী নত দৃষ্টি তুলিয়া রাজার দিকে চাহিলেন—চারি চক্ষুর দৃষ্টি মিলিত হইল। মন্ত্রী তাহা লক্ষ্য করিলেন, নীলকান্তকে নির্দেশ দিলেন, যান প্রস্তুত আছে, কলিঙ্গ-কুমারীকে তাঁহার গৃহে লইয়া যাওয়া হউক ; তিনি সভাভঙ্গ হইলে যাইবেন। মহারাজা পরে যেরূপ নির্দেশ দিবেন, তদনুসারে কাষ হইবে। পদ্মাবতী সভাগৃহ ত্যাগ করিলেন।

রাজা বলিলেন, “মন্ত্রী, কলিঙ্গ-কুমারীর সম্বন্ধে নির্দেশ ত আমি বৃদ্ধ-বোধণার সঙ্গে সঙ্গেই দিয়াছি ; তদনুসারেই কাষ হইবে—চণ্ডালে অর্পণ—”

রাজার উক্তি শেষ না হইতেই মন্ত্রী বলিলেন, “মহারাজ, যে শতদল দেবচরণে বা রাজকরে শোভা পায়, তাহাকে চণ্ডালের করে অর্পণ করা কি অভিপ্রেত ? রাজ্যের—উৎকল ও কলিঙ্গ দুই রাজ্যের প্রজারা কি এই ব্যবহারে ব্যথিত হইবে না ?”

“কিন্তু অগবন্ধুর রত্নবেদী স্পর্শ করিয়া যে প্রতিজ্ঞা করিয়াছি, তাহা ভঙ্গ করা যে মহাপাপ।”

রাজা দীর্ঘশ্বাস ত্যাগ করিলেন।

মন্ত্রী আর কিছু বলিলেন না।

সভা ভঙ্গ হইল।

৮

পুরীর রাজ-মন্ত্রীর গৃহে একটি কক্ষে মন্ত্রীর কন্যা বিমলা ও কলিঙ্গ-কুমারী পদ্মাবতী উপবিষ্টা ছিলেন। উভয়ে প্রায় সমবয়সী—উভয়ে কয় মাসে সখীর ভাব ধনিষ্ঠ হইয়াছিল। বিশেষ মন্ত্রী কলিঙ্গ-কুমারীকে কন্যার মতই স্নেহদানে পালন করিতেছিলেন এবং সে পরিবারে—কেবল সে পরিবারে কেন, সকলেই—তাঁহার জন্ত দুঃখিত ছিলেন।

বিমলা সেতার লইয়া গান করিতেছিলেন—

“শ্রিতকমলাকুচমণ্ডল ধৃতকুণ্ডল
কলিতলতিবনমাল। জয় জয় দেব হরে ॥
দিনমণিমণ্ডমণ্ডল ভবখণ্ডন
মুণিজনমানসহংস। জয় জয় দেব হরে ॥
কালীয়বিষধরগঞ্জন জনরঞ্জন
বহুকুলনলিন-দিনেশ। জয় জয় দেব হরে ॥
মধুমুরনরকবিনাশন গরুড়াসন
সুরকুলকেলিনিদান। জয় জয় দেব হরে ॥
অমলকমলদললোচন ভবমোচন
ত্রিতুবনভবননিধান। জয় জয় দেব হরে ॥
জনকসুতাকৃতভূষণ জিতদুষণ
সমরসমিত দশকর্ষ। জয় জয় দেব হরে ॥
অভিনবজলধরসুন্দর ধৃতমন্দর
শ্রীমুখচন্দ্রচকোর। জয় জয় দেব হরে ॥
তব চরণে প্রণতা বয়মিতি ভাবয়
কুবকুশলং প্রণতেষু। জয় জয় দেব হরে ॥

সেতার রাখিয়া বিমলা উদ্দেশে হরিকে প্রণাম করিলেন।
পদ্মাবতীও দেবতার উদ্দেশে প্রণাম করিলেন।

বিমলা পদ্মাবতীকে জিজ্ঞাসা করিলেন, “ভগিনী, একটি
কথা জানিবার জন্ত আমার কৌতূহলের অন্ত নাই, কিন্তু
পাছে তাহা জানাইতে তোমার কোন আপত্তি থাকে বা
প্রকাশ করিতে তুমি ব্যথা পায়, সেই জন্ত জিজ্ঞাসা করিতে
সাহস করি না। জিজ্ঞাসা করিব কি?”

পদ্মাবতী বলিলেন, “ভগিনী, তুমি জানিতে পার না,
এমন কোন গোপন কথা এই অভাগিনীর কি থাকিতে
পারে? তোমাদিগের স্নেহের কথা কি আমি কখন
ভুলিতে পারি? যে দিন আমি বন্দিনী অবস্থায় এই নগরে
নীত হই, সেই দিন হইতে তোমার পিতা আমাকে কস্তার
মত স্নেহেই রক্ষা করিয়া আসিতেছেন। তোমার মাতা—
আমি যে মাতৃস্নেহে বাল্যকালাবধি বঞ্চিত আমাকে তাহাই
দিয়া ধন্ত করিয়াছেন। আর তুমি—আমি কি জানি না,
তুমি কেবল আমারই জন্ত এই কয়মাস কাল পতিগৃহ হইতে
আসিয়া পিতৃ-গৃহেই রহিয়াছ? তুমি কি জিজ্ঞাসা করিবে?”

“আমার কেবলই জানিতে কৌতূহল হয়, কেন তুমি
পিতার সহিত কলিঙ্গ হইতে পলায়ন কর নাই?”

“আমার জীবনের কথা বাহা জান, তাহাতেই বুঝিয়াছ,

বিমাতার শাসিত সংসারে আমার সুখ ছিল না—মনের
শান্তি-নাশেরও সম্ভাবনা ঘটয়াছিল; কারণ, তিনি কর্তৃত্ব
রক্ষার জন্ত আমার কৃতি করিতে কেবল প্রস্তুতই ছিলেন না
—উত্তমও হইয়াছিলেন। আর”—একটু ইতস্ততঃ করিয়া
তিনি বলিলেন, “আর আমি পুরীরাজের প্রতিজ্ঞার বিষয়
অবগত ছিলাম না।”

পদ্মাবতীর চক্ষু হইতে অশ্রু—কমলদলের উপরস্থিত জল-
বিন্দু যেমন বাতাসে কমল আন্দোলিত হইলে পতিত হয়—
তেমনই পতিত হইল।

বিমলা স্নেহে নিজ অঞ্চলে পদ্মাবতীর অশ্রু মুছাইয়া
জিজ্ঞাসা করিলেন, “তুমি কি পুরীরাজকে পূর্বে
দেখিয়াছিলে?”

পদ্মাবতী নতদৃষ্টি হইয়া বলিলেন, “হাঁ।”

“কোথায়?”

“গত বৎসর আমি বিমাতার সহিত গোপনে রথযাত্রার
সময় পুরীতে আসিয়াছিলাম—তখন।”

“তবে কি তুমি তাঁহাকে—”

তাঁহার কথা শেষ হইতে না দিয়া পদ্মাবতী তাঁহার হস্ত
ধারণ করিয়া কাতরভাবে বলিলেন, “বসন্তের বাতাসে যেমন
লতার ফুল আত্মপ্রকাশ করে—তোমার স্নেহসিক্ত জিজ্ঞাসায়
তেমনই যে গোপনভাব প্রকাশ পাইয়াছে—তাহার বিষয়
আর জিজ্ঞাসা করিও না—হায় নারী জন্ম!”

বিমলা বলিলেন, “বাবা ইহা জানিলে নিশ্চয়ই—”

বাধা দিয়া পদ্মাবতী বলিলেন, “একান্ত অহুরোধ,
কাহাকেও ইহা জানাইও না। অপমানের উপর লজ্জা—
কৃতে ক্ষারক্ষেপ। আমরা হিন্দু নারী, যাহারা মৃত্যুকে বরণ
করিতে ভয় করে না—স্নেহেই অনলে আত্মাহুতি দেয়।”

৯

রথযাত্রা। মন্দির হইতে আসিয়া জগন্নাথ, বলরাম ও
সুভদ্রা রথে আরোহণ করিয়া সর্বসাধারণকে দর্শন দিবেন;
সকলে জগন্নাথের রথের রজু আকর্ষণ করিবার সৌভাগ্য-
লাভ করিবে। রথে জগন্নাথকে দর্শন করিলে আর জন্ম-
গ্রহণ করিতে হয় না—এই বিশ্বাসে সমগ্র হিন্দুস্থানের সকল
দেশ হইতে নর-নারী এই সময় ত্রীকৈজে সমবেত হইয়া
থাকেন। সমগ্র নগর জনপূর্ণ।

রথযাত্রার দিন প্রত্যহ বিমলা পদ্মাবতীকে বলিলেন—

ঠাঁহার পিতা-মাতার সহিত তিনিও রথে জগন্নাথকে দর্শন করিতে যাইবেন—পদ্মাবতীকেও যাইতে হইবে। প্রস্তাব শুনিয়া পদ্মাবতী বিস্মিত হইলেন ; বলিলেন, তিনি রণজিতা—বন্দী ; ঠাঁহার মুখ দেবতাকে বা মানবকে দেখাইতেও লজ্জা। কিন্তু বিমলা যখন বলিলেন, ঠাঁহার পিতার বিশেষ অমুরোধ—পদ্মাবতী ঠাঁহার সহিত গমন করেন, তখন পদ্মাবতী বলিলেন—মন্ত্রীর অমুরোধ ঠাঁহার পক্ষে কণ্ঠার নিকট পিতার আদেশ—ঠাঁহার যত কষ্টই কেন হউক না, তিনি সে আদেশ পালন করিবেন।

যথা সময়ে মন্দির হইতে ছড়িদার আসিয়া সংবাদ দিলে মন্ত্রীর পত্নী বিমলাকে, পদ্মাবতীকে ও আত্মীয়া প্রভৃতিকে লইয়া রথযাত্রার পথিপার্শ্বস্থ নির্দিষ্ট স্থানে গমন করিলেন। মন্ত্রী প্রথাসুসারে পূর্বেই রথযাত্রার ব্যবস্থার জন্ত মন্দিরে গমন করিয়াছিলেন।

দেববিগ্রহগুলি তখন রথত্রয়ে স্থাপিত হইয়াছে—রথ যাত্রার জন্ত প্রস্তুত। রথের রজ্জুতে দুইটি সুসজ্জিত হস্তী বদ্ধ হইয়াছে—ভক্তদল রজ্জু আকর্ষণ করিবার জন্ত আগ্রহ প্রকাশ করিতেছেন। তুর্য্যধ্বনি হইলে হস্তী অশ্ব পদাতিকসহ শোভাযাত্রা করিয়া পুরীর রাজা আসিবেন—দেবতার নিকট মানব, দেববলের নিকট বাহুবল তুচ্ছ ইহাই দেখাইবার জন্ত প্রথা—পুরীর রাজা মূল্যবান সন্মার্জ্জনী লইয়া রথের মার্জ্জন করিবেন। তাহার পরে রথযাত্রা আরম্ভ হইবে।

তিনবার তুর্য্যধ্বনি হইল। শোভাযাত্রা আসিল। রাজা সুসজ্জিত হস্তী হইতে অনায়াসে অবতরণ করিলেন। তৃত্য সন্মার্জ্জনী আনিয়া দিল। রাজা তাহা গ্রহণ করিয়া রথের গমন-পথ মার্জ্জন করিতে প্রবৃত্ত হইলেন।

মন্ত্রী ত্রস্ত গতিতে ঠাঁহার পরিজনগণের জন্ত নির্দিষ্ট স্থানে আসিয়া কলিঙ্গ-কুমারীর দক্ষিণ হস্ত ধারণ করিয়া—ঠাঁহাকে লইয়া পথের উপর উপস্থিত হইয়া রাজাকে বলিলেন, “রাজনির্দেশে আমি আপনাকে এই কণ্ঠা প্রদান করিতেছি।”

জনতা হইতে উখিত হর্ষ-কোলাহল গগন পবন পূর্ণ করিল।

রাজা বলিলেন, “মন্ত্রী, কাহাকে কি বলিতেছেন ?”

মন্ত্রী কঙ্কুর্থে বলিলেন, “আমার প্রভু বিষমসমর-বিজয়ী পুরীরাজ—সূর্য্যবংশদীপ পুরুষোত্তমদেব জগবন্ধুর রত্নবেদী স্পর্শ করিয়া প্রতিজ্ঞাবদ্ধ হইয়াছিলেন—কলিঙ্গ-রাজের অসঙ্গত ও উদ্ধত ব্যবহারের প্রতিশোধে তিনি কলিঙ্গ বিজয় ও কলিঙ্গ-রাজকণ্ঠাকে চণ্ডালে অর্পণ করিবেন। সেই প্রতিজ্ঞার একাধিক পূর্ণ হইয়াছে—কলিঙ্গ-বিজয় হইয়াছে ; দ্বিতীয়াদিক পূর্ণ করিবার ভার প্রভু আমাকে দিয়াছিলেন—আজ আমি তাহা পূর্ণ করিয়া রাজাদেশ পালন করিতেছি। আমার প্রভুর আদেশ ছিল—কলিঙ্গ-কুমারীকে চণ্ডালে অর্পণ করিতে হইবে। আজ আপনি চণ্ডাল—যাঁহার রত্নবেদী স্পর্শ করিয়া রাজা প্রতিজ্ঞা করিয়াছিলেন, ঠাঁহারই সম্মুখে আমি আপনাকে এই কণ্ঠা সমর্পণ করিতেছি—রাজাদেশ আপনাকে পালন করিতেই হইবে।”

রাজাকে নির্ঝাক দেখিয়া মন্ত্রী বলিলেন, “রাজন, আমি এই রাজবংশে মন্ত্রিত্ব করিয়া মানব-চরিত্র-জ্ঞান অর্জন করিয়াছি। আমি আপনার যেমন কলিঙ্গ-কুমারীরও তেমনই মনোভাব নথদর্পণে দেখিতেছি। যে প্রতিজ্ঞা আপনাদিগের মিলনে বাধা ছিল, তাহা আজ দূর হইয়াছে। কলিঙ্গ-কুমারী আপনার উপযুক্ত পত্নী—আপনি ইঁহার উপযুক্ত পতি।”

মন্ত্রী রাজার হস্ত লইয়া তাহার উপর পদ্মাবতীর হস্ত অর্পণ করিলেন। জনতা হর্ষধ্বনি করিয়া উঠিল।

মন্ত্রী বলিলেন, “রাজন ও রাজ্ঞী, জনতার—প্রজার এই হর্ষধ্বনি আজ শুভদিনে আপনাদিগের মিলনের মঙ্গলশঙ্খ-নির্নাদ—আপনাদিগের সৌভাগ্য ঘোষণা করিতেছে।”

তিনি যুক্তকরে রথারূঢ় জগন্নাথকে প্রণাম করিলেন। সহস্র সহস্র কণ্ঠে উচ্চারিত হইল—“জয় জগন্নাথ ! জয় জগন্নাথ ! জয় জগন্নাথ !”



সাহিত্যে রূপক ও প্রতীক

অধ্যাপক শ্রীঅমূল্যধন মুখোপাধ্যায় এম-এ, পি-আর-এস

(পূর্বপ্রকাশিতের পর)

Blakeর কাব্যের আলোচনা প্রসঙ্গে প্রতীকের প্রকার-ভেদ সম্বন্ধে কিছু বলা দরকার। প্রতীকের সংজ্ঞা আগেই দেওয়া হয়েছে; যে প্রত্যক্ষ বস্তু অপ্রত্যক্ষের সঙ্গে বিজড়িত, তারই সঙ্গে ঘনিষ্ঠ সংস্পর্শের জন্তু তারই অংশ কিংবা মূর্ত্ত প্রকাশ বা প্রতিনিধি বলে উপলব্ধ হয়, তাকেই বলা যায় প্রতীক। প্রতীক নির্দেশ পদার্থের একটা সাক্ষাৎ প্রতীতি এনে দেয়, সেই পদার্থের স্থানে প্রতীককে বসালেই কাজ চলে যায়। প্রতীক, রবীন্দ্রনাথের ভাষায় বলতে গেলে, “এক দিকে ঘরের, আর একদিকে অস্তরের; তাহাকে একদিকে স্পর্শ করিতেছি, সে আর একদিকে সমস্ত আয়তনের অতীত।” প্রতীকের এই সাধারণ লক্ষণ হ'লেও প্রতীক নানা প্রকারের হ'তে পারে। কতকগুলো সাধারণ বস্তুকে, যেমন ধূপ, দীপ, সাদা, লাল, সবুজ প্রভৃতি রঙকে অনেক সময় প্রতীক হিসেবে ব্যবহার করা হয়। এই সব বস্তুর সঙ্গে যে ভাবধারা জড়িত আছে, তা সর্বলোক-বিদিত। কিন্তু অনেক সময় এই সব প্রতীকে কুলিয়ে ওঠে না। ইচ্ছামত বিশেষ বিশেষ বস্তুকে বিশেষ বিশেষ ভাবের প্রতীক ভাবে ধরে নেওয়া হয়। প্রত্যেক ধর্মে তাই করা হয়েছে। খৃষ্টান ধর্মে কতক-গুলি প্রতীক গ্রহণ করা হয়েছে। সেই ধর্মের অন্তর্ভুক্ত বিশেষ বিশেষ সম্প্রদায়ের বিভিন্ন লেখক-গোষ্ঠীর আবার বিশিষ্ট প্রতীক আছে। এই জগৎ প্রতীক রচনার মর্ম উপযুক্ত টীকা টিপনীর সাহায্য ছাড়া অনেক সময় বোঝা যায় না। Blakeএর কাব্য এ জগৎ অনেক সময়েই দুঃস্বপ্নবেশ। এ ছাড়া আবার লেখক কখনও কখনও নিজের রুচিমত প্রতীকের সৃষ্টি করেন। তখন পাঠকের পক্ষে রচনা একেবারেই দুর্বোধ্য হয়ে উঠতে পারে, যদি না সেই প্রতীক রচনার পরিভাষা তাঁর জানা থাকে।

উনবিংশ শতাব্দীর শেষের দিকে ফরাসী দেশে একদল লেখক (symbolists) এই রকম ভাবে নব-কল্পিত প্রতীকের সাহায্যে কাব্য-লেখার চেষ্টা করেন। প্রাচীন প্রতীক তাঁরা গ্রহণ কর্তে পারেন নি, কারণ তাঁদের মনে প্রাচীনদের বিশ্বাস, সংস্কার বা অনুভূতি কিছুই ছিল না। অথচ প্রতীকের আবশ্যিকতা তাঁরা বোধ করেছিলেন। শিল্পে স্বভাববাদের বাস্তবতা ও সৃষ্টিতার বিপক্ষে এঁরা বিদ্রোহ করেন। বাস্তবের ছবি আঁকা, ভাবের উচ্ছ্বাস, কল্পনার বিলাস তাঁদের লক্ষ্য ছিলনা। এঁরা চেয়েছিলেন মনের সূক্ষ্ম গূঢ় অনুভূতি ও প্রেরণাকে প্রকাশ কর্তে। পার্থিব ব্যবহারের ভাষা দিয়ে এই সূক্ষ্ম উপলব্ধির প্রকাশ করা যায় না। তাঁরা অলঙ্কারের কৃত্রিমতার জগৎ তাও বর্জন করেছিলেন। সুতরাং ইঙ্গিতই তাঁদের ভাব প্রকাশের একমাত্র উপায় দেখে নুতন প্রতীকের সৃষ্টি করেন; বিশিষ্ট অর্থে বিশেষ বিশেষ বস্তু,

শব্দ ও ধ্বনি প্রয়োগ কর্তে আরম্ভ করেন। কিন্তু তার ফলে তাঁদের রচনা সব সময়ে সকল-সহৃদয়-সহৃদয়সংবাদী হয়েছিল কিনা, অর্থাৎ কাব্যের মূখ্য উদ্দেশ্য পূর্ণ কর্তে পেরেছিল কিনা, সেটা সন্দেহের বিষয়। তবে অবশ্য গুণী লেখক তাঁর নিজস্ব প্রতীকের তাৎপর্য সহৃদয় পাঠকের কাছে ফুটিয়ে তুলতে পারেন। তাঁদের প্রভাব অল্প দেশেও ছড়িয়ে পড়েছে। Yeatsর কাব্যে প্রতীকের একটা বিশিষ্ট স্থান আছে। সে সব প্রতীক প্রাচীন Irelandর কাহিনী ও সংস্কারের সহিত জড়িত। সাম্প্রতিক ইংরেজি কাব্যের অগ্রতম নায়ক T. S. Eliotর The Hollow Men, The Waste Land প্রভৃতি কবিতাতে নিজস্ব, অভিনব প্রতীকের প্রচুর প্রয়োগ দেখা যায়। তাঁর প্রতীক আধুনিক সুশিক্ষিত মনের সংস্কারের সহিত বিজড়িত এবং আমাদের সাহিত্যিক ঐতিহ্যের উপর প্রতিষ্ঠিত।

প্রাচ্য সাহিত্যে প্রতীকের ব্যবহার বহুল প্রচলিত। পারস্যদেশে রুমী, হাফিজ, ওমর খৈয়াম প্রভৃতির কাব্যে প্রতীকের প্রচুর প্রয়োগ দেখা যায়। দ্রাক্ষা, সুরা, বাগিচা, গোলাপ, সাকী, বুলবুল, সরাই, পেয়ালার, অবগুষ্ঠন প্রভৃতি প্রতীক বিশিষ্ট গূঢ় অর্থে তাঁদের কাব্যে ব্যবহৃত হ'য়েছে। ওমর খৈয়ামের আধুনিকীকৃত অনুবাদেও এই প্রতীক পন্থার কিছু কিছু পরিচয় পাওয়া যায়।

I tell Thee this—when starting from the Goal,
Over the shoulders of the flaming Foal
Of Heaven Parwin and Mushtore they flung,
In my predestin'd plot of Dust and Soul.

এ কথা স্বীকার কর্তেই হ'বে যে সংস্কৃত সাহিত্যে উপমা, রূপক ইত্যাদির ছড়াছড়ি থাকলেও তাতে প্রতীকের ব্যবহার খুব কম। স্পষ্টবাদী ক্লাসিক্যাল মন কোন দেশেই প্রতীকের প্রতি অনুকূল নয়। কিন্তু মধ্যযুগে ভারতবর্ষে যে সমস্ত গুহ্য অধ্যাত্মজ্ঞানের চর্চা চলেছিল, তারই আনুমানিক রূপে, ধর্মে, কর্মে ও জীবনের নানা ক্ষেত্রে প্রতীকের ব্যবহার খুবই চলেছিল এবং সঙ্গে সঙ্গে একটা প্রতীক সাহিত্যও গড়ে উঠেছিল। বাংলা সাহিত্যের প্রাচীনতম গ্রন্থ চর্যাপদের অনেকগুলি পদ যে প্রতীক কাব্য সে বিষয়ে সন্দেহ নাই।

হুলি হুহি পিটা ধরণ ন জাই।
রূপের তেস্তলি কুস্তীরে খাই।
আগ্নন ঘরণ সুন ভো বিআতী,
কানেট চোরে নিল অধরাতী।

স্বপ্না নিদ গেল বহুদী জাগর।

কানেট চোরে নিল কা গই মাগর ॥

এই জাতীয় পদকে রূপক বলা চলে না, এ সব প্রতীক কাব্য।

চর্যাপদের পরে বাঙলায় সহজিয়া প্রভৃতি নানা গুহ ধর্মাচারের (cult) আনুষ্ঠানিক ভাবে অনেক প্রতীক কবিতা রচিত হ'য়েছিল। বাউল, ভাটিয়ালী গান, কর্তাভজা-সম্প্রদায়ের গান ও এবংবিধ অশাস্ত্র কাব্যে প্রতীকের ব্যবহার ছিল। কিন্তু বৈষ্ণবকাব্যে প্রতীকের ব্যবহার কম। বৈষ্ণবকাব্যে ভাবসম্পদ প্রচুর, অনুভূতি প্রগাঢ়। কিন্তু সে কাব্য "দেবতারে প্রিয় করি, প্রিয়েরে দেবতা" করে, আমাদের কুটীর প্রাঙ্গণকেই বৈকুণ্ঠ করে তোলে। বৈষ্ণব কবিতা মানবিকতায় পরিপূর্ণ, সুতরাং তা'তে যে প্রতীকের আবশ্যকতা কম শুধু তাই নয়, প্রতীক অনেক পরিমাণে বৈষ্ণব কাব্যের উদ্ভিষ্ট রসের বিরোধী। বিছাপতি, চণ্ডীকাস, জ্ঞানদাস, গোবিন্দদাস প্রভৃতি শ্রেষ্ঠ বৈষ্ণব কবিদের বিখ্যাত পদগুলিতে—মানবিক উপাদান ও স্বাভাবিক পদ্ধতি-ই আমরা দেখতে পাই। বোধ করি এই জন্মই ঐ পদগুলি এত মনোহর ও তার আবেদন এত উদার। তবে এমন সব বৈষ্ণবপদ-ও আছে, যা'তে প্রতীকের ব্যবহার আছে, যেখানে এক একটি কথা সুদূরপ্রসারী চিন্তা ও ভাবের প্রতিভূ এবং সেই সব কথা দিয়েই একটা লোকদুর্লভ রসলোকের সৃষ্টি করা হ'য়েছে। রাধাকৃষ্ণের মিলন, ঝুলন ইত্যাদি এই সব পদের বিষয় এবং মানবদুর্লভ উপলব্ধি তাহার প্রতিপাদ্য।

এই প্রসঙ্গে কাব্যে প্রতীকের ব্যবহার সম্বন্ধে দু'একটি কথা বলা দরকার। কাব্য সকল-সহৃদয়-সংবাদী না হ'লে কাব্য-রচনাই ব্যর্থ হ'য়ে যায়। সুতরাং সহৃদয়কে যে মাধ্যমে আবেদন করা যায়, সেই রকম মাধ্যমই কাব্যের পক্ষে প্রশস্ত। সুতরাং প্রতীক যদি একেবারে সাক্ষ্যভাষার অর্থাৎ সাম্প্রদায়িক বা ব্যক্তিগত পরিভাষার বিষয় হ'য়ে দাঁড়ায়, তবে কাব্যরস সৃষ্টির পক্ষে তা' বিঘ্ন-স্বরূপ হ'তে পারে। Poetry should be simple, sensuous and passionate' (Milton) এ কথার সত্যতা সম্বন্ধে সন্দেহ নেই।

তয়া কবিতয়া কিং বা

তয়া বনিতয়া বা কিং।

পদ-বিশ্বাস-মাত্রাণ

যয়া নাপহুতং মনঃ ॥

এ কথাও সত্য। তবে এ কথাও বলতে হবে যে সহৃদয়ের কাণ্ডজ্ঞান, ভাবাজ্ঞান, রসবোধের ক্ষমতা ইত্যাদি গুণ আছে, তা যেমন কবি ধরে নিতে পারেন, তেমনি তার পক্ষে কতকগুলি প্রতীকের ইঙ্গিত বোঝা সম্ভব হবে, এটাও কবি আশা কর্তে পারেন। সমস্তটা হচ্ছে প্রতীকের প্রচলিত নিয়ম। Dante'র পক্ষে প্রতীকের ব্যবহারে তাঁর কাব্যের ক্ষতি হয় নি, Blake'র হয়ত হয়েছে, কারণ Blake'এর ব্যবহৃত প্রতীকগুলি অপেক্ষাকৃত অপ্রচলিত। স্বকপোলকল্পিত প্রতীক চালাতে গেলে মন্বিল আরও বেশী হয়। তবে গুণী লেখক কি ভাবে আধুনিক

কালেও পাঠকসাধারণের জ্ঞান, অভিজ্ঞতা, সংস্কার, ঐতিহ্য, অবচেতনার সুযোগ নিয়ে প্রতীক সাহিত্য রচনায় সিদ্ধকাম হতে পারেন, তার প্রশংসা হচ্ছে Eliot ও রবীন্দ্রনাথের রচনা।

(৩)

রবীন্দ্র-সাহিত্যে প্রতীকের ব্যবহার বেশী নয়। ধর্ম ও ব্যবহারে তিনি সহজ হবার চেষ্টাই কর্তেন—“রুক্মিণীর দেবালয়ের কোণে” বসে গুহ পদ্ধতির “ভজন পূজন সাধন আরাধনার” যেমন কোন মূল্য তাঁর কাছে নেই, তেমনি কৃত্রিম পারিভাষিক তাৎপর্যে পরিপূর্ণ প্রতীক ব্যবহারও তাঁর কাছে অসাহিত্যিক রীতি বলে পরিগণিত হত। সাহিত্যকে তিনি সকলের সহিত মনে প্রাণে মিলনের উপায় বলেই জানতেন, সকলের কাছে শব্দের যে অর্থ অজ্ঞাত ও অপরিষ্কৃত সে অর্থ তিনি গ্রহণ কর্তেন না। কাজেই কোন রকমের সাক্ষ্যভাষা তিনি ব্যবহার করেন নি। তিনি কাব্যরীতিতেও পৌত্রলিকতা বা প্রতীক-পূজার বিরোধী ছিলেন। তাঁর কাব্যে মানবিক রস ও স্বভাবোক্তিবাদই প্রাধান্য পেয়েছে। তাঁর কাব্যের প্রধান উপকরণ হচ্ছে মানবহৃদয় অনুভূতি ও তীক্ষ্ণ মননশীলতা। সুতরাং প্রতীকপন্থী রচনা তাঁর কাছে থেকে আশা করা যায় না। কিন্তু মননশীলতার আতিশয্যের জন্ম, বিশ্লেষণী বুদ্ধির প্রাবল্যের জন্ম তাঁর রচনায় রূপকের প্রাচুর্য স্বভাবতঃই ঘটেছিল। তাঁর গল্পে পড়ে উপমা ও রূপক অলঙ্কারের ছড়াছড়ি ত আছেই; তা' ছাড়া যখনই তিনি অনির্বচনীয়ের কথা প্রকাশ কর্তে গেছেন, তখনই তাঁর রচনা রূপক হয়ে দাঁড়িয়েছে। তবে সুপরিপক্কিত সাক্ষ্যরূপক তিনি রচনার প্রয়াস করেন নাই, বোধ হয় যে কারণে তিনি মহাকাব্য রচনারও প্রয়াস করেন নাই। ‘ক্ষণিকের অতিথি’দের নিয়েই তিনি ব্যস্ত।

তবে কিছু কিছু প্রতীক যে তাঁর রচনায় স্থান পায় নাই এমন নয়। তাঁর প্রতীক অবশ্য মধ্যযুগের হিন্দুধর্মের অন্তর্ভুক্ত নানা ধর্মসম্প্রদায়ের আনুষ্ঠানিক পরিভাষা থেকে গৃহীত হয় নাই। তবে হিন্দুধর্মের কয়েকটা মূল দার্শনিক তত্ত্বের সঙ্গে সম্পৃক্ত গুটিকতক প্রতীক তিনি গ্রহণ করেছেন এবং কালিদাসাদি কবির কাব্য থেকে ব্যঞ্জনা সম্পন্ন কয়েকটি বস্তু প্রতীক হিসাবে তাঁর কাব্যে ব্যবহার করেছেন। বৈষ্ণব কাব্য ও বাউল কাব্য থেকেও কিছু কিছু প্রতীক তিনি নিয়েছেন। এই সব প্রতীকের মধ্যে বীণা, বাঁশী, শঙ্খ, দীপ, মালা, বঁধু, তরী, রত্ন, নটরাজ, ছন্দ, নৃত্য প্রভৃতি প্রতীক প্রত্যয় উল্লেখযোগ্য। তবে এ সমস্ত প্রতীকের ব্যবহার তাঁর রচনায় বিক্ষিপ্ত ভাবেই বেশীর ভাগ করা হয়েছে, সামগ্রিক ভাবে প্রতীক রচনা কম-ই দেখা যায়। তার কারণ তাঁর এই স্বকল্পিত প্রতীকগুলি দিয়ে কোন পরিভাষা তিনি রচনা কর্তে পারেন নি, যেহেতু কোন বাঁধা আচার, অনুষ্ঠান, পদ্ধতির সঙ্গে তাদের সম্পর্ক নেই এবং তাঁর মানসিক ও আধ্যাত্মিক বোধের সঙ্গে এ সব প্রতীক অঙ্গাঙ্গিভাবে জড়িত নয়। এজন্য নিত্য নূতন সাময়িক রূপক-সৃষ্টি-ই তিনি করে গেছেন। তা ছাড়া প্রেমের স্থায় কাব্যেও তিনি সহজ পথের পথিক। তাঁরই কথা একটু ঘুরিয়ে নিলে দাঁড়ায়—

শুনেছিল কাব্যকুঞ্জে অনেক বীকা গলিবুজি।

আমার কিন্তু কাব্য লেখা নিতাস্তই এ সোজাহুজি।

পাঠক-ও রবীন্দ্রকাব্য পড়ে বলতে পারেন—

ওদের কথায় ধাঁদা লাগে

তোমার কথা আমি বুঝি।

রবীন্দ্রনাথের 'সোনার তরী' পর্বে প্রতীক কাব্য রচনার সূত্রপাত। 'সোনার তরী' ও 'নিরুদ্দেশ যাত্রা'য় তিনি নিজস্ব প্রতীক দিয়ে কবিতা লেখার চেষ্টা করেছিলেন। কিন্তু এ পথে তিনি তখন আর অগ্রসর হন নি। অনেক পরে গীতাঞ্জলি-বলাকার যুগে আবার তাঁর রচনার মধ্যে প্রতীক কবিতা কিছু কিছু পাই। 'গীতাঞ্জলি'র 'তোরা শুনি নি কি শুনি নি তার পায়ের ধ্বনি,' 'সীমার মাঝে অসীম তুমি বাজাও আপন সুর,' 'গীতিমাল্যের' 'দাঁড়িয়ে আছ তুমি আমার গানের ওপারে,' 'গীতালি'র 'এক হাতে ওর কৃপাণ আছে আর এক হাতে হার,' 'বলাকা'র 'তোমার শব্দ ধুলার পড়ে, কেমন করে সহিব,' 'জানি আনার পায়ের শব্দ রাত্রিদিনে শুন্তে তুমি পাও' প্রভৃতি অনেকগুলি রচনাকে প্রতীক কবিতা বলা যায়। তাঁর গীতিকাব্য 'নটরাজ' সার্থক প্রতীক রচনা। রবীন্দ্রনাথের কোন কোন গানও প্রতীক সাহিত্যের অন্তর্গত বলা যায়, যেমন 'প্রলয় নাচন নাচলে যখন আপন ভুলে' 'আমি কান পেতে রই আমার আপন হৃদয়-গহন-দ্বারে' ইত্যাদি।

তবুও মোটামুটি ভাবে বলতে গেলে স্বীকার কর্তেই হবে যে রবীন্দ্র-কাব্য প্রতীক সাহিত্যের অন্তর্ভুক্ত নয়। এই সিদ্ধান্তে হয়ত কেহ কেহ হতাশ হবেন। তবু কথাটা সত্য। রবীন্দ্রনাথের কাব্যে অলৌকিক রহস্যের অনুভূতি যথেষ্টই আছে, কিন্তু সে অনুভূতি প্রকাশ পেয়েছে বেশিটা রূপকের মধ্যে, প্রতীকের মধ্যে নয়। তা' ছাড়া তাঁর প্রিয় কতকগুলি প্রতীকের বহুল ব্যবহার তিনি করেছেন, সে সব ব্যঞ্জনা-সম্পদে গরীবান্ ; কিন্তু সে সমস্ত প্রতীক তাঁর রূপক কবিতা ও অছাশ্রু কাব্যের মধ্যে ইতস্ততঃ বিক্ষিপ্ত ভাবেই আছে, বিষয়ীভূত হয় নাই। এ কথা স্মরণ রাখতে হবে যে অলৌকিক সম্বন্ধে রহস্যঘন অনুভূতি নানা প্রকারেই প্রকাশ করা সম্ভব, তাঁর জ্ঞান প্রতীকের ব্যবহার অপরিহার্য নয়। তা' ছাড়া সমাসোক্তি (Personification) বা ভাবিকের (Vision) প্রয়োগ, কিংবা অভিনবপূরণ-রচনা (mythmaking) প্রতীক-সৃষ্টি নয়। যে কাব্যে more is meant than meets the ear তাকেই প্রতীক কাব্য বলা যায় না। যদি প্রতীক-ই মুখ্য উপকরণ না হয়, তবে কোন রচনাকে প্রতীক রচনা বলা সম্ভব নয়।

এই প্রসঙ্গে রবীন্দ্রনাথের তত্ত্বমূলক নাটকগুলি সম্পর্কে আলোচনা করা যেতে পারে। সে গুলি প্রতীক-নাট্য কিনা সে বিষয়ে তর্ক উঠতে পারে। আলোচনার পূর্বে একবার রূপক নাট্য ও প্রতীক নাট্যের সংজ্ঞা ভাল করে বুঝে নেওয়া উচিত। রূপক নাট্যে থাকবে অপ্রত্যক্ষ তত্ত্ব-রূপের উপরে প্রত্যক্ষ একটা বস্তু-জগতের আরোপ ; দু'টো বিভিন্ন বস্তু, তা'দের মধ্যে একটা সমান্তরালতা রূপক নাট্যে ধরে নিতে হ'বে। রূপক নাট্যে জগৎটা রঙ্গমঞ্চে দৃশ্য, অপ্রত্যক্ষ জগৎটা নানা ইঙ্গিত দিয়ে

অনুমেয়। এই অপ্রত্যক্ষের দীপ্তি রঙ্গমঞ্চের উর্দ্ধস্থ লুকায়িত দীপমালার আলোকের শ্রায় বিচ্ছুরিত হয় ও পাত্র পাত্রীর দেহ, মন ও দৃশ্যপট উদ্ভাসিত ও অলৌকিক তাৎপর্যে পূর্ণ ক'রে তোলে। ফলে প্রত্যক্ষ চরিত্র, দৃশ্য ও ঘটনা অপ্রত্যক্ষ তত্ত্বের প্রতিভাস বলে' সহজেই প্রতীত হয় এবং এই প্রতীতি ব্যতিরেকে রূপক-নাট্য আমাদের কাছে সার্থক হয় না। প্রতীক নাট্যে কিন্তু দু'টো জগতের পাশাপাশি অস্তিত্ব কল্পনা করা হয় না। জগৎ একটাই ; কিন্তু সে জগতের অন্তর্ভুক্ত শ্রায় সব কিছুই প্রতীক, অর্থাৎ কোন একটা ভাবের সঙ্গে বিজড়িত সঙ্কেত। এই সব প্রতীক দিয়ে একটা নূতন জগৎ আমাদের সামনে দেখানো হয়, সে জগৎ আমাদের চেনা সংসার বা বস্তু-জগৎ নয়, সেটা একটা তত্ত্বমূলক অভিনব সৃষ্টি। এখানে কোন সাদৃশ্যের পরিকল্পনা নেই, জানা অজানা দু'টো জগতের মধ্যে কোন সমান্তরালতা আরোপ করা হয় নি। প্রতীক নাট্যের যথার্থ উদাহরণ হিসেবে দক্ষিণ ভারতের কথাকলি নাটক, যবদ্বীপের নৃত্য-নাটক ইত্যাদির নাম করা যেতে পারে। অবশ্য এ সব নাটকে কথার চেয়ে মুদ্রা, ভঙ্গী, গতি ইত্যাদি প্রধান। সাহিত্যিক প্রতীক নাট্যে তার উপাদানগুলি নৃত্যের মুদ্রার শ্রায় হওয়া উচিত ; অর্থাৎ সেগুলি হ'বে সঙ্কেত, উপমা নয়। গানের উপকরণ সুর, সুরের সঙ্গতি সৃষ্টি করে অলৌকিক ভাব প্রকাশ করা যায়, কিন্তু প্রত্যেকটি সুরকে যেমন কোন ভাবের রূপক বা সুরসঙ্গতিকে যেমন জাগতিক ব্যাপারের রূপক বলা যায় না, প্রতীক নাট্যেও তেমনি অলৌকিক ভাব ও তত্ত্বোক্ত হলেও তাকে রূপকের পধ্যায়ে ফেলা যায় না।

এইভাবে নিকষণ করলে দেখা যাবে যে রবীন্দ্রনাথের কোন নাটকই ঠিক প্রতীক নাটক নয়। তাঁর তাত্ত্বিক নাটকগুলি মোটামুটি দু'রকমের। কতকগুলো হ'চ্ছে রূপক, আর কতকগুলো হ'চ্ছে ব্যঞ্জনা-সম্পন্ন মানবিক নাটক। অবশ্য এই দুয়ের মিশ্রণ-ও অনেক জায়গায় হয়েছে। তা' ছাড়া রূপক নাট্যকে দর্শক সাধারণের পক্ষে রুচিকর ও লবুপাক করবার জন্তে অনেক সময় বাড়তি লঘুরসের মিশ্রণ দেওয়া হ'য়েছে। এই খাদ-টুকু না দিলে শুধু খাঁটি রূপক দিয়ে হয়ত মনোপ্রাহী ও অভিনয়োপযোগী মঞ্চ-সফল নাটক লেখা মুশ্কিল। তবে রূপক নাট্যের শুদ্ধ রীতি যে তিনি কখনও অনুসরণ করেন নি, এমন নয়।

দৃষ্টান্ত স্বরূপ রবীন্দ্রনাথের অবিসংবাদিতভাবে শ্রেষ্ঠ তাত্ত্বিক নাটক 'ডাকঘরে'র কথা বলা যেতে পারে। এর প্রত্যেক চরিত্র, প্রত্যেকটি ঘটনা, এমন কি অনেক কথাবার্তা পরিষ্কারভাবেই একটা তত্ত্বজগতের সমান্তরাল প্রতিচ্ছায়া। অমল, মাধবদত্ত, বৈজ্ঞ, ডাক-হরকরা, মণ্ডল, ঠাকুরদাদা, রাজবৈজ্ঞ, রাজা, হুধা প্রভৃতি চরিত্র ; অমলের ব্যাধি, তার উদাস ভাব, দূরের ঘণ্টাধ্বনি, ডাকঘর, হুধার উপহৃত পুষ্পগুচ্ছ, সব কিছুই স্পষ্টভাবে তত্ত্ব-জগতের রূপক। তবে এই নাটকের প্রধান মাধুর্য হ'চ্ছে, শুধু তত্ত্বকথার জন্তে নয়, যে সব চরিত্র ও যে স্বল্প-পরিসর জগতের এখানে সৃষ্টি হয়েছে তারই নিজস্ব সৌন্দর্যের জন্তে। চরিত্র-গুলি মানবিক রসে পরিপূর্ণ ও জীবন্ত, সংলাপ ও ঘটনা-বিস্তার স্বাভাবিক এবং ভাব-সমাবেশ রঙ্গমঞ্চ-রঙ্গম-সংবাদী। তত্ত্বের জন্তে নয়, জীবন-সত্যের

জন্মেই এই নাটকের মনোহারিত্ব। একেই শ্রেষ্ঠ শ্রেণীর রূপক বলা যেতে পারে, সমান্তরাল ভঙ্গুর কথা একেবারে ছেড়ে দিলেও এরকম রচনায় রসনিষ্পত্তির অসুবিধা হয় না।

অপরপক্ষে 'অরূপরতন' বা 'রাজা' নাটককে নীরস রূপক নাটক বলা যেতে পারে। এটা যে তত্ত্বকথার প্রতিচ্ছায়া সে বিষয়ে সন্দেহ নেই। রবীন্দ্রনাথ নিজে এই নাটকের যে ভূমিকা লিখেছেন, তা' থেকেই এর রূপকত্ব বেশ স্পষ্ট হ'য়ে ওঠে। এই নাটকের রাজা, স্বর্ণ, সুদর্শনা, সুরঙ্গমা এবং রবীন্দ্রনাথের তাত্ত্বিক নাটকে অপরিহায্য সর্ব-যট-বিহারী সর্বত্র ঠাকুরদাদা, সকলেই এক একটি তাত্ত্বিক প্রত্যয়ের বৃষ্টি : নামকরণ থেকেই চরিত্রগুলির তাত্ত্বিক স্বরূপ বেশ স্পষ্টই বৃষ্টিতে পারা যায়। নাটকের ঘটনা পারস্পর্য—সুদর্শনার আগ্রহ ও মোহ, অগ্নিদাহ, সুদর্শনার ভ্রান্তিনাশ ও দয়িতের সহিত মিলন—মানবাত্মার আধ্যাত্মিক অভিজ্ঞতার অতি স্পষ্ট প্রতিচ্ছায়া। এর তত্ত্বকথা জ্যামিতির প্রতিপাতের মতই বুদ্ধি-গ্রাহ্য এবং ক-প-গ ত্রিভুজকে চ-ছ-জ ত্রিভুজের উপর যেভাবে আরোপ করা হ'য়েছে তাতে রস-নিষ্পত্তি কিছুই নেই। রূপক বাদ দিলে ইহার চরিত্রগুলির মধ্যে প্রাণবত্তা বা ঘটনা-পারস্পর্যের মধ্যে কোন জীবন-সত্য পাওয়া যায় না। অবশ্য রবীন্দ্রনাথ অনেক স্থলে চমৎকার গান ও রসাল সংলাপ দিয়ে তত্ত্বের বটিকায় শর্করার প্রলেপ দেবার চেষ্টা করেছেন, কিন্তু তৎসঙ্গেও এই নাটকটি জ্যামিতিক প্রতিজ্ঞা ছাড়া আর কিছু হয় নি।

'অচলায়তন'ও রূপক। তবে এখানে নাটকের পাত্রদের চরিত্র অপেক্ষাকৃত প্রাণবন্ত। 'মহাপঞ্চক'র চরিত্রের মধ্যে বেশ সত্য আছে বলা যায়। তবে 'পঞ্চক' কবিহুময় একটা ছায়া-মূর্তি হ'য়ে দাঁড়িয়েছে। ঘটনা-পারস্পর্যের মধ্যে নাটকীয় গুণ কিছু কিছু আছে, কিন্তু তার মধ্যে যে সত্য আছে তা' মানবজীবনের নয়, ধর্মতত্ত্বের। এর অস্বনিহিত রূপককে ভারতের সামাজিক ইতিহাসের দিক থেকে কিংবা শুদ্ধ আধ্যাত্মিক দিক থেকে ব্যাখ্যা করা যেতে পারে।

'রক্ত-করবী' নাটকটি রূপক নাটক নয়, একথা রবীন্দ্রনাথ বলেছেন। কিন্তু যে ভাবে তিনি নিজেই এর তাৎপর্য নানা সময়ে বিবৃত করেছেন, তাতে এর রূপকত্ব তিনি নিজেই সপ্রমাণ করেছেন। তবে 'ডাকঘরের' পর্যায়ের উঠতে না পারলেও এখানে চরিত্রগুলির মধ্যে ব্যক্তিত্ব আছে, এবং ঘটনা-পারস্পর্যের মধ্যে অনেকটা সম্ভাব্যতা আছে। অনেকটা বলছি এই জন্মে যে, পাত্র-পাত্রীদের কথাবার্তা বেশ জীবন্ত ও চারিত্রিক বৈশিষ্ট্যময় হ'লেও মানব-চরিত্রের মানদণ্ডে যেন কতকটা অপ্রাকৃতিক বলে মনে হয়, ঘটনাচক্রেও বহুল পরিমাণে মানব জীবনের সত্য ও আধুনিক জগতের তথ্যের অসুসরণ করা হ'য়ে থাকলেও তাকে কতকটা দুনিয়া-ছাড়া বা অসম্ভাব্য বলতে হয়। অবশ্য তাতে খুব আসে যায় না, কারণ 'রক্তকরবী' বস্তুতঃ রূপক, একটা তত্ত্বের প্রতিচ্ছায়া হিসেবে এই নাটক রচিত হয়েছে, মানবজীবনের প্রতিফলন হিসেবে নয়। এই নাটকে রক্তকরবী, জালের জানালা প্রভৃতি প্রতীকের ব্যবহার থাকলেও একে প্রতীক নাট্য বলা চলে না। এখানে মধ্য চরিত্রগুলি প্রতীক নয়,

ঘটনাধারাতেও অলৌকিক সত্য কিছু প্রতিপন্ন হয় নাই, বরং নীতি-কথাই ফুটিয়ে তোলা হ'য়েছে। 'মুক্তধারাও এই রকমের নাটক।

'শারদোৎসব' নাটককে রূপক বলে ধরার কোন আবশ্যিকতা নেই। উপানন্দ, লক্ষ্মেশ্বর, সন্ন্যাসী, ঠাকুরদাদা, বিজয়াদিত্য প্রভৃতি চরিত্রকে আমরা নানা প্রকৃতির মানুষ বলেই ধর্মে পারি। এর আধ্যাত্মিককে একটা সরল কাহিনী বলে গ্রহণ করা যেতে পারে। চরিত্র বা ঘটনা কোনটাকেই একটা তত্ত্বের প্রতিবিম্ব বলে নেওয়ার দরকার নেই। সমগ্র নাটকের ভেতর দিয়ে একটা আধ্যাত্মিক আদর্শের প্রচার করা হ'য়েছে এই মাত্র। এ রকম নাটক রূপক নয়, কথামৃত।

'ফাল্গুনী'-ও তাত্ত্বিক নাটক। প্রস্তাবনায় এই তত্ত্ব এক রকম স্পষ্ট ক'রেই ব্যাখ্যা করা হ'য়েছে; নাটকের কয়েকটি অঙ্কের প্রথমে সূত্রপাত, সন্ধান, সন্দেহ, প্রকাশ এই চারটি পরিচায়ক দিয়ে—এর তত্ত্বটার বিভিন্ন অংশের ইঙ্গিত করা হয়েছে। কিন্তু একে পুরোপুরি রূপক বা সাক্ষ-রূপক বলা কঠিন। আধ্যাত্মিক বলতে তেমন কিছু এখানে নেই, কবি-মনের আবেগই যেন একটা গীতমুগুর কাকলীর নানা পর্দায় ও মুচ্ছনায় বেজে উঠেছে। চরিত্র অঙ্কনের কোন চেষ্টা করা হয়নি। কেন্দ্রীয় অনুভূতির আঙ্গিক এক একটা ভাব যেন এক একটা নামকে অবলম্বন করে সংলাপের ভেতর দিয়ে প্রকাশ পেয়েছে। এ সংলাপে মানবজীবনের দ্বন্দ্ব বা মানবচরিত্রের সংঘাত দেখান হয় নি, উপলব্ধির বিভিন্ন দিক আবেগোচ্ছ্বাস দিয়ে প্রকট করা হয়েছে। 'ফাল্গুনী' সর্বথাই গীতিনাট্য। ঠিক রূপক না হ'লেও রচনা হিসেবে এটা যে শিল্পসিদ্ধ হয়েছে তার কারণ এই যে, এখানে রবীন্দ্রনাথ তত্ত্বের প্রতিরূপ হিসেবে গীত ও গীতধর্মী উচ্ছ্বাস দেওয়ার ফলে কবির উচ্ছ্বাসময় অনুভূতি ও তার প্রকাশ বেশ চমৎকার ভাবে খাপ খেয়ে গেছে।

সুতরাং বলা যেতে পারে রবীন্দ্রনাথের তাত্ত্বিক নাটকগুলির মধ্যে কতকগুলির পরিষ্কার রূপক, কতকগুলি রূপক লক্ষণাক্রান্ত হ'লেও পুরোপুরি রূপক নয়। এই শেষোক্ত ধরনের রচনাকে কেউ কেউ প্রতীক নাটক বলতে চান। কিন্তু সে অভিধা সম্ভব হ'বে না। অসম্পূর্ণ রূপক-কে প্রতীক বলা চলে না। তবে এ সব নাটককে কি বলা হবে? রূপক হিসেবে অসম্পূর্ণ হ'লেও রচনা হিসেবে এ-সব নাটককে ত অক্ষম বা অচল বলা চলে না। তবে কি বলা হবে?

এই সমস্ত নাটক রচনায় রবীন্দ্রনাথ যে Materlinck প্রভৃতির রচনার দ্বারা প্রভাবিত হ'য়েছিলেন, সে বিষয়ে সন্দেহ নেই। Materlinckর The sightless অবশ্য রূপক, চমৎকার রসময় রূপক। কিন্তু Materlinckর The blue bird কি রকম নাটক? রূপকের অনেক লক্ষণ থাকলেও একে রূপক-নাট্য বলা চলে না, কারণ এখানে কোন তত্ত্বকে ঘটনার রূপ দেওয়া হয় নি। কবিচিন্তের একটা অলৌকিক অভিজ্ঞতার কাহিনী কতকটা রূপক, কতকটা প্রতীক, কতকটা স্বভাবোক্তি, কতকটা উৎকলনার সহযোগে প্রকাশ করা হয়েছে। এ ধরনের নাটককে সমালোচনার আল্পা ভাষায় symbolic বলা হবে থাকে। কিন্তু এও কি স্বার্থ প্রতীক-নাট্য? তা-ও ত নয়।

সুতরাং এই সমস্ত তাত্ত্বিক নাটককে যদি আমরা সাঙ্কেতিক বলি তা হ'লেই বোধ হয় ভাল হয়। সাঙ্কেতিক শব্দটা রূপক বা প্রতীকের চেয়ে আরও ব্যাপক-পরিসর। যে রচনার সঙ্কেত আছে, যা' আমাদের মনকে প্রত্যক্ষ থেকে অপ্রত্যক্ষের দিকে নিয়ে যায়, তাকেই বলা যাবে সাঙ্কেতিক। রূপক ও প্রতীক—দু'টোই বিশিষ্ট সঙ্কেত। কিন্তু তা' ছাড়া আরও কত রকমের সঙ্কেত ত হ'তে পারে। সুতরাং Matherlinck ও রবীন্দ্রনাথের এই সব নাটক—যা'দের রূপক-নাট্য বা প্রতীক-নাট্য কোনটাই বলা যায় না—তা'দের মোটামুটি সাঙ্কেতিক বলেই ছেড়ে দেওয়া যায়। তা' হ'লে সাঙ্কেতিক নাট্যের মধ্যে Eugene O' Neill, Hauptmann ইত্যাদির কিছু কিছু রচনাও পড়ে যাবে। Yeats, Synge'র কোন কোন লেখাও পড়বে।

কিন্তু সাঙ্কেতিক বলে এ সব নাটকের পরিচয় দিলেও বাস্তবিক

আমাদের কাজ শেষ হ'ল না। নানা রকমের নূতন নূতন রীতির নাটকের যথার্থ পরিচয় দেবার জন্তে আরও সুনির্দিষ্ট অভিধা খুঁজে বের কর্তে হ'বে। মানুষের মন প্রগতিশীল; তার ধর্ম, সমাজবিধান ইত্যাদির স্থায় তার সাহিত্য-রীতিও প্রগতিশীল। পুরাণো কয়েকটা বাধা থাকেই সাহিত্য রসের স্রোত যে চিরকাল চলবে সে কথা বলা যায় না। কবিচিন্তের স্থায় সাহিত্যও—

“যুগে যুগে এসেছে চলিয়া

খলিয়া খলিয়া

চুপে চুপে

রূপ হ'তে রূপে”।

বর্তমান যুগে রূপক-নাট্যের মান থেকে খলনের মধ্যে সেই রূপান্তরের ইতিহাসই পাওয়া যাচ্ছে।

সমাধান

শ্রীসমরেশচন্দ্র রুদ্র এম-এ

(নাটিকা)

ডাক্তারখানা। রাত্রি প্রায় এগারটা। শুধু কম্পাউণ্ডার বসে কি লিখছে; এমন সময় উসকোখুসকো চুল, এলোমেলো পোষাক, ৩৫।৩৬ বছরের এক ভদ্রলোক প্রবেশ করল।

ভদ্রলোক। হাঁ দেখুন, আপনি কি ডাক্তার?

কম্পাউণ্ডার। না আমি কম্পাউণ্ডার, আপনার কি চাই?

ভদ্রলোক। হাঁ চাই একটা জিনিস, ব্যাপারটা কিন্তু অত্যন্ত গোপনীয়। আপনার এখানে এখন কেউ এসে পড়বে না তো?

কম্পা। না, অনেক রাত হয়ে গেছে, এখন আর কেউ আসবে না।

ভদ্রলোক। কিন্তু দেখুন, ব্যাপারটা অত্যন্ত গোপনীয় এবং একটু ভয়েরও। এই দরজাটা কি বন্ধ করলে হয় না।

কম্পা। দরজাটা?

ভদ্রলোক। হাঁ, দরজাটা বন্ধই করে দিই, কি বলেন?

এগিয়ে গিয়ে দরজা বন্ধ করে দিলে

দেখুন, মনের অবস্থা আমার অত্যন্ত খারাপ; সময় সময় মনে হয়, আমার বৃদ্ধি মাথা খারাপ হয়ে যাবে।

কম্পা। আপনি বসুন।

ভদ্রলোক। বসছি। (বসল না) হাঁ দেখুন, আমার ব্যাপারটা শুনতে আপনার একটু সময় লাগবে। অবশ্য তার কোন চিকিৎসা নেই, সেইজন্টেই আমি এমন একটা জিনিস চাইছি যাতে সমস্ত জালা জুড়িয়ে যায়, এ জালা আমি আর সহ করতে পারি না। সময় সময় মনে হয়, একটা দুর্দান্ত কাণ্ড করি। কিন্তু কি জানেন, সামাজিক লজ্জা—অবশ্য বলতে পারেন, সেটা মনের নিছক দুর্বলতা—কিন্তু আপনি কি বলতে পারেন, সামাজিক লজ্জাকে গ্রাহ্য করে না, এমন লোক খুব বেশী আছে? বলুন?

কম্পা। কিন্তু ব্যাপারটা কি না জানলে—

ভদ্রলোক। হাঁ সেই কথাতেই তো আমি আসছি। কি জানেন, আর চিন্তা করতে পারি না আমি, ক্লান্ত হয়ে পড়েছি চিন্তা করতে করতে, সে চিন্তা সর্বদা এড়াতে চাইছি।

নিজের মাথার চুলের ভিতর আঙ্গুল চালাতে চালাতে

সামান্য পায়চারি করতে লাগল।

কম্পা। একটু জল খাবেন?

ভদ্রলোক। জল? (যেন সামান্য চিন্তা করে) দেন একটু।

কম্পাউণ্ডার জল এনে দিলে

(এক চুমুক জল খেয়ে) বুকে কিন্তু আমার আগুন জ্বলছে। আমার চুলগুলো সাদা হয়ে আসছে দেখেছেন এত অল্প বয়েসে? কতই আর আমার বয়েস হবে—পঁয়ত্রিশ কি ছত্রিশ। কিন্তু আমাকে কি বুড়োটে দেখাচ্ছে না? অবিশ্রাম বৃদ্ধ করতে করতে এই অবস্থা হয়েছে আমার।

কম্পা। (ইতস্তত করে) আপনার কি অ্যাবরসনের কেস?

ভদ্রলোক। কি বললেন? অ্যাবরসন? গর্ভপাত? ভয়ানকভাবে অ্যাবরসন হলে অবশ্য মৃত্যু সহজেই আসে, না? (যেন নিজের সঙ্গে আলোচনা করতে করতে) ভীষণ রক্তস্রাব! হেমারেজেই শেষ হয়ে যাবে সব। কিন্তু পুলিশ? তাছাড়া আরও কত হাঙ্গাম। (হঠাৎ যেন প্রকৃতিস্থ হয়ে স্বাভাবিকভাবে) কিন্তু আমি এ কি বলছি আপনাকে! না না, ও কেস আমার নয়। মনে কিছু করবেন না, আমি আজ সত্যিই অত্যন্ত বিচলিত, আমার মাথার ঠিক নেই, কি বলতে গিয়ে কি বলে ফেলছি।

কম্পা। তাহলে আপনার কি—

ভদ্রলোক। হাঁ সেই কথাই তো আপনাকে বলতে যাচ্ছি আমি। এমন একটা ভয়ানক অবস্থায় পড়েছি আমি, যে কিছুতেই আর নিজেকে সামলে চলতে পারছি না। কঠিন মানসিক আঘাতে নিয়ত ক্ষতবিক্ষত হতে হতে প্রায় শেষ হয়ে এসেছি আমি।

কম্পা। আপনার নিজের কি কোন ছুরারোগ্য অসুখ।

ভদ্রলোক। ছুরারোগ্য অসুখ? (যেন চিন্তা করতে করতে) ছুরারোগ্য অসুখ? না ঠিক তা নয়, আমি যদি নিজে শক্ত হতুম, যদি মনের জোর নিয়ে দাঁড়াতুম, তাহলে হয়তো এই যন্ত্রণাদায়ক অবস্থায় এসে হাজির হতুম না। কিন্তু বরাবরই মনের দিক থেকে আমি একান্ত দুর্বল, যাকে বলে মানসিক পঙ্গু, তাই—

কম্পা। তাহলে কি আপনি আত্মহত্যা করতে চান?

ভদ্র। আত্মহত্যা? সুইসাইড?

নিজের মাথার চুল টানতে টানতে আবার পায়চারি করতে লাগল (যেন নিজের সঙ্গে আলোচনা করতে করতে) তাহলে

সমস্ত জ্বালা জুড়িয়ে যায়। কিন্তু তার কি কারণ থাকতে পারে? তাছাড়া আত্মহত্যা মহাপাপ। ওদের সকলকে টেনে নিয়ে যাবে। কোর্ট আর পুলিশ। হয়তো সব হাসবে; বলবে, মানুষটা মানসিক দুর্বলতার একটা চরম দৃষ্টান্ত। কিন্তু সত্যি, একটু ওষুধে সমস্ত জ্বালা জুড়িয়ে যায়। (আবার জোর গলায়) হাঁ দেখুন, দেবেন আমাকে—হাঁ ওই যে কি বলে—?

কম্পা। আত্মহত্যার ওষুধ?

ভদ্রলোক। (যেন আবার নিজেকে সামলে নিয়ে) কি বললেন, আত্মহত্যার ওষুধ? না না, আত্মহত্যার ওষুধ আমি নেব কেন! আমি তো এমন কিছু করিনি, তাছাড়া ভয়ানক কিছু রোগও আমার নেই। আত্মহত্যার ওষুধ আমার চাই না। তবে কি জানেন, আমি আর সহ করতে পারছি না। গেল এক বছর ধরে এই ব্যাপারটা নিয়ে দিনের পর দিন, রাত্রির পর রাত্রি চিন্তা করতে করতে প্রায় পাগল হয়ে যাবার জোঁগাড় হয়েছে। মানুষ এ ব্যাপার সহ করতে পারে না। কি জানেন, হয়তো আমি মানুষের দল ছাড়া, না হলে মুখ বুজে আমি এ অসহনীয় যন্ত্রণা সহ করি কেন! জানেন, মনের দিক থেকে আমি অত্যন্ত ভগ্ন।

কম্পা। তাহলে কি আপনি কাউকে হত্যা করতে চান বিষ দিয়ে?

ভদ্রলোক। (অত্যন্ত ব্যগ্র হয়ে) কি বললেন? আমি কি ঠিক গুনলুম? আর একবার বলুন।

কম্পা। আপনি কি কাউকে বিষ খাইয়ে মারতে চান?

ভদ্রলোক। (যেন নিজের সঙ্গে) কি সহজ ব্যাপার! স্বাভাবিক মৃত্যু। খাবার জলের গেলাসে একটু ঢেলে দেওয়া—সকালবেলা আর বিছানা ত্যাগ করতে হল না। অত্যন্ত স্বাভাবিক মৃত্যু। গুরুতর পরিশ্রমের ফলে শরীর ও হার্ট অত্যন্ত দুর্বল ছিল, কাল একটু বেশী রাস্তিরে ফিরেছিল—মনে হয়, কিছু পরিমাণ মাদক দ্রব্যও খেয়েছিল। মেয়েমানুষের শরীরে কি আর এতটা সহ হয়! হার্ট অত্যন্ত দুর্বল, হঠাৎ হার্ট ফেল করেছে। পাড়ার ছেলেরা অত্যন্ত ভাল—

কম্পা। আপনি কি আপনার স্ত্রীকে—?

ভদ্রলোক। (সহজভাবে) কি বললেন? আমার স্ত্রী? হাঁ জানেন, আমার স্ত্রী অত্যন্ত গুণী এবং একজন শিল্পী। সকলেই তাঁকে চেনে, এক বছরের ভেতর ফিল্মে অত্যন্ত নাম করেছেন।

কম্পা। এমন স্ত্রীকে আপনি—

ভদ্রলোক। (যেন প্রশ্নের মানে বুঝতে না পেরে) আমি—কি?

কম্পা। আপনি—(ইতস্তত করে) বিষ খাওয়াতে—

ভদ্রলোক। (অত্যন্ত প্রকৃতিস্বভাবে) আমি তাঁকে বিষ খাওয়াব! ক্ষেপেছেন আপনি? সেটা কি সম্ভব? মাত্র আমাদের বছর পাঁচ হল বিয়ে হয়েছে, একটি মেয়েও আছে আমাদের—আমি আমার স্ত্রীকে কখনও বিষ খাওয়াতে পারি! তবে কি জানেন, ব্যাপারটা এমন পাড়ায় যে বড় কষ্ট হয় আমার। আমরা অর্থাৎ আমি ও আমার মেয়ে যখন স্ত্রীর জন্তে অপেক্ষা করে করে রোজ ঘুমিয়ে পড়ি, তখন গভীর রাত্রিতে, প্রায় দেড়টা ছটোয়, কোন কোনদিন তিনটে চারটেয়, তিনি বাড়ী ফেরেন— (কথাটা যেন না বললেই হত এই ভাবে) একলা নয়—

আবার নিজের চুল টানতে টানতে দু তিনবার পায়চারি করল

হাঁ দেখুন, এই ভাবে রোজ বেশী রাত্তিরে দরজা খুলে দিতে হবে বলে উৎকর্ষায়—দেখতে পাচ্ছেন, মনের দিক থেকে

আমি অত্যন্ত দুর্বল, অত্যন্ত নার্ভাস—রোজই আমার ভাল ঘুম হত না, গত পাঁচ মাস যাবত আমি আর এক পলকের জন্তেও ঘুমোতে পারছি না। আমার শরীর কি হয়েছে দেখেছেন? চুলে পাক ধরে গেছে, চোখ মুখ বসে গেছে, যেন বুড়ো হয়ে গেছি, না? হাঁ দেখুন, আমার আসল দরকার কি জানেন, একটু ঘুমের ওষুধ, এমন একটা ওষুধ, যা রাত্রে খাবার পর খেয়ে শুলে অনেক গোলমাল হলেও ঘুম না ভাঙ্গে, একেবারে ভোরবেলা নিশ্চিন্তে উঠতে পারি। ঘুমের একটা ভাল ওষুধ দরকার আমার, কম্পাউণ্ডারবাবু।

কম্পা। বেশ।

ভদ্রলোক। যে দাম আপনি চাইবেন তাই আমি দেব। টাটকা এবং ভাল ওষুধ। উঃ, কত দিন আমি ঘুমোতে পারিনি। ঘুমটা আমার বিশেষ দরকার।—একটু বসব?

কম্পা। বসুন।

ভদ্রলোক। (চেয়ারে বসে) জানেন, অল্প কিছু নয়, আপনার কাছে আমি ঘুমের ওষুধের জন্তেই এনেছিলুম, ঘুমটা আমার বিশেষ দরকার।

টেবিলের ওপর দুহাত আড়াআড়ি ভাবে রেখে তার উপর মাথা রাখল

যবনিকা

কুমড়া ফুল

শ্রীদেবেশচন্দ্র দাশ

পূজার প্রাক্‌গে মোর নাহি স্থান, স্মরিতে না কেহ
যবে এই ক্ষীণ বৃন্ত স্বর্ণকান্তি দেহ
উত্তপ্ত কটাহে তৈলে ভারতের রসনা পূজায়
বার্তার আলুর সাথে ভোজ্যপাত্রে এক হ'য়ে যায়।
আমি কুমড়ার ফুল, পুষ্পপাত্রে চন্দনশোভায়
দিতে যদি মোরে ঠাই জবা কিম্বা গাঁদার সভায়
হ'তাম কি হতমান? শেফালীকমলে
যে লাবণ্য যে বর্ণালী সাহিত্যের আভিজাত্য বলে
দিয়েছ, তাহার চেয়ে মোর স্থান স্বর্ণ সজ্জায়
কম কিসে? কমনীয় কামিনীর উন্মেষ-লজ্জায়?
আমি মধ্যবিত্ত ফুল, মোর দেহে জাগে
নয় আভা, রক্তে শোভে সিক্ত অহুরাগে
অস্তরের সোনার সম্পদ; উর্দ্ধশির উৎকৃত গৌরবে।

তোরণ পার্শ্বেতে কভু হুঙ্কারি না সংবন্ধ রবে,
ছাই না প্রান্তর ভূমি তৃণাকুর সাথে
সৌমহীন বনফুলে শরতে বর্ষাতে;
তাই তোমাদের কবি গোলাপে ও রজনী-গন্ধারে
প্রশস্তি করিয়া গেছে, নিত্য স্মরে কাশ গুচ্ছ হারে।
ছাঁপোষা বাঙ্গালী ফুল; এ বিশ্বের পূজার প্রাক্‌গে
নাহি আজ স্থান মান, রক্তধ্বজ কিংগুকে রঙ্গণে
হায় তোমাদের নভ, স্মরিত পশ্চিম বাতাস
সুখী কমলের গন্ধে; তার পার্শ্বে ফেলি' দীর্ঘশ্বাস
বিষাব না শরতের পূজারতিকালে,
আঙিনায় মোন রবো নয় নত ভালে;
জাগিবে না শঙ্খ রবে উল্লাসে বিপুল
শুক কুণ্ড কুমড়ার ফুল।

সোপেনহর

শ্রীতারকচন্দ্র রায়

উনবিংশ শতাব্দীর প্রথমার্ধে ইয়োরোপে বহুসংখ্যক নিরাশাবাদীর আবির্ভাব হইয়াছিল। কবিদিগের মধ্যে ইংলণ্ডে বায়রণ, ফ্রান্সে দে মুসে, জার্মানিতে হে-ইন, ইতালীতে লিওপার্দী, রুসিয়ায় পুসকিন্ এবং লারমন্টক্; সঙ্গীত রচয়িতাদিগের মধ্যে শ্চবার্ট, স্ম্যান, চোপিন্ এবং বিটোভেন এবং সর্বোপরি দুঃখবাদের মহাগ্রন্থ The World as will and Idea র রচয়িতা দার্শনিক সোপেনহর এই যুগেই প্রাচুর্য হইয়াছিলেন। ঠিক এই সময়ে এতগুলি নিরাশাবাদীর আবির্ভাবের কারণ কি ?

.. সোপেনহরের জন্ম হয় ১৭৮৮ সালে। ইহার পরবৎসরই ফরাসী বিপ্লব আরম্ভ হয়। এই বিপ্লবকে ইয়োরোপের বহু মনীষী সাদরে অভ্যর্থনা করিয়াছিলেন। স্বাধীনতা, সাম্য ও মৈত্রীর বাণী ইয়োরোপের দলিত জনগণের মনে নূতন আশার সঞ্চার করিয়াছিল। এই বিপ্লবের সংবাদ যখন প্রথম ইংলণ্ডে উপনীত হয়, তখন ফরাসি আনন্দে আত্মহারা হইয়া ইহাকে জগতের সর্বশ্রেষ্ঠ এবং সর্বোত্তম ঘটনা বলিয়া বর্ণনা করিয়াছিলেন। বৃহৎ দার্শনিক ক্যান্ট অশ্রুক্রন্দকণ্ঠে বলিয়াছিলেন “প্রভু, তোমার ভৃত্যকে এখন জীবলোক হইতে প্রস্থানের অনুমতি দেও। আমার চক্ষু তোমার পরিত্রাণ-কার্য প্রত্যক্ষ করিয়াছে।” মানবের ভবিষ্যৎ সম্বন্ধে ইয়োরোপের সর্বত্র বিশ্বাস ও আশা জাগরিত হইয়াছিল। কিন্তু সে আশা সফল হয় নাই, সে বিশ্বাস মিথ্যা প্রতিপন্ন হইয়াছিল। ফ্রান্সের বিরুদ্ধে ইয়োরোপীয় রাজস্ববর্গ Holy Alliance গঠন করিয়াছিলেন। সোপেনহরের যখন ২৭ বৎসর বয়স্ তখন ওয়াটার্লু যুদ্ধক্ষেত্রে নেপোলিয়ান পরাজিত হইয়া সেন্টহেলেনার নির্জনস্থানে বন্দীরূপে প্রেরিত হইয়াছিলেন। যে বিরাট ইচ্ছা এই যুদ্ধ-বপু কর্তিকানের অন্তরে রক্তরঞ্জিতরূপ পরিগ্রহ করিয়াছিল, তাহাই সোপেনহরের গ্রন্থে আংশিকভাবে প্রতিফলিত হইয়া দেবদে উন্নীত হইয়াছে। কিন্তু সে ইচ্ছা পূর্ণ হইয়াছিল। রাজ্যচ্যুত বূর্বন বংশধর ফ্রান্সের সিংহাসনে প্রতিষ্ঠিত হইয়াছিল। নির্বাসিত অভিজাত-গণ দেশে ফিরিয়া আসিতেছিল। রুস সম্রাট শাস্তিকামী আদর্শ-বাদী আলেকজান্ডারের চেষ্টায় রাজস্ববর্গের নূতন সংঘের প্রতিষ্ঠা দ্বারা সর্বত্র প্রগতির পথ রুদ্ধ হইয়াছিল। সুদূর সেন্ট হেলেনা হইতে নেপোলিয়নের দুঃখ ও লাঞ্ছনার করুণ কাহিনী আসিয়া আসিয়া ইয়োরোপের জনগণের কর্ণে প্রবেশ করিতেছিল। দীর্ঘকালব্যাপী যুদ্ধে লক্ষ লক্ষ লোক মৃত্যুমুখে পতিত হইয়াছিল। বহু জমি অকর্ষিত অবস্থায় পড়িয়াছিল। চাষ করিবার যথেষ্ট লোক ছিল না। প্রত্যেক দেশের উৎকৃষ্ট অর্থ যুদ্ধে ক্ষয়প্রাপ্ত হইয়াছিল। দারিদ্র্যের নগ্নমূর্তি সর্বত্র প্রত্যক্ষ হইতেছিল। ১৮০১ সালে ফ্রান্স ও অষ্ট্রিয়া জয়গ্ৰহণে

সোপেনহর পল্লীগ্রামের বিশৃঙ্খল ও অস্বাস্থ্যকর অবস্থা, কৃষকদিগের দারিদ্র্যকষ্ট এবং নগরের মধ্যে দুঃখ ও অশান্তির প্রাবল্য দেখিয়া মর্মান্বিত হইয়াছিলেন। ইংলণ্ডে কৃষক ও শ্রমিক সকলেই দুর্গতির শেষসীমায় উপনীত হইয়াছিল। রুসিয়ায় মস্কো শস্যে পরিণত হইয়াছিল। প্রত্যেক দেশেই গৃহপ্রত্যাগত সৈন্যগণ কৰ্ম্মাভাবে অর্থকষ্ট ভোগ করিতেছিল।

যে বিপ্লবের সহিত ইয়োরোপের জনগণের আশা ও আকাঙ্ক্ষা জড়িত ছিল, যাহা হইতে পৃথিবীতে স্বর্গের আবির্ভাব হইবে আশা করিয়া সকলে আনন্দে উৎফুল্ল হইয়াছিলেন, তাহার মৃত্যু সংঘটিত হইয়াছিল। অদূরবর্তী ভবিষ্যতে আশা করিবারও কিছু ছিল না। বিধ্বস্ত ফ্রান্সের সিংহাসনে বূর্বনবংশীয় যাহাকে স্থাপিত করা হইয়াছিল, সে যেমন বিপ্লব হইতে কিছুই শিক্ষালাভ করে নাই, তেমনি কিছুই ভুলিয়াও যায় নাই। হতাশ হইয়া গেটে বলিয়াছিলেন—“জগতের এই শেষ অবস্থায় আমি যে যুবক নহি, তজ্জন্ত ঈশ্বরকে ধন্যবাদ।”

এই অবস্থায় অনেকেই ধর্ম বিশ্বাস হারাইয়া ফেলিয়াছিলেন। ১৮১৮ সালে ইয়োরোপের যে অবস্থা হইয়াছিল, তাহা দেখিয়া পৃথিবীর যে একজন জ্ঞানবান মঙ্গলচিকীর্ষু বিধাতা আছেন, তাহা বিশ্বাস করা কঠিন হইয়াছিল। ইহার পূর্বে অমঙ্গলের সমস্তা এমনভাবে কখনও দর্শন ও ধর্মের সম্মুখে উপস্থিত হয় নাই। সকলের মনেই জ্ঞাত অথবা অজ্ঞাতসারে এই প্রশ্ন উত্থিত হইতেছিল—কেন এত দুঃখকষ্ট এ জগতে? কতদিন এ দুঃখকষ্ট ভোগ করিতে হইবে? ইহা কি পাপের শাস্তি? এই দুঃখকষ্ট কি মানুষের ধর্মে অবিশ্বাসের শাস্তি? এই শাস্তি দ্বারা ঈশ্বর কি মানুষকে আবার প্রাচীন বিশ্বাস, আশা ও সহৃদয়তায় ফিরিয়া যাইতে আদেশ করিতেছেন? স্লেগেল, নোভালিস্, সেটোত্রিয়া, দে মুসে, সাদি ও ওয়ার্ডস্ ওয়ার্থ ইহাই মনে করিয়াছিলেন। তাহার আগ্রহে প্রাচীন ধর্মে ফিরিয়া আসিয়াছিলেন। কিন্তু ইহার বিপরীত প্রতিক্রিয়ারও অভাব ছিল না। অনেকের মনে হইয়াছিল ইয়োরোপের তৎকালিক বিশৃঙ্খলায় বিশ্বের অন্তর্বর্তী বিশৃঙ্খলাই প্রতিফলিত। প্রকৃতপক্ষে ঐশ্বরিক ব্যবস্থা বলিয়া কিছু নাই, ঈশ্বর নামে যদি কেহ থাকেন, তাহা হইলে তিনি অন্ধ; পৃথিবীতে অমঙ্গলেরই রাজত্ব। বায়রণ, হেইন্, লিওপার্দী এবং সোপেনহর এই মতাবলম্বী।


সোপেনহর লিখিয়াছেন—“চরিত্র অথবা ইচ্ছা লোকে প্রাপ্ত হয় পিতার নিকট হইতে, বুদ্ধিপ্রাপ্ত হয় মাতার নিকট।” আরম্ভের সোপেনহরের পিতা ড্যানজিগ নগরের একজন সম্ভ্রান্ত বণিক ছিলেন। তাহার স্বীয় ব্যবসাতে বিশেষ দক্ষতা এবং চরিত্রের দৃঢ়তা ছিল। মেজাজ ছিল ক্রম্ভ। আরম্ভের পঞ্চম বর্ষ বয়সে তিনি ড্যানজিগ ত্যাগ করিয়া

হামবার্গে বসতি স্থাপন করেন। পিতার ইচ্ছা ছিল পুত্র বাণিজ্য ব্যবসায় অবলম্বন করেন। আরথার কিছুদিন এই ব্যবসাতে নিযুক্ত ছিলেন, কিন্তু অবশেষে তাহা ত্যাগ করেন। ১৮০৫ সালে পিতা আত্মহত্যা করেন। ইহার পূর্বে পিতামহী উন্মাদ অবস্থায় প্রাণত্যাগ করিয়াছিলেন। সোপেনহরের মাতা বুদ্ধিমতী ছিলেন, তাঁহার রচিত কয়েকখানা উপন্যাস বিশেষ জনপ্রিয়তা লাভ করিয়াছিল। কিন্তু তাঁহার মেজাজও রুক্ষ ছিল। দাম্পত্য জীবন তাঁহার সুখময় ছিল না। স্বামীর মৃত্যুর পরে তিনি বন্ধনহীন প্রেমলীলায় প্রবৃত্ত হইলেন এবং হামবার্গ ত্যাগ করিয়া উইমারে গিয়া বাস করিতে লাগিলেন। সোপেনহর বিবম রুপ্ত হইলেন। তাঁহার গ্রন্থে স্ত্রীলোক সম্বন্ধে তিনি যে মত ব্যক্ত করিয়াছেন বহু পরিমাণে তাহা তাঁহার মাতার সহিত কলহের ফল। সোপেনহরের নিকট এক পত্রে মাতা লিখিয়াছিলেন—“তোমার সঙ্গ আমার অসহ্য, তোমার সহিত একত্র বাস করা খুব কঠিন। তোমার সমস্ত সদৃশ্য তোমার আত্মাভিমান দ্বারা অভিভূত। অস্ত্রের ক্রটিদর্শনের যে সাধারণ প্রবণতা তোমার আছে, তাহা দমন করিবার অক্ষমতার জন্য তোমার সদৃশ্য পৃথিবীর কোনও কাজে লাগিল না।” মাতাপুত্র পৃথক বাস করিবার ব্যবস্থা হইল। স্থির হইল মাতা যখন বন্ধুদিগকে নিমন্ত্রণ করিবেন, তখন নিমন্ত্রিত অতিথির মত পুত্রও উপস্থিত হইবেন। অল্প সময়ে তাঁহার মাতার নিকট যাওয়া নিষিদ্ধ হইল। গেটের সহিত মাতার বন্ধুত্ব ছিল। একদিন তিনি মাতাকে বলিয়াছিলেন “তোমার পুত্রের খ্যাতি একদিন চারিদিকে বিস্তীর্ণ হইবে।” ইহাতে বিপরীত ফল উৎপন্ন হইয়াছিল। মাতা নিজের খ্যাতিতে সন্তুষ্ট ছিলেন। পুত্র তাঁহার যশের প্রতিদ্বন্দ্বী হইবে, ইহা তিনি সহ্য করিতে পারেন নাই। একদিন কলহের সময়ে মাতা ঠেলা দিয়া পুত্রকে সিঁড়ির নিম্নে ফেলিয়া দেন। রুপ্ত হইয়া পুত্র তখন বলিয়াছিলেন যে, ভবিষ্যতে কেবল-মাত্র তাঁহার মাতা বলিয়াই তিনি পরিচিত হইবেন। ইহার পরে মাতা আরও ২৪ বৎসর জীবিত ছিলেন। কিন্তু সোপেনহর আর তাঁহার সহিত দেখা করেন নাই। মাতার সহিত সোপেনহরের যে মত ছিল তাহাও তাঁহার দুঃখবাদের একটা কারণ বলিয়া পরিগণিত হইতে পারে। মাতৃস্নেহের আশ্বাদ যে কখনও পায় নাই, পরন্তু মাতার যুগ্ম পরিচয় পাইয়াছে, সংসারে ভালোবাসা আছে, তাহা মনে করিবার তাহার কোনও কারণ নাই। ব্যয়রণের সহিত তাঁহার মাতার মত্বও এইরূপই ছিল।

মাতার সহিত কলহের ফলে সোপেনহরের চরিত্রে গুরুতর পরিবর্তন সংঘটিত হইয়াছিল। তিনি গভীর ও সন্দ্বিদ্ধ-চিত্ত হইয়া পড়িয়াছিলেন। কাহাকেও বিশ্বাস করিতেন না। সকলকেই শত্রু বলিয়া গণ্য করিতেন। নাপিত দ্বারা কৌর কার্য করাইতেন না, পাছে সে তাঁহার গলা কাটিয়া ফেলে, এই ভয়ে। ধূমপানের পাইপ ভালাবদ্ধ করিয়া রাখিতেন। পিস্তলে গুলি ভরিয়া শস্যার পাশে রাখিয়া নিদ্রা যাইতেন। গোলমাল সহ্য করিতে পারিতেন না। তিনি লিখিয়াছেন, “বাহার মানসিক শক্তি যত বেশী, সে তত কম গোলমাল সহ্য করিতে পারে।

সুতরাং কে কত গোলমাল সহ্য করিতে পারে, তাহা দ্বারা তাহার মানসিক শক্তির পরিমাপ করিতে পারা যায়।” নিজের মূল্য সম্বন্ধে সোপেনহরের এত অত্যাচ ধারণা ছিল, যে তাহাকে একরকম মানসিক ব্যাধি (paranoia) বলিলে অতুক্তি হয় না।

১৮০৯ সালে সোপেনহর গটিনজেন বিশ্ববিদ্যালয়ে প্রবিষ্ট হন, সেখান হইতে বার্লিনে গমন করেন। বিশ্ববিদ্যালয়ে তিনি ফিক্টে, শেলিং এবং প্লাটার ম্যাকারের বক্তৃতা শুনিতে যাইতেন। নিজের নির্ধারিত অবস্থায় তাঁহার তীব্র অনুরক্তি ছিল। পিতা, মাতা, স্ত্রী, সম্বান— তাঁহার কেহই ছিল না। তিনি নিতান্তই একাকী ছিলেন, একজন বন্ধুও তাঁহার ছিল না। “একজন বন্ধু থাকা আর একজনও না থাকা,



সোপেনহর

ইহার মধ্যে ব্যবধান অনন্ত।” তাঁহার সময়ে যে জাতীয়তা-বোধ প্রবল হইয়া উঠিয়াছিল, তিনি তাহার স্পন্দন অনুভব করেন নাই। ১৮১৩ সালে ফিক্টে কর্তৃক প্রভাবিত হইয়া নেপোলিয়নের বিরুদ্ধে সংগঠিত সৈন্যদলে যোগ দিবার কল্পনা তিনি করিয়াছিলেন এবং তৎক্ষণ অস্ত্রাদিও ক্রয় করিয়াছিলেন। কিন্তু শেষে সে ইচ্ছা ত্যাগ করিয়াছিলেন। তাঁহার মনে হইয়াছিল নেপোলিয়ন অপেক্ষা দুর্বলতর চরিত্রের লোকেও যে আত্ম-প্রতিষ্ঠা এবং বৃহত্তর জীবনের জন্য প্রেরণা অনুভব করে, কিন্তু প্রকাশ করে না, নেপোলিয়নে তাহাই ঘনীভূত এবং বন্ধনহীন আকারে প্রকাশিত হইয়াছে মাত্র।” যুদ্ধবাত্রার কল্পনা বর্জন করিয়া তিনি দার্শনিক প্রবন্ধ রচনার মনোনিবেশ করিলেন এবং তাঁহার প্রথম গ্রন্থ

Four fold Root of the Principle of Sufficient Reason গ্রন্থ লিখিয়া ১৮১৩ সালে তিনি জেনা বিশ্ববিদ্যালয় হইতে ডিগ্রী প্রাপ্ত হইলেন। এই গ্রন্থে তিনি প্রাকৃতিক বিজ্ঞান, তর্ক বিজ্ঞান, তত্ত্ব বিজ্ঞান এবং চরিত্র বিজ্ঞানের মৌলিক তত্ত্বাবলীর ব্যাখ্যা করিয়াছিলেন।

সোপেনহরের প্রধান গ্রন্থ The World as Will and Idea ১৮১৯ সালে প্রকাশিত হয়। গ্রন্থের পাণ্ডুলিপি প্রকাশকের নিকট পাঠাইয়া সোপেনহর লিখিয়াছিলেন—এই গ্রন্থে পুরাতন কথার পুনরুক্তি নাই। ইহাতে আছে মৌলিক চিন্তার শৃঙ্খলাবদ্ধ সমাবেশ, সহজবোধ্য ওজস্বী ও সুসমামণ্ডিত চিন্তা। ইহার পরে ইহা হইতে একশত অল্প পুস্তকের উদ্ভব হইবে। দার্শনিক হইলেও এই উক্তি সত্য। এই গ্রন্থে দর্শনের প্রধান সমস্যাসমূহের সম্পূর্ণ সমাধান করিয়াছেন বলিয়া সোপেনহরের এমন দৃঢ় বিশ্বাস ছিল যে, গ্রন্থ প্রকাশের বহু বৎসর পরে তিনি স্বকীয়শীল অঙ্গুরীর (Signet ring) উপর গহ্বরে লক্ষ প্রদানোত্তম স্ফিন্ক্সের (Sphinx) মূর্তি অঙ্কিত করিবার কল্পনা করিয়াছিলেন। *

স্বীয় গ্রন্থ সম্বন্ধে সোপেনহরের এত উচ্চ ধারণা থাকিলেও, তাহার আদর হয় নাই। ১৬ বৎসর অবিক্রীত থাকিবার পর অধিকাংশ গ্রন্থ প্রকাশক কর্তৃক অব্যবহার্য কাগজের মূল্যে বিক্রীত হইয়াছিল। কিন্তু গ্রন্থের মূল্য সম্বন্ধে সোপেনহরের ধারণার পরিবর্তন হয় নাই। যশঃ লাভে হতাশ হইয়া তিনি যশঃ-শীর্ণক প্রবন্ধে লিকটেন বর্গের দুইটি উক্তি উদ্ধৃত করিয়া আশ্বপ্রসাদলাভ করিয়াছিলেন। উক্তি দুইটি এই—“এই প্রকার রচনা দর্পণ সদৃশ। গর্দভে ইহার দিকে চাহিলে, তাহার মধ্যে দেবদূতের প্রতিরূপ আশা করিতে পারে না।” দ্বিতীয়টি—“কোনও গ্রন্থের সহিত কোনও মন্তকের সংঘর্ষ হইতে যদি শৃঙ্খলিত শব্দ নির্গত হয়, তাহা হইলে তাহা যে গ্রন্থ হইতেই নির্গত, তাহা কেহ বলিতে পারে না।” তিনি আরও লিখিয়াছেন “যতই কেহ ভবিষ্যৎ-বংশীয় দিগের সমানধর্মী হয়, ততই সে সমসাময়িকদিগের বুদ্ধির বাহিরে গিয়া পড়ে। যদি কোনও গায়ক জানিতে পারে যে তাহার শ্রোতাদিগের অধিকাংশ বধির এবং যে সামান্য কয়েক জনের শ্রুতিশক্তি আছে, তাহার উৎকোচের বশীভূত, তাহা হইলে উচ্চকরতালি-ধ্বনিতে তাহার তুট্ট হইবার কারণ কোথায়?”

কোনও বিশ্ববিদ্যালয়ে সোপেনহর তাঁহার দর্শনের ব্যাখ্যা করিবার

* গ্রীক পুরাণে স্ত্রীলোকের মন্তক এবং সিংহের দেহ বিশিষ্ট Sphinx নামক এক দৈত্যের বর্ণনা আছে। এই দৈত্য Thebes নগরের অধিবাসীদিগের নিকট এক হেঁয়ালী বলিয়া সর্ভ করিয়াছিল যাহারা হেঁয়ালীর সমাধান করিতে অক্ষম হইবে তাহাদিগকে সে হত্যা করিবে। যদি কেহ ইহার প্রকৃত উত্তর দিতে সমর্থ হয় তাহা হইলে যে পর্কতশীর্ষে সে উপবিষ্ট ছিল তাহা হইতে লক্ষ প্রদান করিয়া নিম্নে পতিত হইবে। Oedipus হেঁয়ালীর প্রকৃত উত্তর দিয়াছিল এবং sphinx লক্ষ প্রদান

সুযোগ সন্ধান করিতেছিলেন। ১৮১২ সালে তিনি বার্লিন বিশ্ববিদ্যালয়ে Private docent নিযুক্ত হইলে এই সুযোগ উপস্থিত হইল। হেগেল তখন বার্লিনে অধ্যাপনা করিতেছিলেন। তিনি যে সময়ে বিশ্ববিদ্যালয়ে বক্তৃতা করিতেন, সোপেনহর ইচ্ছা পূর্বক আপনার বক্তৃতার জন্ত সেই সময়ই নির্দিষ্ট করিলেন, আশা করিয়াছিলেন হেগেলের বক্তৃতা না শুনিয়া ছাত্রগণ দলে দলে তাঁহার অধ্যাপনা-কক্ষে উপস্থিত হইবে। আশা ফলবতী হইল না। কেহই তাঁহার বক্তৃতা শুনিতেন আসিল না। মনঃক্ষুণ্ণ হইয়া তিনি পদত্যাগ করিলেন এবং প্রতিশোধ লইবার জন্ত হেগেলকে ভীষণ ভাবে আক্রমণ করিয়া কয়েকটি প্রবন্ধ লিখিলেন।

১৮৩৬ সালে সোপেনহরের “On the Will in Nature” নামক প্রবন্ধ প্রকাশিত হয়। ১৮৪১ সালে The two Ground Problems এবং ১৮৫২ সালে Parerga et Parlia-pomena দুই খণ্ডে প্রকাশিত হয়। শেষোক্ত নামের অর্থ “উপজাত ও উচ্ছিন্ন”।

বিশ্ববিদ্যালয় হইতে ডিগ্রী প্রাপ্ত হইবার পরে বেদান্ত-দর্শনের প্রতি সোপেনহরের মনোযোগ আকৃষ্ট হইয়াছিল। তিনি গভীর আগ্রহের সহিত পারসীক ভাষায় অনুদিত উপনিষৎ পাঠ করিয়াছিলেন। উপনিষৎ সম্বন্ধে তিনি লিখিয়াছেন “সমগ্র পৃথিবীতে সংস্কৃত মূল উপনিষৎ ভিন্ন উপনিষদের (উপনিষদের পারস্য ভাষায় অনুবাদ) মত হিতকর ও আত্মোন্নতিকর অল্প কিছুই নাই। জীবনে আমি ইহা হইতে সাস্থনা প্রাপ্ত হইয়াছি, মৃত্যুতেও ইহাই আমার সাস্থনা হইবে।” তিনি তাঁহার একমাত্র সঙ্গী প্রিয় কুকুরের নাম রাখিয়াছিলেন “আত্মা”। এই কুকুরকে সাধারণে তাঁহার পুত্র (Young Schopenhauer) বলিত।

১৮৩১ সালে বার্লিনে কলেরার ভীষণ প্রকোপ হয়। হেগেল ও সোপেনহর উভয়েই বার্লিন হইতে পলায়ন করেন। কলেরার প্রকোপ প্রশমিত হইবার পূর্বেই ফিরিয়া আসিয়া হেগেল কলেরার আক্রান্ত হইয়া প্রাণত্যাগ করেন। কিন্তু সোপেনহর আর বার্লিনে ফিরিয়া আসেন নাই। জীবনের অবশিষ্ট কাল তিনি ফ্রাঙ্কফোর্টে অতিবাহিত করিয়াছিলেন। তথায় দুইটি ঘর ভাড়া লইয়া তিনি ত্রিশ বৎসর বাস করিয়া ছিলেন। এক ইংরেজি হোটেলে তিনি আহার করিতেন। নৈশভোজ আরম্ভ করিবার সময় প্রতিদিন তিনি পকেট হইতে একটি মুদ্রা বাহির করিয়া টেবিলের উপর রাখিতেন; খাওয়া-পরিবেশক ভৃত্য আশা করিত, সে মুদ্রা তাহারই জন্ত, কিন্তু ভোজন-শেষে প্রত্যহই সোপেনহর সেই মুদ্রা তুলিয়া লইয়া পকেটে রাখিয়া দিতেন। মনঃক্ষুণ্ণ ভৃত্য একদিন এই অদ্ভুত আচরণের কারণ জিজ্ঞাসা করিলে সোপেনহর বলিয়াছিলেন “ওটা বাজির মুদ্রা। যেদিন অদূরে ভোজনরত ইংরাজ অফিসারদিগকে ঘোড়দৌড়, ঘোড়া, কুকুর ও স্ত্রীলোক ভিন্ন অল্প কোনও বিষয়ের আলোচনা করিতে শুনিব, সেদিন ঐ মুদ্রা Poor Box এর মধ্যে ফেলিয়া দিব।”

সোপেনহর আশা করিয়াছিলেন একদিন তাঁহার প্রতিভা স্বীকৃত

আদর হইল না। জার্মান অধ্যাপকগণ শিক্ষাব্যবসায়ের বহিঃস্থ কোনও ব্যক্তির তাহাদের রাজ্যে প্রবেশ অনধিকার-প্রবেশ বলিয়া গণ্য করিতেন। অধ্যয়ন-প্রিয় সাধারণ লোকে যাহাতে সোপেনহর অথবা তাঁহার গ্রন্থের নাম শুনিতেন না পায়, তাহার জন্ত তাঁহারা চেষ্টার ক্রটি করেন নাই। সোপেনহর দীর্ঘকাল কালের প্রতীক্ষা করিয়াছিলেন। অবশেষে তাঁহার আশা ফলবতী হইল। ১৮৫৩ সালে ইংলণ্ডের West Minister Gazette-এ এক প্রবন্ধে সোপেনহরের গ্রন্থের সুখ্যাতি বাহির হইল। জার্মানগণ জানিতে পারিল তাহাদের মধ্যে এমন একজন দার্শনিক আছেন, যাহাকে সাধারণ লোকেও বুঝিতে পারে। সমগ্র ইয়োরোপে

তাঁহার নাম বিখ্যাত হইয়া পড়িল। দর্শনশাস্ত্রের সহিত যাহাদের পরিচয় ছিল না, তাহার দুর্বোধ্য ভাষা যাহারা বুঝিতে পারিত না, তাহারা দেখিল সোপেনহরের দর্শন বুঝিতে কষ্ট হয় না। তাঁহার যশঃ চারিদিকে বিস্তীর্ণ হইয়া পড়িল। সাময়িক পত্রে তাঁহার সম্বন্ধে প্রকাশিত প্রবন্ধ সোপেনহর আগ্রহের সহিত পাঠ করিতেন। ১৮৫৮ সালে তাঁহার সপ্ততিতম জন্মদিবসে চতুর্দিক হইতে সকলে তাঁহাকে অভিনন্দন করিয়াছিল। দুই বৎসর পরে ১৮৬০ সালের ২১শে সেপ্টেম্বর তারিখে হঠাৎ তাঁহার প্রাণবিয়োগ হয়। মৃত্যুর পূর্বে তিনি ইচ্ছা প্রকাশ করিয়াছিলেন যেন মৃত্যুতেই তাঁহার অস্তিত্বের সম্পূর্ণ বিনাশ হয়।

রজনী সেনের গান

শ্রীজয়দেব রায় এম-এ, বি-কম্

কবি রজনীকান্ত সেনের গান আজ আর কেহ গাহে না! রজনী সেন নামে একজন কবি ছিলেন সে কণাও দেশবাসী বোধহয় ভুলিয়া গিয়াছেন, পাঠ্যপুস্তকে স্থানপ্রাপ্ত দুই একটি গান ব্যতীত তাঁহার কোন দানই কেহ মনে রাখেন নাই!

বাংলা গানের যে ধারা আধুনিক যুগ পর্য্যন্ত প্রবাহিত হইয়া আসিতেছে, তাহাতে সুমার্জিত (Refined) স্বর বাঁধিয়াছেন পাঁচজন গীতিকবি—রবীন্দ্রনাথ, স্বিজেন্দ্রলাল, অতুলপ্রসাদ, রজনীকান্ত এবং নজরুল। রবীন্দ্রনাথের স্বরমোহে মুগ্ধ বঙ্গবাসী আজ অল্প সবারই গান অবহেলা করিতেছে। রজনী সেনের গান তাহার স্বন্দর স্থললিত বাণী, মধুর স্বরধ্বনি, উচ্চাঙ্গের রাগ-রাগিণী, অন্তর্নিহিত গভীর ভাব সত্ত্বেও আজ বিন্মুতপ্রায়! ইহার জন্ত একমাত্রদায়ী, মনে হয়, তাঁহার শেষ জীবনের দারিদ্র্য। রজনী সেন ধনী পুত্র ছিলেন না, ব্যারিষ্টারও ছিলেন না, বিলাত গাইবার সৌভাগ্যও তাঁহার হয় নাই; স্তত্রাং গায়কেরা তাঁহার গানকে রক্ষা করিবার দায়িত্ব গ্রহণ করেন নাই, তাঁহার গানেরও অবসান হইয়াছে তাঁহার সঙ্গে! শ্রীযুক্ত দিলীপকুমার রায় কবির বংশধর, তিনি স্বয়ং প্রসিদ্ধ গায়ক হইয়াও কেন যে রজনী সেনের গানের প্রচারে বিরত, তাহা জানি না! আমরা এতই অলস যে, আমাদের জোর করিয়া কিছু না দিলে, আমরা গ্রহণ করিতে লজ্জা বোধ করি! রজনী সেনের গান যদি রেকর্ডে, মজলিসে, বিশেষতঃ রেডিওতে মধ্যে মধ্যে প্রচার করিবার ব্যবস্থা হয়, বাঙ্গালী তাহা হইলে নিশ্চয়ই এই দুর্ভাগ্য কবির প্রতি সম্মান প্রদর্শন করিবে!

রজনীকান্ত অতুলপ্রসাদের মতই গান ছাড়া আর কিছুই লেখেন নাই! কাশিমবাজারের মহারাজা মণীন্দ্রচন্দ্র নন্দী মহাশয় রজনীকান্তের শেষ জীবনে পৃষ্ঠপোষক ছিলেন। কবি তাঁহার কাব্যগ্রন্থে পঞ্চমুখে

এই বদাঙ্ক ভক্তলোকের প্রশংসা করিয়াছেন! শেষ জীবন তিনি দারিদ্র্য এবং অস্বাস্থ্যের সঙ্গে সংগ্রাম করিয়াছেন।

‘অভয়া’ কাব্যগ্রন্থের ভূমিকায় বলিতেছেন—“আমি সঙ্কটাপন্ন পীড়িত, রোগশয্যাতে প্রকৃত দেখিয়া দিবার সামর্থ্য আমার নাই, স্তত্রাং এই গ্রন্থে.....”

“আনন্দময়ী” কাব্যগ্রন্থের ভূমিকায় তাঁহার প্রগাঢ় ভগবৎ ভক্তি পরিষ্কৃত হইতেছে—“জগজ্জননীর পিতৃগৃহে আবির্ভাব ‘আগমনী’ এবং কৈলাসান্তিমুখে তিরোধান, ‘বিজয়া’ নামে অভিহিত। এই ক্ষুদ্র সঙ্গীত-পুস্তকের আভ্যংশ ‘আগমনী’ ও শেষাংশ ‘বিজয়া’। পাঠকগণ পুনঃ পুনঃ শুনিয়াছেন—যে যথা মাং প্রপজ্ঞস্তে তাংস্তুধিব ভজামাহং— যাহারা যে ভাবে আমার শরণাপন্ন হন, আমি সেই ভাবেই তাঁহাদিগকে অনুগ্রহ করি। স্তত্রাং সম্যক্ ও যথাবিধ একাগ্র সাধনায় যে ভগবানকে সম্মানরূপে পাওয়া যায় না, তাই বা কেমন করিয়া বলি? তিনি তো ভক্তের ঠাকুর, যে তাঁহাকে যে ভাবে পাইয়া তুষ্ট হয়, তিনি সেই ভাবেই তাহাকে দর্শন দেন; এ কথা সত্য না হইলে যে তাঁহার করুণাময়ত্বে, তাঁহার ভক্তবৎসলতার কলঙ্ক হয়। ধর্মজীবন ভারতবর্ষ চিরদিন এই ধারণায় কর্তৃক্রেতে অনুপ্রাণিত ও অকুতোভয়। উৎকট-রোগ-শয্যায়, দুর্বল হস্তে এই সঙ্গীতগুলি লিখিয়াছি। আর কোনও আকর্ষণ না থাকিলেও ইহাতে জগদম্বার নাম আছে মনে করিয়া পাঠক অনাদর করিবেন না, এই বিনীত প্রার্থনা।”

রজনীকান্ত সেন কেবল ‘সাধনসঙ্গীত’ই রচনা করেন নাই, কৌতুক সঙ্গীত বা হাসির গানেও তাঁহার বিশেষ নাম ছিল। রবীন্দ্রনাথের কৌতুক সঙ্গীতে বিন্দুমাত্রও হাসি নাই, সেইগুলি Light songs মাত্র! হাসির গানে স্বিজেন্দ্রলালই সর্বশ্রেষ্ঠ: তাঁহার হাসির গানের

ভঙ্গী বা (Dramatic Style) স্তম্ভর ! রজনী সেনের হাসির গান
ছিজেল্লালের সমশ্রেণীর ।

যে লোকটি চিরজীবন দুঃখভোগ করিয়া গেলেন, তিনি যে কেমন
করিয়া এমন কৌতুক বিতরণ করিলেন তাহা ভাবিলে আশ্চর্য্য হইতে
হয় । রজনী সেন লাঞ্চিত কবি, তাহাই তাঁহার হাসির গানে Pony বা
প্লেসের ভাগই বেশি ! ছিজেল্লালের বিস্ময় Fun তাঁহার
গানে অল্প !

স্বর্গীয় অক্ষয়কুমার মৈত্রেয় রজনী সেনের বিশেষ বন্ধু ছিলেন ।
রজনী সেনের গানের পরিচয়ে তিনি বলিয়াছেন—

“কাহারও বাণী গঞ্জে, কাহারও পঞ্জে, কাহারও বা সংগীতে
আভ্যাক্ত ! রজনীকান্তের কান্তপদাবলী কেবল সংগীত । এই কথা
বলিবার জন্তই এই সংক্ষিপ্ত নীরস গঞ্জের অবতারণা ।”

অপর একজন সমালোচক (সারদাচরণ মিত্র) স্তম্ভর ভাষায় কবির
গানের পরিচয় দিয়াছেন—“আশ্চর্য্যের বিষয় এই যে রজনীকান্ত মৃত্যু-
শয্যায় শয়ন করিয়াও হৃদয়াকাশে অনন্ত বিখের প্রতিমা গড়িয়া কবিতা
লিখিতে সমর্থ হইয়াছেন ! রোগের যাতনা, অর্থাভাবের ক্লেশ, পুত্র-
কলত্র নিরাশ্রয়ে ফেলিয়া ইহসংসার ত্যাগের চিন্তা কিছুতেই তাঁহার
কোমল হৃদয়কে ক্রিষ্ট করিতে পারে নাই । তাঁহার হৃদয় পাবাণের মত
নহে, কিন্তু কাব্যরসে এরূপ নিমজ্জিত যে চতুর্দিকে সেই রস ভিন্ন আর
কিছুই নাই । রামপ্রসাদ ভাবুক ছিলেন, স্বভাব কবি ছিলেন !
মহাশক্তি তাঁহাকে শক্তিমান করিয়াছিলেন, বাগ্‌দেবীও সঙ্গে সঙ্গে
মহাশক্তির পার্শ্বে ছিলেন । কবির ‘আনন্দময়ী’ কাব্য পাঠ করিতে
করিতে রামপ্রসাদকে মনে পড়ে । তবে সেকালের ভাষার ও একালের
ভাষায় পার্থক্য আছে ; কিন্তু দার্শনিক ভাবের পার্থক্য নাই, করণ রসের
পার্থক্য নাই ।”

রবীন্দ্রনাথ ও কান্তকবির ভগবৎ-অনুভূতির আন্তরিকতার প্রশংসা
করিতেন—“সিদ্ধিদাতা ত আপনার কিছুই অবশিষ্ট রাখেন নাই, সমস্তই
তিনি নিজের হাতে লইয়াছেন—আপনার প্রাণ, আপনার গান, আপনার
আনন্দ সমস্ত ত তাঁহাকেই অবলম্বন করিয়া রহিয়াছে—অল্প সমস্ত
উপকরণ ত একেবারে তুচ্ছ হইয়া গিয়াছে । ঈশ্বর, যাহাকে রিঙ্ক
করেন, তাঁহাকে তেমন গভীরভাবে পূর্ণ করিয়া থাকেন, আজ আপনার
জীবন-সঙ্গীতে তাহাই ধ্বনিত হইতেছে ।”

১৮৬৫ খৃষ্টাব্দে পাবনা জেলার ‘ভাঙ্গাবাড়ী’ গ্রামে কবির জন্ম হয় ।
রাজশাহী জেলা কোর্টে আইন ব্যবসা তাঁহার জীবনের উপজীবিকা
ছিল । ১৯১০ খৃষ্টাব্দে মেডিকেল কলেজ হাসপাতালের ১২নং কটেজ
ক্যান্সার রোগে কবির মৃত্যু হয় ।

বাংলার অধিকাংশ কবির জীবনের স্থায় রজনী সেনের জীবন ও
বৈচিত্র্যহীন ! রবীন্দ্রনাথ তাঁহার বিশ্বভ্রমণ এবং বিশ্বভারতী প্রতিষ্ঠার
জন্ত জীবনধারাকে নানা বিচিত্র অংশের মধ্যে প্রবাহিত করিয়াছিলেন,
স্থলের ললিত ক্রোড়ে সারাদিন বাঁশী বাজাইয়া তিনি ভুবনকে উপভোগ

রজনীকান্ত স্বকণ্ঠের অধিকারী এবং সুগায়ক ছিলেন ; কিন্তু তাঁহার
সকল গানের স্বর তাঁহারই দেওয়া কিনা সন্দেহের বিষয় ! “কল্যাণী”
গীতিসংগ্রহে তাঁহার নিজস্ব ভূমিকাই এই সন্দেহের মূল ।

“বাণী’তে রাগিণী ও তাল সন্নিবিষ্ট ছিল না, এজন্য কোনও কোনও
সমালোচকের তীব্র লেখনী অনেক প্লেব উল্লীর্ণ করিয়াছে । এবার
সঙ্গীতপ্রিয় জনসমাজের সে অনুযোগের স্থল রাখি নাই । সঙ্গীতে
আমার অধিকার নাই । সুতরাং সঙ্গীতজ্ঞ ব্যক্তিগণের উপদেশে
ও সাহায্যে তাল ও রাগিণী প্রদত্ত হইল । তথাপি তদ্বিষয়ে সঙ্গীত-
বিশারদদিগের সম্পূর্ণ স্বাধীনতা আছে ; তাঁহারা নিজ নিজ রুচি
অনুসারে স্বর-সংযোগ করিতে পারেন ।”

রবীন্দ্রনাথের যুগের অগ্ণাত কবি-স্বরকারের রচনার স্থায় রজনী
সেনের কাব্য এবং স্থরে রবীন্দ্রনাথের প্রচুর প্রভাব রহিয়াছে । এমন
কি তাঁহার বহু গান রবীন্দ্রনাথের রচনা বলিয়া চলিয়া আসিতেছে । এই-
প্রকার একটি গানের উল্লেখ করিতেছি—

মিশ্র কানেড়া—একতাল

আমি তো তোমারে চাহিনি জীবনে, তুমি অশ্রুগারে চেয়েছ ।
আমি না ডাকিতে, হৃদয়-মাঝারে নিজে এসে দেখা দিয়েছ ॥
চির-আদরের বিনিময়ে সখা, চির অবহেলা পেয়েছ ।
(আমি) দূরে ছুটে যেতে, ছ’হাত পসারি, ধরে টেনে কোলে নিয়েছ ॥
‘ওপথে যে’ওনা কিরে এস’, বলে কানে কানে কত ক’য়েছ ।
(আমি) তবু চলে গেছি, ফিরায়ে আনিতে পাছে পাছে ছুটে গিয়েছ ॥
(এই) চির অপরাধী পাতকীর বোঝা হাসি-মুখে তুমি ব’য়েছ ।
(আমার) নিজ হাতে গড়া বিপদের মাঝে, বুকে ক’রে নিয়ে রয়েছ !

উপরের গানটি রবীন্দ্রনাথ রচিত একটি ‘ব্রহ্মসঙ্গীত’ নামে খ্যাতি অর্জন
করিয়াছে ! তাঁহার গান এইভাবেই আমাদের হৃদয় হরণ করিয়াছে ।
রজনীকান্তের গানের সহজ স্বরটি আন্তরিকতায় পূর্ণতা লাভ করিয়াছে,
তাহাই তাঁহার প্রকাশ ভঙ্গীটি স্বর-কৌশল বর্জিত, যেমন শৈরবীতে—

তব চরণ নিম্নে, উৎসবময়ী শ্রাম-ধরণী সরসা ;
উর্ধ্বে চাহ, অগণিত মণি-রঞ্জিত নভো নীলাকলা,
সৌম্য-মধুর দিব্যাক্রমা, শাস্ত-কুশল দরশা !

প্রায় আবৃত্তিরই রূপভেদ ।

রজনীকান্তের অতি প্রসিদ্ধ ‘জাতীয় সংকল্প সঙ্গীত’—

“মায়ের দেওয়া মোটা কাপড় মাথায় তুলে নেয়ে শাই ;
দীন-ছুখিনী মা যে তোদের তার বেশি আর সাধ্য নাই ।”

(মূলতান, গড়খেমটা)

এক সময়ে পথে পথে গাওয়া হইত !

কবির ভগবৎ-গীতিগুলির মধ্যে ‘কেন বঞ্চিত হব চরণে ?’ তাহার

মিশ্র খান্ধাজ ; জলদ একতালা

কেন বাঞ্ছিত হ'ব চরণে ?

আমি কত আশা ক'রে বসে আছি, পাব জীবনে, না হয় মরণে !

আহা, তাই যদি নাহি হবে গো,—

পাতকি-তারণ তরীতে, তাপিত আতুরে তু'লে না লবে গো ;—

হ'য়ে, পথের ধূলায় অন্ধ, এসে, দেখিব কি খেয়া বন্ধ ?

তবে, পারে ব'সে, “পার কর” ব'লে, পাপী কেন ডাকে দীন-শরণে ?

আমি শুনেছি, হে ভূবা-হারি !

তুমি, এনে দাও তারে প্রেম-অমৃত তৃষিত যে চাহে বারি ;

তুমি, আপনা হইতে হও আপনার

যার কেহ নাই, তুমি আছ তার ;

এ কি, সব মিছে কথা ? ভাবিতে যে ব্যাধা

বড় বাজে, প্রভু, মরমে !

রজনীকান্তের এই গানটির একদা প্রসিদ্ধি ইহার প্যারডি রচনার প্রয়াস হইতেই জানা যায় ! ‘প্যারডি’ কবিতার ব্যঙ্গ নয়, তাহার একপ্রকারের appreciation !

কেন বঞ্চিত হ'ব ভোজনে ?

মোরা কত আশা করে' নিজবাসা ছেড়ে

খেতে এসেছি এখানে ক'জনে ।

ওগো তাই যদি নাহি হবে গো,

এত কি গরজ তোমার বাড়ীতে ছুটিয়া এসেছি কবে গো ?

হ'য়ে সুখার জালায় অন্ধ,

এসে, দেখিব কি খাওয়া বন্ধ ?

তবে, তাড়াতাড়ি ‘পাত কর’ বলে’ ডাক তব আশ্রয় স্বজনে ।

মোরা শুনেছি তোমার বাড়ী,

চাহে যদি কেউ একহাতা কিছু এনে দেয় হাঁড়ী হাঁড়ী ।

তুমি, পাবনা হইতে দধি ভারে ভার

মালদহ হতে এনেছ আচার,

একি, সব মিছে কথা ? দিওনাক ব্যাধা

মোরা, খাবনাত বেশী ওজনে ।

(রসকদম্ব পৃষ্ঠা ৮)

কবি সমসাময়িক সঙ্গীতের একজন অনুরাগী শুক্ল এবং রসিক শোভা ছিলেন ; রবীন্দ্রনাথ, ষিঞ্জেললাল এবং অতুলপ্রসাদের গানের সুরের আনুরূপ্যে তিনি অনেক গান রচনা করেন ! ‘কেন বঞ্চিত হ'ব চরণে ?’ গানটির সুর অবলম্বনে তিনি পরে নিজেই অপর একটি গান রচনা করেন—এইটি কোন শিক্ষকের বিদায় উপলক্ষে গাওয়া হয়—

তুমি সত্য কি যাবে চলিয়া ?

পুত্রকণ্ঠা প্রিয় শিশুদলে চেতেছ আজি কি বলিয়া ?

মোরা—ভাসি যে অশ্রু নীরে

তোমার গুণ স্মৃতিটুকু লয়ে যাব কি হে গৃহে কিরে ।

রবীন্দ্রনাথের বিখ্যাত ব্রহ্মসঙ্গীত—

“তোমার কথা হেথা কেহ তো বলে না,

করে শুধু মিছে কোলাহল ।

সুধাসাগরের তীরেতে বসিয়া

পান করে শুধু হলাহল ॥”

ইমন ভূপালী, একতালায় রচিত সুরে রজনী সেনের গান—

—“আমি, সকল কাজের পাই হে সময়,

তোমাতে ডাকিতে পাইনে ;

আমি, চাহি দারা-সুত-সুখ-সম্মিলন,

তব সঙ্গসুখ চাইনে ।”

“তোমারি রাগিণী জীবন-কুঞ্জের” সুরে রচিত রজনী সেনের গান—

(ইমন কাওয়ালী)

“ভীতি-সঙ্কুল এ ভবে, সদা তব

সাথে থাকি যেন, সাথে গো”

রবীন্দ্রনাথের—

“দাঁড়াও আমার আঁখির আগে ।

যেন তোমার দৃষ্টি হৃদয়ে লাগে ॥”

বেহাগ ; তেওয়ারি রচিত সুরে রজনীকান্তের গান—

—“সুনাও তোমার অমৃতবাণী,

অধমে ডাকি' চরণে আনি' ।”

অতুলপ্রসাদ সেনের জাতীয় সঙ্গীত—

“ওঠ গো ভারত লক্ষ্মী, উঠ আদি জগত জন পূজ্যা”র

‘মিশ্র’ সুরে রচিত রজনী সেনের গান—

—আকুল কাতর কঠে, প্রভু, বিশ্ব, চরণ অভিবন্দে ।

পাপ-তাপ সব নাশি, কর প্রাবিত চির-মকরন্দে ॥

বাঞ্ছিত সাধন মুক্তি, দেহ ভক্তি, ওহে অচল শরণ, সুখসিন্ধু !

দেবতা গো, হের শুভ চক্ষে, শাস্তি নিবাস লহ তুলি বক্ষে,

মাগিছে কোটি তপন শশী, মজ্জন চির-সুখ-নীরে গো ॥

* * * *

বন্ধন মোচন কর হে, প্রভু, বার' এ চির পথ শাস্তি ;

কাতরে কহে গ্রহতারি “প্রভু, দেহ চরণ তলে শাস্তি ;

শঙ্কিত শতচিত শূণ্ণে, হতপুণ্যে, প্রভু, দিবে না কি যাচিত মোক্ষ ?

দেবতা গো.....

সম্বর দুঃসহ শক্তি, প্রভু, রোধ এ ঘূর্ণিত চক্র ;

কর হে নির্দেশ শূণ্ণ, যত, সঙ্কট পথ ঋজু বক্র ;

শুভিত কর হে মুহূর্ত্তে, তলে, উর্ধ্বে,

(যত) অগণিত শশী, রবি, রুদ্রে ;

দেবতা গো.....”

ষিঞ্জেললাল রায়ের “আমরা বিলাত ফেরতা ক' ভাই” গানটির সুর বোধ হয় কবির অতি প্রিয় ছিল, তাহার ঐ সুরে অনেকগুলি হাসির গান পাইতেছি—

(১) আমরা, মোজারি করি ক'জন, (২) আমাদের ব্যবসা পৌরোহিত্য, (৩) দেখ, আমরা দেওয়ানী হজুর, (৪) আমরা Dey কি Ray কি Sanyal, (৫) দেখ আমরা জঞ্জের Pleader, মিশ্র ইমন কল্যাণে “দেখ আমরা হচ্ছি পাশ করা ডাক্তার মস্ত”

কীর্তনের নানাপ্রকার চণ্ডে রজনীকান্ত গান গাঁধিয়াছিলেন। আঁখর বাহুল্যে তাঁহার কীর্তন মহাজন পদাবলীর কথা স্মরণ করাইয়া দেয়—(১) এই মোহের পিঞ্জর ভেঙ্গে দিয়ে হে (গড় খেমটা) (২) বয়ে থাক হরি, প্রেমেরি বখা (এই) শুক হৃদয় মাঝে (জলদ একতালা) (৩) আর ধরিস্ নে, মানা করিস্ নে (৪) আজি জীবন-মরণ সন্ধিরে।

‘মনোহর সাঁই’ কীর্তনের গীতিরীতিতে রচিত—(১) যেমনটি তুমি দিয়েছিলে মোরে, (২) আমি পাপনদীকূলে পাপতরুন্মূলে বাঁধিয়াছি পাপবাসা (জলদ একতালা), (৩) আহা কত অপরাধ ক'রেছি। আমি তোমারি চরণে (৪) তুমি স্থন্দর, তাই তোমারি বিশ্ব স্থন্দর শোভাময় প্রভৃতি—

আঁখর বর্জিত কীর্তনের মধ্যে ভাঙা সুরে উল্লেখযোগ্য ঝাঁপতালে (১) “নাথ, ধর হাত, চল সাথ, (২) আয় শুহ, গণপতি কোলে আয়, (৩) যামিনী হইল ভোর (কাওয়ালি) প্রভৃতি

বাউলের সুরে রজনী সেনের গানগুলির মধ্যে কতকগুলিতে দেহতত্ত্ব এবং বৈরাগ্যের ভাবটি এবং কয়েকটিতে দেশপ্রেম এবং কয়েকটিতে Mystic ভাব প্রকাশ পাইয়াছে। যেমন—

(১) আমরা ডেকে ডেকে, ফিরে গেছে মা (গড় খেমটা), (২) তুমি আমার অন্তস্থলের খবর জান (৩) চাঁদে চাঁদে বদলে যাবে, সে রাজার এমন আইন নয় (আড় খেমটা), (৪) আজ যদি সে, নারাজ হ'য়ে রয়, (৫) ভাসা রে জীবন-তরণী ভবের সাগরে (কাহারবা), (৬) আঁকড়ে ধরিস্ যা কিছু, তাই ফস্কে যায়, (৭) আছ ত' বেশ মনের সুখে, (৮) যমের বাড়ী নাই কোনও পাঁজি, (৯) তুই লোকটা তো ভারি মস্ত, (১০) তারে ধরবি কেমন করে ?, (১১) এই দেহটার স্তিতর বাহির ছাই।

রামপ্রসাদী ভাব কেবল সুরেই নয়, কাস্তকবির বহু গানের বস্তুও প্রকাশিত। যেমন (১) ঝাঁঝিট রাগিণীতে—

পার হ'লি পঞ্চাশের কোটা। আর দুদিন বাদে মম রে আমার,
ফুল ঝ'রে যাবে, থাকবে বোঁটা।

* * * তোম খাওয়া পরা ঢের হয়েছে, এখন পারের কড়ি জোটা,
কাস্ত বলে সব ফেলে দিয়ে, তুলে নে' কঞ্চল আর লোটা।

(২) বাউলের সুরে কবি সাধকজন-স্থলভ বৈরাগ্যের ভাবটি ফুটাইয়াছেন—

আর কি ভাবিস্ মাঝি বসে ?

এই বাতাসে পাল তুলে দিয়ে হাল ধরে থাক কসে।

* * * মরণ-সিঁদু মাঝে গিয়ে পড়'বি রে নিজ কর্মদোষে।

রামপ্রসাদ সেনের সাধক জীবন এবং তাঁহার ভক্তদের সঙ্গে কবি রজনী সেনের জীবনের এবং সাধনার বেশ মিল আছে! রামপ্রসাদী সুরে তাঁহার গানের মধ্যে উল্লেখযোগ্য—

(১) মা, আমি যেমন তোর মন্দ ছেলে, (২) আমায় পাগল করবি কবে ?

যশোহরের ‘মধুকাইন’ বা মধুসূদন কিল্লরের কীর্তনের মূহু লয় এবং ধীরগতি একটি বিচিত্র সুরভঙ্গী। ইহার নাম চপকীর্তন। রজনী সেনের এই চণ্ডে রচিত গান—

(১) ধন্ত মানি মেনকাকে (ঠেস্ কাওয়ালি) (২) গা তোল গা তোল গিরিরাণি। সংস্কৃত ছন্দের উচ্চারণ ভঙ্গীর হ্রস্ব এবং দীর্ঘ স্বর ভেদে গাহিবার নির্দেশ দেওয়া আছে তাঁহার কয়েকটি কীর্তনে—(১) কনকোঙ্কল-জলদ-চুম্বি মণি-মন্দির মাঝে রে এবং (২) প্লাবিত গিরি-রাজ-নগর কি পুলক-মকরন্দে ! জয়দেবের গীতগোবিন্দের ‘স্মরণলখনং’ সুরে রচিত একটি গান আছে—

“আজি, শিখিল সব ইন্দ্রিয়, চরণ-কর নিক্রিয়,

তিমিরময় শ্রাণপ্রিয় গেহ ;

কে, শান্তি-স্থখ দূর করি', বজ্র করে কেশ ধরি',

বেগভরে শূন্যে তেলে দেহ !”

রজনী সেনের দেশ-প্রেম উদ্দীপনার গানও আছে, কিন্তু কবির এমন দুর্ভাগ্য যে, সেই গানগুলিও আজ আর কেহ গাহিতে জানেন না ! তাঁহার স্বদেশী গানের মধ্যে—

(১) ভারতকাবানিকুঞ্জে,—জাগ স্তম্ভলময়ি মা ! (ভৈরবী, কাওয়ালি)

(২) সেখা আমি কি গাহিব গান (গৌরী ; একতালা)

(৩) জয় জয় জনমভূমি, জননি ! (মিশ্র পরজ, কাওয়ালি)

(৪) শ্যামল-শস্ত-ভরা (ভৈরবী ; কাওয়ালি)

(৫) নমো নমো নমো জননি-বঙ্গ (সুরটমল্লার)

সংকীর্তনের সুরে ছন্দে ‘হিন্দু-মুসলমান-’ মিলন-গীতিটি আজ এই সাম্প্রদায়িক বিরোধের দিনে স্মরণীয়।

আয় ছুটে ভাই, হিন্দু মুসলমান !

ঐ দেখ্ ঝ'চ্ছে মায়ের দু'নয়ান।

আজ, এক ক'রে দে সঙ্ক্যা নামাজ

মিশিয়ে দে আজ, বেদ কোরাণ।

(জাতি ধর্ম ভুলে গিয়ে রে, হিংসা বিদ্বেষ ভুলে গিয়ে রে)।

১৩১২ সালে রজনী সেন তাঁহার জন্মভূমি ‘ভান্ডাবাড়ী’র (পাবনা) নিকট এক গ্রামে শাক্ত এবং বৈষ্ণব সম্প্রদায়ের মধ্যে তীব্র রেষারেষি এবং মনোমালিন্য লক্ষ্য করেন ; কবি একটি কীর্তন গান রচনা করিয়া সেইখানে গাহিয়াছিলেন—

ভেদ বুঝি ছাড় ‘দুর্গা’, হরি, দুই তো নয়,

এ কি রে দুই পরিচয়।

শাক্ত, দে ভাই ‘হরিধ্বনি’,

বৈষ্ণব, বল, কালীর’ জয়।

যেমন, জলকে বলে কেউ বা ‘পানি’,

কেউ বা ‘বারি’, কেউ বা ‘পন্ন’।

ভারতীয় উচ্চাঙ্গ রাগরাগিনী অবলম্বনে রচিত রজনী সেনের গানগুলি হইতে তাঁহার স্বরদক্ষতার যথেষ্ট পরিচয় পাওয়া যায় ! তাঁহার বিশুদ্ধ রাগপ্রধান গানগুলির মধ্যে কয়েকটির উল্লেখ করিতেছি—

(১) বেহাগ ; কাওয়ালি—কবে তুঁবিত এ মরু ছাড়িয়া যাইব তোমারি রসাল নন্দনে । (২) পুরবী ; একতালা—তোমার, নয়নের আড়াল হতে চাই আমি, তোমারি ভবনে করি' বাস । (৩) বারোয়াঁ-একতালা—তব, শান্তি-অরণ শান্ত করণ কনক কিরণ পরশে । (৪) ঘট ; একতালা—নিরুপায়, সব যে যায়, আর কে ফিরায় তোমা ভিন্ন । (৫) হাথীর ; কাওয়ালি—(আমি) দেখেছি জীবন ভ'রে চাহিয়া কত (৬) রাজবিজয়, তেওরা—জয় বিশ্বধারিকে ! তাপবারিকে !

(৭) কেদারা-মধ্যমান—জাগাও পথিকে, ও সে যুমে অচেতন । বেলা যায়, বহু দূরে পাম্ব-নিকেতন । (৮) গৌরী-চৌতাল—আমার হ'ল না রে সাধন এত আলো বিশ্ব-মাঝে, মুক্ত করে দিলে ঢালি ।

রজনী সেনের অপেক্ষাকৃত উচ্চাঙ্গের স্বরের গানের মধ্যে সুপ্রসিদ্ধ (১) পরম প্রেম স্বন্দর জ্ঞান নয়ন নন্দন—স্বরটমজার, স্বরফাঁকা (সম্পূর্ণ শ্রেণীর গান, বাদী রে, সঘাদী গা) । (২) কার কোলে ধরা লভে পরিণতি (গৌরী, একতালা)—বাদী পা, সঘাদী গা, সম্পূর্ণ শ্রেণী, ব্যবহার—ঝা মা ক্লা দা । (৩) আমি দেখেছি জীবন ভরে চাহিয়া কত (হাথীর কাওয়ালী) সম্পূর্ণ জাতি, বিকৃত ঠাট, ধা বাদী ; ব্যবহার মা, ক্লা । নীলকান্ত রায় মহাশয়ের স্বরলিপি অনুসারে এই গানটির স্বররূপ—

<p>•</p> <p>II না ধা না ধা </p> <p>দে পে ছি জী</p>	<p>১</p> <p>পক্ষ্মা পা গা মা</p> <p>ব • ন ভ রে</p>	<p>+</p> <p>না ধা না নরী </p> <p>চা চি যা ক •</p>	<p>৩</p> <p>সী -১ -১ -১ </p> <p>ত • • • •</p>
<p>•</p> <p>সী রী সা সী </p> <p>আ মা রে ধা</p>	<p>১</p> <p>ধা না পা ধা</p> <p>দা ও সব ই</p>	<p>+</p> <p>ক্ষা পা গা রা </p> <p>তো মা রি ম</p>	<p>৩</p> <p>সা -১ -১ -১ </p> <p>ত • • •</p>
<p>•</p> <p>পা ধা পা ধনসী </p> <p>আ কুল হঃ •</p>	<p>১</p> <p>সী সী সী সনধা</p> <p>হ' য়ে মি ছেঃ</p>	<p>+</p> <p>ধা না ধনা স'রী </p> <p>চে য়ে ম • রি •</p>	<p>৩</p> <p>সী নসী ধনা পা </p> <p>ক ত • কি • য়ে</p>
<p>•</p> <p>সা সা রা রা </p> <p>প দ ত লে</p>	<p>১</p> <p>গা গা ক্ষা ক্ষা</p> <p>নি ষ ফ ল</p>	<p>+</p> <p>না না নধপা ধনা </p> <p>যা স নাঃ • না •</p>	<p>৩</p> <p>ধনা সী -১ -১ </p> <p>ত • • • •</p>

রজনী সেনের সাধন-সঙ্গীতের প্রধান বৈশিষ্ট্য তাহার স্বাভাবিকতা ! খৃষ্টীয় চার্চের আদর্শে গঠিত ব্রাহ্মসমাজের এসাদে সৃষ্ট ব্রহ্ম সঙ্গীতের ধারায় কৃত্রিম গাঙ্গীধাপূর্ণ পরিবেশ হইতে তাঁহার সাধন সঙ্গীত মুক্ত ; তাঁহার ভজনগান হৃদয়ানুভূতির স্বতন্ত্র প্রকাশ, ব্রহ্ম সঙ্গীতের গায় ফরমাইশি প্রার্থনা-সঙ্গীত নয় ! রামপ্রসাদের পর বহুদিন পরে রজনী সেনের গানে বঙ্গবাসীর হৃদয়াকৃতি সহজভাবে প্রকাশ করিয়াছে !

এইবার রজনী সেনের হাসির গান সম্বন্ধে দুই একটি আলোচনা করিব ! রজনী সেন এই ধারায় ষ্টিজেল্লালের অনুগামী ! তাঁহার কৌতুকগীতিতে কোথাও শীলতার মাত্রা ছাড়ায় নাই ! এইগুলি বিশুদ্ধ কৌতুকের নিদর্শন, তবে উচ্ছ্বাস বিশেষ প্রকাশ পায় নাই ! তাঁহার কৌতুক গীতির মধ্যে এইগুলি রসোত্তীর্ণ—

(১) যদি, কুমড়োর মত চালে ধরে রত পানতোরা শত শত
আর, স'রবের মত হত মিহিদানা, বুঁদিয়া বুঁটের মত !
(মনোহর সাঁই কীর্তন)

(২) রাজা অশোকের ক'টা ছিল হাতী (পুরাতত্ত্ববিৎ)

(৩) তিনকড়ি শর্মা—আমি যাহা কিছু বলি—সবি বজুতা ।
(৪) হয় নি কি ধারণা, বুঝিতে পার না (বসন্ত বাহার)
(৫) আঃ, যা কর, বাবা, আস্তে ধীরে (কীর্তন)
(৬) আমি পার হতে চাই, ওরা আমায় দেয় না পারের কড়ি
(মিশ্র বিভাস)
(৭) ভারি সুনাম করেছে নিধিরাম (খাখাজ)
(৮) হরি বল রে মন আমার (মিশ্র খাখাজ)

তবে তাঁহার বহু হাসির গানেই প্রামাণ্যতা দোষ আছে ।

রজনী সেন, গীতাঞ্জলির পরবর্তী যুগের কবি, রবীন্দ্রনাথের mystic সাধনার ধারা সঙ্গীতে তিনিও গ্রহণ করিয়াছিলেন ! অনেকের ধারণা তাঁহার এই শ্রেণীর গানে রবীন্দ্রনাথের অপেক্ষা অধিকতর আন্তরিকতা পরিস্ফুট ! তাঁহার শ্রেষ্ঠ গান দুইটির মধ্যে গীতাঞ্জলির গানের স্বর পাওয়া যায় ।

তোমারি দেওয়া প্রাণে, তোমারি দেওয়া দুখ (আলেয়া মিশ্র, তেওরা)
তুমি নির্মল কর, মজল করে মলিম মর্ম মুছা'য়ে (ভৈরবী, জলদ—একতালা)

রজনীকান্তের গান কালের প্রবাহে স্থায়ী হইতে পারে নাই, তাহার কারণ বরীন্দ্রনাথের গানের সর্বগ্রাসী প্রতিষ্ঠা। দেশের লোক বরীন্দ্রনাথের গানের মধ্যেই রজনীকান্তের সমস্তটুকুকেই পাইয়াছে।

প্রায় এই বিন্দুত কবির কবিপ্রতিষ্ঠার স্মৃতিরক্ষার জন্ত তিনটি উপায় অবলম্বন করা হইলে ভালো হয়—

- (১) তাঁহার সমগ্র গানের স্বরলিপি করিয়া তাহার সংরক্ষণ।
- (২) তাঁহার অমুরাগী গায়কগণের দ্বারা তাঁহার গানের প্রচার।
- (৩) তাঁহার নামে একটি সমিতি স্থাপন করিয়া তাহার হস্তে তাঁহার গানের স্মরণ এবং দায়িত্ব অর্পণ।

তাঁহার শ্রিয় গানের দ্বারাই তাঁহাকে প্রণাম জানাই !

সুখের হাট কি ভেঙ্গে নিলে !

মোদের মর্মে মর্মে রইল গাঁথা, (এই) ভাঙ্গা বীণায় কি সুর মিলে।

দুঃখ দৈন্ত্য ভুলে ছিলাম ডুবে আনন্দ-সলিলে ;

(ওগো) দুদিন এসে দীনের বাসে, আঁধার করে আজ চলিলে ।

কান্তকবির একটি গানের স্বরলিপি দিয়া নিবন্ধের উপসংহার করি—

তাঁহার সকল গানের রূপটিই এই শ্রেণীর।

(দিলীপকুমার রায়কৃত স্বরলিপি)

৪ সা ঋা | II সঝা জমা | মা মা | পমা পমা | জরা জা | রা জা
 তু মি নি ঋ ম ল ক র মং - গ ল

৪ মা জরজা | সা ঋা | সা সঝা | জমা মা | ঋজা ঋা | সা -
 ক রে ম লি ন ম ঋ ম মু ছা য়ে -

৪ সঝা সগা | II সা ঋসা | পা - | দা পা | পদা মপা | পদগা পদগা
 তু মি ত ব পু - গ্য কি র গ দি য়ে

৩ পা মা | মা - | পা গা | পগা দা | পা মাপ | মজরা জা | রজা রজা
 যা ক মো র মো - ত কা লি মা যু চা য়ে -

৪ মজা ঋসা | সা ঋা | সা সঝা | জমা জমা | রজা ঋা | সা -
 - - ম লি ন ম ঋ ম মু ছা য়ে -

আবির্ভাব

শ্রীমতী রঞ্জিতা কুণ্ড এম-এ

মধুর আবেশ সোনার দেশের স্বপ্নে ভরা,
 রঙীন হ'ল আজ যে আমার বহুক্ষরা।
 প্রাণের মাঝে উঠলো জেগে কোন্ সে কবি
 রূপে, রসে, রঙে আঁকে কতই ছবি।

যা ছিল সব এতকালের চেনা জানা,
 তাদের মাঝে দেখা দিল কোন অজানা।
 গোপন আমার হৃদয়পুরে সুর জেগেছে,
 মনের পাতে অমুরাগের রঙ লেগেছে।

পথ হারিয়ে এলাম এ কোন অচিন দেশে,
 নিখিল জগৎ দেখা যে দেয় নূতন বেশে।

কীর্তনপ্রেমী রসময় মিত্র

অধ্যাপক শ্রীখগেন্দ্রনাথ মিত্র এম্ এ

হিন্দুস্কুলের হেডমাষ্টার রূপে রসময় মিত্র যে রকম নাম করেছিলেন, সে রকম নাম অল্পদিনের মধ্যে আর কেউ করতে পারেন নি। হেয়ার স্কুলে ছিলেন ঈশানচন্দ্র ঘোষ, হিন্দুস্কুলে রসময় মিত্র। শিক্ষাজগতে দুই দিকপাল।

রসময় নাকি বাল্যকালে গান গেয়ে তাঁর রুষ্ঠ শিক্ষককে শিক্ষা দিয়েছিলেন। নিজের শিক্ষক হয়েও তিনি কীর্তন গানের ভক্ত হয়েছিলেন। তাঁর কতকগুলি সঙ্গী ছিলেন, তাঁদের নিয়ে সাধারণতঃ তিনি বন্ধুবান্ধবের বাড়ীতে কীর্তন করতেন—সাধারণ কীর্তনীয়ারই মতো। আকৃতিতে তিনি ছিলেন বেশ দীর্ঘাকার, পাতলা গঠন, দাড়ি গোফ কেশ ছিল অল্প-বর্জিত। বেশবিশ্বাসে তিনি ছিলেন অত্যন্ত সরল।

তিনি যখন দাড়িয়ে কীর্তন গাহিতেন এবং শ্রোতাদের মুখের কাছে গিয়ে পদাবলীর মধুর ব্যাখ্যা দিতেন, তখন সকলেই মুগ্ধ হতো। এই ছিল তাঁর চরম পুরস্কার। কীর্তন-গানের ভক্ত হওয়ার অপরাধে এই অসাধারণ যোগ্য লোক কখনও বিশ্ববিদ্যালয়ের পরীক্ষক নিযুক্ত হতে পারেন নি। তিনি সরকারী চাকরী করতেন; ছুটি লোকে কর্তৃপক্ষের নিকট কীর্তনগানের জন্য অভিযোগ করতেও ভ্রুটি করেনি।

আমি যখন প্রেসিডেন্সী কলেজে বদলী হয়ে এলাম, (১৯০৬সালে) তখন রসময়বাবু হিন্দু স্কুলের হেড মাষ্টার। তাঁর কীর্তনের খ্যাতি আমি পূর্বেই শুনেছিলাম। গেলাম তাঁর সঙ্গে একদিন দেখা করতে হিন্দু স্কুলে—তার আগে তাঁকে কখনও দেখি নি। জলখাবার ঘরে তিনি উবু হয়ে বসে তামাক খাচ্ছিলেন। আমি অহুমান্বে তাঁকেই নমস্কার করলাম এবং আমার পরিচয় দিলাম। তিনি বললেন ‘কি চান?’

‘আপনি খুব ভাল কীর্তন করেন, শুনে আমি এসেছি। যখন আপনার কোথাও গান হবে, তখন যদি আমায় একটু খবর দেন দয়া করে’—

‘ও, আপনি আমার পাগলামির কথা শুনেছেন। আচ্ছা; আচ্ছা—’ বলেই নমস্কার করলেন। কাজেই আমার পক্ষে বিদায় নেওয়া ছাড়া উপায় রইল না।

খবর মিলল না। আবার গেলাম তাঁর কাছে। এবারও সংক্ষেপে ‘আচ্ছা, আমার মনে আছে’—বলে আমাকে বিদায় দিলেন।

এরও সাত আট মাস পরে আমি আবার গেলাম হিন্দুস্কুলে। সেদিনও তিনি জলখাবার ঘরে বসে তামাক খাচ্ছিলেন। সেদিনও তিনি আমায় সংক্ষেপে বিদায় করবার চেষ্টায় ছিলেন। কিন্তু তিনি নমস্কার করবার পূর্বেই আমি সাহস সঞ্চয় করে বলে ফেললাম—

‘আমায় খবর দিলেন না; কিন্তু আমি আপনার সঙ্গে থাকলে আপনার গানের কোনও ক্ষতি হতো না—’

‘কেন? আপনি কি গান জানেন?’

আমি জোরের সঙ্গে বললাম, ‘আজ্ঞে হ্যাঁ।’

তখন আমার বয়েস অল্প। গলা আছে। কিন্তু সেজন্মে ‘হ্যাঁ’ ব’লিনি। একটা অধিকার আমাকে আদায় করতে হবে; কাজেই সেখানে লজ্জা করলে চলে না। তা নইলে ও রকম বাচালতা করা যে অশোভন, সে কথা আমার যে জানা ছিল না তা নয়।

রসময়বাবু তখনই বললেন—

‘বেশ, আগামী রবিবার দীনবন্ধু মিত্রের বাড়ীতে ‘কুঞ্জ ভঙ্গ’ গান হবে—খুব ভোরে আসতে পারবেন? আপনি ভোরে ওঠেন ত?’

আমি বললাম ‘খুব ভোরে উঠি নে। তবে চেষ্টা করলে উঠতে পারবো নিশ্চয়।’

খুব ভোরেই মদন মিত্র (এখন দীনবন্ধু) লেনে গেলাম, কিন্তু তার পূর্বেই গান আরম্ভ হয়ে গেছে। আমাকে ডেকে নিয়ে রসময় তাঁর পাশেই বসালেন। কিন্তু আমি আমার কথা রাখতে পারলাম না—তাঁর গানে সুর দিতে অপারগ হলাম। তার কারণ, মনোহরসাহী কীর্তনের টেকনিক তখন আমার কিছুই জানা ছিল না। তারপর অভ্যাস না থাকলে একজনের সঙ্গে আর একজন কীর্তন গানে দোয়ারকি দিতে পারে না। গান ধরতে না-ই পারি, আনন্দ পেলাম প্রচুর। রসময়বাবুর কণ্ঠে যে খুব মধুর

ছিল, তা বলা যায় না। অন্ততঃ আমি যে সময়ে তাঁর গান শুনেছি, তখন তাঁর স্বাভাবিক কণ্ঠস্বর বিশেষ মিষ্ট ছিল না। বাল্যকালে তাঁর কণ্ঠ সম্ভবতঃ মধুর ছিল।

এই প্রসঙ্গে মনে পড়ছে, তাঁর রোগ-ভোগের কথা। সেবার কলকাতায় ব্যাপক ভাবে ইনফ্লুয়েঞ্জা হয়—বোধ হয় ১৯১৯ সালে—রসময়বাবু ডবল নিউমোনিয়ায় আক্রান্ত হন। জীবনের আশা ছিল না। শুনেছি আসন্ন মৃত্যুর সঙ্গে দিনের পর দিন সংগ্রাম করতে দেখে ডাঃ ব্রাউন আশ্চর্যান্বিত হয়ে গিয়েছিলেন। চিকিৎসা করছিলেন বোধহয় ডাঃ নলিনীরঞ্জন সেনগুপ্ত। ব্রাউন সাহেব বিস্মিত হয়ে তাঁকে বললেন—

‘এই ডবল নিউমোনিয়া রোগীর ফুসফুস এতদিন কি করে’ টিকে আছে, তাই ভাবছি’—

ডাঃ সেনগুপ্ত বলেছিলেন, ‘বোধ হয় কীর্তন করেন বলে’ গুঁর ফুসফুস এই চাপ সহ্য করতে পারছে...’

তারপর তিনি ব্রাউন সাহেবকে বুঝিয়ে দিলেন যে, কীর্তন করতে হলে দুতিন ঘণ্টা ধরে উচ্চকণ্ঠে চেঁচাতে হয়।

ব্রাউন সাহেব সব শুনে’ বললেন—‘That has saved him’ এতেই উনি বেঁচে গেলেন।’

যা হোক, রসময়ের শক্তি ছিল অসাধারণ। ঘণ্টার পর ঘণ্টা তিনি গান করে’ যেতেন, সময় কোন দিক দিয়ে চলে যেতো কেউ তার খোঁজ রাখতো না।

রসময়বাবু মহাজন-পদাবলী গান করতেন। এই সকল পদ অনেক সময়ে ব্রজবুলি ভাষায় রচিত। গায়ক যদি সেগুলি গানের মুখে ব্যাখ্যা করে’ না দেন, তা হলে অনেকের পক্ষেই অর্থ গ্রহণ করা কঠিন হয়। রসময় আখরের সাহায্যে পদের ব্যাখ্যা করতেন। এরূপ কবিত্বপূর্ণ ভাবানুগত ব্যাখ্যা আমি আর কারও কাছে শুনিনি। এর কারণ, তাঁর বৈষ্ণব-শাস্ত্রে প্রচুর অভিজ্ঞতা ও অসাধারণ রসজ্ঞতা। তাঁর গান শুনে আমার মনে হয়েছিল যে শুধু গান শিক্ষা করলেই কীর্তন-গায়ক হওয়া যায় না। বিদ্যা থাকলেও হয় না। প্রচুর অধ্যয়ন ও সেই সঙ্গে ভগবৎকৃপা চাই। পূর্বে ধারা কীর্তন গান করতেন, তাঁদের মধ্যে এই দুটি গুণের ধারা অধিকারী ছিলেন, তাঁরাই স্বার্থ অধিকারী বলে’ গণ্য হতেন। পণ্ডিত

অদ্বিতীয় কীর্তন-গায়ক বলে পরিগণিত হয়েছিলেন, অপরদিকে তিনি টোলে অধ্যাপকতা করতেন। অবধূত বন্দ্যোপাধ্যায়েরও পাণ্ডিত্য ছিল অসাধারণ। বঙ্গদেশের কীর্তন-গায়কদের মধ্যে একদিন তিনি শীর্ষস্থান অধিকার করেছিলেন।

রসময় বছবার আমার বাড়ীতে কীর্তন করেছেন। কক্ষটি প্রশস্ত ছিল—এত ভীড় হতো যে তিলধারণের জায়গা থাকতো না। ঘোড়াসাঁকোর বিজয় সিংহ, সার দেবপ্রসাদ সর্কাধিকারী, নাটোরের মহারাজ জগদীন্দ্রনাথ প্রভৃতি গান শুন্তে আসতেন। গানের মাঝে যখন রসময় আখরের পর আখর যোজনা করে’ রসময়টি করতেন, তখন এই সকল খ্যাতিনামা ব্যক্তি ভাবে গদগদ হয়ে তাঁর পায়ের ধূলা নিতেন।

একবার এই রকম গান হচ্ছে আমার বাড়ীতে। ঘরে লোক ধরে না, সিঁড়ির উপরে নিজ নিজ উড়ানী বিছিয়ে বহু ভদ্রলোক বসে’ গান শুনছেন—সেখান থেকে রসময়বাবুকেও দেখা যায় না, গানের আসরও দৃষ্টিগোচর হয় না। ভক্তেরা নিবিষ্ট মনে গান শুনছেন। এমন সময় আমার বন্ধু যামিনী কবিরাজ সিঁড়ি দিয়ে কোনও মতে উঠে’ এসে আমাকে ডাকলেন। তখন আমি রসময়বাবুর পাশে বসে’ দোয়ার্কি করছি। বন্ধুর ডাকে আমাকে উঠে’ যেতে হলো। যামিনী এত ভীড়ে ‘হলে’ প্রবেশ করতে রাজি হলেন না; আমি ফিরে এসে আবার গানে যোগদান করছি, এমন সময় রসময় দুহাতে আমার মাথা নিয়ে সজোরে মর্দন করলেন। দর্শকেরা আমার প্রতি এরূপ দণ্ডদান দেখে চমকিত হলেন। আমি বুঝলাম রসভঙ্গ করা আমার উচিত হয় নি—আমার না-উঠাই উচিত ছিল।

রসময়বাবুর সরলতা ও অমায়িক ব্যবহার আমাকে মুগ্ধ করেছিল। আমি তাঁর কাছ থেকে অনেক কিছুই শিখেছিলাম। প্রধানতঃ তাঁরই গানে আকৃষ্ট হয়ে’ আমি কীর্তন শিখতে প্রবৃত্ত হই। রসময় গান করতেন মনোহর-সাহী কীর্তন—আমি শিখতে চেঁচা করলাম গরাগহাটা। শেষে যখন শরীরের গতিকে রসময়বাবু গান করতে বিরত হলেন, তখন তিনি প্রায়ই আমার গানে আসতেন এবং আগাগোড়া বসে’ শুনতেন।

আমি আজ গৌরব বোধ করি। আমি যে তাঁর আশীর্বাদ লাভ করতে পেরেছিলাম, এ আমার জীবনের এক মূল্যবান সঞ্চয়। একটি ঘটনা থেকে তাঁর প্রীতির প্রকৃষ্ট পরিচয় পেয়েছিলাম। রাণী ভবানী স্কুলের পারি-তোষিক-সভা—ইউনিভার্সিটি ইনষ্টিটিউটে। আমি ঐ বিদ্যালয়ের সঙ্গে ঘনিষ্ঠ ভাবে সংশ্লিষ্ট। আমি সভায় যেতেই দেখি, রসময়বাবু বারান্দায় একটি চেয়ারে বসে আছেন, আমি তখন দর্জিপাড়া থেকে উঠে এসে বালিগঞ্জ বাস করছি। দেখা সাক্ষাৎ খুব কমই হয়।

আমাকে দেখে রসময় বললেন, ‘আপনি আজ এখানে আসবেন, এ আমি নিশ্চয় জানি। তাই আমি এসেছি।’

আমি তাঁর পায়ের ধূলা নিলাম। জিজ্ঞাসা করলাম, ‘শরীর কেমন আছে?’

তিনি বললেন ‘ভালই আছি।’

‘তা হলে একদিন আমার বাড়ীতে গান করুন। কি বলেন?’

রসময়বাবু সম্মত হলেন। বললেন, একটু জল পড়ুক, একটু ঠাণ্ডা হোক—’

মে মাস, সেবার খুব গরম পড়েছিল।

আমরা উভয়ে হলে প্রবেশ করলাম। তারপর তিনি যে কখন চলে গেছেন, আমি তা লক্ষ্য করি নি। বোধ হয় বেশীক্ষণ ছিলেন না। বিকাল পাঁচটায় তাঁর সঙ্গে আমার দেখা—কিন্তু ভোর পাঁচটা না বাজতেই তিনি আর ইহলোকে নেই। রোগ নেই, যন্ত্রণা নেই, পরম শান্তিতে তিনি কাউকে কিছু না বলে’ চলে গেছেন অমরলোকে। মনে হলো, সার্থক তাঁর ভজন সাধন, সার্থক তাঁর হরিনাম কীর্তন। পাশের ঘরে তাঁর পুত্র মহীমোহন ছিলেন, তিনি পর্গল জানতে পারেন নি কখন রসময় তাঁর প্রিয়তমের জন্মে অভিসারে গমন করেছেন। সেদিন বার বার আমার এই কথাই মনে হয়েছে যে আমাকে শেষ দেখা দিবার জন্যই তিনি পূর্বদিন সভায় এসেছিলেন।

রসময় তাঁর একখানি আত্মজীবনী লিখেছিলেন, নাম দিয়েছিলেন ‘কৃপাবৃষ্টি’। ভগবানের কৃপাই তাঁর জীবনের অবলম্বন ছিল, সেই কথাই তিনি বর্ণনা করেছেন। কিন্তু বিনয়বশতঃ গ্রন্থখানি প্রচার করেন নি। কেবল বন্ধুবান্ধবের হাতে দিয়েই তিনি তৃপ্তিলাভ করেছিলেন।

শ্রীশ্রীরাম মহর্ষি

শ্রীনীলিমা মজুমদার

বিগত ১৪ই এপ্রিল বেদান্ত ধর্মের মূর্ত প্রতীক ব্রহ্মজ্ঞ শ্রীশ্রীরাম মহর্ষি মহাপ্রয়াণ করিয়াছেন। তাঁহার তিরোধানে আমরা একজন জীবন্ত ঐশ্বরজ্ঞ মহাপুরুষকে হারাইলাম।

বঙ্গদেশে জনসাধারণের নিকট তিনি বিশেষভাবে পরিচিত না হইলেও সমগ্র দাক্ষিণাত্যে এবং ভারতবর্ষের অসংখ্য প্রদেশে এমন কি হৃদর ইংলণ্ড, আমেরিকা, ফ্রান্স, হাওয়াই শ্রীশ্রীরাম মহর্ষি সুপরিচিত। গত ১৩৫৪ সনের পৌষ সংখ্যায় ভারতবর্ষ পত্রিকায় লেখিকা কর্তৃক লিখিত তাঁহার সঙ্ক্ষে একটা প্রবন্ধ প্রকাশিত হয়। একাধিকবার এই উপোঙ্কল কোপীনধারী অরণ্যচলের ঋষির শান্ত সমাহিত মূর্তি দর্শন করিবার মৌভাগ্য হইয়াছিল,—তাঁহার সান্নিধ্য লাভ করিয়া নিজের জীবন-মন ধ্বংস ও কৃতার্থ করিয়াছি। আজ তাঁহার নখর দেহের অবসানে, ভারাক্রান্ত হৃদয়ে প্রজ্বলিতচিত্তে তাঁহার সঙ্ক্ষে কিছু বলিতে ইচ্ছা করি।

এই আত্মজানী মহাপুরুষ ১৮৭৯ খৃঃ ৩০শে ডিসেম্বর মাহারার নিকট

এক ব্রাহ্মণ পরিবারে জন্মগ্রহণ করেন। তাঁহার পিতা আইনজীবী ছিলেন। পূর্বাশ্রমে তিনি বেঙ্কটরাম নামে পরিচিত ছিলেন। শৈশবে তিনি পিতৃহীন হন। গৌরবর্ণ, সদাশাস্ত্রময় স্মৃষ্টিমুখী এবং উদারতা ও নির্ভীকতার জন্ত তিনি সকলেরই প্রিয় ছিলেন। অতি শৈশবকাল হইতেই তাঁহার মধ্যে ধর্মপ্রবণতা দেখা যায়। গৃহত্যাগ করার পূর্বে একদিন তিনি অলৌকিক ভাবে নিজস্ব সঙ্গী উপলব্ধি করেন। সপ্তদশ বৎসর বয়সে স্কুলে প্রথম শ্রেণীতে পাঠ্যাবস্থায় আধ্যাত্মিক প্রেরণায় তিনি গৃহত্যাগ করেন। প্রসিদ্ধ তীর্থস্থান তিরুবন্নমালাই সহরের অবস্থিত জ্যোতির্লিঙ্গ অরণ্যচলের মূর্তির সন্মুখে প্রথমে ধ্যানস্থ হন। লোকালয়ে ধ্যান ধারণার বিঘ্ন ঘটে বলিয়া পরে অরণ্যচল পর্বতে চলিয়া যান। তথায় পর্বত গুহার আশ্রয়গোপন করিয়া হৃৎচর তপস্চর্য্যায় ব্রতী হন। মহর্ষির আত্মসাক্ষাৎকারের সন্ধান প্রথমে বাঁহারা প্রাপ্ত হইয়াছিলেন, শ্রীশিবপ্রকাশম পিঠে মহাশয় তাঁহাদের অন্ততম। পরবর্তী শ্রীকৃষ্ণ তির্থে তাঁহার জন্ম ভ্রমণ কর্তৃক নির্মিত অরণ্যচল

আশ্রমে বাস করিতেন। একদিনের জন্তও এই আশ্রম পরিত্যাগ করিয়া অস্ত্র কোথাও গমন করেন নাই। এই আশ্রমটি “শ্রীরমণাশ্রম” বলিয়া পরিচিত।

অদ্বৈতবাদী বৈদান্তিক হইলেও মহর্ষির মধ্যে জ্ঞান ও ভক্তিমার্গের কোন পার্থক্য ছিল না। তাঁহার ধর্মমত সহজ ও সরল। “আমি কে” এই আত্মানুসন্ধান হইতেই আত্মাপলঙ্কি হয়—ইহাই এক কথায় মহর্ষির তত্ত্বোপদেশ। যাহার যে ধর্ম যে মত তাহাতেই দৃঢ় বিশ্বাস রাখিয়া আত্মানুসন্ধান করিতে তিনি বলিতেন। কোন গুরু তাঁহার জীবনযুক্তি লাভে আবশ্যিক হয় নাই। স্বতঃই তাঁহার মন তরঙ্গশূন্য হইয়া সচ্চিদানন্দ পরব্রহ্মে পর্য্যবসিত হইয়াছিল। দীক্ষা বা মৌখিক কোন উপদেশ তিনি কাহাকেও দেন নাই, তবে কাহারও কোন জিজ্ঞাসা



শ্রী শ্রীরমণ মহর্ষি

শাকিলে যথাযথ উত্তর প্রদান করিতেন। তাঁহার কেহ মন্ত্রশিষ্ট নাই—সকলেই তাঁহার ভক্ত মাত্র। দেশদেশান্তর হইতে আগত হিন্দু মুসলমান, পার্শী, জৈন, বৌদ্ধ, খৃষ্টান-ইংরেজ, আমেরিকান, বাঙ্গালী, মাদ্রাজী, গুজরাটী, মারাঠী জাতিধর্ম নির্বিশেষে, ধনী দরিদ্র নির্বিশ্বাসে ধ্যান-নিবিষ্ট চিত্তে প্রত্যহ তাঁহার সঙ্গস্থ লাভ করিতেন। চতুর্দিকে বিরাজমান গভীর নিস্তরতার মাঝে কখনও কখনও আত্মসমাহিত অবস্থা হইতে জাগরিত হইয়া সকলের প্রতি করুণ দৃষ্টিপাত করিতেন। দেবদুর্ভাগ মধুর হাসি হাসিয়া মাঝে মাঝে দু'একটি কথাবার্তাও বলিতেন। তাঁহার স করুণ দৃষ্টিপাতে মধুর হাসিতে প্রাণে অনির্বচনীয় শান্তি আসিত। তাঁহার কৃপাপ্রাপ্ত ভক্তগণ তাঁহাকে “ভগবান” বলিয়া সম্বোধন করিতেন।

মহর্ষি সকল সংস্কারের অতীত ছিলেন। তিনি জাতি বিচার করেন

নাই, অশ্লীলতাও স্বীকার করেন নাই। জাতিধর্ম নির্বিশ্বাসে, ধনী দরিদ্র নির্বিশেষে সকলের সহিত তিনি একত্রে প্রত্যহ আহারে বসিতেন। সকলের আহার শেষ হইলে, সবাই উঠিয়া গেলে আসন পরিত্যাগ করিতেন। নিজস্ব কোন সময় তাঁহার ছিল না। সকল সময়ই ভক্তদের সহিত অতিবাহিত করিতেন। প্রত্যহ পবনের কাগজ পড়িতেন, চিঠিপত্র সম্বন্ধে নির্দেশ দিতেন। এই বৃদ্ধ বয়সে দৈনন্দিন নিয়মের কোনও ব্যতিক্রম ছিল না। অহিংসা তাঁহার জীবনের ব্রত ছিল। জীবজন্তুর প্রতি তাঁহার এত মমতা ছিল যে ময়ূর কাঠবেড়ালি ধরগোস প্রভৃতিকে নিজের হস্তে খাবার দিতেন। জীবজন্তুরাও মহর্ষির হাত হইতে খাবার গ্রহণ করিতে দ্বিধাবোধ করিত না। কখনও কখনও দেখিয়াছি, তাহারা নির্ভীকচিত্তে মহর্ষির গাত্রে বিচরণ করিত।

গীতায় ভগবান শ্রীকৃষ্ণের বর্ণিত জীবনযুক্ত মহাপুরুষের—“জিতাজ্ঞানঃ প্রশান্তস্ত পরমাত্মা সমাহিতঃ। শীতোষ্ণ সুখ দুঃখেনু তথা মানাপমানায়ঃ ॥ জ্ঞানবিজ্ঞানতৃপ্তাত্মা কুটস্থো বিজিতেন্দ্রিয়ঃ। যুক্ত ইত্যুচ্যতে যোগী সমলোষ্ট্রশ্চকাক্ষনঃ ॥” অবস্থা যে বর্ণে বর্ণে সত্য, মহর্ষিকে দেখিবার সুযোগ যাহাদের হইয়াছে তাহারা তাহা স্বীকার করিবেন। রাজা-মহারাজা ধনী দরিদ্র মেধর মুচি চণ্ডাল ব্রাহ্মণ সকলকেই মহর্ষি সমভাবে গ্রহণ করিতেন। তাঁহার প্রাচ্য ও পাশ্চাত্য ভক্তগণ—যাহারা সর্বস্ব ত্যাগ করিয়া বহুবাব্যাপী আশ্রমে বাস করিয়া তাঁহার প্রদর্শিত পথে সাধন করিতেন,—আর আমরা যাহারা মাঝে মাঝে তাঁহাকে দর্শন করিতে গিয়াছি, তাঁহার নিকট আমরা সবাই সমতুল্য ব্যবহার পাইতাম। তাঁহার আশ্রমের দ্বার সর্বসাধারণের জন্ত দিবারাত্র উন্মুক্ত। যে কেহ যে কোন সময়ে উপস্থিত হইলে সাদরে গৃহীত হন। ইংলণ্ডের বিখ্যাত সাংবাদিক ও সাহিত্যিক পল ব্রাটন, বিখ্যাত জার্মান মনঃ-সমীক্ষক ডাঃ জীমাব মিঃ গ্রান্টড্রাক, মিঃ ফ্রেডারিক ক্রেচার, মেজর চ্যাডউইক, মিস মারসটন, মিস ম্যালেট তাঁহার বহু পাশ্চাত্য ভক্তগণের মধ্যে অস্বতম। তাহারা সকলেই মহর্ষির বিষয় অবগত হইয়া তাঁহাকে দর্শন করিতে আসিয়াছিলেন, ইহাদের মধ্যে অনেকেই আর আশ্রম ত্যাগ করেন নাই। আর সর্বপল্লী রাধাকৃষ্ণ মহর্ষির জীবিত অবস্থায় সত্যই লিখিয়াছিলেন—“ঈশ্বরময় জীবনের এক জীবন্ত বিগ্রহ মনুষ্যস্বার্থ মুকুরে দিব্যজীবনের একটা পরিপূর্ণ মুক্তি যে আজ আমাদের মধ্যে বিরাজ করিতেছেন ইহা আমাদের পরম সৌভাগ্য।”

এই সর্বত্যাগী মহাপুরুষ কিছুকাল যাবত রোগে ভুগিতেছিলেন। কিন্তু তাঁহার প্রশান্ত সদাশান্তময় মুখ দেখিয়া বোকা যাইত না যে তিনি শারীরিক কষ্ট পাইতেছেন। পূর্বের জ্ঞান এখনও তিনি ভক্তদের সহিত অতিবাহিত করিতেন। সর্বশরীর হইতে যেন করুণা ও জ্যোতি বিচ্ছুরিত হইত। প্রেমের ঠাকুর বুঝিয়াছিলেন যে আর ধরাধামে থাকিবেন না। বিগত ২৩শে ফেব্রুয়ারী তাঁহার সঙ্গে এই মরজগতে আমার শেষ দেখা। পূর্বদিন আমি ও আমার স্বামী তাঁহাকে দর্শন করিতে গিয়াছিলাম। হাসিমুখে “ভগবান” আমাদের বিদায় দিলেন। যদিও বুঝিয়াছিলাম যে বেশী দিন তিনি আর আমাদের মধ্যে থাকিবেন না, তবে এত শীঘ্র যে তাঁহাকে হারাইব ইহা কল্পনাও করি নাই।

রাষ্ট্রগঠনে শ্রীকৃষ্ণের জীবনদর্শ ও ভারতীয় সংস্কৃতি

শ্রীযতীন্দ্রবিমল চৌধুরী

শ্রীকৃষ্ণজন্মোৎসবী আমাদের জাতীয় ইতিহাসে পুণ্যতম দিবস, কারণ—

“অথ ভাঙ্গপদে মাসি কৃষ্ণাষ্টম্যাং কলৌ যুগে ।

অষ্টাবিংশতিমে জাতঃ কৃষ্ণোহসৌ দেবকীমুতঃ ।”

মুণ্ড শ্রাবণ ও গোপ ভাঙ্গপদে কৃষ্ণাষ্টমী তিথিতে অষ্টাবিংশতিতম কলিযুগে জননী দেবকীর কোল উজ্জ্বল করে শ্রীকৃষ্ণ ধরাধামে অবতীর্ণ হয়েছিলেন ।

শ্রীকৃষ্ণ কৃষ্ণাষ্টমীতে জননীর অষ্টম গর্ভে জয়ন্তী যোগে জন্মগ্রহণ করেছিলেন । অষ্ট শক্তি সহ, মানবের অষ্টপাশ ছেদন যিনি করবেন, তাঁর অষ্টমী তিথিই অভিশ্রুত হওয়া স্বাভাবিক । কৃষ্ণাষ্টমী—যেহেতু কৃষ্ণ বর্ণের সহায়তায় তমোগুণবিশিষ্ট দৈত্যদের পরাভব সম্ভব । পক্ষের মধ্যভাগে অষ্টমী তিথিতে তাঁর জন্ম—এতে তাঁর সমগ্র জীবনের মধ্যস্থতা স্ফোটিত হয় । যিনি জরাসন্ধ, শিশুপাল প্রভৃতির নিহন্তা, তাঁর জয়ন্তীযোগে জন্ম কার্যতঃ সার্থক । শ্রীমদ্ভাগবত যীর মুণামৃত, তিনি মুখ্য শ্রাবণে জন্মগ্রহণ করে জগতের অশেষ কল্যাণ বা ভদ্র সাধন করবেন, সন্দেহ কি ?

শ্রীমদ্ভগবদগীতায় শ্রীকৃষ্ণ কর্ম, জ্ঞান ও ভক্তির সমন্বয়বাদ প্রচার করেছেন । তাঁর জীবনদর্শেও এই সত্যই প্রতিবিম্বিত হয়েছে চূড়ান্ত-ভাবে । জগতের ইতিহাসে ঈদৃশ চরিত্র কুত্রাপি দৃষ্ট হয় না ।

শ্রীকৃষ্ণের জীবনের মূল লক্ষ্য ছিল আত্মরিক শক্তির পরাভব সাধন করে ধর্মরাজ্যের প্রতিষ্ঠা । এই কঠোর উদ্দেশ্যসাধন অশেষ শ্রমসাপেক্ষ । উজ্জ্বলই তিনি যেন বাল্যকাল থেকে শারীরিক শক্তির চূড়ান্ত নিদর্শন প্রদর্শন করেছিলেন । অঘাসুর, কংসাসুর প্রভৃতির বধই তাঁর প্রমাণ । গোপবালকদের মধ্যে কেহ শারীরিক শক্তিতে তাঁর সমকক্ষ ছিল না ।

স্বকীয় কর্মশক্তি অর্জন ভিন্ন ব্যাপার । এই উভয়বিধ শক্তিতেই শ্রীকৃষ্ণ অতুলনীয় ছিলেন ।

নিষ্কাম কর্মের উপদেশ তিনি শ্রীমদ্ভগবদগীতায় দিয়ে গেছেন—তাঁর জীবনদর্শেও তাই প্রতিফলিত হয়েছে । সমুদ্রপ্রমাণ মহাভারতের কোথাও এমন ইঙ্গিত নাই যেখানে তিনি কোনও কর্মফল কামনা করেছেন । সম্পূর্ণ নিষ্কাম, নির্লিপ্ত ভাবেই সুদর্শনচক্রধারী ভারতের ভাগ্যচক্র পরিচালনা করে গেছেন ।

মহাভারতের সর্বত্র শ্রীকৃষ্ণের অপূর্ব কর্মসাধনোচিত স্মৃতিস্মরণ বুদ্ধি স্পষ্টকট । জরাসন্ধের অগণিত সৈন্যসামন্তের কাছে তাঁর সূত্র-সংখ্যক যোধবৃন্দের পরাজয় অবশ্যস্তাধী ; তাই তিনি মথুরা থেকে দ্বারকার চলে যান এবং সেখানে রাজধানী স্থাপন করেন । রাজনীতির দিক থেকে দ্বারকার রাজধানী স্থাপন তাঁর অশেষ বুদ্ধিবৃত্তির প্রকৃষ্টতম উদাহরণ । রৈবতক পর্বতমালা তাঁর রাজ্যের দুর্গভ্যা দুর্গ ছিল এবং

স্বকীয় রাজ্য তিনি এত সুরক্ষিত করেছিলেন যে এমন কি, কোনও নারীও যদি এ রাজ্য রক্ষণে তৎপর হতেন, তিনিও অক্লেশে এ রাজ্য রক্ষণে সমর্থ হতেন । জরাসন্ধ বধ ও তাঁর জীবনের উদ্দেশ্যসাধনের পক্ষে অশ্রুতর শ্রেষ্ঠ ঘটনা । কারণ রাজনৈতিক দিক থেকে শ্রীকৃষ্ণের কাছে এটা সুস্পষ্ট ছিল যে যদি জরাসন্ধের কবল থেকে নিখিল ভারতের ৬৮ সংখ্যক রাজপুত্রকে তিনি মুক্ত করতে পারেন, তা' হ'লে প্রায় সমগ্র ভারতবর্ষ তাঁর মিত্রদল ভুক্ত হবেন এবং ভারতে ধর্মরাজ্য প্রতিষ্ঠা সহজসাধ্য হয়ে উঠবে । তাই তিনি জরাসন্ধ নিধনে বহুপরিকর হয়েছিলেন । মহাযুদ্ধের অবসানে ভীষ্ম মুখে রাজ্যশাসন পদ্ধতির প্রণয়নোচ্চোগ শ্রীকৃষ্ণের অশ্রুতম নির্লিপ্ততার স্ফোতক এবং চরম বুদ্ধিবৃত্তির পরিচায়ক । দেশের শাসনভার প্রদান করলেন তিনি যুধিষ্ঠিরের হাতে ; ধর্মরাজ্যের আইনপ্রণয়নের ভার দিলেন তিনি কুরুবৃদ্ধ পিতামহ সর্বজনবন্দ্য ভীষ্মের হাতে । ভীষ্মদেব বার বার বলেছেন যে স্বয়ং শ্রীকৃষ্ণ বিজয়মান থাকতে মুমূর্ষু অবস্থায় তিনি এ গুরু কার্যভার গ্রহণ করতে স্বীকৃত নন । কিন্তু স্বীয় যোগিক শক্তিবলে মুমূর্ষু শরশয্যাশায়ী পিতামহকে সঞ্জীবিত করে, স্বকীয় বুদ্ধিবৃত্তি অস্তর্নিহিত করে—তিনি এমন দেশশাসন পদ্ধতি প্রণয়ন করিয়াছিলেন, যার তুলনা ইহজগতে নাই, কোনও দিন হবেও না । এর বিস্তৃততর আলোচনা আমরা শ্রীকৃষ্ণের জ্ঞানবৈশ্বপ্রসঙ্গে একটু পরেই করছি ।

কর্ণের হস্তে বাসবদত্ত অস্ত্র ছিল বলে শ্রীকৃষ্ণ কিছুতেই অর্জুনকে তাঁর সঙ্গে সাক্ষাৎ সময়ে অবতীর্ণ হতে দেননি ; তিনি ঘটোৎকচকেই সাক্ষাৎ সময়ে কর্ণের সম্মুখীন করিয়েছিলেন । ঘটোৎকচবধ শ্রীকৃষ্ণের সম্পূর্ণ সুনির্দিষ্ট সুপরিজ্ঞাত ব্যাপারমাত্র ছিল, সন্দেহ নাই । অস্ত্রদিকে ভগিনী স্তম্ভার একমাত্র পুত্র অভিমমু্য নিধন, অর্জুনের স্তম্ভার পক্ষে যতই শোকাবহ হোক—ধর্মরাজ্য স্থাপনের পক্ষে এটা অত্যাবশ্যক বোধে তিনি অর্জুনের নিরস্তর অনুরোধ সত্ত্বেও অর্জুনকে যুদ্ধের সময় অভিমমু্যর সহায়তার অগ্রসর হতে দেননি । অস্ত্রদিকে উত্তরাতনয় বিনষ্ট হলে পাণ্ডব বংশ লোপ পেয়ে যাবে বলে ব্রহ্মশিরা অস্ত্রের প্রবল প্রকোপ নিরস্ত করেও তিনি ভূমিষ্ঠ পরীক্ষিতের মৃত শরীরে প্রাণসঞ্চার করেছিলেন । মহাভারত পাঠ করলে এটাই নিরস্তর সুস্পষ্ট হয় যে অর্জুন, ভীম, বিশেষতঃ যুধিষ্ঠির বার বার বহবার বিপথে চলছিলেন ; শ্রীকৃষ্ণের উপদেশামৃত নিঃশেষে পান করে তাঁরা ধস্ত হয়েছেন, বিভ্রান্ত হন নি ।

দয়াপ্রদর্শন শ্রীকৃষ্ণের কর্মজীবনের মৌলিক নীতি ছিল সন্দেহ নাই, কিন্তু তিনি প্রয়োজনবোধে বজ্রবৎ কঠোর হতেন । স্বীয় শাভুল কংসকে তিনিই নিধন করেছিলেন ; স্বীয় পিতৃবৃন্দকেও

তিনি বধ করেছিলেন। অস্তিত্ব জীবনে—যতই কঠোর হোক স্বীয় বহুবংশ রক্ষা করার চেষ্টা মাত্র তিনি করেন নি। শুধু তাই নয়—তিনি স্বহস্তেই অনেককে নিধন করেছিলেন। ধর্মজ্ঞে হুঁরাপায়ী হুঁরাচার বাক্যকে রক্ষা করে ধর্মরাজ্য নষ্ট করার অভিপ্রায় ধর্মরাজ্যসংস্থাপক শ্রীকৃষ্ণ কিছুতেই পোষণ করতে পারেন নি। বলতঃ, তাঁর নিজ বংশই তাঁর অশেষ দুঃখের কারণ ছিল ; তাই তিনি এক জায়গায় বলেছেন—

“দাস্ত্রমৈধ্বর্ষবাদেন জগতীনাঞ্চ কেরোম্যহম্ ।
সোহং কিতবমাতের ঘরোরপি মহামতে ।
একস্ত জয়মাশংসেহস্তাপ্যপরা জয়ম্ ॥”

শ্রীকৃষ্ণ বলছেন যে বহুবংশ সম্পর্কে তাঁর অবস্থা অনেকক্ষেত্রে জুয়াখেলোয়াড় পুত্রঘরের মাতার মত। ছুই পুত্রই মাতাকে খেলার পূর্বে প্রণাম করে যখন আশীর্বাদ প্রার্থনা করে—মা একজনকে বলেন তোমার বিজয় হোক, অস্ত্রকেও বলতে বাধ্য হন—তোমার পরাজয় না হোক—তাঁর অবস্থাও সেই রকম। তাই যিনি বাল্যবয়সে মর্যাপরবশ হয়ে ননী মাখন চুরি করে' বানরদের খাওয়াতেন, গোবৎসের আনন্দবর্ধনের জন্ত ইন্দ্রঘোষে বাধা প্রদান করেছিলেন—তিনিই স্বীয়বংশের উচ্ছেদ সময়ে কোনও প্রকার কারণ্য প্রকাশ করেননি—এই ছিল তাঁর অনুপম জীবনের ধর্ম।

ধর্ম ও কর্মবীর যারা, তাঁদের জীবনে অহিংসা ও সত্যের সংঘর্ষ সময়ে দেখা যায়। শ্রীকৃষ্ণ তাঁর অপূর্ব সমাধান করেছেন অর্জুনকে উপদেশ দেওয়ার প্রসঙ্গে এবং এই প্রসঙ্গে তিনি কৌশিক ঋষির উপাখ্যানের অবতারণা করেছেন। অর্জুনকে সঙ্ঘোধন করে তিনি বলেছেন—

“প্রাণিনামবধস্তাত সর্বজ্যাযান্ মতো মম ।
অনৃত্যং বা বদেঘাচং ন তু হিংস্রাং কথঞ্চন ॥

এমম কি, সত্যের বিনিময়েও যিনি “অহিংসা পরমো ধর্মঃ” প্রচার করেন, তিনিই অষ্টাদশ অক্ষৌহিণী সৈন্যসামন্ত এবং ভীষ্ম, দ্রোণ প্রভৃতি মরশাদুল দেবোপম চিরপূজ্য বীরশ্রেষ্ঠদের জীবনপাতের কারণ হয়েছিলেন প্রয়োজনবোধে—ইহাই তাঁর জীবনে আমাদের দিক থেকে সর্বাপেক্ষা প্রাধান্যযোগ্য বিষয়, সন্দেহ নাই।

শ্রীকৃষ্ণের বুদ্ধিও শক্তি বলে স্বয়ং অর্জুনও কতদূর পরিচালিত হতেন, তা' একটা ঘটনা থেকেই সহজে বোধগম্য হবে। বহুবংশ ধ্বংস হওয়ার পরে বলরাম ও শ্রীকৃষ্ণ উভয়েই যখন মরধাম পরিত্যাগ করলেন, অর্জুন কৃষ্ণমহিষীদের এবং অস্ত্রান্ত সন্ত্রাস্ত যদুরমণীবৃন্দকে সঙ্গে নিয়ে হস্তিনাপুরে প্রত্যাবর্তন করেছিলেন। পথে দস্যুগণ লাঠি নিয়ে তাঁদের আক্রমণ করলে। শ্রীকৃষ্ণবিহীন অর্জুন গাভী উত্তোলন করতে পর্যন্ত সমর্থ হলেন না। দস্যুরা শ্রীকৃষ্ণের মহিষী রোহিণী, সত্যভামা, হৈমবতী, জাম্ববতী ব্যতীত অস্ত্রান্ত যদুবংশীর রমণীদের হরণ করে নিয়ে গেল অর্জুনকে পরাস্ত করে। অর্জুন আর এর পরে ধরাধামে অবস্থান করাই দুঃস্থ মনে করলেন না। শ্রীকৃষ্ণের তিরোধানের পর মহা-

প্রস্থানই শ্রেষ্ঠ বল মনে করে যুধিষ্ঠিরও ভারতভূপরিভ্রমণ প্রবৃত্ত হলেন।

যিনি স্বয়ং শ্রীমদ্ভগবদ্গীতারূপ অমৃতরাশির মূলপ্রস্রবণ—যা' যুগ-যুগান্তর ধরে কোটি কোটি অক্ষৌহিণী নরনারী সমগ্র বিধে অকাতরে পান করে ধস্ত হচ্ছে—তাঁর জ্ঞান বৈভবের সম্বন্ধে আলোচনা সম্ভবপর নয়। শুধু শ্রীমদ্ভগবদ্গীতা নয়, মহাভারতের অন্তর্গত যে কামগীতা, অনুগীতা প্রভৃতি আছে, সেগুলিও অসীম অতল জ্ঞানাসুধি ; যিনি জ্ঞানধরূপ, তাঁর জ্ঞানের পরিচয় দেওয়ার প্রচেষ্টামাত্রও বাতুলতা।

তাই এক্ষেত্রে শ্রীমদ্ভগবদ্ভুক্তিপ্রচোদিত জ্ঞানবৈভব সম্বন্ধে কিঞ্চিৎ আলোচনাই প্রামাণিক বলে মনে করি। শ্রীকৃষ্ণ স্বয়ং বলেছেন—ভীষ্ম-দেব প্রোক্ত রাজধর্মাদি তাঁর ধর্মরাজ্য পরিচালনার নিমিত্ত তাঁর পূর্ব অভিপ্রের্ত এবং তাঁর প্রদত্ত শক্তিতে প্রোক্ত। অত্যন্ত আশ্চর্যের বিষয় এই যে অতুলনীয় জ্ঞানবৈভব এই রাজধর্ম ও আপকর্ম পর্বে বা অনুশাসন পর্বে প্রদর্শিত হয়েছে, পরবর্তী যুগে অধম ভারতবাসী, ভাড়াটির ভারতবাসী তার পর্যালোচনা ও শ্রেয়ঃকল্প মনে করলো না। চাণক্যের পরে ভারতবর্ষ থেকে দণ্ডনীতি, রাজনীতি বহিষ্কৃত হয়ে গেল। যুধিষ্ঠির কর্তৃক রাজ্যপরিচালনার্থ ভীষ্মদেব শ্রীকৃষ্ণের নির্দেশানুসারে যে বিধান দিয়ে গেছেন, তাতে বর্তমান Red Crossর কার্যাবলী, Scorched Earth Policy (রাজধর্মপর্বের ৬৯ অধ্যায় ৩৭-৪১ শ্লোক), Dunkirkর safe retreat policy (উৎপাতাশ্চ নিপাতাশ্চ স্বযুদ্ধং স্থপলায়িতম্ । শাস্ত্রাণাং পালনং জ্ঞানং তথৈব ভরতর্ষভ ॥) প্রভৃতিও বাদ যায় নি। ধর্মরাজ্য কীদূশ হবে, তৎপ্রসঙ্গে শ্রীকৃষ্ণ জর্গ্গাসীকে জানিয়েছেন—

রাজা-প্রজার সম্পর্ক পিতাপুত্রের সম্পর্ক। পুত্র যেমন পিতৃগৃহে স্বচ্ছন্দে বিচরণ করে, ধর্মরাজ্যেও তেমনি প্রজাপুঞ্জ মনের স্থখে বিচরণ করবে। ধনদৌলত লুকিয়ে রাখার প্রচেষ্টা কারো থাকবে না ; প্রজা-মাত্রই স্থায়-অস্থায় বিচারে সমর্থ হবে এবং তদ্বারা রাষ্ট্রের প্রভূত উপকার সাধন করবে—

“পুত্রা ইব পিতুর্গেহে বিষয়ে যস্ত মানবাঃ ।
নির্ভয়া বিচরিশ্চিস্তি স রাজা রাজসত্তম ॥
অগৃঢ়বিভবা যস্ত পৌরা রাষ্ট্রনিবাসিনাঃ ।
নয়াপনয়বেত্তারঃ স রাজা রাজসত্তম ॥”

রাজধর্ম, ৫৭ অধ্যায়, ৩৩-৩৪

রাষ্ট্রবাসী সকলেই ঘরের দরজা জানালা সব খুলে দিয়ে শুয়ে থাকবেন ; কোনও দিক থেকে কিছুই ভয়ের কারণ থাকবে না—

“বিবৃত্য হি যথাকামং গৃহঘারাপি শেরতে ।
মহুস্তা রক্ষিতা রাজা সমস্তাদকুতোভয়াঃ ॥”

ত্রি, ৬৮ অধ্যায়, ৩০ শ্লোক

অস্ত্র কথা কি—নারীরাও পুরুষবিহীন অবস্থায় সর্ববিধ অলঙ্কারে বিভূষিত হয়ে নির্ভয়ে বিচরণ করে বেড়াবেন—তবে তো ধর্মরাজ্য—

“দ্বিগুণচাপুষ্ণা মার্গং সর্বাঙ্গকারভূষিতাঃ ।

নির্ভরাঃ প্রতিপত্তস্তে যদি রক্ষন্তি ভূমিপাঃ ॥”

ঐ, ঐ, ৩২

ধর্মরাজ্যে চোর বলে কোনও পদার্থ থাকবে না ; চুরি হলে রাজাকে যে কোনও রকমে চুরির ধন মালিকের কাছে ফিরিয়ে দেওয়ার বন্দোবস্ত করতে হবে ; যদি রাজপুরুষেরা খুঁজে বের করতে অসমর্থ হন—তা’ হ’লে রাজাকে রাজকোষ থেকে তা’ দিতে হ’বে—

এত্যাহতু’মশস্তাং শ্রাঙ্কনং চোরৈরহৃতং যদি ।

তৎ স্বকোশাৎ প্রদেয়ং শ্রাদশস্তেনোপজীবতঃ ॥

রাজধর্ম, ৭৫ অধ্যায়, ১০ শ্লোক

Orphanage, Old Age Pension, Widow Pension ব্যতীতও দুঃখীর দুঃখমোচনার্থ সর্ববিধ উপায় ধর্মরাজ্যে উদ্ভাবনীয়—

“কৃপণানাধবৃদ্ধানাং বিধবানাঞ্চ যোগিতাম্ ।

যোগক্ষেমং বৃত্তিঞ্চ নিত্যমেব প্রকল্পয়েৎ ॥”

শান্তিপর্ব, ৮৬ অধ্যায়, শ্লোক ২৪

রাজ্যে কৃষক মণ্ডলীর শস্তবীজ যাতে নষ্ট না হয়, তজ্জন্ম কড়া নজর দেয়ার দরকার এবং প্রত্যেক কৃষককে শতকরা এক টাকা হার ক্ষুদে ঋণ করতে হবে—

“কচিল্ল ভক্তং বীজজ্ঞ কণকশ্রাবসীদতি ।

প্রত্যেকঞ্চ শতং বৃদ্ধ্যা দদাত্যগমনুগ্রহম্ ॥

এই ঋণের নামই অক্ষুগ্রহ-ঋণ—বর্তমান জগতের কোনও Co-operative credit system এর সঙ্গে তুলনীয় নয় । রাষ্ট্র কৃষির জন্ত দেবতার প্রদানের উপরে নির্ভর করবে না—জল জমিয়ে রাখতে হ’বে বড় বড় দীঘিতে—

কচিদ্ভাষ্ট্রে তড়াগানি পূর্ণানি চ বৃহস্তি চ ।

ভাগশো বিনিবিষ্টানি ন কৃষিদেবমাতৃকা ॥

ধর্মরাজ্যে প্রজাপুঞ্জ রাজস্ব প্রদীড়িত হবে না ; ভ্রমরেরা যে ভাবে গাছ থেকে মধু দোহন করে, তেমনি আমরা মধুদোহনের মতই রাষ্ট্র থেকে কর উত্তোলিত হবে—(মধুদোহং ছহেজ্জাষ্ট্রং ভ্রমরা ইব পাদপম্—
—রাজধর্ম, ৮৮, ৪ শ্লোক) ।

ধর্মরাজ্যে শূদ্রাশূদ্রনির্বিচারে যেই জনসাধারণের উপকার সাধন করতে পারবে, অকূলে কুল দিতে পারবে সেই বরগীষ, মহনীয় হবে—

“অপারে যো ভবেৎ পারমপ্ৰবে যঃ প্ৰবো ভবেৎ ।

শূদ্রোহপি বা যদি বাস্তঃ স সম্মানমার্হতি ॥”

ধর্মরাজ্যের স্থাপনিতার লক্ষীভূত মূলনীতি থেকে রাষ্ট্র যখন দূরে সরে গেল, তখন থেকে ধীরে ধীরে দেশ অধঃপাতের শেষ সীমায় উপনীত হলো ; তাই আজ প্রায় দেড় হাজার বৎসর ধরে অথও ধর্মরাজ্য চরম দুঃখভোগ করতে বাধ্য হল । অপরনের ভাগবত কুপায় আবার ধর্মরাজ্য সংস্থাপিত হয়েছে ; তাঁর আশীর্বাদে ধর্মরাজ্য পরিচালনাও অতি সুস্থভাবে নির্বাহিত হউক ; ভাগবত করুণা ধারামারে জগদ্বাসীর নিরোদেগে বর্ধিত হোক ; ভারতজননীর নিতহাস্তে সমগ্র জগৎ প্রোঙ্কল

হয়ে উঠুক । শ্রীকৃষ্ণ তাঁর জন্মতিথিতে উপাসকমণ্ডলীকে এই আশীর্বাদ প্রদান করুন ।

শ্রীকৃষ্ণের ভক্তিবৈভব

শ্রীকৃষ্ণের জীবনাদর্শে গীতাপ্রোক্ত ভক্তিবৈভব সম্পূর্ণ প্রতিবিম্বিত । স্বল্পবসরে তাঁর পর্যালোচনা সম্ভবপর নয় । বেদ-বেদান্তে পরিদৃষ্ট আশ্বারাম, আশ্বরতি, আশ্বক্রীড়, আশ্বমিথুন, আশ্বানন্দ ভগবান্ স্বরাট্ । তিনিই সমগ্র ভক্তের অধীশ্বর ; তিনি কাকেই বা ভক্তি প্রত্যর্পণ করবেন ?

উপসংহার

আজকের এই পবিত্রতম শ্রীকৃষ্ণ জন্মটিমী তিথিতে মহাভারতের পরিপ্রেক্ষিতে শ্রীকৃষ্ণোদ্ভিষ্ট আর একটি বিষয়ের পর্যালোচনা অবশ্য কর্তব্য মনে করি । সমগ্র ভারতে ভাষার ঐক্য স্থাপন নিখিল ভারতের ঐক্য সূত্র সংরক্ষণের দিক থেকে একান্ত কাম্য, সন্দেহ নাই । দেড় সহস্র বৎসর পরে পরিলক্ষ নিখিল ভারতের ঐক্যসূত্র অচিরে ধ্বংস হয়ে যেতে বাধ্য—যদি ভাষার ঐক্য এবং তাঁর মাধ্যমিকতার ভাব ও সাধনার ঐক্য সংঘটিত না হয় । ধর্মরাজ্য সংস্থাপক ও পরিচালক শ্রীকৃষ্ণ আমাদের এ বিষয়ে কি ইঙ্গিত দেন, কি উপদেশ দেন ?

এ বিষয়ে একটি প্রশ্নের সমাধান সর্বাগ্রে কর্তব্য । মন্ত্রদেশের মাদ্রী, শ্রীকৃষ্ণের পিতৃভ্রমণা কুণ্ডী, বর্তমান কান্দাহারের গান্ধারী—এইরূপে ভারতের বিভিন্ন অঞ্চলের রাজকন্যারা হস্তিনাপুরের রাজপরিবারে কোন্ ভাষায় নিজেদের দৈনন্দিন ভাবধারা প্রত্যেকে প্রত্যেকের কাছে প্রকাশ করতেন ? দৈনন্দিন জীবনযাপনাবসরে কৃত্রিমতা তো সম্ভবপর নয় । তাঁরা কি উপায়ে মনের আনন্দ, মনের দুঃখ একে অশ্রের কাছে প্রকাশ করতেন ? কোন্ ভাষার মাধ্যমিকতায় ? মহেশ্বরের জন্মের সহস্র সহস্র বৎসর পূর্বে যখন ফারসী প্রভৃতি ভাষার প্রবর্তন আমাদের দেশে হয়নি, যখন চীন-ছুণ-পারসীকেরা, যখন শ্রাম, হুমাত্রা যবদ্বীপ প্রভৃতির দূর-দূরান্তর স্থিত অঞ্চলনিবাসীরা রাজস্বয়, অশমেধাদি যজ্ঞোপলক্ষে হস্তিনাপুরে সমবেত হয়েছিলেন, তখন তাঁরা কোন্ ভাষায় নিজেদের ভাবধারা প্রকাশ করেছিলেন ? স্রৌপদী ছিলেন রক্ষনও পরিবেশন বিচার Head of the Department—তিনিই বা কোন্ ভাষায় নিখিল ভারতের সকলের মনোরঞ্জন করতেন ? শ্রীকৃষ্ণের ভাষা, দৈবী ভাষাই যে এ ভাষা, সে বিষয়ে কোনও সন্দেহ নাই । পরবর্তী যুগে নারীদের শ্রীমুখে প্রাকৃত ভাষণ শুনে যারা দিগ্ভ্রাস্ত হন, তাঁদের বেদাদি এবং পরবর্তী যুগে ভবভূতির উত্তর রামচরিতের দিকে তাকাতে বলি—যিনি—যে ভবভূতি অকাট্য সত্যপ্রিয় ছিলেন এবং সমগ্র জগতে বেদব্যাসের একমাত্র সমকক্ষ যিনি, এই সুকঠোর প্রশ্নের উত্তর প্রদান বিষয়ে সেই মহর্ষি বাস্মীকির সাক্ষ্যও আমরা নিশ্চয় গ্রহণ করবো । সর্ব-সম্মতিক্রমে বেদব্যাস ও বাস্মীকি প্রায় সমসাময়িক ; তাই বাস্মীকির সাক্ষ্যও এই প্রশ্ন সমাধানে অত্যাবশ্যক । দেখুন, হুমুমান যখন অশোক-কাননে রামচন্দ্রের কাছ থেকে সংবাদ নিয়ে সীতার নিকটে উপস্থিত

হন, তখন তিনি (হনুমান) কি ভাষার সীতার সঙ্গে কথা বলবেন, এই কথা ভাবছেন। তিনি গভীর চিন্তাবিষ্ট হয়ে পড়লেন এই জন্ত, যদি তিনি সংস্কৃতে কথা বলেন, তা' হলে সীতা হঠাৎ সংস্কৃত ভাষার উক্তি শুনে তাঁকে রাবণ বলে ভুল করে ভয়প্রাপ্ত হবেন—

“যদি বাচং প্রদাশ্চামি ভিজাতিরিব সংস্কৃতাম্।

রাবণং মন্তমানা সা সীতা ভীতা ভবিস্বতি ॥”

তা' হলে এটা নিশ্চিত হলো যে রাবণ, ভারতবর্ষের অন্ততম প্রান্তে অবস্থিত স্বীপের অধীশ্বর রাবণ যে সংস্কৃতে সীতার সঙ্গে কথা বলতেন, সে বিষয়ে সন্দেহ নাই। হনুমান যে অনর্গল সংস্কৃতে কথা বলতেন বহুকালব্যাপী এবং কোনও অপভ্রংশ করতেন না, স্বয়ং রামচন্দ্র তার সাক্ষ্য দিচ্ছেন (“ন কিঞ্চিদপশকিতম্”)। তা হলে উত্তর ভারতের রাজপুত্র রামচন্দ্র—লক্ষ্মণ যখন কিঞ্চিক্যায় গেলেন, সেখানেও সংস্কৃতে কথাবার্তা হচ্ছে; যখন রাজপুত্রী সীতা অশোককাননে লঙ্কাস্বীপে গেলেন, সেখানেও কথা হচ্ছে সংস্কৃতে। সেই হিসাবে সেই একই যুগে যখন নিখিল ভারতের রাজপুত্রেরা, রাজকন্যারা একত্রে হস্তিনাপুরে একত্র হয়েছিলেন, বা হস্তিনাপুরে নিখিল ভারতের রাজপুত্রীরা একত্রে দৈনন্দিন জীবনযাপন করছিলেন, তাঁরা যে সংস্কৃতেই কখনোপকখন করতেন, সে বিষয়ে সন্দেহ কি?

কেও কেও বলবেন—সহস্র সহস্র বৎসর পূর্বে যা' সম্ভবপর ছিল, আজ তা' কি করে সম্ভবপর? ধর্মরাজ্য ধর্মরাজ্য; “জগদীদৃক্ ন তু অনীদৃক্”—স্বয়ং কুমারিল ভট্ট বলেছেন। ভাষার ঐক্য ভারতবর্ষে একমাত্র সংস্কৃতেই মাধ্যমিকতাই সম্ভবপর। এখনও পর্যন্ত লিপিকাঠিন্ত বিবর্জিত হলে নিখিল ভারতের সব ভাষা আমরা যে বুঝতে

পারি, তা' কেবল সংস্কৃতেই দৌলতে। এ দিবালোকের মত সুপ্রকট সত্য যারা বুঝতে চায় না, তারা নিতান্ত ষার্থপর, হীন ও নীচ। সংস্কৃত-বাংলা, সংস্কৃত-হিন্দী, সংস্কৃত-মারাঠী, সংস্কৃত-গুজরাতি, সংস্কৃত-তেলেগু, সংস্কৃত-কন্নড়ী, সংস্কৃত-আসামী, সংস্কৃত-উড়িয়া, সংস্কৃত-নেপালী প্রভৃতির বস্তুগত্যা পরিণতি যে একমাত্র সংস্কৃত—সাগরে সম্মেলন—এই প্রকৃষ্ট সত্য যে দেশবাসীর বোধগম্য হচ্ছে না, তার একমাত্র কারণ—শ্রীকৃষ্ণের ধর্মরাজ্য এখনও দেশে সুপ্রতিষ্ঠিত হয়নি; দীর্ঘকালের জড়তা এখনও দেশকে আচ্ছন্ন করে আছে।

আমাদের বর্তমান ইংরাজী শিক্ষিত সমাজে একটা ধারণা আছে লোকায়ত্ত শাসন এবং তৎসংক্রান্ত আইনকানুন ভারতবর্ষে পাশ্চাত্যের দানমাত্র। যে দেশের আদর্শ হচ্ছে—প্রত্যেক বাড়ীতে রান্নার ধোঁয়া না উঠলে শাসনকর্তা নিজে অন্নগ্রহণ করবেন না; যে রাজ্যের আদর্শ হচ্ছে মধ্যরাত্রেও সর্বালঙ্কারভূষিতা সুন্দরী নারী বিনা পুরুষে নগরপথে নির্ভয়ে বিচরণ করে বেড়াতে পারবেন—ফলতঃ, সে রাজ্যের শাসক সর্বতোভাবে প্রজাপুঞ্জের দাস ও সেবক—সে দেশেই যে Kingdom of Heaven on Earth চিরবিরাজমান, বর্তমান ভারতবাসী সে সহজ সত্য ভুলে গেলে চলবে কেন? মহাভারতের শাস্তিপর্ব, অনুশাসনপর্ব প্রভৃতির ২১৩ পৃষ্ঠাও যারা পড়ে দেখবেন, তাঁরাই দেখতে পাবেন—মহাভারত-অনুশাসিত রাজ্যপালনই প্রকৃত ধর্মমোদিত শাসন—যার তুলনা জগতে নাই, কোনও দিন হয় নি, বর্তমান হিংসায় উন্মত্ত পৃথ্বী কল্পনাও যেন ঠিকমত করতে পারে না। পরের কাছে প্রার্থী হওয়ার পূর্বে আমরা যেন আমাদের প্রাচীন অমূল্য নিধিগুলির প্রতি দৃকপাত করি, স্বাধীন ভারতে ইহাই আমাদের অবশ্য কাম্য।

সুন্দরের ধ্যান নেত্র

শ্রীদেবপ্রসন্ন মুখোপাধ্যায়

অন্ধকারে বন্দী প্রাণ রুদ্ধ কারাগারে
প্রভাত সূর্যের আলো এল বহির্ঘাঁরে,—
মূর্ত্তিকার স্পর্শে প্রথম ক্রন্দন,
তুষার্ত আবেগ বেগে স্ফূরিল জীবন।
চতুর্দিক হ'তে আসে প্রাণবায়ু ল'য়ে
ধ্যানমগ্ন ধূজুটির তপোশক্তি ব'য়ে।
মহাশূন্তে অসীমের পথ চিনে চিনে
নক্ষত্রের জ্যোতির্লোকে দাক্ষণ দুর্দিনে,

মাটির তিমির গর্ভে অন্ধকার গিরির গুহায়,
চলেছে মানব আত্মা মুক্তির স্পৃহায়।
যুগ হতে যুগান্তরে প্রজ্ঞার আলোক,
ফেলেছে সঙ্কানী দৃষ্টি ষেথা অন্তর্লোক।
যুগে যুগে দেবলোকে অন্তর্লোকে মিলে
তুলেছে তুমুল ঘন্দ এ মহা নিখিলে।
দেবতা গড়েছে মাহুষ, মাহুষ দেবতা—
সুন্দরের চক্ষে নামে ধ্যান-বিহ্বলতা।

অসীমের পথে চলে সীমার সঙ্কানে
কোথায় সে জ্যোতির্ময় দেবতা না জানে।



ত্রয়োদশ পরিচ্ছেদ
পাছশালা

চিত্রক ও রাজকুমারী রট্টা যখন পাছশালায় উপনীত হইলেন তখন সূর্যাস্ত হইতে আর দণ্ড দুই বাকি আছে।

দুইটি পথের সন্ধিস্থলে পাছশালাটি অবস্থিত। যে পথ চণ্টন দুর্গের সহিত কপোতকূটের সংযোগ স্থাপন করিয়াছে, এই স্থানে সেই পথ হইতে একটি শাখা বাহির হইয়া অগ্নিকোণে আর্ষাবর্তের দিকে চলিয়া গিয়াছে, দ্বিধা-ভিন্ন পথের মধ্যস্থলে প্রস্তর প্রাকারবেষ্টিত এই পাছশালা।

স্থানটি মনোরম। উত্তর ও পূর্বদিকে ঘন পর্বতের শ্রেণী; পশ্চিমদিকে বহুদূর পর্যন্ত উন্মুক্ত উপত্যকা। এই উপত্যকার মধ্য দিয়া একটি উপল-কুটীলা ক্ষুদ্র নদী বহিয়া গিয়াছে; মনে হয় পূর্বদিকের পর্বতকন্দের হইতে নির্গত এক রক্তবর্ণ নাগ ঋণগতিতে অস্তাচলের পানে কোন নূতন বিবরের সন্ধানে চলিয়াছে।

পাছশালাটি আয়তনে অপেক্ষাকৃত ক্ষুদ্র হইলেও দুর্গের আকারে নির্মিত, উচ্চ পাষণ-প্রাচীর দ্বারা পরিবেষ্টিত। জনালয় হইতে দূরে অরক্ষিত পথপার্শ্বে পাছশালা নির্মাণ করিতে হইলে বেশ দৃঢ় করিয়া নির্মাণ করিতে হয়। একে তো এ অঞ্চলে খণ্ড যুদ্ধাদি লাগিয়াই আছে, তদুপরি উত্তর-পশ্চিমের গিরিসঙ্কট মধ্যে যে সকল বন্য জাতি বাস করে তাহারা বড়ই দুর্দম প্রকৃতি। তাহারা মেঘ পালনের অবকাশ-কালে দল বাঁধিয়া দস্যুতা করে। পথে অরক্ষিত যাত্রিদল পাইলে লুটপাট করে; স্বেযোগ পাইলে পাছশালাকেও অব্যাহতি দেয় না। তাই দিবাভাগে পাছশালায় লৌহ-কণ্টকযুক্ত দ্বার খোলা থাকিলেও সূর্যাস্তের সঙ্গে উহা বন্ধ হইয়া যায়। তখন আর কাহারও প্রবেশাধিকার থাকে না; চিরাগত যাত্রীরা দ্বারের বাহিরে রাত্রি যাপন করে।

চিত্রক ও রট্টা পাছশালায় তোরণমুখে উপস্থিত হইলে

কালের মন্দির

শ্রী শরদিন্দু বন্দ্যোপাধ্যায়

পাছপাল ছুটিয়া আসিয়া ঘোড়হস্তে অভ্যর্থনা করিল—
‘আসুন, কুমার ভট্টারিকা, আপনার পদার্পণে আমার স্থান পবিত্র হইল। —দূত মহাশয়, আপনিও স্বাগত। আমি ভাগ্যবান, তাই আজ—’ বলা বাহুল্য, পাছপাল পূর্বেই নকুল প্রমুখাৎ সংবাদ পাইয়াছিল যে ইহারা আসিতেছেন।

চিত্রক ও রট্টা অশ্ব হইতে অবরোধ করিলেন। পাছপাল ব্যস্ত হইয়া ডাকিল—‘ওরে কে আছিস—কক, ডুঙুত—শীঘ্র কাছোজ* ছুটিকে মন্দুরায় লইয়া যা, যব—শক্ত শালি-প্রিয়ঙ্গু দিয়া সেবা কর।’—

দুইজন কিকর আসিয়া অশ্ব দুটির বল্গা ধরিয়া ভিতরে লইয়া গেল। রট্টা জিজ্ঞাসা করিলেন—‘আমার রক্ষীরা কি চলিয়া গিয়াছে?’

পাছপাল বলিল—‘আজ্ঞা হাঁ। নকুল মহাশয়ের ইচ্ছা ছিল না; কিন্তু কুমার ভট্টারিকার আদেশ অলঙ্ঘনীয়। তাহারা দ্বিপ্রহরেই চলিয়া গিয়াছেন।’

পাছপাল মধ্যবয়স্ক ব্যক্তি; স্থলকায় কিন্তু নিরেট। বচনবিন্যাসে বেশ পটু। চিত্রক তাহাকে উত্তমরূপে নিরীক্ষণ করিয়া বলিল—‘এখানে দেবহুহিতা রাজিযাপন করিলে ভয়ের কোনও কারণ নাই?’

‘ভয়! আমার পাছশালায় দ্বার বন্ধ হইলে মুষিকেরও সাধ্য নাই ভিতরে প্রবেশ করে।’ পাছপাল কণ্ঠস্বর হ্রস্ব করিয়া বলিল—‘তবে ভিতরে কয়েকটি পাছ আছে। তাহারা বিদেশী বণিক, পারস্তদেশ হইতে আসিতেছে; মগধে যাইবে—’

‘তাহারা কি বিশ্বাসযোগ্য নয়?’

‘বিশ্বাসের অযোগ্য বলিতে পারি না। ইহারা বহু বৎসর ধরিয়া এই পথে গতায়াত করিতেছে। মেঘরোমের আন্তরণ গাত্রাবরণ প্রভৃতি লইয়া আর্ষাবর্তের বিভিন্ন প্রান্তে

* কাছোজী অথ, শ্রেষ্ঠ অশ্ব

বাণিজ্য করিয়া বেড়ায়। তবে উহার অধি-উপাসক, স্নেহ। সাবধানের নাশ নাই।’

‘কিরূপ সাবধানতা অবলম্বন কর্তব্য?’

পাছপাল বলিল—ইনি দেবছহিতা একথা প্রকাশ না করিলেই চলিবে। ইনি আসিতেছেন তাহা আমি ভিন্ন আর কেহ জানেনা।

চিত্রক দেখিল পাছপাল লোকটি চতুর ও প্রত্যাৎপন্নমতি ; সে বলিল—‘ভাল।—পাছপাল, তোমার নাম কি?’

পাছপাল সবিনয়ে বলিল—‘দেবদ্বিজের কুপায় এ দাসের নাম জয়কঙ্ক। কিন্তু আর্থভাষা সকলের মুখে উচ্চারণ হয় না, কেহ কেহ জম্বুক বলিয়া ডাকে।’

চিত্রক হাসিয়া বলিল—‘ভাল। জম্বুক, আমাদের ভিতরে লইয়া চল। আমরা শ্রান্ত হইয়াছি।’

জম্বুক বলিল—‘আসুন মহাভাগ, আসুন দেবি—। আপনাদের জন্ত শ্রেষ্ঠ দুটি কক্ষ সজ্জিত করিয়া রাখিয়াছি। এদিকে নিম্ন অন্নসীধু প্রস্তুত আছে, অন্নমতি হইলেই—’

চিত্রক ও রট্টা প্রাকারের অভ্যন্তরে প্রবেশ করিলেন। সূর্য তখনও অস্তাচল স্পর্শ করে নাই, কিন্তু জম্বুকের আদেশে দুইজন দ্বারী দ্বার বন্ধ করিয়া ইন্দ্রকীলক আটিয়া দিল। কাল সূর্যোদয় পর্যন্ত আর কেহ প্রবেশ করিতে পারিবে না।

রট্টা পূর্বে কখনও পাছপালা দেখেন নাই, তিনি পরম কৌতূহলের সহিত চারিদিকে দৃষ্টি ফিরাইয়া দেখিতে দেখিতে চলিলেন। প্রাচীর দ্বারা পরিবৃত স্থানটি চতুষ্কোণ ; তিনটি প্রাচীরের গাত্রে সারি সারি প্রকোষ্ঠ ; প্রকোষ্ঠগুলির সম্মুখে একটানা অপ্রশস্ত অলিন্দ। মধ্যস্থলে শিলাপট্টাবৃত স্পারিসর উন্মুক্ত অঙ্গন। অঙ্গনের কেন্দ্রস্থলে চক্রাকৃতি বৃহৎ জলকুণ্ড।

অঙ্গনের এক কোণে কয়েকটি উষ্ট্র ও গর্দভ রহিয়াছে ; তাহারা পারসিক বণিকদের পণ্যবাহক। পারসিকেরা বর্ণকটেই আন্তরণ বিছাইয়া বসিয়া আছে এবং নিজেদের মধ্যে রহস্যলাপ করিতেছে। তাহাদের মুখমণ্ডল শ্মশ্রু-মণ্ডিত ; বর্ণ পক-দাড়িঘের ঞায় ; চক্ষু ও কেশ ঘনকৃষ্ণ।

রট্টা যখন চিত্রক ও জম্বুকের সহিত তাহাদের নিকট দিয়া চলিয়া গেলেন তখন তাহারা একবার চক্ষু তুলিয়া দেখিল, তারপর আবার পরস্পর বাক্যালাপ করিতে লাগিল। ইহারা নিতান্তই নিরীহ বণিক, ছদ্মবেশী

দস্যু ভঙ্কর নয় ; কিন্তু চিত্রকের মন সন্দিগ্ধ হইয়া উঠিল। নারী লইয়া পথ চলা যে কিরূপ উদ্বেগজনক কাজ এ অভিজ্ঞতা পূর্বে তাহার ছিল না।

চিত্রক নিম্নস্বরে জম্বুককে প্রশ্ন করিল—‘ইহারা কয়জন?’

জম্বুক বলিল,—‘পাঁচজন।’

‘সঙ্গে অস্ত্রশস্ত্র আছে?’

‘আছে। অস্ত্র না লইয়া এদেশে কেহ পথ চলে না।’

‘তোমার ভৃত্য অন্নচর কয়জন?’

‘আমরা পুরুষ আট জন আছি।’

‘স্ত্রীলোকও আছে নাকি?’

জম্বুক প্রশ্নের বিপরীত প্রান্তে দৃষ্টি নিক্ষেপ করিয়া বলিল—‘আমাদের চারিজন অস্ত্রপুরুষ আছে।’

চিত্রক অনেকটা আশ্বস্ত হইল।

অঙ্গনের অন্ত প্রান্তে চারিজন নারী বসিয়া গৃহকর্ম করিতেছিল। রট্টা সেখানে গিয়া স্থিতমুখে দাঁড়াইয়া দেখিতে লাগিলেন। চত্বরের কিয়দংশ পরিষ্কৃত করিয়া নারীগণ নৈশ ভোজনের আয়োজন করিতেছে। একজন ঘর্ঘরা ঘুরাইয়া গোধুম চূর্ণ করিতেছে ; নবচূর্ণিত গোধুম হইতে রোটিকা প্রস্তুত হইবে। দ্বিতীয়া শাক বাছিতেছে ; তৃতীয়া প্রস্তর উদ্বলে স্নগন্ধি বেশার * কুটন করিতেছে ; চতুর্থী মেঘমাংস ছুরিকা দিয়া কাটিয়া কাটিয়া পৃথক করিয়া রাখিতেছে। তাহারা মাঝে মাঝে সজ্জম কৌতূহল-পূর্ণ চক্ষু তুলিয়া এই পুরুষবেশিনী স্তন্দরীকে দেখিল, কিন্তু তাহাদের ক্ষিপ্ত নিপুণ হস্তের কার্য শিথিল হইল না।

রট্টা কিছুক্ষণ ইহাদের মন্থণ কর্মদক্ষতা নিরীক্ষণ করিলেন। তারপর একটি ক্ষুদ্র নিখাস ফেলিয়া জম্বুকের দিকে ফিরিলেন—‘জম্বুক, তোমাকে একটি কাজ করিতে হইবে।’

জম্বুক তৎক্ষণাৎ যুক্তপাণি হইল—‘আজ্ঞা করুন।’

‘কপোতকুটের পথে পর্বতের উপর একটি বৌদ্ধবিহার আছে জান কি?’

‘আজ্ঞা জানি। চিলকুট বিহার।’

‘সেখানে ভিক্ষুদের জন্ত দুই আটক উত্তম গোধুম পাঠাইতে হইবে।’

‘আজ্ঞা পাঠাইব। কল্যা প্রাতেই গর্দভপৃষ্ঠে গোধুম পাঠাইয়া দিব। ভিকুরা সূর্যাস্তের পূর্বেই পাইবেন।’

‘ভাল। আমি মূল্য দিব।’

* * *

চিত্রক ও রট্টার জন্ত যে দুইটি কক্ষ নির্দিষ্ট হইয়াছিল তাহা আকার ও আয়তনে অন্ত্যন্ত কক্ষের মতই, কিন্তু কক্ষের কুটিমে উষ্ট্ররোমের আন্তরণ বিস্তৃত হইয়াছিল, তদুপরি কোমল শয্যা। কোণে পিত্তলের দীপদণ্ডে বর্তি জলিতেছে। রাজকুমারীর পক্ষে ইহা তুচ্ছ আয়োজন; কিন্তু দেখিয়া রট্টা প্রীত হইলেন।

অল্পসীধু সহযোগে কিছু ক্ষীরের মণ্ড ভক্ষণ করিয়া উভয়ে আপাতত ক্ষুৎপিপাসার নিবৃত্তি করিলেন। রাত্রির আহার বাকি রহিল।

আহারান্তে চিত্রক গাত্রোথান করিয়া রট্টাকে বলিল, —‘আপনি এখন কিয়ৎকাল বিশ্রাম করুন।’ বলিয়া রট্টার কক্ষের দ্বার ভেজাইয়া দিয়া বাহিরে আসিল।

আকাশে তখন নক্ষত্র ফুটিয়াছে; রাত্রি অন্ধকার, এখনও চন্দ্রোদয় হয় নাই। পাছশালার প্রাক্গণের স্থানে স্থানে অগ্নি জলিতেছে। * ওদিকে পারসিকেরা অঙ্গার কুণ্ড প্রস্তুত করিয়া শূন্য মাংস করিতেছে; দগ্ধ মাংসের বেশার-মিশ্র স্নগন্ধ ভ্রাণেন্দ্রিয়কে লুক্ক করিয়া তুলিতেছে।

চিত্রক বলিল—‘হিন্দু-পলাণ্ডু-ভোজী স্নেহগুলা রাঁধে ভাল। জম্বুক, রাঁধে আমাদের ভোজনের কি ব্যবস্থা?’

জম্বুক ভোজ্য বস্তুর দীর্ঘ তালিকা দিল। প্রথমেই মিষ্টান্ন: মধু পিষ্টক লডুক ও ক্ষীর; তারপর শাক ঘৃত-তণ্ডুল মুদগ-সুপ, ময়ূর-ডিম্ব; সর্বশেষে রোটিকা পুরোডাশ ও তিন প্রকার অবদংশ সহ উখ্য মাংস শূন্য মাংস ও দধি।

চিত্রক সন্তুষ্ট হইয়া বলিল—‘উত্তম। দেবদুহিতার কষ্ট না হয়।—আর ত্বন, শূন্যমাংস আমি রন্ধন করিব।’

জম্বুক চক্ষু বিস্ফারিত করিল, কিন্তু তৎক্ষণাৎ সায় দিয়া বলিল—‘ষেরূপ আপনার অভিক্রটি।’

চিত্রক কক্ষের সম্মুখে অঙ্গনের উপর একটা স্থান নির্দেশ করিয়া বলিল—‘এইখানে অঙ্গার চুল্লী রচনা কর।’

জম্বুকের আদেশে ভৃত্য আসিয়া অঙ্গারচুল্লী রচনায় প্রবৃত্ত হইল। এই অবকাশে ইতস্তত পাদচারণ করিতে

করিতে চিত্রক লক্ষ্য করিল, কক্ষশ্রেণী যেখানে শেষ হইয়াছে সেখানে একটি বংশনির্মিত নিঃশ্রেণি বক্রভাবে ছাদসংলগ্ন হইয়া রহিয়াছে। তাহার মন আবার সন্দ্বিগ্ন হইয়া উঠিল। ছাদে উঠিবার সিঁড়ি কেন? উপরে যদি কেহ লুকাইয়া থাকে? চিত্রক জম্বুককে সিঁড়ি দেখাইয়া বলিল—‘ছাদে কী আছে?’

জম্বুক বলিল—‘শুধু জালানি কাঠ আছে। আর কিছু নাই।’

চিত্রকের সন্দেহ ঘুচিল না; সে স্বচক্ষে দেখিবার জন্ত নিঃশ্রেণি বাহিয়া ছাদে উঠিয়া গেল। জম্বুককে বলিল—‘তুমিও এস।’

ছাদের উপর সত্যই জালানি কাঠ ভিন্ন আর কিছু নাই। চিত্রক নক্ষত্রালোকে ত্রিভুজা ছাদের সর্বত্র পরিভ্রমণ করিয়া নিশ্চিত হইল। ছাদের উপর মন্দ মন্দ শীতল বায়ু বহিতে আরম্ভ করিয়াছিল; চারিদিক শব্দহীন, অন্ধকার; কেবল গিরিনদীর বৃকে নক্ষত্র খচিত আকাশের প্রতিবিম্ব পড়িয়াছে।

চিত্রক নামিবার উপক্রম করিতেছে এমন সময়ে বাহিরের অন্ধকার হইতে এক উৎকট অট্ট-কোলাহল উখিত হইয়া চিত্রককে চমকিত করিয়া দিল; একদল শৃগাল নিকটেই কোথাও বসিয়া যাম ঘোষণা করিতেছে।

তাহাদের সম্মিলিত ক্রোশন ক্রমে শান্ত হইলে চিত্রক হাসিয়া উঠিল, বলিল—‘এখানে জম্বুকের অভাব নাই দেখিতেছি।’

জম্বুক হাসিল, বলিল—‘পৃথিবীতে জম্বুকের অভাব কোথায়? তবে জয়কম্বু বড় অধিক নাই মহাশয়।’

চিত্রক বলিল—‘সেকথা সত্য। তুমি উত্তম পাছপাল।’

এই সময় পশ্চিম দিগন্তের পানে দৃষ্টি পড়িতে চিত্রক দেখিল, বহুদূরে চক্রবাল রেখার নিকট যেন পাহাড়ে আগুন লাগিয়াছে; আগুন দেখা যাইতেছে না, কেবল তাহার উৎসারিত প্রভা দিগন্তকে রঞ্জিত করিয়াছে।

অঙ্গুলি নির্দেশ করিয়া চিত্রক জিজ্ঞাসা করিল—‘উহা কি? পাহাড়ের জ্বলে কি আগুন লাগিয়াছে?’

জম্বুক বলিল—‘বোধহয় না। কয়েকদিন ধরিয়া দেখিতেছি, একই স্থানে আছে। পাহাড়ের আগুন হইলে দক্ষিণে বামে ব্যাপ্ত হইত।’

‘তবে কী ? ওদিকে কি কোনও নগর আছে ? কিন্তু নগর থাকিলেও রাত্রে এত আলো জলিবে কেন ? ইহা তো দীপোৎসবের সময় নয় ।’

‘ওদিকে নগর নাই । তবে—’

‘তবে ?’

জম্বুক বলিল—‘পাছশালায় অনেক লোক আসে যায়, অনেক কথা শুনিতে পাই । শুনিয়াছি, হুণ আবার আসিতেছে । যদি কথা সত্য হয়, আবার দেশ লণ্ডভণ্ড হইবে ।’ বলিয়া জম্বুক নিশ্বাস ফেলিল ।

চিত্রক বলিল—‘তোমার কি মনে হয় হুণেরা ঐখানে ছত্রাবাস ফেলিয়াছে ?’

‘জম্বুক বলিল—‘না, তাহা মনে হয় না । হুণেরা এত কাছে আসিলে লুটপাট করিত, অত্যাচার করিত । কিন্তু এদিকে হুণ দেখি নাই ।’

‘তবে কী হইতে পারে ?’

‘জনশ্রুতি শুনিয়াছি, সম্রাট স্বন্দগুপ্ত সটম্ভে হুণের গতিরোধ করিতে আসিয়াছেন ।’

চিত্রক বিস্মিত হইয়া বলিল—‘স্বন্দগুপ্ত স্বয়ং ।’

জম্বুক বলিল—‘এইরূপ শুনিয়াছি । সত্য মিথ্যা বলিতে পারি না । কেন, আপনি কিছু জানেন না ?’

চিত্রক চকিতে আত্মসংবরণ করিয়া বলিল—‘না, আমি কিছু জানি না । যুদ্ধ সম্ভাবনার পূর্বেই আমি পাটলিপুত্র ছাড়িয়াছি ।’

চিত্রক ও জম্বুক নীচে নামিয়া আসিল ।

ভৃত্য ইতিমধ্যে অঙ্গার প্রস্তুত করিয়া শূন্য মাংসের উপকরণাদি আনিয়া রাখিয়াছে । চিত্রক তাহা দেখিয়া প্রথমে গিয়া রট্টার রুদ্ধ দ্বারের সম্মুখে দাঁড়াইল । কাণ পাতিয়া শুনিল কিছু কিন্তু শুনিতে পাইল না । তখন সে দ্বার ঈষৎ ঠেলিয়া ভিতরে দৃষ্টিপাত করিল । দীপের নিম্ন আলোকে রট্টা শয্যা শুইয়া আছেন, একটি বাহ চক্ষুর উপর শ্রুত । বোধহয় নিদ্রাবেশ হইয়াছে । এই নিভৃত দৃশ্য দেখিয়া চিত্রকের মন এক অপূর্ব সম্মোহে পূর্ণ হইয়া উঠিল ; মৃগমদ-সৌরভের শ্রায় মাদক-মধুর রসোচ্ছ্বাসে হৃদকুম্ভ কণ্ঠ পর্যন্ত ভরিয়া উঠিল । সে ধীরে ধীরে দ্বার বন্ধ করিয়া দিল । মনে মনে বলিল—‘ঘুমাও, রাজকুমারী, ঘুমাও ।

* * *

টাদ উঠিয়াছে । কৃষ্ণ চতুর্থীর চক্রে পূর্বাচলের মাথায় উঠিয়া ক্লান্ত হাসি হাসিতেছে । পাছশালায় অঙ্গন শূন্য, পারসিকেরা নিজ প্রকোষ্ঠে দ্বার বন্ধ করিয়াছে । অঙ্গন স্তিমিত জ্যোৎস্নায় পাণ্ডুর ।

চিত্রক রট্টার দ্বারে করাঘাত করিয়া ডাকিল—‘দেবি উঠুন উঠুন, আহার প্রস্তুত ।’

দ্বার খুলিয়া রট্টা হাসিমুখে সম্মুখে দাঁড়াইলেন, ঈষৎ জড়িত কণ্ঠে বলিলেন—‘ঘুমাইয়া পড়িয়াছিলাম ।’—

সম্মুখেই অলিন্দে আহারের আসন হইয়াছিল, দুইটি আসন মুখোমুখি ; মধ্যে বহু কটোর এবং স্থালীতে খাদ্য সম্ভার । পাশে দুইটি দীপ জলিতেছে । উভয়ে আহারে বসিলেন ; জম্বুক দাঁড়াইয়া তত্ত্বাবধান করিতে লাগিল ।

আহারের সঙ্গে সঙ্গে দুই চারিটি কথা হইতেছে । জম্বুক মাঝে মাঝে চিত্তবিনোদনের জন্ত কৌতুকজনক উপাখ্যান বলিতেছে । রাজকন্ঠা হাসিতেছেন ; তাহার মুখে তৃপ্তি, চোখে নিকরেষণ প্রশাস্তি । চিত্রক নিজ হৃদয় মধ্যে একটি আন্দোলন অনুভব করিতেছে, যেন সাগর-তরঙ্গে তাহার হৃদয় ছলিতেছে ফুলিতেছে, উঠিতেছে নামিতেছে—

রট্টা বলিলেন—‘কাল পিতার দর্শন পাইব ভাবিয়া বড় আনন্দ হইতেছে ।’

চিত্রকের মনের উপর ছায়া পড়িল । রট্টার পিতা... তাহার সহিত চিত্রকের একটা বোঝাপড়া আছে...কিন্তু সে চিন্তা এখন নয়...

চিত্রক বলিল—‘একটা জনরব শুনিলাম ।—পরম-ভট্টারক স্বন্দগুপ্ত নাকি চতুরঙ্গ সেনা লইয়া এদেশে আসিয়াছেন ।’

রট্টা চকিত চক্ষু তুলিলেন—‘স্বন্দগুপ্ত !’

চিত্রক নির্লিপ্তস্বরে বলিল—‘হাঁ । হুণ আবার আসিতেছে, তাই মহারাজ তাহাদের গতিরোধ করিবার জন্ত স্বয়ং আসিয়াছেন ।’

রট্টা কিয়ৎকাল নতমুখে রহিলেন, তারপর মুখ তুলিয়া বলিলেন—‘আপনি সম্ভবত প্রভুর সহিত মিলিত হইতে চাহেন ?’

চিত্রক বলিল—‘সে পরের কথা । আগে আপনাকে চণ্টনহুর্গে পৌছাইয়া দিয়া তবে অন্য কাজ ।’

রটা তাহার মুখের উপর ছায়া নিবিড় চক্ষুটি স্থাপন করিয়া নিশ্চয় হাসিলেন।

আহার সমাপ্ত হইলে রটা জম্বুককে বলিলেন—‘তোমার সেবায় আমরা তৃপ্ত হইয়াছি। অন্ন ব্যঞ্জন অতি মুখরোচক হইয়াছে। দেখ, আর্থ চিত্রক কিছুই ফেলিয়া রাখেন নাই।’

জম্বুক করতল যুক্ত করিয়া সবিনয়ে হাস্ত করিল। চিত্রক মূহ হাসিয়া রটাকে জিজ্ঞাসা করিল—‘কোন্ ব্যঞ্জন সর্বাপেক্ষা মুখরোচক লাগিল?’

রটা বলিলেন—‘শূন্য মাংস। একরূপ সুস্বাদু রন্ধন রাজ-পাচকও পারে না।’

চিত্রক মিটিমিটি হাসিতে লাগিল; রটা তাহা দেখিয়া সন্দেহ হইলেন, বলিলেন—‘শূন্য মাংস কে রাখিয়াছে?’

জম্বুক তর্জনী দেখাইয়া বলিল—‘ইনি!’

অবাক হইয়া কিছুক্ষণ চাহিয়া থাকিয়া রটা হাসিয়া উঠিলেন—‘আপনার তো অনেক বিদ্যা! এ বিদ্যা কোথায় শিখিলেন?’

চিত্রক বলিল—‘আমার সকল বিদ্যা বেখানে শিখিয়াছি সেইখানে।’

‘সে কোথায়?’

‘যুদ্ধক্ষেত্রে।’

চিত্রকের মন কল্পনায় স্বন্দগুপ্তের স্বকাবারের দিকে উড়িয়া গেল। ঐ যেখানে দিগন্তের কাছে আলোর আভা দেখা গিয়াছিল সেখানে ক্রোশের পর ক্রোশ বস্ত্র শিবির তালপত্রের ছাউনি পড়িয়াছে; শিবিরের ফাঁকে ফাঁকে সৈনিকেরা আগুন জালিয়াছে; কেহ যবচূর্ণ মাখিয়া দুই হস্তে পুলা রোটিকা গড়িতেছে; কেহ ভল্লাগ্রে মাংস গ্রথিত করিয়া আগুনে শূন্য পক করিতেছে—চীৎকার গান

বাগ্‌যুদ্ধ...নির্ভয় নিরুদ্ধেগ জীবনধাত্রা...অতীত নাই, ভবিষ্যৎ নাই...আছে কেবল নিরক্ষুশ বর্তমান।

রটা চিত্রকের মুখের উপর চিত্তার ক্রীড়া লক্ষ্য করিতেছিলেন, মূহ হাসিয়া বলিলেন—‘যুদ্ধক্ষেত্রের স্বপ্ন দেখিতেছেন?’

চিত্রক ঈষৎ চমকিয়া বলিল—‘হাঁ। আপনি কি অন্তর্ধামিনী?’

রটা রহস্যময় হাসিলেন। * * *


রাত্রি গভীর হইয়াছে। চন্দ্র প্রায় মধ্যাকাশে।

কুমারী রটা আপন কক্ষে শয্যাশ্রেয়ে ঘুমাইয়া ছিলেন, একটি নিশ্বাস ফেলিয়া জাগিয়া উঠিলেন। ঘরের কোণে দীপ জ্বলিতেছে; জলিয়া জলিয়া শিখাটি ক্রমে ক্ষুদ্র বর্তুলবৎ আকার ধারণ করিয়াছে। তাহার বিন্দুপ্রমাণ আলোকে ঘরের বিশেষ কিছু দেখা যাইতেছে না। শয্যাশ্রে উঠিয়া বসিয়া রটা কিয়ৎকাল ঐ আলোকবিন্দুর পানে চাহিয়া রহিলেন; তারপর উঠিয়া নিঃশব্দে দ্বারের অর্গল মোচন করিলেন।

দ্বার ঈষৎ বিভক্ত করিয়া দেখিলেন, তাঁহার কক্ষের সম্মুখে দ্বারের দিকে পিছন করিয়া অলিন্দের একটি স্তম্ভে পৃষ্ঠ রাখিয়া চিত্রক বসিয়া আছে। পদদ্বয় প্রসারিত, জামুর উপর যুক্ত তরবারি। তাহার উর্ধ্বাখিত মুখের উপর চাঁদের আলো পড়িয়াছে—চক্ষু স্বপ্নাতুর—

দীর্ঘকাল এক দৃষ্টিতে দেখিয়া রটা আবার ধীরে ধীরে দ্বার বন্ধ করিয়া দিলেন; ফিরিয়া আসিয়া অধোমুখে শয্যাশ্রে বন্ধ চাপিয়া শয়ন করিলেন। তাঁহার চক্ষু হইতে বিন্দু বিন্দু অশ্রু ঝরিয়া উপাধান সিক্ত করিয়া দিতে লাগিল।

(ক্রমশঃ)



আন্দামান-নিকোবর দ্বীপপুঞ্জ

অধ্যাপক শ্রীমণীন্দ্রনাথ বন্দ্যোপাধ্যায়

(পূর্বে প্রকাশিতের পর)

আন্দামানে জাপানী-রাজ

শুভচর সন্দেহে জুলফিকার আলির উপর অমানুষিক পীড়ন করিয়া তাহাকে হত্যা করার প্রায় একমাস পরে ইংরাজ আমলের চিফ কমিশনারের সেক্রেটারী মিঃ বার্ডের উপর জাপানীদের সন্দেহ হয়। শ্রীপুঙ্কর বাগচি নামে আন্দামান Public Works Department-এর ইংরাজ আমলের একজন কেরাণী জাপানীদের নিকট নিজেকে সুভাষ বোসের আত্মীয় এইরূপ মিথ্যা পরিচয় দিয়া জাপানীদের সহিত ঘনিষ্ঠতা করিয়া Chief Naval Intelligence Officer-এর পদে উন্নীত হন এবং তিনিই জাপানীদের মনে এইরূপ বিশ্বাস করাইয়া দেন যে, বার্ড সাহেব শুভ বোতার যন্ত্রের সাহায্যে আন্দামানের সংবাদ ইংরাজদের নিকট পৌঁছাইয়া দিতেছেন। এই মিথ্যা সংবাদে জাপানীরা বার্ডকে একদিন সকালে সেলুলার জেলের পার্শ্বে সমুদ্রের তীরে বিচার করিতে আরম্ভ করে। বার্ড সাহেব জানিতেন যে, জাপানীদের বাহার উপর সন্দেহ হয় তাহার নিকট হইতে অপরাধের স্বীকারোক্তি পাইবার জন্য অমানুষিক অত্যাচার করে এবং শেষ পর্যন্ত হত্যা করে, অতএব তিনি প্রথম হইতেই প্রাণের আশা ছাড়িয়া দিয়া জাপানীদের দেওয়া সমস্ত অভিযোগ স্বীকার করিয়া লন, এবং প্রার্থনা করেন যে, তাহাকে একেবারেই বন্দুকের গুলিতে বধ করা হউক। জাপানীরা কিন্তু তাহা করে নাই, স্বীকারোক্তি পাইয়া তাহার সহিত পূর্বের মতই ব্যবহার করিতে শুরু করে। সেলুলার জেলের পার্শ্বে সমুদ্রতীরে কয়েকজন জাপানী সৈনিক কেবলমাত্র আঙুরওয়ার পরিহিত বার্ডের গলার টুটি চাপিয়া কিছুক্ষণের জন্য তাহার খাসরুদ্ধ করে, তারপর পেটে ও পাঞ্জায় বৃষি এবং লাথি দিয়া তাহাকে জখম করিয়া দূরে সরিয়া দাঁড়ায়। বার্ড সাহেব আন্দামানের একজন বিশেষ জনপ্রিয় অফিসার ছিলেন। এখানেও পূর্বের মতই আন্দামানের বহু নারী ও পুরুষ অধিবাসীকে জোর করিয়া ধরিয়া আনিয়া এই বিচার দেখানো হইতেছিল। বার্ড সাহেব প্রথম আঘাত সহ করিয়া মুম্বু অবস্থায় কাঁপিতে কাঁপিতে একটু জল চাহিয়াছিলেন, ইহাতে একজন স্ত্রীলোক ভিড়ের মধ্য হইতে কিরূপে যেন এক গ্লাস জল সংগ্রহ করিয়া বার্ডকে দিবার জন্য অগ্রসর হয়। তখন একজন জাপানী সৈনিক সেই জলের গ্লাসটি স্ত্রীলোকের হাত হইতে লইয়া নিজে বার্ডের নিকট গিয়া গ্লাসটি দেখাইয়া হাতে দিতে বাইবার অভিনয় করিয়া গ্লাসসম্মত জল দূরে ছুঁড়িয়া ফেলিয়া দেয়। বার্ডের মুখ হইতে একটি মাত্র কথা বাহির হইয়াছিল “Oh Jesus”। এই ঘটনার প্রত্যক্ষদর্শীদের

মধ্যে একাধিক ব্যক্তি আমাকে বলিয়াছেন যে, ইহার পর তাহার মুখ দিয়া আর কোন শব্দ বাহির হয় নাই। গায়ে আলপিন ফুটান এবং বেয়নেটের দ্বারা বার্ডের দুইটি চক্ষু উপড়াইয়া দেওয়া হইয়াছিল, কিন্তু তাহাতেও তিনি কোন শব্দ করেন নাই। শেষে তরবারির দ্বারা তাহার মাথা কাটিয়া ফেলিয়া সেইখানে সেই সমুদ্রতীরেই তাহাকে পুতিয়া ফেলা হয়। ইংরাজের দ্বারা আন্দামান পুনর্দখলের পরে সেখানে একটি কবর নির্মাণ করিয়া ক্রুশচিহ্ন দেওয়া হইয়াছে এবং তাহার স্মৃতিরক্ষার জন্য নিকটবর্তী একটি স্থানের নামকরণ করা হইয়াছে “বার্ডস্ লাইন”।

ইহার পরেই জাপানীরা একজিকিউটিভ ইঞ্জিনিয়ার মিঃ লিগুসে ও তাহার পাঠান বাবুচিঁর উপর সন্দেহ করে। খোলা মাঠে ইহাদের উপর প্রচণ্ডবেগে আঘাত করা হইতে থাকে, কিন্তু ইহার বার্ডের ব্যাপার জানিতেন বলিয়া কিছুতেই কোন অপরাধ স্বীকার করেন নাই। শেষে অর্ধমৃত অবস্থাতেও কোনরূপ স্বীকারোক্তি না পাইয়া জাপানীরা ইহাদের ছাড়িয়া দেয়। জাপানীদের জঙ্গী বিভাগের বিচার বোধ হয় এইরূপেই হইয়া থাকে। সন্দেহ হইলেই সর্বসমক্ষে প্রহার শুরু হইবে, স্বীকার করিলেই মৃত্যু, না করিলে প্রহারে অর্ধমৃত করিয়া ছাড়িয়া দিবে। এই লিগুসে সাহেব আন্দামান পুনর্দখলের পর ইংরাজের চাকুরীতে পুনরায় বহাল হইয়া পরে মাদ্রাজে বদলী হন, এবং এখনও পর্যন্ত সেইখানেই আছেন। তাহার পাঠান বাবুচিঁটি কিছুদিন পূর্বে পর্যন্ত তাহার নিকটেই ছিল, পরে দেশে চলিয়া গিয়াছে।

আন্দামানের অধিবাসীদের পক্ষে দারুণ ভয়ে ভয়ে এইরূপে ১৯৪২ সাল কাটিয়া যায়। ইত্যবসরে জাপানীরা আন্দামানের সর্বত্র রাঙা আলু জাতীয় ফসলের চাষ শুরু করে, সম্পূর্ণ অজন্মা পাহাড়েও সার দিয়া ক্ষেত বানাইয়া ফেলে। তাহাদের নিয়মানুবর্তিতা, কর্মশক্তি ও উদ্ভাবনী বুদ্ধিতে এক বছরেই পোর্টব্লেনারের বেশ কিছু উন্নতি হয়। এ বিষয়ে এখানকার লোকেরা সকলেই উহাদের সুখ্যাতি করে। তবে এক বিষয়ে উহারা নাকি ভয়ানক ছোটলোক। শুনিলাম, উহাদের উচ্চতম অফিসার অব্যবহিত নিম্নের পদস্থ অফিসারকেও সর্বসমক্ষে চড়, কিল, লাথি মারিতে দ্বিধা করে না, এবং এইরূপ মার খাইয়া সেই পদস্থ অফিসারও বিজ্রোহ করে না, নীরবেই সহ করে। ইহাই নাকি উহাদের প্রচলিত রীতি।

১৯৪২-এর শেষভাগ হইতে কে বা কাহারো আন্দামানের সংবাদ বেতারযোগে ইংরাজদের নিকট পাঠাইতে শুরু করে। জাপানীরা ইহা অবগত হয়, কিন্তু কিছুতেই অপরাধীকে ধরিতে পারে না। ১৯৪৩ সালের ২১-এ জানুয়ারী হইতে ৩০-এ মার্চের মধ্যে অনেক অনুসন্ধান করিয়া উহারা একদল লোককে বন্দী করে ও ইহাদের মধ্যে সাতজনকে

পূর্ববর্ণিত জুজুৎসু প্রণালীতে বধ। এই সাতজনের মধ্যে পাঁচজন ছিলেন পুলিশের কর্মচারী এবং দুইজন সাধারণ লোক। আবদুল খালেক নামক একজনকে এই ব্যাপারে বধ করা হয়। খালেকের পিতা মিঃ রৌফ্ এই বিষয়টি আমাদের নিকট বলিয়াছিলেন। যুদ্ধান্তে জাপানীরা পরাজিত হওয়ার পর ১৯৪৬ সালে সিঙ্গাপুরে যুদ্ধাপরাধীদের যে বিচার হয়, সেই বিচারে মিঃ রৌফ্ একজন সাক্ষী ছিলেন। রৌফের নিকট হইতে আমি এই প্রবন্ধের কিছু তথ্য সংগ্রহ করিয়াছি। এই রৌফের পত্নী অর্থাৎ খালেকের মাতা এবং খালেকের দশ বৎসরবয়স্কা কন্যা তাহার পিতার জুজুৎসুতে মৃত্যু স্বচক্ষে দেখিয়াছে এবং মনে রাখিয়াছে। আমার নিকট বিবরণ দিতে গিয়া ছোট মেয়েটি পূর্বকথা স্মরণ করিয়া কাঁদিয়া ফেলিল।

১৯৪৩ মার্চ মাসের এই ব্যাপারটিকে প্রথম গুপ্তচর ষড়যন্ত্র (First spy case) নামে অভিহিত করা হইয়াছিল। দ্বিতীয় গুপ্তচর ষড়যন্ত্রের জন্ত ধরপাকড় শুরু হয় ঐ বৎসরের ২৯ এ জুলাই হইতে। এই Second spy case-এর ধরপাকড় ১৯৪৪-এর জানুয়ারীর শেষ পর্যন্ত চলিতে থাকে। এই প্রসঙ্গে প্রায় পাঁচশত লোক বন্দী হয় এবং পাঁচশত লোককেই অমানুষিকভাবে প্রহার করা হয়। স্বীকারোক্তি আদায় করিবার জন্ত মারপিঠ করিতে করিতে বারোজন হতভাগ্য মৃত্যুমুখে পতিত হয়; স্বীকারোক্তি দেওয়ার ফলে ৪৫ জন লোককে হত্যা করা হয় এবং বাকী লোকেরা রেহাই পায়। এই হত্যাকাণ্ড ১৯৪৪-এর জানুয়ারী মাসের শেষ সপ্তাহে সমাপ্ত হইয়াছিল।


১৯৪৩ সালের নভেম্বর মাসে নেতাজী সুভাষচন্দ্র এই দ্বীপে পদার্পণ করেন। আন্দামানের অধিবাসীদের উপর অনুসন্ধান ও বিচারের নামে জাপানীরা যে ভয়াবহ অত্যাচার চালাইতেছিল, সে সম্বন্ধে জাপানীরা নেতাজীকে বিশেষ কিছুই জানতে দেয় নাই। একজনের নিকট শুনিলাম যে, নেতাজী যখন এখানে আসিয়াছিলেন তখন সেই ভয়লোক দ্বিতীয় গুপ্তচর ষড়যন্ত্রের আসামী হইয়া সেলুলার জেলে বন্দী ছিলেন। তিনি বলিলেন “জেলে আমাদের কোন বিছানা বা কঞ্চল কিছুই দেওয়া হইত না, একখানি হাফপ্যান্ট পরিয়া খালি গায়ে থাকিতাম, একবারমাত্র কদম্ব আহার দিত এবং ২৪ ঘণ্টার মধ্যে একমিনিটের জন্তও ছোট cellটির বাহিরে বাইবার উপায় ছিল না। সেই ছোট cellটির এককোণে মল-মূত্র পড়িয়া থাকিত, জল ছিল না এবং খালি মেঝের খালি মাথায় শুইয়া থাকিতাম। এই অবস্থায় হঠাৎ একদিন দেখি যে সেলুলার মাথার দিয়া পরিষ্কৃত হইল, বাস্তুি করিয়া জল আসিল, সেই সঙ্গে ভালো কঞ্চল, বিছানার চাদর, জামা ইত্যাদি আসিয়া গেল, ট্রে উপর সাজানো কলাই করা বাটীতে করিয়া ভালো ভালো খাদ্য ইত্যাদি দেওয়া হইল; কারণ না বুঝিয়া আমরা ভীষণ ভীত হইয়া পড়িলাম। পরে আমাদের নিকট জেলরক্ষী বলিয়া গেল যে, যে-কেহই তোমাদের নিকট আসিয়া যাহা কিছুই জিজ্ঞাসা করুক না কেন তোমরা কোন মতেই কতৃপক্ষের কোনরূপ নিন্দা করিবে না, করিলে মৃত্যুদণ্ড, আমরা ভয়ে এবং অনাহারে জড়বৎ হইয়াছিলাম, তৎক্ষণাৎ তাহাই স্বীকার করিয়া গইলাম। অতঃপর নেতাজী সুভাষ জেল পরিদর্শন করিতে আসিয়া আমাদের আহার্য, পরিধেয় এবং শয্যা দেখিয়া বিশেষ ক্রীত হইয়া চলিয়া

গেলেন।” এই সময় নেতাজী জীমখানা গ্রাউণ্ডে বস্তুতা দেন। অশান্ত লোকের নিকট শুনিলাম যে, জাপানীরা নেতাজীকে একপে আগলাইয়া লইয়া বেড়াইয়াছিল যে, দেশবাদী কেহই তাঁহার সহিত প্রাণের কথা বলিবার কোন অবকাশমাত্র পায় নাই। বস্তুতঃ তিনি বলিয়াছিলেন যে ইংরাজের পক্ষে হইয়া কোন ষড়যন্ত্র বা গুপ্তচর বৃত্তিতে যোগ দেওয়া ভীষণ অপরাধ বলিয়া গণ্য হইবে; উপরন্তু ভারতবাদীই ভারত জয় করিবে, অতএব কোন ভারতবাদী যেন বিশ্বাসঘাতকতার কাজ না করে, অর্থাৎ মনে হয় জাপানীরা তাঁহাকে বুঝাইয়া দিয়াছিল যে আন্দামানের লোকেরা অধিকাংশই ইংরাজের পক্ষে এবং ভারতের স্বাধীনতা যুদ্ধে আন্দামানের ভারতীয়গণ বিশ্বাসঘাতকতা করিতেছে। নেতাজী তিন দিনমাত্র এই দ্বীপে অবস্থান করিয়া এই দ্বীপকে শহীদ দ্বীপ নাম দিয়া চলিয়া গিয়াছিলেন। নেতাজী চলিয়া যাইবার পর জেলখানা হইতে সেই সমস্ত বিছানাপত্র এবং কয়েদীদের জামা ইত্যাদি পুনরায় কাড়িয়া লওয়া হইয়াছিল।

নেতাজী চলিয়া যাইবার মাস তিনেক পরে ১৯৪৪-এর ফেব্রুয়ারী মাসে কর্ণেল লোকনাথন তিনজন সহকারী লইয়া এই দ্বীপে আসেন এবং এখানকার বেসামরিক শাসনভার গ্রহণ করেন। অতঃপর এখানকার লোকের উপর অমানুষিক অত্যাচার কিছুটা কমে, কিন্তু কিছুদিন পরেই তিনি আবার চলিয়া যান। লোকনাথনের এইখানে অবস্থিতকালেই একদিন একখানি রসদবাহী জাপানী জাহাজ ‘রস’ দ্বীপের নিকট জলমগ্ন হয়। কিরূপে কে ইহার সংবাদ পাঠাইয়া ইংরাজের টর্পেডোর দ্বারা জাহাজখানিকে জলমগ্ন করায় তাহার কোন সঠিক প্রমাণ পাওয়া যায় নাই, কিন্তু এই ব্যাপারে তিনজন ভারতীয় জড়াইয়া পড়েন। ইহাদের নাম মিঃ ব্যানার্জী, মিঃ বুরহানুদ্দিন ও মিঃ আলি। এই তিনজনেই সমুদ্রের তীরে রক্ষীর কাজ করিতেন। লোকনাথনের উপস্থিতির জন্তই ইহাদের একটা ভদ্র রকমের বিচার অভিনয় হইয়াছিল এবং জুজুৎসু প্রথায় ইহাদের বধ না করিয়া ইহাদের তিনজনেকে এক সঙ্গে সেলুলার জেলের ফাঁসীকাঠে ফাঁসী দেওয়া হয়। ইহারাই আজও পর্যন্ত সেলুলার জেলের ফাঁসীকাঠের শেষ বলি এবং ইহাদের কথাই ইতঃপূর্বে সেলুলার ফাঁসীমঞ্চের জেলের বর্ণনা প্রসঙ্গে উল্লেখ করিয়াছি। এই তিনজনের বিচার ব্যাপারটি Third spy case বা তৃতীয় গুপ্তচর ষড়যন্ত্র নামে অভিহিত।

ইহার পর চতুর্থ গুপ্তচর ষড়যন্ত্র। ১৯৪৪ সালের ২৯-এ আগষ্ট হইতে ১৯৪৫-এর মাঝামাঝি পর্যন্ত প্রায় পাঁচ ছয় শত ব্যক্তিকে এই ব্যাপারে আসামী শ্রেণীভুক্ত করা হয়। এই সমস্ত লোকদের উপর পূর্বের গায় অত্যাচার চলিয়াছিল, কিন্তু শেষ পর্যন্ত জাপানীদের পতন হওয়ার জন্ত এই বিচারের শেষ নিষ্পত্তি আর হয় নাই। সরকারীভাবে শত্রু সন্দেহে জাপানীদের অমানুষিক অত্যাচারপূর্বক এইখানেই শেষ; কিন্তু অশান্ত ব্যাপারে তাহারা যে ভীষণভাবে নির্ঘাতন ও নরহত্যা করিয়াছিল তাহার বিবরণ এখনও দেওয়া হয় নাই। আগামী সংখ্যায় সে সম্বন্ধে যাহা শুনিয়াছি তাহা প্রকাশ করিবার ইচ্ছা রাখিল।

(ক্রমশঃ)



বিপর্যয়ের মুখে পশ্চিমবঙ্গ

পশ্চিমবঙ্গের খাজপরিষ্কৃতি সম্প্রতি ভয়াবহ হইয়া উঠিয়াছে। প্রতিবেশী প্রদেশ বিহারের সহিত পশ্চিমবঙ্গকে এখন এমন শোচনীয় খাজসকটের সম্মুখীন হইতে হইয়াছে যে, অবিলম্বে উপযুক্ত ব্যবস্থা অবলম্বিত না হইলে ১৯৪৩ খ্রীষ্টাব্দের মহানবস্তুরের পুনরাবৃত্তি হওয়াও বিচিত্র নয়। মুর্শিদাবাদ জেলায় ইতিমধ্যেই অনাহারে মৃত্যুর সংবাদ পাওয়া বাইতেছে এবং কোথাও কোথাও চাউলের মূল্য উঠিয়াছে মণপ্রতি ৫০ টাকা। নদীয়ার অবস্থাও প্রায় অনুরূপ। পশ্চিম বাংলার সব জেলাতেই অল্পাভাবে হাহাকার পড়িয়া গিয়াছে। কলিকাতার আশপাশে কোথাও এখন ৩০ টাকার কমে এক মণ চাউল মিলিতেছে না। তবু রেশন এলাকার অবস্থা মনের ভাল, কিন্তু রেশন এলাকাই প্রদেশের সব নয়। বিশেষ করিয়া রেশন অঞ্চলে অপেক্ষাকৃত অবস্থাপন্ন ব্যক্তির বাস করেন, ক্রমবর্ধমান চাউলের মূল্য রেশনবিহীন গ্রামাঞ্চলের অসংখ্য অধিবাসীকে গভীর হতাশাচ্ছন্ন করিয়া তুলিতেছে। রেশন এলাকার দায়িত্ব অবশ্য সরকার লইয়াছেন, কিন্তু এপর্যন্ত সরকারী এজেন্টদের শস্ত সংগ্রহের পরিমাণ প্রয়োজনের তুলনায় মোটেই সন্তোষজনক নয়। স্বাভাবিক ভাবে এই বৎসর যেখানে ৮ লক্ষ টনের কিছু বেশী খাজশস্তের দরকার, সেখানে জুলাই মাসের প্রথম দিক পর্যন্ত এজেন্টরা ৪ লক্ষ টনও সংগ্রহ করিয়া উঠিতে পারেন নাই। বাড়তি খাজশস্ত সংগ্রহের কল্পে পশ্চিম বাংলার অবস্থা সত্যই শোচনীয়। বঙ্গীয় এ বৎসর প্রায় ২ লক্ষ একর জমির ক্ষতি হইয়াছে এবং সরকারী হিসাবেই মুসলমান চাষী চলিয়া যাওয়ায় মোটামুটিভাবে তিন লক্ষ ৫০ হাজার একর জমিতে চাষের অনুবিধা হইয়াছে। পাটচাষ বৃদ্ধির জন্তও পশ্চিমবঙ্গের খাজশস্ত উৎপাদন কিছুটা ক্ষতিগ্রস্ত হইয়াছে। কাজেই কেন্দ্রীয় সরকারের সাহায্যের উপরই এখন সব কিছু নির্ভর করিতেছে। এই স্থলে উল্লেখযোগ্য যে, কেন্দ্রীয় সরকারও এবার খাজশস্তের ব্যাপারে একটু বিপন্ন হইয়া পড়িয়াছেন, কারণ ১৯৫১ সালে ভারতকে খাজের হিসাবে স্বয়ংসম্পূর্ণ করিয়া তুলিবার যে পরিকল্পনা তাঁহারা গ্রহণ করিয়াছিলেন, তদনুযায়ী তাঁহারা এবার বাহির হইতে খাজশস্ত আমদানীর পরিমাণ গত বৎসরের ৩৯ লক্ষ টনের স্থলে ১৩ লক্ষ টনে নামাইয়া আনিবার সংকল্প করেন। অবস্থা গতিকে তাঁহাদের আশা এখন গভীর নৈরাশ্যে পরিণত হইতে চলিয়াছে।

খাজশস্তের হিসাবে পশ্চিম বাংলার নিজেরই মারাত্মক অভাব, ইহার উপর ৫১৬ আশ্রয়প্রার্থী সমস্ত অবস্থাকে ক্রমেই আগন্তকের বাহিরে টানিয়া লইয়া যাইতেছে। সরকারী হিসাবেই প্রকাশ, ১৯৫০ খ্রীষ্টাব্দের

পূর্বে পূর্ববঙ্গ হইতে ১২ লক্ষ ৮৯ হাজার আশ্রয়প্রার্থী পশ্চিমবঙ্গে আসিয়াছিলেন, এ বৎসর অর্থাৎ ১৯৫০ খ্রীষ্টাব্দে আশ্রয়প্রার্থীর সংখ্যা ২৫ লক্ষ ২২ হাজার বাড়িয়া এখন মোট ৩৮ লক্ষের উপরে উঠিয়াছে। আমাদের মনে হয় আশ্রয়প্রার্থীর প্রকৃত সংখ্যা এই সরকারী হিসাব অপেক্ষাও বেশী এবং মোটামুটি ইহা ৬০ লক্ষ হইবে। এই বিপুলসংখ্যক জনতার পোষণভার সরকার গ্রহণ করুন বা নাই করুন, খাজের জন্ত পশ্চিমবঙ্গের উপর ইহার চাপ দিতেছে খুবই বেশী। গত ১৪ই আগষ্ট উপরোক্ত ৬০ লক্ষ আশ্রয়প্রার্থীর মধ্যে মাত্র ২ লক্ষ ৩৪ হাজার জন সরকারী আশ্রয়-শিবিরে ছিল, ইহার ভিতর ১,৫৪,৫৭৬ জন স্থান পাইয়াছে পশ্চিম বাংলার বিভিন্ন আশ্রয়-শিবিরে এবং বাকী ৮০ হাজারের মধ্যে বিহারে ২২ হাজার, উড়িষ্যায় ১৬ হাজার, আসামে ৫ হাজার, কাছাড়ে ৭ হাজার ও ত্রিপুরায় ৩০ হাজার জন স্থান লাভ করিয়াছে। যাহারা এই আশ্রয়-শিবিরে স্থান লাভ করিয়াছে তাহাদের অন্ন যোগাইবার তবু একটা ব্যবস্থা হইয়াছে, কিন্তু যে অসংখ্য হতাশাগ্রস্ত নিজেদের ভাগ্যের উপর নির্ভর করিয়া এখানে সেখানে বা পথে পড়িয়া আছে, তাহাদের খাজ আসিবে কোথা হইতে? ১৯৪২-৫০ খ্রীষ্টাব্দে ভারত সরকার আশ্রয়প্রার্থীদের সাহায্যের জন্ত নানাভাবে মোট ৩৬ কোটি ৬৪ লক্ষ টাকা ব্যয় করিয়াছেন, কিন্তু এই পর্বত-প্রমাণ অর্থব্যয় তো সমস্তার গুরুত্ব এতটুকু কমাইতে পারে নাই। সরকারী টাকায় এপর্যন্ত অস্থায়ীভাবে প্রাণরক্ষার মত ব্যবস্থা ছাড়া বিশেষতঃ পূর্ববঙ্গের আশ্রয়প্রার্থীদের ক্ষেত্রে স্থায়ীভাবে পুনর্বাসন করা সম্ভব হইয়াছে অল্প ক্ষেত্রেই। পশ্চিমবঙ্গের প্রধান মন্ত্রী ডাঃ বিধানচন্দ্র রায়ের এক বিবৃতিতে প্রকাশ, এপর্যন্ত (২২শে আগষ্ট) মোট ১০ লক্ষ শরণার্থীর পুনর্বাসন সম্ভব হইয়াছে। এই দশ লক্ষ লোক নূতন পরিবেশে কতটা মানাইয়া লইতে পারিবে অথবা স্থায়ীভাবে স্বাস্থ্যরক্ষা ও জীবিকাার্জনের কতটা সুযোগ পাইবে তাহাও এখনও নিশ্চিত করিয়া বলা যায় না। কাজেই এ সময় দেশ যখন যুদ্ধোত্তর অর্থনৈতিক মন্দার সম্মুখীন হইয়াছে, লক্ষ লক্ষ শরণার্থীকে মানুষের মত বাঁচিবার সুযোগদান কি ভাবে সম্ভব হইবে বিধাতাই জানেন। আশ্রয়প্রার্থী সমস্তাকে আর বাহিরের ঝড়ট মনে করিবার উপায় নাই, সব ছাড়িয়া যে ভাইবোনেরা আজ আমাদের মধ্যে আসিয়াছে, আমাদের সুখদুঃখের অংশীদার রূপে তাহাদিগকে যথাসম্ভব বাঁচাইবার দায়িত্ব আমাদেরই। ইহার পশ্চিমবঙ্গের বা ভারতের নাগরিক এবং রাষ্ট্রের সম্পদ এই বিপুলসংখ্যক মানুষকে বাঁচাইয়া রাখার দায়িত্ব রাষ্ট্র ছাড়া আর কে গ্রহণ করিবে! সুতরাং অল্প আর্থিক অবস্থার উন্নতি যেভাবেই হোক, এখন পশ্চিম বাংলার খাজসকটের সমাধান অবিলম্বেই

করিতে হইবে, অস্ত্রধার্য অনাহারে মৃত্যুর সংখ্যা দেখিতে দেখিতে ভয়ানক ভাবে বাড়িয়া যাইবে বলিয়াই আশঙ্কা হয়। ইতিমধ্যেই পশ্চিম বাংলার পল্লী অঞ্চলে এবং সহরঞ্চলে শরণার্থী এলাকায় অনাহারে বিধির্ণ কঙ্কালের ভিড় জমিতেছে। এই সূত্রে একথাও স্মরণীয় যে, এবার দ্রুত দেখা দিলে এবং উজ্জ্বল পাইকারী ভাবে মানুষ মরিতে আরম্ভ করিলে দেশের শাস্তি শৃঙ্খলা নিরাপদ রাখাও হয় তো শেষ পর্য্যন্ত কঠিন হইবে।

কেন্দ্রীয় সরকার পূর্ববঙ্গের আশ্রয়ার্থী সমস্যা সম্পর্কে বিলম্বে হইলেও বর্তমানে অবহিত হইয়াছেন এবং পশ্চিমবঙ্গের খাজস্বস্বতের অবনতি ঘটতে না দিবার জন্ত যথাসাধ্য চেষ্টা করিবার সদিচ্ছা দেখাইতেছেন। বর্তমান গুরুতর পরিস্থিতিতে কেন্দ্রীয় সরকারের এই অবহিত মূল্যবান সন্দেহ নাই। পশ্চিমবাংলার সব সমস্যার মূল বা কেন্দ্র এখন শরণার্থী সমস্যা। কাজেই এই সমস্যার সমাধানে যত শ্রুতভাবে অগ্রসর হওয়া যাইবে, ততই পশ্চিমবাংলার অবস্থা উন্নতি হইবে। সরকার নিজেদের পরিকল্পনা অনুসারে যতটা পারেন ভালই, তাছাড়া এই সময় তাঁহাদিগের বেসরকারী পরিকল্পনা বা পরামর্শও কার্যকরী করণের মনোভাব লইয়া সতর্কতার সহিত বিবেচনা করা উচিত। সম্প্রতি ডাঃ আম্রাসাদ মুখোপাধ্যায়ের সভাপতিত্বে গঠিত বঙ্গীয় পুনর্বসতি প্রতিষ্ঠান ও ডাঃ রাধাকমল মুখোপাধ্যায়ের অধিনায়কত্বে যে পুনর্বসতি বোর্ড গঠন করেন, তাহার মোট ১৩ দফা প্রস্তাব সমন্বিত একটি পরিকল্পনা রচনা করিয়াছেন। পরিকল্পনাটি দায়িত্বশীল ব্যক্তিদের দ্বারা রচিত বলিয়া তো ইহার উপর গুরুত্ব আরোপ করা সরকারের কর্তব্য; তাছাড়া আমাদের ধারণা পরিকল্পনাটির মধ্যে শরণার্থী সমস্যা সমাধানের অনুকূল অনেক বৃদ্ধি আছে। সবচেয়ে বড় কথা, পরিকল্পনাটিতে অর্থনৈতিক ক্ষমতার সহিত মানবতার আদর্শের যতটা সম্ভব সমন্বয় সাধনের যে চেষ্টা হইয়াছে, বর্তমান পরিস্থিতিতে সেই প্রয়াসটুকুর মূল্যও যথেষ্ট। এই প্রসঙ্গে প্রধান মন্ত্রী পণ্ডিত নেহেরুর আমন্ত্রণে প্রাক্তন পুনর্বাসন সচিব শ্রী:মাহনলাল শাকসেনা ৫০ লক্ষ পূর্ববঙ্গীয় শরণার্থীর পুনর্বসতির যে পরিকল্পনা রচনা করিয়াছেন, তাহাও বিশেষ উল্লেখযোগ্য।

ভারতের বহির্বাণিজ্য

১৯৪৭-৪৮ খ্রীষ্টাব্দ পর্য্যন্ত বহির্বাণিজ্য অবিরাম অক্ষুণ্ণে থাকিবার পর গত কয়েক বৎসর ইহা ভারতের প্রতিকূলে যাইতেছে। অবশ্য এই প্রতিকূল গতি ১৯৪৭-৪৮ খ্রীষ্টাব্দেই অন্তিমিত হয় এবং এই বৎসর ভারত হইতে রপ্তানী ও ভারতে আমদানী পণ্যের মূল্য যথাক্রমে ৪০৩ কোটি ও ৩৯৮ কোটি ধরিয়া ভারতের উদ্ভূত হয় মাত্র ৫ কোটি টাকা। ইহার পর বৎসর, অর্থাৎ ১৯৪৮-৪৯ খ্রীষ্টাব্দে ভারতের বহির্বাণিজ্যিক ঘাটতির পরিমাণ ২১৭ কোটি ৬৬ লক্ষ টাকা দাঁড়ায়। ১৯৪৯-৫০ খ্রীষ্টাব্দের অবস্থাও শোচনীয়, এই বৎসর ভারতের ঘাটতির পরিমাণ দাঁড়াইয়াছে ৯৩ কোটি টাকা। ১৯৫০-৫১ খ্রীষ্টাব্দের এপ্রিল হইতে জুন

বা প্রথম তিন মাসের যে হিসাব পাওয়া গিয়াছে, তাহাতে এই মাত্র তিন মাসেই ৩৪ কোটি টাকা ঘাটতি হইয়াছে।

এইভাবে অবিরাম বহির্বাণিজ্যে ঘাটতি যে দেশের অর্থনৈতিক ভিত্তির হিসাবে মারাত্মক তাহা লইয়া আলোচনা নিম্নয়োজন। সাধারণভাবে এই বহির্বাণিজ্যের উন্নতিসাধন ভারতকে অবিলম্বে করিতেই হইবে। এজন্য আমদানী নিয়ন্ত্রণ, শুষ্ক সংস্কার প্রভৃতি যে কোন ব্যবস্থার কথাই স্থিরভাবে চিন্তা করা দরকার। মুদ্রামূল্য-হ্রাসের প্রথম দিকে ভারতীয় পণ্যের বিদেশের বাজারে যে কাটতি বাড়িয়াছিল, তাহা ব্যবসায়িক সাময়িক আবর্তন বলিয়া প্রমাণিত হইয়াছে। এখন স্থায়ীভাবে অনুকূল বাণিজ্যিক গতি সংরক্ষণের ব্যবস্থা দরকার। বিশেষ করিয়া খাজস্বের ব্যাপারে ভারতের বে দৈন্য তাহার পূরণের উপরই বহির্বাণিজ্যের গতি অনেকটা নির্ভর করিতেছে। ভোগ্যপণ্য আমদানীর তুলনায় যন্ত্রপাতি আমদানীর উপর এখন জোর না দিয়া উপায় নাই, শিল্পায়ন ভারতীয় অর্থনীতির পুনর্গঠনের হিসাবে অত্যন্ত গুরুতর ব্যাপার। এই প্রসঙ্গে উল্লেখযোগ্য যে, গত ২১৩ বৎসর যাবৎ ভারত সরকারের শিল্পনীতির আদৃষ্টতার জন্ত শিল্পপতিগণ নিরুৎসাহ হওয়ায় ভারতে শিল্পপ্রতিষ্ঠার ব্যাপারে খুবই মন্দাভাব দেখা যাইতেছে। এজন্য পণ্যভাবগ্রস্ত আমাদের দেশে পণ্য উৎপাদন না হওয়ায় যথেষ্ট ক্ষতিগ্রস্ত হইতেছে (পার্লামেন্টের সদস্য শ্রী:যুক্ত মাদ্গেল সম্প্রতি ইউ পির প্রতিনিধির নিকট প্রদত্ত এক বিবৃতিতে বলিয়াছেন যে, এইরূপ ক্ষতির পরিমাণ কমপক্ষে ১০ হাজার কোটি টাকা)। সরকারী শিল্পনীতিও অবিলম্বে সুস্পষ্ট হওয়া চাই। বলা বাহুল্য, আনুজ্জাতিকতার নামে পণ্যবন্টনের যেসব ব্যবস্থা হয় বা হইবে, তাহাতে ভারতের স্থায় শিল্পে অনুন্নত দেশের লাভবান হইবার সম্ভাবনা খুবই কম। দৃষ্টান্তরূপে ১৯৪৭ খ্রীষ্টাব্দের এপ্রিল-অক্টোবর মাসে জেনেভায় পৃথিবীর বিভিন্ন ২৩ জাতির মধ্যে অনুষ্ঠিত পণ্যচুক্তির কথা উল্লেখ করা যায়। এই চুক্তিতে ভারত বিদেশ হইতে মোটরগাড়ী, রাসায়নিক পণ্যাদি, টাইপরাইটার, রেফ্রিজারেটর, বেতারযন্ত্র, টিনজাত খাদ্য ইত্যাদিতে বৎসরে আনুমানিক ৩১ কোটি মূল্যের পণ্য আনাইয়া যে সুবিধা পাইবার অধিকারী হয়, তাহার বিনিময়ে তাহাকে পাটজাত দ্রব্য, চা, নানাপ্রকার মশলা, কার্পাসজাত দ্রব্য ইত্যাদিতে ৪৮ কোটি টাকা মূল্যের পণ্য বিদেশে সমান সুবিধায় রপ্তানী করিবার প্রতিশ্রুতি দিতে হইয়াছে।

সাধারণতঃ বহির্বাণিজ্য বেসরকারী ব্যবস্থায় নিয়ন্ত্রিত হয়। ব্যবসায়ীদের ব্যক্তিগত প্রবৃত্তি ও বুদ্ধি এই বাণিজ্যের প্রকৃতি নিরূপণে যথেষ্ট দায়ী, কিন্তু শেষপর্য্যন্ত এই বহির্বাণিজ্যে ঘাটতি হইলে সরকারকেই মুশ্বিলে পড়িতে হয়। বহির্বাণিজ্য রাষ্ট্রায়ত্ত হইলে সরকার দেশের অর্থনীতি অনুসারে বহির্বাণিজ্য নিয়ন্ত্রণের সুবিধা পান। সরকারী স্বার্থের বা সমগ্রভাবে বৃহৎ জাতীয় স্বার্থের হিসাবে অনেকে এই ব্যবস্থাই ভাল বলিয়া মনে করেন। অবশ্য যে দেশেই

এ-শ্রেণীর পরিকল্পনা হয় ব্যবসাদার বা শিল্পপতিশ্রেণীর লোক তাহার বিরোধিতা করিয়া থাকেন। ভারতের বহির্বাণিজ্যের ক্রমাবনতিতে উদ্ভিগ্ন হইয়া যখন ভারতসরকার এই ধরনের রাষ্ট্রীয় ও বহির্বাণিজ্য নিয়ন্ত্রণ প্রতিষ্ঠান গঠনের কথা চিন্তা করিতে শুরু করেন, তখন এদেশেও সেই পরিকল্পনা শিল্পপতিদের সমর্থন পায় নাই। যাহা হউক, বাণিজ্য সচিব শ্রীযুক্ত শ্রীশচন্দ্র নিয়োগী মহাশয়ের আমলে শ্রীচিন্তামণি দেশমুখের নেতৃত্বে এসম্পর্কে পরামর্শদানের জন্ত একটি কমিটি নিযুক্ত হয়। সম্প্রতি দেশমুখ কমিটির রিপোর্ট প্রকাশিত হইয়াছে। রিপোর্টে সরকারের বহির্বাণিজ্যের নীতি সমর্থন করিয়া কমিটি উপস্থিত ২ কোটি (শেষপর্যন্ত ১০ কোটি) টাকা মূলধন সমন্বিত একটি সরকার নিয়ন্ত্রিত বহির্বাণিজ্য পরিচালন বোর্ড গঠনের সুপারিশ করিয়াছেন। এই রাষ্ট্রীয় বাণিজ্য কর্পোরেশনের ক্ষমতা

এখন অবশ্য কতকগুলি পণ্যের ক্ষেত্রে সীমাবদ্ধ রাখা হইয়াছে, তবে ইহার কাজ সাফল্য অনুসারেই বাড়ান চলিবে। এই প্রতিষ্ঠান ভারতসরকারের পক্ষে বিদেশের সরকার বা প্রতিষ্ঠানের সহিত পণ্য আমদানীর অথবা ভারতীয় পণ্য রপ্তানীর চুক্তি করিতে পারিবে। বিশেষভাবে ভারতীয় কুটিরশিল্পজাত পণ্যের (এই পণ্যের বিদেশে চাহিদা উল্লেখযোগ্য এবং এই চাহিদা সম্প্রসারণ যোগ্য) বিদেশের বাজার সৃষ্টির ও প্রসারণের দায়িত্ব ইহারাই গ্রহণ করিয়াছেন। ভারতীয় বহির্বাণিজ্যের অত্যন্ত দুর্গতির দিনে এই ধরনের প্রতিষ্ঠানগঠনের নীতিগত গুরুত্ব সত্যই প্রচুর। ইহাতে অন্ততঃ ব্যবসায়ীদের অসাধুতা বা বোকামীর জন্ত ভারতীয় বহির্বাণিজ্যের ঘাটতির হাত হইতে কতকটা রক্ষা পাইবার আশা আছে বলিয়া অনেকেই এই প্রতিষ্ঠান গঠিত হইবার সম্ভাবনায় আনন্দিত হইয়াছেন।

কুমিল্লা নগরী

ডক্টর শ্রীদীনেশচন্দ্র সরকার

গুপ্তবংশীয় সম্রাট সমুদ্রগুপ্ত খ্রীষ্টীয় চতুর্থ শতাব্দীর মধ্যভাগে রাজত্ব করিতেন। কিছুকাল পূর্বে দক্ষিণ বিহারের অন্তর্গত সুপ্রসিদ্ধ বৌদ্ধতীর্থ নালন্দাতে তাঁহার একখানি তাম্রশাসন আবিষ্কৃত হইয়াছিল। এই শাসন অনুসারে গুপ্তসম্রাট জয়ভট্টেশ্বামী নামক জনৈক ব্রাহ্মণকে দুইটি গ্রাম দান করিয়াছিলেন। গ্রামদ্বয়ের মধ্যে একটির নাম ছিল পূর্ণনাগ গ্রাম; উহা কুমিল্লা বা ক্রিমিল্লা নামক বিষয় অর্থাৎ জেলার অন্তর্গত ছিল। সমুদ্রগুপ্তের নালন্দাশাসন হইতে মনে হয় যে, গুপ্তসাম্রাজ্যের অন্তর্ভুক্ত একটি জেলার নাম ছিল কুমিল্লা বা ক্রিমিল্লা। কিন্তু উহা ঠিক কোথায় অবস্থিত ছিল, পণ্ডিতেরা তাহা নির্ণয় করিতে পারেন নাই। এই প্রসঙ্গে ইহা উল্লেখ করা প্রয়োজন যে, অনেকে নালন্দা শাসন খানিকে জাল বলিয়া মনে করেন। সম্ভবতঃ উহা সম্রাট সমুদ্রগুপ্তের সময়ের দুই তিন শত বৎসর পরে জাল করা হইয়াছিল। সুতরাং উহা হইতে খ্রীষ্টীয় চতুর্থ শতাব্দীতে কুমিল্লা নামক জেলার অস্তিত্ব প্রমাণিত হয় কিনা, তাহা নিশ্চিত বলা কঠিন। তবে উহার সম্ভাবনা অস্বীকার করা যায় না। বিশেষতঃ, নালন্দাতে প্রাপ্ত কতিপয় প্রাচীনশীল-মোহরে কুমিল্লা বা ক্রিমিল্লা বিষয়ের উল্লেখ পাওয়া গিয়াছে। ইহা হইতে অনুমান করা যাইতে পারে যে, উহা দক্ষিণ

বিহারেরই অন্তর্গত কোন অঞ্চল-বিশেষের নাম ছিল এবং সম্ভবতঃ পাল আমলের পূর্বেই উহা একটি বিষয় বা জেলা বলিয়া গণ্য হইত।

পালবংশীয় সম্রাট দেবপাল খ্রীষ্টীয় নবম শতাব্দীতে প্রথম ভাগে রাজত্ব করিতেন। তাঁহার একখানি তাম্রশাসন মুন্সেরে আবিষ্কৃত হইয়াছিল। উহাতে দেখা যায়, সম্রাট দেবপাল কুমিল্লা বা ক্রিমিল্লা বিষয়ের অন্তর্গত মেধিকা নামক একটি গ্রাম জনৈক ব্রাহ্মণকে দান করিয়াছিলেন। এই শাসনে উক্ত বিষয়টিকে শ্রীনগর নামক ভুক্তি বা প্রদেশের অন্তর্ভুক্ত বলা হইয়াছে। যেমন নগরার্থক ‘পত্তন’ শব্দ হইতে আধুনিক পাটনা নগরীর নাম হইয়াছে, তেমনই পাটনা যাহার বর্তমান প্রতিনিধি সেই প্রাচীন পাটলিপুত্র নগরকে লোকে সাধারণতঃ নগর বা শ্রীনগর বলিত। বাৎসায়নকৃত কামসূত্রের জয়মঙ্গলা টীকায় দেখা যায়, ‘নাগরকাঃ’ এবং ‘নাগরিক্যঃ’ যথাক্রমে ‘পাটলিপুত্রিকাঃ’ ও ‘পাটলিপুত্রিক্যঃ’ রূপে ব্যাখ্যাত হইয়াছে। সুতরাং পালসাম্রাজ্যের অন্তর্গত শ্রীনগর ভুক্তি যে পাটলিপুত্র নগরকে কেন্দ্র করিয়া দক্ষিণ বিহারের কিয়দংশে বিস্তৃত ছিল, তাহাতে কোন সন্দেহ নাই। পাল সম্রাটগণের শাসনাদি হইতে বর্তমান বিহার প্রদেশে অবস্থিত দুইটি ভুক্তির অস্তিত্ব

অবগত হওয়া গিয়াছে। উহাদের মধ্যে নগরভুক্তি বা শ্রীনগরভুক্তি দক্ষিণ বিহারে এবং তীরভুক্তি (আধুনিক ‘তীরহত’) উত্তর বিহারে অবস্থিত ছিল। কিন্তু এই ভুক্তি-দ্বয়ের কোনটিরই প্রকৃত সীমা নির্ধারণ করা সম্ভব হয় নাই। গয়া বিষয়, রাজগৃহ (বর্তমান ‘রাজগির’) বিষয় এবং নালন্দা বিষয় শ্রীনগরভুক্তির অন্তর্গত ছিল, তাহাতে সন্দেহ নাই। সম্ভবতঃ পাটলিপুত্র বা শ্রীনগর এবং মুদগগিরি (মুদ্রের) ঐ ভুক্তির অন্তর্ভুক্তি অপর দুইটি বিষয়ের কেন্দ্র ছিল। কুমিল্লা বা ক্রিমিল্লা বিষয় উল্লিখিত বিষয়গুলির বাহিরে অবস্থিত ছিল বলিয়া মনে হয়। কিন্তু এতদিন এই বিষয়টির প্রকৃত অবস্থান নির্ণয়ের সহায়ক কোন প্রমাণই আবিষ্কৃত হয় নাই। বিষয়টির নাম কুমিল্লা বা ক্রিমিল্লা নামের কোন নগরী হইতে উদ্ভূত কিনা, তাহাও কেহ বলিতে পারেন নাই; কারণ ঐ নামের কোন নগরীর অস্তিত্ব এতদিন অজ্ঞাত ছিল। সুখের বিষয়, সম্প্রতি আমি প্রাচীন কুমিল্লা নগরীর অবস্থান নিঃসংশয়ে নির্ণয় করিতে সমর্থ হইয়াছি। আমার আবিষ্কারের ফলে কুমিল্লা বিষয়ের অবস্থানও সহজেই নির্ণীত হইয়াছে।

বিগত জাহুয়ারী মাসের প্রথম ভাগে আমি দক্ষিণ বিহারের অন্তর্গত মুদ্রের, পাটনা ও গয়া জিলার কতকগুলি গ্রামে শিলালিপি প্রভৃতির সন্ধান করিতে গিয়াছিলাম। প্রায় পঁচাত্তর বৎসর পূর্বে স্বর্গীয় আলেকজান্ডার কানিংহাম সাহেব দক্ষিণ বিহারের গ্রামসমূহে প্রাচীন লিপির সন্ধানে ভ্রমণ করিয়াছিলেন। তাহার অনুসন্ধানের ফল তাহার সুপ্রসিদ্ধ রিপোর্টসমূহে বর্ণিত আছে। তিনি যে সকল লিপিবদ্ধ শিলামূর্ত্তি পরীক্ষা করিয়াছিলেন, তাহার অনেকগুলি এখন আর পাওয়া যায় না। কারণ উহার অনেক মূর্ত্তি পরবর্ত্তী কালে স্থানান্তরিত হইয়াছে। কিন্তু দক্ষিণ বিহারের অগণিত প্রাচীন গ্রামে এখনও প্রতি বৎসর ভূমি কর্ষণ বা ধননকালে প্রাচীন মূর্ত্তি আবিষ্কৃত হইয়া থাকে; উহার অনেক অল্পমূল্য মূর্ত্তি বাহিরেও চলিয়া যায়। তবু ঐ অঞ্চলে মাঝে মাঝে অনুসন্ধান কার্য চালাইলে প্রাচীন ইতিহাসের কিছু কিছু নবীন উপাদান আবিষ্কৃত হইবার সম্ভাবনা দেখা যায়। দক্ষিণ বিহারে সাধারণতঃ যে সকল শিলামূর্ত্তি আবিষ্কৃত হয়, উহা পাল আমলের এবং উহার অধিকাংশই ভগ্ন। বেশীর ভাগ মূর্ত্তিতে কোন লিপি

দেখা যায় না; কিন্তু কতকগুলি মূর্ত্তির পাদপীঠে ক্ষুদ্র ক্ষুদ্র লেখ উৎকীর্ণ দেখা যায়। এই লিপিগুলির মধ্যেও আবার অনেকগুলির ঐতিহাসিকমূল্য সামান্য। বৌদ্ধ মূর্ত্তিতে সাধারণতঃ এই সুবিখ্যাত বৌদ্ধ মন্ত্রটি উৎকীর্ণ দেখা যায়— “যে ধর্ম্মা প্রভবাস্তেষাং হেতুঃ তথাগতোহবদৎ। তেষাং চ যো নিরোধ এবংাদী মহাশ্রমণঃ”। কতকগুলি মূর্ত্তিতে কেবল মূর্ত্তি প্রতিষ্ঠাতার নাম উৎকীর্ণ থাকে। অতি অল্পসংখ্যক মূর্ত্তিতে মূর্ত্তির প্রতিষ্ঠান্থান এবং প্রতিষ্ঠাকালের উল্লেখ পাওয়া যায়। কালের উল্লেখে কখনও বা কেবলমাত্র কোনও রাজার রাজত্বকাল, কখনও নির্দিষ্ট কোনও রাজার রাজ্য সংবৎসর এবং কদাচিৎ কোনও সুপরিচিত সালের ব্যবহার দেখা যায়। স্থানকালের উল্লেখ সংবলিত লিপিগুলিই ঐতিহাসিকগণের নিকট অধিক মূল্যবান। গত জাহুয়ারী মাসে আমি মুদ্রের জেলার পশ্চিম প্রান্তে অবস্থিত কাজরা, কিউল ও লক্ষ্মীসরায় রেলওয়ে ষ্টেশনের নিকটবর্ত্তী কতকগুলি গ্রামে এই প্রকারের কতকগুলি মূল্যবান লিপি আবিষ্কার করিতে সমর্থ হইয়াছিলাম। কাজরা রেলওয়ে ষ্টেশনের নিকটবর্ত্তী উরেন নামক গ্রামে আমি কতিপয় ভৈক্ষুকী অক্ষরে উৎকীর্ণ লিপি আবিষ্কার করি। এই লিপি পূর্বভারতের মগধ অঞ্চলের বৌদ্ধ ভিক্ষুগণের মধ্যে প্রচলিত ছিল। কিছু কাল হইল, মালদহ জেলাতেও একখানি ভৈক্ষুকী লিপি পাওয়া গিয়াছে। সম্প্রতি আমি একটি প্রবন্ধে এই ভৈক্ষুকী লিপিগুলির পাঠ আলোচনা করিয়াছি। উহা সরকারী ‘এপিগ্রাফিয়া ইণ্ডিকা’ পত্রে প্রকাশিত হইতেছে।

জাহুয়ারী মাসের ৯ তারিখ অপরাহ্নে আমি ইষ্ট ইণ্ডিয়া রেলপথের লক্ষ্মীসরায় ও মনকথা ষ্টেশনের মধ্যবর্ত্তী বল্গুদর গ্রামে উপস্থিত হই। বল্গুদর গ্রামটি ক্ষুদ্র; কিন্তু এখানে তিনটি মূল্যবান লিপি পাওয়া গেল। গ্রামের সঙ্গৎ নামক অঞ্চলে একটি কূপের নিকট একটি শিলা মূর্ত্তির পাদপীঠ মাত্র পড়িয়া আছে দেখিলাম। উহাতে যে লিপি উৎকীর্ণ আছে তাহার তারিখ পালবংশীয় মদন-পালের রাজত্বের অষ্টাদশবর্ষের ১১ই জ্যৈষ্ঠ এবং ১০৮৩ শকাব্দ। এই লিপিখানির ঐতিহাসিক মূল্য ইতিপূর্বে ‘ভারতবর্ষে’ ‘পালবংশীয় মদন পাল ও গোবিন্দ পাল’ শীর্ষক প্রবন্ধে আলোচনা করিয়াছি। কিন্তু লিপিটির সম্পর্কে আর একটি মূল্যবান

তথ্য এই যে, উহাতে মূর্তিটির কুমিলা বা ক্রিমিলা নগরীতে প্রতিষ্ঠিত হইবার বিষয় উল্লেখ আছে। বলগুদর গ্রামে আমার দ্বিতীয় আবিষ্কার ভাগলপুরবাসী জমিদার শ্রীযুক্ত দিলীপ-নারায়ণ সিংহ মহাশয়ের কাছারীতে অঘটন-রক্ষিত একটি ভগ্ন দেবীমূর্তি। ইহার অঙ্গে যে লিপিটি ক্ষোদিত আছে, তাহাতেও বলা হইয়াছে যে, উক্ত দেবীমূর্তি কুমিলা বা ক্রিমিলা নগরীতে প্রতিষ্ঠিত হইয়াছিল। ঐ গ্রামে আমার তৃতীয় আবিষ্কার বাবু কেশব সিংহের গৃহপ্রাঙ্গণে পতিত একখানি পাদপীঠ। মূর্তিটির কোন সন্ধান পাই নাই; কিন্তু পাদপীঠে উৎকীর্ণ লিপি হইতে জানা গেল যে, ঐ মূর্তি পালবংশীয় সম্রাট সুবিখ্যাত ধর্ম পালের রাজত্বকালে কুমিলা বা ক্রিমিলা নামক অধিষ্ঠান অর্থাৎ নগরে প্রতিষ্ঠিত হইয়াছিল। ক্ষুদ্র-পরিসর বলগুদর গ্রামে এই তিনটি লিপি পরীক্ষা করিয়া আমার সন্দেহ রহিল না যে, এতদিনে কুমিলা বিষয়ের কেন্দ্রীয় নগরীর অবস্থান জানা গেল। এই গ্রাম এবং ইহার চতুর্দিকবর্তী অঞ্চল লইয়া যে প্রাচীন

কুমিলা নগরী অবস্থিত ছিল, তাহাতে কোনই সন্দেহ নাই। বলগুদরের পার্শ্বেই রজৌনা নামক অপর একটি গ্রাম আছে। সেখানে সংগৃহীত কতকগুলি মূর্তির মধ্যে একটিতে পালবংশীয় প্রথম শূর পালের পঞ্চম রাজ্যবর্ষের একখানি লিপি আছে। ঐ লিপি হইতে জানা যায় যে, উল্লিখিত মূর্তিটিও কুমিলাতে প্রতিষ্ঠিত হইয়াছিল। বর্তমান রজৌনা গ্রামটিও প্রাচীন কুমিলা নগরীর অন্তর্ভুক্ত ছিল কিনা, তাহা নিশ্চিত বলা যায় না। আমার মনে হয়, ঐ মূর্তিটি বলগুদর গ্রামে পাওয়া গিয়াছিল; পরে উহা রজৌনাতে স্থানান্তরিত হইয়াছে।

বলগুদর গ্রামে আবিষ্কৃত লিপিগুলি হইতে নিঃসংশয়ে জানা গেল যে, বর্তমান মুঙ্গের জেলার পশ্চিমাংশে আধুনিক পাটনা ও মুঙ্গেরের মধ্যবর্তী অঞ্চলে প্রাচীন কুমিলা বিষয় অবস্থিত ছিল। সম্ভবতঃ পূর্বাংশে মুঙ্গেরি বিষয়, পশ্চিমে শ্রীনগর বিষয়, উত্তরে গঙ্গা নদী এবং দক্ষিণে রাজগৃহ ও নালন্দা বিষয় এই চতুঃসীমার মধ্যে প্রাচীন কুমিলা বিষয়ের অবস্থান অনুমান করা যাইতে পারে।

সমাজ-সচেতন সাহিত্য

শ্রীসাবিত্রী প্রসন্ন চট্টোপাধ্যায়

আমাদের জীবনে আজ যে সকল সমস্তর উদ্ভব হইয়াছে সমাজ-সচেতন মানুষ হিসাবে সাহিত্যিকদের মনের উপর তাহার প্রভাব বিস্তৃত হওয়াই স্বাভাবিক। সাধারণ মন হইতে সাহিত্যিক মনের পার্থক্য এই যে, সে মনটি অধিকতর সংবেদনশীল। এই কারণেই জাতির সাহিত্যে কালের ছাপ পড়ে—যুগকে অতিক্রম করিয়া সাহিত্যিকের অনুভবশীলতা ও ভবিষ্যৎ দৃষ্টির পটভূমিতে একাধীন সুখ দুঃখ, আশা ও আকাঙ্ক্ষা আমাদের সাহিত্যে রূপায়িত হইয়া উঠে। অনুক্রমিক ঘটনা পরস্পরার সংকলনে ইতিহাস লিপিত হইয়া থাকে কিন্তু সাহিত্যে ঘটনা উপলক্ষ মাত্র। সাহিত্যিক দেখেন মানুষকে—যে মানুষ ঘটনার সৃষ্টি করে—আর সাহিত্যিকের সৃষ্টি সেই মানুষ নিজে।

অতএব যে সমস্ত আজ মানুষকে বিচলিত ও বিধ্বস্ত করিতেছে—তাহার সমাধান কল্পে সে নির্বিচারে যে কোনও উপায় অবলম্বন করিতেছে, মনুষ্যোচিত কর্তব্যের প্রধানতম আশ্রয়ভূমি নৈতিক উদ্দেশ্য ও আদর্শ হইতে সেইজন্যই আজ মানুষ বার বার বিচ্যুত হইতেছে, এ শোচনীয় ঘটনা সাহিত্যিক মনকে অবশ্যই প্রভাবিত করিবে।

সম্প্রতি এ্যালডুস হাক্সলি "Ape and Essence" নামক যে

গল্পের বই লিখিয়াছেন তাহা নিছক গল্পেরই বই হইয়া উঠে নাই, কারণ আখ্যান বস্তু অপেক্ষা নৈতিক উদ্দেশ্যের দিকেই তিনি দৃষ্টি দিয়াছেন বেশী। ইহাকে সাময়িক পাপাচার বা গর্হিত কাজের তীব্র প্রতিবাদ ও শ্লোকাঙ্ক রচনা বলা যাইতে পারে। Point Counter Point—লেখার পর হাক্সলি বহুদিন কোনও বই লিখেন নাই। তাহার পর তিনি লিখিলেন—Brave New World, After Many a Summer, Time must Have a Stop ইত্যাদি। এই সবগুলি বইতেই আমরা গল্প ভাগ অপেক্ষা নৈতিক উদ্দেশ্যের আলোচনাই দেখতে পাই বেশী।

Ape and Essence এর গল্পটি নিম্নবর্ণিত ছায়াছবির সংক্ষিপ্ত পাণ্ডুলিপির (Film Script) আকারে লেখা। সেটা যেন ঘটনাক্রমে Dustbin বা ময়লার টিনের মধ্যে পাওয়া গেল। গ্রন্থকারবর্ণিত এই পাণ্ডুলিপির লেখক ট্যালিস্ ইচ্ছা করিয়াছিলেন এখানির বিক্রয়লব্ধ অর্থ দিয়া তিনি তাঁহার পৌত্রীকে যুক্তরাষ্ট্র জার্মানির হাত হইতে বাঁচাইবেন—যে জার্মানিতে তখন কয়েকটুকরা চকোলেটের বদলে যুবতী মেয়েরা আত্মবিক্রম করিতে হুক করিয়াছে। হলিউডে সেই ছায়াচিত্রের

পাণ্ডুলিপিখানি বিক্রয়ের জন্ত চেষ্টা করিবার আগেই ট্যালিসের মৃত্যু হইল। গল্পটির আখ্যান ভাগটি সংক্ষেপে এই ভাবে চলিয়াছে। লেখক কথিত তৃতীয় মহাযুদ্ধের পর বর্তমান সভ্যতার অস্তিত্ব রহিল শুধু নিউজিল্যান্ড হইতে অনেক দূরে একটি স্থানে। এটমবোম্ ও জীবাণু সংশ্লিষ্ট যুদ্ধের ফলে আমেরিকায় এক নূতন মানুষের জাতি জন্মাইতে লাগিল, রক্তে তাহাদের মানসিক পঙ্গুতার বিষ সংক্রামিত। তাহারা “বেলিয়াল” অর্থাৎ অশ্রয় ও অশুভের দেবতা শয়তানকে পূজা করে। ইহার পর দেখা যায় বাইবেল ও নৃত্ব হইতে উপাদান সংগ্রহ করিয়া হাকসলি আর এক নূতন পরাধর্মের রূপক খাড়া করিলেন, তাহা এই:—নিউজিল্যান্ড হইতে একদল বৈজ্ঞানিক ক্যালিফোর্নিয়ার উপকূলে উপস্থিত হইলেন প্রাচীন সভ্যতার ভগ্নাংশ অনুসন্ধান করিতে। এই বৈজ্ঞানিক দলের একজন উদ্ভিদ্ তত্ত্ববিদ ছিলেন, তাহার নাম ডাঃ পুল—আজীবন নিষ্কলঙ্ক চরিত্র ডাঃ পুলকে কে বা কাহারো যেন হরণ করিয়া লইয়া গেল। এই গল্পে বর্ণিত প্রাক-এটম যুগের প্রাচীন রীতি অনুসারে—নরনারী বৎসরে পাঁচ সপ্তাহ ছাড়া ইন্দ্রিয় ভোগ হইতে সম্পূর্ণভাবে বিরত থাকিবার কথা। এই পাঁচ সপ্তাহের মধ্যে তাহারা দুই সপ্তাহ অবাধ ও অসংযত যৌন-সম্বোগে রত থাকিবে এমন রীতিরও প্রবর্তন তাহাতে দেখা যায়। তাহারা সকলে একটি উন্মুক্ত প্রান্তরে উপস্থিত হইবে। পুরুষ—“না” এই কথাটি লিখিত নারীর গাত্রবাস ছিঁড়িয়া ফেলিবে এবং অকথ্য ও অদম্য যৌন-সম্বোগে সকলে উন্মত্ত হইয়া পড়িবে। এই নির্দিষ্ট সময় ছাড়া শতকরা ১০ হইতে ১৫ জন যাহারা যৌন লালসা চরিতার্থ করিতে যাইয়া ধরা পড়িয়া যাইবে, এই গল্পে তাহাদের নাম দেওয়া হইয়াছে “Hots” অর্থাৎ যৌন-লালসা-দৃশ্ট। তাহাদের মৃত্যুদণ্ডে দণ্ডিত করা হইবে অথবা ইচ্ছা করিলে তাহারা পোজা পুরোহিতদের দলেও ভিড়িতে পারে। কখনও কখনও তাহারা এই বিধিনিষেধবর্জিত সূদূর উত্তরে অবস্থিত একটি ছোট উপনিবেশে পলাইয়া যাইতে পারে। গল্পে বর্ণিত ক্যালিফোর্নিয়ায় ধ্বংস-প্রাপ্ত স্থানের খাড়া উৎপাদন বৃদ্ধি করিবার ভার থাকে ডাঃ পুলের উপর। তিনি একদিন জনৈক যৌন-লালসা-দৃশ্টের সহিত সংশ্লিষ্ট হইয়া—উত্তরে অবস্থিত উপনিবেশে পলাইয়া যাইবার চেষ্টা করেন।

ছায়াচিত্রের এই পাণ্ডুলিপিখানির হাশ্বকর গল্পভাগের জন্ত হলিউডের পক্ষে মনোনীত হওয়া সম্ভবই হউক আর নাই হউক এবং ইহা যে এটম-উত্তর যুগের প্রতিক্রিয়ায় বিকলাঙ্গ শিশুদের জন্ম ও নিষ্ঠুরভাবে প্রাণ হননের একখানি সম্ভাব্য চিত্র এবং সে যুগে সকল মানুষেই যে বর্বর হইয়া শুধু শয়তানের পূজা করিবে—ইহা তাহারই কল্পনামাত্র—এ তক এখানে আবাস্তর। কিন্তু প্রকৃতির অফুরন্ত দানের অপব্যবহার করিয়া মানুষ যে বর্তমান সভ্যতার ধ্বংসসাধনে সচেষ্ট হইয়াছে—ইহার দ্বারা এলডুস্ হাকসলি সে সম্বন্ধে কয়েকটি বিশেষ প্রণিধানযোগ্য ইঙ্গিত দিয়াছেন।

আধুনিক যুগের মানুষ মনে করে প্রকৃতিকে সে জয় করিয়াছে কিন্তু প্রকৃতপক্ষে সে তাহা পারে নাই—“He has merely upset the

equilibrium of nature by fouling the rivers, killing off the wild animals, destroying the forests, washing the top soil into the sea, burning up an ocean of petroleum, squandering the minerals it has taken the whole of geographical time to deposit.”

অর্থাৎ নদ নদী কলুষিত করিয়া, বন্য পশুদিগকে হত্যা করিয়া, অরণ্যের ধ্বংস সাধন করিয়া, বিধৌত মৃত্তিকার অগ্রভাগ সমূহে নিক্ষেপ করিয়া, সাগর প্রমাণ খনিজ তৈল দক্ষ করিয়া, বহু যুগব্যাপী যে সকল খনিজ সম্পদ পুঞ্জীভূত হইয়াছে দুই হাতে তাহার অপব্যয় করিয়া, মানুষ কেবল প্রকৃতির ভারসাম্যকে বিপর্যস্ত করিয়াছে।

ইহারই নাম সভ্যতা? ইহারই নাম অগ্রগতি? পৃথিবীর জন-সংখ্যা ক্রমশঃ বৃদ্ধি পাইতেছে অথচ—নিকৃষ্ট কৃষিকার্যের জন্ত, মৃত্তিকার অবিরাম ফসলের জন্ত ভূমির উর্বরতা হ্রাস পাইতেছে। একদিকে শিল্পোন্নতির অবিরাম উর্ধ্বগতি, অপর দিকে ভূমির উৎপাদন শক্তির শোচনীয় অধোগতি।

ইহাই ত আমাদিগকে নরাধমের গুরে নামাইয়া লইয়া যাইতেছে এবং পাপাসক্ত জড়বুদ্ধির ভৈরবীচক্রে আমাদের আত্মসমর্থনের হেতুও ত ইহাই। এ যুগের মানুষের অধঃপতনের মূল কারণ হইল এই— তাহার স্বন্ধে—অগ্রগতি ও জাতীয়তা নামক ভাবের ভূত চাপিয়া আছে—ইহাই লেখকের অভিমত এবং এ অভিমত তিনি ব্যক্ত করিয়াছেন তাহার গল্পে বর্ণিত পল্লী-যাজকের মুখে দিয়া।

যাহারা হাকসলির বই পড়িয়াছেন তাহারাই তাহার বহু বিষয় সম্পর্কিত, উদ্দেশ্যপূর্ণ ইঙ্গিতের সহিত পরিচিত আছেন—এখানেও তিনি প্রত্যেক বিষয়েই তাহার দার্শনিক মত ব্যক্ত করিয়াছেন এবং এক একটি অপরিচিত ব্যাখ্যা দ্বারা নিজের বক্তব্যকে পাঠকের কাছে স্পষ্ট করিয়া তুলিবার চেষ্টা করিয়াছেন। আমরা এই গল্পের মধ্যে সর্ব প্রথম ধাক্কা খাই—প্রথম পৃষ্ঠাখানি উন্মোচন করিয়া। প্রথমেই তিনি লিখিতেছেন “It was the day of Gandhi’s assassination” অর্থাৎ সেদিনটি ছিল গান্ধীহত্যার দিন। কিন্তু দেখা যায় বিশ্ববিখ্যাত এই ঘটনাটির উপর কোনও ছায়াপাত না করিয়া গল্পে-বর্ণিত হলিউডের মানুষটি শুধু নিজের কথাই বলিয়া যাইতেছে। হাকসলি কোনও কাজের কলাফল অপেক্ষা তাহার পন্থা সম্বন্ধেই অধিকতর সচেতন, সুতরাং তাহার শাস্তিবাদী মন যে মহানাজীর প্রতি অধিকতর আকৃষ্ট হইবে ইহাই স্বাভাবিক। প্রসঙ্গান্তরে গান্ধীজীর পঞ্চায়েৎ শাসন পরিকল্পনাকে তিনি একমাত্র কার্যকরী পন্থা বলিয়া স্বীকার করিয়াছেন। কিন্তু গান্ধীজি সম্বন্ধে তাহার ব্যাখ্যা এ দেশের পাঠক সমাজকে নাড়া দিবে। তিনি বলিতেছেন—

Against the evil doctrine of progress Gandhi was re-actionary who believed only in people. Squalid little individuals governing themselves, village by village and worshipping the Brahman who is also Atman. But the whole story of Gandhi included an inconsistency.

almost a betrayal, for he got himself involved in the inhuman mass-madness of nationalism. He imagined that he could mitigate the madness and convert that which was satanic in the state to something like humanity. But the saint can cure our regimented schizophrenia, not at the centre but at the periphery."

অর্থাৎ অগ্রগতি সম্বন্ধে এই যে মতবাদ তৎসম্পর্কে গান্ধীর মন ছিল তিক্রিয়ানীল। তাঁর বিশ্বাস ছিল একমাত্র জনগণের উপর। সেই সকল দ্বন্দ্বী কুসুদকায় লোকগুলি পল্লীতে পল্লীতে নিজের নিজের গোষ্ঠীকে রিচালনা করে—পূজা করে ব্রহ্মের এবং এই ব্রহ্ম হইতেছে "আত্মা"। কিন্তু গান্ধীর কার্যকলাপের ইতিহাসে যে অসামঞ্জস্য আছে তাহা প্রায় আশ্চর্যকর সামিল। কারণ তিনি নিজে নিয়ন্ত্রণের জননাধারণের জাতীয়তার উন্নততা তাহারই মধ্যে নিমজ্জিত হইয়া গিয়াছিলেন—তিনি ভাবিয়াছিলেন সে উন্নততা প্রশমিত করিবার এবং শয়তানকে শয়তানের পর্যায়ে-উন্নীত করিবার শক্তি তাঁহার আছে। কিন্তু যিনি আত্মা, তাঁহার পক্ষে কেন্দ্রদেশে সংবদ্ধ এই উশৃঙ্খল উন্নততার আরোধান করা সম্ভব নহে, কেন্দ্রে নহে পরিধিতে অর্থাৎ ভিতরে নহে বাহিরে উন্নততা প্রশমিত করা তাঁহার পক্ষে হয়ত সম্ভব হইতে পারিত।

কাজেই হাকসলির মতে বাহারা বুদ্ধিমান, ভবিষ্যৎদর্শী, বাহারা ধর্মী ও পূর্ণতার প্রতি আহ্বান, তাহাদের কাছে তিক্রিয়ানীল গান্ধীর রাজ্য ঘটিয়াছে। কিন্তু ঠিক তাহা নহে। বস্তুতঃ বাহারা অসম্ভব ক্ষমার তিক্রিয়ানীল, বাহাদের কার্যকলাপ দুর্লভা ও প্রচ্ছন্ন, এবং

বাহারা কোনও একটি বিশেষ ধর্মের নবজাগরণের জন্ত সচেষ্ট, তাহাদের হাতে গান্ধীজীর এই আপাতঃ পরাজয় ঘটিয়াছে।

তথাকথিত অগ্রগতি ও জাতীয়তার উপর হাকসলি যে দোষারোপ করিয়াছেন তাহা কিছুটা মানিয়া লইলেও আমাদের জিজ্ঞাস্ত এই যে, সজ্ঞানে শয়তানের পূজা করিয়া আজ মানুষের যে অধোগতি হইয়াছে ইহাই কি তাহার একমাত্র কারণ? আমরা কল্পনার দ্বারা এমন একটি অবস্থাকে আমাদের ব্যঙ্গ-বিদ্রোপের বিষয়বস্তু বলিয়া ধরিয়া লইতে পারি; কিন্তু আজ আমাদের সম্মুখে মানব-ইতিহাসের যে অধ্যায়টি রচিত হইতেছে—তাহার গুরুত্ব অনুসারে এই প্রকার কল্পনাকে কখনই আমরা বিশ্বাসের বা প্রশংসার চক্ষে দেখিতে পারি না। আমাদের বিশ্বাস মানুষের এই নিদারুণ দুর্গতি ও তজ্জনিত অধঃপতনের মধ্যেও মানুষ "জ্ঞানই ধর্ম" মহামতি সফ্রেটসের এই উক্তিটির প্রতি শ্রদ্ধা ও বিশ্বাস রাখিয়া চলিবে এবং ভবিষ্যৎ জীবনের হিসাব নিকাশে বর্তমান মানুষের ক্ষতি অপেক্ষা লাভের অধিকই আমাদের আগামীকালের মানুষদের দৃষ্টি আকর্ষণ করিবে।

জীবনের সমস্তকে যদি আমরা অর্থাৎ লেখকেরা আরও জটিল করিয়া পাঠকের চোখের সম্মুখে উপস্থিত করি তাহা হইলে আমাদের অক্ষমতাই প্রকাশ পাইবে। বাস্তবের সম্মুখান হইয়া তাহার মন্ডটাই শুধু দেখিব, ভালটা বিবেচনা বুদ্ধির অতীত হইয়া থাকিবে এমন দুর্ভাগ্য যেন কোনও লেখকেরই না হয়। অন্ধকার পথে আলোর শিখাটুকু যদি ধরিতে না পারি তাহা হইলে ভীষণ অন্ধকার বলিয়া ভয় দেখাইবার কাজ আর বাহাদেরই হউক না কেন, সাহিত্যিকদের কখনই নহে।

ইতিহাস পাঠে

শ্রীকালিদাস রায়

কি পেলাম ভারতের ইতিহাস পাঠ করি সারা,
শুধু রাজা বাদশার শোচনীয় পরিণতি ছাড়া।
রাজার মুকুটতলে ভীতি-চিন্তা উষ্মগের ভার
কুণ্ডলিত সরীসৃপ-সম করে অস্থিস্তি সঞ্চার।
চারিদিকে হিংসা-দেষ অসন্তোষ বিপ্লব বিগ্রহ,
কোথাও অলস কোথা ধুমায়িত বিষাক্ত বিদ্রোহ
সহস্র ভোগ্যের মাঝে উপবাসী, ভোগে নাই রুচি,
অজস্র স্বাচ্ছন্দ্য মাঝে নয়নের নিদ্রা যাই যুচি।
নিজ শব-চ্ছায়া হেরে নৃপ পানপাত্র হাতে ধরি!
প্রতি গ্রাসে মৃত্যু গ্রাসে উঠে তার সর্বাক শিহরি।
কেহবা শানায় ছুরি কেহ রচে মারণ তোরণ।
সিংহাসন হিংসাসন কিংবা হয় সিংহনখাসন।
তবু এ রাজত্ব লাগি মৃতদের অমাধ্য সাধন।
মহুগুহ বিসর্জিয়া হিংস্র বস্ত্র পশুত্ব বরণ।

আর সবি ভলে যাই ভারতের ইতিহাস পড়ি

কেহ করে ভ্রাতৃত্ব কেহ করে প্রভুরে সংহার।
কেহ পুত্রকল্পদের ক্ষীণ কর্তে হেনেছে কুঠার।
আপন পুত্রের নেত্র করিয়াছে কেহ উৎপাটন,
পিতা পিতৃকল্পদের আলিঙ্গনে হয়েছে জীবন।
সপ্ত-তীর্থ জলে নয় সপ্তজাতিজনের রুধিরে,
অভিষেক লভিয়াছে মুণ্ডাসনে বৈতরণী তীরে।
ভারতের ইতিহাস শেষ করি হই অস্তমনা,
প্রজার বেদনা নয় মর্মে বাজে রাজার বেদনা।
কর্ণে বাজে—'আমার এ সুবিস্তৃত জনম ভূমিতে
দীনতম কুটীরের এক কোণে দিবে না বাঁচিতে
ইহারা কি দুই মুঠা—'অসমাপ্ত এই বাক্যখানি
ভারতের ইতিহাসে সর্ব শেষ রাজকীয় বাণী—
জাকরাগঞ্জের এক কারাকক্ষে। বাকিটুকু তার
ডুবায়েছে হতভাগ্য নবাবের রুধির পাথার।

ফুলমণির গাঁয়ে

শ্রীবাণী দেবী

।ছরখানেক আগে, কাণ্ডনের প্রথম—শীতের হাওরা পুরোপুরি যাবনি। গাল করে' ভোর না হ'তেই ফুলমণির ভাই বাদল গোরুর গাড়ী নিয়ে হাজির।—“চল্ যেতে হবে আমাদের গাঁয়ে”—

ক'দিন থেকেই ফুলমণি আমাদের ব'ল্ছিল—“তোরা আমাদের গাঁয়ে চল্ কেনে—আমাদের কালীপুজো হবে দেখ'বি—নেমতো দিছি”— ভা'র আগ্রহাতিশয্যে আমাদেরও আগ্রহ হ'ল যাবার। আগের দিন গাড়ী করে' ত্রিপল, লোহার চেয়ার ইত্যাদি নিয়ে গেছে। পুজোর দিন মঙ্গলবার—কস্তার স্কুল খোলা। সে যেতে রাজী হ'ল না। কাজেই আমি আর উনি যাত্রা ক'রলাম।




ফুলমণি

উদ্ভুক্ত আকাশের नीচে—খোলা মাঠে—ভোরের হাওয়ার গরুর গাড়ীর মন্থরগতি বড়ই ভাল লাগ'ছিল—আরও ভাল লাগ'ত কস্তাটা মনে থাকলে।...

পাতিনিকৈতনকে পিছনে রেখে—আমাদের গোয়ান উত্তর-পূর্বদিকে এগিয়ে চ'লল। রেল লাইন পার হ'য়ে সাঁওতালপল্লী 'বনডাঙা'কে পিছনে ফেলে, আদিভ্যাপুর কছালীতলার রাস্তা ডাইনে রেখে, বামে রেল লাইন ধরে' সোজা উত্তরদিকে এগিয়ে চ'লল গাড়ী। 'কোপাই' নদী যখন পার হ'লুম, ভোর হ'য়ে গেছে—সাঁওতালপল্লী 'মহিষাডাল'-এ মেরেরা কোপাইনদীতে জল নিচে এসেছে। কী হৃন্দর মনোরম

প্রভাত! দেহ-মন যেন জুড়িয়ে গেল! ঝকঝকে পরিষ্কার বাতাস উপর দিয়ে স্বল্পতোয়া কোপাই ব'য়ে চ'লেছে—অগমান গতিতে কিরু'কিরু' করে',—আঁকা-বাঁকা বন্ধুর তার পথ, উঁচু নীচু অসমান তার তীর। তীরে কয়েকটা সোজা তালগাছ দাঁড়িয়ে—যেন তীররক্ষী সেপাই শাজী।



মহিষাডালের মেরেরা—কোপাই নদীতে জল নিচে, আর এদিকে ফুলমণির গাঁ—দূর থেকে দেখা যাচ্ছে

নদীর বুকের মধ্যে দিয়ে রাস্তাটা চলে' গেছে সোজা গাঁয়ের মধ্যে। নদীতীরের ঐ গাঁটাই 'মহিষাডাল'। কাঁকা মাঠের মধ্যে, বন-সবুজ গাছের ঝোপই জানিয়ে দেয়—এটা গ্রাম, মানুষের বসতি আছে এখানে। সবুজ গাছের ঝোপের মাঝখান থেকে একটীমাত্র তালগাছ সোজা মাথা



গাঁ চুকতেই দুটি অশথ গাছ

উঁচু করে' দাঁড়িয়ে, যেন সারা গ্রামটাকে পাহারা দিচ্ছে—দূরকে নিশানা দিচ্ছে।

নদীর তরুতরু জল দেখে, নদীর বুকে নেমে পড়ার লোভ সামলানো যায়—গাড়ী থেকে নেমে পড়ে' নদীর বুকে চলে' কিরে সারা দেহ-মন

দিয়ে বেশ প্রত্যাহার পরম কণ্ঠী অনুভব করলাম। উনি কোটো
তুললেন। নদী পার হ'য়ে, পা ধুয়ে, আবার গাড়ীতে চড়ে বসলাম।
গাড়ী চ'লল 'মহিষাডাল' গ্রামের মধ্যে দিয়ে।


গ্রামে প্রত্যাহার আগরণের সাজা প'ড়েছে—কেউ খাঁটি দিচ্ছে,
কেউ ঘরের কাঁপ খুলছে, কেউ খাটুরা তুলে কাৎ করে রাখছে।
বোরগরা ঘরের চালে—উঁচু গাছের ডালে চড়ে কৌকোরো—কৌ—ওঁ



কুলমণির মা, বাবা পাঁড়ুমাঝি, আর ছোট ভাই বাদল

করে ভোরের জানানু দিচ্ছে—ছানাপোনা নিয়ে মুগী শুওর সব বেরিয়ে
প'ড়ল। মেয়েরা কলসী মাথায় করে' কেউ জল নিয়ে ফিরছে—কেউ
জল আনতে চ'লল।

যারা জেগেছে বা ঘরের বা'র হ'য়েছে, তারা অধিকাংশই নারী।
পুরুষরা সকলেই গ্রাম তখন ঘরের মধ্যে। ছ'একজন পুরুষ আমাদের
গাড়ীর শব্দ পেয়ে কৌতূহলী হ'য়ে—মুড়িমুড়ি দিয়ে বেরিয়ে একটু দেখে



এদিকে সামিরানা খাটিয়ে আমাদের বসবার স্থান হ'য়েছে, ওদিকে
বাদল দলবল জুটিয়ে আমাদের খাবার আয়োজন করছে

বিল। ছোট ছেলেমেয়েরা ছ'একজন গাড়ীর পিছ পিছ কিছুদূর এল।
ক্রমে পম্ভী গাঁ ছেড়ে এগিয়ে চ'লল।

ধানকাটা হয়ে গেছে—সেই কাঁকা ধু ধু জমীর মধ্যে দিয়ে রাস্তা—
রেললাইনকে বরাবর বামে রেখে। দিনন্ত-প্রসারিত মাঠের মধ্যে দিয়ে
কেতে কেতে ধীরে, রেললাইনের ওপারে তালতোড়ের 'কুঠীপাড়া'

প্রাচীনকালের সাক্ষী দিচ্ছে—সেই সঙ্গে পরিষ্কার লেগামোছা ঘরগুলি,
হুন্দর ছাওয়ানো খড়ের চালগুলি, আশেপাশের সজী বাগানের সঙ্গে
কুলগাছগুলি গ্রামের অধিবাসীদের সাংসারিক স্বচ্ছলতা, পরিচ্ছন্ন রুচি ও
ও সৌন্দর্য্যবোধেরও পরিচয় দিচ্ছে। সহজেই মন আকৃষ্ট হয়।
বাদলকে জিজ্ঞাসা ক'রলাম—“ই্যারে এখানে কি কোনও সাহেব কিংবা
খ্রীষ্টান সাঁওতাল থাকে?”—কুঠীপাড়া নাম এবং গ্রামটির গঠন
পারিপাঠ্য দেখে, আমার কেমন মনে হ'ল—হয়তো কোনকালে কোন
মিশনারী সাহেব এখানে ছিলেন কুঠী বানিয়ে, কোন খ্রীষ্টান মিশনারী



কুলমণি রান্না করছে

আছেন। যার ফলে গ্রামটির সংস্থান এত উন্নত ধরণের। সাঁওতালরা
সাধারণতঃই খুব পরিষ্কার পরিচ্ছন্ন এবং তাদের গ্রামগুলি ভারী হুন্দর
হয়—কিন্তু এটা বেশ একটু বিশেষ ধরণের। বাদলা বলে—“মা মা
একশ তো কেউ সারোব নাইকো—সে শুউৎ দিন আগে—যক্ষণ এই
লাইন তোয়ের হছিল, তক্ষণ এখানে একজননা মালমুখো গোরাসারে
কুঠী বানিয়ে থাকতো ; সেই তো পেখমে ছুদকো থেকে সাঁওতালদের
এনে বসালেক—নাইনে কাজ করবার লেগে, না, কিসের লেগে।—ওঁ




গ্রাম পরিভ্রমণের সময় আমাদের পথ পরিদর্শক পাঁড়ুমাঝি ও আরো
অনেকে এবং এদিকে খাটিরায় বসে দড়ি পাকাচ্ছে পাঁড়ুর প্রতিবেশী
পর সে সারোব মরো গেল, না চলো গেল—কী হ'ল কে জানে—গাঁতে
'তালতোড়' বাবুদের ইয়ো গেল—একশ বাবুরো খাজমা ল্যার।”...

এদিকে একটু এগিয়ে ডানদিকে এক গাঁ—যেমন কোংরা—কেন্দ্র
হত্মী—টিক কুঠীপাড়ার বিপরীত। বাদলকে জিজ্ঞাসা ক'রলাম—

সোঁরা দেখিনি।" বাদল বলে উঠল—“উই, উটো তো 'মলীপাড়া' বটে—সাঁওতালপাড়া হবে কেনে?—উ গাঁয়ে সব মুসহরর থাকে”—
আমি ব'ললাম—“ও তাই বল।” উনি বললেন—“মুসোহর সে আবার কী”—

বাদল হেসে বললে—“বাবু তু মুসহর জেনিস্ না?” বলেই, বিজের মত মুখ করে' ব'ললে—“মুসহর বলে তাদের, বাদের জমী-জীরেং গাই বলদ নাই, বর ছরোর কপাট চৌকাট নাই, কাঁসা কাপড় থাকে না, দিনে ভিখ্ মেঙে বেড়ায়, রেতে চুরি করে।” উনি বললেন—“তা' তোরা ডেকে ডুকে কাজে লাগাস্ না কেন? খেটে খেতে পারে না?”

বাদল ব'ললে—“উই, উ মুসহর বটে, উরা কাক কথা শুনবার লোক নয়—তা' ছাড়া উরাদের নিত্যি রোপ, অর, গারে খুঁচ'লি যা, কে কাজ দেবে? মলীপাড়ার তো ছোটো কুটে মুসহর আছে, একদম হাতের পারের আঙুলখসা হ'রো,—ইবে একদ বাবুরো বলা ক' করাতে কেউ কেউ ধাঁশের খুঁড়ি কুলো বুনতে লেগেছে।”—ব'লতে ব'লতে মলীপাড়া গ্রামও পেছিয়ে প'ড়ল। বরমুখো গক বেশ জোরে চ'লেছে।.....



গ্রামে মেয়েরা বাড়ির উঠোনে ধান মেলছে ওদিকে এক মা ও ছেলে বসে ভাত খাচ্ছে


প্রকৃতির উন্মুক্ত প্রাঙ্গণ সম্পূর্ণ জনহীন। শুধু আমাদের গোয়ানখানি চলছে এগিয়ে—তিনটা মাত্র আরোহী নিয়ে—আমরা ছ'জন, আর আমাদের যানবাহনচালক প্রকৃতির শিশু বাদল। শিশুর মতই সরল হানিভরা মুখ উৎসাহদীপ্ত অকুণ্ঠ চক্চকে কালো চোখ—কালো কঁকড়া চুল—নিটোল বাহ্য পরিপুষ্ট দেহ, কুচ্'কুচে কালো বরণ এই গরম সাঁওতাল বাদলের মনটা আনন্দের আলোর পূর্ণ।

কিছুদূর এগিয়ে গিয়ে বামদিকে খুব অনেকখানি দূরে বেশ বড় একটি গ্রামের চিহ্ন দৃষ্টিগোচর হ'ল। বাদল অমনি সেইদিকে অলুী নর্ষণ করে' চৌচিরে উঠল—“হাই, দর্পশীলা”—

'দর্পশীলা' গ্রামের কথা অনেকদিন থেকেই গল্প শুনেছি। বোধ হয় 'দর্পশীলা' নামটির জন্মই স্মৃতিতে রয়ে গেছে, কিছু কৌতুহলও আছে। 'দল ভখন মনের আনন্দে শুনিরে চ'লল—দর্পশীলার বাবুদের কথা—কাঠামালার কথা—বাঁধানোঘাট—তাঁা মন্দির—পোলক ডাক্তার—

ছিল ওটা। এখনও তা'র বিগত-বৈজবের স্মৃতি 'দর্পশীলা' নামটির বহন করে' চ'লেছে—বিরিট আরতনের মাঝে মজাপুকুর, তাঁাঘাট, ভগ্ন দেউলের সঙ্গে সঙ্গে।.....


বামদিকে রেললাইনের পারে একটি ছোট গ্রাম, দূরে সামনে কোপাই স্টেশন দেখা গেল। গ্রামটি দেখিয়ে বাদল ব'ললে—“হাই, শেওলপুহ গাঁ”—আমি ব'ললাম—“তা' হ'লে তো এসে গেছি, তোদের গাঁ জোঁ শীতলপুর—আমরা তো ওখানেই বাব”—বাদল যাড়নেড়ে—“না বাব”



একটি বাড়ির বাইরের দৃশ্য—কতকগুলো শূণ্ডর গৃহস্থারীর ডাকে উচ্ছিষ্ট খেতে এসেছে

কেনে বাব—আমরা বাব শেওলপুর মাঝিপাড়া”—ব'লেই গরুর মুখ কিরিয়ে পূবদিকে গাড়ী চালিয়ে দিয়ে ব'ললে—“হাই দেখ্, আমাদের গাঁ শেওলপুর বটে”—

দূর থেকে উন্মুক্ত প্রান্তরের মাঝে ঘন সবুজ গাছ-ভবতি ছোট গ্রামটি যেন ছবি। উনি গাড়ীতে বসেই ফুলমণির গাঁ'র ছবি ভুললেন। আমাদের গাড়ী দেখেই ছ' একজন এগিয়ে আসতে লাগল। বেশ সকাল হ'য়েছে। বিকমিকে রোদ। মেয়েরা আলের উপর দিয়ে



গ্রামের কুরো মেয়েরা জল নিচ্ছে—কুরোট কংক্রিট কমিটি থেকে করিয়ে দিয়েছে। একটি শ্রীলোক জল নিতে বাচ্ছে ঐ কুরো থেকে


লাইন করে' খাটতে চ'লেছে—পরিষ্কার করে' চুল আঁচড়ানো, কোমরে লাল গামছা বাঁধা—কেউ প'রেছে শাদা বাংলা শাড়ী—কা'রও পরণে রঙীন সাঁওতালী কাপড়। ফুলমণিও রোজ এই ছয় মাইল রাস্তা হেঁটে

আছে। গাঁয়ের সামনে ঢুকবার মুখে ফুলমণিদের বাড়ী। অশু-
গাছের তলা দিয়ে, বাঁশগাছের পাশ দিয়ে ঢুকেই আমড়া গাছ। আমড়া
গাছটা ফুলে ভরে' গেছে—পাশে ফুল-পাতাহীন রিক্ত কাঠটাপার গাছটা
আমরা ফুলের আশায় আঁকা-বীণা ডালপালার হাত মেলে দিয়ে দাঁড়িয়ে
আছে। তার পাশে আতাতলায় ঠাকুরতলা—পূজার বেদী। লম্বা
চৌকো বেদী—সামনে অর্ধচন্দ্রাকারে সিঁড়ির ধাপের মত করা—হানটা



গী ঘুরে এসে গাছের ছায়ার বসলাম—সামনে ছেলেরা খেলতে লাগলো

তমৎকার করে' নিকানো গোবর দিয়ে গোল করে'। তারই সামনে
সবান চৌকো চাঁছাছোলা পরিষ্কার পরিচ্ছন্ন গোবর দিয়ে নিকানো
জায়গার সামিয়ানা খাটিয়ে আমাদের জন্ত জায়গা হ'য়েছে। খাটিয়া
পেতে—তার উপর বাড়ীর বৌএর নিজ হাতে বোনা খেজুর পাতার
চাটাই বিছিয়ে, আমাদের বসবার আসন করে' রেখেছে। নতুন উম্মুন
পেতেছে—আমাদের জন্ত সেইখানেই। বাতাস উঠল—খাটিয়া কাৎ



ছোট ছোট ছেলে-মেয়েরা এক জায়গায় বসে জটলা করতে লাগলো

করে' তার উপর চাটাই আড়াল করে' বাতাস ঠেকিয়ে ফুলমণি
আমাদের জন্ত রান্না চড়িয়ে দিল। বাদল মহা উৎসাহে মুগী ছাড়াতে
লেগে গেল—আমাদের খাওয়াবে। ফুলমণির মা বাবার আমাদের
পেয়ে আনন্দ আর ধরে না—কী করবে—কী না করবে ভেবে
পাচ্ছে না।

প্রথমেই ফুলমণি চা করে' দিল। চা পান করে' আমরা গী ঘুরতে
বেরোলাম। ফুলমণির বাবা পাঁড়ুমাঝি আমাদের আগে আগে পথ

বেশ ফুলের ছায়া-শীতল গ্রাম এই শীতলপুর। প্রথমেই ফুলমণি
বাড়ী। পরিষ্কার পরিচ্ছন্ন চারিদিক—আশে পাশে ফুলতলায় ছাগ
আর শূণ্ডর চ'রছে। বাড়ী ঢুকতে সামনেই বেশ ছোটপুটে সতেজ বতি
তিনটি তালগাছ—একজায়গা থেকে উঠে—রসগ্রহণের-শিকড়টা এক
স্থানে রেখে, বা'র পাতা মেলেতে বতটুকু জায়গার দরকার ঠিক ততটুকু
ব্যবধান রেখে—তিনটিতে একই আলোর উদ্দেশে আকাশের দিকে
মাথা তুলে দিয়েছে। একটা বেশ বড়ো, একটা মেজ, একটা গুঁর মত
বেশ ছোট—বেন বাবা মা ও মেয়ে।

তালতলায় বাড়ীর উঠানে ধানের 'পালুই' বাঁধা আছে, এখন
মাড়ানো হয়নি। ঘরে ঢুকতে আগে ঢাকা বারান্দা, একপাশে উম্মুন
একপাশে মুগীর সংসার, তারপর ঘরে চোকবার দরজা। মাটির ঘ
পরিপাটা করে' নিকানো, ফুলের করে' ছাওয়া। কোন জানালা নোঁ
একটা মাত্র দোর—ঘরের ভিতর ঘুটঘুটে অন্ধকার—ফুলমণি ঘরে ঢু



গাঁয়ের সর্দার কাঁধে ক'রে কালী ঠাকুর বয়ে নিয়ে আসছে, তারপর পূজো
জায়গায় বসানো হ'য়েছে মা কালীকে। ছ'পাশে সর্দার আর সর্দারগী

দেওয়ালের কুলুঙ্গীতে রাখা কেরোসিনের ডিপে জ্বলে দিল। ঘরে
ভিতর আধখানা মেজে জুড়ে ধান বাঁধা আছে—খড়ের দড়ী পাকি
ঘুরিয়ে ঘুরিয়ে—তাকে ওরা 'বাখার' বলে।

ফুলমণি নিজের ঘর দেখিয়ে রান্না করতে চলে' গেল—আমা
পাশের বাড়ী গেলুম। পাঁড়ুর প্রতিবেশী নিজের উঠানে খাটিয়ার বসে
দড়ী পাকাচ্ছে—তাদের চালে একাও লাউ। আঙিনায় বসে' মা হে
ভাত খাচ্ছে। মেয়েরা পারে করে' উঠানে ধান মেলেছে। গ্রাম
বাড়ীর উঠানেই ধান মেলা। প্রত্যেক বাড়ীর উঠান স্বত্বের পরিষ্কা
করে' নিকানো—আঙিনাতেই সব কাঁজকর্ম। বা'র বাড়ীর উঠানে
মাঝি—সকলেই হাসিমুখে আদর আপ্যায়ন করছে—বসতে বসতে
ছেলেমেয়েরা দলবেঁধে আমাদের ঘিরে দাঁড়িয়েছে, লড়াই করছে, খেলছে
—আমাদের সঙ্গে সঙ্গে ঘুরছে—প্রতিবাড়ী থেকে দুই একটা ছেলেমে
বুদ্ধবুদ্ধা আমাদের সঙ্গে যোগ দিয়ে দলবৃদ্ধি করছে। প্রতি বাড়ীতে
মুগী, শূণ্ডর, গরু আছে। শূকরেরা বাড়ীর পিছনে থাকে, চরে' বে
—“বুঝুই আর আর আর”—করে ডাকলেই খেতে এল। কাঠের
চৌকো নৌকোর মত শূকরের খাবার পাত্র—গৃহ-সংলগ্ন ছোট একটা

গ্রামের একটু বাইরে কাঁকা আরগার একটা পাঠশালা—‘ঐনিকতন’ পল্লীউন্নয়ন কাজের ফলে এর সৃষ্টি, ছোট ছেলেমেয়েরা তাতে পড়ে। গ্রামের মধ্যে একজন লেখাপড়া জানা লোক আছে—সেই পড়ায়। গ্রামের সকলে তাকে পণ্ডিত বলে ডাকে। পণ্ডিতের নাম ‘ভড়’ মাঝি। এই ভড়মাঝিই বোলপুর... ঐনিকতন যাওয়া আসা করে, যোগাযোগ ধবরাধবর রাখে। পণ্ডিতের সঙ্গে আমাদের দেখা হ’ল না—সে তখন বোলপুর গেছে।

পণ্ডিতের বাড়ীর সামনে পাকা ইঁদারা—জিজ্ঞাসা করাতে ব’ললে—কংগ্রেসের লোক করে’ দিয়েছে। ঐ কুয়ের জলই সারা গ্রামের লোকের পানীয়। পণ্ডিতের সস্তী বাগান বেশ বড়—ভাল কলার গাছও আছে। পণ্ডিতের বাড়ীর পিছনেই বড় গাছটার গায়ে কখনোই পাঁচ থেকে বিজ্ঞাপন লটকে দিয়ে গেছে—ধর্মঘটের বাগী—“সাত ঘণ্টার বেশী কাজ ক’র না—ধর্মঘট কর, ধান তোমাদের” ইত্যাদি। জিজ্ঞাসা করলুম—“এটা কে টাঙাল?” বললে—“জেনিনে কে কখন মুলিয়ে দেয়—বোধহয় রেতে করে”—



মধ্যাহ্ন ভোজনের পর কেরার চিত্তা

গণেশমাঝি গায়ের কবিরাজ। তার বাড়ী অর্থাৎ কবরের বাড়ীর উঠানে শিবতলা—ত্রিশূলপোতা বেনী—সামনে বলি দেবার হাড়িকাঠ পোতা। প্রতি বাড়ীতেই পূজোর বেনী—ঠাকুরতলা আছে—বলি দেবার আরগা শুধু কবরের বাড়ীতেই দেখলাম। গ্রামবাগীর অস্থল স্থানে সেই জড়ী বড়ী শিকড় পাতা দেয়—চিকিৎসা করে—ঝাড়, ফুক, মত, তেলপড়া, ধুলোপড়াও দেয়।

গ্রামের সর্দারের নাম ‘ভাতম’ মাঝি। সর্দারের অবস্থা বেশ ভাল। সর্দার বেশ লম্বা জোরাম। সর্দারগীরও বেশ জাঁদরেল চেহারা। তারা লোকজন নিয়ে কালীপ্রতিমা আনতে গেল—রেললাইনের ওপারে শীলপুর গাঁয়ে। প্রতিমা এনে বসাবে বলে উঠানে ঠাকুরতলার একটা ছোট কুঁড়ে তৈরী ক’রেছে—কাঁচাখাঁশ, ডালপাতা দিয়ে।

গ্রামে চুকেই ফুলমণির বাড়ী—গ্রামের শেষপ্রান্তে কুহুমের বাড়ী। কুহুমের বাড়ীর পরে একেবারে প্রান্তসীমার একটা বটগাছ—এইটাই গাঁয়ের শেষ। কুহুমের মা দেখলাম ঘরের দাঁওয়ার কোপটালো কাঁসার

বাঁধা একটু লোহার তার এবং বড়ী দিয়ে—লোলুপ দৃষ্টিতে তারের দিকে তাকিয়ে কুঁ কুঁ করছে। চালে বেশ বড় বড় লাউ। বাড়ীর পিছনে গাঁয়ের শেষে উত্তর দিকে—ঝোপ ঝোপ ফুলগাছ—ফুলের কবুত গন্ধবিশিষ্ট শাদা ফুল খোকা খোকা ফুটেছে। দেখতে কতকটা ‘ভাতীরা’ ফুলের মত। কলার জল ফুল তুলে নিলুম—ওঁর কথামত দু’টো ডাল কেটে নিলুম বাড়ীতে গাছ ক’রব বলে’।

ফিরবার পথে রাসমণিদের বাড়ী গেলুম। রাসমণির বাড়ী ঠাকুরতলায় দুটা পাথর বসানো। পাগলমাঝির বাড়ীটা বেশ বড়—বেশে মনে হয় অবস্থা ভাল। দাসীদের বাড়ীর উঠানে বেশ পুরণো কাঁঠালগাছ ও অশ্বগাছ। গাি ঘুরে ক্লাস্ত হ’য়ে গাছের ছায়ার বসুলাম। ছেলেরা সামনে খেলতে লাগল। উনি সামনে কোটো তুলে চ’লেছেন। আমার ঘিরে ব’সল শিশুরা—সকলেই খুব খুশী।

গ্রাম ঘুরে, ফিরে এসে দেখি—ততক্ষণে ফুলমণির আলুচচ্চড়ি, বাঁধাকপির তরকারী রান্না হ’য়ে গেছে, মুগী ছাড়িয়ে, কুটে রান্নার জল প্রস্তুত! ডেক্চীতে গরমজল ব’সেছে। প্রতিটা জিনিব ফুলমণি রেখে



ফুলমণির আর এক ভাই মদন এই সময় বৌএর মাথার বোকা চাপিয়ে হাট ক’রে ফিরলো। ভামিনী ছোট ভাইকে কোলে ক’রে ঝাড়িয়ে ঝাড়িয়ে দেখতে লাগলো আমাদের বাড়ীতে চলে ঢাকা দিচ্ছে। কাঁসার বাসনগুলি কুকুঁ কুকুঁ ক’রছে। চারিদিক পরিষ্কার পরিচ্ছন্ন।

গ্রামে দু’টা কালীপূজা হয়। একটা সর্দার ভাতম মাঝির বাড়ী—আর একটা ফুলমণির বাবা পাঁড়ু মাঝির বাড়ী। সর্দারের কালী আগে এল। বাড়ীর লোকেরা মাথার কোমরে লাল গামছা বেঁধে, মাকে কাঁধে করে’ নিয়ে এল। সর্দার গৃহিণী হাতে চালচিত্র বহন করে’ আনল। উনি সর্দার সর্দারগীর ছবি তুললেন মা কালীকে নিয়ে।...

ফুলমণির দাদা মদন এল হাট করে’—বৌ এর মাথার বোকা—ঝুড়িতে হাটের জিনিব, তেলের বোতল ইত্যাদি—মদন মাঝি এক খালিমাথার খালি হাত পা বেড়ে। আমাদের দেখে খুব খুশী—নিজেদের

ফুলমণির ঐকান্তিক নিষ্ঠা আন্তরিক যত্নে রান্না হ'ল বেশ অস্বস্ত।
বাড়ির উঠে ব'সলাম—মধ্যাহ্ন-ভোজনের পর।...এইবার বেতে হবে—
একখাটা বতবারই মনে হ'চ্ছে—এদের অন্তরতরা সরল-ঐতি ততই
নিবিড় করে' টেনে রাখছে।...

বেলা আড়াইটার পর গা থেকে রঙনা হ'লুম—আর দেয়ী
ক'রলে আবার পৌছে দিয়ে—বাগলের কিরতে অনেক রাত হ'য়ে
যাবে। সকলেই সনির্বন্ধ অস্বস্তি ক'রলে—“আজকের রাতটো
থেকে যা,—পূজো দেখে ঘর ঘাবি”—কিন্তু বাড়ীতে মেয়ে একা
আছে। বাঁধন ছিঁড়ে বেরোতেই হ'ল—গায়ের অর্ধেকের উপর লোক

এসে পাকীর কাছে জড় হ'ল। সকলেরই মুখে এক কথা—“আবার
আসিস্, আবার আসিস্”—তারা বেশী কথা বলে না—প্রকাশের ভাষা
জানে না।...

শেষ পর্যন্ত বাড়িরে রইল ফুলমণির ষোমঝি ভাবিনী ছোটতাইটিকে
কোলে নিয়ে—বতকণ দেখা যায়।.....

আমাদের বাড়ীর উঠোনে ফুলমণির গায়ের ফুল ফুটেছে—মধুর
স্বতির সুরতি নিয়ে।—দেখি, ভাবি,—আজও পরশ পাই সেই
আন্তরিক ঐতিহ্য—স্বনুতে পাই সেই গুঞ্জর “আবার আসিস্—আবার
আসিস্”—

শরৎ-শ্রী

শ্রীগোবিন্দপদ মুখোপাধ্যায়

শরৎ রাত্তি আজি আলোতে ঝলমল
টাদের হাসিখানি রূপালী ছল ছল,
শেকালী সুবাসেতে
বনানী পথে যেতে,
কাহারি মেহাশীবে হৃদয় ভরে বল
সোনালী স্রোতে ভাসে তটিনী ঢল ঢল।
সাহানা-গীতিস্বর আকাশে ভেসে চলে
দখিন হাওয়া কানে কত কি কথা বলে
শ্রামল অঞ্চল
বাতাসে চঞ্চল
কাহারি দোলে বল ধানের শ্রাম ক্ষেতে
শরৎ-শ্রী সে যে কবির মানসেতে
বনানী মুখরিত দোয়েলা-গীতি-ভানে,
শ্রামারি মধুশীবে ছন্দো জাগো প্রাণে;
জোনাকি ঝাঁকে ঝাঁকে
জানি না কি যে ঝাঁকে
বেখানে আলো-ছায়া অথবা বায়ু পথে,
শরৎ-রাশী আসে আলোক জরথথে।
আজি এ মধুরাতে শরৎ জোছনাতে
কালিমা যত আছে মনের আঙিনাতে,
সকলি মুছে যাক
কেবলি ভরে যাক,

শরৎ ইঙ্গিত

শ্রীনীহাররঞ্জন সিংহ

হেথায় হেথায় নীল আকাশ
ধূসর মেঘের দল ?
আজ শরতের ছপূর বেলা
মন করে চঞ্চল।
শুভট ভরা ঘরের কোনে
রইব না সংগোপনে
বাহির হলে পল্লী পথে
নামতে পারে জল !

ভিজার ভিজাক আকাশ ভরা
ঝলুনা ঝরা জল।
ধূসর মেঘের দল।
মেঘের ফাঁকে প্রথম তর
রবির কিরণ শর !
হানিছে মেহে তপন তাপে—
প্রাণ আজি জরুজর !


পথের পাশে গাছের ছায়া,
বাতাস বুকে বিলার মায়া,—
কুটবে কি আজ শরৎ শোভার
শিউলী শতমল !
ঝরণ নামার ঝরণ আবার

সাহিত্যিকগণের হস্তলিপি


আমরা এই সঙ্গে কয়েকজন স্বর্গত প্রখ্যাতনামা সাহিত্য-
রথীর হস্তলিপি প্রকাশ করিলাম।

মাইকেল মধুসূদন দত্তের একখানি ইংরাজি পত্র (১নং
ও ২নং) সহজেই পাঠ করা যায়। বঙ্কিমচন্দ্র চট্টোপাধ্যায়
মহাশয়ের পত্র দু'খানি (৩নং ও ৪নং) ব্যক্তিগত হইলেও
একখানির শেষে তাঁহার স্বভাবস্বলভ রসিকতা আছে।
নাট্যচার্য্য গিরিশচন্দ্র ঘোষের (৫নং) পত্রখানিও ব্যক্তিগত
—প্রিয় ভক্ত ও শিষ্য অবিনাশবাবুকে লিখিত। দ্বিজেন্দ্র-
লাল রায় মহাশয়ের পত্রখানি (৬নং ও ৭নং) উল্লেখযোগ্য

—তাঁহার জীবনের শেষভাগে লিখিত। শেষ পত্রখানি (৮নং
ও ৯নং) কবীন্দ্র রবীন্দ্রনাথ ঠাকুর কর্তৃক গুরুদাস চট্টোপাধ্যায়
মহাশয়কে লিখিত। পুস্তক বিক্রয় সম্বন্ধে নির্দেশ আছে।
আমরা কয়খানি পত্রই শ্রীবৃত্ত সরোজকুমার চট্টোপাধ্যায়ের
সৌজন্যে পাইয়াছি—মূল পত্রগুলির কটো গইয়া তাহা
হইতে মুদ্রক করা হইল। শ্রেষ্ঠ ব্যক্তিদিগের হস্তলিপি সংগ্রহ
করার আগ্রহ অনেকের মধ্যেই দেখা যায়। এই সকল
পত্র-লেখকের লিপি সংগ্রহ আর সম্ভব নহে—সেজন্যই
এগুলি সাধারণের কাছে মনোজ্ঞ হইবে বলিয়া বিশ্বাস।



কটো নং ১



Handwritten text in Devanagari script, likely a list or account. The text is dense and somewhat illegible due to the high contrast and grain of the scan. It appears to be organized in columns or rows, possibly listing items or names.

फोटो नं ८


Handwritten text in Devanagari script, similar to the first image. It contains several lines of text, possibly a continuation of the list or account. The script is consistent with the first image.

फोटो नं ८

Handwritten text in Devanagari script, appearing as a large block of text. It includes a prominent rectangular stamp or seal in the center-right area. The text is very dark and difficult to read.

फोटो नं ९

দ্রাঙ্গীত



যুলতান—তেতানা

(বাহুল্লা খ্যান)

তোমার চরণ সবে নিত্য করিছে ধ্যান
হে মঙ্গলময় দুখ হ'তে কর আণ ।
তব রূপের জ্যোতি দশদিশি আলো করে
মধুর মুরলী করে উঠিছে লহরী তান ॥

কথা, সুর ও স্বরলিপি—সঙ্গীতনায়ক শ্রীগোপেশ্বর বন্দ্যোপাধ্যায়

না সা জ্ঞা দসা | পা^১ পা পা পা | জ্ঞা^২ পদা পা দনা | জ্ঞা^৩ ঋ সা -১
তো মা র চ র ণ স বে নি . . . ত্য ক রি ছে ধ্যা ন্

জ্ঞা দনা পনা স'ঋ^১ | স'না দা পা | পা^২ ঋ জ্ঞা দনা | জ্ঞা^৩ ঋ সা -১ ॥
হে . ম . . . ক ল ম য দু খ হ তে ক র আ ণ

জ্ঞা ঋ পা না | না^১ না -১ না | স'না^২ স'না স'না স'না | ঋ^৩ স'না স'না স'না
ত ব রূ . পে র জ্যো . তি দ . শ দি শি আ লো . ক রে

পা না স'না জ্ঞা^১ | ঋ^২ স'না দা পা | পা^৩ ঋ জ্ঞা ঋ | জ্ঞা^৩ ঋ সা -১ ॥
ম ধু র মূ র . লী ব রে উ ঠি ছে ল হ রী তান্

১। তান—

২ সনা -১ সক্ষা জ্ঞা | পা পা দনা পা | -১ ক্ষদা পপা -১ | ক্ষা জ্ঞা -১ -১
তো• • মা• • • র চ র • ৭•••• • • • • •

২ সক্ষা জ্ঞা পা -১ | জ্ঞক্ষ পনা -১ দপা | পা জ্ঞা -১ -১ | ক্ষা দা পা -১
স• • বে • নি - - - - - ত্য - - - - - ক রি ছে •

২ জ্ঞক্ষা পনা সনা দপা | ক্ষজ্ঞা ঋসা নসা -১ I
ধ্যা - - - - - - - - - - - ন্ •

২। পক্ষা জ্ঞক্ষা পনা -১ | স'জ্ঞা ঋ'স' স' -১ | স' ঋ' স' -১ | না দা পপা -১
নি• • • • • - - - - - ত্য - - - - - ক রি ছে • - - - - -

২ জ্ঞক্ষা পনা -১ -১ | দপা ক্ষজ্ঞা ঋসা -১ II
ধ্যা - - - - - - - - - - - ন্

৩। অন্তরার তান—‘তব রূপের জ্যোতি’ গাহিয়া—

১। পক্ষা জ্ঞক্ষা পা না | স'জ্ঞা ঋ' স' ঋ'
জ্যো- - - - - তি - - - - -

২। নস' জ্ঞা ঋ' স' নদা | পক্ষা জ্ঞক্ষা সনা -১
জ্যো - - - - - - - - - - -

গান

বিশ্বনাথ চট্টোপাধ্যায়

আজি বিদায় দিনে ভীক মিনতি খানি
ধেন তোমারি ঘারে কহে ব্যথার বাণী ;
তব নিবিড় স্থখে
যদি গোপন বুক
বাজে আমারি গীতি গেলো স্বরণ মানি ।

যদি চলিতে পথে কতু মাধবি বনে
তুলে চমকি চাহ মোর সমাধি কণে
তবে পাড়ায় বারে
দিও পরশ তাঁরে
নিও প্রেমের পূজা মোরে স্বপনে আনি ।

বাঁধন

শ্রীশক্তিপদ রাজগুরু

...সদীতঃ দেবকর্ষ প্রথমে আপত্তি তোলে, কিন্তু অমিয়ার কথান্তে বাধ্য হয়েই মত দিতে হয়! বহুকালের পুরোনো বংশ ওই রায়চৌধুরীদের। এ অঞ্চলের মধ্যে এককালে ওরাই ছিল সব চেয়ে প্রতাপশালী জমিদার, ...পূর্বপুরুষের সঞ্চিত অসীম ধন সবকিছু নিঃশেষ হয়ে এসেছিল তাদের বংশ পরম্পরার উত্থলতায়... এমন কি কত নিরপরাধ নরনারীর রক্ত ওই পুরোনো ধ্বংসপ্রায় প্রাসাদের ভিত্তিমূল রক্ষণ করে দিয়েছিল তার ইয়ত্তা নাই। আজ তার চারিদিকে ছর্ভেচ্ছ জঙ্গল। বাকী খাজনায়—দেনার দায়ের যা কিছু ছিল আদালত হতে নীলাম হয়ে যাচ্ছে! অমিয়া কিনবে ওদের সেকালের দামী দামী আসবাব—অনেক সস্তায় পাওয়া যাবে, কেনই বা কিনবে না! ...বাধ্য হয়েই শেষে মত দিতে হয়েছে দেবকর্ষকে!

নতুন করে সংসার সাজাতে চায় অমিয়া! দেবকর্ষ শিল্পী-শুণী বাইরের জীবনেই তার আকর্ষণ বেশী, ঘরে যেটুকু সময় থাকে নিজের সাধনা নিয়ে মত্ত থাকে! ...আপন করে তাকে কাছে পাবার মত একটুও সময় অমিয়া পায় না! না পাক...তবু তার গৌরব...দেশজোড়া খ্যাতিসম্পন্ন ব্যক্তি তার স্বামী! নারীর সমস্ত কামনা বাসনাকে চেপে রেখেও সে আত্মহারা শিল্পীকে স্মৃতি করতে চায়—সেবা দিয়ে—যত্ন দিয়ে। বাকবীরা বলে—তুই তিলে তিলে নিজেকে নিঃশেষ করে দিচ্ছিস অমিয়া! ...

হাসে অমিয়া!

নীড় সে বেঁধেছে...নীড়কে সে স্বপ্ন দিয়ে ঘিরে রাখতে চায়!

...তাদের ঘরের সৌন্দর্য্য যেন শতগুণ বেড়ে উঠেছে। —পুরোনো মেহগুনি কাঠের বড় পালকটা শোবার ঘরেই তুলল! ...বহুকালের কত স্মৃতিসঞ্চিত আছে ওর সঙ্গে কে জানে! কতজনের তৃপ্তি অতৃপ্তির আশা নিরাশা ওর প্রতিটি অঙ্কি-সঙ্কিতে মাথান কে তার হিসাব রাখে! ...আরনা বসানো কাঠের উপর নিপুণ হাতের জাকরি কাটা দেওয়ালটার দিকে চেয়ে যেন আত্মহারা হয়ে যায় অমিয়া।

অনেক সস্তায় পেয়েছে সমস্ত আসবাব! ...আজ দেবকর্ষকে চমকে দেবে সে! এক রাত্রেই মধ্যে সারা বাড়ীটার রূপ যেন বদলে গেছে! ...

...বর্ষার রাত্রি! দেবকর্ষ বাইরে থেকে ফিরে বাড়ীতে পা দিয়েই একটু বিম্বিত হয়ে যায়! ...আকাশে আকাশে শ্রাবণ রাত্রির বজ্রনাদ...বিজলীর চকিত আলোয় সারা আকাশের কালো বৃকে যেন কোন অশরীরীর আনাগোনা! ...অমিয়া এগিয়ে আসে...ছুচোখে তার আশা—আনন্দের আলো!

...কেমন হয়েছে বাড়ীখানা বলত! মোটে ছুহাজার টাকায় সব হয়ে গেছে। পালক...ওই চীনা দেওয়াল... ঝাড়—

সমস্ত ঘরগুলো দেখিয়ে নিয়ে বেড়ায় অমিয়া দেবকর্ষকে! বহুকালের স্মৃতি-ভারাক্রান্ত আসবাবগুলো... অতীতকালের কোন সামস্ততাত্ত্বিক যুগের এক তরু স্বপ্নময় পরিবেশ সৃষ্টি করে তুলেছে! দেবকর্ষের অতীতের মনে যেন পরশ বুলায়!

রাত্রি নেমে এসেছে! ঘন ঘোর রাত্রির তমস্যা গ্রাস করেছে সারা ধরিত্রীকে। আকাশে বর্ষণধারার জুড় গর্জন! ...বিজলীর তীব্র ঝগক...দিক হতে দিগন্ত জুড়ে কোন স্মৃতির দশন হেনে দিয়ে যায় অতীতের ঘনতমিস্রার বৃকে! ...

দেবকর্ষ ভেগে ওঠে! ...বিছানার উপর উঠে বসে! ...অন্ধকারে অল্পভব করে ঝাড় লঠনটা তুলে...কাঁচের ঘসাল-ঘসিতে আওয়াজ হচ্ছে হুং ঠাং! ...বাইরে বর্ষণ ধ্বনির মুখর সুররেশ! ...ধীরে ধীরে অস্পষ্ট একটু সুর যেন ফুটে উঠেছে! ...বিম্বিত হয়ে ওঠে দেবকর্ষ! ...বেহাগের করুণ সুর বে আলাপ করে তার বাড়ীর আশে পাশে! ...চারিদিকে বর্ষণ বরিষণ...প্রকাণ্ড বাগানঘেরা বাড়ীর মধ্যে কার এ সুর! ...ধীরে ধীরে বেরিয়ে আসে সে! ...

হল বারান্দা দিয়ে এগিয়ে চলে সামনে...গানের সুর... তখনও শোনা যায়...! এ মিষ্টি কর্তে কার আলাপ! ...

কেমন যেন সারা মনে একটা শিহরণ জাগায়!...এ স্বর যেন তার চেনা...চেনা এ কণ্ঠস্বর!...

নীচের সিঁড়িতে কাকে দেখে যেন চমকে ওঠে দেবকর্ভ! বিছাতের এক ঝলক আলোর দেখে একজন নারী...এগিয়ে চলেছে...গানটা সেই গাইছে!... এটা বায় সে সেইদিকে!...

কিন্তু ধরতে পারলেনা, তাকে! নারীমূর্তি সামনের হলঘরটার ঢুকে গেল!...পিছু পিছু সেও গেল!...কোন অশরীরী আত্মার আকর্ষণ যেন তাকে ছুঁবার গতিতে টেনে নিয়ে চলেছে হলের মধ্যে!...অন্ধকার ঘরখানার মধ্যে ঢুকেই কেমন যেন স্তম্ভিত হয়ে যায় দেবকর্ভ! কার শাড়ীর ঘস ঘস শব্দ তখনও যেন শুনতে পায় সে! অন্ধকারে দেশলাই জ্বালতেই...দেখতে পায় দূরে দাঁড়িয়ে রয়েছে একটি নারী। অস্পষ্ট আলোকে তার মুখের হাসিটুকু দেখতে পায়, আর দেখতে পায় তার চোখের কোণে সেই হাসিরই রেশ...

এগিয়ে যায় দেবকর্ভ...ডাকে কিন্তু কোন সাড়া নেই!... দেশলাই নিভে এসেছে।

আবার জ্বালে একটা...মেয়েটি তখনও সেইখানে! দেবকর্ভর সারা শরীরে একটা শিহরণ জাগে। আকাশে বিছাতের ঝলক!...প্রতিটি তন্ত্রীতে যেন উষ্ণ রক্তপ্রবাহ! এগিয়ে যায় আরো সে!...

...চমকে ওঠে...দেবকর্ভ!...বুঝতে পারে না কোথায় সে এসেছে!...যেন কোন এক অজানা জগতের পথে চলেছে সে!...হাত বাড়ায়...কিন্তু একি!...কোথায় গেল সেই নারী!...

...মস্তক গীতলা স্পর্শ!...অন্ধকারে অমুতব করে দেবকর্ভ, ...একটা ছবি!...

ললাটে ফুটে উঠেছে তার ষ্ণেদবিন্দু!...স্বরটা মিশিয়ে গেছে!...আকাশে বজ্র নির্ঘোষ!...কুটিল কণিনীর মত এক বঁকে দেখা দেয় কালো দিগন্ত চিরে বিজলীর আভা!

...পা ছুটো ধর ধর করে কাঁপছে দেবকর্ভের! চোখের সামনে কেমন যেন আঁধারের ষবনিকা!...হুহাত দিয়ে একটা কিছু অবলম্বন ধরে নিজেকে দাঁড় করিয়ে রাখতে চায়!...

ফুটে উঠেছে দিনের আলো! দেবকর্ভ বিছানায় ওরে ওরে ভাবে কালকের রাত্রির ঘটনাটা!...ঠিক বুঝতে পারে না সে স্বপ্ন দেখছিল কিনা!...তবু মনে যেন কেমন একটা জড়তার ছায়া!...

চা নিয়ে আসে অমিয়া! এই সমস্তটুকু তাদের জীবনের একটা মধুর ঝগ...অমিয়াকে আজ আদর করে না দেবকর্ভ!...বিস্মিত হয়ে যায় অমিয়াও! হয়ত বা শরীর খারাপ! ..

রোজকার সমস্ত কাজের রীতির একটা পরিবর্তন লক্ষ্য করে আজ অমিয়া! সকালে রেওয়াজ করতে বসত, আজ .. আর তা করে না!...ঘরের দরজাটা বন্ধ করে একাই বসে রইল দেবকর্ভ!...সারা দিনে গান আর সে গায় না!... কি যেন একটা চিন্তায় মগ্ন সে...দূর হতে দেখে অমিয়া।

...রাত্রি ধনিয়ে আসে...অন্ধকার গ্রাস করে দিনের আলো!...সারা বাড়ীখানাকে ঘিরে নেমে আসে কি যেন স্বপ্নপুরীর নীরবতা...চারিদিক নীরব, নিস্তব্দ!...নিশ্চল হয়ে বসে আছে দেবকর্ভ!...অমিয়ার অসহ হয়ে ওঠে এই স্তব্ধ নির্বাক পরিবেশ! ..

এক কালি চাঁদের আলো স্তিমিত পাণ্ডুর হয়ে সামনের গাছটার কাঁকে চেয়ে থাকে বাড়ীটার দিকে!...দেবকর্ভর মনে হয় কার যেন করুণ কাতর চাহনি। জেগে বসে থাকে সে!...এক প্রহর...দ্বিপ্রহর অতীত হয়ে যায়—কোনো সাড়া নাই! আজ কি আসবে না সেই নারী...! অমিয়া ঘনঘুমে আচ্ছন্ন? ধীরে ধীরে বার হয়ে আসে দেবকর্ভ!...

...আবার শিহরণ জাগে আকাশের বুকে। গাছের মাথায় রাতের দিক্‌হারা বাতাস আনাগোনা করে যায়...নিস্তব্ধ রাত্রির মধ্যে আজ দেবকর্ভ আলাপ করে বেহাগ!...স্বরের রেশটা সারা ঘরের অন্ত প্রান্তে ছড়িয়ে গেছে...হঠাৎ চোখ তুলতে সামনে দেখে সেই নারীমূর্তি! মুখে তার মুহূ হাসি...দেখে যায় দেবকর্ভ!

—“কে তুমি?”

কোন কথা নেই, নীরবে চেয়ে থাকে মেয়েটি ব্যাকুল ব্যথা ভরা চাহনি নিয়ে!...চোখে তার ব্যাকুল আশায় আলো!...

...ওকে চেনে না দেবকর্ভ, কে ও—কেনই বা..।

অথচ মনের মধ্যে প্রবল আলোড়ন জাগে, মনে হয় কোন অতীত এক রাতে ওকে স্বপ্ন দেখত—ওর মুখের ওই হাসি, চোখের ওই ব্যাকুল চাহনি যেন চেনা!...ও যেন আত্মার আত্মীয়!...সারা মনের অতল প্রদেশে ব্যাকুলভাবে হাতড়াতে থাকে দেবকর্ভ!...এগিয়ে যায় তার দিকে!...মেয়েটি ব্যাকুলভাবে বলে ওঠে...“স্পর্শ করোনা আমার! শুধু দূর হতে কথা বল...!”

...সবটাই যেন একটা স্বপ্ন! বলে চলেছে মেয়েটি!...

...সে বন্দী হয়ে রয়েছে ওই ছবির মধ্যে!...আর বন্দী করে রেখেছে এই দেবকর্ভই! অতীতের ষবনিকার অস্তরালে কোন ফেলে-আসা জীবনে দেবকর্ভ ছিল শিল্পী!...ছবি তুলির আঁচড়ে আনত জীবনের স্পন্দন...ওছবি তারই আঁকা!...

সারা মনের চিন্তায় ব্যাকুল কামনা ভালোবাসার সঞ্চয় দিয়ে এক ভাস্কর এঁকেছিল তার ছবি...প্রাণ প্রতিষ্ঠা হয়ে গিয়েছিল ওই মূর্তির সেই শিল্পীর অস্তরের সাধনায় আজ তাই ব্যাকুল অস্তরের কামনা নিয়ে ঘুরে বেড়ায় ওর আত্মা...ও বন্ধন হতে ওর মুক্তি হয় নাই, বৎসর গেছে—বৃগ গেছে—এসেছে জন্মান্তর, তবুও বিদেহী আত্মা ওই কারাগারে বন্দী হয়ে ব্যাকুলভাবে কার পথ চেয়ে রয়েছে!

...বলে ওঠে দেবকর্ভ...আমি মুক্তি দেব তোমায়!...

উত্তর দেয় আশা...এত বৎসর—জন্ম জন্মান্তর ধরে তোমাকে খুঁজেছি!...সেদিনের না-বলা কথা বলবার সময় পেয়েছি—আজ তুমি আমার ত্যাগ করে যাবে?...

...ব্যাকুলভাবে বলে ওঠে দেবকর্ভ...না না, তা হতে পারে না! অশরীরী...এজগতের মাহুষের সঙ্গে তোমার কোন ষোগাষোগ থাকতে পারে না! তুমি...তুমি...আমার কেউ নও! .তোমায় আমি চিনি!...

...চলে যেতে চায় দেবকর্ভ!...এ কি সে বকে চলেছে!...কই তার আশেপাশে কেউ ত নাই!...সারা শরীরে জাগে একটা চঞ্চল্য! শিরায় শিরায় চঞ্চল রক্ত-স্রোত ক্ষতবেগে বয়ে যায়...সামনে কার যেন ব্যাকুল কাতর চাহনি মাথা হুচোখ...সিঁড়ি দিয়ে উঠে চলে সে!...

...হঠাৎ কি হয়ে যায় টের পায় না!...পাটা সিঁড়ির একটা ধাপ উপরে কেমন যেন কসকে যায়...সিঁড়ি হতে

গড়িয়ে পড়ে যায় তার অচেতন দেহটা!...চীৎকার শুনে ছুটে আসে অমিয়া—চাকরটা বার হরে আসে! কোনরকমে দেবকর্ভের অচেতন দেহটা তুলে নিয়ে যায়!

আগ্রায় আশাবাদীর নাম জানেনা এমন লোক কেউ নাই!...সারা সহরে তার নাম, দেশবিদেশ হতে আসে ধনা সম্ভ্রান্তশালী জনতা তার মুজরো শুনতে!...রূপ এবং সুর দুটোরই সমান আকর্ষণ!

...ভাস্করের সঙ্গে সঙ্ঘর্ষ তার বহুদিনের, অসামান্য রূপ-ধৌবনা ওই নারী সামান্যতম একজন শিল্পাকে যে কোন আকর্ষণে ভালোবাসতে পারে, সারা সহরে এও একটা আলোচনার বিষয়।

যমুনার ধারে তাজগঞ্জের পিছনে ছোট একটা বাংলা, তাঁদের আলো লুটিয়ে পড়েছে ক্যাকুটানের অযত্ন বর্জিত বনে : ছোট ছোট বাশ বনের ষোপ...মৃত কঠিন রাস্তার ধারে মাথা তুলেছে! টাঙ্গাটা এগিয়ে আসে!...দূরে দেখা দেয় তাজের মিনার-মধ্যকার বিশাল খেত গম্বুজ...টাঁদের আলোয় স্বপ্নপূরীর পরিবেশ রচনা করেছে।

...ভাস্করকে পৌঁছে দিতে আসছে আশাবাদী!

মনে পড়ে আজ প্রথম যেদিন পরিচয় হয় ভাস্করের সঙ্গে। আশা সেদিন জয়পুরের মহারাজার ওখানে মুজরো করতে গেছে দরবারে। রাত্রি তখন প্রায় দ্বিপ্রহর, বেহাগ আলাপ করছে আশাবাদী...সুন্দর দরবার...রাজা নিজের হাতে তুলে দেন আশাবাদীকে মুজোর একছড়া মালা। এক কোণে উপবিষ্ট মুগ্ধ ভাস্করের সারা মনে কোন এক সুরের মায়াজাল বিস্তার করে!

সে রাতে ঘুমতে পারে না ভাস্কর,...বা সে পেয়েছে ঋণিকের পরশনে, তাকে ব্যর্থ হতে দিতে চায় না...তুলি আঁচড়ে...অমর করে তুলবে!

পাহাড়ে ষেরা জয়পুর...দিগন্ত জোড়া পর্বতের মাঝে রাজকন্ডার মত একটুকরো সুন্দর এক নগরী, প্রাসাদের রুলবারান্দা দিয়ে চেয়ে থাকে উদাস দৃষ্টিতে আশাবাদী...কার ডাকে ফিরে চাইল, কে একজন দেখা করতে চায় তার সঙ্গে!

...চেয়ে থাকে তার দিকে আশাবাদী...সুন্দর সুপুরুষ চেহারা, চোখের তারায় কোন অনাগত লোকের জ্যোতি,

ছবিখানা এগিয়ে দেয় ভাস্কর, ...বেহাগের বিগুঙ্ক শাস্ত্রীয় রূপ...বর্ণ এবং ভাবের অবমিশ্রণে কোন এক মায়ালোকের সৃষ্টি করেছে, যা আশাবাদীএর আলাপেও সৃষ্টি হয় না সবসময়! বিমুগ্ধ দৃষ্টিতে চেয়ে থাকে আশা তার দিকে!

সেই তাদের প্রথম পরিচয়ের ইতিহাস...ভাস্কর এসেছে আশ্রয়, তাজগঞ্জের নির্জন পরিবেশে...অতীত যুগের স্মৃতিভারাক্রান্ত প্রেমরাজ্য তাজমহলের সীমানার বাইরে গড়ে তুলেছে তার স্বপ্নময় পরিবেশ...শিল্পীর মনোরাজ্য!...

...রাত্রি নামে তাজগঞ্জের আকাশে...দেশবিদেশ হতে আগত দর্শকের ভিড় কমে আসে! দরজা বন্ধ হয়ে যায় সাধারণের জন্ত। একান্তে চত্বরের বুকে সেকালের বৃদ্ধ বট অশখের প্রহরা কোন অতীত যুগ হতে দাঁড়িয়ে রয়েছে চাঁদের আলোর স্বপ্নজাল বুনে... এমনি সময় প্রায় রোজই আসে ভাস্কর, ...আসে আশাবাদী! প্রতিটি মধ্যরাত্রে নির্জন তাজের বুকে মর্মর স্বপ্ন দেখে কোন প্রণয়ী...অতীতের কোন মধুসামিনীর।

...আশাবাদীএর সারা মনে জাগে কোন অমরাকুসুম সৌরভ, যমুনার জল-কল্লোল তার বেহাগের সুরে সুর মিলায়, সুর মিলায় বৃদ্ধ বনঝাউএর বুকে রাতের দিক্কারা বাতাস, যমুনার নীলধারার ওপারে হরিণ যুথের কালো চোখে জাগে স্বপ্নের নেশা।

...ভোর হয়ে আসে...ভাস্কর ফিরে যায় তার শিল্পরাজ্যে...আশাবাদীএর টাঙ্গা...দেওদার শ্রেণীর প্রহরাধেরা মন্সণ রাস্তা দিয়ে রাতের ডুবন্ত চাঁদের সঙ্গে কে হাতছানি দিয়ে নিয়ে যায় কেবলবাগের পানে!...

বাকীরাতটুকু কাটে ভাস্করের আকাশের পানে চেয়ে... এমনি কোন চাঁদের মায়ায় সে বন্ধ হয়ে গেছে যেন। সারা মনে একটা আলোড়ন, শিল্পকে সে ত্যাগই করেছে নিজের মনের এবং দেহের আকর্ষণে। মনে পড়ে আগেকার দিনগুলোর কথা, জয়পুরের দরবারের শিল্পী...ভাস্কর... মনের অন্ধিসন্ধিতে জগতের বুকে একটা স্থায়ী ছাপ রেখে যাবার কত না দৃঢ় করণা। তার মৃত্যুর পর সে বিশেষ হয়ে যাবে না—পিছনে থাকবে তার শিল্প, তাকে অমর করে তুলবে! কিন্তু কি থাকবে তার পিছনে?...

আলোর মত রোজই রাত্রে আসে এই আকর্ষণ, সে পথ হারিয়ে ফেলে।

আশাবাদীএর উছল যৌবন, অপরূপ কণ্ঠমাধুর্য সারা আশ্রয় একটা আকর্ষণের বস্ত্র! দেশ বিদেশ হতে আসে কত অতিথি...কত সামন্ত রাজ্যের রাজকুমার—কত বড় বড় ধনী ব্যবসায়ী...আসে আর চলে যায় সমুদ্র বেলায় সংখ্যাহীন চেউএর মত। কেউ কোন দাগই রেখে যায় না! ভাস্করকে দেখেছিল আশা কোন এক ছন্নছাড়া জীবনের সুরে যেন সুরময় একটি মাহুস...সুরের মারাজাল নিয়ে যার বেসাত্তি সে মহাসুরের এই সাধককে তুলতে পারে নি।

এমনি এক দিনে এল আশাবাদীএর জীবনে বরৌদার গায়ক পণ্ডিত মণিশঙ্কর, ...দীর্ঘ সৌম্য চেহারা, ঋকু বলিষ্ঠ দেহ, তেজদৃগু চাহনি, সারা সুরলোকের সন্ধানে বার হয়েছে মহাষাট্রাপথে! আশ্রয় এসেছেন তিনি আশাবাদীএর গান শুনে।

...সমাদর করে বসাল তাকে আশাবাদী প্রশস্ত চত্বরে...এতদিন যাদের নাম শুনে এসেছিল গুণী বলে, আজ তারা অযাচিত ভাবে এসেছেন তারই গান শুনে, সারা মন যেন তার ভরে ওঠে! মনের কোনে জাগে দর্পের ভাব...

যথারীতি গান শুরু হল বসন্তবাহার! আশাবাদী জানে তার বসন্তরাগে আসে বসন্তের পরিবেশ, সুরলোকের মায়াজালে সে সৃষ্টি করতে পারে সহস্র পারিজাতের সৌরভ...যারা সঙ্গীত এবং দেহ-পসারিণী বলে দূর হতে সরে যায়—তারা দেখে যাক তার প্রতিভার সত্যিকার কোনো স্থায়িত্ব আছে কিনা?

বৈশাখের তপ্ত বাতাসের আনাগোনা তখনও ধামেনি, রক্ত গাছের বুকে শীর্ণতার রং...আকাশের বুকে তখনও ধূলি ঝড়ের আভাস মিলিয়ে যায়নি!...গান শুরু করেছে আশাবাদী...রাগ বসন্তের ঠাট!...মীড়, গমক, মূর্ছনা দিয়ে প্রাণবন্ত করে তুলেছে তার সুরকে, সারেরদীওলা, তবলচী আজ আশ্চর্য হয়ে যায়!...বিস্তার চলেছে...

...মরা গাছের বুক হতে সাড়া দেয় কোকিল!... সেও তুলেছে বসন্ত চলে গেছে অনেক দূরে, দূরের পরিবেশে মনের পাখী আজ অহত্ব করে...এল বসন্ত!...

গর্বিত জয়ের আলোয় রঙ্গীণ হয়ে গান ধালালো আশা!...চেয়ে থাকে পণ্ডিত মনিষ্যের পানে!...কিন্তু... কই ওর মুখে কোন পরিবর্তনের চিহ্নও নাই!...মুহু হাসিতে ভরে ওঠে পণ্ডিতের মুখ...বলেন...

...সবই রয়েছে কিন্তু একটা জিনিষ নাই—তাহাচ্ছে তোমার মনের—অস্তরের স্পর্শ! পাথর আর কাঠের ঘর্ষণে আগুন জলে এ প্রকৃতির নিয়ম, কিন্তু পাথরের বুকে গাছ জন্মাতে পারে মানুষের অস্তর! ..

...আশাবাদী এর মনে আঘাতই বাজে, তার গানের এমন কড়া সমালোচনা কেউ করতে সাহস করে না!... তবু অতিথি...কোন রকমে সহ করেই গেল। এর পর পণ্ডিতজী আলাপ শুরু করলেন! ..

শুরু হয়ে যায় বসন্তের কোকিল কাকলি—মুখর পরিবেশ কামনার আবেদনময় উচ্ছল পরিবেশ...মুছে গেল ত্যাগের ...মহাঅজ্ঞানার ঘন তমসচ্ছন্ন অতলে। গেয়ে চলেছেন পণ্ডিতজী, আশার মনের দর্প...অহঙ্কারের যবনিকা...পড়তে পড়তে দূর হয়ে যায়! সত্য আবিষ্কার করে সে—দর্প নিয়ে অহঙ্কার নিয়ে গাইতে বসেছিল সে, ছিল কামনার লালসাময় দর্পী রিপূর প্রভাব সারা মনে! জগৎকে সে নস্তাৎ করে কেলেছিল...কিন্তু এ সুর ব্রহ্মের শেব নাই— সীমা নাই! অতল অহঙ্কারের মতই জগতের সমস্ত হিংসা কোত্তকে নিঃশেষ করে আপনার নিঃস্বতাকে মনের বেদীমূলে সাকীতি সার্থকতার দেবতারূপে প্রতিষ্ঠিত করেছে। বিস্মিত দৃষ্টিতে চেয়ে থাকে আশা...হারিয়ে কেলে নিজেকে!...সারা দখলমের ছাদ হতে টাঙ্গান ঝাড় লঠনগুলোর আলো...একে একে নিভে আসে! তমিস্রার শান্ত পরিবেশে আবৃত হয়ে যায় সারা হলটা...সুর তখনও ঘুরে বেড়ায়...পথহারা পাথীর মত!...

চমক ভাদ্রে আশাবাদীর, অহঙ্কারে সুরটা তখনও ঘুরে বেড়াচ্ছে পথহারার মত, তানপুরাহাতে ধ্যানমগ্ন পণ্ডিতজী তখনও স্থির হয়ে বসে রয়েছেন।

...এতদিনের শিক্ষা-সাধনা আজ সবই ভুচ্ছ বোধ হয় আশাবাদীর!...কি সে জানে! কি তার সম্পদ!...পণ্ডিতজীর পায়ের কাছে লুটিয়ে পড়ে!

...মুখ ভুলে চান পণ্ডিতজী...মুখে তার হাসির মধুর আভা। বিতেত্রিয় ব্রহ্মচারী সাধু আজ যেন ওর মনের

সমস্ত না বলা কথাই বুঝতে পারেন! আশ্বাস দেন— “নিজেকে ভুলে যেতে হবে তবেই আসবে সাধনায় সিদ্ধি! এ বড় কঠোর পথ!...ভোগের লালসা এখানে মহাপাপ—!”

পর পর কয়েক রাত্রি কেটে গেল, নীরব নির্জন তাঙ্গের সাত দরওয়াজা পার হয়ে আসে রোজকার মতই ভাস্কর!... খেত পাথরের জাকরির ফাঁক দিয়ে চন্দরের বুকে আলো ছায়ার মায়াজাল রচনা করে আকাশের বিদায়ী চাঁদ, ওপারের বদরবনসীমার কাজল-নয়না মূনী গ্রীবাকণ্ডুয়ন হৃগিত রেখে কান পেতে শোনে কি যেন আকাশে বাতাসে—কিন্তু না—কোন সুররেশ ও নয়! কার বুক দীর্ঘ করে বার হয়ে আসে দীর্ঘশ্বাস। যমূনার কালো জলে...পাণ্ডুর চাঁদের ছায়া দোল খায়, তাঙ্গের উঁচু চন্দর হতে চেয়ে থাকে দিগন্তের পানে—ভাস্কর! সে আজ একা!...এ বনঝাউ এর বুকে বাতাসের হাহাকার তার বুক মাতন তোলে! চাঁদের হাসি আজ তার চোখে যেন সর্বহারার করুণ কায়ামাধান...! তাঙ্গের বুক আজ দেখে না সে কোন প্রণয়ীর কালো চোখে অভিশারের ইসারা!...শুরু জমাট পাষণের বুক তেদ করে কানে আসে কার কায়ার সুর!...চিরবিরহী অশ্রু জল খেতওত্র পাষণ সুরে জমাটে বেঁধে রয়েছে কত যুগ যুগান্ত ধরে।

...আশাবাদী আগেনি কদিনই!...হয়ত ভুলেই গেছে দরিদ্র শিল্পীকে!...তার মনের সাগর কিনারে কত দূর সাগরের চেউএর আনাগোনা!...কে জানে তারা চেউএর লিখনে কোন মিলন কাব্যের অস্ত্র স্বর্গ রচনা করে গেছে!

...বাক্—দূরে সবাই...সৃষ্টির নেশায় সবহারাবার ছঃখ সে ভুলে যাবে!...কিরে আসে শিল্পী নিজের ছোট বাংলোর দিকে! আকাশের চাঁদ ঢলে পড়ে! তাঙ্গের সৃষ্ট-পুয়ীর হয় নবজাগরণ যেন কোন রূপোর কাঠির পরশে! যুঁতাঙ্গা ভোর আসে আগ্রার আকাশে!

...পণ্ডিতজীকে আটকে কেলেছে আশাবাদী! চোখের জল আর মনের অসহায় ক্রন্দন আত্মহারী শিল্পীকে বন্দী করে কেলেছে কোন অজানা বাঁধনে! আশাবাদী সাধনা শুরু করেছে আবার। মনের লালসা কামনার সমস্ত দাবীই আজ নিঃশেষ করে দিয়ে নতুন জীবনের সন্ধানে ব্যস্ত হয়েছে সে!...এও যেন একটা নেশা!

জীবনে ভোগের অহেই জমেছে অনেক কালির ঝাঁচড়

—তার্গের অঙ্কের শূন্যের আজ সে দেখতে চায় কতখানি পূর্ণ করতে পারে! বিলাসিনীর কাছে এও বোধহয় একটা ছুঃখ-বিলাসই। তার আছে রূপ—আছে সম্পদ আছে—স্তাবকের দল...ছুঃখ তার বুকে বাজে না বড় কঠিন ভাবে!

দরিদ্র ভাস্কর প্রায়াক্রকার একটা পাথরের বন্দীশালার মধ্যে অস্পষ্ট আলোয় তুলির আঁচড় মেরে সৃষ্টি করে কোন মহাজীবনের ইঙ্গিত! এ জীবন-তার দারিদ্র্য, রোগ, নিঃস্বতায় ভরপুর!...অতল অন্ধকারের মধ্যে তার জ্যোতির্ময় ছোটো চোখ—যেন সে কোন পিঞ্জরাবদ্ধ ঐগল পাখী, সূর্যের দিকে কপিশ আঁধিতারা মেলে চেয়ে রয়েছে, ...ডানা এবং ঠোঁট পিঞ্জরের গায়ে বারবার আঘাত করে ক্ষত-বিক্ষত রক্তাক্ত হয়ে উঠেছে।...

আজ ভাস্কর অনুভব করে সারা শরীরে তার ব্যাধির করাল গ্রাস—যার অনুমান সে অনেক আগে হতেই করে এসেছিল! এতদিন মনের জোর ছিল—মনের জগতে ছিল সৌন্দর্যের অনুভূতি!...সারা পৃথিবীকে সে ভালোবেসেছিল, ভালোবেসেছিল তার আলোবাতাসমাখা নদী তীর, শ্রামল বনসীমা...নীল অঙ্কনঘন চাহনি পরিণত হয়েছে আজ বাস্তবের রূঢ় আঘাতে...কোন রুজের তৃতীয় নয়নের বহ্নিজ্বালাময় সর্বধ্বংসী দৃষ্টিপাতে!

...আশাবাদী নয়—জীবন হতে আশার আলো তার চলে গেছে! দেখলে আর ভাস্করকে চেনা যায় না, চোখের কোনে জমেছে কালো দাগ। অনাহারে, অত্যধিক পরিশ্রমে জীবনী শক্তিটুকু ক্ষীণ হতে ক্ষীণতর হয়ে আসে। কালো কালীর বুক হতে কোটরাগত চোখ ছোটো জলে झलझল করে কোন অনির্বাণ দীপশিখার মত!...

রাত্রি নামে নীরব যমুনার কূলে, ভরা প্রাণের যমুনা... কলকল ধারায় বাঁধনহারা জলরাশি ছুটে চলেছে কোন সুরের সন্ধানে—তাজের মর্মর স্বপ্ন ধুয়ে মুছে যায় সংখ্যা-হীন তরঙ্গের ঘাত-প্রতিঘাতে, বৃষ্টি-ধৌত বন ঝাউ গাছের বুকে এক ফালি চাঁদের আলোর পরশ বুলিয়ে যায়...ভাস্কর দূর হতে দেখে! ওখানে যাবারও সামর্থ্য সে হারিয়ে ফেলেছে। দূর হতে স্বপ্নরাজ্যের দিকে দূর-প্রদারি দৃষ্টি মেলে চেয়ে থাকে!...

সারা শরীরে একটা অপছন্ন যন্ত্রণা বৃকের ভিতর হতে

ফুলে ওঠে! কি যেন একটা নোনতা আশ্বাদ, হাত দিয়ে অনুভব করে...অস্পষ্ট চাঁদের আলোয় দেখতে পায়... জমাট রক্ত!...

এ যেন কোন এক নতুন স্বপ্নঘেরা দেশ! বসন্তের শ্রামছায়া—ঘন তরুবীথি..., সে জগতের যাত্রা একা আশাবাদী! ভুলে যেতে চায় সে বাইরের পরিবেশ!...

পণ্ডিতজীর দিব্য দৃষ্টি...কিন্তু সন্ধানে পায় ওর মনের অতলের। নতুনকে উপভোগ করবার প্রকৃতি আশাবাদী-এর আছে, কিন্তু চঞ্চলানারীর উদ্দাম উচ্ছলতাকে সে তার সাধনা দিয়ে জয় করতে পারে নি, সেদিন আবার বাস্তব জগতে ফিরে আসবে ওই নারীই তার দৈহিক কামনা—লালসার উন্মাদনায় উন্মাদ হয়ে উঠবেই,...আশাবাদীও হবে সেইটাই চরম পরাজয়, তবু তাই হবে সত্য!...

...‘কাজরী’...বর্ষাররূপে রসবর্ণময় কোন সুরবিলাস!...বিরহিনী নায়িকার ব্যথা জাগে হারাণ প্রিয়ার লাগি... আকাশ সীমা গ্রাস করেছে কাজল মেঘের অস্তরালে কদম্ব-কেশরের পুলকশিহরণ চক্রবাকের বিরহ-ব্যথায় আকুল হয়ে ওঠে!...বিদ্যুতের চকিত চাহনি...ভীক নায়িকার মনের ব্যথাকোণ উজল করে তোলে!...

আলাপ করে চলেছে আশাবাদী, রাগিনীর সার্থক-রূপ হবে বিরহিনী বেদনাবোধেই!...প্রতিটি মনের অনু-পরমাণু হয়ে ওঠে! নিজেকে হারিয়ে ফেলে আশা!...এ কি অনুভূতি...সারা মনের সুপ্ত কামনা লালসা আজ পরিব্যাপ্ত হয়ে পড়ে! জীবনের চাওয়া পাওয়ার হিসাব ভিড় করে দাঁড়ায় মনের পৃষ্ঠায়!...

তানপুরাটা হাত হতে নামিয়ে দেয়! সুরের রেশ স্তিমিত হয়ে গেছে, অস্পষ্ট অন্ধকারে দেখতে পায় পণ্ডিতজী ওর চোখের কামনা মদিরময় চাহনি!

উপবাসী মনের সামনে আজ যারা ভিড় করে দাঁড়ায় তাদের অনেককে চেনে—অনেককে চেনে না আশাবাদী!...মণিশঙ্করের প্রতিভাকে হিংসা করে আশাবাদী, ওরা আঘাত হেনেই বাবে পৃথিবীর সমস্ত কামনাকে...শ্রেষ্ঠত্বের নিরিখে উঠে যাবে সব কিছু হতে সন্তর্পণে নিজেকে দূরে রেখে! কিন্তু কেন—?

রাত্রির অন্ধকার নিবিড় হয়ে আসে! সারা বাড়ীটা মগ্ন

আড়ালে লুকোচুরি খেলে রাতের শিশু চাঁদ!...আশাবাদী-
এর সারা মনে আজ বিদ্রোহের ছয়ছাড়া সুর!...সারা
জীবনকে অঙ্গুলি হেলনে বন্দী করে রাখতে সে চায়
না!...তদ্বীতে তার উছল রক্তশ্রোত...মনের উদ্দাম
কামনার গতিবেগে জীবনতরী ভাসাতে চায়—যেখানে
কুল পায়!

রাত্রি কত জানে না...মণিশঙ্করজীর চঠাৎ ঘুম ভেঙ্গে
যায়...কপোলের কাছে কার উষ্ণ নিঃশ্বাস...কার নিবিড়
স্পর্শে চমকিত হয়ে ওঠেন পণ্ডিতজী!...সরে দাঁড়াল
অন্ধকারের মধ্যে ছায়াময় একটা মূর্তি। মূর্তিটার দুটো
আঁখিতারায় কাল-নাগিনীর মত লালনা-নাখা কুটিল চাহনি!
ঘুণায়—লজ্জায় সরে দাঁড়াল আশাবাদী!

বিস্মিত হয়ে যান পণ্ডিতজী! কল্পনা করেননি তাঁর
সত্যদর্শন এত কঠোর...এত বাস্তব হবে! ঘুণায় শিউরে
ওঠেন তিনি!...

ছিঃ ছিঃ...তোমাকে আমি আমার পুণ্য সাধনার
যাত্রাপথ দেখাতে এসেছিলাম! আমার গুরুদেবের অপমান
করেছো তুমি!...নরকের কীট! সঙ্কীর্ণ জগতে...সাধনার
পথে থাকবার কোন দাবী তোমার নাই!

রাত্রি ভোর হয়ে আসে! পাষণ্ড মূর্তির মত স্থির হয়ে
দাঁড়িয়ে থাকে আশাবাদী!...পণ্ডিতজী চলে গেলেন শেষ
রাত্রেই, এক মুহূর্তও তিনি থাকবেন না এ পাপপুরীতে!

আজ আশাবাদীএর জীবনে এনেছে সব-হারানর
পালা! পণ্ডিতজীকে ভালবেসেছিল কিন্তু সাধন মার্গের
জিতেন্দ্রিয় ব্রহ্মচারীকে সে বাঁধতে চেয়েছিল কামনার সূত্র
দিয়ে, তাই তিনি চলে গেলেন!...আজ আশাবাদী আবার
আগেকার জীবনকে মেনে নিতে চায়, সে বাঁচবে কি
নিয়ে! বার হয়ে পড়ে!

বহুদিন পর আবার সেই অতিপরিচিত পথে চলে
আশাবাদী...মনে তার আশার আলো! ভাস্করের অন্তরের
প্রেমকে সার্থক করতে চায় সে!...

...লালমাটির বৃকে হুইয়ে পড়া বাংলাটার সামনের
গাছগুলো শুকনো হয়ে গেছে, রাত্রি শেষপ্রহর!...ছুটে
গিয়ে ঢোকে আশাবাদী! কেউ কোথাও নাই!...ঘরের
মধ্যে ঢুকেই থমকে দাঁড়ায় আশা! এ কোথায় সে এসেছে!
...সারা শরীরে একটা শিহরণ...ঘন তমিস্রামাখা অতল

অরণ্যানীর মাঝে দেখতে পায় কোন এক নারীমূর্তি!...
খুব চেনা!

এগিয়ে যায়!

...ধীরে ধীরে আবিষ্কার করে সারা পাষণ্ড
প্রাচীরের উপর ভাস্করের নিপুণ তুলি রচনা করেছে কোন
গহন অরণ্যের মায়াজাল, দিনের আলো সেখানে যুগ
যুগান্তরেও প্রবেশ করেনি...ও নারীকে চেনে সে!...
কিন্তু বিস্মিত হয়ে যায়—আজকের আশাবাদী সে নয়!
শিল্পীর সত্য দৃষ্টি আজকে তাকে দেখলে অমুভব করত
নারী কত নীচে নামতে পারে...ও ছবি কোন পুণ্য
প্রেমের জ্যোতিময়ী নারী মূর্তি! শিল্পীর কামনার বহু
উর্দ্ধে!...জাগ্রত জীবনের মহাসত্যকে রূপায়িত করেছে
তারই ছবির মধ্যে ভাস্কর।

...কিন্তু ভাস্কর নাই! জীবনের শেষ রক্তবিন্দু দিয়ে
সে ওই নারীর অধরের রঙ্গীন আঁতা ফুটিয়ে রেখে গেছে,
নিজের আঁখিতারায় অনিবাণ জ্যোতি দিয়ে জ্যোতিময়
করে গেছে ওর চোখ!

দুরন্ত ব্যাধির কবলে আত্মদান করেছে ভাস্কর!
পড়ে আছে তার চিহ্ন!...আশা যেন এ জগতে নাই! চলে
গেছে কোন অজানা জগতে ভাস্করের সন্ধান!

* * *

...দেবকঠ বিশ্বাস করতে পারে না ছায়ামূর্তির কথা!...
সারা মনের অতল হাতড়ে যেন অস্পষ্ট আলোক শিখার
মত মনে পড়ে ভুলে-যাওয়া জীবনের কাহিনীর
সূত্র!

...“কিন্তু তারপর আশাবাদীএর কি হল?” মধুর
হাসিতে ভরিয়ে দেয় অশরীরী অন্ধকার কক্ষতল!...

আশাবাদীএর জীবনের আলো সব নিভে গেল সেই দিন,
যেদিন অমুভব করল সে—গান গাইবার ক্ষমতাও তার
একেবারে নিঃশেষ হয়ে গেছে! বোধহয় ব্রহ্মচারী
পণ্ডিতজীর অভিশাপ তার জীবনে সত্য হয়ে ফুটেই
উঠেছিল! চারিদিকে ঘনিয়ে আসে অন্ধকার আশার
জীবনে, শিল্পী আশা সে জীবনের বোঝা টানবার ক্ষমতা
হারিয়ে ফেলল!

...বর্ষার শেষ...ঘনুনার ওপারের কাশবনে লেগেছে
শুভ্রতার স্পর্শ!...

...তাজের শ্বেতমর্শর বেদীমূল কার বৃকের রক্তে
রাজা হয়ে উঠল!...

আশাবাদী এর প্রাণহীন দেহটা তাজমহলের চত্বরে
আবিষ্কার করে কোতূহলী জনতা...লাল রক্তের ছাপ
পড়েছে জমাট পাষণ বেদীতে, ...আশাবাদী তার জীবনের
শেষ অধ্যায় রক্তের আখরে লিখে রেখে গেছে তাজের
মর্মর প্রাঙ্গণে! ..

অশরীরীর হুচোপ অক্ষসজল হয়ে ওঠে, বলে চলেছে—

কিন্তু মুক্তি আমার হয়নি, তোমার প্রেমের অপমান
করেছি...নিজের জীবনের সমস্ত কামনা তোমার সৃষ্টিকে
ধিরে মূর্ত হয়ে রয়েছে শূন্য লোকে...মুক্তি আমার হয়
নি! জন্মান্তর হতে তোমার গৌরব করে এসেছি!...

...চূপ করে অশরীরী! দিনের আলো ফুটে ওঠে
পূবদিগন্তে...দেবকর্ষ বিছানায় অলসভাবে শুয়ে থাকে! ..

...এ বাড়ীর আবগাওয়াটা অমিয়ার কেমন যেন
ভালো লাগে না, দেবকর্ষর শরীরও ভাল নয়, সে রাত্রে
অচেতন হয়ে যাবার পর হতে কি যেন সর্বদাই চিন্তা করে
সে! শূন্য দৃষ্টিতে চেয়ে থাকে তার দিকে!...ডাক্তারও
পরামর্শ দেন কিছু দিন চেঞ্জে যাবার জন্তে!

...দূরত্বের ব্যবধানে হারিয়ে ফেলে ছুজনে ছুজনকে!
অমিয়া চলে গেছে চেঞ্জে দেবকর্ষকে নিয়ে! শূন্য
বাড়ীটাতে প্রাণহীন আসবাবপত্রের মধ্যে রয়ে গেছে
একটি বহু যুগের প্রতীক্ষামানা প্রাণ!...বিচ্ছেদের
ব্যথায় প্রতিটি রাত্রে নিশীথ প্রহর কার বেগানের সুরে
করণতর হয়ে ওঠে! কার আগমনের পথ চেয়ে
থাকে সে!

...দেবকর্ষর অবচেতন মন অজানা কোন আকর্ষণে
ছন্দহারা হয়ে যায়! অমিয়া লক্ষ্য করে!...প্রতিটি দিনের
প্রতিটি ব্যবহারে অনুভব করে সে—স্বামী তার আরও
দূরে সরে গেছে!...তাদের জীবনের তারে আর মিলনের
সুর বাজে না!...

...সারা মনে কি অস্বস্তি অনুভব করে দেবকর্ষ জানে
না...আশাবাদী—আগ্রার তাজমহল—কল্লোলমুখরা যমুনার
বারিধারা এসবের সঙ্গে কি তার কোনদিন কোন জন্মে
সম্পর্ক ছিল! তবে কেন এই অশান্তি!

...আকাশের উর্ধ্বস্তরের অশরীরী কোন আত্ম আজ

তৃপ্তি লাভ করে!...জীবিত তার প্রিয়তম তাকে স্বরণ
করে—তার জন্তে উদ্বেগব্যাকুল হয়ে ওঠে...এই সামান্ততম
প্রতিদানই তৃপ্ত করে বিদেহী আত্মাকে। তার বন্ধন-
মুক্তির বারতা আসে আকাশের বহু উর্ধ্বে তার আত্মার
বাসস্তরে। আশাবাদী...অতীতের জালা ভুলতে পেরেছে!
মর্ত্যালোকের মানবের সারা মন তার জন্ত ব্যথিত হয়—
এই ত তার পরম পাওয়া! এদের আকর্ষণই তাকে
আবার ফিরিয়ে আনবে মাঝুয়ের জগতে প্রেম-প্ৰীতির
জন্মভূমিতে...তার আত্মার মুক্তি-সাধনতীর্থে।

...চলেছে আশাবাদী এর অশরীরী মুক্ত আত্মা...
নীলাভ জ্যোতির্ময়...স্বচ্ছ আলোক স্তর...চারিদিকে
শ্রামণ স্রবাস!...সৃষ্টির যুর্গিবৈগ সহসা তার পথরুদ্ধ করে
তোলে! দুর্গিবার গতিবেগ নাগিয়ে আনে নীচের দিকে
আত্মার পুনর্জন্মের বিবর্তন পথে। পৃথিবীর বৃকে কার
একটি অন্তরের ভালোবাসা চায় সার্থকতা...সৃষ্টির
আনন্দে আজ আত্মার জ্যোতির্ময় রূপ...নবজন্মের দিকে
এগিয়ে আসে মহামুক্তির সাধন পথে!

...ফিরে এসেছে দেবকর্ষ, সারা মনের ব্যাকুলতা
নিয়ে। ফিরে এসেছে অমিয়া—মনে তার আনন্দের আভা!
নারীত্বের পূর্ণ বিকাশ মহিমায় সে মহিমামিতা!...মা হতে
চলেছে সে!...তাদের নীচ কোন অজানা দেবশিল্পর
কলহাস্তে মুখর হয়ে উঠবে! তাকে নিয়ে জীবনের সব
কিছু পূর্ণ হবে অমিয়ার।

রাত্রি আসে, দেবকর্ষ ব্যাকুলভাবে চেয়ে থাকে কার
আশাপথ! কিন্তু সব নীরব। রাত্রির নীরবতা কোনও
সুরের রেশে ছিন্ন হয় না...নিজেই বসে আজ আলাপ
করতে থাকে...বেহাগ রাগিণী!...তানপুরাটা সাড়া দেয়
দীর্ঘ দিন পর!

...কিন্তু কই, কেউ আসে না!...গভীর রাত্রি, নীচে
নেমে আসে দেবকর্ষ—ছবিখানা তেমনই রয়েছে।
কিন্তু...কেন জানেনা আগেকার সে জ্যোতি বিলুপ্ত হয়ে
গেছে!...অধরের রক্তিমাতা হয়ে এসেছে পাণ্ডুর,
আঁধিতারার আভা বিলুপ্ত হয়ে গেছে!...

...সে নাই! বিদেহী আত্মা আজ মুক্তির সন্ধান
পেয়েছে!...

দিন যায়, ...অমিয়ার সাংসারে এসেছে পূর্ণতার ছায়া! কোন অজানা দেবশক্তির কলহাস্তে মুখর হয়ে ওঠে তাদের শূন্য গৃহাদান!...

...কিন্তু একি!...বিস্মিত হয়ে ওঠে দেবকণ্ঠ! এ যে তার চেনা! কোন অতীত যুগের আশ্রয় আশ্রয়!... সেই মুখ—সেই জ্যোতিভরা চোখ—সেই হাসির আভা! —তবে কি সেই পথহারা এসেছে তাদের গৃহাদানে

দীপশিখার ভীক আলো হাতে করে? অতীতের হারাণ পথের সন্ধান।

...আশা হারিয়ে গেছে অসীম শূন্য লোকের সৃষ্টি-রহস্যের অন্তরালে—এসেছে আলো!

মানুষ তার অতি আপনজনকে ভালবাসে—স্নেহ করে—ঘিরে রাখে প্রেম প্রীতির বন্ধনে—কিন্তু কেন? এর রহস্য চির তমসাবৃতই রয়ে গেছে!

রাশি ফল

জ্যোতি বাচস্পতি

কর্মশাশি

কম্পা যদি আপনার জন্মরাশি হয়, অর্থাৎ যে সময়ে চন্দ্র আকাশে কম্পা নক্ষত্রপুঞ্জ ছিলেন সেই সময়ে যদি আপনার জন্ম হ'য়ে থাকে, তাহ'লে এই রকম ফল হবে—

প্রকৃতি

কর্মশীলতা এবং সব ব্যাপারের ব্যবহারিক উপযোগিতার দিকে লক্ষ্য—এই হচ্ছে আপনার প্রকৃতির মূল মন্ত্র। আপনার জীবনের কথা কিছু আশা আকাঙ্ক্ষা সব জড়িত থাকবে আপনার কর্মের সঙ্গে। কর্মের দ্বারা শ্রেষ্ঠত্ব অর্জন করার ইচ্ছা আপনার মধ্যে খুব বেশী প্রকাশ পাবে।

আপনার মধ্যে ব্যক্তিত্ব প্রবল এবং ইচ্ছাশক্তি বেশ দৃঢ়। বাইরে থেকে আপনার ব্যবহার ও আচরণে সামাজিকতা ও বিনয় ভাব প্রকাশ পেলো, আপনি একটা দূরত্ব রক্ষা করে চলবেন, যাতে ক'রে অনেক সময় আপনাকে বুঝে ওঠা শক্ত হবে।

সব বিষয়ে সাধুতা ও সৌজাত্য ব্যবহার আপনি পছন্দ করেন বটে, কিন্তু যেখানে কূটনীতি না হ'লে কার্যসিদ্ধি অসম্ভব হ'য়ে ওঠে, সেখানে কৌশল প্রয়োগ করতেও মোটেই দ্বিধা করেন না।

নিজের সম্বন্ধে আপনার ধারণা বেশ স্পষ্ট এবং অধিকাংশ ক্ষেত্রে আপনার সম্বন্ধের মধ্যে কোন অস্পষ্টতা বা দোমনা ভাব নেই। ঠিক বার্ষিক না হ'লেও আপনি কম-বেশী আত্ম-কেন্দ্রিক হবেন এবং অপরের সহযোগে কাজ করলেও নিজের বৈশিষ্ট্য বা মতবাদ ছাড়তে চাইবেন না।

আপনি বুদ্ধিমান এবং আপনার মধ্যে মানসিকতা প্রবল হওয়াই সম্ভব। অধ্যয়নের ব্যাপারে লঘু সাহিত্যের চেয়ে বিজ্ঞান দর্শনের গভীর স্তর আপনাকে আকর্ষণ করে বেশী। কিন্তু শিল্পই হোক, বিজ্ঞানই হোক

আর ধনতত্ত্বই হোক, যার কোন ব্যবহারিক উপযোগিতা নাই তার মূল্য আপনার কাছে নিতান্ত কম।

আপনার কর্মধারা অধিকাংশ ক্ষেত্রেই আপনি গভীর চিন্তা ও বিশেষ বিবেচনা ক'রে গ্রহণ করবেন। কাজেই তার উপর আপনার একটা ঐকান্তিক নিষ্ঠা থাকবে যা সহস্র প্রতিকূল অবস্থাতেও বিচলিত হবে না।

আপনি সহজে ক্রুদ্ধ হবেন না, কিন্তু কারো উপর একবার বিরাগ জন্মালে, তাও আপনার মন থেকে সহজে দূর হ'তে চাইবে না। তবে যে মুহূর্তে আপনি বুঝতে পারবেন যে বিরাগের কোন যুক্তিসঙ্গত কারণ নেই, সেই মুহূর্তেই সরলভাবে নিজের ত্রুটি স্বীকার করতে পরাশ্রয় হবেন না। কারো উপর ক্রুদ্ধ হ'লেও হীনভাবে প্রতিশোধ নেওয়ার ইচ্ছা বা শত্রুকে অস্তায়ভাবে ক্ষতিগ্রস্ত করার চেষ্টা আপনি কখনই করবেন না। আপনার নিরোধিতা স্তায়পথকে আশ্রয় ক'রেই অভিব্যক্ত হবে।

আপনি সাধারণতঃ সংযম ও শুচিতার পক্ষপাতী হবেন। আমোদ-প্রমোদ ও ক্রীড়া-কৌতুকে শক্তি অপচয় না ক'রে তাকে দরকারী কাজের জন্ত সঞ্চিত ক'রে রাখতে চাইবেন।

আপনার মধ্যে সংসার-বিরাগী, উদাসীন সন্ন্যাসীর মত মনোভাব কম-বেশী প্রকাশ পেতে পারে, কিন্তু সেক্ষেত্রেও জ্ঞান বা ভক্তির চেয়ে কর্মযোগই আপনার আদর্শ হবে।

বাক্যের দ্বারা অপরকে স্বমতে নিয়ে আসার যোগ্যতা আপনার যথেষ্ট পরিমাণে আছে, কিন্তু এর অপব্যবহার সম্বন্ধে সতর্ক না থাকলে আপনার বাগ্মিতা নেহাৎ বাক্‌চাতুর্ঘ্য বা বাচালতার পরিণত হ'তে পারে।

নিজের জন্তই হোক পরের জন্তই হোক, কোন না কোন কাজে মনকে ব্যাপৃত রাখা আপনার পক্ষে একান্ত আবশ্যিক। কর্মহীন অঙ্গ

জীবন আপনার পক্ষে একটা অভিশাপ। কর্মহীনতা আপনার মানসিক ও নৈতিক উন্নতির অন্তরায় তো বটেই, তা আপনার দৈহিক স্বাস্থ্যের পক্ষেও হানিকর।

অর্থভাগ্য

আর্থিক ব্যাপারে সাধারণতঃ আপনি হিসাবী ও সাবধানী হ'লেও প্রথম জীবনে অর্থ উপার্জনের ব্যাপারে কম-বেশী ঝগড়া উপস্থিত হবে। উপার্জনের জন্তু আপনাকে যথেষ্ট পরিশ্রম করতে হবে। নিজের বুদ্ধি কোশলেই হোক, সরকারী কোন বিভাগে উচ্চপদ লাভ ক'রেই হোক, অথবা দালালী ঠিকাদারী ইত্যাদি কিম্বা জনসাধারণের সঙ্গে সংশ্লিষ্ট কোন কাজের দ্বারাই হোক, জীবনের শেষার্ধ্বে আপনার আর্থিক অবস্থা সচ্ছল হ'য়ে উঠতে পারে, কিন্তু তবু এ আশঙ্কা আছে যে, আপনি দীর্ঘকাল কঠোর পরিশ্রমে যা অর্জন করবেন, নিজের বিবেচনার দোষে তা নষ্ট করে ফেলতে পারেন। উপার্জনের জন্তু আপনাকে মধ্যে মধ্যে ভ্রমণ করতে হবে, কিম্বা ভ্রমণের সময় উপার্জন বা প্রাপ্তি হ'তে পারে।

উত্তরাধিকার সূত্রে আপনার কিছু প্রাপ্তি সম্ভব হ'তে পারে কিন্তু তা পেতে বাধাবিঘ্ন বা বিলম্ব হওয়া সম্ভব। তা নিয়ে কোন রকম মামলা মোকদ্দমা হওয়াও অসম্ভব নয়।

কর্মজীবন

কর্মজীবনে আপনাকে নিজের গুণপনা ও কর্মশক্তির উপরই নির্ভর করতে হবে বেশী। কদাচিৎ কখনও কোন বিদেশী বা ভিন্নধর্মী মুকব্বির সাহায্য পেতে পারেন কিন্তু সে সাহায্য অধিকাংশ ক্ষেত্রে হবে স্বার্থ-প্রণোদিত ও অস্থায়ী। কাজেই তার উপর নির্ভর করলে হতাশ হ'তে হবে।

যাকে বলে অন্তিমের জন্তু যুদ্ধ, তা আপনার প্রথম জীবনে প্রকট হবে। কিন্তু অনেক আশান্ত্র ও ঠাণ্ডা বা কষ্টকর পরিশ্রমের পর শেষ পর্যন্ত আপনি জয়ী হবার আশা করতে পারেন। ঐধর্মের সঙ্গে অপেক্ষা করতে শেখা আপনার উচিত। এ কথা মনে রাখবেন যে, সফলতার জন্তু আপনাকে একমাত্র নিজের উপরই নির্ভর করতে হবে। কার্য-সিদ্ধির জন্তু অনেক সময় হয়তো স্বাস্থ্য ও জীবনের পক্ষে বিপজ্জনক অবস্থার মধ্য দিয়েও অগ্রসর হ'তে হবে। কিন্তু যদি বিপদকে ভয় না করেন এবং কঠোর পরিশ্রম করতে কাতর না হন, তাহ'লে কর্মজীবনে যথেষ্ট প্রতিষ্ঠা অর্জন করতে পারবেন, সে বিষয়ে সন্দেহ নেই।

আপনার সেই সব কাজ ভাল লাগবে, যাতে সাধারণকে শিক্ষা অথবা আনন্দ দেওয়া যায়। সুতরাং সাহিত্য শিক্ষা বিজ্ঞান ইত্যাদির সঙ্গে সংশ্লিষ্ট কর্মের দিকে আপনার স্বাভাবিক আকর্ষণ দেখা যেতে পারে। সাংবাদিক সাহিত্যিক আইনজ্ঞ চিকিৎসক প্রভৃতি কাজের যোগ্যতা যেমন আপনার আছে, তেমনি অভিনেতা সঙ্গীতজ্ঞ নাট্য-পরিচালক প্রভৃতি কাজের যোগ্যতাও আপনার মধ্যে আছে। যেখানে বহুজনের সংস্রব আছে এবং বহু ব্যক্তিকে পরিচালনা করা প্রয়োজন হয় সেই সব

কাজে আপনার যোগ্যতা প্রকাশ পাবে কিন্তু বহুজনের সংস্রবে কর্ম করলেও, আপনি সেইখানেই বেশী যোগ্যতার পরিচয় দিতে পারবেন, যেখানে সকলে আপনার শ্রেষ্ঠত্ব স্বীকার করবে। চাকরী প্রোফেশান এবং ব্যবসা যাই-আপনি করুন, আপনার লক্ষ্য থাকবে প্রাধান্তের দিকে; কিন্তু প্রাধান্ত পেতে হ'লে আপনাকে অক্লান্ত পরিশ্রম করতে হবে।

মনে রাখবেন বহুরাশি কর্মযোগের রাশি। যদি স্বার্থের দিকে লক্ষ্য না করে শুধু কাজের জন্তেই কাজ করে যেতে পারেন তাহ'লেই আপনি আনন্দ পাবেন বেশী।

পারিবারিক

আত্মীয় স্বজনের দ্বারা উপকারের চেয়ে ক্ষতির আশঙ্কাই আপনার বেশী, তা সে আত্মীয় দু'রেই হোক, আর নিকটই হোক। ভ্রাতা ভগ্নী বহু হ'তে পারে কিন্তু ভ্রাতা ভগ্নীর জন্তু অর্থব্যয় বা পারিবারিক ঝগড়াটের আশঙ্কা আছে। ভ্রাতা ভগ্নীর কোন গুপ্ত ব্যাপার নিয়ে বিশেষতঃ তাদের মধ্যে কারো দাম্পত্য জীবনের ব্যাপারে কোনরকম কেলেঙ্কারী বা লোকসমাজে অপবাদ হওয়াও বিচিত্র নয়। মোটকথা ভ্রাতা ভগ্নী বা আত্মীয় স্বজনের দ্বারা আপনার পারিবারিক স্বাচ্ছন্দ্যের কম-বেশী বিঘ্ন ঘটবে।

গৃহ ভূমি বা বাসস্থানের ব্যাপার নিয়ে কম-বেশী ঝগড়া আপনাকে পোহাতে হবে এবং মধ্যে মধ্যে গৃহ-স্থলের অভাব বিশেষভাবে অনুভব করবেন। পারিবারিক স্থলের সমস্ত উপকরণ বর্তমান থাকলেও অনেক সময় আপনার পারিবারিক স্বাচ্ছন্দ্যের অভাব ঘটবে।

আপনার বহু সন্তান হওয়াই সম্ভব। সন্তানের ব্যাপারে ব্যয়বাহুল্য ঘটবে এবং সন্তানের কর্ম-জীবন বা সাক্ষ্য সম্বন্ধে কম-বেশী চিন্তা উপস্থিত হ'তে পারে। কোন জামাতা বা পুত্রবধুর উচ্চস্থান থেকে পতন, রক্তপাত, জলভয় প্রভৃতি দুর্ঘটনা ঘটানোর আশঙ্কা আছে। তা ছাড়া তাদের জন্তু কোন রকম আশান্ত্র বা মনোকষ্ট হওয়াও সম্ভব।

বিবাহ

বিবাহের ব্যাপারে আপনার কোনরকম আশান্ত্র বা অপবাদ হওয়ার আশঙ্কা আছে। আপনি স্ত্রীর (বা স্বামীর) সম্বন্ধে সম্পূর্ণ উদাসীন হ'য়ে উঠতে পারেন এবং মধ্যে মধ্যে তাঁর সঙ্গে বিচ্ছিন্ন হ'য়ে থাকারও অসম্ভব নয়। আপনার দাম্পত্য-ব্যাপার সাধারণের সমালোচনার বিষয় হ'তে পারে এবং পারিবারিক কারণে অথবা কর্মানুরক্তির জন্তু আপনার দাম্পত্য স্থলের বিঘ্ন ঘটবে। যদি এমন কারো সঙ্গে আপনার বিবাহ হয় যার জন্মমাস জ্যেষ্ঠ, আশ্বিন, অগ্রহায়ণ অথবা মাঘ, জ্যৈষ্ঠি শুক্লপক্ষের প্রতিপদে অথবা কৃষ্ণপক্ষের অষ্টমী, তাহ'লে তার সঙ্গে আপনার সঙ্গে মনের মিল হবে বটে কিন্তু তৎসম্বন্ধে আবেষ্টনের চাপে অনেক সময় দাম্পত্য স্থলে বিঘ্ন ঘটবে।

বন্ধুত্ব

বন্ধুত্বের ব্যাপারে আপনাকে ভাগ্যশালী বলা চলে না। অনেক লোকের সঙ্গে পরিচয় হবে, কিন্তু প্রকৃত বন্ধু পাবেন খুব কমই।

যদিই ভাগ্যক্রমে কোন বন্ধুলাভ হয়, অবস্থাগতিকে অল্পদিনের মধ্যেই তার কাছ থেকে বিচ্ছিন্ন হ'তে হবে। মোট কথা বন্ধুত্বের ব্যাপারে কম-বেশী আশাভঙ্গের দুঃখ হচ্ছে আপনার অদৃষ্টলিপি। যাঁদের জন্ম-মাস জ্যৈষ্ঠ আশ্বিন বা মাঘ কিংবা যাঁদের জন্মতিথি শুক্লাপ্রতিপদ কি কৃষ্ণা অষ্টমী তাঁদের সঙ্গে আপনার ঘনিষ্ঠ বন্ধুত্ব হ'তে পারে—

আপনার অশুচর পরিচরের সংখ্যা অনেক হবে। তারা আপনার অশুভও হবে এবং আপনার উপর তাদের একটা খ্রীতির আকর্ষণও থাকবে। কিন্তু তৎসঙ্গেও তাদের জন্তু আপনাকে কম-বেশী ঝগড়াট আশান্তি ও মনোকষ্ট ভোগ করতে হবে।

আপনার গুপ্ত শত্রু অনেক থাকবে। বিশেষতঃ ধনিক ও বণিক সম্প্রদায়ের মধ্যে এমন অনেক ব্যক্তি থাকবে যারা মুখে সৌজন্য দেপালেও ভিতরে ভিতরে আপনার ক্ষতির চেষ্টা করবে। সে রকম লোকের কথার উপর নির্ভর করে কাজ করতে গেলে অনেক সময় আপনাকে বিপন্ন হ'তে হবে।

স্বাস্থ্য

স্বাস্থ্যের দিকে আপনার বিশেষ লক্ষ্য রাখা উচিত। শৈশবে ও বাল্যে আপনাকে অনেকবার দেহকষ্ট ভোগ করতে হবে। আপনার দেহের মধ্যে পাকস্থলী, যকৃৎ, অস্ত্র এবং পায়ের নিম্নাংশ এই সকল যন্ত্রগুলি দুর্বল, হুতরাং অল্প অজীর্ণ, আনাশয় অত্রকৃত, অত্রবৃদ্ধি, পায়ের ধমনী ক্ষীতি প্রভৃতি রোগ সম্বন্ধে সতর্কতা আবশ্যিক। পথ্যের দিকে আপনার বিশেষ লক্ষ্য রাখা উচিত। আপনার দেহ চায় পুষ্টিকর অথচ লঘুপাক পাশ। বেশী তীক্ষ্ণ মশলাযুক্ত খাদ্য আপনার বর্জন করাই ভাল। আপনার দেহে ভিটামিনের অভাবজনিত গীড়া এবং দূষিত পরার্থ নিঃসরণ না হওয়ার জন্তু ব্যাধির আশঙ্কা আছে—হুতরাং লক্ষ্য রাখবেন যে খাচ্ছে যেন যথেষ্ট ভিটামিন থাকে এবং জল যেম কম খাওয়া না হয়। কোন রকম মাদকদ্রব্য এবং তীক্ষ্ণ বিষ ঔষধাদি ব্যবহার না করাই ভাল। মুক্ত হাওয়ার পনচারণা আপনার স্বাস্থ্যের পক্ষে অমুকুল। কিছু না কিছু শারীরিক পরিশ্রম এবং আহার বিহারে নিয়মানুবর্তিতা আপনার স্বাস্থ্যের পক্ষে একান্ত প্রয়োজন।

অন্ত্যাত্ত ব্যাপার

আপনাকে মধ্যে মধ্যে ভ্রমণ করতে হবে। কোন কোন সময় নিজের অনিচ্ছা সত্ত্বেও বাধ্য হ'য়ে দূর দেশে যেতে হবে, হয়ত নিজের ভাগ্য পরীক্ষার জন্তু, হয়তো বা কারো কোনও দায়িত্বপূর্ণ বা গোপনীয় কর্মের ভার নিয়ে। সে যাই হোক ভ্রমণ আপনাকে করতে হবেই। বিদেশে বা কোন দূর দেশে কোন বিপজ্জনক কাজে আত্মনিয়োগ করার জন্তু আপনি খ্যাতি বা প্রতিষ্ঠা অর্জন করতে পারেন।

স্মরণীয় ঘটনা

আপনার ১২, ২৪, ৩৬, ৪৮ প্রভৃতি বর্ষগুলিতে নিজের বা কোন আত্মীয়ের সংগ্রবে কষ্টকর অভিজ্ঞতা হ'তে পারে। ৩, ৬, ১৫, ১৮, ২৭, ৩০, ৩৯, ৪১, ৫১, ৫৪ প্রভৃতি বর্ষগুলিতে কোন উল্লেখযোগ্য শুভ ঘটনা ঘটা সম্ভব।

বর্ণ

আপনার খ্রীতিপদ ও সৌভাগ্যবর্ধক বর্ণ হচ্ছে ধূসর, কমলা রঙ, মধুপিঙ্গল (Brown) প্রভৃতি। তা ছাড়া পালিশ করা ধাতুর চক্চকে রঙের মত সব রকম রঙ বিশেষ করে নিকেল, Platinum রূপা প্রভৃতির রঙ আপনার উপযোগী। দেহমনের অস্থস্থ অবস্থায় কিন্তু বেগুনে রঙ ব্যবহারে উপকার পাবেন।

রত্ন

আপনার ধারণের উপযোগী রত্ন গোমেদ, গোল্ড স্টোন (Gold stone) অ্যাংবার (amber) প্রভৃতি।

যে সকল প্যাতনামা ব্যক্তি এ রাশিতে জন্মেছেন তাঁদের জনকয়েকের নাম—খামী বিবেকানন্দ, নেতাজী সুভাষচন্দ্র, আলেকজান্ডার দি গ্রেট, সম্রাট সম্ভ্রম এডোয়ার্ড, সম্রাট পঞ্চম জর্জ, ম্যানাম ব্রিভিঞ্জি, হরনাথ ঠাকুর, প্রসিদ্ধ সিনেমা অভিনেত্রী গ্রেটাগার্বো, প্রসিদ্ধ সিনেমা পরিচালক ডি ডবলিও গ্লিফিট্, প্রসিদ্ধ লেখক ও সিনেমা পরিচালক খ্রীপ্রেমেন মিত্র, রাসবিহারী ঘোষ, প্রসিদ্ধ ভাষাতত্ত্ববিদ হরনাথ দে, প্রসিদ্ধ লেখক অক্ষয়কুমার দত্ত।

আজি এই মায়ারাতি

শ্রীআশুতোষ সান্যাল

আজি এই মায়ারাতি সকল হৃদয়
তীব্র মাদকের মত উতল উন্মাদ
করিছে আমার! শুধু যেন মনে হয়
রূপের পশরা নিয়ে ধরিয়াছে ফাঁদ
অনন্ত লাবণ্যময়ী এ বিশ্ব প্রকৃতি
ত্রিদিব স্থলিত পরি' জোছনা-অশ্রু
নিভূতে আমারে পেয়ে! কত মধুস্বতি,

কত গীতি, কত প্রীতি আজি এ অস্তর
করি' তোলে উতলিত বিধুর ব্যাকুল!
হে প্রকৃতি, হে সুন্দরা, হে প্রেমসী মোর,
চাঁদিনীর টিপ পরি, এলাইয়া চুল—
আমারে ভূলাতে কেন এ প্রয়াস তোর?
নিশি শেষে যাবে টুটে এ প্রেম-বন্ধন—
তাই ভেবে প্রাণ মোর করিছে ক্রন্দন!

সেইসেই

নারায়ণ গাঙ্গোপাধ্যায়



পনেরো

সভাটা বসল কিষাণ সমিতির অফিসের সামনে।

এত লোক হবে আশা করা যায়নি—নগেন ডাক্তারের যোগ্যতা আছে দেখা যাচ্ছে। কখনো সাইকেলে চড়ে আবার কখনো বা সাইকেলটাকে কাঁধে চাপিয়ে চষে বেড়িয়েছে গ্রামের পর গ্রাম। পালগ্রামের সাঁওতালেরা এসেছে, এসেছে কালা-পুখরীর গুঁরাগুঁয়ের দল, আর এসেছে সাধারণ কৃষক। তাদের ভেতরে বড় কৃষাণ আছে, বর্গাদার। জ্যোতদারেরা আসেনি—খবর দিলেও তারা আসত না।

নগেনই প্রস্তাব করল।

—আজকের এই সভায় সভাপতি হবেন কালা পুখরীর সনাতন মণ্ডল।

সনাতন হকচকিয়ে গেল। দু হাত জোড় করে বললে, ডাক্তার ভাই, আমি—

রঞ্জন বললে—আমি এই প্রস্তাব সমর্থন করি।

আশ্রয়ের আশায় দু চারবার এদিক ওদিক তাকালো সনাতন : কিন্তু আমি—

আর কিছু তাকে বলতে দেওয়া হল না। তাকে হাত ধরে বেঞ্চিতে বসিয়ে দিলে নগেন। আনন্দিত করতালির ধ্বনি উঠল চারদিকে।

—কিষাণ সমিতি কি জয়—

—ইন্ কিলাব জিন্দাবাদ—

এক হাজার মানুষের গলা থেকে প্রতিশ্রুতি ছড়ালো আকাশে। এক হাজার মানুষ। এক হাজার চওড়া বুক—দু হাজার লোহায় গড়া কঠিন পেশী। দু হাজার চোখে উজ্জল প্রাণের অগ্নি।

নগেন বললে, ভাই সব, অনেক দূর দূর থেকে আপনারা সবাই এসেছেন। তাই আপনাদের সকলকে একটু তাড়া-তাড়িই ছেড়ে দিতে হবে—নইলে ফিরতে রাত হয়ে যাবে। দিন কাল খারাপ, মাঠে আজকাল খুব সাপের উৎপাত

হচ্ছে। সেই জন্তে আমরা এখন সভার কাজ আরম্ভ করব। আর আজকের সভার উদ্দেশ্য আপনাদের ভালো করে বুঝিয়ে বলবেন আমাদের রঞ্জনদা।

রঞ্জন উঠে দাঁড়াল। নিজেকে কেমন বিরত, কেমন অপরাধী বলে মনে হচ্ছে। বক্তৃতা দেবার অভ্যাস তার আছে, জেল থেকে বেরুবার পর কিছুদিন তাকে এখানে ওখানে বক্তৃতা দিয়ে বেড়াতেও হয়েছে। কিন্তু সে বক্তৃতা পোষাকী, তার রূপ সাজানো-গোছানো, আলংকারিক। সেখানে ব্যক্তির সঙ্গে ইমোশনের মিশ্রণ, তথ্যের সঙ্গে তির্যক ব্যঙ্গের বিস্তার, ভাষার অলঙ্করণে ধ্বনির কুহক-বিস্তার। কিন্তু এতো তা নয়। হাজার মানুষের চোখ তীক্ষ্ণ উজ্জল প্রশ্ন নিয়ে তার দিকে তাকিয়ে আছে। স্পষ্ট উত্তর চায় তারা—চায় জীবন-মরণ সমস্যার অকুণ্ঠ সমালোচনা। এখানে রাজনীতির ব্যসন নয়, কথার কারু-শিল্প নয়—যুগকালের ছিন্ন জটা থেকে ক্রোধরূপী পুরুষের আগ্নেয় আবির্ভাব ঘটেছে তাদের মধ্যে : হয় পথ দেখাও, নইলে পথ থেকে সরে যাও। জন-জগন্নাথের রথযাত্রা শুরু হয়ে গেছে—দড়ি যদি টানতে না পারো, গুঁড়িয়ে যেতে হবে রথের তলায়।

অনধিকারী। অনধিকারী বই কি। এদের মন তার নয়—সে মন আয়ত্ত করে নিতে হচ্ছে। কিন্তু সে কি সহজ কাজ? কত সংশয়—কত সংস্কার। মানসিক আভিজাত্য—ব্যক্তিস্বাতন্ত্র্যের অহমিকা পথ জুড়ে দাঁড়িয়ে আছে পর্বত প্রাকারের মতো। শ্রেণীচ্যুতি! এক নিঃশ্বাসে বলবার মতো সহজ কথা, কিন্তু প্রয়োগ ক্ষেত্রে? বংশক্রমের অলঙ্ক্য শৃঙ্খল চিন্তাকে সরীসৃপ গ্রস্থিতায় জড়িয়ে রাখে, শূন্যনির্ভর সংস্কৃতির অহঙ্কার দ্বিধার পরে বিধা আনে। তবু—

তবু চেষ্টা করতেই হবে। যতটা পারি—যতখানি সম্ভব। চেষ্টায় ফাঁক না থাকে, ফাঁকি না থাকে আন্তরিকতায়। আগামী দিনের ইতিহাসের কাছে আমাদের স্বপক্ষে এই তো দলিল।

রঞ্জন বললে আপনারা সবাই জানেন, নদীর বন্যায়

কালী পুথুরি অঞ্চলের হাজার হাজার বিঘে ধানী জমি প্রতি বছর কী ভাবে বরবাদ হয়ে যায়। আর জমিদারের কিছু জলকর বাঁচাবার জন্তে নষ্ট হয় হাজার লোকের মুখের গ্রাস। তাই এবার বর্ষা নামবার আগেই বাঁধ দেওয়া হবে কালী পুথুরির দাঁড়ায়। কিন্তু তাতে জমিদারের বাধা। এই বাধা সয়ে এমন করে কিছুতেই আপনারা মরতে পারেন না। এবার ক্রমে দাঁড়াতে হবে আপনাদের—সকলে হাতে হাত মিলিয়ে বাঁধ বাঁধতে হবে। হয়তো জমিদারের লাঠিয়াল আসবে—পুলিসও আসতে পারে। কিন্তু সেই জন্তে আপনারা পিছিয়ে যাবেন কিনা সে বিচারের ভার আপনাদেরই ওপর।

—জান কবুল—উগ্র চীৎকার উঠল একটা।

—হামর অ্যাক্টা কথা বলিবার আছে—একজন দাঁড়িয়ে উঠল।

—বসি যাও হে বসি যাও। ভূমি আবার খামাখা ঝামেলা লাগাইলেন ক্যানে হে?—

কয়েকজন তাড়া দিলে।

সভাটার ওপরে একখানা হাত বাড়িয়ে দিলে রঞ্জন।

—না, না, চুপ করুন আপনারা। সকলের কথাই শুনতে হবে আপনাদের। বলুন, কী বলবেন আপনি?

যে দাঁড়িয়েছিল, সে একজন মাঝ-বয়সী কৃষাণ। এক সময়ে অতিকায় একটা কাঠামো ছিল, হয় তো অমানুষিক শক্তিও ছিল গায়ে। কিন্তু অর্ধাহারে আর ঋণের বোঝায় পিঠ কুঁজো হয়ে গেছে, চাপা চওড়া কপালের তলায় চোখ দুটো গভীর গভীর আড়ালে গিয়ে লুকিয়েছে। একটা শক্ত অনিশ্চয় দৃষ্টি চারদিকে বুলিয়ে নিয়ে বললে, হামি কহিতেছি, কালী-পুথুরিতে ঝামেলা হচ্ছে তো হচ্ছে। সেইটা লিয়া ওইখানকার মানসিলাই (মানুষ-গুলোই) লড়িবে। হামরা ক্যানে বুটমুট ওইঠে যাই ক্যাচাঙে পড়িমু।

—ইটা একদম বাজে কথা হচ্ছে—একজন প্রতিবাদ করল ভীত গলায়।

—না, বাজে কথা নয়—রঞ্জন আবার হাত বাড়িয়ে দিলে সভার দিকে : এরকম কথা আপনাদের সকলেরই মনে উঠতে পারে, আর তা ওঠাও উচিত। সত্যিই তো, কালের জন্তে কেন আপনারা লড়তে যাবেন? কেন

আপনারা পড়তে যাবেন জমিদারের কোপে? বিশেষ করে যে কালী-পুথুরিতে আপনাদের কোনো স্বার্থই নেই? ঠিক কথা। সোজাসুজি ভাবতে গেলে এমনিই মনে হওয়া উচিত। কিন্তু তাই সব, আজ দিন বদলে গেছে। আজ ছনিয়ার সব ছুঃখী মানুষকে পাশাপাশি দাঁড়াতে হবে নিজেদের পাওনা-গণ্ডা বুঝে নেবার জন্তে। যতদিন আপনারা ফারাক হয়ে ছিলেন, ততদিন আপনাদের ক্ষেতের ফসল লুটে নিয়েছে জমিদার, ঘর বাড়ি গোরু-হাল নীলামে তুলেছে মহাজন। আজ যে যেখানে আছেন যদি এক কাট্টা হয়ে দাঁড়ান তা হলে দেখবেন ছদিনেই সব জুলুমবাজী বন্ধ হয়ে গেছে। রামের স্বার্থ রাখবার জন্তে যদি রহিম দাঁড়ায়, আলিকে বাঁচাবার জন্তে যদি যত্ন চুটে যায়—তা হলে সবাই বুঝতে পারবে তামাম পৃথিবীর ভুখা মানুষেরা আজ একদলে। কেউ আর তাদের ঘাঁটাতে সাহস করবে না। আজ আপনারা যদি কালী-পুথুরিতে বাঁধ দেবার জন্তে এগিয়ে যান, তা হলে কাল জয়গড়ে আপনাদের ফসল বাঁচাবার জন্তে যে কালী পুথুরির মানুষগুলোই চুটে আসবে এ কথা কেন আপনারা বুঝতে পারছেন না?

—আলবৎ! বুঝি হামরা।

—কালী পুথুরির মানসিলার সাথ্ হামরা একদল।

—এক কাট্টা হই হামাদের বাঁধ গড়িবা হেবে!

—কিষণ সমিতি জিন্দাবাদ!

রঞ্জন সভার দিকে তাকালো। হাজার মানুষ নয়—ক্রোধ-সমুদ্র। তরঙ্গের পর তরঙ্গ তুলে আসছে। ভেঙে দেবে—গুঁড়িয়ে দেবে, ধবসিয়ে দেবে বালির বনিয়াদে গড়া শিব-মহলের স্বপ্নকে। সেই তরঙ্গের মুখে সে নিজেও টিকে থাকতে পারবে তো? দাঁড়িয়ে থাকতে পারবে তো তার মানসিক আভিজাত্যের খুঁটিতে? এই তরঙ্গের মুখে সেও কি এগিয়ে যেতে পারবে না, নিশ্চিহ্ন হয়ে যাবে ক্রোধ-বন্যার এই বিপুল উৎক্ষেপে?

সংশয়-শক্তিত মন যেন শুক হয়ে দাঁড়ালো আচমকা ধমকে দাঁড়ালো হুৎস্পন্দন। রক্ত নাড়ীতে গুর, গুর, করে ঝোড়ো মেঘের ডাক। তারপর—তারপর?

নগেন বললে, এতেই হবে রঞ্জনদা। এবার তুমি বোসো, বাকাটা আমি শেষ করে দিই।

* * * *

অয়গড়ে নগেন ডাক্তারের ঘরে বসেছিল তিনজন।

বাইরে জ্যোৎস্না উঠেছে—গুরু রাত। মহরা বনের পাতার পাতার রূপালি জরির মতো ঝকঝক করছে জ্যোৎস্না—দোলা খেয়ে যাচ্ছে হাওয়ায় হাওয়ায়। টাঙ্গন নদীর জলটা যেন শাদা হয়ে আছে একরাশ ছুধের মতো। একটা মোড়ার ওপর বসে সেদিকে তাকিয়ে অশ্রুমনস্ক হয়ে ছিল উত্তমা। রজনৈর বেশ লাগছিল শ্রামাদী বাস্তবতা মেয়েটির এই তন্ময়তাটুকু। মাটি কোপায়, পোষ্টার লেখে, মেয়েদের অড়ো করে আনে, পুরুষের মতো উঁচু গলায় চোঁচিয়ে হেসে ওঠে। মনাক্রান্ত হলে নয়, ভূজঙ্গ-প্রস্রাতের গলিতবিস্তার নয়—অহুঁপের মতো কঠিন ঋজুতা। তবু হলে হলেই। তারও রেশ আছে, তারও ব্যঞ্জনা আছে, তারও কথার কথার হরিণীপুতার ঝঙ্কার বেজে ওঠে। এই মুহূর্তে আত্মমগ্ন উত্তমাকে দেখে এই কথাই রজনৈর মনে দোলা দিয়ে যাচ্ছিল, ঝল্কে উঠছিল বাইরের ঝলক-লাগা মহরা পাতার মতো।

কিন্তু গগুময় নগেন এক টিপ নশ্র টানল।

—মিটিংটা কিন্তু খুব ভালো হয়েছে রজন দা।

—চমৎকার। এত ভালো হবে আশা করিনি।

—তোমার কী মনে হয়? ওই বাঁধটাকে নিয়েই একটা জোরদার লড়াই আমরা গড়ে তুলতে পারব?— উৎসুক জিজ্ঞাসুভাবে নগেন রজনৈর দিকে তাকালো, চোখ দুটো চকচক করে উঠল তার।

—তাই তো মনে হচ্ছে।

আবার এক টিপ নশ্র নিয়ে বেশ শব্দ করে টানল নগেন।

—আনো রজনদা, এই আমাদের প্রথম শক্তিপরীক্ষা। এতদিন ধরে যে সব কথা আমরা ওদের বুঝিয়েছি, যে ভাবে ওদের চালাতে চেয়েছি, তা কতটা সফল হবে, এরই ওপরে তার বাচাই। যদি লড়াই জিততে পারি—মেনে রেখো এ তর্জাটে কাউকে আর দাঁত কোঁটাতে হবে না। আর যদি হারি, তাতেও দমবার কিছু নেই। এক পা পিছু হটে গেলে পালটা দশ পা এগিয়ে যাবার খোর আমরা পাব। কী বলিস উত্তমা?

ঘোর লাল চোখ মেলে উত্তমা একবার কিরে তাকালো। কথা বললে না, শুধু মাথা নেড়ে নিজের

সমর্থনটা জানিয়ে দিলে। তার মন এখানে নয়—আরো কিছু সে ভাবে, আবিষ্ট হয়ে গেছে মহরা বন আর টাঙ্গন নদীর দিকে তাকিয়ে। অহুঁপের ঋত-দীপ্তির ওপর মনাক্রান্তার মেঘ নেমেছে কোথাও।

রজন বললে, কিন্তু একটা খবর শুনেছ তো? পালন-নগরের শাহ কিন্তু মুসলিম-লীগ গড়বার অস্ত্রে উঠে পড়ে লেগেছেন। মুসলমানদের সরিয়ে নেবেন তোমাদের আন্দোলন থেকে।

—মুসলিম-লীগ গড়তে চান গড়ুন। মুসলমানের স্বার্থের কথাও তিনি জাবুন। কিন্তু সকলের স্বার্থ নিয়েই যেখানে লড়াই, সেখানে কতদিন তিনি মুসলমানকে আলাদা করে সরিয়ে রাখতে পারবেন? সাজা ইমান বার আছে, আজ হোক কাল হোক ছুটে সে আসবেই। তার প্রমাণ আলিমুদ্দিন মাস্টার। সেদিন সত্য কী কাণ্ড হয়ে গেছে শোনোনি বুঝি?

—শুনেছি। আলিমুদ্দিন খাঁটি লোক—সত্যিকারের আজাদ পাকিস্তানের কথাই তিনি ভেবেছেন। তাই সেদিনের সত্য তিনি শাহর মুখোস খুলে ফেলেছেন। তা নিয়ে খুব গণ্ডগোলও চলছে। কিন্তু সেইজন্তে তুমি একথা মনে কোরোনা যে তিনি তোমারই দলে এগিয়ে আসবেন। তিনি সোশ্যালিজমে বিশ্বাস করেন—এ আমার কখনো মনে হয় না।

—কী করে জানলে?—তর্ক করার উৎসাহে নগেন উদীপ্ত হয়ে উঠল: দেশের মানুষকে যিনি ভালোবাসেন; তাদের মজল যিনি করতে চান, তিনি একদিন না একদিন আমাদের সঙ্গে এক লক্ষ্যে এসে মিলবেনই। হয়তো সেদিন আমাদের সকলের আগেই তাঁকে আমরা দেখতে পাবো।

—বেশ তো, আশা করতে থাকো—রজন টিপনি কাটল।

নগেন উত্তেজনার সঙ্গে কী বলতে যাচ্ছিল, এমন সময় বাইরে থেকে ভারী গলায় ডাক এল: উত্তমা!—উত্তমা আর নগেন একই সঙ্গে চমকে উঠল। মোড়া ছেড়ে দাঁড়িয়ে উঠল উত্তমা।

—নগেন নেই বাড়িতে?—আবার ডাক শোনা গেল।

—আমার সেই জ্যাঠামশাই—সেই জ্যাঠামশাই।—বিসা

কিসু করে বলেই নগেন সাড়া দিলে : আহি জ্যাঠামশাই, আসুন এ ঘরে ।

একটা চটির শব্দ উঠে আসতে লাগল ঘরের দিকে । নগেন আবার চাপা গলায় বললে, সাংঘাতিক লোক । বুঝে-সুঝে কথা কোরো রজনদা ।

রজন হাসল—জবাব দিলে না । বুঝে-সুঝে কথা । আর যাই হোক, ও জিনিসটার জন্তে তার ভাবনা নেই । দিনের পর দিন কুমার ভৈরবনারায়ণকে তার সঙ্গ দান করতে হয় । পড়ে শোনাতে হয় গীতার নিকাম কর্মযোগ—বিশ্বরূপকে এনে প্রতিষ্ঠা করতে হয় কুমার বাহাদুরের নেশার রং-লাগা চোখের সামনে ; মৃত রসিকতায় হাসবার চেষ্টা করতে হয়—হাসতেও হয় কখনো কখনো । আর কিছু না হোক, কথা বলবার আর্টটাকে অস্ত্র তার জানতে হয়েছে ।

চটির শব্দ চৌকাঠের গোড়ায় এসে পৌঁছুল । জ্যোৎস্নার পরিষ্কার দেখা গেল মানুষটিকে । মাথায় চক চকে টাক, গায়ে বেনিয়ান । হাতে একখানা মোটা ছড়ি । মুখে কাঁচাপাকা দাড়ি—আচমকা দেখলে শ্রদ্ধা উদ্ভেক করবার মতো প্রৌঢ় ।

—আসুন জ্যাঠা, আসুন—নগেন ডাকল ।

ভদ্রলোক ঘরে পা দিলেন । লষ্ঠনের আলোয় অদ্ভুত দৃষ্টিতে তাকালেন রজনদের দিকে ।

নগেন বললে, ইনি আমাদের রজনদা—রজন চট্টোপাধ্যায় । আর ইনি আমাদের জ্যাঠামশাই মৃত্যুঞ্জয় সরকার । এঁর কথা তো তোমায় আগেই বলেছি ।

নমস্কার বিনিময়ের ভদ্রতাটা শেষ হল । উত্তমা দাড়িয়ে উঠেছিল, তার পরিত্যক্ত মোড়াটায় এসে আসন নিলেন মৃত্যুঞ্জয় । বেশ জাঁকিয়েই বসলেন ।

কৈকিয়ৎ দেবার ভঙ্গিতে একবার মৃত্যুঞ্জয় নগেনের দিকে তাকালেন : এই পথ দিয়েই যাচ্ছিলাম, ভালমন্দ তোদের একবার খবর করে যাই । তোমার মা কোথায় ?

জবাব দিলে উত্তমা : হরিসত্যয় গেছেন—কীর্তন শুনতে ।

—আজ হরিসত্যয় কীর্তন আছে বুঝি ? ওহো, মনেই তো ছিল না ।—মৃত্যুঞ্জয় বেন অহুতপ্ত হয়ে উঠলেন : বা দিনকাল পড়েছে—কিছু কি আর মনে থাকে ! সংসারের

চিন্তাতেই অস্থির—ধর্মকর্ম মাথায় উঠে গেছে । কী বলেন ? —শেষ কথাটা তিনি রজনদের দিকে নিক্ষেপ করলেন ।

—তা বটে—রজন মাথা নেড়ে সায় দিলে ।

আপনাকে আমি চিনি । হিজলবনের রাজবাড়িতে আপনি থাকেন—তাই না ?—মৃত্যুঞ্জয় একটা জুর দৃষ্টি ফেললেন ।

মুহূর্তের জন্তে রজনদের মুখে একটা অস্বস্তির ছায়া ছলে গেল : আজ্ঞে হ্যাঁ ।

—ও । মৃত্যুঞ্জয় কিছুক্ষণ চুপ করে রইলেন, মনে মনে যেন মিলিয়ে নিতে চাইলেন কিছু একটার যোগফল : ভালো কথা নগেন, আজ বুঝি তোদের কিষণ সমিতির একটা সভা ছিল, না ?

—ছিল যে সে তো আপনি ভালোই জানেন জ্যাঠামশাই—নগেন একটা ধারালো মন্তব্য ছুঁড়ল ।

—ওহো, তাও তো বটে । বুড়ো বয়েসে আজকাল সব কিছু ভুল হতে শুরু করেছে । তা কী হল সেই মিটিঙে ?

—দেশের লোকের দাবী-দাওয়া নিয়ে আলোচনা—নগেন জবাব দিলে ।

—সেই কাল-পুখুরির ব্যাপারটা বুঝি ?—মৃত্যুঞ্জয় আড়চোখে রজনকে লক্ষ্য করতে লাগলেন ।

হঠাৎ উত্তমা হেসে উঠল । এতক্ষণ ধরে বেন বাঁধা পড়ে ছিল একটা ঝর্ণার জল—মুক্তির উচ্ছল আনন্দে ছুটে বেরিয়ে এল হঠাৎ ।

—কিছু ভেবোনা দাদা । সব খবরই রাখেন জ্যাঠামশাই—তোমার চাইতে ভালোই রাখেন ।

চাপ দাড়ির ভেতরে মৃত্যুঞ্জয়ের মুখ দেখা গেল না, চোখের দৃষ্টিতে ফুটলনা বিস্ময়মাত্র বৈলক্ষণ্য । খোঁচাটা তাঁকে যেন স্পর্শও করেনি—এ সবেই অনেক উর্ধ্ব তাঁর আসন ।

—খবর ঠিক রাখা নয়—এগুলো হাওয়াতেই ভেবে আসে কিনা ।—দাড়ির নেপথ্যে মৃত্যুঞ্জয়ের মুখ একটু প্রসারিত হল, খুব সম্ভব হাসলেন : তা ভালোই । ওদের দুঃখ অনেক দিনকার—মেটাতে পারো তো একটা মত বড় কাজই হবে । কিন্তু নগেন, কিছু মনে না করো তো একটা কথা বলি ।

—বলুন না।

—যা করছ ভালোই করছ। কিন্তু দেখো, হিংসার পথ কখনো নিয়োনো। ওতে কখনো কল্যাণ নেই। মহাত্মার পথ নাও, অহিংসা দিয়ে সংগ্রাম করো।

নগেন একটু হাসল : আপনি কোনো চিন্তা করবেন না জ্যাঠামশাই। ‘অহিংসা পরমো ধর্ম’ তা আমরা জানি। আমাদের ব্যাপারটা নিছক নিরামিষ—ওতে কোনো রক্তারক্তির গন্ধ নেই।

উত্তমা আবার খিল খিল করে হেসে উঠল। ঘরের শান্ত আবহাওয়ার মধ্যে তার আকস্মিক হাসিটা লিক লিক করে গেল এক গোছা চাবুকের মতো।

—জানেন রজনদা, জ্যাঠামশাই ভারী অহিংস। উনি শুধু মাছ মাংস খাননা তাই নয়, ভুলেও কোনোদিন একটা ছারপোকা পর্যন্ত মারেন না।

আশ্চর্য সংঘম মৃত্যুঞ্জয়ের। এ আঘাতও তাঁকে স্পর্শ করল না।

ধীর শান্ত গলায় বললেন, হাঁ, অহিংসার সেবক। আপনারা ইয়ংম্যান রজনবাবু, এখনো রক্তের জোর আছে। কিন্তু জানবেন, আত্মার শক্তিতে যা হয়, হাজার বাহুবলেও তা হয় না। আর তার সবচেয়ে বড় নজীর গান্ধীজী। সারা ছুনিয়া সে কথা স্বীকার করে।

হাতের লাঠিটা কুড়িয়ে নিয়ে মৃত্যুঞ্জয় উঠে পড়লেন।

—চললেন? নগেন জানতে চাইল।

—হাঁ, উঠি। একবার হরিসতার দিকেই বাই। সারাদিন তো বিষয়ের চিন্তাতেই মন বিক্ষিপ্ত থাকে, ওখানে গিয়ে তবু একটু শান্তি পাব। চলি তা হলে রজনবাবু, নমস্কার। আপনার সঙ্গে আলাপ হয়ে ভারী খুসি হলাম—আবার দেখা হবে।

মৃত্যুঞ্জয় বিদায় নিলেন। কিছুক্ষণ ধরে তিনজনেই কান পেতে শুনে লাগল তাঁর বিলীয়মান চটির শব্দ।

—খুব অমায়িক লোক!—রজনই শুক্রতা ভাঙল।

—হাঁ, অত্যন্ত।—নিচের ঠোঁটটা একবার কামড়াল নগেন।

—ওঁর ওপর তোমাদের মধ্যে সন্দেহ। অত্যন্ত নিবীহ মাল্লুস—বিনয়ে একেবারে লুটিয়ে আছেন—রজন আবার বললে।

—সাপও মাটিতে লুটিয়েই থাকে রজন-দা, কেবল ছোবল দেবার সুবিধের জন্তে।—উত্তমা আবার হাসল। কিন্তু উচ্ছল তীক্ষ্ণ কণ্ঠে নয়। ছোরার ধারের মতো। একটা প্রথর হাসির রেখা বয়ে গেল তার ঠোঁটের কোণায় কোণায়।

(ক্রমশঃ)

রায়-গুণাকর

শ্রীঅপূর্বকৃষ্ণ ভট্টাচার্য

নত শিরে চিত্ত অর্থাৎ যুগ হতে যুগান্তর দেয় তব অঙ্গপীঠ স্থানে,
এ বঙ্গের ইতিহাসে রেখে গেছ স্বর্ণ লেখা, অনন্তের পারে গেছ তুমি ;
ভারতীর বরণপুত্র ! তোমারে প্রণাম করি হে ভারত ! স্মৃতি অমুঠানে,
জাতির জীবনতীর্থে তোমার জনমক্ষেত্র সারস্বত সাধনার তুমি।
হৃদয়ের কোণে কোণে আজো সদা জেগে থাকে অপ্রদায়ন রূপ লয়ে
ফাগুন দিনের স্মৃতি পূর্ণিমার অভিসার প্রণয়ের প্রাথমিক ছবি ;
আলোক বর্ষের পথে যে আলোক যে আনন্দ কুটে ওঠে নিত্যবস্ত হয়ে,
চন্দ্রদিন কত বর্ষ চলে গেছে ; এনেছিলে সেই আলো সে আনন্দ কবি !
গান্ধীর মন্দিরে তব শাশ্বত প্রতিষ্ঠা দেবী তীর্থবাত্রী-চিত্ত কোকনদে
‘নত্যানব দিবসের পলে পলে সুরভিত্ত স্তব গানে পরম হৃন্দর।
মলঙ্কারে উপমার অমুপ্রাসে ব্যঞ্জনার রসোত্তীর্ণ ভাবের সম্পদে’
নখিল জন্মের মৌল মহাকাব্য রচিরাছ রাজকবি রায়-গুণাকর।
তুমি ছিলে রসার্ণব, হৃন্দর তরঙ্গতব বহায়েছ মর্ষ উপকূলে,
সংসারের সাহারায় তোমারি যে রসধারা নবপ্রাণ দিল পাছজনে।
‘বচিত্র আনন্দ বস্ত সাজায়েছ হিংসা তীব্র সত্যতার পাদপদ্ম মূলে
দেশের মন্দিরে সোণা করে গেছ স্পর্শমণি, সেই কথা পড়ে মোর মনে।

শঠতার রাজপথে বিক্রমের রসলাপ করে গেছ—নহে মিন্দনীর,
যে বীজ করিয়া উগ্ৰ চলে গেছ গুণাকর মহীকহে ব্যাপ্ত ভাবীকালে।
এনেছিলে সাথে করে সারস্বত কলখনা, কীর্ত্তি তব চির কীর্ত্তনীর,
নবযুগ সাহিত্যের পবিত্র প্রভাতী আলো দিয়ে গেলে দিক্চক্রবালে।
ভারতীর একতারা করে গেছ কাব্যবীণা, হুরে হুরে কুটোয়েছ বাণী,
মুদ্রঙ্গ মন্দিরা ধনি বীণার কঙ্করে মিলি সন্মোহিত করেছ স্বদেশ।
যে হিরোলে সত্যরূপ কালের কলোলে জাগে তারি শুভ্র সৌম্য চিত্রধারি
দেখায়েছ বিশ্বমাঝে, হেরি বাহা ভুলে যায় যুগবাত্রী দুঃখ দৈন্ত্র কেশ।
একদা দিগন্ততলে তোমারে পালন করে হর্ষভরে রচিয়া সংসার
বর্ষণ মুখরমাজি শরভের বসন্তের সন্ধ্যা উবা মুহূর্ত্ত মম্বর।
জীবন প্রভাতে তব রূপে রসে সাজায়েছে বঙ্গালোকে হৃবমা সস্তার
অরণ্যের খুলি পথ, বটবিষ আজবীধি, তৃণাতীর্ণ বিজ্ঞান প্রান্তর।
তোমার বারতা তারা আজিও বহন করে, কথা গাঁথে মনোনীলিমার,
কাঁটার ব্যথার যারা রঙীন গোলাপ হয়ে জেগে ওঠে, তাহাদের কানে,
শুনায় মিত্তে কবি তোমার অমুচকাব্য চক্রালোকে মুহূর্ত্তন বার,
দেখার অতীত তুমি ; অরণ-দীপালী তব অলে গল্পা-হৃদি-বঙ্গপ্রাণে।

সমসাময়িকতা

সম্মেলন-সাহিত্য সম্মেলন—

বাধীন দেশে নূতন করিয়া স্বর্গত বিশ্বেশ্বরলাল রায় মহাশয়ের সাহিত্যের আলোচনা আরম্ভ হইয়াছে দেখিয়া আমরা আনন্দিত হইলাম। সম্প্রতি তাঁহার জন্মভূমি কৃষ্ণনগরে স্থানীয় কলেজের অধ্যক্ষের সভাপতিত্বে এক বিশ্বেশ্বর-

সম্মেলন হইয়াছিল। ডক্টর শ্রীশ্রীমাধুসূদন মুখোপাধ্যায় সভার উদ্বোধন করেন ও শ্রীহেমেন্দ্রপ্রসাদ ঘোষ সম্মেলনে সভাপতিত্ব করেন। সিঁধি বিপিন-বনমালী সাধারণ পাঠাগারের উদ্যোগেও নিখিল ভারত বিশ্বেশ্বর সাহিত্য সম্মেলন অনুষ্ঠিত হয়। এই সম্মেলনের উদ্বোধন করেন সাংবাদিক শ্রীহেমেন্দ্র-

প্রসাদ ঘোষ। ভারতের বহু বিশিষ্ট ব্যক্তি এই সম্মেলনের সাফল্য কামনা করিয়া বাণী পাঠাইয়াছেন। বিশ্বেশ্বরলালমহাশয় তৈয়ারীর জন্ম সাহিত্য সৃষ্টি করিয়াছিলেন—আজ বাংলায় প্রকৃত মাহুষের অভাবই সর্বাপেক্ষা অধিক। এ সময়ে লোক বিশ্বেশ্বর-সাহিত্য পাঠ ও আলোচনা করিলে সত্যই উপকৃত হইবে। সে দিক দিয়া এই সকল সম্মেলনের প্রয়োজনীয়তা অত্যন্ত অধিক। আমরা এই সকল অনুষ্ঠানের উদ্যোগ-দিগকে অভিনন্দন জ্ঞাপন করি।

নিখিল ভারত কংগ্রেস

কমিটি—

পশ্চিম বঙ্গ প্রাদেশিক কংগ্রেস কমিটি হইতে গত ১১ই সেপ্টেম্বর ২৭ জন সদস্য নিখিল ভারত কংগ্রেস কমিটির সদস্য নির্বাচিত হইয়াছেন—মোট ২১২ জন নির্বাচিত সদস্যের মধ্যে ২০৩ জন ভোট দিয়াছিলেন। ৪৮ জন প্রার্থী ছিলেন—

হইয়াছেন—শ্রীঅতুল্য ঘোষ, শ্রীবিজয় সিং নাহার, ডাক্তার প্রফুল্লচন্দ্র ঘোষ, শ্রীহরেন্দ্রমোহন ঘোষ, শ্রীপ্রফুল্লচন্দ্র সেন, জনাব আবদুল সত্তার, শ্রীনরেন্দ্রনাথ সেন, শ্রীকালীপ্র মুখোপাধ্যায়, শ্রীনিকুঞ্জবিহারী মাইতি, শ্রীশশীলকুমার বন্দ্যোপাধ্যায়, শ্রীঅক্ষয়কুমার মুখোপাধ্যায়, শ্রীচাকর ভাণ্ডারী, শ্রীগোবিন্দ



বিশ্বেশ্বরলাল রায়

সাহিত্য সম্মেলন অনুষ্ঠিত হইয়াছিল। কথায় কবির কস্তা শ্রীমতী মায়া দেবী ও ব্রাহ্মপুত্র শ্রীবেশ্বরলাল রায় মহাশয় উপস্থিত ছিলেন। গত ২৯শে জ্যৈষ্ঠ কলিকাতা কালীঘাটে মেশবন্ধ বালিকা কলেজ ভবনেও এক বিশ্বেশ্বর-সাহিত্য


সম্মেলন হইয়াছিল। ডক্টর শ্রীশ্রীমাধুসূদন মুখোপাধ্যায় সভার উদ্বোধন করেন ও শ্রীহেমেন্দ্রপ্রসাদ ঘোষ সম্মেলনে সভাপতিত্ব করেন। সিঁধি বিপিন-বনমালী সাধারণ পাঠাগারের উদ্যোগেও নিখিল ভারত বিশ্বেশ্বর সাহিত্য সম্মেলন অনুষ্ঠিত হয়। এই সম্মেলনের উদ্বোধন করেন সাংবাদিক শ্রীহেমেন্দ্র-

সিংহ, শ্রীচারণ দাস বন্দ্যোপাধ্যায়, শ্রীহর্গাপদ সিংহ, শ্রীধীরেন্দ্রনাথ চট্টোপাধ্যায়, শ্রীপ্রহ্লদনাথ বন্দ্যোপাধ্যায়, শ্রীবিপিনবিহারী গাঙ্গুলী, শ্রীশশধর কয়, শ্রীহৃদয়ভূষণ চক্রবর্তী, শ্রীচাক্রচন্দ্র মহান্তি, শ্রীবসন্তলাল মুরারীকা, শ্রীলালবিহারি সিং, শ্রীতরুচন্দ্র রায়, শ্রীককিরচন্দ্র রায়, ডাক্তার সুরেশচন্দ্র বন্দ্যোপাধ্যায় ও শ্রীসুবোধ মিত্র। ইহাদের মধ্যে ৩জন— কালাপদবাবু, প্রহ্লদচন্দ্র সেন ও নিকুঞ্জবাবু বর্তমানে পশ্চিম বঙ্গের মন্ত্রী। প্রহ্লদ বোধ মহাশয় কংগ্রেস ওয়াকিং কমিটির সদস্য এবং ডাক্তার সুরেশচন্দ্র ও সুরেন্দ্র-মোহন বোধ পূর্বে বঙ্গীয় প্রাদেশিক কংগ্রেস কমিটির সভাপতি ছিলেন। এখনও বঙ্গীয় প্রাদেশিক কংগ্রেস কমিটির ১০ জন সদস্য নির্বাচিত হইন নাই—ঐহাদের নির্বাচনের পর নিখিল ভারত কংগ্রেস কমিটির আর একজন সদস্য নির্বাচিত হইবেন।

শরৎচন্দ্রের জন্মবার্ষিকী—

গত ৩০শে ও ৩১শে ভাদ্র বাংলার নানা স্থানে অপরাহ্নের কথাশিল্পী শরৎচন্দ্র চট্টোপাধ্যায়ের ৭০তম জন্মতিথি উপলক্ষে ঐহার সাহিত্যের আলোচনা-সভা হইয়াছিল। ৩০শে এক সভায় ডক্টর শ্রীভানুপ্রসাদ মুখোপাধ্যায় সভাপতিত্ব করেন ও রাষ্ট্রপাল ডক্টর কাটজু তাহার উদ্বোধন করেন। ডক্টর কাটজু ঐহার ভাষণে বলেন—“শরৎচন্দ্রের লেখা গুলির মধ্য দিয়া তিনি বাংলার গ্রাম ও তাহার মরল-প্রাণ অধিবাসীদের স্বরূপ প্রত্যক্ষ করেন। তিনি শরৎচন্দ্রের সমস্ত রচনা পরিয়াছেন—তিনি যে সকল চরিত্র অঙ্কন করিয়াছেন, সেগুলি ঐহাকে মুগ্ধ করিয়াছে, কেননা চরিত্র গুলি কাল্পনিক নহে, সেগুলি প্রাণবন্ত। তিনি নারায়ণ ঐহাও মুগ্ধ করিয়া গিয়াছেন।” শরৎ সাহিত্যের আলোচনার ফলে দেশের লোকের মাহুষের প্রতি দরদ বৃদ্ধি

পাইবে বলিয়া আমরা মনে করি। শরৎচন্দ্রের দরদী মাহুষ মাহুষ মাহুষেরই হুঃখ, অমর্যাদা ও নির্ধ্যাতনে গলিয়া বাইত, তাই তিনি লেখনী দ্বারা সেই সকল হুঃখ ও নির্ধ্যাতনের কাহিনী প্রকাশ করিয়াছিলেন। প্রকাশ করিয়াছিলেন বিশেষ করিয়া বাঙ্গালার নারী মাহুষের গোপন কাহিনী, বা বলা ব্যথারইতিহাস। ঐহার চিত্রিত চরিত্রগুলি পাঠক মাথা-



শরৎচন্দ্র চট্টোপাধ্যায়

রণের সকলের নিকট সুপরিচিত—সেই জন্যই শরৎ সাহিত্য এ দেশে এত অধিক জনপ্রিয় হইয়াছে। শরৎসাহিত্য আলোচনা করিয়া দেশের মাহুষ বর্তমান দুর্গতি হইতে মুক্তির মাহান স্রাভ করুক—অর্থাৎ এই সকল সত্যহীন করা সাধন।

বঙ্গীয় প্রাদেশিক কংগ্রেস কমিটি—

গত ১২ই সেপ্টেম্বর কলিকাতায় বঙ্গীয় প্রাদেশিক কংগ্রেস কমিটির নবনির্বাচিত সদস্যগণের প্রথম সভা হইয়া গিয়াছে। এ পর্য্যন্ত ২১২ জন সদস্য নির্বাচিত হইয়াছেন—তন্মধ্যে ১৯২ জন সভায় উপস্থিত ছিলেন। কমিটির পূর্ব সভাপতি শ্রীসুরেন্দ্রমোহন ঘোষ অস্থগৃহিত থাকায় সহ-সভাপতি শ্রীবিপিনবিহারী গাঙ্গুলী সভায় সভাপতিত্ব করেন। সর্বদক্ষতক্রমে শ্রীঅতুল্য ঘোষ কমিটির নূতন সভাপতি ও শ্রীবিজয় সিং নাহার সম্পাদক নির্বাচিত হইয়াছেন। শ্রীপ্রফুল্লনাথ বন্দ্যোপাধ্যায়, শ্রীশশধর কর ও



পশ্চিমবঙ্গের কংগ্রেস-সভাপতি শ্রীঅতুল্য ঘোষ

শ্রীনরেন্দ্রনাথ সেন ওজন সহ-সভাপতি এবং জনাব আবদুল সত্তার, শ্রীবিশ্বনাথ মুখোপাধ্যায় ও শ্রীপ্রবীর জানা—ওজন সহ-সম্পাদক নির্বাচিত হইয়াছেন। শ্রীঅক্ষয়কুমার মুখোপাধ্যায় কোষাধ্যক্ষ এবং নিম্নলিখিত ২১ জন কার্যকরী কমিটির সদস্য হইয়াছেন—শ্রীবিপিনবিহারী গাঙ্গুলী, শ্রীকালীপদ মুখোপাধ্যায়, শ্রীপ্রফুল্লচন্দ্র সেন, শ্রীতারকদাস বন্দ্যোপাধ্যায়, শ্রীসুশীলকুমার বন্দ্যোপাধ্যায়, শ্রীকামদা-কিঙ্কর মুখোপাধ্যায়, শ্রীনিকুঞ্জবিহারী মাইতি, শ্রীশ্রামা প্রসাদ বর্ষন, শ্রীহরভূষণ চক্রবর্তী, শ্রীউমেশচন্দ্র মণ্ডল, শ্রীসৌরেন্দ্রনাথ মিশ্র, শ্রীহর্গাপদ সিং, শ্রীসুনীল ঘোষ মৌলিক, শ্রীঅক্ষয় সাবকোটী, শ্রীকালীকমল বসু, শ্রীগোপিকা

বিলাস সেন, শ্রীসত্য নারায়ণ মিশ্র, শ্রীবসন্তলাল মুরারকা, ডাঃ সুরেশচন্দ্র বন্দ্যোপাধ্যায়, শ্রীহরেন্দ্রনাথ মজুমদার ও শ্রীগুরুচন্দ্র মহাস্তি। এবার নির্বাচনে কোন দলাদলি দেখা যায় নাই—ইহা আনন্দের কথা সন্দেহ নাই। নূতন কর্মীরা কংগ্রেস প্রতিষ্ঠানকে নূতন মর্যাদা দান করুন, ইহাই আমাদের কামনা।

মফঃস্বলে উচ্চ শিক্ষার প্রভাব—

কলিকাতার কলেজসমূহে ছাত্রাধিক্যের প্রতীকারকল্পে গভর্ণমেন্ট মফঃস্বলে কলেজ প্রতিষ্ঠার যে পরিকল্পনা করিয়াছিলেন, তদনুসারে এবার নূতন ৭টি কলেজ স্থাপিত হইয়াছে—(১) বোলপুর কলেজ, বীরভূম (২) রামপুর হাট কলেজ, বীরভূম (৩) বরিশা কলেজ, ২৪ পরগণা (৪) কান্দি রাজ-কলেজ, মুর্শিদাবাদ (৫) অঙ্গীপুর কলেজ, (৬) মণিমালা মহিলা কলেজ, আসানসোল ও (৭) দমদম মতিঝিল কলেজ, ২৪ পরগণা। খড়গপুর ও শান্তিপুরে পূর্বেই কলেজ হইয়াছিল, সেগুলিতে নূতন আই-এসসি ক্লাস খোলার অজুমতি দেওয়া হইয়াছে। গত কয় বৎসরে মফঃস্বলে জিয়াগঞ্জ, কাঁধি, তমলুক, মহিষাদল, কালনা, ডায়মণ্ডহারবার, কাটোয়া, বসিরহাট, নবদ্বীপ, আমতা, গোবরডাঙ্গা, নৈহাটী, আহার-বেলমা, উলুবেড়িয়া, আসানসোল, বিষ্ণুপুর, গড়বেতা প্রভৃতি বহু স্থানে কলেজ স্থাপিত হইয়াছে। সে গুলিতে যাহাতে বেশী ছাত্র যায়, কর্তৃপক্ষের সে জন্ত ব্যবস্থা করা উচিত। সহরের আবহাওয়া ভাল নহে—তাহার উপর ব্যয়ও অত্যন্ত অধিক। সে জন্ত মফঃস্বলে অল্পসংখ্যক ছাত্র লইয়া অধ্যাপনার নানা সুকল কলিবে। যেমন নূতন ৭টি কলেজকে গভর্ণমেন্ট অর্থ সাহায্য দিবেন, তেমনই মফঃস্বলস্থ অন্যান্য কলেজগুলির ও যেন অর্থাত্মক পূরণের ব্যবস্থা করা হয়। নূতন আবহাওয়ার ছাত্ররা যেন নূতন যুগের উপযোগী প্রকৃত মাহুভ তৈরী হয়, অধ্যাপকগণকেও আমরা সে বিষয়ে মনোযোগী হইতে অনুরোধ করি।

সমবায় নীতি প্রসার ব্যবস্থা—


পূর্বে বাংলা দেশে সমবায় নীতি প্রসারের জন্ত সমবায় সংগঠন সমিতি ছিল এবং বেসরকারী ত্যাগী কর্মীরা সে বিষয়ে কাজ করিতেন। স্বর্গত সুধীরকুমার লাহিড়ী নাম এ বিষয়ে স্বরধীর। সত্ৰাতি পশ্চিম বঙ্গের নূতন সমবায় সমিতি

ডাঃ আর-আহমদের চেঁচায় ঐ কার্যের জন্ত 'সমবায় ইউনিয়ন লিমিটেড' নামে এক প্রতিষ্ঠান গঠিত হইয়াছে। গত ৩০শে ভাদ্র শনিবার ২২নং চিত্তরঞ্জন এভিনিউর বাড়ীতে তাহার উদ্বোধন উৎসব হইয়াছিল। নূতন সমিতির সভাপতি শ্রীরথীন্দ্রনাথ ঠাকুর সভায় উপস্থিত হইতে না পারিয়া এক বাণী প্রেরণ করিয়াছিলেন। সমিতির সহ-সভাপতি শ্রীময়ল কুমার ঘোষ সভায় সভাপতিত্ব করেন এবং শ্রীকালীপদ ভট্টাচার্য ও শ্রীতারাপদ চৌধুরী নূতন সমিতির যুগ্ম সম্পাদক নির্বাচিত হন। সমবায়-মন্ত্রী মহাশয় সমিতির উদ্বোধন করিয়া সমিতি গঠনের প্রয়োজনীয়তার কথা সকলকে বুঝাইয়া দেন। দেশকে সমৃদ্ধি-সম্পন্ন করিয়া গঠন করিতে হইলে সমবায়ের প্রয়োজন কত অধিক তাহা বলার প্রয়োজন নাই। যে সকল কারণে এদেশে এতদিন সমবায় আন্দোলন উপযুক্ত সাফল্য লাভ করে নাই, সমিতি সে সকল কারণ সম্বন্ধে অনুসন্ধান করিয়া তাহা দূর করিবার চেষ্টা করিলে দেশ উপকৃত হইবে এবং সমিতি গঠনও সার্থক হইবে।

উদ্বাস্তু আগমনের হিসাব—

নয়া দিল্লীর সরকারী-হিসাব হইতে জানা গিয়াছে যে ১৯৫০ সালের জুলাই মাস পর্যন্ত মোট ৮২ লক্ষ ২৭ হাজার লোক পাকিস্তান হইতে ভারতবর্ষে চলিয়া আসিয়াছে। তন্মধ্যে পশ্চিম পাকিস্তান হইতে ৫০ লক্ষ ও পূর্ব পাকিস্তান হইতে ৩২ লক্ষ ২৭ হাজার লোক আসিয়াছে। পূর্ব পাকিস্তান হইতে, গত জানুয়ারী হইতে জুলাই পর্যন্ত ৭ মাসে মোট ২৬ লক্ষ ৪১ হাজার হিন্দু ভারতে আসিয়াছিল, তন্মধ্যে ৬ লক্ষ ৭২ হাজার হিন্দু ফিরিয়া গিয়াছে—এখন ১৯ লক্ষ ৬৯ হাজার হিন্দু আছে। ঐ ৭ মাসে ১২ লক্ষ ৪৪ হাজার মুসলমান ভারত হইতে পাকিস্তানে চলিয়া গিয়াছিল, তন্মধ্যে ৩ লক্ষ ২১ হাজার মুসলমান ভারতে ফিরিয়া আসিয়াছে। ১৯৪৯ ডিসেম্বর পর্যন্ত ১২ লক্ষ ৫৮ হাজার হিন্দু পূর্ব পাকিস্তান হইতে ভারতে আগমন করিয়াছিল। এ সকল উদ্বাস্তুদের লইয়া ভারত গণতন্ত্রকে কত বিব্রত হইতে হইয়াছে তাহা না বলাই ভাল। পশ্চিম পাকিস্তানে আর হিন্দু প্রায় নাই বলিলেই চলে। ক্রমে পূর্ব পাকিস্তানও হিন্দুশূন্য হইবে। কিন্তু ভারতে এখনও ৪ কোটি মুসলমান বাস করিতেছেন। ভারত গণতন্ত্রের তাঁহাদের রক্ষার

যথাযথ ব্যবস্থা করিয়াছেন। পূর্ব পাকিস্তানে যদি হিন্দুদের রক্ষার কোন ব্যবস্থা না হয়, তবে দিল্লী চুক্তি কি ভাবে পালিত হইবে—তাহা জন সাধারণ বুঝিতে পারে না।



আসানের ভূ-কম্পন-বিধ্বস্ত পার্বত্য অঞ্চলে বিমান হইতে খাত নিক্ষেপ—
এ-স্থানে গমনাগমনের সমস্ত স্থলপথ ও জলপথ নিশ্চিহ্ন—খাতভাবে
এ অঞ্চলের পার্বত্য অধিবাসীদের চরম অবস্থা

কোনারক সূর্যমন্দির—

উড়িষ্যার সমুদ্রতীরে কোনারকে যে সূর্যমন্দির আছে তাহা ভারতের স্থাপত্য শিল্পের প্রধানতম নিদর্শন বলিয়া খ্যাত। প্রায় ৫০ বৎসর পূর্বে ঐ মন্দির রক্ষার ব্যবস্থা হইয়াছিল। সম্প্রতি ঐ মন্দির ক্ষত ধ্বংস প্রাপ্ত হইতেছে বলিয়া জানা গিয়াছে। সে জন্ত প্রধান মন্ত্রী পণ্ডিত জহরলাল নেহরুর চেঁচায় উহা রক্ষা-ব্যবহার জন্ত একটি কমিটি গঠিত হইয়াছে। কমিটিতে অন্যান্য সদস্যের মধ্যে উড়িষ্যার নেতা শ্রীবিষ্ণুনাথ দাস, খ্যাতনামা বৈজ্ঞানিক ডাক্তার জ্ঞানচন্দ্র ঘোষ, ভারতের খ্যাতনামা শিল্পী শ্রীদেবীপ্রসাদ রায় চৌধুরীকে লওয়া হইয়াছে। কোনারক মন্দির সম্বন্ধে ৯ম বা ১২শ শতাব্দীর

নির্মিত, ঠিক সময় এখনও স্থির হয় নাই। নির্মাণে কত অর্থ ব্যয়িত হইয়াছে, তাহা এখন আর হিসাব করা যায় না। ভারত গভর্নমেন্ট উহার রক্ষার ব্যবহার মনোযোগী হওয়ার বেশবাসীর ধন্যবাদভাজন হইয়াছেন। পশ্চিম ভারতে যেমন সোমনাথ মন্দির পুনর্নির্মিত হইতেছে, দক্ষিণ-পূর্ব ভারতে কোনারকের মন্দির রক্ষারও বিশেষ প্রয়োজন আছে ইহা অনস্বীকার্য।

শান্তির জন্ত নোবেল পুরস্কার—

রাষ্ট্রসংঘের সেবক ডাক্তার রালফ বার্কে এবার শান্তির জন্ত নোবেল পুরস্কার লাভ করিয়াছেন। তিনি একজন আমেরিকান নিগ্রো ক্রীতদাসের পৌত্র। প্যালাস্টাইনে ইহুদী ও আরবদের মধ্যে তিনটি বুদ্ধ-বিরতির ব্যবস্থা করার তিনি বিশ্ববাসীর প্রশংসা অর্জন করেন। নিগ্রোদের মধ্যে ইনিই প্রথম নোবেল পুরস্কার পাইলেন। বার্কে হার্ভার্ড বিশ্ববিদ্যালয়ের রাজনীতির অধ্যাপক। এ বৎসর নোবেল পুরস্কারের দাম ১ লক্ষ ৬৪ হাজার ৩০০ সুইডিস ক্রোনার— তাঁহার নোবেল পুরস্কার লাভ যোগ্যের সমাদর বলিয়া বিবেচিত হইবে।

রাষ্ট্রদূত কর্তৃক ব্যবসা—

ভারতের অর্নেক রাষ্ট্রদূত প্যারিসে (ফ্রান্স) অবস্থান কালে বহু মূল্যবান জহরতাদি ক্রয় করে। পরে কোনরূপ শুদ্ধ না দিয়া সে ঐ সকল জহরত ভারতবর্ষে আনিয়া এখানে বিক্রয় করিয়াছে। রাষ্ট্রদূতগণেরও বিনা শুধে কোন বিদেশী জিনিষ ভারতে আনয়নের অধিকার নাই। ভারত গভর্নমেন্টের পুলিশ এ সংবাদ পাইয়া এ বিষয়ে নাকি তদন্ত করিয়াছে ও বিষয়টি নাকি সত্য বলিয়া রিপোর্ট দিয়াছে। এখন তাহা ধামা-চাপা দিবার চেষ্টা চলিতেছে। কয়েকজন খ্যাতিনামা ব্যক্তি ছাড়া অধিকাংশ ক্ষেত্রে মন্ত্রীদের আত্মীয় স্বজনকে রাষ্ট্রদূত পদে নিযুক্ত করা হইয়াছে। তাহাদের গুণ সম্বন্ধে কেহ কিছু জানিত না। কাজেই এইরূপ জুরাচুরির ঘটনা ঘটাই অস্বাভাবিক নহে। রাষ্ট্রদূত-দের এমন অনেক কাজ করিতে হয়, যাহাতে রাষ্ট্রের কোটি কোটি টাকা লাভ বা ক্ষতি হইতে পারে। সে কাজে যদি একরূপ দায়িত্বজ্ঞানহীন জুরাচোরকে নিযুক্ত করা হয়, তবে সে নিয়োগ কখনই সমর্থন করা যায় না। আমাদের বিশ্বাস,

পত্রান্তরে প্রকাশিত সংবাদটির সত্যাসত্য সম্বন্ধে সরকারী বিরুদ্ধি প্রচার করিয়া কেন্দ্রীয় গভর্নমেন্ট জনগণকে সতর্ক করিবেন।

সুভাষচন্দ্র সম্বন্ধে অদ্ভুত সংবাদ—

কোম্বাই-হইতে 'ইণ্ডিয়া' নামক একখানি ইংরাজি সাপ্তাহিক পত্র প্রকাশিত হয়। অদ্ভুত সংবাদ প্রকাশই তাহার বিশেষত্ব। সম্প্রতি তাহাতে প্রকাশিত হইয়াছে— "নেতাজী সুভাষচন্দ্র বসু ১৯৩০ সালে এক অষ্ট্রিয়াবাসী মহিলাকে বিবাহ করিয়াছিলেন ও তাঁহাদের একটি কন্যা হয়। মাতা ও কন্যা এখন ভিয়েনা সহরে বাস করেন। পণ্ডিত নেহেরু তাঁহার দূত শ্রীরাঘবম্ পিলাইকে তাহাদের কাছে পাঠাইয়াছিলেন এবং তাহাদের অর্থকষ্ট উপহিত হওয়ার তাহাদের অর্থ সাহায্যও করিয়াছেন।" সংবাদটি এক শ্রেণীর লোকের মুখরোচক হইবে। কিন্তু যাহারা সুভাষচন্দ্রকে জানেন তাঁহারা এ সংবাদ বিশ্বাস করিবেন না। তাহা হইলেও পণ্ডিত নেহেরু গভর্নমেন্টের পক্ষ হইতে এ সংবাদের প্রতিবাদ হওয়া প্রয়োজন।

নিখিল বঙ্গ সাময়িক পত্র সংঘ—

বাংলাদেশের সাপ্তাহিক, পাক্ষিক ও মাসিকপত্র সমূহের স্বার্থ সংরক্ষণের জন্ত কয়েক বৎসর পূর্বে নিখিল বঙ্গ সাময়িক পত্র সংঘ গঠিত হইয়াছে। সম্প্রতি ঐ সংঘের সদস্যগণ একটি ক্লাব গঠন করিয়াছেন এবং ক্লাবের পাক্ষিক অধিবেশনে এক এক জন বিশিষ্ট বক্তা বিভিন্ন বিষয়ে বক্তৃতা করেন। গত কয় দিনে প্রবাসীর শ্রীশৈলেন্দ্রকৃষ্ণ লাহা, বঙ্গশ্রী-সম্পাদক শ্রীহেমেন্দ্রনাথ দাশগুপ্ত, সমবায় মন্ত্রী ডাঃ আর আহমদ, প্রবীণ সাংবাদিক শ্রীহেমেন্দ্র প্রসাদ ঘোষ, খ্যাতিনামা বৈজ্ঞানিক ডক্টর জ্ঞানচন্দ্র ঘোষ ও আনন্দবাজার পত্রিকা সম্পাদক শ্রীচপলাকান্ত ভট্টাচার্য বক্তৃতা করিয়াছেন। কলিকাতা হাতিবাগান বাজারের বিতলে (৮১ কর্ণওয়ালিস স্ট্রীট) রূপমঞ্চ কার্যালয়ে ক্লাবের অধিবেশন হইয়া থাকে। উক্ত সাংবাদিকগণ ক্লাবের সভার যোগাধান করিয়া ও জানগর্ত বক্তৃতা ও নিয়া লাভবান হইয়া থাকে।

শ্রীশ্রীরেন্দ্রকুমার নন্দী—

শ্রীশ্রীরেন্দ্রকুমার নন্দী সম্প্রতি পশ্চিম বঙ্গের কৃষি বিভাগের ডিরেক্টর নিযুক্ত হইয়াছেন। তিনি কলিকাতা

বিশ্ববিদ্যালয় হইতে উদ্ভিদ বিজ্ঞায় এম্-এস্ সি পাশ করিয়া কিছুদিন বিজ্ঞান কলেজে গবেষণার পর বিলাত যাত্রা করেন ও লণ্ডন হইতে পি-এচ্-ডি উপাধি লইয়া আসেন। কলিকাতার বসু বিজ্ঞান মন্দিরেও তিনি গবেষক ছিলেন। ১৯৩৮ সালে তিনি আসামে কৃষি বিভাগে কাজে নিযুক্ত হন ১৯৪৫ সালে উড়িষ্যা গভর্নমেন্টের কৃষি বিভাগের সহকারী ডিরেক্টর হন। সম্প্রতি তিনি বাঙ্গালা দেশে আসিয়াছেন। তিনি সুপণ্ডিত ও সুলেখক—ঠাঁহার দ্বারা পশ্চিম বাংলার কৃষি বিভাগের কার্যের উন্নতি হইবে বলিয়া সকলে বিশ্বাস করেন।

কবি-দম্পতির বিলাত-ভ্রমণ—

ভারতবর্ষের পাঠকগণ অবগত আছেন যে কবি-দম্পতি শ্রীযুত নরেন্দ্র দেব ও শ্রীমতী রাধারাণী দেবী ঠাঁহাদের কন্যা কুমারী নবনীতাকে সঙ্গে লইয়া ইউরোপ ভ্রমণ করিতে বাহির হইয়াছেন। শ্রীযুত নরেন্দ্র বাবু ১লা আগষ্ট তারিখে অসলো সহর হইতে এক পত্রে জানাইয়াছেন—“আমরা লণ্ডন থেকে বেরিয়ে ডোভার থেকে সমুদ্র পার হ’য়ে বেলজিয়ামে আসি। বেলজিয়ামের অষ্টেণ্ড, ব্রেস্ট, ব্রুজেন্স, ব্রাশেলস্, ওয়াটারলু (যেখানে ঐতিহাসিক যুদ্ধে মহাবীর নেপোলিয়নের পরাজয় হয়েছিল) ও এণ্টোয়ার্প হয়ে আমরা হল্যান্ডে প্রবেশ করি। সেখানে ব্রুজেনদান, রটারডাম, হেগ ও আমস্টার্ডাম যুরে হামলেটের দেশ ডেনমার্ক যাই। ডেনমার্ক বেড়িয়ে কোপেনহেগেন যাবার পথে আমাদের প্রায় অর্ধেক জার্মানী মাড়িয়ে যেতে হয়েছে—বেছায়েন, অসনাক্রপ, ডসেলড্রফ, ব্রেমেন, হাম্বুর্গ প্রভৃতি গত যুদ্ধে প্রসিদ্ধ স্থানগুলির উপর দিয়ে যেতে হয়েছে। যুদ্ধের ক্ষতচিহ্ন আজও মেলায় নি। কোথাও না। লণ্ডনে, বেলজিয়ামে, হল্যান্ডে অসংখ্য ভাঙা পোড়ো বিধ্বস্ত বাড়ী জনশূন্য হয়ে রয়েছে। এখনও মেরামত হয়ে ওঠে নি। ডেনমার্কেরে কিছু জার্মানীর কোন আঘাত চিহ্ন দেখতে পাব না। ডেনমার্ক থেকে সুইডেনে যাই। হল্যান্ড থেকে ডেনমার্ক আসবার সময় ট্রেন থেকে নামতে হয় নি। ট্রেনে সমস্ত যাত্রীকে জাহাজে তুলে সমুদ্র পার করে দিতে হল। ভেবেছিলুম, ডেনমার্ক থেকে ষ্টকহলম যাবার জন্য ও বুকি ভাই হবে, কিন্তু হতাশ হতে হল। আমাদের বাস থেকে ট্রেন থেকে নেমে বৌচকা ছুঁচকি ঘাড়ে করে

জাহাজে গিয়ে উঠতে হল। জাহাজ থেকে নেমে আবার মোটর বাসে উঠে ষ্টেশনে এলুম এবং সেখান থেকে ট্রেনে চড়ে তবে এসে ষ্টকহলমে পৌছই। সুইডেন শেষ করে নরওয়ে এসেছি। গত সপ্তাহে উত্তর মেরু প্রদেশের নিকটস্থ নার্বিকে গিয়ে ‘ছপুর রাতের সূর্য ওঠা’ দেখে কাল অসলোয় এসেছি। পরন্তু বার্গেন বেড়িয়ে আবার জাহাজে উঠে নিউক্যাসেল হয়ে লণ্ডনে ফিরবো, ৭ই আগষ্ট নাগাত। এডিনবরায় এ বছর ওয়ার্লডস্ পি-ই-এন কংগ্রেস হবে ১৮ই




কবি নরেন্দ্র দেব

থেকে ২২শে আগষ্ট। ভারতীয় পি-ই-এনের প্রতিনিধিরূপে আমরা এই কংগ্রেসে উপস্থিত থাকবো। পি-ই-এন কংগ্রেস শেষ করে স্কটল্যান্ড ও আয়ারল্যান্ড যুরে আমরা যুরোপ ভ্রমণের দ্বিতীয় পর্ব শুরু করবো—অর্থাৎ ফ্রান্স, জার্মানী অস্ট্রিয়া, সুইজারল্যান্ড, স্পেন, পোর্টুগাল, ইতালী এবং রুম্যানিয়া, যুগোস্লাভিয়া ও চেকোস্লাভিয়া হয়ে ৬পূজা সময় দেশে ফিরবো।’

লণ্ডন থেকে ২৮শে আগষ্ট নরেন্দ্রবাবু আর এক পত্র জানাইয়াছেন—

“আপনি শুনে সুখী হবেন যে এডিনবরায় অনুষ্ঠিত World’s International P. E. N. Congress এ আমরা দুজনেই ভারতের official delegate নিযুক্ত হয়ে বাই এবং সেখানে আমরা বিশেষভাবে সমাদৃত হয়েছি। সার সি, পি, রামস্বামী আয়ার ভারতবর্ষ থেকে বিশেষ অতিথি হিসেবে এসেছিলেন। পাকিস্তান থেকে সার সোয়ার্দির মেয়ে ডাঃ বেগম শায়েরা ইক্রামউল্লা ও পাকিস্তান সরকারের রাষ্ট্রনৈতিক বিভাগের সেক্রেটারী শেখ মহম্মদ ইক্রাম official delegate হিসাবে এসেছিলেন এবং আমাদের কবি জসিমুদ্দীন সাহেব P. E. N. এর সাধারণ সদস্য হিসাবে উপস্থিত ছিলেন। বেগমইক্রামউল্লা মেয়েটি



ইন্টারন্যাশনাল পি-ই-এন কংগ্রেসে (এডিনবরা) কবি নরেন্দ্র দেব ও তদীয় পত্নী শ্রীরাধারাণী দেবী

খুব ভাল। সে লণ্ডনের এম-এ, পিএচ-ডি। চমৎকার বক্তৃতা দিলে। সাম্প্রদায়িকতার ধার দিয়েও যায় নি। মহম্মদ ইক্রাম সাহেব মুখ খোলেন নি। জসিমুদ্দীন সাহেবও বক্তৃতা দিলেন, কিন্তু সাম্প্রদায়িকতা দোষদুষ্ট, অত্যন্ত খেলো বক্তৃতা। তাতে তিনি নিজেকেও সেই সঙ্গে পূঃ পাকিস্তানকেও ছোট করে ফেলেছেন।”

* * * *

“এডিনবরা থেকে আমরা Lake Distriet এ বেড়াতে চলে যাই। অবশ্য তার আগে সারা স্কটল্যান্ড চষে বেড়িয়েছি। লেক প্রদেশে windermere থেকে Keswic পর্যন্ত ঘুরেছি মোটরেও মোটর বোটে। কবি wordsworth এর Dove cottage সমাধি দেখবার জন্য Grasmere বাই, সেখান থেকে লণ্ডনে কিরি।”

২৫শে জুলাই ষ্টকহলমে সেখানকার সর্বাপেক্ষা অধিক জনপ্রিয় সংবাদপত্র ‘ডায়েনস নেহার’ এর প্রতিনিধি কবিদম্পতির সহিত দেখা করিয়া তাঁহার কাগজে যে বিবরণ প্রকাশ করেন, তাহার অনুবাদ আমরা নিম্নে প্রদান করিলাম। লণ্ডনের কোন কোনও কাগজে ও P. E. N. কংগ্রেসের সংবাদের সঙ্গে কবিদম্পতির চিত্রও প্রকাশিত হইয়াছে এবং সিনেমার ‘নিউজ রীলে’র মধ্যেও P. E. N. Congress-এর ছবিতে তাঁহাদের চিত্র প্রকাশিত হইয়াছে। সার ওয়ার্ণটার স্কটের বাড়ী দেখিবার জন্য কবিদম্পতি যখন এডিনবরা হইতে ৩৬ মাইল দূরে abbatsfud এ যান তখন সেখানে স্কটের প্রপৌত্রের মুখে তাঁহারা শুনিয়াছেন যে এডিনবরা ও গ্লাসগোর সংবাদপত্রে তাঁহাদের ছবি ও বিবরণ প্রকাশ হইয়াছে।

‘ষ্টকহলম’এর পত্রে প্রকাশিত বিবরণ

এডিনবরায় পি-ই-এন কংগ্রেসে যাবার পথে এক ভারতীয় লেখক-দম্পতি সুইডেনে এসেছেন। শ্রীমতী আকারে ছোট কিন্তু তাঁর আকৃতি কবিতব্যঞ্জক। শ্রীযুত বেশ ভারিক্ণি ওজনের এবং নিবিড় গুম্ফ সমালঙ্কৃত। শ্রীমতী কবিতা লেখেন। তিনি পৃথিবীর পুরুষদের নারীর বাহিরের রূপ ও কৃত্রিম সৌন্দর্যের চেয়ে তাদের প্রতিভা ও মানসিক সৌন্দর্যের প্রতিই আকৃষ্ট হতে বলেন। শ্রীযুত দেব বাংলা ভাষায় নানা বিভাগেই লেখেন। তিনি বেয়র্গসন, ইবসেন প্রভৃতির রচনার অনুবাদও করেছেন।

শ্রীযুত দেব ‘গভীর রাতে সূর্যোদয়’ দেখবার জন্য আগ্রহান্বিত। আমরা আশা করি, তিনি দুপুর রাতের সূর্যের উপর বাংলা ভাষায় একটি কবিতা লিখবেন। শ্রীযুত দেব যুরোপের এই প্রসিদ্ধ প্রদেশটিকে পর্যটন করছেন। শ্রীমতী কথা বলেন একটু দ্রুত এবং দেব মহাশয়ের আগেই বলেন। শ্রীযুত অত্যন্ত সঙ্গমের সঙ্গে তাঁর কথামূলি শোনেন। যেন তিনি চিরদিনই এমনি সন্তোষ অত্যন্ত। এই লেখক-দম্পতি বিবাহিত জীবনের সীত মাধুর্যের ও পরস্পর সহযোগিতার অতি সুন্দর স্তম্ভ স্বরূপ। এঁরা যেন ইংরাজ কবি দম্পতি শ্রীমতী এ. ক্রাবেথ ও শ্রীযুত রবার্ট ব্রাউনিংয়ের ভারতীয় সংস্করণ।

শ্রীযুত দেব এ পর্যন্ত প্রায় ১৫ খানি

করেছেন—কবিতা, উপন্যাস, ছোট গল্প, প্রবন্ধ ইত্যাদি এবং শ্রীমতীর ৮ খানি কাব্যগ্রন্থ প্রকাশিত হয়েছে। সমস্তই বাংলা ভাষায় লেখা। এঁরা দুজনেই রবীন্দ্র যুগের সাহিত্যিক।


ভারতবর্ষে নানা ভাষা প্রচলিত থাকার দরুণ লেখকদের পক্ষে অগ্রসর হওয়া মুশ্কিল। এ ছাড়া সামাজিক, রাষ্ট্রিক ও অর্থনীতিক সমস্যা ও তাঁদের অগ্রগমনের পথে বাধা-স্বরূপ হয়ে দাঁড়ায়। শ্রীমতা দেব বলেন পুরুষরা যেন নারীদের প্রতি তাঁদের দৃষ্টিভঙ্গীর পরিবর্তন করেন। তিনি চান, নারীর বাহিরের সৌন্দর্যের চেয়ে অন্তরের সাংস্কৃতিক সৌন্দর্যের প্রতি তাঁদের মনোযোগ আকৃষ্ট করতে। তিনি বলেন—মেয়েদেরও বদলাতে হবে। তাঁরা লঘু ব্যাপারে মেতে না থেকে গুরুত্বপূর্ণ বিষয়ে মনোনিবেশ করুন। পৃথিবী থেকে যুদ্ধ বন্ধ করতে ও মানব সভ্যতার উন্নতি কল্পে তাঁরা কাজ করুন। মেয়েদের মধ্যে যে মাতৃস্বরূপিনী নারী আছেন তাকে উৎসাহ করে তুলতে হবে। এই ভাবে পুরুষের মানসিক পরিবর্তনের জন্ম ও নারীর বাণীর প্রতি শ্রদ্ধাসম্পন্ন হওয়ার ফলে পৃথিবীর উন্নতি হবে, কারণ মানসিক সৌন্দর্য্য এমন এক বস্তু, যা বয়স বাড়ার সঙ্গে সঙ্গে ম্লান হয়ে যায় না, বরং আরও উজ্জ্বল হয়।

তিস্তা নদীর জলপ্রাচীর—

কালিম্পং হইতে খবর আসিয়াছে, তিস্তার শাখা লাচেন নদীর গতিপথে ধ্বস নামায় তিন মাস ধরিয়া নদীর জল অবরুদ্ধ ছিল। ফলে গাংটকের ৪০ মাইল উত্তরে ৮ মাইল ব্যাপী স্থলে জল জমিয়া হ্রদের আকার ধারণ করিয়াছিল। গত ১৪ই সেপ্টেম্বর প্রবল বৃষ্টির ফলে এই ধ্বস নামিয়া যায় ও তিস্তার জল অভূতপূর্বভাবে গড়িয়া যায়। বহু বৃক্ষ উৎপাটিত হইয়া নদীর স্রোতে গিয়া বাইতে দেখা যায়! নদীর ধারে ধারে তৈল গাছ বাইতেছে—ঐ তৈল কোথা হইতে আসিতেছে কহিতে পারে না। এই সংবাদ অতীব শঙ্কাজনক—যদি জল বৃষ্টির ফলে সেতু নষ্ট হইবে ও জলপাইগুড়ীতে বিপর্যাস হইবে। এ বৎসর দৈবভূমিপাক আমাদের উপস্থিত করিবে কে জানে? পৃথিবী যে ধ্বংসের পথে গিয়াছে সে বিষয়ে সন্দেহের অবকাশ কোথায়?

শ্রী পুরুষোত্তম দাস ট্যাগোর—

কংগ্রেসের বর্তমান সভাপতি শ্রী পুরুষোত্তম দাস ট্যাগোর ১৮৮২ সালে এলাহাবাদে জন্মগ্রহণ করেন ও আইন পরীক্ষা পাশ করিয়া এলাহাবাদ হাইকোর্টে আইন ব্যবসা আরম্ভ করেন। ১৮৯৯ সালে তিনি কংগ্রেসে স্বেচ্ছাসেবকরূপে ও ১৯০৬ সালে প্রতিনিধিরূপে যোগদান করেন। ১৯১০ সাল হইতে তিনি হিন্দী সাহিত্য প্রচার আন্দোলনের সহিত সংশ্লিষ্ট হন। ১৯২১ সালে তিনি অসহযোগ করিয়া আইন ব্যবসা ত্যাগ করেন ও তদবধি কংগ্রেস ও দেশসেবার কাজ



নূতন কংগ্রেস সভাপতি শ্রী পুরুষোত্তম দাস ট্যাগোর

করিতেছেন। ১৯২৯ সালে তিনি লাল লালপৎ রায় প্রতিষ্ঠিত লোক সেবক সমিতির সভাপতি হন। ১৯২৩ সালে তিনি যুক্ত প্রাদেশিক কংগ্রেস কমিটির সভাপতি হইয়াছিলেন ও তাহার পর কিছুকাল লাহোরে পাঞ্জাব জাশানাল ব্যাঙ্কের সেক্রেটারী ও ম্যানেজারের কাজ করিয়াছিলেন। বহুবার তিনি কারাদণ্ড ভোগ করিয়াছেন ও ১৯৩৭ সালে যুক্ত প্রদেশ ব্যবস্থা পরিষদের স্পীকারের কাজ করিয়াছেন। ১৯৪৮ সালে তিনি কংগ্রেস সভাপতি

নির্বাচনে প্রার্থী হইয়া পরাজিত হইয়াছিলেন। তিনি সূতা মূল প্রস্তাব—
ব্যবহার করেন না, চিনি, লবণ, ঘৃত, দুগ্ধ, মসলা প্রভৃতি


নাসিক কংগ্রেসে যে সকল প্রস্তাব গৃহীত হইয়াছে,
তন্মধ্যে নিম্নলিখিত প্রস্তাবটিকেই মূল প্রস্তাব বলা হইয়াছে।



দূর হইতে গোদাবরী তীরে নাসিক

ফটো—দিলীপ দত্ত

ব্যবহার করেন না। তিনি কখনও সরু চাল খান না—
অত্যন্ত সাধারণ পোষাক ব্যবহার করেন। উত্তর প্রদেশে




নাসিক কংগ্রেস অভিমুখে স্বেচ্ছাসেবকবাহিনী ফটো—দিলীপ দত্ত
প্রস্তাবটি এইরূপ—“জাতীয়তা-বিরোধী ও প্রতিক্রিয়া-
পন্থীরা ভারতের উন্নতির পরিপন্থী বলিয়া কংগ্রেস দেশে



নাসিকে পাকী নগরের প্রধান ভোরণ

ফটো—দিলীপ দত্ত

সকলে তাঁহাকে রাজর্ষি বলে। তাঁহার নেতৃত্বে কংগ্রেস ও
দেশের মঙ্গল হইলেই লোক তাঁহার নির্বাচন সার্থক
মনে করিবে।



নাসিক কংগ্রেসে কুটীর শিল্প-প্রদর্শনীতে দর্শকের ভিড়

ফটো—দিলীপ দত্ত

সাম্প্রদায়িক পার্থক্যবৃদ্ধির অবসান ঘটাইতে চায়। ভারত ও
পাকিস্তানের মধ্যে যে উত্তেজনা ও গুরুতর সমস্যার উদ্ভব

হইয়াছে, ভারতের মর্যাদা ও স্বার্থের দিকে লক্ষ্য রাখিয়া ধৈর্য্য, সহিষ্ণুতা, সম্প্রাতি ও দৃঢ়তার সহিত সেগুলির সমাধান প্রয়োজন এবং চেষ্টা করিলেই উহার সন্তোষজনক সমাধান সম্ভব। যুদ্ধের পথ অবলম্বন না করিয়া শান্তিপূর্ণ উপায়ে দুই দেশের মধ্যে বর্তমান সমস্ত বিরোধের মীমাংসা করার জন্য চুক্তিবদ্ধ হইতে ভারত সরকার পাক সরকারের নিকট যে প্রস্তাব করিয়াছিলেন, কংগ্রেস তাহা সমর্থন করে। কংগ্রেস দিল্লী চুক্তিও অঙ্গমোদন করিতেছে। ভারত গণতান্ত্রিক রাষ্ট্র বলিয়া সকল সম্প্রদায় ও ব্যক্তিকে সমান অধিকার ও স্বাধীনতা দিয়াছে এবং ধর্মের ব্যাপারে কোন বৈষম্যমূলক ব্যবহার করে না। অতএব প্রত্যেক

বর্জন সম্মিলনে এক বক্তৃতা প্রসঙ্গে বলিয়াছেন—“কেবল মাত্র গোরক্ষার ইচ্ছা প্রকাশ করিয়া এবং প্রস্তাব গ্রহণ



গান্ধীনগর অভিমুখে প্রধান মন্ত্রী পণ্ডিত জহরলাল নেহরু—পথের দুই পার্শ্বে দর্শনেচ্ছু জনতা। সারিবদ্ধ মোটরগুলির প্রথম মোটরে পণ্ডিতজীকে দণ্ডায়মান অবস্থায় দেখা যাইতেছে কটো—পান্না সেন



নাসিক কংগ্রেসের ভোরণ সমীপে নূতন সভাপতির আগমন-
প্রতীক্ষার দর্শকগণ কটো—দিলীপ দত্ত

কংগ্রেস কর্মীকে সকল রকম সাম্প্রদায়িকতার বিরুদ্ধাচরণ করিতে কংগ্রেস আহ্বান করিতেছে।” এই সমস্যা আজ ভারতকে সর্বপ্রকারে বিভ্রত ও বিপর্য্য করিয়াছে। এই প্রস্তাব কি সে সমস্যা সমাধানে সাহায্য করিবে? যদি না, তবেই দেশের পক্ষে মঙ্গলের কথা। নচেৎ দেশ ক্ষয়প্রাপ্ত হইবে।

কংগ্রেস সভাপতি ও গোরক্ষা—

কংগ্রেস সভাপতি শ্রীযুত পুরুষোত্তম দাস ট্যাগুন গত ১৮ সেপ্টেম্বর নাসিকে নিখিল ভারত গোরক্ষা ও বনস্পতি



কংগ্রেস সভাপতি শ্রীপুরুষোত্তম দাস ট্যাগুন সতীক কটো—পান্না সেন
করিয়া সন্তুষ্ট থাকিলেই হইবে না, দৈনন্দিন জীবনে জন-সাধারণকে তাহা গ্রহণ করিতে হইবে। চামড়ার ব্যবসার জন্য এদেশে লোক গো-হত্যা করে। চামড়া রপ্তানী বন্ধ

হইলে যদি বহুমূল্য ডগার হারাইতে হয়, আমরা তাহাতে প্রস্তুত আছি। জনসাধারণের পক্ষে চামড়ার জুতা বর্জন ও তৎপরিবর্তে রবারের বা কাপড়ের জুতা ব্যবহার করা কর্তব্য।” এই প্রসঙ্গে শ্রীযুত ট্যাগুন জনসাধারণকে বনস্পতি ব্যবহার না করার জন্য অনুরোধ করেন। যদি ভাল ঘৃত বা তৈল না পাওয়া যায় তাহা হইলে



পশ্চিমবঙ্গের কংগ্রেস সভাপতি শ্রীঅতুল্য বোব এবং দুইজন মন্ত্রী
শ্রীকালীপদ মুখোপাধ্যায় ও শ্রীপ্রবুলচন্দ্র সেন কটো—পালা সেন

কিছুই ব্যবহার না করা ভাল। শ্রীযুত ট্যাগুন নিজে গত ১৯০৮ সাল হইতে চামড়ার জুতা ব্যবহার করেন না। ভারতে গোধান প্রায় লুপ্ত হইতে চলিয়াছে—এ অবস্থায় কংগ্রেস-সভাপতির মত ব্যক্তি যদি এ বিষয়ে প্রচার কার্য আরম্ভ করেন, তবে দেশের লোক পুনরায় গো-ধন রক্ষায় অগ্রগামী হইতে পারে। মৃতপ্রায় জাতির নিকট যে কোন আবেদনই উপস্থিত করা হইত না কেন, তাহা তাহার কর্ণে প্রবেশ করে না।

শ্রীমদ্রামদাস বাবাজী জয়ন্তী—

খ্যাতনামা বৈষ্ণব ভক্ত ও কীর্তনগায়ক শ্রীমদ্রামদাস বাবাজী মহাশয়ের নাম শুধু বাঙ্গালার বৈষ্ণব সমাজে নহে,

ভারতের সর্বত্র সুপরিচিত। তিনি শুধু নাম প্রচার করেন না; স্বর্গত রাধারমণ চরণদাস বাবাজী মহাশয়ের কৃপাপ্রাপ্ত হইয়া সকল বৈষ্ণব তীর্থ উদ্ধার ও রক্ষায় ব্রতী হইয়াছেন। তাঁহার চেষ্টায় বহু তীর্থস্থান সংস্কার করা হইয়াছে ও সংস্কৃতক্ষেত্রে বিগ্রহসেবাদের উপযুক্ত ব্যবস্থা হইয়াছে। সম্প্রতি সিঁধি বৈষ্ণব সম্মিলনীর উদ্যোগে প্রায় এক মাস ধরিয়া কলিকাতা ও সহরতলীর নানাস্থানে রামদাস বাবাজী জয়ন্তী অমুষ্ঠান পালিত হইয়াছে। সর্বত্র বাবাজী মহাশয়ের জীবন ও কার্যাবলীর কথা আলোচিত হইয়াছে ও বাঙ্গালী জনগণকে তাঁহার আদর্শ রক্ষায় সহযোগিতা করিতে অনুরোধ করা হইয়াছে। বাবাজী মহাশয়ের বয়স ৭৪ বৎসর—তিনি সুদীর্ঘ কর্মময় জীবন লাভ করিয়া বাঙ্গালার বৈষ্ণব-ধর্মকে নূতন জীবন দান করুন ও তদ্বারা বাঙ্গালী জনগণ উপকৃত হউক, আমরা সর্ভান্তঃকরণে তাহাই প্রার্থনা করি।

স্বামীজীর শ্রীরামকৃষ্ণ সেবাশ্রম—

স্বামী কৃপানন্দ মহারাজ বিহারে পাটনা জেলার মধ্যে প্রসিদ্ধ জৈন তীর্থক্ষেত্র রাজগীর নামক স্থানে শ্রীরামকৃষ্ণ সেবাশ্রম প্রতিষ্ঠা করিয়া গত বৎসর ধরিয়া বাঙ্গালী তীর্থযাত্রী ও স্বাস্থ্যান্বেষীদের নানাভাবে সেবা করিতেছেন। সম্প্রতি তথায় তিনি একটি মন্দির ও তৎসংলগ্ন একটি ধর্ম-শালা স্থাপন করিতেছেন। সে জগৎ একধণ্ডা জমী সংগৃহীত হইয়াছে ও কয়েক লক্ষ ইট প্রস্তুত হইয়াছে। কলিকাতায় কয়েকটি সিনেমায়ও কয়েক সহস্র টাকা সংগৃহীত হইয়াছে। আশ্রম পরিচালনের জন্য কলিকাতায় একটি কমিটি গঠন করিয়া রেজেষ্ট্রী করা হইয়াছে। বাংলার বাহিরে বাঙ্গালী পর্যটকদের নানাপ্রকার অনুবিধা ভোগ করিতে হয়। স্বামীজি তাহা দূর করার ব্যবস্থায় মনোযোগী হইয়া বাঙ্গালী জনসাধারণের ধন্যবাদের পাত্র হইয়াছেন আমাদের বিশ্বাস, ধনী ও সহদয় বাঙ্গালীরা স্বামীজি এই মহৎ কার্যে সর্বপ্রকার সাহায্য দানে বাধিত করিবেন।

রাষ্ট্রপুঞ্জ ও কমিউনিষ্ট চীন—

গত ১৯শে সেপ্টেম্বর ভারতের প্রতিনিধি শ্রীমদ্রামদাস বাবাজী মহাশয়ের সাধারণ পরিষদে কমিউনিষ্ট চীন সরকারের প্রতিনিধিকে রাষ্ট্রপুঞ্জে গ্রহণের দাবীর প্রস্তাব করা হইল। তাহা অগ্রাহ হইয়া যায়। শ্রীমদ্রাম বাবাজী বলেন—

সরকার এ বিষয়ে সুনিশ্চিত যে, পিপিং সরকার সুদৃঢ় ভিত্তির উপর প্রতিষ্ঠিত। কিন্তু তাহা সত্ত্বেও প্রস্তাবের পক্ষে ১৬জন ও বিপক্ষে ৩৩জন সদস্য ভোট দেন। মার্কিং পক্ষ এখনও চীনের কুও—মিংটাং পক্ষকে সমর্থন করিতেছেন। ঠাঁহাদের দলের এখন চীনে কোন প্রভাব নাই। সে দলের কয়েক জন সদস্যও কম্যুনিষ্ট দলে যোগদান করিয়া দেশ শাসনের ভার গ্রহণ করিয়াছেন। রাষ্ট্রপুঞ্জ কবে ধনিকত্বের প্রভাব মুক্ত হইবে কে জানে?

সেনাবাহিনী ও বাঙ্গালী—

গত ১৮ই সেপ্টেম্বর কলিকাতা বিশ্ববিদ্যালয়ের আওতাধীন হলে ভারতের প্রধান সেনাপতি কে-এম-কারিয়াপ্পা ছাত্রছাত্রীদের এক সভায় বক্তৃতা করেন। তিনি বলেন— ভারতীয় সেনাবাহিনীতে ভারতের সকল রাজ্যের অধিবাসীরই যোগদান করিবার সমান সুযোগ আছে—তৎসত্ত্বেও ভারতীয় সেনাবাহিনীতে বাঙ্গালার অধিবাসীদের সংখ্যা সামান্য, ইহা হতাশার কথা। তিনি আশ্বাস দিয়াছেন— যদি উপযুক্ত যোগ্যতাসহ যথাযোগ্য বাঙ্গালী তরুণ পাওয়া যায়, তবে তিনি অধিকসংখ্যক বাঙ্গালী তরুণকে ভারতীয় সেনাবাহিনীতে গ্রহণ করিবেন। ভারতীয় সেনাবাহিনীতে বাঙ্গালী গ্রহণ করিবার নীতি তিনি চালাইয়া যাইবেন। তিনি আশা করেন, বাঙ্গালী যুবকগণ ঠাঁহার আহ্বানে সাড়া দিয়া অধিক সংখ্যায় সেনাবাহিনীতে যোগদানার্থ আগাইয়া আসিবেন। আমাদের বিশ্বাস, ইহার পর সৈন্ত-বাহিনীতে যোগদানের জন্য বাঙ্গালী তরুণদের অভাব দেখা হইবে না।

বিহার ছুঁড়িক ও শ্রীজয়প্রকাশ—

সমাজতন্ত্রী নেতা শ্রীজয়প্রকাশ নারায়ণ ১৪ দিন ধরিয়া বিহারের মুন্সের, শারসা, পূর্ণিয়া, ভাগলপুর ও হারভাঙ্গা জেলায় ঘুরিয়া ছুঁড়িক ও বস্তা-বিধ্বস্ত স্থানসমূহ দর্শন করিয়াছেন। তাহার পর ১৫ই সেপ্টেম্বর পাটনায় এক বিবৃতি প্রকাশ তিনি জানাইয়াছেন—“রাজ্য ও কেন্দ্রীয় সরকার ইংগত বিহারের ছুঁড়িকের কথা অস্বীকার করিয়া দিয়াছেন। আমি এ বিষয়ে নিশ্চিত যে, বৃটিশ রাজ আজ কার্যে থাকিত ও কংগ্রেস যদি বিরোধী দলের ছুঁড়িকায় থাকিত এবং প্রভূত অবস্থা যদি ইহার অর্ধেক

শোচনীয় হইত, তাহা হইলে ছুঁড়িক ঘোষণার জন্য কংগ্রেসেই চীৎকার করিত। আজ অবস্থা অন্তরূপ বলিয়া কংগ্রেস ছুঁড়িক ঘোষণার বিরোধী। আমি দেখিয়াছি, পূর্ণিয়া জেলার রূপালি খানার তেলদিহা গ্রামে ৩২ জন অনশনে মারা গিয়াছে। লোক গাছের পাতা, মূল, কাঁকড়া, শামুক প্রভৃতি খাইয়া জীবন ধারণ করিতেছে।” শ্রীজয়-প্রকাশের এই বিবৃতির পরও কি বিহার-সরকার আর্ন্ত-জাণের কোন ব্যবস্থা করিবেন না। বিহারের বহু জেলা হইতে খাণ্ডাতাবপীড়িত দরিদ্র জনগণ দলে দলে পশ্চিম বাঙ্গলায় চলিয়া আসিতেছে—সে জন্ত আজ বাংলার অবস্থাও আশঙ্কাজনক হইয়াছে।

কাশ্মীর ও পাকিস্তান—

কাশ্মীর বিরোধ লইয়া হিন্দুস্থান ও পাকিস্তানের মধ্যে নিরাপত্তা পরিষদ যে আপোষের চেষ্টা করিতেছিল, তাহা ব্যর্থ হইয়াছে। নিরাপত্তা পরিষদ প্রেরিত প্রতিনিধি বিফল মনোরথ হইয়া ফিরিয়া গিয়াছে ও আপোষ মীমাংসার ভার উভয় রাষ্ট্রের উপর ছাড়িয়া দিবার নির্দেশ দান করিয়াছে। কিন্তু তাহার পরও কাশ্মীর সম্বন্ধে পাকিস্তানের মনোভাব লক্ষ্য করিলে বিস্মিত হইতে হয়। ১৭ই সেপ্টেম্বর গিলগিটে পাকিস্তান রাষ্ট্রপাল খাজা নাজিমুদ্দীন এক সম্বর্ধনা সভায় বলিয়াছেন—“কাশ্মীরকে মুক্ত করা প্রত্যেক পাকিস্তানী ধর্মবিশ্বাসের অঙ্গ বলিয়া মনে করে এবং পাকিস্তান প্রস্তাবের ইহা অবিচ্ছেদ্য অংশ। কাশ্মীরকে মুক্ত করিয়া পাকিস্তানের অন্তর্ভুক্ত করিতে না পারিলে পাকিস্তান অসম্পূর্ণ থাকিয়া যাইবে।” পাকিস্তান রাষ্ট্রপালের নির্দেশ সুস্পষ্ট—কিন্তু ভারতের প্রধান মন্ত্রী পণ্ডিত নেহরু এখনও আপোষের স্বপ্ন দেখিতেছেন। ভারত রাষ্ট্রকে কঠোরতার সহিত কাশ্মীরে কর্তব্য পালন করিতে হইবে—নচেৎ ভারত রাষ্ট্রের সমূহ বিপদের সম্ভাবনা। সেনাপতি কারিয়াপ্পা সৈন্ত সংগ্রহের সময় অকুণ্ঠভাবে যদি ভারতের বিপদের কথা সকলকে বুঝাইয়া দেন—তাহা হইলে ভারতের পক্ষে কাশ্মীরকে বিপন্ন করা আদৌ অসম্ভব হইবে না।

নারী সমাজ ও পণ্ডিতজী—

গত ১৯শে সেপ্টেম্বর নাসিক গান্ধীনগর হইতে ৬ মাইল দূরে এক বিরাট নারী সম্মিলনে পণ্ডিত জহরলাল

নেহরু নারী-সমাজের কর্তব্য নির্দেশ করিয়া বক্তৃতা করেন। তিনি বলেন—“ভারতীয় নারীসমাজ খাচ্ছ ও অত্যন্ত প্রয়োজনীয় দ্রব্যের অভাবের জন্ত যেন বিরক্তি প্রকাশ বা অভিযোগ না করেন এবং যাহা পাইবেন, তাহার দ্বারাই সংসার নির্বাহ করেন। স্বাধীন দেশের জনসাধারণের সকল দুঃখ দুর্দশা ও অসুবিধা সহ্য করিয়া স্বাধীনতার পরবর্তীকালীন সঙ্কট অতিক্রমে সরকারের সহিত সহযোগিতা করা কর্তব্য। অধিক পণ্য ও খাচ্ছ উৎপাদনের জন্ত নারীসমাজকেও কঠোর পরিশ্রম করিতে হইবে।” নারী সমাজ চেষ্টা করিলে দেশের খাচ্ছাভাব দূর করিতে পারেন। মানুষের অভ্যাস ত্যাগ করা আদৌ কঠিন নহে। যাহা সহজে পাওয়া যায়, তাহা দ্বারাই জীবনধারণের চেষ্টা না করিয়া আমরা দুঃখাপ্য জিনিষ সংগ্রহে প্রবৃত্ত হইয়া আমাদের অভাব বৃদ্ধি করিয়া থাকি। চিনি না হইলেও চলে। কিন্তু চিনির অত্যধিক ব্যবহারের ফলে সরকারকে বিদেশ হইতে বেশী দামে চিনি আমদানী করিতে হয়। এ সকল বিষয়ে আমাদের নারী সমাজ অবহিত হইবেন কি ?

সুন্দরবন অঞ্চলে বস্ত্রের ক্ষতি—

২৪ পরগণা জেলার বসিরহাট ও ডায়মণ্ড হারবার মহকুমার সুন্দরবন অঞ্চলে ভীষণবস্ত্রের ফলে বসিরহাটের তিন লক্ষ বিঘা জমী ও ডায়মণ্ড হারবারের দেড় লক্ষ বিঘা জমীর চাষ নষ্ট হইয়া গিয়াছে। বহু ঘরবাড়ী ও গৃহপালিত পশুও ধ্বংসপ্রাপ্ত হইয়াছে। এখনই ক্রম-বর্ধিত রক্ষার ব্যবস্থা না করিলে ক্ষতির পরিমাণ বহু পরিমাণে বাড়িয়া যাইবে। হাসনাবাদ ও নামখানাতে কেন্দ্র করিয়া সাহায্য কার্য আরম্ভ করা যাইতে পারে। সুন্দরবন অঞ্চলে যে চাউল উৎপন্ন হয়, তাহাভে কলিকাতাবাসীকে কয়েক মাস ধাওয়ানো হয়। সুন্দরবনের চাষ নষ্ট হইলে কলিকাতা বিপন্ন হইবে। এ বিষয়ে কর্তৃপক্ষের অবিলম্বে উপযুক্ত ব্যবস্থা অবলম্বন করা উচিত।

অর্থনীতিক কর্মসূচী—

নাসিক কংগ্রেসে অর্থনীতিক কর্মসূচী বিষয়ক একটি প্রস্তাব গৃহীত হইয়াছে। তাহাতে বলা হইয়াছে—“জন-কল্যাণব্রতী রাষ্ট্র প্রতিষ্ঠাই কংগ্রেসের লক্ষ্য। বর্তমানে

কি ভাবে পণ্যোৎপাদন বৃদ্ধি পাইতে পারে তাহার উপায় নির্ধারণ করিতে হইবে, উৎপাদন বৃদ্ধির পথে যে সকল অন্তরায় আছে, তাহা দূর করিতে হইবে। জনসাধারণের জীবনযাত্রার মান উন্নত করিতে হইবে। দেশের প্রত্যেকটি নাগরিকের কর্ম সংস্থান করিয়া দিতে হইবে। রাষ্ট্রে অপরকে পোষণের কোন সুযোগ থাকিবে না। অর্থ ও সম্পদের বৈষম্য এমনভাবে হ্রাস করিয়া আনিতে হইবে, যাহাতে প্রত্যেকটি মানুষ আত্মোন্নয়নের ও ব্যক্তিত্ব বিকাশের সমান সুযোগ লাভ করিতে পারে। নিত্যপ্রয়োজনীয় জিনিষগুলির উপর নিয়ন্ত্রণ ব্যবস্থা বজায় রাখিতে হইবে। সমাজ স্বার্থ বিরোধী যে সকল লোক নিয়ন্ত্রণ ব্যবস্থার সুযোগ গ্রহণ করিয়া নিজেদের স্বার্থসিদ্ধির চেষ্টা করিতেছে, তাহাদিগকে কঠোর শাস্তি দিতে হইবে। কয়েমী স্বার্থ বাহাতে বৃহত্তর কল্যাণের পথ হইতে জনগণকে বিচ্যুত না করিতে পারে তৎপ্রতি লক্ষ্য রাখিতে হইবে।”

কবি কঙ্কণানিধান সম্বন্ধে—

কবি শ্রীকঙ্কণানিধান বন্দ্যোপাধ্যায় মহাশয়ের বয়স ৭৪ বৎসর আরম্ভ হওয়ায় গত ২০শে সেপ্টেম্বর সন্ধ্যায় হাওড়া মহিলা কলেজে স্থানীয় দীনবন্ধু কলেজের ছাত্র ও মহিলা-কলেজের ছাত্র বৃন্দের উদ্যোগে তাঁহাকে সম্বর্ধনা করা হইয়াছে। প্রিন্সিপাল শ্রীবিজয়কৃষ্ণভট্টাচার্য সভায় সভাপতিত্ব করেন এবং শ্রীদেবেশচন্দ্র দাস, শ্রীফণীন্দ্রনাথ মুখোপাধ্যায়, শ্রীবিনায়ক সান্যাল প্রভৃতি সাহিত্যিকগণ কবির কাব্য সম্বন্ধে বক্তৃতা করেন। প্রবীণ কবির এই সম্বর্ধনাকারীরা দেশবাসীর ধন্যবাদের পাত্র। ছাত্রছাত্রীদের মধ্যে এই মনোভাব বৃদ্ধির ফলেই দেশ উন্নতির পথে অগ্রসর লইবে। সভায় কবি তাঁহার কাব্যের প্রেরণা সম্বন্ধে বক্তৃতা করিয়াছিলেন।

লোকগণনার কর্তব্য—

গত ২৩শে সেপ্টেম্বর আগামী আদমশুমারী বা লোকগণনা সম্বন্ধে এক সরকারী বিবৃতি প্রকাশিত হইয়াছে। ১৯৫১ সালের ফেব্রুয়ারী মাসে লোকগণনা করা হইবে। ঐ সম্পর্কে পশ্চিমবঙ্গের প্রধান মন্ত্রী শ্রীবিধানচন্দ্র রায় জানাইয়াছেন—“জনগণনা জাতির উন্নয়ন সম্পদের হিসাব নিকাশ। দেশের জন সংখ্যা, শ্রী

সংখ্যা, দেশবাসীর ধর্ম, বৃত্তি, সাহিত্য ও শিক্ষার মান প্রভৃতির হিসাব জনগণনার মাধ্যমেই সংগৃহীত হয়। ইহা হইতেই আমরা পাই—দেশের শিল্প, ব্যবসা বাণিজ্য, বাস ব্যবস্থা এবং সামাজিক ও অর্থনীতিক অবস্থার পূর্ণ ও যথাসম্ভব সঠিক বিবরণ।” তিনি জনগণকে এই কার্যে সরকারী কর্মীদের সাহায্য করিতে অনুরোধ জানাইয়াছেন। গণনা সম্পর্কে গৃহীত সকল তথ্য গোপনে রাখা হইবে—কাজেই সকলে যেন সকল তথ্য নির্ভুলভাবে প্রদান করিয়া সরকারের এই কার্যে সাহায্য করেন।

হইতে দেখিয়া সকলেই সন্তুষ্ট হইয়াছেন। এদেশে সাংবাদিক-পত্রের সংখ্যা বৃদ্ধির সঙ্গে শিক্ষিত সাংবাদিক তৈরী করারও প্রয়োজন হইয়াছে।

পার্লামেন্টের সদস্য নির্বাচন—

পশ্চিমবঙ্গ হইতে নির্বাচিত ভারতীয় পার্লামেন্টের সদস্য শ্রী চিত্তসিংহ মজুমদার, জনাব রাগীব আসান ও জনাব আবদুল হামিদ পদত্যাগ করায় যে ৩টি স্থান শূন্য হইয়াছিল গত ২৬শে সেপ্টেম্বর তথায় নূতন সদস্য নির্বাচন হইয়াছে—শ্রী চারুচন্দ্র বিশ্বাস, জনাব আজিজুল হক ও

কেন্দ্রীয় সাহায্য ও পুনর্বসতি মন্ত্রী শ্রী অজিত প্রসাদ জৈন তাঁহার সাম্প্রতিক কলিকাতা সফরকালে কতকগুলি উদ্ভাস্ত শিবির, মহিলাবাস ও শিশুপালন কেন্দ্র পরিদর্শন করেন। দেখা যাইতেছে একটি মহিলাবাসে তিনি কয়েকটির মহিলার সহিত কথোপকথনে রত



বিশ্ববিদ্যালয়ের সাংবাদিকতা শিক্ষা—

বর্তমান বৎসর হইতে কলিকাতা বিশ্ববিদ্যালয়ে সাংবাদিকতা শিক্ষার ব্যবস্থা হইয়াছে এবং ঐ বিভাগের ব্যবস্থাপনার জন্ত আনন্দবাজার-পত্রিকা-সম্পাদক শ্রী চপলা কান্ত চৌধুরীকে সম্পাদক করিয়া একটি কমিটি গঠিত হইয়াছে। শিক্ষার জন্ত মাসিক বেতন ১৫ টাকা, ভর্তি ফি ১৫ টাকা ও পরীক্ষার ফি ৬০ টাকা স্থির হইয়াছে। শ্রী হেমেন্দ্র প্রসাদ ঘোষ, শ্রী মাধনলাল সেন, শ্রী বিধুভূষণ সেনগুপ্ত, ডাঃ ধীরেন সেন, শ্রী মৃগালকান্তি বসু প্রভৃতি অধ্যাপনা কার্যে সন্মত হইয়াছেন। ২ বৎসর ধরিয়া শিক্ষাদান চলিবে। গত কয়েক বৎসর ধরিয়া কলিকাতা বিশ্ববিদ্যালয় এইভাবে চেষ্টা করিতেছিলেন—এবার সে চেষ্টা ফলবতী

জনাব আবদুল সত্তার সদস্য। চারুবাবু ভারতের সংখ্যালঘু মন্ত্রী, হক সাহেব প্রাক্তন করোনার ও সাত্তার সাহেব বঙ্গীয় প্রাদেশিক কংগ্রেস কমিটির অগ্রতম সহসম্পাদক।

শরৎচন্দ্রের ‘রামের স্মৃতি’

অপরাজেয় কাহিনীকার শরৎচন্দ্র চট্টোপাধ্যায়ের ‘রামের স্মৃতি’ নামক কাহিনীটি সর্বজনপরিচিত এবং ইহার সার্থক চিত্ররূপ সঘনো কল্পেও কিছু নূতন কথা বলিবার নাই। হিন্দী সর্বকচিত্রেও ‘ছোটো ভাই’ নামে এই কাহিনী যে অসামান্য সাফল্য অর্জন করিয়াছে তাহাও সর্বজনবিদিত। কিন্তু সম্প্রতি একটি সংবাদে জানা গিয়াছে যে, পাকিস্তান কর্তৃপক্ষ পাকিস্তানে এই অপূর্ণ ছবিখানির

প্রদর্শন নাকি বন্ধ করিয়া দিয়াছেন। অবশ্য সংবাদটিতে ইহাও উল্লেখ আছে যে, যদি ছবিটির শেষের অংশ—অর্থাৎ রামকে পুনরায় ধরে ফিরাইয়া আনার অংশটুকু বাদ দেওয়া যায় তাহা হইলে ঐ ছবি প্রদর্শনে কোন নিষেধাজ্ঞা থাকিবে না। সংবাদটি খুবই অদ্ভুত। কারণ ‘রামের স্মৃতি’ রাজনীতিক কাহিনীও নয়, সাম্প্রদায়িকতার কোনরূপ সংস্পর্শও ইহাতে নাই। ইহা একটি সামাজিক চিত্র। সুতরাং ইহার উপর নিষেধাজ্ঞা আরোপের এমন কি হেতু থাকিতে পারে? তবে কি ইহা দ্বারা আমরা ইহাই বুঝিব যে প্রত্যাবর্তন ব্যাপারটি কোনও ক্ষেত্রেই পাকিস্তান কর্তৃপক্ষ বরদাস্ত করিতে চান না? এবং এই ইচ্ছাই কি ইহাতে, সুস্পষ্ট নয় যে, পাকিস্তান-পরিভ্রাণী কোন হিন্দুর পুনরায় পাকিস্তানে প্রত্যাবর্তন পাকিস্তান কর্তাদের অভিপ্রেত নয়? ইহাই কি তাহার রূপক অভিব্যক্তি? দিল্লী চুক্তির মাধ্যমে যাঁহারা আত্মহারা এই সংবাদটির দিকে তাঁহাদের দৃষ্টি আকর্ষণ করিতেছি।

শ্রীমান কল্যাণকুমার মিত্র

আমরা শুনিয়া সুখী হইলাম যে অবসরপ্রাপ্ত জেলা জজ শ্রীযুক্ত কল্যাণকুমার মিত্রের পুত্র শ্রীমান কল্যাণকুমার মিত্র মাত্র ২৫ বৎসর বয়সে বোম্বাই ইউনিভারসিটি হইতে Bio-

Chemistry শাস্ত্রে পি-এইচ-ডি উপাধি লাভ করিয়াছেন। তাঁহার গবেষণার বিষয়বস্তু ছিল Fermentation Technology. ইতিপূর্বে তিনি কলিকাতা বিশ্ববিদ্যালয় হইতে কেমিস্ট্রিতে কাষ্ট ক্লাস ডিগ্রি এবং ইউনিভারসাল



শ্রীকল্যাণকুমার মিত্র

ইন্সটিটিউট অব সায়েন্স হইতে Chemical Engineering-এ Associateship ডিগ্রি প্রাপ্ত হইয়াছিলেন। বর্তমানে তিনি Fermentation সম্বন্ধে গভীরতর গবেষণায় নিযুক্ত আছেন।

তোমারে প্রণাম

বিজয়লাল চট্টোপাধ্যায়

তুমি আছো, তুমি ছাড়া কিছু নাই আর।
অনন্ত চৈতন্য, নখদর্পণে তোমার
র'য়েছে অগণ্য বিশ্ব। নিঃসাম শূন্যের
সংখ্যাগণন গ্রহভারা হ'তে অরণ্যের
কুত্রতম পুষ্পশিঙা—সবার পিছনে
আছে তব পরিচর্যা নিঃশব্দে গোপনে

তোমার কল্যাণ হস্ত করিছে সিঞ্চন
সকলের মূলে প্রাণরস। চিরন্তন
হে দেবতা, যে তোমারে দেখেছে অন্তরে
পেয়েছে সে চিরশান্তি। কোন ছুঃখশরে
টলাতে পারে না তারে। কোন প্রলোভনে
লুকু নহে চিত্ত তার। নিখিল ছুবনে

তুমি তার শ্রিয়তম, প্রাণের আরাধন ;
সচ্চিৎ আনন্দ তুমি—তোমারে প্রণাম।



শ্রীক্ষেত্রনাথ রায়

স্বধাংশুশেখর চট্টোপাধ্যায়

আই এফ এ শীল্ড ৪

১৯৫০ সালের আই এফ এ শীল্ডের ফাইনালে ইষ্টবেঙ্গল ক্লাব ৩-০ গোলে সার্ভিসেস একাদশদলকে শোচনীয়ভাবে হারিয়ে উপর্যুপরি দু'বছর এবং মোট তিনবার একই বছরে লীগ-শীল্ড বিজয়ের গৌরব লাভ করেছে। ১৯৪৫ সালে ইষ্টবেঙ্গল ক্লাব লীগ চ্যাম্পিয়ান এবং আই এফ এ শীল্ড একত্রে প্রথম বিজয়ী হয়। ইষ্টবেঙ্গল ক্লাব ভিন্ন স্থানীয়

দলের মধ্যে অপর কোন দলই এ পর্যন্ত তিনবার একই বছরে লীগ-শীল্ড বিজয়ের গৌরব অর্জন করতে সক্ষম হয়নি। ১৯৩৬ সালে ভারতীয়দলের মধ্যে প্রথম লীগ-শীল্ড বিজয়ী হয় মহম্মেডান স্পোর্টিং ক্লাব। তারা দ্বিতীয়বার লীগ-শীল্ড পেয়েছে ১৯৪১ সালে। লীগ-শীল্ড খেলার ইতিহাসে একই বছরে প্রথম লীগ-শীল্ড পায় মুম্বাই ১৮৯৮ সালে। গার্ডনস এইচ এল

আই ১৯০৮-৯ সালে উপর্যুপরি দু'বছর লীগ-শীল্ড পাওয়ার প্রথম রেকর্ড করে। এ রেকর্ডের সমান করেছে একমাত্র ক্যালকাটা (১৯২২-২৩) এবং ইষ্টবেঙ্গল ক্লাব (১৯৪৯-৫০)। এই রেকর্ড সম্পর্কে একটা

কথা উঠা স্বাভাবিক যে, আই এফ এ শীল্ড বিজয়ী হয়েছে এমন অনেক বহিরাগত মিলিটারী দলের লীগের খেলায় যোগদানের কোন সম্ভাবনা ছিল না বলে তাদের পক্ষে এই রেকর্ড করা বা ভঙ্গ করা সম্ভব হয়নি। একই বছরে লীগ-শীল্ড পাওয়ার রেকর্ড স্থাপন করা স্থানীয় দলের পক্ষে সম্ভব, বহিরাগত দলের পক্ষে নয়। সুতরাং যে সব দল এই রেকর্ড করেছে তাদের নাম উল্লেখ প্রসঙ্গে বলা



লীগ-শীল্ড বিজয়ী ইষ্টবেঙ্গল ক্লাব

ফটো—জে.কে.সাহা

উচিত, লীগ-শীল্ড খেলার ইতিহাসে এই দলগুলি স্থানীয় দলগুলির মধ্যে একই বছরে লীগ-শীল্ড পাওয়ার গৌরব লাভ করেছে। স্থানীয় কথাটির স্পষ্ট উল্লেখ না থাকলে বহিরাগত শীল্ড বিজয়ী দলগুলির প্রতি অবিচার করা হয়।

ইষ্টবেঙ্গল ক্লাবের পর্যায়ক্রমে দু'বছর লীগ-শীল্ড জয়লাভের ফলে কলকাতায় বহিরাগত ফুটবল খেলোয়াড়দের নৈপুণ্য স্বীকৃত হয়েছে। একথা স্বীকার না করলে তাঁদের প্রতি আমাদের অসৌজন্য এবং অকৃতজ্ঞতা প্রকাশ করা হবে। ইষ্টবেঙ্গল ক্লাবের খেলায় জয়লাভের প্রধান মেরুদণ্ড হ'ল আক্রমণ জাগের পাঁচজন বাইরের খেলোয়াড়দের সুসম্মত আক্রমণ পদ্ধতি, ক্ষিপ্ততা, পরস্পরের মধ্যে বুঝাপড়া, সুযোগ সন্ধ্যবহারে দক্ষতা এবং সর্বোপরি দলের জয়লাভের জন্ত অদম্য আকাঙ্ক্ষা। গোল করার উপরই যেখানে খেলার ফলাফল নিষ্পত্তি হয় সেখানে আক্রমণভাগকে শক্তিশালী করাই হ'ল বিচক্ষণতার



সন্তোষ ট্রফি বিজয়ী বাঙ্গলা প্রদেশ

পরিচয়। রক্ষণভাগ যত শক্তিশালীই হউক না কেন, দুর্বল আক্রমণভাগ নিয়ে হয়ত দু' একটা খেলায় দলের প্রাধান্য বজায় রাখা যায় কিন্তু লীগের গড়পড়তার খেলায় এবং টুর্নামেন্টে দলের শেষ মুখরক্ষা করা যায় না। আক্রমণভাগের শক্তিশালী খেলোয়াড়রা বরং বিপক্ষদলের গোল সীমানায় আক্রমণ চালিয়ে দলের দুর্বল রক্ষণ ভাগকে যথেষ্ট সহযোগিতা করতে পারে। বিপক্ষের গোল সীমানায় বেশী সময় বল রাখার অর্থই হ'ল নিজ দলের রক্ষণভাগের উপর বিপক্ষ দলের আক্রমণের চাপ

কমিয়ে দেওয়া। এই নীতিই হ'ল ফুটবল খেলায় সাফল্য লাভের মূলনীতি।

কিন্তু কার্যক্ষেত্রে অনেক দলই এই নীতির কথা ভুলে যায়। খেলায় প্রাধান্য লাভের প্রাথমিক নীতির দিক থেকে ইষ্টবেঙ্গল ক্লাবের কোন ভুল হয়নি। দলের আক্রমণ ভাগ সত্ত্বে অলিম্পিক প্রত্যাগত তিনজন এবং অপর দু'জন মোট পাঁচজনই বাইরের নাম করা খেলোয়াড় দিয়ে খুবই শক্তিশালী করা হয়েছে। গত বছরের ব্যাক তাজমহম্মদকে এ বছরের ফুটবল মরসুমের মধ্যে অনেক চেষ্টা সত্ত্বেও পাকিস্তান থেকে আনা সম্ভব না হওয়ার রক্ষণভাগ কলকাতার কোন কোন বিশিষ্ট ফুটবল দলের থেকে দুর্বল

হয়ে পড়ে। ফাইনালে দলের রক্ষণভাগ আগের তুলনায় আরও দুর্বল হ'ল—ব্যাকে ব্যোমকেশ বসু, হাফ ব্যাকে এস রায় এবং কাইজার অসুস্থতার জন্তে খেলতে না নামায়। ফাইনাল খেলার সমস্ত ক্ষণের মধ্যে কয়েকবার এ দুর্বলতা চোখে পড়লেও বেশী সময়ই দলের আক্রমণ দলের খেলোয়াড়রা বিপক্ষের গোলে তীব্র আক্রমণ চালিয়ে নিজ দলের রক্ষণভাগকে বিপদের চাপ থেকে রক্ষা করেছেন। দলের আধিপত্য রক্ষার জন্তে অপরাপর দলের মত ইষ্টবেঙ্গল

ফটো—প্রভাত বসু (ভেপো)

ক্লাবও অনেক বছর ধরে বাইরের খেলোয়াড় আনিয়ে দল গঠন করেছে। বেশীর ভাগই দলে খেলেছেন মাদ্রাজের নাম করা খেলোয়াড়রা। ১৯২৫ সালে ইষ্টবেঙ্গল ক্লাব প্রথম বিভাগের লীগে প্রথম খেলতে আসে। ১৯২৫-২৮ পর্যন্ত এই চার বছর প্রথম বিভাগে খেলে ১৯২৯ সালে দ্বিতীয় বিভাগে নেমে যায়। এই চার বছরের লীগ তালিকায় দলের স্থান এই ছিল—৪র্থ (১৯২৫), ৬ষ্ঠ (১৯২৬-২৭) এবং সর্ব নিম্নস্থান (১৯২৮)। ১৯৩১ সালে দ্বিতীয় বিভাগের লীগ চ্যাম্পিয়ান হয়ে পুনরায় ইষ্টবেঙ্গল ক্লাবকে ১৯৩২ সালে প্রথম বিভাগের

খেলায় খেলতে দেখা যায়। সেই সময় অর্থাৎ ১৯০২ থেকে ১৯৪১ সাল এই দশ বছরের মধ্যে বাইরের খেলোয়াড় দলে নিয়েও ইষ্টবেঙ্গল ক্লাব পাঁচ বার লীগের রাণাস আপ ছাড়া অপর কিছু হ'তে পারে নি। শীল্ডের খেলায় ১৯৩৭-৩৮ সালে ৩য় রাউণ্ড পর্যন্ত উঠেছিল। ১৯৪২-১৯৫০ সাল পর্যন্ত এই ৮ বছরের লীগ-শীল্ডের খেলায় ইষ্টবেঙ্গল ক্লাবে আগের থেকে যেমন বেশী বাইরের খেলোয়াড় যোগদান করেছে তেমন দলকে বিরাট সাফল্য লাভে সহযোগিতা ক'রেছে। এই আট বছরে লীগ পেয়েছে ৫ বার, উপরূপরি দু'বছর লীগ পেয়েছে দু'বার, অপরাঙ্ক্য অবস্থায় ১ বার। লীগে রাণাস আপ হয়েছে ১ বার। শীল্ড পেয়েছে ৪ বার, ৩ বার শীল্ডের রাণাস আপ হয়েছে। ১৯৪২-১৯৪৭ সাল পর্যন্ত পর্যায়ক্রমে ৫ বার আই এফ এ শীল্ডের ফাইনালে খেলে ক্যালকাটা ফুটবল ক্লাবের ১৯০৩-১৯০৭ সালে প্রতিষ্ঠিত রেকর্ডের সমান করে। তবে এই সময়ের মধ্যে ক্যালকাটা শীল্ড পেয়েছে ৩ বার, ইষ্টবেঙ্গল ২ বার। দলের সাফল্যের দিক থেকে ১৯৪৯ সালই ইষ্টবেঙ্গল ক্লাবের কাছে স্বর্ণীয় বছর— একই বছরে ক্যালকাটা ফুটবল লীগ, আই এফ এ শীল্ড এবং রোভার্স কাপ পায়।

আলোচ্য বছরের শীল্ডের খেলায় অনেক শক্তিশালী দলের যোগদান করার কথা ছিল, তারা কেউ যোগদান করেনি। প্রতিবছরই এ ব্যাপার ঘটেছে। ঢাক পিটিয়ে বলা হয় ভারতবর্ষের বিভিন্ন অঞ্চলের শক্তিশালী দল আই এফ এ শীল্ডে যোগদান করবে। কিন্তু শেষে দেখা যায় এমন সব দল আই এফ এ-র খরচায় খেলতে এসেছে যাদের ফুটবল খেলার ষ্ট্যাণ্ডার্ড এখানকার চতুর্থ বিভাগের নিম্নস্থান অধিকারী দলেরও সমান নয়। তারা অবিশি ক'লকাতার ক্লাবগুলির কাছে অধিক সংখ্যক গোল খেয়ে স্থানীয় দলের

রেকর্ড স্থাপন করার সুযোগ দিয়ে ভারতীয় ফুটবল খেলার রাজধানী ক'লকাতার ঘেরা মাঠে ফুটবল খেলার সৌভাগ্য লাভ করে। তাদের বিপক্ষে খেলে অধিক গোলের রেকর্ড করার সুযোগ ছাড়া ক'লকাতার ক্লাবগুলি আরও একটা স্বর্ণ সুযোগ পায়, খেলোয়াড় সংগ্রহ করার। দলগত খেলার ষ্ট্যাণ্ডার্ড যতই ধারাপ হ'উক, প্রতিবছরই কোন না কোন দলের দু'একজন খেলোয়াড় ব্যক্তিগত ক্রীড়া নৈপুণ্য দেখিয়ে ক'লকাতার দর্শকের মুগ্ধ ক'রে যান আর অমনি ক'লকাতার ক্লাবগুলির শ্রেন দৃষ্টি পড়ে তাঁদের উপর। ক্লাবের নামের ঐতিহ্য, নানা প্রকার সুযোগ সুবিধার চৌপ দিয়ে তাঁদের বিভিন্ন দলে টেনে আনা হয়। এই চৌপের



সন্তোষ ট্রফির ফাইনালে বিজেতা হায়দ্রাবাদ দল ফটো—ডি-রতন-এ্যাও কোং

চার বাঙ্গলা দেশেই নয়, সারা ভারতবর্ষ, বর্ষা জুড়ে ফেলা আছে।

ক'লকাতার বৃষ্টির মধ্যে খেলা, নাম করা দলের সমর্থকদের উচ্ছ্বলতা, দলের খেলার ফলাফল দলের সমর্থকদের মনোমত না হ'লে রেফারীকে আক্রমণ এবং স্বভাবতই রেফারীর পক্ষপাতিত্ব বাঙ্গলার বাইরের নামকরা ফুটবল দলকে ক'লকাতার মাঠে খেলতে আসতে কমই উৎসাহিত করে। এ নিয়ে বাঙ্গলার বাইরের কাগজ পত্র অভিযোগ উঠেছে। অভিযোগ অস্বীকার করা যায় না। বাঙ্গলার বিকছে আরও অভিযোগ, (১) একাধিক ক্লাব

বিভিন্ন প্রদেশের নাম করা খেলোয়াড়দের আমদানী ক'রে সেখানকার খেলার ষ্ট্যাণ্ডার্ডের অবনতির কারণ ঘটাবে, (২) জাতীয় ফুটবল প্রতিযোগিতায় সেই সব খেলোয়াড় কলকাতার ফুটবল খেলার যোগদানের দরুণ নিজ নিজ প্রদেশের পক্ষে খেলতে পারেন না (৩) এই সুযোগে বাঙ্গলা প্রদেশ নিজেও জাতীয় ফুটবল প্রতিযোগিতায় ঐসব বহিরা-স্বত্ব খেলোয়াড়দের মধ্যে একাধিক বাছাই খেলোয়াড় নিয়ে দলকে শক্তিশালী ক'রে বছবার ফাইনালে জয়ী হয়েছে (৪) ভারতবর্ষের ফুটবল খেলায় পেশাদারী প্রথা বে-আইনী কিন্তু অবাধে কলকাতায় বাইরের খেলোয়াড় আমদানীর কলে বিভিন্ন প্রদেশে সখের খেলার মর্যাদা রক্ষা অসম্ভব হয়ে পড়েছে—কলকাতায় আধাপেশাদারী খেলার প্রবর্তনে। এ সমস্ত নির্জলা মিথ্যা প্রতিপন্ন করতে কেউ পারেন কি? বর্তমান অর্থনৈতিক সঙ্কটকালে খেলোয়াড়দের মধ্যে কেবল নাম এবং দর্শকদের আনন্দ বিতরণের প্রেরণায় কয়জন বিত্তশালী খেলোয়াড় সময় দিয়ে শারীরিক পরিশ্রম ক'রে উন্নত খেলার অহুশীলন করতে পারেন? ক্লাবে খেলার দরুণ বাইরের খেলোয়াড়দের মত সুখ সুবিধা খুব কম বাঙ্গালী খেলোয়াড়ের ভাগ্যেই জুটে থাকে। বাঙ্গলাদেশের ফুটবল খেলার মান সম্মান, খেলার আত্মজাগ প্রভৃতি আদর্শমূলক কথা বলে বাঙ্গালী খেলোয়াড়দের সুখ অসুবিধার দাবীকে ঠাণ্ডা রাখা হয়। ফলে ভিতরে ভিতরে অসন্তোষের আগুন থেকে যার যার ফলে আজ বাঙ্গালী খেলোয়াড়রা আন্তরিকভাবে খেলা গ্রহণ করতে পারছেন না। এই আধাপেশাদার ফুটবল খেলার পরিবর্তে আমরা একাধিকবার ফুটবল খেলায় পেশাদারী খেলা প্রবর্তনের পক্ষে স্পষ্ট অতিমত এবং যুক্তি দেখিয়েছি। এ-আই-এফ-এফ-র এ ব্যাপারে গৌড়ামির কোন অর্থ বুঝা যায় না।

আই এফ এ লীগের ৪র্থ রাউণ্ডে ৮টি দলের মধ্যে বার্নাপুর দলই ছিল বাইরের। একদিকের সেমি-ফাইনালে সার্ভিসেস একাদশ দল মোহনবাগানকে ২-১ গোলে হারিয়ে ফাইনালে যায়। মোহনবাগানের সেন্টার ফরওয়ার্ড আহত বাবলু কুমারের স্থানে পুরোনো খেলোয়াড় অমল মজুমদারকে একেবারে ফাইনালে খেলতে দেখা যায়। ফরওয়ার্ডের এ পরিবর্তনে অবিস্তি কোন সুফল

হয়নি একমাত্র অমল মজুমদারের একটি গোল শোধ দেওয়া ছাড়া। অনন্ত্যন্ত স্থানে তিনি খেলতে পারেন নি এবং খেলার মধ্যে ছু'বার ফরওয়ার্ড খেলোয়াড়দের মধ্যে পরস্পর স্থান পরিবর্তনে সুফল হয়নি, বরং আরও খেলায় অবনতি দেখা যায়। লেফট আউটে একমাত্র দাশগুপ্তই সামরিক দলের বুট উপেক্ষা করে খেলেছিলেন; বাকি সকলেই বুটের ভয়ে এতবেশী সন্ত্রস্ত ছিলেন যে, সার্ভিসেস দলের রক্ষণভাগ বিপক্ষের এই চূর্নিতার সুযোগে চূড়ান্তভাবে খেলায় আধিপত্য বিস্তার করতে পেরেছিলো। সত্তার, গুহ ঠাকুরতা এবং অমল মজুমদার এই তিনজনের খেলার পদ্ধতির মধ্যে তাঁদের ঠাণ্ডা প্রকৃতির খেলার পরিচয় পাওয়া যায়। এঁদের মধ্যে কেউই dashing খেলোয়াড় নন, ফলে তাঁদের খেলায় ভীকতার ছাপ যথেষ্ট আছে। বিশেষ ক'রে সামরিক দলের বিপক্ষে গোলে সবগে ধাবমানে সক্ষম এমন একজন সেন্টার ফরওয়ার্ড দরকার।

মোহনবাগানের সে দিনের খেলায় পরাজয়ের কারণই হ'ল খেলায় ভুলপদ্ধতি, অনন্ত্যন্ত স্থানে খেলা এবং ফরওয়ার্ড খেলোয়াড়দের সাহসের অভাব। খেলার সমস্ত সময়েই একমাত্র সেন্টার হাফ টি আও এবং দ্বিতীয়ার্দ্ধে যা কিছু রতন সেন বিপক্ষের বুট এবং বল প্রয়োগ উপেক্ষা ক'রে খেলেছেন। দলের খেলার মধ্যে জয়লাভের অদম্য উৎসাহ বা জেদ ছিল না। সামরিক দল যে অসুচক গোলটি করে তা বেশই অভাবনীয় এই কারণে যে, মোহনবাগানের গোলরক্ষকের পক্ষে ঐ ধরনের গোল রক্ষা করা বিশেষ দক্ষতার পরিচয় হ'ত না। বলটি অনেক দূর থেকে গোলের মধ্যে যায়। গোলরক্ষক অহেতু এগিয়ে যাওয়ার ফলে বলটি কোন বাধা না পেয়েই গোলে ঢুকে। ঠিক এমনি ধরনের গোল ঐ একই গোলরক্ষককে খেতে দেখা গেছে লীগে ইষ্টবেঙ্গলের সঙ্গে দ্বিতীয় খেলায়। সার্ভিসেস দল খেলার অবস্থা বুঝে কখনও লম্বা বল পাঠিয়ে এবং কখনও সর্ট পাশ ক'রে দলের খেলোয়াড়দের বিপক্ষের বাধা অথবা লম্বা রাখার পূর্বেই বল দিয়েছে। সময়ে সময়ে বলটি মাটিতে পড়বার আগেই অথবা সময় নষ্ট না ক'রে বলটিকে উপরে উপরে দলের খেলোয়াড়দের নিখুঁতভাবে পাশ দিতে দেখা যায়।

মোহনবাগানের বিপক্ষে সার্ভিসেস দলের উন্নত শ্রেণীর

খেলা দেখে সকলেরই ধারণা হয়েছিলো সার্ভিসেস দল ফাইনালে তার প্রতিদ্বন্দ্বী দলকে খুবই বেগ দেবে, খেলার ফলাফল যাই হ'ক না কেন।

ইষ্টবেঙ্গল ২-১ গোলে অপর দিকের সেমি-ফাইনালে স্পোর্টিং ইউনিয়নকে হারিয়ে ফাইনালে উঠে। স্পোর্টিং ইউনিয়ন মাত্র একজন ছাড়া বাকি দশজন খাঁটি বাঙ্গালী খেলোয়াড় নিয়ে চারজন অলিম্পিক প্রত্যাগত এবং বাকি নাম করা খেলোয়াড় দ্বারা গঠিত রাজস্থানকে হারিয়ে দেয় লীগের এবং শীল্ডের খেলায়।

ফাইনালে সার্ভিসেস দল তার স্বাভাবিক খেলা খেলতে পারে নি, বলতে কি মাঠে দাঁড়াতে পারে নি এমনই খেলায় বিবৃত হয়ে পড়েছিলো।

একদিকে সার্ভিসেস দলের সেমি-ফাইনালে উন্নত ধরনের খেলা এবং অপর দিকে ইষ্টবেঙ্গল ক্লাবের নিয়মিত নাম করা খেলোয়াড় ব্যাক বি বসু, হাফ ব্যাক এস রায় এবং কাইজার আহত এবং অসুস্থ হয়ে পড়ার ইষ্টবেঙ্গল দল যে একটা জোর প্রতিদ্বন্দ্বিতা করার সুযোগ থেকে বঞ্চিত হ'ল এই দুঃখ ফাইনাল খেলা সুরু হওয়ার আগে পর্যন্ত সমর্থকদের মনকে বিশেষ ক'রে পীড়া দিতে থাকে। সত্যিই একটি দলের পক্ষে নিয়মিত তিনজন শক্তিশালী খেলোয়াড় এই রকম একটা গুরুত্বপূর্ণ খেলায় না খেললে, বিশেষ ক'রে যাদের অভাব দলের পক্ষে অপূরণীয় সেখানে সমর্থক এবং সমস্ত দলটির নৈতিক দৃঢ়তা থাকা অসম্ভব ব্যাপার। খেলায় যেমন অপ্রত্যাশিত ঘটনা ঘটে এ ক্ষেত্রেও তাই হ'ল যখন ইষ্টবেঙ্গল দল বি বসুর স্থানে সাত বছর আগের অবসারপ্রাপ্ত খেলোয়াড় বেবী গুহকে নিয়ে খেলতে নামলো। তখন দেখলাম সমর্থকরা আরও বেশী মুসুড়ে পড়েছেন। প্রথম শ্রেণীর খেলায় অনেক দিনের অনভ্যস্ত এবং তার উপর শারীরিক বিপুলতায় সসব্যস্ত বেবী গুহকে আজ আই এক এ শীল্ডের ফাইনালে খেলতে নামলে কি ক'রে নৈতিক দৃঢ়তা এবং উচ্চ আশা পোষণ করা যায় বলুন! কিন্তু খেলা সুরুর সঙ্গে সঙ্গে দেখা গেল দর্শকদের থেকে ইষ্টবেঙ্গলদলের খেলোয়াড়দের মনোবল সহস্রগুণ বেশী। ইষ্টবেঙ্গলদলের আক্রমণভাগের খেলোয়াড়রা সমর্থকদের ভরসা দিলেন। তাঁদের তীব্র গতির সঙ্গে পরস্পরের বুঝাপাড়া, নিখুঁত পাশ, এবং খেলায় গোল করার জিদের মুখে সার্ভিসেস দলের সেমি-ফাইনালের খেলা দর্শকদের মন থেকে তলিয়ে গেল।

খেলার বেলীভাগ সময়ই ইষ্টবেঙ্গল দলের ফরোয়ার্ডের খেলোয়াড়রা বিপক্ষের গোল সীমানায় বল টেনে রাখার ফলে দলের রক্ষণভাগের উপর চাপ খুবই কম পড়ে। মাঝে মাঝে ইষ্টবেঙ্গল দলের গোলের দিকে বল গেছে

কিন্তু হাফব্যাক, ব্যাক এবং গোলরক্ষক তাঁদের নিজ নিজ দায়িত্ব কৃতিত্বের সঙ্গে পালন করেছেন। বেবী গুহ একবার গোলের মুখে সবেগে ধাবমান একটা প্রচণ্ড সর্টের মুখে মাথা পেতে দিয়ে বলটি প্রতিরোধ ক'রে কিছুক্ষণের জন্ত সংজ্ঞা হারিয়ে ফেলেন কিন্তু কয়েকমিনিট পর এমন সহজভাবে মাঠে নেমে খেলতে থাকেন যে তাঁর খেলার উপর সমস্ত দর্শকদের আকর্ষণ পড়ে। গোলে ঘটক একবার মাথার উপরের বলে সময়মত ঘুবি মেরে এবং একবার শুয়ে পড়ে বলটি আঁকড়ে ধরে দু'টি অবধারিত গোল বাঁচান। ইষ্টবেঙ্গলের তিনটির বেশী গোল হ'ত; একবার আমের খাঁ ফাঁকা গোলে সর্ট না ক'রে দলের খেলোয়াড়কে বলটি পাস করায় একটা অবধারিত গোলের সুযোগ নষ্ট হয়; আর একবার গোল-রক্ষককে অসহায় অবস্থায় দূরে ফেলে রেখে যখন বলটি গোলের মধ্যে বিনা বাধায় ঢুকছে সেই সময় অপ্রত্যাশিত ভাবে সার্ভিসেস দলের একজন খেলোয়াড় প্রায় গোল লাইনের উপর থেকেই বলটি বের ক'রে দেয়। সেদিন ইষ্টবেঙ্গল দলের সাফল্যের মূলে ছিল দলের প্রত্যেকটি খেলোয়াড়ের মনোবল, খেলায় জয়লাভে জিদ, সর্বোপরি আক্রমণভাগের খেলোয়াড়দের ক্রীড়াচাতুর্য। গত ৮ বছরে দলটিকে লীগ-শীল্ডের খেলায় দলগত সাফল্য প্রতিষ্ঠা করতে বাইরের খেলোয়াড়রা প্রভূত সহযোগিতা করেছেন। বিশেষ ক'রে গত দু'বছর আক্রমণভাগের পাঁচজন বাইরের খেলোয়াড় এবং রক্ষণভাগের ৩৪ জন বাইরের খেলোয়াড়দের সহযোগিতা ভিন্ন এতখানি দলগত সাফল্য অল্প সময়ে সম্ভব হ'ত না; সে কথা ইষ্টবেঙ্গল ক্লাবের কর্তৃপক্ষমহল বুঝতে পেরেছিলেন বলেই তাঁরা অধিক সংখ্যক বাইরের নামকরা বাছাই ফুটবল খেলোয়াড় সংগ্রহে উৎসাহিত হয়েছিলেন। তাঁদের সফল প্রচেষ্টার আজ দলের সমর্থকেরা আনন্দিত হয়েছেন। যারা দলের সভ্য অথবা সমর্থক নন, তাঁরাও দলের খেলোয়াড়দের ক্রীড়াচাতুর্য স্বীকার করতে দ্বিধা বোধ করেন না। ইষ্টবেঙ্গল ক্লাবের এই দলগত জয়লাভের মধ্যে বাইরের নাম করা খেলোয়াড়-গণ ফুটবল খেলায় তাঁদের কৃতিত্ব এবং প্রাধান্য ক'লকাতার মাঠে সুপ্রতিষ্ঠিত ক'রে স্বদেশে ফিরে যাবেন, অনেকে এখানেই কিছুকাল থেকে যাবেন। ক'লকাতার বাইরের খেলোয়াড়দের আগমনের পথ সহজ ক'রে তাঁরা সত্যিই ভবিষ্যৎ বংশধরদের জাগ্য উজ্জ্বল রেখে গেলেন। অস্তান্ত ক্লাবের বাইরের খেলোয়াড়রা দলগত সাফল্য অর্জন করতে সক্ষম হ'ননি বটে কিন্তু এর জন্ত খুব বেশী হুঁশিয়ার কারণ তাঁদের নেই; অত সহজে বাদামী জাতির চৈতন্য উদয় হবে না।

নব-প্রকাশিত পুস্তকাবলী

অমরেন্দ্র ঘোষ প্রণীত উপস্থাপন "দক্ষিণের বিল"—৪
 পরিমল মুখোপাধ্যায় প্রণীত উপস্থাপন "পটভূমি"—২
 মধুসূদন চট্টোপাধ্যায় প্রণীত উপস্থাপন "তোমারই হউক জয়"—২৬
 নবকৃষ্ণ ভট্টাচার্য প্রণীত প্রথম ভাগ "ছবি ও ছড়া"—১০
 মাণিক বন্দ্যোপাধ্যায় প্রণীত গল্প-গ্রন্থ "আজ-কাল-পরশুর গল্প"—২
 গণকানন চট্টোপাধ্যায় প্রণীত উপস্থাপন "হৃদয় পতন"—২
 শ্রীজ্যোতিরিন্দ্রনাথ বন্দ্যোপাধ্যায় প্রণীত প্রথম ভাগ "মজার বই"—১০
 চিত্রভাস্কর প্রণীত কাব্য-গ্রন্থ "কয়েকটি কবিতা"—৬
 শ্রীঅভয়পদ রায় প্রণীত সন্দর্ভ "এসীমের অধ্বনি"—১১
 বীরেন দাশ প্রণীত উপস্থাপন "আরো দূর পথ"—৩
 ১. ভট্টাচার্য প্রণীত উপস্থাপন "সভ্যতার রাজপথে"—৩

শ্রীপঞ্চানন ঘোষাল প্রণীত উপস্থাপন "দুই পক্ষ"—২১
 শ্রীকালীকঙ্কর সেনগুপ্ত প্রণীত কাব্যগ্রন্থ "দিশারী কপোত"—২
 সঞ্জিতকুমার নাগ প্রকাশিত "নবজাতক"—১
 শ্রীপরিমল গোস্বামী প্রণীত গল্প-গ্রন্থ "মারকে মেঙ্গে"—৪
 শ্রীশিবরাম চক্রবর্তী প্রণীত "আমার লেগা"—৪১
 "ভূত ও অভূত"—১১
 শ্রীশৌরীন্দ্র চৌধুরী অনূদিত উপস্থাপন "কুড়িন"—৩
 শ্রীজগদীন্দ্র বাগচী সম্পাদিত "কমিউনিস্ট"—২৬
 পরেশকান্ত গঙ্গোপাধ্যায় অনূদিত উপস্থাপন
 "কার্ডিনালের এগরিনি"—৩১
 শ্রীকুমারেশ ঘোষ প্রণীত উপস্থাপন "ভাঙাগড়া"—২১

এইচ-এম-তির শারদ-অর্থ্য

এ মাসের উল্লেখযোগ্য অবদান বাংলার ছয় জন বিশিষ্ট শিল্পীর কণ্ঠে বিশ্বকবি শরৎ বন্দ্যোপাধ্যায়ের তিনখানি রেকর্ড। প্রত্যেকখানি গান রবীন্দ্রগীতি-
 ধ্যাত শিল্পীর কণ্ঠে মূর্ত্ত হয়ে উঠেছে। N 31267 রেকর্ডে পঞ্চম মল্লিকের কণ্ঠে "আমার রাত পোহাল শরদ প্রাতেব সঙ্গে" শ্রীমতী মুখোপাধ্যায়ের কণ্ঠে "ওগো শেফালী," N 31265 রেকর্ডে হেমন্ত মুখোপাধ্যায়ের কণ্ঠে "আজি শরত-তপনে," প্রভাত স্বপনের সঙ্গে শ্রীমতী
 সূত্রীত ঘোষের কণ্ঠে "মেঘের কোণে রোদ হেসেছে," N 31266 রেকর্ডে সন্তোষ সেনগুপ্তের কণ্ঠে "কার বাঁশী নিশি ভোরে"র সঙ্গে শ্রীমতী
 ইলা মিত্রের কণ্ঠে "তোমার মোহন রূপের" যে অনবচ্ছিন্ন প্রকাশ ভগ্নিমার সৃষ্টি করেছে তা সকলেরই ভাল লাগবে। কুমার শচীন দেববর্ষনের
 দু'খানি আধুনিক গান "খুলিয়া কুমুম সাজ" ও "আজো আকাশের পথ বাহি" (P11910) শিল্পীর মমতা ভরা কণ্ঠের পূর্ণ অভিব্যক্তি। বাণী
 চিত্রের ধ্রু-ব্যাক্ত শিল্পী কুমারী গীতা রায় (বসে) দু'খানি পল্লীগীতি N 31257 রেকর্ডে পরিবেশন করেছেন। শ্রীমতী সূত্রীত ঘোষের
 শ্রীতি উচ্ছল কণ্ঠের "চন্দ্রাবলী সাথে যাপি" ও "শুনি তিরস্কার কাহু" (N 31259) কীর্তন গীতি দু'খানি ভাবানুভূতিময় অস্ত্যতম শ্রেষ্ঠ
 অবদান। "আমি ডেলি প্যাসেঞ্জার" ও "বৌ একটা চাই" N 31262 রেকর্ডে পরিবেশিত কৌতুক গীতি দু'খানি রচনা ও পরিবেশনা
 স্ত্যে অপূর্ব—শিল্পী যশোদাহলাল মণ্ডলের স্বভাবসিদ্ধ কৌতুক-কণ্ঠের পরিবেশনে রেকর্ডটি উপভোগ্য হয়েছে। শ্রীমতী সূত্রীত মিত্রের
 N 31261 রেকর্ডের দু'খানি রবীন্দ্রগীতি "কোন পেপা প্রাবণ" ও "আজ ধানের খেতে" শিল্পীর গৌরবময় পরিচয়ের নিদর্শন। তরুণ
 বন্দ্যোপাধ্যায়ের "পূজোর ছুটি" N 31258, জগন্ময় মিত্রের "তুমি তো জান না" ও "আমার দেশের" N 31265 এবং কুমারী বাণী
 ঘোষালের N 31264 রেকর্ডে আধুনিক গানগুলিও ভাল হয়েছে। 'মহল' বাণী চিত্রের দু'খানি গানের স্বর N 31263 রেকর্ডে বেহালা চন্দ্র
 পরিবেশন করেছেন পরিতোষ শীল, ক্রারিওনেটের মাধ্যমে "বরসাত" বাণীচিত্রের দু'খানি জনপ্রিয় গানের মন্ত্রগীতি N 31260 রেকর্ডে
 প্রচার করেছেন শিল্পী রাজেন সরকার। শিল্পী সত্য চৌধুরী N 31283 রেকর্ডে যে আধুনিক গান দু'টি পরিবেশন করেছেন, তাই ব্যঙ্গনার
 দিক থেকে, রচনায় ও স্বরে তা নূতনত্বের দাবী করতে পারে। আজকের বাংলার আত্মনাট্য মূর্ত্ত হয়ে উঠেছে শিল্পীর কণ্ঠে। শিল্পী
 পঞ্চম মল্লিক ও উৎপলা সেনের P 11911 রেকর্ডে দু'খানি গান—ক্ষণকালের গান দিয়ে চিরকালকে বাঁধবার সার্থক প্রকাশ। শিল্পী
 কৃষ্ণচন্দ্র দে (অক্ষয়রাক) N 31267 রেকর্ডে মধুর উদাত্ত কণ্ঠে বিশ্বজননীকে জাগাবার আহ্বান জানিয়েছেন। শিল্পী কুমারী ঘৃষিকা রায়
 N 31281 রেকর্ডে যে আধুনিক গান দু'খানি উপহার দিয়েছেন—কণ্ঠমাধুরীমায় তা অনবচ্ছিন্ন। শিল্পী শ্রীমতী কমলা (ঝরিনা) N 31279
 রেকর্ডে বৈকুণ্ঠ সাহিত্যের দু'টি অমূল্য রত্ন—বিজ্ঞাপতি রচিত "কি কহবেরে সখি" ও জ্ঞানদাস রচিত "শুন শুনহে পরাণ পিয়া" কীর্তন দু'খানি
 সূত্রীত কণ্ঠের দরদভরা অভিব্যক্তি দিয়ে প্রকাশ করেছেন। শিল্পী স্বরসাগর জগন্ময় মিত্র N 31280 "বাসর" ও "সমাধি"—মিলন ও বিরহ,
 জীবন ও মৃত্যু—দিয়ে রচা দু'খানি আধুনিক গানকে মধুরতম করে পরিবেশন করেছেন। শিল্পী বেচু দত্ত N 31282 রেকর্ডে তাঁর
 উদাত্ত কণ্ঠের স্বংকারে দু'খানি আধুনিক গানকে রূপ দিয়েছেন। শিল্পী সন্তোষ সেনগুপ্ত N 31278 তাঁর মধুর কণ্ঠে "এই পার
 ভাঙা" ও "জীবনে যে দীপ" গান দু'খানি দিয়ে এবারের শারদ-অর্থ্য সাজিয়েছেন। শিল্পী মীনা কাপুর N 31234 "তোমার চরণ পরশ ছায়ে"
 আর "তুমি চলে যাবে জানি" মধুর কণ্ঠের দরদী পরিবেশনে মধুরতম হয়ে উঠেছে এই আধুনিক দু'খানি গান। গ্রামোফোন দ্বারা
 N 31285-92 আটখানি রেকর্ডে ঋষি বসুচন্দ্রের 'চন্দ্রশেখর' উপস্থাপনের রেকর্ড-নাটক রূপে প্রকাশ করেছেন। শ্রেষ্ঠ শিল্পী সমন্বয়ে নাটকটি
 উপভোগ্য হয়েছে।

সম্পাদক—শ্রীকণীন্দ্রনাথ মুখোপাধ্যায় এম-এ

২০৩১১, কর্ণওয়ালিস স্ট্রীট, কলিকাতা, ভারতবর্ষ প্রিণ্টিং: ওয়ার্কস্ হইতে শ্রীগোবিন্দপদ ভট্টাচার্য কর্তৃক মুদ্রিত ও প্রকাশিত







অগ্রহায়ণ-১৩৫৭

প্রথম খণ্ড

অষ্টত্রিংশ বর্ষ

ষষ্ঠ সংখ্যা

স্বদেশী গানে রবীন্দ্রনাথ

অধ্যাপক শ্রীকালিদাস নাগ

১৯০৫ সালের বঙ্গ-ভঙ্গ ও তৎপ্রযুক্ত 'স্বদেশী আন্দোলন' শুধু বাঙালীদের কাছে নয়, সারা ভারতের মানুষদের কাছে এক চিরন্তন প্রেরণার উৎস হয়ে আছে। এ যুগে রবীন্দ্রনাথ শুধু কবি-সাহিত্যিক ন'ন তিনি একাধারে রাষ্ট্রনৈতিক নেতা, অর্থনৈতিক ও সমাজনৈতিক মন্ত্রণরু; তাঁর "স্বদেশী-সমাজ" অপূর্ব মণীষা ও মৌলিকতায় ভরা ও বঙ্গ-ভঙ্গের আগেই ১৯০৪ সালে প্রকাশিত। সে প্রবন্ধটি আজও তন্ন তন্ন করে আমাদের পড়া উচিত, কারণ মহাত্মা গান্ধীর শেষ পঞ্চায়েৎ-তন্ত্রের পূর্বাভাষ তার মধ্যে পাই; যেমন, অহিংস প্রতিরোধ বা Passive Resistance দক্ষিণ আফ্রিকার জয়বুদ্ধ হবার আগেই ১৯০৮ সালে রবীন্দ্রনাথ লিখেছেন তাঁর "প্রারম্ভিক" নাটক (বৈশাখ ১৩১৬)—অত্যাচারী রাজা অত্যাচারিত্যের বিরুদ্ধে ধনঞ্জয় বৈরাগীর দলের সত্যগ্রহ! গণদেবতার সঙ্গে সাক্ষাৎ পরিচয় হয় রবীন্দ্রনাথের এই যুগেই। অগণ্য জনপ্রবাহ তাঁকে মাথায় করে গর্জ্জ উঠেছে, এগিয়ে চলেছে—এটি তাঁর মুখে শোনা গল্প নয়, আমাদের চোখে-দেখা ঘটনা। জনসাধারণের কণ্ঠে কণ্ঠে তখন তরঙ্গিত হয়ে উঠেছিল রবীন্দ্র-সঙ্গীত। তারও বিশ বছর আগে "বিচ্ছিন্না"র ছাপা অল্প কয়েকটি স্বদেশী গান ১৯০৫-৬ সালে যেন জাতীয়

সঙ্গীতে বঙ্গা ডাকিয়েছিল। রবীন্দ্রনাথের প্রায় সমবয়সী বিজেন্দ্রলাল রায় থেকে অতুলপ্রসাদ, রজনীকান্ত প্রভৃতি তরুণ স্বর-শিল্পীদের অঘোষ ডালি ভরে উঠেছিল সে যুগে, যখন শ্রীঅরবিন্দ ও তাঁর দলের বিচারের মধ্যে বন্দীরা গেয়ে উঠত দেশমাতৃকার বন্দনা গান; উল্লাসকর দণ্ডিত হয়েই আদালতের মধ্যে গেয়ে উঠেছিল—

“সার্থক জনম আমার জন্মেছি এই দেশে
সার্থক জনম মাগো তোমায় ভালবেসে।”

রবীন্দ্রনাথের জাতীয় সঙ্গীত কত ফাঁসীর আসামীদের প্রাণেও প্রেরণা জুগিয়েছিল সে কথা গবেষণা করে আমাদের জানতে হয়নি। বাংলার বুকে যেন হোমের আগুন জ্বলে উঠেছিল পঞ্চাশ বছর আগে (যেমন আজও জ্বলছে, অর্ধ শতাব্দী পরে আর এক অঙ্গচ্ছেদের ফলে)।

১৯০০ সালে দেখি রবীন্দ্রনাথ 'কল্পনা' ও 'কণিকা' শেষ করে নুতন ছন্দে আত্মপ্রকাশ করছেন 'কথা ও কাহিনী'তে, 'নৈবেদ্য'র আত্মোৎসর্গে (১৯০১) ও নবপর্ধ্যায় বঙ্গদর্শনে ও প্রবাসীতে তাঁর অতুলনীর গল্প রচনায় : 'আত্মশক্তি', 'ভারতবর্ষ' চরিত্রপূজা, লোকসাহিত্য, কণ্ঠরোধ, রাজা-

প্রজা, সমূহ স্বদেশ, শিক্ষা (জাতীয় শিক্ষা পরিষদ), তপোবন, ভারতবর্ষের ইতিহাসের ধারা—প্রভৃতি কত অমূল্য রচনা, সর্বোপরি স্বদেশী যুগের গল্প মহাকাব্য গোরা (১৩১৪-১৬)—যেটি মাসের পর মাস প্রবাসী থেকে কাড়াকাড়ি করে আমরা পড়েছি।

বিংশশতকের প্রথম দশকে যেন এক নূতন রবীন্দ্রনাথ নূতন বাণী নিয়েই আবির্ভূত হলেন। অথচ “ঈনাদি অতীতের” সঙ্গেও তাঁর গভীর যোগ আছে সেটি এবার বোঝাতে চেষ্টা করব, কয়েক দশক পিছু হেঁটে গিয়ে। সেখানে কোথাও দেখা পাব তাঁর অনেক ভুলে-যাওয়া সহকর্মীদের, তাঁর মর্গাধী দাদাদের, এমন কি তাঁর পিতৃদেব দেবেন্দ্রনাথ ও তাঁর অন্তরঙ্গদের। অনেক রকম আলোড়ন ও পরিবর্তন স্বীকার করেও দেখব এক বিরাট অপরিবর্তনীয় অবদান বাংলার ও বাঙালী জাতির—যার ফল ভোগ করছে আজ সারা ভারত—হয়ত সারা এশিয়া।

‘তাই রবীন্দ্রনাথের কাব্য নাটকাদির ধারা ছেড়ে স্বদেশী ভাবধারাটিকে অনুসরণ করে যাবো ‘জাতীয় সঙ্গীত’ পথ্যায়ের গানগুলিকেই প্রধান অবলম্বন করে। রবি-বাউলের আবির্ভাব আমাদের স্বদেশী গানের তথা রবীন্দ্র সঙ্গীতের বিবর্তনে কম রহস্য-ভরা ইতিহাস নয়।

রবীন্দ্রনাথের জন্ম বিচিত্রকীর্তি “ঠাকুর পরিবারে”; রবীন্দ্র-প্রতিভার ক্ষুরেণে ও গঠনে সেই পরিবারটির অবদান নিয়ে অনেক দিন ধরে অনেক কিছু লেখা হয়েছে; হয়ত একটু বেশী করেই লেখা হয়েছে বলে শিল্পী রবীন্দ্রনাথ নাকি তাঁর জীবনী-লেখককে অনুযোগ করেছিলেন যে মেটা যেন তাঁর জীবনীর চেয়ে ‘খ্রীস্ট ঈশ্বরকানাথ ঠাকুরের পৌত্রের জীবনী’ই বেশী মনে হয় (অন্ততঃ প্রথমদিকে!) ; হয়ত কবি রবীন্দ্রনাথ সাবধান করাতো চেয়েছিলেন শুধু কুলপঞ্জী আলোড়নের বিপক্ষে! তাঁর স্বরচিত ‘ছেলেবেলা’ ও ‘জীবনস্মৃতি’ আমাদের কাছে অমূল্য উপাদান; অথচ অল্প মালমগলা সংগ্রহের কাজেও নাম্তে হবে—কারণ অনেক তার নষ্ট হয়ে গেছে ও নষ্ট যাবে; নূতন চোখ নিয়ে কাজে নাম্তে না পারলে নূতন উপাদান মেলাও কঠিন ব্যাপার।

তাঁর জন্ম, শৈশব ও কৈশোর কাল কেটেছে দেশের এক বিষম যুগ-সঙ্কটে (১৮৫৮-১৮৭৮); প্রথম জাতীয় যুদ্ধ (mutiny) শেষ হয়েছে রক্ত-বন্যায়; ইষ্ট ইন্ডিয়া কোম্পানীকে উঠিয়ে বৃটিশ জাতি তার পার্লামেন্ট ও সাম্রাজ্যী লোষণা মারফতে (Queen's Proclamation) শাসন শুরু করেছে। এত বড় বিপ্লব কেন ও কি ভাবে হয়ে পড়ল তা বুঝতে হলে রবীন্দ্রনাথের পিতা ও পিতামহের যুগ পর্য্যন্ত দৃষ্টিপাত করতে হয়; কারণ নূতন বাংলায় স্বাধীনতার আন্দোলন মানব-স্বাধীনতার শ্রেষ্ঠ স্তম্ভ রামমোহন রায়ের চিন্তা ও কর্মধারার সঙ্গেও যুক্ত। প্রথম সিপাহী বিদ্রোহ উত্তর পশ্চিমে নয়, ব্যারাকপুরে (১৮২৪) —সেটা তোলা চলে না। যাহোক ১৮৫০ থেকেই তুমুল তর্ক চলছিল যে ভারত থেকে কোম্পানীর রাজ্য ওঠা উচিত। সেই সময়েই আবার দেখি অনেকের সঙ্গে Karl Marx ব্রিটিশ শোষণ-নীতির কঠোর সমালোচনা

শুরু করে দিয়েছেন। এদিকে ১৮৫১ (সেপ্টেম্বর) দেশহিতার্থী সভা (The National Association) স্থাপিত হল; মহর্ষি দেবেন্দ্রনাথ ঠাকুর তার প্রথম সম্পাদক ও তাঁকে সাহায্য করতে এলেন প্রমথকুমার ঠাকুর প্রভৃতি এবং Kirkpatrick নামে ক্ষুদ্র সাহেব। এখানেও রবীন্দ্র-পিতামহ ঈশ্বরকানাথের নীতির অনুসরণ; অর্থাৎ ইংরাজকে হটাতে হলে ইংরেজ-সহকর্মী নিতে হবে, যেমন George Thompsonকে বিলাত থেকে এনে রামগোপাল ঘোষ প্রভৃতি কর্মীদের ঈশ্বরকানাথ গড়ে তুলেছিলেন। ১৮৫৪ জানুয়ারী পর্য্যন্ত অর্থাৎ দু'বছরের উপর সম্পাদকের কাজ করে দেবেন্দ্রনাথ পদত্যাগ করেন ও রাজা প্রতাপ সিংহের ভ্রাতা ঈশ্বরচন্দ্র সিংহ দেশহিতার্থী সভার সম্পাদক হন। তার আগেই দেবেন্দ্রনাথের প্রচেষ্টায় মাদ্রাজে (এবং হয়ত অন্ততঃ) National Associationএর শাখা প্রতিষ্ঠিত হয়েছিল এবং রাধাকান্ত দেব, প্রমথকুমার ঠাকুর প্রভৃতি এই সভার সঙ্গে British Indian Associationএর কাজের সংযোগ রেখে চলেছিলেন। এই সভা থেকে পার্লামেন্টে ভারত-শাসন সম্পর্কে এক স্মারকলিপি (memorial) পাঠান হয়, যার লিপিকার ছিলেন হয়ত হরিশচন্দ্র মুখোপাধ্যায় (পরে Hindoo Patriotএর স্বনামধন্য সম্পাদক)। হরিশচন্দ্র ও সখাদ প্রভাকর প্রতিষ্ঠাতা ঈশ্বরচন্দ্র গুপ্ত তত্ত্বাবোধিনী সভার সদস্য ও দেবেন্দ্রনাথের অন্তরঙ্গ সহকর্মী ছিলেন। ১৮৫৯খৃঃ দেখি দেবেন্দ্রনাথ কেশবচন্দ্র সেনকে নিয়ে ব্রাহ্ম সমাজের কাজে আত্মনিয়োগ করেছেন। রামমোহন ও ঈশ্বরকানাথের মত দেবেন্দ্রনাথও বিশ্বাস করতেন যে সর্বজনীন ধর্মের ভিত্তিতে মিলিত হলে ভারত-বাসীদের পক্ষে স্বাধীনতা অর্জন করা সুগম হবে এবং ঐক্য-মন্ত্রেই স্বাধীনতার সাধনা ভারতে কল্পযুক্ত হবে। তাই দেবেন্দ্রনাথ সে যুগে স্পষ্ট লিখেছিলেন:—“যদি বেদান্ত প্রতিপাল্য ব্রাহ্মধর্ম প্রচার করিতে পারি, তবে সমুদায় ভারতবর্ষের ধর্ম এক হইবে, পরস্পর বিচ্ছিন্ন ভাব চলিয়া যাইবে, সকলে ভ্রাতৃত্বাবে মিলিত হইবে। তার পূর্ব্বেকার বিক্রম ও শক্তি জাগ্রত হইবে এবং অবশেষে সে স্বাধীনতা লাভ করিবে ..” (“দেবেন্দ্রনাথের আত্মজীবনী”); এই মহান উদ্দেশ্য সাধন-কল্পে তিনি Indian Mirror (আগষ্ট ১৮৬১) ও পরে National Paper প্রতিষ্ঠিত করেন।

৩রা অক্টোবর ১৮৫৬—১৫ নভেম্বর ১৮৫৮ অর্থাৎ দু'বছর মহর্ষি দেবেন্দ্রনাথ হিমালয়ের নানা স্থানে ধ্যানধারণায় কাটিয়েছিলেন। সেযুগে তাঁর ব্রহ্মসাধনার সঙ্গে স্বাধীনতার সাধনাও মিলেছিল বলেই তাঁর পরিবারে—বিশেষ তাঁর গুলী পুত্র দ্বিজেন্দ্রনাথ (১৮৪০-১৯২৬), সত্যেন্দ্রনাথ (১৮৪২-১৯২৩), জ্যোতিরিন্দ্রনাথ (১৮৪৯-১৯২৩) ও কল্পা স্বর্ণকুমারী (১৮৫৫-১৯৩২), প্রভৃতির প্রাণে ও রচনায় সেই উদার স্বদেশিকতার গভীর পরিচয় পাই। এঁদের রচিত বহু গানে দেখি অধ্যাত্ম অনুভূতির সঙ্গে মিশে আছে স্বাধীনতার প্রবল আবেগ এবং দুইএর চরম সমন্বয় ও পরাকাষ্ঠা মিলবে রবীন্দ্রনাথের ব্রহ্ম সঙ্গীত ও স্বদেশী গানে।

মিউটিনের বছরেই দেখি “স্বাধীনতা স্বাধীনতার কে বাচিত্তে

চায় রে” গানের রচয়িতা রঙ্গলাল বন্দ্যোপাধ্যায়ের (১২৩৪-২৪) “পদ্মিনী” প্রকাশিত হ’ল। Col. Todd-এর রাজপুত কাহিনী থেকে এক নূতন ভাবস্রোত বাংলা সাহিত্যে প্রবেশ করতে শুরু হ’ল। রঙ্গলালের ‘কর্ম্মদেবী’ ও মধুসূদনের ‘কৃষ্ণকুমারী’ নাটক থেকে জ্যোতিরিন্দ্রের ‘সরোজিনী’ ও তাতে রবীন্দ্রনাথের ‘ছলছল চিতা’ গানটি সেকালের লোকদেদের মনে কী উদ্দীপনা এনেছিল আমরা হয়ত আজ বুঝতে পারব না। সংগ্রাম করে রক্তদানে স্বাধীনতা অর্জন করতে হবে—এ শিক্ষা সেন শিশু রবীন্দ্রনাথ সহজ আবহাওয়া থেকেই পেয়েছিলেন। তত্ত্ববোধিনী পত্রিকার যুগ ও তার প্রবন্ধগুলি নিয়ে আরো নৌলিক আলোচনা দরকার ; রায়ৎ-প্রজাদের শুধু স্বাধীনতা কাড়া নয়—তাদের চামের জমি ও পেটের ভাত পর্যন্ত লুট করার ফলে দেশের অবস্থা কী শোচনীয় হয়েছিল তার বর্ণনা তত্ত্ববোধিনীর লেখাতে প্রথম পাই—ও পরে সম্ভ্রীচন্দ্র ও বক্রিমচন্দ্র তাঁদের বঙ্গদর্শনে বাংলা দেশের কৃষক প্রবন্ধে চাপেন। ইতিমধ্যে দীনবন্ধুর নীলদর্পণ ও মধুসূদনকৃত তার ইংরেজী অনুবাদ এবং সঙ্গে সঙ্গে R. v. Long-সাহেবের জেন—এই সব ঐতিহাসিক ঘটনা বাঙ্গালীর জীবন ও সাহিত্যকে সৌগন্দ্যের অভিধানে মুক্ত করে বিশ্বের দরবারে পাকা আদান দিতে চলেছে রবীন্দ্রনাথের শৈশবে। ১৮৭৫-৭৭ সালের তাঁর প্রথম প্রকাশিত দুটি কবিতাই—‘হিন্দুমেলার উপহার’ ও Lytton দরবার-কাব্য হেমচন্দ্রের ভারত সঙ্গীত (১৮৭০) প্রভাবাধিত। হেমচন্দ্রনাথ, রাজনারায়ণ বসু ও নবগোপাল মিত্রের উৎসাহে এই হিন্দুমেলা (১৮৬৭) সে যুগের শ্রেষ্ঠ জাতীয় প্রতিষ্ঠান হয়ে উঠেছিল ; সেকালের দীপ্ত বর্ণনা নৌভাগ্যক্রমে লিপিবদ্ধ করেছেন রবীন্দ্রনাথ ও জ্যোতিরিন্দ্রের সহপাঠী কবিবর নবীনচন্দ্র সেন (১৮৪৭-১৯০৯) ; ইনি এডুকেশন গেজেটে (১৮৬৬-৬৮) স্বদেশী কবিতা লিখতে শুরু করেন : হেমবাবুর ভারতসঙ্গীত অবার (নবীন সেন) স্বদেশ প্রেমব্যঞ্জক বহু কবিতা প্রকাশের পর প্রকাশিত হয়।” তাঁর পলাশির যুদ্ধ (১৮৭৭) তরুণ-দর মনে খুব নাড়া দিয়েছিল। নবীনচন্দ্র ‘আমার জীবনে’ দু’একটি নিখুঁত ছবি এঁকে গেছেন রবীন্দ্রনাথের— ১৫ বছরের বালক কিস্ত দেখতে যেন ১৮।১৯—“বৃক্ষতলায় যেন একটি স্বর্ণ-মূর্ত্তি স্থাপিত হইয়াছে...তিনি পকেট হইতে একটি নোটবুক বাহির করিয়া কয়েকটি গীত পাহিলেন ও কয়েকটি কবিতা গীত-কণ্ঠে পাঠ করিলেন। মধুর কামিনী-লাঞ্ছন কণ্ঠে এবং কবিতার মাধুর্য্যে ও ফুটোশুপ প্রতিভায় আমি মুগ্ধ হইলাম...অক্ষয়চন্দ্র সরকার মহাশয়কে বলিলাম যে আমি নেসানাল মেলায় গিয়া একটি অপূর্ব্ব নবযুবকের গীত ও কবিতা শুনিয়াছি এবং আমার বিশ্বাস হইয়াছে যে তিনি একদিন একজন প্রতিভাসম্পন্ন কবি ও গায়ক হইবেন।” আবার ১৮৯৩ সালে রাণাঘাটে দেখা : ‘কুষ্টিয়া যাইবার পথে একদিন প্রাতে নিমন্ত্রিত হইয়া ১০টার ট্রেনে দয়া করিয়া রাণাঘাটে আমার সঙ্গে সাক্ষাত করিতে আসিয়াছিলেন...সেই (১৮৭৬) নবযুবকের আজ পরিণত যৌবন। কে শান্ত, কি হৃন্দর, কি প্রতিভাঘিত দীর্ঘাবয়ব ! উচ্ছল গৌরবর্ণ ; ফুটোশুপ পদ্ম-কোরকের মত দীর্ঘ মুখ। মস্তকে মধ্যভাগ-বিভক্ত

কুণ্ডিত ও সজ্জিত ভ্রমরকৃষ্ণ কেশশোভা, অলকা শ্রেণীতে সজ্জিত স্বর্ণ-দর্পণোচ্ছল ললাট। ভ্রমরকৃষ্ণ গুণ ও খর্ব্ব আশ্র শোভাঘিত মুগ্ধমুগ্ধ। কৃষ্ণ পদ্মবৃক্ষ দীর্ঘ ও সমুচ্ছল চক্ষু, হৃন্দর নাসিকায় সজ্জিত স্বর্ণের চশমা...মুখাবয়ব দেখিলে চিত্রিত ধৃষ্টের মুগ্ধ মনে পড়ে। পরিধানে সাদা ধূতি, সাদা রেশমী পিরাণ ও রেশমী চাদর, চরণে কোমল পাত্রকা...আমি তাঁহাকে অভ্যর্থনা করিয়া গৃহে আনিলাম। আমার তখন বিজ্ঞাপতি ও চণ্ডীদাসের মিত্রনের কবিতাটি মনে পড়িল, “দুহ উৎকর্ষিত শৈল”।

দেশপ্ৰীতির উদ্ভাষনা তখন দেশে কোথাও নেই। রঙ্গলালের “স্বাধীনতা-ভীতায় কে বাঁচিতে চায়রে” আর তারপরে হেমচন্দ্রের “বিংশতি কোটি মানবের বাণ” কবিতায় দেশমুক্তি-কামনার স্বর ভোরের পাখির কাকলির মত শোনা যায়। হিন্দুমেলার পরামর্শ ও আয়োজনে আমাদের বাড়ির সঙ্ঘে তখন উৎসাহিত, তার প্রধান কর্মকর্তা ছিলেন নবগোপাল মিত্র। এই মেলার গান ছিল মেজদাদার লেখা “জয় ভারতের জয়”, গণদাদার লেখা “লঙ্কায় ভারত যশ গাইব কি করে”, বড়দাদার “মলিন মুখচন্দ্রমা ভারত তোমারি।” জ্যোতিদাদা এক গুপ্ত সভা স্থাপন করেছেন একট পোড়ো বাড়িতে—তার অধিবেশন, ঋগ্বেদের পুঁথি, মড়ার মাথার খুলি আর পোলা তলোয়ার নিয়ে তার অনুষ্ঠান, রাজনারায়ণ বসু তার পুরোহিত ; সেখানে আমরা ভারত উদ্ধারের দীক্ষা পেলেম।

এই সকল আকাঙ্ক্ষা উৎসাহ উজ্জ্বলগের কিছুই ঠেলাঠেলি ভিড়ের মধ্যে নয়। শান্ত অবকাশের ভিতর দিয়ে ধীরে ধীরে এর প্রভাব আমাদের অন্তরে প্রবেশ করেছিল। রাজসরকারের কোতোয়াল, হয় তখন সতর্ক ছিল না, নয় উদাসীন ছিল, তারা সভার সভ্যদের মাথার খুলি ভঙ্গ বা রসভঙ্গ করতে আসে নি।

“আমরা তখন তাঁহাকে একটি গান গাইতে অনুরোধ করিয়া হারমনি-ফুটু তাঁহার সামনে দিলাম—তিনি একটি পর্দা কিছুক্ষণ টিপিয়া স্বরটি মাত্র স্থির করিয়া যন্ত্র ছাড়িলেন ; তাঁহার পর একটি নূতন কীর্তন গান গাহিতে লাগিলেন :—

“এস এস ফিরে এস !

বঁধু হে ফিরে এস

আমার ক্ষুধিত তৃষিত তাপিত চিত

নাথ হে ! ফিরে এস”

“আমার মনে হইতে লাগিল...বংশীবিনিন্দিত মধুর কণ্ঠ এইবার গৃহ পূর্ণ করিয়া ছাদ ভিন্ন করিয়া আকাশ মুখরিত করিতেছে। আবার যেন শিশুর কোমল অক্ষুট কণ্ঠের মত কর্ণে কোমল মধুর স্পর্শের মত অক্ষুট হইতেছে। কি মধুর মুখভঙ্গী। গানের ভাবের সঙ্গে সঙ্গে যেন মুখ ও চক্ষু অভিনয় করিতেছে। গানের করুণ ভক্তিরস যেন তাঁহার অধর হইতে গোমুখী-নিঃসৃত জাহ্নবীর পবিত্র ধারার মত প্রবাহিত হইতেছে। আমি তখন রৈবতক ও কুরুক্ষেত্রের কৃষ্ণপ্রমে বিশ্বাস। গীত শুনিতে শুনিতে

যদি আশ্রয় হইলাম। আমার কঠোর হৃদয়ও গলিল। গানের পর তাঁহার কয়েকটি কবিতার আবৃত্তি করিলেন। রবিবাবু একাধারে কবি ও অভিনেতা ; তাঁহার আবৃত্তির তুলনা নাই.....।”

১৮৭২ সালে যে রবীন্দ্রনাথ দীনবন্ধুর 'জামাই বারিক' লুকিয়ে পড়ছেন এবং বঙ্কিমের বঙ্গদর্শন ও অক্ষয় সরকারের 'প্রাচীন কাব্য-সংগ্রহ' নিয়ে মেতে আছেন তিনি ১৮৭৬ ও ১৮৯৩ সালে কবিতার নবীন সেনের চোখে কেমন প্রতিভাত হয়েছিলেন তার আভাষ পাওয়া গেল। 'সোনার তরী'র কবি তাঁর কার্যে আসন পেয়েছেন সেটি দেখে গেছেন ঋষি বঙ্কিমচন্দ্র (মৃত্যু ১৮৯৪)—যিনি ১৮৮০-৮১ সালেই ভবিষ্যৎবাণী করেছিলেন রবীন্দ্রনাথের অমরত্বের। রবীন্দ্রনাথের গান অনেকেই শুনেছেন সেকালে ; কিন্তু নবীন সেনের মতন দরদী ভাষায় প্রকাশ করে যেতে পারেননি তাঁদের অনুভূতি।

•রবীন্দ্রনাথের জাতীয় সঙ্গীতের বিকাশধারা এবার অনুসরণ করা যাক। তাঁর সব চেয়ে কাঁচা কাব্য রচনা ১৩-১৮ বছর বয়সের—কবিতা—যাকে তিনি নিজে নাম দিয়েছেন “শৈশব সঙ্গীত”। সে সময়ে খাঁটি জাতীয় গান হয়ত কিছু লিখেছিলেন—রক্ষা পেয়েছে মাত্র দুটি ; (১) জ্যোতিরিন্দ্রনাথের পুরু বিক্রম নাটকের মধ্যে—খান্জা—একতালা—(দ্বিতীয় সংস্করণে মুদ্রিত ১৮৭৪-৭৯)

‘একনৃত্তে বাঁধিয়াছি সহস্রটি মন
এক কার্ণবে সঁপিয়াছি সহস্র জীবন’

(২) বিলাতযাত্রার ঠিক পূর্বে (মাইকেলী রীতিতে ?) জয় জয়ন্তী রাগিনীতে :

“তোমারি তরে সঁপিনু দেহ
তোমারি তরে মা সঁপিনু প্রাণ
তোমারি তরে এ আঁখি বরষিবে
এ বীণা তোমারি গাহিবে গান ॥”

এই গান গেয়ে কিশোর-কবি রবীন্দ্রনাথ বিলাত যাত্রা করেন। এ গানের ভাবে ও সুরে আমরা তাঁর দাদাদের স্বদেশী গানের অনুকরণ যেন স্পষ্ট শুনি। মধুসূদন, ব্যারিষ্টার মনোমোহন ঘোষ ও সত্যেন্দ্রনাথ ঠাকুর অন্তরঙ্গ বন্ধু ছিলেন ও মাইকেল জোড়াসাঁকোর দেবেন্দ্র-ভবনে সমাদৃত অতিথি হয়ে বহুদিন দেখা দিয়েছিলেন তার কথা জ্যোতিরিন্দ্রনাথের জীবনস্মৃতিতে আমরা পাই।

১৮৬৭ সালে হিন্দু মেলা প্রতিষ্ঠার সঙ্গে সঙ্গে দেখি কবি বিন্ধ্যেন্দ্রনাথ ঠাকুর তাঁর প্রসিদ্ধ স্বদেশী গান রচনা করেছেন :

“মলিন মুখ-চন্দ্রমা ভারত তোমারি
দিবা রাত্রি ঋরিছে-লোচন বারি”

এ গান হিন্দু মেলায় যেমন গাওয়া হত তেমনি মাইকেলের মেঘনাদ—যখন নাট্যরূপ পেল—তার অভিনয়ের আগে ‘মলিন মুখচন্দ্রমা’ কখনও হিন্দু মেলায় গাওয়া হয়নি। ১৮৬৮ হিন্দু

মেলায় দ্বিতীয় অধিবেশনে দেখি মেজদাদা সত্যেন্দ্রনাথ ঠাকুর উপহার দিলেন সে যুগের শ্রেষ্ঠ স্বদেশী গান—খান্জা-আড়াঠেকার :

‘মিলে সবে ভারত সন্তান
এক তান মন প্রাণ,
গাও ভারতের যশোগান,

—এ গান হাজার হাজার মানুষের প্রাণে কী উদ্দীপনা জাগিয়েছিল তার পরিচয় পাই অমর বঙ্কিমচন্দ্রের মন্তব্যে : “এই মহাগীত ভারতের সর্বত্র গীত হউক। হিমালয়-কন্দরে প্রতিধ্বনিত হউক। গঙ্গা যমুনা সিন্ধু নর্মদা গোদাবরী তটে বৃক্ষে বৃক্ষে মর্ম্মরিত হউক ! পূর্ব-পশ্চিম সাগরের গম্ভীর গর্জনে মল্লীভূত হউক ! এই বিংশতি কোটি ভারতবাসীর হৃদয় যন্ত্র ইহার সঙ্গে বাজিতে থাকুক”। (বঙ্গদর্শন—চৈত্র, ১২৭৯)।

সেই বঙ্কিমচন্দ্রই ক্রমশ বঙ্গদর্শনে কমলাকান্তের মাতৃবন্দনা রচনা করে শেষে ‘বন্দ্যমাতরম’ ও ‘আনন্দমঠের’ ঋষি বঙ্কিমরূপে সারা জাতিকে এক নতুন দীক্ষা দিয়েছিলেন ; তার আগে কবি নবীনচন্দ্র ও হেমচন্দ্র এডুকেশন গেজেটে স্বদেশী গান ছাপতেন, যার মধ্যে ১৮৭০ সালের সর্বজন-বিদিত “ভারত সঙ্গীত” (প্রাবণ ১২৭৭)—গানে না হোক আবৃত্তিতে—শীর্ষ স্থান অধিকার করেছিল। রবীন্দ্রনাথ তখন ৯।১০ বছরের বালক মাত্র, তবু তাঁর কাব্য-গীতির আদি পর্কে এই ভারত-সঙ্গীতের প্রভাব স্পষ্ট—বিশেষ তাঁর হিন্দু মেলায় কবিতায়। আরো কত ভুলে যাওয়া স্বদেশী গান যে রবীন্দ্রনাথকে অনুপ্রাণিত করেছিল তাঁর নিদর্শন পাই হিন্দু মেলা সম্পাদক গণেন্দ্রনাথ ঠাকুর (১৮৪১-৬৯) রচিত গানের মধ্যে (বাহার—৫৭)

“লজ্জায় ভারত যশ গাইব কি করে
শুটিতেছে পরে এই রত্নের আকরে
আমরা সকলে হেথা হেলা করি নিজ মাতা
মায়ের কোলের ধন নিয়ে যায় পরে ॥

১৮৭৫-৭৬ সালের রাজনৈতিক ইতিহাস ; জাতীয়-মহাসভার জন্মের ঠিক দশ বছর আগেকার কথা। বঙ্গদর্শনের প্রথম পর্ব শেষ হয়েছে ও ভারতীয় আবির্ভাবের প্রস্তুতি-পর্ব। ঠিক এই সময়ে অতি ক্ষুদ্র আকারে এক-খানি বই ছাপা হয়েছিল যেটি অনেকের কাছে অজানা—অথচ সেটি যেন সে যুগের জাতীয় ভাবের প্রতীক : (হবহ নকল করে দিলাম)—

“জাতীয় সঙ্গীত”—(প্রথম ভাগ) স্বদেশীয়রাগোদ্দীপক সঙ্গীত-মালা। মূল্য ১০ আনা (উণ্টো পাতায়) National Song Book Part I Printed by G. P. Roy & Co. 21 Bowbazar Street (1876). etc ; লেখক বা সম্পাদকের নাম না-ছাপা যে ইচ্ছাকৃত তা স্পষ্ট বোঝা যায় ; “বিজ্ঞাপন”টি উদ্ধৃত করি :—

এই “জাতীয়-সঙ্গীত” প্রচারের উদ্দেশ্য সহজেই বুঝা যাইবে।..... অনেকে এই সংগ্রহে সাহায্য করিয়াছেন তজ্জন্য তাঁহারা সংগ্রাহকের (?)

কৃতজ্ঞতার পাত্র। যদি এই গ্রন্থদ্বারা অন্তত এক ব্যক্তিরও স্বদেশাসু-
রাগ উদ্দীপ্ত হয় সংগ্রাহক কৃতার্থ হইবেন এবং সামাজিক ও বিপ্লব
প্রণয়-ঘটিত সঙ্গীত সকল সংগ্রহ করিয়া “জাতীয়-সঙ্গীতের” অপর ভাগ
প্রকাশ করিবেন। এই গ্রন্থ বিক্রয় দ্বারা কিছু লাভ হইলে তাহা কোন
প্রকার জাতীয় উন্নতির নিমিত্ত ব্যয় হইবে। কলিকাতা ৬ই
ফাল্গুন ১২৮২”।

“জাতীয় সঙ্গীত” বইখানিতে ১৮৭৬ সালে দেখছি অনেক পুরাতন
সমস্তা ও ভাবের সমাবেশ, নীলকরদের অত্যাচার : “নীল বানরে
সোনার বাংলা” ও ‘হে নিরদয় নীলকর, গান দুটি নীলদর্পণ নাটক
থেকে স্থান পেয়েছে। তার সঙ্গে ‘মলিন মুখ চন্দ্রমা,। ‘মিলে সবে
ভারত সন্তান’, লক্ষ্মায় ভারত যশ ইত্যাদি রবীন্দ্রনাথের দাদাদের গান ;
হেমচন্দ্রের ‘বাজরে শিলা’ (হয়ত শুধু আবৃত্তি নয় গাওয়া হত) ‘প্রাণ
কাদে বলিতে ভারতের বিবরণ’ প্রভৃতি হিন্দু মেলায় গীত গান,
(সুর তাল নির্দেশ সমেত) ; গোবিন্দচন্দ্র রায়ের ‘কতকাল পরে’ ও
‘নির্মল সলিলে বহিছ সদা’ গান দুটি। তাছাড়া দেখি দ্বারিকানাথ
গাঙ্গুলীর ‘না জাগিলে সব ভারত লসনা’ ও অপ্রকাশিত পর্যায়ে চারটি
গান :

আছ সপ্ত শত বর্ষ নিজাগত

এখনও জাগো জাগো মা ভারত’ ইত্যাদি।

‘নীলদর্পণ’ নাটক ছাড়া আরো কিছু নাটকের ভিতর দিয়ে স্বদেশীভাব
প্রচারিত হয়, তা’রও প্রমাণ পেলাম ‘ভারত মাতা, ‘ভারতে যবন’ ‘বীর-
নারী’ ‘সুরেন্দ্র বিনোদিনী’ ইত্যাদি নাটকের ভিতরকার গানগুলির উদ্ধৃতি
থেকে। সব চেয়ে বিষয় লাগল আমার—যখন দেখলাম জ্যোতিরিন্দ্র-
রচিত ‘সরোজিনী’ নাটকায় বালক রবীন্দ্রনাথের সংযোজিত গানের
কয়েকটা কলি এই ‘জাতীয় সঙ্গীত’ পুস্তিকায় (রাগিনী অহং একতারা)
তার উপর টীপনী যথা ‘ইংরাজী সুরে গান করিতে হয় :—

স্বাপ্নে জগৎ মেলিয়ে নয়ন
স্বাপ্নে চলমা স্বাপ্নে গগন
স্বর্গ হতে সব স্বাপ্ন দেবগণ
জলদ অক্ষরে রাখ গো লিখে।
স্পর্ষিত যবন ভোরাও দেখ্রে
সতীত্ব রতন করিতে রক্ষণ
রাজপুত্র সতী আজিকে কেমন
সঁপিছে পরাণ অনল শিখে ॥

এই অংশটি দিয়ে গান শুরু করে সম্পাদক অস্থায়ীতে ফিরেছেন :—

‘জল জল চিত্তা দ্বিগুণ দ্বিগুণ
পরাম সঁপিবে বিধবা বালা’ ইত্যাদি

৩০শে নভেম্বর ১৮৭৫ তারিখে ‘সরোজিনী’ প্রকাশিত হয় এবং তার
মধ্যে ১৪ বছর বয়সের রবীন্দ্র-রচনা এই গানটি ১৮৭৬ সালের ‘জাতীয়

সঙ্গীতে’ সগৌরবে স্থান পেয়েছিল—এটি স্মরণীয় ঘটনা সন্দেহ নেই।
তারও প্রায় দুবছর আগে পুরু বিক্রম (১৮৭৪) নাটকে জ্যোতিরিন্দ্রনাথ
১৩ বছরের বালক কবি রবীন্দ্রনাথের গান ‘এক স্ত্রে ঠাধিয়াছি’ গানটি
জুড়ে দিয়েছিলেন।

১৮৮৫ সালে রবীন্দ্রনাথ তাঁর বন্ধু যোগেন্দ্রনারায়ণ মিত্রের*
সাহচর্যে রবিচ্ছায়া নামক প্রথম গীত-সঙ্গীত প্রকাশ করেন ; তখন
দেখি ৭৮টি মাত্র গান জাতীয় সঙ্গীত বলে চাপা হয়েছিল ; তা’র
মধ্যে একটি গান আজও শোনা যায়—(রাগিনী প্রভাতী একতারা)

“একি অন্ধকার এ ভারত ভূমি
বুঝি পিতা তারে ছেড়ে গেছ তুমি
প্রতি পলে পলে ডুবে রসাতলে
কে তারে উদ্ধার করিবে।”

কংগ্রেসের জন্ম-বৎসরে এগানের সার্থকতা আছে। এরপর রবীন্দ্রনাথ
কতকগুলি স্বদেশী গান লেখেন, তার বেশীর ভাগই আমরা ভুলেছি বলে
অপরাধ মনে হয়। তার মধ্যে তাল ও রাগের নির্দেশ দিয়ে বেরিয়েছিল ;
(১) দেশে দেশে ভ্রমি তব দুখ গান গাহিয়ে (বাহার কাওয়ালি)
(২) কেন চেয়ে আছ গো মা (কাফি) (৩) আমার বোলোনা গাহিতে
বোলোনা (সিন্ধু) (৪) আনন্দধনি জাগাও (হাছির ফেরতা)।

১২৯১ (১৮৮৪) সালে ব্রহ্মোপাসনার জন্ম কবি (তখন তিনি আদি
ব্রাহ্ম সমাজের সম্পাদক) লেখেন “শোন শোন আমাদের ব্যাধা” (মিশ্র
দেশ-খান্ধাজ ঝাপতাল) এবং ‘একবার তোরা মা বলিয়া ডাক’ (ঝিঝিট)
দ্বিতীয় গানটি ১২৯২ (১৮৮৫) সালে রচনা করেন, জাতীয় সঙ্গীত বলেও
গাওয়া হত ; যেমন ‘জন-গণ-মন’ জাতীয় সঙ্গীতও ব্রহ্ম-সঙ্গীত বলে ১২৯১
মাঘোৎসবে গাহিতে শুনেছি। ১২৯৩ (১৮৮৬) সালে দাদাভাই
নৌরজীর নেতৃত্বে কংগ্রেসের দ্বিতীয় অধিবেশন কলকাতায় ; তার
প্রথম সাড়া পাই মহর্ষি দেবেন্দ্রনাথের সহস্রাধিক টাকা কংগ্রেস ফণ্ডে
দেন—তা’ছাড়া রবীন্দ্রনাথ রচনা করেন অধুনা সুপরিজ্ঞাত কয়েকটি
জাতীয় সঙ্গীতে (১) আমরা মিলেছি আজ মায়ের ডাকে (২) আগে
চল আগে চল ভাই (বেহাগ) ; (৩) তবু পারিনে সঁপিতে প্রাণ
(সিন্ধু ছাত্র সম্মেলনে কবি গেয়েছিলেন) ১২৯৫ (১৮৮৭)। ‘আমরা
মিলেছি আজ মায়ের ডাকে’ কবি নিজে (রামপ্রসাদী সুরে) গেয়ে
কংগ্রেস মহাসভাকে ও সাধারণ শ্রোতাদের মাতিয়ে তুলেছিলেন ; এ গান
আবার ১২০৫ সালে আমাদের প্রাণে কত বড় প্রেরণা জাগিয়েছিল
তা স্বদেশী যুগের লোকেরা সবাই জানেন ! ১২৯২-৯৩ সালেই
(১৮৮৪-৮৬) আবার দেখি রবীন্দ্রনাথ মন দিয়েছেন বঙ্কিমচন্দ্রের ‘বন্দে-
মাতরম্’ গানে ; সেটি নিয়ে আমি “পূর্ণিমা” পত্রিকায় আলোচনা করেছি।

বঙ্কিমচন্দ্র প্রথমে মন্ত্রার কাওয়ালীতে গানটি নাকি গাইতেন বা
গাওয়াতেন ; রবীন্দ্রনাথ সুর বদলে দেশ রাগে বন্দে মাতরম (প্রথমবার)

* ইনি সঞ্জীবনী পত্রিকায় (২৭শে বৈশাখ—১২৯২) ‘আমরা
কেন অস্ত্র পাইবনা’ লিখক প্রবন্ধ লিখিয়াছিলেন।

যেটুকু এখনও কংগ্রেসে গাওয়া হয়) গেয়ে বঙ্কিমচন্দ্রকে শুনিয়েছিলেন (১৮৯৪ সালে তাঁর মৃত্যুর পূর্বে অবশ্য); তাঁর নিজের দেওয়া হয়েই রবীন্দ্রনাথ 'বন্দেমাতরম' শোনান কবি নবীন সেনকে ১৮৯৩ সালে, তিনি "আমার জীবনে" নিজেই সাক্ষ্য দিয়ে গেছেন। ১৮৯১ দেখা দিল রবীন্দ্রনাথের পত্রিকা "সাধনা"; (১৮৯৩) সালে রবীন্দ্রনাথ 'ইংরেজ ও ভারতবাসী' প্রবন্ধ পড়েন বঙ্কিমচন্দ্রের সভাপতিত্বে। রবীন্দ্রনাথের দেওয়া দেশ রাগেই বন্দেমাতরমের প্রচার সারা দেশে হয়েছিল এবং ১৩০৩ (১৮৯৬) সালে রবীন্দ্রনাথ কলিকাতা কংগ্রেসে একক কণ্ঠে মুসলমান সভাপতি রহমতুল্লাহর সামনে "বন্দেমাতরম" শুনিয়ে সেই বিপুল জনতাকে মাতিয়েছিলেন। সেই দিনেই তাঁর গন্ধর্ব-লাঙ্কিত কণ্ঠসরের উপর অত্যধিক চাপে খুব ক্ষতি হয়েছিল সে কথা কবির মুখে শুনেছি। সেই ১৩০৩ (১৮৯৬) সালেই কবি চিত্রা ও চৈতালী পর্বাস্ত্র সব রচনা দিয়ে 'গ্রন্থাবলী' প্রথম প্রকাশ করেন। ১৮৭৪ সালে প্রকাশিত দাদা জ্যোতিরিন্দ্রনাথের পুরুবিক্রমে প্রথম স্বদেশীগান "এক সূত্রে বাঁধিয়াছি সহস্রটি মন" ছাপা হয় এবং ২২ বছর পরে ১৮৯৬ (১৩০৩) সালে তাঁর নিজের স্বদেশী গানের সঙ্গে বঙ্কিমের বন্দেমাতরম কংগ্রেসে গাইছেন—এ রবীন্দ্রনাথকে নতুন করে আজ বুঝতে স্বেচ্ছা করা উচিত। ১৮৯৮ কবি লিখেছেন "কণ্ঠ রোধ" ও সঙ্গে সঙ্গে তর্জ্জন।

১৯০০-০১ সালে দেখি পূর্ববঙ্গে তাঁদের জমিদারী পরিদর্শনের কাজ থেকে সরে কার্জনী রবীন্দ্রনাথ শান্তিনিকেতনে ব্রহ্মচর্যাশ্রম গড়ে তুলতে লেগেছেন। 'কল্পনা ও কণিকা' শেষ করে নামছেন 'কথা ও কাহিনী' এবং 'নৈবেদ্য' রচনায়; ও সেই সঙ্গে নব পর্বায় বঙ্গদর্শনের সম্পাদনা। ১৯০১ নৈবেদ্য প্রকাশ ও কলিকাতা কংগ্রেসে গান্ধিজীর প্রথম আবির্ভাব। ১৯০২ (অগ্রহায়ণ) পত্নী বিয়োগের পর রবীন্দ্রনাথ যেন ত্যাগ ও আত্মোৎসর্গের জলন্ত মূর্তি। তাঁর সঙ্গে এসে নিলেছিলেন ব্রহ্মবাক্য উপাধ্যায়—যিনি তাঁর "Sophia" পত্রিকায় সেকালের রবীন্দ্রনাথকে "বিশ্বকবি" বলে অভিনন্দিত করেছিলেন ও পরে "অগ্নিধূমে"র সন্ধ্যা পত্রিকা সম্পাদন করে অমরত্ব লাভ করে গেছেন। কার্জনের "বঙ্গভঙ্গ" চক্রান্ত (১৩১২) ও রবীন্দ্রনাথের অপূর্ণ নেতৃত্ব সব আজ স্মৃষ্টি ইতিহাস। তার মধ্যে দেখি ১৯০৩-০৪ সালে কবিবন্ধু মোহিতচন্দ্র সেন নয় ভাগে তাঁর "কাব্যগ্রন্থ" ছাপালেন এবং সেই সময়কার বহু গল্প রচনা হিতবাদীর উপহাররূপে প্রকাশিত হল (১৯০৪)। 'সঙ্কল্প' 'স্বদেশ' ও 'গান' সে যুগে হাতে হাতে ঘরে ঘরে স্বদেশিকতা প্রচার করেছে। সেপ্টেম্বর ১৯০৫ দেখি রবীন্দ্রনাথ 'স্বদেশ' কবিতা ও বাউল (গান) প্রকাশ করে সারাদেশকে এমন মাতিয়েছেন যে প্রবীণ অধ্যাপক রামেন্দ্রচন্দ্র ত্রিবেদী বলেছিলেন: 'এবার মরা গাঙে বান এসেছে' গানটি শুনিয়া তরী ভাসাইব কি, গঙ্গাগর্ভে ঝাঁপাইয়া পড়িতে অনেকের প্রবৃত্তি হইয়াছে'। ১৯০৪ সালে রমেশচন্দ্র দত্তের সভাপতিত্বে কবি তাঁর "স্বদেশী সমাজ" প্রবন্ধ পাঠ করেন—সে যেন স্বদেশীযুগের "বোধন"। ১৯০৫ (১৩১২) সালের মধ্যে বহু অমূল্য

জাতীয় সঙ্গীত রবীন্দ্রনাথ দেশবাসীকে উপহার দিয়েছেন, যা সমগ্রজাতি চিরদিন সফুতজ্ঞ হৃদয়ে স্মরণ করবে। ১৯০৫ মহর্ষি দেবেন্দ্রনাথ ৮৮ বৎসর বয়সে স্বর্গারোহণ করেন এবং ঐক্য মন্ত্রের সেই একনিষ্ঠ সাধক পিতাকে স্মরণ করে রবীন্দ্রনাথ "কোন আলোতে প্রাণের প্রদীপ জালিয়ে" গানটি যে রচনা করেন সে গান মৃত্যুবরণকারী অনেক দেশ-সেবকদের প্রাণে প্রেরণা জুগিয়েছিল। দেবেন্দ্রনাথের (৬ মাঘ ১৯১৫) বার্ষিক স্মৃতি-সভায় ঐ গান দীনেন্দ্রনাথ ঠাকুরের মুখে শুনেছি ও দ্বিজেন্দ্রনাথ সত্যেন্দ্রনাথের সঙ্গে রবীন্দ্রনাথ উপাসনার পর ব্রহ্ম সঙ্গীত গাইছেন ও জ্যোতিরিন্দ্রনাথ জোড়াসাঁকোর বাড়ীতে অর্গান বাজাচ্ছেন, প্রথম দেখে মনে হয়েছিল কোন যুগের মাসুখ এঁরা, কত বড় জাতীয় ইতিহাসের শুভ রূপে আমাদের সামনে দাঁড়িয়েছেন। ১৯০৬ সালের কলিকাতা কংগ্রেসে দাদাভাই নোরজীর সভাপতিত্বে বাংলার বুক থেকে উঠল প্রথম জীবন্ত বাণী "স্বরাজ"—আমাদের জন্মগত অধিকার। শিবাজী উৎসবের কবির পাশে তখন দাঁড়িয়েছেন সুরেন্দ্রনাথ, আনন্দমোহন, বালগঙ্গাধর তিলক, লাল লালপৎ রায়, বিপিনচন্দ্র পাল ও শ্রীঅরবিন্দ।* সঙ্কট থেকে মঙ্কটে নিয়ে যাওয়ার নেতৃত্ব সেকালে রবীন্দ্রনাথ নিয়েছিলেন—তাঁথেকেই সমগ্র জাতি পেয়েছে অফুরন্ত প্রেরণা। 'প্রায়শ্চিত্ত' নাটকে (১৯০৮) ধনঞ্জয় বৈরাগীর ভিতরে তখনো অজানা গান্ধিজীর 'অহিংস প্রতিরোধের পূর্বসূত্র'। ১৯০৯-১০ প্রবাসী পত্রিকায় কবি ছেপেছেন "গীতাঞ্জলী" ও রাজা এবং লিখে গেছেন স্বদেশীযুগের গল্প-মহাকাব্য গোরা। ১৯১১ (ডিসেম্বর) কংগ্রেসে তাঁর "জন গণ মন" প্রথম গাওয়া হয়। ১৯১১-১২ তার রূপকনাট্য ডাক ঘর ও অচলায়তনের সঙ্গে ৫০ বর্ষ পূর্তির চরম নিদর্শন "জীবন স্মৃতি!"

১৩০৩ থেকে ১৩১২-১৩ (অর্থাৎ ১৮৯৬-১৯০৬) সালের মধ্যে স্বদেশী গান রচনায় রবীন্দ্রনাথ যেন যুগান্তর এনে দিয়েছিলেন; এই তথ্যটি একটু স্পষ্ট করে যাব, দু'চারটি গানের দিকে দৃষ্টি আকর্ষণ করে। কাফি রাগে তিনি গেয়েছেন; 'কেন চেয়ে আছি গো মা মুখপানে'; এ গানের অন্তরায় দেখি:

"তুমি দিতেছ মা যা আছে তোমারি
স্বর্ণ শস্ত্র তব, জাহ্নবীর বারি
জ্ঞান ধর্ম কত পুণ্য কাহিনী—"

১৩১০ সালের মধ্যে—অর্থাৎ বঙ্গভঙ্গের আগেই—দেখি উক্ত পদের অপূর্ণ রূপান্তর ভৈরবীতে: "ওই ভুবন মনমোহিনী" ও তার সঙ্গে 'জননী

* জাতীয় শিক্ষা পরিষদের উদ্বোধন উপলক্ষে "জাতীয় বিদ্যালয়" ভাষণটি কবি পাঠ করেন এবং সাহিত্য সঙ্ঘে চারটি বক্তৃতা দেন। ১৯০৬ জাতীয় মহাসভার প্রবন্ধ গুলি তাঁর 'সাহিত্য সম্মেলন'রূপে পাঠ করেন ও সমগ্র জাতিকে মনে করিয়ে দেন: "এই মিলনোৎসবের বন্দেমাতরম মহামন্ত্রটি বাংলা সাহিত্যেরই দান।"

দ্বারে আজি ঐ 'নববৎসরে করিলাম পণ', হে ভারত আজি নবীনবর্ষে
প্রভৃতি ২৫১৩টি জাতীয় সঙ্গীত।

কলাবিৎ রবীন্দ্রনাথ জন্মভূমির 'ভুবন মোহিনী' রূপে যেমন দেখেছেন,
তেমনি সুরের ঐশ্বর্যও সেকালে দেখিয়েছেন। হঠাৎ ১৩১২-১৩,
(১৯০৫-৬) দেশ মাতৃকার অঙ্গচ্ছেদের বেদনায় "রবি-বাউল" যেন এক
আশ্রয় সুরে আকাশ বাতাসকে ভরিয়া দিলেন : বাউলদের ভাটিয়ালি
ও সারি গানের সুর—যেগুলি রবীন্দ্রনাথ তাঁর পূর্ববঙ্গ ও উত্তর বঙ্গের
গ্রামে গ্রামে-ঘুরে সংগ্রহ করেছিলেন। তার ফলে এমন কতকগুলি গান
ও সুর আমরা পেয়েছি—যা খাঁটি বাংলার প্রাণের সুর—যেমন "আজ
বাংলাদেশের হৃদয় হ'তে" প্রভৃতি সত্যিই অতুলনীয়, শ্রীশাস্ত্রিদেব যোষ
তার মধ্যে কয়েকটি মাত্র উল্লেখ করেছেন। ১৩১২-১৩ রচিত কয়েকটি
গান এখানে মনে করাতে চাই :

১। আপনি অবশ্য তবে বল দিবি তুই কারে ?

২। নিশিদিন ভরসা রাখিস' (৩) আমার প্রাণের মানুষ (৪) আমি
ভয় করব না (৫) ছি ছি চোখের জলে ভেজাস নে আর মাটি : (৬)
তোর আপন জন্মে ছাড়বে তোরে তাইলে ভাবনা করা চলবে না। (৭)
যদি তোর ভাবনা থাকে ফিরে চানা (৮) আমার সোণার বাঙলা আমি
তোমায় ভালবাসি (৯) মা কি তুই পরের ঘরে পাঠাবি তোর ঘরের
ছেলে (১০) যে তোমায় ছাড়ে ছাড়ুক আমি তোমায় ছাড়ব না মা : (১১)
যে তোরে পাগল বলে (১২) বুক বেঁধে তুই দাঁড়া দেখি (১৩) বিধির বাধন
কাটবে তুমি এমনি শক্তিমান (১৪ বাংলার মাটি বাংলার জল।

সর্বশেষে মনে পড়ে :

যদি তোর ডাক শুনে কেউ না আসে

তবে একলা চলো রে—

যে গান মহাত্মা গান্ধিকের মতিনে ছিল তাই বাংলা শিখে তিনি ঐ গানে
যোগ দিতেন তাঁর উপাদান সত্য। ২১ বছর দক্ষিণ আফ্রিকায় সংগ্রাম করে
গান্ধিজী যখন ১৯১৫ সালে ভারতে স্বারীভাবে নামলেন তখন সপরিবারে
তিনি শান্তিনিকেতনে রবীন্দ্রনাথের আতিথ্য গ্রহণ করেন এবং তাঁকে
"গুরুদেব" সম্বোধন করেন। বয়সে কবি-গুরুর চেয়ে মাত্র আট
বছরের ছোট হলেও গান্ধিজী তাঁকে সর্বান্তঃকরণে ভক্তি করিতেন
এবং রাজনৈতিক তথ্য অস্ত্র অনেকক্ষেত্রে তাঁদের মত-ভেদ থাকলেও
পরস্পরের প্রতি কী গভীর শ্রদ্ধা পোষণ করতেন তা দেখবার
সৌভাগ্য হয়েছে। গান্ধিজীর নেতৃত্বে আমাদের স্বাধীনতার
ইতিহাসধারা এক সম্পূর্ণ নূতন খাতে বইতে শুরু করেছিল ; কিন্তু
মহাত্মাজী জানতেন সেই জাতীয় স্বাধীনতার ইতিহাসে রবীন্দ্রনাথের
দান কী অসামান্য। আজ সেই দুই মহাপুরুষকেই আমরা হারিয়েছি—
তবু আজ এই কথা ভেবে সান্বনা মেলে যে রবীন্দ্রনাথের দেওয়া সুরে
"বন্দেমাতরং" গান ও তাঁর "জনগণমন" (১৯১১) ও "দেশ দেশ নন্দিত
করি" (১৯১৫) প্রভৃতি জাতীয় সঙ্গীত মহাত্মাজী শুনে গেছেন ও
জাতীয় নবজাগরণে তাঁদের প্রভাব পূর্ণ মাত্রায় অশুভব করে গেছেন।

১৮৭৪ সালে রচিত "এক সূত্রে বাঁধিয়াছি সহস্রটি মন" থেকে
শুরু করে শেষ পর্যন্ত যে সব স্বদেশী গান রবীন্দ্রনাথ রচনা করে গেছেন
সেগুলি স্বরলিপি সমেত প্রকাশিত করা আমাদের জাতীয় দায়িত্ব বলে
মনে করি ; তাই এদিকে দেশবাসীর দৃষ্টি আকর্ষণ করতে এই প্রবন্ধে
চেষ্টা করলাম। রাজকোপে অনেক স্বদেশী গানের চয়নিকা লুপ্ত হয়ে
গেছে ; তবু সাময়িক পত্রিকা ভাল করে খঁটলে অনেক অপ্রত্যাশিত
নূতন উপাদান ও তথ্য প্রকাশ হবে এই আশা করে এই বিষয়ে
আলোচনা তুললাম। আধুনিক স্বরলিপির প্রবর্তক জ্যোতিরিন্দ্রনাথকে
প্রথমে সঙ্কল্পিত প্রগতি জানাই কারণ তিনিই স্বরলিপি ছাপা প্রসঙ্গে
'একসূত্রে বাঁধিয়াছি' গানটি, বালক রবীন্দ্রনাথের রচনা বলে প্রকাশ
করে গেছেন ; দুই ভাই সুরকার ও সুরশিল্পী, তাঁদের তরুণ জীবনের
শ্রেণী চলে দিয়েছেন কত গানে—বিশেষ 'স্বদেশী' সঙ্গীতে তাও ভাল
আমাদের বুঝতে আমাদের চেষ্টা করা উচিত। তাঁদের শ্রেণায় শাগিনেরী
ও সুরশিল্পী শ্রীমতী সরলা দেবী তাঁর "শত গান" স্বরলিপি প্রকাশ
করেন ১৩০৭ সালে, অর্থাৎ প্রায় ৫০ বছর আগে। ইতিমধ্যে রবীন্দ্রনাথের
বিচিত্র সঙ্গীতসম্ভার কঠে কঠেই প্রাধান্য চলে এসেছে ; অল্পদৈর্ঘ্যক
গানই স্বরলিপিতে উঠেছে ; তাও প্রাধান্য প্রতিষ্ঠা দেবী, ইন্দিরা দেবী ও
দীনেন্দ্রনাথ ঠাকুরের একান্ত চেষ্টায়। কিন্তু কবি গুরুর স্বদেশী গান
শতাব্দিক হলেও "গীত-বিতানে" মাত্র ৪৬টি স্থান পেয়েছে, তার মধ্যে
আবার প্রাচীন গানগুলি বেশীর ভাগই বাদ দেওয়া হয়েছে। 'কাব্যে
উপেক্ষিতা'র মত রবীন্দ্র গীতলোকে সেই উপেক্ষিতাদের জন্ত আমার
মনটা কাঁদে, কারণ কবি গুরুর মুখে মধ্যে মধ্যে তাদের দু'এক কলি
গাইতে শুনে মুগ্ধ হয়ে ভেবেছি,—কী অপদার্থ ও অকৃতজ্ঞ আমরা যে
সেই সব অমূল্য সম্পদ রক্ষা করবার উপযুক্ত ব্যবস্থা করতে আমরা
পারিনি। স্বদেশীযুগে "মোমের" রেকর্ডে রবীন্দ্রনাথের নিজের সুর বা
আমরা শুনেছি তাও লুপ্ত হয়েছে ; আধুনিক রেকর্ডে কিছু পুরাতন গান
উঠছে সেটা আশার কথা (সুরের ব্যতিক্রম অবশ্য এখানেও আছে !)
কিন্তু সর্বদেশে যে স্বরলিপির ভিতর দিয়ে সঙ্গীতের সংরক্ষণ-প্রণালী গড়ে
উঠেছে—তাকে অন্যায় করলে আমাদেরই ক্ষতি ; এবং বহু ক্ষতি যে আজ
প্রায় অপূরণীয় হয়ে দাঁড়িয়েছে তাই শেষে মনে করাতে চাই ৬দিনেন্দ্রনাথ
ঠাকুরকে স্মরণ করে। তাঁর শান্তিনিকেতনের বাড়ীতে সেকালে আমাদের
পুরাণ গানের চর্চা চলত ; হঠাৎ পরীক্ষকের মত ভঙ্গীতে তিনি একদিন
আমাদের প্রশ্ন করলেন 'রবীন্দ্রনাথের স্বদেশী গানের মধ্যে ক্ষুদ্র 'জোনাকি'ও
মর্যাদা পেয়েছিল তা তোমরা জান কি ?' অর্ধাচীন আমরা দে
ব্যসকুটের কি জবাব দেবো ? তখন দিশূদা কোলে এসাজটা টেনে
নিরে তাঁর সেই স্নিক উদাস কঠে গান ধরলেন—আমরা মুগ্ধ হয়ে
শুনলাম :—

"জোনাকি ! কী সূত্রে ঐ ডানা দুটি মেলেছ।

এই আধার মাঝে বনের মাঝে উল্লাসে প্রাণ ঢেলেছ।

তুমি নও ত সূর্য্য নও ত চল, তাই বলেই কি কম আনন্দ

তুমি আপন জীবন পূর্ণ করে আপন আলো ছেলেছ।

তোমার যা আছে তা তোমার আছে, তুমি নও গো ঋণ কারো কাছে

তোমার অন্তরে যে-শক্তি আছে তারি আদেশ খেলেছ ।

তুমি আধার-বাধন ছাড়িয়ে ওঠো, তুমি ছোট হয়ে নও গো ছোটো,

জগতে যেথায় বসত আলো, সবায় আপন করে ফেলেছ ॥

এই অপূর্ব বাড়ল সুরের গানটি গীত-বিতানের স্বদেশ-বিভাগ্য চ্যুত হয়ে 'বিচিত্র' বর্গের একটি কোণে স্থান পেয়েছে! (গীত-বিতান ২ খণ্ড ৩০৬-৭ পৃঃ) এমনি কত স্বদেশী গান রবীন্দ্র-সঙ্গীতের বিভিন্ন বিভাগে হয়ত লুকিয়ে রয়েছে; সন্ধানী চোখ দিয়ে তাদের খুঁজে বার করতে হবে এবং যথাসম্ভব খাঁটি সুরে তাদের স্বরলিপি—বাংলা ও হিন্দী (নাগরী) হরফে ছাপার আয়োজন করতে হবে। কারণ শুধু বাঙালী নয়, ভারতবাসী মাত্রই হয়ত একদিন দাবী জানাবে এই সব গান

শেখবার। পণ্ডিত ভীমরাও শাস্ত্রী নাগরী অক্ষরে 'সঙ্গীত গীতাঞ্জলী' প্রকাশ করেছিলেন বলে সেই অপূর্ব গানগুলি আমি ভারতের বিভিন্ন অঞ্চলে কত অবাকলী নর-নারীর মুখে শুনে মুগ্ধ হয়েছি। তেমনি রবীন্দ্রনাথের স্বদেশী গান সমগ্র জাতির সম্পদ মনে করে তার বৈজ্ঞানিক প্রচারের দায়িত্ব আমাদের নিতেই হবে। এদিকে বিশ্ব-ভারতীর সঙ্গীত নারকেরও দৃষ্টি আকর্ষণ করি। এই গানগুলির ভিতর দিয়ে শুধু বাঙালী তার বাঙলা মায়ের অপূর্ব মূর্ত্তিই দেখেনি, সেই রূপ ও সুর অবনীন্দ্রনাথের ভারতমাতা চিত্রে, অগণ্য অনবস্ত রচনার ভিতর দিয়ে মানব-স্বাধীনতারই যেন প্রতীক হয়ে ফুটে উঠেছে। রবীন্দ্রনাথের নবতীতম জন্মোৎসবের আগেই তার স্বদেশী গানের পূর্ণ সঙ্কলন ও স্বরলিপি ছাপা হবে এই আশায় প্রবন্ধ লিখলাম।

সর্বহারা

শ্রীনীহাররঞ্জন সিংহ

ছুথের দিনে অশ্রু ঝরে

অসীম ছুথে শুকিয়ে যায়!

শিয়র দেশে মৃত্যু বাদের

তাদের আবার কিসের ভয়?

যাযাবরের পথের নেশা,

মাধুকরী বাদের পেশা,

গহন বনে তারাই পারে

ঘরের অভাব করতে জয়!

শক্তি তাদের ছুঃখ দলন,

বুক ফুলিয়ে তাদের চলন,

এগিয়ে চলার উদ্গাদনায়

অবহেলায় ছুঃখ নয়!

নূতন করে গড়বে তারা

এ সংসারের জীবন ধারা,

যারা আজি সর্ব হারা

তুচ্ছ তারা নয় কো নয়!

আমার কবিতা

শ্রীক্ষেত্রমোহন বন্দ্যোপাধ্যায়

আমার কবিতা আজি লিখে যাই আকাশের গায়

গৃহ-উপগ্রহ আর চন্দ্র-সূর্য্য তারার অক্ষরে;

চিরস্তন হোয়ে থাক অন্তহীন মহাশূল 'পরে

আস্তর আকৃতি মোর জ্যোতিষ্কের জ্যোতির্ময়তায়।

অতৃপ্ত আত্মার ক্ষোভ এ-দিনের মর্ম্মান্ত-হেলায়

আলোর স্পন্দনে যেন রাত্র-দিন কাঁদে আর্ভ-স্বরে;

নিষ্করণ বঞ্চনার সত্য যেন সবার উপরে

উদয়ান্ত জাগে বসি' নিস্পলক পুত্রশোক-প্রায়।

আনন্দের অবসরে কোনোদিন মুহূর্ত্তের ভুলে

বারেকের তরে যদি যুক্তকরে উর্দ্ধ মুখে চেয়ে

শুকতার তলাতলে হারাইয়া ফেলো আপনারে,—

স্বরণের সরোকহ নয়নের স্ননীল অকূলে

বিকশিবে বন্ধ টুটি': কবিতার ভীক আলো পেয়ে

তৃণাকুর-শিহরণ গুঞ্জরিতে সন্ধানি' আমারে ॥





কালের মন্দির

শ্রী শরদিন্দু বন্দ্যোপাধ্যায়

চতুর্দশ পরিচ্ছেদ

জৈন পরিব্রাজক

স্বর্ষোদয়ের সঙ্গে পাছশালার দ্বার খুলিল।

পারসিক সার্থবাহ ইতিপূর্বেই উষ্ট্র গর্দভের পৃষ্ঠে পণ্যভার চাপাইয়া প্রস্তুত ছিল, তাহারা পাছশালার শুক চুকাইয়া দিয়া বাহির হইয়া পড়িল। তাহারা সারা আর্ষাবর্ত পরিভ্রমণ করিবে, পথপার্শ্বে আলস্যবশে বিলম্ব করিলে চলিবে না।

চিত্রক রাতে ঘুমায় নাই, কিন্তু সেজন্য তাহার শরীরে ভিলমাত্র ক্লান্তিবোধ ছিল না। সে দেখিল, পাছশালা শূণ্য হইয়া গিয়াছে; কিন্তু রট্টার কক্ষদ্বার এখনও রুদ্ধ। রাজকুমারীর এখনও ঘুম ভাঙে নাই। চিত্রক মনে মনে গত রাত্রির অলাক ভয় ভাবনার কথা চিন্তা করিতে করিতে প্রাচীর বেষ্টনের বাহিরে গিয়া দাঁড়াইল।

নবীন রবিকরে উপত্যকা ঝলমল করিতেছে, তৃণ প্রান্তে তখনও শিশিরবিন্দু শুকায় নাই। হিমাদ্র মন্থর বায়ু শরীর পুলকিত করিতেছে। চিত্রক উৎফুল্ল নেত্রে চারিদিকে তাকাইয়া দেখিতে লাগিল। আজ তাহার চোখে প্রকৃতির রঙ বদলাইয়া গিয়াছে।

চারিদিক দেখিতে দেখিতে তাহার চোখে পড়িল, কাল রাতে যেখানে সে আঙনের প্রভা দেখিয়াছিল সেইখানে আকাশ ও দিগন্তের সঙ্গমস্থলে অনেক পক্ষী উড়িতেছে; আর কোনও দিকে অমন ঝাঁক বাঁধিয়া পক্ষী উড়িতেছে না। পক্ষীগুলিকে আকাশের পটে সঙ্করমান কৃষ্ণবিন্দুর স্রায় দেখাইতেছে।

চিত্রক অনেকক্ষণ স্থিরনেত্রে সেই দিকে চাহিয়া রহিল। এই সময় রট্টা বাহিরে আসিয়া তাহার পাশে দাঁড়াইলেন। চিত্রক সহাস্ত হস্ততার সহিত তাঁহাকে সম্বাষণ করিল—

‘রাতে স্নানিয়া হইয়াছিল?’

রট্টা তাহার মুখ হইতে দৃষ্টি সরাইয়া নিম্নে নদীর পানে চাহিলেন, বলিলেন—‘হাঁ। আপনার?’

চিত্রক অস্মানবদনে বলিল—‘আমারও। খুব ঘুমাইয়াছি।’

রট্টা নদীর পানে চাহিয়া রহিলেন। আজ তাঁহার মনের ভাব অন্য প্রকার; একটু চাপা, একটু অন্তর্মুখী। চিত্রকের মনোভাব কিন্তু সম্পূর্ণ বিপরীত। সে অন্তরে এক অপূর্ব প্রীতি-প্রগল্ভ উদ্দীপনা অনুভব করিতেছে; কোনও অজ্ঞাত উপায়ে এই রাজকুমারীর উপর তাহার যেন স্বত্বপূর্ণ অধিকার জন্মিয়াছে। যাহার জন্ম আগিয়া রাত কাটাইতে হয় তাহার প্রতি সম্ভবত এইরূপ অধিকার-বোধ জন্মে।

সে জিজ্ঞাসা করিল—‘আপনি কি যাত্রার জন্ত প্রস্তুত?’

রট্টা বলিলেন—‘আমি প্রস্তুত। কিন্তু দু’দণ্ড পরে যাত্রা করিলেও ক্ষতি নাই’ বলিয়া গিরিক্রোড়স্থ নির্জন পাছশালাটির প্রতি স্নেহ দৃষ্টিপাত করিলেন।

চিত্রক হাসিয়া উঠিল, বলিল—‘সত্য বলুন, এই পাছশালার প্রতি আপনার মমতা জন্মিয়াছে?’

রট্টা স্মিতমুখে বলিলেন—‘তা জন্মিয়াছে।—ফিরিবার পথে আবার এখানে রাজিবাণন করিব।’ মনে মনে ভাবিলেন, ফিরিবার সময় সঙ্গে অনেক লোক থাকিবে... এমন রাত্রি আর হইবে কি?

তুই একটি অন্য কথা পর চিত্রক পশ্চিম দিকে হস্ত প্রসারিত করিয়া বলিল—‘দেখুন তো, কিছু দেখিতে পাইতেছেন?’

রট্টা চক্কর উপর করতলের অন্তরাল রাখিয়া কিছুক্ষণ দেখিলেন—‘অনেক পাখী উড়িতেছে। কী পাখী?’

চিত্রক বলিল—‘চিল্ল শকুন—’

রট্টা চকিতে চিত্রকের পানে চাহিলেন। কিন্তু এই সময় তাঁহাদের মনোযোগ অন্য দিকে আকৃষ্ট হইল।

পাছশালার সম্মুখে ও দুই পাশে পথের তিনটি শাখা এতক্ষণ শূন্য পড়িয়া ছিল; পারসিক সার্থবাহ অনেক পূর্বেই গিরিসঙ্কটের মধ্যে অদৃশ্য হইয়া গিয়াছিল; এখন উত্তর দিক হইতে কয়েকটি মানুষ আসিতেছে দেখা গেল। তাহাদের সহিত উষ্ট্র, গর্দভ নাই, কেবল কয়েকটি মানুষ অদ্ভুত বেশভূষা পরিয়া পৃষ্ঠে ঝোলা বহিয়া পদব্রজে আসিতেছে।

চিত্রক বিস্মিত হইল। প্রাতঃকালে পাছশালায় যাত্রী আসে না; কোথা হইতে আসিবে? নিকটে কোথাও সন্নালায় নাই। তবে ইহারা কে?

যাত্রিগণ আরও কাছে আসিলে চিত্রক দেখিল, ইহাদের বেশভূষাই শুধু অদ্ভুত নয়, আকৃতিও অদ্ভুত। ক্ষুদ্রাকৃতি দাড়িগুণ্ডি; মুখ বর্জুলাকার, হনু উচ্চ, চক্ষু তির্যক। চিত্রক অনেক দেশ ভ্রমণ করিয়াছে, কিন্তু এরূপ আকৃতির মানুষ কখনও দেখে নাই।

পাছশালার সম্মুখে আসিয়া পথিকদল দাঁড়াইল। চারিজন পথিক, তন্মধ্যে একজন বৃদ্ধ। মুখে অতি সামান্য গুরু গুরু গুন্ফ আছে, দেহ কৃশ ও শ্রমসহিষ্ণু; মুখের ভাব দৃঢ়তা-ব্যঞ্জক। ইনিই এই দলের নেতা সন্দেহ নাই। চিত্রক ও রট্টা পরম কৌতূহলের সহিত ইহাদের দর্শন করিতেছিলেন, বৃদ্ধও কিছুক্ষণ তাহাদের নিরীক্ষণ করিয়া সাগ্রহে অগ্রসর হইয়া আসিলেন এবং তাঁহাদের সম্ভাষণ করিলেন।

চিত্রক ও রট্টা অবাক হইয়া চাহিয়া রহিলেন। বৃদ্ধের কণ্ঠস্বর মধুর ও মন্দ্র, কিন্তু তাঁহার ভাষা চিত্রক বুঝি-বুঝি করিয়াও বুঝিতে পারিল না। যেন পরিচিত ভাষা, অথচ উচ্চারণের বিকৃতির জগৎ ধরা যাইতেছে না।

চিত্রক রট্টাকে হৃৎকণ্ঠে জিজ্ঞাসা করিলেন—‘কিছু বুঝিতে পারিলেন?’

রট্টা বলিলেন—‘না। ইহারা বোধ হয় চীনদেশীয়।’

চিত্রক তখন বৃদ্ধকে প্রশ্ন করিল—‘আপনারা কে? কি চান?’

বৃদ্ধ উত্তর দিলেন, কিন্তু এবারও চিত্রক কিছু বুঝিল না। সে মাথা চুলকাইয়া শেষে জম্বুককে ডাকিল, বলিল—‘তোমার নুতন অস্তিত্ব আসিয়াছে। ইহারা কে?’

জম্বুক নবাগতদের দেখিয়াই বলিল—‘ইহারা চৈনিক পরিব্রাজক। এইরূপ পথিক মাঝে মাঝে এই পথে আসেন।’

‘ইহাদের ভাষা তুমি বুঝিতে পার?’

‘পারি। ইহারা পালি ভাষায় কথা বলেন।’

‘ভাল। জিজ্ঞাসা কর আমাদের নিকট কী চান?’

জম্বুক বৃদ্ধকে প্রশ্ন করিল এবং তাঁহার উত্তর শুনিয়া বলিল—‘ভিক্ষু জানিতে চান ইনি রাজকন্যা রট্টা যশোধরা কিনা।’

চিত্রক সন্দেহপূর্ণ নেত্রে ভিক্ষুকে নিরীক্ষণ করিয়া বলিল—‘এ প্রশ্নের উত্তর পরে দিব, অগ্রে আমার প্রশ্নের উত্তর দিতে বল।’

অতঃপর জম্বুকের মধ্যস্থতায় ভিক্ষুর সহিত চিত্রকের নিম্নরূপ প্রশ্নোত্তর হইল।

চিত্রক : আপনি কে? কোথা হইতে আসিতেছেন?

ভিক্ষু : আমার নাম টো-ইঙ্। আমরা চীনদেশ হইতে আসিতেছি। ইহারা আমার শিষ্য।

চিত্রক : চীনদেশ কত দূর?

ভিক্ষু : দুই বৎসরের পথ।

চিত্রক : কোথায় বাইবেন?

ভিক্ষু : কুশানগর বাইব। লোকজ্যেষ্ঠ বৃদ্ধ যেখানে দেহ রক্ষা করিয়াছিলেন সেই পবিত্র স্থানে দেহরক্ষা করিব এই আশা লইয়া চলিয়াছি। এখন বৃদ্ধের ইচ্ছা।

চিত্রক : এই জন্ত এতদূর পথ আসিয়াছেন? অথ কোনও উদ্দেশ্য নাই?

ভিক্ষু : অথ কোনও উদ্দেশ্য নাই।

চিত্রক : ক্রমা করুন। আপনারা প্রাতঃকালে এখানে আসিলেন কি করিয়া?

ভিক্ষু : আমরা অহিংসার্থী বৌদ্ধ, অস্ত্রধারণ করা আমাদের নিবেদ। কিন্তু এ পথে দস্যু তস্কর আছে; তাই আমরা রাত্রিকালে পথ চলি, দিবাভাগে বিশ্রাম করি। কাল রাত্রে চন্ডোদয় হইলে যাত্রা করিয়াছিলাম।

চিত্রক : কোথা হইতে যাত্রা করিয়াছিলেন?

ভিক্ষু : চণ্টন দুর্গ হইতে।

রট্টা এতক্ষণ নীরবে শুনিতেছিলেন; এখন চণ্টনদুর্গের নাম শুনিয়া সাগ্রহে অগ্রসর হইয়া আসিলেন—‘চণ্টন

হুর্গ! তবে আমার পিতার সহিত আপনার সাক্ষাৎ হইয়াছিল!

ভিক্ষু হাসিলেন; বলিলেন—‘আমি অহুমান করিয়া ছিলাম তুমিই রাজকন্যা রট্টা বশোধরা।...আমি তোমার পিতার নিকট হইতে কিছু বার্তা বহন করিয়া আনিয়াছি। ভাবিয়াছিলাম কপোতকূট যাইতে হইবে; ভালই হইল, পথেই তোমার দেখা পাইলাম। এখানে আমার কর্তব্য শেষ করিয়া নিজ কর্মে যাইব।’

রট্টা : পিতা কী বার্তা পাঠাইয়াছেন ?

ভিক্ষু : ধর্মানিত্যের বার্তা সকলের নিকট প্রকাশ্য নয়। কিন্তু যখন দ্বিতীয় প্রমুখ্যৎ কথা বলিতে হইতেছে তখন গোপন রাখা অসম্ভব। ভরসা করি ইহাতে ক্ষতি হইবে না।

রট্টার মুখে শঙ্কার ছায়া পড়িয়াছিল, তিনি ক্ষীণ-কণ্ঠে বলিলেন—‘না, ক্ষতি হইবে না, আপনি বলুন।’

ভিক্ষু : ধর্মানিত্য তোমাকে এই বার্তা পাঠাইয়াছেন—‘তুমি কদাপি চণ্ডন হুর্গে আসিও না, আসিলে ঘোর বিপদ ঘটবে।’

রট্টা স্থির বিস্ফারিত নেত্রে ভিক্ষুর পানে চাহিয়া রহিলেন, তারপর স্থলিত স্বরে বলিলেন—‘বিপদ ঘটবে! কিরূপ বিপদ?’

ভিক্ষু : যাত্রার পূর্বে কণেকের জন্ম ধর্মানিত্যের সহিত বিরলে সাক্ষাৎ হইয়াছিল। হুর্গাধিপতি কিরাত অতিশয় দুঃস্থ। সে ছলনা দ্বারা তোমাকে চণ্ডন হুর্গে লইয়া গিয়া বলপূর্বক বিবাহ করিতে চায়। ধর্মানিত্যকে সে বন্দী করিয়া রাখিয়াছে।

রট্টা : পিতাকে বন্দী করিয়া রাখিয়াছে!

ভিক্ষু : কারাগারে বন্দী করে নাই। কিন্তু তাঁহার হুর্গ ত্যাগ করিবার অধিকার নাই, পত্র লিখিবারও অধিকার নাই। কপোতকূটে যে পত্র গিয়াছিল তাহা ধর্মানিত্য খেঁচার লেখেন নাই।

দীর্ঘ নীরবতার পর রট্টা চিত্রকের দিকে কিরিলেন। তাঁহার মুখ রক্তহীন, কিন্তু চক্রে চাপা আগুন। রক্ত স্বরে বলিলেন—‘কিরাতের যে এতদূর সাধ্য হইবে তাহা স্বপ্নেও ভাবি নাই। এখন কর্তব্য কি?’

চিত্রক কিছুকাল নীরব থাকিয়া ভিক্ষুককে জিজ্ঞাসা করিল, ‘মহারাজ কি কোনও অনুজ্ঞা দিয়াছেন?’

ভিক্ষু : না। তিনি কেবল রট্টা বশোধরাকে চণ্ডন হুর্গে যাইতে নিবেদন করিয়াছেন। কিন্তু তোমাদের কর্তব্য এই হুর্গনের হস্ত হইতে ধর্মানিত্যকে উদ্ধার করা। কিরাত মিষ্ট কথায় ধর্মানিত্যকে মুক্তি দিবে না। তাহার কূট অভিপ্রায় ব্যর্থ হইয়াছে জানিলে সে আরও ক্রুদ্ধ হইবে; হয় তো ধর্মানিত্যের অনিষ্ট করিতে পারে—

রট্টা ব্যাকুল নেত্রে চিত্রকের পানে চাহিলেন। চিত্রক শান্তস্বরে বলিল—‘আপনি অধীর হইবেন না, বিপদের সময় বুদ্ধি স্থির রাখিতে হয়।—মহাশয়, আপনারা পঞ্চশ্রমে পীড়িত, এখন বিশ্রাম করুন। জম্বুক, তুমি ইহাদের পরিচর্যা কর।’

* * * *

যে ব্যাপারে যুদ্ধ বিগ্রহের গন্ধ আছে তাহাতে চিত্রক কখনও বুদ্ধি ভ্রষ্ট হয় না; যুদ্ধের প্রাক্কালে প্রবীণ সেনাপতির ঞায় সে সমস্ত দায়িত্ব ভার নিজ হস্তে তুলিয়া লইল।

রট্টার হাত ধরিয়া সে তাঁহাকে কক্ষে আনিয়া বসাইল। রট্টার করতল তুষারের মত শীতল, অধর দ্বিধা কল্পিত হইতেছে। নারী বাহিরে যতই পৌরুষের অভিনয় করুন, অন্তরে তিনি অবলা।

চিত্রক তাঁহার সম্মুখে বসিল এবং দীর্ঘভাবে তাঁহাকে দুই চারিটি প্রশ্ন করিয়া কিরাত ও চণ্ডনহুর্গ সম্বন্ধে জ্ঞাতব্য বিষয় জানিয়া লইল। রট্টাও চিত্রকের সহিত কথা কহিতে কহিতে অনেকটা আশ্বস্ত হইলেন।

এখন কর্তব্য কি এই প্রশ্নের উত্তরে চিত্রক বলিল—‘দুইটি পথ আছে। কিন্তু আপনি যদি কিরাতকে বিবাহ করিতে সম্মত থাকেন তাহা হইলে কোনও পথেরই প্রয়োজন নাই।’

রট্টা বলিলেন—‘কিরাতকে বিবাহ করার পূর্বে আমি আত্মঘাতিনী হইব।’

চিত্রক বলিল—‘তবে দুই পথ। এক কপোতকূটে কিরিয়া যাওয়া, সৈন্তদল লইয়া চণ্ডনহুর্গ অবরোধ করা। যতদূর জানি সৈন্ত সংগ্রহ করিতে সময় লাগিবে। চণ্ডন

হুর্গের স্তায় ক্ষুদ্র হুর্গও অস্তুত পাঁচশত সৈন্তের কমে অবরোধ করা অসম্ভব।’

রট্টা প্রশ্ন করিলেন—‘দ্বিতীয় পথ কী?’

চিত্রক বলিল—‘দ্বিতীয় পথ, স্বন্দগুপ্তের নিকট সাহায্য ভিক্ষা করা।’

রট্টা উচ্চকিত হইয়া চাহিলেন—‘স্বন্দগুপ্ত সাহায্য দিবেন?’

চিত্রক বলিল—‘তিনি ক্ষত্রিয়-চূড়ামণি। তাঁহার শরণ লইলে তিনি অবশ্য সাহায্য করিবেন।’

‘তবে স্বন্দগুপ্তেরই শরণ লইব। তাঁহার নাম শুনিলে কিরাত ভয় পাইবে, বিরুদ্ধতা করিতে সাহস পাইবে না।’

‘তাঁহা সম্ভব। কিন্তু স্বন্দগুপ্তের কাছে কে যাইবে?’

‘আমি যাইব। আপনি সঙ্গে থাকিবেন।’

চিত্রক ক্ষণেক মৌন রহিল, তারপর বলিল—‘আপনি নারী, লক্ষ লক্ষ সৈন্তপূর্ণ স্বদ্ধাবার নারীর উপযুক্ত স্থান নয়। অবশ্য আমি সঙ্গে থাকিলে বিশেষ ভয় নাই, অভিজ্ঞান অঙ্গুরীর দেখাইয়া স্বন্ধের সমীপে পৌঁছিতে পারিব। কিন্তু একটি কথা আছে—’

‘কি কথা?’

‘সকল কথা বলার সময় নাই। কিন্তু আমি যে স্বন্দগুপ্তের দূত একথা তাঁহাকে বলা চলিবে না। আমি বিটক রাজ্যেরই একজন সেনানী, এই পরিচয় দিলেই হইবে। স্বন্ধ আমাকে চেনেন না, সুতরাং কোনও গোলযোগের সম্ভাবনা নাই।’

‘কিন্তু—কেন?’

‘ওকথা এখন জিজ্ঞাসা করবেন না। আমাকে বিশ্বাস করুন, আমি বিশ্বাসঘাতকতা করিব না।’

রট্টা বলিলেন—‘আর্থ চিত্রক, আমি সম্পূর্ণ আপনার অধীন। আপনি যাহা বলিবেন তাহাই করিব।’

চিত্রক বলিল—‘আমি আপনার দাস। আপনার মঙ্গলের জন্ত যাহা কর্তব্য তাহা করিব। স্বন্দগুপ্তের শরণ লওয়াই স্থির?’

‘হাঁ।’

চিত্রক উঠিয়া দাঁড়াইল, বলিল—‘তবে উঠুন। অবিলম্বে রাজ্য করিতে হইবে।’ ঘর পর্যন্ত গিয়া সে ফিরিয়া দাঁড়াইল—‘একটি কথা। আপনি এমনভাবে বস্ত্র পরিধান

করুন যাহাতে আপনাকে কিশোর বয়স্ক পুরুষ বলিয়া মনে হয়। ইহা প্রয়োজন’ বলিয়া তাড়াতাড়ি বন্ধ হইতে বাহির হইয়া গেল।

রট্টার মুখে ধীরে ধীরে অরুণাতা ফুটিয়া উঠিল। তিনি কক্ষের দ্বার বন্ধ করিয়া দিয়া নূতনভাবে বেশ-প্রসাধনে প্রবৃত্ত হইলেন।

চিত্রক বাহিরে আসিয়া দেখিল, পাশেই একটি কক্ষে জৈন ভিক্ষুগণ আশ্রয় লইয়াছেন; জম্বুক তাঁহাদের পরিচর্যায় নিযুক্ত আছে। চিত্রক তাঁহাদের নিকটে গিয়া বলিল—‘জম্বুক, ভিক্ষু মহাশয়কে আমি একটি প্রশ্ন করিতে ইচ্ছা করি—মহারাজ স্বন্দগুপ্ত সম্বন্ধে তিনি কিছু জানেন কি?’

প্রশ্ন শুনিয়া ভিক্ষু বলিলেন—‘জানি। স্বন্দগুপ্ত হুণ দলনের জন্ত আসিয়াছেন। নিকটেই আছেন।’

চিত্রক : কোথায় আছেন?

ভিক্ষু : এই উপত্যকার পশ্চিমে যে পর্বতশ্রেণী আছে তাহা পার হইলে আর একটি বৃহত্তর উপত্যকা আছে; স্বন্দগুপ্ত তথায় সৈন্ত স্থাপন করিয়াছেন।

চিত্রক : একথা আপনি কিরূপে জানিলেন?

ভিক্ষু : চণ্টনহুর্গে শুনিয়াছি। জনৈক সৈনিক মৃগয়ায় গিয়াছিল সে দেখিয়া আসিয়াছে।

চিত্রক তখন ভিক্ষুকে সাধুবাদ করিয়া জম্বুককে আড়ালে ডাকিয়া আনিল, বলিল—‘জম্বুক, আমরা স্থির করিয়াছি স্বন্দগুপ্তের শিবিরে যাইব।’

জম্বুক বলিল—‘সে ভাল কথা।’

চিত্রক বলিল—‘তোমাকে কপোতকূটে যাইতে হইবে। মন্ত্রী চতুর ভট্টের সহিত সাক্ষাৎ করিয়া সকল কথা তাঁহাকে বলিবে। তারপর তিনি যাহা ভাল হয় করিবেন।’

‘যথা আজ্ঞা।’

‘এখন আমাদের অখ আনিতে বল। এই বেলা যাত্রা করিলে সূর্যাস্তের পূর্বে স্বন্দগুপ্তের শিবিরে পৌঁছিতে পারিব।’

জম্বুক অখ আনিতে গেল। চিত্রক ফিরিয়া গিয়া রট্টার দ্বারে করাঘাত করিল। রট্টা দ্বার খুলিয়া নত চক্ষে সম্মুখে দাঁড়াইলেন।

চিত্রক দেখিল, বেশ পরিবর্তন করিয়া রট্টাকে অস্বস্ত

দেখাইতেছে; প্রথম বেদিন সে রট্টাকে দেখিয়াছিল সে দিনের মতই তাঁহাকে সহসা নারী বলিয়া চেনা যায় না, ভক্তের তলে রূপের আশ্বিন চাপা পাড়িয়াছে? কিন্তু মস্তকে শিরজ্ঞান নাই, বেণী শোভা পাইতেছে। তাহার কী হইবে?

চিত্রক নিজ কটিবন্ধ খুলিয়া রট্টার মাথায় উফীষ বাঁধিয়া দিল; উফীষের অন্তরালে বেণীবন্ধ ঢাকা পড়িল। চিত্রক বিচারকের দৃষ্টিতে রট্টার আপাদ-মস্তক নিরীক্ষণ করিয়া

গম্ভীরমুখে বলিল—‘এতকণে ছদ্মবেশ সন্তোষজনক হইয়াছে। স্বপ্নের সম্মুখে না পৌঁছানো পর্যন্ত ছদ্মবেশ আবশ্যিক। যুদ্ধক্ষেত্র কিরূপ স্থান তাহা আপনি জানেন না, কিন্তু আমি জানি। তাই এই সাবধানতা।’

রট্টার চোখে জল আসিল; তিনি অবরুদ্ধ স্বরে বলিলেন—‘দ্বীজাতি বড় জঞ্জাল।’

চিত্রক মাথা নাড়িয়া বলিল—‘না, পুরুষ বড় জঞ্জাল

(ক্রমশঃ)

ভারতীয় সংস্কৃতিতে দর্শনের স্থান

শ্রীমতীশচন্দ্র চট্টোপাধ্যায় এম-এ, পি-আর-এস, পিএচ-ডি

মানুষ ও ইতর প্রাণীর মধ্যে পার্থক্য কোথায়? অগ্ৰাণ্ত জীবজন্তুর মত মানুষকে ক্ষুধার অন্ন, পিপাসার জল ও রৌদ্র বৃষ্টিতে আশ্রয়স্থল খুঁজিতে হয়। জন্তুরা এসব পাইলেই সন্তুষ্ট হইতে পারে, কিন্তু মানুষ তাহা পারে না। মানুষের মধ্যে জ্ঞান-তৃষ্ণা বলিয়া একটা পিপাসা আছে। এ পিপাসা ভৌতিক জলে মিটে না। মানুষের পেটের ক্ষুধা অন্ন মিটিতে পারে, কিন্তু তাহার মানসিক ক্ষুধা পকায়েরেও তৃপ্ত হয় না। এ ক্ষুধাপিপাসা মিটাইবার জন্য মানুষ সব বিষয়েই জ্ঞানলাভ করিতে চায়। সে নিজে কি? তাহার স্বরূপ ও পরমার্থ কি? জীবজগৎ জড় প্রকৃতি হইতে উদ্ভূত, না ঈশ্বর বা পরমাত্মার ইচ্ছা ও জ্ঞান প্রসূত? জন্ম ও মৃত্যু কি? জন্মের পূর্বে ও মৃত্যুর পরপারে মানবাত্মার কোন অস্তিত্ব থাকে কিনা? এ সব প্রশ্ন মানুষের মনে স্বতঃই উঠে এবং সেগুলির সন্তোষজনক মীমাংসা করিবার চেষ্টা মানুষের পক্ষে অপরিহার্য। ইহা হইতেই দর্শন শাস্ত্রের উৎপত্তি হইয়াছে। যে শাস্ত্রে এসব প্রশ্নের বিচারসঙ্গত মীমাংসা করা হয় তাহাকেই দর্শন বলে। অতএব বলিতে হয় দর্শন শ্রুতি মানুষেরই একটা অতি প্রয়োজনীয় বস্তু, উহা অনাবশ্যক বলনাবিলাস মাত্র নহে। আলডুস হাক্সলে (Aldous Huxley) নামে এক সুপ্রসিদ্ধ ইংরেজ লেখক তাঁহার এক গ্রন্থে (Ends and Means) এরূপ মন্তব্য করিয়াছেন যে ‘মানুষ তাহার জীবনে একটা দার্শনিক মত-

বাদ অনুসরণ করিয়া চলে, জীবজগৎ সম্বন্ধে একটা ধারণা লইয়া জীবনপথে অগ্রসর হয়। একথা শুধু চিন্তাশীল ব্যক্তির পক্ষেই সত্য নহে। ইহা একান্ত চিন্তাবিমুখ লোকের পক্ষেও প্রযোজ্য। ভাল হোক, মন্দ হোক—কোন একটা দার্শনিক মত অবলম্বন করিয়া মানুষের জীবনে চলিতে হয়। কোনও দার্শনিক মত না মানিয়া জীবনে চলা যায় না।’

প্রত্যেক মানুষের পক্ষে যে কথা বলা যায়, যে কোন মনুষ্য সমাজ বা মনুষ্যজাতির পক্ষেও সে কথা সমভাবে প্রযোজ্য। বিভিন্নকালে ও বিভিন্ন দেশে অনেক মনুষ্য-জাতি ও লোকসমাজের উত্থান পতন ঘটিয়াছে ও ঘটবে। এ সব জাতি ও সমাজের মধ্যে এক একটা সভ্যতা ও সংস্কৃতি গড়িয়া উঠিয়াছে এবং উহাদের পতনের সঙ্গে লুপ্তও হইয়াছে। একটি সভ্যতা ও সংস্কৃতির উৎপত্তিস্থল অনু-সন্ধান করিলে দেখিতে পাওয়া যাইবে যে উহার মূলে একটা দর্শন-মত নিহিত আছে। কোন জাতির সভ্যতা ও সংস্কৃতির মূলে আছে তাহার দার্শনিক দৃষ্টিভঙ্গী। যে জাতি জীব-জগৎ সম্বন্ধে যে রূপ দার্শনিক মতবাদ পোষণ করেন তাহার সভ্যতা ও সংস্কৃতিও সেইভাবে গড়িয়া উঠে। এজন্য কোন জাতির দর্শনকে উহার সংস্কৃতির সার বস্তু বলা যায়। কোন জাতি সভ্যতা ও সংস্কৃতির কোন স্তরে আছে তাহা উহার দর্শন হইতেই নির্ণয় করা যায়। ‘পাশ্চাত্য দেশের দার্শনিক জড়বাদ হইতেই তাহার বার্মিক সভ্যতার বিচ্ছিন্ন জাতিগত

পাওয়া যায়। আবার আৰ্য্য জাতির আধ্যাত্মিক দর্শনের মধ্যেই উহার মানবিক সত্যতার কিছু পরিচয় পাওয়া যায়। অতএব আমরা বলিতে পারি যে দর্শন কোন জাতির সংস্কৃতিতে ওতপ্রোতভাবে জড়িত আছে এবং উহাকে সঞ্জীবিত করিয়া রাখিয়াছে।

দর্শন ভারতীয় সংস্কৃতির মূল উৎস ও সঞ্জীবনী শক্তি। এই সংস্কৃতির অপর নাম আৰ্য্য সত্যতা ও সংস্কৃতি। যে আৰ্য্য সংস্কৃতি ভারতবর্ষে প্রবেশ ও প্রসার লাভ করিয়াছিল তাহার মূল আধার হইল বেদ ও উপনিষদ। বেদ ও উহার অন্তর্গত উপনিষদসমূহে আধুনিক অর্থে পূর্ণাঙ্গ দর্শনশাস্ত্র না থাকিলেও উহাদের মধ্যে যে একপ্রকার দার্শনিক দৃষ্টিভঙ্গী ও দার্শনিক মতবাদের বীজ নিহিত ছিল তাহা স্বীকার করা যায় না। এই বীজ কালে উৎপন্ন হইয়া ভারতীয় সংস্কৃতিরূপ মহীকূহে পরিণত হইয়াছে। উহাই আবার বেদান্ত-দর্শনরূপে চরমোৎকর্ষ লাভ করিয়াছে এবং ভারতীয় সংস্কৃতির বিভিন্ন শাখার মধ্যে অল্প বিস্তরভাবে প্রকাশমান আছে। ভারতের বেদ ও উপনিষদ তদনুসারী দর্শন-মতগুলি জীবদেহে রক্তকণার স্থায় ভারতীয় সংস্কৃতির সর্বদেহে ও সর্বধমনিতে প্রবাহিত হইতেছে। একধার সত্যতা উপলব্ধি করিতে হইলে আমাদের ভারতীয় সংস্কৃতির প্রধান অঙ্গগুলি সম্বন্ধে আলোচনা করিতে হইবে।

কোন সংস্কৃতির কথা বলিলে আমরা প্রধানতঃ পাঁচটি বিষয় বুঝিয়া থাকি, যথা সাহিত্য ও ভাষা, বিজ্ঞান, চাক্র-কলা, ধর্ম ও দর্শন। সংস্কৃতির অগ্রাঙ্গ অঙ্গের কথা কেহ কেহ বলিতে পারেন। কিন্তু সেগুলিকে এই পঞ্চাঙ্গেরই অন্তর্ভুক্ত করা যাইতে পারে মনে হয়। কোন সভ্যজাতির কোন কৃষ্টি বা সংস্কৃতি আছে কিনা—তাহা বলিতে গেলে উহার কোন ভাষা বা সাহিত্য আছে কিনা, কোন বিজ্ঞান সম্পদ আছে কিনা, উহা চাক্রকলার সৃষ্টি ও সমাদর করে কিনা এবং উহার মধ্যে কোন ধর্ম ও দর্শন মত বিদ্যমান কিনা তাহাই দেখিতে হইবে। এগুলিকে বাদ দিলে সংস্কৃতি বলিয়া কিছু থাকে না। যে জাতির কোন পরিষ্কৃট ও পূর্ণাঙ্গ ভাষা নাই, কোন বিজ্ঞান ও চাক্রকলা নাই, কোন ধর্ম ও দর্শন নাই তাহার কোন সংস্কৃতিও নাই বলিতে হইবে। আবার যে জাতির নিজ সত্যতা ও সংস্কৃতিতে আস্থা নাই সে জাতি যে প্রকৃত সত্যতা লাভ করিতে পারবে না। যে দিন

হইতে ভারতবাসী হিন্দু তাহার নিজ ধর্ম ও দর্শন অর্থাৎ সংস্কৃতির মূল বিষয়ে সন্দেহান হইয়াছে এবং তাহার প্রতি অনাস্থা ও অনাদরের ভাব দেখাইয়াছে সেইদিন হইতে তাহার পতন আরম্ভ হইয়াছে। সে দিন গুণিতে হয় ভারতে ইংরেজ শাসন প্রবর্তনের দিন হইতে, ভারতবাসীর রাজ-নৈতিক ও সাংস্কৃতিক দাসত্বের আরম্ভ দিবস হইতে। আজ সে দিন চলিয়া গিয়াছে। ভারতবাসীরা অনেক কিছু ত্যাগ ও ক্ষতি স্বীকার করিয়া স্বাধীনতা অর্জন করিয়াছে। এখন তাহাদের নিজ ধর্ম, দর্শন ও সংস্কৃতিতে আস্থা ফিরিয়া আসিবে এবং আবার ভারতীয় সংস্কৃতির মূল প্রবাহ ভারত-বক্ষে প্রবাহিত হইয়া উহাকে শ্রীমণ্ডিত ও শক্তিশালী করিয়া তুলিবে এবং পৃথিবীর সর্বত্র ভারত-মাতাকে গৌরবের আসনে প্রতিষ্ঠিত করিবে এরূপ আশা করা যায়।

এখন ভারতীয় সংস্কৃতিতে দর্শনের স্থান কিরূপ তাহারই আলোচনা করিব। আমরা পূর্বে পঞ্চাঙ্গ সংস্কৃতির কথা বলিয়াছি। ভারতীয় সংস্কৃতিতে এই পঞ্চাঙ্গ বিদ্যমান আছে। ভারতের একটা ভাষা ও সাহিত্য আছে, অন্ততঃ পূর্বে সংস্কৃত ভাষাই ভারতীয় ভাষা বলিয়া বিবেচিত হইত। প্রাচীন ভারতে বহু বিজ্ঞানেরও অভ্যুদয় হইয়াছিল। উহার একটা নিজস্ব চাক্রকলাও ছিল, যদিও কালে ইসলামী ও অন্ত বিদেশীয় কলার সহিত তাহার সংমিশ্রণ ঘটয়াছে। তাহার পর ভারতীয় আৰ্য্যদের যে একটা ধর্ম ও দর্শন ছিল এবং এখনও আছে তাহা সূধীমাত্রেই স্বীকার করিবেন। ইহাদের মধ্যে দর্শন ভারতীয় সংস্কৃতির প্রধান অঙ্গরূপে বিবেচিত হইবার যোগ্য। কারণ ভারতীয় দর্শনের দৃষ্টিভঙ্গী ও মূল তথ্যগুলি উহার অগ্রাঙ্গ অঙ্গপ্রত্যঙ্গে অঙ্গ-প্রবিষ্ট ও অনুরণিত হইয়াছে।

আধ্যাত্মিকতা ভারতীয় দর্শনের চিরস্তনী দৃষ্টিভঙ্গী। বৈদিক যুগ হইতে আরম্ভ করিয়া আধুনিক কাল পর্যন্ত ভারতীয় দার্শনিকদের স্থির বিশ্বাস এই যে জীবজগৎ, গ্রহ-নক্ষত্র এবং দেবতারাও এক অলঙ্ঘনীয় ধর্মাত্মশাসনের বশবর্তী। ঋগ্বেদে ইহাকেই ঋত বলা হইয়াছে। মীমাংসা দর্শনে যে অপূর্ব অর্থাৎ কর্মফল শক্তির উল্লেখ দেখিতে পাওয়া যায় এবং শ্রায়-বৈশেষিক প্রভৃতি দর্শন শাখায় যে অদৃষ্টের কথা গুণিতে পাওয়া যায় তাহা ঋতেরই ভাবান্তর। বোধ হয় ইহা হইতেই বিজ্ঞানসম্বন্ধ কার্য্যকারণ নিয়মের

তায় কর্ম ও কর্মফল নিয়মের অলঙ্ঘনীয়তা সম্বন্ধে বিশ্বাস ভারতীয় ধর্ম ও দর্শনে দৃঢ়মূল হইয়াছে। ভারতীয় দর্শন শাখাগুলির আর কয়েকটি সমান তন্ত্র হইতেছে—জন্মান্তরবাদ, সংসারের নশ্বরতা, জীবাত্মার অমরত্ব, বন্ধন ও মুক্তির প্রয়োজন। এ ছাড়া অনেক দর্শনে ঈশ্বর, ব্রহ্ম, প্রকৃতি, পুরুষ, মায়া, অবিद्या, নামরূপ প্রভৃতি তত্ত্বের কথা আছে। আবার কোন কোন দর্শনে স্বর্গ, অপবর্গ, পুরুষার্থ, বাগবন্ধ প্রভৃতির আলোচনা করা হইয়াছে। মুক্তির উপায়রূপে জীবজগতের যাবতীয় পদার্থের তত্ত্ববিচার, মনস্তত্ত্বের আলোচনা এবং যোগসাধন, কর্ম, ভক্তি ও জ্ঞানমার্গের বিশদ বিবরণ একাধিক দর্শনে পাওয়া যায়।

ভারতীয় দর্শনের প্রত্যয়রাজি, ভাবধারা ও সার্বভৌম তত্ত্বগুলি প্রাচীন ভারতের সংস্কৃত ভাষা ও সাহিত্যকে কি ভাবে প্রভাবিত ও পরিপুষ্ট করিয়াছে তাহা সংস্কৃতজ্ঞ পণ্ডিত মাত্রেই জানেন। প্রাচীন ভারতের কাব্যে, নাটকে, ইতিহাসে, ব্যাকরণে, অলঙ্কারে অর্থাৎ ভাষা ও সাহিত্যের সর্বক্ষেত্রে ভারতীয় দার্শনিক ভাবধারার অঙ্গবিস্তার পরিচয় পাওয়া যায়। কালিদাস, ভবভূতি প্রভৃতি মহাকবিদের রচনাবলী পাঠ করিলে একথার সত্যতা বুঝা যাইবে। এমন কি পানিনির ব্যাকরণে, পতঞ্জলির মহাভাষ্যেও দার্শনিক তথ্য সম্বলিত একাধিক সূত্র পাওয়া যাইবে। পঞ্চাননে ব্যাকরণের দার্শনিক আলোচনা হইতে পানিনি দর্শনের সৃষ্টি হইয়াছে। আধুনিক কালে ভারতীয় তায় ও দর্শন শাস্ত্র সাহিত্যসম্রাট বঙ্কিমচন্দ্রের অনেক রচনায় ভাব ও ভাষায় লালিত্য সম্পাদন করিয়াছে। কবিগুরু রবীন্দ্রনাথের অনেক গল্প, কবিতা ও গীতিরচনার মধ্যে উপনিষদ ও বেদান্তের ভাবধারা এমন সুন্দর ও মধুরভাবে বিকশিত হইয়াছে যে ভারতীয় দর্শনের সঙ্গে কিছু পরিচয় না থাকিলে সেগুলি মনোজ্ঞ না হইয়া দুর্কোষ বা অবোধ্য বলিয়া মনে হইবে। অল্পরূপভাবে দেখা যায় যে বৈষ্ণবদর্শনের কোন জ্ঞান না থাকিলে বৈষ্ণব সাহিত্য বুঝা সুকঠিন হইয়া পড়ে। দর্শন যে মানুষের ভাষা ও সাহিত্যকে প্রভাবান্বিত করিবে তাহা অতি স্বাভাবিক কথা। ভাষার উৎপত্তি যে ভাবেই হউক না কেন, মানুষের মনের ভাব ও প্রত্যয় তাহার পরিবর্তন ও পরিবর্তন সাধিত করে। মনের ভাব প্রকাশ করিবার

জন্যই ভাষার সৃষ্টি! অতএব দার্শনিক চিন্তা যদি মানুষের অপরিহার্য হয়, তবে তাহা প্রকাশ করিবার জন্য ভাষা ও সাহিত্যেরও বিকাশ ঘটিবে।

সকল দেশের দর্শনের ইতিহাসে দেখা যায় যে প্রথমে বিজ্ঞানগুলির পৃথক সত্তা ছিল না, উহারা দর্শনেরই অনঙ্গরূপে বিদ্যমান ছিল। পাশ্চাত্যদেশের জড়বিজ্ঞানগুলি প্রথমে প্রাকৃতিক দর্শন (Natural Philosophy) নামে অভিহিত হইত। এতদিন মনোবিজ্ঞান দর্শনের অন্তর্ভুক্ত ছিল। ইদানীং ইহার পৃথক সত্তা কেহ কেহ স্বীকার করেন। ভারতীয় বিজ্ঞানগুলি প্রথমে দর্শনশাস্ত্রের মধ্যেই সম্মিলিত ছিল। জীববিজ্ঞা, রসায়ন, জ্যোতিষ প্রভৃতি বিজ্ঞানে যে সব বিষয় আলোচিত হয় তাহাদের অনেকাংশ ভারতীয় দর্শনের বিভিন্ন শাখাতে বিশেষভাবে প্রতিপাদিত হইয়াছে। শ্রীর প্রফুল্লচন্দ্র রায়ের Hindu Chemistry (হিন্দু রসায়ন), আচার্য্য ব্রজেননাথ শীলের The Positive Sciences of the Ancient Hindus (প্রাচীন হিন্দুদের প্রাকৃতিক বিজ্ঞান) প্রভৃতি গ্রন্থ পাঠ করিলে দেখা যাইবে যে ভারতীয় বিজ্ঞান ও দর্শন অঙ্গাঙ্গীভাবে সম্বন্ধযুক্ত। জীববিজ্ঞা, প্রাণীবিজ্ঞা, আয়ুর্বেদ প্রভৃতি বিজ্ঞানেও দার্শনিক তত্ত্বের আলোক প্রতিফলিত হইয়াছে। এমন কি আয়ুর্বেদে একটা স্বতন্ত্র দর্শন মতের আলোচনা ও প্রতিষ্ঠা দেখিতে পাওয়া যায়। অতএব বলিতে হয়, ভারতীয় সংস্কৃতির বিজ্ঞানরূপ অঙ্গে দর্শনের যথেষ্ট প্রভাব আছে এবং তাহার সম্যগ্জ্ঞান অর্জন করিতে হইলে আমাদের দর্শনশাস্ত্রে কিছু ব্যুৎপত্তি লাভ করা আবশ্যিক।

চাকরকলা (Fine Arts) বলিতে আমরা প্রধানতঃ নৃত্য, গীত, বাণ, নাটক, আলোচ্য ও ভাস্কর্য্য এই ছয়টি বিষয় বুঝিয়া থাকি। কামসূত্রকার বাৎসর্য্যন চৌষট্টি কলার কথা বলিয়াছেন। ইহার মধ্যে চাকরকলার সঙ্গে শ্রমশিল্প (Industries) ও যন্ত্রশিল্পের (mechanics) উল্লেখ দেখিতে পাওয়া যায়। শেষে উল্লিখিত দুইটি বিষয়কে সংস্কৃতির অঙ্গ হিসাবে না ধরিয়া আমরা চাকরকলাকেই সংস্কৃতির অপরিহার্য্য অনঙ্গরূপে গণনা করিয়াছি। ভারতীয় চাকরকলার বড়বিধ অর্থেই দর্শনের নানাধিক প্রভাব পরিলক্ষিত হয়। বিশেষ করিয়া

দার্শনিক জীবনের আতরণ ভারতীয় সঙ্গীতের অঙ্গের শোভা বর্ধন করিয়াছে। সুপ্রাচীন বৌদ্ধ গান ও দোহার মধ্যে অনেক দার্শনিক তত্ত্ব নিহিত আছে। জয়দেব, চণ্ডীদাস, তুলসীদাস প্রভৃতি চিরস্মরণীয় কবিদের পদাবলী ও সঙ্গীতাবলীতে অনেক তত্ত্বকথা ও শাস্ত্রকথার সন্ধান পাওয়া যায়। জয়দেবের গীতগোবিন্দ, চণ্ডীদাসের গীত-চিন্তামণি ও শ্রীকৃষ্ণকীর্তন এবং তুলসীদাসের দোহাবলী তত্ত্বজ্ঞান দ্বারা অনেকেরই জ্ঞানচক্ষুর উন্মেষ করিয়াছে। হরিসকীর্তন ও বাউল প্রভৃতি বৈষ্ণব সঙ্গীতে বৈষ্ণব বেদান্ত-দর্শনের অনেক তত্ত্ব সুললিত ছন্দে প্রকাশিত হইয়াছে। শ্রামা সঙ্গীতে তন্ময়ের দার্শনিক মতবাদের আভাস পাওয়া যায়। আধুনিককালে রচিত শ্রীশ্রীকালীকীর্তনের মধ্যে অদ্বৈত-বেদান্তের তত্ত্বকথা যে তাৎপে পরিষ্কৃত হইয়াছে তাহা গুনিলে বিস্ময় হয়। সাধক রামপ্রসাদের সঙ্গীতে দার্শনিক শক্তিবাদের অপূর্ব পরিচয় পাওয়া যায়। ভারতীয় ব্রাহ্মসমাজের সঙ্গীতাবলী যে উপনিষদ ও বেদান্তের ভাবধারার গাভীর্যে ও মাধুর্যে মহিমাঘিত তাহা বলা নিস্প্রয়োজন। কবিগুরু রবীন্দ্রনাথের সঙ্গীতে, বিশেষভাবে তাঁহার গীতাঞ্জলীতে শঙ্করের মায়াবাদমুক্ত অদ্বৈত-বেদান্তের তত্ত্ব এমনভাবে বঙ্কিত হইয়াছে যে তাহা বিশ্বমানবের শ্রদ্ধা অর্জন করিয়াছে। অতএব ভারতীয় সঙ্গীতের সারমর্ম উপলব্ধি করিতে হইলে এবং উহার রসাস্বাদন করিতে গেলে দার্শনিক তত্ত্ববিষয়ে ষথাযোগ্য জ্ঞান থাকা আবশ্যিক।

ভারতীয় সংস্কৃতির ইতিহাসে ধর্ম ও দর্শন চিরকালই এক অবিচ্ছেদ্য সম্বন্ধে আবদ্ধ। পাশ্চাত্য সংস্কৃতির ইতিহাসে কিন্তু ধর্ম ও দর্শনের একরূপ ঘনিষ্ঠ সম্পর্ক দেখা যায় না। সেখানে কখন উহার পৃথক ও স্বতন্ত্রভাবে নিজ নিজ সত্তা রক্ষা করিয়া চলিয়াছে, আবার কখন দর্শনবিরুদ্ধ সমালোচনা দ্বারা ধর্মমতকে ক্ষুণ্ণ করিয়াছে। অথবা উহার ধ্বংস সাধন করিয়াছে। ভারতীয় দর্শন শাখাগুলি ধর্ম ও

অধ্যাত্মবিচার সহায় ও পরিপোষকরূপেই বিস্তার লাভ করিয়াছে। ভারতীয় ধর্ম বলিতে মুখ্যতঃ আমরা বৈদিক বা হিন্দু ধর্মই বুঝিতে পারি। অবশ্য ভারতভূমিতে বৌদ্ধ, জৈন প্রভৃতি অবৈদিক ধর্মেরও অভ্যুত্থান হইয়াছে। কিন্তু ভারতীয় সকল ধর্মই এক বা ততোধিক দর্শন মতের উপর প্রতিষ্ঠিত হইয়াছে ও তাহাদের আত্মকূল্য লাভ করিয়াছে। মীমাংসা ও বেদান্ত দর্শনগুলিকে বৈদিক দর্শন বলা যায়, কারণ উহার বেদ বা ঋতির স্বতঃ প্রামাণ্য মানিয়া লইয়াই যুক্তিতর্ক দ্বারা ঋতিবাক্যের ব্যাখ্যা ও সামঞ্জস্য বিধান করিবার চেষ্টা করিয়াছে। ত্রায়-বৈশেষিক ও সাংখ্যযোগ দর্শন এভাবে বৈদিক না হইলেও উহার স্বাধীন বিচারপদ্ধতি অবলম্বন করিয়া বৈদিক ধর্মের প্রতিষ্ঠা ও নাস্তিক মতের খণ্ডন করিয়াছে। বৌদ্ধ ও জৈন ধর্মও নিজ নিজ দর্শনমতের উপর প্রতিষ্ঠিত ও প্রসারিত হইয়াছে। ইহার ফল হইয়াছে এই যে ভারতীয় ধর্ম ও দর্শন পরস্পরের মধ্যে এমন নিবিড়ভাবে অঙ্গপ্রবিষ্ট যে ধর্মতত্ত্ব বুঝিতে হইলে দার্শনিক তত্ত্বজ্ঞান অপরিহার্য ও অত্যাৱশ্যক। এমন কি কোন কোন স্থলে দর্শন ও ধর্ম প্রায় একই বস্তু হইয়া গিয়াছে। এমন সাংখ্য, যোগ, মীমাংসা এবং বেদান্তকে ধর্মও বলা হয় আবার দর্শনও বলা হয়। অতএব ভারতের বিভিন্ন ধর্ম সম্বন্ধে জ্ঞানলাভ করিতে হইলে অথবা জীবনে কোন ধর্ম পালন করিতে গেলে দার্শনিক জ্ঞান-বিচার অবশ্য কর্তব্য ও হিতকর।

এখন আমরা বেশ বুঝিতে পারি যে ভারতীয় সংস্কৃতিকে যদি রক্ষা করিতে হয় এবং উহার সর্বাঙ্গীন উন্নতি সাধন করিতে হয়, তবে ভারতীয় দর্শনের পুষ্টি ও শ্রীবৃদ্ধি করিতে হইবে। এই কর্তব্যপালনের দায়িত্ব কেবল ব্যক্তিবিশেষের নয়, উহা সমগ্র জাতির ও রাষ্ট্রের দায়িত্ব। ভারতীয় দর্শনের পুনরুত্থানে সুধীমাত্রেই সচেষ্ট হউন ইহাই কামনা করি।



দুর্ঘটনা

শ্রীরবীন্দ্রনাথ রায়

মুহূর্ত্ত মলয়ানিল দোলনচাঁপার বৃকে শিহরণ জাগায়, দিগন্ত পূর্ণ হয় সৌরভে ।

কিন্তু ঝড়বাদের দিনে কোথায় যায় সেই সৌরভ, বরং ঝড়শাস্ত ছিন্নমূল উদ্ভান পাপড়ীচূর্ণের করুণ সমারোহে হৃদয় আকুল করিয়া তোলে ।

মানুষের জীবন ও অনুরূপ, অনন্ত সূক্ষ্মায় উচ্ছল । পাহাড়ী নদীর বস্তার স্থায় সহসা বিপর্যয় নামিলে সেই দুকূল-ছাপান প্লাবনে আশ্রয়হারা তৃণশূন্য মত এখানেও নীরবে ভাসিয়া যাইতে হয় কিম্বা ভাগ্যক্রমে এখানে বাঁচিয়া থাকিলে নিস্তরঙ্গ তটিনীর বৃকে নড়বড়ে পাথরের মুড়িকুটির স্থায় অসহায় ও কদম্বা জীবন টানিয়া চলিতে হয় । উভয়েই কি কুশী ও বীভৎস !

চন্দ্র সূর্যের উদয় অস্তে ব্যতিক্রম হয় না, অশান্ত গ্রহনক্ষত্রের বেলায় ঠিক একই নিয়ম । ক্ষণে ক্ষণে সেখানে দুর্ঘটনা ঘটে না, কিন্তু মানুষের বেলায় ঠিক উল্টো, কেহই স্বেচ্ছায় আইন ও শাসন মানিয়া চলিতে চাহে না বলিয়া পদে পদে হান্সামার সৃষ্টি হইয়া থাকে । মানুষের এই প্রবৃত্তিকে শাসনে রাখিবার জন্ত প্রত্যেক সংস্থার কত আইনকানুন, কিন্তু দুর্ঘটনার অন্ত নাই ।

প্রথম উঠে ; বিভিন্ন লোকে রকমারী সমাধান দেন । কিন্তু সকলেই হটকারিতা, দায়িত্বজ্ঞানহীনতা কিম্বা নিয়ম শৃঙ্খলায় অবহেলা অশ্রুতম কারণ বলিয়া বিশ্বাস করেন । মনোবিদরা আরও কিছু বলেন, তাঁহারা মানসিক সূক্ষতার উপরে বেশ জোর দেন । তাঁহারা বলেন মানুষের চেতন-মন কাজের সক্রিয় নিয়ামক হইলেও অবচেতন মনের দায়িত্ব কম নহে । একমাত্র শিক্ষা, শাসন ও অনুশীলন অবচেতন মনের গোপন কাহিনী সংঘের কঠিন নিগড়ে আবদ্ধ রাখে বলিয়া সমাজ ও সংসার বাঁচিয়া থাকে । সর্বত্র সর্বাঙ্গস্থায় সত্য কথা, মনের কথা বলিতে গেলে সংসারে বাস করা সম্ভব হয় না, এমন কি লৌকিক ভদ্রতাও রক্ষা করা দুর্লভ হইয়া পড়ে । গীতায় আছে,

কর্মেস্ত্রিয় কাণ্ড রাখে, কিন্তু মনে মনে থাকে

ধ্যান যার ইন্দ্রিয় বিষয় ।

সমাজের ভয়ে সংযত থাকিতে হয় বলিয়া মনের অনেক গোপন বাসনা মনেই নিলয় পাইয়া থাকে । কিন্তু বাস্তবিক মনের চিন্তা-নিরোধের চোরাবাণিতে দুর্ঘটনা বন্ধ করা সকল সময়ে সম্ভব হয় না ।

কত ধন সামগ্রী, জীবন—এমন কি দেশ ও জাতি যে এই দুর্ঘটনায় উৎসন্ন হইয়া যায় কে সেই খোঁজ রাখে ? ম্যালেরিয়া, মহামারী, সাম্প্রদায়িক দাঙ্গা মুক্তবিভ্রাট লাগিয়াই আছে, দুর্ঘটনাও ইহাদের চেয়ে

কম যায় না । সাম্প্রতিক ঝড়বাত্যায় বিধ্বস্ত দার্জিলিং এর খবর সকলেই শুনিয়াছেন । এই সেদিন পাঞ্জাব মেলের ব্যাপারে প্রায় একশত যাত্রীর জীবনহানি হইল, জীবনমৃত হইয়াও রহিল অনুরূপ স্প্রাটাকুজ বিমান অবতরণ ভূমিতে যাত্রীসমেত ওলন্দাজ বিমানে কখনো নিশ্চয়ই স্মৃতির ভারে নিশ্চিহ্ন হইয়া যায় নাই । ২৪ জন আমেরিকান রাজনীতিক, ১০ জন সাংবাদিক এবং অশান্ত যাত্রীসং ৪০ জন যাত্রীর জীবন নাশ বিশেষ উল্লেখযোগ্য দুর্ভেদ ।

সম্প্রতি রেলওয়ে-সচিব আয়েঞ্জার সাহেব জানাইয়াছেন যে জর্সিডি দুর্ঘটনা অন্তর্ঘাতীদের কাজ । আনসারী সাহেব ঐ ট্রেনেই ছিলেন, ভাঙ্গাগাড়ী হইতে নিষ্কাশিত হইয়া ফিসপ্রেট খোলা দেখিয়াই বলিয়া উঠিলেন যে উহা নিছক 'স্লামবোটাস' । ভাবিলেন না—ফিসপ্রেট আলগা হওয়াটা দুর্ঘটনার কারণ—না দুর্ঘটনার ফল । ইঞ্জিন ধ্বংস হওয়ার লাইনকে লাইন যেখানে ভাঙ্গিয়া চূর্ণ হইয়া যায় সেখানে ফিসপ্রেট আস্ত ও অক্ষত থাকিবে কে একথা বলিবে ? তথ্য উদ্ঘাটনের চেয়ে অপরের ঘাড়ে দোষ চাপাইয়া দেওয়ার আত্মতৃপ্তি আছে, রেলওয়ে-সচিব কি এই সহজ পথ ধরিয়াছেন ? পুরাতন লাইন বিশেষতঃ নরম মাটির উপরে অর্ধশতাব্দী পূর্বে বসান লাইনের উপরে নুতন ডিজাইনের অতিকায় ইঞ্জিন নিরাপদ কি ? পুরাতন লাইনের ভারবহন ক্ষমতা সর্বত্র সমান আছে কি ? বাড়তি গাড়ীর ওজনের সহিত ভারী ইঞ্জিনের বর্ধিত গতি-বেগ কি বিহিটা দুর্ঘটনার কারণ ছিল ? কুঞ্জক কমিটির রিপোর্টে প্যাসিফিক ইঞ্জিনের গতিবেগ সম্বন্ধে কোনও মন্তব্য ছিল কি ?

পাইলটের দিওনির্ঘয়ে ভুল কিম্বা অন্তর্ঘাতীদের কারসাজী, কারণ যাহাই হউক, দুর্ঘটনার শেষ নাই । যানবাহন, রাস্তায় ঘাটে, কলকারখানার সর্বত্র, সামান্য ত্রুটি, ব্যক্তিবিশেষের সামান্য লোভ জনসাধারণের বিপদের কারণ হইয়া দাঁড়াইয়াছে । কলিকাতা নগরীর জনবহুল রাস্তার ছবি একবার স্মরণ করুন । দুইদিক হইতে ট্রামগাড়ী যাওয়া আসা করিতেছে ; হঠাৎ একখানা বাস ক্রতবেগে চলন্ত ট্রামকে পশ্চাতে ফেলিয়া অগ্রগামী সামনের ট্রামের পাশে আসিয়া দাঁড়াইল । ট্রামের 'কন্ট্রোল' দেখিল তাহার প্রাপ্য যাত্রী "বাস" বেহাৎ করিয়া লইতেছে কাজেই তাহার গতিবেগ বাড়িয়া "বাস"কে কাটাইয়া যাওয়ার প্রবৃত্তি ও মৎলব অস্বাভাবিক নহে, কলে হয়তো বাসের পাদানীর উপরে দণ্ডায়মান যাত্রী ছিটকাইয়া পড়িয়া এক বীভৎস দৃশ্য সৃষ্টি করিলেন, ভীড় জমিল, ঐ মুহূর্ত্তেই পাশের রিক্সা-ওয়ালার কিম্বা ঠেলাগাড়ী সবেগে ফুটপাথ চাপিয়া উঠিল । দুই

কজন নাগরিক কিম্বা বাপমায়ের ছুলালের বেঘোরে প্রাণ হারান হানগরী রাস্তায় দুর্ঘটনা কষ্টকল্পনা নহে।

কলকারখানা অঞ্চলে বড় রাস্তায় বৃক্কের উপর দিয়া মালগাড়ী নিবিড় রেললাইন (সাইডিং) সর্বত্র ছড়ান আছে। পাহারার যথেষ্ট ব্যবস্থা সবেশেও লরী, গাড়ী ও ইঞ্জিনের দুর্ঘটনা প্রায়ই লাগিয়া আছে।

বড় বড় কলকারখানায় দুর্ঘটনা প্রতিরোধ করিবার জন্ত কত ব্যবস্থা। চোখে চশমা, পায়ে ‘গামবুট’, পরিধানে ‘অ্যাপ্রোন’, বিষাক্ত গ্যাস প্রতিহত করিবার জন্ত নাসিকায় প্যাড এবং আরও কত কি ! গাচীর পক্ষে, পোষ্টারে ও বিজ্ঞাপনীর সাহায্যে দুর্ঘটনার ফলাফল ত সাজ্বাতিক হইতে পারে তাহার সচিত্র বর্ণনা যত্রতত্র বিজ্ঞাপিত আছে, তত্রিচ লোকে বিপদগ্রস্ত হয়। বহু দুর্ঘটনা বিশ্লেষণ করিয়া দাচিত্র আকস্মিকতাই বিপদের মূল বলিয়া প্রমাণিত হইয়াছে। অধিকাংশ ক্ষেত্রেই অমনোযোগিতা, হটকারিতা কিম্বা স্বার্থপরতা বিপদের কারণ বলিয়া দেখা গিয়াছে।

চঞ্চল নাগরিক-সভ্যতায় অত্যধিক যানবাহন সমস্তা অনেকাংশে দুর্ঘটনার কারণ। খেলানী ড্রাইভার কিম্বা মাতোয়াল গাড়োয়ান যানবাহন সংক্রান্ত নিয়ম শৃঙ্খলায় যথেষ্ট অবহিত না থাকায় নিরীহ পথচারীর বিপদের কারণ হইয়া থাকে। ঠিক একই কারণে তাহাদের রজ্জের ক্ষয়ক্ষতি এবং জীবননাশের সংখ্যাও কম হয় না। অনেক সময় দেখা যায় অনাশ্রিত কিম্বা অসমসাহসিক পথচারীও রজ্জের ত্রুটিতে বিপদ ডাকিয়া আনে। নির্দিষ্ট ফুটপাথএ না গিয়া যানবাহন চলিবার রাস্তায় চলিতে গিয়া উভয়েরই ক্ষতির কারণ হয়। পথচারীর সহিত ফেরীওয়ালার ভাড়া সম্মিলিত হওয়ায় যানবাহনের সহিত ঠোকাঠুকি আর আকস্মিক ঘটনা নহে, কিন্তু এইরূপ দুর্ঘটনার দায়িত্ব পথচারীর হইলেও যানবাহনের ঝুঁকিই বেশী হয়। অল্পকাল জনতার ড্রাইভার নির্ধ্যাতন কিম্বা গাড়ী-পোড়ান ঘুচ্ছাত্তর হারের এক নূতন সমস্তা হইয়া দাঁড়াইয়াছে। মানব কল্যাণের জন্ত রচিত আইন মানুষেই লঙ্ঘন করে, আর মানুষের এই ক্ষুদ্রতা প্রতিরোধ করিবার জন্ত মানুষই লড়াই করিয়া মরে। কিম্বাশর্চ্যান্ অতঃপরম্।

প্রতিদিনের ঘটনা হইতে কয়েকটি উদাহরণ উদ্ধৃত করিয়া সমস্তাখন চিত্রিত করিবার প্রয়াস প্রাসঙ্গিক মনে হয়। ব্যক্তি ও সমষ্টির ইতিহাসে দুর্ঘটনার বিস্তৃত ইতিহাস কেবল কি অবিমিশ্রিত হৃৎথের আকর ? না, জাতীয় জীবনের আনন্দপূর্ণ শুভ মুহূর্তের সৃষ্টিও বিপদের অসুত করস্পর্শে সংসাধিত হইয়া উঠিয়াছে।

পুণ্যানন্দ মহারাজ সংসার-বিমুক্ত সম্যাপী হইয়াও সংসারাসক্ত নরনারীর নিরাশ্রয় শিশুনারায়ণকে ‘মানুষ’ বানাইবার ব্রতে ব্রতী। শিশু-পালকের রশদ সংগ্রহ ব্যাপারে স্থানীয় ‘পালকের’ দরবারের জন্ত ‘বাসে’ বাইতেছিলেন। গেরুয়া পোষাক ‘একদম খালি’ বাসে একটু স্থান সংগ্রহে সাহায্য করিয়াছিল। ড্রাইভারের নষ্ট সময় উদ্ধারের চেষ্টায় বেশ কিছু

অগ্রসর হইতেছিল। হঠাৎ ব্রেক চাপিয়া ধরায় ক্যাচ ক্যাচ শব্দ করিয়া সামনে গোল্ডা মারিয়াগাড়ী ধামিয়া গেল। যাত্রীরা হুমড়ী খাইয়া একে অপরের গায়ে ঠোকাঠুকি লাগিল। পুণ্যানন্দজী হড়মুড় করিয়া ড্রাইভার সাহেবের খাঁচার দিকে ছিটকাইয়া হাতের বুড়ো আঙ্গুলটা ভাঙ্গিয়া বসিলেন। এদিকে দেখি, আর একজন পরিচিত ভ্রমলোক দাঁতের ব্যথায় বসিয়া পড়িয়াছেন পাশের ভ্রমলোকের মাথা তাহার গাল ঠুকিয়া দিয়াছে। এই সকল ঘটনায় যাত্রীদের একদল মারমুখো হইয়া কণ্ডাক্টারকে তাড়া করিল, কেহ কেহ হাতল না ধরিয়া ‘বাবুর’ মতন দাঁড়াইবার অবিস্মৃষ্ট-কারিতায় বিক্রম করিয়া উঠিল।

রসিক নৈয়ামিক হয়তো বলিবেন—ঠিকই হইয়াছে। স্বামিজী মহারাজ সংসারশ্রমকে বৃদ্ধাস্থুঠ দেপাইয়া বৃহত্তর সংসারধর্ম পালন করিতেছিলেন, তাই সংসার ঐ বুড়োআঙ্গুলের নিকটে কিছু আদায় করিয়া ছাড়িল—আর ঐ ভ্রমলোক যিনি সারাজীবন দেশী বিলাতী সওদাগরী অফিসে হিসাবের খাতায় লাল নীল পেন্সিলের খোঁচা মারিয়া এবং দাঁত বাজাইয়া জীবন অতিবাহিত করিয়াছেন এইবার কয়েকটি দাঁতের খেসারত দিয়া পুণ্যসঞ্চয় করিলেন।

কিন্তু সত্যিই কি তাই ! অহরহ প্রতিদিন রাস্তায় ঘাটে চলাফেরা করিতে ঠোকাঠুকি লাগিয়াই আছে। নষ্টামীর গুরুঠাকুর হয়তো ঈবেং হাসিয়া “বড়ই দুঃখিত” বলিয়া সরিয়া পড়েন, কিম্বা গোবেচারী হইলে গদগদ হইয়া “আহা আহা” “বড় লজ্জিত” বলিয়া কিঞ্চিৎ মুগব্যাদান করেন, যেন কাটাঘায়ে নুনের ছিটা !

বিশুভিবাবু বীমার দালাল। কথা তুবড়ী, বেশ ছুপয়সা হইতেছে, বাড়ী গাড়ী সবই হইয়াছে। ছোটবড় সকল জায়গায় উঠাবসা করিতে হয়। লোকে বলে আহা কি অমায়িক ভ্রমলোক। বাবসার ফিকিরে চলাফেরা করিবার মাঝে পীচোলা ঝুঁ রাস্তায় চলার বেগ মনের গতিকে উদ্দাম করিয়া দেয়। পিছে ঝাকা মিছে, পড়ে ঝাকা মিছে। ঝড়ের বেগে ধূলা উড়াইয়া গাড়ী ছুটয়া চলে। বড় সাধে গড়া মনের সোনালী ছবি গাড়ীর কলরবকে পিছনে ফেলিয়া আগাইয়া চলে। সাচ্চা ও মেকীর ধোয়াব দেখিতে দেখিতে দিনের কাজ তিনি শেষ করেন। হঠাৎ একদিন রাস্তায় লাইট পোষ্টের সহিত ঝাকা লাগিয়া সোনালী স্বপ্ন টুটয়া যায়। লোকে বলিয়া উঠে কাঁচা পরসা, সোনালী নেশায় কয়দিন মেজাজ ঠিক থাকে ?

জনৈক বৈজ্ঞানিক কারখানায় দিনরাত কাজ করিতেন, প্রতি দিন কতশত বিশ্লেষণ, রকমফের কাজেই তাহার চিত্তবিনোদন। সংশ্লেষণ কাজে নিযুক্ত থাকাকালীন হঠাৎ একদিন পিপাসার্থ হইয়া ভৃত্যকে জল আনিতে বলিলেন। দুই এক গণ্ডু জল মুখে দেওয়ার পরেই তিনি চলিয়া পড়িলেন। পরে জানা গেল, সেই ঘাসে কিছুক্ষণ আগে তিনিই সায়নাইড স্রবীভূত করিয়াছিলেন। এই বেদনাদায়ক দৃশ্য বাহারা দেখিলেন—কিম্বা বাহারা শুনিলেন, সকলের

নিজের ভুলে জীবন দিয়া যে অজ্ঞানের প্রায়শ্চিত্ত করিলেন তাহাও কি কাহার অজানা ছিল?

আর একজন রাসায়নিকের খবর জানি। তিনি এই সহরের এক রসায়নাগারে কাজ করিতেন। মাঝে মাঝে হঠাৎ তিনি অস্বাভাবিক আনন্দমুখর হইয়া উঠিতেন, আবার কয়েকদিন পরে দেখা যাইত তাঁহার বিমর্ষ বদন, বাক্যালাপেও অনিচ্ছুক। একদিন দেখা গেল এসিডে সমস্ত হাতটা পুড়াইয়া বসিয়াছেন, জামার সেই ধার গলিয়া গিয়াছে। ডাক্তার আসিলেন, ঔষধ ও ব্যাণ্ডেজ বাঁধিয়া দেওয়া হইলে রাসায়নিককে জিজ্ঞাসা করিলাম, ব্যাপার কি? এসিড চেঘারে হাত ডুবায়াছিল কেন? বেশ লজ্জামিশ্রিত বন্ধিম হাসির সহিত বলিলেন, “দেখছিলাম দাঃ শক্তি তলায় বেশী না উপরে। সম্ভেহ হইল—মস্তিষ্কে কিছু একটা গোলমাল ঘটয়াছে। নির্মল ডাক্তারকে জিজ্ঞাসা করায় তিনি বলিলেন, প্রত্যেক ঘটনার পিছনেই একটা কারণ থাকে। কারণ কখনও বেশ প্রত্যক্ষ কখনও বা গোণ মনের অবচেতন দেশে সুযোগের অপেক্ষায় অদৃশ্য থাকে। ঠিক অনেকটা বোরকা-পর্যায় নারীর মতন, দৃশ্যমান অঞ্চল অদৃশ্য। ত্রৈলীটা স্পষ্ট করিতে বলিলে তিনি জানাইলেন যে ঐ ভঙ্গলোকটা সন্ত-বিবাহিত। কম্পানীর মেসে থাকিয়া দিন গুজরণ করেন। পত্রবিভ্রাটজনিত বিরহ ও তাপে তিনি উত্তেজিত। তাই সামনে যা দেখেন তাই প্রতিরোধ করিতে চাহেন। এসিডের উত্তাপ পরীক্ষা অবচেতন মনের বিজ্ঞোহের বাহ্যিক প্রকাশ। মনোবিজ্ঞানের এই তত্ত্ব পরিষ্কার করিবার জন্ত সাম্প্রতিক কয়েকটা দুর্ঘটনায় সংশ্লিষ্ট কর্মীদের স্বীকৃতি তিনি উদাহরণ-রূপে উদ্ধৃত করিলেন।

ব্যষ্টির ক্ষেত্রে দুর্ঘটনা যেরূপ বিপদ ডাকিয়া আনে, জাতির বেলায় অমুরূপ ঘটনা ইতিহাসে বিরল নহে।

পঞ্চনদের অধীশ্বর আনন্দপাল মুসলমান আক্রমণ পর্যুদন্ত করিবার জন্ত উত্তরাপথের রাজপুত্রদের মিলিত সাহায্যে ক্রমবর্ধমান আফগান শক্তিকে শিক্ষা দেওয়ার জন্ত সীমান্তে সৈন্য সমাবেশ করিলেন; রাজ-জ্যোতিষী গণনা করিয়া আক্রমণের সময় পিছাইয়া দিলেন। উপযুক্ত সময়ে আক্রমণ হইল, কিন্তু শিলাবৃষ্টিতে হিন্দু সৈন্যের অধিকাংশ হতাহত হওয়ার ভারতে মুসলমান অনুপ্রবেশ সহজসাধ্য করিয়া তুলিল।

ভোগলকবংশীয় মহম্মদ-বিন-ভোগলক পাঠান-সম্রাটদের মধ্যে সর্বাপেক্ষা শিক্ষিত ছিলেন। তাঁহার কল্পনা ছিল, পারস্য ও চীন বিজয় করিয়া এগিরায় সর্বজনমান্ত সম্রাট হইবেন। নেপালের পথে দৈবদুর্ঘ্যোগে তাঁহার সুশিক্ষিত সৈন্য ধ্বংসপ্রাপ্ত হইয়া কেবলমাত্র ভোগলকবংশের নহে, ভারতে পাঠান রাজত্বের ইতিহাস সংশ্লিষ্ট করিয়া তুলিল।

নেপোলিয়ন বোনাপার্ট দ্বিতীয়ের সম্রাট। রাশিয়ার জ্বরের দর্পচূর্ণ করিয়া সমগ্র ইউরোপের অধীশ্বর হইবেন, ইহাই ছিল তাঁহার কামনা। যক্ষের পথে ওয়ার্শা অতিক্রম করিবার পরে জনশূন্য দক্ষ প্রান্তরের নিরস অভিনন্দন বিজয়ী সম্রাটের চিত্তে রেখীপাত করিতে পারে নাই। উদগ্র কামনা ও অসংযত লোভ তাঁহাকে এমনই হটকারী করিয়া

তুলিয়াছিল যে রুশজাতির সক্রিয় নীরব প্রতিরোধ তিনি অসুখাক করিতে পারেন নাই। এই কারণে যক্ষের রাত্তা হইতে তাঁহাকে প্রত্যাঘর্ষন করিতে হইয়াছিল। সেই প্রত্যাঘর্ষনের পথে রুশ সন্তুকের আক্রমণ করাসী রক্তের শীলাস্তূপ রচনা করিয়াছিল, পরাজয়, হতমান ও হতাশা সম্রাটের সেন্ট-হেলেনা কারাগারের সূচনা এখানেই রচিত হইয়াছিল।

বৈচিত্র্যময় প্রকৃতির চিত্র কখনও একরঙ্গ হই না, ব্যক্তি ও জাতির জীবনে দুর্ঘটনা যেমন একদিকে দুঃখের পশরা টানিয়া আনিয়াছে, ক্ষেত্রান্তরে ঠিক তেমনই সৌভাগ্যের বরমালাও তাহাকেই রচনা করিতে হইয়াছে।

ইংলণ্ডে সবে জয়যাত্রার পতন, স্প্যানিশ আর্মাদার আঘাতে ইংরাজের সুখস্বপ্ন চিরকালের মতন ইংলিশ চ্যানলে সলিল সমাধি পাইত, কিন্তু দুর্ঘটনার কুলিশ কঠোর হস্তে তাহা না হইয়া “রুল ব্রিটানিয়া” ‘Rule Britannia’ সপ্তসমুদ্রের তরঙ্গে তরঙ্গে ব্রিটেনের জয়গান ভাসিয়া উঠিল। বিরাট স্প্যানিশ আর্মাদা তখনই হইয়া কোথায় খড়ের মতন ভাসিয়া গেল।

ভারত আবিষ্কারের নেশায় মশগুল কলধাস ও আমেরিগো পথ ভুলিয়া উণ্টোদিকে জাহাজ চালাইয়া আমেরিকার মতন বিরাট দেশ আবিষ্কৃত না হইলে বিংশ শতাব্দীর সভ্যতার নবতম অবদান ‘এটম’ বোমার ঘাটতি আজ কে পরিপূরণ করিত? পৃথিবীর ইতিহাসে ক্ষুদ্র নাগাসিকী বন্দর কি অক্ষয় মৃত্যুর কীর্ত্তি অর্জন করিতে সমর্থ হইত?

উড়োজাহাজের বিস্ফোরণে তাইহোকুর নগর্য হাসপাতালে নেতাজী সুভাষের অকাল জীবনাবসান না হইলে কি আজাদ হিন্দ কোর্সের অক্ষয় বাসনা, দিল্লীর লালকেল্লায় চক্রশোভিত ত্রিনর্ন পতাকা উড্ডীন হইত?

আরব, তাতার ও পাঠানের ভারত আক্রমণ, সংস্কৃতির বিরাট ধ্বংস, শ্রমণ ও ব্রাহ্মণদের পাইকারী হত্যা না হইলে ভারতের প্রজ্ঞা ও জ্ঞান ছায়া-নিবিড়, ধীর-শান্ত সমতল ভূমি পরিত্যাগ করিয়া তিব্বত, নেপাল, ব্রহ্ম ও শ্রামের গহন প্রদেশে শ্রীবুদ্ধের অমর বাণী প্রচারিত হইত! তাই বলিতেছিলাম সভ্যতার ক্রমবিকাশে দুর্ঘটনা এক বিরাট জায়গা অধিকার করিয়া রহিয়াছে। হাঁ, দুঃখ শোক আনিয়াছে প্রচুর, সময় সময় হতাশায় বুক ভাজিয়া গিয়াছে, আবার দুর্ঘটনার কড়ি কোমল মধুর আলাপে সঙ্গীতও জমিয়া উঠিয়াছে।

আধুনিক সভ্যতার অস্তুতম ভিত্তি, বিজ্ঞান। এখানকার কাহিনী ও তদ্রূপ। কাহারও সারাজীবনের সাধনা দুর্ঘটনার রক্ত বিকাশে বিনষ্ট হইয়াছে। সত্যপ্রপ্তি সাধক মিথ্যাকে স্বীকার না করিয়া শত্রুপ্রদত্ত বিব সহাস্তে তুলিয়া লইয়াছেন, তপ্ত লৌহকীলকে দণ্ডায়মান হইয়াও অসত্যকে স্বীকার করেন নাই। সক্রেশ, রাজার বেকন, গ্যালেলিও কতজনের কথা বলিব। সমাজ সংসার আজ ইহাদের আত্মহত্মিতে সমৃদ্ধ হইয়াছে। আপেল সুপক হইলেই ঝরিয়া পড়ে। সকল যুগে সকলেই ইহা লক্ষ্য করিয়াছেন, কিন্তু হাতীতে আত্মপাল পালিত্যে ক্রিয়িত্যে

গল, মাধ্যাকর্ষণতত্ত্ব তিনি আবিষ্কার করিলেন। সংশ্লেষণে ব্যস্ত আপন-
ভালা বৈজ্ঞানিক খার্মোমিটার ভাঙ্গিয়া বসিলেন; গবেষণা পণ্ড হওয়ার
কত না তাঁহার দুঃখ, কিন্তু ভাঙ্গা খার্মোমিটারের পারদস্পর্শে পাখাণী
মহল্যার মুক্তির জ্বালা রাসায়নিক রং, নীলএর জন্ম হইল। পরিশ্রান্ত
বৈজ্ঞানিক দিনান্তে আহারে বসিয়া যাহাতেই হাত দেন তাহারই তীব্র
মিষ্টত্বে বিরক্ত হইয়া পত্নীকে অতিরিক্ত শর্করা ব্যবহারের জন্ত ভৎসনা
করিতে গিয়া শ্রাকারিন্ আবিষ্কার করিলেন। কাজ-পাগল আর
একজন বৈজ্ঞানিক তৈরায়ী 'ব্রথ' ড্রয়ারে রাখিয়া কাজের নেশায় সকল
কিছুই বিস্মৃত হইয়াছিলেন। মনে পড়িলে ড্রয়ার খুলিয়া দেখিলেন
'ব্রথ' ছাতা পড়িয়াছে। হাতে কাজ থাকায় ডিস ঐ ভাবেই ড্রয়ারে
পড়িয়া রহিল। কয়েকদিন পরে পুনরায় ঐ ব্রথের খেয়াল হইলে
ডিস বাহির করিয়া দেখিলেন ছত্রাকের পচন হঠাৎ এককোণে বন্ধ
হইয়া গিয়াছে এবং রঙেরও পরিবর্তন ঘটিয়াছে, তাঁহার খেয়াল হইল
ছত্রাকের পচন বন্ধ হইতেছে কেন? অনুসন্ধান করিতে গিয়া ডাঃ
ফ্রেমিং জগদ্বিখ্যাত পেনিসিলিন আবিষ্কার করিলেন, দার্শনিকেরা এই
জন্তই দুর্ঘটনাকে অবিমিশ্রিত দুঃখের আকর বলিতে চাহেন না। কাজের
পরিচয় তাহার ফলে। আমাদের দেশেই কত উদাহরণ আছে, 'বেলা
যে পড়ে এল, (সখি) জলকে চল', ভাবুকের কানে এই কথা মরমে
পশিল, সত্যই ত বেলা চলে গেল! এখনই বেরিয়ে পড়ে। লাখে
লাখে লোক গয়ায় বিষ্ণুপাদপদ্ম * দেখিয়া ফিরিতেছে, কিন্তু অসহিষ্ণু
নৈয়ামিক নিমাইএর কি হইল? সহিষ্ণুতার ঠাকুর গৌরান্দ্র প্রেমিক
মহাপ্রভু মানবের কল্যাণে হরিনাম সঙ্কীর্ণনে রাস্তায় নামিয়া আসিলেন।
জরামৃত্যু, কেইবা না দেখিতেছে, অমর কে কোথা ভবে? প্রিয়া পত্নীর
কোলে সন্তোজাতপুত্র দেখিয়া রাজার ছলালের এত ভাবান্তর কেন?
কি তিনি দেখিলেন? জগতের দুঃখের বোঝা কি তাঁহাকেই পাইয়া
বসিল? প্রেম, স্বর্জি ও মৈত্রীর সন্ধান আর কেইবা দিতে পারিত!
এইরূপ কত পরিবার হঠাৎ আলোর ঝলকানীতে অশ্রুস্রোতে ভাসিয়া
গিয়াছে কিন্তু ভাগের এই পশরাস্পর্শে জাতি ধ্বংস হইয়াছে, পথ ফিরিয়া
পাইয়াছে, সমৃদ্ধ হইয়াছে।

দীর্ঘ জীবনে বারংবার "দুঃখের আঁধার রাত্রি" কবির জীবনে
আসিয়াছিল, মৃত্যুর এই মুখোসকে যতদিন বিশ্বাস করিয়াছিলেন
ততদিন বিভীষিকার ছলনায় কষ্ট পাইয়াছেন, কিন্তু যেদিন হইতে
সৃষ্টিপথের সত্য দৃষ্টি তাঁহার নিকটে সহজ ও স্বচ্ছ হইয়া আসিল মৃত্যুভয়
চিরদিনের মত তাঁহার চিন্তা হইতে অপহৃত হইল, তিনি লিখিলেন—

স্তন হতে তুলে নিলে কাঁদে শিশু ডরে

মুহুর্তে আশ্বাস পায় গিয়ে স্তনান্তরে।

বহবার মৃত্যুর মুখোমুখি হওয়ার রবীন্দ্রনাথএর নিকটে মৃত্যু সহজ
এবং এত মনোস্তম্ব হইয়া উঠিয়াছিল।

এ সকলই হইল অসাধারণ ও অবিদ্বন্দ্বীয় ঘটনা, সাধারণ

লোকের জীবনে দুর্ঘটনা আপাততঃ নির্দম ও করণ, এই
কারণে প্রত্যেক দেশে দুর্ঘটনা যাহাতে আংশিক নিবারিত হয়
তজ্জন্ত রাষ্ট্রের বহু আইন ও নিয়ম চালু আছে। সমাজও বহু
সামাজিক আইন-কানুন খাড়া করিতে বাধ্য হইয়াছে। প্রত্যেক
সংস্কার উদ্দেশ্য মানুষ যদি আংশিকভাবেও মানিয়া চলে, তবে
অনেক দুর্ঘটনা আস্ত না ঘটতেও পারে। সহরে সাধারণতঃ লোকজন
ও গাড়ী ঘোড়ার ভীড়। এই জন্তই এখানে রাস্তার আইন কানুন এত
বেশী। পথচারীর স্ববিধার জন্ত যানবাহনের রাস্তা আলাদা করা
হইয়াছে। গাড়ী চালাইবার নিয়মাবলী খাড়া করা হইয়াছে। যেখানে
ভীড় হইবার সম্ভাবনা সেখানে জনতা নিয়ন্ত্রণ করিবার জন্ত রাষ্ট্রের
ব্যবস্থা আছে। বড় বড় সহরের চৌমাথায় যেখানে গাড়ী ঘোড়া,
পথচারী, ট্রাম ও বাসের ভীড়, সেখানে একজন সাধারণ পুলিশের
সাক্ষাতিক নির্দেশ ইতর ভঙ্গ সকলেই নির্বিকারে অনুসরণ করিতে বাধ্য
হয়। কিন্তু এই সহজ শাসনশ্রীতি মানব চরিত্রের সামাজিক সামা-
শ্রিয়তার এক অপূর্ণ খণ্ডচিত্র মাত্র। সাধারণ মানুষ আত্মকেন্দ্রিক
এবং আত্মসুখপরায়ণ। এই ব্যক্তিগত স্বার্থশ্রিয়তা তাহার নিজস্ব সহজাত
স্বভাব। সমাজে বাস কবিত হইলে সমাজের শাসন ও রাষ্ট্রের আদর্শ
তাহাকে জন্মগত দৃষ্টিভঙ্গি হইতে উদ্ধে উঠিতে সাহায্য করে। তাই
দেখিতে পাওয়া যায় যে মানুষ সাধারণ ট্রাফিক পুলিশের অঙ্গুলী সঙ্কেতে
ব্যক্তিগত ঐশ্বর্য, ধন ও মান ভুলিয়া নীরবে আইনানুগ হইয়া চলে সেই
মানুষই যখন অনুভব করে যে তাহাকে কেহ দেখিতেছে না এবং সেই
বুঝিবে যে তাহার কৃতকর্মের কৈফিয়ৎ দিঠে হইবে না তখন পথচারীকে
'গয়ামাত্রা' করাইয়া নিশ্চিন্তে চলিয়া যায়; তবু তাহার গাড়ীর গতি ধ্বংস
করিয়া হতভাগ্যের অবস্থা বুঝিবার জন্ত পিছনে ফিরিয়া চাহে না।
এইজন্ত বহু আইন সঙ্ঘেও দুর্ঘটনা একেবারে নিবারিত হওয়া সম্ভব
নহে। আধুনিক সমাজের দায়িত্ব এই কারণেই বেশী হইয়া পড়িয়াছে।
অনুপায় দেখিয়া সমাজ-হিতৈষীরা আইনভঙ্গকারীদের ঠেঙ্গাইবার
দায়িত্ব রাষ্ট্রের হাতে তুলিয়া দিয়াছেন। রাষ্ট্র বহু অনুশাসন,
ধর্মাধিকরণ এবং শাস্তিরক্ষক প্রতিষ্ঠিত করিয়াছে। কিন্তু কেবলমাত্র
আইনই মানুষকে আত্মিক পরাজয় হইতে রক্ষা করিতে পারে না।
ব্যক্তিগত স্বার্থকে 'বহুজন হিতায়' বলিদান ততক্ষণই সম্ভব, যতক্ষণ
জাতির মণিকোঠায় আদর্শ থাকে অগ্নান, অনির্বাণ। শিক্ষার প্রসার,
পারম্পরিক দায়িত্ববোধ, স্পষ্ট দৃষ্টিভঙ্গি, প্রতিবাসীর প্রতি ভালবাসা ও
জাগ্রত কর্তব্য বোধ অনেক দুর্ঘটনা নিবারণ করিতে সমর্থ হয়।

কিন্তু মানুষের অসহায়তা স্পষ্ট উপলব্ধ হয় প্রাকৃতিক বিপর্যয়ের
সময়। ভূমিকম্প, ঝড়বাত্যায় জলোচ্ছ্বাসে কিংবা অতিবৃষ্টিতে পাহাড়
ধ্বসিয়া ক্ষণিকের মধ্যে মনুষ্যকৃত সত্যতার যে ধ্বংস হয় তাহার
তুলনা নাই। এই সকল দুর্ঘটনার হতবাক্ মানুষের বিলাপ "হা
হতোম্মি" ও দৈন্ত্যতা ভাবায় প্রকাশে অসমর্থ।

বিগত বিহার ভূমিকম্পে গাঙ্কিলী প্রাকৃতিক বিপর্যয়কে লোভা

সাধারণ মানুষ গাঙ্কিজীর দৃষ্টিভঙ্গি অনুসরণে অক্ষম বলিয়া তাঁহার এই মন্তব্যে সংবাদপত্রে তুমুল আলোড়ন উঠিয়াছিল। কিন্তু আধুনিক বিজ্ঞান ও দর্শন নৈসর্গিক দুর্ঘটনার আংশিক কারণ দিতে অনেকটা সক্ষম হইয়াছে। মানুষের অসংযত লোভ নৈসর্গিক বিপর্যয়এর অশ্রুতম কারণ।

প্রকৃতি ও মানুষের আজন্ম যোগাযোগ। প্রকৃতির অফুরন্ত ঐশ্বর্য মানুষকে দেয় তাহার আহাৰ্য্য ও শক্তি। শান্ত বনানী, নদী-নালা, দিগন্তবিস্তৃত আকাশ, অনন্ত নক্ষত্ররাজি, চল্লহুর্ব্যের অসীমতা এবং সমুদ্রের বিশালতা মানুষের মনে এনে দেয় শৈথিল্য, প্রশান্তি এবং অনির্বচনীয় উদারতা।

কিন্তু দৈবের বিপাকে এই সহজ-পাঠ যদি মানুষের মনকে চিরকাল আকৃষ্ট রাখিতে না পারে (অন্নবস্ত্রের সমস্তায় ব্যস্ত মানুষ

প্রকৃতির সহিত যোগরক্ষা রাখিতে পারে নাই) তবে সেলোভী ও অমিতব্যয়ী হইয়া উঠে। দহ্য ও তন্দ্রের স্থায় লুণ্ঠনে মত্ত হওয়ার তাহার মানসিক শৈথিল্য ও উদারতা নষ্ট হয়। শস্ত্রক্ষেত্রের বিস্তৃতির সহিত বনানীর ধ্বংস, মণিমুক্তা ও মূল্যবান প্রস্তরের লোভে পাহাড়-পর্বতের বুকে খাদ সৃষ্টি হয়। অরণ্যানী সঙ্কুচিত হওয়ার নৈসর্গিক আবহাওয়া পরিবর্তিত হয়, নদনদী শুষ্ক হইতে থাকে। মরুভূমির বিজয় কেতন সবেগে অগ্রসর হয়। জলধর অসময়ে বারিবর্ষণ করে; শুষ্ক নদনদীতে বস্মা নামে, ভূমিক্ষয়ে চাষের জমি অক্ষুব্ধ হয়, সর্বসহা ধরিত্রী সর্বনাশী মূর্তি ধারণ করে।

অনন্তের যাত্রাপথে মানুষের স্থান নগণ্য, তাহার দৃষ্টিকোণ কত ক্ষুদ্র এবং সাময়িক। কাজেই প্রকৃতির সংহার মূর্তি মানুষের লোভের পরিণতি কিনা কে বলিবে?

কবি ও কবিতা

শ্রীগোপেন্দ্রকৃষ্ণ দত্ত

আধুনিক সমাজে “কবি ও কবিতা”র নামে বহু নিন্দার কথা শুনিতে পাওয়া যায়। কেহ কেহ বলেন ‘কবি’ অর্থে ‘পাগল’ এবং ‘কবিতা’ অর্থে ‘পাগলামো’। আবার কেহ কেহ বলিয়া থাকেন, কবি শুধু কল্পনা লইয়াই ব্যস্ত, বাস্তবের সংঘাতে কল্পনা যে চুরমার হইয়া যায় তাহা তাঁহার জ্ঞান নাই। আবার এমন লোক ও আছেন, যিনি কবির চরিত্রে দোষারোপ করিয়া অপূর্ব আনন্দলাভ করেন।

যাঁহারা বাস্তবকে জীবনের সাঁর করিয়াছেন তাঁহারা সকলেই জড়বাদী ও অর্থনীতিজ্ঞানসম্পন্ন। জন্মলাভের পর তাঁহারা বঞ্চিত হইতে থাকেন, আর সেই সঙ্গে হিসাব করিয়া আহাৰ্য্য করেন—হিসাব করিয়া লেখাপড়া শেখেন—হিসাব করিয়া বিবাহ করেন—হিসাব করিয়া ভালবাসেন, আর শেষে হিসাব করিয়া গোলাম সাজেন। সুতরাং ‘কবি ও কবিতা’ সম্বন্ধে মতবাদ আশিও তাঁহাদের অর্থনীতি ও জড়বাদিতার গভীর মধ্যে ফেলিয়াই যাচাই করিতে চাহি।

জড়বাদিতায় বা অর্থনীতিতে প্রত্যেক বস্তুর গুণাগুণ বিচার হয় উপকারিতা (utility) লইয়া। যে জিনিষ যত উপকারী—যত কল্যাণপ্রদ সে জিনিষ ততই আবশ্যকীয়—ততই মূল্যবান। আইন, চিকিৎসা, রাজনীতি প্রভৃতি বহু বিভাগ আছে যাহাদের প্রত্যেকটা সমাজদেহের কল্যাণসাধন করিয়া থাকে। যিনি আইনজ্ঞ তিনি আইন বিভাগের যাবতীয় কার্য্য স্বচাৰুৰূপে সম্পন্ন করিবার চেষ্টা করেন। কিন্তু আইন বহির্ভূত বিষয়ে তাঁহার কিছুমাত্র দক্ষতা থাকে না, যেমন রোগ নির্ণয়ের প্রয়োজন হইলে চিকিৎসককে আহ্বান করা হয়। সর্বক্ষেত্রেই

এই নিয়ম; ইহার ব্যতিক্রম ঘটে না। কিন্তু এই বিশ্বসংসারে ‘মন’ বলিয়া একটা বিভাগ আছে যাহার একমাত্র সম্রাট কবি। আইন, রাজনীতি, সমাজতত্ত্ব, বৈজ্ঞানিক সত্য প্রভৃতি আলোচিত হয় মনের সাহায্যে। এই মন যদি না থাকে তাহা হইলে আমিত্ব বিলুপ্ত হয় এবং এই আমিত্ব বিলুপ্ত হইলে আইনজ্ঞ, রাজনীতিজ্ঞ, চিকিৎসক প্রভৃতি কাহারও ব্যক্তিত্ব থাকে না। সুতরাং মানুষ লইয়া সমাজ এবং প্রত্যেক মানুষই মনের দ্বারা জীবনের যাবতীয় বিষয় ধারণা করিয়া থাকে—চিন্তা করিয়া থাকে,—এই মনরূপ রাজ্যের একমাত্র রাজা কবি; কারণ কবি প্রেরণায় বা ভাব প্রবণতায় যে কবিতা লিখিয়া থাকে তাহা এক মন হইতে আর এক মনে—একদেশ হইতে আর এক দেশে—এক যুগ হইতে আর এক যুগে মনের সাহায্যে পরিচালিত হইয়া থাকে। শেক্সপীয়ার কবে তাঁহার পুস্তকাবলী লিখিয়া রাখিয়া গিয়াছেন, কিন্তু তাঁহার লেখা এক দেশ হইতে আর এক দেশে—এক যুগ হইতে আর এক যুগে চালিত হইয়া কত মনের উপর যে আধিপত্য বিস্তার করিয়াছে, করিতেছে ও করিবে তাহার ইয়ত্তা নাই। শুধু শেক্সপীয়ার কেন? একথা যে কোন কবির লেখা সম্বন্ধেই বলা যায়। হোমার, চসার, গেটে, ডাণ্টে, শীলার, শেলী, কীট্‌স্, ব্রাউনিং, ওয়ার্ডসওয়ার্থ, বাল্মিকী, কালিদাস, বিজ্ঞাপতি, চণ্ডীদাস, প্রভৃতি ইহ সংসার হইতে চলিয়া গিয়াছেন, ‘কিন্তু তাঁহাদের মনের যে চিন্তাধারা লিপিবদ্ধ হইয়া পুস্তকাকারে প্রকাশিত হইয়া আছে, তাহা অনন্তকাল ধরিয়া দেশ হইতে দেশান্তরে—যুগ হইতে যুগান্তরে চালিত হইয়া মানব মনের উপর করিয়াছে রাজত্ব, দিয়াছে প্রেরণা, আনিয়াছে

শান্তি এবং বাহ্য করিয়াছে তাহা এখনও করিতেছে এবং চিরকাল ধরিয়া করিতে থাকিবে। তাই কবি জ্ঞানদাতা, শান্তিদাতা, লোক-শিক্ষক, ভাব-প্রকাশক, ধর্মপ্রচারক ও সমাজ সংস্কারক ; তাই কবি দেশের গৌরব, সমাজের শ্রেষ্ঠাংশ, মনুষ্যত্বের আধার, সত্যের পূজারী, জগতের মর্যাদা।

ওমার বলিয়াছেন—

“The world is Thine, from Thee it rose,
By Thee it ebbs, by Thee it flows.”

সত্যই এ বিশ্বসংসার ভগবানের ; ভগবানের দ্বারাই ইহার সৃষ্টিস্থিতি-প্রলয় প্রবাহ চলিয়া আসিতেছে। কবির সম্বন্ধেও এই কথা খাটে ; কারণ কবি মন এই পৃথিবীর মধ্যে যে পৃথিবী রচনা করে তাহা এই সাধারণ মানুষের পৃথিবী হইতে সম্পূর্ণ বিভিন্ন এবং সেই পৃথিবীর মধ্যে যে ভাঙাগড়া চলিয়া থাকে তাহাও একেবারে নূতন ধরণের। এখানে শেক্সপীয়ারের A Mid Summer Night's Dream এর কথাগুলি মনে পড়িতেছে। তিনি বলিয়াছেন—

“The Poet's eye in a fine frenzy rolling
Doth glance from heaven to earth, from earth to heaven,
And as imagination bodies forth
The forms of things unknown, the Poet's pen
Turns then to shapes, and gives to airy nothing
A local habitation and a name.”

কবি ও দার্শনিকের মধ্যে এক ঘনিষ্ঠ সম্বন্ধ আছে এবং তাহারই জন্ত প্রমাণীকৃত হয় উভয়েই সত্যের পূজারী বা সত্যের ভ্রষ্টা। তবে প্রত্যেক কবিই দার্শনিক, কিন্তু প্রত্যেক দার্শনিক কবি নন। বাহ্য সাধারণ চক্ষে দেখা যায় না, সাধারণ কানে শোনা যায় না, সাধারণ জ্ঞানে জানা যায় না তাহাই প্রকাশিত হয় কাব্যে ও দর্শনে। উচ্চভাবপূর্ণ প্রত্যেক গান বা কবিতা দার্শনিক সত্য প্রকাশ করিয়া থাকে, আর এই দর্শনজ্ঞানলাভ হইলে মনে হয় বিশ্ব-স্রষ্টামধ্যস্থিত মানবজীবন যেন এক মহাকাব্য বা অনির্কম্বচরিত্র সঙ্গীত ; ইহার রূপ-রস-গন্ধ-স্পর্শ-শব্দ এক প্রকার মাদকতার সৃষ্টি করিয়া চতুর্দিক আনন্দময় করিয়া তুলে, আর তাহার ফলে চক্ষু-কর্ণ নাসিকা জিহ্বা-ত্বক এক অপূর্ণ প্রেমপ্রবাহে আঙ্গুত হইয়া পরমাঙ্গুর স্পর্শানুভূতি লাভ করে।

কেহ কেহ বলেন, কবির কবিত্ব ভাবের নেশা, কল্পনার কুহক বা অবাস্তবের ইলুজাল। এই “কেহ কেহ”র মতে বৈজ্ঞানিক সত্যই একমাত্র সত্য, ইহা ছাড়া আর সব মিথ্যা। এই “কেহ কেহ” যোষণা করেন, ইল্লিয় সাহায্যে বাহ্য অনুভূত হয় তাহাই সত্য বা বাস্তব ; এতদ্ব্যতীত সবই কল্পনা বা অসত্য। কিন্তু আমরা ইল্লিয় সাহায্যে কতটুকুই বা দেখিতে পাই ! আমাদের জ্ঞানের অধিকাংশই পুস্তক বা লোকের কথা বা জনশ্রুতির উপর নিহিত।

আশ্চর্যের বিষয় এই যে, বৈজ্ঞানিক যে সত্য আবিষ্কার করিয়া অহঙ্কার করেন তাহা কল্পনা বলেই সম্ভব হয় ; কল্পনাই সত্যের বাহক। বৈজ্ঞানিক কি অনুমান বা উপপত্তির সাহায্যে প্রাকৃতিক বিষয়াবলী

ব্যাখ্যা করেন না ? সত্য কথা বলিতে কি, এই কল্পনা (imagination) বা উপপত্তির (hypothesis) সাহায্যেই বৈজ্ঞানিক সত্যের আবিষ্কার করিতে সমর্থ হন। অধিকন্তু মানবজীবনই তো কল্পনাময় ! এই কল্পনা যদি না থাকিত তাহা হইলে বাস্তবের ঘাতপ্রতিঘাতে মানুষের প্রেম, শ্রদ্ধা, ভক্তি, ধর্মজ্ঞান, সুখ, শান্তি প্রভৃতি বিধ্বস্ত হইয়া যাইত।

প্রাগৈতিহাসিক যুগে মানব ছিল অসভ্য ; সুতরাং মানব মনে কল্পনার নামগন্ধ ছিল না। এই কল্পনার অভাববশতঃ মানুষ কথায় কথায় অমানুষের কাজ করিয়া ফেলিত। যে কোন উপায়ে আত্মোদয় পূর্ণ করাই ছিল তখন তাহাদের একমাত্র কর্তব্যকর্ম। তারপর মানুষ সভ্যতার আলোকে উদ্ভাসিত হইয়া কল্পনামুরাগী হইল এবং এই কল্পনামুরাগ হইতে উদ্ভূত হইল প্রেম, শ্রীতি, ভক্তি, শ্রদ্ধা ও ভালবাসা। আমার মনে হয় বর্তমান যুগে প্রাগৈতিহাসিক যুগের বর্বরতা বিকশিত হইয়াছে। ইং ১৯৪৬ সালের ১৬ই আগষ্ট হইতে যেন সেই বর্বর যুগের পুনরাবস্থ হইয়াছে। এখন মানুষ মানুষকে আর মানুষের চক্ষে দেখে না, কারণ মানুষের মধ্যে হইয়াছে কল্পনার অভাব। সুতরাং কল্পনাজাত শ্রীতি বা ভক্তি না থাকায় মানুষ দৈহিক তৃপ্তির জন্ত মানুষের রক্তপাত করিতেছে।

কল্পনা চিন্তাশীলতার জননী। এই চিন্তাশীলতা না থাকায় মানুষ আজ গভীরতম পাপপঙ্কে নিমজ্জিত হইয়াছে ও হইতেছে। Bertrand Russell বলেন, “A contemplative habit of mind has advantages ranging from the most trivial to the most profound.....”

But while the trivial pleasures of culture have their place as a relief from the trivial worries of practical life, the more important merits of contemplation are in relation to the greatest evils of life, death and pain and cruelty and the blind march of nations into unnecessary disaster.

কবি ঈশ্বরের সৃষ্টি, কারণ যিনি কবি তিনি জন্ম হইতেই কবি। সুতরাং কবি জন্মায় এবং কবিত্বশক্তি ঐশ্বরিক দান। আমি একস্থানে লিখিয়াছি—

“Poets are born, not made,—a fact,
As poetry shows a divine tact.”

সত্যই কবিতা কবির মনে জন্মায় ; চেষ্টা করিয়া কবিতা লেখা যায় না। একটা বীজ যেমন ভূমিতে অঙ্কুরিত হইয়া ধীরে ধীরে পাদপে পরিণত হয় সেইরূপ কোন ভাব কবির মনে উদ্ভিত হইয়া ভাবের পরিচ্ছদে কবিতার পরিণত হয়। কবিতা ভাবের উচ্ছ্বাস ; ইচ্ছা করিলেই কবিতা রচনা করা যায় না। ইচ্ছার মোক (verse) রচনা করা যাইতে পারে কিন্তু কবিতা রচনা করা যায় না। এই জন্ত Dr. Henry Stephen বলিয়াছেন, “Poetry cannot be made.”

Poetry grows in the mind just as a tree grows in the soil."

এইখানে রাজা বিক্রমাদিত্যের সভার একটা গল্প মনে পড়িল ; উহা কবি কালিদাসের কবিত্বশক্তির পরিচায়ক। কালিদাস ছিলেন রাজা বিক্রমাদিত্যের সভার সর্বশ্রেষ্ঠ রত্ন বা কবি। রাজা কালিদাসকে অতিশয় ভালবাসিতেন, কারণ তিনি গুণামুরাগী ছিলেন। ইহাতে সভার একজন (বররুচির) ঈর্ষ্যাপরায়ণ হইয়া উঠিলেন। বিক্রমাদিত্য এই ঈর্ষ্যাপরায়ণতা লক্ষ্য করিলেন। রাজা বররুচির কবিত্বশক্তির পরীক্ষা করিবার জন্ত সন্মুখস্থ একটা শুষ্ক বৃক্ষকাণ্ডকে দেখাইয়া বলিলেন, "আপনি ঐ বৃক্ষকাণ্ডটা কবির ভাষায় বর্ণনা করুন"। বররুচি তখনই ঐ কাণ্ডটিকে কবিতায় এইভাবে বর্ণনা করিলেন, "শুষ্ক কাষ্ঠং তিষ্ঠত্যগ্রে"। রচনাটা শুনিয়াই রাজা কালিদাসকে ডাকিয়া আনিয়া কাণ্ডটিকে কবিতায় ঠাহাকে বর্ণনা করিতে বলিলেন। কালিদাস ক্ষণকালের জন্ত চিন্তা করিয়া বলিলেন, "নীরসঃ তরুবরঃ পুরতঃ ভাতি"। রাজা তখন বররুচিকে আনন্দোৎফুল্ল স্বরে কহিলেন, "এখন বুঝলেন তো, কেন আমি কালিদাসকে ভালবাসি—কেন তাঁকে শ্রেষ্ঠ রত্ন বলে গণ্য করি !" বররুচি যে লোক রচয়িতা এবং কালিদাস যে কবি, একথা উক্ত রচনাটির পাঠ করিলেই বুঝিতে পারা যায়। এই জন্তই বোধ হয় বিখ্যাত লেখক কারলাইল (Carlyle) বলিয়াছেন, "যিনি কবিতা রচনা করেন কেবল তিনিই কবি নহেন, যিনি কবিতা পাঠ করেন তিনিও কবি।" সত্যই কবিমন না থাকিলে কবিত্বশক্তি বা কবিতার সার উপলব্ধি করা অসম্ভব হয়।

গীতায় আছে—

"নহি জ্ঞানেন সদৃশং পবিত্রমিহ বিজ্ঞতে"—অর্থাৎ জ্ঞানের তুল্য পবিত্র এ জগতে আর কিছুই নাই ; আর কবিতা সর্ব জ্ঞানের সার। তাই ইংরাজ কবি ওয়ার্ডসওয়ার্থ (Wordsworth) বলেন, "Poetry is the breath and finer spirit of all knowledge. গল্পলেখক, প্রবন্ধলেখক ও উপস্থাপিক যে বিষয় বহু বাক্যপ্রয়োগ দ্বারা প্রকাশ করিয়া থাকেন, কবি তাহা অল্প কথায় লিখিয়া পাঠকমনে চিত্রিত করিয়া দেন। মিলটন বলেন, "More is meant than meets the ear" অর্থাৎ কবি তাঁহার মনের ভাব কথায় গাঁথিয়া এমনভাবে প্রকাশ করেন যাহা পঠীরতর অর্থব্যঞ্জক ; তিনি যে শব্দ ব্যবহার করেন তা শব্দ বহুত হইয়া কর্ণে প্রবেশ করে এবং সেই সঙ্গে তাহার অন্তর্নিহিত গভীর বা গূঢ় অর্থ অন্তরে অনুভূত হয় ; অর্থাৎ শ্রোতা কবিতা পাঠ বা শ্রবণ করিয়া আনন্দহার্য হইয়া স্বতঃই বলিবেন, "কাণের ভিতর দিয়া যমে পশিল গো, আকুল করিল মোর প্রাণ !" এ স্থলে "জনম বধি হাম রূপ নেহারনু নয়ন না তিরপিতভেল, লাখ লাখ যুগ হিরে র রাখনু তবু হিরে জুড়ন না গেল !" (বিজ্ঞাপতি),

"সবার উপরে মানুষ সত্য তাহার উপরে নাই"

(চণ্ডীদাস)

"যা' কিছু আমার সকলি কবে নিজ হাতে তুমি ভুলিয়া লবে,
সব ছেড়ে সব পাবো তোমায়, মনে মনে মন তোমারে চায়"

(রবীন্দ্রনাথ),

"Beauty provoketh thieves sooner than gold"

(Shakspeare),

"Our sweetest songs are those that tell of saddest thought" (Shelley).

"True love is the secret sympathy, the silver link, the silken tie which heart to heart and mind to mind in body and in soul can bind" (Scott),

"বাহা চাই তাহা পাই না তো, প্রিয়, পাই শুধু দুঃখ জ্বালা,

আপন মনের ছায়া'তলে ব'সে গাঁথি তাইগীতিমালা", ইত্যাদি .

উল্লেখযোগ্য উদ্ধৃতাংশগুলির প্রত্যেকটা কবির কথায় প্রকাশিত হইয়াছে এবং প্রত্যেকটীতেই উচ্চারিত শব্দোপেক্ষা অধিকতর ভাব বা অর্থ প্রকটিত হইয়াছে। কিন্তু কোন লেখক বা সমালোচক উহার গূঢ় অর্থ প্রকাশ করিতে বহু বাক্য প্রয়োগ করিতে বাধ্য হইবেন। "Brevity is the soul of wit" ; কবির কবিত্ব এই brevity বা সংক্ষিপ্ততার উপর নির্ভর করে।

বিষয়বিশালয়ের উপাধিধারী কোন অধ্যাপক একদিন আমাকে বলিয়াছিলেন, "I don't like Shelleys" (আমি শেলীর মত কবিদের পছন্দ করি না)। তাঁহার মুখে এই কথা শুনিয়া আমি হাসিয়া ফেলিলাম ; বলিলাম, "সেইজন্তই আজ বাংলার এই দুর্দশা ! মধুসূদনকেও আপনারা পছন্দ করেন নি। রবীন্দ্রনাথকেও পছন্দ করেন নি ! এখন তাঁদের পছন্দ করছেন।" শেলীর কবিতা হৃদয়ঙ্গম করিবার শক্তি থাকা চাই। বিভাবুদ্ধি না থাকিলে সাধারণতঃ কবিতা বোঝাই যায় না ; বিশেষতঃ শেলীর কবিতা বুঝিতে অসাধ্য পাণ্ডিত্য চাই। ইয়ং (Young) সাহেব শেলীর Adonaisএর যে অংশ বুঝিতে পারেন নাই সেই অংশে স্বীয় অজ্ঞতা স্বীকার করিয়াছেন। আমার মনে হয় কোন ভারতীয় নিজের নিবুদ্ভিতা এরূপভাবে লিখিয়া সাধারণ পাঠককে জানাইতে পারেন না। আমার অনুমান ইউরোপীয় সমালোচকগণ হিন্দুর দর্শনশাস্ত্র ভালভাবে পড়েন নাই ; সেইজন্তই তাঁহার শেলীর Adonaisএর কোন কোন অংশ সূচাক্রমে ব্যাখ্যা করিতে পারেন নাই।

কবির কবিতা সত্যই অনেকেই (এই অনেকের মধ্যে তথাকথিত বিদ্বানও আছেন) বুঝিতে পারেন না এবং এই কারণেই কবিতা তাঁহাদের কাছে দুর্বোধ হইয়া পড়ে। বিশ্বকবি রবীন্দ্রনাথ তাই নিজের কবিতার অর্থ সৎক্ষে বলিয়াছেন—

"নানাভাবে নেয় তাহা নানা অর্থে টানি,

তোমা পানে ধায় তা'র শ্বেব অর্থখানি ।"

আমাদের রবীন্দ্রনাথকে প্রথমে বাংলার কেহই বুঝিয়া উঠিতে পারেন নাই। ইং ১৯১৩ সালের পূর্বে আমাদের দেশে অনেক লেখক, সাহিত্যিক, সমালোচক প্রভৃতি জীবিত ছিলেন, কিন্তু তাঁহাদের কাহারও রবীন্দ্রনাথের প্রতিভা বুঝিবার ক্ষমতা ছিল না বলিলে অতুলিত হইবে না। কেবলমাত্র কয়েকজন রবীন্দ্রনাথের লেখা ভালবাসিতেন বা পছন্দ করিতেন। আশ্চর্য্য এই যে, এত বড় বাংলা দেশে—শুধু বাংলা দেশ কেন?—সমগ্র ভারতবর্ষে এমন কাহারও বিজ্ঞাবুদ্ধি গজাইন না যে রবীন্দ্রনাথের প্রতিভা অনুধাবন করিতে পারে। উপরন্তু তথাকথিত সমালোচকগণ বা শিক্ষিত সম্প্রদায় রবীন্দ্রনাথের কবিত্ব শক্তির উল্লেখ করিয়া কত যে ব্যঙ্গ, বিদ্রূপ, টিটকারী ও নাসিকাকুঞ্জন করিয়াছেন তাহার হিসাব দিতে গেলে লোকের গালাগালি কুড়াইতে হয়। যাহা হউক, বাংলা দেশ বা ভারতবর্ষের কেহ যাহাকে চিনিতে পারে নাই তাঁহার বিশ্বজয়ী প্রতিভা চিনাইয়া দিল পাশ্চাত্য দেশ ১৯১৩ সালে; যেদিন তিনি নোবেল পুরস্কার (Nobel Prize) লাভ করিলেন সেইদিন শুধু বাঙালী নয়—সমস্ত ভারতবাসী হকচকিয়ে গেল! তখন কলিকাতা বিশ্ববিদ্যালয় তাঁহাকে “ডি-লিট” উপাধি দান করিলেন—তখন সব স্বদেশবাসী তাঁহাকে অভিনন্দন জানাইতে গিয়া ব্যাখ্যায় লজ্জায় ত্রিস্রনাণ

হইয়া ফিরিয়া আসিলেন। কথায় আছে “গেরো যোগী ভিক্ পায়ে না।” রবীন্দ্রনাথের ভাগ্যে একবার সত্যতা পূর্ণমাত্রায় প্রমাণীকৃত হইয়াছিল। তবে দুঃখ এই যে, রবীন্দ্রনাথ যে কি—কত বড় কবি তাহা জানাইয়া দিল—বুঝাইয়া দিল—নিখাইয়া দিল ইউরোপবাসী! এ বড় লজ্জার কথা!

প্রোফেসর রাধাকৃষ্ণ বলিয়াছেন, “To be great is not merely to be talked about, it is also to be misunderstood and Rabindranath has not escaped this fate. The many attempts made to explain him contradict each other; for, from the words of the poet men take what meanings please them.” রবীন্দ্রনাথকে লইয়া বাংলার সংবাদপত্রে যে সমস্ত ব্যঙ্গ, কটুক্তি ও নিন্দাবাদ প্রকাশিত হইয়াছিল সে সমস্ত নীরব ও নিশ্চক্ হইল সেইদিন, যেদিন তিনি নোবেল পুরস্কার পাইয়া বাংলা সাহিত্যকে সগৌরবে বিশ্বসাহিত্যের সভামণ্ডপে উচ্চাসনে বসাইয়া দিলেন।

আসল কথা, “স্বপ্নে সুখ গায় কুশল ঢাকিয়া,
কুঞ্জে কুরব করে স্বরব নাশিয়া।”

স্বপ্ন

শ্রীহরিরঞ্জন দাশগুপ্ত এম-এ

গরীব মধ্যবিত্তের ঘরে জন্মেছিল শিবনাথ।

কৃতিত্বের সঙ্গে এন্ট্রান্স পরীক্ষায় উত্তীর্ণ হয়ে সে স্বপ্ন দেখেছিল—ডেপুটি হবার। তার বেশি অগ্রসর হয়নি তার কল্পনা। মকঃস্বলের ছোট্ট মহকুমায় বসে ডেপুটির চেয়ে বড় কোন সরকারী কর্মচারীর অস্তিত্ব অল্পমানই করতে পারেনি সে। একটি মহকুমার সর্বময় কর্তা! তার চেয়ে বেশি আশা করে কে?

শিবনাথের বাবা পক্ষাঘাত রোগে আক্রান্ত হয়ে “আমিনী” চাকরী ছেড়ে দিয়ে বাড়ি ফিরে আসতে বাধ্য হলেন। ছোট ভাইদের পড়বার আর বোনদের পোষণ করবার দায়িত্ব তাকে নিতে হলো ঘাড় পেতে।

তখন তাদের শহরে রেল-কোম্পানীর নতুন আপিস খুলেছে—সবেমাত্র, লোক ভর্তি হচ্ছে দলে দলে। দরখাস্ত করার সঙ্গে সঙ্গেই শিবনাথের চাকরী হোল। তখনকার

দিনে পঞ্চাশটাকা মাইনে। একেবারে সাব-ডেপুটির মাইনের সমান। স্বচ্ছন্দভাবে দিন চলতে লাগলো শিবনাথের।

তার আপত্তি সবেও শিবনাথের বাবা তার বিবাহ দিলেন। শিবনাথ যথারীতি পালন করে যেতে লাগলো তার কর্তব্য। তার আশা—তার ভাইরা মানুষ হবে, তার স্বপ্ন তারা করবে সফল, সবাই তাদের চিনবে, সম্মান করবে, ভালবাসবে—পৃথিবীর কাছে না হলেও ভারতবর্ষের কাছে অন্তত তার পরিবারটি হবে সুপরিচিত। অমর হবে সে এই দুনিয়ায়, বেঁচে থাকবে তার স্মৃতি।...

তার ভাইরা লেখাপড়া শিখলো, চাকরী পেলো, টাকা রোজগার করতে লাগলো। প্রতিষ্ঠার সঙ্গে সঙ্গে তারা সরে গেল দূরে—তাদের দ্বীপুত্র নিয়ে। ধীরে ধীরে তার সঙ্গে সকল সম্পর্ক ছিন্ন করলো তারা।

শিবনাথের মনখানি কিন্তু হতাশায় ভেঙে গেল না তবু। সে ভাবলো—তার ভাইদের সে মানুষ করেছে—সকলের কাছে বুক ফুলিয়ে দাঁড়াবার মতো শিক্ষা সে তাদের দিয়েছে, মান বেড়েছে তার পরিবারের। এই তো তার সম্মান। সুখে থাক তারা—এই আশীর্বাদই সে তাদের করলো।

তারা গেছে চলে। যাক। তার ছেলেরা বড়ো হচ্ছে। ছেলেদের সে গড়ে তুলবে মনের মতো করে। মানুষ হবে তারা, তাদের মধ্যে সে হবে অমর। কিন্তু পর্যাপ্ত অর্থ নেই তার, ছেলেদের ভালো খাবার দেবার সামর্থ্য কোথায়? তবু, তার ছেলেরা পরীক্ষা পাশ করে যাচ্ছে একটার পর একটা। পরীক্ষা যখন শেষ হবে, তখনই তারা হবে প্রতিষ্ঠিত—তার দুঃখ যাবে ঘুচে।

উচ্চশিক্ষিত হয়েও শিবনাথের ছেলেরা মনোমত চাকরী পেলোনা। কেরাণীর ছেলে কি হাকিমী পেতে পারে? সে ছেলেদের কেরাণীগিরি করতে দেবেনা—এই তার দৃঢ় পন। কিন্তু এ'বাজারে চাকরী কোথায় পাবে তার ছেলেরা?

বৃদ্ধ হয়েছে শিবনাথ, চুল পেকেছে, চোখের দৃষ্টি হয়েছে ঝাপসা, শক্তিহীন হয়ে পড়েছে তার দু'খানি বাহ। অবসর গ্রহণ করেছে সে। যে কটি টাকা পেয়েছিল সবই হয়েছে নিঃশেষ। দিন চলেনা আর, উপবাস, অর্ধাহারে কাটে দিনগুলো। তবু সে লক্ষ্যভ্রষ্ট হবেনা। অনেক হাঁটাইটি, অনেক চেষ্টার পরও তার ছেলেদের চাকরী হলোনা কিছুতেই। প্রতিযোগিতার নামে সর্বস্থলে চলেছে আত্মীয়-পোষণ, দুর্নীতি। দেশের লোকের ছুরবস্থার সুযোগে নিয়োগকর্তারা করে যাচ্ছে নির্লজ্জ প্রহসন। শিবনাথের ইচ্ছা হয়—এর বিরুদ্ধে সে আন্দোলন করে। কিন্তু কেমন করে? কে শুনবে তার কথা? স্বাধীনতা সত্যই কি তার আছে? উপায় নেই সমালোচনা করবার, উপায় নেই বাঁচবার, তবু—। মানুষের চিরন্তন অধিকার থেকে বঞ্চিত এ যুগের মানুষ। তবু—গারা বাঁচে, তবু চায় বাঁচতে। কেউ বাঁচে সম্পদে, কেউ-বা দৈন্তে-অভাবে, কেউ-বা পরাজিত হয়—জীবন সংগ্রামে; রখে যায়...দীর্ঘশ্বাস—বাতাসের ডানায়।.....

বিশাল নগরী।

কে শোনে কার কথা, কে রাখে কার খবর? শিবনাথের অসুখ। চিকিৎসা চলেনা, ওষুধ নেই, পথ্য নেই, ঠাইটুকুর অভাব মাথা গুঁজবার। সপরিবারে আশ্রয়

নিয়েছে একটি ভাড়াটে বাড়িতে। গৃহহীন—আত্মীয়-স্বজন থেকে বিচ্ছিন্ন—যেন পাণ্ডবের অজ্ঞাতবাস।

শিবনাথের ছেলে নিশিনাথ তার বাবাকে বললে, এবার সে যেমন করে হোক একটা চাকরী নেবে যোগাড় করে—সামান্য হোক, তবু—।

শিবনাথ বললে, না-না-না—তা'হলে আমি যে শাস্তিতে মরতে পারবোনা। কি আমি চেয়েছিলাম জানিস? আমি চেয়েছিলাম শুধু বাঁচবার মতো বাঁচতে। বেশি চাইনি। সে অধিকার কি আমার নেই? কেন থাকবোনা? পৃথিবীতে এসেছি—এখানে বেঁচে থাকবো। ভাবতে পারিনা, আমার সে আশা পূর্ণ হলোনা; তার আগেই আমি বিদায় নেবো পৃথিবী থেকে। আমি বাঁচবো—তোদের মধ্যে আমি থাকবো মরণগীন। তোরা হতাশ করিসনি আমায়।.....

অসুখ সারবার নয় তার। শিবনাথ তবু নির্বিকার। রোগে যন্ত্রণা নেই, মনে শুধু একটিমাত্র চিন্তা—একা—নিশ্চল। তার ছেলেরা বড় হবে, তার জীবনের একমাত্র কামনা হবে সিদ্ধ।...

ডাক্তার আশা ছেড়ে দিয়েছে। ছেলেরা বসে আছে শিয়রের কাছে।

সকালের বাতাস ছুটেছে হুহু করে।

টেলিগ্রাম পিয়ন এলো...নিশিনাথের নামে টেলিগ্রাম। নিশিনাথ টেলিগ্রামের খামটি খুললো তাড়াতাড়ি। দেখলো—তার নিয়োগপত্র। দিল্লীতে তার চাকরী হয়েছে—আই, এ, এস, চাকরী।

শিবনাথ তখন মৃত্যুর সঙ্গে যুদ্ধ করতে করতে অবসর হয়ে এসেছিল।

নিশিনাথ দৌড়ে গেল তার বাবার কাছে। তার কানের উপর পড়ে বললে, বাবা, আমার চাকরী হয়েছে—আই, এ, এস। এবার আপনি সেরে উঠুন—এখন আপনার বাঁচা প্রয়োজন—আপনি বাঁচুন বাবা—।

শিবনাথ অতি কষ্টে তার চোখ দুটো খুলে একবার তাকালো নিশিনাথের মুখের দিকে। হাতখানি একবার তুলে তাকে যেন চাইলে আশীর্বাদ করতে। যেন উচ্চারণ করতে চাইলো—শেষ আশীর্বাণী।

তারপর তার নিশ্বাসটুকু গেল বাতাসের সঙ্গে মিশে। শিবনাথের চোখে-মুখে কুটে উঠেছে একটা গভীর তৃপ্তির ছাপ, তার বাঁচবার সাধ সবই যেন আজ হয়েছে সার্থক।

রাশি ফল

জ্যোতি বাচস্পতি

তুলা রাশি

তুলা যদি আপনার জন্মরাশি হয়, অর্থাৎ যে সময় চন্দ্র আকাশে তুলা নক্ষত্রপুঞ্জ ছিলেন সেই সময় যদি আপনার জন্ম হ'য়ে থাকে, তাহ'লে এই রকম ফল হবে—

প্রকৃতি

তুলা শব্দটি তুলাদণ্ডের সংক্ষেপ ; তার মানে হ'চ্ছে দাঁড়িপাল্লা বা নিক্তি। কাজেই আপনার মনের মুখ্য গতি হ'চ্ছে বিচার ও বিশ্লেষণের দিকে। আপনি নিক্তির ওজসে সব জিনিস অনুভব করতে চান, ক্ষুদ্র খুঁটিনাটিকেও আপনার নজর এড়াতে দিতে চান না।

খুঁটিনাটি লক্ষ্য করার এই প্রবৃত্তির জন্ত সব জিনিসের ভিতরের চেয়ে বাইরের দিকে আপনার লক্ষ্য থাকে বেশী এবং দুটো জিনিসের মধ্যে ঐক্যের চেয়ে ভেদটাই আগে নজরে ঠেকে। আপনার মনোভাবে সংশ্লেষণের চেয়ে বিশ্লেষণের প্রভাব বেশী।

এই মনোভাবের জন্ত অনেক সময় আপনার মধ্যে সঙ্কল্পের দৃঢ়তা বা মতির স্থিরতা পাওয়া কঠিন হ'য়ে ওঠে। যে কোন বিষয়ে হোক চট্ করে মত পরিবর্তন করা আপনার পক্ষে মোটেই আশ্চর্য নয়। কিন্তু তা সত্ত্বেও, যে মত বা ধারণা আপনি সাময়িকভাবে পোষণ করেন, তার উপর সেই সময়ের জন্ত প্রায়ই একটা দৃঢ় অনুরাগ বা নিষ্ঠা আপনার মধ্যে দেখতে পাওয়া যায়।

আপনার মধ্যে উদ্ভাবনী শক্তি আছে এবং হাতের কাজ, শিল্পকলা প্রভৃতির দিকে একটা আকর্ষণ এবং তাতে খানিকটা পটুত্বও থাকা সম্ভব। কিন্তু ঐকান্তিক নিষ্ঠার সঙ্গে লেগে থাকা আপনার প্রকৃতি-বিরুদ্ধ ব'লে আপনার পটুত্ব বা প্রতিভা অনেক সময় কোন কাজে আসে না। তবে ভাগ্যক্রমে যদি কোন উপযুক্ত সহযোগী বা অংশী পান তাহ'লে আপনার গুণপনা সার্থক হ'য়ে উঠতে পারে।

আপনার মধ্যে উচ্চাকাঙ্ক্ষা যথেষ্ট আছে। কিন্তু কোন্ পথে কী ভাবে অগ্রসর হ'লে তা সফল হ'তে পারে—তা অনেক সময় ঠিক করতে পারেন না। অগ্রসর হওয়ার পথে নানা বিধা ও সংশয় মনে উঁকি মারে। অপরের সাহায্য, সহযোগিতা বা উপদেশ আপনার অগ্রগতির পক্ষে একান্ত আবশ্যিক।

আপনার সামাজিক ব্যবহার সাধারণতঃ শিষ্ট ও মধুর এবং সামাজিক আচরণের খুঁটিনাটির দিকে লক্ষ্য খুব বেশী। এমন কি পোষাক পরিচ্ছদেও প্রচলিত রীতিনীতির ব্যত্যয় দেখলে আপনি ক্ষুব্ধ হ'য়ে ওঠেন। কথাবার্তার অশনে-বসনে সর্বত্র আপনি চান শালীনতা ও শোভনীয়তা।

আপনি সাধারণতঃ আনন্দপ্রিয় হ'লেও, আপনার মধ্যে একটা অধীরতা আছে, যার জন্ত সামান্য ত্রুটি-বিচ্যুতিতেই অনেক সময় আপনি চট্ করে রেগে ওঠেন। কিন্তু আপনার সে রাগ কখনই স্থায়ী হয় না, খড়ের আগুনের মত তা যেমন দপ্ করে জ্বলে ওঠে, তেমনি ধপ্ করে নিভেও যায়।

আপনার মধ্যে সমালোচনার সহজ শক্তি আছে, কিন্তু খুঁটিনাটির দিকে বড় বেশী লক্ষ্য বলে অনেক সময় তুচ্ছ বিষয় নিয়ে তর্ক বিতর্কে সে শক্তি অপব্যয়িত হ'তে পারে।

সামাজিক প্রবৃত্তি আপনার মধ্যে খুব প্রবল। কাজেই নিঃসঙ্গ জীবন আপনার পছন্দ নয় এবং একই ভাবে একই আবেষ্টনের মধ্যে বৈশীকণ থাকতে হ'লে আপনি দারুণ অস্বস্তি অনুভব করেন। অপরের সাহচর্য আপনার চাইই।

সহযোগিতা এবং প্রতিদ্বন্দ্বিতা এ দুয়ের কোন একটা না হ'লে আপনার প্রতিভার পূর্ণ বিকাশ হ'তে পারে না। সেইজন্ত যদি সহযোগী না পান, তাহ'লে অনেক সময় ইচ্ছা ক'রে প্রতিদ্বন্দ্বী সৃষ্টি করতে পারেন।

অর্থভাগ্য

আর্থিক ব্যাপারে আপনার কোনরকম হুশিষ্ণা উপস্থিত হ'তে পারে এবং ইতস্ততঃ করার জন্ত অনেক সময় আর্থিক উন্নতির বিষয় ঘটেতে পারে। উপার্জনের জন্ত অনেক সময় অপরের সাহায্য প্রয়োজন হবে এবং উপার্জনের হ্রাস বৃদ্ধিও প্রায় ঘটবে। কিন্তু বাধা-বিঘ্ন বা বিলম্ব ঘটলেও শেষ পর্যন্ত আর্থিক ব্যাপারে নিজেকে সুপ্রতিষ্ঠিত করতে পারবেন। তা সত্ত্বেও কিন্তু আর্থিক ব্যাপার নিয়ে কম-বেশী চিন্তা বরাবরই থাকবে।

উত্তরাধিকারসূত্রে আপনার যদিই কিছু প্রাপ্তি হয়, তা রক্ষা করা কঠিন হবে। প্রাপ্য সম্পত্তি পেতে নানারকম বাধা বিঘ্ন ঘটবে এবং তা নিয়ে বিবাদ বিসম্বাদ বা মামলা মোকর্দমা হওয়াও অসম্ভব নয়। এই বিবাদ বিসম্বাদে লাভ হওয়া দূরে থাক, কাজকর্মের ক্ষতি, অনর্থক ব্যয়, মিথ্যা অপবাদ প্রভৃতির আশঙ্কাই হবে বেশী।

কর্মজীবন

জীবনের কোন না কোন সময়ে আপনার খ্যাতি ও প্রতিষ্ঠালাভের যথেষ্ট সুযোগ উপস্থিত হবে। কর্মজীবনে অনেক পদস্থ ও প্রতিষ্ঠানালী বন্ধু ও মুকুবি পেতে পারেন, যারা আপনার উন্নতিতে সাহায্য করবেন। দূর সম্পর্কীয়ের কোন কোন আত্মীয়ের দ্বারাও কর্মক্ষেত্রে উপকার পেতে পারেন। কর্মের ব্যাপারে অনেক বাধা বিঘ্ন ও প্রতিদ্বন্দ্বিতা আপনি

বন্ধু ও মুকবির সাহায্যে অতিক্রম করতে সক্ষম হবেন। কিন্তু নিজের চাকলা, অদূরদর্শিতা, সন্দেহ ও সংশয়ের জন্ত আপনার উন্নতি ও প্রতিষ্ঠার বিষয় ঘটতে পারে। কোন কোন ক্ষেত্রে পারিবারিক অবস্থা আপনার উন্নতির পথ রোধ করতে পারে এবং সহসা কর্ম-বিপর্যয় নিয়ে আসতে পারে। শেষ বয়সে বিশেষ করে এ সম্বন্ধে সতর্ক থাকার উচিত। কর্মজীবনে বন্ধু ও মুকবির সাহায্য ও সহযোগিতার উপর নির্ভর করতে পারলে আপনি বেশী উন্নতি করতে পারবেন। আপনার সেই সব কাজ ভাল লাগবে, যাতে অপরের সহযোগিতা পাওয়া যায় এবং যাতে অল্প পরিশ্রমে সাফল্য হ'তে পারে। সাধারণতঃ জন-সাধারণের সম্মুখে আসবার অথবা জনপ্রিয়তা অর্জন করবার সুবিধা যে সকল কাজে আছে সেই সকল কাজের দিকে আপনার ঝোঁক থাকতে পারে। যে সকল কাজে হুকুমার শিল্পের সংশ্রব আছে এবং যাতে প্রত্যুৎপন্নমতিদের পরিচয় দিতে হয় সে সব কাজও আপনার প্রিয় হওয়া সম্ভব। আইনজ্ঞের কাজ, শিক্ষকতা প্রভৃতিরও যোগ্যতা আপনার মধ্যে আছে। চাকরীর চেয়ে প্রকেশন এবং প্রফেশনের চেয়ে ব্যবসা-বাণিজ্যে আপনি বেশী কৃতিত্বের পরিচয় দিতে পারবেন। সাধারণতঃ ছোট খাট কোন জায়গায় কাজ করার চেয়ে যেখানে বহু জনের সংশ্রব আছে, এমন কোন বড় জায়গায় কাজ করতে আপনার ভাল লাগবে। কাজেই ব্যবসা করলে আপনার উচিত বাজারে, গঞ্জে অথবা শহরে দোকান বা আড়ত করা। চাকরী করলে সেই সকল স্থানে চাকরী করা উচিত যেখানে বহু কর্মচারী এক সঙ্গে কাজ করে। প্রকেশন করলে তা করা উচিত কোন বড় শহরে। মোট কথা বহুজনের সহযোগে কর্ম আপনার সাফল্য নিয়ে আসবে।

পারিবারিক

ভ্রাতা ভগ্নীর সংখ্যা আপনার বেশী হওয়াই সম্ভব। আপন ভ্রাতা ভগ্নী ছাড়াও অনেক আত্মীয়ের সাহচর্য আপনাকে করতে হবে। অনেক সময় সহোদর সহোদরার চেয়ে দূর সম্পর্কীয় আত্মীয় বা আত্মীয়ার সঙ্গে বেশী সদ্ভাব ও ঘনিষ্ঠতা হ'তে পারে। মধ্যে মধ্যে আত্মীয়-সম্মেলনে আপনি যথেষ্ট আনন্দ পাবেন এবং কোন কোন আত্মীয়ের দ্বারা আর্থিক হিসাবে বা কাজ কর্মের দিক দিয়ে উপকৃতও হ'তে পারেন। কুটুম্বিতার দ্বারা আপনার খ্যাতি ও প্রতিষ্ঠা বৃদ্ধি হওয়াও অসম্ভব নয়।

আপনার পারিবারিক অবস্থা ঠিক এক ভাবে কখনই চলবে না। পারিবারিক আবেষ্টনে কম-বেশী পরিবর্তন প্রায়ই ঘটবে। কোন কোন সময় নিজ পরিবারের চেয়ে অপর পরিবারের সঙ্গে বেশী ঘনিষ্ঠ সংশ্রবও হ'তে পারে। আপনার কর্মের সঙ্গে আপনার পারিবারিক জীবনের কম-বেশী সম্বন্ধ থাকবে। হয়ত কর্মের প্রকৃতি এমন হবে যাতে আপনার পারিবারিক আবেষ্টনে বা গৃহস্থালীর ব্যাপারে ওলট-পালট এনে দেবে; কিম্বা এও হ'তে পারে যে আপনার পারিবারিক অবস্থা আপনার উন্নতির অন্তরায় বা অননতি ও কর্মহানির কারণ হ'য়ে দাঁড়াবে। শেষ বয়সে পারিবারিক আবেষ্টনে একটা বড় রকম পরিবর্তন হবে, তা সে ভালর জন্তই হোক, আর মন্দে জন্তই হোক।

সন্তান আপনার বেশী না হওয়াই সম্ভব। সন্তানদের মধ্যে কেউ কেউ আপনার বিশেষ উৎসেহ ও চুচ্চিত্তার কারণ হ'য়ে দাঁড়াতে পারে।

স্নেহ শ্রীতির ব্যাপারে আপনার আশাভঙ্গ বা মনোকষ্ট হ'তে পারে এবং সেই সংশ্রবে সত্যই হোক মিথ্যাই হোক, কোন রকম অপবাদ হওয়াও বিচিত্র নয়।

নিকট কোন আত্মীয় বা মাতৃস্থানীয় কোন আত্মীয়ার গুণ বা প্রকাশ্য শত্রুতায় আপনার পারিবারিক শান্তি ব্যাহত না হয় সে সম্বন্ধে সতর্ক থাকার উচিত।

বিবাহ

দাম্পত্য ব্যাপারে আপনার আন্তরিকতা লক্ষিত হবে বটে, কিন্তু স্ত্রীর (বা স্বামীর) আচরণের খুঁটিনাটির দিকে বড় বেশী লক্ষ্য থাকার দরুণ, দাম্পত্য জীবনে আপনি খুব সুখী হ'তে পারবেন না। বিবাহের সংশ্রবে আপনার অর্থপ্রাপ্তি বা উন্নতির সাহায্য হ'তে পারে কিন্তু স্ত্রীর (বা স্বামীর) সঙ্গে খুব ভালরকম বনিবনাও হওয়া কঠিন। এমন কি আপনাদের অবনিবনাও সমাজে প্রকাশ্য সমালোচনার বিষয় হ'তে পারে। অনেক সময় কর্মজীবন অথবা বন্ধুবান্ধবের সংশ্রব আপনার দাম্পত্য-জীবনে বিঘ্ন সৃষ্টি করবে। তা সত্ত্বেও আপনার যদি এমন কারো সঙ্গে বিবাহ হয় যার জন্ম মাস বৈশাখ আষাঢ় কার্তিক অথবা ফাল্গুন, কিম্বা যার জন্মতিথি শুক্লপক্ষের দ্বিতীয়া বা কৃষ্ণপক্ষের নবমী, তাহ'লে কতকটা মানিয়ে চলতে পারবেন।

বন্ধুত্ব

আপনার বন্ধুভাগ্য মোটের উপর ভাল। অনেক হিতকামী বন্ধু আপনি পাবেন যারা নানা দিক দিয়ে আপনার শ্রীবৃদ্ধিতে সাহায্য করবেন। আপনি নিজে কিন্তু বন্ধুত্বের ব্যাপারে ঠিক একনিষ্ঠ হ'তে পারবেন না। অনেক সময় চাকলা, অবিধাস বা ইর্ধ্যার বশবর্তী হ'য়ে এমন কিছু করে বসবেন যা বন্ধুর বিশেষ অনিষ্টের হেতু হ'য়ে দাঁড়াতে পারে। আপনি নিজে অনেক সময় বন্ধু পরিবর্তন করবেন এবং এক বন্ধু ছেড়ে অপর বন্ধুর সঙ্গে ঘনিষ্ঠ সংশ্রব করতে চাইবেন, কিন্তু তৎসম্বন্ধে বন্ধুদের সদ্ভাব অনেক ক্ষেত্রেই আপনার উপর অটুট থাকবে। যাদের জন্ম মাস আষাঢ়, কার্তিক অথবা ফাল্গুন, কিম্বা যাদের জন্ম-তিথি শুক্লা দ্বিতীয়া কি কৃষ্ণা নবমী, তাঁদের সঙ্গে বন্ধুত্ব আপনার বিশেষ আনন্দের কারণ হবে।

সম্পত্তির ব্যাপার বা উত্তরাধিকারের সংশ্রবে কিম্বা দেনা-পাওনা নিয়ে আপনার দু'চার জন শত্রুর সৃষ্টি হ'তে পারে, যারা আপনার প্রতিষ্ঠাহানি অথবা আর্থিক হিসাবে ক্ষতি করার চেষ্টা করবে, কিন্তু অধিকাংশ ক্ষেত্রে প্রতিষ্ঠাশালী ব্যক্তির সাহায্যে আপনি শত্রু জয় করতে সক্ষম হবেন।

স্বাস্থ্য

দৈহিক গঠনে আপনি একটু স্পর্শকাতর হবেন। আহার বিহারের ব্যাপারে সামান্য একটু ব্যতিক্রমও আপনি সহ্য করতে পারেন না। খাটাই হোক, বাসকটাই হোক—সবই আপনার পরিষ্কার পরিচ্ছন্ন ও সুদৃশ্য না হলে আপনার দেহ স্বচ্ছন্দ থাকতে চায় না। কোন বিষয়ে বাড়াবাড়ি আপনার সহ্য হয় না। অতিরিক্ত গরম, অতিরিক্ত ঠাণ্ডা, একটানা দীর্ঘ পরিশ্রম সবই আপনার যথাসাধ্য বর্জন করা উচিত। বিশেষ করে কষ্টসাধ্য দৈহিক পরিশ্রম বা ব্যায়াম আপনার স্বাস্থ্যের পক্ষে বিশেষ হানিকর। আপনার দেহের দুর্বল অংশ হ'চ্ছে গলা, হাঁটু, মূত্রস্থলী ও জননেন্দ্রিয়। তা ছাড়া চর্মরোগ বা রক্তদৃষ্টির প্রবণতাও আপনার মধ্যে আছে। আপনার দেহ ভাল রাখতে হ'লে, একদিকে যেমন ঘি, মাখন প্রভৃতি চর্বিজাতীয় খাদ্য এবং ছানা, ডাল, মাছ মাংস প্রভৃতি প্রোটিন জাতীয় খাদ্যের দরকার, তেমনি আপনার খাদ্য সুস্বাদু ও পরিষ্কার পরিচ্ছন্নও হওয়া চাই। একেবারে সাদাসিধা বা মসলা-বাক্ত খাদ্য আপনার স্বাস্থ্যের অশুকুল নয়। মধ্যে মধ্যে বলকারক (টনিক জাতীয়) ঔষধ ব্যবহার আপনার নষ্ট স্বাস্থ্য কিরিয়ে আনতে সাহায্য করবে। কিন্তু ঔষধ ব্যবহারের ব্যাপারেও বাড়াবাড়ি করা উচিত হবে না। আপনার দেহের গঠনই এমনি যে পীড়া হ'লেই দেহে সারাংশের অভাব ঘটতে পারে, সুতরাং যৌন ব্যাপারে আপনার বিশেষ সংযত হওয়া উচিত। এ বিষয়ে অনিয়ম বা বাড়াবাড়ি হ'লে দেহ অপটু হ'রে উঠতে পারে।

অস্বাস্থ্য ব্যাপার

আপনার ক্ষুদ্র ক্ষুদ্র ভ্রমণ অনেক হ'তে পারে এবং তাতে আনন্দও পেতে পারেন—কিন্তু একটানা দীর্ঘ ভ্রমণ বা দূরদেশ যাত্রা আপনার

পক্ষে কষ্টকর হওয়াই সম্ভব। তীর্থভ্রমণ বা সমুদ্র ভ্রমণে বিপদ-আপদের আশঙ্কা আছে এবং অনেক ক্ষেত্রেই যে আশা নিয়ে বিদেশে যাবেন তা পূর্ণ হবে না। বিদেশে প্রতিষ্ঠাশালী বন্ধুলাভ হ'তে পারে বটে এবং তাঁদের সাহায্যে কিছু আনন্দও পেতে পারেন, কিন্তু তাঁরা আপনার অশীষ্ট সিদ্ধিতে বিশেষ সাহায্য করতে পারবেন না।

স্মরণীয় ঘটনা

আপনার ৬, ১৮, ৩০, ৪২ প্রভৃতি বর্ষগুলি নিজের অথবা পরিবারস্থ কারো সংশ্রবে কোন দুঃখজনক অভিজ্ঞতা হ'তে পারে। ৭, ১২, ১৯, ২৪, ৩১, ৩৬, ৪৩, ৪৮ প্রভৃতি বর্ষগুলিতে কোন উল্লেখযোগ্য আনন্দলাভ সম্ভব।

বর্ণ

আপনার শ্রীতিপ্রদ ও সৌভাগ্যবর্ধক বর্ণ হচ্ছে নীল। নীল রঙের সব রকম প্রকার-ভেদই আপনি ব্যবহার করতে পারেন। কিন্তু গাঢ় নীল রঙ ব্যবহার করা আপনার পক্ষে ভাল। দেহ মনের অসুস্থ অবস্থার কিন্তু হাল্কা ও চক্চকে রঙ আপনার ভাল লাগবে।

রত্ন

আপনার ধারণের উপযোগী রত্ন হ'চ্ছে ইন্দ্রনীল (Blue diamond), নীলা, কিরোজা (Turquoise) প্রভৃতি। অসুস্থ অবস্থার ওপ্যাল (Opal) ধারণ করতে পারেন।

যে সকল খ্যাতনামা ব্যক্তি এই রাশিতে জন্মেছেন তাঁদের জনকয়েকের নাম—মাইকেল মধুসূদন দত্ত, কাইজার দ্বিতীয় উইল হেল্ম, রাজা স্তার রাধাকান্ত দেব, প্রসিদ্ধ ধাত্রীবিজ্ঞাবিদ ডাক্তার কেদারনাথ দাস, প্রসিদ্ধ দার্শনিক হীরেন্দ্রনাথ দত্ত প্রভৃতি।—

আন্দামান-নিকোবর দ্বীপপুঞ্জ

অধ্যাপক শ্রীমণীন্দ্রনাথ বন্দ্যোপাধ্যায় এম-এ, বি-এল

(পূর্বপ্রকাশিতের পর)

আন্দামানে জাপানী-রাজ

গুণ্ডার বা অপরাধী সন্দেহে ব্যক্তি বা সমষ্টির উপর জাপানীরা যে অত্যাচার করিয়াছে তাহা ছাড়াও সাধারণভাবে নিরীহ নিরস্ত্র অধিবাসীদের উপর যে ব্যাপক অত্যাচার হইয়াছে তাহা কল্পনাতীত। বর্তমানে সরকারী মোটর বিভাগের ভারপ্রাপ্ত অফিসার মিঃ রাহা বলিলেন “আমরা জাপানী রাজত্বে এমন কি বন্ধুর সহিতও কথা বলিতে সাহস পাইতাম না, পাছে অস্ত্র কাহারও কোনরূপ সন্দেহ হয়। জাপানী অফিসারের হুকুমে নিরস্ত্র চাকুরী করিয়া চূপ করিয়া ঘরে বসিয়া থাকিতাম। জামা কাপড় কিছুই আমাদের ছিল না, ভালো

পোষাক অধিকাংশই জাপানীরা তাহাদের রাজত্বের প্রথম দিকে কাড়িয়া লইয়া ছিল, বাকী যাহা ছিল তাহা তিনবৎসরে সম্পূর্ণরূপে ছিঁড়িয়া গিয়াছিল। পুরাতন চটের ধলে কাটির তাহারই প্যাট এবং জামা প্রস্তুত করিয়া উহাই পরিতাম, এ-ছাড়া রেশমের নিদারুণ অভাব। এক একটি পরিবারকে সপ্তাহে এক সিগারেট টিন-পরিমিত চাউল দেওয়া হইত।” এই সমস্ত কথোপকথনের মধ্যে পকেট হইতে একটি সিগারেট টিন বাহির করিয়া আমাদের দলের ভিতর হইতে একজন ভদ্রলোক মিঃ রাহাকে একটি সিগারেট দিতে যাইলে তিনি বলিলেন “আমি সিগারেট খাওয়া ছাড়িয়া দিয়াছি। জাপানী অধিকারে একটি সিগারেটের দাম হইয়াছিল দশ টাকা। টাঙ্গা করিয়া দশ টাকার একটি সিগারেট কিনিয়া আমি ও আমার ছই বন্ধু এই তিনজনে শেষ

ধূমপান করিয়াছি, উহার পর প্রতিজ্ঞা করিয়া আর সিগারেট স্পর্শ করি নাই।” তিনি বলিলেন যে খাওয়ার অভাবে সকলেই ভগ্নবাহ্য হইয়া পড়িয়াছিল; বেরিবেরি, রক্ত আমাশয় এবং নানারূপ চর্মরোগ দেখা দিয়াছিল, ইহার উপর নিরমিত ভাবে কাজ করিতেই হইত, নচেৎ জাপানীদের হাতে বেত খাইতে হইবে। পোর্টব্লেয়ারে এমন লোক নাই যে জাপানী রাজত্বে বাস করিয়া কখনও জাপানীর হাতে প্রহার লাভ করে নাই। বলিলেন, “আমরা জীবন্তে মরিয়া ছিলাম—তবে যে কোন মতে বাঁচিয়া ছিলাম সে কেবল রাঙা আগু আর নারিকেল খাইয়া, নচেৎ পোর্টব্লেয়ারে একজনও বাঁচিত না।” জাপানী রাজত্বের শেষভাগে ১৯৪৫-এর মাঝামাঝি জাপানীরা যখন খাড়াভাবে মরিয়া হইয়া উঠিয়াছিল, তখন লোকসংখ্যা কমাইবার জন্ত উহারা যে ব্যবস্থা করিয়াছিল, তাহাও উহাদের নিকট শুনিলাম। উহা এতই অমানুষিক যে শুনিলে বিশ্বাস হয় না, কিন্তু চাক্ষুস দেখিয়াছে এবং নিজের দেহের উপর দিয়া নির্ধ্যাতন ভোগ করিয়াছে এইরূপ লোকের নিকট শোনা বলিয়াই সে কাহিনী নিম্নে দিলাম।

জাপানী রাজত্বের একেবারে শেষভাগে খাড়াভাবে যখন তীব্র হইয়া দেখা দিল, তখন জাপানী অফিসারগণ পোর্টব্লেয়ারের সে সমস্ত লোক প্রত্যক্ষভাবে সরকারী প্রয়োজনে লাগিত না, তাহাদের একদিন বাড়ী হইতে জোর করিয়া লইয়া গিয়া সেলুলার জেলে আটক করিয়া বলিতে লাগিল যে এখানে নিদারুণ খাড়াভাবে, চল তোমাদের অস্ত্র রাখিয়া আসিব সেখানে তোমরা প্রচুর খাদ্য পাইবে। লোকে কেহ তাহাদের কথা বিশ্বাস করিল, কেহ বা ঝরিল না, কিন্তু উপায় নাই, জাপানীদের হুকুম মত কাজ করিতেই হইবে। ঐ হতভাগাদের একদিন সেলুলার জেলে আটক রাখিয়া পরদিন সন্ধ্যার পর বলপ্রয়োগে জাহাজে উঠাইতে বাধ্য করা হইল। প্রায় পাঁচ ছয় শত বৃদ্ধ, স্ত্রীলোক এবং শিশুতে জাহাজ ভর্তি করিয়া ১৯৪৫-এর আগষ্ট মাসের প্রথম সপ্তাহে এই জাহাজ পোর্টব্লেয়ার বন্দর ছাড়িয়া রওনা দিয়াছিল। দেশের লোক তখন কেহই জানিতে পারে নাই, কিন্তু এই সমস্ত লোককে হাতলক দ্বীপের নিকট লইয়া যাইয়া সমুদ্রবন্দে শেষ রাত্রে জোর করিয়া ফেলিয়া দেওয়া হইয়াছিল। ইহার পরেই জাপানীরা প্রচার করিল যে, যে-দ্বীপে এই লোকগুলিকে পাঠানো হইয়াছে, সেখানে ইহারা সুখে আছে অতএব আরও অনেক লোক সেখানে পাঠানো যায়। অতঃপর জাপানীরা তাহাদের অফিস, কারখানা ও ক্ষেতের শ্রমিক এবং কর্মচারীদের টিকিট দিতে হুকুম করিল কিন্তু কর্মচারীদের স্ত্রী বা সন্তানবর্গকে টিকিট দিল না; বলিল মাত্র টিকিটধারী লোকই পোর্টব্লেয়ারে থাকিবে, বাকী সকলকেই সেই দূর দ্বীপে গিয়া বাস করিতে হইবে। ১০ই আগষ্ট ১৯৪৫ সালে এইরূপে টিকিটহীন পাঁচ ছয়শত স্ত্রীলোক ও শিশু একত্র করিয়া জাপানীরা পুনরায় সেলুলার জেলে একত্রিত করিল এবং সন্ধ্যার সময় আর এক জাহাজ ভর্তি করিয়া শেষ রাত্রে রাঙ্গাকান নামক অস্ত্র একটি দ্বীপের নিকট লইয়া গিয়া জলে ফেলিয়া দেয়। পুনরায় ১৪ই আগষ্ট তারিখে এইরূপে আরও পাঁচ ছয় শত টিকিটহীন স্ত্রীলোক ও শিশু একত্র

করিয়া সেলুলার জেলে আটক করা হয়, কিন্তু সেদিন আর জাহাজ ছাড়া হয় নাই, পরদিন বিকালে সহসা তাহাদের জেল হইতে ছাড়িয়া দেওয়া হয়। শুধু যে তাহাদের জেল হইতে ছাড়িয়া দেওয়া হইল তাহাই নহে, উপরন্তু পোর্টব্লেয়ারবাসী প্রত্যেককেই আধসের পরিমাণ চাউল এবং চিনি জাপানী মিলিটারী গুদাম হইতে বিনামূল্যে সরবরাহ করা হইতে লাগিল। সকলেই অবাক হইয়া গেল। শেষে শোনা গেল যে, ১৫ই আগষ্ট ১৯৪৫ তারিখে জাপান মিত্রশক্তির নিকট আত্মসমর্পণ করিয়াছে। ধবরটা লোকমুখে শোনা গেল এবং প্রত্যক্ষভাবে দেখা গেল যে জাপানীরা সহসা নিরতিশয় ভয় ও সঙ্কট হইয়া উঠিয়াছে।

২৩শে মার্চ ১৯৪২ হইতে ১৫ই আগষ্ট ১৯৪৫ পর্যন্ত আন্দামানে জাপানীদের অধিকার এবং অত্যাচার অব্যাহতভাবেই চলিয়াছিল। কোনরূপ সংবাদপত্র ছিল না, কাহারও সহিত কোনরূপ বাক্যালাপ করিবার সাহস পর্যন্ত লোকের ছিল না, বন্দুক ও তরোয়াল দিয়া নিরস্ত্র দেশের মধ্যে বর্বরতার অবাধ গতি। বিংশ শতাব্দীর মধ্যভাগে যে এরূপ বর্বরতা প্রচণ্ডভাবে চলিয়াছিল, সস্তা পৃথিবীর সংবাদপত্র পাঠকগণ তাহার কোন আশাষমাত্রও পান নাই।

এই সাড়ে তিন বৎসরকাল সময়ের মধ্যে পোর্টব্লেয়ারের নাগরিক জীবন একেবারে বিপর্যস্ত হইয়া পড়িয়াছিল। বাজারে কাপড়, চাউল বা ঔষধ কিছুই পাওয়া যাইত না, কোনদিন কাহাকে দিনে বা মধ্যরাত্রে গ্রেফতার করিয়া লইয়া গিয়া সর্বসমক্ষে মারধোর করিবে, গায়ে আলপিন ফুটাইয়া হত্যা করিবে তাহার কোন স্থিরতা নাই, চোখের সামনে আত্মীয়স্বজনের লাঞ্ছনা যে কি ভয়াবহ আকার ধারণ করিবে, তাহার কোন ইয়ত্তা নাই। অথচ আত্মগোপন করিয়া পলায়নের কোন উপায়ও নাই, সমুদ্রের মধ্যবর্তী দ্বীপ হইতে কোথায় পলাইবে? এই দুর্ভিক্ষ জীবনযাপন করিয়া লোকে একরূপ মরিয়া হইয়া উঠিয়াছিল। এই কয় বৎসরের মধ্যে অনেকগুলি আত্মহত্যাও হইয়াছিল, কিন্তু কতগুলি, তাহার কোন সংখ্যাও কেহ রাখে নাই। দুইবারে কতগুলি লোককে যে সমুদ্রে ফেলা হইয়াছিল, তাহার কোন হিসাবও সঠিক পাওয়া যায় না, তবে জেলের কর্মচারীরা আন্দাজ করে প্রতিবারে পাঁচ ছয় শত হইবে বলিয়া। ইহাদের যে জলে ফেলা হইয়াছিল, তাহার প্রমাণ এই যে ঐ সমস্ত লোকের মধ্যে কয়েকজন নিতান্ত ভাগ্যের জোরে জীবিত অবস্থায় নিকটবর্তী দ্বীপে আসিয়া পৌঁছিয়াছিল এবং ইংরাজদের দ্বারা আন্দামান পুনরায় অধিকৃত হওয়ার পর ইহাদের জীবিত অবস্থায় উদ্ধার করাও হইয়াছিল। ইহাদের মধ্যে দুইজন পুরুষ এখনও পর্যন্ত পোর্টব্লেয়ারে চাকুরী করিতেছে। একজনের নাম সওদাগর, সে এখানকার কুলী সর্দাররূপে এখনও কাজ করে, অস্ত্রজন দেবীপ্রসাদ, সে Conservator of Forests-এর অফিসে এখনও দপ্তরীয় কাজ করে। এইরূপ জীবিত আরও কয়েকটি ব্যক্তিকে জাপানী রাজ্যের অবসানের পর তীরমুখলীন, এ্যালেকজান্দ্রা, হাতলক ইত্যাদি ক্ষুদ্র ক্ষুদ্র দ্বীপ হইতে রতপ্রায় অবস্থায় উদ্ধার করা হইয়াছিল।

ইহাদের মুখ হইতেই এই সমস্ত কাহিনী প্রকাশ পাইয়াছে। এই প্রসঙ্গে জাপানীরা যে কিরূপ হৃদয়হীন, তাহার অল্প উদাহরণও শুনিয়াছি। একটি ঘোড়ার দুইখানি পা কাটিয়া লইয়া উহাকে ব্যাণ্ডেজ করিয়া দিয়া পরদিন বাকী দুইটি পা কাটিয়া লইয়া তৃতীয় দিনে ঘোড়াটিকে পুরাপুরী কাটিয়া রান্না করিবার কাহিনীও শুনিয়াছি। প্রথম দিনেই ঘোড়াটিকে বধ করিলে তিন চারদিন ধরিয়া পাছে পচা মাংস খাইতে হয়, সেই আশঙ্কার অল্পে অল্পে কাটিয়া তিনদিন ধরিয়া টাটকা মাংস খাওয়ার ব্যবস্থা নাকি এইরূপেই করা হইত। কোন জাপানী সৈনিক সাংঘাতিকভাবে আহত হইলে তাহাকে গুলি করিয়া হত্যা করিবার জন্ত জাপানী ডাক্তাররাই আদেশ দিতেন, এবং অল্প সহকর্মী জাপানী সৈনিক জল্লাদের ভূমিকায় নির্বিচারে সেই আদেশ পালন করিত। যন্ত্রণা দেওয়া বা হত্যা করা যেন জাপানীদের নিকট নিতান্ত তুচ্ছ একটা ছেলেখেলায় ব্যাপার ছিল।

১৫ই আগস্টের পর পোর্টব্লেরার সম্পূর্ণ অরাজক অবস্থায় রহিল। জাপানীরা কোন কাজই করিত না, ভালো মন্দ কোন বিষয়েই মাথা দিত না, লোকে যে যাহা পারিত করিত। এইরূপে প্রায় পাঁচ ছয় সপ্তাহ অতিবাহিত হওয়ার পর ২৬-এ সেপ্টেম্বর প্রথম রেডক্রসের Mercy Ship পোর্টব্লেরারে আসিয়াছিল। এই জাহাজে যাহারা গিয়াছিলেন, তাহারা বলেন যে চট-পরিহিত, রোগগ্রস্ত, মৃতপ্রায় লোক দেখিয়া তাহাদের সত্য মানুষ বলিয়া বিশ্বাস করাই দুরূহ হইয়া উঠিয়াছিল। যাহা হউক, এই Mercy Ship এই দ্বীপে কিছু কাপড়, খাদ্য, ঝুঁড়া দুধ, ঔষধ ইত্যাদি আনিয়াছিল। ইহার পর ইংরাজের পূর্ণদখল ফৌজ ৮ই অক্টোবর তারিখে এই দ্বীপে প্রথম পদার্পণ করে। ৪৩ মাস জাপানী রাজত্বে লোকের দুঃখ হইয়াছিল অপরিমিত—তবে তৎসঙ্গে জাপানীদের দ্বারা পোর্টব্লেরার ৩০ মাইল পাকা রাস্তা, একটি এরোড্রোম, ডকইয়ার্ডের কিছু উন্নতি এবং অসংখ্য শস্তক্ষেত্র গড়িয়া উঠিয়াছিল। জাপানীদের রাজত্বের নিদর্শনস্বরূপ এখনও তাহাদের পরিত্যক্ত কামান, পিলবুল, পাহাড়ের নীচের আশ্রয়স্থান এবং গুদাম ঘর ইত্যাদি এখনও অবশিষ্ট আছে। মেগুলির কথা ইতিপূর্বেই গত সংখ্যায় উল্লিখিত হইয়াছে।

জাপানী অত্যাচারের শেষ পরিণামটুকুও বলা উচিত। যুদ্ধান্তে আন্দামানের অত্যাচারী জাপানীগণ মিজশক্তির দ্বারা ধৃত হইয়াছিল। সিঙ্গাপুরে ইহাদের যুদ্ধাপরাধী হিসাবে বিচার হয়। এই বিচার আরম্ভ হইয়াছিল ১৯৪৬ সালের ফেব্রুয়ারী মাসে এবং ঐ বৎসর জুলাই মাসে এই বিচার

শেষ হয়। বিচারে আর ২৫।৩০ জনের জেল এবং ৪৫ জন জাপানীর মৃত্যুদণ্ড হইয়াছিল। এই বিচারের জন্ত আন্দামান হইতে অনেকেই সাক্ষীরূপে সিঙ্গাপুরে গিয়াছিলেন। এ ছাড়া শ্রীমান পুঙ্কর বাগচী মহাশয়ও অপরাধী সাব্যস্ত হইয়া সশ্রম কারাদণ্ডে দণ্ডিত হন এবং এখনও তিনি ভারতের জেলে অবরুদ্ধ আছেন। প্রসঙ্গক্রমে এই ক্ষেত্রে ১৯।১০।৪৯ তারিখের পি-টি-আই-এর সংবাদটুকুও দেওয়া যায়। ঐ সংবাদে বলা হইয়াছে যে, জাপানীদের মধ্যে যুদ্ধাপরাধের জন্ত মোটের উপর পাঁচ ছয় হাজার অপরাধীকে লইয়া তিন হাজারেরও অধিক মামলা চালানো হইয়াছিল, তন্মধ্যে ৭০০ মৃত্যুদণ্ড এবং ২,৫০০ কারাদণ্ড হইয়াছে এবং কতকগুলিকে ছাড়িয়া দেওয়া হইয়াছে। যুদ্ধাপরাধী বন্দী সম্বন্ধে আমাদের ধারণা ছিল যে, পরাজিত শত্রুকে বিজয়ীগণ অবধা লাঞ্চিত করে, কিন্তু আন্দামানে লোকমুখে উপরোক্ত অত্যাচার কাহিনী শুনিয়া মনে হইল যে, ঐগুলি যদি সব সত্য হয়, তাহা হইলে মানবতার দিক দিয়া এই বিচার এবং শাস্তি হওয়া সত্যই প্রয়োজন। অবশ্য একথা ঠিক যে, জয়ীরাও হরত ঐরূপ বা উহাপেক্ষাও অধিক অত্যাচার করে, কিন্তু একজন অপরাধীর শাস্তি দিবার উপযুক্ত কোন শক্তি নাই বলিয়া অপর অপরাধীর বিচার না হওয়ার মধ্যে কোন যুক্তি নাই। উপরন্তু এইরূপ বিচার এবং শাস্তির ব্যবস্থা থাকিলে পরবর্তী যুদ্ধে অত্যাচারীগণ সাবধান হইবেন, কারণ যুদ্ধ চলিবার সময় কে জয়ী হইবে তাহার কোন নিশ্চয়তা ও থাকে না।

উপরোক্ত কাহিনীর সত্যতা সম্বন্ধে আমার ব্যক্তিগতভাবে কোন অভিজ্ঞতা নাই। বিভিন্ন লোকের নিকট হইতে শুনিয়া যাহা পাইয়াছি, তাহাই একত্রিতভাবে লিপিবদ্ধ করিলাম। কেবল এইটুকুই আমার সন্দেহ রহিয়া গেল যে, যে-জাপানীদের সন্ত্রস্ততা ও অমায়িকতার সুখ্যাতিতে পূর্বভারতের মণিপুরীরা ও নাগারা পঞ্চমুখ, সেই জাপানীরাই আন্দামানে এত বর্বর হইয়া উঠিল কি করিয়া? হরত ঐরূপ হইতে পারে যে, আসাম অভিযাত্রীদের উপর নেতাজীর প্রত্যক্ষ প্রভাব ছিল, কিংবা আন্দামানকে সম্পূর্ণরূপে লোকজনশূন্য করিয়া ও জাপানী উপনিবেশ স্থাপন করিবার জন্ত জাপানী কর্তৃপক্ষ মনস্থ করিয়াছিলেন, কিংবা অল্প কোন কারণে উভয় স্থানের ব্যবহারে এই বিপরীত পার্থক্য ঘটিয়াছিল। যাহা হউক, রাজকুলকে বিশ্বাস না করিবার জন্ত ভারতীয় পণ্ডিতগণ যে উপদেশ দিয়া গিয়াছেন, সেই উপদেশ বাণী স্মরণ করিয়া মণিপুর ও আন্দামানের দুই বিপরীত ঘটনার কারণ বিশ্লেষণ করিবার চেষ্টা হইতে দ্বন্দ্ব থাকাই বুদ্ধিমানের কাজ। (ক্রমশঃ)

লামার অভিশাপ

শ্রীজনরঞ্জন রায়

একটা বেয়াড়া জায়গার একটা ভুতুড়ে লোকের অভিশাপ।

গল্পটা কুচবিহারের...লোকে বলে ছশো বছর থেকে সেখানে চলিত আছে।

ভুটিয়ারা থাকে যেন সে রাজ্যের উপর তলায়। মাঝের তলায় থাকে একটা পাহাড়ী জাতির লোক। নিচেরতলা খাস কুচবিহার...থাকে কোচ বা রাজবংশীরা। তাদের মধ্যে মাঝের-তলার পাহাড়ী জাতির মেয়েরা খুব সুন্দরী। কে জানে এদেরই আগে কিয়তী বলা হইত কি-না? তারা সাজগোজও করে খুব...পুরুষরাও কম বিলাসী নয়।

প্রবাদ আছে এই কুচনীপাড়াতেই শিবঠাকুরের বিলাস-রাজ্য ছিল...তা তিনি যে শিবই হোন।

দেশে থাকে ঐ তিন জাতির লোক...তাদের মধ্যে সম্ভাব নাই মোটেই।

আবার এই তিন জাতই বাঙালীদের ভারি হিংসা করে...বাঙালীদের নাম দিয়াছে 'ভাটীয়া' বা দখিনের লোক।

জয়ন্তী পাহাড় হিমালয়েরই একটা ধারা।

বর্ষায় জয়ন্তী পাহাড়ের জলপ্রপাত...দেখিলে মনে হয় স্বর্গ থেকে দেবতারা বৃষ্টি সমুদ্রের মুখ খুলিয়া দিয়াছেন।

কুচবিহারের ধলনা নদীতে এই জলের চাপে এখন যেন ঢল নামিয়াছে।

নদী বাহিয়া জয়ন্তী পাহাড়ে উঠিতেছে তিন বন্ধু...ঐ তিন জাতির তিনটি লোক। টাসী ভুটিয়া, রামিয়া পাহাড়ী, আর শঙ্কর কোচ। তিন জনেরই লক্ষ্য ব্যবসা। ভোটদের দেশে তারা উঠিতেছে চাল-বোঝাই ডিঙি নিয়া। ফিরিবার সময় চালের বদলে সেখান থেকে আনিবে কস্তুরী, মঞ্জিষ্ঠা, মিঠা বিষ, মোম আর মধু।

তারা যতোই উজান উঠিতেছে ততোই শীত বাড়িতেছে দারুণ...তার সঙ্গে পেট জলিতেছে ছুঁ ছুঁ করিয়া। তাদের ধারণা ছিল মহাকালীর মন্দিরে যাইতে দু'দিনের বেশি লাগিতেই পারে না...আর সেখানে গেলেই পেটভরা

প্রসাদ মিলিবে। এখন বৃষ্টি নৌকায় গেলে ঘুরিয়া-ঘুরিয়া মন্দিরে উঠিতে আরো দুই দিনের কমে হইবে না, তাই তাহারা নৌকা বাধিল একটা শক্ত বেঁটে পাহাড়ী গাছের সঙ্গে। তারপর পিঠে চালের বস্তা নিয়া উপরে উঠিতে লাগিল। দেবীর পূজারী মন্দিরে ঢুকিতে দেয় না...মালগুলো পাহাড়ের নিচে রাখিয়া যাইতে হইবে— টাসী ভুটিয়া এ কথাটা বারবার শোনাইতেছে সঙ্গীদের। সে আরও বলিল—এই ভাটীয়া লামা হেমঙ্গর ভারি পাজি লোক...ঐ উপরে মহাকালের মন্দিরের তিব্বতী লামা-বাবার শিষ্য বলিয়া হেমঙ্গরের এতো সাহস। তিব্বতী লামা যেমন ভুতুড়ে তেমনি গুণী। সবাই তাকে ভয় করে এই তল্লাটে। লম্বা-বুড়ো ঝোপ ঝোপ গৌফ-দাড়ি...তেল-চিঠে চামড়ার আলখাল্লা গায়ে...গলায় খট খট করিতেছে কত জানোয়ারের, কত মাহুঘের হাড়ের মালা।

মহাকালীর মন্দিরের নিচের পাহাড়ের আড়ালে তারা দুই তিন খেপে আনিয়া বস্তাগুলি নামাইল। আরও থাকিয়া গেল কিছুটা, কিন্তু ধৈর্যাহারা তাহারা ক্ষুধায়...চুকিয়া পড়িল মহাকালীর মন্দিরে।

গুহার মধ্যে দেবীর মাথায় পাহাড় হইতে টপ-টপ করিয়া জল পড়িতেছে...মিটমিট করিয়া প্রদীপ জলিতেছে সেই অন্ধকারের মধ্যে...ধূপের ধোঁয়া যুঁহু যুঁহু উঠিতেছে... বড় বড় পাথরের খোরায় নৈবেদ্য সাজানো।—কোনোটায় লাপসীর মতো ছুধের সঙ্গে যবের ছাতু ঠাণ্ডায় জমিয়া গিয়াছে। কোনোটায় গাছের বীজ ভুরুরাতে মধুর-চিনি মাখানো নাড়ু। কয়েকটা আস্ত-আস্ত পাহাড়ে ফল। ক্ষুধার তাড়নায় তাহারা লাফাইয়া পড়িল নৈবেদ্যগুলির উপর। পূজারী ভোগ দিয়া বাহিরে অপেক্ষা করিতেছিলেন সেখানে আগিয়া বসিয়াছিল একটা ভুটানী কুকুর। লোকগুলোকে দেখিয়া কুকুরটা চীৎকার করিয়া উঠিল, ওদিকে পূজারীও হকার দিয়া উঠিলেন। যাহা পারিল তাহা নিয়া একটু সরিয়া গেল তিন জনে। পূজারী ক্রোধে

অধীর হইয়া বলিতেছেন—কে ধর্মহীন অনাচারী দেবীর ভোগে বাধা দিলি? তিন বন্ধু চোখে-চোখে কি ইসারা করিল।...কুকুরটা টাসীর উপর ঝাঁপাইয়া পড়িতে চায়...তার টুঁটি ছিঁড়িয়া :দিবে। রামিয়া আর শঙ্কর দুইটা পাথরের ডেলা নিয়া কুকুরটার মাথায় এত জোরে ছুড়িয়া মারিল যে, তার মাথা ফাটিয়া ঘিলু বাহির হইয়া গেল। তারপর বাঘের মতো হেমস্করের উপর লাফাইয়া পড়িল সবাই এক সঙ্গে। তাঁহাকে ধাক্কা দিয়া ফেলিয়া দিল পাহাড় থেকে। তিনি জয়ন্তীর ঘূর্ণাবর্তে পড়িয়া গেলেন। কুকুরটা মৃত্যু-যজ্ঞায় চীৎকার করিতে করিতে উপরের পাহাড়ে উঠিতেছিল। সে মহাকালের মন্দিরে যাইতেছিল তার প্রভু হত্যার কথা জানাইতে ঐ তিব্বতী লামাবাবার কাছে। কিন্তু অতো দূর যাইতে পারিল না। কিছু দূর গিয়া একটা মরণ-ডাক ডাকিল। তারপর ঘুরিয়া পড়িয়া গেল।

তিব্বতী লামা মহাকালের পূজা শেষে তখন ঘণ্টের মধ্যে আকাশ-গঙ্গার জলধারা ভরিয়া নিতেছিলেন। তাহা দিয়া দেবতার মাথায় শেষ অর্ঘ্য ঢালিয়া দিয়া যাইবেন বলিয়া। মহাকালী মন্দিরেও যেমন, মহাকাল মন্দিরেও সেইরূপ পাহাড় পথে বিন্দু বিন্দু জল ঝরিয়া পড়ে বিগ্রহের মাথার উপর সদা সর্বদা ঐ আকাশ গঙ্গা হইতে। লামার হস্তস্থিত পাত্রটি কাঁপিয়া উঠিল নিচে মহাকালী মন্দিরের কুকুরটির মরণ চিৎকারে। বিপদের সংকেত পাইয়া তিনি নিচে চাহিয়া দেখিলেন হেমস্করের দেহ নদীর আবর্তে গিয়া পড়িয়াছে। সেখান হইতে দেখিতে চেষ্টা করিলেন, কিন্তু দেখিতে পাইলেন না কোনো আততায়ীকে। বিচিত্র ভাষায় তিনি কি সব মন্ত্র আবৃত্তি করিতে করিতে ক্রোধে লাফাইতে লাগিলেন। তাঁর কেশপাশ, হাড়ের মালা, আর চামড়ার আলখাল্লা, ঘেন ঝড়ের বেগে উঠিতে-পড়িতে লাগিল। তিনি অভিশাপ দিতে লাগিলেন—হেমস্করের হত্যাকারী পালিয়ে গেল বটে আমার কবল থেকে, কিন্তু আমার অভিশাপ তাদের পাছু-পাছু ছুটবে...যেমন কোরে হেমস্করকে তারা মারলে, তেমনি কোরেই তারা মরবে ঠিক শিয়াল-কুকুরের মতো...কল্পনা কোরতে পারেনি এমনি অস্বাভাবিকভাবে! চোখ দুইটা তাঁর জবাফুলের মতো লাল হইয়া উঠিয়াছে। সম্মুখে পাইলে ঐ আততায়ী-

শুলোকে ছিঁড়িয়া ফেলিতেন এমনভাবে দাঁত কড়মড় করিয়া বিকট ভঙ্গী করিতেছেন। তিনি মন্দির মধ্যে গিয়া ভুমল রবে দামামা বাজাইতে লাগিলেন। পাহাড়ীরা একটা দারুণ বিপদের আশঙ্কায় সাজ-সাজ রব তুলিল। ওদিকে পলাতক সেই লোক তিনটার অন্তরাত্মা শুকাইয়া উঠিল। দিক-বিদিক জ্ঞানশূন্য হইয়া তাহারা নৌকায় আসিয়া বসিল। কোথায় পড়িয়া রহিল সেই সব চালের বোঝা, তাহা দেখিবার অবসর মিলিল না। তখন প্রাণ বাঁচানো সবার আগে...

তারা পলাইতেছে...কানে বাজিতেছে লামার অভিশাপ—মরবে তারা কুকুর-শিয়ালের মতো...কল্পনা করতে পারেনি এমনি অপমৃত্যু হবে।

তারা নৌকা ফেলিয়া দৌড়িতে লাগিল যে যাহার দেশের দিকে। সবগেই পাছু ফিরিয়া চাহিতেছে—বুঝিবা লামা আসিতেছে তাড়া করিয়া!

কয়েক মাস কাটিল, ব্যবসাদাররা আবার আপন আপন ব্যবসায় লাগিয়া গেল। টাসী ভুটিয়া আবার চাল নিয়া জয়ন্তী পাহাড়ে ব্যবসা শুরু করিল। চাল দিয়া সেখান হইতে কস্তুরী প্রভৃতি আনিয়া বেশ দুই পয়সা লাভ করিতেছে। কিছুদিন পরে সে চাল কেনার কাজে রামিয়া পাহাড়ীর গ্রামে আসিয়া পড়িল। পাতলাখাওয়া গ্রামে রামিয়ার বাস ছিল। ভাষণ জঙ্গল...হাতী, গণ্ডার, বাঘেভরা গ্রামখানা। রামিয়া এই সব জন্তুর চামড়ার ব্যবসা করিত। চামড়া বিক্রী করিয়া সে হলদিবাড়ি, মাথাভাঙা প্রভৃতি স্থান হইতে চাল, পাট, তামাক নিয়া আসিত। টাসী তার নৌকাখানি তোড়সা নদীর ধারে বাধিয়া পাতলাখাওয়ায় নামিল। গ্রামের লোকরা নদী থেকে খেপলা জাল দিয়া ছোট ছোট মাছ ধরিতেছে। একটা জেলে প্রায় একমণ ওজনের একটা পুঁঠিতোড় মাছ তুলিয়াছে। টাসী খুঁজিতে খুঁজিতে রামিয়া পাহাড়ীর বাড়িতে চলিয়াছে। তার চোখে পড়িল জঙ্গল থেকে বনফুলের শুবক হাতে বাহির হইতেছে ভস্মাচ্ছাদিত গোলাপের মতো একটি তরুণী। চোখের জলে তার বুক ভাসিয়া যাইতেছে। টাসীর কি ইচ্ছা হইল ইহাকেই জিজ্ঞাসা করিবে—বন্ধু রামিয়ার কথাটা। টাসীর প্রশ্ন শুনিয়া শোকে ভাঙিয়া পড়িল তরুণীটি। টাসীর বুঝিতে বিলম্ব হইল না যে, এই

জীলোকটিই রামিয়ার জী কুম্দি। রামিয়া তার জীর নাম
 এবং রূপের কথা বন্ধুদের কাছে প্রায়ই বলিত।
 কুম্দি রাস্তার উপরেই বসিয়া পড়িল। সে বলিতে
 লাগিল—সে তার স্বামীর জন্ম ভিটার রোজ সকালে
 বনকুলের স্তবক দিতে যায়, আজও সেখানে ঘাইতেছিল।
 কি সুন্দর ঘর-দোর করিয়াছিল তার স্বামী। তার মনটি
 ছিল যেমন সুন্দর, তার রুচিও ছিল তেমনি সুন্দর। কুম্দি
 বলিল—আমরা দু'জনকে দু'জনে কতো যে ভালোবাসিতাম,
 কিন্তু কাল হইল একজন বাঙালী ভাটিয়া বাবু। সে এই
 জঙ্গলের ইজারা নিয়াছিল। সে আমাকে কত যে কুৎসিৎ
 ইঙ্গিত করিত। একদিন সে আমার স্বামীকে বলিল—
 তোকে এই জঙ্গল ছেড়ে চলে যেতে হবে তোর জীকে
 আমার সেবার জন্ত রেখে, নইলে জালিয়ে দেবো তোর
 ঘরবাড়ী। আমরা ভয় খাইয়া গেলাম। গ্রামের লোকদের
 সব কথা বলিলাম। গ্রামের লোকরাও খুব ভয় করিত এই
 ভাটিয়াকে। তার বাঘ-মারা বন্ধুক, আর কোমরে ঝোলানো
 ভুজালী—যে দেখিত সেই ভয়ে তাকে পথ ছাড়িয়া দিত।
 এই ভাটিয়া ছোকরা-বাবুর প্রাণের ভয় ছিল না। সে
 বুনো হাতীর দলের ভিতর দিয়াও তার কাঠের কুলীদের
 নিয়া আসিত বন্ধুকের আওয়াজ করিতে করিতে। একবার
 সে ঘন জঙ্গলে গিয়াছে, কয়দিন নিশ্চয় ফিরিবে না ভাবিয়া
 আমার স্বামী গন্ত করিতে বাহির হইল। ঘাইবার সময়
 বলিয়া গেল খুব শীঘ্রই ফিরিব...তোমার জন্ত বলিয়া গেলাম
 গ্রামের মোড়লকে...সে তোমার উপর নজর রাখিবে।
 আমি তাকে বেশি বাধা দিতেও পারিলাম না...অনেকদিন
 বসিয়া আছে। তোড়সা নদীতে ডিঙি ভাসাইয়া সে
 বলিল—অন্ত কোন গ্রামে পালানো যায় তারও খোঁজ
 নিয়া আসিব, আর এ গ্রামে থাকি নয়। চার-পাঁচ দিন
 না ঘাইতেই দেখিলাম সেই ভাটিয়া বাবু আমার ঘরের
 চারিদিকে বন্ধুক ঝাড়ে নিয়া ঘুরিতেছে। গ্রামের
 মোড়লকেও খবর দিলাম। তারপর আর তার খোঁজ
 পাইলাম না সাত-আট দিন। সে যে নদীর ঘাটের জঙ্গলে
 ওৎ পাতিয়া বসিয়া আছে আমার স্বামীর প্রাণ নিতে তখন
 তাহা কে জানিত? আবার শোকে ভাটিয়া পড়িল কুম্দি।
 তারপর কিছু সামলাইয়া নিয়া বলিতে লাগিল—একদিন
 সন্ধ্যার কিছু আগে আমার স্বামী নৌকা ভিড়াইতেছে

নদীর ঘাটে, গ্রামের জীলোকদের সঙ্গে আমিও তখন
 নদীতে জল আনিতে গিয়াছি...দড়াম্ দড়াম্ করিয়া দুইটা
 গুলির আওয়াজ হইল...আমার স্বামীর বুকে পিঠে গুলি
 বিঁধিয়াছে। চিৎকার করিয়া উঠিলাম আমরা। দেখা
 গেল বাঘের মতো ছুটিয়া আসিতেছে ভাটিয়া বাবু। সে
 ভুজালী দিয়া আমার স্বামীর গলায় চোট বসাইয়া দিল।
 গ্রামের লোক আসিয়া জাপটাইয়া ধরিল ভাটিয়াকে।
 তাকে মারিতে মারিতে দেশ ছাড়া করিল...আমি অনাথ
 হইলাম।

কুম্দি কাঁদিয়া গড়াগড়ি দিতে লাগিল।

বন্ধু রামিয়ার পরিণাম শুনিয়া টাসী ভুটিয়া খুব দুঃখিয়া
 গেল। তাহার কোতুল হইল শঙ্কর কোচ কোথায় ও
 কেমন আছে তার খোঁজ নিতে হইবে। সে কুচবিহারের
 দিকে চলিল। শঙ্করের গ্রামে অনেক খুঁজিল...
 শঙ্করের ভাঘের সঙ্গে দেখা হইল। সে বলিল মাস
 দুই আগে শঙ্কর তুলার ব্যবসা করিতে সঙ্কোশ নদীতে
 আসামের দিকে ডিঙি ভাসায়। সেখানে তার একজন
 আহোম বন্ধু জুটে। আহোম তাকে কামরূপ বা
 প্রাগজ্যোতিষপুরে ভুলাইয়া লইয়া যায়। নরক
 রাজার রাজ্য বলিয়া ভুটিয়ারা যেমন ভয় করে, কোচরাও
 তেমনি ভয় করে এই কামরূপকে। আহোমটা বে
 প্রতিবার কামরূপে আসে, আর হিরণা কামরূপিনীর কাছে
 দু'তিন মাস কাটাইয়া যায়, তাহা শঙ্কর জানিত না।
 আহোম শঙ্করকে হিরণার কাছে আনিলা, হিরণা তম্বু-মন-
 প্রাণ দিয়া দুই দিনেই শঙ্করকে ভেড়া বানাইয়া ফেলিল।
 আহোম একদিন হিরণাকে বলিল—এইবার তুমি আমার
 সঙ্গে আমার দেশে চলিয়া যাইবে বলিয়াছিলে, কিন্তু
 দেখিতেছি ভারি জমিয়া গেলে এই শঙ্কর কোচটাকে
 নিয়া! হিরণা বলিল—কোচটাকে মারিয়া ফেল তো...
 সেই তোমার সঙ্গে আমার ঘাইবার বাধা হইয়াছে।
 হিরণার সঙ্গে আহোমের পরামর্শ হইয়া গেল—সেই রাতেই
 শঙ্করকে কামাখ্যার গুহার ফেলিয়া পাথর চাপা দিয়া
 মারিবে...গুহা থেকে তাকে ব্রহ্মপুত্রে ফেলিয়া দিবার তার
 হিরণার...তারপর দু'চারদিন আহোম কোথাও গা ঢাকা
 দিয়া থাকিবে...শেষে দু'জনে আসামে পলাইবে। আহোম

ষ্টিক কথামত কাজ করিল...সেই রাতেই শব্দকে গুহায় ফেলিয়া দমবন্ধ করিয়া মারিল। তারপর হিরণ্য কি করে তাই দেখিতে সে হিরণ্যর বাড়ির আশে-পাশে রাতে অনেক ঘোরাঘুরি করিতেছিল। হিরণ্যর বাড়িতে বাহিরের দোর বন্ধ...বাড়ির মধ্যে হাসির হররা উঠিয়াছে। তার গারি সন্দেহ হইল। কান পাতিয়া শুনিতে লাগিল ভিতরে কাহারো কি বলিতেছে। দরজার ফাঁক দিয়া দেখিল দুইজন কামরুপীকে হিরণ্য খাওয়াইতেছে...কি চটুল তার চাহনি! কামরুপীদের সে বলিতেছে—আহোমটা তার প্রাণের বন্ধুটাকে কিতাবে খুন করিয়া গা ঢাকা দিয়াছে...তোমরা না থাকিলে লাসটাকে নদীর জলে ফেলাই হইত না...আর লোকে শেষে আমাকেই খুনের দায়ে ফেলিত...আহোমটাকে এইবার তোমরা ধরিয় ফেল, নইলে শেষে আমাকেই সে খুন করিয়া না ফেলে! এবুজন কামরুপী বলিল—কেন তোমার তো খুব ভালবাসার লোক ঐ আহোমটা, এবার আবার কোচটাকেও জুটিয়ে এনেছিল...ছ'জনেরই সব কিছু তো লুটলে...আবার দুটোকেই খতম কোরতে চাও কেন? হিরণ্য বলিল—বাড়াবাড়ি করছে যে...কামরুপীদের চেনে না...বিদেশী পেলেই তো আমরা ভেড়া বানিয়ে নিই!

রামিয়ার ভাণ্ডে তারপর বলিল—সেই আহোমটা আমাদের কাছে আসিয়া এই সব কথাই জানাইয়া গেল। হিরণ্যর ঐ রকম কথা শুনিয়া আর সে একদণ্ডও সেখানে দাঁড়ায় নাই। বনের পথে ছুটিতে ছুটিতে সে পলাইয়া আসে। সে বলিল—তোমার মামার মতো আমি অতো কাছা-আলগা ছিলাম না...বেশির ভাগ টাকা-কড়িই একটা গাছের কোটরে লুকাইয়া রাখিতাম...তাই নিয়া পলাইয়া এলাম...আসবার সময় মনে বড় দুঃখ হইল...ভাবিলাম তোমার মামার প্রাণটা নিলাম মিছামিছি একটা কুহকিনীর কথায়...কুকুরে-শিয়ালে খাইবে তার দেহটা, কোনো সদগতি তো হইবে না তার...তাই তার মাথাটা কাটিয়া আনিয়াছি এই বলিয়া ঐ আহোমটা মামার মাথাওড় খলেটা আমাদের দিয়া গেল। ঐ দেখুন আমরা মামার মাথাটা ঐখানে পুঁজিয়া সমাজ দিয়াছি।

টাসী জুটিয়া মিয়া গেল তার দুইজন বন্ধুর এইভাবে অপমৃত্যুর খবর শুনিয়া। সে বুঝিল এইবার তার পাল্লা...

লামার অভিশাপ কলিবেই কলিবে। রামিয়ার ভাণ্ডে তখন বলিতেছিল—মামা এবার অরুণী পাহাড় থেকে আসিয়া প্রতিজ্ঞা করিয়াছিল—আর পরজীর পাছ পাছ ঘুরিবে না...এ দোষ তার চিরদিন ছিল। কিন্তু টাসীর কানে সে সব কথা বড় একটা যাইতেছিল না। টাসী ভাবিতেছিল কোথায় সে যাইবে, কোথায় গেলে প্রাণে বাঁচিবে। সে যাইবার জন্য উঠিল, কিন্তু রামিয়ার ভাণ্ডে তাহাকে বলিল—যখন এদেশে এখন আসিয়া পড়িয়াছেন, তখন এখানকার শিবরাত্রির উৎসব পর্যন্ত থাকিয়া যান, এখানকার এইতো আমাদের প্রধান উৎসব। টাসী শিবরাত্রি পর্যন্ত কুচবিহারে থাকিয়া যাইতে রাজী হইল। সে কুচবিহারের শিব 'বানেখরের' উদ্দেশে মানত করিল—খাসী দিয়া তোমার ভোগ দিব ঠাকুর...অপমৃত্যুর হাত হইতে আমার বাঁচাইও। রামিয়ার ভাণ্ডের আগ্রহে সে তার কাছেই থাকিয়া গেল।

কুচবিহার বসন্তোৎসবে মাতোয়ারা। প্রথমেই মদন-মোহনের বসন্তোৎসব...দোলযাত্রা। তারপর হইবে শৈব বসন্তোৎসব শিবরাত্রি। রাজবাড়ির মদনমোহন, দোলের সময় বানেখরকে নিমন্ত্রণ করিতে নিজে চলিয়াছেন চতুর্দলে চড়িয়া। শিবের প্রতিভূ রাজবাড়িতে না আসিলে মদনমোহনের দোল বসে না। যেন শিবই এখানকার আদি দেবতা, কৃষ্ণঠাকুর আগতক। কোচদের শিবগোত্র। দোলের উৎসব চাপা পড়িয়া যায় শিবের উৎসবে। শিবকে নিয়া হিন্দুস্থানময় অন্ত্যজদের মাতামাতি হয় এই সময়। কিন্তু কোচদের বীভৎসতা সব দেশকে হার মানাইয়াছে। শিবের কাছে জীবহত্যা করে ইহারা কোন ওস্তের দোহাই দিয়া—তাহা ইহারাই বলিতে পারে; হত্যা করাও হয় না, মাথা ছেঁচিয়া মারা হয়।—সেই শিবরাত্রি আসিল।

হাজার-হাজার লোক শিবের মানসিক-করা খাসীর মাথা ঠুকিয়া আধমরা করিয়াছে...পল্লভূমি মরণ বঙ্গপায় ছটফট করিতেছে...সেই রক্ত শিবের মাথায় দিতে হইবে। পাতালের গহবরে শিব থাকেন। লোকে হড়াহড়ি করিতেছে আগে যাইতে। পত্তর পা চারিটা হাতে ঝুলানো সবারই। কাজে সবাই বেহাত হইয়া আছে। হুযোগ বুঝিয়া একমল লোক খাসীগুলো কাড়িয়া নিয়া

পলাইতেছে। টাসীর খাসীটাও কে কাড়িয়া লইল। ছোট মন্দির ঝার দিয়া ভিতরে ঢোকে কার সাঁধ্য। ওদিকে মন্দির হইতে প্রবল শব্দে বটোধ্বনি উঠিয়াছে। টাসী রাগে পাগল হইয়া গিয়াছে। সে যাহাকে পাইতেছে কিল-চড় মারিতেছে। তারপর সে চিৎকার করিতে লাগিল—কে কোথায় আছ ভুটিয়া বন্ধুসব, এসো আমার সাহায্য করো...শিক্ষা দিতে হবে এই সব কোচদের। সত্যই একদল ভোট কুরখি ছুড়িতে লাগিল। ওদিকে কোচদের লাঠি চলিতেছে। রক্তগঙ্গা বহিল। হঠাৎ রামিয়া কোচের ভাণ্ডের হাতের লাঠি শুরু হইল। তার হাতের লাঠি খাইয়া একটা লোক তার পায়ের তলায় ধুকিতেছে। রামিয়ার ভাণ্ডে চিৎকার করিয়া বলিল—খামো...খামো সবাই একটু...শেষে আমার লাঠিতেই টাসীভূটে মরিল না'কি? টাসী একবার চোখ মেলিয়া চাহিল...তারপর সেই যে চোখ বুঁজিল, সেই শেষ।

আমরা অর্থাৎ শ্রোতার দল একবাক্যে বলিলাম—

তারপর...তারপর?...লামার শাপ দেখছি হাড়ে হাড়ে লেগে গেল সব ক'জনার!

পশ্চিম বাঙলার সঙ্গে সেদিন কুচবিহার রাজ্য মিলিয়া গেল। আমরা কয়জন বাঙালী বন্ধু ক্লাবে বসিয়া খুব আনন্দ করিতেছিলাম। আমাদের মধ্যেই একজন তখন এই গল্পটি বলিতেছিলেন।

আমরা বলিলাম—ভুটিয়ারা নিশ্চয় টাসীর দেহটা নিরা ধুমধাম সহকারে সংকার করিল।

বক্তা বলিলেন—গুজব শোনা যায় ভুটিয়ারা মহাকাল মন্দিরে লামার কাছে টাসীর শবটো নিয়া হাজির করে। লামার রাগ পড়িয়া গেল...তিন-তিনটে লোক অপমৃত্যুতে মরিল তাঁর শাপে।

লামা সেই সময়েই বলিয়াছিলেন...দুশো বছর পরে বাঙালীরই হইবে কুচবিহার...যত সব বড় বড় লামা-দীপঙ্কর হেমঙ্কর সবাই বাঙালী...তারা কুচবিহার দিয়াই তিব্বতে চীনে গিয়াছিলেন—তাঁদের পায়ের ধুলো মাখানো কুচবিহার তাঁহাদেরই হইবে।

কেন্দ্রীয় ব্যাঙ্কের প্রতিষ্ঠা ও জাতীয়করণ

অধ্যাপক শ্রীঅনাথবন্ধু দত্ত এম-এ, এফ-আর-ই-এস, এ-আই-বি

ফিলিপিন

১৯৪৮ জুন মাসে গবর্নমেন্ট প্রতিষ্ঠানরূপে এক কোটা পিসো মূলধন লইয়া ফিলিপিন কেন্দ্রীয় ব্যাঙ্ক প্রতিষ্ঠিত হইয়াছে। এই ব্যাঙ্ক স্থাপনের উদ্দেশ্য হইতেছে (ক) ফিলিপিন রাষ্ট্রের অভ্যন্তরে মুদ্রা মূল্যের সমতা রক্ষা, (খ) পিসোর আন্তর্জাতিক মুদ্রামূল্যের সমতা রক্ষা এবং বাহ্যতে পিসো অন্যান্য দেশের মুদ্রার সহজে পরিবর্তিত হইয়া তাহার ব্যবস্থা এবং (গ) দেশের উৎপাদন, শ্রমিক নিয়োগ ও প্রকৃত আয় বাহ্যতে বাড়ে সেই সকল বিষয়ে সহায়তা করা। সাত জন সদস্যকে লইয়া একটি মুদ্রা সংসদ (Monetary Board) এই ব্যাঙ্ক পরিচালন করিবেন। ইহাদের মধ্যে রাষ্ট্রের অর্থসচিব (সভাপতি রূপে), ফিলিপিন জাতীয় ব্যাঙ্কের সভাপতি, আর্থিক উন্নয়ন সংসদের সভাপতি ও রাষ্ট্রের সভাপতি কর্তৃক বনোদিত চারি জন সভ্য থাকিবেন। বর্তমান শতাব্দীর আরম্ভ হইতেই শতকরা ১০০ ভাগ রিজার্ভ রাখিয়া কাগজী মুদ্রার সম্প্রসারণের যে কড়া ব্যবস্থা ছিল তাহাও নিখিল করিয়া বাহ্যতে অপেক্ষাকৃত কম রিজার্ভে মুদ্রা সম্প্রসারণ হইয়া করা হইয়াছে। কাগজী মুদ্রা

পরিচালন ও ব্যাঙ্কের রিজার্ভ ও অন্যান্য ব্যবস্থার সাহায্যে ব্যাঙ্ক ক্রেডিট নিয়ন্ত্রণের পূর্ণ ক্ষমতা এই কেন্দ্রীয় ব্যাঙ্কে দেওয়া হইয়াছে। এরূপ ভাবে এই ব্যাঙ্কটি গঠিত হইয়াছে যে সরকারী আর্থিক নীতি ও কেন্দ্রীয় ব্যাঙ্কের পরিচালন পদ্ধতির মধ্যে পূর্ণ সহযোগ ও সমন্বয় সম্ভব হয়।

পাকিস্তান

অনেকটা ভারতীয় রিজার্ভ ব্যাঙ্কের অনুকরণে, করাচীতে হেভি আপিস করিয়া, ১৯৪৮, ১লা জুলাই হইতে স্টেট ব্যাঙ্ক অব পাকিস্তান কার্য আরম্ভ করিয়াছে। ব্যাঙ্কের মূলধন তিন কোটি টাকা, ইহার মধ্যে শতকরা ৫১ ভাগ গবর্নমেন্ট ও ৪৯ ভাগ সাধারণ অংশীদারগণ দিয়াছেন। গবর্নমেন্ট, সিভিউরিটি দ্বারা তিন কোটি টাকার রিজার্ভ যোগাইয়াছে। এই ব্যাঙ্ক পাকিস্তানের মুদ্রামূল্য রক্ষা করিবে এবং দেশের জনগণের জন্য মুদ্রা ও ক্রেডিট সম্পর্কিত সকল কার্যই করিবে। প্রাদেশিক ও কেন্দ্রীয় সরকারের এবং অন্যান্য ব্যাঙ্কের ব্যাঙ্কার হইবে এই স্টেট ব্যাঙ্ক। একটি কেন্দ্রীয় বোর্ড এই ব্যাঙ্ক পরিচালন করিবে।

—ইহাতে গবর্নর ও ডেপুটি গবর্নরকে লইয়া আট জন সভ্য থাকিবে— সরকার মনোনীত করিবেন পাঁচ জন এবং অংশীদারগণ নির্বাচন করিবেন তিন জন। ইহা ব্যতীত আঞ্চলিক পরামর্শ সভার ব্যবস্থাও আছে।

জার্মানী (সোভিয়েট অংশ)

১৯৪৬ সনে জার্মানীর সোভিয়েট এলাকার পাঁচ বিভাগে পাঁচটি কাগজী মুদ্রা পরিচালন ও ক্লিয়ারিং ব্যাঙ্ক স্থাপিত হয়। ১৯৪৮ মে মাসে সমগ্র রুশ অধিকৃত এলাকার জন্ত কেন্দ্রীয় ব্যাঙ্কের কার্য চালাইবার জন্ত জার্মান ইন্ড এবং ক্লিয়ারিং ব্যাঙ্ক (Dentsche Emission and Girobank) স্থাপিত হয়। ঐ বৎসরই জুলাই মাসে এই ব্যাঙ্ককে জার্মান ব্যাঙ্ক অব ইন্ড (Dentsche Notenbank) পরিবর্তিত করা হয়। ব্যাঙ্কের মূলধন করা হয় দশ কোটি ডটসে মার্ক (DM)—ইহার সাড়ে পাঁচ কোটি মার্ক সোভিয়েট সামরিক সরকার নিয়ন্ত্রিত কতগুলি সরকারী ডিপার্টমেন্ট সরবরাহ করিয়াছে এবং বাকি অংশ পূর্বেকার পাঁচটি বিভাগীয় ব্যাঙ্ক যোগাইয়াছে। বলা হইয়াছে যে এই কেন্দ্রীয় ব্যাঙ্ক সর্বপ্রকারে দেশের আর্থিক উন্নয়নে সাহায্য করিবে এবং অন্যান্য লেণ্ডার ব্যাঙ্ক ও জার্মানীর ও বিদেশের অন্যান্য এলাকার আর্থিক বিষয়ের তত্ত্বাবধান ও নিয়ন্ত্রণ করিবে। এই কেন্দ্রীয় ব্যাঙ্কের সাধারণ পরিচালন এবং নীতি নির্ধারণ করে বোর্ড অব ডাইরেক্টরস্ ও নীতি কার্যে পরিণত করে বোর্ড অব ম্যানেজাররা। ডাইরেক্টর বোর্ডের মোট সভ্যসংখ্যা সতের জন— আট জন গবর্নমেন্টের বিভাগীয় কর্মকর্তা—সভাপতি আর ব্যার বিভাগের চেয়ারম্যান ত্রয়ং। ম্যানেজার-বোর্ডের সভ্যসংখ্যা মোট পাঁচ জন— সভাপতি ও সহ-সভাপতি নিবৃত্ত হয় জার্মান আর্থিক কমিশন কর্তৃক ও অপর তিন জন সভ্য ডাইরেক্টর বোর্ড মনোনীত করেন।

কিউবা

১৯৪৮, ৩-মে কিউবার গবর্নমেন্ট একটি আইন পাশ করিয়া একটি কেন্দ্রীয় ব্যাঙ্কের (Banco Nacional de Cuba) প্রতিষ্ঠা করিয়াছে। এই ব্যাঙ্ক সরকারের নিকট হইতে কাগজী মুদ্রা পরিচালনের ভার গ্রহণ করিয়াছে এবং মুদ্রা ও ক্রেডিট্‌ বিধানে যাহাতে সামঞ্জস্যপূর্ণ নীতি মানা হয় তৎপ্রতি দৃষ্টি রাখিবে। ঐ আইনেই কিউবার পিসো মুদ্রাকে দেশে একমাত্র আইনমন্ত্র টাকা বলিয়া গণ্য করা হইবে এইরূপ ব্যবস্থা আছে, যদিও যুক্তরাষ্ট্রের ডলার এক বৎসর পর্যন্ত আইনমন্ত্র দেশের মুদ্রা বলিয়া গ্রহণীয় হইবে। কিউবার পিসোর বিনিময় মূল্য যুক্তরাষ্ট্রের ডলারের সমান করা হইয়াছে। এই কেন্দ্রীয় ব্যাঙ্কের মূলধন পঞ্চাশ লক্ষ পিসো—গবর্নমেন্ট এই মূলধনের বেশী অংশ সরবরাহ করিয়াছে, বাকী অংশ দেশের বাণিজ্যিক ব্যাঙ্কের পরিচালন ভার পাঁচ জন ডাইরেক্টরের

উপর স্তম্ভ। ইহাদের তিন জন (সভাপতি সহ) গবর্নমেন্ট মনোনীত করিবেন।

রুমানীয়া

১৯৪৮ সনের শেষের দিকে রুমানিয়ার জাতীয় ব্যাঙ্কের (Rumanian National Bank) পুনর্গঠন হয়। ইহার নূতন নাম দেওয়া হয় "The Bank of the Rumanian People's Republic, State Bank"। এই নূতন ব্যাঙ্ক মূলধন দুই শত কোটি লি (Lei) এবং ইহার সভাপতি সরকারী অর্থদপ্তরের মন্ত্রী। যে সকল প্রতিষ্ঠানে এই ব্যাঙ্ক অর্থ নিয়োগ করিবে তাহা ইহার পরিচালনাধীন হইবে।

বেলজিয়াম (জাতীয়করণ)

১৯৪৮ জুলাই মাসে বেলজিয়াম জাতীয় ব্যাঙ্কের মূলধন আইন দ্বারা বিঘ্ন করা হয় এবং এই নূতন অংশ (সেয়ার) গুলি গবর্নমেন্ট হস্তান্তরের আয়োজনা করিয়া নিজেই গ্রহণ করে। আইনের সাহায্যে গবর্নমেন্ট ব্যাঙ্কের কর্তৃত্ব গ্রহণ করিয়াছে। কিন্তু যোগা দ্বারা জানাইয়া দেওয়া হইয়াছে যে, বেলজিয়াম জাতীয় ব্যাঙ্কের স্বাধীনতা ও স্বচ্ছভাবে পরিচালন যাহাতে ব্যাহত না হয় তদ্বিষয়ে সরকার যত্নবান হইবেন।

লেদারল্যাণ্ডস্ (জাতীয়করণ)

১৯৪৮ সনের ১লা আগষ্ট হইতে লেদার ল্যাণ্ডসের কেন্দ্রীয় ব্যাঙ্ক জাতীয় সম্পত্তিতে পরিণত হইয়াছে। সাধারণ অংশীদার যে এক কোটি ফ্লোরিন্ মূল্যের অংশের মালিক ছিলেন গবর্নমেন্ট তাহা নিজে গ্রহণ করিয়া তৎপরিবর্তে বার্ষিক ২% টাকা হ্রদের গবর্নমেন্ট সিকিউরিটি প্রদান করিয়াছেন। প্রতি ১০০ ফ্লোরিন্ সেয়ারের জন্ত অংশীদার ২০০ ফ্লোরিন্ মূল্যের গবর্নমেন্ট সিকিউরিটি পাইয়াছেন।

ভারতবর্ষ (জাতীয়করণ)

১৯৪৮, ৩রা সেপ্টেম্বর রিজার্ভ ব্যাঙ্ক অব ইণ্ডিয়া (ট্রান্সফার টু পাবলিক্ ওনারসিপ্) আইন পাশ হয়। এই আইনের বলে ভারতীয় রিজার্ভ ব্যাঙ্ক ১৯৪৯, ১লা জানুয়ারী হইতে সরকারী ব্যাঙ্ক পরিণত হয়। প্রত্যেক ১০০ টাকার অংশের জন্ত গবর্নমেন্ট অংশীদারকে ১১৮১/১০ হিسابে ক্ষতিপূরণ করেন। তবে এই টাকার বদলে অংশীদারগণকে প্রত্যেক ১০০ টাকার পরিবর্তে বার্ষিক তিন টাকা হ্রদের একখানি করিয়া গবর্নমেন্ট সিকিউরিটি দেওয়া হয় এবং এক শত টাকার ভগ্নাংশ নগদে দেওয়া হয়। জাতীয় করণের পর ব্যাঙ্কের কার্যাবলীর বিশেষ কোন পরিবর্তন হয় নাই। তবে নূতন ব্যাঙ্ক আইন অনুযায়ী (ব্যাঙ্কিং কোম্পানী আইন, ১৭ই ফেব্রুয়ারী ১৯৪৯) ভারতীয় রিজার্ভ ব্যাঙ্কের ক্ষমতা ও দায়িত্ব খুবই বাড়িয়াছে। পরিচালন ব্যাপারে এখন কেন্দ্রীয় বোর্ডের গবর্নর, দুই জন ডিপুটি গবর্নর, দশ জন ডাইরেক্টর এবং একজন সরকারী কর্মচারী সকলেই গবর্নমেন্ট মনোনীত। স্থানীয় বোর্ডগুলিতেও সকল সভ্যই গবর্নমেন্ট মনোনীত করেন।

যুযুৎসু কৌশল

বীরেন্দ্রনাথ বসু

(পূর্বানুভূতি)

(১৩২নং প্যাচ)

অপরের পায়তারা দেখিয়া যদি তাহার বাঁ পায়তারা থাকে তবে বাঁ হাত দিয়া তাহার জামার ডানদিকের “কলার” ও ডান হাত দিয়া



১৩২ নং প্যাচের ১ম চিত্র

তাহার বাঁ হাতের জামাটি জোরে ধরিবার সঙ্গে সঙ্গে নিজে ডানদিকে
বুঁরিয়া আসিয়া কোমরের পিছনটি তাহার কোমরে লাগাইয়া (১৩২নং



১৩২ নং প্যাচের ২য় চিত্র

প্যাচের ১ম চিত্র) জোরে সামনে ঝোক দিয়া, কোমরটি নিচু করিয়া
সোঁকে চিৎ করিয়া মাটিতে কেলিয়া বাঁ পাটি তাহার বুকে চাপাইয়া

ও বাঁ হাতটি তাহার চিবুকে রাখিয়া ও তাহার বাঁ কনুইটি নিজের
ডান উকর উপর চিৎ করিয়া রাখিয়া জোরে চাপ দিলে তাহাকে
সহজেই মাটিতে আটকাইয়া রাখিতে পারা যাইবে। (১৩২নং
প্যাচের ২য় চিত্র)

(১৩৩নং প্যাচ)

অপরের পায়তারা দেখিয়া যদি তাহার বাঁ পায়তারা থাকে তবে
বাঁ হাত দিয়া তাহার জামার ডানদিকের “কলার” ও ডান হাত দিয়া



১৩৩ নং প্যাচের চিত্র

তাহার বাঁ হাতের জামাটি জোরে ধরিবার সঙ্গে সঙ্গে নিজে ডানদিকে
বুঁরিয়া আসিয়া কোমরের পিছনটি তাহার কোমরে লাগাইয়া (১৩২নং
প্যাচের ১ম চিত্র) জোরে সামনে ঝোক দিয়া কোমরটি নিচু করিয়া
তাহাকে চিৎ করিয়া মাটিতে ফেলিয়া তাহার বাঁ কনুইটি চিৎ করিয়া



১৩২ নং প্যাচের ৩র্থ চিত্র (লেখা ৪২৬ পৃষ্ঠায়)

নিজের ডান পায়ের মধ্যে ঢালাইয়া দিয়া জোরে আটকাইয়া রাখিয়া
চাড় দিলে ও সঙ্গে সঙ্গে বাঁ হাতটি তাহার চিবুকে জোরে চাপিয়া

রাখিয়া তাহাকে সহজেই মাটিতে আটকাইয়া রাখিতে পারা যায়।
(১৩৩নং প্যাচের চিত্র)

(১৩৪নং প্যাচ)

অপরের পায়তারা দেখিয়া যদি তাহার বা পায়তারা থাকে তবে
বা হাত দিয়া তাহার গলাটি জড়াইয়া ধরিবার সঙ্গে সঙ্গে ডান হাত



১৩৪ নং প্যাচের চিত্র

দিয়া তাহার বা হাতের আনাটি জোরে ধরিয়া সঙ্গে সঙ্গে নিজের
ডানদিকে ঘুরিয়া আসিয়া কোমরের পিছনটি তাহার কোমরে লাগাইয়া
(১৩৪নং প্যাচের চিত্র) জোরে সামনে ঝোক দিয়া কোমরটি নিচু
করিয়া তাহাকে চিং করিয়া মাটিতে কেলিয়া বা পাটি তাহার বুক



১৩২ নং প্যাচের প্র চিত্র (লেখা ৪২৬ পৃষ্ঠায়)

চাপাইয়া ও বা হাতটি তাহার চিবুকে রাখিয়া ও তাহার বা কনুইটি
নিজের ডান উরুর উপর চিং করিয়া রাখিয়া জোরে চাপ দিলে তাহাকে
সহজেই মাটিতে আটকাইয়া রাখিতে পারা যাইবে। (১৩২নং
প্যাচের ২য় চিত্র)

(১৩৫নং প্যাচ)

অপরের পায়তারা দেখিয়া যদি তাহার বা পায়তারা থাকে তবে
বা হাত দিয়া তাহার গলাটি জড়াইয়া ধরিবার সঙ্গে সঙ্গে ডান হাত
দিয়া তাহার বা হাতের আনাটি জোরে ধরিয়া সঙ্গে সঙ্গে নিজের
ডানদিকে ঘুরিয়া আসিয়া কোমরের পিছনটি তাহার কোমরে লাগাইয়া
(১৩৫নং প্যাচের চিত্র) জোরে সামনে ঝোক দিয়া কোমরটি নিচু
করিয়া তাহাকে চিং করিয়া মাটিতে কেলিয়া তাহার বা কনুইটি চিং
করিয়া নিজের ডান পায়ের মধ্যে ঢালাইয়া দিয়া জোরে আটকাইয়া
রাখিয়া চাড় দিলে ও সঙ্গে সঙ্গে বা হাতটি তাহার চিবুকে জোরে
চাপিয়া রাখিয়া তাহাকে সহজেই মাটিতে আটকাইয়া রাখিতে পারা
যায়। (১৩৫নং প্যাচের চিত্র)

(১৩৬নং প্যাচ)

অপরের পায়তারা দেখিয়া যদি তাহার বা পায়তারা থাকে তবে
বা হাতটি তাহার ডান বগলের নিচু দিয়া লইয়া দিয়া তাহার অপর
কাঁধটি জোরে ধরিবার সঙ্গে সঙ্গে ডান হাত দিয়া তাহার বা হাতের



১৩৬ নং প্যাচের চিত্র


আনাটি জোরে ধরিয়া সঙ্গে সঙ্গে নিজের ডানদিকে ঘুরিয়া আসিয়া
কোমরের পিছনটি তাহার কোমরে লাগাইয়া (১৩৬নং প্যাচের চিত্র)
জোরে সামনে ঝোক দিয়া কোমরটি নিচু করিয়া তাহাকে চিং করিয়া
মাটিতে কেলিয়া বা পাটি তাহার বুক চাপাইয়া ও বা হাতটি তাহার
চিবুকে রাখিয়া ও তাহার বা কনুইটি নিজের ডান উরুর উপর চিং
করিয়া রাখিয়া জোরে চাপ দিলে তাহাকে সহজেই মাটিতে আটকাইয়া
রাখিতে পারা যাইবে। (১৩৬নং প্যাচের ২য় চিত্র)

(১৩৭নং প্যাচ)

অপরের পায়তারা দেখিয়া যদি তাহার বা পায়তারা থাকে তবে বা হাতটি তাহার ডান বগলের নিচু দিয়া লইয়া গিয়া তাহার অপর কাঁধটি জোরে ধরিবার সঙ্গে সঙ্গে ডান হাত দিয়া তাহার বা হাতের জামাটি জোরে ধরিয়া সঙ্গে সঙ্গে নিজে ডানদিকে ঘুরিয়া আসিয়া কোমরের পিছনটি তাহার কোমরে লাগাইয়া (১৩৬নং প্যাচের চিত্র) জোরে সামনে ঝোক্ দিয়া কোমরটি নিচু করিয়া তাহাকে চিৎ করিয়া মাটিতে কেলিয়া তাহার বা কনুইটি চিৎ করিয়া নিজের ডান পায়ের মধ্যে ঢালাইয়া দিয়া জোরে আটকাইয়া রাখিয়া চাড় দিলে ও সঙ্গে সঙ্গে বা হাতটি চিবুকে জোরে চাপিয়া রাখিয়া তাহাকে সহজেই মাটিতে আটকাইয়া রাখিতে পারা যায় । (১৩৬নং প্যাচের চিত্র)

(১৩৮নং প্যাচ)

অপরের পায়তারা দেখিয়া যদি তাহার বা পায়তারা থাকে তবে বা হাত দিয়া তাহার জামার ডানদিকের 'কলার' ও ডান হাত দিয়া



১৩৮ নং প্যাচের চিত্র

তাহার বা হাতের জামাটি জোরে ধরিবার সঙ্গে সঙ্গে নিজে ডানদিকে ঘুরিয়া আসিয়া কোমরের পিছনটি তাহার কোমরে লাগাইয়া জোরে সামনে ঝোক্ দিয়া কোমরটি নিচু করিবার সঙ্গে সঙ্গে বা পাটি হাঁটুর কাছে হইতে মুড়িয়া, তুলিয়া তাহার দুই জামুর উপর রাখিয়া (এইরূপ করিবার সময় সময় শরীরের ঢাল, বিশেষ করিয়া রাখিতে হইবে) (১৩৮নং প্যাচের চিত্র) বা পায়ের জোর দিবার সময়ে ডান হাত তাহার বা কনুইয়ের কাছে টানিয়া তাহাকে চিৎ করিয়া মাটিতে কেলিয়া বা পাটি তাহার বুকে চাপাইয়া ও বা হাতটি তাহার চিবুকে রাখিয়া ও তাহার বা কনুইটি নিজের ডান উপর উপর চিৎ করিয়া

রাখিয়া জোরে চাপ দিলে তাহাকে সহজেই মাটিতে আটকাইয়া রাখিতে পারা যাইবে । (১৩৯নং প্যাচের ২য় চিত্র)

(১৩৯নং প্যাচ)

অপরের পায়তারা দেখিয়া যদি তাহার বা পায়তারা থাকে তবে বা হাত দিয়া তাহার জামার ডানদিকের 'কলার' ও ডান হাত দিয়া তাহার বা হাতের জামাটি জোরে ধরিবার সঙ্গে সঙ্গে নিজে ডানদিকে ঘুরিয়া আসিয়া কোমরের পিছনটি তাহার কোমরে লাগাইয়া জোরে সামনে ঝোক্ দিয়া কোমরটি নিচু করিবার সঙ্গে সঙ্গে বা পাটি হাঁটুর কাছে হইতে মুড়িয়া, তুলিয়া তাহার দুই জামুর উপর রাখিয়া (১৩৮নং প্যাচের চিত্র) বা পায়ের জোর দিবার সময়ে ডান হাত দিয়া তাহার বা কনুইয়ের কাছে টানিয়া তাহাকে চিৎ করিয়া মাটিতে কেলিয়া তাহার বা কনুইটি চিৎ করিয়া নিজের ডান পায়ের মধ্যে ঢালাইয়া দিয়া জোরে আটকাইয়া রাখিয়া চাড় দিলে ও সঙ্গে সঙ্গে বা হাতটি তাহার চিবুকে জোরে চাপিয়া রাখিয়া তাহাকে সহজেই মাটিতে আটকাইয়া রাখিতে পারা যাইবে । (১৩৯নং প্যাচের চিত্র)

(১৪০নং প্যাচ)

যদি কেহ বা হাত দিয়া ঘূষি মারিতে আসে তৎক্ষণাৎ তাহার বা কনুইর বা ধারে নিজের বা বাহ দিয়া আটকাইয়া সঙ্গে সঙ্গে বা হাত



১৪০ নং প্যাচের চিত্র

দিয়া তাহার বা মুঠি ধরিয়া লইয়া বা দিকে মোড় দিয়া নামাইতে নামাইতে বা দিকে ঘুরিয়া ডান হাতটি তাহার বা মোড়ার কাছে ও ডান হাঁটুটি তুলিয়া তাহার কনুইয়ের পিছন দিকে রাখিয়া তাহার মোড়াতে কনুইয়ের ও কনুইতে চাড় দিতে দিতে (১৪০ নং প্যাচের চিত্র) ঝোক্ দিয়া মাটিতে কেলিয়া দিয়া তাহাকে আটকাইয়া রাখিতে পারা যায় ।

(১৪১ নং প্যাচ)

অপরের পায়তারা দেখিয়া যদি তাহার বা পায়তারা থাকে তবে
বা হাতটি তাহার ডান বগলের নিচু দিয়া লইয়া গিয়া তাহার কাঁধটি



১৪১ নং প্যাচের চিত্র

জোরে ধরিবার সঙ্গে সঙ্গে ডান হাত দিয়া তাহার বা হাতের জামাটি
জোরে ধরিয়া নিজে ডান দিকে ঘুরিয়া আসিয়া কোমরের পিছনটি তাহার



১৪২ নং প্যাচের ১ম চিত্র

কোমরে লাগাইয়া (১৩৬নং প্যাচের চিত্র) জোরে সামনে ঝোক দিয়া
কোমরটি পিছু করিবার সময় ডান হাত দিয়া তাহার বা কনুইটি টানিয়া

তাঁহাকে চিৎ করিয়া কেলিয়া দিবার সঙ্গে সঙ্গে নিজের বা কনুই দি
তাহার বা হাতটি জড়াইয়া ধরিয়া (এই অবস্থাতে সমস্ত শরীরটি তাহা
বুকের উপর চাপিয়া থাকিবে) তাহার বা হাতে মোচড় লাগাই
তাঁহাকে মাটিতে আটকাইয়া রাখিতে পারা যায় (১৪১ :
প্যাচের চিত্র) ।

(১৪২ নং প্যাচ)

অপরের পায়তারা দেখিয়া যদি তাহার বা পায়তারা থাকে ত
ডান হাত দিয়া তাহার ডান কঙ্গী ও বা হাত দিয়া তাহার ডান হাতে
জামাটি জোরে ধরিয়া নিজে ডান দিকে ঘুরিয়া আসিয়া কোমরের পিছনটি তাহার



১৪২ নং প্যাচের ২য় চিত্র

দিয়া নিজে বা দিকে ঘুরিয়া আসিয়া নিচু হইয়া ডান কাঁধটি তাহার
ডান বগলের নিচে ও কোমরটি তাহার কোমরে লাগাইবার সঙ্গে
সঙ্গে (১৪২ নং প্যাচের ১ম চিত্র) জোরে সামনে ঝোক দিয়া নিচু
হইয়া পিঠের উপর দিয়া উল্টাইয়া (১৪২ নং প্যাচের ২য় চিত্র)
তাঁহাকে কেলিয়া দিয়া (১৪২ নং প্যাচের ৩য় চিত্র) তাড়াতাড়ি
বা হাত দিয়া তাহার গলাটি জোরে চাপিয়া ধরিয়া ও তাহার ডান
কনুইটি নিজের ডান উরুর উপর চিৎ করিয়া রাখিয়া তাহার কনুইয়ে
চাড় দিয়া তাঁহাকে মাটিতে আটকাইয়া রাখা যায় । (১৪২ নং প্যাচের
৪র্থ চিত্র) ।



সোপেনহরের দর্শন

শ্রীতারকচন্দ্র রায়

(১) জগৎ-প্রত্যয়-মূল

সোপেনহরের "The world as will and idea" নামক বৃহৎ গ্রন্থে ব্যাখ্যাত দর্শনের মর্ম সংক্ষেপে নিম্নলিখিত কয়েকটি বাক্যে প্রকাশ করা যায় :

"জগৎ ইচ্ছা-শক্তির ব্যক্ত রূপ। ইচ্ছাশক্তি অন্ধ, চৈতন্যহীন, কিন্তু মানুষরূপে অভিব্যক্ত হইবার সময়ে ইহার সহিত চৈতন্য যুক্ত হইয়াছে। ইচ্ছা জগতের মূল বলিয়া জগতের সর্বত্র স্বন্দ ও সংঘর্ষ। সেইজন্ত জগৎ দুঃখময়। এই দুঃখ হইতে অব্যাহতি লাভের উপায় জ্ঞানলাভ করিয়া ইচ্ছার দাসত্ব হইতে মুক্তলাভ করা।"

সার্কি ষ্টি-সহস্র বৎসর পূর্বে গৌতম বুদ্ধ দুঃখের কারণ-অনুসন্ধানে বহির্গত হইয়া এই সত্যই প্রাপ্ত হইয়াছিলেন। তাহার "তৃষ্ণা" অথবা কামনা এবং সোপেনহরের ইচ্ছার মধ্যে বিশেষ প্রভেদ নাই। কিন্তু ইরোরোপীয় দর্শনে ইহা অজ্ঞাত ছিল। হয়তো ফিক্টের ফ্রিয়ার্সপী নির্বিশেষ অহমের (absolute will) মধ্যে এই তত্ত্ব লুকায়িত ছিল। তাহা হইলেও ফিক্টের দর্শনে ইহা বিশদীকৃত হয় নাই। সোপেনহরই ইহার বিশদ ব্যাখ্যা করিয়াছিলেন। তথাপি বহুদিন এই দর্শনের সমাদর হয় নাই। দীর্ঘকাল ইহা অনাদৃত ও অবজ্ঞাত ছিল। ইহার কারণ কি ?

Will Durant ইহার কারণ নির্দেশ করিয়াছেন। বিশ্ববিদ্যালয়ের অধ্যাপকগণই এই দর্শনের আলোচনা করিতে পারিতেন। ১৮১৮ সালে জার্মান দর্শনের অপ্রতিদ্বন্দ্বী সম্রাট ছিলেন হেগেল। কিন্তু সোপেনহর তাহাকে আক্রমণ করিয়া গ্রন্থের দ্বিতীয় সংস্করণের ভূমিকায় লিখিয়াছিলেন :

"দর্শন যখন রাজনৈতিক উদ্দেশ্যসিদ্ধির জন্ত এবং জীবিকা-উপার্জননের জন্ত ব্যবহৃত হয়, তখন তাহার বিষয় দুর্দিন। প্রবাদ আছে—"প্রথমে বাঁচ, তারপরে দর্শনচর্চা করো।" ইহার প্রতিবাদে কিছুই কি বলিবার নাই? যে সকল ভুললোকের বাঁচিবার ইচ্ছা আছে, দর্শনের দ্বারা তাহারা জীবিকা উপার্জন করিতে ইচ্ছুক। শ্রী ও সম্ভানসহ তাহাদিগকে প্রতিপালনের ভার দর্শনের উপর। "যার নুন খাই, তার গুণ গাই"—একথা সর্বকালেই প্রচলিত আছে। দর্শন-শাস্ত্র দ্বারা অর্থোপার্জন প্রাচীন কালে সোফিস্টদিগেরই বিশেষত্ব বলিয়া বিবেচিত হইত। কিন্তু অর্থের বিনিময়ে অত্যন্ত কিছু পাইবার সম্ভাবনা নাই। জ্ঞান-জগতের ক্যালিবান (Caliban) হেগেলকে কুড়ি বৎসর যাবত সর্বশ্রেষ্ঠ দার্শনিক বলিয়া অভিনন্দিত হইতে যিনি দেখিয়াছেন, তিনি সেই যুগের অভিনন্দনের জন্ত উৎসুক হইতে

পারেন না।...সর্বযুগের অল্পসংখ্যক লোকই সত্যকে সত্য বলিয়া চিন্তিতে পারে। সুতরাং তাহাদের জন্তই সত্যকে অবিকলিতভাবে বিনয়ের সহিত অপেক্ষা করিতে হইবে। জীবন কণহারী; কিন্তু সত্য সুদূরপ্রসারী। আমরা সত্যই বলিব।"

সোপেনহরের এই উক্তি সঙ্ক্ষে Will Durant বলিয়াছেন— "শেষের কথাগুলি মহৎ সন্দেহ নাই। কিন্তু তাহাতে (ইসক্‌এর গল্পের শৃংগালের) ত্রাঙ্কাকলের অল্প আশ্বাদ আছে। প্রশংসার জন্ত সোপেনহর অপেক্ষা অধিকতর লালায়িত আর কেহ ছিল না।... সোপেনহর বিনয়ের সহিত অপেক্ষা করার কথা বলিয়াছেন। কিন্তু তিনি বলিয়াছেন—"দর্শনশাস্ত্রে ক্যান্টের পরে আমার পূর্বে অল্প কেহ কিছু করিয়াছেন বলিয়া আমি দেখিতে পাই না। "জগৎ "ইচ্ছা"র প্রকাশ" বহুদিন যাবত দর্শনে এই সত্যেরই অনুসন্ধান চলিয়াছে, কিন্তু ইতিহাসের সহিত যাহাদের পরিচয় আছে, তাহারা পরশ পাথরের আবিষ্কারের মত এই সত্যের আবিষ্কারও অসম্ভব বলিয়া গণ্য করিয়াছেন। একটি মাত্র কথাই আমি বুঝাইতে চাহিয়াছি—কিন্তু তাহার জন্ত এই সমগ্র গ্রন্থের প্রয়োজন হইয়াছে।...গ্রন্থখানা দুইবার পাঠ করুন; প্রথমবার পাঠে বিশেষ ঐর্ষ্যের প্রয়োজন হইবে।" ইহা হইতেই সোপেনহরের বিনয়ের পরিচয় প্রাপ্ত হওয়া যায়! এই বিনয় সঙ্ক্ষেই তিনি লিখিয়াছেন—"বিনয় কাহাকে বলে? ইহা কপট দৈন্ত প্রকাশ ভিন্ন আর কিছুই নহে। ঈর্ষ্যাপূর্ণিত জগতে ইহা দ্বারা লোকে গুণহীনদিগের নিকট আপনার গুণ ও কৃতিত্বের জন্ত কমা আর্থনা করে। বিনয় গুণ বলিয়া গণ্য হওয়ার মূর্খদের সুবিধা হইয়াছে। কেননা এই গুণের অধিকারী বলিয়া গণ্য হইবার জন্ত প্রত্যেক লোককেই আপনাকে মূর্খ বলিতে হয়।"

সোপেনহর অস্ত্র লিখিয়াছিলেন—"আমাদের জার্মান দর্শনে "বুদ্ধির অব্যবহিত জ্ঞান" (Intellectual intuition) এবং নির্বিশেষ চিন্তা (absolute thinking) সুস্পষ্ট প্রত্যয় এবং অকপট গবেষণার স্থান অধিকার করিয়া বসিয়াছে। পাঠককে কান্ধি দেওয়া, তাহাকে দিশাহারা এবং হতবুদ্ধি করা এবং নানাবিধ কৌশলে তাহার চোখে ধুলি দেওয়া—ইহাই এখন আমাদের অবলম্বিত প্রণালী। সত্যের স্থলে ইহাই আমাদের দার্শনিকদিগের মুখ্য উদ্দেশ্য। ইহার ফলে দর্শন (যদি ইহার পরেও তাহাকে দর্শন বলা চলে) ক্রমাগত নিম্নে নামিয়া গিয়াছে; অবশেষে হেগেল হীনতার নিরতমস্তরে গিয়া উপনীত হইয়াছেন। ক্যান্ট চিন্তার যে স্বাধীনতার উচ্চার করিয়াছিলেন, তাহার দাসরোধের জন্ত প্রজ্ঞার দুহিতা এবং সত্যের ভাবী মাতা দর্শনকে

হেগেল আলোক ও উন্নতির শক্তি এবং প্রোটেষ্ট্যান্ট জেহুইটদিগের হাতের অস্ত্রে পরিণত করিয়াছেন। কিন্তু এই হীন কার্য গোপন রাখিবার জন্ত এবং মানুষের বুদ্ধি বিকল করিবার জন্ত, দর্শনের উপর শূন্যগর্ভ বাগাড়ম্বর এবং অর্থহীন খিঁচুড়ীর ব্যবহৃত টানিয়া দিয়াছেন। বেড্‌ল্যানের বাহিরে এরূপ বাগাড়ম্বর ও খিঁচুড়ীর কথা শোনা যায় নাই।”

“জগৎ আমার প্রত্যয়”—এই বাক্য দ্বারা সোপেনহরের গ্রন্থের আরম্ভ হইয়াছে। কিন্তু ইহার মধ্যে নূতনত্ব ছিল না। ক্যান্ট এই কথা বলিয়া গিয়াছিলেন। যাহাকে বাহ্য জগৎ বলি, ইল্লিয়ামুভূতি ও প্রত্যয়ের মাধ্যমে আমাদের মনে তাহার জ্ঞান হয়। বিস্তারিতভাবে সোপেনহর এই মতের ব্যাখ্যা করিয়াছেন। কিন্তু এখানে তাহার মৌলিক চিন্তার কোনও পরিচয় ছিল না। তাহার মৌলিক চিন্তা ছিল পুস্তকের শেষের দিকে। সোপেনহরের সত্য পরিচয় পাইতে যে এতদিন লাগিয়াছিল, ইহাও তাহার অন্ততম কারণ।

বিস্তারিত ভাবে সোপেনহর জড়বাদ খণ্ডন করিয়াছেন। যে জড় দ্বারা জড়বাদিগণ জগতের ব্যাখ্যা করিতে উৎসুক, সেই জড় কি? মন যদি না থাকিত, জড় থাকিত কোথায়? মনঃ দ্বারাই আমরা জড়ের জ্ঞান লাভ করি এবং জড় বলিয়া যাহার জ্ঞান লাভ করি, তাহা আমাদের ইল্লিয়ামুভূতি ও প্রত্যয় ব্যতীত আর কিছু নহে। জড়বাদ প্রাণশক্তির অস্তিত্ব অস্বীকার করে, ভৌতিক এবং রাসায়নিক শক্তির দ্বারা প্রাণের কার্যের এবং জড়ের যান্ত্রিক ক্রিয়া দ্বারা ভৌতিক এবং রাসায়নিক শক্তির ব্যাখ্যা করে। কিন্তু কোনও রাসায়নিক ক্রিয়াই যান্ত্রিক নিয়ম দ্বারা ব্যাখ্যা করা যায় না। আলোক, তাপ এবং তাড়িতের ধর্মের ব্যাখ্যাও যান্ত্রিক নিয়ম দ্বারা অসম্ভব। ইহাদের ব্যাখ্যার জন্ত “শক্তি”র প্রয়োজন। সত্য কি, সং পদার্থের স্বরূপ কি, তাহা জানিতে হইলে, যাহা আমরা অব্যবহিত ভাবে জানি, তাহা হইতেই অনুসন্ধান আরম্ভ করিতে হইবে। অব্যবহিতভাবে জানি আমরা আমাদের “স্বরূপ” কে; “বস্তুর বাহির হইতে তাহার অন্তঃস্থ স্বরূপের সাক্ষাৎ পাওয়া যায় না। যতই অনুসন্ধান করা হউক না কেন, নাম ও রূপ (names & images) ভিন্ন অস্ত্রে কিছুই পাওয়া যায় না। ছুর্গপ্রবেশকারী কোনও লোক ছুর্গ তোরণের অনুসন্ধান যখন ছুর্গ প্রদক্ষিণ করিয়াও তোরণের সন্ধান পায় না, তখন তাহার যে অবস্থা হয়, আমাদের অবস্থাও তদ্রূপ। অত্যন্তরে প্রবেশে অক্ষম হইয়া তাহারই মতো আমরা বাহিরের নক্সা অঙ্কন করি। আমরা যদি আমাদের মনের স্বরূপের সন্ধান পাই, তাহা হইলে সম্ভবতঃ বাহ্য জগতের চাবিকাঠিও প্রাপ্ত হইব।”

যে প্রবন্ধ রচনা করিয়া সোপেনহর “ডাক্তার” উপাধি পাইয়াছিলেন (Four-fold Root of the sufficient Reason) তাহাতে তাহার জ্ঞান-সম্বন্ধীয় মত ব্যাখ্যাত হইয়াছে। সোপেনহরের মতে অবতাস (appearance) এবং সংপদার্থের (noumenon) মধ্যে পার্থক্য নির্দেশই দর্শনে ক্যান্টের সর্বোচ্চ দান। জগৎ যে অবতাস মাত্র তাহা

সেটো দেকার্ড লক্ এবং বার্কলে অস্পষ্টভাবে বুঝিতে পারিয়াছিলেন। ক্যান্ট তাহা প্রমাণিত করিয়াছেন। সমস্ত জগৎ জ্ঞাতার মধ্যে অবস্থিত, জ্ঞাতাই সমস্ত জগৎ ধারণ করিয়া আছে। কিন্তু ক্যান্টের মতে দুইটি ক্রটি ছিল। সোপেনহর সেই ক্রটির সংশোধনের চেষ্টা করিয়াছেন।

প্রথমতঃ—ক্যান্ট ১২টি Categoryর উল্লেখ করিয়াছেন। কিন্তু প্রকৃত পক্ষে একমাত্র কারণ Category হইতেই জ্ঞানের উৎপত্তি হয়। এই “কারণের” (Principle of ground) চারিটি রূপ :—(১) ভবনের কারণ (ground of becoming, Ratio Fiendi), (২) জ্ঞানের কারণ (Ratio cogno Sciendi), (৩) সত্তার কারণ (Ratio Essendi, ground of being), (৪) কর্মের কারণ (Ratio agendi). দ্বিতীয়তঃ—“ইচ্ছাই” স্বয়ং-সৎ-বস্তু; অস্ত্র কোনও স্বয়ং-সৎ-বস্তু নাই।

জ্ঞানের বিষয়সমূহ বিচ্ছিন্ন অবস্থায় বুদ্ধির নিকট উপস্থিত হয় না—একাধিক বিষয় এক সঙ্গে উপস্থিত হয় এবং একটি অস্ত্র একটির কারণ রূপে গৃহীত হয়। যখনই কোনও পদার্থের জ্ঞান হয়, তখনই কোনও কারণের ফলরূপে তাহার জ্ঞান হয়। ইহাই কারণ-তত্ত্বের প্রথমরূপ (Ratio Fiendi)। আবার কোনও বিষয়, যখন মনের সম্পূর্ণ উপস্থিত হয়, তখন তাহা শ্রেণীভুক্ত হয়। অর্থাৎ তাহা পূর্বানুভূত যাহার যাহার সদৃশ, তাহার সহিত এক-শ্রেণীভুক্ত বলিয়া গৃহীত হয়। ইহাই কারণ-তত্ত্বের দ্বিতীয় রূপ (Ratio cogno sciendi)। ইহা হইতেই চিন্তা করিবার সামর্থ্যের উদ্ভব হয়। (৩) তৃতীয়তঃ—সত্তার কারণ (ground of being Ratio Essendi) জ্ঞানের বিষয় সকল দেশ ও কালে অবস্থিত রূপে প্রতীত হয়। (৪) চতুর্থতঃ—কর্মের কারণ (ground of action agendi Ratio)। আমাদের কর্ম চালিত হয় প্রবর্তনা (motive) দ্বারা। প্রবর্তনা হইতেই তাহার উদ্ভব হয়।

সোপেনহর বলিয়াছেন—“এই জগৎ আমার প্রত্যয়”, ইহা অপেক্ষা নিশ্চিত সত্য আর—কিছুই নাই। যাহা কিছুই অস্তিত্ব আছে, জ্ঞাতার জ্ঞানের বিষয়রূপেই তাহার অস্তিত্ব; জ্ঞানের সহিত সম্পর্ক-বিহীন কোনও বস্তুই অস্তিত্ব নাই। জগৎ যে প্রত্যয় মাত্র, এই সত্য নূতন আবিষ্কার নহে। ভারতের পণ্ডিতগণ অতি প্রাচীনকালে এই সত্য উপলব্ধি করিয়াছিলেন। সার উইলিয়াম জোনস্ “On the Philosophy of the Asiatics” প্রবন্ধে দেখাইয়াছেন, যে ব্যাসের বেদান্ত দর্শনে জড়ের অস্তিত্ব—জড়ের কাঠিন্দ্র, অভেদতা এবং স্থানব্যাপী রূপের অস্তিত্ব—অস্বীকৃত হয় নাই (কেননা ইহা অস্বীকার করা বাতুলতামাত্র), কিন্তু জড় সম্পর্কে সাধারণ ধারণার ভ্রান্তি প্রদর্শিত হইয়াছে এবং জ্ঞানের বাহিরে জড়ের যে স্বতন্ত্র অস্তিত্ব নাই, সত্তা এবং তাহার জ্ঞানগম্যতা যে অভিন্ন, তাহাই প্রমাণিত হইয়াছে।.....প্রত্যয় যেমন এই জগতের একরূপ, তেমনি ইহার অস্ত্ররূপ “ইচ্ছা”। এক দিক হইতে দেখিলে জগৎ প্রত্যয়রূপে প্রতীত হয়। আবার অন্য দিক হইতে ইচ্ছারূপে প্রতীত হয়। যাহা প্রত্যয়ও নয়, ইচ্ছাও নয়, তাহা স্বপ্নদৃষ্ট দ্বারা মাত্র, আলোয়নামাত্র।

যাহা সকল বস্তু জানে কিন্তু যাহাকে কেহই জানেনা—তাহা বিষয়ী (subject)। বিষয়ীই জগতের ধারক ; তাহাতেই সকল অবতাসের আবির্ভাব হয়। বিষয়ীর সহিত সম্পর্ক-হীন কোনও বস্তুর অস্তিত্ব নাই, মানুষের দেহ এই বিষয়ীর বিষয়। জ্ঞানের যাবতীয় বিষয়ের মত দেহও জ্ঞানের সার্বিকরূপ দেশ ও কালের অন্তর্গত ; দেশ ও কাল হইতেই বহুত্বের উদ্ভব হয়। কিন্তু বিষয়ী নিজে কখনও বিষয়ে পরিণত হয় না ; কখনও বিষয়ীর জ্ঞান কেহ লাভ করিতে পারে না। দেশ ও কালের রূপ তাহাকে স্পর্শ করিতে পারে না। বিষয়ীর মধ্যে বহুত্ব নাই। বহুর প্রতিযোগী একত্বও নাই।.....সুতরাং প্রত্যয়রূপী জগতের দুই অংশ ; প্রথমার্ধ বিষয়ী ; দ্বিতীয়ার্ধ বিষয়। দেশ ও কাল এই দ্বিতীয়ার্ধের রূপ। এই জন্তে বহুত্বও তাহার রূপ। বিষয়ী দেশ, কাল ও বহুত্বের অতীত।.....প্রত্যেক চিন্তার এই দুই অর্ধ অবিচ্ছেদ্য। এক অর্ধ ছাড়া অল্প অর্ধ ব্যবচ্ছিন্ন।

বিষয় ও বিষয়ীর মধ্যে যে সম্বন্ধ তাহা কার্য-কারণ সম্বন্ধ নহে। বস্তুবাদ বিষয়কে বিষয়ীর কারণ বলিয়া গণ্য করে। ফিক্টের প্রত্যয়বাদে বিষয় বিষয়ীর কার্যে (effect) পরিণত হইয়াছে। কিন্তু বিষয় ও বিষয়ীর মধ্যে Principle of sufficient Reason-এর (পর্যাপ্ত কারণ তত্ত্বের) কোনও সম্বন্ধই নাই এবং বস্তুবাদ ও প্রত্যয়বাদের কোনওটিকেই সত্য বলিয়া প্রমাণ করা যায় না। বিষয় ও বিষয়ীর মধ্যে যে সম্পর্ক তাহা অবিভাব সম্বন্ধ (correlation)। পর্যাপ্ত কারণ তত্ত্ব বিষয়ের মধ্যেই অবস্থিত—তাহাই বিষয়ের রূপ। বিষয়ী ইহার বাহিরে অবস্থিত। বিষয়ীতে এই তত্ত্বের প্রয়োগ হইতে পারে না। সুতরাং বিষয়কে বিষয়ের কারণ বলা যায় না এবং বিষয়কেও বিষয়ীর কারণ বলা যায় না। সন্দেহবাদ (Scepticism) বিষয়ের কারণ রূপে—যে অল্প পদার্থের কল্পনা করে, জ্ঞানের মধ্যে তাহার অস্তিত্ব নাই—জ্ঞানের বিষয় যে রূপে আবির্ভূত হয়, তাহাই তাহার প্রকৃত রূপ। দেশ ও কালে প্রকাশিত জগৎ মিথ্যা নয়, তাহা সম্পূর্ণ সত্য। কিন্তু তাহা “প্রত্যয়”—প্রত্যয়রাজির সমাবেশ—তদতিরিক্ত কোনও সত্তা তাহার নাই। “পর্যাপ্ত কারণ তত্ত্ব” এই সকল প্রত্যয়ের সংযোগসূত্র।

স্বপ্নের অলীকতা হইতে জগতের বাস্তবতা সম্বন্ধে সন্দেহের উদ্ভব হইতে পারে। আমাদের সমগ্র জীবন যে স্বপ্ন নহে, তাহার প্রমাণ কি ? বেদে ও পুরাণে স্বপ্নের সঙ্গে জগতের জ্ঞানের উপমা দেওয়া হইয়াছে। এবং জগৎ মায়াজাল রূপে বর্ণিত হইয়াছে। মেটোও অনেক স্থলে বলিয়াছেন—মানুষ স্বপ্নের মধ্যে জীবন ধারণ করে, দার্শনিক এই স্বপ্ন হইতে জাগরিত হইবার চেষ্টা করেন। পিণ্ডার, সফোক্লস্, ও সেক্সপিয়রের জীবনকে স্বপ্নের সহিত উপমিত করিয়াছেন। ক্যান্ট, বলিয়াছেন, বাস্তব জীবনে প্রত্যয় সকল পরস্পর কার্যকারণ সম্বন্ধে আবদ্ধ, স্বপ্নে সে সম্বন্ধের অভাব ; ইহাই উভয়ের মধ্যে পার্থক্য। কিন্তু জাগ্রত অবস্থার সহিত স্বপ্নদৃষ্ট ঘটনার সম্বন্ধ না থাকিলেও, স্বপ্নদৃষ্ট ঘটনা-বলির মধ্যে সম্বন্ধ বর্তমান থাকে ; সুতরাং স্বপ্নও জাগ্রত অবস্থার মধ্যে পার্থক্য এই যে জাগ্রৎ জীবনের মধ্যে “পর্যাপ্ত কারণ তত্ত্বের সম্বন্ধ

সর্বত্র বর্তমান, কোথায়ও তাহার বিচ্ছেদ নাই, কিন্তু স্বপ্নের ঘটনাবলীর মধ্যে এই সম্বন্ধ থাকিলেও, বিভিন্ন স্বপ্নের পরস্পরের মধ্যে এই সম্বন্ধ নাই এবং জাগ্রৎ অবস্থা এবং স্বপ্নের মধ্যে এইরূপ সম্বন্ধ নাই। কিন্তু এই নিয়মানুসারে কোনও ঘটনা স্বপ্নদৃষ্ট অথবা জাগ্রৎ কালে দৃষ্ট, তাহা নির্ণয় করা অনেক সময় অসম্ভব হইয়া পড়ে ; কেননা, অতীতের কোনো ঘটনার সহিত বর্তমান মুহূর্তের কার্যকারণ সম্বন্ধ অনুসরণ করা অসম্ভব হইলেও, ঐ ঘটনাকে আমরা স্বপ্নদৃষ্ট বলিয়া গণ্য করি না, এবং বাস্তব জীবনে ঐ নিয়মানুসারে আমরা স্বপ্ন ও বাস্তবের মধ্যে পার্থক্য নির্দেশ করি না। কোনও বিষয় প্রত্যক্ষ করিবার সময় আমরা জাগরিত ছিলাম কিনা, তাহার ছাড়াই তাহার সত্য-মিথ্যা নির্ধারিত হয়। হব্‌স্ তাহার Leviathan গ্রন্থে বলিয়াছেন—আমরা যখন বস্তুর পরিবর্তন না করিয়াই অকস্মাৎ নিদ্রিত হইয়া পড়ি, তখন স্বপ্নকে সত্য বলিয়া ভুল হয়। বিশেষতঃ জাগ্রত অবস্থায় যে বিষয়ের চিন্তা মনকে আচ্ছন্ন করিয়াছিল, যখন সেই বিষয়েই স্বপ্ন দেখি, তখন সে স্বপ্ন সত্য বলিয়া প্রতীত হয়। তখন যেমন নিদ্রার আগমনও জানিতে পারি না, তেমনি কখন জাগরিত হইলাম, তাহাও বুঝিতে পারি না। কিন্তু জাগরিত হইয়া যদি স্বপ্নদৃষ্ট বিষয়ের সহিত বর্তমান অবস্থার কার্যকারণ সম্বন্ধ, অথবা উক্ত সম্বন্ধের অভাব কিছুই বোধগম্য না হয়, তাহা হইলে তাহা স্বপ্ন অথবা সত্য সে সম্বন্ধে সন্দেহ থাকিয়া যায়। ইহা হইতে জীবন ও স্বপ্নের মধ্যে যে ঘনিষ্ঠ সম্বন্ধ আছে, তাহা স্পষ্টীকৃত হয়। সুতরাং যদিও আমাদের সমগ্র জীবনের ঘটনাবলী যে কার্যকারণ সূত্রে গ্রথিত, তাহাতে বিভিন্ন স্বপ্নের স্থান নাই, এবং স্বপ্ন হইতে জাগরিত হইয়াই এই সম্বন্ধের অভাব আমরা বুঝিতে পারি, তথাপি প্রত্যেক স্বপ্নের মধ্যে সংঘটিত ঘটনাবলীও যখন পারস্পরিক সম্বন্ধে সংযুক্ত, তখন স্বপ্ন ও জাগ্রৎ জীবনের রূপ একই বলিয়া প্রতীত হয়—এবং তাহাদের স্বপ্নের মধ্যে বিশেষ কোনও পার্থক্য আছে বলিয়া মনে হয় না। জীবনের সঙ্গে স্বপ্নের সম্বন্ধ ঘনিষ্ঠ। উভয়ই একই গ্রন্থের বিভিন্ন পৃষ্ঠা। হয়তো জীবন এক দীর্ঘ স্বপ্ন মাত্র।

যে জগৎ আমাদের জ্ঞানে প্রতিষ্ঠিত হয়, তাহার উপাদান “অবতাস”—পরস্পর সম্বন্ধে আবদ্ধ অবতাস। এই সম্বন্ধ দেশ ও কালের সম্বন্ধ, কার্যকারণ সম্বন্ধ, সামান্ত-বিশেষের সম্বন্ধ এবং প্রবর্তন ও তদুদ্ভূত কর্মের সম্বন্ধ। আমাদের জ্ঞানের মধ্যে জগতের এবিধ রূপের অতিরিক্ত কিছুই নাই। যে কারণ-সম্বন্ধ অন্তান্ত সম্বন্ধের মূল, তাহা সূত্ররূপে অবতাসিত জগৎকে ধারণ করিয়া আছে। আমাদের অহংও দেশ ও কালে অবস্থিত রূপেই জ্ঞানের বিষয় হয় এবং ইহাও সংসার অথবা অবতাসিক জগতের অন্তর্গত। কিন্তু অব্যবহিত জ্ঞান (intuitive Knowledge) এই অবতাসিক জগৎ—প্রত্যয় জগৎ তেদ করিয়া প্রকৃত সত্তার (Ready) পৌছিতে সমর্থ হয়। এই অব্যবহিত জ্ঞানে জ্ঞাতা (Subject) অব্যবহিত ভাবে (দেশ কাল ও কারণত্ব বর্জিত ভাবে) আপনাকে ইচ্ছা—স্বরূপ বলিয়া জানিতে পারি।

কলিকাতা ও সहरতলীতে বৈদ্যুতিক ট্রেণ

শ্রীনীলিমা মজুমদার বি-এসসি

কলিকাতা ও সहरতলীতে যে বৈদ্যুতিক ট্রেণ চলাচলের প্রস্তাবনা হইয়াছিল তাহা সকলেই অবগত আছেন। এই বিষয়ে স্থির সিদ্ধান্তে উপনীত হইবার জন্ত রেলওয়ে বোর্ড কর্তৃক "Calcutta Terminal Facilities Committee" নামে ১৯৪৭ সালে একটি কমিটি গঠিত হয়। কমিটি তাঁহাদের সিদ্ধান্ত বোর্ডকে যথাসময়ে জানাইয়াছিলেন, কিন্তু দুঃখের বিষয় আজ পর্যন্ত কমিটির সিদ্ধান্ত কার্যে পরিণত হয় নাই। এ সম্বন্ধে কোন সাড়াশব্দও শোনা যাইতেছে না। মনে হয় সরকারের চিরস্থায়ী প্রধামুখ্যায়ী ইহাকেও "কোন্ড টোরেজে" রাখা হইয়াছে।

শিক্ষা, সংস্কৃতি, ব্যবসাবাগিচ্ছা, লোকসংখ্যা ও আয়তন হিসাবে কলিকাতা ভারতবর্ষের বৃহত্তম ও শ্রেষ্ঠতম নগরী। অত্যন্ত পরিতাপের বিষয় আজ পর্যন্ত এই মহানগরীতে যানবাহনাদির ব্যবস্থা লোকসংখ্যানুপাতে বড়ই শোচনীয়। যে কোন সময়ে কলিকাতার ট্রাম ও বাসের দিকে দৃষ্টিপাত করিলে লোকের অবর্ণনীয় দুঃখ দুর্দশা চক্ষে পড়ে। ভারতবর্ষের বন্দরসমূহের মধ্যে কলিকাতা বন্দর সর্বাপেক্ষা বৃহৎ। যুদ্ধের পূর্বে এই বন্দরে প্রায় এক কোটি টন মাল আমদানী-রপ্তানী হইত। কলিকাতার আয়তন প্রায় ২৮ বর্গমাইল। ১৯২১ সনের সেন্সাসে লোকসংখ্যা কিঞ্চিদধিক এগার লক্ষ ছিল। ১৯৪১ সালের সেন্সাসে ইহা বিশ লক্ষের উপর হয়। বর্তমানে হাওড়া ও কলিকাতার লোকসংখ্যা প্রায় বাট লক্ষ। উষাস্তর আগমনে উত্তরোত্তর ইহা বৃদ্ধির দিকেই চলিয়াছে। যথাসীম্ম যদি কলিকাতা ও সहरতলী মধ্যে যাতায়াতের সুব্যবস্থা না হয়, তবে অচিরেই কলিকাতা বাসের অনুপযুক্ত হইয়া উঠিবে।

১৯২৫ সাল হইতে বোম্বাই সহরে এবং ১৯২৮ হইতে রাজাজ সহরে বৈদ্যুতিক ট্রেণ চলিতেছে। কলিকাতাতেও বৈদ্যুতিক ট্রেণ চলাচলের ব্যবস্থা সম্বন্ধে অনুসন্ধানের জন্ত ১৯১৪ সন হইতে ক্রমাগত একাধিক কমিটি গঠিত হইয়াছিল।—সর্বশেষের কমিটি গঠিত হয় ১৯৪৭ সালে। কিন্তু বড়ই পরিতাপের বিষয় সুদীর্ঘ ছত্রিশ বৎসরকাল জল্পনা কল্পনা করিয়াও আজ পর্যন্ত ভারতবর্ষের এই বৃহত্তম নগরীতে বৈদ্যুতিক ট্রেণ চলাচলের ব্যবস্থা হইয়া উঠে নাই।

স্ত্রীর পদমজী গিনওয়ারা চেয়ারম্যান এবং অশান্ত চারজন সদস্যসহ ১৯৪৭ সনের কমিটি গঠিত হয়। সদস্যদের মধ্যে মিঃ জে. ডি. মাইকেল ও মিঃ এন. এন. মজুমদার রেলওয়ে বোর্ডের এবং মিঃ বি সরকার গণ্ডিমবজ সরকারের তরফ হইতে মনোনীত হইয়াছিলেন। অপর সদস্য মিঃ এক. এইচ সার্প ছিলেন বৈদ্যুতিক-বিশেষজ্ঞ। কমিটির সেক্রেটারী ছিলেন মিঃ এস. ডি. বামজী।

ভারতবর্ষে প্রায় একশত বৎসর পূর্বে প্রথম রেলগাড়ীর চলন হয়। ১৮৫০ খৃষ্টাব্দে ইষ্ট ইণ্ডিয়ান রেলওয়ের নির্মাণ কার্য আরম্ভ হইয়া ১৮৫৫ খৃষ্টাব্দে রানীগঞ্জ পর্যন্ত বিস্তৃত হয় এবং দিল্লীর সহিত ১৮৬৩ খৃষ্টাব্দে সংযোগ স্থাপিত হয়। ১৮৬২ খৃষ্টাব্দে কলিকাতা হইতে রাণাঘাট পর্যন্ত ইষ্ট বেঙ্গল রেলওয়ে লাইন নির্মিত হইয়াছিল। বেঙ্গল নাগপুর রেলওয়ে ১৯০০ সালে হাওড়ার আসিয়া পৌঁছায়।

কলিকাতা নগরী হুগলী নদীর পূর্ব তীরে এবং হাওড়া স্টেশনটি পশ্চিম তীরে অবস্থিত। কলিকাতা সहर ও হাওড়া স্টেশনের মধ্যে পণ্যস্রবা চলাচলের সুবিধার জন্ত ১৮৭৩ খৃষ্টাব্দে হাওড়া পুলের (পুরাতন পনটুন ব্রীজ) নির্মাণ কার্য সমাপ্ত হয়। নৈহাটীর নিকট হুগলী নদীর উপর জুবিলী ব্রীজ ১৮৮৭ খৃষ্টাব্দে নির্মিত হয়। কিন্তু ১৮৯২ খৃষ্টাব্দে খিদিরপুর ডকের নির্মাণ কার্য সম্পন্ন না হওয়া পর্যন্ত জুবিলী ব্রীজের উপর দিয়া মাল চলাচল রীতিমত ভাবে আরম্ভ হইতে পারে নাই। ইহার পর সুদীর্ঘকাল পর্যন্ত কলিকাতায় যাত্রী ও মাল চলাচলের উন্নতিকল্পে কোন উল্লেখযোগ্য ব্যবস্থা হয় নাই। হুগলী নদীর উপর বালী ব্রীজ মাত্র ১৯৩২ সনে নির্মিত হয়। বর্তমান হাওড়া ব্রীজের (উইলিংডন ব্রীজ) নির্মাণ কার্য ১৯৪৩ সালে সমাপ্ত হয়।

১৯৪৭এর কমিটির প্রধান বিবেচ্য বিষয় ছিল—বর্তমানে কলিকাতায় যাত্রী এবং মাল চলাচলের যে ব্যবস্থা আছে তাহা প্রয়োজনের পক্ষে বঞ্চেট কিনা, তাহা না হইলে কি উপায়ে ইহার উন্নতিসাধন করা সম্ভবপর। সরকার এই কমিটিকে ইহাও নির্দেশ দিয়াছিলেন যে তাঁহারা ধরিয়া নিতে পারেন কলিকাতা ও সहरতলীতে বৈদ্যুতিক ট্রেণ চালু হইবে।

কলিকাতা রেলওয়ে স্টেশনের বিশেষ অস্থবিধা এই যে, শিরালদহ এবং হাওড়া এই দুইটি প্রধান স্টেশনই সহরের ব্যবসা বাগিজ্যের কেন্দ্র ডালহৌসী স্কোয়ার ও বড়বাজার হইতে দূরে অবস্থিত। কার্যোপলক্ষে যাহারা সहरতলী হইতে কলিকাতায় আসেন, তাঁহাদের গন্তব্যস্থল যেখানেই থাকুক না কেন, তাঁহাদিগকে হয় শিরালদহ, নয় হাওড়া স্টেশনে নামিতে হয়, পরে ট্রামে কিংবা বাসে গন্তব্যস্থলে পৌঁছিতে হয়। ইহাতে অবশ্য রাস্তায়, ট্রামে ও বাসে ভীড় বৃদ্ধি পায়। এইখানে উল্লেখযোগ্য, বোম্বাই সহরের ভিক্টোরিয়া টার্মিনাস ও চার্চগেট স্টেশন ব্যবসা কেন্দ্রের অতি সন্নিকটে অবস্থিত। সুবারবান ট্রেণের সকলতা তখনই লাভ হয়, যখন অল্প কোন যানবাহনাদির সাহায্য ব্যতিরেকে যাত্রীগণ ট্রেণেই তাঁহাদের স্ব স্ব গন্তব্যস্থলে পৌঁছিতে পারেন। এই উদ্দেশ্য বাহাতে সাধিত হয়, তদনুযায়ী কমিটি তাঁহাদের সিদ্ধান্ত রেলওয়ে বোর্ডকে জানাইয়াছিলেন।

কমিটির সর্বাপেক্ষা উল্লেখযোগ্য সিদ্ধান্ত কলিকাতার মিউনিসিপাল সীমানার চতুর্দিকে একটি সাকুলার বৈদ্যুতিক রেলওয়ে লাইন নির্মাণ। এই সাকুলার রেলওয়ে দমদম জংসন হইতে আরম্ভ হইয়া বর্তমান ই, আই, রেলওয়ের চিৎপুর ইয়ার্ডের ভিতর দিয়া যাইবে। চিৎপুর ঘাট হইতে ইহা “ওভার-হেড” বেল লাইন হইয়া চলিবে। বর্তমান পোর্ট-কমিগনার-এর বেল লাইনের উপর এই “ওভার-হেড” রেল লাইনটা নির্মিত হইবে এবং খিদিরপুর ডকের ভিতরেও ওভার হেড চলিয়া মাঝেরঘাট স্টেশনে গ্রাউণ্ড লেভেলে বর্তমান ই, আই, রেলওয়ের সাউদান’ সেকশনের সহিত যুক্ত হইবে। তথা হইতে শিয়ালদহ হইয়া পুনরায় দমদমে মিলিত হইবে।

বর্তমানে ডায়মণ্ডহারবার, বনগাঁও, নৈহাটী, বাণ্ডেল ও বজবজ হইতে যে সকল রেলওয়ে লাইন কলিকাতায় আসিয়াছে, সেগুলিকে সাকুলার রেলওয়ের সহিত সংযুক্ত করার জন্ত কমিটি ছোট ছোট লিঙ্ক লাইন নির্মাণের প্রস্তাব দিয়াছেন। এই প্রস্তাব কার্যো পরিণত হইলে যাত্রীগণ বৃহত্তর কলিকাতার পূর্ব, পশ্চিম, উত্তর, দক্ষিণ সকল দিক হইতেই আসিয়া যানবাহনাদির পরিবর্তন ব্যতিরেকে সরাসরি স্ব স্ব কর্মস্থলের অতি সন্নিকটে পৌঁছিতে পারিবেন। এই উদ্দেশ্যে কমিটি সাকুলার ট্রেনের উপর আরোও কুড়িটি নতুন রেলওয়ে স্টেশন নির্মাণের প্রস্তাব দিয়াছেন। পরিকল্পনাটি কাথ্যে পরিণত হইলে কলিকাতার বিভিন্ন অংশে মাল চলাচলেরও সুবিধা হইবে। প্রাথমিক ব্যবস্থা হিসাবে কলিকাতা হইতে ত্রিশ মাইলের মধ্যে রেলওয়ে লাইনগুলিতে বৈদ্যুতিক ট্রেন চলাচলের জন্ত কমিটি সুপারিশ করিয়াছেন। বৈদ্যুতিক শক্তিতে ট্রেন চলিলে প্রতি ঘণ্টায় ২০টি ট্রেন চলাচল করিতে পারিবে। এইরূপে প্রয়োজন মত যান বাহনাদির ব্যবস্থা থাকিলে অতি অল্পকালের মধ্যে বৃহত্তর কলিকাতা গড়িয়া উঠিবে। বর্তমানে সহরতলীতে যান-

বাহনাদির উপযুক্ত ব্যবস্থা না থাকায় জনসাধারণ অবর্ণনীয় দুঃখকষ্ট বরণ করিয়াও কলিকাতার বাস করিতে বাধ্য হইতেছেন। ইহাতে ক্রমে ক্রমে কলিকাতার আবহাওয়া দূষিত হইয়া উঠিতেছে। প্রয়োজন মত পরিষ্কৃত জলের অভাবে বারমাস সংক্রামক ব্যাধি লাগিয়াই আছে। অথচ বৃহত্তর কলিকাতা গড়িয়া উঠিলে অধিকাংশ লোক স্বাস্থ্যকর পরিবেশে কলিকাতার চতুর্পার্শ্বে বসবাস করিতে পারিবেন এবং কর্পোপলকে তাঁহাদের কলিকাতার আসার কোন অসুবিধা হইবে না। স্বল্পমূল্যে বৈদ্যুতিক শক্তি মিলিলে সহরতলীতে নানাধকার প্রয়োজনীয় শিল্প প্রতিষ্ঠানও স্থাপিত হইতে পারিবে।

কিছুদিন পূর্বে সংবাদপত্রে প্রকাশিত হইয়াছিল যে পশ্চিমবঙ্গ সরকার কলিকাতার ভূগর্ভস্থ রেলওয়ে (আণ্ডার-গ্রাউণ্ড অথবা টাউব) লাইন নির্মাণ করার প্রস্তাব করিয়াছেন এবং এজন্ত বিশেষজ্ঞ ফরাসী ইঞ্জিনিয়ারের মত গ্রহণ করা হইতেছে। এদিকে ১৯৪৭এর কমিটি তাঁহাদের রিপোর্টে ভূগর্ভস্থ রেলওয়ে এবং ওভার-হেড রেলওয়ে সম্বন্ধে বিস্তারিত আলোচনা করিয়া সিদ্ধান্ত করিয়াছেন যে সকল দিক দিয়া বিবেচনা করিলে কলিকাতায় ওভার-হেড বৈদ্যুতিক রেলওয়ে স্থাপন করাই বাঞ্ছনীয়। আমরা এই তর্ক বিতর্কে যোগদান করিতে ইচ্ছুক নহি। যাহাতে অচিরে কলিকাতা নগরীতে যাত্রী এবং মাল চলাচলের অসুবিধা দূর হয়, ইহাই আমাদের কাম্য। যাহা হোক, আশা করি পশ্চিমবঙ্গ সরকার তাঁহাদের পরিকল্পনাটি কাথ্যে পরিণত করার পূর্বে ইহার বিস্তৃত বিবরণ জনসাধারণকে জানাইবেন এবং তাঁহাদের মতামত গ্রহণ করিবেন। কারণ কমিটির রিপোর্টে দেখা যায় যে ভূগর্ভস্থ ট্রেন নির্মাণে প্রতি মাইলে প্রায় ৪ কোটি টাকা ব্যয় হইবার সম্ভাবনা—অপর পক্ষে ২৪ কোটি টাকা ব্যয়ে প্রায় ৪০০ ফুট মাইল লাইনে বৈদ্যুতিক ট্রেনের চলাচলের ব্যবস্থা হইতে পারে।

মহাকবি গ্যোটার ফাউষ্ট কাব্যে সংশ্লেষণ-প্রণালীর ঔষধ

ডক্টর শ্রীহরগোপাল বিশ্বাস

ফাউষ্ট কাব্যের নায়ক ডক্টর ফাউষ্ট ছিলেন সর্ববিজ্ঞান পারদর্শী। কাব্যের আরম্ভে তাঁর স্বগতোক্তিতেই তা জানতে পারা যায়। ফাউষ্ট বলছেন :—

Habe nun, ach ! Philosophie,

Juristerei und Medizin

Und leider ! auch Theologie

Durchaus studiert, mit heissem Bemuehn.

—হায়, আমি প্রগাঢ় অভিনিবেশ ও কঠোর প্রমসহকারে দর্শন, ব্যবহারশাস্ত্র, ভেষজবিজ্ঞান এবং ধর্মশাস্ত্র অধ্যয়ন করেছি !

ডক্টর ফাউষ্ট ঔষধ প্রস্তুত ও তাঁর ব্যবহার-কল সম্বন্ধে যে সখের

বক্রোক্তি করেছেন এবং মানুষের অর্জিত জ্ঞানের সংকীর্ণ পরিধি সম্পর্কে যে হতাশার ভাব প্রকাশ করেছেন তার আলোচনা করাই এই প্রবন্ধের উদ্দেশ্য। গ্যোটার অনিন্দ্যহৃদয় কবিতার হুবহু বঙ্গানুবাদের ক্ষমতার অভাবে তার ভাবার্থমাত্র এখানে উল্লেখ করা হচ্ছে।

মহাকবি গ্যোটে ছিলেন একাধারে জ্ঞান ও বিজ্ঞানের একনিষ্ঠ পূজারী। অনেকেই জানেন ১৭৪৯ খৃষ্টাব্দে জার্মানির স্ট্রাসবুর্গ শহরের এক ধনাঢ্য পরিবারে তিনি জন্মগ্রহণ করেন। তৎকালে প্রচলিত সুকুমার কলার উচ্চ শিক্ষালভের সঙ্গে রসায়নশাস্ত্র এবং পদার্থবিজ্ঞান চর্চা করতেও তিনি ছাড়েন নি।

বর্ষ সবকে একটি খিওরিও খাড়া করেছিলেন। বিজ্ঞানের ক্রমোন্নতি সবকে আলোচ্য গ্রন্থে কবি যে গভীর অন্তর্দৃষ্টির পরিচয় দিয়েছেন—তা সবিশেষ প্রণিধানযোগ্য। ফলতঃ গ্যেটের বাণীতে জার্মান জাতি যে অনুপ্রেরণা লাভ করেছিল তার তুলনা মেলে না। দুর্দমনীয় অনুসন্ধিৎসা ও তৃপ্তিহীন জ্ঞানপিপাসা তিনি জাগিয়ে তুলেছিলেন এই জাতির মজ্জাতে মজ্জাতে। এই উজ্জ্বল যথার্থ উপলক্ষিত জন্তু ফাউষ্ট কাব্যের নিম্নলিখিত ছুটি বাণীই যথেষ্ট মনে করি।—

Wo faß ich dich unendliche Natur ?

—অনন্ত প্রকৃতি তোমা বুঝিব কেমনে ?

Ich wuenschte recht gelehrt zu werden

Uud moechte gern, was auf der Erden

Und in dem Himmel ist, erfassen,

Die Wissenschaft und die Natur.

—সত্যিকারের জ্ঞানী হতে আশি চাই—

এ ধরায় আর দূর মহাকাশ মাঝে

বত রহস্ত চির-অগোচরে রাজে—

সব না জানলে আমার শাস্তি নাই।

এখন মেডিসিন বা ভেজবিজ্ঞা উপলক্ষে ফাউষ্ট কাব্যে যে প্রসঙ্গ আছে তার মোটামুটি আভাস দেবার প্রয়াস পাচ্ছি। কবিগুরু কিরূপ পরিবেশের অবতারণা করে কত কৌশলে তাঁর মনোভাব ব্যক্ত করেছেন—তা শীঘ্রই আমরা দেখতে পাব।

...বসন্তকাল। প্রচণ্ড শীতাপগমে বৃক্ষলতা পত্রপুষ্পনস্তারে নব-জীবনের জয়যাত্রা শুরু করেছে। প্রকৃতি বর্ণগন্ধে স্বর্গীয় সুস্বাদু ভরপুর। নির্মেষ নীল আকাশ থেকে সূর্যের সোনালি কিরণ অজস্র ধারায় ঝরে পড়ছে। শহরের কর্মকোলাহল থেকে ধনী নির্ধন, কুলি-মজুর, আবালবৃদ্ধবনিতা বন্ধ যরের দুঃসহ ক্রোধান্ত পরিবেশ চেড়ে বেরিয়েছে ইষ্টারের উৎসব করতে—গ্রামের পথে, মাঠে পর্বতে। গাঁয়ের চাষীরাও আজ ঘরছাড়া—খাশ, পানীয়, বাস্তবস্ত্র নিয়ে খোলা জায়গায় নাচগানে মত্ত। উৎসবমুগ্ধ, আনন্দবিশোর স্বাবর জঙ্গম। ডক্টর ফাউষ্টও বহুদিন পরে তাঁর জ্ঞানসাধনা ও গবেষণার ক্ষুদ্র রুদ্ধ কক্ষ থেকে বেরিয়ে পড়েছেন গাঁয়ের পথে—জনগণের আনন্দের এই স্বর্ণাধারায় অবগাহনার্থে—তাঁর প্রিয় শিশু ভাগনারকে সঙ্গে ক’রে। কিঞ্চিৎ অবান্তর হ’লেও বলে রাখি যে, কবি বর্ণিত এই মাঠঘাট আমি যেন মনচক্ষে স্পষ্ট দেখতে পাচ্ছি; কারণ আমার সাম্প্রতিক জার্মানি প্রবাসে আমি অনেকদিন কবির জন্মস্থান ফ্রাঙ্কফুর্ট শহরের উপকণ্ঠে বাডহোমবুর্গে ছিলাম, কিন্তু প্রত্যহ ট্রাম বা ট্যান্সিবোগে ছোট ছোট পাহাড় ডিঙিয়ে মাঠের ভেতর দিয়ে চাষীদের গ্রাম পেরিয়ে মহাকবির পদরঙ্গপুত্র শহরে আসতাম।

এখন আমাদের আলোচ্য বিষয়ে আবার আসা বাক।

আচার্য ফাউষ্ট ভাগনারকে নিয়ে উৎসবরত একদল কৃষকদের পাশ দিয়ে যেতেই তারা তাঁকে চিনতে পেয়ে সর্ধর্ষা জানালে এবং

সকলে তাঁকে ঘিরে দাঁড়িয়ে উৎসুকভাবে প্রশ্নান্বনেত্রের তাঁর দিকে চেয়ে রইল। এই সময় তাদের মূগপাত্তবরণ একজন বর্নায়ান কৃষক ডক্টর ফাউষ্টকে বলতে লাগল—“হে মহাপ্রাণ, এই আনন্দের দিনে তুমি আমাদের কাছে আসার আমরা যে কতদূর খুশী হয়েছি তা প্রকাশের ভাষা খুঁজে পাচ্ছি না। আজ আমরা যে এখানে মিলিত হয়েছি এ কেবল তোমার স্বর্গত পিতা এবং তোমার দয়াতেই সম্ভবপর হয়েছে। কারণ আমাদের গাঁয়ে যখন ভীষণ প্লেগ দেখা দেয় এবং প্রত্যহ বহুলোক মারা যেতে থাকে তখন করুণার অবতার তোমার পিতা আহাির নিজা ভুলে ঘরে ঘরে ঘুরে আমাদের ঔষধ দিয়ে যেতেন। তুমি তখন ছিলে বয়সে নবীন, কিন্তু তুমিও নিজের জীবনের মারা না ক’রে সুদৃঢ় নিষ্ঠার সঙ্গে প্রত্যেক রোগীকে ঔষধ খাওয়াতে, শুশ্রূষা করতে এবং সাহস দিতে। ভগবানের অশেষ দয়া যে যিনি এবং যার পুত্র দেবদূতের মত উপস্থিত হয়ে সেই চরম দুঃসময়ে করালব্যাদির কবল থেকে আমাদের বাঁচাবার চেষ্টায় আত্মনিয়োগ করেছিলেন, ঐ ব্যাধি তাঁদের কেশাশ্রও স্পর্শ করতে পারে নি।” গ্রামবৃদ্ধের কথা শেষ হলে সকলে সমবেত ভাবে ডক্টর ফাউষ্টের দীর্ঘজীবন কামনা ক’রে জগদীশ্বরের কাছে প্রার্থনা করলে। প্রত্যুত্তরে ফাউষ্ট বললেন—“ভাই সব, মানুষের একমাত্র বন্ধু পরমপিতা পরমেশ্বরই সকল কল্যাণের মূলধার। আমরা তাঁর দীন ভৃত্য হিসাবে তাঁরই অপার করুণার কণামাত্র তোমাদের কাছে পৌঁছিয়ে দিতে পেরেছি; সুতরাং এজন্ত ধন্যবাদ আমাদের প্রাপ্য নয়—তোমরা ভগবানকেই এর জন্ত কৃতজ্ঞতা জানাও।”

এই কথা বলে প্রতিনন্দনার্পূর্বক বিদায় নিয়ে শিশু ডক্টর ফাউষ্ট দূরে একটু নিরালস্য সরে গেলেন। তখন শিশু ভাগনার বলতে লাগলেন—“শুরুদেব, না জানি কি অনাবিল আনন্দই না আজ আপনি পেলেন—গাঁয়ের লোকদের প্রাণপোলা অভিনন্দন ও সফুতজ্ঞ প্রসঙ্গালি লাভ করে! আপনার মত সেই ব্যক্তিই যথার্থ সুশী ও ভাগ্যান্ব যিনি ভগবানের দেওয়া প্রতিষ্ঠা ভগবানে ঈপ্সিত মঙ্গলকার্যে নিয়োজিত করে ধন্য হন।”

ডক্টর ফাউষ্ট অূরে একটি শিলাখণ্ড লক্ষ্য করে বললেন—“অনেকটা ইটা হয়েছে—চল ঐ পাথরটার উপর বসে কিছুক্ষণ বিশ্রাম করা যাক।” সেখানে কিছু সময় নীরবে কাটানার পর ডক্টর ফাউষ্ট বলে চললেন—“সেই ভীষণ প্লেগ যখন এ অঞ্চলের গ্রামকে গ্রাম উজাড় করছিল, সেই সময় আমি প্রায়ই এসে নির্জনে একাকী এই পাথরটার উপর বসতাম—বসে আমাদের অসহায় অবস্থার কথা কত না চিন্তা করতাম। কখনো বা উপবাসী থেকে মর্মান্তিক যাতনা নিয়ে প্রার্থনা করতাম। তখন বয়সে ছিলাম তরুণ—সেই বয়সের সহজাত সীমাহীন আশা ও অটল সরল বিশ্বাস নিয়ে, সমস্ত চক্ষে কত না দীর্ঘধাম ফেলে ভগবানকে ডাকতাম—যদি তিনি আমার কাতর ক্রন্দনে সাড়া দিয়ে ঐ প্লেগের আক্রমণ থেকে গ্রামবাসীদের রক্ষা করেন।...কাজেই আজ এরা আমার যে প্রশংসা করল, এ যে আমার কাছে বিক্রপের মত ঠেঁকবে তাতে আর আশ্চর্য কি? আমার অন্তরদেবতাই জানেন

এদের সরল প্রাণের উচ্ছল প্রশংসার কতটুকু আমার পিতার বা আমার সত্যিকারের প্রাণ্য!—আমার পিতা ছিলেন নিতান্ত স্বল্পভাবী, আগনতোলা লোক। নিরলস ভাবে সমস্ত মন প্রাণ চেলে দিয়ে তিনি সর্বদাই ‘প্রকৃতির পুণ্যবৃত্ত’ (Nature's holy circle) অথও অভিনিবেশ সহকারে পাঠ করতেন এবং একজন বা দুজন দক্ষ সহকারীর সঙ্গে তাঁর গুণকক্ষে অদ্ভুত ফরমূলা অনুসারে আগুন এবং মূবার (crucible) সাহায্যে নানা বিরুদ্ধধর্মী পদার্থের সংযোগ সাধনে—যেন সিংহের সঙ্গে লিলির মিলন ঘটানোর জন্ত—ব্যাপৃত থাকতেন। এইরূপে জন্ম নিত কত নব নব ঔষধ; কিন্তু রোগীদের বাঁচাতে পারতাম কই সে সব ঔষধ দিয়ে? হাজার হাজার লোককে আমি স্বস্থে দিয়েছি এই ঔষধ—তারা গেছে মরে। এই অঞ্চলে আমাদের ঔষধই স্নেহের চেয়েও ছিল বেশী ভয়ংকর। কিন্তু কেউ শুধায় নি কখনো ‘কে কে এই ঔষধ খেল? আর তার মধ্যে ক’জনই বা সেরে উঠল?’—আর আজ আমি বেঁচে রয়েছি সেই লোকান্তরিত হত-ভাগাদের প্রিয়জনের কাছ থেকে উচ্ছ্বসিত প্রশংসা ও ধন্যবাদ পাবার জন্ত!”

গুরু এই মর্মবেদনা করণ, হতাশাব্যঞ্জক কথা শুনে ভাগনার বলে উঠলেন—“এত এত দুঃখ করবার কি আছে? মানুষ তার সমসাময়িক বিজ্ঞানের নির্দেশ অকুণ্ঠভাবে গ্রহণ করে সততার সঙ্গে তা প্রতিপালন করা শির আর কি করতে পারে বলুন? আপনি আপনার পিতার নিকট যা শিখেছিলেন, তা সম্পূর্ণ সরল অন্তঃকরণে প্রগাঢ় বিশ্বাসের সঙ্গেই শিখেছেন। আপনার জীবনে বিজ্ঞানের সীমারেখা আপনি যাবেন বাড়িয়ে এবং সেই বিবৃদ্ধ জ্ঞানরাজ্যের উত্তরাধিকারী আপনার পুত্র হয়ত আরো রোমাঞ্চকর আবিষ্কারের খ্যাতিলাভে ধস্ত হবেন। কিন্তু একথা ভুললে চলবে না যে—আগামী-কালের সমুদ্রত বৈজ্ঞানিক আবিষ্কারের সুরমা সৌধের ভিত্তিপ্রস্তর আমরাই তর্পণে চলেছি। ভুলচুক হয় ত আমাদের হচ্ছে, কিন্তু তাই বলে হাত পা গুটিয়ে বসে থাকলে ত চলবে না। এ কথা যদি মনে নেন, তবে এর জন্ত দুঃখ বা অনুশোচনা করবার কোনও কারণ আছে বলে আমি মনে করি না।”

আমরা দেখলাম, মহাকবি গোটের ডক্টর ফাউন্টের মুখ দিয়ে যে জটিল সমস্তার অবতারণা করলেন পরক্ষণেই তিনি ভাগনার উক্তির মাধ্যমে অতি সরল সুন্দর ভাবে সেই সমস্তার সমাধান করে দিলেন। মহাসমুদ্রের কোটি কোটি প্রবালকীটের দেহাবশেষে গড়ে ওঠে কুলকল-শোভিত নয়নমনোহর স্বীপমালা—সেইরূপ পুরুষ পরম্পরায় এইরূপ কত ফাউন্টের আজীবন একনিষ্ঠ সাধনার ফলে যে আমরা বিজ্ঞানের বর্তমান অশ্রাবণীয় উন্নতি প্রত্যক্ষ করছি—কে তার ধবর রাখে? জার্মানজাতি গোটের এই মর্মবাণী মর্মে মর্মে অনুভব করার ফলে স্বল্প পরিমর এক শতাব্দী সময়ের মধ্যেই তারা জ্ঞানরাজ্যের বিভিন্ন দেশ আবিষ্কার ও অধিকার করে পৃথিবীর মধ্যে সর্বশ্রেষ্ঠ সুবিশাল জ্ঞান-সাম্রাজ্য স্থাপনে সমর্থ হয়েছে। এই প্রসঙ্গে সবচেয়ে আনন্দের কথা এই যে, সংশ্লেষণ সঞ্জাত ঔষধের আবিষ্কার ও প্রস্তুতি যিনি সুদৃঢ় বৈজ্ঞানিক ভিত্তির উপর স্থাপন করেন, নোবেল পুরস্কার বিজয়ী সেই স্বনামধন্য পল এরলিখের সাধনার ক্ষেত্র ছিল মহাকবির জন্মপত্রী, ফ্রান্সফোর্টে।

পরিশেষে আমাদের দেশের রসায়নের তরুণ ছাত্রছাত্রী ও প্রবীণ রসায়ন-বিজ্ঞানীদের—বিশেষ করে যারা ঔষধ শিল্পে আত্মনিয়োগ করেছেন, জনগণের ব্যাধিক্রম ও অপমৃত্যু নিবারণে ফাউন্টের যে মর্মবেদনাপীড়িত ছবি কবি এঁকেছেন—তৎপ্রতি তাঁদের সমস্ত মনোনিবেশ আকর্ষণ করতে চাই। এই শাস্ত্রচর্চায় আমরা যে সুযোগ সুবিধা পেয়েছি এবং ভগবদ্ভক্ত ক্রমতার বতটুকু অনুশীলন ও সদ্যবহার আমাদের ক্ষুদ্র শক্তিতে সম্ভবপর হয়েছে তার সাহায্যেই সনিষ্ঠ শ্রম-লীলতার সঙ্গে নতুন নতুন ঔষধ আবিষ্কার ও প্রস্তুত করে আমাদের দুই দেশবাসিগণকে ব্যাধি ও অপমৃত্যুর হাত থেকে রক্ষা করবার পবিত্র ব্রত ও গুরুদায়িত্ব আমাদের উপর সতত স্তম্ভ, একথা যেন কখনো আমরা ভুলে না যাই। ‘জগদ্ধিতায় কৃকায় গোবিন্দায় নমঃ নমঃ’ বলে যে দেশের লোক শয্যাত্যাগ করেন, বর্তমান প্রবন্ধে আলোচিত গোটের এই ভাবধারার অন্তর্নিহিত আদর্শ তাঁদের অন্তর স্পর্শ করে জীবন মহিমময় করে তুলবে বলেই আমার আন্তরিক বিশ্বাস।



গীতগোবিন্দ

রাজশেখর বসু

রবীন্দ্রনাথের কবিখ্যাতি অসীম, কিন্তু তাঁর কাব্যের সঙ্গে সাক্ষাৎ পরিচয় প্রধানত বাঙালীরই আছে। বাংলা ভাষায় ব্যুৎপন্ন অবাঙালী বেশী নেই, যারা মূল রচনা পড়ে রবীন্দ্রকাব্য পূর্ণভাবে উপভোগ করতে পারেন। বিশ্ব-সাহিত্য রূপে গণ্য হলেও রবীন্দ্রসাহিত্য সর্বভারতে ব্যাপ্ত হয় নি।

আর এক বাঙালী কবি জয়দেব প্রায় আট শ বৎসর পূর্বে আবির্ভূত হয়েছিলেন। তখন মুদ্রায়ন্ত্র না থাকায় গ্রন্থের বহুপ্রচার অসম্ভব ছিল, শিক্ষিত পাঠকের সংখ্যাও অল্প ছিল, এক প্রদেশ থেকে অন্য প্রদেশে যাতায়াতও কষ্টসাধ্য ছিল। তথাপি জয়দেবের গীতগোবিন্দ কাব্য সর্ব ভারতে প্রচারিত হয়েছে, কাশ্মীর থেকে পাণ্ড্যদেশ, দ্বারকা থেকে মণিপুর—সর্বত্র তাঁর পদাবলী বহুকাল থেকে পণ্ডিত সমাজে পঠিত এবং বৈষ্ণব মন্দিরে গীত হয়ে আসছে। এই প্রসিদ্ধির কারণ, জয়দেব তৎকালীন সর্বভারতীয় সাহিত্যিক ভাষা সংস্কৃতে তাঁর কাব্য রচনা করেছিলেন। রবীন্দ্রনাথ যদি সকালে জন্মাতেন এবং সংস্কৃতে লিখতেন তবে তিনি সমগ্র ভারতের অপ্রতিদ্বন্দ্বী সার্বভৌম কবি রূপে গণ্য হতেন তাতে সন্দেহ নেই। কিন্তু তিনি যদি এই যুগে সংস্কৃতে লিখতেন তবে বিশেষ খ্যাতি পেতেন না, কারণ অস্তান্ত ভারতীয় ভাষার অভ্যাসে সংস্কৃতে চর্চা এবং প্রতিপত্তি এখন কমে গেছে।

শ্রীমুক্ত হরেকৃষ্ণ মুখোপাধ্যায় সাহিত্যরত্ন মহাশয়ের ‘কবি জয়দেব ও শ্রীগীতগোবিন্দ’ গ্রন্থের বর্ধিত দ্বিতীয় সংস্করণ* সম্প্রতি প্রকাশিত হয়েছে। আমি এই গ্রন্থ সম্বন্ধে কিছু লিখতে আহুত হয়েছি। গীতগোবিন্দের আলোচনা দুই দিক থেকে হতে পারে, কাব্য রূপে এবং ভক্তিবাদ রূপে। দুর্ভাগ্যক্রমে এই দুই দৃষ্টির কোনওটির

অধিকারী আমি নই। অগত্যা অন্ধ যেমন হাত বুলায়ে হস্তীদর্শন করে, আমিও তেমনি অমর্মগ্রাহী সামান্ত পাঠকের খুল দৃষ্টিতে গীতগোবিন্দের আলোচনা করছি।

বহু বৎসর পূর্বে একটি প্রাচীন-কাব্য-সংগ্রহ গ্রন্থের সমালোচনা প্রসঙ্গে বঙ্কিমচন্দ্র লিখেছিলেন—‘এই সকল কবিতা অনেক আধুনিক বাঙ্গালীর অকুচিকর।...সামান্ত নায়কের সঙ্গে কুলটার প্রণয় হইলে যেমন অপবিত্র অকুচিকর এবং পাপে পঙ্কিল হয়, কৃষ্ণলীলাও তাঁহাদের বিবেচনায় তদ্রূপ।...এ সকল কবিতা অনেক সময় অঙ্গীল এবং ইন্দ্রিয়ের পুষ্টিকর—অতএব ইহা সর্বথা পরিহার্য। যাঁহারা এইরূপ বিবেচনা করেন তাঁহারা নিতান্ত আসারগ্রাহী। যদি কৃষ্ণলীলার এই ব্যাখ্যা হইত তবে ভারতবর্ষে কৃষ্ণভক্তি এবং কৃষ্ণগীতি কখনও এত কাল স্থায়ী হইত না।...যিনি কবিতা লিখেন তিনি জাতীয় চরিত্রের, সামাজিক বলের এবং আত্মস্বভাবের অধীন।...প্রাচীন কবি যাদেরই কতকগুলি দোষ গুণ আছে যাহা আধুনিক কবিতে অপ্ৰাপ্য। সেইগুলি তাঁহাদের সাময়িক লক্ষণ।’

বঙ্কিমচন্দ্র গীতগোবিন্দকে অঙ্গীল বলেন নি, কিন্তু জানিয়েছেন যে তাঁর সমকালীন অনেকের দৃষ্টিতে এই প্রকার রচনা আপত্তিকর ছিল। প্রাচীন কবিদের যে সাময়িক লক্ষণের কথা তিনি বলেছেন, তাঁর সময়ের শিক্ষিত পাঠকসমাজের বিচারপদ্ধতিতেও সেই সাময়িক লক্ষণ দেখা যায়। কুচি কালে কালে বদলায়। যা স্বাভাবিক মনুষ্যধর্ম তার সম্বন্ধে কোনও দেশের প্রাচীন কবিদের সংকোচ ছিল না। তাঁরা কাম ও প্রেমের বড় একটা পার্থক্য করতেন না। আদিরস পরিবেশনে তাঁদের অনেকে মুক্তহস্ত ছিলেন, পাঠকবর্গও তাতে দোষ ধরতেন না। কিন্তু ইংরেজী শিক্ষা এবং ভিক্টোরীয় সাহিত্যের প্রভাবে বঙ্কিমচন্দ্রের সময়ে শিক্ষিত জনের কুচি বদলে গিয়েছিল। তাঁরা ভাবতে পারতেন না যে পঞ্চাশ বাট বৎসর পরে পাশ্চাত্য কুচি এদেশের প্রাচীন কুচিকে হার মানাবে। বর্তমান কালের অনেক সুবিখ্যাত লেখক

* কবি জয়দেব ও শ্রীগীতগোবিন্দ।—শ্রীহরেকৃষ্ণ মুখোপাধ্যায়। প্রকাশক—গুরুদাস চট্টোপাধ্যায় অ্যান্ড সন্স। ২২৩+১৬০ পৃষ্ঠা। মূল্য চার টাকা।

লালসার বর্ণনায় কার্পণ্য করেন না। আদিরস ভক্তির বাহন হতে পারে কিনা সে বিষয়ে মতভেদ থাকতে পারে, কিন্তু আধুনিক সমালোচকের দৃষ্টিতে গীতগোবিন্দে এমন কিছুই নেই বা কাব্যে বর্জনীয়।

বৈষ্ণবমতে শাস্ত্র দাস্ত্র সখ্য বাৎসল্য ও মধুর রসের যে-কোনওটির অবলম্বনে কৃষ্ণভক্তি চরিতার্থ হতে পারে, কিন্তু মধুর বা শৃঙ্গার রসই শ্রেষ্ঠ, যাতে উপাস্ত্র-উপাসকের মধ্যে কামগন্ধগীন প্রণয়িসম্পর্ক হয়। চৈতন্যদেবের প্রশ্নের উত্তরে রায় রামানন্দ কৃষ্ণসাধনার নানা ভেদ উল্লেখ করে পরিশেষে বলেছেন, ‘কান্তা ভাব সর্ব সাধ্য সার।’ চৈতন্যদেবও বলেছেন, ‘বরঃ কৈশোরকঃ ধ্যেয়মাচ্চ এব পরো রসঃ’—অর্থাৎ সাধকের পক্ষে কিশোর রূপই ধ্যানযোগ্য এবং আদিরসই পরম রস। মরমী বা মমটিক সাধকগণের ঈশ্বরোপলব্ধি কি প্রকার, তা অন্য লোকের ধারণার অতীত। কিন্তু এ বিষয়ে সন্দেহ নেই যে শুধু ভারতীয় ভক্ত নয়, বহু খ্রীষ্টীয় সন্ন্যাসী এবং সুফী সাধকও প্রেমাতুরা বিরহিণী নাগিকার দৃষ্টিতে ঈশ্বরের অন্বেষণ করেছেন এবং ঈশ্বরোপলব্ধির ফলে প্রিয়সমাসমতৃষ্ণা নাগিকার তুল্যই নিজেকে কৃতার্থ জ্ঞান করেছেন।

তথাপি প্রশ্ন ওঠে, মূল আদিরস কি ভক্তির বাহন হতে পারে? পূর্বোক্ত প্রবন্ধে বঙ্কিমচন্দ্র লিখেছেন—‘প্রকৃতি ও পুরুষ সাংখ্যমতানুসারে পরস্পরে আসক্ত।...শ্রীমদ্ভাগবত-কার এই দুইরূপ তত্ত্ব জনসাধারণের বোধগম্য করিয়া মৃত ধর্মে জীবনের সঞ্চারের অভিপ্রায় করিলেন। মহাভারতে যে বীর ঈশ্বরবতার বলিয়া লোকমণ্ডলে গৃহীত হইয়াছিল, তিনি তাঁহাকেই পুরুষ স্বরূপে স্বীয় কাব্যমধ্যে অবতীর্ণ করিলেন এবং স্বকপোল হইতে গোপকন্তা রাধিকাকে সৃষ্ট করিয়া প্রকৃতিস্থানীয় করিলেন।...সাংখ্যের মতে ইহাদের মিলনই জীবের দুঃখের মূল—তাই কবি এই মিলনকে স্বাভাবিক এবং অপবিত্র করিয়া সাজাইলেন। শ্রীমদ্ভাগবতকারের গূঢ় তাৎপর্য, আত্মার ইতিহাস—প্রথমে প্রকৃতির সহিত সংযোগ, পরে বিয়োগ, পরে মুক্তি। জয়দেব প্রণীত কৃষ্ণচরিত্রে এই রূপক একেবারে অদৃশ্য।...আর্যজাতির জাতীয় জীবন দুর্বল হইয়া আসিয়াছে।...অস্ত্রের ঝড়নার স্থানে রাজপুরী সকলে নূপুর-নিকণ বাজিতেছে।...গীতগোবিন্দ এই সমাজের উক্তি।...শব্দভাণ্ডারে যত সুকুমার কুসুম আছে, সকলগুলি বাছিয়া বাছিয়া চতুর গোস্বামী কিশোর-কিশোরী রচিয়াছেন।...যে মহাগৌরবের জ্যোতি মহাভারত ও ভাগবতে কৃষ্ণচরিত্রের উপর নিঃসৃত

হইয়াছিল, এখানে তাহা অস্তহিত হইয়াছে। ইন্দ্রিয়পরতার অন্ধকার ছায়া আসিয়া প্রথরস্বত্ববাতপ্ত আর্য পাঠককে শীতল করিয়াছে।’

বঙ্কিমচন্দ্র কৃষ্ণভক্ত এবং বৈষ্ণব কাব্যের অমুরাগী ছিলেন। তিনি গীতগোবিন্দের লালিত্য এবং রচনাচাতুর্ঘ স্বীকার করেছেন। তাঁর একাধিক উপন্যাসে এই কাব্য থেকে উদ্ধৃতিও দিয়েছেন। কিন্তু জয়দেবের রচনায় তিনি পারমাধিক তত্ত্ব কিছুই পান নি। তাঁর আরাধ্য শূরশ্রেষ্ঠ দার্শনিক রাজনীতিজ্ঞ কৃষ্ণ গীতগোবিন্দে নেই।

শ্রীযুক্ত হরেকৃষ্ণ মুখোপাধ্যায় মহাশয় সুপণ্ডিত, ভক্ত এবং বৈষ্ণব শাস্ত্রে অশেষবিৎ। তাঁর গ্রন্থের মোট পৃষ্ঠা-সংখ্যা ৩৮৪, তার মধ্যে ১৬০ পৃষ্ঠা সটীক সাত্ববাদ ‘গীতগোবিন্দ কাব্য এবং অবশিষ্ট ২২৪ পৃষ্ঠা ভূমিকা। এই বৃহৎ ভূমিকায় গ্রন্থকার জয়দেবের দেশ, কাল ও চরিত্র বিবৃত করেছেন এবং বৈষ্ণব ধর্ম ও সাধনার পদ্ধতি সম্বন্ধে সুবিস্তারে আলোচনা করেছেন। তিনি বহু বৃক্তি এবং নানা শাস্ত্রীয় প্রমাণ দিয়ে বঙ্কিমচন্দ্রের প্রতিকূল মত খণ্ডন করে দেখিয়েছেন যে জয়দেবের কাব্য ভাগবতেরই অমুবর্তী, কামগ্রহ নয়, ভক্তিগ্রহ।

আধুনিক শিক্ষিত বাঙালীর সংস্কৃতে অমুরাগ নেই, কিন্তু প্রাচীন বাঙালী কবি জয়দেবের ভারতবিখ্যাত কাব্য সম্বন্ধে অনেকের কোতুহল আছে। মুখোপাধ্যায় মহাশয়ের এই বহুতথ্যসংবলিত গ্রন্থ পড়লে তাঁরা উপকৃত হবেন এবং গীতগোবিন্দ কাব্যের উদ্দেশ্য সম্বন্ধে চিন্তা করবার অনেক উপাদান পাবেন। কাব্যের প্রথম যুগের তৃতীয় শ্লোকে জয়দেব তাঁর উদ্দেশ্যের ইঙ্গিত করেছেন—যদি হরিন্মরণে মন সরস করতে চাও, যদি বিলাসকলায় কোতুহল থাকে, তবে জয়দেবকথিত এই মধুর কোমল কান্ত পদাবলী শোন। বোধ হয় এর তাৎপর্য—শুদ্ধচিত্ত ধার্মিক বৈষ্ণব পদাবলী-বর্ণিত বিলাসকলাকে উপাস্ত্র-উপাসক-মিলনের রূপক ভাবেই নেবেন এবং ভক্তিভরে হরিন্মরণ করে রসাবিষ্ট হবেন। আর, কোতুহলী সাধারণ পাঠক এতে পাবেন রাধাকৃষ্ণলীলাচ্ছলে বাণত মাহুযী প্রেমলীলারই মোহন চিত্র।

যারা সংস্কৃত জানেন না তাঁরাও গ্রন্থকারের প্রাঞ্জল বাংলা অমুবাদের সাহায্যে অল্পায়াসে মূল শ্লোকগুলিও বুঝতে পারবেন। আশা করি, বহু যত্নে সম্পাদিত এই গ্রন্থের প্রচুর ক্রেতা ও পাঠক হবে। পশ্চিমবঙ্গ সরকারের শিক্ষাধিকার এই গ্রন্থ প্রকাশের জন্য অর্থ সাহায্য করে প্রশংসাজনন হয়েছেন।

দেশ বিদেশ

শ্রীহেমেন্দ্রপ্রসাদ ঘোষ

বাস্তবহারা-সমস্যা—

দেশবিভাগের ফলে পঞ্জাবে ও বাঙ্গালায়—পাকিস্তানভুক্ত অংশে মুসলমানাতিরিক্ত অধিবাসীদিগের ধন, প্রাণ ও মান বিপন্ন হইয়াছে। দেশবিভাগের সর্ব হিসাবে মুসলমান নেতা মিষ্টার জিন্না অধিবাসি-বিনিময়ের যে প্রস্তাব করিয়াছিলেন, তাহা গান্ধাজীপ্রমুখ ব্যক্তিদিগের দ্বারা গৃহীত হয় নাই। তাঁহারা আশা করিয়াছিলেন, ভারতে যেমন মুসলমানগণ, পাকিস্তানে তেমনই হিন্দুরা যথাক্রমে হিন্দু ও মুসলমান অধিবাসীদিগের তুল্যাধিকার সম্ভোগ করিয়া নিরাপদে বসবাস করিতে পারিবে। কিন্তু তাঁহাদিগের সে বিশ্বাস নষ্ট হইয়া গিয়াছে। তাহার প্রধান কারণ, তাঁহারা অতীতের অভিজ্ঞতা অবজ্ঞা করিয়া-ছিলেন। দূর অতীত—স্বদেশী আন্দোলনকালে প্রচারিত “লাল ইন্তাহার” প্রভৃতি; অদূর অতীত—কলিকাতায় সাম্প্রদায়িক হত্যাব্যাপারের পরে নোয়াখালী ও ত্রিপুরার ঘটনাসমূহ। কার্যকালে দেখা গেল, ভারত ধর্মনিরপেক্ষ রাষ্ট্র হইলেও, পাকিস্তান আপনাকে ইসলাম রাষ্ট্র ঘোষণা করিল—সুতরাং তথায় মুসলমান ও অমুসলমান উভয়ে প্রভেদ থাকিল ও থাকিবে। পঞ্জাবে অধিবাসি-বিনিময় “করাল রূপাণ মুখে”—রক্তপাতে ও হত্যায় একরূপ সম্পন্ন হইয়া গিয়াছে। বাঙ্গালায় তাহা হয় নাই এবং ভারত সরকার ও পশ্চিমবঙ্গ সরকার উভয়েই পূর্ববঙ্গের হিন্দুদিগকে পশ্চিমবঙ্গে ভার—দুর্ভব ভার, সুতরাং অবাঞ্ছিত বলিয়া মনে করিয়াছেন। সেইজন্য পশ্চিমবঙ্গ সরকার প্রথমাবধি পূর্ববঙ্গের বাস্তুত্যাগী হিন্দু নর-নারীর পুনর্কসতির আবশ্যক ব্যবস্থা করেন নাই এবং শেষে তাহাদিগকে আন্দামান হইতে হায়দ্রাবাদ পর্যন্ত নানা স্থানে পাঠাইয়া কোনরূপে অব্যাহতি লাভের চেষ্টা করিয়াছেন ও করিতেছেন। ফলে বাঙ্গালী জাতির একত্ব নষ্ট হইতেছে এবং বহু বাঙ্গালী বাঙ্গালার সংস্কৃতিব্রষ্ট ও মাতৃভাষাত্যাগী হইবার সম্ভাবনা প্রবল হইতেছে। ভারত সরকার বিহারকে

যেমন উড়িষ্যাকেও তেমনই বাস্তুহারা বাঙ্গালার পুনর্কসতির ব্যবস্থা করিতে নির্দেশ দিয়াছেন। অথচ দেখা গিয়াছে, বিহার, উড়িষ্যা ও আসাম কেহই পূর্বাধি বাঙ্গালীর প্রতি সহানুভূতিসম্পন্ন নহে। কাজেই তাহারা সে নির্দেশ সাগ্রহে পালন করিতে পারে নাই এবং সময় সময় প্রথম প্রদেশদ্বয়ে প্রেরিত বাঙ্গালীরা ফিরিয়া আসিয়াছে।

পূর্ববঙ্গে হিন্দু নরনারীর উপর যে অনাচার ও অত্যাচার অহুষ্ঠিত হইয়াছে, তাহার প্রতিক্রিয়া যে পশ্চিমবঙ্গে হয় নাই, এমন বলা যায় না—তবে তাহা যৎসামান্য। বিহারে যখন মুসলমানরা উৎপীড়িত হইয়াছিল, তখন পণ্ডিত জওহরলাল নেহরু তাহা কলিকাতায় এবং নোয়াখালীতে ও ত্রিপুরায় হিন্দুলাঞ্ছনার প্রতিক্রিয়া বলিয়া পার্লামেন্টে স্বীকার করিয়াছেন। সে যাহাই হউক, “যেন তেন প্রকারে” অবস্থার উন্নতি সাধনের উদ্দেশ্যে তিনি ভারতেরও দোষ স্বীকার করিয়া লইয়া, পাকিস্তানের সহিত সংখ্যালঘিষ্ঠদিগের সহক্বে চুক্তিবদ্ধ হইয়াছেন। তিনি মনে করিয়াছেন, চুক্তির সর্ব পাকিস্তানে পালিত হইবে। কিন্তু ইতিমধ্যেই চুক্তির সর্ব পরিবর্জন করিতে হইয়াছে। চুক্তির সর্ব পালন জন্য তিনি যে মন্ত্রীকে ছয় মাসের জন্য নিযুক্ত করিয়াছিলেন, তাঁহার কার্যকাল বর্ধিত করিতে হইয়াছে। সেই মন্ত্রী বাঙ্গালী—পশ্চিমবঙ্গের প্রধান-সচিব হইয়া ডক্টর বিধানচন্দ্র রায় ষাঁহাকে সচিবসভ্যে গ্রহণ জন্য আহ্বান করিয়াও গ্রহণ করিতে পারেন নাই—চারুচন্দ্র বিশ্বাস। তিনি পাকিস্তানের সংখ্যালঘিষ্ঠ সম্প্রদায়ের স্বার্থ রক্ষার্থ নিযুক্ত মন্ত্রী ডক্টর মালেকের সহিত পূর্ববঙ্গের ও পশ্চিমবঙ্গের নানাস্থান পরিদর্শন করিয়াছেন—দিল্লীচুক্তি অহুসারে কাজ করিবার জন্য হিন্দুদিগকে প্ররোচিত করিতে চেষ্টার ক্রটি করেন নাই। কিন্তু দীর্ঘ ছয় মাসের অভিজ্ঞতাকালে তিনি বলিয়াছেন, পূর্ববঙ্গে অবস্থা এখনও “স্বাভাবিক” হয় নাই—হিন্দুদিগের পক্ষে অহুষ্ঠিত অত্যাচার সহজে বিশ্বত হওয়া সম্ভব নহে—হিন্দুর মনে এখনও আস্থা প্রতিষ্ঠিত হয়

নাই। পণ্ডিত জওহরলাল বেন “হতাশের আক্ষেপ” করিয়াছেন—এখনও পূর্ববঙ্গ হইতে প্রতিদিন সহস্র সহস্র হিন্দু নরনারী পশ্চিমবঙ্গে আসিতেছে—আস্থা এখনও “স্বাভাবিক” হয় নাই। বিশেষ যে সকল হিন্দু পূর্ববঙ্গ ত্যাগ করিয়া আসিয়াছে, তাহারা আর ফিরিয়া যাইতে চাহে না। গত সেপ্টেম্বর মাসে পশ্চিমবঙ্গ ব্যবস্থাপরিষদে প্রদেশপাল ডক্টর কাটজুও তাহাই বলিয়াছেন। তিনি বলিয়াছেন :—

(১) গত ১৫ই আগষ্ট (১৯৪৭ খৃ:) হইতে এ পর্যন্ত পূর্ববঙ্গ হইতে অস্থায়ী ৪০ লক্ষ হিন্দু চলিয়া আসিয়াছেন।

(২) যাহারা আসিয়াছেন, তাঁহারা পূর্ববঙ্গে ফিরিয়া যাইবেন না।

(৩) চুক্তির ফলে হিন্দুদিগের সম্বন্ধে পূর্ববঙ্গে উৎপীড়নের তীব্রতা হ্রাস হইয়াছে, উৎপীড়নের অবসান হয় নাই। যে অবস্থায় হিন্দুদিগের মনে আস্থা ফিরিতে পারে, সে অবস্থা হইয়াছে কি না, বলা চূঃসাধ্য।

পশ্চিমবঙ্গ ব্যবস্থাপরিষদে পশ্চিমবঙ্গের প্রধান মন্ত্রী বলিয়াছেন, (সরকারী হিসাবে) যে সকল হিন্দু পূর্ববঙ্গ ত্যাগ করিয়া আসিয়াছেন, তাঁহাদিগের তথায় ত্যক্ত সম্পত্তির মূল্য ৮৭ কোটি ৮১ লক্ষ ১৫ হাজার টাকা।

আগন্তুকদিগের সংখ্যা, তাহাদিগের ফিরিয়া যাইতে অসম্মতি ও তাহাদিগের ত্যক্ত সম্পত্তির মূল্য বিবেচনা করিলেই বাস্তবহার্য সমস্যার গুরুত্ব বৃদ্ধিতে আর বিলম্ব হয় না। প্রথমাবধি সমস্যা স্বীকারে সরকারের অসম্মতি ও তাহার পরে কার্যে প্রবৃত্ত হইতে বিলম্ব যে বহু লোকের অনিবাধ্য কষ্টভোগের কারণ হইয়াছে, তাহাতে সন্দেহ নাই। কিন্তু সে জল্প আক্ষেপে কালক্ষেপের সময় আর নাই। এই সমস্যার সমাধান যখন করিতেই হইবে, তখন ভারত সরকারকে, পশ্চিমবঙ্গ সরকারকে ও ভারত রাষ্ট্রের অধিবাসীদিগকে সমবেত ও সাগ্রহ চেষ্টায় সে কার্য সম্পন্ন করিতে হইবে।

পদত্যাগকারী মন্ত্রীর কথা—

অস্থায়ী ও পরীক্ষামূলকভাবে ভারত সরকার কর্তৃক চারুচন্দ্র বিশ্বাসকে মন্ত্রী নিযুক্ত করিবার পূর্বে ভারত সরকারে দুইজন বাঙ্গালী মন্ত্রী ছিলেন (অবশ্য আমরা

মিষ্টার আবুল কালাম আজাদকে বাঙ্গালী বলিতে পারি না) —ডক্টর শ্যামাপ্রসাদ মুখোপাধ্যায় ও ক্ষিতীশচন্দ্র নিয়োগী। প্রধান মন্ত্রী পার্লামেন্টের মত না লইয়া পাকিস্তানের সহিত যে চুক্তি করিয়াছেন, তাহাতে ঈপ্সিত ফললাভ হইবে না—অর্থাৎ পূর্ববঙ্গে হিন্দুর বাস সম্ভব হইবে না—প্রত্যাবর্তন ত পরের কথা—এই বিশ্বাসহেতু তাঁহারা উভয়ে পদত্যাগ করিয়া আসিয়াছেন। পদত্যাগের কারণ ব্যক্ত করিবার সুযোগ লইয়া শ্যামাপ্রসাদ তাঁহার বক্তব্য পার্লামেন্টে বলিয়াছিলেন এবং তাহার পরে পশ্চিমবঙ্গে নানা স্থানে তাহা বলিয়াছেন। ক্ষিতীশচন্দ্র পার্লামেন্টে বা অন্তত বক্তৃতায় বক্তব্য ব্যক্ত করেন নাই বটে, কিন্তু একাধিক বিবৃতিতে চুক্তির ব্যর্থতা বিবৃত করিয়াছেন। তাঁহাদিগের উক্তির প্রতিবাদ ভারত সরকার করেন নাই বা করিতে পারেন নাই। তাঁহাদিগের যুক্তিও খণ্ডন করা হয় নাই। শ্যামাপ্রসাদ এমন কথাও বলিয়াছেন যে, চুক্তি যদি সফল হয়, তবে তিনি তাহাতে আনন্দিতই হইবেন ; কিন্তু তাঁহার বিশ্বাস, তাহা সফল হইবে না।

পাকিস্তানের কেন্দ্রীয় সরকারে একজন মাত্র হিন্দু মন্ত্রী ছিলেন। তিনি বাঙ্গালা—যোগেন্দ্র মণ্ডল। তিনি—ইংরেজ যাহাকে “তপশিলী সম্প্রদায়” নাম দিয়াছে, সেই সম্প্রদায়ভুক্ত। তিনি দীর্ঘ ৩ বৎসর কাল নিষ্ঠা সহকারে পাকিস্তান সরকারের মন্ত্রিত্ব করিয়াছেন। যখন বরিশালে মুসলমানদিগের দ্বারা হিন্দু নরনারীর উপর অকথ্য অত্যাচার অনুষ্ঠিত হইয়াছিল, তখন বরিশালের অধিবাসী যোগেন্দ্রবাবু বরিশালে উপস্থিত ছিলেন, কিন্তু সমধর্মীদিগকে রক্ষা করিতে পারেন নাই। এতদিনে তিনি পদত্যাগ করিয়াছেন। পদত্যাগপত্রে তিনি পূর্ববঙ্গে হিন্দুর প্রতি অত্যাচারের দৃষ্টান্ত—এমন কি হত্যার হিসাব পর্যন্ত দিয়া সিদ্ধান্ত জ্ঞাপন করিয়াছেন—হিন্দু মানুষের অধিকার লইয়া পূর্ববঙ্গে বাস করিতে পারিবে না।

চুক্তি নিষ্পন্ন হইবার পূর্বে পশ্চিমবঙ্গের প্রধান-সচিব ডক্টর বিধানচন্দ্র রায়ও এই কথাই—প্রকারান্তরে—বলিয়াছিলেন। ৮ই এপ্রিল চুক্তি সম্পাদিত হয়। ৩রা এপ্রিল তিনি মিষ্টার মুকুল আমীনের বিবৃতি উপলক্ষ করিয়া বলিয়াছিলেন—

সত্য কথা এই যে, পূর্বে পাকিস্তানে মুসলমানরা

সংখ্যালঘিষ্ঠ সম্প্রদায়কে তথা হইতে বিতাড়ন জন্ত সর্বদাই চেষ্টা করিয়া আসিতেছে। তাহারা সেই নীতি অনুসরণ করিবার জন্ত সর্ববিধ উপায়ই অবলম্বন করিয়াছে :— হিন্দুদিগের গৃহ অধিকার করিয়া হিন্দুদিগকে তাহাদিগের গৃহ ত্যাগে বাধ্য করা হইয়াছে, হিন্দুদিগের প্রতি দুর্ব্যবহার করা হইয়াছে, যাহারা মুসলমান নহে তাহাদিগের সম্বন্ধে মুসলমানদিগের ধারণামুযায়ী কাজ করা হইয়াছে। হিন্দুদিগকে হত্যা করা ও তাহাদিগের গৃহাদি দগ্ধ করা হইয়াছে, হিন্দুদিগের গৃহ লুণ্ঠিত ও সম্পত্তি নষ্ট করা হইয়াছে, হিন্দুদিগকে বলপূর্বক ধর্মান্তরিত করা ও হিন্দু-নারী অপহরণ করা হইয়াছে।

অবশ্য চুক্তি সম্পাদিত হওয়ায় পশ্চিমবঙ্গের প্রধান-সচিবের পদত্যাগ না করিলে বিধানচক্র চুক্তির ব্যর্থতা প্রত্যক্ষভাবে বলিতে পারেন না। কিন্তু পূর্ববঙ্গের সরকারের একাধিক বিবৃতির প্রতিবাদে তাঁহার সরকার যে সকল বিবৃতি প্রচার করিয়াছেন, সে সকলে পরোক্ষভাবে তাহাই বলা হইয়াছে এবং পাকিস্তান সরকার যে অনুত্বাদের আশ্রয় গ্রহণ করিতে ইতস্ততঃ করেন নাই, তাহাও বলা হইয়াছে। পশ্চিমবঙ্গ সরকারের বিবৃতিগুলি অবশ্য পূর্ব পাকিস্তান সরকার ভিত্তিহীন বলিয়াছেন; কিন্তু তাঁহারা পশ্চিমবঙ্গ সরকারের উক্তি যে সত্যের উপর প্রতিষ্ঠিত নহে—এমন প্রমাণ করিতে না পারায় কোন্ পক্ষের কথা সত্য তাহা বুঝিতে কাহারও বিলম্ব হইবার কথা নহে।

যোগেশ্বরবাবু তাঁহার পদত্যাগ পত্রে যাহা বলিয়াছেন, সেজ্ঞ তিনি পাকিস্তানের প্রধান মন্ত্রী—চুক্তির এক পক্ষ—মিষ্টার লিয়াকৎ আলী খাঁন হইতে আরম্ভ করিয়া বহু পাকিস্তানীর বিরাগভাজন ও আক্রমণের লক্ষ্য হইয়াছেন। আবার তাঁহার পূর্ব ব্যবহার স্মরণ করিয়া বহু হিন্দু তাঁহার আন্তরিকতার আস্থা স্থাপনে দ্বিধাবিচলিত হইতেছেন। ইহা অবশ্য অবশ্যস্বাবী। কিন্তু লক্ষ্য করিবার বিষয়, মুসলমান দলের যাহারা তাঁহার জন্ত বিলাপ করিতেছেন তাঁহারাও শিষ্ট ও অশিষ্টভাবে তাঁহাকে গালি দিলেও তাঁহার বিবৃতিতে প্রদত্ত সংখ্যার বা ঘটনার ভ্রম প্রদর্শন করিতে পারিতেছেন না। সে অবস্থায়—বিশেষ তিনি মন্ত্রী থাকায় তাঁহার প্রকৃত সংবাদ সংগ্রহের সুবিধা ছিল মনে করিলে—সহজেই

বিশ্বাস করিতে হয়, তাঁহার পদত্যাগের কারণ যাহাই কেন হউক না, তাঁহার বর্ণিত ঘটনা যেমন সত্য, তাঁহার প্রদত্ত হিসাব তেমনই নির্ভরযোগ্য। যদি তাহাই হয়, তবে তিনি যে সিদ্ধান্তে উপনীত হইয়াছেন, তাহা অসঙ্গত বা অন্তায় বলা যায় না। তিনি এতদিন পাকিস্তান সরকারের মন্ত্রিত্ব করিয়াছেন বলিয়া তাঁহার সিদ্ধান্ত দুষ্ট হয় না—সেজ্ঞ তিনি, ব্যক্তিগতভাবে, ক্রটির অপরাধে অপরাধী হইতে পারেন—এই পর্য্যন্ত। সুতরাং তাঁহার সিদ্ধান্ত পরীক্ষা করিয়া পাকিস্তান সম্বন্ধে আপনাদিগের অবলম্বিত ও অনুমত নীতির পরিবর্তন বা পরিবর্জন প্রয়োজন ও কর্তব্য কি না, তাহা ভারত সরকারকে বিশেষভাবেই বিবেচনা করিতে হইবে। কারণ, নীতি যে অভ্রান্ত হইবেই এমনও নহে এবং যাহারা ঘটনার পরিবর্তনে নীতির পরিবর্তন করিতে অস্বীকার করে, তাহারা সুবুদ্ধির পরিচয়ও দেয় না।

উচ্চ শিক্ষার সমস্যা—

এদেশে উচ্চ শিক্ষার সংস্কারের কথা বহুদিন হইতে আলোচিত হইয়া আসিতেছে। কিন্তু যে শিক্ষা-পদ্ধতির নানা ক্রটি পরিলক্ষিত হইয়াছে, তাহার কোন উল্লেখযোগ্য পরিবর্তন করা হয় নাই। এমন কি ভারতে স্বায়ত্ত-শাসন প্রবর্তিত হইবার পরে—অথাবধি—ভারতের প্রকৃত ইতিহাস রচনার জন্ত সরকার কোন সমিতি গঠিত করিয়া আবশ্যক চেষ্টাও করেন নাই। শিক্ষাদান-পদ্ধতি গতানুগতিক ভাবেই চলিয়া আসিতেছে। এমন কি চিকিৎসা-বিজ্ঞান বাহনও দেশীয় ভাষা হয় নাই; পরন্তু যে সকল বিদ্যালয়ে মাতৃভাষায় শিক্ষাদান-ব্যবস্থা প্রচলিত ছিল, সরকার সে সকলের বিলোপ সাধন করিয়াছেন। তাঁহারা কলিকাতায় কলেজের সংখ্যা বর্দ্ধিত করায় কলিকাতা ব্যতীত চিকিৎসা-বিজ্ঞান শিক্ষার অন্ত কেন্দ্র বাঙ্গালায় নাই।

অথচ বাঙ্গালা বিভাগের পরে কলিকাতায় উচ্চ-শিক্ষার্থীর সংখ্যা-বৃদ্ধি নিবারণ জন্ত তাঁহারা ছাত্রদিগের কতকাংশকে মফঃস্বলে রাখিবার উদ্দেশ্যে মফঃস্বলে কলেজ প্রতিষ্ঠার জন্ত কেন্দ্রী সরকারের নিকট আবেদন করায় তাঁহারা ৭০ লক্ষ টাকা ঐ কার্যের জন্ত দিয়াছেন। সে দিন পশ্চিমবঙ্গের প্রদেশপাল বলিয়াছেন, জিয়ার বোগ্য

উচ্চ ইংরেজী বিদ্যালয়গুলিকে মাধ্যমিক কলেজে এবং মাধ্যমিক কলেজগুলিকে অর্থ ও যন্ত্রাদি দিয়া উন্নত করিবার ব্যবস্থা করা হইতেছে—ফলে কলিকাতায় উচ্চ শিক্ষালাভের জন্য ছাত্রদিগের আধিক্য নিবারিত হইবে।

দুঃখের বিষয়, এই ব্যবস্থা কতকটা “গোড়ায় কাটিয়া আগায় জল” হইয়াছে। প্রথমতঃ কলিকাতার কলেজে ছাত্রসংখ্যা নির্দিষ্ট করা হয় নাই। দ্বিতীয়তঃ দেখা গিয়াছে, কলিকাতার ২টি নারী শিক্ষালয়ে—গোথলে মেমোরিয়াল ইনষ্টিটিউশনে ও ভিক্টোরিয়া কলেজে উল্লেখযোগ্য অর্থ প্রদান করা হইয়াছে। তৃতীয়তঃ কলিকাতার উপকণ্ঠে—যথা দমদম “মোতিঝিলে” ও বরিসায়—কলেজ প্রতিষ্ঠা করিয়া সেজন্য টাকা দেওয়া হইয়াছে। অথচ মফঃস্বলে প্রায় প্রত্যেক জিলার সদরে সরকারী বা বেসরকারী কলেজ আছে। কৃষ্ণনগরের ও হুগলীর সরকারী কলেজ বহুদিনের এবং বর্ধমানের রাজ-কলেজও তাহাই। তন্নিম্ন মুর্শিদাবাদে কৃষ্ণনাথ কলেজও নূতন নহে এবং তাহাও সমৃদ্ধ। মেদিনীপুর, বাঁকুড়া, বীরভূম (হেতমপুর)—এই সকল স্থানে কলেজ পূর্ব হইতেই ছিল। আবার বাঙ্গালা বিভাগের ফলে বনগ্রামে, গোবরডাঙ্গায়, বসিরহাটে ও অন্ত কয়টি স্থানে কলেজ প্রতিষ্ঠিত হইয়াছে। এ সকলই সরকারের নূতন নীতি গ্রহণের পূর্বের। যদি পশ্চিমবঙ্গ সরকার এইগুলিকে আবশ্যিক অর্থ-সাহায্য প্রদান করিয়া—বিশেষ ছাত্রাবাসের সুব্যবস্থা করিয়া এইগুলির উন্নতিসাধনে সচেষ্ট হইতেন, তবে একদিকে যেমন অনেক অল্প অর্থের প্রয়োজন হইত, অন্যদিকে তেমনই এইগুলি অধিক সংখ্যক ছাত্র আকৃষ্ট করিতে পারিত। দৃষ্টান্তস্বরূপ বলা যায়, সরকার যদি বসিরহাটে প্রতিষ্ঠিত কলেজের উন্নতিবিধান করিতেন, তবে আবার কয় মাইল মাত্র দূরবর্তী টাকী নগরে কলেজ প্রতিষ্ঠার সার্থকতা থাকিত না। একটু অনুসন্ধান করিলেই দেখা যাইবে—সরকারের নূতন নীতিতে যে সকল নূতন কলেজ প্রতিষ্ঠিত হইয়াছে, সে সকলে আশাহুরূপ ছাত্র পাওয়া যায় নাই। ইহা অবশ্যস্বাভাবী। জলপাইগুড়ীতে যে কলেজ আছে, তাহাতে ছাত্র ও ছাত্রী অধ্যয়ন করে। কিছুদিন পূর্বে তথায় পশ্চিমবঙ্গের প্রধান-সচিবের গমনে

একটি অপ্রীতিকর ঘটনা ঘটিয়াছিল—সেইজন্য কলেজ এখনও উপযুক্ত পরিমাণ সাহায্য লাভে বঞ্চিত আছে, অথচ ঐ সহরেই একটি স্বতন্ত্র কলেজ নারীদিগের জন্য প্রতিষ্ঠিত হইয়াছে এবং তাহাতে ছাত্রীর সংখ্যা উল্লেখের অযোগ্য হইলেও তাহাতে সরকারী সাহায্য অকুণ্ঠভাবে প্রদত্ত হইতেছে।

বিদ্যাবিস্তারে সভ্য সরকারের আগ্রহ স্বাভাবিক। কিন্তু সেই আগ্রহ যদি বিচার-বিবেচনা উপেক্ষা করে, তবে তাহাতে অভিপ্রেত ফললাভ হয় না। বিশেষ পশ্চিমবঙ্গে—কারীগরী শিক্ষার, চিকিৎসা শিক্ষার ও এঞ্জিনিয়ারিং শিক্ষার প্রয়োজন আজ যে কত অধিক তাহা আর কাহাকেও বলিয়া দিতে হইবে না। যখন কেন্দ্রী সরকার পূর্ববঙ্গ হইতে আগত হিন্দুদিগের বিষয় বিবেচনা করিয়া কলিকাতার বাহিরে কলেজ প্রতিষ্ঠার জন্য ৭০ লক্ষ টাকা দিয়াছেন, তখন সে অর্থে যাহাতে বাঙ্গালীরা সর্বাপেক্ষা অধিক উপকার লাভ করিতে পারে, সে বিষয়ে অবহিত হওয়া প্রয়োজন।

কি কারণে মফঃস্বলে কলেজ থাকিলেও কলিকাতায় ছাত্রসমাবেশ এত অধিক হয়, কেন মফঃস্বল কলেজের অধ্যাপকগণ কলিকাতার কলেজে কাজ করিবার জন্য ব্যাকুলতা প্রকাশ করেন—সে সকল বিষয়ভাবে বিবেচনা করিয়া দেখিলে হয়ত অনেক কলেজ প্রতিষ্ঠিত হইত না—নূতন কলেজগুলির স্থায়িত্ব সম্বন্ধে যদি সন্দেহ অনিবার্য হয়, তবে সেগুলিতে যে অর্থ প্রদত্ত হইবে তাহা অপব্যয়িত না হইলেও মিতব্যয়িতার বিরোধী হইত না।

আমরা আশা করি, কলিকাতা বিশ্ববিদ্যালয়ের সহিত পরামর্শ করিয়া—রাজনীতিক কারণ-নিরপেক্ষ হইয়াই পশ্চিমবঙ্গ সরকার কেন্দ্রী সরকারের নিকট হইতে প্রাপ্ত ৭০ লক্ষ টাকা ব্যয় করিতেছেন ও করিবেন এবং স্থানীয় অবস্থা বিবেচনা করিয়া ও কলেজের স্থায়িত্ব-সম্ভাবনা বিচার করিয়া সাহায্যদানে অগ্রসর হইবেন। এই প্রসঙ্গে আমরা পুনর্বিবেচনা-কেন্দ্র ও নিকটবর্তী কলেজের বিষয় বিবেচনা করার প্রয়োজন সরকারকে স্মরণ করাইয়া দিতে ইচ্ছা করি। যাহাতে পুরাতন প্রতিষ্ঠিত কলেজগুলির উন্নতি না হইয়া ক্ষতি হইতে পারে এমন ব্যবস্থা অবলম্বন করা কখনই শিক্ষাবিস্তারের সহায় হইতে পারে না।

সাংবাদিকতা শিক্ষা—

সাংবাদিকতা শিক্ষার জ্ঞান বিশ্ববিদ্যালয়ে ব্যবস্থা থাকা সম্বন্ধে কি না, এই প্রশ্ন বহুদিন হইতে জিজ্ঞাসিত হইয়া আসিয়াছে। ১৮৯০ খৃষ্টাব্দে আমেরিকার কোন কলেজের অধ্যক্ষ থুইং—কয়জন সম্পাদকের মত লইয়া বলেন, তাঁহারা কেহই সাংবাদিকতা শিক্ষার জ্ঞান স্বতন্ত্র ব্যবস্থা সমর্থন করেন না; কারণ, তাঁহাদিগের মত এই যে, সাংবাদিকের কার্য অস্থলীলনের দ্বারা শিক্ষনীয়।

কয় বৎসর হইতে কতিপয় সাংবাদিক কলিকাতা বিশ্ববিদ্যালয়ে সাংবাদিকতার পঠন-পাঠনের ব্যবস্থা করিবার জ্ঞান আন্দোলন করিতেছিলেন। গত ৩রা অক্টোবর হইতে বিশ্ববিদ্যালয়ে সে ব্যবস্থার আরম্ভ হইয়াছে।

যে দিন কলিকাতা বিশ্ববিদ্যালয়ে সাংবাদিকতা-শিক্ষাদান আরম্ভ হয়, তাহার পরদিন পশ্চিমবঙ্গের ব্যবস্থা পরিষদে প্রধান সচিব একটি প্রশ্নের উত্তরে বলেন—পশ্চিমবঙ্গ সরকার কোন সাংবাদিককে (প্রত্যক্ষভাবে) অর্থসাহায্য প্রদান করেন না; কেবল যে সকল সাংবাদিকের সরকারী বিজ্ঞাপন প্রকাশ সরকারের পক্ষে সাহায্যকর মনে করেন, সেই সকল পত্র (মূল্য দিয়া) বিজ্ঞাপন প্রকাশের ব্যবস্থা করেন। ইংরেজের শাসন-কালে সরকার একদিকে সাংবাদিক সম্বন্ধীয় আইনের ভয় ও অপরাধকে বিজ্ঞাপনের জ্ঞান মূল্যদানের প্রলোভন দেখাইয়া সাংবাদিককে প্রভাবিত করিবার চেষ্টা করিয়াছিলেন।

কলিকাতা বিশ্ববিদ্যালয়ে সাংবাদিকতা শিক্ষার আরম্ভ হইবার কয়দিন পরে—৭ই অক্টোবর প্রধান-সচিব ঐ ব্যবস্থার “উদ্বোধন” করেন! রাজনীতিক ব্যাপারে পদস্থ ব্যক্তিদিগকে মত প্রকাশের সুযোগ দানের জ্ঞান একরূপ ব্যবস্থার সুবিধা দেওয়া হয়। এক্ষেত্রে তাহাই করা হইয়াছিল কি না, বলা যায় না।

সে বাহাই হউক তাঁহার বক্তৃতায় পশ্চিমবঙ্গের প্রধান সচিব বলেন—

সাংবাদিকতার স্বাধীনতা সম্বন্ধে অনেক কথাই বলা হইয়াছে। তিনি কিন্তু লক্ষ্য করিয়াছেন, কিসে সাংবাদ-

পত্রের প্রচার-বৃদ্ধি হয়, সেই দিকে লক্ষ্য রাখিয়া সময় সময় সাংবাদিকতা লিখিত হয়। তাহা ভয়াবহ। সেইজন্য রাষ্ট্রের স্বার্থ বিবেচনা করিয়া তিনি মনে করিতেছেন—যে সকল সাংবাদিক কোন বিশেষ সাংবাদিকের সত্যাসত্য নির্ধারণে অধিক সময় ব্যয় করিবেন এবং প্রবন্ধ রচনার সঠিক উত্তম প্রযুক্ত করিবেন, সরকার তাঁহাদিগকে অর্থ-সাহায্য দিবেন।

আজ পশ্চিমবঙ্গের প্রধান-সচিব প্রকাশ্যভাবে যে ব্যবস্থা করিবার কথা বলিতেছেন, গোপনে সেই ব্যবস্থায় কোন কোন সাংবাদিক প্রভাবিত হইয়াছেন সন্দেহ করিয়া একদিন শরৎচন্দ্র বসু এক বক্তৃতা করিয়াছিলেন এবং তখনও সেরূপ কার্য সাংবাদিকের পক্ষে নিন্দনীয় বলিয়া বিবেচিত হইত।

আজ কি সে অবস্থার পরিবর্তন হইয়াছে যে, সাংবাদিকতার পক্ষে হইতে এই উক্তির কোন প্রতিবাদ ধ্বনিত হইল না?

কলিকাতা বিশ্ববিদ্যালয়ের ভাইস-চ্যান্সেলার রূপে আশুতোষ মুখোপাধ্যায় বলিয়াছিলেন—স্বাধীনতা চাহি, স্বাধীনতা ব্যতীত আমি সন্তুষ্ট হইতে পারি না। সাংবাদিকতা ব্যক্তিস্বাধীনতার—বিশেষ আমেরিকার রাষ্ট্রপতি রুজভেল্ট আটলান্টিক চার্টারে যে চতুর্বিধ স্বাধীনতা কাম্য বলিয়াছিলেন সে সকলের মধ্যে মত-প্রকাশ স্বাধীনতার জ্ঞানই এত দিন সংগ্রাম করিয়া আসিয়াছেন। আজ কি ভারতের জাতীয় সরকার সাংবাদিকতার সেই মনো-ভাবের পরিবর্তন সাধনে প্রচেষ্টা হইবেন—সাংবাদিকতার কর্তব্যের পূত আদর্শ নষ্ট করিয়া রাষ্ট্রের স্বার্থের আদর্শই প্রবল করিতে চাহিবেন? কিন্তু রাষ্ট্রের স্বার্থ ও সচিব-সভ্যের স্বার্থ অভিন্ন না-ও হইতে পারে; কারণ, রাষ্ট্র স্থায়ী, সচিবসভ্য অস্থায়ী এবং সাংবাদিকরা রাষ্ট্রের স্বার্থ সম্বন্ধে সচিবদিগের অপেক্ষাও অবহিত হইতে পারেন।

খান্ডাভাব—

সম্মিলিত জাতিসভ্য ভারত সরকারের স্থায়ী প্রতিনিধি মিষ্টার বি, এন, রাও গত ২২শে অক্টোবর আমেরিকার নিউ ইয়র্ক নগরে বক্তৃতা-প্রসঙ্গে বলিয়াছেন—

ভারতের লোকের বিশ্বাস, পৃথিবীর জনগণের অন্নভাব ও মাহুকের অযোগ্য জীবনধারণের মানই আজ শান্তির সর্বপ্রধান শত্রু।

বোধ হয়, তাঁহার স্বদেশের অবস্থা বিবেচনা করিয়াই তিনি এই উক্তি করিয়াছিলেন। কারণ গত ৩ বৎসরেও ভারতের সরকার—জাতীয় সরকার—ভারতের অন্নভাব দূর করিতে পারেন নাই—ভারতবাসীকে খাদ্য বিষয়ে স্বাবলম্বী করিবার উপায় করিতে পারেন নাই। প্রতি বৎসর বিদেশ হইতে খাদ্যোপকরণ ক্রয়ে ভারতের বহু অর্থ ব্যয়িত হইতেছে—যে অর্থ দেশবাসীর মধ্যে থাকিবার কথা, তাহা বিদেশে যাইতেছে—দেশের রক্ত শোষিত হইতেছে। অর্থাৎ ভারত সরকারের বিধোষিত “খাদ্যোপকরণ বৃদ্ধি করার” নীতি ব্যর্থ হইয়াছে। প্রধান মন্ত্রী পণ্ডিত জওহরলাল নেহরু প্রথমে সদর্পে বলিয়াছিলেন, যাহাই কেন হউক না ১৯৫১ খৃষ্টাব্দের পরে ভারত সরকার আর বিদেশ হইতে খাদ্যোপকরণ আমদানী করিবেন না। কিন্তু কয় মাস যাইতে না যাইতেই ভারত সরকারের খাদ্য-মন্ত্রীর মারফতে সে কথা প্রত্যাহার করিয়া বলিতে হইয়াছে ১৯৫১ খৃষ্টাব্দ নহে—১৯৫২ খৃষ্টাব্দের পরে ভারত সরকার আর বিদেশ হইতে খাদ্যোপকরণ আমদানী করিবেন না।

ঠিক সেই ভাবেই পশ্চিমবঙ্গের খাদ্য-সচিব—“আমরা বিপদ অতিক্রম করিয়াছি, আর খাদ্যের অভাব হইবে না” বলিবার কয় মাস পরেই—গত ২৩শে অক্টোবর বলিয়াছেন—পশ্চিমবঙ্গের খাদ্য-সঙ্কট এখনও পূর্ণমাত্রায় রহিয়াছে—পশ্চিমবঙ্গের অধিবাসীরা যেন প্রয়োজন হইলে চাউল বর্জন করিয়া গম ব্যবহার করিতে প্রস্তুত থাকেন। আমেরিকা হইতে চিনা বা কাওন জাতীয় ঘাসের বীজ কিনিয়া আনিবার পরেও এই কথা!

আর বিহারে অনাহারে মৃত্যুর সংবাদ ভারত সরকারের খাদ্য-মন্ত্রী অস্বীকার করিয়াও এমন মুন্সিয়ানা করিতে পারেন নাই যে, মৃত্যু-সংবাদ মিথ্যা বলিয়া প্রতিপন্ন হইতে পারে। এখন বিহারে দ্রুত খাদ্যোপকরণ প্রেরণ করা হইতেছে। যথাকালে তাহা করিলে লোক মৃত্যুমুখে পতিত হইত না।

আসামে প্রাকৃতিক দুর্যোগে অন্নভাব।

রাজাগোপালাচারী সরস ও মৌলিক উক্তির জন্ম বিখ্যাত। তিনি বলিয়াছেন, যদি গরু ও ছাগল ঘাস ও পাতা খাইয়া দেহ গঠিত করিতে ও উৎকৃষ্ট দুধ দিতে পারে, তবে বিজ্ঞানের সুবিধা পাইয়াও আমরা কেন ঘাস ও পাতা আহাৰ্য্যে পরিণত করিতে পারিব না? একবার বাঙ্গালায় অন্নকষ্টের সময় ছোট লাট সার চার্লস ইলিয়ট বলিয়াছিলেন, দেশে ঘাসের মূল থাকিতে লোক অন্নকষ্ট পায় কেন? রাজাগোপালাচার মূল হইতে ঘাস ঘাসে উঠিয়াছেন।

কিন্তু কেহই অভাবের মূল কারণ দূর করিবার উপায় করেন নাই। কৃষিয়া যে উপায়ে খাদ্যশস্যের ফলন বৃদ্ধি করিয়াছে, তাহা লক্ষ্য করিলে একথা কিছুতেই অস্বীকার করা যায় না যে, এদেশে খাদ্য শস্যের ফলন বৃদ্ধি করিতে অক্ষমতা অযোগ্যতার পরিচয় ব্যতীত আর কিছুই নহে।

অল্পদিন পূর্বে বিখ্যাত বৈজ্ঞানিক ডক্টর জ্ঞানচন্দ্র ঘোষ পরোক্ষভাবে এই কথাই বলিয়াছিলেন। তিনি বলিয়াছিলেন, পশ্চিমবঙ্গের কৃষি বিভাগের বার্ষিক ব্যয় ২ কোটি ৫০ লক্ষ টাকা—এই টাকার বিনিময়ে দেশবাসী কি পাইতেছেন? তিনি আরও বলেন, কোন কোন প্রদেশ ভারত সরকারের নিকট হইতে অর্থ লইয়া সেচের জন্ম নলকূপ করিয়াছেন—প্রত্যেক নলকূপের জলে জমীতে একের স্থানে দুই ফসল ফলিতেছে; পশ্চিমবঙ্গ সরকার তাহাও করেন নাই।

এখনও অনেক আবাদযোগ্য জমী “পতিত” রহিয়াছে এবং সেচের অভাব দূর করা হয় নাই।

গত ২৪শে অক্টোবর দিল্লীতে সেচ-বোর্ডের পরিচালক-মণ্ডলীর বার্ষিক অধিবেশনে সর্দার বল্লভভাই পেটেল নদীর জল নিয়ন্ত্রিত করিয়া কৃষির উন্নতিসাধন ও শিল্প প্রতিষ্ঠার কথা বলিয়াছেন। তিনি তাঁহার বক্তৃতায় বিশেষজ্ঞদিগকে ভগীরথের দৃষ্টান্ত অনুসরণ করিতে বলিয়াছেন। কিন্তু সে কথায়ও নূতনত্ব নাই। কারণ ২০ বৎসরেরও অধিক কাল পূর্বে বিখ্যাত সেচ-বিশেষজ্ঞ সার উইলিয়াম উইলকক্স কলিকাতায় আসিয়া যে বক্তৃতা করেন, তাহাতে তিনি ভগীরথের গঙ্গা আনয়ন খাত কাটিয়া জল প্রবাহ প্রবাহিত করার রূপক বলিয়া মত প্রকাশ করিয়াছিলেন।

কিন্তু ভারত সরকার কত দিনে ভগীরথের মত কাজ করিতে পারিবেন? সার উইলিয়ম বলিয়াছিলেন—দৃঢ়তাপূর্ণ হৃদয়মাত্র ভগীরথের সম্বল ছিল। ভারত সরকারের সেই অমূল্য সম্পদ আছে কি?

পূর্বোক্ত অধিবেশনে কেন্দ্রীয় সেচ-বোর্ডের সভাপতি মিষ্টার মাথরাণী বলিয়াছেন—

কাগজে প্রায় ১শত ৬০টি সেচ পরিকল্পনা রহিয়াছে। সেগুলি কার্যে পরিণত করিতে আনুমানিক ব্যয়—এক হাজার ২শত ৭৯ কোটি টাকা—হইবে। আর ঐগুলি কার্যে পরিণত হইলে প্রায় ৯ কোটি ৩৬ লক্ষ বিঘা জমীতে সেচ করা যাইবে—ফলে ১ কোটি ৩ লক্ষ টন অধিক ফসল উৎপন্ন হইবে। আর পশ্চিম বঙ্গ, বিহার, উত্তর প্রদেশ, উড়িষ্যা, মাদ্রাজ ও বোম্বাই যেমন বস্ত্র উৎপাদন হইতে অব্যাহতি পাইবে তেমনই বিদ্যুৎ ব্যবহারের সুযোগ পাইবে।

ইহা যে শুনিতে ভাল, তাহা বলা বাহুল্য। কিন্তু কত দিনে ও কি উপায়ে ঐ অর্থ সংগৃহীত হইবে? যেমন খাতোপকরণে আমাদিগের পরমুখাপেক্ষিতা বৃদ্ধি আরম্ভ হইলে বিষম বিপদে পরিণত হইতে বিলম্ব ঘটবে না, তেমনই দেশের লোকের দারিদ্র্য প্রশমিত না হইলে তাহাদিগের অধিক করপ্রদানের ক্ষমতা হইবে না। কেবল তাহাই নহে, লোক যত দিন পূর্ণাহার না পায়, ততদিন তাহার দৌর্বল্য বর্দ্ধিত হয় এবং শ্রমক্ষমতা হ্রাস পায়। সে অবস্থায় তাহার দ্বারা উৎপাদন বৃদ্ধির আশা ছুরাশা ব্যতীত আর কিছুই নহে।

পশ্চিমবঙ্গের প্রধান-সচিব বিধানচন্দ্র রায় অভিজ্ঞ চিকিৎসক। তিনি প্রধান-সচিব হইবার অব্যবহিত পরেই বলিয়াছিলেন, তাঁহার মত এই যে, স্তম্ভ মানুষের পক্ষে দৈনিক (অন্ততঃ) ১৬ আউন্স খাদ্য প্রয়োজন। প্রায় ৩ বৎসরে কিন্তু তাঁহার সরকার সে প্রয়োজন মিটাইতে পারেন নাই! পশ্চিমবঙ্গ সরকার কলিকাতায় ভূগর্ভে রেল পথ প্রতিষ্ঠা সম্ভব কি না সেই পরীক্ষায় অনেক টাকা ব্যয় বা অপব্যয় করিয়াছেন, কিন্তু ভূমি হইতে অধিক শস্তোৎপাদনের উপায় করিতে পারেন নাই। সেদিনও পশ্চিমবঙ্গের প্রদেশপাল আক্কেপ করিয়াছেন, পশ্চিম বঙ্গের আর্থিক অবস্থা শোচনীয়। সেই অবস্থায় সরকারের

প্রথম ও প্রধান কর্তব্য—লোকের অন্নাত্যাব দূরীকরণের উপায় অবলম্বন; না রাজধানীতে বিলাসের ব্যবস্থা করা? বিদেশী বিশেষজ্ঞদিগের পরীক্ষাফল—পশ্চিমবঙ্গে ছাত্রদিগের মধ্যে শতকরা প্রায় ৬১ জনের দেহে যক্ষ্মার বীজ রহিয়াছে। যক্ষ্মা কি অপূর্ণাহারজাত হইতে পারে না?

আমরা পশ্চিমবঙ্গে যে অন্নাত্যাব লক্ষ্য করিতেছি, ভারত রাষ্ট্রের প্রায় সর্বত্র তাহা বিদ্যমান। নিয়ন্ত্রণ ব্যবস্থা—যদি দুর্নীতিদূষ্ট না হয় তাহা হইলেও—এই সমস্যার সীমারেখাও স্পর্শ করিতে পারে না। অথচ অন্নাত্যাবজনিত সমস্যার সমাধানই সর্বপ্রথমে ও সর্বপ্রথম প্রয়োজন। সে কার্যে পরিকল্পনার দ্বারা হইতে পারে না—পরিকল্পনা কার্যে পরিণত করা ব্যতীত উপায় নাই। সেজন্য লোকের যে সহযোগ প্রয়োজন, তাহা লাভ করিবার উপায়ও সরকারকে চিন্তা ও অবলম্বন করিতে হইবে।

পশ্চিমবঙ্গ পরিদর্শন—

কংগ্রেসের সভাপতি পুরুষোত্তমদাস ট্যাগুন ও ভারত রাষ্ট্রের রাষ্ট্রপতি ডক্টর রাজেন্দ্রপ্রসাদ পশ্চিমবঙ্গ পরিদর্শনে আসিয়াছিলেন। কেহই সমস্তাবহুল পশ্চিমবঙ্গের কোন সমস্যার সমাধানে সাহায্য করেন নাই। কেহই পশ্চিম বঙ্গের আর্থিক অবস্থা বিবেচনা করিয়া অভ্যর্থনার আড়ম্বরে অর্থব্যয়ে আপত্তি করেন নাই। ধর্মনিরপেক্ষ রাষ্ট্রে দুর্গোৎসবে রাজপথে তোরণ নির্মাণে আপত্তি হইলেও ইহাদিগের আগমনে তাহা নির্মাণে আপত্তি হয় নাই। সাজসজ্জায় যে অর্থ ব্যয়িত হইয়াছে, তাহা যে বাস্তবতার দিগের জন্ত শীতবস্ত্রের জন্ত ব্যয়িত হয় নাই, সে কথা বলা বাহুল্য। ডক্টর রাজেন্দ্রপ্রসাদের পরিদর্শন নিয়মাহুগ—ইংরেজ গভর্নর-জেনারলরা এই নিয়মের প্রবর্তন করিয়া গিয়াছেন—তাহা পরিবর্তিত হয় নাই। পুরুষোত্তমদাস ট্যাগুনকে নির্বাচনে যে দল সমর্থন করিয়াছিলেন, পশ্চিম বঙ্গে কংগ্রেসের সেই দলই প্রাধান্য লাভ করিয়াছেন—সুতরাং তাঁহারাই তাঁহার জয়যাত্রার আয়োজন করিয়াছিলেন এবং তাঁহাদিগেরই ব্যবস্থায় তিনি নিয়ন্ত্রণ গ্রহণ করিলেও জাতীয়তার জনক সুরেন্দ্রনাথ বন্দ্যোপাধ্যায়ের স্মৃতিপুত্র ভারত সভার সঞ্চর্ডনায় ৮ মিনিটের অধিক সময় ব্যয় করিতে পারেন নাই—অজ্ঞাত সঞ্চর্ডনায় অনেক সময়

দেওয়া সম্ভব হইয়াছিল। সেই সকল অন্তর্স্থানের একটি—
হিন্দী সাংবাদিক ও কবি বালমুকুন্দ গুপ্তের স্বরণোৎসব।
সেই সভায় পুরুষোত্তমদাস তুলনায় সমালোচনা করিয়া মত
প্রকাশ করিয়াছিলেন—হিন্দী সাহিত্যই রত্ন, ভারতের
অস্ত্রাস্ত্র ভাষার সাহিত্য কাচ মাত্র এবং রবীন্দ্রনাথের কবিতা
কবিরের ভাবের প্রতিধ্বনি ব্যতীত আর কিছুই নহে।
কিন্তু ডক্টর রাজেন্দ্রপ্রসাদ যেমন বাঙ্গালায় শিক্ষালাভ
করিতে আসিয়াছিলেন—কলিকাতা বিশ্ববিদ্যালয়ের ছাত্র,
বালমুকুন্দ গুপ্ত তেমনই হিন্দী সংবাদপত্রের কাজ শিখিবার
জন্য বাঙ্গালায় আসিয়া বাঙ্গালী গুরুর কাছে শিক্ষালাভ
করিয়া গিয়াছিলেন। তখন ‘হিন্দী বঙ্গবাসী’ সমগ্র ভারতে
সর্বপ্রধান হিন্দী সংবাদপত্র; আর অমৃতলাল চক্রবর্তী
তাহার সম্পাদকরূপে সর্বত্র সমাদৃত। বালমুকুন্দ গুপ্ত যে
তাঁহারই সহকারী হইয়া কলিকাতায় আসিয়া সংবাদপত্রের
পরিচালন শিক্ষা করিয়া গিয়াছিলেন—সে কথা স্বরণ
করিতে পারেন, এমন বাঙ্গালী এখনও জীবিত আছেন।
রবীন্দ্রনাথের সম্বন্ধে পুরুষোত্তমদাস ট্যাগনের মতের মূল্য যে
অধিক নহে তাহা মনে করিলে “অপরাধ” হইবে না। কারণ
একথা অস্বীকার করিবার উপায় নাই যে, এপর্যন্ত যে
৩ জন ভারতীয় বিশাল বিশ্বের সভ্যদেশে ভারতীয় সংস্কৃতির
শ্রেষ্ঠ প্রতিপন্ন ও প্রচার করিয়া গিয়াছেন, তাঁহারা—
ভারতের রাষ্ট্রদূত নহেন—সংস্কৃতি দূতরা—৩ জনই বাঙ্গালী।
সে ৩ জন—রাজা রামমোহন রায়, স্বামী বিবেকানন্দ,
রবীন্দ্রনাথ ঠাকুর। পুরুষোত্তমদাস ট্যাগন কংগ্রেসের
দলাদলির আবার্তে পড়িয়া ভারতে যে নূতন প্রাদেশিক
দলাদলির প্রভাব প্রকাশ করিয়া গিয়াছেন, তাহা দুঃখের
বিষয় সন্দেহ নাই। ভারতে স্বায়ত্ত-শাসন প্রতিষ্ঠার পরে
কংগ্রেসের সহিত সরকারের সম্বন্ধ কি, তাহাও কেহ কেহ
জিজ্ঞাসা করিতেছেন। অথচ আমরা দেখিতে পাইতেছি,
প্রধান মন্ত্রী পণ্ডিত জওহরলাল নেহরুর সমর্থিত প্রার্থীকে
পরাজিত করিয়া অন্য দলের সমর্থিত পুরুষোত্তমদাস এবার
কংগ্রেসে রাষ্ট্রপতি নির্বাচিত হইয়াছেন—অথচ তিনি
পণ্ডিত জওহরলালের কংগ্রেসের পরিচালন সমিতিতে
যোগদানে অস্বীকৃতি অতিক্রম না করা পর্য্যন্ত অর্থাৎ তাঁহাকে
বাদ দিয়া সমিতি গঠিত করিতে সাহস করেন নাই। সে
বিষয়ে মিষ্টার আবুল কালাম আজাদ প্রধান মন্ত্রীর

পদাঙ্কানুসরণ করিয়াছেন। পশ্চিমবঙ্গ কংগ্রেস কমিটি
রাষ্ট্রপতি রাজেন্দ্রপ্রসাদের সম্বন্ধনারও ভ্রুটি করেন নাই।

তিব্বতে চীনের অভিযান—

আসামে যাইয়া ডক্টর রাজেন্দ্রপ্রসাদ রাজনীতিক হিসাবে
আসামের গুরুত্ব সম্বন্ধে আসামবাসীদিগকে সচেতন
করিবার উদ্দেশ্যে বলিয়াছেন, তাহার সীমান্তে পররাষ্ট্র—
ব্রহ্ম, তিব্বত ও পাকিস্তান। তিব্বতের সংবাদ
শাস্তিগোতক নহে। ইংরেজ কখন তিব্বতে চীনের অধিকার
অস্বীকার করেন নাই—বর্তমান ভারত সরকারও সেই মত
অক্ষুণ্ণ রাখিয়াছেন। লর্ড কার্জন যখন ভারতের বড়লাট,
তখন তিনি তিব্বতে সেনাদল প্রেরণ করিয়াছিলেন।
তিনি রুশিয়াকে তিব্বতে প্রভাব বিস্তার করিতে দিবেন না
এবং তিব্বতের সহিত ভারতের বাণিজ্য-বিস্তারের ব্যবস্থা
করিবেন বলিয়া তিব্বত আক্রমণ করিয়াছিলেন। ফলে
ভারতের উত্তর-পূর্ব সীমান্তে অশান্তির উদ্ভব হইয়াছিল।
সঙ্গে সঙ্গে তিব্বতে চীনের প্রাধান্য স্বীকৃত ও দৃঢ় প্রতিষ্ঠিত
হইয়াছিল। এখন চীনে কম্যুনিষ্ট প্রাধান্য প্রতিষ্ঠিত
হইয়াছে এবং চীন রুশিয়ার সহিত “এক নায়েতে”
আরোহী। চীন এখন তিব্বতের জনগণকে সাম্রাজ্যবাদীর
প্রভাবমুক্ত করিতে কৃতসঙ্কল্প হইয়াছে। ইহার অর্থ কি,
তাহা লইয়া মতভেদ থাকিতে পারে। কারণ, যদিও অক্টোবর
মাসের প্রথম ভাগে চীনের প্রধান মন্ত্রী চৌ-এন-লাই
বলিয়াছিলেন শান্তিপূর্ণ ভাবেই—অর্থাৎ বিনা অস্ত্রাঘাতে
তিব্বতের সমস্তার সমাধান হইবে—ইহাই চীন সরকারের
আশা এবং যদিও পিকিংযাত্রী তিব্বতীয় দূতগণ দিল্লীতে
ভারত সরকারের সহিত আলোচনারত ছিলেন এবং সেই
জন্য ভারত সরকার চীনের তিব্বতে সেনাবল প্রেরণের
সংবাদে আত্মস্থাপন করেন নাই—তথাপি চীনা সংবাদে
প্রকাশ—চীনের কম্যুনিষ্ট সরকারের সেনাদলকে তিব্বতে
প্রবেশ করিতে আদেশ দান করা হইয়াছে। যদিও
চীনের সহিত তিব্বতের সম্বন্ধ তাহাদিগের “পারিবারিক
ব্যাপার” একথা চীন সরকার বলিয়াছেন, তথাপি ভারত
সরকার এই ব্যাপারে—নিরপেক্ষতা প্রদর্শন করিতে
পারিতেছেন না।

পিকিংএ ও লাসায় কেবল ভারত সরকারেরই প্রতি-

নিধি আছেন। তথাপি ভারত সরকার যখন বেতারে সংবাদ জানিবার চেষ্টা করেন, তখন ভারত সরকার কোন উত্তর পাইবার পূর্বেই রুশিয়ার সংবাদপত্রে প্রকাশিত হয়, চানের কম্যুনিষ্ট বাহিনী তিব্বতে প্রবেশ করিতে আদিষ্ট হইয়াছে। শেষে পিকিংএ ভারতের রাষ্ট্র-দূত সর্দার পানিকার ঐ সংবাদ সমর্থন করেন। কোন রাষ্ট্র যদি তিব্বতকে চীন-নিরোধী কার্যের ঘাঁটিক্রমে ব্যবহার করে, তবে চীন তাহাতে আপত্তি করিলে—তাহা তাহার পক্ষে অগ্রায় হয় না; কারণ তিব্বত চীনের প্রভাবাধীন।

এ দিকে তিব্বতে এক দল যেমন দালাই লামার, আর এক দল তেমনই পঞ্চম লামাদিগের পক্ষাবলম্বী; সুতরাং অযোগ্য যেনাবল লইয়া তিব্বতের পক্ষে চীনা বাহিনীর গতিরোধ করা সম্ভব হইবে না। সেই জন্ত চীনা বাহিনী তিব্বতে প্রবেশ করিবে, এই সংবাদে তিব্বতের রাজধানীতে বিশেষ চাকল্যের ও ভীতির সঞ্চার হইয়াছে। পঞ্চম লামার বয়স ত্রয়োদশ বর্ষ মাত্র—তিনি এখন তিব্বত-চীন সীমান্তের নিকটে কম্যুনিষ্টদিগের রক্ষণাধীন। যদি কম্যুনিষ্ট বাহিনী প্রবল হয়, সেই ভয়ে দালাই লামা প্রধান কর্মচারীদিগকে লইয়া রাজধানী ত্যাগ করিয়াছেন। তাঁহারা বৃটিশ সরকারের আশ্রয়লাভ করিবেন কি না, তাহা বলা যায় না।

হয় ত তিব্বতই বিশ্বযুদ্ধে ইন্ধন যোগাইয়া যুদ্ধ বিস্তারের কারণ হইবে। কারণ, বর্তমানে সাম্রাজ্যবাদ ও কম্যুনিজম পরস্পরের সহিত শক্তি-পরীক্ষার আয়োজনে ব্যস্ত।

তিব্বত সম্পর্কে “অযোগ্য” দলের উপর আস্থা স্থাপন করায় কোন কোন আমেরিকান পত্র ভারতের প্রধান মন্ত্রী পণ্ডিত জওহরলাল নেহরুর নিন্দা করিতেছেন। অথচ আমেরিকাই তাঁহার প্রশংসাবাদ করিয়া আসিয়াছেন। তবে—

“বড়র পীরিতি বালির বাধ
ক্ষণে হাতে দড়ী ক্ষণেকে চাঁদ।”

সম্মিলিত জাতিসঙ্ঘ—

সম্মিলিত জাতিসঙ্ঘ গত বিশ্বযুদ্ধের পরে “লিগ অব নেশন্সের” চিত্তভঙ্গের উপর প্রতিষ্ঠিত হইয়াছিল। উভয়েরই উদ্দেশ্য—

“সহস্র বৎসর উৎকট বিগ্রহ-
উত্তাপে ধরণী জরা,
সহস্র বৎসর শান্তির সলিলে
শীতল হউক ধরা।”

“লিগের” উদ্দেশ্য সফল হয় নাই। তাহার প্রতিষ্ঠা-কালেই ঐতিহাসিক ওয়েল্‌স বলিয়াছিলেন—যুক্তরাষ্ট্রের রাষ্ট্রপতি যুদ্ধান্তে পৃথিবী গণতন্ত্রের জন্ত নিরাপদ করিতে আসিয়া তাহা ভণ্ডামীর জন্ত নিরাপদ করিয়া যে প্রতিষ্ঠান প্রতিষ্ঠিত করিলেন, তাহা বাঁচিবে কি না, সন্দেহ। নূতন প্রতিষ্ঠান সম্মিলিত জাতিসঙ্ঘ সম্বন্ধেও তাহাই বলিতে পারা যায়।

“লিগ” যুরোপের কয়টি প্রধান দেশের প্রভাবে প্রভাবিত হইয়াছিল, সম্মিলিত জাতিসঙ্ঘ আমেরিকার প্রভাব সুস্পষ্ট। সম্প্রতি ইহার জন্মোৎসবে পৃথিবীর নানা দেশে উৎসবাস্থাপন হইয়াছে। সেই উপলক্ষে আমেরিকার রাষ্ট্রপতি ট্রুম্যান বলিয়াছেন :—

“আজ যখন যুদ্ধের ভয় পৃথিবীতে ব্যাপ্ত, তখন আমেরিকার যুক্তরাষ্ট্রে আমরা যুদ্ধ অনিবার্য মনে করি না—মনে করি, যুদ্ধ নিবারিত হইতে পারে। যুদ্ধ নিবারণে সম্মিলিত জাতিসঙ্ঘ বিবিধ কাজ করিতে পারেন :—

(১) শান্তিপূর্ণ উপায়ে আলোচনার দ্বারা বিভিন্ন জাতির মধ্যে বিবাদ-মীমাংসা।

(২) যে সকল জাতি সঙ্ঘের সদস্য তাহাদিগের সমবেত শক্তি প্রযুক্ত করিয়া আক্রমণ নিবারণ।

(৩) আক্রমণের ভয় দূর হইলে জাতিসমূহের রণ-সজ্জার ব্যয়সঙ্কোচ।”

তিনি বলিয়াছেন—সম্মিলিত জাতিসঙ্ঘকে আন্তর্জাতিক যুদ্ধ নিবারণ করিবার জন্ত মীমাংসার মত বলপ্রয়োগের জন্তও প্রস্তুত থাকিতে হইবে।

এই উক্তি জাতিসমূহকে—আপাততঃ—সমরায়োজনে ব্যাপ্ত করিবে। সে অবস্থায়—যখন কোথাও বারুদের স্তূপ থাকে তখন—তাহাতে অগ্নিফুলিঙ্গপাতে কি ঘটতে পারে, তাহা বলা যায় না। সুতরাং শান্তি যে স্থায়ী হইবেই এমন বলা সম্ভব নহে।

কোরিয়ায় তাহাই প্রতিপন্ন হইয়াছে এবং কোরিয়ার

দুই অংশে যুদ্ধে সে ভাবে—নির্ভীকতা পরিষদের অমুমোদনের অপেক্ষা না রাখিয়াই—আমেরিকা এক পক্ষ অবলম্বন করিয়াছে এবং পরিষদ, পরে তাহার নীতির সমর্থন করিয়াছে, তাহাতে জাতিসভের গঠন যে গণ-তান্ত্রিক নীতির অমুমোদিত তাহাও বলা যায় না।

ভারতবর্ষে সরকার ইংলণ্ড ও আমেরিকার—আংলো-আমেরিকান ব্লকের সমর্থক এবং সেই জ্ঞাত ঐ দেশদ্বয়ে আদর লাভ করিয়াছেন—তাঁহারা ভারতের প্রধান মন্ত্রীর রাজনৈতিক বুদ্ধির প্রশংসাই করিয়া আসিয়াছেন। কিন্তু যে মুহূর্তে ভারত সরকার সজেব কমুনিষ্ট চীনের প্রতিনিধি গ্রহণের প্রস্তাব সমর্থন করিয়াছেন, সেই মুহূর্তে সে প্রশংসা নিন্দায় পরিণত হইয়াছে!

প্রশংসায় পরিতুষ্ট হইয়া ভারত সরকার যখন কাশ্মীর সমস্যার সমাধান জ্ঞাত জাতিসভের মধ্যস্থতা বাচ্ঞা করিয়াছিলেন, তখন আর সপ্তাহকাল মধ্যে ভারত সরকারের সেনাবল অনায়াসে কাশ্মীর অধিকার করিতে পারিত। কিন্তু মধ্যস্থতা প্রার্থনা করায় কাশ্মীরের সমস্যার সমাধান হওয়া ত পরের কথা, জটিলতা-বৃদ্ধিই হইতেছে। সুতরাং জাতিসভের দ্বারা ভারত রাষ্ট্র উপকৃত হইয়াছে কি না, সন্দেহ।

আবার কোরিয়ায় আমেরিকান সেনাদলের পূর্বনির্দিষ্ট সীমা লঙ্ঘনে বিশ্বয় প্রকাশ করায় পণ্ডিত জওহরলালের রাজনৈতিক বুদ্ধির নিন্দা করা হইয়াছে। অর্থাৎ যতক্ষণ আংলো-আমেরিকান দলের কার্য অবিচারিতভাবে সমর্থন করা হয়, ততক্ষণই তাঁহাদিগের প্রশংসা লাভ করা যায়।

মিষ্টার লাই মতপ্রকাশ করিয়াছেন—“যদি সম্মিলিত জাতিসভের পতন হয়, তবে আমাদের ভবিষ্যতে আর কোন আশাই থাকিবে না।” তিনি আমরা বালতে কাহাদিগকে বুঝেন, তাহা ব্যক্ত করা হয় নাই। কিন্তু আমরা পৃথিবীর ইতিহাসে উত্থান-পতনের বহু দৃষ্টান্তে অভ্যস্ত, সুতরাং এই চেষ্টা বার্থ হইলেই যে সর্বনাশ হইবে, এমন মনে করিতে পারি না।

ডক্টর রাজেন্দ্রপ্রসাদ পৃথিবীর জায় ও শান্তির অমুরাগী-মাত্রকেই সম্মিলিত জাতিসভের পতনকালে সমবেত হইতে আহ্বান করিয়াছেন; কারণ, তাঁহার মতে,

সম্মিলিত জাতিসভাই জাতিসমূহের মধ্যে জায় ও পৃথিবীতে শান্তি প্রতিষ্ঠিত করিতে পারে।

কিন্তু যতদিন দুর্বল জাতিসমূহের আত্ম-নিয়ন্ত্রণের অধিকার স্বীকৃত ও সম্মানিত না হইবে, যতদিন সাম্রাজ্যবাদ ও ধনিকবাদ অচ্যুত হইয়া সাম্যবাদের ভিত্তি দৃঢ় না হইবে, যতদিন আধ্যাত্মিকতা পশুবলের স্থান গ্রহণ না করিবে—ততদিন স্বার্থের সজ্বাতে যুদ্ধ অনিবার্য থাকিবে। আমেরিকার বহু-বিঘোষিত “মনরো নীতি”ও যে তাহাকে বিশ্বশুদ্ধিতে নির্লিপ্ত রাখিতে পারে নাই এবং এবার যে আমেরিকা কোরিয়ার গৃহযুদ্ধে জড়াইয়া পড়িয়াছে, তাহাতেই আমাদের এই বিশ্বাস দৃঢ় হইতেছে। জড়বাদ-জর্জরিত ইহকাল-সর্বত্র সভ্যতা স্বার্থের স্থানে পরার্থের প্রতিষ্ঠা করিয়া বিশ্বে শান্তির রাজ্য প্রতিষ্ঠা করিতে পারে না।

কোরিয়া ও ইন্দো-চীন—

অগ্নি যখন ভস্মাচ্ছাদিত থাকে, তখন বাতাসের ফুৎকারে তাহার আত্মপ্রকাশে বিলম্ব হয় না। জগতের দেশসমূহ মুখে শান্তির জ্ঞাত আগ্রহ প্রকাশ করিলেও প্রকৃত স্বার্থে সামান্য আঘাতে বা কল্পিত স্বার্থ ক্ষুণ্ণ হইবার আশঙ্কায় সহজেই পরস্পরের সহিত যুদ্ধে প্রবৃত্ত হইতেছে। কোরিয়ায় ও ইন্দো-চীনে যুদ্ধের গতি সমুদ্রের তরঙ্গের মত অগ্রসর হইতেছে ও ফিরিয়া বাইতেছে। কোরিয়ার গৃহযুদ্ধে যোগ দিয়া আমেরিকা যে আঘাত করিয়াছে, তাহা প্রবল। কিন্তু সেই আঘাত করিয়াই আমেরিকা নিরস্ত হয় নাই। তাহাতেই তাহার অভিপ্রায় সম্বন্ধে সন্দেহের অবকাশ ঘটিতেছে। কাজেই যুদ্ধের ফলে কোরিয়ার কোন পক্ষ প্রকৃত উপকার লাভ করিবে, তাহা বুঝা যাইতেছে না। তবে কমুনিজমের শক্তিনাশই যে আংলো-আমেরিকান দলের উদ্দেশ্য তাহা সহজেই বুঝিতে পারা যাইতেছে। হয়ত যুদ্ধের তরঙ্গ ফরগোশায়ও আপতিত হইবে। কিন্তু কমুনিষ্ট চীন ও কমুনিষ্ট রুশিয়া যে ভাবে যুদ্ধে যোগদানে বিরত রহিয়াছে, তাহাতে মনে হয়, তাহারা অপর পক্ষের বল লক্ষ্য করিয়া প্রস্তুত হইবার চেষ্টা করিতেছে। কোরব-সভায় দূতক্রীড়াকালে পাণ্ডবগণ এইরূপ কাজই করিয়াছিলেন এবং আপনারা প্রস্তুত হইয়া যখন যুদ্ধক্ষেত্রে অবতীর্ণ হইয়াছিলেন, তখনই কুরুক্ষেত্রে

ফলাফল নির্ধারণ হইয়াছিল। এদিকে দক্ষিণ কোরিয়ার রাষ্ট্রপতি উত্তর কোরিয়ায় “কোরিয়ার সরকার” স্থাপনের প্রস্তাব গত ২৩শে অক্টোবর করিয়াছেন ; আর কম্যুনিষ্টরা বলিতেছেন, কোরিয়ার গণতন্ত্রের কথা কেবল পুঙ্খলিকা-প্রতিষ্ঠার চেষ্টা।

ইন্দো-চীনে ভিয়েৎমীনের সেনাবল চীনের সীমান্তে ফ্রান্সের অধিকৃত পথের শেষ ৭৫ মাইল স্থান আক্রমণ করিয়াছে বলিয়া সংবাদ পাওয়া গিয়াছে। ফরাসী সামরিক কর্তারা ইহা স্বীকার করিয়াছেন।

ভিয়েৎমীনে যদি ফরাসীদিগের পরাভব ঘটে, তবে এশিয়ায় কম্যুনিষ্টরা প্রবল হইয়া উঠিবে। ইহা যেমন ফ্রান্সের, তেমনই সাম্রাজ্যবাদী ধনিক-তন্ত্রী দেশ মাত্রেরই অভিপ্রেত নহে। সেই জন্যই ইন্দো-চীনে জাতীয় দলের সহিত যুদ্ধ দার্দকালস্থায়ী হইতেছে। ফ্রান্স যে ভারতেও তাহার অধিকার ত্যাগে অনিচ্ছুক, তাহা আমরা দেখিতে পাইতেছি। এমন কি ফ্রান্স বহুমতে চন্দননগর ত্যাগ করিতে সম্মত হইলেও চন্দননগর সম্বন্ধে এখনও পরিবর্তিত ব্যবস্থা সম্পূর্ণ হয় নাই। গত ২৯শে অক্টোবরের সংবাদ— ভিয়েৎমীনের সেনাদল লায়েকের উপকণ্ঠে উপনীত

হইয়াছে। ইন্দো-চীনের যে অংশে ধাত্তের চাষ হয়— অর্থাৎ যে অংশ স্বর্ণপ্রসূ বলা যায়—তাহা ভিয়েৎমীনের দলের হস্তগত। যদি উত্তর ইন্দো-চীনে ফরাসী সীমান্তস্থ লায়েকে দুর্গ তাহারা অধিকার করিতে পারে, তাহা হইলে সমগ্র ইন্দো-চীনে ফরাসীদিগের অবস্থা সঙ্কটজনক হইয়া উঠিতে বিলম্ব হইবে না।

এদিকে কাশ্মীরের ব্যাপারের সুযোগে যে পৃথিবীর অন্যান্য দেশ লইবার চেষ্টা করিতেছে, তাহা—তাহাদিগের সম্বন্ধে আস্থাবান পণ্ডিত জওহরলাল নেহরুও শ্রীনগরে বলিয়াছেন। সেই সকল দেশ পাকিস্তানের পক্ষ সমর্থন করিতেছেন। তিনি বলিয়াছেন, দেশরক্ষার জন্য উৎকৃষ্ট ও উপযুক্ত সেনাবলের প্রয়োজন।

সুতরাং যাহারা বিশ্বে শান্তি প্রতিষ্ঠার জন্য এতদিন অ্যাংলো-আমেরিকান “ব্লকের” মুখাপেক্ষী হইয়াছিলেন, বর্তমানে তাঁহারাও মতের পরিবর্তন করিতে বাধ্য হইতেছেন। যে দেশ আপনাকে রক্ষা করিতে পারে না— সে দেশ শোষণে সর্বস্বান্ত হয়। উপনিবেশ গঠনের উদ্দেশ্য তাহাই।

১৫ই কার্তিক, ১৩৫৭

শ্রীশ্রীরামকৃষ্ণায় নমঃ

বিজয়লাল চট্টোপাধ্যায়

হে সর্বনিয়ন্তা দেব—এক, অদ্বিতীয়,
সর্বভূত-অন্তরাত্মা হে অচিন্ত্যনীয়,
সমস্ত করিয়া পূর্ণ আছো বিগ্ৰহমান
অনিত্যের মাঝে নিত্য সর্বস্ব মহান।
তোমারে যে নেহারিল হৃদয়-মন্দিরে
পেলো সে শাস্ত শাস্তি ; সন্দেহ-ভিমিরে

হেরিয়া সত্যের জ্যোতি হোলো নিঃসংশয়।
আর যারা শিরোধার্য করিয়া বিষয়
মৃগতৃষ্ণিকার পিছে ছুটিল উন্মনা—
অধ্বব যা তারই মাঝে ধ্রুবেরে কামনা
করিল মোহের বশে—সেই মূঢ়মতি
বালকেরা অন্তহীন লভিল দুর্গতি ;

জড়ালো মৃত্যুরজালে ; অন্ধকার হোতে
অন্ধকারে ভেসে গেল প্রবৃত্তির শোতে।





গরামশ্বর বন্দ্যোপাধ্যায়

(পূর্বপ্রকাশিতের পর)

নিঃশেষিত পুষ্পফল—রিক্তপত্র পল্লব—উদ্ভিদ জগতে বৎসরে বৎসরে আসে নববসন্ত। জীবজগতে বৎসরে বৎসরে—অথবা, একটি নির্দিষ্ট সময় অন্তরে আসে জীবন বসন্ত—বসন্তের স্পর্শে নারী-পশু উতলা হইয়া তাহার বাসা ছাড়িয়া বাহির হয়, জ্যোৎস্নালোকিত রাত্রে অকস্মাৎ উল্লসিত হইয়া আকাশের দিকে মুখ তুলিয়া ডাক দেয়। বিচিত্র ডাক। সে ডাকের উত্তর একদিন আসে। পুরুষ-পশু সাড়া দিয়া আসিয়া সামনে দাঁড়ায়। মানুষের জীবনেও হয় তো এমনই হয়, নব নব বসন্তের সাড়া হয় তো দেহকে নাড়া দিয়া বলে—পুরাতনকে পিছনে ফেলিয়া নূতনের সন্ধানে চল, কিন্তু মানুষের মন তা' চায় না। বহু সহস্র বৎসরের তপস্শায় যে মন অহরহ জীবন চাকুল্যের মধ্যে স্থির হইয়া অতীত বর্তমান মিলাইয়া ভবিষ্যত রচনা করে—যে মন মরজগতের মধ্যে অমৃতকে আবিষ্কার করিয়া আশ্বাদন করিয়াছে—সে মন তা' চায় না। মানুষের সেই মন মহাকালের সঙ্গে যুদ্ধ করিয়া চলিয়াছে; তাহার যে ভালোবাসার ধনকে মৃত্যু হরণ করে, তাহার সকল অস্তিত্ব বিলুপ্ত করিয়া তাহাকে লয় করিতে চায়—মানুষের মন তাহার অন্তরের অমৃতে সঞ্জীবিত করিয়া নিজের আমরণ জীবনে মৃত্যুঞ্জয় করিয়া রাখে। সে অমৃত ভালোবাসা। মানুষের মন যাহাকে ভালোবাসিল—তাহাকে তাহার তুলিবার উপায় নাই। দেহ তার ষত জোরালো দাবী লইয়াই আসুক—এ ভালোবাসার কাছে তাহাকে মাথা হেঁট করিয়া হার মানিয়া মাটিতে মিশাইয়া যাইতে হইবে। সেই কারণেই তো যে জন মরিয়া গেলে তাহার জন্ম একজনও কেহ কাঁদিবার থাকে না—এ সংসারে সব চেয়ে বড় দুর্ভাগা সেই জন! মানুষের এই মনই তো—তপস্বিনী সাধিনী, সে শত দুর্ধোগেও সদাজাগ্রত, যমের সঙ্গে যুদ্ধ করিয়া ভালোবাসার ধনকে—সে আপন মনের মধ্যে নূতন

জীবনে বাঁচাইয়া তোলে। ভালোবাসা যেখানে নাই—সেখানকার কথা স্বতন্ত্র; কিন্তু যেখানে আছে—সেখানে—এই কথাই মহাসত্য।

—স্বর্গকে কথাটা বলতে পারি নি, ক্রুচ হবে বলে। আপনাকে বলছি। বলুন তো—স্বর্গ কি আপনাকে হারিয়ে—নূতন জনকে নিয়ে আবার জীবন শুরু করতে পারবে? সে যখন বাল্যকালে বিধবা হয়ে—আপনাকে বিবাহ করেছে—তখন অন্ততঃ তার কাছে সমাজপ্রভাব—মনের বিকৃত ধর্মভয়, এ সবগুলো তো একেবারেই নাই!

কথা হইতেছিল দেবুর সঙ্গে। অরুণার এই পরিবর্তন যেন গোটা পৃথিবী সহ্য করিতে পারিতেছে না! অরুণা যেদিন আসিয়া পৌঁছিয়াছিল—সেদিন দেবু আত্মগোপন করিয়া রেল কলোনীর মধ্যে লুকাইয়া ছিল; সেখানে বসিয়াই কথাটা সে শুনিয়াছিল। শুনিয়া অবধি তাহার অস্বস্তির সীমা ছিল না। দিন দুয়েক পরেই সে একদিন রাত্রে জংসন হইতে হাঁটিয়া—পরবর্তী ডাউন স্টেশনে গিয়া আপ্ ট্রেনে জংসন স্টেশনে প্রকাশভাবে নামিয়া বাড়ী ফিরিয়াছে। ইতিমধ্যে কয়েক জায়গায় খানাতল্লাসী হইয়া গিয়াছে, কয়েক জনকে ডাকিয়া পুলিশ অনেক জিজ্ঞাসাবাদও করিয়াছে। দেবু স্টেশনে নামিতেই তাহাকেও পুলিশ ডাকিয়া লইয়া গিয়াছিল। জিজ্ঞাসাবাদ করিয়াই ছাড়িয়া দিয়াছে, এস-পি সামসুদ্দিন তাহাকে বেশ শাসাইয়াও দিয়াছে—বলিয়াছে—তোমাকে সাবধান ক'রে দিচ্ছি। তোমার চেয়ে অনেক চতুর আমরা। খবর আমরা সবই রাখি। হঠাৎ চীৎকার করিয়া বলিয়া উঠিয়াছিল—পিঠের চামড়া আমি তুলে নেব তোমার and then...; and then I shall send you to Port Blair—you understand? হাঁ!

দেবু স্থির হইয়া বসিয়াছিল—এতটুকু চঞ্চল হয় নাই।

সামসুদ্দিন বলিয়াছিল :—হাঁ। আর একটা কথা। Tell

that—bitch—that—woman—তোমাদের মিসেস
 ঠটচাঘি গো, তাকে বলো—কাদা মাথলে যমে ছাড়ে না,
 থান কাপড় পরলে—একাদশী করলে—আমি ছাড়ব না।
 দরবারী ঘাবড়েছে—আই-বি ইনস্পেক্টর ঘাবড়েছে—they
 were fools.—আমি ঘাবড়াতাম না। এর পর আমিই
 তাকে ডাকব! যত—সব!

দাঁতে-দাঁতে টিপে বলেছিল—কোন ধর্ম মানে না,
 সুবিধের জন্ত হিন্দু থেকে মুসলমান হয়, আবার শুদ্ধি ক'রে
 হিন্দু হয়—সেই মেয়ে আজ থান প'রে বিধবা সেজে
 একাদশী করেছে! well—tell her—রথ তার জন্তে
 আসবে—Prison van.—স্বর্গে তাকে আমি পাঠাব!

ফাক সে সব কথা!

দেবু পুলিশ আপিস হইতে বাড়ী ফিরিয়া সর্বাগ্রে দেখা
 করিল অরুণার সঙ্গে। দেখা করিয়া বিস্ময়ে যেন অভিভূত
 হইয়া গেল; কৃত্রিম বিস্ময়ে অভিভূত হওয়ার ভাণ করিল।
 অত্যাধিক সকল জিজ্ঞাসাই রুঢ় হইয়া উঠিবার সম্ভাবনা ছিল।
 যথাসাধ্য মুক্ত মন লইয়া অরুণাকে বিচার করিয়া বুঝিবার
 তাহার অভিপ্রায় ছিল। একেবারে অরুণার বাড়ীতে
 প্রবেশ করিয়া ডাকিল—অরুণা দি! মধ্যে মধ্যে সে
 অরুণাকে দিদি বলিয়া ডাকিয়া থাকে।

অরুণা তখন ঘরের মধ্যে বসিয়া নিজের জীবনের
 কথাই ভাবিতেছিল। সেই অবধি অর্থাৎ যেদিন হইতে সে
 থান কাপড় পরিয়াছে সেইদিন হইতে তাহাকে কমজনের
 শ্লেষপূর্ণ বিস্মিত দৃষ্টির সম্মুখীন হইতে হইল না। তাহার
 পরিচিত যে তাহাকে দেখিল সেই বিস্ময় প্রকাশ করিল—
 তারপর বিস্ময়ের সঙ্গে শ্লেষ মিশাইয়া প্রশ্ন করিল—এ কি?

তারপর কেহ হাত দিয়া মাথা হইতে পা পর্যন্ত
 দেখাইয়া দিয়া প্রশ্নটা করিল ইঙ্গিতে, কেহ বা দৃষ্টিতেই
 প্রশ্নটা ফুটাইয়া তুলিল, দু-চারজন মুখ ফুটিয়াই প্রশ্নটা
 করিল—হঠাৎ এ রকম বেশবাসের পরিবর্তন? একজন
 প্রৌঢ় সঙ্গীতজ্ঞ বলিয়াছেন—“একি রূপ হেরি হরি—
 ধরেছ যোগীর বেশ?”

অরুণা তাহাদের সংক্ষেপে উত্তর দিয়াছে—এই ভাল
 লাগল!

—হঠাৎ?

—হ্যাঁ—হঠাৎ। হঠাৎ এই ইচ্ছে হ'ল, এই ভাল
 লাগল?

এই উত্তর দিয়াও কিন্তু সে বারবার নিজেকে যাচাই
 করিয়া দেখিয়াছে, নিজেই নিজেকে জেরা করিয়া
 আপনাকে বুঝিয়াছে:—বুঝিয়াছে—তাহার ভালবাসা
 সত্য। এ ভালবাসার নির্দেশ—দাবী লজ্বন করিলে—
 জীবনে তাহার দুঃখ-অশান্তির আর অন্ত থাকিবে না;
 জলিয়া পুড়িয়া জীবনটা থাক হইয়া যাইবে। যেখানে
 ভালবাসা নাই—সেখানে ভালবাসার ভাণ করিয়া অথবা
 অসহায় ভাবে সমাজের নির্দেশে—দেহের দাবীকে
 উপেক্ষা করিলে যে অশান্তিতে মন পুড়িয়া যায়, এখানে
 মনের দাবী উপেক্ষা করিয়া নূতন জীবন দর্শনের পুঁথির
 নির্দেশে দেহের দাবীকে বড় করিতে গেলে—অশান্তি
 হইবে লক্ষ লক্ষ গুণ বেশী। আজও যতবার সে শ্লেষপূর্ণ
 প্রশ্নের সম্মুখীন হয়—ততবার সে এই উপলক্ষকে যাচাই
 করিয়া দেখে। যাচাই করিয়া দেখিতে গিয়াই—
 বিশ্বনাথের জন্ত সে কাঁদে, এই কাঁদার চোখের জলই
 তাহার উপলক্ষকে দৃঢ় হইতে দৃঢ়তর করিয়া তোলে।
 সমস্ত সংকোচ, লজ্জা, বেদনা ধুইয়া মুছিয়া যায়, অনাবিল
 প্রসন্নতায় অরুণার অন্তর বাহির অপরূপ মাধুর্যে ভরিয়া
 উঠে। হয়ত দুইদিন স্বর্গের শ্লেষ-তীক্ষ্ণ বাক্যবাণের
 সম্মুখীন হইয়া আবার নিজেকে যাচাই করিয়া দেখিল,
 একটা গোটা রাত্রি সে বিশ্বনাথের জন্ত কাঁদিল। কাঁদার
 মধ্যেও সে নিজেকে প্রশ্ন করিল; অতি রুঢ় প্রশ্ন,—বোধ
 করি তাহার জীবনের রুঢ়তম প্রশ্ন; নিষ্ঠুর উত্তেজনায়
 মায়া মমতাহীন হইয়া সকল চক্ষু লজ্জা বিসর্জন দিয়া
 স্বর্গই তাহাকে প্রশ্ন করিয়াছিল। বলিয়াছিল—আজ যে
 বিশ্বনাথবাবুর কিশোর রূপ মনে প'ড়ে আপনি আকুল
 হয়ে উঠেছেন—অরুণাদি সে আকুলতার মূলেও কি দেহ
 নেই আপনার? ওই যে অজয়কে আপনার করে পেতে
 চাচ্ছেন—স্বামীর বদলে ছেলের রূপে পেতে চাচ্ছেন—
 সেও কি আপনার ওই চাওয়ারই রকম-ফের নয়?
 আপনি তো আমার চেয়ে অনেক পড়েছেন—অনেক
 জানেন—বলুন না—সেটার সত্য অর্থ তো আপনি
 না-জানা নন—

স্বর্গ যেন অরুণার কণ্ঠনালীটা চাপিয়া ধরিয়া খাস-রুক

ক'রিয়া দিয়াছিল, শুধু বাতাসই নয়—প্রসন্ন প্রভাতালোক মুছিয়া দিয়া নিশ্চিদ্র কালো অন্ধকার লেপিয়া দিয়াছিল—বিশ্বসংসারের সর্দাঙ্গে। সে হাত নাড়িয়া ইসারা করিয়া স্বর্ণকে বারণ করিয়াছিল—থাম স্বর্ণ, থাম।

স্বর্ণ থামে নাই। কথা শেষ করিতে বাকীও বড় কিছু ছিল না, শুধু আরও একবার উত্তরের সদর্প দাবী জানাইয়া সে থামিল—বলুন—বুকে হাত দিয়ে সত্য কথাটা বলুন শুনি! কথা শেষ করিয়া সে স্থির দৃষ্টিতে চাহিয়া দাঁড়াইয়া ছিল, উত্তেজনায় অল্প অল্প হাঁপাইতেছিল।

অরুণা চোখ বুজিয়া কিছুক্ষণ বসিয়া থাকিয়া একটা দীর্ঘনিশ্বাস ফেলিয়া বলিয়াছিল, দৃঢ় অথচ শান্ত কণ্ঠস্বরে ধীরে ধীরে বলিয়াছিল—তোমার কথা এতটুকু মিথ্যে নয় স্বর্ণ, বর্ণে বর্ণে সত্য, তাকে আমি স্বীকার করছি; আমার এ চাওয়ার মধ্যেও দোষ আছে। কিন্তু—

মধ্য পথে বাধা দিয়া অসম্ভিষ্ণু স্বর্ণ বলিয়া উঠিয়াছিল—এর পর আর কিন্তু কিসের অরুণাদি?

আছে। আলো আর অন্ধকার প্রথরতম আর গাঢ়তম অবস্থায় এক হয়ে যায় এবং অভিন্নও বটে, কিন্তু তা বলে আলো আর অন্ধকার স্বতন্ত্র হয়ে যখন প্রকাশ পায় তখন সে ভিন্ন বস্তু। তার রূপই ভিন্ন নয়—তার স্পর্শ, তার প্রভাব, তার ক্রিয়া সব ভিন্ন। স্বর্ণ—যে কোন নারীর যে কোন পুরুষ হলেই জীবনের দাবী মেটে না। আমার স্বামীর স্থানে আর কাউকে বসিয়ে আমার দাবী মিটবে না, সেটা হবে মদ খেয়ে নেশা করে আনন্দ সন্ধান করার মত, তার ফলে দেহ-মন ছুইকেই আরোগ্যের বদলে বিষাক্ত রুগ্ন করে তুলবে। অজয়কে আমি আমার সম্ভানরূপে পেলে তবেই মিটবে আমার জীবনের দাবী। তার মাথা বুকে জড়িয়ে ধরে—তার কপালে চুষন দিয়ে সর্দাঙ্গে হাত বুলিয়ে দিয়ে দেহ-মন দুয়ের কথা—স্বর্ণ আমার প্রাণ জুড়িয়ে যাবে—ভরে উঠবে। এর কদর্থ করতে চেষ্টা করো না স্বর্ণ—মূলে এর অর্থ বাই হোক—মুক্ত বেণীর মত ছুই ধারায় পৃথক হওয়ার পর অর্থও পৃথক হয়ে গেছে। ও ছুইয়ে মেশাতে চেষ্টা করো না—এক নদী ছুই শাখায় ভাগ হয়ে গেলে তখন আর এক থাকে না—ছুই ধারার জলে একই গুণ থাকে না। মাটির গুণে ধারার রঙ পাণ্টায়—গুণও পাণ্টায়। যে বোটার ফুল

ফোটে সেই বোটাতেই ওই ফুল থেকে যে ফল ধরে সে দুটোর বোটা এক বলে—এক জিনিষ নয় স্বর্ণ।

একটু চূপ ক'রে একটা নিশ্বাস নিয়ে তারপর বলেছিল—এর বেশী আর আমাকে জিজ্ঞাসা করো না স্বর্ণ, উত্তর আমি আর দেব না।

স্বর্ণ তবু আবার কথা বলিতে চেষ্টা করিয়াছিল। বাধা দিয়া অরুণা বলিয়াছিল—বিচারকের আসনে বসবার চেষ্টা করো না স্বর্ণ। নিজের অধিকারের কথাটা স্মরণ রেখো। যদি কেউ তোমাকে বিচারকের পদ দেয়—বা—গায়ের জোরেই নাও—তবে একতরফা বিচার করে যা খুসী রায় দিয়ো—আমি কথা বলতে নারাজ।

স্বর্ণ আর কথা বলে নাই, নীরবেই চলিয়া গিয়াছিল; সমস্ত দিন রাত্রির মধ্যে আর অরুণার কাছে আসে নাই। অরুণা বিশ্বনাথের জন্ত কাঁদিয়াছে—আর ওই প্রথই বারবার নিজেকে করিয়াছে। সে-প্রশ্নে সে অপ্রতিভ হয় নাই, লজ্জিত হয় নাই, যেমন ধীরতা ও শান্ত সংযমের সঙ্গে স্বর্ণকে উত্তর দিয়াছে তেমনি ভাবেই—ওই একই উত্তর বারবার দিয়াছে। বরং ধীরতা ও শান্ত সংযমের সঙ্গে একটি অনাবিল প্রসন্নতা তাহার মুখে একটি হাসির রেখা আঁকিয়া দিল।

দেবু আসিয়া তাহাকে ডাকিতেই সে ওই হাসি-মুখই বাহির হইয়া আসিল। প্রসন্ন সম্ভাষণে তাহাকে আহ্বান জানাইয়া বলিল—আসুন দাদা।

দেবু তাহাকে অরুণাদি বলিয়া ডাকিলে...সে দাদা বলিয়াই সাড়া দেয়।

দেবু যথাসাধ্য কৃত্রিম বিশ্বয় প্রকাশ করিয়া কহিল—এ কি? কি ব্যাপার?

অরুণা আরও একটু বেশী হাসিল। বলিল—আমার বেশভূষা দেখে তো?

—হ্যাঁ। এ কি করেছেন? হঠাৎ—?

তাহার বিশ্বয়ের প্রকাশ শুধিকে সে যথাসাধ্য প্রসন্ন করিয়া তুলিতে চেষ্টা করিল—বুঝাইবার চেষ্টা করিল—যে—এ পরিবর্তনের ফলে তাহার বিশ্বয়ের অন্তরালে নিহক

বিস্ময় ছাড়া আর কিছু নাই। ভাল বা মন্দ কোন ধারণাই এ বিস্ময়ের পিছনে নাই।

অরুণা তাহার মুখের দিকে স্থির দৃষ্টিতে চাহিয়া বলিল—
হঠাৎ নয় দেবুবাবু, অনেক ভেবেছি, অনেক ভাঙাগড়া হয়ে
গেছে আমার।

—মানে? মুহূর্ত্তে জু ছুটির উপরে কুঞ্চন রেথায়
বিক্রম মনের রূঢ়তা আত্মপ্রকাশ করিল। এটুকুকে সযত্নে
গোপন করিবার চেষ্টা তাহার ব্যর্থ হইয়া গেল।

অরুণা হাসিল। বলিল—একটা জীবনের ভাঙাগড়ার
কাহিনীর এক কথায় তো মানে বলা যায় না ভাই। সময়
লাগবে। বসুন। যদি সময় এখন না থাকে তবে অবসর
করে আসবেন—আমিও বলতে চাই; দুঃখের কথাই
হোক আর সুখের কথাই হোক—কাউকে না বলতে পেলে
মন হাঙ্কা হয় না।

দেবু বসিয়া বলিল—অবসর করতে হবে মিসেস ভট্টাচার্য,
একটু চুপ করিয়া বসিয়া সে বলিল—আপনার বাইরের
রুচি বা আচারের পরিবর্তনের সঙ্গে মনের কতটা সম্পর্ক
বুঝতে হবে আমাকে।

অরুণা বলিল—তার মানে আমার বিচার করবেন?
সে হ'লে আমি আসামীর মত চুপ করেই থাকব।
আপনি সাক্ষী সাবুদ নিয়ে যা রায় দেবার দেবেন।
রাজনীতিক দলে কর্মী হয়ে চুকেছিলাম যখন, তখন দেশের
জন্ত মুখ বুজে মৃত্যুবরণ করতেও প্রস্তুত হয়েছিলাম, আর
আজ আমার নিজের জীবনের পরম বস্তুর জন্ত
আপনার দেওয়া সাজা নেবার সময় হাজার কথা কহিতে
যাব কেন?

দেবু চকিত হইয়া অরুণার দিকে চাহিল।

অরুণা বলিল—বিচারের প্রহসনই হয়ে থাকে—রাষ্ট্র-
নৈতিক অপরাধে—রাষ্ট্রনিয়ন্ত্রিত বিচারালয়ে। রাষ্ট্রনীতি
নিয়ে যে সব দল কাজ করে—তারাও বিচারের
সময় ওই একই ধারায় বিচার করে। তেমনি বিচার
করেন তো আমার কথা আপনার শুনেই বা কাজ কি—
আমার বলেই বা লাভ কি? যা খুসী করুন গিয়ে। তবুও
আপনি আমার স্বামীর আকর্ষণে—তারই দীক্ষায় এ দলে
এসেছিলেন—একসময় আমিও আপনাকে হয় তো কিছু
কিছু শিখিয়েছি, নূতন দৃষ্টিতে দেখতে সাহায্য করেছি।

তাই কটা কথা বলছি, আমার ভাঙাগড়ার মধ্যে আমি
আমার ব্যক্তিগত জীবনের স্বরূপকে আবিষ্কার করেছি—
নিজেকে চিনেছি, তাই বুঝতে পেরেছি যাকে একদিন
স্বামীত্বে বরণ করেছিলাম তার অস্তিত্ব তার দেহের সঙ্গেই
আমার জীবনে শেষ হয় নাই, তাকে ভোলা আমার পক্ষে
অসম্ভব। 'নয়ন সম্মুখে তুমি নাই—নয়নের মাঝখানে
নিয়েছ যে ঠাঁই'—। দেবুবাবু হঠাৎ বুঝলাম কথাটা।
অজয়কে দেখে সেই সত্য হঠাৎ স্পষ্ট হয়ে উঠল।
আজ আমি কোন পুরুষকে স্বামী হিসেবে গ্রহণ ক'রে
ঘর বেঁধে সুখ পেতে পারি না—শান্তি পেতে পারি না;
তাই আমার স্বামীর সন্তান—আমার সন্তান অজয়কে
নিয়ে ঘর বাঁধবার কামনায় আকুল হয়ে উঠেছি;
তাকে আমাকে জয় করতে হবে—তার মা হতে
হবে। এ সজ্জা আমার বিধবা মায়ের সজ্জা। এর
জন্তে—

দেবু মাটির দিকে চোখ রাখিয়া অরুণার কথাগুলি
শুনিতোছিল—হঠাৎ মুখ তুলিয়া বলিল—এরজন্তে—?

—এর জন্তে যে কোন মূল্য আমি দিতে প্রস্তুত
দেবুবাবু।

—অর্থাৎ এতকালের বিশ্বাস আদর্শ দল—সব?

—হ্যাঁ। সব, সব, সব। কিন্তু—

—আবার কিন্তু কি?

—আছে কিন্তু দেবুবাবু। বিশ্বাস আদর্শ আমাকে
ছাড়তে হবে না। ছাড়তে বেটা হবে—সেটা দল। দেবুবাবু
নারীর হাতে ভিক্ষা নেওয়ার জন্ত চৈতন্য তাঁর ভক্তকে
বর্জন করেছিলেন কিন্তু ভক্তের বৈষ্ণব ধর্ম বিশ্বাস—সে
ধর্ম মতে সাধনার অধিকার কেড়ে নিতে পারেন নি।
আমার জীবনের বিশ্বাস—আদর্শবাদ আপনারা কেড়ে
নেবেন বা আপনাদের সঙ্গে না বনলে ছাড়তে হবে—এমন
ধারণা করবার স্পর্ধা আপনার বা আপনাদের হ'ল
কি ক'রে?

দেবু হাসিয়া বলিল—কিন্তু ছেলের সঙ্গে যদি বিরোধ
হয় আদর্শ নিয়ে?

—আমি এমন মা হতে চাই দেবুভাই, যে আমার
রক্ত সুখা হয়ে তার দেহের রক্ত হয়ে প্রবাহিত হবে,
আমার ভাবনা আমার ভাবাই হবে তার ভাবনা-ভাষা।

বিরোধ আমার হবে না দেবুবাবু। অরুণার চোখের দৃষ্টিতে স্বপ্ন ছুটিয়া উঠিল।

দেবুবাবু একটা গভীর দীর্ঘনিশ্বাস ফেলিয়া বলিল—
আপনার কামনা সফল হোক অরুণা-দি। সর্বাস্তঃকরণে
আমি প্রার্থনা করছি।

অরুণা বলিল—বসুন—বসুন। আপনার মাহুঘের
মন আজও বেঁচে আছে। নইলে দীর্ঘনিশ্বাস ফেলতেন
না। স্বর্ণকে কয়েকটা কথা বলবেন। সে মারাত্মক
উত্তেজিত হয়ে উঠেছে। তাঁকে জিজ্ঞাসা করবার ইচ্ছে
আমার হয়েছিল—কিছু জিজ্ঞাসা করতে পারি নি সে
আঘাত পাবে বলে। বাল্যকালে যার সঙ্গে বিয়ে হয়েছিল—
যার সঙ্গে ভালবাসা জন্মাবার—যাকে ভালবাসবার
সময় পায় নি বলে—সকল বিয়েতেই তাই হবে? সে যে
খোয়ামোছা মন নিয়ে আপনাকে গ্রহণ করেছে, আপনার
সঙ্গে ঘর বেঁধেছে—এ সবকেও কি ধুয়ে মুছে যাবে—
আপনার দৈহিক অস্তিত্বের অভাবে? স্বর্ণ কি আপনাকে
হারিয়ে নতুন জনকে নিয়ে আবার জীবন শুরু করতে
পারবে? সে যখন বাল্যকালে বিধবা হয়ে আপনাকে
ভালবেসে বিবাহ করেছে, তখন অন্ততঃ তার কাছে সমাজ-

প্রভাব—মনের বিকৃত ধর্মভয় এ সবগুলো তো একেবারেই
নাই!

—অরুণা দি!

স্বর্ণ নিজেই আসিয়া দরজায় দাঁড়াইল।

দেবু শঙ্কিত হইয়া বলিল—চল—স্বর্ণ—বাড়ী চল।

স্বর্ণ বলিল—না!

অরুণা বলিল—বল, স্বর্ণ কি বলছ বল?

—বলছি না কিছু, বাহবা দিচ্ছি। যে সব ভয়কথা
চমৎকার বক্তৃতা করে বুঝালেন এতক্ষণ তার জন্ত বাহবা
দিচ্ছি।

—চল স্বর্ণ!

—যাচ্ছি। ঝগড়া আমি করব না। শুধু একটা
কথা শুঁকে জানিয়ে যাই। গোটা শহরটা শুঁর এই নতুন
ঢং নিয়ে হেসে গড়িয়ে পড়ছে। পাটির প্রত্যেক মেঘার
এর জন্তে শপথ করে বলেছে—পাটি থেকে শুঁকে বের করে
দিতেই হবে।

—পাটি আমি ছেড়ে দিলাম দেবুবাবু। আপনি
ওপরে জানাবেন।

(ক্রমশঃ)

পূজার চিঠি

কুমারী নবনীতা দেব

কবি-দম্পতি শ্রীমতী রাধারানী দেবী
তাঁহাদের ১২ বৎসরের কন্যা কুমারী নবনীতাকে সঙ্গে
লইয়া ইউরোপ ভ্রমণে গিয়াছেন—এ সংবাদ ভারতবর্ষের
পাঠকগণ অবগত আছেন। পূজার সময় কুমারী নবনীতা
লওনে বসিয়া তাঁহার মাতুলানী শ্রীমতী প্রতিমা ঘোষকে
একখানি এবং মাতুল-পুত্র শ্রীঅতীক ঘোষ (১০ বৎসরের)
ও মাতুল-কন্যা কুমারী প্রমীতা ঘোষ (৭ বৎসর বয়সের)কে
একখানি পত্র লিখিয়াছেন—উভয় পত্রই কবিতায় লেখা।
আমরা নিয়ে পত্র ২ খানি প্রকাশ করিলাম—ইহা পাঠ
করিলে কবিদম্পতির কন্যা নবনীতারও অসাধারণ কবিত্ব
প্রতিভার সম্ভাবনার পরিচয় পাওয়া যায়। (তাঃ সঃ)

(ক)

শারদ পূজার পত্র পপুয়া

পাঠাই রচিয়া গীতি ;

শুক্লমনে দিও প্রণাম আমার

ছোটদের দিও প্রীতি।

এইতো প্রথম দেশ ছেড়ে দূরে

রহিল পূজার কালে ;

পরিনি নতন পূজার পোষাক

কুছুম ফোটা ভালো।

নতন জুতা তো নেই পায়ে আজ

পূজার হর্ষ কই গো ?

ইংরাজী সবই, পাইনি এবার
 পূজা বার্ষিকী বই গো।
 দেশে কিরে যেতে মন যে ব্যাকুল
 কিরিব এ মাস শেষে ;
 ভাবি মনে আজ থাকিতাম যদি
 তোমাদের কাছে দেশে।

মহা উৎসব—কোলাহলে বেথা
 পূজার বাণ্ড বাজে,
 মন যে আমার ছুটে চলে আজ
 সেই বাংলার মাঝে।
 পাড়ায় পাড়ায় পূজা মণ্ডপে
 ছোট ছেলে মেয়ে নাচে,
 বিজয়ীর সঁঝে মিষ্টি খাবার
 গুরুজনদের কাছে।

বন্ধুঝা মোর নূতন বসনে
 সজ্জিত হয়ে আজ,
 পূজা মণ্ডপে হাসি-কলরবে
 করিছে কত না কাজ।
 স্বদূর সাগর পারে বসে আমি
 ভাবি স্বদেশের কথা,
 বহু স্থখে আছি, তবু মনে হয়
 কি-জানি-বি-নেই হেথা।

দেশের প্রতিটি পথ-বাট বাড়া
 আশ্রয় বন্ধু যত,
 অতু, খুকু আর ছুটুর কথা
 মনে আগে অবিরত।
 হিন্দুস্থান-পার্কের মত
 এত সুন্দর স্থান
 এই পৃথিবীতে আর তো কোথাও
 গড়েননি ভগবান।
 সুইজারল্যান্ড, প্যারিস, ইটালী,
 অস্ট্রিয়া, জার্মানী—
 বালিগঞ্জের কাছে, মোর কাছে
 সব ব্যয় হার মানি।

এবারে পূজোতে কিন্তু পপুয়া
 প্রকাণ্ড চিঠি দিহু,
 আবার লিখিম, এইবারে আসি,
 ইতি—তোমাদের মিহু।

(খ)

অতু সোনা ! লক্ষী আমার, সোনার খুকুন ভাই
 দিদিটাকে ভুলেই গেছিস, একটু মনে নাই ?
 দাওনা অতীক একটা চিঠি, নাওনা খবর নিজে
 তাইতো মনে দুঃখ আমার, জানাই তোদের কী যে।
 প্রত্যেক দিন সবার কাছেই, গল্প তোদের করি
 খুকুরাণীর কথা এবং অতুর কথা স্মরি।
 ছুটু বাবুর ছুটুপনার, খবর কিছু পাই,
 কিন্তু তোদের হাতের লেখায়, তাহার খবর চাই।
 এবার পূজায় ভীষণ আমার, মন কেমন যা করছে,
 বারে বারেই চোখের পাতা ; কেবল জলে ভাসছে।
 তোমরা কি ভাই দিদির কথা, একটা বারও ভাবছ,
 মোটর থেকে সর্বজনীন, দেখতে যখন নাবছো ?
 পূজায় এবার জামা জুতো, সব পুরানো পরছি,
 মায়ের কাছে বলতে গেলেই, ধমক হজম করছি।
 এবার পূজায় ধমক ছাড়া, আর তো কিছুই পাইনি,
 মায়ের মেজাজ গরম দেখে, বাবুর কাছেও ঘাইনি।
 মা বলেছেন তিনটি বছর, পূজার নাম না করবে,
 এই পুরাণ ক্রক ও জুতা, তিনটি বছর পরবে।
 তাই তো আমি চালাক হয়ে, লম্বা এমন হচ্ছি,
 তিনটি মাসও আর না বাতে, এ সব জামা পরছি।
 অনেক কথাই বলবো গিয়ে, হচ্ছে পেটে জমা,
 পত্ন লিখছি, এ জন্তে ভাই, করিসু কিন্তু কমা।
 লণ্ডন-পুলিশের হাট, কিনেছি তোর জন্তে,
 মা কিনেছেন বই, খেলনা, দেখেননি তা অন্তে।
 বার্ষিক পরীক্ষার ফল, শুভ খবর দিও,
 দিদি-ভাইএর বিজয়রই, আশীষ, প্রীতি নিও।

ইতি—তোমাদের দিদিভাই

জর্জ বার্গার্ড শ

শ্রীহৃদ্যচন্দ্র গঙ্গোপাধ্যায়

(১৮৫৬-১৯৫০)

পৃথিবীর শ্রেষ্ঠ মনীষী জর্জ বার্গার্ড শ গত ২রা নবেম্বর দেহত্যাগ করেছেন। গত ২৬শে জুলাই তাঁর তিরানব্বইতম জন্ম দিবস উপলক্ষে সারা জগত তাঁকে অভিনন্দন জানিয়েছিল। গত ১১ই সেপ্টেম্বর শ বাগানে পড়ে গিয়ে আহত হন এবং হাসপাতালে ভর্তি হন। সেখান থেকে ২৫ দিন পরে গত ৪ঠা অক্টোবর তিনি গৃহে ফিরে আসেন। হাসপাতালে ভর্তি হবার সময় তিনি বলেছিলেন, “এবার যদি বাঁচি তাহলে অমর হয়ে উঠব।” কিন্তু হার! তাঁর মত মনীষীকেও আজ পৃথিবী হ’তে বিদায় নিতে হ’ল। মহাকালের ফুৎকারে সেই অসাধারণ প্রতিভার অল্পান শিখার দ্রুতি আজ দৃষ্টি পথ হতে অন্তর্হিত হল বটে, কিন্তু যে আলোকের দীপশিখা তিনি জ্বলেছিলেন তা চিরকাল অল্পান ও উজ্জ্বল থাকবে। তাঁর বৈশিষ্ট্য তাঁর চরিত্রে ছিল না, ছিল তাঁর হাসিতে, তাঁর ব্যঙ্গ, তাঁর বিক্রমে। তাঁর শ্রেষ্ঠত্ব তাঁর শিক্ষায় ছিল না, ছিল বনস্পতির মত তাঁর বিশাল ব্যক্তিত্বে।


সত্যই বিচিত্র ছিল তাঁর জীবন, বিরাট ছিল তাঁর ব্যক্তিত্ব। অদ্ভুত ছিল তাঁর আচার ব্যবহার, চালচলন, অদ্ভুত ছিল তাঁর চরিত্র। পৃথিবীতে এমন অদ্ভুত মানুষ আর দ্বিতীয় জন্মান নাহি। তাঁর লেখনী ছিল যেমন তীক্ষ্ণ, তেমনি রসাল তাঁর কথাবার্তা, কলম ত নয় যেন শাণিত তরবারী। কঠোর চাবুক হাতে দিয়ে ভগবান এই লোকটিকে পৃথিবীতে পাঠিয়েছিলেন। সেই চাবুকের কঠোর আঘাতে অমানুষের দল মানুষ হয়েছে, অভ্যস্তের দল ভক্ত হয়েছে। পৃথিবীর লোক তাঁকে ভয় করেছে, শ্রদ্ধা করেছে, ভক্তি করেছে, ভালবেসেছে। তাঁর নানা অভিজ্ঞতা হতে তিনি উপলব্ধি করেছিলেন যে বেদনার চেয়ে বিক্রম বড়, ক্ষুণ্ণতার চেয়ে মহত্ত্ব বড়।

যে ক্লেশ ও গ্লানি, তিক্ততা ও অবসাদ আজ সমাজ-জীবনে প্রবেশ করেছে, সত্যতাকে অপমৃত্যু হতে রক্ষা করবার জন্ত তিনি তা আকর্ষণ পান করেছিলেন। তাঁর চিন্তাধারার অজস্র দানে, তাঁর প্রতিভার অজস্র আলোকে আজ সমগ্র পৃথিবী সমৃদ্ধ ও সমৃদ্ধল হয়ে উঠেছে।

তাঁর পঞ্চাশ খানি নাটক আজ ইউরোপের বিভিন্ন ভাষায় অনূদিত এবং ইউরোপ ও আমেরিকার বিভিন্ন রঙ্গালয়ে অভিনীত হয়েছে। সেই সমস্ত অভিনয় হতে তিনি দশ লক্ষ পাউণ্ডের অধিক অর্থ লাভ করেছিলেন। তাঁর ‘পিগ ম্যালিয়ান’ নামক নাটকের চিত্ররূপের স্বল্প বিক্রী করে তিনি পঞ্চাশ হাজার পাউণ্ড লাভ করেছিলেন।

পৃথিবীর সব চেয়ে বড় বিন্দন যে তিনি তিরানব্বই বৎসর বয়সে তাঁর শেষ নাটক “কার কেচেড কেব্লস্” রচনা করেন। এত অধিক বয়সে আর কেউ কিছু রচনা করতে পেরেছেন তাঁর পরিচয় আমাদের জানা নেই।

তাঁর বয়স বখন ১৫ বৎসর তখন তাঁর পিতার সংসার অচল হয়ে ওঠে। বি-চাকরদের বিদায় দিতে হ’ল—তাঁর মা লুসিন্দা এলিজাবেথ সব কাজই নিজে হাতে করেন। শ স্থির করলেন—সংসারের সাহায্যের জন্ত কিছু করা প্রয়োজন। তিনি বিজ্ঞানরে বেশী দিন যান নি, তবে বাড়ীতে অসাধারণ পড়েছেন। শ চাকরি করবার জন্ত ডাবলিনে এক কাপড়ের দোকানে সকাল দশটায় এসে হাজির হলেন। সোজা সাহেবের কামরায় ঢুকে একখানা পরিচয় পত্র দিলেন। তাঁকে এক ঘরে নিয়ে গেল—সাহেব জিজ্ঞাসা করলেন—কি পাশ করেছে?



জর্জ বার্গার্ড শ

পাশ ত কিছু করিনি।

পাশ করনি, চাকরি করতে এসেছ?

চাকরীর সঙ্গে পাশের সম্বন্ধ কি?

দরখাস্ত এনেছ?

নিয়ে আসিনি। কাগজ দিন এখনি লিখে দিচ্ছি।

কাগজ নিয়ে শ খস্ খস্ করে এক দরখাস্ত লিখে দিলেন। তাঁর চাকরি হ’ল—বেতন মাসে ১৮ শিলিং অর্থাৎ সাড়ে বারো টাকা। কিন্তু দুঃখের বিষয় তাঁর পরদিন চাকরীতে গিয়ে শুনলেন—তাঁর বয়স কম—চাকরি হবে না।

ভাগ্যের এই পরিহাস শুরু হ'ল তাঁর জীবনে।

১৮৫৬ খৃষ্টাব্দের ২৬শে জুলাই আয়ারল্যান্ডের ডাবলিন শহরের উপকণ্ঠে তিনি জন্মগ্রহণ করেন। তাঁর পিতার নাম ছিল জর্জ কার শ, আর মাতার নাম ছিল লুসিন্দা এলিজাবেথ।

তাঁর তখন পাঁচ বৎসর বয়স। চাকরের সঙ্গে সন্ধ্যাকালে বেড়াতে যেতে গেলেন। সে দিন রবিবার। গির্জার ঘণ্টা বাজছে। দলে দলে লোক গির্জার দিকে চলেছে। তিনি চাকরকে জিজ্ঞাসা করেন—এত লোক সব কোথায় যাচ্ছে ?

চাকর বলে—গির্জায়।

সেখানে কি হয়?—সেখানে খৃষ্টের আরাধনা হয়, ভগবানের প্রার্থনা হয়।

তিনি বাড়ী গিয়ে মাকে জিজ্ঞাসা করলেন—মা, আমরা গির্জায় যাই না কেন ?

মা বলেন—‘বাইবেল কিনে দেব—পড়ে দেখো’। এই বলে ছেলেকে নিয়ে মা মধুর কণ্ঠে ও মধুর ভাষায় একখানি গান করলেন—ছেলে অল্প এক জগতে চলে গেল। মা তখন বলেন—এই আমার গির্জা—এই আমার ভগবান।

যখন তাঁর ২০ বৎসর বয়স, তিনি ইংলণ্ডে এলেন। ছ বছর তিনি বেকার জীবন অতিবাহিত করেন। অনবরত লেখেন, আর সেই লেখা কাগজে পাঠান। সবই কিরে আসে। একদিন “ওয়ান এণ্ড অল” নামক একটি মাসিক পত্রিকায় “খৃষ্টান নাম” নামে তাঁর একটা লেখা প্রকাশিত হ'ল। তিনি পারিশ্রমিক পেলেন পনের শিলিং। এই তাঁর প্রথম প্রবন্ধ প্রকাশিত হ'ল।

তিনি পেশা হিসেবে সাহিত্য কেন নির্বাচন করেন তার কারণ তিনি বলেছেন—“ডাক্তার বা উকিলের মত সাহিত্যিকের কারণ কাছে যেতে হয় না। দামী কোর্ট প্যান্ট, হ্যাট, টাই দরকার হয় না। তাই আমি সাহিত্যের পেশা বেছে নিলাম।”

তিনি নাম করবার জন্ত বক্তৃতা করতে আরম্ভ করেন—বৎসরের পর বৎসর বক্তৃতার শ্রোত চলে। তিনি জমিদারী প্রথার উচ্ছেদ সম্বন্ধে এক সভার বক্তৃতা করবার অনুমতি চেয়ে এক পত্র দিলেন। উত্তর এল—যারা কার্ল মার্কস পড়ে নি—তাদের বক্তৃতা করবার যোগ্যতা নেই।

তৎকালে বৃটিশ মিউজিয়ামে গিয়ে কার্ল মার্কসের করাসী ভাষায় লেখা সব বই পড়লেন।

১৮৯২ খৃষ্টাব্দে ইংলণ্ডে নাট্য জগতে একটা সংস্কারের আয়োজন চলছে। জ্যাক প্রেণ ইণ্ডিপেন্ডেন্ট থিয়েটার নামে এক নাট্যালয় প্রতিষ্ঠা করলেন। ইবসেনের বিখ্যাত নাটক ‘মোষ্ট’ প্রথম অভিনীত হ'ল। কিন্তু তিনি চাইলেন একখানি নূতন ধরনের ইংরাজী বই অভিনয় করতে। শ এই সংবাদ পেয়ে “উইডোয়ার্স হাউসেস” নামক স্বরচিত প্রথম নাটক প্রেণকে পড়ে শোনালেন। নাটক মনোনীত

হ'ল। শ'এর জীবনে সে এক অরণীয় দিন। বার্গার্ড শয়ের নাম চারিদিকে প্রচারিত হ'ল। কিন্তু মাত্র ছ রাত্রি অভিনয়ের পর এই নাটকের অভিনয় বন্ধ হয়ে গেল।

১৮৯৩ খৃষ্টাব্দে তিনি দ্বিতীয় নাটক লিখলেন—“দি কিলিংবারার”। কিন্তু এটি অভিনীত হল না। তারপর তখনকার দিনের বিখ্যাত অভিনেত্রী জেনেট এচার্চএর অনুরোধে তিনি তৃতীয় নাটক লিখলেন—“মিসেস ও অরেনস প্রফেসন”। কিন্তু দুর্নীতিমূলক মনে করে গবর্নমেন্ট এই নাটকের অভিনয় বন্ধ করে দিলেন।

তার পর তিনি অনবরত একের পর এক নাটক রচনা করতে লাগলেন—“আর্মস এণ্ড দি ম্যান”, “কাণ্ডিডা”, “ইউ নেভার ক্যান টেল”, “সিঙ্গার এণ্ড ক্লিপেট্রা” এবং “ক্যাপ্টেন ব্রাস বাউন্স কনভার্সন”। বিপ্লবী নাট্যকার হিসাবে তাঁর নাম তখন ইংলণ্ডে অতিক্রম করে আমেরিকায় পৌঁছেছে। সেখানে ১৯০৫ খৃষ্টাব্দে তাঁর প্রথম নাটক অভিনীত হল গবর্নমেন্ট কর্তৃক নিষিদ্ধ নাটক “মিসেস ও অরেনস প্রফেসন”।

১৮৯৯ খৃষ্টাব্দে ২৬শে সেপ্টেম্বর, প্রিন্স অব ওয়েলস থিয়েটারে শ'র নাটক “দি ডেভিলস ডিসাইপুল” ইংলণ্ডে প্রথম অভিনীত হ'ল। আমেরিকায়ও এই নাটক অভিনীত হয়। সেখান হতে শ পান পাঁচ হাজার পাউণ্ড, আর লণ্ডনের অভিনয় হতে পেলেন দশ হাজার পাউণ্ড।

শয়ের বয়স তখন ৪০ বৎসর। অবিপ্রাপ্ত জীবন সংগ্রামে এইবার তিনি জরী হলেন। ১৮৯৮ খৃষ্টাব্দে ১লা জুলাই চার্লোট নারী এক মহিলাকে শ বিবাহ করেন। পরতারিণ বৎসর চার্লোট শর জীবন-সঙ্গিনী স্বরূপ জীবিত ছিলেন। ১৯৪৩ সালে তাঁর জীবন মৃত্যু হয়।

১৯০৩ সালে শর শ্রেষ্ঠ নাটক “ম্যান এণ্ড হুপারম্যান” প্রকাশিত হ'ল। ছ বৎসর পরে এই নাটকখানি লণ্ডনের কোর্ট থিয়েটারে অভিনীত হল। তখন শ এই নাট্যালয়ে নাট্যকার, নাট্যাচার্য ও প্রযোজকরূপে যোগ দেন। শ'র ঐচ্ছামূলক স্পর্শে নাট্যালয়ের পরিবেশের পরিবর্তন হ'ল। তখন হ'তে নাট্যালয় হয়ে উঠল শিল্পকার বিভাগ—প্রমোদনিকেন্দ্র নয়—শিল্পের পীঠস্থান।

নিউ ইয়র্কেও এই নাটক অভিনীত হয়—সেই অভিনয় হতে শ'র আর হয় চল্লিশ হাজার পাউণ্ড।

তার পর অভিনীত হ'ল “মেজর বারবারা” এবং “দি ডক্টরস ডিলেমা”।

তাঁর লেখনী ছিল তীক্ষ্ণ এবং রসনা ছিল সুরধার। তিনি ছিলেন অত্যন্ত স্পষ্টবাদী।

১৯১৩ সালে ৮০ বৎসর বয়সে তাঁর জননী পৃথিবী হতে চিরবিদায় গ্রহণ করেন।

আজ পৃথিবী হতে এই শ্রেষ্ঠ প্রতিভার তিরোধানে—পৃথিবীর সাহিত্য-জগতের যে ক্ষতি হল তা সহজে পূর্ণ হবার নয়।

অ্যালবার্ট

নারায়ণ গাঙ্গোপাধ্যায়



—ষোলো—

কোথায় শিকার, কোথায় কী! অ্যালবার্টের হালচাল ক্রমেই কেমন সন্দেহজনক মনে হচ্ছিল ক্যারুর।

একদিক থেকে ভালোই যে হয়েছে—সন্দেহ নেই সে ব্যাপারে। গেমস্বার্ভের সন্ধানে বেরিয়ে জমিদারের জলায় ছোটো চারটে ফায়ার করলে শ্রীক কতদূরে যে গড়াত বলা শুরু। পেণ্টুলুনপরা চেহারা আর শাদা বাপের ছেলে—এর অতিরিক্ত কতটুকু মর্যাদা তার আছে কুমার ভৈরব-নারায়ণের কাছে! নিতাস্তই সাম্না-সাম্নি গেলে একখানা চেয়ার বসবার জন্তে এগিয়ে দেয়—এই যা। কিন্তু হাঁড়িতে যে তার কতখানি চাল এ আর ভালো করে কে জানে কুমার বাহাদুরের চাইতে?

অ্যালবার্টের বন্দুক ছোটো যেমন তেমনি ঝুলোনোই আছে। না আছে তার হিমালয়ান রেঞ্জ সম্বন্ধে কোনো কৌতূহল, না আছে শিকার সম্বন্ধে বিন্দুমাত্র উৎসাহ। ক্যারু সাহেবের সন্দেহ হয় তার চাইতে বড় কিছু শিকারের সন্ধানে আছে অ্যালবার্ট।

কা সে শিকার? মার্থা হয়তো?

একটা প্রচণ্ড উত্তাপে ক্যারুর সমস্ত মগজটা যেন টগবগ করে ফুটে উঠতে চায়। দেশের বুকের ওপর চাবুক চালিয়ে একদিন রেশমের ব্যবসা করেছে পার্শিভ্যাল। সাহেবের সমস্ত প্রলোভনকে উপেক্ষা করে যারা তাঁতে রেশম বুনে প্রতিযোগিতা করতে চেয়েছে, রাজে মশাল্টি পার্শিয়ে আগুন লাগিয়েছে তাদের ঘরে। খুন-খারাপীও যে ছোটো চারটে করতে হয়নি—নিঃসন্দেহে একথা বলবার মতো জোর নেই আইদু ক্যারুর।

সে রক্ত তার মধ্যেও আছে। সেই অভ্যাচারী, সেই যাতক। দারিদ্র্য আর বংশ-পরিচয়ের লজ্জায় আহত সাপের মতো সে ফণা লুটিয়ে আছে; কিন্তু দরকার মতো প্রাণঘাতী ছোবল দেবার শক্তিও যে রাখে, তার পরিচয়

অস্তুত একবার সে দিয়েছেই। সেই চামড়ার মতো নীরেটু অন্ধকারের কালো রাত্রে—

স্মৃতির গলাটা জোর করে চেপে ধরল আইদু। কিছুদিন থেকে এই এক ব্যাধি দেখা দিয়েছে তার। বা প্রায় ভুলতে বসেছিল—থেকে থেকে হঠাৎ আলোড়ন লাগা জলের তলা থেকে একরাশ ষোলা কাদার মতো তা ওপরে উঠে আসতে চায়। বলা যায় না, এর শেষ কোথায়। শেষ পর্যন্ত একদিন হয়তো সোজা আদালতে গিয়ে দাঁড়াবে—বোবা ধরা গলায় চীৎকার করে বলতে চাইবে, হজুর, বারো বছর আগেকার এক মেঘে ঢাকা সন্ধ্যায়—

ক্যারু অস্থির ভাবে উঠে বারন্দায় পারচারী করতে লাগল।

আশ্চর্য! সে কেউ নয়—সে কোথাও নেই। এই পড়ন্ত বেলার বিষণ্ণ আলোর বাইরে সে অনধিকারীর মতো ঘুরে বেড়াচ্ছে। আর ঘরের ভেতর আলো-না-জ্বালা ঘন ছায়ার স্মরণে অ্যালবার্ট অত্যন্ত কাছে ঘেঁষে বসেছে মার্থার—গান শোনাচ্ছে তাকে। তবু পিয়ানো-টিয়ানো কিছুই নেই—এই যা রক্ষা।

জলসন, বীং, ক্রস্‌বি—অস্তুত সব নাম। যেন মায়া-লোকের কতগুলো স্বপ্ন কথা। শুনে শুনে সে বিরক্ত হয়ে উঠে এসেছে। গান তার খুব ভালো লাগে না, ভালোমন্দ বোঝবার ক্ষমতাও নেই। সাঁওতালী নাচ দেখেছে, শুনেছে ঝুমুরের সঙ্গে-সঙ্গে মাদলের বাজনা, খুশি হয়েছে আগের গম্ভীর দেখে, ‘এনকোর এনকোর’ বলে উৎসাহ দিয়েছে ধামালী গানের নগ্ন আদরসে।

কিন্তু এ এক বিচিত্র জগতের ধবর।

“Do you know the man, who came from the moo—oon—”

আবেগভরা গম্ভীর গলায় গান ধরেছে অ্যালবার্ট! মার্থাও সুর মিলিয়েছে তার সঙ্গে। দাঁড়িয়ে পড়ল আইদু, মনে হল, মার্থার গলা আশ্চর্যভাবে মিশ খেয়েছে ক্যারুর

সঙ্গে, নিখুঁত জ্ঞান বাঁধা হয়ে গেছে সৰু মোটা তারে। এ দুইয়ের মাঝখানে সে বিক্ষিপ্ত। এদের মাঝখানে তার গলা কোথাও মিলবে না, সব কিছুকে বেহুরো করে দেবে।

“The man from the moon—”

অ্যালবার্ট? হয়তো তাই। মার্থার এই মাটির পৃথিবীতে ঘেন কোন্ চন্দ্রলোকের সংবাদ। সেখানে অন্ধকারের ছায়ার মতো ক্যারু আশু আশু সরে যাচ্ছে না তো?

একটা অনিশ্চয় আশঙ্কায় নিজের হাত কামড়ে ধরতে ইচ্ছে করছে। কিছুই বলা যায় না, বলবার মতো যুক্তিসঙ্গত কারণও নেই কিছু। অতিথি—বন্ধু! কিন্তু এ কেমন অতিথি যে এসে এই সাতদিনের মধ্যেও নড়তে চাইছে না! দিন রাত অস্ত্রের স্ত্রীর সঙ্গে বকর বকর করে কথা কইছে? এই বা কোন্ দেশী বন্ধুত্বের নমুনা।

নাঃ, এবার অ্যালবার্টের যাওয়া উচিত।

কাল একবার আভাসও দিয়েছিল।

—তোমার তো ছুটি ফুরিয়ে এলো বাটি?

মার্থা শিউরে উঠেছিল শুনে: তাই নাকি? কী সর্বনাশ?

কিন্তু বাটি অভয় দিয়েছিল, না—না, আরো দিন সাতেক হাতে আছে। তা ছাড়া, রিয়্যালি এ জায়গাটা আমার খুব ভালো লাগছে। দরকার হলে আরো এক হপ্তা না হয় বাড়িয়ে নেওয়া যাবে।

আনন্দে মার্থা হাততালি দিয়ে উঠেছিল; বাঃ, কী চমৎকার হবে তাহলে!

চমৎকার! ক্যারুর ইচ্ছে হয়েছিল একসঙ্গে দু হাতে ছুটো ঘূষি ছুঁড়ে দেয়। অ্যালবার্ট আর মার্থার মুখের ওপর। কিন্তু তবু সে প্রাণপণে আনন্দের একটা করুণ হাসি ফুটিয়ে তুলেছিল ঠোঁটের আগায়: হাঁ, খুব চমৎকার হবে।

—আরো এক সপ্তাহ! তাবতেও আমার আনন্দ হচ্ছে।

আনন্দ হচ্ছে! তাই বটে। আনন্দ হওয়ার কথাই। অ-দেখা গোল্ডার্স গ্রীণের বাতাস নিজের চারদিকে বয়ে এনেছে অ্যালবার্ট, অপ্নের দেশ ইংলণ্ডের স্পর্শ করে পড়ছে তার নিখাসে নিখাসে। কিন্তু—কিন্তু! আরো এক

সপ্তাহ! আবার একটা খুন করতে হবে নাকি আইদ ক্যারুকে?

তবু শেষ চেষ্টা।

—আর দু তিন দিনের মধ্যেই খুব বর্ষা নামবে এদিকে।

অ্যালবার্ট কৌতূহলী হয়ে উঠেছিল: রিয়্যালি?

—হাঁ, চারদিকে সমুদ্রের মতো জল দাঁড়াবে। এদিক ওদিক দেখতে পাওয়া যাবে না।

—বাঃ—এক্সপ্লোসিভ! সে তো দেখবার মতো জিনিস। ক্যারু নিজের ঠোঁট কামড়ে ধরেছিল।

—তখন নৌকায় করে পাড়ি দিতে হবে। তাতে প্রায়ই অ্যাক্সিডেন্ট হয়—মানে নৌকো ডুবে যায়।

—ফাইন!—আনন্দে অ্যালবার্টের চোখ চক চক করে উঠেছিল: আমার সাতরাতে খুব ভালো লাগে। একবার আমি আধা-আধি চ্যানেল সাতরে গিয়েছিলাম।

—চ্যানেল? ইংলিশ চ্যানেল? তার অর্ধেক সাতরে গিয়েছিলে?—শ্রদ্ধায় বিশ্বয়ে মার্থা চোখ বিস্ফারিত করেছিল।

অসহায় ক্রোধে পকেটে হাত দিয়েছিল জু সাহেব। তার পরেই অ্যালবার্টের সামনে বিড়ি বার করলে পদ-মর্যাদা থাকবেনা মনে করে, আঙুলের ডগায় গুঁড়ো গুঁড়ো করে ভেঙেছিল সেটাকে। মনে হয়েছিল ওটা বিড়ি না হয়ে মার্থার মাথাটা হলেই সে খুশি হত।

শেষ চেষ্টায় আইদ বলেছিল, তখন কিন্তু খুব সাপের উপদ্রব হয়।

—সাপ? রিয়্যালি?—অ্যালবার্টের কৌতূহল কেন অনন্ত: I am very much interested in Bengal snakes—

এর পরে বলা যেত মাত্র একটি কথা। বেরোও—বেরোও আমার বাড়ি থেকে। কিন্তু বলা কি অতই সহজ এখন? নিজেই নিজের গর্ত খুঁড়েছে। লর্ড বংশের ছেলে। ব্রিটন ক্রকশায়ার। নর্থ এন্সলিটার অক্সফোর্ড। ক্যারুর কালো হাতের পাশে একখানা তুবার গুলি হাত—সে হাতে হীরের আংটি। ক্যারু উঠে দাঁড়িয়েছিল। অন্তত আর একটা চেষ্টা করা বাক। কিছুক্ষণের মধ্যে অন্তত দূরে সরিয়ে নেওয়া বাক মার্থার কাছ থেকে।

—চলো বাটি, একটু বেড়িয়ে আসা যাক।

—ওঃ, গ্যাড্‌লি—অ্যাণ্ডার্ট উঠে দাঁড়াতে বাচ্ছিন,
কিন্তু মার্খাই বাধা দিয়ে বসল।

—না, বার্ট, তুমি আর একটু বোসো। ষাওনা স্বাইদ,
তুমিই একটু ঘুরে এসো বরং। দিনরাত ঘরে বসে থেকে
তোমাকেই কেমন ক্লান্ত লাগছে। তোমার একটু
বেড়ানো দরকার।

বেড়ানো দরকার! দরদ কত! এতক্ষণ পরে আর
সহ হয়নি ক্রু সাহেবের। বারুদ-ঠাসা হাউইয়ে যেন শেষ
আগুনের ছোয়া লেগেছে—দুর্ভিসহ ক্রোধে ছিটকে বেরিয়ে
চলে গেছে স্বাইদ।

বারান্দায় পায়চারী করতে করতে ক্যারু নিজের ডান
হাতটা মুঠো করে ধরল।

দোষ তার নিজেরও আছে বই কি। তুলনা করে
দেখলে মার্খার পাশে তাকে বিউটি এ্যাণ্ড্‌ দি বিস্ট্‌ ছাড়া
কী বলা যায় আর? মিশনারী বাপের মেয়ে মার্খা, উচ্চ-
শিক্ষিত রেভারেণ্ড বিশ্বাস মেয়েকে পাশ করিয়েছিলেন
ছুনিয়ার কেম্ব্রিজ পর্যন্ত। আর সে?

সে তবুও তো স্বামী। তবুও তো স্ত্রীর ওপর তার
আইনগত অধিকার। এতদিন সেই অধিকারের দাবীতে
নিশ্চিত হয়েছিল বলেই মার্খার কোনো কটু মন্তব্য, তার
দারিদ্র্যের ওপর কটাক্ষ—কোনোটাই তার দুঃসহ বলে
মনে হয়নি। অ্যাণ্ডার্ট আসবার পরেও মার্খা যদি তার
সঙ্গে ঝগড়া করত, স্বভাবসিদ্ধ প্রথর ভাষায় গালিগালাজ
করত, তা হলে মনে হত সব ঠিক আছে। চলছে নিয়ম
মতোই—কোথাও ব্যতিক্রম হয়নি, ছন্দোপতন ঘটেনি
কোনোখানে। কিন্তু আজ—

মার্খা আর ঝগড়া করেনা। অভিযোগ করতে
ভুলে গেছে।

অবচেতনভাবে কী একটা যেন বুঝতে পারে ক্যারু।
মনে হয় : এর চাইতে মার্খা যদি মুখর হয়ে উঠত,
চের বাহনীর হত সেটা। অন্তত ক্রু সাহেব বুঝতে পারত,
তার সম্পর্কে একটা সজাগ চেতনা আছে মার্খার মনে।
আর এই অভ্যস্ত নিয়মের ব্যতিক্রম ঘটছে। ভদ্র হয়ে
গেছে মার্খা—সংঘত হয়ে উঠছে—মার্খার রসনা যেন
সদয় হয়ে উঠছে তার ওপর। মন থেকে সরে যাচ্ছে
বলেই কি ভূমিকা তৈরী করছে সৌজন্তের?

“On the silvery green—the man came
down from the moon—”

সন্ধ্যা নামল। রাত্রির ছায়া পড়ল। আচক্রবাল
মাঠের ওপর—ওধু রক্তের একটুখানি ফিকে রঙ লেগে
রইল তিন-পাহাড়ের কৃষ্ণ স্তম্ভতায়। একদল বকের পাখার
ক্ষীণ ধ্বনি মিলিয়ে এল ভাল-দিগন্তের ওপারে!

ঘরে আলো জ্বলছে। গানটা ধামল এতক্ষণে।
হাসির কলধ্বনি উঠল একটা। ছুতোর শব্দ পাওয়া গেল
—হয়তো ওরা বাইরে বেরিয়ে আসছে।

এই মুহূর্তে ওদের সঙ্গে মুখোমুখি হয়ে গেলে নিজেকে
সংঘত রাখা যাবে কিনা সন্দেহ। কী বলতে কী যে বলে
বসবে নিজেরই জানেনা। তার চাইতে নিজের কালো
মনটা নিয়ে একটু সরে দাঁড়ানোই ভালো।

সামনের খোলা দরজা দিয়ে এদিকের অন্ধকার ঘরটার
এসে ঢুকল ক্যারু।

কতগুলো ভাঙা জিনিসপত্র, একটা ছেঁড়া ক্যাম্প খাট।
অন্ধকারের মধ্যে সেই ক্যাম্প খাটটাতেই রূপ করে বসে
পড়ল স্বাইদ।

বাইরে থেকে অ্যাণ্ডার্টের গলার আওয়াজ এল।

—স্বাইদ তো এতক্ষণ এইখানেই ছিল।

মার্খা জবাব দিলে, তাই তো মনে হচ্ছিল।

—গেল কোথায় তা হলে?

—তাই তো!—মার্খা ডাকল : স্বাইদ—স্বাইদ!

ক্রু সাহেব সাড়া দিলনা। ঠিক ইচ্ছে করেও নয়—
সাড়া দেবার কোনো প্রয়োজন আছে বলেই যেন মনে
হলনা তার। এত সৌজন্ত, অ্যাণ্ডার্টের সামনে স্বামীর
সম্পর্কে একটুখানি তদ্রতা বাঁচিয়ে রাখা মাত্র। কিন্তু
সাড়া দিয়ে সে যদি সামনে গিয়েই দাঁড়াত, তা হলেই কি
সত্যি সত্যি খুশি হতো ওরা? না—হতনা। স্বাইদ
ক্যারু স্পষ্ট বুঝেছে—the man from the moon আজ
ঘুম ভাঙিয়েছে রাজকন্ডার; কোনো দ্বীপ-দুর্গের টাওয়ারে
বন্দিনীর জানালা দিয়ে এনেছে মুক্তির সংবাদ। সেখানে
একটা দৈত্যের মতোই সে অনভিপ্রেত অনধিকারী।

মনে হল, মার্খা যেন এদিক ওদিক তাকিয়ে তাকে
খুঁজে নিলে খানিকটা। তারপরে মন্তব্য করলে, কোথাও
বেরিয়ে গেছে হয়তো। ও ওই রকম।

অ্যালবার্ট বললে, পুরো চ্যাপ্।

—পুরো নয়, ইডিরট।—মার্থার মস্তব্য শোনা গেল আবার।

—ইডিরট? তা সত্যি।—বোঝা গেল, মার্থার সিদ্ধান্তের সঙ্গে তার সম্মতি আছে। তবু বছরের ঋণটা একেবারে অস্বীকার করতে পারলনা অ্যালবার্ট: হি ইজ এ ওল্ড সোল।

অন্ধকারের মধ্যে দুহাতে নিজের হাঁটু ছুটো চেপে ধরল জু সাহেব। কোথা থেকে দু তিনটে আরশোলা পড়ল গায়ের ওপর, পায়ের গোড়ায় সুড়সুড়ি দিয়ে গেল খুব সম্ভব একটা নেংটি ইঁহর। কিন্তু স্থির হয়ে বসে রইল সে। নিজেকে সম্পূর্ণ সজাগ করে—পরিপূর্ণভাবে উৎকর্ষ হয়ে প্রতিটি কথা সে শুনে যেতে লাগল।

মার্থা বললে, এসো, বসা থাক।

চেয়ার সরাবার শব্দ এল। ওরা বসেছে তা হলে।

—তুমি কবে হোমে যাচ্ছ?—মার্থার প্রশ্ন।

—খুব সম্ভব আসছে মাসেই। ক্রকশায়ার হল থেকে কাকার চিঠি পেয়েছি। কী দরকারী কাজে ডেকে পাঠিয়েছেন।

—কাকা বুঝি তোমাকে খুব ভালোবাসেন?

—ওঃ, হি ইজ এ গ্র্যাণ্ড ওল্ড চ্যাপ। ভেরি জলী ম্যান। একবার চলোইনা আমাদের ওখানে।

—আমি?—মার্থার দীর্ঘশ্বাস শুনতে পাওয়া গেল।

—কেন, আপত্তি কী?

—মিথ্যে ওসব বলে কেন কষ্ট দিচ্ছ বাটি? জানোই তো আমার অবস্থা।

—এ ভারী অন্তায়!—অ্যালবার্টের গলায় অহুযোগের সুর: এখানে তোমার এভাবে নিজেকে নষ্ট করার কোনো মানে হয় না।

—কী করব তবে?

—You should see the other side of life also!

—অ্যালবার্টের গলায় শয়তানের প্রলুকিম্বিত বেজে উঠল। নির্জন বারান্দার নিভৃতিতে মার্থার সান্নিধ্য তাকে চঞ্চল করে তুলছে।

পায়ের কাছে একটা নয়—গোটা তিনেক নেংটি ইঁহর ঘুর ঘুর করছে। স্বযোগ পেয়ে একদল মশা

চক্রাকারে কিরে ধরেছে তাকে। পাখর হয়ে, বসে রইল জু সাহেব।

—কিন্তু কী আমার আছে?—একটা কান্না-ভরা আকুলতা বেজে উঠল মার্থার গলায়: এই জীবনই আমার ভালো। এখানেই তিলে তিলে আমার মরতে হবে!

—ইম্পসিবল! কিছুতেই তা হতে পারে না!—অ্যালবার্টের কঠোর পুরুষের প্রতিশ্রুতি।

—কী করে আমি যাব? কী আমার যোগ্যতা? মার্থা কি কাঁদছে? আইড্ ক্যারু ভাবতে চেষ্টা করল। মার্থা কখনো কি কাঁদতে পারে? কেঁদেছে কি কোনো দিন? ক্যারু মনে করতে পারল না।

—আমার দিকে তাকাও মার্থা!—নিঃশব্দ বিয়গ্ন স্বর অ্যালবার্টের: চোখ তোলো।

—না—না।

—তাকাও, ভালো করে তাকাও। তোমাকে দেখি।

—কী দেখবার আছে আমার?

—তোমার চোখ। ব্ল্যাক আইজ। কালো চোখ দেখলে I feel so dreamy! মনে হয় ওই চোখের মধ্যে আমি ডুবে যাচ্ছি।

—বাটি, প্রীজ—বোলোনা অমন করে। আমি সহিতে পারছি না।

—তুমি নিজেকে জানোনা মার্থা। নিজের দিকে কখনো তাকিয়ে দেখোনি। জানোনা, তুমি কত সুন্দর!

—মিথ্যে। আমি কালো—আমি আগ্‌লি।

—কালো হলেই কি আগ্‌লি হয়? তুমি বাংলা দেশের সবুজ মাটির সৌন্দর্য। আই লাভ বেঙ্গল। বাংলা দেশের মেয়েদের আমার ভালো লাগে। একটা আশ্চর্য ছন্দ আছে তাদের। মনে হয়, গিরিক কবিতা। সেই কবিতা আমি তোমার মধ্যেও দেখেছি।

—বাটি, তুমি লর্ড বংশের ছেলে। কত তোমার সম্মান, কত তোমার মর্যাদা। সেখানে কে আমি? বাটি, ভগবানের দোহাই—তুমি আমার ওসব বোলোনা।

—মার্থা!

—না।

—মার্থা, শোনো।

—না—না—মার্থা এবার সত্যিই কঁাদছে।

সিমেন্টে জমানো কংক্রীটের মতো জমে গেছে ক্যারুর সমস্ত পেশীগুলো। শুক হয়ে গেছে বোধেন্দ্রিয়। এও ছিল মার্থার মধ্যে। ছিল চোখের জল—ছিল স্বপ্ন—ছিল এমন দুর্বলতা। কোনোদিন সে-জগতের সন্ধান পায়নি জু সাহেব, কোনোদিন পা বাড়াবার সুযোগ পায়নি মার্থার অন্তর-রাজ্যের এই বিচিত্রলোকে। যদি বিশ বছর আগেকার গোল্ডার্স গ্রীণের স্বপ্ন-মরীচিকা এমন করে তার ভেঙে না যেত, তা হলে—তা হলে কী যে ঘটতে পারত, কে বলতে পারে সে কথা!

—মার্থা, মাই লাভ—

—ও বাউ—

—মাই ডার্লিং—

শ্রেতের মতো যেন কবর ফুঁড়ে অভিশপ্ত ক্যারু ওদের সম্মুখে এসে দাঁড়ালো। অ্যালবার্টের বাহুবন্ধনে এখনো মার্থা নিবিড়ভাবে বাঁধা, তখনো ওদের ওষ্ঠাধর এক সঙ্গে মিলিত।

নিঃশব্দে তিনজন দাঁড়িয়ে রইল কিছুক্ষণ—কিন্তু কী করতে পারত, কী করতে পারত জু সাহেব? আক্রমণ নয়, গালাগালি নয়, বিশ্বাসঘাতক বন্ধু আর অবিশ্বাসিনী স্ত্রীর প্রতি একটা কটু মন্তব্যও নয়। এ হবেই—এ অবধারিত—একথা তার চেয়ে কে আর বেশি ভালো করে জানে!

The man from the moon! ছারার লজ্জায় আপনিই ছিটকে পড়ল আইদু ক্যারু—যেমন করে একবার পড়ে গিয়েছিল একটা অবাধ্য বোড়ার পিঠ থেকে।

কিছুই বলল না, একটা অব্যক্ত ধ্বনি পর্বস্ত উচ্চারণ করিল না। তারপর যেন কী একটা অত্যন্ত দরকারী কাজের কথা মনে পড়েছে, এমনি ভাবে অতিশয় কিপ্রগতিতে নেমে গেল বাইরের অন্ধকারে।

বাড়ি ফিরল পরদিন বেলা নটায়।

উদ্দাম রাত কাটিয়ে কিরেছে নীচ-জাতের একটা নষ্ট মেয়ের ঘরে। তাড়ি গিলেছে কয়েক ভাঁড়। তারপর নেশায় জড়ানো চোখে টলতে টলতে ঘরে এসেছে। পাঁচ সাত বছর আগে মার্থার শাসনে এই অনুগ্রহীতা মেয়েটার সংস্রব সে কাটিয়ে ছিল, আজ আবার নতুন করে ঝালিয়ে নিতে হল।

জানত—এ হবেই সে জানত। বিন্মিত হল না—ব্যথাও পেল না। কালো মায়ের কালো ছেলে। পার্সিভ্যালু তাকে সব কিছু থেকে বঞ্চিত করেছে—সম্মান থেকে, মর্যাদা থেকে; তারই সগোত্র আর একজন শাদা মাহুয মার্থাকেও নিয়ে গেল।

অভিযোগ কাউকে করতে হলে—নিজেই; কারো গলা যদি টিপে ধরতেই হয়, তবে তা নিজেরই মায়ের।

বেতের চেয়ারটার ওপর রূপ করে শুয়ে পড়ল ক্যারু। টেবিলের ওপর নীল কাগজে লেখা একটা চিঠি চাপা দেওয়া—মার্থা তাকেই লিখে রেখে গেছে। অভ্যাস বসে তুলে নিলে ক্যারু, তারপরেই মনে হল—কী হবে পড়ে? টুকরো টুকরো করে কাগজটাকে ছিঁড়ে জানলা গলিয়ে ছুঁড়ে দিলে বাইরে।

(ক্রমশঃ)

বার্ণার্ড শ'

শ্রীবেণু গঙ্গোপাধ্যায়

সুরিগণ অগ্রগণ্য, বয়োবৃদ্ধ ঋষি নাট্যকার
জীবন-নাট্যের তব আজ কি গো হল অবসান?
এসেছ মানব হয়ে, গেলে অতি-মানবের বেশে
চির সত্যে প্রতিষ্ঠিতা আপনার মূহূহীন প্রাণ।
কুরখার লেখনীতে মধু ছল ছিল মেশামেশি।
রাজতরু, লোকনিন্দা, তুচ্ছ করি তোমার এষণা

অবধানী দৃষ্টি দিয়ে গৃঢ় তব্বে করেছে প্রকাশ।
অকাতরে বিলায়েছে মুষ্টি মুষ্টি ভাব স্বর্ণ-কণা।
বিলাস করেনি স্পর্শ, সম্পদ দিল না মলিনতা।
প্রতিষ্ঠা স্বাক্ষর রাখে শাখতের পটভূমিকায়।
মনের যযাতি তব জরাগ্রস্ত হয় নাই কভু।
বর্ণাঢ্য তুলিকা দিয়ে সনাতন ছবি এঁকে যায়।

তোমার বিচিত্র সৃষ্টি, ওগো সত্য-পথ-সারনিক।
তোমার জীবন ধারা বহে নাই গভা স্তম্ভনিক।

কুমুদশঙ্কর রায়

শ্রীবিজয়রত্ন মজুমদার

হৃদরোগ বিশেষজ্ঞ হৃদয়বান মানুষ বলিতে যে দুই দশ জন মাত্র লোকের পরিচয় পাওয়া যায়, সচ্য: পরলোক-প্রাপ্ত কুমুদশঙ্কর ছিলেন তাগদেরই একজন। যাদবপুর যক্ষ্মা আরোগ্য নিকেতন যশস্বী বিধানচন্দ্র রায় মহাশয়ের সৃষ্টি এবং তাঁহার অবিদ্যমান কীর্তি বটে, কিন্তু কুমুদশঙ্কর রায়ই মৃত্যুকাল পর্যন্ত প্রতিষ্ঠানটিকে বক্ষে ধারণ করিয়া অপরিণীত যত্নে, মাতৃসম স্নেহে লালন পালন করিয়াছেন।



কুমুদশঙ্কর রায়

যাদবপুরের হাসপাতালটির উপর ডাক্তার কুমুদশঙ্করের মমতা এতই নিবিড় ও ঘনীভূত ছিল যে, তিনি তাঁহার একমাত্র পুত্র করুণশঙ্করকে বিলাতে রাখিয়া যক্ষ্মারোগ চিকিৎসায় পারদর্শী করিয়া যাদবপুরেই সংযুক্ত করিয়া দিয়াছিলেন। একমাত্র পুত্র কাল ব্যাধি যক্ষ্মায় ডুবিয়া থাকে সে ইচ্ছা জননীর অদৌ ছিল না এবং বিধিমত বিরুদ্ধতা ও প্রবল প্রতিবন্ধকতা করিয়াও স্বামীকে নিরন্তর করিতে তিনি পারেন নাই। হৃদভাগ্য প্রভাস ঘোষের

শেষ নিঃশ্বাসের উপর বিধানচন্দ্র বেদিন এই আরোগ্য নিকেতনের ভিত্তি প্রতিষ্ঠিত করিয়াছিলেন, দীর্ঘচিন্তা প্রভাসের ক্ষীণ দেহান্ত্রির উপর একখানির পর একখানি করিয়া ইষ্টক গ্রথিত করিয়াছিলেন—শিশু, স্ত্রী, স্নেহাঙ্গন প্রভাসের অন্তিম বাসনাকে রূপান্তরিত করিতে ভিক্ষাপাত্র হস্তে অহর্নিশি দ্বার চাইতে দ্বারান্তরে পরিভ্রমণ করিয়াছিলেন—একান্ত ও অকান্ত শ্রম যত্নে বেসরকারী আরোগ্যশালার আদর্শ প্রতিষ্ঠানের রূপ দানে তনু-মন-ধন উৎসর্গ করিয়াছিলেন, সেই দিন, সেই ক্ষণ হইতে ডাক্তার কুমুদশঙ্কর কায়ার সহিত ছায়ার মত বিরাটবটবৃক্ষসদৃশ বিধান রায়ের পার্শ্বে সন্নিবিষ্ট ছিলেন। কলিকাতা সহরের সাধারণ মধ্যবিত্ত ঘরের ছেলে প্রভাস বিলাতে ডাক্তারী পড়িতে গিয়া যক্ষ্মাক্রান্ত হইয়া দেশে ফিরিয়া আসে। বাঁচিবে না, জীবনের আশা নাই তথাপি বিলাতে সূচিকিৎসার ব্যবস্থা থাকা সত্ত্বেও প্রভাস ভরসা পায় নাই; কিন্তু যদি মরিতে হয়, দেশের বায়ুতে শেষ নিঃশ্বাস ফেলিবার অদমা আগ্রহেই স্বদেশে প্রত্যাবর্তন করে। মৃত্যুকালে সামান্য কয়েক শত টাকা গুরু হস্তে দান করিয়া প্রভাস একটিমাত্র অসুরোধ করিয়াছিল; বলিয়াছিল, “আমার এই অর্থে যদি একটি যক্ষ্মারোগীর যত্নগার লাভ করিতে পারেন, তাহা হইলে পরলোকে গিয়াও আশি শান্তি পাইব।” প্রভাসের গুরুদেব—বিধানবাবু তাহার শেষ কামনা পূর্ণ করিয়াছেন। আয়ু কেহই দিতে পারে না; যম যাহাকে আহ্বান দিয়াছে, তাহাকে ধরিয়া রাখিবার সাধ্য কাহারও নাই; যাদবপুর যক্ষ্মারোগীদের জীবন দিতে পারিয়াছে কিনা জানি না, তবে চিকিৎসা যাহা সম্ভব—যত্নগার লাভ এবং রোগ উপশম করিয়া নিরাশার ঘনাকারে আলোকরশ্মি বিকীরণ করিয়াছে হয়ত প্রভাসের অশান্ত আত্মা কথঞ্চিৎ শান্তিও পাইয়াছে প্রভাসের কালে যক্ষ্মাচিকিৎসা-বিজ্ঞান আজিকার মত উৎকর্ষ লাভ করে নাই, বড় কষ্ট, বড় যত্নগার প্রয়োজন করিয়াই প্রভাস চির বিদায় লভিয়াছিল। আজ বহু যক্ষ্মারোগীকে আরোগ্য লভিতে দেখিয়াও তাহার আত্মা পর সন্তোষ লাভ করিতেছে ইহা অসম্ভব করিতে পারি। কুমুদশঙ্করও চিরদিন যক্ষ্মারোগীর সেবা করিয়া মৃত্যুকালে পুত্রের সেই যক্ষ্মাক্রান্ত অভাগাদিগের সেবাতেই নিয়োজিত করিয়া গেলেন। কুমুদের আত্মাও কি পরলোকে শান্তি লভিবে না



কলিকাতার ট্যাক্স বৃদ্ধির প্রতিবাদ—

সম্প্রতি বাণীগঞ্জে শ্রীবৃ্ত বিজয়বরু মজুমদার মহাশয়ের সভাপতিত্বে এক জনসভায় কলিকাতা কর্পোরেশন কর্তৃক অত্যধিক ট্যাক্স বৃদ্ধির প্রতিবাদ করা হইয়াছে। গত কয় বৎসর ধরিয়া কলিকাতা কর্পোরেশন আর জন-প্রতিনিধি দ্বারা পরিচালিত নাই—উহা সরকারী কর্তৃপক্ষ কর্তৃক চালিত হইতেছে। এ অবস্থায় ট্যাক্স বৃদ্ধির ব্যবস্থা বাচাতে আপাততঃ স্থগিত রাখিয়া নূতন নির্বাচিত কমিশনার দ্বারা গঠিত কর্পোরেশন কর্তৃক বহাল হয়, সে জন্ত সভায় প্রস্তাব গৃহীত হয়। কলিকাতা বাংলার কেন্দ্র—পশ্চিম বাংলার অধিকাংশ ট্যাক্স কলিকাতা হইতেই সংগৃহীত হয়—পশ্চিম বাংলায় যে ৬৪ কোটি টাকা আয় কর পাওয়া যায়, তাহার ৬৩ কোটি টাকা শুধু কলিকাতা সহরের অধিবাসীরাই প্রদান করে। বিক্রয় করের সাড়ে ৪ কোটি টাকার মধ্যে সাড়ে তিন কোটি কলিকাতা সহরেই পাওয়া যায়। পশ্চিম বাংলার বিজলী-কর প্রায় ২ কোটি টাকা, আমোদ কর ১ কোটি টাকা, জুয়াখেলার কর ১ কোটি টাকা—সবই কলিকাতা সহরের অধিবাসীরা দিয়া থাকে। এই সকল কথা বলিয়া সভাপতি মহাশয় পশ্চিমবঙ্গ ব্যবস্থা পরিষদে কলিকাতা হইতে অধিকসংখ্যক প্রতিনিধি গ্রহণের দাবী জানাইয়াছেন। গত মহাযুদ্ধের সময় সামরিক গাড়ী লোচলের জন্ত কলিকাতার রাস্তাসমূহের যে ক্ষতি হইয়াছিল, সেই ক্ষতিপূরণ বাবদ ৭০ লক্ষ টাকা কর্পোরেশন এখনও কেন্দ্রীয় গভর্নমেন্টের নিকট আদায় করিতে পারেন নাই। যে ভাবে কলিকাতা কর্পোরেশন ট্যাক্স বৃদ্ধি করিয়াছেন, তাহারও কোন যুক্তি নাই। যুদ্ধের পর যে অস্বাভাবিক ব্যবস্থা চলিতেছে, তাহাতে কর বৃদ্ধি ব্যবস্থা বলবৎ হইলে সহরবাসী নানা ভাবে বিপন্ন হইবে—এই কথাগুলি সভায় বিভিন্ন বক্তা বিবৃত করিয়াছিলেন। বর্তমান ট্যাক্স বৃদ্ধি ব্যবস্থা রদ করিবার জন্ত পশ্চিমবঙ্গ সরকারের প্রয়োজনীয় ব্যবস্থা করা যে প্রয়োজন, সে কথা প্রত্যেক সহরবাসীই আজ প্রকাশ করিতেছেন।

দক্ষিণেশ্বরের রামকৃষ্ণ যাত্রী নিবাস—

দক্ষিণেশ্বরে রামকৃষ্ণ মহামণ্ডল গত কয়েক বৎসর ধরিয়া শ্রীশ্রীরামকৃষ্ণ পরমহংসদেবের শিক্ষাপ্রচারের জন্ত নানা ভাবে চেষ্টা করিতেছেন। সম্প্রতি তাঁহার কালী-বাড়ীর দক্ষিণ পাশে ও বাণী পুলের উত্তরে গঙ্গাতীরে একটি সুবৃহৎ বাড়ী ও পুকুরসহ তিন বিঘা জমী রেল-কর্তৃপক্ষের নিকট ৫২ হাজার টাকায় ক্রয় করিয়াছেন। তথায় অসংখ্য কার্যের সহিত আন্তর্জাতিক যাত্রী-নিবাস প্রতিষ্ঠা করা হইবে। বাড়ীটি পূর্বে স্বর্গত বহুনাথ মল্লিকের ছিল—বালা-



দক্ষিণেশ্বরে রামকৃষ্ণ যাত্রীনিবাস

পুল নির্মাণের সময় উহা রেল কর্তৃপক্ষ ক্রয় করিয়াছিলেন। ভারতের ভূতপূর্ব গভর্নর জেনারেল শ্রীচক্রবর্তী রাজা-গোপালাচাৰী মহাশয়ের চেষ্টায় উহা এক্ষণে রামকৃষ্ণ মহামণ্ডলের হস্তগত হইয়াছে। এই কার্যে মহামণ্ডলের পক্ষ হইতে পশ্চিমবঙ্গের রাজস্ব বিভাগের শ্রীসত্যেন্দ্রমোহন বন্দ্যোপাধ্যায় আই-সি-এস, কলিকাতা পুলিশের শ্রীসত্যেন্দ্রনাথ মুখোপাধ্যায়, হাওড়া মোটর কোম্পানীর শ্রীশ্রীলকুমার দে ও দক্ষিণেশ্বরের শ্রীশ্রীলকুমার মুখোপাধ্যায়

যে অক্লান্ত পরিশ্রম করিয়াছেন, তৎক্ষণে তাঁহারা দেশবাসী সকলের প্রশংসার পাত্র।

কবি কুমুদরঞ্জন সর্ধকনা—

বর্ধমানের সাহিত্যিক সংস্থা রবিবাসরের উজোগে গত ৮ই অক্টোবর সকালে বর্ধমান টাউন হলে বর্ধমান জেলার কোগ্রামনিবাসী প্রবীণ কবি শ্রীকুমুদরঞ্জন মল্লিক মহাশয়ের জন্মোৎসব সমারোহের সহিত সম্পাদিত হইয়াছে। ঐ উৎসবে শ্রীযুক্ত তারানন্দর বন্দ্যোপাধ্যায় সভাপতিত্ব করেন ও শ্রীযুক্ত হেমেন্দ্রপ্রসাদ ঘোষ প্রধান অতিথির আসন গ্রহণ করেন। শ্রীমনোজ বসু ও

মাত্রেয়ই কৃতজ্ঞতার পাত্র। আমরা এই উপলক্ষে কবির শান্তিময় সুদীর্ঘ জীবন কামনা করি।

আসামে নির্বাচন ব্যবস্থা—

আসাম প্রদেশ হইতে প্রাদেশিক ব্যবস্থা পরিষদের ১০৮ জন সদস্য ও কেন্দ্রীয় পরিষদের ১২ জন সদস্য নির্বাচিত হইবে। আগামী ৪ঠা এপ্রিল আসামের সর্বত্র ঐ নির্বাচনের ভোট গ্রহণ করা হইবে বলিয়া স্থির হইয়াছে। মোট ৪১ লক্ষ ভোটদাতা স্থির হইয়াছেন, তন্মধ্যে ১৯ লক্ষ মহিলা। প্রাদেশিক ব্যবস্থা পরিষদের ১০৮ জন সদস্যের মধ্যে ৩২ জন পার্বত্য জেলার ও অল্পমত সম্প্রদায়ের লোক



বর্ধমানে কবি কুমুদরঞ্জন মল্লিকের সর্ধকনা—কবির দুই পার্শ্বে শ্রীহেমেন্দ্রপ্রসাদ ঘোষ, ফণীন্দ্রনাথ মুখোপাধ্যায়, তারানন্দর বন্দ্যোপাধ্যায়, মনোজ বসু প্রমুখ বিশিষ্ট সাহিত্যিকগণকে দেখা যাইতেছে

শ্রীফণীন্দ্রনাথ মুখোপাধ্যায় উৎসবে যোগদান করিয়াছিলেন। উৎসব উপলক্ষে কবিকে মান-পত্র এবং রৌপ্য নির্মিত লেখনী ও মস্যাধার উপহার দেওয়া হয়। কবি সারাজীবন গ্রামে বাস করিলেও তাঁহার কাব্যপ্রতিভা সমগ্র দেশকে সমৃদ্ধ করিয়াছে। পরিণত বয়সে কবির এই সর্ধকনা দেশবাসীর কাব্য-শ্রীতির পরিচায়ক সন্দেহ নাই। বর্ধমানের বে সকল অধিবাসীর চেষ্টায় এই উৎসব সাফল্যমণ্ডিত হইয়াছে, তাহারা বাক্যলার সাহিত্যিক


ধাকিবেন। ভারত রাষ্ট্রে আসামই সর্বপ্রথম নির্বাচনে দিন স্থির করিয়াছেন—এখন অন্তান্ত সকল প্রদেশে পালা আসিবে।

শ্রীবিপিনবিহারী গাঙ্গুলী—

গত ৫ই নভেম্বর রবিবার খ্যাতনামা দেশনায়ক ব্যবস্থা পরিষদের সদস্য শ্রীযুক্ত বিপিনবিহারী গাঙ্গুলী মহাশয়ে বয়স ৬৪ বৎসর হওয়ার তাঁহার জন্মদিবসে কলিকাতা ভারত-সভা হলে প্রবর্তক সংঘের সভাপতি শ্রীমতিলাল রা

মহাশয়ের সভাপতিত্বে এক সভায় দেশবাসীর পক্ষ হইতে তাঁহাকে মানপত্র প্রদান করা হইয়াছে। ৪০ বৎসরেরও অধিক কাল ধরিয়া বিপিনবাবু যে ভাবে দেশসেবা করিতেছেন, তাহা দেশবাসী সকলের অমুল্যকরণযোগ্য। তিনি আজীবন দারিদ্র্য, নির্যাতন ও দুঃখকষ্টের মধ্য দিয়া কাটাইয়াছেন। আজও তাঁহার অসামান্ত কর্মনিষ্ঠা ও শক্তি যে কোন যুবককে বিস্মিত করিয়া থাকে। আমরা তাঁহার সুদীর্ঘ, কর্মময় জীবন কামনা করি। ঐ দিন তাঁহাকে একটি ৫ হাজার টাকার তোড়া উপহার দেওয়া হইয়াছে।

যুবকগণের উত্তমের প্রশংসা করি ও আশা করি এই চেষ্টা দেশবাসীর প্রকৃত উপকার করিতে সমর্থ হইবে।
পরলোকে বিভূতি বন্দ্যোপাধ্যায়
 খ্যাতনামা কথাসাহিত্যিক বিভূতভূষণ গুপ্ত ১লা নভেম্বর রবিবার রাত্রি ৮টার সময় ৫৪ বৎসর তাঁহার বাল্যস্বামী (এক এন-আর) বাসভবনে সহসা পরলোক গমন করিয়াছেন। ৪ দিন পূর্বে সভা হইতে কিরিবার পথে তিনি অসুস্থ হইয়া তাহার স্ত্রী, একটি ৩ বৎসরের পুত্র ও কনিষ্ঠ ভ্রাতা বর্জস ১৩০৩ সালের ৩০শে ভাদ্র ২৪পরগণার সুরতিপুরে



আসামের ভূকম্প-বিধ্বস্ত অঞ্চল পরিদর্শনে গিয়া সদলবলে পণ্ডিত জহরলালকে একটি অস্থায়ী বাসের সাঁকো অতিক্রম করিতে দেখা বাইজে পূর্বে একটি মজবুত লোহার পুলই এখানে ছিল। পণ্ডিতজীর সেক্রেটারী এই অস্থায়ী সাঁকো অতিক্রম কালে অলে পড়িয়া যান। কটো—তারক

শ্রী ৩ টেকনোলজি—

আমেরিকা ২৫১ ওয়েস্ট ৯৯ ষ্ট্রীট, নিউইয়র্ক-২৫ হইতে একজন বাদামী 'বিজ্ঞান ও টেকনোলজি' নাম দিয়া একখানি বাংলা ভাষার মাসিক পত্র প্রকাশ করিতেছেন। উহা বহু আত্মব্য তর্বে পূর্ণ থাকে। গত জ্যৈষ্ঠ সংখ্যা সম্প্রতি আমাদের হাতে আসিয়াছে—তাহাতে 'সিটিবিউল রহস্য' 'আধুনিক পাওয়ার হাউসের গঠন পদ্ধতি' প্রভৃতি কয়েকটি চমৎকার প্রবন্ধ প্রকাশিত হইয়াছে। শক্তি নিয়োগী, পরেশ ভট্টাচার্য প্রভৃতি ১০ জনের নাম উহাতে দেওয়া হইয়াছে। আমরা আমেরিকা-প্রবাসী এই

জন্ম হয়—তাঁহার পৈতৃক বাস বনগাঁর নিকটস্থ বারাকপুর গ্রামে—বনগাঁ হাই স্কুল হইতে ম্যাট্রিক করিয়া ১৯১৮ সালে রিপন কলেজ হইতে তিনি বি-এ করেন। ২৪পরগণা হরিনাভি স্কুলে কিছুকাল শিক্ষার পর তিনি ভাগলপুরের ডেরা ইসমাইলপুরে ম্যানেজারের কার্য করেন। যেমন বাল্যকালে বাড়ী ৪ মাইল দূরে স্কুলে যাতায়াতের সময়, তেমনই জমিদারী মধ্য ভ্রমণের সময় তাঁহাকে বনে জঙ্গলের মধ্য দিয়া চলিতে হইত। জমিদারীর কাজ ছাড়িয়া আসিয়া কয়েক বৎসর কলিকাতায় শিক্ষকতা করেন ও পরে

রিয়া ঘাইয়া স্থানীয় হাই স্কুলে শিক্ষকতা করিতেন।
তার 'পথের পাঁচালী' প্রকাশিত হইবার সঙ্গে সঙ্গে
এক হিসাবে তাঁহার খ্যাতি ছড়াইয়া পড়ে। তাহার পর
রিণাক, অপরাধিতা, সৃষ্টিপ্রদীপ, মেঘমল্লার, যাত্রাবন্দন,
গগন, তৃণাঙ্কুর, উর্মিসুখর, দেবধান, মৌরীফুল প্রভৃতি
খানিরও অধিক গ্রন্থ লিখিয়া গিয়াছেন। দেশবাসী
তার প্রাপ্য শ্রদ্ধা সম্মান প্রদান করিয়াছিল—প্রবাসী বঙ্গ
সম্মিলনের বোম্বাই অধিবেশনে ও মীরাট অধিবেশনে



বিত্তভূষণ বন্দ্যোপাধ্যায় শিল্পী—সুনীলমাধব সেনগুপ্ত

নি সাহিত্য শাখার সভাপতি হইয়াছিলেন। তিনি
স্বস্ত অমায়িক-প্রকৃতির আড়ম্বরহীন মানুষ ছিলেন।
তার সহৃদয় ব্যবহার সকলকে মুগ্ধ করিত। তাঁহার
যুগে বর্তমান বাঙ্গালা সাহিত্যের যে ক্ষতি হইল, তাহা
এই হইবার নহে। তিনি যাহা দিয়া গিয়াছেন, বাঙ্গালী
ঠিক তাহা পাঠ করিয়া শুধু আনন্দ লাভ করিবে না, নূতন
ব-প্রেরণা লাভ করিয়া কৃতার্থ হইবে।

সম্রাটকে পূর্ণচন্দ্র সিংহ—

কলিকাতা জোড়াসাঁকো সিংহ পরিবারের পূর্ণচন্দ্র
সিংহ গত ২৭শে সেপ্টেম্বর পরলোকগত হইয়াছেন। তিনি

সারা জীবন সংস্কৃত ভাষা ও সাহিত্যের জন্ত আশ্রয় চেষ্টা
করিয়া গিয়াছেন। সংস্কৃত সাহিত্যের প্রসার ও প্রচারের
জন্ত তাঁহার গৃহে বহু সভা সমিতি অনুষ্ঠিত হইয়াছে ও সে




পূর্ণচন্দ্র সিংহ

জন্ত তিনি প্রচুর অর্থ দান করিয়াছেন। এ সময়ে তাঁহার
মৃত্যুতে সংস্কৃত ভাষা ও সাহিত্য এবং তাহার রক্ষকগণের
অপূরণীয় ক্ষতি হইয়াছে।

সম্রাট-সচেতন—

'নয়া সমাজ' নামক একখানি সাপ্তাহিক পত্রের
শারদীয়া সংখ্যায় কবিশেখর শ্রীকালিদাস রায় মহাশয়ের
একটি কবিতা প্রকাশিত হইয়াছে। আমরা কবিতাটি
নিম্নে উদ্ধৃত করিলাম। বাঙ্গালার সকল কবির দৃষ্টি এই
কবিতার প্রতি আকৃষ্ট করি :—

মাছ বিকাছে তিন টাকা সের পটোল বার আনা
এ সব কিছুই দেখতে পায় না কাব্য তোমার কানা।
আটায় ভেজাল, চালে কাঁকর, পাই না কেয়োসিন,
কাব্য তোমার এ সমস্তায় ক্যালাস উদাসীন।
ট্রামে বাসে ভিড়ের ঠেলার ছুঁটিনা হয়,
তোমার কাব্যে তার ত কোন নেইক পরিচয়।




মেজর জেনারেল শ্রীসত্যব্রত সিংহ রায়ের রাঁচিতে বাংলা বিহার এবং উড়িষ্যার সামরিক শিক্ষাকেন্দ্র পরিদর্শন



রাঁচির সামরিক শিক্ষাকেন্দ্রের একটি দৃশ্য

সব অকসেসে ঘুসের দাবী, নেইক কেহ সৎ,
কাব্য তোমার দেখাচ্ছে কি প্রতিকারের পথ ?
ঠাকুর চাকর চায় না থাকতে তিরিশ টাকার কমে
চাষের অভাব ঘুচার রেশন, যবে এবং গমে ।
ভুতি শাকী কিনতে গেলে যা খুসী দাম চায়,
তোমার কাব্যে পাই না খুঁজে এ সবে উপায় ।
কাজেই দেখছি নও কো তুমি সমাজ-সচেতন,
এ যুগে ও কাব্য তোমার অচল আয়ত্তন ।



বঙ্গীয় প্রাদেশিক কংগ্রেস কমিটির নবনির্বাচিত সম্পাদক
শ্রীবিজয় সিং নাহার

ডাক্তার কুমুদশঙ্কর দাস—

কলিকাতার খ্যাতনামা যক্ষ্মা-চিকিৎসক, পরহিত ব্রতী,
কংগ্রেস-সেবক ডাক্তার কুমুদশঙ্কর দাসের অকাল মৃত্যুতে
বাংলার যে ক্ষতি হইয়াছে তাহা পূর্ণ হইবার নহে । গত
৩০ বৎসর কাল তিনি নিঃস্বার্থভাবে যে সেবাকার্য্য করিয়া
গিয়াছেন, তাহা অনন্তসাধারণ । তাঁহার প্রতিষ্ঠিত
হাসপাতাল যক্ষ্মা হাসপাতালটির নাম 'কুমুদশঙ্কর যক্ষ্মা-
হাসপাতাল' রাখার যে প্রস্তাব হইয়াছে, আমরা
সর্ব্বাসক্তকরণে তাহা সমর্থন করি । তিনি ঐ হাসপাতালের
উন্নতি ও প্রসারের জন্য জীবনের অধিকাংশ সময় ব্যয়

করিয়া গিয়াছেন । তাঁহার পুত্র কল্পশঙ্কর ও কস্তা
বাণী সেনগুপ্তা পিতার জীবনী রচনার ব্রতী হইয়াছেন ।
যাঁহারা কুমুদশঙ্করের জীবনের ঘটনা জানেন, তাঁহারা দয়া
করিয়া তাহার বিবরণ কলিকাতা ১৩০ ল্যান্ডাউন
রোডে কল্পশঙ্করের নিকট প্রেরণ করিলে তাহারা
কৃতজ্ঞ হইবেন ।

রথীন্দ্র সংস্কৃতি পরিষদ—

গত ১৫ই অক্টোবর কলিকাতা চাকুরিয়া ২নং মহারাজা
ঠাকুর রোডে শ্রীধীরেন্দ্রচন্দ্র মজুমদারের গৃহে রথীন্দ্র
সংস্কৃতি পরিষদের উদ্বোধন উৎসব হইয়া গিয়াছে ।
সভার স্বামী পুরুষোত্তমানন্দ অবধূত সভাপতির আসন
গ্রহণ করেন ও শ্রীকীর্ত্তনাথ মুখোপাধ্যায় সভার উদ্বোধন
করেন । ঐ অকালে শ্রীধীরেন্দ্রনাথ বন্দ্যোপাধ্যায় পরি-
চালিত 'রথীন্দ্র গীতা প্রচার প্রতিষ্ঠান' গীতা-ধর্ম্ম
প্রচারের যে চেষ্টা আরম্ভ করিয়াছেন, তাহা জন-
সাধারণের উপকার সাধনে সমর্থ হইয়াছে । আমাদের
বিশ্বাস—গীতার শিক্ষা অবলম্বন করিয়া আবার ভারতবর্ষ
সর্ব্বক্ষেত্রে নবজন্ম, নূতন শক্তি লাভ করিবে এবং সমগ্র
দ্রুগতকে উচ্চতর ও সমৃদ্ধতর মানব-জীবনের আদর্শ
দেখাইবে । এ বিষয়ে যাঁহারা চেষ্টা করিবেন, তাঁহারা
আমাদের প্রকৃত উপকার করিবেন । রথীন্দ্র সংস্কৃতি
পরিষদের এই বিষয়ে চেষ্টা সাফল্যমণ্ডিত হউক, সর্ব্বাসক্ত-
করণে ইহাই কামনা করি ।

শ্রীযোগেশচন্দ্র

গত ৪ঠা কার্ত্তিক বঙ্গীয় সাহিত্য পরিষদের সভাপতি,
বাংলার প্রবীণতম সাহিত্যিক বিজ্ঞানার্চাধ্য শ্রীযোগেশচন্দ্র
দাস মহাশয়ের দ্বি-নবতিতম জন্মতিথি বীকুড়া এডোয়ার্ড
মেমোরিয়াল হলে সাড়ঘরে অমুষ্টিত হইয়াছে । ২০টি
প্রতিষ্ঠানের পক্ষ হইতে ঐ দিন তাঁহাকে মাণ্য দান করা
হয় এবং বহু কবি ও সাহিত্যিক লিখিত অভিনন্দন প্রদান
করেন । সকলের উত্তরে যোগেশবাবু তাঁহার বাণ্য-
জীবনের কথা সভায় বিবৃত করিয়াছিলেন । আমরা
বিজ্ঞানার্চাধ্য মহাশয়ের সুদীর্ঘ কর্ম্মজীবন জীবন কামনা
করি ।

বারাকপুর গান্ধীঘাটে—গান্ধীজীর
 তৈলচিত্রে পশ্চিম বঙ্গের প্রদেশপাল
 ডক্টর কাট্‌জু ও কংগ্রেস প্রেসিডেন্ট
 শ্রী পুরুষোত্তমদাস ট্যাঙনের
 পুষ্পমালা অর্পণ



আসামে ডাঃ রাজেন্দ্রপ্রসাদ—আসাম
 প্রাদেশিক কংগ্রেস কমিটির একটি
 সম্বর্ধনা সভায় ডাঃ রাজেন্দ্রপ্রসাদের
 বক্তৃতা। ডাঃ প্রসাদের পশ্চাতে
 আসামের প্রদেশপাল শ্রী জয়রামদাস
 দৌলতরাম

জর্জ বার্গার্ড শ'—

গত ২রা নভেম্বর ২৪ বৎসর বয়সে বর্তমান বিশ্বের শ্রেষ্ঠ চিত্তানায়ক ও সুবিখ্যাত নাট্যকার জর্জ বার্গার্ড শ' পরলোক গমন করিয়াছেন। কিছুদিন পূর্বে বাগানে ভ্রমণকালে তিনি হঠাৎ পড়িয়া যান এবং তাঁহার পায়ে প্রচণ্ড আঘাত লাগে। ফলে তাঁহাকে হাসপাতালে পাঠানো হয় এবং অস্ত্রোপচারের পরে কয়েক দিন একটু সুস্থও ছিলেন। আশা হইয়াছিল তিনি শীঘ্রই নিরাময় হইবেন। কিন্তু ২রা নভেম্বর রাতে তিনি হঠাৎ মারা যান। শ্লেষ, বিজ্ঞপ এবং বাক্যের কষাঘাতের মধ্য দিয়া সুরসিক শ' বিশ্ব-সমাজের উপর যে নূতন আলোকপাত করিয়াছেন তাঁহার সুদীর্ঘ জীবনকাল ধরিয়া—তাঁহার কিন্তু মৃত্যু নাই। পৃথিবীর সাহিত্য যতদিন থাকিবে ততদিন বার্গার্ড শ' মাহুষের মনে অমর হইয়া থাকিবেন।



সাময়িক পত্রিকা সংঘে নূতন মন্ত্রী ডাঃ আর আমেদ—
ছই পার্শ্বসংঘের সভাপতি ও সম্পাদক

রেশনের পরিমাণ হ্রাস—

গত ৬ই নভেম্বর হইতে ছই সপ্তাহের অল্প রেশন এলাকার প্রতি সপ্তাহে ২১ ছটাকের স্থানে ১৪ ছটাক দেওয়ার ব্যবস্থা হইয়াছে—গমের পরিমাণ হ্রাস বা বৃদ্ধি করা হয় নাই। কোন মাহুষের পক্ষেই প্রতি সপ্তাহে চাউল ও গমে মোট ৩৫ ছটাক খাইয়া জীবনধারণ করা সম্ভব নহে। চাউল কম দেওয়ার কারণ হিসাবে খাজ মন্ত্রী শ্রীপ্রফুল্লচন্দ্র সেন জানাইয়াছেন যে সকল রেশনহীন এলাকার চাউলের দাম মণ প্রতি ৩০ টাকার কমে পাওয়া যায় না। সে অল্প রেশন এলাকার কম চাউল

দিয়া যে চাউল বাচিলে তাহা জলপাইগুড়ী, নদীয়া, মুর্শিদাবাদ, মালদহ, কোচবিহার, পশ্চিম দিনাজপুর, দার্জিলিং ও ২৪পরগণার প্রদান করা হইবে। অবশ্য রেশন এলাকার ১৭ টাকা ও রেশন-হীন এলাকার ৩০ টাকা মণ চাউল বিক্রয় কেহ সমর্থন করিবে না। সর্বত্র যাহাতে এক দরে চাউল বিক্রয় হয়, সেজন্য সত্বর ব্যবস্থা সম্পূর্ণ করা প্রয়োজন। কিন্তু সেজন্য পূর্ব হইতে ব্যবস্থা করা কেন যে গভর্নমেন্টের পক্ষে সম্ভব হয় নাই, তাহা জনসাধারণ বুঝিতে পারে না। কম চাউল পাইলে ধনী লোকেরা অল্প খাজ অধিক মূল্যে কিনিয়া খাইতে পারে, কিন্তু দরিদ্রগণের পক্ষে অখাজ অর্থাৎ শাক পাতা খাওয়া ছাড়া বা অর্দ্ধাধারে খাকা ছাড়া গতান্তর থাকে না।

আসাম ও পাকিস্তান—

সম্প্রতি আসাম, পূর্ববঙ্গ ও পশ্চিমবঙ্গের চিফ সেক্রেটারীগণের সম্মিলিত বৈঠকে প্রকাশ পাইয়াছে যে পূর্ব পাকিস্তান হইতে আসামে দল দল মুসলমান পাঠাইয়া আসামকে পাকিস্তানের সহিত যুক্ত করার গোপন বড়বন্দ চলিয়াছে। গত কয় মাস ধরিয়া দলে দলে মুসলমানগণ পাকিস্তান হইতে আসামে বাইলেও আসাম গভর্নমেন্ট সে বিষয়ে কিছুই করেন নাই—অল্প দিকে আসাম হইতে হিন্দু বাঙ্গালী তাড়াইবার জন্য তাঁহাদের ব্যবস্থার অন্ত নাই। হিন্দু-বাঙ্গালীর পক্ষে—এমন কি উচ্চপদস্থ রাজকর্মচারীদের পক্ষেও আর আসামে বাস করা সম্ভব নহে। আসামের বর্তমান মন্ত্রিসভার এই কার্যের ফলে যদি আসাম একদিন পাকিস্তানের কুকীগত হইয়া যায়, তবে তাহাতে বিশ্বয়ের কোন কারণ থাকিবে না। এ বিষয়ে কি কেন্দ্রীয় সরকারের কিছুই করিবার নাই?

মুর্শিদাবাদে চাউলের দর—

মুর্শিদাবাদ জেলার চাউলের দর গত আগষ্ট মাসে খুব বাড়িয়া যাওয়ার লোকের ধারণা হইয়াছে যে ঐ জেলা হইতে গভর্নমেন্ট খাজ সংগ্রহ করার ঐ অঙ্ক হইয়াছে। সে সম্পর্কে গত ৩০শে আগষ্ট এক বেতার কাকতালীয় পশ্চিম বঙ্গের খাজ মন্ত্রী শ্রীপ্রফুল্লচন্দ্র সেন বলিয়াছেন—“যদি এ বৎসর মুর্শিদাবাদ জেলার গভর্নমেন্ট হইতে খাজ ক্রয়ের ব্যবস্থা ও সবে সবে প্রয়োজনীয় স্থানে চাউল প্রেরণের

ব্যবস্থা না করা হইত, তাহা হইলে মুর্শিদাবাদ হইতে সকল ধান বা চাউল পাশে নদীয়া জেলায় বা বিহারে চলিয়া যাইত—কারণ ঐ সকল স্থানে চাউলের দাম খুব বেশী ছিল। নদীয়া ও মুর্শিদাবাদে ৭ মাস চাউলের দামের বিরূপ পার্থক্য ছিল, তাহা নিম্নের হিসাব হইতে বুঝা যাইবে।

মাস	নদীয়া	মুর্শিদাবাদ
১৯৫০	(চাউলের মণ)	
জানুয়ারী	১৯৮/০	১৭৮/০
ফেব্রুয়ারী	২০/	১৬৮/০
মার্চ	১৯১/০	১৬৮/০
এপ্রিল	২০১/০	১৭/
মে	২২৮/০	১৯৮/০
জুন	২৫১/০	২২/০
জুলাই	৩১৬/০	২৬/০

মুর্শিদাবাদ জেলার খাজাবন্দির খবর গতর্নমেন্ট রাখেন। সেজন্য গত ১লা জানুয়ারী হইতে ২৯শে আগষ্ট ৮ মাসে গতর্নমেন্ট মুর্শিদাবাদ জেলায় ১৭৮৭৬৭ মণ চাউল কিনিয়া ঐ সময়ের মধ্যে ১৫২২৪৯ মণ চাউল ও ৩৪২৭০ মণ আটা জেলাকে প্রদান করিয়াছেন। যে পরিমাণ ক্রয় করা হইয়াছে, প্রদান করা হইয়াছে তাহা অপেক্ষা বেশী।” ঐ সময়ে খাজ-মন্ত্রী আখাস দেন যে, পরবর্তী ৪ মাসে উপযুক্ত পরিমাণ চাউল ও গম দিয়া গতর্নমেন্ট মুর্শিদাবাদকে রক্ষা করিবেন। আমরা আশা করি সে প্রতিশ্রুতি রক্ষিত হইয়াছে। মুর্শিদাবাদের খাজাবন্দি সম্বন্ধে আলোচনা করার ফলে আমরা উপরের হিসাব প্রদান করিলাম। সরকার পক্ষ যে এ বিষয়ে একেবারে অনবহিত নহেন, তাহা হিসাব দেখিলেই বুঝা যায়।

দোলা

শ্রীদেবপ্রসন্ন মুখোপাধ্যায় এম-এ, বি-এল

এ ভুবনে শুধু কণতরে আসা,
কণিকের ভালবাসা,
প্রিয়া মুখ লাগি' আগে বৃকে বটে,
অতি ছরস্তু আশা,
মনে হয় বৃকি, চিরদিন তারে,
বৃকে রাখিব ধরি'
স্নেহেরি পরশে, ছুঁতে জড়িয়ে,
বন্দী তাহারে করি ;—
সহসা বৃকি' দীপানের কোণে,
দেখা দেয় কালোমেঘে,
স্বপ্নের সে নীড় ভেঙে চূরে যায়,
বহে ঝড় ধরংগে,
বৃকের সে ধন, পারি না রাখিতে,
বু কতে অড়াল করি'
উত্তরাল বায়ু কোথা লয়ে যায়,
আমি শুধু, কেঁদে মরি ;

অশ্রুধারায় বিধাতা চরণে,
কত রূপে দিই পূজা,
তবু এ ভুবনে আরবার তারে,
বৃথা হয় মোর খোঁজা ;
যার ধন তার কোলে কিরে যায়,
মায়া ছাঁদে রাখে বেঁধে,
কত মধুমাস আসে আর যায়,
দিন যায় মোর কেঁদে,—
এই ত জীবন, এই ত মরণ,
হাসি কান্নার ধন,
আগে আর যায়, কণিকে মিলার,
তবু বুঝেনাত মন !
তবু ভালবাসি, বৃকেতে জড়াই,
আদর তাহারে করি,
শ্রেম নিপীড়ন, সহিতে জনম,
আঁধি জলে তাহা মরি !



শ্রীক্ষেত্রনাথ রায়

হুথিংশেখর চট্টোপাধ্যায়

ভারতীয় ক্রিকেট খেলোয়াড়দের

কৃতিত্ব :

ইংলণ্ডের বিখ্যাত সেন্ট্রাল ল্যান্কাশায়ার ক্রিকেট লীগের প্রতিযোগিতার খেলার খবর ভারতীয় সংবাদপত্র-গুলিতে বিশেষ আকর্ষণের বিষয় হয়ে দাঁড়ায়। পৃথিবীর ক্রিকেট ক্রীড়ামহলে সেন্ট্রাল ল্যান্কাশায়ার ক্রিকেট লীগের খেলা নানা দিক থেকেই গুরুত্বপূর্ণ। গত কয়েকবছর ভারতীয় ক্রিকেট খেলোয়াড় এবং ক্রিকেট খেলার অহুরাগিগণ সেন্ট্রাল ল্যান্কাশায়ার ক্রিকেট লীগের খেলার ফলাফলের উপর খুব বেশী আগ্রহ প্রকাশ করছেন কারণ লীগের খেলার বিভিন্ন দলের পক্ষ নিয়ে একাধিক নামকরা ভারতীয় ক্রিকেট খেলোয়াড় পেশাদার খেলোয়াড় হিসাবে খেলছেন। গত বছর বিজয় হাজারে এবং ভিন্নু মানকড় লীগের খেলায় প্রভূত খ্যাতি প্রতিষ্ঠা ক'রে এসেছিলেন। গত বছর মানকড় লীগে সহস্রাধিক রান এবং শতাধিক উইকেট নিয়ে লীগে নতুন রেকর্ড স্থাপন ক'রে ব্যক্তিগত ক্রীড়াচাতুর্যে ভারতীয় ক্রিকেট খেলোয়াড়দের কৃতিত্ব বিদেশে প্রমাণ ক'রে আসেন। এবার তাই আরও বেশী সংখ্যক ভারতীয় খেলোয়াড়দের সেন্ট্রাল ল্যান্কাশায়ার লীগে খেলবার নিমন্ত্রণ আসে, মোটা টাকার পারিশ্রমিকের বিনিময়ে। এ বছরে খেলতে যান বিজয় হাজারে, লালু অমর নাথ, ভিন্নু মানকড় এবং পলি উমরি গড়। এঁরা বিভিন্ন দলের হয়ে খেলেন। লীগের সমস্ত খেলার শেষে ব্যাটিং এবং বোলিংয়ের বে গড়পড়তার হিসাব তালিকা বের হয়েছিল তার বিশিষ্ট স্থানগুলির অধিকাংশ ভারতীয় খেলোয়াড়রা অধিকার

ক'রেছেন। আমাদের পক্ষে এখন খুবই আনন্দের বিষয়। ব্যাটিংয়ে যারা মোট ৩৩০ রান করতে পারেন একমাত্র তাঁদের নামই তালিকাতুচ্ছ করা হয়। পলি উমরিগড় ব্যাটিংয়ে প্রথম স্থান অধিকার করেছেন। তাঁর মোট রান সংখ্যা ৫৯৯। বিজয় হাজারে আছেন চতুর্থ স্থানে। লালু অমরনাথ অসুস্থতার জন্য বেশী খেলায় যোগদান করতে পারেন নি সুতরাং এই প্রয়োজনীয় রান করা সম্ভব হয়নি বলে তালিকায় তাঁর নাম নেই। বাকি তিনজন ভারতীয় খেলোয়াড়ের নাম আছে। বোলিংয়ে ভারতীয় খেলোয়াড়রা বেশী কৃতিত্বের পরিচয় দিয়েছেন। যারা ৩২টি উইকেট পান তাঁদের নামই তালিকায় স্থান দেওয়া হয়। সেই হিসাব মত প্রথম স্থানে আছেন ভিন্নু মানকড়, দ্বিতীয় স্থানে বিজয় হাজারে চতুর্থ স্থানে লালু অমর নাথ এবং নবম স্থানে পলি উমরি গড়। কোন এক দলের বিপক্ষে ভিন্নু মানকড়ের বোলিং এভারেজ বিশেষ উল্লেখযোগ্য হয়েছিল। মানকড় ৮ ওভার বলে মাত্র ৬ রান দিয়ে ৭টা উইকেট পান। শেষ ৯ বলে মানকড় কোন রান না দিয়ে ৪ জনকে বিদায় করেন।

কমনওয়েলথ ক্রিকেট দল :

ভারতীয় ক্রিকেট মরসুমে বিলেত থেকে ইংলণ্ড, অস্ট্রেলিয়া এবং ওয়েস্ট ইন্ডিজ দেশের বৌলজন খ্যাতিনামা খেলোয়াড় দ্বারা গঠিত কমনওয়েলথ ক্রিকেট দল খেলতে এসেছে। দলের খেলোয়াড়দের নামের দিক থেকে গত বছরের কমনওয়েলথ দলের থেকে এই দলটি বেশী শক্তিশালী বলেই ক্রীড়া মহলের অভিমত। আমাদের ভারতবর্ষে

কর্মপ্রাণ জনসাধারণের মধ্যে রামনাথের মাহাত্ম্য আত্ম
সম্প্রতি রামনাথের মাহাত্ম্য আত্ম সারা পৃথিবীর
ক্রিকেট মহলে এবং সংবাদপত্র জগতে যে কীর্তিত হচ্ছে তার
নিমিত্ত হ'লেন ওয়েস্ট ইণ্ডিজের প্রবাসী ভারতীয় ক্রিকেট
খেলোয়াড় রামাধীনের বোলিং সাফল্য। রামাধীনের বোলিং
নিষে ক্রিকেট ক্রীড়াঙ্গণে হৈ চৈ পড়ে গেছে। 'রামাধীনকে
আমরা দেখতে চাই'—ভারতীয় জনসাধারণের দিক
থেকে এই দাবী সংবাদপত্রে প্রবল জনমত সৃষ্টি করে।
সেই রামাধীন বহুকাল পর পূর্বপুরুষের দেশ ভারতবর্ষে
পদার্পণ করেছেন কমনওয়েলথ ক্রিকেট দলের সঙ্গে খেলতে
আসায়। এই দলে ইংলণ্ডের ১১ জন, অস্ট্রেলিয়ার ৩ জন
এবং ওয়েস্ট ইণ্ডিজের ২ জন খেলোয়াড় আছেন। দলের
অধিনায়ক হ'লেন ইংলণ্ডের টেস্ট খেলার ভূতপূর্ব উইকেট
রক্ষক লেসলী এমস। দলের ম্যানেজার হয়ে এসেছেন জর্জ
ডাক ওয়ার্থ, তিনিও ইংলণ্ডের ভূতপূর্ব উইকেট রক্ষক।

নিম্নলিখিত খেলোয়াড় নিয়ে দ্বিতীয় কমনওয়েলথ দলটি
গঠিত হয়েছে।

লেসলী এমস (কেট ও ইংলণ্ড) ক্যাপটেন, ফ্র্যাঙ্ক
ওয়েল (বার্বাদোস ও ওয়েস্ট ইণ্ডিজ)—ভাইস ক্যাপটেন,
এ বার্লো (ল্যাক্সায়ার), ক্রম ডুল্যাও (দঃ অস্ট্রেলিয়া
এবং অস্ট্রেলিয়া), জর্জ এমেট (মুসেটাস'সায়ার ও ইংলণ্ড)
লরি ফিসলক (সারে ও ইংলণ্ড), হ্যারও গিঘলেট
(সোমেরসেট ও ইংলণ্ড), কেন গ্রিভস (নিউ সাউথ
ওয়েলস ও ল্যাক্সায়ার), জ্যাক আইকিন (ল্যাক্সায়ার
ও ইংলণ্ড), লেসলী জ্যাকসন (ডার্বিসায়ার ও ইংলণ্ড),
জিম ল্যাকার (সারে ও ইংলণ্ড), সনি রামাধীন (ত্রিনিদাদ
ও ওয়েস্ট ইণ্ডিজ), ডিরিক স্মাকলটন (হাম্পসায়ার ও
ইংলণ্ড), আর স্পুনার (ওয়ার উইকসায়ার), জর্জ ট্রাইব
(ভিক্টোরিয়া ও অস্ট্রেলিয়া) এবং ফ্রেড রিজওয়ে (কেট)।
এই খেলজনের মধ্যে টেস্ট খেলোয়াড় আছেন ইংলণ্ডের
৮জন, অস্ট্রেলিয়ার ২জন এবং ওয়েস্ট ইণ্ডিজের ২জন।

কমনওয়েলথ দলের অধিনায়ক ইংলণ্ডের ভূতপূর্ব টেস্ট
ক্যাপটেন পি-টি-আই-য়ের সংবাদদাতার নিকট তাঁর দল
সম্পর্কে বলেছেন—'best players in the British
Commonwealth' তাঁর মতে সবদিক থেকেই এই দলটি

'well balanced' এবং বতব্বর সম্ভব শক্তিশালী বোলারদের
নিষে দলটি গঠন করা হয়েছে। বোম্বাইয়ে 'প্রোগ্রেসিভ
গ্রুপ'-এর উদ্যোগে অস্থিত এক ভোজ সভায় লেসলী এমস
বলেন, তাঁর দলে কেবল পৃথিবীর কয়েকজন 'finest
batsmen'ই আসেন নি, এসেছেন পৃথিবীর নামকরা
কয়েকজন 'fastest-scorers'। ভারতীয় ক্রিকেট কন্ট্রোল
বোর্ডের সভাপতি মিঃ এ, এস ডি মেলোর মতে, লেসলী
এমস, ওয়েল, ট্রাইব, রামাধীন, ফিসলক এবং গিঘলেট
হ'লেন 'Greatest cricketers ever'। দলের অধিনায়ক
লেসলী এমস এই ভোজসভায় মন্তব্য করেছেন, 'his
cricket career would be incomplete without
the visit to India, the birth place of the
great Rajitsinghji'।

এম সি সি দলের সঙ্গে লেসলী এমস প্রত্যেক কমন-
ওয়েলথ দেশে গিয়ে ক্রিকেট খেলেছেন। ভারতবর্ষে
এইবার তাঁর প্রথম পদার্পণ। কমনওয়েলথ দলের সব
থেকে বেশী আকর্ষণের পাত্র হয়ে দাঁড়িয়েছেন, ওয়েস্ট
ইণ্ডিজ প্রবাসী ভারতীয় খেলোয়াড় রামাধীন। এঁর
বোলিং নিষে ক্রিকেট ক্রীড়া-ঙ্গণে রীতিমত চাকল্য দেখা
দিয়েছে। স্পিন বোলারগণ ক্রিকেট খেলার প্রচলিত
পদ্ধতি অনুসারে যে ভাবে আঙ্গুল দিয়ে বলটি ধরে বল
করেন, রামাধীন হলেন তাঁর ব্যতিক্রম। এক বছর আগেও
সনি রামাধীন ছিলেন ওয়েস্ট ইণ্ডিজের দক্ষিণাঞ্চলের ক্লাব
ক্রিকেট মহলের নিকট পরিচিত। সেখান থেকে চার
মাসের মধ্যে ওয়েস্ট ইণ্ডিজ দলের সঙ্গে ইংলণ্ডে খেলতে এসে
পৃথিবীর ক্রিকেট ক্রীড়ামহলে আন্তর্জাতিক পদমর্যাদায়
অধিষ্ঠিত হয়ে সকলের, কাছে এক বিস্ময় এবং জিজ্ঞাসার
জাল বিস্তার করলেন, তাঁর অসামান্য বোলিং সাফল্যে।
'লেগ-ব্রেক এবং অফ-ব্রেক' এই দুইয়েতেই তিনি সমান
পারদর্শী এবং তাঁর বল সাধারণত: 'good length'
বজায় রেখে চলে। ব্যাটসম্যানের উদ্দেশ্যে বল ছাড়বার
সময় তাঁর 'unorthodox fingerwork' ব্যাটসম্যানকে
ধাঁধার মধ্যে রাখে, কোন দিকে বল গিয়ে গুঁড়ি
পরিবর্তন করবে তা বুঝতে না দিয়ে। 'অমৃতবাজার' এবং
'বুগান্ডর পত্রিকার' নিজস্ব সংবাদদাতার সংবাদ অনুসারে
প্রকাশ, রামাধীনের এতখানি বোলিং সাফল্যের সম্ভবত

সহায়ক হ'ল নাকি তাঁর টুপি। তিনি টুপি মাথায় বল করেন এবং টুপিতে হাত দিয়ে উইকেট-কিপারকে তাঁর সঙ্কেত পাঠান। জানি না এর মধ্যে কতখানি কৌশল আছে। তবে কৌশল বধন খলির মধ্যে থেকে বেরিয়েই পড়লো তখন দেখা যাক ব্যাটসম্যানরা তাঁর বল কতখানি উপেক্ষা করতে পারেন। ইংলণ্ড সফরে রামাধীন মোট ১২৯টা উইকেট পান। প্রতি উইকেট পান গড়ে ১৫ রানের কিছু বেশী রান দিয়ে। টেষ্ট ম্যাচের বোলিং এভারেস্ট হ'ল—৩৭৭.৫ ওভার, ১৭০ মেডেন, ৬০৪ রানে এবং ২৬টা উইকেট। ভারতবর্ষের প্রথম খেলায় প্রথম বলেই তিনি উইকেট পান, বোম্বাইয়ে অহুষ্ঠিত ক্রিকেট কন্ট্রোল একাদশের বিপক্ষে এবং মাত্র প্রথম ইনিংসে ২৩ রানে ৬টা উইকেট পান। এ পর্যন্ত ভারতবর্ষে তিনি ২৭টা উইকেট পেয়েছেন ১৩৪ ওভার বল দিয়ে, ৪৯টা মেডেন নিয়ে এবং ২১৫ রান দিয়ে।

কমনওয়েলথ দলের ভারতবর্ষে পাঁচ মাসের ক্রিকেট সফর শেষ হবে ১৯৫১ সালের ফেব্রুয়ারীর ১১ তারিখে। (১) পাঁচটি টেষ্ট ম্যাচ হবে, (১) দিল্লী (নভেম্বর ৪-৮), (২) বোম্বাই (ডিসেম্বর ১-৫), (৩) কলিকাতা (ডিসেম্বর ৩০—৩ জানুয়ারী ১৯৫০) (৪) মাদ্রাজ (জানুয়ারী ১৯-২৩) এবং (৫) কানপুর (ফেব্রুয়ারী ৮-১২)। ক'লকাতায়

৩টি খেলা হবে। ভারতীয় বিশ্ববিদ্যালয়ের বিপক্ষে (ডিসেম্বর ২০-২২) এবং রাজ্যপাল একাদশের বিপক্ষে (ডিসেম্বর ২৪-২৬)।

রোভার্স কাপ ফাইনাল ৪

১৯৫০ সালের প্রতিযোগিতার ফাইনালে হায়দ্রাবাদ পুলিশ দল ১-০ গোলে ক'লকাতার এরিয়াল দলকে হারিয়ে রোভার্স কাপ বিজয়ী হয়েছে।

এরিয়াল দল একাধিক দলের একাধিক খেলোয়াড় নিয়ে রোভার্সে যোগদান করে। বাইরে এরূপ ভাবে দল গঠন আইন সঙ্গত। ক'লকাতার একমাত্র মোহনবাগান দলই (১৯২৩) ১১ জন নিজ দলের বাঙ্গালী খেলোয়াড় নিয়ে ফাইনালে খেলেছে।

দিল্লী রুথ মিলস ফুটবল ৪

দিল্লীর রুথ মিলস ফুটবল প্রতিযোগিতার দ্বিতীয় দিনের ফাইনালে ইস্টবেঙ্গল ক্লাব ২-০ গোলে ৮ম গুর্খা রাইফেলস দলকে পরাজিত করেছে। প্রথম দিনের ফাইনালে উভয় পক্ষে দু'টি গোল হওয়ায় খেলাটি ড্র যায়। ইস্টবেঙ্গল দল দলের নিয়মিত খেলোয়াড় ছাড়া অপর দল থেকে দু'জন খেলোয়াড় নিয়ে দলকে শক্তিশালী করে। অপর দিকে গুর্খা দলে ক্যালকাটা গ্যারিসনের এবং শীল্ডের সার্ভিসেস একাদশের একাধিক খেলোয়াড় যোগদান করে।

নব-প্রকাশিত পুস্তকাবলী

- শ্রী বাসন্তী দেবী প্রণীত ভ্রমণ-কাহিনী “শ্রীকৃষ্ণলাভ ও দাক্ষিণাত্যের তীর্থদর্শন”—৪।
 শ্রীকালীপদ বটক প্রণীত উপন্যাস “রহিতে নারিনু ঘরে”—২।
 শ্রীপ্রভাত বসু প্রণীত মজা “একদয় বাঁধকে জানানা”—২।
 শ্রীহরিনাস নামানন্দ সম্পাদিত “বন্দে-প্রেমিক রমাকান্ত রায়”—২।
 শ্রীমল সেনগুপ্ত প্রণীত “কিশোর বৈজ্ঞানিক”—৫।
 শ্রীঅধিনীকুমার গাল প্রণীত “দুর্গম গিরি-শিরে”—৩।
 দেব-সাহিত্য-কুটার প্রকাশিত শিশুদের পূজা-বার্ষিকী “উদয়ন”—৫।
 শ্রীঅচীনকুমার প্রণীত শ্রী-ভূমিকা-বর্জিত শিশু-নাটক।
 “গ্রাম্য-কিশোর”—১।
 আশুতোষ দেব-সম্পাদিত “পকেট প্রকৃতিবোধ অভিধান”—২।
 শ্রীশৈলেন্দ্রনাথ ভট্টাচার্য প্রণীত নাটকগুচ্ছ—“রবি-ঠাকুর”—১।
 শ্রীবোগেশচন্দ্র বন্দ্যোপাধ্যায় প্রণীত জীবনী-গ্রন্থ
 “মহাপুরুষ স্তর আশুতোষ”—১।
 শ্রীহেমেন্দ্রকুমার রায়-সম্পাদিত শিশু-বার্ষিকী “সারথি”—২।

- শ্রীবিধনাথ মজুমদার প্রণীত গল্প-গ্রন্থ “শান্তির বিরে”—১।
 বজ্রেশ্বর রায় প্রণীত রহস্তোপন্যাস “ক'লীর কাঁড়া”—৫।
 শ্রীনৃপেন্দ্রকৃষ্ণ চট্টোপাধ্যায় প্রণীত জীবনী-গ্রন্থ “জননী জন্মভূমি”—২।
 শ্রীহৃদীন্দ্রনাথ রাহা প্রণীত উপন্যাস “ট্যালিসম্যান”—১।
 শ্রীহৃদয়নাথ বোব প্রণীত শিশু-উপন্যাস “বঙ্গলগ্রহের বৈজ্ঞানিক”—১।
 শ্রীরঞ্জিত চৌধুরী প্রণীত কাব্য-গ্রন্থ “অধিবাস”—১।
 শ্রীশ্রীমহান্ত মহারাজ গণপতি দাস গোস্বামী প্রণীত “আত্মরূপ”—২।
 দিলীপ দাশগুপ্ত প্রণীত কাব্য-গ্রন্থ “তিনি-তুবা”—১।, “মধু-মিতা”—১।
 শ্রীরাধাচরণ দাস প্রণীত “কবির বধ”—১।
 শ্রীমৌরীশঙ্কর চট্টোপাধ্যায় প্রণীত “আবাহনী”—১।
 চন্দ্র চক্রবর্তী প্রণীত “গর্ভাধান ও গর্ভনিরূপণ”—২।
 শ্রীসত্যেন্দ্রনাথ ভট্টাচার্য প্রণীত কাব্য-গ্রন্থ “আস্থান”—৫।
 শ্রীধীরেন্দ্রনাথ মজুমদার প্রণীত “সিদ্ধির পথ”—১।
 শ্রীসত্যেন্দ্রনাথ জানা প্রণীত নাটক
 “পনেরো-আগষ্ট”—২।

সম্পাদক—শ্রীকৃষ্ণনাথ বুদ্ধোপাধ্যায় এম-এ

২০৩।১।১, কর্ণওয়ালিস ষ্ট্রীট, কলিকাতা, ভারতবর্ষ প্রিন্টিং ওয়ার্কস্ হইতে শ্রীগোবিন্দপদ ভট্টাচার্য কর্তৃক মুদ্রিত ও প্রকাশিত

